


ପୁସ୍ତକ ମଞ୍ଚ



The New Testament in the Kuvi language of India: ପୁସ୍ତକ ମଞ୍ଚ
(Bible)

ପୁସ୍ତକ ଶିଳ୍ପ

The New Testament in the Kuvi language of India: ପୁସ୍ତକ ଶିଳ୍ପ (Bible)

copyright © 2020 The Word for the World International

Language: କୁଭି (Kuvi)

Contributor: The Word for the World International

ପୁସ୍ତକ ଶିଳ୍ପ, କୁଭି ପୁସ୍ତକ ଶିଳ୍ପ, 2020

The New Testament in Kuvi Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word.

See Revelation 22:18-19.

2023-04-12

PDF generated using Haiola and XeLaTeX on 23 Aug 2023 from source files dated 13 Apr 2023

081337bf-dba3-542b-bc85-280acfb14d33

Contents

ମାତିତ୍ତୁ	1
ମାର୍ଗ	42
ଲୁକ	68
ଜହନ	110
କାମା	142
ରମୟ	181
୧କରତ୍ତ	199
୨କରତ୍ତ	216
ଗାଲାତିୟ	227
ଏପିସ୍ତ	234
ପଲିପ	240
କଲସୟ	245
୨ତେସଲନିକି	250
୧ତିମତି	253
୨ତିମତି	258
ତିତିସ	262
ପଲିମନ	265
ଏବ୍ର	267
ଜାକୁବ	280
୧ପିତର	285
୨ପିତର	290
୧କହନ	293
୨କହନ	298
୩କହନ	299
ଜାହୁଦା	300
୧କ୍ସକ୍ସି ବଲୁ	302

ମାଥିଉ ଲିଖିତ ସୁସମାଚାର ମାତିୟ ରାଚାମାନି ନେହିଁ କାରୁ ମୂଲୁ ହାଡ଼ା

ପୁଃନି ମେରାତି ସାରିଗଟା ନେହିଁ କାରୁ ପତିୟାଁ ବିତ୍ରାତି ମାତିୟ ରାଚାମାନି ନେହିଁ କାରୁ ଜୀସୁ କ୍ରୀସ୍ତ ଜୀସୁତି କାତା ରାସ୍ତି ଆହାମାନେ । ଇ ସାରିଗଟା ପତିୟାଁଇଁ ନେହିଁ କାରୁ ଇନେରି । ଏ ପତିୟାଁ ଜୀସୁ ହାଡ଼ି ତାୟୁ ମାତିୟ, ମାର୍କ, ଲୁକ ଅଡ଼େ ଜହନ ରାଚାମାନେରି । ମାତିୟ ରାଚିତି ନେହିଁ କାରୁ ଏଚେଲା ରାସ୍ତି ଆହାମାନେ ଇଞ୍ଜିଁ ବୁଦିଗାଟାରି ପୁଞ୍ଜାହିଲାଆତି ଜିକେଏ, ଇଦି ଜୀସୁ କ୍ରୀସ୍ତ ଜାର୍ନାଆଡ଼ି ୬୦ ବାର୍ସା ତାୟୁ ରାସ୍ତି ଆହାମାନେ, ଅଡ଼େ ଆମିନି ଟାୟୁତା ରାସ୍ତି ଆହାମାନେ, ଆମ୍ବାଆରି ପୁଞ୍ଜାହିଲଅରି, ଇ ନେହିଁ କାରୁତି ପତି, ପାଲେସ୍ତାୟିନି ଦେସାତି ଜିରୁସାଲମ ଗାଡ଼ାତା ରାସ୍ତି ଆହାମାନେ ।

ଜୀସୁ ମାତିୟଇଁ ତାନି ସୀସୁ ଆହାଲି ହାଡ଼ିତି ନକେଏ ମାତିୟ ର ସିସୁ ରୀହନାସି ମାଚେସି, ଇଞ୍ଜାଁ ତାନି ଅଡ଼େ ର ଦରୁ ଲେବି ମାଚେ, ଏଞ୍ଜାସି ବାରଜାଣା ବିତ୍ରାତି ରଅସି ମାଚେସି, ଏଞ୍ଜାସି ଜୀହୁଦି ଲକୁତାକି ଇ କାରୁ ରାଚାମାନେସି । ଜୀହୁଦିୟାଁ ଜୀସୁଇଁ, ଇ ରାଜିତା ସାଲୁଞ୍ଜି କିନି ରାଜା ଇଞ୍ଜିଁ ଅଣପିମାଚେରି, ସାମା ମାତିୟ ଏ ନାମୁତି ବାଦଲି କିହାନା ରାଚାମାନେସି; ଜୀସୁ ଦାରତିତି ରାଜି ଆଏ, ସାମା ଲାକପୁରୁ ଜୀସୁତି ରାଜି କାତା ଖେସିହିଁ ଜାଗ୍ରାତା କିହାଁ ଖେସାମାନେସି, ମାହାପୁରୁ ଆଡ଼ିତି ଗେଲପିକିନି ରାଜା, ଆମିନି ଗାଗାଣି ତାକି ପୁଃଇ ମେରାତି ଦାମ୍ବୁ ପତିତା ମାହାପୁରୁ ବଲୁ ଖେହନାରି ଖେସାମାନେରି, ଇଞ୍ଜିହିଁ ପୁଣ୍ଡି କିହାଲି ଅଣପିମାଚେସି, ଇ ଆକୁତା ମାହାପୁରୁ ରାଜିତି କାତା ହାଚେକା ଖେସିମାନେସି ।

ମାତିୟ ରାଚିତି ନେହିଁ କାରୁ ପୁଃନି ମେରାତି ମୂଲୁ ପତି ଇଞ୍ଜିଁ ତଞ୍ଜା ଆହାମାନେ, ଇତିହିଁ ପୁଃଇ ମେରାତି ମାହାପୁରୁ ବଲୁ ହାଚେକା ରାସ୍ତି ଆହାମାନେ, ଇ ପତି ପୁଃଇ ମେରା ପୁଃନି ମେରା ତଲେ ଆଣ୍ଡାମାନେ, ଖେଡ଼ା ହପୁଞ୍ଜାକିତି ସଗୁପୁନାରି ଖେସିମାନେରି, ମାତିୟ ତାନି ଆକୁତା ମସାତି ମେରା ପାରିନାୟି । ହରୁଲେକ ଜୀସୁ ଜାପୁନାୟି ମାତି ୫:୭, ମାହାପୁରୁ ମସାକି ହରୁଲେକ ମେରା ହାନାୟି ଖେ ମେରା ୧୯:୩; ୨୩-୩୩ ।

ପତିତା ମାନାୟି

- ୧. ଜୀସୁ କ୍ରୀସ୍ତ ଜାର୍ନା ଅଡ଼େ ତାନି ସେବା କାମା । ୧:୧-୪:୨୫
- ୨. ଜୀସୁ କ୍ରୀସ୍ତ ସେବା ଅଡ଼େ ତାନି ଜାପୁନାୟି । ୫:୧-୨୫:୪୭
- ୩. ଜୀସୁ କ୍ରୀସ୍ତ ହାନାୟି ଅଡ଼େ ଖେଣ୍ଡେ ନିଜିନାୟି । ୨୬:୧-୨୮:୨୦

✧ ୧:୧୮ ୧:୧୮ ଲୁକ ୧:୨୭

ଜୀସୁ କ୍ରୀସ୍ତ ଆକୁ ଆବାୟାଁ (ଲୁକ ୩:୨୩-୩୮)

୧ ଅବ୍ରାହାମ ମୀର୍ଏସି ଅଡ଼େ ଦାଞ୍ଜୁଦତି ମୀର୍ଏସି ଜୀସୁ କ୍ରୀସ୍ତ କୂଡ଼ା ।

୨ ଅବ୍ରାହାମ ମୀର୍ଏସି ଇସାହାକ, ଇସାହାକ ମୀର୍ଏସି ଜାକୁବ, ଜାକୁବ ମୀର୍ଏସି ଜୀହୁଦା ଇଞ୍ଜାଁ ତାନି ତାୟିୟାଁ, ୩ ଜୀହୁଦା ଅଡ଼େ ତାମାର ମୀର୍ଏସି ପେରସ ଅଡ଼େ ଜେରହ, ପେରସ ମୀର୍ଏସି ହେସ୍ରାଣ, ହେସ୍ରାଣ ମୀର୍ଏସି ଅରାମ, ୪ ଅରାମ ମୀର୍ଏସି ଅମିନାଦାବ, ଅମିନାଦାବ ମୀର୍ଏସି ନହସନ, ନହସନ ମୀର୍ଏସି ସଲମନ, ୫ ସଲମନ ଅଡ଼େ ରାହାବ ମୀର୍ଏସି ବୟାଜ, ବୟାଜ ଅଡ଼େ ରୁତ ମୀର୍ଏସି ଅବେଦ, ଅବେଦ ମୀର୍ଏସି ଜିସି ।

୬ ଜିସି ମୀର୍ଏସି ଦାଞ୍ଜୁଦ ରାଜା, ଦାଞ୍ଜୁଦ ଅଡ଼େ ଉରିୟ ଡକ୍ରିନି ତାଣାଟି ସଲମନ ଜାର୍ନା ଆଡେସି, ୭ ସଲମନ ମୀର୍ଏସି ରିହବୟାମ, ରିହବୟାମ ମୀର୍ଏସି ଅବିୟ, ଅବିୟ ମୀର୍ଏସି ଅସା, ୮ ଅସା ମୀର୍ଏସି ଜିହସାପାଟ୍, ଜିହସାପାଟ୍ ମୀର୍ଏସି ଜରାମ, ଜରାମ ମୀର୍ଏସି ଉଜିୟ, ୯ ଉଜିୟ ମୀର୍ଏସି ଜତମ୍, ଜତମ୍ ମୀର୍ଏସି ଆହାଜ, ଆହାଜ ମୀର୍ଏସି ହିଜକିୟ, ୧୦ ହିଜକିୟ ମୀର୍ଏସି ମନସି, ମନସି ମୀର୍ଏସି ଆମନ, ଆମନ ମୀର୍ଏସି ଜସିୟ, ୧୧ ଇସ୍ରାୟେଲଇଁ ବାବିଲନ ଦେସାତା ଦସାନା ଅନି ବେଲାତା ଜସିୟ ମୀର୍ଏକା ଜିକନିୟ ଇଞ୍ଜାଁ ତାନି ତାୟିୟାଁ ଜାର୍ନା ଆଡେରି ।

୧୨ ବାବିଲନତା ଅଞ୍ଜିଆଡ଼ି କେଟ ଜିକନିୟ ସଲୁଟିୟେଲଇଁ ଜାନ କିଡେସି, ସଲୁଟିୟେଲ ମୀର୍ଏସି ଜିରୁବାବେଲ, ୧୩ ଜିରୁବାବେଲ ମୀର୍ଏସି ଅବିହୁଦ, ଅବିହୁଦ ମୀର୍ଏସି ଏଲିୟାକିମ, ଏଲିୟାକିମ ମୀର୍ଏସି ଅସର, ୧୪ ଅସର, ମୀର୍ଏସି ସାଦକ, ସାଦକ ମୀର୍ଏସି ଆକିମ, ଆକିମ ମୀର୍ଏସି ଏଲିହୁଦ, ୧୫ ଏଲିହୁଦ ମୀର୍ଏସି ଏଲିୟାଜର, ଏଲିୟାଜର ମୀର୍ଏସି ମତାନ, ମତାନ ମୀର୍ଏସି ଜାକୁବ, ୧୬ ଜାକୁବ ମୀର୍ଏସି ମରିୟମନି ଡକ୍ତା ଜସେପ, ଇ ମରିୟମନି ବାଣ୍ଡିତି ଜୀସୁ ଜାର୍ନା ଆଡେସି, ଏଞ୍ଜାଣାଇଁ କ୍ରୀସ୍ତ ଇଣ୍ଡି ଆହିମାନେ ।

୧୭ ଇଲେଆହିଁ ଅବ୍ରାହାମ ତାଣାଟିଏ ଦାଞ୍ଜୁଦ ପାଡେକା ସଦ ଜାଣା ଆକୁୟାଁ, ଅଡ଼େ ଦାଞ୍ଜୁଦ ତାଣାଟିଏ ବାବିଲନ ଅଞ୍ଜିଆଡ଼ି ପାଡେକା ସଦ ମାଣ୍ଡିସି, ଇଞ୍ଜାଁ ବାବିଲନ ଅଞ୍ଜିଆଡ଼ି ତାଣାଟିଏ ଜୀସୁ କ୍ରୀସ୍ତ ଜାର୍ନା ପାଡେକା ସଦ ମାଣ୍ଡିସି ।

ଜୀସୁ କ୍ରୀସ୍ତ ଜାର୍ନା ଆନାୟି (ଲୁକ ୧:୨୬-୩୮; ୨:୧-୭)

୧୮ *ଜୀସୁ କ୍ରୀସ୍ତ ଜାର୍ନା ଇଲେକିଁ ଆଡେ । ତାନି ଇୟା ମରିୟମ ଅଡ଼େ ଜସେପ ତଲେ ବୀହା ଆହାଲି ରାସ୍ତି ଆହାମାତି କେଟ, ଏଞ୍ଜିଁ କାଲୁଞ୍ଜି ଆଆ ନକେଏ, ଏଦି ସୁଦୁଜୀଞ୍ଜୁ ତଲେ ପୁରାମାସା ଆହାମାନେ ଇଞ୍ଜିଁ ପୁଣ୍ଡି ଆଡେ । ୧୯ ଏଚେଟିଏ ତାନି ଡକ୍ତା ଜସେପ ର ଦାମ୍ବୁ ଲକୁ ମାଚାକି, ଇଞ୍ଜାଁ ଏଦାଣି ଲକୁ ନକିତା ଦହି

ଗାଗାୟି ଇଞ୍ଜିଁ ତହୁଆପେଏଁ ଇଞ୍ଜିଁ ଏଦାନି ଡକୁହାନା ପିସାଲି ତୀରି କିତେସି । ୨୦ ସାମା ଏଝାସି ଏଲେଇଞ୍ଜି ତୀରିକିତି ତାୟୁ, ମେହଦୁ, ମାହାପୁରୁତି ର ଦୁତୁ ଏଝାଣାଇଁ ହାପାନାତା ଏଲେଇଚେସି, “ଆଡେ ଦାଝୁଦ କୃତାତି ଜସେପ, ମରିୟମନି ତକ୍ତି କିହାଲିତାକି ଆଜାଆନି, ଏନାଆଁତାକି ଇଚିହଁ ମାହାପୁରୁତି ସୁଦୁଜାଝୁ ତଲେ ପୁରାମାସା ଆହାମାନେ । ୨୧ *ଏଦି ର କକାଣାଇଁ ଜାନ କିନେ, ଅଡେ ମାରୁ ଏଝାଣି ଦରୁ ଜୀସୁ ଇଞ୍ଜିଁ ଇଗାଦୁ, ଇଚିହଁ ଏଝାସି ତାମି ଲକୁଇଁ ତାମି ବାରେ ପାପୁଟି ଗେଲପିନେସି ।”

୨୨ ମାହାପୁରୁ ଅଣପୁତି ବଲୁ ଝେହନାରି ତାଣାଟି ପ୍ରବୁତି ଇ କାତା ଏନିକଁ ପୁରା ଆନେ, ଇଦାଆଁତାକି ଇ ବାରେ ଆଡେ, ୨୩ “ମେହଦୁ ର ତାଆ ମାଜା ପୁରାମାସା ଆହାନା ର କକାଣାଇଁ ଜାନ କିନେ, ଅଡେ ଲକୁ ଏଝାଣି ଦରୁ ‘ଇମାନୁୟେଲ’ ଇଚିନେରି ।” ଇ ଦରୁତି ଅଡ “ମାହାପୁରୁ ମା ତଲେ ମାନେସି ।”

୨୪ ଏମ୍ବାଟିଏ ଜସେପ ଇଦାଟି ନିଜିତି ତାୟୁ ପ୍ରବୁତି ଦୁତୁ ଏନିକଁ ହୁକୁମି ହାହାମାଚେସି, ଏଲେକିହଁ ଏ କିତେସି, ଏଝାସି ମରିୟମଇଁ ବାହା ଆଡେସି; ୨୫ *ସାମା ଏଦି କକାଣାଇଁ ଜାନ କିଆ ପାତେକା ଏଦାଣି ତଲେ କୃତାଆତେସି, ଅଡେ ଏ କକାଣି ଦରୁ ଜୀସୁ ଇଚିତେରି ।

୨

ଝେଡା ହପୁଝାକିତି ସଗୁପୁନାରି

୧ ହେରଦ ରାଜା ବେଲାତା ଜୀହୁଦା ଦେସାତି ବେତଲିହିମ ଗାଡାତା ଜୀସୁ ଜାନାଆଡି ତାୟୁ, ମେହଦୁ, ଝେଡା ହପୁ ଝାକିଟି ଏଚରଜାଣା ସଗୁପୁନାରି ଜିରୁସାଲମତା ଝାହାନା ଝେଚେରି, ୨ “ଆମିନି କକାସି ଜୀହୁଦିଜା ରାଜା ଆହାଲି ଜାନା ଆହାମାନାସି, ଏଝାସି ଆମ୍ବିୟା ? ମାମ୍ବୁ ଝେଡା ହପୁ ଝାକିଟି ତାନି ହୁକା ମେସାନା ଏଝାଣାଇଁ ଜହରା କିହାଲି ଝାହାମାନମି ।”

୩ ଇ କାତା ଝେଞ୍ଜାନା ହେରଦ ରାଜା ଅଡେ ତାନିତଲେ ଜିରୁସାଲମତି ବାରେ ଲକୁ କାବାଆହାନା ଆଜିତେରି । ୪ ଅଡେ ଏଝାସି ଲକୁତି କାଜା ପୂଜେରାଜା ଇଞ୍ଜିଁ ମେରା ପୁନାରାଇଁ କୃତି କିହାନା, କ୍ରୀସ୍ତ ଏମ୍ବିୟା ଜାନା ଆନେସି, ଏଦାଆଁ ଏଝାରି ତାଣାଟି ପୁଞ୍ଜାଲି ଅଣପିତେସି ।

୫ ଏଝାରି ଏଝାଣାଇଁ ଏଲେଇଚେରି, ଜୀହୁଦା ଦେସାତି ବେତଲିହିମ ଗାଡାତା ମାହାପୁରୁ ଅଣପୁତି ବଲୁ ଝେହନାରି ତାଣାଟି ଇଲେଇଞ୍ଜିଁ ରାସ୍ତକି ଆହାମାନେ;

୬ “ଏ ଜୀହୁଦା ଦେସାତି ବେତଲିହିମ, ଜୀହୁଦାତି କାଜା ନାସ୍ତକା ବିତାଟି ନୀନୁ ଉଣା ଆଏ; ଇଚିହଁ ଆମ୍ବାଆସି ନା ଇସାୟେଲ ଲକୁଣି ପହି କିନେସି, ଏଲେତି ର ସାଲଝି କିନାସି ନୀ ତାଣାଟି ଝାନେସି ।”

୭ ତାୟୁ ହେରଦ ସଗୁ ପୁନାରାଇଁ ମେଣେଏ ହାଟାନା, ଏ ହୁକା ଏଚେଲା ତଞ୍ଜାଆଡେ ଏ କାତା ଏଝାରି ତାଣାଟି

ନେହଁକଁ ଝେଚେସି । ୮ ଇଞ୍ଜିଁ ଏଝାସି ଏଝାରାଇଁ ବେତଲିହିମତା ପାଣ୍ଡାନା ଏଲେଇଚେସି, “ମାରୁ ହାଜାନା ଏ କକାଣି କାତା ନେହଁକଁ ସିନିକିହାନା ନାଜେ ଜିକେଏ ଝେସ୍ତାଦୁ, ଇଚିହଁ ନାନୁ ଜିକେଏ ହାଜାନା ଜହରା କିକାଇ ।”

୯ ଏଚେଟିଏ ଏଝାରି ରାଜା କାତା ଝେଞ୍ଜାନା ହାଚେରି; ଅଡେ ମେହଦୁ, ଏଝାରି ଝେଡା ହପୁଝାକି ଆମିନି ହୁକା ମେସାମାଚେରି, ଏଦି ଏଝାରି ନକି ନକିତା ହାଜାନା, ଏମ୍ବିୟା କକାସି ମାଚେସି ଏ ଲାକ ହାଜାନା ନିତେ । ୧୦ ଏ ହୁକା ମେସାନା ଏଝାରି ହାଚେକା ରାହାତଲେ ରାହାଁ ଆଡେରି । ୧୧ ଏଝାରି ଇଲୁ ବିତା ହଡାନା ତାମି ଇୟା ମରିୟମ ଇଞ୍ଜିଁ କକାଣି ତାଲୁଇଁ ମେସାନା, ଏଝାଣାଇଁ ମେଣ୍ଡାକୃତାନା ଜହରା କିତେରି, ଇଞ୍ଜିଁ ତାମ୍ବୁତାଚାମାଟି ପେଡାୟାଟି ବାଂଗାରା, ଦୁପା ଦୁପଣି ଅଡେ ଗାନ୍ଦା ନିୟୁଁ ବେଟୁ ହାତେରି ।

୧୨ ତାୟୁ ହେରଦ ରାଜା ତାଣା ଝେଣ୍ଡା ହାଲାଆପେରିଝା ଇଞ୍ଜିଁ ମାହାପୁରୁ ଏଝାରାଇଁ ହାପାନାତା ହୁକୁମି ହାହାଲିଏ, ଏଝାରି ଅର ଜିରୁଟି ତାମି ଦେସାତା ଝେଣ୍ଡାହାଚେରି ।

ମିସର ଦେସାତା ହାନାୟି

୧୩ ଏଝାରି ହାଟି ତାୟୁ, ମେହଦୁ, ମାହାପୁରୁତି ଦୁତୁ ଜସେପଇଁ ହାପାନାତା ଏଲେଇଚେସି, “ନିଜାମୁ କକାଣି ତାଲୁଇଁ ଅଡେ ତାମି ଇୟାନି ଅହଁ ମିସରତା ହାଲାମ୍ବୁ, ନାନୁ ମିଜେ ଝେସ୍ତାଆ ପାତେକା ଏମ୍ବାଆଁ ମାଞ୍ଜୁ, ଇଚିହଁ କକାଣି ତାଲୁଇଁ ପାୟାଲି ହେରଦ ଅଣପିମାନେସି ।”

୧୪ ଜସେପ ନିଜାମା କକାଣି ତାଲୁ ଇଞ୍ଜିଁ ତାମି ଇୟାନି ଆସାନା ଲାଆଁ ଲାଆଁୟାଁ ମିସର ଦେସାତା ଅହଁ ହାଚେସି, ୧୫ ହେରଦ ହାନି ପାତେକା ଏମ୍ବାଆଁ ଏଝାରି ଡିୟିତେରି, ଇ ବାରେ ଗଟଝି ଆନାଣି ମାହାପୁରୁ ଅଣପୁତି ବଲୁ ଝେହନାରି ତାଣାଟି ଇ ମାହାପୁରୁ ଅଣପୁତି ବଲୁ ପୁରା ଆନେ, “ନା ମାରୁଏଣାଇଁ ନାନୁ ମିସର ଦେସାଟି ହାଟା ତାତେଏଁ ।”

କକାରି ତାଲୁକାଣି ପାୟିନାୟି

୧୬ ଝେଡା ହପୁ ଦେସାଟି ଝାହାମାଟି ସଗୁପୁନାରି ଏଝାଣାଇଁ ନାଡିକିହାନା ହାଜାମାନେରି ଇଞ୍ଜିଁ ପୁଞ୍ଜାନା, ହେରଦ ହାଚେକା କପା ଆଡେସି, ହୁକାତି ଉଜେଡି ଆମିନି ବେଲାତା ତଞ୍ଜାଆହାମାଚେ ସଗୁପୁନାରି ତାଣାଟି ନେହଁକଁ ପୁଞ୍ଜାମାଚେସି, ଏଦାଆଁ ପୁଞ୍ଜାନା ବେତଲିହିମ ଅଡେ ତାନି ତାଗେ ମାଟି ନାସ୍ତକାଟି ରୀ ବାର୍ସାଟିଏ ଉଣା କକାରାଇଁ ପାୟାଲି ତାକି ହୁକୁମି ହାତେସି ।

୧୭ ଏଚିବେଲା ମାହାପୁରୁ ଅଣପୁତି ବଲୁ ଝେହନି ଜିରିମିୟ ଝେସ୍ତା ଇ ବଲୁ ସାତା ଆଡେ,

୧୮ “ରମାତା ହାଡା ଝେଜିମାନେ, ତୀକି ଅଡେ ହାଚେକା ଦୁକୁତି ଗିୟା ରାହେଲ ତାନି ମାରୁକା ତାକି ତୀହିମାଚେ; ଅଡେ ଏଝାରି ବାରେ ହାହାହାଚେରି ଇଞ୍ଜିଁ, ଏଦି ଦୁକୁ ତୁକହାଲି ମନ କିହି ହିଲାଆତେ ।”

* ୧:୨୧ ୧:୨୧ ଲୁକ ୧:୩୧ ☆ ୧:୨୫ ୧:୨୫ ଲୁକ ୨:୨୧

ମିସରଟି ଖେଣ୍ଡାଞ୍ଜାନାୟି

୧୯ ହେରଦ ହାଡ଼ି ତାୟୁ, ମେହ୍ଦୁ, ପ୍ରବୁତି ର ଦୃତୁ ମିସରତା ଜସେପଇ ହାପାନାତା ତଞ୍ଜାଆହାନା ଏଲେଇଚେସି, ୨୦ “ନିଙ୍ଗାମ୍ବୁ, କକାଣାଇଁ ଅଡ଼େ ତାନି ଇୟାନି ତଲେ ଇସ୍ରାୟେଲ ଦେସାତା ହାଲାମ୍ବୁ, ଇଚିହ୍ ଆମ୍ବାଆରି କକାଣି ଜାଝୁ ଅହାଲି ତାକି ଅଣ୍ଡିମାଚେରି ଏଞ୍ଜାରି ହାହାମାନେରି ।” ୨୧ ଏଚେଟିଏ ଜସେପ ନିଙ୍ଗାନା କକାଣାଇଁ ଇଞ୍ଜା ତାନି ଇୟାନି ଆସାନା ଇସ୍ରାୟେଲ ଦେସାତା ଖାଡ଼େସି ।

୨୨ ସାମା ହେରଦ ଟାୟୁତା ତାନି ମାରୁଏସି ଆକଲ୍ଲାଇୟ ଜାହୁଦାତି ରାଜା ଆହାମାନେସି ଇଞ୍ଜା ଖେଞ୍ଜାନା ଏଞ୍ଜାସି ଏମ୍ବାଆଁ ହାଜାଲି ଆଜିଚେସି; ସାମା ହାପାନାତା ହୁକୁମି ବେଟାଆହାନା ଏଞ୍ଜାସି ଗାଲିଲି ରାଜି ଖାକି ହାଚେସି, ୨୩ ଇଞ୍ଜା ନାଜ୍ରିତତି ଗାଡ଼ାତା ହାଜାନା ତୁୟିଚେରି, ଏନିକିହ୍ ମାହାପୁରୁ ଅଣ୍ଡପୁତି ବଲୁ ଖେହ୍ନାରି ରାଡ଼ିତି କାତା ସାତା ଆନେ, “ଏଞ୍ଜାସି ନାଜ୍ରିତତାସି ଇଞ୍ଜା ଖେଞ୍ଜାନେସି ।”

୩

ବାପ୍ତିସ୍ମା* ହାନି ଜହନତି ଖେକ୍ନାୟି

(ମାତି ୧:୧-୮; ଲୁକ ୩:୧-୧୮; ଜହ ୧:୧୯-୨୮)

୧ ଏ ବେଲ୍ଲାତା ବାପ୍ତିସ୍ମା* ହାନି ଜହନ ଜାହୁଦା ଦେସାତି ବାଃଲି ବାଟାଟି ଖାହାନା ବଲୁ ଖେକ୍ନାଲି ମାଟ୍‌ହେସି । ୨ “ପାପୁ ପିସାନା ମନ ଖେଟ୍‌ହା କଡାଦୁ, ଇଚିହ୍ ଲାକପୁରୁ ରାଜି ଏଗାଞ୍ଜାହମାନେ ।” ୩ ମାହାପୁରୁ ଅଣ୍ଡପୁତି ବଲୁ ଖେହ୍ନି ଜିସାୟ ତାଣାଟି ଇ ହାଡ଼ା ଖେସ୍‌ପି ଆହାମାଚେ, ଏଞ୍ଜାସିଏ ଇଞ୍ଜାସି; “ରଅଣି ହାଡ଼ା ଲକୁ ହିଲ୍ଲାଆ ଟାୟୁତା ଖେଞ୍ଜିମାନେ, ପ୍ରବୁ ତାକି ଜିରୁ ତିୟି କିଦୁ ।”

୪ ଜହନ ଉଚୁ ବାଣାୟାଁ ତଲେ କେପିତି ହିମ୍ବରକା ତୁରହିମାଚେସି, ଇଞ୍ଜା ତାନି ଟେତେଲିତା ର ତଲୁତି ବୁଡ଼ପା ମାଡ଼ା ଦସା କଡ଼ଞ୍ଜିଚେସି, ଗପ୍‌ଏରିକା ଅଡ଼େ ଜାଡ଼ାତି କ୍ରିୟାଁ ଏଞ୍ଜାଣି କାଡ଼ି ମାଚେ । ୫ ଏଚିବେଲ୍ଲାତା ଜିରୁସାଲମ ଗାଡ଼ା ଇଞ୍ଜା ବାରେ ଜାହୁଦା ଦେସା ଅଡ଼େ ଜର୍ଦନ ଦାରିତି ନାସ୍‌କାତି ବାରେ ଲକୁ ତାନି ତାଣା ଖାହାଲି ମାଟ୍‌ହେରି, ୬ ଏଞ୍ଜାରି ଜାହାରା ପାପୁ ଖେସାନା ଜହନ ତାଣାଟି ଜର୍ଦନ କାତାତା ବାପ୍ତିସ୍ମା* ଅଡ଼େରି ।

୭ ସାମା ହାଚେରକା ପାରୁସିୟାଁ ଅଡ଼େ ସାଦୁକିୟାଁ ବାପ୍ତିସ୍ମା* ଅହାଲି ଖାହିମାନାଣି ମେସାନା ଏଞ୍ଜାରାଇଁ ଏଲେଇଚେସି, “ଅଡ଼େ ରାସ୍‌କା କୁଡାତାଚେରି ମାହାପୁରୁ ତାଣାଟି ଖାହିମାନି କପାଟି ପିସ୍‌ପି କିହାକତାଲି ଆମ୍ବାଆସି ମିଙ୍ଗେ ସେଡନା

ହିୟାଚେସି । ଇଦାଆଁତାକି ମନ ଖେଟ୍‌ହାମାନାଣି ନେହ୍ କାମାତା ତହ୍‌ଦୁ, ୯ ଅଡ଼େ ଅବ୍ରାହାମ ମା ଆଡ଼ା ଇଞ୍ଜା ମୀ ମନ ବିଡ଼ା ଅଣ୍ଡପାଆଦୁ, ଏନାଆଁତାକି ଇଚିହ୍ ନାନୁ ମିଙ୍ଗେ ଖେସିମାଞ୍ଜାଇଁ, ମାହାପୁରୁ ଇ ଖାଲ୍‌କାଟି ଜିକେଏ ଅବ୍ରାହାମତି ମୀରୁକାଣି ଗାଡ଼ି କିହାଲି ଆଡ଼ିମାନେସି । ୧୦ ଅଡ଼େ ନୀର୍ସ ଜିକେଏ ମାରୁନୁ ତାକିତା କାଃଆଲି ଆଟାମାନେ, ଆମିନି ମାରୁନୁ ନେହ୍ ପାଡ଼େୟି ଆୟେଏ, ଏଦାନି ଟୁଣ୍‌ହାନା ହିରୁତା ମେଡ଼ପି ଆନେ । ୧୧ ନାନୁସାଁ ମିଙ୍ଗେ ପାପୁଟି ପିସ୍‌ପି କିହାଲି ଇଞ୍ଜା ମନ ଖେଟ୍‌ପି କିହାଲି ଏୟୁତଲେ ବାପ୍ତିସ୍ମା* ହାହିମାଞ୍ଜାଇଁ, ସାମା ନା ତାୟୁ ରଅସି ଖାହିମାନେସି ଏଞ୍ଜାସି ନା କିହାଁ ହାଚେରକା ବାଡ଼ୁରୁ ଗାଟାସି, ଏଞ୍ଜାଣି ସେପୁୟାଁ ହୁକ୍‌ହାଲି ଜିକେଏ ନାନୁ ପାଡ଼ାଆଅଁ; ଏଞ୍ଜାସି ମିଙ୍ଗେ ସୁଦୁଜାଝୁ ଇଞ୍ଜା ହିରୁତଲେ ବାପ୍ତିସ୍ମା* ହିୟାନେସି । ୧୨ ଏଞ୍ଜାସି ତାନି କ୍ଳାନୁତି ନେହ୍ କ ତାସାହାଁ, ତାନି ଆନାଟି କ୍ଳସାହାଁ ଗାଡ଼େୟିତା ଇଟାଲି ଏଞ୍ଜାଣି କେୟୁତା ହେଟି ମାନେ, ସାମା ଟାଟା ପଡ଼ୁଡ଼ି ଏଚେଲ୍ଲା ତୁମ୍ବାଆଗାଟି ହିରୁତା ହୁଡା ତୁହ୍‌ନେସି ।”

ଜାସୁ ଏୟୁତା ବାପ୍ତିସ୍ମା* ଅନାୟି

(ମାର୍କ ୧:୯-୧୧; ଲୁକ ୩:୨୧-୨୨)

୧୩ ଏଚିବେଲ୍ଲା ଜାସୁ ଗାଲିଲିଟି ଖାହାନା ବାପ୍ତିସ୍ମା* ଅହାଲି ତାକି ଜର୍ଦନ କାତାତା ଜହନ ତାଣା ଖାଡ଼େସି । ୧୪ ସାମା ଜହନ ଜାସୁଇଁ କାହି କିହାଲି ଅଣ୍ଡପାନା ଏଲେଇଚେସି, “ନୀ ତାଣାଟି ନାନୁ ବାପ୍ତିସ୍ମା* ଅନାୟି ନା ଲଡ଼ାମାନେ, ଇଞ୍ଜା ନୀନୁ ନା ତାଣା ଖାହାମାଞ୍ଜି ?”

୧୫ ସାମା ଜାସୁ ଏଞ୍ଜାଣାଇଁ ଏଲେଇଚେସି, “ନା ହାଡ଼ା ଆହ୍‌ମ୍ବୁ, ଏନାଆଁତାକି ଇଚିହ୍ ଇଲେ ତଲେ ମାହାପୁରୁ ଦାମ୍‌ଡ଼ିତି କାମା କିନାୟିମାନେ ।” ଏଚେଟିଏ ଜହନ ମାନଞ୍ଜି ଆଡ଼େସି ।

୧୬ ଜାସୁ ବାପ୍ତିସ୍ମା* ଅଡ଼ି ଦେବୁଣିଏ ଏୟୁଟି ନିଙ୍ଗା ଖାଡ଼େସି । ଏଚେଟିଏ ହାଗୁ ଦେପିଆଡ଼େ, ଇଞ୍ଜା ମାହାପୁରୁଟି ସୁଦୁଜାଝୁ ପାର୍‌ଖା ପଟାଲେହେଁ ଜାସୁ ଲାକ ରେଟା ଖାହିମାଟାଣି ଜହନ ମେସେସି । ୧୭ ଅଡ଼େ ମେହ୍‌ଦୁ, ହାଗୁଟି ଇ ହାଡ଼ା ଆଡ଼େ, “ଇଞ୍ଜାସି ନା ଜାଝୁତି ମୀରୁଏସି ଇଞ୍ଜାଣି ତାଣା ନା ହାଚେରକା ରାହାଁ ମାନେ ।”

୪

ଜାସୁଇଁ ତାୟିପାରି କିନାୟି

(ମାର୍କ ୧:୧୨-୧୩; ଲୁକ ୪:୧-୧୩)

୧ ଏଚିବେଲ୍ଲା ଜାସୁ ସୟତାନ ତାଣାଟି ତାୟିପାରି କିଞ୍ଜି ଆହାଲି ସୁଦୁଜାଝୁ ଲକୁ ହିଲ୍ଲାଆ ଟାୟୁତା ଅଡ଼େ । ୨ ଜାସୁ ରୀ କଡ଼ି ଦିନା ଲାଆଁୟାଁ ମାଦେନା ଏନାଆଁ ତିନାଆନା

☆ ୨:୨୩ ୨:୨୩ ମାର୍କ ୧:୨୪; ଲୁକ ୨:୩୯; ଜହ ୧:୪୫ * ୩: ୩:୧ ମୁଞ୍ଜିନାୟି † ୩:୧ ୩:୧ମୁଞ୍ଜିନାୟି ☆ ୩:୨ ୩:୨ ମାତି ୪:୧୭; ମାର୍କ ୧:୧୫ ‡ ୩:୨ ୩:୨ ମୁଞ୍ଜିନାୟି ☆ ୩:୨ ୩:୨ ମାତି ୧୨:୩୪; ୨୩:୩୩ § ୩:୨ ୩:୨ ମୁଞ୍ଜିନାୟି ☆ ୩:୯ ୩:୯ ଜହ ୮:୩୩ ☆ ୩:୧୦ ୩:୧୦ ମାତି ୭:୧୯ * ୩:୧୧ ୩:୧୧ ମୁଞ୍ଜିନାୟି † ୩:୧୧ ୩:୧୧ ମୁଞ୍ଜିନାୟି ‡ ୩:୧୨ ୩:୧୩ ମୁଞ୍ଜିନାୟି § ୩:୧୩ ୩:୧୩ ମୁଞ୍ଜିନାୟି * ୩:୧୪ ୩:୧୪ ମୁଞ୍ଜିନାୟି † ୩:୧୨ ୩:୧୨ ମୁଞ୍ଜିନାୟି ☆ ୩:୧୭ ୩:୧୭ ମାତି ୧୨:୧୮; ୧୭:୫; ମାର୍କ ୧:୧୧; ଲୁକ ୯:୩୫ ☆ ୪:୧ ୪:୧ ଏବି ୨:୧୮; ୪:୧୫

ଉପାସା କିହାଁ ହାକି ଆଡେସି । ୩ ଏତିବେଲା ସୟତାନ ତାନି ଦାରିତା ଖାହାନା ଏଲେଇଚେ, “ନୀନୁ ମାହାପୁରୁ ମୀରୁଏଣାତି ଇତିସାରେ ଈ ଖାଲକାଣି ରୁଟି ଆହାଲି ହୁକୁମି ହୀମୁ ।”

୪ ସାମା ଜୀସୁ ଏଲେଇଚେସି, “ଦାମ୍ବୁ ସାସ୍ତେରିତା ରାସ୍ତକି ଆହାମାନେ ମାଣ୍ଡସି ଖାରଇ ରୁଟି ତିଞ୍ଜାନା ନୀତଅସି, ସାମା ମାହାପୁରୁ ଗୁଟିଟି ହଟିମାନି ବଲୁ ତଲେ ନୀତିନେସି ।”

୫ ତାୟୁ ସୟତାନ ଜୀସୁଇଁ ସୁଦୁ ଗାଡ଼ା ଜିରୁସାଲମତା ଅହାନା, ମାହାପୁରୁ ଇଲୁ ତୁଡ଼ିୟା ଲାକ ନିପହାନା, ୬ ଏଲେଇଚେ, “ନୀନୁ ମାହାପୁରୁ ମୀରୁଏଣାତି ଇତିହୁଁ ଇମ୍ପାଟି ତୁଇକା ଗେମ୍ପାମୁ,” ଦାମ୍ବୁ ସାସ୍ତେରିତା ରାସ୍ତକି ଆହାମାନେ,

ନିଙ୍ଗ ଜାଡ଼ନୁ କିହାଲିତାକି ମାହାପୁରୁ ତାନି ଦୁତୁୟାଁଇଁ ହୁକୁମି ହୀନେସି;

“ନୀ କତାୟାଁ ଏନିକିଁ ଖାଲକାଣା ଆଡ଼ାଉ ଇଞ୍ଜା ଦୁତୁୟାଁ ନିଙ୍ଗ କେସ୍ତାତଲେ ପେରହା ଆସ୍ତାନୁ ।”

୭ ଜୀସୁ ଏଦାନି ଏଲେଇଚେସି, “ଦାମ୍ବୁ ସାସ୍ତେରିତା ରାସ୍ତକି ଆହାମାନେ, ନୀନୁ ପ୍ରବୁ ନୀ ମାହାପୁରୁଇଁ ତାୟିପାରି କିଆନି ।”

୮ ଅଡେ ଖେଶ୍ଟେ ସୟତାନ ଜୀସୁଇଁ କାଜା ହରୁ ଲାକ ଅହାନା ଦାରତିତି ବାରେ ରାଜି ଅଡେ ଏମ୍ପାତି ବାରେ ଅଜୁ ଅଡେ ଜୁପକା ତସାନା ଏଲେଇଚେ, ୯ “ନୀନୁ ନାଙ୍ଗେ ମେଣ୍ଡାକୁତାନା ଜହରା କିୟାଦି ଇତିହୁଁ ନୀନୁ ଈ ବାରେ ନିଙ୍ଗ ହିୟାଇଁ ।”

୧୦ ଏମ୍ପାଟିଏ ଜୀସୁ ଏଲେଇଚେସି, “ଏ ସୟତାନ ନା ତାଣାଟି ହେକ ହାଲାମୁ ! ଦାମ୍ବୁ ସାସ୍ତେରିତା ରାସ୍ତକି ଆହାମାନେ, ‘ଖାରଇ ନୀ ପ୍ରବୁ ମାହାପୁରୁଇଁ ଜହରା କିଦି ଅଡେ ଖାରଇ ତାଙ୍ଗେଏ ସେବା କିଦି ।”

୧୧ ଏ ଦେବୁଣିଏ ସୟତାନ ଜୀସୁଇଁ ପିସାନା ହାଜାତୁସ୍ତେ; ଅଡେ ଦୁତୁୟାଁ ଖାହାନା ଏଞ୍ଜାଣି ସେବା କିତୁ ।

ଜୀସୁ ଗାଲିଲିତା ତାନି କାମା ମାଟ୍‌ନାୟି
(ମାର୍କ ୧:୧୪-୧୫; ଲୁକ ୪:୧୪-୧୫)

୧୨ *ଜହନଇଁ କାୟିଦି ଇଲୁତା ଇତିଚେରି ଇଞ୍ଜୁଁ ଖେଞ୍ଜାନା ଜୀସୁ ଏମ୍ପାଟିଏ ଗୁତା ଆହାନା ଗାଲିଲିତା ଖାଡେସି; ୧୩ *ଏଞ୍ଜାସି ନାଜରିତତା ତୁୟାଆଡେସି, ସାମା କପରନାହୁମତା ତୁୟାଲି, ସୁବୁଲୁନ୍ ଅଡେ ନପ୍ରାଲିତା ମାନି ର ଗାଲିଲି ସାମ୍ବୁରି ଗାଟୁତା ମାନି ଗାଡ଼ାତା ହାଚେସି । ୧୪ ଏନିକିହୁଁ ମାହାପୁରୁ ଅଣ୍ଡପୁତି ବଲୁ ଖେହ୍ନି ଜିସାୟତି ହାଡ଼ା ସାତା ଆନେ, ଏଞ୍ଜାସି ଏଲେଇଞ୍ଜାମାଚେସି;

୧୫ “ସୁବୁଲୁନ୍ ଦେସା ଅଡେ ନପ୍ରାଲି ଦେସା

ସାମ୍ବୁରି ତାଗେ ଇଞ୍ଜାଁ ଜର୍ଦନ କାତା ଆତାଲାଖାକିତି, ଜୀହୁଦିଆଆତି ଗାଲିଲି !

୧୬ ଆଦେରିତା ବାସା କିହିମାନି ଲକୁ କାଜା ଉଜେଡ଼ି ମେସ୍ତେରି

ହାକିତି ନାସ୍‌କା ଅଡେ ସାହଡ଼ାତା ମାନି ଲକୁତାକି ଉଜେଡ଼ି ତଞ୍ଜାଆନେ ।”

୧୭ *ଏ ବେଲାଟିଏ ଜୀସୁ ତାନି କାତା ଖେକହାଲି ମାଟ୍‌ହେସି, “ମୀ ପାପୁ ପିସାନା ମନ ଖେଟହା କତାଦୁ, ଏନାଆଁତାକି ଇତିହୁଁ ଲାକପୁରୁ ରାଜି ଏଗାଞ୍ଜାମାନେ ।”

ସାରି ଜାଣା ମାଣ୍ଡକା ଆହନାରାଇଁ ଜୀସୁ ହାଟିନାୟି
(ମାର୍କ ୧:୧୬-୨୦; ଲୁକ ୫:୧-୧୧)

୧୮ ଜୀସୁ ଗାଲିଲି ସାମ୍ବୁରି ଗାଟୁଟି ହାଜିମାଚାଟି ସିମନ ଇନି ପିତର ଅଡେ ତାନି ତାୟି ଆହିୟ, ଈ ତାୟି ରିଆରି ସାମ୍ବୁରିତା ଜାଲା ମେଡ଼ହି ମାଚାଣି ମେସ୍ତେସି, ଏନାଆଁତାକି ଇତିହୁଁ ଏଞ୍ଜାରି ମାଣ୍ଡକା ଆହନାରି ମାଚେରି । ୧୯ ଜୀସୁ ଏଞ୍ଜାରାଇଁ ଏଲେଇଚେସି, “ନା ଜେଚ ଖାଦୁ, ନୀନୁ ମିଙ୍ଗ ଲକୁଣି ଆହନାଣି ଜାପହାଇଁ ।” ୨୦ ଏଚେଟିଏ ଏଞ୍ଜାରି ଦେବୁଣିଏ ଜାଲା ପିସାନା ଏଞ୍ଜାଣି ଜେଚ ହାଚେରି ।

୨୧ ଏମ୍ପାଟିଏ ଜୀସୁ ନକିତା ହାଜାନା ଜେବଦି ମୀରକା ଜାକୁବ ଅଡେ ଏଞ୍ଜାଣି ତାୟି ଜହନ ଦରୁଗାଟାସି ଇଞ୍ଜା ଅଡେ ରିଆରି ତାୟିୟା ତାନି ଆବା ଜେବଦି ତଲେ ତଂଗତା ଜାଲା ମୁଦା କିହିମାଚାଣି ମେସାନା ଏଞ୍ଜାରାଇଁ ଜିକେଏ ହାଟିଚେସି । ୨୨ ଏଚେଟିଏ ଏଞ୍ଜାରି ଏ ଦେବୁଣିଏ ତଂଗ ଅଡେ ତାନି ଆବାଇଁ ପିସାନା ଜୀସୁ ଜେଚ ହାଚେରି ।

ଜୀସୁ ସେବା କାମା ମାଟ୍‌ନାୟି
(ଲୁକ ୬:୧୭-୧୯)

୨୩ *ତାୟୁ ଜୀସୁ ଗାଲିଲି ଦେସାତା ରେଜି ରେଜିହୁଁ ଜୀହୁଦି ଲକୁତି କୁଟମି ଇଲକାଣା ଜାପହିହୁଁ, ମାହାପୁରୁ ରାଜିତି ନେହୁଁ କାରୁ ଖେସିହୁଁ ରଗଗାଟି ଲକୁଣି ନେହୁଁ କିହାଲି ମାଟ୍‌ହେସି, ୨୪ ଅଡେ ଏଞ୍ଜାଣି କାତା ଦେସାତି ସାରିଞ୍ଜାକି ଇଞ୍ଜା ସିରିୟା ଦେସାତା ଜିକେଏ ଖେଙ୍ଗାହାଚେ, ଇଞ୍ଜା ଲକୁ ବୁତୁୟାଁ ଆଲୁଗା ମାଚାରାଇଁ, କାଟିଖେତାରାଇଁ, ଇଞ୍ଜା ଟଟ ଖାୟିତାରାଇଁ; ଇଲେତି ହାରେକା ରଗଟି କସ୍ତୁ ଆହିମାନାରାଇଁ ଜୀସୁ ନକିତା ତାଚେରି, ଇଞ୍ଜା ଏଞ୍ଜାସି ଏଞ୍ଜାରାଇଁ ନେହୁଁ କିଚେସି । ୨୫ ଅଡେ ଗାଲିଲି, ଦସଗଟା ନାସ୍‌କା,* ଜିରୁସାଲମ, ଜୀହୁଦା ଅଡେ ଜର୍ଦନତି ଏ ଗାଟୁତା ମାନି ନାସ୍‌କାଟି ହାରେକା ଲକୁ ଜୀସୁ ଜେଚ ହାଚେରି ।



ହରୁ ଲାକ ଜାପ୍‌ନାୟି

୧ ଜୀସୁ ହାରେକା ଲକୁଇଁ ମେସାନା ର ହରୁ ଲାକ ହାଜାନା କୁଗିଚେସି, ଇଞ୍ଜା ସୀସୁୟାଁ ଏଞ୍ଜାଣି ତାଗେ ଖାଡେରି । ୨ ଏମ୍ପାଟିଏ ଏଞ୍ଜାସି ଗୁତି ଏକହାନା ଜାପହାଲି ମାଟ୍‌ହେସି ।

ଆମ୍ପାଆରି ନେହାଁରି
(ଲୁକ ୬:୨୦-୨୩)

୩ ଆମ୍ପାଆରି ଜୀହୁତା ଏନାଆଁ ହିଲାଆ ଗାଟାରାକି ନେହେଁ, ଏନିଇଚିହୁଁ ଲାକପୁରୁ ରାଜି ଏଞ୍ଜାରି ଖାଈଁ ।

* ୪:୧୨ ୪:୧୨ ମାତି ୧୪:୩; ମାର୍କ ୬:୧୭; ଲୁକ ୩:୧୯,୨୦ * ୪:୧୩ ୪:୧୩ ଜହ ୨:୧୨ * ୪:୧୭ ୪:୧୭ ମାତି ୩:୨ * ୪:୨୩ ୪:୨୩ ମାତି ୯:୩୫; ମାର୍କ ୧:୩୯ * ୪:୨୫ ୪:୨୫ ଦେକାପଲି

୪ ଆତ୍ମାଆରି ଦୁକୁଡା ଡାହିମାନି ଲକୁଡାକି ନେହେଁ,
ଏନାଆଁତାକି ଇଚିହଁ ମାହାପୁରୁ ଏଞ୍ଜାରି ଦୁକୁ
ତୁକ୍‌ନେସି ।

୫ କପା ହିଲାଆ ଗାଟାରି ନେହେଁ,
ଏନାଆଁତାକି ଇଚିହଁ ଦାର୍ତ୍ତିତା ଏଞ୍ଜାରି ଅଦିକାରା
ଆନେରି ।

୬ ମାହାପୁରୁ ଦାମ୍ଭୂତି କାମା କିହାଲି ହାକି ଏସ୍‌କି ଗାଟାରି
ଏଞ୍ଜାରାକି ନେହେଁ,
ଏନାଆଁତାକି ଇଚିହଁ ମାହାପୁରୁ ଏଞ୍ଜାରାକି
ଲଡ଼ାମାନାଣି ବାରେ ହାନେସି ।

୭ ଏଟ୍‌କା ଲକୁଣି କାର୍ମା ମେହ୍‌ନେରି, ଏଞ୍ଜାରାକି ନେହେଁ,
ଏନିଇଚିହଁ ମାହାପୁରୁ ଏଞ୍ଜାରାକି କାର୍ମା
ମେହ୍‌ନେସି,

୮ ଆତ୍ମାଆରି ସୁଦୁ ହିୟାଁ ଗାଟାରି ଏଞ୍ଜାରାକି ନେହେଁ,
ଏନିଇଚିହଁ ଏଞ୍ଜାରି ମାହାପୁରୁକି ମେହ୍‌ନେରି ।

୯ ହିଡ଼ଡ଼ି ଗାଟି ଲକୁ ନେହେଁ,
ଏନିଇଚିହଁ ଏଞ୍ଜାରି ମାହାପୁରୁତି ମୀରକା ଇଞ୍ଜାଁ
ଝେଙ୍ଗିନେରି ।

୧୦ *ମାହାପୁରୁ ଦାମ୍ଭୂ କାତାତାକି ଦୁକୁ ବେଟାଆନାରି
ଏଞ୍ଜାରାକି ନେହେଁ,
ଏନିଇଚିହଁ ଲାକପୁରୁ ରାଜି ଏଞ୍ଜାରିଝାୟି ।

୧୧ *ଏଚିବେଲା ଲକୁ ମିଙ୍ଗ ନା ତାକି ନିନ୍ଦା କି
ଲାଜା କିନ୍ଦାନେରି, ଅଡ଼େ ନା ତାକି ଉଜେ ଉଜେଏ ମୀ
କପାଟି ମିତି କାତା ଜିଲାନେରି, ଆତିହଁ ମିଙ୍ଗେ ତାକି
ନେହେଁ । ୧୨ *ରାହାଁ ଆହାନା ଏନ୍ଦାଦୁ, ଏନାଆଁତାକି
ଇଚିହଁ ଲାକପୁରୁତା ମୀ ତାକି ହାରେକା ଦାନା ମାନେ;
ଏଲେକିହଁ ଏ, ମୀ ନକିତି ମାହାପୁରୁ ଅଣ୍‌ପୁତି ବଲୁ
ଝେହ୍‌ନାରାକି ଜିକେଏ ଇଲେକିହଁ ନିନ୍ଦା କିହାମାତେରି
।

**ହାରୁ ଅଡ଼େ ଉଜେଡ଼ି
(ମାର୍କ ୯:୫୦; ଲୁକ ୧:୩୪-୩୫)**

୧୩ *ମୀରୁ ବାରେ ଦାର୍ତ୍ତିତି ହାରୁ ଲେହେଁ, ସାମା ହାରୁ
ମୁଆତିହଁ, ଅଡ଼େ ଏଦାଆଁ ଏମ୍‌ୟା ଜିକେଏ ଲେମ୍‌ଗାଲି ଆଏ,
ଇଞ୍ଜା ଏଦି ଏନି କାମାତା ପାଡ଼ା ଆଏ, ଲକୁ ଏଦାଆଁ କଡ଼ା
ଡ଼ଇ ଝିସା ହାନେରି ।

୧୪ *ମୀରୁ ଦାର୍ତ୍ତିତି ଉଜେଡ଼ି ତେରି, ଆମିନି ଗାଡ଼ା ହରୁ
ଲାକ କେପି ଆହାମାନେ, ଏଦି ଏଚେଲା ଡ଼ଗୁାନା ଡ଼ୟାଲି
ଆଡ଼େଏ । ୧୫ *ଅଡ଼େ ଦୀଞ୍ଜି ଡ଼ାସାନା ଆତ୍ମାଆରି ମାଣା
ପୁକହାନା ଇଟଅରି, ସାମା ଏଦାନି ଦୀଞ୍ଜି ସଡ଼ାତା ଇଚିନେରି,
ଆତିହଁ ଇଲୁଡ଼ା ଝାନ୍ତି ବାରେ ଲକୁ ଉଜେଡ଼ି ମେହ୍‌ନେରି ।
୧୬ *ଏଲେକିହଁ ଏ ମୀ ଉଜେଡ଼ି ଲକୁ ନକିତା ନେହଁ କଁ
ତଞ୍ଜାଆପେ, ଏନିକଁ ଏଞ୍ଜାରି ମୀ ନେହଁ କାମା ମେସାନା
ଲାକପୁରୁତି ଆବାତି ଗାଞ୍ଜୁରମି କିନେରି ।

ମୋରାତି କାତା ଜାପ୍‌ନାୟି

୧୭ ନାଙ୍ଗେ ମସାତି ମୋରା ଅଡ଼େ ମାହାପୁରୁ ଅଣ୍‌ପୁତି
ବଲୁ ଝେହ୍‌ନାରି ମୋରାତି ମ୍‌କ୍‌ହାଲି ଝାହାମାନେସି ଇଞ୍ଜାଁ
ଅଣ୍‌ପାଆଦୁ; ନାନୁ ମ୍‌କ୍‌ହାଲି ଝାହାହିଲଅଁ ସାମା ଇ ବାରେ
ପୁରା କିହାଲି ଝାହାମାକି । ୧୮ *ଏନାଆଁତାକି ଇଚିହଁ
ନାନୁ ମିଙ୍ଗେ ସାତା ଝେସିମାଞ୍ଜାକି, ହାଗୁପାକା ଅଡ଼େ ଦାର୍ତ୍ତି
ମେଣଙ୍ଗାଆ ପାତେକା ଇଞ୍ଜାଁ ଇ ବାରେ ଆଆପାତେକା
ମସା ମୋରାତି ଇଚାୟି ସିନା ଜିକେଏ ମେଣଙ୍ଗେଏ ।
୧୯ ଏନାଆଁତାକି ଇଚିହଁ ଆତ୍ମାଆସି ଇ ହୁକୁମିଟି ର
ଡ଼ଣା ହୁକୁମି ମାନଞ୍ଜି ଆଅସି ଅଡ଼େ ଲକୁକି ଏଲେକିହଁ ଏ
ଜାପ୍‌ନେସି, ଏଞ୍ଜାସି ଲାକପୁରୁ ରାଜିତା ଡ଼ଣା ଇଞ୍ଜାଁ
ଝେଙ୍ଗିନେସି; ସାମା ଆତ୍ମାଆସି ମାନଞ୍ଜି ଆନେସି ଅଡ଼େ
ଜାପ୍‌ନେସି ଏଞ୍ଜାସି ଲାକପୁରୁ କାଜାସି ଇଞ୍ଜାଁ ଝେଙ୍ଗିନେସି
। ୨୦ ଏନାଆଁତାକି ଇଚିହଁ ନାନୁ ମିଙ୍ଗେ ଝେସିମାଞ୍ଜାକି, ମୀ
ଦାମ୍ଭୂ ମୋରା ପୁନାରି ଅଡ଼େ ପାରୁସିୟାଁ ଦାମ୍ଭୂ କିହାଁ ମୀ ନାମୁ
ହାରେକା ଆଆତିହଁ, ମୀରୁ ଜିକେଏ ଲାକପୁରୁ ରାଜିତା
ହଡ଼ାଲି ଆଡ଼ଅତେରି ।

କପା ଗାଟାଣି ଜାପ୍‌ନାୟି

୨୧ “ମୀରୁ ଝେଞ୍ଜାମାଞ୍ଜେରି, ତଲିକାଲାତି ଲକୁକି
ଝେସପିଆହାମାରେ, ‘ଲକୁକି ପାୟିଆଦୁ, ଆତ୍ମାଆରି
ଲକୁକି ପାୟିନେରି, ଏଞ୍ଜାସି ନୀହାଁୟି ପାଙ୍ଗାତା ଡ଼ଣୁ
ବେଟା ଆନେସି ।” ୨୨ ସାମା ନାନୁ ମିଙ୍ଗେ ଝେସିମାଞ୍ଜାକି,
ଆତ୍ମାଆସି ତାମି ତାୟି ଲାକ କପାଆନେସି, ଏଞ୍ଜାସି ନୀହାଁୟି
ପିଣ୍ଡାତା ଡ଼ଣୁ ବେଟା ଆନେସି, ଇଞ୍ଜା ଆତ୍ମାଆସି ତାମି ତାୟିକି
କାର୍‌ବିଗାଟାତି ଇଞ୍ଜାଁ ଇନେସି, ଏଞ୍ଜାସି ବେରଣିମାଣ୍ଡାତା
ଡ଼ଣୁ ବେଟା ଆନେସି; ଅଡ଼େ ଆତ୍ମାଆସି ପଲ୍‌ଆଗାଟାତି
ଇଞ୍ଜାଁ ଇନେସି, ଏଞ୍ଜାସି ହିଡ଼ୁ ଗାଡ଼ୁଡ଼ା ମେଡ଼ପି ଆନେସି
। ୨୩ ଅଡ଼େ ମାହାପୁରୁତି ପୂଜା ପିଣ୍ଡାତା ଦାନା ତାଟିମାନାଟି
ମୀ ତାୟି କପାଟି ଏନି ହାଡ଼ା ମାନେ ଇଞ୍ଜାଁ ଏମ୍‌ଆଁ ଅଣ୍‌ପୁ
ଞ୍ଜାରେ, ୨୪ ଆତିହଁ ଏଦିଏମ୍‌ଆଁ ପୂଜା ପିଣ୍ଡାତା ମୀ ଦାନା
ପିସାନା ହାଜୁ, ଇଞ୍ଜା ମୀ ତାୟିତଲେ ଆଣ୍ଡିତି ଜେଟ ଝେଣ୍ଡା
ଞ୍ଜାହାନା ମାହାପୁରୁ ନକିତା ଏ ଦାନା ହେରପାଦୁ ।

୨୫ ନାନୁ ଗଡ଼ହା ଆଡ଼ାଣି ତଲେ ନୀହାଁୟି କିନାଣି ତାଣା
ହାନିବେଲାତା ଜିରୁତେଏ କାଲ୍‌ଞ୍ଜି ଆୟାଲି ଅଣ୍‌ପାମୁ,
ଆଆତଁ ଏଞ୍ଜାସି ନିଙ୍ଗେ ନୀହାଁୟି କିନାଣି ତାଣା
ହେରପାନେସି, ଅଡ଼େ ନୀହାଁୟି କିନାସି ନିଙ୍ଗେ ଜାମାନାଙ୍ଗା
କେୟୁତା ହେରପାନେସି, ଅଡ଼େ ଏଞ୍ଜାରି କାୟିଦି ଇଲୁଡ଼ା
ସୁଣ୍ଡାନେରି । ୨୬ ନାନୁ ମିଙ୍ଗେ ସାତା ଝେସିମାଞ୍ଜାକି ମୀ ତାକି
କିଞ୍ଜିଆହାମାନି ର କାନି ଜିକେଏ ହାଆପାତାକା ଏମ୍‌ାଟି
ଏନିଜିକେଏ ହଡ଼ାଞ୍ଜାହାଲି ଆଡ଼ଅତେରି ।

ଦାରିକାମା କିଆଦୁ ଇଞ୍ଜାଁ ଜାପ୍‌ନାୟି

୨୭ ମୀରୁ ଝେଞ୍ଜାମାଞ୍ଜେରି, ଇଲେଇଞ୍ଜାଁ ରାସ୍‌କି
ଆହାମାନେ, ଦାରିକାମା କିଆଦୁ । ୨୮ ସାମା ନାନୁ ମିଙ୍ଗେ

☆ ୫:୧୦ ୫:୧୦ ପିପିତ ୩:୧୪ ☆ ୫:୧୧ ୫:୧୧ ପିପିତ ୪:୧୪ ☆ ୫:୧୨ ୫:୧୨ କାମା ୭:୫୨ ☆ ୫:୧୩ ୫:୧୩ ମାର୍କ ୯:୫୦; ଲୁକ ୧୪:୩୪,୩୫ ☆ ୫:୧୪ ୫:୧୪ ଜହ ୮:୧୨; ୯:୫ ☆ ୫:୧୫ ୫:୧୫ ମାର୍କ ୪:୨୧; ଲୁକ ୮:୧୨; ୧୧:୩୩ ☆ ୫:୧୬ ୫:୧୬ ପିପିତ ୨:୧୨ ☆ ୫:୧୮ ୫:୧୮ ଲୁକ ୧୭:୧୭

ଝେସିମାଞ୍ଜାଲ, ଆମ୍ବାଆସି ର ଇୟାନି ଲାଗେଏତି ଅଣ୍ଠୁ ତଲେ ସିନକିନେସି, ଇଞ୍ଜା ଏଝାସି ଏଦାନିତଲେ ମନ ମନତା ଦାରିକାମା କିତେସିଏ । ୨୯ ✨ଅଡେ ମୀ ଚିଃନି କାନୁ ମିଙ୍ଗେ ପାପୁ କିଝିକିୟାନେ ଇଚିହଁ ଏ କାନୁ ଡେଝା କୁତାଦୁ, ଇଚିହଁ ମୀ ବାରେ ଆଙ୍ଗା ନକିତା ରିନି କିହଁ, ଆଙ୍ଗାତି ର ବାଗା ହିଲାଆଗାଟାଇ ନେହେଁ । ୩୦ ✨ଇଞ୍ଜା ମୀ ଚିଃନି କେୟୁ ମିଙ୍ଗେ ପାପୁ କିଝିକିୟାନେ ଇଚିହଁ ଏଦାଆଁ ଜାଟାନା କୁତାଦୁ, ଇଚିହଁ ମୀ ବାରେ ଆଙ୍ଗା ନକିତା ରିନିବାଗା ଆଙ୍ଗାତି ର କେୟୁ ହିଲାଆଗାଟାୟି ନେହେଁ ।

ଡକ୍ରିନି ପିହ୍ନି କାତା

(ମାତି ୧୯:୯; ମାର୍କ ୧୦:୧୧-୧୨; ଲୁକ ୧୭:୧୮)

୩୧ ✨ଅଡେ ରାସ୍‌କି ଆହାମାନେ, ଆମ୍ବାଆସି ତାନି ଡକ୍ରିନି ପିହ୍ନେସି, ଇଚିହଁ ଏଝାସି ଏଦାନାକି ପିହ୍ନି ଆକୁ ରାଟାନା ହାପେସି । ୩୨ ✨ସାମା ନାନୁ ମିଙ୍ଗେ ଝେସିମାଞ୍ଜାଲ, ଆମ୍ବାଆସି ତାନି ଡକ୍ରିନି ଦାରି କାମାତି ଦହ ହିଲାଆନା ଡକ୍ରିନି ପିହ୍ନେସି, ଏଝାସି ଏଦାନି ଦାରେଣି କିନେସି; ଅଡେ ଆମ୍ବାଆସି ପିସ୍ତି ଇୟାନି ବାହା ଆନେସି, ଏଝାସି ଜିକେଏ ଦାରେଲା ଆନେସି ।

ପାର୍‌ମାଣା

୩୩ ଅଡେ ମୀରୁ ଝେଞ୍ଜାମାଞ୍ଜେରି, ତଲିକାଲାତି ଲକୁଣି ଝେସ୍‌ପି ଆହିମାଟେ, ମୀରୁ ମିଚି ପାର୍‌ମାଣା କିଆଦୁ, ସାମା ପାର୍‌ମାଣା କିହାମାନାଣି ଡିକ୍‌ଆନି, ମାହାପୁରୁ ନକିତା ପୁରା କିଦୁ । ୩୪ ✨ସାମା ନାନୁ ମିଙ୍ଗେ ଝେସିମାଞ୍ଜାଲ ପାର୍‌ମାଣା କିଝୁଏ କିଆଦୁ; ପାର୍‌ମାଣା କିନି ବେଲା ଲାକପୁରୁତି ଦରୁତଲେ ପାର୍‌ମାଣା କିଆଦୁ, ଏନାଆଁତାକି ଇଚିହଁ ଏଦି ମାହାପୁରୁତି ସିଂଗାସାଣି; ୩୫ ଅଡେ ଦାରୁତିତି ଦରୁତଲେ ପାର୍‌ମାଣା କିଆଦୁ, ଏନାଆଁତାକି ଇଚିହଁ ଏଦି ମାହାପୁରୁତି କତାୟାଁ ଇଚିନି ଟାୟୁ; ଜିରୁସାଲମ ଦରୁତଲେ ପାର୍‌ମାଣା କିଆଦୁ, ଏଦି ଆହିମାନେ କାଜା ରାଜାତି ଗାଡା; ୩୬ ଇଞ୍ଜା ମୀ ତାୟୁଁ ତୁ ପାର୍‌ମାଣା କିଆଦୁ, ଇଚିହଁ ମୀ ତାୟୁଁ ତୁ ର ବାଣା କାଡ଼ିୟା ଆଆତେଁ ଦବଲା କିହାଲିତାକି ମୀ ବାଡୁୟୁ ହିଲେଏ, ୩୭ ସାମା ମାଦି ହାଅ ଇନି କାତା ହାଅ ଆପେ, ଇଞ୍ଜା ଆଏ ଇନି କାତା ଆଏ ଆପେ; ଇଦାଆଁ ପିସ୍‌ପେ ଏନାଆଁ ଇଚାଣି ଆଗାଡା କାଲ୍‌ହିହଁ ଏଦି ଲାଗେଏ ତାଣାଟି ଝାନେ ।

ରାକି ଆହ୍‌ନାୟି
(ଲୁକ ୬:୨୯-୩୦)

୩୮ ମୀରୁ ଇ କାତା ଝେଞ୍ଜାମାଞ୍ଜେରି, ରାସ୍‌କି ଆହାମାନେ, କାନୁତି ବାଦୁଲି କାନୁ, ପାଲୁତି ବାଦୁଲି ପାଲୁ । ୩୯ ସାମା ନାନୁ ମିଙ୍ଗେ ଝେସିମାଞ୍ଜାଲ, ମିଙ୍ଗେ ଲାଗେଏ କିୟାନାଣାଇଁ ବାଦୁଲି ଅଆଦୁ, ସାମା ଆମ୍ବାଆସି ନୀ ଚିଃନି ଗେଏଲାତା ସାପୁଡା ଝେଡାନେସି, ଏଝାଣାକି ଅର ଗେଏଲା ଜିକେଏ ତହୁଦୁ । ୪୦ ଇଞ୍ଜା ଆମ୍ବାଆସି ନୀହାୟି ପାଙ୍ଗାତା ମୀ ସକା

ଅହାଲି ମନ କିତିହଁ ଏଝାଣାକି ମୀ ହିମ୍ବିରି ଜିକେଏ ହାଦୁ । ୪୧ ଆମିନି ଦେସା ସାଲୁଝି କିନାସି ମିଙ୍ଗେ ବକୁ ଡେକାନା ତାନିତଲେ ର କିଲମିଟର ହାଜାଲିତାକି ଏଲେଇଞ୍ଜାନେସି, ଏଝାଣିତଲେ ରୀ କିଲମିଟର ହାଦୁ । ୪୨ ଆମ୍ବାଆସି ମିଙ୍ଗେ ରାସ୍ତାନେସି, ଏଝାଣାକି ହାଦୁ, ଅଡେ ଆମ୍ବାଆସି ମୀ ତାଣାଟି ରୀଣା ଅହାଲି ମନ କିନେସି ଏଝାଣାଇଁ ଆଏ ଇନାଆଦୁ ।

ସାତୁୟାଁଇଁ ଜୀଝୁନଦୁ
(ଲୁକ ୭:୨୭-୩୬)

୪୩ ମୀରୁ ଝେଞ୍ଜାମାଞ୍ଜେରି, ରାସ୍‌କି ଆହାମାନେ, ମୀ ପାଡିତାଣାଇଁ ଜୀଝୁନଦୁ ଇଞ୍ଜା ସାତୁୟାଁଣି ଅପାଆଦୁ । ୪୪ ସାମା ନାନୁ ମିଙ୍ଗେ ଝେସିମାଞ୍ଜାଲ, ମୀ ସାତୁୟାଁଇଁ ଜୀଝୁନଦୁ, ଇଞ୍ଜା ଆମ୍ବାଆରି ମିଙ୍ଗେ ନିନ୍ଦା କିୟାନେରି, ଏଝାରି ତାକି ପ୍ରାତାନା କିଦୁ । ୪୫ ଏନିକଁ ମୀରୁ ମୀ ଲାକପୁରୁ ଆବାତି ମୀରକା ଆଦେରି; ସାମା ମାହାପୁରୁ ନେହାଁରି ଅଡେ ଲାଗେଏ ପଲେଏତି ବାରେ ଲକୁତାକି ଝେଡା ଉଜେଡି ହୀନାସି ଅଡେ ଦାମ୍‌ଗାଟାରି ଅଡେ ଦାମ୍‌ ହିଲାଆ ଗାଟାରାକି ଜିକେଏ ପିୟୁ ହାନେସି । ୪୬ ଇଞ୍ଜା ଆମ୍ବାଆରି ମିଙ୍ଗେ ଜୀଝୁ ନୟାଁନେରି ଏ ଲକୁଇଁଦେଁ ଜୀଝୁ ନଡିହଁ ଏନାୟି ମେଡାଆୟାନେ ? ସିସ୍ତୁ ରାହ୍‌ନାରି ଜିକେଏ ଏଦାଆଁ କିଅରିକି ? ୪୭ ଅଡେ ମୀରୁ ମୀ ତାୟିୟାଁଇଁ ଜହରା କିଦେରି, ଏମ୍ବାଟିଏ ଅଡେ ଏନି କାମା କିଦେରି ? ଜୀହୁଦିଆଆତାରି ଜିକେଏ ଏଦାଆଁ କିଅରିକି ? ୪୮ ଏଦାଆଁତାକି ମୀ ଲାକପୁରୁତି ଆବା ଏନିକଁ ବାରେକିହାଁ ନେହାଁସି ମୀରୁ ଜିକେଏ ଏଲେକଁ ନେହଁ ଆଦୁ ।



ଦାନା ହୀନାଣି ଜାପୁନାୟି

୧ ✨ଲକୁ ମେସ୍ତାପେରିଝା ଇଞ୍ଜାଁ ଲକୁ ନକିତା ଦାମ୍‌ତି କାମା କିଆଦୁ, ଏଦାଆଁତାକି ମୀରୁ ଜାଗାତା ଆଦୁ, ଆଆତିହଁ ମୀ ଲାକପୁରୁତି ଆବା ନକିତା ମିଙ୍ଗେ ଦାନା ହିଲେଏ ।

୨ ଏଦାଆଁତାକି ଦାନା ହୀନାଟି କୁରୁ ଗାଟାରିଲେହେଁ ଜାହାରା ନକିତା ତୀଡି ଉକାଆଦୁ; ଏଝାରି ଲକୁ ତାଣାଟି ମାନ୍ତି ବେଟାଆହାଲି ଜୀହୁଦି ଲକୁତି କୁଟମି ଇଲୁତା* ଅଡେ ମାଦି ଆଂଗେଣିତା ଏଲେକିନେରି, ନାନୁ ମିଙ୍ଗେ ସାତା ଝେସିମାଞ୍ଜାଲ ଏଝାରି ତାନି ଦାନା ବେଟାଆହାମାନେରି । ୩ ସାମା ମୀରୁ ଦାନା ହୀନାଟି ମୀ ଚିଃନି କେୟୁ ଏନାଆଁ କିହିମାନେ ମୀ ଟେବୁଁ କେୟୁ ପୁନାଆପେ, ୪ ଏନିକଁ ମୀ ଦାନା ହୀତାୟି ପୁନାଆରେଟୁ ଆନେ, ମୀ ଲାକପୁରୁତି ଆବା ଜିକେଏ ପୁନାଆରେଟୁ ମେହ୍‌ନାସି, ଏଝାସି ମିଙ୍ଗେ ଦାନା ହିୟାନେସି ।

ପ୍ରାତାନା
(ଲୁକ ୧୧:୨-୪)

✨ ୫:୨୯ ୫:୨୯ ମାତି ୧୮:୯; ମାର୍କ ୯:୪୭ ✨ ୫:୩୦ ୫:୩୦ ମାତି ୧୮:୮; ମାର୍କ ୯:୪୩ ✨ ୫:୩୧ ୫:୩୧ ମାତି ୧୯:୭; ମାର୍କ ୧୦:୪ ୯୯:୯; ମାର୍କ ୧୦:୧୧,୧୨; ଲୁକ ୧୭:୧୮; ୧କର ୭:୧୦,୧୧ ✨ ୫:୩୪ ୫:୩୪ ଜାକୁକ ୫:୧୨; ମାତି ୨୩:୨୨ ✨ ୬:୧ ୬:୧ ମାତି ୨୩:୫ ✨ ୫:୩୨ ୫:୩୨ ମାତି ୨:୨ ୬:୨ ସିନଗର

୫ *ପ୍ରାତାନା କିନାଟି କୁଟୁ ଗାଟାରିଲେହେଁ ଆଆଦୁ, ଏନାଆଁତାକି ଇଚିହଁ ଏଞ୍ଜାରି ଲକୁଣି ତସାଲି ତାକି, ଜୀହୁଦି ଲକୁଟି କୁଟମି ଇଲୁତା† ଅଡେ ଡେଡ଼ା ଜିରୁତି କନତା ନିତାନା ପ୍ରାତାନା କିହାଲି ରାହାଁ ଆନେରି; ନାନୁ ମିଙ୍ଗେ ସାତା ୱେସିମାଞ୍ଜାଇଁ, ଏଞ୍ଜାରି ତାମି ଦାନା ବେଟାଆହାମାନେରି । ୬ ସାମା ମୀରୁ ପ୍ରାତାନା କିନାଟି ମୀ ଇଲୁ ବିତ୍ରା ହାଦୁ, ଇଞ୍ଜା ଦାରା ସୁଣ୍ଡା କତାଦୁ ଅଡେ ତଞ୍ଜା ଆଆଗାଟି ମୀ ଆବା ମାହାପୁରୁ ତାଣା ପ୍ରାତାନା କିଦୁ; ଅଡେ ମୀ ଆବା ଆମ୍ବାଆସି ଡଗ୍ଲାନା ମେସ୍ତାନେସି ଏଞ୍ଜାସି ମିଙ୍ଗେ ଦାନା ହିୟାନେସି ।

୭ ମୀରୁ ପ୍ରାତାନା କିନାଟି ଜୀହୁଦିଆଆତାରି ଲେହେଁ ଉଜେ ଉଜେଏ ପେତେପେତେ ଜଲ୍ଲାଆଦୁ, ଏନାଆଁତାକି ଇଚିହଁ ଏଞ୍ଜାରି ଅଶ୍ପିନେରି, ହାଡ଼େକା ପ୍ରାତାନା କିତିସାରେ ମା ପ୍ରାତାନା ମାହାପୁରୁ ୱେଞ୍ଜାନେସି । ୮ ଏନାଆଁତାକି ଏଞ୍ଜାରିଲେହେଁ ଆଆଦୁ, ଏନାଆଁତାକି ଇଚିହଁ ମିଙ୍ଗେ ଏନାୟି ଲଡ଼ାମାନେ, ରାହୁଆ ନକେଏ ଏନାଆଁ ମୀ ଆବା ମାହାପୁରୁ ବାରେ ପୁଞ୍ଜାମାନେସି । ୯ ଅଡେ ମୀରୁ ଇଲେକିହଁ ପ୍ରାତାନା କିଦୁ;

- ଏ ମା ଲାକପୁରୁତି ଆବା,
- ନୀ ଦରୁ ନେହାୟି ଇଞ୍ଜିଁ ମାନଞ୍ଜି ଆପେ;
- ୧୦ ନୀ ରାଜି ଖାପେ;
- ଲାକପୁରୁତି ଲେହେଁ ଦାର୍ତତିତା ଜିକେଏ ନୀ କାତେଏ ଆପେ,
- ୧୧ ନୀଞ୍ଜୁ ମାଙ୍ଗେ ଲଡ଼ା ଆନି ରାନ୍ଦା ହିୟାମୁ,
- ୧୨ ମା କପାତଲେ ଦହ କିହାମାନି ଲକୁଣି ମାମୁ ଏନିକିହଁ ଦହ ଆହୁଅମି,
- ଏଲେକିହଁ ମା ଦହ ବାରେ ମ୍ବେକ୍‌ହାମୁ ।
- ୧୩ ମାଙ୍ଗେ ପାନ୍ଦାତା ମେଡ଼ହାଆନି ଲାଗେଏ ପଲେଏ ତାଣାଟି ପିସ୍‌ପି କିୟାମୁ,
- ଏନିଇଚିହଁ ରାଜି ବାଡ଼ୁୟୁ କାଜାପାଣା କାଲା କାଲାତାକି ନୀଦିଏ ଆପେ । ଆମେନ୍ ।

୧୪ *ଇଚିହଁ ମୀରୁ ଏଟକା ଲକୁଟି ପାପୁ ବାରେ ମ୍ବେକ୍‌ହାସାରେ, ମୀ ଲାକପୁରୁତି ଆବା ମାହାପୁରୁ ଜିକେଏ ମୀ ପାପୁ ମ୍ବେକ୍‌ହାନେସି; ୧୫ ସାମା ମୀରୁ ଲକୁଟି ପାପୁ ମ୍ବେକ୍‌ହାସାରେ, ମୀ ଆବା ଜିକେଏ ମୀ ପାପୁ ମ୍ବେକ୍‌ହଅସି ।

ଉପାସା କିନାଟି ଜାପୁନାୟି

୧୬ ଉପାସା କିନାଟି କୁଟୁ ଗାଟାରିଲେହେଁ ମୀ ମୁମୁଡ଼ି ଖାଡ଼ି କିଆଦୁ, ଏନାଆଁତାକି ଇଚିହଁ ଏଞ୍ଜାରି ଉପାସା କିହିମାନେରି ଇଞ୍ଜିଁ ଲକୁଣି ତସାଲି ତାମି ମୁମୁ ଖାଡ଼ି କିନେରି; ନାନୁ ମିଙ୍ଗେ ସାତା ୱେସିମାଞ୍ଜାଇଁ ଏଞ୍ଜାରି ତାମି ଦାନା ବେଟାଆହାମାନେରି । ୧୭ ସାମା ମୀରୁ ଉପାସା କିନାଟି, ମୀ ତାୟିଁ ତୁା ନିୟୁଁ ଉହୁଦୁ ଅଡେ ମୁମୁ ନୁନରହା କତାଦୁ । ୧୮ ଏନିକିହଁ ମୀରୁ ଉପାସା କିହିମାନେରି ଇଞ୍ଜିଁ ଲକୁ ନକିତା ତଞ୍ଜା ଆଆନା, ପୁନାଆରେଟୁ ମାନି ମୀ

ଲାକପୁରୁତି ଆବା ନକିତା ତଞ୍ଜା ଆଦେରି; ଅଡେ ମୀ ଆବା ପୁନାଆରେଟୁ ମେସାନା ମିଙ୍ଗେ ଦାନା ହିୟାନେସି ।

ଲାକପୁରୁତି ଦନ (ଲୁକ ୧୨:୩୩-୩୪)

୧୯ “ଏମ୍ବିୟା ସୀରନେ ଇଞ୍ଜା ଲୀମୁ ତିନେ ଅଡେ ସରକା କାତି ତୁକ୍‌ହାନା ସରୁ କିହା ଅନେରି, ଇଲେତି ଦାର୍ତତିତା ମିଙ୍ଗେତାକି ଦନ କୁଡ଼ିକିହାଁ ଇଟାଆଦୁ । ୨୦ ସାମା ଆମ୍ବିୟା ସୀରଏ ଇଞ୍ଜା ଲୀମୁ ତିନେଏ ଅଡେ ସରକା କାତି ତୁକ୍‌ହାନା ମାଣ୍ଡା ଅଅରି ଇଲେତି ଲାକପୁରୁ ମିଙ୍ଗେତାକି ଦନ କୁଡ଼ି କିଦୁ, ୨୧ ଇଚିହଁ ଆମ୍ବିୟା ମୀ ଦନ ଏମ୍ବେଏ ମୀ ମନ ଜିକେଏ ମାନେ ।”

ଆଜ୍ଞାତି ଉଜେଡ଼ି (ଲୁକ ୧୧:୩୪-୩୬)

୨୨ କାନୁ ଆଜ୍ଞାତି ଦୀଞ୍ଜିଁ ଲେହେଁ, ଇଚିହଁ ମୀ କାନୁ ନେହଁ ମାନେ, ଆତିହଁ ମୀ ବାରେ ଆଜ୍ଞା ଉଜେଡ଼ି ଆନେ । ୨୩ ସାମା ମୀ କାନୁ ଲାଗେଏ ମାନେ, ଆତିହଁ ମୀ ବାରେ ଆଜ୍ଞା ଜିକେଏ ଆନେରି ଆନେ । ଏନାଆଁତାକି ଇଚିହଁ ମୀ ଆଜ୍ଞାତି ଉଜେଡ଼ି ଆନେରି ଆତିହଁ ଏ ଆନେରି ଏତେକା ଆଜିନାୟି ଆନେ ।

ମାହାପୁରୁ ଅଡେ ଦନ (ଲୁକ ୧୭:୧୩; ୧୭:୨୨-୩୧)

୨୪ ଆମ୍ବାଆସି ଜିକେଏ ରୀ ସାଞ୍ଜୁକାରି ତାଣା ହଲେଏସି ଆହାଲି ଆଡ଼ଅସି; ଏନାଆଁତାକି ଇଚିହଁ ଏଞ୍ଜାସି ରଅଣାଇଁ ଜୀଞ୍ଜୁ ନନେସି, ଅଡେ ରଅଣାଇଁ ଅପଅସି, ରଅଣାଇଁ ମାନି କିନେସି ଅଡେ ରଅଣାଇଁ ମାନଞ୍ଜି ଆଅସି, ମୀରୁ ମାହାପୁରୁ ଅଡେ ଦନତ ହଲିୟାଙ୍ଗା ଆହାଲି ଆଡ଼ଅଡେରି ।

୨୫ ଏନାଆଁତାକି ନାନୁ ମିଙ୍ଗେ ୱେସିମାଞ୍ଜାଇଁ, ଏନାଆଁ ତିନାୟି ଏନାଆଁ ଗହନାୟି, ଏଲେକିହଁ ମୀ ଜୀଞ୍ଜୁତାକି, ଏନାଆଁ ତୁରନାୟି ଇଲେକିହଁ ମୀ ଆଜ୍ଞା ତାକି ଅଶ୍ପାଆଦୁ, ରାନ୍ଦାକିହା ଜୀଞ୍ଜୁ, ହିମ୍ବିରକା କିହାଁ ଆଜ୍ଞା କାଜାୟି ଆଏକି ? ୨୬ ପଗାୟିଁସି ସିନିକିଦୁ, ଏଞ୍ଜିଁ ମାଟାଡ କି ଦାଡ଼ କି ଗାଦେୟିତା କୁଡ଼ିକିହାଁ ଇଟାଡ, ଏଲେଆଡ଼ିଞ୍ଜା ଲାକପୁରୁତି ଆବା ଏଞ୍ଜାସିକାକି ତାମି ରାନ୍ଦା ହାହିମାନେସି, ଏଞ୍ଜାସିକା କିହାଁ ମୀରୁ କାଜାତେରି ଆଏକି ? ୨୭ ଅଡେ ମୀ ବିତ୍ରାଟି ଆମ୍ବାଆସି ତାନି ଗାତି ଅଶ୍ପୁ ତଲେ ତାନି ଜୀଞ୍ଜୁତି ଆଗାଡ଼ା ପାତିକିହାଲି ଆଡ଼ିମାନେସି ?

୨୮ ହିମ୍ବିରକା ତାକି ଏନାଆଁତାକି ଅଶ୍ପିମାଞ୍ଜେରି ? ଜାଡ଼ାତି ପୁଙ୍ଗାଣି ସିନିକିହାଁ ଅଶ୍ପାପାନା ଜାପାଦୁ, ଏଞ୍ଜିଁ ଏନିକିହଁ ପାଡ଼ାଆନୁ; ଏଞ୍ଜିଁ କସ୍ତ କିଡ଼ କି ଲୁଲୁ ଦାଡ଼, ୨୯ ଆଡ଼ିଜିକେଏ ନାନୁ ମିଙ୍ଗେ ୱେସିମାଞ୍ଜାଇଁ, ରାଜା ସଲମନ ଗାତି ଦାରାତି ହିମ୍ବିରକା ହୁଟିମାଟିହଁ ଜିକେଏ ଏ ପୁଙ୍ଗା ବିତ୍ରାଟି ର ପୁୟୁ ଲେହେଁ ଅଜା ହିଲାଆଡେସି । ୩୦ ସାମା ଗୁଡ଼ିୟାତା ଡ଼ୟିନି ଗାକିଁ ଜାଡ଼ା ନୀଞ୍ଜୁ ମାନେ ଝିଏ ହଲୁତା ହୁଡ଼କିଆନେ, ଏଦାନାକି ମାହାପୁରୁ ଇଚେକା ନେହଁ ଅଦୁ

☆ ୭:୫ ୭:୫ ଲୁକ ୧୮:୧୦-୧୪ † ୭:୫ ୭:୫ ସିନଗର ☆ ୭:୧୪ ୭:୧୪ ମାର୍କ ୧୧:୨୫,୨୬

ହାତୀହଁ, ଏ ନାମୁ ହିଲାଆଗାଟାତେରି ମିଙ୍ଗେ ହାରେକା ଗାତି ହିମ୍ବରକା ହିୟଅସିକି ?

୩୧ ଏଦାଆଁତାକି ଏନାଆଁ ତିନମି, ଏନାଆଁ ଗହନମି, ଏନାଆଁ ପରନମି ଏଲେକିହଁ ଅଣ୍ଠପାଆଦୁ । ୩୨ ଇଚିହଁ ଜାହୁଦିଆଆତି ଲକୁ ଇ ବାରେ ପାରିନେରି, ଅଡ଼େ ଇ ବାରେ ମିଙ୍ଗେ ଲଡ଼ାମାନେ ଇଞ୍ଜିଁ ମୀ ଲାକପୁରୁତି ଆବା ପୁଞ୍ଜାମାନେସି । ୩୩ ସାମା ମୀରୁ ନକେଏ ମାହାପୁରୁତି ରାଜି ଅଡ଼େ ଦାମ୍ବୁତି ପାରାଦୁ, ଆତିହଁ ମୀ ଲଡ଼ାମାନି ବାରେ ହାପୁକିଆନେ । ୩୪ ଇଚିହଁ ଓଏତାକି ଅଣ୍ଠପାଆଦୁ, ଏନାଆଁତାକି ଇଚିହଁ ଓଏତି ଅଣ୍ଠପୁ ଓଏ ମୀରୁ ମିଙ୍ଗେତାକି ଅଣ୍ଠପଦେରି, ଇଚିହଁ ନୀଞ୍ଜୁତି କସ୍ତ ନୀଞ୍ଜୁତାକି ସାରି ।



ଏଟକା ତାରାଇଁ ନୀହାଁୟି କିନାୟି
(ଲୁକ ୭:୩୭-୩୮; ୪:୧-୪୨)

୧ ମୀରୁ ଏନିକଁ ନୀହାଁୟି କିଓି ଆଅତେରି, ଏଦାଆଁତାକି ମୀରୁ ଆମ୍ବାଆରାଇଁ ନୀହାଁୟି କିଆଦୁ । ୨ ଇଚିହଁ ମୀରୁ ଏନିକଁ ଲକୁଣି ନୀହାଁୟି କିଦେରି, ଏଲେକିହଁ ଏ ମୀରୁ ଜିକେଏ ନୀହାଁୟି କିଓିଆଦେରି; ଅଡ଼େ ଆମିନି ମାଣାତଲେ ଲାଡ଼ିଦେରି ଏ ମାଣା ତଲେ ମିଙ୍ଗେ ଲାଡ଼ା ହିୟାନେରି । ୩ ଅଡ଼େ ଏନାଆଁତାକି ମୀ ତାୟି କାନୁତି ଲାଟା ସିନିକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନେ, ଏଦାଆଁ ଅଣ୍ଠପି ହିଲଅତି କି ? ୪ ଅଡ଼େ ନୀନୁ ଏନିକଁ ମୀ ତାୟିଇଁ ଏଲେଇଞ୍ଜି ଖାମ୍ବୁ, ନୀ କାନୁତି ଲାଟା ଡ଼େଖାଇଁ, ଅଡ଼େ ମେହମ୍ବୁ ନୀ କାନୁତେଏ କାଜା ଲାଟା ମାନେ ! ୫ ଆଡ଼େ କୁଟୁ ଗାଟାତି ତଲିଏ ନୀ କାନୁତି ଲାଟା ଡ଼େଖା କଡ଼ାମ୍ବୁ, ଆତିହଁ ମୀ ତାୟି କାନୁତି ଲାଟା ଡ଼େଖାଲି ନେହଁକଁ ମେସାଲି ଆଡ଼ିଦି ।

୬ “ନେହଁ ଆସ୍ତିତି ନେସକାକି ହାଆଦୁ, ଏଓି ଖେଣ୍ଡେ ତିରୁଖାହାଁ କାତାନୁ ଇଞ୍ଜା ବାଂଗାରା କିହାଁ ଆଗାଡ଼ା ଦାରାଗାଟି ହାଞ୍ଜା ପାଜିୟାଁ ନକିତା ମେଡ଼ିଆଦୁ, ଏଓି ଏଦାନି କାଡ଼ତା ତୁଡ଼ବିନୁ ।”

ରାହୁଦୁ, ପାରାଦୁ ଅଡ଼େ ଦୁଝେରିତା ଝେଦୁ
(ଲୁକ ୧୧:୯-୧୩)

୭ “ରାହୁଦୁ ଆତିହଁ ମିଙ୍ଗେ ହାପୁକିଆନେ; ପାରାଦୁ ଆତିହଁ ମିଙ୍ଗେ ମେଡ଼ାଆୟାନେ; ଦୁଝେରିତା ଝେଦୁ, ଏଚେଟିଏ ମିଙ୍ଗେତାକି ଦୁଝେରି ଦେପିଆନେ । ୮ ଇଚିହଁ ଆମ୍ବାଆସି ରାହୁନେସି, ଏଞ୍ଜାସି ବେଟାଆନେସି; ଆମ୍ବାଆସି ପାରିନେସି, ଏଞ୍ଜାସି ମେଡ଼ାଆନେସି; ଅଡ଼େ ଆମ୍ବାଆସି ଦୁଝେରିତା ଝେନେସି ଏଞ୍ଜାଣାକି ଦାବା ଦେପିଆନେ । ୯ ଇଚିହଁ ମୀ ବିଡ଼ା ଆମ୍ବାଆସି ଇଲେତି ମାଣ୍ଡିସି ମାନେସି, ତାନି ମୀରୁଏସି ରୁଟି ରାସ୍ତିସାରେ ଏଞ୍ଜାଣାକି ଖାଲକା ହାନେସି, ୧୦ ଅଡ଼େ ମୀନୁ ରାସ୍ତିସାରେ ଏଞ୍ଜାଣାକି ରାଚୁ ହାନେସି ? ୧୧ ଏଦାଆଁତାକି ମୀରୁ ଲାଗେଏ ପଲେଏତି

ଲକୁ ଆଡ଼ିଜିକେଏ ମୀ ମୀରୁକା ମାସକାକି ନେହାଁଣି ହାହିମାଞ୍ଜେରି, ଆତିହଁ ମୀ ଲାକପୁରୁତି ଆବା ନକିତା ରାହୁନି ଲକୁକି ଏଚେକା ନେହା ନେହାଁଣି ହାଅସି !”

୧୨ ☆“ଏଦାଆଁତାକି ଲକୁ ମିଙ୍ଗେ ତାକି ଏନିକଁ ଲେମ୍ବାପେରି ଇଞ୍ଜିଁ ମୀରୁ ଅଣ୍ଠପିମାଞ୍ଜେରି, ମୀରୁ ଜିକେଏ ଏଞ୍ଜାରାଇଁ ଏଲେକିହଁ କିଦୁ, ଏନାଆଁତାକି ଇଚିହଁ ଇଦିଏ ମସାତି ମେରା ଅଡ଼େ ମାହାପୁରୁ ଅଣ୍ଠପୁତି ବଲୁ ଝେହୁନି ଦାମ୍ବୁ ପତିତି କାତା ।”

ଜାକ୍ଣି ଦୁଝେରି
(ଲୁକ ୧୩:୨)

୧୩ ଜାକ୍ଣି ଦୁଝେରିଟି ହାଜୁ, ଏନାଆଁତାକି ଇଚିହଁ ନକିତା ହାନି ଜିରୁ ଅସାରା ଅଡ଼େ ଉସାସା, ଏ ଜିରୁ ନାସା ଆନିଞ୍ଜାକି ଅନାୟି, ଏ ଜିରୁଟି ହାରେକା ଲକୁ ହାନେରି । ୧୪ ଅଡ଼େ ଜୀଞ୍ଜୁତା ଅନି ଦୁଝେରି ଜାକ୍ଣି ଇଞ୍ଜା ଏମ୍ବାଆଁ ହାନି ଜିରୁ କସ୍ତଗାଟାୟି ଏ ଜିରୁଟି ହାନି ଲକୁ ହାରେକା ଉଣା ।

ମାରୁନୁ ଅଡ଼େ ତାନି ପାଡ଼େୟି
(ଲୁକ ୭:୪୩-୪୪)

୧୫ “ମାହାପୁରୁ ବଲୁ ଝେହୁନାତମି ଇଞ୍ଜିଁ ଝେସାନା ମିତି କାତା ଝେହୁନାରି ତାଣାଟି ଜାଗ୍ରାତା; ଏଞ୍ଜାରି ମେଣ୍ଡାୟାଁ ଖାଣା ଆସାନା ମୀ ତାଣା ଖାନେରି, ସାମା ଏଞ୍ଜାରି ହିୟାତା କାରବି ଆଡ଼ି କ୍ଷାଠନି ! ୧୬ ଏଞ୍ଜାରି କାମା ମେସାନା ମୀରୁ ଏଞ୍ଜାରାଇଁ ପୁଞ୍ଜାଲି ଆଡ଼ିଦେରି, ଲକୁ ହାପୁକା ମାରୁନୁତା ଅଞ୍ଜୁରି ପାଡ଼େୟି ଆଆତିହଁ ଅଣ୍ଠା ମାରୁନୁତା ତୟା ପାଡ଼େୟି ଏହୁନେରି ? ୧୭ ଏଲେକିହଁ ଏ ନେହଁ ମାରୁନୁତା ବାରେ ନେହଁ ପାଡ଼େୟି ଅଡ଼େ ଲାଗେଏତି ମାରୁନୁତା ବାରେ ଲାଗେଏତି ପାଡ଼େୟି ଆୟିନେ । ୧୮ ନେହଁ ମାରୁନୁ ଲାଗେଏତି ପାଡ଼େୟି ଆୟାଲି ଆଡ଼େଏ, ଅଡ଼େ ଲାଗେଏତି ମାରୁନୁ ନେହଁ ପାଡ଼େୟି ଆୟାଲି ଆଡ଼େଏ । ୧୯ ଆମିନି ମାରୁନୁ ନେହଁ ପାଡ଼େୟି ଆୟେଏ, ଏଦାନି ଟୁଣ୍ଡି ଆହାନା ହିଚୁତା ମେଡ଼ପି ଆନେ । ୨୦ ☆ଏଲେକିହଁ ଏ ମିତି ମାହାପୁରୁ ବଲୁ ଝେହୁନାରାଇଁ ତାମା କାମା ତଲେ ପୁଞ୍ଜାଲି ଆଡ଼ିନାୟି ।”

ନାନୁ ମିଙ୍ଗେ ଏଚେଲାଞ୍ଜା ପୁଞ୍ଜାମାଞ୍ଜିଅଁ
(ଲୁକ ୧୩:୨୫-୨୭)

୨୧ “ନାଙ୍ଗେ ‘ପ୍ରୁ, ପ୍ରୁ’ ଇଞ୍ଜିଁ ହାଟାନେରି, ଏଲେତି ବାରେଜାଣା ଲାକପୁରୁ ରାଜିତା ହାଲଅରି, ସାମା ଆମ୍ବାଆରି ନା ଲାକପୁରୁତି ଆବା ଝେସ୍ତି କାତା ମାନଓି ଆନେରି, ଏଞ୍ଜାରି ହାଜାଲି ଆଡ଼ିନେରି । ୨୨ ଏ ଦିନା ହାରେକା ନାଙ୍ଗେ ଏଲେଇଞ୍ଜାନେରି, ଏ ପ୍ରୁ ଏ ପ୍ରୁ ମାମ୍ବୁନୀ ଦରୁତଲେ ମାହାପୁରୁ ଅଣ୍ଠପୁତି ବଲୁ ଝେହୁଆତମି କି ? ଅଡ଼େ ନୀ ଦରୁତଲେ ବୁଡ଼ୁୟାଁଇଁ ପସ୍ପି କିଆତମି କି ? ଅଡ଼େ ନୀ ଦରୁତଲେ ହାରେକା କାବାଆନି କାମା କିଆତମି କି ? ୨୩ ଏଚିବେଲା ନାନୁ ଏଞ୍ଜାରାଇଁ ତୀରେତଲେ ଏଲେଇଇଁ ଏ

☆ ୭:୨ ୭:୨ ମାର୍କ ୪:୨୪ ☆ ୭:୧୨ ୭:୧୨ ଲୁକ ୭:୩୧ ☆ ୭:୧୯ ୭:୧୯ ମାତି ୩:୧୦; ଲୁକ ୩:୯ ☆ ୭:୨୦ ୭:୨୦ ମାତି ୧୨:୩୩

ଲାଗେଏ ପଲେଏ ଗାଟାତେରି, ନା ତାଣାଟି ହେକ ଆଦୁ, ନାନୁ ମିଙ୍ଗେ ଏଚେଲାଞ୍ଜା ପୁଞ୍ଜାମାଞ୍ଜଅଁ ।”

ରୀ ଇଲୁକା କେପିନାରି
(ଲୁକ ୭:୪୭-୪୯)

୨୪ “ଇଞ୍ଜା ଆମ୍ବାଆସି ଇ ନା ହାଡ଼ା ଖେନେସି ଅଡ଼େ ମାନଞ୍ଜି ଆନେସି, ଏଞ୍ଜାସି ପାକା ଖାଲି ଲାକ ଇଲୁ କିନି ର ବୁଦିଗାଟି ଲକୁ ଲେହେଁତାସି । ୨୫ ଗାଡ଼ି ପିୟୁ ରୀତେ ଖାରୁ ଖାଡ଼େ ଅଡ଼େ ଗାଲି ଆଡ଼େ, ଏ ଇଲୁତି ଗୁପିତେ, ସାମା ଏ ଇଲୁ ରିଆତେ, ଇଚିହଁ ଏଦି ପାକାତା କାନ୍ଦା କାରହାନା ପୁନାଦି ଦସାମାଗାୟି ।”

୨୬ “ଅଡ଼େ ଆମ୍ବାଆସି ଇ ନା ହାଡ଼ା ଖେଞ୍ଜାନା ମାନଞ୍ଜି ଆଅସି ଏଞ୍ଜାସି ବାଃଲି ଲାକ ଇଲୁ କେପା ଡ଼ୟିନି ବୁଦି ହିଲାଆଗାଟି ଲକୁ ଲେହେଁତାସି । ୨୭ ଗାଡ଼ି ପିୟୁ ରୀତେ, ଖାରୁ ଖାଡ଼େ ଅଡ଼େ ଗାଲି ଆଡ଼େ, ଏ ଇଲୁତି ଗୁପିତେ ଏମ୍ବାଟିଏ ଇଲୁ ତରଗାହାଜା ବୁମିତା ଆଣ୍ଡିତେ ।”

ଜୀସୁତି କାଜାପାଣା

୨୮ *ଜୀସୁ ଇ ବାରେ କାତା ରାପୁହି ଜେଚ ତାନି କାତା ଖେଚାରି କାବା ଆଡ଼େରି । ୨୯ ଇଚିହଁ ଏଞ୍ଜାସି ତାନି ବୁଦି ଗାଟାରିଲେହେଁ ଜାପୁଆନା ଅଦିକାରା ବେଗାଆହାମାନି ମାଣ୍ଡିଲେହେଁ ଜାପୁହି ମାଚେସି ।



ଜୀସୁ କାଜା ରଗ ଗାଟାଣାଇଁ ନେହଁ କିନାୟି
(ମାର୍କ ୧:୪୦-୪୫; ଲୁକ ୫:୧୨-୧୬)

୧ ଜୀସୁ ହରୁ ଲାକଟି ରେଚା ଖାଡ଼ି ତାୟୁ ମାନ୍ଦା ଲକୁ ତାନି ଜେଚ ହାଚେରି । ୨ ଏଚିବେଲା ର କାଜା ରଗ ଗାଟାସି ତାନି ନକିତା ଖାହାଁ ମେଣ୍ଡାକୁତାନା ଜହରା କିହାଁ ଏଲେଇଚେସି, “ପ୍ରବୁ ନାନୁ ମନ କିତିହଁ ନାଙ୍ଗେ ନେହଁ କିହାଲି ଆଡ଼ାଦି ।”

୩ ଏଚେଟିଏ ଜୀସୁ କେୟୁ ଦାସାହାଁ ତାଙ୍ଗ ତୀଗାନା ଏଲେଇଚେସି, “ନାନୁ ମନ କିହିମାଇଁ ନାନୁ ନେହଁ ଆମ୍ବୁ ।” ଏ ଦେବୁଣିଏ କାଜା ରଗ ଗାଟାସି ନେହଁ ଆଡ଼େସି । ୪ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଜାଗ୍ରାତା ଆମ୍ବାଆରାଇଁ ଖେହ୍‌ଆନି, ସାମା ନାନୁ କାଜା ପୂଜେରା ତାଣା ହାଜାନା ନିଙ୍ଗ ତସାକତାମ୍ବୁ, ଅଡ଼େ ମସା ଆମିନି ମେରା ହାହାମାନେସି ଏଦାଆଁ ଲକୁ ନକିତା ସାକି ହାନିଲେହେଁ ହେର୍‌ପାମ୍ବୁ ।”

ଜୀସୁ ର ରମିୟ କସକା ହଲେଏଣାଇଁ ନେହଁ କିନାୟି
(ଲୁକ ୭:୧-୧୦)

୫ ଜୀସୁ କପରନାହୁମ ଗାଡ଼ାତା ହାଜାଲିଏ ର ରମିୟ ପାସାକଡ଼ି କସକା ମୁହେଁ କାଜାସି ଏଞ୍ଜାଣି ତାଣା ଖାହାନା ବାଡ଼ିମାଲିହଁ ଏଲେଇଚେସି, ୬ “ଏ ପ୍ରବୁ, ନା ହଲେଏସି ଚଟାଞ୍ଜାୟାନା ହାରେକା କସ୍ତ ଆହଁ ଇଜ କାଚେଲିତା ତୁରାମାନେସି ।”

୭ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ଖାହାନା ଏଞ୍ଜାଣାଇଁ ନେହଁ କିଇଁ ।”

୮ ସାମା ପାସାକଡ଼ି କସକା ମୁହେଁ କାଜାସି ଏଲେଇଚେସି, “ଆଏ, ପ୍ରବୁ ନାନୁ ନା ଇଜ ପାଞ୍ଜୁଲି ଇଚିଦି, ଏଲେତି ଜଡ଼େ ଆଏ; ସାମା ନାନୁ ର ପଦୁ ଖେସା ପାଣ୍ଡାମ୍ବୁ, ନା ହଲେଏସି ନେହଁ ଆନେସି । ୯ ଇଚିହଁ ନାନୁ ରଅଣି ତାଣା କାମା କିନି ମାଣ୍ଡି ଆଡ଼ିହଁ ଜିକେଏ ନା ଅଦିକାରାତା ଅଡ଼େ କସକା ମାନେରି; ନାନୁ ରଅଣାଇଁ ହାଲାମ୍ବୁ ଇଚିହଁ ଏଞ୍ଜାସି ହାନେସି; ଅଡ଼େ ରଅଣାଇଁ ଖାମ୍ବୁ ଇଚିହଁ ଖାନେସି; ଅଡ଼େ ନା ହଲେଏଣାଇଁ ଇଦାଆଁ କିମ୍ବୁ ଇଚିହଁ ଏଦାଆଁ କିନେସି ।”

୧୦ ଜୀସୁ ଇ ବାରେ କାତା ଖେଞ୍ଜାନା କାବା ଆଡ଼େସି, ଅଡ଼େ ତାନି ଜେଚ ଖାହିମାଟି ଲକୁଣି ଏଲେଇଚେସି, ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଇସ୍ତାୟେଲ ବିତ୍ରା ଆମ୍ବାଆରି ତାଣା ଇଚେକା କାଜା ନାମ୍ବୁ ମେସାହିଲଅଁ । ୧୧ *ସାମା ନାନୁ ମିଙ୍ଗେ ଖେସିମାଞ୍ଜାଇଁ, ହାରେକା ଲକୁ ଖେଡ଼ା ହପୁ ଖାକିଟି ଅଡ଼େ ଖେଡ଼ା କୁଡ଼ିନି ଖାକିଟି ଖାହାନା ଅବାହାମ, ଇସାହାକ ଅଡ଼େ ଜାକୁବ ତଲେ ଲାକପୁରୁ ରାଜିତା ତିଞ୍ଜାଲି କୁରିନେରି । ୧୨ *ସାମା ରାଜିତି ମୀରକାଣି ପାଙ୍ଗାତି ଆନ୍ଦେରିତା ମେଡ଼ପି ଆନେ ଏମ୍ବାଆଁ ଏଞ୍ଜାରି ପାଲୁକା ଟୀଟି କିହଁ ତୀନେରି । ୧୩ ଅଡ଼େ ଜୀସୁ ଏ କାଜାଣାଇଁ ଏଲେଇଚେସି, ଇଜ ହାଲାମ୍ବୁ, ଏନିକିହଁ ନାମାମାଞ୍ଜି ନିଙ୍ଗେତାକି ଏଲେକିହଁ ଆଡ଼େ । ଏ ଦେବୁଣିଏ ଏ ହଲେଏସି ନେହଁ ଆଡ଼େସି ।

ଜୀସୁ ହାରେକା ଲକୁଣି ନେହଁ କିନାୟି
(ମାର୍କ ୧:୨୯-୩୪; ଲୁକ ୪:୩୮-୪୧)

୧୪ ତାୟୁ ଜୀସୁ ପିତର ଇଜ ଖାହାନା ପିତରତି ପୟା ନମେରି ତାକି କାଚେଲିତା ତୁରାମାନାଣି ମେସ୍ତେସି । ୧୫ ଏଚେଟିଏ ଜୀସୁ ତାନି କେୟୁ ତୀଗାଲିଏ ନମେରି ପିସ୍ତେ, ଅଡ଼େ ନିଙ୍ଗାନା ଏଞ୍ଜାଣି ସେବା କିହାଲି ମାଟ୍‌ହେ ।

୧୬ ମିଡ଼ଅଲା ଆହାଲିଏ ଲକୁ ହାରେକା ବୁଡୁ ଆଲ୍‌ଗାମାଟି ଲକୁଣି ଜୀସୁ ତାଣା ତାଚେରି, ଏଚେଟିଏ ଜୀସୁତି ର ବଲୁ ତାକି ବୁଡୁୟାଁ ଏଞ୍ଜାରି ତାଣାଟି ହଡ଼ାହାଡୁ, ଅଡ଼େ ହାରେକା ନମେରି ଗାଟାରାଇଁ ନେହଁ କିଚେସି । ୧୭ ଏନିକିହଁ ମାହାପୁରୁ ଅଣ୍ଡପୁତି ବଲୁ ଖେହ୍‌ନି ଜିସାୟତି କାତା ସାତା ଆନେ, “ଏଞ୍ଜାସି ତାନୁଏ ମା ନମେରି ଦୁକା ଅଡ଼େସି ଅଡ଼େ ମା ରଗତି ଡ଼େକିଚେସି ।”

ଜୀସୁ ସୀସୁୟାଁ ଆହାଲି ମନ କିନାୟି
(ଲୁକ ୯:୫୭-୬୨)

୧୮ ଜୀସୁ ତାନି ସାରିଖାକି ଲକୁଣି ମେସାନା, ସୀସୁୟାଁଇଁ ସାମ୍‌ଦୁରି ଆତାଲା ହାଜାଲି ହୁକୁମି ହୀଚେସି । ୧୯ ର ମେରା ଜାପୁନାସି ଖାହାନା ଜୀସୁଇଁ ଏଲେଇଚେସି, “ଗୁରୁ, ନାନୁ ଆମ୍ବିୟା ହାଜି, ନାନୁ ଜିକେଏ ନୀ ତଲେ ଖାକଁ ।”

୨୦ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନାକାୟାକି ଡ଼ୟିନି ପାଞ୍ଜୁୟାଁ ମାନ୍ବୁ, ହାଗୁ ଲାକ ଡ଼ୟିନି

* ୭:୨୮ ୭:୨୮ ମାର୍କ ୧:୨୨; ଲୁକ ୪:୩୨ * ୮:୧୧ ୮:୧୧ ଲୁକ ୧୩:୨୯ * ୮:୧୨ ୮:୧୨ ମାତୃ ୨୨:୧୩; ୨୫:୩୦; ଲୁକ ୧୩:୨୮

ପଟାୟାକି ବାସାଟାୟୁ ମାନେ, ସାମା ମାଣ୍ଠି ମୀରୁଏଣାକି ତାୟୁଁ ଚୁନଟହାଲି ବାସାଟାୟୁ ହିଲେଏ ।”

୨୧ ଇଞ୍ଜା ସୀସୁୟାଁ ବିତ୍ରାତି ଅଡେ ରଅସି ଜୀସୁଇଁ ଏଲେଇରେସି “ପ୍ରବୁ, ନକେଏ ହାଜାନା ନା ଆବାଇଁ ମାହୁଣିଶା ମୁସାଲି ହେଲ ହିୟାମୁ ।”

୨୨ ସାମା ଜୀସୁ ଏଞ୍ଜାଶାଇଁ ଏଲେଇରେସି, “ନା ଜେଚ ଖାମୁ, ହାଡାରାଇଁ ତାମି ହାଡି ଲକୁଣି ମୁସାଲି ପିହୁଦୁ ।”

ଜୀସୁ ଗାଲି ପିୟୁ ସାପି କିନାୟି

(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଜୀସୁ ତଂଗତା ହଚାଲିଏ ସୀସୁୟାଁ ତାନି ଜେଚ ହାଚେରି । ୨୪ ଅଡେ ମେହୁଦୁ ଦେବୁଣିଏ ସାମ୍ବୁରିତା କାଜା ଗାଲି ଆଡେ, ଇଞ୍ଜା ତଂଗ ଏୟୁତା ମୁଞ୍ଜାଲି ମାଟହେ, ସାମା ଜୀସୁ ତଂଗତା ତୁରାମାଚେସି । ୨୫ ଏମ୍ବାଟିଏ ଏଞ୍ଜାରି ତାଗେ ଖାହାଁ ନିକହାନା ଏଲେଇରେସି, “ପ୍ରବୁ, ମାଙ୍ଗ ଗେଲପାମୁ, ଆଆତ ମାମୁ ହାହିମାନମି ।”

୨୬ ଜୀସୁ ଏଞ୍ଜାରାଇଁ ଏଲେଇରେସି, “ଏ ଉଣା ନାମୁ ଗାଟାଚେରି, ଏନାଆଁତାକି ଇଚେକା ଆଜିମାଞ୍ଜେରି ?” ଏମ୍ବାଟିଏ ଜୀସୁ ନିଙ୍ଗାନା ଗାଲି ଅଡେ ଖାଡିମାଟି ସାମ୍ବୁରିତି ଦାକା ହାଚେସି, ଇଞ୍ଜା ଦେବୁଣିଏ ସାପିଆଡେ ।

୨୭ ଏମ୍ବାଟିଏ ଏଞ୍ଜାରି କାବା ଆହାଁ ଏଲେଇରେସି, “ଇଞ୍ଜାସି ଏନିଲେହେଡି ମାଣ୍ଠିସି ? ଗାଲି ଅଡେ ସାମ୍ବୁରି ଜିକେଏ ଇଞ୍ଜାଣି ହାଡା ମାନୁଞ୍ଜି ଆହିମାନେ ।”

ବୁତୁ ଆଲଗାମାଟି ରିଆରାଇଁ ଜୀସୁ ନେହୁଁ କିନାୟି

(ମାର୍କ ୫:୧-୨୦; ଲୁକ ୮:୨୬-୩୯)

୨୮ ତାୟୁ ଜୀସୁ ସାମ୍ବୁରି ଆତାଲାଞ୍ଜାକିତି ଗଦରିୟ ନାସକାଣାଁ ଏଗାହାଜାଲିଏ ରୀ ବୁତୁୟାଁ ଆଲଗା ମାଟାରି ମାଡହା ମୁହନି ଟାୟୁଟି ଖାହାନା ଜୀସୁ ବେଟାଆଡେରି, ଏଞ୍ଜାରି ଇଲେତି ଆଜିହପେତି ଲକୁ ମାଚେରି, ଏ ଜିରୁଟି ଲକୁ ରେଜାଲି ଆଡିହିଲାଆଚେରି । ୨୯ ଇଞ୍ଜା ମେହୁଦୁ ଏଞ୍ଜାରି କିରଡିହୁଁ ଏଲେଇରେସି, “ଏ ମାହାପୁରୁ ମୀରୁଏଣାତି ! ନୀ ତଲେ ନାଙ୍ଗେ ଏନାୟି ମାନେ ? ମା ବେଲା ଖାଆନେଏ ମାଙ୍ଗେ କସୁ ହିୟାଲି ଇମ୍ବାଆଁ ଖାଡିକି ?”

୩୦ ଇଞ୍ଜା ଏଞ୍ଜାରି ତାଣାଟି ହେକ ର ମାନ୍ଦା ପାଜିୟାଁ ମେୟୁଁ ମାରୁ । ୩୧ ଏ ଲକୁ ବିତ୍ରାତି ବୁତୁୟାଁ ଜୀସୁଇଁ ବାଡିମାଲିହୁଁ ଏଲେଇରୁ, “ମାଙ୍ଗେ ପେରହାଦି ଇଚିହୁଁ, ଏ ପାଜିୟାଁ ମାନ୍ଦା ବିତ୍ରା ପାଣ୍ଡାମୁ ।”

୩୨ ଜୀସୁ ଏଞ୍ଜାସିକାଣି ଏଲେଇରେସି, “ହାଜୁ ।” ବୁତୁୟାଁ ଏ ଦେବୁଣିଏ ଲକୁଇଁ ପିସାନା ପାଜିୟାଁ ମାନ୍ଦା ବିତ୍ରା ହଚୁ; ଏ ପାଜିୟାଁ ହରୁ କାଡ଼ଦିତି ଦାବଡି ହଚାନା ଦାରିତି ସାମ୍ବୁରିତା ମେଦାନା ହାହାହାଚୁ ।

୩୩ ପାଜିୟାଁ ମେଟିମାଟି ଗଡ଼କା ହଚିହୁଁ ହାଜାନା ଗାଡାତା ବାରେ କାରୁ ଇଞ୍ଜା ବୁତୁୟାଁ ଆଲଗା ମାଟାରି ଏନି ଆଡେରି ଏ ବାରେ ହାଡା ଖେସ୍ପେରି । ୩୪ ଅଡେ ନାସକାତି

ବାରେ ଲକୁ ଜୀସୁଇଁ ମେସାଲି ଖାଡେରି, ଇଞ୍ଜା ଜୀସୁଇଁ ମେସାନା ତାମି ହାଦିତି ହାଜାଲି ବାଡିମାଲିଚେରି ।



ଜୀସୁ ର ଟଟଞ୍ଜାୟିତି ଲକୁଇଁ ନେହୁଁ କିନାୟି

(ମାର୍କ ୨:୧-୧୨; ଲୁକ ୫:୧୭-୨୬)

୧ ଏମ୍ବାଟିଏ ଜୀସୁ ତଂଗତା ହଚାନା ସାମ୍ବୁରି ଗାଣ୍ଟାହାଁ ତାନୁ ବାସାଆହାମାନି ଗାଡାତା ଖାଡେସି । ୨ ଅଡେ ମେହୁଦୁ କାଚେଲିତା ତୁରାମାଟି ର ଟଟଞ୍ଜାୟିତି ଲକୁଇଁ ଡେକାନା ତାନି ତାଣା ତାଚେରି, ଇଞ୍ଜା ଏଞ୍ଜାରି ନାମୁ ମେସାନା ଜୀସୁ ଏ ଟଟ ଖାୟିତାଣାଇଁ ଏଲେଇରେସି, “ଏ ମୀରୁଏଣା, ସାସା ଆହୁମୁ ନୀ ପାପୁ ବାରେ ମେଣ୍ଟାହାଚେ ।”

୩ ଏଚେକା ମେରା ଜାପୁନାରି ଇ ହାଡା ଖେଞ୍ଜାନା ଏଞ୍ଜାରି ଖେସ୍ପି ଆଡେରି, “ଇ ମାଣ୍ଠିସି ମାହାପୁରୁଇଁ ନିନ୍ଦା କିହିମାନେସି ।”

୪ ଜୀସୁ ଏଞ୍ଜାରି ମନତି ହାଡା ପୁଞ୍ଜାନା ଏଲେଇରେସି, “ମାରୁ ମୀ ମନତା ଏନାଆଁତାକି ଇଚେକା ଲାଗେଏତି ଅଣପୁ ଅଣପିମାଞ୍ଜେରି ? ୫ ଇଚିହୁଁ ଏନାଆଁ ଇନାୟି ଉସାସା, ନୀ ପାପୁ ମେଣ୍ଟାହାଚେ, ଆଆତ ନିଙ୍ଗାନା ତାକାମୁ ? ୬ ସାମା ଦାରଡିତି ପାପୁ ମେକହାଲି ତାକି ମାଣ୍ଠିସି ମୀରୁଏଣାକି ଅଦିକାରା ମାନେ, ଇଦାଆଁ ଏନିକିଁ ପୁଞ୍ଜାଲି ଆଡିନେରି,” ଏଦାଆଁତାକି ଜୀସୁ ଟଟ ଖାୟିତାଣାଇଁ ଏଲେଇରେସି, “ନିଙ୍ଗାମୁ ନୀ କାଚେଲି ଡେକାନା ଇଜ ହାଲାମୁ ।”

୭ ଏମ୍ବାଟିଏ ଏଞ୍ଜାସି ନିଙ୍ଗାନା ତାମି ଇଜ ହାଚେସି । ୮ ଇଦାଆଁ ମେସାନା ଲକୁ ଆଜିଚେରି, ଅଡେ ଆମିନି ମାହାପୁରୁ ମାଣ୍ଠିସିୟାକି ଇଲେତି ଅଦିକାରା ହାହାମାନେସି ଇଞ୍ଜିହୁଁ ଏ ମାହାପୁରୁତି ଗାଞ୍ଜୁରମି କିଚେରି ।

ଜୀସୁ ମାତିୟୁଇଁ ହାଡିନାୟି

(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଜୀସୁ ଏମ୍ବାଟି ହାଜି ହାଜିହୁଁ ମାତିୟୁ ଦରୁଗାଟି ର ସିସୁରାହନାସି ତାନି ସିସୁରାହନି ଟାୟୁତା କୁଗାମାନାଣି ମେସାନା ହାଚାନା ଏଲେଇରେସି, “ନା ଜେଚ ଖାମୁ ।”

ଏମ୍ବାଟିଏ ମାତିୟୁ ନିଙ୍ଗାନା ତାନି ଜେଚ ହାଚେସି ।

୧୦ ଇଞ୍ଜା ଜୀସୁ ମାତିୟୁ ଇଜ ତାନି ବେଲା ଏଚେକା ସିସୁରାହନାରି ଅଡେ ପାପୁଗାଟି ଲକୁ ତାମି ସୀସୁୟାଁ ତଲେ ତିଞ୍ଜାଲି କୁଗିଚେରି । ୧୧ ପାରୁସିୟାଁ ଇଦାଆଁ ମେସାନା ସୀସୁୟାଁଇଁ ଏଲେଇରେସି, “ମୀ ଗୁରୁ ଏନାଆଁତାକି ସିସୁରାହନାରି ଅଡେ ପାପୁ ଗାଟାରି ତଲେ ତିଞ୍ଜି ମାନେସି ।”

୧୨ ସାମା ଜୀସୁ ଏଞ୍ଜାରି ହାଡା ଖେଞ୍ଜାନା ଏଲେଇରେସି, “ନେହୁଁ ଲକୁତାକି ଅସଗୁରୁ ଲଡା ହିଲେଏ, ସାମା ରଗ ଗାଟାରାକି ଲଡାମାନେ । ୧୩ ଇଦାଆଁତାକି ମାରୁ ହାଜାନା ଇଦାନି କାତା ଜାପାପୁ, ସାମା ପୂଜା ହାନାୟି ଲଡାଆଏ, ସାମା ଲକୁଣି କାର୍ମାମେହନାୟି ନେହେଁ; ଇଚିହୁଁ ନାନୁ

* ୯:୧୦ ୯:୧୦ ଲୁକ ୧୫:୧,୨ * ୯:୧୩ ୯:୧୩ ମାତି ୧୨:୭

ଦୀର୍ଘ ଗାଟାରାଇଁ ଆସି ସାମା ପାପୁ ଗାଟାରାଇଁ ହାଟାଲି
ଝାହାମାଇଁ ।”

ଉପାସା କିନାଣି ଝେନାୟି
(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ଏଚିବେଲତା ବାପ୍ତିସ୍ମ* ହାନି ଜହନତି ସୀସୁୟାଁ
ଜୀସୁଇଁ ଝାହାନା ଝେଚେରି, “ମାମୁ ଅଡ଼େ ପାରୁସିୟାଁ ଉପାସା
କିହିମାନମି, ସାମା ମୀ ସୀସୁୟାଁ ଏନାଆଁତାକି ଉପାସା କିଅରି
?”

୧୫ ଜୀସୁ ଏଝାରାଇଁ ଏଲେଇଚେସି, “ବୀହା ହନେଏସି
ଡ଼ୟିନି ପାତେକା ବୀହା ଲକୁ ଦୁକୁ ଆଅରି, ସାମା ଦିନା
ଝାନ୍ଦେ, ଏଚିବେଲା ବୀହା ହନେଣାଇଁ ଅନ୍ଦେରି, ଏଚିବେଲା
ଏଝାରି ଉପାସା କିନେରି ।”

୧୬ “ଆମ୍ବାଆସି ପୁଃଇ ହିମ୍ବରିତା ପୁଃନି ପାସକି ତାଚଅସି,
ଏନାଆଁତାକି ଇଚିହିଁ ଏ ପାସକି ପୁଃଇ ହିମ୍ବରିତି
ଗେସାଅନ୍ଦେ, ଇଞ୍ଜା ଏଦି ହାରେକା କାଜାୟି ଆହିଁ
ଗେଞ୍ଜିନେ । ୧୭ ଅଡ଼େ ଲକୁ ପୁଃନି ଅଞ୍ଜୁରି ରାସା ପୁଃଇ
ଡ଼କାତା† ଇଚଅରି; ଇଚିହିଁ ଏ ଡ଼କା ଡ଼ାୟାହାନେ ଅଞ୍ଜୁରି
ରାସା ବହାହାନେ, ସାମା ପୁଃନି ଅଞ୍ଜୁରି ରାସା ପୁଃନି ଡ଼କାତା
ଇଚିନେରି, ଆତିହିଁ ଅଞ୍ଜୁରି ରାସା ଅଡ଼େ ଡ଼କା ନେହିଁ
ଡ଼ୟିନେ ।”

ର କାଜାଣି ମାଞ୍ଜା ଅଡ଼େ ର ଇୟା ଜୀସୁ ହିମ୍ବରି କୁଞ୍ଜୁ
ଡ଼ାଗାନା ନେହିଁ ଆନାୟି

(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଏଚିବେଲା ଇ ବାରେ କାତା ଜୀସୁ ଏଝାରାଇଁ
ଝେସିମାଟି ବେଲତା ର ଜୀହୁଦି କାଜାପାଣା ଗାଟାସି ତାଗେ
ଝାହାନା ମେଣ୍ଡାକୁତାନା ଜହରା କିହାଁ ଏଲେଇଚେସି, “ନା
ମାଞ୍ଜା ନୀଏଁ ହାହାହାରେ, ସାମା ନୀନୁ ଝାହାନା ତାନି ଲକ
କେୟୁ ଇଚିତିହିଁ ଏଦି ନୀତିନେ ।”

୧୯ ଏମ୍ବାଟିଏ ଜୀସୁ ନିଞ୍ଜାନା ତାନି ସୀସୁୟାଁ ତଲେ ଏଝାଣି
ଜେଚ ହାଚେରି ।

୨୦ ଅଡ଼େ ମେହଦୁ ବାର ବାର୍ସା ପାତେକା ନେତେରି
ଝାଞ୍ଜିନି ରଗାଟା ର ଇୟା ତାୟୁଝାକିଟି ଝାହାନା ଜୀସୁତି
ହିମ୍ବରି କୁଞ୍ଜୁ ଡ଼ାଗିତେ । ୨୧ ଇଚିହିଁ ଏ ଇୟା ମନତା
ଅଣ୍ଡିମାରେ, “ଝାରଇ ତାନି ହିମ୍ବରି ଡ଼ାଗିତିହିଁ ନୀନୁ
ନେହିଁ ଆଇଁ ।”

୨୨ ସାମା ଜୀସୁ ଝେଣ୍ଡେ ତାୟୁଝାକି ସିନିକିହାନା
ଏଲେଇଚେସି, “ମାଞ୍ଜା ସାସା ଆହମ୍, ନୀ ନାମୁ ନିଞ୍ଜେ
ନେହିଁ କିହାମାଞ୍ଜାନେ” ଏ ଦେବୁଣିଏ ଏ ଇୟା ନେହିଁ
ଆଡ଼େ ।

୨୩ ତାୟୁ ଜୀସୁ ଏ କାଜାପାଣା ଗାଟାରି ଇଜ ହାଚେସି,
ଏମ୍ବାଆଁ ପାରୁଡ଼ି ଉକିନାରାଇଁ ଅଡ଼େ ଡ଼ାହିଁ କାଲୁଝି
ଆହିମାଟି ଲକୁଣି ମେସାନା ଏଲେଇଚେସି, ୨୪ ବାରେ
ଇମ୍ବାଟି ପାଞ୍ଜାତା ହାଜୁ, ପଡ଼ା ହାହାହିଲେଏ, ସାମା

ଡ଼ୁରାମାନେ, ଏଚେଟିଏ ତାନି ହାଡ଼ା ଝେଞ୍ଜାନା ଏଝାରି
କାକ୍‌ହେରି । ୨୫ ସାମା ବାରେ ଲକୁ ପାଞ୍ଜାତା ହାଜାଲିଏ,
ଜୀସୁ ଇଜ ବିତ୍ରା ହାଜାନା ପଡ଼ାନି କେୟୁ ଆସାନା ନିକ୍‌ହେସି
ଅଡ଼େ ଏ ଦେବୁଣିଏ ନିଞ୍ଜିତେ । ୨୬ ଇଞ୍ଜା ଇ କାରୁ ଏ ଦେସାତି
ସାରିଝାକି ଝେଞ୍ଜିତେ ।

ଜୀସୁ ରିଆରି କାଣାୟାଁଇଁ ନେହିଁ କିନାୟି

୨୭ ଜୀସୁ ଏମ୍ବାଟି ହାଜିମାଟି ବେଲତା ରିଆରି କାଣାୟାଁ
କାଜା ଗିୟାତଲେ ହାଟିହିଁ ଏଲେଇଚେରି, “ଏ ଦାଝୁଦ
ମୀରୁଏଣାତି ମାଞ୍ଜା କାର୍ମା ମେସ୍ତାମୁ ।”

୨୮ ଇଞ୍ଜା ଜୀସୁ ଇଲୁ ବିତ୍ରା ହଡ଼ାଲିଏ ଏ କାଣାୟାଁ
ଜିକେଏ ଏଝାଣି ତାଗେ ଝାଡ଼େରି, ଇଞ୍ଜା ଜୀସୁ ଏଝାରାଇଁ
ଏଲେଇଚେସି, ମାଞ୍ଜେ ନେହିଁ କିହାଲି ଆଡ଼ାନେସି ଇଞ୍ଜି
ମୀରୁ ନାମିମାଞ୍ଜେରି ?

ଏଝାରି ଏଲେଇଚେରି “ହାଅ ପ୍ରବୁ ।”

୨୯ ଏଚେଟିଏ ଜୀସୁ ଏଝାରି କାଣକା ଡ଼ାଗାନା
ଏଲେଇଚେସି, “ମୀ ନାମିନି ଲେହେଁ ମିଞ୍ଜେତାକି ଆଡ଼େ
।” ୩୦ ଏଚେଟିଏ ଏଝାରି ମେସାଲି ଆଡ଼ିତେରି, ଅଡ଼େ ଜୀସୁ
ଏଝାରାଇଁ ଜାଣ୍ଡେ ହୁକୁମି ହାହାନା ଏଲେଇଚେସି, “ହେଣ୍ଡୁ
ଇ ହାଡ଼ା ଆମ୍ବାଆରି ଜିକେଏ ପୁନଅରି ।”

୩୧ ସାମା ଏଝାରି ପାଞ୍ଜାତା ହାଜାନା ଜୀସୁତି ହାଡ଼ା
ଦେସାତି ସାରିଝାକି ଝେସ୍ତେରି ।

ଜୀସୁ ର ଗୁଲାଇଁ ଜଲି କିତେସି

୩୨ ଏଝାରି ହଡ଼ା ହାଜିମାଟାଟି ଲକୁ ର ଜଲାଇଁ
ଆଡ଼ାଆଗାଟି ବୁଡୁ ଆଲଗା ମାଚାଣାଇଁ ଜୀସୁ ନକିତା
ତାଚେରି । ୩୩ ଜୀସୁ ବୁଡୁଇଁ ପେରହା ପାଣ୍ଡିତି ଦେବୁଣିଏ
ଏଝାସି ଜଲାଇଁ ଆଡ଼ିତେସି, ଏଚେଟିଏ ଲକୁ କାବାଆହାନା
ଏଲେଇଚେରି, “ଇସ୍ତାୟେଲ ଦେସାତା ମାମୁ ଇଲେତି
କାବାଆନି କାମା ଏଚେଲା ମେସାହିଲୀଆତମି ।”

୩୪ ✨ଏଚିବେଲା ପାରୁସିୟାଁ ଝେଚେରି, ଏଝାରି
ଏଲେଇଚେରି, “ଇଝାସି ବୁଡୁୟାଁ ପିସ୍‌ପି କିହିମାନେସି”
ଏନାଆଁତାକି ଇଚିହିଁ ଏଝାସିକାଣି ସାଲୁଝି କିହିମାନି
ବାଲୁପେନୁ ଏଝାଣାକି ବାଡ଼ୁୟୁ ହାହିମାନେ ଲାକା
ଆଡ଼ିମାନେସି । ୩୫ ✨ଏମ୍ବାଟିଏ ଜୀସୁ ଏଝାରି ଜୀହୁଦି ଲକୁତି
କୁଚମି ଇଲକାଣା‡ ଜାପୁହିହିଁ ମାହାପୁରୁ ରାଜିତି ନେହିଁ
କାରୁ ଝେସିହିଁ ବାରେଲେହେଁତି ରଡ଼ା ନମେରି ଦୁକାଟି
ନେହିଁ କିହିହିଁ, ବାରେ ଗାଡ଼ାୟାଁ ଇଞ୍ଜା ନାସ୍‌କାଣାଁ
ରେଜାଲି ମାଟ୍‌ହେସି ।

ଲକୁତାକି ଜୀସୁତି କାର୍ମା

୩୬ ✨ଅଡ଼େ ବାରେ ଲକୁଣି ମେସାନା ଏଝାସି କାର୍ମା
ଆଡ଼େସି, ଇଚିହିଁ ଏଝାରି ଗଡ଼ ହିଲୀଆ ମେଣ୍ଡାୟାଁ ଲେହେଁ
କାକୁଲିଟି ଇତାଲା ଆତାଲା ଆହିମାଚେରି । ୩୭ ✨ଏଚିବେଲା
ଜୀସୁ ତାନି ସୀସୁୟାଁଇଁ ଏଲେଇଚେସି, “ପାଟି ହାଡ଼େକା

* ୯:୧୪ ୯:୧୪ ମୁଞ୍ଜିନାୟି † ୯:୧୭ ୯:୧୭ ତଲୁ ତଲେ କେପିତି ଅଞ୍ଜୁରି ରାସା ଇଚିନି ବାସ୍ତା ତୁପୁ ✨ ୯:୩୪ ୯:୩୪ ମାତି ୧୦:୨୫; ୧୨:୨୪; ମାର୍କ ୩:୨୨;
ଲୁକ ୧୧:୧୫ ✨ ୯:୩୫ ୯:୩୫ ମାତି ୪:୨୩; ମାର୍କ ୧:୩୯; ଲୁକ ୪:୪୪ ‡ ୯:୩୫ ୯:୩୫ ସିନଗର୍ ✨ ୯:୩୬ ୯:୩୬ ମାର୍କ ୬:୩୪ ✨ ୯:୩୭ ୯:୩୭ ଲୁକ
୧୦:୨

ସାମା ଦାଃଆନାରି ଉଣା ଜାଣା । ୩୮ ଏଦାଆଁତାକି ପାଟି ଜାଟାଲି, ଲକ୍ଷୁଣି ପାଣ୍ଡାଲିତାକି ଗୁଡିୟାତି ସାଞ୍ଜୁକାରିଇଁ ବାଡିମାଲ୍ଲାଦୁ ।”

୧୦

ବାରଜାଣା ସାସୁୟାଁ

(ମାର୍କ ୩:୧୩-୧୯; ଲୁକ ୬:୧୨-୧୬)

୧ ଏମ୍ବାଟିଏ ଜୀସୁ ତାନି ବାରଜାଣା ସାସୁୟାଁଇଁ ତାଗେ ହାଟାନା ବୁଡୁୟାଁ ପିସ୍ପି କିହାଲି, ଇଞ୍ଜା ବାରେ ରଗ କସ୍ତଟି ନେହଁ କିହାଲି ଏଞ୍ଜାରାକି ଅଦିକାରା ହାତେସି । ୨ ଏ ବାରଜାଣା ପାଣ୍ଡୁଆଡି ସାସୁୟାଁ ଦରକା ଆତୁ, ସିମନ, ଆମ୍ବାଆରାଇଁ ପିତର ଇନେରି, ଅଡେ ତାନି ତାୟି ଆହିୟ, ଜେବଦି ମୀରଏସି ଜାକୁବ ଅଡେ ତାନି ତାୟି ଜହନ, ୩ ପିଲିପ ଅଡେ ବାର୍ତଲମି, ତମା ଅଡେ ସିସୁ ରୁାହନି ମାତିହୁ, ଆଲେପି ମୀରଏସି ଜାକୁବ ଅଡେ ତଦିୟ, ୪ ଦେସାତି ଜୀଞ୍ଜୁ ନନି ସିମନ ଅଡେ ଇସ୍ତାରିୟତ ଜୀହୁଦା ଆମ୍ବାଆସି ଜୀସୁଇଁ ସାତୁ କେୟୁତା ହେରପିତେସି ।

ବାରଜାଣା ସାସୁୟାଁଇଁ ପାଣ୍ଡିନାୟି

(ମାର୍କ ୬:୭-୧୩; ଲୁକ ୯:୧-୬)

୫ ଜୀସୁ ଇ ବାରଜାଣାତି ପାଣ୍ଡାନା ହୁକୁମି ହାହାଁ ଏଲେଇତେସି, ମୀରୁ ଜୀହୁଦିଆଆଡି ଲକ୍ଷୁତାଣା ହାଲାଆଦୁ, ଅଡେ ଆମିନି ସମିରଣି ନାସ୍କାଣାଁ ହଡୁଆଦୁ, ୬ ସାମା ଜାଙ୍ଗାମାନି ମେଣ୍ଡାୟାଁ ଇତିହଁ ଇସ୍ତାୟେଲ ଲକ୍ଷୁତାଣା ହାଜୁ । ୭ ଏଞ୍ଜାରିତାଣା ହାଜୁ ଅଡେ ଝେକଦୁ ଲାକପୁରୁ ରାଜି ଏଗାଞ୍ଜାହିମାନେ । ୮ ଅଡେ ନମେରି ଗାଟାରାଇଁ ନେହଁ କିଦୁ, ହାଡାରାଇଁ ନିକ୍ଦୁ, କାଜା ରଗ ଗାଟାରାଇଁ ନେହଁ କିଦୁ, ବୁଡୁୟାଁଇଁ ପେରୁ । ମୀରୁ ଉଜେଏ ବେଟା ଆହାମାଞ୍ଜେରି ଏଦାଆଁ ଉଜେଏ ହାଦୁ । ୯ ମୀ ତଲେ ବାଂଗାରା ଝେଣ୍ଡି କି ଅଟଡିତା ଟାକାୟାଁ ଅଆଦୁ, ୧୦ ଅଡେ ହାନାଟି ଲେଟା କଡିନି ମଣା, ରୀ ଜଡୁ ସୁକାୟାଁ କି ସେପୁୟାଁ କି କୁତା ବାଡୁଗା ଜିକେଏ ପାରାଆଦୁ, କାମାକିନାସି ତାନି ରାନ୍ଦା ବେଟା ଆନେସି ।

୧୧ ଅଡେ ମୀରୁ ଆମିନି ନାୟୁଁତା କି ଗାଡାତା ହାଜେରି ଏମ୍ବାଆଁ ନେହାଁଣାଇଁ ପାରାଦୁ, ଅଡେ ଏମ୍ବାଟି ଝେଣ୍ଡାହାନି ପାତେକା ଏଞ୍ଜାଣି ଇଜ ଡୟାଦୁ । ୧୨ ଅଡେ ଇଜ ହଡନାଟି ଏଞ୍ଜାରାଇଁ ହିଡଡି ଜୀଞ୍ଜୁ ମିଙ୍ଗେ ଆୟାପେ ଇଞ୍ଜୁ; ୧୩ ଏଞ୍ଜାରି ଇଜତାରି ନେହାଁରି ଇତିହଁ ଏଞ୍ଜାରିତଲେ ମୀ ହିଡଡି ଡୟାପେ, ସାମା ଏଞ୍ଜାରି ନେହାଁରି ଆଆଡୁଁ ମୀ ହିଡଡି ମିଙ୍ଗେ ଝେଣ୍ଡା ଝାପେ । ୧୪ ଅଡେ ଆମିନି ଇଲୁତାକି ନାସ୍କାଣାଁ ମିଙ୍ଗ ଲକ୍ଷୁ ଅପଅରି, ମୀ କାତାତି ଝେନଅରି, ଏ ଇଲୁଟି କି ଏ ଗାଡାଟି ହଡାଞ୍ଜାନାଟି ମୀ କଡାତି ଦୁଡି

ହାଣ୍ଡା କଡାନା ଏ ଟାୟୁ ପିହଦୁ । ୧୫ ✨ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମାହାପୁରୁତି ନାହାଁୟି ଦିନାତା ଏ ଗାଡାତି ଡଣ୍ଡ କିହାଁ ସଦମ ଅଡେ ଗମରା ଦେସାତି ଡଣ୍ଡ ଉଣା କିଞ୍ଜିଆନେ ।

ଞ୍ଜାହିମାନି କସ୍ତ ଅଡେ ନିନ୍ଦା

(ମାର୍କ ୧୩:୯-୧୩; ଲୁକ ୨୧:୧୨-୧୬)

୧୬ ✨ହେଣ୍ଡୁ ମେଣ୍ଡାୟାଁଣି କ୍ଷୁଃନିୟାଁ ବିତ୍ରା ପାଣ୍ଡିନିଲେହେଁ ନାନୁ ମିଙ୍ଗେ ପାଣ୍ଡିମାଞ୍ଜାଇଁ, ଏଦାଆଁତାକି ମୀରୁ ରାତୁ ଲେହେଁ ବୁଦି ଗାଟାତେରି, ଅଡେ ପାର୍ଞା ପଟାଲେହେଁ କପା ହିଲାଆ ଗାଟାତେରି ଆଦୁ । ୧୭ ✨ସାମା ମାଣ୍ଡିୟାଁ ତାଣାଟି ଜାଗ୍ରାତା ଆହାନା ଡୟାଦୁ, ଏଦାଆଁତାକି ଇତିହଁ ଏଞ୍ଜାରି ମିଙ୍ଗେ ଆସାନା ନାହାଁୟି କିନି ତାଣା ହେରପାନେରି, ଇଞ୍ଜା ଜୀହୁଦି ଲକ୍ଷୁତି କୁଟମି ଇଲ୍ଲକାଣା* ଏଞ୍ଜାରି ମିଙ୍ଗେ ସାଟୁଣି ତଲେ ଝେତାନେରି, ୧୮ ଅଡେ ମୀରୁ ନା ତାକି ରାଜା ଅଡେ ସାଲ୍ଲଞ୍ଜି କିନି ଲକ୍ଷୁତାଣା ଅହାନା ନାହାଁୟି କିଞ୍ଜିଆଦେରି; ଏଦି ଏଞ୍ଜାରାକି ଅଡେ ଜୀହୁଦିଆଆଡି ଲକ୍ଷୁକି ମାହାପୁରୁତି ନେହଁ କାବୁ ଝେସାଲି ସାକି ଆନେ । ୧୯ ସାମା ଏତିବେଲା ଏଞ୍ଜାରି ମିଙ୍ଗେ ହେରପାନେରି, ମୀରୁ ନାହାଁୟି ଆନିବେଲା ଏଦାଆଁ ଜଲିଦେରି ଅଡେ ଏନିକିଁ ଜଲିଦେରି, ଏ କାତା ଅଟପାଆଦୁ, ଇତିହଁ ମୀରୁ ଏଦାଆଁ ଜଲିଦେରି ଏ ବେଲାତେଏ ମିଙ୍ଗେ ଝେସାନେସି । ୨୦ । ଇତିହଁ ମୀରୁ ଜଲିନାତେରି ଆଏ, ଆବା ମାହାପୁରୁତି ସୁଦୁଜୀଞ୍ଜୁ ମୀ ଗୁଡି ହାହାନା ହାଡା ଜଲିନେ, ଏଦି ଜଲିନାୟି ।

୨୧ ✨ତାୟି ତାୟିଇଁ ଆବା ମୀରଏଣାଇଁ ପାୟାଲି ହେରପିନେସି, ମାସ୍କା, ମୀରକା ଏଞ୍ଜାରି ତାନି ଇୟା ଆବା କପାଟି ହଡାନା, ଏଞ୍ଜାରାଇଁ ପାୟିନେରି । ୨୨ ✨ଅଡେ ନା ଦରୁ ତାକି ମୀରୁ ବାରେତାଣା ଅପାଆ ଗାଟାତେରି ଆଦେରି, ସାମା ଆମ୍ବାଆସି ରାଜି ପାତେକା ସାସା ତଲେ ମାନେସି ଏଞ୍ଜାସି ଗେଲପି ଆନେସି । ୨୩ ସାମା ଏଞ୍ଜାରି ଏତିବେଲା ର ଗାଡାତା ମିଙ୍ଗେ ନିନ୍ଦା କିୟାନେରି, ଏତିବେଲା ଏଟକା ଗାଡାତା ହାଜୁ, ଇତିହଁ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମୀରୁ ଇସ୍ତାୟେଲତି ବାରେ ଗାଡାୟାଁତା କାମା ରାପୁଆ ନକେଏ ମାଣ୍ଡିସି ମୀରଏସି ଞ୍ଜାନେସି ।

୨୪ ✨“ସାସୁ ତାନି ଗୁରୁ କିହାଁ ହଲେଏସି ସାଞ୍ଜୁକାରି କିହାଁ କାଜାସି ଆଏ । ୨୫ ✨ସାସୁ ତାନି ଗୁରୁ ଅଡେ ହଲେଏସି ତାନି ସାଞ୍ଜୁକାରି ଲେହେଁ ଆତିହଁ ଏଞ୍ଜାରାକି ସମାନା ଆନେ, ଏଞ୍ଜାରି ଇଲୁତି ସାଞ୍ଜୁକାରିଇଁ ବାଲ୍ଲଜିବୁଲ୍ଲ ଇନେରି ଇତିହଁ ଏଞ୍ଜାଣି ଇଲୁତି ଲକ୍ଷୁବାକାଆଁ ହାରେକା ପଲ୍ଲଆ କାତା ଜଲିନେରି !”

ଆମ୍ବାଆରାଇଁ ଆଜିନାୟି ?

(ଲୁକ ୧୨:୨-୭)

✨ ୧୦:୧୦ ୧୦:୧୦ ୧କର ୯:୧୪; ୧ଡିମ ୫:୧୮ ✨ ୧୦:୧୪ ୧୦:୧୪ କାମା ୧୩:୫୧ ✨ ୧୦:୧୫ ୧୦:୧୫ ମାତି ୧୧:୨୪ ✨ ୧୦:୧୫ ୧୦:୧୫ ଲୁକ ୧୦:୪-୧୨ ✨ ୧୦:୧୬ ୧୦:୧୬ ଲୁକ ୧୦:୩ ✨ ୧୦:୧୭ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧,୧୨; ୨୧:୧୨-୧୫ ✨ ୧୦:୧୭ ୧୦:୧୭ସିନଗର ✨ ୧୦:୨୧ ୧୦:୨୧ ମାର୍କ ୧୩:୧୨; ଲୁକ ୨୧:୧୬ ✨ ୧୦:୨୨ ୧୦:୨୨ ମାତି ୨୪:୯; ମାର୍କ ୧୩:୧୩; ଲୁକ ୨୧:୧୭; ମାତି ୨୪:୧୩; ମାର୍କ ୧୩:୧୩ ✨ ୧୦:୨୪ ୧୦:୨୪ ଲୁକ ୬:୪୦; ଜହ ୧୩:୧୬; ୧୫:୨୦ ✨ ୧୦:୨୫ ୧୦:୨୫ ମାତି ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫ ✨ ୧୦:୨୬ ୧୦:୨୬ ମାର୍କ ୪:୨୨; ଲୁକ ୮:୧୭

୨୭ ☆“ଏଦାଆଁତାକି ଲକୁଇଁ ଆଜାଆଦୁ; ଇଚିହଁ ଡଗ୍ଗାମାନାୟି ଏନାୟିଝା ର ଦିନା ତଞ୍ଜାଆନେ, ଏଲେକଁ ତଞ୍ଜାଆଆନା ଡଗ୍ଗାମାନାୟି ଏନାୟିଝା ହିଲେଏ, ଇଞ୍ଜା ପୁଣ୍ଡି କିଞ୍ଚିଆଆଗାଟାୟି ଇଲେକଁ ଏନାୟି ଡଗ୍ଗା ହିଲେଏ । ୨୭ ନାନୁ ମିଙ୍ଗ ଏନାଆଁ ଆନ୍ଦେରିତା ଝେସ୍ତାଇଁ ଏଦାଆଁ ଉଜେଡ଼ିତା ଝେହ୍ଦୁ, ଅଡ଼େ ଏନାଆଁ ଡଗ୍ଗାନା ଝେଞ୍ଜେରି ଏଦାଆଁ ଇଲୁ ତୁଡ଼ିୟା ଲାକ ହଚାନା ଝେହ୍ଦୁ । ୨୮ ଅଡ଼େ ଆମ୍ବାଆରି ଝାରଇ ଆଙ୍ଗାତି ପାୟିନେରି, ସାମା ଜୀଝୁତି ପାୟାଲି ଆଡ଼ଅରି, ଏଝାରାଇଁ ଆଜାଆଦୁ; ସାମା ଆମ୍ବାଆସି ମୀ ଜୀଝୁ ଅଡ଼େ ଆଙ୍ଗା ବାରେତି ନକିତା ନାସା କିହାଲି ଆଡ଼ିମାନେସି ଏଝାଣାଇଁ ଆଜାଦୁ । ୨୯ ରୀ ଜେତା ପଗାୟାଁ ର କାନି ତାକି ପାରପି ଆଡ଼ କି ? ଅଡ଼େ ମୀ ଲାକପୁରୁତି ଆବା ହେଲ ହାଆତି ଏଝାସିକା ବିତ୍ରାଟି ରଣ୍ଡି ଜିକେଏ ଡ଼ଇ ତରଗେଏ । ୩୦ ସାମା ମୀ ତାୟାଁ ତୁ ବାରେ ବାଣାୟାଁ ଜିକେଏ ଏଜିକିଞ୍ଚି ଆହାମାନୁ । ୩୧ ଏଦାଆଁତାକି ଆଜାଆଦୁ, ମୀରୁ ହାରେକା ଜେତା ପଗାୟାଁ ତାଣାଟି ମୀ ଦାରା ହାରେକା ।”

ଲକୁ ନକିତା ଜୀସୁଇଁ ଝେକ୍ନାୟି
(ଲୁକ ୧୨:୫୧-୫୩; ୧୪:୨୭-୨୭)

୩୨ “ଅଡ଼େ ଆମ୍ବାଆସି ଲକୁ ନକିତା ନାଙ୍ଗେ ଆବାନେସି, ଇଞ୍ଜା ନାନୁ ଜିକେଏ ନା ଲାକପୁରୁତି ଆବା ନକିତା ଆବିଇଁ । ୩୩ ☆ସାମା ଆମ୍ବାଆସି ଲକୁ ନକିତା ନାଙ୍ଗେ ଆବଅସି, ନାନୁ ଜିକେଏ ନା ଲାକପୁରୁତି ଆବା ନକିତା ଆବଅଁ ।”

ହିଡ଼ଡ଼ି ପିସ୍ପେ କାଣ୍ଡା
(ଲୁକ ୧୨:୫୧-୫୩; ୧୪:୨୭-୨୭)

୩୪ “ନାନୁ ଦାରତିତା ହିଡ଼ଡ଼ି ହାହାଲି ଝାହାମାଇଁ ଇଞ୍ଜାଁ ମନ କିଆଦୁ; ହିଡ଼ଡ଼ି ହାହାଲି ଝାଆନା, କାଣ୍ଡା ହାହାଲି ଝାହାମାଇଁ । ୩୫ ଇଚିହଁ ନାନୁ ଆବା କପାଟି ମୀରଏଣାଇଁ, ଅଡ଼େ ଇୟାନି କପାଟି ମାଙ୍ଗା ଇଞ୍ଜାଁ ପୟାନି କପାଟି କୁଡ଼ିୟାନି ଗଡ଼ହା କିହାଲି ଝାହାମାଇଁ । ୩୬ ଅଡ଼େ ମାଣ୍ଡିତି ତାମି ଇଲୁତି ଲକୁଏ ବାରେକାଣା ତାନି ସାତୁ ଆନେରି ।”

୩୭ “ଆମ୍ବାଆସି ଆବା କି ଇୟାନି ନା କିହାଁ ହାରେକା ଜୀଝୁ ନନେସି, ଏଝାସି ନା ସୀସୁ ଆୟାଲି ପାଡ଼ାଆଅସି, ଅଡ଼େ ଆମ୍ବାଆସି ନିଜେତି ମାଙ୍ଗା କି ମୀରଏଣାଇଁ ହାରେକା ଜୀଝୁ ନନେସି ଏଝାସି ନା ସୀସୁ ଆୟାଲି ପାଡ଼ାଆଅସି । ୩୮ ☆ଆମ୍ବାଆସି ନିଜେତି କୁସ ଡ଼େକାନା ନା ଡ଼େଚ ଝାଅସି, ଏଝାସି ନା ସୀସୁ ଆୟାଲି ପାଡ଼ାଆଅସି । ୩୯ ☆ଆମ୍ବାଆସି ନିଜେତି ଜୀଝୁ ନୀଟହା କଡ଼ିନେସି ଏଝାସି ହାନ୍ଦେସି, ଅଡ଼େ ଆମ୍ବାଆସି ନା ତାକି ନିଜେତି ଜୀଝୁ ହୀନେସି, ଏଝାସି ନୀଡ଼ିନେସି ।”

ଦାନା ପାଣ୍ଡାନାୟି
(ମାର୍କ ୯:୪୧)

☆ ୧୦:୩୩ ୧୦:୩୩ ୨ତିମ ୨:୧୨ ☆ ୧୦:୩୮ ୧୦:୩୮ ମାତି ୧୭:୨୪; ମାର୍କ ୮:୩୪; ଲୁକ ୯:୨୩ ☆ ୧୦:୩୯ ୧୦:୩୯ ମାତି ୧୭:୨୪; ମାର୍କ ୮:୩୪; ଲୁକ ୯:୨୪; ୧୭:୩୩; ଜହ ୧୨:୨୫ ☆ ୧୦:୪୦ ୧୦:୪୦ ଲୁକ ୧୦:୧୭; ଜହ ୧୩:୨୦; ମାର୍କ ୯:୩୭; ଲୁକ ୯:୪୮ * ୧୧:୨ ୧୧:୨ ମୁଞ୍ଜିନାୟି

୪୦ ☆“ଆମ୍ବାଆସି ମିଙ୍ଗେ ଆବାନେସି, ଏଝାସି ନାଙ୍ଗେ ଆବାନେସି; ଆମ୍ବାଆସି ନାଙ୍ଗେ ଆବାନେସି, ଏଝାସି ନାଙ୍ଗେ ପାଣ୍ଡାତାଣାଇଁ ଆବିନେସି । ୪୧ ଆମ୍ବାଆସି ମାହାପୁରୁ ଅଣ୍ଡପୁତି ବଲୁ ଝେହ୍ନାରାଇଁ, ମାହାପୁରୁ ବଲୁ ଝେହ୍ନାରି ଇଞ୍ଜାଁ ଆବିନେସି, ଏଝାସି ଏ ବଲୁ ଝେହ୍ନାରି ଦାନା ବେଟା ଆନେସି, ଅଡ଼େ ଆମ୍ବାଆସି କି ତୀରିଗାଟାରାଇଁ, ତୀରିଗାଟାସି ଇଞ୍ଜାଁ ଆବିନେସି ଏଝାସି ତୀରିଗାଟାରି ଦାନା ବେଟା ଆନେସି । ୪୨ ଅଡ଼େ ଆମ୍ବାଆସି ନା ସୀସୁୟାଁ ବିତ୍ରାଟି ରଅଣାଇଁ ନା ସୀସୁ ଇଞ୍ଜାଁ ଗିନାତା ଏଲୁ ଗସାଲି ହୀନେସି, ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଝାସି ତାନି ଦାନାତି ଜାକ୍ଅସି ।”

୧୧

ଜହନତି କାତୁ ହୀନାରି
(ଲୁକ ୭:୧୮-୩୫)

୧ ଜୀସୁ ତାନି ବାରେକାଣା ସୀସୁୟାଁଇଁ ଇ ବାରେ ହେଲ ହାତି ଡାୟୁ ଗାଲିଲି ଦାରିତା ମାନି ନାସ୍‌କାଣାଁ ହାଜାନା ମାହାପୁରୁତି ହାଡ଼ା ଜାପୁହିହଁ ଝେସିହଁ ଏ ଟାୟୁଟି ହାରେସି । ୨ ଏଚିବେଲା ବାପ୍ତିସ୍ତାଁ ହୀନି ଜହନ କାୟିଦିତା ମାଞ୍ଜାନା କ୍ରୀସ୍ତୁତି କାମା କିହିମାନାଣି ଝେଞ୍ଜାନା ଏ ବାରେ ପୁଞ୍ଜାଲି ତାନି ସୀସୁୟାଁଣି ଜୀସୁ ତାଣା ପାଣ୍ଡିତେସି । ୩ ଏଝାରି ହାଜାନା ଜୀସୁଇଁ ଝେଚେରି, “ଆମିନି ଲକୁ ଝାନ୍ଦେସି ଇଞ୍ଜାଁ ଜହନ ଝେସାମାରେସି, ନାନୁ କି ଏଝାତି ? କି ଅଡ଼େ, ଆମ୍ବାଆରି ତାକି କାଚାନା ଡ଼ୟିନମି ?”

୪ ଜୀସୁ ଏଝାରାଇଁ ଏଲେଇଚେସି, “ମୀରୁ ଝେଣ୍ଡା ହାଜାନା ଏନାଆଁ ଝେଞ୍ଜାମାଞ୍ଜେରି ଅଡ଼େ ମେସିମାଞ୍ଜେରି, ଜହନଇଁ ଝେହ୍ଦୁ । ୫ କାଣାୟାଁ ମେସିମାନେରି, ସଗାୟାଁ ତାକି ମାନେରି, କାଜା ରଗା ଗାଟାରି ନେହଁ ଆହିମାନେରି, ବେରାୟାଁ ଝେଞ୍ଜିମାନେରି, ହାଡ଼ାରି ନିଙ୍ଗିମାନେରି ଅଡ଼େ କାଙ୍ଗାଲା ଗାଟାରି ନେହଁ କାତୁ ଝେଞ୍ଜିମାନେରି; ୬ ନା ତାଣା ଆମ୍ବାଆରି ଆନାମାନା ଆଅରି ଏଝାରି ନେହେଁ ।”

୭ ଜହନତି ସୀସୁୟାଁ ଝେଣ୍ଡାହାଜିମାଟି ବେଲା ଜୀସୁ ଲକୁଇଁ ଜହନତି କାତା ଏଲେଇଚେସି, “ମୀରୁ ଲକୁ ହିଲାଆ ରାଜିତା ଏନାଆଁ ମେସାଲି ହାଜାମାଚେରି ? ଗାଲିତା ଦାଙ୍ଗିନି ତାଣ୍ଡି ଆକୁ ? ୮ ଏଦାଆଁ ଆଆତିହଁ ଏନାଆଁ ମେସାଲି ହାଜାମାଚେରି ? ନେହଁ ଅଜିତି ପାଡ଼ାଡ଼ା ହିମ୍ବୁରି ହୁଟାମାନି ର ଲକୁଇଁ ? ମେହ୍ଦୁ ଅଜିତି ହିମ୍ବୁରି ହୁଟିତି ଲକୁ ରାଜା ଗାଡ଼ାତା ଡ଼ୟିନେରି । ୯ ଏଦାଆଁ ଆଆତଁ ଏନାଆଁ ମେସାଲି ହାଜାମାଚେରି ? ଏନାଆଁ ର ମାହାପୁରୁ ଅଣ୍ଡପୁତି ବଲୁ ଝେହ୍ନାଣାଇଁ ? ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମାହାପୁରୁ ଅଣ୍ଡପୁତି ବଲୁ ଝେହ୍ନାରି କିହାଁ ହାରେକା କାଜାଣାଇଁ; ୧୦ ଇଚିହଁ ଏ ଜହନତି କାତା ରାସ୍‌କି ଆହାମାନେ, ମାହାପୁରୁ ଏଲେଇଞ୍ଜି ମାନେସି, ନା ତାକି ଜିରୁ କେପାଲି ନାନୁ ନବେଏ ନା ଦୁଡ଼ଇଁ ପାଣ୍ଡାଇଁ,

ଏଞ୍ଜେଲ୍‌ସ୍ ଇ ମାଣ୍ଡା । ୧୧ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ନୀଞ୍ଜୁ ପାତେକା ଇ ଦାରତିତା ଏଚେକା ଜାର୍ନା ଆହାମାନେରି, ଏ ବାରେଜାଣା କିହାଁ ବାପ୍ତିସ୍ମାଁ ହାନି ଜହନ କାଜାସି; ଆଡିଜିକେଏ ଲାକପୁରୁ ରାଜିତା ଆମ୍ବାଆସି ବାରେକିହାଁ ଉଣା, ଏଞ୍ଜେଲ୍‌ସ୍ ଜହନ କିହାଁ କାଜାସି । ୧୨ *ବାପ୍ତିସ୍ମାଁ ହାନି ଜହନତି କାତା ଝେହ୍ନି ଦିନାଟିଏ ନୀଞ୍ଜୁପାତେକା ଲାକପୁରୁ ରାଜି ବାଡୁୟୁ ତଲେ ପାଡାଆହିମାନେ; ଇଞ୍ଜା ବାଡୁୟୁଟି ଆସାମାନାରି ଏଦାଆଁ ବେଟାଆହାଲି ଅଣ୍ଡିମାନେରି । ୧୩ ଇଚିହଁ ବାରେ ମସାତି ମେରାତା ଅଡେ ମାହାପୁରୁ ଅଣ୍ଡପୁତି ବଲୁ ଝେହ୍ନାରି ତାଣା ଜହନତି ଝାନି ଦିନା ପାତେକା ଝେସି ଆହାମାନେ । ୧୪ *ଅଡେ ମୀରୁ ଏଞ୍ଜେଲ୍‌ସ୍ କାତା ଆସାଲି ମୀ ମନ ମାତିହଁ ଆମିନି ଏଲିୟ ଝାନାୟି ମାଚେ ଜହନଏ ଏଞ୍ଜେଲ୍‌ସ୍ । ୧୫ ଆମ୍ବାଆରି କୀର୍କା ମାନୁ ଏଞ୍ଜେଲ୍‌ସ୍ ଝେଣ୍ଡାସି ।”

୧୬ “ସାମା ନାନୁ ଆମ୍ବାରିତଲେ ଇ ଜୁଗୁତି ଲକୁଣି ତୁକ୍‌କ୍, ଆମିନି ହାଟା ମାଦି କୁଗାନା କାହି ତୁୟିନି କକାରି ଲେହେଁ, ର ଗତିତି କକାରି ଅର ଗତିତି ଏଲେଇନେରି, ୧୭ ମାମ୍ବୁ ମୀ ନକିତା ପୀରୁଡି ଉକିତମି, ସାମା ମୀରୁ ଏଦାଆତେରି; ମାମ୍ବୁ ଦୁକ୍‌କ୍‌କ୍ ପୀରୁ ପାଡିତମି ସାମା ମୀରୁ ତାଆତେରି, ନୀର୍ବିତି ଲକୁ ଏଲେତାରି । ୧୮ ଇଚିହଁ ଜହନ ଝାହାନା ରାନ୍ଦା ତିନାଆତେସି ଅଡେ ଲକୁ ଏଞ୍ଜାଣାଇଁ ଏଲେଇଚେରି ବୁଡୁ ଆଲଗାମାନାସି । ୧୯ ସାମା ମାଣ୍ଡାସି ମୀରୁଏସି ଝାହାନା ରାନ୍ଦା ତିଚେସି ଉଚେସି, ଇଞ୍ଜା ଲକୁ ବାରେଜାଣା ଏଲେଇଚେରି, ଇଞ୍ଜାସି ଟିଣ୍ଡିକାସ୍ତୁ, କାଡୁବୁଡୁ, ଏଞ୍ଜେଲ୍‌ସ୍ ସିସ୍ତୁ ରାହ୍ନାରି ଅଡେ ପାପୁ ଗାଟାରି ତଣେଏସି; ସାମା ମାହାପୁରୁଟି ବୁଦି ଏଞ୍ଜାଣି କାମାଟି ସାତା ଇଞ୍ଜାଁ ଝେଜିନେ ।”

ନାମାଆଗାଟି ଗାଡାୟାଁ
(ଲୁକ ୧୦:୧୩-୧୫)

୨୦ ଏଚିବେଲା ଆମିନି ଗାଡାତା ହାରେକା କାବାଆନି କାମା କିଞ୍ଜି ଆହାମାନେ, ଏ ଗାଡାତି ଲକୁ, ତାମି ପାପୁଟି ତାମା ମନ ଝେଟ୍‌ହା ହିଲାଆତେରି, ଇଞ୍ଜା ଜୀସୁ ଏ ଗାଡାୟାଁତି ଲକୁଇଁ ଦାକା ହୀହାନା ଏଲେଇଚେସି, ୨୧ ଆୟତା ତଣ୍ଡ ପାଣ୍ଡିନି କରାଜିନ୍ ଅଡେ ବେଡସାୟିଦା, ଏଦାଆଁତାକି ଇଚିହଁ ମୀ ତାଣା ଆମିନି ବାଡୁୟୁଟି କାମା କିଞ୍ଜିଆହାମାନେ, ଏ ବାରେ ସର ଅଡେ ସିଦନତା କିଞ୍ଜି ଆହାମାତିହଁମା; ଏମ୍ବାତି ଲକୁ ଆଜ୍ଞାତା ବାସ୍ତାୟାଁ ପରହାନା ଦାରମ୍ବୁଡୁ କୁଗାନା ମନ ଝେଟ୍‌ହାଲି ଅଣ୍ଡପିତେରିମା ୨୨ ଆଡିଜିକେଏ ନାନୁ ମିଙ୍ଗେ ଝେସିମାଞ୍ଜାଇଁ, ମାହାପୁରୁଟି ନୀହାଁୟି ଦିନାତା ମୀ ତଣ୍ଡ କିହାଁ ସର ଅଡେ ସିଦନତି ତଣ୍ଡ ଅରହିନାୟି ଆନେ । ୨୩ ଏ କପରନାହୁମ, ନାନୁ ଏଦାଆଁ ଲାକପୁରୁ ପାତେକା ପାଡାଆଦି ? ନାନୁ ହାତାରି ମାନି ରାଜିତା ଅଞ୍ଜିଆଦି, ନୀ ତାଣା ଆମିନି ବାଡୁୟୁଟି କାମା କିଞ୍ଜିଆହାମାନେ, ଏଦାଆଁ

ସିଦନତା କିଞ୍ଜିଆଡିହଁମା, ଏ ଗାଡା ନୀଞ୍ଜୁପାତେକା ତୁୟିତେମା । ୨୪ *ଆଡିଜିକେଏ ନାନୁ ମିଙ୍ଗେ ଝେସିମାଞ୍ଜାଇଁ “ମାହାପୁରୁଟି ନୀହାଁୟି ଦିନାତା ମୀ ତଣ୍ଡ କିହାଁ ସିଦନ ଦେସାତି ତଣ୍ଡ ଅରହିନାୟି ଆନେ ।”

ନା ତାଣା ଝାହାନା ଜମାଦୁ
(ଲୁକ ୧୦:୨୧-୨୨)

୨୫ ଏ ବେଲାତା ଜୀସୁ ପ୍ରାଡାନା କିହଁ ଏଲେଇଚେସି; “ଏ ଆବା, ଲାକପୁରୁ ଅଡେ ଦାରତିତି ପ୍ରୁ, ଇ ବାରେ ହାଡା ନାନୁ ବୁଦି ଅଡେ ପୁନି ଲକୁତାଣାଟି ତୁକୁହା ଇଚାନା, ଇ ବାରେ କାତା ପୁନାଆଗାଟି ଲକୁତାଣା ତସିମାନାକି ନାନୁ ନିଙ୍ଗ ଜହରା କିହିମାଞ୍ଜାଇଁ । ୨୬ ହାଅ ଆବା, ଇଦି ନୀ ନକିତା ରାହାଁତି କାତା ଆହିମାନେ ।”

୨୭ *ନା ଆବା ନାଙ୍ଗେ ବାରେ ହୀହାମାଞ୍ଜାନେସି, ଆବା ପିସପେ ଆମ୍ବାଆରି ମୀରୁଏଣାଇଁ ପୁନଅରି ଅଡେ ମୀରୁଏଣା ପିସପେ ଆମ୍ବାଆରି ଆବାଇଁ ପୁନଅରି, ମୀରୁଏସି ଆମ୍ବାଆରି ତାଣା ତହ୍ନେସି ଏଞ୍ଜେଲ୍‌ସ୍ ପୁନେସି ।”

୨୮ “ଏ ଝାହୁ ରାତା ଗାଟି ଲକୁ, ବାରେ ନା ତାଣା ଝାଦୁ, ନାନୁ ମିଙ୍ଗେ ଜମିକିୟାଇଁ । ୨୯ ନା ଜୁଝେଡି ମୀ ବମିତା ତେକାନା ନା ତାଣାଟି ଜାପାଦୁ, ଇଚିହଁ ନାନୁ କପା କାରବି ହିଲାଆନା ସୁଦୁ ହିୟାଁ ଗାଟାତେଏଁ, ଇଞ୍ଜା ମୀରୁ ନା ତାଣାଟି ମୀ ଜୀଝୁତା ଜମିଦେରି; ୩୦ ଇଚିହଁ ନା ଜୁଝେଡି ଉସାସା ଅଡେ ବଲୁ ଉଣା ମାନେ ।”

୧୨

ଜମିନି ଦିନାତି ମାନି
(ମାର୍କ ୨:୨୩-୨୮; ଲୁକ ୬:୧-୫)

୧ ଏଚରଦିନା ତାୟୁ ର ଜମିନି ଦିନାତା ଜୀସୁ ଗହଁ ଗୁଡିୟାଟି ହାଜିମାଚେସି, ଇଞ୍ଜା ତାନି ସୀସୁୟାଁ ହାକି ଆହାମାତାକି ଗହଁ ଜେକା ତାପହାନା ତିଞ୍ଜାଲି ମାଟ୍‌ହେରି । ୨ ସାମା ପାରୁସିୟାଁ ଏଦାଆଁ ମେସାନା ଜୀସୁଇଁ ଏଲେଇଚେରି, “ମେହ୍‌ମୁ ଜମିନି ଦିନାତା ଏଦାଆଁ କିନି ମେରା ହିଲେଏ, ଏଦାଆଁ ମୀ ସୀସୁୟାଁ କିହିମାନେରି ।”

୩ ସାମା ଜୀସୁ ଏଞ୍ଜେଲ୍‌ସ୍ ଏଲେଇଚେସି, “ର ଦିନା ଦାଝୁଦ ଅଡେ ତାନି ତଣେସିଙ୍ଗା ହାକି ଆହାଲିଏ ଏଦାଆଁ କିହାମାଚେରି, ମୀରୁ ସାସ୍ତେରିତା ପଡ଼ଞ୍ଜି ଆହାହିଲଅତେରି ?” ୪ ଏଞ୍ଜେଲ୍‌ସ୍ ଏନିକଁ ମାହାପୁରୁ ଇଲୁତା ହଡାନା ଆମିନି ମାହାପୁରୁକି ହେରପାମାନି ରୁଟି ପୁଜେରାଙ୍ଗା ପିସପେ ଆମ୍ବାଆରି ତିନାଆଗାଟି ମେରା ମାଚେ, ସାମା ଦାଝୁଦ ଅଡେ ତାନି ତଣେସିଙ୍ଗା ତିନାଆଗାଟାୟି ମାଚେ, ଏଦାଆଁ ଏଞ୍ଜେଲ୍‌ସ୍ ତିଚେରି । ୫ ଅଡେ ଜମିନି ଦିନାତା ମାହାପୁରୁ ଇଲୁ ବିତ୍ତା ପୁଜେରାଙ୍ଗା ମେରା ଉଚିତି ଜିକେଏ ଦହ୍‌ଗାଟାରି ଆଅରି, ମୀରୁ ଏନି ଏଦାଆଁ ପଡ଼ଞ୍ଜି ଆହାହିଲଅତେରି କି ? ୬ ସାମା ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଇ ଟାୟୁତା ମାହାପୁରୁ ଇଲୁ କିହାଁ ହାରେକା କାଜାୟି ଇମ୍ବାଆଁ ମାନେ ।

† ୧୧:୧୧ ୧୧:୧୧ ମୁଞ୍ଜିନାୟି ☆ ୧୧:୧୨ ୧୧:୧୨ ଲୁକ ୧୭:୧୭ ‡ ୧୧:୧୨ ୧୧:୧୨ ମୁଞ୍ଜିନାୟି ☆ ୧୧:୧୪ ୧୧:୧୪ ମାତି ୧୭:୧୦-୧୩; ମାର୍କ ୯:୧୧-୧୩ ☆ ୧୧:୨୪ ୧୧:୨୪ ମାତି ୧୦:୧୫; ଲୁକ ୧୦:୧୨ ☆ ୧୧:୨୭ ୧୧:୨୭ ଜହ ୩:୩୫; ଜହ ୧:୧୮; ୧୦:୧୫ ☆ ୧୨:୭ ୧୨:୭ ମାତି ୯:୩୩

୭୬ “ସାପ୍ତେରି ଖେସିମାନେ, ସାମା ପୂଜା ହାନାୟି ଲଡ଼ାଆଏ, ସାମା ଲକୁଣି କାର୍ମାମେହନାୟି ନେହେଁ, ଇଦାଣି କାତା ମୀରୁ ପୁଞ୍ଜାମାଟିହିଁମା ଇ ଦହ ହିଲାଆ ଗାଟାଣାଇଁ ଦହ କିଆତେରିମା; ଠ ଇଟିହିଁ ମାଣସି ମୀରୁଏସି ଜମିନି ଦିନାତି ପ୍ରବୁ ଆନେସି ।”

ଖାୟିତି କେୟୁଗାଟାସି ନେହେଁ ଆନାୟି
(ମାର୍କ ୩:୧-୬; ଲୁକ ୬:୬-୧୧)

୯୮ ଜୀସୁ ଏମ୍ବାଟି ହାଜାନା ଜୀହୁଦି ଲକୁଟି କୁଟମି ଇଲୁଡା* ହାଚେସି । ୧୦ ଅଡ଼େ ମେହଦୁ ଏମ୍ବାଆଁ ରଅସି ମାଚେସି, ଏଞ୍ଜା ର କେୟୁ ଖାୟିହାଜାମାଚେ, ଜୀସୁଇଁ ଦହ ଆସାଲି ଏଚେକା ଲକୁ ଏମ୍ବାଆଁ କାଟାମାଚେରି, ଏଞ୍ଜାରି ଜୀସୁଇଁ ଖେଚେରି, “ଜମିନି ଦିନାତା ନେହେଁ କିନାୟି ମେରା ମାନେକି ?”

୧୧ *ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମୀ ବିତ୍ତା ରଅଣାକି ର ମେଣ୍ଡା ମାନେ, ଏମ୍ବାଟିଏ ଜମିନି ଦିନାତା ଏ ମେଣ୍ଡା ଗାଡ଼ୟୁତା ତରରିନେ, ଇଞ୍ଜା ଆମ୍ବାଆସି ଏଦାନି ନିକଅସି, ଇଲେତି ଲକୁ ଆମ୍ବାଆସି ମୀ ବିତ୍ତା ମାନେସି ?

୧୨ ଆତିହିଁ ର ମେଣ୍ଡାଟି ଦାରା କିହାଁ ମାଣସିତି ଦାରା ହାଚେକା । ଏଦାଆଁତାକି ଜମିନି ଦିନାତା ନେହେଁ କାମା କିନାୟି ମେରାତି କାମା ।” ୧୩ ଏଚିବେଲା ଏଞ୍ଜାସି କେୟୁ ଖାୟିତାଣାଇଁ ଏଲେଇଚେସି, “କେୟୁ ଦାହମୁ ।”

ଇଞ୍ଜା ଏଞ୍ଜାସି ଏ କେୟୁ ଦାପ୍ତେସି ଏମ୍ବାଟିଏ ଏ କେୟୁ ଅର କେୟୁଲେହେଁ ନେହେଁ ଆଡ଼େ । ୧୪ ସାମା ପାରୁସିୟା ପାଞ୍ଜାତା ହାଜାନା ଜୀସୁଇଁ ପାୟାଲି ଏଞ୍ଜାଣି କପାଟି ପାରୁ ପାରାଚେରି ।

ମାହାପୁରୁ ଆଟାମାନି ହଲେଏସି

୧୫ ଜୀସୁ ଏଦାଆଁ ପୁଞ୍ଜାନା ଏମ୍ବାଟି ଏଟକା ଆହାନା ହଟାହାଚେସି, ଇଞ୍ଜା ହାଚେକା ଲକୁ ତାନି ଜ୍ଵେତ ହାଚେରି, ଅଡ଼େ ଏଞ୍ଜାସି ବାରେଜାଣାତି ରଟଟି ନେହେଁ କିଚେସି । ୧୬ ଇଞ୍ଜା ତାଙ୍ଗେ ଲକୁଇଁ ଖେକଆଦୁ ଇଞ୍ଜୁ ହୁକୁମି ହୀଚେସି । ୧୭ ଏନିକିହିଁ ମାହାପୁରୁ ଅଣ୍ଡପୁତି ବଲୁ ଖେହନି ଜିସାୟତି କାତା ସାତା ଆନେ,

୧୮ “ମେହଦୁ ନା ହଲେଏସି, ଆମ୍ବାଆରାଇଁ ନାନୁ ଆଟାମାଇଁ; ଏଞ୍ଜାସି ନା ଜୀଞ୍ଜୁଟି ମୀରୁଏସି, ଆମ୍ବାଆରିତାଣା ନା ହାଚେକା ରାହାଁ ମାନେ;

ନାନୁ ଏଞ୍ଜାଣିଲାକ ନା ସୁରୁଜୀଞ୍ଜୁ ହୀଇଁ,
ଅଡ଼େ ଏଞ୍ଜାସି ଜୀହୁଦିଆଆତି ଲକୁତାଣା ନୀହାୟିତି
କାତା ଖେକନେସି ।

୧୯ ଏଞ୍ଜାସି ଗଡ଼ହା କିଅସିକି କାଲୁଞ୍ଜି ଆଅସି,
ଇଞ୍ଜା ଆଂଗେଣିତା ଏଞ୍ଜାଣି ହାଡ଼ା ଆମ୍ବାଆରି ଖେନଅରି

୨୦ ନୀହାୟିତା ଜୀଣା ଆଆପାଚେକା,
ଏଞ୍ଜାସି ଖାୟିତି ତାଣ୍ଡିତି ତିକଅସି
ବୟି ଆହେଁ ତୀଞ୍ଜିମାନି ଦୀଞ୍ଜିତି ତୁପଅସି ।

୨୧ ଅଡ଼େ ଏଞ୍ଜାଣି ଦରୁତା ଜୀହୁଦିଆଆତି ଲକୁ ବାସୁଁ ଇଚିନେରି ।”

ଜୀସୁ ଅଡ଼େ ବାଲ୍‌ଜିବୁଲ୍ ବୁଡୁ
(ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ର ଦିନା ଲକୁ ବୁଡୁ ଆଲଗାମାଟି ର କାଣାଇଁ ତାଚେରି ଏଞ୍ଜାଣାଇଁ ବୁଡୁ ଆଲଗା ମାଚାକି ଗୁଲା ଆହାମାଚେସି । ଜୀସୁ ଏଞ୍ଜାଣାଇଁ ନେହେଁ କିଚେସି; ଇଞ୍ଜା ଏଞ୍ଜାସି ମେସାଲି ଅଡ଼େ ଜଲାଇଁ ଆଡ଼ିଚେସି । ୨୩ ଇଞ୍ଜା ଲକୁ ବାରେ କାବାଆହାନା ଏଲେଇଚେରି, “ଇଞ୍ଜାସି ଏଦାଆଁ ଏ ଦାଞ୍ଜୁଦ କୃତାତାସି ଆଏକି ?”

୨୪ *ପାରୁସିୟା ଇ କାତା ଖେଞ୍ଜାନା ଏଲେଇଚେରି, ଇ ମାଣସି ବୁଡୁୟାଁ କିହାଁ କାଜା ବାଲ୍‌ଜିବୁଲ୍ ବୁଡୁ ହିଲାଆନା ବୁଡୁୟାଁ ପେରଅସି ।

୨୫ ସାମା ଜୀସୁ ପାରୁସିୟା ମନତି ଅଣ୍ଡପୁ ପୁଞ୍ଜାନା ଏଞ୍ଜାରାଇଁ ଏଲେଇଚେସି, “ର ରାଜି ତାନୁ ତାନୁଏ ଆସପି ଆହାନା ରା ବାଗା ତାନି ବାଗା ଆଡ଼ିସାରେ ଏ ରାଜି ଅଡ଼େ ତୀରିତଲେ ମାଞ୍ଜାଲି ଆଡ଼େଏ, ଇଞ୍ଜା ର ଗାଡ଼ା କି ର ଇଲୁ କୁଟମି ତାମ୍ବୁତାମ୍ବୁ ଆସପି ଆହାନା ବାଗା ଆଡ଼ିସାରେ ତୀରିତଲେ ମାଞ୍ଜାଲି ଆଡ଼େଏ । ୨୬ ଇଞ୍ଜା ସୟତାନ ସୟତାନଇଁ ପିସପି କିନେ ଆତିହିଁ ଏଦି ବାଗା ଆହାନା ତାନି କପାଟି ନିଜିଚେୟିଏ, ଆତିହିଁ ଏଦାନି ରାଜି ଏନିକିଁ ତୀରିଆହାଁ ତୟିନେ ? ୨୭ ମୀରୁ ଏଲେଇଞ୍ଜିମାଞ୍ଜେରି, ନାନୁ ପଲୁଆ ବୁଡୁୟାଁ ବାଲ୍‌ଜିବୁଲ୍ ତଲେ ବୁଡୁୟାଁ ପିସପି କିହିମାଇଁ, ଆତିହିଁ ମୀ ମୀରୁକା ଆମ୍ବାଆରି ବାଡ଼ୟୁ ତଲେ ବୁଡୁୟାଁ ପେରନେରି । ଇଦାଆଁତାକି ଏଞ୍ଜାରିଏ ମୀ ନୀହାୟି କିୟାନାରି ଆନେରି । ୨୮ ସାମା ନାନୁ ମାହାପୁରୁ ଜୀଞ୍ଜୁଟି ବାଡ଼ୟୁ ତଲେ ବୁଡୁୟାଁ ପେରହି ମାଇଁ, ଆତିହିଁ ମାହାପୁରୁଟି ରାଜି ମୀ ତାଣା ଏଦାଚେୟିଏ ।”

୨୯ “ଇଞ୍ଜା ଆମ୍ବାଆସି ର ବାଡ଼ୟୁଗାଟି ଲକୁଇଁ ତଲିଏ ଦହଆନା, ଏନିକିହିଁ ଏଞ୍ଜାଣି ଇଜ ହଡ଼ାନା ତାନି ଇଲୁ କାଣ୍ଡା ବାରେ ସରୁ ଅୟାଲି ଆଡ଼ିନେସି ? ଏଞ୍ଜାଣାଇଁ ତଲିଏ ଦସ୍ତୁହିଁ ଦେ ଏଞ୍ଜାଣି ଇଲୁ କାଣ୍ଡା ସରୁ ଆହାଲି ଆଡ଼ିନେସି ।”

୩୦ *ଆମ୍ବାଆସି ନା ଖାକିଟି ଆଆଗାଟାସି, ଏଞ୍ଜାସି ନା ସାଡୁ, ଇଞ୍ଜା ଆମ୍ବାଆସି ନା ତଲେ କୃଡ଼ି କିଅସି ଏଞ୍ଜାସି ଆଲାଚା କିନେସି । ୩୧ ଇଦାଆଁତାକି ନାନୁ ମିଙ୍ଗେ ଖେସିମାଞ୍ଜାଇଁ, ମାଣସି ଲକୁଟି ବାରେ ପାପୁ ଅଡ଼େ ଲାଗେଏ ପଲେଏଟି ଲକୁଣି ନିୟା କାତା ଜଲମାନାଣି ମେକହା ତୁସପିଆନେ, ସାମା ମାହାପୁରୁଟି ସୁରୁଜୀଞ୍ଜୁ ଦରୁତଲେ ଜଲିନାଣା ପାପୁ ମେଣ୍ଡାକି କିଞ୍ଜିଆଏ । ୩୨ *ଅଡ଼େ ଆମ୍ବାଆସି ମାଣସି ମୀରୁଏଣା କପାଟି ଜଲିନେସି, ଏଞ୍ଜାଣି ପାପୁ ମେଣ୍ଡାକି କିଞ୍ଜିଆନେ, ସାମା ଆମ୍ବାଆସି ମାହାପୁରୁଟି

* ୧୨:୯ ୧୨:୯ ସିନଗରୁ ☆ ୧୨:୧୧ ୧୨:୧୧ ଲୁକ ୧୪:୫ ☆ ୧୨:୨୪ ୧୨:୨୪ ମାତି ୯:୩୪; ୧୦:୨୫ ☆ ୧୨:୩୦ ୧୨:୩୦ ମାର୍କ ୯:୪୦ ☆ ୧୨:୩୨ ୧୨:୩୨ ଲୁକ ୧୨:୧୦

ସୁଦୁଜୀଝୁତି କପାଟି ଜଳିନେସି, ଇ କାଲାତା କି ତାୟୁ କାଲାତା ଜିକେଏ ଏଞ୍ଜାଣି ପାପୁ ମେଣଜି କିଞ୍ଜିଆଏ ।”

ମାର୍ନୁ ଅଡ଼େ ତାନି ପାଡ଼େୟି
(ଲୁକ ୬:୪୩-୪୫)

୩୩ ☆“ମାର୍ନୁତି ନେହାୟି ଇଞ୍ଜୁ ଅଡ଼େ ତାନି ପାଡ଼େୟିତି ନେହାୟି ଇଞ୍ଜୁ, ଆଥାତ୍ ମାର୍ନୁତି ଲାଗେଏତାୟି ଇଞ୍ଜୁ ଅଡ଼େ ତାନି ପାଡ଼େୟିତି ଲାଗେଏତାୟି ଇଞ୍ଜୁ, ଇଚିହ୍ ପାଡ଼େୟି ତଲେ ମାର୍ନୁତି ପୁଣକି ଆନେ । ୩୪ ☆ଆଡ଼େ ରାସକା କୃତାତେରି, ମୀରୁ ପଲ୍ଲଆ ଗାଟାତେରି ଆହ୍ଣା ଏନିକ୍ ମୀରୁ ନେହ୍ ହାଡ଼ା ଖେସାଲି ଆଡ଼ିଦେରି ? ଇଚିହ୍ ହିୟାତା ମାନି କାତା ଗୁତି ଜଳିମାନେ । ୩୫ ନେହ୍ ଲକୁ ନେହ୍ ମନ ବିତ୍ରାଟି ନେହ୍ କାତା ହପ୍ନେସି, ଇଞ୍ଜା ପଲ୍ଲଆ ଗାଟାସି ପଲ୍ଲଆ ମନ ବିତ୍ରାଟି ପଲ୍ଲଆ କାତା ହପ୍ନେସି ।”

୩୬ “ସାମା ନାନୁ ମିଜେ ସାତା ଖେସିମାଞ୍ଜାଇ, ବାରେଜାଣା ତାମ୍ନୁ ଖେସାମାନି ଉଜେଏତି କାତାତାକି ବିଚାରା କିନି ଦିନାତା ଏମ୍ପାତି କାତା ଜଳିନେରି; ୩୭ ଇଦାଆଁତାକି ମୀ ଗୁତିତି ହାଡ଼ାତଲେ ନାହାୟି ଦିନାତା ମୀରୁ ଦହ୍ ଗାଟାତେରି ଅଡ଼େ ଦହ୍ ହିଲାଆଗାଟାତେରି ଆଡ଼େରି ।”

ସିନା ପାରିନାୟି
(ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ ☆ଏଚିବେଲା ମୋରା ପୁନାରି ଅଡ଼େ ପାରୁସିୟା ବିତ୍ରାଟି ଏଚରଜାଣା ଜୀସୁଇଁ ଏଲେଇଚେରି, “ଗୁରୁ, ମାମ୍ନୁ ନୀ ତାଣାଟି ର କାବାଆନି ସିନା ମେସାଲି ଅଣ୍ପିମାନମି ।”

୩୯ ☆ସାମା ଜୀସୁ ଏଞ୍ଜାରାଇଁ ଏଲେଇଚେସି, “ପଲ୍ଲଆ ଗାଟାରି ଅଡ଼େ ମାହାପୁରୁଇଁ ନାମାଆ ଗାଟାରିଦେହେଁ ସିନାୟା ପାରିନେରି, ସାମା ମାହାପୁରୁ ଅଣ୍ପିପୁତି ବଲୁ ଖେହ୍ନି ଜୁନସତି ସିନା ପିସପେ ଏଞ୍ଜାରାକି ଏନି ସିନା ହୀପକି ଆଏ । ୪୦ ଇଚିହ୍ ଜୁନସ ଏନିକ୍ ତାନିଦିନା ତାନି ଲାଆଁୟା କାଜା ମୀନୁ ବାଣ୍ଡି ବିତ୍ରା ମାଚେସି, ଏଲେକ୍ ମାଣସି ମୀରୁଏସି ଜିକେଏ ବୁମି ବିତ୍ରା ତାନିଦିନା ତାନି ଲାଆଁୟା ଡ଼ୟିନେସି । ୪୧ ନାହାୟି ଦିନାତା ନିନିବିତି ଲକୁ ଇ କାଲାତି ଲକୁ ନକିତା ନିଚାନା ଏଞ୍ଜାରାଇଁ ଦହ୍ କିନେରି, ଇଚିହ୍ ଏଞ୍ଜାରି ଜୁନସ ଖେସ୍ତି କାତା ଆସାନା ପାପୁଟି ମନ ଖେଟ୍ଟହା ମାଚେରି, ଅଡ଼େ ମେହ୍ଦୁ ଜୁନସକିହା କାଜାସି ଇମ୍ପାଆଁ ମାନେସି । ୪୨ ନାହାୟି ଦିନାତା ସିବା ଦେସାତି ରାଣି ଇ କାଲାତି ଲକୁ ନକିତା ନିଚାନା ଏଞ୍ଜାରାଇଁ ଦହ୍ କିନେ, ଇଚିହ୍ ସଲମନତି ବୁଦିତିକାତା ଖେଞ୍ଜାଲି ଦାରତିତି ହେକ ଦେସାଟି ଖାହାମାଚେ, ଇଞ୍ଜା ମେହ୍ଦୁ ସଲମନକିହା କାଜା କାତା ଇମ୍ପାଆଁ ମାନେ ।”

ଲାଗେଏ ପଲେଏତି ବୁଡୁ ଖେଣ୍ଡାଞ୍ଜାନାୟି
(ଲୁକ ୧୧:୨୪-୨୬)

୪୩ “ର ପଲ୍ଲଆ ବୁଡୁ ର ମାଣସି ତାଣାଟି ହଡ଼ା ହାଜାନା ଏୟୁ ହିଲାଆ ଟାୟୁ ବାରେ ରେଜିହ୍ ଜମାଲି ଟାୟୁ ପାରୀତେ, ଇଞ୍ଜା ଏଦାଆଁ ପୁଞ୍ଜିଆତେ, ୪୪ ଏଚେଟିଏ ଏଦି ଏଲେଇନେ, ନାନୁ ଆମିନି ଇଲୁଟି ହଡ଼ା ଖାହାମାଇଁ, ନା ଏ ଇଲୁତା ଖେଣ୍ଡେ ହାଇଁ; ଇଞ୍ଜା ଖେଣ୍ଡା ଖାହାନା ଖାରୁଆଣି ଇଞ୍ଜା ଅଜିତାଣି ମେହ୍ନେ । ୪୫ ଏଚିବେଲା ଏଦି ହାଜାନା ତାନିକିହା ଆଗାଡ଼ା ପଲ୍ଲଆଗାଟି ସାଡ଼ାଗଟା ଜୀଝୁୟା ଆସାନା ଖାନେ, ଇଞ୍ଜା ଏଡ଼ି ବାରେ ଏମ୍ପାଆଁ ହଡ଼ାନା ବାସା କିନୁ, ଅଡ଼େ ଏ ଲକୁତି ତଲିତି କସ୍ତ କିହା ତାୟୁତି କସ୍ତ ହାରେକା ଆନେ, ଇ କାଲାତି ପଲ୍ଲଆ ଗାଟାରାକି ଜିକେଏ ଏଲେଆହ୍ ଏ ଆନେ ।”

ଜୀସୁତି ଇୟା ଅଡ଼େ ତାୟିୟା
(ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଜୀସୁ ବାରେ ଲକୁଇଁ ହାଡ଼ା ଆହିମାଚାଟି ତାମି ଇୟା ଅଡ଼େ ତାୟିୟା ପାଙ୍ଗାତା ନିଚାନା ହାଡ଼ା ଆହାଲି ମନ କିହିମାରୁ । ୪୭ ଏଚେଟିଏ ରଅସି ଖାହାନା ଜୀସୁଇଁ ଏଲେଇଚେସି, “ମେହ୍ଦୁ, ମୀ ଇୟା ଅଡ଼େ ନୀ ତାୟିୟା ପାଙ୍ଗାତା ନିଚାନା ହାଡ଼ା ଆହାଲି ମନ କିହିମାନେରି ।”

୪୮ ସାମା ଇ କାତା ଖେସ୍ତିଣାଇଁ ଜୀସୁ ଏଲେଇଚେସି, “ଆମ୍ପାଆୟି ମା ଇୟା ଇଞ୍ଜା ଆମ୍ପାଆରି ନା ତାୟିୟା ?” ୪୯ ଅଡ଼େ ସୀସୁୟା ଖାକି କେୟୁ ଦାସାନା ଏଲେଇଚେସି, “ମେହ୍ଦୁ ମାୟା ଇଞ୍ଜା ମା ତାୟିୟା, ୫୦ ଇଚିହ୍ ଆମ୍ପାଆୟି ଜିକେଏ ନା ଲାକପୁରୁତି ଆବା କାତା ଆହ୍ନେସି ଏଞ୍ଜାସି ନା ତାୟି ଏଦି ନା ତାଙ୍ଗି ଅଡ଼େ ମା ଇୟା ।”

୧୩

ବିଚା ମାଟିନାଣି ପୁଣ୍ଡିକିନି କାତା
(ମାର୍କ ୪:୧-୯; ଲୁକ ୮:୪-୮)

୧ ଏ ଦିନା ଜୀସୁ ଇଲୁଟି ହଡ଼ା ହାଜାନା ସାମଦୁରି ତାକିତା ଲକୁଇଁ ଜାପୁହାଲି କୁଗିତେସି । ୨ ଏଚେଟିଏ ହାରେକା ଲକୁ କୃତା ଆହାଲିଏ, ଏଞ୍ଜାସି ହାଜାନା ର ଡ଼ଗତା କୁଗିତେସି, ଇଞ୍ଜା ଲକୁ ବାରେ ସାମଦୁରି ଗାଟୁତା ନିଚାମାଚେରି । ୩ ଅଡ଼େ ଜୀସୁ ପୁଣ୍ଡିକିନି କାତା ହାରେକା ଖେସ୍ତିସି, ଏଞ୍ଜାସି ଏଲେଇଚେସି । “ମେହ୍ଦୁ ର ବିଚା ମାଟିନାସି ମାଟାଲି ହଡ଼େସି । ୪ ଏଞ୍ଜାସି ବିଚା ମାଟିନି ବେଲା କଚେକା ବିଚା ଜିରୁତା ରୀତେ ଇଞ୍ଜା ପଚାୟା ଖାହାନା ଏ ପାଡ଼େୟି ପେରହା ତିରୁ । ୫ ଅଡ଼େ କଚେକା ବିଚା ଖାଲକାତି ପାଡ଼ାଡ଼ା ବୁମିତା ରୀତେ, ଇଞ୍ଜା ଇରୁଆ ଗାତି ହିଲାଆତାକି ପାଡ଼େୟି ତବେ ଗଜା ଆଡ଼େ । ୬ ସାମା ଖେଡ଼ା ହଚାଲିଏ, ଗଜା ଆହାମାଚାୟି ଖେହା ହାଚେ, ଇଞ୍ଜା ତାନି ହୀରୁ ଗାତି ଡ଼ଇକା ହାଲାଆତାକି ଖାୟାହାଚେ । ୭ ଅଡ଼େ କଚେକା ବିଚା ହାପକା ବୁଟା ଡ଼ଇ ରୀତେ, ଇଞ୍ଜା ହାପକା ବୁଟାୟା ବାରେ ପାଡ଼ାଆହାନା ଆନା ତାକିତି ପୁକ୍ହାଡୁସ୍ତେ । ୮ ଅଡ଼େ କଚେକା ବିଚା ନେହ୍

☆ ୧୨:୩୩ ୧୨:୩୩ ମାତି ୭:୨୦; ଲୁକ ୬:୪୪ ☆ ୧୨:୩୪ ୧୨:୩୪ ମାତି ୩:୭; ୨୩:୩୩; ଲୁକ ୩:୭; ମାତି ୧୫:୧୮; ଲୁକ ୬:୪୫ ☆ ୧୨:୩୮ ୧୨:୩୮ ମାତି ୧୭:୧; ମାର୍କ ୮:୧୧; ଲୁକ ୧୧:୧୭ ☆ ୧୨:୩୯ ୧୨:୩୯ ମାତି ୧୭:୪; ମାର୍କ ୮:୧୨ ☆ ୧୩:୨ ୧୩:୨ ଲୁକ ୫:୧-୩

ବୃମିତା ରୀତେ, ଇଞ୍ଜା କାମ୍ବୀନା ର ପାଢ଼େୟିତ୍ୟ ପାସାକଡ଼ି,
ତାନିକଡ଼ି ଇଞ୍ଜା କଡ଼େଦସ ପାଢ଼େୟିକା କାମ୍ବିତୁ ।”

୯ “ଆତ୍ମାଆରାକି କୀର୍କା ମାନୁ ଏଝାସି ଝେଣ୍ଣାସି ।”

ପୁସ୍ତକ ପୁଣ୍ୟକିନାୟି

(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଏମାଟିଏ ସୀୟୁୟାଁ ଜୀସୁ ତାଣା ଝାହାନା ଝେଚେରି,
“ଲକୁଣି ଜାପନାଟି ନୀନୁ ଏନାଆଁତାକି ପୁଣ୍ୟକିନି କାତାୟାଁ
ଝେସିହିଁ ଜାପୁହିମାଞ୍ଜି ?”

୧୧ ଜୀସୁ ଏଲେଇଚେସି, “ଏନାଆଁତାକି ଇଚିହିଁ
ଲକପୁରୁ ରାଜିତି ବାରେ ତରୁମାନି ହାଡ଼ା ପୁଞ୍ଜାଲି
ମିଙ୍ଗେ ବାଡ଼ୁୟାଁ ହାପକି ଆହାମାଞ୍ଜାନେ, ସାମା ଏଝାରାକି
ହାପକି ଆହା ହିଲେଏ । ୧୨ *ଇଞ୍ଜା ଏମାଆରାକି ମାନେ,
ଏଝାରାକି ହାପକିଆନେ ଅଡ଼େ ଏଝାଶାକି ଗାଡ଼ିଆନେ;
ସାମା ଆତ୍ମାଆରାକି ହିଲେଏ ତାନିତାଣା ଏନାୟି ମାନେ,
ଏଦାଆଁ ଜିକେଏ ଅଝିଆନେ ।” ୧୩ ଏଝାରି ମେସି ମେସିହିଁ
ମେସାଲି ଆଡ଼ଅରି, ଅଡ଼େ ଝେଞ୍ଜିଝେଞ୍ଜି ଝେନଅରି କି
ପୁନଅରି; ଏଦାଆଁତାକି ନାନୁ ଏଝାରାକି ପୁଣ୍ୟକିନି
କାତାତଲେ ଝେସିମାକି । ୧୪ ଅଡ଼େ ମାହାପୁରୁ ବଲୁ ଝେହ୍ନି
ଜିସାୟତି ଇ କାତା ଏଝାରାକି ସାତା ଆନେ ।

ଇ ଲକୁ ଝେଞ୍ଜିଝେଞ୍ଜିହିଁ ଝେନେରି, ଏନାଆଁ ତେଲୁହଅରି,
ମେସି ମେସିହିଁ ମେହ୍ନେରି ସାମା ଏନାଆଁ ପୁନଅରି;

୧୫ ଇଚିହିଁ ଇ ଲକୁତି ହିୟାଁ ଅଣ୍ଡାପାଲି ଆଡ଼ାଆ ଗାଟାୟି,
ଏଝାରି କସ୍ତୁଟି କୀର୍କା ତଲେ ଝେଚେରି,

ଇଞ୍ଜା ତାମି କାଣ୍ଡା ପଟିଚେରି,
ଏନିକି ଏଝାରି କାଣ୍ଡା ତଲେ ମେହ୍ନଅରି,

ଅଡ଼େ କୀର୍କା ତଲେ ଝେନଅରି,
ଅଡ଼େ ହିୟାଁ ତଲେ ତେଲୁହଅରି

ଇଞ୍ଜା ଏଝାରି ନା ତାଣା ଝେଣ୍ଣା ଝାଅରି,
ଅଡ଼େ ନାନୁ ଏଝାରାକି ନେହିଁ କିଅଁ ।

୧୬ *ସାମା ନେହେଁ ମୀ କାଣ୍ଡା ଇଚିହିଁ ଏଝି ମେସି
ମାନୁ, ନେହେଁ ମୀ କୀର୍କା ଇଚିହିଁ ଏଝି ଝେଞ୍ଜିମାନୁ ।
୧୭ ଇଚିହିଁ ନାନୁ ମିଙ୍ଗେ ସାତା ଝେସିମାଞ୍ଜାକି, ମୀରୁ ଏନା
ଏନାଆଁ ମେସିମାଞ୍ଜେରି, ଏ ବାରେ ହାଡ଼େକା ମାହାପୁରୁ
ଅଣ୍ଡାପୁତି ବଲୁ ଝେହ୍ନିରାରି ଇଞ୍ଜା ତାରିଗାଟାରି ମେସାଲି ମନ
କିଚେରି, ସାମା ମେସାଲି ଆଡ଼ାଆଚେରି; ଅଡ଼େ ମୀରୁ ଏନା
ଏନାଆଁ ଝେଞ୍ଜିମାଞ୍ଜେରି, ଏ ବାରେ ଏଝାରି ଝେଞ୍ଜାଲି ମନ
କିଚେରି, ସାମା ଝେଞ୍ଜାଲି ଆଡ଼ାଆଚେରି ।”

ଜୀସୁ ବିଚା ମାଟିନି କାତା ପୁଣ୍ୟକିନାୟି

(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ ଆଡ଼ିହିଁ ମୀରୁ ବିଚା ମାଟିନି ପୁଣ୍ୟକିନି କାତା
ଝେଞ୍ଜୁ । ୧୯ ଆତ୍ମାଆସି ମାହାପୁରୁ ରାଜିତି କାତା ଝେଞ୍ଜାନା
ପୁନାଆ ଗାଟାସି, ଏଝାଣି ହିୟାଁତା ଝେସାମାନି ମାହାପୁରୁ
ବଲୁ ସୟତାନ ଝାହାନା ମାଞ୍ଜା ଅନେସି, ଏଝାସି ଜିରୁ

ଦାରି ମାଟାମାନି ବିଚା ଲେହେଁତାସି । ୨୦ ଅଡ଼େ ଆତ୍ମାଆସି
ଝାଲକା ବୃମିତା ମାଟିତି ବିଚା ଏଝାସି ଇଲେତାସି,
ଆତ୍ମାଆସି ମାହାପୁରୁତି କାତା ଝେଞ୍ଜାନା ରାହାଁତଲେ
ନାମିନେସି, ୨୧ ସାମା ଏଝାଣି ତାଣା ହୀରୁ ଜୀଆତାକି
ଗାଡ଼େକେଏ ତାରିଆହାନା ମାନେସି, ତାୟୁ ମାହାପୁରୁ
କାତାତାକି ବାଦା ଅଡ଼େ ନିନ୍ଦା ବେଟାଆଡ଼ିସାରେ ଏ
ବାରେ ପିସାଡ଼ୁହ୍ନେସି, ଏଝାସି ଝାଲକା ବୃମିତା ରିତି
ବିଚା ଲେହେଁତାସି । ୨୨ ଆତ୍ମାଆସି ମାହାପୁରୁତି କାତା
ଝେନେସି, ଇଞ୍ଜା ଦାରତିତି ଅଣ୍ଡାପୁ ଦନତି ଜୁପକା ଏଝାସି
ଝେଞ୍ଜାମାନି କାତାତି ପୁକ୍ତା ହା ତୁସାଲିଏ, ତାନି ଜୀଝୁତା
ପାଢ଼େୟି କାମ୍ବୀଆତେ, ଏଝାସି ହାପକା ବୁଟା ଡ଼କ ରିତି ବିଚା
ଲେହେଁତାସି । ୨୩ ସାମା ଆମିନିଗାଟାସି କାତାତି ଝେନେସି
ଇଞ୍ଜା ନେହିଁ କି ପୁନେସି, ଅଡ଼େ ନେହିଁ ପାଢ଼େୟି
କାମ୍ବିନେସି, ଆତ୍ମାଆସି ପାସାକଡ଼ି, ଆତ୍ମାଆସି ତାନିକଡ଼ି,
ଆତ୍ମାଆସି କଡ଼େଦସ ପାଢ଼େୟିକା, ଏଝାସି ନେହିଁ ବୃମିତା
ରିତି ବିଚା ଲେହେଁତାସି ।

ଚଲି ଜାଡ଼ାତି ପୁଣ୍ୟକିନି କାତା

୨୪ ଜୀସୁ ଏଝାରାକି ଅଡ଼େ ର ପୁଣ୍ୟକିନି କାତା ଝେସେସି,
ଲକପୁରୁ ରାଜି ରଅସି ତାନି ଗୁଡ଼ିୟାତା ନେହିଁ ବିଚା
ମାଟାମାନି ମାଣ୍ଡିଲେହେଁ; ୨୫ ସାମା ଲକୁ ତୁରାମାନାଟି
ତାନି ସାତୁ ଝାହାନା ଏ ଗହଁୟାଁ ବିତ୍ରା ଚଲି ଜାଡ଼ାତି ବିଚା
ମାଟାମାନା ହାଚେସି । ୨୬ ଏଚିବେଲା ଗହଁୟାଁ ପାତାଆହାନା
ଜେକା ଆନିବେଲା ଚଲି ଜାଡ଼ା ଜିକେଏ ତଞ୍ଜାଆତେ ।
୨୭ ଏଚେଟିଏ ସାଝୁକାରିତି ହଲିୟାଜା ତାନି ତାଣା ଝାହାନା
ଏଲେଇଚେରି, ବାରୁ, ନୀନୁ ଏନାଆଁ ନୀ ଗୁଡ଼ିୟାତା ନେହିଁ
ବିଚା ମାଟା ହିଲାଆତି ? ସାମା ଇ ଚଲି ଜାଡ଼ା ବାରେ
ଏମିଟି ଝାଡ଼େ ? ୨୮ ଏଝାସି ଏଝାରାକି ଏଲେଇଚେସି, ରୁ
ସାତୁ ଇଦାଆଁ କିହାମାନେସି । ଅଡ଼େ ହଲିୟାଜା ଏଝାଶାକି
ଏଲେଇଚେରି, ନୀ ମନ ଏନାୟି, ମାମୁ ହାଜାନା ଚଲି
ରେଜାନା କୁଡ଼ି କିନି, ୨୯ ସାମା ଏଝାସି ଏଲେଇଚେସି,
ଆଏ ଏଚେତା ମୀରୁ ଚଲି ଜାଡ଼ା ରେଜି ରେଜିହିଁ ଗହଁୟାଁ
ଜିକେଏ ରେଜେରି । ୩୦ ଗହଁ ଦାଝିନି ପାତେକା ଗହଁ
ଅଡ଼େ ଚଲି ଜାଡ଼ା ରହେଁଏ ପାତାଆପୁ, ଅଡ଼େ ଆନା ଦାଝିନି
ବେଲାତା ଦାଝିଆନାରାକି ନାନୁ ଏଲେଇକି, ତଲିଏ ଚଲି
ଜାଡ଼ା ଦାଟାନା ହୁଡ଼ାଲିତାକି ପେଣ୍ଣାୟାଁ ଏଟକା କିଦୁ, ସାମା
ଗହଁୟାଁ କୁଡ଼ି କିହାନା ନା ଗାଡ଼େୟିତା ଇଟାଦୁ ।

ହାସୁ ପାଢ଼େୟିତି ପୁଣ୍ୟକିନାୟି

(ମାର୍କ ୪:୩୦-୩୨; ଲୁକ ୧୩:୧୮-୧୯)

୩୧ ଜୀସୁ ଏଝାରାକି ଅଡ଼େ ର ପୁଣ୍ୟକିନି କାତା ଝେସେସି,
ଲକପୁରୁ ରାଜି ର ହାସୁ ପାଢ଼େୟି ଲେହେଁତାୟି, ଏଦାଆଁ
ଅହାନା ରଅସି ତାନି ବାଡ଼ାତା ମାଟିଚେସି । ୩୨ ଏ
ପାଢ଼େୟି ବାରେ ପାଢ଼େୟିକା କିହାଁ ଡ଼ଶା, ସାମା ଏଡ଼ି ପାତା
ଆଡ଼ିସାରେ ବାରେ କୁଟା କିହାଁ କାଜାୟି ଆହାଁ ଇଲେତି

☆ ୧୩:୧୨ ୧୩:୧୨ ମାତୃ ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୭ ☆ ୧୩:୧୭ ୧୩:୧୭ ଲୁକ ୧୦:୨୩,୨୪

ମାର୍ତ୍ତୁ ଆନେ, ଇଞ୍ଜା ହାଗୁତା ଉଦ୍‌ମାନି ପଟାୟାଁ ଖାହାନା ଏଦାନି କମାତା ବଣ କିହାନା ବାସା କିନ୍ତୁ ।

ପୁଲ୍ଲା ଏୟୁତି ପୁଣ୍ଡିକିନାୟି

(ମାର୍କ ୧୩:୨୦-୨୧)

୩୩ ଜୀସୁ ଏଝାରାଇଁ ଅଡ଼େ ର ପୁଣ୍ଡିକିନି କାତା ଝେସ୍‌ସେସି, ଲାକପୁରୁ ରାଜି ର ପୁଲ୍ଲା ଏୟୁଲେହେଁତାୟି; ର ଇୟା ଗହଁୟାଁ ଗୁଣ୍ଡାତା ପୁଲ୍ଲାଏୟୁ କାଲ୍‌ହାନା ଇଚିତେ, ଏଚେଟିଏ ଏ ଗୁଣ୍ଡା ପିକ୍‌ମାନା ବାରେ ପୁଲ୍ଲା ଆଡ଼େ ।

ଜୀସୁ ପୁଣ୍ଡିକିନି କାତାତି ଅର୍ଥ ଝେହ୍‌ନାୟି

(ମାର୍କ ୪:୩୩-୩୪)

୩୪ ଇ ବାରେ ପୁଣ୍ଡିକିନି କାତାତଲେ ଜୀସୁ ଲକ୍ଷୁଣି ଝେସ୍‌ସେସି, ଇଞ୍ଜା ପୁଣ୍ଡିକିନି କାତା ଆଡ଼ିଆନା ଏନାଆଁଝା ଲକ୍ଷୁଣି ଝେସି ହିଲାଆଡେସି, ୩୫ ଏନିକ୍‌ ମାହାପୁରୁ ଅଣ୍‌ପୁତି ବଲୁ ଝେହ୍‌ନାଣି ତାଣ୍ଡାଟି ଇ କାତା ସାତା ଆନେ, “ନାନୁ ନା ଗୁତି ଏକ୍‌ହାନା ପୁଣ୍ଡିକିନି କାତାତଲେ ଝେହ୍‌ଇଁ; ଦାର୍‌ତି ଗାଡ଼ି ଆଡ଼ି ଦିନାଟିଏ ଡ଼ଗୁମାନି କାତା ବାରେ ଝେହ୍‌ଇଁ ।”

ଜୀସୁ ଟଲି ଜାଡ଼ାତି ପୁଣ୍ଡିକିନି କାତାତି ଅର୍ଥ ଝେହ୍‌ନାୟି

୩୬ ତାୟୁ ଜୀସୁ ମାନ୍ଦା ଲକ୍ଷୁଣି ପିସାନା ଇଲୁ ବିତ୍ତା ହାଚେସି, ଇଞ୍ଜା ତାମି ସୀସୁୟାଁ ତାଗେ ଝାହାନା ଏଲେଇଚେରି, “ଗୁଡ଼ିୟାତି ଟଲି ଜାଡ଼ାତି ପୁଣ୍ଡି କିନି କାତା ମାଞ୍ଜେ ନେହ୍‌କ୍‌ ଝେସ୍‌ସାମୁ ।”

୩୭ ଜୀସୁ ଏଲେଇଚେସି, “ନେହ୍‌ ବିଚା ମାଟିନାସି ଏଝାସି ମାଣସି ମୀରଏସି; ୩୮ ଇ ଦାର୍‌ତି ଆହିମାନେ ଗୁଡ଼ିୟା, ନେହ୍‌ ବିଚା ମାହାପୁରୁ ରାଜିତି ମୀରକା ମାସକା; ଟଲି ଜାଡ଼ା ସୟତାନତି ମୀରକା ମାସକା; ୩୯ ଆମିନି ସାତୁ ଏଦାଆଁ ମାଟିଚେସି ଏଝାସି ସୟତାନ; ଆର୍ନା ଦାଃନି ଦିନା ଇଚିହ୍‌ ଜୁଗୁ ରାଜି ଦିନା, ଇଞ୍ଜା ଆର୍ନା ଦାଃଆନାରି ମାହାପୁରୁତି ଦୁଡୁୟା । ୪୦ ଇଚିହ୍‌ ଟଲି ଜାଡ଼ାତି ଏନିକ୍‌ ର ତାଣ୍ଡା କୁଡ଼ି କିହାନା ହିଚୁତା ହୁଡିନାୟି, ଜୁଗୁ ରାଜି ଦିନାତା ଜିକେଏ ଏଲେକିହ୍‌ ଆନେ । ୪୧ ମାଣସି ମୀରଏସି ତାନି ଦୁଡୁୟାଣି ପାଣ୍ଡିନେସି, ଇଞ୍ଜା ଏଝାରି ତାନି ରାଜିତି ବାରେ ଲାଗେଏ ପଲେଏତାରାଇଁ ଅଡ଼େ ପାପୁ ଗାଟାରାଇଁ ରୁଣ୍ଡା କିନେରି । ୪୨ ଅଡ଼େ ଏଝାରାଇଁ ହିଚୁ ଗାଡ଼ିୟତା ମେଡ଼ନେରି, ଏମ୍‌ଆଁ ଏଝାରି ଡ଼ାହ୍‌ ପାଲ୍‌କା ଟୀଟି କିନେରି । ୪୩ ଏଚିବେଲା ତାରିଗାଟାରି ତାମି ଆବା ରାଜିତା ଝେଡ଼ାଲେହେଁ ଡ଼ାଞ୍ଜିହ୍‌ ଡ଼ଞ୍ଜାଆନେରି । ଆମ୍‌ଆରାକି କୀର୍କା ମାନୁ ଏଝାରି ଝେଣ୍‌ମ୍‌ାରି ।”

ଡ଼ଗୁମାନି ଦନ ପୁଣ୍ଡିକିନି କାତା

୪୪ “ଲାକପୁରୁ ରାଜି ଗୁଡ଼ିୟାତା ଡ଼ଗୁମାନି ଦନ ଲେହେଁତାୟି, ରଅସି ଏଦାଆଁ ମେସାନା ଡ଼କୁହା ଇଚିତେସି, ଅଡ଼େ ରାହାଁଟି ହାଜାନା ତାନି ଇସିତାସି ଆସି ପାର୍‌ଚାନା ଝେଣ୍‌ଣେ ହାଜାନା ଏ ଗୁଡ଼ିୟାତି କତିତେସି ।”

ଦାରାଗାଟି ଅପ୍‌ନି ଝାଲିତି ପୁଣ୍ଡିକିନି କାତା

୪୫ “ଅଡ଼େ ଲାକପୁରୁ ରାଜି ନେହ୍‌ ଅପ୍‌ନି ଝାଲି ପାରିମାନି ର ବେବାରା କିନାଣିଲେହେଁ । ୪୬ ର ଦାରାଗାଟି ଅପ୍‌ନି ଝାଲି ମେସାନା ଏଝାସି ହାଜାନା ତାନି ଇସିତାସି ଆସି ପାର୍‌ଚାନା ଏ ଅପ୍‌ନି ଝାଲିତି କତିତେସି ।”

ମୀଣ୍‌କା ଆହ୍‌ନି ଜାଲ୍‌ାତି ପୁଣ୍ଡିକିନି କାତା

୪୭ “ଅଡ଼େ ଜିକେଏ ଲାକପୁରୁ ରାଜି ସାମ୍‌ଦୁରିତା ବାରେ କୁଡ଼ାତି ମୀଣ୍‌କା ଆସାଲି ମେଡ଼ନି ଜାଲ୍‌ା ଲେହେଁତାୟି । ୪୮ ଏ ଜାଲ୍‌ା ନେଞ୍ଜାଲିଏ ମୀଣ୍‌କା ଆହ୍‌ନାରି ଏଦାଆଁ ସାମ୍‌ଦୁରି ଗାଟୁତା ରେଜା ତାନେରି, ଇଞ୍ଜା କୁଗାନା ନେହ୍‌ଆଁ ବାରେ ରୁଣ୍ଡା କିହାନା ତିରିତା ଇଚିନେରି, ସାମା ଲାଗେଏ ପଲେଏ ଗାଟାଆଁ ବାରେ କୁଡ଼ା ତୁହ୍‌ନେରି । ୪୯ ଜୁଗୁ ରାଜି ଦିନାତା ଏଲେକିହ୍‌ ଆନେ; ଦୁଡୁୟାଁ ହଚାଝାହାନା ତାରିଗାଟାରି ତାଣ୍ଡାଟିଏ ଲାଗେଏ ପଲେଏତାରାଇଁ ଏଡ଼କା କିନେରି । ୫୦ ଅଡ଼େ ଏଝାରାଇଁ ହିଚୁ ଗାଡ଼ିୟତା ମେଡ଼ହା ତୁହ୍‌ନେରି, ଏମ୍‌ଆଁ ଡ଼ାନାୟି ଅଡ଼େ ପାଲ୍‌କା ଟୀଟି କିନାୟି ଆନେ ।”

ପ୍ଲାଃଆଣି ଅଡ଼େ ପୁଃନାଣି ଜାପ୍‌ନାୟି

୫୧ ଜୀସୁ ସୀସୁୟାଁ ଝେଚେସି, “ମୀରୁ ଇ ବାରେ କାତା ପୁଚେରି ?”

ଏଝାରି ଏଲେଇଚେରି, “ହାଅ ପ୍ରବୁ ।”

୫୨ ଏଚେଟିଏ ଜୀସୁ ଏଝାରାଇଁ ଏଲେଇଚେସି, “ଆତିହ୍‌ ଆମିନି ଇଲୁଗାଟାସି ତାନି ଇଲୁଟି ପୁଃନାଣି ପ୍ଲାଃଆଣି ହପ୍‌ନେସି, ଲାକପୁରୁ ରାଜିତି ସୀସୁ ଆହ୍‌ମାନି ବାରେ ମେରା ପୁନାରି ଏଝାଣି ଲେହେଁତାରି ।”

ଜୀସୁଇଁ ନାକ୍‌ରିତତା ଅପାଆଗାଟାୟି

(ମାର୍କ ୬:୧-୬; ଲୁକ ୪:୧୭-୩୦)

୫୩ ଜୀସୁ ଇ ବାରେ ପୁଣ୍ଡିକିନି କାତା ଝେସାଲି ଆଡ଼ାଲିଏ, ତାୟୁ ଏମ୍‌ାଟିଏ ହାଚେସି । ୫୪ ଇଞ୍ଜା ଏଝାସି ତାନୁ ପାତାଆଡ଼ି ନାୟୁଁତା ଝାହାନା ଲକ୍ଷୁଣି ତାମି ଜୀହୁଦି ଲକ୍ଷୁଟି କୁଚି ଇଲୁତା* ଇଲେକିହ୍‌ ଜାପ୍‌ହେସି, ଇଞ୍ଜା ଏଝାରି କାବାଆହାନା ଏଲେଇଚେରି, “ଇଝାଣାକି ଇଲେତି ବୁଦି ଇଞ୍ଜା ଇଲେତି କାବାଆଡ଼ି କାମା କିହାଲି ଆମ୍‌ିଟି ବାଡ଼ିୟୁ ବେଟାଆଡ଼େସି ? ୫୫ ଇଝାସି ଏ ବାଡ଼ିୟାତି ମୀରଏସି ଆଏକି ? ଇଝାଣି ଇୟା ମରିୟମ ଆଏ ? ଅଡ଼େ ଇଝାଣି ତାୟିୟାଁ ଦରକା ଜାକୁବ, ଜସେପ, ସିମନ ଇଞ୍ଜା ଜୀହୁଦା ଆଏ ? ୫୬ ଅଡ଼େ ଇଝାଣି ତାଜିୟା ମା ତଲେ ହିଲାଡ ? ଇଞ୍ଜାହାଁ ଇଝାସି ଏ ବାରେ ଆମ୍‌ିଟି ମେଡ଼ାଆଡ଼େସି ?” ୫୭ ଇଞ୍ଜା ଏଝାରି ଜୀସୁଇଁ ଅପାଆଡେରି । ସାମା ଜୀସୁ ଏଝାରାଇଁ ଏଲେଇଚେସି, “ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ନିଜେତି ନାୟୁଁତା ଇଞ୍ଜା ନିଜେତି ଇଲୁ କୁଚିମିତା ମାନି ପ୍ଲାଃଅରି ।” ୫୮ ଅଡ଼େ ଏଝାରି ନାମାଆତାକି ଏଝାସି ଏମ୍‌ଆଁ ହାରେକା କାବାଆଡ଼ି କାମା କିଆଡେସି ।

* ୧୩:୫୪ ୧୩:୫୪ ସିନଗଗ ✨ ୧୩:୫୭ ୧୩:୫୭ ଜହ ୪:୪୪

୧୪

ବାପ୍ତିସ୍ମା* ହାନି ଜହନ ହାନାୟି

(ମାର୍କ ୭:୧୪-୨୯; ଲୁକ ୯:୭-୯)

୧ ଏତିବେଳାତା ଗାଲିଲିତି ସାଲୁଡ଼ି କିନି ରାଜା ହେରଦ ଜୀସୁତି କାରୁ ଖେତେସି, ୨ ଅଡ଼େ ତାନି ହଲିୟାଙ୍ଗାଣି ଏଲେଇଚେସି, “ଇଝାସି ବାପ୍ତିସ୍ମା† ହାନି ଜହନ ଏଝାସି ହାଡ଼ାରି ତାଣାଟି ନିଙ୍ଗାମାନେସି, ଏଦାଆଁତାକି ଇ ବାରେ ବାଡ଼ୟୁ ଏଝାଣି ତାଣା କାମା କିହିମାନେ ।”

୩ ✱ଇତିହିଁ ତଲି ହେରଦ ତାମି ତାୟି ପିଲିପ ତକ୍ତି ହେରଦିୟାନି ତାକି ଜହନଇଁ ଦସ୍‌ପା ତାଚାନା କାୟିଦି ଇଲୁତା ଇଟାମାଚେସି । ୪ ଇତିହିଁ ଜହନ ତାଙ୍ଗ ଏଲେଇଞ୍ଜିମାଚେସି, ହେରଦିୟାନି ଇଟିନାୟି ନୀ ମେରା ହିଲେଏ । ୫ ଅଡ଼େ ହେରଦ ଏଝାଣାଇଁ ପାୟାଲି ମନୁ କିତି ଜିକେଏ ଲକୁଣି ଆଜିମାଚେସି, ଏଦାଆଁତାକି ଇତିହିଁ ଏଝାଣାଇଁ ର ମାହାପୁରୁ ଅଣ୍ଟପୁତି ବଲୁ ଖେହନାସି ଇଞ୍ଜି ମାନି କିହିମାଚେରି ।

୬ ସାମା ହେରଦତି ଜାର୍ନା ଦିନା ଝାହାଲିଏ, ହେରଦିୟାତି ମାଙ୍ଗା ରୁଣ୍ଡା ଆହାମାଟି ଲକୁ ନକିତା ଏନ୍ଦାନା ହେରଦଇଁ ରାହାଁ କିଝିକିଚେ । ୭ ଏଚେଟିଏ ଏଝାସି ପାରମାଣା କିହାନା ଆଞ୍ଜିଚେସି, ନାନୁ ନାଙ୍ଗେ ଏନାଆଁ ରୀସ୍ତାତିହିଁ ଏଡ଼ି ନିଙ୍ଗ ହୀପକିଆନେ ।

୮ ଇଞ୍ଜା ଏଡ଼ି ତାମି ଇୟାନି କାତା ଆସାହାଁ ଏଲେଇଚେ, “ବାପ୍ତିସ୍ମା‡ ହାନି ଜହନତି ତାୟିଁଁ ନୀଏଁଁ ଇମ୍ବାଆଁ ର ସାଡ଼ଝାତା ନାଙ୍ଗେ ହିୟାମୁ ।”

୯ ଇଦାଆଁ ଖେଞ୍ଜାନା ରାଜା ଦୁକୁ ଆଡ଼ିହିଁଁ ଜିକେଏ ତାନୁ ପାରମାଣା କିହାଁ ଆଞ୍ଜାମାଚାକି ଅଡ଼େ ତାନିତଲେ ବଜିତା କୁଗାମାଚାରି ନକିତା ଆଞ୍ଜାମାଚାକି ଏଦାନି ମନଲେହେଁ ହାହାଲି ହୁକୁମି ହୀଚେସି । ୧୦ ଇଞ୍ଜା ଲକୁଣି ପାଣ୍ଡାନା କାୟିଦି ଇଲୁତା ଜହନତି ତାୟିଁଁଁ ଦ୍ଵାପିକିଚେସି, ୧୧ ଅଡ଼େ ଏଝାଣି ତାୟିଁଁଁ ର ସାଡ଼ଝାତା ତାଚାନା ଏ ପଦାକି ହୀଚେରି, ଇଞ୍ଜା ଏଡ଼ି ଅହାନା ତାମି ଇୟାନି ତାଣା ଅଡ଼େ । ୧୨ ଏଚେଟିଏ ଜହନତି ସୀସୁୟାଁ ଝାହାନା ମାଡ଼ହା ଅହାନା ମୁସ୍ତେରି, ଅଡ଼େ ହାଜାନା ଜୀସୁଇଁଁ ଖେସ୍ତେରି ।

ଜୀସୁ ପାସାମାଣା ଲକୁକି ତିଞ୍ଜାଲି ହାନାୟି

(ମାର୍କ ୭:୩୦-୪୪; ଲୁକ ୯:୧୦-୧୭)

୧୩ ଜହନ ହାଡ଼ି କାରୁ ଖେଞ୍ଜାନା, ଜୀସୁ ର ତଂଗତା କୁଗାନା ଲକୁ ହିଲ୍ୟାଆ ଚାୟୁତା ହାଚେସି, ଲକୁ ଇ କାତା ଖେଞ୍ଜାନା ଗାଡ଼ାୟାଟି ଝାହାନା ତାକି ତାକିହିଁଁ ଏଝାଣି ଜେତ ହାଚେରି; ୧୪ ଅଡ଼େ ଏଝାସି ତଂଗଟି ରେଚାନା ମାନ୍ଦା ଲକୁଣି ମେସାନା କାର୍ମା ଆହାନା ଏଝାରି ରଗ ଗାଟାରାଇଁ ନେହିଁଁ କିଚେସି ।

୧୫ ଖେଡ଼ା ହାଜାଲିଏ ତାନି ସୀସୁୟାଁ ତାନି ତାଣା ଝାହାନା ଏଲେଇଚେରି, “ଇ ଚାୟୁ ଲକୁ ହିଲ୍ୟାଆ ଚାୟୁ ଇଞ୍ଜା ଆନ୍ଦେରି ଜିକେଏ ଆହିମାନେ; ଏଦାଆଁତାକି ବାରେ ଲକୁ ଏନିକିଁଁ ନାସ୍‌କାଣାଁ ହାଜାନା ତାମ୍‌ଙ୍ଗେ ତାକି ଲହଡ଼ି

ପାରିନେରି, ଏଦାଆଁତାକି ଏଝାରାଇଁଁ ହାଜାଲି ହେଲ ହୀମୁ ।”

୧୬ ସାମା ଜୀସୁ ଏଝାରାଇଁଁ ଏଲେଇଚେସି, “ଏଝାରି ହାନି ଲଡ଼ା ଆଏ, ମୀରୁ ଏଝାରାକି ତିଞ୍ଜାଲି ହୀଦୁ ।”

୧୭ ଏଝାରି ଏଝାଣାଇଁଁ ଏଲେଇଚେରି, “ମାଙ୍ଗେ ଇମ୍ବାଆଁ ପାସାଗଟା ରୁଟି ଇଞ୍ଜା ରୀ ମୀଣକା ମାନୁ ।”

୧୮ ଜୀସୁ ଏଝାରାଇଁଁ ଏଲେଇଚେସି, “ଏଝାଆଁ ଇମ୍ବାଆଁ ନା ତାଣା ତାଦୁ ।” ୧୯ ଅଡ଼େ ଏଝାସି ଲକୁଣି ଗାକିଁଁ ଜାଡ଼ା ଲାକ କୁଗାଲି ହୁକୁମି ହୀଚେସି, ଅଡ଼େ ଏ ପାସାଗଟା ରୁଟି ଇଞ୍ଜା ରୀ ମୀଣକାଣି ଅହାନା ଲାକପୁରୁ ଝାକି ସିନିକିହାନା ମାହାପୁରୁଇଁଁ ଜହରା କିଚେସି, ଇଞ୍ଜା ରୁଟି ଡ଼ିକିହାନା ତାମି ସୀସୁୟାଁକି ହୀଚେସି, ଏଚେଟିଏ ସୀସୁୟାଁ ବାରେ ଲକୁକି ହୀଚେରି । ୨୦ ଏଚେଟିଏ ବାରେଜାଣା ତିଞ୍ଜାନା ପାଞ୍ଜିଚେରି, ଇଞ୍ଜା ସୀସୁୟାଁ ହାରାମାଟି ରୁଟି ଗାଣ୍ଡାୟାଁ କୃଡ଼ି କିହାନା ବାରଗଟା ତାଲିତା ନେଞ୍ଜିକିଚେରି । ୨୧ ରାନ୍ଦା ତିଟି ଲକୁ ଇୟାସିକା ଇଞ୍ଜା କକାରି ପଦାଁଣି ପିସାନା ବାରେ ପାସାମାଣା ଆବାୟାଁ ମାଚେରି ।

ଜୀସୁ ଏୟୁ ଲାକ ତାକିନାୟି

(ମାର୍କ ୭:୪୫-୫୨; ଜହ ୭:୧୫-୨୧)

୨୨ ଏ ଦେବୁଣିଏ ଜୀସୁ ତାନି ସୀସୁୟାଁଣି ତଂଗତା ଏକିହାନା ସାମ୍‌ଦୁରି ଆତାଲାଝାକି ତାନି ନକିତା ହାଜାଲି ଏଲେଇଚେସି, ଏଚେଟିଏ ବାରେ ଲକୁଣି ହାଜାଲି ହେଲ ହୀଚେସି । ୨୩ ଜୀସୁ ଲକୁଣି ହେଲ ହୀତି ତାୟୁ ପ୍ରାତାନା କିହାଲି ହରୁ ଲାକ ହାଚେସି, ଇଞ୍ଜା ମିଡ଼ଅଲା ଆହାଲିଏ ଏଝାସି ଏମ୍ବାଆଁ ରଅସିଏ ମାଚେସି । ୨୪ ସାମା ଏତିବେଲା ତଂଗ ସାମ୍‌ଦୁରି ଗାଟୁଟିଏ ହାରେକା ହେକ ମାଚେ, ଇଞ୍ଜା ସାମ୍‌ଦୁରିତା ଗାଲି ଖେଚାଲିଏ ଏ ତଂଗ ଝୀଡ଼ିମାଚେ ।

୨୫ ସାମା ଖେୟା ନେକେରି ଜୀସୁ ଏୟୁ ଲାକ ତାକି ତାକିହିଁଁଁ ସୀସୁୟାଁ ତାଗେ ହାଚେସି । ୨୬ ଅଡ଼େ ସୀସୁୟାଁ ଏଝାଣାଇଁଁ ଏୟୁ ଲାକ ତାକି ମାନାଣି ମେସାନା ଆଜାହାଚେରି, ଇଞ୍ଜା ଏଲେଇଚେରି, “ଇଦି ର ବୁଡୁ !” ଇଞ୍ଜିଁଁଁ ଆଜିତାକି କିରଡ଼ିଚେରି ।

୨୭ ସାମା ଜୀସୁ ଦେବୁଣିଏ ଏଝାରାଇଁଁ ଏଲେଇଚେସି, “ସାସା ଆହଦୁ ଆଜାଆଦୁ ନାନୁ ଜୀସୁଚେଏଁଁ !”

୨୮ ଏଚେଟିଏ ପିତର ଏଲେଇଚେସି, “ଏ ପ୍ରବୁ ସାଚେଏ ନାନୁ ଇତିହିଁଁଁ ଏୟୁଲାକଟି ତାକିହିଁଁଁ ନୀପ ଝାହାଲି ହୁକୁମି ହିୟାମୁ ।”

୨୯ ଜୀସୁ ଏଲେଇଚେସି “ଝାମୁ !” ଏଚେଟିଏ ପିତର ତଂଗଟି ରେଚାନା ଜୀସୁ ତାଣା ଏୟୁଲାକଟି ତାକିହିଁଁଁ ହାଚେସି । ୩୦ ସାମା ଗାଲି ମେସାନା ଆଜିଚେସି, ଇଞ୍ଜା ଏୟୁଣାଁ ମୁଞ୍ଜିହିଁଁଁ ଏଲେଇଚେସି, “ଏ ପ୍ରବୁ ନାଙ୍ଗେ ଗେଲପାମୁ ।”

* ୧୪:୧ ମୁଞ୍ଜିନାୟି † ୧୪:୨ ୧୪:୨ ମୁଞ୍ଜିନାୟି ✱ ୧୪:୩ ୧୪:୩ ଲୁକ ୩:୧୯,୨୦ ‡ ୧୪:୮ ୧୪:୮ ମୁଞ୍ଜିନାୟି

୩୧ ଏ ଦେବୁଣିଏ ଜୀସୁ କେୟୁ ଦାସାନା ପିତରଇଁ ଆସାନା ଏଲେଇଚେସି, “ଏ ଉଣା ନାମୁ ଗାଟାତି ! ଏନାଆଁ ତାକି ଆନାମାନା ଆଡ଼ି ?”

୩୨ ଅଡ଼େ ଏଞ୍ଜାରି ତଂଗତା ହଚାଲିଏ ଗାଲି ତୁଝିତେ । ୩୩ ଏଚେଟିଏ ତଂଗତା ମାଟି ସୀସୁୟାଁ ଜୀସୁଇଁ ଜହରା କିହାନା ଏଲେଇଚେରି, “ନୀନୁ ସାତେଏ ମାହାପୁରୁ ମୀରଏଣାତି ।”

ଗେନେସର ରାଜିତା ଜୀସୁ ରଗା ଗାଟାରାଇଁ ନେହଁ କିନାୟି

(ମାର୍କ ୭:୫୩-୫୬)

୩୪ ଏଞ୍ଜାରି ସାମୁଦ୍ଧରି ଗାଣ୍ଡାନା ଗେନେସର ରାଜିତା ଏତେରି । ୩୫ ଅଡ଼େ ଏମାତି ଲକୁ ଜୀସୁଇଁ ପୁଞ୍ଜାନା ସାରିଖାକି ମାନି ବାରେ ରାଜିତା କାରୁ ପାଣ୍ଡିତେରି, ଇଞ୍ଜାଁ ଲକୁ ବାରେ ରଗା ଗାଟାରାଇଁ ଜୀସୁ ତାଣା ତାତେରି; ୩୬ ଅଡ଼େ ରଗା ଗାଟାରି ଜୀସୁତି ହିମ୍ପରି କୁଞ୍ଜୁ ତାଗିନେରି, ଏନାଆଁତାକି ଜୀସୁଇଁ ବାଡ଼ିମାଲିତେରି, ଇଞ୍ଜାଁ ଏଚେକା ଲକୁ ତାଗିତେରି ବାରେ ନେହଁ ଆଡ଼େରି ।

୧୫

ଆକୁ ଆବାୟାଁ ମେରା ଜାପୁନାୟି

(ମାର୍କ ୭:୧-୧୩)

୧ ଏଚିବେଲାତା ଜିରୁସାଲମଟି ପାରୁସିୟାଁ ଇଞ୍ଜାଁ ମେରାପୁନାରି ଜୀସୁ ତାଣା ଖାହାନା ଏଲେଇଚେରି, ୨ “ନୀ ସୀସୁୟାଁ ଏନାଆଁତାକି ତଲିତି ଆକୁ ଆବାୟାଁ ଜାପୁହି ମେରା ମାନି କିହିଲଅରି ? ଇଚିହଁ ରାନ୍ଦା ତିନାଟି କେସ୍ଲା ନରଅରି ।”

୩ ଜୀସୁ ଏଞ୍ଜାରାଇଁ ଏଲେଇଚେସି, “ଏନାଆଁତାକି ମୀରୁ ଜିକେଏ ମୀ ପାଣାପାଟୁ ମେରାତାକି ମାହାପୁରୁତି ହୁକୁମି ମାନୁଡ଼ି ଆହି ହିଲଅତେରି ?” ୪ ମାହାପୁରୁ ଏଲେଇଞ୍ଜା ମାନେସି ଇୟା ଆବାଇଁ ମାନି କିଦୁ, ଇଞ୍ଜାଁ ଆମ୍ବାଆସି ଇୟା କି ଆବାଇଁ ବାକା ଇଚିନେସି ଏଞ୍ଜାସି ହାନି ତଣ୍ଡ ବେଟା ଆନେସି । ୫ ସାମା ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ଆପେସି ତାମି ଇୟା କି ଆବାଇଁ ଏଲେଇନେସି, ନା ତାଣାଟି ମିଞ୍ଜେ ଏନାଆଁ ହିୟାତିହଁ ନେହେଁ ଆଡ଼େମା, ଏ ବାରେ ମାହାପୁରୁକି ହେରପି ଆହାମାନେ, ୬ ଏଞ୍ଜାସି ସାତେଏ ତାମି ଇୟା ଆବାଇଁ ମାନି କିଅସି । ଇଲେକିହଁ ମୀରୁ ମୀ ପାଣାପାଟୁ ମେରା ତଲେ ମାହାପୁରୁ କାତା ଉଜେଏ କିହିମାଞ୍ଜେରି । ୭ ଆଡ଼େ କୁଟୁ ଗାଟାତେରି, ମାହାପୁରୁ ଅଣ୍ଡପୁତି ବକୁ ଖେହନି ଜିସାୟ ମିଞ୍ଜେତାକି ନେହଁ କଁ ଇ କାତା ଖେସାମାନେସି ।

୮ ଇ କୁଡ଼ାତାରି ଖାରଇ ଗୁଡ଼ି ତଲେ ସେବା କିୟାନେରି, ସାମା ଏଞ୍ଜାରି ହିୟାଁ ନା ତାଣାଟି ହେକ ଡ଼ୟିନେ ।

୯ ଏଞ୍ଜାରି ମାଣସି କେପିତି ପାଣା ପାଟୁତି ଦାମୁତି ନେହଁ କାତା ଇଞ୍ଜାଁ ଜାପୁହାନା, ଉଜେଏ ନାଞ୍ଜେ ସେବା କିହିମାଞ୍ଜାନେରି ।

ମାଣସିଇଁ ଲାଗେଏ କିନାୟି

(ମାର୍କ ୭:୧୪-୨୩)

୧୦ ଅଡ଼େ ଜୀସୁ ଲକୁଣି ତାଗେ ହାଟାନା ଏଞ୍ଜାରାଇଁ ଏଲେଇଚେସି, “ଖେଞ୍ଜୁ ଇଞ୍ଜାଁ ପୁଞ୍ଜୁ ।” ୧୧ ମାଣସି ଗୁଡ଼ି ବିତ୍ରା ଏନାୟି ହଡ଼ନେ ଏଡ଼ି ଏଞ୍ଜାଣାଇଁ ଲାଗେଏ କିଏ, ସାମା ଗୁଡ଼ି ବିତ୍ରାଟି ଏନାୟି ହଡ଼ନେ ଏଡ଼ି ମାଣସିଇଁ ଲାଗେଏ କିନେ ।

୧୨ ଏଚିବେଲା ସୀସୁୟାଁ ଜୀସୁ ତାଣା ଖାହାନା ଏଲେଇଚେରି, ପାରୁସିୟାଁ ଇ କାତା ଖେଞ୍ଜାନା କସ୍ତ ବେଟାଆହି ମାନେରି ଇଦାଆଁ ନୀନୁ ପୁଞ୍ଜା ମାଞ୍ଜିକି ?

୧୩ ସାମା ଜୀସୁ ଏଲେଇଚେସି, “ନା ଲାକପୁରୁତି ଆବା ଆମିନି ମୀରୁ ଉହା ହିଲଅସି ଏ ବାରେ ରେଞ୍ଜି ଆନୁ ।”

୧୪ *ପାରୁସିୟାଁ କାତା ଖେନାଆଦୁ, ଏଞ୍ଜାରି କାଣାୟାଁ ଆହାନା କାଣାୟାଁଇଁ ଜିରୁ ତହନେରି, ଇଞ୍ଜାଁ କାଣା ଅର କାଣାଇଁ ଜିରୁ ତସିହଁ ରିଆରି ଜିକେଏ ଗାଡ଼ୁୟୁତା ତରଗିନେରି ।

୧୫ ପିତର ଏଲେଇଚେସି, “ଏ ପୁଣ୍ଡିକିନି କାତା ମାଞ୍ଜେ ଖେସ୍ତାମୁ ।”

୧୬ ଜୀସୁ ଏଲେଇଚେସି, “ମୀରୁ ଜିକେଏ ନୀଏଁ ପାତେକା ପୁନାଆ ଗାଟାତେରି ?” ୧୭ ଏନାୟି ଗୁଡ଼ିଟି ହଡ଼ନେ ଏଡ଼ି ବାଣ୍ଡିତା ହାଜାନା ଏଡ଼ି ବାଣ୍ଡିହାନିଲେହେଁ ହଡ଼ା ହାନେ, ଇଦାଆଁ ପୁଞ୍ଜି ହିଲଅତେରି ? ୧୮ *ସାମା ଗୁଡ଼ିଟି ଏନାୟି ହଡ଼ିମାନେ ଏଡ଼ି ହିୟାଁଟି ହଡ଼ିମାନେ ଏଡ଼ିଏ ମାଣସିଇଁ ଲାଗେଏ କିହିମାନେ । ୧୯ ଇଚିହଁ ହିୟାଁଟି ଲାଗେଏତି ଅଣ୍ଡପୁ ହଡ଼ନେ, ଇଚିହଁ ଲକୁଣି ପାୟିନାୟି, ଦାରି କାମା କିୟାଲି, ଲାଗେଏ ପଲେଏ କାମା କିହାଲି, ସରୁ କାମା କିହାଲି, ମିଟି ସାକି ହୀହାଲି ଇଞ୍ଜାଁ ନିୟା କାତା ଜଲାଲି; ୨୦ ଇ ବାରେ କାମା ମାଣସିଇଁ ଲାଗେଏ କିନେ, ସାମା କେୟୁ ନରଆନା ତିନାୟି ମାଣସିଇଁ ଲାଗେଏ କିଏ ।

ର ଇୟାନି ନାମୁ

(ମାର୍କ ୭:୨୪-୩୦)

୨୧ ଜୀସୁ ଏ ଟାୟୁ ପିସାନା ସର ଅଡ଼େ ସିଦନ ରାଜିତା ହାଚେସି । ୨୨ ଅଡ଼େ ମେହ୍ଦୁ ଏ ହାୟିଟି କିଶାନ ଦେସାତି ର ଇୟା ଖାହାନା କାଜା ଗିୟାତଲେ ଏଲେଇଚେ, “ଏ ପ୍ରବୁ ଦାଞ୍ଜୁଦ ମୀରଏଣାତି ନାଞ୍ଜେ କାର୍ମା ମେସ୍ତାମୁ ଇଚିହଁ ନା ମାଞ୍ଜାନି ହାରେକା ଆଜିହପେତି ବୁଡୁ ଆସାନା କସ୍ତ ଆହିମାନେ ।”

୨୩ ସାମା ଜୀସୁ ଏଦାନି ର ପଦୁ ଜିକେଏ ଜଲାଆତେସି । ଇଞ୍ଜାଁ ତାନି ସୀସୁୟାଁ ଖାହାନା ଏଞ୍ଜାଣାଇଁ ଏଲେଇଚେରି, “ଇଦାନି ହେଲ ହୀହାନା ପାଣ୍ଡାତୁହମୁ, ଏନାଆଁତାକି ଇଚିହଁ ଇଦି ମା ଡ଼େତ କାଲୁଡ଼ି ଆହିମାନେ !”

୨୪ ସାମା ଜୀସୁ ଏଲେଇଚେସି, “ନୀନୁ ଇସାୟେଲ କୁଡ଼ାତା ଜାଞ୍ଜାମାନି ମେଣ୍ଡାୟାଁ ପିସପେ ଅଡ଼େ ଆମ୍ବାଆରି ତାଣା ପାଣ୍ଡୁଡ଼ି ଆହାହିଲଅଁ ।”

୨୫ ଏ ଇୟା ଖାହାନା ଜହରା କିହାନା ଏଲେଇଚେ, “ଏ ପ୍ରବୁ ନାଞ୍ଜେ କାର୍ମା ମେସ୍ତାମୁ ।”

* ୧୫:୧୪ ୧୫:୧୪ ଲୁକ ୭:୩୯ * ୧୫:୧୮ ୧୫:୧୮ ମାତି ୧୭:୩୪

୨୬ ସାମା ଜୀସୁ ଏଲେଇଚେସି, “ମୀରକା ମାସକା କାଡ଼ି ଅହାନା ନେସକା ତାଗେ ମେଡ଼ନାୟି ନେହେଁ ଆସୁ ।”

୨୭ ଏ ଇୟା ଏଲେଇଚେ, “ହାଅ ପ୍ରବୁ ଇଚିହେଁ ନେସକା ତାମି ସାଞ୍ଜୁକାରିୟାଁ ତାଣାଟି ତରଗାମାନି ଜୁଟା ରାନ୍ଦା ପେରହା ତିନୁ ।”

୨୮ ଏଚେଟିଏ ଜୀସୁ ଏ ଇୟାନି ଏଲେଇଚେସି, “ଏ ଇୟା ନୀଦି ହାରେକା କାଜା ନାମୁ ନୀ ମନ ଲେହେଁଏ ନିଙ୍ଗ ଆୟାପେ ।” ଏ ଦେବୁଣିଏ ତାନି ମାଙ୍ଗା ନେହେଁ ଆଡେ ।

ଜୀସୁ ହାରେକା ଲକୁଣି ନେହେଁ କିନାୟି

୨୯ ଜୀସୁ ଏମ୍ବାଟିଏ ହାଜାନା ଗାଲିଲି ସାମଦୁରି ତାଗେ ଖାଡେସି, ଅଡେ ହରୁ ଲାକ ହାଜାନା କୁରିଚେସି । ୩୦ ଅଡେ ହାରେକା ଲକୁ ସଗାୟାଁ, ରୁଡୁଝାୟାଁ, କାଣାୟାଁ, ଗୁଲ୍ଲାୟାଁ, ହାରେକା ଲକୁଇଁ ତାମିତଲେ ତାଚାନା ଜୀସୁ କଡ଼ା ଡ଼ଇ ଇଚିଚେରି, ଅଡେ ଏଝାସି ଏଝାରାଇଁ ନେହେଁ କିଚେସି । ୩୧ ଇଲେକିହେଁ ବେବଡ଼ାୟାଁ ଜଲିମାନେରି, ରୁଡୁଝାୟାଁ ନେହେଁ ଆହିମାନେରି, ସଗାୟାଁ ତାକି ମାନେରି ଅଡେ କାଣାୟାଁ ମେସିମାନେରି; ଇ ବାରେ ମେସାନା ଲକୁ କାବା ଆଡେରି, ଇଞ୍ଜା ଇସାୟେଲତି ମାହାପୁରୁଇଁ ଜହରା କିଚେରି ।

ଜୀସୁ ସାରି ମାଣା ଲକୁଣି ତାସ୍ତେସି

(ମାର୍କ ୮:୧-୧୦)

୩୨ ଅଡେ ଜୀସୁ ତାନି ସୀସୁୟାଁଇଁ ତାଗେ ହାଟାନା ଏଲେଇଚେସି, “ଇ ବାରେ ଲକୁତାକି ନାଙ୍ଗେ କାର୍ମା ହଡ଼ିମାଞ୍ଜାନେ, ଏନାଆଁତାକି ଇଚିହେଁ ଇଝାରି ତାନିଦିନା ଆଡେରିଏ ନା ତଲେ ମାଞ୍ଜାମାନେରି, ଅଡେ ଇଝାରି ତାଣା ଏନାୟିଝା ତିଞ୍ଜାଲି ହିଲେଏ; ଇଝାରି ହାନାଟି ଜୀସୁ ହଚା ହାଡ଼ିଲେହେଁ ଜିରୁତା ତରଗିନେରି, ଏଦାଆଁତାକି ହାକିଟି ପାଣ୍ଡାଲି ନା ମନ ହିଲେଏ ।”

୩୩ ସୀସୁୟାଁ ଏଝାଣାଇଁ ଏଲେଇଚେରି, “ଇଚେକା ଲକୁତାକି ବାଣ୍ଡି ପାଞ୍ଜିକିହାଲି ଇ ଏନାଆଁ ହିଲାଆ ଟାୟୁତା ଏମ୍ବିଟି ରୁଟି ପାଣ୍ଡନାୟି ।”

୩୪ ଜୀସୁ ଏଝାରାଇଁ ଖେଚେସି, “ମୀ ତାଣା ଏଚରଗଟା ରୁଟି ମାନୁ ?”

ଏଝାରି ଏଲେଇଚେରି, “ସାଡ଼ାଗଟା ଇଞ୍ଜା ଏଚରଗଟା ଉଣା ମୀଣ୍ଟକା ମାନୁ ।”

୩୫ ଏଚେଟିଏ ଜୀସୁ ଲକୁଣି ବୁମିତା କୁଗାଲି ହୁକୁମି ହାଡେସି, ୩୬ ଅଡେ ଜୀସୁ ଏ ସାଡ଼ାଗଟା ରୁଟି ଇଞ୍ଜା ମୀଣ୍ଟକାଣି ମାହାପୁରୁ ତାଣା ଜହରା କିହାନା ସୀସୁୟାଁକି ହାଡେସି; ଏଝାରି ଲକୁତାକି ହାଡେରି । ୩୭ ଅଡେ ଲକୁ ତିଞ୍ଜାନା ପାଞ୍ଜିତି ତାୟୁ, ତୀଗିତି ରୁଟି ସାଡ଼ା ତାଲି ହାରିତାଣି କୁଡ଼ି କିଚେରି । ୩୮ ରୁଟି ତିତି ଲକୁ ଇୟାସିକା ଅଡେ ଉଣା କକାରି ପଦାଣି ପିସାନା ସାରି ମାଣା ଆବାୟାଁ ମାଚେରି ।

୩୯ ଏଚେଟିଏ ଏଝାସି ଲକୁଣି ହେଲ ହୀହାନା ତଂଗତା ହଡ଼ାନା ମଗଦାନ ହାନ୍ଦିତା ଖାଡେସି ।

୧୬

କାବାଆନ୍ତି କାମା ତସାଲି ଏଲେଇନାୟି

(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ *ଏଚେକା ପାରୁସି ଅଡେ ସାଦୁକିୟାଁ ଜୀସୁ ତାଣା ଖାହାନା ତାୟିପାରି କିହାଲି, ମାଙ୍ଗେ ହାଗୁ ଲାକଟି ର ସିନା ତସାମୁ ଇଞ୍ଜା ବାଡ଼ିମାଲିଚେରି । ୨ ସାମା ଜୀସୁ ଏଝାରାଇଁ ଏଲେଇଚେସି, “ମିଡ଼ଅଲ୍ଲା ବେଲ୍ଲା ଏଲେଇଞ୍ଜେରି, ଓଏ କାରା ଆନେ, ଇଚିହେଁ ହାଗୁ ଗାଦଗା ଆହାମାନେ ।”

୩ ଅଡେ ଲାଇ ବେଲ୍ଲା ଏଲେଇଞ୍ଜେରି, ନୀଞ୍ଜୁ ପିୟୁ ଆନେ, ଇଚିହେଁ ହାଗୁ ଗାଦଗା ଅଡେ ଦୁନ୍ଦା ମୁଚାମାନେ । ମୀରୁ ହାଗୁଡ଼ି ପାଗା ମେସାନା ନକିତି କାତା ପୁଞ୍ଜାଲି ଆଡ଼ି ମାଞ୍ଜେରି, ସାମା ନୀର୍ଦ୍ଦିତ କାତା ଅଡେ ସିନାୟାଁ ପୁଞ୍ଜି ହିଲଅଚେରି । ୪ *ପଲ୍ଲଆ ଗାଟାରି ଇଞ୍ଜା ମାହାପୁରୁଇଁ ଅଣପାଆଗାଟି କୁଡ଼ାତାରି ସିନାୟାଁ ପାରିନେରି, ସାମା ଜୁନସତି ସିନା ପିସପେ ଅଡେ ଏଟକାତି ସିନା ଏଝାରାକି ହାପକି ଆସ, ଇଞ୍ଜା ଏଝାସି ଏଝାରାଇଁ ପିସାନା ହାଚେସି ।

ପାରୁସିୟାଁ ଅଡେ ସାଦୁକିୟାଁ ତାଣାଟି ଜାଗ୍ରାତା

(ମାର୍କ ୮:୧୪-୨୧)

୫ ସୀସୁୟାଁ ସାମଦୁରି ଆତାଲା ହାଜାନା ସିନିକିଚେରି, ଏଝାରି ରୁଟି ଅହାଲି ବାଣା ଆହା ହାଜାମାନେରି । ୬ *ଜୀସୁ ଏଝାରାଇଁ ଏଲେଇଚେସି, “ଜାଗ୍ରାତା ଆଦୁ, ପାରୁସିୟାଁ ଅଡେ ସାଦୁକିୟାଁ ପୁଲ୍ଲା ଏୟୁଟି ଜାଗ୍ରାତା ଆହାଁ ମାଞ୍ଜୁ ।”

୭ ଏମ୍ବାଟିଏ ଏଝାରି ତାମ୍ନୁ ତାମ୍ନୁସୁ ଜଲ୍ଲକି ଆହାଲି ମାଟ୍‌ହେରି, “ମୀରୁ ରୁଟି ତାଟା ହିଲାଆୟି ଇଞ୍ଜା ଏଝାସି ଏଲେଇଞ୍ଜିମାଞ୍ଜାନେସି ।”

୮ ସାମା ଜୀସୁ ଏଦାଆଁ ପୁଞ୍ଜାନା ଏଲେଇଚେସି, “ଆଡେ ଉଣା ନାମୁ ଗାଟାଚେରି, ମୀ ବିତ୍ରା ରୁଟି ହିଲେଏ ଇଞ୍ଜା ଏନାଆଁତାକି ଖେସପି ଆହିମାଞ୍ଜେରି ? ୯ *ମୀରୁ ନୀର୍ଦ୍ଦିତ ପାଚେକା ପୁଞ୍ଜି ହିଲଅଚେରି ? ଏ ପାସାମାଣା ଲକୁଡ଼ି ପାସାଗଟା ରୁଟି ଡ଼ିକହାନା ହାହା ମାଚେର୍ଦ୍ଦି, ଇଞ୍ଜା ମୀରୁ ଏଚର ତାଲି ହାରିତାଣି କୁଡ଼ି କିଚେରି, ୧୦ *ଇଞ୍ଜା ଏ ସାରି ମାଣା ଲକୁଡ଼ି ସାତା ଗଟା ରୁଟି, ଇଞ୍ଜା ଏଚର ତାଲି ହାରିତାଣି କୁଡ଼ି କିଚେରି, ଏ ବାରେ ମିଙ୍ଗେ ଅଣ୍ଟୁ ହିଲେଏ ? ୧୧ ନାନୁ ମିଙ୍ଗେ ରୁଟି କାତା ଖେସାମାଞ୍ଜାଆଚେର୍ଦ୍ଦି, ଇଦାଆଁ ଏନିକି ପୁଞ୍ଜି ହିଲଅଚେରି ? ସାମା ପାରୁସିୟାଁ ଅଡେ ସାଦୁକିୟାଁ ପୁଲ୍ଲା ଏୟୁଟି ଜାଗ୍ରାତା ଆହାନା ମାଞ୍ଜୁ ।”

୧୨ ଏଝାସି ରୁଟି ତାକି ଲଡ଼ାମାନି ପୁଲ୍ଲା ଏୟୁତାକି ଜାଗ୍ରାତା ଆହାନା ମାଞ୍ଜାଲି ଖେହୁଆନା, ପାରୁସିୟାଁ ଅଡେ ସାଦୁକିୟାଁ ଜାପୁନି ତାଣାଟି ଜାଗ୍ରାତା ଆହାଁ ମାଞ୍ଜାଲି ଏଝାରାଇଁ ଖେସାମାଚେସି, ଏଦାଆଁ ଏଝାରି ଏଚିବେଲ୍ଲା ପୁଚେରି ।

ଜୀସୁଇଁ ପିଚର ସାତା ଇଞ୍ଜା ଖେହୁନାୟି

(ମାର୍କ ୮:୨୭-୩୦; ଲୁକ ୯:୧୮-୨୧)

* ୧୬:୧ ୧୬:୧ ମାତି ୧୨:୩୮; ଲୁକ ୧୧:୧୭ * ୧୬:୪ ୧୬:୪ ମାତି ୧୨:୩୯; ଲୁକ ୧୧:୨୯ * ୧୬:୬ ୧୬:୬ ଲୁକ ୧୨:୧ * ୧୬:୯ ୧୬:୯ ମାତି ୧୪:୧୭-୨୧ * ୧୬:୧୦ ୧୬:୧୦ ମାତି ୧୫:୩୪-୩୮

୧୩ ତାହୁଁ ଜୀବୁ କାୟସରିୟା ପିଲିପି ରାଜିତା ଖାହାନା ତାନି ସୀସୁୟାଁଇଁ ଖେଚେସି, “ମାଣ୍ଡସି ମୀରୁଏସି ଆମ୍ବାଆସି ଇଞ୍ଜିଁ ଲକୁ ଖେସିମାନେରି ?”

୧୪ ☆ଏଚେଟିଏ ଏଞ୍ଜାରି ଏଲେଇଚେରି, “ଆମ୍ବା ଆମ୍ବାଆରି ବାପୁସ୍ତୁ* ହାନି ଜହନ, ଆମ୍ବା ଆମ୍ବାଆରି ଏଲିୟ, ଅଡେ ଆମ୍ବା ଆମ୍ବାଆରି ଜିରିମିୟ ଆଆତ୍ ମାହାପୁରୁ ଅଣ୍ପୁତି ବଲୁ ଖେହନାରି ତାଣାଟି ରଅସି ।”

୧୫ ଜୀବୁ ଏଞ୍ଜାରାଇଁ ଖେଚେସି, “ସାମା ନାନୁ ଆମ୍ବାଆତେଏଁ ଇଞ୍ଜିଁ ମୀରୁ ଖେସିମାଞ୍ଜେରି ?”

୧୬ ☆ସିମନ ପିତର ଏଲେଇଚେସି, “ନୀନୁ କ୍ରୀସ୍ତ, ଜୀବୁଗାଟି ମାହାପୁରୁ ମୀରୁଏଶାଟି ।”

୧୭ ଏଚେଟିଏ ଜୀବୁ ଏଞ୍ଜାଣାଇଁ ଏଲେଇଚେସି, “ଏ ଜୁନସ ମୀରୁଏଶାଟି ସିମନ, ନୀନୁ ନେହେଁ, ଇଚିହଁ ମାଣ୍ଡସି ନୀ ତାଣାଟି ଇଦାଆଁ ଖେକହାମାଞ୍ଜାଅସି, ସାମା ନା ଲାକପୁରୁତି ଆବା ଖେକହାମାଞ୍ଜାନେସି । ୧୮ ଅଡେ ନାନୁ ଜିକେଏ ନିଜେ ଖେସିମାଞ୍ଜାଇଁ, ନୀନୁ ପିତରତି†, ଇଞ୍ଜାଁ ଇ ଖାଲି ଲାକ ନାନୁ ନା କୁଲମିତି କେପିଇଁ, ଅଡେ ହାକିତି ବାଡୁୟୁ ଏଦାଆଁ ମ୍ଲେକହାଲି ଆଡେଏ । ୧୯ ନାନୁ ନିଜା ଲାକପୁରୁତି କୁଚିକାଡି ହିୟାଇଁ, ଅଡେ ନୀନୁ ଦାରତିତା ଏନାଆଁ ସୁଣ୍ଡିଦି, ଏଦି ଲାକପୁରୁ ରାଜି ଜିକେଏ ସୁଣ୍ଡି ଆନେ, ଅଡେ ଦାରତିତା ଏନାଆଁ ଦେଏଦି ଏଦି ଲାକପୁରୁ ଜିକେଏ ଦେପି ଆନେ ।”

୨୦ ଏଚିବେଲା ଏଞ୍ଜାସିଏ କ୍ରୀସ୍ତ ଇଞ୍ଜିଁ ଆମ୍ବାଆରାଇଁ ଖେହୁଆଦୁ ଇଞ୍ଜିଁ ଏଞ୍ଜାସି ତାନି ସୀସୁୟାଁଣି ଜାଣେ କିହଁ ହୁକୁମି ହୀତେସି ।

ଜୀବୁ ତାନି ଦୁକୁ ବେଟାଆନାଣି ଅଡେ ହାନାଣି ଖେହନାୟି
(ମାର୍କ ୮:୩୧; ୯:୧; ଲୁକ ୯:୨୨-୨୭)

୨୧ ଏଚିବେଲାଟିଏ ଜୀବୁ ତାନି ସୀସୁୟାଁଣି ଖେସାଲି ମାଟୁହେସି, ନାନୁ ଜିରୁସାଲମତା ହାନାୟିମାନେ, ଇଞ୍ଜାଁ ପ୍ରାଚିନାଙ୍ଗା, କାଜା ପୂଜେରାଙ୍ଗା ଅଡେ ମେରାପୁନାରି ତାଣାଟି ହାରେକା ଦୁକୁ ବେଟାଆହାନା ହାନାୟି ମାନେ, ଇଞ୍ଜାଁ ତାନି ଦିନାଟିଏ ଖେଣ୍ଡେ ନିଜିନାୟି ମାନେ ।

୨୨ ଏଚେଟିଏ ପିତର ଏଞ୍ଜାଣାଇଁ ଅରଞ୍ଜାକି ଅହାନା ଲାଗାନା ଏଲେଇଚେସି, “ଏ ପ୍ରବୁ, ମାହାପୁରୁ ନିଜା କାର୍ମା ଆୟାପେସି, ଇଲେତାୟି ନିଜେ ଏଚେଲାଞ୍ଜା ଆୟାଆପେ ।”

୨୩ ସାମା ଜୀବୁ ତାହୁଁଖାକି ସିନିକିହାନା ପିତରଇଁ ଏଲେଇଚେସି, “ଏ ସୟତାନ ନା ତାଣାଟି ହେକ ଆମ୍ବା, ନୀନୁ ନା ସାଡୁ ଲେହେଁ, ଇଚିହଁ ନୀନୁ ମାହାପୁରୁ କାତା ଅଣ୍ପାଆନା ମାଣ୍ଡସିତି କାତା ଅଣ୍ପାମାଞ୍ଜି ।”

୨୪ ☆ଏଚିବେଲା ଜୀବୁ ତାନି ସୀସୁୟାଁଣି ଏଲେଇଚେସି, “ଆମ୍ବାଆସି ନା ଜେଚ ତାକାଲି ମନ କିଚିହଁ, ଏଞ୍ଜାସି ତାନୁଏ ତାଜେ ଅପାକତାଆନା ତାନି କୁସ ଡେକାନାହାଁ ନା ଜେଚ ତାକାପେସି । ୨୫ ☆ଇଚିହଁ ଆମ୍ବାଆସି ତାନି ଜୀବୁ ନୀଟୁହା କଡାଲି ମନ କିନେସି, ଏଞ୍ଜାସି ହାଞ୍ଜି କିନେସି; ସାମା ଆମ୍ବାଆସି ନା ତାକି ତାନି ଜୀବୁ ହୀନେସି ଏଞ୍ଜାସି ନୀଟୁହା କଡିନେସି । ୨୬ ଅଡେ ମାଣ୍ଡସି ଇ ଦାରତିତା ମାନାଣି ବାରେ ମେଡି କିହାନା ତାନି ଜୀବୁତି ହାଞ୍ଜି କିନେସି, ଆତିହଁ ଏଞ୍ଜାଣାକି ଏଦି ଲାବା, ଇଞ୍ଜାଁ ମାଣ୍ଡସି ତାନି ଜୀବୁତି ବାଦୁଲି ଏନାଆଁ ହୀନେସି ? ୨୭ ☆ଇଞ୍ଜାଁ ମାଣ୍ଡସି ମୀରୁଏସି ତାନି ଆବାତି ଗାଞ୍ଜୁରମିତି ତାନି ଦୂଡୁୟାଁ ତଲେ ଖାନେସି, ଏଚିବେଲା ଏଞ୍ଜାସି ବାରେ ଲକୁକି ତାନି କାମାତି ଲେକା ତଲେ ପାଡେୟି ହୀନେସି । ୨୮ ନାନୁ ମିଜେ ସାତା ଖେସିମାଞ୍ଜାଇଁ, ମାଣ୍ଡସି ମୀରୁଏସି ତାନି ରାଜିତା ରାଜାଆହାଁ ଖାନାଣି ମେହୁଆ ପାତେକା ଇମ୍ବାଆଁ ମାନି ଲକୁ ବିତ୍ରାଟି ଏଚରଜାଣା ହାଅରି ।”



ଜୀବୁ ଅର ଖାଣା ଆନାୟି
(ମାର୍କ ୯:୨-୧୩; ଲୁକ ୯:୨୮-୩୬)

୧ ଜୀବୁ ସ ଦିନା ତାହୁଁ ପିତର, ଜାକୁବ, ଅଡେ ତାନି ତାୟି ଜହନଇଁ ଏଚକା କିହାନା ଏଞ୍ଜାରାଇଁ ର ପାତାଆଡି ହରୁ ଲାକ ଅଡେସି । ୨ ଅଡେ ଏଞ୍ଜାସି ଏଞ୍ଜାରି ନକିତା ତାନି ଖାଣା ବାଦଲଞ୍ଜି ଆହାନା ତାନି ମୁମ୍ବୁ ଡେଡାଲେହେଁ ଉଜେଡି ଇଞ୍ଜାଁ ତାନି ହିମ୍ବୁରି ଉଜେଡି ଲେହେଁ ଦବଲା ଆଡେ । ୩ ଇଞ୍ଜାଁ ମେହୁଦୁ ମସା ଅଡେ ଏଲିୟ ଜୀବୁତଲେ କାତା ଆହିମାଚାଣି ମେସ୍ତେରି । ୪ ଏମ୍ବାଟିଏ ପିତର ଜୀବୁଇଁ ଏଲେଇଚେସି, “ଏ ପ୍ରବୁ ମାର ଇ ତାହୁଁତା ମାନାୟି ନେହେଁ; ନୀ ମନ ଆତିହଁ ନାନୁ ଇମ୍ବାଆଁ ତାନିଗଟା ଗୁଡାୟାଁ କେପିଇଁ, ନିଜେତାକି ରଣ୍ଡାଆଁ ମସାକି ରଣ୍ଡାଆଁ ଇଞ୍ଜାଁ ଏଲିୟକି ରଣ୍ଡାଆଁ ।”

୫ ☆☆ଇ କାତା ଖେସପନିଏ ମେହୁଦୁ ଇଚାୟି ହାଗୁ ଖାହାନା ଏଞ୍ଜାରାଇଁ ପ୍ଲିକହେ, ଇଞ୍ଜାଁ ଏ ହାଗୁଟି ଇ ହାଡା ଖେଜିତେ, “ଇଞ୍ଜାସି ନା ଜୀବୁତି ମୀରୁଏସି ଇଞ୍ଜାଣି ତାଟେଏ ନା ରାହାଁ ମାନେ, ଇଞ୍ଜାଣି ବଲୁ ଖେଞ୍ଜୁ ।”

୬ ଇ ହାଡା ଖେଞ୍ଜାହାଁ ସୀସୁୟାଁ ମୁନୁ କୁଚିହଁ ରୀତେରି ଇଞ୍ଜାଁ ହାରେକା ଆଜିତେରି । ୭ ଏମ୍ବାଟିଏ ଜୀବୁ ଖାହାନା ଏଞ୍ଜାରାଇଁ ତୀଗାନା ଏଲେଇଚେସି, “ନିଜାପୁ ମୀରୁ ଆଜାଆଦୁ ।” ୮ ଇଞ୍ଜାଁ ଏଞ୍ଜାରି ଲାକ ସିନିକିହାଲିଏ ଜୀବୁ ପିସପେ ଆମ୍ବାଆରାଇଁ ମେହୁଆଡେରି ।

୯ ଏଞ୍ଜାରି ହରୁ ଲାକଟି ରେଟା ଖାହିମାଚାଟି ଜୀବୁ ଏଞ୍ଜାରାଇଁ ହୁକୁମି ହୀହାନା ଏଲେଇଚେସି, “ମାଣ୍ଡସି

☆ ୧୭:୧୪ ୧୭:୧୪ ମାତି ୧୪:୧୨; ମାର୍କ ୬:୧୪,୧୫; ଲୁକ ୯:୬,୮ * ୧୭:୧୪ ୧୭:୧୪ ମୁଞ୍ଜିନାୟି ☆ ୧୭:୧୭ ୧୭:୧୭ ଜହ ୬:୨୮,୨୯ † ୧୭:୧୮ ୧୭:୧୮ ପିତର ଇଚିହଁ ଖାଲି ☆ ୧୭:୧୯ ୧୭:୧୯ ମାତି ୧୮:୧୮; ଜହ ୨୦:୨୩ ☆ ୧୭:୨୪ ୧୭:୨୪ ମାତି ୧୦:୩୮; ଲୁକ ୧୪:୨୭ ☆ ୧୭:୨୫ ୧୭:୨୫ ମାତି ୧୦:୩୯; ଲୁକ ୧୭:୩୩; ଜହ ୧୭:୨୫ ☆ ୧୭:୨୭ ୧୭:୨୭ ମାତି ୨୫:୩୧; ରମି ୨:୬ ☆ ୧୭:୫ ୧୭:୫ ମାତି ୩:୧୭; ୧୭:୧୮; ମାର୍କ ୧:୧୧; ଲୁକ ୩:୨୨ ☆ ୧୭:୫ ୧୭:୫ ୨ପିତ ୧:୧୭,୧୮

ମୀରଂସି ହାତାରି ତାଣାଟି ନିଜାଆ ପାତେକା ଇ ମେସାମାନି କାତା ଆମ୍ବାଆରାଇଁ ଝେହୁଅତେରି ।”

୧୦ ଏଦାଆଁତାକି ସୀସୁୟାଁ ଏଝାଣାଇଁ ଝେଚେରି, “ଆତିହିଁ ନକେଏ ଏଲିୟ ଝାନାୟି ମାନେ ଇଞ୍ଜିଁ ମେରାପୁନାରି ଏନାଆଁତାକି ଝେସିମାନେରି ?”

୧୧ ଏଝାସି ଏଲେଇଚେସି, “ଏଲିୟ ଝାହାନା ବାରେ ଅଡେ ଝେଶ୍ଟେ ଇଚିନାୟି ସାତା” ୧୨ ସାମା ନାନୁ ମିଜେ ଝେସିମାଞ୍ଜାଇଁ, “ଏଲିୟ ଝାହା ରାଡେସିଏ, ସାମା ଲକୁ ଏଝାଣାଇଁ ପୁନାଆନା ଏନିକିହାଲି ମନ ଏଲେକିତେରି । ଏଲେକିହିଁ ଏ ମାଣ୍ଡସି ମୀରଂସି ଜିକେଏ ଏଝାରି କେୟୁତା ଦୁକୁ ବେଟାଆହାଲି ହାଜିମାନେସି ।”

୧୩ ଏଚିବେଲା ଏଝାରାଇଁ ବାପ୍ତିସ୍ତା* ହାନି ଜହନତି କାତା ଝେସିମାନେସି, ଏଚିବେଲା ସୀସୁୟାଁ ପୁଚେରି ।

ଜୀସୁ ବୁଡୁ ଆଲଗାମାଟି କକାଣାଇଁ ନେହିଁ କିନାୟି
(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ତାୟୁ ଏଝାରି ଲକୁତାଣା ଝାହାଲିଏ, ରଅସି ଜୀସୁ ତାଣା ଝାହା ମେଶ୍ଟାକୁତାନା ଏଲେଇଚେସି, ୧୫ “ପ୍ରବୁ ନା କକାଣାଇଁ କାର୍ମା ମେହମୁ, ଇଚିହିଁ ଏଝାସି କାଟିଝେନି ନମେରି ତାକି ହାଡେକା କସ୍ତୁ ଆହିମାନେସି, ଏଝାସି ଏଚର ପାଲି ହିରୁତା ଅଡେ ଏୟୁଣାଁ ତରଗା ହାଜିମାନେସି । ୧୬ ନାନୁ ମୀ ସୀସୁୟାଁ ତାଣା ଏଝାଣାଇଁ ତାଚାମାଚେଏଁ, ସାମା ଏଝାରି ଏଝାଣାଇଁ ନେହିଁ କିହାଲି ଆଡାଆତେରି ।”

୧୭ ଜୀସୁ ଏଲେଇଚେସି, “ଆଡେ ନାମାଆଗାଟି ଲାଗେଏ ପଲେଏ କାମା କିନି କୁଡାତାତେରି, ଏଚର କାଲା ପାତେକା ନାନୁ ମୀ ତଲେ ଡୟିଇ ? ଏଚର କାଲା ମୀ ଲେମ୍ବାନାଣି ଅରହିଇ ? କକାଣାଇଁ ଇମ୍ବାଆଁ ନା ତାଣା ତାଦୁ ।”

୧୮ ଅଡେ ଜୀସୁ ବୁଡୁଇଁ ଦାକା ହାହାଲିଏ, ବୁଡୁ ଏଝାଣାଇଁ ପିସା ହାଡୁସ୍ତେ, ଏ ଦେବୁଣିଏ କକାସି ନେହିଁ ଆଡେସି ।

୧୯ ଏଚେଟିଏ ସୀସୁୟାଁ ମେଣେଏ ଜୀସୁ ତାଣା ଝାହାନା ଏଲେଇଚେରି, “ମାମ୍ବୁ ଏନାଆଁତାକି ଏ ବୁଡୁ ପିସ୍ପି କିହାଲି ଆଡାଆତମି ?”

୨୦ ଏଝାସି ଏଝାରାଇଁ ଏଲେଇଚେସି, “ମୀ ଉଣା ନାମୁ ତାକି, ଇଚିହିଁ ନାନୁ ମିଜେ ସାତା ଝେସିମାଞ୍ଜାଇଁ, ର ହାସୁଁ ପାଡେଡୟି ସମାନା ମୀ ନାମୁ ମାଟିହିଁ, ଇ ହରୁଡି ଇମ୍ବାଟି ଏମ୍ବାଆଁ ଗୁଟାଆମୁ ଇଚିହିଁ, ଏଡି ଗୁଟାଆନେ, ଅଡେ ଏନାୟି ଜିକେଏ ଆଆଗାଗାୟି ହିଲେଏ । ୨୧ ସାମା ପ୍ରାତାନା ଅଡେ ଉପାସା ପିସ୍ପିଏ ଅଡେ ଏନି ଉପେୟିଚି ଇଲେଚି ବୁଡୁ ହଡା ହାଲେଏ ।”

ଜୀସୁ ତାନି ହାନି କାତାତି ଅଡେ ଝେଶ୍ଟେ ଝେହୁନାୟି
(ମାର୍କ ୯:୩୦-୩୧; ଲୁକ ୯:୪୩-୪୫)

୨୨ ଅଡେ ଏଝାରି ଗାଲିଲିତା ରୁଶ୍ଟା ଆଡି ବେଲାତା ଜୀସୁ ଏଝାରାଇଁ ଝେସ୍ତେସି, “ମାଣ୍ଡସି ମୀରଂସି ମାଣ୍ଡସିୟାଁ କେୟୁତା ହେରପି ଆହାଲି ହାଜିମାନେସି, ୨୩ ଇଞ୍ଜା ଏଝାରି

ଏଝାଣାଇଁ ପାୟିନେରି; ଅଡେ ତାନି ଦିନାଟିଏ ଏଝାସି ଝେଶ୍ଟେ ନିଜିନେସି ।”

ଏଚେଟିଏ ଏଝାରି ହାଡେକା ଦୁକୁ ଆଡେରି ।

ମାହାପୁରୁ ଇଲୁତାକି ସିସୁ ହୁନାୟି

୨୪ ଏମ୍ବାଟିଏ ଏଝାରି କପରନାହୁମତା ଝାହାଲିଏ ମାହାପୁରୁ ଇଲୁଚି ସିସୁ ରାହନାରି ପିତରଇଁ ଝାହାନା ଝେଚେରି, “ମୀ ଗୁରୁ ମାହାପୁରୁ ଇଲୁତାକି ସିସୁ ହୁଅସିକି ?” ୨୫ ପିତର ଏଲେଇଚେସି, “ହାଅ ହାନେସି ।”

ଅଡେ ଏଝାସି ଇଜ ଝାହାଲିଏ ଜୀସୁ ନକେଏ ଏଝାଣାଇଁ ଏଲେଇଚେସି, “ସିମନ ନୀ ଅଶପୁ ଏନାୟି, ଦାରତିତି ରାଜାୟାଁ ଆମ୍ବାଆରି ତାଣାଟି ସିସୁ ରାହନେରି, ଏଝାରି ମୀରକା ତାଣାଟି କି ଏଟକା ଦେସାତି ଲକୁ ତାଣାଟି ?”

୨୬ ଏଝାସି ଏଟକା ଦେସାତି ଲକୁ ତାଣାଟି ଏଲେଇଞ୍ଜାଲିଏ, ଜୀସୁ ଏଝାଣାଇଁ ଏଲେଇଚେସି, “ଆତିହିଁ ମୀରକା ହିୟାଲି ଲଡାଆଏ ।” ୨୭ ସାମା ମାର ଏନିକିଁ ଏଝାରାକି ବାଡା ହାନାତାୟି ଆଆୟି, ଏଦାଆଁତାକି ସାମ୍ବୁରିତା ହାଜାନା କାଟା ମେଡମୁ, ଇଞ୍ଜା ତଲିଏ ଆମିନି ମୀନୁ ଆହୁଦି, ଏଦାଣି ଆସାନା ତାନି ଗୁଡି ଏକ୍ସିସାରେ ର ଝେଶ୍ଟି ଟାକା ବେଟାଆଡି; ଏଦାଆଁ ଅହାନା ନାଜେ ଅଡେ ନିଜେତାକି ଏଝାରାକି ହୀମୁ ।

୧୮

ଲାକପୁରୁ ରାଜିତା ଆମ୍ବାଆସି କାଜାସି
(ମାର୍କ ୯:୩୩-୩୭; ଲୁକ ୯:୪୬-୪୮)

୧ ଏଚିବେଲା ସୀସୁୟାଁ ଜୀସୁ ତାଣା ଝାହାନା ଝେଚେରି, “ଆତିହିଁ ଲାକପୁରୁ ରାଜିତା ଆମ୍ବାଆସି କାଜାସି ?”

୨ ଏଝାସି ର ଉଣା କକାଣାଇଁ ତାଗେ ହାଟାହାଁ ନିପହାନା ଏଲେଇଚେସି, ୩ “ନାନୁ ମିଜେ ସାତା ଝେସିମାଞ୍ଜାଇଁ, ମୀରୁ ଝେଶ୍ଟେ ର ଉଣା କକାଣି ଲେହେଁ ଆଆତିହିଁ, ଏନିଜିକେଏ ଲାକପୁରୁ ରାଜିତା ହଡାଲି ଆଡଅତେରି । ୪ ଇଦାଆଁତାକି ଆମ୍ବାଆସି ଇ ଉଣା କକାଣି ଲେହେଁ ତାଜେତାକି ଉଣା କିହାକତିନେସି, ଏଝାସି ଲାକପୁରୁ ରାଜିତା କାଜାସି ।

୫ ଅଡେ ଆମ୍ବାଆସି ଜିକେଏ ନା ଦରୁଟି ଇ ଉଣା କକାଣାଇଁ ଆବିନେସି, ଏଝାସି ନାଜେ ଆବାନେସି ।”

ପାପୁ କିହାଲି ତାୟିପାରି କିନାୟି
(ମାର୍କ ୯:୪୨-୪୮; ଲୁକ ୧୭:୧-୨)

୬ “ସାମା ଆମ୍ବାଆସି ଜିକେଏ ନା ତାଣା ନାମାମାନି ଇ ଉଣାୟାଁ ବିତ୍ରାଟି ରଅଣାଇଁ ତାୟିପାରି କିହାଲି ପାପୁ କିଝି କିନେସି, ଏଝାଣି ହେରକିତା ର କାଜା ଜେତାଝାଲି ଦସାନା ସାମ୍ବୁରିଚି କୁଡନି ଏୟୁଣାଁ ମେଡହିଁ ଏଝାଣାକି ନେହେଁ ଆଡେମା । ୭ ଆୟଡା, ଦାରତିତି ଲାଗେଏ କିନାକି ତଣ୍ଡ ବେଟା ଆନାତେରି; ଲାଗେଏ ଆନାୟି ସାତେଏ ଆନେ, ଆୟଡା ଆମିନି ଲକୁ ତାଣାଟି ଲାଗେଏ ଆନେ ଏଝାସି ତଣ୍ଡ ବେଟା ଆନେସି !”

☆ ୧୭:୧୨ ୧୭:୧୨ ମାତି ୧୧:୧୪ * ୧୭:୧୩ ୧୭:୧୩ ମୁଞ୍ଜିନାୟି ☆ ୧୭:୨୦ ୧୭:୨୦ ମାତି ୨୧:୨୧; ମାର୍କ ୧୧:୨୩; ୧କର ୧୩:୨ ☆ ୧୮:୧ ୧୮:୧ ଲୁକ ୨୨:୨୪ ☆ ୧୮:୩ ୧୮:୩ ମାର୍କ ୧୦:୧୫; ଲୁକ ୧୮:୧୭

୮ ☆“ମୀ କେୟୁ କି କତା ମିଙ୍ଗେ ପାପୁ କିଞ୍ଜିକିୟାନେ, ଇଚିହୁ ଏଦାଆଁ ରାଡ଼ହାନା କୁତାଦୁ, ରୀ କେୟା ଅଡ଼େ ରୀ କତାୟାଁ ଆସାନା କାଲକାଲା ଡ଼ାଞ୍ଜିମାନି ହିରୁତା ହଡ଼ନି କିହାଁ କଲା ଅଡ଼େ ସଟା ଆହାନା କାଲେଏତି ଜୀଞ୍ଜୁ ବେଟାଆହାନା ମାହାପୁରୁ ରାଜିତା ହାନାୟି ମିଙ୍ଗେତାକି ନେହେଁ । ୯ ☆ଅଡ଼େ ମୀ କାନୁ ମିଙ୍ଗେ ଲାଗେଏ କିଞ୍ଜିକିୟାତିହୁ, ଏଦାଆଁ ଡ଼େଞ୍ଜା କୁତାଦୁ; ରୀ କାଣ୍ଡକା ଆସାନା କାଲେଏ ଡ଼ାଞ୍ଜିମାନି ହିରୁ ଗାଡ଼ୟୁତା ମେଦିନି କିହାଁ ର କାନୁ ତଲେ କାଲେଏତି ଜୀଞ୍ଜୁ ବେଟାଆହାନା ମାହାପୁରୁ ରାଜିତା ହାନାୟି ମିଙ୍ଗେତାକି ନେହେଁ ।”

ଜାଜ୍ଜିତି ମେଣ୍ଡାତି ପୁଣ୍ଡିକିନାୟି
(ଲୁକ ୧୫:୩-୭)

୧୦ ☆“ହେଣ୍ଡୁ ଇ ଉଣା କକାରି ବିତ୍ରାଟି ରଅଣାକ୍ ଜିକେଏ ହୀଣି ମେହୁଆଦୁ, ଇଚିହୁ ନାନୁ ମିଙ୍ଗେ ସାତା ଝେସିମାଞ୍ଜାକ୍, ଲାକପୁରୁ ମାନି ଏଞ୍ଜାରି ଦୁଡୁୟାଁ ବାରେଦିନା ଲାକପୁରୁତି ମା ଆବାତି ମୁମ୍ବୁମେସେ ମାନୁ । ୧୧ ଇଚିହୁ ଏନାୟି ଜାଜ୍ଜାମାନେ ଏଦାଆଁ ପାରାନା ଗେଲପାଲି ମାଣ୍ଡସି ମୀରଏସି ଝାହାମାନେସି ।”

୧୨ “ମୀରୁ ଏନାଆଁ ଅଣ୍ଡପିମାଞ୍ଜେରି ? ରଅଣାକି ପାସାକଡ଼ି ମେଣ୍ଡାୟାଁ ମାଚିହୁ, ଏଞ୍ଜାସିକା ବିତ୍ରାଟି ରଣ୍ଡି ଜାଜ୍ଜାହାନେ, ଇଞ୍ଜା ରଣ୍ଡି ଉଣା ପାସାକଡ଼ି ମେଣ୍ଡାୟାଁ ହରୁତା ପିସାନା ଏଞ୍ଜାସି ହାଜାନା ଏ ଜାଜ୍ଜାମାନି ମେଣ୍ଡାତି ପାରଅସି ? ୧୩ ଅଡ଼େ ଏଞ୍ଜାସି ଏଦାଆଁ ବେଟା ଆନେସି, ଇଞ୍ଜା ନାନୁ ମିଙ୍ଗେ ସାତା ଝେସିମାଞ୍ଜାକ୍, ଜାଜ୍ଜା ହିଲାଆଗାଟି ରଣ୍ଡି ଉଣା ପାସାକଡ଼ି ମେଣ୍ଡାୟାଁ କିହାଁ ଜାଜ୍ଜାମାଟି ର ମେଣ୍ଡା ତାକି ହାରେକା ରାହାଁ କିନେସି । ୧୪ ଏଲେକିହୁ ଏ ଇ ଉଣାୟାଁ ବିତ୍ରାଟି ରଣ୍ଡି ଜିକେଏ ନସୁ ଆଆପେ ଇଞ୍ଜୁ ମୀ ଲାକପୁରୁତି ଆବାତି ମନ ।”

ପାପୁ କିତି ର ତାୟି

୧୫ ☆“ନୀ ତାୟି ପାପୁ କିତିହୁ, ନୀନୁ ଏଞ୍ଜାଣାକ୍ ମେଣ୍ଡେଏ ଏଲେକିଆନି ଇଞ୍ଜୁ ଝେସାନା ତାନି ପାପୁ ତହୁମ୍ବୁ; ଏଞ୍ଜାସି ନୀ କାତା ଆସିହୁ ନୀନୁ ଏଞ୍ଜାଣାକ୍ ନୀ ତାୟିଲେହେଁ ଝେଣ୍ଡେ ବେଟାଆଦି । ୧୬ ସାମା ଏଞ୍ଜାସି ନୀ କାତା ଝେନାଆତିହୁ, ନୀ ତଲେ ରଅଣାକ୍ କି ରିଆରାକ୍ ଅହିହୁ ହାଲାମ୍ବୁ, ଏନିକିହୁ ରିଆରି କି ତାନି ଜାଣା ସାକିୟାଁ ନକିତା ବାରେ କାତା ତୀରି ଆନେ । ୧୭ ଏଞ୍ଜାସି ଏଞ୍ଜାରି କାତା ଜିକେଏ ଆହୁଆତିହୁ କୁଲମିତି ଝେହୁମ୍ବୁ, ଅଡ଼େ ଜିକେଏ କୁଲମି କାତା ଝେନଅସି, ଆତିହୁ ଏଞ୍ଜାସି ମୀ କାନୁତା ଜୀହୁଦିଆଆତାରି କି ସିସୁ ରୀହନାରି ଲେହେଁ ଆପେସି ।”

ଅଦିକାରା ହାନାୟି

୧୮ ☆“ନାନୁ ମିଙ୍ଗେ ସାତା ଝେସିମାଞ୍ଜାକ୍, ମୀରୁ ଦାର୍ଡିତା ଏନାଆଁ ସୁଣ୍ଡିଦେରି, ଲାକପୁରୁ ଜିକେଏ ସୁଣ୍ଡିଆନେ, ଅଡ଼େ

ଦାର୍ଡିତା ଏନାଆଁ ହେଲ ହୀଦେରି, ଲାକପୁରୁ ଜିକେଏ ହେଲ ହୀପକି ଆନେ ।”

୧୯ “ଅଡ଼େ ମିଙ୍ଗେ ସାତା ଝେସିମାଞ୍ଜାକ୍, ଦାର୍ଡିତା ମୀ ବିତ୍ରାଟି ରିଆରି ରଣ୍ଡିଏ ମନ ଆହାନା ଏନାଆଁ ଜିକେଏ ରାସିହୁ ଏଡ଼ି ଲାକପୁରୁତି ଆବା ତାଣାଟି ଏଞ୍ଜାରାକି ହୀପକିଆନେ । ୨୦ ଇଚିହୁ ଏମ୍ବିୟା ରିଆରି କି ତାନି ଜାଣା ନା ଦରୁତଲେ ରୁଣ୍ଡା ଆନେରି ଏମ୍ବାଆଁ ନାନୁ ଏଞ୍ଜାରିତଲେ ମାକ୍ ।”

କାର୍ମା ମେହୁଆ ହଲେଏଣି କାତା ପୁଣ୍ଡିକିନାୟି

୨୧ ☆ଏଚିରେଲା ପିତର ଜୀସୁ ତାଗେ ଝାହାନା ଝେଚେସି, “ଏ ପ୍ରୁ ନା ତାୟି ଏଚର ପାଲି ନା କପାଟି ପାପୁ କିତିସାରେ ନାନୁ ଏଞ୍ଜାଣି ପାପୁ ମ୍ବେକ୍କ୍ ?”

୨୨ ସାତା ଦେବା ପାତେକା କି ? ଜୀସୁ ଏଞ୍ଜାଣାକ୍ ଏଲେଇଚେସି, ଝାଞ୍ଜ ସାତା ଦେବା ପାତେକା ଆଏ, ସାତା ଗୁଣ୍ଡୁ ତାନିକଡ଼ି ଦସ ଦେବା ପାତେକା ମ୍ବେକ୍କ୍ନାୟି ମାନେ । ୨୩ ଇଚିହୁ ଲାକପୁରୁ ରାଜି ତାନି ହଲିୟାକ୍ପା ତଲେ ରୀଣା ଲେକା କିନି ର ରାଜା ଲେହେଁତାୟି । ୨୪ ଏଞ୍ଜାସି ଲେକା କିହାଲି ମାଟ୍ହାଲିଏ, ତାନି ଗାରହା ଦସ ମାଣା ଟାକାୟାଁ ରୀଣା ଆହାମାନି ର ହଲେଏଣାକ୍ ଏଞ୍ଜାଣାକ୍ ତାଣା ତାତେରି । ୨୫ ସାମା ଏ ବାରେ ଡିକ୍ହାଲି ଏଞ୍ଜାଣି ତାଣା ଏନାୟି ହିଲାଆତାକି ଏ ସାଞ୍ଜୁକାରି ଏଞ୍ଜାଣାକ୍ ଅଡ଼େ ତାନି ଡକ୍ଜିନି ଇଞ୍ଜା ତାନି କକାରି ପଦାଁଣି ଇଞ୍ଜା ତାନି ଇଲୁତି ଆସି ପାରତାନା ରୀଣା ଡିକ୍ହାଲି ହୁକୁମି ହୀତେସି । ୨୬ ଏଚେଟିଏ ଏ ହଲେଏସି ମେଣ୍ଡାକୁତାନା ଜହରା କିହାନା ଏଲେଇଚେସି, ନୀନୁ କାର୍ମାମେସାନା କାତାମ୍ବୁ, ନାନୁ ନିଙ୍ଗେ ବାରେ ଡିକ୍ହା ତୁସ୍ତାକ୍ । ୨୭ ଏଚେଟିଏ ସାଞ୍ଜୁକାରି ଏ ହଲେଏଣାକ୍ କାର୍ମାମେସାନା ତାନି ରୀଣା ପିସପି କିଞ୍ଜିଆଡ଼େ ଇଞ୍ଜା ତାନି ରୀଣା ମେଣ୍ଡାକ୍ପାହାଚେ ।

୨୮ ସାମା ଏ ହଲେଏସି ଏମ୍ବାଟି ପାଜ୍ଜାତା ହାଜାନା ତାନିତାଣାଟି ରୀ କଡ଼ି ଦସଟାକା ରୀଣା ଅହାମାନି ତାନି ତଲେତି ର ହଲେଏଣାକ୍ ମେସାନା ଏଞ୍ଜାଣି ହେରକିତା ଆସାନା ଏଲେଇଚେସି, ନୀନୁ ଅହାମାନି ରୀଣା ଡିକ୍ହା ତୁସ୍ତାମ୍ବୁ । ୨୯ ଏଚେଟିଏ ତାନି ତଲେତି ହଲେଏସି ମେଣ୍ଡାକୁତାନା ଜହରା କିହୁ ଏଲେଇଚେସି, ନୀନୁ ନାଙ୍ଗେ କାର୍ମାମେସାନା କାତାମ୍ବୁ ନାନୁ ନିଙ୍ଗେ ବାରେ ଡିକ୍ହାକ୍ ୩୦ ସାମା ଏଞ୍ଜାସି ରାଜି ଆଆତେସି, ଇଞ୍ଜା ରୀଣା ଡିକ୍ଥା ପାତେକା ଏଞ୍ଜାଣାକ୍ କାୟିଦି ଇଲୁତା ସୁଣ୍ଡିଚେସି । ୩୧ ଇଞ୍ଜା ତାନି ତଲେତି ହଲିୟାକ୍ପା ଏଦାଆଁ ମେସାନା ହାରେକା ଦୁକୁ କିଚେରି ଅଡ଼େ ହାଜାନା ସାଞ୍ଜୁକାରିକ୍ ବାରେ କାତା ଝେସ୍ପେରି । ୩୨ ଏମ୍ବାଟିଏ ସାଞ୍ଜୁକାରି ଏଞ୍ଜାଣାକ୍ ତାଗେ ହାଟାନା ଏଲେଇଚେସି, ଆଡ଼େ କାମାତା ଝାଆଗାଟି ହଲେଏଣାଟି ନୀନୁ ନାଙ୍ଗେ ବାତିମାଲିଲିଏ ନାନୁ ନୀ ବାରେ ରୀଣା ପିସ୍ତାତେସି; ୩୩ ନାନୁ ଏନିକ୍ ନିଙ୍ଗେ କାର୍ମା ଆୟାତେସି, ଏଲେକିହୁ ଏ ନୀନୁ ଜିକେଏ ନୀ ତଲେତି

☆ ୧୮:୮ ୧୮:୮ ମାତି ୫:୩୦ ☆ ୧୮:୯ ୧୮:୯ ମାତି ୫:୨୯ ☆ ୧୮:୧୦ ୧୮:୧୦ ଲୁକ ୧୯:୧୦ ☆ ୧୮:୧୫ ୧୮:୧୫ ଲୁକ ୧୭:୩ ☆ ୧୮:୧୮ ୧୮:୧୮ ମାତି ୧୭:୧୯; ଜହ ୨୦:୨୩ ☆ ୧୮:୨୧ ୧୮:୨୧ ଲୁକ ୧୭:୩,୪

ହଲେଏଣାଙ୍କ କାର୍ମାମେହନାୟି ମାତେ । ୩୪ ଅଡେ ତାନି ପ୍ରବୁ ହାରେକା କପା ଆହାନା ବାରେ ରୀଣା ତିକ୍‌ଆ ପାତେକା ଏ ହଲେଏଣାଙ୍କ କସ୍ତ ହାନି ଲକୁ କେୟୁତା ହେର୍‌ପିତେସି ।

୩୫ ମାରୁ ବାରେତେରି ମୀ ବାରେ ହିୟାଟି ମୀ ତାୟିଙ୍କ ତାନି ପାପୁ ମ୍ଲେକ୍‌ଆତିହ୍ ଲାକପୁରୁତି ମୀ ଆବା ଜିକେଏ ମିଙ୍ଗେ ଏଲେ କିୟାନେସି ।

୧୯

ଜୀସୁ ତକ୍‌ନି ପିହନାଣି ଜାପ୍‌ନାୟି

(ମାର୍କ ୧୦:୧-୧୨)

୧ ଜୀସୁ ଇ ବାରେ କାତା ଖେସାଲି ରାପ୍‌ହି ତାୟୁ ଗାଲିଲି ରାଜି ପିସାନା ଜର୍‌ଦନ କାତା ଆତାଲାତି ଜୀହୁଦା ରାଜିତି ହାନ୍ଦିତା ଏତେସି । ୨ ଇଞ୍ଜା ହାରେକା ଲକୁ ତାନି ଜେଚ ହାଚେରି, ଅଡେ ଏଝାସି ଏମ୍‌ଆଁ ଏଝାରି ରଗଟି ନେହ୍ କିତେସି ।

୩ ଏମ୍‌ଗାଟିଏ ପାରୁସିୟାଁ ଏଝାଣି ତାଣା ଖାହାନା ଏଝାଣାଙ୍କ ତାୟିପାରିକିହ୍ ଖେଚେରି, “ରଅସି ଜାହାରା ତକ୍‌ନି ଏନି କାତାତାକି ଜିକେଏ ପିସାଲି ମେରା ମାନେକି ?”

୪ ଜୀସୁ ଏଲେଇଚେସି, “ମାରୁ ପଡ଼ୁଝି ଆହାହିଲଅତେରି ? ଗାଡ଼ି କିନାସି ନକେଏଟିଏ ଏଝାରାଙ୍କ ଇୟା ଅଡେ ଆବା କିହ୍ ଗାଡ଼ିକିତେସି, ୫ ଅଡେ ଏଦାଆଁତାକି ତକ୍‌ନା ତାଲି ତାଞ୍ଜିଙ୍କ ପିସାନା ତାନି ତକ୍‌ନି ତଲେ ଆଣ୍ଡିନେସି, ଅଡେ ଏଝାରି ରଣ୍ଡିଏ ଆଙ୍ଗା ଆନେରି, ୬ ଏଦାଆଁତାକି ଏଝାରି ରିଆରି ଆଏ, ସାମା ରଣ୍ଡିଏ ଆଙ୍ଗା ଆନେରି । ଇଞ୍ଜା ମାହାପୁରୁ ଏନାଆଁ ଆଣ୍ଡି କିହାମାନେସି, ମାଣ୍ଡିଏ ଏଦାଆଁ ଏଟକା କିଆପେସି ।”

୭ ଧ୍ରୁପାରୁସିୟାଁ ଏଝାଣାଙ୍କ ଖେଚେରି, “ଆତିହ୍ ମସା ଏନାଆଁତାକି ପିହନି ଆକୁ ରାଟାନା ତକ୍‌ନି ପିସାଲି ହେଲ ହାହାମାନେସି ?”

୮ ଜୀସୁ ଏଝାରାଙ୍କ ଏଲେଇଚେସି, “ଇତିହ୍ ମୀ ଆଟ୍‌ଝା ହିୟାଟି ମେସାନା ମସା ମିଙ୍ଗେ ମୀ ତକ୍‌ନିକାଣି ପିସାଲି ହେଲ ହିୟାତେସି, ସାମା ଗାଡ଼ିକିତି ଦିନାଟିଏ ଏଲେକିହ୍ ହିଲାଆତେ । ୯ ଧ୍ରୁସାମା ନାନୁ ମିଙ୍ଗେ ଖେସିମାଞ୍ଜାଙ୍କ, ଆମ୍‌ଆସି ତାନି ତକ୍‌ନି ଦାରି ଦହ୍ ହିଲାଆନା ଏନି କାତାତାକି ପିସାନା ଅର ତକ୍‌ନି ତାତିହ୍, ଏଝାସି ଦାରିକାମା କିନେସି ।”

୧୦ ସୀସୁୟାଁ ଏଝାଣାଙ୍କ ଏଲେଇଚେରି, “ତକ୍‌ନି ତଲେ ମାଣ୍ଡିକି ଇଲେତାୟି ମାଟିହ୍, ଏଝାସି ବାହା ଆଆତିହ୍ ନେହ୍ ଆଡେମା ।”

୧୧ ଜୀସୁ ଏଝାରାଙ୍କ ଏଲେଇଚେସି, “ବାରେଜାଣା ଇ କାତାତି ଆସାଲି ଆଡଅରି, ଇତିହ୍ ଆମ୍‌ଆରାକି ମାହାପୁରୁ ବାଡ଼ୁୟୁ ହାହାମାନେସି, ଖାର୍‌ଇ ଏଝାରିଦେହ୍ ଆସାଲି ଆଡିନେରି । ୧୨ ଇତିହ୍ ଆମ୍‌ଆ ଆମ୍‌ଆଆରି ଇୟାନି ବାଣ୍ଡିଟିଏ ବାହା ଆହାଲି ଆଡାଆରେଟୁ ଜାନା ଆହାମାନେରି; ଇଞ୍ଜା ଆମ୍‌ଆ ଆମ୍‌ଆଆରି ଲକୁ ତାଣାଟି ଏଲେକିଝି ଆହାମାନେରି, ଅଡେ ଆମ୍‌ଆ ଆମ୍‌ଆଆରି ଲାକପୁରୁ

ରାଜିତାକି ତାମ୍‌ଆ ତାମ୍‌ଆ ଏଲେ ଆହାମାନେରି, ଆମ୍‌ଆଆସି ଏ କାତାତି ଆସାଲି ଆଡିନାସି ଆସପାସି ।”

ଜୀସୁ କକାରି ପଦାକି ବର ହାନାୟି

(ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ଏଟିବେଲା ଜୀସୁ କକାରି ପଦାୟାଁ ମୁହେଁ କେୟୁ ଇଟାନା ପ୍ରାତାନା କିନେସି, ଏଦାଆଁତାକି ଲକୁ ଏଝାରାଙ୍କ ତାନି ତାଣା ତାତେରି, ସାମା ସୀସୁୟାଁ ତାଟିମାଟି ଲକୁଣି ଦାକା ହାତେରି । ୧୪ ସାମା ଜୀସୁ ଏଲେଇଚେସି, “କକାରି ପଦାଣି ନା ତାଣା ଖାହାଲି ହୀଦୁ, ଏଝାରାଙ୍କ ଆଂଗାଆଦୁ, ଏନାଆଁତାକି ଇତିହ୍ ଲାକପୁରୁ ରାଜି ଏଲେତାରିଖାୟି ।”

୧୫ ଅଡେ ଏଝାସି ଏଝାରି ଲାକ କେୟୁ ଇଟାନା ଏମ୍‌ଗାଟି ହାଚେସି ।

ର ଦନଗାଟି ଦାଂଗ୍‌ଣେଏସି

(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୬ ଅଡେ ମେହଦୁ ରଅସି ଜୀସୁ ତାଣା ଖାହାନା ଖେଚେସି, “ଏ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଆମିନି ନେହ୍ କାମା କିଇ ?”

୧୭ ଜୀସୁ ଏଝାଣାଙ୍କ ଏଲେଇଚେସି, “ନେହାୟି ଇନି କାତାତି ନାଙ୍ଗେ ଏନାଆଁତାକି ଖେଞ୍ଜିମାଞ୍ଜାଦି ? ଖାର୍‌ଇ ରଅସିଏ ନେହାସି; ସାମା ନାନୁ ଜୀସୁ ବେଟାଆହାଲି ମନ କିତିହ୍, ବାରେ ହୁକୁମି ମାନୁଝି ଆମ୍‌ ।”

୧୮ ଏଝାସି ଜୀସୁଙ୍କ ଏଲେଇଚେସି, “ଏନିଲେହେଁତି ହୁକୁମି ?”

ଜୀସୁ ଏଲେଇଚେସି, “ଲକୁଣି ପାୟାଆନି, ଦାରିକାମା କିଆନି, ସରୁ କିଆନି, ମିଟି ସାକି ହୀଆନି, ୧୯ ତାଲି ତାଞ୍ଜି କାତା ଆହମ୍‌, ନୀ ପାଡ଼ିତି ଲକୁଣି ନୀ ଜୀସୁ ଲେହେଁ ଜୀସୁ ନମ୍‌ ।”

୨୦ ଏ ଦାଂଗ୍‌ଣେଏସି ଜୀସୁଙ୍କ ଏଲେଇଚେସି, “ନାନୁ ଇ ବାରେ ମାନୁଝି ଆହାମାଙ୍କ, ନାଙ୍ଗେ ଅଡେ ଏନୁଝା ଉଣା ମାନେ ?” ୨୧ ଜୀସୁ ଏଝାଣାଙ୍କ ଏଲେଇଚେସି, “ନାନୁ ନେହାଟି ଆହାଲି ମନ କିତିହ୍, ହାଜାନାହାଁ ନୀ ବାରେ ଦନ ପାର୍‌ଚାନାହାଁ ହିଲାଆ ଗାଟାରାକି ଦାନା ହୀମ୍‌, ଇଞ୍ଜା ନା ଜେଚ ଖାମ୍‌, ଏଚେଟିଏ ଲାକପୁରୁ ନାନୁ ଦନ ବେଟାଆଦି ।”

୨୨ ଇ କାତା ଖେଞ୍ଜାନା ଦାଂଗ୍‌ଣେଏସି ଦୁକୁ ଆହାନା ହାଚେସି, ଇତିହ୍ ଏଝାଣାକି ହାରେକା ଦନ ମାତେ ।

୨୩ ଏଚେଟିଏ ଜୀସୁ ତାନି ସୀସୁୟାଁଙ୍କ ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାଙ୍କ, ଦନ ଗାଟାରି ଲାକପୁରୁ ରାଜିତା ହଡାଲି ହାରେକା କସ୍ତୁ ଆନେ । ୨୪ ଅଡେ ଖେଣ୍ଡେ ନାନୁ ମିଙ୍ଗେ ଖେସିମାଞ୍ଜାଙ୍କ, ମାହାପୁରୁତି ରାଜିତା ଦନଗାଟାରି ହାନି କିହାଁ ଉଟୁ ସୂଜା କାଣିଟି ହଡା ହାନାୟି ଉସାସା ଆନେ ।”

୨୫ ସୀସୁୟାଁ ଇ କାତା ଖେଞ୍ଜାନା କାବାଆହାନା ଏଲେଇଚେରି, “ଆତିହ୍ ଆମ୍‌ଆଆସି ଗେଲ୍‌ପି ଆହାଲି ଆଡିନେସି ?”

☆ ୧୯:୭ ୧୯:୭ ମାତୃ ୫:୩୧ ☆ ୧୯:୯ ୧୯:୯ ମାତୃ ୫:୩୨; ୧କର ୭:୧୦, ୧୧

୨୬ ଜୀସୁ ଏଝାରାଇଁ ସିନିକିହାନା ଏଲେଇଚେସି, “ଇଦି ମାଣ୍ଡିତାକି ଆଆଗାଟାୟି, ସାମା ମାହାପୁରୁ ତାକି ବାରେ ଆନେ ।”

୨୭ ଏଚେଟିଏ ପିତର ଏଲେଇଚେସି, “ମେହ୍ନୁ ମାମ୍ବୁ ବାରେ ପିସାନା ନୀ ଜେଚ ଖାହାମାନମି; ଆତିହ୍ ମାମ୍ବୁ ଏନାଆଁ ବେଟାଆନମି?”

୨୮ ✱ଜୀସୁ ଏଝାରାଇଁ ଏଲେଇଚେସି, ନାନୁ ମିଙ୍ଗେ ସାତା ଝେସିମାଞ୍ଜାଇଁ, ପୁଝନି କୁଗୁ ଆନାଟି ଏଚେତା ମାଣ୍ଡି ମୀରଏସି ତାନି ଗାଝୁରମିତି କାଜାପାଣା ତଲେ ସିଂଗାସାଣିତା କୁଗିନି ଦିନା ନା ଜେଚ ଖାହାମାନାତେରି ମୀରୁ, ମୀରୁ ଜିକେଏ ବାର ଗଟା ସିଂଗାସାଣିତା କୁଗାନା, ଇସାୟେଲତି ବାର କୁଡାତି ସାଲଝି କିଦେରି । ୨୯ ଇଞ୍ଜା ଆମ୍ବାଆସି ନା ଦରୁ ତାକି ଇଲୁ କାଣ୍ଡା, କି ତାୟି ତାଙ୍ଗିସ୍ତା, ତାଲି ତାଞ୍ଜି, କକାରି ପଦାୟା, ଇଞ୍ଜା ବୁମି ବାଡା ପିସାମାନେସି, ଏଝାସି ଏ ବାରେକିହାଁ ହାରେକା ଗାତି ବେଟା ଆନେସି, ଇଞ୍ଜା କାଲକାଲତି ଜୀଝୁତି ବେଟା ଆନେସି । ୩୦ ✱ସାମା ନକିତା ମାନି ହାରେକା ଲକୁ ତାୟୁ ଆନେରି, ଇଞ୍ଜା ତାୟୁତା ମାନି ହାରେକା ଲକୁ ନକିତା ଆନେରି ।

୨୦

ଅଙ୍ଗୁରି ବାଡାତା କାମାକିନାରି

୧ ଇତିହ୍ ଲାକପୁରୁ ରାଜି ଇଲେତି ର ସାଝୁକାରି ଲେହେଁତାୟି, ଲାକ ଝେୟାଲିଏ ତାନି ଅଙ୍ଗୁରି ବାଡାତା କୁଲି କାମା କିଝିକିହାଲି ହାଚେସି । ୨ ଅଡେ ଏଝାସି କୁଲି ଗାଟାରାଇଁ ଦିନାତାକି ର ଝେଣ୍ଡି ଟାକା ହିୟାଇଁ ଇଞ୍ଜା ଏଝାରାଇଁ ତାନି ଅଙ୍ଗୁରି ବାଡାତା ପାଣ୍ଡିଚେସି । ୩ ଅଡେ ନ ଗଂଟା ବେଲାତା ଏଝାସି ପାଙ୍ଗାତା ହାଜାନା ଏଟକାତାରି କାମା ପ୍ଲାଝଆନା ନିଚାମାଟାଣି ମେସାନା ଏଝାରାଇଁ ଜିକେଏ ଏଲେଇଚେସି, ୪ ମୀରୁ ଜିକେଏ ଅଙ୍ଗୁରି ବାଡାତା ହାଜାନା କାମା କିଦୁ, ଇଞ୍ଜା ଏନିକ୍ ତୀରି ଆହାମାନେ, ଏଲେକିହ୍ ମିଙ୍ଗେ ହିୟାଇଁ; ଇଞ୍ଜା ଏଝାରି ହାଚେରି । ୫ ଅଡେ ମାଦେନା ବାର ଗଂଟା ଇଞ୍ଜା ତାନି ଗଂଟା ବେଲାତା ପାଙ୍ଗାତା ହାଜାନା ଏଲେକିଚେସି । ୬ ଇଞ୍ଜା ମିଡ଼ଅଲ୍ଲା ପାସା ଗଂଟା ବେଲାତା ପାଙ୍ଗାତା ହାଜାନା ଏଚରଜାଣା ନିଚାମାନାଣି ମେସାନା ଝେଚେସି, ମୀରୁ ଏନାଆଁତାକି ମାଦେନା ଝେଡାଡୁମ୍ବେ କାମା କିଆନା ଉଜେଏ ନିଚାମାଞ୍ଜେରି ? ୭ ଏଝାରି ଏଝାଣାଇଁ ଏଲେଇଚେରି, ଆମ୍ବାଆରି ମାଙ୍ଗେ କାମା ହେରପା ମାଞ୍ଜଅରି । ଏଝାସି ଏଝାରାଇଁ ଏଲେଇଚେସି ମୀରୁ ଜିକେଏ ଅଙ୍ଗୁରି ବାଡାତା ହାଜୁ ।

୮ ତାୟୁ ମିଡ଼ଅଲ୍ଲା ଆହାଲିଏ, ଅଙ୍ଗୁରି ବାଡାତି ସାଝୁକାରି ତାନି ଗୁମ୍ବୁସାଇଁ ଏଲେଇଚେସି, କୁଲି ଗାଟାରାଇଁ ହାଟାନା ତାୟୁ ଝାଡି ଲକୁ ତାଣାଟିଏ ମାଟହାନା ନକିତା ଝାଡି ଲକୁ ପାତେକା କୁଲି ହୀମୁ । ୯ ଏଚେଟିଏ ଆମିନି ଗାଟାରି ପାସା ଗଂଟା ବେଲାତା କାମାତା ପାଣ୍ଡି ଆହାମାଚେରି,

ଏଝାରି ଝାହାନା ର ଝେଣ୍ଡି ଟାକା ଲାକା ବେଟାଆଡେରି । ୧୦ ଇଞ୍ଜା ନକେଏ କାମାତା ପାଣ୍ଡି ଆହାମାନାରି ଝାହାନା ଗାତି ବେଟାଆନେରି ଇଞ୍ଜା ଅଣ୍ଡପିଚେରି; ସାମା ଏଝାରି ଜିକେଏ ଏ ର ଝେଣ୍ଡି ଟାକା ଲାକା ବେଟାଆଡେରି । ୧୧ ସାମା ଏଲେକ୍ ବେଟାଆହାନା ଏଝାରି ସାଝୁକାରିକ୍ କପା ଆହାନା ଲାଗିଚେରି । ୧୨ ଇ ତାୟୁତି ଲକୁ ଝାରଇ ର ଗଂଟା କାମା କିଚେରି, ଇଞ୍ଜା ମାମ୍ବୁ ଝେଡା ଡୁମ୍ବେ ଝାହୁ ଆହ୍ କାରା ଝେହ୍ କାମା କିତିହ୍ ଜିକେଏ ନାନୁ ଏଝାରାକି ମା ସମାନା କିତି । ୧୩ ଏଝାରି ବିଡାଟି ରଅଣାଇଁ ସାଝୁକାରି ଏଲେଇଚେସି ଏ ତଣେ, ଝେନାମ୍ବୁ, ନାନୁ ନିଙ୍ଗେ ନାଡି କିହିମାଞ୍ଜଅଁ; ନାନୁ ନା ତଲେ ର ଝେଣ୍ଡି ଟାକା ତାକି ରାଜି ଆହାହିଲାଆତି କି ? ୧୪ ନାନୁ ଏଚେକା ପାଣ୍ଡନାୟି ମାନେ ଏଚେକା ଆସାନା ହାଜାଡୁହ୍ମ୍ବୁ, ସାମା ଇ ତାୟୁତି ଲକୁ ଜିକେଏ ନୀ ଲେହେଁକି ହିୟାଲି ନା ମନ । ୧୫ ନା ଦନତି ନା ମନ ଲେହେଁ ଲେମ୍ବାଲି ନା ଅଦିକାରା ହିଲେଏ କି ? ନାନୁ କାର୍ମାମେସାନା ହିୟାଲିଏ ନାନୁ ଏନାଆଁତାକି ତାହାରା ଆହିମାଞ୍ଜାଦି ।

୧୬ ✱ଏଲେକିହ୍ ଏ ତାୟୁ ମାନି ଲକୁ ନକିତା ଆନେରି, ଇଞ୍ଜା ନକିତା ମାନି ଲକୁ ତାୟୁ ଆନେରି ।

ତାନି ହାକିତି କାତା ଜୀସୁ ତାନି ପାଲି ଝେହ୍ନାୟି (ମାର୍କ ୧୦:୩୨-୩୪; ଲୁକ ୧୮:୩୧-୩୪)

୧୭ ଜୀସୁ ଜିରୁସାଲମତା ହାଜିମାଟାଟି ବାରଜାଣାତି ସୀମ୍ବୁୟାଇଁ ଏଟକା କିହାନା, ଜିରୁତା ଏଝାରାଇଁ ଏଲେଇଚେସି, ୧୮ ମେହ୍ନୁ ମାର ଜିରୁସାଲମତା ହାଜିମାନାୟି, ମାଣ୍ଡି ମୀରଏସି କାଜା ପୂଜେରାଙ୍ଗା ଅଡେ ମେରାପୁନାରି କେୟୁତା ହେରପିଆନେସି, ୧୯ ଅଡେ ଏଝାରି ଏଝାଣାଇଁ ହାନି ତଣ୍ଡ ହୀହାନା ଏଟକା କୁଡାତାରି କେୟୁତା ହେରପିନେରି, ଏଚେଟିଏ ଏଝାରି ଏଝାଣାଇଁ କିଜଝି କିନେରି, ସାଟଣି ଡରିତଲେ ଝେନେରି, ଅଡେ ପାସି ମୁଣ୍ଡାତା ଏକହାନା ପାୟିନେରି, ଇଞ୍ଜା ତାନି ଦିନାଟିଏ ହାକିତି ଝେଣ୍ଡେ ନିଙ୍ଗିନେସି ।

ର ଇୟାନି ବାଡିମାଲିନାୟି (ମାର୍କ ୧୦:୩୫-୪୫)

୨୦ ଏଚିବେଲା ଜେବଦି ଡକ୍ତି ତାନି ରୀ ମୀରକା ତଲେ ଜୀସୁ ତାଣା ଝାହାନା ଜହରା କିହାନା ଏଝାଣି ତାଣା ବାଡିମାଲିହ୍ ଏଲେଇଚେ ।

୨୧ ଏଚେଟିଏ ଜୀସୁ ଏଦାନି ଝେଚେସି, “ନାନୁ ଏନାଆଁ ମନ କିହିମାଞ୍ଜ ?”

ଏଦି ଏଲେଇଚେ, “ନୀ ରାଜିତା ନା ରୀ ମୀରକା ବିଡାଟି ରଅସି ନୀ ଚିଝନିଝାକି ଅଡେ ରଅସି ନୀ ଚେବୁଝାକି କୁଗିନେରି ଇଞ୍ଜା ହୁକୁମି ହୀମୁ ।”

୨୨ ସାମା ଜୀସୁ ଏଲେଇଚେସି, “ମୀରୁ ଏନାଆଁ ରାସିମାଞ୍ଜେରି ଏଦାଆଁ ପୁଞ୍ଜିହିଲଅତେରି । ନାନୁ ଆମିନି

✱ ୧୯:୨୮ ୧୯:୨୮ ମାଟି ୨୫:୩୧; ଲୁକ ୨୨:୩୦ ✱ ୧୯:୩୦ ୧୯:୩୦ ମାଟି ୨୦:୧୭; ଲୁକ ୧୩:୩୦ ✱ ୨୦:୧୭ ୨୦:୧୭ ମାଟି ୧୯:୩୦; ମାର୍କ ୧୦:୩୧; ଲୁକ ୧୩:୩୦

ସଲୀଳା ଗସାଲି ହାଜିମାଲ୍, ଏଦାଆଁ ମୀରୁ ଗସାଲି ଆଡ଼ିଦେରି ?”

ଏଞ୍ଜାରି ଏଞ୍ଜାଣାଲ୍ ଏଲେଇଚେରି, “ଆଡ଼ିନମି ।”

୨୩ ଜୀସୁ ଏଞ୍ଜାରାଲ୍ ଏଲେଇଚେସି, “ମୀରୁ ନା ସଲୀଳା ଗହ୍‌ଦେରି ସାତା, ସାମା ନା ଚିଃନି କି ଚେଟ୍‌ଞ୍ଜାକି କୁଗାଲି ହାନି ନା ଅଦିକାରାତି କାତା ଆଏ, ଇଚିହ୍ ଆମିନି ଗାଟାରାକି ନା ଆବା ତାଣାଟି ଚାୟୁ କିଞ୍ଚିଆହାମାନେ ଏଞ୍ଜାରି କୁଗିନେରି ।”

୨୪ ଏଚ୍‌କାତି ଦସ ଜାଣା ଇ କାତା ଖେଞ୍ଜାନା ଏ ତାୟି ରିଆରାଲ୍ କପା ଆଡେରି । ୨୫ ଯାମା ଜୀସୁ ଏଞ୍ଜାରାଲ୍ ତାଗେ ହାଟାନା ଏଲେଇଚେସି, “ଏଚ୍‌କା କୃତାତାରି ସାଲ୍‌ଞ୍ଜି କିନାରି କାଜା ବାଡ଼ୁ ତଲେ ତାମି କାଜାପାଣା ତହ୍‌ନେରି, ଇଦାଆଁ ମୀରୁ ପୁଞ୍ଜାମାଞ୍ଜେରି । ୨୬ ଯାମା ବିତ୍ରା ଏଲେକିହ୍ ଆଏ, ସାମା ମୀ ବିତ୍ରା ଆମ୍ବାଆସି କାଜାସି ଆହାଲି ଅଣ୍‌ପିନେସି, ଏଞ୍ଜାସି ମୀ ସେବା କିନାସି ଆପେସି; ୨୭ ଅଡେ ଆମ୍ବାଆସି କାଜାପାଣା ବେଟାଆହାଲି ମନ କିନାସି ଏଞ୍ଜାସି ମୀ ହଲେଏସି ଆପେସି, ୨୮ ଏନିକ୍ ମାଣ୍‌ସି ମୀରଏସି ଜିକେଏ ସେବା ବେଟାଆହାଲି ଖାହାହିଲଅସି, ସାମା ସେବା କିହାଲି ଅଡେ ହାରେକା ଲକୁଣି ଗେଲ୍‌ପାଲି ଜୀସୁ ହୀହାଲି ଖାହାମାନେସି ।”

ରୀ କାଣାୟାଣି ମେସାଲି ହୀନାୟି
(ମାର୍କ ୧୦:୪୭-୫୨; ଲୁକ ୧୮:୩୫-୪୩)

୨୯ ଜୀସୁ ଅଡେ ତାନି ସୀସୁୟାଁ ଜିରିହଟି ହାଜିମାଟାଟି ହାରେକା ମାୟା ଲକୁ ତାନି ଜେଟ ହାଚେରି । ୩୦ ଅଡେ ଜିରୁ ଦାରିତା ରିଆରି କାଣାୟାଁ ଜୀସୁ ଏ ଜିରୁଟି ହାଜିମାନେସି ଇଞ୍ଜି ଖେଞ୍ଜାନା, କାଜା ଗିୟାତଲେ ଏଲେଇଚେରି, “ଏ ପ୍ରବୁ ଦାଞ୍ଜୁଦ ମୀରଏଶାତି ! ମାଞ୍ଜେ କାର୍ମା ମେସ୍ତାମୁ !”

୩୧ ସାମା ଲକୁ ଏଞ୍ଜାରାଲ୍ ପାଲେଏ ଆହାଲି ଦାକା ହୀଚେରି, ସାମା ଏଞ୍ଜାରି ଅଡେ କାଜା ଗିୟାତଲେ ଏଲେଇଚେରି, “ଏ ପ୍ରବୁ ଦାଞ୍ଜୁଦ ମୀରଏଶାତି ! ମାଞ୍ଜେ କାର୍ମା ମେସ୍ତାମୁ !”

୩୨ ଏମ୍ବାଟିଏ ଜୀସୁ ନିଗାନା ଏଞ୍ଜାରାଲ୍ ହାଟାନା ଖେଚେସି, “ନାନୁ ମିଞ୍ଜେତାକି ଏନାଆଁ କିଲ୍ ଇଞ୍ଜି ମୀରୁ ଅଣ୍‌ପିମାଞ୍ଜେରି ?”

୩୩ ଏଞ୍ଜାରି ଏଞ୍ଜାଣାଲ୍ ଏଲେଇଚେରି, “ଏ ପ୍ରବୁ ଏନିକ୍ ମା କାଣ୍‌କା ଦେପି ଆନୁ ।”

୩୪ ଅଡେ ଜୀସୁ କାର୍ମା ଆହାନା ଏଞ୍ଜାରି କାଣ୍‌କା ତୀଗିତେସି, ଇଞ୍ଜା ଏ ଦେବୁଣିଏ ଏଞ୍ଜାରି ମେସ୍ତେରି ଇଞ୍ଜା ଏଞ୍ଜାଣି ଜେଟ ହାଚେରି ।

୨୧

ଜିରୁସାଲମତା ଜୀସୁ ରାହାଟି ହଡ଼ନାୟି
(ମାର୍କ ୧୧:୧-୧୧; ଲୁକ ୧୯:୨୮-୪୦)

୧ ଏଚିବେଲ୍‌ ଜୀସୁ ଅଡେ ତାନି ସୀସୁୟାଁ ଜିରୁସାଲମ ତାଗେ ଆହାନା ଜୀତ ଇନି ହରୁ ଦାରିତି ବେଡ଼ପାଗି ଏଜାଲିଏ ଏଚିବେଲ୍‌ ଜୀସୁ ତାନି ରୀ ସୀସୁୟାଁଣି ଏଲେଇଞ୍ଜା ପାଣ୍ଡିତେସି । ୨ “ମୀରୁ ନକିତା ମାନି ନାୟୁତା ହାଲୁ, ଇଞ୍ଜା ହାଲ୍‌ଞ୍ଜିନିଏ ଦସାମାନି ର ଗାଡ଼ଦେ ଇଞ୍ଜା ତାଲୁ ମେହ୍‌ଦେରି; ଏଞ୍ଜାଆଁ ହୁକ୍‌ହାନା ନା ତାଣା ତାଦୁ । ୩ ଅଡେ ଆମ୍ବାଆରି ଏନାଆଁ ଇଞ୍ଜାତିହ୍, ଖେହ୍‌ଦୁ, ଇଞ୍ଜାସିକା ତାଣା ମା ପ୍ରବୁକି ଲତାମାନେ, ଏ ଦେବୁଣିଏ ଏଞ୍ଜାସିକାଣି ପାଣ୍ଡାନେସି ।”

୪ ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି କାତା ଏନିକ୍ ସାତା ଆନେ, ଏଦାଆଁତାକି ଇ ବାରେ ଆଡେ;

୫ “ସିୟନତି ଗାଡ଼ାଲ୍ ଖେହ୍‌ଦୁ ମେହ୍‌ମୁ ନୀ ରାଜା ନୀ ତାଣା ଖାହିମାନେସି ! ଏଞ୍ଜାସି ସୁଦୁଗାଟାସି ଇଞ୍ଜା ଗାଡ଼ଦେ ଲାକ କୁଗାମାନେସି ଇଚିହ୍ ଗାଡ଼ଦେ ତାଲୁ ଲାକ କୁଗାମାନେସି ।”

୬ ଏମ୍ବାଟିଏ ସୀସୁୟାଁ ହାଜାନା ଜୀସୁ ଖେସିଲେହେଁ କାମା କିଚେରି, ୭ ଅଡେ ଗାଡ଼ଦେ ଇଞ୍ଜା ତାଲୁତି ତାଗାନା ଏଞ୍ଜାସିକା ଲାକ ହିମ୍ବିକା ପାସ୍ତେରି, ଇଞ୍ଜା ଜୀସୁଲ୍ କୁଗିକିଚେରି । ୮ ଅଡେ ହାରେକା ଲକୁ ତାନି ହିମ୍ବିକା ଜିରୁତା ପାସ୍ତେରି, ଅଡେ ଏଚେକା ଲକୁ ମାର୍‌କାତି ଗରାୟାଁ ତାଗାନା ଜିରୁତା ପାସ୍ତେରି । ୯ ଅଡେ ଜୀସୁତି ତାୟୁତା ନକିତା ହାଜିମାଟି ଲକୁ ବାରେ କାଜା ଗିୟାତଲେ ଏଲେଇଚେରି, “ହସାନା ଦାଞ୍ଜୁଦ ମୀରଏସି ! ମାହାପୁରୁ ଦରୁଟି ଖାହିମାନେସି ନେହାଁସି ! ମାହାପୁରୁ ଏଞ୍ଜାଣାଲ୍ ବର ହୀପାସି, ଲାକପୁରୁ ହସାନା !”

୧୦ ଅଡେ ଏଞ୍ଜାସି ଜିରୁସାଲମତା ହଡ଼ାଲିଏ, ଗାଡ଼ାତାରି ବାରେଜାଣା “ଇଞ୍ଜାସି ଆମ୍ବାଆସି ?” ଇଞ୍ଜି କାବାଆହାନା ଏଲେଇଚେରି ।

୧୧ ଏଚେଟିଏ ବାରେ ଲକୁ ଏଲେଇଚେରି, “ଇଞ୍ଜାସି ଗାଲିଲି ଦେସାତା ମାନି ନାଜରିତତି ମାହାପୁରୁ ଅଣ୍‌ପୁତି ବଲୁ ଖେହ୍‌ନି ଜୀସୁ ।”

ମାହାପୁରୁ ଇଲୁତା ଜୀସୁ ହାନାୟି
(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଜହ ୨:୧୩-୨୨)

୧୨ ତାୟୁ ଜୀସୁ ମାହାପୁରୁ ଇଲୁତା ହଡ଼ାନା ଏ ଗାୟୁତା ଏମ୍ବାଆଁ ଆସି ମାସ୍‌କି ମାଟାରାଲ୍ ବାରେତି ପାଞ୍ଜାତା ପେର୍‌ହା ପାଣ୍ଡିତେସି, ଇଞ୍ଜା ଟାକାୟାଁ ବେବାରା ଗାଟାରି କୁଟିୟାଁ ଅଡେ ପାର୍‌ଞ୍ଜା ପଟାୟାଁ ବେବାରା ଗାଟାରି ଜମ୍ବାୟାଁ ତିରିମ୍ବୁପ୍‌ହେସି, ୧୩ ଅଡେ ଏଞ୍ଜାସି ଏଞ୍ଜାରାଲ୍ ଏଲେଇଚେସି, ମାହାପୁରୁ ଦାମ୍‌ପୁତିତା ରାସ୍‌କି ଆହାମାନେ, “ନା ଇଲୁ ପ୍ରାତାନା ଇଲୁ ଇଞ୍ଜି ଖେଞ୍ଜାନେ, ସାମା ମୀରୁ ଏଦାଆଁ ତଂଗାୟାଁ ପାଞ୍ଜୁ ମ୍ବୁପ୍‌ହା ମାଞ୍ଜେରି ।”

୧୪ ଇଞ୍ଜା ମାହାପୁରୁ ଇଲୁତା କାଣାୟାଁ, ସଗାୟାଁ ତାନି ତାଣା ଖାଚେରି ଇଞ୍ଜା ଏଞ୍ଜାରାଲ୍ ନେହ୍ କିଚେସି । ୧୫ ସାମା କାଜା ପୂଜେରାଞ୍ଜା ଅଡେ ମେରାପୁନାରି ତାନ୍ କିହିମାନି କାବାଆନି କାମା ମେସାନା ଅଡେ “ମାହାପୁରୁ ଇଲୁତା ହସାନା ଦାଞ୍ଜୁଦ ମୀରଏସି” ଇଞ୍ଜି କାଜା

☆ ୨୦:୨୫ ୨୦:୨୫ ଲୁକ ୨୨:୨୫,୨୬ ☆ ୨୦:୨୭ ୨୦:୨୭ ମାତୃ ୨୩:୧୧; ମାର୍କ ୯:୩୫; ଲୁକ ୨୨:୨୭

ଗିୟାତଲେ କକାରି ଜଳିମାନାଣି ଖେଞ୍ଜାନା କପା ଆଡେରି । ୧୭ ଏଝାରି ଜୀସୁଇଁ ଖେଚେରି, “ଇଝାରି ଏନାଆଁ ଇଞ୍ଜିଁ ମାନେରି, ନୀନୁ ଏଦାଆଁ ଖେଞ୍ଜିମାଞ୍ଜି ?”

ଜୀସୁ ଏଝାରାଇଁ ଏଲେଇଚେସି, “ହାଅ, ଖେଞ୍ଜିମାଇଁ, ମୀରୁ କକାରି ଇଞ୍ଜା ପାଲୁ ଗହନରାଇଁ ନିଙ୍ଗ ଜହରା ପାରୁ ପାଚାଲି ଜାପୁହାମାଞ୍ଜି, ଦାମ୍ବୁ ପତିତି ଇ କାତାତି ମୀରୁ ଏଚେଲା ପଡ଼଼ି ଆହାହିଲଅଡେରି ?”

୧୭ ଅଡେ ଏଝାସି ଏଝାରାଇଁ ପିସାନା ଗାଡାଟି ହଡାନା ବେତନିୟାତା ହାଜାନା ଏମ୍ବାଆଁ ଲାଆଁୟା ଡୟିଡେସି ।

ଜୀସୁ ତୟା ମାରୁଇଁ ବାକା ଇଟିନାୟି
(ମାର୍କ ୧୧:୧୨-୧୪, ୨୦-୨୪)

୧୮ ଜୀସୁ ଗାଡାତା ଖେଣ୍ଡା ହାଜିମାଚାଟି ହାକି ଆଡେସି, ୧୯ ଅଡେ ଜିରୁ ଦାରିତା ର ତୟା ମାରୁନୁ ମେସାନା ଦାରିତା ହାଚେସି, ଇଞ୍ଜା ଝାରଇ ଆକା ପିସପେ ଏମ୍ବାଆଁ ଏନାଆଁ ମେହୁଆଡେସି ଇଞ୍ଜା ଏଦାନି ବାକା ଇଟାନା ଏଲେଇଚେସି, “ନୀ ତାଣା ଏଚେଲା ପାଡେୟି ଆୟାଆପେ” ଇଞ୍ଜା ଏ ଦେବୁଣିଏ ଏ ତୟା ମାରୁନୁ ଝାୟାହାଚେ ।

୨୦ ସୀସୁୟାଁ ଏଦାଆଁ ମେସାନା କାବାଆହାନା ଏଲେଇଚେରି, “ତୟା ମାରୁନୁ ଏନିକିଁ ଏ ଦେବୁଣିଏ ଝାୟା ହାଚେ ।”

୨୧ ଜୀସୁ ଏଝାରାଇଁ ଏଲେଇଚେସି, “ନୀନୁ ମିଙ୍ଗେ ସାତା ଖେସିମାଞ୍ଜାଇଁ, ମୀ ନୀମୁ ମାଟିହୁଁ, ଅଡେ ମୀରୁ ଆନାମାନା ଆଆନା, ଇ ତୟା ମାରୁନୁତି ଏନି କିଞ୍ଜିଆହାମାନେ, ଏଲେକିହୁଁ ଏ କିଦେରି ଏଦି ଆଏ, ‘ସାମା ଇ ହରୁତି ଜିକେଏ ନୀନୁ ନିଙ୍ଗାନା ସାମଦୁରିତା ତରଗାମୁ’ ଇଞ୍ଜେରି, ଆତିହୁଁ ଏଦି ଆନେ । ୨୨ ଇଞ୍ଜା ନାମୁତଲେ ପ୍ରାତାନାତା ଏନାଆଁ ରାହୁଦେରି ଏ ବାରେ ମିଙ୍ଗେ ମେଡାଆୟାନେ ।”

ଜୀସୁତି ଅଦିକାରା
(ମାର୍କ ୧୧:୨୭-୩୩; ଲୁକ ୨୦:୧-୮)

୨୩ ତାୟୁ ଜୀସୁ ମାହାପୁରୁ ଇଲୁତା ହଡାନା ଜାପୁହି ମାଚାଟି, କାଜା ପୂଜେରାଙ୍ଗା ଅଡେ ଲକୁତି କାଜାରି ଏଝାଣି ତାଣା ଝାହାନା ଖେଚେରି, “ନୀନୁ ଆମିନି ଅଦିକାରା ତଲେ ଇ ବାରେ କାମା କିହିମାଞ୍ଜି ? ନିଙ୍ଗେ ଏ ଅଦିକାରା ଆମ୍ବାଆସି ହିୟାଡେସି ?”

୨୪ ଜୀସୁ ଏଝାରାଇଁ ଏଲେଇଚେସି, “ନୀନୁ ଜିକେଏ ମିଙ୍ଗେ ର କାତା ଖେଞ୍ଜାଇଁ, ମୀରୁ ଏଦାଆଁ ଖେଣ୍ଡେ ଖେସୁତିହୁଁ, ନୀନୁ ଆମିନି ଅଦିକାରା ତଲେ ଇ ବାରେ କାମା କିହିମାଇଁ, ନୀନୁ ଜିକେଏ ମିଙ୍ଗେ ଖେସୁଆଇଁ । ୨୫ ଜହନ ବାପୁସ୍ତୁ* ହାହାଲି ଆମ୍ବାଆରି ତାଣାଟି ବେଟା ଆହାମାଚେସି, ଲାକପୁରୁଟି କି ଲକୁ ତାଣାଟି ?”

ଏଚେଟିଏ ଏଝାରି ତାୟୁ ତାୟୁ ଜଲୁକି ଆଡେରି, “ମାହାପୁରୁ ତାଣାଟି ଇଞ୍ଜିଁ ଖେସିହୁଁ, ଏଝାସି ମାଙ୍ଗେ ଏଲେଇଞ୍ଜାନେସି, ‘ମୀରୁ ଏନାଆଁତାକି ଏଝାଣାଇଁ ନାମାଆଡେରି ?’ ୨୬ ସାମା ମାଣ୍ଡସିୟାଁ ତାଣାଟି ଇନାୟି,

ଲକୁତାକି ଆଜି, ଇତିହୁଁ ବାରେ ଲକୁ ଜହନଇଁ ମାହାପୁରୁ ଅଣପୁତି ବଲୁ ଖେହନାସି ଇଞ୍ଜିହୁଁ ମାନୁଡ଼ି ଆହିମାନେରି ।” ୨୭ ଏଦାଆଁତାକି ଏଝାରି ଜୀସୁଇଁ ଏଲେଇଚେରି, “ମାୟୁ ପୁଞ୍ଜାହିଲଅମି ।”

ଏଝାସି ଜିକେଏ ଏଝାରାଇଁ ଏଲେଇଚେସି, “ଆତିହୁଁ ନୀନୁ ଜିକେଏ ଆମିନି ଅଦିକାରା ତଲେ ଇ ବାରେ କିହିମାଇଁ, ଏଦାଆଁ ନୀନୁ ଜିକେଏ ମିଙ୍ଗେ ଖେସୁଅଁ ।”

ରୀ ମୀରୁକାତି ପୁଣ୍ଡିକିନି କାତା

୨୮ ମୀରୁ ଏନାଆଁ ଅଣ୍ଡିମାଞ୍ଜେରି ? ରଅଣାକି ରୀ ମୀରୁକା ମାଚେରି, ଏଝାସି କାଜା ମୀରୁଏଣି ତାଣା ଝାହାନା ଏଲେଇଚେସି, “ମୀରୁଏଣା ନୀଞ୍ଜୁ ଅଞ୍ଜୁରି ବାଡାତା ହାଜାନା କାମା କିମୁ ।” ୨୯ ଏଝାସି ଏଲେଇଚେସି, “ନାଙ୍ଗେ କାମା କିହାଲି ମନ ହିଲେଏ” ସାମା ତାୟୁ ଏଝାସି ଅଣ୍ଡିମାନା କାମା କିହାଲି ହାଚେସି । ୩୦ ଇଞ୍ଜା ଡଣା ମୀରୁଏଣା ତାଣା ଝାହାନା ଏଲେଇଞ୍ଜି ଖେସୁସି, ଏଝାସି ଏଲେଇଚେସି, “ହାଅ ଆଡା ନୀନୁ ହାଜିମାଇଁ, ସାମା ଏଝାସି ହାଲିଆଡେସି । ୩୧ ଇ ରିଆରି ବିତ୍ରାଟି ଆମ୍ବାଆସି ଆଡା ମନ ଲେହେଁ କିଡେସି ?”

ଏଝାରି ଏଲେଇଚେରି “କାଜାସି ।”

ଜୀସୁ ଏଝାରାଇଁ ଏଲେଇଚେସି, ନୀନୁ ମିଙ୍ଗେ ସାତା ଖେସିମାଞ୍ଜାଇଁ, ସିସୁ ରାହୁନାରି ଇଞ୍ଜା ଦାରେଣିସିକା ମୀ ନକେଏ ମାହାପୁରୁ ରାଜିତା ହଡୁନୁ । ୩୨ ବାପୁସ୍ତୁ* ହାନି ଜହନ ଝାହାନା ମୀ ତାଣା ଦାମ୍ବୁତି ଜିରୁ ତସ୍ତାଡେସି, ଅଡେ ମୀରୁ ଏଝାଣାଇଁ ନାମାଆଡେରି, ସାମା ସିସୁ ରାହୁନାରି ଇଞ୍ଜା ଦାରେଣିସିକା ଏଝାଣାଇଁ ନାମିତୁ, ସାମା ମୀରୁ ଏନିକିଁ ନାମିଦେରି, ଏଦାଆଁତାକି ଏନାଆଁ ମେସାନା ଜିକେଏ ହିୟାଁ ବାଦଲି କିଆଡେରି ।

ଅଞ୍ଜୁରି ବାଡାତା କାମାକିନାରି ପୁଣ୍ଡିକିନି କାତା
(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ ଅଡେ ର ପୁଣ୍ଡିକିନି କାତା ଖେଞ୍ଜୁ, ର ବୁମି ଗାଚାସି ମାଚେସି, ଏଝାସି ର ଅଞ୍ଜୁରି ବାଡା କିହାନା ସାରିଝାକି ବେୟୁଁ ଗୁରୁଡେସି, ଇଞ୍ଜା ଅଞ୍ଜୁରି ପାଡେୟି ପୀଚାଲି ର ଗାଡୁୟୁ କାରହାନା ର ଗାଣା ହଲୁଲେହେଁ କିଡେସି, ଇଞ୍ଜା କାଃଆନି ଇଲୁ କେପାନା କାମା କିନାରାକି ଏ ବାଡାତି ବାଟା ହାହାନା ହେକ ଦେସାତା ହାଚେସି । ୩୪ ତାୟୁ ପାଡେୟି କାମ୍ବି ବେଲା ଆୟାଲିଏ, ଏଝାସି ତାନି ପାଡେୟି ବାଟା ବେଟାଆହାଲି, ବାଡାତା କାମାକିନାରି ତାଣା, ତାନି ହଲିୟାଙ୍ଗାଣି ପାଣ୍ଡିଡେସି । ୩୫ ସାମା କାମାକିନାରି ତାନି ହଲିୟାଙ୍ଗାଣି ଆସାନା ରଅଣାଇଁ ଖେଡେରି ଇଞ୍ଜା ଅର ରଅଣାଇଁ ପାୟିଡେରି, ଅଡେ ରଅଣାଇଁ ଝାଲୁକା ଖେଡାନା ପାୟା କୁତାତୁସ୍ତେରି । ୩୬ ଅଡେ ଏଝାସି ତଲିତି କିହାଁ ହାରେକା ଜାଣା ହଲିୟାଙ୍ଗାଣି ପାଣ୍ଡିଡେସି, ଅଡେ ଏଝାରି ଏଝାରାଇଁ ଜିକେଏ ଏଲେକିଡେରି । ୩୭ ସାମା ନା ମୀରୁଏଣାଇଁ ଏଝାରି ମାନ୍ଦି କିନେରି ଇଞ୍ଜିଁ ଅଣ୍ଡିମାନା, ଏଝାସି ତାୟୁ ତାନି ମୀରୁଏଣାଇଁ ଏଝାରିତାଣା ପାଣ୍ଡିଡେସି

* ୨୧:୧୧ ୨୧:୨୧ ମାଟି ୧୭:୨୦; ୧କର ୧୩:୨ * ୨୧:୨୫ ୨୧:୨୫ ମୁଞ୍ଜିନାୟି * ୨୧:୩୨ ୨୧:୩୨ ଲୁକ ୩:୧୨; ୭:୨୯,୩୦ † ୨୧:୩୨ ୨୧:୩୨ ମୁଞ୍ଜିନାୟି

୧୮ ସାମା ଏ କାମାକିନାରି ମୀରୁଏଣାଙ୍କ ମେସାନା ତାମ୍ନୁ ତାମ୍ନୁ ଖେସପି ଆଡେରି, ଇଞ୍ଜାସିତ ବାଡ଼ାତି ଅଦିକାରା ଗାଟାସି; ଖାଦୁ ଇଞ୍ଜାଣାଙ୍କ ପାୟାନା ଅଜୁରି ବାଡ଼ାତି ଅଦିକାରା କିହାକତିନ । ୧୯ ଇଞ୍ଜା ଏଞ୍ଜାରି ଏଞ୍ଜାଣାଙ୍କ ଅଜୁରି ବାଡ଼ା ଆତାଲା ମେଡ଼ହାନା ପାୟିତେରି ।

୪୦ ଜୀସୁ ଏଞ୍ଜାରାଙ୍କ ଖେରେସି, “ଇଚିହ” ଏଚିରେଲା ଏ ଅଜୁରି ବାଡ଼ାତି ସାଞ୍ଜୁକାରି ଖାନ୍ନେସି, ଏଚିରେଲା ଏ କାମା କିନାରାଙ୍କ ଏନାଆଁ କିନେସି ।”

୪୧ ଏଞ୍ଜାରି ଏଞ୍ଜାଣାଙ୍କ ଏଲେଇରେରି, “ଏ ଲାଗେଏ ପଲେଏତି କାମା କିନାରାଙ୍କ କସ୍ତ ହାହ” ପାୟିନେସି, ଇଞ୍ଜା ଏଞ୍ଜାଣାକି କାମ୍ବିନିସାରି ବାଗା ହାନି ଏଚକାତି କାମା କିନାରାକି ଅଜୁରି ବାଡ଼ାତି ହେରପିନେସି ।”

୪୨ ଜୀସୁ ଏଞ୍ଜାରାଙ୍କ ଏଲେଇରେସି, “ମୀରୁ ଦାମ୍ବୁ ପତିତି ଇ କାତା ଏଚେଲାଖା ପଡ଼ୁଡ଼ି ଆହାହିଲଅତେରି କି ?”

ଇଲୁ ଦହନାରି ଆମିନି ଖାଲିତି ମିଶଏ ଇଞ୍ଜୁ କୁତେରି, ଏଦିଏ ଇଲୁ କନତି ମୁଲୁ ଖାଲି ଆଡେ; ମାହାପୁରୁ ତାଣାଟି ଇଦି ଆଡେ, ଇଞ୍ଜା ଏଦି ମା କାନୁତାକି କାବା ଆନାୟି ।

୪୩ “ଏଦାଆଁତାକି ନାନୁ ମିଜେ ଖେସିମାଞ୍ଜାଙ୍କ, ମାହାପୁରୁତି ରାଜି ମୀ ତାଣାଟି ମୀଞ୍ଜା ଅଞ୍ଜିଆନେ, ଇଞ୍ଜା ଆମିନି ଜାଡ଼ିତି ଲକୁ ନେହ” ପାଡ଼େୟି କାମ୍ବି କିନେରି ଏଞ୍ଜାରାକି ହାନେସି । ୪୪ ଅଡେ ଆମ୍ବାଆସି ଇ ଖାଲି ଲାକ ରିନେସି ଏଞ୍ଜାସି କାଣ୍ଡାମୁକା ଆନେସି, ଇଞ୍ଜା ଇ ଖାଲି ଆମ୍ବାଆରି ଲାକ ରିନେ ଏଦି ଏଞ୍ଜାଣାଙ୍କ ନାସାକିନେ ।”

୪୫ କାଜା ପୁଜେରାଜା ଅଡେ ପାରୁସିୟା ଇଞ୍ଜାଣି ଇ ବାରେ ପୁଣ୍ଡିକିନି କାତା ଖେଞ୍ଜାନା, ଏଞ୍ଜାସି ଏଞ୍ଜାରି କାତା ଖେସିମାନେସି ଇଞ୍ଜୁ ପୁରେରି, ୪୬ ଇଞ୍ଜା ଏଞ୍ଜାରି ଏଞ୍ଜାଣାଙ୍କ ଆସାଲି ଅଣ୍ଡିମାରେରି, ସାମା ଲକୁଙ୍କୁ ଆଜିତେରି, ଏନାଆଁତାକି ଇଚିହ” ଏଞ୍ଜାଣାଙ୍କ ର ମାହାପୁରୁ ଅଣ୍ଡପୁତି ବଲୁ ଖେହନାସି ଇଞ୍ଜୁ ମାନି କିହିମାରେରି ।

୨୨

ବୀହା ବଜିତି ପୁଣ୍ଡିକିନି କାତା (ଲୁକ ୧୪:୧୫-୨୪)

୧ ଅଡେ ଖେଶ୍ଟେ ଜୀସୁ ପୁଣ୍ଡିକିନି କାତାତଲେ ଏଲେଇରେସି, ୨ ଲାକପୁରୁତି ରାଜି ଇଲେତାୟି, ର ରାଜା ଲେହେ, ଏଞ୍ଜାସି ତାନି ମୀରୁଏଣା ବୀହା ବଜି କିତେସି, ୩ ଇଞ୍ଜା ଏ ବୀହା ବଜିତା ହାଟାମାନି ଲକୁଣି ବଜିତା ଖାପେରିଖା ଇଞ୍ଜୁ ତାନି ହଲିୟାଜାଣି ପାଣ୍ଡିତେସି, ସାମା ଏଞ୍ଜାରି ଖାହାଲି ମନ କିଆତେରି । ୪ ଅଡେ ଖେଶ୍ଟେ ଏଚକାତି ହଲିୟାଜାଣି ପାଣ୍ଡାନା ଏଲେଇରେସି, ହାଟି କିହାମାନି ଲକୁଣି ଖେହଦୁ, ମେହଦୁ ନାନୁ ନା ବଜି ଖାଜା ମାଙ୍କ, ଆଜା ଆଡ଼ି କଡ଼ିୟା ପାୟୁଡ଼ି ଆହାମାନୁ, ବାରେ ରାନ୍ଦା ଆଡେୟିଏ, ମୀରୁ ବୀହା ବଜିତା ଖାଦୁ । ୫ ସାମା ଏଞ୍ଜାରି ଏଦାଆଁ ଅଣ୍ଡପାଆନା ଆମ୍ବାଆରି ତାନି

ତାସା କାମାତା ହାଚେରି, ଇଞ୍ଜା ଆମ୍ବା ଆମ୍ବାଆରି ତାନି ବେବାରା କିୟାଲି ହାଚେରି, ୬ ଅଡେ ଏଚରଜାଣା ଲକୁ ତାନି ହଲିୟାଜାଣି ଆସାନା ପାୟିତେରି । ୭ ସାମା ରାଜା କପା ଆହାନା ତାନି କସକାଣି ପାଣ୍ଡାନା ଏ ପାୟିତାରାଙ୍କ ପାୟି କିତେସି ଇଞ୍ଜା ଏଞ୍ଜାରି ନାସକା ମେକ୍‌ହା ତୁସ୍ତେରି । ୮ ଏମ୍ବାଟିଏ ଏଞ୍ଜାସି ତାନି ହଲିୟାଜାଣି ଏଲେଇରେସି, ବୀହା ବଜି ଆହାମାନେ, ସାମା ହାଟୁକି ଆହାମାନି ଲକୁ ପାଡ଼ା ଆଆତାରି, ୯ ଏଦାଆଁତାକି ନୀଏ ମୀରୁ ଗାଡ଼ାତି କାଜା ତାଣ୍ଡେଣା ହାଜାନା, ଏଚରଜାଣାତି ମେହଦେରି, ଏଞ୍ଜାରାଙ୍କ ବୀହା ବଜିତା ହାଟା ତାଦୁ । ୧୦ ଏମ୍ବାଟିଏ ଏ ହଲିୟାଜା କାଜା ତାଣ୍ଡେଣା ହାଜାନା ଲାଗେଏ ପଲେଏତାରାଙ୍କ ଇଞ୍ଜା ଏଚେକା ନେହୀରାଙ୍କ ମେସ୍ତେରି, ଏ ବାରେତି ରୁଣ୍ଡି କିହାନା ବୀହା ଇଲୁତା ତାତେରି, ଇଞ୍ଜା ଖାହାମାନି ଲକୁ ବୀହା ଇଲୁତା ନେଞ୍ଜିତେରି ।

୧୧ ସାମା ରାଜା ବୀହା ବଜିତା ଖାହାମାନି ଲକୁଣି ସିନିକିହାଲି ବିଡ଼ା ଖାହାନା ଏମ୍ବାଆଁ ବୀହା ହିମ୍ବୁରି ହୁଚାଆନା କୁଗାମାନି ରଅଣାଙ୍କ ମେସାନା ଏଞ୍ଜାଣାଙ୍କ ଏଲେଇରେସି, ୧୨ ଏ ତଣେ, ନୀନୁ ବୀହା ହିମ୍ବୁରି ହୁଚାଆନା ଏନିକ” ଇମ୍ବାଆଁ ଖାଡ଼ି ? ସାମା ଏଞ୍ଜାସି ଏନି ହାଡ଼ା ଆଆନା ତୁୟିତେସି । ୧୩ ଏମ୍ବାଟିଏ ରାଜା ଏମ୍ବାଆଁ ହଲିୟାଜାଙ୍କ ଏଲେଇରେସି, ଇଞ୍ଜାଣି କେସ୍ତା କଡାୟା ଦସାନା ପାଜାତି ଆନ୍ଦେରିତା ମେଡ଼ହା ତୁହଦୁ, ଏମ୍ବାଆଁ ତାହ” ପାଲକା ଟୀତି କିନେସି ।

୧୪ ଇଚିହ” ହାଟୁକି ଆଡ଼ି ଲକୁ ହାରେକା ଜାଣା ସାମା ଆଡ଼ିତି ଲକୁ ହାରେକା ଉଣା ଜାଣା ।

ସିସୁ ହୁନାଣି ଖେନାୟି

(ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୫ ଏଚିରେଲା ପାରୁସିୟା ହାଜାନା ଜୀସୁଙ୍କୁ ତାନି ଖେସ୍ତି କାତାଟି ଦହ ଦସାଲି ପାରୁ ପାରାତେରି । ୧୬ ଇଞ୍ଜା ଏଞ୍ଜାରି ହେରଦ ଗଟି ବିଡ଼ାଟି ଏଚେକା ଲକୁତଲେ ତାନି ସୀସୁୟାଙ୍କ ଜୀସୁ ତାଣା ଖେସା ପାଣ୍ଡିତେରି, “ଏ ଗୁରୁ ମାମ୍ବୁ ପୁଞ୍ଜାମାନମି ନୀନୁ ସାତା ଖେହନାତି ଇଞ୍ଜା ସାତା କିହ” ମାହାପୁରୁତି ଜିରୁ ଜାପୁନାତି, ଇଞ୍ଜା ଆମ୍ବାଆରାଙ୍କ ଆଜଅତି ଅଡେ ଆମ୍ବାଆରି ପାରଡ଼ା ବାଟିକିହ” ଜଲିନାତି ଆଏ । ୧୭ ଇଦାଆଁତାକି ନୀନୁ ମାଜେ ଖେସ୍ତାମ୍ବୁ, ନୀ ଅଣ୍ଡପୁତା ଏନାୟି ମାନେ ? କାୟିସରକି ସିସୁ ହୁନାୟି ମେରା କି ଆଏ ?”

୧୮ ସାମା ଜୀସୁ ଏଞ୍ଜାରି କାରବି ପୁଞ୍ଜାନା ଏଲେଇରେସି, “ଆଡେ କୁରୁ ଗାଟାତେରି ନାଜେ ଏନାଆଁତାକି ତାୟିପାରି କିହିମାଞ୍ଜାଦେରି? ୧୯ ଏ ସିସୁ ହୁନି ଟାକା ନାଜେ ହିୟାଦୁ ।” ଏମ୍ବାଟିଏ ଏଞ୍ଜାଣି ତାଣା ର ଟାକା ଆଦଲି ହୀତେରି । ୨୦ ଜୀସୁ ଏଞ୍ଜାରାଙ୍କ ଖେରେସି, “ଇ ଆଦଲି ଲାକ ଆମ୍ବାଆରି ଦରୁ ଅଡେ ତାୟି” ରୁମା ମାନେ ?” ୨୧ ଏଞ୍ଜାରି ଏଲେଇରେରି, “କାୟିସରଖାୟି ।”

✦ ୨୨:୧୩ ୨୨:୧୩ ମାତୃ ୮:୧୨; ୨୫:୩୦; ଲୁକ ୧୩:୨୮

ଜୀସୁ ଏଝାରାଇଁ ଏଲେଇରେସି, “ଆତିହ୍ ଆମିନାୟି କାୟିସରଝାୟି ଏଦାଆଁ କାୟିସରକି ହୀଦୁ, ଅଡ଼େ ଆମିନାୟି ମାହାପୁରୁଝାୟି ଏଦାଆଁ ମାହାପୁରୁକି ହୀଦୁ ।”

୨୨ ଏଝାରି ଏଦାଆଁ ୱେଞ୍ଜାନା କାବାଆହାନା ଏଝାଣାଇଁ ପିସାଁ ହାଜାତୁସ୍ତେରି ।

ହାକିଟି ୱେଣ୍ଡେ ନିଜିନି କାତା

(ମାର୍କ ୧୨:୧୮-୨୨; ଲୁକ ୨୦:୨୭-୪୦)

୨୩ ✨ହାକିଟି ୱେଣ୍ଡେ ନିଜିନାୟି ହିଲେଏ ଇଞ୍ଜିମାନି ଏଚରଜାଣା ସାଦୁକିୟାଁ ଏ ଦିନା ଜୀସୁ ତାଣା ୱାହାନା ୱେରେରି । ୨୪ “ଏ ଗୁରୁ ମସା ୱେସାମାଞ୍ଜାନେସି, ରଅସି ପଦି ପଦା ଆଆନା ହାଡ଼ିହ୍ ତାନି ତାୟି ତାନି ତକ୍ରିନି ଇଟାନା ଏ ହାଡ଼ାଣି କୁଡ଼ା ଏପାକିନେସି । ୨୫ ମେହ୍ମୁ ମା ତାଣା ସାଡ଼ା ଜାଣା ତାୟିୟାଁ ମାରେରି; ତଲି ମୁଲୁ ତାସି ବାହା ଆହାନା ହାହାହାରେସି, ଇଞ୍ଜା କକାରି ପଦାୟାଁ ହିଲାଆତାକି ଏଝାସି ତାନି ତକ୍ରିନି ତାନି ତାୟିକି ପିସାହାରେସି; ୨୬ ଏଝାଣି ଜେଚତାସି ଅଡ଼େ ଏଝାଣି ଜେଚତାସି ଏଲେକିହ୍ ସାଡ଼ା ଜାଣା ଜିକେଏ ହାଡ଼େରି । ୨୭ ବାରେଡି ତାୟୁ ଏ ଇୟାଟି ଜିକେଏ ହାଡ଼େ । ୨୮ ଆତିହ୍ ୱେଣ୍ଡେ ନିଜିନାଟି ଏ ସାଡ଼ା ଜାଣା ବିତ୍ରା ଆମ୍ବାଆରି ତକ୍ରି ଆନେ ? ଇତିହ୍ ବାରେଜାଣା ଏଦାନି ବାହା ଆହାମାରେରି ।”

୨୯ ଜୀସୁ ଏଝାରାଇଁ ଏଲେଇରେସି, “ମୀରୁ ଦାମ୍ବୁ ସାସ୍ତେରି ଅଡ଼େ ମାହାପୁରୁତି ବାଡ଼ୁୟୁ ପୁନାଆନା ନାଡ଼ି ଆହିମାଞ୍ଜେରି । ୩୦ ଇତିହ୍ ହାହାନା ୱେଣ୍ଡେ ନିଜିସାରେ ଲକୁ ବାହା ଆଅରି, କି ବାହା ହୀଅରି, ସାମା ଲାକପୁରୁତି ଦୁତୁୟାଁଲେହେଁ ଆନେରି । ୩୧ ସାମା ହାଡ଼ାରି ୱେଣ୍ଡେ ନିଜିନି କାତା ମାହାପୁରୁ ମିଜେ ଏଦାଆଁ ୱେସାମାଞ୍ଜାନେସି ଏଦାଆଁ ମୀରୁ ପଡ଼଼ି ଅହାହିଲଅତେରି ? ୩୨ ନାନୁ ଅବାହାମତି ମାହାପୁରୁ, ଇସାହାକତି ମାହାପୁରୁ, ଅଡ଼େ ଜାକୁବତି ମାହାପୁରୁତେଏଁ, ଏଝାସି ହାଡ଼ି ଲକୁତି ମାହାପୁରୁ ଆଏ ସାମା ଜୀସୁଗାଟାରି ମାହାପୁରୁ ।”

୩୩ ଲକୁ ବାରେ ଏଝାଣି ଜାପ୍ନାଣି ୱେଞ୍ଜାନା କାବା ଆହାହାରେରି ।

କାଜା ହୁକୁମି

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଜୀସୁଙ୍କ ସାଦୁକିୟାଁ ୱେଣ୍ଡେ ୱେସାଲି ଆଡ଼ି ହିଲଅରି ଇଞ୍ଜା ପୁଞ୍ଜାନା ପାରୁସିୟାଁ ବିତ୍ରାଟି ରୁଣ୍ଡା ଆଡେରି, ୩୫ ଅଡ଼େ ଏଝାରି ବିତ୍ରାଟି ମେରା ପୁନାସି ରଅସି ଜୀସୁଙ୍କ ତାୟିପାରିକିହ୍ ୱେରେସି, ୩୬ “ଗୁରୁ ବାରେ ହୁକୁମିକା ବିତ୍ରାଟି ଆମିନି ହୁକୁମି କାଜାୟି ?”

୩୭ ଜୀସୁ ଏଝାଣାଇଁ ଏଲେଇରେସି, ନୀନୁ ନୀ ବାରେ ହିୟାଁ, ନୀ ବାରେ ଜୀସୁ ବାରେ ଅଣ୍ପୁ ତଲେ ପ୍ରୁ ନୀ ମାହାପୁରୁଙ୍କ ଜୀସୁ ନମ୍ । ୩୮ ଇଦିଏ ବାରେ ହୁକୁମିକା କିହାଁ କାଜାୟି ଇଞ୍ଜା ତଲିତି ହୁକୁମି । ୩୯ ଏଦାଣି ଜେଚତି ହୁକୁମି ଜିକେଏ ଏଲେକିହ୍ ଏ, ନୀନୁ ନୀ ପାଡ଼ିତି ଲକୁଣି ନୀ

ଜୀସୁତି ଜୀସୁ ନହାଁ କତିନି ଲେହେଁ ଜୀସୁ ନମ୍ । ୪୦ ✨ଇ ରୀ ହୁକୁମିତା ମସାତି ବାରେ ମେରା, ଅଡ଼େ ମାହାପୁରୁ ଅଣ୍ପୁତି ବଲୁ ୱେହ୍ନାରି କାତା ମାଞ୍ଜାମାନେ ।

କ୍ରୀସୁ ଆମ୍ବାଆସି

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ପାରୁସିୟାଁ ରୁଣ୍ଡା ଆହାମାଟାଟି ଜୀସୁ ଏଝାରାଇଁ ୱେରେସି, ୪୨ “କ୍ରୀସୁଙ୍କ ମୀରୁ ଆମ୍ବାଆସି ଇଞ୍ଜା ମୀରୁ ଅଣ୍ପିମାଞ୍ଜେରି ? ଏଝାସି ଆମ୍ବାଆରି ମୀରୁଏସି ?” ଏଝାରି ଏଝାଣାଇଁ ଏଲେଇରେରି “ଦାସୁଦ ମୀରୁଏସି ।”

୪୩ ଜୀସୁ ଏଝାରାଇଁ ଏଲେଇରେସି, “ଆତିହ୍ ଦାସୁଦ ଏନିକ୍ ସୁଦୁଜୀସୁ ତଲେ ଏଝାଣାଇଁ ପ୍ରୁ ଇଞ୍ଜା ମାରେସି ?” ଦାସୁଦ ଏଲେଇରେସି,

୪୪ “ପ୍ରୁ ନା ପ୍ରୁଙ୍କ ୱେସ୍ତେସି,

ନାନୁ ନୀ ସାଡ଼ୁୟାଁଣି ନୀ କତାୟାଁ ତଲ ଇଟାଆ ପାଡ଼େକା

ନା ଟିଝନି ଚଟତା କୁଗାମାନାମ୍ ।

୪୫ ଇତିହ୍ ଦାସୁଦ ତାନୁଏ ଏଝାଣାଇଁ ପ୍ରୁ ଇତିହ୍, କ୍ରୀସୁ ଏନିକ୍ ଦାସୁଦ ମୀରୁଏସି ଆନେସି ?”

୪୬ ଏମ୍ବାଟି ଆମ୍ବାଆସି ଜିକେଏ ଏଝାଣାଇଁ ୱେଣ୍ଡେ ୱେସାଲି ଆଡ଼ାଆଡେସି, ଅଡ଼େ ଏ ନେଚୁଟିଏ ଆମ୍ବାଆସି ଜିକେଏ ଜୀସୁଙ୍କ ଏନି କାତା ୱେଞ୍ଜାଲି ସାସା କିଆଡେରି ।

୨୩

ମେରାପୁନାରି ଇଞ୍ଜା ପାରୁସିୟାଁ ତାଣାଟି ଜାଗ୍ରାତା ଆନାୟି

(ମାର୍କ ୧୨:୩୮-୩୯; ଲୁକ ୧୧:୪୩-୪୬; ୨୦:୪୫-୪୬)

୧ ଏଚିରେଲାତା ଜୀସୁ ବାରେ ଲକୁଙ୍କ ଇଞ୍ଜା ତାନି ସୀସୁୟାଁଙ୍କ ଏଲେଇରେସି, ୨ ମେରାପୁନାରି ଅଡ଼େ ପାରୁସିୟାଁ ମସାତି ମେରା ଜାପ୍ନାଲି ପାଣା ବେଟାଆହାମାନେରି । ୩ ଏଦାଆଁତାକି ଏଝାରି ମିଜେ ଏଦାଆଁ ୱେସ୍ତାଡ଼ିହ୍ ଏଦାଆଁ ମାନ଼ି ଆଦୁ, ଅଡ଼େ ଏଝାରି ୱେସ୍ତିଲେହେଁ କିଦୁ, ସାମା ଏଝାରି କାମା କିନିଲେହେଁ କାମା କିଆଦୁ, ଇତିହ୍ ଏଝାରି ଏଦାଆଁ କିନାୟିମାନେ ଇଞ୍ଜା ୱେହ୍ନେରି ସାମା ଏଝାରି କିଅରି । ୪ ଏଝାରି ବଜୁଗାଟି କାସ୍ତକା ଦସାନା ଲକୁ ବମିତା ଏକନେରି ସାମା ତାମ୍ନୁ ତାମି ର ୱାଞ୍ଜୁ ତଲେ ଜିକେଏ ପେରହାଲି ମନ କିଅରି । ୫ ✨ଏଝାରି ଲକୁଣି ତସାଲି ତାମି କିନି କାମା ବାରେ କିନେରି, ଇତିହ୍ ଏଝାରି ପାଟାୟାଁଣା ଦାମ୍ବୁ ପଡ଼ିତି କାତା ରାଟାନା ମପା ଅଡ଼େ ମୁଞ୍ଜୁତା ଦସା କତିନେରି, ଇଞ୍ଜା ତାମି ହିମ୍ବିକାଟି ପୁରଡ଼େୟାଁ କାଜା କାଜାଆଁ କିନେରି, ୬ ଅଡ଼େ ବଜିତା ନେହ୍ ଟାୟୁ ଇଞ୍ଜା ଜୀହୁଦି ଲକୁତି କୁଟମି ଇଲୁତା* ନେହ୍ କାଜା ଟାୟୁ ପାରିନେରି, ୭ ଇଞ୍ଜା ହାଟା ବାଜାରାତା ଜହରା ବେଟାଆହାଲି ଅଡ଼େ ଲକୁ ତାଣାଟି ଗୁରୁ ଇଞ୍ଜା

☆ ୨୨:୨୩ ୨୨:୨୩ କାମା ୨୩:୮ ☆ ୨୨:୪୦ ୨୨:୪୦ ଲୁକ ୧୦:୨୫-୨୮ ☆ ୨୩:୫ ୨୩:୫ ମାତି ୬:୧ * ୨୩:୬ ୨୩:୬ ସିନଗର

ମାନି ବେଟାଆହାଲି ନେହାୟି ଇଞ୍ଜି ଅଣ୍ପିନେରି ।
 ୮ ସାମା ମୀରୁ ଗୁରୁ ଇଞ୍ଜି ମାନି ବେଟାଆହାଲି ଅଣ୍ପାଆଦୁ,
 ଇଚିହିଁ ମୀ ଗୁରୁ ରଅସି ମାନେସି, ଇଞ୍ଜା ମୀରୁ ବାରେତାୟି
 ତାୟିୟାତେରି । ୯ ଅଡେ ଦାଟିତା ଆମ୍ବାଆରାଇଁ ଜିକେଏ
 ଆବା ଇଞ୍ଜି ମାନି କିଆଦୁ, ଇଚିହିଁ ମୀ ଆବା ରଅସିଏ
 ଲାକପୁରୁ ମାନେସି । ୧୦ ଅଡେ ମୀରୁ ସାଲୁଝି କିନାତମି
 ଇଞ୍ଜି ମାନି ପୁଃଆଦୁ, ଇଚିହିଁ ମିଜେ ସାଲୁଝି କିୟାନାସି
 ରଅସିଏ ଏଞ୍ଜାସି କ୍ରାସୁ । ୧୧ *ସାମା ମୀ ବିତ୍ରା ଆମ୍ବାଆସି
 କାଜାସି ଏଞ୍ଜାସି ମୀ ସେବା କିନାସି ଆନେସି । ୧୨ *ଅଡେ
 ଆମ୍ବାଆସି ତାଜେ କାଜାତେଏଁ ଇଞ୍ଜି ଇଞ୍ଜା କଡିନେସି,
 ଏଞ୍ଜାଣାଇଁ ଉଣା କିଝିଆନେ, ଇଞ୍ଜା ଆମ୍ବାଆସି ତାଜେ ଉଣା
 କିହାକଡିନେସି, ଏଞ୍ଜାଣାଇଁ କାଜାସି କିଝିଆନେ ।

ପାରୁସିୟାଁ ଅଡେ ମେରା ପୁନାରାଇଁ ଦହ ଦହନାୟି
 (ମାର୍କ ୧୨:୪୦; ଲୁକ ୧୧:୩୯-୪୨, ୪୪, ୫୨; ୨୦:୪୭)

୧୩ ଆୟତା ତଣ୍ଡ ପାଣ୍ଡି କୁଟୁଗାଟି ମେରା ପୁନାତେରି,
 ଇଚିହିଁ ମୀରୁ ଲକ୍ଷ୍ମଣାକି ଲାକପୁରୁ
 ରାଜିତି ଦାଋ ସୁଣ୍ଡିଦେରି; ମୀରୁ ମୀରୁଏ ଏମ୍ବାଆଁ ହଡ଼ି
 ହିଲଅତେରି, ଇଞ୍ଜା ହଡ଼ାଲି ମନ ଗାଟି ଲକ୍ଷ୍ମଣା ଜିକେଏ
 ହଡ଼ାଲି ହାହି ହିଲଅତେରି । ୧୪ ଆୟତା ତଣ୍ଡ ପାଣ୍ଡି
 କୁଟୁଗାଟି ମେରା ପୁନାତେରି ଅଡେ ପାରୁସିୟାଁତେରି,
 ଇଚିହିଁ ମୀରୁ ଉଜେ ଉଜେଏ ଲାମ୍ବା ପ୍ରାତାନା କିହାନା
 ରାଣ୍ଡେଣିସିକା ଇଲକା ସେନିନାତେରି; ଏଦାଆଁତାକି ମୀରୁ
 ହାରେକା ତଣ୍ଡ ବେଟାଆଦେରି ।

୧୫ ଆୟତା ତଣ୍ଡ ପାଣ୍ଡି କୁଟୁଗାଟି ପାରୁସିୟାଁ ଅଡେ
 ମେରା ପୁନାତେରି, ଇଚିହିଁ ମୀରୁ ରଅଣାଇଁ ଜୀହୁଦି
 ଦାମ୍ବୁତା ଆଟହାଲି ସାମ୍ବୁରି ଆତାଲା ଗାଟାନା
 ଦେସା ରେଜେରି, ଇଞ୍ଜା ଏଟିବେଲା ଏଞ୍ଜାସି ଆଣ୍ଡାନେସି,
 ଏଟିବେଲାତା ମୀରୁ ଏଞ୍ଜାଣାଇଁ ମୀ କିହାଁ ହାରେକା ଆଗାଡ଼ା
 ନର୍କତା ମେଡ଼ପି ଆନାସି କିହାନା ଲାଗେଏ କିଦେରି ।

୧୬ ଆୟତା ତଣ୍ଡ ବେଟା ଆନାତେରି କାଣାୟାଁଇଁ ଜିରୁ
 ତହନାତେରି, ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି
 ମାହାପୁରୁ ଇଲୁତି ପାରମାଣା କିଚିହିଁ ଏନାୟି ହିଲେଏ,
 ସାମା ଆମ୍ବାଆସି ଇଲୁତି ବାଂଗାରାତି ପାରମାଣା କିଚିହିଁ
 ଏଞ୍ଜାସି ପାରମାଣା କିଚିଲେହେଁ ତାପାଆନା କାମା
 କିନାୟିମାନେ । ୧୭ ଆଡେ କାଣାୟାଁ ଅଡେ ବୁଦି
 ହିଲଆଗାଟାତେରି ବାଂଗାରା କି ଏ ବାଂଗାରାତି ସୁଦୁ
 କିହାମାନି ଦେଝୁଡ଼ି, ଇ ରୀ ବିତ୍ରାଟି ଆମିନାୟି କାଜାୟି ?
 ୧୮ ଅଡେ ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ
 ଇଲୁ ପିଣ୍ଡାତି ପାରମାଣା କିଚିହିଁ ଏନାୟି ଆଏ, ସାମା
 ଆମ୍ବାଆସି ପୂଜାପିଣ୍ଡା ଲାକ ମାନି ଦାନାତି ପାରମାଣା
 କିଚିହିଁ, ପାରମାଣା କିଚିଲେହେଁ ତାପାଆନା କାମା
 କିନାୟିମାନେ । ୧୯ ଆଡେ କାଣାୟାଁତେରି, ଦାନା କି ଏ
 ଦାନାତି ସୁଦୁ କିହାମାନି ମାହାପୁରୁ ଇଲୁତି ପୂଜାପିଣ୍ଡା, ଇ ରୀ

ବିତ୍ରାଟି ଆମିନାୟି କାଜାୟି ? ୨୦ ଏଦାଆଁତାକି ଆମ୍ବାଆସି
 ଦାନାହାନି ପିଣ୍ଡାତି ପାରମାଣା କିନେସି, ଏଞ୍ଜାସି ଏ ପିଣ୍ଡା
 ଅଡେ ପିଣ୍ଡାତା ମାନି ଦାନାତି ପାରମାଣା କିହମାନେସି;
 ୨୧ ଅଡେ ଆମ୍ବାଆସି ମାହାପୁରୁ ଇଲୁତି ପାରମାଣା କିନେସି,
 ଏଞ୍ଜାସି ମାହାପୁରୁ ଇଲୁ ଇଞ୍ଜା ଏମ୍ବାଆଁ ବାସାଆହାମାନି
 ମାହାପୁରୁଇଁ ପାରମାଣା କିନେସି; ୨୨ *ଅଡେ ଆମ୍ବାଆସି
 ଲାକପୁରୁତି ପାରମାଣା କିନେସି, ଏଞ୍ଜାସି ମାହାପୁରୁତି
 ସିଂଗାସାଣି ଇଞ୍ଜା ଏମ୍ବାଆଁ କୁଗାମାନି ମାହାପୁରୁଇଁ ପାରମାଣା
 କିନେସି ।

୨୩ ଆୟତା ତଣ୍ଡ ପାଣ୍ଡି କୁଟୁଗାଟି ମେରା ପୁନାତେରି
 ଇଞ୍ଜା ପାରୁସିୟାଁ, ଇଚିହିଁ ମୀରୁ କୁମ୍ବୁ କୁଟା, ରାୟି,
 ଜିରା ଇନି ଉଣା ତାସା ବିତ୍ରାଟି ଜିକେଏ ଦସ ବାଗାଟି ର
 ବାଗା ହାହିମାଞ୍ଜେରି, ଅଡେ ମସା ମେରାତି କାଜା କାତାୟାଁ
 ଇଚିହିଁ ସାତା ନୀହାୟି କିନାୟି, କାର୍ମା ତହନାୟି, ଇଞ୍ଜା
 ନାମ୍, ଇ ବାରେ ପିସାମାଞ୍ଜେରି; ସାମା ଇ ବାରେ ମାନୁଝି
 ଆହାନା ଅଡେ ଏ ବାରେ ପିହାୟି ମାନେ । ୨୪ ଆଡେ
 କାଣାୟାଁ ଜିରୁ ତହନାତେରି, ମୀରୁ ଝୀହାଁତି ହାଣି କିଦେରି
 ସାମା ଉଟୁଇଁ ଗୁହଦେରି ।

୨୫ “ଆୟତା ତଣ୍ଡ ପାଣ୍ଡି କୁଟୁଗାଟି ମେରା ପୁନାତେରି
 ଇଞ୍ଜା ପାରୁସିୟାଁତେରି, ଇଚିହିଁ ମୀରୁ ଗିନା ଅଡେ
 ସାଡ଼ଞ୍ଜାତି ପାଙ୍ଗାତା ନରହି ମାଞ୍ଜେରି, ସାମା ଏ ବିତ୍ରା
 ଦୁପକା ଆହାଁ ସରୁ କିତି ଆସି ବାରେ ନେଞ୍ଜି କିହାମାଞ୍ଜେରି
 । ୨୬ ଆଡେ କାଣକା ମେହୁଆଗାଟି ପାରୁସିୟାଁ, ନକେଏ
 ଗିନାତି ବିତ୍ରାତାଣି ନରଦୁ, ଏନିକିଁ ପାଙ୍ଗାତା ଜିକେଏ
 ନରଝି ଆନେ ।”

୨୭ *ଆୟତା ତଣ୍ଡ ପାଣ୍ଡି କୁଟୁଗାଟି ମେରା ପୁନାତେରି
 ଇଞ୍ଜା ପାରୁସିୟାଁ, ଏନାଆଁତାକି ଇଚିହିଁ ମୀରୁ ହୁନୁ
 ଉସପିତି ମାଡ଼ହା ମୁହନି ଟାୟୁଲେହେଁ ତାତେରି । ଏଡ଼ି
 ପାଙ୍ଗାତା ଅଜିକିଁ ତଞ୍ଜାଆନେ, ସାମା ବିତ୍ରା ହାତାରି
 ପେଣକା ଇଞ୍ଜା ସୀରତାୟି ନେଞ୍ଜାମାନେ; ୨୮ ଏଲେକିହିଁ ଏ
 ମୀରୁ ଜିକେଏ ପାଙ୍ଗାତି ଲକ୍ଷ୍ମ ନକିତା ଦାମ୍ବୁଗାଟାତେରି
 ଲେହେଁ ତଞ୍ଜା ଆଦେରି, ସାମା ମୀ ହିୟାଁ ବିତ୍ରା କୁଟୁ ଅଡେ
 ପାପୁ ନେଞ୍ଜାମାନେ ।

ଜାସୁ ଏଞ୍ଜାରାଇଁ ତଣ୍ଡ ପାଣ୍ଡି କାତା ଝେହନାୟି
 (ଲୁକ ୧୧:୪୭-୫୧)

୨୯ ଆୟତା ତଣ୍ଡ ପାଣ୍ଡି କୁଟୁଗାଟି ମେରା ପୁନାତେରି
 ଇଞ୍ଜା ପାରୁସିୟାଁ, ଇଚିହିଁ ମୀରୁ ମାହାପୁରୁ ଅଣ୍ପୁତି
 ବଲୁ ଝେହନାରି ମାଡ଼ହା ମୁହନି ଟାୟୁ କେପାନା,
 ଦାମ୍ବୁଗାଟାରି ମାଡ଼ହା ମୁହନି ଟାୟୁତି ମୁଣ୍ଡା ଅଜିକିଁ କିହାନା
 ଏଲେଇଞ୍ଜିମାଞ୍ଜେରି; ୩୦ ମାମ୍ବୁ ମା ଆକୁ ଆବାୟାଁ ବେଲାତା
 ମାଚିହିଁ ମା, ମାହାପୁରୁ ଅଣ୍ପୁତି ବଲୁ ଝେହନାରାଇଁ
 ପାୟାଲି ଆଣ୍ଡାଆତମିମା । ୩୧ ଏଦାଆଁତାକି ମୀରୁଏ
 ମାହାପୁରୁ ଅଣ୍ପୁତି ବଲୁ ଝେହନାରାଇଁ ପାୟାମାନି ଲକ୍ଷ୍ମତି
 ମୀରକାତେରି, ଏ କାତାତାକି ମୀରୁଏ ମିଜେ ସାକି ହାହା

☆ ୨୩:୧୧ ୨୩:୧୧ ମାତି ୨୦:୨୭,୨୭; ମାର୍କ ୯:୩୫; ୧୦:୪୩,୪୪; ଲୁକ ୨୨:୨୭
 ☆ ୨୩:୨୭ ୨୩:୨୭ କାମା ୨୩:୩ ☆ ୨୩:୩୩ ୨୩:୩୩ ମାତି ୩:୭; ୧୨:୩୪; ଲୁକ ୩:୭

କଡ଼ିମାଞ୍ଜେରି । ୩୨ ମୀରୁ ହାଜାନା ମୀ ଆକୁ ଆବାୟାଁ କିତି କାମା ରାପୁତୁ । ୩୩ *ଆଡ଼େ ରାସ୍‌କାତେରି, ଇଞ୍ଜା ବୀସା ଗାତି ରାସ୍‌କା କୁଡ଼ାତି ମୀରକାତେରି, ମୀରୁ ବିଚାରା ଦିନାତା ଏନିକ୍ ହିରୁ ଗୁଦ୍‌ଝାତି ତଣ୍ଡୁଟି ପିସ୍‌ପି ଆଦେରି ? ୩୪ ଏଦାଆଁତାକି ମେହ୍‌ମୁ ନାନୁ ମୀ ତାଣ୍ଡା ମାହାପୁରୁ ଅଣ୍‌ପୁତି ବଲୁ ଝେହ୍‌ନାରାଇ, ବୁଦି ଗାଟାରାଇ, ଇଞ୍ଜା ଜାପୁନି ଗୁରୁକାଇ ପାଣ୍ଡିମାଞ୍ଜାଇ; ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରାଇ ପାୟିଦେରି, ପାସି ମୁଣ୍ଡାତା ଏକ୍‌ହାନା ପାୟିଦେରି, ଅଡ଼େ ଆମ୍ବା ଆମ୍ବାଆରାଇ ଜୀହୁଦି ଲକୁଡି କୁଟମି ଇଲୁତା† ସାଟ୍‌ଣି ତ୍‌ରିତଲେ ଝେଦେରି, ଇଞ୍ଜା ଗାଡ଼ାତାକି ଗାଡ଼ା ଗଡ଼ହା ନିନ୍ଦା କିଦେରି । ୩୫ ଏନିକ୍ ଦାମ୍‌ଗାଟି ହେବଲଇଁ ପାୟିତି ଦିନାଟିଏ, ମାହାପୁରୁ ଇଲୁ ପିଣ୍ଡା ଦାରିତା ବେରିକିୟ ମୀରଏସି ଜିକ୍‌ରିୟଇଁ ପାୟିତି ପାତେକା, ଦାର୍‌ତତା ଏଚେକା ନେହ୍‌ରାଇଁ ପାୟିମାଞ୍ଜେରି, ଏ ବାରେ କାମାତି ତଣ୍ଡୁ ମୀ ମୁହେଁ ଝାନ୍‌ନେ । ୩୬ ନାନୁ ମିଙ୍ଗେ ସାତା ଝେସିମାଞ୍ଜାଇ, ଇ କାଲ୍‌ମାତି ଲକୁ ମୁହେଁ ଇ ବାରେ ତଣ୍ଡୁ ରିନେ ।

ଜିରୁସାଲମତି ଜୀସୁ ଜୀଝୁନନାୟି
(ଲୁକ ୧୩:୩୪-୩୫)

୩୭ ଏ ଜିରୁସାଲମ, ଏ ଜିରୁସାଲମ ! ମାହାପୁରୁ ଅଣ୍‌ପୁତି ବଲୁ ଝେହ୍‌ନାରାଇଁ ପାୟିନାତି ନୀ ତାଣ୍ଡା ପାଣ୍ଡୁଝି ଆଡ଼ାରାଇଁ ଝାଲକାତଲେ ଝେନାତି, କୟ୍‌ ଏନିକ୍ ତାନି ହୀପାୟାଁଣି କୁଡ଼ି କିହାନା ମାରାୟାଁ ତ୍‌ଇ ପୁକ୍‌ହାନା ଜଙ୍ଗିନେ, ନାନୁ ନୀ ଲକୁଇଁ ଏଚର ପାଲି ଏଲେକ୍ କୁଡ଼ିକିହାଲି ମନ କିତେଏ, ସାମା ଏଞ୍ଜାରି ମନ ହୀଆତେରି । ୩୮ ଅଡ଼େ ମେହ୍‌ମୁ ମୀ ମାହାପୁରୁ ଇଲୁ ମୀ କେୟ୍‌ତା ହୀପକି ଆହାମାଞ୍ଜାନେ । ୩୯ ଇଚିହ୍ ନାନୁ ମିଙ୍ଗେ ଝେସିମାଞ୍ଜାଇ, ମାହାପୁରୁ ଦରୁଟି ଆମ୍ବାଆସି ଝାହିମାନେସି, ଏଞ୍ଜାସି ନେହ୍‌ସି, ମୀରୁ ଏ କାତା ଜଲ୍‌ଆ ପାତେକା ନୀଞ୍ଜୁଟିଏ ନାଙ୍ଗେ ଅଡ଼େ ମେସୁଅତେରି ।

୨୪

ମାହାପୁରୁ ଇଲୁ ନସୁ ଆନି କାତା
(ମାର୍କ ୧୩:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଟି ହଡ଼ା ହାଜିମାଟାଟି ତାନି ସୀସୁୟାଁ ମାହାପୁରୁ ଇଲୁଟି ବାରେ ଇଲକାଣି ତସାଲି ତାନି ତାଣ୍ଡା ଝାଡ଼େରି, ୨ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଇ ବାରେ ମେସି ହିଲଅତେରି ? ନାନୁ ମିଙ୍ଗେ ସାତା ଝେସିମାଞ୍ଜାଇ, ଇମ୍ବାଆଁ ମାନି ର ଝାଲି ଅର ଝାଲି ଲାକ ତ୍‌ୟେଏ, ଇ ବାରେଏ ମେଣ୍‌କାହାନୁ ।”

କସୁ ଅଡ଼େ ନିନ୍ଦା ଝାନି କାତା
(ମାର୍କ ୧୩:୩-୧୩; ଲୁକ ୨୧:୭-୧୯)

୩ ତାୟ୍‌ ଜୀସୁ ଜୀତ ହରୁ ଲାକ କୁଗାଲିଏ, ତାନି ସୀସୁୟାଁ ମେଣ୍‌ଶେଏ ଝାହାନା ଝେଚେରି, “ଇ ବାରେ ଏଚେଲ୍‌ଆନେ,

ଅଡ଼େ ନୀନୁ ଝାନାୟି ଇଞ୍ଜା ଜୁଗୁ ରାନି ଦିନାତି ସିନା ଏନାୟି ଏଦାଆଁ ମାଙ୍ଗେ ଝେସ୍‌ମାନୁ ।”

୪ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଜାଗ୍ରାତା ଏନିକ୍ ଆମ୍ବାଆରି ମିଙ୍ଗେ ନାଡ଼ି କିୟଅରି । ୫ ଇଚିହ୍ ହାରେକା ନା ଦରୁଟି ଝାହାନା ନାନୁ କ୍ରୀସୁତେଏଁ ଇଞ୍ଜା ଝେସାନା ହାରେକା ଲକୁଇଁ ନାଡ଼ି କିନେରି । ୬ ଅଡ଼େ ମୀରୁ ଜୁକ୍‌କି କାତା ଇଞ୍ଜା ଜୁଜୁତା କାଲ୍‌ଝି ଆହିମାନି ଲକୁଡି ହାଡ଼ା ଝେଞ୍ଜେରି; ଜାଗ୍ରାତା କିଲିବିଲି ଆଆଦୁ । ଏନାଆଁତାକି ଇଚିହ୍ ଇ ବାରେ ଆନାୟି ମାନେ, ସାମା ଏ କାଲ୍‌ ଜୁଗୁ ରାନାୟି ଆଏ । ୭ ଇଚିହ୍ ଦେସା କପାଟି ଦେସା, ଅଡ଼େ ରାଜି କପାଟି ରାଜି ଗଡ଼ହା ନିଜିନେ, ଇଞ୍ଜା ଆମ୍ବି ଆମ୍ବିୟା କାର୍‌ଝୁ ଆନେ, ଅଡ଼େ ବୁମି ଝାଡ଼ିନେ । ୮ ସାମା ଇ ବାରେ କକାରି ପଦାୟାଁ ବେଟାଆନାଟି ତଲିଏ ଲୁଞ୍ଜିନି ବୀସାଲେହେଁତାୟି ।”

୯ *ଏଚିବେଲ୍‌ତା ଲକୁ ମିଙ୍ଗେ କସୁ ହିୟାଲି ହେର୍‌ପାନେରି, ଇଞ୍ଜା ମିଙ୍ଗେ ପାୟିନେରି, ଇଞ୍ଜା ନା ଦରୁ ତାକି ମୀରୁ ବାରେ କୁଡ଼ାତି ଲକୁ ତାଣ୍ଡା ଅପାଆ ଗାଟାତେରି ଆଦେରି । ୧୦ ଏଚିବେଲ୍‌ ହାରେକା ଲକୁ ତାମି ନାମୁଡି ପିହ୍‌ନେରି, ଅଡ଼େ ରଅସି ରଅଣାଇଁ ଆସ୍‌ପି କିଝି କିନେରି, ଅଡ଼େ ରଅସି ରଅଣାଇଁ ଅପ୍‌ଝି ଆଅରି, ୧୧ ଅଡ଼େ ହାରେକା ମାହାପୁରୁଟି ମିଟି ବଲୁ ଝେହ୍‌ନାରି ନିଙ୍ଗାନା ହାରେକା ଲକୁଇଁ ନାଡ଼ି କିନେରି, ୧୨ ଅଡ଼େ ଲାଗେଏ ପଲେଏ କାମା ଗାତି ଆଡ଼ିସାରେ, ହାରେକା ଲକୁଡି ତାମି ଜୀଝୁନନାୟି ଡ଼ଣା ଆନେ । ୧୩ *ସାମା ଆମ୍ବାଆସି ରାନି ପାତେକା ସାସା ଆସାନା ତ୍‌ୟିନେସି ଏଞ୍ଜାସି ଗେଲ୍‌ପି ଆନେସି । ୧୪ ଅଡ଼େ ବାରେ ଲକୁ ନକିତା ସାକି ଆହାଲିତାକି, ମାହାପୁରୁ ରାଜିତି ଇ ନେହ୍ କାରୁ ବାରେ ଦାର୍‌ତତା ଝେପ୍‌କିଆନେ, ତାୟ୍‌ ଜୁଗୁ ରାନେ ।”

ନାସାକିନି ଅପାଆଗାଟି କାତା
(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ “ଏଦାଆଁତାକି ମୀରୁ ଏଚିବେଲ୍‌ ମାହାପୁରୁ ଅଣ୍‌ପୁତି ବଲୁ ଝେହ୍‌ନି ଦାନିୟେଲ ଝେସ୍‌ସି କାତାଲେହେଁ ନାସାକିନି ଅପାଆଗାଟି ଆସ୍‌ତି ସୁଦୁ ଟାୟ୍‌ତା ଇଟାମାନାଣି ମେହ୍‌ଦେରି” ପଡ଼ଝି ଆନାସି ଜାଗ୍ରାତା ଆହାନା ପୁଣ୍‌ମେସି ୧୬ ଏଚିବେଲ୍‌ ଆମ୍ବାଆରି ଜୀହୁଦା ରାଜିତା ମାନେରି, ଏଞ୍ଜାରି ହରକା ଲାକ ହଣ୍‌ପାରି; ୧୭ *ଆମ୍ବାଆସି ଇଲୁ ଲାକ ମାନେସି, ଏଞ୍ଜାସି ତାନି ଇଲୁ ବିତ୍ରା ଆସ୍‌ ତାକାହାଜାଲି ରେଟା ଝାଆପେସି; ୧୮ ଅଡ଼େ ଆମ୍ବାଆସି ଗୁଡ଼ିୟାତା ମାନେସି, ଏଞ୍ଜାସି ତାନି ହିମ୍‌ରି ଅହାଲି ଝେଣ୍‌ଣେ ହାଲାଆପେସି । ୧୯ ଏଚିବେଲ୍‌ତା ପୁରାମାସା ଆହାମାନାଇ ଇଞ୍ଜା ପାଲୁ ଡ଼ହ୍‌ହିମାନାଇ ଆୟ୍‌ତା ଏଝି ଡ଼ଶେଏ କସୁ ପାଣ୍ଡୁ, ୨୦ ସାମା ମୀ ହଣ୍‌ନାୟି ପେନି ବେଲ୍‌ତା କି ଜମିନି ଦିନାତା ଆଆପେ, ଏଦାଆଁତାକି ପ୍ରାଡ଼ାନା କିଦୁ । ୨୧ *ଇଚିହ୍ ଏଚିବେଲ୍‌ତା ଇଲେତି କସୁ ଆନେ,

† ୨୩:୩୪ ୨୩:୩୪ ସିନଗର * ୨୪:୯ ୨୪:୯ ମାତି ୧୦:୨୨ * ୨୪:୧୩ ୨୪:୧୩ ମାତି ୧୦:୨୨ * ୨୪:୧୭ ୨୪:୧୭ ଲୁକ ୧୭:୩୧ * ୨୪:୨୧ ୨୪:୨୧ ଝେ ବଲୁ ୭:୧୪

ମାହାପୁରୁ ଦାରୁଡ଼ି ଗାଡ଼ିକିତି ଦିନାଟିଏ ନୀଞ୍ଜୁପାତେକା ଏଲେକିଆ ହିଲେଏ, ଇଞ୍ଜି ଏଲେକିଏ ଏତେଲାଞ୍ଜା ଆଏ । ୨୨ ଅଡ଼େ ମାହାପୁରୁ ଏ ବେଲାତି ଉଣା କିହା ହିଲାଆତିହିମା; ଦାରୁଡ଼ିଆ ଆମ୍ବାଆସି ଜିକେଏ ଗେଲ୍ପି ଆଆତେସିମା, ସାମା ତାନି ଆଡ଼ିତି ଲକୁତାକି ଏ କସ୍ତ ଉଣା କିନେସି ।

୨୩ “ଏତିବେଲା, ‘ମେହ୍ଦୁ କ୍ରୀସ୍ତ ଇମ୍ବାଆଁ ମାନେସି ଆଆତ ଏମ୍ବାଆଁ ମାନେସି’ ଇଞ୍ଜି ଆମ୍ବାଆସି ମିଙ୍ଗେ ଏଲେକିହିଁ ଖେସ୍ତାନେସି ଇତିହିଁ ଏଦାଆଁ ନାମାଆଦୁ । ୨୪ ଇତିହିଁ ନାଡ଼ିକିନି କ୍ରୀସ୍ତୟାଁ ଅଡ଼େ ମାହାପୁରୁ ବଲ୍ଲୁ ମିତି ଖେହ୍ନାରି ନିଙ୍ଗାନା ହାରେକା କାଜା ସିନା ଅଡ଼େ କାବାଆନି କାମାୟାଁ ତହ୍ନେରି, ଆଡ଼ିତିହିଁ ଆଡ଼ିଆଡ଼ି ଲକୁଣି ଜିକେଏ ନାଡ଼ି କିନେରି । ୨୫ ମେହ୍ଦୁ ନାନୁ ମିଙ୍ଗେ ତଲିଏ ଖେସାମାଞ୍ଜାଇଁ ।”

୨୬ “ଇଦାଆଁତାକି ‘ମେହ୍ଦୁ ଏଞ୍ଜାସି ବାଟାତା ମାନେସି’ ଇଞ୍ଜି ଲକୁ ଖେସ୍ତାତିହିଁ ହାଲାଆଦୁ; ‘ମେହ୍ଦୁ ବିତ୍ତା ବାକ୍ରାତା ମାନେସି’ ଇଞ୍ଜି ଖେସ୍ତାତିହିଁ ଏଦାଆଁ ନାମାଆଦୁ । ୨୭ ଇତିହିଁ ହାଗୁ ମିହ୍ନି ବେଲାତି ଉଜେଡ଼ି ଏନିକି ଖେଡ଼ା ହପୁ ଖାକିଟି ହଟାନା ଖେଡ଼ା କୁଡ଼ିନି ପାତେକା ତଞ୍ଜାଆନେ, ଏଲେଆହିଁଏ ମାଣସି ମୀରଏସି ଖାନେସି ।”

୨୮ “ଏମ୍ବିୟା ମାଡ଼ହା ରିହାମାନେ ଏମ୍ବାଆଁ ରାମ୍‌ଶାୟାଁ ରୁଣ୍ଡା ଆନୁ ।

ମାଣସି ମୀରଏସି ଖାନାୟି

(ମାର୍କ ୧୩:୨୪-୨୭; ଲୁକ ୨୧:୨୫-୨୮)

୨୯ “ସାମା ଏତିବେଲାତି କସ୍ତ ତାୟୁ ଦେବୁଣିଏ ଖେଡ଼ା ଆନ୍ଦେରି ଆନେ, ଅଡ଼େ ଲେଞ୍ଜୁ ଉଜେଡ଼ି ହୀଏ, ଅଡ଼େ ହାଗୁଟି ହୁକାୟାଁ ତରରିନୁ, ଇଞ୍ଜି ହାଗୁ ଲାକତି ବାଡ଼ୟୁ ବାରେ ଖାତିନେ । ୩୦ “ଏତିବେଲା ହାଗୁ ଲାକତି ମାଣସି ମୀରଏସି ସିନା ତଞ୍ଜାଆନେ, ଇଞ୍ଜି ମାଣସି ମୀରଏସାଇଁ କାଜା ବାଡ଼ୟୁ ଅଡ଼େ ଗାଞ୍ଜୁରମିଗାଟି ଉଜେଡ଼ି ତଲେ ହାଗୁଟି ଦୁନ୍ଦାଟି ଖାନାଣି ମେସାନା ଦାରୁଡ଼ି ବାରେ କୁଡ଼ାତି ଲକୁ ହାରେକା ଦୁକୁ ତଲେ ତାନେରି । ୩୧ ଅଡ଼େ ଏଞ୍ଜାସି ତାଡ଼ି ମହ୍ନି ହାଡ଼ାତଲେ ତାନି ଦୁଡ଼ୟାଣି ପାଣିନେସି ଇଞ୍ଜି ଏଞ୍ଜାରି ଦାରୁଡ଼ି ମୁଟ୍‌ପେତି ହାନ୍ଦିଟିଏ ହାଗୁଲାକତି ମୁଟ୍‌ପେ ହାନ୍ଦି ପାତେକା ସାରିଖାକିଟି ତାନି ଆଚାମାନି ଲକୁଣି ରୁଣ୍ଡା କିନେରି ।”

ତୟା ମୀରନ୍ତୁତି କାତା

(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ “ତୟା ମୀରନ୍ତୁ ପୁଣ୍ଡି କିନି କାତାଟି ଜାପାଦୁ; ଏତିବେଲା କମାତା ଆକା ଗାଲନାଣି ମେସିହିଁ କାରାୟାଁ ଖେଡ଼ା ଖାଡ଼େ ଇଞ୍ଜି ପୁଞ୍ଜେରି । ୩୩ ଏଲେକିହିଁଏ ମୀରୁ ଜିକେଏ ଇ ବାରେ ମେସିସାରେ ଏଞ୍ଜାସି ଦୁଖେରି ତାଗେ ମାନେସି ଇଞ୍ଜି ପୁଞ୍ଜେରି । ୩୪ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଇ ବାରେ ଗଟଞ୍ଜି ଆଆପାତେକା ଇ

କାଲାତି ଲକୁ ଏନିଜିକେଏ ମେଣ୍ଡାଅରି । ୩୫ ହାଗୁପାକା ଦାରୁଡ଼ି ବାରେ ମେଣ୍ଡାଜିନେ, ସାମା ନା ବଲ୍ଲୁ ଏତେଲାଞ୍ଜା ମେଣ୍ଡାଜେଏ ।”

ଖାନି ଦିନା ଅଡ଼େ ତଣ୍ଡୁତି ଆମ୍ବାଆସି ପୁନଅସି

(ମାର୍କ ୧୩:୩୨-୩୬; ଲୁକ ୧୭:୨୭-୩୦, ୩୪-୩୬)

୩୬ ସାମା ଏ ଦିନା ତଣ୍ଡୁତି କାତା ଆମ୍ବାଆସି ପୁନଅସି, ଲାକପୁରୁଡ଼ି ଦୁଡ଼ୟାଁ କି ମୀରଏସି ଜିକେଏ ପୁନଅସି, ଖାରୁଇ ଆଚାଦେ ପୁନେସି । ୩୭ ଅଡ଼େ ନହ୍ ବେଲାତା ଏନିକି ଆହାମାତେ, ମାଣସି ମୀରଏସି ଖାନି ବେଲାତା ଏଲେକି ଆନେ । ୩୮ ଇତିହିଁ ଖାରୁ କୁପନି ନକେଏ, ନହ୍ ତଂଗତା ହଡ଼ିନି ଦିନା ପାତେକା ଲକୁ ଏନିକି ତିଞ୍ଜି ଉଣିହିଁ, ବାହା କିୟାଲି ବାହା ହିୟାଲି ହେରାମାତେରି, ୩୯ ଇଞ୍ଜି କାଜା ପିୟୁତଲେ ଖାରୁ ଖାହାନା କୁପହା ଅନି ପାତେକା ଏନିକି ଏଞ୍ଜାରି ପୁଞ୍ଜାହିଲାଆତେରି, ମାଣସି ମୀରଏଶା ଖାନାୟି ଜିକେଏ ଏଲେଆହିଁଏ ଆନେ । ୪୦ ଏତିବେଲାତା ରିଆରି ଗୁଡ଼ିୟାତା ମାନେରି, ରଅସି ଅଡ଼ିଆନେସି ରଅସି ଏମ୍ବାଆଁ ତୟିନେସି । ୪୧ ରୀ ଇୟାସିକା ଜେତାତା ନୁୟାଁ ମାନୁ ରଣ୍ଡି ଅଡ଼ିଆନେ ଅଡ଼େ ରଣ୍ଡି ଏମ୍ବାଆଁ ତୟିନେ । ୪୨ ଇଦାଆଁତାକି ଜାଗ୍ରାତା ଆହାନା ମାଞ୍ଜୁ, ଏଦାଆଁତାକି ଇତିହିଁ ମୀ ପ୍ରବୁ ଆମିନି ଦିନା ଖାନେସି, ଏଦାଆଁ ମୀରୁ ପୁଞ୍ଜାହିଲଅତେରି । ୪୩ “ସାମା ଇଦାଆଁ ପୁଞ୍ଜାମାଞ୍ଜୁ, ଆମିନି ନେକେରିତା ସରୁ ଖାନେସି, ଏଦାଆଁ ସାଞ୍ଜୁକାରି ପୁଞ୍ଜାମାତିହିଁମା, ଜାଗ୍ରାତା ଆହାନା ତାନି ଇଲୁତି କାତି ତୁଡ଼ହାଲି ହୀଆତେସିମା । ୪୪ ଏଦାଆଁତାକି ମୀରୁ ଜିକେଏ କାଚାନା ମାଞ୍ଜୁ, ଇତିହିଁ ଆମିନି ବେଲାତା ମୀରୁ ଅଣ୍ଡା ହିଲଅତେରି, ଏ ବେଲାତା ମାଣସି ମୀରଏସି ଖାନେସି ।

ଟିକାଣା ଗାଟାସି ଅଡ଼େ ଟିକାଣା ହିଲାଆଗାଟି ହଲେଏସି (ଲୁକ ୧୨:୪୧-୪୮)

୪୫ ସାଞ୍ଜୁକାରି, ତାନି ଇଲୁତି ଲକୁତାକି, ରାନ୍ଦା କାଟୁତା ରାନ୍ଦା ହୀହାଲି, ତାନି ଗୁମୁସ୍ତା ପାଣା ଆମ୍ବାଆରାକି ହୀହାମାନେସି, ଇଲେତି ନାମୁ ଅଡ଼େ ବୁଦିଗାଟି ଗୁମୁସ୍ତା ଆମ୍ବାଆସି, ୪୬ ପ୍ରବୁ ଖାହାନା ତାନି ଆମିନି ହଲେଏଶାଇଁ ଏଲେକିହିଁ ମାନାଶାଇଁ ମେହ୍ନେସି, ଏଞ୍ଜାସି ନେହ୍ସି ! ୪୭ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଏଞ୍ଜାସି ଏଞ୍ଜାଶାଇଁ ତାନି ବାରେ ଦନଡ଼ି ମୁହେଁ ଗୁମୁସ୍ତା କିନେସି । ୪୮ ସାମା ଏ ହଲେଏସି ଲାଗେଏ ପଲେଏତାସି ଆହାନା, ନା ସାଞ୍ଜୁକାରି ଖାନାୟି ମାନେୟିଏ ଇଞ୍ଜି ତାନି ମନଡ଼ା ଅଣ୍ଡାପାନା, ୪୯ ଏଞ୍ଜାସି ତାନି ତଲେତି ହଲିୟାଙ୍ଗାଣି ଖେଡ଼ିହିଁ, କାଡ଼ୁ ଗହ୍ନାରି ତଲେତିଞ୍ଜିହିଁ ଗସିହିଁ ମାନେସି, ୫୦ ଆତିହିଁ ଆମିନି ନେବୁ ହଲେଏସି କାଚାହିଲଅସି ଅଡ଼େ ଏମିନି ବେଲା ପୁଞ୍ଜାହିଲଅସି ଏ ଦିନା ଏ ବେଲାତା ତାନି ପ୍ରବୁ ଖାନେସି । ୫୧ ଇଞ୍ଜି ଏଞ୍ଜାଶାଇଁ ରୀ ବାଗା କିହିଁ ଦାଚାନା

☆ ୨୪:୨୨ ୨୪:୨୭ ଲୁକ ୧୭:୨୩,୨୪ ☆ ୨୪:୨୮ ୨୪:୨୮ ଲୁକ ୧୭:୩୭
ଝେ ବଲ୍ଲୁ ୧:୭ ☆ ୨୪:୪୩ ୨୪:୪୩ ଲୁକ ୧୭:୩୯,୪୦ ☆ ୨୪:୨୯ ୨୪:୨୯ ଝେ ବଲ୍ଲୁ ୭:୧୨; ଝେ ବଲ୍ଲୁ ୭:୧୩ ☆ ୨୪:୩୦ ୨୪:୩୦

କୁହୁ ଗାଟାରି ତଳେ ତାନି ବାଗା କିନେସି; ଏମ୍ବାଆଁ ଡାନାୟି ଅଡ଼େ ପାଲକା ଟାଟି କିନାୟିମାନେ ।

୨୫

ଦସ ଜାଣା ଡାଆ ପଦାୟିତି ପୁଣ୍ଡିକିନି କାତା

୧ ☆ଏଚିବେଲା ଲାକପୁରୁତି ରାଜି ଦସ ଜାଣା ଡାଆ ପଦାୟି ଲେହେଁ ଆନେ; ଏଢ଼ି ତାନି ଦୀଢ଼ିୟାଁ ଆସାନା ବାହା ହନେଏଣାଇଁ ବେଟାଆହାଲି ହାତୁ । ୨ ଏଢ଼ାସିକା ବିଡ଼ା ପାସା ଜାଣା ବୁଦି ହିଲାଆଗାଟାଇ ଇଞ୍ଜାଁ ପାସା ଜାଣା ବୁଦି ଗାଟାଇ ମାତୁ । ୩ ବୁଦି ହିଲାଆଗାଟାଇ ତାନି ଦୀଢ଼ିୟାଁ ଅତୁ ସାମା ଏଟକା ନିୟୁଁ ଅଥାତୁ, ୪ ସାମା ବୁଦି ଗାଟାଇ ତାନି ଦୀଢ଼ିୟାଁ ତଳେ ଗାଜୁତା ନିୟୁଁ ଅହୁଁ ହାତୁ । ୫ ବାହା ହନେଏସି ଖାନାୟି ଖେଡ଼ା ଆୟାଲିଏ, ବାରେଜାଣା କଟଣି ହଚିହୁଁ ତୁରାତୁସୁ ।

୬ ସାମା ମାଦି ଲାଆୟି ମେହୁଦୁ ବାହା ଦାଂଗଣେଏସି ଖାହିମାନେସି, ବେଟାଆହାଲି ଖାଦୁ ଇଞ୍ଜୁଁ ର କାଜା ହାଡ଼ା ଆଡେ ! ୭ ଏମ୍ବାଟିଏ ଡାଆସିକା ନିଜାନା ତାନି ଦୀଢ଼ିୟାଁ ପ୍ରଡ଼ୁ । ୮ ସାମା ବୁଦି ହିଲାଆଗାଟାଇ ବୁଦିଗାଟି ଡାଆସିକାଣି ଏଲେଇତୁ, ମୀ ନିୟୁଁ ଇଚାଣି ଲାକା ମାଜେ ହିୟାଦୁ, ଇଚିହୁଁ ମା ଦୀଢ଼ିୟାଁ ତୁମ୍ବାହାଜିମାନୁ । ୯ ସାମା ବୁଦିଗାଟାୟି ଏଲେଇତୁ, ଆଏ ମିଜେ ଅଡ଼େ ମାଜେତାକି ନିୟୁଁ ଏଦେଏ, ବାଜାରାତା ହାଜାନା ମିଜେତାକି ନିୟୁଁ କଡ଼ା ତାତୁ । ୧୦ ସାମା ଏଢ଼ି ନିୟୁଁ କଡ଼ାଲି ହାଜିମାଟାଟି ହନେଏସି ଖାଡେସି; ଇଞ୍ଜାଁ ଆମିନି ଗାଟାଇ ତିୟାରା ଆହାନା କାଟାମାତୁ, ଏଢ଼ି ହନେଏଣି ତଳେ ବାହା ବଜି ଇଲୁତା ହତୁ, ଅଡ଼େ ଦାରା ସୁଣ୍ଡିତେରି ।

୧୧ ☆ଏଚେଟିଏ ତାୟୁ ଅର ଡାଆ ପଦାୟି ଜିକେଏ ଖାହାନା ଏଲେଇତୁ, ଏ ପ୍ରବୁ ଏ ପ୍ରବୁ ମାଜେତାକି ଦାରା ଦେତାମୁ ଇଞ୍ଜୁଁ ହାଟିତୁ । ୧୨ ଏଚେଟିଏ ବାହା ହନେଏସି ଏଲେଇତେସି, “ନାନୁ ମିଜେ ସାତା ଖେସିମାଞ୍ଜାଇଁ, ନାନୁ ମିଜା ପୁଞ୍ଜାମାଞ୍ଜାଆଁ ।”

୧୩ ଇଦାଆଁତାକି ଜାଗ୍ରାତା ମାଞ୍ଜୁ ଏ ଦିନା କି ଏ ତଣ୍ଡ ଆମ୍ବାଆରି ପୁନଅରି ।

ତାନି ଜାଣା ହଲିୟାଜାତି ପୁଣ୍ଡିକିନି କାତା (ଲୁକ ୧୯:୧୧-୨୭)

୧୪ ☆ଲାକପୁରୁ ରାଜି ଇଲେତାୟି, ଇଚିହୁଁ ହେକ ରାଜି ହାଜିମାନି ର ମାଣ୍ଡସି, ଏଢ଼ାସି ତାନି ହଲିୟାଜାଣି ହାଟାନା ତାନି ଦନତି ହେରପିତେସି । ୧୫ ଏଢ଼ାସି ରଅଣାକି ପାସାମାଣା, ଅଡ଼େ ରଅଣାକି ରୀ ମାଣା, ଇଞ୍ଜାଁ ଅଡ଼େ ରଅଣାକି ର ମାଣା ଇଲେକିହୁଁ ବାରେତାକି ତାନି ଆଡ଼ିନି ବାଡ଼ୁ ତଳେ ହାହାନା ହେକ ରାଜିତା ହାଚେସି । ୧୬ ଆମିନିଗାଟାସି ପାସାମାଣା ବେଟା ଆହାମାଚେସି, ଏଢ଼ାସି ଏଢ଼ାଆଁ ଅହାନା ବେବାରା କିହାନା ଅଡ଼େ ପାସାମାଣା ଲାବା କିତେସି । ୧୭ ଏଲେକିହୁଁ ଏ ଆମିନିଗାଟାସି ରୀ ମାଣା

ବେଟା ଆହାମାଚାସି ଏଢ଼ାସି ଜିକେଏ, ଅଡ଼େ ରୀ ମାଣା ଲାବା କିତେସି । ୧୮ ସାମା ଆମିନିଗାଟାସି ର ମାଣା ବେଟା ଆହାମାଚେସି, ଏଢ଼ାସି ହାଜାନା ବୁନି କାଟହାନା ତାନି ସାଞ୍ଜୁକାରି ଟାକାୟାଣି ମୁସାନା ତୁକୁହା ଇଚିତେସି ।

୧୯ ହାରେକା ଦିନା ହାଚି ତାୟୁ ଏ ହଲିୟାଜାତି ସାଞ୍ଜୁକାରି ଖାହାନା, ଏଢ଼ାରିତଳେ ଲେକା କିତେସି । ୨୦ ଅଡ଼େ ଆମିନିଗାଟାସି ପାସାମାଣା ବେଟା ଆହାମାଚେସି, ଏଢ଼ାସି ଅଡ଼େ ପାସାମାଣା ତାତାନା ଏଲେଇତେସି, ପ୍ରବୁ ନାନୁ ନାଜେ ପାସାମାଣା ହାହାମାଞ୍ଜାତି; ମେହୁମୁ ନାନୁ ଅଡ଼େ ପାସାମାଣା ଲାବା କିହାମାଇଁ । ୨୧ ତାନି ସାଞ୍ଜୁକାରି ତାଜେ ଏଲେଇତେସି, ଆୟାଲେତା ନେହୁଁ ଟିକାଣାଗାଟି ହଲେଏଣାତି, ନାନୁ ଉଣା କାମାତା ନାନୁ ଗାଟାଟି ଆହାମାଞ୍ଜି, ନାନୁ ନିଜା ହାରେକା କାଜା କାମାତା ହେରପାଇଁ, ନାନୁ ନା ତଳେ ରାହାଁ କିହାଲି ଖାମୁ । ୨୨ ଅଡ଼େ ଆମିନିଗାଟାସି ରୀ ମାଣା ବେଟା ଆହାମାଚେସି, ଏଢ଼ାସି ଜିକେଏ ଖାହାନା ଏଲେଇତେସି, ଏ ପ୍ରବୁ ନାନୁ ନାଜେ ରୀ ମାଣା ହାହାମାଞ୍ଜାତି; ମେହୁମୁ ନାନୁ ଅଡ଼େ ରୀ ମାଣା ଲାବା କିହାମାଇଁ । ୨୩ ତାନି ସାଞ୍ଜୁକାରି ଏଢ଼ାଣାଇଁ ଜିକେଏ ଏଲେଇତେସି, ଆୟାଲେତା ନେହୁଁ ଇଞ୍ଜାଁ ଟିକାଣାଗାଟି ହଲେଏଣାତି, ନାନୁ ଉଣା କାମାତା ନାନୁ ଗାଟାଟି ଆହାମାଞ୍ଜି, ନାନୁ ନିଜା ହାରେକା କାଜା କାମାତା ହେରପାଇଁ, ନାନୁ ନା ତଳେ ରାହାଁ କିହାଲି ଖାମୁ । ୨୪ ତାୟୁ ର ମାଣା ଟାକାୟାଁ ଅହାମାଟି ହଲେଏସି ଏଲେଇତେସି, ସାଞ୍ଜୁକାରି, ନାନୁ ପୁଞ୍ଜାମାଇଁ, ନାନୁ ର ଆଟ୍ଠା ହିୟାଁ ଗାଟାଟି । ମାଟାଆତି ବୁନିତା ନାନୁ ଦାଃଆନାତି । ବିଚା ମାଟାଆନା ଆର୍ନା କୁଡ଼ି କିନାତି । ୨୫ ଏଦାଆଁତାକି ଆଜାହାଁ ନାନୁ ନୀ ଟାକାୟାଁଣି ବୁନିତା ମୁସାନା ତୁକୁହା ଇଚିତେସି; ମେହୁମୁ ନୀ ଦନ ନାନୁ ବେଟାଆଡ଼ି । ୨୬ ସାମା ତାନି ସାଞ୍ଜୁକାରି ଏଢ଼ାଣାଇଁ ଏଲେଇତେସି, ଆଡ଼େ ଲାଗେଏ ଅଡ଼େ ନିସୁଗାଟି ହଲେଏଣାତି, ନାନୁ ଆମ୍ବିୟା ମାଟା ହିଲଅଁ ଏମ୍ବାଆଁ ଦାଃଆନାତେସି, ଇଞ୍ଜାଁ ଆମ୍ବିୟା ଆର୍ନା ଉପହା ହିଲଅଁ ଏମ୍ବାଆଁ କୁଡ଼ି କିନାତେସି, ଇଦାଆଁ ନାନୁ ପୁଞ୍ଜାମାଟି ? ୨୭ ଆଡିହୁଁ ବେବାରା କିନାରି ତାଣା ନା ଟାକାୟାଁ ନାନୁ ଇଚିନାୟି ମାଚେ; ଆଡିହୁଁ ନାନୁ ଖାହାନା ଅଡିତଳେ ନା ଦନ ନାନୁ ବେଟାଆଡେସିମା । ୨୮ ଇଦାଆଁତାକି ଇଢ଼ାଣି ତାଣାଟି ଇ ଟାକାୟାଁ ଅହାନା ଆମିନି ଗାଟାଣାକି ଦସ ମାଣା ମାନୁ ଏଢ଼ାଣାକି ହୀଦୁ । ୨୯ ଇଚିହୁଁ ଆମ୍ବାଆରାକି ମାନୁ, ଏଢ଼ାଣାକି ହୀପକିଆନେ, ଇଞ୍ଜାଁ ଏଢ଼ାଣିଖାୟି ହାରେକା ଗାଟିଆନେ; ସାମା ଆମ୍ବାଆରି ତାଣା ହିଲେଏ, ଏଢ଼ାଣି ତାଣା ଏନାୟି ମାନେ, ଏଦାଆଁ ଜିକେଏ ଏଢ଼ାଣି ତାଣାଟି ଅଡ଼ିଆନେ । ୩୦ ☆ଅଡ଼େ ମୀରୁ ଇ କାମା କିଆଗାଟି ହଲେଏଣାଇଁ ପାଜାତି ଆନ୍ଦେରିତା ମେଡ଼ହା ତୁହୁଦୁ, ଏମ୍ବାଆଁ ଡାହୁଁ ପାଲକା ଟାଟି କିନେସି ।

ରାଜି ବେଲାତି ନୀହାୟି

☆ ୨୫:୧ ୨୫:୧ ଲୁକ ୧୨:୩୫ ☆ ୨୫:୧୧ ୨୫:୧୧ ଲୁକ ୧୩:୨୫ ☆ ୨୫:୧୪ ୨୫:୧୪ ଲୁକ ୧୯:୧୧-୨୭ ☆ ୨୫:୩୦ ୨୫:୩୦ ମାତି ୮:୧୨; ୨୨:୧୩; ଲୁକ ୧୩:୨୮ ☆ ୨୫:୩୧ ୨୫:୩୧ ମାତି ୧୭:୨୭; ମାତି ୧୯:୨୮

୩୧ ✨ମାଣ୍ଡି ମୀରୁଏସି ଏଚିବେଲା ବାରେ ଦୂତୁୟା ତଲେ ତାନି କାଜାପାଣାଟି ଖାନେସି, ଏଚିବେଲା ଏଞ୍ଜାସି ତାନି ଗାଞ୍ଜୁରମିଗାଟି ସିଂଗାସାଣିତା କୁଗିନେସି, ୩୨ ଇଞ୍ଜା ତାନି ନକିତା ବାରେ କୂଡ଼ାତି ଲକୁଣି କୁଡ଼ି କିଞ୍ଜିଆନେ, ଇଞ୍ଜା ମେଣ୍ଡାୟା ଗଡୁ ଏନିକି ଗରିୟା ତାଣାଟି ମେଣ୍ଡାୟାଣି ଏଟକା କିନେସି, ଏଲେକିହି ଏଞ୍ଜାସି ଏଞ୍ଜାରାଇଁ ଏଟକା କିହାନା, ୩୩ ମେଣ୍ଡାୟାଣି ତାନି ଚିଃନି ଚଟତା ଇଞ୍ଜା ଗରିୟାଣି ତାନି ଚେବୁ ଚଟତା ଇଟିନେସି । ୩୪ ଏଚିବେଲା ରାଜା ତାନି ଚିଃନି ଚଟତି ଲକୁଣି ଏଲେକନେସି, ଖାନ୍ତୁ ନା ଆବାତି ବର ବେଟା ଆନାତେରି, ମିଙ୍ଗେତାକି ଦାରତି ଗାଡ଼ି ଆଡ଼ି ଦିନାଟିଏ ଆମିନି ରାଜି ଗାଡ଼ି କିଞ୍ଜିଆହାମାନେ ଏମ୍ବାଡ଼ି ଅଦିକାରା ଆଦୁ । ୩୫ ଇଚିହିଁ ନାନୁ ହାକିଟି ମାଚେଏଁ, ମୀରୁ ନାଙ୍ଗେ ତିଞ୍ଜାଲି ହିୟାତେରି; ଏସକିଟି ମାଚେଏଁ, ନାଙ୍ଗେ ଗସାଲି ଏୟୁ ହିୟାତେରି; ଏଟକା ମାଚେଏଁ ନାଙ୍ଗେ ଆଟହାତେରି; ୩୬ ନାଗୁଡ଼ାଟି ମାଚେଏଁ ନାଙ୍ଗେ ହିମ୍ବୁରି ହୁଟି କିୟାତେରି; ନମେରି ମାଚେଏଁ ନାଙ୍ଗେ କେରହାତେରି; କାୟିଦିତା ମାଚେଏଁ ନାଙ୍ଗେ ବେଟି ଖାଡ଼େରି ।

୩୭ ଏମ୍ବାଟିଏ ଦାମ୍ବୁଗାଟାରି ଏଞ୍ଜାଣାଇଁ ଏଲେକନେରି, ଏ ପ୍ରବୁ ଏଚେଲା ହାକିଟି ମାନାଣି ମେସାନା ନିଙ୍ଗେ ତିଞ୍ଜାଲି ହିୟାଆତମି ? ଏଚେଲା ଏସକି ଆତାଣି ମେସାନା ଏୟୁ ହିୟାଆତମି ? ୩୮ ଅଡ଼େ ଏଚେଲା ଏଟକା ମାଚାଣି ମେସାନା ଆଟହାତମି ? ଏଚେଲା ନାଗୁଡ଼ା ମେସାନା ହିମ୍ବୁରି ହୁଟି କିୟାଆତମି ? ୩୯ ଅଡ଼େ ଏଚେଲା ନମେରିତା ଇଞ୍ଜା କାୟିଦି ମାନାଣି ମେସାନା ନୀ ତାଣା ଖାଡ଼ମି ? ୪୦ ଇଞ୍ଜା ରାଜା ଏଞ୍ଜାରାଇଁ ଏଲେକନେସି, ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀରୁ ନା ଇ ଉଣା ତାୟିୟାଲି ରଅଣାଇଁ ଏନାଆଁ କିହାମାଞ୍ଜେରି ଏ ବାରେ ନାଙ୍ଗେତାକି କିହାମାଞ୍ଜାଦେରି ।

୪୧ ଏମ୍ବାଟିଏ ତାନି ଚେବୁ ଦାରିତି ଲକୁଣି ଜିକେଏ ଏଲେକନେସି, ଆଡ଼େ ମାହାପୁରୁ ତାଣାଟି ବାକା ବେଟା ଆନାତେରି, ନା ନକିଟି ହେକ ଆହାନା ସୟତାନ ଇଞ୍ଜା ତାନି ଦୂତୁୟାକି କିହାମାନି କାଲାକାଲା ଡ଼ାଞ୍ଜିମାନି ହିବୁ ଗାଡ଼ୁୟୁତା ହାଦୁ । ୪୨ ଇଚିହିଁ ନାନୁ ହାକିଟି ମାଚେଏଁ ନାଙ୍ଗେ ତିଞ୍ଜାଲି ହିୟାଆତେରି; ଏସକିଟି ମାଚେଏଁ ନାଙ୍ଗେ ଗସାଲି ଏୟୁ ହିୟାଆତେରି; ୪୩ ଏଟକା ମାଚାଟି ନାଙ୍ଗେ ଆଟହାଆତେରି; ନାଗୁଡ଼ା ମାଚାଟି ନାଙ୍ଗେ ହିମ୍ବୁରି ହୁଟି କିୟାଆତେରି; ନମେରି ଇଞ୍ଜା କାୟିଦିତା ମାଚାଟି ନାଙ୍ଗେ କେରହାଆତେରି । ୪୪ ଏମ୍ବାଟିଏ ଏଞ୍ଜାରି ଜିକେଏ ଏଲେକନେରି, ଏ ପ୍ରବୁ ଏଚେଲା ମାମ୍ବୁ ନିଙ୍ଗେ ହାକି କି ଏସକି, ଏଟକା କି ନାଗୁଡ଼ା, ନମେରି କି କାୟିଦିତା ମାନାଣି ମେସାନା ନିଙ୍ଗେ ସେବା କିୟାଆତମି ? ୪୫ ଏଚେଟିଏ ରାଜା ଏଞ୍ଜାରାଇଁ ଏଲେକନେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ନା ଇ ଉଣା ଲକୁ ବିଡ଼ାଟି ରଅଣାଇଁ କିହାହିଲାଆକି ନାଙ୍ଗେ କିହାମାଞ୍ଜଅତେରି । ୪୬ ଅଡ଼େ ଇଞ୍ଜାରି କାଲାକାଲାତି ସାସ୍ତି ବେଟାଆନେରି, ସାମା ତାରିଗାଟାରି କାଲାକାଲାତି ଜୀଞ୍ଜୁ ବେଟାଆନେରି ।”

୨୨

ଜୀସୁ କପାଟି ପାରୁ ପାରିନାୟି (ମାର୍କ ୧୪:୧-୨; ଲୁକ ୨୨:୧-୨; ଜହ ୧୧:୪୫-୫୩)

୧ ଜୀସୁ ଇ ବାରେ କାତା ରାପୁହାନା ତାନି ସୀସୁୟାଲି ଏଲେକଚେସି, ୨ “ରୀଇନି ଜେଟ ପିସପିଆନି ପାରୁ ଆନେ, ଇଦାଆଁ ମୀରୁ ପୁଞ୍ଜାମାଞ୍ଜେରି, ଇଞ୍ଜା ମାଣ୍ଡି ମୀରୁଏସି ପାସି ମୁଣ୍ଡାତା ହାୟାଲି ହେରପିଆନେସି ।”

୩ ଏଚିବେଲାତା କାଜା ପୂଜେରାଙ୍ଗା ଅଡ଼େ ଲକୁଡ଼ି କାଜାରି କୟାପା ଦରୁଗାଟି କାଜା ପୂଜେରା ଆଂଗେଣିତା ରୁଣ୍ଡା ଆଡ଼େରି, ୪ ଅଡ଼େ ଜୀସୁଲି ଆସାନା ପାୟାଲି ପାରୁ ପାରାତେରି; ୫ ସାମା ଏଞ୍ଜାରି ଏଲେକଚେରି, “ପାରୁ ବେଲାତା ଆଏ ଇଚିହିଁ ଏଚେତା ଲକୁ ଗଡ଼ହା କିନେରି ।”

ବେତନିୟାତା ଜୀସୁ ତାୟିଁ ତୁ ନିୟୁଁ ଖାକନାୟି (ମାର୍କ ୧୪:୩-୯; ଜହ ୧୨:୧୮)

୬ ଜୀସୁ ବେତନିୟାତା କାଜା ରଗଗାଟି ସିମନ ଇଜ ତିଞ୍ଜାଲି କୁଗାମାଟାଟି, ୭ ✨ର ଇୟା ର ଗାକୁତା ହାଡ଼େକା ଦାରାଗାଟି ଗାନ୍ଦା ନିୟୁଁ ତାଚାନା ଜୀସୁ ତାୟିଁ ତୁ ଖାକହେ । ୮ ସାମା ଏଦାଆଁ ମେସାନା ସୀସୁୟା କପା ଆହାନା ଏଲେକଚେରି, “ଇଚେକା ଉଜେଏ ଏନାଆଁତାକି କାରୁ ? ୯ ଇଦାଆଁ ହାଡ଼େକା ଟାକାୟାତାକି ପାରପି ଆହାନା କାକୁଲି ଗାଟାରାକି ହିୟାଲି ଆଡେମା ।”

୧୦ ଜୀସୁ ଏଦାଆଁ ପୁଞ୍ଜାନା ଏଞ୍ଜାରାଇଁ ଏଲେକଚେସି, “ଇ ଇୟାନି ଏନାଆଁତାକି କସୁ ହାହିମାଞ୍ଜେରି ? ଏଡ଼ି ନାଙ୍ଗେତାକି ହାଡ଼େକା ନେହିଁ କାମା କିହାମାନେ । ୧୧ କାକୁଲି ଗାଟାରି କାଲେଏ ମୀ ତାଣା ମାନେରି, ସାମା ନାନୁ କାଲେଏ ମୀ ତାଣା ମାନଅଁ । ୧୨ ଇଞ୍ଜା ଏଡ଼ି ନା ଆଙ୍ଗାତା ନକେଏ ନିୟୁଁ ଖାକହାନା ମୁସାଲି ତାକି ନକେଏ ତିୟାରା କିହିମାନେ । ୧୩ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ବାରେ ଦାରତିତା ଆମିନି ଚାୟୁତା ଇ ନେହିଁ କାରୁ ଖେପକି ଆନେ, ଏମ୍ବାଆଁ ଏ ଇୟାନି ଅଣ୍ପାଲି ଏଦାନି ଇ କାମା ଜିକେଏ ଖେସପି ଆନେ ।”

ଜୀହୁଦା ଜୀସୁଲି ଆସପି କିହାଲି ରାଜି ଆନାୟି (ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଏଚିବେଲା ବାରଜାଣା ବିଡ଼ାଟି ଇସ୍ପାରିୟତ ଜୀହୁଦା ଦରୁଗାଟାସି କାଜା ପୂଜେରାଙ୍ଗା ତାଣା ହାଜାନା ଏଲେକଚେସି, ୧୫ “ନାଙ୍ଗେ ଏନାଆଁ ହିୟାଦେରି ଖେସ୍ତାଦୁ ? ନାନୁ ଜୀସୁଲି ଆସପି କିୟାଲି ।” ଏମ୍ବାଟିଏ ଏଞ୍ଜାରି ଏଞ୍ଜାଣାକି କଡ଼େଦସ ଗଟା ଖେଣ୍ଡି ଟାକାୟା ଏଜିକିହାନା ହାତେରି । ୧୬ ଅଡ଼େ ଏ ଦିନାଟିଏ ଏଞ୍ଜାସି ଜୀସୁଲି ଏଞ୍ଜାରିତାଣା ହେରପାଲି ତାକି ପାରୁ ପାରାଲି ମାଟହେସି ।

ଜୀସୁ ଅଡ଼େ ସୀସୁୟା ପିସପିଆନି ପାରୁ କିନାୟି

୧୭ ତାୟୁ ପୁଲାଏୟୁ ଆଣ୍ଡାଆତି ରୁଟି ତିନି ପାରୁଡ଼ି ତଲିତି ଦିନାତା ସୀସୁୟା ଜୀସୁ ତାଣା ଖାହାନା ଖେଚେରି, “ମାମ୍ବୁ

✨ ୨୨:୭ ୨୨:୭ ଲୁକ ୭:୩୭,୩୮

ଆମିନି ଚାହୁଁଥାନ୍ତି ନିଜେତାକି ପିତୃପିଆନି ପାର୍ବୁତି ବଢ଼ି କିନମି
ଇଞ୍ଜି ନାନୁ ଅଣ୍ଡପିମାଞ୍ଜି ?”

୧୮ ଜୀସୁ ଏଲେଇରେସି, “ମୀରୁ ଗାଡ଼ାତା ପାଲାଣା
ଗାଟାଣି ତାଣା ହାଜାନା ଏଲେଇଞ୍ଜି, ମା ଗୁରୁ ଏଲେଇଞ୍ଜି
ଝେସା ପାଣ୍ଡାତେସି, ନା କାରୁ ଏଦାତେୟିଏ, ନାନୁ ନା
ସୀସୁୟାଁ ତଲେ ମୀ ଇଜ ପିସ୍ପିଆନି ପାର୍ବୁତି ବଢ଼ି କିନମି
।”

୧୯ ଏମ୍ବାଟିଏ ସୀସୁୟାଁ ଜୀସୁତି ହୁକୁମି ତଲେ କାମା
କିହାନା ପିସ୍ପିଆନି ପାର୍ବୁତି ବଢ଼ି କିତେରି ।

୨୦ ତାୟୁ ମିଡ଼ଅଲ୍ଲା ଆୟାଲିଏ ଜୀସୁ ବାରଜାଣା ସୀସୁୟାଁ
ତଲେ ବଢ଼ିତା କୁଗିତେସି । ୨୧ ଏଞ୍ଜାରି ତିଞ୍ଜିମାଟି ବେଲାତା
ଜୀସୁ ଏଲେଇରେସି, “ନାନୁ ମିଜେ ସାତା ଝେସିମାଞ୍ଜାଲ୍, ମୀ
ବିତ୍ତାଟି ରଅସି ନାଜେ ସାତୁୟାଁ କେୟୁତା ହେରପାନେସି ।”

୨୨ ଏମ୍ବାଟିଏ ଏଞ୍ଜାରି ହାରେକା ଦୁକୁ ଆହାନା ରଅ ରଅସି
ଜୀସୁଇଁ ଝେରେରି, “ଏ ପ୍ରୁ ଏଞ୍ଜାତେଏଁ ନାନୁ କି ?”

୨୩ ଜୀସୁ ଏଲେଇରେସି, “ନା ତଲେ ଆମ୍ବାଆସି
ସାଡ଼ଝାତା କେୟୁ ପାର୍ବୁତି ମାନେସି, ଏଞ୍ଜାସି ନାଜେ ସାତୁୟାଁ
କେୟୁତା ହେରପାନେସି । ୨୪ ମାଣ୍ଡସି ମୀରୁଏଣି କାତା
ଏନିକିଁ ରାସ୍‌କି ଆହାମାନେ ଏଲେକିଁ କିହିମାନେସି
ସାତା; ସାମା ଆମିନି ଲକୁ ତାଣାଟି ସାତୁ କେୟୁତା ହେରପି
ଆହିମାନେସି, ଆୟତା ଏଚେକା ତଣ୍ଡ ବେଟା ଆନେସି;
ଏଞ୍ଜାସି ଜାର୍ନା ଆହାହିଲାଆତିହଁ ଏଞ୍ଜାଣାକି ନେହେଁ
ଆଡେମା ।”

୨୫ ଏଚେଟିଏ ଆମିନି ଜୀହୁଦା, ସାତୁୟାଁ କେୟୁତା
ହେରପିତେସି, ଏଞ୍ଜାସି ଏଲେଇଞ୍ଜି ଇଚେସି, “ଏ ଗୁରୁ
ଏଞ୍ଜାତେଏଁ ନାନୁ କି ?”

ଜୀସୁ ଏଞ୍ଜାଣାଲ୍ ଏଲେଇରେସି, “ନାନୁତ ଏଲେ
ଇଞ୍ଜିମାଞ୍ଜି ।”

ପ୍ରବୁତି ବଢ଼ି

(ମାର୍କ ୧୪:୨୨-୨୬; ଲୁକ ୨୨:୧୪-୨୦; ୧କର ୧୧:୨୩-
୨୫)

୨୬ ଅଡ଼େ ଏଞ୍ଜାରି ତିଞ୍ଜିମାଟି ବେଲାତା, ଜୀସୁ ରୁଟି
ଅହାନା ମାହାପୁରୁଇଁ ଜହରା କିତେସି, ଇଞ୍ଜା ରୁଟି ଡିକ୍‌ହାନା
ସୀସୁୟାଁକି ହାହାନା ଏଲେଇରେସି, “ଇଦାଆଁ ଅଦୁ ଇଞ୍ଜା
ତିଞ୍ଜି ଇଦି ନା ଆଜା ।”

୨୭ ଅଡ଼େ ଏଞ୍ଜାସି ଗହନି ସଲା ଆସାନା ମାହାପୁରୁଇଁ
ଜହରା କିତେସି ଇଞ୍ଜା ସୀସୁୟାଁକି ହାହାନା ଏଲେଇରେସି;
“ଇଦାଆଁ ବାରେତେରି ଗହଦୁ” ୨୮ “ଇଚିହଁ ଆମିନି
ନେତେରିତି ରାଜିମାନା ହାରେକା ଲକୁତାକି ପାପୁତି
ମ୍ବେକ୍‌ହାଲି ଝାକ୍‌ହାମାନି ଇଦି ଏ ନା ନେତେରି । ୨୯ ସାମା
ନାନୁ ମିଜେ ଝେସିମାଞ୍ଜାଲ୍, ଆମିନି ଦିନା ନା ଆବାତି
ରାଜିତା ମୀ ତଲେ ପୁଃନି ଅଜ୍ଜୁରି ରାସା ଗହଆ ପାତେକା
ନୀଞ୍ଜୁଟିଏ ଏଚେଲାଞ୍ଜା ଅଜ୍ଜୁରି ରାସା ଗହଆଁ ।”

୩୦ ଅଡ଼େ ଏଞ୍ଜାରି ଜହରା ପାରୁ ପାଟିତି ତାୟୁ ଜୀତ ହରୁତା
ହଚା ହାଚେରି ।

☆ ୨୨:୩୨ ୨୨:୩୨ ମାତୃ ୨୮:୧୭

ପିତର ଜୀସୁଇଁ ପୁଞ୍ଜାହିଲଆଁ ଇନି କାତା ତଲିଏ
ଝେହ୍‌ନାୟି

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଜହ ୧୩:୩୬-
୩୮)

୩୧ ଏଚିବେଲା ଜୀସୁ ଏଞ୍ଜାରାଲ୍ ଏଲେଇରେସି, “ନୀଞ୍ଜୁ
ଲାଆଁୟାଁ ମୀରୁ ବାରେତେରି ନାଜେ ପିସାନା ହାଜାଦେରି,
ଇଚିହଁ ରାସ୍‌କି ଆହାମାନେ, ନାନୁ ମେଣ୍ଡାୟାଁ ଗଡ଼ୁଇଁ ଝେଇଁ
ଅଡ଼େ ମାନ୍ଦାତି ମେଣ୍ଡାୟାଁ ଆଲାଚା ଆହାହାନୁ । ୩୨ ଶ୍‌ସାମା
ନାନୁ ହାହାନା ନିଜିତି ତାୟୁ ମୀ ନକିତା ଗାଲିଲିତା ହାଲ୍ ।”

୩୩ ସାମା ପିତର ଜୀସୁଇଁ ଏଲେଇରେସି, “ବାରେଜାଣା
ନିଜେ ପିସାତିହଁ ଜିକେଏ, ନାନୁ କଡ଼େ ନିଜେ ଏଚେଲାଞ୍ଜା
ପିସୁଆଁ ।”

୩୪ ଜୀସୁ ପିତରଇଁ ଏଲେଇରେସି, “ନାନୁ ନିଜେ ସାତା
ଝେସିମାଞ୍ଜାଲ୍, ନୀଞ୍ଜୁ ଲାଆଁୟାଁ କୟୁ କେଣ୍‌ଆ ନକେଏ ନୀନୁ
ନାଜେ ତାନିପାଲି ନାନୁ ପୁଞ୍ଜାହିଲଆଁ ଇଞ୍ଜିଁ ଝେହ୍‌ଦି ।”

୩୫ ପିତର ଏଞ୍ଜାଣାଲ୍ ଏଲେଇରେସି, “ନାନୁ ନୀ ତଲେ
ହାହାଲି ଆଡ଼ି ଜିକେଏ ନାନୁ ନିଜେ ଏଚେଲା ପୁଞ୍ଜାହିଲଆଁ
ଇଞ୍ଜିଁ ଇନଆଁ !” ଇଞ୍ଜା ବାରେ ସୀସୁୟାଁ ଜିକେଏ
ଏଲେଇଚେରି ।

ଗେଡ଼ସିମନିତା ଜୀସୁତି ପ୍ରାତାନା

(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୬ ଏଚେଟିଏ ଜୀସୁ ତାନି ସୀସୁୟାଁ ତଲେ ଗେଡ଼ସିମନି
ଇନି ର ଚାହୁଁଥାନ୍ତି ହାଜାନା ଏଞ୍ଜାରାଲ୍ ଏଲେଇରେସି, “ନାନୁ
ଏମ୍ବାଆଁ ହାଜାନା ପ୍ରାତାନା କିନି ପାତେକା ମୀରୁ ଇମ୍ବାଆଁ
କୁଗା ମାଞ୍ଜୁ ।” ୩୭ ଅଡ଼େ ଏଞ୍ଜାସି ପିତର ଇଞ୍ଜା ଜେବଦିତି
ରୀ ମୀରକାଣି ଅହାନା ହିୟାଁତା କିଲିବିଲି ଆଡେସି,
୩୮ ଇଞ୍ଜା ଏଚିବେଲା ଏଞ୍ଜାରାଲ୍ ଏଲେଇରେସି, “ନା ଜୀସୁ
ହାନ୍‌ଲେହେଁ ହାରେକା କିଲିବିଲି ହଡ଼ି ମାଞ୍ଜାନେ, ମୀରୁ
ଇମ୍ବାଆଁ ତୟାନା ନା ତଲେ କାଡ଼ିହଁ ମାଞ୍ଜୁ ।”

୩୯ ଇଞ୍ଜା ଏଞ୍ଜାସି ହିରେ ହେକ ହାଜାନା ମୁନୁ କୁତାନା
ପ୍ରାତାନା କିହିହଁ ଏଲେଇରେସି, “ଏ ନା ଆବା ଆତିହଁ
ଇ ନା ଦୁକୁ କସ୍‌ଗାଟି ସଲାତି ହେକ କିମ୍ବୁ; ସାମା ନା ମନ
କଡ଼େ ଆଏଁ ନୀ କାତେଏ ଆପେ ।”

୪୦ ଅଡ଼େ ଏଞ୍ଜାସି ସୀସୁୟାଁତାଣା ଝାହାନା ଏଞ୍ଜାରାଲ୍ ଇଦା
କିତାଣି ମେସ୍‌ସି ଇଞ୍ଜା ପିତରଇଁ ଏଲେଇରେସି, “ମୀରୁ
ନା ତଲେ ଗାଡ଼େକା ଜିକେଏ କାଟାଲି ଆଡ଼ାଆତେରି ?
୪୧ ପାନ୍ଦାତା ଏନିକିଁ ହେରଅତେରି, ଏଦାଆଁତାକି କାଟାହାଁ
ପ୍ରାତାନା କିହିମାଞ୍ଜୁ; ଇଚିହଁ ମନ ମାନେ ସାମା ଆଜାତା
ବାଡ଼ୁୟୁ ହିଲେଏ ।”

୪୨ ଅଡ଼େ ର ପାଲି ହାଜାନା ପ୍ରାତାନା କିହିହଁ
ଏଲେଇରେସି, “ଏ ନା ଆବା ଇ ନା ଦୁକୁ କସ୍‌ଗାଟି ସଲା
ନା ତାଣାଟି ହେକ ଆହାଲି ଆଡ଼ାଆତି, ନାନୁ ଏଦାଆଁ ଗହଇଁ
ନା ମନ କଡ଼େ ଆଏଁ ନୀ କାତେଏ ଆପେ ।” ୪୩ ଅଡ଼େ ଏଞ୍ଜାସି
ଝାହାନା ଏଞ୍ଜାରାଲ୍ ଇଦା କିହାମାନାଣି ମେସ୍‌ସି; ଇଚିହଁ
ଏଞ୍ଜାରି କଟଣି ହଡ଼ି ମାଚେରି ।

୪୪ ଏମ୍ବାଟିଏ ଏଝାସି ଏଝାରାଇଁ ପିସାନା ଅଡ଼େ ଝେଣ୍ଡେ ହାଜାନା ଅଡ଼େ ଏ ପ୍ରାଡାନା ତାନିପାଲି ତାକି କିତେସି । ୪୫ ତାୟୁ ସାୟୁୟାଁ ତାଣା ଝାହାନା ଏଲେଇଚେସି, “ଗାଡ଼େକା ତୁରାନା ଜମାଦୁ, ଇଚିହଁ ମାଣସି ମୀରଏସି ପାପୁ ଗାଟାରି ତାଣା ହେରପି ଆନିବେଲା ଏଦାତେୟିଏ । ୪୬ ନିଙ୍ଗାଦୁ ମୀର ହାନ, ଇଞ୍ଜା ମେହଦୁ ଆମ୍ବାଆସି ନାଙ୍ଗେ ସାତୁୟାଁ କେୟୁତା ହେରପାନେସି, ଏଝାସି ତାଗେ ଝାଡ଼େସିଏ !”

ଜୀସୁଇଁ ସାତୁୟାଁ କେୟୁତା ହେରପିନାୟି

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଜହ ୧୮:୩-୧୨)

୪୭ ଜୀସୁ ଇ କାତା ଝେସିମାଟି ବେଲାତା, ମେହଦୁ, ବାରଜାଣା ସାୟୁୟାଁ ବିତ୍ରାଟି ଜୀହୁଦା ଦରୁଗାଟାସି ରଅସି ଇଞ୍ଜା ଏଝାଣିତଲେ କାଜା ପୂଜେରାଙ୍ଗା ଅଡ଼େ ଲକ୍ଷୁତି କାଜାରି ତାଣାଟି ପାଣ୍ଡୁଆହାମାନି ହାରେକା ଲକ୍ଷୁ କାଣ୍ଡାୟାଁ ଅଡ଼େ ବାଡ଼ଗାୟାଁ ଆସାନା ଝାଡ଼େରି । ୪୮ ଜୀସୁଇଁ ସାତୁୟାଁ କେୟୁତା ହେରପିନାସି ଏଝାରାଇଁ ଇ ସିନା ଝେସାମାଚେସି, “ନାନୁ ଆମ୍ବାଆରାଇଁ ନଶ୍ଚିଇଁ ଏଝାସିଏ ଏଝାସି, ଏଝାଣାଇଁ ଆହଦେରି ।”

୪୯ ଇଞ୍ଜା ଏଝାସି ଏ ଦେବୁଣିଏ ଜୀସୁ ତାଣା ଝାହାନା, “ଏ ଗୁରୁ ଜହରା ଇଚେସି” ଅଡ଼େ ଏଝାଣାଇଁ ହାରେକା ନଶ୍ଚିତେସି ।

୫୦ ସାମା ଜୀସୁ ଏଝାଣାଇଁ ଏଲେଇଚେସି, “ଏ ତରେ ଏନାଆଁ କିହାଲି ଝାହାମାଞ୍ଜି ଏଦାଆଁ କିମ୍ପୁ ।”

ଏମ୍ବାଟିଏ ଏଝାରି ତାଗେ ଝାହାନା ଜୀସୁଇଁ ଆସ୍ତେରି । ୫୧ ଅଡ଼େ ମେହଦୁ, ଜୀସୁତଲେ ମାଟାରି ବିତ୍ରାଟି ରଅସି କାଣ୍ଡା ହପୁହେସି ଇଞ୍ଜା କାଜା ପୂଜେରା ହଲେଏଣାଇଁ କିୟୁଁ ରାଡ଼ହେସି । ୫୨ ଏମ୍ବାଟିଏ ଜୀସୁ ଏଝାଣାଇଁ ଏଲେଇଚେସି, “ନୀ କାଣ୍ଡା ଝେଣ୍ଡେ ନୀ ପାଡ଼କାତା ଇଟାମ୍ପୁ, ଇଚିହଁ ଆମ୍ବାଆରି କାଣ୍ଡା ଆହନେରି ଏଝାରି କାଣ୍ଡା ତଲେଏ ହାନେରି । ୫୩ ନାନୁ ଏନାଆଁ ଅଣ୍ଡିମାଞ୍ଜି, ନାନୁ ନା ଆବାଇଁ ବାଡ଼ିମାଲିତିହଁ ଇ ଦେବୁଣିଏ ବାର ଗତି ରିଜାରି କସ୍ତକା କିହାଁ ହାରେକା ଦୂତୁୟାଁ ପାଣ୍ଡୁଆସି ?” ୫୪ ଇଚିହଁ ଇଲେକଁ ସାତେଏ ଆନେ ଇଞ୍ଜାମାନି ଦାମ୍ପୁ ପତିତି କାତା ଏନିକଁ ସାତା ଆନେ ?

୫୫ ☆ଏଚେଟିଏ ଜୀସୁ ମାୟା ଲକ୍ଷୁଣି ଏଲେଇଚେସି, ତଂଗା ଗାଟାରାଇଁ ଆହନିଲେହେଁ କାଣ୍ଡାୟାଁ ଅଡ଼େ ଚେଙ୍ଗାୟାଁ ଆସାନା ମୀରୁ ନାଙ୍ଗେ ଆସାଲି ଝାହାମାଞ୍ଜେରି ? ନାନୁ ବାରେଦିନା ମାହାପୁରୁ ଇଲୁତା କୁଗାନା ଜାପୁହି ମାଚେଏ, ସାମା ମୀରୁ ନାଙ୍ଗେ ଆସ୍ତାଆତେରି ! ୫୬ ସାମା ମାହାପୁରୁ ଅଣ୍ଡପୁତି ବଲୁ ଝେହନାରି ରାଡ଼ିତି ସାସ୍ତେରି କାତା ଏନିକଁ ସାତା ଆନେ, ଏଦାଆଁତାକି ଇ ବାରେ ଆହିମାନେ । ଏଚିବେଲା ବାରେକାଣା ସାୟୁୟାଁ ଏଝାଣାଇଁ ପିସାନା ହଟାତୁସ୍ତେରି ।

ବେରଣିମାଣ୍ଡାତା ଜୀସୁତି ନୀହାଁୟି

(ମାର୍କ ୧୪:୫୩-୬୫; ଲୁକ ୨୨:୫୪,୫୫,୬୩-୭୧; ଜହ ୧୮:୧୩-୧୪,୧୯-୨୪)

୫୭ ତାୟୁ ଏମିନିଗାଟାରି ଜୀସୁଇଁ ଆସାମାଚେରି, ଏଝାରି ଜୀସୁଇଁ କୟାପା ଇନି କାଜା ପୂଜେରା ନକିତା ଅଡ଼େରି; ଏ ଚାୟୁତା ମେରାପୁନାରି ଅଡ଼େ ଲକ୍ଷୁତି କାଜାରି ରୁଣ୍ଡା ଆହାମାଚେରି । ୫୮ ସାମା ପିତର ହେକ ଡ଼ୟାନା କାଜା ପୂଜେରା ଆଂଗେଣି ପାତେକା ଏଝାରି ଜେଚ ହାଚେସି, ଇଞ୍ଜା ତାୟୁ ଏନି ଆନେ, ଏଦାଆଁ ସିନିକିହାଲି ଏଝାସି ବିତ୍ରା ହାଜାନା ଜାମାନାଙ୍ଗା ତଲେ କୁଗାମାଚେସି । ୫୯ ଏମ୍ବାଟିଏ କାଜା ପୂଜେରାଙ୍ଗା ଅଡ଼େ ବାରେ ବେରଣି ମାଣ୍ଡାତାରି ଜୀସୁଇଁ ପାୟାଲି ଏଝାଣି କପାଟି ମିତି ସାକିୟାଁ ପାରାତେରି, ୬୦ ଇଞ୍ଜା ହାରେକା ସାକିୟାଁ ଝେସ୍ତୁ ଜିକେଏ, ଏଝାଣି ଏନି ଦହ ପୁଃଆତେରି । ଇଞ୍ଜା ତାୟୁ ରିଆରି ନିଚାନା ଝେସ୍ତେରି, ୬୧ ☆ଇଝାସି ଏଲେଇଞ୍ଜାମାଚେସି, “ନାନୁ ମାହାପୁରୁତି ଇଲୁ ଡିକହାନା ତାନି ଦିନାଟିଏ କେପାଲି ଆଡ଼ିଇଁ ।”

୬୨ ଏମ୍ବାଟିଏ କାଜା ପୂଜେରା ନିଙ୍ଗାନା ଏଲେଇଚେସି, “ନୀ କପାଟି ଜଲିମାନାରାକି ଝେଣ୍ଡେ ଝେସାଲି ନୀ ଏନି କାତା ହିଲେଏ କି ?” ୬୩ ସାମା ଜୀସୁ ପାଲେଏ ଆହାନା ଡ଼ୟିତେସି । ଏମ୍ବାଟିଏ କାଜା ପୂଜେରା ଜୀସୁଇଁ ଏଲେଇଚେସି, “ନାନୁ ଜୀସୁତି ମାହାପୁରୁ ଦରୁତଲେ ପାରମାଣା କିଝି କିହାନା ଝେଞ୍ଜିମାଞ୍ଜାଇଁ, ନାଙ୍ଗେ ଝେସ୍ତାମ୍ପୁ, ନାନୁ ସାତେଏ ମାହାପୁରୁ ମୀରଏଣାତି କ୍ରୀସୁତିକି ?”

୬୪ ଜୀସୁ ଏଝାଣାଇଁ ଏଲେଇଚେସି, “ନାନୁତ ଝେସିମାଞ୍ଜି; ଅଡ଼େ ନାନୁ ନିଙ୍ଗେ ଝେସିମାଞ୍ଜାଇଁ, ନୀଞ୍ଜୁଟିଏ ମୀରୁ ମାଣ୍ଡି ମୀରଏଣାଇଁ ବାଡ଼ୟୁଗାଟି ମାହାପୁରୁ ଚିଃନିଝାକି ନିଚାମାନାଣି ଅଡ଼େ ହାଗୁ ଦୁହାଟି ଝାନାଣି ମେହଦେରି !”

୬୫ ଏମ୍ବାଟିଏ କାଜା ପୂଜେରା ତାନି ହିମ୍ପୁରି ଗେସାନା ଏଲେଇଚେସି, “ଇଝାସି ମାହାପୁରୁ ନିୟା କିହିମାନେସି, ଇଞ୍ଜା ମାଙ୍ଗେ ଅଡ଼େ ଏନି ସାକିୟାଁ ଲଡ଼ାମାନେ ? ମେହଦୁ ନୀଏଁ ଜିକେଏ ମାହାପୁରୁ ନିୟା କିତାଣି ଝେଚେରି, ୬୬ ମୀ ଅଣ୍ଡପୁତା ଏନାୟି ମାନେ ?” ଏମ୍ବାଟିଏ ଏଝାରି ଏଲେଇଚେରି ଏଝାସି ହାନି ତଣ୍ଡ ପାଣ୍ଡନାୟି ମାନେ !

୬୭ ଏଚିବେଲା ଏଝାରି ଏଝାଣି ମୁମ୍ପୁତା ହୁପିତେରି, ବିଦା ଝେଚେରି; ଇଞ୍ଜା ଆମ୍ବା ଆମ୍ବାଆରି ସାପୁଡ଼ା ଝେଚାନା ଏଲେଇଚେରି, ୬୮ “ଏ କ୍ରୀସୁ ନୀନୁସାଁ ମାହାପୁରୁ ଅଣ୍ଡପୁତି ବଲୁ ଝେହନାତି, ମାଙ୍ଗେ ଝେସ୍ତାମ୍ପୁ ନିଙ୍ଗ ଆମ୍ବାଆସି ଝେତାତେସି ।”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜାଁ ଇନାୟି

(ମାର୍କ ୧୪:୬୬-୭୨; ଲୁକ ୨୨:୫୬-୬୨; ଜହ ୧୮:୧୫-୧୮,୨୫-୨୬)

୬୯ ଏମ୍ବାଟିଏ ପିତର ପାଙ୍ଗାଡ଼ି ଆଂଗେଣିତା କୁଗାମାଚେସି, ଇଞ୍ଜା ର ହଲେଣି ପିତର ତାଗେ ଝାହାନା ଏଲେଇଚେ, “ନାନୁ ଜିକେଏ ଗାଲିଲିତି ଜୀସୁତଲେ ମାଟି ।”

☆ ୨୨:୫୫ ୨୨:୫୫ ଲୁକ ୧୯:୪୭; ୨୧:୩୭ ☆ ୨୨:୬୧ ୨୨:୬୧ ଜହ ୨:୧୯

୨୦ ସାମା ଏଞ୍ଜେଲ୍ ବାରେଡି ନକିତା “ନାନୁ ଏଞ୍ଜେଲ୍ ପୁଞ୍ଜାହିଲଅଁ ନାନୁ ଏନାଆଁ ଖେସିମାଞ୍ଜି ନାନୁ ପୁଞ୍ଜାହିଲଅଁ ।” ୧୧ ଅଡେ ପିତର ଆଂଗେଣି ଦୁଞ୍ଜେରିତା ହାଜାଲିଏ ଅଡେ ର ହଲେଣି ଏଞ୍ଜେଲ୍ ମେସାନା ଏ ଟାୟୁତି ଲକୁଣି ଏଲେଇରେ, “ଇଞ୍ଜେଲ୍ ନାଜରିତ ଜୀସୁତଲେ ମାରେସି ।”

୨୨ ପିତର ପାରମାଣା କିହାନା ଅଡେ ଏଲେଇରେସି, “ନାନୁ ଏଞ୍ଜେଲ୍ ପୁଞ୍ଜାହିଲଅଁ ।”

୨୩ ଅଡେ ର ଗାଡେକା ହାଜାଲିଏ ଦାରିତା ନିତାମାଚାରି ପିତର ତାଗେ ଖାହାନା ଏଞ୍ଜେଲ୍ ଏଲେଇରେ, “ନାନୁ ଜିକେଏ ସାତେଏ ଏଞ୍ଜେଲ୍ ବିତ୍ରାଟି ରଅତି, ଇଚିହଁ ନୀ ହାଡାଟି ପୁଣ୍ଡି ଆହିମାନେ ।”

୨୪ ଏମ୍ବାଟିଏ ପିତର ପାରମାଣା ଅଡେ ବାକା ଇଚିହଁ ଏଲେଇରେସି, “ନାନୁ ଏଞ୍ଜେଲ୍ ପୁଞ୍ଜାହିଲଅଁ ।”

ଏ ଦେବୁଣିଏ କୟ୍ କେଣତେ । ୨୫ ଏଚେଟିଏ “କୟ୍ କେଣତା ନକେଏ ନାକେ ତାନି ପାଲି ପୁଞ୍ଜାହିଲଅଁ ଇଞ୍ଜେଲ୍” ଇଞ୍ଜେଲ୍ ଜୀସୁ ଖେସି ଇ କାତା ପିତର ଅଣ୍ଡପୁତା ଖାଡେ, ଇଞ୍ଜେଲ୍ ଏଞ୍ଜେଲ୍ ପାକାତା ହାଜାନା ହାରେକା କିଲିବିଲି ଦୁକୁଆହଁ ଡୀତେସି ।

୨୨

ପିଲାତ ନକିତା ଜୀସୁ

(ମାର୍କ ୧୫:୧; ଲୁକ ୨୩:୧-୨; ଜହ ୧୮:୨୮-୩୨)

୧ ଲାଈ ଖେୟାଲିଏ ବାରେ କାଜା ପୂଜେରାକା, ଇଞ୍ଜେଲ୍ ଲକୁତି କାଜାରି ଜୀସୁଲ୍ ପାୟାଲି ଏଞ୍ଜେଲ୍ କପାଟି କାତା ଆତେରି, ୨ ଇଞ୍ଜେଲ୍ ଏଞ୍ଜେଲ୍ ଏଞ୍ଜେଲ୍ ଦସା ଅହାନା ପିଲାତ ଇନି ସାଲୁଞ୍ଜି କିନାଣି ତାଣା ହେରପିତେରି ।

ଇସ୍ପାରିୟତ ଜୀସୁଦା ହାନାୟି

(କାମା ୧:୧୮-୧୯)

୩ ✨ଏଚିବେଲା ଜୀସୁଲ୍ ସାତୁ କେୟୁତା ହେରପିତି ଜୀସୁଦା, ଜୀସୁ ହାନି ତଣ୍ଡ ବେଟା ଆହାମାନେସି ଇଞ୍ଜେଲ୍ ପୁଞ୍ଜାନା, ଜୀସୁତା ଅଣ୍ଡପାନା କାଜା ପୂଜେରାକା ଅଡେ ଲକୁତି କାଜାରି ତାଣା ଏ କଡେଦସ ଟାକା ଖେଣ୍ଡେ ତାଚାନା ଏଲେଇରେସି, ୪ “ନାନୁ ଦହ ହିଲାଆଗାଟାଣି ନେତେରି ହେରପାନା ପାପୁ କିହାମାଲ୍ ।”

ସାମା ଏଞ୍ଜେଲ୍ ଏଲେଇରେ, “ମାଡି ଏମ୍ବାଆଁ ଏନାୟି ମାନେ ? ଏନାଆଁ ନାନୁ ଅଣ୍ଡପାମୁ ।”

୫ ଏମ୍ବାଟିଏ ଏଞ୍ଜେଲ୍ ଟାକାୟାଣି ମାହାପୁରୁ ଇଲୁ ବିତ୍ରା କୁତାତୁସାନା ହାଚେସି, ଇଞ୍ଜେଲ୍ ହାଜାନା ହେରକି ଲେଜା ହାଡେସି ।

୬ ସାମା କାଜା ପୂଜେରାକା ଏ ଟାକାୟାଁ ଅହାନା ଏଲେଇରେ, “ଇଞ୍ଜେଲ୍ ମାହାପୁରୁ ଇଲୁତି ଦନ ତଲେ ଇଚିନାୟି ମେରା ହିଲେଏ, ଇଚିହଁ ଇଞ୍ଜେଲ୍ ନେତେରିତି ଟାକାୟାଁ ।” ୭ ଇଞ୍ଜେଲ୍ ଏଞ୍ଜେଲ୍ କାତା ଆହାନା ଏଟକା ଦେସାତି ଲକୁତି ମାଡହା ମୁହନି ଟାୟୁ ତାକି ଏ ଟାକାୟାଁ

ହାହାନା ର କୁମ୍ବେଏଣା ବୁମି କଡିତେରି । ୮ ଏନାଆଁତାକି ନୀଞ୍ଜୁପାତେକା ଏନାନ୍ “ନେତେରି ବୁମି” ଇଞ୍ଜେଲ୍ ଇନେରି ।

୯ ଏମ୍ବାଟିଏ ମାହାପୁରୁ ଅଣ୍ଡପୁତି ବଲୁ ଖେହନି ଜିରିମିୟ ତାଣାଟି ରାଡିତି ଇ କାତା ସାତା ଆଡେ, ଇସ୍ପାୟେଲ ମୀରକା ଆମ୍ବାଆରି ତାକି ଏଚେକା ଲେକା ହାନାୟି ମାନେ, ଏଞ୍ଜେଲ୍ ଲେକାତଲେ ଏ କଡେଦସ ଟାକା ଅହାନା, ୧୦ ନା ତାକି ମାହାପୁରୁତି ହୁକୁମି ଲେହେଁ କୁମ୍ବେଏଣା ବୁମି ତାକି ହାଡେରି ।

ପିଲାତ ଜୀସୁଲ୍ ଖେନାୟି

(ମାର୍କ ୧୫:୨-୫; ଲୁକ ୨୩:୩-୫; ଜହ ୧୮:୩୩-୩୮)

୧୧ ଏମ୍ବାଟିଏ ସାଲୁଞ୍ଜି କିନାଣି ନକିତା ଜୀସୁଲ୍ ନିପହେରି, ଇଞ୍ଜେଲ୍ ସାଲୁଞ୍ଜି କିନାସି ଏଞ୍ଜେଲ୍ ଖେରେସି, “ନାନୁ ଜୀସୁଦି ଲକୁତି ରାଜାତି ?”

ଜୀସୁ ଏଲେଇରେସି, “ନାନୁତ ଏଲେ ଇଞ୍ଜେଲ୍ ।”

୧୨ ସାମା କାଜା ପୂଜେରାକା ଇଞ୍ଜେଲ୍ ଲକୁତି କାଜାରି ଏଞ୍ଜେଲ୍ କପାଟି ଖେସାଲିଏ, ଜୀସୁ ଏନାଆଁ ଇନାଆତେସି ।

୧୩ ଏଚେଟିଏ ପିଲାତ ଏଞ୍ଜେଲ୍ ଏଲେଇରେସି, “ଇଞ୍ଜେଲ୍ ନୀ କପାଟି ହାରେକା କାତା ଖେସିମାନେରି, ଏନାଆଁ ଖେଞ୍ଜି ହିଲଅତି କି ?”

୧୪ ସାମା ଏଞ୍ଜେଲ୍ ର କାତା ଜିକେଏ ଏଞ୍ଜେଲ୍ ଜଲ୍ଲାଆତେସି, ଏମ୍ବାଟିଏ ସାଲୁଞ୍ଜି କିନାସି ହାରେକା କାବା ଆଡେସି ।

ଜୀସୁତି ହାନି ତଣ୍ଡ

(ମାର୍କ ୧୫:୬-୧୫; ଲୁକ ୨୩:୧୩-୨୫; ଜହ ୧୮:୩୯; ୧୯:୧୬)

୧୫ ପିସ୍ପିଆନି ପାର୍ବୁ ବେଲାତା ଲକୁ, ଆମିନି କାୟିଦିତା ଇଟାମାନାରାଲ୍ ରାସିମାଚେରି ଏଞ୍ଜେଲ୍ ପିସାଲି ସାଲୁଞ୍ଜି କିନାଣି ମେରା ମାଚେ । ୧୬ ଏଚିବେଲା ଏଞ୍ଜେଲ୍ ଜୀସୁ- ବାରବା ଦରୁଗାଟି ର କାଜା ଖେଞ୍ଜିତି କାୟିଦି ଗାଟାସି ମାଚେସି । ୧୭ ଏନାଆଁତାକି ଏଞ୍ଜେଲ୍ ରୁଣ୍ଡା ଆହାମାନି ବେଲାତା ପିଲାତ ଏଞ୍ଜେଲ୍ ଖେରେସି, ନାନୁ ମିକେତାକି ଆମ୍ବାଆରାଲ୍ ପିସାହିୟାଲ୍ ଇଞ୍ଜେଲ୍ ମୀରୁ ମନ କିହିମାଞ୍ଜେରି ? ବାରବାଲ୍ କି ଆମ୍ବାଆରାଲ୍ କ୍ରୀସ୍ତ ଇଞ୍ଜେଲ୍ ମାଞ୍ଜେରି ଏ ଜୀସୁଲ୍ ? ୧୮ ଇଚିହଁ ଏଞ୍ଜେଲ୍ ଏଞ୍ଜେଲ୍ କପାଟି ହେରପା ମାନେରି ଇଞ୍ଜେଲ୍ ପିଲାତ ପୁଞ୍ଜାମାଚେସି ।

୧୯ ଇଞ୍ଜେଲ୍ ପିଲାତ ନୀହାୟି କିନି ଟାୟୁତା କୁଗାମାଚାଟି ତାନି ତକ୍ତି ତାନି ତାଣା ଖେସା ପାଣ୍ଡିତେ, “ଏ ଦାମ୍ବୁଗାଟି ମାଣ୍ଡିଲ୍ ଏନାଆଁ କିଆନି, ଇଚିହଁ ଏଞ୍ଜେଲ୍ ତାକି ନୀଞ୍ଜୁ ଲାଆଁୟାଁ ହାପାନାତା ହାରେକା କସ୍ତୁ ଆହାମାଲ୍ ।”

୨୦ ସାମା କାଜା ପୂଜେରାକା ଅଡେ ଲକୁତି କାଜାରି, ବାରବାଲ୍ ରାସାଲି ଇଞ୍ଜେଲ୍ ଜୀସୁଲ୍ ନାସା କିହାଲି ଲକୁଣି ଜୀସୁହେରି । ୨୧ ସାମା ପିଲାତ ଏଞ୍ଜେଲ୍ ଏଲେଇରେସି, “ନାନୁ ଇ ରିଆରି ବିତ୍ରାଟି ଆମ୍ବାଆରାଲ୍ ପିସାହିୟାଲ୍ ଇଞ୍ଜେଲ୍ ମୀରୁ ମନ କିହିମାଞ୍ଜେରି ?”

ଏଞ୍ଜେଲ୍ ଏଲେଇରେ, “ବାରବାଲ୍ ।”

✨ ୨୨:୩ ୨୨:୩ କାମା ୧:୧୮,୧୯

୨୨ ପିଲାତ ଏଝାରାଇଁ ଝେରେସି, ଆତିହ୍ ଆମ୍ବାଆରାଇଁ କ୍ରୀସ୍ତ ଇନେରି ଏ ଜୀସୁଇଁ ନାନୁ ଏନାଆଁ କିଇଁ ?

ଏଝାରି ବାରେଜାଣା ଏଲେଇଚେରି, “ଏଝାଣାଇଁ ପାସି ମୁଣ୍ଡାତା ଏକଦୁ ।”

୨୩ ସାମା ପିଲାତ ଝେରେସି, “ଏନାଆଁତାକି, ଏଝାସି ଏନି ଦହ୍ କିହାମାନେସି ?”

ସାମା ଏଝାରି ହାରେକା କାଲୁଝି ଆହ୍ ଏଲେଇଚେରି, “ଏଝାଣାଇଁ ପାସି ମୁଣ୍ଡାତା ଏକଦୁ ।”

୨୪ ଏଚିବେଲା ପିଲାତ ଏନାଆଁ କିହାଲି ଆଡ଼ିହିଲଅସି, ଇଞ୍ଜା ହାରେକା ଗଡ଼ହା ଆହିମାନାଣି ମେସାନା, ଏଚିବେଲା ଲକୁ ନକିତା ଏମୁ ଅହାନା କେସ୍ତା ନରହାଁ ଏଲେଇଚେସି, “ଇଝାଣି ପାୟିନି ତାଣା ନା ଦହ୍ ହିଲେଏ, ମୀରୁ ଏଦାଆଁ ପୁଞ୍ଜୁ ।”

୨୫ ଏମ୍ବାଟିଏ ବାରେ ଲକୁ ଏଲେଇଚେରି, “ଏଝାଣି ନେତେରିତି ତଣ୍ଡ ମା ଲାକ ଇଞ୍ଜା ମା ମୀରକା ମୁହେଁ ଖାପେ ।”

୨୬ ଏମ୍ବାଟିଏ ପିଲାତ ଏଝାରାକି ବାରବାଇଁ ପିସା ହୀତେସି, ଇଞ୍ଜା ଜୀସୁଇଁ ସାଟ୍ଟା ଝେଟାନା ପାସି ମୁଣ୍ଡାତା ଏକହାଲି ହେରପିତେସି ।

କସକା ଜୀସୁଇଁ ନିନ୍ଦାକିହ୍ କାକନାୟି

(ମାର୍କ ୧୫:୧୭-୨୦; ଜହ ୧୯:୨-୩)

୨୭ ଏମ୍ବାଟିଏ ସାଲୁଝି କିନାଣି କସକା ଜୀସୁଇଁ ମେଡ଼ା ଇଲୁ ବିତ୍ତା ଅହାନା ବାରେ କସକା ଏଝାଣି ନକିତା କୁଡ଼ା ଆଡେରି । ୨୮ ଇଞ୍ଜା ଏଝାରି ଏଝାଣି ହିମ୍ବରି ହୁକହାନା ଏଝାଣାଇଁ ହେୟାଁ ଖାଣାଗାଟି ହିମ୍ବରି ହୁଚିକିଚେରି, ୨୯ ଇଞ୍ଜା ହାପକା ଟପେରି ଆଲାନା ଏଝାଣି ତାୟ୍ ତୁ ଇଚିତେରି ଅଡେ ଏଝାଣି ଚିଃନି କେୟୁତା ର ବାଡ଼ଗା ଆସ୍ପି କିତେରି, ଇଞ୍ଜା ଏଝାଣି ନକିତା ମେଣ୍ଡା କୁତିହ୍ “ଏ ଜୀହୁଦି ଲକୁତି ରାଜା ଜହରା” ଇଞ୍ଜା ଲାଜାକିହ୍ କାକହେରି । ୩୦ ଅଡେ ଏଝାଣିଲାକ ହୁପିତେରି, ଅଡେ ଏ ବାଡ଼ଗା ଆସାନା ଏଝାଣି ତାୟ୍ ତୁ ଝେତେରି । ୩୧ ଅଡେ ଏଝାରି ଏଝାଣାଇଁ ଲାଜାକିହ୍ କାକହି ତାୟ୍, ଏ ହିମ୍ବରି ହୁକହା ଅହାନା ତାନି ହିମ୍ବରି ହୁଚିକିଚେରି, ଇଞ୍ଜା ଏଝାଣାଇଁ ପାସି ମୁଣ୍ଡାତା ଏକହାଲି ଅଡେରି ।

ଜୀସୁ ପାସି ମୁଣ୍ଡାତା

(ମାର୍କ ୧୫:୨୧-୩୨; ଲୁକ ୨୩:୨୭-୪୩; ଜହ ୧୯:୧୭-୨୭)

୩୨ ଏଝାରି ହାଜିମାଗାଟି ସିମନ ଦରୁଗାଟି ର କୁରିଣି ଦେସାତି ଲକୁଇଁ ମେସାନା ଜୀସୁତି ପାସିମୁଣ୍ଡା ଡେକାଲି ଏଝାଣାଇଁ ବାଲାମାତମି କିତେରି । ୩୩ ଇଞ୍ଜା ଏଝାରି ଗଲଗତା ଇନି ଟାୟୁତା ଇଚିହ୍ ଏମିନାଣି ତାୟ୍ ତୁପା ଇନେରି ଏମ୍ବାଆଁ ଅଡେରି । ୩୪ ଏମ୍ବାଆଁ ଏଝାରି ଏଝାଣାକି କାମ୍ବେଲି ଏମୁ ଆଟ୍ଟି ଅଞ୍ଜୁରି ରସା ଗସାଲି ହୀତେରି, ସାମା ଏଝାସି ଏଝାଆଁ ଖାଣ୍ଡାନା ଗସାଲି ମନ୍ କିଆତେସି ।

୩୫ ତାୟ୍ ଏଝାରି ଏଝାଣାଇଁ ପାସି ମୁଣ୍ଡାତା ଏକହାନା ତାନି ହିମ୍ବରିକା ପାଦି କିହାନା ତାନି ବିତ୍ତା ବାଟି କିହା ଅଡେରି, ୩୬ ଇଞ୍ଜା ଏମ୍ବାଆଁ କୁଗାନା ଏଝାଣାଇଁ କାଟିମାଚେରି । ୩୭ ଇଞ୍ଜା ଏଝାରି ଏଝାଣି ତାୟ୍ ଲାକଟି ଇଲେଇଞ୍ଜା ରାଟାନା ଲେତେରି, “ଇଝାସି ଜୀହୁଦି ଲକୁତି ରାଜା ଜୀସୁ ।” ୩୮ ଏଚିବେଲା ତାନି ଚିଃନିଝାକି ରଅସି ଇଞ୍ଜା ତାନି ଚେବୁଝାକି ରଅସି ଇଲେକିହ୍ ରୀ ସରକାଣି ତାନିତଲେ ପାସି ମୁଣ୍ଡାତା ଏକହେରି ।

୩୯ ଇଞ୍ଜା ଏ ଜିରୁଟି ହାଜିମାନି ଲକୁ ତାନି ତାକ୍ ଗୁଚିକିହ୍ ଏଝାଣାଇଁ ନିନ୍ଦାକିହ୍ ଏଲେଇଚେରି, ୪୦*“ଆଡେ ମାହାପୁରୁ ଇଲୁ ଡିକନାତି ଇଞ୍ଜା ତାନି ଦିନାଟିଏ ଏଦାଆଁ ଝେଣ୍ଡେ କେପିନାତି, ନୀନୁ ମାହାପୁରୁ ମୀରଏଣାତି ଇଚିହ୍, ନୀନୁ ନିଙ୍ଗେ ଗେଲପା କତାନା ପାସି ମୁଣ୍ଡାଟି ରେଟା ଖାମ୍ବୁ ।”

୪୧ କାଜା ପୁଜେରାଜା ଜିକେଏ ଏଲେକିହ୍ ଏ ମେରାପୁନାରି ଇଞ୍ଜା ଲକୁତି କାଜାରି ତଲେ କିଜିକିହ୍ କାକହିହ୍ ଏଲେଇଚେରି, ୪୨ “ଏଝାସି ଏଟକା ଲକୁଣି ପିସ୍ପି କିତେସି ତାଙ୍ଗେ ଗେଲପାଲି ଆଡ଼ିହିଲଅସି । ଏଝାସିତ ଇସାୟେଲତି ରାଜା, ଏଝାସି ଦେବୁଣିଏ ପାସି ମୁଣ୍ଡାଟି ରେଟା ଖାପେସି, ଆତିହ୍ ମାର ଏଝାଣି ତାଣା ନାମିନ । ୪୩ ଏଝାସି ମାହାପୁରୁ ତାଣା ନାମା ମାନେସି; ମାହାପୁରୁ ଏଝାଣାଇଁ ଜୀହୁ ନହାଁ ମାନେସି, ଆତିହ୍ ଏ ଦେବୁଣିଏ ଏଝାଣାଇଁ ଗେଲପାପେସି, ଏଝାସି ଝେସାମାତେସି ନାନୁ ମାହାପୁରୁ ମୀରଏଣାତେସି ।”

୪୪ ଇଞ୍ଜା ଆମିନି ସରକା ତାନିତଲେ ପାସି ମୁଣ୍ଡାତା ଏକହା ମାଚେରି, ଏଝାରି ଜିକେଏ ଏଲେକ୍ ନିନ୍ଦା କିହାଲି ମାଟ୍ ହେରି ।

ଜୀସୁତି ହାନାୟି

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଜହ ୧୯:୨୮-୩୦)

୪୫ ତାୟ୍ ବାର ଗଂଟାଟିଏ ତାନି ଗଂଟା ପାତେକା ଦେସା ବାରେ ଆନ୍ଦେରି ଆହାହାଚେ । ୪୬ ମିଡ଼ଅଲା ତାନି ଗଂଟା ବେଲାତା ଜୀସୁ କାଜା ଗିୟାତଲେ ହାଟାନା ଏଲେଇଚେସି, “ଏଲି, ଏଲି, ଲାମା ସାବକତାନି ?” ଇଚିହ୍ “ଏ ନା ମାହାପୁରୁ ଏ ନା ମାହାପୁରୁ ନୀନୁ ନାଙ୍ଗେ ଏନାଆଁତାକି ପିସ୍ପାତି ?”

୪୭ ଇ ହାଡ଼ା ଝେଞ୍ଜାନା ଦାରିତା ନିଟାମାଟି ଲକୁ ଏଲେଇଚେରି, “ଇଝାସି ଏଲିୟଇଁ ହାଟି ମାନେସି ।” ୪୮ ଅଡେ ଏ ଦେବୁଣିଏ ରଅସି ଏଝାରି ବିତ୍ତାଟି ହଚିହ୍ ହାଜାନା ରଡ଼ାଆଲି ପୁଲା ଅଞ୍ଜୁରି ରାସାତା ମୁସାନା ଏଦାଆଁ ର ବାଡ଼ଗାତା ଦସାନା ଜୀସୁକି ଗସାଲି ହୀତେସି ।

୪୯ ସାମା ଏଚେକା ଲକୁ ଏଲେଇଚେରି, “ହେଣ୍ଡୁ ଏଲିୟ ଇଝାଣାଇଁ ଗେଲପାଲି ଖାହିମାନେସି କି ଆଏ ସିନିକିନ ।”

୫୦ ସାମା ଜୀସୁ ଅଡେ ଝେଣ୍ଡେ କାଜା ଗିୟାତଲେ ହାଟାନା ହାଡେସି ।

* ୨୭:୪୦ ୨୭:୪୦ ମାତି ୨୭:୨୧; ଜହ ୨:୧୯

୫୧ ଇଞ୍ଜା ମେହଦୁ ମାହାପୁରୁ ଇଲୁତା ଲେଟାମାନି ହିମ୍ବର ଲାକଟିଏ ଡ଼ଇ ପାତେକା ଗେଞ୍ଜାନା ରୀ ବାଗା ଆଡେ, ଇଞ୍ଜା ବୁମି ବାରେ ଖୀଡିତେ ଅଡେ ଖାଲକା ଅୟାହାରୁ, ୫୨ ଇଞ୍ଜା ମାଡହା ମୁହନି ଟାସ୍ତା ବାରେ ଦେପିଆଡୁ, ଅଡେ ହାହାମାଟି ହାରେକା ସୁଦୁ ଲକୁଡି ଆଙ୍ଗା ମାଡହା ମୁହନି ଟାମୁଟି ନିଙ୍ଗାନା ଖାଡେତରି, ୫୩ ଇଞ୍ଜା ଜୀସୁ ଖେଣ୍ଡେ ନିଙ୍ଗିତି ତାୟୁ ଏଝାରି ମାଡହା ମୁହନି ଟାମୁଟି ହଟାନା ସୁଦୁ ଗାଡାତା ହାଜାନା ହାରେକା ଜାଣାତି ତଞ୍ଜାଆଡେତରି ।

୫୪ ପାସାକଡି କସକା ମୁହେଁ କାଜାସି ଇଞ୍ଜା ତାନିତଲେ ଜୀସୁଇଁ କାଟାମାଟାରି, ଏଝାରି ବୁମି ଖୀଡିତାଣି ଅଡେ ଏମ୍ବାଆଁ ଗଟଝି ଆଡାଣି ମେସାନା ହାରେକା ଆଜାନା ଏଲେଇଚେରି, “ସାତେଏ ଇଝାସି ମାହାପୁରୁ ମୀର୍ଏସି ମାଚେସି !”

୫୫ ଅଡେ ହାରେକା ଇୟାସିକା ଜିକେଏ ଏମ୍ବାଆଁ ମାଞ୍ଜାନା ହେକଟି ସିନିକିହିମାରୁ; ଏଝି ଜୀସୁତି ସେବା କିହିଁ ଗାଲିଲିତି ଏଝାଣିତଲେ ଖାହାମାରୁ; ୫୬ ଏଝାସିକା ବିତ୍ରାଟି ମଗ୍ଦଲିନି ମରିୟମ, ଜାକୁବ ଅଡେ ଜସେପ ତାମି ଇୟା ମରିୟମ, ଅଡେ ଜେବଦି ତାମି ଇୟା ମାରୁ ।

ଜୀସୁଇଁ ମୁହନାୟି

(ମାର୍କ ୧୫:୩୩-୪୧; ଲୁକ ୨୩:୫୦-୫୬; ଜହ ୧୯:୨୮-୪୨)

୫୭ ଖେଡ଼ା ହାଜିମାଟାଟି ହାରାମାତିୟା ଜସେପ ଦରୁଗାଟି ହାରାମାତିୟାତି ର ଦନ ଗାଟାସି ଖାଡେସି, ଏଝାସି ଜିକେଏ ଜୀସୁତି ର ସୀସୁ ଆହାମାଚେସି । ୫୮ ଏଝାସି ପିଲାତ ତାଣା ହାଜାନା ଜୀସୁତି ଆଙ୍ଗା ରୀସେସି, ପିଲାତ ଜୀସୁତି ମାଡହା ଏଝାଣାକି ହେରପାଲି ହୁକୁମି ହୀଡେସି । ୫୯ ଜସେପ ମାଡହା ଆଙ୍ଗାତି ଅହାନା ନେହିଁ ପୁଃନି ପାଡାତା ଦବ୍‌ଲା ହିମ୍ବର ରୁପିତେସି, ୬୦ ଇଞ୍ଜା ତାନୁ ତାଙ୍ଗେତାକି ହରୁତା କାରୁଝି କିହାମାନି ମାଡହା ମୁହନି ପୁଃନି ଟାମୁଟା ମାଡହାତି ଇଟିତେସି, ଇଞ୍ଜା ମାଡହାତି ମୁହନି ଟାମୁଟି ଦୁଝେରିତା ର କାଜା ଖାଲି ପୁକହାନା ହାଜାତୁସେସି । ୬୧ ମଗ୍ଦଲିନି ମରିୟମ ଅଡେ ଏଟକାତି ମରିୟମ ଏ ମାଡହା ମୁହନି ଟାମୁଟା କୁଗା ଡ଼ୟିତୁ ।

ମାହଣି ମାଣ୍ଡାତା କସକା

୬୨ ତାନି ଅର ଦିନା, ଇଟିହିଁ ତିୟାରା ଆନି ଦିନାତି ତାୟୁତି ଦିନା କାଜା ପୂଜେରାଙ୍ଗା ଅଡେ ପାରୁସିୟାଁ ପିଲାତ ତାଣା ରୁଣ୍ଡା ଆହାନା ଏଲେଇଚେରି, ୬୩ “ବାବୁ, ଏ ନାଡ଼ି କିନାସି ଜୀଝୁତା ମାଟାଟି, ‘ନାନୁ ତାନି ଦିନାଟିଏ ଖେଣ୍ଡେ ନିଙ୍ଗିଇଁ ଇଞ୍ଜାଁ ଖେସାମାଟାଣି ନୀଏଁ ମାମ୍ବୁ ଅଣ୍ଡିପାନମି । ୬୪ ଏଡାଆଁତାକି ତାନିଦିନା ପାତେକା ଏ ମାଡହା ମୁହନି ଟାମୁଟା କାଟାଲି ତାକି ହୁକୁମି ହୀମ୍ବୁ, ଆଆତଁ ତାମି ସୀସୁୟାଁ ଖାହାନା ମାଡହାତି ତଂଗା ଆହାଁ ଏଝାସି ହାକିଟି ନିଙ୍ଗାମାନେସି ଇଞ୍ଜାଁ ଲକୁଣି ଖେହ୍‌ନେରି; ଆଡିହିଁ ତଲି

ନାଡ଼ି କିତାଣି କିହାଁ ତାୟୁତି ନାଡ଼ିକିନାୟି ହାରେକା ଆଗାଡ଼ା ଆନେ ।”

୬୫ ପିଲାତ ଏଝାରାଇଁ ଏଲେଇଚେସି, “ମୀ କାଃଆନାରି ମାନେରି, ମୀରୁ ହାଜାନା ଆଡ଼ିନି ପାତେକା କାଃଆଦୁ ।”

୬୬ ଏଡାଆଁତାକି ଏଝାରି ହାଜାନା କାଃଆନାରି ତଲେ ଏ ଖାଲି ଗୁଟା ଆଆପେଝା ଇଞ୍ଜାଁ ଖାଲିତି ଜାଣି କିହିଁ ସୀଲି ଖେଚାନା ମାଡହା ମୁହନି ଟାମୁଟା କାଃନାରାଇଁ କାପି କିଚେରି ।

୨୮

ଜୀସୁ ଖେଣ୍ଡେ ନିଙ୍ଗିନାୟି

(ମାର୍କ ୧୬:୧-୧୦; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାତି ତାୟୁ ଖାଡାତି ତଲିତି ଦିନାତା ଲାଲ ଲାଇସିଏ ମଗ୍ଦଲିନି ମରିୟମ ଅଡେ ଏଟକାତି ମରିୟମ ମାଡହା ମୁହନି ଟାମୁଟି ସିନିକିହାଲି ହାରୁ । ୨ ଅଡେ ମେହଦୁ ଏ ଦେବୁଣିଏ ବୁମି ଖୀଡିତେ, ଇଟିହିଁ ମାହାପୁରୁତି ର ଦୁଡୁ ଲାକପୁରୁଟି ରେଟାଝାହାନା ଏ ଖାଲିତି ଗୁଟି କିହାନା ଏଡାଣି ଲାକ କୁଗିତେସି । ୩ ତାନି ଖାଣା ମିଶସିମାନି ହାଗୁଲେହେଁ ମାଚେ ଅଡେ ତାନି ହିମ୍ବର ପେଣ୍ଡିଲେହେଁ ଦବ୍‌ଲା ମାଚେ । ୪ ଇଞ୍ଜା କାଃଆନାରି ଆଜିତାକି ତୀର୍‌ଗିହିଁ ହାଡିଲେହେଁ ଆଡେତରି ।

୫ ସାମା ଦୁଡୁ ଇୟାସିକାଣି ଏଲେଇଚେସି, “ମୀରୁ ଆଜାଆଦୁ, ଇଟିହିଁ ମୀରୁ ପାସି ମୁଣ୍ଡାତା ହାଡ଼ି ଜୀସୁଇଁ ପାରିମାଞ୍ଜେରି, ଏଡାଆଁ ନାନୁ ପୁଞ୍ଜିମାଇଁ ।” ୬ ଏଝାସି ଇମ୍ବାଆଁ ହିଲଅସି; ଇଟିହିଁ ଏଝାସି ଏନିକିଁ ଖେସାମାଚେସି, ଏଲେକିହିଁଏ ନିଙ୍ଗାମାନେସି, ଖାଦୁ ଏଝାସି ଆମିନି ଟାମୁଟା ତୁରାମାଚେସି ଏ ଟାମୁଟି ସିନିକିଦୁ । ୭ ଅଡେ ମୀରୁ ତବେ ହାଜାନା ତାମି ସୀସୁୟାଁଣି ଖେହ୍‌ଦୁ, ଏଝାସି ହାଡ଼ାରି ତାଣାଟି ନିଙ୍ଗାମାନେସି, ଅଡେ ମେହଦୁ ଏଝାସି ମୀ ନକି ନକିତା ଗାଲିଲିତା ହାଜିମାନେସି, ଏମ୍ବାଆଁ ମୀରୁ ଏଝାଣାଇଁ ମେହ୍‌ଦେରି; ନାନୁ ଖେସ୍ତାତାଣି ଅଣପାଦୁ ।

୮ ଏମ୍ବାଟିଏ ଆଜି ଅଡେ ରାହାଁଟି ମାହଣି ମାଣ୍ଡାଟି ତବେ ହାଜାନା ତାମି ସୀସୁୟାଁଣି ଖେସାଲି ଦାବଡ଼ି ହଟୁ ।

୯ ଅଡେ ମେହଦୁ ଜୀସୁ ଏଝାସିକାଣି ବେଟାଆହାନା ଏଲେଇଚେସି, “ମିଙ୍ଗେ ହିଡ଼ି ଆୟାପେ” ଏମ୍ବାଟିଏ ଏଝି ତାଗେ ଖାହାନା ଏଝାଣି କତାୟାଁ ଆସାନା ଏଝାଣାଇଁ ଜହରା କିତୁ । ୧୦ ଏଚେଟିଏ ଜୀସୁ ଏଝାସିକାଣି ଏଲେଇଚେସି, “ଆଜାଆଦୁ, ମୀରୁ ହାଜାନା ନା ତାୟିୟାଁଇଁ ଖେହ୍‌ଦୁ, ଏଝାରି ଗାଲିଲିତା ହାଲାପେରି; ଏମ୍ବାଆଁ ଏଝାରି ନାଙ୍ଗେ ମେସ୍ତାନେରି ।”

ମାହଣି ମାଣ୍ଡା କାଃଆନାରି

୧୧ ଆୟାସିକା ହାଜିମାଟାଟି, କାପୁ କାଟାମାଟି କସକା ବିତ୍ରାଟି ଏଚରଜାଣା ଗାଡ଼ାତା ହାଜାନା ଏ ବାରେ ଗଟଝି ଆଡାଣି କାଜା ପୂଜେରାଙ୍ଗାଣି ଖେସ୍ତେରି । ୧୨ ଏଝାରି ଲକୁଡି କାଜାରି ତଲେ ରୁଣ୍ଡା ଆହାନା ଅଣ୍ଡିହିଁ କାତା

☆ ୨୭:୨୩ ୨୭:୨୩ ମାତି ୧୬:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩

ତୀରିକିତି ତାୟୁ, ଏ କସକାକି ହାରେକା ଟାକାୟାଁ ହୀହାନା
ଏଲେଇଚେରି, ^{୧୩} “ମୀରୁ ଏଲେଇଞ୍ଜୁ, ମାୟୁ ତୁରାମାତି
ବେଲାତା ତାମି ସୀସୁୟାଁ ଲାଆଁୟାଁ ଖାହାନା ଏଞ୍ଜାଣାଇଁ
ସରୁ ଆହାନା ଅଡେରି । ^{୧୪} ଅଡେ ଇ କାତା ସାଲୁଞ୍ଜି
କିନାଣି କିୟୁଁ ତୁ ହାରିହୁଁ, ମାୟୁ ଏଞ୍ଜାଣାଇଁ ନେହୁଁ କୁଁ
ଝେସାନା ମୀ ଅଶ୍ପୁଟି ପିସ୍ପି କିୟାନମି ।”

^{୧୫} ଏଞ୍ଜାରି ଟାକାୟାଁ ଅହାନା ଏନିକୁଁ ହୁକୁମି ବେଟାଆହା
ମାଚେରି, ଏଲେକିହୁଁ କିତେରି । ଏଦାଆଁତାକି ଇ କାତା
ଜୀହୁଦି ଲକୁତାଣା ଝେଙ୍ଗା ହାଜାନା ନୀଏଁ ପାତେକା ମାନେ
।

ଜୀସୁ ତାନି ସୀସୁୟାଁଇଁ ତଞ୍ଜା ଆନାୟି

(ମାର୍କ ୧୪:୩-୯; ଜହ ୧୨:୧-୮)

^{୧୬} ✧ ସୀମା ଏଗାର ଜାଣା ସୀସୁୟାଁ ଗାଲିଲିତା ହାଜାନା,
ଜୀସୁ ଆମିନି ହରୁ କାତା ଏଞ୍ଜାରିଇଁ ଝେସାମାଚେସି, ଏ
ହରୁତା ହାଚେରି । ^{୧୭} ଅଡେ ଏଞ୍ଜାରି ଏଞ୍ଜାଣାଇଁ ମେସାନା
ଜହରା କିତେରି, ସୀମା ଆମ୍ବା ଆମ୍ବାଆରି ନାମାଆତେରି
। ^{୧୮} ଇଞ୍ଜାଁ ଜୀସୁ ଏଞ୍ଜାରି ତାଗେ ଖାହାନା ଏଲେଇଚେସି,
“ଲାକପୁରୁ ଅଡେ ଦାର୍ତ୍ତିତି ଅଦିକାରା ନାଙ୍ଗେ ମେଡା
ଆହାମାଞ୍ଜାନେ । ^{୧୯} ✧ ଏଦାଆଁତାକି ମୀରୁ ହାଜାନା ବାରେ
କୁଡାତି ଲକୁଣି ଆବା, ମୀରଏସି ଅଡେ ସୁଦୁଜୀଞ୍ଜୁ ଦରୁଟି
ବାପ୍ତିସ୍ତୁ* ହୀହାନା, ^{୨୦} ନାନୁ ମିଙ୍ଗେ ହୀହାମାଞ୍ଜାନି ହୁକୁମି
ବାରେ ମାନୁଞ୍ଜି ଆହାଲି ଜାପୁହାନା ଏଞ୍ଜାରିଇଁ ନା ସୀସୁୟାଁ
କିଦୁ; ମେହୁଦୁ ଜୁଗୁ ରାନି ପାତେକା ନାନୁ ବାରେବେଲା ମୀ
ତଲେ ମାଞ୍ଜେ ମାଞ୍ଜାଇଁ ।”

ମାର୍କ ଲିଖିତ ସୁସମାଚାର ମାର୍କ ରାଫାମାନି ନେହଁ କାରୁ ମୂଲୁ ହାଡ଼ା

ଜୀସୁ କ୍ରୀସ୍ତତି ଜୀସୁ ଅଡ଼େ ଇ ଦାରତିତା ମାତି ତାନି କାତା ମାର୍କ ରାଫାମାନି ନେହଁ କାରୁ; ପୁଃନି ମେରାତି ସାରିଗଟା ନେହଁ କାରୁ ପତିୟା ବିତ୍ରାଟି ଇଦି ଆହିମାନେ ର ପତି । ଏ ବାରେ ନେହଁ କାରୁ ଇନେରି । ଏ ପତିୟା ଜୀସୁ କ୍ରୀସ୍ତ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଫାମାଚେରି । ମାର୍କ ରାଫାମାନି ନେହଁ କାରୁ ସାରିଗଟା ନେହଁ କାରୁ ବିତ୍ରାଟି ବାରେତି କିହାଁ ସରୁ କାରୁ । ଇ ନେହଁ କାରୁ ବାରେ କିହାଁ ନବେଏ ଇତିହଁ ଜୀସୁ ଜାର୍ନାଆଡ଼ି ତାୟୁ ୬୫-୭୦ ବାର୍ଯା ବିତ୍ରା ରାସ୍କି ଆହାମାନେ ଇଞ୍ଜି ବାଇବଲ ପୁତି ବୁଦିଗାଟାରି ଏଲେଇଞ୍ଜିମାନେରି । ରମ୍ ଗାଡ଼ାତା ମାତି କ୍ରୀସ୍ତାନା ଲକୁଣି ରାହାଁ କିହାଲିତାକି ଇ ପତି ରମ୍ ଗାଡ଼ାତା ରାଫାମାଚେରି ।

ମାର୍କ ଅଡ଼େ ଦରୁ ଜହନ ମାର୍କ, ଏଞ୍ଜାସି ପାଞ୍ଜୁଲ ଅଡ଼େ ବର୍ନବା ତଣେ ମାଚେସି । ସାମା ଏଞ୍ଜାସି ସେବା କାମାତାକି ହାଲାଆଲିଏ ଏଞ୍ଜାଣି ମନ ଉଣା ଆହାମାଚେ କାମା ୧୩:୧୩ । ମାର୍କ ଅଡ଼େ ଖେଣ୍ଡେ ବର୍ନବା ତଲେ ସେବା କାମାତା ହାଚେସି କାମା ୧୫:୩୭-୩୯ । ମାର୍କ ପିତରତି ନେହଁ ଜାରୁ ମାଚେସି ୧ପିତ ୫:୧୩ । ମାର୍କ ଜୀସୁ କ୍ରୀସ୍ତତି ଜୀସୁତି କାତା କି ସେବା କାମାତି ମେସା ହିଲାଆଚେସି, ବୁଦିଗାଟାରି ନାମିମାନେରି ମାର୍କ ରାଫାମାନି ନେହଁ କାରୁତା ପିତରତି କାତା ହାଚେକା ରାଫାମାନେସି । ମାର୍କ ସୀସୁୟାତି କାମା ଇଞ୍ଜା ଜୀସୁ ରାନ୍ଦି ଦିନାତି କାତା ଜାପ୍ନାଣି ରାଫାମାନେସି ।

ପତିତା ମାନାୟି

- ୧. ମାର୍କ ପତିତି ମୂଲୁ ହାଡ଼ା । ୧:୧-୧୩
- ୨. ଗାଲିଲିତା ଜୀସୁ କ୍ରୀସ୍ତତି ସେବା କାମା । ୧:୧୪-୮:୨୧
- ୩. ଜୀସୁ କ୍ରୀସ୍ତ ଜିରୁସାଲମତା ହାନାୟି । ୮:୨୨-୧୦:୫୨
- ୪. ଜିରୁସାଲମତି କାତା, ଜୀସୁ କ୍ରୀସ୍ତ ହାନି କାତା ଅଡ଼େ ଖେଣ୍ଡେ ନିଜିନି କାତା ରାଫାନା ରାପ୍ନାୟି । ୧୧:୧-୧୬:୨୦

ବାପ୍ତିସ୍ମା* ହାନି ଜହନ ଖେକ୍ନାୟି
(ମାତି ୩:୧-୧୨; ଲୁକ ୩:୧-୧୮; ଜହ ୧:୧୯-୨୮)

୧ ମାହାପୁରୁ ମୀରଏସି ଜୀସୁ କ୍ରୀସ୍ତତି ନେହଁ କାରୁ ଇଲେକ୍ ଆଡ଼େ, ୨ ମାହାପୁରୁ ଅଣ୍ଡପୁତି ବଲୁ ଖେହ୍ନି ଜିସାୟ ସାସ୍ତେରିତା ଏନିକ୍ ରାସ୍କି ଆହାମାନେ; “ମାହାପୁରୁ ଏଲେଇଞ୍ଜି ମାନେସି, ମେହ୍ନୁ ନାନୁ ନା କାରୁ ଖେହ୍ନାଣାଲ୍ ନୀ ନକିତା ପାଣ୍ଡିମାଞ୍ଜାଲ,

* ୧: ୧:୧ ମୁଞ୍ଜିନାୟି † ୧:୪ ୧:୪ ମୁଞ୍ଜିନାୟି ‡ ୧:୪ ୧:୪ ମୁଞ୍ଜିନାୟି
 † ୧:୮ ୧:୮ ମୁଞ୍ଜିନାୟି § ୧:୮ ୧:୯ ମୁଞ୍ଜିନାୟି * ୧:୯ ୧:୯ ମୁଞ୍ଜିନାୟି
 ୧:୧୫ ମାତି ୩:୨

ଏଞ୍ଜାସି ନିଜେତାକି ଜିରୁ ତିୟାରା କିନେସି;
 ୩ ଲକୁ ହିଲାଆ ଟାୟୁତା ରଅଣି ହାଡ଼ା ଖେଜିମାନେ,
 ପ୍ରବୁତି ଜିରୁ ତିୟାରା କିଦୁ,
 ଏଞ୍ଜାସି ତାକାଲି ତାକି ଜିରୁ ତିୟି କିଦୁ ।”

୪ ଏମ୍ବାଟିଏ ବାପ୍ତିସ୍ମା* ହାନି ଜହନ ଲକୁ ହିଲାଆ ଟାୟୁତା ଖାହାନା ବଲୁ ଖେକ୍ହେସି, ଅଡ଼େ ବାପ୍ତିସ୍ମା* ହାହାନା ଏଲେଇଚେସି, “ଜାହାରା ପାପୁତି ପିସ୍ପି ଆୟାଲିତାକି ମନ ଖେହ୍ନାଣା ବାପ୍ତିସ୍ମା* ଅଦୁ, ଆତିହଁ ମାହାପୁରୁ ମୀ ପାପୁ ମେକ୍ହାହାନେସି ।” ୫ ଏମ୍ବାଟିଏ ଜୀହୁଦା ଦେସା ଇଞ୍ଜା ଜିରୁସାଲମ ଗାଡ଼ାତି ବାରେ ଲକୁ ତାନି ତାଣା ଖାହାଲି ମାଟ୍ହେରି, ଇଞ୍ଜା ତାମ୍ ତାମି କିତି ପାପୁତି ଖେସାନା ଏଞ୍ଜାଣି ତାଣାଟି ଜର୍ଦନ କାତାତା ବାପ୍ତିସ୍ମା* ଅଡ଼େରି ।

୬ ଜହନ ଉରୁ ବାଣାୟା ତଲେ କେପିତି ହିମ୍ବରିକା ତୁରହିମାଚେସି, ଅଡ଼େ ଟେଡେଲିତା ର ତଲୁତି ବୁଡ଼ପା ମାଡ଼ା କିହାଁ ଦସା କଡ଼ିଚେସି, ଗପ୍ସରିକା ଅଡ଼େ ଜାଡ଼ାତି କ୍ରିୟା ଏଞ୍ଜାଣି କାଦି ମାଚେ । ୭ ଜହନ ଏଲେଇଞ୍ଜି ଖେକ୍ହାଲି ମାଟ୍ହେସି, “ଆମ୍ବାଆସି ନା କିହାଁ ହାଚେକା ବାଡ଼ୁୟୁ ଗାଟାସି ଏଞ୍ଜାସି ନା ତାୟୁ ଖାହିମାନେସି; ନାନୁ ମେଣ୍ଡାକୁତାନା ଏଞ୍ଜାଣି ସେପୁୟାତି ତୁର୍କା ଜିକେଏ ହୁକ୍ହାଲି ପାଡ଼ାଆଅଁ । ୮ ନାନୁ ମିଜେ ଏୟୁତଲେ ବାପ୍ତିସ୍ମା* ହାହିମାଞ୍ଜାଲ୍, ସାମା ଏଞ୍ଜାସି ମିଜେ ସୁଦୁଜୀସୁ ତଲେ ବାପ୍ତିସ୍ମା* ହିୟାନେସି ।”

ଜୀସୁ ବାପ୍ତିସ୍ମା* ଅନାୟି ଇଞ୍ଜା ତାୟିପାରି କିଞ୍ଜି ଆନାୟି
(ମାତି ୩:୧୩; ୪:୧-୧୧; ଲୁକ ୩:୨୧-୨୨; ୪:୧-୧୩)

୯ ଏତିବେଲାତା ଜୀସୁ ଗାଲିଲିତି ନାଜରିତତି ଖାହାନା ଜର୍ଦନ କାତାତା ଜହନ ତାଣାଟି ବାପ୍ତିସ୍ମା* ଅଚେସି । ୧୦ ଜୀସୁ ଏୟୁତି ନିଜା ଖାହିମାଚାଟି ଦେବୁଣିଏ ଲାକପୁରୁ ଦେପି ଆଡ଼େ ଇଞ୍ଜା ସୁଦୁଜୀସୁ ପାର୍ଖା ପଟାଲେହେଁ ତାନି ଲାକ ରେଚା ଖାହିମାଚାଣି ମେସ୍ତେସି । ୧୧ ଅଡ଼େ ଲାକପୁରୁଟି ଇ ହାଡ଼ା ଆଡ଼େ, “ନୀନୁ ନା ଜୀସୁତି ମୀରଏଶାତି, ନୀ ତାଣେଏ ନା ହାଚେକା ରାହାଁ ମାନେ ।” ୧୨ ଏ ଦେବୁଣିଏ ସୁଦୁଜୀସୁ ଏଞ୍ଜାଣାଲ୍ ଲକୁ ହିଲାଆ ଟାୟୁତା ଅଡ଼େ, ୧୩ ଜୀସୁ ଲକୁ ହିଲାଆ ଟାୟୁତା ରୀ କଡ଼ି ଦିନା ପାଚେକା ତୁୟାନା ସୟତାନ ତାଣାଟି ତାୟିପାରି କିଞ୍ଜିଆଡ଼େସି; ଏଞ୍ଜାସି ଜାଡ଼ାତି ଜନ୍ତ ତଲେ ତୁୟିଚେସି, ଇଞ୍ଜା ଲାକପୁରୁଟି ଦୁତୁୟା ଖାହାନା ଏଞ୍ଜାଣି ସେବା କିହିମାରୁ ।

ଜୀସୁ ସାରି ଜାଣା ମୀଶ୍ଟକା ଆହ୍ନାରାଲ୍ ହାଡ଼ିନାୟି
(ମାତି ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୪ ଜହନଲ୍ କାୟିଦି ଇଲୁତା ଇଟାଲିଏ ଜୀସୁ ଗାଲିଲିତା ଖାଡ଼େସି ଇଞ୍ଜା ମାହାପୁରୁତି ନେହଁ କାରୁ ଖେକ୍ହେସି । ୧୫ “କାଲା ଏଜିମାଞ୍ଜାନେ, ଲାକପୁରୁ ରାଜି ଏଗାଞ୍ଜାହିମାନେ, ପାପୁତି ପିସାନା ମନ ଖେହ୍ନୁ ଇଞ୍ଜା ମାହାପୁରୁତି ନେହଁ କାରୁତି ନାମାଦୁ ।”

§ ୧:୪ ୧:୪ ମୁଞ୍ଜିନାୟି * ୧:୫ ୧:୫ ମୁଞ୍ଜିନାୟି † ୧:୮ ୧:୮ ମୁଞ୍ଜିନାୟି
 ☆ ୧:୧୧ ୧:୧୧ ମାତି ୩:୧୭; ୧୨:୧୮; ମାର୍କ ୯:୭; ଲୁକ ୩:୨୨ ☆ ୧:୧୫

୧୭ ଜୀସୁ ଗାଲିଲି ସାମୁଦ୍ରି ଗାଟୁଟି ହାଜିମାଟାଟି ସିମନ ଅଡ଼େ ତାମି ତାୟି ଆନ୍ଦ୍ରିୟଙ୍କ ସାମୁଦ୍ରିତା ମାଣକା ଜାଲା ମେଡ଼ହି ମାଟାଣି ମେସ୍ତେସି, ଇଚିହିଁ ଏଞ୍ଜାରି ମାଣକା ଆହନାରି ମାଚେରି । ୧୭ ଜୀସୁ ଏଞ୍ଜାରାଇଁ ହାଟାନା ଏଲେଇଚେସି, “ନା. ଜେଚ ଖାତୁ ନାନୁ ମିଙ୍ଗେ ଲକୁଣି ଆହନାଣି ଜାପୁହାଇଁ ।” ୧୮ ଏଞ୍ଜାରି ଦେବୁଣିଏ ଜାଲାୟା ପିସାନା ଜୀସୁତି ଜେଚ ହାଚେରି ।

୧୯ ଏଚେଟିଏ ଜୀସୁ ହିରେ ହେକ ହାଜାଲିଏ ଜେବଦି ମୀରକା ଜାକୁବ ଇଞ୍ଜା ତାମି ତାୟି ଜହନଙ୍କ ତଂଗତା ଜାଲା ମୁଦା କିହିମାଟାଣି ମେସ୍ତେସି । ୨୦ ମେସ୍ତେସିଏ ଜୀସୁ ଏଞ୍ଜାରାଇଁ ହାଟିଚେସି, ଇଞ୍ଜା ଏଞ୍ଜାରି ତାମି ଆଟା ଜେବଦିଙ୍କ ହଲିୟାଙ୍ଗା ତଲେ ତଂଗତା ପିସାନା ଜୀସୁ ଜେଚ ହାଚେରି ।

ବୃତ୍ତ ଆଲଗା ମାଟାସି
(ଲୁକ ୪:୩୧-୩୭)

୨୧ ଜୀସୁ ଅଡ଼େ ତାମି ସୀସୁୟା କପରନାହୁମ ଗାଡ଼ାତା ଖାଡ଼େରି, ଇଞ୍ଜା ଅର ନେରୁ ଜମିନି ଦିନା ମାଟାକି ଜୀସୁ ଜୀହୁଦି ଲକୁତି କୁଟମି ଇଲୁତାଁ ହାଜାନା ଜାପୁହାଲି ମାଟୁହେସି । ୨୨ ଈଲକୁ ତାନି ଜାପୁନାଣି ଖେଞ୍ଜାନା କାବା ଆହାହାଚେରି; ଇଚିହିଁ ଏଞ୍ଜାସି ସାସ୍ତେରି ଖେହନାରି ଲେହେଁ ଜାପୁଆନା ଅଦିକାରା ବେଟାଆହାମାନି ଲେହେଁ ଜାପୁହି ମାଚେସି ।

୨୩ ଜୀସୁ ଜାପୁହି ମାଟିବେଲାତା ଜୀହୁଦି ଲକୁତି କୁଟମି ଇଲୁଟିଃ ର ବୃତ୍ତ ଆଲଗା ମାଟାସି କାଲୁଝି ଆହିଁ ଏଲେଇଚେସି, ୨୪ “ଏ ନାଜରିତତି ଜୀସୁ ନୀ ତଲେ ମାଙ୍ଗେ ଏନି କାମା ମାନେ, ନାନୁ କି ମାଙ୍ଗେ ନାସା କିହାଲି ଇମ୍ବାଆଁ ଖାହାମାଞ୍ଜି ? ନାନୁ ଆମ୍ବାଆତି ନାନୁ ପୁଞ୍ଜାମାଇଁ; ନାନୁ ମାହାପୁରୁ ତାଣାଟି ଖାହାମାନି ଏ ସୁଦୁ ମାଣସିତି ।”

୨୫ ଜୀସୁ ଏଦାନି ଦାକା ହାହାନା ଏଲେଇଚେସି, “ପାଲେଏ ଆମ୍ବୁ ଇଞ୍ଜା ଇଞ୍ଜାଣି ତାଣାଟି ହଟାହାଲାମୁ ।”

୨୬ ଏଚେଟିଏ ଏ ପଲୁଆ ବୃତ୍ତ ଏଞ୍ଜାଣାଇଁ ମୁଡ଼ମୁଡ଼ା କିହାନା, କାଜା ଗିୟାତଲେ କିରୁଡ଼ିହିଁ ଏଞ୍ଜାଣି ତାଣାଟି ହଟାହାଚେ । ୨୭ ଏମ୍ବାଟିଏ ବାରେଜାଣା ହାରେକା କାବା ଆଡ଼େରି, ଇଞ୍ଜା ଇଲେକିଁ ଜଲୁକି ଆଡ଼େରି, “ଇଦି ଏନିଲେହେଁତାୟି ? ଇଦି ଅଦିକାରା ବେଟାଆହାମାନି ଲେହେଁତି ପୁଞ୍ଜି ଜାପୁନାୟି, ଏଞ୍ଜାସି ପଲୁଆ ବୃତ୍ତୟାଁଇଁ ଜିକେଏ ହୁକୁମି ହାହିମାନେସି, ଅଡ଼େ ଏଞ୍ଜି ଏଞ୍ଜାଣି କାତା ଆସିମାନୁ ।”

୨୮ ଏମ୍ବାଟିଏ ଏଞ୍ଜାସି କିତି କାମାତି କାରୁ ଏ ରେଟୁଏ ଗାଲିଲି ରାଜିତି ସାରିଞ୍ଜାକିତି ନାସ୍ତକାଣାଁ ଖେଙ୍ଗାହାଚେ ।

ଜୀସୁ ହାରେକା ଲକୁଣି ନେହିଁ କିନାୟି
(ମାତି ୮:୧୪-୧୭; ଲୁକ ୪:୩୮-୪୧)

୨୯ ଏମ୍ବାଟିଏ ଏଞ୍ଜାରି ଜୀହୁଦି ଲକୁତି କୁଟମି ଇଲୁଟିଃ ହଟାନା ଜାକୁବ ଅଡ଼େ ଜହନ ତଲେ ଏ ଦେବୁଣିଏ ସିମନ

ଇଞ୍ଜା ଆନ୍ଦ୍ରିୟ ଇଜ ହାଚେରି । ୩୦ ସିମନ ପୟା ନମେରି ତାକି ତୁରାମାଚେ, ଅଡ଼େ ଏଞ୍ଜାରି ଏଦାଣି କାତା ରେଟୁଏ ଜୀସୁଙ୍କ ଖେସ୍ତେରି । ୩୧ ଏମ୍ବାଟିଏ ଏଞ୍ଜାସି ତାଗେ ହାଜାନା ତାନି କେୟୁ ଆସାନା ଏଦାନି ନିକ୍ହେସି, ଅଡ଼େ ଏଦାନି ନମେରି ପିସ୍ତେ, ଇଞ୍ଜା ଏଦି ଏଞ୍ଜାରି ସେବା କିଚେ ।

୩୨ ମିଡ଼ଅଲ୍ଲା ବେଲା ଖେଡ଼ା କୃତହାଲିଏ ଲକୁ ରଗ ଗାଟାରାଇଁ ଇଞ୍ଜା ବୃତ୍ତୟାଁ ଆଲଗା ମାଟାରାଇଁ ଜୀସୁ ତାଣା ତାଚେରି, ୩୩ ଇଞ୍ଜା ଗାଡ଼ାତାରି ବାରେ ଜୀସୁ ମାଟି ଇଲୁ ଦୁଖେରିତା ରୁଣ୍ଡା ଆଡ଼େରି । ୩୪ ଏମ୍ବାଟିଏ ଜୀସୁ ବାରେଲେହେଁତି ରଗ ଗାଟାରାଇଁ ନେହିଁ କିଚେସି, ଇଞ୍ଜା ହାରେକା ବୃତ୍ତଣି ପିସ୍ପି କିଚେସି, ଇଞ୍ଜା ଏଞ୍ଜାସି ବୃତ୍ତୟାଁଣି ଜଲୁଲି ହାଆଚେସି, ଇଚିହିଁ ଏଞ୍ଜି ଏଞ୍ଜାଣାଇଁ ପୁଞ୍ଜିମାଟୁ ।

ଜୀସୁ ଗାଲିଲିତା ମାହାପୁରୁ କାତା ଖେକ୍ନାୟି
(ଲୁକ ୪:୪୨-୪୪)

୩୫ ଖେୟାଆ ମାଟାଟିଏ ଆନ୍ଦେରି ମାଞ୍ଜା ମାଞ୍ଜାନା ଏଞ୍ଜାସି ନିଙ୍ଗା ହଟା ହାଜାନା ର ଲକୁ ହିଲାଆ ଟାୟୁତା ହାଜାନା ପ୍ରାତାନା କିହିମାଚେସି । ୩୬ ସିମନ ଇଞ୍ଜା ତାନି ଆଡ଼ିହିତାରି ଏଞ୍ଜାଣାଇଁ ପାରାଲି ମାଟୁହେରି, ୩୭ ଏଞ୍ଜାଣାଇଁ ବେଟାଆହାନା ଏଲେଇଚେରି, “ବାରେଜାଣା ନିଙ୍ଗେ ପାରିମାଞ୍ଜାନେରି ।”

୩୮ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଖାତୁ ମାର ଏଟକା ଗାଡ଼ାତା, ଇଚିହିଁ ଦାରିମାରି ନାସ୍ତକାଣାଁ ହାନ; ଏମ୍ବାଆଁ ଜିକେଏ ନାନୁ ମାହାପୁରୁଟି ବଲୁ ଖେକ୍ନାଇଁ, ଇଚିହିଁ ଏଦାଆଁତାକି ନାନୁ ଖାହାମାଇଁ ।”

୩୯ ଈଞ୍ଜା ଜୀସୁ ବାରେ ଗାଲିଲି ନାସ୍ତକାଣାଁ ରେଜି ରେଜିହିଁ ଏଞ୍ଜାରି ବାରେ ଜୀହୁଦି ଲକୁତି କୁଟମି ଇଲୁକାଣା* ମାହାପୁରୁ ବଲୁ ଖେକ୍ନେସି ଇଞ୍ଜା ବୃତ୍ତୟାଁଣି ପିସ୍ପି କିଚେସି ।

କାଜା ରଗ ଗାଟାଣାଇଁ ଜୀସୁ ନେହିଁ କିନାୟି
(ମାତି ୮:୧-୪; ଲୁକ ୫:୧୨-୧୬)

୪୦ ଏମ୍ବାଟିଏ ର କାଜା ରଗ ଗାଟାସି ଜୀସୁ ତାଣା ଖାହାନା ମେଣ୍ଡାକୁତାନା ବାଡ଼ିମାଲିହିଁ ଜୀସୁଙ୍କ ଏଲେଇଚେସି, “ନାନୁ ମନ କିତିହିଁ ନାଙ୍ଗେ ନେହିଁ କିହାଲି ଆଡ଼ାଦି ।”

୪୧ ଏମ୍ବାଟିଏ ଜୀସୁ ଏଞ୍ଜାଣାଇଁ କାର୍ନା ମେସ୍ତେସି, ଇଞ୍ଜା କେୟୁ ଦାସାନା ଏଞ୍ଜାଣାଇଁ ତୀଗାନା ଏଲେଇଚେସି, “ନାନୁ ମନ କିହିମାଇଁ ନାନୁ ନେହିଁ ଆମ୍ବୁ ।” ୪୨ ଏ ଦେବୁଣିଏ ଏଞ୍ଜାଣି ତାଣାଟି କାଜା ରଗ ଗୁଟାଆଡ଼େ, ଇଞ୍ଜା ଏଞ୍ଜାସି ନେହିଁ ଆଡ଼େସି । ୪୩ ଇଞ୍ଜା ଏଞ୍ଜାସି ଏଞ୍ଜାଣାଇଁ ଜାଣ୍ଡେ ହୁକୁମି ହାହାନା ଖେସା ପାଣ୍ଡିଚେସି, ୪୪ “ଜାଗୁତା ଆମ୍ବାଆରାଇଁ ଏନାଆଁ ଖେହଆନି, ସାମା ହାଲାମୁ ଇଞ୍ଜା ପୂଜେରା ତାଣା ହାଜାନା ନିଙ୍ଗ ତସାକତାମୁ, ଇଞ୍ଜା ମସା ଆମିନି ମେରା ହାହାମାନେସି ଏଦାଆଁ ଲକୁ ନକିତା ନେହିଁ ଆଡ଼ାକି ସାକି ହାନିଲେହେଁ ହେର୍ପାମୁ ।”

† ୧:୨୧ ୧:୨୧ ସିନଗଗ୍ ☆ ୧:୨୨ ୧:୨୨ ମାତି ୭:୨୮,୨୯ ‡ ୧:୨୩ ୧:୨୩ ସିନଗଗ୍ § ୧:୨୯ ୧:୨୯ ସିନଗଗ୍ ☆ ୧:୩୯ ୧:୩୯ ମାତି ୪:୨୩; ୯:୩୫
* ୧:୩୯ ୧:୩୯ ସିନଗଗ୍

୪୫ ସାମା ଏଝାସି ପାଙ୍ଗାତା ହାଜାନା ତାନୁ ନେହିଁ ଆଡ଼ି କାତାତି ସାରିଝାକି ଝେକହାଲି ମାଟ୍‌ହେସି, ଇଞ୍ଜା ଜୀସୁ ଆମିନି ଗାଡ଼ାତା ପୁଣ୍ଡେ ହଡ଼ାଲି ଆଡ଼ାଆତେସି, ସାମା ପାଙ୍ଗାତା ଲକୁ ହିଲାଆ ଟାମ୍ଲାଣା ଡୟିତେସି; ଅଡ଼େ ସାରି ଝାକିଟି ଲକୁ ଜୀସୁ ତାଣା ଝାହାଲି ମାଟ୍‌ହେସି ।

୨

ଜୀସୁ ଟଟ ଝାୟିତାଣାଇଁ ନେହିଁ କିନାୟି
(ମାତି ୯:୧-୮; ଲୁକ ୫:୧୭-୨୬)

୧ ଏତରଦିନା ଆୟାଲିଏ ଜୀସୁ କପରନାହୁମତା ଝେଣ୍ଡେ ହାଚେସି, ଇଞ୍ଜା ଏଝାସି ଇଜ ମାନେସି ଇଞ୍ଜିଁ ସାରିଝାକି ଝେଙ୍ଗାହାଚେ । ୨ ଏମ୍ବାଆଁ ଇଚେକା ଲକୁ ରୁଣ୍ଡା ଆଡେରି ଇଞ୍ଜା ଦୁଝେରିତା ଜିକେଏ ଟାୟୁ ହିଲାଆତେ, ଇଞ୍ଜା ଏଝାସି ଏଝାରାଇଁ ମାହାପୁରୁ କାତା ଝେକହେସି । ୩ ଏମ୍ବାଟିଏ ସାରି ଜାଣା ର ଟଟ ଝାୟିତାଣାଇଁ କାଚେଲିତା ଜୀସୁ ତାଣା ଡେକା ତାଚେରି । ୪ ସାମା ହାଚେକା ଲକୁ ମାଟାକି ଏଝାଣି ତାଣା ତାଚାଲି ଆଡ଼ାଆତେରି, ଇଞ୍ଜା ଆମିନି ଟାୟୁତା ଜୀସୁ ମାଚେସି, ଏମ୍ବାଆଁ ଇକୁଡି ଡେପରି ରିକହେରି, ଇଞ୍ଜା ଏ ଟଟ ଝାୟିତାଣାଇଁ କାଚେଲି ଝେଣ୍ଡେଏ ଇକୁ ବିତ୍ରା ରେପହେରି । ୫ ଜୀସୁ ଏଝାରି ନାମୁ ମେସାନା, ଏ ଟଟ ଝାୟିତାଣାଇଁ ଏଲେଇଚେସି, “ଏ ମାର୍‌ଏଶା ନୀ ପାପୁ ବାରେ ମେଶଙ୍ଗାହାଚେ ।”

୬ ସାମା ଏମ୍ବାଆଁ ମାତି ଏଚେକା ମେରା ଜାପୁନାରି କୁଗାନା ତାମି ମନତା ଅଶପିହିଁ କାତାବାର୍ତ୍ତା ଆହିମାଚେରି, ୭ “ଇଝାସି ଏନାଆଁତାକି ଏଲେଇଞ୍ଜି ମାନେସି ? ଇଝାସି ମାହାପୁରୁଇଁ ନିନ୍ଦା କିହିମାନେସି; ମାହାପୁରୁ ପିସପେ ଆମ୍ବାଆସି ପାପୁ ମ୍ଲେକହାଲି ଆଡ଼ିନେସି ?”

୮ ଏଝାରି ମନତା ଇଲେକିଁ ଅଶପିମାନାଣି ଜୀସୁ ଦେରୁଣିଏ ଜୀଝୁତା ପୁଞ୍ଜାନା ଏଝାରାଇଁ ଏଲେଇଚେସି, “ମୀରୁ ମୀ ମନ ବିତ୍ରା ଏନାଆଁତାକି ଇଲେକିଁ ଅଶପିମାଞ୍ଜେରି ? ୯ ଏନାଆଁ ଇନାୟି ଉପାସା ? ଏ କାଜା ରଗ ଗାଟାଣାଇଁ ‘ନୀ ପାପୁ ମେଶଙ୍ଗାତେ ଇନାୟି କି ନିଙ୍ଗାମୁ ନୀ କାଚେଲି ଡେକାନା ତାକାମୁ ଇନାୟି ଉପାସା ?’ ୧୦ ସାମା ଦାରଡିତା ପାପୁ ମ୍ଲେକହାଲି ମାଣ୍ଡିସି ମାର୍‌ଏଶା ଅଦିକାରା ମାନେ, ଏଦାଆଁ ନୀଏ ମୀରୁ ପୁଞ୍ଜାଲି ଆଡ଼ିଦେରି ।” ଏଦାଆଁତାକି ଏ ଟଟ ଝାୟିତାଣାଇଁ ଏଲେଇଚେସି, ୧୧ “ନାନୁ ନିଙ୍ଗେ ଝେସିମାଞ୍ଜାଇଁ ନିଙ୍ଗାନା ନୀ କାଚେଲି ଡେକାନା ନୀ ଇଜ ହାଲାମୁ ।”

୧୨ ଏଚେଟିଏ ଏଝାସି ଦେରୁଣିଏ ନିଙ୍ଗାନା କାଚେଲି ଡେକାନା ବାରେଜାଣା ନକିଟି ହଡ଼ାହାଚେସି; ଏଚେଟିଏ ବାରେଜାଣା କାବାଆହାନା ମାହାପୁରୁଡି ଜହରା କିହିଁ ଏଲେଇଚେରି, “ମାମୁ ଇଲେଡି କାବାଆନ୍ତି କାମା ଏଚେଲା ଜିକେଏ ମେସାହିଲାଆତମି ।”

ଜୀସୁ ଲେବିଇଁ (ମାତିୟୁ) ହାଡ଼ିନାୟି
(ମାତି ୯:୯-୧୩; ଲୁକ ୫:୨୭-୩୨)

୧୩ ଜୀସୁ ଅଡ଼େ ଝେଣ୍ଡେ ସାମ୍‌ଦୁରି ଗାଟୁତା ହାଚେସି, ଇଞ୍ଜା ଲକୁ ଏଝାଣି ତାଣା ଝାହାଲିଏ, ଏଝାରାଇଁ ଜାପୁହାଲି ମାଟ୍‌ହେସି । ୧୪ ଅଡ଼େ ଜିରୁଟି ହାଜି ହାଜିହିଁ ଜୀସୁ ଆଲେପି ମାର୍‌ଏସି ଲେବିଇଁ* ସିସୁ ରାହ୍‌ନି ତାଣା କୁଗାମାନାଣି ମେସ୍ତେସି, ଇଞ୍ଜା ଏଝାଣାଇଁ ଏଲେଇଚେସି, “ନା ଜେଟ ଝାମୁ” ଏଚେଟିଏ ଲେବି ନିଙ୍ଗାନା ଏଝାଣି ଜେଟ ହାଚେସି ।

୧୫ ଅଡ଼େ ଜୀସୁ ଲେବି ଇଜ ରାନ୍ଦା ତିଞ୍ଜାଲି କୁଗାମାଟାଟି ହାଚେକା ସିସୁ ରାହ୍‌ନାରି ଇଞ୍ଜା ପାପୁ ଗାଟାରି ତାମି ସୀସୁୟାଁ ତଲେ କୁଗିଚେରି; ଇଚିହିଁ ଏଝାରି ହାଚେକା ମାଚେରି ଇଞ୍ଜା ଏଝାଣି ଜେଟ ହାଜିମାଚେରି । ୧୬ ଜୀସୁ ପାପୁ ଗାଟାରି ଇଞ୍ଜା ସିସୁ ରାହ୍‌ନାରି ତଲେ ତିଞ୍ଜି ମାନେସି, ଇଦାଆଁ ମେସାନା ପାରୁସି ଗଟିଟି ମେରାପୁନାରି ତାମି ସୀସୁୟାଁଣି ଏଲେଇଚେରି, “ଏଝାସି ଏନାଆଁତାକି ପାପୁ ଗାଟାରି ଅଡ଼େ ସିସୁ ରାହ୍‌ନାରି ତଲେ ରାନ୍ଦା ତିଞ୍ଜି ମାନେସି ?”

୧୭ ଜୀସୁ ଇ କାତା ଝେଞ୍ଜାନା ଏଝାରାଇଁ ଏଲେଇଚେସି, “ନେହିଁ ଲକୁତାକି ଅସଗୁରୁ ଲଡ଼ା ହିଲେଏ, ସାମା ରଗ ଗାଟାରିକି ଲଡ଼ାମାନେ; ନାନୁ ଦାମୁ ଲକୁତାକି ଝାହାହିଲଅଁ ସାମା ପାପୁ ଗାଟାରିକି ଝାହାମାଇଁ ।”

ଉପାସା କିନାଣି ଝେହ୍‌ନାୟି
(ମାତି ୯:୧୪-୧୭; ଲୁକ ୫:୩୩-୩୯)

୧୮ ଜହନତି ସୀସୁୟାଁ ଇଞ୍ଜା ପାରୁସିୟାଁ ଉପାସା କିହିମାଟାଟି, ଏଚେକା ଲକୁ ଜୀସୁ ତାଣା ଝାହାନା ଏଲେଇଚେରି, “ଜହନତି ସୀସୁୟାଁ ଇଞ୍ଜା ପାରୁସିୟାଁତି ସୀସୁୟାଁ ଉପାସା କିନେରି, ସାମା ନୀ ସୀସୁୟାଁ ଏନାଆଁତାକି ଉପାସା କିଅରି ?”

୧୯ ଜୀସୁ ଏଝାରାଇଁ ଏଲେଇଚେସି, “ବୀହା ଲକୁତଲେ ବୀହା ହନେଏସି ମାନି ପାଚେକା ବୀହା ଲକୁ ହାକିଟି ମାଞ୍ଜାଲି ଆଡ଼ିନେରିକି ? ବୀହା ହନେଏସି ଏଝାରିତଲେ ମାନି ପାଚେକା ଏଝାରି ଉପାସା କିଅରି । ୨୦ ସାମା ଦିନା ଝାନେ ଏଚିବେଲା ଏଝାରି ତାଣାଟି ବୀହା ହନେଏଶାଇଁ ହପୁହା ଅଡ଼ିସାରେ ଏଚିବେଲା ଏଝାରି ଉପାସା କିନେରି ।”

୨୧ “ଆମ୍ବାଆସି ପୁଞ୍ଜଇ ହିମ୍ବରିତା ପୁଞ୍ଜି ପାସକି ତାଟଅସି; ତାଟିସାରେ ପୁଞ୍ଜଇ ହିମ୍ବରିତା ପୁଞ୍ଜି ପାସକି ମୁଦା ଆହାଁ ଗାଡ଼ି ଗେଞ୍ଜିକିନେ । ୨୨ ଆମ୍ବାଆସି ପୁଞ୍ଜି ଅଞ୍ଜୁରି ରାସା ପୁଞ୍ଜଇ ଡକାତା† ଇଟଅସି; ଇଚିସାରେ ଡକା ଡାୟାହାନେ, ଇଞ୍ଜା ଅଞ୍ଜୁରି ରାସା ଅଡ଼େ ଡକା ରିଣ୍ଡିଝା ନସୁ ଆନୁ, ଏଦାଆଁତାକି ପୁଞ୍ଜି ଅଞ୍ଜୁରି ରାସା ପୁଞ୍ଜି ଡକାତା ଇଚିନାୟି ମାନେ ।”

ଜମିନି ଦିନାତି କାତା ଝେହ୍‌ନାୟି
(ମାତି ୧୨:୧-୮; ଲୁକ ୬:୧-୫)

୨୩ ର ପାଲି ଜୀସୁ ଜମିନି ଦିନା ତାମି ସୀସୁୟାଁ ତଲେ ଗହଁ ଗୁଡ଼ିୟାଟି ହାଜିମାଚେସି, ତାମି ସୀସୁୟାଁ ହାଜି ହାଜିହିଁ ଗହଁୟାଁ ଜେକା ଡାପୁହାଲି ମାଟ୍‌ହେରି । ୨୪ ଏମ୍ବାଟିଏ ପାରୁସିୟାଁ ଜୀସୁଇଁ ଏଲେଇଚେରି, “ମେହ୍‌ମୁ ଜମିନି ଦିନାତା

* ୨:୧୪ ୨:୧୪ ମାତିୟୁ † ୨:୨୨ ୨:୨୨ ତଲୁ ତଲେ କେପିତି ଅଞ୍ଜୁରି ରାସା ଇଚିନି ବାସା ଚୁପୁ

ଏନାଆଁ କିନାୟି ମେରା ହିଲେଏ, ନୀ ସୀସୁୟାଁ ଏନାଆଁତାକି କିହିମାନେରି ?”

୨୫ ଜୀସୁ ଏଝାରାଇଁ ଏଲେଇଚେସି, “ଦାଝୁଦ ଅଡେ ତାନି ତଣେସିଙ୍ଗା ହାକି ଆହାମାଚାଟି ଏଝାରି ଏନାଆଁ କିହାମାଚେରି, ଏଦାଆଁ ମୀରୁ ଏଚେଲା ପଡ଼ଝି ଆହାହିଲଅଚେରି, ୨୬ ଅବିୟତର କାଜା ପୂଜେରା ମାଟିବେଲାତା ଏଝାସି ଏନିକିଁ ମାହାପୁରୁ ଇଲୁତା ହଡାନା ଆମିନି ମାହାପୁରୁକି ହେରପିତି ରୁଟି କାଜା ପୂଜେରାଙ୍ଗା ପିସପେ ଆମ୍ବାଆରି ତିନାଆଗାଟି ମେରା ମାଚେ, ସାମା ଏଦାଆଁ ଦାଝୁଦ ତିଞ୍ଜା ମାଚେସି ଇଞ୍ଜା ତାନି ଆର୍ହି ତାରାକି ଜିକେଏ ତିଞ୍ଜାଲି ହାହାମାଚେସି ।”

୨୭ ତାୟୁ ଜୀସୁ ଏଝାରାଇଁ ଏଲେଇଚେସି, “ଜମିନି ଦିନା ମାଣସିତାକି ଆହାମାନେ; ସାମା ମାଣସି ଜମିନି ଦିନାତାକି ଆହାହିଲଅସି ।” ୨୮ ଏଦାଆଁତାକି ମାଣସି ମୀରୁଏସି ଜମିନି ଦିନାତି ପ୍ରବୁ ଆନେସି ।

୩

ଝାୟିତି କେୟୁଗାଟାସି ନେହୁଁ ଆନାୟି (ମାତି ୧୨:୯-୧୪; ଲୁକ ୬:୬-୧୧)

୧ ଜୀସୁ ଅଡେ ଝେଣ୍ଡେ ଜୀହୁଦି ଲକୁତି କୁଟମି ଇଲୁତା* ହାଚେସି, ଏମ୍ବାଆଁ ରଅସି ମାଚେସି, ଏଝାଣି ର କେୟୁ ଝାୟାହାଜାମାଚେ । ୨ ଜୀସୁ ଏଝାଣାଇଁ ଜମିନି ଦିନାତା ନେହୁଁ କିନେସିକି ଆଏ, ଏଝାଣି କପାଟି ଦହ ଦସାଲିତାକି ଗୁରି କିହାନା ସିନିକିହିମାଚେରି । ୩ ଏମ୍ବାଟିଏ ଜୀସୁ ଆମିନି ଲକୁତି କେୟୁ ଝାୟାହାଜାମାଚେ, ଏଝାଣାଇଁ ଜୀସୁ ଏଲେଇଚେସି, “ଝାମ୍ବା ମାଦି ନିମ୍ବା ।” ୪ ଇଞ୍ଜା ଜୀସୁ ଏଝାରାଇଁ ଏଲେଇଚେସି, “ଜମିନି ଦିନାତା ଏନାଆଁ କିନାୟି ମେରା ମାନେ ? ନେହୁଁ କିନାୟି କି ଲାଗେଏ କିନାୟି ? ଜୀଝୁତି ଗେଲ୍ପିନାୟି କି ନାସା କିନାୟି ?” ସାମା ଏଝାରି ଝେଣ୍ଡେ ହାଡା ଆୟାଲି ଆଡାଆଚେରି ।

୫ ଏମ୍ବାଟିଏ ଜୀସୁ ଏଝାରି ଆଡ଼ଝା ହିୟାତି ମେସାନା ଦୁକୁ ଆଡେସି, ଇଞ୍ଜା କପାଟି ସାରିଝାକି ଏଝାରାଇଁ ସିନିକିହାନା ଏଲେଇଚେସି, “କେୟୁ ଲାକ ଦାହୁମୁ” ଏଝାସି ତାନି କେୟୁ ଦାସପନିଏ ଏଦି ନେହୁଁ ଆହାହାଚେ । ୬ ଏଚେଟିଏ ପାରୁସିୟାଁ ହଡା ହାଜାନା ଜୀସୁଇଁ ପାୟାଲି ତାକି ହେରଦ ଗତିତି ଲକୁତଲେ କାଲ୍ହାନା କାତା ଆଡେରି ।

ସାମଦୁରି ଗାରୁତା ମାନ୍ଦା ଲକୁ

(ମାତି ୪:୨୫; ମାର୍ଚ୍ଚ ୪:୧; ଲୁକ ୫:୧-୩)

୭ ଜୀସୁ ଅଡେ ତାନି ସୀସୁୟାଁ ଗାଲିଲି ସାମଦୁରି ଗାରୁତା ହାଚେରି, ଇଞ୍ଜା ହାଡେକା ଲକୁ ଏଝାଣି ଜେଟ ହାଚେରି; ଏଝାରି ଜୀହୁଦା, ୮ ଗାଲିଲି, ଜିରୁସାଲମ, ଇଦମ, ଜର୍ଦନ ଅରଝାକି, ସର ଅଡେ ସିଦନ ଗାଡ଼ା ଝାକିତି ଲକୁ ତାନି ବାରେ କିତି କାମାତି କାତା ଝେଞ୍ଜାନା ତାନି ତାଣା ଝାଡେରି । ୯ ଏମ୍ବାଆଁ ଇଚେକା ମାନ୍ଦା ଲକୁ ଆଡେରି ଏ ମାନ୍ଦା ଏନିକିଁ ଏଝାଣିଲାକ ଝିହୁଅରି, ଏଦାଆଁତାକି ଏଝାସି ତାନି ସୀସୁୟାଁଣି

ତାଙ୍ଗେତାକି ର ଉଣା ତଂଗ ପାରା ଇଟାଲି ଝେସେସି; ୧୦ ଏଝାସି ହାଡେକା ଲକୁଣି ନେହୁଁ କିହାମାଚାକି ରଗ ଗାଟାରି ବାରେ ଏଝାଣାଇଁ ତାଗାଲି ଏଝାଣି ମୁହେଁ ମୁହେଁ ଆହିମାଚେରି । ୧୧ ଇଞ୍ଜା ପଲ୍ଲଆ ବୁଡୁୟାଁ ଆସାମାନାରି ଏଝାଣାଇଁ ମେସପନିଏ, ଏଝାଣି ନକିତା ରିହାନା କାଲଝି ଆହୁଁ ଏଲେଇଞ୍ଜି ମାରୁ, “ନୀନୁଏ ମାହାପୁରୁ ମୀରୁଏଶାତି ।”

୧୨ ଏଝାସି ଆମ୍ବାଆସି ଇ କାତା ଆମ୍ବାଆରାଇଁ ଝେହୁଆଦୁ ଇଞ୍ଜୁଁ ଜୀସୁ ପଲ୍ଲଆ ବୁଡୁୟାଁଇଁ ଦାକା ହୀହାନା ହୁକୁମି ହୀଚେସି ।

ଜୀସୁ ବାରଜାଣା ସୀସୁୟାଁଣି ଆଡିନାୟି (ମାତି ୧୦:୧-୪; ଲୁକ ୬:୧୨-୧୬)

୧୩ ଜୀସୁ ହରୁ ଲାକ ହାଜାନା ଆମିନି ଗାଟାରାଇଁ ମନ କିଚେସି ଏଝାରାଇଁ ତାଗେ ହାଡିଚେସି, ଇଞ୍ଜା ଏଝାରି ତାଗେ ଝାଡେରି । ୧୪ ଇଞ୍ଜା ଏଝାସି ବାରଜାଣାତି ଆଟାନା ପାଣୁଝି ଆଡାରି ଇଞ୍ଜାନା, ଏଝାରାଇଁ ଏଲେଇଚେସି, “ନା ତଲେ ତୟାଲି ନାନୁ ମିଙ୍ଗେ ଆଟାମାଞ୍ଜାଇଁ, ଇଞ୍ଜା ଝେକହାଲି ପାଣ୍ଡାଇଁ । ୧୫ ଇଞ୍ଜା ମୀରୁ ବୁଡୁୟାଁ ପେରହାଲି ଜିକେଏ ଅଦିକାରା ବେଟାଆଡେରି ।”

୧୬ ଜୀସୁ ଇ ବାରଜାଣାତି ଆଡିଚେସି, ଏଝାରି ଆଡେରି ସିମନ ଆମ୍ବାଆରାଇଁ ଜୀସୁ ପିତର ଇଞ୍ଜୁଁ ଇଚିଚେସି; ୧୭ ଜେବଦି ରୀ ମୀରକା ଜାକୁବ ଅଡେ ତାନି ତାୟି ଜହନ ଆମ୍ବାଆରାଇଁ ବିନେରିଗସ ଇଚିହୁଁ ଗୁଣିହିମାନି ହାଗୁତି ମୀରକା ଇଞ୍ଜିହୁଁ ଦରୁ ଇଚିଚେସି; ୧୮ ଆୟିୟ, ପିଲପ, ବାର୍ତଲମି, ମାତିୟୁ, ତମା, ଆଲେପି ମୀରୁଏସି ଜାକୁବ, ତଦିୟ, ଦେସାତି ଜୀଝୁ ନନି ସିମନ, ୧୯ ଅଡେ ଇସ୍ପାରିୟତ ଜୀହୁଦା, ଆମ୍ବାଆସି ଜୀସୁଇଁ ସାତୁୟାଁ କେୟୁତା ହେରପିଚେସି ।

ଜୀସୁ ଅଡେ ବାଲ୍ଜିବୁଲ୍

(ମାତି ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)

୨୦ ତାୟୁ ଜୀସୁ ଇଜ ଝାଡେସି; ଅଡେ ଝେଣ୍ଡେ ଇଚେକା ଲକୁ ରୁଣ୍ଡା ଆଡେରି ଜୀସୁ ଇଞ୍ଜା ତାନି ସୀସୁୟାଁକି ତିଞ୍ଜାଲି ଜିକେଏ ଆଆଡେ । ୨୧ “ଜୀସୁ ବାୟା ଆଡେସି” ଇଞ୍ଜୁଁ ଲକୁ ଏଲେଇନାଣି ଝେଞ୍ଜାନା ତାନି କୁଟମି ଜୀସୁଇଁ ଅହାଲି ଝାଡେରି । ୨୨ ଅଡେ ଜିରୁସାଲମଟି ଝାହାମାନି ମେରାପୁନାରି ଏଲେଇଚେରି, “ଇଝାଣାଇଁ ବାଲ୍ଜିବୁଲ୍ ବୁଡୁ ଆଲ୍ଗାମାନେ, ଲାକା ଇଝାସି ବୁଡୁୟାଁଣି ପିସପି କିହିମାନେସି ।”

୨୩ ଏମ୍ବାଟିଏ ଜୀସୁ ଏଝାରାଇଁ ତାଗେ ହାଟାନା ପୁଣ୍ଡିକିନି କାତାତଲେ ଝେସେସି, “ସୟତାନ ଏନିକିଁ ସୟତାନଇଁ ପେରହାଲି ଆଡିନେ ? ୨୪ ର ରାଜି ବାଗା ଆହାନା ତାନି କପାଟି ନିଙ୍ଗନେ, ଇଚିହୁଁ ଏ ରାଜି ଅଡେ ତୀରିତଲେ ତୟାଲି ଆଡେଏ । ୨୫ ଇଞ୍ଜା ର ଇଲୁ କୁଟମିତାରି ବାଗା ଆହାନା ତାମ୍ବାତାନି କପାଟି ନିଙ୍ଗନେରି

* ୩:୧ ୩:୧ ସିନଗର ✱ ୩:୯ ୩:୯ ମାର୍ଚ୍ଚ ୪:୧; ଲୁକ ୫:୧-୩

ଇତିହାସ ଏ ଇଲୁଡାରି ତୀରିତଲେ ଡୟାଲି ଆଡ଼ଅରି । ୨୭ ଏଲେକିହି ଏ ସୟତାନ ବାଗା ଆହାନା ତାନି କପାଟି ନିଙ୍ଗାମାନେ, ଆଡ଼ିହି ଏଡ଼ି ଅଡ଼େ ତୀରିତଲେ ଡୟାଲି ଆଡ଼େଏ, ସାମା ଏଦାନି ବାରେ ନାସା ଆହିମାନେ ।”

୨୭ “ସାମା ଆମ୍ବାଆସି ନକେଏ ବାଡ଼ୟୁ ଗାଟାଣାଇଁ ଦହୁଆଡ଼ିହି ତାନି ଇଜ ହଡ଼ାନା ତାନି ଇଜତି ଆସି ସରୁ କିହାଲି ଆଡ଼ଅସି; ଏଞ୍ଜାଣାଇଁ ତଲିଏ ଦସିହି ଦେ ଏଞ୍ଜାସି ଏଞ୍ଜାଣି ଇଜତାଣି ସରୁ କିନେସି ।”

୨୮ “ନାନୁ ମିଙ୍ଗ ସାତା ଝେସିମାଞ୍ଜାଇଁ, ଲକୁତି ବାରେ ପାପୁ ଇଞ୍ଜା ଏଞ୍ଜାରି ଏଚେକା ନିନ୍ଦା କାତାତଲେ ମାହାପୁରୁ ନିନ୍ଦା କିନେରି ଏ ବାରେ ପାପୁ ମେଣ୍ଟିନେ । ୨୯ ଧାମା ଆମ୍ବାଆସି ସୁଦୁଜାଞ୍ଜୁ କପାଟି ନିନ୍ଦା କାତା ଜଲିନେସି, ଏଞ୍ଜାଣି ଆମିନି କାଲ୍ଲାତା ଜକେଏ ଦହୁ ମେଣ୍ଟିନେଏ, ସାମା ଏଞ୍ଜାସି କାଲ୍ଲାକାଲ୍ଲାତି ପାପୁତି ଦହୁଗାଟାସି ଆନେସି ।” ୩୦ ଜୀସୁଇଁ ବୁଡୁ ଆଲ୍‌ଗାମାନେ ଇଞ୍ଜା ଏଚେକା ଲକୁ ଏଲେଇଞ୍ଜାଲିଏ ଜୀସୁ ଇ କାତା ଝେସୁସି ।

ଜୀସୁତି ଇୟା ଅଡ଼େ ତାୟିୟା

(ମାତି ୧୨:୪୭-୫୦; ଲୁକ ୮:୧୯-୨୧)

୩୧ ଏଚିରେଲା ଜୀସୁତି ଇୟା ଅଡ଼େ ତାୟିୟା ଝାହାନା ଇଲୁ ପାଙ୍ଗାତା ନିଚାନା ଜୀସୁଇଁ ହାଟି କିତେରି । ୩୨ ଏମ୍ବାଟିଏ ସାରିଞ୍ଜାକି କୁଗାମାଟି ଲକୁ ଏଲେଇଚେରି, “ମେହୁ ମା ଇୟା, ତାୟିୟା ଅଡ଼େ ତାଙ୍ଗିସ୍ତା ପାଙ୍ଗାତା ନିଚାନା ନିଙ୍ଗେ ପାରିମାଞ୍ଜାନେରି ।”

୩୩ ଜୀସୁ ଏଞ୍ଜାରାଇଁ ଏଲେଇଚେସି, “ନା ଇୟା ଇଞ୍ଜା ନା ତାୟି ତାଙ୍ଗିସ୍ତା ଆମ୍ବାଆୟି ?” ୩୪ ଇଞ୍ଜା ଏଞ୍ଜାସି ତାନି ସାରିଞ୍ଜାକି କୁଗାମାନି ଲକୁଣି ସିନିକିହାନା ଏଲେଇଚେସି, “ମେହୁ ନା ଇୟା ଅଡ଼େ ନା ତାୟି ତାଙ୍ଗିସ୍ତା । ୩୫ ଆମ୍ବାଆସି ମାହାପୁରୁତି କାତା ଆହନେସି ଏଞ୍ଜାସିଦେଁ ନା ତାୟି, ତାଙ୍ଗି ଅଡ଼େ ନା ଇୟା ।”

୪

ବିଚା ମାଟିନାଣି ପୁଣ୍ଡିକିନି କାତା

(ମାତି ୧୩:୧-୯; ଲୁକ ୮:୪-୮)

୧ ଧୀଜୀସୁ ଗାଲିଲି ସାମ୍ବୁରି ଗାଟୁତା ଅଡ଼େ ଝେଣ୍ଡେ ଜାପୁହାଲି ମାଟୁହେସି, ଅଡ଼େ ହାଡ଼େକା ଲକୁ ଏଞ୍ଜାଣି ତାଣା ରୁଣ୍ଡା ଆଡ଼େରି ଇଞ୍ଜା ଜୀସୁ ସାମ୍ବୁରିତା ମାନି ର ଡ଼ଂଗତା ହାଜାନା କୁରିତେସି ଇଞ୍ଜା ଲକୁ ସାମ୍ବୁରି ଗାଟୁତା ନିଚାମାଚେରି । ୨ ଏମ୍ବାଟିଏ ଜୀସୁ ଏଞ୍ଜାରାଇଁ ହାଡ଼େକା ପୁଣ୍ଡିକିନି କାତା ଜାପୁହିହି ଏଲେଇଚେସି ।

୩ “ଝେଞ୍ଜୁ ମେହୁ ର ବିଚା ମାଟିନାସି ବିଚା ମାଟାଲି ହଡ଼େସି । ୪ ଇଞ୍ଜା ଏଞ୍ଜାସି ମାଟିମାଟାଟି କଚେକା ବିଚା ଜିରୁତା ରୀତେ, ଇଞ୍ଜା ପଟାୟା ଝାହାନା ଏ ପାଡ଼େୟି ପେରୁହା ତିରୁ । ୫ ଅଡ଼େ କଚେକା ବିଚା ଇଚାୟି ଇରୁଆ ମାନି ଝାଲ୍‌କା ଲାକ ରୀତେ, ଇଞ୍ଜା ଉଣା ଇରୁଆ ମାଟାକି ଗାଡ଼େକେଏ ନେୟି ତେ, ୬ ସାମା ଝେଡ଼ା ଆଡ଼ାଲିଏ ନେୟା

ମାଟାୟି ଝେହା ହାଚେ ଇଞ୍ଜା ହୀରୁ ଜୀଆତାକି ଝାୟାନା ହାହାହାଚେ । ୭ ଅଡ଼େ କଚେକା ବିଚା ହାପୁକା ବୁଟାତା ରୀତେ, ଇଞ୍ଜା ହାପୁକା ବୁଟା ପାତାଆହାନା ଆନା ତାକିତି ପୁକହାଡୁସ୍ତେ ଇଞ୍ଜା ପାଡ଼େୟି ଆୟାଆତେ । ୮ ଅଡ଼େ କଚେକା ବିଚା ନେହି ବୁଟାତା ରୀତେ, ଏଡ଼ି ନେୟାହାଁ ପାତାଆହାନା, କଡ଼େଦସ, ତାନିକଡ଼ି, ପାସାକଡ଼ି ପାଡ଼େୟି କାମ୍ବିତେ ।”

୯ ଅଡ଼େ ଏଞ୍ଜାସି ଏଲେଇଚେସି, “ଝେଞ୍ଜାଲି ଆମ୍ବାଆରାକି କୀକା ମାନୁ ଏଞ୍ଜାସି ଝେଣ୍ଡାସି ।”

ପୁଣ୍ଡିକିନି କାତାତି ଝେହନାୟି

(ମାତି ୧୩:୧୦-୧୭; ଲୁକ ୮:୯-୧୦)

୧୦ ଜୀସୁ ରଅସିଏ ମାଟାଟି ତାନି ତଲେତି ଏଚରଜାଣା ଇଞ୍ଜା ବାରିଜାଣା ସୀସୁୟା ତଲେ ଏ ପୁଣ୍ଡିକିନି କାତା ଏନାୟି ଇଞ୍ଜା ଝେଚେରି । ୧୧ ଏମ୍ବାଟିଏ ଏଞ୍ଜାସି ଏଞ୍ଜାରାଇଁ ଏଲେଇଚେସି, ମାହାପୁରୁ ରାଜିତି ଡ଼ଗୁମାନାଣି ପୁଞ୍ଜାଲି ମିଙ୍ଗେ ବାଡ଼ୟୁ ହାପୁକି ଆହାମାନେ, ସାମା ପାଙ୍ଗାଟି ବାରେ ଲକୁତାକି ଇ ପୁଣ୍ଡିକିନି କାତାତଲେ ଝେସୁପି ଆହିମାନେ, ୧୨ ଏନିକି,

“ଏଞ୍ଜାରି ମେସି ମେସିହି,

ମେହୁଅରି;

ଇଞ୍ଜା ଝେଞ୍ଜିଝେଞ୍ଜିହି,

ତେଲୁହଅରି,

ଏଞ୍ଜାରି ମାହାପୁରୁ ତାଣା ଝେଣ୍ଡା ଝାଡ଼ିହି ମା,

ପାପୁଟି ପିସପି ଆଡ଼େରିମା ।”

ବିଚା ମାଟିନି କାତା ପୁଣ୍ଡିକିନାୟି

(ମାତି ୧୩:୧୮-୨୩; ଲୁକ ୮:୧୧-୧୫)

୧୩ ଜୀସୁ ଅଡ଼େ ଝେଣ୍ଡେ ଏଞ୍ଜାରାଇଁ ଏଲେଇଚେସି, “ମୀରୁ ଇ ପୁଣ୍ଡି କିନାଣି ପୁଞ୍ଜି ହିଲଅତେରି ? ଆଡ଼ିହି ନା ପୁଣ୍ଡିକିନି କାତା ଏନିକି ପୁଞ୍ଜେରି ? ୧୪ ଆମ୍ବାଆସି ମାହାପୁରୁ ବଲୁ ଝେହନାସି ଏଞ୍ଜାସି ବିଚା ମାଟିନାସି । ୧୫ ଆମିନି ଗାଟାରି ଝେନେରି, ଇଞ୍ଜା ଝେଚି ଦେବୁଣିଏ ସୟତାନ ଝାହାନା ଏଞ୍ଜାରିତାଣା ଝେଣ୍ଡି ଆହାମାନି ବଲୁ ମୀଞ୍ଜାଅନେ, ଏଞ୍ଜାରି ଜିରୁ ଦାରିତା ରିତି ବିଚାଲେହେତାରି । ୧୬ ଏଲେକିହି ଏ ଝାଲି ଲାକ ରିହାମାନି ବିଚାଲେହେତାରି, ଏ ବଲୁ ଝେଣ୍ଡିନିଏ ରାହାଟି ନାମିନେରି, ୧୭ ସାମା ଏଞ୍ଜାରିତାଣା ହୀରୁ ଜୀଆତାକି ଗାଡ଼େକା ତାକି ତୀରି ମାନେରି, ତାୟୁ ମାହାପୁରୁ ବଲୁ ତାକି କସ୍ତ ବାଡ଼ା ଝାଡ଼ିସାରେ ଦେବୁଣିଏ ପିହନେରି, ଏଞ୍ଜାରି ଉଣା ଇରୁଆ ମାନି ଝାଲ୍‌କା ଲାକତି ବିଚାଲେହେତାରି । ୧୮ ହାପୁକା ବୁଟାତା ମାଟିତି ବିଚା ଏଞ୍ଜାରି, ଆମ୍ବାଆରି ବଲୁତି ଝେନେରି, ୧୯ ଦାରୁତିତି ଅଣ୍ଡୁ ଦନତି ବାରେ ଜୁପକା ହଡ଼ାନା ଏଞ୍ଜାରାଇଁ ପୁକହାଡୁହନେ, ଇଞ୍ଜା ଏଡ଼ି ପାଡ଼େୟି ଆୟାଲି ଆଡ଼େଏ । ୨୦ ଅଡ଼େ ଆମିନି ଗାଟାରି କାତା ଝେନେରି, ଇଞ୍ଜା ନାମିନେରି, ଅଡ଼େ କଡ଼େଦସ, ତାନିକଡ଼ି, ଇଞ୍ଜା ପାସାକଡ଼ି

☆ ୩:୨୯ ୩:୨୯ ଲୁକ ୧୨:୧୦ ☆ ୪:୧ ୪:୧ ଲୁକ ୫:୧-୩

ପାଡ଼େଇ କାମ୍ବୁନେରି, ଏଞ୍ଜାରି ନେହିଁ ବୃମିତା ମାଟିତି ବିଚାଲେହେଁତାରି ।”

ମାଣା ପୁକ୍ତ ହି ଦୀଞ୍ଚି
(ଲୁକ ୮:୧୭-୧୮)

୨୧ *ଜୀସୁ ଅଡ଼େ ଖେଣ୍ଡେ ଏଞ୍ଜାରାଇଁ ଏଲେଇଚେସି, “ଆମ୍ବାଆସି ଦୀଞ୍ଚି ତୀସାନା ମାଣା ପୁକ୍ତହାନା କି କାଟେଲି ତୁଇ ଇଚିନେସି ? ଏଦାଆଁ ଏନାଆଁ ଦୀଞ୍ଚି ସତ୍ତାତା ଇଚଅସି ? ୨୨ *ଇଚିହିଁ ତଞ୍ଜା ଆଆଗାଟାୟି ଏନାୟି ଜିକେଏ ତୁଗୁନା ତୟେଏ; ଏନାୟି ତୁଗୁନା ଆହାମାନେ, ଏଦି ତଞ୍ଜାଆହାଲି ତୁଗୁମାନେ । ୨୩ ଇଚିହିଁ ଆମ୍ବାଆରାକି ଖେଞ୍ଜାଲି କୀକୀ ମାନୁ ଏଞ୍ଜାସି ଖେଣ୍ଡାମାସି ।”

୨୪ *ଜୀସୁ ଅଡ଼େ ଏଲେଇଚେସି, “ଏନାଆଁ ଖେଞ୍ଜି ମାଞ୍ଜେରି ଏ କାତାତା ଜାଗ୍ରାତା, ଆମିନି ମାଣା ତଲେ ଲାଟିଦେରି, ଏ ମାଣା ତଲେ ମିଙ୍ଗେ ଲାଟା ହିୟାନେରି, ଅଡ଼େ ମୀରୁ ହାରେକା ବେଟାଆଦେରି । ୨୫ *ଇଚିହିଁ ଆମ୍ବାଆରାକି ମାନେ ଏଞ୍ଜାଣାକି ହୀପ୍ତି ଆନେ; ଅଡ଼େ ଆମ୍ବାଆରାକି ହିଲେଏ, ଏଞ୍ଜାଣି ତାଣା ଏନାୟି ମାନେ, ଏଦାଆଁ ଜିକେଏ ଏଞ୍ଜାଣି ତାଣାଟି ଅଞ୍ଜିଆନେ ।”

ପାତାଆନି ବିଚାତି ପୁଣ୍ଡିକିନାୟି

୨୬ ଜୀସୁ ଅଡ଼େ ଏଲେଇଚେସି, “ମାହାପୁରୁ ରାଜି ଇଲେତାୟି, ଏନିକିଁ ର ମାଣସି ବୃମିତା ବିଚା ମାଟିନେସି; ୨୭ ଇଞ୍ଜା ଲାଆଁୟାଁ ଇଦା କିନେସି ଅଡ଼େ ମାଦେନା ତେଃଏଲିନେସି, ଅଡ଼େ ବିଚା ଏନିଆହିଁ ଗଜା ଆହାଁ ପାତାଆନେ ଏଦାଆଁ ଏଞ୍ଜାସି ପୁନଅସି । ୨୮ ଗହଁ ବୃମିତି ତାନୁଏ ନେୟିନେ, ତଲିଏ ଆକୁ ଆନେ ତାୟୁ ଜେକୁ ଅଡ଼େ ତାୟୁ ଜେକୁତି ପାଡ଼େଇ ଆନେ । ୨୯ ସାମା ଆନାଁ କାମ୍ବିସାରେ ମାଟିତାସି ଏ ଆନାଁତି କଟାତଖେଲି ତଲେ ଦାଃଆନେସି ।”

ରାୟି ପାଡ଼େଇ କାତା
(ମାତି ୧୩:୩୧-୩୨; ଲୁକ ୧୩:୧୮-୧୯)

୩୦ ଅଡ଼େ ଜୀସୁ ଏଲେଇଚେସି, “ମାର ମାହାପୁରୁ ରାଜି ଏନାଆଁତଲେ ତୁକନାୟି ? ଇଞ୍ଜା ଏନିଲେହେଁତି ପୁଣ୍ଡିକିନି କାତାତଲେ ଖେହନାୟି ? ୩୧ ଏଦି ର ହାସୁଁ ପାଡ଼େଇ ଲେହେଁ; ବୃମିତା ମାଟିନି ବେଲ୍ଲାତା ଏଦି ଦାର୍ତତି ବାରେ ପାଡ଼େଇ କିହାଁ ଉଣା, ୩୨ ସାମା ମାଟିତି ଜେଚ ପାତାଆହାନା ବାରେ କୁଚା କିହାଁ କାଜାୟି ଆନେ, ଇଞ୍ଜା ଏଦାନି କମାୟାଁ ଇଲେକିଁ କାଜାଇ ଆନୁ, ଇଞ୍ଜା ହାଗୁ ଲାକ ଉମ୍ବିନି ପଟାୟାଁ ଖାହାନା ଏଦାନି କମାଣାଁ ବଣ ଦସାଁ ବାସାଆନୁ ।”

୩୩ ଜୀସୁ ଇଲେକିହିଁ ହାରେକା ପୁଣ୍ଡିକିନି କାତା ଖେସିହିଁ ଏଞ୍ଜାରି ପୁନିଲେହେକିଁ ମାହାପୁରୁ କାତା ଖେସିମାଚେସି, ୩୪ ଅଡ଼େ ପୁଣ୍ଡିକିନି କାତା ଆଟ୍‌ଆନା ଜୀସୁ ଏନାଆଁଖା ଖେସି ହିଲ୍ଲାଆଚେସି, ସାମା ଲକୁ ହିଲ୍ଲାଆ ବେଲ୍ଲାତା ତାମି ସୀସୁୟାଁଣି ବାରେ ପୁଣ୍ଡି କିହିମାଚେସି ।

ଜୀସୁ କାଜା ଗାଲିତି ସାପି କିନାୟି
(ମାତି ୮:୨୩-୨୬; ଲୁକ ୮:୨୨-୨୫)

୩୫ ଏ ଦିନା ମିଡ଼ଅଲ୍ଲା ବେଲ୍ଲା ଜୀସୁ ତାମି ସୀସୁୟାଁଇଁ ଏଲେଇଚେସି, “ଞ୍ଜାଦୁ ମାର ସାମ୍‌ଦୁରି ଆତାଲ୍ଲା ହାନ ।”

୩୬ ଏମ୍ବାଟିଏ ଏଞ୍ଜାରି ଲକୁଣି ପିସାନା ଏଞ୍ଜାସି ଏନିକିଁ ତଂଗତା ମାଚେସି ଏଲେକିହିଁଏ ଅଡ଼େରି, ଇଞ୍ଜା ଏମ୍ବାଆଁ ଏଚରଗଟା ତଂଗାୟାଁ ଜିକେଏ ମାରୁ । ୩୭ ଇଞ୍ଜା ଦେବୁଣିଏ ହାରେକା କାଜା ଗାଲି ଆଡେ, ଇଞ୍ଜା ତଂଗ ସାମ୍‌ଦୁରିତି ଗାଲିତାକି ମୁଞ୍ଜାଲି ମାଟ୍‌ହେ । ୩୮ ଏଚିବେଲ୍ଲା ଜୀସୁ ତଂଗତି ତାୟୁଖାକି ର ମୁଲ୍ଲାତା ତାର୍‌ପୁ ଆଂଗାନା ଇଦା କିହିମାଚେସି; ଇଞ୍ଜା ସୀସୁୟାଁ ଏଞ୍ଜାଣାଇଁ ନିକ୍‌ହାନା ଏଲେଇଚେରି, “ଏ ଗୁରୁ ମାର ହାନାୟିଦେଁ ନିଙ୍ଗେ ଅଣ୍ଡୁ ହିଲେଏ କି ?”

୩୯ ଏମ୍ବାଟିଏ ଜୀସୁ ନିଙ୍ଗାନା ଗାଲିତି ଦାକା ହୀହାନା ଏଲେଇଚେସି, “ତୁଙ୍ଗାମୁ” ଇଞ୍ଜା ସାମ୍‌ଦୁରିତି ଏଲେଇଚେସି, “ସାପି ଆମୁ” ଏମ୍ବାଟିଏ ଗାଲି ପାଲେଏ ଆଡେ ଇଞ୍ଜା ବାରେ ସୁସି ଆଡେ । ୪୦ ଇଞ୍ଜା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଏନାଆଁତାକି ଇଚେକା ଆଜିମାଞ୍ଜେରି ? ମୀ ନାମୁ ହିଲେଏ କି ?”

୪୧ ଏମ୍ବାଟିଏ ଏଞ୍ଜାରି ହାରେକା ଆଜାନା ତାମ୍‌ତାମ୍‌ସୁ କାତା ଆଡେରି, “ଇଞ୍ଜାସି ଆମ୍ବାଆସି ? ଗାଲି ଅଡ଼େ ସାମ୍‌ଦୁରି ଜିକେଏ ଇଞ୍ଜାଣି ହାଡ଼ା ମାନଞ୍ଜି ଆହିମାନୁ ।”



ଜୀସୁ ବୁଡୁୟାଁ ଆଲ୍‌ଗିତାଣାଇଁ ନେହିଁ କିନାୟି
(ମାତି ୮:୨୮-୩୪; ଲୁକ ୮:୨୬-୩୧)

୧ ତାୟୁ ଜୀସୁ ଅଡ଼େ ସୀସୁୟାଁ ଗାଲିଲି ଆତାଲ୍ଲାତି ଗରାସିୟାଁ* ରାଜିତା ଏଗାହାଚେରି । ୨ ଜୀସୁ ତଂଗତି ରେପନିଏ ର ବୁଡୁ ଆଲ୍‌ଗା ମାଚାସି ମାଡ଼ହା ମୁହ୍‌ନି ଟାୟୁଟି ହଚାଞ୍ଜାହାନା ଜୀସୁଇଁ ବେଟାଆଡେସି । ୩ ଏଞ୍ଜାସି ମାଡ଼ହା ମୁହ୍‌ନି ଟାୟୁତା ବାସା କିହିମାଚେସି, ଇଞ୍ଜା ଆମ୍ବାଆସି ଜିକେଏ ଏଞ୍ଜାଣାଇଁ ହିକ୍‌ଣିୟାଁ ତଲେ ଦସାଲି ଆଡ଼ିହିଲ୍ଲାଆଚେରି; ୪ ଇଚିହିଁ ଏଞ୍ଜାଣାଇଁ ହାରେକା ଦେବା ହିକ୍‌ଣିୟାଁ ତଲେ ଦସାମାଚେରି, ସାମା ଏ ହିକ୍‌ଣିୟାଁ ତାପ୍‌ହାନା କୁଚୁକ୍‌ଚା କିଚେସି, ଇଞ୍ଜା ଏଞ୍ଜାଣାଇଁ ଦସା ଇଚାଲି ଆମ୍ବାଆରାକି ଜିକେଏ ବାଡ଼ୁୟୁ ହିଲ୍ଲାଆଚେ ।

୫ ଏଞ୍ଜାସି ଲାଆଁୟାଁ ମାଦେନା ବାରେବେଲ୍ଲା ମାଡ଼ହା ମୁହ୍‌ନି ଟାୟୁତା ଅଡ଼େ ହରୁତା ତୟାନା କିଚ୍‌ଡ଼ି ମାଚେସି, ଇଞ୍ଜା ଖାଲ୍‌କାତଲେ କଡ଼ହା କଡ଼ିହିଁ ରାଣାରାକା କିହା କଡ଼ିମାଚେସି ।

୬ ଏଞ୍ଜାସି ହେକଟିଏ ଜୀସୁଇଁ ମେସାନା ହଟି ହଟିହିଁ ଖାହାନା ଏଞ୍ଜାଣି କତାଣା ରିହାଁ ଜିହରା କିଚେସି, ୭ ଅଡ଼େ କାଜା ଗିୟାଁତଲେ କିଚ୍‌ଡ଼ିହିଁ ଏଲେଇଚେସି, “ଏ ବାଡ଼ୁୟୁଗାଟି ମାହାପୁରୁ ମୀର୍‌ଏଶାତି ଜୀସୁ, ନୀ ତଲେ

☆ ୪:୨୧ ୪:୨୧ ମାତି ୫:୧୫; ଲୁକ ୧୧:୩୩ ☆ ୪:୨୨ ୪:୨୨ ମାତି ୧୦:୨୬; ଲୁକ ୧୨:୨ ☆ ୪:୨୪ ୪:୨୪ ମାତି ୭:୨; ଲୁକ ୬:୩୮ ☆ ୪:୨୫ ୪:୨୫ ମାତି ୧୩:୧୨; ୨୫:୨୯; ଲୁକ ୧୯:୨୭ * ୫:୧ ୫:୧ କଚେକା ସାପ୍‌ପୁରିତା ଗଦରିୟ ରାସ୍‌କି ଆହାମାନେ

ନାଙ୍ଗେ ଏନାୟି ମାତେ ? ନିଙ୍ଗେ ମାହାପୁରୁ ଦରୁତଲେ ପାରମାଣା କିହିମାଞ୍ଜାଇଁ, ନାଙ୍ଗେ କସ୍ତୁ ହିୟାଆନି ।”
୮ ଏନାଆଁତାକି ଇଚିହୁଁ ଜୀସୁ ଏଞ୍ଜାଣାଇଁ ଏନାଆଁ ଇଞ୍ଜାଲି ହାଜିମାଚେସି, “ଏ ପଲ୍ଲଆ ବୃତ୍ତୁଚି ଇଞ୍ଜାଣି ତାଣାଟି ହଡ଼ାହାଲ୍ଲାମ୍ ।”

୯ ଜୀସୁ ଏଞ୍ଜାଣାଇଁ ଖେଚେସି, “ନୀ ଦରୁ ଏନାୟି ?” ଏଞ୍ଜାସି ଏଲେଇଚେସି, “ନା ଦରୁ ‘ମାନ୍ଦା’ ଇଚିହୁଁ ମାମ୍ ହାରେକା ଜାଣାତମି ।”
୧୦ ଇଞ୍ଜା ଜୀସୁ ଏନିକ୍ ଏ ପଲ୍ଲଆ ବୃତ୍ତୁୟାଣି ଏ ରାଜିଟି ଅର ରାଜିତା ପାଣ୍ଡୁଅସି, ଏଦାଆଁତାକି ଏଞ୍ଜି ଜୀସୁଇଁ ହାରେକା ବାତିମାଲିତୁ ।

୧୧ ଏମ୍ବାଆଁ ହରୁ ଦାରିତା ର ମାନ୍ଦା ପାଜିୟାଁ ମେୟି ମାତୁ ।
୧୨ ଅଡ଼େ ଏ ବୃତ୍ତୁୟାଁ ବାତିମାଲିହୁଁ ଏଲେଇରୁ, “ମାଙ୍ଗେ ଏ ପାଜିୟାଁ ମାନ୍ଦାତା ହଡ଼ାଲି ପାଣ୍ଡାମ୍ ।”
୧୩ ଏଞ୍ଜାସି ଏଞ୍ଜାରାଇଁ ହୁକୁମି ହୀହାଲିଏ, ଏ ପଲ୍ଲଆ ବୃତ୍ତୁୟାଁ ଏଞ୍ଜାଣି ତାଣାଟି ହଚାନା ପାଜିୟାଁ ମାନ୍ଦା ବିତ୍ରା ହଚୁ; ଏମ୍ବାଟିଏ ମାନ୍ଦା ପାଜିୟାଁ ତବେ ହଚାନା ତାଗେ ମାଟି ସାମ୍ବୁରିତା ମେଦାନା ହାହାହାରୁ, ବାରେ ରୀ ମାଣା ପାଜିୟାଁ ମାତୁ ।

୧୪ ଏ ପାଜିୟାଁ ମେଟିମାଟି ଗଡ଼କା ଗାଡ଼ାତା ଅଡ଼େ ନାସକାଣାଁ ଏ କାତା ଖେସକା ହାଚେରି; ଏମ୍ବାଟିଏ ଲକୁ ଏନାଆଁ ଆହାମାନେ ଇଞ୍ଜିଁ ସିନିକିହାଲି ଖାଡ଼େରି ।
୧୫ ଅଡ଼େ ଏଞ୍ଜାରି ଜୀସୁ ତାଗେ ଖାହାନା, ଏ ବୃତ୍ତୁ ଆଲଗା ମାଚାଣାଇଁ ଇଚିହୁଁ ଆମ୍ବାଆରାକି ନକେଏ ମାନ୍ଦା ବୃତ୍ତୁୟାଁ ଆସାମାତୁ, ଏଞ୍ଜାଣାଇଁ ହିମ୍ବୁରି ହୁଚାନା ନେହୁଁ ମନତଲେ କୁଗାମାଚାଣି ମେସାନା ଆଜିଚେରି ।
୧୬ ଆମ୍ବାଆରି ମେସାମାଚେରି, ବୃତ୍ତୁ ଆଲଗା ମାଚାସି ଏନିକ୍ ନେହୁଁ ଆଡ଼େସି, ଅଡ଼େ ପାଜିୟାଁ ଏନିକ୍ ନାସା ଆତୁ ଏ ବାରେ ଖେସ୍ତେରି ।

୧୭ ଏମ୍ବାଟିଏ ଏଞ୍ଜାରି ଜୀସୁଇଁ ତାନି ହାଜିଟି ହାଜାଲି ବାତିମାଲିଚେରି ।

୧୮ ତାୟୁ ଜୀସୁ ତଂଗତା ହଡ଼ିମାଚାଟି ଆମିନି ଗାଗାଣାକି ବୃତ୍ତୁ ଆଲଗାମାଚେ, ଏଞ୍ଜାସି ତାନିତଲେ ଡ଼ୟାଲି ତାକି ବାତିମାଲିଚେସି ।

୧୯ ସାମା ଜୀସୁ ହେଲ ହୀଆନା ଏଞ୍ଜାଣାଇଁ ଏଲେଇଚେସି, “ନୀ ଇଜ ନୀ ଲକୁତାଣା ହାଲ୍ଲାମ୍, ଇଞ୍ଜାଁ ପ୍ରବୁ ନିଙ୍ଗେତାକି ଏନି କାମା ଅଡ଼େ ନିଙ୍ଗେତାକି ଏନିନି କାମା କିହାମାଞ୍ଜାନେସି, ଏ ବାରେ ଏଞ୍ଜାରାଇଁ ଖେହୁମ୍ ।”

୨୦ ଏମ୍ବାଟିଏ ଏଞ୍ଜାସି ହାଜାନା, ଜୀସୁ ଏଞ୍ଜାଣାକି ଏନି କାମା କିହାମାଚେସି, ଏଞ୍ଜାସି ଦେକାପଲିତାଁ ଖେକ୍‌ହାଲି ମାଚୁହେସି; ଏମ୍ବାଟିଏ ବାରେଜାଣା କାବା ଆଡ଼େରି ।

ଜାୟିରସ ମାଙ୍ଗାନି ଜୀସୁ ଇଞ୍ଜାଁ ନେଚେରି ଖାଜିମାଟି ଇୟା ନେହୁଁ ଆନାୟି

(ମାତି ୯:୧୮-୨୬; ଲୁକ ୮:୪୦-୫୬)

୨୧ ଜୀସୁ ତଂଗଟି ଗାଣ୍ଟାନା ଅରଞ୍ଜାକି ଖେଣ୍ଡେ ଖାଡ଼େସି, ମାନ୍ଦା ଲକୁ ଏଞ୍ଜାଣି ତାଣା ରୁଣ୍ଡା ଆଡ଼େରି; ଇଞ୍ଜାଁ

ଏଞ୍ଜାସି ସାମ୍ବୁରି ଗାଟୁତା ଡ଼ୟିଚେସି ।
୨୨ ଏଚିବେଲା ଜୀହୁଦି ଲକୁଚି କୁଟମି ଇଲୁଡିଃ କାଜାରି ବିତ୍ରାଟି ଜାୟିରସ ଦରୁଗାଚାସି ରଅସି ଜୀସୁଇଁ ମେସାନା ଏଞ୍ଜାଣି କତାଣା ରାଚେସି,
୨୩ ଇଞ୍ଜାଁ ହାରେକା ବାତିମାଲିହୁଁ ଏଲେଇଚେସି, “ନା ମାଙ୍ଗା ହାନିହଚେ ଆହାମାନେ; ଏଡ଼ି ଏନିକ୍ ନେହୁଁ ଆହାନା ନୀତିନେ, ଏଦାଆଁତାକି ନୀନୁ ଖାହାନା ଏଦାନି ଲାକ କେୟୁ ଇଚାମ୍ ।”

୨୪ ଏମ୍ବାଟିଏ ଜୀସୁ ଏଞ୍ଜାଣିତଲେ ହାଚେସି, ଇଞ୍ଜାଁ ହାରେକା ଲକୁ ଏଞ୍ଜାଣିତଲେ ହାଜାଲି ମାଚୁହେରି, ଇଞ୍ଜାଁ ଏଞ୍ଜାଣି ମୁହେଁ ମୁହେଁ ଖିସପି ଆହିମାଚେରି ।

୨୫ ଏଚିବେଲାତା ର ଇୟା ବାର ବାସା ପାଡ଼େକା ନେଚେରି ଖାଜିନି ରଗତା ନେଚେରି ତୁଙ୍ଗାଆନା ନେହୁଁ ଆହି ହିଲାଆଚେ,
୨୬ ଇଞ୍ଜାଁ ଅସଗୁରୁ ତାଣା ହାଜାନା ଜିକେଏ ହାରେକା ଟାକାୟାଁ କାରୁଁ କିହାମାଚେ, ଅଡ଼େ ଜିକେଏ ନେହୁଁ ଆହାହିଲାଆଚେ, ସାମା ହାରେକା କସ୍ତୁ ବେଟାଆହି ମାଚେ ।
୨୭ ଏଡ଼ି ଜୀସୁଟି କାତା ଖେଞ୍ଜାନା ଲକୁ ମାନ୍ଦାତା ଖାହାନା ତାୟୁ ଖାକିଟି ଏଞ୍ଜାଣି ହିମ୍ବୁରି ତୀଗିଚେ;
୨୮ ଇଚିହୁଁ ଏଡ଼ି ଏଲେ ଇଞ୍ଜିମାଚେ, “ଏଞ୍ଜାଣି ହିମ୍ବୁରି ତୀଗିଚିହୁଁ ନେହୁଁ ଆଇଁ ।”

୨୯ ଏ ଦେବୁଣିଏ ଏଦାଣି ନେଚେରି ବନାୟି ତୁଙ୍ଗିଚେ, ଇଞ୍ଜାଁ ଏଡ଼ି ରଗଟି ନେହୁଁ ଆହାମାନେ ଏଦାଆଁ ତାନି ଆଙ୍ଗାତା ପୁଞ୍ଜା କଡ଼ିଚେ ।
୩୦ ଦେବୁଣିଏ ଜୀସୁ ତାନି ଆଙ୍ଗାଟି ବାଡ଼ୟୁ ହାଚାଣି ହିୟାତା ପୁଞ୍ଜାନା, ଲକୁ ମାନ୍ଦାତା ଖେଣ୍ଡେ ସିନିକିହାନା ଏଲେଇଚେସି, “ଏମ୍ବାଆୟି ନା ହିମ୍ବୁରି ତୀଗାଚେ?”

୩୧ ଏମ୍ବାଟିଏ ତାନି ସୀସୁୟାଁ ଏଲେଇଚେରି, “ନୀନୁତ ମେସିମାଞ୍ଜି ଲକୁ ଏନିକ୍ ନୀ ମୁହେଁ ଆହିମାନେରି, ଅଡ଼େ ଏଲେ ଇଞ୍ଜିମାଞ୍ଜି ଆମ୍ବାଆୟି ନାଙ୍ଗେ ତୀଗାଚେ?”

୩୨ ସାମା ଏମ୍ବାଆୟି ତାଙ୍ଗେ ତୀଗିଚେ ଏଦାଆଁ ମେସାଲି ଜୀସୁ ସାରିସୁରୁ ସିନିକିଚେସି ।
୩୩ ଏମ୍ବାଟିଏ ଏ ଇୟା ଖାହାନା ତାଙ୍ଗେତାକି ଏନାୟି ଆହାମାନେ ଏଦାଆଁ ପୁଞ୍ଜା ଆଜିତାକି ତୀରଗିହୁଁ ଖାହାଁ ତାନି କତାଣା ରିହାନା ବାରେ ସାତା କାତା ଏଞ୍ଜାଣାଇଁ ଖେସ୍ତେ ।
୩୪ ଏମ୍ବାଟିଏ ଜୀସୁ ଏ ଇୟାନି ଏଲେଇଚେସି, “ଆଲ ମାଙ୍ଗା ନୀ ନାମୁ ନିଙ୍ଗେ ନେହୁଁ କିହାମାଞ୍ଜାନେ; ହିଡ଼ି ତଲେ ହାଲ୍ଲାମ୍ ଇଞ୍ଜାଁ ନୀ ରଗଟି ନେହୁଁ ଆମ୍ ।”

୩୫ ଜୀସୁ ଇ କାତା ଖେସିମାଚାଟି, ଜୀହୁଦି ଲକୁଚି କୁଟମି ଇଲୁଚି କାଜାଣା ଇଜଟି ରଅସି ଖାହାନା ଏଲେଇଚେସି, “ନୀ ମାଙ୍ଗା ହାଚେୟିଏ ଗୁରୁଇଁ ଅଡ଼େ ଏନାଆଁତାକି କସ୍ତୁ ହାହିମାଞ୍ଜି?”

୩୬ ସାମା ଜୀସୁ ଏ କାତା ଖେଞ୍ଜାନା ଖେନାଆତିଲେହେଁ ଆହାନା ଜାୟିରସଇଁ ଏଲେଇଚେସି, “ଆଜାଆନି ସାମା ନାମାମ୍ ।”
୩୭ ଅଡ଼େ ଏଞ୍ଜାସି ପିତର, ଜାକୁବ, ଅଡ଼େ ତାନି ତାୟି ଜହନ ପିସପେ ଆମ୍ବାଆରାଇଁ ତାନିତଲେ ଅଆଚେସି ।
୩୮ ଏଞ୍ଜାରି ଜାୟିରସ ଇଜ ଏଜାଲିଏ, ଏମ୍ବାଆଁ ହାରେକା

† ୫:୨୦ ୫:୨୦ ଦସଗଗା ନାସକା ‡ ୫:୨୨ ୫:୨୨ ସିନଗଗ

କାଲୁକ୍ରି ଆହୁଁ ଡାହିମାନାଣି ମେସେସି, ୩୯ ଇଞ୍ଜା ବିତ୍ରା ହାଜାନା ଏଝାସିକାଣି ଏଲେଇରେସି, “ଏନାଆଁତାକି କାଲୁକ୍ରି ଆହୁଁ ଡାହି ମାଞ୍ଜେରି, ଇ ପଦା ହାହାହିଲେଏ ସାମା ଇଦା କିହାମାନେ” ଏମ୍ବାଟିଏ ଏଝାରି ଏଝାଣାଲ୍ କାକ୍‌ହେରି ।

୪୦ ଏଝାରି ଏଝାଣାଲ୍ ଲାଜା କିହାନା କାକ୍‌ହେରି, ସାମା ଏଝାସି ବାରେଡି ପାଙ୍ଗାତା ପାଣ୍ଡାନା ପଦାନି ଇୟା ଆବା ଅଡେ ତାନି ତାନି ଜାଣା ସାୟୁୟାଁ ତଲେ ଏ ପଦା ମାଟି ତାଣା ହାରେରି, ୪୧ ଇଞ୍ଜା ଏ ପଦାନି କେୟୁ ଆସାନା ଏଦାନି ଏଲେଇରେସି, “ଟଲିତା କୁମ୍” ଇଚିହୁଁ “ଆଲ ମାଙ୍ଗା ନାନୁ ନିଙ୍ଗେ ଝେସିମାଞ୍ଜାଲ୍ ନିଙ୍ଗାମ୍ ।”

୪୨ ଏ ଦେବୁଣିଏ ପଦା ନିଙ୍ଗାନା ତାକିତେ (ଇଚିହୁଁ ଏଡି ବାର ବାସୀ ଆହାମାରେ) ଏମ୍ବାଟିଏ ଏଝାରି ହାରେକା କାବା ଆଡେରି । ୪୩ ଇଞ୍ଜା ଇ କାତା ଏନିକ୍ ଆମ୍ବାଆରି ପୁନଅରି, ଏଦାଆଁତାକି ଏଝାସି ଏଝାରାଲ୍ ଜାଣେ ହୁକୁମି ହୀତେସି, ଇଞ୍ଜା “ପଦାନାକି ଏନାଆଁ ତିଞ୍ଜାଲି ହୀଦୁ” ଇଚେସି ।



ଜୀସୁଇଁ ନାଜରିତତା ଅପାଆଗାଟାୟି
(ମାତି ୧୩:୫୩-୫୮; ଲୁକ ୪:୧୭-୩୦)

୧ ଜୀସୁ ଏ ଚାୟୁ ପିସାନା ତାନୁ ପାତାଆଡି ନାୟୁଁତା ହାରେସି ଇଞ୍ଜା ତାନି ସାୟୁୟାଁ ତାନି ଜେଚ ହାରେରି । ୨ ଜମିନି ଦିନା ଝାହାଲିଏ, ଏଝାସି ଜୀହୁଦି ଲକୁଡି କୁଟମି ଇଲୁତା* ଜାପୁହାଲି ମାଟ୍‌ହେସି; ଇଞ୍ଜା ହାରେକା ତାନି କାତା ଝେଞ୍ଜାନା କାବା ଆହାଁ ଏଲେଇରେରି, “ଇଝାଣାକି ଇ ବାରେ ଏମ୍ବିଟି ଆଡେ ? ଇଝାସି ଇଲେଡି ବୁଦି ଏନିକ୍ ପୁରେସି ? ଇଞ୍ଜା ଇଲେଡି କାବାଆନି କାମା ଏନି ବାଡୁୟୁ ତଲେ କିହିମାନେସି ?” ୩ ଇଝାସି ଏ ବାଡିୟାଡି ମୀରଏସି ଆଏକି ? ଇଝାସି ମରିୟମନି ମୀରଏସି ଇଞ୍ଜା ଜାକୁବ, ଜସି, ଜୀହୁଦା ଇଞ୍ଜା ସିମନତି ତାୟି ଆଏକି ? ଇଞ୍ଜା ତାନି ତାଙ୍ଗିସ୍ତା ଇମ୍ବାଆଁ ମା ତଲେ ହିଲାଉ କି ? ଅଡେ ଏଝାରି ଏଝାଣାଲ୍ ଅପାଆଡେରି ।

୪ ଏମ୍ବାଟିଏ ଜୀସୁ ଏଝାରାଲ୍ ଏଲେଇରେସି, “ମାହାପୁରୁ ଅଣ୍‌ପୁଡି ବଲୁ ଝେହନାରି ଏଟ୍‌କା ଲକୁ ତାଣାଟି ମାନି ବେଟାଆନେରି ସାମା ତାନି ନାୟୁଁତି ଲକୁ ଇଞ୍ଜା ତାନି ଇଲୁ କୁଟମିତି ଲକୁ ଏଝାଣାଲ୍ ମାନି କଅରି ।”

୫ ଇଞ୍ଜା ଏଚରଜାଣା ରଗ ଗାଟାରାଲ୍ କେୟୁ ଇଟାନା ନେହୁଁ କିନାଣି ପିସପେ ଏ ଚାୟୁତା ଏନି ବାଡୁୟୁଡି କାମା କିହାଲି ଆଡାଆଡେସି । ୬ ଇଞ୍ଜା ଏଝାରି ନାମାଆତାକି ଜୀସୁ ହାରେକା କାବା ଆଡେସି ଏମ୍ବାଟି ବାରେ ନାୟୁକାଣାଁ ହାଜାନା ଜାପୁହେସି ।

ଜୀସୁ ବାରଜାଣା ସାୟୁୟାଁଣି ପାଣ୍ଡିନାୟି
(ମାତି ୧୦:୫-୧୫; ଲୁକ ୯:୧-୭)

୭ ତାୟୁ ଏଝାସି ନାୟୁକା ନାୟୁକାଣାଁ ରେଜି ରେଜିହୁଁ ଜାପୁହାଲି ମାଟ୍‌ହେସି, ଏମ୍ବାଟିଏ ବାରଜାଣାଟି ତାଗେ ହାଟାନା ଏଝାରାଲ୍ ରିଆରି ଲାକା କିହାନା ପାଣ୍ଡାଲି ମାଟ୍‌ହେସି ଇଞ୍ଜା ଲାଗେଏ ପଲେଏଡି ଜୀହୁୟାଁ ଲାକ ଏଝାରାକି ଅଦିକାରା ହୀତେସି, ୮ ଅଡେ ହାଜାଲିତାକି ବାଡୁଗା ପିସପେ, ଲହଡି କି ମଣା କି ଅଚଡିତା ଟାକାୟାଁ ଅଆଦୁ ଇଞ୍ଜା ହୁକୁମି ହୀତେସି; ୯ ସାମା ଏଝାରାଲ୍ କତାତା ସେପୁୟାଁ ତୁରହାଲି ଏଲେଇରେସି, ଇଞ୍ଜା ରୀ ସକାୟାଁ ତୁରହାଲି କାହି କିତେସି । ୧୦ ଇଞ୍ଜା ଜୀସୁ ଏଝାରାଲ୍ ଏଲେଇରେସି, “ମିଙ୍ଗ ଆମିନି ଇଲୁତା ହାଟାନେରି, ଏମ୍ବାଟି ଝେଣ୍ଡା ଝାଆ ପାଡେକା ଏମ୍ବାଆଁ ତୟାଦୁ । ୧୧ ଏସାମା ଆମିନି ଚାୟୁଡି ଲକୁ ମିଙ୍ଗ ଆବଅରି, କି ମୀ କାତା ଝେନଅରି, ଏମ୍ବାଟି ଝେଣ୍ଡା ଝାନାଟି ଏଝାରି ନକିତା ସାକି ହାହାଲି ତାକି ମୀ କତାଡି ଦୁଡି ହାଣ୍ଡୁ ।”

୧୨ ଏମ୍ବାଟିଏ ଏଝାରି ରେଜି ରେଜିହୁଁ ପାପୁ ପିସାନା ମନ ଝେଚ୍‌ନି କାତା ଝେକ୍‌ହେରି, ୧୩ ଇଞ୍ଜା ହାରେକା ବୁଡୁଣି ପିସପି କିତେରି, ଇଞ୍ଜା ହାରେକା ରଗ ଗାଟାରାଲ୍ ନିୟୁଁ ରୁବାନା ନେହୁଁ କିତେରି ।

ବାପ୍ତିସ୍ମାଁ ହାନି ଜହନତି ହାନାୟି
(ମାତି ୧୪:୧-୧୨; ଲୁକ ୯:୭-୯)

୧୪ ଏମ୍ବାଟିଏ ଜୀସୁ ଦରୁ ସାରି ଝାକି ଝେଙ୍ଗା ହାଜାଲିଏ ହେରଦ ରାଜା ଏଝାଣି କାତା ଝେଚେସି, ଇଞ୍ଜା ଲକୁ ଏଲେଇଞ୍ଜାମାରେରି, “ବାପ୍ତିସ୍ମାଁ ହାନି ଜହନ ହାଡାରି ତାଣାଟି ନିଙ୍ଗାମାନେସି, ଏଦାଆଁତାକି ଇ ବାରେ କାବାଆନି ବାଡୁୟୁଡି କାମା ଏଝାଣି ତାଣା ଆହିମାନେ ।”

୧୫ ସାମା ଏଟ୍‌କାତାରି ଏଲେଇଞ୍ଜାମାରେରି, “ଇଝାସି ଏଲିୟୁ ।”

ଇଞ୍ଜା ଅଡେ ଏଚରଜାଣା ଏଲେଇଞ୍ଜାମାରେରି, “ମାହାପୁରୁ ଅଣ୍‌ପୁଡି ବଲୁ ଝେହନାରି ଲେହେଁ ଇଝାସି ଜିକେଏ ମାହାପୁରୁ ଅଣ୍‌ପୁଡି ବଲୁ ଝେହନାସି ।”

୧୬ ସାମା ହେରଦ ଇଦାଆଁ ଝେଞ୍ଜାନା ଏଲେଇରେସି, “ଆମିନି ଜହନତି ତାୟୁଁ ନାନୁ ଦାପି କିହାମାଲ୍, ଏଝାସି ନିଙ୍ଗାମାନେସି !” ୧୭ ଇଚିହୁଁ ହେରଦ ତାନି ତାୟି ପିଲିପ ତକ୍ତି ହେରଦିୟାନି ବାହା ଆହାମାଟାକି, ଏଦାନି ତାକି ତାନୁ ଲକୁଣି ପାଣ୍ଡାନା ଜହନଲ୍ ଦସ୍‌ପା ତାତାନା କାୟିଦିତା ଇଟାମାରେସି । ୧୮ ଇଚିହୁଁ ଜହନ ହେରଦଲ୍ ଏଲେଇଞ୍ଜାମାରେସି, “ନୀ ତାୟି ତକ୍ତିନି ଇଚିନାୟି ନୀ ମେରା ହିଲାଆଡେ ।” ୧୯ ଏମ୍ବାଟିଏ ହେରଦିୟା କାର୍‌ବି ଆହାନା ଜହନଲ୍ ପାୟାଲି ମନ କିହିମାରେ ସାମା ଏଡି ଏନାଆଁ କିହାଲି ଆଡିହିଲାଆଡେ । ୨୦ ଇଚିହୁଁ ହେରଦ ଜହନଲ୍ ର ଦାମ୍‌ଗାଟାସି ଅଡେ ସୁଦୁଗାଟାସି ଇଞ୍ଜା ଆଜିମାରେସି, ଇଞ୍ଜା ଏଝାଣାଲ୍ ଗେଲ୍‌ପାଲି ଅଣ୍‌ପିମାରେସି, ଏଝାଣି କାତା ଝେଞ୍ଜାନା ଆଜିତିହୁଁ ଜିକେଏ ଏଝାଣି କାତା ଝେଞ୍ଜାଲି ମନ କିହିମାରେସି ।

* ୭:୨ ୭:୨ ସିନଗର୍ ☆ ୭:୪ ୭:୪ ଜହ ୪:୪୪ ☆ ୭:୧୧ ୭:୧୧ କାମା ୧୩:୫୧ ☆ ୭:୧୧ ୭:୧୧ ଲୁକ ୧୦:୪-୧୧ ☆ ୭:୧୩ ୭:୧୩ ଜାକୁବ ୫:୧୪ † ୭:୧୩ ୭:୧୪ ମୁଞ୍ଜିନାୟି ☆ ୭:୧୪ ୭:୧୪ ମାତି ୧୭:୧୪; ମାର୍କ ୮:୨୮; ଲୁକ ୯:୧୯ ‡ ୭:୧୪ ୭:୧୪ ମୁଞ୍ଜିନାୟି ☆ ୭:୧୭ ୭:୧୭ ଲୁକ ୩:୧୯,୨୦

୨୧ ତାମ୍ଭୁ ହେଉଦିୟାକି ର ପାରୁ ମୋଡ଼ାଆଡ଼େ, ହେଉଦ ତାନି ଜାନା ଦିନାତା କାଜା କାଜା ମନ୍ତ୍ରିୟାଣି ଇଞ୍ଜା ଗାଲିଲିତି କାଜା କାଜାରାଇଁ ଲାଆଁ ବେଲତା ର ବଢ଼ିତା ହାଟିତେସି; ୨୨ ଇଞ୍ଜା ହେଉଦିୟାନି ମାଜ୍ଜା ବିତ୍ତା ହାଜାନା ଏଦାହାଁ ହେଉଦ ଇଞ୍ଜା ତାନିତଲେ ବଢ଼ିତା କୁଗାମାଟି ଲକୁଣି ରାହାଁ କିଞ୍ଜିକିତେ, ଏମ୍ବାଟିଏ ରାଜା ଏ ପଦାନି ଏଲେଇଚେସି, “ଏନାଆଁ ମନ କିହିମାଞ୍ଜି ରାସ୍ତାମୁ ନାନୁ ଏଦାଆଁ ନିଜେ ହିୟାଇଁ ।” ୨୩ ଇଞ୍ଜା ଏଝାସି ପଦା ନକିତା ପାରମାଣା କିତେସି, “ନାନୁ ନାଜେ ଏନାଆଁ ରାସ୍ତାଦି, ରାଜିତି ଆଦା ଜିକେଏ ନାନୁ ନିଜେ ହିୟାଇଁ !”

୨୪ ଏମ୍ବାଟିଏ ଏ ପଦା ହାଜାନା ତାନି ଇୟାନି ଖେଚେ, “ନାନୁ ଏନାଆଁ ରାହାଇଁ ?”

ଏମ୍ବାଟିଏ ଏଦି ଏଲେଇଚେ, “ବାପ୍ତିସ୍ତାଁ ହାନି ଜହନତି ତାୟୁଁ ୁ”

୨୫ ଏ ଦେବୁଣିଏ ରାଜା ତାଣା ତବେ ଖାହାନା ଏଲେଇଞ୍ଜି ରାସ୍ତେ, “ନାଜେ ନାନୁ ବାପ୍ତିସ୍ତାଁ* ହାନି ଜହନତି ତାୟୁଁ ୁ” ର ସାଡ଼ଝାତା ନାଏଁ ନାଜେ ହିୟାମୁ ।”

୨୬ ଏମ୍ବାଟିଏ ରାଜା ହାରେକା ଦୁକୁ ଆଡ଼ିହଁ ଜିକେଏ, ତାନୁ କିତି ପାରମାଣା ଅଡ଼େ ବଢ଼ିତା କୁଗାମାଟାରି ତାକି ଆଏ ଇଞ୍ଜାଲି ଆଡ଼ାଆଡେସି । ୨୭ ଏଦାଆଁତାକି ରାଜା ଦେବୁଣିଏ ର କହୁଏଣାଇଁ ପାଣ୍ଡାଣା ତାନି ତାୟୁଁ ୁ ତାଗାଲି ହୁକୁମି ହାତେସି, ଏମ୍ବାଟିଏ ଏଝାସି ହାଜାନା କାୟିଦି ଇଲୁତା ତାନି ତାୟୁଁ ୁ ଦାଡ଼େସି; ୨୮ ଅଡ଼େ ଏଦାଆଁ ର ସାଡ଼ଝାତା ତାଚାନା ପଦାନାକି ହାତେସି, ଇଞ୍ଜା ପଦା ଏଦାଆଁ ଅହାନା ତାନି ଇୟାନାକି ହାତେ । ୨୯ ଇଞ୍ଜା ଜହନତି ସାସୁୟାଁ ଏ କାତା ଖେଞ୍ଜାନା ଖାଡ଼େରି, ଇଞ୍ଜା ତାନି ମାଡ଼ହାତି ଅହାନା ମାଡ଼ହା ଇଟିନି ଚାୟୁତା ଇଟିଚେରି ।

ଜୀସୁ ପାସାମାଣା ଲକୁତାକି ତାହନାୟି
(ମାତି ୧୪:୧୩-୨୧; ଲୁକ ୯:୧୦-୧୭; ଜହ ୬:୧-୧୪)

୩୦ ତାୟୁ ପାଣ୍ଡୁଞ୍ଜି ଆହାମାଟାରି ଜୀସୁ ତାଣା ଖାଡ଼େରି, ଇଞ୍ଜା ଏଝାରି ଏନା ଏନାଆଁ କିହାମାଚେରି, ଇଞ୍ଜା ଏନା ଏନାଆଁ ଜାପୁହା ମାଚେରି, ଏ ବାରେ ଏଝାଣାଇଁ ଖେସ୍ତେରି । ୩୧ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ମାର ଇମ୍ବାଟି ଲକୁ ହିଲାଆ ଚାୟୁତା ହାନ, ଏମ୍ବାଆଁ ମୀରୁ ଗାଡ଼େକା ଜମାଦୁ ।” ଇତିହଁ ହାରେକା ଲକୁ ହାଜି ଖାହି ଆହିମାଟାକି ଏଝାରାକି ତିଞ୍ଜାଲି ଜିକେଏ ମୁଆଡେ । ୩୨ ଏମ୍ବାଟିଏ ଏଝାରି ଏଚକା ଆହାନା ର ତଂଗତା ହଚାନା ଲକୁ ହିଲାଆ ଚାୟୁତା ହାଚେରି ।

୩୩ ସାମା ହାରେକା ଲକୁ ଏଝାରି ହଚା ହାଚାଣି ମେସ୍ତେରି ଅଡ଼େ ପୁଚେରି, ଇଞ୍ଜା ଲକୁ ବାରେ ଗାଡ଼ାୟାଟି ତାକିହଁ ହାଜାନା ଏଝାରି ନକିତା ଏଗାହାଚେରି । ୩୪ ☆ଏଝାସି ତଂଗଟି ରେଚାନା ହାରେକା ଲକୁଣି ମେସାନା ଏଝାରାଇଁ କାର୍ମା ଆଡେସି, ଇତିହଁ ଏଝାରି ଗଡ଼ ହିଲାଆ ମେଶ୍ତାୟାଁ ଲେହେଁ ମାଚେରି; ଇଞ୍ଜା ଏଝାସି ଏଝାରାଇଁ ହାରେକା କାତା

ଜାପୁହେସି । ୩୫ ଗାଡ଼ି ଖେଡ଼ାଆୟାଲିଏ ତାନି ସାସୁୟାଁ ତାନି ତାଣା ଖାହାନା ଏଲେଇଚେରି, “ଇ ଚାୟୁ ଲକୁ ହିଲାଆ ଚାୟୁ ଇଞ୍ଜା ଆନ୍ଦେରି ଜିକେଏ ଆହିମାଚେ; ୩୬ ଲକୁ ଏନିକଁ ସାରିଝାକି ମାନି ଖାଲହାଝାଡ଼ି ଅଡ଼େ ଗାଡ଼ାତା ହାଜାନା ତାମ୍ଭେ ତାକି ତିଞ୍ଜାଲି ରାନ୍ଦା କତାପେରିଝା, ଏଦାଆଁତାକି ଏଝାରାଇଁ ହେଲ ହାହାନା ପାଣ୍ଡାମୁ ।”

୩୭ ସାମା ଜୀସୁ ତାନି ସାସୁୟାଁଇଁ ଏଲେଇଚେସି, “ମୀରୁ ଏଝାରାକି ତିଞ୍ଜାଲି ହାଦୁ ।”

ଏଝାରି ଏଲେଇଚେରି, “ମାର ରୀ ଖାଞ୍ଜା ଖେଣ୍ଡି ଚାକାୟାଟି† ରୁଟି ତାଚାନା ଇଝାରାକି ତିଞ୍ଜାଲି ହାନାୟି କି ?”

୩୮ ଜୀସୁ ଏଝାରାଇଁ ଏଲେଇଚେସି, “ମୀ ତାଣା ଏଚରଗଟା ରୁଟି ମାନୁ ? ହାଜାନା ସିନିକିଦୁ ।”

ଏଝାରି ଖେଞ୍ଜା ଖାହାନା ଜୀସୁଇଁ ଏଲେଇଚେରି, “ପାସାଗଟା ରୁଟି ଇଞ୍ଜା ରୀ ମୀଣକା ମାନୁ ।”

୩୯ ଇଞ୍ଜା ଜୀସୁ ତାନି ସାସୁୟାଁଇଁ ଏଲେଇଚେସି, ବାରେ ଲକୁଇଁ ଗଟି ଗଟି କିହଁ କୁଟି ଜାଡ଼ା ଲାକ କୁଟିକିହାଲି ଖେସ୍ତେସି । ୪୦ ଏଚେଟିଏ ଏଝାରି ପାସାକଡ଼ି ଜାଣା ରୀ କଡ଼ି ଦସ ଜାଣା ଲାକା ମାନ୍ଦା ମାନ୍ଦା ଆହଁ କୁଟିଚେରି । ୪୧ ତାୟୁ ଜୀସୁ ଏ ପାସାଗଟା ରୁଟି ଇଞ୍ଜା ରୀ ମୀଣକା ଅହାନା ଲାକପୁରୁ ଖାକି ସିନିକିହାଁ ମାହାପୁରୁଇଁ ଜହରା କିତେସି, ଅଡ଼େ ରୁଟି ଡ଼ିକହାନା ଲକୁତାକି ବାଟି କିହା ହାହାଲି ତାନି ସାସୁୟାଁକି ହାତେସି, ଇଞ୍ଜା ରୀ ମୀଣକା ଜିକେଏ ଏଲେକିହଁଏ ବାଗା କିହାନା ହାତେସି । ୪୨ ଏମ୍ବାଆଁ ବାରେଜାଣା ତିଞ୍ଜାନା ପାଞ୍ଜିଚେରି, ୪୩ ଇଞ୍ଜା ଏଝାରି ହାଚାମାଟି ରୁଟି ଅଡ଼େ ମୀଣକା କୁଡ଼ି କିହାନା ବାରିଗଟା ତାଲିତା ନେଞ୍ଜିକିଚେରି । ୪୪ ରୁଟି ତିଟି ଲକୁ ପାସାମାଣା ଖାରଇ ଆବାୟାଁ ମାଚେରି ।

ଜୀସୁ ଏୟୁ ଲାକ ତାକିନାୟି
(ମାତି ୧୪:୨୨-୩୩; ଜହ ୬:୧୫-୨୧)

୪୫ ଏ ଦେବୁଣିଏ ଏଝାସି ତାନି ସାସୁୟାଁଣି ତଂଗତା ହଚାନା ଆତାଲାଝାକି ମାନି ବେଡ଼ସାୟିଦା ଗାଡ଼ାତା ହାଜାଲି ତାନି ନକେଏ ପାଣ୍ଡିଚେସି, ଏମ୍ବାଟିଏ ବାରେ ଲକୁଣି ହାଜାଲିତାକି ହେଲ ହାହାଁ ପାଣ୍ଡିଚେସି । ୪୬ ଏଝାରି ତାଣାଟି ହେଲ ଅଡ଼ି ତାୟୁ ଏଝାସି ପ୍ରାଡ଼ାନା କିହାଲି ହରୁତା ହାଚେସି । ୪୭ ମିଡ଼ଅଲା ଆହାଲିଏ ତଂଗ ସାମ୍ବୁରି ମାଦିଏ ମାଚେ, ଇଞ୍ଜା ଜୀସୁ ସାମ୍ବୁରି ଗାଟୁତା ରଅସିଏ ମାଚେସି । ୪୮ ଏମ୍ବାଟିଏ ହାରେକା ଗାଲି ଏଝାରି ଖାକି ଖେଟିମାଟାକି ତଂଗ ତାକି କିହାଲି କସ୍ତୁ ଆହିମାଟାଣି ମେସାନା ଏଝାସି ଖେୟା ନେକେରି ସାମ୍ବୁରି ଏୟୁ ଲାକ ତାକିହଁ ଏଝାରି ତାଗେ ଖାଡେସି, ଇଞ୍ଜା ଏଝାରି ତାଗେଟି ଆଗାଡ଼ା ହାଜାଲି ଅଣ୍ପାମାଚେସି, ୪୯ ସାମା ଏଝାରି ଏଝାଣାଇଁ ସାମ୍ବୁରି ଲାକ ତାକି ମାନାଣି ମେସାନା ବୁଡୁ ଇଞ୍ଜାଁ ଅଣ୍ପାମା କାଲୁଞ୍ଜି ଆଡେରି । ୫୦ ଇତିହଁ ବାରେଜାଣା ଏଝାଣାଇଁ ମେସାନା ଆଜାହାଜା ମାଚେରି ।

‡ ୭:୨୪ ୭:୨୪ ମୁଞ୍ଜନାୟି * ୭:୨୫ ୭:୨୫ ମୁଞ୍ଜନାୟି ☆ ୭:୩୪ ୭:୩୪ ମାତି ୯:୩୭ † ୭:୩୭ ୭:୩୭ ର ଦିନାତି ବୁଟି ର ଖେଣ୍ଡି ଚାକା

ସାମା ଜୀସୁ ଦେବୁଣିଏ ଏଞ୍ଜାରିତଲେ କାତା ଆହାନା ଏଞ୍ଜାରାକ୍ ଏଲେଇଚେସି, “ସାସା ଆହୁଦୁ ନାନୁଏ ଏଞ୍ଜାଚେଏ, ଆଜାଆଦୁ ।” ^{୫୧} ଇଞ୍ଜା ଏଞ୍ଜାସି ଏଞ୍ଜାରିତାଣା ହାଜାନା ତଂଗତା କୁରିଚେସି, ଇଞ୍ଜା ଗାଲି ତୁଜିଚେ, ଏମ୍ବାଟିଏ ଏଞ୍ଜାରି ମନ ମନତା ହାରେକା କାବା ଆଚେରି । ^{୫୨} ଇଚିହ୍ ଏଞ୍ଜାରି ରୁଟିୟା କାତା ପୁଣ୍ଡୁସୁ ପୁଞ୍ଜାହିଲାଆଚେରି, ଏନାଆଁତାକି ଇଚିହ୍ ଏଞ୍ଜାରି ହିୟା ଆଟ୍ଝା ଆହାମାଚେ ।

ଗେନେସର ରଗ ଗାଟାରାକ୍ ନେହ୍ କିନାୟି
(ମାତି ୧୪:୩୪-୩୬)

^{୫୩} ଏଞ୍ଜାରି ସାମଦୁରି ଗାଟାଚାନା ଗେନେସର ରାଜିତା ଏଜାନା କାତା ଗାଟୁତା ତଂଗତି ଦସ୍ତେରି । ^{୫୪} ଅଡେ ଏଞ୍ଜାରି ତଂଗତି ରେଚାଲିଏ, ଦେବୁଣିଏ ଲକୁ ଏଞ୍ଜାଣାକ୍ ପୁଞ୍ଜାନା, ^{୫୫} ଏ ରାଜିତି ସାରିଞ୍ଜାକି ହାଚେରି, ଏଞ୍ଜାରି ଆମିନି ଟାୟୁତା ମାନେରି ଇଞ୍ଜା ଖେଚେରି, ଅଡେ ଜୀସୁ ମାନି ଟାୟୁତା ରଗ ଗାଟାରାକ୍ କାଚେଲିତା ଡେକା ତାଚାଲି ମାଟ୍ଝେରି । ^{୫୬} ଇଞ୍ଜା ଏଞ୍ଜାସି ଆମିନି ନାସ୍କା, ଅଡେ ଗାଟାତା ହାଚେସି, ଲକୁ ଏ ବାରେ ଟାୟୁତି ହାଟା ବାଜାରାଟି ରଗ ଗାଟାରାକ୍ ଏଞ୍ଜାଣି ନକିତା ଏଞ୍ଜାରାକ୍ ଇଚିଚେରି, ଏଞ୍ଜାରି ଏନିକ୍ ଏଞ୍ଜାଣି ହିମ୍ବୁରି କୁଞ୍ଜୁ ଡାଗିନେରି, ଏନାଆଁତାକି ଏଞ୍ଜାଣାକ୍ ବାତିମାଲିଚେରି; ଇଞ୍ଜା ଏଚେକା ଲକୁ ଏଞ୍ଜାଣାକ୍ ଡାଗିଚେରି ଏଞ୍ଜାରି ବାରେ ନେହ୍ ଆଚେରି ।



ଆକୁ ଆବାୟାତି ପାଣାପାଚୁ
(ମାତି ୧୫:୧-୯)

^୧ ତାୟୁ ପାରୁସିୟା ଅଡେ ଜିରୁସାଲମଟି ଖାହାମାନି ଏଚରଜାଣା ମେରାପୁନାରି ଜୀସୁ ତାଣା ରୁଣ୍ଡା ଆଚେରି । ^୨ ଏଞ୍ଜାରି ସୀସୁୟା ବିତ୍ରାଟି ଏଚରଜାଣାତି କେସ୍ତା ନରଆନା ତିଞ୍ଜି ମାଚାଣି ମେସ୍ତେରି । ^୩ ପାରୁସିୟା ଅଡେ ବାରେ ଜୀହୁଦି ଲକୁ ଆକୁ ଆବାୟା ଇଟାମାନି ମେରାତି ମାନଞ୍ଜି ଆହାନା ନେହ୍ କି କେୟୁ ନରଆସାରେ ତିଞ୍ଜି ହିଲାଆଚେରି, ^୪ ଇଞ୍ଜା ହାଟା ବାଜାରାଟି ଖାହାନା ତାନି ଲାକ ଏୟୁ ଡାଞ୍ଜା କଡାଆନା ତିଞ୍ଜି ହିଲାଆଚେରି; ଅଡେ ଗିନା ମୁତା ଇଞ୍ଜା ପିତାଡା ଡକାୟା, ପାସ୍ପନି ନରନାୟି, ଇଲେତି ହାରେକା ମେରା ମାନଞ୍ଜି ଆହାଲି ହୁକୁମି ବେଟା ଆହାମାନେରି ।

^୫ ଏନାଆଁତାକି ପାରୁସିୟା ଅଡେ ମେରାପୁନାରି ଜୀସୁକ୍ ଖେଚେରି, “ନୀ ସୀସୁୟା ତଲିତି ଆକୁ ଆବାୟା ମେରା ତଲେ ତାକାଆନା ଏନାଆଁତାକି କେସ୍ତା ନରଆନା ତିନେରି ?”

^୬ ଜୀସୁ ଏଞ୍ଜାରାକ୍ ଏଲେଇଚେସି, “ଆଡେ କୁଟୁ ଗାଟାଚେରି, ମାହାପୁରୁ ଅଣ୍ଡପୁତି ବଲୁ ଖେହ୍ନି ଜିସାୟ ନେହ୍ କି କାତା ଖେସାମାନେସି, ଏନିକ୍ ରାସ୍କି ଆହାମାନେ; ଇ କୁଡାତାରି ଖାରୁଇ ଗୁତି ତଲେ ନାଜେ ସେବା କିୟାନେରି,

ସାମା ଏଞ୍ଜାରି ହିୟା ନା ତାଣାଟିଏ ହାରେକା ହେକ ଡିୟିନେ ।

^୭ ଏଞ୍ଜାରି ମାଣ୍ଡସିୟା କେପିତି ମେରାତି ଦାମ୍ବୁତି ନେହ୍ କାତା ଇଞ୍ଜା ଜାପ୍ଝାନା, ଉଜେଏ ନା ସେବା କିୟାନେରି ।

« ମୀରୁ ମାହାପୁରୁତି ହୁକୁମି ପିସାନା ମାଣ୍ଡସିୟା ମେରାତି ଆସାମାଞ୍ଜେରି ।”

^୮ ଅଡେ ଜୀସୁ ଏଞ୍ଜାରାକ୍ ଏଲେଇଚେସି, “ମାହାପୁରୁତି ହୁକୁମି ପିସାନା ମୀ ଜାପ୍ଝାମାଞ୍ଜନାଣି ଆସାଲି ତାକି ମୀରୁ ହୁକୁମି ମାନି କିହିହିଲଅଚେରି । ^{୧୦} ଇଚିହ୍ ମସା ଏଲେଇଞ୍ଜା ମାନେସି, ‘ତାଲି ତାଞ୍ଜିକ୍ ଜୀଞ୍ଜୁନଦୁ, ଇଞ୍ଜା ଆମ୍ବାଆସି ତାଲି କି ତାଞ୍ଜିକ୍ ବାକା ଇଚିନେସି, ଏଞ୍ଜାସି ହାନ୍ତି ତଣ୍ଡ ବେଟା ଆନେସି ।’ ^{୧୧} ମୀରୁ ଜାପ୍ଝି ମାଞ୍ଜେରି, ‘ଆମ୍ବାଆସି ତାଲି କି ତାଞ୍ଜିକ୍ ଏଲେଇନେସି, ନା ତାଣାଟି ଏନାଆଁ ହିୟାତିହ୍ ନିଜେ ନେହେଁ ଆଡେମା, ଏଡି କର୍ବାନ ଇଚିହ୍ ମାହାପୁରୁ ତାକି ହେରପି ଆହାମାନାୟି । ^{୧୨} ଇଞ୍ଜା ମୀରୁ ଏଲେକିହ୍ ତାନି ଇୟା କି ଆବାକ୍ ଏଡି ସାୟେମି କିହାଲି ହାହି ହିଲଅଚେରି; ^{୧୩} ଏଲେକିହ୍ ଏ ମୀରୁ ମୀ ତାଣା ମାନି ମେରା ତଲେ ମାହାପୁରୁତି ବଲୁ ଉଜେଏ କିହିମାଞ୍ଜେରି, ଇଞ୍ଜା ଏଲେକିହ୍ ହାରେକା କାମା କିହିମାଞ୍ଜେରି ।”

ମାଣ୍ଡସିକ୍ ଲାଗେଏ କିନାୟି
(ମାତି ୧୫:୧୦-୨୦)

^{୧୪} ଜୀସୁ ଅଡେ ଖେଣ୍ଡେ ଲକୁଣି ତାଗେ ହାଟାନା ଏଞ୍ଜାରାକ୍ ଏଲେଇଚେସି, “ମୀରୁ ବାରେ ନା କାତା ଖେଞ୍ଜୁ ଅଡେ ତେଲହାଦୁ । ^{୧୫} ମାଣ୍ଡସିତି ପାଞ୍ଜାତା ଇଲେତି ଏନାୟି ହିଲେଏ, ଏଡି ମାଣ୍ଡସି ବିତ୍ରା ହଡାନା ଏଞ୍ଜାଣାକ୍ ଲାଗେଏ କିହାଲି ଆଡିନେ, ସାମା ଏନା ଏନାୟି ମାଣ୍ଡସି ତାଣାଟି ହଡିମାନେ, ଏ ବାରେ ଏଞ୍ଜାଣାକ୍ ଲାଗେଏ କିହିମାନେ ।”^{*}

^{୧୬} ଖେଞ୍ଜାଲି କୀର୍କା ମାନାସି ଖେଣ୍ଡାସି ।

^{୧୭} ଅଡେ ଏଞ୍ଜାସି ଲକୁ ତାଣାଟି ଇଲୁ ବିତ୍ରା ଖାହାଲିଏ ତାନି ସୀସୁୟା ଏଞ୍ଜାଣାକ୍ ପୁଣ୍ଡିକିନି କାତାତି ଅର୍ଡ ଖେଚେରି ।

^{୧୮} ଏମ୍ବାଟିଏ ଜୀସୁ ଏଞ୍ଜାରାକ୍ ଏଲେଇଚେସି, “ମୀରୁ ଜିକେଏ ଏଲେକିହ୍ ଏ ପୁନାଆ ଗାଟାଚେରି ? ଏନାୟି ପାଞ୍ଜାଟି ମାଣ୍ଡସି ବିତ୍ରା ହଡିହ୍ ଏଡି ଏଞ୍ଜାଣାକ୍ ଲାଗେଏ କିହାଲି ଆଡେଏ, ^{୧୯} ଇଚିହ୍ ଏଡି ଏଞ୍ଜାଣି ହିୟାତା ହଡ଼ଆନା ବାଣ୍ଡିତା ହଡୁନେ ଇଞ୍ଜା ବାଣ୍ଡିହାନିଲେହେଁ ହଡ଼ାହାନେ ଇଲେଆହ୍ ବାରେ ରାନ୍ଦା ଅଡିହ୍ ଆହିମାନେ, ଇଦାଆଁ ପୁଞ୍ଜି ହିଲଅଚେରି ?”

^{୨୦} ଅଡେ ଏଞ୍ଜାସି ଏଲେଇଚେସି, “ଏନାୟି ମାଣ୍ଡସି ତାଣାଟି ହଡିମାନେ ଏଡି ଏଞ୍ଜାଣାକ୍ ଲାଗେଏ କିହିମାନେ ।

^{୨୧} ଇଚିହ୍ ମାଣ୍ଡସି ହିୟା ବିତ୍ରାଟି ଲାଗେଏତି ଅଣ୍ଡପୁ ହନେ, ଦାରି କିୟାଲି, ସରୁ କିୟାଲି, ଲକୁଣି ପାୟିନାୟି, ^{୨୨} କୁପକା, ଲାଗେଏ ପଲେଏ କାମା, ନାଡିକିନାୟି, ଡାହାରା, ନିନ୍ଦା କିନାୟି, ଡାହାରା ଆନାୟି, କାର୍ବି ଆନାୟି; ^{୨୩} ଏଲେତି

* ୭:୧୫ ୭:୧୫ ଏଚେକା ସାସ୍ତେରିତା ୧୫ ପଦ ଜେଚ ଡକକା ମାନି ବଲୁତି ୧୭ ପଦୁତା ରାସ୍କି ଆହାମାନେ;

ଲାଗେଏତାୟି ବିଦ୍ରାଠି ହଡ଼ାଞ୍ଜାହାନା ମାଣ୍ଡିକ୍ ଲାଗେଏ କିହିମାନେ ।”

ର ଇୟାନି ନାମୁ
(ମାତି ୧୫:୨୧-୨୮)

୨୪ ଏମ୍ବାଟିଏ ଜୀସୁ ଏ ଚାୟୁ ପିସାନା ସରତି ହାନ୍ଦି ଖାକି ହାଚେସି, ଇଞ୍ଜା ର ଇଲୁତା ହଡ଼ାନା ଏନିକ୍ ଆମ୍ବାଆରି ପୁନଅରି ଇଞ୍ଜା ଅଣ୍ଡିମାଚେସି, ସାମା ଏଞ୍ଜାସି ଡ଼ଗ୍ଗାନା ଡ଼ୟାଲି ଆଡ଼ାଆଚେସି । ୨୫ ଏ ଦେବୁଣିଏ ର ଇୟା, ଆମ୍ବାଆରି ମାଙ୍ଗାନି ବୁଡୁ ଆଲଗାମାଚେ, ଏଡ଼ି ଜୀସୁ କାତା ଖେଞ୍ଜାନା ଖାହାଁ ଏଞ୍ଜାଣି କତାଣା ରୀଚେ । ୨୬ ଏ ଇୟା ସୁରପୟନିକି ଜାଡ଼ିତି ର ଗ୍ରିକ୍ ଇୟା ମାଚେ, ତାନି ମାଙ୍ଗାନି ତାଣାଟି ବୁଡୁ ପିସପି କିହାଲି ଏଡ଼ି ଜୀସୁକ୍ ବାତିମାଲିଚେ । ୨୭ ଏମ୍ବାଟିଏ ଜୀସୁ ଏଦାନି ଏଲେଇଚେସି, “ତଲିଏ କକାରି ପଦାଁଣି ପାଞ୍ଜି କିଦୁ, ଇଚିହ୍ କକାରି ପଦାୟା ରାନ୍ଦା ଅହାନା ନେସକା ନକିତା ମେଡ଼ନାୟି ନେହେଁ ଆଏ ।”

୨୮ ସାମା ଏଡ଼ି ଏଞ୍ଜାଣାକ୍ ଏଲେଇଚେ, “ହାଅ ପ୍ରବୁ ନେସକା ଜିକେଏ କକାରି ପଦାୟା ତ୍ରକହାମାନି ଲିତାତି ପେରହା ତିନୁ ।”

୨୯ ଏମ୍ବାଟିଏ ଜୀସୁ ଏଲେଇଚେସି, “ଇ କାତାତାକି ନୀ ମାଙ୍ଗାନି ତାଣାଟି ବୁଡୁ ହଡ଼ା ହାଚେୟିଏ, ହାଲାମୁ ।”

୩୦ ଇଞ୍ଜା ଏଡ଼ି ଇଜ ହାଜାନା ତାନି ମାଙ୍ଗା ପାସ୍ପନିତା ହୁଞ୍ଜାମାନାଣି ଇଞ୍ଜା ବୁଡୁ ହଡ଼ା ହାଜା ମାନାଣି ମେସ୍ତେ ।

ର ବେରା ଅଡ଼େ ଗୁଲାକ୍ ଜୀସୁ ନେହ୍ କିନାୟି

୩୧ ଅଡ଼େ ଖେଣ୍ଡେ ଏଞ୍ଜାସି ସର ହାନ୍ଦିଟି ହାଜାନା ସିଦନ ଅଡ଼େ ଦସଗଟା ନାସକାଁ ହାନ୍ଦି ହାହାନା ଗାଲିଲି ସାମ୍ବୁରି ତାଗେ ଖାଚେସି । ୩୨ ଇଞ୍ଜା ଲକୁ ର ବେରା ଅଡ଼େ ଗୁଲାକ୍ ଏଞ୍ଜାଣି ନକିତା ତାଚାନା ଏଞ୍ଜାଣିଲକ କେୟୁ ଇଟାଲି ବାଡ଼ିମାଲିଚେରି । ୩୩ ଜୀସୁ ଲକୁ ତାଣାଟି ରଅଣାକ୍ ଏ ଏଟକା କିହା ଅହାନା ଏଞ୍ଜାଣି ରୀ କୀର୍କାଣା ତାନି ଖାସକା ଇଚିଚେସି ଅଡ଼େ ହୂପାନା ଏଞ୍ଜାଣି ଖେନ୍ଦରି ତାଗିଚେସି, ୩୪ ଅଡ଼େ ଲକପୁରୁ ଖାକି ସିନିକିହାନା ଗାଡ଼ିକିହ୍ ନେଞ୍ଜାନା ଏଞ୍ଜାଣାକ୍ ଏଲେଇଚେସି, “ଇପ୍ପତ” ଇଚିହ୍ “ଦେପି ଆମୁ ।”

୩୫ ଏମ୍ବାଟିଏ ଏଞ୍ଜାଣି କୀର୍କା ଦେପିଆଡୁ, ଇଞ୍ଜା ଖେନ୍ଦରିତି ଜାଲା ଏ ଦେବୁଣିଏ ଗୁଚାଆଚେ, ଇଞ୍ଜା ଏଞ୍ଜାସି ନେହ୍ କି ଜଲ୍ଲାଲି ଆଡ଼ିଚେସି । ୩୬ ଇଞ୍ଜା ଏ କାତା ଆମ୍ବାଆରାକ୍ ଖେହ୍ ଆଦୁ ଇଞ୍ଜା ଏଞ୍ଜାରାକ୍ ଗାଡ଼ିକିହ୍ ହୁକୁମି ହାଚେସି; ସାମା ଏଞ୍ଜାସି ଏଞ୍ଜାରାକ୍ ଏଚେକା କାହି କିଚେସି, ଏଞ୍ଜାରି ଏଚେକା ଗାଡ଼ି ଖେକ୍ ହେରି । ୩୭ ଅଡ଼େ ଲକୁ କାବାଆହାନା ଏଲେଇଚେରି, “ଏଞ୍ଜାସି ବାରେ କାମା ନେହ୍ କି କିହିମାନେସି; ଏଞ୍ଜାସି ବେରାୟାକ୍ ଖେଞ୍ଜାଲି ଗୁଲାୟାକ୍ ଜଲିନି ବାଡ଼ୟୁ ଜିକେଏ ହାହିମାନେସି ।”



ଜୀସୁ ସାରି ମାଣା ଲକୁକି ତିଞ୍ଜାଲି ହାନାୟି
(ମାତି ୧୫:୩୨-୩୯)

୧ ଏଚିବେଲା ହାଚେକା ମାନ୍ଦା ଲକୁ ରୁଣ୍ଡା ଆଚେରି, ଅଡ଼େ ଏଞ୍ଜାରିତାଣା ତିନାୟି ଉନାୟି ଏନାୟି ହିଲାଆତାକି ଜୀସୁ ସାସୁୟାଣି ତାଗେ ହାଡ଼ାନା ଏଞ୍ଜାରାକ୍ ଏଲେଇଚେସି, ୨ “ଲକୁତାକି ନାଙ୍ଗେ କାର୍ମା ହଡ଼ିମାଞ୍ଜାନେ, ଇଚିହ୍ ଇଞ୍ଜାରି ତାନିଦିନା ଆଚେରିଏ ନା ତଲେ ମାଞ୍ଜାମାନେରି, ଅଡ଼େ ଇଞ୍ଜାରି ତାଣା ଏନାୟି ତିନାୟି ହିଲେଏ । ୩ ଏଞ୍ଜାରାକ୍ ତାହ୍ ଆନାଁ ପାଣ୍ଡିସାରେ, ଖେଣ୍ଡାହାନାଟି ଏଞ୍ଜାରି ହାହା ଜିକେଏ ହାନେରି । ଏଞ୍ଜାରି ବିଦ୍ରାଠି ଏଚରଜାଣା ହେକଟି ଖାହାମାନେରି ।”

୪ ସାସୁୟା ଏଞ୍ଜାଣାକ୍ ଏଲେଇଚେରି, “ଇମ୍ବାଆଁ ଇ ଲକୁ ହିଲାଆ ଚାୟୁତା ଆମ୍ବାଆସି ଆମ୍ବିଟି ରୁଟି ତାଚାନା ଇଞ୍ଜାରାକ୍ ପାଞ୍ଜି କିନେସି?”

୫ ଜୀସୁ ଏଞ୍ଜାରାକ୍ ଖେଚେସି, “ମୀ ତାଣା ଏଚରଗଟା ରୁଟି ମାନୁ ?”

ଏଞ୍ଜାରି ଏଲେଇଚେରି, “ସାଡ଼ାଗଟା ।”

୬ ଏମ୍ବାଟିଏ ଜୀସୁ ଲକୁଣି ବୁମିତା କୁଗାଲି ହୁକୁମି ହାଚେସି; ଅଡ଼େ ଏଞ୍ଜାସି ସାଡ଼ାଗାଟା ରୁଟି ଅହାନା ଜହରା କିହାନା ଏ ବାରେ ଡ଼ିକ୍ ହାନା ବାଟି କିହାଲି ତାନି ସାସୁୟାକି ହାଚେସି, ଅଡ଼େ ଏଞ୍ଜାରି ଲକୁତାକି ବାଟି କିହା ହାଚେରି । ୭ ଇଞ୍ଜା ଏଞ୍ଜାରିତାଣା ଏଚରଗଟା ଡ଼ଣା ମାଣ୍ଡକା ମାଚୁ; ଏ ବାରେତି ଜିକେଏ ଜୀସୁ ମାହାପୁରୁ ତାଣା ଜହରା କିହାନା ବାଟି କିହା ହାହାଲି ସାସୁୟାକ୍ ଏଲେଇଚେସି । ୮ ଏମ୍ବାଟିଏ ଏଞ୍ଜାରି ତିଞ୍ଜାନା ପାଞ୍ଜିଚେରି ଇଞ୍ଜା ହାରିତାଣି ସାଡ଼ା ତାଲି କୁଡ଼ି କିଚେରି । ୯ ଏଞ୍ଜାରି ବାରେ ସାରି ମାଣା ଲକୁ ମାଚେରି । ଏଚେଟିଏ ତାୟୁ ଏଞ୍ଜାରାକ୍ ହେଲ ହାଚେସି, ୧୦ ଇଞ୍ଜା ଦେବୁଣିଏ ତାନି ସାସୁୟା ତଲେ ଡ଼ଗଟା ହଡ଼ାନା ଦଲ୍ ମନୁ ଗାଡ଼ାତା ହାଚେରି ।

ପାରୁସିୟା ସିନା ରାହ୍ ନାୟି
(ମାତି ୧୬:୧-୪)

୧୧ ଡ଼ାୟୁ ପାରୁସିୟା ଖାହାନା ଜୀସୁତଲେ ବାଦିବାଡ଼ା କିହାଲି ମାଟ୍ ହେରି ଇଞ୍ଜା ଏଞ୍ଜାଣାକ୍ ତାୟିପାରି କିହାଲିତାକି ହାଗୁ ଲାକଟି ର ସିନା ରୀସ୍ତେରି । ୧୨ ଡ଼ାୟୁ ଜୀସୁତା କିଲିବିଲି ଆହାନା ଗାଡ଼ି ନେଞ୍ଜାନା ଖେସ୍ତେସି, “ଇ ଜୁଗୁଟି ଲକୁ ଏନାଆଁତାକି ସିନା ପାରିମାନେରି? ନାନୁ ମିଙ୍ଗେ ସାଡ଼ା ଖେସିମାଞ୍ଜାକ୍, ନୀଏଡ଼ି ମାଣ୍ଡିକି ଏନି ସିନା ହାପ୍ କି ଆଏ ।”

୧୩ ଅଡ଼େ ଏଞ୍ଜାସି ଏଞ୍ଜାରାକ୍ ପିସାନା ଅଡ଼େ ଖେଣ୍ଡେ ଡ଼ଗଟା ହଡ଼ାନା ଆତାଲାଞ୍ଜାକି ହାଚେସି ।

ହେରଦ ଅଡ଼େ ପାରୁସିୟା ପୁଲାଗୁଣ୍ଡା
(ମାତି ୧୬:୫-୧୨)

୧୪ ଏଚିବେଲାତା ସାସୁୟା ରୁଟି ଅହାଲି ବାଣାଆଚେରି; ଡ଼ଗଟା ଏଞ୍ଜାରିତାଣା ରଣ୍ଡିଏ ରୁଟି ମାଚେ । ୧୫ ଡ଼ାୟୁ

† ୭:୩୧ ୭:୩୧ ଦେକାପଲି ☆ ୮:୧୧ ୮:୧୧ ମାତି ୧୨:୩୮; ଲୁକ ୧୧:୧୭ ☆ ୮:୧୨ ୮:୧୨ ମାତି ୧୨:୩୯; ଲୁକ ୧୧:୨୯ ☆ ୮:୧୫ ୮:୧୫ ଲୁକ ୧୨:୧

ଜୀସୁ ଏଝାରାଇଁ ଜାଣେ ହୁକୁମି ହୀତେସି, “ଜାଗ୍ରାତା ଆଦୁ, ପାରୁସିୟାଁ ଅଡ଼େ ହେରଦତ ପୁଲାରୁଣ୍ଡାଟି ଜାଗ୍ରାତା ଆହାନା ମାଞ୍ଜୁ ।”

୧୭ ଏରେଟିଏ ଏଝାରି ତାମ୍ବୁ ତାମ୍ବୁସୁ ଝେସପିଆହୁଁ ଏଲେଇଞ୍ଜାଲି ମାଟ୍‌ହେରି, “ମା ତାଣା ରୁଟି ହିଲେଏ ଇଞ୍ଜୁଁ ଏଝାସି ମାଢେ ଏଲେଇଞ୍ଜିମାଞ୍ଜାନେସି ।”

୧୭ ଜୀସୁ ଏଦାଆଁ ପୁଞ୍ଜାନା ଏଝାରାଇଁ ଏଲେଇରେସି, “ମୀ ତାଣା ରୁଟି ହିଲେଏ ଇଞ୍ଜୁଁ ଏଦାଆଁତାକି ମୀରୁ ମୀରୁ ଝେସପି ଆହିମାଞ୍ଜେରି ? ମୀରୁ ନୀଏଁ ପାତେକା ପୁଞ୍ଜି ହିଲଅତେରି କି ତେଲ୍‌ହି ହିଲଅତେରି ? ୧୮ *କାଣକା ମାଞ୍ଜାନା ମେସି ହିଲଅତେରି ? ଅଡ଼େ, କୀର୍କା ମାଞ୍ଜାନା ଝେଞ୍ଜି ହିଲଅତେରି ? ମୀରୁ ଇଦାଣି ଅଣ୍ଡପି ହିଲଅତେରି ? ୧୯ ଏ ପାସାମାଣା ଲକୁ ବିତ୍ରା ନାନୁ ଏଟିରେଲା ପାସାଗଟା ରୁଟି ଡିକ୍‌ହା ମାରେଏ, ଏଟିରେଲା ମୀରୁ ଏଚର ତାଲି ହାରିତାଣି କୁଡ଼ି କିତେରି, ଏଡ଼ି ମୀ ଅଣ୍ଡପୁତା ହିଲେଏ କି ?” ଏଝାରି ଏଝାଣାଇଁ ଏଲେଇରେରି, “ବାର ତାଲି ।”

୨୦ “ଅଡ଼େ ଏ ସାରି ମାଣା ଲକୁ ବିତ୍ରା ନାନୁ ଏଟିରେଲା ସାଡାଗଟା ରୁଟି ଡିକ୍‌ହା ମାରେଏ, ଏଟିରେଲା ମୀରୁ ଏଚର ତାଲି କୁଡ଼ି କିହାମାରେରି ?” ଏଝାରି ଏଲେଇରେରି, “ସାଡା ତାଲି ।”

୨୧ ଏଟିରେଲା ଜୀସୁ ଏଝାରାଇଁ ଏଲେଇରେସି, “ମୀରୁ ଏଦାଆଁ ନୀଏଁ ପାତେକା ତେଲ୍‌ହାଲି ଆଡ଼ିହିଲଅତେରି ?”

ବେଡ଼ସାୟିଦାତା ର କାଣାଇଁ ମେସପିକିନାୟି

୨୨ ତାୟୁ ଏଝାରି ବେଡ଼ସାୟିଦାତା ଝାଡ଼େରି, ଅଡ଼େ, ଲକୁ ର କାଣାଇଁ ଏଝାଣି ତାଣା ତାଚାନା ଏଝାଣାଇଁ ତୀଗାଲି ତାକି ଜୀସୁଇଁ ବାତିମାଲିତେରି । ୨୩ ଏଦାଆଁତାକି ଜୀସୁ କାଣାତି କେୟୁ ଆସାନା ଏଝାଣାଇଁ ନାୟୁଁ ପାଞ୍ଜାତା ଅଡ଼େସି, ଇଞ୍ଜା ଏଝାଣି କାଣକାଣାଁ ହୁପୁକା ରୁବାନା ଅଡ଼େ ଏଝାଣିଲକ କେୟୁ ଇଟାନା ଏଝାଣାଇଁ ଝେରେସି, “ନୀନୁ ଏଦାଆଁ ମେସାଲି ଆଡ଼ିମାଞ୍ଜି କି ?”

୨୪ ଏଝାସି ସିନିକିହାନା ଏଲେଇରେସି, “ନୀନୁ ମାଣ୍‌ସିୟାଁଇଁ ମେସିମାଇଁ, ଇଟିହୁଁ ନୀନୁ ମାରକା ଲେହେଁ ଏନାଇ ତାକି ମାନାଣି ମେସିମାଇଁ ।”

୨୫ ତାୟୁ ଜୀସୁ ଅଡ଼େ ଝେଣ୍ଡେ ଏଝାଣି କାଣକାଣାଁ କେୟୁ ଇଟିତେସି; ଏମ୍ବାଟିଏ ଏଝାସି ନେହୁଁକଁ ମେସାଲି ଆଡ଼ିତେସି, ନେହୁଁ ଆହାନା ବାରେ ତୀରିତଲେ ସିନିକିହାଲି ମାଟ୍‌ହେସି । ୨୬ ତାୟୁ ଜୀସୁ ଏଝାଣାଇଁ ତାନି ଇଜ ପାଣ୍ଡାନା ଏଲେଇରେସି, “ଏ ନାୟୁଁ ବିତ୍ରା ଜିକେଏ ଝେଣ୍ଡେ ହାଲାଆନି ।”

ପିତର ଜୀସୁଇଁ କ୍ରୀସ୍ତ ଇଞ୍ଜୁଁ ଝେକନାୟି

(ମାତି ୧୬:୧୩-୨୦; ଲୁକ ୯:୧୮-୨୧)

୨୭ ଏରେଟିଏ ଜୀସୁ ଅଡ଼େ ତାନି ସୀସୁୟାଁ କାୟିସରିୟା ପିଲିପି ରାଜିତି ନାସକାଞ୍ଜାକି ହାଚେରି, ଅଡ଼େ ଜିରୁତା ଏଝାସି

ତାନି ସୀସୁୟାଁଇଁ ଝେରେସି, “ନୀନୁ ଆମ୍ବାଆତେଏଁ ଇଞ୍ଜୁଁ ଲକୁ ଏଲେଇଞ୍ଜି ମାଞ୍ଜାନେରି ?”

୨୮ *ଏମ୍ବାଟିଏ ଏଝାରି ଏଝାଣାଇଁ ଏଲେଇରେରି, “ବାପ୍ତିସ୍ତା* ହୀନି ଜହନ, ଅଡ଼େ ଆମ୍ବା ଆମ୍ବାଆରି ଏଲିୟ, ସାମା ଆମ୍ବା ଆମ୍ବାଆରି ଏଲେଇଞ୍ଜି ମାଞ୍ଜାନେରି ମାହାପୁରୁ ଅଣ୍ଡପୁତି ବଲୁ ଝେହନାରି ବିତ୍ରାଟି ରଅସି ।”

୨୯ *ଏଝାସି ଏଝାରାଇଁ ଝେରେସି, “ସାମା ନୀନୁ ଆମ୍ବାଆତେଏଁ ଇଞ୍ଜୁଁ ମୀରୁ ଏଲେଇଞ୍ଜି ମାଞ୍ଜାଦେରି ?” ପିତର ଏଝାଣାଇଁ ଏଲେଇରେସି, “ନୀନୁ କ୍ରୀସ୍ତତି ।”

୩୦ ଏମ୍ବାଟିଏ ଜୀସୁ ଏଝାରାଇଁ ତାନି କାତାଟି ଆମ୍ବାଆରାଇଁ ଏଦାଆଁ ଝେହଆଦୁ ଇଞ୍ଜୁଁ ଜାଣେ କିହୁଁ ହୁକୁମି ହୀତେସି ।

ଜୀସୁ ତାନି ଦୁକୁ ଇଞ୍ଜା ତଣ୍ଡ ପାଣ୍ଡିନି କାତା ଝେହନାୟି (ମାତି ୧୭:୨୧-୨୮; ଲୁକ ୯:୨୨-୨୭)

୩୧ ଅଡ଼େ, ଜୀସୁ ଏଝାରାଇଁ ଜାପ୍‌ହାଲି ମାଟ୍‌ହେସି, “ଇଟିହୁଁ ମାଣ୍‌ସି ମୀରୁଏସି ହାରେକା ଦୁକୁ କସ୍ତ ବେଟାଆନାୟି ମାନେ ଇଞ୍ଜା ପ୍ରାଟିନାଞ୍ଜା, କାଜା ପୁଜେରାଞ୍ଜା, ଇଞ୍ଜା ମେରାପୁନାରି ତାଣାଟି ଅପାଆଗାଟାସି ଆହାନା ପାୟୁଝି ଆନାୟି ମାନେ, ଅଡ଼େ ତାନିଦିନା ଜେଚ ଝେଣ୍ଡେ ନିଞ୍ଜିନାୟି ମାନେ ।” ୩୨ ଇ କାତା ଏଝାସି ତୀରୁପୁତଲେ ଝେସ୍ତେସି । ଏମ୍ବାଟିଏ ପିତର ଏଝାଣାଇଁ ଅରୁଞ୍ଜାକି ଅହାନା ଦାକା ହୀହାନା ଲାଗାଲି ମାଟ୍‌ହେସି । ୩୩ ସାମା ଏଝାସି ତାୟୁଞ୍ଜାକି ତିରୁଞ୍ଜାହାଁ ତାନି ସୀସୁୟାଁଣି ସିନିକିହାନା ପିତରଇଁ ଦାକା ହୀହାନା ଏଲେଇରେସି, “ସୟତାନ, ନା ନକିଟି ହେକ ହାଲାୟୁ, ଇଟିହୁଁ ନୀନୁ ମାହାପୁରୁ କାତା ଅଣ୍ଡପାଆନା ମାଣ୍‌ସିୟାଁ କାତା ଅଣ୍ଡପିମାଞ୍ଜି ।”

୩୪ *ଏମ୍ବାଟିଏ ଜୀସୁ ତାନି ସୀସୁୟାଁ ତଲେ ଲକୁଣି ହାଟାନା ଏଲେଇରେସି, “ଆମ୍ବାଆସି ନା ଜେଚ ଝାହାଲି ମନ କିନେସି, ଆଡ଼ିହୁଁ ଏଝାସି ଜାହାରାଇଁ ପିସ୍‌ପେସି, ଇଞ୍ଜା ଏଝାସି ତାନି କୁସ୍ତ ତେକାନା ନା ଜେଚ ଝାପେସି । ୩୫ ଇଟିହୁଁ ଆମ୍ବାଆସି ତାନି ଜୀସୁ ଗେଲ୍‌ପାଲି ମନ କିନେସି, ଏଝାସି ଏଦାଆଁ ହାଝି କିନେସି; ସାମା ଆମ୍ବାଆସି ନା ତାକି ଇଞ୍ଜା ନେହୁଁ କାରୁତାକି ତାନି ଜୀସୁ ହୀନେସି, ଏଝାସି ଏଦାଆଁ ନୀଟ୍‌ନେସି । ୩୬ ଅଡ଼େ, ମାଣ୍‌ସି ଇ ଦାର୍‌ଡିତା ମାନାଣି ବାରେ ମେଡ଼ି କିହାନା ତାନି ଜୀସୁଡି ହାଝି କିନେସି, ଆଡ଼ିହୁଁ ଏଝାଣାକି ଏଡ଼ି ଲାବ୍‌ ? ୩୭ ଅଡ଼େ, ମାଣ୍‌ସି ତାନି ଜୀସୁଡି ବାଦୁଲି ଏଦାଆଁ ହୀହାଲି ଆଡ଼ିନେସି ? ୩୮ ଏଦାଆଁତାକି ଆମ୍ବାଆସି ଇ କାଲାତି ଦାରି କିନାରି ଅଡ଼େ ପାପୁଗାଟି ଲକୁ ବିତ୍ରା ନାଢେ ଅଡ଼େ ନା ବଲୁ ତାକି ଲାଜା ଆନେସି, ମାଣ୍‌ସି ମୀରୁଏସି ଏଟିରେଲା ସୁଦୁ ଦୂତୁୟାଁ ତଲେ ତାନି ଆବାତି ଗାଝୁରମି ତଲେ ଝାଡ଼ନେସି, ଏଟିରେଲା ଏଝାସି ଜିକେଏ ଏଝାଣି କାତାତାକି ଲାଜା ଆନେସି ।”

* ୮:୧୮ ୮:୧୮ ମାର୍ଚ୍ଚ ୪:୧୨ * ୮:୨୮ ୮:୨୮ ମାର୍ଚ୍ଚ ୭:୧୪,୧୫; ଲୁକ ୯:୭,୮ * ୮:୨୮ ୮:୨୮ ମୁଞ୍ଜିନାୟି * ୮:୨୯ ୮:୨୯ ଜହ ୭:୨୮,୨୯ * ୮:୩୪ ୮:୩୪ ମାତି ୧୦:୩୮; ଲୁକ ୧୪:୨୭ * ୮:୩୫ ୮:୩୫ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫



୧ ଅତେ ଜୀସୁ ତାନି ସୀସୁଣି ଏଲେଇଚେସି, “ନାନୁ ମିଜେ ସାତା ଖେସିମାଞ୍ଜାଇଁ, ଇମ୍ପାଆଁ ଏଚରଜାଣା ମାନେରି ମାହାପୁରୁତି ରାଜି ବାଡ଼ୁୟୁ ତଲେ ଖାନାଣି ମେହୁଆ ପାତେକା ହାଅରି ।”

ଜୀସୁ ଅର ଖାଣା ଆନାୟି
(ମାତି ୧୭:୧-୧୩; ଲୁକ ୯:୨୮-୩୭)

୨ *ସ ଦିନା ତାୟୁ ଜୀସୁ ଖାରଇ ପିତର, ଜାକୁବ ଅତେ ଜହନଇଁ ତାନିତଲେ ଏଟକା କିହାନା ଏଞ୍ଜାରାଇଁ ର ପାତାଆଡ଼ି ହରୁତା ଅତେସି । ୩ ଅତେ ଏଞ୍ଜାସି ଏଞ୍ଜାରି ନକିତା ଅର ଖାଣା ଆତେସି, ଏଞ୍ଜାଣି ହିମ୍ପୁରି ଇଲେକି ଉଜେଡ଼ି ଆହାନା ହାରେକା ଦବଲା ଆତେ, ଇ ଦାରତିତା ଆମ୍ବାଆସି ଏଲେତି ଦବଲା କିହାଲି ଆଡ଼ଅସି । ୪ ମସା ଅତେ ଏଲିୟ ଜୀସୁତଲେ ହାଡ଼ାକାତା ଆହିମାଚାଣି ତାନି ଜାଣା ସୀସୁୟାଁ ମେସ୍ତେରି । ୫ ଏମ୍ବାଟିଏ ପିତର ଜୀସୁଇଁ ଏଲେଇଚେସି, “ଏ ଗୁରୁ ମାର ଇ ଟାୟୁତା ମାନାୟି ହାରେକା ନେହାୟି; ମାର ତାନିଗଟା ଗୁଡ଼ାୟାଁ କେପିନ, ନିଜେତାକି ରଣ୍ଡାଆଁ, ମସାକି ରଣ୍ଡାଆଁ ଅତେ ଏଲିୟକି ରଣ୍ଡାଆଁ ।” ୬ ପିତର ଏନାଆଁ ଜଲ୍ଲାଲି ଆନେ ଇଞ୍ଜୁ ପୁଞ୍ଜା ହିଲାଆତେସି, ଏନାଆଁତାକି ଇଚିହଁ ଏଞ୍ଜାରି ହାରେକା ଆଜାମାଚେରି ।

୭ *ଇଞ୍ଜା, ଇଚାୟି ଦୁହା ଖାହାନା ଏଞ୍ଜାରାଇଁ ପିକହେ, ଅତେ ଏ ଦୁହାଟି ଇ ହାଡ଼ା ଖାତେ, “ଇଞ୍ଜାସି ନା ଜୀସୁତି ମୀରଏସି, ଇଞ୍ଜାଣି ବଲୁ ଖେଞ୍ଜୁ ।” ୮ ଦେବୁଣିଏ ଏଞ୍ଜାରି ସାରିଞ୍ଜାକି ସିନିକିତେରି, ତାନିତଲେ ଜୀସୁଇଁ ପିସ୍ପେ ଆମ୍ବାଆରାଇଁ ମେହୁଆତେରି ।

୯ ଏଞ୍ଜାରି ହରୁଟି ରେଟା ଖାହି ମାଚାଟି ଜୀସୁ ଏଞ୍ଜାରାଇଁ ଜାଣେ ହୁକୁମି ହୀହାନା ଏଲେଇଚେସି, “ମୀରୁ ଏନାଆଁ ମେସାମାଞ୍ଜେରି, ଏ ବାରେ ହାଡ଼ାରି ବିତ୍ରାଟି ମାଣ୍ଡି ମୀରଏସି ଖେଣ୍ଡେ ନିଜାଆ ପାତେକା ଆମ୍ବାଆରାଇଁ ଖେହୁଆଦୁ ।”

୧୦ ଏମ୍ବାଟିଏ ଏଞ୍ଜାରି ଏ କାତା ଆସାନା “ହାଡ଼ାରି ବିତ୍ରାଟି ଖେଣ୍ଡେ ନିଜାୟି ଏନାୟି ?” ଏ କାତାତି ତାନି ବିତ୍ରା ଖେସ୍ପି ଆତେରି । ୧୧ ଅତେ ଏଞ୍ଜାରି ଜୀସୁଇଁ ଖେଚେରି, “ନକେଏ ଏଲିୟ ଖାନାୟି ଆନେ, ମେରାପୁନାରି ଏନିକିଁ ଇ କାତା ଖେହୁନେରି ?”

୧୨ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଏଲିୟ ନକେଏ ଖାହାନା ବାରେ ମେରା ଅତେ ଖେଣ୍ଡେ ଇଚିନାୟି ସାତା, ସାମା ମାଣ୍ଡି ମୀରଏସି ହାରେକା ଦୁକୁ ବେଟାଆହାନା ଅପାଆଗାଟାସି ଆନେସି, ଇଦି ଏନିକିଁ ଏଞ୍ଜାଣି କାତା ରାସ୍ପି ଆହାମାନେ ? ୧୩ ସାମା ନାନୁ ମିଜେ ଖେସିମାଞ୍ଜାଇଁ, ଏଲିୟ ଖାତେସିଏ, ଅତେ ଏଞ୍ଜାଣି କାତା ଏନିକିଁ ରାସ୍ପି ଆହାମାନେ, ଏଲେକିହଁ ଏଞ୍ଜାରି ଏଞ୍ଜାଣାଇଁ ଜିକେଏ ଏନାଆଁ ମନ ଏଦାଆଁ କିହାମାନେରି ।”

ବୁଡୁ ଆଲ୍‌ଗାମାଟି କକାଣାଇଁ ନେହଁ କିନାୟି
(ମାତି ୧୭:୧୪-୨୧; ଲୁକ ୯:୩୭-୪୩)

୧୪ ତାୟୁ ଏଞ୍ଜାରି ସୀସୁୟାଁ ତାଣା ଖାହାନା ମେସ୍ତେରି, ଏଞ୍ଜାରି ସାରିଞ୍ଜାକି ହାରେକା ମାନ୍ଦା ଲକୁ ଅତେ ମେରାପୁନାରି ଏଞ୍ଜାରିତଲେ ବାଦିବାଦା ଆହିମାନେରି । ୧୫ ଲକୁ ବାରେ ଏଞ୍ଜାଣାଇଁ ମେସ୍ପିନିଏ ହାରେକା କାବାଆହାନା ଅତେ ଦାବ୍ତି ଖାହାନା ଜହରା କିତେରି । ୧୬ ଏମ୍ବାଟିଏ ଜୀସୁ ଏଞ୍ଜାରାଇଁ ଖେଚେସି, “ମୀରୁ ଏଞ୍ଜାରିତଲେ ଏନାଆଁତାକି ବାଦିବାଦା ଆହିମାଞ୍ଜେରି ?”

୧୭ ଲକୁ ବିତ୍ରାଟି ରଅସି ଏଞ୍ଜାଣାଇଁ ଏଲେଇଚେସି, “ଏ ଗୁରୁ, ନାନୁ ନା ମୀରଏଣାଇଁ ନୀ ତାଣା ତାଚାମାଚେସଁ; ଏଞ୍ଜାଣାଇଁ ର ଗୁଲ୍ଲା ବୁଡୁ ଆଲ୍‌ଗାମାନେ । ୧୮ ଏମିନି ଟାୟୁତା ଏଦି ଏଞ୍ଜାଣାଇଁ ଆହନେ, ଏଞ୍ଜାଣାଇଁ ତୁଇ ତୁକନେ, ଇଞ୍ଜା ଏଞ୍ଜାଣି ଗୁତିଟି ପମ୍ପଲି ହନେ, ଅତେ ଏଦି ପାଲ୍‌କା ଟାଟି କିନେ, ଇଞ୍ଜା ଏଞ୍ଜାସି ଖାୟାହାଜି ମାନେସି; ଏଞ୍ଜାଣାଇଁ ପିସ୍ପି କିହାଲି ନାନୁ ନୀ ସୀସୁୟାଁଇଁ ଏଲେଇଚେସଁ, ସାମା ଏଞ୍ଜାରି ଆଡ଼ାଆତେରି ।” ୧୯ ଜୀସୁ ଏଞ୍ଜାରାଇଁ ଏଲେଇଚେସି, “ଆତେ ନାମାଆଗାଟି କୁଡ଼ାତାତେରି, ଏଚରଦିନା ନାନୁ ମୀ ତଲେ ତୁୟିଇଁ ? ଏଚରଦିନା ମୀ ଲେମ୍ପାନାଣି ଅରୁହିଇଁ ? କକାଣାଇଁ ନା ତାଣା ତାଦୁ ।” ୨୦ ଏମ୍ବାଟିଏ ଏଞ୍ଜାଣାଇଁ ଜୀସୁ ତାଣା ତାତେରି । ଅତେ, ଜୀସୁଇଁ ମେସ୍ପିନିଏ ଏ ବୁଡୁ ଏଞ୍ଜାଣାଇଁ ହାରେକା ତିରୁଞ୍ଜି କିତେ ଇଞ୍ଜା ବୁମିତା ତରଗାନା ଗୁତିଟି ପମ୍ପଲି ହପହାନା ଉସାଲି ମାଟହେସି । ୨୧ ଏଚିବେଲା ଜୀସୁ ତାନି ଆବାଇଁ ଖେଚେସି, “ଏଚରଦିନା ଆତେ ଇଞ୍ଜାଣାଇଁ ଇଲେ କିହିମାନେ ?” ଏଞ୍ଜାସି ଏଲେଇଚେସି, “ଉଣା ଖେଡ଼ାଟିଏ ୨୨ ଏଦି ଏଞ୍ଜାଣାଇଁ ହାଡ଼ି କିହାଲି ଏଚେ ଏଚେତା ହିଚୁତା ଅତେ ଏୟୁଣାଁ ମେଡ଼ହାମାନେ; ସାମା ନାନୁ ଏନାଆଁ କିହାଲି ଆଡ଼ିତଁ, ମାଜେ କାର୍ମା ଆହାନା ମା ସାୟେମି ଆୟାମୁ ।”

୨୩ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଏନାଆଁ ଇଚି ? ଇଚିହଁ କିହାଲି ଆଡ଼ିତଁ ! ଆମ୍ବାଆସି ନାମିନେସି ଏଞ୍ଜାଣାକି ବାରେଏ ଆନେ ।”

୨୪ ଏ ଦେବୁଣିଏ କକାଣି ତାନି ଆବା କାଜା ଗିୟାତଲେ ଏଲେଇଚେସି, “ନାନୁ ନାମିମାଇଁ ନା ନାମାଆଗାଟାଣି ଗୁତି କିହାଲି ସାୟେମି କିୟାମୁ ।”

୨୫ ତାୟୁ ମାନ୍ଦା ଲକୁ ରହେଏ ହଚିହଁ ଖାହି ମାଚାଣି ମେସାନା, ଜୀସୁ ଏ ପଲ୍‌ଆ ବୁଡୁତି ଦାକା ହୀହାନା ଏଲେଇଚେସି, “ଆତେ ଗୁଲ୍ଲା ଅତେ ବେରା ବୁଡୁତି, ନାନୁ ମିଜେ ହୁକୁମି ହୀହିମାଞ୍ଜାଇଁ, ଇଞ୍ଜାଣି ତାଣାଟି ହଡ଼ାହାଲାମୁ, ଇଞ୍ଜା ଏଚେଲା ଜିକେଏ ଇଞ୍ଜାଣି ତାଣା ହଡ଼ଆନି ।”

୨୬ ଏମ୍ବାଟିଏ ଏଦି ହାରେକା କିରୁଡ଼ିହଁ କକାଣାଇଁ ତିରୁଞ୍ଜି କିହାନା ବୁମିତା ତୁକହାନା ହଡ଼ାହାଚେ, ଅତେ କକାସି ହାଡ଼ିଲେହେ ଆତେସି, ଇଲେକିହଁ ହାରେକା ଲକୁ ଏଲେଇଞ୍ଜିମାଚେରି, “କକାସି ହାତେସି ।” ୨୭ ସାମା ଜୀସୁ ଏଞ୍ଜାଣି କେୟୁ ଆସାନା ନିକହେସି, ଇଞ୍ଜା ଏଞ୍ଜାସି ନିତେସି ।

* ୯:୨ ୯:୨ ୨ପିତ ୧:୧୭,୧୮ * ୯:୭ ୯:୭ ମାତି ୩:୧୭; ମାର୍କ ୧:୧୧; ଲୁକ ୩:୨୨ * ୯:୧୧ ୯:୧୧ ମାତି ୧୧:୧୪

୨୮ ଇଞ୍ଜାଁ ଜୀସୁ ଇଜ ଖାହାଲିଏ ତାନି ସୀସୁୟାଁ ମେଣେଏ ଖେଚେରି, “ମାମୁ ଏନାଆଁତାକି ଏଞ୍ଜାଣାକ୍ ପିପି କିହାଲି ଆଡାଆତମି ?”

୨୯ ଜୀସୁ ଏଞ୍ଜାଣାକ୍ ଏଲେଇଚେସି, “ପ୍ରାତାନା* କିଆନା ଅଡେ ଏନିକ୍ ଜିକେଏ ଇଲେତି ବୁତୁ ପେର୍ହାଲି ଆଡାଆୟି ।”

ତାନି ହାକିତି କାବୁ ଅଡେ ଖେଣ୍ଡେ ଖେହ୍ନାୟି
(ମାତି ୧୭:୨୨-୨୩; ଲୁକ ୯:୪୩-୪୫)

୩୦ ଏଞ୍ଜାରି ଏ ଟାମୁଟି ହାଜାନା ଗାଲିଲି ମାଦିଟି ହାଚେରି, ଇଞ୍ଜାଁ ଆମ୍ବାଆସି ପୁନାଆପେସି ଇଞ୍ଜାଁ ଏଞ୍ଜାଣି ମନ ହିଲାଆତେ; ୩୧ ଇଚିହ୍ ଜୀସୁ ତାନି ସୀସୁୟାଁ ଇ କାତା ଖେସିହ୍ ଜାପୁହି ମାଚେସି, “ମାଣସି ମୀର୍ଏସି ମାଣସିୟାଁ କେମୁତା ହେର୍ପିଆନେସି, ଅଡେ ଏଞ୍ଜାରି ଏଞ୍ଜାଣାକ୍ ପାୟିନେରି, ଇଞ୍ଜାଁ ଏଞ୍ଜାସି ହାଡି ତାମୁ ତାନିଦିନା ଜେଚ ଖେଣ୍ଡେ ନିଜିନେସି ।”

୩୨ ସାମା ଏଞ୍ଜାରି ଏ କାତାତି ତେଲହାଆଚେରି, ସାମା ଏଞ୍ଜାଣାକ୍ ଖେଞ୍ଜାଲି ଆଜିମାଚେରି ।

ଆମ୍ବାଆସି କାଜାସି
(ମାତି ୧୮:୧-୫; ଲୁକ ୯:୪୬-୪୮)

୩୩ ତାମୁ ଏଞ୍ଜାରି କପର୍ନାହୁମତା ଖାଚେରି । ଜୀସୁ ଇଜ ଏଜାନା ସୀସୁୟାଁ ଖେଚେସି, “ମୀରୁ ଜିରୁତା ଏନାଆଁ କାତା ଆହିମାଚେରି ?”

୩୪ *ସାମା ଏଞ୍ଜାରି ହାଡା ଆଆନା ପାଲେଏ ଡୟିତେରି, ଇଚିହ୍ ଆମ୍ବାଆସି କାଜାସି ଇ କାତା ଆସାନା ଜିରୁତା କାତା ଆହିମାଚେରି । ୩୫ *ଏମ୍ବାଟିଏ ଜୀସୁ କୁଗାନା ବାର ଜାଣାକ୍ ହାଡିତେସି ଇଞ୍ଜାଁ ଏଞ୍ଜାଣାକ୍ ଏଲେଇଚେସି, “ଇଚିହ୍ ଆମ୍ବାଆସି କାଜାସି ଆହାଲି ମନ କିନେସି, ଆତିହ୍ ଏଞ୍ଜାସି ବାରେତି କିହାଁ ଉଣା ଅଡେ ବାରେତି ସେବା କିନାସି ଆପେସି ।” ୩୬ ଅଡେ ଏଞ୍ଜାସି ର ଉଣା କକାଣାକ୍ ଅହାନା ଏଞ୍ଜାରି ମାଦି ନିପହେସି ଇଞ୍ଜାଁ ଏଞ୍ଜାଣାକ୍ ପମାନା ଏଞ୍ଜାଣାକ୍ ଏଲେଇଚେସି, ୩୭ *ଆମ୍ବାଆସି ନା ଦରୁ ତାକି ଇଲେତି ଉଣା କକାରି ବିତ୍ରାଟି ରଅଣାକ୍ ଆବିନେସି, ଏଞ୍ଜାସି ନାଜେ ଆବାନେସି; ଅଡେ ଆମ୍ବାଆସି ନାଜେ ଆବାନେସି, ଏଞ୍ଜାସି ଖାରଇ ନାଜେ ଆବଅସି, ସାମା ନାଜେ ପାଣ୍ଡାତାଣାକ୍ ଜିକେଏ ଆବିନେସି ।”

ମା କପାଟି ନିଜାଆ ଗାଟାସି ମା ତଲେତାସି
(ଲୁକ ୯:୪୯-୫୦)

୩୮ ଜହନ ଏଞ୍ଜାଣାକ୍ ଏଲେଇଚେସି, “ଏ ଗୁରୁ ମା ଗତିତା ହିଲାଆଗାଟାସି ରଅସି ନୀ ଦରୁତଲେ ବୁତୁଣି ପେର୍ହି ମାଟାଣି ମେସୁମି, ଇଞ୍ଜାଁ ଏଞ୍ଜାସି ମା ଗତିତା ହିଲାଆତାକି ଏଞ୍ଜାଣାକ୍ କାହିକତମି ।”

୩୯ ସାମା ଜୀସୁ ଏଲେଇଚେସି, “ଏଞ୍ଜାଣାକ୍ କାହିକିଆଦୁ; ଇଚିହ୍ ନା ଦରୁତଲେ କାବାଆନି କାମା କିହାନା ଖେଣ୍ଡେ ନାଜେ ନିନା କିୟାନେସି, ଇଲେତି ଲକୁ ଆମ୍ବାଆସି ହିଲଅସି; ୪୦ *ଇଚିହ୍ ଆମ୍ବାଆସି ମା କପାଟି ନିଜାଆ ଗାଟାସି ଏଞ୍ଜାସି ମା ତଲେତାସି । ୪୧ *ନାନୁ ମିଜେ ସାତା ଖେସିମାଞ୍ଜାକ୍, ମୀରୁ କ୍ରୀସୁତି ଲକୁ ଇଞ୍ଜାଁ ଆମ୍ବାଆସି ଜିକେଏ ମିଜେ ଜାଚେକା ଏୟୁ ଗସାଲି ହିୟାନେସି, ଏଞ୍ଜାସି ଏନିଜିକେଏ ତାନି ଦାନାତି ଜାକ୍ଅସି ।”

ନାମୁତା ପାପୁ କିଞ୍ଜି କିନାଣି ତଣ୍ଡ
(ମାତି ୧୮:୬-୯; ଲୁକ ୧୭:୧-୨)

୪୨ ଅଡେ ଆମ୍ବାଆସି ନାମାମାନି ଇ ଉଣାୟାଁ ବିତ୍ରାଟି ରଅଣାକ୍ ପାପୁ କିଞ୍ଜି କିନେସି, ଏଞ୍ଜାଣି ହେର୍କିତା କାଜା ଜେତାଖାଲି ଦସାନା ଏଞ୍ଜାଣାକ୍ ସାମ୍ବୁରିତା ମେଡ୍‌ହିହ୍ ନେହେଁ ଆଡେମା । ୪୩ *ମୀ କେୟୁ ମିଜେ ପାପୁ କିଞ୍ଜିକିୟାନେ, ଇଚିହ୍ ଏଦାଆଁ ଜାଟାନା କୁତାଦୁ; ରୀ କେସ୍ତା ମାଞ୍ଜାନା ନର୍କ ଇଚିହ୍ ତୁମ୍ବାଆଗାଟି ହିରୁ ଗାଡ୍‌ୟୁତା ମେଡ୍‌ପି ଆନି ବାଟା କଲା ଆହାନା ଜୀଞ୍ଜୁତା ହଡ୍‌ନାୟି ମିଜେ ତାକି ନେହେଁ । ୪୪ ଇଚିହ୍ ନର୍କତା ଏମ୍ବାଟି ପିଡ୍‌କା ଏଚେଲା ହାଡ, ଅଡେ ହିରୁ ଏଚେଲା ତୁମ୍ବେଏ । ୪୫ ଅଡେ ମୀ କଡା ମିଜେ ପାପୁ କିଞ୍ଜିକିୟାନେ, ଏଦାଣି ରାଡ୍‌ହା କୁତାଦୁ, ରୀ କଡାୟାଁ ନେହେଁ ମାଞ୍ଜାନା ନର୍କତା ମେଡ୍‌ପି ଆନି ବାଟା ସଗା ଆହାନା ଜୀଞ୍ଜୁତା ହଡ୍‌ନାୟି ମିଜେ ତାକି ନେହେଁ । ୪୬ ଇଚିହ୍ ନର୍କତା ଏମ୍ବାଟି ପିଡ୍‌କା ଏଚେଲା ହାଡ, ଅଡେ ହିରୁ ଏଚେଲା ତୁମ୍ବେଏ । ୪୭ *ଇଞ୍ଜାଁ ମୀ କାନୁ ମିଜେ ପାପୁ କିଞ୍ଜିକିୟାନେ ଇଚିହ୍ ଏଦାନି ଡେଞ୍ଜା କୁତାଦୁ, ରୀ କାଣ୍‌କା ନେହେଁ ମାଞ୍ଜାନା ନର୍କତା ମେଡ୍‌ପି ଆନି କିହାଁ ର କାନୁ ତଲେ ମାହାପୁରୁ ରାଜିତା ହଡ୍‌ନାୟି ମିଜେ ତାକି ନେହେଁ । ୪୮ ଇଚିହ୍ ନର୍କତା ଏମ୍ବାଟି ପିଡ୍‌କା ଏଚେଲା ହାଡ, ଅଡେ ହିରୁ ଏଚେଲା ତୁମ୍ବେଏ ।

୪୯ “ହାରୁ ତଲେ ଏନିକ୍ ପୂଜା ହୀନାୟି ସୁଦୁ ଆନେ, ଏଲେକିହ୍ ଏ ହିରୁତଲେ ବାରେ ସୁଦୁ କିଞ୍ଜିଆନେ ।”

୫୦ *ହାରୁ ନେହାୟି, ସାମା ହାରୁ ମୁଆସାରେ ଆତିହ୍ ଏନିକ୍ ମୁପି କିନାୟି ଆନେ ? ମୀରୁ ମୀ ତାଣା ହାରୁ ଲେହେଁ ଆଦୁ, ଅଡେ ରଅତେରି ରଅଣାକି ହିଡ୍‌ଡି ଜୀଞ୍ଜୁତଲେ ନେହ୍ ଆହ୍ ଡୟାଦୁ ।”

୧୦

ଡକ୍ତି ଡକ୍ତା ପିସ୍‌ପିଆନି କାତା ଜୀସୁ ଜାପ୍‌ନାୟି
(ମାତି ୧୯:୧-୧୨; ଲୁକ ୧୭:୧୮)

୧ ଏ ଟାମୁଟି ଜୀସୁ ହାଜାନା ଜୀହୁଦା ରାଜିତି ହାନ୍ଦି ଅଡେ ଜର୍ଦନ କାତା ଆତାଲାଖାକି ଖାଚେସି; ଇଞ୍ଜାଁ ଲକୁ ଅଡେ

* ୯:୨୯ ୯:୨୯ ଏଚେକା ସାସ୍ତେରିତା ପ୍ରାତାନା ଇଞ୍ଜାଁ ଉପାସା ରାସ୍‌କି ଆହାମାନେ । * ୯:୩୪ ୯:୩୪ ଲୁକ ୨୨:୨୪ * ୯:୩୫ ୯:୩୫ ମାତି ୨୦:୨୬,୨୭; ୨୩:୧୧; ମାର୍କ ୧୦:୪୩,୪୪; ଲୁକ ୨୨:୨୬ * ୯:୩୬ ୯:୩୬ ମାତି ୧୦:୪୦; ଲୁକ ୧୦:୧୨; ଜହ ୧୩:୨୦ * ୯:୪୦ ୯:୪୦ ମାତି ୧୨:୩୦; ଲୁକ ୧୧:୨୩ * ୯:୪୧ ୯:୪୧ ମାତି ୧୦:୪୨ * ୯:୪୩ ୯:୪୩ ମାତି ୫:୩୦ † ୯:୪୪ ୯:୪୪ କଚେକା ସାସ୍ତେରିତା ଇ କାତା ରାସ୍‌କି ଆହାହିଲେଏ । ‡ ୯:୪୬ ୯:୪୬ କଚେକା ସାସ୍ତେରିତା ଇ କାତା ରାସ୍‌କି ଆହାହିଲେଏ । * ୯:୪୭ ୯:୪୭ ମାତି ୫:୨୯ * ୯:୫୦ ୯:୫୦ ମାତି ୫:୧୩; ଲୁକ ୧୪:୩୪,୩୫

ଖେଣ୍ଡେ ଏଝାଣି ତାଣା ରୁଣ୍ଡା ଆହାଲିଏ, ଏଝାସି ତାନି ମେରା
ଲେହେଁ ଏଝାରାଇଁ ଅଡ଼େ ଜାପୁହାଲି ମାଟୁହେସି ।

୨ ଏମ୍ବାଟିଏ ପାରୁସିୟାଁ ଏଝାଣି ତାଣା ଖାହାନା ଏଝାଣାଇଁ
ତାୟିପାରିକିହଁ ଖେଚେରି, “ଜାହାରା ତକ୍ତିନି ପିସାଲି
ଆଦାୟାକି ମେରା କି?”

୩ ଜୀସୁ ଏଝାରାଇଁ ଏଲେଇଚେସି, “ମସା ମିଜେ ଏନି
ହୁକୁମି ହୀହାମାଞ୍ଜାନେସି?”

୪ ଏଝାରି ଏଲେଇଚେରି, “ପିହୁନି ଆକୁ ରାଚାନା ତକ୍ତିନି
ପିସାଲି ମସା ହେଲ ହୀହାମାଞ୍ଜାନେସି ।”

୫ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ମୀ
ଆଡ଼ଝା ହିୟାଁତି ମେସାନା ଏଝାସି ମିଜେତାକି ଇ ହୁକୁମି
ରାଚାନାମେସି । ୬ ସାମା ମାଣ୍ଡସି ଗାଡ଼ି ଆଡ଼ି ବେଲାଟିଏ
ଏଝାସି ଏଝାରାଇଁ ଇୟା ଅଡ଼େ ଆଦା କିହଁ ମାହାପୁରୁ
ଗାଡ଼ିକିତେସି । ୭ ଏଦାଆଁତାକି ଆଦା ତାଲି ତାଞ୍ଜିଇଁ
ପିହୁନେସି, ଇଞ୍ଜା ତାନି ତକ୍ତି ତଲେ ଆଣ୍ଡିନେସି, ୮ ଇଞ୍ଜା
ଏଝାରି ରିଆରି ଆଏ, ସାମା ରଣ୍ଡିଏ ଆଙ୍ଗା ଆନେରି । ୯ ଇଞ୍ଜା
ମାହାପୁରୁ ଏନାଆଁ ଆଣ୍ଡି କିହାମାନେସି, ମାଣ୍ଡସି ଏଦାଆଁ
ଏଚକା କିଆପେସି ।”

୧୦ ତାୟୁ ସୀସୁୟାଁ ଇଜ ଇ କାତାତି ଜୀସୁଇଁ ଅଡ଼େ ଖେଣ୍ଡେ
ଖେଚେରି । ୧୧ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି,
“ଆମ୍ବାଆସି ତାନି ତକ୍ତିନି ପିସାନା ଏଚକାତାଣି ବୀହା
ଆନେସି, ଏଝାସି ତଲିତ ତକ୍ତିନି କପାଟି ଦାରିକାମା କିନେସି
। ୧୨ ଅଡ଼େ ତକ୍ତି ତାନି ତକ୍ତାଇଁ ପିସାନା ଏଚକାତାଣାଇଁ ବୀହା
ଆନେ, ଆତିହଁ ଏଦି ଦାରିକାମା କିନେ ।”

କକାରି ପଦାଁଣି ଜୀସୁ ବର ହୀନାୟି
(ମାତି ୧୯:୧୩-୧୫; ଲୁକ ୧୮:୧୫-୧୭)

୧୩ ଏଝାସି ଏନିକିଁ କକାରି ପଦାଁଣି ତାରିନେସି,
ଏଦାଆଁତାକି ଲକୁ ଏଝାରାଇଁ ଜୀସୁ ତାଣା ତାଚାଲି
ମାଟୁହେରି; ସାମା ସୀସୁୟାଁ ଏଝାରାଇଁ ଦାକା ହୀତେରି
। ୧୪ ଜୀସୁ ଏଦାଆଁ ମେସାଁ କାରବି ଆହାନା ଏଝାରାଇଁ
ଏଲେଇଚେସି, “କକାରି ପଦାଁଣି ନା ତାଣା ଖାହାଲି ହୀଦୁ,
ଏଝାରାଇଁ ଆଂଗାଆଦୁ; ଇଚିହଁ ମାହାପୁରୁତି ରାଜି
ଇଲେତି ଲକୁତାୟି । ୧୫ ନାନୁ ମିଜ ସାତା ଖେସିମାଞ୍ଜାଇଁ,
ଆମ୍ବାଆସି କକାରି ପଦାୟାଁ ଲେହେଁ ମାହାପୁରୁତି ରାଜି
ଆବଅସି, ଏଝାସି ଏନିଜିକେଏ ଏମ୍ବାଆଁ ହଡାଲି ଆଡ଼ଅସି
।” ୧୬ ଇଞ୍ଜା ଏଝାସି ଏଝାରାଇଁ କତାଣା ଜକ୍ମାନା ଏଝାରି
ଲାକ କେୟୁ ଇଚାନା ବର ହୀତେସି ।

ର ଦନ ଗାଟି ଦାଂଗଣେଏସି
(ମାତି ୧୯:୧୭-୩୦; ଲୁକ ୧୮:୧୮-୩୦)

୧୭ ଜୀସୁ ଅଡ଼େ ଖେଣ୍ଡେ ହାଜିମାଚାଟି ରଅସି ଦାବଡ଼ି
ଖାହାନା ଏଝାଣି ନକିତା ମେଣ୍ଡାକୁତାନା ଏଝାଣାଇଁ ଖେଚେସି,
“ଏ ନେହଁ ଗୁରୁ କାଲାକାଲାତି ଜୀସୁ ବେଚାଆହାଲି ନାନୁ
ଏନାଆଁ କିଇଁ?”

୧୮ ଏମ୍ବାଟିଏ ଜୀସୁ ଏଝାଣାଇଁ ଏଲେଇଚେସି, “ନାଜେ
ନେହଁତି ଇଞ୍ଜା ଏନାଆଁତାକି ଏଲେଇଞ୍ଜି ମାଞ୍ଜାଦି ? ରଅଣି
ପିସପେ ଇଚିହଁ ମାହାପୁରୁ ପିସପେ ଅଡ଼େ ଆମ୍ବାଆସି
ନେହଁସି ହିଲଅସି । ୧୯ ନାନୁ ସାସ୍ତେରିତି ବାରେ ହୁକୁମିକା
ପୁଞ୍ଜାମାଞ୍ଜି, ଲକୁଣି ପାୟାଆଦୁ, ଦାରିକାମା କିଆଦୁ, ସରୁ
କିଆଦୁ, ମିଟି ସାକି ଜଲାଆଦୁ, ଲକୁଣି ନାଡ଼ି କିଆଦୁ, ଇଞ୍ଜା
ତାଲି ତାଞ୍ଜିଇଁ ଜୀସୁନଦୁ ।”

୨୦ ଏଝାସି ଏଝାଣାଇଁ ଏଲେଇଚେସି, “ଏ ଗୁରୁ ଇ ବାରେ
ନାନୁ ଉଣା ଖେଡ଼ାଟିଏ ମାନୁଡ଼ି ଆହିମାଇଁ ।”

୨୧ ଜୀସୁ ଏଝାଣାଇଁ ତୀରେ ସିନିକିହାଁ ଜୀସୁ ନଡେସି
ଇଞ୍ଜା ଏଲେଇଚେସି, “ନାନୁ ର କାମାତା ଉଣା ମାଞ୍ଜି, ନାନୁ
ହାଜାନା ନୀ ଦନ ବାରେ ପାରଚାନାହାଁ ହିଲାଆ ଗାଚାରାକି
ଦାନା ହୀମୁ, ଅଡ଼େ ନା ଜେଚ ଖାମୁ, ଇଞ୍ଜା ନାନୁ ଲାକପୁରୁ
ଦନ ବେଚାଆଦି ।” ୨୨ ସାମା ଇ କାତାତା ଏଝାଣି ମୁମ୍ବୁ
ହାପୁଲି ଆହାହାଚେ, ଇଞ୍ଜା ଏଝାସି ଦୁକୁ ଆହାନା ହାଚେସି,
ଇଚିହଁ ଏଝାଣାକି ହାଚେକା ଦନ ମାଚେ ।

୨୩ ଏମ୍ବାଟିଏ ଜୀସୁ ସାରିଝାକି ସିନିକିହାନା ତାନି
ସୀସୁୟାଁଣି ଏଲେଇଚେସି, “ଦନ ଗାଚାରି ହାଚେକା
କସ୍ତଲେ ମାହାପୁରୁ ରାଜିତା ହଡ଼ନେରି ।”

୨୪ ଏଝାଣି କାତା ଖେଞ୍ଜାନା ସୀସୁୟାଁ କାବା ଆଡେରି,
ସାମା ଜୀସୁ ଅଡ଼େ ଖେଣ୍ଡେ ଏଝାରାଇଁ ଏଲେଇଚେସି,
“ଆଡେ କକାଚେରି ମାହାପୁରୁ ରାଜିତା ହଡ଼ନାୟି ହାଚେକା
କସ୍ତ । ୨୫ ମାହାପୁରୁତି ରାଜିତା ଦନ ଗାଚାରି ହଡ଼ନି କିହାଁ
ସୂଜା କାଣିଟି ଉଚୁ ହଡ଼ନାୟି ଉସାସା ।”

୨୬ ଏମ୍ବାଟିଏ ଏଝାରି ହାଚେକା କାବାଆହାନା ତାମ୍ବୁ ତାମ୍ବୁ
କାତା ଆଡେରି, “ଆତିହଁ ଆମ୍ବାଆସି ଗେଲ୍ପି ଆହାଲି
ଆଡ଼ିନେସି?”

୨୭ ଜୀସୁ ଏଝାରାଇଁ ତୀରିତଲେ ସିନିକିହାନା
ଏଲେଇଚେସି, “ଇଦି ମାଣ୍ଡସିକି ଆଡାଆଗାଚାୟି, ସାମା
ମାହାପୁରୁକି ଆଏ; ଇଚିହଁ ମାହାପୁରୁ ବାରେ କିହାଲି
ଆଡ଼ିନେସି ।”

୨୮ ପିତର ଏଝାଣାଇଁ ଏଲେଇଚେସି, “ମେହ୍ମୁ ମାମ୍ବୁ
ବାରେ ପିସାନା ନୀ ଜେଚ ଖାହାମାନମି ।”

୨୯ ଜୀସୁ ଏଲେଇଚେସି, “ନାନୁ ମିଜେ ସାତା
ଖେସିମାଞ୍ଜାଇଁ, ଆମିନି ଲକୁ ନା ନେହଁ କାଚୁତାକି ଇଲୁ
କି ତାୟିକି ତାଜି କି ତାଲି, ତାଞ୍ଜି, କକାରି ପଦାଁଣି କି
ବୁମି ବାଡ଼ା ପିସାମାନେରି, ୩୦ ଅଡ଼େ ଇ କାଲାତା କସ୍ତ
ବେଚାଆହଁ, ଖାଞ୍ଜା ଗୁଣୁତି ଇଲ୍ଲକା, ତାୟି, ତାଜି, ତାଲି
ତାଞ୍ଜି, କକାରି ପଦାୟାଁ ଅଡ଼େ ବୁମି ବାଡ଼ା, ଇଞ୍ଜା ଖାନ୍ତି
ଜୁଗୁତା କାଲାକାଲାତି ଜୀସୁ ବେଚାଆଅସି, ଇଲେତି ଲକୁ
ଆମ୍ବାଆସି ହିଲଅସି । ୩୧ ସାମା ନକିତା ମାନି ହାଚେକା
ଲକୁ ତାୟୁ ଆନେରି, ଇଞ୍ଜା ତାୟୁ ମାନି ହାଚେକା ଲକୁ
ନକିନେରି ।”

☆ ୧୦:୪ ୧୦:୪ ମାତି ୫:୩୧ ☆ ୧୦:୧୧ ୧୦:୧୧ ମାତି ୫:୩୨; ୧କର ୭:୧୦, ୧୧ ☆ ୧୦:୧୫ ୧୦:୧୫ ମାତି ୧୮:୩ ☆ ୧୦:୩୧ ୧୦:୩୧ ମାତି ୨୦:୧୭;
ଲୁକ ୧୩:୩୦

ଜୀସୁ ତାନି ପାଲି ତାନି ହାନି କାତା ୱେହ୍ନାନାୟି
(ମାତି ୨୦:୧୭-୧୯; ଲୁକ ୧୮:୩୧-୩୪)

୩୨ ଏଞ୍ଜାରି ଜିରୁସାଲମତା ହାଜିମାଚାଟି ଜିରୁତା ମାଚେରି ଇଞ୍ଜା ଜୀସୁ ଏଞ୍ଜାରି ନକି ନକିତା ହାଜିମାଚେସି, ଅଡ଼େ ଏଞ୍ଜାରି କାବାଆହାନା ତାୟୁ ୱାହ୍ନିମାନି ଲକୁ ଆଜାମାଚେରି, ଇଞ୍ଜା ଏଞ୍ଜାସି ୱେଶ୍ଟେ ବାଉଜାଣାତି ଏଟକା କିହାନା ତାଙ୍ଗେତାକି ଏନା ଏନାୟି ଆହାଲି ହାଜିମାନେ, ଏ ବାରେ ଏଞ୍ଜାରାଇଁ ୱେସାଲି ମାଟହେସି । ୩୩ ଜୀସୁ ଏଲେଇଚେସି, “ମେହ୍ନୁ ମାର ଜିରୁସାଲମତା ହାଜିମାନାୟି; ମାଣ୍ଡସି ମୀରଏସି କାଜା ପୁଜେରାଙ୍ଗା ଅଡ଼େ ମେରାପୁନାରି କେୟୁତା ହେରପିଆନେସି, ଅଡ଼େ ଏଞ୍ଜାରି ଏଞ୍ଜାଣାଇଁ ହାନି ତଣ୍ଡ ହାହାନା ଏଟକା କୁଡ଼ାତାରି କେୟୁତା ହେରପିନେରି, ୩୪ ଇଞ୍ଜା ଏଞ୍ଜାରି ଏଞ୍ଜାଣାଇଁ କିଜ଼ି କିନେରି, ଏଞ୍ଜାଣିଲକ ହୁପିନେରି, ଏଞ୍ଜାଣାଇଁ ସାଟଣି ତଲେ ୱେନେରି, ଇଞ୍ଜା ପାୟିନେରି, ଅଡ଼େ ତାନି ଦିନାଟିଏ ୱେଶ୍ଟେ ନିଙ୍ଗିନେସି ।”

ଜାକୁବ ଅଡ଼େ ଜହନ ବାତିମାଲିନାୟି
(ମାତି ୨୦:୨୦-୨୮)

୩୫ ତାୟୁ ଜେବଦି ମୀରକା ଜାକୁବ ଅଡ଼େ ଜହନ ଜୀସୁ ତାଣା ୱାହାନା ଏଲେଇଚେରି, “ଏ ଗୁରୁ ମା ଅଣ୍ଡପୁ ମାମ୍ବୁ ନୁୀ ତାଣାଟି ଏନାଆଁ ରାହନମି ଏଦାଆଁ ମା ତାକି ନୀନୁ କିମୁ ।”

୩୬ ଇଞ୍ଜା ଜୀସୁ ଏଞ୍ଜାରାଇଁ ୱେଚେସି, “ନାନୁ ମୀ ତାକି ଏନାଆଁ କିଇଁ ଇଞ୍ଜା ମୀରୁ ଅଣ୍ଡପିମାଞ୍ଜେରି ?”

୩୭ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ନୀନୁ ଗାଞ୍ଜୁରମିଗାଟି ରାଜିତା କୁଗିସାରେ ଏନିକିଁ ମା ବିତ୍ରାଟି ରଅତମି ନୀ ଚିଃନି ଚଟ ଅଡ଼େ ରଅତମି ନୀ ଚେବୁ ଚଟ କୁଗିନମି ଇ ବର ମାଙ୍ଗେ ହିୟାମୁ ।”

୩୮ *ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଏନାଆଁ ରାସିମାଞ୍ଜେରି ଏଦାଆଁ ପୁଞ୍ଜାହିଲଅତେରି । ନାନୁ ଆମିନି ସଲ୍ଲାତା ଗସିମାଇଁ, ଏମାଆଁ ମୀରୁ ଗସାଲି ଆଡ଼ିଦେରି ? ଇଞ୍ଜା ନାନୁ ଆମିନି ବାପ୍ତିସ୍ତା* ବାପ୍ତିସ୍ତା ଅହିମାଇଁ ଏମାଆଁ ମୀରୁ ବାପ୍ତିସ୍ତା ଆହାଲି ଆଡ଼ିଦେରି ?”

୩୯ ଏଞ୍ଜାରି ଏଲେଇଚେରି, “ଆଡ଼ିନମି ।”

ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ଆମିନି ସଲ୍ଲାତା ଗସିମାଇଁ ଏମାଆଁ ଗସାଲି ଆଡ଼ିଦେରି, ଇଞ୍ଜା ନାନୁ ଆମିନି ବାପ୍ତିସ୍ତାଟି ବାପ୍ତିସ୍ତା* ଆହିମାଇଁ ମୀରୁ ଏମାଆଁ ବାପ୍ତିସ୍ତା ଆଦେରି; ୪୦ ସାମା ନା ଚିଃନି ଅଡ଼େ ଚେବୁଞ୍ଜାକି କୁଗାଲି ହାହାଲି ନା ଅଦିକାରାତି କାତା ଆଏ, ଆମ୍ବାଆରାକି ମାହାପୁରୁ ଟାୟୁ କେପାମାନେସି ଏଞ୍ଜାରି କୁଗିନେରି ।”

୪୧ ଏଟକାତି ଦସ ଜାଣା ଇଦାଆଁ ୱେଞ୍ଜାନା ଜାକୁବ ଅଡ଼େ ଜହନଇଁ କାରବି ଆହାଲି ମାଟହେରି । ୪୨ *ଏମ୍ବାଟିଏ ଜୀସୁ ଏଞ୍ଜାରାଇଁ ତାଗେ ହାଟାନା ଏଲେଇଚେସି, “ଆମିନି ଗାଟାରି ଏଟକା କୁଡ଼ାତି ସାଲ୍ଡି କିନାରି ଲେହେଁ ଆହାମାନେରି, ଏଞ୍ଜାରି ଲାକ ସାଲ୍ଡି କିନେରି, ଅଡ଼େ ଏଞ୍ଜାରି କାଜାପାଣା

ଗାଟାରି ଏଞ୍ଜାରି ମୁହେଁ ସାଲ୍ଡି କିନେରି, ଇଦାଆଁ ମୀରୁ ପୁଞ୍ଜୁ । ୪୩ *ସାମା ମୀ ବିତ୍ରା ଏଲେକିହ୍ ଆଏ; ସାମା ମୀ ବିତ୍ରା ଆମ୍ବାଆସି କାଜାସି ଆହାଲି ମନ କିନେସି, ଏଞ୍ଜାସି ମୀ ସେବା କିପେସି, ୪୪ ଅଡ଼େ ମୀ ବିତ୍ରା ଆମ୍ବାଆସି କାଜାସି ଆହାଲି ମନ କିନେସି, ଏଞ୍ଜାସି ବାରେତି ହଚ୍ଲେଏସି ଆପେସି । ୪୫ ଇଚିହ୍ ମାଣ୍ଡସି ମୀରଏସି ଜିକେଏ ସେବା ବେଟାଆହାଲି ୱାହାହିଲଅସି, ସାମା ସେବା କିହାଲି ଇଞ୍ଜା ହାରେକା ଲକୁଣି ପାପୁଟି ପିସ୍ପି କିହାଲିତାକି ତାନି ଜୀସୁ ହାହାଲି ୱାହାମାନେସି ।”

ଜୀସୁ ବାଟି ମୟ କାଣାଇଁ ନେହ୍ କିନାୟି
(ମାତି ୨୦:୨୯-୩୪; ଲୁକ ୧୮:୩୫-୪୩)

୪୬ ତାୟୁ ଏଞ୍ଜାରି ଜିରିହତା ଏଗାତେରି, ଅଡ଼େ ଏଞ୍ଜାସି ତାନି ସୀସୁୟାଁ ଇଞ୍ଜା ମାନ୍ଦା ଲକୁତଲେ ଜିରିହଟି ହାଜିମାନି ବେଲାତା ଚିମାୟ ମୀରଏସି ବାଟି ମୟ ଦରୁଗାଟି ର କାଣା, ରାସ୍ପାଲି ଜିରୁ ଦାରିତା କୁଗାମାଚେସି । ୪୭ ଏଞ୍ଜାସି ନାଜ୍ଜରିତତି ଜୀସୁ, ଇମ୍ବାଟି ହାଜିମାନେସି ଇଞ୍ଜା ୱେଞ୍ଜାନା ଏଞ୍ଜାସି କାଜା ଗିୟାତଲେ ଏଲେଇଚେସି, “ଏ ଦାଞ୍ଜୁଦ ମୀରଏଶାତି ଜୀସୁ ନାଙ୍ଗେ କାର୍ମା ମେସ୍ତାମୁ ।”

୪୮ ଏମ୍ବାଟିଏ ହାରେକା ଲକୁ ଏଞ୍ଜାଣାଇଁ ପାଲେଏ ଆହାଲି ଦାକା ହାତେରି, ସାମା ଏଞ୍ଜାସି ଅଡ଼େ କାଜା ହାଡ଼ାତଲେ ଏଲେଇଚେସି, “ଏ ଦାଞ୍ଜୁଦ ମୀରଏଶାତି ଜୀସୁ ନାଙ୍ଗେ କାର୍ମା ମେସ୍ତାମୁ ।”

୪୯ ଏମ୍ବାଟିଏ ଜୀସୁ ନିଚାନା ଏଲେଇଚେସି, “ଏଞ୍ଜାଣାଇଁ ହାଟାଦୁ ।” ଏଞ୍ଜାରି ଏ କାଣାଇଁ ହାଟାନା ଏଲେଇଚେରି, “ସାସା ଆହାନା ନିଙ୍ଗାମୁ, ଏଞ୍ଜାସି ନିଙ୍ଗେ ହାଟିମାଞ୍ଜାନେସି ।”

୫୦ ଏମ୍ବାଟିଏ ଏଞ୍ଜାସି ନିଙ୍ଗାନା ତାନି ହିମ୍ବୁରି କୁତାନା ଜୀସୁ ତାଣା ୱାଡେସି ।

୫୧ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ନିଙ୍ଗେତାକି ଏନାଆଁ କିଇଁ ଇଞ୍ଜା ନୀନୁ ଅଣ୍ଡପିମାଞ୍ଜେରି ?” ଏ କାଣା ଏଞ୍ଜାଣାଇଁ ଏଲେଇଚେସି, “ଏ ଗୁରୁ ନାନୁ ଏନିକିଁ ମେସାଲି ଆଡ଼ିଇଁ ।”

୫୨ ଜୀସୁ ଏଞ୍ଜାଣାଇଁ ଏଲେଇଚେସି, “ହାଲାମୁ ନୀ ନାମୁ ନିଙ୍ଗେ ନେହ୍ କିୟାତେ ।” ଏ ଦେବୁଣିଏ ଏଞ୍ଜାସି ମେସାଲି ଆଡ଼ିତେସି, ଇଞ୍ଜା ଏଞ୍ଜାରି ଜେତ ଜେତ ହାଚେସି ।

୧୧

ଜୀସୁ ଜିରୁସାଲମତା ହଡ଼ନାୟି
(ମାତି ୨୧:୧-୧୧; ଲୁକ ୧୯:୨୮-୪୦; ଜହ ୧୨:୧୨-୧୯)

୧ ଏଚିବେଲା ଏଞ୍ଜାରି ଜିରୁସାଲମ ତାଗେ ଆହାନା ଜୀତ ହରୁ ତାଗେ ବେଡ଼ପାଗି ଇଞ୍ଜା ବେତନିୟାଁ ତାଗେ ୱାଡେରି, ଏଚିବେଲା ଏଞ୍ଜାସି ତାନି ସୀସୁୟାଁ ବିତ୍ରାଟି ରିଆରାଇଁ ଇ କାତା ୱେସା ପାଣ୍ଡିତେସି, ୨ “ମୀ ନକିତା ମାନି ଏ ନାୟୁତା ହାଜୁ; ଏ ନାୟୁତା ହଡ଼ଞ୍ଜିଏ ଆମିନି ଲାକ ଆମ୍ବାଆରି

* ୧୦:୩୮ ୧୦:୩୮ ଲୁକ ୧୨:୫୦ * ୧୦:୩୮ ୧୦:୩୮ ମୁଞ୍ଜିନାୟି † ୧୦:୩୮ ୧୦:୩୮ ମୁଞ୍ଜିନାୟି ‡ ୧୦:୩୮ ୧୦:୩୮ ମୁଞ୍ଜିନାୟି § ୧୦:୩୯ ୧୦:୩୯ ମୁଞ୍ଜିନାୟି * ୧୦:୩୯ ୧୦:୩୯ ମୁଞ୍ଜିନାୟି † ୧୦:୩୯ ୧୦:୩୯ ମୁଞ୍ଜିନାୟି ‡ ୧୦:୪୨ ୧୦:୪୨ ଲୁକ ୨୨:୨୫,୨୬ * ୧୦:୪୩ ୧୦:୪୩ ମାତି ୨୩:୧୧; ମାର୍ଚ୍ଚ ୯:୩୫; ଲୁକ ୨୨:୨୬

ଏତେଲା ହଡ଼ା ହିଲଅରି ଇଲେତି ର ଗାଡ଼ଦେ ତାଲୁତି ଦସାମାନାଣି ମେହଦେରି; ଏଦାନି ହୁକହାନା ତାଦୁ ।
୩ ଅଡ଼େ ଆମ୍ବାଆସି ଏନାଆଁ କିହିମାଞ୍ଜେରି ଇଞ୍ଜି ମିଙ୍ଗେ ଖେଞ୍ଜାନେସି, ଆତିହ ଏଲେଇଞ୍ଜୁ, ଇଦାଣି ତାଣା ମା ପ୍ରବୁକି ଲଡ଼ାମାନେ, ଅଡ଼େ ଖେଣ୍ଡେ ଇଦାଣି ଖେଡ଼ାକିଆନା ପାଣ୍ଡାନେସି ।”

୪ ଏଞ୍ଜାରି ହାଜାନା ଦୁଖେରିଦାରି ଆଂଗେଣିତା ର ଗାଡ଼ଦେ ତାଲୁତି ଦସାମାନାଣି ମେସାନା ଏଦାଣି ହୁକହେରି,
୫ ଏମ୍ବାଟିଏ ଏମ୍ବାଆଁ ନିତାମାଟି ଲକୁ ବିତ୍ରାଟି ଏଚରଜାଣା ଖେଚେରି, “ଗାଡ଼ଦେ ତାଲୁତି ପିସାନା ଏନାଆଁ କିହିମାଞ୍ଜେରି ?”

୬ ଜୀସୁ ଏନିକିଏ ଖେସାମାଚେସି, ଏଞ୍ଜାରି ଏଲେକିଏ ଏଞ୍ଜାରାଇଁ ଏଲେଇଚେରି; ଏମ୍ବାଟିଏ ଏଞ୍ଜାରି ଏଞ୍ଜାରାଇଁ ହେଲ ହୀତେରି ।
୭ ଜୀସୁ ନକିତା ଗାଡ଼ଦେ ତାଲୁତି ତାଚାନା ଏଞ୍ଜାରି ଏଦାଣି ଲାକ ତାମି ହିମ୍ବରିକା ପାଞ୍ଚେରି, ଅଡ଼େ ଜୀସୁ ଏଦାନିଲେକ କୁଗିତେସି ।
୮ ଅଡ଼େ ହାରେକା ଜିରୁତା ତାମି ହିମ୍ବରିକା ପାଞ୍ଚେରି ଅଡ଼େ ଏଟକାତାରି ଜାଡ଼ାତି ଗଟାୟାଁ ଚୁଣ୍ଡା ତାଚାନା ପାଞ୍ଚେରି ।
୯ ଇଞ୍ଜା ନକିତା ତାୟୁଞ୍ଜାକି ହାଜିମାନି ଲକୁ କାଜା ହାଡ଼ାତଲେ ଏଲେଇଚେରି, “ହସାନା ମାହାପୁରୁ ଦରୁଟି ଆମ୍ବାଆସି ଖାହିମାନେସି, ଏଞ୍ଜାସି ନେହାସି ।
୧୦ ମା ଆକୁ ଦାଞ୍ଜୁଦତି ଆମିନି ରାଜି ଖାହିମାନେ, ଏଡ଼ି ଜହରା, ଲାକପୁରୁତି ହସାନା ।”

୧୧ ତାୟୁ ଜୀସୁ ଜିରୁସାଲମତା ଖାହାନା ମାହାପୁରୁ ଇଲୁତା ହାଚେସି, ଇଞ୍ଜା ସାରିଞ୍ଜାକି ମାନାଣି ବାରେ ସିନିକିହାନା ମିଡ଼ଅଲ୍ଲା ଆହାଲିଏ ବାରଜାଣା ସାସୁୟାଁ ତଲେ ବେତନିୟାତା ହାଚେସି ।

ଜୀସୁ ତୟା ମାର୍ଚ୍ଚୁତି ବାକା ଇଟିନାୟି
(ମାତି ୨୧:୧୮-୧୯)

୧୨ ତାନି ଅର ଦିନା ବେତନିୟାଟି ଖାହିମାଚାଟି ଜୀସୁ ହାକି ଆଡ଼େସି; ୧୩ ଇଞ୍ଜା ହେକଟି ଆକା ମାନି ର ତୟା ମାର୍ଚ୍ଚୁତି ଆକା ମେସାନା ଏମ୍ବାଆଁ ପାଡ଼େୟି ବେଟାଆନି ଆସା ତଲେ ତାଗେ ହାଚେସି । ସାମା ତାଗେ ଖାହାନା ଏଞ୍ଜାସି ଆକା ପିସ୍ପେ ଅଡ଼େ ଏନାଆଁ ପୁଃଆତେସି, ଇତିହ ଏଡ଼ି ତୟା ଆୟିନି ଖେଡ଼ା ହିଲାଆତେ ।
୧୪ ଏମ୍ବାଟିଏ ଜୀସୁ ଏଦାଣି ଏଲେଇଚେସି, “ନୀ ପାଡ଼େୟି ଲକୁ ଏଚେଲା ତିନାଆପେରି ।” ଏଞ୍ଜାଣି କାତା ତାମି ସାସୁୟାଁ ଖେଞ୍ଜାମାଚେରି ।

ଜୀସୁ ମାହାପୁରୁ ଇଲୁତା ହାନାୟି
(ମାତି ୨୧:୧୨-୧୭; ଲୁକ ୧୯:୪୫-୪୮; ଜହ ୨:୧୩-୨୨)

୧୫ ତାୟୁ ଏଞ୍ଜାରି ଜିରୁସାଲମତା ଖାଚେରି, ଅଡ଼େ ଜୀସୁ ମାହାପୁରୁ ଇଲୁତା ହଡ଼ାନା ଏ ଟାୟୁତା ବେବାରା କିହିମାଟି ଲକୁଣି ପାଞ୍ଜାତା ପେର୍ହାଲି ମାଟ୍‌ହେସି, ଇଞ୍ଜା ଟାକାୟାଁ ବେବାରା ଗାଟାରି କୁଚିୟାଁ ଅଡ଼େ ପଟାୟାଁ ବେବାରା କୁଚିୟାଁ ତିରିମ୍ବୁପ୍‌ହେସି ।
୧୬ ଇଞ୍ଜା ପ୍ରାଡ଼ାନା ଇଲୁ ବିତ୍ରାଟି ଆମ୍ବାଆରାକି ଏନାଆଁ ଅହାଲି ତାଚାଲି ହେଲ ହୀଆତେସି,

୧୭ ତାୟୁ ଜୀସୁ ଏଞ୍ଜାରାଇଁ ଜାପ୍‌ହିହ ଏଲେଇଚେସି, “ଦାମ୍‌ ପତିତା ରାସ୍‌କି ଆହାମାନେ, ନା ଇଲୁ ବାରେ କୁଡ଼ାତି ଲକୁତାକି ପ୍ରାଡ଼ାନା ଇଲୁ ଇଞ୍ଜି ଖେଚିନେ ? ସାମା ମୀରୁ ଏଦାଆଁ ତଂଗାୟାଁ ପାଞ୍ଜୁ କିହିମାଞ୍ଜେରି ।”

୧୮ ଇ କାତା ଖେଞ୍ଜାନା କାଜା ପୂଜେରାଞ୍ଜା ଅଡ଼େ ମେରାପୁନାରି ଏଞ୍ଜାଣାଇଁ ଏନିକିଏ ନାସା କିହାଲି ଆଡ଼ିନେରି, ଏଦାଆଁ ପାରୁ ପାରାଲି ମାଟ୍‌ହେରି; ଇତିହ ଲକୁ ଏଞ୍ଜାଣି ଜାପ୍‌ନି ତାଣା କାବା ଆହିମାଚାକି ଏଞ୍ଜାରି ଏଞ୍ଜାଣାଇଁ ଆଜିମାଚେରି ।

୧୯ ଏ ଦିନା ମିଡ଼ଅଲ୍ଲା ବେଲା ଜୀସୁ ଅଡ଼େ ସାସୁୟାଁ ଗାଡ଼ାଟି ହାଚେରି ।

ଖାୟିତି ତୟା ମାର୍ଚ୍ଚୁତି ଜାପିନାୟି
(ମାତି ୨୧:୨୦-୨୨)

୨୦ ଅର ଦିନା ଲାକଏ ଏ ଜିରୁଟି ହାଜିମାଚାଟି ଏଞ୍ଜାରି ତୟା ମାର୍ଚ୍ଚୁ ତାକିଟିଏ ଖାୟିତାଣି ମେସ୍ପେରି ।
୨୧ ଏମ୍ବାଟିଏ ପିତର ତଲିତି କାତା ଅଣ୍‌ପାନା ଏଲେଇଚେସି, “ଏ ଗୁରୁ ମେହ୍‌ମୁ ନୀନୁ ଆମିନି ତୟା ମାର୍ଚ୍ଚୁତି ବାକା ହୀହାମାଟି ଏଡ଼ି ଖାୟାହାଚେୟି ।”

୨୨ ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ତାଣା ନାମାଦୁ ।
୨୩ ନୀନୁ ମିଙ୍ଗେ ସାତା ଖେସିମାଞ୍ଜାଇଁ, ଆମ୍ବାଆସି ଇ ହରୁଟି ନୀନୁ ନିଞ୍ଜାନା ସାମ୍‌ଦୁରିତା ତରଗାମୁ ଇନେସି, ଇଞ୍ଜା ତାନି ହିୟାତା ଆନାମାନା ଆଆନା, ଏନାଆଁ ଜଲିମାଇଁ ଏଡ଼ି ଆନେ ଇଞ୍ଜି ନାମିନେସି, ଏଞ୍ଜାଣାକି ଏଡ଼ି ଆନେ ।
୨୪ ଏଦାଆଁତାକି ନୀନୁ ମିଙ୍ଗେ ଖେସିମାଞ୍ଜାଇଁ, ମୀରୁ ଏନାଆଁ ପ୍ରାଡ଼ାନା କିଦେରି ଅଡ଼େ ରାହ୍‌ଦେରି, ଏ ବାରେ ମିଙ୍ଗେ ମେଡ଼ା ଆୟାତେ ଇଞ୍ଜି ନାମାଦୁ, ଏଚେଟିଏ ଏ ବାରେ ସାତେଏ ବେଟାଆଦେରି ।
୨୫ ଇଞ୍ଜା ମୀରୁ ଆମିନି ବେଲାତା ପ୍ରାଡ଼ାନା କିହାଲି ନିଦେରି, ଇଞ୍ଜା ଆମ୍ବାଆରି କପାଟି ଏନି କାତା ମାଟିହ ଏଞ୍ଜାଣି ପାପୁ ମ୍ବେକ୍‌ଦୁ, ଏନିକିଏ ମୀ ଲାକପୁରୁତି ଆବା ଜିକେଏ ମୀ ପାପୁତି ମ୍ବେକ୍‌ହାନେସି ।
୨୬ ସାମା ମୀରୁ ଏଞ୍ଜାଣି ପାପୁ ମ୍ବେକ୍‌ଅଡ଼େରି, ଆତିହ ମୀ ଲାକପୁରୁତି ଆବା ଜିକେଏ ମୀ ବାରେ ପାପୁତି ମ୍ବେକ୍‌ହଅସି ।”*

ଜୀସୁତି ଅଦିକାରା
(ମାତି ୨୧:୨୩-୨୭; ଲୁକ ୨୦:୧-୮)

୨୭ ତାୟୁ ଏଞ୍ଜାରି ଅଡ଼େ ଖେଣ୍ଡେ ଜିରୁସାଲମତା ଖାଚେରି; ଇଞ୍ଜା ଏଞ୍ଜାସି ପ୍ରାଡ଼ାନା ଇଲୁତା ହଡ଼ିମାଟି ବେଲାତା କାଜା ପୂଜେରାଞ୍ଜା ମେରାପୁନାରି ଇଞ୍ଜା ପ୍ରାଟିନାଞ୍ଜା ଏଞ୍ଜାଣି ତାଣା ଖାହାନା ଖେଚେରି, ୨୮ “ନୀନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି ? ଇଞ୍ଜା ଇ ବାରେ କିହାଲି ଆମ୍ବାଆସି ଇ ଅଦିକାରା ହିୟାତେସି ?”

୨୯ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ନୀନୁ ମିଙ୍ଗେ ରକାତା ଖେଞ୍ଜାଇଁ, ନାଞ୍ଜେ ଖେସ୍‌ସାଦୁ, ଆତିହ ନୀନୁ ଆମିନି ଅଦିକାରା ତଲେ କିହିମାଇଁ, ଏଦାଆଁ ମିଙ୍ଗେ ଖେସ୍‌ସାଇଁ ।

* ୧୧:୨୩ ୧୧:୨୩ ମାତି ୧୭:୨୦; ୧କର ୧୩:୨ * ୧୧:୨୫ ୧୧:୨୫ ମାତି ୭:୧୪, ୧୫ * ୧୧:୨୭ ୧୧:୨୭ କଚେକା ସାସ୍ପେରିତା ଇ କାତା ରାସ୍‌କି ଆହାହିଲେଏ ।

୩୦ ଜହନତି ବାପୁସ୍ଥା ଲାକପୁରୁଟି କି ମାଣ୍ଡସିୟାଁ ତାଣାଟି ଆହାମାଚେ ? ଏଦାଆଁ ନାଜେ ୱେସ୍ତାଦୁ ।”

୩୧ ଏଚେଟିଏ ଏଞ୍ଜାରି ତାମ୍ନୁ ତାମ୍ନୁ କାତା ଆହାଲି ମାଟ୍‌ହେରି, “ଲାକପୁରୁଟି ଇନାୟି, ଆତିହ୍ ଏଞ୍ଜାସି ଏଲେଇଞ୍ଜାନେସି ମୀରୁ ଏନାଆଁତାକି ଏଞ୍ଜାଣାଇଁ ନାମାଆଚେରି ? ୩୨ ଅଡେ ମାଣ୍ଡସି ତାଣାଟି ଇନାୟି, ଏଞ୍ଜାରି ଲକ୍ଷୁଣି ଆଜିମାଚେରି; ଇତିହ୍ ବାରେଜାଣା ଜହନ ସାତା ମାହାପୁରୁ ଅଣ୍‌ପୁଟି ବଲୁ ୱେହ୍‌ନାସି ଇଞ୍ଜି ମାନୁଞ୍ଜି ଆହିମାଚେରି ।” ୩୩ ଏଦାଆଁତାକି ଜୀସୁଇଁ ଏଞ୍ଜାରି ଏଲେଇଚେରି, “ମାମ୍ନୁ ପୁଞ୍ଜାହିଲଅମି ।” ଜୀସୁ ଏଞ୍ଜାରି ଏଲେଇଚେସି, “ନାନୁ ଆମିନି ଅଦିକାରା ତଲେ କିହିମାଇଁ ଏଦାଆଁ ନାନୁ ଜିକେଏ ମିଜେ ୱେସ୍ତାଦୁ ।”

୧୨

ଅଜୁରି ବାଡ଼ାତା ଲାଗେଏତି ବାଗା କାମାକିନାରି (ମାତି ୨୧:୩୩-୪୬; ଲୁକ ୨୦:୯-୧୯)

୧ ଏମ୍ବାଟିଏ ଏଞ୍ଜାସି ଏଞ୍ଜାରି ପୁଣ୍ଡାକିନି କାତାତଲେ ୱେସାଲି ମାଟ୍‌ହେସି, “ରଅସି ର ଅଜୁରି ବାଡ଼ା କିହାନା ବାଡ଼ା ସାରିଞ୍ଜାକି ବେୟି ଗୁରତେସି, ଇଞ୍ଜା ଅଜୁରି ପାଡେୟି ପାଚାଲି ର ଗାଡ଼ୟି କାର୍‌ହାନା ଏମ୍ବାଆଁ କାଃଆନାରାକି କାଃଆନି ଇଲୁ କେପିତେସି, ଇଞ୍ଜା କାମା କିନାରାକି ଏ ବାଡ଼ା ବାଗା ହାହାନା ହେକ ରାଜି ହାଚେସି । ୨ ତାମ୍ନୁ କାମାକିନାରି ତାଣାଟି ଅଜୁରି ବାଡ଼ାତି ପାଡେୟି ବାଗା ବେଟାଆହାଲି ଏଞ୍ଜାସି ର ହଲେଏଣାଇଁ ପାଡେୟି କାମ୍ବିନିଞ୍ଜେଡ଼ା ଏଞ୍ଜାରିତାଣା ପାଣ୍ଡିତେସି । ୩ ସାମା ଏଞ୍ଜାରି ଏଞ୍ଜାଣାଇଁ ଆସାନା ୱେଚେରି ଇଞ୍ଜା ୱାରିଇ କେୟୁଟି ପାଣ୍ଡିତେରି । ୪ ଏଞ୍ଜାସି ଅଡେ ଏଞ୍ଜାରିତାଣା ଅଡେ ର ହଲେଏଣାଇଁ ପାଣ୍ଡିତେସି; ଏଞ୍ଜାରି ଏଞ୍ଜାଣାଇଁ ଜିକେଏ ତାୟି ଡାୟେ ୱେଚାନା ହାଣି କିତେରି । ୫ ଏଞ୍ଜାସି ଅଡେ ରଅଣାଇଁ ପାଣ୍ଡିତେସି; ଏଞ୍ଜାରି ଏଞ୍ଜାଣାଇଁ ଜିକେଏ ପାୟିତେରି, ଏମ୍ବାଟିଏ ଏଞ୍ଜାସି ଅଡେ ହାରେକା ଜାଣାଟି ପାଣ୍ଡିତେସି; ଏଞ୍ଜାରି ବିତ୍ତାଟି ଏଚରଜାଣାଟି ୱେଚେରି ଇଞ୍ଜା ଏଚରଜାଣାଟି ପାୟିତେରି । ୬ ତାନି ତାଣା ରଅସିଏ ତୁୟିତେସି, ଏଞ୍ଜାସି ତାନି ଜୀସୁଟି ମୀରୁଏସି, ତାମ୍ନୁ ଅଣ୍‌ପିତେସି ‘ଏଞ୍ଜାରି ନା ମୀରୁଏଣାଇଁ ମାନି କିନେରି’ ଇଞ୍ଜି ଏଞ୍ଜାସି ଏଞ୍ଜାଣାଇଁ ପାଣ୍ଡିତେସି । ୭ ସାମା ଏ କାମାକିନାରି ତାମ୍ନୁ ତାମ୍ନୁ କାତା ଆଚେରି, ‘ଇଞ୍ଜାସିତ ଅଦିକାରା ଗାଟାସି, ୱାଦୁ ଇଞ୍ଜାଣାଇଁ ପାୟିନ; ଆତିହ୍ ବାଡ଼ାତି ଅଦିକାରା ମାଡି ଆନେ ।’ ୮ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଆସାନା ପାୟିତେରି ଇଞ୍ଜା ଅଜୁରି ବାଡ଼ାତି ପାଙ୍ଗାତା ମେଡ଼ହାଡୁସ୍ତେରି ।”

୯ ଜୀସୁ ଏଞ୍ଜାରି ଏଞ୍ଜାଣାଇଁ ୱେଚେସି, “ଞ୍ଜେସ୍ତାଦୁ, ଇଦାଆଁ ତାମ୍ନୁ ଏ ଅଜୁରି ବାଡ଼ାତି ସାଞ୍ଜୁକାରି ଏନାଆଁ କିନେସି ? ଏଞ୍ଜାସି ୱାହାନା କାମା କିନାରାଇଁ ନାସା କିନେସି ଇଞ୍ଜା ଏଚକାତି କାମା କିନାରାକି ଏ ଅଜୁରି ବାଡ଼ା ହାନେସି । ୧୦ ମୀରୁ ଦାମ୍ବୁ ପତିତା ଇ କାତା ପଡ଼ି ଆହାହିଲଅଚେରି ?

ଇଲୁ କେପିନାରି ଆମିନି ୱାଲିତି ମିଣ୍ଡଏ ଇଞ୍ଜି ଅପାଆଚେରି, ଏଦିଏ ଇଲୁତି ମୂଲୁ ୱାଲି ଆଡେ ।

୧୧ ମାହାପୁରୁ ତାଣାଟି ଇଦି ଆଡେ, ଇଞ୍ଜା ଏଦି ମା କାନୁତାକି ର କାବା ଆନାୟି ।”

୧୨ ଏଚେଟିଏ ଜୀହୁଦି ଲକ୍ଷୁଟି କାଜାରି ଏଞ୍ଜାଣାଇଁ ଆସାଲି ଅଣ୍‌ପିମାଚେରି, ସାମା ଏଞ୍ଜାରି ଲକ୍ଷୁଣି ଆଜିତେରି; ଇତିହ୍ ଏ ପୁଣ୍ଡାକିନି କାତା ଏଞ୍ଜାରି ଇଦି କିହାନା ୱେସିମାଚେସି ଇଞ୍ଜି ପୁଚେରି, ଇଞ୍ଜା ଏଞ୍ଜାରି ଏଞ୍ଜାଣାଇଁ ପିସାନା ହାଜାଡୁସ୍ତେରି ।

ସିସୁ ହୁନାଣି ୱେନାୟି

(ମାତି ୨୨:୧୫-୨୨; ଲୁକ ୨୦:୨୦-୨୬)

୧୩ ତାମ୍ନୁ ଜୀସୁ କାତାତି ଦହ ଆସାଲି ତାକି ଏଞ୍ଜାରି ପାରୁସି ଅଡେ ହେରଦ ଗଚିତି ଏଚେକା ଲକ୍ଷୁଣି ଏଞ୍ଜାଣି ତାଣା ପାଣ୍ଡିତେରି । ୧୪ ଏଞ୍ଜାରି ୱାହାନା ଏଞ୍ଜାଣାଇଁ ଏଲେଇଚେରି, “ଏ ଗୁରୁ ମାମ୍ନୁ ପୁଞ୍ଜାମାନମି, ନୀନୁ ସାତା କାତା ୱେହ୍‌ନାତି ଅଡେ ଆମ୍ବାଆରାଇଁ ଆଜାଆ ଗାଟାତି; ଇତିହ୍ ନୀନୁ ମାଣ୍ଡସିତି ମୁମ୍ବୁମେସାନା ଜଲ୍‌ଆ ଗାଟାତି ଇଞ୍ଜା ସାତା ତଲେ ମାହାପୁରୁଟି ଜିରୁ ଜାପୁନାତି, କାୟିସରକି ସିସୁ ହୁନାୟି ମେରା କି ଆଏ, ମାମ୍ନୁ ହୁନମି କି ଆଏ ?”

୧୫ ସାମା ଏଞ୍ଜାସି ଏଞ୍ଜାରି କାର୍‌ବିତି ପୁଞ୍ଜାନା ଏଞ୍ଜାରି ଏଲେଇଚେସି, “ଏନାଆଁତାକି ନାଜେ ତାୟିପାରି କିହିମାଞ୍ଜାଦେରି ? ର ୱେଣ୍ଡି ଟାକା ନା ତାଣା ତାଦୁ ନାନୁ ଏଦାଆଁ ସିନିକଇଁ ।”

୧୬ ଏଚେଟିଏ ଏଞ୍ଜାରି ଏଦାଆଁ ତାଚେରି, ଏଞ୍ଜାସି ଏଞ୍ଜାରି ଏଞ୍ଜାଣାଇଁ ୱେଚେସି, “ଇ ବମା ଅଡେ ଦରୁ ଆମ୍ବାଆରାଞ୍ଜାୟି ?” ଏଞ୍ଜାରି ଏଞ୍ଜାଣାଇଁ ଏଲେଇଚେରି, “କାୟିସରଞ୍ଜାୟି ।”

୧୭ ଏମ୍ବାଟିଏ ଜୀସୁ ଏଞ୍ଜାରି ଏଲେଇଚେସି, “କାୟିସରଞ୍ଜାୟି ଏନାୟି ଏଦାଆଁ କାୟିସରକି ହୀଦୁ; ଇଞ୍ଜା ମାହାପୁରୁଞ୍ଜାୟି ଏନାୟି ଏଦାଆଁ ମାହାପୁରୁକି ହୀଦୁ ।” ଏଚେଟିଏ ଏଞ୍ଜାରି ଏଞ୍ଜାଣି କାତାତାକି କାବା ଆଡେରି ।

ସାଦୁକିୟାଁ ହାକିଟି ୱେଣ୍ଡେ ନିଜିନି କାତା ୱେନାୟି

(ମାତି ୨୨:୨୩-୩୩; ଲୁକ ୨୦:୨୭-୪୦)

୧୮ ଏମ୍ବାଟିଏ ହାକିଟି ୱେଣ୍ଡେ ନିଜିନାୟି ହିଲେଏ ଇଞ୍ଜିମାନି ସାଦୁକି ଲକ୍ଷୁ ଜୀସୁ ତାଣା ୱାହାନା ୱେଚେରି, ୧୯ “ଏ ଗୁରୁ ମସା ମାଜେତାକି ରାଟାମାନେସି, ଇତିହ୍ ଆମ୍ବାଆରି ତାୟି ହାନେସି ଇଞ୍ଜା ତାନି ତକ୍ତି ନୀତାମାନେ ଇଞ୍ଜା ଏଦାନି ଏନି କକାରି ପଦାୟାଁ ହିଲାତ ଆତିହ୍ ତାନି ତାୟି ତାନି ତକ୍ତିନି ଇଟାନା ତାନି ତାୟିକି କୃତା ଏପାକିନେସି । ୨୦ ମେହ୍‌ମୁ ସାତା ଜାଣା ତାୟିୟାଁ ମାଚେରି; କାଜାସି ର ଆୟାନି ବୀହା ଆଡେସି, ଇଞ୍ଜା କକାରି ପଦାଁ ଆଆନା ହାଡେସି; ୨୧ ଏଞ୍ଜାଣି ଜେଚତାସି ଏ ଇୟାନି ଇଚିତେସି ଇଞ୍ଜା କକାରି ପଦାଁ ଆଆନା ହାଡେସି; ଅଡେ ଜେଚତାସି ଏଲେକିତେସି, ୨୨ ଇଞ୍ଜା ସାତା ଜାଣା ଜିକେଏ କକାରି ପଦାଁ

† ୧୧:୩୦ ୧୧:୩୦ ମୁଞ୍ଜନାୟି ☆ ୧୨:୧୮ ୧୨:୧୮ କାମା ୨୩:୮

ଆଧାନା ହାତେରି; ବାରେଡି ତାୟୁ ଏ ଇୟା ଜିକେଏ ହାତେ ।
୨୩ ୱେଣ୍ଡେ ନିଜିନି ବେଲାତା ଏତିବେଲା ଏଝାରି ନିଜିନେରି,
ଏତିବେଲା ଏଝାରି ବିତ୍ରାଟି ଆମ୍ବାଆରି ତକ୍ତି ଆନେ ? ସାଡା
ଜାଣା ଜିକେଏ ଇଟାମାରେରି ।”

୨୪ ଜୀସୁ ଏଝାରାଇଁ ଏଲେଇରେସି, “ମିଙ୍ଗେ ହାରେକା
ନାଡ଼ିକିନି ଅଣ୍ଡାମାମେ । ଦାମ୍ବୁ ସାତ୍ସେରି, ଇଞ୍ଜା ମାହାପୁରୁତି
ବାଡ଼ୁୟୁତି କାତା ପୁଞ୍ଜାହିଲଅତେରି । ୨୫ ଏନାଆଁତାକି
ଇଚିହିଁ ହାଡ଼ାରି ନିଜିତି ତାୟୁ ଲକୁ ବାହା ଆଅରି କି ବାହା
ହାଅରି, ସାମା ଲାକପୁରୁତି ଦୂତୁୟାଲେହେଁ ତୟିନେରି ।
୨୬ ଇଞ୍ଜା ହାଡ଼ାରି ନିଜିନେରି ଏ କାତାତି ମାରୁ ମସା ରାଡ଼ିତି
ପତିତା ୱେହିମାନି ବୁଟାତି କାରୁ ପଡ଼଼ି ଆହାହିଲଅତେରି
କି ? ମାହାପୁରୁ ଏନିକିଁ ଏଲେଇଞ୍ଜା ମାନେସି, ‘ନାନୁ
ଅରାହାମତି ମାହାପୁରୁ, ଇସାହାକତି ମାହାପୁରୁ, ଅଡ଼େ
ଜାକୁବତି ମାହାପୁରୁତେଏଁ ।’ ୨୭ ଏଝାସି ହାଡ଼ାରି ମାହାପୁରୁ
ଆଏ, ସାମା ଜୀସୁଗାଗାରି ମାହାପୁରୁ ମାରୁ ହାରେକା
ନାଡ଼ିକିଞ୍ଜି ଆହାମାଞ୍ଜରି ।”

କାଜା ହୁକୁମି

(ମାତି ୨୨:୩୪-୪୦; ଲୁକ ୧୦:୨୫-୨୮)

୨୮ ଏତିବେଲା ର ମେରା ଜାପୁନାସି ତାଗେ ୱାହାନା
ଏଝାରି ବାଦିବାଦା ଆହିମାଚାଣି ୱେଞ୍ଜାନା ଅଡ଼େ ଜୀସୁ
ସାଦୁକି ଲକୁଇଁ ସମାନା କାତା ୱେଣ୍ଡେ ୱେସିମାଚାଣି
ଞ୍ଜେଞ୍ଜାନା ଜୀସୁଇଁ ୱେରେସି, “ଆମିନି ହୁକୁମି ଦାମ୍ବୁପତିତା
ବାରେକିହାଁ କାଜାୟି ?”

୨୯ ଜୀସୁ ଏଲେଇରେସି, “କାଜା ହୁକୁମି ଇଦି ଏ
ଇସାୟେଲ ୱେଞ୍ଜୁ; ପ୍ରବୁ ମା ମାହାପୁରୁ ରଣିଏ ପ୍ରବୁ ମାନେସି;
୩୦ ଅଡ଼େ ନାନୁ ନୀ ବାରେ ହିୟାଁ ବାରେ ଜୀସୁ ମନ ହାହାନା
ଅଡ଼େ ବାରେ ବାଡ଼ୁୟୁ ତଲେ ପ୍ରବୁ ନୀ ମାହାପୁରୁଇଁ ଜୀସୁ
ନମ୍ବୁ ।” ୩୧ ଅଡ଼େ ରଣି ଇଦି ନାନୁ ନୀ ପାଡ଼ିତାଣାଇଁ ନୀ
ଜାହାରାଲେହେଁ ଜୀସୁ ନମ୍ବୁ । ଇ ହୁକୁମିକା ପିସ୍ପେ ଅଡ଼େ
ଆମିନି କାଜା ହୁକୁମି ହିଲେଏ ।

୩୨ ଏମ୍ବାଟିଏ ଏ ମେରା ପୁନାସି ଜୀସୁଇଁ ଏଲେଇରେସି,
“ଏ ଗୁରୁ ଏଦି ସାତା ମାହାପୁରୁ ରଅସିଏ ଇଞ୍ଜା ଏଝାଣି
ପିସ୍ପେ ଅଡ଼େ ଆମ୍ବାଆସି ହିଲଅସି, ଏଦାଆଁ ନାନୁ
ନେହିଁକିଁ ୱେସ୍ତାତି; ୩୩ ଇଞ୍ଜା ବାରେ ହିୟାଁ, ବାରେ
ବୁଦି, ବାରେ ବାଡ଼ୁୟୁ ହାହାନା ଏଝାଣାଇଁ ଜୀସୁନନାୟି
ଇଞ୍ଜା ପାଡ଼ିତାଣାଇଁ ମା ଜାହାରାଲେହେଁ ଜୀସୁନନାୟି ବାରେ
ଜନ୍ତୁତି ପୂଜା ହାନି* କିହାଁ କାଜାୟି ।”

୩୪ ✨ଏଝାସି ବୁଦିତଲେ ଜଲ୍ଲାମାଞ୍ଜାନେସି ଇଞ୍ଜିଁ
ମେସାନା ଜୀସୁ ଏଝାଣାଇଁ ଏଲେଇରେସି, “ମାହାପୁରୁତି
ରାଜିଟି ନାନୁ ହେକ ହିଲଅତି । ଏଚେଟିଏ ଆମ୍ବାଆସି
ଜୀସୁଇଁ ଏନାଆଁ ୱେଞ୍ଜାଲି ସାସା କିଆତେସି ।”

ଜୀସୁ ଆମ୍ବାଆରି ମାରଏସି
(ମାତି ୨୨:୪୧-୪୬; ଲୁକ ୨୦:୪୧-୪୪)

୩୫ ସାମା ଜୀସୁ ପ୍ରାତାନା ଇଲୁତା ଜାପୁହି ମାଟିବେଲାତା
ଏଲେଇରେସି, “ଜୀସୁ ଦାସୁଦ ମାରଏସି, ଇଦାଆଁ
ମେରାପୁନାରି ଏନିକିଁ ଏଲେଇନେରି ? ୩୬ ତାନୁଏ ଦାସୁଦ
ମାହାପୁରୁତି ସୁଦୁଜୀସୁ ବେଟାଆହାନା ୱେସାମାଚେସି,
‘ପ୍ରବୁ ନା ପ୍ରବୁଇଁ ଏଲେଇରେସି,
ନାନୁ ଏଚେ ପାତେକା ନୀ ସାତୁୟାଁଇଁ ନୀ କଡ଼ାଁ ତଢ଼
କିହାହିଲଅଁ,
ଏଚେ ପାତେକା ନା ଚିଃନିଞ୍ଜାକି କୁଗାମାନାମୁ ।’
୩୭ ଦାସୁଦ ତାନୁଏ ଏଝାଣାଇଁ ପ୍ରବୁ ଇଞ୍ଜିମାନେସି; ଆତିହିଁ
ଏଝାସି ଏନିକିଁ ଦାସୁଦ ମାରଏସି ।” ।

ମେରାପୁନାରି ତାଣାଟି ଜାଗ୍ରାତା କିନାୟି
(ମାତି ୨୩:୧-୩୬; ଲୁକ ୨୦:୪୫-୪୭)

୩୮ ମାନ୍ଦା ଲକୁ ରାହାଁଟି ତାନି କାତା ୱେଞ୍ଜିମାଚେରି,
ଅଡ଼େ ୱେଣ୍ଡେ ଏଝାସି ତାନି ଜାପୁହି ମାଟି କାତାତା
ଏଲେଇରେସି, “ମେରାପୁନାରି ତାଣାଟି ଜାଗ୍ରାତା, ଏଝାରି
ଲାମ୍ବା ହିମ୍ବୁରିକା ହୁଟାନା ରେଜାଲି ଇଞ୍ଜା ହାଡ଼ା ବାଜାରାତା
ଜହରା ବେଟାଆହାଲି ରାହାଁ ଆନେରି, ୩୯ ଜୀସୁଦି ଲକୁତି
କୁଚମି ଇଲୁତା† କାଜା କୁଚି, ବଜିତା ନେହିଁ ଟାୟୁତା
କୁଗାଲି ପାରିନେରି; ୪୦ ଏଝାରି ରାଣ୍ଡେଣିସିକା ଇଲୁକା
ସେଦିନେରି, ଲକୁଣି ତସାଲି ଲାମ୍ବା ପ୍ରାତାନା କିନେରି;
ଏଝାରି ହାରେକା ତଣ୍ଡ ବେଟାଆନେରି ।”

ରାଣ୍ଡେଣି ଇୟାନି ଦାନା
(ଲୁକ ୨୧:୧-୪)

୪୧ ତାୟୁ ଜୀସୁ ମାହାପୁରୁ ଇଲୁତି ଦାନା ପେଡ଼ା ତାଗେ
କୁଗାନା ଲକୁ ଏମ୍ବାଆଁ ଏନିକିଁ ଦାନା ହାହିମାନେରି,
ଏଦାଆଁ ସିନିକିହିମାଚେସି । ଏତିବେଲାତା ହାରେକା ଦନ
ଗାଟାରି ଗାତି ମେଡ଼ହେରି; ୪୨ ଅଡ଼େ ର ହାକି କାକୁଲିଗାଟି
ରାଣ୍ଡେଣି ଇୟା ୱାହାନା ରୀ ଉଣା ତାମ୍ବାତି ଆଦଲି‡ ଏ
ପେଡ଼ାତା ମେଡ଼ହେ । ୪୩ ଏଚେଟିଏ ଜୀସୁ ତାନି ସୀସୁଣି
ତାଗେ ହାଟାନା ଏଲେଇରେସି, “ନାନୁ ମିଙ୍ଗେ ସାତା
ଞ୍ଜେସିମାଞ୍ଜାଇଁ, ଦାନା ପେଡ଼ାତା ଟାକାୟାଁ ମେଡ଼ହିମାନି
ବାରେ ଲକୁ କିହାଁ ଇ ହାକି କାକୁଲିଗାଟି ରାଣ୍ଡେଣି ଇୟା
ଗାତି ମେଡ଼ହାମାନେ; ୪୪ ଇଚିହିଁ ବାରେଜାଣା ତାନି
ହାରେକା ଦନଟି ଇଚାଣି ମେଡ଼ହା ମାନେରି, ସାମା ଇଦି
ତାନି ହିଲଆବେଲାତା ତାଙ୍ଗେ ନୀତାଲି ତାଙ୍ଗେ ଏନାୟି
ମାଚେ, ଏ ବାରେ ମେଡ଼ହାମାନେ ।”

୧୩

ପ୍ରାତାନା ଇଲୁ ନସ୍ତ ଆନାଣି ଜୀସୁ ୱେହନାୟି
(ମାତି ୨୪:୧-୨; ଲୁକ ୨୧:୫-୭)

୧ ଜୀସୁ ମାହାପୁରୁ ଇଲୁଟି ହାଜିମାଚାଟି ତାନି ସୀସୁୟାଁ
ବିତ୍ରାଟି ରଅସି ଏଝାଣାଇଁ ଏଲେଇରେସି, “ଏ ଗୁରୁ ମେହ୍ମୁ

* ୧୨:୩୩ ୧୨:୩୩ ହେରୁପିନାୟି ✨ ୧୨:୩୪ ୧୨:୩୪ ଲୁକ ୧୦:୨୫-୨୮ † ୧୨:୩୯ ୧୨:୩୯ ସିନଗଗ ‡ ୧୨:୪୨ ୧୨:୪୨ ରୀ ଉଣା ତାମ୍ବାତି ଆଦଲି, ରୀ ଆଟାଆଣା ର ଟାକାଟି କାଜା ଆଦଲି ସମାନା, ଏଦି ଗ୍ରିକ୍ ତଲେ ଉଣା ଆଦଲିତି “ଲେପଟସ୍” କାଜା ଆଦଲିତି “କନ୍ଥାନ୍‌ଗସ୍” ଇନେରି ।

ଏହିଲେହେଁତି ଅଜିତି ଖାଲ୍‌କା ଅଡ଼େ ଏହିଲେହେଁତି ଅଜିତି ମୋଡ଼ା ଇଲ୍‌କା !”

୨ ଏଚେଟିଏ ଜୀସୁ ଏଞ୍ଜାଣାଲ୍ ଏଲେଇଚେସି, “ନୀନୁ ଏନାଆଁ ଇ କାଜା ମୋଡ଼ା ମେସିମାଞ୍ଜି ? ର ଖାଲି ଅର ଖାଲି ଲାକ ଡ଼ୟେଏ, ବାରେ ମେଶ୍‌ଜାହାନୁ ।”

କସ୍ତ୍ର ଅଡ଼େ ସାସ୍ତି କାତା ଖେହ୍‌ନାୟି
(ମାତି ୨୪:୩-୧୪; ଲୁକ ୨୧:୭-୧୯)

୩ ତାୟୁ ପ୍ରାତାନା ଇଲ୍ଲୁ ନକିତା ମାନି ଜୀତ ହରୁ ଲାକ କୁଗାଲିଏ ପିତର, ଜାକୁବ, ଜହନ, ଅଡ଼େ ଆନ୍ଦ୍ରିୟ ତାନି ତାଣା ମୋଶେଏ ଖାହାନା ଖେଚେରି, “ଇ ବାରେ ଏଚେଲା ଆନେ, ୪ ଅଡ଼େ ଆମିନି ବେଲାତା ଇ ବାରେ ଗଟ୍‌ଫି ଆନେ ଏ ବେଲାତି ସିନା ଏନାୟି, ଏଦାଆଁ ମାଜେ ଖେସ୍ତାମୁ ।”

୫ ଏମ୍ବାଟିଏ ଜୀସୁ ଏଞ୍ଜାରାଲ୍ ଏଲେଇଚେସି, “ଜାଗ୍ରାତା, ଆମ୍ବାଆସି ଏନିକ୍ ମିଜେ ନାଡ଼ି କିୟଅସି । ୬ ହାରେକା ନା ଦରୁତଲେ ଖାହାନା, ‘ନାନୁ ଏଞ୍ଜାତେଏ’ ଇଞ୍ଜି ହାରେକା ଲକୁଣି ନାଡ଼ି କିନେରି । ୭ ସାମା ମୀରୁ ଏଚିବେଲା ଜୁଜୁତି କାତା ଅଡ଼େ ଗଡ଼ହାଡ଼ି ହାଡ଼ା ଖେଞ୍ଜେରି, ଏଚିବେଲା କିଲିବିଲି ଆଆଦୁ; ଏ ବାରେ ଆନାୟି ମାନେ, ସାମା ଏ କାଲା ଜିକେଏ କୁଗୁ ରାନାୟି ଆଏ । ୮ ଇଚିହ୍ ଦେସା କପାଟି ଦେସା, ରାଜି କପାଟି ରାଜି ନିଜ୍‌ନେ, ବାରେଖାକି ବୁମି ଖୀତିନେ ଅଡ଼େ କାଡ଼ାରା ଆନେ; ଇ ବାରେ କକାରି ପଦାୟି ଆନାଟି ଲୁଞ୍ଜିନି ବୀସା ଲେହେଁ ।”

୯ ଏସାମା ମୀରୁ ମିଜେ ତାକି ଜାଗ୍ରାତା ଆହାମାଞ୍ଜି; ଲକୁ ମିଜେ ନୀହାୟି କିନି ତାଣା ଦସାନା ଅୟାନେରି, ଅଡ଼େ ମିଜେ ଜୀହୁଦି ଲକୁଡ଼ି କୁଟମି ଇଲ୍‌କାଣା* ଖେତାନେରି, ଇଞ୍ଜା ନା ତାକି ସାଲୁଫି କିନାରି ତାଣା ରାଜାୟି ନକିତା ନିଦେରି, ଏଞ୍ଜାରି ନକିତା ସାକ୍ତି ଆଦେରି । ୧୦ ଇଞ୍ଜା ବାରେ କୁଡ଼ା ନକିତା ନେହ୍ କାରୁ ନକେଏ ଖେସ୍‌ପି ଆନେ । ୧୧ ଇଞ୍ଜା ଏଚିବେଲା ଲକୁ ମିଜେ ଅହାନା ହେରପାନେରି, ଏଚିବେଲା ମୀରୁ ଏନାଆଁ ଜଲିଦେରି, ଏ କାତା ନକେଏ ଅଣ୍‌ପାଆଦୁ, ସାମା ଏ ବେଲାତା ମିଜେ ଏନାଆଁ ଜଲଲି ହୀପ୍‌କିଆନେ ଏଦାଆଁ ଖେହ୍‌ଦୁ; ଇଚିହ୍ ମୀରୁ ଜଲିନାତେରି ଆଏ ସାମା ସୁଦୁଜୀଫୁ ଜଲିନାୟି । ୧୨ ତାୟି ତାୟିଲ୍ ଅଡ଼େ ତାଞ୍ଜି ମୀରୁଏଣାଲ୍ ହାହାଲି ତାକି ହେରପିନେରି; ଇଞ୍ଜା ମୀରୁକା ତାଲି ତାଞ୍ଜି କପାଟି ନିଜ୍‌ନା ଏଞ୍ଜାରାଲ୍ ପାୟିନେରି; ୧୩ ଅଡ଼େ ନାଜେତାକି ବାରେ ଲକୁ ମିଜେ ଅପ୍‌ଅରି; ସାମା ଆମ୍ବାଆସି ରାଜି ପାତେକା ସାସା ଆସାନା ଡ଼ୟିନେସି ଏଞ୍ଜାସି ଗେଲ୍‌ପି ଆନେସି ।

ନାସା ଆନି କାଲମି
(ମାତି ୨୪:୧୫-୨୮; ଲୁକ ୨୧:୨୦-୨୪)

୧୪ ମୀରୁ ଏଚିବେଲା ଏ ନାସାକିନି ଅପାଆଗାଟି ଆସ୍ତି ଆମିନି ତାଣା ଡ଼ୟିନି କାତା ହିଲେଏ, ଏମ୍ବାଆଁ ଡ଼ୟାମାନାଣି ମେହ୍‌ଦେରି (ପଡ଼ଫି ଆନାରି ତେଲ୍‌ହାପେରି) ଏଚିବେଲା

ଆମ୍ବାଆରି ଜୀହୁଦା ଦେସାତା ମାନେରି, ଏଞ୍ଜାରି ହରକାଣା ହଣପେରି; ୧୫ ଆମ୍ବାଆସି ଇଲ୍ଲୁ ଲାକ ମାନେସି, ଏଞ୍ଜାସି ଇଲ୍ଲୁ ବିତ୍ରା ଖାହାନା ଏନି ଦିଶସୁ ଅହାଲି ରେଚା ଖାଆପେସି କି ବିତ୍ରା ହାଲାଆପେସି; ୧୬ ଇଞ୍ଜା ଆମ୍ବାଆସି ବାଡ଼ାତା ମାନେସି, ଏଞ୍ଜାସି ତାନି ହିମ୍ବରି ଅହାଲି ଖେଶ୍‌ଶେ ଖାଆପେସି । ୧୭ ଏ ବେଲାତା ଆମିନି ଗାଟାଲ ପୁରାମାସା ଆହାମାନୁ ଇଞ୍ଜା ପାଲୁ ଉର୍‌ହିମାନୁ, ଏ ଦିନା ଆୟତା ଏଫି ଏଚେକା କସ୍ତ୍ର ବେଟାଆନୁ । ୧୮ ସାମା ଏଦି ଏନିକ୍ ପେନି ବେଲାତା ଆଏ ଏଦାଆଁତାକି ପ୍ରାତାନା କିଦୁ । ୧୯ ଇଚିହ୍ ଏ କାଲାତା ଇଲେତି କସ୍ତ୍ର ଖାନ୍, ମାହାପୁର ଗାଡ଼ିକିତି ଦିନାଟିଏ ନୀଞ୍ଜୁପାତେକା ଏଲେକ୍ ଆହା ହିଲେଏ, ଇଞ୍ଜା ଏଲେକ୍ ଏଚେଲାଖା ଆଏ । ୨୦ ସାମା ପ୍ରୁ ଏ ଲାଗେଏତି କାଲାଲ୍ ଉଣା କିହାମାନେସି । ଏଲେ କିହାଲିଆତ ମା, ଏଦି ଏମ୍ବାଟି ଆମ୍ବାଆରି ଗେଲ୍‌ପି ଆଆତେରିମା । ତାନି ଆଡ଼ଫିଆଡ଼ି ଲକୁତାକି ଏ କାଲା ଉଣା କିହାମାନେସି ।

୨୧ “ଏଚିବେଲା ‘ମେହ୍‌ଦୁ କ୍ରୀସ୍ତ ଇମ୍ବାଆଁ’ ଅଡ଼େ ‘ଏମ୍ବାଆଁ’ ଇଞ୍ଜି ଲକୁ ମିଜେ ଖେସ୍ତାନେରି, ଆତିହ୍ ମୀରୁ ଏଦାଆଁ ନାମାଆଦୁ । ୨୨ ନାଡ଼ିକିନି କ୍ରୀସ୍ତ ଅଡ଼େ ମାହାପୁରୁ ବଲୁ ମିତି ଖେହ୍‌ନାରି ନିଜ୍‌ନା ଇଲେତି ସିନା ଅଡ଼େ କାବାଆନି କାମାୟି ତହ୍‌ନେରି, ଆଡ଼ିତିହ୍, ଆଡ଼ଫିଆଡ଼ି ଲକୁଣି ଜିକେଏ ନାଡ଼ି କିନେରି । ୨୩ ସାମା ମୀରୁ ଜାଗ୍ରାତା ଆହାମାଞ୍ଜି; ନାନୁ ମିଜେ ତଲିଏ ବାରେ ଖେସିମାଞ୍ଜାଲ୍ ।

ମାଣ୍ଡସି ମୀରୁଏସି ଖେଶ୍‌ଶେ ଖାନାୟି
(ମାତି ୨୪:୨୯-୩୧; ଲୁକ ୨୧:୨୫-୨୮)

୨୪ ଏସାମା ଏ ବେଲାତି ଏ କସ୍ତ୍ର ତାୟୁ ଖେଡ଼ା ଆଦେରି ଆନେ ଅଡ଼େ ଲେଞ୍ଜୁ ଉଜେଡ଼ି ହୀଏ, ୨୫ ହୁକାୟି ହାଗୁଟି ତରଗାଲି ମାଟ୍‌ନୁ ଅଡ଼େ ହାଗୁ ଲାକତି ବାଡ଼ୟୁ ବାରେ କିଲିବିଲି ଆନେ । ୨୬ ଏଚିବେଲା ଲକୁ ମାଣ୍ଡସି ମୀରୁଏଣାଲ୍ କାଜା ବାଡ଼ୟୁଟି କାଜାପାଣା ତଲେ ହାଗୁ ଲାକତି ଖାନାଣି ମେହ୍‌ନେରି । ୨୭ ଏଚିବେଲା ଏଞ୍ଜାସି ଦୁଦୁୟାଣି ପାଣ୍ଡାନା ଦାର୍‌ଡ଼ି ମୁଟ୍‌ପେତି ସାରିଖାକିଟି ତାନି ଆଡ଼ାମାନି ଲକୁଣି ରୁଣ୍ଡା କିନେସି ।

ତୟା ମାର୍‌ନୁଟି ଜାପିନାୟି
(ମାତି ୨୪:୩୨-୩୫; ଲୁକ ୨୧:୨୯-୩୩)

୨୮ ତୟା ମାର୍‌ନୁ ପୁଣ୍ଡସି କିନି କାତାଟି ଜାପାଦୁ । ଏଚିବେଲାତା ଏ ମାର୍‌ନୁତା କଡ଼ି କମାୟି ଅଡ଼େ ଗଖେଡ଼ି ଗାଲ୍‌ନୁ, କାରା କାଲମି ଖାଡ଼େ ଇଞ୍ଜି ପୁଞ୍ଜେରି । ୨୯ ଏଲେକିହ୍ ଏ ମୀରୁ ଜିକେଏ ଇ ବାରେ ମେସ୍ତିସାରେ ଏଞ୍ଜାସି ଦୁଖେରି ତାଗେ ମାନେସି ଇଞ୍ଜି ପୁଞ୍ଜେରି । ୩୦ ନାନୁ ମିଜେ ସାତା ଖେସିମାଞ୍ଜାଲ୍ ଇ ବାରେ ଆଆପାତେକା ଇ କାଲାତି ଲକୁ ଏନିଜିକେଏ ମେଶ୍‌ଜାଅରି । ୩୧ ହାଗୁପାକା ଦାର୍‌ଡ଼ି ବାରେ ମେଶ୍‌ଜିନେ, ସାମା ନା ବଲୁ ଏଚେଲାଖା ମେଶ୍‌ଜେଏ ।”

☆ ୧୩:୯ ୧୩:୯ ମାତି ୧୦:୧୭-୨୦; ଲୁକ ୧୨:୧୧,୧୨ * ୧୩:୯ ୧୩:୯ ସିନଗର ☆ ୧୩:୧୩ ୧୩:୧୩ ମାତି ୧୦:୨୨ ☆ ୧୩:୧୫ ୧୩:୧୫ ଲୁକ ୧୭:୩୧ ☆ ୧୩:୧୯ ୧୩:୧୯ ଖେ ବଲୁ ୭:୧୪ ☆ ୧୩:୨୪ ୧୩:୨୪ ଖେ ବଲୁ ୭:୧୨ ☆ ୧୩:୨୫ ୧୩:୨୫ ଖେ ବଲୁ ୭:୧୩ ☆ ୧୩:୨୭ ୧୩:୨୭ ଖେ ବଲୁ ୧:୭

**ଆତ୍ମାଆସି ଇ ଦିନା ଅଡ଼େ ବେଲାତି ପୁନଅସି
(ମାତି ୨୪:୩୭-୪୪)**

୩୨ *ସାମା ଏ ଦିନା କି କାଲାତି କାତା ଆତ୍ମାଆରି ପୁନଅରି, ଲାକପୁରୁତି ଦୁତୁୟା କି ମୀରଏସି ଜିକେଏ ପୁନଅସି, ଖାରଇ ଆବାଦେ ପୁନେସି । ୩୩ ମୀରୁ ଜାଗ୍ରାତା ଆହାନା ମାଞ୍ଜୁ, କାଚାନା ମାଞ୍ଜୁ; ଇତିହ ଏ ବେଲା ଏଚେଲା ଆନେ ଏଦାଆଁ ମୀରୁ ପୁନଅଚେରି । ୩୪ ଏଦି ଇଲେକିହ, ର ମାଣସି ତାନି ଇଲୁ ପିସାନା ହେକ ରାଜିତା ହାନେସି, ଅଡ଼େ ତାନି ହଲିୟାଙ୍ଗାଣି ବାରେ କାମାତି ଅଦିକାରା ହୀତେସି ଇଞ୍ଜା ଦୁଝେରିତା କାଚାଲି ଜିକେଏ ହୁକୁମି ହୀତେସି । ୩୫ ଏଦାଆଁତାକି କାଚାନା ଡୟାମୁ; ଇତିହ ନୀନୁ ପୁଞ୍ଜାହିଲଅତି ଇଲୁତି ସାଢୁକାରି ଏଚେଲା ଖାନେସି, ମିଡ଼ଅଲା କି ମାଦି ଲାଆୟା, ଝେୟାଆ ନକେଏ କି ଝେଡ଼ା ହନି ବେଲାତା ଏଝାସି ଖାନେସି । ୩୬ ଏଝାସି ଦେବୁଣିଏ ଖାଡ଼ିସାରେ ମୀରୁ ହୁଞ୍ଜାମାନାଣି ମେସ୍ତାଆପେସି । ୩୭ ନାନୁ ମିଙ୍ଗେ ଏଦାଆଁ ଝେସିମାଞ୍ଜାଇଁ, ଏଦାଆଁ ବାରେତି ଝେସିମାଇଁ, ଜାଗ୍ରାତା ମାଞ୍ଜୁ ।

୧୪

**ଜୀସୁଇଁ ଆସାଲି ପାରୁ ପାରିନାୟି
(ମାତି ୨୨:୨-୫; ଲୁକ ୨୨:୧-୨; ଜହ ୧୧:୪୫-୫୩)**

୧ ପିସ୍ପିଆନି ପାରୁ ଇଞ୍ଜା ପୁଲାଏୟୁ ଆଣ୍ଡାଆତି ରୁଚି ତିନି ପାରୁ ଆହାଲି ରୀ ଦିନା ମାଚେ । ଏଚିବେଲାତା କାଜା ପୁଜେରାଙ୍ଗା ଇଞ୍ଜା ମେରା ପୁନାରି ଏନିକ ଏଝାଣାଇଁ ନାଡ଼ିକିହାଁ ଆସାନା ପାୟିନେରି ଏଦାଆଁତାକି ପାରୁ ପାରିମାଚେରି । ୨ ଇତିହ ଏଝାରି ଏଲେଇଚେରି, “ପାରୁ ବେଲାତା ଆଏ ଏଚେତା ଲକୁ ଗଡ଼ହା କିନେରି ।”

**ବେତନିୟାତା ଜୀସୁ ତାୟଁ ତୁ ନିୟୁଁ ଖାକ୍ନାୟି
(ମାତି ୨୭:୬-୧୩; ଜହ ୧୨:୧-୮)**

୩ ଜୀସୁ ବେତନିୟାତା କାଜା ରଗଗାଟି ସିମନ ଇଜ ତିଞ୍ଜାଲି କୁଗାମାଚାଟି ର ଇୟା ର ଗାଜୁତା ହାରେକା ଦାରାତି ଗାନ୍ଦା ନିୟୁଁ ତାଚାନା ଗାଜୁତି ଦେଚାନା ଜୀସୁ ତାୟଁ ତୁ ଖାକ୍ନାଲି ମାଚ୍‌ହେ । ୪ ସାମା ଏଚେକା ଲକୁ କାରବି ଆହାନା, ତାମ୍ବୁତାମ୍ବୁସୁ ଝେସ୍ପି ଆଚେରି, “ନିୟୁଁ ଏଦାଆଁତାକି ନସ୍ତ ଆଚେ ? ୫ ଇ ନିୟୁଁ ସାତାକଡ଼ି ଦସଚାକା କିହାଁ ଆଗାଡ଼ା ପାରପି ଆହାନା ହାକି ଗାଗରାକି ହୀପକି ଆହାଲି ଆଡ଼ିତେମା” ଏଦାଆଁତାକି ଏଝାରି ଏ ଇୟାନି ଲାଗାଲି ମାଚ୍‌ହେରି ।

୬ ସାମା ଜୀସୁ ଏଲେଇଚେସି, “ଏଦାନି ପିହ୍‌ଦୁ; ଏଦାଆଁତାକି କସ୍ତ ହାହିମାଞ୍ଜେରି ? ଏଦି ନାଙ୍ଗେତାକି ନେହଁ କିହାମାନେ । ୭ ଇତିହ ହାକି ଗାଗରି କାଚଲେଏ ମୀ ତାଣା ମାନେରି, ଅଡ଼େ ମିଙ୍ଗେ ଏଚେତା ମନ ଏଚେତା ଏଝାରି ସାୟେମି କିହାଲି ଆଡ଼ିଦେରି; ସାମା ନାନୁ କାଚଲେଏ ମୀ ତାଣା ଡୟଅଁ । ୮ ଏଦି ଏଦାଆଁ ଆଡ଼ିନାୟି ମାନେ ଏଦାଆଁ

କିହାମାନେ; ଏଦି ନା ଆଙ୍ଗାତି ମୁସାଲି ତାକି ତଲିଏ ନିୟୁଁ ଖାକ୍‌ହାନା ତିୟାରା କିହାମାନେ । ୯ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ବାରେ ଦାରତିତା ଆସ୍ତିୟା ଜିକେଏ ନେହଁ କାରୁ ଝେକ୍‌ନେରି, ଏ ଚାୟୁତା ଇ ଇୟାନି ଅଣ୍ଡାପାଲିତାକି ଏଦାନି ଇ କାମାତି କାତା ଜିକେଏ ଝେସ୍ପି ଆଚେ ।”

**ଜୀହୁଦା ଜୀସୁ ଆସ୍ପି କିହାଲି ରାଜି ଆନାୟି
(ମାତି ୨୭:୧୪-୧୬; ଲୁକ ୨୨:୩-୬)**

୧୦ ଏମ୍ବାଟିଏ ବାରଜାଣା ବିତ୍ରାଟି ଇସ୍ପାରିୟତ ଜୀହୁଦା ଦରୁଗାଚାସି ରଅସି ଜୀସୁଇଁ କାଜା ପୁଜେରାଙ୍ଗା କେୟୁତା ହେରପାଲି ଏଝାରିତାଣା ହାଚେସି । ୧୧ ଏଝାରି ଏଦାଆଁ ଝେଞ୍ଜାନା ରାହାଁ ଆଚେରି, ଇଞ୍ଜା ଏଝାଣାକି ଟାକାୟାଁ ହାହାଲି ଆଞ୍ଜିଚେରି, ଏମ୍ବାଟିଏ ଏଝାସି ଏଝାଣାଇଁ ଆସ୍ପି କିହାଲି ନେହଁ ପାରୁ ପାରିଚେସି ।

**ତାନି ସୀସୁୟାଁ ତଲେ ପିସ୍ପିଆନି ପାରୁତି ବକ୍ତି
(ମାତି ୨୭:୧୭-୨୫; ଲୁକ ୨୨:୭-୧୪, ୨୧-୨୩; ଜହ ୧୩:୨୧-୩୦)**

୧୨ ତାୟୁ ପୁଲାଗୁଣ୍ଡା ଆଣ୍ଡାଆତି ରୁଚି ତିନି ପାରୁତି ମଲୁ ଦିନାତା ଆମିନି ନେରୁ ପିସ୍ପିଆନି ପାରୁତି ମେଣ୍ଡା ତାଲୁତି ହେରପିଆନେ, ଏ ଦିନା ତାନି ସୀସୁୟାଁ ଏଝାଣାଇଁ ଝେଚେରି, “ମାମ୍ବୁ ହାଜାନା ଆମିନି ଟାୟୁତା ନିଙ୍ଗେତାକି ପିସ୍ପିଆନି ପାରୁତି ବକ୍ତି କିନମି ଇଞ୍ଜାଁ ନାନୁ ଅଣ୍ଡିମାଞ୍ଜି ?”

୧୩ ଏମ୍ବାଟିଏ ଏଝାସି ତାନି ସୀସୁୟାଁ ବିତ୍ରାଟି ରିଆରାଇଁ ଏଲେଇଞ୍ଜା ପାଣ୍ଡିଚେସି, “ମୀରୁ ଗାଡ଼ାତା ହାକୁ ଇଞ୍ଜା ଏୟୁ ଡକା ଅହିମାନି ରଅସି ମିଙ୍ଗେ ବେଟାଆୟାନେସି; ଏଝାଣି ଜେଚ ଜେଚ ହାକୁ; ୧୪ ଏଝାସି ଆମିନି ଇଜ ହଡ଼ନେସି, ଏ ଇଲୁ ଗାଟାଣାଇଁ ଝେଞ୍ଜୁ, ‘ଗୁରୁ ଝେଞ୍ଜିମାଞ୍ଜାନେସି, ନାନୁ ନା ସୀସୁୟାଁ ତଲେ ଆମିନି ଟାୟୁତା ପିସ୍ପିଆନି ପାରୁତି ବକ୍ତି କିହାଲି ଆନେ ଏ ବାକ୍ତା ଆମିନାୟି ?’ ୧୫ ଏଚେଟିଏ ଏଝାସି ମିଙ୍ଗେ ନେହଁ କି ତିୟାରା ଆହାମାନି ଲାକନି ପାରୁତି ର କାଜା ବାକ୍ତା ତସ୍ତାନେସି; ଏମ୍ବାଆଁ ମାଙ୍ଗେତାକି ରାନ୍ଦା ଖାଜାଦୁ ।”

୧୬ ଏମ୍ବାଟିଏ ସୀସୁୟାଁ ହାଜାନା ଗାଡ଼ାତା ହଚେରି, ଇଞ୍ଜା ଏଝାସି ଏଝାରାଇଁ ଏନିକ୍ ଝେସାମାଚେସି, ଏଲେକ୍ ମେସାନା ପିସ୍ପିଆନି ପାରୁତି ବକ୍ତି ଖାଜିଚେରି ।

୧୭ ମିଡ଼ଅଲା ଆହାଲିଏ ଜୀସୁ ବାରଜାଣା ସୀସୁୟାଁ ତଲେ ଖାଚେସି । ୧୮ ଏଝାରି କୁଗାନା ରାନ୍ଦା ତିଞ୍ଜି ମାଚାଟି ଜୀସୁ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମୀ ବିତ୍ରାଟି ରଅଚେରି ନାଙ୍ଗେ ସାତୁ କେୟୁତା ହେରପାଦେରି ।”

୧୯ ଏମ୍ବାଟିଏ ଏଝାରି ଦୁକୁ ଆହାନା ରଅ ରଅରି ଏଝାଣାଇଁ ଝେଞ୍ଜାଲି ମାଚ୍‌ହେରି, “ନାନୁ ଏଝାଚେସି କି ?”

୨୦ ଜୀସୁ ଏଝାରାଇଁ ଏଲେଇଚେସି, “ବାରଜାଣା ବିତ୍ରାଟି ରଅସି, ଆତ୍ମାଆସି ନା ତଲେ ସାଡ଼ଝାତା କେୟୁ ମେଡ଼ହି ମାନେସି । ୨୧ ମାଣସି ମୀରୁଏଣା କାତା ଏନିକ୍ ରାସ୍ପିକି ଆହାମାନେ, ଏଲେକିହ ଏ ହାଚେସି ସାତା, ସାମା

☆ ୧୩:୩୨ ୧୩:୩୨ ମାତି ୨୪:୩୭ ☆ ୧୩:୩୪ ୧୩:୩୪ ଲୁକ ୧୨:୩୭-୩୮

ଆମିନି ଲକ୍ଷ୍ମୀ ତାଣ୍ଡାଟି ମାଣ୍ଡି ସମ୍ପର୍କରେ ସାତୁ କେନ୍ଦୁତା ହେଉଅଛିନାହିଁ, ଆୟତ୍ତା ଏଞ୍ଜାଣି ତଣ୍ଡ ! ଏ ଲକ୍ଷ୍ମୀ ଜାଣି ଆହାହିଲିଆଡ଼ିହିଁ ଏଞ୍ଜାଣାକି ନେହେଁ ଆଡ଼େମା ।”

ପ୍ରବୃତ୍ତି ବଢ଼ି

(ମାତି ୨୭:୨୭-୩୦; ଲୁକ ୨୨:୧୪-୨୦; ୧କର ୧୧:୨୩-୨୫)

୨୨ ଏଞ୍ଜାରି ତିଞ୍ଜି ମାଗାଟି ଜୀସୁ ରୁଟି ଅହାନା ମାହାପୁରୁଙ୍କ ଜହରା କିହାନା ଏଦାଆଁ ଡ଼କହା ହାହାନା ଏଲେଇରେସି, “ଅଦୁ ତିଞ୍ଜୁ, ଇଦି ନା ଆଙ୍ଗା ।”

୨୩ ଇଞ୍ଜା ଏଞ୍ଜାସି ଗହନି ସଲ୍ଲା ଆସାନା ମାହାପୁରୁଙ୍କ ଜହରା କିହାଁ ଏଞ୍ଜାରାକି ହାତେସି, ଇଞ୍ଜା ବାରେଜାଣା ଏଦାଆଁ ଗସ୍ତେରି । ୨୪ ଇଞ୍ଜା ଜୀସୁ ଏଞ୍ଜାରାଙ୍କ ଏଲେଇରେସି, “ଆମିନି ରାଜିମାନା ନେତେରି ହାଡ଼େକା ଲକ୍ଷ୍ମୀତାକି ଖାଙ୍ଗାମାନେ, ଇଦି ଏ ନା ନେତେରି । ୨୫ ନାନୁ ମିଙ୍ଗେ ସାତା ଖେସିମାଞ୍ଜାଙ୍କ, ଆମିନି ଦିନା ମାହାପୁରୁଟି ରାଜିତା ପୁଞ୍ଜି କିହିଁ ଅଙ୍ଗୁରି ପାଡ଼େୟିତି ରାସା ଗହ୍ଲ ଏ ଦିନା ପାତେକା ଇଦାଆଁ ଅଡ଼େ ନାନୁ ଏଚେଲା ଗହ୍ଲ ।”

୨୬ ଇଞ୍ଜା ଏଞ୍ଜାରି ଜହରା ପାରୁ ପାଡ଼ିତି ତାୟୁ ଜୀତ ହରୁତା ହଡ଼ା ହାଚେରି ।

ପିତର ଜୀସୁଙ୍କ ପୁଞ୍ଜାହିଲଅଁ ଇନି କାତା

(ମାତି ୨୭:୩୧-୩୫; ଲୁକ ୨୨:୩୧-୩୫; ଜହ ୧୩:୩୭-୩୮)

୨୭ ଏଚିରେଲା ଜୀସୁ ଏଞ୍ଜାରାଙ୍କ ଏଲେଇରେସି, “ମୀରୁ ବାରେ ପିସା ହାଜାଦେରି, ଇଚିହିଁ ରାସ୍‌କି ଆହାମାନେ, ନାନୁ ମେଣ୍ଡା ଗଡ଼ୁ ପାୟିଙ୍କ ଇଞ୍ଜା ମେଣ୍ଡାୟାଁ ଆଲାରା ଆହାହାନୁ । ୨୮ ସାମା ନାନୁ ହାହାନା ଖେଣ୍ଡେ ନିଙ୍ଗିତି ତାୟୁ ମୀ ନକିତା ଗାଲିଲିତା ହାଙ୍କ ।”

୨୯ ଏମ୍ବାଟିଏ ପିତର ଏଲେଇରେସି, “ବାରେଜାଣା ପିସା ହାଜାନେରି ନାନୁ କଡ଼େ ନିଙ୍ଗେ ଏଚେଲା ପିସୁଅଁ ।”

୩୦ ଜୀସୁ ପିତରଙ୍କ ଏଲେଇରେସି, “ନାନୁ ନିଙ୍ଗେ ସାତା ଖେସିମାଞ୍ଜାଙ୍କ, ନୀଞ୍ଜୁ ଇ ଲାଆଁୟାଁ କୟୁ ରୀ ଦେବା କେଣ୍ଡାଆ ମାନାଟିଏ, ନାନୁ ଏଞ୍ଜାଣାଙ୍କ ପୁଞ୍ଜାହିଲଅଁ ଇଞ୍ଜା ତାନିପାଲି ଏଲେଇଞ୍ଜି ।”

୩୧ ସାମା ପିତର ଆଡ଼ୁଞ୍ଜା ତଲେ ଏଲେଇରେସି, “ନାଙ୍ଗେ ନୀ ତଲେ ହାହାଲି ଆଡ଼ି ଜିକେଏ ନାନୁ ନିଙ୍ଗେ ଏଚେଲା ପୁଞ୍ଜାହିଲଅଁ ଇଞ୍ଜାଅଁ ।” ଇଞ୍ଜା ବାରେଜାଣା ଜିକେଏ ଏଲେଇରେସି ।

ଜୀସୁ ଗେଡ଼ସିମନିତା ପ୍ରାତାନା କିନାୟି

(ମାତି ୨୭:୩୭-୪୨; ଲୁକ ୨୨:୩୯-୪୨)

୩୨ ତାୟୁ ଏଞ୍ଜାରି ଗେଡ଼ସିମନି ଇନି ର ଚାୟୁତା ଖାଡ଼େରି, ଇଞ୍ଜା ଜୀସୁ ତାନି ସୀସୁୟାଙ୍କ ଏଲେଇରେସି, “ନାନୁ ପ୍ରାତାନା କିହିମାନି ପାତେକା ଇମ୍ବାଆଁ କୁଗାନା ମାଞ୍ଜୁ ।” ୩୩ ଇଞ୍ଜା ଏଞ୍ଜାସି ପିତର, ଜାକୁବ ଅଡ଼େ ଜହନଙ୍କ ତାନିତଲେ ଅଡ଼େସି । ଏଞ୍ଜାସି ହାଡ଼େକା ଦୁକୁଡ଼ି କସ୍ତ ତାକି କିଲିବିଲି ଆଡ଼େସି

। ୩୪ ଏଚେଟିଏ ଜୀସୁ ଏଞ୍ଜାରାଙ୍କ ଏଲେଇରେସି, “ନା ଜୀସୁ ହାନ୍ଦିଲେହେଁ ହାଡ଼େକା କିଲିବିଲି ହଡ଼ିମାଞ୍ଜାନେ; ମୀରୁ ଇମ୍ବାଆଁ ଡେଃଏଲାନା କାଚାମାଞ୍ଜୁ ।”

୩୫ ଜୀସୁ ନକିତା ହାଜାନା ବୃମିତା ମୁନୁ କୁଡ଼ିତେସି, ଅଡ଼େ ଆହାଲି ଆଡ଼ିତିହିଁ, ଏ ଦୁକୁ ଏଞ୍ଜାଣି ତାଣ୍ଡାଟି ଏନିକ୍ ହେକ ଆନେ, ଏଦାଆଁତାକି ପ୍ରାତାନା କିତେସି । ୩୬ ଇଞ୍ଜା ଜୀସୁ ଏଲେଇରେସି, “ଆବା, ନୀନୁ ବାରେଏ କିହାଲି ଆଡ଼ିଦି; ଇ କସ୍ତ ବାଦା ନା ତାଣ୍ଡାଟି ହେକ କିମ୍ବୁ; ଆଡ଼ିଜିକେଏ ନା କାତା ଆଏ ନୀ କାତେଏ ଆପେ ।”

୩୭ ଇଞ୍ଜା ଏଞ୍ଜାସି ଖାହାନା ସୀସୁୟାଁ ଇଦା କିତାଣି ମେସ୍ତେସି, ଇଞ୍ଜା ପିତରଙ୍କ ଏଲେଇରେସି, “ସିମନ ନୀନୁ ତୁରିତିକି ? ଗାଡ଼େକା ଜିକେଏ କାଚାଲି ଆଡ଼ାଆତେରି ? ୩୮ ଏଦାଆଁତାକି କାଚାନା ପ୍ରାତାନା କିଦୁ; ଏନିକ୍ ମୀରୁ ପାନ୍ଦାତା ହେଉଅଡ଼େରି, ମନ ମାନେ ସାତା, ଆଙ୍ଗାତା ବାଡ଼ୁୟୁ ହିଲେଏ ।”

୩୯ ଏଞ୍ଜାସି ଅଡ଼େ ଖେଣ୍ଡେ ହାଜାନା ତଲିତିଲେହେଁ ପ୍ରାତାନା କିତେସି । ୪୦ ଅଡ଼େ ଖେଣ୍ଡେ ଖାହାନା ଏଞ୍ଜାସି ଏଞ୍ଜାରାଙ୍କ ଇଦା କିହାମାନାଣି ମେସ୍ତେସି, ଇଚିହିଁ ଏଞ୍ଜାରି କାଣ୍ଡା ପଦ୍ଡି ଆହିମାରୁ, ଇଞ୍ଜା ଏଞ୍ଜାରି ଏଞ୍ଜାଣାଙ୍କ ଏନାଆଁ ଜଲିନେରି ପୁଞ୍ଜାଲି ଆଡ଼ାଆତେରି ।

୪୧ ଜୀସୁ ତାନି ଦେବା ଖାହାନା ସୀସୁୟାଙ୍କ ଏଲେଇରେସି, “ମୀରୁ ଗାଡ଼େକା ତୁରାନା ଜମାଦୁ; ହାଡ଼େକା ବେଲା ଆଡ଼େୟିଏ, ଏ ବେଲା ଏଗାଞ୍ଜାହିମାନେ; ମେହ୍‌ଦୁ ମାଣ୍ଡି ସାତୁୟାଁ କେନ୍ଦୁତା ହେଉପି ଆହିମାନେସି । ୪୨ ନିଙ୍ଗାଦୁ, ମାର ହାନ, ମେହ୍‌ଦୁ ଆମ୍ବାଆସି ନାଙ୍ଗେ ସାତୁୟାଁ କେନ୍ଦୁତା ହେଉପାନେସି ଏଞ୍ଜାସି ଏଗାଞ୍ଜାଡ଼େସିଏ ।”

ଜୀସୁ ସାତୁ କେନ୍ଦୁତା ହେଉପି ଆନାୟି

(ମାତି ୨୭:୪୭-୫୨; ଲୁକ ୨୨:୪୭-୫୩; ଜହ ୧୮:୩-୧୨)

୪୩ ଏ ଦେବୁଣିଏ ଜୀସୁ ଖେସିମାଟି ବେଲାତା, ବାରଜାଣା ବିତ୍ରାଟି ଜୀହୁଦା ଦରୁଗାଟାସି ରଅସି ଇଞ୍ଜା ତାନିତଲେ କାଜା ପୂଜେରାଙ୍ଗା, ମେରା ପୁନାରି ଇଞ୍ଜା ଲକ୍ଷ୍ମୀ କାଜାରି ତାଣ୍ଡାଟି କାଣ୍ଡା ଟେଙ୍ଗା ଆସାନା ଖାଡ଼େରି । ୪୪ ଜୀସୁଙ୍କ ସାତୁୟାଁ କେନ୍ଦୁତା ହେଉପିନାସି ଏଞ୍ଜାରାଙ୍କ ଇ ସିନା ଖେସାମାଚେସି, “ନାନୁ ଆମ୍ବାଆରାଙ୍କ ନଣ୍ଡିଙ୍କ ଏଞ୍ଜାସିଏ ଏଞ୍ଜାସି । ଏଞ୍ଜାଣାଙ୍କ ଦସାନା ଜାଗ୍ରାତା ତଲେ ଅଦୁ ।”

୪୫ ଇଞ୍ଜା ଏଞ୍ଜାସି ଏ ଦେବୁଣିଏ ଏଞ୍ଜାଣି ତାଗେ ହାଜାନା, “ଏ ଗୁରୁ” ଇଞ୍ଜାନା ଏଞ୍ଜାଣାଙ୍କ ନଣ୍ଡିତେସି । ୪୬ ଏମ୍ବାଟିଏ ଏଞ୍ଜାରି ଏଞ୍ଜାଣାଙ୍କ ଆସାନା ଦସା ଅଡ଼େରି । ୪୭ ସାମା ତାଗେ ନିଚାମାଟି ଲକ୍ଷ୍ମୀ ବିତ୍ରାଟି ରଅସି କାଣ୍ଡା ହପ୍‌ହେସି ଇଞ୍ଜା କାଜା ପୂଜେରା ହଲେଏଣା କିୟ୍ ଦୁାଡ଼େସି । ୪୮ ଜୀସୁ ଏଞ୍ଜାରାଙ୍କ ଏଲେଇରେସି, “ସରୁଙ୍କ ଆସାଲି ହାନ୍ଦିଲେହେଁ କାଣ୍ଡା ଅଡ଼େ ଟେଙ୍ଗା ଆସାନା ମୀରୁ ନାଙ୍ଗେ ଆସାଲି ଖାଡ଼େରି ? ୪୯ ନାନୁ ବାରେଦିନା ମୀ ତଲେ ପ୍ରାତାନା ଇଲୁତା ମାଞ୍ଜାନା ଜାପ୍‌ହି ମାଞ୍ଜାଡ଼େଏ, ସାମା ମୀରୁ ନାଙ୍ଗେ ଆସାଆତେରି; ସାମା

☆ ୧୪:୨୮ ୧୪:୨୮ ମାତି ୨୮:୧୭ ☆ ୧୪:୪୯ ୧୪:୪୯ ଲୁକ ୧୯:୪୭; ୨୧:୩୭

ଦୀର୍ଘ ପତ୍ତି ରାସ୍ତା ଆଡ଼ି ବଲୁ ଏନିକିଁ ସାତା ଆନେ, ଏଦାଆଁତାକି ଇ ବାରେ ଆହିମାନେ ।”

୫୦ ଏଚିବେଲା ବାରେଜାଣା ସୀସୁୟାଁ ଏଞ୍ଜାଣାଇଁ ପିସାନା ହାଚେରି ।

୫୧ ର ଦାଂଗୁଣା କକାସି ର ହିମ୍ବୁରି ପିଡ଼ଗାହାଁ ଜୀସୁ ଜେଚ ଜେଚ ହାଜିମାଚେସି; ଏଞ୍ଜାରି ଏଞ୍ଜାଣାଇଁ ଆସାଲି ହାଜାଲିଏ, ୫୨ ଏଞ୍ଜାସି ଏ ପାତାଡ଼ା ହିମ୍ବୁରି ପିସାନା ଖାରଇ ଆଙ୍ଗାଟି ହଟାତୁସ୍ତେସି ।

ଜୀସୁଇଁ ବେରଣିମାଣ୍ଡାତା ନାହାଁୟି କିନାୟି

(ମାତି ୨୭:୫୭-୬୮; ଲୁକ ୨୨:୫୪-୫୫,୬୩-୭୧; ଜହ ୧୮:୧୩-୧୪,୧୯-୨୪)

୫୩ ତାୟୁ ଏଞ୍ଜାରି ଜୀସୁଇଁ କାଜା ପୂଜେରା ନକିତା ଅଡେରି, ଇଞ୍ଜାଁ କାଜା ପୂଜେରା, ଲକୁତି କାଜାରି ଅଡେ ଫେରା ପୁନାରି ବାରେ ଖାହାନା ରୁଣ୍ଡା ଆଡେରି । ୫୪ ପିତର ହେକ ମାଞ୍ଜାନା ଏଞ୍ଜାଣି ଜେଚ ଜେଚ କାଜା ପୂଜେରା ଆଂଗେଣି ବିତ୍ତା ହାଚେସି ଇଞ୍ଜାଁ ଜାମାନାଙ୍ଗା ତଲେ କୁଗାନା ହିରୁ କେରଞ୍ଜି ମାଚେସି । ୫୫ ଏମ୍ବାଟିଏ କାଜା ପୂଜେରାଙ୍ଗା ଇଞ୍ଜାଁ ବେରଣି ମାଣ୍ଡାତି ବାରେଜାଣା ଜୀସୁଇଁ ପାୟାଲି ଏଞ୍ଜାଣି କପାଟି ସାକିୟାଁ ପାରିଚେରି, ସାମା ଏନି ଦହ ବେଟାଆଆଚେରି; ୫୬ ଇଚିହଁ ହାରେକା ଏଞ୍ଜାଣି କପାଟି ମିଚି ସାକିୟାଁ ହାତି ଜିକେଏ ଏଞ୍ଜାରି ହାତି ସାକି ଆଣ୍ଡାଆଚେ ।

୫୭ ତାୟୁ ଏଚରଜାଣା ହଟାନା ଏଞ୍ଜାଣି କପାଟି ମିଚି ସାକି ହାହାନା ଏଲେଇଚେରି, ୫୮ “ମାୟୁ ଇଞ୍ଜାଣାଇଁ ଇ କାତା ଖେସିମାଚାଣି ଖେଞ୍ଜାମାନମି, ନାନୁ ଇ କେୟୁଟି କେପିତି ପ୍ରାତାନା ଇଲୁତି ଡିକହାନା ତାନିଦିନା ବିତ୍ତା ଅଡେ ମାଣ୍ଡସି କେପାଆତି ପ୍ରାତାନା ଇଲୁ କେପିଇଁ । ୫୯ ସାମା ଏମ୍ବାଆଁ ଜିକେଏ ସାକି ଆଣ୍ଡାଆଚେ ।”

୬୦ ଏଚେଟିଏ କାଜା ପୂଜେରା ମାଦିଏ ନିଚାନା ଜୀସୁଇଁ ଖେଚେସି, “ନୀ କପାଟି ଇଞ୍ଜାରି ଆମିନି ସାକି ହାହିମାନେରି, ଖେଣ୍ଡେ ଜଲାଇଁ ଏନି କାତା ହିଲେଏ କି?”

୬୧ ସାମା ଏଞ୍ଜାସି ପାଲେଏ ଆହାନା ଏନି କାତା ଜଲାଇଆଚେସି, କାଜା ପୂଜେରା ଅଡେ ଖେଣ୍ଡେ ଏଞ୍ଜାଣାଇଁ ଖେଚେସି, “ନାନୁ କି ମାନ୍ନିଗାଟି ମାହାପୁରୁ ମୀର୍ଏଣାଟି କ୍ରୀସୁ?”

୬୨ ଜୀସୁ ଏଲେଇଚେସି, “ନାନୁ ଏଞ୍ଜାଚେଏଁ, ମୀରୁ ମାଣ୍ଡସି ମୀର୍ଏଣାଇଁ ବାଡ଼ୟୁଗାଟି ଚିଃନିଞ୍ଜାକି କୁଗାମାନାଣି ମେହ୍ଦେରି ଇଞ୍ଜାଁ ହାଗୁ ଦୁହାଟି ଖେଣ୍ଡେ ଖାନ୍ନାଣି ମେହ୍ଦେରି ।”

୬୩ ଏଚେଟିଏ କାଜା ପୂଜେରା ତାନି ହିମ୍ବୁରି ଗେସାନା ଏଲେଇଚେସି, “ମାଙ୍ଗେ ଅଡେ ଏନି ସାକିୟାଁ ଲଡ଼ା ହିଲେଏ । ୬୪ ମୀରୁ ମାହାପୁରୁ ନିନ୍ଦା ଖେଚେରି; ମୀ ଅଣ୍ଡୁ ଏନାୟି ?”

ଏମ୍ବାଟିଏ ବାରେଜାଣା ଏଞ୍ଜାସି ହାନ୍ତି ଡଣ୍ଡ ବେଟାଆଡେସି ଇଞ୍ଜାଁ ଏଲେଇଚେରି ।

୬୫ ଇଞ୍ଜାଁ ଆମ୍ବା ଆମ୍ବାଆରି ଏଞ୍ଜାଣିଲକ ହୁପିଚେରି ଇଞ୍ଜାଁ ଏଞ୍ଜାଣି କାଣ୍ଡକା ପଜାନା ଏଞ୍ଜାଣାଇଁ ଖେଚାନା ଖେଚେରି,

“ମାହାପୁରୁ ଅଣ୍ଡୁପୁତି ବଲୁ ଖେହନାତି ଆମ୍ବାଆସି ନିଙ୍ଗେ ଖେଡାଚେସି, ଖେସ୍ତାମୁ !” ଜାମାନାଙ୍ଗା ଜିକେଏ ଆସାନା ସାପୁଡ଼ା ଖେଚିହଁ ଅଡେରି ।

ପିତର ଜୀସୁଇଁ ପୁଞ୍ଜାହିଲଅଁ ଇନାୟି

(ମାତି ୨୭:୬୯-୭୫; ଲୁକ ୨୨:୫୬-୬୨; ଜହ ୧୮:୧୫-୧୮,୨୫-୨୭)

୬୬ ଏମ୍ବାଟିଏ ପିତର ଆଂଗେଣିତା ମାଚିବେଲାତା କାଜା ପୂଜେରା ହଲେଣି ଖାହାନା ପିତର ହିରୁ କେରଞ୍ଜି ମାଚାଣି ମେସ୍ତେ, ୬୭ ଇଞ୍ଜାଁ ପିତରଇଁ ସିନିକିହାନା ଏଲେଇଚେ, “ନାନୁ ଜିକେଏ ନାଜରିଚ ଜୀସୁତଲେ ମାଚି ।”

୬୮ ସାମା ଏଞ୍ଜାସି, ନାନୁ ଏଞ୍ଜାଣାଇଁ ପୁଞ୍ଜାହିଲଅଁ, ନାନୁ ଏନାଆଁ ଖେସିମାଞ୍ଜି ନାନୁ ପୁଞ୍ଜିହିଲଅଁ, ତାୟୁ ଏଞ୍ଜାସି ଆଂଗେଣି ଦୁଖେରିତା ହାଚେସି, ରେଟୁଏ କୟୁ କେଶତେ ।

୬୯ ଇଞ୍ଜାଁ ଏ ହଲେଣି ଏଞ୍ଜାଣାଇଁ ମେସାନା ଦାରିତା ନିଚାମାନି ଲକୁଣି ଅଡେ ଖେଣ୍ଡେ ଖେସାଲି ମାଟ୍‌ହେ, “ଇଞ୍ଜାସି ଏଞ୍ଜାରି ବିତ୍ତାଟି ରଅସି ।”

୭୦ ସାମା ଏଞ୍ଜାସି ଅଡେ ଖେଣ୍ଡେ ପୁଞ୍ଜାହିଲଅଁ ଇଚେସି, ଅଡେ ଗାଡ଼େକା ଆହାଲିଏ ଦାରିତା ମାଚି ଲକୁ ପିତରଇଁ ଏଲେଇଚେରି, “ନାନୁ ସାଚେଏ ଏଞ୍ଜାରି ବିତ୍ତାଟି ରଅତି, ଇଚିହଁ ନାନୁ ର ଗାଲିଲି ଲକୁତି ।”

୭୧ ସାମା ଏଞ୍ଜାସି ପାରମାଣା ଇଞ୍ଜାଁ ବାକା ଇଟାନା ଏଲେଇଚେସି, ମୀରୁ ଆମିନି ଲକୁତି କାତା ଖେସିମାଞ୍ଜେରି, ନାନୁ ଏଞ୍ଜାଣାଇଁ ପୁଞ୍ଜାହିଲଅଁ ।

୭୨ ଏ ଦେବୁଣିଏ କୟୁ ରୀ ଦେବା କେଶତେ । ଏମ୍ବାଟିଏ କୟୁ ରୀ ଦେବା କେଶଆ ନକେଏ ନାନୁ ନାଙ୍ଗେ ତାନି ଦେବା ନାନୁ ପୁଞ୍ଜାହିଲଅଁ ଇଞ୍ଜାଦି, ଆମିନି କାତା ଜୀସୁ ପିତରଇଁ ଏଲେଇଞ୍ଜାମାଚେସି, ଏନି ଏଞ୍ଜାଣି ମନ୍ଦତା ଖାଡେ, ଇଞ୍ଜାଁ ଏଞ୍ଜାସି ଏ କାତା ଅଣ୍ଡପିହଁ ହାରେକା ଡ଼ାହାଲି ମାଟ୍‌ହେସି ।

୧୫

ପିଲାତ ନକିତା ଜୀସୁ

(ମାତି ୨୭:୧-୨,୧୧-୧୪; ଲୁକ ୨୩:୧-୫; ଜହ ୧୮:୨୮-୩୮)

୧ ଲାଇଁ ଖେୟାଲିଏ ବେରଣି ମାଣ୍ଡାତାରି, ଇଚିହଁ ଲକୁତି କାଜାରି ଇଞ୍ଜାଁ ମେରା ପୁନାରି ତଲେ କାଜା ପୂଜେରାଙ୍ଗା ବେରଣି କିହାନା କାତା ଆଚେରି । ଜୀସୁଇଁ ଦସ୍‌ପା ଅହାନା ପିଲାତ କେୟୁତା ହେରପିଚେରି । ୨ ପିଲାତ ଏଞ୍ଜାଣାଇଁ ଖେଚେସି, “ନାନୁ କି ଜୀସୁଦି ଲକୁତି ରାଜା?”

ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁଏ ଏଲେ ଇଞ୍ଜିମାଞ୍ଜି ।”

୩ ଇଞ୍ଜାଁ କାଜା ପୂଜେରାଙ୍ଗା ଜୀସୁ କପାଟି ହାରେକା କାତାୟାଁ ଖେସ୍ତେରି । ୪ ଏମ୍ବାଟିଏ ପିଲାତ ଅଡେ ଖେଣ୍ଡେ ଏଞ୍ଜାଣାଇଁ ଖେଚେସି, “ନାନୁ ଏନାଆଁତାକି ଖେସିମାଞ୍ଜଅତି ? ମେହ୍‌ମୁ ଇଞ୍ଜାରି ନୀ କପାଟି ହାରେକା କାତା ଜଲିମାନେରି ।”

୫ ସାମା ଜୀସୁ ଏହି ହାତୀ ଜଳାଥାତେସି, ଏଚେଟିଏ ପିଲାତ କାବା ଆଡେସି ।

ଜୀସୁ ହାନି ତଣ୍ଡ

(ମାତି ୨୭:୧୫-୨୬; ଲୁକ ୨୩:୧୩-୨୫; ଜହ ୧୮:୩୯; ୧୯:୧୭)

୬ ସାମା ପାର୍ବୁ ବେଲାତା ଲକୁ ଆମିନି କାୟିଦିତା ମାତାଣାଇଁ ରାସିମାଚେରି, ଏଝାଣାଇଁ ପିଲାତ ଏଝାରି ତାକି ପିସିମାଚେସି । ୭ ଆମିନି ଗଡ଼ହା ଗାଟାରି ଗଡ଼ହା ବେଲାତା ଲକୁଣି ପାୟାମାଚେରି, ଏଝାରିତଲେ ବାରବା ଦରୁଗାଟାସି କାୟିଦିତା ମାଚେସି । ୮ ଏଦାଆଁତାକି ତାନି ମେରା ଲେହେଁ କିହାଲି ପିଲାତଇଁ ବାଡ଼ିମାଲିଚେରି । ୯ ଏମ୍ବାଟିଏ ପିଲାତ ଏଝାରାଇଁ ଏଲେଇଚେସି, “ମାରୁ ଏନାଆଁ ଅଣ୍ଠିପିମାଞ୍ଜେରି ? ନାନୁ ମିଙ୍ଗେତାକି ଜୀହୁଦି ଲକୁତି ରାଜାଇଁ ପିସାହିୟାଇଁ ?” ୧୦ ଇତିହଁ କାଜା ପୂଜେରାଜା ଏଝାଣାଇଁ ତାହାରା ତଲେ ହେରପାମାଚେରି, ଏଦାଆଁ ଏଝାସି ପୁଚେସି ।

୧୧ ସାମା ଏଝାସି ଏନିକଁ ଏଝାରି ତାକି ବାରବାଇଁ ପିହନେସି, ଏଦାଆଁତାକି କାଜା ପୂଜେରାଜା ଲକୁଣି ଝେସ୍ତେରି । ୧୨ ସାମା ପିଲାତ ଝେସ୍ତେ ଏଝାରାଇଁ ଏଲେଇଚେସି, “ଆତିହଁ ଆମ୍ବାଆରାଇଁ ଜୀହୁଦି ଲକୁତି ରାଜା ଇଞ୍ଜଁ ମାଞ୍ଜେରି, ଜୀସୁଇଁ ନାନୁ ଏନାଆଁ କିଇଁ ?”

୧୩ ଲକୁ ବାରେ କାଲୁଝି ଆହାନା ଏଲେଇଚେରି, “ଏଝାଣାଇଁ ପାସି ଏକଦୁ ।”

୧୪ ଏମ୍ବାଟିଏ ପିଲାତ ଏଝାରାଇଁ ଝେଚେସି, “ଏନାଆଁତାକି ଏଝାସି ଏନି ଦହ କିହାମାନେସି ?”

ସାମା ଏଝାରି ଗାତି କାଲୁଝି ଆହାନା ଏଲେଇଚେରି, “ଏଝାଣାଇଁ ପାସି ଏକଦୁ ।”

୧୫ ଏଚେଟିଏ ପିଲାତ ଲକୁଣି ରାହଁ କିହାଲି ମନ କିହାନା ଏଝାରି ତାକି ବାରବାଇଁ ପିସ୍ତେସି, ଇଞ୍ଜା ଜୀସୁଇଁ ସାଟ୍‌ଣି ତଲେ ଝେପି କିହାନା ପାସି ମୁଣ୍ଡାତା ଏକହାଲି ହେରପିତେସି ।

କସକା ଜୀସୁଇଁ ନିନ୍ଦାକିହଁ କାକନାୟି

(ମାତି ୨୭:୨୭-୩୧; ଜହ ୧୯:୨-୩)

୧୬ ଏମ୍ବାଟିଏ କସକା ଜୀସୁଇଁ ଆଂଗେଣିଟି ମେଡ଼ା ଇଲୁ ବିତ୍ରା ଅହାନା ବାରେ କସକାଣି ହାଟାନା ରୁଣ୍ଡା କିଚେରି । ୧୭ ଏଝାରି ଏଝାଣାଇଁ ହେୟାଁ ଝାଣା ହିମ୍ବୁରି ହୁଟିକିଚେରି ଇଞ୍ଜା ହାପକା ଚପେରି ଆଲାନା ଏଝାଣି ତାୟଁ ତୁା ତୁରଝି କିଚେରି; ୧୮ ଅଡ଼େ “ଏ ଜୀହୁଦି ଲକୁତି ରାଜା ଜହରା” ଇଞ୍ଜଁ ଏଝାଣାଇଁ ନିନ୍ଦାକିଚେରି । ୧୯ ଇଞ୍ଜା ଏଝାରି ର ବାଡ଼ଗା ଆସାନା ଏଝାଣି ତାୟଁ ତୁା ଝେଚେରି ଇଞ୍ଜା ମେଣ୍ଡାକୁତାନା ଜହରା କିଚେରି । ୨୦ ଏଝାରି ଏଝାଣାଇଁ ଲାଜାକିହଁ କାକହି ତାୟଁ, ଏ ହେୟାଁ ଝାଣାଗାଟି ହିମ୍ବୁରି ହୁକହା ଅହାନା ତାନି ହିମ୍ବୁରି ହୁଟିକିଚେରି । ଇଞ୍ଜା ଏଝାରି ଏଝାଣାଇଁ ପାସି ମୁଣ୍ଡାତା ଏକହାଲି ପାଜାତା ଅଡ଼େରି ।

ଜୀସୁଇଁ ପାସି ଏକନାୟି

(ମାତି ୨୭:୩୨-୪୪; ଲୁକ ୨୩:୨୬-୪୩; ଜହ ୧୯:୧୭-୨୭)

୨୧ ଏଚିବେଲା ଆଲେକଜାଣ୍ଡାର ଇଞ୍ଜା ରୁପତାମି ଆବା ସିମନ ଦରୁଗାଟି ର କୁରିଣିୟ ଲକୁ ନାୟୁଟି ଝାହାନା ଏ ଜିରୁଟି ହାଜିମାଚେସି; ଏଝାରି ଏଝାଣାଇଁ ଜୀସୁତି ପାସିମୁଣ୍ଡା ଡେକାଲି ବାଲାମାତମି କିଚେରି । ୨୨ ଇଞ୍ଜା ଏଝାରି ଏଝାଣାଇଁ ଗଲଗତା ଇତିହଁ “ତାୟଁ ତୁା” ଇନି ଟାୟୁତା ତାଚେରି । ୨୩ ଇଞ୍ଜା ଏଝାରି ଏଝାଣାକି ପୁଲା ଆଣ୍ଡିତି ଅଞ୍ଜୁରି ରାସା ଗସାଲି ହାଚେରି, ସାମା ଏଝାସି ଏଝାଆଁ ଗହଆଚେସି । ୨୪ ଏଚେଟିଏ ଏଝାରି ଏଝାଣାଇଁ ପାସି ମୁଣ୍ଡାତା ଏକହେରି, ଇଞ୍ଜା ଆମ୍ବାଆସି ଏନାଆଁ ବେଟା ଆନେସି, ଏଦାଆଁ ପାଦି କିହାନା ତାନି ହିମ୍ବୁରିକା ତାୟଁ ତୁାୟଁ ତୁାଟି କିହାନା ଅଡ଼େରି । ୨୫ ଦିନା ନ ଗଂଟା ବେଲାତା ଏଝାରି ଏଝାଣାଇଁ ପାସି ମୁଣ୍ଡାତା ଏକହେରି । ୨୬ ଇଞ୍ଜା ଏଝାଣିଲାକ ଇଲେଇଞ୍ଜଁ ରାୟକି ଆହାମାଚେ, “ଇଝାସି ଜୀହୁଦି ଲକୁତି ରାଜା ।” ୨୭ ଇଞ୍ଜା ଏଝାଣି ଚିଝନିଝାକି ରଅଣାଇଁ ଅଡ଼େ ଚେକ୍ରିଝାକି ରଅଣାଇଁ, ଇଲେକିହଁ ରା ସରକାଣି ଏଝାରି ଏଝାଣିତଲେ ପାସି ମୁଣ୍ଡାତା ଏକହେରି । ୨୮ ଏଚେଟିଏ ଦାମ୍ବୁ ପତିତି କାତା ସାତା ଆଡ଼େ, ଏଝାସି ପାପୁ ଗାଟାରି ତଲେ ଲେକା କିଝିଆଡ଼େସି ।*

୨୯ ଏ ଜିରୁଟି ହାଜିମାନି ଲକୁ ତାନି ତାକା ଗୁଟକିକିହଁ ଏଝାଣାଇଁ ନିନ୍ଦାକିହଁ ଏଲେଇଚେରି, “ଆବା, ମାହାପୁରୁ ଇଲୁତି ତିକନାତି ଇଞ୍ଜା ତାନି ଦିନାଟିଏ ଏଦାଆଁ କେପିନାତି, ୩୦ ପାସି ମୁଣ୍ଡାଟି ରେଟାଝାହାନା ନିଙ୍ଗେ ଗେଲପା କତାମୁ ।”

୩୧ କାଜା ପୂଜେରାଜା ଜିକେଏ ଏଲେକଁ ମେରାପୁନାରି ତଲେ ତାୟଁ ତୁାୟଁ ଏଝାଣାଇଁ ନିନ୍ଦାକିହଁ ଏଲେଇଚେରି, “ଏଝାସି ଅର ଲକୁଇଁ ଗେଲପିତେସି, ସାମା ତାଙ୍ଗେ ଗେଲପାଲି ଆଡ଼ିହିଲଅସି । ୩୨ ଇସ୍ରାୟେଲତି ରାଜା କ୍ରୀସ୍ତୁତି ଇତିହଁ ଦେବୁଣିଏ ପାସି ମୁଣ୍ଡାଟି ରେଟା ଝାମ୍ବୁ, ଏନିକଁ ମାୟଁ ଏଦାଆଁ ମେସାନା ନାମାନମି ।”

ଇଞ୍ଜା ଆମିନି ଗାଟାରାଇଁ ଜୀସୁତଲେ ପାସି ମୁଣ୍ଡାତା ଏକହା ମାଚେରି, ଏଝାରି ଜିକେଏ ଏଝାଣାଇଁ ନିନ୍ଦାକିଚେରି ।

ଜୀସୁ ହାନାୟି

(ମାତି ୨୭:୪୫-୫୨; ଲୁକ ୨୩:୪୪-୪୯; ଜହ ୧୯:୨୮-୩୦)

୩୩ ବାର ଗଂଟା ବେଲା ଏ ଦେସା ଆନ୍ଦେରି ଆହାନା ତାନି ଗଂଟା ପାତେକା ତୁୟିତେ । ୩୪ ତାନି ଗଂଟା ବେଲାତା ଜୀସୁ କାଜା ହାତାତଲେ ହାଟାନା ଏଲେଇଚେସି, “ଏଲହି ଏଲହି ଲାମା ସାବକତାନି ?” ଇତିହଁ “ଏ ନା ମାହାପୁରୁ ଏ ନା ମାହାପୁରୁ ନାନୁ ନାଙ୍ଗେ ଏନାଆଁତାକି ପିସ୍ତାତି ?”

୩୫ ଇ ହାତା ଝେଞ୍ଜାନା ଦାରିତା ନିଟାମାନି ଲକୁ ଆମ୍ବା ଆମ୍ବାଆରି ଏଲେଇଚେରି, “ମେହଦୁ ଏଝାସି ଏଲିୟଇଁ ହାଟି

☆ ୧୫:୨୧ ୧୫:୨୧ ରମି ୧୭:୧୩ * ୧୫:୨୮ ୧୫:୨୮ ଜିସାୟ ୫୩:୧୨ କଚେକା ସାସ୍ତେରିତା ଇ କାତା ରାୟକି ଆହାହିଲେଏ । ☆ ୧୫:୨୯ ୧୫:୨୯ ମାର୍କ ୧୪:୫୮; ଜହ ୨:୧୯

ମାନେସି ।” ୩୭ ଇଞ୍ଜା ରଅସି ହଟିହିଁ ହାଜାନା ର ଦ୍ରାଃଆଲି ପୁଲ୍ଲା ଅଛୁରି ରାସାତା ମେଡ଼ହାନା ଏଦାଆଁ ର ବାଡ଼ଗାତା ରୁପାନା ଏଝାଣାକି ଗସାଲି ହାହାନା ଏଲେଇଚେସି, “ହେଣ୍ଡୁ ଏଲିୟ ଇଝାଣାକି ଗେଲ୍ପାଲି ଝାହିମାନେସି କି ଆଏ ସିନିକିନ ।”

୩୭ ସାମା ଜୀସୁ କାଜା ଗିୟାଁତଲେ ଜଲ୍ଲାନା ହାଡ଼େସି ।

୩୮ ଇଞ୍ଜା ମାହାପୁରୁ ଇଲୁତା ଲେଚାମାନି ହିମ୍ବୁରି ଲାକଟିଏ ଡ଼ଇ ପାତେକା ଗେଞ୍ଜାନା ରୀ ବାଗା ଆଡ଼େ । ୩୯ ଏଝାଣି ନକିତା ନିଚାମାନି ପାସାକଡ଼ି କସକା ମୁହେଁ କାଜାସି ଏଝାଣି ଇଲେତି ହାଡ଼ାଣି ମେସାନା ଏଲେଇଚେସି, “ସାତେଏ, ଇଝାସି ମାହାପୁରୁତି ମୀରଏସି ମାଚେସି ।”

୪୦ ✨ଏଚେକା ଇୟାସିକା ଜିକେଏ ହେକଟି ସିନିକିହିମାରୁ; ଏଝାସିକା ବିତ୍ରାଟି ମଗ୍ଦଲିନି ମରିୟମ, ଉଣା ଜାକୁବ ଇଞ୍ଜା ଜସିତି ଇୟା ମରିୟମ, ଅଡ଼େ ସାଲମି ମାରୁ; ୪୧ ଏଝାସି ଗାଲିଲିତା ମାଚାଟି ଏଝି ଏଝାଣି ଜ୍ଵେତ ହାଜାନା ଏଝାଣି ସେବା କିହିମାରୁ; ଏଝାସିକା ତଲେ ଜିରୁସାଲମତା ଝାହାମାନି ହାରେକା ଇୟାସିକା ସିନିକିହିମାରୁ ।

ଜୀସୁକି ମାହଣି ମାଣ୍ଡାତା ମୁହନାୟି

(ମାତି ୨୭:୫୭-୬୧; ଲୁକ ୨୩:୫୦-୫୬; ଜହ ୧୯:୩୮-୪୨)

୪୨ ଝେଡ଼ା ହାଜିମାଚାଟି, ଏ ଦିନା ତିୟାରା ଆନି ଦିନା ଇତିହିଁ ଜମିନି ଦିନାତି ନକିତି ଦିନା ମାଚାକି, ୪୩ ହାରାମାତିୟାତି ଜସେପ ଦରୁଗାଟି କାଜା ବେରଣିମାଣ୍ଡାତି ମାନି ଗାଗାସି ମାଚେସି, ଇଞ୍ଜା ଆମିନିଗାଗାସି ତାନୁଏ ମାହାପୁରୁତି ରାଜି କାଡ଼ିମାଚେସି, ଏଝାସି ସାସାତଲେ ପିଲାତ ତାଣା ହାଜାନା ଜୀସୁତି ଆଙ୍ଗା ରୀସ୍ତେସି । ୪୪ ସାମା ଏଝାସି ହାଡ଼େସିଏ ଇ କାତା ପିଲାତ ଝେଞ୍ଜାନା କାବା ଆଡ଼େସି, ଇଞ୍ଜା ପାସାକଡ଼ି କସକା ମୁହେଁ କାଜାଣାକି ତାଗେ ହାଡ଼ାନା ଝେଚେସି, “ଏଝାସି ହାହାନା ହାରେକା ବେଲା ଆଡ଼େୟିଏ ?” ୪୫ ପାସାକଡ଼ି କସକା ମୁହେଁ କାଜାଣି ତାଗାଟି ଏ କାତା ପୁଞ୍ଜାନା ଆଙ୍ଗାତି ଅହାଲି ଜସେପକି ହେଲ ହାଡ଼େସି । ୪୬ ଏଝାସି ର ପାଡ଼ାଡ଼ା ହିମ୍ବୁରି କତାନା ଏଝାଣାକି ରେପହା ତାଚାନା ଏ ହିମ୍ବୁରି ରୁପିଚେସି ଇଞ୍ଜା ହରୁତା କାରହାମାନି ମାଡ଼ହା ମୁହନି ଚାୟୁତା ଏଝାଣାକି ଇଚାନା ଦୁଝେରିତା ର କାଜା ଝାଲି ଉସି କିଚେରି । ୪୭ ଏଝାଣାକି ଆମିନି ଚାୟୁତା ଇଚକି ଆହାମାନେ, ଏଦାଆଁ ମଗ୍ଦଲିନି ମରିୟମ ଇଞ୍ଜା ଜସି ତାମି ଇୟା ମରିୟମ ମେସାମାରୁ ।

୧୭

ଜୀସୁ ଝେଣ୍ଡେ ନିଜିନାୟି

(ମାତି ୨୮:୧-୮; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାୟାଲିଏ ମଗ୍ଦଲିନି ମରିୟମ, ଜାକୁବ ତାମି ଇୟା ମରିୟମ, ଇଞ୍ଜା ସାଲମି ଗାନ୍ଦାଗାଟି ନିୟୁଁ

କଡ଼ିତୁ, ଏନିକିହିଁ ଏଝି ହାଜାନା ଜୀସୁ ଆଙ୍ଗାତା ରୁବାଲି ଆଡ଼ିନୁ । ୨ ଏଝି ଝାଚାତି ମୁଲୁ ଦିନା ଲାକ ଝେଡ଼ା ହନି ବେଲାତା ମାହଣି ମାଣ୍ଡାତା ହାଡ଼ୁ । ୩ ଏଝି ତାମ୍ବୁତାମ୍ବୁ ଝେସପି ଆହିମାରୁ, “ଆମ୍ବାଆସି ମାଙ୍ଗେତାକି ମାହଣି ମାଣ୍ଡା ଦୁଝେରିତି ଝାଲି ଉସିକିହା ହିୟାନେସି ?” ଏନାଆଁତାକି ଇତିହିଁ ଏ ଝାଲି ହାରେକା କାଜାୟି ମାଚେ । ୪ ସାମା ଏଝି ଏମ୍ବାଆଁ ସିନିକିନି ବେଲାତା, ଝାଲି ଉସିକିଝି ଆହାମାଚେ । ୫ ଏଝି ମାହଣି ମାଣ୍ଡାତା ହଡ଼ାନା ଦବ୍ଲା ହିମ୍ବୁରି ହୁଚାମାନି ର ଦାଂଗଣେଏଣାକି ଚିଃନିଝାକି କୁଗାମାନାଣି ମେସାନା ହାରେକା କାବାଆଡ଼ୁ ।

୬ ଏମ୍ବାଟିଏ ଏଝାସି ଏଝାସିକାଣି ଏଲେଇଚେସି, “ଆଜାଆଡ଼ୁ; ମୀରୁ ପାସି ମୁଣ୍ଡାତା ହାହାମାନି ନାଜୁରିତ ଜୀସୁକି ପାରିମାଞ୍ଜେରି; ଏଝାସି ନିଙ୍ଗାମାନେସି, ଏଝାସି ଇମ୍ବାଆଁ ହିଲଅସି, ସିନିକିଦୁ ଇମ୍ବାଆଁ ଏଝାଣାକି ଇଚାମାଚେରି । ୭ ✨ସାମା ମୀରୁ ହାଜାନା ତାମି ସୀସୁୟାଁ ଇଞ୍ଜା ପିତରକି ଝେହ୍ଦୁ, ଏଝାସି ମୀ ନକି ନକିତା ଗାଲିଲିତା ହାଜିମାନେସି; ଏଝାସି ମିଙ୍ଗେ ଏନିକିହିଁ ଝେସାମାଞ୍ଜାଚେସି, ଏଲେକିହିଁ ଏ ମୀରୁ ଏଝାଣାକି ଏମ୍ବାଆଁ ମେହ୍ଦେରି ।”

୮ ଏମ୍ବାଟିଏ ଏଝି ମାହଣି ମାଣ୍ଡାଟି ହଡ଼ୁ, ଇତିହିଁ ଏଝି କାବା ଆହାନା ଆଜିତାକି ତୀରଗିମାରୁ, ଇଞ୍ଜା ଆମ୍ବାଆରାକି ଏନାଆଁ ଝେହ୍ଦୁଆଡ଼ୁ* ।

ଜୀସୁ ମଗ୍ଦଲିନି ମରିୟମକି ତଞ୍ଜା ଆନାୟି

(ମାତି ୨୮:୯-୧୦; ଜହ ୨୦:୧୧-୧୮)

୯ ଝାଚାତି ମୁଲୁତି ଦିନା ଲାକସିଏ ଏଝାସି ଝେଣ୍ଡେ ନିଙ୍ଗାନା, ଆମିନିଗାଗାଣି ସାଡ଼ାଗଟା ବୁଡ଼ୁୟାଁ ପିସପି କିହାମାଚେସି, ଏ ମଗ୍ଦଲିନି ମରିୟମନି ତଲିଏ ତଞ୍ଜାଆଡ଼େସି । ୧୦ ଏଡ଼ି ହାଜାନା ଆମିନି ଗାଗାଟି ତାମିତଲେ ମାଚେରି, ଏଝାଚାକି ଝେସ୍ତେ; ଇତିହିଁ ଏଝାରି ଦୁକୁଟି ଡ଼ାହି ମାଚେରି । ୧୧ ଜୀସୁ ନୀତାମାନେସି, ଇଞ୍ଜା ଏଦାନି ତଞ୍ଜା ଆହାମାନେସି, ଇଦାଆଁ ଝେଞ୍ଜାନା ଏଝାରି ନାମାଆଡ଼େରି ।

ଜୀସୁ ରୀ ସୀସୁୟାଁଣି ତଞ୍ଜା ଆନାୟି

(ଲୁକ ୨୪:୧୩-୩୫)

୧୨ ଏଚେଟିଏ ଇ ବାରେ ଆଡ଼ି ତାୟୁ ଏଝାରି ବିତ୍ରାଟି ରୀ ସୀସୁୟାଁ ର ନାୟୁତା ହାଜିମାଚାଟି ଏଝାସି ଅର ଝାଣା ତଲେ ଏଝାଚାକି ତଞ୍ଜାଆଡ଼େସି, ୧୩ ଇଞ୍ଜା ଏଝାରି ହାଜାନା ଏଚକା ତାଚାକି ଝେସ୍ତେରି; ସାମା ଏଝାରି କାତା ଜିକେଏ ଏଝାରି ନାମାଆଡ଼େରି ।

ଜୀସୁ ଏଗାର ଜାଣା ସୀସୁୟାଁକି ତଞ୍ଜା ଆନାୟି

(ମାତି ୨୮:୧୭-୨୦; ଲୁକ ୨୪:୩୬-୪୯; ଜହ ୨୦:୧୯-୨୩; କାମା ୧:୬-୮)

୧୪ ଏମ୍ବାଟିଏ ଏଗାର ଜାଣା ସୀସୁୟାଁ ତିଞ୍ଜାଲି କୁଗାମାଚାଟି ଜୀସୁ ଏଝାଚାକି ତଞ୍ଜାଆଡ଼େସି ଇଞ୍ଜା ଏଝାରି

* ୧୫:୪୦ ୧୫:୪୦ ଲୁକ ୮:୨,୩ ✨ ୧୭:୭ ୧୭:୭ ମାତି ୨୭:୩୨; ମାର୍ଚ୍ଚ ୧୪:୨୮ ✨ ୧୭:୮ ୧୭:୮ ଏଝି ପିତର ତଲେ ମାତି ବାରେ ଲକୁତାଣା ଏ କାତା ଝେସ୍ତୁ । ୧୭:୨୦ ଇଦାଆଁ ତାୟୁ, ଜୀସୁ ତାନୁଏ ଜିକେଏ ଏଝାସିକା ତଲେ ସୁଦୁ ଅଡ଼େ କାଲାକାଲିତି ଗେଲ୍ପି ଆନାଣି ଝେକହାଲି ତାକି ଝେଡ଼ା ହପୁ ଝାକିତି ଝେଡ଼ା ହାନି ଝାକି ପାଣ୍ଡିଚେସି ।

ନାମିହିଲାଆତାକି ଇଞ୍ଜା ହିୟାଁତି ଆବୁଝାତାକି ଏଝାରାଇଁ ଦାକା ହାତେସି, ଇଚିହିଁ ଆମିନି ଗାଟାରି ଏଝାଣି ଝେଣ୍ଡେ ନିଜିତାଣି ମେସାମାଚେରି, ଏଝାରି କାତା ଏଝାରି ନାମା ହିଲାଆତେରି । ୧୫ ଇଞ୍ଜା ଜୀସୁ ଏଝାରାଇଁ ଏଲେଇଚେସି, “ମୀରୁ ବାରେ ଦାରତିତା ହାଜାନା ବାରେ କୃତାତି ଲକୁତାଣା ନେହିଁ କାରୁ ଝେହୁଦୁ । ୧୬ ଆମ୍ବାଆସି ନାମାନା ବାପ୍ତିସ୍ମା† ଅନେସି ଏଝାସି ଗେଲ୍ପି ଆନେସି; ସାମା ଆମ୍ବାଆସି ନାମଅସି ଏଝାସି ତଣ୍ଡୁ ବେଟାଆନେସି । ୧୭ ଇଞ୍ଜା ନାମିନାରାକି ଇ ସିନାୟା ଆନୁ, ଏଝାରି ନା ଦରୁତଲେ ବୃତୁୟା ପିସ୍ପି କିନେରି, ପୁଝନି ପୁଝନି ହାଡାତଲେ ଜଲିନେରି, ୧୮ କେସ୍ମାତଲେ ରାସ୍ତା ଆହୁନେରି, ଇଞ୍ଜା ହାନ୍ତି ଅସ ଗସ୍ତିହିଁ ଜିକେଏ ଏଝାରି ଏନାଆଁ ଆଅରି; ଏଝାରି ନମେରି ଦୁକା ଗାଟାରି ଲାକ କେୟୁ ଇଚିତିହିଁ ଏଝାରି ନେହିଁ ଆନେରି ।”

ଜୀସୁ ଲାକପୁରୁ ଅଞ୍ଜିଆନାୟି

(ଲୁକ ୨୪:୫୦-୫୩; କାମା ୧:୯-୧୧)

୧୯ ✱ଇଲେକିହିଁ ଏଝାରାଇଁ ବାରେ କାତା ଝେସ୍ତି ତାୟୁ ଜୀସୁ ଲାକପୁରୁ ଅଞ୍ଜିଆହାନା ମାହାପୁରୁତି ଚିଝନିଝାକି କୁଗିତେସି । ୨୦ ସାମା ଏଝାରି ହାଜାନା ବାରେଝାକି କାରୁ ଝେସ୍ତେରି, ଇଞ୍ଜା ପ୍ରୁ ଜୀସୁ ଏଝାରିତଲେ କାମା କିହାନା ତାନି ବାରେ ସିନାୟା ତଲେ ଏଝାରି ଝେକ୍‌ହାମାନାଣି ସାତା ଇଞ୍ଜା ତସ୍ତେସି ।

† ୧୭:୧୭ ୧୭:୧୭ ନୁଞ୍ଜିନାୟି ✱ ୧୭:୧୯ ୧୭:୧୯ କାମା ୧:୯-୧୧

୪. ଜୀସୁ କ୍ରୀସ୍ତ ହାନାୟି, ମାହଣିଣା ମୁହନାୟି ଅଡ଼େ
ଝେଣ୍ଡେ ନିଜିନାୟି । ୨୨:୧-୨୪

ଲୁକ ଲିଖିତ ସୁସମାଚାର ଲୁକ ରାଚାମାନି ନେହଁ କାବୁ ମୁକୁ ହାଡ଼ା

ଲୁକ ରାଚାମାନି ନେହଁ କାବୁତା ଜୀସୁ କ୍ରୀସ୍ତ ଜୀସୁତି
କାତା ରାସ୍‌କି ଆହାମାନେ । ପୁଃନି ମେରାତି ସାରିଗଟା
ନେହଁ କାବୁ ପତିୟା ବିତ୍ରାଟି ଇଦି ରଣ୍ଡି “ନେହଁ
କାବୁ” ଇନେରି । ଇ ବାରେ ପ୍ରବୁ ଜୀସୁ ହାଡ଼ି ତାୟୁ
ମାତିୟୁ, ମାର୍କ, ଲୁକ ଅଡ଼େ ଜହନ ରାଚାମାନେରି । ଲୁକ
ଜୀସୁ ମାହାପୁରୁଖାଣି ଏନାଆଁ ଗଟଝି ଆହାମାନେ ଅଡ଼େ
ଜୀସୁ ହାହାନା ଝେଣ୍ଡେ ନିଜିତି ତାୟୁ ଲାକପୁରୁ ହାଟାଣି
ଇଞ୍ଜା ତାମି ସାୟୁୟା ଏନିକଁ କାମା କିତେରି ଏ ବାରେ
ରାଚାମାନେସି । ଏ ପତିୟା “ପାଣ୍ଡୁଝି ଆହାମାନାରି କାମା”
ଇଞ୍ଜା ଇନେରି । ଇ ପତି ଏଡ଼େତା ରାସ୍‌କି ଆହାମାନେ,
ଅଡ଼େ ଆମିନି ଗାୟୁତା ରାସ୍‌କି ଆହାମାନେ, ଏ କାତା
ଆମ୍ବାଆସି ନେହଁ କାବୁ ପୁଞ୍ଜାହିଲଅସି, ଇ ପତି ଜୀସୁ କ୍ରୀସ୍ତ
ଜାର୍ନା ଆଡ଼ି ୭୨ ବାର୍ସା ତାୟୁ ରାସ୍‌କି ଆହାମାନେ ।

ଇ ପତିତା ଜୀସୁ ଇସ୍ରାୟେଲତି ଗେଲପିନାସି ଅଡ଼େ
ବାରେ କୁଡ଼ାତି ଲକ୍ତୁଣି ଗେଲପିନାସି ଇଞ୍ଜା ଲୁକ ତାନି
ନେହଁ କାବୁତା ରାଚାନା ତସାମାନେସି । ହିଲାଆ ଗାଟାରି
ତାଣା ନେହଁ କାବୁ ଝେକହାଲି, ମାହାପୁରୁତି ସୁଦୁଜୀସୁ
ଜୀସୁଇଁ ଆଚାମାଚେ, ଇଞ୍ଜା ଜୀସୁ ଏନିକଁ ହାରେକା ଦେବା
ଦୁକୁ କସ୍ତ ଗାଟାରେଇଁ ଅଡ଼େ ହିଲାଆଗାଟାରେଇଁ ସାୟେମି
କିହାମାଚେସି ଲୁକ ରାଚାମାନେସି ।

ଜୀସୁ ଜାର୍ନାଆଡ଼ି ବେଲତା ଦୁଡୁୟା ପାରୁ ପାଡ଼ିନାୟି
ଅଡ଼େ ମେଣ୍ଡା ଗଡ଼କା ଜୀସୁଇଁ ବେତି ହାନାୟି, ଜୀସୁ ବାର
ବାର୍ସା ଆହାମାଚାଟି ମାହାପୁରୁ ଇଲୁତା ହାନାୟି, ଇଞ୍ଜା
ନେହଁ ସମିରଣି ଅଡ଼େ ଜାକିତି ମୀରୁଏଣି ପୁଣ୍ଡିକିନି
କାତା ଇ ବାରେ ସାରିଗଟା ନେହଁ କାବୁ ରାଚାମାନାରି
ବିତ୍ରା ଲୁକ ନେହଁ କାବୁ ରାଚାମାନାରି ତସାମାନେସି । ଅଡ଼େ
ମାହାପୁରୁ ତାଣା ପ୍ରାତାନା କିନାଣି ଜିକେଏ ଲୁକ ହାରେକା
ରାଚାନା ତସାମାନେସି ୩:୨୧; ୬:୧୬; ୬:୧୭; ୧୧:୧-୧୨ ।
ସୁଦୁଜୀସୁ ବେଟାଆନି କାତା, ଜୀସୁଇଁ ସେବାକିନି ଇୟାସିକା
କାତା ଇଞ୍ଜା ମାହାପୁରୁ ଲକ୍ତୁଇଁ ତାମି ପାପୁ ମ୍ପେକ୍‌ନି କାତା
ଇ ବାରେ କାତା ଲୁକ ହାରେଏ ନେହଁ କାବୁ ରାଚାନା
ଝେସାମାନେସି ୩:୩; ୧୧:୪; ୧୭:୩-୪; ୨୩:୩୪; ୨୪:୪୭ ।

ପତିତା ମାନାୟି

- ୧. ଲୁକ ଝେକନାୟି ଅଡ଼େ ଏନାଆଁତାକି ରାଚାମାନାଣି
ଝେହନାୟି । ୧:୧-୪
- ୨. ଜୀସୁ କ୍ରୀସ୍ତ ଜାର୍ନା ଅଡ଼େ ସେବା କାମା ମାଟ୍‌ନାୟି ।
୧:୫-୪:୧୩
- ୩. ଜୀସୁ କ୍ରୀସ୍ତତି କାବାଆନି କାମାୟାଁ ଅଡ଼େ ଜାପ୍‌ନାୟି
। ୪:୧୪-୨୧:୩୮

ମାଟ୍‌ନି କାତା

୧ ମୁଲୁଟିଏ ଆମ୍ବାଆରି ତୀରେ ମେସ୍ତାରି ଇଞ୍ଜା ବଲୁ
ଝେକନାରି, ଏଞ୍ଜାରି ମାଙ୍ଗେ ହେର୍‌ପା ମାଞ୍ଜାନି ଲେହେ,
୨ ମା ବିତ୍ରା ଆହାମାନି କାମା ବାରେ ହାରେକା ନେହଁ କାବୁ
ରାଚାଲି ଜାଗ୍ରାତା ଆହାମାନେରି । ୩ ଜୀସୁତି ତିୟପିଲ,
ମୁଲୁଟିଏ ବାରେ କାତା ନେହଁ କାବୁ ସିନିକିହାନା ଏମ୍ବାଆଁ
ଏନାୟି ମାନେ ଏଡ଼ାଆଁ ନିଙ୍ଗେତାକି ରାଚାଲି ନାନୁ ଜିକେଏ
ନେହେଁ ଇଞ୍ଜା ଅଣପିତେଏ । ୪ ଏନିକଁ ନୀନୁ ଏ ବାରେ
କାତା ଜାପାମାଞ୍ଜି, ଏଡ଼ି ସାତା ଇଞ୍ଜା ପୁଞ୍ଜାଲି ଆଡ଼ିଦି ।

ବାପ୍ତିସ୍ମା* ହାନି ଜହନତି ଜାର୍ନାତି କାବୁ

୫ ଜୀହୁଦା ଦେସାତି ରାଜା ହେରଦ ବେଲତା ଅବିୟ
କୁଡ଼ାତି ଜିକରିୟ ଦରୁଗାଟି ର ପୂଜେରା ମାଚେସି; ତାନି
ଡକ୍ତି ହାରଣ କୁଡ଼ାତି ମାକ୍‌ମା, ଏଦାନି ଦରୁ ଏଲିସାବେତ ।
୬ ଜିକରିୟ ଅଡ଼େ ଏଲିସାବେତ ମାହାପୁରୁତି ହୁକୁମି ଇଞ୍ଜା
ମେରା ତଲେ ଦହ ହିଲାଆଗାଟାଲ ଆହାନା ମାହାପୁରୁ
ନକିତା ଦାମ୍‌ ଗାଟାଲ ମାଚୁ । ୭ ସାମା ଏଞ୍ଜାରାକି କକାରି
ପଦାୟା ହିଲାଆତୁ, ଇତିହଁ ଏଲିସାବେତ ବାଝେଣି
ମାଚେ, ଅଡ଼େ ଡକ୍ତି ଡକ୍ତା ରିଆରି ଜିକେଏ ଗାଡ଼ି ବୁଡ଼ହି
ବୁଡ଼ହା ଆହାମାଚେରି ।

୮ ର ଦିନା ଜିକରିୟ ତାମି ଗଟିତି ପାଲି ଏଜାଲିଏ
ମାହାପୁରୁ ନକିତା ପୂଜେରା କାମା କିନି ବେଲତା,
୯ ପୂଜେରା କାମାତି ମେରା ତଲେ ଆଡ଼ିଆହାନା ଏଞ୍ଜାଣାକି
ମାହାପୁରୁ ଇଲୁତା ହଡାନା ଦୁପ୍‌ଣି ହାହାଲି ଆଚେ, ୧୦ ଇଞ୍ଜା
ଦୁପ୍‌ଣି ହାନି ବେଲତା ବାରେ ଲକ୍ତୁ ପାଙ୍ଗାତା ପ୍ରାତାନା
କିହିମାଚେରି ।

୧୧ ଏତିବେଲା ମାହାପୁରୁତି ର ଦୁଡୁ ଦୁପ୍‌ଣି ପିଣ୍ଡା
ଟିଃନିଝାକି ନିଗନା ଏଞ୍ଜାଣାଲଁ ତଞ୍ଜାଆଚେ । ୧୨ ଜିକରିୟ
ଏଦାଣି ମେସାନା କାବାଆହାନା ଆଜିତେସି । ୧୩ ସାମା
ଦୁଡୁ ଏଞ୍ଜାଣାଲଁ ଏଲେଇଚେ, “ଜିକରିୟ, ଆଜାଆନି,
ଇତିହଁ ମୀ ଗହାରା ଝେଣ୍ଡି ଆହାମାନେ, ଇଞ୍ଜା ନୀ ଡକ୍ତି
ଏଲିସାବେତ ନିଙ୍ଗେତାକି ର କକାଣାଲଁ ଜାନ କିନେ,
ଇଞ୍ଜା ଏଞ୍ଜାଣି ଦରୁ ଜହନ ଇଞ୍ଜା ହୀଦେରି । ୧୪ ଇତିହଁ
ଏଞ୍ଜାସି ମୀ ରାହାତି ରାହା ଆନେସି, ଇଞ୍ଜା ହାରେକା ଏଞ୍ଜାଣି
ଜାର୍ନାତା ରାହା କିନେରି । ୧୫ ଇଞ୍ଜା ଏଞ୍ଜାସି ମାହାପୁରୁ
ନକିତା କାଜାସି ଆନେସି; ଏଞ୍ଜାସି ଅକ୍ତୁରି ରାସା କି କାଡ଼ୁ
ଏଚେଲାଞ୍ଜା ଗହଅସି, ଇଞ୍ଜା ତାଲିନି ବାଣ୍ଡିଟିଏ ସୁଦୁଜୀସୁତା
ବେଟାଆନେସି, ୧୬ ଏଞ୍ଜାସି ଇସ୍ରାୟେଲ ମୀରକା ବିତ୍ରାଟି
ହାରେକା ଲକ୍ତୁଇଁ ମାହାପୁରୁ ଝାକି ଝେଟ୍‌ହା ତାନେସି ।
୧୭ ତାଞ୍ଜିୟା ହିୟାଁ ମୀରକା ଝାକି ଇଞ୍ଜା କାତା ମାନଝି
ଆଆଗାଟାରେଇଁ ତୀରିଗାଟି ବୁଦିତା ତାକାଲି ଝେଟ୍‌ହା
ତାଚାଲି ଇଞ୍ଜା ମାହାପୁରୁ ତାକି ତିୟାରା ଆହାମାନି ର
ଲକ୍ତୁ କୁଲମି ଜାଗ୍ରାତା କିହାଲି ବାପ୍ତିସ୍ମା* ହାନି ଜହନ

* ୧:୪ ୧:୫ ମୁଞ୍ଜିନାୟି † ୧:୧୭ ୧:୧୭ ମୁଞ୍ଜିନାୟି

ଏଲିୟତି ଜୀଝୁ ଅଡ଼େ ବାଡ଼ୟୁ ତଲେ ପ୍ରବୁତି ନକିତା ତାକିନେସି ।”

୧୮ ଏଚେଟିଏ ଜିକରିୟ ଦୂତୁଇଁ ଏଲେଇଚେସି, “ନାନୁ ଆମିନି ସିନା ତଲେ ପୁଇଁ ? ଇଚିହିଁ ନାନୁ ବୁଡ଼ହାତେଏ, ଇଞ୍ଜା ନା ତକ୍ତିନି ବାର୍ଯା ଗାତି ଆଡେୟିଏ ।”

୧୯ ଦୂତୁ ଏଝାଣାଇଁ ଏଲେଇଚେ, “ନାନୁ ଗାବ୍ରିୟେଲ, ନାନୁ ମାହାପୁରୁ ନକିତା ନିଚା ଡ଼ୟିନାତେଏ, ଇଞ୍ଜା ନିଜେ ଝେସାଲି ଅଡ଼େ ଇ ନେହିଁ କାରୁ ପୁଣ୍ଡି କିହାଲି ନାନୁ ପାଣ୍ଡୁଆହାମାଇଁ । ୨୦ ମେହ୍ମୁ ଇ ବାରେ ଆଆପାତେକା ନାନୁ ବେବଡ଼ା ଆହାନା ଡ଼ୟିଦି, ଇଚିହିଁ ନା ଆମିନି କାତା ସାତା ଆନେ ଏ ବାରେ ନାନୁ ନାମାଆତି ।”

୨୧ ଏମ୍ବାଟିଏ ଲକୁ ଜିକରିୟଇଁ କାଟିମାଚେରି, ଇଞ୍ଜା ମାହାପୁରୁ ଇଲୁତା ଇଚେକା ଝେଡ଼ା ଆଡାକି କାବା ଆହିମାଚେରି । ୨୨ ସାମା ଏଝାସି ପାଙ୍ଗାତା ଝାହାନା ଏଝାରାଇଁ କାତା ଆହାଲି ଆଡାଆତେସି; ଏମ୍ବାଟିଏ ଏଝାସି ମାହାପୁରୁ ଇଲୁତା ଏନାଆଁ ମେସାମାନେସି ଇଞ୍ଜୁଁ ଏଝାରି ପୁଚେରି, ଇଞ୍ଜା ଏଝାସି ଏଝାରାଇଁ କେୟୁ ହୁଟିହିଁ ତସାଲି ମାଟ୍‌ହେସି ଇଞ୍ଜା ବେବଡ଼ା ଆହାନା ଡ଼ୟିତେସି ।

୨୩ ତାୟୁ ମାହାପୁରୁ ଇଲୁତି ସେବା କାମା ରାୟାଲିଏ, ଏଝାସି ତାମି ଇଜ ହାଚେସି । ୨୪ ଏଚରଦିନା ହାଚି ତାୟୁ ତାନି ତକ୍ତି ଏଲିସାବେତ ପୁରାମାସା ଆଡ଼େ ଅଡ଼େ ଏଡ଼ି ପାସା ଲେଞ୍ଜୁ ପାତେକା ଲକୁଣି ତଞ୍ଜା ଆଆତେ । ୨୫ ଏଡ଼ି ଏଲେଇଚେ, “ନୀଏଁ ନାଜେ ପ୍ରୁ କାର୍ମାମେସାନା ଲକୁ ନାଜେ ଲାଜା କିହିମାଞ୍ଜାତାଣି ପିସ୍‌ପି କିହାଲି ନାଜେ ଇଲେକ୍ କିହାମାଞ୍ଜାନେସି !”

ଜୀସୁ ଜାର୍ନାତି କାରୁ

୨୬ ଏଲିସାବେତ ପୁରାମାସା ଆହାନା ସ ଲେଞ୍ଜୁ ଆହାଲିଏ ଗାବ୍ରିୟେଲ ଦୂତୁ ମାହାପୁରୁ ତାଣାଟି ଗାଲିଲିତି ନାଜରିତ ଗାଡ଼ାତି ର ଡ଼ାଆ ପଦାନି ତାଣା ପାଣ୍ଡୁଆଡ଼େ; ୨୭ ଏ ଡ଼ାଆ ପଦାନି ଦାଝୁଦ କୁଡ଼ାତି ଜସେପ ଇନାଣାକି ରୀସା ମାଚେରି; ଏ ଡ଼ାଆ ପଦା ଦରୁ ମରିୟମ । ୨୮ ଦୂତୁ ପଦା ତାଣା ଝାହାନା ଏଲେଇଚେ, “ଆଲ ମାହାପୁରୁତି କାର୍ମା ମେହ୍ନାତି ନିଜେ ହିଡ଼ଡ଼ି ଆୟାପେ !”

୨୯ ମରିୟମ ଏ ହାଡ଼ା ଝେଞ୍ଜାନା ଇଦି ଏନିଲେହେଁତି କାତା ଇଞ୍ଜୁଁ ଆଜାନା ମନତା ଅଣ୍‌ପିତେ । ୩୦ ଏମ୍ବାଟିଏ ଦୂତୁ ଏଲେଇଚେ, “ଆଲ ମରିୟମ ଆଜାଆନି; ନିଜେ ମାହାପୁରୁ କାର୍ମା ମେସାମାଞ୍ଜାନେସି । ୩୧ ନାନୁ ପୁରାମାସା ଆହାନା ର ମୀରଏଣାଇଁ ବେଟାଆଡ଼ି ଏଝାଣି ଦରୁ ଜୀସୁ ଇଞ୍ଜୁଁ ଇଚିଦେରି । ୩୨ ଏଝାସି କାଜାସି ଆନେସି ଇଞ୍ଜା ମାହାପୁରୁ ମୀରଏସି ଇଞ୍ଜୁଁ ଝେଜିନେସି; ପ୍ରୁ ମାହାପୁରୁ ଏଝାଣାକି ତାମି ଆକୁ ଦାଝୁଦତି ସିଂଗାସାଣି ହୀନେସି, ୩୩ ଏଝାସି ଜାକୁବ କୁଡ଼ାତା ଜୁଗୁ ଜୁଗୁତାକି ରାଜି କିନେସି, ଇଞ୍ଜା ଏଝାଣି ରାଜି ଏଚେଲାଝା ରାଏ !”

୩୪ ସାମା ମରିୟମ ଦୂତୁଇଁ ଏଲେଇଚେ, “ଇଦି ଏନିକ୍ ଆନେ ? ନାନୁ ତକ୍ତିଇଁ ଜିକେଏ ପୁଞ୍ଜାହିଲଅଁ ।”

୩୫ ଦୂତୁ ଏଲେଇଚେ, “ସୁଦୁଜୀଝୁ ନୀ ଲାକ ରେଚାଝାଚେନ ଅଡ଼େ ମାହାପୁରୁତି ବାଡ଼ୟୁ ଝାଚେନ, ଏଡ଼ାଆଁତାକି ନୀ ତାଣାଟି ଜାର୍ନା ଆନେସି, ଏଝାସି ମାହାପୁରୁତି ମୀରଏସି ଇଞ୍ଜୁଁ ଝେଜିନେସି । ୩୬ ଅଡ଼େ ମେହ୍ମୁ ନୀ କୁଡ଼ାତି ଏଲିସାବେତ ଜିକେଏ ବୁଡ଼ହି ବେଲାତା ପୁରାମାସା ଆହାମାନେ । ଆମିନି ଇୟା ବାଞ୍ଜେଣି ଇଞ୍ଜୁଁ ଝେଜାମାନେ, ଏଡ଼ି ନୀଏଁ ସ ଲେଞ୍ଜୁ ଆହାମାନେ; ୩୭ ଇଚିହିଁ ମାହାପୁରୁତି ବଲୁ ବାଡ଼ୟୁ ହିଲାଆଗାଗାୟି ଆଏ ।”

୩୮ ଏମ୍ବାଟିଏ ମରିୟମ ଏଲେଇଚେ, “ନାନୁତ ପ୍ରବୁତି ହଲେଣିତେଏ; ନୀ କାତେଏ ନାଜେତାକି ଆୟାପେ ।” ଏମ୍ବାଟିଏ ଦୂତୁ ଏଦାନି ତାଣାଟିଏ ହାଚେ ।

ମରିୟମ ଏଲିସାବେତ ଇଜ ହାନାୟି

୩୯ ଏମ୍ବାଟିଏ ମରିୟମ ନିଜାମା ଜୀହୁଦା ଦେସାତି ହରକା ରାଜିତି ର ଗାଡ଼ାତା ତବେ ହାଚେ, ୪୦ ଅଡ଼େ ଜିକରିୟ ଇଜ ହାନାୟି ଏଲିସାବେତନି ଜହରା କିତେ । ୪୧ ଅଡ଼େ ଏଲିସାବେତ ମରିୟମନି ଜହରା ଝେଣ୍‌ମ୍‌ନିଏ ତାନି ବାଣ୍ଡିତି ମୀଲା ଝୀତିତେ, ଇଞ୍ଜା ଏଲିସାବେତ ସୁଦୁଜୀଝୁଟି, ୪୨ କାଜା ଗିୟାତଲେ ଏଲେଇଚେ, “ଇୟାସିକା ବିତ୍ରାଟି ନାନୁ ହାଚେକା ନେହାଁତି, ଇଞ୍ଜା ନୀ ବାଣ୍ଡିତି ମୀଲା ଜିକେଏ ନେହାୟି ! ୪୩ ଅଡ଼େ ନା ପ୍ରବୁତି ଇୟା ନା ତାଣା ଝାଚେନ ଇ କାର୍ମା ନାଜେ ଏମ୍ବିଟି ଝାଚେ ? ୪୪ ଇଚିହିଁ ନୀ ଜହରା ହାଡ଼ା ନା କିୟୁଁ ଝୁଝଣ୍‌ମ୍‌ନିଏ ନା ବାଣ୍ଡିତି ମୀଲା ରାହାଁଟି ଝୀତିତେ ୪୫ ଆମିନି ଗାଗାୟି ନାମିତେ ଏଦାନାକି ନେହେଁ, ଇଚିହିଁ ପ୍ରୁ ତାଣାଟି ଏଦାନାକି ଏନାଆଁ ଝେସ୍‌ପି ଆହାମାନେ ଏ ବାରେ ପୁରା ଆନେ !”

ମରିୟମତି ଜହରା ପାରୁ

୪୬ ଏଚେଟିଏ ମରିୟମ ଏଲେଇଚେ, “ନା ଜୀଝୁ ପ୍ରବୁତି ଜହରା କିହିମାନେ; ୪୭ ଅଡ଼େ ନା ଜୀଝୁ ନାଜେ ଗେଲ୍‌ପାନି ମାହାପୁରୁ ତାଣା ରାହାଁ ଆହିମାନେ, ୪୮ ଇଚିହିଁ ଏଝାସି ତାନି ହଲେଣିନି କାର୍ମା କାକୁଲି ମେସାମାନେସି । ଏନିଇଚିହିଁ ନୀଞ୍ଜୁଟିଏ ବାରେ ଲକୁ ନାଜେ ନେହାୟି ଇଞ୍ଜୁଁ ଜଲାନେରି, ୪୯ ଇଚିହିଁ ଆମ୍ବାଆସି ବାରେକିହାଁ ବାଡ଼ୟୁଗାଟି ମାହାପୁରୁ ଏଝାସି ନା ତାକି କାଜା କାମା କିହାମାନେସି, ଏଝାଣି ଦରୁ ସୁଦୁ; ୫୦ ଇଞ୍ଜା ତାଜେ ଆଜିନାରାକି ପାରୁ ପାରୁ ତାକି ତାନି କାର୍ମାମେହ୍ନାୟି ଡ଼ୟିନେ । ୫୧ ଏଝାସି ତାନି ବାଡ଼ୟୁଗାଟି କେୟୁଟି କାଜା କାମା କିହାମାନେସି,

☆ ୧:୨୭ ୧:୨୭ ମାତି ୧:୧୮ ☆ ୧:୩୧ ୧:୩୧ ମାତି ୧:୨୧

ତାହାରା ଗାଟାରାଇଁ ଏଝାରି ହିୟାଁତି ଅଣ୍ପୁତା ମାନାଣି
ଗୁଡି କିହାମାନେସି;

୫୨ ଏଝାସି ସାଲୁଝି କିନାରାଇଁ ତାମି ରାଜା ଗାଦି ପିସ୍ପି
କିହାମାନେସି,

କାକୁଲି ଗାଟାରାଇଁ ନିକିହାମାନେସି,

୫୩ ଏଝାସି ହାକି ଗାଟାରାଇଁ ନେହଁ ଆସ୍ତି ହୀହାନା ପାଞ୍ଜି
କିହାମାନେସି,

ଇଞ୍ଜା ଦନ ଗାଟାରାଇଁ ଝାରଇ କେୟୁଟି ପାଣ୍ଡାମାନେସି
।

୫୪ କାଲାକାଲା ତାକି ଅଣ୍ପାଲି ତାନି ହଲେଏସି
ଇସ୍ତାୟେଲତି କାର୍ମା ଆହାମାନେସି ।

୫୫ କାଲାକାଲା ତାକି ଅବ୍ରାହାମ ଅଡେ ତାନି
ବାରେ କୁଡାତାରାଇଁ କାର୍ମାମେହନାଣି ବାଣା
ଆହାହିଲଅସି ।”

୫୬ ଅଡେ ମରିୟମ ତାନି ଲେଞ୍ଜୁ ଏଲିସାବେତ ତଲେ
ଡୟାନା ତାମି ଇଜ ଝାଡେ ।

ବାପ୍ତିସ୍ମା ହାନି ଜହନତି ଜାର୍ନା

୫୭ ତାୟୁ ଏଲିସାବେତ ପୁରାମାସା ଏଜାଲିଏ ର କକାସି
ଜାର୍ନା ଆଡେସି, ୫୮ ଅଡେ ମାହାପୁରୁ ଏଦାନି ହାରେକା
କାର୍ମା ମେସାମାନାଣି ଝେଞ୍ଜାନା ତାମି କୁଡାତାରି ଇଞ୍ଜା ଅଡେ
ଆବ୍‌ହିତାରି ଏଦାନିତଲେ ହାରେକା ରାହାଁ କିତେରି ।

୫୯ କକାସି ଝାରେକା ଆହାଲିଏ, ଏଝାରି ତଲୁ ଦାଟାଲି
ଝାହାନା ତାମି ଆବା ଦରୁଲେହେଁ ତାନି ଦରୁ ଜିକରିୟ
ଇଟାଲି ମନ କିତେରି । ୬୦ ସାମା ତାମି ଇୟା ଏଲେଇଚେ,
“ଆଏ ! ଏଝାଣି ଦରୁ ଜହନ ଆନେ ।”

୬୧ ଏଝାରି ଏଲେଇଚେରି, “ମୀ କୁଡାତା ଆମ୍ବାଆରାକି
ଏଲେତି ଦରୁ ହିଲେଏ !” ୬୨ ଏମ୍ବାଟିଏ ଏଝାରି
ତାଞ୍ଜିଗାଟାଣାଇଁ କେୟୁ ହୁଟାନା କକାଣାଇଁ ଏନି ଦରୁ
ଇଟିନାୟି ଇଞ୍ଜାଁ ଝେଚେରି ।

୬୩ ଜିକରିୟ ର ରାଟିନି ପାଟା ରୀସାନା ଏଝାଣି ଦରୁ
ଜହନ ଇଞ୍ଜାଁ ରାଟିଚେସି, ଏଦାଆଁ ମେସାନା ବାରେଜାଣା
କାବା ଆଡେରି ! ୬୪ ଅଡେ ଏ ଦେବୁଣିଏ ଏଝାଣି ଗୁଡି ଅଡେ
ଝେହନରି ପିସ୍ପି ଆଡେ ଅଡେ ଏଝାସି ଜଲିହଁ ମାହାପୁରୁତି
ଜହରା କିତେସି । ୬୫ ଏମ୍ବାଟିଏ ତାମି ଲକୁ ବାରେ
ଆଜାହାଚେରି, ଅଡେ ଇ କାତା ଜୀହୁଦା ଦେସାତି ହରକା
ରାଜିତା ବାରେଝାକି ଝେଜାଡେ, ୬୬ ଇଞ୍ଜାଁ ଝେନି ବାରେ ଲକୁ
ଏ କାତା ତାମି ମନତା ଇଟାନା ଏଲେଇଚେରି, “ଆଡିହଁ
ଇ କକାସି ଏନିଲେହେଁତାସି ଆନେସି ?” ଏନିଇଚିହଁ ପ୍ରବୁ
ଇଝାଣି ତଲେ ମାନେସି ଇଞ୍ଜାଁ ପୁଚେରି ।

ଜିକରିୟତି ତାୟୁ ଆନି କାତା ଝେକ୍‌ନାୟି

୬୭ ଅଡେ ଜିକରିୟ ସୁଦୁଜୀଝୁ ତଲେ ଇ ତାୟୁ ଆନି କାତା
ଏଲେଇଚେସି,

୬୮ ଇସ୍ତାୟେଲତି ମାହାପୁରୁ ଜହରା !

ଏନିଇଚିହଁ ଏଝାସି ତାନି ଲକୁଣି କାର୍ମାମେସାନା
ଗେଲ୍‌ପି କିହାମାନେସି;

୬୯ ଏଝାସି ତାନି ହଲେଏସି ଦାଝୁଦ କୁଡାଟି ମା . ତାକି ର
ଗେଲ୍‌ପିନାଣାଇଁ ହୀହାମାଞ୍ଜାନେସି ।

୭୦ ତଲି କାଲାଟିଏ ତାନି ନେହଁ ମାହାପୁରୁ ଅଣ୍ପୁତି ବଲୁ
ଝେହନାରି ଗୁଡି ତଲେ ଏନିକିଁ ଜଲା ମାଚେରି,

୭୧ ଏଲେକିହଁ ଏ ମାଜେ ମା ସାତୁୟାଁ ତାଣାଟି
ଅଡେ ମାଜେ ଅପାଆଗାଟାରି ତାଣାଟି ଗେଲ୍‌ପି
କିହାମାଞ୍ଜାନେସି,

୭୨ ଏଝାସି ଏଲେ ଇଞ୍ଜାମାନେସି, ଏଝାସି ମା ଆକୁୟାଁଣି କାର୍ମା
ମେସାମାଇଁ ଅଡେ ତାନି ସୁଦୁଗାଟି ରାଜିମାନାତି
ଅଣ୍ପିନେସି । ୭୩ ମା ଆବା ଅବ୍ରାହାମ ତାଣା
ଏନିମି ପାରମାଣା କିହାଁ ଆଞ୍ଜାମାନାଣି ଅଣ୍ପାନା
ପୁରା କିହାମାନେସି, ୭୪ ଅଡେ ମା ସାତୁୟାଁ ତାଣାଟି
ଗେଲ୍‌ପି ଆହାନା, ଆଜାଆନା କାଲେଏ ତାଜେ
ସେବା କିହାଲି ଆଡିନାୟି,

୭୫ ତାନି ନକିତା ମାର ନୀତାମାନି ପାତେକା ସୁଦୁ ଅଡେ ଦାର୍ମୁ
ଗାଟାତାୟି ଆହାନା ଡୟିନାୟି ।

୭୬ ଏ ନା ମାରଏଣାତି ନୀନୁ ବାରେତି କିହାଁ ବାଡୁୟୁଗାଟି
ମାହାପୁରୁ ଅଣ୍ପୁତି ବଲୁ ଝେହନାତି ଇଞ୍ଜାଁ
ଝେଜାଡି;

୭୭ ପାପୁ ମ୍ବେପକି ଆହାନା ଏଝାରି ଗେଲ୍‌ପି ଆନାଣି
ବେଟାଆନେରି, ଏ କାତା ପୁଣ୍ଡି କିହାଲି ତାକି
ତାନି ଲକୁତାଣା ହାଜି । ୭୮ ଇଞ୍ଜାଁ ମାଜେ ହିଡଡି
ଜିରୁତା ତାଟାଲି ମା ମାହାପୁରୁତି ଜୀଝୁନନି
କାର୍ମାତଲେ ଲାକପୁରୁଟି ମାଜେତାକି ଝେଡ଼ା
ହଡିମାନି ଲେହେଁ ଆନେ,

୭୯ ଆମ୍ବାଆରି ହାନିଲେହେଁତି ତାଣା ବାସା କିନେରି,
ହିଡଡି ଜିରୁତା ଅହାଲି ତାକି ଏଝାସି ବାରେତି
ଲାକ ଲାକପୁରୁଟି ଉଜେଡି ହୀନେସି । ୮୦ ଇଞ୍ଜାଁ
ଏ କକାସି ଆଜାତା ଜୀଝୁତା ପାତାଆହାନା
ଇସ୍ତାୟେଲ ଲକୁତାଣା ଝେଜାଆ ପାତେକା ଲକୁ
ହିଲାଆ ଚାୟୁତା ଡୟିଚେସି ।

୨

**ଜୀସୁତି ଜାର୍ନା
(ମାତି ୧:୧୮-୨୫)**

୧ ଏଚିବେଲାତା ରମ୍ ଦେସାତି ବାରେ ଲକୁ ଦରୁ ରାଟି
କିହାଲି କାୟିସର ଅଗସ୍ତସ୍ ତାଣାଟି ହୁକୁମି ଆଡେ ।
୨ ସିରିୟାତି ସାଲୁଝି କିନାସି କୁରିଣିୟ ବେଲାତା ତଲି ମୂଲୁ
ଦରୁ ରାସ୍‌କି ଆହାମାଚେ ।

୩ ଏଦାଆଁତାକି ବାରେଜାଣା ଦରୁ ରାଟି କିହାଲି ନାୟୁଟିଏ
ଜାହାରା ଗାଡ଼ାତା ହାଚେରି ।

୪ ଜସେପ ଜିକେଏ ଦରୁ ରାଟି କିହାଲି ମରିୟମନି ତଲେ
ଗାଲିଲିତି ନାଜରିତ ଗାଡ଼ାଟି ଜୀହୁଦା ରାଜିତି ବେତଲିହିମ
ଇନି ଦାଝୁଦ ଗାଡ଼ାତା ହାଚେସି, ଇଚିହଁ ଏଝାସି ଦାଝୁଦ
କୁଡ଼ା ଇଞ୍ଜାହାଁ ଏ ଗତିତାସି ମାଚେସି; ୫ ଏଝାସି ଦରୁ

‡ ୧:୫୨ ୧:୫୭ ମୁଞ୍ଜିନାୟି

ରାତି କିୟାଲି ମରିୟମନି ତଲେ ହାଚେସି, ଏଦି ଏଞ୍ଜାଣାକି ବାହା ଆହାଲି ରାସ୍‌ପି ଆହାମାଚେ ଅଡ଼େ ଏଦି ପୁରାମାସା ଆହାମାଚେ । ୬ ଅଡ଼େ ଏ ଲକ୍ଷ୍ମୀ ବେତଲିହିମତା ମାନିବେଲା, ଏଦାନାକି ଜାନି କିନି କାରୁ ଏଗାଞ୍ଜାଡ଼େ, ୭ ଇଞ୍ଜା ଏଦି ତାନି ପାଣ୍ଡା ମୀରୁଏଣାଲ୍ ଜାନି କିଚେ ଇଞ୍ଜା ହିମ୍ବରି ପୁକ୍‌ହାନା କଡ଼ିୟା ଗହ୍‌ନି ତଂଗତା ତ୍ରିପ୍‌ହେ, ଇଚିହି ଏ ଲକ୍ଷ୍ମୀତାକି ବାସାଗାୟୁ ହିଲାଆଚେ ।

ମେଣ୍ଡା ଗଡ଼କା ଅଡ଼େ ଦୂତୁୟା

୮ ଏ ଦାରିମାରି ନାସ୍‌କାଣା ମେଣ୍ଡା ଗଡ଼କା ଲାଆୟା ପାଙ୍ଗାତା ତୟାନା ମେଣ୍ଡାୟା କାଡ଼ିମାଚେରି । ୯ ପ୍ରବୁତି ର ଦୂତୁ ଏଞ୍ଜାରିତାଣା ଖାଚେ ଇଞ୍ଜା ପ୍ରବୁତି ଗାଞ୍ଜୁରମିତି ଉଜେଡ଼ି ଏଞ୍ଜାରି ସାରିଖାକି ତଞ୍ଜାଆଚେ, ଅଡ଼େ ଏଞ୍ଜାରି ହାରେକା ଆଜିଚେରି । ୧୦ ଏମ୍ବାଟିଏ ଦୂତୁ ଏଞ୍ଜାରାଇ ଏଲେଇଚେ, “ମୀରୁ ଆଜାଆଦୁ ! ନାନୁ ମୀ ବାରେ ଲକ୍ଷ୍ମୀତାକି ହାରେକା ରାହାତି କାରୁ ମିଙ୍ଗେ ଖେସିମାଞ୍ଜାଇ, ୧୧ ଇଚିହି ନୀଞ୍ଜୁ ଦାଞ୍ଜୁଦ ଗାଡ଼ାତା ମିଙ୍ଗେ ଗେଲ୍‌ପାନାସି ଜାର୍‌ନା ଆହାମାନେସି, ଏଞ୍ଜାସି କ୍ରୀସ୍ତ ପ୍ରବୁ । ୧୨ ଅଡ଼େ ଇଦି ମିଙ୍ଗେତାକି ସିନାଲେହେ ଆନେ, ମୀରୁ ର କକାଣାଇ ହିମ୍ବରି ପୁକ୍‌ହାନା କଡ଼ିୟା ଗହ୍‌ନି ତଂଗତା ତୁରାମାନାଣି ମେହ୍‌ଦେରି ।”

୧୩ ଦେବୁଣିଏ ଏ ଦୂତୁ ତଲେ ଲାକପୁରୁତି ହାରେକା ଦୂତୁୟା ଖାହାନା ମାହାପୁରୁଇ ଜହରା ପାରୁ ପାଡ଼ିତୁ, ୧୪ “ଲାକପୁରୁ ମାହାପୁରୁତି ଗାଞ୍ଜୁରମି, ଅଡ଼େ ଦାରତିତା ଏଞ୍ଜାଣି ରାହା ଇଞ୍ଜା ମାଣ୍ଡସିୟା ବିତ୍ତା ହିଡ଼ଡ଼ି ।”

୧୫ ଦୂତୁୟା ଏମ୍ବାଟି ଲାକପୁରୁ ହାଜାଲିଏ ମେଣ୍ଡା ଗଡ଼କା ତାମ୍ବୁ ତାମ୍ବୁ କାତା ଆଚେରି, “ମୀରୁ ବେତଲିହିମ ପାଚେକା ହାଜାନା ପ୍ରବୁ ମାଙ୍ଗେ ଆମିନି କାତା ଖେସାମାଞ୍ଜାନେସି ଏଦାଆଁ ସିନି କିକାନ ।”

୧୬ ଏମ୍ବାଟିଏ ତବେ ହାଜାନା ପାରାନା ମରିୟମ ଅଡ଼େ ଜସେପ ଇଞ୍ଜା କଡ଼ିୟା ଗହ୍‌ନି ତଂଗତା ପୁଃନି ଜାର୍‌ନାଆଡ଼ି କକାଣାଇ ତୁରାମାନାଣି ମେସ୍ତେରି । ୧୭ ଏଞ୍ଜାରି ଇ ବାରେ ମେସାନା ଏ କକାଣି କାତା ଏଦାଆଁ ଇଣ୍ଡି ଆହାମାଚେ ଏଦାଆଁ ଖେକ୍‌ହେରି । ୧୮ ଅଡ଼େ ଏଚେକା ଲକ୍ଷ୍ମୀ ମେଣ୍ଡା ଗଡ଼କା ତାଣାଟି ଏ ବାରେ କାତା ଖେଚେରି, ଏଞ୍ଜାରି ବାରେ ଏ କାତାତାକି କାବା ଆଚେରି । ୧୯ ସାମା ମରିୟମ ଇ ବାରେ କାତା ହିୟାତା ଇଟାନା ହାରେକା ଅଣ୍‌ପାଲି ମାଟ୍‌ହେ । ୨୦ ଅଡ଼େ ମେଣ୍ଡା ଗଡ଼କାକି ଏନିକ୍‌ ଖେସ୍‌ପି ଆହାମାଚେ, ଏଲେକିହି ଏ ଏଞ୍ଜାରି ଏନା ଏନାଆଁ ଖେଚେରି ଇଞ୍ଜା ମେସ୍ତେରି ଏ ବାରେତାକି ମାହାପୁରୁତି ଗାଞ୍ଜୁରମି ଅଡ଼େ ଜହରା କିହି ଖେଣ୍ଡା ହାଚେରି ।

ଜୀସୁଇଁ ଦରୁ ଇଚିନାୟି

୨୧ ଏଞ୍ଜାଣାକି ଆଟାଦିନା ଆଚେ ଅଡ଼େ ତଲୁ ଦାଃନି ଦିନା ଖାଚେ ଇଞ୍ଜା ଏଞ୍ଜାଣି ଦରୁ ଜୀସୁ ଇଞ୍ଜା ଇଚିଚେରି; ଇ ଦରୁ ତାନି ପୁରାମାସା ଆନି ନକେଏ ଦୂତୁ ତାଣାଟି ଖେସ୍‌ପି ଆହାମାଚେ ।

ମାହାପୁରୁ ଇଲୁତା ଜୀସୁ

୨୨ ଅଡ଼େ ଏଚେତା ମସାତି ମେରା ତଲେ ଏଞ୍ଜାରି ଅଡ଼ହା କଡ଼ିନି ଦିନା ଏଗାଞ୍ଜାଡ଼େ, ଏଚେଟିଏ ଜସେପ ଅଡ଼େ ମରିୟମ ଜୀସୁଇଁ ମାହାପୁରୁ ନକିତା ଜିରୁସାଲମତା ଅହିଁ ହାଚେରି । ୨୩ ଏନିକ୍‌ ମାହାପୁରୁତି ସାସ୍ତେରିତା ରାସ୍‌କି ଆହାମାନେ, “ବାରେ ପାଣ୍ଡା ମୀରକା ପ୍ରବୁ ତାକି ସୁଦୁଗାଟାରି ଇଞ୍ଜା ଖେଜିନେରି ।” ୨୪ ଅଡ଼େ ମେରାତା ରାସ୍‌କି ଆହାମାନି ଇ ମେରା ତଲେ ରୀ କୁଗୁରି ପଚାୟା ଆଆଡ଼ି ରୀ ପାରୁଖା ପଚାୟା ମାହାପୁରୁ ନକିତା ପୂଜା କିହାଲି ଏଞ୍ଜାଣାଇ ଜିରୁସାଲମତା ଅଡ଼େରି ।

୨୫ ଏଚିବେଲା ଜିରୁସାଲମତା ସିମିୟନ ଦରୁଗାଟି ର ମାଣ୍ଡସି ମାଚେସି; ଏଞ୍ଜାସି ର ଦାର୍‌ମୁଗାଗାସି ଅଡ଼େ ମାହାପୁରୁଇଁ ଆଜିନାସି ମାଚେସି, ଅଡ଼େ ଇସ୍ରାୟେଲ ଲକ୍ଷ୍ମୀ ବାସ୍‌ବୁ ବେଟାଆନାଣି କାଡ଼ିମାଚେସି, ଇଞ୍ଜା ସୁଦୁଜୀଞ୍ଜୁ ଏଞ୍ଜାଣି ତାଣା ମାଚେ । ୨୬ ମାହାପୁରୁ ପାଣ୍ଡାନି କ୍ରୀସ୍ତଇଁ ମେହ୍‌ଆ ପାଚେକା ଏଞ୍ଜାସି ହାଅସି ଇଞ୍ଜା ସୁଦୁଜୀଞ୍ଜୁ ତଲିଏ ଖେସାମାଚେ । ୨୭ ସିମିୟନ ସୁଦୁଜୀଞ୍ଜୁଟି ମାହାପୁରୁ ଇଲୁତା ଖାଚେସି; ଅଡ଼େ ତାଲି ତାଞ୍ଜି ମସାତି ମେରାଲେହେ କିହାଲି ଜୀସୁଇଁ ବିତ୍ତା ତାଡୁ, ୨୮ ଏଚିବେଲା ସିମିୟନ କକାଣାଇ ପମାନା ମାହାପୁରୁଇଁ ଜହରା କିଚେସି;

୨୯ “ଏ ପ୍ରବୁ ନୀଏଁ ନୀନୁ ଖେସ୍‌ଲେହେଁ ନୀ ହଚେଏଣା ଜୀଞ୍ଜୁ ହିଡ଼ଡ଼ିତଲେ ଅମ୍ବୁ;

୩୦ ନା କାନୁ ନୀ ଗେଲ୍‌ପିନାଣାଇଁ ମେସାମାନେ ।

୩୧ ଏନିକ୍‌ଚିହିଁ ବାରେ ଲକ୍ଷ୍ମୀତାକି କେପାମାନି

୩୨ ଜୀହୁଦିଆଆତାରାକି ସାତା ତହ୍‌ନି ର ଉଜେଡ଼ି ଆନେସି, ଅଡ଼େ ନୀ ଇସ୍ରାୟେଲ ଲକ୍ଷ୍ମୀ ଗାଞ୍ଜୁରମି ଲେହେଁ କିହାମାଞ୍ଜି ।”

୩୩ ଇଞ୍ଜା ତାମି ଇୟା ଅଡ଼େ ଆବା ଏଞ୍ଜାଣି ତାକି ଖେସ୍‌ପି ଆହିମାନି ବାରେ କାତାତାକି କାବା ଆହିମାଚେରି । ୩୪ ଏଚେଟିଏ ସିମିୟନ କକାଣାଇଁ ବର ହାହାନା ତାମି ଇୟା ମରିୟମନି ଏଲେଇଚେସି, “ମେହ୍‌ମୁ ଇଞ୍ଜାସି ଇସ୍ରାୟେଲତି ହାରେକା ଲକ୍ଷ୍ମୀ ନାସା କିହାଲି ଅଡ଼େ ଗେଲ୍‌ପାଲି ଆଡ଼ି ଆହାମାନେସି, ଆମ୍ବାଆରି କପାଟି ହାରେକା ଜଲିନେରି । ଏଞ୍ଜାସି ମାହାପୁରୁ ତାଣାଟି ର ସିନାଲେହେଁ ଆନେସି । ୩୫ ଆଆଡ଼ି ନୀ ଜୀଞ୍ଜୁତା ଜିକେଏ କାଣ୍ଡାତଲେ ଗୁକ୍‌ହିସାରେ ହଡ଼ାହାନି ଲେହେଁ, ଏ କସ୍ତ ନୀ ହିୟାତା ଆୟାନେ ।”

୩୬ ଅଡ଼େ ହାନା ଦରୁଗାଟି ର ମାହାପୁରୁ ଅଣ୍‌ପୁତି ବଲୁ ଖେହ୍‌ନାୟି ମାଚେ; ଏଦି ଆସେର୍ କୁଡ଼ାତି ପନ୍‌ଏଲ ମାଙ୍ଗା । ଏଦାନାକି ହାରେକା ବାସା ଆହାମାଚେ; ଏଦି ତାଆ ଆଡ଼ି ଜେଟ ସାତା ବାସା ତକ୍‌ତଲେ ବାସା କିହାମାଚେ, ଅଡ଼େ ସାରିକଡ଼ି ସାରି ବାସା ରାଣ୍ଡେଣି ଆହାନା ନୀତାମାଚେ । ୩୭ ଏଦି ମାହାପୁରୁ ଇଲୁ ପିହ୍‌ଆନା ବାଡ଼ିମାଲିହିଁ ଲାଆଁ ମାଦେନା ରାନ୍ଦା ତିନାଆନା ପ୍ରାତାନା କିହିମାଚେ । ୩୮ ଏ ଦେବୁଣିଏ ଏଦି ଖାହାନା ମାହାପୁରୁତି ଜହରା କିହିଁ

☆ ୨:୨୧ ୨:୨୧ ଲୁକ ୧:୩୧

ଜିରୁସାଲମଟି ଗେଲ୍‌ପିନାଣାଇଁ କାଡ଼ି ମାନାରାଇଁ ଏଞ୍ଜାଣି କାତା ଖେସାଲି ମାଟ୍‌ହେ ।

ନାଜରିତତା ଖେଣ୍ଡା ଖାନାୟି

୩୯ *ତାୟୁ ଜସେପ ଅଡ଼େ ମରିୟମ ମାହାପୁରୁତି ମେରା ତଲେ ବାରେ କାମା ରାପ୍‌ହାନା ଗାଲିଲିତି ତାମି ଗାଡ଼ା ନାଜରିତତା ଖେଣ୍ଡା ଖାଡ଼େରି ୪୦ ଅଡ଼େ ଜୀସୁ ଆଙ୍ଗାତା ବୁଦିତା ଅଡ଼େ ବାଡ଼ୁୟୁତା ପାତା ଆଡ଼େସି, ଅଡ଼େ ମାହାପୁରୁତି କାର୍ମା ଏଞ୍ଜାଣିଲାଇକ ମାଟେ ।

ଜୀସୁ ମାହାପୁରୁ ଇଲୁତା

୪୧ ତାମି ଇୟା ଆବା ବାରେ ବାର୍ସା ପିସ୍‌ପିଆନ୍ତି ପାର୍ବୁତାକି ଜିରୁସାଲମତା ହାଜିମାଟେରି । ୪୨ ଜୀସୁ ବାର ବାର୍ସା ଆହାଲିଏ ଏଞ୍ଜାରି ପାର୍ବୁତି ମେରାଲେହେଁ ଜିରୁସାଲମତା ହାଟେରି । ୪୩ ଅଡ଼େ ପାର୍ବୁତି ଦିନା ରାପ୍‌ହାନା ଏଡ଼େତା ଏଞ୍ଜାରି ଖେଣ୍ଡା ଖାଡ଼ିମାଟେରି, ଏଚିବେଲ୍‌ତା ଡ଼ଣା କକାସି ଜୀସୁ ଜିରୁସାଲମତା ଡ଼ୟାହାଟେସି, ସାମା ତାମି ଇୟା ଆବା ପୁଞ୍ଜାହିଲାଇଆଟେରି; ୪୪ ସାମା ଏଞ୍ଜାରି ତାମିତଲେ ଖାହାମାଟି ଲକୁତଲେ ମାନେସି ଇଞ୍ଜି ଅଣ୍‌ପାନା ର ଦିନାତି ଜିରୁ ହାଟେରି, ଅଡ଼େ ତାମି ଲକୁ ଇଞ୍ଜା ପୁଟି ଲକୁତାଣା ପାରାଲି ମାଟ୍‌ହେରି, ୪୫ ଇଞ୍ଜା ଏଞ୍ଜାଣାଇଁ ମେଡ଼ା ଆଆନା ପାରି ପାରି ଜିରୁସାଲମତା ଖେଣ୍ଡା ହାଟେରି । ୪୬ ତାନିଦିନା ତାୟୁ ଏଞ୍ଜାରି ଏଞ୍ଜାଣାଇଁ ମାହାପୁରୁ ଇଲୁତା ବେଟାଆଟେରି; ଏଞ୍ଜାସି ମେରାପୁନାରି କାତା ଖେଞ୍ଜିହୁଁ ଏଞ୍ଜାରାଇଁ ଖେଣ୍ଡେ କାତା ଖେଞ୍ଜିମାଟେସି, ୪୭ ଅଡ଼େ ଏଚେକା ଲକୁ ଏଞ୍ଜାଣି କାତା ଖେଞ୍ଜିମାଟେରି, ବାରେଜାଣା ଏଞ୍ଜାଣି ବୁଦିତା ଅଡ଼େ ଖେହ୍‌ନି କାତାତା କାବା ଆହିମାଟେରି । ୪୮ ଏଚିବେଲ୍‌ତା ତାମି ଇୟା ଆବା କକାଣାଇଁ ମେସାନା କାବାଆଡୁ ଇଞ୍ଜା ତାମି ଇୟା ଏଞ୍ଜାଣାଇଁ ଏଲେଇଚେ, “ମୀରୁଏଣା ମାଙ୍ଗେ ଏନାଆଁତାକି ଇଚେକା ଦୁକୁ ହିୟାତି ? ମେହ୍‌ମୁ ନାନୁ ଅଡ଼େ ମୀ ଆବା ଏଚେକା ଦୁକୁଆହୁଁ ନିଙ୍ଗେ ପାରିମାଞ୍ଜାନମି ।”

୪୯ ଏମ୍ବାଟିଏ ଜୀସୁ ଏଲେଇଚେସି, “ମୀରୁ ନାଙ୍ଗେ ଏନାଆଁତାକି ପାରିମାଞ୍ଜାଦେରି ? ନା ଆବା ଇଜ ନାନୁ ମାନାଣି ମୀରୁ ପୁଞ୍ଜାହିଲଅଟେରି ?” ୫୦ ସାମା ଏଞ୍ଜାସି ଆମିନି କାତା ଜଲିଚେସି, ତାମି ଇୟା ଆବା ପୁଞ୍ଜାଲି ଆଡ଼ାଆଟେରି ।

୫୧ ତାୟୁ ଜୀସୁ ତାମି ଇୟା ଆବା ତଲେ ଖେଣ୍ଡେ ନାଜରିତତା ଖାଡ଼େସି, ଇଞ୍ଜା ଏଞ୍ଜାରି କାତା ମାନଡ଼ି ଆହାନା ଡ଼ୟିଚେସି, ଅଡ଼େ ତାମି ଇୟା ଇ ବାରେ କାତା ଜାଗ୍ରାତା ତଲେ ମନତା ଇଟାମାଟେ । ୫୨ ଅଡ଼େ ଜୀସୁ ଆଙ୍ଗାତା, ବୁଦିତା ଇଞ୍ଜା ମାହାପୁରୁ ଅଡ଼େ ମାଣ୍‌ସିୟାଁ କାର୍ମାଟି ପାତା ଆଡ଼େସି ।

୩

ବାପ୍ତିସ୍ମା* ହାନି ଜହନ ଖେକ୍‌ନାୟି

(ମାତି ୩:୧-୧୨; ମାର୍କ ୧:୧-୮; ଜହ ୧:୧୯-୨୮)

୧ ଡିବିରିୟା କାୟିସରତି ସାଲୁଃ କିନି ପନ୍ଦର ବାର୍ସା ଆୟାଲିଏ, ଏଚିବେଲ୍‌ତା ପତ୍ରିୟ ପିଲାତ ଜୀହୁଦା ରାଜିତି ସାଲୁଃ କିନାସି ଅଡ଼େ ହେରଦ ଗାଲିଲି ରାଜିତି ରାଜା ମାଟେସି, ଅଡ଼େ ତାମି ତାୟି ପିଲିପ ଇଡୁରିୟା ଅଡ଼େ ଡ୍ରାକନିତି ରାଜି ଅଡ଼େ ଲୁସାନିୟା ଅବିଲିନିତି ରାଜା ମାଟେସି । ୨ ହାନାନ ଅଡ଼େ କୟାପା କାଜା ପୂଜେରା ମାଟେରି, ଏଚିବେଲ୍‌ତା ମାହାପୁରୁତି ବଲୁ ଲକୁ ହିଲାଇଆ ଟାୟୁତା ଜିକରିୟ ମୀରୁଏସି ଜହନ ତାଣା ଖାଡ଼େ । ୩ ଏମ୍ବାଟିଏ ବାପ୍ତିସ୍ମା† ହାନି ଜହନ ଜର୍ଦ୍ଦନ ଦାରିତି ବାରେ ନାସ୍‌କାଞ୍ଜାକି ହାଜାନା ପାପୁ ମ୍ପେପ୍‌କି ଆହାଲି ମନ୍ ଖେଟ୍‌ହାନା ବାପ୍ତିସ୍ମା‡ ଅନ୍ କାତା ଖେକ୍‌ହାଲି ମାଟ୍‌ହେସି,

୪ ଏନ୍‌ଇଚିହୁଁ ମାହାପୁରୁ ଅଣ୍‌ପୁତି ବଲୁ ଖେହ୍‌ନି ଜିସାୟ ପତିତା ରାସ୍‌କି ଆହାମାନେ,

“ଲକୁ ହିଲାଇଆ ଟାୟୁତା ରଅଣି ହାଡ଼ା ଖେଙ୍ଗିମାନେ; ପ୍ରବୁତି ଜିରୁ ନେହୁଁ କେପାଦୁ; ଅଡ଼େ ଏଞ୍ଜାଣି କାଜା ଆଂଗେଣି ତିୟି କିଦୁ !

୫ ବାରେ ଗାଡ଼ଙ୍ଗା ନେଞ୍ଜି କିଞ୍ଜିଆନୁ, ବାରେ ହର୍‌କା ମେଟାୟାଁ ଡ଼ଣା କିଞ୍ଜିଆନୁ,

ଡ଼ଂଗିତି ଜିରୁ ତିୟି କିଞ୍ଜିଆନେ, କାଡ଼୍‌ଦି ଡେପା ବୁମିତି ବାରେ ସମାନା କିଞ୍ଜିଆନେ ।

୬ ବାରେ ଦାରତିତି ଲକୁ ମାହାପୁରୁତି ଗେଲ୍‌ପିନାଣି ମେହ୍‌ନେରି ।”

୭ *ଏଲେକିହୁଁ, ଜହନ ତାଣାଟି ବାପ୍ତିସ୍ମା‡ ଅହାଲି ଖାହିମାନି ଲକୁଣି ମେସାନା ଏଞ୍ଜାରାଇଁ ଏଲେଇଚେସି, “ଆଡ଼େ ରାସ୍‌କା କୁଡ଼ାତାଟେରି ମାହାପୁରୁ ପାଣ୍ଡାମାଞ୍ଜାନି କପାଟି ପିସ୍‌ପି ଆହାଲି ମାଙ୍ଗେ ଆମ୍ବାଆସି ସେଡ଼ନା ହିୟାଚେସି ? † *ଏଦାଆଁତାକି ମନ୍ ଖେଟ୍‌ହାକତିତି ନେହୁଁ କାମା ତହୁଦୁ; ଅଡ଼େ ଅବ୍ରାହାମ ମା ଆବା ଇଞ୍ଜିହୁଁ ଅଣ୍‌ପାଆଦୁ, ନାନୁ ମିଙ୍ଗ ଖେସିମାଞ୍ଜାଇଁ, ମାହାପୁରୁ ଇ ଖାଲୁକାଟି ଜିକେଏ ଅବ୍ରାହାମତି ମୀରୁକାଣି ଗାଡ଼ି କିହାଲି ଆଡ଼ିମାନେସି ! ‡ *ଅଡ଼େ ନୀଏଁ ଜିକେଏ ମୀରୁନୁ ଡାକିତା କାଃଆଲି ଆଟାମାନେ; ଆମିନି ମୀରୁନୁ ନେହୁଁ ପାଡ଼େୟି ଆୟେଏ ଏଦାନି ଟୁଣ୍‌ହାନା ହିଚୁତା ମେଡ଼୍‌ପି ଆନେ ।”

୧୦ ଏମ୍ବାଟିଏ ଲକୁ ଏଞ୍ଜାଣାଇଁ ଖେଚେରି, “ଆତିହୁଁ ମାମ୍ବୁ ଏନାଆଁ କିନମି ?”

୧୧ ଏଞ୍ଜାସି ଏଲେଇଚେସି, “ଆମ୍ବାଆରାକି ଜଡ଼େକା ସକାୟାଁ ମାନୁ, ଏଞ୍ଜାସି ଆମ୍ବାଆରାକି ହିଲାଇ ଏଞ୍ଜାଣାକି ରଣ୍ଡାଆଁ ହୀପେସି; ଇଞ୍ଜା ଆମ୍ବାଆରାକି କାଡ଼ି ମାନେ ଏଞ୍ଜାସି ଜିକେଏ ଏଲେକିପାସି ।”

* ୨:୩୯ ୨:୩୯ ମାତି ୨:୨୩ * ୩: ୩:୧ ମୁଞ୍ଜିନାୟି † ୩:୩ ୩:୩ ମୁଞ୍ଜିନାୟି ‡ ୩:୩ ୩:୩ ମୁଞ୍ଜିନାୟି ☆ ୩:୭ ୩:୭ ମାତି ୧୨:୩୪; ୨୩:୩୩ § ୩:୭ ୩:୭ ମୁଞ୍ଜିନାୟି ☆ ୩:୮ ୩:୮ ଜହ ୮:୩୩ ☆ ୩:୯ ୩:୯ ମାତି ୭:୧୯ ☆ ୩:୧୨ ୩:୧୨ ଲୁକ ୭:୨୯ * ୩:୧୨ ୩:୧୨ ମୁଞ୍ଜିନାୟି

୧୨ *ସିସୁ ରୁହନାରି ଜିକେଏ ବାପ୍ତିସ୍ତ* ଅହାଲି ଖାହାନା ଏଲେଇଚେରି, “ଏ ଗୁରୁ ମାମ୍ନୁ ଧନାଆଁ କିନମି ?”

୧୩ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମିଙ୍ଗେତାକି ଏଚେକା ମେରା ମାନେ ଏଚେକାଟିଏ ଆଗାଡ଼ା ରାହୁଆଦୁ ।”

୧୪ ଏଚରଜାଣା ରିଜାରି କସ୍ତକା ଖାହାନା ଏଲେଇଚେରି, “ମାମ୍ନୁ ଧନାଆଁ କିନମି ?”

ଏଞ୍ଜାସି ଏଞ୍ଜାରାଇଁ ଏଲେଇଚେସି, “ବାଡ଼ୁୟୁଟି କି ନାଡ଼ିକିହାନା ଆମ୍ବାଆରି ଦନ ମୀଞ୍ଜା ଅଆଦୁ, ଅଡ଼େ ମୀରୁ ଏଚେକା ବେଟାଆଡ଼େରି ଏଚେକା ତଲେଏ ନୀତାଦୁ ।”

୧୫ ଲକୁ ମସିହାଇଁ କାଡ଼ିମାଚେରି, ଇଞ୍ଜା ଜହନଏ କ୍ରୀସୁ ହାବୁଲା ଇଞ୍ଜା ଅଣ୍ଡ଼ାପାନା ବାରେଜାଣା ତାମି ମନତା କାତା ଆହିମାଚାକି, ୧୬ ଜହନ ଏଞ୍ଜାରାଇଁ ଏଲେଇଚେସି, “ନାନୁଆଁ ଏୟୁତଲେ ବାପ୍ତିସ୍ତା ହାହିମାଞ୍ଜାଇଁ, ସାମା ନା କିହାଁ ଆମ୍ବାଆସି ବାଡ଼ୁୟୁ ଗାଗାସି ଏଞ୍ଜାସି ଖାହିମାନେସି, ଏଞ୍ଜାଣି ସେପୁୟୁତି ଡକା ଜିକେଏ ହୁକହାଲି ନାନୁ ପାଡ଼ାଆଅଁ; ଏଞ୍ଜାସି ମିଙ୍ଗେ ସୁଦୁଜୀଞ୍ଜୁ ଅଡ଼େ ହିରୁତଲେ ବାପ୍ତିସ୍ତା ହିୟାନେସି । ୧୭ ତାନି କ୍ଳାନୁତି ତାସାଲି ଅଡ଼େ ତାନି ଆନୀତି କ୍ଳସାହାଁ କୃତି କିହାନା ଗାଡ଼େୟିତା ଇଟାଲି ଏଞ୍ଜାଣି କେୟୁତା ହେଟି ମାନେ, ଇଞ୍ଜା ଗାଟା ପଡ଼ୁତି ଏଚେଲା ତୁମ୍ବାଆଗାଟି ହିରୁତା ହୁଡ଼ା ତୁହନେସି ।”

୧୮ ଏଞ୍ଜାସି ଇଲେତି ହାରେକା କାତା ଖେସିହୁଁ ଅଡ଼େ ରାହାଁତି କାତା ଜଲିହୁଁ ଲକୁତାଣା ନେହୁଁ କାରୁ ଖେକ୍‌ହି ମାଚେସି; ୧୯ *ସାମା ରାଜା ହେରଦ ତାମି ତାୟି ତକ୍ତି ହେରଦିୟାନି କାତା ଅଡ଼େ ତାନୁ କିହାମାନି ବାରେ ଲାଗେଏତି କାମାତାକି ଜହନ ତାଣାଟି ଲାଗି ବେଟା ଆହାମାଚାକି, ୨୦ ହେରଦ ଜହନଇଁ ଦସପାନା କାୟିଦିତା ଇଟାନା ହାରେକା ଲାଗେଏତି କାମା କିଚେସି ।

ଜୀସୁତି ବାପ୍ତିସ୍ତା
(ମାତି ୩:୧୩-୧୭; ମାର୍କ ୧:୯-୧୧)

୨୧ ବାରେ ଲକୁ ବାପ୍ତିସ୍ତା* ଅଡ଼ି ତାୟୁ ଜୀସୁ ଜିକେଏ ବାପ୍ତିସ୍ତା ଅହାନା ପ୍ରାତାନା କିହିମାଚାଟି ହାଗୁ ଦେପିଆଡ଼େ, ୨୨ *ଅଡ଼େ ସୁଦୁଜୀଞ୍ଜୁ ପାର୍‌ଞ୍ଜା ପଟାଲେହେଁ ଏଞ୍ଜାଣିଲାକ ରେଟାଞ୍ଜାଡ଼େ; ଇଞ୍ଜା ହାଗୁଟି ଇ ହାଡ଼ା ଆଡ଼େ, “ନାନୁ ନା ଜୀସୁତି ମୀରୁଏଣାତି ନୀ ତାଣା ନା ରାହାଁ ମାନେ ।”

ଜୀସୁତି ଆକୁ ଆବାୟାଁ
(ମାତି ୧:୧-୧୭)

୨୩ ଜୀସୁ ସେବା କାମା ମାଟୁହି ବେଲାତା ଏଞ୍ଜାଣାକି କଡ଼େଦସ ବାର୍‌ସା ଆହାମାଚେ; ଲକୁତି କାତାତଲେ ଏଞ୍ଜାସି ଜସେପ ମୀରୁଏସି; ଜସେପ ଏଲି ମୀରୁଏସି, ୨୪ ଏଲି ମତାତ ମୀରୁଏସି, ମତାତ ଲେବି ମୀରୁଏସି, ଲେବି ମଲ୍‌କି ମୀରୁଏସି, ମଲ୍‌କି ଜନୟ ମୀରୁଏସି, ଜନୟ ଜସେପ ମୀରୁଏସି, ୨୫ ଜସେପ ମଡ଼ିତିୟା ମୀରୁଏସି, ମଡ଼ିତିୟା ଆମସ ମୀରୁଏସି, ଆମସ ନାହୁମ ମୀରୁଏସି, ନାହୁମ

ହେସଲି ମୀରୁଏସି, ହେସଲି ନଗୟ ମୀରୁଏସି, ୨୬ ନଗୟ ମହତ ମୀରୁଏସି, ମହତ ମଡ଼ିତିୟସ୍ ମୀରୁଏସି, ମଡ଼ିତିୟସ୍ ସିମିୟି ମୀରୁଏସି, ସିମିୟି ଜସେକ ମୀରୁଏସି, ଜସେକ ଜଦା ମୀରୁଏସି, ୨୭ ଜଦା ଜହନ ମୀରୁଏସି, ଜହନ ରେସା ମୀରୁଏସି, ରେସା ଜିରୁବାବେଲ ମୀରୁଏସି, ଜିରୁବାବିଲ ସଲ୍‌ଟିୟେଲ୍ ମୀରୁଏସି, ସଲ୍‌ଟିୟେଲ୍ ନେରି ମୀରୁଏସି, ୨୮ ନେରି ମଲ୍‌କି ମୀରୁଏସି, ମଲ୍‌କି ଅଦ୍‌ଦି ମୀରୁଏସି, ଅଦ୍‌ଦି କସାମ ମୀରୁଏସି, କସାମ ଏଲାଦାନ ମୀରୁଏସି, ଏଲାଦାନ ଏର ମୀରୁଏସି, ୨୯ ଏର ଜିହସୁୟ ମୀରୁଏସି, ଜିହସୁୟ ଏଲିୟାଜର ମୀରୁଏସି, ଏଲିୟାଜର ଜରିମ ମୀରୁଏସି, ଜରିମ ମତାତ ମୀରୁଏସି, ମତାତ ଲେବି ମୀରୁଏସି, ୩୦ ଲେବି ସିମିୟନ ମୀରୁଏସି, ସିମିୟନ ଜୀହୁଦା ମୀରୁଏସି, ଜୀହୁଦା ଜସେପ ମୀରୁଏସି, ଜସେପ ଜନାମ ମୀରୁଏସି, ଜନାମ ଏଲିୟାକିମ ମୀରୁଏସି, ୩୧ ଏଲିୟାକିମ ମଲାହ ମୀରୁଏସି, ମଲାହ ମନ୍‌ନା ମୀରୁଏସି, ମନ୍‌ନା ମତତା ମୀରୁଏସି, ମତତା ନାତନ ମୀରୁଏସି, ନାତନ ଦାଞ୍ଜୁଦ ମୀରୁଏସି, ୩୨ ଦାଞ୍ଜୁଦ ଜିସି ମୀରୁଏସି, ଜିସି ଅବେଦ ମୀରୁଏସି, ଅବେଦ ବୟାଜ ମୀରୁଏସି, ବୟାଜ ସେଲହ ମୀରୁଏସି, ସେଲହ ନହସନ ମୀରୁଏସି, ୩୩ ନହସନ ଅମିନାଦାବ ମୀରୁଏସି, ଅମିନାଦାବ ଅଦ୍‌ମିନି ମୀରୁଏସି, ଅଦ୍‌ମିନି ଅରୁନି ମୀରୁଏସି, ଅରୁନି ହେସୁଣା ମୀରୁଏସି, ହେସୁଣା ପେରସ ମୀରୁଏସି, ପେରସ ଜୀହୁଦା ମୀରୁଏସି, ୩୪ ଜୀହୁଦା ଜାକୁବ ମୀରୁଏସି, ଜାକୁବ ଇସାହାକ ମୀରୁଏସି, ଇସାହାକ ଅବ୍ରାହାମ ମୀରୁଏସି, ଅବ୍ରାହାମ ତେରହ ମୀରୁଏସି, ତେରହ ନାହର ମୀରୁଏସି, ୩୫ ନାହର ସରୁଗ ମୀରୁଏସି, ସରୁଗ ରଗୁ ମୀରୁଏସି, ରଗୁ ପେଲଗ ମୀରୁଏସି, ପେଲଗ ଏବର ମୀରୁଏସି, ଏବର ସେଲହ ମୀରୁଏସି, ୩୬ ସେଲହ କେନାନ ମୀରୁଏସି, କେନାନ ଅର୍ପକ୍ୟଦ ମୀରୁଏସି, ଅର୍ପକ୍ୟଦ ସେମ ମୀରୁଏସି, ସେମ ନହ ମୀରୁଏସି, ନହ ଲେମକ ମୀରୁଏସି, ୩୭ ଲେମକ ମତୁସେଲହ ମୀରୁଏସି, ମତୁସେଲହ ହନକ ମୀରୁଏସି, ହନକ ଜେରଦ ମୀରୁଏସି, ଜେରଦ ମହଲଲେଲ ମୀରୁଏସି, ମହଲଲେଲ କେନାନ ମୀରୁଏସି, ୩୮ କେନାନ ଏନସ ମୀରୁଏସି, ଏନସ ସେତ ମୀରୁଏସି, ସେତ ଆଦମ ମୀରୁଏସି, ଆଦମ ମାହାପୂରୁ ମୀରୁଏସି ।

୪

ଜୀସୁଇଁ ତାୟିପାରି କିନାୟି
(ମାତି ୪:୧-୧୧; ମାର୍କ ୧:୧୨-୧୩)

୧ ଜୀସୁ ସୁଦୁଜୀଞ୍ଜୁ ବେଟାଆହାନା ଜର୍ଦନ କାତାଟି ଖେଣ୍ଡାଞ୍ଜାଡ଼େସି ଇଞ୍ଜା ରୀ କଡ଼ି ଦିନା ପାଚେକା ସୁଦୁଜୀଞ୍ଜୁ ତଲେ ଲକୁ ହିଲାଆ ଚାୟୁତା ହାଚେସି । ୨ ଏମ୍ବାଆଁ ଏଞ୍ଜାସି ସୟତାନ ତାଣାଟି ତାୟିପାରି କିଞ୍ଜାଡ଼େସି । ଇ ରୀ କଡ଼ି ଦିନା ଏଞ୍ଜାସି ଏନାଆଁ ତିନାଆଡ଼େସି, ଅଡ଼େ ଏ ରୀ କଡ଼ି ଦିନା ରାହାଲିଏ ଏଞ୍ଜାସି ହାକି ଆଡ଼େସି ।

† ୩:୧୨ ୩:୧୨ ମୁଞ୍ଜିନାୟି ‡ ୩:୧୨ ୩:୧୨ ମୁଞ୍ଜିନାୟି ✧ ୩:୧୯ ୩:୧୯ ମାତି ୧୪:୩,୪; ମାର୍କ ୬:୧୭,୧୮ § ୩:୨୦ ୩:୨୧ ମୁଞ୍ଜିନାୟି * ୩:୨୧ ୩:୨୧ ମୁଞ୍ଜିନାୟି † ୩:୨୧ ୩:୨୧ ମୁଞ୍ଜିନାୟି ✧ ୩:୨୨ ୩:୨୨ ମାତି ୩:୧୭; ମାର୍କ ୧:୧୧; ଲୁକ ୯:୩୫

୩ ଏମ୍ବାଟିଏ ସୟତାନ ଏଞ୍ଜାଣାଇଁ ଏଲେଇଚେ, “ନାନୁ ମାହାପୁରୁ ମୀରୁଏଣାତି ଇଚିହିଁ ଇ ଖାଲକାଣି ରୁଚି ଆହାଲି ହୁକୁମି ହୀମୁ ।”

୪ ସାମା ଜୀସୁ ଏଲେଇଚେସି, “ଦାମ୍ବୁ ସାପ୍ତେରିତା ରାସ୍‌କି ଆହାମାନେ, ମାଣସି ଖାଲକା ରୁଚି ତିଞ୍ଜାନା ନୀତଅସି ।”

୫ ଅଡେ ସୟତାନ କାଜା ହରୁ ଲାକ ଅହାନା ଗାଡେକା ତାକି ଦାର୍‌ତିତି ବାରେ ରାକ୍ତି ଏଞ୍ଜାଣାଇଁ ତସ୍ତେ । ୬ ଇଞ୍ଜା ସୟତାନ ଏଞ୍ଜାଣାଇଁ ଏଲେଇଚେ, “ନାନୁ ନିଜେ ଇ ବାରେ ଦନତି ଅଦିକାରା କିୟାଇଁ, ଏନାଆଁତାକି ଇଚିହିଁ ବାରେ ନାଜେ ହେରପି ଆହାମାଞ୍ଜାନେ, ଅଡେ ନାନୁ ଆମ୍ବାଆରାକି ମନ ଏଞ୍ଜାଣାକି ହୀଇଁ । ୭ ଇଦାଆଁତାକି ନାନୁ ନା ନକିତା ମେଣ୍ଟାକୁତାନା ଜହରା କିୟାଦି, ଇଚିହିଁ ଇ ବାରେ ନୀଦି ଆନେ ।”

୮ ଜୀସୁ ଏଲେଇଚେସି, “ରାସ୍‌କି ଆହାମାନେ, ‘ନାନୁ ନୀ ମାହାପୁରୁଇଁ ଜହରା କିଦି, ଅଡେ ଖାଲକା ଏଞ୍ଜାଣି ସେବା କିଦି ।”

୯ ଅଡେ ସୟତାନ ଏଞ୍ଜାଣାଇଁ ଜିରୁସାଲମତା ଅହାନା ମାହାପୁରୁ ଇଲୁ ତୁଡିୟା ଲାକ ନିପୁହାନା ଏଲେଇଚେ, “ନାନୁ ମାହାପୁରୁଚି ମୀରୁଏଣାତି ଇଚିହିଁ ଇମ୍ବାଟି ତୁଇକା ଗେମ୍ବାମୁ; ୧୦ ଇଚିହିଁ ରାସ୍‌କି ଆହାମାନେ, ‘ନିଜେ ଗେଲପାଲିତାକି ମାହାପୁରୁ ତାନି ଦୁତୁୟାଁଇଁ ହୁକୁମି ହୀନେସି ।’ ୧୧ ଅଡେ ରାସ୍‌କି ଆହାମାନେ, ‘ନୀ କତାୟାଁ ଏନିକିଁ ଖାଲକାଣା ଆଡାଉ ଏଦାଆଁତାକି ଏଞ୍ଜି ନିଜେ କେସ୍‌ତାତଲେ ପେରହା ଆସ୍ତାନୁ ।”

୧୨ ସାମା ଜୀସୁ ଏଦାନି ଏଲେଇଚେସି, “ଦାମ୍ବୁ ସାପ୍ତେରିତା ରାସ୍‌କି ଆହାମାନେ, ନାନୁ ପ୍ରବୁ ନୀ ମାହାପୁରୁଇଁ ତାୟିପାରି କିଆନି ।”

୧୩ ସୟତାନ ଜୀସୁଇଁ ବାରେ ତାୟିପାରି କିନାଣି ରାପୁହାନା ଗାଡେକା ତାକି ଏଞ୍ଜାଣାଇଁ ପିସାନା ହାଚେ ।

ଜୀସୁ ଗାଲିଲିତା ସେବା କାମା ମାଟ୍‌ନାୟି
(ମାତି ୪:୧୨-୧୭; ମାର୍କ ୧:୧୪-୧୫)

୧୪ ଏ ତାୟୁ ଜୀସୁ ସୁଦୁଜୀଞ୍ଜୁତି ବାଡ଼ୟୁ ତଲେ ଗାଲିଲିତା ଖାଡେସି, ଅଡେ ସାରିଖାକି ଏଞ୍ଜାଣି କାତା ଝେଙ୍ଗିତେ । ୧୫ ଅଡେ ଏଞ୍ଜାସି ଏଞ୍ଜାରି ଜୀହୁଦି ଲକୁଡି କୁଟମି ଇଲକାଣା* ଜାପୁହିହିଁ ବାରେ ଲକୁ ତାଣାଟି ଗାଞ୍ଜୁରମି ବେଟାଆଡେସି ।

ଜୀସୁଇଁ ନାଜରିତତା ଅପାଆଡେରି
(ମାତି ୧୩:୫୩-୫୮; ମାର୍କ ୬:୧-୬)

୧୬ ଅଡେ ଏଞ୍ଜାସି ଆମିନି ନାଜରିତତା ପହିପାଡି ଆହାମାଚେସି, ଏଚେତା ଏ ଟାୟୁତା ହାଚେସି ଅଡେ ତାନି ମେରାଲେହେଁ ଜମିନି ଦିନାତା ଜୀହୁଦି ଲକୁଡି କୁଟମି ଇଲୁତା† ହାଚେସି ଇଞ୍ଜା ପଡ଼ି ଆହାଲି ନିଚେସି, ୧୭ ଏମ୍ବାଟିଏ ମାହାପୁରୁ ଅଣପୁଡି ବଲୁ ଝେହ୍‌ନି ଜିସାୟତି ପତି ହୀଚେରି, ଜୀସୁ ଏଦାଆଁ ଏକହାନା ଏମିନିତାଣା ଇ କାତା ରାସ୍‌କି ଆହାମାନେ ଏ କାତା ବେଟାଆଡେସି;

୧୮ “ପ୍ରବୁତି ଜୀଞ୍ଜୁ ନା ତାଣା ମାନେ, ଏନିଚିଚିହିଁ ହିଲୀଆ ଗାଟାରି ତାଣା ନେହିଁ କାବୁ ଝେକହାଲି ଏଞ୍ଜାସି ନାଜେ ଆଟାମାଞ୍ଜାନେସି;

କାୟିଦିତା ମାନାରାଇଁ ପିସପି ଆନାଣି ଝେକହାଲି, କାଣ୍‌କା ମେହ୍‌ଆଗାଟାରାଇଁ ମେସପି କିହାଲି, ଦୁକୁ ବେଟାଆହି ମାନାରାଇଁ ଗେଲପାଲି,

୧୯ ଇଞ୍ଜା ମାହାପୁରୁ କାର୍ମା ମେସ୍ତାନି ବେଲାତି କାତା ଝେକହାଲି ପ୍ରବୁ ନାଜେ ପାଣ୍ଡାମାଞ୍ଜାନେସି ।”

୨୦ ଏମ୍ବାଟିଏ ଜୀସୁ ପତିତି ମୁଦା କିହାନା ସେବା କିନାଣି କେୟୁତା ହୀହାନା କୁରିଚେସି । ଅଡେ ଜୀହୁଦି ଲକୁଡି କୁଟମି ଇଲୁତା‡ କୁଗାମାନି ବାରେ ଲକୁ ଜୀସୁ ଝାକି ସିନିକିଚେରି । ୨୧ ଇଞ୍ଜା ଜୀସୁ ଏଞ୍ଜାରାଇଁ ଏଲେଇଚେସି, “ନୀଞ୍ଜୁଟିଏ ଦାମ୍ବୁ ପତିତି ଇ କାତା ମୀରୁ ଝେଣ୍‌ମ୍‌ନିଏ ପୂରା ଆଡେ ।”

୨୨ ଅଡେ ବାରେଜାଣା ତାନି କାତାତାକି ସାକି ହୀଚେରି, ଅଡେ ତାନି ଗୁଡିଟି ହରିମାନି କାର୍ମାତି ବଲୁତା କାବା ଆଡେରି ଇଞ୍ଜା ଏଲେଇଚେରି, “ଇଞ୍ଜାସି ଏନାଆଁ ଜସେପ ମୀରୁଏସି ଆଏକି ?”

୨୩ ଏମ୍ବାଟିଏ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀରୁ ସାଚେଏ ନାଜେ ଏଲେ ଇଞ୍ଜାଦେରି, ଏ ଅସଗୁରୁ ନୀନୁଏ ନିଜେ ନେହିଁ କିହାକତାମୁ: କପରନାହୁମତା ଏନା ଏନାଆଁ କିହାମାଞ୍ଜି ଇଞ୍ଜୁ ମାମ୍‌ସୁ ଝେଞ୍ଜାମାନମି ଏଲେକିଁ ମୀ ଆକୁ ଆବାୟାଁ ନାୟୁତା ଜିକେଏ କିମୁ ।” ୨୪ †ଅଡେ ଏଞ୍ଜାସି ଏଲେଇଚେସି, “ନାନୁ ମିଜେ ସାତା ଝେସିମାଞ୍ଜାଇଁ, ମାହାପୁରୁ ଅଣପୁଡି ବଲୁ ଝେହ୍‌ନାରି ତାନୁ ପାତାଆଡି ନାୟୁତି ଲକୁ ଅପଅରି । ୨୫ ସାମା ନାନୁ ମିଜେ ସାତା ଝେସିମାଞ୍ଜାଇଁ, ଏଲିୟ ବେଲାତା ଏନିକିଁ ତାନି ବାର୍ସା ସ ଲେଞ୍ଜୁ ପାଡେକା ହାଗୁଟି ପିୟୁ ରିଆତାକି ବାରେ ଦେସା କାର୍‌ସୁ ଆହାମାଚେ, ଏଚିବେଲାତା ଇସ୍ରାୟେଲତା ହାରେକା ରାଣ୍ଡେଣିସିକା ମାତିହିଁ ଜିକେଏ; ୨୬ ଏଲିୟ ଏଞ୍ଜାସିକା ତାଣା ପାଣ୍ଡୁଞ୍ଜି ଆଆନା ସିଦନ ଦେସାତି ସାରିପତ ନାୟୁତି ର ରାଣ୍ଡେଣିନି ତାଣା ପାଣ୍ଡୁଞ୍ଜି ଆଡେସି । ୨୭ ଅଡେ ମାହାପୁରୁ ଅଣପୁଡି ବଲୁ ଝେହ୍‌ନି ଏଲିସାୟ ମାଟାଟି ଇସ୍ରାୟେଲ ବିତ୍ରା ହାରେକା କାଜା ରଗ ଗାଟାରି ମାଚେରି; ଆଡିଜିକେଏ ଏଞ୍ଜାରି ବିତ୍ରାଟି ରଅସି ଜିକେଏ ନେହିଁ ଆଆଡେସି, ସାମା ସିରିୟା ଦେସାତି ନାମାନ ନେହିଁ କିଞ୍ଜିଆଡେସି ।”

୨୮ ଜୀହୁଦି ଲକୁଡି କୁଟମି ଇଲୁତା§ ଇ ବାରେ କାତା ଝେଞ୍ଜାନା ବାରେଜାଣା କାରବି ଆଡେରି, ୨୯ ଅଡେ ଏଞ୍ଜାରି ନିଜ୍ଜାନା ଏଞ୍ଜାଣାଇଁ ଗାଡାଟି ପାଙ୍ଗାତା ପେରହେରି ଇଞ୍ଜା ଏଞ୍ଜାରି ଏମିନି ଗାଡା ହରୁଲେକ ଦସାମାଚେରି ଏ ହରୁ ଲାକଟି ତୁଇକା ମେହ୍‌ହାଲି ଏଞ୍ଜାଣାଇଁ ଅଡେରି; ୩୦ ସାମା ଏଞ୍ଜାସି ଏଞ୍ଜାରି ମାଦିଟି ହଟାହାଚେସି ।

* ୪:୧୫ ୪:୧୫ ସିନଗର † ୪:୧୬ ୪:୧୬ ସିନଗର ‡ ୪:୨୦ ୪:୨୦ ସିନଗର § ୪:୨୪ ୪:୨୪ ଜହ ୪:୪୪ § ୪:୨୮ ୪:୨୮ ସିନଗର

ଜୀସୁ ବୃତ୍ତ ଆଲଗା ମାତାଶାଳ୍ ନେହଁ କିନାୟି
(ମାର୍କ ୧:୨୧-୨୮)

୩୧ ଜୀସୁ କପରନାହୁମ ଦରୁଗାଟି ଗାଲିଲିତି ର ଗାଡ଼ାତା
ଝାଡେସି, ଇଞ୍ଜା ଜମିନି ଦିନା ଲକୁଣି ଜାପୁହି ମାରେସି,
୩୨ ଅଡେ ଏଝାରି ଏଝାଣି ଜାପୁନି ତାଣା କାବା ଆଡେରି,
ଏନାଆଁତାକି ଇଚିହଁ ଏଝାଣି ଜଲିନାୟି ଅଦିକାରା ଗାଟାୟି
ଲେହେଁ ମାରେ । ୩୩ ର ଦିନା ଜୀହୁଦି ଲକୁତି କୁଟମି
ଇଲୁତା* ର ପଲୁଆ ବୃତ୍ତ ଆଲଗାମାଟି ଲକୁ ମାରେସି;
ଏଝାସି କିରଡିହଁ ଏଲେଇଚେସି, ୩୪ “ଏ ନାଜରିତତି ଜୀସୁ
ନୀ ତଲେ ମାଜେ ଏନାୟି ମାନେ ? ନୀନୁ ମାଜେ ନାସ୍ତା
କିହାଲି ଝାହାମାଞ୍ଜି କି ? ନୀନୁ ଆମ୍ବାଆତି ନୀନୁ ପୁଞ୍ଜାମାଜ୍;
ନୀନୁ ମାହାପୁରୁତି ସୁଦୁ ମାଣସିତି ।”

୩୫ ଜୀସୁ ଏଦାନି ଦାକା ହାହାନା ଏଲେଇଚେସି,
“ପାଲେଏ ଆମ୍ବୁ ଇଞ୍ଜା ଇଝାଣି ତାଣାଟି ହଡ଼ାହାଲମ୍ବୁ ।”
ଏମ୍ବାଟିଏ ଏ ବୃତ୍ତ ଏଝାଣାଲ୍ ମାଦିଏ ଭୁକହାନା ଏଝାଣାଲ୍
ଏନାଆଁ କିଆନା ହଡ଼ାହାଚେ ।

୩୬ ଏମ୍ବାଟିଏ ବାରେଜାଣା କାବାଆହାନା ଏଲେଇଶମ୍ବି
ଆଡେରି, “ଇଦି ଏନିଲେହେଁତି କାତା ? ଏଝାସି ବୃତ୍ତୟାଲ୍
ଅଦିକାରା ଅଡେ ବାଡ଼ୟୁଟି ହୁକୁମି ହାହିମାନେସି ଇଞ୍ଜା ଏଝି
ହଡ଼ା ହାଜିମାନୁ !” ୩୭ ଏମ୍ବାଟିଏ ଏଝାଣି ହାଡ଼ାତି କାରୁ
ଦେସାତି ସାରିଝାକି ଝେଙ୍ଗାହାଚେ ।

ଜୀସୁ ହାଡ଼େକା ଲକୁଇଁ ନେହଁ କିନାୟି
(ମାତି ୮:୧୪-୧୭; ମାର୍କ ୧:୧୯-୩୪)

୩୮ ଏମ୍ବାଟିଏ ଜୀସୁ ଜୀହୁଦି ଲକୁତି କୁଟମି ଇଲୁଟା†
ହଡ଼ାନା ସିମନ ଇଜ ହାଚେସି । ସିମନ ପୟା ଗାଡ଼ି ନମେରି
ଆହାମାଚେ, ଅଡେ ଏଝାରି ଇ କାତା ଜୀସୁଇଁ ଏଲେଇଚେରି
। ୩୯ ଏମ୍ବାଟିଏ ଏଝାସି ଏଦାନି ତାଗେ ନିଚାନା ନଡ଼େରିତି
ଦାକା ହାଡେସି, ଇଞ୍ଜା ଏଦାନାକି ନଡ଼େରି ପିସ୍ତେ, ଏଦି ଏ
ଦେବୁଣିଏ ନିଙ୍ଗାନା ଏଝାରି ସେବା କିଚେ ।

୪୦ ଝେଡ଼ା କୁଡ଼ିହଁ ମାଟାଟି ଆମ୍ବାଆରି ତାଣା ଏନିଲେହେଁତି
ରଗ ମାଚେ, ଏଲେତି ରଗ ଲକୁଣି ଜୀସୁ ତାଣା ତାଚେରି,
ଇଞ୍ଜା ତାମି ତାକାଣା କେୟୁ ଇଚାନା ବାରେତି ନେହଁ
କିଚେସି । ୪୧ ଅଡେ ବୃତ୍ତୟା ଜିକେଏ କିରଡିହଁ ହାଡ଼େକା
ଲକୁ ତାଣାଟି ଏଲେଇଞ୍ଜି ହଡ଼ାହାରୁ, “ନୀନୁ ମାହାପୁରୁ
ମୀରଏଶାତି ।”

ଅଡେ ଜୀସୁ ଏ ବାରେତି କାତା ଆହାଲି ହାଆନା ଦାକା
ହାଡେସି, ଇଚିହଁ ଏଝାସି କ୍ରୀସ୍ତ ଇଦାଆଁ ଏଝି ପୁଞ୍ଜାମାଚୁ ।

ଜୀସୁ ଜୀହୁଦି ଲକୁତି କୁଟମି ଇଲୁତା ଝେକ୍ନାୟି
(ମାର୍କ ୧:୩୫-୩୯)

୪୨ ଲାଇ ଝେୟାଲିଏ ଏଝାସି ହଡ଼ାନା ଲକୁ ହିଲାଆ
ଟାୟୁତା ହାଚେସି; ଅଡେ ଲକୁ ଏଝାଣାଲ୍ ପାରି ପାରିହଁ
ଏଝାଣି ତାଣା ଝାଡେରି, ଅଡେ ଏଝାସି ଏନିକଁ
ଏଝାରି ତାଣାଟି ହାଲଅସି, ଏଦାଆଁତାକି ଏଝାଣାଲ୍

ମାଞ୍ଜାଲି ବାତିମାଲିଚେରି । ୪୩ ସାମା ଏଝାସି ଏଝାରାଲ୍
ଏଲେଇଚେସି, “ଏଟକା ଗାଡ଼ାତା ଜିକେଏ ନୀନୁ ମାହାପୁରୁ
ରାଜିତି ନେହଁ କାରୁ ଝେକ୍ନାୟି ମାନେ, ଇଚିହଁ
ଏଦାଆଁତାକି ନୀନୁ ପାଣୁଝି ଆହାମାଲ୍ ।”

୪୪ ଇଞ୍ଜା ଏଝାସି ଜୀହୁଦା ଦେସାତି ଜୀହୁଦି ଲକୁତି କୁଟମି
ଇଲକାଣା‡ ହାଜାନା ନେହଁ କାରୁ ଝେକ୍ନାହେସି ।



ଜୀସୁ ମୀଶକା ଆହନାରାଲ୍ ହାଡ଼ିନାୟି
(ମାତି ୪:୧୮-୨୨; ମାର୍କ ୧:୧୭-୨୦)

୧* ର ଦିନା ଜୀସୁ ଗେନେସର ବାନ୍ଦା ଗାଟୁତା ନିଚାମାଟାଟି
ହାଡ଼େକା ଲକୁ ମାହାପୁରୁତି କାତା ଝେଞ୍ଜାଲି ଏଝାଣି
ସାରିସୁଟୁ ରୁଣ୍ଡା ଆଡେରି । ୨ ଇଞ୍ଜା ଏଝାସି ବାନ୍ଦା ଗାଟୁତା
ରୀ ତଂଗାୟା ମାନାଣି ମେସେସି; ଏମ୍ବାଟି ମୀଶକା ଆହନାରି
ଏମ୍ବାଟି ରେଚାନା ତାମି ଜାଲ୍ଲାୟା ନରୁହି ମାଚେରି । ୩ ଏ
ତଂଗ ବିତ୍ରାଟି ଏମିନାୟି ସିମନଝାୟି ମାଚେ, ଏ ତଂଗତା
କୁଗାନା ଗାଟୁଟିଏ ହିରେ ହେକ ହାଜାଲି ବାତିମାଲିଚେସି;
ଇଞ୍ଜା ଏଝାସି କୁଗାନା ଲକୁଣି ଜାପୁହେସି ।

୪ ଏଝାସି ତାନି କାତା ରାପୁହାଲିଏ ସିମନଇଁ
ଏଲେଇଚେସି, “ମୀଶକା ଆସାଲି କୁଡ଼ି ଏୟୁଝାକି ହାଜାନା
ମୀ ଜାଲ୍ଲାୟା ମେଡ଼ୁ ।”

୫* ଏମ୍ବାଟିଏ ସିମନ ଏଲେଇଚେସି, “ଏ ଗୁରୁ ମାମ୍ବୁ କୁଆଁ
ଝେୟେ କସ୍ତ କିତିଝା ର ମୀନୁ ଜିକେଏ ବେଟାଆଆଡମି;
ସାମା ନୀ କାତା ଆସାନା ଜାଲ୍ଲା ମେଡ଼ଇଁ ।” ୬* ଇଞ୍ଜା
ଏଝାରି ଜାଲ୍ଲା ମେଡ଼ହାଲିଏ ଏମ୍ବାଆଁ ଜାଲ୍ଲା ନେଞ୍ଜେ ମୀଶକା
ହଟୁ, ଇଞ୍ଜା ଏଝାରି ଜାଲ୍ଲା ତାମ୍ବାଲି ମାଟହେ । ୭ ଏମ୍ବାଟିଏ
ଏଝାରି ଆମିନି ତଡ଼ଗୁଟାରି ଅର ତଂଗତା ମାଚେରି, ଏଝାରି
ଏନିକଁ ଝାହାନା ସାୟେମି କିନେରି, ଏଦାଆଁତାକି ଏଝାରି
ଏଝାରାଲ୍ କେୟୁ ଜାଞ୍ଜିଚେରି, ଏମ୍ବାଟିଏ ଏଝାରି ଝାହାନା ରୀ
ତଂଗାଣା ମୀଶକା ନେଞ୍ଜି କିୟାଲିଏ ଏ ତଂଗାୟା ମୁଞ୍ଜିମାରୁ
। ୮ ସାମା ସିମନ ପିତର ଏଦାଆଁ ମେସାନା ଜୀସୁ କତାଣା
ରିହାନା ଏଲେଇଚେସି, “ଏ ପ୍ରବୁ ନା ତାଣାଟି ହାଜାତୁହମ୍ବୁ
ଏନାଆଁତାକି ଇଚିହଁ ନୀନୁ ପାପୁଗାଟି ମାଣସିଚେଏଁ !”

୯ ଇଚିହଁ ଏଝାରି ହାଡ଼େକା ମୀଶକା ଆସାମାଟାକି
ତାନୁ ଅଡେ ତାନିତଲେ ମାଟାରି କାବା ଆହାହାଚେରି;
୧୦ ଜେବଦିତି ରୀ ମୀରକା ଜାକୁବ ଅଡେ ଜହନ, ଆମ୍ବାଆରି
ସିମନ ଆଡ଼ିହିତାରି ମାଚେରି, ଏଝାରି ଜିକେଏ କାବା
ଆହାହାଚେରି । ଅଡେ ଜୀସୁ ସିମନଇଁ ଏଲେଇଚେସି,
“ଆଜାଆନି ନୀଞ୍ଜୁଟିଏ ନୀନୁ ଲକୁଣି ଆହୁଦି ।” ୧୧ ଏଚେଟିଏ
ଏଝାରି ତଂଗାୟା ଗାଟୁତା ତାଚାନା ଏମ୍ବାଆଁ ବାରେ ପିସାନା
ଜୀସୁ ଜେଚ ହାଚେରି ।

କାଜା ରଗ ଗାଟାଣାଲ୍ ନେହଁ କିନାୟି
(ମାତି ୮:୧-୪; ମାର୍କ ୧:୪୦-୪୫)

* ୪:୩୨ ୪:୩୨ ମାତି ୭:୮, ୨୯ * ୪:୩୩ ୪:୩୩ ସିନଗର † ୪:୩୮ ୪:୩୮ ସିନଗର ‡ ୪:୪୪ ୪:୪୪ ସିନଗର ☆ ୫:୧ ୫:୧ ମାତି ୧୩:୧, ୨; ମାର୍କ ୩:୯, ୧୦; ୪:୧ ☆ ୫:୫ ୫:୫ ଜହ ୨୧:୩ ☆ ୫:୬ ୫:୬ ଜହ ୨୧:୭

୧୨ ଜୀସୁ ର ଗାଡ଼ାତା ମାଟାଟି ମେହଦୁ ଏମ୍ବାଆଁ ଗୁଡ଼ା ଆଜ୍ଞା କାଜା ରଗ ଗାଟାସି ମାଟେସି; ଏଞ୍ଜାସି ଜୀସୁଇଁ ମେସାନା ମୁନୁ କୁତାନା ଏଞ୍ଜାଣାଇଁ ଏଲେଇଚେସି, “ଏ ପ୍ରବୁ ନୀନୁ ମନ କିତିହଁ ନାଜେ ନେହଁ କିହାଲି ଆଡ଼ାଦି ।”

୧୩ ଏଚେଟିଏ ଏଞ୍ଜାସି କେୟୁ ଦାସାହାଁ ତୀଗାନା ଏଲେଇଚେସି, “ନୀନୁ ମନ କିହିମାଇଁ ନୀନୁ ନେହଁ ଆମୁ ।” ଏ ଦେବୁଣିଏ କାଜା ରଗଟି ଏଞ୍ଜାସି ନେହଁ ଆଟେସି । ୧୪ ଜୀସୁ ଏଞ୍ଜାଣାଇଁ ହୁକୁମି ହୀହାନା ଏଲେଇଚେସି, “ଆମ୍ବାଆରାଇଁ ଝେହୁଆନି, ସାମା ହାଜାନା ପୂଜେରାଜାଣି ତହୁମୁ, ଅଡ଼େ ମସାତି ମେରାଲେହେଁ ନୀନୁ ନେହଁ ଆଡ଼ାଣି ସାକି ହୀହାଲି ପୂଜା ହୀମୁ ।”

୧୫ ସାମା ଏଞ୍ଜାଣି କାତା ହାରେକା ଝେଜାହାଚେ, ଅଡ଼େ ହାରେକା ଲକୁ ଝେଜାଲିତାକି ଅଡ଼େ ରଗଟି ନେହଁ ଆହାଲିତାକି ରୁଣ୍ଡା ଆଟେରି । ୧୬ ସାମା ଜୀସୁ ଲକୁ ହିଲାଆ ଚାୟୁତା ହାଜାନା ପ୍ରାତାନା କିହିମାଟେସି ।

ଜୀସୁ ର ଟଟ ଖାୟିତାଣାଇଁ ନେହଁ କିନାୟି
(ମାତି ୯:୧-୮; ମାର୍କ ୨:୧-୧୨)

୧୭ ର ଦିନା ଜାୟୁହି ମାଟାଟି, ଗାଲିଲି ଦେସାତି ବାରେ ନାୟକାଟି, ଜୀହୁଦା ଦେସା ଇଞ୍ଜା ଜିରୁସାଲମଟି ଖାହାମାନି ପାରୁସିୟାଁ ଅଡ଼େ ମେରାପୁନାରି ଜୀସୁ ତାଣା କୁଗାମାଟେରି, ଇଞ୍ଜା ଏଞ୍ଜାସି ଏନିକଁ ନେହଁ କିନେସି ଇଦାଆଁତାକି ପ୍ରବୁତି ନେହଁ କିନି ବାଡ଼ୁୟୁ ଜୀସୁ ତାଣା ମାଟେ । ୧୮ ଏଚରଜାଣା ଲକୁ ର ଟଟ ଖାୟିତାଣାଇଁ କାଟେଲିତା ଡେକା ତାଟାନା ଜୀସୁ ନକିତା ବିତ୍ରା ଅହାଲି ଅଣ୍ଡପିଟେରି । ୧୯ ସାମା ଏମ୍ବାଆଁ ହାରେକା ଲକୁ ମାଟାକି ଜିରୁ ବେଟାଆଆଟେରି, ଇଞ୍ଜା ଏଞ୍ଜାରି ଇଲୁ ଡେପରିତା ଡେକା ଅହାନା ତୁଡ଼ିୟାତି ଗାୟିଲି ହୁକହାନା କାଟେଲି ତଲେ ଜୀସୁ ନକିତା ରେପହେରି । ୨୦ ଜୀସୁ ଏଞ୍ଜାରି ନାମୁ ମେସାନା ଟଟ ଖାୟିତାଣାଇଁ ଏଲେଇଚେସି, “ଡ଼େଣ ନୀ ପାପୁ ବାରେ ମେଣ୍ଡାମାନେ ।”

୨୧ ଏଚେଟିଏ ମେରା ଜାୟୁନାରି ଅଡ଼େ ପାରୁସିୟାଁ କାତା ଆହଁ ଏଲେଇଣ୍ଡି ଆଟେରି, “ଇଞ୍ଜାସି ମାହାପୁରୁ ନିନ୍ଦା କିହିମାନେସି, ଇଞ୍ଜାସି ଆମ୍ବାଆସି ! ମାହାପୁରୁ ପିସପେ ଅଡ଼େ ଆମ୍ବାଆସି ପାପୁ ମ୍ଲେକହାଲି ଆଡ଼ିମାନେସି !”

୨୨ ସାମା ଜୀସୁ ଏଞ୍ଜାରି କାତାବାର୍ତ୍ତା ଆହିମାନାଣି ପୁଞ୍ଜାନା ଏଞ୍ଜାରାଇଁ ଏଲେଇଚେସି, “ମୀରୁ ମୀ ମନତା ଏନାଆଁତାକି ଏଲେକଁ ଅଣ୍ଡପିମାଞ୍ଜେରି ? ୨୩ ଏନାଆଁ ଇନାୟି ଉସାସା ‘ନୀ ପାପୁ ବାରେ ମେଣ୍ଡାଜିତେ ଇନାୟି କି ନିଜ୍ଞାନା ତାକାମୁ ଇନାୟି ?’ ୨୪ ଦାରତିତା ପାପୁ ମ୍ଲେକହାଲି ମାଣସି ମୀରୁଏଣାକି ଅଦିକାରା ମାନେ, ଇଦାଆଁ ମୀରୁ ଏନିକଁ ପୁଞ୍ଜାଲି ଆଡ଼ିଦେରି” ଇଦାଆଁତାକି ଟଟ ଖାୟିତାଣାଇଁ ଏଲେଇଚେସି, “ନୀନୁ ନିଜେ ଝେସିମାଞ୍ଜାଇଁ, ନିଜ୍ଞାନା ନୀ କାଟେଲି ଡେକାନା ନୀ ଇଜ ହାଲାମୁ !”

୨୫ ଏଚେଟିଏ ଏଞ୍ଜାସି ଏ ଦେବୁଣିଏ ଏଞ୍ଜାରି ନକିତା ନିଜ୍ଞାନା ଆମିନି କାଟେଲିତା ତୁରାମାଟେସି, ଏଦାଆଁ ଡେକାନା ମାହାପୁରୁଇଁ ଜହରା କିହଁ ତାମି ଇଜ ହାଚେସି । ୨୬ ଏଚେଟିଏ ବାରେଜାଣା କାବାଆହାନା ମାହାପୁରୁଇଁ ଜହରା କିଟେରି, ଅଡ଼େ ଆଜିତଲେ ଏଲେଇଚେରି, “ନୀଞ୍ଜୁ ମାୟୁ କୁବାଆନି କାମା ମେସୁମି ।”

ଜୀସୁ ଲେବିଇଁ ହାଟିନାୟି
(ମାତି ୯:୯-୧୩; ମାର୍କ ୨:୧୩-୧୭)

୨୭ ଏମ୍ବାଟିଏ ଜୀସୁ ପାଜାତା ହାଜାନା ଲେବି* ଦରୁଗାଟି ର ସିସୁରାହନାସି ସିସୁରାହନି ଚାୟୁତା କୁଗାମାନାଣି ମେସାନା ଏଞ୍ଜାଣାଇଁ ଏଲେଇଚେସି, “ନା ଜେଟ ଖାମୁ ।” ୨୮ ଏମ୍ବାଟିଏ ଏଞ୍ଜାସି ବାରେ ପିସାନା ନିଜ୍ଞାନା ଏଞ୍ଜାଣି ଜେଟ ହାଚେସି ।

୨୯ ଅଡ଼େ ଲେବି ତାମି ଇଜ ର କାଜା ବଜି କିଟେସି, ଇଞ୍ଜା ହାରେକା ସିସୁରାହନାରି ଅଡ଼େ ଏଟକାଟି ଲକୁ ବାରେ ଏଞ୍ଜାରିତଲେ ଡିଞ୍ଜାଲି କୁଗିଟେରି । ୩୦ ଏଚେଟିଏ ପାରୁସିୟାଁ ଅଡ଼େ ଏଞ୍ଜାରି ଗଟିତି ମେରାପୁନାରି ତାମି ସୀସୁୟାଁଇଁ ଏଲେଇଚେରି, “ମୀରୁ ଏନାଆଁତାକି ସିସୁରାହନାରି ଅଡ଼େ ପାପୁ ଗାଟାରି ତଲେ ଡିଞ୍ଜି ଉଣ୍ଡି ମାଞ୍ଜେରି ?”

୩୧ ଜୀସୁ ଏଞ୍ଜାରାଇଁ ଏଲେଇଚେସି, “ନେହଁ ମାନାରାକି ଅସଗୁରୁ ଲଡ଼ା ହିଲେଏ, ସାମା ରଗ ଗାଟାରାକି ଲଡ଼ାମାନେ । ୩୨ ନୀନୁ ତାରିଗାଟାରାଇଁ ହାଟାଲି ଖାହାହିଲଅଁ, ସାମା ମନ ଝେଟପି କିହାଲି ପାପୁ ଗାଟାରାଇଁ ହାଟାଲି ଖାହାମାଇଁ ।”

ଉପାସା କିନି କାତା ଝେନାୟି
(ମାତି ୯:୧୪-୧୭; ମାର୍କ ୨:୧୮-୨୨)

୩୩ ଏଚେକା ଲକୁ ଜୀସୁଇଁ ଝେଚେରି, “ଜହନତି ସୀସୁୟାଁ ଅଡ଼େ ପାରୁସିୟାଁତି ସୀସୁୟାଁ ଅଲେ ଅଲେ ଉପାସା ଅଡ଼େ ପ୍ରାତାନା କିହିମାନେରି, ସାମା ନୀ ସୀସୁୟାଁ ଡିଞ୍ଜି ଉଣ୍ଡି ମାନେରି ।”

୩୪ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ବାହା ଲକୁତଲେ ହନେଏସି ମାନି ପାଟେକା ବାହା ଲକୁ ଉପାସା ମାଞ୍ଜାଲି ଆଡ଼ିନେରି ? ୩୫ ସାମା ର ଦିନା ଖାନେ; ଏଞ୍ଜାରି ତାଣାଟି ହନେଏସି ହାନେସି, ଏଚେଟିଏ ଏଞ୍ଜାରି ଉପାସା କିନେରି ।”

୩୬ ଇଞ୍ଜା ଏଞ୍ଜାସି ର ପୁଣ୍ଡାକିନି କାତା ଜିକେଏ ଝେସେସି, “ଆମ୍ବାଆସି ପୁଞ୍ଜଇ ହିମ୍ବରିତା ପୁଞ୍ଜି ପାସକି ତାଟଅସି; ତାଟିଡିଞ୍ଜା ଏ ପୁଞ୍ଜି ପାସକି ଗେହନେ ଇଞ୍ଜା ପୁଞ୍ଜି ପାସକି ପୁଞ୍ଜଇ ପାସକି ତଲେ ଆଣ୍ଡେଏ । ୩୭ ଅଡ଼େ ଆମ୍ବାଆସି ପୁଞ୍ଜି ଅଜୁରି ରାସା ପୁଞ୍ଜଇ ଡକାତା† ଇଟଅସି; ଇଟିତିହଁ ଅଜୁରି ରାସା ଡକାତି ଅୟି କିହାନା ବହାହାନେ ଅଡ଼େ ଡକା ଜିକେଏ ନସୁ ଆନେ, ୩୮ ସାମା ପୁଞ୍ଜି ଅଜୁରି ରାସା ପୁଞ୍ଜି ଡକାତା ଇଟିନାୟି ମାନେ ।

୩୯ ଆମ୍ବାଆରି ପୁଞ୍ଜଇ ଅଜୁରି ରାସା ଗସ୍ତି ତାୟୁ ପୁଞ୍ଜି ଅଜୁରି ରାସା ଗହଅଟେରି । ପୁଞ୍ଜାୟି ନେହେଁ ଇଞ୍ଜେରି ।”

* ୫:୨୭ ୫:୨୭ ମାତିୟୁ ✱ ୫:୩୦ ୫:୩୦ ଲୁକ ୧୫:୧,୨ † ୫:୩୭ ୫:୩୭ ତଲୁ ତଲେ କେପିତି ଅଜୁରି ରାସା ଇଟିନି ବାସ୍ତା ତୁପୁ



ଜମିନି ଦିନାତି ପ୍ରବୁ

(ମାତି ୧୨:୧-୮; ମାର୍କ ୨:୨୩-୨୮)

୧ ର ଜମିନି ଦିନା ଜୀସୁ ତାନି ସୀସୁୟାଁ ତଲେ ଗହଁ ଗୁଡ଼ିୟାଟି ହାଜିମାଟାଟି ସୀସୁୟାଁ ଗହଁ ଜେକା ତାପହାନା କେୟୁତଲେ ରାକହା ତିଞ୍ଜିମାଚେରି । ୨ ସାମା ପାରୁସିୟାଁ ବିଦ୍ରାଟି ଏଚରଜାଣା ଏଲେଇଚେରି, “ଜମିନି ଦିନାତା ଏନାଆଁ କିନାୟି ମେରା ହିଲେଏ ମୀରୁ ଏନାଆଁତାକି କିହିମାଞ୍ଜେରି ।”

୩ ଜୀସୁ ଏଞ୍ଜାରାଇଁ ଏଲେଇଚେସି, “ଦାସ୍ତୁଦ ଅଡେ ତାନି ତଣେସିଙ୍ଗା ହାକି ମାଟାଟି ଏନାଆଁ କିହାମାଚେରି, ଏଦାଆଁ ମୀରୁ ଏଚେଲା ପଡ଼ୁଞ୍ଚି ଆହାହିଲଅଚେରି ?

୪ ଏଞ୍ଜାସି ମାହାପୁରୁ ଇଲୁତା ହଡ଼ାନା ଆମିନି ହେରପିଆହାମାନି ରୁଟି ପୂଜେରାଙ୍ଗା ପିସପେ ଆମ୍ବାଆରି ତିନି ମେରା ହିଲାଆତେ ଏଦାଆଁ ତିଚେସି ଇଞ୍ଜା ତାନି ତଣେସିଙ୍ଗାକି ଜିକେଏ ହୀତେସି ।”

୫ ଅଡେ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମାଣ୍ଡସି ମୀରୁଏସି ଜମିନି ଦିନାତି ପ୍ରବୁ ଆନେସି ।”

ଞ୍ଜାୟିତି କେୟୁ ଗାଟାଣାଇଁ ନେହଁକିନାୟି

(ମାତି ୧୨:୯-୧୪; ମାର୍କ ୩:୧-୬)

୬ ଏଞ୍ଜାସି ର ଜମିନି ଦିନାତା ଜୀହୁଦି ଲକୁଡି କୁଟମି ଇଲୁତା* ହାଜାନା ଜାପୁହି ମାଚେସି; ଏମ୍ବାଆଁ ରଅସି ମାଚେସି ଏଞ୍ଜାଣି ଟିଃନି କେୟୁ ଞ୍ଜାୟାହାଜାମାଚେ । ୭ ଅଡେ ଏଞ୍ଜାସି ଜମିନି ଦିନାତା ନେହଁକିନେସିକି ଆଏ ଏଦାଆଁ ସିନିକିହାଲି ମେରାପୁନାରି ଅଡେ ପାରୁସିୟାଁ କୁଗାନା ସିନିକିହିମାଚେରି, ଏନିକିଁ ଏଞ୍ଜାଣାଇଁ ଦହ ଆସାଲି ପାରୁ ବେଟାଆନେରି । ୮ ସାମା ଏଞ୍ଜାସି ଏଞ୍ଜାରି ହିୟାତି ଅଣ୍ପୁ ପୁଞ୍ଜାନା ଆମିନି ଲକୁଡି କେୟୁ ଞ୍ଜାୟାହାଜାମାଚେ ଏଞ୍ଜାଣାଇଁ ଏଲେଇଚେସି, “ନିଙ୍ଗାମୁ ମାଦି ନିମୁ ।” ଏଚେଟିଏ ଏଞ୍ଜାସି ନିଚେସି । ୯ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ମିଙ୍ଗେ ଖେଞ୍ଜିମାଞ୍ଜାଇଁ ଜମିନି ଦିନାତା ଏନାଆଁ କିନାୟି ମେରା ମାନେ ? ନେହଁକିନାୟି କି ଲାଗେଏ କିନାୟି ? ଜୀହୁଡି ଗେଲପିନାୟି କି ନାସା କିନାୟି ?” ୧୦ ଅଡେ ଏଞ୍ଜାସି ସାରିଞ୍ଜାକି ଲକୁଣି ସିନିକିହାନା ଏଞ୍ଜାଣାଇଁ ଏଲେଇଚେସି, “ନୀ କେୟୁ ଦାହ୍ମୁ ।” ଏମ୍ବାଟିଏ ଦାସ୍ତୁସି, ଇଞ୍ଜା ଏଞ୍ଜାଣି କେୟୁ ନେହଁ ଆହାହାଚେ । ୧୧ ଏଦାଆଁ ମେସାନା ଏଞ୍ଜାରି କାର୍ବି ଆହାହାଚେରି ଅଡେ ଜୀସୁଇଁ ଏନିକିହାଲି ଆନେ ଇଞ୍ଜାଁ ତାମ୍ବୁ ତ୍ରାମ୍ବୁ କାତା ଆଡେଚି ।

ଜୀସୁ ବାରଜାଣା ସୀସୁୟାଁଆଡ଼ିନାୟି

(ମାତି ୧୦:୧-୪; ମାର୍କ ୩:୧୩-୧୯)

୧୨ ଏଚିବେଲାତା ଏ ଦିନା ପ୍ରାଡାନା କିହାଲି ହରୁ ଲାକ ହାଚେସି ଇଞ୍ଜାଁ ଲାଆଁ ଖେୟେ ମାହାପୁରୁ ତାଣା ପ୍ରାଡାନା କିଚେସି । ୧୩ ଲାକ ଖେୟାଲିଏ ଏଞ୍ଜାସି ତାନି ସୀସୁୟାଁ ତାଗେ ହାଟାନା ଏଞ୍ଜାରି ବିଦ୍ରାଟି ବାରଜାଣାଟି ଆଡିଚେସି;

ଇଞ୍ଜାଁ ଏଞ୍ଜାରାଇଁ ପାଣ୍ଡୁଞ୍ଚି ଆଡାରି ଇଞ୍ଜାଁ ଦରୁ ଇଚିଚେସି, ୧୪ ଏଞ୍ଜାରି ଆଡେଚି ସିମନ ଆମ୍ବାଆରାଇଁ ଏଞ୍ଜାସି ପିତର ଦରୁ ହୀତେସି, ଅଡେ ତାନି ତାୟି ଆୟିୟ, ଜାକୁବ ଅଡେ ଜହନ, ପିଲିପ, ବାର୍ତଲମି, ୧୫ ମାତିୟୁ ଅଡେ ତମା, ଆଲେପି ମୀରୁଏସି ଜାକୁବ ଅଡେ ସିମନ, ଆମିନି ଗାଟାଣାଇଁ ତାନି ଦେସାଟି ଜୀହୁ ନନାସି ଇନେରି, ୧୬ ଜାକୁବ ମୀରୁଏସି ଜୀହୁଦା ଅଡେ ଇସ୍ପାରିୟତ ଜୀହୁଦା, ଆମ୍ବାଆସି ଜୀସୁଇଁ ସାତୁ କେୟୁତା ହେରପିଚେସି ।

ଜୀସୁତି ଜାପୁନାୟି ଅଡେ ରଗଟି ନେହଁକିନାୟି

(ମାତି ୪:୨୩-୨୫)

୧୭ ଅଡେ ଏଞ୍ଜାସି ଏଞ୍ଜାରିତଲେ ରେଟାଞ୍ଜାହାନା ନିମା ଗାଟି ଟାୟୁତା ନିଚେସି, ଇଞ୍ଜାଁ ତାନି ହାଚେକା ସୀସୁୟାଁ ଅଡେ ବାରେ ଜୀହୁଦା ଦେସା ଜିରୁସାଲମ ଇଞ୍ଜାଁ ସର ଅଡେ ସିଦନ ଦାରିଟି ହାଚେକା ଖାଡେଚି । ୧୮ ଏଞ୍ଜାରି ଜୀସୁତି କାତା ଖେଞ୍ଜାଲି ଅଡେ ତାନି ରଗଟି ନେହଁ ଆହାଲି ଖାହାମାଚେରି, ଅଡେ ଆମିନି ଗାଟାରି ବୃତୁୟାଁ ତାଣାଟି କସ୍ତୁ ବେଟାଆହି ମାଚେରି, ଏଞ୍ଜାରି ଜିକେଏ ନେହଁ ଆଚେଚି; ୧୯ ବାରେଜାଣା ଏଞ୍ଜାଣାଇଁ ତୀଗାଲି ମନ କିହିମାଚେରି, ଇଚିହଁ ଏଞ୍ଜାଣି ତାଣାଟି ବାଡ଼ୁୟୁ ହଡ଼ାନା ବାରେଜାଣାଟି ନେହଁ କିହିମାଚେ ।

ଆମ୍ବାଆରି ନେହେଁ

(ମାତି ୫:୧-୧୨)

୨୦ ଏଚିବେଲାତା ଜୀସୁ ତାନି ସୀସୁୟାଣି ସିନିକିହାନା ଏଲେଇଚେସି, “ହିଲାଆଗାଟାଚେରି ମୀରୁ; ମିଙ୍ଗେ ନେହେଁ, ଇଚିହଁ ମାହାପୁରୁ ରାଜି ମାଦିଏ । ୨୧ ନୀଏଁ ହାକି ଗାଟାଚେରି ମୀରୁ; ମିଙ୍ଗେ ନେହେଁ, ଇଚିହଁ ମୀରୁ ତାୟୁ ପାଞ୍ଜିଦେରି । ନୀଏଁ ତୀହିମାନାଚେରି ମୀରୁ; ମିଙ୍ଗେ ନେହେଁ, ଇଚିହଁ ମୀରୁ ତାୟୁ କାକ୍ଦେରି ।”

୨୨ *ଏଚେତା ଲକୁ ମିଙ୍ଗେ ଅପଅରି ଅଡେ ମାଣ୍ଡସି ମୀରୁଏଣା ତାକି ଏଟକା କିୟାନେରି, ଅଡେ ନିନ୍ଦା କିୟାନେରି ଇଞ୍ଜାଁ ମୀ ଦରୁତି ଲାଗେଏତାୟି ଇଞ୍ଜାଁ ଅପଅରି, ଆଡିହଁ ମୀରୁ ନେହେଁ । ୨୩ *ଏ ବେଲାତା ରାହାତଲେ ଏନ୍ଦାଦୁ, ଏନିଇଚିହଁ ଲାକପୁରୁ ମିଙ୍ଗେତାକି ହାଚେକା ଦାନା ମାନେ; ଅଡେ ଏଲେକିହଁଏ ଏଞ୍ଜାରି ଆକୁ ଆବାୟାଁ ମାହାପୁରୁ ଅଣ୍ପୁଡି ବଲୁ ଖେହନାରାଇଁ କିହିମାଚେରି ।”

୨୪ “ସାମା ଆୟତା ତଣ୍ଡ ବେଟାଆନି ଦନ ଗାଟାଚେରି ମୀରୁ; ମୀରୁ ମୀ ଅଣ୍ପିମାଟି ସୁକୁ ବେଟା ଆହାମାଞ୍ଜେରି !

୨୫ ଆୟତା ତଣ୍ଡ ବେଟାଆନାଚେରି ନୀଏଁ ପାଞ୍ଜାମାନାଚେରି ମୀରୁ;

ଇଚିହଁ ତାୟୁ ମୀରୁ ହାକି ଆଦେରି ।

ଆୟତା ନୀଏଁ କାକ୍ହି ମାନାଚେରି ମୀରୁ;

* ୨:୨ ୨:୨ ସିନଗଗ ✨ ୨:୨୨ ୨:୨୨ ଚପିତ ୪:୧୪ ✨ ୨:୨୩ ୨:୨୩ କାମା ୨:୫୨

ଇତିହାସ ଡାକ୍ତର ମାରୁ ଦୁକୁ ଆହ୍ୱାନା ଡାକେଇ ।”

୨୭ “ଏତିବେଳା ବାରେ ଲକୁ ମିଙ୍ଗେ ନେହାଁତେରି ଇଞ୍ଜାନେରି, ଏତିବେଳା ଆୟତା ତଣ୍ଡ ବେଟା ଆନାତେରି; ଏଲେକିହାସ ଏଞ୍ଜାରି ଆକୁ ଆବାୟା ମିଟି ବଲୁ ଖେହନାରାଇଁ କିହିମାଚେରି ।”

ସାତୁୟାଁଇଁ ଜୀଞ୍ଜନନାୟି

(ମାତି ୫:୩୮-୪୮; ୭:୧୨)

୨୭ ସାମା ମାରୁ ଖେଞ୍ଜିମାଞ୍ଜେରି, ନାନୁ ମିଙ୍ଗେ ଖେସିମାଞ୍ଜାଇଁ, ମୀ ସାତୁୟାଁଇଁ ଜୀଞ୍ଜନନୁ; ଆମ୍ବାଆରି ମିଙ୍ଗ ଅପଅରି ଏଞ୍ଜାରି ନେହାଁ କିଦୁ; ୨୮ ଆମ୍ବାଆରି ମିଙ୍ଗ ବାକା ଇଟାନେରି, ଏଞ୍ଜାରାଇଁ ବର ହାଦୁ; ଆମ୍ବାଆରି ମିଙ୍ଗେ ଲାଗେଏ କିହାଁ ଲେମ୍ବାନେରି ଏଞ୍ଜାରି କସମି ପ୍ରାତାନା କିଦୁ । ୨୯ ଆମ୍ବାଆସି ମିଙ୍ଗେ ର ଗେଏଲୀତା ସାପ୍ରା ଖେତାନେସି, ଏଞ୍ଜାଣାକି ଅର ଗେଏଲୀ ଜିକେଏ ଅଗାହାଦୁ; ଇଞ୍ଜା ଆମ୍ବାଆସି ମୀ ହିମ୍ବୁରି ଅନେସି ଏଞ୍ଜାଣାଇଁ ମୀ ସକା ଜିକେଏ ଅହାଲି କାହିକିଆଦୁ । ୩୦ ଆମ୍ବାଆସି ମିଙ୍ଗେ ରାସ୍ତାନେସି, ଏଞ୍ଜାଣାକି ହାଦୁ; ଇଞ୍ଜା ଆମ୍ବାଆସି ଦନ ଅନେସି, ଏଞ୍ଜାଣାଇଁ ଖେଣ୍ଡେ ରାହାଦୁ । ୩୧ ଲକୁ ମିଙ୍ଗେ ଏନିକିଁ ଲେମ୍ବାପେରି ଇଞ୍ଜାଁ ଅଣ୍ଡିମାଞ୍ଜେରି, ମାରୁ ଜିକେଏ ଏଞ୍ଜାରାଇଁ ଏଲେକିହାଁ ଲେମ୍ବାଦୁ ।

୩୨ ଇଞ୍ଜା ଆମ୍ବାଆରି ମିଙ୍ଗେ ଜୀଞ୍ଜ ନୟାନେରି, ଏଞ୍ଜାରାଇଁ ଜୀଞ୍ଜ ନଡିହାଁ ଏନି ବର ବେଟାଆଦେରି ? ଇତିହାସ ପାପୁ ଗାଟାରି ଜିକେଏ ତାମଙ୍ଗେ ଜୀଞ୍ଜ ନନାରାଇଁ ଜୀଞ୍ଜ ନନେରି । ୩୩ ଅଡେ ଆମ୍ବାଆରି ମିଙ୍ଗେତାକି ନେହାଁ କିୟାନେରି, ମାରୁ ଏଞ୍ଜାରି ନେହାଁ କିଦେରି, ଆତିହାସ ମାରୁ ଏନି ବର ବେଟାଆଦେରି ? ଇତିହାସ ପାପୁ ଗାଟାରି ଜିକେଏ ଏଲେକିନେରି । ୩୪ ଇଞ୍ଜା ଆମ୍ବାଆରି ତାଣାଟି ବେଟାଆହାଲି ଆସା ମାନେ, ଏଞ୍ଜାରାକି ରାଣା ହାତିସାରେ ମାରୁ ଏନି ବର ବେଟାଆଦେରି ? ପାପୁ ଗାଟାରି ଜିକେଏ ସମାନା ଲେକାତଲେ ବେଟାଆହାଲି ପାପୁ ଗାଟାରାକି ରାଣା ହାନେରି । ୩୫ ସାମା ମୀ ସାତୁୟାଁଣି ଜୀଞ୍ଜନଦୁ ଇଞ୍ଜା ଏଞ୍ଜାରି ନେହାଁ କିଦୁ, ଖେଣ୍ଡେ ବେଟାଆହାଲି ଆସା କିଆନା ଉଦାରା ହାଦୁ; ଆତିହାସ ମିଙ୍ଗେତାକି କାଜା ଦାନା ମାନେ, ଇଞ୍ଜା ମାରୁ କାଜା ମାହାପୁରୁତି ମାରୁକା ଆଦେରି, ଇତିହାସ ଏଞ୍ଜାସି ଜୀଞ୍ଜ ନଆଗାଟାରାଇଁ ଅଡେ ପାପୁ ଗାଟାରାଇଁ ଜିକେଏ ଜୀଞ୍ଜ ନନାସି । ୩୬ ମୀ ଲାକପୁରୁତି ଆବା ଏନିକିଁ କାର୍ମା ମେହନାସି ମାରୁ ଜିକେଏ ଏଲେକିହାଁ ଏ କାର୍ମା ମେହନାଚେରି ଆଦୁ ।

ଏଟକା ତାରାଇଁ ନାହାଁୟି କିଆଦୁ

(ମାତି ୭:୧-୫)

୩୭ “ଅଡେ ନାହାଁୟି କିଆଦୁ, ଆତିହାସ ମାରୁ ମାହାପୁରୁ ତାଣା ନାହାଁୟି କିଞ୍ଚି ଆଅତେରି; ଦହ ଦହଆଦୁ, ଆତିହାସ ମାରୁ ମାହାପୁରୁ ତାଣା ଦହ ଗାଟାଚେରି ଆଅତେରି;

ଦହ ମେକ୍କଦୁ, ଆତିହାସ ମାହାପୁରୁ ମୀ ଦହ ଜିକେଏ ମେକ୍କହାନେସି; ୩୮ ହାଦୁ ଆତିହାସ ମିଙ୍ଗେ ଜିକେଏ ହାପକିଆନେ; ଲକୁ ମାଣାଟି ନେଞ୍ଜିକିହାନା ଏଦାନି ନାବଗାନା ଦାକ୍ତହାନା ତେଲି କିହାନା ମୀ ଅଟଡିତା ହିୟାନେରି; ଇତିହାସ ଆମିନି ମାଣାତଲେ ଲାଡିଦେରି, ମିଙ୍ଗେ ଜିକେଏ ଏ ମାଣା ତଲେଏ ଲାଟା ହିୟାନେରି ।”

୩୯ ଏଞ୍ଜାସି ଏଞ୍ଜାରାଇଁ ର ପୁଣ୍ଡିକିନି କାତା ଜିକେଏ ଏଲେଇଚେସି, “ର କାଣା ଅର କାଣାଇଁ ଜିରୁ ତସାଲି ଆଡିନେସିକି ? ଏଞ୍ଜାରି ରିଆରି ଜିକେଏ ରହେଏ ଗାଡ଼ୟତା ତରଗଅରି କି ? ୪୦ ଏସୀସୁ ତାନି ଗୁରୁ କିହାଁ କାଜାସି ଆଏ; ସାମା ବାରେଜାଣା ସୀସୁୟାଁ ନେହାଁ କିଁ ଜାପାଲି ଆଡିସାରେ ତାନି ଗୁରୁ ସମାନା ଆନେରି ।”

୪୧ ଅଡେ ଏନାଆଁତାକି ମୀ ତାୟି କାନୁତି ଲାଟା ସିନିକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନାଣି ଏନାଆଁତାକି ଅଣ୍ଡି ହିଲଅତି ? ୪୨ ନାନୁ ନୀ କାନୁତା ମାନି କାଜା ଲାଟାଟି ଅଣ୍ଡିଆନା, ଏନିକିଁ ନୀ ତାୟିଇଁ ଏଲେଇଞ୍ଜାଲି ଆଡିଦି, ତାୟି ଖାମୁ ନୀ କାନୁତା ମାନି ଲାଟା ଡେଞ୍ଜାଇଁ, ଆଡେ କୁରୁ ଗାଟାଟି ତଲିଏ ନୀ କାନୁତି କାଜା ଲାଟା ଡେଞ୍ଜା କତାମୁ, ତାୟି ମୀ ତାୟି କାନୁତି ଲାଟା ନେହାଁ କିଁ ମେସାଲି ଆଡିଦି ।

ମାରୁନୁ ଅଡେ ତାନି ପାଡେଡି

(ମାତି ୭:୧୭-୨୦; ୧୨:୩୩-୩୫)

୪୩ “ଇତିହାସ ଇଲେତି ଏନି ର ନେହାଁ ମାରୁନୁ ହିଲେଏ, ଏମିନାୟି ଲାଗେଏତି ପାଡେଡି ଆୟିନେ, ଅରଞ୍ଜାକି ଇଲେତି ଏନି ମାରୁନୁ ହିଲେଏ ଏମିନାୟି ନେହାଁ ପାଡେଡି ଆୟିନେ । ୪୪ ଇତିହାସ ବାରେ ମାରୁକାଣି ତାନି ପାଡେଡି ତଲେ ପୁନାୟି; ହାପକା ମାରୁନୁଟି ଲକୁ ତୟା ପାଡେଡି ଏହଅରି, ଇଞ୍ଜା ହାପକା ବୁଟାଟି ଅଞ୍ଜୁରି ପାଡେଡି ଏହଅରି ।

୪୫ ନେହାଁ ଲକୁ ନେହାଁ ମନ ବିତ୍ରାଟି ନେହାଁ କାତା ହପନେସି, ଇଞ୍ଜା ପଲ୍ଲଆ ଗାଟାସି ପଲ୍ଲଆ ମନ ବିତ୍ରାଟି ପଲ୍ଲଆ କାତା ହପନେସି; ଇତିହାସ ହିୟାଁ ବିତ୍ରା ମାନାଣି ଗୁଡିଟି ଜଲିନେସି ।

ରୀ ଇଲକା କେପିନାରି

(ମାତି ୭:୨୪-୨୭)

୪୬ ଅଡେ ମାରୁ ଏନାଆଁତାକି ନାଙ୍ଗେ ପ୍ରବୁ ପ୍ରବୁ ଇଞ୍ଜାଁ ମାଞ୍ଜାଦେରି, ସାମା ନା କାତା ମାନଞ୍ଚି ଆହି ହିଲଅତେରି ? ୪୭ ଆମ୍ବାଆସି ନା ତାଣା ଖାହାନା ନା କାତା ଖେଞ୍ଜାନା ବାରେ ମାନଞ୍ଚି ଆନେସି, ଏଞ୍ଜାସି ଏନିଲେହେତାସି, ନାନୁ ମିଙ୍ଗେ ଖେସ୍ତାଇଁ । ୪୮ ଏଞ୍ଜାସି ଇଲେତି ର ଇଲୁ ଦହନିଲେହେତି ଲକୁ, ଏମିନିଗାଟାସି ଗାଡି ଗାଡ଼ୟ କାରୁହାନା ପୁନାଦି ଖାଲକାତଲେ କାଡି ନିପନେସି; କାଜା କାତା ଖାହାନା ଏ ଇଲୁତି ଗୁପିତେ, ଖାଲକାତଲେ ଇଲୁ ଦସାମାଟାକି କାତା ଇଲୁତି ଦାକ୍ତହାଲି ଆଡାଆତେ । ୪୯ ସାମା ଆମ୍ବାଆସି

☆ ୭:୩୧ ୭:୩୧ ମାତି ୭:୧୨ ☆ ୭:୩୯ ୭:୩୯ ମାତି ୧୫:୧୪ ☆ ୭:୪୦ ୭:୪୦ ମାତି ୧୦:୨୪,୨୫; ଜହ ୧୩:୧୭; ୧୫:୨୦ ☆ ୭:୪୪ ୭:୪୪ ମାତି ୧୨:୩୩ ☆ ୭:୪୫ ୭:୪୫ ମାତି ୧୨:୩୪

ଖେଜାନା ମାନୁଷି ଆଥସି ଏଝାସି ଗାଡ଼ୁୟୁଟିଏ ପୁନାଦି କିଆନା ଲାକ ଲାକ ଇରଥା ଲାକ ଇଲୁ କିହାମାନି ଲକୁ ଲେହେତସି; କାଜା କାତା ଝାହାନା ଇଲୁତି ଗୁପାଲିଏ ଦେବୁଣିଏ ଇଲୁ ରିହା ହାଚେ ଇଞ୍ଜା କୁଡ଼ପୁନାସା ଆହାହାଚେ ।”



ଜୀସୁ ର ରମିୟ ହଲେଏଣାଇଁ ନେହୁଁ କିନାୟି
(ମାତି ୮:୫-୧୩)

୧ ଜୀସୁ ଲକୁ ନକିତା ବାରେ କାତା ଖେସାଲି ରାପୁହାଲିଏ କପରନାହୁମ ଗାଡ଼ାତା ହାଚେସି । ୨ ଏତିବେଲାତା ରଥସି ପାସାକଡ଼ି କସ୍କା ମୁହେଁ କାଜାଣା ହଲେଏସି ହାନିଲେହେଁ ନମେରି ଆହାମାଚେସି; ଏ ହଲେଏଣାଇଁ ଏଝାସି ହାରେକା ଜୀସୁ ନହୁଁ ମାଚେସି । ୩ ଏଝାସି ଜୀସୁ କାତା ଖେଜାନା, ଏଝାସି ଏନିକିଁ ଝାହାନା ତାନି ହଲେଏଣାଇଁ ନେହୁଁ କିନେସି, ଇଦାଆଁତାକି ଜୀହୁଦି ଲକୁତି କାଜାରି ବିତ୍ରାଟି ଏଚରଜାଣାତି ଏଝାଣି ତାଣା ପାଣ୍ଡାନା ବାତିମାଲିତେସି । ୪ ଏଝାରି ଜୀସୁ ତାଣା ଝାହାନା ହାରେକା ବାତିମାଲିହୁଁ ଖେସ୍ତେରି, “ଏଝାସି ନୀ ତାଣାଟି ହାରେକା ସାୟେମି ବେଟାଆହାଲି ପାଡ଼ା ଆନାସି; ୫ ଇତିହୁଁ ଏଝାସି ମା ଜୀହୁଦି ଲକୁଣି ଜୀସୁ ନନେସି ଅଡ଼େ ତାନୁଏ ମାଜେତାକି ଜୀହୁଦି ଲକୁତି କୁଟମି ଇଲୁ* କିହାମାନେସି ।”

୬ ଏମ୍ବାଟିଏ ଜୀସୁ ଏଝାରିତଲେ ହାଚେସି, ଏଝାସି କାଜାଣି ଇଲୁଟିଏ ହିରେ ହେକ ମାଚାଟିଏ ତାନି ତଡ଼େସିକାଣି ଖେସା ପାଣ୍ଡିତେସି, “ଏ ପ୍ରବୁ ନୀନୁ ଅଡ଼େ କସ୍ତ ପ୍ଲାଝଆନିଦେ; ଇତିହୁଁ ନୀନୁ ନା ଇଜ ପାଝୁଲି ଇତିଦି ଇଲେକିଁ ପାଡ଼ାଆଆତାଚେସି; ୭ ଇଦାଆଁତାକି ନାନୁ ନୀ ତାଣା ଝାହାଲି ପାଡ଼ାଆଆଁ ଇଞ୍ଜାଁ ଅଣ୍ଡିତେସି; ସାମା ନୀନୁ ର ପଦୁ ଖେସା ପାଣ୍ଡାମୁ ନା ହଲେଏସି ନେହୁଁ ଆନେସି । ୮ ଇତିହୁଁ ନୀନୁ ରଥସି ତାଣା କାମା କିନି ମାଣ୍ଡସି ଆଡ଼ିହୁଁ ଜିକେଏ ନା ଅଦିକାରାତା ଅଡ଼େ କସ୍କା ମାନେରି; ଅଡ଼େ ନାନୁ ରଅଣାଇଁ ହାଲାମୁ ଇତିହୁଁ ହାନେସି; ରଅଣାଇଁ ଝାମୁ ଇତିହୁଁ ଝାନେସି; ଇଞ୍ଜାଁ ନା ହଲେଏଣାଇଁ ଇଦାଆଁ କିମୁ ଇତିହୁଁ ଏଝାସି କିନେସି ।”

୯ ଜୀସୁ ଇ ବାରେ କାତା ଖେଜାନା କାବା ଆଡ଼େସି, ଅଡ଼େ ଜେଟ ଝାହିମାନି ଲକୁଝାକି ସିନିକିହାନା ଏଲେଇଚେସି, “ନାନୁ ମିଜେ ଖେସିମାଞ୍ଜାଇଁ ଇସ୍ତାୟେଲ ଲକୁ ବିତ୍ରା ଜିକେଏ ନାନୁ ଇଲେତି ନାମୁ ମେସାହିଲଅଁ ।”

୧୦ ଅଡ଼େ ପାଣ୍ଡୁଝି ଆହାମାଟି ଲକୁ ଇଜ ଝାହାନା ହଲେଏସି ନେହୁଁ ଆହାମାନାଣି ମେସ୍ତେରି ।

ରାଣ୍ଡେଣି ଇୟାନି ମାରଏଣାଇଁ ଜୀସୁ ହୀନାୟି

୧୧ ଏମ୍ବାଟିଏ ନାଇନ ଦରୁଗାଟି ଗାଡ଼ାତା ହାଚେସି, ତାନି ସୀସୁୟାଁ ଇଞ୍ଜାଁ ହାରେକା ଲକୁ ଏଝାଣିତଲେ ହାଜିମାଚେରି । ୧୨ ଏଝାସି ଗାଡ଼ାଟି ଗଲିମୁଟାତା ଏଜାଲିଏ ଲକୁ ର ମାଡ଼ହାତି ପାକ୍ମାତା ଡେକା ତାଟି ମାଚେରି, ଏଝାସି ତାନି ଇୟାନି

ରଣ୍ଡିଏ ମାରଏସି ମାଚେସି, ଇଞ୍ଜାଁ ଏ ଇୟା ରାଣ୍ଡେଣି ମାଚେ; ଅଡ଼େ ଗାଡ଼ାଟି ହାରେକା ଲକୁ ଏଦାନିତଲେ ମାଚେରି ।

୧୩ ଏଦାନି ମେସାନା ଜୀସୁ ହାରେକା କାର୍ମା ଅଣପାନା ଏଦାନି ଏଲେଇଚେସି, “ଡ଼ାଆନି ।” ୧୪ ଅଡ଼େ ଏଝାସି ତାଗେ ହାଜାନା ଡେକାମାଟି ଚେଚେଣିତି ଡାଗିତେସି, ଇଞ୍ଜାଁ ଡେକା ଅହିମାଟି ଲକୁ ନିଚାଲିଏ ଜୀସୁ ଏଲେଇଚେସି, “ଆଡ଼େ ଦାଂଗଣେଣାଁତି ! ନାନୁ ଏଲେଇଞ୍ଜିମାଞ୍ଜାଇଁ ନିକ୍ମାମୁ !” ୧୫ ଏଚେଟିଏ ହାହାମାଟି ଦାଂଗଣେଏସି ନିକ୍ମାନା କୁଗିତେସି ଇଞ୍ଜାଁ ଜଲିତେସି, ଇଞ୍ଜାଁ ଏଝାସି ତାନି ଇୟାନି କେୟୁତା ହେରପିତେସି ।

୧୬ ଏଚେଟିଏ ବାରେଜାଣା ଆଜିତାକି ମାହାପୁରୁଇଁ ଜହରା କିହୁଁ ଏଲେଇଚେରି; “ମା ବିତ୍ରା ର ମାହାପୁରୁ ଅଣ୍ଡପୁତି ବଲୁ ଖେହନାସି ହଟାମାନେସି, ଇତିହୁଁ ମାହାପୁରୁ ତାନି ଲକୁଣି କାର୍ମା ମେସାମାନେସି !”

୧୭ ଇଞ୍ଜାଁ ଜୀସୁ କିତି ଇ କାତା ବାରେ ଜୀହୁଦା ଦେସାତା ଅଡ଼େ ସାରିସ୍ତୁ ମାନି ରାଜିତା ଖେଜାହାଚେ ।

ବାପ୍ତିସ୍ମାଁ ହୀନି ଜହନତି କାବୁ ଖେହନାରି
(ମାତି ୧୧:୨-୧୯)

୧୮ ତାୟୁ ବାପ୍ତିସ୍ମାଁ ହୀନି ଜହନତି ସୀସୁୟାଁ ଇ ବାରେ କାତା ଏଝାଣାଇଁ ଖେସ୍ତେରି । ୧୯ ଏଚେଟିଏ ଜହନ ତାନି ରୀ ସୀସୁୟାଁ ତାଗେ ହାଟାନା ପ୍ରବୁ ତାଣା ଏଲେଇଞ୍ଜା ପାଣ୍ଡିତେସି, “ଆମ୍ବାଆସି ଝାନାୟି ମାଚେ, ନୀନୁଏ ଏଝାଟିକି, ଆଆତୁଁ ମାମୁ ଅର ରଅଣାଇଁ କାଝଆନମି ?”

୨୦ ଏଝାରି ଜୀସୁ ତାଣା ଝାହାନା ଏଲେଇଚେରି, “ବାପ୍ତିସ୍ମାଁ ହୀନି ଜହନ ମାଜେ ଏଲେଇଞ୍ଜା ପାଣ୍ଡାତେସି, ଆମ୍ବାଆସି ଝାନାୟି ମାଚେ ଏଝାଟି ନୀନୁଏ କି ଆଆତୁଁ ମାମୁ ଅର ରଅଣାଇଁ କାଝଆନମି ?”

୨୧ ଏତିବେଲା ଏଝାସି ହାରେକା ରଗ, କସ୍ତ ଅଡ଼େ ପଲୁଆ ବୁଡୁୟାଁ ତାଣାଟି ହାରେକା ଲକୁଣି ନେହୁଁ କିତେସି, ଇଞ୍ଜାଁ ହାରେକା କାଣ୍ଡକା ମେହୁଆଗାଟାରାଇଁ ମେହୁନି ବାଡ଼ୁୟୁ ହାଚେସି । ୨୨ ଏଝାସି ଏଝାରାଇଁ ଏଲେଇଚେସି, “ମୀରୁ ହାଜାନା ଏନା ଏନାଆଁ ମେସାମାଞ୍ଜେରି ଅଡ଼େ ଖେଜାମାଞ୍ଜେରି, ଏ ବାରେ ଜହନଇଁ ଖେହଦୁ; କାଣ୍ଡକା ମେହୁଆଗାଟାରି ମେସାଲି ଆଡ଼ିମାନେରି, ସଟାୟାଁ ତାକାଲି ଆଡ଼ିମାନେରି, କାଜା ରଗ ଗାଟାରି ନେହୁଁ ଆହିମାନେରି, ବେରାୟାଁ ଖେଜିମାନେରି, ହାଡ଼ାରି ନାଡ଼ିମାନେରି, ଅଡ଼େ ହିଲାଆ ଗାଟାରି ନେହୁଁ କାବୁ ଖେଜିମାନେରି; ୨୩ ନା ତାଣା ଆମ୍ବାଆରି ଆନାମାନା ଆଆନା ନାମାନେରି, ତାମ୍ଲେଏ ନେହେଁ ।”

୨୪ ଜହନ ସୀସୁୟାଁ ହାଜାଲିଏ, ଜୀସୁ ଲକୁଣି ଜହନତି କାତା ଏଲେଇଚେସି, “ଏତିବେଲା ବାଝଲି ବାଟାତା ମୀରୁ ହାଜାମାଚେରି, ଏମ୍ବାଆଁ ଏନାଆଁ ମେସାଲି କାଟାମାଚେରି ? ଏନାଆଁ ଗାଲି ତଲେ ଝାଲିମାନି ତାଣ୍ଡିତି ? ୨୫ ଏଦାଆଁ ଆଆଡ଼ିହୁଁ ଏନାଆଁ ମେସାଲି ହାଜାମାଚେରି ? ନେହୁଁ

* ୭:୫ ୭:୫ ସିନଗର୍ † ୭:୧୭ ୭:୧୮ ମୁଞ୍ଜିନାୟି ‡ ୭:୧୮ ୭:୧୮ ମୁଞ୍ଜିନାୟି § ୭:୨୦ ୭:୨୦ ମୁଞ୍ଜିନାୟି

ଅକ୍ତି ପାତାଡ଼ା ହିନ୍ଦୁର ହୁତାମାନି ର ମାଣ୍ଡିଲ୍ ? ମେହଦୁ ଆମ୍ବାଆରି ନେହ୍ ନେହ୍ ହିନ୍ଦୁରକା ହୁତାନା ସୁକୁ ତଲେ ଡ଼ିନାରି ଏଞ୍ଜାରି ରାଜା ଗାଡ଼ାତା ଡ଼ିନେରି ! ୨୭ ଏଦାଆଁ ଆଆତ ଏଦାଆଁ ମେସାଲି ହାଜାମାଚେରି ? ଏଦାଆଁ ର ମାହାପୁରୁ ଅଣ୍ପୁତି ବଲୁ ଝେହ୍ନାଣାଇଁ ? ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମାହାପୁରୁ ବଲୁ ଝେହ୍ନାରି କିହାଁ କାଜାଣାଇଁ । ୨୮ ଆମ୍ବାଆରି କାତା ରାସ୍ତି ଆହାମାନେ, ‘ହେଶୁ ନାନୁ ନା କାବୁ ଝେହ୍ନାଣାଇଁ ନୀ ନକିତା ପାଣ୍ଡିମାଞ୍ଜାଇଁ, ଏଞ୍ଜାସି ନୀ ନକିତା ଜିରୁ ତିୟାରା କିନେସି, ଏଞ୍ଜାସି ଏ ମାଣ୍ଡିସି ।’ ୨୮ ନାନୁ ମିଙ୍ଗେ ସାତା ଝେସିମାଞ୍ଜାଇଁ ଇୟାନି ବାଣ୍ଡିଟି ଜାନାଁ ଆହାମାନାରି ବିତ୍ରା ଜହନ ବାରେକିହାଁ କାଜାସି; ଆଡ଼ିକିକେଏ ମାହାପୁରୁ ରାଜିତା ଆମ୍ବାଆସି ଡ଼ିଶା ଏଞ୍ଜାସି ଏଞ୍ଜାଣି କିହାଁ କାଜାସି ।”

୨୯ *ବାରେଜାଣା ଇ କାତା ଝେଞ୍ଜାନା, ସିସୁ ରୁାହ୍ନାରି ଜିକେଏ ଜହନ ତାଣ୍ଡାଟି ବାପ୍ତିସ୍ମ* ଅହାମାଚାକି ମାହାପୁରୁଇଁ ସାତା ଇଞ୍ଜିଁ ଇଚେରି; ୩୦ ସାମା ପାରୁସିୟାଁ ଅଡ଼େ ମେରାପୁନାରି ଏଞ୍ଜାଣି ତାଣ୍ଡାଟି ବାପ୍ତିସ୍ମ† ପ୍ଲାଠଆନାହାଁ ତାମ୍ବେ ତାକି ମାହାପୁରୁ ଅଣ୍ପିମାଚାଣି କୂଚେରି ।

୩୧ “ଇ କାଲ୍ମାତି ଲକୁଣି ଆମ୍ବାଆରି ତଲେ ତୁକଇଁ, ଇଞ୍ଜା ଏଞ୍ଜାରି ଆମ୍ବାଆରି ଲେହେଁ ? ୩୨ ଏମିନି କକାରି ହାଟା ବାଜାରତା କୁଗାନା ତାମ୍ବୁ ଏଲେଇଣ୍ଡି ଆନେରି, ‘ମାମ୍ବୁ ମିଙ୍ଗାତାକି ପାରୁଡ଼ି ଡ଼କିତମି, ମୀରୁ ଏଦାଆଡେରି; ମାମ୍ବୁ ତୁକୁ ତଲେ ଡ଼ାତମି ମୀରୁ ଡ଼ାଆଡେରି !’ ଏଞ୍ଜାରି ଇଲେତାରି ଇଞ୍ଜିଁ ଜୀସୁ ଝେସୁସି । ୩୩ ଇଚିହ୍ ବାପ୍ତିସ୍ମ‡ ହାନି ଜହନ ଝାହାନା ରାନ୍ଦା ତିନାଆଡେସି କି ଅଞ୍ଜୁରି ରାସା ଗହ୍ନାଡେସି, ଅଡ଼େ ମୀରୁ ଏଲେଇଚେରି, ‘ଏଞ୍ଜାଣାଇଁ ବୃତୁ ଆଲଗାମାଚେ ।’ ୩୪ ମାଣ୍ଡିସି ମୀରୁଏସି ଝାହାନା ରାନ୍ଦା ତିଚେସି ଉଚେସି, ଅଡ଼େ ମୀରୁ ଏଲେ ଇଞ୍ଜିମାଞ୍ଜେରି, ‘ମେହଦୁ ଇଞ୍ଜାସି ଟିଣ୍ଡିକାଞ୍ଜୁ, କାଡ଼ବୁତୁ, ସିସୁ ରୁାହ୍ନାରି ଅଡ଼େ ପାପୁ ଗାଟାରି ତଣ୍ଡେଏସି ।’ ୩୫ ମାହାପୁରୁଡ଼ି ବୁଦି ତାନି ବାରେ ମୀରୁକା ତାଣ୍ଡାଟି ସାତା ଇଞ୍ଜିଁ ତଞ୍ଜାଆନେ ।”

ପାରୁସି ସିମନ ଇଜ ଜୀସୁ ହାନାୟି

୩୬ ଅଡ଼େ ପାରୁସିୟାଁ ବିତ୍ରାଟି ରଅସି ଜୀସୁଇଁ ତାନି ଇଜ ତିଞ୍ଜାଲି ଏଲେଇଚେସି, ଏମ୍ବାଟିଏ ଜୀସୁ ଏ ପାରୁସି ଇଜ ହତାନା ରାନ୍ଦା ତିଞ୍ଜାଲି କୁରିଚେସି । ୩୭ *ମେହଦୁ ଏ ଗାଡ଼ାତା ପାପୁଗାଟି ର ଇୟା ମାଚେ; ଜୀସୁ ପାରୁସିୟାଁ ଇଜ ତିଞ୍ଜାଲି କୁଗାମାନେସି ଇଞ୍ଜିଁ ପୁଞ୍ଜାନା ଏଦି ର ଗାଜୁତା ଗାନ୍ଦାଗାଟି ନିୟୁଁ ତାଚାନା, ୩୮ ତାୟୁଞ୍ଜାକି ଜୀସୁ କତାୟାଦାରି ନିଚାନା ଡ଼ାହି ଡ଼ାହି କାଣ୍ଡୁ ବକ୍ତହାନା ଏଞ୍ଜାଣି ପାଠଆନାୟାଁ ଡ଼ିଦି କିହାନା ତାନି ତାୟୁଁ ବାଣାୟାଁ ତଲେ ଜୀସୁ ପାଠଆନାୟାଁ ଜେଜିହ୍ ଏଞ୍ଜାଣି ପାଠଆନାୟାଁ ନଶ୍ଚିତେ ଅଡ଼େ ଗାନ୍ଦା ନିୟୁଁ ରୁବିଚେ । ୩୯ ଏଦାଆଁ ମେସାନା ଆମିନି ପାରୁସି ହାଟାମାଚେସି, ଏଞ୍ଜାସି ମନ ମନତା ଅଣ୍ପିଚେସି, “ଇଞ୍ଜାସି

ମାହାପୁରୁ ଅଣ୍ପୁତି ବଲୁ ଝେହ୍ନାସି ଆହାମାଚିହ୍ ମା, ତାଙ୍ଗେ ତାଗିମାନି ଇୟାଟି ଏନିଲେହେଁତାୟି ପୁଚେସିମା, ଇଚିହ୍ ଏଦି ପାପୁ ଗାଟାୟି ।”

୪୦ ଜୀସୁ ଏଞ୍ଜାଣାଇଁ ଏଲେଇଚେସି, “ଆଡ଼େ ସିମନ ନାନୁ ନିଙ୍ଗେ ର କାତା ଝେସ୍ତାନାୟିମାନେ ।”

ଏଞ୍ଜାସି ଏଲେଇଚେସି, “ହାଅ ପ୍ରବୁ ଝେସ୍ତାମ୍ବୁ ।”

୪୧ “ର ସାଞ୍ଜୁକାରି ତାଣ୍ଡା ରିଆରି ରୀଶାଗାଟାରି ମାଚେରି; ରଅସି ପାସାଞ୍ଜା ଅଡ଼େ ରଅସି ରୀ କଡ଼ି ଦସଟାକା ରୀଶା ଗାଟାସି । ୪୨ ଏଞ୍ଜାରି ରୀଶା ଡ଼ିକ୍‌ହାଲି ଆଡ଼ାଆଲିଏ, ଏଞ୍ଜାରି ସାଞ୍ଜୁକାରି ରିଆରି ରୀଶାଟି ଜିକେଏ ପିସାଡୁସୁସି । ଇଞ୍ଜା ଏଞ୍ଜାରି ବିତ୍ରାଟି ଆମ୍ବାଆସି ଏଞ୍ଜାଣାଇଁ ହାରେକା ଜୀସୁ ନନେସି ?”

୪୩ ସିମନ ଏଲେଇଚେସି, “ନା ଅଣ୍ପୁତା ଆମ୍ବାଆରାକି ଗାଡ଼ି ରୀଶା ପିସ୍‌ପିଆଡେ ଏଞ୍ଜାସି ।”

ଜୀସୁ ଏଲେଇଚେସି, “ନୀନୁ ନେହ୍ ଅଣ୍ପିପାମାଞ୍ଜି ।”

୪୪ ଅଡ଼େ ଏଞ୍ଜାସି ଏ ଇୟାନିଞ୍ଜାକି ସିନିକିହାନା ସିମନଇଁ ଏଲେଇଚେସି, “ଇ ଇୟାନି ମେସିମାଞ୍ଜି ? ନାନୁ ମୀ ଇଜ ଝାଡେଏଁ, ନା କତାୟାଁ ତାକି ଏୟୁ ହିୟାଆଡି, ସାମା କାଣ୍ଡୁ ତୁଲେ ନା ପାଠଆନାୟାଁ ଡ଼ିଦି କିହାନା ତାନି ତାୟୁଁ ବାଣାୟାଁ ତଲେ ଜେଜାଡେ । ୪୫ ନୀନୁ ନାଙ୍ଗେ ନଶ୍ଚାଆଡି ? ସାମା ନାନୁ ବିତ୍ରା ଝାଞ୍ଜିନିଏ ନା ପାଠଆନାୟାଁ ନଶ୍ଚାଲି ପିସିମାଞ୍ଜେଏ । ୪୬ ନୀନୁ ନା ତାୟୁଁ ତୁ ନିୟୁଁ ରୁବାଆଡି ? ସାମା ଇଦି ନା ପାଠଆନାଣାଁ ଗାନ୍ଦା ନିୟୁଁ ରୁବାଡେ । ୪୭ ଇଦାଆଁତାକି ନାନୁ ନିଙ୍ଗେ ଝେସିମାଞ୍ଜାଇଁ, ଇଦାନି ହାରେକା ପାପୁ ମେଣ୍ଡାମାନେ ଏଦାଣିତାକି ଏଦି ହାରେକା ଜୀସୁନହ୍ ମାଞ୍ଜାନେ; ସାମା ଆମ୍ବାଆରାକି ଡ଼ିଶା ପାପୁ ମେଣ୍ଡାମାନେ ଏଞ୍ଜାସି ଡ଼ିଶା ଜୀସୁ ନନେସି ।” ୪୮ ଅଡ଼େ ଜୀସୁ ଏ ଇୟାନି ଏଲେଇଚେସି, “ନୀ ପାପୁ ବାରେ ମେଣ୍ଡାମାନେ ।” ୪୯ ଏମ୍ବାଟିଏ ଏଞ୍ଜାଣିତଲେ ତିଞ୍ଜାଲି କୁଗାମାଚାରି ମନ ମନତା ଏଲେଇଚେରି, “ପାପୁ ଜିକେଏ ମେଣ୍ଡାକି କିହିମାନେସି ଇଞ୍ଜାସି ଆମ୍ବାଆସି ?”

୫୦ ସାମା ଜୀସୁ ଏ ଇୟାନି ଏଲେଇଚେସି, “ନୀ ନାମୁ ନିଙ୍ଗେ ଗେଲ୍‌ପାମାଞ୍ଜାନେ; ହିଡ଼ି ତଲେ ହାଲାମ୍ବୁ ।”



ଜୀସୁତଲେ ଡ଼ିନି ଇୟାସିକା

୧ ଏଚରଦିନା ତାୟୁଁ ଜୀସୁ ଗାଡ଼ାତାକି ଗାଡ଼ା ନାୟୁଁ ତାକି ନାୟୁଁ ରେଜିହ୍ ମାହାପୁରୁ ରାଜିତି ନେହ୍ କାବୁ ଝେକହେସି, ଅଡ଼େ ବାରେଜାଣା ସୀସୁୟାଁ ଏଞ୍ଜାଣିତଲେ ମାଚେରି, ୨ ଅଡ଼େ ଏମିନିଗାଟି ଇୟାସିକା ପଲ୍‌ଆ ବୃତୁୟାଁ ତାଣ୍ଡାଟି ରଗଟି ନେହ୍ କିଞ୍ଜି ଆହାମାଚୁ, ଇଚିହ୍ ମଗ୍‌ଦଲିନି ମରିୟମ, ଆମ୍ବାଆରି ତାଣ୍ଡାଟି ସାଡ଼ାଗାଟା ବୃତୁୟାଁ ହଟାହାଜାମାଚୁ, ୩ ହେରଦ ଇଜତି ଗୁମୁସ୍ତା କୁଜା ଅଡ଼େ ତାନି ଡ଼କ୍ତି ଜହାନା, ସସାନା ଅଡ଼େ ହାରେକା

* ୭:୨୯ ୭:୨୯ ମାତି ୨୧:୩୨; ଲୁକ ୩:୧୨ * ୭:୨୯ ୭:୨୯ ମୁଞ୍ଜିନାୟି † ୭:୩୦ ୭:୩୦ ମୁଞ୍ଜିନାୟି ‡ ୭:୩୩ ୭:୩୩ ମୁଞ୍ଜିନାୟି ☆ ୭:୩୭ ୭:୩୭ ମାତି ୨୭:୭; ମାର୍କ ୧୪:୩; ଜହ ୧୨:୩

ଇୟାସିକା ଏଞ୍ଜାଣିତଲେ ମାଞ୍ଜାନା ତାମି ଦନ ହାହାନା ଏଞ୍ଜାରି ସେବା କିହିମାତୁ ।

ବିଚା ମାଟିନି ପୁଣ୍ଠିକିନି କାତା
(ମାତି ୧୩:୧-୧୯; ମାର୍କ ୪:୧-୯)

୪ ଲକୁ ବାରେ ଗାଡ଼ାୟାଟି ଖାହିମାଚାକି ହାରେକା ଲକୁ ଏଞ୍ଜାଣି ତାଣା ରୁଣ୍ଡା ଆଡେରି ଇଞ୍ଜା ଏଞ୍ଜାସି ଏଞ୍ଜାରାଲ୍ଲ ପୁଣ୍ଠିକିନି କାତାତଲେ ଖେସ୍ତେସି ।

୫ “ରଅସି ବିଚା ମାଟିନାସି ବିଚା ମାଟାଲି ହଡେସି । ଏଞ୍ଜାସି ମାଟି ମାଟିହୁଁ କଚେକା ବିଚା ଜିରୁତା ରାତେ ଏଦାଆଁ ଲକୁ ଖିସାତୁସ୍ତେରି, ଅଡେ ହାଗୁ ଲାକ ଉମ୍ବିନି ପଟା କାଟି ପେରହା ତିରୁ । ୬ ଅଡେ କଚେକା ଖାଲକା ଲାକ ରାତେ, ଇଞ୍ଜା ନେୟାନା ବୁମି ଅଲୁ ହିଲାଆତାକି ଖାୟାହାଚେ । ୭ ଅଡେ କଚେକା ହାପକା ବୁଟାତା ରାତେ, ଇଞ୍ଜା ହାପକା ବୁଟା ପାତାଆହାନା ଆନା ତାକିତି ପୁକହାତୁସ୍ତେ । ୮ ଅଡେ କଚେକା ବିଚା ନେହୁଁ ବୁମିତା ରାତେ, ଇଞ୍ଜା ପାତାଆହାନା ପାସାକଡ଼ି ପାଡେୟି ଆୟିତେ ।” ଏଚେଟିଏ ଜୀସୁ କାଜା ଗିୟାତଲେ ଏଲେଇଚେସି, “ଆମ୍ବାଆରାକି ଖେଞ୍ଜାଲି କୀକା ମାନ୍ତୁ ଏଞ୍ଜାରି ଖେଣ୍ଡାମ୍ବାରି ।”

ପୁଣ୍ଠିକିନି କାତାତି ଅଣପୁ
(ମାତି ୧୩:୧୦-୧୭; ମାର୍କ ୪:୧୦-୧୨)

୯ ତାମି ସୀସୁୟାଁ ଇ ପୁଣ୍ଠିକିନି କାତାତି ଅର୍ଡ ଏନାୟି ଇଞ୍ଜୁଁ ଖେଚେରି, ୧୦ ଏଞ୍ଜାସି ଏଲେଇଚେସି, “ମାହାପୁରୁ ରାକିତି କାତା ପୁଞ୍ଜାଲି ମିଙ୍ଗେ ବାଡ଼ୁୟୁ ହାପକି ଆହାମାନେ, ସାମା ଏଟକା ତାରାଲ୍ଲ ପୁଣ୍ଠିକିନି କାତାତଲେ ଖେସ୍ତପିଆନେ, ଇଚିହୁଁ ଏଞ୍ଜାରି ମେସି ମେସିହୁଁ ମେହୁଅରି ଅଡେ ଖେଞ୍ଜିଖେଞ୍ଜି ତେଲହୁଅରି ।”

ଜୀସୁ ବିଚା ମାଟିନି କାତାତି ପୁଣ୍ଠିକିନାୟି
(ମାତି ୧୩:୧୮-୨୩; ମାର୍କ ୪:୧୩-୨୦)

୧୧ ପୁଣ୍ଠିକିନି କାତା ଅର୍ଡ ଇଦି, ବିଚା ମାହାପୁରୁ ବଲୁ, ୧୨ ଜିରୁ ଦାରିତି ପାଡେୟି ଇଲେତାରି, ଏଞ୍ଜାରି ମାହାପୁରୁ କାତା ଖେନେରି; ତାୟୁ ସୟତାନା ଖାହାନା ଏଞ୍ଜାରି ଏନିକ୍ ନାମାଆପେରିଖା ଅଡେ ଗେଲ୍ପି ଆଆପେରିଖା ଇଞ୍ଜୁଁ ଏଞ୍ଜାରି ହିୟାତା ଖେଞ୍ଜାମାନାଣି ମାଞ୍ଜାଅନେ । ୧୩ ଖାଲକା ବୁମିତା ରିତି ଲକୁ ଇଲେତାରି, ଏଞ୍ଜାରି କାତା ଖେଞ୍ଜାନା ରାହାଟି ଆହୁନେରି; ଏଞ୍ଜାରିତାଣା ହୀରୁ ଜୀଆତାକି ଗାଡେକା ତାକି ନାମିନେରି, ଅଡେ ତାୟିପାରି କିନାୟି ଖାଡିସାରେ ମାହାପୁରୁଇଁପିସା ତୁହୁନେରି । ୧୪ ଅଡେ ହାପକା ବୁଟାତା ରିତି ଲକୁ ଇଲେତାରି ଆମିନି ଗାଟାରି ମାହାପୁରୁ କାତା ଖେଞ୍ଜାନା ଦାରତିତି ଦୁକୁ କାକୁଲି, ଦନତି ଜୁପକା ଅଡେ ଦାରତିତି ରାହାଁ ଏଞ୍ଜାରାଲ୍ଲ ପୁକହାତୁସାମାନାକି ନେହୁଁ କାମ୍ବାଲି ଆଡୁଅରି । ୧୫ ନେହୁଁ ବୁମିତା ରିତି ପାଡେୟି ଇଲେତାରି, ଏମିନିଗାଟାରି ନେହୁଁ ସୁଦୁଜୀଞ୍ଜୁ ହିୟାଟି କାତା ଖେଞ୍ଜାନା

ଆହୁନେରି, ଅଡେ ବାରେ ଅରହାନା କାମା କିହାନା ପାଡେୟି ଆୟିନେରି ।

ମାଣା ପୁକ୍‌ହି ଦୀଞ୍
(ମାର୍କ ୪:୨୧-୨୫)

୧୬ *ଦୀଞ୍ ତୀସାନା ଆମ୍ବାଆରି ମାଣା ପୁକ୍‌ହାନା କି କାଚେଲି ତୁଇକା ଇଟଅରି, ସାମା ଦୀଞ୍ ସଡ଼ାତା ଇଟିନେରି, ଏନିକ୍ ଇଜଞାନି ଲକୁ ଉଜେଡ଼ି ମେହୁନେରି ।

୧୭ *ଡଗୁମାନାୟି ଏନାୟିଖା ହିଲେଏ, ଏନାୟି ତଞ୍ଜା ଆଏ ଇଲେକ୍ ଏନାୟି ଜିକେଏ ହିଲେଏ, ଖେସ୍ତପି ଆହାନା ତଞ୍ଜା ଆଏ ଇଲେତି ଡଗୁମାନାୟି ଏନାୟି ହିଲେଏ ।

୧୮ ଏନିକ୍ ଖେଞ୍ଜାମାଞ୍ଜେରି ଏଦାଆଁତାକି ଜାଗ୍ରାତା; ଇଚିହୁଁ ଆମ୍ବାଆରାଖାୟି ମାନେ ଏଞ୍ଜାଣାକି ହାପକିଆନେ, ଅଡେ ଆମ୍ବାଆରାଖାୟି ହିଲେଏ ଏଞ୍ଜାସି ନାଡି ମାନେ ଇଞ୍ଜୁଁ ଅଣ୍ପିମାନେସି, ଏଦାଆଁ ଜିକେଏ ଅଞ୍ଜିଆନେ ।

ଜୀସୁତି ଇୟା ଅଡେ ତାୟିୟାଁ
(ମାତି ୧୨:୪୭-୫୦; ମାର୍କ ୩:୩୧-୩୫)

୧୯ ଜୀସୁତି ଇୟା ଅଡେ ତାମି ତାୟିୟାଁ ଏଞ୍ଜାଣି ତାଣା ଖାଡେରି, ସାମା ଲକୁ ମାନ୍ଦା ମାଚାକି ଏଞ୍ଜାଣି ତାଣା ହାଜାଲି ଆଡାଆତେରି । ୨୦ ଏମ୍ବାଟିଏ ଜୀସୁଇଁ ଖେସ୍ତେରି, “ମୀ ଇୟା ଅଡେ ମୀ ତାୟିୟାଁ ନିଙ୍ଗେ ମେସାଲି ପାଙ୍ଗାତା ନିଚାମାନେରି ।”

୨୧ ସାମା ଏଞ୍ଜାସି ବାରେତି ଏଲେଇଚେସି, “ମାୟା ଅଡେ ମା ତାୟିୟାଁ ଏଞ୍ଜାରି, ଆମ୍ବାଆରି ମାହାପୁରୁତି କାତା ଖେନେରି ଅଡେ ମାନଞ୍ଜି ଆନେରି ।”

ଜୀସୁ କାଜା ଗାଲିତି ସାପି କିନାୟି
(ମାତି ୮:୨୩-୨୬; ମାର୍କ ୪:୩୫-୪୧)

୨୨ ର ଦିନା ଜୀସୁ ଅଡେ ତାନି ସୀସୁୟାଁ ତଂଗତା କୁଗିତେରି, ଇଞ୍ଜା ଜୀସୁ ଏଞ୍ଜାରାଲ୍ଲ ଏଲେଇଚେସି, “ଖାଦୁ ମାର ସାମ୍‌ଦୁରି ଆତାଲା ହାନ ।” ଏମ୍ବାଟିଏ ଏଞ୍ଜାରି ତଂଗଟି ହାଚେରି । ୨୩ ସାମା ଏଞ୍ଜାରି ତଂଗତା ହାଜିମାନି ବେଲାତା ଜୀସୁ ତୁରାତେସି । ଏଟିବେଲା ସାମ୍‌ଦୁରିତା କାଜା ଗାଲି ଆଡେ, ଅଡେ ଏୟୁ ତଂଗତା ହଡିମାଚାକି ଏଞ୍ଜାରି ହାରେକା କସ୍ତ ଆଡେରି ଇଞ୍ଜା ଆଜିତେରି । ୨୪ ଏଚେଟିଏ ସୀସୁୟାଁ ତାଗେ ଖାହାନା ନିକ୍‌ହାଁ ଏଲେଇଚେରି, “ଏ ଗୁରୁ ଏ ଗୁରୁ ମାର ହାହିମାନାୟି !”

ଏମ୍ବାଟିଏ ଏଞ୍ଜାସି ନିଙ୍ଗାନା କାଜା ଗାଲିତି ଦାକା ହୀତେସି, ଇଞ୍ଜା ଏ ବାରେ ସାପି ଆହାନା ସୁସ୍ତି ଆଡେ । ୨୫ ଇଞ୍ଜା ଏଞ୍ଜାସି ଏଞ୍ଜାରାଲ୍ଲ ଏଲେଇଚେସି, “ମୀ ନାମ୍ ଆମ୍ବିୟା ?” ସାମା ଏଞ୍ଜାରି ଆଜି ଅଡେ କାବାଆହାନା ତାମ୍ବୁ ଏଲେଇଶ୍ପି ଆଡେରି, “ଇଞ୍ଜାସି ଏନିଲେହେଁତାସି ଇଚିହୁଁ ଗାଲି ଅଡେ ଖାଡିମାନି ଏୟୁଣି ଜିକେଏ ହୁକୁମି ହାହିମାନେସି ।”

ବୁଡୁୟାଁ ଆଲ୍‌ଗା ମାଚାଣାଲ୍ ଜୀସୁ ନେହୁଁ କିନାୟି
(ମାତି ୮:୨୮-୩୪; ମାର୍କ ୫:୧-୨୦)

☆ ୮:୧୭ ମାତି ୫:୧୫; ଲୁକ ୧୧:୩୩ ☆ ୮:୧୭ ମାତି ୧୦:୨୬; ଲୁକ ୧୨:୨

୨୭ ତାହୁଁ ଏଞ୍ଜରୀ ଗାଲିଲି ନକିତି ଆତାଲାଞ୍ଜାକି ଗରାସିୟ ଦେସାତା ଏତେରି । ୨୭ ଜୀସୁ ତଂଗଟି ରେଚାନା ଗାଟୁତା ଖାହାଲିଏ, ଏ ଗାଡ଼ାତି ର ବୁତୁ ଆଲଗା ମାଚାସି ଖାହାନା ଏଞ୍ଜାଣାଇଁ ବେଟାଆତେସି; ଏଞ୍ଜାସି ଗାଟୁ ଦିନାଟିଏ ହିମ୍ବରକା ହୁଚାଆନା ଅଡ଼େ ଇଜ ମାନାଆନା ମାଡ଼ହା ମୁହନି ଟାୟୁତା ଡ଼ୟିମାଚେସି । ୨୮ ଏଞ୍ଜାସି କିରଡ଼ିହଁ ଜୀସୁ କଡ଼ାଣା ରିହାନା କାଜା ଗିୟାଁତଲେ ଏଲେଇଚେସି, “ଏ ବାଡ଼ୁୟୁଗାଟି ମାହାପୁରୁ ମୀର୍ଏଣାତି ଜୀସୁ ନୀ ତଲେ ନାଙ୍ଗେ ଏନାୟି ମାନେ ? ନାନୁ ବାତିମାଲିମାଞ୍ଜାଇଁ ନାଙ୍ଗେ ଅଡ଼େ କସ୍ତ ହିୟାଆନି ।” ୨୯ ଇତିହଁ ଜୀସୁ ଏ ପଲୁଆ ବୁତୁତି ଏ ମାଣ୍ଡସି ତାଣାଟି ହଡ଼ା ହାଜାଲି ହୁକୁମି ହାହାଲି ହାଜିମାଚେସି । ଏ ପଲୁଆ ବୁତୁ ହାଡ଼େକା ପାଲି ଏଞ୍ଜାଣାଇଁ ଆଲଗାମାଚେ, ଇଞ୍ଜା ଲକୁ ଏଞ୍ଜାଣାଇଁ କେସ୍ତା କଡ଼ାଣା ହିକ୍‌ଶିୟାଁ ତଲେ ଦସ୍‌ପା ଇତିମାଚେରି, ସାମା ଏ ଦସ୍‌ପା ମାଚାଣି ତାପୁହାନା ବୁତୁ ତଲେ ବାୟା ଆହାନା ଲକୁ ହିଲାଆ ଟାୟୁତା ହଟିମାଚେସି ।

୩୦ ଜୀସୁ ଏଞ୍ଜାଣାଇଁ ଏଲେଇଚେସି, “ନୀ ଦରୁ ଏନାୟି ?”

“ନା ଦରୁ ମାନ୍ଦା” ଇଞ୍ଜାଁ ଇଚେସି, ଏନାଆଁତାକି ଇତିହଁ ହାରେକା ବୁତୁୟାଁ ଆଲଗାମାଚୁ । ୩୧ ଇଞ୍ଜାଁ ଜୀସୁ ଏଞ୍ଜାସିକାଣି ତାଡ଼େପୁରୁ ପାଣ୍ଡାଲି ହୁକୁମି ହାଅସି, ଇଦାଆଁତାକି ଏଞ୍ଜାଣାଇଁ ବାତିମାଲିତୁ ।

୩୨ ଏମ୍ବାଆଁ ହରୁ ଦାରିତା ର ମାନ୍ଦା ପାଜିୟାଁ ମେୟଁମାଚୁ, ଇଞ୍ଜାଁ ଜୀସୁଇଁ ଏ ବୁତୁୟାଁ ପାଜିୟାଁ ମାନ୍ଦା ବିତ୍ରା ହାଜାଲି ହେଲ ରାସ୍ତୁ । ୩୩ ଏଞ୍ଜାସି ହେଲ ହାହାଲିଏ, ବୁତୁୟାଁ ଏ ମାଣ୍ଡସି ତାଣାଟି ହଡ଼ା ହାଜାନା ପାଜିୟାଁ ବିତ୍ରା ହଡ଼ୁ; ଏଚେଟିଏ ଏ ପାଜିୟାଁ ଏ ହରୁଟି ଦାବଡ଼ି ହାଜାନା ଦାରିତା ମାଟି ସାମ୍‌ଦୁରିତା ମେଦା ହାହାହାଚୁ ।

୩୪ ଏ ପାଜିୟାଁ ମାନ୍ଦା ମେଟିମାଟି ଗଡ଼କା ଏଦାଆଁ ମେସାନା ହଚେରି ଇଞ୍ଜାଁ ଗାଡ଼ା ଅଡ଼େ ନାସ୍‌କାଣାଁ ଏ କାତା ଝେସ୍ତେରି । ୩୫ ଏନାୟି ଆହାମାନେ ଏଦାଆଁ ମେସାଲି ଲକୁ ହଡ଼ାଖାତେରି; ଇଞ୍ଜାଁ ଏଞ୍ଜାରି ଜୀସୁ ତାଗେ ଖାହାନା, ଆମିନି ମାଣ୍ଡସି ତାଣାଟି ବୁତୁୟାଁ ହଡ଼ା ହାଜାମାଚୁ, ଏଞ୍ଜାଣାଇଁ ନେହଁ ହିମ୍ବରକା ହୁଚାନା ନେହଁ ମନତଲେ ଜୀସୁ କଡ଼ାଁ ଡ଼ଇ କୁଗାମାଚାଣି ମେସାନା ଆଜିତେରି । ୩୬ ଅଡ଼େ ଆମିନି ଗାଚାରି ମେସାମାଚେରି ଏଞ୍ଜାରି ଏ ବୁତୁ ଆଲଗା ମାଚାସି ଏନିକଁ ନେହଁ ଆଡ଼େସି, ଏଦାଆଁ ଏଞ୍ଜାରାଇଁ ଝେସ୍ତେରି । ୩୭ ଏମ୍ବାଟିଏ ଗରାସିୟ ବାରେ ନାସ୍‌କାତି ସାରିଞ୍ଜାକି ବାରେ ଲକୁ ଜୀସୁଇଁ ତାମି ଦେସାଟି ହାଜାଲି ବାତିମାଲିତେରି, ଇତିହଁ ଏଞ୍ଜାରି ହାରେକା ଆଜିମାଚେରି । ଇଞ୍ଜାଁ ଏଞ୍ଜାସି ର ତଂଗତା ହଚାନା ଝେଣ୍ଡାହାଚେସି । ୩୮ ସାମା ଏମିନିଗାଚାଣି ତାଣାଟି ବୁତୁୟାଁ ହଡ଼ା ହାଜାମାଚୁ, “ନାଙ୍ଗେ ନୀ ତଲେ ହାଜଲି ହେଲ ହିୟାମୁ” ଇଞ୍ଜାଁ ବାତିମାଲିତେସି; ୩୯ ସାମା ଜୀସୁ ଏଞ୍ଜାଣାଇଁ ହେଲ ହାହାନା, “ମୀ ଇଜ ଝେଣ୍ଡା ହାଲାମୁ, ଇଞ୍ଜାଁ ମାହାପୁରୁ ନିଙ୍ଗେତାକି ଆମିନି କାମା କିହାମାଞ୍ଜାନେସି ଏ କାତା ଝେକ୍‌ମୁ ।” ଏଚେଟିଏ ଏଞ୍ଜାସି ହାଜାନା ଜୀସୁ

ତାଙ୍ଗେତାକି ଆମିନି କାମା କିହାମାଚେସି, ଏ ବାରେ ଗାଡ଼ାତା ଝେକ୍‌ହେସି ।

ଜାୟିରସତି ମାଙ୍ଗା ଅଡ଼େ ଜୀସୁତି ହିମ୍ବରି କୁକୁ ଡାଗିତି ଇୟା

(ମାଟି ୯:୧୮-୨୭; ମାର୍କ ୫:୨୧-୪୩)

୪୦ ଜୀସୁ ଝେଣ୍ଡା ଖାହାଲିଏ ମାନ୍ଦା ଲକୁ ଏଞ୍ଜାଣାଇଁ ରାହାଁତଲେ ବେଟାଆତେରି, ଇତିହଁ ଏଞ୍ଜାରି ବାରେଜାଣା ଏଞ୍ଜାଣାଇଁ କାଡ଼ିମାଚେରି । ୪୧ ଏମ୍ବାଟିଏ ଜାୟିରସ ଦରୁଗାଚାସି ଖାଡ଼େସି; ଏଞ୍ଜାସି ଜୀହୁଦି ଲକୁତି କୁଟମି ଇଲୁଡି* କାଜାସି ମାଚେସି । ଏଞ୍ଜାସି ଜୀସୁ କଡ଼ାଣା ରିହାନା ତାମି ଇଜ ହାଜାଲି ବାତିମାଲିତେସି, ୪୨ ଇତିହଁ ଏଞ୍ଜାଣାକି ବାର ବାର୍ଯାତି ରଣ୍ଡିଏ ମାଙ୍ଗା ମାଚେ, ଏଦି ହାନ୍ଦିଲେହେଁ ନମେରି ଆହାମାଚେ ।

ସାମା ଏଞ୍ଜାସି ହାଜିମାଚାଟି ଲକୁ ଏଞ୍ଜାଣି ମୁହେଁ ମୁହେଁ ଆହିମାଚେରି । ୪୩ ଏଚିବେଲାତା ବାର ବାର୍ଯା ପାତେକା ନେତେରି ଝାଙ୍ଗିନି ରଗଗାଟି ର ଇୟା, ଏମିନି ଗାଚାୟି ଆମ୍ବାଆରି ତାଣାଟି ଜିକେଏ ନେହଁ ଆହାଲି ଆଡ଼ିହିଲାଆତେ, ୪୪ ଏଦି ତାୟୁ ଝାକିଟି ଝାହାନା ଜୀସୁତି ହିମ୍ବରି କୁକୁ ଡାଗିତେ, ଏ ଦେବୁଣିଏ ଏଦାନି ନେତେରି ବନାୟି ପିସ୍ତେ । ୪୫ ଏମ୍ବାଟିଏ “ନାଙ୍ଗେ ଆମ୍ବାଆୟି ଡାଗାତେ” ଇଞ୍ଜାଁ ଜୀସୁ ଝେଚେସି ?

ସାମା ବାରେଜାଣା ଆଏ ଇଞ୍ଜାଲିଏ, ପିତର ଏଲେଇଚେସି, “ଏ ଗୁରୁ ଲକୁ ବାରେ ମୁହେଁ ମୁହେଁ ଆହିମାନେରି ।”

୪୬ ସାମା ଜୀସୁ ଏଲେଇଚେସି, “ନାଙ୍ଗେ ଆମ୍ବାଆୟିମା ଡାଗାତେ, ଇତିହଁ ନା ତାଣାଟି ର ବାଡ଼ୁୟୁ ହଡ଼ାକି ନାନୁ ପୁଚେସଁ ।” ୪୭ ଏମ୍ବାଟିଏ ଏ ଇୟା ଝାହାନା ଅଣ୍ଡପିତେ ନାନୁ ଅଡ଼େ ଡ଼ଗୁାନା ମାଞ୍ଜାଲି ଆଡ଼ଅଁ ଇଞ୍ଜାଁ ଅଣ୍ଡପାନା ଆଜିତାକି ତାରା ତାରା ଆହଁ ଜୀସୁ କଡ଼ାଣା ରିହାନା, ଏନାଆଁତାକି ଡାଗିତେ ଇଞ୍ଜାଁ ଦେବୁଣିଏ ଏନିକଁ ନେହଁ ଆଡ଼େ, ବାରେ ଲକୁ ନକିତା ଝେସ୍ତେ । ୪୮ ଏମ୍ବାଟିଏ ଜୀସୁ ଏଦାନି ଏଲେଇଚେସି, “ମାଙ୍ଗା ନୀ ନାମୁ ନିଙ୍ଗେ ନେହଁ କିହାମାଞ୍ଜାନେ, ହିଡ଼ଡ଼ିଟି ହାଲାମୁ ।”

୪୯ ଜୀସୁ ଇ କାତା ଝେସିମାଟି ବେଲାତା ଜୀହୁଦି ଲକୁତି କୁଟମି ଇଲୁଡି† କାଜାଣା ଇଜଟି ରଅସି ଝାହାନା ଜାୟିରସଇଁ ଏଲେଇଚେସି, “ନୀ ମାଙ୍ଗା ହାହାହାଚେୟିଏ ଗୁରୁଇଁ ଅଡ଼େ କସ୍ତ ହାଆନିଦେହେଁ ।”

୫୦ ସାମା ଜୀସୁ ଏ କାତା ଝେଞ୍ଜାନା ଏଞ୍ଜାଣାଇଁ ଏଲେଇଚେସି, “ଆଜାଆନି ନାମାମୁ ଏଦି ନୀଡିନେ ।”

୫୧ ଅଡ଼େ ଜୀସୁ ଇଜ ଝାହାନା ପିତର, ଜହନ ଅଡ଼େ ଜାକୁବ ଇଞ୍ଜାଁ ପଦାନି ତାମି ଆବା ଇୟାନି ପିସ୍‌ପେ ଆମ୍ବାଆରାଇଁ ବିତ୍ରା ହାଜାଲି ହାଆତେସି । ୫୨ ସାମା ବାରେଜାଣା ଡ଼ାହି ଡ଼ାହଁ ବକତା ଝେଚା କଡ଼ିମାଚୁ । ଏମ୍ବାଟିଏ ଜୀସୁ ଏଲେଇଚେସି, “ଡ଼ାଆଦୁ; ଏଦି ହାହାହିଲେଏ, ସାମା ତୁରାମାନେ ।”

* ୮:୪୧ ୮:୪୧ ସିନଗର † ୮:୪୯ ୮:୪୯ ସିନଗର

୫୩ ସାମା ପଦା ହାହାମାନାଣି ପୁଞ୍ଜାନା ଏଢ଼ି ଏଞ୍ଜାଣାଇଁ କାକହୁ । ୫୪ ସାମା ଜୀସୁ ପଦାନି କେୟୁ ଆସାନା ହାଟାହାଁ ଏଲେଇଚେସି, “ଆକେ ପଦା, ନିଜ୍ଞାମୁ ।” ୫୫ ଏମ୍ବାଟିଏ ପଦାନି ଜୀସୁ ଖେଣ୍ଡା ଖାତେ ଅଡ଼େ ଏ ଦେବୁଣିଏ ନିଜ୍ଞିତେ, ଇଞ୍ଜା ଇଚାଣି ତିଞ୍ଜାଲି ହୀଦୁ ଇଚେସି । ୫୬ ଏମ୍ବାଟିଏ ତାମି ତାଲି ତାଞ୍ଜି କାବାଆଡୁ; ସାମା ଇ ପଦା ନେହଁ ଆଡାଣି ଆମ୍ବାଆରାଇଁ ଖେହ୍‌ଆଦୁ ଇଞ୍ଜଁ ଏଞ୍ଜାସିକାଣି ହୁକୁମି ହୀତେସି ।



ଜୀସୁ ବାରଜାଣା ସୀସୁୟାଁଇଁ ପାଣ୍ଡିନାୟି

(ମାତି ୧୦:୫-୧୫; ମାର୍କ ୬:୭-୧୩)

୧ ଏଚେଟିଏ ଜୀସୁ ବାରଜାଣାତି ହାଟାନା ରୁଣ୍ଡା କିହାନା ଏଞ୍ଜାରାଇଁ ବାରେ ବୁଡୁୟାଁ ଲାକ ଅଡ଼େ ରଗଟି ନେହଁ କିହାଲି ବାଡ଼ୁୟୁ ଅଡ଼େ ଅଦିକାରା ହୀତେସି । ୨ ଅଡ଼େ ଏଞ୍ଜାସି ଏଞ୍ଜାରାଇଁ ମାହାପୁରୁତି ରାଜିତି କାତା ଖେକ୍‌ହାଲି ଅଡ଼େ ରଗଟି ଗାଟାରାଇଁ ନେହଁ କିହାଲି ପାଣ୍ଡିତେସି ୩ ଇଞ୍ଜା ଏଞ୍ଜାରାଇଁ ଏଲେଇଚେସି, “ମୀରୁ ହାଜାଲିତାକି କୁତା ବାଡ଼ଗା କି ମଣା କି ରୁଟି କି ଏନି ଟାକାୟାଁ ଜିକେଏ ଅଆଦୁ, ଅଡ଼େ ଜଡ଼େକା ସକାୟାଁ ଜିକେଏ ଅଆଦୁ । ୪ ଅଡ଼େ ମୀରୁ ଆମିନି ଇଜ ହାଜେରି, ଏମ୍ବାଟି ଖେଣ୍ଡାହାନି ପାତେକା ଏମ୍ବାଆଁ ଡ଼ୟାଦୁ; ୫ ଅଡ଼େ ଏଚେକା ଲକୁ ମିଜେ ଆବଅରି ଏଞ୍ଜାରି କପାଟି ସାକି ହାହାଲି ଏ ଗାଡ଼ାଟି ହଟା ଖାନ୍ଦାଟି ମୀ କତାତି ଦୁଡ଼ି ହାଣ୍ଡାନ୍‌ନା ଖାଦୁ ।”

୬ ଏମ୍ବାଟିଏ ଏଞ୍ଜାରି ହାଜାନା ସାରିଞ୍ଜାକି ନେହଁ କାଡୁ ଖେକ୍‌ହିହଁ ରଗଟି ଗାଟାରାଇଁ ନେହଁ କିହିହଁ ନାୟୁ ନାୟୁତା ଚେଚେରି ।

ହେରଦ ରାଜା ବିଲ୍‌କି ଆନାୟି

(ମାତି ୧୪:୧-୧୨; ମାର୍କ ୬:୧୪-୨୯)

୭ ଏମ୍ବାଟିଏ ଏ ଦେସାତି ରାଜା ହେରଦ ଇ ବାରେ କାତା ଖେଞ୍ଜାନା କାବା ଆଡେସି, ଇଚିହଁ ବାପ୍ତିସ୍ମ* ହାନି ଜହନ ହାଡ଼ାରି ତାଣାଟି ନିଜ୍ଞାମାନେସି ଇଞ୍ଜଁ ଆମ୍ବା ଆମ୍ବାଆରି ଏଲେଇଞ୍ଜିମାନେରି; ୮ ଅଡ଼େ ଆମ୍ବା ଆମ୍ବାଆରି ଏଲିୟ ତଞ୍ଜା ଆହାମାନେସି ଇଞ୍ଜା ଏଚ୍‌କାତାରି ତଲିକାଲ୍ଲାତି ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି ବିତ୍ରାଟି ରଅସି ନିଜ୍ଞାମାନେସି ଇଞ୍ଜଁ ଖେସିମାନେରି । ୯ ସାମା ହେରଦ ଏଲେଇଚେସି, “ଜହନତି ତାୟୁଁ ମୁରତ ଦାଟା ମାନାୟି, ସାମା ଆମ୍ବାଆରି କାତା ମାରୁ ଖେଞ୍ଜିମାନାୟି ଏଞ୍ଜାସି ଆମ୍ବାଆସି ?” ଅଡ଼େ ଏଞ୍ଜାସି ଏଞ୍ଜାଣାଇଁ ମେସାଲି ମନ୍ କିହିମାଚେସି ।

ଜୀସୁ ପାସାମାଣା ଲକୁଣି ତାହ୍‌ନାୟି

(ମାତି ୧୪:୧୩-୨୧; ମାର୍କ ୬:୩୦-୪୪; ଜହ ୬:୧-୧୪)

୧୦ ତାୟୁ ପାଣ୍ଡୁଢ଼ି ଆହାମାଚାରି ଖାହାନା ଏନା ଏନାଆଁ କିହାମାଚେରି, ଏ ବାରେ ଏଞ୍ଜାଣାଇଁ ଖେସ୍‌ପେରି । ଅଡ଼େ

ଏଞ୍ଜାସି ଏଞ୍ଜାରିତଲେ ଏଚ୍‌କା ଆହାନା ବେଡ଼ସାୟିଦା ଦରୁଗାଟି ଗାଡ଼ାତା ହାଚେରି । ୧୧ ସାମା ଲକୁ ଏଦାଆଁ ପୁଞ୍ଜାନା ଏଞ୍ଜାଣି କ୍ରେଚ କ୍ରେଚ ହାଚେରି; ଇଞ୍ଜା ଏଞ୍ଜାସି ଏଞ୍ଜାରାଇଁ କାର୍ମା ଆହାଁ ଆବାନା ମାହାପୁରୁ ରାଜିତି କାତା ଖେସ୍‌ପେସି, ଅଡ଼େ ଏମିନିଗାଟାରି ରଗଟି ନେହଁ ଆନାୟି ମାଚେ, ଏଞ୍ଜାରାଇଁ ନେହଁ କିତେସି ।

୧୨ ଏଚେତା ମିଡ଼ଅଲ୍ଲା ଆହାଲି ମାଟ୍‌ହେ; ଏଚେଟିଏ ବାରଜାଣା ସୀସୁୟାଁ ତାନି ତାଣା ଖାହାନା ଏଲେଇଚେରି, “ଲକୁ ଏନିକିଁ ନାୟକା ଅଡ଼େ ଗାଡ଼ାତା ହାଜାନା ବାସାଟାୟୁ ଅଡ଼େ ତିଞ୍ଜାଲି କାଦି ପାରିନେରି, ଏଦାଆଁତାକି ଏଞ୍ଜାରାଇଁ ହେଲ ହୀମୁ ଇଚିହଁ ମାର ଲକୁ ହିଲାଆ ଟାୟୁତା ମାନାୟି ।”

୧୩ ସାମା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀରୁ ଏଞ୍ଜାରାକି ତିଞ୍ଜାଲି ହୀଦୁ ।”

ଏଞ୍ଜାରି ଏଲେଇଚେରି, “ମା ତାଣା ପାସାଗଟା ରୁଟି ଇଞ୍ଜା ରୀ ମୀଣକା ପିସ୍‌ପେ ଆଗାଡ଼ା ହିଲାଡ଼; ଏନାଆଁ ମାରୁ ହାଜାନା ଇ ବାରେତାକି କାଦି କତିନାୟି ?” ୧୪ ଇଚିହଁ ଏଞ୍ଜାରି ପାସାମାଣା ଆବାୟାଁ ମାଚେରି ।

ଇଞ୍ଜା ଏଞ୍ଜାସି ତାନି ସୀସୁଣି ଏଲେଇଚେସି, “କଡ଼େଦସ ଜାଣା ଲାକା କୁଗିକିଦୁ ।”

୧୫ ଏଚେଟିଏ ଏଞ୍ଜାରି ଏଲେକିହଁଏ ବାରେତି କୁଗିକିତେରି । ୧୬ ଅଡ଼େ ଏଞ୍ଜାସି ପାସାଗଟା ରୁଟି ଅଡ଼େ ରୀ ମୀଣକାଣି ଆସାନା ଲାକପୁରୁ ଖାକି ସିନିକିହାନା ବର ହୀତେସି, ଇଞ୍ଜା ରୁଟି ତିକ୍‌ହାନା ଲକୁକି ହାସ୍‌ପାଲି ସୀସୁୟାଁକି ହୀତେସି । ୧୭ ଏଚେଟିଏ ବାରେଜାଣା ତିଞ୍ଜା ପାଞ୍ଜିତେରି, ଅଡ଼େ ହାରିତାଣି ବାର ତାଲି ରୁଟି କୁଡ଼ି କିତେରି ।

ଜୀସୁଇଁ ପିତର କ୍ରୀସ୍ତ ଇଞ୍ଜଁ ଖେକ୍‌ନାୟି

(ମାତି ୧୬:୧୩-୧୯; ମାର୍କ ୮:୨୭-୨୯)

୧୮ ର ଦିନା ଜୀସୁ ରଅସିଏ ପ୍ରାତାନା କିନି ବେଲାତା ସୀସୁୟାଁ ଏଞ୍ଜାରିତଲେ ମାଚେରି, ଅଡ଼େ ଏଞ୍ଜାସି ଏଞ୍ଜାରାଇଁ ଖେଚେସି, “ନାନୁ ଆମ୍ବାଆଡେଏଁ ଇଞ୍ଜଁ ଲକୁ ଏଲେଇଞ୍ଜିମାନେରି ?”

୧୯ ଏଚେଟିଏ ଏଞ୍ଜାରି ଏଲେଇଚେରି, “ଆମ୍ବାଆରି ବାପ୍ତିସ୍ମ† ହାନି ଜହନ, ଆମ୍ବାଆରି ଏଲିୟ, ଅଡ଼େ ଆମ୍ବାଆରି ତଲିକାଲ୍ଲାତି ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି ବିତ୍ରାଟି ରଅସି ନିଜ୍ଞାମାନେସି ।”

୨୦ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ନାନୁ ଆମ୍ବାଆଡେଏଁ ମୀରୁ ଏନାଆଁ ଇଞ୍ଜଁ ମାଞ୍ଜେରି ?” ପିତର ଏଲେଇଚେସି, “ନୀନୁ ମାହାପୁରୁତି କ୍ରୀସ୍ତ ।”

ଜୀସୁ ତାନି ଦୁକୁ ଅଡ଼େ ହାକିତି କାତା ଖେହ୍‌ନାୟି

(ମାତି ୧୬:୨୦-୨୮; ମାର୍କ ୮:୩୦-୯:୧)

୨୧ ଏଚେଟିଏ ଏଞ୍ଜାସି ଏଞ୍ଜାରାଇଁ ଆମ୍ବାଆରାଇଁ ଖେହ୍‌ଆଦୁ ଇଞ୍ଜଁ ଜାଣେ କିହଁ ହୁକୁମି ହୀତେସି, ୨୨ “ମାଣ୍‌ସି

* ୯:୫ ୯:୫ କାମା ୧୩:୫୧ † ୯:୫ ୯:୫ ଲୁକ ୧୦:୪-୧୧ ‡ ୯:୭ ୯:୭ ମାତି ୧୬:୧୪; ମାର୍କ ୮:୨୮; ଲୁକ ୯:୧୯ * ୯:୭ ୯:୭ ମୁଞ୍ଜିନାୟି † ୯:୧୯ ୯:୧୯ ମାତି ୧୪:୧,୨; ମାର୍କ ୬:୧୪,୧୫; ଲୁକ ୯:୨,୮ ‡ ୯:୧୯ ୯:୧୯ ମୁଞ୍ଜିନାୟି † ୯:୨୦ ୯:୨୦ ଜହ ୬:୨୮,୨୯

ମୀରଂସସି ହାରେକା ଦୁକୁ ପାଶ୍ଚାନ୍ତାୟି ମାନେ ଇଞ୍ଜା ଲକ୍ଷୁତି କାଜାରି, କାଜା ପୂଜେରାକା ଇଞ୍ଜା ମେରାପୁନାରି ତାଣାଟି ଅପାଆନା ଏଞ୍ଜାଣାକ୍ ପାୟିନେରି, ଇଞ୍ଜା ତାନି ଦିନାଟିଏ ନିଜ୍ଜିନେସି ।”

୨୩ ✨ଏଚେଟିଏ ଏଞ୍ଜାସି ବାରେତି ଏଲେଇଚେସି, “ଆମ୍ବାଆସି ନା ଦେଚ ତାକାଲି ମନ କିନେସି, ଏଞ୍ଜାସି ତାଜେ ଅପାଆନା ବାରେଦିନା ତାନି କୁସ ଡେକାନାହା ନା ଦେଚ ତାକାପେସି । ୨୪ ✨ଇଚିହ୍ ଆମ୍ବାଆସି ଜାହାରା ଜୀଞ୍ଜୁ ଗେଲପାଲି ମନ କିନେସି ଏଞ୍ଜାସି ନାସା କିନେସି; ସାମା ଆମ୍ବାଆସି ନା ତାକି ନିଜେତି ଜୀଞ୍ଜୁ ନାସା କିନେସି ଏଞ୍ଜାସି ଗେଲପି କିହାକତିନେସି । ୨୫ ଅଡେ ମାଣ୍ଡସି ଇ ଦାରତିତା ମାନାଣି ବାରେ ମେଡି କିହାନା ତାନି ଜୀଞ୍ଜୁତି ନାସା କିନେସି, ଇଚିହ୍ ଏଞ୍ଜାଣାକି ଏନି ଲାବା ? ୨୬ ଇଚିହ୍ ଆମ୍ବାଆସି ନାଜେତାକି ଅଡେ ନା କାତାତାକି ଲାଜା ଆନେସି, ମାଣ୍ଡସି ମୀରଂସସି ତାନି କାଜାପାଣା ତଲେ ଇଞ୍ଜାହା ମାହାପୁରୁ ଆବା ଅଡେ ତାନି ସୁଦୁଗାଟି ଦୁଡୁୟା ତଲେ କାଜାପାଣାଟି ଖାନେସି ଏଚିବେଲା ଏଞ୍ଜାସି ଜିକେଏ ଏଞ୍ଜାଣି ତାକି ଲାଜା ଆନେସି । ୨୭ ସାମା ନାନୁ ମିଜେ ସାତା ଖେସିମାଞ୍ଜାକ୍, ମାହାପୁରୁତି ରାଜି ମେହ୍ ଆ ପାତେକା ଇମ୍ବାଆ ନିଚାମାନାରି ଏଚରଜାଣା ହାଅରି ।”

ଜୀସୁ ଅର ଖାଣା ଆନାୟି
(ମାତି ୧୭:୧-୮; ମାର୍କ ୯:୨-୮)

୨୮ ଇ କାତା ଖେସାନା ଆଟାଦିନା ହାଜାଲିଏ ପିତର, ଜହନ ଅଡେ ଜାକୁବକ୍ ଅହ୍ ହାଜାନା ପ୍ରାତାନା କିହାଲି ହରୁତା ହାଚେସି । ୨୯ ଅଡେ ଏଞ୍ଜାସି ପ୍ରାତାନା କିହିମାଟାଟି ତାନି ମୁମୁଡୁ ଖାଣା ତିରିମୁହେ ଇଞ୍ଜା ତାନି ହିମ୍ବରି ଦବଲା ଆହାନା ହାରେକା ଉଜେଡି ଆଡେ । ୩୦ ମସା ଅଡେ ଏଲିୟ ଏଞ୍ଜାଣିତଲେ କାତା ଆହିମାଚେରି; ୩୧ ଏଞ୍ଜାରି ଗାଞ୍ଜୁରମିଟି ତଞ୍ଜାଆହାନା ଜୀସୁ ଜିରୁସାଲମତା ହାନିକାତା ଜଲ୍ଲକି ଆହିମାଚେରି । ୩୨ ଏଚିବେଲା ପିତର ଅଡେ ତାନି ତଣେସିଜାକି ଗାଡି ଇଦାକାଣ୍ଡକା ହଡିମାଚୁ; ସାମା ଏଞ୍ଜାରି ଇଦାଟି ନିଜାଲିଏ ତାନି ଗାଞ୍ଜୁରମି ଇଞ୍ଜା ଏଞ୍ଜାଣିତଲେ ରିଆରି ନିଚାମାନାଣି ମେସ୍ପେରି । ୩୩ ଇଞ୍ଜା ଏଞ୍ଜାରି ତାଣାଟି ହାଜିମାଟାଟି ପିତର ଜୀସୁକ୍ ଏଲେଇଚେସି, “ଗୁରୁ ମାମ୍ବୁ ଇମ୍ବାଆ ମାନାୟି ନେହେ; ମାମ୍ବୁ ଇମ୍ବାଆ ତାନିଗଟା ଗୁଡାୟା କେପିନମି, ନିଜେତାକି ରଣ୍ଡାଆ, ମସାକି ରଣ୍ଡାଆ ଅଡେ ଏଲିୟକି ରଣ୍ଡାଆ ।” ସାମା ତାନୁ ଏନାଆ ଇଞ୍ଜିମାଚେସି ତାନୁଏ ପୁଞ୍ଜି ହିଲାଆଚେସି ।

୩୪ ଏଞ୍ଜାସି ଏଲେଇଞ୍ଜି ମାଟାଟି ଇଚାୟି ହାଗୁ ଦୁହା ଖାହାନା ଏଞ୍ଜାରାକ୍ ପୁକ୍ହେ, ଇଞ୍ଜା ଏଞ୍ଜାରି ଦୁହାତା ହଡି ମାଟାଟି ଆଜିଚେରି । ୩୫ ✨ଇଞ୍ଜା ଏ ଦୁହାଟି ଇ ହାଡା ଖାଡେ, “ଇଞ୍ଜାସି ନା ମୀରଂସସି, ନାନୁ ଆଡିତାସି, ଇଞ୍ଜାଣି ବଲ୍ଲୁ ଖେଞ୍ଜୁ ।”

୩୬ ଏଲେଇଞ୍ଜି ଖେସି ତାୟୁ ଜୀସୁ ରଅସିଏ ତଞ୍ଜାଆଡେସି । ଏଞ୍ଜାରି ଇ କାତାତାକି ପାଲେଏ ମାଞ୍ଜାନା, ଏନା ଏନାଆ ମେସାମାଚେରି ଏ ବେଲାତା ଆମ୍ବାଆରାକ୍ ଜିକେଏ ଖେହ୍ଆଚେରି ।

ଜୀସୁ ବୁଡୁ ଆଲ୍‌ଗାମାଟି କକାଣାକ୍ ନେହ୍ କିନାୟି
(ମାତି ୧୭:୧୪-୧୮; ମାର୍କ ୯:୧୪-୨୭)

୩୭ ଅଡେ ର ନେରୁ ହରୁଟି ରେଚା ଖାହାଲିଏ ହାରେକା ଲକ୍ଷୁ ଏଞ୍ଜାଣାକ୍ ବେଚା ଆୟାଲି ଖାଡେରି । ୩୮ ଅଡେ ଏ ମାନ୍ଦା ଲକ୍ଷୁ ବିଡ୍ରାଟି କାଜା ଗିୟାତଲେ ହାଟାନା ଏଲେଇଚେସି, “ଏ ଗୁରୁ ନାନୁ ବାଡିମାଲିମାଞ୍ଜାକ୍ ନା ମୀରଂସଶାକ୍ କାର୍ମା ଆମ୍ବୁ, ଇଚିହ୍ ଏଞ୍ଜାସି ନା ରଣ୍ଡିଏ ମୀରଂସସି; ୩୯ ଏଞ୍ଜାଣାକ୍ ର ବୁଡୁ ଆଲ୍‌ଗିମାନେ, ଇଞ୍ଜା ଏଞ୍ଜାସି ପେଦରାହା ଦେବୁଣିଏ କିରଡି ମାନେସି, ଇଞ୍ଜା ଏଞ୍ଜାଣାକ୍ ଇଲେକ୍ ବୁମିତା ତ୍ରକହାନା ଗୁଡିଟି ପମ୍ବୁଲି ହପୁହି ମାନେ, ଇଞ୍ଜା ଏଞ୍ଜାଣାକ୍ ଗାଡି ବାଦା କିହାନା ଏଞ୍ଜାଣି ତାଣାଟି କାକୁଲିଟି ହଚାହାନେ । ୪୦ ନାନୁ ବୁଡୁଟି ପିସପି କିହାଲି ନୀ ସୀସୁୟା ବାଡିମାଲିଚେଏ, ସାମା ଏଞ୍ଜାରି ପିସପି କିହାଲି ଆଡାଆଚେରି ।”

୪୧ ଜୀସୁ ଏଲେଇଚେସି, “ଆଡେ ନାମାଆଗାଟି ଏଚକା ଜିରୁ ଆହନି କୁଡା, ନାନୁ ଅଡେ ଏଚେକା ମୀ ତଲେ ମାଞ୍ଜାନା ମୀ କାତା ଅରହାକ୍ ? ନୀ ମୀରଂସଶାକ୍ ଇମ୍ବାଆ ତାମ୍ବୁ ।”

୪୨ ବୁଡୁ ଆଲ୍‌ଗାମାଟି କକାସି ଖାହିମାଟାଟି ବୁଡୁ ଏ କକାଣାକ୍ ବୁମିତା ତାଡି କିହାନା ତ୍ରେପହାଡୁସ୍ପେ, ସାମା ଜୀସୁ ଏ ପଲ୍‌ଆ ବୁଡୁଟି ଦାକା ହାଡେସି ଇଞ୍ଜା କକାଣାକ୍ ନେହ୍ କିହାନା ତାନି ଆବା କେୟୁତା ହେରପିଚେସି ।

୪୩ ଏଚେଟିଏ ବାରେ ଲକ୍ଷୁ ମାହାପୁରୁତି ବାଡୁୟୁ ମେସାନା ଜାଗଲା ଆଡେରି । ସାମା ଏଞ୍ଜାସି କିହାମାନି ବାରେ କାମାତାକି ଜାଗଲା ଆହିମାଟାକି ଜୀସୁ ତାନି ସୀସୁୟାକ୍ ଏଲେଇଚେସି ।

ଜୀସୁ ତାନି ହାକିତି କାତା ଅଡେ ଖେଣ୍ଡେ ଖେହ୍ନାୟି
(ମାତି ୧୭:୨୨, ୨୩; ମାର୍କ ୯:୩୦-୩୨)

୪୪ “ଇ ବାରେ କାତା ମୀ କାର୍କା ଅତାନା ଖେଞ୍ଜୁ; ଇଚିହ୍ ମାଣ୍ଡସି ମୀରଂସସି ସାଡୁୟା କେୟୁତା ହେରପିଆନେସି ।”

୪୫ ସାମା ଏଞ୍ଜାରି ଏ କାତା ତେଲହାଆଚେରି, ଏଞ୍ଜାରି ତେଲହାଲି ଆଡାଆରେରୁ ଏଞ୍ଜାରି ତାଣାଟି ଡୁଗୁମାଚେ, ଇଞ୍ଜା ଏଞ୍ଜାରି ଏ କାତା ଜିକେଏ ଜୀସୁକ୍ ଖେଞ୍ଜାଲି ଆଜିମାଚେରି ।

ବାରେକିହା କାଜାସି ଆମ୍ବାଆସି
(ମାତି ୧୮:୧-୫; ମାର୍କ ୯:୩୩-୩୭)

୪୬ ✨ଏଞ୍ଜାରି ବିଡ୍ରାଟି ଆମ୍ବାଆସି କାଜାସି, ଇ କାତାତାକି ଏଞ୍ଜାରି ବିଡ୍ରା ବାଡିବାଦା ଆଡେରି । ୪୭ ସାମା ଜୀସୁ ଏଞ୍ଜାରି ବିଡ୍ରା ବାଡିବାଦା ଆହିମାନାଣି ପୁଞ୍ଜାନା, ର

✨ ୯:୨୩ ୯:୨୩ ମାତି ୧୦:୩୮; ଲୁକ ୧୪:୨୭ ✨ ୯:୨୪ ୯:୨୪ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫ ✨ ୯:୩୫ ୯:୩୫ ମାତି ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨ ✨ ୯:୩୫ ୯:୩୫ ୨ପିତ ୧:୧୭, ୧୮ ✨ ୯:୪୬ ୯:୪୬ ଲୁକ ୨୨:୨୪ ✨ ୯:୪୮ ୯:୪୮ ମାତି ୧୦:୪୦; ଲୁକ ୧୦:୧୭; ଜହ ୧୩:୨୦

ଓଶା କକାଣାଙ୍କୁ ତାନି ନକିତା ନିପହାନା ଏଞ୍ଜରାଙ୍କୁ ଏଲେଇରେସି, ୪୮ *“ଆମ୍ବାଆସି ନା ଦରୁଟି ଇ ଓଶା କକାଣାଙ୍କୁ ଆବିନେସି, ଏଞ୍ଜସି ନାଙ୍ଗେ ଆବାନେସି, ଅଡେ ଏଞ୍ଜସି ନାଙ୍ଗେ ପାଣ୍ଡାତାଣାଙ୍କୁ ଆବିନେସି; ଇଚିହିଁ ମୀ ବିତ୍ରାଟି ଆମ୍ବାଆସି ବାରେକିହିଁ ଓଶା ଏଞ୍ଜସି କାଜାସି ।”

ମୀ କପାଟି ନିଙ୍ଗାଆ ଗାଗାସି ମୀ ତଲେତାସି (ମାର୍କ ୯:୩୮-୪୦)

୪୯ ଏରେଟିଏ ଜହନ ଏଲେଇରେସି, “ଗୁରୁ, ମାମ୍ବୁନୀ ଦରୁଟି ବୃତୁୟାଁ ପେରହି ମାଗାଣି ମେସୁମି ଇଞ୍ଜା ଏଞ୍ଜସି ମା ତଲେ ନୀ ଜେଟ ଖାଆଲିଏ କାହିକିତମି ।”

୫୦ ସାମା ଜୀସୁ ଏଞ୍ଜରାଙ୍କୁ ଏଲେଇରେସି, “କାହିକିଆଦୁ, ଇଚିହିଁ ଆମ୍ବାଆସି ମୀ କପାଟି ନିଙ୍ଗା ହିଲଅସି ଏଞ୍ଜସି ମୀ ତଲେତାସି ।”

ସମିରଣି ନାସ୍କାଣାଁ ଜୀସୁଙ୍କୁ ଆବାଆତାୟି

୫୧ ଏଚିବେଲା ଜୀସୁ ଲାକପୁରୁ ହାନି ବେଲା ଏଗାଞ୍ଜାହିମାଚାକି ଏଚିବେଲା ଜୀସୁ ଜିରୁସାଲମତା ହାଜାଲି ମନଡି ତାରି କିତେସି ।

୫୨ ଅଡେ ତାନି ନକେଏ କସ୍କାଣି ପାଣ୍ଡିତେସି, ଏଞ୍ଜାରି ହାଜାନା ର ସମିରଣି ନାୟୁଁତା ଜୀସୁ ଖାନେସି ଇଞ୍ଜା ଜାଗ୍ରାତା କିହାନା କାଡେରି; ୫୩ ସାମା ଏଞ୍ଜସି ଜିରୁସାଲମତା ହାଜାଲି ମନ କିହାନାମେସି ଇଞ୍ଜା ପୁଞ୍ଜାନା ଏଞ୍ଜାଣାଙ୍କୁ ଆବାଆତେରି । ୫୪ ଇଦାଆଁ ମେସାନା ଜାକୁବ ଅଡେ ଜହନ ଇ ରୀ ସୀସୁୟାଁ ଏଲେଇରେସି, “ଏ ପ୍ରବୁ ଏଲିୟ ଏନିକିଁ ଏଲେଇଞ୍ଜାମାରେସି, ଏଲେକିହିଁ ଏ ହାଗୁଲକଟି ହିରୁ ରିହାନା ଏଞ୍ଜରାଙ୍କୁ ନାସା କିପେ, ଏଲେଇଞ୍ଜାଲି ନୀ ମନ ମାନେକି ?”

୫୫ ସାମା ଏଞ୍ଜସି ଖେଣ୍ଡେ ସିନିକିହାନା ଏଞ୍ଜରାଙ୍କୁ ଲାଗାନା ଏଲେଇରେସି, “ମୀରୁ ଏନିଲେହେଟି ଜୀସୁ ଗାଟାତେରି, ମୀରୁ ପୁଞ୍ଜାହିଲଅତେରି ମାଣସି ମୀରୁଏସି ମାଣସିୟାଁତି ଜୀସୁ ନାସା କିହାଲି ଖାଆନା ଗେଲପାଲି ଖାହାମାନେସି ।

୫୬ ଏରେଟିଏ ଏଞ୍ଜାରି ଅର ନାୟୁଁତା ହାରେରି ।”

ଜୀସୁତି ସୀସୁ ଆହାଲି ପାଡା ଆନାୟି (ମାତି ୭:୧୯-୨୨)

୫୭ ଏଞ୍ଜାରି ଜିରୁତା ହାଜିମାଚାଟି ରଅସି ଖାହାନା ଜୀସୁଙ୍କୁ ଏଲେଇରେସି, “ନୀନୁ ଆମ୍ବିୟା ହାଜି, ନୀନୁ ଜିକେଏ ନୀ ତଲେ ଖାଙ୍କୁ ।”

୫୮ ଜୀସୁ ଏଞ୍ଜାଣାଙ୍କୁ ଏଲେଇରେସି, “ନାକାୟାଁକି ତୁୟିନି ପାଞ୍ଜୁୟାଁ ମାନୁ, ହାଗୁ ଲାକ ଉମ୍ବିନି ପଟାୟାଁକି ବାସାଟାୟୁ ମାନେ, ସାମା ମାଣସି ମୀରୁଏଶାକି ତାୟୁଁ ନେଟହାଲି ଟାୟୁ ହିଲେଏ ।”

୫୯ ଇଞ୍ଜା ଏଞ୍ଜସି ଅଡେ ରଅଶାଙ୍କୁ ଏଲେଇରେସି, “ନା ଜେଟ ଖାମ୍ବୁ ।” ସାମା ଏଞ୍ଜସି ଏଲେଇରେସି, “ପ୍ରବୁ ନକେଏ ହାଜାନା ନା ଆବାଙ୍କୁ ମାହୁଣିଶା ମୁସାଲି ହେଲ ହିୟାମୁ ।”

୬୦ ଜୀସୁ ଏଲେଇରେସି, “ହାଡାରାଙ୍କୁ ତାନି ହାଡି ଲକୁଣି ମୁସାଲି ପିହୁଦୁ, ସାମା ମୀରୁ ହାଜାନା ମାହାପୁରୁ ରାଜିତି କାତା ଖେହୁଦୁ ।”

୬୧ ଅଡେ ରଅସି ଖାହାନା ଏଲେଇରେସି, “ପ୍ରବୁ ନୀନୁ ଜେଟ ଖାଙ୍କୁ ସାମା ନକେଏ ଇଜତି ଲକୁ ତାଣାଟି ହେଲ ଅହାଲି ହିୟାମୁ ।”

୬୨ ସାମା ଜୀସୁ ଏଞ୍ଜାଣାଙ୍କୁ ଏଲେଇରେସି, “ଆମ୍ବାଆସି ନାଙ୍ଗେଲି କେୟୁତା ଆସାନା ତାୟୁଖାକି ସିନିକିନେସି ଏଞ୍ଜସି ମାହାପୁରୁ ରାଜିତା ପାଡା ଆଅସି ।”

୧୦

ଜୀସୁ ତାନିକଡ଼ି ବାରଜାଣାତି ପାଣ୍ଡିନାୟି

୧ ଏମ୍ବାଟିଏ ପ୍ରବୁ ଅଡେ ତାନିକଡ଼ି ବାରଜାଣାତି ଆଗାନା ତାନୁ ଆମିନି ଗାଡା ଅଡେ ନାସ୍କାଣାଁ ହାଜାଲି ମନ କିହାମାରେସି, ଏ ନାସ୍କା ଅଡେ ଗାଡାୟାଁଶା ରିଆରି ଲାକା କିହିଁ ପାଣ୍ଡିତେସି । ୨ *ଇଞ୍ଜା ଏଞ୍ଜସି ଏଞ୍ଜରାଙ୍କୁ ଏଲେଇରେସି, “ପାଟି ହାରେକା ସାମା ଦାଃଆନାରି ଓଶା ଜାଣା; ଇଦାଆଁତାକି ଗୁଡିୟାତା କାମା କିନାରାଙ୍କୁ ପାଣ୍ଡିଲିତାକି ଗୁଡିୟାତି ସାଞ୍ଜୁକାରିଙ୍କୁ ବାଡିମାଲ୍ଲାଦୁ । ୩ *ମୀରୁ ହାଜୁ; ନୀନୁ ମିଙ୍ଗ କ୍ଷୀନିୟାଁ ବିତ୍ରା ମେଣ୍ଡା ତାଲୁକା ଲେହେ ମିଙ୍ଗେ ପାଣ୍ଡିମାଞ୍ଜାଲ । ୪ ତାବୁୟାଁ, ମଶା କି ସେପୁୟାଁ ଜିକେଏ ଅଆଦୁ, ଅଡେ ଜିରୁତା ଆମ୍ବାଆରାଙ୍କୁ ଜହରା କିଆଦୁ । ୫ ଅଡେ ମୀରୁ ଆମିନି ଇଲୁତା ହଡଦେରି ନକେଏ ଇ ଇଲୁତାକି ହିଡଡି ଆପେ ଇଞ୍ଜୁ । ୬ ଅଡେ ଏ ଇଜ ହିଡଡିତି ମାଣସି ରଅସି ମାତିହିଁ ମୀ ହିଡଡି ଏଞ୍ଜାଣାକି ଆପେ; ଅଡେ ହିଲାଆତିହିଁ ମୀ ହିଡଡି ମିଙ୍ଗେ ଖେଣ୍ଡେ ଖାନେ । ୭ *ଇଞ୍ଜା ଏଞ୍ଜାରିତାଣା ଏନାୟି ମାନେ ଏଦାଆଁ ତିଞ୍ଜା ଉଣ୍ଡାନା ଏ ଇଜ ମାଞ୍ଜୁ, ଇଚିହିଁ କାମାକିନାସି ତାନି କାମାତି ବୁଡି ମେଡା ଆନାୟି ମାନେ । ଏ ଇଜ ପିସାନା ଅର ଇଜ ହାଲାଆଦୁ । ୮ ଅଡେ ଆମିନି ଗାଡାତା ହାଜେରି ଅଡେ ଲକୁ ମିଙ୍ଗେ ଅପାନେରି ଅଡେ ଏମ୍ବାଆଁ ଏନାଆଁ ତିଞ୍ଜାଲି ହିୟାନେରି ଏଦାଆଁ ତିଞ୍ଜୁ । ୯ ଏମ୍ବାଆଁ ମାନି ରଗ ଗାଟାରାଙ୍କୁ ନେହିଁ କିଦୁ, ଅଡେ ଏଞ୍ଜରାଙ୍କୁ ଏଲେଇଞ୍ଜୁ ‘ମାହାପୁରୁତି ରାଜି ମୀ ତାଣା ଏଦାତେୟିଏ ।’ ୧୦ *ସାମା ମୀରୁ ଆମିନି ଗାଡାତା ହାଜେରି ଇଞ୍ଜା ଲକୁ ମିଙ୍ଗେ ଅପଅରି, ଏମ୍ବାତି ଆଂଗେଣିକାଟି ପାଙ୍ଗାତା ହାଜାନା ଏଲେଇଞ୍ଜୁ, ୧୧ *ମୀ ଗାଡାତି ଆମିନି ଦୁଡି ମା କଡାୟାଁଶା ଆଟାମାରେ, ଏଦାଆଁ ଜିକେଏ ମିଙ୍ଗେ ତାକି ହାଣହି ମାନମି; ସାମା ମାହାପୁରୁତି ରାଜି ଏଗାଞ୍ଜାହିମାନେ ଇଦାଆଁ ପୁଞ୍ଜୁ ।’ ୧୨ *ନୀନୁ ମିଙ୍ଗେ ଖେସିମାଞ୍ଜାଙ୍କୁ, ନାହାୟି ଦିନାତା ଏ ଗାଡାତି ତଣ୍ଡ କିହିଁ ସଦମତି ଗାଡାତି ତଣ୍ଡ ଓଶା କିଞ୍ଜିଆନେ ।

ନାମାଆଗାଟି ନାସ୍କା (ମାତି ୧୧:୨୦-୨୪)

☆ ୧୦:୨ ୧୦:୨ ମାତି ୯:୩୭,୩୮ ☆ ୧୦:୩ ୧୦:୩ ମାତି ୧୦:୧୬ ☆ ୧୦:୬ ୧୦:୬ ୧କର ୯:୧୪; ୧ଡିମ ୫:୧୮ ☆ ୧୦:୧୦ ୧୦:୧୦ କାମା ୧୩:୫୧ ☆ ୧୦:୧୧ ୧୦:୧୧ ମାତି ୧୦:୬-୧୪; ମାର୍କ ୭:୮-୧୧; ଲୁକ ୯:୩-୫ ☆ ୧୦:୧୨ ୧୦:୧୨ ମାତି ୧୧:୨୪ମାତି ୧୦:୧୫

୧୩ ଆୟତ୍ତା ତଣ୍ଡ ପାଣ୍ଡନି କରାଜିନ୍ ଅଡ଼େ ବେତ୍‌ସାୟିଦା ଇତିହିଁ ମୀ ତାଣା ଆମି ଆମିନି କାବାଆନି କାମାୟାଁ କିଞ୍ଚିଆହାମାନୁ, ଏ ବାରେ ସର ଅଡ଼େ ସିଦନତା କିଞ୍ଚି ଆହାମାତିହିଁ ମା, ଏଞ୍ଜାରି ହାରେକା ଦିନା ନକେଏ ବାସ୍ତାୟାଁ ପରହାଁ ଦାରମ୍ପତ୍ତା କୁଗାନା ମନ ଖେଟ୍‌ହେରିମା । ୧୪ ଆଡ଼ିଜିକେଏ ନାହାୟି ଦିନାତା ସର ଅଡ଼େ ସିଦନତି ତଣ୍ଡ ଉଣା କିଞ୍ଚିଆନେ । ୧୫ ଏ କପରନାହୁମ ନୀନୁ ଲାକପୁରୁ ପାତେକା ପାତାଆଡ଼ି ? ହାଡ଼ାରି ମାନି ରାଜିତା ମେତ୍‌ପି ଆଡ଼ି ।”

୧୬ ☆ଜୀସୁ ଏଲେଇଚେସି “ଆମ୍ବାଆସି ମୀ କାତା ଖେନେସି, ଏଞ୍ଜାସି ନା କାତା ଖେନେସି, ଇଞ୍ଜା ଆମ୍ବାଆସି ମିଙ୍ଗେ ଅପଅସି ଏଞ୍ଜାସି ନାଙ୍ଗେ ଅପଅସି, ଅଡ଼େ ଆମ୍ବାଆସି ନାଙ୍ଗେ ଅପଅସି ଏଞ୍ଜାସି ନାଙ୍ଗେ ପାଣ୍ଡାତାଣାଇ ଅପଅସି ।”

ତାନିକଡ଼ି ବାରଜାଣା ଖେଣ୍ଡା ଖାନାୟି

୧୭ ଏମ୍ବାଟିଏ ତାନିକଡ଼ି ବାରଜାଣା ଖେଣ୍ଡା ଖାନା ରାହାଁଟି ଏଲେଇଚେରି, “ପ୍ରୁ ବୁତୁୟାଁ ଜିକେଏ ନୀ ଦରୁଟି ମା ତ୍ତଇକା ହେରପି ଆହିମାନୁ ।”

୧୮ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ହାଗୁ ମିହୁନିଲେହେଁ ଲାକଟି ସୟତାନ ରିହିମାନାଣି ମେସ୍ତେସି । ୧୯ ମେହୁଦୁ ନାନୁ ମିଙ୍ଗେ ରାସ୍‌କା, କାଚାକୁପିୟାଁ ମୁହେଁ ତାକାଲି ଅଡ଼େ ସାତୁଡ଼ି ବାରେ ବାଡ଼ୁୟାଁ ମୁହେଁ ଜିକେଏ ଅଦିକାରା ହାହିମାଞ୍ଜାଇଁ, ଅଡ଼େ ଏନାୟି ଜିକେଏ ମିଙ୍ଗେ ନସ୍ତୁ କିହାଲି ଆଡେଏ । ୨୦ ସାମା ପଲୁଆ ବୁତୁୟାଁ ବାଡ଼ୁୟାଁ ମୀ ତ୍ତଇକା ମାନେ ଇଞ୍ଜାଁ ରାହାଁ ଆଆଦୁ, ସାମା ମୀ ଦରୁ ଲାକପୁରୁ ରାସ୍‌କି ଆହାମାନେ ଏଦାଆଁତାକି ରାହାଁ କିଦୁ ।”

ଜୀସୁତି ରାହାଁ

(ମାତି ୧୧:୨୫-୨୭; ୧୩:୧୬, ୧୭)

୨୧ ଏରିବେଲା ଜୀସୁ ସୁଦୁଜୀସୁ ତଲେ ରାହାଁ ଆହାନା ଏଲେଇଚେସି, “ଆବା ଲାକପୁରୁ ଅଡ଼େ ଦାର୍‌ଡିତି ପ୍ରୁ, ନୀନୁ ବୁଦିଗାଟି ଲକୁତାଣା ଇ ବାରେ କାତା ତ୍ତହୁହାନା ଉଣା କକାରି ତାଣା ତସାମାଞ୍ଜି, ଇଦାଆଁତାକି ନିଙ୍ଗେ ଜହରା କିହିମାଞ୍ଜାଇଁ; ଏ ଆବା ଇଦିଏ ନୀ ନକିତା ନେହାୟି ଆଡେ ।”

୨୨ ☆“ନା ଆବାତି ବାରେ ଅଦିକାରା ନାଙ୍ଗେ ହେରପି ଆହାମାନେ; ଅଡ଼େ ମୀରଏସି ଆମ୍ବାଆସି, ଇଦାଆଁ ଆବା ପିସ୍‌ପେ ଆମ୍ବାଆସି ପୁନଅସି, ଅଡ଼େ ଆବା ଆମ୍ବାଆସି ଇଦାଆଁ ମୀରଏଣା ପିସ୍‌ପେ ଆମ୍ବାଆସି ପୁନଅସି, ଇଞ୍ଜା ମୀରଏସି ଆମ୍ବାଆସି ତାଣା ଏଞ୍ଜାଣାଇଁ ତସାଲି ମନ କିନେସି, ଏଞ୍ଜାସିଦେଁ ପୁନେସି ।”

୨୩ ଅଡ଼େ ଜୀସୁ ତାୟୁ ସିନିକିହାନା ତାମି ସୀସୁୟାଁଇ ଏଟ୍‌କେଏ ଏଲେଇଚେସି, “ହାରେକା ନେହେଁ ଏ କାଣ୍‌କା ଏମିନିଗାଟାଣି ମେସିମାନୁ, ଏନାଆଁ ମୀରୁ ମେସିମାଞ୍ଜେରି । ୨୪ ଇତିହିଁ ନାନୁ ମିଙ୍ଗେ ଖେସିମାଞ୍ଜାଇଁ, ମୀରୁ ଏନା ଏନାଆଁ ମେସିମାଞ୍ଜେରି ଏ ବାରେ ହାରେକା ମାହାପୁରୁ ଅଣପୁଡ଼ି ବଲୁ ଖେହ୍‌ନାରି ଅଡ଼େ ରାଜାୟାଁ ମେସାଲି ମନ କିହାମାଚେରି,

ସାମା ମେସାଲି ଆଡ଼ାଆତେରି; ଅଡ଼େ ମୀରୁ ଏନା ଏନାଆଁ ଖେଞ୍ଜିମାଞ୍ଜେରି, ଏ ବାରେ ଏଞ୍ଜାରି ଖେଞ୍ଜାଲି ମନ କିତେରି ସାମା ଖେଞ୍ଜାଲି ଆଡ଼ାଆତେରି ।”

ନେହଁ ସମିରଣତି ପୁଣ୍ଡିକିନି କାତା

୨୫ ☆ମେହୁଦୁ ର ମସାତି ମେରା ଜାପୁନାସି ଖାହାନା ଜୀସୁଇଁ ତାୟିପାରିକିହିଁ ଖେଚେସି, “ଏ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଏନାଆଁ କିଇଁ ?”

୨୬ ଏଚେଟିଏ ଜୀସୁ ଏଲେଇଚେସି, “ମସାତି ମେରାତା ଏନାଆଁ ରାସ୍‌କି ଆହାମାନେ, ନୀନୁ ଏନିକିଁ ପଡ଼ଞ୍ଚି ଆହିମାଞ୍ଜି ?”

୨୭ ଏଞ୍ଜାସି ଏଲେଇଚେସି, “ନୀନୁ ନୀ ବାରେ ହିୟାଁ, ବାରେ ଜୀସୁ, ବାରେ ବାଡ଼ୁୟାଁ ଅଡ଼େ ବାରେ ମନ ହାହାନା ପ୍ରୁ ନୀ ମାହାପୁରୁଇଁ ଜୀସୁନମ୍; ଅଡ଼େ ପାଡ଼ିତି ଲକୁଣି ନୀ ଜୀସୁ ଲେହେଁ ଜୀସୁ ନମ୍ ।”

୨୮ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନୀନୁ ନେହଁ କିଁ ଖେସାମାଞ୍ଜି; ଏଲେଏ କିମ୍ପୁ ଆତିହିଁ ଏ ଜୀସୁ ମେଡ଼ା ଆଡ଼ି ।”

୨୯ ସାମା ଏଞ୍ଜାସି ତାଙ୍ଗେ ତାରିତାସି କିହାକତାଲି ମନ କିହାନା ଜୀସୁଇଁ ଖେଚେସି, “ଆତିହିଁ ନା ପାଡ଼ିତାସି ଆମ୍ବାଆରି ?”

୩୦ ଜୀସୁ ଏ କାତା ଆସାନା ଏଲେଇଚେସି, “ର ଲକୁ ଜିରୁସାଲମଟିଏ ଜିରିହତା ହାଜିମାଟାଟି ସରକା ତାଣା ହେରହେସି । ଏଞ୍ଜାରି ଏଞ୍ଜାଣି ହିମ୍ପରିତୁକି ମୀଞ୍ଜାନା ହାନିଲେହେଁ ମାଡ଼ା ଖେଚାନା ପିସା ହାଚେରି । ୩୧ ଏରିବେଲାତା ର ପୁଜେରା ଏ ଜିରୁଟି ହାଜିମାଚେସି,

ଇଞ୍ଜା ଏଞ୍ଜାସି ଏଞ୍ଜାଣାଇଁ ମେସାନା ଜିରୁ ପିସାନା ଅର ଜିରୁଟି ହାଚେସି । ୩୨ ଏଲେକିହିଁ ଏ ର ଲେବି କୁଡ଼ାତାସି ଜିକେଏ ଏ ଜିରୁଟି ଖାହାନା ଏଞ୍ଜାଣାଇଁ ମେସାନା ଅର ଜିରୁ ହାହାନା ହାଚେସି । ୩୩ ସାମା ର ସମିରଣ ଲକୁ ଏ ଜିରୁଟି ହାଜିମାଚେସି, ଇଞ୍ଜା ଏଞ୍ଜାଣାଇଁ ମେସାନା ହାରେକା କାର୍ମା ଆଡେସି, ୩୪ ଅଡ଼େ ତାଗେ ହାଜାନା ଏଞ୍ଜାଣି ଗାହାଁୟାଁ ବାରେ ନିୟୁଁ ଅଡ଼େ ଅଜୁରି ରାସା ରୁବାନା ଗାହାଁୟାଁଣା ଦସ୍‌ପାନା ଏଞ୍ଜାଣାଇଁ ର ଗାଡ଼ଦେ ଲାକ କୁରିକିହାନା ର ସେବାକିନି ଇଲୁତା ଅହାନା ଏଞ୍ଜାଣି ସେବା କିତେସି । ୩୫ ଅର ଦିନା ସେବାକିନି ଇଲୁ ଗାଟାଣାକି ରୀ କାନି ହାହାନା ଏଲେଇଚେସି, ‘ଇଞ୍ଜାଣି ସେବା କିମ୍ପୁ, ଅଡ଼େ ଏଚେକା ଗାଡ଼ି କାର୍ତୁ ଆନୁ, ଖେଣ୍ଡା ଖାନାଟି ବାରେ ହିୟାଇଁ ।”

୩୬ ଜୀସୁ ଏଲେଇଚେସି, “ଇ ତାନି ଜାଣାତି ବିତ୍ତା ଆମ୍ବାଆସି ସରକାତାଣା ହେରହା ମାଟାଣି ପାଡ଼ିତାସି ଇଞ୍ଜାଁ ଅଣପିମାଞ୍ଜେରି ?”

୩୭ ଏ ମେରା ଜାପୁନାସି ଏଲେଇଚେସି, “ଆମ୍ବାଆସି ଏଞ୍ଜାଣାଇଁ କାର୍ମା ଆଡେସି ଏଞ୍ଜାସି ।”

ଜୀସୁ ଏଲେଇଚେସି, “ହାଲାମ୍ପୁ ନୀନୁ ଜିକେଏ ଏଲେଏ କିମ୍ପୁ ।”

☆ ୧୦:୧୭ ୧୦:୧୭ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ଜହ ୧୩:୨୦ ୨୨:୩୫-୪୦; ମାର୍କ ୧୨:୨୮-୩୪

☆ ୧୦:୨୨ ୧୦:୨୨ ଜହ ୩:୩୫; ଜହ ୧୦:୧୫ ☆ ୧୦:୨୫ ୧୦:୨୫ ମାତି

ଜୀସୁ ମାର୍ତ୍ତା ଅଡ଼େ ମରିୟମନି ଇଜ

୩୮ *ଏଞ୍ଜାରି ହାଜିମାନି ବେଲ୍ଲାତା ର ନାୟୁତା ହାଚେରି, ଇଞ୍ଜା ମାର୍ତ୍ତା ଦରୁଗାଟି ର ଇୟା ଜୀସୁଇଁ ତାମି ଇଜ ହାଟିତେ । ୩୯ ଏଦାନାକି ର ତାଙ୍ଗି ମାଚେ ଏଦାନି ଦରୁ ମରିୟମ, ଏଡ଼ି ପ୍ରବୁତି କର୍ତ୍ତା ଡ଼ଇ କୁଗାନା ଏଞ୍ଜାଣି କାତା ଖେଞ୍ଜିମାଚେ । ୪୦ ସାମା ମାର୍ତ୍ତା ରାୟା ଖାଜାଲି ହାଚେକା କିଲିବିଲି ଆହିମାଚେ; ଇଦାଆଁତାକି ଜୀସୁ ତାଣା ଖାହାନା ଏଲେଇଚେ, “ଏ ପ୍ରବୁ ନା ତାଙ୍ଗି ଖାଜିନି କାମା ବାରେ ନା ଲାକ ହେଚ୍ପା ମାଞ୍ଜାନେ ଇଦାଆଁ ଅଣପି ହିଲଅତି କି ? ଇଦାଆଁତାକି ନାଞ୍ଜେ ସାୟେମି କିହାଲି ଏଲେଇନାମୁ ।”

୪୧ ସାମା ପ୍ରବୁ ଏଲେଇଚେସି, “ମାର୍ତ୍ତା, ମାର୍ତ୍ତା ନୀନୁ ହାଚେକା କାମାତା ଅଣପିହିଁ କିଲିବିଲି ଆହିମାଞ୍ଜି, ୪୨ ସାମା ଖାଚ୍ଚ ର କାତା ଲଡ଼ାମାନେ । ମରିୟମ ଏ ନେହିଁ କାତା ବାଟି କିହାମାନେ; ଏଦାଆଁ ଏଦାନି ତାଣାଟି ଅଢ଼ି ଆଏ ।”

୧୧

ଜୀସୁ ଜାପୁହାମାନି ପ୍ରାତାନା

(ମାତି ୭:୯-୧୩; ମାତି ୭:୭-୧୧)

୧ ର ଦିନା ଜୀସୁ ର ଗାୟୁତା ପ୍ରାତାନା କିହିମାଚେସି; ଏଞ୍ଜାସି ପ୍ରାତାନା କିହାଲି ରାପୁହାଲିଏ, ତାନି ସୀସୁୟାଁ ବିତ୍ରାଟି ରଅସି ଏଲେଇଚେସି, “ଏ ପ୍ରବୁ, ଜହନ ଏନିକଁ ତାନି ସୀସୁୟାଁଇଁ ପ୍ରାତାନା କିହାଲି ଜାପୁହି ମାଚେସି, ନୀନୁ ଜିକେଏ ମାଞ୍ଜେ ଏଲେକିହିଁ ଏ ପ୍ରାତାନା କିହାଲି ଜାପୁହାମୁ ।”

୨ ଏଚେଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଏଚିବେଲ୍ଲା ମୀରୁ ଏଲେଇଞ୍ଜି ପ୍ରାତାନା କିଦୁ; ଏ ଆବା

ନୀ ଦରୁ ନେହାୟି ଇଞ୍ଜିଁ ମାନଢ଼ି ଆପେ;

ନୀ ରାଜି ଖାପେ ।

୩ ବାରେଦିନା ମାଞ୍ଜେ ଲଡ଼ା ଆନି ରାୟା ହିୟାମୁ ।

୪ ମା ଦହ ବାରେ ମ୍ଲେକହାମୁ,

ଇଚିହିଁ ମାମ୍ଲୁ ଜିକେଏ ମା ଦହ କିତାରାଇଁ ମ୍ଲେକନମି

ମାଞ୍ଜେ ପାୟାତା ମେଡ଼ହାଆନି ।”

* ଅଡ଼େ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀ ତାଣା ଆମ୍ବାଆସି ଇଲେତି ତଟେଏସି ମାନେସି, ଆମ୍ବାଆରି ତାଣା ମାଦି ଲାଆଁୟାଁ ହାଜାନା ଏଲେଇନେସି, ଏ ତଟେ ନାଞ୍ଜେ ତାନିଗଟା ରୁଟି ହିୟାମୁ, ୬ ଇଚିହିଁ ନା ଗତାଗାଟି ତଟେଏସି ନା ତାଣା ଖାହାମାନେସି, ଏଞ୍ଜାଣାକି ତିଞ୍ଜାଲି ହାହାଲି ନା ତାଣା ଏନାୟିଖା ହିଲେଏ !” ୭ ଅଡ଼େ ବିତ୍ରାଟି ଏଲେଇନେସି, ‘ନାଞ୍ଜେ କସ୍ତ ହିୟାଆନି; ଦାରା ସୁଶୁକି ଆଡେୟିଏ, ଇଞ୍ଜାଁ ନା ମୀରକା ନା ତଲେ ତୁରା ମାନେରି; ନାନୁ ନିଜାନା ହାହାଲି ଆଡ଼ଅଁ ।’ ୮ ନାନୁ ମିଞ୍ଜେ ଖେସିମାଞ୍ଜାଇଁ, ଏଞ୍ଜାସି ତାନି ତଟେଏସି ଆହାମାନାକି ଲାଜା ପିସାନା ଅଲେ ଅଲେ ରାସ୍ତାକି ଏଞ୍ଜାସି ନିଜାନା ଏଞ୍ଜାଣି ଲଡ଼ାମାନି ପାତେକା ଏଞ୍ଜାସି ଏଞ୍ଜାଣାକି ହାନେସି ।”

୯ ନାନୁ ଜିକେଏ ମିଞ୍ଜେ ଖେସିମାଞ୍ଜାଇଁ, ରାହ୍ଦୁ ଆତିହିଁ ମିଞ୍ଜେ ହୀପକିଆନେ; ପାରାଦୁ ଆତିହିଁ ମେଡ଼ା ଆଦେରି; ଦୁଖେରିତା ଖେଦୁ ଆତିହିଁ ମିଞ୍ଜେତାକି ଦାରା ଦେପି ଆନେ । ୧୦ ଇଚିହିଁ ଆମ୍ବାଆସି ରାହ୍ନେସି ଏଞ୍ଜାସି ବେଗାଆନେସି; ଆମ୍ବାଆସି ପାରିନେସି ଏଞ୍ଜାସି ମେଡ଼ାଆନେସି; ଅଡ଼େ ଆମ୍ବାଆସି ଦୁଖେରିତା ଖେନେସି ଏଞ୍ଜାଣି ତାକି ଦାରା ଦେପିଆନେ ।

୧୧ “ଅଡ଼େ ମୀ ତାଣା ଇଲେତି ଆମିନି ଆବା ମାନେସି, ତାନି ମୀରଏସି ମୀନୁ ରାସ୍ତାସାରେ ଏଞ୍ଜାସି ମୀନୁତି ବାଦୁଲି ରାଚୁ ହାନେସି ? ୧୨ ଅଡ଼େ ଗୁଡୁ ରାସ୍ତାସାରେ ଏଞ୍ଜାଣାକି କାଚାକୁପି ହାନେସି ? ୧୩ ଇଦାଆଁତାକି ମୀରୁ ଲାଗେଏ ପଲେଏତି ଲକୁ ଆଡ଼ିଜିକେଏ ମୀ ମୀରକା ମାସ୍ତାକି ନେହାଁଣି ହାହିମାଞ୍ଜେରି, ଆତିହିଁ ଆମିନି ଆବା ଲାକପୁରୁଟି ହାହିମାଞ୍ଜାନେସି, ଏଞ୍ଜାସି ତାନି ତାଣା ରାହ୍ନି ଲକୁକି ଏଚେ ହାଚେକା ସୁଦୁଜୀଝୁ ହାଅସି !”

ଜୀସୁ ଅଡ଼େ ପଲ୍ଲଆ ବୁଡୁ

(ମାତି ୧୨:୨୨-୩୦; ମାର୍କ ୩:୨୦-୨୭)

୧୪ ଜୀସୁ ର ପାଲି ବୁଡୁ ପେଚ୍ଚି ମାଚେସି ଏ ବୁଡୁ ଗୁଲା । ବୁଡୁ ଏଞ୍ଜାଣି ତାଣାଟି ହଚା ହାଜାଲିଏ ଏ ଗୁଲା ଜଲିଚେସି; ଏମ୍ବାଟିଏ ଲକୁ ବାରେ କାବା ଆଡେରି । ୧୫ *ସାମା ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରି ଏଲେଇଚେରି, “ଏଞ୍ଜାସି ପଲ୍ଲଆ ବୁଡୁୟାଁ କାଜା ପେନୁ ବାଲ୍ଲଜିବୁଲ୍ ବୁଡୁ ତଲେ ବୁଡୁୟାଁ ପିସପି କିହିମାନେସି ।”

୧୬ *ଇଞ୍ଜାଁ ଏଚ୍ଚକାତାରି ଏଞ୍ଜାଣାଇଁ ତାୟିପାରି କିହାଲିତାକି ଏଞ୍ଜାଣି ତାଣାଟି ହାଗୁଟି ର ସିନା ରାସ୍ତେରି । ୧୭ ସାମା ଏଞ୍ଜାସି ଏଞ୍ଜାରି ମନତି ଅଣପୁ ପୁଞ୍ଜାନା ଏଞ୍ଜାରାଇଁ ଏଲେଇଚେସି, ଆମିନି ରାଜି ବାଗା ଆହାନା ତାନି କପାଟି ନିଜିନେ ଏଡ଼ି ନାସା ଆହାହାନେ ଇଞ୍ଜାଁ ଇଲୁ ଲାକ ବାରେ ରିହାହାନେ । ୧୮ ଇଞ୍ଜାଁ ସୟତାନ ବାଗା ଆହାନା ଜାହାରା କପାଟି ନିଜିନେ, ଇଚିହିଁ ତାନି ରାଜି ଏନିକଁ ତାରିଆହାନା ଡ଼ୟିନେ ? ନାନୁ ପଲ୍ଲଆ ବୁଡୁୟାଁ ବାଲ୍ଲଜିବୁଲ୍ ତଲେ ବୁଡୁୟାଁ ପିସପି କିହିମାଇଁ ଇଞ୍ଜିମାଞ୍ଜେରି । ୧୯ ସାମା ନାନୁ ପଲ୍ଲଆ ବୁଡୁୟାଁ ବାଲ୍ଲଜିବୁଲ୍ ତଲେ ବୁଡୁୟାଁ ପିସପି କିହିମାଇଁ, ଆତିହିଁ ମୀ ମୀରକା ଆମ୍ବାଆରି ବାଡ଼ୁୟୁ ତଲେ ପିସପି କିନେରି ? ଇଞ୍ଜାଁ ଏଞ୍ଜିଏ ମିଞ୍ଜେ ନୀହାୟି କିୟାମୁ । ୨୦ ସାମା ନାନୁ ମାହାପୁରୁ ବାଡ଼ୁୟୁ ତଲେ ବୁଡୁୟାଁ ପିସପି କିହିମାଇଁ ଇଚିହିଁ ମାହାପୁରୁଟି ରାଜି ମୀ ତାଣା ଏଗାଞ୍ଜାଚେୟିଏ ।

୨୧ ବାଡ଼ୁୟୁଗାଟି ଲକୁ ଏଚେପାତେକା ଆସ୍ତି ଆସାନା ତାନି ଗାଡ଼ାଟି ଗେଲ୍ପିନେସି, ଏଚିବେଲ୍ଲା ପାତେକା ତାନି ଦନ୍ ଗେଲ୍ପିଆହାନା ଡ଼ୟିନେ; ୨୨ ସାମା ଏଚିବେଲ୍ଲା ଏଞ୍ଜାଣି କିହାଁ ହାଚେକା ବାଡ଼ୁୟୁଗାଟି ଲକୁ ଏଞ୍ଜାଣିତଲେ ଜୁଦୁ କିହାନା ଜୀଣା ଆନେସି, ଏଚିବେଲ୍ଲା ଏଞ୍ଜାସି ଆମିନି ଆସ୍ତିଟି ବାସ୍ତି କିହାମାଚେସି, ଏ ବାରେ ଏଞ୍ଜାସି ମୀଞ୍ଜା ଅନେସି, ଇଞ୍ଜାଁ ମୀଞ୍ଜା ଅହାମାନି ଦନ୍ ବାଟିକିହା ଅନେରି ।

* ୧୦:୩୮ ୧୦:୩୮ ଜହ ୧୧:୧

* ୧୧:୧୫ ୧୧:୧୫ ମାତି ୯:୩୪; ୧୦:୨୫

* ୧୧:୧୬ ୧୧:୧୬ ମାତି ୧୨:୩୮; ୧୭:୧; ମାର୍କ ୮:୧୧

୨୩ ☆ଆମ୍ଭାଆସି ନା ଖାକିଟି ଆଆଗାଟାସି ଏଝାସି ନା ସାତୁ; ଇଞ୍ଜା ଆମ୍ଭାଆସି ନା ତଲେ କୁଡ଼ି କିଅସି ଏଝାସି ଆଲାରା କିନାସି ।

ପଲ୍ଲଆ ବୃତୁ ଝେଣ୍ଡା ଖାନାୟି
(ମାତି ୧୨:୪୩-୪୫)

୨୪ “ର ପଲ୍ଲଆ ବୃତୁ ର ମାଣସି ତାଣାଟି ହଟା ହାଜାନା ଏୟୁ ହିଲାଆ ଖାୟିତ ଟାୟୁତା ଜମାଲି ପାରିନେ, ଇଞ୍ଜା ମେଡ଼ି କିଆନା ଏଲେଇନେ, ‘ନାନୁ ଆମିନି ଇଲୁଟି ହଟା ଖାହାମାଟେଏ, ଏ ଇଲୁତା ଝେଣ୍ଡା ହାଇଁ ।’ ୨୫ ଇଞ୍ଜା ଏଡ଼ି ଝେଣ୍ଡା ଖାହାମା ଏଦାଆଁ ଅଜିହୁଁ ନେହୁଁ ଆହାମାନାଣି ମେହନେ । ୨୬ ଏଚିବେଲା ଏଡ଼ି ହାଜାନା ତାନିକିହାଁ ହାରେକା ପଲ୍ଲଆଗାଟି ସାତାଗଟା ବୃତୁୟା ଆସାନା ଖାନେ, ଅଡ଼େ ବାରେଜାଣା ଏମ୍ବାଆଁ ହଟାନା ବାସା କିନୁ, ଇଞ୍ଜା ଏ ମାଣସିତି ତଲିତି କସୁ କିହାଁ ତାୟୁତି କସୁ ହାରେକା ଆନେ ।”

ଆସୁଲି ରାହାଁ

୨୬ ଜୀସୁ ଇ ବାରେ କାତା ଝେସିମାଟାଟି ଲକୁ ମାନ୍ଦା ବିତ୍ରାଟି ର ଇୟା କାଜା ଗିୟାତଲେ ଏଲେଇଚେ, “ଆମିନିଗାଟି ଇୟା ନିଙ୍ଗେ ଜାନ କିହାନା ପାଲୁ ଉଟହାତେ ଏ ଇୟା ହାରେକା ନେହେଁ ।”

୨୮ ସାମା ଜୀସୁ ଏଲେଇଚେସି, “ଆମ୍ଭାଆରି ମାହାପୁରୁତି ବଲୁ ଝେନେରି ଅଡ଼େ ମାନଝି ଆନେରି ଏଝାରାକିଦେହେଁ ନେହେଁ ।”

ସିନା ପାରିନାୟି
(ମାତି ୧୨:୩୮-୪୨)

୨୯ ☆ଲକୁ ମାନ୍ଦା ମାନ୍ଦା ଆହାନା ଏଝାଣି ତାଣା ରୁଣ୍ଡା ଆହାଲିଏ ଜୀସୁ ଏଝାରାକି ଝେସ୍ତେସି, “ଇ କାଲାତି ଲକୁ ହାରେକା ଲାଗେଏତାରି; ଇଝାରି ବାରେ ସିନାୟାଁ ପାରିନେରି, ସାମା ଏଝାରାକି ଜୁନସତି ସିନା ପିସପେ ଏନି ସିନା ହାପକିଆଏ । ୩୦ ଇଚିହୁଁ ଜୁନସ ଏନିକିଁ ନିନିବି ଲକୁତାକି ର ସିନାଲେହେଁ, ମାଣସି ମାରଏସି ଜିକେଏ ଏଲେକିହୁଁଏ ଇ ଜୁଗୁତି ଲକୁତାକି ଆନେ । ୩୧ ନୀହାଁୟି ଦିନାତା ସିବା ଦେସାତି ରାଣି ଇ କାଲାତି ଲକୁ ନକିତା ନିଚାନା ଏଝାରି କପାଟି ସାକିହାନେ, ଇଚିହୁଁ ଏଡ଼ି ସଲମନତି ବୁଦିତିକାତା ଝେଞ୍ଜାଲି ଦାରତିତି ହେକ ଦେସାଟି ଖାହାମାଟେ; ମେହଦୁ ସଲମନକିହାଁ କାଜାସି ଇମ୍ବାଆଁ ମାନେସି । ୩୨ ନୀହାଁୟି ଦିନାତା ନିନିବି ଗାଡ଼ାତି ଲକୁ ନିଚାନା ଏଝାରି କପାଟି ସାକି ହାନେରି, ଇଚିହୁଁ ଏଝାରି ଜୁନସ ଝେସ୍ତେ କାତା ଝେଞ୍ଜାନା ଅଣପା କତାନା ମନ ଝେଟହେରି; ମେହଦୁ ଜୁନସକିହାଁ ହାରେକା କାଜାସି ଇମ୍ବାଆଁ ମାନେସି ।”

ଆଙ୍ଗାତି ଉଜେଡ଼ି
(ମାତି ୫:୧୫; ୭:୨୨, ୨୩)

୩୩ ☆“ଆମ୍ଭାଆସି ଦୀଝଁ ଡୀସାନା ତକୁନି ଟାୟୁତା କି ମାଣା ପୁକହାନା ଇଟଅରି, ସାମା ଦୀଝଁ ସଡ଼ାତା ଇଚିନେରି, ଏନିକିଁ ଇଲୁ ବିତ୍ରା ଖାନି ଲକୁ ଉଜେଡ଼ି ମେହନେରି । ୩୪ ମୀ କାଣିକା ଆଙ୍ଗାତି ଦୀଝଁ ଏଚେତା ମୀ କାଣିକା ନେହୁଁ ମାନୁ ଏଚିବେଲା ପାତେକା ମୀ ଆଙ୍ଗା ବାରେ ଉଜେଡ଼ି ଆନେ; ସାମା ଏଚେତା ନୀ କାଣିକା ନେହୁଁ ହିଲାଉ ଇଚିହୁଁ ଏଚେତା ମୀ ଗୁଡ଼ା ଆଙ୍ଗା ଜିକେଏ ଆନେରି ଆନେ । ୩୫ ଇଦାଆଁତାକି ଜାଗାତା ଏନିକିଁ ମୀ ହିୟାତା ମାନି ଉଜେଡ଼ି ଆନେରି ଆଏ । ୩୬ ଏନାଆଁତାକି ଇଚିହୁଁ ମୀ ଗୁଡ଼ା ଆଙ୍ଗା ବାରେ ଉଜେଡ଼ି ଆନେ ଇଞ୍ଜା ଏମ୍ବାଆଁ ଏନି ଆନେରି ତୟେଏ, ଆତିହୁଁ ଦୀଝଁ ଏନିକିଁ ମିଙ୍ଗେ ତାହାଣା ଉଜେଡ଼ିତା ଉଜେଡ଼ି କିୟାନେ, ଏଲେକିହୁଁଏ ମୀ ଗୁଡ଼ା ଆଙ୍ଗା ଉଜେଡ଼ି ଆନେ ।”

ଜୀସୁ ପାରୁସି ଅଡ଼େ ମେରା ଜାପ୍ନାରାକି ଦହ ଦହନାୟି
(ମାତି ୧୩:୧-୩୬; ମାର୍କ ୧୨:୩୮-୪୦)

୩୭ ଜୀସୁ ଇ କାତା ଝେସ୍ତେ ତାୟୁ ର ପାରୁସି ଏଝାଣାକି ତାନି ଇଜ ତିଞ୍ଜାଲି ଏଲେଇଚେସି; ଇଞ୍ଜା ଏଝାସି ଇଜ ହାଜାନା ତିଞ୍ଜାଲି କୁରିଚେସି । ୩୮ ସାମା ତିଞ୍ଜାଲି କୁରିନି ନକେଏ ଏଝାସି କେସ୍ତା କତାୟାଁ ନରହା ହିଲାଆଚେସି, ଇଦାଆଁ ମେସାନା ଏ ପାରୁସି କାବା ଆଡ଼େସି । ୩୯ ଏଚେଟିଏ ପ୍ରବୁ ଏଝାଣାକି ଏଲେଇଚେସି, “ମୀ ପାରୁସିୟାତେରି ଗିନାୟାଁ ଅଡ଼େ ସାଡ଼ଝାୟାଁ ପାଙ୍ଗାତା ନରହି ମାଞ୍ଜେରି, ସାମା ମୀ ବିତ୍ରା ଜୁପକା ଅଡ଼େ ଲାଗେଏତାୟି ନେଞ୍ଜାମାନେ । ୪୦ ଆଡ଼େ ବୁଦି ହିଲାଆଗାଟାଚେରି, ଆମ୍ଭାଆସି ପାଙ୍ଗାତାଣି ଗାଡ଼ିକିଚେସି, ଏଝାସି ବିତ୍ରାତାଣି ଜିକେଏ ଗାଡ଼ି କିହାହିଲଅସି କି ? ୪୧ ସାମା ମୀ ସାଡ଼ଝାୟାଁ ଅଡ଼େ ଗିନାୟାଁଣା ମାନାଣି ହିଲାଆ ଗାଟାରାକି ହାତିହୁଁ ମିଙ୍ଗେତାକି ବାରେଏ ଅଟହାୟି ଆନେ ।”

୪୨ ସାମା ଆୟଡ଼ା ତଣ୍ଡ ପାଣ୍ଡିନି ପାରୁସିୟାତେରି, ଇଚିହୁଁ ମୀରୁ ହାସ୍ତୁ, ରାୟି ଇଞ୍ଜା ବାରେ କୁଟାତି ଦସ ବାଗାଟି ର ବାଗା ହାହିମାଞ୍ଜେରି, ସାମା ନୀହାଁୟିତା ଅଡ଼େ ମାହାପୁରୁତି ଜୀଝୁ ନନି ତାଣା ଅଣପି ହିଲଅଚେରି; ସାମା ଇ ବାରେ ମାନଝି ଆହାନା ଏଟକାତାଣି ହେଲା ଆନାୟି ହିଲେଏ ।

୪୩ “ଆୟଡ଼ା ତଣ୍ଡ ପାଣ୍ଡିନି ପାରୁସିୟାତେରି, ଇଚିହୁଁ ମୀରୁ ମାହାପୁରୁ ଇଲୁତା କାଜା ଟାୟୁ ଇଞ୍ଜା ହାଟା ବାଜାରାତା ଜହରା ବେଟାଆହାଲି ନେହେଁ ଅଣପିଦେରି । ୪୪ ଆୟଡ଼ା ମୀରୁ ତଣ୍ଡ ବେଟା ଆନାଚେରି, ଇଚିହୁଁ ମୀରୁ ତଞ୍ଜା ଆଆଗାଟି ମାଡ଼ହା ମୁହନି ଟାୟୁଲେହେଁ ତାଚେରି; ଇଚିହୁଁ ପୁନାଆନା ଲକୁ ଲାକ ତାକି ମାନେରି ।”

୪୫ ଏଚେଟିଏ ମସାତି ମେରାପୁନାରି ବିତ୍ରାଟି ରଅସି ଏଲେଇଚେସି, “ଏ ଗୁରୁ ନୀନୁ ଏଲେଇଞ୍ଜି ମାଙ୍ଗେ ଲାଜା କିହିମାଞ୍ଜାଦି ।”

୪୬ ଜୀସୁ ଏଲେଇଚେସି, ଆୟଡ଼ା ମସାତି ମେରା ପୁନାଚେରି ମୀରୁ, ମୀରୁ ଜିକେଏ ତଣ୍ଡ ବେଟାଆଦେରି,

☆ ୧୧:୨୩ ୧୧:୨୩ ମାର୍କ ୯:୪୦ ☆ ୧୧:୨୯ ୧୧:୨୯ ମାତି ୧୭:୪; ମାର୍କ ୮:୧୨ ☆ ୧୧:୩୩ ୧୧:୩୩ ମାତି ୫:୧୫; ମାର୍କ ୪:୨୧; ଲୁକ ୮:୧୭

ଇତିହାସ ମୀରୁ ମାଣ୍ଡସିୟାଁ ଲାକ ବଜୁଗାଟି କାମ୍ବକା ଏକହି ମାଞ୍ଜେରି ଅଡ଼େ ଏ ବଜୁତି ମୀରୁ ର ଝାଞ୍ଜୁ ତଲେ ଜିକେଏ ତୀଗଅତେରି । ୪୭ ଆୟତା ତଣ୍ଡ ବେଟା ଆନାତେରି ମୀରୁ ମାହାପୁରୁ ଅଣ୍ଟପୁତି ବଲୁ ଝେହନାରାଇଁ ପାୟାନା ଏଝାରି ମାଡ଼ହା ମୁହନି ଟାୟୁ ତିୟାରା କିହିମାଞ୍ଜେରି । ୪୮ ଇତିହାସ ମୀରୁ ମୀ ଆକୁ ଆବାୟାଁ କାମାତା ସାକି ତସି ମାଞ୍ଜେରି ଇଞ୍ଜା ଏଝାରିଲେହେଁ ଆହିମାଞ୍ଜେରି; ଇତିହାସ ଏଝାରିସାଁ ଏଝାରାଇଁ ପାୟାମାଚେରି, ସାମା ମୀରୁ ଏଝାରି ମୁହନି ଟାୟୁତି କାତିୟାଁ ନିପୁହି ମାଞ୍ଜେରି । ୪୯ ଇଦାଆତାକି ମାହାପୁରୁ ଜିକେଏ ତାନି ବୁଦିତଲେ ଏଲେଇଞ୍ଜା ମାନେସି, ନାନୁ ଏଝାରି ନକିତା ମାହାପୁରୁ ଅଣ୍ଟପୁତି ବଲୁ ଝେହନାରାଇଁ ଅଡ଼େ ପାଣ୍ଡୁଝି ଆହାମାନାରାଇଁ ପାଣ୍ଡୁଇଁ; ଏଝାରି ବିତ୍ରାଟି ଆମ୍ବା ଆମ୍ବାଆରାଇଁ ପାୟିନେରି ଇଞ୍ଜା ନିନ୍ଦା କିନେରି, ୫୦ ଇ ଜୁଗୁତି ଲକୁ ଦାରତି ଗାଡ଼ି ଆଡ଼ି ନକେଏଟିଏ ବାରେ ମାହାପୁରୁ ଅଣ୍ଟପୁତି ବଲୁ ଝେହନାରି ପାୟିତାକି ତଣ୍ଡ ବେଟାଆନେରି, ୫୧ ଏନିକିଁ ହେବଲଇଁ ପାୟିତି ଦିନାଟିଏ ଜିକରିୟ ପାତେକା ଆମ୍ବାଆରାଇଁ ମାହାପୁରୁ ଇଲୁତି ଡାକିନି ପିଣ୍ଡା ଅଡ଼େ ସୁଦୁ ବାକ୍ତା ମାଦିଏ ପାୟିଝି ଆହାମାଚେ । ହାଅ, ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଦାନି ବାଦୁଲି ଇ ଜୁଗୁତି ଲକୁ ଏ ବାରେତାକି ତଣ୍ଡ ବେଟାଆନେରି ।

୫୨ ଆୟତା ତଣ୍ଡ ପାଣ୍ଡନି ମେରା ପୁନାତେରି ମୀରୁ, ଇତିହାସ ବୁଦି ଦେନି କୁଚିତି ଅହାମାଞ୍ଜେରି; ମୀରୁତ ହଡ଼ି ହିଲଅତେରି ସାମା ହଡ଼ାଲି ଅଣ୍ଟପି ମାନାରାଇଁ ଆଗିମାଞ୍ଜେରି ।

୫୩ ଜୀସୁ ଏ ଇଜତି ହାଜାଲିଏ ପାରୁସିୟାଁ ଅଡ଼େ ମେରାପୁନାରି ହାରେକା ଡାହାରା ଆହାନା ।

୫୪ ଏଝାଣି ଜଲିନି ହାଡ଼ାତା ଦହ ଆସାଲି ଏଝାଣାଇଁ ହାରେକା କାତା ଝେଚେରି ।

୧୨

କୁଚୁ ଗାଟାରି ତାଣାଟି ଜାଗ୍ରାତା
(ମାତି ୧୦:୨୭,୨୭)

୧ ଏଟିବେଲତା ମାଣା ମାଣା ଲକୁ ରୁଣ୍ଡା ଆହାନା ଝିସପି ଆହିମାଚେରି; ଏଟିବେଲା ଏଝାସି ନକେଏ ତାନି ସୀସୁୟାଁଇଁ ଏଲେଇଚେସି, ପାରୁସିୟାଁ ଲାଗେଏତି କୁଚୁଗାଟି ତାଣାଟି ଜାଗ୍ରାତା ଆହାନା ମାଞ୍ଜୁ । ୨ ଏସାମା ଏନାୟି ତଞ୍ଜା ଆଏ, ଇଲେକିଁ ପୁପୁକି ଆହା ହିଲେଏ, ଅଡ଼େ ଏନାୟି ପୁନାଆରେଚୁ ଇଲେକିଁ ଡ଼ଗୁମାନାୟି ଏନାୟି ହିଲେଏ । ୩ ଇତିହାସ ମୀରୁ ଏନା ଏନାଆଁ ଆନେରିତା ଝେସାମାଞ୍ଜେରି, ଏ ବାରେ ଉଜେଡ଼ିତା ଝେଣ୍ଡିଆନେ, ଏନା ଏନାଆଁ ପୁନାଆ ରେଚୁ ଇଲୁ ବିତ୍ରା ଡ଼ଗୁମା ଝେସାମାଞ୍ଜେରି, ଏଦାଆଁ ଇଲୁ ତୁଡ଼ୟାତା ଝେପୁକି ଆନେ ।

ଆମ୍ବାଆରାଇଁ ଆଜିନାୟି
(ମାତି ୧୦:୨୮-୩୧)

☆ ୧୨:୧ ୧୨:୧ ମାତି ୧୨:୨; ମାର୍କ ୮:୧୫ ☆ ୧୨:୨ ୧୨:୨ ମାର୍କ ୪:୨୨; ଲୁକ ୮:୧୭ ☆ ୧୨:୧୦ ୧୨:୧୦ ମାତି ୧୨:୩୨; ମାର୍କ ୩:୨୯ ☆ ୧୨:୧୧ ୧୨:୧୧ ମାତି ୧୦:୧୯,୨୦; ମାର୍କ ୧୩:୧୧; ଲୁକ ୨୧:୧୪,୧୫ * ୧୨:୧୧ ୧୨:୧୧ ସିନଗର

୪ ଇତିହାସ ନା ତଣ୍ଡେସିଙ୍ଗାତେରି ମୀରୁ, ନାନୁ ମିଙ୍ଗେ ଝେସିମାଞ୍ଜାଇଁ, “ଆମ୍ବାଆରି ଆଙ୍ଗାଟି ପାୟିନେରି ସାମା ଡାୟୁ ଏନାଆଁ କିହାଲି ଆଡ଼ଅରି, ଏଝାରାଇଁ ଆଜାଆଦୁ । ୫ ସାମା ଆମ୍ବାଆରାଇଁ ଆଜିଦେରି ଏଦାଆଁ ମିଙ୍ଗେ ଝେସାୟାଁ; ପାୟିତି ଜେଚ ହିଚୁ ଗାଡ଼ୁୟୁତା ମେଡ଼ହାଲି ଆମ୍ବାଆରି ଅଦିକାରା ମାନେ, ଏଝାଣାଇଁ ଆଜାଦୁ; ହାଅ ନାନୁ ନିଙ୍ଗେ ସାତା ଝେସିମାଞ୍ଜାଇଁ, ଏଝାଣାଇଁ ଆଜାଦୁ ।”

୬ ପାସାଗଟା ଜେତା ପଗାୟାଁ ରୀ କାନି ତାକି ପାରପି ଆଡ଼ କି ? ଆଡ଼ିଜିକେଏ ଏଝାସିକା ବିତ୍ରାଟି ରଣ୍ଡାଣି ଜିକେଏ ମାହାପୁରୁ ବାଣା ଆଅସି । ୭ ସାମା ମୀ ତାୟିଁ ତୁ ବାରେ ବାଣାୟାଁ ଜିକେଏ ଏଜିକିଝି ଆହାମାଦୁ । ଆଜା ଆଦୁ; ଏନାଆଁତାକି ଇତିହାସ ମୀରୁ ଜେତା ପଗାୟାଁ କିହାଁ ହାରେକା ଦାରା ଗାଟାତେରି ।

ଲକୁ ନକିତା ଜୀସୁଇଁ ଝେକନାୟି
(ମାତି ୧୦:୩୨,୩୩; ୧୨:୩୨; ୧୦:୧୯-୨୦)

୮ “ଅଡ଼େ, ନାନୁ ମିଙ୍ଗେ ଝେସିମାଞ୍ଜାଇଁ, ଆମ୍ବାଆସି ଲକୁ ନକିତା ନାଙ୍ଗେ ଝେକହାନେସି, ମାଣ୍ଡସି ମୀରୁଏସି ଜିକେଏ ମାହାପୁରୁତି ଦୁଚୁୟାଁ ନକିତା ଝେକନେସି । ୯ ସାମା ଆମ୍ବାଆସି ଲକୁ ନକିତା ନାଙ୍ଗେ ଝେକହଅସି, ଏଝାଣାଇଁ ଜିକେଏ ମାହାପୁରୁ ଦୁଚୁୟାଁ ନକିତା ଝେକଅସି ।

୧୦ ଏଇଞ୍ଜା ଆମ୍ବାଆସି ମାଣ୍ଡସି ମୀରୁଏଣା କପାଟି ଜଲିନେସି, ଏଝାଣି ପାପୁ ମେଣ୍ଡିନେ; ସାମା ଆମ୍ବାଆସି ସୁଦୁଜୀଝୁ କପାଟି ନିନ୍ଦା କାତା ଜଲିନେସି, ଏଝାଣି ପାପୁ ମେଣ୍ଡିନେଏ ।

୧୧ ଏଟିବେଲା ଏଝାରି ମିଙ୍ଗେ ଜୀସୁଦି ଲକୁଚି କୁଚନି ଇଲକାଣା*, ସାଲୁଝି କିନାରି ତାଣା ଇଞ୍ଜା ଅଦିକାରା ବେଟା ଆହାମାନାରି ତାଣା ଅହାନା ନିପୁହାନେରି ଏଟିବେଲା ନା ଝାକିଟି ଆହାନା ଏନା ଏନାଆଁ ଜଲିନି ଇଞ୍ଜା ଅଣପାଆଦୁ; ୧୨ ଇତିହାସ ଏନାଆଁ ଜଲିନାୟି ମାନେ, ଏଦାଣି ଏଟିବେଲାତେଏ ସୁଦୁଜୀଝୁ ମିଙ୍ଗେ ଜାପୁହାନେସି ।”

ବୁଦି ହିଲାଆ ଦନ ଗାଟାସି

୧୩ ଲକୁ ମାୟା ବିତ୍ରାଟି ରଅସି ଜୀସୁଇଁ ଏଲେଇଚେସି, ଏ ଗୁରୁ ନା ତାୟିଇଁ ମା ଆବାଡ଼ି ଦନ ବାଟି କିହାଲି ଏଲେଇଞ୍ଜା ହିୟାମୁ ।

୧୪ ସାମା ଜୀସୁ ଏଲେଇଚେସି, ଏ ତାୟି ଆମ୍ବାଆସି ନାଙ୍ଗେ ମୀ ମୁହେଁ ନୀହାୟି କିହାଲି ମାଦି କିହାନା ଆଚାମାଞ୍ଜାନେସି ? ୧୫ ଇଞ୍ଜା ଏଝାସି ଏଝାରାଇଁ ଏଲେଇଚେସି, ଜାଗ୍ରାତା, ବାରେଝାକିତି ଜୁପୁକାଟି ମିଙ୍ଗେ ଗେଲପିକିହା କତାଦୁ, ଇତିହାସ ର ମାଣ୍ଡସିତି ଜୀଝୁ ତାନି ଦନତି ବାସୁ କିନେ ।

୧୬ ଜୀସୁ ଏଝାରାଇଁ ଇ ପୁଣ୍ଡିକିନି କାତା ଝେସେସି, “ର ସାଝୁକାରିକି ବୁମିତା ଗାଡ଼ି ତାସା କାମ୍ପିତେ । ୧୭ ଏମ୍ପାଟିଏ ଏଝାସି ମନ ମନତା ଅଣ୍ଟପାନା ଏଲେଇଚେସି, ‘ନାନୁ ନୀଏଁ ଏନାଆଁ କିଇଁ ? ନା ଆନାଁ କୁଡ଼ି କିହାନା ଇଟାଲି ଟାୟୁ

ହିଲେଏ ।^{୧୮} ଅଡ଼େ ଏଲେଇଚେସି; ‘ନୀର୍ବି ଇଲେ କିଇଁ ମାନି ଗାଦେୟିକା ରିକହାନା କାଜାଆଁ କିହାନା ଏମ୍ବାଆଁ ଗହଁୟାଁ ଇଞ୍ଜା ଏନ୍ ଏନ୍ ଆର୍ନା କୁଡ଼ି କିହାନା ଇଚିଇଁ, ^{୧୯} ଅଡ଼େ ନା ଜୀଝୁତି ଏଲେଇଇଁ, ଏ ଜୀଝୁ, ହାରେକା ବାସା ତାକି ନିଜେ ତାକି ଗାଡ଼ି ଆର୍ନା କୁଡ଼ି କିଝିଆହାମାନେ, ନୀଏଚି ଜମାନା ମନକିତି ଲେହେଁ ତିଞ୍ଜା ଉଣ୍ଡାନା ରାହାଁ କିମ୍ପୁ ।’
^{୨୦} ସାମା ମାହାପୁରୁ ଏଝାଣାଇଁ ଏଲେଇଚେସି, ଆଡ଼େ ବୁଦି ହିଲାଆଗାଟାତି, ନୀଞ୍ଜୁ ଲାଆଁୟାଁ ନୀ ଜୀଝୁ ନୀ ତାଣାଟି ଅଝିଆନ୍ଦେ; ଏଚେଟିଏ ନୀନୁ କୁଡ଼ିକିହା ଇଟାମାନି ବାରେ ଦନ ଆମ୍ବାଆରାଝାୟି ଆନେ ।”

^{୨୧} ଜୀମ୍ପୁ ଏଲେଇଚେସି, “ଆମ୍ବାଆସି ତାଜେତାକି ଦନ କୁଡ଼ି କିନେସି, ସାମା ମାହାପୁରୁ ତାଣା ଦନଗାଟାସି ଆଅସି, ଏଝାସି ଇଝାଣି ଲେହେଁତାସି ।”

ଅଣ୍ଠାଆଦୁ
 (ମାତି ୭:୨୫-୩୪)

^{୨୨} ଜୀମ୍ପୁ ତାନି ସୀମ୍ପୁୟାଣି ଏଲେଇଚେସି, ଇଦାଆଁତାକି ମିଜେ ଝେସିମାଞ୍ଜାଇଁ, ଏନାଆଁ ତିନାୟି, ଇଲେକିଁ ମୀ ଜୀଝୁତାକି, ଏନାଆଁ ତୁରନାୟି ଇଲେକିଁ ମୀ ଆଜା ତାକି ଜିକେଏ ମୀରୁ ଅଣ୍ଠାଆଦୁ । ^{୨୩} ଇଚିହଁ ରାନ୍ଦା କିହାଁ ଜୀଝୁ କାଜାୟି ଅଡ଼େ ହିମ୍ପୁରିକା କିହାଁ ଆଜା କାଜାୟି । ^{୨୪} ପଟାୟାଁଣି ସିନିକିଦୁ, ଏଝି ମାଟାଉ କି ଦାଉ, ଇଞ୍ଜା ଏଝାସିକା ଗାଦେୟିକା ହିଲାଉ, ଅଡ଼େ ମାହାପୁରୁ ଏଝାସିକାକି ତିନି କାଦି ହୀନେସି; ମୀରୁ ପଟାୟାଁ କିହାଁ ଏଚେକା କାଜାଚେରି ! ^{୨୫} ଅଡ଼େ ମୀ ବିତ୍ରାଟି ଆମ୍ବାଆଚେରି ଅଣ୍ଠାପି ଅଣ୍ଠାପିହଁ ମୀ ଜୀଝୁତି ଆଗାଡ଼ା ପାଡ଼ିକିହାଲି ଆଡ଼ିଦେରି ? ^{୨୬} ମୀରୁ ର ଉଣା କାମାତି କିହାଲି ଆଡ଼ିହିଲଅଚେରି, ଆତିହଁ ଏଚକାତି କାତା ଏନାଆଁତାକି ଗାଡ଼ି ଅଣ୍ଠାପିମାଞ୍ଜେରି ? ^{୨୭} ଜାଡ଼ାତି ପୂଜାଣି ସିନିକିହାଁ ଅଣ୍ଠାପାଦୁ, ଏଝି ଏନ୍ କାମା କିଉ; ଆଡ଼ିଜିକେଏ ନାନୁ ମିଜେ ଝେସିମାଞ୍ଜାଇଁ, ସଲମନକି ବାରେ ଅଜିତାୟି ମାତିହଁ ଜିକେଏ ଏଝାଣାକି ଇ ପୂଜା ଏଚେକା ଅଜିତି ହିମ୍ପୁରିକା ହିଲାଆଡୁ । ^{୨୮} ଆମିନି ଜାଡ଼ା ନୀଞ୍ଜୁ ମାନେ, ଝିଏ ଝାୟା ହାନେ ଅଡ଼େ ହଲୁତା ହୁଡ଼କିଆନ୍ଦେ, ମାହାପୁରୁ ଏ ଜାଡ଼ାତି ଇଲେତି ଝାଣା ହୀନେସି, ଏନାଆଁ ଏଝାସି ମିଜେ ହିମ୍ପୁରିକା ପରଝି କିୟଅସି ? ମୀ ନାମ୍ପୁ ଏଚେକା ଉଣା !

^{୨୯} ଏଦାଆଁତାକି ଏନାଆଁ ତିନାୟି ଏନାଆଁ ଗହନାୟି, ଏଦାଆଁ ମୀରୁ ପାରିହଁ ରେଆଦୁ କି ଅଣ୍ଠାଆଦୁ, ^{୩୦} ଇଚିହଁ ଦାର୍ଡିତି ଜୀହୁଦିଆଆତାରି ଏ ବାରେ ପାରିହଁ ରେନେରି; ସାମା ଇ ବାରେ ମୀ ଲଡ଼ାମାନେ ଏଦାଆଁ ମୀ ଲାକପୁରୁତି ଆବା ପୁଞ୍ଜାମାନେସି । ^{୩୧} ମୀରୁ ମାହାପୁରୁତି ରାଜି ପାରାଦୁ, ଆତିହଁ ଇ ବାରେ ମିଜେ ହୀପକିଆନ୍ଦେ ।

ଲାକପୁରୁତି ଦନ
 (ମାତି ୭:୧୯-୨୧)

^{୩୨} ଏ ଉଣା ମେଣ୍ଡା ମାନ୍ଦାଚେରି ଆଜାଆଦୁ, ଇଚିହଁ ମିଜେ ଏ ରାଜିତି ହୀହାଲି ମୀ ଲାକପୁରୁତି ଆବାକି ଏଚେକା ରାହାଁ । ^{୩୩} ମୀରୁ ମୀ ଦନତି ପାର୍ଚନା ହିଲାଆ ଗାଟାରାକି ହୀଦୁ; ମୀରୁ ମିଜେତାକି ଇଲେତି ବର୍ଝା କେପାଦୁ; ଇଚିହଁ ଏମ୍ପିୟା ସରୁ ଝାଅସି ଅଡ଼େ ଲୀମ୍ପୁତିନେଏ ଇଲେତି ଲାକପୁରୁ ଦନ କୁଡ଼ି କିଦୁ, ^{୩୪} ଇଚିହଁ ଆମ୍ପିୟା ଦନ ଏମ୍ପେଏ ଜିକେଏ ମୀ ମନ ମାଞ୍ଜେମାନେ ।

ଜାଗ୍ରାତା ହଲେଏସି

^{୩୫} ☆ “ମୀ ଟେଡେଲି ଦସା କତାନା ମାଞ୍ଜୁ ଅଡ଼େ ମୀ ଦୀଝିୟାଁ ଡ଼ାଞ୍ଜିହଁ ମାଣମ୍ପୁ; ^{୩୬} ☆ ଅଡ଼େ ପ୍ରବୁ ବୀହା ଇଜ ହାଜାନା ଝେଣ୍ଡା ଝାନ୍ଦାଟି ଏଝାଣାଇଁ ଦାରା ଦେନମିଝା ଇଞ୍ଜିଁ କାଟାମାନାରି, ମୀରୁ ଜିକେଏ ଏଝାରିଲେହେଁ କାଟାହାଁ ମାଞ୍ଜୁ । ^{୩୭} ପ୍ରବୁ ଝାହାନା ଆମିନି ହଲିୟାଜାଣି ଜାଗ୍ରାତା ମାନାଣି ମେହନେସି, ଏଝାରି ନେହେଁ; ନାନୁ ମିଜେ ସାତା ଝେସିମାଞ୍ଜାଇଁ, ଏଝାସି ତାନି ଟେଡେଲି ରୁପାନା ଏଝାରାଇଁ ତିଞ୍ଜାଲି କୁଗି କିହାଁ ତାଗେ ହାଜାନା ସେବା କିନେସି । ^{୩୮} ଅଡ଼େ ଏଝାସି ମାତି ଲାଆଁୟାଁ କି ଝେୟା ନେକେରିତା ଜିକେଏ ଝାହାନା ଏଝାରାଇଁ ଏଲେକିଁ କାଟାମାନାଣି ମେହନେସି ଏ ହଲିୟାଜା ନେହେଁ । ^{୩୯} ☆ ସାମା ଇଦାଆଁ ପୁଞ୍ଜାମାଞ୍ଜୁ, ଆମିନି ବେଲାତା ସରୁ ଝାନ୍ଦେସି, ଇଦାଆଁ ଇଲୁଗାଟାସି ପୁଡ଼ିହଁ ଏଝାସି ତାନି କୁଡୁ ତୁଡ଼ହାଲି ହୀଆଚେସିମା । ^{୪୦} ମୀରୁ ଜିକେଏ ଜାଗ୍ରାତା ଆହାନା ମାଞ୍ଜୁ, ଇଚିହଁ ମୀରୁ ଆମିନି ବେଲାତା ଅଣ୍ଠାପା ହିଲଅଚେରି, ଏଚିବେଲାତା ମାଣସି ମୀର୍ଏସି ଝାନ୍ଦେସି ।”

ଟିକାଣା ହିଲାଆଗାଟି ହଲେଏସି
 (ମାତି ୨୪:୪୫-୫୧)

^{୪୧} ଏଚେଟିଏ ପିତର ଏଲେଇଚେସି, “ଏ ପ୍ରବୁ ନୀନୁ ପୁଣ୍ଡିକିନି କାତା ମାଜେ କି ବାରେତାକି ଝେସିମାଞ୍ଜି ?”

^{୪୨} ପ୍ରବୁ ଏଲେଇଚେସି, “ସାଝୁକାରି ତାନି ଇଲୁଡି ଲକୁତାକି ତାନି ରାନ୍ଦା କାରୁତା ରାନ୍ଦା ହୀହାଲି ତାନି ଗୁମ୍ପୁସ୍ତା ପାଣା ହେର୍ପିନେସି, ଇଲେତି ଟିକାଣାଗାଟି ଅଡ଼େ ବୁଦିଗାଟି ହଲେଏସି ଆମ୍ବାଆସି ?” ^{୪୩} ପ୍ରବୁ ଝାହାନା ତାନି ଆମିନି ହଲେଏଣାଇଁ ଏଲେ କିହିମାନାଣି ମେହନେସି ଏଝାସି ନେହେଁ । ^{୪୪} ନାନୁ ମିଜେ ସାତା ଝେସିମାଞ୍ଜାଇଁ, ଏଝାସି ଏଝାଣାଇଁ ତାନି ବାରେ ଦନତି ମୁହେଁ ଗୁମ୍ପୁସ୍ତା କିହା ଇଚିନେସି । ^{୪୫} ସାମା ଏ ହଲେଏସି ନା ସାଝୁକାରି ଝାନ୍ଦାୟି ମାନେୟିଏ ଇଞ୍ଜିଁ ମନତା ଅଣ୍ଠାପାନା ହଲିୟାଜା ହଲେଣିସିକାଣି ଝେଟାଲି ଇଞ୍ଜା ତିଞ୍ଜି ଉଣ୍ଡିହଁ କାଡୁ ହଚାଲି ମାଟ୍ନେସି, ^{୪୬} ଆତିହଁ ଏମିନି ଦିନା ହଲେଏସି କାଟାହିଲଅସି ଇଞ୍ଜା ଏମିନି ବେଲା ଏଝାସି ପୁଞ୍ଜାହିଲଅସି, ଏ ଦିନା ଏ ବେଲାତା ତାନି ପ୍ରବୁ ଝାନ୍ଦେସି, ଇଞ୍ଜା ଏଝାସି ଏଝାଣାଇଁ ରୀ ବାଟା କିହାନା ନାମ୍ପୁ ହିଲାଆଗାଟାରି ତଲେ ଏଝାଣାଇଁ କାଲ୍ନେସି ।

☆ ୧୨:୩୫ ୧୨:୩୫ ମାତି ୨୫:୧-୧୩ ☆ ୧୨:୩୬ ୧୨:୩୬ ମାର୍କ ୧୩:୩୪-୩୬ ☆ ୧୨:୩୯ ୧୨:୩୯ ମାତି ୨୪:୪୩,୪୪

୪୭ ଅତେ ଆମିନି ହଲେଏସି ତାନି ସାଞ୍ଜୁକାରିତି ମନ ଅଣ୍ଡପାନା ଜାଗ୍ରାତା ଆଅସି କି ଏଞ୍ଜାଣି ମନତଲେ କାମା କିଅସି, ଏଞ୍ଜାସି ଗାଡ଼ି ମାଡ଼ା ବେଟା ଆନେସି; ୪୮ ସାମା ଆମ୍ବାଆସି ପୁନାଆନା ମାଡ଼ା ପାଣ୍ଡନି କାମା କିନେସି, ଏଞ୍ଜାସି ଉଣା ମାଡ଼ା ବେଟା ଆନେସି । ଆମ୍ବାଆରାକି ଗାଡ଼ି ହାପକି ଆହାମାନେ, ଏଞ୍ଜାଣି ତାଣ୍ଡାଟି ହାଟେକା ରାହନାୟି ମାନେ; ଇଞ୍ଜା ଲକୁ ଆମ୍ବାଆରାକି ଗାଡ଼ି ହାହାମାନେରି ଏଞ୍ଜାଣି ତାଣ୍ଡାଟି ହାଟେକା ଆଗାଡ଼ା ରାହନେରି ।

ଜୀସୁ ଲକୁଣି ବାଗା କିଞ୍ଜିକିନାୟି
(ମାତି ୧୦:୩୪-୩୬)

୪୯ “ନାନୁ ଇ ଦାରତିତା ହିରୁ ପ୍ରତହାଲି ଖାହାମାଇଁ, ଇଦି ନୀଏଁ ଗୁଦୁ ଗୁଦୁ ଆହିମାନେ ଆତିହୁଁ ନାଜେ ଏନି ଅଣପୁ ? ୫୦ *ସାମା ନାନୁ ର ବାପ୍ତିସ୍ମା ପାଣ୍ଡନାୟି ମାନେ, ଅତେ ଏଦି ରାଆ ପାତେକା ନାଜେ ଏଚେକା କସ୍ତ ହଟି ମାଞ୍ଜାନେ । ୫୧ ନାନୁ ଦାରତିତା ହିଡ଼ଡ଼ି ହାହାଲି ଖାହାମାଇଁ ଇଞ୍ଜା ମୀରୁ ଅଣ୍ଡପିମାଞ୍ଜେରି ? ନାନୁ ମିଜେ ଖେସିମାଞ୍ଜାଇଁ, ଆଏ, ବାଗା କିହାଲି ଖାହାମାଇଁ । ୫୨ ଇତିହୁଁ ର ଇଜ ପାସାଜାଣା ମାନେରି, ରିଆରି କପାଟି ତାନିଜାଣା ଅତେ ତାନିଜାଣା କପାଟି ରିଆରି ଏଟକା ଆନେରି । ୫୩ ମୀରୁଏଣା କପାଟି ତାଞ୍ଜି, ତାଞ୍ଜି କପାଟି ମୀରୁଏସି, ମାଢ଼ା କପାଟି ତାଲି, ତାଲି କପାଟି ମାଢ଼ା, କୁଡ଼ିୟାନି କପାଟି ପୟା, ଅତେ ପୟା କପାଟି କୁଡ଼ିୟା ଏଟକା ଆନୁ ।”

କାଲାତି ପୁନାୟି
(ମାତି ୧୨:୨,୩)

୫୪ ଇଞ୍ଜା ଏଞ୍ଜାସି ଲକୁଣି ଜିକେଏ ଏଲେଇଚେସି, “ଖେଡ଼ା କୁଡ଼ନିଞ୍ଜାକି ହାଗୁ ନିଜି ମାନାଣି ମେସ୍ତ୍ରସାରେ ଦେବୁଣିଏ ଏଲେଇଞ୍ଜେରି ପିୟୁ ଖାରେ, ଅତେ ଏଲେକିହୁଁ ଏ ଆନେ; ୫୫ ଅତେ ଚିଃନି ଖାକିଟି ଗାଲି ଖେନାଣି ମେସ୍ତ୍ରସାରେ ମୀରୁ ଏଲେଇଞ୍ଜେରି, ଗାଡ଼ି କାରା ଆନେ, ଅତେ ଏଲେଏ ଆନେ । ୫୬ ଆତେ କୁଟୁ ଗାଟାତେରି, ମୀରୁ ଦାରତି ଅତେ ହାଗୁଡ଼ି ସିନାୟା ପୁଞ୍ଜିମାଞ୍ଜେରି, ସାମା ଇ କାଲାତି ସିନାୟା ଏନିଲେହେଟାଇ ପୁଞ୍ଜି ହିଲଅତେରି ?”

ଗଡ଼ହା ଆଡ଼ାଣି ତଲେ ଆଣ୍ଡିନାୟି
(ମାତି ୫:୨୫,୨୬)

୫୭ ଏନାଆଁ କିନାୟିମାନେ ଇଞ୍ଜା ମୀରୁ ଏନାଆଁତାକି ମୀ ବିତା ନୀହାୟି କିହିଲଅତେରି ? ୫୮ ଇତିହୁଁ ମୀ ଗଡ଼ହା ଆଡ଼ାଣି ତଲେ ନୀହାୟି କିନାଣି ତାଣ୍ଡା ହାନିବେଲାତା ଜିରୁତେଏ କାଲ୍‌ଞ୍ଜିଆନି ଉପେୟି ଅଣ୍ଡପାମ୍, ଏଲାଆଆତିହୁଁ ଏଞ୍ଜାସି ନିଜେ ଅତେ ଖେଣ୍ଡେ ନୀହାୟି କିନାଣି ତାଣ୍ଡା ରେଜା ଅୟାନେସି, ଅତେ ନୀହାୟି କିନାସି କସ୍ତକା କେୟୁତା ହେରପାନେସି, ଅତେ କସ୍ତକା ନିଜେ କାୟିଦି ଇଲୁତା ଇଟାନେରି । ୫୯ ନାନୁ ମିଜେ ଖେସିମାଞ୍ଜାଇଁ, “ମୀରୁ ର କାନି ଜିକେଏ ପିହୁଆନାହା ହାତିହୁଁ ଦେଁ ଏମ୍ବାଟି ହଟା ଖାହାଲି ଆଡ଼ିଦେରି ।”

୧୩

ମନ ଖେଟ୍‌ଆତିହୁଁ ନାସା ଆନାୟି

୧ ଏତିବେଲାତା ଏଚେକା ଲକୁ ଖାହାନା, ପିଲାତ ଏମିନି ଗାଲିଲି ଲକୁଡ଼ି ନେତେରି ଏଞ୍ଜାରି ପୂଜା ତଲେ ଆଟହାମାଚେସି, ଏ କାତା ଜୀସୁଇଁ ଖେସ୍ତେରି । ୨ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଏ ଗାଲିଲିତାରି ତଣ୍ଡ ବେଟାଆହାଲିଏ ଏଞ୍ଜାରି ଅର ଗାଲିଲିତାରି କିହାଁ ହାଟେକା ପାପୁ ଗାଟାରି ଇଞ୍ଜା ମୀରୁ ଅଣ୍ଡପିମାଞ୍ଜେରି ? ୩ ନାନୁ ମିଜେ ଖେସିମାଞ୍ଜାଇଁ, ଏଲେକି ଆଏ, ସାମା ମୀରୁ ମନ ଖେଟ୍‌ଆତିହୁଁ ବାରେଜାଣା ତେରି ଏଞ୍ଜାରିଲେହେଁ ହାଟେରି । ୪ ସିଲହତା ଆମିନି ଅଟର ଜାଣାତି ଲାକ ପାତାଆଡ଼ି କଟା ଇଲୁ ରିହାନା ହାଟେରି, ଏଞ୍ଜାରି ବାରେଜାଣା ଜିରୁସାଲମତି ଲକୁ କିହାଁ ହାଟେକା ପାପୁ ଗାଟାରି ଇଞ୍ଜା ମୀରୁ ଅଣ୍ଡପିମାଞ୍ଜେରି ? ୫ ନାନୁ ମିଜେ ଖେସିମାଞ୍ଜାଇଁ, ଏଲେକି ଆଏ, ମୀରୁ ମନ ଖେଟ୍‌ଆତିହୁଁ ବାରେଜାଣା ତେରି ଏଲେକିହୁଁ ଏ ନାସା ଆଦେରି ।”

ପାଡ଼େୟି ଆୟାଆଗାଟି ତୟା ମାରୁନୁ

୬ ଜୀସୁ ଇ ପୁଣ୍ଡିକିନି କାତା ଖେସ୍ତେସି, ରଅଣି ଅଜୁରି ବାଡ଼ାତା ର ତୟା ମାରୁନୁ ଉହି ଆହାମାଚେ । ଏଞ୍ଜାସି ଖାହାନା ପାଡ଼େୟି ପାରାତେସି ସାମା ମେଡ଼ାଆଆତେସି । ୭ ଇଞ୍ଜା ଏଞ୍ଜାସି କାମା କିନାଣାଇଁ ଏଲେଇଚେସି, “ମେହ୍‌ମୁ ନାନୁ ତାନି ବାର୍ଯ୍ୟା ଆଡ଼େୟିଏ ଇ ତୟା ମାରୁନୁତା ଖାହାନା ପାଡ଼େୟି ପାରିମାଇଁ, ସାମା ମେଡ଼ା ଆହି ହିଲଅଁ; ଏଦାଣି ଟୁଣ୍ଡହା ତୁହ୍‌ମୁ, ଇଦି ଏନାଆଁତାକି ବୁମିତି ପାଡ଼ିୟା କିନେ ?” ୮ ସାମା କାମାକିନାସି ଏଲେଇଚେସି, “ପ୍ରବୁ ଇଦି ଇୟନା ତାକି ମାଣ୍ଡେ, ନାନୁ ଇଦାଣି ସାରିସୁଟୁ କାରହାନା ଗାତା ହାଇଁ, ୯ ଅତେ ତାୟୁ ପାଡ଼େୟି ଆୟିତହୁଁ ନେହେଁ ଆୟାଆତିହୁଁ ଏଦାଣି ଟୁଣ୍ଡହା ତୁହ୍‌ମୁ ।”

ଜୀସୁ ଜମିନି ଦିନା ର ଟୁଡୁଖା ଇୟାନି ନେହୁଁ କିନାୟି

୧୦ ର ଦିନା ଜୀସୁ ଜମିନି ଦିନା ର ଜୀହୁଦି ଲକୁଡ଼ି କୁଟମି ଇଲୁତା* ଜାପୁହି ମାଚେସି । ୧୧ ଏମ୍ବାଆଁ ର ଇୟା ମାଚେ, ଏଦି ଅଟର ବାର୍ଯ୍ୟା ପାତେକା ପଲ୍‌ଆ ବୁଡୁ ତଲେ କସ୍ତ ଆହିମାଚେ, ଏଦି ଟୁଡୁଖା ଆହାନା ସଲକେ ଆହୁଁ ତାକାଲି ଆଡ଼ିହିଲାଆତେ । ୧୨ ଜୀସୁ ଏଦାନି ମେସାନା ତାଗେ ହାଟାନା ଏଲେଇଚେସି, “ଏ ଇୟା ନୀନୁ ନୀ ଆଡ଼ାଆ କସ୍ତଟି ନେହୁଁ ଆଡ଼ି ।” ୧୩ ଅତେ ଏଞ୍ଜାସି ଏଦାନିଲେକ କେୟୁ ଇଟିଚେସି, ଏମ୍ବାଟିଏ ଏଦି ଏ ଦେବୁଣିଏ ସଲକେ ଆହାନା ମାହାପୁରୁତି ଜହରା କିଚେ ।

୧୪ ସାମା ଜୀସୁ ଜମିନି ଦିନାତା ନେହୁଁ କିହିମାତାକି ଜୀହୁଦି ଲକୁଡ଼ି କୁଟମି ଇଲୁଡ଼ି† କାଜାସି କାରୁବି ଆହାନା ଲକୁଣି ଏଲେଇଚେସି, “କାମା କିହାଲି ସ ଦିନା ମିଜେ ମାନେ; ଏଦାଣିତାକି ସ ଦିନା ନେହୁଁ ଆହାଲି ଖାଦୁ, ଜମିନି ଦିନାତା ଖାଆଦୁ ।”

☆ ୧୨:୫୦ ୧୨:୫୦ ମାର୍କ ୧୦:୩୮ † ୧୨:୫୦ ୧୨:୫୦ ମୁଞ୍ଜିନାୟି * ୧୩:୧୦ ୧୩:୧୦ ସିନଗର † ୧୩:୧୪ ୧୩:୧୪ ସିନଗର

ଇଞ୍ଜି ହେଲ ହୀତେସି । ୫ ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀ ବିତ୍ରାଟି ଆମ୍ବାଆସି ମୀରଏସି କି କଡ଼ି ଜମିନି ଦିନାତା କୁହିତା ରିତିହଁ ଏ ଦେବୁଣିଏ ଡେଞ୍ଜା କଡ଼ଅସି କି ?”

୬ ଅଡ଼େ ଏଞ୍ଜାରି ଇ ବାରେ କାତା ଖେଞ୍ଜାନା ଏନାଆଁ ଜଲ୍ଲାଇ ଆଡ଼ାଆତେରି ।

ସେବା କିନାୟି ଅଡ଼େ ତାମ୍ବେ ଉଣା କିହା କଡ଼ିନାୟି

୭ ବଜିତା ହାଟ୍‌କି ଆହାମାଚାରି ନେହଁ ନେହଁ ଚାୟୁତା କୁଗାଲି ବାଟି କିହିମାଚାଣି ମେସାନା, ଏଞ୍ଜାରାଇଁ ର ପୁଣ୍ଡିକିନି କାତା ଖେସ୍ତେସି, ୮ “ଏଚିବେଲା ରଅସି ମିଙ୍ଗେ ବୀହା ବଜିତା ହାଟ୍‌ନେସି, ଏମ୍ବାଆଁ ନେହଁ ଚାୟୁତା କୁଗାଆଦୁ, ଇଚିହଁ ଏମ୍ବାଆଁ ନୀ କିହାଁ କାଜାସି ଜିକେଏ ହାଟ୍‌କି ଆହାଡ଼ୟିନେସି, ୯ ଏଚେତା ନିଙ୍ଗେ ଅଡ଼େ ଏଞ୍ଜାଣାଇଁ ହାଟ୍‌ ମାନାସି, ଏଞ୍ଜାସି ଖାହାନା ଇଞ୍ଜାଣାକି ଇ ଚାୟୁ ପିସାହାମ୍ବା ଇଞ୍ଜାନେସି, ଏଚେତା ନୀନୁ ଲାଜାତଲେ ଉଣା ଚାୟୁତା କୁଗିଦି । ୧୦ ସାମା ଏଚିବେଲା ନୀନୁ ହାଟ୍‌କି ଆହାମାନି ତାଣା ହାଜାନା ତୁଇତି ଚାୟୁତା କୁଗାମ୍ବା, ଏଚେଟିଏ ନିଙ୍ଗେ ହାଟ୍‌ କିହାମାଞ୍ଜାନାସି, ଏ ତରେ ନୀନୁ ଇ ନେହଁ ଚାୟୁତା କୁଗାମ୍ବା ଇଞ୍ଜି ହାଟ୍‌ସାରେ ଏଚିବେଲା କୂଡ଼ା ଆହାମାନି ଲକୁ ନକିତା ଗାଡ଼ି ମାନି ବେଟାଆଡ଼ି । ୧୧ ଇଚିହଁ ଆମ୍ବାଆସି ନାନୁ କାଜାତେଏଁ ଇଞ୍ଜି ଇଞ୍ଜା କଡ଼ିନାଣାଇଁ ଉଣା କିଞ୍ଜିଆନେ, ଅଡ଼େ ଆମ୍ବାଆସି ତାଙ୍ଗେ ଉଣା କିହାକଡ଼ିନେସି ଏଞ୍ଜାଣାଇଁ କାଜାସି କିଞ୍ଜିଆନେ ।”

୧୨ ଇଞ୍ଜା ଜୀସୁ ତାଙ୍ଗେ ହାଟ୍‌ କିହା ମାଚାଣାଇଁ ଜିକେଏ ଏଲେଇଚେସି, “ନୀନୁ ବଜି ହୀନାଟି ନୀ ତଣେସିଙ୍ଗାଣି, ତାୟିୟାଁ, ସାମ୍‌ଦିୟାଁ କି ନୀ ନାୟୁତା ମାନି ଦନ ଗାଟାରାଇଁ ହାଟ୍‌ଆନି, ଇଚିହଁ ଏଞ୍ଜାରି ଜିକେଏ ନିଙ୍ଗେ ହାଟାଲି ଆଡ଼ାନେରି ଅଡ଼େ ନୀନୁ ଖେଣ୍ଡେ ବେଟାଆଡ଼ି । ୧୩ ସାମା ବଜି କିତିସାରେ ହିଲାଆ ଗାଟାରି, କଲାୟାଁ, ସଚାୟାଁ, କାଣାୟାଁଣି ହାଟ୍‌ମ୍ବା; ଆଡ଼ିହଁ ନୀନୁ ନେହାଁତି ଆଡ଼ି, ୧୪ ଆଡ଼ିହଁ ନିଙ୍ଗେତାକି ନେହେଁ, ଇଚିହଁ ନିଙ୍ଗେ ଖେଣ୍ଡେ ହୀହାଲି ଏଞ୍ଜାରିତାଣା ଏନାୟି ହିଲେଏ; ଇଞ୍ଜା ତାରିଗାଟାରି ଖେଣ୍ଡେ ନିଙ୍ଗିନାଟି ମାହାପୁରୁ ନିଙ୍ଗେ ଖେଣ୍ଡେ ହିୟାନେସି ।”

କାଜା ବଜିତି ପୁଣ୍ଡିକିନାୟି (ମାତି ୨୨:୧-୧୦)

୧୫ ଇ କାତା ଖେଞ୍ଜାନା ଏଞ୍ଜାଣିତଲେ ତିଞ୍ଜାଲି କୁଗାମାଚାରି ବିତ୍ରାଟି ରଅସି ଜୀସୁଇଁ ଏଲେଇଚେସି, “ଆମିନିଗାଟାସି ମାହାପୁରୁ ରାଜିତା ବଜି ତିନାସି ଏଞ୍ଜାସି ନେହାଁସି ।”

୧୬ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ରଅସି ର କାଜା ବଜି ଲକୁକି ହୀଇଁ ଇଞ୍ଜି ଅଣ୍‌ପାନା ହାରେକା ଲକୁଇଁ ହାଟିଚେସି; ୧୭ ଅଡ଼େ ତିନି କାରୁ ଆୟାଲିଏ, ଏଞ୍ଜାସି ହାଟାମାନି ଲକୁତାଣା ତାନି ହଲେଏଣାଇଁ ପାଣ୍ଡାନା ଏଲେଇଚେସି, ‘ବାରେ ଆଡେୟିଏ ନୀଏଟି ମୀରୁ ତିଞ୍ଜାଲି

ଖାଦୁ ।’ ୧୮ ସାମା ବାରେଜାଣା ଏଞ୍ଜାଣାଇଁ ରଣ୍ଡିଏ କାତା ଏଲେଇଚେରି, ରଅସି ଖେସ୍ତେସି, ‘ନାନୁ ଇଚାଣି ବୁମି କଡ଼ାମାଇଁ ଏଦାଆଁ ସିନିକିହାଲି ହାନାୟିମାନେ; ଏଦାଆଁତାକି ନାଙ୍ଗେ କାର୍ମା ଅଣ୍‌ପାମ୍ବା ନାନୁ ଖାହାଲି ଆଡ଼ଅଁ ।’ ୧୯ ଅଡ଼େ ରଅସି ଏଲେଇଚେସି, ‘ନାନୁ ପାସା ହେରୁ କଡ଼ିୟାଁ କଡ଼ାମାଇଁ, ନାନୁ ଏଞ୍ଜାସିକାଣି ମାଡ଼ନାୟି ମାନେ ଏଦାଣିତାକି ନାଙ୍ଗେ କାର୍ମା ଅଣ୍‌ପାମ୍ବା ନାନୁ ଖାହାଲି ଆଡ଼ଅଁ ।’ ୨୦ ଅଡ଼େ ରଅସି ଏଲେଇଚେସି, ‘ନାନୁ ନୀଞ୍ଜୁ ବୀହା ଆହାମାଇଁ ଏଦାଆଁତାକି ନାନୁ ଖାହାଲି ଆଡ଼ଅଁ ।’ ୨୧ ଇଞ୍ଜା ଏ ହଲେଏସି ଖାହାନା ବାରେ ତାନି ସାଞ୍ଜୁକାରିଇଁ ଖେସ୍ତେସି । ଏଚେଟିଏ ଏ କାତା ଖେଞ୍ଜାନା ଏଞ୍ଜାସି କାର୍‌ବି ଆହାନା ତାନି ହଲେଏଣାଇଁ ଏଲେଇଚେସି, ନୀନୁ ତବେ ଗାଡ଼ାଡ଼ି ସାହଡ଼ାୟାଁ ଅଡ଼େ ତାଣ୍ଡେଣାଁ ହାଜାନା ହିଲାଆଗାଟାରାଇଁ, କଲାୟାଁ, ସଚାୟାଁ ଇଞ୍ଜା କାଣାୟାଁ ଇମ୍ବାଆଁ ହାଟାତାମ୍ବା । ୨୨ ତାୟୁ ଏ ହଲେଏସି ଏଲେଇଚେସି, ‘ଏ ପ୍ରବୁ ନୀ କାତାତଲେ ବାରେ କିତିମି ସାମା ଇଲୁ ନେଞ୍ଜା ହିଲେଏ ।’ ୨୩ ଏମ୍ବାଟିଏ ସାଞ୍ଜୁକାରି ହଲେଏଣାଇଁ ଚାଣ୍ଡିଚେସି, ‘କାଜା ଆଂଗେଣି ଅଡ଼େ ମାରୁନୁ ତୁଇ ହାଜାନା ନା ଇଲୁ ଏନିକଁ ନେଞ୍ଜିନେ ଏଦାଆଁତାକି ଲକୁଣି ଖାହାଲି ଏଲେଇନାମ୍ବା । ୨୪ ନାନୁ ଖେସିମାଞ୍ଜାଇଁ ତଲି ହାଟାମାଚାରି ବିତ୍ରାଟି ରଅସି ଜିକେଏ ନା ବଜି ଖାଣ୍ଡାଲି ବେଟାଆଅସି ।”

ଏନିଲେହେଁତାସି ଜୀସୁତି ସୀସୁ ଆନେସି (ମାତି ୧୦:୩୭,୩୮)

୨୫ ମାନ୍ଦା ଲକୁ ଜୀସୁତଲେ ହାଜିମାଚେରି, ଏଞ୍ଜାସି ତାୟୁଞ୍ଜାକି ସିନିକିହାନା ଏଞ୍ଜାରାଇଁ ଏଲେଇଚେସି, ୨୬ “ଆମ୍ବାଆସି ନା ତାଣା ଖାହାନା ତାନି ତାଲି, ତାଞ୍ଜି, ତକ୍ତି, ମୀରକା, ମାସକା, ତାୟି ତାଙ୍ଗିସ୍ତାଣି ଅଡ଼େ ତାନି ଜୀସୁତି ଜିକେଏ ଅପଅସି ଏଞ୍ଜାସି ନା ସୀସୁ ଆୟାଲି ଆଡ଼ଅସି । ୨୭ ଖାମ୍ବାଆସି ତାନି କ୍ରୁସ ଡେକାନା ନା ଡେଚ ଡେଚ ଖାଅସି, ଏଞ୍ଜାସି ନା ସୀସୁ ଆୟାଲି ଆଡ଼ଅସି । ୨୮ ମୀ ବିତ୍ରାଟି ଆମ୍ବାଆସି ପାଡ଼ିକିହଁ କଟା ଇଲୁ ଦସାଲି ଅଣ୍‌ପିନେସି, ଦହନି କାମା ରାପ୍‌ହାଲି ଟାକାୟାଁ ଏନୁ କି ଏଉ ଇଞ୍ଜିହଁ ଏମ୍ବାତି ଲେକା କିଅସିକି ? ୨୯ ଏଚେତା ଏଞ୍ଜାସି ପୁନାଦି ନିପହାନା ରାପ୍‌ହାଲି ଆଡ଼ାଆସାରେ, ଏଚେକା ଲକୁ ଏଦାଆଁ ମେହ୍‌ନେରି, ବାରେଜାଣା ଏଞ୍ଜାଣାଇଁ କାକ୍‌ନେରି, ୩୦ ଲକୁ ଏଞ୍ଜାଣାଇଁ ଲାଜାକିହଁ ଏଲେଇନେରି, ଇଞ୍ଜାସି ଇଲୁ ଦସାଲି ମାଟ୍‌ହେସି ରାପ୍‌ହାଲି ଆଡ଼ାଆତେସି । ୩୧ ର ରାଜା ଅର ରାଜା କପାଟି ଜୁଜୁ କିହାଲି ହାଜିମାନାଟି ଦସ ମାଣା କସକା ଏଞ୍ଜାଣି କଡ଼େ ମାଣା କସକା କପାଟି ଜୁଜୁ କିହାଲି ଆଡ଼ିନେରିକି ଆଏ ଇଞ୍ଜି ଅଣ୍‌ପଅସିକି ? ୩୨ ଆଡ଼ାଆଲେହେଁ ଇଚିହଁ ଏ ରାଜା ହେକ ମାନାଟିଏ ଏଞ୍ଜାସି ରାଜିମାନା ଆୟାଲି କସକାଣି ହିଡ଼ଡ଼ି ତାକି ଏଲେଇଞ୍ଜା ପାଣ୍ଡିନେସି । ୩୩ ଏଲେକିହଁଏ ମୀ ବିତ୍ରାଟି

☆ ୧୪:୧୧ ୧୪:୧୧ ମାତି ୨୩:୧୨; ଲୁକ ୧୮:୧୪ ☆ ୧୪:୨୨ ୧୪:୨୨ ମାତି ୧୦:୩୭ ☆ ୧୪:୨୭ ୧୪:୨୭ ମାତି ୧୦:୩୮; ୧୭:୨୪; ମାର୍କ ୮:୩୪; ଲୁକ ୯:୨୩

ଜିକେଏ ଆମ୍ବାଆସି ତାନି ବାରେ ପିହୁଆତିହୁଁ ଏଝାସି ନା, ସୀସୁ ଆୟାଲି ଆଡ଼ଅସି ।”

ମୁଆ ହାରୁ

(ମାତି ୫:୧୩; ମାର୍କ ୯:୫୦)

୩୪ “ହାରୁତ ନେହାୟି; ସାମା ହାରୁ ମୁଆସାରେ ଏଦାଆଁ ଏନିକିଁ ଅଡ଼େ ଏନାଆଁତଲେ ହାରୁ ଲେହେଁ ମୁପି କିନାୟି ?

୩୫ ଏଦି ବୁମିତା କି ଗାତା କଚୁତା କୁତୁସାଲି ଜିକେଏ ଜଗେ ଆଏ । ଲକୁ ଏଦାନି ପାଙ୍ଗାତା କୁତା ତୁହନେରି । ଆମ୍ବାଆରି ଖେଞ୍ଜାଲି କୀକା ମାତିହୁଁ, ଖେଞ୍ଜୁ ।”

୧୫

ଜାଜିତି ମେଣ୍ଡା

(ମାତି ୧୮:୧୨-୧୪)

୧ *ର ଦିନା ସିସୁ ରାହନାରି ଅଡ଼େ ପାପୁ ଗାଟାରି ବାରେଜାଣା ତାନି କାତା ଖେଞ୍ଜାଲି ଖାହିମାରେରି ।

୨ ଏଚେଟିଏ ପାରୁସିୟାଁ ଅଡ଼େ ମେରାପୁନାରି ଜୀସୁଇଁ ଗୁରୁମୁରୁ ଆହୁଁ ଏଲେଇଚେସି, “ଇଝାସି ପାପୁ ଗାଟାରାଇଁ ଆବିମାନେସି, ଇଞ୍ଜା ଏଝାରିତଲେ ତିଞ୍ଜି ଉଣ୍ଡି ମାନେସି !”

୩ ଏମ୍ବାଟିଏ ଜୀସୁ ଏଝାରାଇଁ ଇ ପୁଣ୍ଡିକିନି କାତା ଖେସେସି ।

୪ “ମୀ ବିତ୍ରାଟି ଆମ୍ବାଆଚେରି ଇଲେତି ଲକୁ ମାଞ୍ଜେରି, ଏଝାଣାକି ପାସାକଡ଼ି ମେଣ୍ଡାୟାଁ ମାତିହୁଁ, ଏଝାସିକା ବିତ୍ରାଟି ରଣ୍ଡି ଜାଜିତିହୁଁ ଏଝାସି ଏନାଆଁ କିନେସି, ରଣ୍ଡି ଉଣା ପାସାକଡ଼ି ମେଣ୍ଡାୟାଁ ବାଟାତା ପିସାନା ଜାଙ୍ଗାମାନି ମେଣ୍ଡା ପାଣ୍ଡିନି ପାତେକା ପାରଅସି କି ? ୫ ଇଞ୍ଜା ବେଟାଆଡ଼ିସାରେ ରାହାଁତଲେ ତେକାନା ଇଜ ତାନେସି, ୬ ଇଞ୍ଜା ତାନି ତଣେସିଙ୍ଗାଣି ଅଡ଼େ ନାୟୁତାରାଇଁ ହାଟାନା ଏଲେଇନେସି, ମୀରୁ ନା ତଲେ ରାହାଁ କିଦୁ, ଏନାଆଁତାକି ଇଚିହୁଁ ଜାଙ୍ଗାମାଟି ନା ମେଣ୍ଡା ବେଟାଆଡ଼େଏଁ । ୭ ନାନୁ ମିଙ୍ଗେ ଖେସିମାଞ୍ଜାଇଁ, ଏଲେକିହୁଁଏ ମନ ଖେଟହାଲି ଲଡ଼ା ଆଆଗାଟି ରଅସି ଉଣା ପାସାକଡ଼ି ତାରିଗାଟାରି କିହାଁ ପାପୁ ଗାଟାସି ରଅସି ତାନି ମନ ଖେଟହା କଡ଼ିତିହୁଁ, ଏଝାଣି କସମି ଲାକପୁରୁ ହାଡ଼େକା ରାହାଁ ଆନେ ।”

ଜାଜିତି ଟାକା

୮ “ଅଡ଼େ ଇଲେତି ଆମିନି ଇୟା ମାନେ, ଏ ଇୟାନାକି ଦସଗଟା ଖେଣ୍ଡି ଟାକା ମାତିହୁଁ ରଣ୍ଡାଆଁ ଜାକ୍‌ହିହୁଁ ଏଦି ଏନାଆଁ କିନେ, ଦୀଝି ତସାନା ଇଲୁ ହେପାନା ଏ ଜାକ୍‌ହି ଟାକା ପାଣ୍ଡିନି ପାତେକା ଜାଡ଼ୁ ତଲେ ପାରେଏକି ?

୯ ଇଞ୍ଜାହାଁ ଏ ଟାକା ବେଟାଆଡ଼ିସାରେ ଏଦି ତାନି ତଡ଼ୁ ଲକୁଣି ଇଞ୍ଜା ନାସକାତି ଲକୁଣି ରୁଣ୍ଡି କିହାନା ଏଲେଇନେ ନା ତଲେ ରାହାଁ କିଦୁ, ଏନାଆଁତାକି ଇଚିହୁଁ ଜାକ୍‌ହାମାଟି ଟାକା ବେଟାଆଡ଼େଏଁ । ୧୦ ନାନୁ ମିଙ୍ଗେ ଖେସିମାଞ୍ଜାଇଁ, ଏଲେକିହୁଁ ଆମ୍ବାଆସି ମନ ଖେଟନେସି, ଇଲେତି ପାପୁ ଗାଟାରାକି ମାହାପୁରୁତି ଦୁତୁୟାଁ ନକିତା ରାହାଁ ଆନେ ।”

ଜାଜିତି ମୀରୁଏସି

☆ ୧୫:୧ ୧୫:୧ ଲୁକ ୫:୨୯,୩୦

୧୧ ଜୀସୁ ଅଡ଼େ ଏଲେଇଚେସି, ରଅଣାକି ରିଆରି ମୀରୁକା ମାଚେରି । ୧୨ ଏଝାରି ବିତ୍ରାଟି ଉଣା ମୀରୁଏସି ଆବାଇଁ ଏଲେଇଚେସି, ଆବା ଇଲୁତି ଦନ ବାଟି କିହାନା ନାଙ୍ଗେ ଆୟାନି ବାଟା ହିୟାମୁ । ଏଚେଟିଏ ତାନି ଆବା ତାନି ଦନ ବାଟି କିହାନା ରୀ ମୀରୁକାକି ହୀତେସି ।

୧୩ ଏମ୍ବାଟିଏ ଏଚରଦିନା ହାଜାଲିଏ ଇଚି ମୀରୁଏସି ଇଲୁ ବାଟା ହୀହାମାଟାଣି ପାରଚାହାଁ ଟାକାୟାଁ ଆସାହାଁ ହେକରାଜି ହାଜାତୁସେସି, ଇଞ୍ଜା ଲେନିପନିଏ ତାୟୁ ଏସ୍‌କି ଅଣପାଆନା ଲାଗେଏତି କାମାତା ତାନି ଦନ ରାପ୍‌ହେସି ।

୧୪ ସାମା ବାରେ ଦନ ରାପ୍‌ହି ଜେଟ ଏ ଦେସାତା କାରୁଝୁ କାଡ଼ାରା ଆହାଲିଏ ଏଝାସି କାକୁଲି ଆଡ଼େସି । ୧୫ ଏଚେଟିଏ ଏଝାସି ହାଜାନା ଏ ଦେସାତି ର ସାଝୁକାରି ତାଣା ଗତି ତୁୟିତେସି, ଏଝାସି ଏଝାଣାକି ପାଜିୟାଁ ମେଟାଲି ଗୁଡ଼ିୟାତା ପାଣ୍ଡିତେସି; ୧୬ ଇଞ୍ଜା ପାଜିୟାଁ ଆମିନି କାଙ୍ଗା ସାଲିୟାଁ ତିଞ୍ଜି ମୀରୁ, ଏଝାଆଁ ତିଞ୍ଜାଲି ମନ କିତେସି, ସାମା ଆମ୍ବାଆରି ଏଝାଣାକି ତିଞ୍ଜାଲି ହୀହି ହିଲାଆଚେରି । ୧୭ ର ଦିନା ତୀରୁପୁ ଆହାନା ଅଣପିତେସି, ମା ଆବା ତାଣାଟି ଗତି ବୁଡ଼ି ତିନି ରାନ୍ଦେଏ ହାରା ହାଜିମାନେ, ସାମା ନାନୁ ଇମ୍ବାଆଁ ହାକି ତାକି ହାହିମାଇଁ । ୧୮ ନାନୁ ନିଙ୍ଗାନା ମା ଆବା ତାଣା ହାଇଁ ଇଞ୍ଜା ଏଝାଣାଇଁ ଖେହୁଇଁ, “ଲାକପୁରୁତି ଆବା କପାଟି ଅଡ଼େ ନୀ ନକିତା ନାନୁ ପାପୁ କିତେଏଁ; ୧୯ ନୀ ମୀରୁଏଣାତେଏଁ ଇଞ୍ଜୁଁ ନାନୁ ଅଡ଼େ ପାଡ଼ା ଆଅଁ; ନାଙ୍ଗେ ର ହଲେଏଣା ଲେହେଁ ଇଟାମୁ ।” ଏମ୍ବାଟିଏ ଏଝାସି ନିଙ୍ଗାନା ତାନି ଆବା ଝାକି ହାଚେସି ।

୨୦ ସାମା ଆବା ତାନି ମୀରୁଏଣା ଝାହିମାନାଣି ହେକଟିଏ ମେସାନା କାର୍ମା ଆହାନା ହଟି ହଟିହୁଁ ହାଜାନା ପମାହାଁ ନଣ୍ଡିତେସି । ୨୧ ଏମ୍ବାଟିଏ ମୀରୁଏ ଗାଟାସି ଏଲେଇଚେସି, “ଲାକପୁରୁ ଆବା କପାଟି ଅଡ଼େ ନୀ ନକିତା ନାନୁ ପାପୁ କିତେଏଁ, ନୀ ମୀରୁଏଣାତେଏଁ ଆୟାଲି ପାଡ଼ା ଆଅଁ ।”

୨୨ ସାମା ଆବା ତାନି ହଲିୟାଙ୍ଗାଣି ଏଲେଇଚେସି, “ଅଜିତି ହିମ୍ବୁରି ତବେ ତାଚାନା ଇଝାଣାଇଁ ହୁଡ଼ି କିଦୁ, ଇଝାଣି କେୟୁତା ମୁଦି ଅଡ଼େ କଡ଼ାୟାଁଣା ସେପୁୟାଁ ତୁରୁଝି କିଦୁ, ୨୩ ଇଞ୍ଜାହାଁ ଆଙ୍ଗା ଆଡ଼ି କଡ଼ି ତାଲୁ ତାକା ହାଜାନା ପାୟାଦୁ; ମାର ତିଞ୍ଜା ଉଣ୍ଡାନା ରାହାଁ କିନ, ୨୪ ଇଚିହୁଁ ନା ମୀରୁଏସି ହାହା ହାଜାମାଚେସି, ଖେଣ୍ଡେ ନୀତାମାନେସି; ଜାଙ୍ଗା ହାଜାମାଚେସି ଅଡ଼େ ମେଡ଼ା ଆୟାତେସି ।” ଏମ୍ବାଟିଏ ଏଝାରି ରାହାଁ କିହିମାଚେରି ।

୨୫ ଏଚିବେଲାତା କାଜା ମୀରୁଏସି ଗୁଡ଼ିୟାତା ମାଚେସି, ଏଝାସି କାମା କିହାଁ ଇଲୁ ତାଗେ ଝାୟାଲିଏ, ତାନି ଇଜ ବାଜାଗାଜା ଅଡ଼େ ରାହାଁ କିହିମାନି ହାଲି ଖେଞ୍ଜାନା, ୨୬ ର ହଲେଏଣାଇଁ ହାଟାନା ଖେଚେସି, “ମାଜ ଏନାଆଁ କିହିମାନେରି ।” ୨୭ ଏଝାସି ଏଝାଣାଇଁ ଏଲେଇଚେସି, “ନୀ ଉଣା ତାୟି ଖେଣ୍ଡା ଝାହାମାନେସି, ଅଡ଼େ ଏଝାସି ନେହୁଁ ଆଙ୍ଗା ତଲେ ଖେଣ୍ଡା ଝାଡ଼ାଣି ମେସାନା ମୀ ଆବା ଆଙ୍ଗା ଆଡ଼ି କଡ଼ି ପାୟାମାନେସି ।”

୨୮ ଏମ୍ବାଟିଏ କାଜା ତାୟି କାରବି ଆହାନା ଇଜ

୨୯ ଏଚିବେଲାତା କାଜା ମୀରୁଏସି ଗୁଡ଼ିୟାତା ମାଚେସି, ଏଝାସି କାମା କିହାଁ ଇଲୁ ତାଗେ ଝାୟାଲିଏ, ତାନି ଇଜ ବାଜାଗାଜା ଅଡ଼େ ରାହାଁ କିହିମାନି ହାଲି ଖେଞ୍ଜାନା, ୩୦ ର ହଲେଏଣାଇଁ ହାଟାନା ଖେଚେସି, “ମାଜ ଏନାଆଁ କିହିମାନେରି ।” ୩୧ ଏଝାସି ଏଝାଣାଇଁ ଏଲେଇଚେସି, “ନୀ ଉଣା ତାୟି ଖେଣ୍ଡା ଝାହାମାନେସି, ଅଡ଼େ ଏଝାସି ନେହୁଁ ଆଙ୍ଗା ତଲେ ଖେଣ୍ଡା ଝାଡ଼ାଣି ମେସାନା ମୀ ଆବା ଆଙ୍ଗା ଆଡ଼ି କଡ଼ି ପାୟାମାନେସି ।”

୩୨ ଏମ୍ବାଟିଏ କାଜା ତାୟି କାରବି ଆହାନା ଇଜ

୩୩ ଏଚିବେଲାତା କାଜା ମୀରୁଏସି ଗୁଡ଼ିୟାତା ମାଚେସି, ଏଝାସି କାମା କିହାଁ ଇଲୁ ତାଗେ ଝାୟାଲିଏ, ତାନି ଇଜ ବାଜାଗାଜା ଅଡ଼େ ରାହାଁ କିହିମାନି ହାଲି ଖେଞ୍ଜାନା, ୩୪ ର ହଲେଏଣାଇଁ ହାଟାନା ଖେଚେସି, “ମାଜ ଏନାଆଁ କିହିମାନେରି ।” ୩୫ ଏଝାସି ଏଝାଣାଇଁ ଏଲେଇଚେସି, “ନୀ ଉଣା ତାୟି ଖେଣ୍ଡା ଝାହାମାନେସି, ଅଡ଼େ ଏଝାସି ନେହୁଁ ଆଙ୍ଗା ତଲେ ଖେଣ୍ଡା ଝାଡ଼ାଣି ମେସାନା ମୀ ଆବା ଆଙ୍ଗା ଆଡ଼ି କଡ଼ି ପାୟାମାନେସି ।”

୩୬ ଏମ୍ବାଟିଏ କାଜା ତାୟି କାରବି ଆହାନା ଇଜ

ହାଲାଆଡେସି; ସାମା ତାନି ଆବା ପାଙ୍ଗାତା ଖାହାନା ଏଞ୍ଜାଣାଇଁ କାହିବା କପା ଆଆନି ଇଜ ଖାମୁ ଇଞ୍ଜି ବାଡ଼ିମାଲିତେସି । ୨୯ ଇଞ୍ଜା ଏଞ୍ଜାସି ତାନି ଆବାଇଁ ଏଲେଇଚେସି, “ମେହମୁ ନାନୁ ଇଚର ବାସା ଆଡେ ନୀ ହଲେଏଣା ଲେହେଁ କାମା କିହିମାଇଁ, ଏଚେଲା ଜିକେଏ ନୀ ହୁକୁମି ଉରାହିଲଅଁ, ଆଡ଼ିଜିକେଏ ନା ତଣେସିଙ୍ଗା ତଲେ ବଜି କିହାଲି ନାନୁ ନାଜେ ର ଗରି ତାଲୁ ଜିକେଏ ହାହାମାଞ୍ଜଅଡ଼ି; ୩୦ ସାମା ଇ ନୀ ମୀରଏସି ଇଲୁତି ବାରେ ଦନ ଅହାନା ସାନେଣିସ୍ମାତଲେ ମାଞ୍ଜାନା ବାରେ ରାପୁହେସି, ଏଚେତା ଇଞ୍ଜାସି ଝେଣ୍ଡାଞ୍ଜାଡେସି, ଏଚେତା ଏଞ୍ଜାଣାକି ଆଙ୍ଗା ଆଡ଼ି କଡ଼ି ପାୟାମାଞ୍ଜି ।” ୩୧ ଏଚେଟିଏ ତାଞ୍ଜି ଗାଟାସି ଏଲେଇଚେସି, “ମୀରଏଣା ନୀନୁତ କାଲେଏ ନା ତଲେ ମାଞ୍ଜାମାଞ୍ଜି, ଅଡେ ଏନା ଏନାୟି ନାଦି ଏ ବାରେତ ନୀଦି; ୩୨ ସାମା ଇ ନୀ ତାୟି ହାହା ହାଜାମାଚେସି, ଝେଣ୍ଡେ ନୀତାମାନେସି, ଜାଙ୍ଗା ହାଜାମାଚେସି, ମେଡ଼ା ଆୟାଚେସି, ଏଦାଆଁତାକି ରାହାଁ କିନାୟି ମାଚେ ।”

୧୭

ଲାଗେଏଡ଼ି ଗୁମୁସ୍ତା

୧ ଜୀସୁ ତାନି ସୀସୁୟାଁଇଁ ଏଲେଇଚେସି, “ର ଦନଗାଟାସି ମାଚେସି; ଏଞ୍ଜାଣାକି ର ଗୁମୁସ୍ତା ମାଚେସି, ଏଞ୍ଜାସି ତାନି ଦନତି ଆଲାରା କିହାମାନାଣି ପୁଞ୍ଜାନା, ୨ ଏଞ୍ଜାସି ଏଞ୍ଜାଣାଇଁ ହାଟାନା ଏଲେଇଚେସି, ‘ନାନୁ ନୀ କାତା ଝେଚେଏଁ ନୀନୁ ନୀ ଗୁମୁସ୍ତା କାମା ଏନି କିହିମାଞ୍ଜି ଲେକା ତସ୍ତାମୁ, ଇଚିହଁ ନୀନୁ ଅଡେ ଗୁମୁସ୍ତା ଆହା ମାଞ୍ଜାଲି ଆଡ଼ଅଡ଼ି ।’ ୩ ଏମାଟିଏ ଏ ଗୁମୁସ୍ତା ଅଣ୍ଡାପା କଡ଼ିଚେସି, ‘ନା ସାଞ୍ଜୁକାରି ନା ଗୁମୁସ୍ତା କାମା ପିସପି କିହିମାଞ୍ଜାନେସି, ନାନୁ ଏନାଆଁ କିଇଁ? ଇରଥା କାରହାଲି ନାଜେ ବପୁ ହିଲେଏ, ଅଡେ ରାସପା ତିଞ୍ଜାଲି ଲାଜା ହଡ଼ି ମାଞ୍ଜାନେ । ୪ ନୀଏଁ ପୁଚେଏଁ, ନାଜେ ଗୁମୁସ୍ତା ପାଣାଟି ପିସପି କିୟାତି ତାୟୁ ଲକୁ ନାଜେ ତାନି ଇଲକାଣା ଆବାନିଲେହେଁ କିଇଁ ।’ ୫ ଇଞ୍ଜା ଏଞ୍ଜାସି ତାନି ସାଞ୍ଜୁକାରି ତାଣାଟି ରାଣା ଅହାମାଚାରାଇଁ ହାଟାନାହାଁ ତଲିତାଣାଇଁ ଝେଚେସି, ‘ନା ସାଞ୍ଜୁକାରି ତାଣା ନୀ ରାଣା ଏଚେକା ମାନେ?’ ୬ ଏଞ୍ଜାସି ଏଲେଇଚେସି, ‘ପାସାକଡ଼ି ତାବା ନିୟୁଁ ଗୁମୁସ୍ତା ଏଞ୍ଜାଣାଇଁ ଏଲେଇଚେସି, ‘ନୀନୁ ତବେ ଇମ୍ପାଆଁ କୁଗାନା ରୀ କଡ଼ି ଦସ ଇଞ୍ଜିଁ ରାଟାମୁ ।’ ୭ ତାୟୁ ଅଡେ ରଅଣାଇଁ ଝେଚେସି, ‘ନୀନୁ ଏଚେକା ରାଣା ଅହାମାଞ୍ଜି?’ ଏଞ୍ଜାସି ଏଲେଇଚେସି, ‘ର ମାଣା ବାସ୍ତା ଗହଁୟାଁ’ ଗୁମୁସ୍ତା ଏଞ୍ଜାଣାଇଁ ଏଲେଇଚେସି, ‘ନୀନୁ ତବେ ଇମ୍ପାଆଁ କୁଗାନା ଆଟା ଖାଞ୍ଜା ଇଞ୍ଜିଁ ରାଟାମୁ ।’ ୮ ଏ ଲାଗେଏଡ଼ି ଗୁମୁସ୍ତା ବୁଦିତଲେ କାମା କିହାମାନାକି ସାଞ୍ଜୁକାରି ଏଞ୍ଜାଣାଇଁ ନୀନୁ ନେହଁ କାମା କିହାମାଞ୍ଜି ଇଚେସି; ଏନାଆଁତାକି ଇଚିହଁ ଉଜେଡ଼ିତି ମୀରକା କିହାଁ ଇ ଦାରତିତାରି ତାନି କାମାତା ହାଚେକା ବୁଦିଗାଟାରି ।”

☆ ୧୭:୧୩ ୧୭:୧୩ ମାତି ୭:୨୪ ☆ ୧୭:୧୭ ୧୭:୧୭ ମାତି ୧୧:୧୨, ୧୩ ୭:୧୦, ୧୧

୯ ନାନୁ ଜିକେଏ ମିଙ୍ଗେ ଝେସିମାଞ୍ଜାଇଁ, “ମୀରୁ ଦାରତିତି ଲାଗେଏଡ଼ି ଦନ ତଲେ ତଣେ ଦହଦୁ, ଏଡ଼ି ରାଡ଼ିସାରେ ମିଙ୍ଗେ କାଲାକାଲାତି ବାସା ଟାୟୁତା ମିଙ୍ଗେ ଆବାନେରି । ୧୦ ଆମ୍ବାଆସି ଉଣା କାମାତା ନାମୁଗାଟାସି ଆନେସି ଏଞ୍ଜାସି କାଜା କାମାତା ଜିକେଏ ନାମୁଗାଟାସି ଆନେସି, ଇଞ୍ଜା ଆମ୍ବାଆସି ଉଣା କାମାତା ନାମୁଗାଟାସି ଆଆସାରେ ଏଞ୍ଜାସି କାଜା କାମାତା ଜିକେଏ ନାମୁଗାଟାସି ଆଅସି । ୧୧ ଲାଗେଏଡ଼ି ଦନତା ନାମୁ ଗାଟାଚେରି ଆହାହିଲଅଡେରି, ଆଡ଼ିହଁ ଆମ୍ବାଆସି ମିଙ୍ଗେ ନାମାହାଁ ସାତା ଦନ ମୀ କେୟୁତା ହେରପାନେସି? ୧୨ ମୀରୁ ଏଚକାତାଣା ଦନତି ନାମୁତଲେ ଲେୟା ହିଲାଆସାରେ ମିଙ୍ଗେ ମୀ ଲଡ଼ାମାନାଣି ଆମ୍ବାଆସି ହିୟାନେସି?”

୧୩ ☆ “ର ହଲେଏସି ରୀ ସାଞ୍ଜୁକାରି ତାଣା ହଲେଏସି ଆହାଲି ଆଡ଼ଅସି; ଇଚିହଁ ରଅଣାଇଁ ଜୀଞ୍ଜୁ ନନେସି ରଅଣାଇଁ ଜୀଞ୍ଜୁ ନନେସି, ଆଆତଁ ରଅଣାଇଁ ମାନୁଞ୍ଜି ଆନେସି ରଅଣାଇଁ ଅପଅସି । ମୀରୁ ମାହାପୁରୁ ଅଡେ ଦନତି ହଲିୟାଙ୍ଗା ଆହାଲି ଆଡ଼ଅଚେରି ।”

ଜୀସୁ ଝେସ୍ତି କାତାୟାଁ

(ମାତି ୧୧:୧୨, ୧୩; ୫:୩୧, ୩୨; ମାର୍କ ୧୦:୧୧, ୧୨)

୧୪ ଇ ବାରେ କାତା ଝେଞ୍ଜାନା ଦନ ଜୁପକା ପାରୁସିୟାଁ ଜୀସୁଇଁ କାକହେରି । ୧୫ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଆମ୍ବାଆରି ମାଣ୍ଡସି ନକିତା ତାରିଗାଟାରି ଇଞ୍ଜିଁ ତସା କଡ଼ିମାନେରି, ମୀରୁ ଏଲେତି ଲକୁ, ସାମା ମାହାପୁରୁ ମୀ ହିୟାତି ପୁନାସି ଇଚିହଁ ଏନାୟି ମାଣ୍ଡସି ଅଣ୍ଡାପୁତା କାଜାୟି ଲେହେଁ ତଞ୍ଜା ଆନେ, ଏଡ଼ି ମାହାପୁରୁ ନକିତା ଅପାଆଗାଟାୟି ।”

୧୬ ☆ “ମସାତି ମେରା ଅଡେ ମାହାପୁରୁ ଅଣ୍ଡାପୁତି ବଲୁ ଝେହନାରି ରାଡ଼ିତି ପତି ଜହନ ପାଚେକା ସାଲୁଞ୍ଜି ଆହିମାରୁ; ଏଚିବେଲାଟିଏ ମାହାପୁରୁ ରାଜିତି ନେହଁ କାରୁ ଝେକହି ମାନେରି ଇଞ୍ଜା ବାରେଜାଣା ତାନି ବାଡ଼ୟୁ ତଲେ ମାହାପୁରୁ ରାଜିତା ହଡ଼ିମାନେରି । ୧୭ ☆ ହାଗୁପାକା ଅଡେ ଦାରତି ବାରେ ମେଣ୍ଡାଜିନେ ସାମା ମେରାତି ଇଚାୟି ସିନା ଜିକେଏ ମେଣ୍ଡାଜିଏ ।”

୧୮ ☆ “ଆମ୍ବାଆସି ତାନି ତକ୍ତିନି ପିସାନା ଏଚକାତାଣି ବୀହା ଆନେସି, ଏଞ୍ଜାସି ଦାରି କିନେସି; ଇଞ୍ଜା ଆମ୍ବାଆସି ପିସି ତକ୍ତିନି ବୀହା ଆନେସି, ଏଞ୍ଜାସି ଦାରେଲା ଆନେସି ।”

ଦନ ଗାଟାସି ଅଡେ ଲାଜର

୧୯ “ର ଦନ ଗାଟାସି ମାଚେସି, ଏଞ୍ଜାସି ହାଚେକା ଅଜିତି ହିମ୍ପରିଦୁକି ହୁଚାନା ନେହଁ ରାନ୍ଦା ତିଞ୍ଜିହଁ ହାଚେକା ରାହାଁତଲେ ଡ଼ୟିମାଚେସି । ୨୦ ସାମା ଏଞ୍ଜାଣି ଦୁଝେରି ଦାରିତା ଲାଜର ଦରୁଗାଟି ରୀସପା ତିନାସି ଡ଼ୟାମାଚେସି, ୨୧ ଗୁଡ଼ା ଆଙ୍ଗା ଗାହାଁୟାଁ ଆହାମାଚେସି; ଏ ଦନ ଗାଟାଣି ଜୁଟା ଲିତା ତିଞ୍ଜାନା ତାନି ବାଣ୍ଡି ପାଞ୍ଜିକିହାଲି ଆସା କିହିମାଚେସି; ଇଞ୍ଜା ନେସକା ଖାହି ତାନି ଗାହାଁୟାଁ

☆ ୧୭:୧୭ ୧୭:୧୭ ମାତି ୫:୧୮ ☆ ୧୭:୧୮ ୧୭:୧୮ ମାତି ୫:୩୨; ୧କର

ନାକିମାତୁ । ୨୨ ର ଦିନା କାର୍ମାଗାଟି ଲାଜର ହାହାହାରେସି ଇଞ୍ଜା ଲାକପୁରୁତି ଦୂତୁୟାଁ ତଲେ ଅବ୍ରାହାମ ମାଟିତାଣା ଅଞ୍ଜିଆଡେସି; ତାୟୁ ଏ ଦନ ଗାଟାସି ଜିକେଏ ହାହାହାରେସି ଇଞ୍ଜା ମାହଣି ମାଣ୍ଡାତା ମୁସପି ଆଡେସି, ୨୩ ଅଡେ ଏଞ୍ଜାସି ହାଡାରି ମାନି ରାଜିତି କସ୍ତଲେ କିଲିବିଲି ଆହୁଁ ଲାକ ସିନିକିହାଲିଏ ହେକଟି ଅବ୍ରାହାମ ଅଡେ ତାନିତଲେ ଲାଜରଇଁ ମେସ୍ତେସି । ୨୪ ଏଚେଟିଏ ଏଞ୍ଜାସି ହାଡିତେସି, ଏ ଆବା ଅବ୍ରାହାମ, ନାଙ୍ଗେ କାର୍ମା ଅଣ୍ଟପାନା ଲାଜରଇଁ ନା ତାଣା ପାଣ୍ଡାମୁ, ଏଞ୍ଜାସି ତାନି ଖାଞ୍ଜୁତା ଏୟୁ ବନ୍ଦା ତାଚାନା ନା ଖେନ୍ଦରିତି ହିଡ଼ଡ଼ି କିୟାପେସି, ଇଚିହୁଁ ନାନୁ ଇ ହିଚୁତା କିଲିବିଲି ଆହିମାଇଁ । ୨୫ ସାମା ଅବ୍ରାହାମ ଏଲେଇଚେସି, ‘ମୀରଏଣା ନାନୁ ନୀତାମାଟି ବେଲତା ନୀ ନେହାଁଣି ବେଟାଆଡ଼ି, ଇଞ୍ଜା ଲାଜର ଏଲେକିହୁଁଏ ପଲୁଆ ଗାଟାଣି ବେଟାଆଡେସି, ଇଦାଆଁ ଅଣ୍ଟପାମୁ; ସାମା ନୀଏଁ ଏଞ୍ଜାସି ଇମ୍ପାଆଁ ସୁକୁ ବେଟାଆହି ମାନେସି, ଅଡେ ନାନୁ କିଲିବିଲି ଆହିମାଞ୍ଜି । ୨୬ ଅଡେ ର କାତା ମୀ ମାଦି ମା ମାଦି ର କାଜା ଗାଡ଼ୟୁ ମାନେ, ଆମ୍ପାଆରି ଇ ଟାୟୁଟି ମୀ ତାଣା ହାଜାଲି ମନ କିନେରି, ଏଞ୍ଜାରି ହାଜାଲି ଆଡ଼ଅରି ଆଆଡ଼ ଏ ଟାୟୁଟି ଇ ଟାୟୁତା ଗାଣ୍ଡାଚାନା ଖାୟାଲି ଆଡ଼ଅରି । ୨୭ ଏମ୍ପାଟିଏ ଦନ ଗାଟାସି ଏଲେଇଚେସି, ଏ ଆବା, ଆତିହୁଁ ନାନୁ ନିଙ୍ଗେ ବାଟିମାଲିମାଞ୍ଜାଇଁ, ଲାଜରଇଁ ମା ଆବା ଇଜ ପାଣ୍ଡାମୁ, ୨୮ ଇଚିହୁଁ ନା ପାସାଜାଣା ତାୟିୟାଁ ମାନେରି; ଏଞ୍ଜାରି ଜିକେଏ ଏନିକିଁ ଇ କସ୍ତଗାଟି ଟାୟୁତା ଖାଅରି, ଏଦାଆଁତାକି ଏଞ୍ଜାସି ଏଞ୍ଜାରିତାଣା ସାକି ହାନେସି । ୨୯ ସାମା ଅବ୍ରାହାମ ଏଲେଇଚେସି, ‘ଏଞ୍ଜାରିତାଣା ମସା ଅଡେ ମାହାପୁରୁ ଅଣ୍ଟପୁତି ବଲୁ ଖେହନାରି ପତିୟାଁ ମାନୁ, ଏଞ୍ଜାରି ଏ କାତାତି ଖେଣ୍ଡାମାରି । ୩୦ ଏମ୍ପାଟିଏ ଦନ ଗାଟାସି ଏଲେଇଚେସି, ଏ ଆବା ଅବ୍ରାହାମ, ଏଚେକେଏ ସାରି ଆଏ, ସାମା ହାଡାରି ବିତ୍ରାଟି ରଅସି ଏଞ୍ଜାରିତାଣା ହାନେସି ଆତିହୁଁ ଏଞ୍ଜାରି ମନ ଖେନ୍ଦନେରି । ୩୧ ସାମା ଅବ୍ରାହାମ ଏଲେଇଚେସି, ଏଞ୍ଜାରି ମସା ଅଡେ ମାହାପୁରୁ ଅଣ୍ଟପୁତି ବଲୁ ଖେହନାରି କାତା ଖେନଅରି, ଆତିହୁଁ ହାଡାରି ବିତ୍ରାଟି ଖେଣ୍ଡେ ନିଜିତଁ ଜିକେଏ ଏଞ୍ଜାଣି କାତା ନାମଅରି ।”

୧୭

ପାପୁ
(ମାତି ୧୮:୭,୭,୨୧,୨୨; ମାର୍କ ୯:୪୨)

୧ ଜୀସୁ ତାନି ସୀସୁୟାଁଇଁ ଏଲେଇଚେସି, “ଏମିନି ତାୟିପାରି କିନି ତାଣାଟି ଲକୁ ପାପୁତା ହେରନେରି, ଏ ବାରେ ପିଟାଞ୍ଜି ଆଏ, ସାମା ତାୟିପାରି କିଞ୍ଜି କିନାସି ଆୟତା ଏଞ୍ଜାସି ଗାଡ଼ି ଡଣ୍ଡ ବେଟାଆନେସି; ୨ ଉଣା କକାରି ବିତ୍ରାଟି ରଅଣାଇଁ ତାୟିପାରି କିନିବାଟା ତାନି ହେରକିତା କାଜା ଜେତାଞ୍ଜାଲି ଦସାନା ସାମ୍ପଦୁରିତା ମେଡ଼ହିହୁଁ ଏଞ୍ଜାଣାକି ନେହେଁ ଆଡେମା ।

୩ *ମୀରୁ ମୀ ତାକି ଜାଗ୍ରାତା ଆହାମାଞ୍ଜୁ ।” “ନୀ ତାୟି ପାପୁ କିନେସି, ଆତିହୁଁ ଏଞ୍ଜାଣାଇଁ ଲାଗାମୁ; ଏଞ୍ଜାସି ନାନୁ

ପାପୁ କିତେଏଁ ଇଞ୍ଜାଁ ମନ ଖେନ୍ଦହିହୁଁ, ଏଞ୍ଜାଣି ପାପୁ ମ୍ଲେକ୍ତହା ତୁହମୁ । ୪ ଅଡେ ଏଞ୍ଜାସି ସାତା ପାଲି ନୀ କପାଟି ପାପୁ କିନେସି ଅଡେ ସାତା ପାଲି ନୀ ତାଣା ଖେଣ୍ଡା ଖାହାନା ନାନୁ ମନ ଖେନ୍ଦହିମାଇଁ ଇଞ୍ଜାଁ ଇଞ୍ଜାନେସି ଆତିହୁଁ ଏଞ୍ଜାଣି ପାପୁ ମ୍ଲେକ୍ତହା ତୁହମୁ ।”

ନାମୁ

୫ ଏଚେଟିଏ ପାଣ୍ଡୁଞ୍ଜି ଆହାମାନାରି ପ୍ରବୁଇଁ ଏଲେଇଚେରି, “ମା ନାମୁତି ପାତି କିୟାମୁ ।”

୬ ପ୍ରବୁ ଏଲେଇଚେସି, “ର ହାସୁଁ ପାଡେୟି ଏଚେକା ମୀ ନାମୁ ମାଟିହୁଁ ମା, ଇ ତୁତୁକଲି ମାରନ୍ତୁତି ହୀରୁତଲେ ମେଗାହାଜାନା ସାମ୍ପଦୁରିତା ଉହି ଆମୁ ଇଚିହୁଁ ଏଡ଼ି ମୀ କାତା ମାନଞ୍ଜି ଆନେ ।”

ର ହଲେଏସି କିନି କାମା

୭ “ସାମା ମୀ ବିତ୍ରାଟି ଇଲେତାସି ଆମ୍ପାଆସି ମାନେସି, ତାନି ହଲେଏସି ହେରୁ ତହୁନା କି କଡ଼ିୟାଁ ମେଚାନା ଖାଡ଼ିସାରେ ଏଞ୍ଜାସି ଏଞ୍ଜାଣାଇଁ ଜୁରୁୟାଁ ଗହମୁଦେଁ ଇନେସି ? ୮ ନାଙ୍ଗେ ତିଞ୍ଜାଲି ହିୟାମୁ, ନାନୁ ତିଞ୍ଜାଲି ଆଡ଼ାଆ ପାତେକା ଟେଡେଲି ହିମ୍ପରି ରୁପାନା ନା ସେବା କିୟାମୁ, ଇଞ୍ଜା ତାୟୁ ନାନୁ ତିନାମୁ ଇଞ୍ଜାଁ ଏଞ୍ଜାଣାଇଁ ଏଲେଇନଅସି ? ୯ ର ହଲେଏସି ସାଞ୍ଜୁକାରି କାତା ମାନଞ୍ଜି ଆହାନା କାମା କିନାକି ଏଞ୍ଜାଣାଇଁ ଜହରା କିନେସିକି ? ୧୦ ଏଲେକିହୁଁଏ ମୀରୁ ଜିକେଏ ହୁକୁମି ତଲେ କାମା କିତି ତାୟୁ ମାମୁ ପାଡ଼ା ଆଆ ହଲିୟାଙ୍ଗାତମି; ଏନାୟି ମାମୁ ଜିନାୟି ମାଚେ ଏଦାଆଁ କିହାମାନମି’ ଇଞ୍ଜେରି ।”

ଜୀସୁ ଦସଜାଣା କାଜା ରଗ ଗାଟାରାଇଁ ନେହୁଁ କିନାୟି

୧୧ ଜୀସୁ ଜିରୁସାଲମତା ହାଜିମାଟାଟି ଗାଲିଲି ଅଡେ ସମିରଣି ଦେସା ମାଦିଟି ହାଜିମାଚେସି । ୧୨ ଏମ୍ପାଟିଏ ଏଞ୍ଜାସି ର ନାୟୁତା ଏଗାହାଜାଲିଏ ଦସଜାଣା କାଜା ରଗ ଗାଟାରି ଏଞ୍ଜାଣାଇଁ ବେଟାଆଡେରି; ୧୩ ଏଞ୍ଜାରି ହେକ ନିଚାନା କାଜା ଗିୟାତଲେ ଏଲେଇଚେରି, “ଏ ଜୀସୁ ଗୁରୁ ମାଙ୍ଗେ କାର୍ମା ମେସ୍ତାମୁ !”

୧୪ ଜୀସୁ ଏଞ୍ଜାଣାଇଁ ମେସାନା ଏଲେଇଚେସି, “ମୀରୁ ହାଜାନା ପୂଜେରାଙ୍ଗା ତାଣା ତଞ୍ଜା ଆକାଦୁ ।” ଅଡେ ଏଞ୍ଜାରି ହାଜି ହାଜିହୁଁ ନେହୁଁ ଆଡେରି । ୧୫ ସାମା ଏଞ୍ଜାରି ବିତ୍ରାଟି ରଅସି ତାନୁ ନେହୁଁ ଆଡ଼ାଣି ମେସାନା କାଜା ଗିୟାତଲେ ମାହାପୁରୁତି ଜହରା କିହୁଁ କିହୁଁ ଖେଣ୍ଡା ଖାହାନା, ୧୬ ଜୀସୁତି କତାୟାଁ ଡ଼ଇ ମୁନୁ କୁତାନା ଜହରା କିତେସି; ଏଞ୍ଜାସି ସମିରଣି ଲକୁ ମାଚେସି । ୧୭ ଏଚେଟିଏ ଜୀସୁ ଏଲେଇଚେସି, “ଦସଜାଣା ନେହୁଁ ଆଆଡେରିକି ? ଅଡେ ନ ଜାଣା ଏମ୍ପିୟା ମାନେରି ? ୧୮ ମାହାପୁରୁଇଁ ଜହରା କିହାଲି ଇ ଜୀହୁଦିଆଆତି ଲକୁ ପିସପେ ଆମ୍ପାଆସି ଖେଣ୍ଡା ଖାଆଡେସି ?” ୧୯ ଇଞ୍ଜା ଜୀସୁ ଏଞ୍ଜାଣାଇଁ ଏଲେଇଚେସି, “ନିଙ୍ଗାନା ହାଲାମୁ ନୀ ନାମୁ ନିଙ୍ଗେ ନେହୁଁ କିହାମାଞ୍ଜାନେ ।”

☆ ୧୭:୩ ୧୭:୩ ମାତି ୧୮:୧୫

ମାହାପୁରୁ ରାଜି ଖାନାୟି
(ମାତି ୨୪:୨୩-୨୮, ୩୭-୪୧)

୨୦ ମାହାପୁରୁତି ରାଜି ଏଚେଲା ଖାହିମାନେ, ଇ କାତା ପାରୁସିୟାଁ ଖେଞ୍ଜାଲିଏ ଏଝାସି ଏଝାରାଇଁ ଏଲେଇଚେସି, “ମାହାପୁରୁତି ରାଜି ତଞ୍ଜା ଆହ୍ଁ ଖାଏ; ୨୧ ଇମ୍ବାଆଁ ମାନେକି ଏମ୍ବାଆଁ ମାନେ ଇଞ୍ଜ୍ଁ ଲକୁ ଖେସ୍ତୁଅରି; ଇଚିହ୍ଁ ମାହାପୁରୁତି ରାଜି ମୀ ବିତ୍ରେଏ ମାନେ ।”

୨୨ ଇଞ୍ଜା ଜୀସୁ ତାନି ସୀସୁୟାଁଇଁ ଏଲେଇଚେସି, “ଇଲେତି ବେଲା ଖାନ୍ତେ, ଏଚିବେଲା ମାଣସି ମୀରଏଣାତି ର ଦିନା ମେସାଲି ମନ କିତିହ୍ଁ ଜିକେଏ ମେହ୍ଅତେରି । ୨୩ ଏଚିବେଲା ଲକୁ ମିଙ୍ଗେ ଖେସ୍ତାନେରି, ଏଝାସି ଇମ୍ବାଆଁ ମାନେସି ଏମ୍ବାଆଁ ମାନେସି; ସାମା ଏଝାରି କାତା ଆହ୍ଆଦୁ କି ଏଝାରିତଲେ ତାକାଆଦୁ । ୨୪ ଏଚିଇଚିହ୍ଁ ହାଗୁ ମିହ୍ନାଟି ର କନଟି ଅର କନଝାକି ଉଜେଡ଼ି ଆନ୍ତେ, ଏଲେକିହ୍ଁଏ ମାଣସି ମୀରଏଣା ଦିନାତା ଆନ୍ତେ । ୨୫ ସାମା ଏଝାସି ଗାଡ଼ି କସ୍ତୁ ପାଣ୍ଡନାୟି ମାନେ, ଇଞ୍ଜା ଇ କାଲାତି ଲକୁ ଏଝାଣାଇଁ ଅପଅରି । ୨୬ ଅଡ଼େ ନହ୍ ବେଲାତା ଏନିକ୍ ଆହ୍ମାମାଚେ, ମାଣସି ମୀରଏସି ଖାନ୍ତି ଦିନାତା ଜିକେଏ ଏଲେକିହ୍ଁଏ ଆନ୍ତେ; ୨୭ ନହ୍ ଜାଜାତା ହଡ଼ନି ଦିନା ପାତେକା ଲକୁ ତିଞ୍ଜି ଉଣ୍ଡିହ୍ଁ ବୀହା କିୟାଲି ବୀହା ହିୟାଲି ହେରାମାଚେରି, ଏଚିବେଲା କାଜା ପିୟୁ ଖାତେ ଇଞ୍ଜା ବାରେତି କୁପହାତୁସ୍ତେ । ୨୮ ଲଟ ବେଲାତା ଜିକେଏ ଏଲେଏ ଆଡ଼େ, ଲକୁ ତିଞ୍ଜି ଉଣ୍ଡି ମାଚେରି, କଡ଼ି ମାଚେରି, ପାରୁଟି ମାଚେରି, ମାରୁକା ଉହି ମାଚେରି ଅଡ଼େ ଇଲକା କିହାଲି ହେରାମାଚେରି, ୨୯ ସାମା ଲଟ ସଦମ ଗାଡ଼ାଟି ହଡ଼ା ହାଲ୍ଝନିଏ, ଲାକପୁରୁଟି ହିରୁ ଅଡ଼େ ଗାନ୍ଦାଗୁଣ୍ଡା ଖାହାନା ବାରେତି ନାସା କିତେ । ୩୦ ମାଣସି ମୀରଏସି ଖାନ୍ତି ଦିନାତା ଜିକେଏ ଏଲେଆହ୍ଁଏ ଆନ୍ତେ ।”

୩୧ ✧ “ଏ ଦିନା ଆମ୍ବାଆସି ଇଲୁ ଲାକ ମାନେସି, ଏଝାସି ଇଲୁ ବିତ୍ରାମାନି ତାନି ଆସ୍ତି ଅହାଲି ରେଚା ଖାଆପେସି; ଏଲେକିହ୍ଁଏ ଆମ୍ବାଆସି ନେଝଏଲାତା ମାନାସି ଇଜ ଖେଣ୍ଡା ଖାଆପେସି । ୩୨ ଲଟ ଡକ୍ତନି କାତା ଅଣପାଦୁ ! ୩୩ ✧ ଆମ୍ବାଆସି ତାନି ଜୀଝୁତି ନୀଟହାଲି ମନ କିନାସି, ଏଝାସି ନାସା ଆନ୍ତେସି, ଅଡ଼େ ଆମ୍ବାଆସି ତାନି ଜୀଝୁତି ଆସା କିଆଗାଗାସି ଏଝାସି ନୀତିନେସି । ୩୪ ନାନୁ ମିଙ୍ଗେ ଖେସିମାଞ୍ଜାଇଁ, ଏ ଲାଆଁୟାଁ ରିଆରି କାଟେଲିତା ତୁରା ତୁୟିନେରି, ରଅସି ଅଢ଼ିଆନ୍ତେସି ଅଡ଼େ ରଅସି ଏମ୍ବାଆଁ ତୁୟିନେସି । ୩୫ ରୀ ଇୟାସିକା ରଣ୍ଡିଏ ତାଣା ନୁୟି ମାନୁ, ରଣ୍ଡି ଅଢ଼ିଆନ୍ତେ ରଣ୍ଡି ଏମ୍ବାଆଁ ତୁୟିନେ । ୩୬ ରିଆରି ନେଝଏଲାତା ମାନେରି, ରଅସି ଅଢ଼ିଆନ୍ତେସି, ରଅସି ଏମ୍ବାଆଁ ତୁୟିନେସି ।”

୩୭ ଏଚେଟିଏ ସୀସୁୟାଁ ଏଲେଇଚେରି, “ଏ ପ୍ରବୁ ଏମ୍ବିୟା ?” ଜୀସୁ ଏଲେଇଚେସି, “ମାଡ଼ହା ଏମ୍ବିୟାମାନେ ଏମ୍ବାଆଁ ରାମ୍ବାଣାୟାଁ ରୁଣ୍ଡା ଆନୁ ।”

୧୮

ରଡ଼େଣି ଇୟାନି ନାହାଁୟି

୧ ଖାହାଆନା ଅଲେ ଅଲେ ପ୍ରାତାନା କିନାୟିମାନେ, ଇ କାତାତି ଜୀସୁ ସୀସୁୟାଁଇଁ ପୁଣ୍ଡିକିନି କାତାତଲେ ଖେସ୍ତେସି ୨ “ର ଗାଡ଼ାତା ର ନାହାଁୟି କିନାସି ମାଚେସି, ଏଝାସି ମାହାପୁରୁଟି ଆଜି ହିଲାଆତେସି କି ମାଣସିୟାଁଇଁ ଜିକେଏ ଅଣ୍ଡି ହିଲାଆତେସି । ୩ ଏ ଗାଡ଼ାତା ର ରାଡ଼େଣି ମାଚେ, ଏଡ଼ି ନାହାଁୟି କିନାଣି ତାଣା ଅଲେ ଅଲେ ହାଜିହ୍ଁ ନାନୁ ନେହ୍ଁ ନାହାଁୟି କିହ୍ଁ ନା କପାଟି ନିଙ୍ଗିମାଞ୍ଜାନାଣା ତାଣାଟି ଗେଲପାମୁ ଇଞ୍ଜ୍ଁ ବାତିମାଲିମାଚେ । ୪ ଅଡ଼େ ଏଝାସି ଏଦାନି କାତା ଖେଞ୍ଜି ହିଲାଆତେସି; ତାୟୁ ଏଝାସି ମନ ମନତା ଅଣ୍ଡିତେସି, ନାନୁ ମାହାପୁରୁଟି ଆଜିହିଲଅଁ କି ମାଣସିୟାଁ ଅଣ୍ଡି ହିଲଅଁ, ୫ ଆଡ଼ିଜିକେଏ ଇ ରାଡ଼େଣି ନାଙ୍ଗେ କସ୍ତୁ ହୀହିମାଞ୍ଜାନାକି ନାନୁ ତାନି କପାଟି ନିଙ୍ଗାମାନି ନାହାଁୟି ଡିକହାତୁହ୍ଁଇଁ, ଆଆତ୍ ଏଡ଼ି ନାଙ୍ଗେ ବାରେବେଲା ଗିଜିଗିଜା କିହେମାଞ୍ଜାନେ ।”

୬ ଏମ୍ବାଟିଏ ପ୍ରବୁ ଏଲେଇଚେସି, “ଇ ଲାଗେଏତି ନାହାଁୟି କିନାଣି କାତା ଅଣ୍ଡିପାଦୁ । ୭ ଆଡ଼ିହ୍ଁ ମାହାପୁରୁ ଆଡ଼ିତି ଲକୁ ଲାଆଁ ମାଦେନା ଏଝାଣାଇଁ ହାଡ଼ିହ୍ଁ ତୁୟିନେରି, ଏଝାସି କି ଏଝାରି ନାହାଁୟି କିଅସି ? ଆଡ଼ିଜିକେଏ ଏଝାସି ଏଝାରି ସାତୁୟାଁକି ହାଡ଼େକା ଅରହିନାସି ଆନ୍ତେସି କି ? ” ନାନୁ ମିଙ୍ଗେ ଖେସିମାଞ୍ଜାଇଁ, ଏଝାସି ତବେ ଏଝାରି ତାକି କିଝି ଆହ୍ମାମାନି ପଲ୍ଲଆ କାମାତି ନାହାଁୟି କିନେସି, ଆଡ଼ିଜିକେଏ ମାଣସି ମୀରଏସି ଦାରୁତିତା ଖାହାନା ନାମୁତି ମେହ୍ନେସିକି ?”

ପାରୁସି ଅଡ଼େ ସିସୁ ରୀହନାଣି ପୁଣ୍ଡିକିନି କାତା

୯ ତାମଙ୍ଗେ ତୀରିଗାଗାତମି ଇଞ୍ଜ୍ଁ ଅଣ୍ଡିପାନା ଏଟକା ତାରାଇଁ ହୀଣି କିନି ଲକୁଣି ଜୀସୁ ଇ ପୁଣ୍ଡିକିନି କାତା ଖେସ୍ତେସି, ୧୦ ରିଆରି ପ୍ରାତାନା କିହାଲି ର ପ୍ରାତାନା ଇଲୁତା ହାଚେରି, ରଅସି ପାରୁସି ଅଡ଼େ ରଅସି ସିସୁ ରୀହନାସି । ୧୧ ପାରୁସି ନିଚାନା ଇଲେକିହ୍ଁ ପ୍ରାତାନା କିତେସି, “ଏ ମାହାପୁରୁ ନାନୁ ମିଙ୍ଗେ ଜହରା କିହିମାଞ୍ଜାଇଁ, ନାନୁ ଏଟକା ଲକୁ ଲେହେଁ ଦାମ୍ବୁ ହିଲାଆ ଗାଗାତେଏଁ ଆଏ, ସରୁ, ଦାରି ଗାଗାତେଏଁ ଆଏ କି ଇ ସିସୁ ରୀହନାଣି ଲେହେଁ ଜିକେଏ ଆଏ; ୧୨ ନାନୁ ଖାଚା ତାକି ରୀ ଦେବା ଉପାସା କିହିମାଇଁ, ଅଡ଼େ ନାନୁ ବେଟାଆହି ମାନାଣି ବାରେ ଦସ ବାଗାଟି ର ବାଗା ହାହିମାଇଁ ।” ୧୩ ସାମା ସିସୁ ରୀହନାସି ହେକ ନିଚାନା ତାନି କାନୁ ଲାକପୁରୁ ଖାକି ଜିକେଏ ପେରହାଁ ସିନିକିହାଲି ସାସା କିଆତେସି, ସାମା ତାନି ବକତା ଖେଟା କତାନା ଏଲେଇଚେସି, “ଏ ମାହାପୁରୁ ନାନୁ ପାପୁ ଗାଗାତେଏଁ ନାଙ୍ଗେ କାମା ମେସ୍ତାମୁ ।” ୧୪ ✧ “ନାନୁ ମିଙ୍ଗେ ଖେସିମାଞ୍ଜାଇଁ, ଏଝାସି ଆଏ ସାମା ସିସୁ ରୀହନାସି ତୀରିଗାଗାସି ଆହ୍ମାନା ତାମି ଇଜ ହାଚେସି; ଏଚିଇଚିହ୍ଁ

✧ ୧୭:୩୧ ୧୭:୩୧ ମାତି ୨୪:୧୭,୧୮; ମାର୍କ ୧୩:୧୫,୧୬ ✧ ୧୭:୩୩ ୧୭:୩୩ ମାତି ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ଜହ ୧୨:୨୫ ✧ ୧୮:୧୪ ୧୮:୧୪ ମାତି ୨୩:୧୨; ଲୁକ ୧୪:୧୧

ଆମ୍ବାଆସି ନାନୁ କାଜାତେଏଁ ଇଞ୍ଜା କଡିନେସି, ଏଞ୍ଜାଣାଇଁ ଉଣା କିଞ୍ଚିଆନେ, ସାମା ଆମ୍ବାଆସି ନାନୁ ଉଣାତେଏଁ ଇନେସି, ଏଞ୍ଜାଣାଇଁ କାଜାସି କିଞ୍ଚିଆନେ ।”

ଜୀସୁ ଉଣା ପଦି ପଦାୟାଣି ବର ହାନାୟି

(ମାତି ୧୯:୧୩-୧୫; ମାର୍କ ୧୦:୧୩-୧୬)

୧୫ ଏଞ୍ଜାସି ଏନିକ କକାରି ପଦାଣି ତାରିନେସି, ଏଦାଆଁତାକି ଲକୁ ଏଞ୍ଜାରାଇଁ ଜୀସୁ ତାଣା ତାଚାଲି ମାଟ୍‌ହେରି; ସାମା ସୀସୁୟାଁ ଏଦାଆଁ ମେସାନା ଏଞ୍ଜାରାଇଁ ଦାକା ହାତେରି । ୧୬ ସାମା ଜୀସୁ କକାରି ପଦାଣି ତାଗେ ହାଟାନା ଏଲେଇରେସି, “କକାରି ପଦାଣି ନା ତାଗେ ଖାହାଲି ହୀଦୁ, ଏଞ୍ଜାରାଇଁ କାହିକିଆଦୁ; ଏନିଇଚିହ ମାହାପୁରୁତି ରାଜି ଇଲେତାରାଞ୍ଜାୟି । ୧୭ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଆମ୍ବାଆସି ଉଣା କକାରି ପଦାୟାଁ ଲେହେଁ ମାହାପୁରୁ ରାଜି ଆହୁଅସି ଏଞ୍ଜାସି ଏନିକ ଜିକେଏ ଏମ୍ବାଆଁ ହଡାଲି ଆଡ଼ଅସି ।”

ର ଦନ ଗାଟାସି

(ମାତି ୧୯:୧୭-୩୦; ମାର୍କ ୧୦:୧୭-୩୧)

୧୮ ଜୀହୁଦି ଲକୁ ବିତ୍ରାଟି କାଜାସି ଜୀସୁଇଁ ଖେରେସି, “ଏ ନେହଁ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଏଦାଆଁ କିଇଁ?”

୧୯ ଜୀସୁ ଏଞ୍ଜାଣାଇଁ ଏଲେଇରେସି, “ନାଙ୍ଗେ ନେହଁତି ଇଞ୍ଜି ଏଦାଆଁତାକି ଏଲେଇଞ୍ଜିମାଞ୍ଜି? ଇଚିହଁ ମାହାପୁରୁ ରଅସିଏ ନେହଁସି ମାନେସି ଏଞ୍ଜାଣି ପିସ୍‌ପେ ଆମ୍ବାଆସି ନେହଁସି ହିଲଅସି । ୨୦ ହୁକୁମିକା ପୁଞ୍ଜାମାଞ୍ଜି, ‘ଦାରି କିଆନି, ଲକୁଣି ପାୟାଆନି, ସରୁ କିଆନି, ମିଟିସାକି ହୀଆନି, ତାଲି ତାଞ୍ଜି କାତା ମାନି କିମୁ ।”

୨୧ ଦନଗାଟାସି ଏଲେଇରେସି, “ନାନୁ ଇ ବାରେ ଉଣାଖେଡ଼ାଟିଏ କିହିମାଇଁ ।”

୨୨ ଜୀସୁ ଇ କାତା ଖେଞ୍ଜାନା ଏଞ୍ଜାଣାଇଁ ଏଲେଇରେସି, “ନାନୁ ର କାମା କିନାୟିମାନେ; ନାନୁ ନୀ ତାଣା ମାନି ବାରେ ଦନବିତି ପାର୍‌ଚାନାହଁ ହିଲାଆ ଗାଟାରାକି ଦାନା ହୀମୁ, ଇଞ୍ଜା ତାୟୁ ନାନୁ ଲାକପୁରୁତା ଦନ ବେଟାଆଦି; ଏଚେଟିଏ ନା ଜେଚ ଜେଚ ଖାମୁ ।” ୨୩ ସାମା ଏଞ୍ଜାସି ଇ ବାରେ କାତା ଖେଞ୍ଜାନା ହାରେକା ଦୁକୁ ଆଡେସି, ଇଚିହଁ ଏଞ୍ଜାସି ବାଡ଼କୁ ଗାଟାସି ମାଚେସି ।

୨୪ ଏଚେଟିଏ ଜୀସୁ ଏଞ୍ଜାଣାଇଁ ମେସାନା ଏଲେଇରେସି, “ଆମ୍ବାଆସି ଦନ ମାନେ, ଏଞ୍ଜାରି ହାରେକା କସ୍‌ତଲେ ମାହାପୁରୁତି ରାଜିତା ହଡ଼ନେରି! ୨୫ ଇଚିହଁ ମାହାପୁରୁତି ରାଜିତା ଦନଗାଟାସି ହଡ଼ନି କିହଁ ଉଚୁ ସୁଜା କାଣିଟି ହଡ଼ାହାନାୟି ଉସାସା ।”

୨୬ ଏ କାତା ଖେଞ୍ଜିମାଟାରି ଏଲେଇରେରି, “ଆଡିହଁ ଆମ୍ବାଆସି ଗେଲ୍‌ପି ଆହାଲି ଆଡିନେସି?”

୨୭ ଜୀସୁ ଏଲେଇରେସି, “ଏଦାଆଁ ଲକୁ କିୟାଲି ଆଡ଼ାଆଗାଟାଣି ମାହାପୁରୁ କିହାଲି ଆଡ଼ିମାନେସି ।”

୨୮ ଏଚେଟା ପିତର ଜୀସୁଇଁ ଖେରେସି, “ମେହ୍‌ମୁ ମାମୁ ବାରେ ପିସାନା ନୀ ଜେଚ ଖାହିମାନମି ।”

୨୯ ଜୀସୁ ଏଞ୍ଜାରାଇଁ ଖେସ୍‌ସେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଆମିନି ଗାଟାରି ମାହାପୁରୁ ରାଜିତାକି ଇଲୁକାଣ୍ଡା, ଡକ୍ରିନି, ତାୟି, ତାଲି ତାଞ୍ଜି, ଅଡେ ମୀରକା ମାସ୍‌କାଣି ପିସାମାନେରି, ୩୦ ଏଞ୍ଜାରି ଇ ଜୁଗୁତା ହାରେକା ଆଗାଡ଼ା ବେଟାଆହାନା, ଖାନ୍ତି ଜୁଗୁତା କାଲାକାଲାତି ଜୀସୁ ବେଟା ଆନେସି ।”

ଜୀସୁ ତାନି ଦେବା ତାନି ହାକିତି ଖେହ୍‌ନାୟି

(ମାତି ୨୦:୧୭-୧୯; ମାର୍କ ୧୦:୩୨-୩୪)

୩୧ ଜୀସୁ ତାନି ବାରଜାଣା ସୀସୁୟାଁ ହାଟାନା ଖେସ୍‌ସେସି, “ମେହ୍‌ମୁ ମାର ଜିରୁସାଲମତା ହାଜିମାନାୟି, ଏମ୍ବାଆଁ ମାଣ୍‌ସି ମୀରଏଣି ତାକି ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି ଏଦା ଏଦାଆଁ ରାଟାମାନେରି, ଏ ବାରେ ମାଣ୍‌ସି ମୀରଏଣା ତାଣା ସାତା ଆନେ; ୩୨ ଇଚିହଁ ଏଞ୍ଜାଣାଇଁ ଏଟକା କୃତାତାରି କେମୁତା ହେର୍‌ପିଆନେସି, ଇଞ୍ଜା ଏଞ୍ଜାରି ଏଞ୍ଜାଣାଇଁ କାକ୍‌ନେରି, ଏଞ୍ଜାଣାଇଁ ହୀଣି କିହାନା ହୁପିନେରି, ୩୩ ଏଞ୍ଜାଣାଇଁ ସାଟ୍‌ଣି ତ୍‌ରିତଲେ ଖେଟାନା ପାୟିନେରି, ଇଞ୍ଜା ତାନି ଦିନାଟିଏ ନିଞ୍ଜିନେସି ।”

୩୪ ସାମା ସୀସୁୟାଁ ଇ ବାରେ କାତା ପୁଞ୍ଜାଲି ଆଡ଼ାଆଚେରି; ଇ କାତା ଏଞ୍ଜାରିତାଣା ଡଗୁନା ମାଚେ, ଏଦାଆଁ ଖେସ୍‌ପି ଆହିମାଚେ ଏ ବାରେ ପୁଞ୍ଜିହିଲାଆଚେରି ।

ରୀସ୍‌ପାତିନି କାଣାଇଁ ଜୀସୁ ନେହଁ କିନାୟି

(ମାତି ୨୦:୨୪-୩୪; ମାର୍କ ୧୦:୪୬-୫୨)

୩୫ ଜୀସୁ ଜିରିହ ଗାଡ଼ାତା ଏଜିମାଟାଟି ର କାଣା ଜିରୁତା କୁଗାନା ରୀସ୍‌ପିମାଚେସି । ୩୬ ଏଞ୍ଜାସି ଲକୁତି ହାଜିମାନି ହାଡ଼ା ଖେଞ୍ଜାନା, “ଇଦି ଏନାୟି ଆହିମାନେ ଇଞ୍ଜି ଖେରେସି ।” ୩୭ “ନାଜରିତତି ଜୀସୁ ଇମ୍ବାଟି ହାଜିମାନେସି” ଇଞ୍ଜି ଖେସ୍‌ସେରି ।

୩୮ ଏଚେଟିଏ କାଣା କାଜା ଗିୟାତଲେ ଏଲେଇଞ୍ଜି ଇଚେସି, “ଏ ଜୀସୁ ଦାସୁଦ ମୀରଏଣାତି ନାଙ୍ଗେ କାର୍‌ମା ମେସ୍‌ମାମୁ ।”

୩୯ ସାମା ନକିତା ହାଜିମାଟାରି ଏଞ୍ଜାଣାଇଁ ପାଲେଏ ମାଞ୍ଜାଲି ଦାକା ହାତେରି, ସାମା ଏଞ୍ଜାସି ଅଡେ କାଜା ଗିୟାତଲେ ଏଲେଇଚେସି, “ଏ ଜୀସୁ ଦାସୁଦ ମୀରଏଣାତି ନାଙ୍ଗେ କାର୍‌ମା ମେସ୍‌ମାମୁ ।”

୪୦ ଏଚେଟିଏ ଜୀସୁ ଏମ୍ବାଆଁ ନିଚାନା କାଣାଇଁ ତାନି ଦାରିତା ତାଚାଲି ଟାଣ୍ଡିଚେସି; ଏଚେଟା କାଣା ତାଗେ ଖାଡେସି ଇଞ୍ଜା ଜୀସୁ ଏଞ୍ଜାଣାଇଁ ଖେରେସି, ୪୧ “ନାନୁ ନିଙ୍ଗେତାକି ଏଦାଆଁ କିଇଁ ଇଞ୍ଜି ମନ କିହିମାଞ୍ଜି?”

କାଣା ଏଲେଇଚେସି, “ଏ ପ୍ରବୁ ନାନୁ ଏନିକ ମେସାଲି ଆଡ଼ିଇଁ ।”

୪୨ ଜୀସୁ ଖେସ୍‌ସେସି, “ନାନୁ ମେହ୍‌ମୁ, ନୀ ନାମୁ ନିଙ୍ଗେ ନେହଁ କିୟାତେ ।”

୪୩ ଏ ଦେବୁଣିଏ ଏଞ୍ଜାସି ମେସାଲି ଆଡ଼ିଚେସି ଇଞ୍ଜା ମାହାପୁରୁତି ଜହରା କିହଁ କିହଁ ଜୀସୁ ଜେଚ ହାଚେସି,

ଅଡ଼େ ଲକ୍ଷ୍ମୀ ଏଦାଆଁ ମେସାନା ମାହାପୁରୁଙ୍କ ଜହରା କିତେରି ।

୧୯

ଜୀସୁ ଅଡ଼େ ଜକିୟ

୧ ଜୀସୁ ଜିରିହତା ହତାନା ଗାଡ଼ା ମାଦିଟି ହାଜିମାଚେସି । ୨ ଏମ୍ବାଆଁ ଜକିୟ ଦରୁଗାଗାସି ରଅସି ମାଚେସି, ଏଝାସି ସିସୁ ରୁହନାରି ବିତ୍ରାଟି କାଜାସି ଅଡ଼େ ଏଝାଣାକି ହାରେକା ଦନ ମାଚେ । ୩ ଜୀସୁ ଏନିଲେହେଁତାସି ଇଞ୍ଜି ଏଝାଣାକି ମେସାଲି ହାରେକା ମନ ମାଚେ, ସାମା ହାରେକା ଲକ୍ଷ୍ମୀ ମାଚାକି ମେସାଲି ଆଡ଼ିହିଲାଆଚେସି, ଏଦାଆଁତାକି ଇଚିହ୍ ଏଝାସି କୁଜା ମାଚେସି । ୪ ଏମ୍ବାଟିଏ ଏଝାସି ନକିତା ହଟି ହଟି ହାଜାନା ଜୀସୁ ହାନି ଜିରୁତା ଏଝାଣାକି ମେସାଲି ର ତୟା ମାରୁନୁତା ହଡ଼େସି, ଇଚିହ୍ ଜୀସୁ ଏ ଜିରୁଟି ହାନାୟି ମାଚେ । ୫ ଜୀସୁ ଏମ୍ବାଆଁ ଏଜାନା ଲାକ ସିନିକିହାନା ହାଟିଚେସି, “ଆଡ଼େ ଜକିୟ ତବେ ରେଗାଝାମୁ ଇଚିହ୍ ନୀଞ୍ଜୁ ନାନୁ ମୀ ଇଜ ଗତା ଝାନାୟି ମାନେ ।”

୬ ଏଝାସି ତବେ ରେଗାଝାହାନା ଏଝାଣାକି ରାହୁଁଟି ତାମି ଇଜ ହାଟିଚେସି । ୭ ଇଦାଆଁ ମେସାନା ବାରେ ଲକ୍ଷ୍ମୀ ମୁରୁ ମୁରୁ ଆହ୍ କାତା ଆଡ଼େରି, “ଇଝାସି ର ପାପୁ ଗାଟାରି ଇଜ ଗତା ହାଜିମାନେସି ।”

୮ ସାମା ଜକିୟ ନିଚାନା ପ୍ରବୁଙ୍କ ଏଲେଇଚେସି, “ଏ ପ୍ରବୁ ନାନୁ ନା ଦନଡି ର ବାଗା ହିଲାଆ ଗାଟାଚାକି ହାକି, ଅଡ଼େ ନାନୁ ଆମ୍ବାଆରି ତାଣାଟି ଏନାଆଁ ତାଚାମାଚିହ୍ ସାରି ବାଗା ଆଗାଡ଼ା ଝେଟ୍ଟି ।”

୯ ଏମ୍ବାଟିଏ ଜୀସୁ ଏଲେଇଚେସି, “ନୀଞ୍ଜୁ ଇ ଇଜତି ଲକ୍ଷ୍ମୀକା ଗେଲପିନାୟି ଝାହାମାନେ, ଇଚିହ୍ ଇଝାସି ଜିକେଏ ଅବ୍ରାହାମତି କୁଡ଼ାତାସି । ୧୦ ଇଚିହ୍ ଏନାୟି ଜାକ୍ଷା ହାଜାମାନେ ଏଦାଆଁ ପାରାନା ଗେଲପାଲି ମାଣ୍ଡସି ମୀରଏସି ଝାହାମାନେସି ।”

ବାଂଗାରା ଟାକା (ମାତି ୨୫:୧୪-୩୦)

୧୧ ଲକ୍ଷ୍ମୀ ଇ କାତା ଝେଞ୍ଜି ମାଚାଟି ଏଝାସି ଅଡ଼େ ର ପୁଣ୍ଡିକିନି କାତା ଝେସ୍ତେସି, ଇଚିହ୍ ଏଝାସି ଜିରୁସାଲମ ତାଗେ ଆହାମାଚେସି, ଇଚିହ୍ ମାହାପୁରୁ ରାଜି ତବେ ତଞ୍ଜାଆନ୍ତେ ଇଞ୍ଜି ଅଣ୍ଡିମାଚେରି । ୧୨ ଏଝାସି ଏଲେଇଚେସି, “ର କାଜା କୁଡ଼ାତାସି ରାଜା ପାଣା ବେଟାଆହାଁ ଝେଶ୍ଟା ଝାକିଝା ଇଞ୍ଜି ର ହେକ ରାଜି ହାଚେସି । ୧୩ ଏଝାସି ତାନି ଦସଜାଣା ହଲିୟାକାଣି ହାଟାନା ଏଝାରାକି ଦସଗଟା ଝେଶ୍ଟି ଟାକା ଲାକା ହାହାନା ଏଲେଇଚେସି, ‘ନାନୁ ଝେଶ୍ଟା ଝାନି ପାତେକା ମୀରୁ ଇ ଟାକା ତଲେ ବେବାରା କିଦୁ ।’ ୧୪ ସାମା ତାନି ଦେସାତାରି ଏଝାଣାକି ଅପିହିଲାଆଚେରି, ‘ଇଝାସି ମାକ୍ଷେତାକି ରାଜା ଆୟାଆପେସି’ ଇଞ୍ଜି ତାନି ଜେଟଏ କସକାଣି କାବୁ ଝେସା ପାଣିଚେରି ।”

୧୫ ତାୟୁ ଏଝାସି ରାଜା ପାଣା ବେଟାଆହାନା ତାନି ରାଜିତା ଝେଶ୍ଟାଝାଡ଼େସି, ଇଞ୍ଜି ତାନୁ ଟାକାୟାଁ ହାହାମାଚି ହଲିୟାକା ବେବାରା କିହାଁ ଏଚେକା ଲାବା କିହାମାନେରି ଏଦାଆଁ ପୁଞ୍ଜାଲି ଏଝାରାକି ହାଟିକିଚେସି, ଇଞ୍ଜି ଝେଚେସି । ୧୬ ତଲିତାସି ଝାହାନା ଏଲେଇଚେସି, “ବାବୁ ନୀନୁ ହାହାମାଞ୍ଜାତି ର ଟାକା ତଲେ ବେବାରା କିହାନା ଦସଟାକା ଲାବା କିହାମାକି ।” ୧୭ ଏଝାସି ଏଝାଣାକି ଏଲେଇଚେସି, “ନେହ୍ ଟିକାଣାଗାଟି ନାମୁତି ହଲେଏଶାତି, ନୀନୁ ଉଣା କାମାତାକି ନେହ୍ କାମା କିହାମାନାକି ନାନୁ ନିକ୍ଷେ ଦସଗଟା ଗାଡ଼ାୟାଁ ସାଲଝି କିନି ଅଦିକାରା କିମୁ ।” ୧୮ ଅଡ଼େ ରଅସି ଝାହାନା ଏଲେଇଚେସି, “ବାବୁ ନୀନୁ ହାହାମାଞ୍ଜାତି ଟାକା ତଲେ ପାସାଗଟା ଲାବା କିହାମାକି ।” ୧୯ ଏଝାସି ଏଝାଣାକି ଜିକେଏ ଏଲେଇଚେସି, “ନୀନୁ ଜିକେଏ ପାସାଗଟା ଗାଡ଼ାୟାଁ ମୁହେଁ ଅଦିକାରା ଆମୁ ।” ୨୦ ଅଡ଼େ ରଅସି ଝାହାନା ଏଲେଇଚେସି, “ପ୍ରବୁ ମେହ୍ମୁ ଇଦି ନୀନୁ ହାହାମାଞ୍ଜାତି ଟାକା; ଇଦାଆଁ ନାନୁ ଦ୍ରାଝଆଲିତା ରୁପାନା ଇଟାମାଚେସି । ୨୧ ଇଚିହ୍ ନାନୁ ନିକ୍ଷେ ଆଜାତେସି, ନୀନୁ ର ଗିରିଗିରା ଗାଟାଟି, ଇଟା ହିଲାଆଗାଟାଣି ପାରିନାଟି, ମାଟା ହିଲାଆତାଣା ଦାଝଆନାଟି ।” ୨୨ ଏଝାସି ଏଝାଣାକି ଏଲେଇଚେସି, ଆଡ଼େ ପଲୁଆଗାଟି ହଲେଏଶାତି, ନୀ ଗୁଟିତି ହାଡ଼ାତଲେ ନୀ ନୀହାୟି କିୟାକି, ନାନୁ ଗିରିଗିରା ଗାଟାତେସି, ଇଟାହିଲାଆ ତାଣା ପାରିନାତେସି ମାଟାଆଡ଼ି ତାଣା ଦାଝଆନାତେସି ଇଦାଆଁ ପୁଞ୍ଜାମାଚି ? ୨୩ ଆତିହ୍ ଏନାଆଁତାକି ନା ଟାକାଟି ରୀଶା ଅନାରାକି ହାଆତି, ନାନୁ ଝାହାନା ଅଡ଼ିତଲେ ବେଟାଆତେସିମା । ୨୪ ଇଞ୍ଜି ଦାରିତା ନିଚାମାଚାରାକି ଝେସ୍ତେସି, “ଇଝାଣି ତାଣାଟି ଏ ଟାକା ମୀଞ୍ଜା ଅହାନା ଆମ୍ବାଆରିକି ଦସଟାକା ମାନୁ ଏଝାଣାକି ହାବୁ ।” ୨୫ ଏଚେଟିଏ ଏଝାରି ଝେସ୍ତେରି, “ପ୍ରବୁ ଏଝାଣାକି ଦସଟାକା ମାନୁ ।” ୨୬ ନାନୁ ମିକ୍ଷେ ଝେସିମାଞ୍ଜାକି, “ଆମିନିଗାଟାଣାକି ମାନେ, ଏଝାଣାକି ଗାଡ଼ି ହାପୁକିଆନ୍ତେ । ସାମା ଆମ୍ବାଆରାଝାୟି ହିଲେଏ ଏଝାଣି ତାଣା ଏନାୟି ମାନେ ଏଦାଆଁ ଜିକେଏ ଏଝାଣି ତାଣାଟି ଅଝିଆନ୍ତେ । ୨୭ ସାମା ନାକ୍ଷେ ତାନି ରାଜା ଆହାଲି କୁହାମାଞ୍ଜାନି ସାତୁୟାକି ଇଦାଆଁ ତାକା ହାଜାନା ଏଝାରାକି ନା ନକିତା ଟୁଣାହାଡ଼ୁହୁଡ଼ୁ ।”

ଜୀସୁ ଜିରୁସାଲମତା ରାହୁଁଟି ହାନାୟି

(ମାତି ୨୧:୧-୧୧; ମାର୍କ ୧୧:୧-୧୧; ଜହ ୧୨:୧୨-୧୯)

୨୮ ଇ ବାରେ କାତା ଝେସ୍ତି ତାୟୁ ଜୀସୁ ଜିରୁସାଲମ ଝାକି ହାଚେସି । ୨୯ ଏଝାସି ଜୀତ ହରୁ ଦାରିତା ମାନି ବେତନିୟାଁ ଅଡ଼େ ବେଡ଼ପାଗି ନାୟକାଣାଁ ଏଜାନା ତାନି ସୀସୁୟାଁ ବିତ୍ରାଟି ରିଆରାକି ଇ କାତା ଝେସା ପାଣିଚେସି । ୩୦ “ମୀରୁ ହାଜାନା ମୀ ନକିତି ନାୟୁତା ହଡ଼ୁ ଇଞ୍ଜି ଲକ୍ଷ୍ମୀ ଏଚେଲା ହଡ଼ା ହିଲଅରି; ଇଲେତି ର ଗାଡ଼ଦେ ତାଲୁତି ଦସାମାନାଣି ମେହ୍ଦେରି; ଏଦାଆଁ ଦାଝାଁ ହୁକହା ନା ତାଣା

☆ ୧୯:୧୦ ୧୯:୧୦ ମାତି ୧୮:୧୧ ☆ ୧୯:୨୬ ୧୯:୨୬ ମାତି ୧୩:୧୨; ମାର୍କ ୪:୨୫; ଲୁକ ୮:୧୮ ☆ ୧୯:୨୭ ୧୯:୨୭ ମାତି ୨୫:୧୪-୩୦

ତାଟିହୁଁ ଖାଦୁ । ୩୧ ଆତ୍ମାଆସି ଏନାଆଁତାକି ହୁକ୍‌ହିମାଞ୍ଜେରି ଇଞ୍ଜିଁ ଖେଞ୍ଜାତିହୁଁ, ଇଦାନି ମା ପ୍ରବୁକି ଲଡ଼ାମାନେ ଇଞ୍ଜିଁ ଖେହୁଦୁ ।”

୩୨ ଏମ୍ବାଟି ଜୀସୁ ପାଣ୍ଡାମାଟାରି ଏଞ୍ଜାସି ଏନିକିଁ ଖେସାମାରେସି, ଏଲେହେଁ ମେସ୍ତେରି । ୩୩ ଇଞ୍ଜିଁ ଏଞ୍ଜାରି ଗାଡ଼୍‌ଦେ ତାଲୁତି ଦାଞ୍ଜା ହୁକ୍‌ହିମାଟାଟି ଗାଡ଼୍‌ଦେ ସାଞ୍ଜୁକାରିୟାଁ “ଏନାଆଁତାକି ହୁକ୍‌ହିମାଞ୍ଜେରି ଇଞ୍ଜିଁ ଖେରେରି ?”

୩୪ ଏଞ୍ଜାରି ଏଲେଇରେରି, “ଇଦାନି ମା ପ୍ରବୁକି ଲଡ଼ାମାନେ ।” ୩୫ ଏମ୍ବାଟିଏ ଗାଡ଼୍‌ଦେ ଜୀସୁ ତାଣା ତାତାନା ଏଦାନିଲେକ ହିମ୍ବରିକା ପାସାନା ଜୀସୁଇଁ ଲାକ କୁଗିକିତେରି । ୩୬ ଅଡ଼େ ଏଞ୍ଜାସି ନକିତା ହାଜିମାଟାଟି ଲକୁ ଜିରୁତା ତାମି ହିମ୍ବରିକା ପାସ୍ତେରି ।

୩୭ ଇଞ୍ଜିଁ ଏଞ୍ଜାସି ଜିରୁସାଲମ ତାଗେ ମାନି ଜୀତ ହରୁଟି ଖାନି ବେଲତା ଏଞ୍ଜାସି ଇଞ୍ଜିଁ ତାମି ସୀସୁୟାଁ ଜୀସୁ କିତି ବାଡ଼୍‌ମୁତି କାମାତାକି ମାହାପୁରୁଇଁ ଜହରା କିହିହୁଁ ରାହାଟି ପାରୁ ପାଟିତେରି । ୩୮ “ପ୍ରବୁତି ଦରୁଟି ଆମିନି ରାଜା ଖାହିମାନେସି ଏଞ୍ଜାଶାକି ନେହେଁ । ଲାକପୁରୁ ହିଡ଼ଡ଼ି ଅଡ଼େ ଲାକପୁରୁତି ମାହାପୁରୁଇଁ ଗାଞ୍ଜୁରମି ଆପେ ।”

୩୯ ଏଚେଟିଏ ଲକୁ ମାନ୍ଦାଟି ଏଚରଜାଣା ପାରୁସିୟାଁ ଜୀସୁଇଁ ଏଲେଇରେରି, “ଏ ଗୁରୁ ନୀ ସୀସୁୟାଁଇଁ ଲାଗାମୁ ।”

୪୦ ନାନୁ ମିଙ୍ଗେ ଖେସିମାଞ୍ଜାଇଁ, “ଇଞ୍ଜାରି ପାଲେଏ ଆଡ଼ିସାରେ, ଖାଲକା ହାଲେହେଁ କାଜା ଗିୟାତଲେ ଜଲିତୁମା ।”

ଜୀସୁ ଜିରୁସାଲମ ତାକି ତ୍ଵାନାୟି

୪୧ ଅଡ଼େ ଏଚେତା ଗାଡ଼ା ତାଗେ ଖାଡେସି, ଏଚିବେଲା ଗାଡ଼ାତି ମେସାନା ଡ଼ାହିହୁଁ ଏଲେଇରେସି, ୪୨ “ନାନୁ ହାଅ, ନାନୁ ନୀଞ୍ଜୁ ହିଡ଼ଡ଼ି ଜିରୁ ପୁଟିହୁଁ ଅଜିତେମା ! ସାମା ଏଦି ନୀ ତାଣାଟି ଡ଼ଗୁମାନେ ! ୪୩ ଏଚିବେଲା ମାହାପୁରୁ ନିଙ୍ଗେ ଗେଲପାଲି ଅଣ୍ଡାପାମାଞ୍ଜାଡେସି ଏଦାଆଁ ପୁନାଆତାକି ଏଚିବେଲତା ନୀ ସାଡୁୟାଁ ନୀ ସାରିସୁଟୁ କାଜା କଟା ଦସାନା ମୁଗନେରି, ୪୪ ଇଞ୍ଜିଁ ନିଙ୍ଗେ ଅଡ଼େ ନୀ ତାଣା ମାନି ନୀ ମୀରକାଣି କୁଡ଼୍‌ପୁନାସା କିୟାନେରି, ଅଡ଼େ ର ଖାଲିତି ଅର ଖାଲି ଲାକ ତାରି ଆହାଲି ହିୟଅରି, ଇଲେତି ଦିନା ଖାହିମାନେ ।”

ମାହାପୁରୁ ଇଲୁତା ଜୀସୁ ହଡ଼୍‌ନାୟି

(ମାତି ୨୧:୧୨-୧୭; ମାର୍କ ୧୧:୧୫-୧୯; ଜହ ୨:୧୩-୨୨)

୪୫ ଏମ୍ବାଟିଏ ଜୀସୁ ମାହାପୁରୁ ଇଲୁତା ହଡ଼ାନାହାଁ ବେବାରା କିନାରାଇଁ ଏମ୍ବାଟି ହାସା ପେରହାଡୁସ୍ତେସି, ୪୬ ଦାମ୍‌ପତିତା ରାସ୍‌କି ଆହାମାନେ, “ନା ଇଲୁ ପ୍ରାଡାନା ଇଲୁ ଆନେ, ସାମା ମୀରୁ ଏଦାଆଁ ତଂଗାୟାଁ ପାଞ୍ଜୁ ମ୍ଠୁହାଡୁସ୍ତେରି ।”

୪୭ ଅଡ଼େ ଜୀସୁ ଦିନାତାକି ଦିନା ପ୍ରାଡାନା ଇଲୁତା ଜାପୁହି ମାଚେସି, ସାମା କାଜା ପୂଜେରାଙ୍ଗା ଅଡ଼େ

ମେରାପୁନାରି ଲକୁତି କାଜାରି ତଲେ ଜୀସୁଇଁ ପାୟାଲି ଅଣ୍ଡାପାଚେରେରି, ୪୮ ସାମା ଲକୁ ରାହାଟି ଏଞ୍ଜାଣି ଜାପୁନାଣି ଖେଞ୍ଜିମାଟାକି ଏଞ୍ଜାରି ଏନିକିହାଲି ଆନେ ପାରୁ ବେଟାଆହି ହିଲାଆଡେରି ।

୨୦

ଜୀସୁତି ଅଦିକାରା

୧ ର ଦିନା ଜୀସୁ ମାହାପୁରୁ ଇଲୁତା ଲକୁଣି ଜାପୁହି ମାଚେସି, ଅଡ଼େ ନେହୁଁ କାରୁ ଖେକ୍‌ହି ମାଚେସି, ଏଚିବେଲା କାଜା ପୂଜେରାଙ୍ଗା ଅଡ଼େ ମେରାପୁନାରି ପ୍ରାଟିନାଙ୍ଗା ତଲେ ଖାହାନା ଖେଚେରି, ୨ “ନାନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି, ଏଲେକିହାଲି ଆତ୍ମାଆସି ଅଦିକାରା ହାହାମାଞ୍ଜାନେସି, ମାଙ୍ଗେ ଖେସ୍ତାମୁ ।”

୩ ସାମା ଜୀସୁ ଏଞ୍ଜାରାଇଁ ଏଲେଇରେସି, “ନାନୁ ଜିକେଏ ର କାତା ଖେଞ୍ଜାଇଁ, ନାଙ୍ଗେ ଖେସ୍ତାଦୁ ୪ ଜହନଇଁ ବାପ୍ତିସ୍ତା* ହାମୁ ଇଞ୍ଜିଁ ଆତ୍ମାଆସି ଗାଣ୍ଡିତେସି, ଲାକପୁରୁଟି କି ମାଣ୍ଡିସି ତାଣାଟି ?”

୫ ଏଚେଟିଏ ଏଞ୍ଜାରି ତାମ୍ନୁ ତାମ୍ନୁ ଜଲ୍‌କି ଆଡ଼େରି, “ଲାକପୁରୁଟି ଇନାୟି, ଆଡ଼ିହୁଁ ଏଞ୍ଜାସି ଏଲେଇଞ୍ଜାନେସି ଏନାଆଁତାକି ଏଞ୍ଜାଶାଇଁ ନାମାଆଡେରି ? ୬ ସାମା ମାଣ୍ଡିସି ତାଣାଟି ଇନାୟି, ଇଞ୍ଜିଁ ଲକୁ ମାଙ୍ଗେ ଖାଲକାତଲେ ପାୟାନେରି, ଇଚିହୁଁ ଜହନଇଁ ମାହାପୁରୁ ଅଣ୍ଡପୁତି ବଲୁ ଖେହ୍‌ନାରି ତାଣାଟି ରଅସି ଇଞ୍ଜିଁ ହାରେକା ନାମାମାନେରି ।” ୭ ଏଞ୍ଜାରି ଏଲେଇରେରି, “ମାମ୍ନୁ ପୁଞ୍ଜାହିଲଅମି ଏଦି ଏମ୍ବିଟି ଆହାମାନେ ।”

୮ ଜୀସୁ ଏଞ୍ଜାରାଇଁ ଏଲେଇରେସି, “ଆଡ଼ିହୁଁ ନାନୁ ଆମିନି ଅଦିକାରା ତଲେ କିହିମାଇଁ ନାନୁ ଜିକେଏ ଖେସ୍ତାଆଁ ।”

ଅଲ୍ପୁରି ବାଡ଼ାତା ବାଗା କାମାକିନାରି ପୁଣ୍ଡିକିନି କାତା (ମାତି ୨୧:୩୩-୪୬; ମାର୍କ ୧୨:୧-୧୨)

୯ ଏମ୍ବାଟିଏ ଜୀସୁ ଇ ପୁଣ୍ଡିକିନି କାତା ଖେସ୍ତେସି, “ରଅସି ର ଅଲ୍ପୁରି ବାଡ଼ା କିହାନା କାମା କିନାରାକି ବାଗା ହାହାନା ହାରେକା ଦିନାତାକି ଅର ଦେସାତା ହାଚେସି । ୧୦ ଅଲ୍ପୁରି ପାଡ଼େୟି କାମ୍ବି ବେଲା ଏଞ୍ଜାସି ତାନି ବାଗା ବେଟାଆହାଲି ର ହଲେଏଶାଇଁ ପାଣ୍ଡିତେସି, ସାମା ଅଲ୍ପୁରି ବାଡ଼ାତା କାମାକିନାରି ଏଞ୍ଜାଶାଇଁ ମାଡ଼ା ଖେଚାନା ଖାଉଇ କେୟୁଟି ପେରହାଡୁସ୍ତେରି । ୧୧ ଏଞ୍ଜାସି ଅଡ଼େ ର ହଲେଏଶାଇଁ ପାଣ୍ଡିତେସି; ଏଞ୍ଜାରି ଏଞ୍ଜାଶାଇଁ ଜିକେଏ ଖେଚାନା ନିନ୍ଦା କିହାଁ ଖାଉଇ କେୟୁଟି ପେରହା ପାଣ୍ଡିତେରି; ୧୨ ତାମ୍ନୁ ଅଡ଼େ ରଅଶାଇଁ ପାଣ୍ଡିତେସି, ସାମା ଏଞ୍ଜାଶାଇଁ ଜିକେଏ ରାଣାରାକା କିହାନା ବାଡ଼ାତି ପାଙ୍ଗାତା ମେଡ଼ହାଡୁସ୍ତେରି । ୧୩ ଏମ୍ବାଟିଏ ଅଲ୍ପୁରି ବାଡ଼ାତି ସାଞ୍ଜୁକାରି ନୀଏଟି ଏନାଆଁ କିଇଁ ଇଞ୍ଜିଁ ଅଣ୍ଡପାନା, ନା ଜୀସୁତି ମୀରଏଶାଇଁ ପାଣ୍ଡିଇଁ ଆଡ଼ିହୁଁ ଏଞ୍ଜାଶାଇଁ ମାନି କିନେରି । ୧୪ ସାମା କାମାକିନାରି ଏଞ୍ଜାଶାଇଁ ମେସାନା ତାମ୍ନୁ ତାମ୍ନୁ ଏଲେଇଶ୍‌ମି ଆଡ଼େରି ‘ଇଞ୍ଜାସି

* ୧୯:୪୭ ୧୯:୪୭ ଲୁକ ୨୧:୩୭ * ୨୦:୪ ୨୦:୪ ମୁଞ୍ଜନାୟି

ଅଦିକାରୀ ଗାଟାସି, ଇଝାଣାଙ୍କ ପାୟାତୁହନ, ଆତିହ୍ ଇ ଅଛୁରି ବାଡ଼ା ମାଙ୍ଗେ ଆୟାନେ ।^{୧୫} ଅଡ଼େ ଏଝାଣାଙ୍କ ଅଛୁରି ବାଡ଼ା ପାଙ୍ଗାତା ମେଡ଼ହାନା ପାୟିତେରି ।”

“ଆତିହ୍ ଅଛୁରି ବାଡ଼ାତି ସାଝୁକାରି ଏଝାରାଙ୍କ ଏନାଆଁ କିନେସି ?^{୧୬} ଏଝାସି ଝାହାନା ଇ କାମା କିନାରାଙ୍କ ପାୟାତୁହନେସି, ଅଡ଼େ ଏଟକାତାରାକି ଏ ଅଛୁରି ବାଡ଼ା ହାନେସି ।”

ଲକୁ ଇ କାତା ଝେଞ୍ଜାନା ଏଲେଇଚେରି, “ଏଲେକିହ୍ ଆଝୁଏ ଆଆପେ ।”

^{୧୭} ସାମା ଜୀସୁ ଏଝାରାଙ୍କ ଝେସ୍ତେସି, “ଆତିହ୍ ରାଟାମାନି ଇ ବଲୁ ଏନାୟି ?

ଇଲୁ କେପିନାରି ଆମିନି ଝାଲିତି କୁଡେରି, ଏଡ଼ି ଇଲୁ କନତି ମୁଲୁ ଝାଲି ଆଡେ ।

^{୧୮} ଆମ୍ବାଆସି ଏ ଝାଲି ଲାକ ତରରିନେସି, ଏଝାସି କାଣ୍ଡାମୁକା ଆନେସି; ଇଞ୍ଜା ଏ ଝାଲି ଆମ୍ବାଆରି ମୁହେଁ ତରରିନେ ଏଝାଣାଙ୍କ ଗୁଣ୍ଡୁଗୁଣ୍ଡା କିନେ ।”

ସିସୁ ହୁାନି କାତା

(ମାତି ୨୨:୧୫-୨୨; ମାର୍କ ୧୨:୧୩-୧୭)

^{୧୯} ଏଚେଟିଏ ମେରାପୁନାରି ଅଡ଼େ କାଜା ପୂଜେରାଙ୍ଗା ଦେବୁଣିଏ ଜୀସୁଙ୍କ ଆସାଲି ଅଣପିତେରି, ସାମା ଲକୁ ମାନ୍ଦାତି ଆଜିତେରି, ଇଚିହ୍ ଏଝାସି ଏ ପୁଣ୍ଡିକିନି କାତା ଏଝାରାଙ୍କ ସିନିକିହାନା ଝେସାମାଚେସି ଇଞ୍ଜା ଏଝାରି ପୁଚେରି ।^{୨୦} ଏମ୍ବାଟିଏ ଏଝାରି ଜୀସୁଙ୍କ ପାଣା ଅଡ଼େ ବାଡ଼ୁଗାଟି ସାଲଝି କିନାରି କେୟୁତା ଏଝାଣାଙ୍କ ହେରପାଲି ପାରୁ ପାରାତେରି, ଇଞ୍ଜା ଏଚରଜାଣା ତାମ୍ବୁ ତାମଙ୍ଗେ ଦାମ୍ବୁଗାଟାରି ଇଞ୍ଜା ତସା କଡିନି ନାଡ଼ିକିନାରି ଜୀସୁଙ୍କ ତାନି ଝେହ୍ନି କାତାତା ଦହ ଦସାଲି ଏଝାଣି ତାଣା ପାଣ୍ଡିତେରି ।^{୨୧} ଏଝାରି ଜୀସୁଙ୍କ ଝେଚେରି, “ଗୁରୁ, ମାମ୍ବୁ ପୁଞ୍ଜାମାନି, ନାନୁ ଏନାଆଁ ଝେସାମାଞ୍ଜି ଅଡ଼େ ଜାପୁହାମାଞ୍ଜି ଏଡ଼ି ସାତା, ଅଡ଼େ ଆମ୍ବାଆରାଙ୍କ ପାରତା ବାଟି କିଅତି, ସାମା ସାତା ମାହାପୁରୁତି ଜିରୁତି କାତା ଜାପୁଦି ।^{୨୨} ଆତିହ୍ କାୟିସରକି ସିସୁ ହୁାନାୟି ମେରା ମାନେକି ଆଏ ।”

^{୨୩} ସାମା ଜୀସୁ ଏଝାରି ନାଡ଼ିକିନି ଅଣପୁତି ପୁଞ୍ଜାନା ଏଝାରାଙ୍କ ଝେସ୍ତେସି, “ନାଙ୍ଗେ ର ଝେଣ୍ଡି ଟାକା ହିୟାଦୁ ।”^{୨୪} ଏ ଝେଣ୍ଡି ଟାକାତା ଆମ୍ବାଆରି ବମା ଅଡ଼େ ଦରୁ ମାନେ, ଏଝାରି ଝେସ୍ତେରି, “କାୟିସରଝାୟି ।”^{୨୫} ଏଚେଟିଏ ଜୀସୁ ଏଝାରାଙ୍କ ଝେସ୍ତେସି, “ଆତିହ୍ କାୟିସରଝାୟି ଏନାୟି ଏଦାଆଁ କାୟିସରକି ହୀଦୁ; ଇଞ୍ଜା ମାହାପୁରୁଝାୟି ଏନାୟି ଏଦାଆଁ ମାହାପୁରୁକି ହୀଦୁ ।”^{୨୬} ଏଚେଟିଏ ଏଝାରି ଲକୁ ନକିତା ଏଝାଣାଙ୍କ ଏଡ଼ି ଦହ ଦସାଲି ଆଡାଆତେରି, ଇଞ୍ଜା ଏଝାରି ଜୀସୁ ଝେସ୍ତି କାତାତାକି ଆଡାଜାକା ଆହାନା ପାଲେଏ ମାଚେରି ।

ହାଡ଼ାରି ଝେଣ୍ଡେ ନିଜିନି କାତା

(ମାତି ୨୨:୨୩-୩୩; ମାର୍କ ୧୨:୧୮-୨୭)

^{୨୭} ଏମ୍ବାଟିଏ ହାଡ଼ାରି ଝେଣ୍ଡେ ନିଜିନାଣି ନାମିହିଲାଆଗାଟି ଏଚରଜାଣା ସାଦୁକିୟାଁ ଜୀସୁତାଣା ଝାହାନା ଝେଚେରି,^{୨୮} “ଏ ଗୁରୁ ମସା ମାଙ୍ଗେତାକି ରାଟାମାନେସି, ରଅସି ବୀହା ଆହା କକାରି ପଦାଁ ଆଆନା ହାଡ଼ିହ୍, ଏଝାଣି ତାୟି ତାନି ଡକ୍ତିନି ଇଟାନା ଏଝାଣି କୁଡ଼ା ଏପିକିୟାଲି ଆନେ ।^{୨୯} ସାତା ଜାଣା ତାୟିୟାଁ ମାଚେରି; କାଜାସି ବୀହା ଆହାନା କକାରି ପଦାଁ ଆଆନା ହାଡ଼େସି; ^{୩୦} ତାୟୁ ଏଝାଣି ଜେଚତାସି ଇଚିତେସି, ଅଡ଼େ ଏଝାଣି ଜେଚତାସି ଇଚିତେସି; ^{୩୧} ଏଲେକିହ୍ ଏ ସାତା ଜାଣା ଜିକେଏ କକାରି ପଦାଁ ଆଆନା ହାଡ଼େରି । ^{୩୨} ତାୟୁ ଏ ଇୟା ଜିକେଏ ହାଡ଼େ । ^{୩୩} ଆତିହ୍ ଝେଣ୍ଡେ ନିଜିନି ଦିନା ଏଝାରି ବିତ୍ରାଟି ଏ ଇୟା ଆମ୍ବାଆରି ଡକ୍ତି ଆନେ ? ଇଚିହ୍ ସାତା ଜାଣା ଜିକେଏ ଏଦାନି ଇଟାମାଚେରି ।”

^{୩୪} ଜୀସୁ ଏଝାରାଙ୍କ ଏଲେଇଚେସି, “ଇ ଦାରତିତି ଲକୁ ବୀହା କିନେରି ଅଡ଼େ ଆନେରି, ^{୩୫} ସାମା ଝାନ୍ତି ଜୁଗୁତାକି ଇଞ୍ଜା ହାକିଟି ନିଙ୍ଗାଲିତାକି ପାଡ଼ା ଆନାରି ବୀହା ଆଅରି କି ବୀହା ହୀଅରି; ^{୩୬} ଇଚିହ୍ ଏଝାରି ଦୂଡୁୟାଲେହେଁ ଆହାନା ଏଚେଲାଝା ହୀଅରି, ଇଞ୍ଜା ହାକିଟି ନିଙ୍ଗାମାନାକି ଏଝାରି ମାହାପୁରୁତି ମୀରକା ଆନେରି । ^{୩୭} ସାମା ହାଡ଼ାରି ସାତେଏ ନିଜିନେରି ଇଞ୍ଜା ମସାଙ୍କ ଜିକେଏ ଝେହିମାନି ବୁଟାତି କାରୁତଲେ ନେହ୍ କି ତସାମାଚେସି, ଇଚିହ୍ ଏଝାସି ପ୍ରବୁଙ୍କ ଅବ୍ରାହାମତି ମାହାପୁରୁ, ଇସାହାକତି ମାହାପୁରୁ ଅଡ଼େ ଜାକୁବତି ମାହାପୁରୁ ଇଞ୍ଜାମାଚେସି । ^{୩୮} ଏଝାସି ହାଡ଼ାରି ମାହାପୁରୁ ଆଏ ସାମା ଜୀସୁଗାଟାରି ମାହାପୁରୁ; ଇଚିହ୍ ମାହାପୁରୁ ନକିତା ବାରେଜାଣା ନୀତାମାନେରି ।”

^{୩୯} ଏମ୍ବାଟିଏ ମେରାପୁନାରି ବିତ୍ରାଟି ଏଚରଜାଣା ଏଲେଇଚେରି, “ହାଅ, ଗୁରୁ ନାନୁ ଅଜେ ଝେସ୍ତାତି ।”^{୪୦} ଇଚିହ୍ ଏଝାଣାଙ୍କ ଅଡ଼େ ଏନାଆଁ ଝେଞ୍ଜାଲି ଏଝାରାକି ସାସା ହିଲାଆଡେ ।

କ୍ରୀସୁ ଆମ୍ବାଆସି

(ମାତି ୨୨:୪୧-୪୬; ମାର୍କ ୧୨:୩୫-୩୭)

^{୪୧} ଏମ୍ବାଟିଏ ଜୀସୁ ଏଝାରାଙ୍କ ଝେଚେସି, କ୍ରୀସୁ ଦାଝୁଦ ମୀରଏସି, ଲକୁ ଏନିକ୍ ଏଲେଇନେରି ?^{୪୨} ଇଚିହ୍ ଦାଝୁଦ ତାନୁଏ ପାରୁ ପତିତା ଏଲେଇଞ୍ଜି ମାନେସି, ପ୍ରବୁ ନା ପ୍ରବୁଙ୍କ ଝେସ୍ତେସି,

^{୪୩} ନାନୁ ନୀ ସାଡୁୟାଣି ନୀ କତାୟାଁ ଡ଼ଇ ଇଟାଆ ପାଡେକା,

ନାନୁ ନା ଟିଃନିଝାକି କୁଗାମାନାମୁ ।

^{୪୪} ଦାଝୁଦ ତାନୁଏ ଏଝାଣାଙ୍କ ପ୍ରବୁ ଇଞ୍ଜା ମାନେସି; ଆତିହ୍ କ୍ରୀସୁ ଏନିକ୍ ଏଝାଣି ମୀରଏସି ?

ମେରାପୁନାରି ତାଣାଟି ଜାଗ୍ରାତା

(ମାତି ୨୩:୧-୩୬; ମାର୍କ ୧୨:୩୮-୪୦)

^{୪୫} ତାୟୁ ବାରେ ଲକୁ ନକିତା ସୀସୁୟାଙ୍କ ଝେସ୍ତେସି,^{୪୬} “ମେରା ଜାପୁନାରି ତାଣାଟି ଜାଗ୍ରାତା ! ଇଚିହ୍ ଏଝାରି ଲାମ୍ବା ଲାମ୍ବା ହିମ୍ବିରକା ହୁଚାନା ତିରଝିହ୍ ରେଜାଲି,

☆ ୨୦:୨୭ ୨୦:୨୭ କାମା ୨୩:୮

ଅଡ଼େ ହାଟା ବାଜାରାତା ଜହରା ବେଟାଆହାଲି, ପ୍ରାତାନା
ଇଲକାଣା ନେହଁ ନେହଁ କୁଟିୟାଁ ଅଡ଼େ ବଜିତା
ନେହଁ ଚାୟୁ ବେଟାଆହାଲି ଅଣପିନେରି; ୪୭ ଏଞ୍ଜାରି
ରାଣ୍ଠେଣିସିକା ଇଲୁ ସେନିନେରି ଅଡ଼େ ଉଜେ ଉଜେଏ
ଲାମ୍ବା ଲାମ୍ବା ପ୍ରାତାନା କିନେରି; ଏଞ୍ଜାରି ହାରେକା ଡ଼ଣ୍ଡ
ବେଟାଆନେରି ।”

୨୧

ରାଣ୍ଠେଣିନି ଦାନା (ମାତି ୧୨:୪୧-୪୪)

୧ ଏତିବେଲା ଦନଗାଟାରି ଦାନା ପେଡ଼ାତା ତାନି ଦାନା
ମେଡ଼ହି ମାଗାଣି ଜୀସୁ ସିନିକିହମାଚେସି, ୨ ଅଡ଼େ ର
କାର୍ମାଗାଟି ରାଣ୍ଠେଣି ଖାହାନା ଏମ୍ବାଆଁ ରା ଉଣା ତାମ୍ବାତି
ଆଦଲି ମେଡ଼ହାଣି ମେସାନା ଏଲେଇଚେସି, ୩ “ନାନୁ ମିଙ୍ଗ
ସାତା ଖେସିମାଞ୍ଜାଇଁ ଇ କାର୍ମାଗାଟି ରାଣ୍ଠେଣି ଗାଡ଼ି ଦାନା
ହୀହାମାନେ, ୪ ଇତିହଁ ଦନ ଗାଟାରି ତାନି ଗାଡ଼ି ଦନଟି
ଇଚାଣି ତାଚାନା ବେଟୁ ହୀହାମାନେରି, ସାମା କାର୍ମାଗାଟି
ରାଣ୍ଠେଣି ତାନି ହିଲାଆବେଲାତା ତାଙ୍ଗେ ନୀତାଲିତାକି
ଏନାୟି ମାଚେ ଏ ବାରେ ହୀହାମାନେ ।”

ମାହାପୁରୁ ଇଲୁ ନସ୍ତୁ ଆନି କାତା (ମାତି ୧୪:୩-୧୪; ମାର୍କ ୧୩:୩-୧୩)

୫ ଅଡ଼େ ଆମ୍ବା ଆମ୍ବାଆରି ମାହାପୁରୁ ଇଲୁ ଅଜି ଅଜିତି
ଖାଲକା ଅଡ଼େ ଦାନା ହୀନାଣି ତଲେ ଅଜିକଁ ଆଜାମାନେ
ଇଞ୍ଜାଁ ଇଞ୍ଜାଲିଏ ଜୀସୁ ଏଲେଇଚେସି, ୬ “ମୀରୁ ନୀଏଁ ଏନା
ଏନାଆଁ ମେସିମାଞ୍ଜେରି, ଦିନା ଖାଚେ, ଏତିବେଲା ର ଖାଲି
ଅର ଖାଲି ଲାକ ଡ଼ୟେଏ, ଇ ବାରେ ମେଶଙ୍ଗାହାନେ ।”

କସ୍ତୁ ଅଡ଼େ ନିନ୍ଦା ଖାନି କାତା (ମାତି ୨୪:୩-୧୪; ମାର୍କ ୧୩:୩-୧୩)

୭ ଏତିବେଲା ଏଞ୍ଜାରି ଏଞ୍ଜାଣାଇଁ ଖେଚେରି, “ଏ ଗୁରୁ
ଆଡ଼ିହଁ ଇ ବାରେ ଏଚେଲା ଆଚେନ ? ଇଞ୍ଜାଁ ଇ ବାରେ
ଆମିନି ବେଲାତା ଆଚେନ, ଏ ବେଲାତି ସିନା ଏନାୟି ?”

୮ ଜୀସୁ ଏଲେଇଚେସି, “ଜାଗ୍ରାତା ମୀରୁ ଏନିକଁ
ଆନ୍ଦା ଆଅଚେରି; ଇତିହଁ ହାରେକା ନା ଦରୁଟି ଖାହାନା
ନାନୁ ଏଞ୍ଜାଚେଏଁ ଅଡ଼େ ଏ ଦିନା ଏଦାଚେୟିଏ ଇଞ୍ଜାଁ
ଇଞ୍ଜାନେରି; ଏଞ୍ଜାରି ଜେଚ ହାଲାଆଦୁ । ୯ ଇଞ୍ଜାଁ ମୀରୁ
ଏଚେତା ଜୁହୁ ଇଞ୍ଜାଁ ମେଲି ଆହିମାନାଣି ଖେଚିସାରେ
ଆଜାଆଦୁ; ଏନିଇଚିହଁ ଇ ବାରେ ନଚେଏ ଆୟାଲି
ଆଚେନ, ଆଡ଼ିଜିକେଏ ଏତିବେଲା ଜୁଗୁ ରାଏ ।”

୧୦ ତାୟୁ ଏଞ୍ଜାଚାଇଁ ଏଲେଇଚେସି, “ଦେସା କପାଟି
ଦେସା, ରାଜି କପାଟି ରାଜି ମେଲି ନିଜିନେ, ୧୧ ଇଞ୍ଜାଁ
ଇମ୍ବାଆଁ ଏମ୍ବାଆଁ ବୁମି ଖୀଡ଼ିନେ, ହାରେକା ଚାୟୁତା ମରଡ଼ି
ଇଞ୍ଜାଁ କାର୍ଖୁ ଖାଚେନ, ଅଡ଼େ ହାଗୁ ପାକାତା ଆଜିହପେତି
ସିନାୟି ତଞ୍ଜା ଆନୁ । ୧୨ ସାମା ଇ ବାରେ ଆଆ ନଚେଏ
ଲକୁ ମିଙ୍ଗେ ଆସାନା ନା ଦରୁ ତାକି ନିନ୍ଦା କିହାନା ଜୀହୁଦି

ଲକୁତି କୁଟମି ଇଲକାଣା*, କାୟିଦି ଇଲକାଣା, ରାଜା
ଇଞ୍ଜାଁ ନୀହାୟି କିନାରି ତାଣା ହେରପାନେରି; ୧୩ ଇଦି
ମିଙ୍ଗେତାକି ସାକି ଆଚେନ । ୧୪ *ଇଞ୍ଜାଁ ଏନାଆଁ ଜଲିଇଁ
ଏନାଆଁ ଖେହୁଇଁ ଇଞ୍ଜାଁ ତଲିଏ ମନତା ଅଣପାଆଦୁ;
୧୫ ଏନାଆଁତାକି ଇଚିହଁ ମୀ ସାତୁୟାଁ ମିଙ୍ଗେ ଖେଣ୍ଡେ
ଜଲାଲି କି ଖେସାଲି ଆଡ଼ାଆପେରିଖା ଇଞ୍ଜାଁ ନାନୁ ମିଙ୍ଗେ
ଏତିବେଲାତା ନେହଁ ରୁଦି ଅଡ଼େ ସୁଞ୍ଜା ହିୟାଇଁ । ୧୬ ସାମା
ମୀ ତାଲି ତାଞ୍ଜି ତାୟିୟାଁ ସାମାୟିୟାଁ ଇଞ୍ଜାଁ ମୀ ତଣେସିଙ୍ଗା
ଜିକେଏ ମିଙ୍ଗେ ହେରପାନେରି, ଅଡ଼େ ମୀ ବିତ୍ରାଟି ଆମ୍ବା
ଆମ୍ବାଆରାଇଁ ଇରହାନା ପାୟିନେରି, ୧୭ ଇଞ୍ଜାଁ ନା ଦରୁ ତାକି
ବାରେ ଲକୁତାଣା ଲାଜା ବେଟାଆଦେରି ଅଡ଼େ ଅପଅରି
। ୧୮ ସାମା ମୀ ତାୟୁଁ ତୁ ର ବାଣା ଜିକେଏ ନସ୍ତୁ ଆଏ;
୧୯ ଅରହିନି ତାଣାଟି ମୀରୁ ମୀ ଜୀହୁଡ଼ି ଗେଲପିକିହା
କଡ଼ିଦେରି ।”

ଜିରୁସାଲମ ନାସା ଆନି କାତା (ମାତି ୨୪:୧୫-୨୧; ମାର୍କ ୧୩:୧୪-୧୯)

୨୦ “ସାମା ମୀରୁ ଏତିବେଲା ସାତୁୟାଁ ଜିରୁସାଲମ
ଗାଡ଼ାତା ମୁଚାମାନାଣି ମେହୁଦେରି, ଏତିବେଲା ଏଦି ନାସା
ଆନି କାଲା ଏଦାଚେ ଇଞ୍ଜାଁ ପୁଞ୍ଜୁ । ୨୧ ଏତିବେଲା
ଏମିନିଗାଟାରି ଜୀହୁଦା ଦେସାତା ମାନେରି, ଏଞ୍ଜାରି
ହରକାଣା ହଣପାରି; ଇଞ୍ଜାଁ ଏମିନିଗାଟାରି ଗାଡ଼ା ବିତ୍ରା
ମାନେରି, ଏଞ୍ଜାରି ହଡ଼ା ହାଲବେରି; ଏମିନିଗାଟାରି
ନାସକାଣାଁ ମାନେରି, ଏଞ୍ଜାରି ଗାଡ଼ାତା ହଡ଼ାଆପେରି;
୨୨ ଏନିଇଚିହଁ ମାହାପୁରୁ ପତିତା ରାସକି ଆହାମାନି
ବାରେ କାତାଲେହେଁ ଆୟାଲିତାକି ଏଦି ତଣ୍ଡ ହୀନି କାଲା
। ୨୩ ଆୟତା ଏତିବେଲା ପୁରାମାସା ଆହାମାନୁ କି ପାଲୁ
ଡ଼ବୁହିମାନୁ ଏଞ୍ଜି ଉଣେଏ କସ୍ତୁ ପାଣ୍ଡୁକି ! ଏନିଇଚିହଁ
ଏତିବେଲା ଇ ଦାରତିତା କାଜା ତଣ୍ଡ ଅଡ଼େ ଇ ଲକୁତାକି
ମାହାପୁରୁତି କପା ଆଚେନ, ୨୪ ଏଚରଜାଣା କାଣ୍ଡାତଲେ
ଚୁଣ୍ଡି ଆଚେରି, ଇଞ୍ଜାଁ ଏଚର ଜାଣାଇଁ ଦସ୍ପି କିହାଁ ଏଚକା
କୃତାତି ଲକୁତାଣା ଅଚେରି, ଇଞ୍ଜାଁ ଏଚକା ଜାଡ଼ିତି ଲକୁତି
କଲା ଏଆ ପାଚେକା ଏଞ୍ଜାରି କତାୟାଁ ଡ଼ଇ ଜିରୁସାଲମ
ଗାଡ଼ା ଖିସ୍ପିଆହଁ ଡ଼ୟିନେ ।”

ମାଣ୍ଡସି ମୀରଏସି ଖେଣ୍ଡା ଖାନାୟି (ମାତି ୨୪:୨୯-୩୧; ମାର୍କ ୧୩:୨୪-୨୭)

୨୫ *ଏମ୍ବାଟିଏ ଖେଡ଼ା ଲେଞ୍ଜୁ ଅଡ଼େ ହୁକାୟାଁ ବିତ୍ରାଟି
ଏନି ଏନି ସିନାୟାଁ ତଞ୍ଜାଆଚେନ, ସାମଦୁରି ଗାଜଁ ନାଣି ଇଞ୍ଜାଁ
ଏୟୁ ନିଜିନାଣି ମେସାନା ଦାରତିତି ବାରେ ଦେସାତି ଲକୁ
ଆଡ଼ାଜାକା ଆଚେରି, ୨୬ ଇଞ୍ଜାଁ ଦାରତିତା ଏନା ଏନାୟି
ଗଚ଼ି ଆହିମାନେ ଇଞ୍ଜାଁ କାଚାନା ଲକୁ ଆଜିତାକି ଜୀହୁ
ପିସ୍ତିଲେହେଁ ଆଚେରି, ଏନିଇଚିହଁ ହାଗୁ ପାକାତି ବାଡ଼ୟୁ
ବାରେ ଖୀଡ଼ିନେ । ୨୭ *ଏତିବେଲା ମାଣ୍ଡସି ମୀରଏସି କାଜା
ବାଡ଼ୟୁ ଅଡ଼େ ଗାଞ୍ଜୁରମି ତଲେ ହାଗୁ ଲାକତି ଦୁହାଟି

* ୨୧:୧୨ ୨୧:୧୨ ସିନଗଗ ✨ ୨୧:୧୪ ୨୧:୧୪ ଲୁକ ୧୨:୧୧,୧୨ ✨ ୨୧:୨୫ ୨୧:୨୫ ଖେ ବଲୁ ୭:୧୨,୧୩ ✨ ୨୧:୨୭ ୨୧:୨୭ ଖେ ବଲୁ ୧:୭

ଖାନ୍ନାଣି ମେହଦେରି । ୨୮ ସାମା ଇ ବାରେ ଗଟଝି ଆୟାଲି ମାଟ୍‌ହସାରେ ମୀରୁ ଲାକ ସିନିକିଦୁ ଏନିଇଚିହିଁ ମିଙ୍ଗେ ଗେଲ୍‌ପିନି କାତା ଏଜିମାଞ୍ଜାନେ ।”

ତୟା ମାର୍‌ନୁଟି ଜାପିନାୟି

(ମାତି ୨୪:୩୨-୩୫; ମାର୍କ ୧୩:୨୮-୩୧)

୨୯ ଅଡ଼େ ଜୀସୁ ଏଞ୍ଜାରାଇଁ ର ପୁଣ୍ଠିକିନି କାତା ଖେସ୍‌ସିସି, “ତୟା ମାର୍‌ନୁ ଅଡ଼େ ବାରେ ମାର୍‌କାଣି ସିନିକିଦୁ; ୩୦ ଏଚିବେଲା ଏଞ୍ଜି ଗଞ୍ଜେଡି ଗାଲ୍‌ନୁ, ଏ ଗଞ୍ଜେଡି ଗାଲ୍‌ନାଣି ମେସାନା କାରା ଖେଡ଼ା ଖାଡେ ଇଞ୍ଜିଁ ମୀରୁ ପୁଞ୍ଜେରି; ୩୧ ଏଲେକିହିଁ ଏ ମୀରୁ ଇ ବାରେ ମେସାନା ମାହାପୁରୁତି ରାଜି ଏଜିମାଞ୍ଜାନେ ଇଞ୍ଜିଁ ପୁଞ୍ଜେରି ।”

୩୨ “ନାନୁ ମିଙ୍ଗ ସାତା ଖେସିମାଞ୍ଜାଇଁ, ଇ ବାରେ ଆଆପାଡେକା ଇ କାଲାତି ଲକୁ ଏନିଜିକେଏ ମେଣ୍‌ଜାଅରି । ୩୩ ହାଗୁପାକା ଦାରତି ବାରେ ମେଣ୍‌ଜାନେ, ସାମା ନା ବଲୁ ଏଚେଲାଞ୍ଜା ମେଣ୍‌ଜାଉ ।”

କାଡ଼ିହିଁ ମାନାୟି

(ମାତି ୨୪:୩୬-୪୪; ମାର୍କ ୧୩:୩୨-୩୭)

୩୪ “ଏଦାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ, ଆଆଡିହିଁ ତିନାଣି ଉନାଣି ଅଡ଼େ ବାଡ଼କିନି ଅଣ୍‌ପୁ ମୀ ହିୟାତା ନେଞ୍ଜିନେ ଅଡ଼େ ଏ ଦିନା ଦେବୁଣିଏ ପାନ୍‌ଲେହେଁ ମୀ ମୁହେଁ ଖାନ୍‌ନେ; ୩୫ ଏନିଇଚିହିଁ ଏଦି ପାନ୍‌ଲେହେଁ ଦାରତିତି ବାରେ ଜାଡ଼ିତି ଲକୁ ମୁହେଁ ଖାନ୍‌ନେ । ୩୬ ସାମା ମୀରୁ ଏନିକିଁ ଇ ବାରେ ଖାହିମାନି ତଣ୍ଡୁଟି ଗେଲ୍‌ପି ଆହାଲି ଅଡ଼େ ମାଣ୍‌ସି ମୀରୁଏଣି ନକିତା ନିଚାଲି ଆଡ଼ିଦେରି, ଏଦାଆଁତାକି ବାରେବେଲା କାଡ଼ାନା ପ୍ରାଡ଼ାନା କିହେମାଞ୍ଜୁ ।”

୩୭ ✠ଜୀସୁ ଏଚିବେଲା ପ୍ରାଡ଼ାନା ଇଲୁତା ଜାପୁହି ମାଚେସି, ଇଞ୍ଜା ଲାଆଁୟା ଗାଡ଼ାଟି ହଟା ହାଜାନା ଜୀତ ଇନି ହରୁତା ମାଣ୍‌ସିଦେସି । ୩୮ ଅଡ଼େ ବାରେ ଲକୁ ପ୍ରାଡ଼ାନା ଇଲୁତା ଜୀସୁ କାତା ଖେଞ୍ଜାଲି ଲାଈ ଲାଈସିଏ ରୁଣ୍ଡା ଆହିମାଚେରି ।

୨୨

ଜୀସୁଇଁ ପାୟାଲି ପାରୁ ପାରିନାୟି

(ମାତି ୨୪:୧-୫; ମାର୍କ ୧୪:୧,୨; ଜହ ୧୧:୪୫-୫୩)

୧ ପିସ୍‌ପିଆନି ପାରୁଁ ଦରୁଗାଟି ପୁଲ୍‌ଏୟୁ ଆଣ୍ଡାଆତି ରୁଟି ତିନି ପାରୁଁ ତାଗେ ଆହିମାଚେ । ୨ ଇଞ୍ଜା କାଜା ପୁଜେରା ଅଡ଼େ ମେରାପୁନାରି, ଜୀସୁଇଁ ଏନିକିଁ ପାୟାଲି ଆଡ଼ିନେରି, ଏଦାଆଁତାକି ପାରୁ ପାରିମାଚେରି, ସାମା ଏଞ୍ଜାରି ଲକୁଣି ଆଜିମାଚେରି ।

ଜୀହୁଦା ଜୀସୁଇଁ ଆସ୍‌ପି କିହାଲି ରାଜି ଆନାୟି

(ମାତି ୨୨:୧୨-୨୬; ମାର୍କ ୧୪:୧୦,୧୧)

୩ ଏଚିବେଲା ବାରଜାଣା ସୀସୁୟା ବିଡ୍ରାମାନି ଇସ୍‌ପାରିୟତ ଦରୁଗାଟି ଜୀହୁଦା ହିୟାତା ସୟତାନ ହଟେ; ୪ ଅଡ଼େ ଜୀହୁଦା ହାଜାନା ଏନିକିଁ କାଜା ପୁଜେରାଙ୍ଗା ଅଡ଼େ

ମାହାପୁରୁ ଇଲୁ କାପୁଗାଟି କାଜାରି କେୟୁତା ଆସ୍‌ପି କିନେସି, ଏଦାଆଁତାକି ଏଞ୍ଜାରିତଲେ କାତାବାର୍ତ୍ତା ଆଡ଼େସି । ୫ ଏମ୍‌ପାଟିଏ ଏଞ୍ଜାରି ରାହାଁ ଆହାନା ଏଞ୍ଜାଣାକି ଟାକାୟା ହୀହାଲି ଆଞ୍ଜିତେରି । ୬ ଅଡ଼େ ଜୀହୁଦା ରାଜି ଆହାନା ଲକୁ ହିଲାଆବେଲାତା ଜୀସୁଇଁ ଏଞ୍ଜାରି କେୟୁତା ହେର୍‌ପାଲି ପାରୁ ପାରିତେସି ।

ପିସ୍‌ପିଆନି ପାରୁଁତି ବଜି ତିୟାରା କିନାୟି

(ମାତି ୨୬:୧୭-୨୫; ମାର୍କ ୧୪:୧୨-୨୧; ଜହ ୧୩:୨୧-୩୦)

୭ ତାୟୁ ଆମିନି ଦିନା ପୁଲ୍‌ଏୟୁ ଆଣ୍ଡାଆତି ରୁଟି ତିନି ପିସ୍‌ପିଆନି ପାରୁଁତାକି ମେଣ୍ଡା ତାଲ୍‌କାଣି ପୂଜା କିନି ଦିନା ଏଡେ; ୮ ଏଚେଟିଏ ଜୀସୁ ପିତର ଅଡ଼େ ଜହନଇଁ ଇ କାତା ଖେସା ପାଣ୍ଡିତେସି, “ମୀରୁ ହାଜାନା ମାଙ୍ଗେତାକି ପିସ୍‌ପିଆନି ପାରୁଁତାକି ରାନ୍‌ଦା ଖାଜାଦୁ ମାରୁ ତିନିଞ୍ଜା ।”

୯ ଏମ୍‌ପାଟିଏ ଏଞ୍ଜାରି ଜୀସୁଇଁ ଖେଚେରି, “ମାନ୍‌ସୁ ଆମ୍‌ସିୟା ହାଜାନା ରାନ୍‌ଦା ଖାଜିହାଲାପାରି ଇଞ୍ଜିଁ ନୀନୁ ଅଣ୍‌ପିମାଞ୍ଜି ?”

୧୦ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀରୁ ଗାଡ଼ା ହଟିସାରେ ଡକାତା ଏୟୁ ଅହିମାନାଣାଇଁ ମେହଦେରି; ଏଞ୍ଜାଣି ଜେଟ ଜେଟ ହାଜାନା ଏଞ୍ଜାସି ଆମିନି ଇଜ ହଡ଼ନେସି ଇଲୁ ଗାଟାଣାଇଁ ଖେହୁଦୁ, ୧୧ ଗୁରୁ ନିଙ୍ଗ ଇଲେଇଞ୍ଜିଁ ଖେସା ପାଣ୍ଡାମାଞ୍ଜାନେସି, ନାନୁ ନା ସୀସୁୟା ତଲେ ପିସ୍‌ପିଆନି ପାରୁଁତି ବଜି ଏମିନି ଇଲୁତା ତିଇଁ ଏ ବାକ୍ରା ଆମିନାୟି ତସ୍‌ସାମୁ ? ୧୨ ଏମ୍‌ପାଟିଏ ଏଞ୍ଜାସି ନେହିଁ ତିୟାରା ଆହାମାନି ଲାକନି ପାରୁତି ର କାଜା ବାକ୍ରା ତସ୍‌ସାନେସି; ଏମ୍‌ପାଆଁ ମାଙ୍ଗେତାକି ରାନ୍‌ଦା ଖାଜାଦୁ ।”

୧୩ ଏଞ୍ଜାରି ହାଜାନା ଜୀସୁ ଏଞ୍ଜାରାଇଁ ଏନିକିଁ ଖେସାମାଚେସି, ଏଲେକିଁ ମେସାନା ପିସ୍‌ପିଆନି ପାରୁଁତି ରାନ୍‌ଦା ଖାଜିତେରି ।

ପ୍ରବୁତି ବଜି

(ମାତି ୨୬:୨୬-୩୦; ମାର୍କ ୧୪:୨୨-୨୬; ୧କର ୧୧:୨୩-୨୫)

୧୪ ପିସ୍‌ପିଆନି ପାରୁଁତି ବେଲା ଆୟାଲିଏ, ଜୀସୁ ଅଡ଼େ ତାନି ପାଣ୍ଡୁଡ଼ି ଆଡ଼ି ସୀସୁୟା ତଲେ ତିଞ୍ଜାଲି କୁରିତେରି । ୧୫ ଅଡ଼େ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ନାନୁ ଦୁକୁ କସ୍‌ସୁ ପ୍ଲାଃଆ ନକେଏ ମୀ ତଲେ ଇ ପିସ୍‌ପିଆନି ପାରୁଁତି ବଜି ତିଞ୍ଜାଲି ହାଟ୍‌ରେକା ଅଣ୍‌ପାମାଚେଏଁ ! ୧୬ ଏନିଇଚିହିଁ ନାନୁ ମିଙ୍ଗେ ଖେସିମାଞ୍ଜାଇଁ, ମାହାପୁରୁ ରାଜିତା ଇ କାତା ବାରେ ପୁରା ଆଆପାଡେକା ନାନୁ ଅଡ଼େ ଏଚେଲାଞ୍ଜା ଏଦାଆଁ ତିନିଆଁ ।”

୧୭ ଇଞ୍ଜା ଏଞ୍ଜାସି ର ସଲ୍‌ଆସାନା ମାହାପୁରୁଇଁ ଜହରା କିହାନା ଏଲେଇଚେସି, “ମୀରୁ ଇଦାଆଁ ଅହାନା ମୀ ବିଡ୍ରା ବାଡ଼ିକିଦୁ । ୧୮ ଇଚିହିଁ ନାନୁ ମିଙ୍ଗେ ଖେସିମାଞ୍ଜାଇଁ,

✠ ୨୧:୩୭ ୨୧:୩୭ ଲୁକ ୧୯:୪୭

ମାହାପୁରୁ ରାଜି ଖାଆ ପାତେକା ନାନୁ ନୀଞ୍ଜୁଟିଏ ଅଞ୍ଜୁରି ରାସା ଏଚେଲାଖା ଗହୁଅଁ ।”

୧୯ ଅଡ଼େ ଏଝାସି ରୁଟି ଅହାନା ମାହାପୁରୁଇଁ ଜହରା କିହାଁ ଡିକହାନା ହୀହାଁ ଏଲେଇଚେସି, “ମିଙ୍ଗେତାକି ହୀପକି ଆହାମାନି ନା ଆଙ୍ଗା ଇଦି; ନାଙ୍ଗେ ଅଣ୍ପାଲି ଇଦାଆଁ କିଦୁ ।” ୨୦ ଏଲେକିହୁଏ ତିଟି ତାୟୁ ଏଝାସି ଗହୁନି ସଲା ଆସାନା ଏଲେଇଚେସି, “ଇ ସଲାତା ମିଙ୍ଗେତାକି ଝାକ୍‌ହମାନି ନା ନେତେରିତି ପୁଝନି ରାଜିମାନା ।”

୨୧ “ସାମା ମେହୁଦୁ ଆମ୍ବାଆସି ନାଙ୍ଗେ ସାତୁ କେୟୁତା ହେରପିମାଞ୍ଜାନେସି, ଏଝାସି ନା ତଲେ ବଜିତା କୁଗାମାନେସି । ୨୨ ଏନିଇଚିହୁଏ ମାହାପୁରୁ ତାରି କିହାମାଟି ଲେହେଁ ମାଣସି ମୀରଏସି ହାନେସି, ସାମା ଏଝାଣାଇଁ ସାତୁ ତାଣା ହେରପିନେସି ଆୟତା ଏଝାସି ଉଣେଏ ଡଣ୍ଡ ବେଟା ଆନେସି ।”

୨୩ ଏମ୍ବାଟିଏ ଏଝାରି ମା ବିତ୍ରାଟି ଆମ୍ବାଆସି ଇଲେତି କାମା କିନେସି ଇଞ୍ଜୁଁ ତାମ୍ବୁ ତାମ୍ବୁସୁ ଜଲ୍‌କି ଆଡେରି ।

ଆମ୍ବାଆସି କାଜାସି ଇଞ୍ଜୁଁ ବାଦିବାଦା

୨୪ ✨ଇଞ୍ଜାଁ ଏଝାରି ବିତ୍ରାଟି ଆମ୍ବାଆସି କାଜାସି ଆନେସି ଇଞ୍ଜୁଁ ସୀସୁୟାଁ ବିତ୍ରା ଆସପି ଆଡେରି । ୨୫ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ଏଟକା କୁଡ଼ାତି ରାଜାୟାଁ ଏଝାରି ମୁହେଁ ସାଲୁଝି କିନେରି, ଅଡ଼େ ଆମିନି ଗାଟାରି ଏଝାରାଇଁ ସାଲୁଝି କିନେରି, ଏଝାରି ଲକୁତାଣା ନେହାଁରି ଇଞ୍ଜୁଁ ଝେଙ୍ଗାଲି ଅଣ୍ପିନେରି । ୨୬ ✨ସାମା ମୀ ବିତ୍ରା ଏଲେଆଆଦୁ ଇଚିହୁଏ ମୀ ବିତ୍ରା ଆମ୍ବାଆସି କାଜାସି ଏଝାସି ଉଣା ଆପେସି, ଇଞ୍ଜାଁ ଆମ୍ବାଆସି ସାଲୁଝି କିନାସି ଏଝାସି ସେବା କିନାସି ଆପେସି । ୨୭ ✨ଆମ୍ବାଆସି କାଜାସି ? ତିଞ୍ଜାଲି କୁଗିନାସି କାଜାସି କି ସେବା କିନାସି କାଜାସି ? ତିଞ୍ଜାଲି କୁଗିନାସି କାଜାସି ଆଏକି ? ସାମା ନାନୁ ମୀ ବିତ୍ରା ସେବା କିନାତେଏଲେହେଁ ଆହାମାଇଁ ।”

୨୮ “ସାମା ମୀରୁ ନା ବାରେ କସ୍ତା ନା ତଲେ ମାଞ୍ଜାମାଞ୍ଜେରି; ୨୯ ଇଞ୍ଜାଁ ନା ଆବା ଏନିକିଁ ନାଙ୍ଗେ ସାଲୁଝି କିହାଲି ପାଣା ହୀହାମାଞ୍ଜାନେସି, ନାନୁ ଜିକେଏ ଏଲେକିହୁଏ ମିଙ୍ଗେ ହିୟାଇଁ, ୩୦ ✨ଏନିକିଁ ମୀରୁ ନା ରାଜିତା ନା ତଲେ କୁଗାନା ତିଞ୍ଜେରି, ଇଞ୍ଜାଁ ସିଂଗାସାଣିତା କୁଗାନା ଇସ୍ତାୟେଲତି ବାଡ଼ କୁଡ଼ାତି ସାଲୁଝି କିଦେରି ।”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜୁଁ ଝେହୁନି କାତା

(ମାତି ୨୭:୩୧-୩୫; ମାର୍କ ୧୪:୨୭-୩୧; ଜହ ୧୩:୩୬-୩୮)

୩୧ “ସିମନ, ସିମନ ମେହୁମ୍ବୁ ସୟତାନ ଗହୁଁ ହାଣିକିନିଲେହେଁ ସୟତାନ ମାହାପୁରୁ ତାଣାଟି ହେଲ ବେଟାଆହାମାନେ; ୩୨ ସାମା ନୀ ନାମୁ ଏନିକିଁ ମେଣ୍‌ଙ୍ଗେଏ, ଇଦାଆଁତାକି ନାନୁ ନୀ ତାକି ପ୍ରାତାନା କିତେଏଁ;

ଇଞ୍ଜାଁ ନୀନୁ ନେହୁଁ ଆହାନା ଝେଣ୍ଡାସାରେ ନୀ ତାୟିୟାଣି ତୀରପୁକିମ୍ବୁ ।”

୩୩ ସାମା ପିତର ଏଲେଇଚେସି, “ଏ ପ୍ରବୁ ନାନୁ ନୀ ତଲେ କାୟିଦିତା ହାଜାଲି ଅଡ଼େ ହାହାଲି ଜିକେଏ ଆଣ୍ଡାଇଁ ।”

୩୪ ସାମା ଜୀସୁ ଏଲେଇଚେସି, “ଏ ପିତର ନାନୁ ଏଲେଇଞ୍ଜିମାଞ୍ଜାଇଁ, ନୀଞ୍ଜୁ କୟୁ କେଣ୍‌ଆ ନକେଏ ନୀନୁ ନାଙ୍ଗେ ତାନିପାଲି ପୁଞ୍ଜାହିଲଅଁ ଇଞ୍ଜୁଁ ଝେହୁଦି ।”

ଟାକାୟାଁ ମଣା ଅଡ଼େ କାଣ୍ଡା

୩୫ ✨ଜୀସୁ ଏଝାରାଇଁ ଏଲେଇଚେସି, “ଏଚିବେଲା ନାନୁ ମିଙ୍ଗେ ତାରୁୟାଁ ମଣା ଇଞ୍ଜାଁ ସେପୁୟାଁ ଅଆନା ହାକୁ ଇଞ୍ଜୁଁ ପାଣ୍ଡା ମାଞ୍ଜାତେଏଁ ଏ ବେଲା ମିଙ୍ଗେ ଏନାୟି ଉଣା ଆୟାତେକି ?” ଏଝାରି ଏଲେଇଚେରି, “ଏନାୟି ଆଏ ।”

୩୬ ଏମ୍ବାଟିଏ ଜୀସୁ ଏଲେଇଚେସି, “ସାମା ନୀଏଁ ଆମ୍ବାଆରାକି ତାରୁୟାଁ ମାନୁ ଏଝାସି ଏଝାଆଁ ଅପେସି, ଏଲେକିହୁଏ ମଣା ଜିକେଏ ଅପେସି, ଅଡ଼େ ଆମ୍ବାଆରାକି କାଣ୍ଡା ହିଲେଏ ଏଝାସି ତାନି ହିମ୍ବୁରି ପାର୍‌ଚାନା କତାପେସି । ୩୭ ଇଚିହୁଏ ନାନୁ ମିଙ୍ଗା ଝେସିମାଞ୍ଜାଇଁ, ମାହାପୁରୁ ପତିତା ରାସ୍‌କି ଆହାମାନାୟି ସାତେଏ ନାଙ୍ଗେତାକି ଆନାୟି ମାନେ, ଏଝାସି ପାପୁ ଗାଟାରି ତଲେ ଲେକା ଆନେସି, ଏଲେଆହୁଏ ଏ ବାରେ ନାଙ୍ଗେ ଏଜାତାଟିମାନେ ।”

୩୮ ଏମ୍ବାଟିଏ ଏଝାରି ଏଲେଇଚେରି, “ଏ ପ୍ରବୁ ଇମ୍ବାଆଁ ରୀ କାଣ୍ଡା ମାନୁ ।” ଇଞ୍ଜାଁ ଏଝାସି ଏଲେଇଚେସି, “ହାଅ, ଏଝିଏ ସାରି ଆନୁ ଇଚେସି ।”

ଜୀସୁ ଜୀତ ହରୁତା ପ୍ରାତାନା କିନାୟି

(ମାତି ୨୭:୩୬-୪୬; ମାର୍କ ୧୪:୩୨-୪୨)

୩୯ ଏଝାସି ଗାଡ଼ାଟି ହଡ଼ା ହାଜାନା ତାନୁ ହାଲୁଝିତିଲେହେଁ ଜୀତ ହରୁତା ହାଚେସି, ଅଡ଼େ ସୀସୁୟାଁ ଜିକେଏ ଏଝାଣି ଜେଡ ହାଚେରି । ୪୦ ଏମ୍ବାଆଁ ଏଜାନା ଏଝାସି ତାନି ସୀସୁୟାଁଇଁ ଝେସ୍‌ସେସି, “ମୀରୁ ଏନିକିଁ ପାନ୍ଦାତା ହେରଝି ଆଅଡେରି, ଇଦାଆଁତାକି ପ୍ରାତାନା କିଦୁ ।”

୪୧ ଅଡ଼େ ଏଝାସି ଏଝାରି ତାଣାଟି ହିରେ ହେକ ହାଜାନା ମେଣ୍ଡାକୁତାନା ପ୍ରାତାନା କିହୁଁ ଝେସ୍‌ସେସି, ୪୨ “ଏ ଆବା ନୀନୁ ମନ କିତିହୁଏ ଇ ଦୁକୁ କସ୍ତା ନା ତାଣାଟି ଗୁଟି କିମ୍ବୁ; ସାମା ନା ମନ କଡ଼େ ଆଏ ନୀ କାତେଏ ଆପେ ।” ୪୩ ଅଡ଼େ ଲାକପୁରୁତି ର ଦୁଡୁ ତଞ୍ଜାଆହାନା ଏଝାଣାକି ବାଡ଼ୟୁ ହୀତେ । ୪୪ ଏଚେଟିଏ ଏଝାସି ହାଡ଼େକା ଦୁକୁ ତଲେ ଅଡ଼େ ଗାଡ଼ିକିହୁଁ ପ୍ରାତାନା କିତେସି, ଇଞ୍ଜାଁ ଏଝାଣି ଗାମା ନେତେରିଲେହେଁ ବୃମିତା ତରଗିମାତେ ।

୪୫ ଅଡ଼େ ଏଝାସି ପ୍ରାତାନାଟି ନିଙ୍ଗା ଝାହାନା ତାନି ସୀସୁୟାଁଣି ଦୁକୁ ତଲେ ଇଦା କିତାଣି ମେସ୍‌ସେସି; ୪୬ ଇଞ୍ଜାଁ ଏଝାସି ଏଝାରାଇଁ ଏଲେଇଚେସି, “ଏନାଆଁତାକି ତୁରାମାଞ୍ଜେରି ? ପାନ୍ଦାତା ଏନିକିଁ ହେରଝିଅଡେରି ଏଦାଆଁତାକି ନିଙ୍ଗାନା ପ୍ରାତାନା କିଦୁ ।”

✨ ୨୨:୨୪ ୨୨:୨୪ ମାତି ୧୮:୧; ମାର୍କ ୯:୩୪; ଲୁକ ୯:୪୬ ✨ ୨୨:୨୬ ୨୨:୨୬ ମାତି ୨୩:୧୧; ମାର୍କ ୯:୩୫ ✨ ୨୨:୨୭ ୨୨:୨୭ ମାତି ୨୦:୨୫-୨୭; ମାର୍କ ୧୦:୪୨-୪୪ ✨ ୨୨:୨୯ ୨୨:୨୯ ଜହ ୧୩:୧୨-୧୫ ✨ ୨୨:୩୦ ୨୨:୩୦ ମାତି ୧୯:୨୮ ✨ ୨୨:୩୫ ୨୨:୩୫ ମାତି ୧୦:୯,୧୦; ମାର୍କ ୬:୮,୯; ଲୁକ ୯:୩; ୧୦:୪

ଜୀସୁଙ୍କ ଦହନି କାତା

(ମାତି ୨୭:୪୭-୫୨; ମାର୍କ ୧୪:୪୩-୫୦; ଜହ ୧୮:୩-୧୧)

୪୭ ଏଞ୍ଜାସି ଜଳିମାଟାଟି ର ମାନ୍ଦା ଲକୁ ଏମ୍ପାଆଁ ଏଗା ଖାଡେରି, ଅଡେ ବାରଜାଣା ସାସୁୟା ବିତ୍ରାଟି ଜୀହୁଦା ଦରୁଗାଟାସି ଏଞ୍ଜାରି ନକିତା ଖାହାନା ଜୀସୁଙ୍କ ନଶ୍ୱାଲି ତାନି ତାଣା ହାଚେସି । ୪୮ ସାମା ଜୀସୁ ଏଞ୍ଜାଣାଇ ଏଲେଇଚେସି, “ଏ ଜୀହୁଦା ନଶ୍ୱାନା ମାଣ୍ସି ମୀର୍ଏଣାଇ ସାତୁୟା କେୟୁତା ହେରପିମାଞ୍ଜି ?”

୪୯ ଏମ୍ପାଟିଏ ଜୀସୁତଲେ ମାଟାରି ଇଦି ଏନାୟି ଇଞ୍ଜି ପୁଞ୍ଜାନା ଜୀସୁଙ୍କ ଏଲେଇଚେରି, “ଏ ପ୍ରବୁ ମାମ୍ପ ଲୁଖାରିଇଁ କାଣ୍ଡାତଲେ ପାୟିନମି କି ?” ୫୦ ଅଡେ ଏଞ୍ଜାରି ରଅସି କାଜା ପୂଜେରା ହଲେଏଣାଇଁ ଇରହାନା ତାନି ଚିଃନି କିୟୁଁ ଦାଟାତୁସ୍ତେସି ।

୫୧ ସାମା ଜୀସୁ ଏଲେଇଚେସି, “ଇଚେକେଏ ଆଡେ” ଇଞ୍ଜାନା ଏଞ୍ଜାଣି କିୟୁଁ ତ୍ରାଗାନା ନେହଁ କିତେସି ।

୫୨ ଅଡେ ଜୀସୁ ତାଙ୍ଗେ ଆସାଲି ଖାହାମାଟି କାଜା ପୂଜେରା, ମାହାପୁରୁ ଇଲୁତି କାପୁଗାଟାରି ଅଡେ ଲକୁତି କାଜାରାଇଁ ଏଲେଇଚେସି, “ମୀରୁ ସରୁଇଁ ଆହନିଲେହେଁ ଇଟା କାଣ୍ଡା ଅଡେ ଚେଙ୍ଗାୟାଁ ଆସାନା ଖାହାମାଞ୍ଜେରି ? ୫୩ ନାନୁ କାଲେଏ ମୀ ତଲେ ମାହାପୁରୁ ଇଲୁତା ମାଚେଏଁ, ଏଚିବେଲା ମୀରୁ ନାଙ୍ଗେ ଆସାଆଡେରି; ସାମା ଇ ଦିନା ମୀଦିଏ ଅଡେ ଆନ୍ଦେରିତି ବାଡ଼ୟୁ ରାଜିକିନି ଦିନା ।”

ପିତର ଜୀସୁଙ୍କ ପୁଞ୍ଜାହିଲଅଁ ଇଞ୍ଜିଁ ଇନାୟି

(ମାତି ୨୭:୫୭, ୫୮, ୬୯-୭୫; ମାର୍କ ୧୪:୫୩, ୫୪, ୬୭-୭୨; ଜହ ୧୮:୧୨-୧୮, ୨୫-୨୭)

୫୪ ତାୟୁ ଏଞ୍ଜାରି ଏଞ୍ଜାଣାଇଁ ଅହାନା କାଜା ପୂଜେରା ଇଜ ତାଡେରି; ସାମା ପିତର ହେକ ମାଞ୍ଜାନା ଜେଚ ଜେଚ ହାଚେସି । ୫୫ ଅଡେ ଏଞ୍ଜାରି ଆଂଗେଣିତା ହିରୁ ତାସାନା ହିରୁ ସାରିସୁରୁ କୁଗିତେରି, ଇଞ୍ଜାଁ ପିତର ଜିକେଏ ଏଞ୍ଜାରିତଲେ କୁଗିତେସି । ୫୬ ଏମ୍ପାଟିଏ ର ହଲେଣି ପିତର ହିରୁ ମାଣ୍ଡାତା କୁଗାମାନାଣି ମେସାନା, ଏଞ୍ଜାଣାଇଁ ସିନିକିହାନା ଏଲେଇଚେ, “ଇଞ୍ଜାସି ଜିକେଏ ଏଞ୍ଜାଣିତଲେ ମାଟାସି ।”

୫୭ ସାମା ପିତର ଏଲେଇଚେସି, “ଆଏକା ନାନୁ କଡେ ଏଞ୍ଜାଣାଇଁ ପୁଣ୍ଡାମ୍ପୁ ପୁଞ୍ଜାହିଲଅଁ ।”

୫୮ ଅଡେ ଗାଡେକା ହାଜାଲିଏ ଅଡେ ରଅସି ଏଲେଇଚେସି, “ନାନୁ ଜିକେଏ ଏଞ୍ଜାରି ବିତ୍ରାଟି ରଅତି ।” ସାମା ପିତର ଏଲେଇଚେସି, “ଆଏ ତାୟି ନାନୁ କଡେ ଆଏ ।”

୫୯ ଅଡେ ରଚାଟା ହାଜାଲିଏ ଅର ରଅସି ଏଲେଇଚେସି, “ସାଡେଏ ଇଞ୍ଜାସି ଏଞ୍ଜାରିତଲେ ମାଟାସି, ଏନିଇଚିହଁ ଇଞ୍ଜାସି ଗାଲିଲି ଦେସାତାସି ।”

୬୦ ସାମା ପିତର ଏଲେଇଚେସି, “ନାନୁ ଏନାଆଁ ଇଞ୍ଜିମାଞ୍ଜି ତାୟି ନାନୁ ଏନାଆଁ ପୁଞ୍ଜାହିଲଅଁ ।”

ଏ ଦେବୁଣିଏ କୟୁ କେଣ୍ଡେ; ୬୧ ଏମ୍ପାଟିଏ ପ୍ରବୁ ମ୍ପୁ ପେରହାନା ପିତରଇଁ ସିନିକିତେସି; ଏମ୍ପାଟିଏ ନୀଞ୍ଜୁ କୟୁ

କେଣ୍ଡା ନକେଏ ନାନୁ ପୁଞ୍ଜାହିଲଅଁ ଇଞ୍ଜାଦି, ପ୍ରବୁ ଖେସି ଇ କାତା ତାନି ମନତା ଖାଡେ, ୬୨ ଇଞ୍ଜାଁ ଏଞ୍ଜାସି ପାଙ୍ଗାତା ହାଜାନା ଗାଡି ଦୁକୁ ଆହାନା ଡାଡେସି ।

ଜୀସୁଙ୍କ ନିନ୍ଦାକିହଁ କାକ୍ନାୟି ଅଡେ ଖେନାୟି

(ମାତି ୨୭:୨୭, ୨୮; ମାର୍କ ୧୪:୨୫)

୬୩ ଅଡେ ଆମିନିଗାଟାରି ଜୀସୁଙ୍କ ଆସା ଇଟାମାଚେରି, ଏଞ୍ଜାରି ଏଞ୍ଜାଣାଇଁ ଖେଚି ଖେଚିହଁ କାକ୍ନେରି, ୬୪ ଅଡେ ଏଞ୍ଜାଣି ମ୍ପୁତୁ ହିମ୍ପରି ପୁକ୍ନହାନା ଖେଚେରି, “ନାନୁସାଁ ମାହାପୁରୁ ଅଣ୍ପୁତି ବଲୁ ଖେହନାତି ! ଖେସ୍ତାମୁ ନିଙ୍ଗେ ଆମ୍ପାଆସି ଖେତାଡେସି ?” ୬୫ ଅଡେ ଏଞ୍ଜାରି ହାରେକା କାତା ଏଞ୍ଜାଣି କପାଟି ଜଲାନା ଏଞ୍ଜାଣି ନିନ୍ଦାକିତେରି ।

ବେରଣିମାଣ୍ଡା ନକିତା ଜୀସୁ

(ମାତି ୨୭:୫୯-୬୬; ମାର୍କ ୧୪:୫୫-୬୪; ଜହ ୧୮:୧୯-୨୪)

୬୬ ଲାଇଁ ଖେୟାଲିଏ ଲକୁତି କାଜାରି, କାଜା ପୂଜେରାଙ୍ଗା ଅଡେ ମେରାପୁନାରି ରୁଣ୍ଡା ଆହାନା ତାନି ବେରଣିମାଣ୍ଡାତା ଜୀସୁଙ୍କ ଅହାନା ଖେଚେରି, ୬୭ “ନାନୁ କ୍ରୀସ୍ତକି ମାଙ୍ଗେ ଖେସ୍ତାମୁ ।” ସାମା ଏଞ୍ଜାସି ଏଞ୍ଜାଣାଇଁ ଏଲେଇଚେସି, “ନାନୁ ମିଙ୍ଗେ ଖେସ୍ତାସାରେ ମୀରୁ ନାମଅଡେରି; ୬୮ ଅଡେ ନାନୁ ଖେଞ୍ଜାତିହଁ ମୀରୁ ଖେସାଲି ଆଡଅଡେରି । ୬୯ ସାମା ନାଏଟିଏ ମାଣ୍ଡାସି ମୀର୍ଏସି ବାଡ଼ୟୁଗାଟି ମାହାପୁରୁ ଚିଃନି ଚଟତା କୁଗିନେସି ।”

୭୦ ଏମ୍ପାଟିଏ ବାରେଜାଣା ଖେଚେରି, “ଆତିହଁ ନାନୁ ମାହାପୁରୁ ମୀର୍ଏଣାଡିକି ?”

ଏଞ୍ଜାସି ଏଞ୍ଜାଣାଇଁ ଏଲେଇଚେସି, “ମୀରୁତ ଖେସିମାଞ୍ଜାଦେରି, ନାନୁ ଏଞ୍ଜାଡେଏଁ ।”

୭୧ ଏଚେଟିଏ ଏଞ୍ଜାରି ଏଲେଇଚେରି, “ମାଙ୍ଗେ ଅଡେ ଏନି ସାକି ଲଡା, ମାରତ ଇ କାତା ତାନି ଗୁଡିଟିଏ ଖେଚାୟି ।”

୨୩

ପିଲାତ ନକିତା ଜୀସୁ

(ମାତି ୨୭:୧, ୨; ୨୭:୧୧-୧୪; ମାର୍କ ୧୫:୧-୫; ଜହ ୧୮:୨୮-୩୮)

୧ ଏଚେଟିଏ ତାୟୁ ବାରେଜାଣା ନିଙ୍ଗାନା ଜୀସୁଙ୍କ ପିଲାତ ନକିତା ଅଡେରି । ୨ ଇଞ୍ଜାଁ ଏଞ୍ଜାରି ଜୀସୁ କପାଟି ଦହ ଦସାନା ଏଲେଇଚେରି, “ମାମ୍ପୁ ପୁଟମି ଇଞ୍ଜାସି ମା କୁଡାତି ଲକୁଣି ପଲ୍ଲଆ ଜାପୁହିମାନେସି, ଇଚିହଁ ଇଞ୍ଜାସି କାୟିସରକି ସିସୁ ହାଆପୁ, ତାନୁ ନାନୁଏ କ୍ରୀସ୍ତ ଅଡେ ରାଜାଡେଏଁ ଇଞ୍ଜିଁ ଖେସା କଡିମାନେସି ।”

୩ ଏଚେଟିଏ ପିଲାତ ଜୀସୁଙ୍କ ଖେଚେସି, “ନାନୁ କି ଜୀହୁଦି ଲକୁତି ରାଜାତି ?”

ଜୀସୁ ଖେସ୍ତେସି, “ନାନୁତ ଖେସିମାଞ୍ଜି ।”

୪ ଏଚେଟିଏ ପିଲାତ କାଜା ପୂଜେରା ଅଡେ ବାରେ ଲକୁଣି ଏଲେଇଚେସି, “ନାନୁ ଇଞ୍ଜାଣି ତାଣା ଏନି ଦହ ପୁଞ୍ଜାଆଡେଏଁ ।”

☆ ୨୨:୫୩ ୨୨:୫୩ ଲୁକ ୧୯:୪୭; ୨୧:୩୭

୫ ସାମା ଏଝାରି ଗାଡ଼ିକିହିଁ ଜଲିତେରି, “ଇଝାସି ଗାଲିଲିତାସିଏ ମାଟ୍‌ହାନା ଇମ୍ବା ପାତେକା ବାରେ ଜୀହୁଦା ଦେସାତି ଲକୁଣି ଜାପ୍‌ହାନା ଲାଗେଏ କିହିମାନେସି ।”

ହେରଦ ନକିତା ଜୀସୁ

୬ ସାମା ପିଲାତ ଇ କାତା ଝେଞ୍ଜାନା ଝେଚେସି, “ଇଝାସି ଗାଲିଲିତାସିକି ?” ୭ ଇଞ୍ଜା ଏଝାସି ହେରଦ ରାଜା ରାଜି ତାସି ଇଞ୍ଜା ପୁଞ୍ଜାନା ଏଝାଣାଇଁ ହେରଦ ତାଣା ପାଣ୍ଡିତେସି, ଏନିଇଚିହିଁ ଏଚିବେଲା ହେରଦ ଜିରୁସାଲମତା ମାଚେସି । ୮ ହେରଦ ଜୀସୁଇଁ ମେସାନା ହାଟ୍‌ରେକା ରାହୁଁ ଆଚେସି, ଏନିଇଚିହିଁ ଏଝାସି ଏଝାଣି କାତା ଝେଞ୍ଜା ମାଚାକି ଏଝାଣାଇଁ ହାଟ୍‌ରେକା ଦିନାଟିଏ ମେସାଲି ମନ କିହିମାଚେସି, ଇଞ୍ଜା ଏଝାଣି ତାଣାଟି ଏନି କାବାଆନି କାମାକିନାଣି ମେହୁଇଁ ଇଞ୍ଜା ଆସା କିହିମାଚେସି । ୯ ହେରଦ ଜୀସୁଇଁ ଏନି ଏନି କାତାୟାଁ ଝେଚେସି, ସାମା ଜୀସୁ ଏଝାଣାଇଁ ଏନି କାତାଝା ଝେଶ୍ଟେ ଝେହୁଆଚେସି । ୧୦ ସାମା କାଜା ପୂଜେରାଞ୍ଜା ଅଡ଼େ ମେରାପୁନାରି ନିତାନା ଏଝାଣି କପାଟି ଆଜିହପେତି କାତାୟାଁ ଜଲିମାଚେରି । ୧୧ ଏଚେଟିଏ ହେରଦ ତାନି କସକା ତଲେ ଏଝାଣାଇଁ କାକ୍‌ହି କାକ୍‌ହିହିଁ ନିନ୍ଦାକିତେରି ଏଚେଟିଏ ର ପାଟୁ ହିମ୍ବରି ଏଝାଣାଇଁ ହୁଚି କିହାନା ପିଲାତ ତାଣା ଝେଶ୍ଟେ ପାଣ୍ଡିତେରି । ୧୨ ଏ ଦିନାଟିଏ ପିଲାତ ଅଡ଼େ ହେରଦ ତଣେ ଆଚେରି; ଏଝାରି ନକେଏ ସାତୁୟାଲେହେଁ ମେସପି ଆଝିତେରି ।

ଜୀସୁକି ହାନି ତଣ୍ଡ

(ମାତି ୨୭:୧୫-୨୬; ମାର୍କ ୧୫:୬-୧୫; ଜହ ୧୮:୩୯; ୧୯:୧୭)

୧୩ ଏମ୍ବାଟିଏ ପିଲାତ କାଜା ପୂଜେରା ଜୀହୁଦି ଲକୁତି କାଜାରି ଅଡ଼େ ବାରେ ଲକୁଇଁ ହାଟି କିହାନା ଏଝାଣାଇଁ ଏଲେଇଚେସି, ୧୪ “ଇଝାସି ଲକୁଣି ପଲୁଆ ଜାପ୍‌ହିମାନେସି ଇଞ୍ଜା ମୀରୁ ନା ତାଣା ତାଚେରି; ସାମା ନାନୁ ଏଝାଣାଇଁ ମୀ ନକିତା ତାୟିପାରି କିଚେଏଁ ଇଞ୍ଜା ମୀରୁ ଝେସାମାଞ୍ଜାତି ଏନି ଦହ ଏଝାଣି ତାଣା ପୁଞ୍ଜାଆଚେସି, ଇଞ୍ଜା ହେରଦ ଜିକେଏ ପୁଞ୍ଜାଆଚେସି, ୧୫ ଏନିଇଚିହିଁ ହେରଦ ଅଡ଼େ ଝେଶ୍ଟେ ନା ତାଣା ପାଣ୍ଡାଚେସି; ଇଞ୍ଜା ମେହୁଦୁ ଇଝାସି ହାନି ତଣ୍ଡ ପାଣ୍ଡି ଏନି ଦହଝା କିହାହିଲଅସି; ୧୬ ଏଦାଆଁତାକି ନାନୁ ଇଝାଣାଇଁ ସାଟ୍‌ଣି ତଲେ ଝେଚାନା ପିହୁଇଁ ।” ୧୭ ପିସପିଆନି ପାରୁ ବେଲା କାୟିଦି ମାନାରି ବିଦ୍ରାଟି ରଅଣାଇଁ ଏଝାରାକି ପିସାଲି ମେରା ମାଚେ ।

୧୮ ସାମା ଏଝାରି ରହେଏ ଗାଡ଼ିକିହିଁ ଏଲେଇଚେରି, “ଇଝାଣାଇଁ ପାୟାଦୁ ବାରବାଇଁ ମାଜେ ପିସାହିୟାମୁ !”

୧୯ ଇ ବାରବାଇଁ ଗାଡ଼ାତି ଗଡ଼ହା ତାକି ଇଞ୍ଜା ରଅଣାଇଁ ପାୟାମାଚାକି କାୟିଦି ଇଟାମାଚେରି ।

୨୦ ସାମା ପିଲାତ ଜୀସୁଇଁ ପିସାଲି ଅଣ୍ଡପାନା ଲକୁ ମାନ୍ଦାତି ଅଡ଼େ ପୁଣ୍ଡି କିହାଲି ଝେସେସି । ୨୧ ସାମା ଏଝାରି କାଜା ହାଡ଼ାତଲେ ଏଲେଇଚେରି, “ଏଝାଣାଇଁ ପାସି ମୁଣ୍ଡାତା ଏକଦୁ ପାସି ମୁଣ୍ଡାତା ଏକଦୁ ଇଞ୍ଜା ଇଚେରି ।”

୨୨ ଇଞ୍ଜା ଏଝାସି ଅଡ଼େ ତାନି ପାଲି ଝେସେସି, “ଏଦାଆଁତାକି, ଏଝାସି ଏନି ଦହ କିହାମାନେସି ? ନାନୁ ଏଝାଣି ତାଣା ଏନି ହାନିହଚେତି ଦହ ପୁଞ୍ଜାଆଚେସି; ଏଦାଆଁତାକି ନାନୁ ଏଝାଣାଇଁ ସାସି ହାହାନା ପିହୁଇଁ ।”

୨୩ ସାମା ଏଝାରି କାଜା ଗିୟାତଲେ ଏଝାଣାଇଁ ପାସି ମୁଣ୍ଡାତା ଏକହାଲି ଝେସେରି, ତାୟୁ ଏଝାରି ଝେସ୍ତାୟିଏ ଆଚେ । ୨୪ ଇଞ୍ଜା ଏଝାରି ଝେସ୍ତଲେହେଁଏ କିୟାଲି ପିଲାତ ହୁକୁମି ହାଚେସି; ୨୫ ସାମା ଆମିନିଗାଟାସି ଗଡ଼ହା ଅଡ଼େ ଲକୁଣି ପାୟାଲିଏ କାୟିଦିତା ଇଟାମାଚାଣାଇଁ ରାସା ମାଚେରି ପିସେସି, ଅଡ଼େ ଜୀସୁଇଁ ଏଝାସି ଏଝାରି ଅଣ୍ଡପିତି ଲେହେଁ କିୟାଲି ଏଝାରିତାଣା ହେରପିଚେସି ।

ଜୀସୁଇଁ ପାସି ଏକନାୟି

(ମାତି ୨୭:୩୨-୪୪; ମାର୍କ ୧୫:୨୧-୩୨; ଜହ ୧୯:୧୭-୨୭)

୨୬ ଏଝାରି ଜୀସୁଇଁ ଅହିମାଚାଟି ସିମନ ଦରୁଗାଟି କୁରିଣି ଦେସାତି ର ନାୟୁଟି ଝାହିମାଚେସି, ଏଝାରି ଏଝାଣାଇଁ ପାସିମୁଣ୍ଡା ଡେକି କିହାନା ଜୀସୁ ଜେଚ ଜେଚ ଅଡ଼େରି ।

୨୭ ମାନ୍ଦା ଲକୁ ଜୀସୁ ଜେଚ ହାଜିମାଚେରି ଅଡ଼େ ତାନି ତାକି ବକତା ଝେଚା କଡ଼ିହିଁ ତାହି ତାହି ଏଚରଜାଣା ଇୟସିକା ଜିକେଏ ଏଝାଣି ଜେଚ ହାଜିମାଚୁ । ୨୮ ସାମା ଜୀସୁ ଏଝାସିକାଝାକି ସିନିକିହାନା ଏଲେଇଚେସି, “ଆଲ, ଜିରୁସାଲମତି ମାସ୍କାଚେରି ନା ତାକି ତାଆଦୁ ସାମା ମୀ ତାକି ଅଡ଼େ ମୀ କକାରି ପଦାଁ ତାକି ତାଦୁ; ୨୯ ହେଶୁ ଇଲେତି ଦିନା ଝାହିମାନେ, ଆମ୍ବାଆୟି ବାଞ୍ଜେଣିସିକା, ଆମ୍ବାଆୟି ଏଚେଲା ପୁରାମାସା ଆହାହିଲାଉ ଅଡ଼େ ପାଲୁ ଉଚ୍‌ହା ହିଲାଉ ଲକୁ ଏଝାସିକାଣି ମିଜେଏ ନେହେଁ ଇଞ୍ଜାନେରି । ୩୦ ☆ଏଚିବେଲା ଲକୁ ହରକାଣି ଏଲେଇଚେରି ମା ଲାକ ତରଗାଦୁ ଅଡ଼େ ଉଣା ହରକାଣି ଏଲେଇଚେରି ମାଜେ ପୁକ୍‌ହାନା ତୁକୁହାଦୁ । ୩୧ ଏନିଇଚିହିଁ ଲକୁ ହିଇଲି ମାରନ୍ତୁତି ଏଲେକିତିହିଁ, ଏନି ଝାୟିସାରେ ଏଦାଆଁ କିହାଁ ଆଗାଡ଼ା କିଅରିକି ?”

୩୨ ଦହଗାଟାରି ରିଆରି ଜିକେଏ ପାସି ଏକହାଲି ଜୀସୁତଲେ ଅଝିଆଚେରି । ୩୩ ଏମ୍ବାଟିଏ ଏଝାରି ତାୟୁଁ ରୁପା ଇନି ଟାୟୁତା ଏଜାନା ଏମ୍ବାଆଁ ଜୀସୁଇଁ ପାସି ମୁଣ୍ଡାତା ଏକହାନା ଏ ରା ଦହଗାଟାରି ବିଦ୍ରାଟି ରଅଣାଇଁ ଏଝାଣି ଟିଞ୍ଜିଝାକି ଅଡ଼େ ରଅଣାଇଁ ଏଝାଣି ଚେଟୁଝାକି ପାସି ଏକହେରି । ୩୪ ଏଚିବେଲା ଜୀସୁ ଏଲେଇଚେସି, “ଏ ଆବା ଏଝାରି ଦହ ଆହୁଆନି, ଇଚିହିଁ ଏଝାରି ଏଦାଆଁ କିହିମାନେରି ଏଦାଆଁ ପୁଞ୍ଜାହିଲଅସି ।”

ଅଡ଼େ ଏଝାରି ଏଝାଣି ହିମ୍ବରି ବାଟିକିହାଲି ପାଦି କିଚେରି । ୩୫ ଇଞ୍ଜା ଲକୁ ବାରେ ନିତାନା ସିନିକିହିମାଚେରି, ଏଝାରି ବିଦ୍ରାଟି କାଜାରି ଜିକେଏ ନିନ୍ଦାକିହିଁ ଏଲେଇଚେରି, “ଏଝାସି ଏଚକା ଲକୁଣି ଗେଲପିଚେସି; ଏଝାସି ମାହାପୁରୁ ଆଚିତି କ୍ରୀସୁ ଇଚିହିଁ ତାନୁଏ ତାଜେ ଗେଲପିକିହା କତାପେସି ।”

☆ ୨୩:୩୦ ୨୩:୩୦ ଝେ ବକୁ ୬:୧୭

୩୭ କମ୍ପକା ଜିକେଏ ଏଝାଣି ତାଗେ ହାଜାନା ପୁଲାଏୟୁ ଗସାଲି ହାହାଁ ଏଝାଣାଇଁ କାକ୍‌ହିହିଁ ଏଲେଇଚେରି, ୩୭ “ନୀନୁ ଜୀହୁଦି ଲକୁତି ରାଜାତି ଇଚିହିଁ ନୀନୁଏ ନିଙ୍ଗେ ପିସ୍‌ପି କିହାକତାମୁ ।”

୩୮ ଇଞ୍ଜା ଏଝାଣି ପାସିମୁଣ୍ଡା ଲାକ ଇଲେଇଞ୍ଜିଁ ରାସ୍‌କି ଆହାମାଚେ, “ଇଝାସି ଜୀହୁଦି ଲକୁତି ରାଜା ।”

୩୯ ଅଡେ ପାସି ମୁଣ୍ଡାତା ପାସି ଏକ୍‌ହାମାଚି ଦହଗାଟାରି ବିତ୍ରାଟି ଜିକେଏ ରଅସି ଏଝାଣାଇଁ ନିନ୍ଦାକିହିଁ ଏଲେଇଚେସି, “ନୀନୁ କ୍ରୀସ୍ତତି ଆଏକି ? ନିଙ୍ଗେ ଅଡେ ମାଙ୍ଗେ ପିସ୍‌ପି କିୟାମୁ ।”

୪୦ ସାମା ଅଡେ ରଅସି ଏଝାଣାଇଁ ଦାକା ହୀହାନା ଏଲେଇଚେସି, “ନୀନୁ ଏଝାଣିଲେହେଁ ତଣ୍ଡ ବେଟାଆହିଁ ଜିକେଏ ନିଙ୍ଗେ ମାହାପୁରୁଇଁ ଆଜି ହିଲେଏ ? ୪୧ ଅଡେ ମାରସା ନୀହାୟି ତଲେ ତଣ୍ଡ ବେଟାଆହିଁ ମାନାୟି, ଇଚିହିଁ ମା କିଚି କାମାତି ପାଡେୟି ବେଟାଆହିଁ ମାନାୟି; ସାମା ଇଝାସି ଏନି ଦହ କିହାହିଲଅସି ।” ୪୨ ଇଞ୍ଜା ଏଝାସି ଜୀସୁଇଁ ଏଲେଇଚେସି, “ଏ ଜୀସୁ ନୀନୁ ନୀ ରାଜିତା ହାଚିସାରେ ନାଙ୍ଗେ ଅଣପାମୁ ।”

୪୩ ଏମ୍ବାଟିଏ ଜୀସୁ ଏଝାଣାଇଁ ଏଲେଇଚେସି, “ନୀନୁ ନିଙ୍ଗ ସାତା ଝେସିମାଞ୍ଜାଇ, ନୀଞ୍ଜୁ ନୀନୁ ଲାକପୁରୁତା ନା ତଲେ ମାଞ୍ଜି ।”

ଜୀସୁତି ହାକି

(ମାତି ୨୭:୪୫-୪୬; ମାର୍କ ୧୫:୩୩-୪୧; ଜହ ୧୯:୨୮-୩୦)

୪୪ ଏଚିବେଲା ସମାନା ବାରଗଂଟା ଆହାମାଚେ, ଅଡେ ଝେଡ଼ା ଉଜେଡ଼ି ହୀଆତାକି ତାନି ଗଂଟା ପାଡେକା ଦେସା ବାରେ ଆନ୍ଦେରି ଆହାମାଚେ, ୪୫ ଇଞ୍ଜା ମାହାପୁରୁ ଇଲୁତା ଲେଟାମାନି ହିମ୍ବୁରି ରୀ ବାଗା ଆହିଁ ଗୋଞ୍ଜା ହାଚେ । ୪୬ ଅଡେ ଜୀସୁ କାଜା ଗିୟାତଲେ ହାଚିହିଁ ଏଲେଇଚେସି, “ଏ ଆବା ନୀ କେୟୁତା ନା ଜୀସୁତି ହେରପିମାଞ୍ଜାଇଁ !” ଏଲେଇଞ୍ଜି ଜଲାନା ତାନି ଜୀସୁ ହାଚେ ।

୪୭ ଏଦାଆଁ ମେସାନା ପାସାକଡ଼ି କମ୍ପକା ମୁହେଁ କାଜାସି ମାହାପୁରୁଇଁ ଜହରା କିହିଁ ଏଲେଇଚେସି, “ଇଝାସି ସାତେଏ ତୀରିଗାଟାସି ମାଚେସି ।”

୪୮ ଇଞ୍ଜା ଏଝାଣାଇଁ ମେସାଲି ରୁଣ୍ଡା ଆହାମାଚି ବାରେ ଲକୁ ଇ ବାରେ ମେସାନା ବକତା ଝେଟା କଡିହିଁ ଝେଣ୍ଡା ହାଚେରି । ୪୯ ସାମା ଜୀସୁଇଁ ପୁଞ୍ଜାମାଚି ବାରେ ଲକୁ ଇଞ୍ଜା ଗାଲିଲିଚି ରହେଏ ଆଣ୍ଡାନା ତାନି ଜେଟ ଜେଟ ଝାହାମାଚି ଇୟାସିକା ହେକ ନିଗାନା ଏ ବାରେ ସିନିକିହିମାଚୁ ।

ଜୀସୁଇଁ ମୁହନାୟି

(ମାତି ୨୭:୫୭-୬୧; ମାର୍କ ୧୫:୪୨-୪୬; ଜହ ୧୯:୩୮-୪୨)

୫୦ ଇଞ୍ଜା ଜୀହୁଦି ଦେସାତି ହାରାମାତିୟା ଇନି ଗାଡ଼ାତି ଜସେପ ଇନାସି ଜୀହୁଦି ଲକୁତି କାଜା କୁଲମିତି ରଅସି ମାଚେସି; ଏଝାସି ନେହାସି ଇଞ୍ଜା ତୀରିଗାଟାସି ମାଚେସି

। ୫୧ ଜୀହୁଦାତି ହାରାମାତିୟା ଇନି ନାୟୁତି ଜସେପ ଇନାସି ର ମାଣସି ମାଚେସି । ଏଝାସି ଦାମ୍ବୁଗାଟାସି ଇଞ୍ଜା ମାନ୍ତି ଗାଟାସି ମାଚେସି ଅଡେ ମାହାପୁରୁତି ରାଜି ଝାନ୍ତାଣି କାଚିମାଚେସି । କାଜା ବେରଣିତି ମାଣସି ମାଚିହିଁ ଜିକେଏ, ଏଝାସି ଏଝାରି କାତା ଅଡେ କାମାତା ଆଣ୍ଡିହିଲାଆଚେସି । ୫୨ ଏଝାସି ପିଲାତ ତାଣା ହାଜାନା ଜୀସୁ ମାଡ଼ହାତି ରାସେସି, ୫୩ ଇଞ୍ଜା ମାଡ଼ହାତି ରେପହାନା ନେହିଁ ପାଡ଼ାଡ଼ା ହିମ୍ବୁରି ରୁପାନା ଏମ୍ବାଆଁ ହରୁତା କାରହାମାଚି ଏଚେଲା ଆମ୍ବାଆରି ମୁସାହିଲାଆ ମାଡ଼ହା ମୁହନି ଟାୟୁତା ଏଝାଣାଇଁ ମୁସ୍ତେରି । ୫୪ ଏ ଦିନା ତିୟାରା ଆନି ଦିନା ମାଚେ ଅଡେ ଜମିନି ଦିନା ଏଗା ଝାହିମାଚେ ।

୫୫ ଅଡେ ଗାଲିଲିଚି ଝାହାମାନି ଇୟାସିକା ଜେଟ ଜେଟ ହାଜାନା ମାହଣି ମାଣ୍ଡା ଅଡେ ତାନି ମାଡ଼ହା ଏନିକିଁ ମୁସାମାଟାଣି ମେସୁ, ୫୬ ଇଞ୍ଜା ଏଝି ଝେଣ୍ଡା ହାଜାନା ଗାନ୍ଦା ନିୟୁଁ ଇଞ୍ଜା ଗାନ୍ଦାଟାଟି ଆସି ତିୟାରା କିତୁ । ଇଞ୍ଜା ଜମିନି ଦିନାତା ତାମି ମେରାଲେହେଁ ଜମିତୁ ।

୨୪

ଜୀସୁ ହାହାନା ଝେଣ୍ଡେ ନିଙ୍ଗିନାୟି

(ମାତି ୨୮:୧-୧୦; ମାର୍କ ୧୬:୧-୮; ଜହ ୨୦:୧-୧୦)

୧ ଅଡେ ଜମିନି ଦିନାତି ମେରା ତଲେ ଜମିତୁ, ସାମା ଝାରାତି ତଲିଚି ଦିନାତା ଜୁଲୁପୁଲୁ ଝେୟାଲିଏ ଏଝି ତାମୁ କିହାମାଚି ଗାନ୍ଦାନିୟୁଁ ଆସାନା ମାହଣି ମାଣ୍ଡାତା ହାରୁ । ୨ ଇଞ୍ଜା ମାହଣି ମାଣ୍ଡାତା ପୁକହାମାଚି ଝାଲି ଗୁଟା ଆହାମାନାଣି ମେସୁ । ୩ ସାମା ଏଝି ବିତ୍ରା ହାଜାନା ପ୍ରବୁ ଜୀସୁତି ମାଡ଼ହା ଏମ୍ବାଆଁ ମେହୁଆତୁ । ୪ ଏଝି ଏଦାଆଁତାକି ବିଲକି ଆହିମାଚି ଦେବୁଣିଏ ମୁହନି ହିମ୍ବୁରି ହୁଟାମାଚି ରିଆରି ଏଝାସିକା ନକିତା ନିଗାମାନେରି । ୫ ଏମ୍ବାଟିଏ ଏଝି ଆତାଜାକା ଆହାନା ବୁମିତା ତାର୍କା ଲେସୁ ଇଞ୍ଜା ଏଝାରି ଏଝାସିକାଣି ଏଲେଇଚେରି, “ମୀରୁ ଏନାଆଁତାକି ହାଡ଼ାରି ବିତ୍ରାଟି ନୀତାମାନାରାଇଁ ପାରିମାଞ୍ଜେରି ? ୬ ଏଝାସି ଇମ୍ବାଆଁ ହିଲଅସି, ଏଝାସି ନିଙ୍ଗାମାନେସି, ଏଝାସି ଗାଲିଲିଚା ମାଟାଟି ଝେସାମାଞ୍ଜାତାଣି ଅଣପାତୁ । ୭ ମାଣସି ମୀରଏସି ପାସି ମୁଣ୍ଡାତା ହାୟାଲି ପାପୁ ଗାଟାରି ତାଣା ହେରପି ଆନାୟି ମାନେ ଇଞ୍ଜା ତାନି ଦିନାଟିଏ ହାକିଚି ଝେଣ୍ଡେ ନିଙ୍ଗିନେସି ।”

୮ ଏମ୍ବାଟିଏ ଏଝି ଏଝାଣି ଝେସ୍ତି କାତା ଅଣପିତୁ, ୯ ଇଞ୍ଜା ଏଝି ମାହଣି ମାଣ୍ଡାଟି ଝେଣ୍ଡା ହାଜାନା ଏଗାର ଜାଣା ସୀୟୁୟାଁ ଅଡେ ଏଟକା ତାରାଇଁ ଇ ବାରେ କାତା ଝେସୁ । ୧୦ ଏଝି ମଗଦଲିନି ମରିୟମ, ଜହାନା, ଜାକୁବ ତାମି ଇୟା ମରିୟମ ଅଡେ ଏଝାସିକାତଲେ ମାଚି ଏଟକାତି ଇୟାସିକା; ଇଝି ପାଣ୍ଡୁଝି ଆହାମାନାରାଇଁ ଇ ବାରେ କାତା ଝେସୁ । ୧୧ ସାମା ଇ ବାରେ କାତା ଏଝାରି ନକିତା ମନତା ଗାଡ଼ିକିଚି ର ପୁସ୍‌ପନି ଲେହେଁ ଆଡେ, ଅଡେ ଏଝାରି ଏଝାସିକାଣି ନାମାଆଚେରି । ୧୨ ସାମା ପିତର ନିଙ୍ଗାନା ମାଡ଼ହା ମୁହନି ଟାୟୁତା ହଟି ହଟିହିଁ ହାଚେସି, ଇଞ୍ଜା

☆ ୨୪:୭ ୨୪:୭ ମାତି ୧୬:୨୧; ୧୭:୨୨,୨୩; ୨୦:୧୮,୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩

କାପାନା ସିନିକିତେସି ଏମ୍ବାଆଁ ପାଡ଼ାଡ଼ା ହିମ୍ବରିକା ମେସ୍ତେସି, ଇଞ୍ଜା ଇଦି ଏନ୍ଦି ଆଡେ ଇଞ୍ଜା କାବାଆହାନା ତାନି ଇଜ ହାଚେସି ।

ଇମାୟୁତା ହାନାୟି
(ମାତି ୧୭:୧୨, ୧୩)

୧୩ ଏ ନେରୁ ଏଞ୍ଜାରି ବିତ୍ରାଟି ରିଆରି ଜିରୁସାଲମଟିଏ ଏଗାର କିଲମିଟରଲେହେଁ ହେକ ମାତି ଇମାୟୁ ଇନି ନାୟୁତା ହାଜିମାଚେରି । ୧୪ ଅଡେ ହାଜି ହାଜିହୁଁ ଇ ବାରେ କାତା ଜଲୁକି ଆହିମାଚେରି । ୧୫ ଏଲେକ୍ସି ଖେସ୍ପି ଆହୁଁ ତାମ୍ବୁତାମ୍ବୁସୁ ଜଲୁକି ଆହିମାଚାଟି ଜୀସୁ ତାନ୍ସ ଏଞ୍ଜାରିତାଣା ଖାହାନା ଏଞ୍ଜାରିତଲେ ହାଚେସି; ୧୬ ସାମା ଏଞ୍ଜାରି ଏଞ୍ଜାଣାକ୍ ମେସ୍ତେ ଜିକେଏ ପୁଞ୍ଜାଲି ଆଡାଆତେରି । ୧୭ ଜୀସୁ ଏଞ୍ଜାଣାକ୍ ଖେଚେସି, “ମୀରୁ ହାଜି ହାଜିହୁଁ ଏନା ଏନାଆଁ ଜଲୁକି ଆହିମାଖେରି ?” ଏମ୍ବାଟିଏ ଏଞ୍ଜାରି ମୁମ୍ବୁଖାଡ଼ି କିହାନା ନିତେରି । ୧୮ ଅଡେ ଏଞ୍ଜାରି ବିତ୍ରାଟି କ୍ଲେୟାପା ଇନାସି ରଅସି ଏଞ୍ଜାଣାକ୍ ଖେସ୍ତେସି, “ଇ ଖାରା ବିତ୍ରା ଜିରୁସାଲମତା ଏନା ଏନାୟି ଆଡେ ଏମ୍ବାଆଁ ମାନାରି ବିତ୍ରାଟି ନୀନୁ ରଅତିଏ ପୁଞ୍ଜାହିଲଅତିକି ?”

୧୯ ଏଞ୍ଜାସି ଏଞ୍ଜାଣାକ୍ ଖେଚେସି, “ଏନା ଏନାୟି ଆଡେ ?”

ଏଞ୍ଜାରି ଏଞ୍ଜାଣାକ୍ ଖେସ୍ତେରି, “ନାଜରିତ ଜୀସୁଟି କାତା; ମାହାପୁରୁ ନକିତା ଅଡେ ବାରେ ଲକୁ ନକିତା ଏ ଜୀସୁ କାମାତା ଅଡେ କାତାତା ର ବାଡ଼ମୁଗାଟି ମାହାପୁରୁ ଅଣ୍ଟପୁଡି ବଲୁ ଖେହନାସି ମାଚେସି, ୨୦ ଅଡେ ମା କାଜା ପୂଜେରାଜା ଅଡେ ସାଲୁକି କିନାରି ଏଞ୍ଜାଣାକ୍ ହାକି ତଣ୍ଡ ହାହାଲି ହେରପାନା ଏଞ୍ଜାଣାକ୍ ପାସି ମୁଣ୍ଡାତା ଏକହାନା ପାୟିତି କାତା । ୨୧ ସାମା ଏଞ୍ଜାସି ଇସାୟେଲ ଲକୁଣି ପିସ୍ପି କିନାସି ଇଞ୍ଜା ମାମ୍ବୁଆସା କିହାମାଚି; ସାମା ଇ ବାରେ ଆହାନା ନୀଞ୍ଜୁଟିଏ ତାନିଦିନା ଆହିମାନେ । ୨୨ ଅଡେ ଜିକେଏ ମା ବିତ୍ରାଟି ଏଚରଜାଣା ଇୟାସିକା ମାଜେ ଆତାଜାକା କିହାମାଞ୍ଜାନୁ; ଏଞ୍ଜି ଲାଇସିଏ ମାଡ଼ହା ମୁହନି ଟାୟୁତା ହାଜାମାରୁ, ୨୩ ଏମ୍ବାଆଁ ଏଞ୍ଜି ଏଞ୍ଜାଣି ମାଡ଼ହା ମେହ୍ଆନା ଖାହାନା ଖେସ୍ତାଡୁ, ଇଞ୍ଜା ଦୁତୁୟା ତଞ୍ଜାଆହାନା ଖେସ୍ତାଚେରି, ଏଞ୍ଜାସି ନୀତାମାନେସି । ୨୪ ଅଡେ ମା ବିତ୍ରାଟି ଏଚରଜାଣା ମାଡ଼ହା ମୁହନି ଟାୟୁତା ହାଜାନା ଇୟାସିକା ଖେସ୍ତିଲେହେଁଏ ମେସ୍ତେରି ସାମା ଏଞ୍ଜାଣାକ୍ ମେହ୍ଆତେରି ।”

୨୫ ଏମ୍ବାଟିଏ ଜୀସୁ ଏଞ୍ଜାଣାକ୍ ଏଲେଇଚେସି, “ଆଡେ ବୁଦି ହିଲଆଗାଟାଚେରି, ଅଡେ ମାହାପୁରୁ ଅଣ୍ଟପୁଡି ବଲୁ ଖେହନାରି ବାରେ କାତାତି ନାମାଲି ଆଡାଆଲେହେଡି ହିୟା ଗାଟାଚେରି, ୨୬ କ୍ରୀସୁ ଇ ବାରେ କସ୍ତ ବେଟାଆହାନା ତାନି ଗାଞ୍ଜୁରମିତା ହଡ଼ନାୟି ହିଲଆତେ କି ?” ୨୭ ମସା ଇଞ୍ଜା ବାରେଜାଣା ମାହାପୁରୁ ଅଣ୍ଟପୁଡି ବଲୁ ଖେହନାରି ତାଣାଟି ମାଡ଼ହାନା ଦାମ୍ବୁ ସାସ୍ତେରିତା ତାନି ତାକି ରାସ୍ତକି ଆହାମାନି ବାରେ କାତା ଏଞ୍ଜାସି ଏଞ୍ଜାଣାକ୍ ପୁଣ୍ଡି କିଚେସି ।

୨୮ ଏଞ୍ଜାରି ହାଜିମାଟି ନାୟୁ ତାଗେ ଏଜାଲିଏ ଜୀସୁ ଅଡେ ନକିତା ହାନି ଅଣ୍ଟପୁ ଚସ୍ତେସି । ୨୯ ସାମା ଏଞ୍ଜାରି ଏଞ୍ଜାଣାକ୍

ଆଂଗିହୁଁ ଏଲେଇଚେରି, “ମା ତଲେ ଡୟାହାଲାନୁ ଏନିକରିହୁଁ ଆନେରି ଆହିମାନେ, ଖେଡ଼ାହାଚେୟିଏ ।” ଏମ୍ବାଟିଏ ଏଞ୍ଜାସି ଏଞ୍ଜାରିତଲେ ଡୟାଲି ଇଲୁ ବିତ୍ରା ହାଚେସି । ୩୦ ଅଡେ ଏଞ୍ଜାରିତଲେ ରାନ୍ଦା ତିଞ୍ଜାଲି କୁଗିତି ତାୟୁ ଏଞ୍ଜାସି ରୁଟି ଆସାଁ ମାହାପୁରୁକ୍ ଜହରା କିଚେସି, ଇଞ୍ଜା ଡିକହାନା ଏଞ୍ଜାରାକି ହାଚେସି । ୩୧ ଏମ୍ବାଟିଏ ଏଞ୍ଜାରି କାଣ୍ଟା ଦେପିଆଡୁ ଇଞ୍ଜା ଏଞ୍ଜାରି ଏଞ୍ଜାଣାକ୍ ପୁଚେରି; ଅଡେ ଏ ଦେବୁଣିଏ ଏଞ୍ଜାସି ଏଞ୍ଜାରି କାଣ୍ଟାତା ତଞ୍ଜା ଆଆତେସି । ୩୨ ଏଚେଟିଏ ଏଞ୍ଜାରି ତାମ୍ବୁତାମ୍ବୁସୁ ଏଲେଇଚେରି, “ଏଚିବେଲା ଜିରୁତା ଏଞ୍ଜାସି ମାଜେ ଜିରୁତା କାତାବାର୍ତା ଆହିମାଚେସି ଅଡେ ମାଜେ ଦାମ୍ବୁ ସାସ୍ତେରି ତେଲୁହି କିହିମାଞ୍ଜାଚେସି, ଏଚିବେଲା ମା ହିୟା କାଡ଼ି ମାଞ୍ଜାଆତେ କି ?”

୩୩ ଅଡେ ଏଞ୍ଜାରି ଦେବୁଣିଏ ନିଜାନା ଜିରୁସାଲମତା ଖେଣ୍ଡା ହାଜାନା କୃଡ଼ା ଆହାମାକ୍ ଏଗାର ଜାଣା ସୀସୁୟାଁ ଅଡେ ଏଞ୍ଜାରି ଆଡ଼ହିତାରାକ୍ ମେସ୍ତେରି; ୩୪ ଏଞ୍ଜାରି ଏଲେଇଞ୍ଜିମାଚେରି, “ପ୍ରବୁ ସାତେଏ ନିଜାମାନେସି ଅଡେ ସିମନକ୍ ତଞ୍ଜାଆତେସି ।”

୩୫ ଅଡେ ଏଞ୍ଜାରି ଜିକେଏ ଜିରୁତି ବାରେ କାତା ଅଡେ ରୁଟି ଡିକହାଟିଏ ଏଞ୍ଜାରି ପୁଞ୍ଜାଲି ଆଡ଼ିତମି ଇଞ୍ଜା ଏଞ୍ଜାରି ଖେସ୍ତେରି ।

ଜୀସୁ ତାନି ସୀସୁୟାଁକ୍ ତଞ୍ଜା ଆନାୟି

(ମାତି ୨୮:୧୭-୨୦; ମାର୍କ ୧୬:୧୪-୧୮; ଜହ ୨୦:୧୯-୨୩; କାମା ୧:୬-୮)

୩୬ ସାମା ଏଞ୍ଜାରି ଇ ବାରେ କାତା ଜଲୁକି ଆହିମାଚାଟି ଜୀସୁ ଏଞ୍ଜାରି ମାଦି ନିଚାନା ଏଲେଇଚେସି, “ମିଜେ ହିଡ଼ଡ଼ି ଆୟାପେ ।”

୩୭ ଏମ୍ବାଟିଏ ଏଞ୍ଜାରି ବୁଡୁ ମେସ୍ତମି ଇଞ୍ଜା ଅଣ୍ଟପାନା ଆତାଜାକା ଆଚେରି । ୩୮ ଏଚେଟିଏ ଏଞ୍ଜାସି ଏଞ୍ଜାଣାକ୍ ଏଲେଇଚେସି, “ମା ହିୟାତା ଏନାଆଁତାକି ଆଜିମାଖେରି, ଇଞ୍ଜା ମା ହିୟା ଏନାଆଁତାକି ଆନାମାନା ଆହିମାନେ ? ୩୯ ନାନ୍ସ ଏଞ୍ଜାତେଏଁ ନା କେସ୍ତା କତାୟାଁ ମେହ୍ଦୁ, ନାଜେ ତୀଗାଦୁ ମୀରୁ ନାଜେ ଉଜା ପେଣ୍ଟକା ମାନାଣି ମେସ୍ତିଲେହେଁ ବୁଡୁକି ହିଲାଇ ।”

୪୦ ଅଡେ ଏଞ୍ଜାସି ଏଲେଇଞ୍ଜାନା ଏଞ୍ଜାଣାକ୍ ତାନି କେସ୍ତା କତାୟାଁ ତସ୍ତେସି । ୪୧ ଏଲେଜିକେଏ ଏଞ୍ଜାରି ରାହାଁତାକି ନାମାଲି ଆଡାଆନା ଆନାମାନା ଆହାଁ କାବା ଆହିମାଚାକି ଜୀସୁ ଏଲେଇଚେସି, “ମିଜେ ଇମ୍ବାଆଁ ଏନ୍ଦି ରାନ୍ଦା ମାନେକି ?” ୪୨ ଏମ୍ବାଟିଏ ଏଞ୍ଜାରି ଏଞ୍ଜାଣାକି ର ଖାସ୍ତି ମୀନୁ ହାଚେରି, ୪୩ ଅଡେ ଏଞ୍ଜାସି ଏଦାଆଁ ଆସାନା ଏଞ୍ଜାରି ନକିତା ଡିଚେସି । ୪୪ ଇଞ୍ଜା ଏଞ୍ଜାସି ଏଞ୍ଜାଣାକ୍ ଏଲେଇଚେସି, “ମସାତି ମୋରା ପଡିତା ଇଞ୍ଜା ମାହାପୁରୁ ଅଣ୍ଟପୁଡି ବଲୁ ଖେହନାରି ପଡିତା ଅଡେ ପାରୁ ପଡିତା ନାଜେତାକି ଏନାୟି ରାସ୍ତକି ଆହାମାନେ, ଏ ବାରେ ସାତା ଆନାୟି ମାନେ, ନାନୁ ମା ତଲେ ମାଚାଟି ଇ ବାରେ ଖେସାମାଞ୍ଜାତେଏଁ ।”

୪୫ ଏଚେଟିଏ ଏଞ୍ଜାରି ଏନ୍ଦିକ୍ ଦାମ୍ବୁ ସାସ୍ତେରି ତେଲୁହାଲି ଆଡ଼ିନେରି, ଏଦାଆଁତାକି ଏଞ୍ଜାରି ହିୟାତି ଦାରା

ଦେତେସି; ^{୪୬} ଅଡ଼େ ଏଞ୍ଜାସି ଏଞ୍ଜାରାଇଁ ଏଲେଇରେସି, “ଏଲେଆହିଁ ରାସ୍‌କି ଆହାମାନେ, କ୍ରୀସ୍ତ ଦୁକୁ କସ୍ତ ବେଟା ଆନ୍ନେସି ଅଡ଼େ ତାନି ଦିନାଟିଏ ହାଡ଼ାରି ତାଣାଟି ଖେଣ୍ଡେ ନିଙ୍ଗିନେସି, ^{୪୭} ଇଞ୍ଜା ଜିରୁସାଲମଟିଏ ମାଟ୍‌ହାନା ବାରେ କୁଡ଼ା ତାଣା ଏଞ୍ଜାଣି ଦରୁଟି ପାପୁ ମ୍ବେପ୍‌କି ଆୟାଲି ମନ୍ ଖେଟ୍‌ନି କାତା ଖେକ୍‌ନାୟି ମାନେ । ^{୪୮} ମୀରୁ ଇ ବାରେତାକି ସାକି ଆଡ଼େରି । ^{୪୯} ଅଡ଼େ ହେଶୁଆବା ଏନାଆଁ ଆଞ୍ଜାମାନେସି ଏଦାଆଁ ନାନୁ ମୀ ତାଣା ପାଣ୍ଡିମାଞ୍ଜାଇଁ, ସାମା ଲାକପୁରୁଟି ବାଡ଼ୁୟୁ ପ୍ଲାଃଆ ପାତେକା ମୀରୁ ଇ ଗାଡ଼ାତେଏ ମାଞ୍ଜୁ ।”

ଜୀସୁ ଲାକପୁରୁ ଅଢ଼ିଆନାୟି

(ମାର୍କ ୧୬:୧୯,୨୦; କାମା ୧:୯-୧୧)

^{୫୦} ଏମ୍ବାଟିଏ ଜୀସୁ ଏଞ୍ଜାରାଇଁ ବେତନିୟାଁ ପାତେକା ଅଡ଼େସି ଇଞ୍ଜା ତାନି କେସ୍ତା ପେର୍‌ହାନା ଏଞ୍ଜାରାଇଁ ବର ହୀତେସି । ^{୫୧} ଇଞ୍ଜା ଏଞ୍ଜାରାଇଁ ବର ହୀହି ହୀହିଁ ଏଞ୍ଜାସି ଏଞ୍ଜାରି ତାଣାଟି ଏଟ୍‌କା ଆହାନା ଲାକପୁରୁ ଅଢ଼ିଆଡ଼େସି । ^{୫୨} ଏଚେଟିଏ ଏଞ୍ଜାରି ଏଞ୍ଜାରାଇଁ ଜହରା କିହାନା ହାରେକା ରାହାଁତଲେ ଜିରୁସାଲମତା ଖେଣ୍ଡା ହାଚେରି, ^{୫୩} ଇଞ୍ଜା ଏ ଦିନାଟିଏ କାଲେଏ ମାହାପୁରୁ ଇଲୁତା ମାଞ୍ଜାନା ମାହାପୁରୁଇଁ ଜହରା କିହେମାଚେରି ।

ଯୋହନ ଲିଖିତ ସୁସମାଚାର ଜହନ ରାଚାମାନି ନେହଁ କାବୁ ମୂଲୁ ହାଡ଼ା

ଜୀସୁ କ୍ରୀସ୍ତୁ ଜୀସୁ ଅଡ଼େ ଇ ଦାର୍ତତିତା ମାତି କାତା ଜହନ ରାଚାମାନି ନେହଁ କାବୁ; ପୁଃନି ମେରାତି ସାରିଗଟା ନେହଁ କାବୁ ପତିୟା ବିତ୍ରାତି ଇଦି ଆହିମାନେ ର ପତି । ଏ ବାରେ ପତିୟାଙ୍କ ନେହଁ କାବୁ ଇନେରି । ଏ ପତିୟା ଜୀସୁ କ୍ରୀସ୍ତୁ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଚାମାରେରି । ପାଣ୍ଡୁଆଡ଼ି ଜହନ ଜୀସୁ କ୍ରୀସ୍ତୁ ଜାର୍ନାଆଡ଼ି ୯୦ ବାର୍ଯା ତାୟୁ ଜହନ ରାଚାମାନି ନେହଁ କାବୁ ରାଚାମାରେସି । ଇ ପତିତା ଜହନ ରାଚିତି କାତା ଖେସା ହିଲାଆତି ଜିକେଏ; ୧ଜହ୨ଜହ ଇଞ୍ଜା ଶଜହ ଆକୁ ସମାନା ମାନୁ । ଜହନ ଏପିସିୟ ଗାଡ଼ାତା ମାଚାକି ଇ ପତି ଏପିସତା ରାସକି ଆହାମାନେ ଇଞ୍ଜହଁ ଇନେରି ।

ଜୀସୁଙ୍କ କ୍ରୀସ୍ତୁ ଜୀସୁତି ମାହାପୁରୁ ମାର୍ଏସି ଇଞ୍ଜହଁ ଲକୁ ଏନିକଁ ନାମିନେରି, ଏଦାଆଁତାକି ଜହନ ଇ ପତି ରାଚାମାରେସି ୨୦:୩୧ । ଇଦାଆଁ ନାମାହାଁ ଏଞ୍ଜାଣି ଦରୁତଲେ ମାର ଜୀସୁ ବେଟାଆନାୟି । ଇ ପତି ଜୀହୁଦି ଅଡ଼େ ଜୀହୁଦିଆଆତି ଲକୁତାକି ରାସକି ଆହାମାରେ । ଜହନ ରାଚାମାନି ନେହଁ କାବୁ ଏ ତାନିଗଟା ନେହଁ କାବୁ କିହାଁ ରଚେଲ ମାନେ । ଜହନ ଜୀସୁ କିତି କାବାଆନି କାମାୟା ହାରେକା ରାଚାମାନେସି ସାମା ପୁଣ୍ଡିକିନି ପୁସପନିକା ହାରେକା ରାଚାହିଲଅସି । ଏଟକା ପତିୟାଣା ଜୀସୁ ବାପ୍ତିସ୍ତୁ ଅନାଣି ଅଡ଼େ ଲକୁ ହିଲାଆ ଟାୟୁତା ତାୟିପାରି ଆଡ଼ାଣି ରାସକି ଆହାମାନେ ଏଦାଆଁ ଇ ପତିତା ରାସକି ଆହା ହିଲେଏ ।

ପତିତା ମାନାୟି;

- ୧. ତଲିତି ହାଡ଼ା । ୧:୧-୧୮
- ୨. ବାପ୍ତିସ୍ତୁ ହାନି ଜହନ ଅଡ଼େ ଜୀସୁତି ମୂଲୁ ସୀସୁୟା । ୧:୧୯-୫୧
- ୩. ଜୀସୁ ସେବା କାମା ମାଟନାୟି । ୨:୧-୧୨:୫୦
- ୪. ଜିରୁସାଲମ ଅଡ଼େ ଦାରିମାରି ଜୀସୁତି କାମା । ୧୩:୧-୧୯:୪୨
- ୫. ଜୀସୁ ହାକିଟି ଖେଣ୍ଡେ ନିଜିନାୟି ଅଡ଼େ ସୀସୁୟାଙ୍କ ତଞ୍ଜା ଆନାୟି । ୨୦:୧-୩୧
- ୬. ଗାଲିଲିତା ଖେଣ୍ଡେ ତଞ୍ଜା ଆନାୟି । ୨୧:୧-୨୫

ଜୀସୁତି ବଲୁ

୧ ମୂଲୁଏ ବଲୁ ମାଚେ, ବଲୁ ମାହାପୁରୁ ତଲେ ମାଚେ, ଏ ବଲୁଏ ମାହାପୁରୁ ମାଚେସି । ୨ ମୂଲୁଏ ଏ ବଲୁ ମାହାପୁରୁ ତଲେ ମାଚେ । ୩ ଏ ବଲୁ ତଲେ ମାହାପୁରୁ ବାରେ ଗାଡ଼ିକିତେସି; ଅଡ଼େ ଏନାୟି ବାରେ ଗାଡ଼ି ଆହାମାନେ, ଏ ବିତ୍ରାତି ରଣ୍ଡି ଜିକେଏ ଏ ବଲୁ ପିସପେ ରାଚି ଆହା ହିଲେଏ

। ୪ ଏ ବଲୁତା ଜୀସୁ ମାଚେ ଅଡ଼େ ଏ ଜୀସୁ ମାଣସିୟାତି ଉଜେଡ଼ି । ୫ ଏ ଉଜେଡ଼ି ଆନ୍ଦେରିତା ଡ଼ାଞ୍ଜିହଁ ଖାହିମାନେ, ଇଞ୍ଜା ଆନ୍ଦେରି ଏଦାଆଁ ଏଚେଲା ଜିକେଏ ଅପାହିଲେଏ ।

୬ *ମାହାପୁରୁ ତାଣାଟି ତାନି କାବୁ ଖେହନାଣାଙ୍କ ପାଣ୍ଡାତେସି; ଏଞ୍ଜାଣି ଦରୁ ଜହନ । ୭ ଏଞ୍ଜାସି ଉଜେଡ଼ିତି କାତା ଲକୁଙ୍କ ଖେସାଲି ଖାଡ଼େସି, ଅଡ଼େ ଏନିକିହଁ ବାରେଜାଣା ଏଞ୍ଜାଣି ତାଣାଟି ନାମିନେରି, ଏଦାଆଁତାକି ଏଞ୍ଜାସି ସାକି ହୀହାଲି ଖାଡ଼େସି । ୮ ଏଞ୍ଜାସିଏ ତାନୁଏ ଉଜେଡ଼ି ହିଲାଆତେସି; ସାମା ଏଞ୍ଜାସି ଏ ଉଜେଡ଼ିତି କାତା ଖେସାଲି ଖାଡ଼େସି । ୯ ଏମିନି ସାତା ଉଜେଡ଼ି ବାରେ ଲକୁକି ଉଜେଡ଼ି ହୀନେ, ଏଞ୍ଜାସି ଦାର୍ତତିତା ଖାଡ଼େସି ।

୧୦ ଏଞ୍ଜାସି ଦାର୍ତତିତା ମାଚେସି ଅଡ଼େ ଏଞ୍ଜାଣି ତାଣାଟି ଦାର୍ତତି ବାରେ ରାଚି ଆଡ଼େ, ଆଡ଼ିଜିକେଏ ଇ ଦାର୍ତତି ଏଞ୍ଜାଣାଙ୍କ ପୁଞ୍ଜାଲି ଆଡ଼ାଆଡ଼େ । ୧୧ ଏଞ୍ଜାସି ତାନି ରାଜିତା ଖାଡ଼େସି, ଆଡ଼ିଜିକେଏ ତାନି ଜାହାରା ଲକୁ ଏଞ୍ଜାଣାଙ୍କ ଆବାଆଡ଼େରି । ୧୨ ଆମ୍ବାଆରି ଏଞ୍ଜାଣାଙ୍କ ଆବିତେରି ଇଞ୍ଜା ଏଞ୍ଜାଣି ତାଣା ନାମିତେରି; ଏଞ୍ଜାସି ଏଞ୍ଜାରାଙ୍କ ମାହାପୁରୁତି ମୀରକା ମାସକା ଆହାଲି ଅଦିକାରା ହୀଡ଼େସି । ୧୩ ମାଣସିତି ତାଞ୍ଜିୟା ତାଣାଟି ଜାର୍ନା ଆଡ଼ାକି ଏଞ୍ଜାରି ମାହାପୁରୁତି ମୀରକା ଆହାହିଲଅରି, ମାହାପୁରୁ ତାନୁଏ ଏଞ୍ଜାରି ତାଞ୍ଜି ଆଡ଼େସି ।

୧୪ ଅଡ଼େ, ଏ ବଲୁ ମାଣସି ଖାଣା ଆଡ଼େ, ମାହାପୁରୁତି କାର୍ମା ଇଞ୍ଜା ସାତା ତଲେ ମା ତାଣା ବାସା କିତେସି, ଅଡ଼େ ଆବା ତାଣାଟି ଖାହାମାନି ରଣ୍ଡିଏ ମୀରଏଣାଟି ଗାଞ୍ଜୁରମି ଲେହେଁ ମାର ଏଞ୍ଜାଣି ଗାଞ୍ଜୁରମି ମେସ୍ତାୟି ।

୧୫ ଜହନ ଏଞ୍ଜାଣି କାତାଟି ସାକି ହୀହାନା କାଜା ଗିୟାତଲେ ଏଲେଇଚେସି, “ଆମ୍ବାଆସି ନା ତାୟୁ ଖାହିମାନେସି, ଏଞ୍ଜାସି ନା କିହାଁ କାଜାସି, ଏନାଆଁତାକି ଇଚିହଁ ଏଞ୍ଜାସି ନାନୁ ଜାର୍ନାଆଡ଼ି ନକେଏ ମାଚେସି, ଇଞ୍ଜା ଏଞ୍ଜାଣି କାତା ନାନୁ ତଲିଏ ଏଲେଇଞ୍ଜି ଖେସାମାଞ୍ଜାତେଏ, ଏଞ୍ଜାସିଏ ଇଞ୍ଜାସି ।”

୧୬ ଏଦାଆଁତାକି ତାନୁ ପୂରା କିନି ତାଣାଟି ମାର ବାରେ ଜାଣାତାୟି ବାରେ ବେଟାଆହାନା, କାର୍ମା ମୁହେଁ କାର୍ମାମେହନାଣି ବେଟାଆହାମାନାୟି । ୧୭ ମାହାପୁରୁ ମସା ତାଣାଟି ମେରା ହିୟାତେସି, ସାମା ଜୀସୁ କ୍ରୀସ୍ତୁ ତାଣାଟି କାର୍ମାମେହନାୟି ଅଡ଼େ ସାତା ଖାଡ଼େ । ୧୮ ଆମ୍ବାଆସି ଏଚେଲା ମାହାପୁରୁଙ୍କ ମେସାହିଲଅସି, ତାନିତଲେ ମାନି ରଣ୍ଡିଏ ମୀରଏସି ଏଞ୍ଜାସି ମାହାପୁରୁ ଆବାଙ୍କ ପୁଣ୍ଡି କିହାମାଞ୍ଜାନେସି ।

ବାପ୍ତିସ୍ତୁ* ହାନି ଜହନତି କାବୁ

(ମାତି ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ନାନୁ ଆମ୍ବାଆତି ଇଞ୍ଜା ଜହନଙ୍କ ଖେଞ୍ଜାଲି ଜୀହୁଦିୟା ଏଚିବେଲା ଜିରୁସାଲମତି କାଜା ପୂଜେରାଙ୍ଗା

* ୧:୨ ୧:୬ ମାତି ୩:୧; ମାର୍କ ୧:୪; ଲୁକ ୩:୧,୨ * ୧:୧୮ ୧:୧୯ ମୁଞ୍ଜିନାୟି

ଇଞ୍ଜି ଲେବିୟକାଣି ଜହନ ତାଣା ପାଣ୍ଡିତେରି, ଏଞ୍ଜାସି ଇ କାତା ଖେସ୍ତେସି ।

୨୦ ଜହନ ସାତା କାତା ଖେସ୍ତେସି, ଆଏ ଇଞ୍ଜି ଇନାଆତେସି, ତାରପୁତଲେ ଖେସ୍ତେସି, “ନାନୁ ମସିହା ଆଏ ।”

୨୧ ଏଞ୍ଜାରି ଏଞ୍ଜାଣାଇଁ ଖେରେରି, ଆତିହ୍ “ନାନୁ ଆମ୍ବାଆତି ? ନାନୁ ଏନାଆଁ ଏଲିୟତି କି ?”

ଜହନ ଏଲେଇରେସି, “ନାନୁ ଏଲିୟତେଏଁ ଆଏ ।”

ଏଞ୍ଜାରି ଖେରେରି, “ନାନୁ ଏନାଆଁ ମାହାପୁରୁ ଅଣ୍ଟପୁତି ବଲୁ ଖେହ୍ନାତି କି ?” ଏଞ୍ଜାସି ଏଲେଇରେସି, “ନାନୁ ଆଏ ।”

୨୨ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଏଲେଇରେରି, “ମାଙ୍ଗେ ଖେସ୍ତାମ୍ବୁ, ମାମ୍ବୁ ମାଙ୍ଗେ ପାଣ୍ଡା ମାଞ୍ଜାନାରାଇଁ ଏନି କାତା ଖେହ୍ନମି । ନାନୁ ଆମ୍ବାଆତେଏଁ ଇଞ୍ଜି ଖେସାକତିମାଞ୍ଜି ?”

୨୩ ଜହନ ଏଲେଇରେସି, “ମାହାପୁରୁ ଅଣ୍ଟପୁତି ବଲୁ ଖେହ୍ନି ଜିସାୟ ଏନିକ୍ ଜଲମାମାରେସି,

‘ନାନୁ ଲକୁ ହିଲାଆ ଚାୟୁତା କାଜା ଗିୟାତଲେ କାଲୁଝି ଆହିମାନି ରଅଣି ହାଡାଲେହେଁ ତାତେଏଁ,

ପୁରୁତି ଜିରୁ ସଲକେ କିଦୁ ।’”

୨୪ ଅଡେ, ପାରୁସିୟାଁ ବିତ୍ରାଟି ଏଚରଜାଣା ପାଣ୍ଡି ଆହାମାରେରି, ୨୫ ଏଞ୍ଜାରି ଜହନଇଁ ଖେରେରି, “ନାନୁ କ୍ରୀସ୍ତ କି ଏଲିୟ କି ମାହାପୁରୁ ଅଣ୍ଟପୁତି ବଲୁ ଖେହ୍ନାତି ଆଏ, ଆତିହ୍ ନାନୁ ଏନାଆଁତାକି ବାପ୍ତିସ୍ତାଁ ହାହିମାଞ୍ଜି ?”

୨୬ ଜହନ ଏଞ୍ଜାରାଇଁ ଏଲେଇରେସି, “ନାନୁ ଏୟୁତା ବାପ୍ତିସ୍ତାଁ ହାହିମାଇଁ; ଆମ୍ବାଆରାଇଁ ମାରୁ ପୁଞ୍ଜାହିଲଅତେରି, ଏଞ୍ଜାସି ମୀ ବିତ୍ରା ମାନେସି । ୨୭ ଏଞ୍ଜାସି ନା ତାୟୁ ଖାହିମାନେସି, ନାନୁ ଏଞ୍ଜାଣି ସେପୁୟାଁତି ଡକା ଜିକେଏ ହୁକ୍‌ହାଲି ଜଗେ ଆଏ ।”

୨୮ ଏମିନି ଜର୍ଦନ କାତାତି ଖେଡ଼ା ହପୁଞ୍ଜାକିତି ବେତନିୟାତା ଜହନ ବାପ୍ତିସ୍ତାଁ ହାହିମାରେସି, ଏ ଚାୟୁତା ଇ ବାରେ ଆହାମାରେ ।

ମାହାପୁରୁତି ମେଣ୍ଡା ତାଲୁ

୨୯ ଏ ଅର ନେରୁ ଜହନ ଜୀସୁଇଁ ତାନି ଖାକି ଖାହିମାନାଣି ମେସାନା ଏଲେଇରେସି, “ସିନିକିଦୁ ମାହାପୁରୁତି ମେଣ୍ଡା ତାଲୁ, ଆମିନିଗାଟାସି ଇ ଦାରୁତିତି ପାପୁ ବାରେ ଡେକା ଅନେସି । ୩୦ ଇଞ୍ଜାସିଏ ଏଞ୍ଜାସି, ଆମ୍ବାଆରି କାତା ନାନୁ ଖେସାମାଞ୍ଜାତେଏଁ, ‘ର ମାଣ୍ଡି ନା ତାୟୁ ଖାହିମାନେସି, ସାମା ଏଞ୍ଜାସି ନା କିହାଁ କାଜାସି, ଇଞ୍ଜା ଏଞ୍ଜାସି ନାନୁ ଜାର୍ନାଆତି ନକେଏ ମାରେସି ।’ ୩୧ ନାନୁ ଜିକେଏ ଏଞ୍ଜାଣାଇଁ ପୁଞ୍ଜା ହିଲାଆତେଏଁ, ସାମା ଏଞ୍ଜାସି ଏନିକିହ୍ ଇସ୍ତାୟେଲ ଲକୁ ନକିତା ତଞ୍ଜାଆନେସି, ଇଦାଆଁତାକି ନାନୁ ଏୟୁତା ବାପ୍ତିସ୍ତାଁ ହାହିଲି ଖାହାମାଇଁ ।”

୩୨ ଅଡେ ଜହନ ସାକି ହାହାନା ଖେସ୍ତେସି, “ନାନୁ ସୁଦୁଜୀଝୁ ପାରୁଞ୍ଜା ପଗାଲେହେଁ ଲାକପୁରୁତି ରେଚା

ଖାହିମାନାଣି ମେସେଏଁ, ଇଞ୍ଜା ଏନି ଏଞ୍ଜାଣିଲାକ କୁରିତେ । ୩୩ ନାନୁ ଜିକେଏ ଏଞ୍ଜାଣାଇଁ ପୁଞ୍ଜା ହିଲାଆତେଏଁ, ସାମା ଆମ୍ବାଆସି ନାଙ୍ଗେ ଏୟୁତା ବାପ୍ତିସ୍ତାଁ ହାହିଲି ପାଣ୍ଡାମାଞ୍ଜାନେସି, ଏଞ୍ଜାସି ନାଙ୍ଗେ ଖେସ୍ତାତେସି, ‘ଆମିନିଗାଟାଣି ଲାକ ସୁଦୁଜୀଝୁ ରେଚା ଖାନାଣି ଅଡେ କୁରିନାଣି ମେହ୍‌ଦି, ଆମ୍ବାଆସି ସୁଦୁଜୀଝୁ ତଲେ ବାପ୍ତିସ୍ତାଁ ହାନେସି, ଏଞ୍ଜାସି ଏ ମାଣ୍ଡି ।’ ୩୪ ଜହନ ଏଲେଇରେସି, “ନାନୁ ଏଦାଆଁ ମେସାମାଇଁ, ଏଦାଆଁତାକି ନାନୁ ମିଙ୍ଗ ଖେସିମାଞ୍ଜାଇଁ, ଏଞ୍ଜାସି ମାହାପୁରୁ ମୀରଏସି ।”

ଜୀସୁତି ମୁଲୁ ସାସୁ

୩୫ ତାନି ଅର ନେରୁ ଜହନ ତାନି ରୀ ସୀସୁୟାଁ ତଲେ ନିଚାମାରେସି; ୩୬ ଏଞ୍ଜାସି ଜୀସୁଇଁ ଏ ଜିରୁଟି ହାଜିମାନାଣି ମେସାନା ଏଲେଇରେସି, “ସିନିକିଦୁ ମାହାପୁରୁତି ମେଣ୍ଡା ତାଲୁ !”

୩୭ ଏ ରୀ ସୀସୁୟାଁ ଏଞ୍ଜାଣି ହାଡ଼ା ଖେଞ୍ଜାନା ଜୀସୁ ଜେଚ ଜେଚ ହାରେରି । ୩୮ ଜୀସୁ ଖେଣ୍ଡେ ତିରୁଞ୍ଜାନା ଏଞ୍ଜାରାଇଁ ତାନି ଜେଚ ଜେଚ ହାଜିମାନାଣି ମେସାନା ଖେରେସି, “ମୀରୁ ଏନାଆଁ ପାରିମାଞ୍ଜେରି ?” ଏଞ୍ଜାରି ଖେରେରି, “ରାବିଠି ନାନୁ ଆମ୍ବିୟା ଡୁୟିମାଞ୍ଜି ?”

୩୯ ଜୀସୁ ଏଞ୍ଜାରାଇଁ ଏଲେଇରେସି, ଖାଦୁ, ମେହ୍‌ଦେରି । ଏମ୍ବାଟିଏ ଏଞ୍ଜାରି ହାଜାନା ତାନି ଡୁୟିନି ଚାୟୁ ମେସ୍ତେରି, ଇଞ୍ଜା, ଏ ଦିନା ଏଞ୍ଜାଣିତଲେ ଡୁୟିତେରି; ଏନାଆଁତାକି ଇଚିହ୍ ଏତିବେଲା ଲାଇତି ଦସ ଗଂଟା ଆହାମାରେ ।

୪୦ ଜହନତି କାତା ଖେଞ୍ଜାନା ଆମିନି ରିଆରି ଜୀସୁ ଜେଚ ଜେଚ ହାଜାମାରେରି, ଏଞ୍ଜାରି ବିତ୍ରା ରଅସି ସିମନ ପିତରତି ତାୟି ଆହିୟ ମାରେସି । ୪୧ ଏଞ୍ଜାସି ତଲିଏ ତାନି ତାୟି ସିମନଇଁ ମେସାନା ଏଲେଇରେସି, “ମାମ୍ବୁ ମୁସିହାଇଁ* ମେସ୍ତମି ।” ୪୨ ଆହିୟ ସିମନଇଁ ଜୀସୁ ତାଣା ତାତେସି । ଜୀସୁ ଏଞ୍ଜାଣାଇଁ ଆଟେ ସିନିକିହାନା ଏଲେଇରେସି, “ନାନୁ ଜହନ ମୀରଏଣା ସିମନତି । ନାନୁ କେପାଁ ଦରୁଟି ଖେଜିଦି ।”

ଜୀସୁ ପିଲିପ ଅଡେ ନିତନିୟେଲଇଁ ହାଟିନାୟି

୪୩ ଅର ନେରୁ ଜୀସୁ ଗାଲିଲିତା ହାଜାଲି ଅଣ୍ଟପିତେସି, ଏଞ୍ଜାସି ପିଲିପଇଁ ମେସାନା ଏଲେଇରେସି, “ନା ଜେଚ ଖାମ୍ବୁ !” ୪୪ ପିଲିପ ବେଡ଼ସାୟିଦା ଗାଡ଼ାତାସି ମାରେସି, ଏନି ଆହିୟ ଇଞ୍ଜା ପିତରତି ଗାଡ଼ା ମାରେ । ୪୫ ପିଲିପ ନିତନିୟେଲଇଁ ମେସାନା ଏଞ୍ଜାଣାଇଁ ଏଲେଇରେସି, “ଆମ୍ବାଆରି କାତା ମସାତି ମେରାତା ରାଚାମାନେରି, ଅଡେ, ମାହାପୁରୁ ଅଣ୍ଟପୁତି ବଲୁ ଖେହ୍ନାରି ଜିକେଏ ରାଚାମାନେରି, ମାମ୍ବୁ ଏଞ୍ଜାଣାଇଁ ବେଟାଆହାମାନମି । ଏଞ୍ଜାସି ଜସେପ ମୀରଏସି ନାଜ୍‌ରିତତି ଜୀସୁ ।”

୪୬ ନିତନିୟେଲ ଏଞ୍ଜାଣାଇଁ ଖେରେସି, “ନାଜ୍‌ରିତତା କି ଏନି ନେହ୍ କାମା ଆହିମାନେ ?”

ପିଲିପ ଏଲେଇରେସି, “ଖାହାନା ସିନିକିମ୍ବୁ ।”

† ୧:୨୫ ୧:୨୫ ମୁଞ୍ଜିନାୟି ‡ ୧:୨୬ ୧:୨୬ ମୁଞ୍ଜିନାୟି § ୧:୨୮ ୧:୨୮ ମୁଞ୍ଜିନାୟି * ୧:୩୧ ୧:୩୧ ମୁଞ୍ଜିନାୟି † ୧:୩୩ ୧:୩୩ ମୁଞ୍ଜିନାୟି ‡ ୧:୩୩ ୧:୩୩ ମୁଞ୍ଜିନାୟି § ୧:୩୮ ୧:୩୮ ଗୁରୁ * ୧:୪୧ ୧:୪୧ ମସିହାତି ଇଚିହ୍ କ୍ରୀସ୍ତ † ୧:୪୨ ୧:୪୨ କେପା ଇଚିହ୍ ପିତର

୪୭ ଜୀସୁ ନିତନିୟେଲଙ୍କୁ ତାନି ତାଣା ଖାହିମାନାଣି ମେସାନା ଜୀସୁ ଏଝାଣି କାତା ଖେସ୍ତେସି, “ମେହ୍‌ଦୁ ଇଝାସି ସାତା ତଲେ ଇସ୍ତାୟେଲତି ଲକୁ; ଇଝାଣି ତାଣା ଏନାୟି ନାଡ଼ିକିନି ବୁଦି ହିଲେଏ !”

୪୮ ନିତନିୟେଲ ଜୀସୁଙ୍କୁ ଖେରେସି, “ନୀନୁ ନାଜେ ଏନିକିହିଁ ପୁଞ୍ଜାତି ?”

ଜୀସୁ ଏଲେଇରେସି, “ପିଲିପ ନିଜେ ହାଟାତି ନଟକଏ ନୀନୁ ତୟା ମାରୁନୁ ତଲ ମାଟି, ଏରେତା ନୀନୁ ନିଜ ମେସାମାଞ୍ଜାତେଏଁ ।”

୪୯ ନିତନିୟେଲ ଏଲେଇରେସି, “ଏ ଗୁରୁ ନୀନୁ ମାହାପୁରୁ ମୀରଏଣାତି ! ନୀନୁଏ ଇସ୍ତାୟେଲ ରାଜାତି ।”

୫୦ ଜୀସୁ ଏଲେଇରେସି, “ନୀନୁ ନିଜେ ତୟା ମାରୁନୁ ତଲ ମେସ୍ତାତେଏଁ ଇଞ୍ଜିଁ ଖେସାଲିଏ ନୀନୁ ନାମିମାଞ୍ଜି ?”

ନୀନୁ ଇଦାଆଁ କିହାଁ ହାରେକା କାଜା କାମାୟାଁ ମେହ୍‌ଦି । ୫୧ ଜୀସୁ ନିତନିୟେଲଙ୍କୁ ଏଲେଇରେସି, “ନୀନୁ ନିଜେ ସାତା ଖେସିମାଞ୍ଜାଙ୍କୁ ନୀନୁ ଲାକପୁରୁ ଦେପିଆହାମାନାଣି ଇଞ୍ଜାଁ ମାଣସି ମୀରଏଣା ତାଣା ମାହାପୁରୁତି ଦୁହୁୟାଁ ଲାକ ହାଜିମାନାଣି ଅଡେ ତଲ ଖାହିମାନାଣି ମେହ୍‌ଦି ।”

୨

କାନା ଗାଡ଼ାତି ବାହା ବଜିତା ଜୀସୁ

୧ ତାନି ଦିନା ଜେଟ ଗାଲିଲିତି କାନା ଗାଡ଼ାତା ର ବାହା ମାଟେ, ଜୀସୁ ତାନି ଇୟା ମରିୟମ ଜିକେଏ ଏମ୍ବାଆଁ ମାଟେ; ୨ ଜୀସୁ ଜିକେଏ ତାନି ସୀସୁୟାଁ ତଲେ ବାହାତା ହାଜାଲି ହାଟକି ଆହାମାଟେସି । ୩ ଏଚିବେଲା ଅଜ୍ଜୁରି ରାସା ରାହାହାଚୁ, ଜୀସୁଙ୍କୁ ତାନି ଇୟା ଏଲେଇରେ, “ଏଝାରି ଅଜ୍ଜୁରି ରାସା ରାହାହାଚୁ ।”

୪ ଏମ୍ବାଟିଏ ଜୀସୁ ତାନି ଇୟାନି ଏଲେଇରେସି, “ଇୟା, ନୀନୁ ନାଜେ ଏନାଆଁ କିନାୟିମାନେ ଏନାଆଁକି ଖେସିମାଞ୍ଜାଦି ? ନା କାଲା ନୀଏଁ ପାତେକା ଖାହାହିଲେଏ ।”

୫ ଜୀସୁ ତାନି ଇୟା କାମା କିନାରାଙ୍କୁ ଏଲେଇରେ, “ଏଝାସି ମିଜେ ଏନାଆଁ ଖେସ୍ତାନେସି ଏଲେକିହିଁଏ କିଦୁ ।”

୬ ଅଡେ, ଏମ୍ବାଆଁ ଜୀହୁଦିୟାଁ ସୁଦୁ କିହାଲି ନରନି ମେରାତାକି ସ ଗଟା କାଜା ଖାଲକାତି ଏୟୁ ଗୁନାୟାଁ ମାଚୁ । ୭ ଜୀସୁ ହଲିୟାଙ୍ଗାଣି ଏଲେଇରେସି, “ଇ ଗୁନାୟାଁଣା ଏୟୁ ନେଞ୍ଜିକିଦୁ ।” ଏଝାରି ଏମ୍ବାଆଁ ନେଞ୍ଜିକିତେରି ।

୮ ଜୀସୁ ଏଝାରାଙ୍କୁ ଏଲେଇରେସି, “ଇମ୍ବାଟି ଇଚରା ଅହାନା ବଜିତି ଗୁମୁସ୍ତାକି ହୀଦୁ ।” ଏମ୍ବାଟିଏ ଏଝାରି ଅଡେରି ।

୯ ବଜିତି ଗୁମୁସ୍ତା ଅଜ୍ଜୁରି ରାସା ଆହାମାନି ଏ ଏୟୁତି ଖାଣ୍ଡାହାଁ ଏଝି ଏମ୍ବିଟି ତାପିଆଡୁ, ପୁଞ୍ଜା ହିଲାଆତେସି । ସାମା ଏ ହଲିୟାଙ୍ଗା ଏୟୁ ଖାକହା ମାଟାରି ପୁଞ୍ଜାମାଟେରି ଏଦାଆଁତାକି ହନେଏଣାଙ୍କୁ ହାଟାହାଁ ଏଲେଇରେସି ।

୧୦ ବାରେଜାଣା ତଲିଏ ନେହଁ ଅଜ୍ଜୁରି ରାସା ହୀନେରି

ଅଡେ ଏମ୍ବାଆଁ ଖାହାଡ଼ୟିନି ଲକୁ ହଡ଼ିସାରେ ତାୟୁ ଲାଗେଏତି ଅଜ୍ଜୁରି ରାସା ହୀନେରି; ସାମା ମୀରୁ ବାରେ ନେହଁ ଅଜ୍ଜୁରି ରାସା ନୀଏଁ ପାତେକା ଇଟାମାଞ୍ଜେରି ।

୧୧ ଜୀସୁ ଇଲେକିଁ ଗାଲିଲିତି କାନା ଗାଡ଼ାତା କାବାଆନି କାମା ମାଟହାନା ତାନି ଗାଝୁରମି ତଡ଼େସି, ଅଡେ ସୀସୁୟାଁ ଏଝାଣି ତାଣା ନାମିତେରି ।

୧୨ ଏଦାଆଁ ତାୟୁ ଜୀସୁ ତାନି ଇୟା, ତାୟିୟାଁ ଅଡେ ସୀସୁୟାଁ ତଲେ କପରନାହୁମତା ହାରେରି; ଇଞ୍ଜାଁ ଏମ୍ବାଆଁ ହାରେକା ଦିନା ତୟାଆତେରି ।

ଜୀସୁ ଜିରୁସାଲମତା ହାନାୟି

(ମାତି ୨୧:୧୨-୧୩; ମାର୍କ ୧୧:୧୫-୧୭; ଲୁକ ୧୯:୪୫-୪୬)

୧୩ ଏଚିବେଲାତା ଜୀହୁଦିଙ୍ଗା ପିସ୍ପିଆନି ପାର୍ବୁ ତାଗେ ଆହାମାଟେ, ଅଡେ ଜୀସୁ ଜିରୁସାଲମତା ହାରେସି ।

୧୪ ଏମ୍ବାଆଁ ଜୀସୁ ମେସ୍ତେସି, ମାହାପୁରୁ ଇଲୁ ବିତ୍ରା ଲକୁ କଡ଼ିୟାଁ ମେଣ୍ଡାୟାଁ ଅଡେ ପଟାୟାଁ ବେବାରା କିନାରି ଅଡେ ତାରୁୟାଁ ବେବାରା କିନାରି କୁଗାମାଟେରି; ୧୫ ଏମ୍ବାଟିଏ ଜୀସୁ ତରତି ସାଟଣି କେପାନା କଡ଼ିୟାଁ, ମେଣ୍ଡାୟାଁ ମାହାପୁରୁ ଇଲୁଟି ପାଙ୍ଗାତା ପେରହା ପାଣ୍ଡାନା ଟାକାୟାଁ ବେବାରା ଗାଟାରି କୁଟିୟାଁ ତିରିମ୍ବୁପହାନା ଟାକାୟାଁ ବାରେ ତାଞ୍ଜିତେସି ।

୧୬ ପଟାୟାଁ ବେବାରା ଗାଟାରାଙ୍କୁ ଏଲେଇରେସି, “ଇ ବାରେତି ଇମ୍ବାଟି ଅହାଡ଼ହୁଦୁ, ନା ଆବା ଇଲୁତି ବେବାରା ଇଲୁ କିଆଦୁ ।” ୧୭ ଇଦାଆଁ ମେସାନା ସାସ୍ତେରିତା ରାସ୍‌କି ଆହାମାନି ର କାତା ସୀସୁୟାଁ ମନତା ଖାଡେ, “ନୀ ଇଲୁତାକି ନା ରାହାଁ ନାଜେ ହାରେକା ନାସା କିୟାନେ ।”

୧୮ ଜୀହୁଦିୟାଁ ଜୀସୁଙ୍କୁ ଖେରେରି, “ନୀନୁ ଇ ବାରେ କାମା କିହାଲିତାକି ଅଦିକାରା ବେଟାଆହାମାଞ୍ଜି, ଏମ୍ବାଟି ସିନା ମାଜେ ଏନାଆଁ ତସିମାଞ୍ଜାଦି ?”

୧୯ ଜୀସୁ ଏଲେଇରେସି, “ଇ ଦେଝୁଡ଼ିତି ନାସା କିଦୁ, ଅଡେ ତାନି ଦିନାଟିଏ ନୀନୁ ଏଦାଆଁ ଖେଣ୍ଡେ କେପିଇଁ ।”

୨୦ ଏରେଟିଏ ଜୀହୁଦି ଲକୁ ଏଲେଇରେରି, “ଏନାଆଁ ତାନିଦିନା ବିତ୍ରା ନୀନୁ ଇଦାଆଁ କେପାଲି ଆଡ଼ିଦି ? ଇ ଦେଝୁଡ଼ି କିହାଲିତାକି ରା କଡ଼ି ସ ବାର୍ସା ଆହାମାନେ ।”

୨୧ ସାମା ଜୀସୁ ଜାହାରା ଆଙ୍ଗା ଲେହେଁଟି ଦେଝୁଡ଼ିତି ତସାନା ଇଦାଆଁ ଖେସାମାଟେସି । ୨୨ ଇଦାଆଁତାକି ଜୀସୁ ହାହାନା ନିଙ୍ଗାଲିଏ ତାନି ସୀସୁୟାଁ ଜୀସୁ ଇ କାତା ଖେସାମାଟେସି ଇଞ୍ଜିଁ ଅଣପିତେରି; ଅଡେ ଦାର୍ମୁ ସାସ୍ତେରି ଅଡେ ଜୀସୁ ଖେସାମାଟି କାତାତି ନାମିତେରି ।

ଜୀସୁ ଲକୁତି ଗୁଣ୍ଡୁ ପୁନାସି

୨୩ ପିସ୍ପିଆନି ପାର୍ବୁ ଆହିମାଟି ବେଲାତା ଜିରୁସାଲମତା ଜୀସୁ ମାଟାଟି ହାରେକା ତାନି କାବାଆନି କାମା ମେସାନା ତାନି ଦରୁତା ହାରେକା ଜାଣା ନାମିତେରି । ୨୪ ସାମା ଜୀସୁ ଏ ଲକୁଣି ନାମାଆନା ଏଝାରି ତାଣାଟି ଏଟକା

☆ ୨:୧୨ ୨:୧୨ ମାତି ୪:୧୩ ☆ ୨:୧୯ ୨:୧୯ ମାତି ୨୭:୨୧; ୨୭:୪୦; ମାର୍କ ୧୪:୫୮; ୧୫:୨୯

ଡ଼ୟିତେସି, ଏନାଆଁତାକି ଇଚିହଁ ଏଞ୍ଜରାଈଁ ନେହଁ କଁ ପୁଞ୍ଜାମାଚେସି । ୨୫ ଅଡ଼େ ଆମ୍ବାଆସି ମାଣ୍ଠି କାତା ସାକି ହୀନେସି, ଇଦି ଏଞ୍ଜାଣାକି ଲଡ଼ା ହିଲାଆଡେ, ଇଚିହଁ ମାଣ୍ଠି ବିଡ଼ା ଏନାୟି ମାନେ ଏଞ୍ଜାସି ତାନୁଏ ପୁଞ୍ଜାଲି ଆଡ଼ିମାଚେସି ।

୩

ଜୀସୁ ଅଡ଼େ ନିକଦିମ

୧ ପାରୁସିୟାଁ ଗଚିଚି ନିକଦିମ ଇଞ୍ଜଁ ର ମାଣ୍ଠି ମାଚେସି, ଏଞ୍ଜାସି ଜୀହୁଦି ଲକୁଣି ସାଲୁଞ୍ଜି କିନାସି ମାଚେସି । ୨ ଏଞ୍ଜାସି ଲାଆଁ ବେଲାତା ଜୀସୁ ତାଣା ଖାହାନା ଏଲେଇଚେସି, “ଏ ରାବି,* ମାମ୍ବୁ ପୁଞ୍ଜାମାନମି ନୀନୁ ମାହାପୁରୁ ପାଣ୍ଡାମାଞ୍ଜାନି ଗୁରୁ । ନୀନୁ ଆମିନି ବାରେ କାବାଆନି କାମା କିହିମାଞ୍ଜି, ମାହାପୁରୁ ସାୟେମି ହିଲାଆସାରେ ଏଦାଆଁ ଆମ୍ବାଆରି କିହାଲି ଆଡ଼ଅରି ।”

୩ ଜୀସୁ ଏଞ୍ଜାଣାଈଁ ଏଲେଇଚେସି, ସାତା ସାତା ନାନୁ ନିଞ୍ଜ ଖେସିମାଞ୍ଜାଈଁ, ଅଡ଼େ ଖେଣ୍ଡେ ଜାର୍ନା ଆଆସାରେ ଆମ୍ବାଆସି ମାହାପୁରୁ ରାଜି ମେସାଲି ଆଡ଼ଅସି ।

୪ ନିକଦିମ ଏଞ୍ଜାଣାଈଁ ଖେଚେସି, “ବୁଡ଼ହା ଆଡ଼ିସାରେ ମାଣ୍ଠି ଅଡ଼େ ଖେଣ୍ଡେ ଏନିକଁ ଜାର୍ନା ଆହାଲି ଆଡ଼ିନେସି ? ତାଲିନି ବାଣ୍ଡିତା ହଡ଼ାନା ଏଞ୍ଜାସି ଖେଣ୍ଡେ ଜାର୍ନା ଆହାଲି ଆଡ଼ିନେସି ?”

୫ ଜୀସୁ ଏଲେଇଚେସି; “ସାତା ସାତା ନାନୁ ନିଞ୍ଜ ଖେସିମାଞ୍ଜାଈଁ” ଏୟୁ ଅଡ଼େ ସୁଦୁଜୀଞ୍ଜୁଚି ଜାର୍ନା ଆଆସାରେ ଆମ୍ବାଆସି ମାହାପୁରୁ ରାଜିତା ହଡ଼ାଲି ଆଡ଼ଅସି । ୬ ଆଞ୍ଜାଟି ଏନାୟି ଜାର୍ନା, ଏଡ଼ି ଆଞ୍ଜା; ଅଡ଼େ ସୁଦୁଜୀଞ୍ଜୁଚି ଏନାୟି ଜାର୍ନା ଆନେ, ଏଡ଼ି ସୁଦୁଜୀଞ୍ଜୁ । ୭ ନିଞ୍ଜେ ଖେଣ୍ଡେ ଜାର୍ନା ଆନାୟି ଲଡ଼ାମାନେ ଇଞ୍ଜଁ ନାନୁ ନିଞ୍ଜ ଖେସ୍ତାତେଏଁ, ଏଦାଆଁତାକି କାବା ଆଆନି । ୮ ଗାଲି ଆମ୍ବିୟାଞ୍ଜାକି ମନୁ କିନେ, ଏତାଲା ଞ୍ଜାକି ହାନେ, ଅଡ଼େ ନୀନୁ ଞ୍ଜାରଇ ଏଦାନି ହାଡ଼ା ଖେଞ୍ଜାଲି ଆଡ଼ିଦି, ସାମା ଏଡ଼ି ଏମିନି ତାଣାଟି ଞ୍ଜାନେ ଅଡ଼େ, ଏମ୍ବିୟା ହାନେ, ଏଦାଆଁ ପୁନଅଡ଼ି; ସୁଦୁଜୀଞ୍ଜୁଚି ଜାର୍ନା ଆହାମାନି ବାରେଜାଣା ଏଲେକିହଁ ଏ ।

୯ ନିକଦିମ ଏଞ୍ଜାଣାଈଁ ଏଲେଇଚେସି, “ଏଡ଼ି ଏନିକଁ ଆହାଲି ଆଡ଼ିନେ ?”

୧୦ ଜୀସୁ ଏଞ୍ଜାଣାଈଁ ଏଲେଇଚେସି; “ନୀନୁ ଇସାୟେଲଚି ଗୁରୁ ଆହାନା ଜିକେଏ, ଇ ବାରେ ତେଲହି ହିଲଅଡି କି ? ୧୧ ନାନୁ ନିଞ୍ଜ ସାତା ଖେସିମାଞ୍ଜାଈଁ, ନାନୁ ଏନାଆଁ ପୁଞ୍ଜାମାଈଁ, ଏଦାନି କାତା ଖେସିମାଞ୍ଜାଈଁ, ଏନାଆଁ ମେସାମାଈଁ, ଅଡ଼େ ନୀନୁ ନା କାତା ନାମିହିଲଅଡି । ୧୨ ନାନୁ ଦାର୍ଡି କାତାଡି ଖେସ୍ତାସାରେ ନୀନୁ ନାମଅଡି, ଆଡିହଁ ଲାକପୁରୁଚି ହାଡ଼ା ଖେସ୍ତାସାରେ ଏନିକଁ ନାମିଦି ? ୧୩ ଆମିନି ମାଣ୍ଠି ମୀରଏସି ଲାକପୁରୁଚି ରେଟା ଞ୍ଜାତେସି, ଏଞ୍ଜାଣି ପିସ୍ପେ ଅଡ଼େ ଆମ୍ବାଆସି ଲାକପୁରୁ ହାଜାହିଲଅସି ।”

୧୪ ଅଡ଼େ, ମସା ଏନିକଁ ଲକୁ ହିଲାଆ ଟାୟୁତା ପିତାଡ଼ା ରାଚୁଚି ଲାକ ପେରହା ମାଚେସି, ମାଣ୍ଠି ମୀରଏସି ଜିକେଏ ଏଲେକିହଁ ଏ ଲାକ ପେରଞ୍ଜି ଆନେସି । ୧୫ ଏନିକିଚିହଁ ଆମ୍ବାଆସି ତାନି ତାଣା ନାମିନେସି, ଏଞ୍ଜାସି କାଲାକାଲାଟି ଜୀଞ୍ଜୁ ବେଟା ଆନେସି । ୧୬ ଇଚିହଁ ମାହାପୁରୁ ଦାର୍ଡିଚି ଏଚେକା ଜୀଞ୍ଜୁ ନଡ଼େସି, ଏଞ୍ଜାସି ତାନି ରଣ୍ଡିଏ ମୀରଏଶାଈଁ ଦାନା ହୀତେସି, ଏନିକିଚିହଁ ଏଞ୍ଜାଣି ତାଣା ନାମିନାସି ନାସା ଆଆନା କାଲାକାଲାଟି ଜୀଞ୍ଜୁ ବେଟା ଆନେସି । ୧୭ ଇଚିହଁ ଦାର୍ଡିତା ନୀହାୟି କିହାଲିତାକି ମାହାପୁରୁ ତାନି ମୀରଏଶାଈଁ ଦାର୍ଡିତା ପାଣ୍ଡାଆନା, ଦାର୍ଡି ଏନିକଁ ତାନିତାଣାଟି ଗେଲ୍ପିଆନେ, ଏଦାଆଁତାକି ତାନି ମୀରଏଶାଈଁ ପାଣ୍ଡାତେସି ।

୧୮ ଆମ୍ବାଆସି ତାନି ତାଣା ନାମିନେସି, ଏଞ୍ଜାସି ନୀହାୟି କିଞ୍ଜି ଆଅସି ଆମ୍ବାଆସି ନାମଅସି, ଏଞ୍ଜାସି ନୀହାୟି କିଞ୍ଜି ଆଡେସିଏ, ଏନାଆଁତାକି ଇଚିହଁ ମାହାପୁରୁଚି ରଣ୍ଡିଏ ମୀରଏଶା ଦରୁଚି ନାମାହିଲଅସି । ୧୯ ଅଡ଼େ ଏ ନୀହାୟି ଇଦି, ଇ ଦାର୍ଡିତା ଉଜେଡ଼ି ତଞ୍ଜା ଆହାମାନେ, ଅଡ଼େ ଲକୁ ଉଜେଡ଼ି ପିସାନା ଆନ୍ଦେରିଚି ଜୀଞ୍ଜୁ ନଡ଼େରି, ଏଦାଆଁତାକି ଏଞ୍ଜାରି ବାରେ କାମା ଲାଗେଏତାୟି । ୨୦ ଇଚିହଁ ଆମ୍ବାଆରି ଲାଗେଏଡି କାମାକିନାରି, ଉଜେଡ଼ିଚି ଅପଅରି, ଅଡ଼େ ଏଚେତା ତାନି ପାପୁ କାମା ତଞ୍ଜାଆନେ, ଏଦାଆଁତାକି ଉଜେଡ଼ିତା ଞ୍ଜାଅରି । ୨୧ ସାମା ଆମ୍ବାଆରି ସାତା କାମା କିନେରି, ଏଞ୍ଜାରି ଉଜେଡ଼ିତା ଞ୍ଜାନେରି, ଏନିକଁ ତାନି କାମା ବାରେ ମାହାପୁରୁ ତାଣାଟି ତାରି ଆଡ଼ାୟି ଇଞ୍ଜଁ ତଞ୍ଜାଆନେ ।

ଜୀସୁ ଅଡ଼େ ଜହନ

୨୨ ଇଦାଆଁ ତାୟୁ ଜୀସୁ ଅଡ଼େ ତାନି ସୀସୁୟାଁ ଜୀହୁଦା ରାଜିତା ହାଚେରି, ଅଡ଼େ ଏଞ୍ଜାସି ଏ ଟାୟୁତା ଡ଼ୟାନା ବାପ୍ତିସ୍ମାଁ ହାହାଲି ମାଟ୍‌ହେସି । ୨୩ ଜହନ ଜିକେଏ ସାଲମତି ତାଗେ ଏନନ୍‌ତା ବାପ୍ତିସ୍ମାଁ ହାହିମାଚେସି, ଇଚିହଁ ଏମ୍ବାଆଁ ଗାଡି ଏୟୁ ମାରୁ, ଅଡ଼େ ଲକୁ ଞ୍ଜାହାନା ବାପ୍ତିସ୍ମାଁ ଅହିମାଚେରି । ୨୪ ଏଚିବେଲା ପାତେକା ଜହନ କାୟିଦିତା ହାଜାହିଲାଆଡେସି ।

୨୫ ଏମ୍ବାଟିଏ ଜହନଚି ଏଚରଜାଣା ସୀସୁୟାଁ ର ଜୀହୁଦି ତଲେ ମେରାତାକି ନରୁନି କାତାତାକି ବାଦିବାଦା ଆଡେଚି । ୨୬ ଏଞ୍ଜାରି ଜହନଈଁ ଏଲେଇଚେରି, “ଗୁରୁ ଆମ୍ବାଆସି ଜର୍ଦନ କାତାଡି ଅରଞ୍ଜାକି ନୀ ତଲେ ମାଚେସି, ଆମ୍ବାଆରି କାତା ନୀନୁ ସାକି ହୀହାମାଞ୍ଜାଡି, ମେହ୍‌ମୁ ଏଞ୍ଜାସି ବାପ୍ତିସ୍ମାଁ ହାହିମାନେସି ଅଡ଼େ ବାରେଜାଣା ଏଞ୍ଜାଣି ତାଣା ହାଜିମାନେରି ।”

୨୭ ଜହନ ଏଲେଇଚେସି, “ଲାକପୁରୁଚି ମାହାପୁରୁ ହୀଆସାରେ ମାଣ୍ଠି ଏନାଆଁ ମେଡ଼ାଆହାଲି ଆଡ଼ଅସି । ୨୮ ନାନୁ କ୍ରୀସ୍ତତେଏଁ ଆଏ, ସାମା ଏଞ୍ଜାଣି ନକିତା ପାଣ୍ଡୁଞ୍ଜି ଆହାମାଈଁ, ଇ କାତା ନାନୁ ମିଞ୍ଜେ ଖେସାମାଞ୍ଜାତେଏଁ ଇଞ୍ଜଁ ମୀରୁ ନା ସାକି । ୨୯ ମାଞ୍ଜାନି ଅନାସି, ଏଞ୍ଜାସି

* ୩:୨ ୩:୨ ଗୁରୁ † ୩:୨୨ ୩:୨୨ ମୁଞ୍ଜିନାୟି ‡ ୩:୨୩ ୩:୨୩ ମୁଞ୍ଜିନାୟି § ୩:୨୭ ୩:୨୭ ମୁଞ୍ଜିନାୟି ☆ ୩:୨୮ ୩:୨୮ ଜହ ୧:୨୦

ହନେଏସି, ସାମା ହନେଏଣି ଏମିନି ତଡ଼ ନ୍ନିଚାନା ତାନି ହାଡ଼ା
ଝେନେସି, ଏଝାସି ହନେଏଣି ହାଡ଼ା ଝେଞ୍ଜାନା ହାରେକା
ରାହାଁ ଆନେସି । ଏଲେକିହୁଏ ନା ରାହାଁ ଜିକେଏ ପୁରା
ଆଡେ । ୩୦ ସାତେଏ ଏଝାସି କାଜାସି ଆନାୟି ମାନେ, ଅଡେ
ନାଜେ ଉଣା ଆନାୟି ମାନେ ।”

ଲୀକପୁରୁଟି ଖାନସି

୩୧ ଆମ୍ବାଆସି ଲୀକପୁରୁଟି ଖାନେସି, ଏଝାସି ବାରେକିହାଁ
କାଜାସି, ଆମ୍ବାଆସି ଦାରୁତି ଜାର୍ନା ଆନେସି, ଏଝାସି
ଦାରୁତି କାତା ଝେହନେସି; ଆମ୍ବାଆସି ଲୀକପୁରୁଟି
ଖାନେସି ଏଝାସି ବାରେକାଣା କିହାଁ କାଜାସି । ୩୨ ଏଝାସି
ଏନାଆଁ ମେସାମାନେସି ଅଡେ ଏନାଆଁ ଝେଞ୍ଜାମାନେସି,
ଏଦାଆଁ ଏଝାସି ସାକି ହାହିମାନେସି, ସାମା ଆମ୍ବାଆସି
ତାନି ହାଡ଼ାତି ଅପସି । ୩୩ ଇଞ୍ଜା ଆମ୍ବାଆସି ତାନି
କାତାତି ଅପିନେସି, ଏଝାସି ମାହାପୁରୁ ସାତା ଇଞ୍ଜୁ ଏ
କାତାତି ଆବା ମାନେସି । ୩୪ ସାମା ମାହାପୁରୁ ଆମ୍ବାଆରାଈ
ପାଶ୍ଚାମାଞ୍ଜାନେସି, ଏଝାସି ମାହାପୁରୁ ବଲୁ ଝେହନେସି,
ଏଝାଶାକି ମାହାପୁରୁ ସୁଦୁଜୀଝୁ ହାନେସି । ୩୫ ଆବା
ମୀରଏଶାଈ ଜୀଝୁ ନନେସି, ଅଡେ ବାରେ ତାନି କେୟୁତା
ହେରପା ମାନେସି । ୩୬ ଆମ୍ବାଆସି ମୀରଏଶାଈ ନାମିନେସି,
ଏଝାସି କାଲୀକାଲୀତି ଜୀଝୁ ବେଟାଆହାମାନେସି, ସାମା
ଆମ୍ବାଆସି ମୀରଏଶାଈ ଅପସି, ଏଝାସି ଜୀଝୁ ଜିକେଏ
ମେହସି, ସାମା ଏଝାସି ମାହାପୁରୁଟି ତଣ୍ଡତା ତୟନେସି ।

୪

ଜୀସୁ ଅଡେ ସମିରଣ ଇୟା

୧ ପାରୁସିୟାଁ ଝେରେରି, ଜୀସୁ ଜହନ କିହାଁ ଗାତି ସୀସୁୟାଁ
କିହିମାନେସି ଅଡେ ବାପ୍ତିସ୍ମ* ହାହିମାନେସି । ୨ ଜୀସୁ ତାନୁ
ବାପ୍ତିସ୍ମାଁ ହାହିଲିଆତେସି, ସାମା ତାନି ସୀସୁୟାଁ ବାପ୍ତିସ୍ମାଁ
ହାହିମାନେରି, ଇ କାତା ପାରୁସିୟାଁ ଝେଞ୍ଜାମାନେରି ଇଞ୍ଜୁ
ପୁରୁ ଏରେତା ପୁରେସି, ୩ ଏରେତା ଜୀହୁଦା ଦେସା ପିସାନା
ଅଡେ ଝେଣ୍ଡେ ଗାଲିଲିତା ହାରେରି । ୪ ସାମା ତାଜେ
ସମିରଣ ଜିରୁଟି ହାଜାଲି ଲାଗିତେ ।

୫ ଅଡେ ଏଝାସି ହାଜାନା ଜାକୁବ ତାନି ମୀରଏସି
ଜସେପକି ଏମିନି ରୁମି ହାହାମାରେସି ଏ ତାଗେ ସମିରଣତି
ସୁକାର ଦରୁଗାଟି ର ନାୟୁତା ଏଗାହାରେସି । ୬ ଏ ଟାୟୁତା
ଜାକୁବତି କୁହି ମାରେ, ଇଞ୍ଜା ଜୀସୁ ଖାହାହାଜାମାଚାକି ଏ
କୁହି ତାଗେ କୁଗିତେସି । ଏରେତା ମାଦେନା ଆହାମାରେ ।

୭ ଅଡେ ର ସମିରଣ ଇୟା ଏୟୁ ଅହାଲି ଖାଡେ । ଜୀସୁ
ଏଦାନି ଏଲେଇରେସି “ନାଜେ ଏୟୁ ଗସାଲି ହିୟାମୁ ।”
୮ ତାନି ସୀସୁୟାଁ କାଦି କଡାଲି ଗାଡ଼ାତା ହାଜାମାରେରି ।

୯ ଏମ୍ବାଟିଏ ସମିରଣ ଇୟା ଜୀସୁଈ ଏଲେଇରେ, “ନୀନୁ
ର ଜୀହୁଦି ଲକୁ ଆହାଁ, ନୀନୁ ସମିରଣ ଆୟାତେଏ, ଏନିକ
ନା କେୟୁଟି ଏୟୁ ଗସାଲି ରାସି ମାଞ୍ଜାଦି ?” ଏନିକିହୁଏ
ଜୀହୁଦିୟାଁ ତଲେ ସମିରଣ ଲକୁତି ଲେମ୍ବିନାୟି ହିଲେଏ ।

* ୪:୧ ୪:୧ ମୁଞ୍ଜିନାୟି † ୪:୨ ୪:୨ ମୁଞ୍ଜିନାୟି ‡ ୪:୨ ୪:୨ ମୁଞ୍ଜିନାୟି

୧୦ ଜୀସୁ ଏଦାନି ଏଲେଇରେସି, “ମାହାପୁରୁଟି ଦାନା
ଅଡେ ନାଜେ ଗସାଲି ହିୟାମୁ ଇଞ୍ଜୁ ଆମ୍ବାଆସି ନିଜେ
ଏଲେଇଞ୍ଜିମାଞ୍ଜାନେସି, ଏଝାସି ଆମ୍ବାଆସି, ଇଦାଆଁ ନୀନୁ
ପୁଟିହୁଏ ମା, ନୀନୁ ଏଝାଶାଈ ରାସିମା, ଅଡେ ଏଝାସି ନିଜେ
ଜୀଝୁଟି ଏୟୁ ହିୟାତେସିମା ।”

୧୧ ଏ ଆୟାଟି ଏଲେଇରେ, “ଗୁରୁ ନୀ ତାଣା ଏୟୁ କଡାଲି
ତାକି ନକି ହିଲେଏ, ଅଡେ ଇ କୁହି କୁଡ଼ହାମାନେ; ଆତିହୁଏ
ନୀନୁ ଏମ୍ବାଟି ଏ ଜୀଝୁଗାଟି ଏୟୁ ବେଟାଆହାମାଞ୍ଜି ? ୧୨ ମା
ଆକୁୟାତି ଆବା ଜାକୁବ ଇ କୁହି ମାଜେ ହାହାମାଞ୍ଜାତେସି,
ଅଡେ, ତାନି ମୀରକା ଅଡେ ତାନି କଡ଼ି ଗରି ଇମ୍ବାତି ଏୟୁ
ଗସିମାରୁ, ଏଝାଣି କିହାଁ ନୀନୁ କି କାଜାତି ?”

୧୩ ଜୀସୁ ଏଲେଇରେସି, “ଆମ୍ବାଆସି ଇ ଏୟୁ ଗହନେସି,
ଅଡେ ଝେଣ୍ଡେ ଏସକି ଆନେସି; ୧୪ ସାମା ନୀନୁ ଏମିନି ଏୟୁ
ହିୟାଈ, ଏଝାଆଁ ଆମ୍ବାଆସି ଗହନେସି, ଏଝାସି ଏରେଲୀଝା
ଏସକି ଆସିସି, ଇତିହୁଏ ନୀନୁ ଏମିନି ଏୟୁ ହାଈ, ଏଦି
କାଲୀକାଲୀତି ଜୀଝୁଟି ଉସା ଲେହେଁ ଏଝାଣି ତାଣାଟି
ଡେଲୀବୟା ହାନୁ ।”

୧୫ ଆୟାଟି ଏଲେଇରେ, “ଗୁରୁ, ନାଜେ ଏନିକ ଏସକି
ଆୟେଏ, ଅଡେ ଏୟୁତାକି ଇରେକା ହେକ ଇ କୁହିତା
ଖାୟାଲି ଆଏ, ଏଦାଆଁତାକି ଏ ଏୟୁ ନାଜେ ହିୟାମୁ ।”

୧୬ ଜୀସୁ ଏଦାନି ଏଲେଇରେସି, “ହାଲୀମୁ, ନୀ ତକ୍ରାଈ
ହାଟାତାମୁ ।”

୧୭ ଏ ଆୟାଟି ଏଲେଇରେ, “ନା ତକ୍ରା ହିଲଅସି ।” ଜୀସୁ
ଏଦାନି ଏଲେଇରେସି “ନୀ ତକ୍ରା ହିଲଅସି ଇଞ୍ଜୁ ସାତା
ଝେସାମାଞ୍ଜି । ୧୮ ନିଜେ ପାସାଜାଣା ତକ୍ରାୟାଁ ମାରେରି,
ଅଡେ ନୀଏଁ ନୀ ତଲେ ଆମ୍ବାଆସି ମାନେସି ଏଝାସି ନୀ ତକ୍ରା
ଆଏ ଇଦାଆଁ ସାତା ଝେସାମାଞ୍ଜି ।”

୧୯ ଆୟାଟି ଏଲେଇରେ, “ଗୁରୁ, ନୀନୁ ପୁଞ୍ଜିମାଈ ନୀନୁ
ର ମାହାପୁରୁ ଅଣ୍ଡପୁଟି ବଲୁ ଝେହନାତି, ଇଦାଆଁ ନୀନୁ
ପୁଞ୍ଜିମାଈ । ୨୦ ମା ଆକୁ ଆବାୟାଁ ଇ ହରୁ ଲୀକ ପ୍ରାତାନା
କିହିମାନେରି; ଅଡେ ମୀ ଜୀହୁଦି ଲକୁ ଏଲେଇନେରି,
ପ୍ରାତାନା କିନି ଟାୟୁ ଆହିମାନେ ଜିରୁସାଲମ ।”

୨୧ ଜୀସୁ ଏଦାନି ଏଲେଇରେସି, “ଇୟା ନା ହାଡ଼ାତି
ନାମାମୁ, ଏମିନି ବେଲୀତା ମୀରୁ ଇ ହରୁତା କି
ଜିରୁସାଲମତା ଆବା ତାଣା ପ୍ରାତାନା କିଅଡେରି ଇଲେତି
କାଲମି ଖାନେ । ୨୨ ଆମ୍ବାଆରାଈ ମୀରୁ ପୁଞ୍ଜାହିଲଅଡେରି,
ଏଝାଶାଈ ପ୍ରାତାନା କିହିମାଞ୍ଜେରି; ଆମ୍ବାଆରାଈ ମୀରୁ
ପୁଞ୍ଜାମାନାୟି, ଏଝାଶାଈ ପ୍ରାତାନା କିହିମାନାୟି, ଇତିହୁଏ
ଗେଲପିନାୟି ଜୀହୁଦି ଲକୁ ତାଣାଟି ଖାନେ । ୨୩ ସାମା
ଏମିନି କାଲମିତା ସାତା ତଲେ ପ୍ରାତାନା କିନି ଲକୁ
ଜୀଝୁତଲେ ଅଡେ ସାତା ତଲେ ଆବାଈ ପ୍ରାତାନା କିନେରି,
ଇଲେତି କାଲମି ଖାହିମାନେ; ଅଡେ, ନୀଏଁ ଜିକେଏ ମାନେ;
ଇତିହୁଏ ଆବା ଇଲେତି ପ୍ରାତାନା କିନାରାଈ ପାରିମାନେସି
। ୨୪ ମାହାପୁରୁ ସୁଦୁଜୀଝୁ ଗାଟାସି, ଅଡେ ଆମ୍ବାଆରି ତାନି

ପ୍ରାତାନା କିନେରି, ଏଞ୍ଜାରି ଜୀଞ୍ଜୁ ଇଞ୍ଜା ସାତା ତଲେ ତାନି ପ୍ରାତାନା କିନାୟିମାନେ ।”

୨୫ ଏ ଆୟାତି ଜୀସୁଇଁ ଏଲେଇଚେ, “ନାନୁ ପୁଞ୍ଜାମାଲ୍, ମସିହା, ଆମ୍ବାଆରାଲ୍ କ୍ରୀସ୍ତ ଇନେରି, ଏଞ୍ଜାସି ଖାନ୍ଦେସି; ଏଚେତା ଏଞ୍ଜାସି ଖାନ୍ଦେସି ମାଙ୍ଗେ ବାରେ କାତା ପୁଣ୍ଡି କିୟାନେସି ।”

୨୬ ଜୀସୁ ଏଦାନି ଏଲେଇଚେସି, “ନୀର୍ବି ନୀ ତଲେ ହାଡ଼ା ଆହିମାନାତେର୍ବି ନାନୁ, ନାନୁ ଏଞ୍ଜାତେର୍ବି ।”

୨୭ ଏଚିବେଲାତା ତାନି ସୀସୁୟାଁ ଖାହାନା ତାନୁ ର ଆୟାତି ତଲେ ହାଡ଼ା ଆହିମାନାଣି ମେସାନା କାବା ଆଡେରି, ଆଡିଜିକେଏ ନାନୁ ଏନାଆଁ ମନ କିହିମାଞ୍ଜି, ଆଆତର୍ବି ଏନାଆଁତାକି ଏଦାନିତଲେ ହାଡ଼ା ଆହିମାଞ୍ଜି ଇଞ୍ଜି ? ଆମ୍ବାଆରି ଖେନାଆତେରି ।

୨୮ ଏମ୍ବାଟିଏ ଆୟାତି ଏମ୍ବାଆଁ ତାନି ଏୟୁ ଡକା ପିସାନା ଗାଡ଼ାତା ହାଜାନା ଲକୁଣି ଖେସ୍ତେ, “ଖାଦୁ, ରଅଣାଲ୍ ମେହ୍ଦେରି, ୨୯ ନାନୁ ଏନା ଏନାଆଁ ନା ଜୀଞ୍ଜୁତା କିହାମାଲ୍, ଏଞ୍ଜାସି ନାଙ୍ଗେ ବାରେ ଖେସ୍ତାତେସି; ଏଞ୍ଜାସି ମସିହା ଆହାଡ଼ୟିନେସି ?” ୩୦ ଏମ୍ବାଟିଏ ଏମ୍ବାତି ଲକୁ ଗାଡ଼ାଟି ହଚାନା ଜୀସୁ ତାଣା ହାଚେରି ।

୩୧ ଏଚିବେଲାତା ସୀସୁୟାଁ ବାତିମାଲିହ୍ ଏଲେଇଚେରି, “ଏ ଗୁରୁ, ତିନାମୁ ।”

୩୨ ସାମା ଜୀସୁ ଏଞ୍ଜାରାଲ୍ ଏଲେଇଚେସି, “ତିଞ୍ଜାଲି ତାକି ଏମିନି କାଡି ନା ତାଣା ମାନେ, ମୀରୁ ଏ କାଡିତି କାତା ପୁଞ୍ଜାହିଲଅତେରି ।”

୩୩ ସୀସୁୟାଁ ତାମ୍ବୁ ତାମ୍ବୁ ହୁଡ଼ାକାତା ଆଡେରି, “ଆମ୍ବାଆୟି ତାଙ୍ଗେତାକି କାଡି ତାତା ହାହାମାନେ ହାରୁଲା ?”

୩୪ ଜୀସୁ ଏଞ୍ଜାରାଲ୍ ଏଲେଇଚେସି, “ନାଙ୍ଗେ ପାଣ୍ଡାମାଞ୍ଜାନାଣା ଅଣ୍ପୁ ଅଡେ ତାନି କାମା ରାପ୍ତନାୟି ଏଦିଏ ନା କାଡି । ୩୫ ଆର୍ନା ଦାଚାଲି ଅଡେ ସାରି ଲେଞ୍ଜୁ ମାନେ, ଇ କାତା ମୀରୁ ଖେସିହିଲଅତେରି ସାମା ନାନୁ ମିଙ୍ଗେ ଖେସିମାଞ୍ଜାଲ୍, ଗୁଡିୟାକା ବାରେ ସିନିକିଦୁ ଏ ବାରେ ଦାଚାଲି ତାକି କାମ୍ବାହାଚେୟିଏ । ୩୬ ନୀର୍ବି ଜିକେଏ ଦାଃଆନାରାକି କୁଲି ହୀପ୍ତକି ଆହିମାନେ ଅଡେ କାଲାକାଲାତି ଜୀଞ୍ଜୁତାକି ପାଡେୟି କୁଡି କିହିମାନେରି, ଏନିକିହ୍ ଦାଃଆନାସି ଅଡେ କୁଡିକିନାସି ରହେଏ ରାହାଁ କିନେରି । ୩୭ ଏନାଆଁତାକି ଇଚିହ୍ ରଅସି ମାଟିନେସି ଅଡେ ଅର ରଅସି ଦାଃଆନେସି ଇ କାତା ସାତା । ୩୮ ମୀରୁ ଏନାଆଁତାକି କାମା କିହାହିଲଅତେରି, ଏଦାଆଁ ଦାଚାଲି ତାକି ନାନୁ ପାଣ୍ଡାତେର୍ବି; ଏଚକାତାରି କାମା କିହାମାନେରି, ଅଡେ ମୀରୁ ଏଞ୍ଜାରି କାମାତି ଲାବା ବେଟାଆହିମାଞ୍ଜେରି ।”

୩୯ “ନାନୁ ଏନା ଏନାଆଁ କିହାମାଲ୍, ଏ କାତା ଏଞ୍ଜାସି ନାଙ୍ଗେ ବାରେ ଖେସ୍ତାତେସି” ଇଞ୍ଜି ଏମିନି ଆୟାତି ସାକି ହାହାମାଚେ, ଏଦାନି କାତାତାକି ଏ ଗାଡ଼ାତି ସିମିରଣ ଲକୁ ବିତ୍ରାତି ହାରେକା ଜୀସୁଇଁ ନାମିତେରି । ୪୦ ଅଡେ ସିମିରଣ ଲକୁ ଜୀସୁ ତାଣା ଖାହାନା ତାନିତଲେ ଡୟାଲି ତାକି

ତାଙ୍ଗେ ବାତିମାଲିତେରି ଜୀସୁ ଏଞ୍ଜାରିତଲେ ଅଡେ ରୀ ଦିନା ଡୟିତେସି ।

୪୧ ଜୀସୁତି ବଲୁ ଖେଞ୍ଜାନା ହାରେକା ଲକୁ ନାମିତେରି । ୪୨ ଏଞ୍ଜାରି ଏ ଆୟାତିଲ୍ ଏଲେଇଚେରି, “ଞ୍ଜାଚ୍ଚ ନାନୁ ଏଲେଇଞ୍ଜାତାକି ମାମ୍ବୁ ନାମାହିଲଅମି, ସାମା ମାମ୍ବୁ ଖେଞ୍ଜାମାନମି, ଅଡେ, ଇଞ୍ଜାସି ସାତେଏ ଦାର୍ଡିତି ଗେଲ୍ପିନାସି, ଇଦାଆଁ ମାମ୍ବୁ ପୁଞ୍ଜାମାନମି ।”

ଜୀସୁ ସାଲ୍ଡି କିନାଣି ମୀରୁଏଣାଲ୍ ନେହ୍ କିନାୟି

୪୩ ରୀ ଦିନା ତାୟୁ ଜୀସୁ ଏମ୍ବାଟି ହଚାନା ଗାଲିଲିତା ହାଚେସି । ୪୪ ଇଚିହ୍ ଜୀସୁ ତାଙ୍ଗେତାକି ସାକି ହାହ୍ ଏଲେଇଚେସି, “ମାହାପୁରୁ ଅଣ୍ପୁତି ବଲୁ ଖେହ୍ନାରି ଜାହାରା ଦେସାତା ମାନ୍ତି ବେଟାଆଅରି ।” ୪୫ ଅଡେ ଏଞ୍ଜାସି ଗାଲିଲିତା ଏଜାଲିଏ ଏ ଗାଲିଲିତାରି ଏଞ୍ଜାଣାଲ୍ ଆବିତେରି, ଇଚିହ୍ ପିସ୍ପିଆନ୍ତି ପାର୍ବୁ ବେଲାତା ଜୀସୁ ଜିରୁସାଲମତା ଏନା ଏନାଆଁ କିହାମାଚେସି ବାରେ ମେସାମାଚେରି ଏଞ୍ଜାରି ଜିକେଏ ପାର୍ବୁତା ହାଜାମାଚେରି ।

୪୬ ଏମ୍ବାଟିଏ ଜୀସୁ ଗାଲିଲିତି କାନା ଗାଡ଼ାତା ଖେଣ୍ଡେ ହାଚେସି, ଏମ୍ବିୟା ଜୀସୁ ଏୟୁଣି ଅକୁରି ରାସା କିହାମାଚେସି, ଏମ୍ବାଆଁ ପାସାକଡି କସ୍ତକା ମୁହେଁ କାଜାସି ରଅସି ମାଚେସି, ତାନି ମୀରୁଏସି କପର୍ନାହୁମତା ଆଡିହିଲାଆତେସି ।

୪୭ ଜୀସୁ ଜୀହୁଦା ଗାଡ଼ାଟି ଗାଲିଲିତା ଖାହାମାନେସି ଇଞ୍ଜି ଖେଞ୍ଜାନା, ତାନି ତାଣା ହାଜାନା ଏଞ୍ଜାସି ଖାହାନା ଏନିକି ତାନି ମୀରୁଏଣାଲ୍ ନେହ୍ କିନେସି ଏଦାଆଁତାକି ବାତିମାଲିତେସି, ଇଚିହ୍ ଏଞ୍ଜାସି ହାନ୍ତିହଚେ ଆହାମାଚେସି ୪୮ ଜୀସୁ ଏଞ୍ଜାଣାଲ୍ ଏଲେଇଚେସି, “ସିନା ଅଡେ କାବାଆନ୍ତି କାମାୟାଁ ମେହ୍ଆଡିହ୍ ମୀରୁ ଏନିଜିକେଏ ନାମଅତେରି ।”

୪୯ ଏ ସାଲ୍ଡି କିନାସି ଏଲେଇଚେସି, “ଏ ପ୍ରବୁ, ନା ମୀରୁଏସି ହାନ୍ତି ନକେଏ ନା ତଲେ ଖାମୁ ।”

୫୦ ଜୀସୁ ଏଞ୍ଜାଣାଲ୍ ଏଲେଇଚେସି, “ହାଲାମୁ, ନୀ ମୀରୁଏସି ନୀଡିନେସି ।” ଏ ମାଣ୍ଡିଲ୍ ଜୀସୁ ଏମିନି ହାଡ଼ା ଖେସ୍ତେସି, ଏଞ୍ଜାସି ଏଦାଆଁ ନାମାନା ହାଚେସି । ୫୧ ଅଡେ, ଏଞ୍ଜାସି ହାଲ୍ଡିନିଏ ତାନି ହଲିୟାଙ୍ଗା ଜିରୁତେଏ ନୀ ମୀରୁଏସି ନୀଡିତେସି ଇଞ୍ଜି ଖେସ୍ତେରି ।

୫୨ ଏଚିବେଲାତା କକାସି ନେହ୍ ଆଡେସି, ଏଦାଆଁ ଏଞ୍ଜାସି ଖେଚେସି । ଏମ୍ବାଟିଏ ଏଞ୍ଜାରି ଏଲେଇଚେରି, “ରେଃଏନି ସାତା ଗଂଟା ବେଲାତା ନମେରି ପିସ୍ତେ ।”

୫୩ ଏମ୍ବାଟି ତାନି ଆବା ପୁଚେସି ଜୀସୁ ଆମିନି ବେଲାତା “ନୀ ମୀରୁଏସି ନୀଡିତେସି” ଇଞ୍ଜି ଖେସାମାଚେସି, ଏଚିବେଲାତେଏ ଏଦି ଗଚଡି ଆଡେ । ଏମ୍ବାଟିଏ, ଏଞ୍ଜାସି ଅଡେ ତାନି ଇଜଡି ବାରେ ଇଲୁ କୁଟମି ଜୀସୁ ତାଣା ନାମିତେରି ।

୫୪ ଜୀହୁଦାଟିଏ ଗାଲିଲିତା ଖେଣ୍ଡା ଖାହାଁ, ଜୀସୁ ରୀ ପାଲି ତାକି ଇ କାବାଆନ୍ତି କାମା କିତେସି ।

☆ ୪:୪୪ ୪:୪୪ ମାତି ୧୩:୫୭; ମାର୍କ ୭:୪; ଲୁକ ୪:୨୪ ☆ ୪:୪୫ ୪:୪୫ କହ ୨:୨୩ ☆ ୪:୪୬ ୪:୪୬ କହ ୨:୧-୧୧



ଜୀସୁ କଡ଼େ ଅଟର ବାର୍ଯା ତାଣାଙ୍କ ନେହୁଁ କିନାୟି

୧୧ ଇଦାଣି ତାୟୁ ଜୀହୁଦି ଲକ୍ଷୁତି ର ପାର୍ବୁ ଆଡେ, ଅଡ଼େ ଜୀସୁ ଜିରୁସାଲମତା ହାଚେସି । ୧୨ ଜିରୁସାଲମତି ମେଣ୍ଡାୟାଁ ଦୁଖେରି ତାଗେ ର ବାନ୍ଦା ମାନେ; ଏବୁ ହାଡ଼ାତଲେ ବେଡ଼ସାୟିଦା ଇନେରି, ଏ ବାନ୍ଦାତା ପାସାଗଟା ପିଣ୍ଡାୟାଁ ମାନୁ । ୧୩ ଏମ୍ବାଆଁ କାଣାୟାଁ, ସଗାୟାଁ ଅଡ଼େ ଆଙ୍ଗା ଖାୟିତି ରଗ ଗାଟାରି ହାଚେରକା ଜାଣା ନେହୁଁ ଆୟାଲି କାଟାହାଁ ମାଣ୍ଡିଗିତେରି; ୧୪ ଇଚିହୁଁ ଏଚିବେଲାତା ପ୍ରବୁତି ର ଦୁଡୁ ବାନ୍ଦାତା ରେଚାନା ଏୟୁ ଖୀଟୁହସାରେ, ଅଡ଼େ ଏୟୁ ଖୀତିତି ତାୟୁ ଆମ୍ବାଆସି ତଲିଏ ହଡ଼ନେସି, ଏଞ୍ଜାଣାକି ଏନି ରଗ ଆହାମାତି ଜିକେଏ ନେହୁଁ ଆହୁମାଚେସି* । ୧୫ କଡ଼େ ଅଟର ବାର୍ଯା ପାତେକା ରଗ ଗାଟାସି ରଅସି ଏମ୍ବାଆଁ ମାଚେସି । ୧୬ ଜୀସୁ ଏଞ୍ଜାଣାଙ୍କ ଡ଼ୟାମାନାଣି ମେସାନା ଗାଡୁ ଦିନାତି ରଗ ଗାଟାସି ଇଞ୍ଜୁଁ ପୁଞ୍ଜାହାଁ ଏଞ୍ଜାଣାଙ୍କ ଖେଚେସି, “ନାନୁ ଏନାଆଁ ନେହୁଁ ଆହାଲି ମନୁ କିହିମାଞ୍ଜି ?”

୧୭ ରଗ ଗାଟାସି ଏଞ୍ଜାଣାଙ୍କ ଏଲେଇଚେସି, “ବାବୁ, ଏୟୁ ଖୀତିନାତି ନାଙ୍ଗେ ବାନ୍ଦାତା ଅହାଲି ତାକି ଆମ୍ବାଆସି ହିଲଅସି; ଅଡ଼େ, ନାନୁ ହାନିବେଲାତା ଅଡ଼େ ରଅସି ନା ନକେଏ ହଡ଼ାହାନେସି ।”

୧୮ ଜୀସୁ ଏଞ୍ଜାଣାଙ୍କ ଏଲେଇଚେସି, “ନିଙ୍ଗାମୁ, ନୀ ପାସ୍ପନି ଡେକାହାଁ ତାକାମୁ ।” ୧୯ ଏ ଦେବୁଣିଏ ଏଞ୍ଜାସି ନେହୁଁ ଆଡେସି ଅଡ଼େ ତାନି ପାସ୍ପନି ଡେକାନା ତାକାଲି ମାଟୁହେସି ।

ଏ ଦିନା ଜମିନି ଦିନା ମାଚେ । ୨୦ ଇଦାଆଁତାକି, ଜୀହୁଦିୟାଁ ନେହୁଁ ଆହାମାନି ମାଣ୍ଡିଇଁ ଏଲେଇଚେରି, “ନୀଞ୍ଜୁ ଜମିନି ଦିନା, ପାସ୍ପନି ଡେକା ଅହାଲି ନିଙ୍ଗେତାକି ମେରା ଆଏ ।”

୨୧ ସାମା, ଏଞ୍ଜାସି ଏଞ୍ଜାରାଙ୍କ ଏଲେଇଚେସି, “ଆମ୍ବାଆସି ନାଙ୍ଗେ ନେହୁଁ କିୟାଚେସି, ଏଞ୍ଜାସି ନାଙ୍ଗେ ଏଲେଇଞ୍ଜାଚେସି, ନୀ ପାସ୍ପନି ଡେକାନା ତାକାମୁ ।”

୨୨ ଏଞ୍ଜାରି ଏଞ୍ଜାଣାଙ୍କ ଖେଚେରି, “ନୀ ପାସ୍ପନି ଡେକାନା ତାକାମୁ ଇଞ୍ଜୁଁ ଏଲେଇଞ୍ଜାତାସି, ଏଞ୍ଜାସି ଆମ୍ବାଆସି ?”

୨୩ ସାମା ଏଞ୍ଜାସି ଆମ୍ବାଆସି, ଏ ନେହୁଁ ଆଡ଼ାସି ପୁଞ୍ଜା ହିଲାଆଚେସି, ଇଚିହୁଁ ଏମ୍ବାଆଁ ଲକୁ ମାନ୍ଦା ମାଚାକି ଜୀସୁ ମେହୁଆରେଟୁଁ ହାଜାମାଚେସି ।

୨୪ ଇଦାଆଁ ତାୟୁ ଜୀସୁ ମାହାପୁରୁ ଇଲୁତା ଏଞ୍ଜାଣାଙ୍କ ମେସାନା ଏଲେଇଚେସି, “ମେହୁମୁ, ନାନୁ ନେହୁଁ ଆହାମାଞ୍ଜି, ଅଡ଼େ ପାପୁ କିଆନି, ଏନିକୁଁ ନିଙ୍ଗେତାକି ଗାତି କସ୍ତୁ ଖାଏ ।”

୨୫ ଏ ମାଣ୍ଡି ଖେଣ୍ଡା ହାଜାନା, ଆମ୍ବାଆସି ତାଙ୍ଗେ ନେହୁଁ କିହିମାଚେସି, ଏଞ୍ଜାସି ଜୀସୁ ଇଞ୍ଜୁଁ ଜୀହୁଦିୟାଣି ଖେସୁସି । ୨୬ ଇଦାଆଁତାକି ଜୀସୁ ଜମିନି ଦିନାତା ଇଦାଆଁ କିହିମାଚାକି ଜୀହୁଦିୟା ଏଞ୍ଜାଣାଙ୍କ ନିନ୍ଦା କିହିଲି ମାଟୁହେରି । ୨୭ ସାମା ଜୀସୁ ଏଞ୍ଜାରାଙ୍କ ଏଲେଇଚେସି, “ନା ଆବା ନୀଏଁ

ପାତେକା କାମା କିହିମାନେସି, ଅଡ଼େ ନାନୁ ଜିକେଏ କାମା କିହିମାଙ୍କ ।”

୨୮ ଇ ହାଡ଼ା ତାକି ଜୀହୁଦିୟା ଜୀସୁଙ୍କ ପାୟାଲି ତାକି ଅଡ଼େ ଗାତି ଅଣ୍ଡପିଚେରି, ଏଞ୍ଜାସି ଜମିନି ଦିନାତି ମେରାତି ଡ଼ରିଚେସି ଖାରୁଇ ଏଡ଼ି ଆଏ, ସାମା ମାହାପୁରୁଙ୍କ ନା ଆବା ଇଞ୍ଜୁଁ ଖେସାନା ତାଙ୍ଗେ ମାହାପୁରୁ ତଲେ ସମାନା କିହିମାଚେସି ।

ମୀରୁଏଣି ଅଦିକାରା

୨୯ ଜୀସୁ ଏଞ୍ଜାରାଙ୍କ ଏଲେଇଚେସି, “ସାତା ସାତା ନାନୁ ମିଙ୍ଗେ ଖେସିମାଞ୍ଜାଙ୍କ, ମୀରୁଏସି ଆବାଙ୍କ ଏନାଆଁ କିହିମାନାଣି ମେହୁନେସି, ଏଦାଆଁ ପିସ୍ପେ ଏଞ୍ଜାସି ତାନୁଏ ଏନାଆଁ କିହିଲି ଆଡ଼ଅସି । ଇଚିହୁଁ ଆବା ଏନା ଏନାଆଁ କିନେସି, ମୀରୁଏସି ଜିକେଏ ଏଦାଆଁ ବାରେ ଏଲେକିହୁଁ ଏ କିନେସି । ୩୦ ଇଚିହୁଁ ଆବା ମୀରୁଏଣାଙ୍କ ଜୀସୁ ନନେସି, ଅଡ଼େ ଏଞ୍ଜାସି ତାନୁ ଏନା ଏନାଆଁ କିନେସି, ଏଦାଆଁ ବାରେ ମୀରୁଏଣାଙ୍କ ତହୁନେସି, ଅଡ଼େ ମୀରୁ ଏନିକୁଁ କାବା ଆଦେରି, ଏଦାଆଁତାକି ଏଞ୍ଜାସି ଏଞ୍ଜାଣି ତାଣାଟି ଇଦାନି କିହାଁ ଆଡ଼େ କାଜା କାଜା କାମା ତହୁନେସି । ୩୧ ଆବା ଏନିକୁଁ ହାଡ଼ି ଲକୁଣି ନିକହାନା ଜୀସୁ ହାନେସି, ଏଲେକିହୁଁ ଏ ମୀରୁଏସି ଜିକେଏ ଆମ୍ବା ଆମ୍ବାଆରାଙ୍କ ମନୁ କିନେସି ଏଞ୍ଜାରାଙ୍କ ଜୀସୁ ହାନେସି । ୩୨ ଆବା ତାନୁଏ ଆମ୍ବାଆରାଙ୍କ ନୀହାଁୟି କିଅସି, ସାମା ବାରେଜାଣା ଏନିକୁଁ ଆବାଙ୍କ ମାନି କିହିମାନେରି, ଏଲେକିହୁଁ ଏ ମୀରୁଏଣାଙ୍କ ଜିକେଏ ମାନି କିନେରି, ଏଦାଆଁତାକି ମୀରୁଏଣାକି ବାରେ ନୀହାଁୟି କିହିଲି ଅଦିକାରା ହାହାମାନେସି । ୩୩ ଆମ୍ବାଆସି ମୀରୁଏଣାଙ୍କ ମାନି କିଅସି, ଏଞ୍ଜାସି ତାଙ୍ଗେ ପାଣ୍ଡାତି ଆବାଙ୍କ ଜିକେଏ ମାନି କିଅସି ।”

୩୪ “ନାନୁ ମିଙ୍ଗେ ସାତା ଖେସିମାଞ୍ଜାଙ୍କ, ଆମ୍ବାଆସି ନା ବଲୁ ଖେଞ୍ଜାନା ନାଙ୍ଗେ ପାଣ୍ଡାତାଣାଙ୍କ ନାମିନାସି, ଏଞ୍ଜାସି କାଲାକାଲାତି ଜୀସୁ ବେଟା ଆହାମାନେସି, ଅଡ଼େ, ଏଞ୍ଜାସି ନୀହାଁୟି କିଞ୍ଜିଆଆନା ହାକିତି ଜୀଣାଆହାନା ରାଆଗାଟି ଜୀସୁତା ହଡ଼ାମାନେସି । ୩୫ ନାନୁ ମିଙ୍ଗେ ସାତା ଖେସିମାଞ୍ଜାଙ୍କ, ର ଦିନା ଖାଚେ ନୀଏଁ ଜିକେଏ ଏଦାଚେୟିଏ, ଏମିନି ଦିନାତା ହାଡ଼ାରି ମାହାପୁରୁ ମୀରୁଏଣି ହାଡ଼ାତି ଖେନେରି ଅଡ଼େ ଆମ୍ବାଆରି ଖେନାରି ଏଞ୍ଜାରି ନୀତିନେରି । ୩୬ ଇଚିହୁଁ ଆବା ଏନିକୁଁ ତାନୁଏ ଜୀସୁ ଗାଟାସି, ଏଲେକିହୁଁ ଏ ଏଞ୍ଜାସି ମୀରୁଏଣାଙ୍କ ଜିକେଏ ଜୀସୁ ଗାଟାସି ଆହାଲି ହାହାମାନେସି । ୩୭ ଅଡ଼େ, ଏଞ୍ଜାସି ମାଣ୍ଡି ମୀରୁଏସି ଆହାମାନାକି ଏଞ୍ଜାସି ଏଞ୍ଜାଣାକି ନୀହାଁୟି କିନି ଅଦିକାରା ହାଚେସି । ୩୮ ଇଦାଆଁତାକି କାବା ଆଆଦୁ, ଇଚିହୁଁ ଏଚିବେଲା ହାଡ଼ି ଲକୁ ମାହୁଣି ମାଣ୍ଡାଟି ତାନି ଗିୟାଁ ଖେନେରି ଅଡ଼େ ଆମ୍ବାଆରି ସାତା କାମା କିହିମାନେରି, ୩୯ ଏଞ୍ଜାରି ଜୀସୁତା ଖେଣ୍ଡେ ନୀତାଲିତାକି ଅଡ଼େ ଆମ୍ବାଆରି ଲାଗେଏତି କାମା କିହିମାନେରି, ଏଞ୍ଜାରି ନୀହାଁୟିତି ତଣ୍ଡୁ ତାକି ଖେଣ୍ଡେ ନିଙ୍ଗା ଖାଚେରି, ଇଲେତି ଦିନା ଖାହିମାନେ ।”

* ୫:୪ ୫:୪ ଇ କାତା ପୁଞ୍ଜା ପତିତା ହିଲେଏ ।

ଜୀସୁ ଖାକିଟି ସାକି

୩୦ “ନାନୁ ନା ତାଣାଟି ଏଦାଆଁ କିହାଲି ଆଡ଼ଅଁ; ନାନୁ ଏନିକ୍ ଖେଇଁ, ଏଲେକିହିଁ ଏ ନାହାଁୟି କିଇଁ, ଅଡ଼େ ନା ନାହାଁୟି ଟିକ୍‌ଶାତାୟି, ଇତିହିଁ ନାନୁ ନା ମନତଲେ କିହାଲି ଅଣ୍‌ପାଆନା, ନାଙ୍ଗେ ପାଣ୍ଡାତାଣା ମନ ଲେହେଁ କିହାଲି ଅଣ୍‌ପିମାଇଁ ।”

୩୧ “ନାନୁ ନାଙ୍ଗେତାକି ସାକି ହାଇଁ, ଆଡ଼ିଜିକେଏ ନା ସାକି ସାତା ଆଏ । ୩୨ ନା କାତାତି ଆମ୍ବାଆସି ସାକି ହାନେସି, ଏଝାସି ଅର ରଅସି; ଅଡ଼େ, ନା କାତାତାକି ଏଝାଣି ସାକି ସାତା, ଏଦାଆଁ ନାନୁ ପୁଞ୍ଜାମାଇଁ । ୩୩ *ମୀରୁ ଜହନ ତାଣା ଲକୁଣି ପାଣ୍ଡାମାଞ୍ଜେରି ଅଡ଼େ ଏଝାସି ସାତା ତାକି ସାକି ହାହାମାନେସି । ୩୪ ସାମା ନାଙ୍ଗେ ମାଣ୍‌ସି ତାଣାଟି ସାକି ଲଡ଼ା ଆଏ, ସାମା ମୀରୁ ଏନିକ୍ ଗେଲ୍‌ପି ଆଦେରି, ଏଦାଆଁତାକି ଇ ବାରେ ଖେସିମାଞ୍ଜାଇଁ । ୩୫ ଜହନ ଡ଼ାଞ୍ଜିତି ମିଣ୍‌ସିମାନି ଦୀଝି ମାଚେସି, ଇଞ୍ଜା ମୀରୁ ଏଝାଣି ଉଜେଡ଼ିତା ଗାଡ଼େକା ତାକିଏ ରାହାଁ ଆହାଁ ମାଞ୍ଜାଲି ମନ କିହାମାଚେରି । ୩୬ ସାମା ଜହନତି ସାକି କିହାଁ ନା ତାଣା ହାରେକା କାଜା ସାକି ମାନେ, ଏଦାଆଁତାକି ଇତିହିଁ ଆବା ନାଙ୍ଗେ ଏନି ଏନି କାମା ରାପ୍‌ହାଲି ହାହାମାଞ୍ଜାନେସି, ନାନୁ ଏନିନି କାମା କିହିମାଇଁ, ଆବା ନାଙ୍ଗେ ପାଣ୍ଡାମାଞ୍ଜାନେସି ଇଞ୍ଜି ଏ ବାରେ ନା ଖାକିଟି ସାକି ହାହିମାନେସି । ୩୭ ଅଡ଼େ ଏନିନି ଆବା ନାଙ୍ଗେ ପାଣ୍ଡାଚେସି, ଏଝାସି ନା ତାକି ସାକି ହାହାମାନେସି । ମୀରୁ ଏଚେଲା ଏଝାଣି ହାଡ଼ା ଖେଞ୍ଜା ହିଲଅଚେରି କି ତାନି ମୁମ୍‌ମେସା ହିଲଅଚେରି । ୩୮ ଅଡ଼େ ଏଝାଣି ବଲୁ ମୀ ହିୟାଁତା ଇଚାହିଲଅଚେରି, ଇତିହିଁ ଏଝାସି ଆମ୍ବାଆରାଇଁ ପାଣ୍ଡାଚେସି ମୀରୁ ଏଝାଣାଇଁ ନାମିହିଲଅଚେରି । ୩୯ ମୀରୁ ଦାମ୍‌ ପତିତି କାତା ପାରିମାଞ୍ଜେରି, ଇତିହିଁ ଏମ୍ବାଆଁ କାଲାକାଲାତି ଜୀସୁ ବେଟାଆହାମାନମି ଇଞ୍ଜି ଅଣ୍‌ପିମାଞ୍ଜେରି ଅଡ଼େ ଏ ଦାମ୍‌ ପତି ନା ଖାକିଟି ସାକି ହାହିମାନେ । ୪୦ ସାମା ମୀରୁ ଜୀସୁ ବେଟାଆହାଲି ତାକି ନା ତାଣା ଖାହାଲି ମନ କିହିହିଲଅଚେରି ।”

୪୧ “ନାନୁ ମାଣ୍‌ସିୟାଁ ତାଣାଟି ଗାଞ୍ଜୁରମି ପାରିହିଲଅଁ । ୪୨ ସାମା ନାନୁ ମିଙ୍ଗେ ପୁଞ୍ଜାମାଞ୍ଜାଇଁ, ମୀ ହିୟାଁତା ମାହାପୁରୁତି ଜୀସୁନନାୟି ହିଲେଏ । ୪୩ ନାନୁ ନା ଆବା ଦରୁଟି ଖାହାମାଇ, ଅଡ଼େ ମୀରୁ ନାଙ୍ଗେ ଅପିମାଞ୍ଜଅଚେରି; ଅର ରଅସି ତାନି ଦରୁଟି ଖାଡ଼ିହିଁ, ମୀରୁ ଏଝାଣାଇଁ ଅପିଦେରି । ୪୪ ମୀରୁ ଏନିକ୍ ନାମିମାଞ୍ଜେରି ? ମୀରୁ ମୀ ତାଣାଟି ଗାଞ୍ଜୁରମି ବେଟାଆହି ମାଞ୍ଜେରି, ଅଡ଼େ ଏନିନି ରଣ୍‌ସି ମାହାପୁରୁ ତାଣାଟି ଗାଞ୍ଜୁରମି ଏଦାଆଁ ବେଟାଆହାଲି ମନ କିହିହିଲଅଚେରି ୪୫ ନାନୁ ଆବା ନକିତା ମୀ କପାଟି ଦହ ଦସାଇଁ, ଏଲେଇଞ୍ଜି ଅଣ୍‌ପାଆଦୁ; ଆମିନି ମସା ତାଣା ମୀରୁ ବାସ୍‌ ଇଚାମାଞ୍ଜେରି, ଏଝାସିଏ ମୀ କପାଟି ଦହ ଦସି ମାଞ୍ଜାନେସି । ୪୬ ଇତିହିଁ ମୀରୁ ମସାଇଁ ନାମା ମାତିହିଁ, ନାଙ୍ଗେ ଜିକେଏ ନାମାଚେରିମା, ଇତିହିଁ ଏଝାସି ନା

କାତେଏ ରାଚାମାନେସି । ୪୭ ସାମା ମୀରୁ ଏଝାଣି ରାଚାମାନି କାତା ନାମା ହିଲଅଚେରି, ଆତିହିଁ ନା କାତା ଏନିକ୍ ନାମିଦେରି ?”



ଜୀସୁ ପାସାମାଣା ଲକୁଣି ତାହନାୟି

(ମାତି ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୭)

୧ ଇଦାଆଁ ତାୟୁ ଜୀସୁ ଗାଲିଲି ସାମ୍‌ଦୁରି, ଇତିହିଁ ଡିବିରିୟା ସାମ୍‌ଦୁରି ଆତାଲାଝାକି ହାଚେସି । ୨ ଅଡ଼େ ଏଝାସି ରଗ ଗାଟାରାଇଁ ଏନି ଏନି କାବାଆନି କାମା କିହାମାଚେସି, ଏ ବାରେ ମେସାନା ହାରେକା ଲକୁ ଏଝାଣି ଜେଚ ଜେଚ ହାଚେରି । ୩ ଏମ୍ବାଟିଏ ଜୀସୁ ସୀସୁୟାଁ ତଲେ ର ହରୁ ଲାକ ହାଜାନା କୁଗିଚେସି । ୪ ଏତିବେଲା ଜୀହୁଦି ଲକୁଡି ପିସ୍‌ପିଆନି ପାର୍‌ ଡାଗେ ଆହାମାଚେ । ୫ ହାରେକା ଲକୁ ତାନି ତାଣା ଖାହିମାନାଣି ମେସାନା, ଜୀସୁ, ପିଲିପଇଁ ଏଲେଇଚେସି, “ଇଝାରାକି ତିଞ୍ଜାଲି ମାର୍ ଆମ୍ବିଟି ରାହା କଡିନାୟି ?” ୬ ସାମା ଏଝାସି ପିଲିପଇଁ ତାୟିପାରି କିୟାଲି ଏଲେଇଚେସି, ଇତିହିଁ ଏଝାସି ଏଦାଆଁ କିନାୟିମାନେ, ଏଦାଆଁ ତାନ୍‌ଏ ପୁଞ୍ଜାମାଚେସି ।

୭ ପିଲିପ ଏଝାଣାଇଁ ଏଲେଇଚେସି, “ବାରେ ଲକୁତାକି ଇଚା ଇଚାଣି ତିଞ୍ଜାଲି ରୀ ଖାଞ୍ଜାଟିଏ ଆଗାଡ଼ା ଖେଣ୍ଡି ଟାକାୟାଁତି* ରୁଟି ଜିକେଏ ହାଲାଭ ।”

୮ ତାନି ସୀସୁୟାଁ ବିତ୍ରାଟି, ସିମନ ପିତର ତାୟି ଆହିୟ ଦରୁଗାଟାସି ଜୀସୁଇଁ ଏଲେଇଚେସି, ୯ “ଇମ୍ବାଆଁ ର କକାସି ମାନେସି, ତାନିତାଣା ପାସାଗଟା ରୁଟି ଇଞ୍ଜା ଖାଜିତି ମୀଣ୍‌କା ରିଣ୍ଡି ମାନୁ, ସାମା ଇଚେକା ଲକୁତାକି ଏଝି ହାଲିନୁ କି ?”

୧୦ ଜୀସୁ ଏଲେଇଚେସି, “ଲକୁଣି କୁପକି କିଦୁ ।” ଏ ଗାୟୁତା ହାରେକା ଗାକ୍ ଜାଡ଼ା ମାଚେ । ଏମ୍ବାଆଁ ପାସାମାଣା ଆବାୟାଁ କୁଗିଚେରି । ୧୧ ଏମ୍ବାଟିଏ ଜୀସୁ ରୁଟି ଆସାନା ମାହାପୁରୁଇଁ ଜହରା ହାହାନା ଏମ୍ବାଆଁ କୁଗାମାନାରାକି ଏଦାଆଁ ବାଟିକିହାଁ ହାଚେରି, ମୀଣ୍‌କା ଜିକେଏ ଏଲେକିହିଁଏ ବାଟିକିଚେରି, ଏଚେକା ମନ କିଚେରି ଏଝାରାକି ଏଚେକା ହାଚେରି । ୧୨ ଅଡ଼େ ଏଝାରି ବାରେ ପାଞ୍ଜିତି ତାୟୁ, ଜୀସୁ ତାନି ସୀସୁୟାଁଇଁ ଏଲେଇଚେସି, “ଏଚେକା ହାଚାମାନେ, ଏଦାଆଁ ବାରେ କୁଡ଼ି କିଦୁ ଏନିକ୍ ଇଚାୟି ଜିକେଏ ନସ୍‌ ଆଏ ।” ୧୩ ଏଚେଟିଏ ଲକୁ ଡିଟି ତାୟୁ ପାସାଗଟା ରୁଟି ବିତ୍ରାଟି ହାଚାମାଟି ମୁକାୟାଁ ବାଡ଼ ତାଲି କୁଡ଼ି କିଚେରି ।

୧୪ ଜୀସୁତି ଇ କାବାଆନି କାମା ମେସାନା ଲକୁ ଏଲେଇଚେରି, “ଆମିନି ମାହାପୁରୁ ଅଣ୍‌ପୁଡି ବଲୁ ଖେକନାସି ଦାର୍‌ତିତା ଖାନାୟି ମାଚେ, ଏଝାସି ସାଚେଏ ଇଝାସି ।” ୧୫ ଏଦାଆଁତାକି ଏଝାରି ଖାହାନା ରାଜା କିୟାଲି ବାଲ୍‌ମିଟି ଆସା ଅୟାନେରି ଇଞ୍ଜି ପୁଞ୍ଜାନା ଜୀସୁ ଏଟକା ଆହାନା ରଅସିଏ ଦାରିତା ମାତି ହରୁ ଲାକ ହଚାହାଚେସି ।

* ୫:୩୩ ୫:୩୩ ଜହ ୧:୧୯-୨୭; ୩:୨୭-୩୦ * ୬:୭ ଖେଣ୍ଡି ଟାକା ର ରୁପାଟାକା ର ଦିନାତି କୁଲି ମାତି ୨୦:୨

ଜୀସୁ ଏୟ ଲାକ ତାକିନାୟି

(ମାତି ୧୪:୨୨-୩୩; ମାର୍କ ୬:୪୫-୫୨)

୧୭ ମିଡ଼ିଆଲା ଆହାଲିଏ ତାନି ସୀସୁୟାଁ ସାମଦୁରି ଗାଟୁତା ହାଚେରି । ୧୭ ଅଡ଼େ ସାମଦୁରି ଆତାଲା ମାନି କପରନାହୁମ ଖାକି ହାଜାଲି ତଂଗତା ହଡ଼େରି । ଆନ୍ଦେରି ଆହାହାଚେ, ଅଡ଼େ, ଜୀସୁ ଏଚିବେଲା ପାତେକା ଏଞ୍ଜାରିତାଣା ଖାହା ହିଲାଆତେସି । ୧୮ ଇଞ୍ଜା କାଜା ଗାଲି ଖେଟିମାତାକି ସାମଦୁରିତା ଆଜିହଡ଼େପେତ ଏୟ ଉଣ୍ଡାୟାଁ ନିଜିମାରୁ । ୧୯ ଏଚିବେଲା ଏଞ୍ଜାରି ସ କିଲମିଟର ହେକ ହାଜାଲିଏ ଜୀସୁ ସାମଦୁରିତା ତାକିହୁଁ ତଂଗ ଖାକି ଖାହିମାନାଣି ମେସାନା ଆଜିତେରି । ୨୦ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ଆଜାଆଦୁ ଇଞ୍ଜାତେସିଁ ନାନୁ ।” ୨୧ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ତଂଗତା ଅହାଲି ମନ କିତେରି, ଅଡ଼େ, ଏମିନି ସାମଦୁରି ଗାଟୁତା ହାଜିମାଚେରି, ଦେବୁଣିଏ ଏ ଚାୟୁତା ତଂଗ ଏତେ ।

ଜୀସୁଇଁ ଲକୁ ପାରିନାୟି

୨୨ ଏ ଚାୟୁତା ର ତଂଗ ପିସପେ ଏଟକାତି ତଂଗୟାଁ ହିଲାଆଡୁ, ଅଡ଼େ ଏମ୍ବାଆଁ ଜୀସୁ ତାନି ସୀସୁୟାଁ ତଲେ ହାଜାହିଲାଆତେସି, ସାମା ଖାଚରଇ ସୀସୁୟାଁ ହାଜାମାଚେରି, ଇଦାଆଁ ଆମିନି ଲକୁ ତାନି ଅର ନେଚୁ ସାମଦୁରି ଆତାଲା ନିଚାମାଚେରି ଏଞ୍ଜାରି ମେସାମାଚେରି । ୨୩ ଆମିନି ତାଣା ଜୀସୁ ଜହରା କିହାନା ଲକୁଣି ରୁଟି ତିଞ୍ଜାଲି ହାହାମାଚେସି, ତିବିରିୟାଟି ଅଡ଼େ ଏଚରଗଟା ତଂଗାୟାଁ ଏ ଚାୟୁତା ଖାଚୁ । ୨୪ ଇଞ୍ଜା ଜୀସୁ ତାନି ସୀସୁୟାଁ ଏମ୍ବାଆଁ ହିଲାଆତେରି, ଇଦାଆଁ ମେସାନା ବାରେ ଲକୁ ଇ ତଂଗତା ହଚାନା ଜୀସୁଇଁ ପାରି ପାରିହୁଁ କପରନାହୁମତା ଖାଚେରି ।

ଜୀସୁ ଜୀସୁତି ରାନ୍ଦା

୨୫ ଏଞ୍ଜାରି ସାମଦୁରି ଆତାଲା ଜୀସୁଇଁ ବେଟାଆହାନା ଖେଚେରି, ଏ “ଗୁରୁ, ନାନୁ ଏଚିବେଲା ଇମ୍ବାଆଁ ଖାଚି ?”

୨୬ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ମିଜେ ସାତା ଖେସିମାଞ୍ଜାଇଁ, ନା କାବାଆନି କାମା ମେସ୍ତାକି ନାଜେ ପାରିମାଞ୍ଜାଦେରି ଏଦି ଆଏ, ସାମା ରୁଟି ତିଞ୍ଜା ପାଞ୍ଜିତାକି ମୀରୁ ନାଜେ ପାରିମାଞ୍ଜାଦେରି । ୨୭ ସୀରନି ରାନ୍ଦା ତାକି କାମା କିଆନା, କାଲାକାଲାତି ଜୀସୁତାକି ତୟିନି ରାନ୍ଦା ତାକି କାମା କିଦୁ, ଏ ରାନ୍ଦା ମାଣସି ମୀରଏସି ମିଜେ ହିୟାନେସି, ଇଚିହୁଁ ତାନି ଆବା ମାହାପୁରୁ ଏଞ୍ଜାଣାକି ଅଦିକାରା ହାହାମାନେସି ।”

୨୮ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଖେଚେରି, “ମାହାପୁରୁତି ବାରେ କାମା କିହାଲିତାକି ମାଜେ ଏନାଆଁ କିହାଲି ଆନେ ?”

୨୯ ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ଆମ୍ବାଆରାଇଁ ପାଣ୍ଡାମାଞ୍ଜାନେସି, ଏଞ୍ଜାଣି ତାଣା ନାମିନାୟି ମାହାପୁରୁତି କାମା ।”

୩୦ ଏଚେଟିଏ ଏଞ୍ଜାରି ଏଞ୍ଜାଣାଇଁ ଖେଚେରି, “ଆତିହୁଁ ନାନୁ ସିନାଲେହେଁ ଏନାଆଁ କିହିମାଞ୍ଜି, ଏଦାଆଁ ମେସାନା

ମାମ୍ବୁନିଜେ ନାମାନମି ? ୩୧ ମା ଆକୁ ଆବାୟାଁ ଲକୁ ତୟାଆ ଚାୟୁତା ‘ମାନା’† ତିଞ୍ଜା ମାଚେରି, ଦାମ୍ବୁପତିତା ରାସକି ଆହାମାନେ, ତିଞ୍ଜାଲି ଏଞ୍ଜାସି ଏଞ୍ଜାରାକି ଲାକପୁରୁଟି ରାନ୍ଦା ହାଚେସି ।”

୩୨ ଏଚେଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ସାତା ସାତା ନାନୁ ମିଜେ ଖେସିମାଞ୍ଜାଇଁ, ମସା ମିଜେ ଲାକପୁରୁଟି ରାନ୍ଦା ହାହାମାଞ୍ଜଅସି, ସାମା ନା ଆବା ମିଜେ ଲାକପୁରୁଟି ସାତା ରାନ୍ଦା ହିୟାନେସି; ୩୩ ଇଚିହୁଁ ଆମିନି ରାନ୍ଦା ଲାକପୁରୁଟି ଖାହାନା ଦାରତିତି ଲକୁଣି ଜୀସୁ ହାନେ, ଏଦି ମାହାପୁରୁ ହିୟାତି ରାନ୍ଦା ।”

୩୪ ଏଞ୍ଜାରି ଜୀସୁଇଁ ଏଲେଇଚେରି, “ପ୍ରବୁ, ମାଜେ ବାରେଦିନା ଏ ରାନ୍ଦା ହିୟାମୁ ।”

୩୫ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁଏ ଜୀସୁତି ରାନ୍ଦାତେସି; ଆମ୍ବାଆସି ନା ତାଣା ଖାନେସି, ଏଞ୍ଜାସି ଏଚେଲା ହାକି ଆଅସି, ଅଡ଼େ ନା ତାଣା ନାମିନାସି, ଏଚେଲା ଏସକି ଆଅସି । ୩୬ ସାମା ନାନୁ ମିଜେ ଖେସିମାଞ୍ଜାଇଁ, ମୀରୁ ନାଜେ ମେସ୍ତାତି ଜିକେଏ ନାମିମାଞ୍ଜଅତେରି ।

୩୭ ଆବା ନାଜେ ଆମ୍ବାଆରାଇଁ ହିୟାନେସି, ଏଞ୍ଜାରି ବାରେଜାଣା ନା ତାଣା ଖାନେରି; ଅଡ଼େ ନା ତାଣା ଖାନାଣାଇଁ, ନାନୁ ଏଚେଲାଖା ପାଜାତା ପିହୁଅଁ । ୩୮ ଇଚିହୁଁ ନାନୁ ଅଣପିନି ଲେହେଁ କିହାଲି ଖାହାହିଲଅଁ, ସାମା ନାଜେ ପାଣ୍ଡାତାଣା ଅଣପୁ ତଲେ କିହାଲି ଲାକପୁରୁଟି ଖାହାମାଇଁ । ୩୯ ଅଡ଼େ ନାଜେ ପାଣ୍ଡାମାଞ୍ଜାନାସି ଆମିନି ଗାଟାରାଇଁ ନାଜେ ହିୟାନେସି, ଏଞ୍ଜାରି ବିତ୍ରାଟି ଆମ୍ବାଆରାଇଁ ଜିକେଏ ଏନିକଁ ନାନୁ ଜାକ୍ଅଁ, ସାମା ରାନି ଦିନାତା ଏଞ୍ଜାରାଇଁ ହାଚାରି ତାଣାଟି ନିକ୍ଇଁ, ଇଦି ଏଞ୍ଜାଣି ଅଣପୁ । ୪୦ ଇଚିହୁଁ ଆମ୍ବାଆସି ମୀରୁଏଣାଇଁ ମେସାନା ଏଞ୍ଜାଣି ତାଣା ନାମିନେସି, ଏଞ୍ଜାସି ଏନିକଁ କାଲାକାଲାତି ଜୀସୁ ବେଟା ଆନେସି, ଇଦି ନା ଆବାତି ଅଣପୁ, ଅଡ଼େ ନାନୁ ଏଞ୍ଜାଣାଇଁ ରାନି ଦିନାତା ହାଚାରି ତାଣାଟି ନିକ୍ଇଁ ।”

୪୧ ନାନୁ ଲାକପୁରୁଟି ରେଟା ଖାହାମାନି ରାନ୍ଦାତେସି ଇଞ୍ଜା ଏଞ୍ଜାସି ଏଲେଇଞ୍ଜାଲିଏ ଜୀହୁଦିୟାଁ ଏଞ୍ଜାଣି କପାଟି ଏଲେଇଞ୍ଜି ଜଲ୍ଲକି ଆଚେରି । ୪୨ “ଇଞ୍ଜାସି ଜସେପ ମୀରୁଏସି ଜୀସୁ ଆଏକି, ଅଡ଼େ ମୀରୁ ଇଞ୍ଜାଣି ଇୟା ଆବାତି ପୁଞ୍ଜାହିଲାଆୟି କି ? ଆତିହୁଁ ନାନୁ ଲାକପୁରୁଟି ରେଟା ଖାହାମାଇଁ ଇଞ୍ଜା ଏଞ୍ଜାସି ନୀଏଁ ଏନିକଁ ଖେସିମାନେସି ?”

୪୩ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ମୀରୁ ମୁରୁମୁର ଜଲ୍ଲକି ଆଆଦୁ ।” ୪୪ ନାଜେ ପାଣ୍ଡାମାଞ୍ଜାନି ଆବା ଆମ୍ବାଆରାଇଁ ରେଜା କତିନେସି, ଏଞ୍ଜାସିଦେଁ ନା ତାଣା ଖାହାଲି ଆଡ଼ିନେସି, ଅଡ଼େ ନାନୁ ରାନି ଦିନାତା ଏଞ୍ଜାଣାଇଁ ହାଚାରି ତାଣାଟି ନିକ୍ଇଁ । ୪୫ ମାହାପୁରୁ ଅଣପୁତି ବଲୁ ଖେହନାରି ଦାମ୍ବୁପତିତା ରାସକି ଆହାମାନେ, “ବାରେଜାଣା ମାହାପୁରୁ ତାଣାଟି ଜାପିନେରି । ଆମ୍ବାଆସି ଆବାତି କାତା ଖେଞ୍ଜାନା ଜାପାମାନେସି, ଏଞ୍ଜାସି ନା ତାଣା ଖାନେସି । ୪୬ ଆମ୍ବାଆସି ଆବାଇଁ ମେସାହିଲଅସି, ଆମ୍ବାଆସି ମାହାପୁରୁ

† ୨:୩୧ ୨:୩୧ ମାନା ଇଚିସାରେ ଇସ୍ରାୟେଲ ଲକୁକି ମାହାପୁରୁ ହାହାମାଟି କାଡ଼ିତି ଦରୁ

ତାଣାଟି ଖାହାମାନାସି, ଖାରଇ ଏଝାସି ମେସାମାନେସି । ୪୭ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଆମ୍ବାଆସି ନାମିନେସି, ଏଝାସି କାଲାକାଲାତି ଜୀଝୁ ବେଟା ଆହାମାନେସି । ୪୮ ନାନୁ ଜୀଝୁତି ରାନ୍ଦାତେଏ । ୪୯ ମୀ ଆକୁ ଆବାୟାଁ ଲକୁ ଡୟାଆ ଟାୟୁତା ମାନା ତିଞ୍ଜାନା, ହାଡେରି । ୫୦ ଆମ୍ବାଆରି ଏନ୍ଦିକଁ ରାନ୍ଦା ତିଞ୍ଜାନା ହାଅରି, ଏଦାଆଁତାକି ଲାକପୁରୁଟି ଖାନ୍ଦି ରାନ୍ଦା ଇଦି ।

୫୧ ନାନୁ ଲାକପୁରୁଟି ଖାହାମାନି ଏ ଜୀଝୁଗାଟି ରାନ୍ଦାତେଏ; ଆମ୍ବାଆସି ଏ ରାନ୍ଦା ତିନେସି, କାଲାକାଲା ତାକି ନୀତିନେସି; ହାଅ, ନାନୁ ଏମିନି ରାନ୍ଦା ହାଇଁ, ଏଝି ନା ଡଙ୍ଗା, ନାନୁ ଏଝାଆଁ ଦାରତିତି ଜୀଝୁତାକି ହାଇଁ ।”

୫୨ ଇ ହାଡା ଖେଞ୍ଜାନା ଜୀହୁଦିୟାଁ କାର୍ବି ଆହାନା ଏଲେଇଶମ୍ବି ଆତେରି, “ଇଝାସି ଏନ୍ଦିକଁ ମାଙ୍ଗେ ତାନି ଡଙ୍ଗା ତିଞ୍ଜାଲି ହିୟାଲି ଆଡାନେସି ?”

୫୩ ଜୀସୁ ଏଝାରାଇଁ ଏଲେଇଚେସି, “ନାନୁ ସାତା ଖେସିମାଞ୍ଜାଇଁ, ମାଣସି ମୀରଏଣି ଡଙ୍ଗା ତିନାଆସାରେ ଅଡେ ତାନି ନେତେରି ଗହଆସାରେ, ମୀ ତାଣା ଜୀଝୁ ହିଲେଏ । ୫୪ ଆମ୍ବାଆସି ନା ଡଙ୍ଗା ତିନେସି ଅଡେ ନା ନେତେରି ଗହନେସି, କାଲାକାଲାତି ଜୀଝୁ ବେଟା ଆନେସି, ଅଡେ ନାନୁ ଏଝାଣାଇଁ ରାନ୍ଦି ଦିନାତା ହାଡାରି ତାଣାଟି ନିକ୍ଲାଇଁ । ୫୫ ଇଚିହଁ ନା ଡଙ୍ଗା ସାତା ରାନ୍ଦା ଅଡେ ନା ନେତେରି ସାତା ଗହନାୟି । ୫୬ ଆମ୍ବାଆସି ନା ଡଙ୍ଗା ତିନେସି ଅଡେ ନା ନେତେରି ଗହନେସି, ଏଝାସି ନା ତାଣା ଡୟିନେସି ଅଡେ ନାନୁ ଏଝାଣି ତାଣା ଡୟିଲାଇଁ । ୫୭ ଜୀଝୁତି ଆବା ନାଙ୍ଗେ ଏନ୍ଦିକଁ ପାଣ୍ଡାମାଞ୍ଜାନେସି ଅଡେ ନାନୁ ତାନିତାଣାଟି ନୀତାମାଇଁ, ଏଲେକିହଁ ଏ ଆମ୍ବାଆସି ନାଙ୍ଗେ ତିଞ୍ଜାନେସି, ଏଝାସି ଜିକେଏ ନା ତାଣାଟି ନୀତିନେସି । ୫୮ ଆମିନି ରାନ୍ଦା ଲାକପୁରୁଟି ଖାହାମାନେ, ଏଦି ଇଦି; ମୀ ଆକୁ ଆବାୟାଁ ଏନ୍ଦିକଁ ତିଞ୍ଜାନା ହାଡେରି, ଇଦି ଏଲେତାୟି ଆଏ, ଆମ୍ବାଆସି ଇ ରାନ୍ଦା ତିନାସି ଏଝାସି କାଲାକାଲା ତାକି ଜୀଝୁତଲେ ଡୟିନେସି ।”

୫୯ ଜୀସୁ କପରନାହୁମତି ର ଜୀହୁଦି ଲକୁତି କୁଟମି ଇଲୁତାଃ ମାହାପୁରୁ ବଲୁ ଖେସିମାଟାଟି ଇ ବାରେ କାତା ଖେସେସି ।

କାଲାକାଲା ଜୀଝୁତି ବଲୁ

୬୦ ଜୀସୁତି ସୀସୁୟାଁ ବିତ୍ରାଟି ହାରେକା ଇ ବାରେ କାତା ଖେଞ୍ଜାନା ଏଲେଇଚେରି, “ଇଦି ଅପାଆଗାଟି କାତା, ଆମ୍ବାଆସି ଇଦାଆଁ ଖେଞ୍ଜାଲି ଆଡିନେସି ?”

୬୧ ଏଝାରି ଇ କାତାତାକି ଖେସପି ଆହିମାନେରି ଇଞ୍ଜଁ ଜୀସୁ ପୁଞ୍ଜାନା ସୀସୁୟାଁଇଁ ଏଲେଇଚେସି, “ଇ କାତା ମିଙ୍ଗେ ଅପାଆଗାଟାୟି ଆହିମାନେ କି ? ୬୨ ଆଡିହଁ ମାଣସି ମୀରଏସି ତଲିଏ ମାଟି ଟାୟୁତା, ଖେଶ୍ଟେ ହାନାଣି ମେସିହଁ, ଏନାଆଁ ଇଞ୍ଜେରି ? ୬୩ ମାହାପୁରୁଟି ଜୀଝୁ ନୀତାଲି ହାନାୟି; ମାଣସିତି ଆଙ୍ଗା ଏନାଆଁ କିୟାଲି ଆଡେଏ; ନାନୁ ମିଙ୍ଗେ ଖେସ୍ତାଡି ବଲୁ ବାରେ, ସୁଦୁଜୀଝୁ

ଅଡେ ନୀତିନି ବଲୁ । ୬୪ ସାମା ମୀ ବିତ୍ରାଟି ଏଚରଜାଣା ନାମିହିଲଅରି” ଇଚିହଁ ଆମ୍ବାଆରି ନାମି ହିଲିଆତେରି ଅଡେ ଆମ୍ବାଆସି ଏଝାଣାଇଁ ସାତୁ କେୟୁତା ହେରପିନେସି ଏଦାଆଁ ଜୀସୁ ତଲିଏ ପୁଞ୍ଜାମାଚେସି । ୬୫ ଅଡେ ଏଝାସି ଏଲେଇଚେସି, “ଏଦାଆଁତାକି ନାନୁ ମିଙ୍ଗେ ଖେସିମାଞ୍ଜାଇଁ, ଆବା ହେଲ ହାଆଡିହଁ ଆମ୍ବାଆସି ନା ତାଣା ଖାୟାଲି ଆଡଅସି ।”

୬୬ ଏ ଦିନାଟିଏ ତାନି ସୀସୁୟାଁ ବିତ୍ରାଟି ହାରେକା ଜାଣା ଅପାଆନାହାଁ ହାଜାତୁସ୍ତେରି, ଇଞ୍ଜା, ଏଝାଣିତଲେ ଅଡେ ହାଲାଆତେରି । ୬୭ ଏମ୍ବାଟିଏ ଜୀସୁ ବାରଜାଣା ସୀସୁୟାଁଣି ଖେଚେସି, “ମୀରୁ ଜିକେଏ ହାଜାଲି ମନ୍ କିହିମାଞ୍ଜେରି କି ?”

୬୮ ଶସିମନ ପିତର ଏଝାଣାଇଁ ଏଲେଇଚେସି, “ପୁରୁ ଆମ୍ବାଆରି ତାଣା ହାନମି ? କାଲାକାଲାତି ଜୀଝୁତି ବଲୁ ନୀ ତାଣା ମାନେ । ୬୯ ନାନୁ, ମାହାପୁରୁ ତାଣାଟି ଖାହାମାନି ଏ ସୁଦୁ ମାଣସିତି ଇଦାଆଁ ମାମ୍ବୁନାମା ମାନମି ଅଡେ ପୁଞ୍ଜାମାନମି ।”

୭୦ ଜୀସୁ ଏଝାରାଇଁ ଏଲେଇଚେସି, “ନାନୁ ଏନାଆଁ ମୀ ବାରଜାଣାତେରି ମିଙ୍ଗେ ଆଡାମାଞ୍ଜଅଁ କି ? ଅଡେ ମୀ ବିତ୍ରାଟି ରଅସି ସୟତାନ ।” ୭୧ ଏଝାସି ଇସ୍ତାରିୟତ ସିମନ ମୀରଏସି ଜୀହୁଦାଇଁ ସିନିକିହାନା ଏଲେଇଚେସି, ଇଚିହଁ ଏଝାସି ବାରଜାଣା ସୀସୁୟାଁ ବିତ୍ରାଟି ରଅସି, ଅଡେ ଏଝାସି ଜୀସୁଇଁ ସାତୁ କେୟୁତା ହେରପାଲି ହାଜିମାଚେସି ।



ଜୀସୁ ଅଡେ ତାନି ତାୟିୟାଁ

୧ ଇଦାଆଁ ତାୟୁ ଜୀସୁ ଗାଲିଲିତା ରେଜିମାଚେସି, ଇଚିହଁ ଜୀହୁଦିୟାଁ ଏଝାଣାଇଁ ପାୟାଲି ଅଣ୍ପି ମାଟାକି ଏଝାସି ଜୀହୁଦା ରାଜିତା ରେଜାଲି ମନ୍ କିହି ହିଲିଆତେସି । ୨ ସାମା ଜୀହୁଦି ଲକୁତି “ଗରାୟାଁ ଗୁଡାତା ବାସାଆନି” ପାରୁଁ ତାଗେ ଖାହିମାଟାକି । ୩ ଜୀସୁତି ତାୟିୟାଁ ଏଝାଣାଇଁ ଏଲେଇଚେରି, “ନାନୁ କିହିମାନି କାମାୟାଁ, ନୀ ସୀସୁୟାଁ ଜିକେଏ ମେହନେରି ଇଦାଆଁତାକି ନାନୁ ଇମ୍ବାଟି ହଡା ହାଜାନା ଜୀହୁଦା ରାଜିତା ହାଲାମୁ । ୪ ଇଚିହଁ ଲକୁତାଣା ଖେଙ୍ଗାଲି ମନ୍ କିନାସି ତାନି କାମା ଡୁଗୁଆଁ କିଅସି । ନାନୁ ଇ ବାରେ କାମା କିହିମାଞ୍ଜି, ଆଡିହଁ ନାନୁ ଦାରତି ନକିତା ତସାକତାମୁ ।” ୫ ଇଚିହଁ ତାନି ତାୟିୟାଁ ଜିକେଏ ତାଙ୍ଗେ ନାମି ହିଲିଆତେରି ।

୬ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ନୀଏଁ ପାତେକା ନା ଦିନା ଏଜାମାଞ୍ଜେଏ, ସାମା ମୀ ଦିନା କାଲେଏ ମାନେ ।”

୭ ଦାରତିତାରି ମିଙ୍ଗେ ଅପାନେରି ସାମା ନାଙ୍ଗେ ଅପଅରି ଏନାଆଁତାକି ଇଚିହଁ ତାନି କାମା ବାରେ ଲାଗେଏତାୟି ଇଞ୍ଜଁ ନାନୁ ସାକି ହୀହାନା ତସିମାଇଁ । ୮ ମୀରୁ ଇ ପାରୁତା ହାଜୁ, ନାନୁ ନୀଏଁ ଇ ପାରୁତା ହାଜିହିଲଅଁ, ଇଚିହଁ ନା

‡ ୨:୫୯ ୨:୫୯ ସିନଗର ✨ ୨:୬୮ ୨:୬୮ ମାଡି ୧୭:୧୭; ମାର୍କ ୮:୨୯; ଲୁକ ୯:୨୦

ଦିନା ଖାହାହିଲେଏ । ୯ ଏଝାସି ଏଝାରାଇଁ ଇ ବାରେ କାତା
ଝେସାନା ଗାଲିଲିତା ଡ଼ୟିତେସି ।

ଗରାୟିଁ ଗୁଡ଼ାତା ବାସାଆନ୍ତି ପାର୍ବୁତା ଜୀସୁ

୧୦ ଜୀସୁତି ତାୟିୟାଁ ଏ ପାର୍ବୁତା ହାତି ଡାୟୁ, ଜୀସୁ
ଜିକେଏ ହାଚେସି ସାମା ଲକୁ ମେହୁଆରେଚୁ ମେଶେଏ
ହାଚେସି । ୧୧ ପାର୍ବୁ ବେଲାତା ଜୀହୁଦି ଲକୁ ଏଝାଣାଇଁ ପାରି
ପାରିହୁଁ, “ଏଝାସି ଏମ୍ବିୟା ମାନେସି ଇଞ୍ଜିଁ ଝେଚେରି ?”

୧୨ ବାରେ ଲକୁ ଏଝାଣି ତାକି କିଲିବିଲି ଆହିମାଚେରି,
ଏଚରଜାଣା “ଏଝାସି ନେହୁଁ ମାଣସି” ଇଚେରି; ଅଡ଼େ
ଏଚରଜାଣା “ଆଏ, ଏଝାସି ଲକୁଣି ନାଡ଼ି କିହିମାନେସି”
ଇଞ୍ଜିଁ ଇଚେରି । ୧୩ ସାମା ଜୀହୁଦିୟାଁ ଆଜିତାକି ଆମ୍ବାଆରି
ତାନି କାତା ପାଞ୍ଚାଝେଞ୍ଚେ ଝେସି ହିଲାଆଚେରି ।

୧୪ ସାମା ପାର୍ବୁତି ମାଦି ପାଚେକା ରାହାଲିଏ, ଜୀସୁ
ମାହାପୁରୁ ଇଲୁତା ହାଜାନା ଜାପୁହାଲି ମାଟୁହେସି ।
୧୫ ଏମ୍ବାଟିଏ ଜୀହୁଦିୟାଁ କାବାଆହାନା ଏଲେଇଚେରି,
“ଇଝାସି ପାଟା ଜାପାଆନାହାଁ ଏନିକିଁ ଇଚେକା ବୁଦି
ପୁଚେସି ?”

୧୬ ଜୀସୁ ଏଝାରାଇଁ ଏଲେଇଚେସି, “ନାନୁ
ଜାପୁହିମାନାୟି ନା ତାଣାଟି ଆଏ, ସାମା ନାଞ୍ଚେ
ପାଣ୍ଡାତାଣାଝାୟି । ୧୭ ଆମ୍ବାଆସି ତାନି ଅଣ୍ପୁ ତଲେ
କିହାଲି ଅଣ୍ପିନେସି, ଆଡ଼ିସାରେ ଇ ଜାପୁନାୟି ମାହାପୁରୁ
ତାଣାଟି ଝାହାମାନେ, କି, ନା ତାଣାଟି ଝେସିମାଇଁ, ଏଦାଣି
ଏଝାସି ପୁନେସି । ୧୮ ଆମ୍ବାଆସି ନାଦିଏ ଇନେସି, ଏଝାସି
ତାନି ଗାଝୁରମି ପାରିନେସି, ସାମା ଆମ୍ବାଆସି ତାଞ୍ଚେ
ପାଣ୍ଡାମାଞ୍ଚାନାଣା ଗାଝୁରମି ପାରିନେସି, ଏଝାସି ସାତା, ଅଡ଼େ
ଏଝାଣି ତାଣା ଏନାୟି ଲାଗେଏ କିନାୟି ହିଲେଏ । ୧୯ ମସା
ମିଞ୍ଚେ ମେରା ହାହାମାଞ୍ଚାଅସି କି ? ଆଡ଼ିଜିକେଏ ମୀ ବିତ୍ରାଟି
ଆମ୍ବାଆଚେରି ମେରାତି ମାନଝି ଆହି ହିଲଅଚେରି, ମୀରୁ
ଏନାଆଁତାକି ନାଞ୍ଚେ ପାୟିଲି ଅଣ୍ପିମାଞ୍ଚାଦେରି ?”

୨୦ ଲକୁ ବାରେ ଏଲେଇଚେରି, “ନିଞ୍ଚେ ବୁଡୁ
ଆଲଗାମାଞ୍ଚାନେ, ନିଞ୍ଚେ ଆମ୍ବାଆସି ପାୟିଲି ଅଣ୍ପି
ମାଞ୍ଚାନେସି ?”

୨୧ ଜୀସୁ ଏଝାରାଇଁ ଏଲେଇଚେସି, “ନାନୁ ର କାବାଆନ୍ତି
କାମା କିଚେଏଁ, ଅଡ଼େ ମୀରୁ ବାରେ କାବା ଆଡ଼େରି ।
୨୨ ଇଦାଆଁତାକି ମସା ମିଞ୍ଚେ ତଲୁ ଦାପି କିନି ମେରା
ହାହାମାଞ୍ଚାନେସି, ଇ ମେରା ମସା ତାଣାଟି ଆହାମାନେ,
ଏଦି ଆଏ, ସାମା ଆକୁ ଆବାୟାଁ ତାଣାଟି, ଇଞ୍ଜାଁ ମୀରୁ
ଜମିନି ଦିନାତା ଜିକେଏ କକାରି ତଲୁ ଦାପି କିହିମାଞ୍ଚେରି
? ୨୩ ଚିଜମିନି ଦିନାତା ର କକାଣି ତଲୁ ଦାପି କିନାଣିତାକି
ମସାତି ମେରା ଉରିହିଲଅଚେରି, ଆଡ଼ିହୁଁ ନାନୁ ଜମିନି
ଦିନାତା ର ମାଣସିତି ଗୁଡ଼ା ଆଞ୍ଚା ନେହୁଁ କିୟାଲିଏ ମୀରୁ
ନାଞ୍ଚେ ଏନାଆଁତାକି କପା ଆହିମାଞ୍ଚାଦେରି ? ୨୪ ଝାରଇ
ଲାକ ଲାକ କାତା ମେସାନା ନାହାଁୟି କିଆଦୁ ସାତା ତଲେ
ନାହାଁୟି କିଦୁ ।”

ଇଝାସି ଏନାଆଁ ମସିହା ?

୨୫ ଏଚେଟିଏ ଜିରୁସାଲମତା ମାନାରି ବିତ୍ରାଟି ଏଚରଜାଣା
ଝେସପି ଆଡ଼େରି, “ଆମ୍ବାଆରାଇଁ ଇଝାରି ପାୟିଲି
ଅଣ୍ପିମାନେରି ଇଝାସି ଏଝାସି ଆଏକି ? ୨୬ ଅଡ଼େ ମେହୁଦୁ,
ଏଝାସି ଲକୁ ପୁଣ୍ଡେ କାତା ଝେସିମାନେସି, ଇଞ୍ଜାଁ ଏଝାଣାଇଁ
ସାଲଝି କିନାରି ଏନାଆଁ କିହିହିଲଅରି । ଏଝାସି କ୍ରୀସୁ ଇଞ୍ଜିଁ
ଏଝାରି ଏନାଆଁ ସାତା ତଲେ ପୁଚେରି କି ? ୨୭ ଆଡ଼ିହୁଁ
ଏଝାସି, ଆମ୍ବିଟି ଝାହାମାନେସି, ଇଦାଆଁ ମାର ପୁଞ୍ଚାମାନାୟି,
ସାମା କ୍ରୀସୁ ଏଚିବେଲା ଝାନେସି, ଏଚିବେଲାତା ଆମ୍ବାଆସି
ପୁନଅସି, ଇଚିହୁଁ ଏଝାସି ଆମ୍ବିଟି ଝାହାମାନେସି ।”

୨୮ ଜୀସୁ ମାହାପୁରୁ ଇଲୁତା ମାହାପୁରୁ କାତା ଝେସି
ଝେସିହୁଁ କାଜା ଗିୟାତଲେ ଏଲେଇଚେସି, “ମୀରୁ
ସାଚେଏ ନାଞ୍ଚେ ପୁଞ୍ଚାମାଞ୍ଚାଦେରି ଅଡ଼େ ନାନୁ ଏମ୍ବିଟି
ଝାହାମାଇଁ ଏନାଆଁ ସାଚେଏ ପୁଞ୍ଚାମାଞ୍ଚେରି; ନାନୁ ନା ଅଣ୍ପୁ
ତଲେ ଝାହାହିଲଅଁ, ସାମା ନାଞ୍ଚେ ପାଣ୍ଡାତାସି ଏଝାସି ସାତା,
ମୀରୁ ଏଝାଣାଇଁ ପୁଞ୍ଚାହିଲଅଚେରି । ୨୯ ନାନୁ ଏଝାଣାଇଁ
ପୁଞ୍ଚାମାଇଁ, ଇଚିହୁଁ ନାନୁ ଏଝାଣି ତାଣାଟି ଝାହାମାଇଁ,
ଅଡ଼େ ଏଝାସି ନାଞ୍ଚେ ପାଣ୍ଡାଚେସି ।”

୩୦ ଏମ୍ବାଟିଏ ଜୀସୁଇଁ ଆସାଲି ତାକି ଅଣ୍ପିଚେରି; ସାମା
ଆମ୍ବାଆରି କେୟୁ ଏଝାଣି ମୁହେଁ ଏଆଚେ, ଇଚିହୁଁ
ଏଝାଣାଇଁ ଆହୁନି କାରୁ ଏଚେତା ଏଜାହିଲାଆଚେ ।
୩୧ ସାମା ଲକୁ ବିତ୍ରାଟି ହାଚେକା ଏଝାଣି ତାଣା ନାମାନା
ଏଲେଇଚେରି, “ଇଝାସି ଏନି ଏନି କାବାଆନ୍ତି କାମା ବାରେ
କିହିମାନେସି, କ୍ରୀସୁ ଝାହାନା ଇଝାଣି କିହାଁ ଏନାଆଁ ଆଗାଡ଼ା
କିନେସି ?”

ଜୀସୁଇଁ ଦସାଲି କସକାଣି ପାଣ୍ଡିନାୟି

୩୨ ଲକୁ ଜୀସୁ କାତା ତାନି ବିତ୍ରା ଝେସପି ଆହିମାଚାଣି
ପାରୁସିୟାଁ ଝେଚେରି ଅଡ଼େ ପାରୁସିୟାଁ ଅଡ଼େ କାଜା
ପୂଜେରାଞ୍ଚା ଜୀସୁଇଁ ଦସାଲି ଜାମାନାଞ୍ଚାଣି ପାଣ୍ଡିଚେରି
। ୩୩ ଏମ୍ବାଟିଏ ଜୀସୁ ଏଲେଇଚେସି, “ନାନୁ ମୀ ତଲେ
ଗାଡ଼େକା ତାକି ଡ଼ୟାହାଁ ନାଞ୍ଚେ ପାଣ୍ଡାତାଣା ତାଣା ହାଇଁ ।
୩୪ ମୀରୁ ନାଞ୍ଚେ ପାରାଦେରି, ସାମା ମେଡ଼ାଆୟଅଚେରି;
ଅଡ଼େ, ନାନୁ ଏମ୍ବିୟା ମାଇଁ, ମୀରୁ ଏମ୍ବାଆଁ ଝାହାଲି
ଆଡ଼ଅଚେରି ।”

୩୫ ଜୀହୁଦିୟାଁ ତାମ୍ବୁ ତାମ୍ବୁ ଝେସପି ଆଡ଼େରି,
“ଇଝାସି ଆମ୍ବିୟା ହାଜିମାନେସି, ମାର ଏଝାଣାଇଁ
ବେଗାଆହାଲି ଆଡ଼ାଆୟି ଏନାଆଁ ଇଝାସି ଇତାଲା
ଆତାଲା ଜାଞ୍ଚାହାଜାମାନି ଗ୍ରିକ ଲକୁଇଁ ଜାପୁହାଲି
ହାଜିମାନେସି କି ?” ୩୬ “ମୀରୁ ନାଞ୍ଚେ ପାରାଦେରି, ସାମା
ବେଗାଆୟଅଚେରି, ଅଡ଼େ ନାନୁ ଏମ୍ବିୟା ମାଇଁ, ମୀରୁ
ଏମ୍ବାଆଁ ଝାହାଲି ଆଡ଼ଅଚେରି, ଇଞ୍ଜିଁ ଏଝାସି ଝେସ୍ତାତି ଇ
କାତା ଏନାୟି ଇଞ୍ଜିଁ ଝେସପି ଆଡ଼େରି ?”

ଜୀଝୁହାନି ଜାରଣା ଏୟୁ

୩୭ ରାନ୍ତି ଦିନା, ଇଚିସାରେ ପାର୍ବୁତି କାଜା ଦିନା, ଜୀସୁ
ନିତାନା କାଜା ଗିୟାତଲେ ଏଲେଇଚେସି, ଆମ୍ବାଆସି

☆ ୭:୨୩ ୭:୨୩ ଜହ ୫:୯

ଏସକି ଆଡ଼ିହୁଁ, ଏଞ୍ଜାସି ନା ତାଗେ ଖାହାନା ଗସ୍‌ପେସି । ୩୮ ଅଡ଼େ ଆମ୍ବାଆସି ନା ତାଣା ନାମିନେସି, “ଦାମ୍ବୁ ପତିତା ରାସକି ଆହାମାନି ଲେହେଁ, ଏଞ୍ଜାଣି ହିୟାଁଟି ଜୀଞ୍ଜୁତି ଜାରଣା ଏୟୁ ହନୁ* ।” ୩୯ ଜୀସୁ ସୁଦୁଜୀଞ୍ଜୁତି କାତା ଖେସିମାଚେସି, ଆମିନି ଗାଗାରି ଜୀସୁ ତାଣା ନାମି ମାଚେରି, ଏଞ୍ଜାରି ସୁଦୁଜୀଞ୍ଜୁ ବେଟାଆନାୟି ମାଚେ, ଜୀସୁ ଗାଞ୍ଜୁରମି ବେଟାଆହା ହିଲାଆତାକି ଏଞ୍ଜାରାକି ଏଡ଼େତା ସୁଦୁଜୀଞ୍ଜୁ ହାପକି ଆହାହିଲାଆତେ ।

ଲକୁ ବିତ୍ରା ବାଗା ଆନାୟି

୪୦ ଏଡ଼େତା, ଲକୁ ଏ କାତା ଖେଚେରି, ଏଞ୍ଜାରି ବିତ୍ରାଟି ଏଚରଜାଣା ଏଲେଇଚେରି, “ଇଞ୍ଜାସି ସାତେଏ ମାହାପୁରୁ ଅଣ୍‌ପୁତି ବଲୁ ଖେହନାସି ।”

୪୧ ଏଚକାତାରି ଏଲେଇଚେରି, “ଏଞ୍ଜାସି ମସିହା !”† ସାମା ଆମ୍ବା ଆମ୍ବାଆରି ଏଲେଇଚେରି, “ମସିହା !‡ ଏନାଆଁ ଗାଲିଲିଟି ଖାନ୍‌ନେସି କି ? ୪୨ ଦାମ୍ବୁ ସାଢ଼େସ୍‌ରିତା ରାସକି ଆହାମାନେ, କ୍ରୀସ୍ତ ଦାଞ୍ଜୁଦ ରାଜା କୁଡ଼ାଟି ଇଞ୍ଜା ଦାଞ୍ଜୁଦ ଏମିନି ଚାମୁଡ଼ା ବାସା ଆହାମାଚେସି, ଏ ବେତଲିହିମ ନାୟୁଁଟି ଖାନ୍‌ନେସି ।” ୪୩ ଇଦାଆଁତାକି ଲକୁ ତାମି ବିତ୍ରାଟି ଏଞ୍ଜାଣି ତାକି ବାଗା ଆଡ଼େରି; ୪୪ ଅଡ଼େ, ତାମି ବିତ୍ରାଟି ଆମ୍ବା ଆମ୍ବାଆରି ଏଞ୍ଜାଣାଇଁ ଆସାଲି ଅଣପି ମାଚେରି, ସାମା ଆମ୍ବା ଆମ୍ବାଆରି ତାମି ଲାକ କେୟୁ ଇଟାଲି ଆଡ଼ାଆତେରି ।

ସାଲଞ୍ଜି କିନି ଜୀହୁଦିୟାଁ ନାମାଆ ଗାଗାୟି

୪୫ ଏଚେଟିଏ ଜାମାନାଙ୍ଗା କାଜା ପୂଜେରା ଅଡ଼େ ପାରୁସିୟାଁ ତାଣା ଖେଣ୍ଡା ହାଚେରି, ଅଡ଼େ ଏଞ୍ଜାରି ଏଞ୍ଜାରାଇଁ ଖେଚେରି, “ଏଞ୍ଜାଣାଇଁ ଏନାଆଁତାକି ଆସା ତାଆତେରି ?”

୪୬ ଜାମାନାଙ୍ଗା ଏଞ୍ଜାରାଇଁ ଏଲେଇଚେରି, “ଇ ମାଣ୍‌ସି ଏନିକିଁ ହାଡ଼ା ଖେହନାସି, ଏଲେକିହୁଁ ଏମିନି ମାଣ୍‌ସି ଏଚେଲା ଖେସାହିଲଅସି ।”

୪୭ ପାରୁସିୟାଁ ଏଞ୍ଜାରାଇଁ ଏଲେଇଚେରି, “ଏନାଆଁ ମୀରୁ ଜିକେଏ ନାଡ଼ିକିଞ୍ଜି ଆଡ଼େରି ? ୪୮ ପାରୁସିୟାଁ ବିତ୍ରାଟି କି ସାଲଞ୍ଜି କିନାରି ବିତ୍ରାଟି ଆମ୍ବାଆରି ଏଞ୍ଜାଣି ତାଣା ନାମାମାନେରି କି ? ୪୯ ସାମା ଇ ଏମିନି ଲକୁ ମସାତି ମେରା ପୁଞ୍ଜାହିଲଅରି, ଏଦାଆଁତାକି ଇଞ୍ଜାରି ବାକା ଗାଟି ଲକୁ ।”

୫୦ ☆ଏମିନି ନିକଦିମ ଇଦାଆଁ ନଚକଏ ଜୀସୁଇଁ ମେସାଲି ତାକି ଖାହାମାଚେସି ଇଞ୍ଜା ଏଞ୍ଜାସି ଏଞ୍ଜାରି ବିତ୍ରାଟି ପାରୁସି ମାଚେସି, ଏଞ୍ଜାସି ଏଞ୍ଜାରାଇଁ ଖେଚେସି, ୫୧ “ରଅଣି ତାଣାଟି ନଚକଏ ଖେନାଆନା ଇଞ୍ଜା ତାମି ମାଣ୍‌କି ପୁନାଆନା ମା ମସାତି ମେରା ଏନାଆଁ ଏଞ୍ଜାଣାଇଁ ଦହ କିନେ ?”

୫୨ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ନୀନୁ ଜିକେଏ ଏନାଆଁ ଗାଲିଲି ଲକୁ କି ? ଗାଲିଲିଟି ଏନି ମାହାପୁରୁ ଅଣ୍‌ପୁତି ବଲୁ ଖେହନାରି ଏଚେଲା ଖାହାଲି ଆଡ଼ଅରି, ଇଦାଆଁ ସାଢ଼େସ୍‌ରିତା ସିନିକିମ୍ବୁ ।” ୫୩ ଅଡ଼େ ଏଞ୍ଜାରି ବାରେଜାଣା ଜାହାରା ଇଜ ହାଚେରି ।

୮

ଦାରେଣି ଆୟାଟି

୧ ସାମା ଜୀସୁ ଜୀତ ହରୁତା ହାଚେସି । ୨ ଅର ଦିନା ଲାକ ଏଞ୍ଜାସି ମାହାପୁରୁ ଇଲୁତା ଖେଣ୍ଡା ଖାଡ଼େସି, ଅଡ଼େ, ବାରେ ଲକୁ ଏଞ୍ଜାଣି ତାଣା ଖାହାଲିଏ, ଏଞ୍ଜାସି କୁଗାନା ଜାପୁହାଲି ମାଟୁହେସି । ୩ ମେରା ଜାପୁନାରି ଅଡ଼େ ପାରୁସିୟାଁ ଦାରି କାମାତା ଆସପି ଆହାମାନି ର ଇୟାନ୍‌ନି ତାଚେରି, ବାରେଜାଣା ନକିତା ନିପହାନା ଜୀସୁଇଁ ଏଲେଇଚେରି । ୪ “ଗୁରୁ, ଇ ଇୟା ଦାରିକାମା କିହିମାଚାଟି ଆସପି ଆଚେ । ୫ ଇଲେତି ଇୟାସିକାଣି ଖାଲକା କୁତାନା ଖେଚାଲିତାକି ମସା ମା ମେରାତା ହୁକୁମି ହାହାମାଞ୍ଜାନେସି; ଆଡ଼ିହୁଁ ନୀନୁ ଏନାଆଁ ଖେସିମାଞ୍ଜାଦି ?” ୬ ଏଞ୍ଜାରି ଜୀସୁଇଁ ଏନିକିଁ ପାନ୍‌ତା ମେଡ଼ହାଲି ଆଡ଼ିନେରି, ଇଦାଆଁତାକି ଏଞ୍ଜାରି ଏଞ୍ଜାଣାଇଁ ତାୟିପାରି କିହାଲି ଖେଚେରି, ସାମା ଜୀସୁ ମୁନୁକାପାନା ଖାଞ୍ଜୁ ତଲେ ବୁମିତା ରାଚାଲି ମାଟୁହେସି ।

୭ ଏଞ୍ଜାରି ଏମ୍ବାଆଁ ନିଚାନା ଖେଣ୍ଡେ ଖେଞ୍ଜାଲିଏ, ଜୀସୁ ତାୟିଁ ପେରହାନା ଏଞ୍ଜାରାଇଁ ଏଲେଇଚେସି, “ମୀ ବିତ୍ରାଟି ଆମ୍ବାଆସି ଏଚେଲା ଏନି ପାପୁ କିହାହିଲଅସି, ଏଞ୍ଜାସି ମଲୁ ଖାଲି କୁତାପେସି ।” ୮ ଅଡ଼େ ଖେଣ୍ଡେ ଜୀସୁ ମୁନୁକାପାନା ବୁମିତା ରାଚାଲି ମାଟୁହେସି । ୯ ଜୀସୁଟି ହାଡ଼ା ଖେଞ୍ଜାନା ଏଞ୍ଜାରି କାଜାରିଟିଏ ମାଟୁହାଁ ରଅଣି ଜେଚ ରଅସି ହାଜାଲି ମାଟୁହେରି, ଏମ୍ବାଆଁ ଖାରଇ ଜୀସୁ ଅଡ଼େ ମାଦି ମାନି ଏ ଇୟା ତୟିତେ । ୧୦ ଜୀସୁ ତାୟିଁ ପେରହାନା ଏଦାନି ଏଲେଇଚେସି, “ଏ ଇୟା ଏଞ୍ଜାରି ଏମ୍ବିୟା ? ଆମ୍ବାଆରି ନିକେ ତଣ୍ଡ ହାହାଲି ହିଲଅରି କି ?”

୧୧ ଏଦି ଏଲେଇଚେ, “ଆଏ, ପୁରୁ, ଆମ୍ବାଆରି ହିଲଅରି ।”

ଏମ୍ବାଟିଏ ଜୀସୁ ଏଦାନି ଏଲେଇଚେସି; “ନୀନୁ ଜିକେଏ ନିକେ ତଣ୍ଡ ହିୟଅଁ; ହାଲାମ୍ବୁ, ସାମା ଅଡ଼େ ପାପୁ କିଆନି* ।”

ଜୀସୁ ଦାର୍‌ତିତି ଉଜେଡ଼ି

୧୨ ☆ଜୀସୁ ଖେଣ୍ଡେ ପାରୁସିୟାଁଇଁ ଏଲେଇଚେସି, “ନୀନୁ ଦାର୍‌ତିତି ଉଜେଡ଼ି, ଆମ୍ବାଆସି ନା ଜେଚ ଖାନ୍‌ନେସି, ଏଞ୍ଜାସି ଜୀଞ୍ଜୁତି ଉଜେଡ଼ି ବେଟା ଆନ୍‌ନେସି ଅଡ଼େ ଏଚେଲା ଜିକେଏ ଆନ୍‌ନେରିତା ତାକଅସି ।”

୧୩ ☆ପାରୁସିୟାଁ ଏଞ୍ଜାଣାଇଁ ଏଲେଇଚେରି, “ନୀଏଁ ନୀନୁ ନିକେତାକି ସାକି ହାହିମାଞ୍ଜି, ନୀନୁ ଏନାଆଁ ଏଲେ ଇଞ୍ଜିମାଞ୍ଜି ଏଦି ସାତା ପାରମାଣା ହିଲାଆଗାଟାୟି ।”

୧୪ ଜୀସୁ ଏଞ୍ଜାରାଇଁ ଏଲେଇଚେସି, “ଆଏ ନୀନୁ ନା ତାକି ସାକି ହାଡ଼ି ଜିକେଏ, ନୀନୁ ଏନାଆଁ ଖେସିମାଞ୍ଜାଇଁ ଏଦି ସାତା, ଇଡ଼ିହୁଁ ନୀନୁ ଆମ୍ବିଟି ଖାହାମାଇଁ ଅଡ଼େ ଏମ୍ବିୟା ହାଜିମାଇଁ ଏଦାଆଁ ପୁଞ୍ଜାମାଇଁ, ମୀରୁ ପୁଞ୍ଜାହିଲଅଚେରି ଏମ୍ବାଟି ଖାଲି ଅଡ଼େ ଏମ୍ବିୟା ହାଇଁ । ୧୫ ମୀରୁ ଖାରଇ ମାଣ୍‌ସିୟାଁ ଲେହେଁ ବିଚାରା କିହିମାଞ୍ଜେରି, ନୀନୁ ଆମ୍ବାଆରି ବିଚାରା କିଅଁ ।

* ୭:୩୮ ୭:୩୮ ଇ କାତା ପୁଞ୍ଜାଇ ପତିତା ହିଲେଏ † ୭:୪୧ ୭:୪୧ କ୍ରୀସ୍ତ ‡ ୭:୪୧ ୭:୪୧ କ୍ରୀସ୍ତ ☆ ୭:୫୦ ୭:୫୦ ଜହ ୩:୧,୨ * ୮:୧୧ ୮:୧୧ ଇ ବାରେ କାତା ବାରେ ପତିତା ହିଲେଏ ☆ ୮:୧୨ ୮:୧୨ ମାତି ୫:୧୪; ଜହ ୯:୫ ☆ ୮:୧୩ ୮:୧୩ ଜହ ୫:୩୧

୧୬ ସାମା ନାନୁ ବିଚାରା କିଲ୍, ଆଡ଼ିଜିକେଏ ନା ବିଚାରା ସାତା; ଇତିହିଁ ନାନୁ ରଅତେଏଁ ଆଏ ସାମା ଏମିନି ଆବା ନାଙ୍ଗେ ପାଣ୍ଡାମାଞ୍ଜାନାସି ନା ତଲେ ମାନେସି । ୧୭ ମୀ ମସାତି ମେରାତା ରାସ୍‌କି ଆହାମାନେ, ରିଆରି ସାକି ହାଡ଼ା ରଲେଏ ଆଡ଼ିସାରେ, ଏଞ୍ଜାରି ଏନାଆଁ ଇନେରି ଏଡ଼ି ସାତା । ୧୮ ନାନୁ ନାଙ୍ଗେତାକି ସାକି ହାହିମାଲ୍, ଅଡ଼େ, ନାଙ୍ଗେ ପାଣ୍ଡାମାଞ୍ଜାନି ଆବା ଜିକେଏ ନା ଝାକିଟି ସାକି ହାହିମାନେସି ।”

୧୯ ଏଞ୍ଜାଣାଲ୍ ଏଞ୍ଜାରି ଝେରେରି, “ନୀ ଆବା ଏମ୍ବିୟା ?” ଜୀସୁ ଏଲେଇରେସି, “ନାଙ୍ଗେ କି ନା ଆବାଲ୍ ମୀରୁ ପୁଞ୍ଜାହିଲଅତେରି; ନାଙ୍ଗେ ପୁଞ୍ଜାତିହିଁମା, ନା ଆବାଲ୍ ଜିକେଏ ପୁରେରିମା ।”

୨୦ ମାହାପୁରୁ ଇଲୁତି ଦାନା ଇଚିନି ବାକ୍ରାତା ଜୀସୁ ଏ ବାରେ କାତା ଜାପୁହିମାରେସି, ସାମା ଆମ୍ବାଆରି ଜିକେଏ ଏଞ୍ଜାଣାଲ୍ ଆହୁଆତେରି ଏନାଆଁତାକି ଇତିହିଁ ତାନି ବେଲା ଝାହା ହିଲାଆତେ ।

ନାନୁ ହାନି ତାଣା ମୀରୁ ହାଜାଲି ଆଡ଼ଅତେରି

୨୧ ଜୀସୁ ଅଡ଼େ ଝେଣ୍ଡେ ଏଞ୍ଜାଣାଲ୍ ଏଲେଇରେସି, “ନାନୁ ହାଜିମାଲ୍, ମୀରୁ ନାଙ୍ଗେ ପାରାଦେରି, ଅଡ଼େ ମୀରୁ ମୀ ପାପୁତା ହାଦେରି । ନାନୁ ଏମ୍ବିୟା ହାଜିମାଲ୍, ଏମ୍ବାଆଁ ମୀରୁ ହାଜାଲି ଆଡ଼ଅତେରି ।”

୨୨ ଇଞ୍ଜା ଜୀହୁଦିୟାଁ ଏଲେଇରେରି, “ଇଞ୍ଜାସି ଏନାଆଁ ହାହାଲି ଏଲେଇଞ୍ଜି ମାନେସି, ନାନୁ ଏମ୍ବିୟା ହାଲ୍ ମୀରୁ ଏମ୍ବାଆଁ ହାଜାଲି ଆଡ଼ଅତେରି ?”

୨୩ ଜୀସୁ ଏଞ୍ଜାଣାଲ୍ ଏଲେଇରେସି, “ମୀରୁ ଇ ଡ଼ଇପୁରୁଟି ଜାର୍ନା ଆହାମାଞ୍ଜେରି, ସାମା ନାନୁ ଲାକଟି ଝାହାମାଲ୍ । ମୀରୁ ଇ ଦାର୍ଡିଟି, ନାନୁ ଇ ଦାର୍ଡିଟି ଆଏ । ୨୪ ଏଦାଆଁତାକି ନାନୁ ଝେସିମାଞ୍ଜାଲ୍, ମୀରୁ ମୀ ପାପୁ ତଲେ ହାଦେରି । ନାନୁ ଏଞ୍ଜାତେଏଁ ଇଞ୍ଜିଁ ଝେସ୍ତାସାରେ ମୀରୁ ନାମାଆସାରେ, ମୀ ପାପୁତା ହାଦେରି ।”

୨୫ ଏମ୍ବାଟିଏ ଏଞ୍ଜାରି ଏଞ୍ଜାଣାଲ୍ ଝେରେରି, “ନାନୁ ଆମ୍ବାଆତି ?”

ଜୀସୁ ଏଞ୍ଜାଣାଲ୍ ଏଲେଇରେସି, “ଇ ହାଡ଼ା ନାନୁ ମୂଲୁଟିଏ ଝେସାମାଞ୍ଜାଲ୍ । ୨୬ ମିଙ୍ଗେତାକି କାତା ଜଲ୍ଲାଲି ଅଡ଼େ ବିଚାରା କିହାଲି ନା ତାଣା ହାରେକା କାତା ମାନେ; ସାମା ନାଙ୍ଗେ ପାଣ୍ଡାମାଞ୍ଜାନାସି, ଏଞ୍ଜାସି ସାତା, ଅଡ଼େ ନାନୁ ଏନାଆଁ ଝେଞ୍ଜାମାଲ୍; ଏ ବାରେ ଦାର୍ଡିଟି ଝେସିମାଲ୍ ।”

୨୭ ଏଞ୍ଜାସି ମାହାପୁରୁ ଆବା କାତା ଝେସିମାରେସି, ଏଞ୍ଜାରି ତେଲ୍‌ହାଲି ଆଡ଼ାଆତେରି । ୨୮ ଏଦାଆଁତାକି ଜୀସୁ ଏଲେଇରେସି; “ଏଡ଼େତା ମୀରୁ ମାଣସି ମୀରୁଏଣାଲ୍ ଗାଝୁରମି ହାଦେରି, ଏଡ଼େତା ନାନୁ ଏ ମାଣସିତେଏଁ ଅଡ଼େ ନାନୁ ଜାହାରାଝାଣି ଏନାଆଁ କିଆନା, ଆବା ନାଙ୍ଗେ ଏନିକିଁ ଜାପୁହା ମାଞ୍ଜାନେସି, ଏଲେକିଁ ଇ ବାରେ କାତା ଝେସିମାଞ୍ଜାଲ୍ ଇଦାଆଁ ମୀରୁ ପୁଞ୍ଜାଲି ଆଡ଼ିଦେରି । ୨୯ ଆମ୍ବାଆସି ନାଙ୍ଗେ ପାଣ୍ଡାମାଞ୍ଜାନାସି ଏଞ୍ଜାସି ନା ତଲେ

ମାନେସି, ଏଞ୍ଜାସି ନାଙ୍ଗେ ରଅତେଏଁ କିହିଁ ପିସାମାଞ୍ଜଅସି, ଇତିହିଁ ନାନୁ ତାନି ରାହାଁ ଆନି କାମା କିଲ୍ ।”

୩୦ ଜୀସୁ ଇ ବାରେ ହାଡ଼ା ଝେଞ୍ଜାନା ହାରେକା ଜାଣା ତାନି ତାଣା ନାମିତେରି ।

ପିସପିଆଡ଼ି ଲକୁ ଅଡ଼େ କଡ଼ିତି ହଲ୍ଲିୟାଙ୍ଗା

୩୧ ଏମ୍ବାଟିଏ ଜୀସୁ ତାନି ତାଣା ନାମିତି ଜୀହୁଦିଙ୍ଗାଣି ଏଲେଇରେସି, “ନା ବଲୁତା ତାରିଆହାଁ ଡ଼ୟିଦେରି, ଆଡ଼ିହିଁ ମୀରୁ ସାତେଏ ନା ସୀସୁୟାଁତେରି । ୩୨ ମୀରୁ ସାତାତି ପୁଞ୍ଜେରି ଅଡ଼େ ଏ ସାତା ମିଙ୍ଗେ ଗେଲ୍‌ପାନେ ।”

୩୩ ଏଞ୍ଜାରି ଏଞ୍ଜାଣାଲ୍ ଏଲେଇରେରି, “ମାମ୍ବୁ ଅବ୍ରାହାମତି କୁଡ଼ାତମି, ଅଡ଼େ ଏରେଲା ଆମ୍ବାଆରି ହଲ୍ଲିୟା ଆହାହିଲଅମି, ଆଡ଼ିହିଁ ମୀରୁ ମୁକ୍‌ଲଞ୍ଜି ଆଦେରି ଇଞ୍ଜିଁ ଏନିକିଁ ଝେସିମାଞ୍ଜାଦି ?”

୩୪ ଜୀସୁ ଏଞ୍ଜାଣାଲ୍ ଏଲେଇରେସି, “ନାନୁ ମିଙ୍ଗେ ସାତା ଝେସିମାଞ୍ଜାଲ୍, ଆମିନିଗାଟାସି ପାପୁ କିନେସି, ଏଞ୍ଜାସି ପାପୁତି ହଲେଏସି । ୩୫ ହଲେଏସି କାଲେଏ ତାକି ଇଲୁ କୁଟମିତା ଡ଼ୟିଅସି, ମୀରୁଏସି ଇଲୁ କୁଟମିତା କାଲେଏ ତାକି ଡ଼ୟିନେସି । ୩୬ ମୀରୁଏସି ମିଙ୍ଗେ ମୁକ୍‌ଲଞ୍ଜି କିୟାନେସି, ମୀରୁ ସାତେଏ ମୁକ୍‌ଲଞ୍ଜି ଆଦେରି । ୩୭ ମୀରୁ ଅବ୍ରାହାମତି କୁଡ଼ାତାତେରି ନାନୁ ପୁଞ୍ଜାମାଲ୍; ସାମା ନା ବଲୁ ମୀ ହିୟାଁତି ଟାୟୁତା ହିଲାଆକି ମୀରୁ ନାଙ୍ଗେ ପାୟାଲି ଅଣପିମାଞ୍ଜେରି । ୩୮ ନା ଆବା ତାଣା ନାନୁ ଏନାଆଁ ମେସାମାଲ୍, ଏ ବାରେ ନାନୁ ଝେସିମାଞ୍ଜାଲ୍ । ଏଦାଆଁତାକି ମୀରୁ ଜିକେଏ ମୀ ଆବା ତାଣାଟି ଏନାଆଁ ଝେଞ୍ଜାମାଞ୍ଜେରି ଏ ବାରେ କିଦୁ ।”

୩୯ ଏଞ୍ଜାରି ଏଞ୍ଜାଣାଲ୍ ଏଲେଇରେରି, “ଅବ୍ରାହାମ ମା ଆବା ।” ଜୀସୁ ଏଞ୍ଜାଣାଲ୍ ଏଲେଇରେସି, “ମୀରୁ ଅବ୍ରାହାମତି ମୀରୁକା ମାସ୍‌କାତେରି, ଆଡ଼ିହିଁ ଅବ୍ରାହାମ କିହାମାଟି କାମା କିଦୁ; ୪୦ ମାହାପୁରୁ ତାଣାଟି ଝେଞ୍ଜାମାନି ସାତାତି ମିଙ୍ଗେ ଝେସିମାଞ୍ଜାଲ୍, ନାନୁ ଇଲେତି ଲକୁ, ମୀରୁ ନାଙ୍ଗେ ପାୟାଲି ତାକି ଅଣପିମାଞ୍ଜାଦେରି; ଅବ୍ରାହାମ ଇଲେତି କାମା କିଆତେସି । ୪୧ ମୀରୁ ମୀ ଆବାତି ବାରେ କାମା କିହିମାଞ୍ଜେରି ।”

ଏଞ୍ଜାରି ଜୀସୁଲ୍ ଏଲେଇରେରି; “ମାମ୍ବୁ ଦାରିକାମାଟି ଜାର୍ନା ଆହାହିଲଅମି; ମା ରଣ୍ଡିଏ ଆବା, ଏଞ୍ଜାସି ମାହାପୁରୁ ।”

୪୨ ଜୀସୁ ଏଞ୍ଜାଣାଲ୍ ଏଲେଇରେସି, “ମାହାପୁରୁ ସାତେଏ ମୀ ଆବା ଆଡ଼ିହିଁମା, ମୀରୁ ନାଙ୍ଗେ ଜୀଝୁ ନୟାତେରିମା, ଇତିହିଁ ନାନୁ ମାହାପୁରୁ ତାଣାଟି ଝାହାମାଲ୍; ନାନୁ ନା ତାଣାଟି ଝାହାହିଲଅ, ସାମା ଏଞ୍ଜାସି ନାଙ୍ଗେ ପାଣ୍ଡାତେସି । ୪୩ ନାନୁ ଏନାଆଁ ଝେସିମାଞ୍ଜାଲ୍, ମୀରୁ ଏନାଆଁତାକି ନା ହାଡ଼ାତି ତେଲ୍‌ହାଲି ଆଡ଼ିହିଲଅତେରି ? ଇଦାନି କାତା ଆହିମାନେ ମୀରୁ ନା ବଲୁତି ଝେଞ୍ଜାଲି ଆଡ଼ିହିଲଅତେରି । ୪୪ ମୀରୁ ମୀ ଆବା ସୟତାନତି ମୀରୁକା ମାସ୍‌କାତେରି, ଅଡ଼େ ମୀରୁ ମୀ ଆବାତି କାମା କିହାଲି ମୀ ଅଣ୍ଡୁ ।

☆ ୮:୩୩ ୮:୩୩ ମାତି ୩:୯; ଲୁକ ୩:୮

ଏଝାସି ମୁଲୁଟିଏ ଲକୁଣି ପାୟିନାସି, ଅଡ଼େ ଏଝାସି ସାତାତା ଡ଼ୟଅସି, ଇତିହୁ ଏଝାଣି ତାଣା ସାତା ହିଲେଏ । ଏତିବେଲା ଏଝାସି ମିତି ଜଲିନେସି, ଏଚେତା ତାନିତାଣାଟି ଜଲିନେସି; ଇତିହୁ ଏଝାସି ମିତି ଗାଟାସି ଇଞ୍ଜା ମିତିତି ତାଞ୍ଜି । ୪୫ ସାମା ନାନୁ ସାତା ଜଲିମାନାକି, ମୀରୁ ନାଞ୍ଜେ ନାମିମାଞ୍ଜଅତେରି । ୪୬ ନାନୁ ପାପୁ ଗାଟାତେଏ ଇଞ୍ଜି ମୀ ବିତ୍ତାଟି ଆମ୍ବାଆତେରି ପାରମାଣା କିହାଲି ଆଡ଼ିଦେରି ? ନାନୁ ସାତା ଖେସ୍ତାସାରେ, ନାଞ୍ଜେ ମୀରୁ ଏନାଆଁତାକି ନାମିମାଞ୍ଜଅତେରି ? ୪୭ ଆମ୍ବାଆସି ମାହାପୁରୁ ତାଣାଟି ଖାହାମାନେସି, ଏଝାସି ମାହାପୁରୁଟି ବଲୁ ଖେନେସି; ମୀରୁ ମାହାପୁରୁ ତାଣାଟି ଖାହାହିଲଅତେରି, ଏଦାଆଁତାକି ଇ ବଲୁ ଖେଞ୍ଜିହିଲଅତେରି ।”

ଜୀସୁ ଅଡ଼େ ଅବ୍ରାହାମ

୪୮ ଜୀହୁଦିୟାଁ ଜୀସୁଇଁ ଏଲେଇଚେରି, “ନାନୁ ସମିରଣତି ଇଞ୍ଜା ନିଞ୍ଜେ ବୁତୁ ଆଲ୍‌ଗାମାଞ୍ଜାନେ, ଏଦାଆଁ ମାମୁ ସାତା ଖେସି ହିଲଅମି କି ?”

୪୯ ଜୀସୁ ଏଝାରାଇଁ ଏଲେଇଚେସି; “ନାଞ୍ଜେ ବୁତୁ ଆଲ୍‌ଗା ମାଞ୍ଜେଏ, ନାନୁ ନା ଆବାଇଁ ମାନି କିହିମାଇଁ, ସାମା ମୀରୁ ନାଞ୍ଜେ ଲାଜା କିହିମାଞ୍ଜାଦେରି । ୫୦ ନାନୁ ନା ଗାଝୁରମି କିହାଲି ଅଣ୍ଡି ହିଲଅ; ରଅସି ଅଣ୍ଡିମାନେସି ଏଝାସି ନା ଖାକିଟି ବିଚାରା କିନେସି । ୫୧ ନାନୁ ସାତା ଖେସିମାଞ୍ଜାଇଁ, ଆମ୍ବାଆସି ନା ବଲୁଟି ମାନଝି ଆନେସି, ଏଝାସି ଏଚେଲା ହାଅସି ।”

୫୨ ଜୀହୁଦିୟାଁ ଏଝାଣାଇଁ ଏଲେଇଚେରି, “ନୀଏଁ ମାମୁ ପୁଚମି, ନିଞ୍ଜେ ବୁତୁ ଆଲ୍‌ଗାମାଞ୍ଜାନେ, ଅବ୍ରାହାମ ଅଡ଼େ ମାହାପୁରୁ ଅଣ୍ଡିପୁଟି ବଲୁ ଖେହନାରି ବାରେଜାଣା ହାଡ଼େରି, ଅଡ଼େ ନାନୁ ଖେସିମାଞ୍ଜି, ଆମ୍ବାଆସି ନା ବଲୁ ମାନଝି ଆନେସି, ଏଝାସି ଏଚେଲା ଜିକେଏ ହାଅସି । ୫୩ ମା ଆକୁ ଅବ୍ରାହାମ ହାଡ଼େସି, ନାନୁ ଏନାଆଁ ଅବ୍ରାହାମ କିହାଁ କାଜାତି ଇଞ୍ଜି ଅଣ୍ଡିମାଞ୍ଜି ? ମାହାପୁରୁ ଅଣ୍ଡିପୁଟି ବଲୁ ଖେହନାରି ଜିକେଏ ହାଡ଼େରି; ନାନୁ ଆମ୍ବାଆତି ଇଞ୍ଜି ଖେସିମାଞ୍ଜି ?”

୫୪ ଜୀସୁ ଏଲେଇଚେସି, “ନାନୁ ନା ଗାଝୁରମି କିହିମାଇଁ, ଆତିହୁ ନା ଗାଝୁରମି ଏନାୟି ଆଏ; ଆମ୍ବାଆସି ନାଞ୍ଜେ ଗାଝୁରମି କିୟାନେସି ଏଝାସି ନା ଆବା ଆମ୍ବାଆରାଇଁ ମୀରୁ ମୀ ମାହାପୁରୁ ଇଞ୍ଜି ଏଲେ ଇଞ୍ଜିମାଞ୍ଜେରି; ୫୫ ମୀରୁ ଏଝାଣାଇଁ ଏଚେଲା ପୁଞ୍ଜାହିଲଅତେରି, ସାମା ନାନୁ ଏଝାଣାଇଁ ପୁଞ୍ଜାମାଇଁ । ଏଝାଣାଇଁ ପୁଞ୍ଜାହିଲଅଁ ଇଞ୍ଜି ନାନୁ ଖେସ୍ତୁହୁ, ମୀ ଲେହେଁ ନାନୁ ଜିକେଏ ମିତି ଗାଟାତେଏ ଆଇଁ, ସାମା ନାନୁ ଏଝାଣାଇଁ ପୁଞ୍ଜାମାଇଁ ଅଡ଼େ ତାନି ବଲୁଟି ମାନଝି ଆଇଁ । ୫୬ ମୀ ଆବା ଅବ୍ରାହାମ ନା ଦିନା ମେସାଲି ତାକି ଆସା କିହାନା ରାହାଁ କିତେସି, ଅଡ଼େ ଏଦାଆଁ ମେସାନା ଏଝାସି ରାହାଁ ଆଡ଼େସି ।”

୫୭ ଜୀହୁଦିୟାଁ ଏଝାଣାଇଁ ଏଲେଇଚେରି, “ନିଞ୍ଜେ ରୀ କଡ଼ି ଦସ ବାସା ଆହାମାଞ୍ଜେଏ, ନାନୁ ଏନାଆଁ ଅବ୍ରାହାମଇଁ ମେସାମାଞ୍ଜି ?”

୫୮ ଜୀସୁ ଏଝାରାଇଁ ଏଲେଇଚେସି, “ନାନୁ ମିଞ୍ଜେ ସାତା ଖେସିମାଞ୍ଜାଇଁ, ଅବ୍ରାହାମତି ଜାନାଁ ନଚେଏ ନାନୁ ମାଇଁ ।”

୫୯ ଏଝାରି ଏଝାଣାଇଁ ଝେଚାଲିତାକି ଖାଲ୍‌କା ପେରହା କଡ଼ିଚେରି, ସାମା ଜୀସୁ ମାହାପୁରୁ ଇଲୁଟି ମେହୁଆରେଟୁ ହଚାହାଚେସି ।



ଜୀସୁ ଜାର୍ନଟିଏ କାଣାଇଁ ନେହୁଁ କିନାୟି

୧ ଜୀସୁ ହାଜିମାଟାଟି ର ଜାର୍ନଟିଏ କାଣାଇଁ ବେଟାଆଡ଼େସି । ୨ ତାନି ସୀସୁୟାଁ ଝେଚେରି, “ଗୁରୁ, ଆମ୍ବାଆସି ପାପୁ କିହାଲିଏ ଇଝାସି କାଣା ଆହାନା ଜାର୍ନା ଆଡ଼େସି, ତାନୁ କି ତାନି ଇୟା ଆବା ପାପୁ କିତାକି ?”

୩ ଜୀସୁ ଏଲେଇଚେସି, “ଇଝାସି କି ତାନି ଇୟା ଆବା ପାପୁ କିତାକି ଆଏ, ସାମା ମାହାପୁରୁଟି କାମା ଏନିକି ଇଝାଣି ତାଣାଟି ତସ୍ତିଆନେ, ଏଦାଆଁତାକି ଇଦି ଆହାମାନେ । ୪ ଦିନା ମାଞ୍ଜା ମାଞ୍ଜାନା, ନାଞ୍ଜେ ପାଣ୍ଡାମାଞ୍ଜାନାଣି କାମା କିନାୟିମାନେ; ଏମିନି ବେଲାତା ଆମ୍ବାଆସି କାମା କିହାଲି ଆଡ଼ଅସି, ଇଲେତି ଲାଆଁ ଖାହିମାନେ । ୫ ନାନୁ ଏଚେପାତେକା ଦାରୁତିତା ମାଇଁ, ଏଚେପାତେକା ନାନୁ ଦାରୁତିତି ଉଜେଡ଼ିତେଏଁ ।”

୬ ଇ କାତା ଏଲେଇଞ୍ଜାନା, ଜୀସୁ ଇରୁଆତା ହୁପାନା ହୁପକା ତଲେ କାଦ କିତେସି; ଅଡ଼େ ତାନି ରୀ କାଣ୍‌କାଣାଁ ରୁବିତେସି ଅଡ଼େ ଏଝାଣାଇଁ ଏଲେଇଚେସି, ୭ ହାଲାମୁ “ସିଲହ* ବାନ୍ଦାତା ମୁମୁ ନରହା ଖାମୁ ।” ଏମ୍ବାଟିଏ ଏଝାସି ହାଜାନା ନରହା କତାନା ଖେଣ୍ଡା ଖାହିମାଟାଟି ମେସାଲି ଆଡ଼ିତେସି ।

୮ ତାନି ପାଡ଼ିତାରି, ଅଡ଼େ ଏମିନିଗାଟାରି ଏଝାଣାଇଁ ନଚେଏ ରୀସ୍ତି ମାଟାଣି ମେସାମାଟେରି, ଏଝାରି ଝେଚେରି, “ଇଝାସି ଏନାଆଁ କୁଗାନା ରୀସ୍ତି ମାଚେସି ଏଝାସି ଆଏକି ?”

୯ ଏଚରଜାଣା ଏଲେଇଚେରି, “ଇଝାସିଏ ଏଝାସି;” ଅଡ଼େ ଏଚରଜାଣା ଏଲେଇଚେରି, “ଆଏ, ଏଝାଣିଲେହେଁ ତାସି ।” ଏଝାସି ଏଲେଇଚେସି, “ନାନୁଏ ଏଝାତେଏଁ ।”

୧୦ ଲକୁ ଏଝାଣାଇଁ ଝେଚେରି, “ଆତିହୁ, ନାନୁ ନୀଏଁ ଏନିକି ମେସାଲି ଆଡ଼ିମାଞ୍ଜି ?”

୧୧ ଏଝାସି ଏଲେଇଚେସି, “ଆମ୍ବାଆରାଇଁ ଜୀସୁ ଇନେରି, ଏଝାସି ଇରୁଆତି କାଦ କିହାନା ନା କାଣ୍‌କାଣାଁ ରୁବାତେସି ଅଡ଼େ ସିଲହତା ହାଜାହାଁ ମୁମୁ ନରହା କତାମୁ ଏଲେଇଞ୍ଜାତେସି; ଏଚେଟିଏ ନାନୁ ହାଜାନା ମୁମୁ ନରହାଲିଏ ମେସାଲି ଆଡ଼ିତେଏଁ ।”

୧୨ “ଏଝାସି ଆମ୍ବିୟା ?” ଇଞ୍ଜି ଏଝାଣାଇଁ ଝେଚେରି, ଏଝାସି ଏଲେଇଚେସି, “ନାନୁ, ପୁଞ୍ଜାହିଲଅଁ ।”

* ୯:୫ ୯:୫ ମାତି ୫:୧୪; କହ ୮:୧୨ * ୯:୭ ୯:୭ ସିଲହ ଇତିସାରେ ପାଣ୍ଡୁଟି ଆହାମାନାୟି

ପାରୁସିୟାଁ ଇ କାମାତି ତାୟିପାରି କିନାୟି

୧୩ ଆମ୍ବାଆସି ନକେଏ କାଣା ମାରେସି, ଏଞ୍ଜାଣାକ୍ ପାରୁସିୟାଁ ତାଣା ତାତେରି । ୧୪ ଜୀସୁ ଏମିନି ଦିନା କାଦ କିହାନା ତାନି କାଣକା ନେହ୍ କିହାମାରେସି, ଏ ଦିନା ଜମିନି ଦିନା ମାରେ । ୧୫ ପାରୁସିୟାଁ ଏଞ୍ଜାଣାକ୍ ଖେରେରି, ଏନିକ୍ ଏଞ୍ଜାସି ମେସାଲି ଆଡିତେସି ? ଏଞ୍ଜାସି ଏଲେଇରେସି, “ନା କାଣକାଣାଁ ଏଞ୍ଜାସି ଇଚାଣି କାଦ ରୁବାତେସି, ନାନୁ ହାଜାନା ମୁମ୍ବୁ ନୁରହାନା ଖାତେଏଁ ଅଡେ ମେସାଲି ଆଡିମାକ୍ ।”

୧୬ ପାରୁସିୟାଁ ତାନି ବିତ୍ରାଟି ଏଚରଜାଣା ଏଲେଇରେରି, “ଏଞ୍ଜାସି ମାହାପୁରୁ ତାଣାଟି ଖାହାହିଲଅସି, ଇଚିହ୍ ଏଞ୍ଜାସି ଜମିନି ଦିନାତି ମାନୁଡ଼ି ଆହିହିଲଅସି ।” ଅଡେ ଏଚରଜାଣା ଏଲେଇରେରି, “ପାପୁ ଲକୁ ଆହାନା ଇଲେତି କାବାଆନି କାମା ଏନିକ୍ କିହାଲି ଆଡିନେସି ?” ଇଲେଆହ୍ ଏଞ୍ଜାରି ତାନି ବିତ୍ରା ବାଗା ଆଡେ ?

୧୭ ପାରୁସିୟାଁ ଅଡେ ଖେଶ୍ଟେ ଏ କାଣାକ୍ ଖେରେରି, “ଏଞ୍ଜାସି ନୀ କାଣକା ନେହ୍ କିୟାତେସି, ଏଞ୍ଜାଣି କାତା ନୀନୁ ଏନାଆଁ ଇଞ୍ଜିମାଞ୍ଜି ?” ଏଞ୍ଜାସି ଏଲେଇରେସି “ଏଞ୍ଜାସି ର ମାହାପୁରୁ ଅଣ୍ଡପୁତି ବଲୁ ଖେହ୍ନାସି ।”

୧୮ ଏଞ୍ଜାସି ଜାର୍ନାଟିଏ କାଣା ମାରେସି ଅଡେ ନୀଏଁ, ଇ ହାଡା ତାନି ଇୟା ଆବାତି ଖେନାଆ ପାତେକା, ଜୀହୁଦିୟାଁ ନାମାଆତେରି । ୧୯ ଏଞ୍ଜାରି ତାନି ଇୟା ଆବାତି ଖେରେରି, “ମୀ ଆମିନି ମୀରଏସି କାଣା ଆହାନା ଜାର୍ନା ଆହାମାରେସି ଇଞ୍ଜି ଏଲେଇଶମିତେରି ଇଞ୍ଜାସି ଏନାଆଁ ଏ ମୀ ମୀରଏସି ? ଆତିହ୍ ଏଞ୍ଜାସି ନୀଏଁ ଏନିକ୍ ମେସାଲି ଆଡିମାନେସି ?”

୨୦ ଏମ୍ବାଟିଏ ତାନି ଇୟା ଆବା ଏଲେଇରୁ, “ହାଅ, ଏଞ୍ଜାସି ମା ମୀରଏସି, ଏଞ୍ଜାସି କାଣା ଆହାନା ଜାର୍ନା ଆହାମାରେସି ଏଦାଆଁ ମାମ୍ବୁ ପୁଞ୍ଜାମାନମି; ୨୧ ସାମା ଏଞ୍ଜାସି ନୀଏଁ ଏନିକ୍ ମେସାଲି ଆଡିମାନେସି, ଏଦାଆଁ ମାମ୍ବୁ ପୁଞ୍ଜାହିଲଅମି, ଅଡେ ଆମ୍ବାଆସି ଏଞ୍ଜାଣାକ୍ ମେସ୍ପି କିହାମାନେସି, ମାମ୍ବୁ ଏଦାଆଁ ଜିକେଏ ପୁଞ୍ଜାହିଲଅମି; ଏଞ୍ଜାଣାକ୍ ଖେଞ୍ଜୁ, ଏଞ୍ଜାସି କାଜାସି ଆଡେସିଏ, ଏଞ୍ଜାସି ତାନି କାତା ତାନୁଏ ଖେସାଲି ଆଡିନେସି ।” ୨୨ ଏଞ୍ଜାଣି ତାନି ଇୟା ଆବା ଜୀହୁଦି ଲକୁତି କାଜାରାକ୍ ଆଜିମାଚାକି ଇ ବାରେ କାତା ଖେସ୍ଟୁ ଏନାଆଁତାକି ଇଚିହ୍ ଆମ୍ବାଆସି ଜୀସୁକ୍ କ୍ରୀସ୍ଟ ଇଞ୍ଜି ଇନେସି, ଏଞ୍ଜାଣାକ୍ ଜୀହୁଦି ଲକୁତି କୁଚମି ଇଲୁଟିଠି ପେର୍ଡ଼ି ଆନେ ଇଞ୍ଜି ଜୀହୁଦି ଲକୁ ଏ ନକେଏ କାତା ଆହାମାରେରି । ୨୩ ଏଦାଆଁତାକି ତାନି ଇୟା ଆବା ଏଲେଇରୁ, “ଏଞ୍ଜାସି କାଜାସି ଆଡେସିଏ, ଏଞ୍ଜାଣାକ୍ ଖେଞ୍ଜୁ ।”

୨୪ ପାରୁସିୟାଁ ଏ ଜାର୍ନାଟିଏ କାଣାକ୍ ଅଡେ ଖେଶ୍ଟେ ହାଟାନା ଏଲେଇରେରି, “ମାହାପୁରୁକ୍ ଗାଞ୍ଜୁରମି କିହାନା ଏଲେଇନାମ୍ବୁ, ଆମ୍ବାଆସି ନିକ୍ଷେ ନେହ୍ କିହାମାଞ୍ଜାନେସି, ଏଞ୍ଜାସି ର ପାପୁ ଗାଟାସି ଇ କାତା ମାମ୍ବୁ ପୁଞ୍ଜାମାନମି ।”

୨୫ ଏଞ୍ଜାସି ଏଲେଇରେସି, “ଏଞ୍ଜାସି ପାପୁ ଗାଟାସି କି ଆଏ, ନାନୁ ପୁଞ୍ଜାହିଲଅଁ; ନାନୁ ର କାତା ପୁଞ୍ଜାମାକ୍; ନାନୁ କାଣା ମାରେଏଁ, ନୀଏଁ ମେସାଲି ଆଡିମାକ୍ ।”

୨୬ ଏଞ୍ଜାରି ଏଞ୍ଜାଣାକ୍ ଏଲେଇରେରି, “ଏଞ୍ଜାସି ନିକ୍ଷେ ଏନାଆଁ କିୟାତେସି ? ଏନିକ୍ ଏଞ୍ଜାସି ନୀ କାଣକା ଦେପି କିୟାତେସି ?”

୨୭ ଏଞ୍ଜାସି ଏଲେଇରେସି, “ନକେଏ ଖେସା ରାହାମାଞ୍ଜାକ୍, ଅଡେ ମୀରୁ ଖେନାଆତେରି; ଅଡେ ଖେଶ୍ଟେ ଏନାଆଁତାକି ଖେଞ୍ଜାଲି ଅଣ୍ଡପିମାଞ୍ଜେରି ? ମୀରୁ ଜିକେଏ ଏନାଆଁ ତାନି ସୀସୁ ଆହାଲି ଅଣ୍ଡପିମାଞ୍ଜେରି ।”

୨୮ ଏଞ୍ଜାରି ଏଞ୍ଜାଣାକ୍ ଲାଗାନା ଏଲେଇରେରି, “ନୀନୁ ତାନି ସୀସୁତି, ସାମା ମାମ୍ବୁ ମୁସାତି ସୀସୁୟାଁତମି । ୨୯ ମାମ୍ବୁ ପୁଞ୍ଜାମାନମି, ମାହାପୁରୁ ମସାକ୍ କାତା ଆହାମାରେସି, ସାମା ଇ ମାଣ୍ଡସି ଆମ୍ବିଟି ଖାହାମାନେସି, ଏଦାଆଁ ମାମ୍ବୁ ପୁଞ୍ଜାହିଲଅମି ।”

୩୦ ଏଞ୍ଜାସି ଏଞ୍ଜାରାକ୍ ଏଲେଇରେସି, “ଇଦି ରଣ୍ଡି କାବାଆନି କାତା ଏଞ୍ଜାସି ଏମ୍ବିଟି ଖାହାମାନେସି, ମୀରୁ ପୁଞ୍ଜାହିଲଅତେରି, ସାମା ଏଞ୍ଜାସି ନାକ୍ଷେ କାଣକା ଦେପି କିୟାତେସି । ୩୧ ମାମ୍ବୁ ପୁଞ୍ଜାମାନମି, ମାହାପୁରୁ ପାପୁଗାଟି ଲକୁତି ହାଡା ଖେନଅସି, ଆମିନି ଗାଟାରି ମାହାପୁରୁକ୍ ମାନି କିନେରି ଅଡେ ତାନି ଅଣ୍ଡପୁ ତଲେ କାମା କିନେରି, ଏଞ୍ଜାରି ହାଡାତି ଏଞ୍ଜାସି ଖେନେସି । ୩୨ ତଲି କାଲ୍ମାଟିଏ ଆମ୍ବାଆସି ଜାର୍ନା କାଣାକ୍ ମେସ୍ପିକିତି କାତା ଏଚେଲା ଖେଶ୍ଟି ଆହାହିଲାଆତେ । ୩୩ ଇଞ୍ଜାସି ମାହାପୁରୁ ତାଣାଟି ଖାହା ହିଲାଆତ, ଏନାଆଁ କିହାଲି ଆଡାଆତେସିମା ।”

୩୪ ଏଞ୍ଜାରି ଏଞ୍ଜାଣାକ୍ ଏଲେଇରେରି, “ପାପୁ ତଲେ ନୀନୁ ଜାର୍ନା ଆହାନା ପାପୁ ତଲେ ପାଡାଆଡି, ନୀନୁ ମାକ୍ଷେ ଜୀହୁଦି ମାଞ୍ଜାଦି ?” ଏଦାଆଁତାକି ଏଞ୍ଜାରି ଏଞ୍ଜାଣାକ୍ ଜୀହୁଦି ଲକୁତି କୁଚମି ଇଲୁଟିଠି ପେର୍ଡ଼ିହାତୁସ୍ତେରି ।

ସୁବୁଗାଟି ମାଣକି ମେହ୍ଆ ଗାଟାୟି

୩୫ ଏଞ୍ଜାରି ଏଞ୍ଜାଣାକ୍ ପେର୍ଡ଼ିହା ମାନେରି, ଇଞ୍ଜା ଜୀସୁ ଇ କାତା ଖେଞ୍ଜାନା, ଏଞ୍ଜାଣାକ୍ ମେସାନା ଏଲେଇରେସି, “ନୀନୁ ଏନାଆଁ ମାଣ୍ଡସି ମୀରଏଣି ତାଣା ନାମିମାଞ୍ଜି ?”

୩୬ ଏଞ୍ଜାସି ଏଞ୍ଜାଣାକ୍ ଏଲେଇରେସି, “ପ୍ରୁ, ଖେସ୍ଟାମ୍ବୁ ଏଞ୍ଜାସି ଆମ୍ବାଆସି, ଆତିହ୍ ନାନୁ ଏଞ୍ଜାଣାକ୍ ନାମିକ୍ ।”

୩୭ ଜୀସୁ ଏଞ୍ଜାଣାକ୍ ଏଲେଇରେସି, “ନୀନୁ ଏଞ୍ଜାଣାକ୍ ମେସାମାଞ୍ଜି, ନୀ ତଲେ ଆମ୍ବାଆସି ନୀଏଁ କାତା ଆହିମାନେସି, ଏଞ୍ଜାସିଏ ।”

୩୮ ଏମ୍ବାଟିଏ ଏଞ୍ଜାସି ଏଲେଇରେସି, “ନାନୁ ନାମିମାକ୍, ପ୍ରୁ !” ଇଞ୍ଜା ଜୀସୁ ନକିତା ମେଶ୍ଟାକୁତାନା ଜହରା କିତେସି ।

୩୯ ଜୀସୁ ଏଲେଇରେସି, “ମେହ୍ଆଗାଟି ଲକୁ ଏନିକ୍ ମେହ୍ନେରି ଇଞ୍ଜା ମେହ୍ନି ଲକୁ ଏନିକ୍ କାଣା ଆନେରି, ଇ ବିଚାରା କିହାଲି ନାନୁ ଦାଡ଼ିତା ଖାହାମାକ୍ ।”

† ୯:୨୨ ୯:୨୨ ସିନଗର୍ ‡ ୯:୩୪ ୯:୩୪ ସିନଗର୍

୪୦ ଏମ୍ବାଆଁ ମାଟି ଏଚରଜାଣା ପାରୁସିୟାଁ ଇ କାତା ଖେଞ୍ଜାନା, ଏଞ୍ଜାଣାକ୍ ଏଲେଇଚେରି, “ମାମୁ ଜିକେଏ ଏନାଆଁ କାଣାୟାତମି ?”

୪୧ ଜୀସୁ ଏଞ୍ଜାରାକ୍ ଏଲେଇଚେସି, “କାଣାୟାଁ ଆହାମାଟିହୁଁ ମୀରୁ ଦହ ହିଲାଆଗାଟାଚେରି ଆଚେରିମା, ସାମା ମେସାଲି ଆଡ଼ିମାନମି ଇଞ୍ଜିମାନାକି ମୀରୁ ହାଚେରକା ପାପୁତା ମାଞ୍ଜେରି ।”

୧୦

ମେଣ୍ଡାୟାଁ ଅଡ଼େ ଗଡୁ

୧ ଜୀସୁ ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାକ୍, ଆମ୍ବାଆସି ଦାରା ଖାକିଟି ମେଣ୍ଡାୟାଁ ମାନ୍ଦାତା ହଡୁଅସି, ସାମା ଅର ଖାକିଟି ଡେଞ୍ଜାନା ହଡୁନେସି, ଏଞ୍ଜାସି ସରୁ ଇଞ୍ଜା ଡଂଗେଏସି; ୨ ସାମା ଆମ୍ବାଆସି ଦାରା ଖାକିଟି ହଡୁନେସି, ଏଞ୍ଜାସି ମେଣ୍ଡା ଗଡୁ । ୩ ଦାରାତା କାଠୁଆନାସି ଏଞ୍ଜାଣାକି ଦାରା ଦେଟା ହାନେସି, ଅଡ଼େ, ଏଞ୍ଜାସି ତାନି ମେଣ୍ଡାୟାଁ ଦରୁ ଆସାନା ହାଚିନେସି, ଏଞ୍ଜି ତାନି ହାଚିନାଣି ଖେନୁ ଅଡ଼େ ଏଞ୍ଜାସି ଏ ମାନ୍ଦାତି ପାଙ୍ଗାତା ଜିରୁ ନକି କିହାନା ଅନେସି । ୪ ମେଣ୍ଡାୟାଁ ପାଙ୍ଗାତା ଅନାଟି ମେଣ୍ଡାୟାଁ ଗଡୁ ନକି ନକିତା ତାକିନେସି, ଅଡ଼େ ମେଣ୍ଡାୟାଁ ତାନି ଜେଚ ଜେଚ ତାକିନୁ, ଇଚିହୁଁ ଏଞ୍ଜି ଏଞ୍ଜାଣି ଗିୟାଁ ତେଲହାଉ । ୫ ସାମା ଏଞ୍ଜି ପୁନାଆତି ଲକୁ ଜେଚ ଏଚେଲା ଜିକେଏ ତାକାଉ, ସାମା ଏଞ୍ଜାଣି ଦାରି ଦାରିଟି ହଚାତୁହନୁ, ଇଚିହୁଁ ଏଞ୍ଜି ପୁନାଆତାରି ଗିୟାଁ ତେଲହୁନୁ ।”

୬ ଜୀସୁ ଏଞ୍ଜାରାକ୍ ଇ ପୁଣ୍ଡିକିନି କାତା ଖେସାନା ଏଲେଇଚେସି, ସାମା ଏଞ୍ଜାସି ଏନା ଏନାଆଁ ଖେସିମାଚେସି, ଏ ବାରେ ଏନାୟି ଇଞ୍ଜି ଏଞ୍ଜାରି ପୁନାଆଚେରି ।

ଜୀସୁ ନେହୁଁ ମେଣ୍ଡାୟାଁ ଗଡୁ

୭ ଜୀସୁ ଅଡ଼େ ଖେଣ୍ଡେ ଏଲେଇଚେସି, “ସାତା ସାତା ନାନୁ ମିଙ୍ଗେ ଖେସିମାଞ୍ଜାକ୍, ନାନୁ ମେଣ୍ଡାୟାଁ ଦୁଖେରିଚେଏଁ । ୮ ଏଚରଜାଣା ନା ନକିତା ଖାହାମାନେରି, ଏଞ୍ଜାରି ବାରେ ସରକା ଅଡ଼େ ଡଂଗାୟାଁ, ସାମା ମେଣ୍ଡାୟାଁ ଏଞ୍ଜାରି କାତା ଖେନାଆତୁ । ୯ ନାନୁ ଆହିମାକ୍ ଦାରା । ଆମ୍ବାଆସି ନା ତାଣାଟି ହଡୁନେସି, ଏଞ୍ଜାସି ଗେଲପି ଆନେସି ଇଞ୍ଜା ବିତ୍ରା ଖାହାନା ଅଡ଼େ ପାଙ୍ଗାତା ହାଜାନା ହାରା ବେଟାଆନେସି । ୧୦ ସରୁ ଖାରଇ ସରୁ କିହାଲି, ପାୟାଲି ଅଡ଼େ ନାସା କିହାଲି ଖାନେସି; ଏଞ୍ଜାରି ଏନିକ୍ ଜୀସୁ ବେଟାଆନେରି ଅଡ଼େ ହାଚେରକା ବେଟାଆନେରି ଏଦାଆଁତାକି ନାନୁ ଖାହାମାକ୍ ।”

୧୧ “ନାନୁ ନେହୁଁ ମେଣ୍ଡାୟାଁ ଗଡୁଡେଏଁ; ନେହୁଁ ମେଣ୍ଡାୟାଁ ଗଡୁ ମେଣ୍ଡାୟାଁ ତାକି ତାନି ଜୀସୁ ହାନେସି । ୧୨ ଆମ୍ବାଆସି ମେଣ୍ଡାୟାଁ ଗଡୁ ଆଏ, ଗତି ଦାଂଗଣେଏସି, ଜାହାରା ମେଣ୍ଡାୟାଁ ହିଲାଉ ଏଞ୍ଜାସି କ୍ଷାଣି ଖାନାଣି ମେସାନା ମେଣ୍ଡାୟାଁ ପିସା ହଣ୍ଡନେସି ଅଡ଼େ କ୍ଷାଣି ଖାହାନା ଏ ବାରେଚି

ସିନାସାତ୍ରା କିନେ, ୧୩ ଇଚିହୁଁ ଏଞ୍ଜାସି ଗତି ଦାଂଗଣେଏସି, ଇଞ୍ଜା ମେଣ୍ଡାୟାଁକି ଅଣ୍ପୁ ହିଲେଏ, ୧୪ ନାନୁ ନେହୁଁ ମେଣ୍ଡାୟାଁ ଗଡୁ ଆବା ଏନିକ୍ ନାଙ୍ଗେ ପୁଞ୍ଜାମାଞ୍ଜାନେସି ଅଡ଼େ ନାନୁ ଆବାକ୍ ପୁଞ୍ଜାମାକ୍, ୧୫ ଏନିକ୍ ଆବା ନାଙ୍ଗେ ପୁଞ୍ଜାମାଞ୍ଜାନେସି, ଅଡ଼େ ନାନୁ ଆବାକ୍ ପୁଞ୍ଜାମାକ୍, ଏଲେକିହୁଁ ଏ ନାନୁ ନା ମେଣ୍ଡାୟାଁକ୍ ପୁକ୍, ଅଡ଼େ ନା ମେଣ୍ଡାୟାଁ ଜିକେଏ ନାଙ୍ଗେ ପୁଞ୍ଜାନୁ, ଅଡ଼େ ମେଣ୍ଡାୟାଁ ତାକି ନାନୁ ନା ଜୀସୁ ହାଇ । ୧୬ ଏମିନି ମେଣ୍ଡାୟାଁ ଇ ମାନ୍ଦାତାକ ଆଏ, ନା ଇଲେଚି ମେଣ୍ଡାୟାଁ ମାନୁ, ଏଞ୍ଜାଆଁ ଜିକେଏ ନାଙ୍ଗେ ତାନାୟି ଆନେ, ଅଡ଼େ ଏଞ୍ଜି ନା ହାତା ତେଲହୁନୁ; ଏମ୍ବାଟିଏ ରଣ୍ଡିଏ ମାନ୍ଦା ଅଡ଼େ ରଣ୍ଡିଏ ଗଡୁ ଆନେସି ।”

୧୭ “ନାନୁ ନା, ଜୀସୁ ହାନାକି ଆବା ନାଙ୍ଗେ ଜୀସୁ ନୟାନେସି, ଅଡ଼େ ନାନୁ ନା ଜୀସୁ ଖେଣ୍ଡେ ଅହାକତାଲି ନାନୁ ଏଦାଆଁ ହାଇ । ୧୮ ନା ଜୀସୁ ଏଚକାତାରି ଆମ୍ବାଆରି ଅହାଲି ଆଡ଼ଅରି, ଏଦାଆଁ ନାନୁ ନା ଅଣ୍ପୁ ତଲେ ହାଇ, ନା ଜୀସୁ ହାହାଲିତାକି ଅଡ଼େ ଏଦାଆଁ ଖେଣ୍ଡେ ଅହାକତାଲି ତାକି ନା ଅଦିକାରା ମାନେ । ଇଦାଆଁ କିହାଲି ଆବା ମାହାପୁରୁ ନାଙ୍ଗେ ହୁକୁମି ହାହାମାଞ୍ଜାନେସି ।”

୧୯ ଜୀସୁତି ଇ ବାରେ କାତାତାକି ଜୀହୁଦି ଲକୁତାଣା ଗଡୁହା ହଡେ । ୨୦ ଏଞ୍ଜାରି ବିତ୍ରାଟି ଏଚରଜାଣା ଏଲେଇଚେରି, “ଏଞ୍ଜାଣାକ୍ ବୁତୁ ଆଲଗାମାନେ, ଏଞ୍ଜାସି ବାୟା ଆହାମାନେସି, ଏନାଆଁତାକି ଏଞ୍ଜାଣି କାତା ଖେଞ୍ଜିମାଞ୍ଜେରି ?”

୨୧ ଏଚକାତାରି ଏଲେଇଚେରି, “ଇ ବାରେ କାତା ବୁତୁ ଆଲଗାମାନାରି କାତା ଆଏ; ବୁତୁ ଏନାଆଁ କାଣାତି କାଣକା ମେସପି କିହାଲି ଆଡ଼ିନେ ।”

ଜୀସୁକ୍ ଅପାଆଗାଟାୟି

୨୨ ଏଚିବେଲା ଜିରୁସାଲମତା ମାହାପୁରୁ ଇଲୁତି ମାହାପୁରୁ ଦରୁଟି ହେରପିନି ପାର୍ବୁ ଆଡେ; ଏଦି ପେନିବେଲା ମାଚେ, ୨୩ ଜୀସୁ ମାହାପୁରୁ ଇଲୁତି ସଲମନ ପିଣ୍ଡାତା ରେଜିମାଚେସି । ୨୪ ଏମ୍ବାଟିଏ ଜୀହୁଦି ଲକୁ ସାରିଖାକି ମୁତାନା ଖେଞ୍ଜାଲି ମାଟୁହେରି, “ଏଚରଦିନା ପାତେକା ମା ମନତା ଆନାମାନା କିୟାଦି ? ନାନୁ କ୍ରୀସ୍ତତି ଇଚିହୁଁ ମାଙ୍ଗେ ନେହୁଁକ୍ ଖେସ୍ତାମୁ ।”

୨୫ ଜୀସୁ ଏଞ୍ଜାରାକ୍ ଏଲେଇଚେସି, “ନାନୁ ମିଙ୍ଗେ ଖେସାମାଞ୍ଜାକ୍, ସାମା ମୀରୁ ନାମିହିଲଅଚେରି; ନା ଆବା ଦରୁଟି ନାନୁ ଏମିନି ବାରେ କାମା କିହିମାକ୍, ଏ ବାରେ ନା ଖାକିଟି ସାକି ହାହିମାନେ; ୨୬ ଆଡ଼ିଜିକେଏ ମୀରୁ ନାମିହିଲଅଚେରି, ଇଚିହୁଁ ମୀରୁ ନା ମେଣ୍ଡାୟାଁଚେରି ଆଏ । ୨୭ ନା ମେଣ୍ଡାୟାଁ ନା ହାତା ଖେନୁ ଅଡ଼େ ନାନୁ ଏଞ୍ଜାଆଁ ପୁକ୍, ଅଡ଼େ ଏଞ୍ଜି ନା ଜେଚ ଜେଚ ତାକିନୁ, ୨୮ ଅଡ଼େ ନାନୁ ଏଞ୍ଜାସିକାକି କାଲାକାଲାତି ଜୀସୁ ହାଇ, ଅଡ଼େ ଏଞ୍ଜି ଏଚେଲା ଜିକେଏ ନାସା ଆଉ, ଆମ୍ବାଆସି ନା କେୟୁଟି

☆ ୧୦:୧୪ ୧୦:୧୪ ମାଟି ୧୧:୨୭; ଲୁକ ୧୦:୨୨ * ୧୦:୨୯ ୧୦:୨୯ ଆବା ନାଙ୍ଗେ ଏନାଆଁ ହାହାମାଞ୍ଜାନେସି, ଏଦି ବାରେକିହାଁ ଦାରାଗାଟାୟି, ଇଦାଣି ଅଚି ଆମିନି ଆବା ନାଙ୍ଗେ ଇ ଲକୁକ୍ ହାହାମାଞ୍ଜାନେସି, ଏଞ୍ଜାସି ଏଞ୍ଜାରି କିହାଁ କାଜାସି ।

ଏଞ୍ଜାଆଁ ମାଞ୍ଜା ଅୟଅସି । ୨୯ ନା ଆବା ନାଙ୍ଗେ ଏନାଆଁ ହାହାମାଞ୍ଜାନେସି, ଏଦି ବାରେକିହାଁ ଦାରାଗାଟାୟି,* ଇଞ୍ଜା ଆବା ତାଣାଟି ଆମ୍ବାଆସି ମାଞ୍ଜାଲି ଆଡ଼ଅସି । ୩୦ ଆବା ଅଡ଼େ ନାନୁ ରଅତମିଏ ।”

୩୧ ଜୀହୁଦି ଲକୁ ଏଞ୍ଜାଣାଇଁ ଝେଚାଲି ଅଡ଼େ ଝେଣ୍ଡେ ଖାଲକା ତାଚିହଁ ଖାଡ଼େରି । ୩୨ ଜୀସୁ ଏଞ୍ଜାରେଇଁ ଏଲେଇଚେସି, “ନାନୁ ଆବା ତାଣାଟି ହାଡ଼େକା ନେହଁ କାମାୟାଁ ମିଙ୍ଗେ ତସାମାଞ୍ଜାଇଁ; ଏ ବାରେ କାମାୟାଁ ବିତ୍ରାଟି ଏମିନି କାମାତାକି ନାଙ୍ଗେ ଖାଲକା ଝେଟି ମାଞ୍ଜାଦେରି?”

୩୩ ଜୀହୁଦିୟାଁ ଏଞ୍ଜାଣାଇଁ ଏଲେଇଚେରି, “ନେହଁ କାମାତାକି ନିଙ୍ଗେ ଖାଲକା ଝେଟିମାଞ୍ଜାଅମି, ସାମା ମାହାପୁରୁ ନିନ୍ଦା କିହିମାନାକି, ନାନୁ ମାଣସି ଆହାନା ମାହାପୁରୁତେଏ ଇଞ୍ଜିମାନାକି ।”

୩୪ ଜୀସୁ ଏଞ୍ଜାରେଇଁ ଏଲେଇଚେସି, “ମୀ ମସା ମେରାତା ରାସକି ଆହାହିଲେଏ, ନାନୁ ଏଲେଇଞ୍ଜାତେଏଁ ‘ମୀରୁ ମାହାପୁରୁୟାଁତେରି ।’ ୩୫ ଆମ୍ବାଆରି ତାଣା ମାହାପୁରୁତି ବଲୁ ତଞ୍ଜାଆଡ଼େ, ଏଞ୍ଜାରି ମାହାପୁରୁୟାଁ ଇଚିହଁ ଦାମ୍ବୁ ସାସ୍ତେରି ଉଜେଏ କିହାଲି ଆଡ଼ଅସି, ୩୬ ଆବା ମାହାପୁରୁ ନାଙ୍ଗେ ସୁନୁ କିହାନା ଦାଡ଼ିତା ପାଣ୍ଡାମାଞ୍ଜାନେସି । ଇଞ୍ଜା ନାନୁ ନାଙ୍ଗେ ମାହାପୁରୁ ମୀରୁଏଣାତେଏଁ ଇଞ୍ଜିମାନାକି ମାହାପୁରୁ ନିନ୍ଦା କିହିମାଞ୍ଜି ଇଞ୍ଜି ଏନିକଁ ଏଲେଇଞ୍ଜି ମାଞ୍ଜାଦେରି ? ୩୭ ନାନୁ ନା ଆବାତି ବାରେ କାମା କିହା ହିଲିଆତିହଁ ନାଙ୍ଗେ ନାମାଆଦୁ; ୩୮ ସାମା ନାନୁ କିହିମାଇଁ, ଆତିହଁ ମୀରୁ ନାଙ୍ଗେ ନାମି ମାଞ୍ଜାଅତେରି, ଆଡ଼ିଜକେଏ ଆବା ନା ତାଣା ମାନେସି ଅଡ଼େ ନାନୁ ଆବା ତାଣା ମାଇଁ, ଇଦାଆଁ ମୀରୁ ଏନିକଁ ପୁଞ୍ଜେରି ଅଡ଼େ ତେଲୁହିଦେରି, ଇଦାଆଁତାକି ବାରେ କାମାତି ନାମାଦୁ ।”

୩୯ ଏମ୍ବାଟିଏ ଏଞ୍ଜାରି ଜୀସୁଇଁ ଆସାଲି ଅଣ୍ପିତେରି, ସାମା ଏଞ୍ଜାସି ଏଞ୍ଜାରି କେୟୁତା ହେର୍ପି ଆଆନା ଏମ୍ବାଟି ହଡ଼ାହାଚେସି ।

୪୦ ✨ଏମ୍ବାଟି ଏଞ୍ଜାସି ଅଡ଼େ ଝେଣ୍ଡେ ଜର୍ଦନ ଆତାଲା ହାଜାନା, ତଲି ଜହନ ଏମିନି ଟାୟୁତା ବାପ୍ତିସ୍ମାଁ ହାହିମାଚେସି, ଏ ଟାୟୁତା ଖାହାନା ଡ଼ୟିତେସି । ୪୧ ଅଡ଼େ ହାଡ଼େକା ଲକୁ ଏଞ୍ଜାଣି ତାଣା ଖାହାନା ଏଲେଇଚେରି, “ଜହନ ଏନି କାବାଆନି କାମା କିଆତେସି, ସାମା ଇ ମାଣସି କାତା ଜହନ ଏନା ଏନାଆଁ ଝେସାମାଚେସି, ଏ ବାରେ ସାତା ।” ୪୨ ଏମ୍ବାଆଁ ହାଡ଼େକା ଲକୁ ଏଞ୍ଜାଣି ତାଣା ନାମିତେରି ।

୧୧

ଲାଜର ହାନାୟି

୧ ✨ବେତନିୟାଁତି ଲାଜର ଦରୁଗାଟାସି ରଅସି ନମେରି ଆହାମାଚେସି; ତାମି ତାଙ୍ଗିସ୍ତା ମରିୟମ ଅଡ଼େ ମାର୍ତ୍ତା ଏ ନାୟୁତା ଡ଼ୟିମାରୁ । ୨ ✨ଏମିନି ଇୟା ପ୍ରବୁଇଁ ନିୟୁଁ ଖାକ୍‌ହାନା ତାନି ତାୟୁଁ ବାଣାୟାଁ ତଲେ ଏଞ୍ଜାଣି ପାଞ୍ଚଆନାୟାଁ ଜେଜା ମାଚେ, ଇଦି ଏ ମରିୟମ; ତାମି ତାୟି

ଲାଜର ନମେରି ଆହାମାଚେସି । ୩ ଏଦାଆଁତାକି ଏ ତାଙ୍ଗିସ୍ତା ଜୀସୁ ତାଣା କାବୁ ପାଣ୍ଡିତୁ, “ପ୍ରବୁ, ନାନୁ ଆମ୍ବାଆରାଇଁ ଜୀସୁ ନହଁ ମାଞ୍ଜି ଏଞ୍ଜାସି ନମେରି ଆହାମାନେସି ।”

୪ ସାମା ଜୀସୁ ଇ କାତା ଝେଞ୍ଜାନା ଏଲେଇଚେସି, “ଇ ନମେରି ହାହାଲି ତାକି ଆଏ, ସାମା ମାହାପୁରୁତି ଗାଧୁରମି ତାକି, ଏନିକଁ ଏମ୍ବାଟି ମାହାପୁରୁତି ମୀରୁଏସି ଗାଧୁରମି ବେଟା ଆନେସି ।”

୫ ଜୀସୁ ମାର୍ତ୍ତା, ତାନି ତାଙ୍ଗି ମରିୟମଇଁ ଅଡ଼େ ଲାଜରଇଁ ଜୀସୁ ନହଁ ମାଚେସି । ୬ ଏଚେତା ଏଞ୍ଜାସି ନମେରି ଆହାମାନେସି ଇଞ୍ଜିଁ ଝେଚେସି, ଏଚେତା ଏଞ୍ଜାସି ଏମିନିତାଣା ମାଚେସି, ଏ ଟାୟୁତା ରୀ ଦିନା ଡ଼ୟିତେସି । ୭ ଏଚେଟିଏ ଏଞ୍ଜାସି ସୀସୁୟାଁଇଁ ଏଲେଇଚେସି, “ଜାଦୁ ମାର ଝେଣ୍ଡେ ଜୀହୁଦା ରାଜିତା ହାନ ।”

୮ ସୀସୁୟାଁ ଏଞ୍ଜାଣାଇଁ ଏଲେଇଚେରି, “ଏ ଗୁରୁ ଜୀହୁଦିୟାଁ ନାଏଁ ନିଙ୍ଗେ ଖାଲକାତଲେ ଝେଚାଲି ଅଣ୍ପି ମାଞ୍ଜାତେରି, ଅଡ଼େ ଝେଣ୍ଡେ ନାନୁ ଏମ୍ବାଆଁ ହାଜିମାଞ୍ଜି ?”

୯ ଜୀସୁ ଏଲେଇଚେସି, “ଦିନାତାକି ବାର ଗଂଟା ହିଲେଏ ? ଆମ୍ବାଆସି ମାଦେନା ତାକିସାରେ ପୁଟିକିଅସି, ଇଚିହଁ ଏଞ୍ଜାସି ଦାଡ଼ିତି ଉଜେଡ଼ି; ୧୦ ସାମା ଲାଆଁୟାଁ ତାକିସାରେ ଏଞ୍ଜାସି ପୁଟିକିନେସି, ଇଚିହଁ ଏଞ୍ଜାଣି ହିୟାଁତା ଉଜେଡ଼ି ହିଲେଏ ।” ୧୧ ଇ ବାରେ କାତା ଝେସ୍ତି ତାୟୁ ଏଞ୍ଜାରେଇଁ ଅଡ଼େ ଏଲେଇଚେସି, “ମା ତଡ଼େ ଲାଜର ଇଦା କିହାମାନେସି, ସାମା ଏଞ୍ଜାଣାଇଁ ଇଦାଟି ନିକ୍‌ହାଲି ନାନୁ ହାଜିମାଇଁ ।”

୧୨ ଏମ୍ବାଟିଏ ସୀସୁୟାଁ ଏଞ୍ଜାଣାଇଁ ଏଲେଇଚେସି, “ପ୍ରବୁ ଏଞ୍ଜାସି ତୁରାନା ଇଦା କିହାମାଚିହଁ ନେହଁ ଆନେସି ।”

୧୩ ଜୀସୁ ଲାଜର ହାହାମାନାକି ଏ କାତା ଏଲେଇଚେସି, ସାମା ଏଞ୍ଜାଣି ଇଦା କିହାମାନି କାତା ଝେସ୍ତାତେସି ଇଞ୍ଜିଁ ଅଣ୍ପିମାଚେରି । ୧୪ ଏତିବେଲା ଜୀସୁ ତୀରେତଲେ ଏଲେଇଚେସି, “ଲାଜର ହାହାମାନେସି; ୧୫ ଅଡ଼େ ନାନୁ ଏମ୍ବାଆଁ ହିଲିଆତେଏଁ, ଏଦାଆଁତାକି ମୀ ତାକି ରାହାଁ କିହିମାଇଁ, ଏନିକଁ ମୀରୁ ନାମିଦେରି; ସାମା ଜାଦୁ ମାର ଏଞ୍ଜାଣି ତାଣା ହାନ ।”

୧୬ ଏମ୍ବାଟିଏ ତମା, ଆମ୍ବାଆରାଇଁ ଦିଦୁମ ଇଞ୍ଜିଁ ଇନେରି, ଏଞ୍ଜାସି ତାମି ତଡ଼େ ସୀସୁୟାଁଇଁ ଏଲେଇଚେସି, “ଜାଦୁ, ମାର ଜିକେଏ ହାଜାନା ଏଞ୍ଜାଣିତଲେ ହାନ ।”

ଜୀସୁଏ ଝେଣ୍ଡେ ନିଜିନାସି ଅଡ଼େ ଜୀସୁ

୧୭ ଜୀସୁ ବେତନିୟାଁତା ଏଜାନା ଝେଚେସି, ଏଞ୍ଜାସି ସାରି ଦିନା ଆଡ଼େସି ମାହାଣି ମାଣ୍ଡାତା ଇଟାମାନେରି । ୧୮ ବେତନିୟାଁ ଜିରୁସାଲମଟି ରୀ କିଲମିଟର ହେକ ମାଚେ, ୧୯ ଅଡ଼େ ଜୀହୁଦିୟାଁ ବିତ୍ରାଟି ହାଡ଼େକା ମାର୍ତ୍ତା ଇଞ୍ଜା ମରିୟମଇଁ ତାମି ତାୟିତି ଦୁକୁ ଡ଼କ୍‌ହାଲି ଏମ୍ବାଆଁ ଖାହାମାଚେରି ।

୨୦ ଜୀସୁ ଖାହିମାନେସି ଇଞ୍ଜିଁ ଏଚେତା ମାର୍ତ୍ତା ଝେଚେ, ଏଚେତା ମାର୍ତ୍ତା ଏଞ୍ଜାଣାଇଁ ବେଟାଆୟାଲି ହାଚେ, ସାମା

☆ ୧୦:୪୦ ୧୦:୪୦ ଜହ ୧:୨୮ † ୧୦:୪୦ ୧୦:୪୦ ମୁଞ୍ଜିନାୟି ☆ ୧୧:୧ ୧୧:୧ ଲୁକ ୧୦:୩୮,୩୯ ☆ ୧୧:୨ ୧୧:୨ ଜହ ୧୨:୩

ମରିୟମ ଇଜ କୁଗାନା ଡ଼ୟିତେ । ୨୧ ମାର୍ତ୍ତା ଜୀସୁଇଁ ଏଲେଇରେ, “ପ୍ରବୁ ନୀନୁ ଇମ୍ପାଆଁ ମାଚିହଁମା, ନା ତାୟି ହାଆତେସିମା, ୨୨ ସାମା ନୀନୁ ମାହାପୁରୁଇଁ ଏନାଆଁରାହଦି, ମାହାପୁରୁ ନିଜେ ଏଦାଆଁ ହିୟାନେସି, ଏଦାଆଁ ନୀଏଁ ଜିକେଏ ପୁଞ୍ଜାମାଇଁ ।”

୨୩ ଜୀସୁ ଏଦାନି ଏଲେଇରେସି, “ନୀ ତାୟି ଅଡ଼େ ଝେଶ୍ଵେ ନିଜିନେସି ।”

୨୪ “ମାର୍ତ୍ତା ଜୀସୁଇଁ ଏଲେଇରେ, ଏଞ୍ଜାସି ତାୟି ଝେଶ୍ଵେ ନିଜିନି ଦିନାତା ନିଜିନେସି, ଇଦାଆଁ ନୀନୁ ପୁଞ୍ଜାମାଇଁ ।”

୨୫ ଜୀସୁ ଏଦାନି ଏଲେଇରେସି, “ନୀନୁ ଝେଶ୍ଵେ ନିଜିନାତେଏଁ ଅଡ଼େ ଜୀସୁତେଏଁ; ଆମ୍ବାଆସି ନାଜେ ନାମାନେସି, ଏଞ୍ଜାସି ହାଡ଼ି ଜିକେଏ ନୀତିନେସି, ୨୬ ଆମ୍ବାଆସି ନୀତିନେସି ଅଡ଼େ ନାମିନେସି, ଏଞ୍ଜାସି ଏଚେଲା ଜିକେଏ ହାଅସି; ଇ କାତା ନାମିମାଞ୍ଜି ?”

୨୭ ମାର୍ତ୍ତା ଏଲେଇରେ, “ଏ ପ୍ରବୁ ଆମ୍ବାଆସି ଦାର୍ତ୍ତିତା ଖାନାୟି ମାଚେ, ନୀନୁ ଏ କ୍ରୀସ୍ତ ମାହାପୁରୁ ମୀର୍ଏଶାତି, ଇ କାତା ନାମିମାଇଁ ।”

ଜୀସୁ ଡ଼ାତେସି

୨୮ ଇ କାତା ଝେସାନା ମାର୍ତ୍ତା ହାଜାନା ତାମି ତାଜି ମରିୟମଇଁ ଏଚକା ହାଟାନା ଏଲେଇରେ, “ଗୁରୁ ଖାଡ଼େସିଏ ନିଜେ ପାରିମାଞ୍ଜାନେସି ।” ୨୯ ମରିୟମ ଇ କାତା ଝେଞ୍ଜାନା ଦାପେ ନିଜାନା ଏଞ୍ଜାଣି ତାଣା ହାଚେ । ୩୦ ଏଚିଚେଲା ଜୀସୁ ନାୟି ବିତ୍ତା ଖାହାହିଲାଆତେସି, ସାମା ମାର୍ତ୍ତା ଏଞ୍ଜାଣାଇଁ ଏମିନି ଟାୟୁତା ବେଟାଆହାମାଚେ, ଏଚେପାତେକା ଏ ଟାୟୁତେଏ ମାଚେସି । ୩୧ ଏମିନି ଜୀହୁଦିୟାଁ ଏଦାନିତଲେ ଏ ଇକୁତା ଦୁକୁ ତୁକହିମାଚେରି, ଏଞ୍ଜାରି ମରିୟମ ଦାପେ ନିଜାନା ପାଞ୍ଜାତା ହାଚାଣି ମେସାନା, ଏଦି ମାହଣି ମାଣ୍ଡାତା ଡ଼ାହାଲି ହାଜିମାନେ, ଇ କାତା ଅଣ୍ପାନା ଏଦାନି ଜେଚ ଜେଚ ହାଚେରି ।

୩୨ ଏମ୍ବାଟିଏ ଜୀସୁ ଏମିନି ଟାୟୁତା ମାଚେସି, ମରିୟମ ଏ ଟାୟୁତା ହାଜାନା ଏଞ୍ଜାଣାଇଁ ମେସାନା ଏଞ୍ଜାଣି କତାୟାଁ ଡ଼ଇ ରିହାନା ଏଲେଇରେ, “ପ୍ରବୁ ନୀନୁ ଇମ୍ପାଆଁ ମାଚିହଁମା ନା ତାୟି ହାଆତେସିମା ।”

୩୩ ଜୀସୁ ମରିୟମ ଅଡ଼େ ତାନିତଲେ ଖାହାମାନି ଜୀହୁଦି ଲକୁ ଡ଼ାହିମାନାଣି ମେସାନା ଜୀସୁତା ହାଚେକା ଦୁକୁ ଆହାନା ଝେଚେସି, ୩୪ “ଏଞ୍ଜାଣାଇଁ ଆମ୍ବିୟା ଇଟାମାଞ୍ଜେରି ?” ଏଞ୍ଜାରି ଏଲେଇରେଚି, “ପ୍ରବୁ, ଖାହାନା ସିନିକମ୍ପୁ ?”

୩୫ ଜୀସୁ ଡ଼ାତେସି । ୩୬ ଏଚେଟିଏ ଜୀହୁଦି ଲକୁ ଏଲେଇଣ୍ଡି ଆଡ଼େଚି, “ଏଞ୍ଜାସି ଏଞ୍ଜାଣାଇଁ ଏଚେକା ଜୀସୁ ନହଁମାଚେସି ।”

୩୭ ସାମା ଏଞ୍ଜାରି ବିତ୍ତାଟି ଏଚରଜାଣା ଏଲେଇରେଚି, “ଇ ମାଣ୍ଡସି ଏ କାଣାଇଁ ମେସ୍ପି କିହାମାଚେସି, ଏଞ୍ଜାସି ଇଞ୍ଜାଣାଇଁ ହାକିଟି ଗେଲ୍ପାଲି ଆଡ଼ିତେସିମା ?”

ହାଡ଼ି ଲାଜରଇଁ ଜୀସୁ ହାନାୟି

୩୮ ଏମ୍ବାଟିଏ ଜୀସୁ ଦୁକୁ ଆହାନା ମାହଣି ମାଣ୍ଡା ତାଚେ ଖାଡ଼େସି; ଏଦି ର ପାଞ୍ଜୁ ମାଚେ, ଇଞ୍ଜା ପାଞ୍ଜୁ ଦୁଝେରିତା ର

କାଜା ଖାଲି ମାଚେ । ୩୯ ଜୀସୁ ଏଲେଇରେସି, “ଇ ଖାଲି ଗୁଚି କିଦୁ ।” ହାଡ଼ାଣି ତାଜି ମାର୍ତ୍ତା ଏଲେଇରେ, “ପ୍ରବୁ, ଏଞ୍ଜାସି ଗାନ୍ଦା ଆହାହାଚେସିଏ, ଇଚିହଁ ହାହାନା ସାରି ଦିନା ଆଡ଼େସିଏ ।”

୪୦ ଜୀସୁ ଏଦାନି ଏଲେଇରେସି, “ନୀନୁ ନାମିଦି, ଆଡ଼ିହଁ ମାହାପୁରୁତି ଗାଞ୍ଜୁରମି ମେହଦି, ଇ କାତା ନୀନୁ ନିଜେ ଝେସାମାଞ୍ଜାଆତେଏଁ ?” ୪୧ ଅଡ଼େ ଏଞ୍ଜାରି ଖାଲି ଗୁଚି କିଚେରି । ଅଡ଼େ ଜୀସୁ ଲାକଖାକି ସିନିକିହାନା ଏଲେଇରେସି, “ଆଚା ନା ପ୍ରାଡ଼ାନା ଝେଚି ଇଞ୍ଜାଁ ନୀନୁ ନିଜେ ଜହରା କିହିମାଞ୍ଜାଇଁ । ୪୨ ନୀନୁ କାଲେଏ ନା ପ୍ରାଡ଼ାନା ଝେଞ୍ଜିମାଞ୍ଜି, ଇ କାତା ନୀନୁ ପୁଞ୍ଜାମାଇଁ; ସାମା ଏମିନି ଲକୁ ସାରିସୁଟୁ ନିଚାମାନେରି, ନୀନୁ ନାଜେ ପାଣ୍ଡାମାଞ୍ଜାଦି ଇଞ୍ଜାଁ ଏଞ୍ଜାରି ଏନିକଁ ନାମିନେରି, ଏଦାଆଁତାକି ଏଞ୍ଜାରି ତାକି ନୀନୁ ଏଲେଇଚେଏଁ ।” ୪୩ ଏଞ୍ଜାସି ଏଲେଇଞ୍ଜାନା କାଜା ଗିୟାତଲେ ଏଲେଇରେସି, “ଲାଜର ପାଞ୍ଜାତା ହଚା ଖାମ୍ପୁ ।” ୪୪ ଦେବୁଣିଏ ଲାଜର ପାଞ୍ଜାତା ହଚାଞ୍ଜାଡ଼େସି; ତାନି କେସ୍ତା କଡ଼ାଣା ମାହଣି ମାଣ୍ଡାତି ହିମ୍ପୁରିକା ତଲେ ରୁପି ଆହାମାଚୁ, ଇଞ୍ଜା ତାନି ମୁମ୍ପୁଡ଼ା ଇଚାୟି ପାସକି ପିଡ଼ଗିଞ୍ଜି ଆହାମାଚେ । ଜୀସୁ ଏଞ୍ଜାରିଇଁ ଏଲେଇରେସି, “ହିମ୍ପୁରିକା ହୁକଦୁ ଏଞ୍ଜାସି ତାକାପେସି ।”

ଜୀସୁଇଁ ପାୟାଲି ପାରୁ ପାରିନାୟି

(ମାତି ୨୬:୧-୫; ମାର୍କ ୧୪:୧,୨; ଲୁକ ୨୨:୧,୨)

୪୫ ହାଚେକା ଜୀହୁଦି ଲକୁ, ଇଚିହଁ ଆମ୍ବାଆରି ମରିୟମ ତାଣା ଖାହାମାଚେରି ଅଡ଼େ ଜୀସୁତି କାମା ମେସାମାଚେରି, ଏଞ୍ଜାରି ଏଞ୍ଜାଣାଇଁ ନାମିଚେରି । ୪୬ ଅଡ଼େ ଏଞ୍ଜାରି ବିତ୍ତାଟି ଆମ୍ବା ଆମ୍ବାଆରି ପାରୁସିୟାଁ ତାଣା ହାଜାନା ଜୀସୁ ଏନା ଏନାଆଁ କିହାମାଚେସି ଏ ବାରେ ଏଞ୍ଜାରିଇଁ ଝେସ୍ପେରି । ୪୭ ଇ କାତା ଝେଞ୍ଜାନା ପାରୁସିୟାଁ ଅଡ଼େ କାଜା ପୂଜେରାଞ୍ଜା କାଜା ବେରଣିମାଣ୍ଡାତା ଏଲେଇରେଚି, “ମାରୁ ଏନି କିନାୟି ଇ ମାଣ୍ଡସି ହାଚେକା କାବାଆନି କାମାୟାଁ କିହିମାନେସି । ୪୮ ମାରୁ ଏଞ୍ଜାଣାଇଁ ଏଲେକିହଁ ପିସ୍ତୁହଁ ବାରେ ଲକୁ ଏଞ୍ଜାଣି ତାଣା ନାମିନେରି, ଅଡ଼େ ରମିୟ ଲକୁ ଖାହାନା ଇ ଟାୟୁ କୁଡ଼ା ବାରେଚି ନାସା କିନେରି ।”

୪୯ ସାମା ଏଞ୍ଜାରି ବିତ୍ତାଟି ର କାଜା ପୂଜେରା, ଇଚିହଁ କୟାପା ଏ ବାସୀତି କାଜା ପୂଜେରା ଏଞ୍ଜାରିଇଁ ଏଲେଇରେସି, “ମାରୁ ଏନାଆଁ ପୁଞ୍ଜାହିଲଅତେରି ? ୫୦ ବାରେ କୁଡ଼ାତାରି ନାସା ଆନି କିହାଁ ବାରେ ଲକୁ ତାକି ରଅସି ହାନାୟି ମିଜେ ତାକି ନେହେଁ, ଇଦାଆଁ ମାରୁ ଅଣ୍ଡି ହିଲଅତେରି ।” ୫୧ ଏଞ୍ଜାସି ତାନିତାଣାଟି ଏଲେଇଞ୍ଜା ହିଲାଆତେସି, ସାମା ଏଞ୍ଜାସି ଏ ବାସୀତି କାଜା ପୂଜେରା ମାଚାକି ଇ ତାୟୁ ଆନି କାତା ତାନି ଗୁଚିଟି ହଚାମାଚେ, ଜୀସୁ ଏ କୁଡ଼ାତି ଲକୁ ତାକି, ୫୨ ଅଡ଼େ ଖାରଇ ଏ କୁଡ଼ା ତାକି ଆଏ, ସାମା ମାହାପୁରୁତି ଇତାଲା ଆତାଲା ଆହାମାନି ମୀର୍କାଣି ଜିକେଏ କୁଡ଼ି କିହାନା ରଣ୍ଡିଏ କିହାଲିତାକି

ହାହାଲି ହାଜିମାନେସି, ଇଦାଆଁତାକି ଇ କାତା ୱେକ୍‌ହେସି ।

୫୩ ଇଞ୍ଜା ଏ ଦିନାଟିଏ ଏଞ୍ଜାଣାକ୍ ପାୟାଲି ତାକି ପାରୁ ପାରିତେରି । ୫୪ ଏଦାଆଁତାକି ଜୀସୁ ଜୀହୁଦି ଲକୁ ବିତ୍ରା ପାକ୍‌ଞ୍ଜେକ୍ ରେଆଡେସି, ସାମା ଏଞ୍ଜାସି ଏ ଚାୟୁଟି ହଚା ହାଜାନା ଲକୁ ହିଲାଆ ଚାୟୁ ଦାରି ମାନି ଏପ୍ରିୟମ ଦରୁଗାଟି ର ଗାଡ଼ାତା ହାଚେସି, ଅଡ଼େ ସାସୁୟାଁ ତଲେ ଏମ୍‌ଆଁ ଡ଼ୟିତେସି ।

୫୫ ଏଚିବେଲା ଜୀହୁଦି ଲକୁତି ପିସ୍‌ପିଆନ୍ ପାରୁଁ ତାଗେ ମାଚେ, ଅଡ଼େ ନାସ୍‌କାଟି ହାଚେକା ଲକୁ ଜାହାରାଇ ଅଟ୍‌ହା କଡାଲି ପିସ୍‌ପିଆନ୍ ପାରୁଁ ନକେଏ ଜିରୁସାଲମତା ହାଚେରି । ୫୬ ଏମ୍‌ଆଟିଏ ଏଞ୍ଜାରି ଜୀସୁକ୍ ପାରି ପାରିହ୍ ମାହାପୁରୁ ଇଲୁତା ନିଚାମାଚାଟି ତାମ୍‌ତାମ୍‌ ଏଲେଇଶ୍‌ମି ଆଡେରି, “ମାରୁ ଏନାଆଁ ଅଶ୍‌ପିମାଞ୍ଜେରି ? ଏଞ୍ଜାସି କି ପାରୁଁତା ୱାଅସି ?” ୫୭ କାଜା ପୂଜେରାକ୍‌ ଅଡ଼େ ପାରୁସିୟାଁ ଏଞ୍ଜାଣାକ୍ ଆସାଲି ତାକି, ଏଞ୍ଜାସି ଏମ୍‌ୟା ମାନେସି, ଇ କାତା ଆମ୍‌ଆସି ପୁଞ୍ଜାମାନେସି, ଏ କାତା ୱେସାଲି ତାକି ହୁକୁମି ହାହାମାଚେରି ।

୧୨

ଜୀସୁକ୍ ନିୟୁଁ ରୁବିନାୟି

(ମାତି ୨୭:୬-୧୩; ମାର୍କ ୧୪:୩-୯)

୧ ଏମ୍‌ଆଟିଏ ଜୀସୁ ପିସ୍‌ପିଆନ୍ ପାରୁଁତି ସ ଦିନା ନକେଏ ବେତନିୟାତା ୱାଡେସି; ଏମିନି ଲାଜରକ୍ ହାଡାରି ତାଣାଟି ନିକ୍‌ହା ମାଚେସି, ଏଞ୍ଜାସି ଏ ଚାୟୁତା ମାଚେସି । ୨ ଏଦାଆଁତାକି ଏଞ୍ଜାରି ଏଞ୍ଜାଣାକି ଏ ଚାୟୁତା ଲାଆଁୟାଁ ର ବଜି କିତେରି; ମାର୍ତ୍ତା ବାଟି କିହିମାଚେ, ଅଡ଼େ ଆମିନି ଗାଟାରି ଏଞ୍ଜାଣିତଲେ ତିଞ୍ଜାଲି କୁଗାମାଚେରି, ଲାଜର ଏଞ୍ଜାରି ବିତ୍ରାଟି ରଅସି ମାଚେସି ।

୩ ଏଚିବେଲା ମରିୟମ ଆଦା ଗାଜୁ ଗାନ୍ଦା ନିୟୁଁ ତାଚାନା ଜୀସୁ କଡାଣା ରୁବାନା ତାନି ତାୟୁଁ ରାଣାୟାଁ ତଲେ ତାନି କଡାଣି କେଡେ, ଅଡ଼େ ବାରେ ଇଲୁତା ନିୟୁଁ ଗାନ୍ଦା ଆଡେ । ୪ ସାମା ତାନି ସାସୁୟାଁ ବିତ୍ରାଟି ଇସ୍‌ମାରିୟତ ଜୀହୁଦା ଆମିନି ସାସୁ ଜୀସୁକ୍ ସାତୁୟାଁ କେୟୁତା ହେରପାଲି ହାଜିମାଚେସି, ଏଞ୍ଜାସି ଏଲେଇଚେସି, ୫ “ଇ ନିୟୁଁ ତାନି ୱାଞ୍ଜା ଚାକାୟାଁ ତାକି ପାରୁପି ଆହାନା ଏନାଆଁତାକି କାକୁଲି ଗାଟାରକି ହାପକି ଆଆଡେ ?” ୬ ଏଞ୍ଜାସି କାକୁଲି ଗାଟାରକି ଅଶ୍‌ପିମାଚେସି ଇଞ୍ଜା ଏଲେଇଚେସି, ଏଦି ଆଏ, ସାମା ଏଞ୍ଜାସି ର ସରୁ ଅଡ଼େ ଏଞ୍ଜାଣି ତାଣା ଚାକାୟାଁ ମଣା ମାଚାକି, ଏମ୍‌ଆଁ ଏନା ଏନାଆଁ ଇଟ୍‌କି ଆହିମାଚେ, ଏଦାଆଁ ସରୁ କିହିମାଚେସି ।

୭ ସାମା ଜୀସୁ ଏଲେଇଚେସି, “ଇଦାଆଁ ପିହ୍‌ଦୁ, ଏନିକ୍ ନା ମାଡ଼ହା ମୁହନି ଦିନାତାକି ଏଦି ଏଦାଆଁ ଇଚାଲି ଆଡ଼ିନେ । ୮ କାକୁଲି ଗାଟାରି ବାରେଦିନା ମୀ ତାଣା ମାନେରି, ସାମା ନାନ୍ତୁ ବାରେବେଲା ମୀ ତଲେ ମାନଅଁ ।”

ଲାଜର କପାଟି ପାରୁ ପାରିନାୟି

୯ ଏଚେଟିଏ ହାଚେକା ଜୀହୁଦି ଲକୁ ଏଞ୍ଜାସି ଏମ୍‌ଆଁ ମାନେସି ଇଞ୍ଜା ପୁଞ୍ଜାନା ୱାଚରଇ ଜୀସୁ ତାକି ଆଏ, ସାମା ଏମିନି ଲାଜରକ୍ ଏଞ୍ଜାସି ହାକିଟି ନିକ୍‌ହା ମାଚେସି, ଏଞ୍ଜାଣାକ୍ ମେସାଲି ୱାଡେରି । ୧୦ ସାମା ଲାଜରକ୍ ଜିକେଏ ପାୟାଲି କାଜା ପୂଜେରାକ୍‌ ପାରୁ ପାରିତେରି, ୧୧ ଇଚିହ୍ ଏଞ୍ଜାଣି ତାକି ଜୀହୁଦିୟାଁ ବିତ୍ରାଟି ହାଚେକା ହାଜାନା ଜୀସୁ ତାଣା ନାମି ମାଚେରି ।

ଜୀସୁ ଜିରୁସାଲମତା ରାହୁଁଟି ହଡ଼ନାୟି

(ମାତି ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ତାନି ଅର ଦିନା ପାରୁଁତା ୱାହାମାନି ହାଚେକା ଲକୁ ଜୀସୁ ଜିରୁସାଲମତା ୱାହାମାନେସି ଇଞ୍ଜା ୱେଚେରି ୧୩ ଇଞ୍ଜା କାଜୁରି ମାଚାୟାଁ ଆସାନା ଜୀସୁକ୍ ବେଟାଆହାଲି ୱାଡେରି ଅଡ଼େ କାଜା ଗିୟାଁତଲେ ଏଲେଇଚେରି, “ହସାନା । ପ୍ରବୁତି ଦରୁତଲେ ଆମ୍‌ଆସି ୱାହିମାନେସି, ଏଞ୍ଜାସି ନେହେ; ଇସ୍‌ମାୟେଲତି ରାଜାକ୍ ମାହାପୁରୁ ବର ହାପାସି ।”

୧୪ ଜୀସୁ ର ଗାଡ଼ଦେ ତାଲୁ ଲାକ କୁଗାନା ୱାହିମାଚେସି, ଏନିକ୍ ରାସ୍‌କି ଆହାମାନେ,

୧୫ “ଆକେ ସିୟନତି ମାସ୍‌କା, ଆଜାଆଦୁ ମେହ୍‌ଦୁ ମୀ ରାଜା ୱାହିମାନେସି,

ଏଞ୍ଜାସି ଗାଡ଼ଦେ ତାଲୁ ଲାକ କୁଗାନା ୱାହିମାନେସି ।”

୧୬ ଏଚିବେଲା ସାସୁୟାଁ ଏଦାନି କାତା ପୁଞ୍ଜାଲି ଆଡ଼ାଆଡେରି, ସାମା ଜୀସୁ ଗାଞ୍ଜୁରମିଟି ୱେଶ୍‌ଶେ ନିକାଲିଏ ଏଞ୍ଜାରି ଅଶ୍‌ପୁତା ୱାଡେ, ଇ ବାରେ କାତା ସାସ୍‌ପେରିତା ରାସ୍‌କି ଆହାମାନେ, ଇଚିହ୍ ଏଲେକିହ୍ ଏଏଞ୍ଜାରି କାମା କିହିମାଚେରି ।

୧୭ ଜୀସୁ ହାଡ଼ି ଲାଜରକ୍ ମାହିଣି ମାଣ୍ଡାଟି ହାଟାନା ନିକ୍‌ହାମାଟି ବେଲାତା ଏମିନିଗାଟାରି ଏଞ୍ଜାଣିତଲେ ମାଚେରି, ଏଞ୍ଜାରି ଇ ବାରେ କାତା ସାରିଞ୍ଜାକି ୱେକ୍‌ହା ମାଚେରି । ୧୮ ଇଦାଆଁତାକି ଲକୁ ବାରେ ଏଞ୍ଜାଣାକ୍ ବେଟାଆହାଲି ହାଜାମାଚେରି, ଅଡ଼େ ଏଞ୍ଜାସି ଇ କାବାଆନ୍ କାମା କିହିମାଚେସି ଇଞ୍ଜା ୱେଞ୍ଜାମାଚେରି । ୧୯ ଇଦାଆଁ ମେସାନା ପାରୁସିୟାଁ ତାନି ବିତ୍ରା କାତା ଆଡେରି, “ମେସିମାଞ୍ଜେରି ମାର୍ ଏନାଆଁ କିହିଲି ଆଡ଼ିହିଲାଆୟି; ଦାରୁଡିତ ବାରେ ଲକୁ ଏଞ୍ଜାଣି କେଡ ହାଜିମାନେରି ।”

ଏଚେକା ଗ୍ରିକ୍ ଲକୁ ଜୀସୁକ୍ ପାରିନାୟି

୨୦ ପାରୁଁ ବେଲାତା ପ୍ରାଡାନା କିହିଲି ଜିରୁସାଲମତା ୱାହାମାନି ଲକୁ ବିତ୍ରା ଏଚେକା ଗ୍ରିକ୍ ଲକୁ ମାଚେରି । ୨୧ ଏଞ୍ଜାରି ଗାଲିଲିତି ବେଡ଼ସାୟିଦାତି ପିଲିପ ତାଣା ୱାହାନା ବାଡ଼ିମାଲିହ୍ ଏଲେଇଚେରି, “ବାବୁ, ମାମ୍‌ଜୁ ଜୀସୁକ୍ ମେସାଲି ଅଶ୍‌ପିମାନମି ।”

୨୨ ପିଲିପ ହାଜାନା ଆହିୟଇକ୍ କାବୁ ହାଚେସି ଅଡ଼େ ରିଆରି ହାଜାନା ଜୀସୁକ୍ ୱେସ୍‌ପେରି । ୨୩ ଜୀସୁ ଏଞ୍ଜାଚାକ୍ ଏଲେଇଚେସି, “ମାଣ୍‌ସି ମୀରୁଏସି ଗାଞ୍ଜୁରମି ଆନ୍ ବେଲା

☆ ୧୨:୩ ୧୨:୩ ଲୁକ ୭:୩୭,୩୮

ଝାହାମାନେ । ୨୪ ନାନୁ ମିଙ୍ଗେ ସାତା ଝେସିମାଞ୍ଜାଈଁ ଗହଁ ପାଡ଼େୟି ବୁମିତା ରିହାନା ହାନ୍ତି ପାତେକା ଏଦି ରଣ୍ଡିଏ ପାଡ଼େୟି ଆହାନା ଡ଼ୟିନେ, ସାମା ଏଦି ହାଡ଼ିସାରେ ଏମ୍ବାଟି ହାରେକା ପାଡ଼େୟିକା ଆନୁ । ୨୫ ☆ଆମ୍ବାଆସି ଜାହାରା ଜୀଝୁତି ଜୀଝୁ ନନେସି, ଏଝାସି ଏଦାଆଁ ହାରୁଝି କିନେସି, ଆମ୍ବାଆସି ଜାହାରା ଜୀଝୁତି ଈ ଦାର୍ଡିତା ଅପଅସି, ଏଝାସି ଏଦାଆଁ କାଲ୍ଲକାଲ୍ଲା ତାକି ଗେଲ୍ପିନେସି । ୨୬ ଆମ୍ବାଆସି ନା ସେବା କାମାକିନାସି ଆନେସି, ଆଡ଼ିହଁ ଏଝାସି ନା ଜେତ ଝାପେସି; ଅଡ଼େ ନାନୁ ଆମ୍ବିୟା ଡ଼ୟିଲ୍, ନା ସେବା କାମାକିନାସି ଜିକେଏ ଏମ୍ବାଆଁ ଡ଼ୟିନେସି; ଆମ୍ବାଆସି ନା ସେବା କିନେସି, ଆଡ଼ିହଁ ଆବା ଏଝାଣାଇଁ ମାନ୍ତି କିନେସି ।

ଜୀସୁ ତାନି ହାକିତି କାତା ଏଲେଇନାୟି

୨୭ ନୀଏଁ ନା ଜୀଝୁ କିଲିବିଲି ଆହିମାନେ, ଇଞ୍ଜା ନାନୁ ଏନାଆଁ ଇଞ୍ଜାଇଁ ? ଆବା ଇ ଲାଗେଏ ତାଣାଟି ଗେଲ୍ପାମ୍, ସାମା ଏଦାଆଁତାକି ନାନୁ ଇ ଗାୟୁତା ଝାହାମାଇଁ ।

୨୮ ଆବା ନୀ ଦରୁ ଗାୟୁରମି ଆପେ ।”

ଏତିବେଲାତା ହାଗୁ ଲାକଟି ଇ ହାଡ଼ା ଆଡ଼େ ନାନୁ ଏଝାଣାଇଁ ଗାୟୁରମି କିହାମାଇଁ ଅଡ଼େ ଗାୟୁରମି କିଲ୍ ।

୨୯ ଇଞ୍ଜା ଏମ୍ବାଆଁ ଦାରି ନିଗାମାଟି ଲକୁ ବାରେ ଇ ହାଡ଼ା ଝେଞ୍ଜାନା ଏଲେଇଚେରି, “ଇଦି ହାଗୁ ଗୁଣ୍ଡିମାନେ ।” ଅଡ଼େ ଏଟକାତାରି ଏଲେଇଚେରି, “ଲାକପୁରୁତି ଦୂଡ଼ୁ ଏଝାଣିତଲେ କାତା ଆହିମାନେ ।”

୩୦ ଜୀସୁ ଏଲେଇଚେସି, “ଇ ହାଡ଼ା ନାଙ୍ଗେତାକି ଆହା ହିଲେଏ, ସାମା ଇ ହାଡ଼ା ମିଙ୍ଗେତାକି ଆହାମାନେ । ୩୧ ନୀଏଁ ଇ ଦାର୍ଡି ବିଚାରା କିନି ଦିନା; ନୀଏଁ ଇ ଦାର୍ଡିତି ସାଲୁଝି କିନାଇ ଡ଼ଇ ମେଡ଼ପିଆନୁ । ୩୨ ନାନୁ ଏତିବେଲା ଦାର୍ଡିତି ଲାକପୁରୁ ଅଝିଆଲ୍, ଏତିବେଲା ବାରେତି ନା ତାଣା ରେଜା ଅଲ୍ ।” ୩୩ ଏଝାସି ଏନିକଁ ହାହାଲି ହାଜିମାନେସି, ଏଝାସି ଇ କାତାତା ଏଲେଇଚେସି ।

୩୪ ଲକୁ ଏଝାଣାଇଁ ଏଲେଇଚେରି, “ମସିହା କାଲେଏ ଡ଼ୟିନେସି ଇଞ୍ଜାଁ ମାମ୍ବୁ ମୁସାତି ମେରାତା ଝେଞ୍ଜାମାନମି, ଆଡ଼ିହଁ ମାଣ୍ଡସି ମୀରୁଏସି ଲାକ ପେରୁଝି ଆନେସି ଇଞ୍ଜାଁ ନାନୁ ଏନିକଁ ଏଲେ ଇଞ୍ଜାମାଞ୍ଜି ? ଏ ମାଣ୍ଡସି ମୀରୁଏସି ଆମ୍ବାଆସି ?”

୩୫ ଜୀସୁ ଏଝାରାଇଁ ଏଲେଇଚେସି, “ଅଡ଼େ ଗାଡ଼େକା ତାକି ଉଜେଡ଼ି ମୀ ତାଣା ମାନେ । ଆନ୍ଦେରି ମିଙ୍ଗେ ଏନିକଁ ଗୁସ୍ତେଏ, ଏଦାଆଁତାକି ମୀ ତାଣା ଉଜେଡ଼ି ମାଞ୍ଜା ମାଞ୍ଜାନା ତାକାଦୁ; ଆମ୍ବାଆସି ଆନ୍ଦେରିତା ତାକିନେସି, ଏଝାସି ଆମ୍ବିୟା ହାଜିମାନେସି ପୁଞ୍ଜାଲି ଆଡ଼ଅସି । ୩୬ ମୀରୁ ଏନିକଁ ଉଜେଡ଼ିତି ମୀରୁକା ମାସକା ଆଦେରି, ଏଦାଆଁତାକି ଉଜେଡ଼ି ମୀ ତାଣା ମାଞ୍ଜା ମାଞ୍ଜାନା ଉଜେଡ଼ିତା ନାମାଦୁ ।” ଜୀସୁ ଇ ବାରେ କାତା ଝେସାନା ହାଚେସି ଇଞ୍ଜାଁ ଏଝାରି ତାଣାଟି ଡ଼ଗୁାନା ଡ଼ୟିଚେସି ।

ଲକୁ ନାମାଆ ଗାଟାୟି

☆ ୧୨:୨୫ ୧୨:୨୫ ମାଡ଼ି ୧୦:୩୯; ୧୨:୨୫; ମାର୍କ ୮:୩୫; ଲୁକ ୯:୨୪; ୧୭:୩୩

୩୭ ଏଝାରି ନକିତା ଏଚେକା କାବାଆନ୍ତି କାମାୟାଁ କିହାମାଚେସି, ଆଡ଼ିଜିକେଏ ଏଝାରି ଏଝାଣି ତାଣା ନାମା ହିଲାଆଚେରି, ୩୮ ଏନିକଁ ମାହାପୁରୁ ଅଣ୍ପୁତି ବଲୁ ଝେହ୍ନି ଜିସାୟ ତାଣାଟି ରାଡ଼ାମାନି କାତା ପୁରା ଆନେ, “ପୁରୁ ମା ହାଡ଼ା ଝେଞ୍ଜାନା ଆମ୍ବାଆସି ନାମା ମାନେସି ?

ଆମ୍ବାଆରି ତାଣା ପୁରୁ ତାନି ବାଡ଼ୟୁ ତସାମାନେସି ?”

୩୯ ଇଦାଆଁତାକି ଏଝାରି ନାମାଲି ଆଡ଼ିହିଲାଆଚେରି, ଇଞ୍ଜାଁ ଜିସାୟ ଏଲେଇଞ୍ଜାମାଚେସି,

୪୦ ସାତେଏ ମାହାପୁରୁ ଏଝାରି କାଣକା କାଣା କିହାମାନେସି ।

ଏଦାଆଁତାକି ଏଝାରି ହିୟାଁତା ଏନାଆଁ ମେସାଲି ଆଡ଼ଅରି, ଇଞ୍ଜାଁ ହିୟାଁତା ଏନାଆଁ ତେଲ୍ହାଲି ଆଡ଼ଅରି

ମାହାପୁରୁ ଏଲେଇଞ୍ଜି ମାନେସି,

“ନେହଁ ଆହାଲିତାକି ଏଝାରି ନା ତାଣା ଝେଣ୍ଡା ଝାହିହିଲଅରି ।”

୪୧ ଜିସାୟ ଜୀସୁ କ୍ରୀସ୍ତତି ଗାୟୁରମି ମେସ୍ତେସି ଏଦାଆଁତାକି ଏଝାସି ଏଝାଣି କାତା ଝେସ୍ତେସି ।

୪୨ ଆଡ଼ିଜିକେଏ ଜୀହୁଦି ଲକୁତି କାଜାରି ହାରେକା ଏଝାଣି ତାଣା ନାମିଚେରି, ସାମା ଏଚେତା ଜୀହୁଦି କୁଲମିଟି ପେରୁହାନେରି ଇଞ୍ଜାଁ ପାରୁସିୟାଁ ଆଜିତାକି ବାରେଜାଣା ଏ କାତାବାର୍ତା ଆହି ହିଲାଆଚେରି, ୪୩ ଇଡ଼ିହଁ ଏଝାରି ମାହାପୁରୁ ତାଣାଟି ଗାୟୁରମି କିହାଁ ମାଣ୍ଡସିୟାଁ ତାଣାଟି ଗାୟୁରମି ଜୀଝୁ ନହିମାଚେରି ।

ମାଣ୍ଡସିୟାଁ ତାଣାଟି ଜୀସୁତି କାତା ବିଚାରା କିନାୟି

୪୪ ଜୀସୁ କାଜା ଗିୟାଁତଲେ ଏଲେଇଚେସି, “ଆମ୍ବାଆସି ନା ତାଣା ନାମିନେସି, ଏଝାସି ନା ତାଣା ନାମଅସି, ସାମା ନାଙ୍ଗେ ପାଣ୍ଡାତାଣାଇଁ ନାମିନେସି; ୪୫ ଆମ୍ବାଆସି ନାଙ୍ଗେ ମେସ୍ତାନେସି, ଏଝାସି ନାଙ୍ଗେ ପାଣ୍ଡାତାଣାଇଁ ମେହ୍ନେସି । ୪୬ ଆମ୍ବାଆସି ନା ତାଣା ନାମିନେସି, ଏଝାସି ଏନିକଁ ଆନ୍ଦେରିତା ବସା କିଅସି, ଏଦାଆଁତାକି ନାନୁ ଦାର୍ଡିତା ଉଜେଡ଼ି ଆହାନା ଝାହାମାଇଁ । ୪୭ ଆମ୍ବାଆସି ନା ବଲୁ ଝେଞ୍ଜାନା ମାନ୍ଝି ଆଅସି, ଆଡ଼ିହଁ ନାନୁ ଏଝାଣି ବିଚାରା କିଅଁ; ଇଡ଼ିହଁ ନାନୁ ଦାର୍ଡିତା ବିଚାରା କିହାଲି ଝାଆନା ଦାର୍ଡିତି ଗେଲ୍ପାଲି ଝାହାମାଇଁ । ୪୮ ଆମ୍ବାଆସି ନାଙ୍ଗେ ଅପଅସି ଅଡ଼େ ନା ବଲୁତି ଆବଅସି, ନାନୁ ଏମିନି ବଲୁ ଜଲ୍ଲମାଇଁ, ନା ଗୁଡ଼ିତି ବଲୁ ତାୟୁତି ଦିନାତା ଏଝାଣି ବିଚାରା କିନେ; ୪୯ ଇଡ଼ିହଁ ନାନୁ ନା ତାଣାଟି ଜଲ୍ଲା ହିଲଅଁ, ସାମା ନାନୁ ଏନାଆଁ ଜଲିଲ୍ ଅଡ଼େ ଏନାଆଁ ଝେକ୍ଲ୍, ଏଦାଆଁ ନାଙ୍ଗେ ପାଣ୍ଡାମାଞ୍ଜାନି ଆବା ହୁକୁମି ହୀହାମାଞ୍ଜାନେସି ୫୦ ଇଞ୍ଜାଁ ନାନୁ ପୁଞ୍ଜାମାଇଁ ତାନି ହୁକୁମି କାଲ୍ଲକାଲ୍ଲାତି ଜୀଝୁ ହୀନେ । ନା ଆବା ନାଙ୍ଗେ ଏନାଆଁ ଜଲ୍ଲାଲି ହୁକୁମି ହୀହାମାଞ୍ଜାନେସି, ଝାରିଲ୍ ଏଲେକିହଁ ଏ ଝେହ୍ଲ୍ ।”

୧୩

ଜୀସୁ ସୀସୁୟାଁ କତାୟାଁ ନରନାୟି

୧ ପିସପିଆନି ପାର୍ବୁ ନକେଏ ଜୀସୁ ଇ ଦାର୍ତତି ଆବା ତାଣା ହାନି କାରୁ ଆହାଲିଏ, ଦାର୍ତତି ମାନି ତାନି ଲକୁଣି ଏଞ୍ଜସି ଜୀସୁ ନହୁଁମାରେସି, ଏଞ୍ଜରାଲ୍ ହାରେକା ଜୀସୁ ନନାଣି ତସାମାରେସି ।

୨ ଜୀସୁ ତାନି ସୀସୁୟାଁ ତଲେ ଲାଆଁୟାଁ ତିନି ବେଲାତା ସୟତାନ ସିମନ ମୀରୁଏସି ଇସ୍ପାରିୟତ ଜୀହୁଦା ହିୟାଁତା ଜୀସୁଇଁ ସାତୁ କେୟୁତା ହେରପାଲି ଅଣ୍ଡି କିହାମାରେ ।

୩ ଏତିବେଲା ଆବା ତାନି କେୟୁତା ବାରେ ହେରପା ମାନେସି ଅଡେ ଏଞ୍ଜସି ମାହାପୁରୁ ତାଣାଟି ଖାହାମାନେସି, ଅଡେ ମାହାପୁରୁ ତାଣା ହାଜିମାନେସି, ୪ ଇଦାଆଁ ପୁଞ୍ଜାନା ରାନ୍ଦା ତିନି ତାଣାଟି ନିଜାନା, ତାନି ହିମ୍ବୁରି ଇତିତେସି ଇଞ୍ଜା ର ତୁଞ୍ଜାଲା ତାନି ଟେଡେଲିତା ରୁପା କଡିତେସି । ୫ ତାୟୁ ଏଞ୍ଜସି ମୁତାତା ଏୟୁ କଡିତେସି, ଅଡେ ସୀସୁୟାଁତି କତାୟାଁ ନରହାନା ତାନି ଟେଡେଲିତା ମାନି ତୁଞ୍ଜାଲା ତଲେ ଦେଜାଲି ମାଟ୍‌ହେସି । ୬ ଏତିବେଲା ଜୀସୁ ସିମନ ପିତର ଦାରିତା ଖାଡେସି; ଏଞ୍ଜସି ଏଞ୍ଜାଣାଲ୍ ଏଲେଇରେସି, “ପୁରୁ ନୀନୁ ନା କତାୟାଁ ନରହି ମାଞ୍ଜାଦି ?”

୭ ଜୀସୁ ଏଞ୍ଜାଣାଲ୍ ଏଲେଇରେସି, “ନାନୁ ଏନାଆଁ କିହିମାଲ୍ ନୀନୁ ନୀଏଁ ଏଦାଆଁ ପୁଞ୍ଜାଲି ଆଡଅତି, ତାୟୁ ପୁଞ୍ଜି ।”

୮ ପିତର ଏଲେଇରେସି, “ଆଏ, ନା କତାୟାଁ ଏତେଲାଞ୍ଜା ନରହଅତି ।” ସାମା ଜୀସୁ ଏଲେଇରେସି, “ନାନୁ ନୀ କତାୟାଁ ନରହାଆଡିହୁଁ ନୀନୁ ଅଡେ ନା ସୀସୁ ଆୟାଲି ଆଡଅତି ।”

୯ ସିମନ ପିତର ଏଲେଇରେସି, “ପୁରୁ, ଆଡିହୁଁ କତାୟାଁ ଏନାଆଁକି, ନା କେସ୍ତା ଅଡେ ତାୟୁଁ ଜିକେଏ ନରହାମୁ ।”

୧୦ ଜୀସୁ ଏଞ୍ଜାଣାଲ୍ ଏଲେଇରେସି, “ଆମ୍ବାଆସି ଏୟୁ ମାହାମାନେସି, ଏଞ୍ଜାଣି କତାୟାଁ ନରନି କିହାଁ ଏନାୟି ଲଡା ହିଲେଏ, ମୀରୁ ଅଡ଼ି ଆହାମାଞ୍ଜେରି; ସାମା ବାରେକାଣା ଆଏ ।” ୧୧ ଇତିହୁଁ ଆମ୍ବାଆସି ଏଞ୍ଜାଣାଲ୍ ସାତୁୟାଁ କେୟୁତା ହେରପିନେସି ଜୀସୁ ତଲିଏ ଏଞ୍ଜାଣାଲ୍ ପୁଞ୍ଜାମାରେସି; ଏଦାଆଁତାକି ଏଞ୍ଜସି ଏଲେଇରେସି, “ମୀରୁ ବାରେକାଣା ଅଡ଼ି ଆହାହିଲଅରି ।”

୧୨ ଧୁତାୟୁ ଜୀସୁ ଏଞ୍ଜାରି କତାୟାଁ ନରହାନା ତାନି ହିମ୍ବୁରି ପରହାନା ଖେଣ୍ଡେ ତିଞ୍ଜାଲି କୁଗିତେସି ଇଞ୍ଜା ଖେରେସି, “ନାନୁ ମିଙ୍ଗେ ତାକି ଏନାଆଁ କିହାମାଲ୍ ମୀରୁ ପୁଞ୍ଜାଲି ଆଡିତେରି କି ? ୧୩ ମୀରୁ ନାଙ୍ଗେ ଗୁରୁ ଇଞ୍ଜୁଁ ହାଡିମାଞ୍ଜାଦେରି, ଏଡି ସାତା; ଇତିହୁଁ ନାନୁ ଏଞ୍ଜାତେଏଁ । ୧୪ ମୀ ଗୁରୁ ଅଡେ ପୁରୁତେଏଁ ନାନୁ, ନାନୁ ମୀ କତାୟାଁ ନରହାମାଞ୍ଜାଲ୍ ଆଡିହୁଁ ମୀରୁ ଜିକେଏ ରଅତେରି ରଅଣି କତାୟାଁ ନରନାୟି ମାନେ । ୧୫ ଇତିହୁଁ ନାନୁ ମିଙ୍ଗେତାକି ଏନିକିଁ କିହାମାଲ୍ ମୀରୁ ଜିକେଏ ଏଲେକିହୁଁ କିଦୁ,

ଇଦାଆଁତାକି ଇଦାଆଁ ତସାମାଞ୍ଜାଲ୍ । ୧୬ ଧୁତା ସାତା ନାନୁ ମିଙ୍ଗେ ଖେସିମାଞ୍ଜାଲ୍, ହଲେଏସି ତାନି ସାଞ୍ଜୁକାରି କିହାଁ କାଜାସି ଆଏ, ଅଡେ ପାଣ୍ଡୁଞ୍ଜି ଆଡାସି ତାନି ପାଣ୍ଡୁତାଣା କିହାଁ କାଜାସି ଆଏ । ୧୭ ମୀରୁ ଇ ବାରେ ପୁଞ୍ଜାନା ଏଲେକିଁ କିଦେରି ଇତିହୁଁ ମୀରୁ ନେହାତେରି ।”

୧୮ “ନାନୁ ମୀ କାତା ଖେସିହିଲଅଁ; ଏନିଲେହେଡି ଲକୁଣି ନାନୁ ଆଡାମାଲ୍, ଏ କାତା ନାନୁ ପୁଞ୍ଜାମାଲ୍; ସାମା ଦାମ୍ବୁ ପଡିତି ଇ ବଲୁ ଏନିକିଁ ପୁରା ଆନେ, ଇଦାଆଁତାକି ଇ ବାରେ ଆହିମାନେ, ‘ଆମ୍ବାଆସି ନା କାଡି ତିନେସି ଏଞ୍ଜସି ନା କପାଟି ନିଙ୍ଗତେସି ।’ ୧୯ ଏଡି ଗଟଞ୍ଜି ଆନାଟି ନାନୁ ଏଞ୍ଜାତେଏଁ ଇଞ୍ଜୁଁ ମୀରୁ ନାମିଦେରି, ଏଦାଆଁତାକି ଗଟଞ୍ଜି ଆନି ନକେଏ ନାନୁ ମିଙ୍ଗେ ଖେସିମାଞ୍ଜାଲ୍ । ୨୦ ଧୁତା ସାତା ନାନୁ ମିଙ୍ଗେ ଖେସିମାଞ୍ଜାଲ୍, ଆମ୍ବାଆସି ନା ତାଣାଟି ପାଣ୍ଡୁଞ୍ଜି ଆଡାଣାଲ୍ ଆବିନେସି, ଏଞ୍ଜସି ନାଙ୍ଗେ ଆବାନେସି, ଅଡେ ଆମ୍ବାଆସି ନାଙ୍ଗେ ଆବାନେସି ଏଞ୍ଜସି ନାଙ୍ଗେ ପାଣ୍ଡୁତାଣାଲ୍ ଆବିନେସି ।”

ସାତୁୟାଁ କେୟୁତା ହେରପିନି କାତା ଖେହନାୟି

(ମାତି ୨୭:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଜୀସୁ ଇ ବାରେ କାତା ଖେସି ତାୟୁ ଜୀସୁତା ହାରେକା ଦୁକୁ ଆହାନା ବାରେତି ନକିତା ଖେକ୍‌ହେସି, “ନାନୁ ମିଙ୍ଗେ ସାତା ଖେସିମାଞ୍ଜାଲ୍ ମୀ ବିତ୍ରାଟି ରଅସି ନାଙ୍ଗେ ସାତୁୟାଁ କେୟୁତା ହେରପାନେସି ।”

୨୨ ଏଞ୍ଜସି ଆମ୍ବାଆରି କାତା ଏଲେଇରେସି, ପୁନାଆନା କାବାଆହାନା ସୀସୁୟାଁ ତାୟୁ ତାୟୁଁ ସିନିକିଞ୍ଜି ଆଡେରି । ୨୩ ଏଞ୍ଜାରି ବିତ୍ରାଟି ଏମିନି ସୀସୁଇଁ ଜୀସୁ ହାରେକା ଜୀସୁ ନହୁଁମାରେସି, ଏଞ୍ଜସି ଜୀସୁତି ଚିଝନିଞ୍ଜାକି କୁଗାନା ତିଞ୍ଜିମାରେସି । ୨୪ ସିମନ ପିତର ଏଞ୍ଜାଣାଲ୍ କେୟୁତଲେ ଏଲେଇରେସି, “ଏଞ୍ଜସି ଆମ୍ବାଆରି କାତା ଏଲେଇଞ୍ଜି ମାନେସି, ଏଦାଆଁ ଖେଞ୍ଜୁ ।”

୨୫ ଏ ସୀସୁ ଅଡେ ତାଗେ ଆହାନା ଜୀସୁଇଁ ଖେରେସି, “ଏଞ୍ଜସି ଆମ୍ବାଆସି ପୁରୁ ।”

୨୬ ଜୀସୁ ଏଲେଇରେସି, “ଇ ରୁଟି ଗିନାତା କୁଡି କିହାନା ହାଲ୍ ଏଞ୍ଜସି ।” ଏଲେଇଞ୍ଜାନା ଜୀସୁ ରୁଟି ଗିନାତା କୁଡି କିହାନା ସିମନ ମୀରୁଏସି ଇସ୍ପାରିୟତ ଜୀହୁଦାକି ହାତେସି । ୨୭ ରୁଟି ରୀସାଲିଏ ସୟତାନା ଏଞ୍ଜାଣି ହିୟାଁତା ହଟେ । ଏତେଟିଏ ଜୀସୁ ଏଲେଇରେସି, “ଏନାଆଁ କିନାୟିମାନେ ତବେ କିମ୍ପୁ ।” ୨୮ ଜୀସୁ ଏଞ୍ଜାଣାଲ୍ ଇ କାତା ଏନାଆଁତାକି ଏଲେଇରେସି ଏଟକାତାରି ଆମ୍ବାଆରି ପୁଞ୍ଜାଲି ଆଡାଆତେରି । ୨୯ ଜୀହୁଦା କେୟୁତା ଟାକାୟାଁ ମଣା ମାଚାକି, ପାର୍ବୁତାକି ଏନା ଏନାଆଁ ଲଡାମାନେ, ଏଦାଆଁ କତାଲି ଆଆତ କାକୁଲି ଗାଟାରାକି ହାହାଲିତାକି ଜୀସୁ ଏଞ୍ଜାଣାଲ୍ ଏଲେଇରେସି ଇଞ୍ଜୁଁ ଆମ୍ବା ଆମ୍ବାଆରି ଅଣ୍ଡିପିତେରି ।

☆ ୧୩:୧୨ ୧୩:୧୨ ଲୁକ ୨୨:୨୭ ☆ ୧୩:୧୬ ୧୩:୧୬ ମାତି ୧୦:୨୪; ଲୁକ ୬:୪୦; ଜହ ୧୫:୨୦ ☆ ୧୩:୨୦ ୧୩:୨୦ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭

୩୦ ରୁଚି ତିଜ୍ଞାନା ଜୀହ୍ୱଦା ଏ ଦେବୁଣିଏ ପାଙ୍ଗାତା ହାରେସି, ଏଚେତା ଲାଆଁୟା ଆହାମାଚେ ।

ପୁଃନି ମେରା

୩୧ ଜୀହ୍ୱଦା ପାଙ୍ଗାତା ହାଜାଲିଏ ଜୀସୁ ଏଲେଇଚେସି, “ନୀଏଁ ମାଣସି ମୀରଏସି ଗାଝୁରମି ଆନି ବେଲା ଖାହାମାନେ; ଅଡେ ତାନିତାଣାଟି ମାହାପୁରୁ ଗାଝୁରମି ଆନେସି । ୩୨ ମାହାପୁରୁ ମାଣସି ମୀରଏଣା ତାଣାଟି ଗାଝୁରମି ଆଡିହୁଁ, ମାହାପୁରୁ ତାନ୍ତୁଏ ଗାଝୁରମିଟି ମାଣସି ମୀରଏଣାଲ୍ ଗାଝୁରମି କନେସି । ତବେ ଏଝାଣାଲ୍ ଗାଝୁରମି କିହାଲି ହାଜିମାନେସି । ୩୩ ଧକକାଚେରି ନାନୁ ଅଡେ ଗାଡି ଦିନା ତୟଅଁ, ମୀରୁ ନାଙ୍ଗେ ପାରାଦେରି, ସାମା ନାନୁ ଆମ୍ବିୟା ହାଜିମାଲ୍ ମୀରୁ ଏମ୍ପାଆଁ ହାଜାଲି ଆଡଅଚେରି, ଇ କାତା ଜୀହ୍ୱଦି ଲକୁତି କାଜାରାଲ୍ ଏଲେଇଞ୍ଜା ମାଚେଏଁ ଏଲେକିହୁଁ ମିଙ୍ଗେ ଜିକେଏ ଝେସିମାଞ୍ଜାଲ୍ । ୩୪ ମୀରୁ ରଅଚେରି ରଅଣାଲ୍ ଜୀହ୍ୱନଦୁ, ଇ ପୁଃନି ମେରା ମିଙ୍ଗେ ହାହିମାଞ୍ଜାଲ୍; ନାନୁ ଏନିକି ମିଙ୍ଗେ ଜୀହ୍ୱନହାଁମାଞ୍ଜାଲ୍, ମୀରୁ ଜିକେଏ ଏଲେକିହୁଁଏ ରଅଚେରି ରଅଣାଲ୍ ଜୀହ୍ୱନଦୁ । ୩୫ ମୀ ତାଣା ରଅସି ରଅଣାଲ୍ ଜୀହ୍ୱନନାୟି ମାନେ, ଆଡିହୁଁ ମୀରୁ ନା ସୀସୁୟାଚେରି, ଇ କାତା ବାରେଜାଣା ପୁନେସି ।”

ପିତର ପୁଞ୍ଜାହିଲଅଁ ଇନି କାତା ତଲିଏ ଝେହ୍ନାୟି

(ମାତି ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ସିମନ ପିତର ଏଝାଣାଲ୍ ଝେଚେସି, “ପ୍ରବୁ ନାନୁ ଆମ୍ବିୟା ହାଜିମାଞ୍ଜି ?”

ଜୀସୁ ଏଲେଇଚେସି, “ନାନୁ ଆମ୍ବିୟା ହାଜିମାଲ୍, ନାନୁ ନୀଏଁ ନା ଜେଚ ଜେଚ ହାଜାଲି ଆଡଅଡି, ସାମା ତାୟୁ ହାଜି ।”

୩୭ ପିତର ଏଝାଣାଲ୍ ଏଲେଇଚେସି, “ପ୍ରବୁ ନୀଏଁ ନାନୁ ଏନାଆଁକି ହାଜାଲି ଆଡଅଅଁ ? ନାନୁ ନୀ ତାକି ନା ଜୀହ୍ୱ ଜିକେଏ ହାଲ୍ ।”

୩୮ ଜୀସୁ ଏଲେଇଚେସି, “ଏନାଆଁ ନାନୁ ନା ତାକି ନୀ ଜୀହ୍ୱ ହାଦି ? ନାନୁ ନିଙ୍ଗେ ସାତା ଝେସିମାଞ୍ଜାଲ୍, କୟୁ କେଣଆ ନକେଏ ନୀରୁ ନାଙ୍ଗେ ତାନିପାଲି ପୁଞ୍ଜାହିଲଅଁ ଇଞ୍ଜି ଇଞ୍ଜାଦି ।”

୧୪

ଜୀସୁ ଜିରୁ, ସାତା ଅଡେ ଜୀହ୍ୱ

୧ “ମୀ ହିୟାଁ ଆତାଜାକା ଆଆପେ; ମୀରୁ ମାହାପୁରୁ ତାଣା ନାମାଦୁ, ଅଡେ ନା ତାଣା ଜିକେଏ ନାମାଦୁ । ୨ ନା ଆବାଡି ଇଜ ହାଚେକା ବାସାଟାୟୁ ମାନେ; ବାସାଟାୟୁ ହିଲାଆଡିହୁଁମା ନାନୁ ମିଙ୍ଗେ ଝେସ୍ତାଆଚେଏଁମା, ନାନୁ ମିଙ୍ଗେତାକି ଟାୟୁ ତିୟାରା କିହାଲି ହାଜିମାଲ୍; ୩ ଅଡେ ନାନୁ ହାଜାନା ମିଙ୍ଗେତାକି ଟାୟୁ କେପିଡି ତାୟୁ, ଝେଣ୍ଡେ ଝାଲ୍,

ଅଡେ ନାନୁ ଆମ୍ବିୟା ମାଲ୍, ମୀରୁ ଜିକେଏ ଏନିକିଁ ଏ ଟାୟୁତା ତୁୟିଦେରି, ଏଦାଆଁତାକି ମିଙ୍ଗେ ଏ ଟାୟୁତା ଅହୁଁ ହାଜାଲ୍ । ୪ ନାନୁ ଆମ୍ବିୟା ହାଜିମାଲ୍ ଏ ଜିରୁ ପୁଞ୍ଜାମାଞ୍ଜେରି ।”

୫ ତମା ଏଲେଇଚେସି, “ପ୍ରବୁ, ନାନୁ ଆମ୍ବିୟା ହାଜିମାଞ୍ଜି, ମାୟୁ ପୁଞ୍ଜାହିଲଅମି, ଏମ୍ବିୟା ହାଜି ଏ ଜିରୁଚି ଏନିକିଁ ପୁନମି ?”

୬ ଜୀସୁ ଏଲେଇଚେସି, “ନାନୁ ଜିରୁ, ସାତା ଅଡେ ଜୀହ୍ୱଚେଏ; ନା ତାଣାଟି ତାକାଆସାଚେ ଆମ୍ପାଆସି ଆବା ତାଣା ହାଜାଲି ଆଡଅସି । ୭ ମୀରୁ ନାଙ୍ଗେ ପୁଞ୍ଜାଡିହୁଁମା, ନା ଆବାଲ୍ ଜିକେଏ ପୁଚେରିମା; ନୀଏଁ ଜିକେଏ ଏଝାଣାଲ୍ ପୁଞ୍ଜାମାଞ୍ଜେରି ଅଡେ ଏଝାଣାଲ୍ ମେସାମାଞ୍ଜେରି ।”

୮ ପିଲିପ ଏଝାଣାଲ୍ ଏଲେଇଚେସି, “ପ୍ରବୁ, ମାଙ୍ଗେ ଆବାଲ୍ ତସ୍ତାୟୁ, ଏଚେକେଏ ମାଙ୍ଗେତାକି ସାରି ।”

୯ ଜୀସୁ ଏଲେଇଚେସି, “ପିଲିପ ଇଚର ଦିନା ନାନୁ ମୀ ତଲେ ତୟାମାଲ୍, ମୀରୁ ଏନାଆଁ ନାଙ୍ଗେ ପୁଞ୍ଜାଆଚେରି ? ଆମ୍ପାଆସି ନାଙ୍ଗେ ମେସାମାଞ୍ଜାନେସି ଏଝାସି ଆବାଲ୍ ମେସାମାନେସି; ମାଙ୍ଗେ ଆବାଲ୍ ତସ୍ତାୟୁ ଇଞ୍ଜିଁ ଏନିକିଁ ଏଲେ ଇଞ୍ଜିମାଞ୍ଜି ? ୧୦ ନାନୁ ଆବା ତାଣା ଅଡେ ଆବା ନା ତାଣା ମାନେସି, ଇ କାତା ଏନାଆଁ ମୀରୁ ନାମିହିଲଅଚେରି ? ନାନୁ ମିଙ୍ଗେ ଏମିନି କାତା ଝେସିମାଞ୍ଜାଲ୍, ଏ ବାରେ ନା ତାଣାଟି ଝେସିମାଞ୍ଜଅଁ, ସାମା ଆବା ନା ତାଣା ମାଞ୍ଜାନା ତାନି କାମା କିହିମାନେସି । ୧୧ ନାନୁ ଆବା ତାଣା ମାଲ୍ ଅଡେ ଆବା ନା ତାଣା ମାନେସି ଇ କାତା ନାମାଦୁ, ଆଆଡିଁ କାମାଡି ମେସାନା ନାମାଦୁ । ୧୨ ନାନୁ ମିଙ୍ଗେ ସାତା ଝେସିମାଞ୍ଜାଲ୍, ଆମ୍ପାଆସି ନା ତାଣା ନାମିନେସି, ନାନୁ ଏନି ଏନି କାମା କିହିମାଲ୍, ଏଝାସି ଜିକେଏ ଏ ବାରେ କିନେସି, ଅଡେ ଏ ବାରେକିହାଁ ହାଚେକା କାଜା କାମା କିନେସି, ଇଚିହୁଁ ନାନୁ ଆବା ତାଣା ହାଜିମାଲ୍ । ୧୩ ଆବା ଏନିକିଁ ମୀରଏଣା ତାଣା ଗାଝୁରମି ଆନେସି, ଏଦାଆଁତାକି ମୀରୁ ନା ଦରୁଚି ଏନାଆଁ ରାହ୍‌ଦେରି, ଏ ବାରେ ନାନୁ ହିୟାଲ୍ । ୧୪ ମୀରୁ ନା ଦରୁଚି ଏନାଆଁ ନାଙ୍ଗେ ରାସ୍ତାଦେରି, ନାନୁ ମିଙ୍ଗେ ଏ ବାରେ ହିୟାଲ୍ ।”

ସୁଦୁଜୀହ୍ୱତି ହାହାଲି ଆଞ୍ଜିନାୟି

୧୫ “ମୀରୁ ନାଙ୍ଗେ ଜୀହ୍ୱନହୁଁ ମାଞ୍ଜାଦେରି, ଆଡିହୁଁ ନା ହୁକୁମି ମାନଝି ଆଦୁ । ୧୬ ଅଡେ ନାନୁ ନା ଆବାଲ୍ ବାଡିମାଲିଲ୍, ଅଡେ ମୀ ତଲେ କାଲେଏ ତୟାଲି ତାକି ଏଝାସି ମିଙ୍ଗେ ଅଡେ ର ସାୟେମି କିନାଣାଲ୍, ୧୭ ଇଚିହୁଁ ଏ ସାତା ଜୀହ୍ୱତି ହିୟାନେସି । ଦାରୁତି ଏଦାଣି ଆବାଲି ଆଡେଏ, ଇଚିହୁଁ ଦାରୁତି ଏଦାଣି ମେସା ହିଲେଏ କି ପୁଞ୍ଜା ହିଲେଏ; ମୀରୁ ଏଦାଣି ପୁଞ୍ଜାମାଞ୍ଜେରି, ଇଚିହୁଁ ଏଦି ମୀ ତଲେ ମାନେ, ଅଡେ ଏଦି ମୀ ହିୟାଁତା ତୁୟିନେ ।”

୧୮ “ନାନୁ ମିଙ୍ଗେ କାର୍ମା କିହା ହାଜଅଁ, ନାନୁ ମୀ ତାଣା ଝେଣ୍ଡା ଝାଲ୍ । ୧୯ ଗାଡେକା ଜେଚ ଦାରୁତି ଅଡେ ନାଙ୍ଗେ ମେସାଲି ଆଡେଏ; ସାମା ମୀରୁ ନାଙ୍ଗେ ମେସାଦେରି,

☆ ୧୩:୩୩ ୧୩:୩୩ ଜହ ୭:୩୪ ☆ ୧୩:୩୪ ୧୩:୩୪ ଜହ ୧୫:୧୨,୧୭; ୧ଜହ ୩:୨୩; ୨ଜହ ୧:୫

ଇଚିହଁ ନାନୁ ନୀତାମାଈ, ଅଡ଼େ ମୀରୁ ଜିକେଏ ନୀତାନା ଡ଼ୟିଦେରି । ୨୦ ନାନୁ ନା ଆବା ତାଣା ଅଡ଼େ ମୀରୁ ନା ତାଣା ଅଡ଼େ ନାନୁ ମୀ ତାଣା ଡ଼ୟିଇ, ଇଦାଆଁ ଏ ଦିନା ମୀରୁ ପୁଞ୍ଜେରି ।”

୨୧ “ଆମ୍ବାଆସି ନା ହୁକୁମି ଆବାହାଁ ମାନୁଞ୍ଜି ଆନେସି, ଏଞ୍ଜାସି ନାଞ୍ଜେ ଜୀଞ୍ଜୁ ନୟାନେସି, ଅଡ଼େ ଆମ୍ବାଆସି ନାଞ୍ଜେ ଜୀଞ୍ଜୁ ନୟାନେସି, ନା ଆବା ଏଞ୍ଜାଣାଇଁ ଜୀଞ୍ଜୁ ନନେସି, ଅଡ଼େ ନାନୁ ଏଞ୍ଜାଣାଇଁ ଜୀଞ୍ଜୁ ନଇଁ ଅଡ଼େ ଏଞ୍ଜାଣି ତାଣା ତସାକଡ଼ିଇଁ ।”

୨୨ ଜୀହୁଦା* ଏଞ୍ଜାଣାଇଁ ଏଲେଇଚେସି, “ଏ ପ୍ରୁ, ଏନାଆଁ ଆଡ଼େ, ନାନୁ ଦାରୁଡ଼ିତା ନିଞ୍ଜେ ତସା କତାଆନା ମା ତାଣା ତସିମାଞ୍ଜାଦି ?”

୨୩ ଜୀସ୍ତୁ ଏଞ୍ଜାଣାଇଁ ଏଲେଇଚେସି, “ଆମ୍ବାଆସି ନାଞ୍ଜେ ଜୀଞ୍ଜୁ ନୟାନେସି ଆଡ଼ିହଁ ଏଞ୍ଜାସି ନା ବଲୁଡ଼ି ମାନୁଞ୍ଜି ଆନେସି, ଅଡ଼େ ନା ଆବା ଏଞ୍ଜାଣାଇଁ ଜୀଞ୍ଜୁ ନନେସି, ଅଡ଼େ ନାନୁ ଏଞ୍ଜାଣି ତାଣା ଖାହାନା ଏଞ୍ଜାଣିତଲେ ବାସା କିଇଁ । ୨୪ ଆମ୍ବାଆସି ନାଞ୍ଜେ ଜୀଞ୍ଜୁ ନୟାଅସି, ଏଞ୍ଜାସି ନା ବଲୁଡ଼ି ମାନୁଞ୍ଜି ଆଅସି, ଅଡ଼େ ମୀରୁ ଏମିନି ବଲୁ ଖେଞ୍ଜାମାଞ୍ଜେରି, ଏଦି ନାଦି ଆଏ, ସାମା ନାଞ୍ଜେ ପାଣ୍ଡାମାଞ୍ଜାନି ଆବା ମାହାପୁରୁଞ୍ଜାୟି ।”

୨୫ “ନାନୁ ମୀ ତାଣା ମାଞ୍ଜା ମାଞ୍ଜାନା ମିଞ୍ଜେ ଈ କାତା ଖେସ୍ତାଡ଼େଏ । ୨୬ ସାମା ଏ ସାୟେମି କିନାୟି, ଇଚିହଁ ଏମିନି ସୁଦୁଜୀଞ୍ଜୁ ଆବା ନା ଦରୁଡ଼ି ହିୟାନେସି, ଏଦି ମିଞ୍ଜେ ବାରେ ଜାପୁହାନେ, ଅଡ଼େ ନାନୁ ମିଞ୍ଜେ ଏନା ଏନାଆଁ ଖେସାମାଞ୍ଜାଇଁ, ଏ ବାରେ ମିଞ୍ଜେ ଅଶ୍ପି କିୟାନେ ।”

୨୭ “ନାନୁ ମିଞ୍ଜେ ହିଡ଼ଡ଼ି ହୀହାନା ହାଜିମାଈ, ନା ହିଡ଼ଡ଼ି ମିଞ୍ଜେ ଦାନା କିହିମାଞ୍ଜାଇଁ; ଦାରୁଡ଼ି ଏନିକଁ ଦାନା କିନେ ନାନୁ ମିଞ୍ଜେ ଏଲେକଁ ଦାନା କିହିହିଲଅଁ, ମୀ ହିୟାଁ କିଲିବିଲି ଅଡ଼େ ଆଜି ଗାଟାୟି ଆଆପେ । ୨୮ ନାନୁ ହାଜିମାଈ ଅଡ଼େ ମୀ ତାଣା ଖେଶ୍ତା ଖାଇଁ, ଈ ନା କାତା ଖେଞ୍ଜାମାଞ୍ଜେରି । ମୀରୁ ନାଞ୍ଜେ ଜୀଞ୍ଜୁ ନୟାଡ଼ିହଁ ମା, ନାନୁ ନା ଆବା ତାଣା ହାଜିମାଈ ଈଞ୍ଜଁ ରାହାଁ କିତେରିମା, ଇଚିହଁ ଆବା ନା କିହାଁ କାଜାସି । ୨୯ ଏନାୟି ବାରେ ଗଟଞ୍ଜି ଆନାୟି ମାନେ, ଏ ନଡ଼କଏ ନାନୁ ମିଞ୍ଜେ ଖେସ୍ତାଡ଼େଏ । ଏ ବାରେ ଗଟଞ୍ଜି ଆଡ଼ିସାରେ ମୀରୁ ନାଞ୍ଜେ ନାମାଦେରି । ୩୦ ନାନୁ ମୀ ତଲେ ହାରେକା କାତା ଆୟଅଁ, ଇଚିହଁ ଦାରୁଡ଼ିତି ସାଲୁଞ୍ଜି କିନାୟି ଖାହିମାନେ; ଅଡ଼େ ନା ତାଣା ତାନିଞ୍ଜାୟି ଏନାୟି ହିଲେଏ; ୩୧ ସାମା ଆବା ନାଞ୍ଜେ ଏନିକଁ ହୁକୁମି ହୀହାମାଞ୍ଜାନେସି, ଏଲେକିହଁ ନାନୁ କାମା କିଇଁ । ଆଡ଼ିହଁ ନାନୁ ଆବାଇଁ ଜୀଞ୍ଜୁ ନହଁ ମାଈ ଈଞ୍ଜଁ ଦାରୁଡ଼ି ପୁନେ ।”

“ଖାଦୁ ମାର, ଇମ୍ବାଟି ହାନ ।”

୧୫

ଜୀସ୍ତୁ ସାତା ଅଞ୍ଜୁରି ମାଡ଼ା

୧ “ନାନୁ ସାତା ଅଞ୍ଜୁରି ମାଡ଼ା, ଅଡ଼େ ନା ଆବା କାମାକିନାସି । ୨ ନା ତାଣା ମାନି ଏମିନି କମା ପାଡ଼େୟି ଆୟେଏ, ଏଦାନି ଏଞ୍ଜାସି ଟୁଣହାଡ଼ୁହନେସି; ଅଡ଼େ ଏମିନି କମା ପାଡ଼େୟି ଆୟିନେ, ଗାଡ଼ି ପାଡ଼େୟି ଆୟାଲି ତାକି ଜାଡ଼ୁ କିନେସି । ୩ ନାନୁ ମିଞ୍ଜେ ଏମିନି ବଲୁ ଖେସାମାଞ୍ଜାଇଁ, ଏଦାଆଁତାକି ଜାଡ଼ୁ ଆହାମାଞ୍ଜେରି । ୪ ନା ତାଣା ଡ଼ୟାଦୁ ଆଡ଼ିହଁ ନାନୁ ମୀ ତାଣା ଡ଼ୟିଇଁ । କମା ଏନିକଁ ଅଞ୍ଜୁରି ମାଡ଼ାତା ଡ଼ୟାଆସାରେ ତାନିତାଣାଟି ପାଡ଼େୟି ଆୟାଲି ଆଡ଼େଏ, ଏଲେକିହଁ ଏ ମୀରୁ ଜିକେଏ ନା ତାଣା ଡ଼ୟାଆସାରେ ପାଡ଼େୟି ଆୟାଲି ଆଡ଼ଅଡ଼େରି ।”

୫ “ନାନୁ ଅଞ୍ଜୁରି ମାଡ଼ା ମୀରୁ କମାୟାଁ, ଆମ୍ବାଆସି ନା ତାଣା ଡ଼ୟିନେସି ଅଡ଼େ ନାନୁ ଆମ୍ବାଆରି ତାଣା ଡ଼ୟିଇଁ, ଏଞ୍ଜାସି ହାରେକା ପାଡ଼େୟି ଆୟିନେସି; ଇଚିହଁ ନା ପିସପେ ମୀରୁ ଏନାଆଁ କିହାଲି ଆଡ଼ଅଡ଼େରି । ୬ ଆମ୍ବାଆସି ନା ତାଣା ଡ଼ୟଅସି, ଆଡ଼ିହଁ ଏଞ୍ଜାସି କମା ଲେହେଁ ପାଞ୍ଜାତା ମେଡ଼ପି ଆନେସି ଅଡ଼େ ଖାୟା ହାନେସି, ଈଞ୍ଜା ଲକୁ ଏଞ୍ଜାଆଁ କୁଡ଼ି କିହାନା ହିରୁତା ମେଡ଼ନେରି ଅଡ଼େ ଏଞ୍ଜି ବାରେ ଖେହାହାନୁ । ୭ ମୀରୁ ନା ତାଣା ଡ଼ୟିଦେରି, ଅଡ଼େ ନା ବଲୁ ମୀ ତାଣା ଡ଼ୟିନେ, ଆଡ଼ିହଁ ମୀରୁ ଏନାଆଁ ମନ କିଦେରି, ଏଦାଆଁ ରାହୁଦୁ, ଆଡ଼ିହଁ ଏଦି ମିଞ୍ଜେତାକି କିଞ୍ଜିଆନେ । ୮ ମୀରୁ ହାରେକା ପାଡ଼େୟି ଆୟିସାରେ ନା ଆବା ଗାଞ୍ଜୁରମି ଆନେସି, ଅଡ଼େ ମୀରୁ ନା ସାତା ସୀସୁ ଆଡ଼େରି । ୯ ଏନିକଁ ଆବା ନାଞ୍ଜେ ଜୀଞ୍ଜୁ ନହାଁମାଞ୍ଜାନେସି, ନାନୁ ଜିକେଏ ଏଲେକିହଁ ଏ ମିଞ୍ଜେ ଜୀଞ୍ଜୁନହାଁମାଞ୍ଜାଇଁ; ନା ଜୀଞ୍ଜୁ ନସୁତା ତୀରିଆହାନା ଡ଼ୟାଦୁ । ୧୦ ନାନୁ ଏନିକଁ ନା ଆବାଡ଼ି ହୁକୁମି ମାନୁଞ୍ଜି ଆହାନା ତାନି ଜୀଞ୍ଜୁ ନସୁତା ତୀରିଆହାନା ଡ଼ୟିମାଈ, ଏଲେକିହଁ ଏ ମୀରୁ ଜିକେଏ ନା କାତା ମାନୁଞ୍ଜି ଆଡ଼େରି, ଆଡ଼ିହଁ ନା ଜୀଞ୍ଜୁ ନସୁତା ତୀରିଆହାନା ଡ଼ୟିଦେରି ।”

୧୧ “ଏନିକଁ ନା ରାହାଁ ମୀ ତାଣା ଡ଼ୟିନେ, ଅଡ଼େ ମୀ ରାହାଁ ଏନିକଁ ପୁରାଆନେ, ଏଦାଆଁତାକି ଈ ବାରେ ମିଞ୍ଜେ ଖେସ୍ତାଡ଼େଏ । ୧୨ ନାନୁ ଏନିକଁ ମିଞ୍ଜେ ଜୀଞ୍ଜୁନହାଁମାଞ୍ଜାଇଁ, ମୀରୁ ଜିକେଏ ଏଲେକିହଁ ଏ ରଅଡ଼େରି ରଅଣାଇଁ ଜୀଞ୍ଜୁନଦୁ, ଈଦି ନା ହୁକୁମି । ୧୩ ଜାହାରା ତଣେସିଞ୍ଜା ତାକି ଜୀଞ୍ଜୁହୀନି କିହାଁ ଅଡ଼େ କାଜା ଜୀଞ୍ଜୁନନାୟି ହିଲେଏ । ୧୪ ନାନୁ ମିଞ୍ଜେ ଆମିନି ହୁକୁମି ହୀହାମାଞ୍ଜାଇଁ, ଏଦାଆଁ ମୀରୁ ମାନୁଞ୍ଜି ଆଡ଼େରି ଆଡ଼ିହଁ ମୀରୁ ନା ତଣେସିଞ୍ଜା । ୧୫ ନାନୁ ମିଞ୍ଜେ ଅଡ଼େ ହଲେଏସି ଈଞ୍ଜଁ ମାଞ୍ଜଅଁ, ଇଚିହଁ ସାଞ୍ଜୁକାରି ଏନାଆଁ କିନେସି, ହଲେଏସି ଏଦାଆଁ ପୁନଅସି, ସାମା ନାନୁ ମିଞ୍ଜେ ତଣେ ଈଞ୍ଜିମାଞ୍ଜାଇଁ, ଇଚିହଁ ନାନୁ ନା ଆବା ତାଣାଟି ଏନା ଏନାଆଁ ଖେଞ୍ଜାମାଈ, ଏ ବାରେ ମିଞ୍ଜେ ଖେସାମାଞ୍ଜାଇଁ । ୧୬ ମୀରୁ ନାଞ୍ଜେ ଆବା ମାଞ୍ଜଅଡ଼େରି, ସାମା ନାନୁ ମିଞ୍ଜେ ଆବାମାଞ୍ଜାଇଁ, ଅଡ଼େ ମୀରୁ ଏନିକଁ ପାଡ଼େୟି ଆୟାଲି

* ୧୪:୨୨ ୧୪:୨୨ ଇସ୍ତାରିୟତ ଜୀହୁଦା ଆଏ ☆ ୧୫:୧୭ ୧୫:୧୭ ଜହ ୧୩:୩୪; ୧୫:୧୭; ୧୬ଜହ ୩:୨୩; ୨ଜହ ୧:୫

ଆଡ଼ିଦେରି ଅଡ଼େ ମୀ ପାଡ଼େୟି ତୀରିଆହାନା ଡ଼ୟିନେ, ଏଦାଆଁତାକି ମିଙ୍ଗେ ଆଚାମାଞ୍ଜାଇଁ । ଏତେଟିଏ ମୀରୁ ନା ଦରୁତଲେ ଆବାଇଁ ଏନାଆଁ ରୀହଦେରି ଏଞ୍ଜାସି ମିଙ୍ଗେ ହିୟାନେସି । ୧୭ ମୀରୁ ଏନିକିଁ ରଅତେରି ରଅଣାଇଁ ଜୀଞ୍ଜୁ ନଦେରି, ଏଦାଆଁତାକି ନାନୁ ଇ ବାରେ ହୁକୁମି ହାହିମାଞ୍ଜାଇଁ ।”

ଦାର୍ତ୍ତିତ ଅପାଆଗାଗାୟି

୧୮ “ଦାର୍ତ୍ତି ମିଙ୍ଗେ ଅପେଏ, ଆଡ଼ିହିଁ ମିଙ୍ଗେ ଅପାଆ ନକେଏ ନାଙ୍ଗେ ଅପାମାଞ୍ଜେଏ, ଇଦାଆଁ ପୁଞ୍ଜାମାଞ୍ଜୁ । ୧୯ ମୀରୁ ଦାର୍ତ୍ତିତାତେରି ଆହାମାଚିହିଁମା, ଦାର୍ତ୍ତି ମିଙ୍ଗେ ନା ଲକୁ ଇଞ୍ଜିଁ ପୁଞ୍ଜାନା ଜୀଞ୍ଜୁ ନୟାତେମା; ମୀରୁ ଦାର୍ତ୍ତିତ ଖାହା ହିଲଅତେରି, ସାମା ନାନୁ ମିଙ୍ଗେ ଦାର୍ତ୍ତିତ ଆଚାମାଞ୍ଜାଇଁ, ଏଦାଆଁତାକି ଦାର୍ତ୍ତି ମିଙ୍ଗେ ଅପେଏ । ୨୦ *ହଲେଏସି ସାଞ୍ଜୁକାରି କିହାଁ କାଜାସି ଆଏ, ନାନୁ ମିଙ୍ଗେ ଏମିନି ବଲୁ ଖେସାମାଞ୍ଜାଇଁ, ଏଦାଆଁ ଅଣ୍ଡପାପୁ । ଏଞ୍ଜାରି ନାଙ୍ଗେ ସାସି ହାହାମାଞ୍ଜାନେରି, ଆଡ଼ିହିଁ ମିଙ୍ଗେ ଜିକେଏ ସାସି ହିୟାନେରି; ଅଡ଼େ ଏଞ୍ଜାରି ନା ବଲୁତି ମାନଞ୍ଜି ଆହାମାନେରି, ଆଡ଼ିହିଁ ମୀ ବଲୁ ଜିକେଏ ମାନଞ୍ଜି ଆନେରି । ୨୧ ସାମା ଏଞ୍ଜାରି ନାଙ୍ଗେ ପାଣ୍ଡାତାଣାଇଁ ପୁଞ୍ଜାହିଲାଆକି, ନା ଦରୁ ତାକି ମିଙ୍ଗେ ଇ ବାରେ ଆନେ । ୨୨ ନାନୁ ଖାହାନା ଏଞ୍ଜାରାଇଁ ଖେହୁଆଡ଼ିହିଁ, ଏଞ୍ଜାରି ପାପୁ ଗାଟାରି ଆଆଡେରିମା; ସାମା ନୀର୍ଏ ଇ ପାପୁ ତାକି ଏନି ମିତି କାତା ଖେସାଲି ଆଡ଼ଅରି ୨୩ ଆମ୍ବାଆସି ନାଙ୍ଗେ ଅପଅସି, ଏଞ୍ଜାସି ନା ଆବାଇଁ ଜିକେଏ ଅପଅସି । ୨୪ ନାନୁ ଏଞ୍ଜାରିତାଣା ଏନି କାବାଆନି କାମା କିହାହିଲାଆଡ଼ି, ଏଞ୍ଜାରି ପାପୁ ଗାଟାରି ଇଞ୍ଜିଁ ଏଜିକିଞ୍ଜି ଆଆଡେରିମା । ସାମା ନା ବାରେ କାମା ମେସାନା ଜିକେଏ ଏଞ୍ଜାରି ନାଙ୍ଗେ ଅଡ଼େ ନା ଆବାଇଁ ଅପାହିଲଅରି । ୨୫ ସାମା ଏଞ୍ଜାରି ନାଙ୍ଗେ ଉଜେଏ ଅପାମାଞ୍ଜଅରି, ମସା ମେରାତା ରାସ୍ତକି ଆହାମାନାୟି ଏନିକିଁ ପୂରା ଆନେ ଇଦାଆଁତାକି ଇ ବାରେ ଆହିମାନେ ।”

୨୬ “ଆବା ତାଣାଟି ନାନୁ ମୀ ତାଣା ଏମିନି ସାୟେମି କିନାଣି ପାଣ୍ଡାଇଁ, ଆବା ତାଣାଟି ଖାନ୍ତି ଏ ସାତା ଜୀଞ୍ଜୁ ଖାଡ଼ିହିଁ ନା କାତା ସାକି ହିୟାନେ; ୨୭ ମୀରୁ ଜିକେଏ ନା କାତାତାକି ସାକି ହାଦେରି, ଇଡ଼ିହିଁ ମୂଲୁଟିଏ ମୀରୁ ବାରେ ନା ତଲେ ମାଚେରି ।”

୧୭

୧ “ମୀ ନାମୁତି ଏନିକିଁ ପିହୁଅତେରି, ଇଦାଆଁତାକି ଇ ବାରେ କାତା ଖେସାମାଞ୍ଜାଇଁ । ୨ ଏଞ୍ଜାରି ମିଙ୍ଗେ କୁଲମଟି ହପୁହାନେରି, ଇଲେତି ଦିନା ଖାହିମାନେ, ଏଚେତା ଆମ୍ବାଆସି ମିଙ୍ଗେ ପାୟାନେସି, ଏଞ୍ଜାସି ମାହାପୂରୁ ତାକି ଜହରାତି ପୂଜା କିହିମାଇଁ ଇଞ୍ଜିଁ ଅଣ୍ଡପିନେସି । ୩ ଲକୁ ଇ ବାରେ କିୟାନେରି, ଇଡ଼ିହିଁ ଏଞ୍ଜାରି ଆବା ଆଆଡ଼ି ନାଙ୍ଗେ ପୁଞ୍ଜାମାଞ୍ଜଅରି । ୪ ଇ ବାରେ ଗଟଞ୍ଜି ଆଡ଼ିସାରେ, ନାନୁ ମିଙ୍ଗେ ଖେସାମାଞ୍ଜାତେଏଁ ଇ କାତା ମୀରୁ

ଏନିକିଁ ଅଣ୍ଡପିଦେରି, ଇଦାଆଁତାକି ଇ ବାରେ କାତା ମିଙ୍ଗେ ଖେସାମାଞ୍ଜାଇଁ । ନାନୁ ମୀ ତଲେ ମାଚାକି ମୂଲୁଟିଏ ଇ ବାରେ କାତା ମିଙ୍ଗେ ଖେସାମାଞ୍ଜଅଁ ।”

ସୁଦୁଜୀଞ୍ଜୁତି କାମା

୫ “ସାମା ନାନୁ ନୀର୍ଏ ନା ପାଣ୍ଡାତାଣା ତାଣା ହାଜିମାଇଁ, ଅଡ଼େ ମୀରୁ ଆମ୍ବିୟା ହାଜିମାଞ୍ଜି ଇଞ୍ଜିଁ ମୀ ବିତ୍ରାଟି ଆମ୍ବାଆତେରି ନାଙ୍ଗେ ଖେଞ୍ଜି ମାଞ୍ଜଅତେରି । ୬ ସାମା ନାନୁ ଇ ବାରେ କାତା ଖେସାମାଞ୍ଜାନାକି ମୀ ହିୟାଁ ହାଚେରକା ଦୁକୁ ଆହିମାନେ । ୭ ସାମା ନାନୁ ମିଙ୍ଗେ ସାତା ଖେସିମାଞ୍ଜାଇଁ, ନାନୁ ହାନାୟି ମିଙ୍ଗେତାକି ନେହେଁ, ଇଡ଼ିହିଁ ନାନୁ ହାଲାଆସାରେ ଏ ସାୟେମି କିନାୟି ମୀ ତାଣା ଖାଏ, ସାମା ନାନୁ ହାଚିସାରେ ଏଦାଣି ମୀ ତାଣା ପାଣ୍ଡାଇଁ । ୮ ଏଡ଼ି ଖାହାନା ପାପୁ, ଦାମ୍ବୁ ଅଡ଼େ ମାହାପୂରୁଟି ବିଚାରାତି କାତା ଇ ଦାର୍ତ୍ତିତ ଲକୁଣି ଖେହୁନେ; ୯ ପାପୁତି କାତା, ଇଡ଼ିହିଁ ଏଞ୍ଜାରି ନା ତାଣା ନାମା ହିଲଅରି; ୧୦ ଦାମ୍ବୁତି କାତା, ଇଡ଼ିହିଁ ନାନୁ ଆବା ତାଣା ହାଜିମାଇଁ ମୀରୁ ଅଡ଼େ ନାଙ୍ଗେ ମେସୁଅତେରି; ୧୧ ବିଚାରାତି କାତା, ଇଡ଼ିହିଁ ଇ ଦାର୍ତ୍ତି ସାଲଞ୍ଜି କିନାରି ବିଚାରା କିଞ୍ଜି ଆହାମାନେରି ।”

୧୨ “ମିଙ୍ଗେ ନାନୁ ଅଡ଼େ ହାଚେରକା କାତା ଖେସୁନାୟିମାନେ, ସାମା ନୀର୍ଏ ମୀରୁ ଏ ବାରେ ଅରହାଲି ଆଡ଼ଅତେରି ୧୩ ସାମା ସାତାତି ଜୀଞ୍ଜୁ ଖାଡ଼ିସାରେ, ଏଡ଼ି ବାରେ ସାତାତି ତେଲହାଲି ବାଡ଼ୁୟି ହିୟାନେ, ଏଡ଼ି ମିଙ୍ଗେ ଜିରୁ ତସାନା ତାନିତାଣାଟି ଏନାଆଁ ଖେହୁଏ, ମାହାପୂରୁ ତାଣାଟି ଏନା ଏନାଆଁ ଖେଞ୍ଜାମାନେ ଖାରଇ ଏଚେକେଏ ଖେହୁନେ, ଅଡ଼େ ଏନାୟି ଆହାଲି ହାଜିମାନେ ଏଦାଆଁ ଏଡ଼ି ଖେସୁନେ । ୧୪ ଏଞ୍ଜାସି ନାଙ୍ଗେ ଗାଞ୍ଜୁରମି କିୟାନେସି, ଇଡ଼ିହିଁ ନା ତାଣାଟି ବାରେ କାତା ପୁଞ୍ଜାନା ଏଡ଼ି ଏଦାଆଁ ମୀ ତାଣା ଖେସୁନେ । ୧୫ ଏନା ଏନାୟି ଆବାଞ୍ଜାୟି, ଏ ବାରେ ନାଡ଼ି; ଇଦାଆଁତାକି ନାନୁ ଏଲେଇଞ୍ଜାତେଏଁ, ଏଞ୍ଜାସି ନା କାତା ଅହାନା ମିଙ୍ଗେ ଖେସୁନେସି ।”

ଦୁକୁ ଅଡ଼େ ରାହାଁ

୧୬ “ଗାଡ଼େକା ଜେଟ ମୀରୁ ଅଡ଼େ ନାଙ୍ଗେ ମେସୁଅତେରି, ସାମା ଏଚରଦିନା ଜେଟ ମେସୁାଦେରି ।”

୧୭ ଏଚେଟିଏ ତାନି ସୀସୁୟାଁ ବିତ୍ରାଟି ଆମ୍ବା ଆମ୍ବାଆରି ଏଲେଇଚେରି, “ଗାଡ଼େକା ଜେଟ ନାଙ୍ଗେ ମେସୁଅତେରି, ଅଡ଼େ ଏଚରଦିନା ହାଚି ତାୟୁ ନାଙ୍ଗେ ମେସୁାଦେରି, ନାନୁ ଆବା ତାଣା ହାଜିମାଇଁ, ଏଞ୍ଜାସି ଏମିନି କାତା ମାଙ୍ଗେ ଖେସୁାତେସି, ଇଡ଼ି ଏନାୟି ?” ୧୮ ଏଞ୍ଜାରି ଏଲେଇଚେରି, “ଗାଡ଼େକା ଇଞ୍ଜିଁ ଏନାଆଁ ଏଲେଇଞ୍ଜି ମାନେସି ? ଏଞ୍ଜାସି ଏନାଆଁ ଏଲେଇଞ୍ଜି ମାନେସି ମାମ୍ବୁ ତେଲହାଲି ଆଡ଼ିହିଲଅମି ।”

୧୯ ସୀସୁୟାଁ ତାଙ୍ଗ ଖେଞ୍ଜାଲି ଅଣ୍ଡପିମାନେରି ଇଞ୍ଜିଁ ପୁଞ୍ଜାନା ଜୀସୁ ଏଞ୍ଜାରାଇଁ ଏଲେଇଚେସି, “ଗାଡ଼େକା ଜେଟ ନାଙ୍ଗେ ମେସୁଅତେରି, ଅଡ଼େ ଏଚରଦିନା ହାଚି ତାୟୁ

* ୧୫:୨୦ ୧୫:୨୦ ମାଡ଼ି ୧୦:୨୪; ଲୁକ ୬:୪୦; ଜହ ୧୩:୧୭

ନାଲେ ମେସ୍ତାଦେରି, ନାନୁ ଇ ଏମିନି କାତା ମିଲେ ଖେସ୍ତାତେର୍, ଏ କାତାତାକି ଏନାଆଁତାକି ମୀରୁ ବାଦିବାଦା ଆହିମାଜେରି ? ୯୦ ନାନୁ ମିଲେ ସାତା ଖେସିମାଜାଲ୍, ମୀରୁ ଦୁକୁଆହିଁ ତୀଦେରି, ସାମା ଦାର୍ତି ରାହ୍ନା କିନେ; ମୀରୁ ଦୁକୁ ଆଦେରି, ସାମା ମୀ ଦୁକୁ ରାହ୍ନାତା ତିରି ମୀଶ୍ନେ । ୯୧ ଜାନ କିନି ବେଲା ଖାଡ଼ିସାରେ ଇୟା ଦୁକୁ ବେଟାଆନେ; ସାମା ଏଡି କକାଶାଲ୍ ଜାନ କିତି ତାୟୁ ଦାର୍ତିତା ର ମାଶ୍ସି ଜାର୍ନା ଆହାମାନେସି, ଇ ରାହ୍ନାତାକି କସ୍ତତି ଅଶ୍ପେଏଦେ । ୯୨ ଏଲେକିହିଁ ଏ ମୀରୁ ନୀର୍ବ ଦୁକୁ ବେଟାଆହିମାଜେରି, ସାମା ନାନୁ ଅଡେ ଖେଶ୍ଟେ ମିଲେ ତଞ୍ଜା ଆୟାଲ୍, ଅଡେ ମୀ ହିୟା ରାହ୍ନା ଆନେ ଅଡେ ଆମ୍ବାଆସି ମୀ ତାଶାଟି ମୀ ରାହ୍ନା ମୀଜା ଅୟସି ।”

୯୩ “ଏ ଦିନା ମୀରୁ ନାଲେ ଏନାଆଁ ଖେଜ୍ଜଅତେରି । ନାନୁ ମିଲେ ସାତା ଖେସିମାଜାଲ୍, ମୀରୁ ଆବାଲ୍ ଏନାଆଁ ରାହ୍ନାଦେରି, ଏଞ୍ଜାସି ନା ଦରୁତଲେ ମିଲେ ହିୟାନେସି । ୯୪ ନୀର୍ବ ପାତେକା ନା ଦରୁତଲେ ଏନାଆଁ ରୀସା ହିଲଅତେରି; ରାହ୍ନାଦୁ, ଏନିକିଁ ମୀ ରାହ୍ନା ଗାଡ଼ି ଆନେ, ଏଦାଆଁତାକି ମୀରୁ ଏଦାଆଁ ବେଟାଆଦେରି ।”

ଦାର୍ତିତା ଜୀଣା ଆନାୟି

୯୫ “ନାନୁ ମିଲେ ପୁଶ୍ମିକିନି କାତାତଲେ ଇ ବାରେ ଖେସାମାଜାଲ୍; ଦିନା ଖାହିମାନେ, ଏତିବେଲା ନାନୁ ଅଡେ ପୁଶ୍ମିକିନି କାତାତଲେ ମିଲେ ଖେସ୍ତାଆଁ, ଆବାଡି କାତା ତୀରେତଲେ ଖେସ୍ତାଲ୍ । ୯୬ ଏ ଦିନା ମୀରୁ ନା ଦରୁତଲେ ରାହ୍ନାଦେରି; ଅଡେ ନାନୁ ମୀ ଖାକିଟି ଆବାଲ୍ ବାଡିମାଲିଲ୍, ଇ କାତା ନାନୁ ମିଲେ ଖେସିମାଜାଆଁ; ୯୭ ଇତିହିଁ ଆବା ତାନୁଏ ମିଲେ ଜୀଞ୍ଜୁ ନହ୍ନାମାଜାନେସି, ମୀରୁ ନାଲେ ଜୀଞ୍ଜୁନହିଁ ମାଜାଦେରି ଅଡେ ନାନୁ ମାହାପୁରୁ ତାଶାଟି ଖାହାମାଲ୍, ଏଦାଆଁ ମୀରୁ ନାମାମାଜେରି । ୯୮ ନାନୁ ଆବା ତାଶାଟି ଦାର୍ତିତା ଖାହାମାଲ୍; ଦାର୍ତି ପିସାନା ଖେଶ୍ଟେ ଆବା ତାଶା ହାଜିମାଲ୍ ।”

୯୯ ଇ ହାଡା ଖେଜ୍ଜାନା ସୀସୁୟାଁ ଏଞ୍ଜାଶାଲ୍ ଏଲେଇଚେରି, “ନୀର୍ବ ନାନୁ ପୁଶ୍ମିକିନି କାତା ଲେମ୍ବାଆନା ତୀରେତଲେ ଖେସିମାଜା । ୧୦୦ ନାନୁ ବାରେ କାତା ପୁଞ୍ଜାମାଜା, ଆମ୍ବାଆସି ନିଲେ ଖେଜ୍ଜାନାୟି ଲଡ଼ା ହିଲେଏ, ଏଦାଆଁ ନୀର୍ବ ମାୟୁ ପୁଚମି; ମାହାପୁରୁ ତାଶାଟି ଖାହାମାଜା ଇଞ୍ଜିଁ ମାୟୁ ଇ କାତା ନାମି ମାନମି ।”

୧୦୧ ଜୀସୁ ଏଞ୍ଜାରାଲ୍ ଏଲେଇଚେସି, “ମୀରୁ ଏନାଆଁ ନୀର୍ବ ନାମିମାଜେରି ? ୧୦୨ ମେହ୍ନୁ ଦିନା ଖାହିମାନେ, ଏ ବେଲା ଖାଡେୟିଏ, ଏତିବେଲା ମୀରୁ ଇତାଲା ଆତାଲା ଆହାନା ବାରେଜାଣା ଜାହାରା ଇଜ ହାଜେରି, ଅଡେ ନାଲେ ରଅତେର୍ବ କିୟାଦେରି; ଆଡିଜିକେଏ ନାନୁ ରଅତେର୍ବ ଆଏ, ଇତିହିଁ ଆବା ନା ତଲେ ମାନେସି । ୧୦୩ ମୀରୁ ଏନିକିଁ ନା ତାଶାଟି ହିଡ଼ଡି ବେଟାଆଦେରି, ଏଦାଆଁତାକି ନାନୁ ମିଲେ

ଇ ବାରେ କାତା ଖେସାମାଜାଲ୍ । ଦାର୍ତିତା ମିଲେତାକି ହାରେକା ସାସ୍ତି ମାନେ, ସାମା ସାସା ଆହ୍ନୁ; ଇତିହିଁ ନାନୁ ଦାର୍ତିତି ଜୀଣା ଆହାମାଲ୍ ।”



ଜୀସୁ ତାନି ସୀସୁୟାଁକି ପ୍ରାତାନା କିନାୟି

୧ ଜୀସୁ ଇ ବାରେ କାତା ଏଲେଇଞ୍ଜା ଲାକପୁରୁ ଖାକି ସିନିକିହାନା ଏଲେଇଚେସି, “ଆବା, ବେଲା ଆଡେୟିଏ; ନୀ ମୀରଏଶାଲ୍ ଗାଞ୍ଜୁରମି କିମ୍ପୁ, ଏନିକିଁ ମୀରଏସି ନିଲେ ଗାଞ୍ଜୁରମି କିୟାନେସି । ୨ ନାନୁ ଏଞ୍ଜାଶାଲ୍ ବାରେ ମାଶ୍ସି କୁଡାତି ମୁହେଁ ଅଦିକାରା ହୀହାମାଜା । ଅଡେ ଆମ୍ବାଆରାଲ୍ ଏଞ୍ଜାଶି କେୟୁତା କାଲାକାଲାତି ଜୀଞ୍ଜୁ ହୀହାଲିତାକି ହେରପାମାଜା ଏଞ୍ଜାଶାକି ବାଡ଼ୁୟୁ ହୀହାମାଜା । ୩ ଅଡେ ରଶ୍ଟିଏ ସାତା ମାହାପୁରୁତି ନାନୁ, ନିଲେ ଅଡେ ନୀ ତାଶାଟି ପାଶ୍ଟିଆହାମାନି ଜୀସୁ ଜୀସୁଲ୍ ପୁନାୟି ଆହିମାନେ କାଲାକାଲାତି ଜୀଞ୍ଜୁ । ୪ ନାନୁ ନାଲେ ଏମିନି କାମା କିହାଲି ହୀହାମାଜାଦି, ଏଦାଆଁ ନାନୁ ରାପୁହାନା ଦାର୍ତିତା ନିଲେ ଗାଞ୍ଜୁରମି କିହାମାଜାଲ୍ । ୫ ଏ ଆବା ଦାର୍ତି ଗାଡ଼ି ଆଆ ନକେଏ ନୀ ତଲେ ନା ଏମିନି ଗାଞ୍ଜୁରମି ମାତେ, ଏମ୍ବାଟି ନାନୁ ନାଲେ ନୀ ତଲେ ଗାଞ୍ଜୁରମି କିୟାମ୍ପୁ ।”

୬ “ନାନୁ ନାଲେ ଦାର୍ତି ବିଡ୍ରାଟି ଏମିନି ଲକୁଣି ନାଲେ ହୀହାମାଜାଦି, ନାନୁ ନୀ ଦରୁ ଏଞ୍ଜାରି ନକିତା ତସାମାଲ୍; ଏଞ୍ଜାରି ନୀ ଲକୁ ମାତେରି ଅଡେ ନାନୁ ଏଞ୍ଜାରାଲ୍ ନାଲେ ହୀହାମାଜାତି, ଏଞ୍ଜାରି ନୀ ବଲୁତି ମାନଡ଼ି ଆହାମାନେରି । ୭ ନାନୁ ନାଲେ ଏନା ଏନାଆଁ ହୀହାମାଜାଦି, ଏ ବାରେ ନୀ ତାଶାଟି ଖାହାମାନେ, ଇଦାଆଁ ନୀର୍ବ ଏଞ୍ଜାରି ପୁଞ୍ଜାମାନେରି । ୮ ଇତିହିଁ ନାନୁ ନାଲେ ହୀହାମାଜାନି ବଲୁ ନାନୁ ଏଞ୍ଜାରାକି ହୀହାମାଲ୍, ଅଡେ ଏଞ୍ଜାରି ଆବା ମାନେରି ଇଞ୍ଜା ନାନୁ ନୀ ତାଶାଟି ଖାହାମାଲ୍, ଏଦାଆଁ ସାତା ତଲେ ପୁଞ୍ଜାମାନେରି, ଅଡେ ନାନୁ ନାଲେ ପାଶ୍ଟାମାଜାଦି ଇଞ୍ଜିଁ ଏଞ୍ଜାରି ନାମାମାନେରି ।”

୯ “ନାନୁ ଏଞ୍ଜାରି ତାକି ପ୍ରାତାନା କିହିମାଲ୍; ଦାର୍ତି ତାକି ପ୍ରାତାନା କିହିଲିଲିଆଁ, ସାମା ନାନୁ ନାଲେ ଏମିନି ଗାଟାରାଲ୍ ହୀହାମାଜାଦି, ଏଞ୍ଜାରି ତାକି ପ୍ରାତାନା କିହିମାଲ୍, ଇତିହିଁ ଏଞ୍ଜାରି ନୀ ଲକୁ; ୧୦ ଏନା ଏନାୟି ନାଦି ମାନେ ଏ ବାରେ ନୀଦି, ଅଡେ ଏନା ଏନାୟି ନୀଦି ମାନେ, ଏ ବାରେ ନୀଦି ଅଡେ ଏଞ୍ଜାରି ତାଶାଟି ନାନୁ ଗାଞ୍ଜୁରମି ଆହିମାଲ୍ । ୧୧ ନାନୁ ଅଡେ ଇ ଦାର୍ତିତା ଡୟିହିଲିଆଁ, ସାମା ଇଞ୍ଜାରି ଦାର୍ତିତା ଡୟିମାନେରି, ଇଞ୍ଜା ନାନୁ ନୀ ତାଶା ଖାହିମାଲ୍; ସୁଦୁଗାଟି ଆବା ଆମିନି ଗାଟାରାଲ୍ ନୀ ଦରୁତି ବାଡ଼ୁୟୁ ତଲେ ନାଲେ ହେରପା ମାଜାଦି ଏଞ୍ଜାରାଲ୍ ଗେଲପାମ୍ପୁ, * ନାନୁ ଅଡେ ନାନୁ ଏନିକିଁ ରଶ୍ଟିଏ ଆହାମାନାୟି ଏଲେକିହିଁଏ ଏଞ୍ଜାରାଲ୍ ଜିକେଏ ରଶ୍ଟିଏ କିହାଲି ସାୟେମି କିମ୍ପୁ । ୧୨ *ଏଞ୍ଜାରିତଲେ ମାଟିବେଲାତା

* ୧୭:୧୧ ୧୭:୧୧ ଇ କାତା ପୁଞ୍ଜା ପଡିତା ହିଲେଏ । ☆ ୧୭:୧୭ ୧୭:୧୭ କହ ୧୩:୧୮ † ୧୭:୧୭ ୧୭:୧୭ ଇ କାତା ପୁଞ୍ଜା ପଡିତା ହିଲେଏ ।

ନାନୁ ଏଝାରାଇଁ ନୀ ଦରୁତଲେ ଗେଲ୍‌ପାମାଇଁ, ଆମିନି ଦରୁ ନାନୁ ନାଙ୍ଗେ ହୀହାମାଞ୍ଜାଦି, ଅଡ଼େ ନାନୁ ଏଝାରାଇଁ ଜାଗ୍ରାତା ତଲେ ଗେଲ୍‌ପାମାଇଁ,† ଦାମ୍ବୁ ପତି ଏନିକ୍ ପୂରା ଆନେ, ଏଦାଆଁତାକି ଏଝାରି ନାସା ଆନାୟି ମାଟି ଜିକେଏ, ରଅସି ଜିକେଏ ନାସା ଆହାହିଲଅସି । ୧୩ ସାମା ନୀଏଁ ନାନୁ ନୀ ତାଣା ଖାହିମାଇଁ, ଅଡ଼େ ଦାର୍ତତିତା ମାଞ୍ଜା ମାଞ୍ଜାନା ନା ରାହାଁତା ଏଝାରି ହିୟାଁ ଏନିକ୍ ରାହାଁ ଆନେ, ଏଦାଆଁତାକି ନାନୁ ଇ ବାରେ କାତା ଝେସିମାଞ୍ଜାଇଁ । ୧୪ ନାନୁ ଏଝାରାକି ନୀ ବଲୁ ହୀହାମାଇଁ, ଏଦାଆଁତାକି ଦାର୍ତତି ଏଝାରାଇଁ ଅପିହିଲେଏ, ନାନୁ ଏନିକ୍ ଦାର୍ତତି ଖାହାହିଲଅଁ ଏଝାରି ଜିକେଏ ଇ ଦାର୍ତତିତାରି ଆଏ । ୧୫ ନାନୁ ଏଝାରାଇଁ ଇ ଦାର୍ତତି ଅହ୍ ହାଲମ୍‌ଲୁ ଇଞ୍ଜ୍ ବାତିମାଲି ମାଞ୍ଜାଅଁ, ସାମା ଏଝାରାଇଁ ଲାଗେଏତି ପାନ୍ଦାଟି ଗେଲ୍‌ପାମ୍ ଇଞ୍ଜ୍ ବାତିମାଲିମାଞ୍ଜାଇଁ । ୧୬ ନାନୁ ଏନିକ୍ ଦାର୍ତତି ଖାହାହିଲଅଁ, ଏଝାରି ଏଲେକ୍ ଦାର୍ତତି ଖାହାହିଲଅରି । ୧୭ ସାତା ତଲେ ଏଝାରାଇଁ ସୁଦୁ କିମ୍, ଇତିହ୍ ନୀ ବଲୁଏ ସାତା । ୧୮ ନାନୁ ଏନିକ୍ ନାଙ୍ଗେ ଦାର୍ତତିତା ପାଣ୍ଡାମାଞ୍ଜାଦି, ନାନୁ ଜିକେଏ ଏଝାରାଇଁ ଦାର୍ତତିତା ପାଣ୍ଡାମାଇଁ । ୧୯ ଅଡ଼େ ଏଝାରି ଜିକେଏ ଏନିକ୍ ସାତା ତଲେ ସୁଦୁ ଆନେରି, ଏଦାଆଁତାକି ନାନୁ ଏଝାରି ତାକି ନାଙ୍ଗେ ସୁଦୁ କିହିମାଇଁ ।”

୨୦ “ନାନୁ ଖାରଇ ଏଝାରି ତାକି ପ୍ରାତାନା କିହିହିଲଅଁ, ଏଝାରି ବଲୁ ଝେଞ୍ଜାନା ଆମ୍ବାଆସି ନା ତାଣା ନାମିନେସି, ଏଝାରି ତାକି ଜିକେଏ ପ୍ରାତାନା କିହିମାଇଁ । ୨୧ ଏନିକ୍ ଏଝାରି ବାରେ ରଣ୍ଡିଏ ଆନେରି; ଏ, ଆବା ନାନୁ ଏନିକ୍ ନା ତାଣା ମାଞ୍ଜି ଅଡ଼େ ନାନୁ ନୀ ତାଣା ମାଇଁ, ଏଝାରି ଜିକେଏ ଏଲେକିହ୍ ଏ ମା ତାଣା ଡ଼ୟାପେରି, ଏନିକ୍ ନାନୁ ନାଙ୍ଗେ ପାଣ୍ଡାଟି ଇଞ୍ଜ୍ ଦାର୍ତତି ନାମିନେ । ୨୨ ଅଡ଼େ ନାନୁ ନାଙ୍ଗେ ଏମିନି ଗାଝୁରମି ହୀହାମାଞ୍ଜାଦି, ନାନୁ ଏଦାଆଁ ଏଝାରାକି ହୀହାମାଇଁ, ମାର ଏନିକ୍ ରଣ୍ଡିଏ ଏଝାରି ଏଲେକ୍ ରଣ୍ଡିଏ ଆନେରି; ୨୩ ନାନୁ ଏନିକ୍ ନା ତାଣା ନାନୁ ଏଲେକିହ୍ ଏଝାରିତାଣା ଡ଼ୟିଲ୍ । ଏନିକ୍ ଏଝାରି ମାନ୍ତି ତଲେ ରଣ୍ଡିଏ ଆନେରି, ଇଞ୍ଜା ଦାର୍ତତି ପୁନେ କି ନାନୁ ନାଙ୍ଗେ ପାଣ୍ଡାମାଞ୍ଜାଦି, ନାଙ୍ଗେ ଏନିକ୍ ଜୀଝୁ ନହ୍ ମାଞ୍ଜାଦି ଏଝାରାଇଁ ଜିକେଏ ଏଲେକିହ୍ ଏ ଜୀଝୁ ନହ୍ ମାଞ୍ଜା ।”

୨୪ “ଏ ଆବା ! ନାନୁ ଏଝାରାଇଁ ନା କେୟୁତା ହୀହାମାଞ୍ଜାଦି । ନାନୁ ଆମ୍ବିୟା ଡ଼ୟିଲ୍, ଏଝାରି ଜିକେଏ ଏନିକ୍ ଏମ୍ବାଆଁ ଡ଼ୟିନେରି ଅଡ଼େ ଦାର୍ତତି ଗାଡ଼ି ଆଆ ନକେଏ ନାନୁ ନାଙ୍ଗେ ଜୀଝୁ ନହ୍ ମାଞ୍ଜାନାକି ନାଙ୍ଗେ ଏମିନି ଗାଝୁରମି ହୀହାମାଞ୍ଜାଦି, ନା ଏ ଗାଝୁରମି ଏନିକ୍ ଏଝାରି ମେସାଲି ଆଡ଼ିନେରି ଇଦି ନା ଅଣ୍‌ପୁ । ୨୫ ଏ ଦାମ୍ବୁଗାଟି ଆବା, ଦାର୍ତତି ନିଙ୍ଗେ ପୁଞ୍ଜାମାଞ୍ଜେଏ, ସାମା ନାନୁ ନିଙ୍ଗେ ପୁଞ୍ଜାମାଞ୍ଜାଇଁ; ଅଡ଼େ ନାନୁ ନାଙ୍ଗେ ପାଣ୍ଡାମାଞ୍ଜାଦି, ଏଦାଆଁ ଇଝାରି ପୁଞ୍ଜାମାଞ୍ଜାନେରି; ୨୬ ନାନୁ ନାଙ୍ଗେ ଏମିନି ଜୀଝୁ

ନଝୁଟି ଜୀଝୁ ନହ୍ ମାଞ୍ଜାଦି, ଏଦି ଏନିକ୍ ଏଝାରିତାଣା ଡ଼ୟିନେ ଅଡ଼େ ନାନୁ ଏଝାରିତାଣା ଡ଼ୟିଲ୍, ଏଦାଆଁତାକି ନାନୁ ଏଝାରାଇଁ ଝେସାମାଇଁ ଅଡ଼େ ଝେହ୍ଲ୍ ।”

୧୮

ଜୀସୁ ସାତୁୟାଁ କେୟୁତା ହେରପି ଆନାୟି

(ମାତି ୨୭:୪୭-୫୨; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଜୀସୁ ଇ ପ୍ରାତାନା ରାପହି ତାୟୁ ତାନି ସୀସୁୟାଁ ତଲେ କିଦ୍ରଣ କାତା ଆତାଲା ହାଚେରି, ଏମ୍ବାଆଁ ର ବାଡ଼ା ମାଚେ, ଇଞ୍ଜା ଏଝାସି ତାନି ସୀସୁୟାଁ ତଲେ ଏମ୍ବାଆଁ ହଚେରି । ୨ ଏମିନି ଜୀହୁଦା ଏଝାଣାଇଁ ସାତୁୟାଁ କେୟୁତା ହେରପିତେସି, ଏଝାସି ଜିକେଏ ଏ ଚାୟୁଟି ପୁଞ୍ଜାମାଚେସି, ଇତିହ୍ ଜୀସୁ ହାଚେକା ପାଲି ସୀସୁୟାଁ ତଲେ ଏ ଚାୟୁତା ହାଜାମାଚେସି । ୩ ଏଦାଆଁତାକି ଜୀହୁଦା ଜାମାନାଙ୍ଗା ଇଞ୍ଜା କାଜା ପୂଜେରା ଅଡ଼େ ପାରୁସିୟାଁ ତାଣାଟି ମାହାପୁରୁ ଇଲୁତି ଜାମାନାଙ୍ଗା ଲକୁ ଦୀଝି, ହିଚୁ ବନ୍ଦାୟାଁ ଅଡ଼େ ଟେଙ୍ଗା ବାଲ୍‌ୟାଁ ଆସାନା ଏମ୍ବାଆଁ ଖାଚେରି । ୪ ଏମ୍ବାଟିଏ ଜୀସୁ ତାଙ୍ଗେତାକି ଏନା ଏନାଆଁ ଆହାଲି ହାଜିମାନେ ଏ ବାରେ ପୁଞ୍ଜାନା, ନକିତା ହାଜାନା ଏଝାରାଇଁ ଝେଚେସି, “ମୀରୁ ଆମ୍ବାଆରାଇଁ ପାରିମାଞ୍ଜେରି ?”

୫ ଏଝାରି ଏଲେଇଚେରି, “ନାଜରିତତି ଜୀସୁ ।”

ଜୀସୁ ଏଝାରାଇଁ ଏଲେଇଚେସି, “ନାନୁ ଏଝାଚେଏଁ ?”

ଏମିନି ଜୀହୁଦା ଏଝାଣାଇଁ ସାତୁୟାଁ କେୟୁତା ହେରପିତେସି, ଏଝାସି ଜିକେଏ ଏଝାରିତଲେ ଏମ୍ବାଆଁ ନିଚାମାଚେସି । ୬ ଜୀସୁ ଏଚିବେଲା ଏଝାରାଇଁ ଏଲେଇଚେସି, “ନାନୁ ଏଝାଚେଏଁ” ଏଚିବେଲା ଏଝାରି ତାୟୁଝାକି ଗୁଚା ଆହାନା ବୁମିତା ତରଗା ହାଚେରି । ୭ ଜୀସୁ ଝେଣ୍ଡେ ଝେଚେସି, “ମୀରୁ ଆମ୍ବାଆରାଇଁ ପାରିମାଞ୍ଜେରି ?” ଏଝାରି ଏଲେଇଚେରି, “ନାଜରିତତି ଜୀସୁଲ୍ ।”

୮ ଜୀସୁ ଏଲେଇଚେସି, “ନାନୁ ଝେସାମାଞ୍ଜାଇଁ, ନାନୁ ଏଝାଚେଏଁ । ମୀରୁ ନାଙ୍ଗେ ପାରିମାଞ୍ଜାଦେରି ଇତିହ୍ ଇଝାରାଇଁ ପିହ୍‌ଦୁ । ୯ ଆମ୍ବାଆରାଇଁ ନାଙ୍ଗେ ହୀହାମାଞ୍ଜାଦି, ଏଝାରି ବିତ୍ରାଟି ରଅଣାଇଁ ଜିକେଏ ଜାକ୍‌ହା ହିଲଅଁ ।” ଏନିକ୍ ଦାମ୍ବୁ ପତିତି କାତା ସାତା ଆନେ ଏଦାଆଁତାକି ଏଲେ ଇଚେସି ।

୧୦ ସିମନ ପିତର ତାନି ତାଣା କାଣ୍ଡା ମାତାକି ଏଝାସି କାଜା ପୂଜେରା ହଲେଏଣା ଚିଝି କିୟ୍ ଦୁାଚେସି, ଏଝାଣି ଦରୁ ମାଲକସ୍ । ୧୧ ଏଚେଟିଏ ଜୀସୁ ପିତରଇଁ ଏଲେଇଚେସି, “କାଣ୍ଡା, କାଣ୍ଡା ଇଚିନି ଚାୟୁତା ଇଚାମ୍; ନାନୁ ଏନାଆଁ ଅଣ୍‌ପିମାଞ୍ଜି, ଆବା ମାହାପୁରୁ ନାଙ୍ଗେ ହୀହାମାଞ୍ଜାନି ଦୁକୁତି ସଲ୍‌ତା ଗସାଲି ଆଡ଼ଅଁ କି ?”

ହାନାନ ନକିତା ଜୀସୁ

✦ ୧୮:୧୧ ୧୮:୧୧ ମାତି ୨୭:୩୯; ମାର୍କ ୧୪:୩୭; ଲୁକ ୨୨:୪୭

୧୭ ଏମ୍ବାଟିଏ ରମିୟ କସ୍କା, ଇଞ୍ଜା ରିଜାରି କସ୍କା ମୁହେଁ କାଜାସି, ଅଡ଼େ ଜାହୁଦି ଲକୁତି କସ୍କା ଜାସୁଇଁ ଆସାନା ଦସ୍ପିତେରି । ୧୩ ଏଝାଣାଇଁ ଦସ୍ପାନା ମୁଲୁଏ ହାନାନ ତାଣା ଅଡ଼େରି, ଇଚିହୁଁ ଏଝାସି ଏ ବାସୀତି କାଜା ପୂଜେରା କୟାପାତି ପଡ଼ଲେଏସି ମାରେସି । ୧୪ ☆ଏ କୟାପା ବାରେ ଲକୁ ତାକି ରଅସି ହାନାୟି ମିଙ୍ଗେ ତାକି ନେହେଁ ଇଞ୍ଜା ଜାହୁଦି ଲକୁଣି ଝେସାମାରେସି ।

ପିତର ଜାସୁଇଁ ପୁଞ୍ଜାହିଲଅଁ ଇନାୟି

(ମାତି ୨୬:୨୯-୩୦; ମାର୍କ ୧୪:୨୬-୨୮; ଲୁକ ୨୨:୫୫-୫୯)

୧୫ ସିମନ ପିତର ଅଡ଼େ ର ସାସୁ ଜାସୁତି କେଚ କେଚ ହାଜିମାରେରି । ଏ ସାସୁ କାଜା ପୂଜେରା ତଲେ ପୁଣ୍ଡି ଆହାମାରେରି ଅଡ଼େ ଜାସୁତଲେ କାଜା ପୂଜେରା ଆଂଗେଣିତା ହାରେସି; ୧୬ ସାମା ପିତର ପାଙ୍ଗାତି ଦୁଝେରି ଦାରିତା ନିଚାନା ଡ଼ୟିତେସି । ସାମା ଏମିନି ସାସୁ କାଜା ପୂଜେରା ତଲେ ପୁଣ୍ଡି ଆହାମାରେରି, ଏଝାସି ପାଙ୍ଗାତା ହାଜାନା ଦୁଝେରିତା କାଝଆନାଣାଇଁ ଏଲେଇଞ୍ଜାନା ପିତରଇଁ ବିତ୍ରା ଅଡ଼େସି । ୧୭ ଏମ୍ବାଟିଏ ଦୁଝେରିତା କାଝଆନାଣି ହଲେଣି ପିତରଇଁ ଏଲେଇଚେ, “ନାନୁ ଜିକେଏ ଏନାଆଁ ଇ ଲକୁତି ସାସୁୟାଁ ବିତ୍ରାଟି ରଅତି ଆଏକି ?”

ପିତର ଏଲେଇଚେସି, “ନାନୁ ଏଝାତେଏଁ ଆଏ ।”

୧୮ ଏଚିବେଲତା ପେନି ଆହିମାଚାକି ହଲିୟାଙ୍ଗା ଅଡ଼େ କାଝଆନାରି ହିରୁ ତାସାନା ସାରିଝାକି ନିଚାନା କେରଞ୍ଜି ମାରେରି; ପିତର ଜିକେଏ ଏଝାରିତଲେ ନିଚାନା ହିରୁ କେରଞ୍ଜି ମାରେସି ।

କାଜା ପୂଜେରା ଜାସୁଇଁ ଝେନାୟି

(ମାତି ୨୬:୫୯-୬୬; ମାର୍କ ୧୪:୫୫-୬୪; ଲୁକ ୨୨:୬୬-୭୧)

୧୯ କାଜା ପୂଜେରା ଜାସୁଇଁ ତାନି ଜାପ୍ନାଣି ଇଞ୍ଜା ସାସୁୟାଁତି କାତା ଝେରେସି । ୨୦ ଜାସୁ ଏଲେଇଚେସି, “ନାନୁ ବାରେ ଦାରତିତି ନକିତା ତସାନା ଜାପ୍ନାହାମାଇଁ, ଆମ୍ବିୟା ବାରେ ଜାହୁଦି ଲକୁ କୁଡ଼ା ଆନେରି, ମାହାପୁରୁ ଇଲୁତା ଅଡ଼େ ଜାହୁଦି ଲକୁତି କୁଟମି ଇଲକାଣା*, ଲକୁ କୁଡ଼ା ଆହାମାନି ବେଲତା ନାନୁ ଜାପ୍ନାହାମାଇଁ, ଡ଼କୁହାନା ଏନାଆଁ କିହାହିଲଅଁ । ୨୧ ନାଙ୍ଗେ ଏନାଆଁତାକି ଝେଞ୍ଜିମାଞ୍ଜାଦି ? ନାନୁ ଏଝାରାଇଁ ଏନାଆଁ ଏଲେଇଞ୍ଜାମାଇଁ, ଆମ୍ବାଆରି ଝେଞ୍ଜାମାନେରି ଏଝାରାଇଁ ଝେନାମ୍ବୁ; ନାନୁ ଏନା ଏନାଆଁ ଏଲେଇଞ୍ଜାମାଇଁ, ଏଝାରି ବାରେ ପୁଞ୍ଜାମାନେରି ।”

୨୨ ଜାସୁ ଏଲେ ଇଞ୍ଜିମାନାଣି ଝେଞ୍ଜାନା ଦାରିତା ନିଚାମାତି ମାହାପୁରୁ ଇଲୁ ଜାମାନାଙ୍ଗା ବିତ୍ରାଟି ରଅସି ଏଝାଣାଇଁ ସାପ୍ତା ଝେଚାନା ଏଲେଇଚେସି, “ନିଙ୍ଗେ ଇଚେକା ସାସା କାଜା ପୂଜେରାଇଁ ଏଲେ ଇଞ୍ଜିମାଞ୍ଜା ?”

୨୩ ଜାସୁ ଏଝାଣାଇଁ ଏଲେଇଚେସି, “ନାନୁ ଲାଗେଏ ଜଲ୍ଲାମାଚିହୁଁ, ଏ ଲାଗେଏତି ପାରମାଣା ହିୟାଦୁ; ନେହୁଁ ଜଲ୍ଲାମାଇଁ ଇଚିହୁଁ ଏନାଆଁତାକି ନାଙ୍ଗେ ଝେଚିମାଞ୍ଜାଦି ?”

୨୪ ଏମ୍ବାଟିଏ ହାନାନ ଜାସୁଇଁ ଏଲେକିହୁଁଏ ଦସ୍ପି ଆହାମାନାଣାଇଁ କାଜା ପୂଜେରା କୟାପା ତାଣା ପାଣ୍ଡିତେସି ।

ପିତର ଜାସୁଇଁ ଅଡ଼େ ଝେଣ୍ଡେ ପୁଞ୍ଜାହିଲଅଁ ଇନାୟି

(ମାତି ୨୬:୨୧-୨୫; ମାର୍କ ୧୪:୨୯-୩୧; ଲୁକ ୨୨:୫୮-୬୨)

୨୫ ସିମନ ପିତର ହିରୁ ତାଗେ ନିଚାନା ହିରୁ କେରଞ୍ଜି ମାରେସି, ଏମ୍ବାଟିଏ ଏଝାରି ଏଝାଣାଇଁ ଝେଚେରି, “ନାନୁ ଜିକେଏ ଏଝାଣି ସାସୁୟାଁ ବିତ୍ରାଟି ରଅତି ଆଏକି ?”

ପିତର ଏଲେଇଚେସି, “ନାନୁ ଆଏ ।”

୨୬ ପିତର, ଏମିନି କାଜା ପୂଜେରା ହଲିୟାଙ୍ଗା ବିତ୍ରାଟି ରଅଣି କିୟୁଁ ଦାଡ଼ା ମାରେସି, ଏଝାଣି କୁଟମିତାସି ଏଲେଇଚେସି, “ନାନୁ ନିଙ୍ଗେ ବାଡ଼ାତା ଏଝାଣିତଲେ ମାଚାଣି ମେସାମାଞ୍ଜାଆତେଏଁ କି ?”

୨୭ ପିତର ଅଡ଼େ ଝେଣ୍ଡେ ଏଲେଇଚେସି, “ଆଏ ପୁଞ୍ଜାହିଲଅଁ ।” ଏଚିବେଲତା କୟୁ କେଶ୍ଚେ ।

ପିଲାତ ତାଣା ଜାସୁ

(ମାତି ୨୬:୧, ୨, ୧୧-୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ତାନି ଅର ନେରୁ ଲାଇ ଏଝାରି ଜାସୁଇଁ କୟାପା ଇଲୁଟି ଅହାନା ରମିୟ ରାଜି ସାଲଝି କିନାଣି ମେଡ଼ା ଇଲୁତା ଏତେରି, ଜାହୁଦି ଲକୁ ମେଡ଼ା ଇଲୁ ବିତ୍ରା ହାଲାଆତେରି, ଇଚିହୁଁ ଏନାଆଁ ତଲେ ପିସ୍ପିଆଡ଼ି ପାର୍ବୁତି ବଜି ତାକି ତାମ୍ଙେ ଲାଗେଏ କିହାକତାଲି ଅଣ୍ଡି ହିଲାଆତେରି । ୨୯ ଏନାଆଁତାକି ସାଲଝି କିନି ପିଲାତ ଏଝାରିତାଣା ପାଙ୍ଗାତା ଝାହାନା ଝେଚେସି, “ଇ ମାଣ୍ଡି କପାଟି ମୀ ଏନିଲେହେଁତି ଦାଝା ମାନେ ?”

୩୦ ଏଝାରି ଏଝାଣାଇଁ ଏଲେଇଚେରି, “ଇ ମାଣ୍ଡି ଲାଗେଏତି କାମା କିହା ହିଲାଆତିହୁଁ ମା, ମାମ୍ବୁ ଏଝାଣାଇଁ ନୀ ତାଣା ତାଆତମିମା ।”

୩୧ ପିଲାତ ଏଝାରାଇଁ ଏଲେଇଚେସି, “ଆତିହୁଁ ଇଝାଣାଇଁ ଅହାନା ମୀ ମେରା ତଲେ ନୀହାୟି କିଦୁ ।” ଜାହୁଦିୟାଁ ଏଝାଣାଇଁ ଏଲେଇଚେରି, “ଆମ୍ବାଆରାଇଁ ହାନି ତଣ୍ଡ ହାହାଲି ମା ଅଦିକାରା ହିଲେଏ ।” ୩୨ ☆ଜାସୁ ଏନିକଁ ହାହାଲି ହାଜିମାନେସି, ଏ କାତା ଜାସୁ ଏନାଆଁ ଏଲେଇଞ୍ଜାମାରେସି, ଏଡ଼ି ଏନିକଁ ପୁରା ଆନେ, ଏନାଆଁତାକି ଏଝାରି ଏଲେଇଚେରି ।

୩୩ ପିଲାତ ଝେଣ୍ଡା ମେଡ଼ା ଇଲୁ ବିତ୍ରା ହାଜାନା ଜାସୁଇଁ ଝେଚେସି, “ଏନାଆଁ ନାନୁ ଜାହୁଦି ଲକୁତି ରାଜାତି ?”

୩୪ ଜାସୁ ଏଲେଇଚେସି, “ଇ କାତା ନୀ ମନ୍ଡି ଝେଞ୍ଜିମାଞ୍ଜାଦି କି ଏଚ୍ଚକାତାରି ନା କାତାତି ନିଙ୍ଗେ ଏନାଆଁ ଏଲେଇଞ୍ଜା ମାଞ୍ଜାନେରି ?”

☆ ୧୮:୧୪ ୧୮:୧୪ ଜହ ୧୧:୪୯, ୫୦ * ୧୮:୨୦ ୧୮:୨୦ ସିନଗର୍ ☆ ୧୮:୩୨ ୧୮:୩୨ ଜହ ୩:୧୪; ୧୨:୩୨

୩୫ ପିଲାତ ଏଲେଇଚେସି, “ନାନୁ ଏନାଆଁ ଅଣ୍ଠାମାଞ୍ଜି, ନାନୁ ର ଜୀହୁଦିଚେସି ? ନୀ କୃତାତି ଲକୁ ଇଞ୍ଜା କାଜା ପୂଜେରାଜା ନିଜେ ତାଚାନା ନା କେୟୁତା ହେରପା ମାଞ୍ଜାନେରି । ଖେସ୍ତାମୁ ନାନୁ ଏନାଆଁ କିହାମାଞ୍ଜି ?”

୩୬ ଜୀସୁ ଏଲେଇଚେସି, ନା ରାଜି ଇ ଦାର୍ତତିତାୟି ଆଏ; ନା ରାଜି ଦାର୍ତତିତାୟି ଆତିହିଁମା, ନାନୁ ଜୀହୁଦି ଲକୁତାଣା ହେରପି ଆଆରେରୁ ନାଜେ ସେବା କିୟାନାରି ନା ତାକି ଜୁଜୁ କିତେରିମା, ସାମା ନା ରାଜି ସାତେଏ ଇ ଦାର୍ତତିତାୟି ଆଏ । ୩୭ ପିଲାତ ଏଞ୍ଜାଣାଇଁ ଖେଚେସି, “ଆତିହିଁ ନାନୁ ଜୀହୁଦି ଲକୁତି ରାଜାତି ?”

ଜୀସୁ ଏଲେଇଚେସି, “ନାନୁ ଏଲେ ଇଞ୍ଜିମାଞ୍ଜି ନାନୁ ର ରାଜାତେସି । ନାନୁ ସାତା ଖାକିଟି ସାକି ହାହାଲି ଜାର୍ନା ଆହାମାଇଁ ଅଡେ ଦାର୍ତତିତା ଖାହାମାଇଁ । ଆମ୍ବାଆସି ସାତାତି ମାର୍‌ଏସି ଏଞ୍ଜାସି ନା କାତା ଖେନେସି ।”

ଜୀସୁଇଁ ହାନ୍ତି ତଣ୍ଡ ହାନାୟି

(ମାତି ୨୭:୧୫-୩୧; ମାର୍କ ୧୫:୬-୨୦; ଲୁକ ୨୩:୧୩-୨୫)

୩୮ ପିଲାତ ଖେଚେସି, “ସାତା ଏନାୟି ?”

ପିଲାତ ପାଞ୍ଜାତା ହାଜାନା ଜୀହୁଦି ଲକୁଣି ଏଲେଇଚେସି, “ନାନୁ ଇଞ୍ଜାଣି ତାଣା ଏନ୍ତି ଦହ ବେଟାଆହିଁ ହିଲଅଁ ।

୩୯ ସାମା ନାନୁ ପିସ୍‌ପିଆନ୍ତି ପାର୍ବୁ ବେଲତା ମିଜେତାକି କାୟିଦିତା ମାନାରାଇଁ ରଅଣାଇଁ ପିସାଲି ତାକି ମୀ ମେରା ମାନେ, ଏଦାଆଁତାକି ଜୀହୁଦି ଲକୁତି ରାଜାଇଁ ମାଜେତାକି ପିସା ହିୟାପେସି ଇଞ୍ଜିଁ ମୀ ମନ ମାନେକି ?” ୪୦ ଏମ୍ବାଟିଏ ଏଞ୍ଜାରି କାଲୁଞ୍ଜି ଆହିଁ ଏଲେଇଚେରି, “ଇଞ୍ଜାଣାଇଁ ଆଏ, ସାମା ବାରବାଇଁ †ପିସାହିୟାମୁ ।”

୧୯

୧ ତାୟୁ ପିଲାତ ଜୀସୁଇଁ ଅହାନା ସାଟ୍‌ଣି ମାଡା କିଞ୍ଜି କିତେସି । ୨ ଅଡେ ରିଜାରି କସ୍‌କା ହାପ୍‌କା ଟପେରି ଆଲାନା ଜୀସୁ ତାୟୁଁ ତୁା ଇଚିତେରି, ଅଡେ ଏଞ୍ଜାଣାଇଁ ହେୟାଁ ଖାଣା ହିମ୍ବୁରି ହୁଚିକିତେରି; ୩ ଏଞ୍ଜାରି ଏଞ୍ଜାଣି ତାଣା ଖାହାନା ଏଲେଇଚେରି, “ଏ ଜୀହୁଦିୟାଁ ରାଜା ଜହରା;” ଇଞ୍ଜାଁ ଏଞ୍ଜାରି ଏଞ୍ଜାଣାଇଁ ସାପ୍‌ଡା ଖେତେରି ।

୪ ପିଲାତ ଖେଶ୍ଟେ ପାଞ୍ଜାତା ହାଜାନା ଏଲେଇଚେସି, “ନାନୁ ଏଞ୍ଜାଣି ତାଣା ଏନ୍ତି ଦହ ବେଟାଆହିଁ ହିଲଅଁ, ଇଦାଆଁ ଏନ୍ତିକିଁ ମୀରୁ ପୁଞ୍ଜେରି, ଇଦାଆଁତାକି ନାନୁ ଏଞ୍ଜାଣାଇଁ ମୀ ତାଣା ତାଟିମାଇଁ ।” ୫ ଏମ୍ବାଟିଏ ଜୀସୁ ଏ ହାପ୍‌କା ଟପେରି ଅଡେ ହେୟାଁ ଖାଣା ହିମ୍ବୁରି ପର୍‌ହାନା ପାଞ୍ଜାତା ଖାଡେସି, ପିଲାତ ଏଞ୍ଜାଣାଇଁ ଏଲେଇଚେସି, “ମେହ୍‌ଦୁ ଇଞ୍ଜାସି ଏ ମାଣ୍‌ସି ।”

୬ ଏମ୍ବାଟିଏ କାଜା ପୂଜେରାଜା ଅଡେ ମାହାପୁରୁ ଇଲୁ କାଞ୍ଜାନ୍ତି ଜାମାନାଜା ଏଞ୍ଜାଣାଇଁ ମେସାନା କାଲୁଞ୍ଜି ଆହିଁ ଏଲେଇଚେରି, “ଏଞ୍ଜାଣାଇଁ ପାସି ଏକ୍‌ଦୁ ପାସି ଏକ୍‌ଦୁ ।” ପିଲାତ ଏଞ୍ଜାଣାଇଁ ଏଲେଇଚେସି, “ମୀରୁ ଏଞ୍ଜାଣାଇଁ ଅହାନା

ପାସି ଏକ୍‌ଦୁ, ଇଚିହିଁ ନାନୁ ଏଞ୍ଜାଣି ତାଣା ଏନ୍ତି ଦହ ବେଟାଆହିଁ ହିଲଅଁ ।”

୭ ଜୀହୁଦି ଲକୁ ଏଞ୍ଜାଣାଇଁ ଏଲେଇଚେରି, “ଇଚିହିଁ ମାଜେ ରଣ୍ଡିଏ ମେରା ମାନେ, ଏ ମେରାଲେହେଁଏ ଏଞ୍ଜାସି ହାନ୍ତି ତଣ୍ଡ ବେଟାଆନାୟି ମାନେ, ଇଚିହିଁ ଏଞ୍ଜାସି ତାଜେ ମାହାପୁରୁତି ମାର୍‌ଏସି ଇଞ୍ଜିଁ ଖେସାମାନେସି ।”

୮ ଏମ୍ବାଟିଏ ପିଲାତ ଇ କାତା ଖେଞ୍ଜାନା ଗାତି ଆଜିତେସି । ୯ ଖେଶ୍ଟେ ମେଡା ଇଲୁତା ହାଜାନା, ଜୀସୁଇଁ ଖେଚେସି, “ନାନୁ ଆମ୍ବିଟି ଖାହାମାଞ୍ଜି ?” ସାମା ଜୀସୁ ସାପି ଆହାନା ଡୟିତେସି । ୧୦ ପିଲାତ ଏଲେଇଚେସି, “ନାଜେ ଜଲିମାଞ୍ଜିଅତି ? ନିଜ ଗେଲ୍‌ପାଲି ନା ଅଦିକାରା ମାନେ ଅଡେ ପାସିତା ଏକ୍‌ହାଲି ନା ଅଦିକାରା ମାନେ ଇ କାତା ନାନୁ ପୁଞ୍ଜାହିଲଅତି ?”

୧୧ ଜୀସୁ ଏଲେଇଚେସି, “ମାହାପୁରୁ ତାଣାଟି ନିଜେ ଅଦିକାରା ହାଆତିହିଁ, ନା ଲାକ ନୀ ଏନ୍ତି ଅଦିକାରା ହିଲାଆତେମା; ଇଞ୍ଜାଁ ଆମ୍ବାଆସି ନାଜେ ନୀ କେୟୁତା ହେରପା ମାଞ୍ଜାନେସି ଏଞ୍ଜାଣି ପାପୁ ହାଡେକା ।”

୧୨ ଇ କାତା ଖେଞ୍ଜାନା ପିଲାତ ଜୀସୁଇଁ ପିସାଲି ତାକି ଅଣ୍ଠିପିତେସି, ସାମା ଜୀହୁଦି ଲକୁ କାଲୁଞ୍ଜି ଆହିଁ ଏଲେଇଚେରି, “ନାନୁ ଇଞ୍ଜାଣାଇଁ ପିହିଦି ଆତିହିଁ ନାନୁ କାୟିସରତି ତଣ୍ଡେତି ଆଏ; ଆମ୍ବାଆସି ଜାହାରାଇଁ ରାଜା ଇନେସି ଏଞ୍ଜାସି କାୟିସର କପାଟି କାତା ଜଲିମାନେସି ।”

୧୩ ପିଲାତ ଇ କାତା ଖେଞ୍ଜାନା ଜୀସୁଇଁ ପାଞ୍ଜାତା ଖାଲକାତି ବେରଣିମାଣ୍ଡା ତାତେରି । ଏମିନାଣି ଏବ୍ରି ହାଡାତଲେ “ଗବ୍‌ବତା” ଇଞ୍ଜିଁ ଇନେରି, ଏ ଟାୟୁଟି ବିଚାରା କିନି ଟାୟୁତା କୁରିତେସି । ୧୪ ଏ ଦିନା ପିସ୍‌ପିଆନ୍ତି ପାର୍ବୁତି ତଲିତି ଦିନା ମାଚେ, ଏଚିବେଲା ଲାକ୍‌ସ ଗଂଟା ଆହାମାଚେ । ଇଞ୍ଜାଁ ଏଞ୍ଜାସି ଜୀହୁଦି ଲକୁଣି ଏଲେଇଚେସି, “ଇଞ୍ଜାସି ମେହ୍‌ଦୁ ମୀ ରାଜା ।” ୧୫ ଏମ୍ବାଟିଏ ଏଞ୍ଜାରି ଏଲେଇଚେରି, “ଏଞ୍ଜାଣାଇଁ ପାୟାଦୁ, ପାୟାଦୁ, ପାସି ଏକ୍‌ଦୁ ।” ପିଲାତ ଏଞ୍ଜାଣାଇଁ ଏଲେଇଚେସି, “ନାନୁ ମୀ ରାଜାଇଁ ପାସିତା ଏକ୍‌ଇଁ ?” କାଜା ପୂଜେରାଜା ଏଲେଇଚେରି, “କାୟିସର ପିସ୍‌ପେ ମା ରାଜା ଆମ୍ବାଆସି ହିଲଅସି ।”

୧୬ ତାୟୁ ପିଲାତ ଜୀସୁଇଁ ପାସି ମୁଣ୍ଡାତା ଏକ୍‌ହାଲି ତାକି ଏଞ୍ଜାରି କେୟୁତା ହେରପିତେସି, ଇଞ୍ଜାଁ ତାୟୁ ଏଞ୍ଜାରି ଜୀସୁଇଁ ଅହିଁ ହାଚେରି ।

ଜୀସୁତି ପାସି ଆନାୟି

(ମାତି ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୬-୪୩)

୧୭ ଏଚେଟିଏ ଏଞ୍ଜାରି ଜୀସୁଇଁ ଅଡେରି; ଅଡେ ଜୀସୁ ଜାହାରା ପାସିମୁଣ୍ଡା ଡେକାନା “ତାୟୁଁ ରୁପା” ଇନି ଟାୟୁତା, ଇଚିହିଁ ଏମିନାଣି ଏବ୍ରି ହାଡାତଲେ “ଗଲ୍‌ଗତା” ଇଞ୍ଜିଁ ଇନେରି ଏମ୍ବାଆଁ ହାଚେସି । ୧୮ ଏମ୍ବାଆଁ ଏଞ୍ଜାରି ଜୀସୁଇଁ ପାସି ମୁଣ୍ଡାତା ଏକ୍‌ହେରି, ଏଞ୍ଜାଣିତଲେ ଅଡେ ରିଆରାଇଁ ପାସି ମୁଣ୍ଡାତା ଏକ୍‌ହେରି, ରିକଖାକି ରିଆରି ଅଡେ ମାଦିଏ ଜୀସୁ

† ୧୮:୪୦ ୧୮:୪୦ ଇ ବାରବା ର ଡଂଗେଏସି ମାଚେସି

। ୧୯ ଅଡ଼େ ପିଲାତ ର ଆକୁତା ରାଚାନା ପାସିମୁଣ୍ଡା ଲାକ ଆଟିକିତେସି, ଏମ୍ବାଆଁ ରାସ୍‌କି ଆହାମାରେ, “ନାଜରିତତି ଜୀସୁ ଜୀହୁଦିୟାଁ ରାଜା ।” ୨୦ ଜୀହୁଦିୟାଁ ବିତ୍ରାଟି ହାରେକା ଏ ଆକୁତି ପଡ଼଼ି ଆଡ଼େରି, ଇତିହାଁ ଜୀସୁଇଁ ଏମିନିତାଣା ପାସି ଏପ୍‌କି ଆହାମାରେ, ଏଦି ଗାଡ଼ା ତାଗେ ମାରେ; ଇଞ୍ଜାଁ ଏ ଆକୁ ଏବି, ଲାଟିନ୍ ଅଡ଼େ ଗ୍ରିକ୍ ହାଡ଼ାତଲେ ରାସ୍‌କି ଆହାମାରେ । ୨୧ ଜୀହୁଦି ଲକୁତି କାଜା ପୂଜେରାଙ୍ଗା ପିଲାତଇଁ ଏଲେଇରେରି, “ଜୀହୁଦିୟାଁ ରାଜା ଇଞ୍ଜାଁ ରାଚାଆନା, ନାନୁ ଜୀହୁଦି ଲକୁତି ରାଜା ଇଞ୍ଜାମାରେସି ଇଞ୍ଜାଁ ରାଚାମୁ ।” ୨୨ ସାମା ପିଲାତ ଏଲେଇରେସି, “ନାନୁ ଏନାଆଁ ରାଚାମାଇଁ ଏଲେକିହାଁ ଏ ଡ଼ୟିନେ ।”

୨୩ ରିଜାରି କସ୍‌କା ଜୀସୁଇଁ ପାସିତା ଏକ୍‌ହି ଜେଚ ଏଞ୍ଜାଣି ହିମ୍ବରକା ଅହାନା ସାରି ବାଗା କିତେରି, ର ର କହୁଏଣାକି ରଣ୍ଡାଲାକା, ଅଡ଼େ ଏଞ୍ଜାଣି ଲାମ୍ବା ସକା ଜିକେଏ ଅଡ଼େରି । ଏ ଲାମ୍ବା ସକା ତାଚାନା ହେରକି ଟିଏ ପାଃଆନା କଡ଼ାୟାଁ ପାଡେକା କିଞ୍ଚି ଆହାମାରେ । ୨୪ ଏଦାଆଁତାକି ଏଞ୍ଜାରି ଏଲେଇରେରି, “ଇଦାଆଁ ଗେହୁଆପ, ସାମା ଇଦି ଆମ୍ବାଆରାଞ୍ଜାୟି ଆନେ, ଏଦାଆଁତାକି ପାଦି କିନ ।” ଏନିକ୍‌ ଦାମ୍ବୁ ପତିତି କାତା ପୁରା ଆନେ,

“ଏଞ୍ଜାରି ତାମି ବିତ୍ରା ନା ହିମ୍ବରକା ବାଗା କିତେରି,
ଅଡ଼େ ନା ଲାମ୍ବା ସକାତାକି ପାଦି କିତେରି ।” ରିଜାରି
କସ୍‌କା ସମାନା ଏଲେକିହାଁ ଏ କିତେରି ।

୨୫ ସାମା ଜୀସୁତି ପାସିମୁଣ୍ଡା ତାଗେ ତାମି ଇୟା, ତାମି ଇୟାନି ତାଜି, କ୍ଲପାତି ତକ୍‌ମି ମରିୟମ ଅଡ଼େ ମଗ୍‌ଦଲିନି ମରିୟମ ନିଚାମାଚୁ । ୨୬ ଜୀସୁ ତାମି ଇୟା ଅଡ଼େ ଏମିନି ସୀସୁଇଁ ଜୀଞ୍ଜୁ ନହାଁ ମାରେସି, ଏଞ୍ଜାସି ତାଗେ ନିଚାମାନାଣି ମେସାନା ଏଲେଇରେସି, “ଏ ଇୟା ମେହ୍‌ମୁ ନୀ ମୀରଏସି !”

୨୭ ତାୟୁ ଜୀସୁ ଏ ସୀସୁଇଁ ଏଲେଇରେସି, “ଇଦି ମୀ ଇୟା ।” ଏ ଦିନାଟିଏ ଏ ସୀସୁ ଜୀସୁତି ଇୟାନି ତାମି ଇଜ ଅଡ଼େସି ।

ଜୀସୁ ହାକି

(ମାତି ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ତାୟୁ ଜୀସୁ ଦାମ୍ବୁ ପତିତି ବଲୁ ଏନିକ୍‌ ପୁରା ଆନେ, ଏଦାଆଁତାକି ବାରେ ରାହାମାନେ ଇଞ୍ଜାଁ ପୁଞ୍ଜାନା ଏଲେଇରେସି, “ନାଙ୍ଗେ ଏସ୍‌କି ହଡ଼ିମାଞ୍ଜାନେ ।”

୨୯ ଏମ୍ବାଆଁ ପୁଲାଏୟୁ ନେଞ୍ଜାମାନି ର ଡ଼କା ମାରେ; ଏଞ୍ଜାରି ଏମ୍ବାଆଁ ର ଡ୍ରାଃଆଲି ମୁସାନା ବାଲାତି ମୁନୁତା ରୁପାନା ଜୀସୁତି ଗୁଡ଼ିତା ହାଡ଼େରି । ୩୦ ଏଚେଟିଏ ଜୀସୁ ଏ ପୁଲାଏୟୁ ଗସାନା ଏଲେଇରେସି, “ରାହାହାଚେ” ଏଲେଇଞ୍ଜାନା ତାୟୁଁ ଚୁଲସାନା ହାଡ଼େସି ।

ଜୀସୁ ପାଡ଼କା ଟଟତା ବାଲା ତଲେ ଉହ୍‌ନାୟି

୩୧ ପାସି ଏପ୍‌କି ଆହାମାନାରି କଡ଼ାୟାଁ ଡିକ୍‌ହାନା ଏଞ୍ଜାରି ହାଡ଼ି ମାଡ଼ହାଡ଼ି ପାସି ମୁଣ୍ଡାଟି ରେପ୍‌ହା ତାଚାଲି ଜୀହୁଦି

ଲକୁଇଁ କାଜାରି ପିଲାତଇଁ ବାଡ଼ିମାଲିତେରି, ଇତିହାଁ ଏ ଦିନା ସୁକ୍ତି ତାନି ଅର ଦିନା ସୁଦୁ ଜମିନି ଦିନାତା ହାଡ଼ି ମାଡ଼ହା ପାସିମୁଣ୍ଡା ଲାକ ପିସାଲି ଏଞ୍ଜାରି ମନ୍ କିହିଲିଆତେରି । ୩୨ ଇଞ୍ଜାଁ ରିଜାରି କସ୍‌କା ଖାହାନା ଜୀସୁତଲେ ପାସି ମୁଣ୍ଡାତା ଏକ୍‌ହାମାଟି ରିଆରି କଡ଼ାୟାଁ ଡିକ୍‌ହେରି । ୩୩ ସାମା ଏଞ୍ଜାରି ଜୀସୁ ତାଣା ଖାହାନା ଏଞ୍ଜାସି ହାହାମାନାଣି ମେସ୍‌ସେରି, ଏଦାଆଁତାକି ଏଞ୍ଜାରି ଏଞ୍ଜାଣି କଡ଼ାୟାଁ ଡିକ୍‌ଆଡେରି । ୩୪ ଆଡ଼ିଜିକେଏ କସ୍‌କା ବିତ୍ରାଟି ରଅସି ଜୀସୁତି ପାଡ଼କା ଟଟତା ବାଲା ତଲେ ଗୁକ୍‌ହେସି ଇଞ୍ଜାଁ ଦେବୁଣିଏ ଏମ୍ବାଟି ଏୟୁ ଅଡ଼େ ନେତେରି ହଡ଼େ । ୩୫ ଆମ୍ବାଆସି ମେସାମାନେସି, ଏଞ୍ଜାସି ସାକି ହାହାମାନେସି, ଏନିକ୍‌ ମୀରୁ ଜିକେଏ ନାମିଦେରି; ଇଞ୍ଜାଁ ଏଞ୍ଜାଣି ସାକି ସାତା, ଏଞ୍ଜାସି ସାତା ଝେସାମାନେସି ଇ କାତା ଏଞ୍ଜାସି ପୁଞ୍ଜାମାନେସି । ୩୬ ଇତିହାଁ ଦାମ୍ବୁ ପତିତି କାତା ପୁରା ଆହାଲିତାକି ଇ ବାରେ ଆଡ଼େ, “ଏଞ୍ଜାଣି ର ଡ଼ୁମୁ ଜିକେଏ ଡିକ୍‌ଅରି ।” ୩୭ ଦାମ୍ବୁ ପତିତି ଅର କାତା ଇଦି, “ଏଞ୍ଜାରି ଆମ୍ବାଆରାଇଁ ବାଲା ତଲେ ଗୁକ୍‌ହା ମାଚାରି ଜିକେଏ ଏଞ୍ଜାଣାଇଁ ସିନିକିନେରି ।”

ଜୀସୁଇଁ ମୁହ୍‌ନାୟି

(ମାତି ୨୭:୫୭-୬୧; ମାର୍କ ୧୫:୪୨-୪୬; ଲୁକ ୨୩:୫୦-୫୬)

୩୮ ଇଦାଆଁ ତାୟୁ ହାଚାମାତିୟାତି ଜସେପ ଇନାସି ପିଲାତ ତାଣା ହାଜାନା ଜୀସୁତି ଆଙ୍ଗା ଅହାଲି ବାଡ଼ିମାଲିତେସି । ଇ ଜସେପ ଜୀସୁତି ର ସୀସୁ ମାରେସି, ସାମା ଜୀହୁଦି ଲକୁତି କାଜାରି ଆଜିତାକି ଡ଼ଗୁାନା ମାରେସି, ପିଲାତ ଏଞ୍ଜାଣାଇଁ ହେଲ ହାହାଲିଏ ଏଞ୍ଜାସି ଜୀସୁତି ଆଙ୍ଗା ମୁସାଲି ଅଡ଼େସି । ୩୯ ଏଞ୍ଜାଣିତଲେ ନିକଦିମ ମାରେସି । ଇ ନିକଦିମ ର ଦିନା ଲାଆଁୟାଁ ଜୀସୁତଲେ କାତା ଆହାଲି ଖାହାମାରେସି, ଏ ନିକଦିମ କଡ଼େଦସ କେଜି ଗାନ୍ଦା ନିୟୁଁ ତାରିହାଁ ଖାହାମାରେସି । ୪୦ ଏଞ୍ଜାରି ଜୀସୁତି ଆଙ୍ଗା ଅହାନା ଜୀହୁଦି ଲକୁତି ମୁହ୍‌ନି ମେରା ତଲେ ଏଦାଆଁ ଗାନ୍ଦା ନିୟୁଁତଲେ ପାଡ଼ାଡ଼ା ହିମ୍ବରି ରୁପିତେରି । ୪୧ ଜୀସୁ ଏମିନି ଟାୟୁତା ପାସି ମୁଣ୍ଡାତା ଏପ୍‌କି ଆହାମାରେସି ଏ ଦାରିତା ର ବାଡ଼ା ମାରେ, ଏ ବିତ୍ରା ର ପୁଃନି ମାହ୍‌ଣି ମାଣ୍ଡା ମାରେ, ଏମ୍ବାଆଁ ନକେଏ ଆମ୍ବାଆରାଇଁ ଇଟ୍‌ଡ଼ି ଆହାହିଲିଆଡେ । ୪୨ ଏ ଦିନା ଜୀହୁଦି ଲକୁତି ଜମିନି ଦାନାତି ନକିତି ଦିନା ମାଚାକି, ଗାଡ଼ି ହେକ ହାଲାଆନା ଏଞ୍ଜାରି ଜୀସୁତି ଆଙ୍ଗା ଅହାନା ମାହ୍‌ଣି ମାଣ୍ଡାତା ଇଟିତେରି ।

୨୦

ଞ୍ଜାରି ମାହ୍‌ଣି ମାଣ୍ଡା

(ମାତି ୨୮:୧-୮; ମାର୍କ ୧୬:୧-୮; ଲୁକ ୨୪:୧-୧୨)

୧ ଞ୍ଜାରିତି ମୁଲୁ ଦିନା ଲାଲ ଲାଲ ଆନ୍ଦେରି ମାଞ୍ଜା ମାଞ୍ଜାନା ମଗ୍‌ଦଲିନି ମରିୟମ ମାହ୍‌ଣି ମାଣ୍ଡା ଦାରିତା

☆ ୧୯:୩୭ ୧୯:୩୭ ଝେ ବଲୁ ୧:୭ ☆ ୧୯:୩୯ ୧୯:୩୯ ଜହ ୩:୧,୨

ଖାହାନା ଏମ୍ବାତି ଖାଲି ଗୁଡା ଆହାମାନାଣି ମେସ୍ତେ । ୨ ଇଞ୍ଜା ଏଦି ହଟି ହଟି ହାଜାନା ସିମନ ପିତର ଆମ୍ବାଆରାଇଁ ଜୀସୁ ଜୀସୁ ନହଁ ମାରେସି, ଏ ସୀସୁୟାଁଇଁ ଏଲେଇଚେ, “ଆମ୍ବାଆରି ପ୍ରବୁଇଁ ମାହୁଣି ମାଣ୍ଡାଟି ଅହାମାନେରି, ଇଞ୍ଜା ଆମ୍ବିୟା ଇଟାମାନେରି ଏଦାଆଁ ମାମ୍ବୁ ପୁଞ୍ଜାହିଲଅମି ।”

୩ ଇ କାତା ଖେଞ୍ଜାନା ପିତର ଅଡେ ଅର ସୀସୁ ମାହୁଣି ମାଣ୍ଡା ଖାକି ହଚେରି । ୪ ଏଞ୍ଜାରି ରିଆରି ରହେଁଏ ହଚେରି, ଅର ସୀସୁ ପିତରଇଁ ତାୟୁ ପିସାନା ତଲିଏ ମାହୁଣି ମାଣ୍ଡା ଏତେସି । ୫ ଏଞ୍ଜାସି ବଜାହାଁ ଏମିନି ପାଡାଡା ହିମ୍ବୁରି ଆଜ୍ଞାତା ରୁପା ମାଚେରି ଏମ୍ବାଆଁ ରିହାମାଗାଣି ମେସ୍ତେସି, ସାମା ବିତ୍ରା ହାଲାଆତେସି । ୬ ତାୟୁ ସିମନ ପିତର ଜିକେଏ ଖାଡେସି ଇଞ୍ଜା ମାହୁଣି ମାଣ୍ଡା ବିତ୍ରା ହଡାନା ସିନିକିତେସି ଏମ୍ବାଆଁ ପାଡାଡା ହିମ୍ବୁରିକା ମାମ୍ବୁ, ୭ ଇଞ୍ଜା ତାନି ତାୟୁଁ ତୁ ଦସାମାଟି ଏ ପାଡାଡା ହିମ୍ବୁରିକା ତଲେ ହିଲାଆତେ ଏଦି ଏଟକା ମାଚେ । ୮ ଏଚିବେଲା ଏମିନି ସୀସୁ ତଲିଏ ମାହୁଣି ମାଣ୍ଡା ତାଗେ ଖାହାମାଚେସି, ଏଞ୍ଜାସି ଜିକେଏ ବିତ୍ରା ହଡାନା ମେସ୍ତେସି ଅଡେ ନାମିତେସି; ୯ ଇଚିହଁ ହାଡାରି ବିତ୍ରାଟି ଏଞ୍ଜାଣାକି ନିଜାଲି ଆନେ, ଦାମ୍ବୁ ପଡିତି ଇ ବଲୁ ଏଚେ ପାତେକା ତେଲହା ହିଲାଆତେରି । ୧୦ ତାୟୁ ସୀସୁୟାଁ ଖେଣ୍ଡେ ଇଜ ହାଚେରି ।

ଜୀସୁ ମଗ୍ବଲିନି ମରିୟମଇଁ ତଞ୍ଜା ଆନାୟି
(ମାତି ୨୮:୯,୧୦; ମାର୍କ ୧୬:୯-୧୧)

୧୧ ସାମା ମରିୟମ ତାହି ତାହି ପାଜ୍ଞାତା ନିଚା ତୁୟିତେ; ଇଞ୍ଜା ତାହି ତାହି ବଜାହାଁ ମାହୁଣି ମାଣ୍ଡା ବିତ୍ରା ସିନିକିତେ, ୧୨ ଜୀସୁଟି ଆଜ୍ଞା ଏମିନି ଟାୟୁତା ଇଟକି ଆହାମାଚେ, ଏମ୍ବାଆଁ ତାୟୁଁ ଖାକି ରଅସି ଅଡେ କଡାୟାଁ ଖାକି ରଅସି ଦବଲା ହିମ୍ବୁରିକା ପରହାନା ରିଆରି ଦୁତୁୟାଁ କୁଗାମାନାଣି ମେସ୍ତେ । ୧୩ ଏଞ୍ଜାରି ଏଦାନି ଏଲେଇଚେରି, “ଏ ଇୟା ଏନାଆଁତାକି ତାହିମାଞ୍ଜି ?” ଏଦି ଏଞ୍ଜାରାଇଁ ଏଲେଇଚେ, “ଆମ୍ବାଆରି ନା ପ୍ରବୁଇଁ ଅହାମାନେରି, ଅଡେ ଏଞ୍ଜାଣାଇଁ ଆମ୍ବିୟା ଇଟାମାନେରି ପୁଞ୍ଜାହିଲଅଁ ।”

୧୪ ଏଦି ଏଲେଇଞ୍ଜାନା ତାୟୁଖାକି ସିନିକିହାନା ଜୀସୁଇଁ ମେସ୍ତେ, ସାମା ଏଞ୍ଜାସି ଜୀସୁ ପୁଞ୍ଜାଲି ଆଡାଆତେ । ୧୫ ଜୀସୁ ଏଦାନି ଏଲେଇଚେସି, “ଏ ଇୟା ଏନାଆଁତାକି ତାହିମାଞ୍ଜି ? ଆମ୍ବାଆରାଇଁ ପାରିମାଞ୍ଜି ?”

ଏଦି ଏଞ୍ଜାଣାଇଁ ବାଡା ଗାଟାସି ଇଞ୍ଜା ଅଣ୍ଡପାନା ଏଲେଇଚେ, “ବାରୁ ନାନୁ ଏଞ୍ଜାଣାଇଁ ଅହାମାଞ୍ଜି ଇଚିହଁ ଆମ୍ବିୟା ଇଟାମାଞ୍ଜି, ନାଜେ ଖେସ୍ତାମ୍ବୁ ନାନୁ ଅଇଁ ।”

୧୬ ଜୀସୁ ଏଦାନି ଏଲେଇଚେସି, “ମରିୟମ !” ମରିୟମ ଏଞ୍ଜାଣି ଖାକି ସିନିକିହାନା ଏବୁ ହାଡାତଲେ ଏଲେଇଚେ, “ରାବୁନି” ଇଚିହଁ ଏ ଗୁରୁ ।

୧୭ ଜୀସୁ ଏଦାନି ଏଲେଇଚେସି, “ନାଜେ ଆସା ଇଟାଲି ଅଣ୍ଡପାଆନି, ଇଚିହଁ ନାନୁ ନାଏଁ ପାତେକା ଆବା ତାଣା ହାଜାହିଲଅଁ; ସାମା ନା ତାୟୁୟାଁ ତାଣା ହାଜାନା କାବୁ ହାମ୍ବୁ,

ନାନୁ ନା ଆବା ମୀ ଆବା ନା ମାହାପୁରୁ ମୀ ମାହାପୁରୁ ତାଣା ହାଜିମାଇଁ ।”

୧୮ ମଗ୍ବଲିନି ମରିୟମ ହାଜାନା, ନାନୁ ପ୍ରବୁଇଁ ମେସାମାଇଁ ଏଞ୍ଜାସି ନାଜେ ଇ ବାରେ କାତା ଖେସାମାଞ୍ଜାନେସି ଇଞ୍ଜା ସୀସୁୟାଁଇଁ କାବୁ ହାଚେ ।

ଜୀସୁ ସୀସୁୟାଁଇଁ ତଞ୍ଜା ଆନାୟି

(ମାତି ୨୮:୧୬-୨୦; ମାର୍କ ୧୬:୧୪-୧୮; ଲୁକ ୨୪:୩୬-୪୯)

୧୯ ଏ ଦିନା ଇଚିହଁ ଖାଚାଟି ତଲିତି ଦିନା ମିଡ଼ଅଲା ବେଲା ଏଚେତା ସୀସୁୟାଁ ଏମିନି ଇଲୁତା ଜୀହୁଦି ଲକୃତି ଆଜିତାକି ଦାରାୟାଁ ସୁଣ୍ଡାମାଚେରି, ଏଚିବେଲା ଜୀସୁ ଖାହାନା ମାଦିଏ ନିଚାନା ଏଲେଇଚେସି, “ମିଜେ ହିଡ଼ଡ଼ି ଆୟାପେ ।” ୨୦ ଏଞ୍ଜାସି ଏଲେଇଞ୍ଜାନା ତାନି କେସ୍ତା, ପାଡକା ଡଇକା ତସେସି, ଏମ୍ବାଟିଏ ସୀସୁୟାଁ ପ୍ରବୁଇଁ ମେସାନା ରାହାଁ ଆଡେରି । ୨୧ ଜୀସୁ ଖେଣ୍ଡେ ଏଲେଇଚେସି, “ମିଜେ ହିଡ଼ଡ଼ି ଆୟାପେ ଆବା ଏନିକି ନାଜେ ପାଣ୍ଡାମାଞ୍ଜାନେସି, ନାନୁ ଜିକେଏ ମିଜେ ଏଲେକିହଁ ଏ ପାଣ୍ଡାମାଞ୍ଜାଇଁ ।” ୨୨ ଏଲେଇଞ୍ଜାନା ଏଞ୍ଜାରି ଲାକ ନେଞ୍ଜାନା ଏଲେଇଚେସି, “ସୁଦୁଜୀସୁଇଁ ଆବାକତାଦୁ, ୨୩ ମୀରୁ ମାଣ୍ଡସିୟାଁ ପାପୁ ମ୍ବେକ୍‌ହିସାରେ, ମାହାପୁରୁ ଜିକେଏ ଏଞ୍ଜାରି ପାପୁ ମ୍ବେକ୍‌ନେସି; ଇଞ୍ଜା ଆମ୍ବାଆରି ପାପୁ ମ୍ବେକ୍‌ଅଡେରି, ଇଚିହଁ ଏଞ୍ଜାଣି ପାପୁ ମେଣ୍ଡକେଏ ।”

ଜୀସୁ ଅଡେ ତମା

୨୪ ସାମା ଜୀସୁ ଏଚିବେଲା ଖାହାମାଚେସି, ଏଚିବେଲାତା ବାରଜାଣା ବିତ୍ରା ତମା ଆମ୍ବାଆରାଇଁ ଦିଦୁମ ଇନେରି, ଏଞ୍ଜାସି ଏଞ୍ଜାରିତଲେ ହିଲାଆତେସି । ୨୫ ଏଟକାଟି ସୀସୁୟାଁ ଏଲେଇଚେରି, “ମାମ୍ବୁ ଜୀସୁଇଁ ମେସ୍ତମି ।” ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଏଞ୍ଜାଣି କେୟୁଡି କୁଟିୟାଁ ସିନା ମେହୁଆତିହଁ ଅଡେ ଏ ବାରେ ତାଣା ନା ଖାଞ୍ଜୁ ଉହୁଆନା ଇଞ୍ଜା ଏଞ୍ଜାଣି ପାଡକା ଡଇକା ତାଗାଆନା ନାନୁ ଏଚେଲା ଜିକେଏ ନାମଅଁ ।”

୨୬ ଆଚାଦିନା ଜେଚ ତାନି ସୀସୁୟାଁ ଏ ଇଲୁତେଏ ମାଚେରି, ଅଡେ ତମା ଜିକେଏ ଏଞ୍ଜାରିତଲେ ମାଚେସି, ଦାରାୟାଁ ସୁଣ୍ଡକି ଆହାମାଚୁ, ସାମା ଜୀସୁ ଖାହାନା ଏଞ୍ଜାରି ମାଦି ନିଚାନା ଏଲେଇଚେସି, “ମିଜେ ହିଡ଼ଡ଼ି ଆୟାପେ ।” ୨୭ ତାୟୁ ଏଞ୍ଜାସି ତମାଇଁ ଏଲେଇଚେସି, “ଇମ୍ବାଆଁ ନୀ ଖାଞ୍ଜୁ ଉସାନା ସିନିକିମ୍ବୁ କେୟୁ ଦାସାନା ନା ପାଡକା ଡଇକା ତାଗାମ୍ବୁ; ଆନାମାନା ଆଆନା ନାମାମ୍ବୁ ।”

୨୮ ତମା ଜୀସୁଇଁ ଏଲେଇଚେସି, “ନା ପ୍ରବୁ ନା ମାହାପୁରୁ ।”

୨୯ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ନାଜେ ମେସାନା ନାମିମାଞ୍ଜାଦି, ଆମ୍ବାଆରି ମେହୁଆନା ନାମିନେରି ଏଞ୍ଜାରି ନେହେଁ ।”

ଇ ପତି ଏନାଆଁତାକି ରାସ୍‌କି ଆହାମାନେ

☆ ୨୦:୨୩ ୨୦:୨୩ ମାତି ୧୬:୧୯; ୧୮:୧୮

୩୦ ଜୀସୁ ସୀସୁୟାଁ ନକିତା ହାରେକା କାବାଆନି କାମାୟାଁ କିହାମାରେସି, ଏଞ୍ଜି ବାରେ ଇ ପତିତା ରାସ୍ତା ଆହାହିଲାତ; ୩୧ ସାମା ମାରୁ ଏନିକ୍ ନାମିଦେରି, ଜୀସୁ ମାହାପୁରୁ ମାରୁଏସି ମସିହା,* ଇ କାତା ନାମାହାଁ ଏନିକ୍ ମାରୁ ଏଞ୍ଜାଣି ଦରୁଟି ଜୀସୁ ବେଟାଆଦେରି, ଏଦାଆଁତାକି ଇ ବାରେ ରାସ୍ତା ଆହାମାନେ ।

୨୧

ସାତା ଜାଣା ସୀସୁୟାଁ ଜୀସୁ ତଞ୍ଜା ଆନାୟି

୧ ଇଦାଆଁ ତାୟୁ ଜୀସୁ ତିବିରିୟା ସାମଦୁରି ଗାରୁତା ସୀସୁୟାଁ ଖେଣ୍ଡେ ତଞ୍ଜାଆଡେସି; ୨ ଏମ୍ବାଆଁ ସିମନ ପିତର ତମା ଆମ୍ବାଆରାୟି ଦିଦୁମ ଇନେରି, ଗାଲିଲିତି କାନା ଗାଡାତି ନିତନିୟେଲ, ଜେବଦିତି ମାରକା ଅଡେ ତାନି ସୀସୁୟାଁ ବିତ୍ରାଟି ରିଆରି କୃତା ଆହାମାରେରି । ୩ *ସିମନ ପିତର ଏଞ୍ଜାରାୟି ଏଲେଇରେସି, “ନାନୁ ମୀଶକା ଆସାଲି ହାଜିମାୟି ।” ଏଞ୍ଜାରି ଏଞ୍ଜାଣାୟି ଏଲେଇରେରି, “ମାମ୍ବୁ ଜିକେଏ ନୀ ତଲେ ଖାନମି ।” ଏଞ୍ଜାରି ହାଜାନା ତଂଗତା ହଡେରି, ଏ ଲାଆଁୟାଁ ଏଞ୍ଜାରି ଏନାଆଁ ଜିକେଏ ବେଟାଆଆଡେରି । ୪ ସାମା ଜୁଲୁପୁଲୁ ଆହାଲିଏ ଜୀସୁ ଗାରୁତା ନିତେସି; ଆଡିଜିକେଏ ଏଞ୍ଜାସି ଜୀସୁ ଇଞ୍ଜି ସୀସୁୟାଁ ପୁନାଆଡେରି । ୫ ଜୀସୁ ଏଞ୍ଜାରାୟି ଏଲେଇରେସି, “ଏ କକାତେରି ମୀ ତାଣା ଏନାଆଁ ମୀଶକା ମାନୁ କି ?” ଏଞ୍ଜାରି “ଆଏ” ଇରେରି ।

୬ *ଏଞ୍ଜାସି ଏଞ୍ଜାରାୟି ଏଲେଇରେସି, “ତଂଗତି ଟିଃନିଞ୍ଜାକି ଜାଲା ମେଡୁ, ଆତିହ୍ ମାରୁ ବେଟାଆଦେରି ।” ଏମ୍ବାଟିଏ ଏଞ୍ଜାରି ଜାଲା ମେଡୁହେରି, ଏମ୍ବାଆଁ ଇରେକା ମୀଶକା ଖାତୁ ଏଞ୍ଜାରି ଏଦାଆଁ ରେଜାଲି ଆଡାଆଡେରି ।

୭ ଏମ୍ବାଟିଏ ଜୀସୁ ଏମିନି ସୀସୁୟାଁ ଜୀସୁ ନହ୍ ମାରେସି, ଏ ପିତରାୟି ଏଲେଇରେରି, “ଇଞ୍ଜାସିତ ପ୍ରୁ ।” ସିମନ ପିତର ଇ କାତା ଖେଞ୍ଜାନା ତୁମ୍ବା ମାଚାକି ତାନି ସକା ତୁରହାନା ସାମଦୁରିତା ଡେଞ୍ଜିତେସି; ୮ ସାମା ଏଟକାତି ସୀସୁୟାଁ ନେଞ୍ଜାମାନି ମୀଶକା ଜାଲାତି ରେଜି ରେଜି ତଂଗତି ଗାରୁତା ତାତେରି, ଇତିହ୍ ଏଞ୍ଜାରି ଗାରୁଟିଏ ହାରେକା ହେକ ହାଜା ହିଲାଆଡେରି । ୯ ଏଞ୍ଜାରି ସାମଦୁରି ଗାରୁତା ରେଚାନା, ଏମ୍ବାଆଁ ରାଞ୍ଜାୟାଁତି ହିତୁ ଇଞ୍ଜା ହିତୁ ଲାକ ମୀଶକା ଅଡେ ରୁଟି ଇଟାମାନାଣି ମେସ୍ତେରି । ୧୦ ଜୀସୁ ଏଞ୍ଜାରାୟି ଏଲେଇରେସି, “ମାରୁ ନୀଏଁ ଏମିନି ମୀଶକା ଆସାମାଞ୍ଜେରି ଏମ୍ବାଟି ଇଚରା ତାତିହ୍ ଖାଦୁ ।”

୧୧ ସିମନ ପିତର ହାଜାନା ସାତାକଡି ଡେରଗଟା ମୀଶକା ମାଚି ଜାଲାତି ଗାରୁତା ରେଜା ତାତେସି; ଇରେକା ମୀଶକା ତାକି ଜିକେଏ ଜାଲା ତାମ୍ବାଆଡେ । ୧୨ ଜୀସୁ ଏଞ୍ଜାରାୟି ଏଲେଇରେସି, “ଖାଦୁ ତିଞ୍ଜୁ ।” ସୀସୁୟାଁ ବିତ୍ରାଟି ଆମ୍ବାଆରି ଏଞ୍ଜାଣାୟି ନାନୁ ଆମ୍ବାଆତି ଇଞ୍ଜି ଖେଞ୍ଜାଲି ସାସା କିଆଡେରି, ଇତିହ୍ ଏଞ୍ଜାସି ପ୍ରୁ ଇ କାତା ଏଞ୍ଜାରି

ପୁଞ୍ଜାମାରେରି । ୧୩ ଜୀସୁ ଖାହାନା ରୁଟି ଅହାନା ହାତେସି, ଇଞ୍ଜା ମୀଶକା ଜିକେଏ ଏଲେକିହ୍ ଏ ହାତେସି । ୧୪ ଜୀସୁ ହାକିଟି ନିଞ୍ଜିତି ତାୟୁ ଇଦି ତାନି ପାଲି ତାକି ସୀସୁୟାଁ ତଞ୍ଜାଆଡେସି ।

ଜୀସୁ ଅଡେ ପିତର

୧୫ ଏଞ୍ଜାରି ତିଞ୍ଜାଲି ଆଡିତି ଜେଟ ଜୀସୁ ସିମନ ପିତରାୟି ଖେରେସି, “ଏ ଜହନତି ମୀରୁଏଣା ସିମନ ଏନାଆଁ ନାନୁ ନାଞେ ଇଞ୍ଜାରି କିହା ହାରେକା ଜୀସୁ ନହ୍ ମାଞାଦି ?” ଏଞ୍ଜାସି ଏଲେଇରେସି, “ଏ ପ୍ରୁ ନାନୁ ନିଞେ ଜୀସୁନହ୍ ମାଞାୟି ନାନୁ ଏଦାଆଁ ପୁଞ୍ଜାମାଞ୍ଜି ।” ଜୀସୁ ଏଞ୍ଜାଣାୟି ଏଲେଇରେସି, “ନା ମେଣ୍ଡା ତାଲକାଣି ତାହ୍ ମୁ ।” ୧୬ ଜୀସୁ ଖେଣ୍ଡେ ରୀ ପାଲି ତାକି ଖେରେସି, “ଏ ଜହନତି ମୀରୁଏଣା ସିମନ ଏନାଆଁ ନାନୁ ନାଞେ ଜୀସୁ ନହ୍ ମାଞାଦି ?” ଏଞ୍ଜାସି ଏଲେଇରେସି, “ଏ ପ୍ରୁ ନାନୁ ନିଞେ ଜୀସୁନହ୍ ମାଞାୟି ନାନୁ ଏଦାଆଁ ପୁଞ୍ଜାମାଞ୍ଜି ।” ଏଞ୍ଜାସି ଏଞ୍ଜାଣାୟି ଏଲେଇରେସି, “ନା ମେଣ୍ଡାୟାଁଣି ପହିକିମୁ ।” ୧୭ ଜୀସୁ ଅଡେ ତାନି ପାଲି ତାକି ଖେରେସି, “ଏ ଜହନତି ମୀରୁଏଣା ସିମନ ଏନାଆଁ ନାନୁ ନାଞେ ଜୀସୁ ନହ୍ ମାଞାଦି ?” ଏଲେଇଞ୍ଜି ତାନି ପାଲି ଖେଞ୍ଜାଲିଏ ଏଞ୍ଜାସି ଦୁକୁ ଆହାନା ଏଲେଇରେସି, “ଏ ପ୍ରୁ ନାନୁ ବାରେ ପୁଞ୍ଜାମାଞ୍ଜି; ନାନୁ ନିଞେ ଜୀସୁନହ୍ ମାଞାୟି, ଏଦାଆଁ ନାନୁ ପୁଞ୍ଜାମାଞ୍ଜି ।” ଜୀସୁ ଏଞ୍ଜାଣାୟି ଏଲେଇରେସି, “ନା ମେଣ୍ଡାୟାଁଣି ଜାତୁନୁ ଅମୁ ।”

୧୮ ନାନୁ ମିଞେ ସାତା ଖେସିମାଞାୟି, ନାନୁ ଦାଂଗଣା ମାନି ବେଲାତା ନୀ ଟେଡେଲି ରୁପା କତାନା ଆମ୍ବିୟାଞାକି ନୀ ମନ୍ ଏନିକା ରେଜିମାଚି, ସାମା ବୁଡହା ଆଡିହ୍ ନାନୁ ନୀ କେସ୍ତା ଦାହ୍ ଇଞ୍ଜା ଅର ରଅସି ନୀ ଟେଡେଲିତା ଦସାନା ଆମ୍ବିୟା ନୀ ମନ୍ ହିଲେଏ ଏନିକା ରେଜା ଅୟାନେସି । ୧୯ ପିତର ଏନିଲେହେଡି ହାକି ତଲେ ମାହାପୁରୁୟାଁ ଗାଞ୍ଜୁରମି କିନେସି, ଏଦାଆଁ ପୁଣ୍ଡି କିହାଲି ଏଲେଇଞ୍ଜାମାରେସି । ଏଲେଇତି ତାୟୁ ଏଞ୍ଜାସି ଏଞ୍ଜାଣାୟି ଏଲେଇରେସି, “ନା ଜେଟ ଖାମୁ ।”

ଜୀସୁ ତାନି ଜୀସୁତି ସୀସୁ

୨୦ *ଜୀସୁ ଏମିନି ସୀସୁୟାଁ ଜୀସୁ ନହ୍ ମାରେସି, ଅଡେ ଲାଆଁୟାଁ ବଜି ବେଲାତା ତାନି ବକତା ଲାବାନା ପ୍ରୁ ନିଞେ ଆମ୍ବାଆସି ସୀସୁୟାଁ କେୟୁତା ହେରପାନେସି ଇଞ୍ଜି ଖେଞ୍ଜାମାରେସି, ଏ ସୀସୁ ଜେଟ ଖାହିମାନାଣି ପିତର ଖେଣ୍ଡେ ତିରଞ୍ଜାନା ମେସ୍ତେସି । ୨୧ ପିତର ଏଞ୍ଜାଣାୟି ମେସାନା ଜୀସୁୟାଁ ଖେରେସି, “ପ୍ରୁ ଇଞ୍ଜାଣି କାତା ଏନାଆଁ ଇଞ୍ଜିମାଞ୍ଜି ?”

୨୨ ଜୀସୁ ଏଞ୍ଜାଣାୟି ଏଲେଇରେସି, “ନା ଖାନି ଦିନା ପାତେକା ତୟପେସି ଇଞ୍ଜି ନାନୁ ମନ୍ କିଇ, ଆତିହ୍ ଏମ୍ବାଆଁ ନୀଦି ଏନାୟି ମାନେ ? ନାନୁ ନା ଜେଟ ଖାମୁ ।”

୨୩ ଏମ୍ବାଟିଏ ଏ ସୀସୁ ହାଅସି, ଇ କାତା ତାୟାଁ ବିତ୍ରା ଖେଞ୍ଜାହାଚେ, ସାମା ଏଞ୍ଜାସି ହାଅସି ଇଞ୍ଜି ଜୀସୁ ଏଞ୍ଜାଣାୟି

* ୨୦:୩୧ ୨୦:୩୧ କ୍ରାସ୍ତ ✨ ୨୧:୩ ୨୧:୩ ଲୁକ ୫:୫ ✨ ୨୧:୬ ୨୧:୬ ଲୁକ ୫:୬ ✨ ୨୧:୨୦ ୨୧:୨୦ ଜହ ୧୩:୨୫

ଏଲେଇଞ୍ଜା ହିଲାଆତେସି, ସାମା ନା ଖାନ୍ତି ଦିନା ପାତେକା
 ଏଞ୍ଜାସି ଡୟାପେସି ଇଞ୍ଜି ନାନ୍ତୁ ମନ କିଇ, ଆତିହି
 ଏମ୍ବାଆଁ ମୀ ଏନାୟି ମାନେ ଇଞ୍ଜି ଖେସାମାଚେସି ।

୨୪ ଆମ୍ବାଆସି ଇ ବାରେ ସାକି ହାହିମାନେସି, ଅଡେ ଇ
 ବାରେ ରାଡାମାନେସି, ଏଞ୍ଜାସି ଏ ସୀସୁ; ଅଡେ ଏଞ୍ଜାଟି ସାକି
 ସାତା ଇଦାଆଁ ମାମ୍ବୁ ପୁଞ୍ଜାମାନମି ।

ରାନ୍ତି ହାଡା

୨୫ ଜୀସୁ ହାରେ ହାରେକା କାମାୟାଁ କିହାମାଚେସି; ଏ
 ବାରେ ରଣ୍ଡା ରଣ୍ଡାଆଁ କିହି ରାଡିତିହିମା, ଇଚେକା
 ପତିୟାଁ ରାସକି ଆଡୁମା, ଇଚିହି ନା ଅଣପୁତା ବାରେ
 ଦାର୍ତିତା ଜିକେଏ ଏ ବାରେ ଇଟାଲି ଟାୟୁ ଆଆତେମା ।

ପ୍ରେରିତ ମାନଙ୍କ କାର୍ଯ୍ୟ ପାଣ୍ଡୁ ଆହ୍ୱାନାନାରି କାମା ମୂଳ ହାତୀ

ପାଣ୍ଡୁ ଆହ୍ୱାନାନାରି କାମାଟି ପତି କୁଲମିକା ମାଟୁହି କାତା ଅଡ଼େ ଜୀସୁ ଲାକପୁରୁ ହାନି ନକେଏ ତାନି ସୀସୁୟାଣି ଖେସାମାଟି ଲେହେ, ଏନିକି ଜିରୁସାଲମଟିଏ ଜୀହୁଦା, ସମିରଣ, ଅଡ଼େ ସାରିଖାକି ଏତେ, ଏ କାତାଟି ପୁସପନି ୧:୮ ଇ ପତି ଲୁକ ରାତାମାଟେସି, ଆମ୍ବାଆସି ଲୁକ ରାତାମାନି ନେହୁ କାରୁ ରାତାମାଟେସି । ଏଞ୍ଜାସି ତାଙ୍କାଦର ମାଟେସି ଇଞ୍ଜା ବାରେ କାତା ଜାତନୁ ତଲେ ରାତାମାଟେସି । ଏଞ୍ଜାସି ତାନି ଲୁକ ନେହୁ କାରୁ ପାଣ୍ଡୁ ଆହ୍ୱାନାନାରି କାମା ଇ ରୀ ପତିତା ଜିକେଏ ତିୟପିଲ ଇଞ୍ଜା ଖେସାମାନେସି, ଏଞ୍ଜାସି ଗ୍ରିକ ଲକୁ ମାଟେସି, ସାମା ଗ୍ରିକ ଅଡ଼େ ଜୀହୁଦି ଲକୁଣି ଆଟୁହି କ୍ରୀସ୍ତାନା ଲକୁକି ଜିକେଏ ଇ ପତି ରାସ୍ତକି ଆହ୍ୱାନାଟେ ୧:୧ ।

କ୍ରୀସ୍ତ ଜାର୍ନାଆଡ଼ି ତାୟୁ ୬୦-୬୪ ବାର୍ସା ବିତ୍ରା ପାଣ୍ଡୁଆଡ଼ି ପତି ରାସ୍ତକି ଆହ୍ୱାନାଣ୍ଡିନେ, ଏନାଆଁତାକି ଇଚିହୁ ପାଣ୍ଡୁଲ କାୟିଦିଟି ପିସପିଆଡ଼ି ନକେଏ ପତି ରାତାଲି ରାହାମାଟେ । ଲୁକ ଜିକେଏ ପାଣ୍ଡୁଆଡ଼ି ପାଣ୍ଡୁଲ ତଲେ ରେଜିମାଟେସି ଅଡ଼େ ଆଡ଼ିୟକତି ଗାଡ଼ାତା ଇ ପାଣ୍ଡୁ ଆହ୍ୱାନାନାରି କାମା ପତି ରାତାମାଟେସି । ପାଣ୍ଡୁ ଆହ୍ୱାନାନାରି କାମା ପତି “ଲୁକ ରାତାମାନି ନେହୁ କାରୁ” ରାଡ଼ିତି ଜେଚ ଜେଚ ଜୀସୁ ଲାକପୁରୁ ହାଜାଲିଏ ରାତାଲି ମାଟୁହା ମାଟେସି । ଲୁକ ତାନି ନେହୁ କାରୁ ଏନାଆଁତାକି ରାତାମାଟେସି, ଏଲେକିହୁଏ ଇ ପାଣ୍ଡୁ ଆହ୍ୱାନାନାରି କାମା ପତି ରାତାମାଟେସି । ଏଞ୍ଜାସି ତିୟପିଲ ଅଡ଼େ ଗାଡ଼ି ଜାନା ଆହିମାନି କ୍ରୀସ୍ତାନା ଲକୁକି ଏନାଆଁ ଜାପୁଞ୍ଜି ଆହ୍ୱାନାଟେ, ଏନାଆଁ ତାରି ଆହ୍ୱାଲି ଅଣ୍ଡିମାଟେସି, ଏନାଆଁତାକି ଜୀସୁଟି ବାରେ କାତା ଅଡ଼େ କ୍ରୀସ୍ତାନା ଲକୁ ବାରେଖାକି ଆହିମାନି କାତା ରାତାମାନେସି ।

ପାଣ୍ଡୁ ଆହ୍ୱାନାନାରି କାମା ପତି ମୂଲୁଏ ଆଡ଼ି କୁଲମିକାଟି କାତା ଅଡ଼େ ଜୀସୁ ତାଣା ନାମୁତଲେ ନୀଡିନାୟି ଏନିଆହୁ ତଞ୍ଜା ଆନାୟି ଏନାଆଁ ମାଜେ ଖେସ୍ତାନେ । ସୁଦୁଜୀଞ୍ଜୁତି ବାଡ଼ୁୟୁ ତଲେ ଏନିକିହୁ ଏବକା ଲକୁତାଣା ନେହୁ କାରୁ ଏପନାୟି ପାଣ୍ଡୁ ଆହ୍ୱାନାନାରି କାତା ଖେସ୍ତାନେ ।

ପତିତା ମାନାୟି

- ୧. ମୂଲୁଏ ସୀସୁୟାଁ ଲାକ ସୁଦୁଜୀଞ୍ଜୁ ଖାନାୟି ଅଡ଼େ କୁଲମି ପାତାଆନାୟି । ୧:୧-୮:୧
- ୨. କୁଲମି ସାସି ବେଟାଆନାୟି ଅଡ଼େ ଜିରୁସାଲମ ସାରିଖାକି ଏନାୟି । ୮:୨-୧୨:୨୩

- ୩. ପାଣ୍ଡୁଲ ମୂଲୁଏ ତାନି ସେବା କାମାତାକି ହାନାୟି । ୧୨:୨୪-୧୪:୨୮
- ୪. ଜିରୁସାଲମତା କୁଟମି କୁଟିନାୟି । ୧୫:୧-୩୫
- ୫. ପାଣ୍ଡୁଲ ରୀ ପାଲି ତାନି ସେବା କାମାତା ହାନାୟି । ୧୫:୩୬-୧୮:୨୨
- ୬. ପାଣ୍ଡୁଲ ତାନି ପାଲି ତାନି ସେବା କାମାତା ହାନାୟି । ୧୮:୨୩-୨୦:୩୮
- ୭. ପାଣ୍ଡୁଲ ଜିରୁସାଲମତା ଦସପି ଆନାୟି । ୨୧-୨୬
- ୮. ରମ୍ପତା ପାଣ୍ଡୁଲକି ପାଣ୍ଡୁନାୟି । ୨୭-୨୮

ସୁଦୁଜୀଞ୍ଜୁ ତାକି ଆଞ୍ଜିନାୟି

୧ *ଏ ଜୀଞ୍ଜୁତି ତିୟପିଲ, ନା ମୂଲୁତି ପତିତା ଇ ବାରେ କାତା ରାତାମାକି, ଜୀସୁ ଏନିନି କାମା ମାଟୁହେସି ଅଡ଼େ ଜାପୁହେସି, ୨ ଏ ଦିନା ପାତେକା ଏଞ୍ଜାସି ପାଣ୍ଡୁ ଆହ୍ୱାନାକି ଆହ୍ୱାନାଟେସି, ସୁଦୁଜୀଞ୍ଜୁ ତଲେ ହୁକୁମି ହୀହାନା ଲାକପୁରୁ ଅଡ଼ି ଆହ୍ୱାନାଟେସି । ୩ ଏତେଟିଏ ଜୀସୁ ତାନି ଦୁକୁ ବେଟାଆଡ଼ି ତାୟୁ ହାରେକା ଦିନା ଏଞ୍ଜାସି ଜୀଞ୍ଜୁତଲେ ମାଟେସି ଇଦାଆଁ ପାଣ୍ଡୁ ଆହ୍ୱାନାନାରି ତାଣା ପାରମାଣା କିତେସି, ଇଞ୍ଜା ରୀ କଡ଼ି ଦିନା ପାତେକା ହାରେକା ଦେବା ତଞ୍ଜାଆହ୍ୱାନା ମାହାପୁରୁ ରାଜିତି କାତା ଜାପୁହେସି । ୪ *ର ଦିନା ଏଞ୍ଜାସି ରଣ୍ଡିଏ ତାଣା ତିଞ୍ଜାଲି କୃତା ଆହ୍ୱାନାଟି ବେଲାତା ଜୀସୁ ଏଞ୍ଜାସି ଇ ହୁକୁମି ହୀତେସି; “ମୀରୁ ଜିରୁସାଲମ ପିସାଁ ଆନିୟା ହାଲାଆଦୁ, ସାମା ମୀରୁ ମାହାପୁରୁ ଆବାଡ଼ି ଆଞ୍ଜାମାନାଣି ନା ତାଣାଟି ଖେଞ୍ଜା ମାଞ୍ଜେରି, ଏଦାଆଁ ପାଣ୍ଡୁ ପାତେକା କାତାନା ତୟାଦୁ; ୫ *ଇଚିହୁ ଜହନ ଏୟୁତା ବାପ୍ତିସ୍ତା* ହୀତେସି ସାତା, ସାମା ମୀରୁ ଏଚରଦିନା ଜେଚ ସୁଦୁଜୀଞ୍ଜୁ ତଲେ ବାପ୍ତିସ୍ତା† ବେଟାଆଦେରି ।”

ଜୀସୁ ଲାକପୁରୁ ହାନାୟି (ମାର୍ଚ୍ଚ ୧୭:୧୯-୨୦; ଲୁକ ୨୪:୫୦-୫୩)

୬ ର ଦିନା ପାଣ୍ଡୁ ଆହ୍ୱାନାନାରି ରୁଣ୍ଡା ଆହ୍ୱାନାଟି ବେଲା ଜୀସୁକି ଖେଚେରି, “ପ୍ରୁ, ନୀନୁ ଏନାଆଁ ନୀସି ଇସାୟେଲ କେୟୁତା ଅଡ଼େ ଖେଣ୍ଡେ ଇ ରାଜିତି ହେରପିଦି ?”

୭ ଜୀସୁ ଏଞ୍ଜାସିକି ଏଲେକିତେସି, “ଆନିନି ଦିନା ଅଡ଼େ କାଲ୍ଲା ନା ଆବା ତାନି ଅଦିକାରାତା ଇଟାମାନେସି, ଏ ବାରେ ମିଜେ ପୁଞ୍ଜାଲି ଲଡ଼ା ଆଏ । ୮ *ସାମା ସୁଦୁଜୀଞ୍ଜୁ ମୀ ତାଣା ଖାଡ଼ିସାରେ, ମୀରୁ ବାଡ଼ୁୟୁ ବେଟାଆଦେରି, ଇଞ୍ଜା ଜିରୁସାଲମ ବାରେ ଜୀହୁଦା ଦେସା ଇଞ୍ଜା ସମିରଣତା ଅଡ଼େ ବୁମି ମୁଟପେ ତାକି ନା ସାକି ଆଦେରି ।” ୯ *ଏଞ୍ଜାସି ଇ ବାରେ କାତା ଖେସ୍ତି ତାୟୁ ଏଞ୍ଜାସି ମେସପନିଏ ଜୀସୁ ଲାକପୁରୁ ହାଟେସି, ଅଡ଼େ ଇଚାୟି ଦୁୟା ଏଞ୍ଜାଶାକି ଏଞ୍ଜାସି ତାଣାଟି ଅହୁ ହାଟେ, ଏଞ୍ଜାସି ଅଡ଼େ ଏଞ୍ଜାଶାକି ମେହୁଆତେରି ।

* ୧:୧ ୧:୧ ଲୁକ ୧:୧-୪ * ୧:୪ ୧:୪ ଲୁକ ୨୪:୪୯ * ୧:୫ ୧:୫ ମାଟି ୩:୧୧; ମାର୍ଚ୍ଚ ୧:୮; ଲୁକ ୩:୧୭; ଜହ ୧:୩୩ * ୧:୫ ୧:୫ ମୁଞ୍ଜିନାୟି † ୧:୫ ୧:୫ ମୁଞ୍ଜିନାୟି * ୧:୮ ୧:୮ ମାଟି ୨୮:୧୯; ମାର୍ଚ୍ଚ ୧୭:୧୫; ଲୁକ ୨୪:୪୭,୪୮ * ୧:୯ ୧:୯ ମାର୍ଚ୍ଚ ୧୭:୧୯; ଲୁକ ୨୪:୫୦,୫୧

୧୦ ଏଞ୍ଜେଲ୍ ଲାକପୁରୁ ହାଜାଲିଏ ଜିକେଏ ଏଞ୍ଜେରି ହାଗୁଞ୍ଜାକି ମୁମ୍ବୁ କିହାନା ସିନିକିହି ମାନେରି; ଏତିବେଲା ଦବଲା ହିମ୍ବୁରିକା ହୁଚାମାନି ରିଆରି ଦେବୁଣିଏ ଏଞ୍ଜେରି ନକିତା ନିତେରି, ୧୧ ଇଞ୍ଜା ଏଞ୍ଜେରି ଏଲେଇଚେରି “ଏ ଗାଲିଲିତି ଲକ୍ଷ୍ମିତେରି, ଏନାଆଁତାକି ହାଗୁଞ୍ଜାକି ମୁମ୍ବୁ କିହାନା ନିରାମାଞ୍ଜେରି ? ଇ ଆମିନି ଜୀସୁ ମୀ ତାଣାଟି ଲାକପୁରୁ ଅଞ୍ଜିଆଡେସି, ଏଞ୍ଜାଣାଇଁ ଏନିକିଁ ଲାକପୁରୁ ହାଚାଣି ମୀରୁ ମେସ୍ତେରି, ଅଡେ ଏଲେକିହିଁଏ ଖେଣ୍ଡେ ଖାନାଣି ମେହ୍‌ଦେରି ।”

ଜୀହୁଦା ଚାୟୁତା ମାତିୟୁଇଁ ଆଡିନାୟି

୧୨ ଏମ୍ବାଟିଏ ତାୟୁ ଏଞ୍ଜେରି ଜୀତ ଇନି ହରୁ ଲାକଟି ଜିରୁସାଲମତା ଖେଣ୍ଡାଖାଡେରି, ଏ ଜୀତ ହରୁଟିଏ ଜିରୁସାଲମ ର କିଲିମିଟର ହେକ ମାଟେ । ୧୩ ଇଞ୍ଜା ଏଞ୍ଜେରି ପିତର, ଜହନ, ଜାକୁବ, ଆହିୟ, ପିଲିପ, ତମା, ବାର୍ତଲମି, ମାତିୟୁ, ଆଲେପି ମୀରଏସି ଜାକୁବ, ଦେସାତି ଜୀସୁ ନି ସିମନ ଅଡେ ଜାକୁବ ମୀରଏସି ଜୀହୁଦା, ଗାଡାତା ଏଜାନା, ଏମିନି ଲାକନି ଇଲୁତା ବାସା ଆହାମାଚେରି, ଏମ୍ବାଆଁ ହାଚେରି । ୧୪ ଏଞ୍ଜେରି ବାରେଜାଣା ଇୟାସିକା ତଲେ ଇଞ୍ଜା ଜୀସୁତି ଇୟା ମରିୟମ ଅଡେ ତାମି ତାୟିୟାଁ ତଲେ ରଣିଏ ଅଣ୍ଡୁ ତଲେ ପ୍ରାଡାନା କିହିଁ ରୁଣ୍ଡା ଆହାମାଚେରି ।

୧୫ ଏଚରଦିନା ତାୟୁ ନାମିତାରି କୁଡା ଆହାମାଚେରି, ଏମ୍ବାଆଁ ସ କଡି ଜାଣା ଲକ୍ଷ୍ମି କୁଡା ଆହାମାଚେରି, ପିତର ତାୟିୟାଁ ବିତ୍ରାଟି ନିଗନା ଏଲେଇଚେସି, ୧୬ “ଜୀସୁତି ତାୟିୟାଁ ଅଡେ ତାଜିସ୍ତା, ଆମିନି ଇସ୍ତାରିୟତ ଜୀହୁଦା ଜୀସୁଇଁ ସାତୁୟାଁ କେୟୁତା ଆସପି କିହାଲିତାକି ଜିରୁ ତସାମାଚେସି, ଏଞ୍ଜାଣି ତାକି ସୁଦୁଜୀସୁ ନକେଏ ଦାସୁଦ ଗୁଡିଟି ଏନାଆଁ ଖେସାମାଚେସି, ଏ ଦାମ୍ବୁ ସାସ୍ତେରି ପୁରା ଆନାୟି ମାଚେ; ୧୭ ଇତିହିଁ ଏଞ୍ଜେସି ମା ବିତ୍ରାଟି ରଅସି ଇଞ୍ଜିଁ ଏଜିକିଞ୍ଜି ଆହିମାଚେସି, ଅଡେ ଇ ସେବା କାମାତା ପାଣା ବେଗାଆହା ମାଚେସି ।”

୧୮ ଇ ଇସ୍ତାରିୟତ ଜୀହୁଦା ଲାଗେଏ କାମା କିତି ତାବୁୟାଁ ତଲେ ରଚାଣି ବୁମି କଡ଼ି ଆହାମାଚେ, ଅଡେ ଏଞ୍ଜେସି ହାଡି ତାଣା ତାୟୁଁ ତୁଇ କିହିଁ ତରଗାଲିଏ ତାନି ବାଣି ତାୟାହାଚେ ଇଞ୍ଜା ଖାହିୟାଁ ହଚାହାଚୁ । ୧୯ ଅଡେ, ଇଦାଆଁ ଜିରୁସାଲମ ଗାଡାତା ବାସା କିହିମାନି ଲକ୍ଷ୍ମି ବାରେ ପୁଞ୍ଜାଲିଏ ଏ ବୁମିତି ଏଞ୍ଜେରି ହାଡାତଲେ “ହକଲ୍‌ଦାମା” ଇତିହିଁ “ନେତେରି ବୁମି” ଇଞ୍ଜିଁ ଖେଜିତେ ।

୨୦ ଅଡେ ପାରୁ ପତିତା ରାସ୍‌କି ଆହାମାନେ,
 “ଏଞ୍ଜାଣି ବାସାଚାୟୁ ଖାଚୁଆୟି ଆଡେ;
 ଏମ୍ବାଆଁ ଆମ୍ବାଆରି ବାସା କିଆପେରି ।”
 ଅଡେ ଜିକେଏ ରାସ୍‌କି ଆହାମାନେ;
 “ଏଞ୍ଜାଣି କାମାତି ପାଣା ଅର ରଅସି ବେଗା ଆଡେପସି ।”

୨୧ * “ଏଦାଆଁତାକି, ପ୍ରବୁ ଜୀସୁ ଖେଣ୍ଡେ ନିଜିତି କାତା ସାକି ଆହାଲି ଅର ରଅସି ମା ତଲେ ଆଣ୍ଡାନାୟି ମାନେ । ୨୨ ଜୀସୁ ଜହନ ତାଣାଟି ବାପ୍ତିସ୍ମାଁ ଅଡି ବେଲାଟିଏ ଲାକପୁରୁ ହାନି ପାଡେକା ପ୍ରବୁ ଜୀସୁ ମା ତଲେ ନୀଡାମାଟି ବେଲାତା, ଆମିନି ଲକ୍ଷ୍ମି ମା ଗତିତା ମାଚେରି, ଏଞ୍ଜେରି ତାଣାଟି ରଅସି ଖେଣ୍ଡେ ନିଜିତି ସାକି ଆନାୟି ମାନେ ।”

୨୩ ଏଚେଟିଏ ଏଞ୍ଜେରି ରିଆରାଇଁ ଇତିହିଁ ଜସେପଇଁ, ଆମ୍ବାଆରାଇଁ ବର୍ସବା ଇନେରି ଅଡେ ଆମ୍ବାଆରି ହାଡା ଦରୁ ଜୁସ୍ତ ଏଞ୍ଜାଣାଇଁ ଇଞ୍ଜା ମତିୟୁଇଁ ବାଟି କିହାନା, ୨୪ ଇ ପ୍ରାଡାନା କିଚେରି, “ପ୍ରବୁ ନୀନୁ ବାରେଟି ହିୟାଁତି ଅଣ୍ଡୁ ପୁନାତି, ଜୀହୁଦା ଏମିନି ଚାୟୁତା ତୁୟିନାୟି ମାନେ ଏଞ୍ଜେସି ହାଜାଲିଏ, ଏଞ୍ଜାଣି ଚାୟୁତା ଇ ରିଆରି ବିତ୍ରାଟି ନୀ ତାଣାଟି ଆଡିତାସି ଆମ୍ବାଆସି, ୨୫ ଏ ପାଣ୍ଡୁଞ୍ଜି ଆହାମାନାରି ସେବା କାମା କିହାଲି ଆମ୍ବାଆରାଇଁ ଜୀହୁଦା ପାଣାତା ବାଟି କିହାମାଞ୍ଜି ତସାମୁ ।” ୨୬ ଅଡେ ଏଞ୍ଜେରି ଏ ରିଆରି ତାକି ପାଦି କିହାଲିଏ ମତିୟୁ ଦରୁତଲେ ଆଡେ; ଅଡେ ଏଞ୍ଜେସି ଏଗାର ଜାଣା ପାଣ୍ଡୁଞ୍ଜି ଆହାମାନାରି ଗତିତା ଆଣ୍ଡିତେସି ।

୨

ସୁଦୁଜୀସୁ ରେଚା ଖାନାୟି

୧ ପେନ୍ତିକସ୍ତ* ଦିନାତା କ୍ରୀସ୍ତାଇଁ ନାମିତି ବାରେଜାଣା ର ଚାୟୁତା ରୁଣ୍ଡା ଆହାମାଚେରି । ୨ ଏ ଦେବୁଣିଏ କାଜା ଗାଲି ଖାହିମାନି ଲେହେଁ ର ହାଡା ଲାକପୁରୁଟି ଖାହିଁ, ଆମିନି ଇଲୁତା ଏଞ୍ଜେରି କୁଗାମାଚେରି, ଏ ଇଲୁତି ବାରେଖାକି ଖେଜିତେ । ୩ ଇଞ୍ଜା ହିରୁ ଗୁଦ୍‌ଖା ଲେହେଁ ତଞ୍ଜାଆହାନା ଏଞ୍ଜେରି ନକିତା ରଣି ରଣି ଆହିଁ ଏ ବାରେଜାଣାଟି ଲାକ ରେଚାଖାଡେ । ୪ ଏମ୍ବାଟିଏ ଏଞ୍ଜେରି ବାରେଜାଣା ସୁଦୁଜୀସୁ ବେଗାଆହାନା ଏ ଜୀସୁ ଏନିକିଁ ଜଲ୍ଲାଲି ବାଡୁୟୁ ହାତେ, ଏଲେକିଁ ଏଞ୍ଜେରି ଏଚକା ଏଚକା ହାଡାତଲେ ଜଲ୍ଲାଲି ମାଟୁହେରି ।

୫ ଏତିବେଲାତା ପେନ୍ତିକସ୍ତ ପାର୍ବୁତାକି ହାଗୁ ତୁଇତି ଏଚକା ଏଚକା ଦେସାଟି ଖାହାମାଟି ଜୀହୁଦି ଲକ୍ଷ୍ମି ଜିରୁସାଲମତା ତୟା ମାଚେରି; ୬ ଅଡେ, ଏ ହାଡା ଖେଞ୍ଜାଲିଏ, ହାରେକା ଲକ୍ଷ୍ମି କୁଡା ଆହାନା ବାରେଜାଣା ଜାହା ଜାହାରା ହାଡାତଲେ ଏଞ୍ଜେରି ଜଲ୍ଲିମାନାଣି ଖେଞ୍ଜାନା କାବା ଆହାହାଚେରି । ୭ ଇଞ୍ଜା ଏଞ୍ଜେରି ଆଡାଜାକା ଅଡେ କାବାଆହାନା ଏଲେଇଚେରି, “ମେହ୍‌ଦୁ ଇ ଆମିନି ଲକ୍ଷ୍ମି ହାଡା ଜଲ୍ଲିମାନେରି, ଏଞ୍ଜେରି ବାରେ ଗାଲିଲିତାରି ଆଏକି ? ୮ ଆତିହିଁ, ମାର ଏନିକିଁ ବାରେଜାଣା ଜାହା ଜାହାରା ଜାର୍ନା ଚାୟୁତି ହାଡାତଲେ ଜଲ୍ଲିମାନାଣି ଖେଞ୍ଜିମାନାୟି ? ୯ ପାତୁୟ, ମାଦିୟ, ଏଲାମିୟ, ଅଡେ ମେସପଚାମିୟାଁ, ଜୀହୁଦା ଦେସା, କାପାଦକିୟା; ପତ୍ର ଅଡେ ଆସିୟା, ୧୦ ପୁଗର୍‌ୟା, ପଂପୁଲିୟା, ମିସର ଇଞ୍ଜା କୁରିଣି ଦାରିତା ତୁଇନି ଲିବିୟା ନାସ୍‌କାଣାଁ ବାସା କିନାରି, ଇଞ୍ଜା ରମ୍ବିତି

* ୧:୧୩ ୧:୧୩ ମାତି ୧୦:୨-୪; ମାର୍କ ୩:୧୭-୧୯; ଲୁକ ୭:୧୪-୧୬ * ୧:୧୮ ୧:୧୮ ମାତି ୨୭:୩-୮ * ୧:୨୧ ୧:୨୧ ମାତି ୩:୧୭; ମାର୍କ ୧:୯; ଲୁକ ୩:୨୧; ମାର୍କ ୧୭:୧୯; ଲୁକ ୨୪:୫୧ ‡ ୧:୨୨ ୧:୨୨ ମୁଞ୍ଜିନାୟି * ୨:୧ ୨:୧ ପିସ୍‌ପିଆନି ପାର୍ବୁତି ରା କଡି ଦସ ଦିନା

ଝାହାମାନି ଜୀହୁଦି, ୧୧ ଅଡ଼େ ଏଟକା କୁଡ଼ାତି ଲକୁ ଜୀହୁଦି ଦାମ୍ଭୁତି ନାମାହାଁ ଡ଼ୟାମାନାରି; ଅଡ଼େ କ୍ରିତି ଇଞ୍ଜା ଆରବିୟ ଦେସାତି ଲକୁତାୟି ମାର, ମାର ଜାହା ଜାହାରା ହାଡ଼ାତଲେ ମାହାପୁରୁତି କାଜା କାଜା କାମାତି କାତା ଜଲିମାନାଣି ଖେଞ୍ଜିମାନାୟି ।” ୧୨ ଅଡ଼େ ବାରେଜାଣା ଆଡ଼ାଜାକା ଅଡ଼େ କାବାଆହାନା ତାମ୍ଭୁତାମ୍ଭୁହାଡ଼ାକାତା ଆଡ଼େରି, “ଇଦାଣି ଅର୍ତ୍ତ ଏନାୟି ?”

୧୩ ସାମା ଏଟକାତାରି ଲାଜାକିହିଁ ଏଲେଇଚେରି, “ଇଝାରି ପୁଠନି ଡ଼ାକ୍‌ହି ଅଞ୍ଜୁରି ରାସା ଗସାନା ହଡ଼ା ହାଜାମାନେରି ।”

ପିତର କାରୁ ଖେକ୍‌ନାୟି

୧୪ ସାମା ପିତର ଏଗାର ଜାଣା ସୀସୁୟାଁ ତଲେ ନିଚାନା କାଜା ଗିୟାତଲେ ଏଲେଇଚେସି, “ଜୀହୁଦି ତାୟିୟାଁ ଅଡ଼େ ଜିରୁସାଲମତା ବାସା କିହିମାନାଚେରି, ମୀରୁ ନା କାତାତି ଖେଞ୍ଜାଦୁ ଅଡ଼େ ଇଦାଆଁ ପୁଞ୍ଜୁ । ୧୫ ଇଚିହିଁ ମୀରୁ ଏନିକ୍‌ ଅଣ୍‌ପିମାଞ୍ଜେରି, ଇଝାରି ଏଲେକିହିଁ ଅଞ୍ଜୁରି ରାସା ଗସାହାଁ ହଡ଼ା ହିଲଅରି; ଇଦି ଆଡ଼େ ଲାଈତି ନ ଗଂଟା ଆହାମାନେ । ୧୬ ସାମା ମାହାପୁରୁ ଅଣ୍‌ପୁତି ବଲୁ ଖେହ୍‌ନି ଆମିନି ଜୟେଲ ତାଣାଟି ରାସ୍‌କି ଆହାମାନେ ଇଦି ଆହିମାନେ ଏଦି;

୧୭ ମାହାପୁରୁ ଖେସିମାନେସି ରାନ୍‌ ଦିନାତା ଇ ବାରେ ଗଟଞ୍ଜି ଆନ୍‌,

ନାନୁ ବାରେ ଲକୁଡ଼ାକି ନା ଜୀଝୁ ପାଣ୍ଡାକ୍‌,
ଏଚେଟିଏ ମୀ ମୀରକା ମାସ୍‌କା ମାହାପୁରୁ ଅଣ୍‌ପୁତି ବଲୁ
ଖେହ୍‌ନେରି,

ମୀ ଦାଂଗଣାୟାଁ କାବା ଆନାଣି ମେହ୍‌ନେରି,
ଅଡ଼େ ମୀ ବୁଡ଼ହାୟାଁ ହାପାନା ହେଶ୍‌ନେରି ।

୧୮ ହାଅ, ଏ କାଲାତା ନା ହଲିୟାଙ୍ଗା ଇଞ୍ଜା ହଲେଶିସିକା ଲାକ,

ନାନୁ ନା ଜୀଝୁତି ଏଝାରି ଲାକ ଝାକ୍‌କ୍‌,
ଏଚେଟିଏ ଏଝାରି ମାହାପୁରୁ ଅଣ୍‌ପୁତି ବଲୁ
ଖେହ୍‌ନେରି ।

୧୯ ନାନୁ ହାଗୁ ଲାକ କାବାଆନ୍‌ କାମା;
ଅଡ଼େ ଡ଼ଇ ଦାରତିତା କାବାଆନ୍‌ ସିନାୟାଁ,
ଏମ୍‌ଆଁ ନେଚେରି, ହିରୁ ଇଞ୍ଜା ହାରେକା ବୟ୍‌ ତହ୍‌କ୍‌;

୨୦ ପ୍ରବୁତି କାଜା ଗାଝୁରମି ଦିନା ଝାନ୍‌ ନକେଏ,
ଖେଡ଼ା ଆନ୍‌ଦେରି ଆନ୍‌,
ଅଡ଼େ ଲେଞ୍ଜୁ ନେଚେରିଲେହ୍‌ ଆନ୍‌ ।

୨୧ ଅଡ଼େ ଇଲେକିହିଁ ଆନ୍‌, ଆମ୍‌ଆସି ପ୍ରବୁ ଦରୁ
ଆସାନା ପ୍ରାଡ଼ାନା କିନେସି, ଏଝାସି ଗେଲ୍‌ପି
ଆନ୍‌ନେସି ।”

୨୨ “ଇସ୍ରାୟେଲ ଲକୁଚେରି, ଇ ବାରେ କାତା ଖେଞ୍ଜୁ
! ନାଜ୍‌ରିତ ଜୀସୁ ହାରେକା ବାଡ଼ୁୟିତି କାମା, କାବାଆନ୍‌
କାମା ଇଞ୍ଜା ସିନାୟାଁ ତଲେ ମୀ ନକିତା ମାହାପୁରୁତି ପାଣ୍ଡୁଞ୍ଜି
ଆଡ଼ାସି ଇଞ୍ଜୁ ପାରମାଣା ଆହାମାନେସି, ଏଝାଣି ତାଣାଟି

ମାହାପୁରୁ ମୀ ତାଣା ଇ ବାରେ କାମା କିହାମାନେସି, ଇଦାଆଁ
ମୀରୁ ପୁଞ୍ଜାମାଞ୍ଜେରି । ୨୩ *ଏ ଜୀସୁ ମାହାପୁରୁ କିହାମାନି
ଅଣ୍‌ପୁ ଅଡ଼େ ତଲିତି କାତାତଲେ ହେରପି ଆହାଲିଏ, ମୀରୁ
ଏଝାଣାକ୍‌ ପାପୁ ଗାଟାରି କେୟୁଟି ପାସି ମୁଣ୍ଡାତା ଏକ୍‌ହାନା
ପାୟାମାଚେରି । ୨୪ *ସାମା ମାହାପୁରୁ ଏଝାଣାକ୍‌ ହାକିତି
ବାଡ଼ୁୟିତି ଗେଲ୍‌ପାନା ନୀଟ୍‌ହା ମାଚେସି, ଇଚିହିଁ ଏଝାସି
ହାକିତା ଦସ୍‌ପି ଆହା ଡ଼ୟିନେସି ଏଦି ଆହାଲି ଆଡ଼େଏ ।”
୨୫ ଦାଝୁଦ ଏ କାତାତି ଖେସାମାନେସି,

“ନାନୁ ବାରେବେଲା ନା ନକିତା ପ୍ରବୁକ୍‌ ମେସିମାଚେଏ;
ଇଚିହିଁ ନାନୁ ଏନିକ୍‌ କିଲିବିଲି ଆଅଁ, ଏଦାଆଁତାକି
ଏଝାସି ନା ଚିଠନି ଗଟତା ମାନେସି ।

୨୬ ଏଦାଆଁତାକି ନା ହିୟାଁ ରାହାଁ
ଅଡ଼େ ନା ଖେନ୍‌ରି ରାହାଁ ଆଡ଼େ,
ଅଡ଼େ ନା ଆଙ୍ଗା ଜିକେଏ ବାସୁଁ ତଲେ ବାସା କିନେ,

୨୭ ଇଚିହିଁ ନାନୁ ନା ଜୀଝୁତି ହାକିପୁରୁତା ପିହିଅତି;
ଅଡ଼େ ନୀ ନାମୁ ଅଡ଼େ ସୁଦୁ ଗାଟାଣାକ୍‌ ମାହ୍‌ଣି
ମାଣ୍ଡାତା ସୀରହାଲି ହୀଅତି ।

୨୮ ନାନୁ ନାଙ୍ଗେ ଜୀଝୁତି ଜିରୁ ତସାମାଞ୍ଜାଦି,
ଅଡ଼େ ନାନୁ ନାଙ୍ଗେ ନୀ ନକିତା ରାହାଁତା
ନେଞ୍ଜିକିୟାଦି ।”

୨୯ “ଇସ୍ରାୟେଲତି ତାୟିୟାଁ ଅଡ଼େ ତାଙ୍ଗିସ୍‌ାଚେରି, ମା
ଆକୁ ଦାଝୁଦତି କାତା ନାନୁ ମିଙ୍ଗେ କାଜା ହାଡ଼ାତଲେ
ଖେସାଲି ଆଡ଼ାକ୍‌, ଇଚିହିଁ ଏଝାସି ହାଚେସି ଇଞ୍ଜା
ମୁସ୍‌ପି ଆଡ଼େସି, ଇଞ୍ଜା ଏଝାଣି ମାହ୍‌ଣି ମାଣ୍ଡା ନୀଏଁ
ପାଚେକା ଇମ୍‌ଆଁ ମା ବିଡ଼ା ମାନେ । ୩୦ ରାଜା ଦାଝୁଦ
ର ମାହାପୁରୁ ଅଣ୍‌ପୁତି ବଲୁ ଖେହ୍‌ନାସି ଲେହ୍‌, ତାନି
ନେଚେରି ତଲେ ଜାନି ଆଡ଼ାଣାକ୍‌ ମାହାପୁରୁ ତାନି
ସିଂଗାସାଣିତା କୁଗିକିହାଲି ତାନି ତାଣା ଆଞ୍ଜାମାଚେସି
ଇଞ୍ଜୁ ପୁଞ୍ଜାମାଚେସି । ୩୧ ଦାଝୁଦ ଇଦାଆଁ ପୁଞ୍ଜାମାଚାକି,
କ୍ରୀସ୍‌ତି ଖେଶ୍‌ଟେ ନିଙ୍ଗିନି କାତା ଖେସାମାଚେସି ।”

“ଇଚିହିଁ ଏଝାସି ହାଡ଼ାରି ତାଣା ଡ଼ୟାଆଡ଼େସି;
ଇଞ୍ଜା ଏଝାଣି ଆଙ୍ଗା ମାହ୍‌ଣି ମାଣ୍ଡାତା ସୀରଆଡ଼େ ।”

୩୨ ମାହାପୁରୁ ଇ ଜୀସୁକ୍‌ ଅଡ଼େ ଖେଶ୍‌ଟେ ହାକିତି
ନିକହାମାନେସି ଇଦାଣି ତାକି ମାମ୍ଭୁ ବାରେ ସାକି ।

୩୩ ଏଦାଆଁତାକି ଆବା ମାହାପୁରୁ ଜୀସୁକ୍‌ କାଜାସି
କିହାନା ତାନି ଚିଠନିଝାକି କୁଗିକିହାନା ତାନିତଲେ ସାଲଞ୍ଜି
କିହାଲି ହୀଚେସି, ଇଞ୍ଜା ଏଝାସି ମାଙ୍ଗେ ଆଞ୍ଜାମାଚି
ସୁଦୁଜୀଝୁ ହିୟାଚେସି, ଇଦି ମୀରୁ ବାରେ ଆମିନିଗାଟାଣି
ମେସିମାଞ୍ଜେରି ଇଞ୍ଜା ଖେଞ୍ଜିମାଞ୍ଜେରି । ୩୪ ଇଚିହିଁ
ଦାଝୁଦ ଲାକପୁରୁ ହାଜାହିଲାଆଡ଼େସି; ଏଝାସି ତାନୁଏ
ଖେସାମାଚେସି,

“ପ୍ରବୁ ନା ପ୍ରବୁକ୍‌ ଏଲେଇଚେସି;

୩୫ ନାନୁ ନୀ ସାଡ଼ୁୟାଁଣି ନୀ କଡ଼ାୟାଁ ଡ଼ଇ ଇଟାଆ ପାଚେକା,
ନାନୁ ନା ଚିଠନିଝାକି କୁଗାମାନାମୁ ।”

* ୨:୨୩ ୨:୨୩ ମାତି ୨୭:୩୫; ମାର୍କ ୧୫:୨୪; ଲୁକ ୨୩:୩୩; ଜହ ୧୯:୧୮ * ୨:୨୪ ୨:୨୪ ମାତି ୨୮:୫,୬; ମାର୍କ ୧୭:୬; ଲୁକ ୨୪:୫

୩୬ “ଇଦାଆଁତାକି ବାରେ ଇସ୍ରାୟେଲତି ଲକୁ ସାତେଏ ପୁନାପେରି, ଇଚିହିଁ ଆମିନି ଜୀସୁଇଁ କୁସତା ପାୟିତେରି, ସାତେଏ ଏଝାଣାଇଁ ମାହାପୁରୁ, ପ୍ରବୁ ଅଡ଼େ ମସିହା ପାଣା ହାତେସି ।”

୩୭ ଇ କାତା ଝେଞ୍ଜାନା ଲକୁତି ହିୟାଁ ତୀହାହାଚେ, ଇଞ୍ଜାଁ ଏଝାରି ପିତର ଅଡ଼େ ଏମାଆଁ ମାଟି ପାଣୁଝି ଆଡ଼ାରାଇଁ ଏଲେଇଚେରି, “ତାୟିୟାଁ ମାମ୍ନୁ ନାଆଁ କିନମି ?”

୩୮ ପିତର ଏଝାରାଇଁ ଏଲେଇଚେସି, “ମୀରୁ ମୀ ହିୟାଁ ଝେଟହା କଡାଦୁ, ଅଡ଼େ ଜାହାରା ପାପୁତି ମ୍ଲେକହାଲି ବାରେଜାଣା ଜୀସୁ କ୍ରୀସ୍ତ ଦରୁତଲେ ବାପ୍ତିସ୍ମାଁ ଅଦୁ; ଆତିହିଁ ଦେଁ ମୀରୁ ସୁଦୁଜୀସୁତି ଦାନା ବେଟାଆଦେରି ।

୩୯ ଇଚିହିଁ ମାହାପୁରୁ ଆଞ୍ଜାମାନାୟି ମିଜେତାକି, ଇଞ୍ଜାଁ ମୀ ମୀରକା ମାସକା ତାକି, ଅଡ଼େ ହେକତି ଏଚେକା ଲକୁ ମା ପ୍ରବୁ ମାହାପୁରୁ ତାନି ତାଣା ହାଟିନେସି, ଏ ବାରେ ଲକୁତାକି ଆନେ ।”

୪୦ ଅଡ଼େ ପିତର ଏଝାରାଇଁ ହାରେକା କାତାତଲେ ବାତିମାଲିହିଁ ଅଡ଼େ ଏଝାରାଇଁ ଜାପୁନି ହାଡ଼ା ଝେସିହିଁ ସାକି ହାତେସି, “ଇ କୁରୁଗାଟି କୁଡ଼ାତି ଲକୁଟିଏ ମୀରୁ ଗେଲ୍ପି ଆଦୁ ।” ୪୧ ହାରେକା ଲକୁ ଏଝାଣି ହାଡ଼ା ନାମିତେରି ଇଞ୍ଜାଁ ବାପ୍ତିସ୍ମାଁ ଅଡ଼େରି, ଅଡ଼େ ଏ ଦିନା ବାରେ ତାନି ମାଣା ଲକୁ କୁଲମି ତଲେ ଆଣ୍ଡିତେରି । ୪୨ ଏ ଦିନାଟିଏ ଏଝାରି ପାଣୁଝି ଆଡ଼ାରି ଜାପୁନି ତାଣା, ଏଝାରିତଲେ ଆଣ୍ଡାନା ରୁଟି ଡିକହାଲି, ପ୍ରାତାନା କିହାଲି ଆଣୁଝି ଆହାଁ ଡ଼ୟିତେରି ।

ନାମୁଗାଟାରି ମାଣ୍ଡକି

୪୩ ପାଣୁଝି ଆଡ଼ାରି ତାଣାଟି ହାଡ଼େ ହାଡ଼େକା କାବାଆନି କାମା ଇଞ୍ଜାଁ ସିନାୟାଁ ତଞ୍ଜାଆହାଲି ମାଟହେ; ଅଡ଼େ, ଲକୁ ବାରେ ଆଜାଲି ମାଟହେରି । ୪୪ *ସାମା ବାରେ ନାମିତାରି, ଏଝାରି ବାରେଜାଣା ରଣ୍ଡିଏ ତାଣା ଡ଼ୟାନା ବାରେ ଦନତି ବାରେତାୟି ଇଞ୍ଜାଁ ଅଣପିତେରି, ୪୫ ଅଡ଼େ ଏଝାରି ଜାହାରା ଦନତି ଆସ୍ତି ମାଟାଣି ପାର୍ତାନା, ଆମ୍ବାଆରାକି ଏନାୟି ଲଡ଼ାମାନେ, ଏଲେକିହିଁ ବାରେତାକି ବାଟିକିହାଁ ହାହାଲି ମାଟହେରି । ୪୬ ଅଡ଼େ, ଏଝାରି ରଣ୍ଡିଏ ହିୟାଁ ଆହାଁ ବାରେଦିନା ପ୍ରାତାନା ଇଲୁତା ରୁଣ୍ଡା ଆହାନା ଡ଼ୟିମାଚେରି, ଇଞ୍ଜାଁ ଇଲୁତାକି ଇଲୁ ରୁଟି ଡିକହାଁ ରାହାଁ ଅଡ଼େ ହିଡ଼ଡ଼ି ହିୟାଁ ତଲେ ତିଞ୍ଜି ଉଣ୍ଡିହିଁ, ୪୭ ମାହାପୁରୁତି ଜହରା କିହିମାଚେରି ଇଞ୍ଜାଁ ବାରେ ଲକୁତି ଜୀସୁ ନନାରି ଆହିମାଚେରି । ଅଡ଼େ ପ୍ରବୁ ତାଣା ଗେଲ୍ପି ଆହିମାନି ଲକୁଣି ବାରେଦିନା କୁଲମି ତଲେ କାଲହାଲି ମାଟହେରି ।

୩

ପିତର ସଟାଇଁ ନେହିଁ କିନାୟି

୧ ପିତର ଅଡ଼େ ଜହନ ର ଦିନା ପ୍ରାତାନା କିନି କାରୁତା ଇଚିହିଁ ତାନି ଗଟା ବେଲାତା ପ୍ରାତାନା ଇଲୁତା ହାଜିମାଚେରି । ୨ ଏଚିବେଲାତା ଜାନାଟିଏ ସଟା ରଅସି

ଡ଼େକି କିଝି ଆହାଁ “ଅଜିତି” ଦରୁଗାଟି ଦୁଝେରିତା ଇଟ୍ଝି ଆହିମାଚେସି; ଇଞ୍ଜାଁ ଏଝାସି ପ୍ରାତାନା ଇଲୁତା ଝାନି ଲକୁଣି ରାସିମାଚେସି । ୩ ଅଡ଼େ ଏଝାସି ପିତର ଇଞ୍ଜାଁ ଜହନଇଁ ପ୍ରାତାନା ଇଲୁ ବିଡ଼ା ହାଜିମାନାଣି ମେସାନା ଏଝାରାଇଁ ରାସାଲି ମାଟହେସି । ୪ ପିତର ଅଡ଼େ ଜହନ ଏଝାଣାଇଁ ଆଚେ ସିନିକିତେରି, ଇଞ୍ଜାଁ ପିତର ଏଲେଇଚେସି “ମା ଝାକି ସିନିକିୟାମୁ ।” ୫ ଏମାଟିଏ ଏଝାସି ଏଝାରି ତାଣାଟି ଇଚାଣି ବେଟାଆହାଲି ଏଝାରି ଝାକି ସିନିକିତେସି । ୬ ସାମା ପିତର ଏଲେଇଚେସି, “ନା ତାଣା ବାଂଗାରା କି ଝେଣ୍ଡି ହିଲେଏ, ସାମା ନା ତାଣା ଏନାୟି ମାନେ ଏଦାଆଁ ହାହିମାଞ୍ଜାଇଁ; ନାଜରିତ ଜୀସୁ କ୍ରୀସ୍ତ ଦରୁତଲେ ହୁକୁମି ହାହିମାଞ୍ଜାଇଁ ନିଜ୍ଜାମା ତାକାମୁ !” ୭ ଅଡ଼େ, ଏଝାସି ଏଝାଣି ଚିଃନି କେୟୁ ଆସାନା ଏଝାଣାଇଁ ନିକହେସି, ଏଚେଟିଏ ଏ ଦେବୁଣିଏ ଏଝାଣି କଡାୟାଁତି ହାୟୁଲିକା ବାଡ଼ୁୟୁ ଆଡୁ; ୮ ଏଝାସି ଡ଼େଝିଁ ଡ଼େଝିଁ ତାନି କଡାତଲେ ନିତେସି, ଅଡ଼େ ତାକାଲି ମାଟହେସି । ଏଚେଟିଏ ଏଝାସି ଏଝାରିତଲେ ପ୍ରାତାନା ଇଲୁତା ତାକହାଁ ଅଡ଼େ ଡ଼େଝିହିଁ ଇଞ୍ଜାଁ ମାହାପୁରୁଇଁ ଗାଝୁରମି କିହିଁ ହାଚେସି । ୯ ଏମାଆଁ ମାନି ଲକୁ ବାରେ ଏଝାଣି ତାକିନାଣି ଅଡ଼େ ମାହାପୁରୁତି ଗାଝୁରମି କିହିମାନାଣି ମେସ୍ତେରି; ୧୦ ଅଡ଼େ ଆମିନିଗାଟାସି ପ୍ରାତାନା ଇଲୁତି ଅଜିତି ଦୁଝେରିତା କୁଗାନା ରାସିମାଚେସି, ଏଝାସିଏ ଇଝାସି ଇଞ୍ଜାଁ ପୁଚେରି, ଏଝାଣାକି ଏନାଆଁ କିଝି ଆହାମାଚେ ଏଦାଆଁ ମେସାନା ଆଡ଼ାଜାକା ଆହାନା କାବା ଆଡ଼େରି ।

ପ୍ରାତାନା ଇଲୁତା ପିତର ଝେକନାୟି

୧୧ ଏଝାସି ପିତର ଇଞ୍ଜାଁ ଜହନ ତଲେ ସଲମନତି ପିଣ୍ଡାତା ମାନାଣି ମେସାନା, ବାରେ ଲକୁ ଆଡ଼ାଜାକା ଆହାନା ଏଝାରି ତାଗେ ହଟାଚେରି । ୧୨ ପିତର ଏଝାରାଇଁ ମେସାନା ଏଲେଇଚେସି, “ଇସ୍ରାୟେଲ ଲକୁତେରି, ମୀରୁ ଏନାଆଁତାକି ଆଡ଼ାଜାକା ଆହିମାଞ୍ଜେରି ? ମାମ୍ନୁ ମା ବାଡ଼ୁୟୁ କି ମାହାପୁରୁ ଆଜିତଲେ ଇଝାଣାକି ତାକାଲି ବାଡ଼ୁୟୁ ହାହାମାନମି, ଏଦାଆଁ ଅଣ୍ଡପାନା ମାଜେ ରଣ୍ଡିଏ ଅଣ୍ଡପୁ ତଲେ ଏନାଆଁତାକି ସିନିକିହିମାଞ୍ଜାଦେରି ? ୧୩ ଅବ୍ରାହାମ, ଇସାହାକ ଅଡ଼େ ଜାକୁବତି ମାହାପୁରୁ, ମା ଆକୁ ଆବାୟାଁତି ମାହାପୁରୁ, ତାନି ହଲେଏସି ଜୀସୁଇଁ ମାହାପୁରୁତି ଗାଝୁରମି ହାହାମାନେସି । ସାମା ଜୀସୁଇଁ ମୀରୁଏ ସାଲଝି କିନାରି କେୟୁତା ହେରପିତେରି, ଏଚିବେଲା ପିଲାତ ଜୀସୁଇଁ ପିସାଲି ଅଣ୍ଡପା ମାଟିହିଁ ଜିକେଏ, ଏଝାଣାଇଁ ମୀରୁ ପିଲାତ ନକିତା ଅପାଆଚେରି । ୧୪ *ଏଝାସି ସୁଦୁ ଅଡ଼େ ଦାର୍ମୁଗାଟାସି ମାଚେସି, ସାମା ମୀରୁ ଏଝାଣାଇଁ ଅପାଆଚେରି, ଅଡ଼େ ଏଝାଣି ଟାୟୁତା ର ଲକୁଣି ପାୟିନାଣାଇଁ ପିସାଲି ପିଲାତଇଁ ବାତିମାଲିତେରି, ୧୫ ଆମ୍ବାଆସି ଜୀସୁତି ଜିରୁ ତହୁନାସି ଏଝାଣାଇଁ ମୀରୁ ପାୟିତେରି; ଏଝାଣାଇଁ ମାହାପୁରୁ ହାଡ଼ାରି ତାଣାଟି ନିକହାମାନେସି, ମାମ୍ନୁ ଇଦାଣି ସାକି । ୧୬ ଏଝାଣି ଦରୁତି ବାଡ଼ୁୟୁ ଇ ସଟାଇଁ ନେହିଁ କିହିମାନେ,

† ୨:୩୮ ୨:୩୮ ମୁଞ୍ଜିନାୟି ‡ ୨:୪୧ ୨:୪୧ ମୁଞ୍ଜିନାୟି ✱ ୨:୪୪ ୨:୪୪ କାମା ୪:୩୨-୩୫ ✨ ୩:୧୪ ୩:୧୪ ମାଟି ୨୭:୧୫-୨୩; ମାର୍କି ୧୫:୨-୧୪; ଲୁକ ୨୩:୧୩-୨୩; ଜହ ୧୯:୧୨-୧୫

ମୀରୁ ଏନାଆଁ ମେସାନା ସାତା ଇଞ୍ଜି ପୁଞ୍ଜାମାଞ୍ଜେରି, ଏଞ୍ଜାଣି ଦରୁତଲେ ନାମିତାକି ଆହାମାନେ । ଜୀସୁଇଁ ନାମିତାକି ଏଞ୍ଜାସି ନେହୁଁ ଆହାମାନେସି ଇଦାଆଁ ମୀରୁ ମେସାମାଞ୍ଜେରି ।”

୧୭ “ଅଡ଼େ ନୀଏଁ ଇସ୍ରାୟେଲତି ତାୟିୟାଁ ଅଡ଼େ ତାଙ୍ଗିସ୍ତାତେରି, ମୀ କାଜାରି ଏନିକିଁ, ମୀରୁ ଜିକେଏ ଏଲେକିଁ ବୁଦି ହିଲାଆକି ଇଦାଆଁ କିହାମାନେରି ଇଞ୍ଜି ନାନୁ ପୁଞ୍ଜିମାଈ । ୧୮ ତଲି କାଲାଟିଏ ମାହାପୁରୁ ଅଣ୍ଟପୁତି ବଲୁ ଖେହନାରି ତାଣାଟି ମାହାପୁରୁ ଖେସାମାଚେସି ମସିହାତି ଦୁକୁ ପାଣ୍ଡନାୟି ମାନେ; ଏ ବାରେ ଏଞ୍ଜାସି ଇଲେକିଁ ପୁରା କିହାମାନେସି । ୧୯ ଇତିହୁଁ, ଏନିକିଁ ମୀ ପାପୁ ମେଶ୍ଟିନେ, ଏଦାଆଁତାକି ମନ ଖେହନାମା ମାହାପୁରୁ ତାଣା ଖେଶ୍ଟା ଖାଦୁ, ୨୦ ପୁରୁ ତାଣାଟି ମୀରୁ ଜୀସୁତି ବାଡ଼ୟୁ ବେଟାଆଦେରି, ମାହାପୁରୁ ମିଙ୍ଗେତାକି ତଲିଏ ଆଡ଼ାମାନି ମସିହା ଜୀସୁଇଁ ପାଣ୍ଡନେସି । ୨୧ ବାରେ କାତାତି ଖେଶ୍ଟେ କିନାଣି ଆମିନି ବେଲାତି କାତା ତଲି କାଲାଟିଏ ମାହାପୁରୁ ତାନି ସୁଦୁ ମାହାପୁରୁ ଅଣ୍ଟପୁତି ବଲୁ ଖେହନାରି ତାଣାଟି ଖେକହା ମାଚେସି, ଏ କାଲା ଖାଆ ପାତେକା ଏଞ୍ଜାଣାକି ସାତେଏ ଲାକପୁରୁ ହାଜାଲି ଆନେ । ୨୨ ମସା ଖେସାମାଚେସି, ‘ପୁରୁ ମାହାପୁରୁ ମୀ ତାୟିୟାଁ ବିତ୍ରାଟି ମିଙ୍ଗେତାକି ନା ଲେହେକି ର ମାହାପୁରୁ ଅଣ୍ଟପୁତି ବଲୁ ଖେହନାଣାଈ ନିକନେସି; ଏନା ଏନାଆଁ ମିଙ୍ଗେ ଖେସ୍ତାନେସି, ଏ ବାରେ ମୀରୁ ଏଞ୍ଜାଣି କାତା ଖେଞ୍ଜେରି । ୨୩ ଆମିନିଗାଟାସି ମାହାପୁରୁ ଅଣ୍ଟପୁତି ବଲୁ ଖେହନାରି କାତା ନାମଅରି ଏଞ୍ଜାରି ମାହାପୁରୁତି ଲକୁ ତାଣାଟି ଏଟକା କିଞ୍ଜିଆନେରି ଅଡ଼େ ନାସା କିଞ୍ଜିଆନେରି ।’ ୨୪ ସାମୁୟେଲ ଇଞ୍ଜା ତାନି ତାୟୁତି ଏଚରଜାଣା ମାହାପୁରୁ ଅଣ୍ଟପୁତି ବଲୁ ଖେହନାରି ଖେସାମାନେରି, ଏଞ୍ଜାରି ବାରେ ଇ କାଲାତା ଆହିମାନି କାତା ଖେସାମାନେରି । ୨୫ ମାହାପୁରୁତି ଆଞ୍ଜାମାନି ମାହାପୁରୁ ଅଣ୍ଟପୁତି ବଲୁ ଖେହନାରି ତାଣାଟି ମିଙ୍ଗେତାକି ନେହେଁ, ମାହାପୁରୁ ମୀ ଆକୁ ଆବାୟାଁ ତଲେ କିତି ରାଜିମାନା ମୀରୁ କିହିମାଞ୍ଜେରି । ଏନିକିଁ ଏଞ୍ଜାସି ଅବାହାମଇଁ ଏଲେଇଚେସି, ‘ନାନୁ ମୀ କୃତାଟି ବାରେ ଦାର୍ତତି ଲକୁକି ବର ହାଈ ।’ ୨୬ ମାହାପୁରୁ ତଲିଏ ତାନି ହଚ୍ଚେଏଣାଈ ମିଙ୍ଗେତାକି ବାଟି କିହାନା ପାଣ୍ଡାଚେସି, ଏନିକିଁ ଏଞ୍ଜାସି ମୀ ବାରେଜାଣା ତେରି ମିଙ୍ଗେ ଲାଗେଏ ଜିରୁଟି ଖେହନା ବର ହିୟାନେସି ।”

୪

ପିତର ଅଡ଼େ ଜହନ ବେରଣିମାଣ୍ଡାତା

୧ ପିତର ଅଡ଼େ ଜହନ ଲକୁ ନକିତା ଖେସିମାଟି ବେଲାତା ପୁଜେରାଙ୍ଗା, ମାହାପୁରୁ ଇଲୁତି କାଜାରି ଇଞ୍ଜା ସାଦୁକିୟାଁ ଏଞ୍ଜାରି ନକିତା ଖାତେରି । ୨ ଏଞ୍ଜାରି କପା ଆହିମାଚେରି, ଇତିହୁଁ ପାଣ୍ଡୁଞ୍ଜି ଆହାମାନାରି ଲକୁଣି ଜାପୁହି ମାଚେରି, ଇଞ୍ଜା ଜୀସୁତି କାତା ଆସାନା ହାଡ଼ାରି ବିତ୍ରାଟି ଖେଶ୍ଟେ ନିଜିତି କାତା ଖେକହି ମାଚେରି । ୩ ଏତିବେଲା ମିଡ଼ଧଲା

ଆହିମାଚେ, ଏଦାଆଁତାକି ଏଞ୍ଜାରି ସୀସୁୟାଁଣି ଦସ୍ପାନା ଅର ନେରୁ ପାତେକା କାୟିଦି ଇଲୁତା ଇତିଚେରି । ୪ ସାମା ଏଚେକା ଲକୁ ବଲୁ ଖେଚାରି ନାମିଚେରି, ଇଞ୍ଜା ଖାବର ଉଆବାୟାଁ ପାସାମାଣା ଆଚେରି ।

୫ ତାନି ଅର ଦିନା ଜୀହୁଦିଙ୍ଗାତି କାଜାରି, ଇଞ୍ଜା ପ୍ରାଚିନାଙ୍ଗା, ଜାପୁନାରି ଅଡ଼େ ମେରାପୁନାରି ଜିରୁସାଲମତା କୃତା ଆଚେରି । ୬ ଏମ୍ବାଆଁ କାଜା ପୂଜେରା ହାନାନ, କୟାପା, ଜହନ, ଆଲେକଜାଣ୍ଡାରତି କାଜା ପୂଜେରାଙ୍ଗା କୃତାଟି ବାରେ ଲକୁ କୃତା ଆଚେରି । ୭ ଏଞ୍ଜାରି ପାଣ୍ଡୁଞ୍ଜି ଆଡ଼ାରାଈ ମାଦିଏ ନିପୁହାନା ଖେଚେରି, “ଏନିକିହୁଁ କିଚେରି ? ଏନି ବାଡ଼ୟୁ ଇଞ୍ଜା ଆମ୍ବାଆରି ଦରୁତଲେ ମୀରୁ ଇ ବାରେ କାମା କିହିମାଞ୍ଜେରି ?”

୮ ଏମ୍ବାଟିଏ ପିତର ସୁଦୁଜୀସୁତା ନେଞ୍ଜାନା ଏଞ୍ଜାରାଈ ଏଲେଇଚେସି, “ଲକୁତି କାଜାଚେରି ଇଞ୍ଜା ପ୍ରାଚିନାଙ୍ଗାଚେରି, ୯ ନୀଞ୍ଜୁ ମାମୁ ସୁଟାକି କିହାମାନି ନେହୁଁ କାମାତାକି ମୀରୁ ଖେଞ୍ଜି ମାଞ୍ଜାଦେରି, ଏଞ୍ଜାସି ଏନିକିହୁଁ ନେହୁଁ ଆଚେସି ଇଞ୍ଜି ପୁଞ୍ଜାଲି ଅଣ୍ଟପିମାଞ୍ଜେରି, ୧୦ ଆତିହୁଁ ମୀରୁ ବାରେଜାଣା ତେରି ପୁନିକାତା, ଇସ୍ରାୟେଲତି ବାରେ ଲକୁ ପୁନାୟିମାନେ, ଆମିନି ନାଜରିତ ଜୀସୁ କ୍ରୀସ୍ତଇଁ ମୀରୁ କୁସତା ପାୟିଚେରି, ଆମ୍ବାଆରାଈ ମାହାପୁରୁ ହାକିଟି ନିକହାମାନେସି ଏ ଜୀସୁ ଦରୁଟି ଇ ମାଣ୍ଡସି ନେହୁଁ ଆହାନା ମୀ ନକିତା ନିଚାମାନେସି ।” ୧୧ ଜୀସୁ ରଅସିଏ, ଦାର୍ମୁ ସାପ୍ତେରି ଖେସିମାଞ୍ଜାନେ,

“ଇଲୁ କେପିନାଚେରି ମୀରୁ, ମୀ ତାଣାଟି ଆମିନି ଖାଲି ଲାଗେଏତାୟି ଆହାମାଚେ, ସାମା ଆମିନାୟି କନତି କାଜା ଖାଲି ଆଚେ, ଏଞ୍ଜାସି ଏ ଖାଲି ।”

୧୨ ଏଞ୍ଜାଣି ପିସ୍ପେ ଅଡ଼େ ଆମ୍ବାଆରି ତାଣା ଗେଲ୍ପିନାୟି ହିଲେଏ; ଇତିହୁଁ ଆମ୍ବାଆରି ତାଣାଟି ମାର ଗେଲ୍ପି ଆନାୟି ଆନେ, ହାଗୁ ଡ଼ଇ ମାଣ୍ଡସିୟାଁ ବିତ୍ରା ଏନି ଦରୁ ହାପୁକି ଆହା ହିଲେଏ ।

୧୩ ଏଞ୍ଜାରି ପିତର ଅଡ଼େ ଜହନତି ସାସା ମେସାନା ଇଞ୍ଜା ଏଞ୍ଜାରି ଏନାଆଁ ପୁନାଆତାରି ଅଡ଼େ ବୁଦି ହିଲାଆ ଲକୁ, ଇଦାଆଁ ପୁଞ୍ଜାନା ଆତାଜାକା ଆହାହାଚେରି, ଇଞ୍ଜା ଏଞ୍ଜାରି ଜୀସୁତଲେ ମାଚେରି ଇଞ୍ଜି ପୁଚେରି, ୧୪ ସାମା ଏ ନେହୁଁ ଆହାମାଚାସି ଜହନ ଇଞ୍ଜା ପିତର ତଲେ ନିଚାମାଚାଣି ମେସାନା ଏଞ୍ଜାରି କପାଟି ଏନାଆଁ ଜଲ୍ଲାଲି ଆଡ଼ାଆଚେରି । ୧୫ ତାୟୁ ଏଞ୍ଜାରି ବେରଣି ମାଣ୍ଡାଟି ହଡ଼ା ହାଜାଲି ହୁକୁମି ହାହାନା ଏଞ୍ଜାରି ତାମୁ ତାମୁସୁ ଖେସ୍ପି ଆଚେରି ୧୬ “ଇ ଲକୁଣି ଏନାଆଁ କିନାୟି ?” ଏଞ୍ଜାରି ଏଲେଇଚେରି, “ଇତିହୁଁ ଇଞ୍ଜାରି ତାଣାଟି କାବାଆନି କାମା କିଞ୍ଜିଆହାମାନେ, ଇଦି ଜିରୁସାଲମତି ବାରେଜାଣା ନକିତା ତଞ୍ଜା ଆହାମାନେ, ଇଞ୍ଜା ମାର ଏଦାଆଁ ଆଏ ଇଞ୍ଜାଲି ଆଡ଼ାଆୟି; ୧୭ ସାମା ଇ କାତା ଲକୁତାଣା ଏନିକିଁ ଗାତି ଖେଚେଏ, ଏଦାଆଁତାକି ଏଞ୍ଜାରାଈ ଜୀସୁ ଦରୁ ଏଚେଲା ଆମ୍ବାଆରି ନକିତା ଆସାଲି ଏଞ୍ଜାରାଈ କାହିକିନାୟି ମାନେ ।”

୧୮ ତାହା ଉପରେ ଜହନ ଅଡ଼େ ପିତରଙ୍କ ହାତୀନା ଜୀବୁତି ଦରୁ ଖେହୁଆଦୁ କି ଜାପୁଆଦୁ ଇଞ୍ଜି ହୁକୁମି ହୀତେରି । ୧୯ ସାମା ପିତର ଅଡ଼େ ଜହନ ଏଞ୍ଜରାଲ୍ ଏଲେଇଚେରି, “ମାହାପୁରୁ କାତା ଖେନିକିହାଁ ମୀ କାତା ଖେନାୟି ମାହାପୁରୁ ନକିତା ନେହେଁ କି ଆଏ, ଏଦାଆଁ ମୀରୁ ଅଣ୍ଡପା କତାଦୁ । ୨୦ ଇଚିହଁ ମାମ୍ବୁ ଏନାଆଁ ମେସାମାନମି ଇଞ୍ଜା ଖେଞ୍ଜାମାନମି, ଏ ବାରେ ଖେହୁଆନା ତୁୟାଲି ଆଡ଼ଅମି ।” ୨୧ ସାମା ଏ ବେରଣି ମାଣ୍ଡାତାରି ଏଞ୍ଜରାଲ୍ ଅଡ଼େ ହାରେକା ଆଜି କିହାନା ପିସ୍ତେରି, ଏଞ୍ଜରାଲ୍ ତଣ୍ଡ ହାହାଲି ଆଏ ଇଞ୍ଜି ଏଞ୍ଜାରି ପୁଚେରି, ଏନାଆଁତାକି ଇଚିହଁ ଏ କାମାତାକି ଲକୁ ବାରେ ମାହାପୁରୁଙ୍କ ଜହରା କିତେରି । ୨୨ ଇଚିହଁ ଆମିନିଗାଟାଣି ତାଣା କାବାଆନି ନେହଁ କାମା କିଞ୍ଜି ଆହାମାଚେ, ଏଞ୍ଜାସି ରୀ କଡ଼ି ବାସୀତିଏ ଲାକ ମାଚେସି ।

ପାଣ୍ଡୁ ଆହାମାନାରି ବାଡ଼ୁ ତାକି ପ୍ରାତାନା

୨୩ ପିତର ଅଡ଼େ ଜହନ ପିସ୍ପିଆଡ଼ି ଦେବୁଣିଏ ତାନି ତଣ୍ଡେସିକା ତାଣା ହାଚେରି ଇଞ୍ଜା କାଜା ପୁଜେରାକା ଅଡ଼େ ପ୍ରାଚିନାକା ଏନାଆଁ ଖେସାମାଚେରି, ଏ ବାରେ ଏଞ୍ଜରାଲ୍ ଖେସ୍ତେରି । ୨୪ ଏଞ୍ଜାରି ଏଦାଆଁ ଖେଞ୍ଜାନା ରଣ୍ଡିଏ ହିୟାଁ ତଲେ ମାହାପୁରୁ ନକିତା କାଜା ହାଡ଼ାତଲେ ପ୍ରାତାନା କିହଁ ଏଲେଇଚେରି, “ପ୍ରବୁ ନୀନୁ ହାଗୁ, ଦାରୁତି, ସାମ୍ବୁରି ଇଞ୍ଜା ଏ ବାରେ ତାଣା ମାନାଣି ବାରେ ଗାଡ଼ି କିହାମାଞ୍ଜି ! ୨୫ ସୁଦୁଜୀଞ୍ଜୁ ତଲେ ନୀନୁ ମା ଆକୁ ଦାଞ୍ଜୁଦ ନୀ ହଲେଏଣା ଗୁଡ଼ିତି, ଇ କାତା ଖେସାମାଚି;

‘ଜୀହୁଦିଆଆତାରି ଏନାଆଁତାକି କାରୁବି ଆଡ଼େରି;

ଇଞ୍ଜା ଲକୁ ଏନାଆଁତାକି ଉଜେଏତାଣି ଅଣ୍ଡପିଚେରି ?

୨୬ ପ୍ରବୁ ଅଡ଼େ ତାନି ବରୁ ବେଟାଆହାମାନି ମସିହା କପାଟି, ଦାରୁତିତି ରାଜାୟାଁ ନିଜିତେରି,

ଇଞ୍ଜା ସାଲୁଞ୍ଜି କିନାରି କୁଡ଼ା ଆଡ଼େରି ।”

୨୭ ଇଚିହଁ ନୀ ସୁଦୁଗାଟି ହଲେଏସି ଜୀସୁଙ୍କ ବର ହୀତି, ସାତେଏ ଏଞ୍ଜାଣି କପାଟି ହେରଦ ଅଡ଼େ ପନ୍ଦିୟ ପିଲାତ ଇ ରିଆରି ଜୀହୁଦିଆଆତାରି ଅଡ଼େ ଇସ୍ରାୟେଲ ଲକୁତଲେ ଇ ଗାଡ଼ାତା ପାରୁ ପାରିତେରି, ୨୮ ମୀ ଅଣ୍ଡପୁ ତଲେ ଏନାୟି ବାରେ ଗଟଞ୍ଜି ଆନେ ଇଞ୍ଜି ତଲିଟିଏ କିଞ୍ଜି ଆହାମାଚେ, ଏଦାଆଁ କିହାଲି କୁଡ଼ା ଆଡ଼େରି । ୨୯ ଅଡ଼େ ନୀଏ, ଏ ପ୍ରବୁ, ଏଞ୍ଜାରି ମାଜେ ଆଜି କିହିମାଞ୍ଜାନାଣି ସିନିକିୟାମ୍ବୁ; ଅଡ଼େ ନୀ ହଲିୟାକାଣି ହାରେକା ସାସାତଲେ ନୀ ବଲୁ ଖେସାଲି ବାଡ଼ୁୟ ହାମ୍ବୁ, ୩୦ ଇଞ୍ଜା ଏଦାଆଁ ତଲେ ନୀ ସୁଦୁ ହଲେଏସି ଜୀସୁତି ଦରୁତଲେ ନେହଁ କିହାଲି ଅଡ଼େ ସିନାୟାଁ ଇଞ୍ଜା କାବାଆନି କାମାୟାଁ କିହାଲିତାକି ନୀ କେୟୁ ଦାସା ତୁୟାମ୍ବୁ ।

୩୧ ଏଞ୍ଜାରି ପ୍ରାତାନା ରାପୁହି ତାୟୁ, ଆମିନି ଟାୟୁତା ରୁଣ୍ଡା ଆହାମାଚେରି, ଏଡ଼ି ଖୀଡ଼ିତେ । ଇଞ୍ଜା ବାରେଜାଣା ସୁଦୁଜୀଞ୍ଜୁ ତଲେ ନେଞ୍ଜାନା ବାଡ଼ୁୟ ତଲେ ମାହାପୁରୁତି ବଲୁ ଖେକହାଲି ମାଚୁହେରି ।

ନାମୁଗାଟାରି ଦନ୍ତତି ସମାନା ବାଗା ବେଟାଆଡ଼େରି

୩୨ *ନାମୁଗାଟି ଲକୁ ରଣ୍ଡିଏ ହିୟାଁ ରଣ୍ଡିଏ ମନତଲେ ମାଚେରି; ଏଞ୍ଜାରି ବିତ୍ରାଟି ଆମ୍ବାଆରି ଜିକେଏ ତାନି ଦନ୍ତତି ମାଡ଼ି ଇଞ୍ଜି ଅଣ୍ଡପି ହିଲାଆଚେରି, ସାମା ଏଞ୍ଜାରିଖାୟି ବାରେ ସମାନା ଇଞ୍ଜି ଅଣ୍ଡପିମାଚେରି । ୩୩ ପାଣ୍ଡୁଞ୍ଜି ଆହାମାନାରି ଗାଡ଼ି ବାଡ଼ୁୟ ତଲେ ପ୍ରବୁ ଜୀସୁତି ଖେଣ୍ଡେ ନିଜିତି କାତା ଖେସାଲି ମାଚୁହେରି, ଇଞ୍ଜା ବାରେତି ଲାକ ମାହାପୁରୁତି ହାରେକା କାର୍ମା ମାଚେ । ୩୪ ଇଚିହଁ ଏଞ୍ଜାରି ବିତ୍ରା ଆମ୍ବାଆରାକି ଏନାୟି ଉଣା ଆହି ହିଲାଆଚେ, ଇଚିହଁ ଏଚେକା ଲକୁତି ବୁମି ଇଞ୍ଜା ଇଲକା ମାରୁ ପାରୁତି ମାଚେରି ୩୫ ଅଡ଼େ ପାଣ୍ଡୁଞ୍ଜି ଆଡ଼ାରି କଡ଼ା ତୁଇକା ଏ ତାବୁୟାଁ ହାହିମାଚେରି, ଅଡ଼େ ବାରେ ଲକୁତାକି ତାନି ଲଡ଼ାମାନି ଲେହେଁ ଏ ତାବୁୟାଁ ବାଟିକିଞ୍ଜି ଆହିମାଚେ ।

୩୬ କୁପ୍ର ଇନି ଟାୟୁତା ଜାର୍ନା ଆହାମାଚି ଲେବି କୁଡ଼ାତି ଜସେପ, ଆମିନାଣାଲ୍ ପାଣ୍ଡୁଞ୍ଜି ଆଡ଼ାରି ବର୍ନବା ଇଞ୍ଜି ମାଚେରି, ଇ ଦରୁ ଅର୍ତ୍ତ “ବାସୁଁ ହାନାସି,” ୩୭ ଏଞ୍ଜାଣିଖାୟି ଇଚାୟି ବୁମି ମାଚେ, ଏଞ୍ଜାସି ଏଦାଆଁ ପାରୁଚାନା ଏମ୍ବାତି ଟାକାୟାଁ ତାଚାନା ପାଣ୍ଡୁଞ୍ଜି ଆଡ଼ାରି କଡ଼ାୟାଁ ତୁଇ ଇଚିତେସି ।



ହନନିୟ ଅଡ଼େ ସପିରା

୧ ହନନିୟ ଦରୁଗାଟାସି ରଅସି ମାଚେସି, ଏଞ୍ଜାସି ତାନି ତକ୍ତି ସପିରା ତଲେ ଇଚାଣି ବୁମି ପାରୁତେସି । ୨ ହନନିୟ ତାନି ତକ୍ତି ତଲେ ଏ ଟାକାୟାଁ ବିତ୍ରାଟି କଚେକା ତୁକୁହା ଇଚାନା କଚେକା ତାଚାନା ପାଣ୍ଡୁଞ୍ଜି ଆଡ଼ାରାକି ହୀତେସି । ୩ ପିତର ଏଞ୍ଜାଣାଲ୍ ଏଲେଇଚେସି, “ହନନିୟ, ସୁଦୁଜୀଞ୍ଜୁ ନକିତା ମିତି ଜଲ୍ଲାଲି ଇଞ୍ଜା ବୁମି ପାରୁଚାନା କଚେକା ତୁକୁହା ଇଚାଲି ସୟତାନ ଏନାଆଁତାକି ମୀ ହିୟାଁତି ଲକୁହାମାନେ ? ୪ ପାରୁନି ନକେଏ ଏଡ଼ି ନୀ ଅଦିକାରାତା ହିଲାଆଚେ କି ? ପାରୁତି ତାୟୁ ଜିକେଏ ଏମ୍ବାତି ଟାକାୟାଁ ଜିକେଏ ନୀଞ୍ଜି ଆହାହିଲାଆଡୁ କି ? ଆତିହଁ ନୀନୁ ଏନିକଁ ନୀ ହିୟାଁତା ଇ ଅଣ୍ଡପୁ ଅଣ୍ଡପିତି ? ଏଦାଆଁ ନୀନୁ ମାଣ୍ଡସି ନକିତା ମିତି ଜଲ୍ଲାମାଞ୍ଜି ଏଡ଼ି ଆଏ, ସାମା ମାହାପୁରୁ ନକିତା ମିତି ଜଲ୍ଲାମାଞ୍ଜି !” ୫ ହନନିୟ ଇ ହାଡ଼ା ଖେଣ୍ଡମ୍ବୁନିଏ ତୁଇ ତରୁଗାନା ହାହାହାଚେସି; ଏମ୍ବାଆଁ ଏଚେକା ଲକୁ ଇ କାତା ଖେଚେରି, ଏଞ୍ଜାରି ବାରେ ହାରେକା ଆଜିତେରି । ୬ ଅଡ଼େ, ଦାଂଗଣାୟାଁ ବିତ୍ରା ଖାହାନା ହିମ୍ବୁରି ପୁକ୍‌ହେରି ଇଞ୍ଜା ପାକାତା ଅହାନା ମାହିଣି ମାଣ୍ଡାତା ମୁସ୍ତେରି ।

୭ ତାନି ଗଂଟା ତାୟୁ ତାନି ତକ୍ତି ଖାଡ଼େ, ସାମା ଏନାଆଁ ଆହାମାନେ, ଏଦାଆଁ ଏଡ଼ି ପୁଞ୍ଜା ହିଲାଆଚେ । ୮ ପିତର ଏଦାନି ଖେଚେସି, “ନୀନୁ ଅଡ଼େ ନୀ ତକ୍ତା ଇଚେକା ଟାକାୟାଁତାକି କି ମୀ ବୁମି ପାରୁତେରି ?” ଏଡ଼ି ଏଲେଇଚେ, “ହାଅ ଏଚେକା ତାକିଏ ।”

☆ ୪:୩୨ ୪:୩୨ କାମା ୨:୪୪,୪୫

୯ ପିତର ଏଦାନି ଏଲେଇଚେସି, “ପ୍ରବୁତି ଜୀଝୁତି ତାୟିପାରି କିହାଲି ମୀରୁ ଏନାଆଁତାକି ରଣ୍ଡିଏ କାତା ଆଚେରି ? ମେହ୍ମୁ ଆମିନି ଗାଟାରି ନୀ ତକ୍ରାଲ୍ ମୁସାନା ଝାହିମାନେରି, ଏଝାରି ଦୁଝେରିତା ଝାଟେରିଏ, ଇଞ୍ଜା ଏଝାରି ନିଙ୍ଗେ ପାଙ୍ଗାତା ତେକା ଅୟାନେରି ।” ୧୦ ଏ କାତା ଝେଣ୍ମୁନିଏ ଏଦି ପିତର କଡ଼ା ତରଗାନା ହାହାହାଚେ, ଇଞ୍ଜା ଦାଂଗଣାୟା ବିତ୍ରା ଝାହାନା ହାହାମାନାଣି ମେସ୍ତେରି ଇଞ୍ଜା ପାଙ୍ଗାତା ତେକା ଅହାନା ତାନି ତକ୍ରା ଚଟତା ମୁସ୍ତେରି । ୧୧ ଏମ୍ପାଟିଏ ବାରେ କୁଲମି ଇଞ୍ଜା ଏଚେକା ଲକୁ ଇ ବାରେ କାତା ଝେଚେରି, ଏଝାରି ବାରେ ହାଟେକା ଆଜିତେରି ।

କାବାଆନି ସିନାୟା

୧୨ ପାଣ୍ଡୁଝି ଆଡ଼ାରି ତାଣାଟି ହାରେକା କାବାଆନି କାମାୟା ଅଡ଼େ ସିନାୟା ଆହାଲି ମାଟ୍‌ହେ, ଇଞ୍ଜା ବାରେ ନାମିତାରି ରଣ୍ଡିଏ ଅଣ୍ଡୁ ତଲେ ସଲମନତି ପିଣ୍ଡାତା କୃତା ଆହିମାଚେରି, ୧୩ ସାମା ଏଟକାତି ଲକୁ ଆମ୍ପାଆରି ଏଝାରିତଲେ କୃତାଲି ସାସା କିହିହିଲିଆଚେରି; ଆଡ଼ିଜିକେଏ ଲକୁ ଏଝାରି ଗାଝୁରମି କିହିମାଚେରି, ୧୪ ଇଞ୍ଜା, ହାରେ ହାରେକା ଇୟାସିକା ଅଡ଼େ ଆବାୟା ନାମାହାଁ ପ୍ରବୁ ତାଣା କୃତାଲି ଆଣ୍ଡିତେରି, ୧୫ ପାଣ୍ଡୁଝି ଆଡ଼ାରି କାମା ଦିନାତାକି ଦିନା ପାଡ଼ାଆଡ଼େ, ଇଲ୍‌ଆହ୍, କି ପିତର ଝାନି ବେଲାତା ଏନିକ୍ ତାନି ସାୟ୍ ରଗ ଗାଟାରି ଲାକ ଆଡ଼ିନେ, ଏଦାଆଁତାକି ରଗ ଗାଟାରାଲ୍ ଆଂଗେଣିତା ତେକା ତାଟାନା କାଟେଲି ଇଞ୍ଜା ପାସ୍‌ପନିତା ଇଟିମାଚେରି । ୧୬ ଜିରୁସାଲମତି ସାରିସୁଟ୍ ଗାଡ଼ାୟାତି ହାରେକା ଲକୁ ରଗ ଗାଟାରାଲ୍ ଅଡ଼େ ବୁଡୁୟା ଆଲ୍‌ଗିତାରାଲ୍ ତାଟିହ୍ ଝାଟେରି, ଅଡ଼େ ଏଝାରି ବାରେଜାଣା ନେହ୍ ଆଚେରି ।

ପାଣ୍ଡୁଝି ଆଡ଼ାରାଲ୍ ସାସ୍ତି

୧୭ ଏଚେଟିଏ କାଜା ପୂଜେରାଙ୍ଗା ଅଡ଼େ ଏଝାଣି ବାରେ ତଡ଼ୁ ଲକୁ, ନାୟୁତି ସାଦୁକିୟା ଗତିତାରି ପାଣ୍ଡୁଝି ଆଡ଼ାରାଲ୍ ତାହାରା ଆହାନା ଏଝାରି କପାଟି ନିଙ୍ଗିତେରି । ୧୮ ଏଝାରି ପାଣ୍ଡୁଝି ଆହାମାନାରାଲ୍ ଆସାନା କାୟିଦି ଇଲୁତା ଇଟିତେରି । ୧୯ ସାମା ଲାଆୟା ବେଲାତା ପ୍ରବୁତି ର ଦୁଡୁ କାୟିଦି ଇଲୁତି ଦାରାୟା ବାରେ ଦେଟାଡୁସ୍ତେ, ଇଞ୍ଜା ଏଝାରାଲ୍ ପାଙ୍ଗାତା ତାଟାନା ଏଲେଇଚେ, ୨୦ “ହାକୁ, ଇଞ୍ଜା ମାହାପୁରୁ ଇଲୁତା ନିଟାନା ଲକୁଣି ଇ ଜୀଝୁତି ବାରେ କାତା ଝେହ୍ମୁ ।” ୨୧ ଇ କାତା ଝେଞ୍ଜାନା ଏଝାରି ଲାକଅଲି ମାହାପୁରୁ ଇଲୁତା ହଡ଼ାନା ଜାପ୍‌ହାଲି ମାଟ୍‌ହେରି ।

ଏମ୍ପାଟିଏ କାଜା ପୂଜେରାଙ୍ଗା ଅଡ଼େ ତାନି ତଟେସିଙ୍ଗା ଝାହାନା କୁଟମିତି କାଜାରାଲ୍ ଅଡ଼େ ଇସ୍ତାୟେଲ ଲକୁତି ପ୍ରାଟିନାଙ୍ଗାଣି ହାଟାନା କୃତି କିତେରି; ଇଞ୍ଜା ପାଣ୍ଡୁଝି ଆଡ଼ାରାଲ୍ ତାଟାଲି କାୟିଦି ଇଲୁତା ଲକୁଣି ପାଣ୍ଡିତେରି । ୨୨ ସାମା କାମାକିନାରି ହାଜାନା କାୟିଦି ଇଲୁତା ପାଣ୍ଡୁଝି ଆଡ଼ାରାଲ୍ ବେଟାଆଆନା ଝେଣ୍ଡା ଝାହାନା ବେରଣି ମାଣ୍ଡାତାରାଲ୍ ଝେସ୍ତେରି, ୨୩ “ମାମ୍‌କାୟିଦି ଇଜ

ହାଜାନା ସିନିକିତମି, କାୟିଦି ଇଲୁ ଦାରା ଆଟ୍‌ଝା ତଲେ ସୁଣ୍ଡୁଝିଆହାମାଚେ; ଇଞ୍ଜା ଦୁଝେରିକାଣା କାଟାମାଟି କସ୍‌କା ନିଟାମାଚେରି, ସାମା ଦାରା ଦେଟାଲିଏ ବିତ୍ରା ଆମ୍ପାଆରାଲ୍ ଜିକେଏ ବେଟାଆଆତମି !” ୨୪ ଇ ହାଡ଼ା ଝେଞ୍ଜାନା କାଜା ପୂଜେରାଙ୍ଗା ଅଡ଼େ ମାହାପୁରୁ ଇଲୁତି କସ୍‌କା ମୁହେଁ କାଜାସି ପାଣ୍ଡୁଝି ଆଡ଼ାରାକି ଏନାଆଁ ଆଡ଼େ ଅଣପାନା ଏଝାରି କାତାତା ଆଡ଼ାଜାକା ଆହାହାଚେରି । ୨୫ ଏଟିବେଲା ରଅସି ଝାହାନା ଏଝାରାଲ୍ ଏଲେଇଚେସି, “ମେହ୍ମୁ ମୀରୁ ଆମିନି ଗାଟାରାଲ୍ କାୟିଦି ଇଲୁତା ଇଟାମାଚେରି, ଏଝାରି ମାହାପୁରୁ ଇଲୁତା ଜାପ୍‌ହିମାନେରି ।” ୨୬ ଏଚେଟିଏ କସ୍‌କା ମୁହେଁ କାଜାସି, କାମାକିନାରି ତଲେ ହାଜାନା ପାଣ୍ଡୁଝି ଆଡ଼ାରାଲ୍ ଝେଣ୍ଡେ ହାଟା ତାଚେରି, ସାମା ବାଡ଼ୁୟୁ ତଲେ ଆସ୍, ଇଟିହ୍ ଲକୁ ଝାଲ୍‌କାତଲେ ଝେଟାନେରି ଜିକେଏ ଇଞ୍ଜା ଆଜିମାଚେରି ।

୨୭ ଏଝାରି ଏଝାରାଲ୍ ତାଟାନା କୁଲମି ପାଙ୍ଗାତା ନିପହେରି, ଏମ୍ପାଟିଏ କାଜା ପୂଜେରା ଏଝାରାଲ୍ ଝେଚେସି । ୨୮ “ଇ ମାଣ୍ଡିସି ଦରୁତଲେ ଆମ୍ପାଆରାଲ୍ ଜିକେଏ ଝେହ୍‌ଆଦୁ ଇଞ୍ଜା ମାମ୍‌ଜାଣ୍ଡେ ହୁକୁମି ହୀହାମାଞ୍ଜାତମି, ସାମା ସିନିକିଦୁ, ମୀରୁ ଏନାଆଁ କିହାମାଞ୍ଜେରି ! ଜିରୁସାଲମତି ସାରିଝାକି ମୀରୁ ଏ କାତା ଜାପ୍‌ହି ମାଞ୍ଜେରି ଇଞ୍ଜା ଏଝାଣାଲ୍ ନେତେରିତି ଦହ୍ ମା ମୁହେଁ ଏକହାଲି ଅଣ୍ଡିମାଞ୍ଜେରି ।”

୨୯ ସାମା ପିତର ଇଞ୍ଜା ଏଟକାତି ପାଣ୍ଡୁଝି ଆହାମାନାରି ଏଲେଇଚେରି, “ମାଣ୍ଡିସିୟାତି ହୁକୁମି ମାନି କିନି କିହାଁ ମାହାପୁରୁତି ହୁକୁମି ମାନି କିନାୟିମାନେ । ୩୦ ଆମିନି ଜୀସୁଇ ମୀରୁ ପାସି ମୁଣ୍ଡାତା ଏକହାନା ପାୟାମାଚେରି, ମା ଆକୁ ଆବାୟାତି ମାହାପୁରୁ ଏଝାଣାଲ୍ ଝେଣ୍ଡେ ନିକହାମାନେସି । ୩୧ ଇଞ୍ଜା ଏଝାସି ଏନିକ୍ ଇସ୍ତାୟେଲତି ମନ ଝେଟ୍‌ପି କିହାଁ ପାପୁ ମେଣ୍ଡି କିନେସି, ଏଦାଆଁତାକି ମାହାପୁରୁ ତାନି ଚିଝନି କେୟୁତଲେ ଏଝାଣାଲ୍ କାଜାପାଣା ଇଞ୍ଜା ଗେଲ୍‌ପିନାଣା ଲେହେଁ କାଜାସି କିହାମାନେସି । ୩୨ ଅଡ଼େ, ମାମ୍‌ଇ ବାରେତି ସାକି, ଇଞ୍ଜା ଆମିନି ସୁଦୁଜୀଝୁଲ୍ ମାହାପୁରୁ ତାନି ହୁକୁମି ମାନିଝି ଆନାରାକି ହାହାମାଞ୍ଜାନେସି, ଏଦି ଜିକେଏ ସାକି ।”

୩୩ ଇ କାତା ଝେଞ୍ଜାନା କୁଟମିତି କାଜାରି ହାରେକା କାର୍‌ବି ଆହାହାଚେରି, ଇଞ୍ଜା ଏଝାରାଲ୍ ପାୟାଲି ତାକି କାତା ଆଚେରି । ୩୪ ସାମା ଗମଲିୟେଲ ଦରୁଗାଟି ର ମାନିଗାଟି ପାରୁସି, ଆମିନିଗାଟାସି ମସାତି ମେରା ଜାପ୍‌ନାସି ମାଚେସି, ଏଝାସି ବେରଣିମାଣ୍ଡାତା ନିଟାନା ପାଣ୍ଡୁଝି ଆହାମାନାରାଲ୍ ଗାଟେକା ତାକି ପାଙ୍ଗାତା ପାଣ୍ଡାଲି ହୁକୁମି ହୀଚେସି । ୩୫ ଇଞ୍ଜା ଏଝାସି ଏଝାରାଲ୍ ଏଲେଇଚେସି “ଏ ଇସ୍ତାୟେଲ ଲକୁତେରି, ଇଝାରି ତାକି ମୀରୁ ଏନାଆଁ କିହାଲି ଅଣ୍ଡିମାଞ୍ଜେରି, ଏ କାତାତା ଜାଗ୍ରାତା ଆହାମାଞ୍ଜୁ । ୩୬ ଇଟିହ୍ ଇଦାଆଁ ନକେଏ ତିଝୁଦା ଇନାସି ହଟାନା ତାନୁ ର କାଜା ମାଣ୍ଡିସି କିହା କଡ଼ିତେସି, ଇଞ୍ଜା ସାରି ଝାଞ୍ଜା ଲକୁ

☆ ୫:୨୮ ୫:୨୮ ମାତି ୨୭:୨୫

ଏଞ୍ଜାଣିତଲେ ଆଣ୍ଡିତେରି; ଏଞ୍ଜାସି ପାୟୁଡ଼ି ଆଡେସି, ଇଞ୍ଜା ଏଚେକା ଲକୁ ଏଞ୍ଜାଣି ତାଣା ବାସୁ କିହାମାଚେରି, ଏଞ୍ଜାରି ବାରେ ଇତାଲା ଆତାଲା ଆହା ଏନି କାମାତା ହାଆତେରି । ୩୭ ଏ ଲକୁତି ଜେତ ଲକୁଣି ଏଜିକିନି ବେଲାତା ଗାଲିଲିତି ଜୀହୁଦା ଇନାସି ହଚାନା ଲକୁଣି ତାନି ଝାକି ରେଜା ଅହାନା ତାନି ସୀସୁୟା କିତେସି; ଏଞ୍ଜାସି ଜିକେଏ ପାୟୁଡ଼ି ଆଡେସି, ଇଞ୍ଜା ଏଚେକା ଲକୁ ଏଞ୍ଜାଣି ଜେତ ଆଣ୍ଡାମାଚେରି, ଏଞ୍ଜାରି ବାରେ ଇତାଲା ଆତାଲା ଆହାହାଚେରି । ୩୮ ଇଞ୍ଜା ନୀଏ ନାନ୍ଦୁ ମିଙ୍ଗେ ଝେସିମାଞ୍ଜାଲ୍, ମୀରୁ ଇ ଲକୁଣି ଏନାଆଁ କିଆନା ଏଞ୍ଜାରାଲ୍ ପିସାତୁହୁଦୁ, ଇଚିହୁଁ ଇ କାତା କି କାମା ମାଣସି ତାଣାଟି ଆହାମାନେ, ଇଚିହୁଁ ଏଦି ଉଜେଏ ଆନେ; ୩୯ ସାମା ଏଦି ମାହାପୁରୁ ତାଣାଟି ଆହାମାନେ, ଇଚିହୁଁ ମୀରୁ ଏଞ୍ଜାରାଲ୍ ଜୀଣା ଆନି ସାସା ହିଲେଏ, ଇଚିହୁଁ ମୀରୁ ମାହାପୁରୁ କପାଟି ଜୁଜୁ କିହିମାଞ୍ଜେରି ଇଞ୍ଜା ତଞ୍ଜା ଆଦେରି !” ଏ ବାରେ କୁଟମି ଗମଲିୟେଲ କାତାଟି ଝେଚେରି । ୪୦ ଇଞ୍ଜା ପାଣ୍ଡୁଡ଼ି ଆଡାରାଲ୍ ବିତ୍ରା ହାଚାନା ସାଚୁଣି ମାଡା ଝେଚାନା ଜୀସୁ ଦରୁତି କାତା ଝେହୁଆଦୁ ଇଞ୍ଜା ହୁକୁମି ହାହାନା ପିସ୍ତେରି । ୪୧ ମାହାପୁରୁ ନକିତା ଏଞ୍ଜାରି ଜୀସୁ ଦରୁ ତାକି ଲାଜା ବେଟାଆହାଲି ଜଚେ ଇଞ୍ଜା ଅଣପାମାଚେରି, ଏଦାଆଁତାକି ଏଞ୍ଜାରି ରାହାଁ କିହୁଁ କୁଟମି ବିତ୍ରାଟି ହଚାଞ୍ଜାଚେରି; ୪୨ ଅଡେ, ଏଞ୍ଜାରି ଦିନାତାକି ଦିନା ମାହାପୁରୁ ଇଲୁତା ଇଞ୍ଜା ଇଲୁତାକି ଇଲୁ ଜାପହାଲି ଇଞ୍ଜା ଜୀସୁଏ ମସିହା, ଇ ନେହୁଁ କାରୁ ଝେକହାଲି ଉଣା ଆଆତେରି ।



ସାତା ଜାଣାଟି କାମା ହେରପିନାୟି

୧ ଏମ୍ବାଟିଏ ସୀସୁୟାଁ ହାରେ ହାରେକା ଜାଣା ଆହାଲି ମାଚୁହେରି, ଗ୍ରିକ୍ ଜଲିନି ଜୀହୁଦି ଲକୁ ଏବି ଜଲିନି ନାମିତି ଲକୁଣି ଲାଜା କିହାଲି ମାଚୁହେରି, ଏନାଆଁତାକି ଇଚିହୁଁ ଦିନାତାକି ଦିନା କାଦିକଣ୍ଡା ବାଟିକିନି ବେଲାତା ରାଣ୍ଡେଣିସିକାକି ହାହି ହିଲାଆତେରି । ୨ ଏମ୍ବାଟିଏ ବାରଜାଣା ସୀସୁୟାଁ ବାରେ ନାମିତି ଲକୁଲ୍ ର ତାଣା କୁଡ଼ି କିହାନା ଏଲେଇଚେରି, “ମାହାପୁରୁତି ବଲୁ ଝେକହାଲି ପିସାହାଁ ବାଟି କିହାଲି ହିକିତିହୁଁ ନେହେଁ ଆଏ । ୩ ଇଦାଆଁତାକି ଏ ତାୟିୟାଁ ଅଡେ ତାଜିସ୍ତା, ମୀ ବିତ୍ରାଟି ନେହାରି ଇଞ୍ଜା ଝେଜିତି ସୁଦୁଜୀଝୁ ତଲେ ନେଞ୍ଜାମାନି ବୁଦିଗାଟି ସାତା ଜାଣାଲ୍ ଆଚାଦୁ, ଏଞ୍ଜାରାକି ଇ ବାଟିକିନି କାମା ହେରପାଦୁ । ୪ ଆତିହୁଁ ମାମ୍ବୁ ପ୍ରାତାନାତା ଇଞ୍ଜା ବଲୁ ଝେହୁନି ସେବା କାମାତା ରଣ୍ଡିଏ ଅଣ୍ଡପୁ ତଲେ ଡୟିନମି ।”

୫ ଇ କାତା ବାରେ ଲକୁତି କାନୁତା ନେହୁଁ ତଞ୍ଜାଆଡେ, ଇଞ୍ଜା ଏଞ୍ଜାରି ନାମ୍ବୁ ଅଡେ ସୁଦୁଜୀଝୁତା ନେଞ୍ଜାମାନି ସ୍ତ୍ରୀପାନ ଦରୁ ଗାଟାଣାଲ୍ ଇଞ୍ଜା ପିଲିପ, ପ୍ରକର, ନିକାନର, ତିମନ, ପାର୍ମନା, ଅଡେ ଆନ୍ତ୍ରୟକିୟାତି ତଲି ଜୀହୁଦି ଦାମ୍ବୁତା ଆଣ୍ଡାମାଟି ନିକଲାୟଲ୍ ଆଟିଚେରି, ୬ ଏଞ୍ଜାରି ଏଞ୍ଜାରାଲ୍

ପାଣ୍ଡୁଡ଼ି ଆଡାରି ତାଣା ତାଚେରି, ଇଞ୍ଜା ଏଞ୍ଜାରି ଲାକ କେସ୍ତା ଇଟାନା ପ୍ରାତାନା କିଚେରି ।

୭ ଏଚେଟିଏ ମାହାପୁରୁତି ବଲୁ ହାରେକା ଝେଜିତେ, ଇଞ୍ଜା ଜିରୁସାଲମତା ସୀସୁୟାଁ ହାରେକା ପାତାଆହାଲି ମାଚୁହେରି; ଅଡେ ପୂଜେରାଜା ବିତ୍ରାଟି ହାରେକା ଜାଣା କ୍ରୀସ୍ତଲ୍ ନାମାଲି ମାଚୁହେରି ।

ବେରଣିମାଣ୍ଡାତା ସ୍ତ୍ରୀପାନ

୮ ସ୍ତ୍ରୀପାନ ମାହାପୁରୁତି କାର୍ମା ଇଞ୍ଜା ବାଡ଼ୟୁ ବେଟାଆହାନା ଲକୁ ବିତ୍ରା କାଜା କାଜା କାବାଆନି କାମା ଅଡେ ସିନାୟାଁ କିହାଲି ମାଚୁହେସି । ୯ ସାମା ଲିବର୍ତନ, କୁରିଣି ଅଡେ ଆଲେକଜାଣ୍ଡିୟା ଗାଡାୟାଣା ବାସା କିହାମାନି ଦରୁତା ଝେଜାମାନି ଜୀହୁଦି ଲକୁତି ପ୍ରାତାନା ଇଲୁତି ଏଚେକା ଲକୁ ଅଡେ କିଲିକିୟା ଇଞ୍ଜା ଆସିୟା ଦେସାତି ଏଚକା ଜୀହୁଦିକା ନିଜାନା ସ୍ତ୍ରୀପାନ ତଲେ ବାଦିବାଦା ଆଡେରି । ୧୦ ସାମା ଏଞ୍ଜାସି ଆମିନି ସୁଦୁଜୀଝୁ ଅଡେ ବୁଦିତଲେ ଜଲିମାଚେସି, ଏଞ୍ଜାରି ଏ କାତାଟି ଝେଣ୍ଡେ ଜଲାଲି ସାସା କିହିହିଲାଆତେରି । ୧୧ ଏଚେଟିଏ ଏଞ୍ଜାରି ଏଚରଜାଣାଟି ମାଡ଼ି କିହାନା ଏଲେଇଞ୍ଜି ଝେସାଲି ଜାପହେରି, “ମାମ୍ବୁ ଇଞ୍ଜାଣି ତାଣାଟି ମସା ଅଡେ ମାହାପୁରୁ ନିନ୍ଦା କାତା ଜଲିମାଚାଣି ଝେଞ୍ଜାମାନମି ।” ୧୨ ଅଡେ, ଏଞ୍ଜାରି ବାରେ ଲକୁଣି, ଇଞ୍ଜା ପ୍ରାଟିନାଜାଣି ଅଡେ ମେରା ପୁନାରାଲ୍ କାର୍ବି କିହାନା ଏଞ୍ଜାଣାଲ୍ ବାଡ଼ୟୁ ତଲେ ଆସାନା ବେରଣିମାଣ୍ଡାତା ତାଚେରି, ୧୩ ଇଞ୍ଜା ମିଟି ସାକି ହୀନାରାଲ୍ ନିପହାନା; ଏଞ୍ଜାରାଲ୍ ଏଲେଇଚେରି, “ଇଞ୍ଜାସି ଇ ସୁଦୁ ପ୍ରାତାନା ଇଲୁ ଇଞ୍ଜା ମସା ମେରାଟି କପାଟି ଜଲାଲି ଉଣା ଆହିହିଲଅସି, ୧୪ ଇଚିହୁଁ ନାଜ୍ବିତ ଜୀସୁ ମାହାପୁରୁ ଇଲୁତି ମ୍ବେକନେସି, ଇଞ୍ଜା ମସା ମାଙ୍ଗେ ଆମିନି ମେରା ହୀହାମାଞ୍ଜାନେସି, ଏ ବାରେ ତିରିମ୍ବୁପନେସି ଇଞ୍ଜା ଝେସିମାଚାଣି ମାମ୍ବୁ ଝେଞ୍ଜାମାନମି ।” ୧୫ ଏଚିବେଲା ବେରଣିମାଣ୍ଡାତା କୁଗାମାଟି ବାରେ ଲକୁ ସ୍ତ୍ରୀପାନଲ୍ ଆଚେ ସିନକିଚେରି, ଏଞ୍ଜାଣି ମ୍ବୁଦୁଡ଼ି ମ୍ବୁଲେହେଁ ଉଜେଡ଼ି ତଞ୍ଜାଆଡେ ।



ସ୍ତ୍ରୀପାନ ଝେହୁନାୟି

୧ ଏଚେଟିଏ କାଜା ପୂଜେରା ସ୍ତ୍ରୀପାନଲ୍ ଝେଚେସି, “ଇ ବାରେ କାତା ସାତା କି ?”

୨ ସ୍ତ୍ରୀପାନ ଏଲେଇଚେସି, “ତାୟିୟାଁ ଅଡେ ଆବାୟାତେରି ଝେଞ୍ଜୁ ! ମା ଆବା ଅବ୍ରାହାମ ହାରଣତା ବାସାଆନି ନକେଏ ଏଚିବେଲା ଏଞ୍ଜାସି ମେସପଟାମିୟାଁ ଦେସାତା ମାଚେସି, ଏଚିବେଲା ଗାଝୁରମିଗାଟି ମାହାପୁରୁ ଏଞ୍ଜାଣାଲ୍ ତଞ୍ଜାଆଡେସି, ୩ ଅଡେ ଏଲେଇଚେସି ‘ନୀନ୍ଦୁ ମୀ ଇଲୁ କୁଟମି ଇଞ୍ଜା ମୀ ଦେସାଟି ହଚା ଝାମ୍ବୁ, ଇଞ୍ଜା ନୀନ୍ଦୁ ଆମିନି ଦେସା ତସ୍ତାଲ୍ ଏ ଦେସାତା ହାଲାମ୍ବୁ ।’ ୪ ଏଚେଟିଏ ତାନି କଲଦିୟାଁ ଦେସାଟି ହଚାଞ୍ଜାହାନା ହାରଣତା ବାସା କିଚେସି, ଇଞ୍ଜା ଅବ୍ରାହାମଟି ଆବା ହାଡ଼ି ତାୟୁ

ଏମ୍ବାଟିଏ ମୀରୁ ନୀର୍ବି ଆମିନି ଦେସାତା ବାସା କିହାମାଞ୍ଜେରି, ମାହାପୁରୁ ଏ ଦେସାତା ଏଞ୍ଜାଣାଲ୍ ତାଟିହ୍ ଖାଡ଼େସି, ୫ ଅଡ଼େ, ମାହାପୁରୁ ଅବ୍ରାହାମକି ଏମ୍ବାଆଁ ଏନି ଅଦିକାରା ହୀଆଡେସି, ଅଡ଼େ ର ପାଞ୍ଜୁଲି ଝିହ୍ନି ବୁମିଗାରି ଜିକେଏ ହୀଆଡେସି, ଇଞ୍ଜା ଏଟିବେଲା ଏଞ୍ଜାଣାକି ପଦି ପଦା ହିଲାଆତି ଜିକେଏ ଏଞ୍ଜାସି ଏଞ୍ଜାଣାଲ୍ ଇଞ୍ଜା ତାନି ଝାହିମାନି କୁଡ଼ାତାରିକି ଏଦାଆଁ ଅଦିକାରା କିହାଲିତାକି ହୀଲ୍ ଇଞ୍ଜା ଆଞ୍ଜିଡେସି । ୬ ଇଞ୍ଜା ମାହାପୁରୁ ଇଲେଇଞ୍ଜା ଝେସ୍ତେସି, ‘ତାନି କୁଡ଼ାତାରି ଏଟକା ଦେସାତା ବାସା କିନେରି ଇଞ୍ଜା ଏ ଟାୟୁତି ଲକୁ ଏଞ୍ଜାରାଲ୍ ସାରି ଝାଞ୍ଜା ବାର୍ସା ପାଡେକା ହଲିୟାଞ୍ଜା କିହା ଏଞ୍ଜାରାଲ୍ ଝେଟି କାମା କିଝି କିହାନା ସାସି ହୀନେରି ।’ ୭ ଅଡ଼େ ମାହାପୁରୁ ଏଲେଇଡେସି, ନାନୁ ଏଞ୍ଜାରାଲ୍ ହଲିୟା କାମା କିଝିକିନାରାଲ୍ ବିଚାରା କିଲ୍; ଅଡ଼େ ତାୟୁ ମୀ କୁଡ଼ାତାରି ଏ ଦେସାଟି ହଟା ଝାଡ଼ନେରି ଅଡ଼େ ଇ ଟାୟୁତା ନାଞ୍ଜେ ପ୍ରାଡ଼ାନା କିୟାନେରି । ୮ ଅଡ଼େ ମାହାପୁରୁ ଅବ୍ରାହାମକି ତଲୁ ଦାଝିନି ରାଜିମାନା ସିନାତି ହୀଡେସି, ଇଞ୍ଜା ଏଲେକିହ୍ ଏ ଅବ୍ରାହାମ ଇସାହାକଲ୍ ଜାନ କିହାନା ଆଟାଦିନା ଆହାଲିଏ ଏଞ୍ଜାଣି ତଲୁ ଦାଡେସି; ଇସାହାକ ଜାକୁବଲ୍, ଅଡ଼େ ଜାକୁବ ବାରଜାଣା ଝେଞ୍ଜିତି ଆକୁ ଆବାୟାଣି ଜାନ କିହାନା ତଲୁ ଦାପିକିଡେସି ।”

୯ “ଜାକୁବ ମୀରୁଏସି ଜସେପଲ୍ ତାନି ତାୟିୟା ତାହାରା ଆହାନା ମିସର ଦେସାତା ଅଞ୍ଜିଆୟାଲି ଏଞ୍ଜାଣାଲ୍ ପାରଡେରି; ସାମା ମାହାପୁରୁ ଏଞ୍ଜାଣିତଲେ ମାଡେସି, ୧୦ ଅଡ଼େ ବାରେ କସ୍ତୁଟି ଜସେପଲ୍ ଗେଲୁପାହାଁ ମିସରତି ପାର ରାଜା ନକିତା ମାହାପୁରୁ କାର୍ମା ତସାହାଁ ବୁଦି ହୀଡେସି; ଏମ୍ବାଟିଏ ପାର ଜସେପଲ୍ ମିସର ଦେସା ଇଞ୍ଜା ତାନି ଇଲୁତି ସାଲୁଝି କିହାଲି ଅଦିକାରା ହୀଡେସି । ୧୧ ତାୟୁ ମିସର ଇଞ୍ଜା କିଶାନ ଦେସାତା କାର୍ଝୁ କାଡ଼ାରା ଆଡେ, ଲକୁ ହାରେକା କସ୍ତୁ ଆଡେରି, ମା ଆକୁ ଆବାୟାଁ ତିଞ୍ଜାଲି କାଦିକଣ୍ଡା ବେଟାଆଆଡେରି, ୧୨ ସାମା ମିସର ଦେସାତା ଆର୍ନା ମାନେ ଇଞ୍ଜା ଝେଞ୍ଜାନା, ଜାକୁବ ତାନି ମୀରୁକା ଇଟିହ୍ ମା ଆକୁ ଆବାୟାଁଣି ତଲିଏ ପାଣ୍ଡିଡେସି । ୧୩ ଏଞ୍ଜାରି ଅର ଦେବା ହାଜାଲିଏ ଜସେପ ତାନି ତାୟିୟା ତାଣା ପୁଣ୍ଡି କିହା କଡିଡେସି, ଇଞ୍ଜା ମିସରତି ରାଜା ପାର ଜସେପ କୁଡ଼ାତାରି ଇଞ୍ଜା ପୁଡେସି । ୧୪ ଏମ୍ବାଟିଏ ଜସେପ ତାନି ଆବା ଜାକୁବ ଇଞ୍ଜା ତାନିକଡ଼ି ପନ୍ଦର ଜାଣା ତାନି କୁଟମିତି ହାଟାଲି ପାଣ୍ଡିଡେସି, ୧୫ ଏମ୍ବାଟିଏ ଜାକୁବ ମିସର ଦେସାତା ହାଡେସି; ଇଞ୍ଜା ଏଞ୍ଜାସି ଅଡ଼େ ତାନି ମୀରୁକା ଏମ୍ବାଆଁ ହାଡେରି । ୧୬ ଇଞ୍ଜା ଏଞ୍ଜାରି ମାଡ଼ହା ସିକିମତା ଅଞ୍ଜିଆଡେ, ଇଞ୍ଜା ଅବ୍ରାହାମ ଏମ୍ବାଆଁ ହମର ମୀରୁକା ତାଣାଟି ଆମିନି ମାହାଣି ମାଣ୍ଡା ଟାକାୟାଁ ହୀହାଁ କଡାମାଡେସି, ଏମ୍ବାଆଁ ମୁସପି ଆଡେରି ।”

୧୭ “ସାମା, ମାହାପୁରୁ ଅବ୍ରାହାମ ନକିତା ଆଞ୍ଜାମାଟି ଲେହେଁ, ଏ ଆଞ୍ଜାମାନାୟି ପୁରା ଆନି କାଲା ଝାହାଲିଏ ମା ଲକୁ ମିସର ଦେସାତା ହାରେକା ଗାଡ଼ି ପାଡା ଆଡେରି

। ୧୮ ତାୟୁ ମିସର ଦେସାତା ଅଡ଼େ ର ରାଜା ଆଡେସି, ଏଞ୍ଜାସି ଜସେପଲ୍ ପୁଞ୍ଜା ହିଲାଆଡେସି । ୧୯ ଏଞ୍ଜାସି ମା ଆକୁ ଆବାଣି ଝେପିକିଡେସି ଅଡ଼େ ସାସି ହୀଡେସି, ତାନି କକାରି ହାପାରିଝା ଇଞ୍ଜା ଇଲୁଟି ପାଞ୍ଜାତା କୁଡ଼ସାଲି ହୁକୁମି ହୀଡେସି । ୨୦ ଏଟିବେଲାତା ମସା ଜାର୍ନା ଆଡେସି, ଏଞ୍ଜାସି ମାହାପୁରୁ ନକିତା ହାରେକା ଅଜିତାସି ଇଞ୍ଜା ତାନି ଲେଞ୍ଜୁ ପାଡେକା ତାନି ଆବା ଇଜ ପହିକିଝି ଆଡେସି । ୨୧ ତାୟୁ ଏଟିବେଲା ଏଞ୍ଜାସି ପାଞ୍ଜାତା ମେଡ଼ପି ଆଡେସି, ଏଟିବେଲା ପାର ରାଜା ମାଞ୍ଜା ଏଞ୍ଜାଣାଲ୍ ଅହାନା ତାନି ମୀରୁଏଣା ଲେହେଁ ପହିକିଡେ । ୨୨ ଅଡ଼େ ମସା ମିସର ଲକୁଟି ବାରେ ବୁଦି ଜାପାନା କାତାତା ଅଡ଼େ କାମାତା ଝେଞ୍ଜିଡେସି ।”

୨୩ “ମସାକି ରୀ କଡ଼ି ବାର୍ସା ଆୟାଲିଏ ତାନି ତାୟିୟା ଇଟିହ୍ ଇସ୍ରାୟେଲ ଲକୁଟି ମାସ୍କା ମୀରୁକାଣି ଏନିକିହ୍ ଲେମ୍ଫି ଆହିମାନେ ଇଞ୍ଜା ପୁଞ୍ଜାଲି ଅଣପିଡେସି । ୨୪ ଏଞ୍ଜାସି ରଅଣାଲ୍ ମିସରତାସି ଗଡ଼ହା କିହିମାଟାଣି ମେସ୍ତେସି, ଏଞ୍ଜାଣାଲ୍ ସାୟେମି କିହାଲି ହାଡେସି ଅଡ଼େ ବାଦୁଲି ଅହାନା ଏଞ୍ଜାଣାଲ୍ ପାୟିଡେସି । ୨୫ ଏଞ୍ଜାଣି କେୟୁଟି ମାହାପୁରୁ ତାନି ତାୟିୟାଣି ଗେଲୁପି ମାନେସି, ଇଦାଆଁ ଏଞ୍ଜାରି ପୁଞ୍ଜାଲି ଆଡ଼ିନେରି ଇଞ୍ଜା ଅଣପିମାଡେସି, ସାମା ଏଞ୍ଜାରି ପୁଞ୍ଜାଲି ଆଡ଼ାଆଡେରି । ୨୬ ତାନି ଅର ଦିନା ଇସ୍ରାୟେଲ ଲକୁ ରିଆରି ମାଡ଼ା ଆହିମାଟାଣି ମେସ୍ତେସି, ଇଞ୍ଜା ଏଞ୍ଜାରାଲ୍ ଆଣ୍ଡୁଝି କିହାଲି ମାଦି ଆହାଁ ଏଲେଇଡେସି, ‘ଆଡ଼େ, ମୀରୁଡ଼ ଇସ୍ରାୟେଲ ତାୟିୟାଡେରି; ଏନାଆଁତାକି ଇଲେଆହ୍ ଗଡ଼ହା ଆହିମାଞ୍ଜେରି ?’ ୨୭ ସାମା ଆମିନିଗାଟାସି ପାଡ଼ିତାଣାଲ୍ ଲାଗେଏ କିହିମାଡେସି, ଏଞ୍ଜାସି ମସାଲ୍ ମେଡାନା ଏଲେଇଡେସି, ‘ଆମ୍ବାଆସି ନିଞ୍ଜେ ମା ଲାକ ସାଲୁଝି କିହାଲି ଅଡ଼େ ନୀହାୟି କିହାଲି ହିୟାଡେସି ?’ ୨୮ ‘ରେଝଏନି ଏନିକି ମିସର ତାଣାଲ୍ ପାୟାମାଟି, ଏଲେକିହ୍ କି ନୀନୁ ନାଞ୍ଜେ ପାୟାଲି ଅଣପିମାଞ୍ଜାଦି ?’ ୨୯ ଇ କାତା ଝେଞ୍ଜାନା ମସା ମିଦିୟନ ଦେସାତା ହାଜାନା ବାସା କିଡେସି; ଇଞ୍ଜା ଏମ୍ବାଆଁ ରୀ ମୀରୁକା ଜାର୍ନା ଆଡେରି ।”

୩୦ ତାୟୁ ରୀ କଡ଼ି ବାର୍ସା ଆୟାଲିଏ, ସିନୟ ହରୁ ତାଗେତି ଜାଡ଼ାତା ର ଦୁଡୁ ର ବୁଟାତା ହିରୁ ତାଞ୍ଜାନା ତଞ୍ଜାଆଡେସି । ୩୧ ମସା ଏଦାଆଁ ମେସାନା ଆତାଜାକା ଆଡେସି, ଇଞ୍ଜା ନେହ୍ କି ସିନିକିହାଲି ତାଗେ ହାଜିମାଟି ବେଲାତା ପ୍ରବୁତି ଇ ହାଡ଼ା ଝେଡେସି, ୩୨ “ନାନୁ ମୀ ଆକୁ ଆବାୟାଁ ମାହାପୁରୁ, ଅବ୍ରାହାମତି, ଇସାହାକ ଅଡ଼େ ଜାକୁବତି ମାହାପୁରୁ” ଏଡେଟିଏ ମସା ଆଜିତାକି ନେହ୍ କି ସିନିକିହାଲି ସାସା କିଆଡେସି । ୩୩ ପ୍ରବୁ ଏଞ୍ଜାଣାଲ୍ ଏଲେଇଡେସି, “ନୀ କଡ଼ାଡି ସେପୁୟାଁ ହୁକୁମି, ଇଟିହ୍ ନୀନୁ ଆମିନି ଟାୟୁତା ନିଚାମାଞ୍ଜି ଏଦି ସୁଡୁଗାଟି ଟାୟୁ । ୩୪ ମିସରତା ନା ଆମିନି ଲକୁ ମାନେରି, ନାନୁ ଏଞ୍ଜାରି କସ୍ତୁ ମେସାମାଲ୍, ଅଡ଼େ ଏଞ୍ଜାରି ତାହିମାନାଣି ଝେଞ୍ଜାମାଲ୍, ଇଞ୍ଜା

ଏଞ୍ଜରାଈଁ ଗେଲ୍‌ପାଲି ରେଚା ଖାହାମାଈଁ; ଇଞ୍ଜାଁ ନୀର୍ବ୍ୟ ଖାମ୍ବୁ ନାନୁ ନିଞ୍ଜେ ମିସର ଦେସାତା ପାଣ୍ଡାଈଁ ।”

୩୫ “ମସାଈଁ ଇସ୍ରାୟେଲତି ଲକୁ ଅପାଆତେରି । ଏଞ୍ଜାରି ଏଞ୍ଜାଣାଈଁ ଏଲେଇଚେରି, ‘ମାଞ୍ଜେ ସାଲ୍‌ଞ୍ଜି କିହାଲି ଅଡେ ନୀର୍ହାୟି କିହାଲି ଆମ୍ବିଟି ଅଦିକାରା ବେଟାଆତି ? ଏଞ୍ଜାଣାଈଁ ମାହାପୁରୁ ଲକୁଣି ସାଲ୍‌ଞ୍ଜି କିହାଲି ଅଡେ ମୁକ୍‌ଲ୍‌ଞ୍ଜି କିହାଲି ଦୁଡୁତି ସାୟେମି ତଲେ ହିରୁ ଡଞ୍ଜିମାନି ବୁଟାତା ତଞ୍ଜାଆହାନା ପାଣ୍ଡାତେସି । ୩୬ ଏଞ୍ଜାସି ଲକୁଣି ମିସର ଦେସାଟି, ସୁପ ସାମ୍‌ଦୁରି, ଇଞ୍ଜାଁ ରୀ କଡ଼ି ବାର୍ସା ପାତେକା ବାଟାତା ହାରେକା କାବାଆନି କାମା ଅଡେ ସିନାୟାଁ ତସାହାଁ ଏଞ୍ଜରାଈଁ ହପ୍‌ହା ତାତେସି । ୩୭ ଏ ମସା ତାନୁଏ ଇସ୍ରାୟେଲ ମୀରକାଣି ଏଲେଇଚେସି, ମାହାପୁରୁ ମୀ ତାୟିୟାଁ ବିତ୍ରାଟି ମିଞ୍ଜେତାକି ନା ଲେହେଁକି ର ମାହାପୁରୁ ଅଣ୍‌ପୁତି ବଲୁ ଖେହ୍‌ନାଣାଈଁ ହିୟାନେସି ।’ ୩୮ ଏ ମସା ବାଞ୍ଜଲି ବାଟାତା କୁଡ଼ା ଆହାମାନି ଇସ୍ରାୟେଲ ଲକୁତଲେ ମାଚେସି । ସିନୟ ହରୁତା ତାନିତଲେ କାତା ଆହିମାଟି ଦୁଡୁ ଇଞ୍ଜାଁ ମା ଆକୁ ଆବାୟାଁ ବିତ୍ରା ମାଦିତାସି ମାଚେସି; ଏଞ୍ଜାସି ମିଞ୍ଜେ ହାହାଲିତାକି ମାହାପୁରୁ ତାଣାଟି ଜୀଞ୍ଜୁତି ବଲୁ ବେଟାଆତେସି ।”

୩୯ “ସାମା ମା ଆକୁ ଆବାୟାଁ ଏଞ୍ଜାଣି କାତା ଆହ୍‌ଆନା ଏଞ୍ଜାଣାଈଁ ଅପାଆତେରି, ଅଡେ ମିସର ଦେସାତା ଖେଣ୍ଡା ହାଜାଲି ମନ କିତେରି, ୪୦ ଏଦାଆଁତାକି ଏଞ୍ଜାରି ହାରଣାଈଁ ଏଲେଇଚେରି । ‘ମା ନକି ନକିତା ହାଜାଲି ମାଞ୍ଜେତାକି ପେଣକାଣି କେପାମୁ, ଇତିହ୍ୟଁ ମାଞ୍ଜେ ମିସର ଦେସାଟି ହପ୍‌ହା ତାତାତି ମସାକି ଏନାଆଁ ଆଡେ ମାମ୍ବୁ ପୁଞ୍ଜାହିଲଅମି ।’ ୪୧ ଅଡେ, ଏତିବେଲାତା ଏଞ୍ଜାରି ର କଡ଼ି ଡାଲୁତି ବମା କେପାନା ଏ ବମା ତାକି ପୂଜା ହାହାନା ତାନି କେୟୁଟି କେପିତି ଆସ୍ତି ତାକି ରାହାଁ କିତେରି । ୪୨ ସାମା ମାହାପୁରୁ ଏଞ୍ଜାରି ତାଣାଟି ଏଟକା ଆହାନା ଏଞ୍ଜରାଈଁ ହାଗୁଲକତି ହୁକାୟାଁଣି ସେବା କିୟାଲି ପିସ୍ତେସି, ଏନିକ୍ୟଁ ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି ପତିତା ରାସ୍‌କି ଆହାମାନେ;

‘ଏ ଇସ୍ରାୟେଲ କୁଡ଼ାତେରି,
ବାଟାତା ରୀ କଡ଼ି ବାର୍ସା ପାତେକା ମୀରୁ ନାଞ୍ଜେତାକି
କଡ଼ି ଗରି ପୂଜା କିହାହିଲାଆତେରି ।

୪୩ ମୀରୁ ପୂଜା କିହାଲି ଆମିନି ବମାୟାଁ କେପାମାଚେରି,
ଏ ମଲକ ପେନୁତି ତୁମ୍ବୁ ଅଡେ ରମ୍‌ପାନ ପେନୁତି
ହୁକାତି ମୀରୁ ଆସାନା ସେବା କିତେରି,
ଏଦାଆଁତାକି ନାନୁ ମିଞ୍ଜେ ବାବିଲନ ଆତାଲା ବାସା
ଆୟାଲି ପାଣ୍ଡାଈଁ ।”

୪୪ “ନାନୁ ଏନିକ୍ୟଁ ମେସାମାଞ୍ଜି, ଏଲେକିହ୍ୟଁ ଏ ସାକି ହାନି ତୁମ୍ବୁ ଇଲୁ କେପାମୁ ଇଞ୍ଜ୍ୟଁ ମସାକି ଆମ୍ବାଆସି ଖେସାମାଚେସି, ଏଞ୍ଜାଣି ହୁକୁମି ତଲେ ମା ଆକୁୟାଁ ବାଟାତା ସାକି ହାନି ତୁମ୍ବୁ ଇଲେ କେପାମାଚେରି । ୪୫ ତାୟୁ ମା ଆକୁ ଆବାୟାଁ ଏଦାଆଁ ତାନି ଆବାୟାଁ ତାଣାଟି ବେଟାଆତେରି ଇଞ୍ଜାଁ ଜିହସ୍ତୟ ତଲେ ତାକିମାଟିବେଲା ଏଞ୍ଜାରି ଏଦାଆଁ ଡେକା ଅଡେରି, ଏମ୍ବାଟିଏ ମାହାପୁରୁ ଏଞ୍ଜାରି ନକିତା ମାଟି

ବାରେ କୁଡ଼ାତି ଲକୁଣି ପେର୍‌ହା ତୁସାଲିଏ, ଇସ୍ରାୟେଲ ଲକୁ ଇଞ୍ଜାରି ଦେସା ଜୀଣାଆହାନା ଇ କୁଡ଼ାଆନି ତୁମ୍ବୁ ଇଲୁ ଏମ୍ବାଆଁ ତାଚାନା ଇଟିତେରି, ଇଞ୍ଜାଁ ଏଦି ଦାଞ୍ଜୁଦ ରାଜା ପାତେକା ଏମ୍ବାଆଁ ତୟିତେ । ୪୬ ଦାଞ୍ଜୁଦ ମାହାପୁରୁ ନକିତା କାର୍ମା ବେଟାଆହାନା, ଜାକୁବତି ମାହାପୁରୁକି ର ବାସାଗାୟୁ କିହାଲି ପ୍ରାତାନା କିତେସି । ୪୭ ସାମା ସଲମନ ମାହାପୁରୁକି ଏ ଇଲୁ କେପିତେସି ।”

୪୮ “ସାମା ବାଡୁୟୁ ଗାଟି ମାହାପୁରୁ ମାଣ୍‌ସି କେୟୁତଲେ କେପିତି ଇଲୁତା ବାସା କିଅସି; ଏନିକ୍ୟଁ ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି ଖେସାମାନେରି ।”

୪୯ ପ୍ରବୁ ଏଲେଇଞ୍ଜା ମାନେସି, “ଲାକପୁରୁ ନା ସିଂଗାସାଣି,
ଦାରତି ନା କଡ଼ା ଇଟିନି ଗାୟୁ,
ମୀରୁ ନା ତାକି ଏନିଲେହେଁତି ଇଲୁ କେପିଦେରି ?
ଇଞ୍ଜାଁ ନା ଜମିନି ଗାୟୁ ଏମ୍ବିୟାମାନେ ?

୫୦ ନା କେୟୁ ଇ ବାରେ ଗାଡ଼ି କିହାହିଲେଏ କି ?”

୫୧ ସ୍ତ୍ରୀପାନ ଏଲେଇଚେସି, “ମୀରୁ ଏଚେକା ମୁଣ୍ଡି ଗାଟାତେରି, ଇଞ୍ଜାଁ ଅଟ୍‌ହା କଡ଼ାଆତି ହିୟାଁ ଗାଟାତେରି ଅଡେ ମାହାପୁରୁତି ବଲୁ ତାକି କୀର୍କା ଖେନାଆ ଗାଟାତେରି, ମୀରୁ କାଲେଏ ସୁଦୁଜୀଞ୍ଜୁତି କସ୍ତ୍ର ହାହିମାଞ୍ଜେରି; ମୀ ଆକୁ ଆବାୟାଁ ଏନିକ୍ୟଁ ମୀରୁ ଜିକେଏ ଏଲେତାତେରି ।

୫୨ ମାହାପୁରୁ ଅଣ୍‌ପୁତି ବଲୁ ଖେହ୍‌ନାରାଈଁ ଆମ୍ବାଆରାଈଁ ଜିକେଏ ମୀ ଆକୁ ଆବାୟାଁ ନିନ୍ଦା କିହାହିଲାଆତେରି ? ଆମିନି ଗାଟାରି ଏ ଦାମ୍‌ଗାଟାସି ଖାନ୍ତି କାତା ନକେଏ ଖେସାମାଚେରି, ଏଞ୍ଜରାଈଁ ଏଞ୍ଜାରି ପାୟିତେରି; ନୀର୍ବ୍ୟ ମୀରୁ ଏଞ୍ଜାଣାଈଁ ସାତୁୟାଁ କେୟୁତା ହେର୍‌ପାନା ପାୟିତେରି ।

୫୩ ମୀରୁ ମାହାପୁରୁତି ମେରା ବେଟାଆହା ମାଚେରି, ଏ ମେରା ଦୁଡୁୟାଁ ତାଣାଟି ହୀପକି ଆହାମାଚେ, ଆଡ଼ିଜିକେଏ ମୀରୁ ଏଦାଆଁ ନାମାଆତେରି ।”

ଞ୍ଜାଲକାତଲେ ସ୍ତ୍ରୀପାନଈଁ ପାୟିନାୟି

୫୪ ସ୍ତ୍ରୀପାନ ବେରଣିମାଣ୍ଡାତା କୁଗାମାଟି ଲକୁଈଁ ଇ ବାରେ କାତା ଖେସ୍ତେସି, ଏମ୍ବାଆଁ ମାଟି ପାରୁସି ଇଞ୍ଜାଁ ବାରେ କୁଡ଼ା ଆହାମାଚାରି କାରୁବି ଆହାଁ ପାଲକା ଟୀଟି କିହାଲି ମାଟ୍‌ହେରି । ୫୫ ସାମା ସ୍ତ୍ରୀପାନ ସୁଦୁଜୀଞ୍ଜୁ ତଲେ ନେଞ୍ଜାନା ଲାକପୁରୁ ଞ୍ଜାକି ସିନିକିତେସି, ଇଞ୍ଜାଁ ମାହାପୁରୁତି ଗାଞ୍ଜୁରମି ଅଡେ ଜୀସୁଈଁ ମାହାପୁରୁତି ଚିଞ୍ଜିଞ୍ଜାକି ନିଚାମାନାଣି ମେସାନା ଏଲେଇଚେସି । ୫୬ “ମେହ୍‌ଦୁ ନାନୁ ଲାକପୁରୁ ଦେପିଆହାମାନାଣି ଅଡେ ମାଣ୍‌ସି ମୀରୁଏସି ମାହାପୁରୁତି ଚିଞ୍ଜିଞ୍ଜାକି ନିଚାମାନାଣି ମେସିମାଈଁ !”

୫୭ ଏ କାତା ଖେନାଆପ ଇଞ୍ଜ୍ୟଁ କାଲ୍‌ଞ୍ଜି ଆହ୍ୟଁ ବେରଣି ମାଣ୍ଡାତାରି କୀର୍କା ମୁଚାକଡ଼ିତେରି । ତାୟୁ ବାରେଜାଣା ରୁଣ୍ଡା ଆହାନା ଏଞ୍ଜାଣାଈଁ ମୁଚିତେରି । ୫୮ ଅଡେ ଏଞ୍ଜାରି ଏଞ୍ଜାଣାଈଁ ଗାଡ଼ାଟିଏ ପାଞ୍ଜାତା ରେଜା ଅହାନା ଏଞ୍ଜାଣାଈଁ ଞ୍ଜାଲକାତଲେ ଖେଚାଲି ମାଟ୍‌ହେରି; ଅଡେ ସାକିୟାଁ ବିତ୍ରାଟି ସାଞ୍ଜୁଲ କଡ଼ାୟାଁ ଡଞ୍ଜ ହିମ୍ବୁରିକା କାଟିମାଚେସି । ୫୯ ଏତିବେଲା ଏଞ୍ଜାରି ସ୍ତ୍ରୀପାନଈଁ ଞ୍ଜାଲକା ଖେଟି ମାଚେରି,

ଏତିବେଳା ଏଞ୍ଜେଲ୍ ମାହାପୁରୁ ତାଣା ପ୍ରାତାନା କିହାନା ଏଲେଇଚେସି, “ପ୍ରବୁ ଜୀସୁ, ନା ଜୀସୁତି ଅହାକତାମୁ !” ୬୦ ଇଞ୍ଜା ଏଞ୍ଜେଲ୍ ମେଣ୍ଡାକୃତାନା କାଜା ଗିୟାତଲେ ଏଲେଇଚେସି, “ପ୍ରବୁ ! ଇ ପାପୁ ଇଞ୍ଜାରି ତାଣା ଲେକା କିଆନି” ଏଲେଇଞ୍ଜାହାଁ ହାଡେସି ।

┆

ସାଞ୍ଜୁଲ କ୍ରୀସ୍ତାନା କୁଲମିତି ସାସ୍ତି ହୀନାୟି

୯ ସ୍ତ୍ରୀପାନଇଁ ପାୟିତାୟି ନେହେଁ ଆଡେ ଇଞ୍ଜାଁ ସାଞ୍ଜୁଲ ଅଣ୍ଡପମାଚେସି । ଏ ଦିନାଟିଏ ଜିରୁସାଲମତା ମାନି କୁଲମିକାକି ହାରେକା ନିନ୍ଦା ସାସ୍ତି ଖାଡେ; ଏମ୍ବାଟିଏ ପାଣ୍ଡୁଞ୍ଜି ଆହାମାନାରି ପିସପେ ବାରେ ନାମିତାରି, ଜୀହୁଦା ଦେସା ଇଞ୍ଜାଁ ସମିରଣ ନାସକା ସାରିସୁରୁ ଇତାଲା ଆତାଲା ଆଡେରି । ୧୨ ଆଡିଜିକେଏ ଏତେକା ନାମୁଗାଟି ଲକୁ ସ୍ତ୍ରୀପାନଇଁ ମୁସ୍ତେରି ଇଞ୍ଜାଁ ହାରେକା ଦୁକୁ ତଲେ ଡୀଡେରି ।

୩ *ସାମା ସାଞ୍ଜୁଲ କୁଲମିତା ହାଜିହଁ ଇଲୁତାକି ଇଲୁ ହଡିହଁ ନାମିତି ଆୟାସିକା, ଆବାଣି ରେଜା ତାଚାନା କାୟିଦି ଇଲୁତା ହେରପିହଁ କୁଲମିତି ନାସା କିହାଲି ମାଟ୍‌ହେସି ।

ସମିରଣତା ନେହଁ କାରୁ ଝେକ୍‌ନାୟି

୪ ଏମ୍ବାଟିଏ ଆମିନି ଗାଟାରି ଇତାଲା ଆତାଲା ଆହାମାଚେରି, ଏଞ୍ଜାରି ସାରିସୁରୁ ରେଜି ରେଜି ନେହଁ କାରୁ ଝେକ୍‌ହେରି । ୫ ଇଞ୍ଜାଁ ପିଲିପ ସମିରଣତି କାଜା ଗାଡାତା ହାଜାନା ଲକୁ ନକିତା ମସିହାତି କାତା ଝେକ୍‌ହେସି । ୬ ଅଡେ, ଲକୁ ବାରେ ପିଲିପ ହାଡା ଝେଚେରି ଇଞ୍ଜାଁ ଏଞ୍ଜାସି କିହାମାନି କାବାଆନି କାମା ମେସାନା ରଣ୍ଡିଏ ହିୟାଁ ତଲେ ଏଞ୍ଜାଣି କାତାତି ଝେଞ୍ଜିମାଚେରି । ୭ ଇତିହଁ ଆଲଗାମାଟି ପଲ୍‌ଆ ବୁଡୁ ହାରେକା ଲକୁ ତାଣାଟି କାଜା ଗିୟାତଲେ କିରଡିହଁ ହଡାହାରୁ, ଇଞ୍ଜାଁ ଟଟ ଖାୟିତାରି ଅଡେ ସଗାୟାଁ ହାରେକା ଜାଣା ନେହଁ ଆଡେରି । ୮ ଏଦାଆଁତାକି ଏ ଗାଡାତା ହାରେକା କାଜା ରାହାଁ ଆଡେ ।

୯ ସାମା ସିମନ ଦରୁଗାଟାସି ରଅସି ଇ ନକେଏ ଏ ଗାଡାତା ଗାରଡି କିହଁ ନାନୁ କାଜାତେଏଁ ଇଞ୍ଜାଁ ଝେସା କଡିହଁ ସମିରଣତି ଲକୁଣି କାବା କିହିମାଚେସି । ୧୦ ମାହାପୁରୁତି ଆମିନି ବାଡୁମୁତି କାଜାୟି ଇଞ୍ଜାଁ ଇଣ୍ଡି ଆନେ, ଉଣାଟିଏ କାଜାରି ପାଡେକା ବାରେଜାଣା ଇଞ୍ଜାସିଏ ଏଞ୍ଜାସି ଇଞ୍ଜାଁ ଏଞ୍ଜାଣାଇଁ ମାନି କିହିମାଚେରି । ୧୧ ଏଞ୍ଜାରି ଏଞ୍ଜାଣାଇଁ ମାନି କିହିମାନାୟି ଆଡେ, ହାରେକା ଦିନାଟିଏ ତାନି ଗାରଡି କାମା ତଲେ ଏଞ୍ଜାରାଇଁ କାବା କିହିମାଚେସି । ୧୨ ସାମା ପିଲିପ ମାହାପୁରୁତି ରାଜି ଇଞ୍ଜାଁ ଜୀସୁ କ୍ରୀସ୍ତ ଦରୁତି ନେହଁ କାରୁ ଝେକ୍‌ହାଲିଏ ଏଞ୍ଜାରି ଏତିବେଳା ଏଞ୍ଜାଣି କାତାତା ନାମିତେରି, ଇଞ୍ଜାଁ ଆୟାସିକା ଅଡେ ଆବାୟାଁ ବାପ୍ତିସ୍ମ* ଅହାଲି ମାଟ୍‌ହେରି । ୧୩ ଅଡେ ସିମନ ତାନୁଏ ନାମିତେସି ଇଞ୍ଜାଁ ବାପ୍ତିସ୍ମ† ଅଡେସି, ଇଞ୍ଜାଁ ପିଲିପ ତଲେ ଡିୟିତେସି,

ଅଡେ ହାରେକା ସିନାୟାଁ ଇଞ୍ଜାଁ ହାରେକା ବାଡୁମୁତି କାବାଆନି କାମାୟାଁ ମେସାନା କାବା ଆହାହାଚେସି ।

୧୪ ସମିରଣତି ଲକୁ ଜିକେଏ ମାହାପୁରୁ ବଲୁଡି ନାମିମାନେରି, ଇଞ୍ଜାଁ ଜିରୁସାଲମତା ମାନି ପାଣ୍ଡୁଞ୍ଜି ଆଡାରି ଝେଚେରି, ଏମ୍ବାଟିଏ ଏଞ୍ଜାରି ପିତର ଅଡେ ଜହନଇଁ ଏଞ୍ଜାରିତାଣା ପାଣ୍ଡିତେରି । ୧୫ ଏଞ୍ଜାରି ଏଗାହାଜାନା, ଏଞ୍ଜାରି ଏନିକଁ ସୁଦୁଜୀସୁ ବେଟାଆନେରି, ଏଦାଆଁତାକି ଏଞ୍ଜାରି ତାକି ପ୍ରାତାନା କିତେରି । ୧୬ ଇତିହଁ ନାଏଁ ପାଡେକା ଏଞ୍ଜାରିତାଣା ଆମ୍ବାଆରି ଲାକ ସୁଦୁଜୀସୁ ରେଟା ହିଲାଆଡେ, ଇତିହଁ ଏଞ୍ଜାରି ଖାରଇ ପ୍ରବୁ ଜୀସୁ ଦରୁତଲେ ବାପ୍ତିସ୍ମ‡ ଅହାମାଚେରି । ୧୭ ପିତର ଅଡେ ଜହନ ଏଞ୍ଜାରି ଲାକ କେୟୁ ଇତିତେରି ଇଞ୍ଜାଁ ଏଞ୍ଜାରି ସୁଦୁଜୀସୁ ବେଟାଆଡେରି ।

୧୮ ପାଣ୍ଡୁଞ୍ଜି ଆଡାରି କେୟୁ ଇତିସାରେ ସୁଦୁଜୀସୁ ଖାହିମାନାଣି ମେସାନା, ସିମନ ଏଞ୍ଜାରାକି ଟାକାୟାଁ ହାହାନା ଏଲେଇଚେସି, ୧୯ “ନାଜେ ଜିକେଏ ଇ ବାଡୁମୁ ହିୟାଦୁ, ଏନିକଁ ନାନୁ ଆମିନିଗାଟାଣି ଲାକ କେୟୁ ଇତିଇଁ ଏଞ୍ଜାସି ସୁଦୁଜୀସୁ ବେଟାଆନେସି ।”

୨୦ ସାମା ପିତର ଏଞ୍ଜାଣାଇଁ ଏଲେଇଚେସି “ନୀ ଟାକାୟାଁ ନୀ ତଲେ ନସ୍ତ ଆପୁ, ଇତିହଁ ନାନୁ ଟାକାୟାଁ ହାହାନା ମାହାପୁରୁତି ଦାନା କତାଲି ଅଣ୍ଡପିତି । ୨୧ ଇ କାମାତା ନୀଦି ଏନି ବାଗା କି ଅଦିକାରା ହିଲେଏ, ଇତିହଁ ମାହାପୁରୁ ତାଣା ନୀ ହିୟାଁ ଟିକାଣା ହିଲେଏ । ୨୨ ଇଦାଆଁତାକି ନୀ ଲାଗେଏତି ଅଣ୍ଡପୁଟି ମନ ଝେଟ୍‌ହାଁ ପ୍ରବୁ ତାଣା ପ୍ରାତାନା କିମୁ, ଏନିଆଡିହଁ ନୀ ହିୟାଁତା ମାନି ଲାଗେଏତି ଅଣ୍ଡପୁ ମ୍ଲେକ୍‌ନେସି; ୨୩ ଇତିହଁ ନାନୁ ମେସିମାଞ୍ଜାଇଁ ନୀ ହିୟାଁ ବିଡା ତାହାରା ଆନାୟି ମାନେ, ନାନୁ ଲାଗେଏତି ପାନ୍ଦାତା ଦସ୍‌ପି ଆହାମାଞ୍ଜି ।”

୨୪ ଏଚେଟିଏ ସିମନ, ପିତର ଅଡେ ଜହନଇଁ ଏଲେଇଚେସି, “ମୀରୁ କାର୍ମା ଅଣ୍ଡପାନା ନା ତାକି ପ୍ରବୁ ତାଣା ପ୍ରାତାନା କିଦୁ, ମୀରୁ ଏନାଆଁ ଜଲିତେରି ଏ ବାରେ ଏନିକଁ ନାଜେତାକି ଏଲେଆହଁ ଆଏ ।”

୨୫ ଇଲେକିହଁ ପିତର ଅଡେ ଜହନ ସାକି ହାହଁ ପ୍ରବୁତି ବଲୁ ଝେସିହଁ, ହାରେକା ସମିରଣ ନାସକାଣାଁ ନେହଁ କାରୁ ଝେସି ଝେସିହଁ ଜିରୁସାଲମତା ଝେଣ୍ଡା ହାଚେରି ।

ପିଲିପ ଅଡେ ଇତିୟପିୟାତି କାମାକିନାସି

୨୬ ଡାୟୁ ପ୍ରବୁତି ର ଦୁଡୁ ପିଲିପଇଁ ଏଲେଇଚେସି, “ନିଜାମୁ ଇଞ୍ଜାଁ ଟିଝନି ଖାକିତି ଆମିନି ଜିରୁ ଜିରୁସାଲମଟିଏ ଗଜା ଖାକି ମାନେ ଏ ଜିରୁତା ହାଲାମୁ ।” ଏ ଜିରୁତି ଅଡେ ଲକୁ ତାକିହିଲଅରିଟି । ୨୭ ଏମ୍ବାଟିଏ ଏଞ୍ଜାସି ନିଜାମା ହାଚେସି, ଇତିୟପିୟା ଦେସାତି କାଣ୍ଡାକି ଦରୁଗାଟି ରାଣିନି ଡଇ ର କାଜାପାଣା ବେଟାଆହାମାନି ପେଜୁ ଆମିନିଗାଟାସି ଇତିୟପିୟା ରାଣିନି ବାରେ ଦନଡି ଗୁମୁସା ମାଚେସି, ଏଞ୍ଜାସି ମାହାପୁରୁ ତାଣା ପ୍ରାତାନା କିହାଲି ଜିରୁସାଲମତା

* ୮:୩ ୮:୩ କାମା ୨୨:୪,୫; ୨୨:୯-୧୧ * ୮:୧୨ ୮:୧୨ ମୁଞ୍ଜନାୟି † ୮:୧୩ ୮:୧୩ ମୁଞ୍ଜନାୟି ‡ ୮:୧୭ ୮:୧୭ ମୁଞ୍ଜନାୟି § ୮:୨୭ ୮:୨୭ ଲକୁ ହିଲାଆ ଗାୟୁ

ଝାହାମାରେସି; ୨୮ ଏଝାସି ମାହାପୁରୁ ଅଶ୍ଵୁତି ବଲୁ
 ଝେହ୍ନି ଜିସାୟତି ପତି କାଜା ଗିୟାତଲେ ପଡ଼ଝି ଆହ୍
 ରାତାତା କୁଗାନା ଝେଶ୍ଵା ହାଜିମାରେସି । ୨୯ ଏତିବେଳା
 ସୁଦୁଜାଝୁ ପିଲିପଇଁ ଏଲେଇଚେ, “ନକିତା ହାଜାନା
 ରାତାତା ହାଜିମାନାଣି ତାଣା ହାଲାନୁ;” ୩୦ ଏଚେଟିଏ ପିଲିପ
 ହଟି ହଟି ହାଜାନା ଜିସାୟତି ପତି କାଜା ଗିୟାତଲେ
 ମାହାପୁରୁ ଅଶ୍ଵୁତି ବଲୁ ପଡ଼ଝି ଆହିମାନାଣି ଝେଞ୍ଜାନା
 ଝେଚେସି, “ନାନୁ ଆମିନିଗାଟାଣି ପଡ଼ଝି ଆହିମାଞ୍ଜି ଏଦାଆଁ
 ପୁଞ୍ଜାଲି ଆଡ଼ିମାଞ୍ଜି କି ?”

୩୧ ପେଜୁ ଏଲେଇଚେସି, “ଆମ୍ବାଆସି ନାଞ୍ଜେ
 ଝେସ୍ତାଆସାରେ ନାନୁ ଏନିକ୍ ପୁଇଁ ?” ଇଞ୍ଜା
 ଏଝାସି ପିଲିପଇଁ ରାତାତା ହଚାନା ତାନିତଲେ କୁଗାଲି
 ଏଲେଇଚେସି । ୩୨ ଏଝାସି ଦାମ୍ବୁ ପତିତା ପଡ଼ଝି ଆହିମାତି
 କାତା ଇଦି;

“ଏଝାସି ପାୟିଝିଆନି ମେଶ୍ଵା ତାଲୁ ଲେହେଁ ଅଝିଆଡେସି,
 ଇଞ୍ଜା ମେଶ୍ଵା ତାଲୁ ବାଣାୟା ଦାଝି ବେଲୋତା ମେଶ୍ଵା
 ତାଲୁ ଏନିକ୍ ତୀଆନା ପାଲେଏ ଡ଼ୟିନେ,
 ଏଲେକିହ୍ ଏ ଏଝାସି ତାନି ଗୁଡ଼ି ଏକ୍‌ଆଡେସି ।

୩୩ ଏଝାଣାଇଁ ଉଣା କିହାଁ ନାହାଁୟି କିଆଡେରି,
 ଏଝାଣି କୁଡ଼ାତି କାତା ଆମ୍ବାଆସି ଝେସାଲି ଆଡ଼ଅସି,
 ଇତିହ୍ ତାନି ଜୀଝୁ ଦାରୁଡିତା ରାଡେ ।”

୩୪ ଏ ପେଜୁ ପିଲିପଇଁ ଏଲେଇଚେସି, “ନାଞ୍ଜେ ଝେସ୍ତାମୁ,
 ମାହାପୁରୁ ଅଶ୍ଵୁତି ବଲୁ ଝେହ୍ନାସି ଆମ୍ବାଆରି କାତା
 ଝେସିମାନେସି ? ତାନି କାତା କି ଅର ରଥଣି କାତା ?”

୩୫ ଏମ୍ବାଟିଏ ପିଲିପ ଗୁଡ଼ି ଦେଚାନା ଦାମ୍ବୁ ସାସ୍ତେରିଟିଏ
 ମାଟ୍‌ହାନା ଏଝାଣି ତାଣା ଜୀସୁତି ନେହ୍ କାରୁ ଝେସ୍ତେସି
 । ୩୬ ଏଝାରି ଜିରୁତା ହାଜିମାଟାଟି ଏୟୁ ମାନି ର ଟାୟୁତା
 ଏଗାହାଚେରି; ଏଚେଟିଏ ପେଜୁ ଏଲେଇଚେସି, ୩୭ “ଇମ୍ବାଆଁ
 ଏୟୁ ମାନୁ, ଏନାଆଁ ନାନୁ ବାପ୍ତିସ୍ମ* ଅହାଲି ଆଡ଼ିଇଁ ?”

୩୮ ଇଞ୍ଜା ଏଝାସି ରାତା ନିପହାଲି ହୁକୁମି ହୀଡେସି, ଇଞ୍ଜା
 ପିଲିପ ଅଡେ ପେଜୁ ଏୟୁଣାଁ ରେଡେରି, ଇଞ୍ଜା ପିଲିପ
 ଏଝାଣାଇଁ ବାପ୍ତିସ୍ମ ‡ ହୀଡେସି । ୩୯ ଏଝାରି ଏୟୁଟି ହଚା ଝାଡ଼ି
 ତାୟୁ, ପ୍ରବୁତି ସୁଦୁଜାଝୁ ପିଲିପଇଁ ଅହ୍ ହାଚେ, ଇଞ୍ଜା
 ପେଜୁ ଅଡେ ଏଝାଣାଇଁ ମେହ୍‌ଆଡେସି; ଆଡ଼ିଜିକେଏ ରାହାଁ
 କିହ୍ ତାନି ଜିରୁତା ହାଚେସି । ୪୦ ସାମା ପିଲିପ ଅସଦଦ୍
 ଗାଡ଼ାତା ତଞ୍ଜାଆଡେସି; ଇଞ୍ଜା ଏଝାସି ଗାଡ଼ାତାକି ଗାଡ଼ାତା
 ହାଜାହାଁ ନେହ୍ କାରୁ ଝେସ୍ତେସି ଇଞ୍ଜା କାୟିସରିୟାତା
 ଏଗାହାଚେସି ।



ସାଝୁଲ ମନ ଝେଟ୍‌ନାୟି
 (କାମା ୨୨:୬-୧୬; ୨୬:୧୨-୧୮)

୧ ସାମା ସାଝୁଲ ନାଏଁ ପାଡେକା ପ୍ରବୁତି ସାସୁୟାଁ
 କପାଟି ଆଜି ତସାନା ଅଡେ ଜୀଝୁ ନାସାକିନି କାତାୟାଁ

ଜଲିହ୍ କାଜା ପୁଜେରାଞ୍ଜା ତାଣା ହାଚେସି । ୨ ଅଡେ
 ପ୍ରବୁ ଜିରୁଟି ତାକିମାନି ଆମିନି ଇୟାସିକା ଆବାୟାଣି
 ମେସ୍ତୁହ୍, ବାରେଜାଣାତି ଦସ୍‌ପାନା ଜିରୁସାଲମତା
 ତାଚାଲି ଆଡ଼ିମାନେସି, ଏଦାଆଁତାକି ଏଝାସି କାଜା
 ପୁଜେରାଞ୍ଜା ତାଣା ହାଜାନା ଦମେସକତା ମାନି ଜୀହୁଦି
 ଲକୁଡି କୁଟମି ଇଲ୍‌କାଣା* ହିୟାଲି ଏଝାରି ତାଣାଟି ଆକୁ
 ରାସ୍ତେସି ।

୩ ସାଝୁଲ ଦମେସକ ତାଗେ ଝାହିମାଟାଟି ଦେବୁଣିଏ ର
 ଉଜେଡ଼ି ହାଗୁଲକଟି ତାନି ସାରିଝାକି ମୁସ୍ତେ । ୪ ଏମ୍ବାଟିଏ
 ଏଝାସି ବୁମିତା ତରଗା ହାଚେସି ଇଞ୍ଜା ତାଞ୍ଜେତାକି ଇ ହାଡ଼ା
 ଝେଚେସି, “ଏ ସାଝୁଲ, ଏ ସାଝୁଲ ! ନାନୁ ଏନାଆଁତାକି
 ନାଞ୍ଜେ ନିନ୍ଦା କିହିମାଞ୍ଜାଦି ?”

୫ ଏଝାସି ଏଲେଇଚେସି, “ପ୍ରବୁ, ନାନୁ ଆମ୍ବାଆତି ?”
 ଏଝାସି ଏଲେଇଚେସି, “ନାନୁ ଆମ୍ବାଆରାଇଁ ନିନ୍ଦା କିହିମାଞ୍ଜି
 ଏ ଜୀସୁଡେଏଁ ନାନୁ । ୬ ସାମା ନିଞ୍ଜାମୁ ଇଞ୍ଜା ଗାଡ଼ାତା
 ହାଲାନୁ, ଏନାଆଁ କିହାଲି ଆନେ, ଏମ୍ବାଆଁ ନିଞ୍ଜେ ଝେସ୍‌ପି
 ଆୟାନେ ।”

୭ ଏଝାଣିତଲେ ଆମିନି ଲକୁ ହାଜିମାଚେରି, ଏଝାରି
 ଏ ହାଡ଼ା ଝେଞ୍ଜାନା ଆମ୍ବାଆରାଇଁ ମେହ୍‌ଆଡେରି, ଇଞ୍ଜା
 ଆତାଜାକା ଆହାହାଚେରି । ୮ ଅଡେ ସାଝୁଲ ବୁମିଟି ନିଞ୍ଜାନା
 ତାନି କାଣ୍‌କା ଦେଡେସି, ସାମା ଏଝାସି ଏନାଆଁ ମେସାଲି
 ଆଡ଼ାଆଡେସି । ଇଞ୍ଜା ଏଝାରି ତାନି କେୟୁ ଆସାନା
 ଦମେସକତା ଅଡେରି । ୯ ଅଡେ ତାନିଦିନା ପାଡେକା
 ଏଝାସି ଏନାଆଁ ମେସାଲି ଆଡ଼ାଆଡେସି, ଅଡେ ଏନାଆଁ
 ତିନାଆଡେସି ଏନାଆଁ ଗହ୍‌ଆଡେସି ।

୧୦ ଦମେସକତା ହନନିୟ ଦରୁଗାଟାସି ର ସାସୁ ମାଚେସି;
 ପ୍ରବୁ ଏଝାଣାଇଁ ତଞ୍ଜାଆହାଁ ଏଲେଇଚେସି, “ଏ ହନନିୟ !”
 ଏଝାସି ଏଲେଇଚେସି, “ଏ ପ୍ରବୁ ନାଞ୍ଜେ ଝେସ୍ତାମୁ ।”

୧୧ ଏଚେଟିଏ ପ୍ରବୁ ଏଝାଣାଇଁ ଏଲେଇଚେସି, “ତିୟାରା
 ଆହାନା ‘ସଲକ’ ଦରୁଗାଟି ଜିରୁ ଆସାଁ ଜୀହୁଦା ଇଲୁତା
 ତାର୍‌ସି ଗାଡ଼ାତି ସାଝୁଲ ଇନାଣାଇଁ ପାରାମୁ; ଇତିହ୍ ଏଝାସି
 ପ୍ରାଡାନା କିହିମାନେସି; ୧୨ ଅଡେ, ଏଝାସି ସେୟାଁଣା ହାପାନା
 ମେସାମାନେସି, ହନନିୟ ଇନାସି ର ମାଣ୍‌ସି ଝାହାନା ତାନି
 ଲାକ କେୟୁ ଇତିମାନେସି, ଏନିକ୍ ଏଝାସି ମେସାଲି
 ଆଡ଼ିମାନେସି ।”

୧୩ ହନନିୟ ଏଲେଇଚେସି, “ପ୍ରବୁ, ଜିରୁସାଲମତା
 ମାହାପୁରୁ ଲକୁଇଁ ଇଝାସି ଏଚେକା ନିନ୍ଦା କିହିମାନେସି
 ଇଞ୍ଜା ନାନୁ ହାରେକା ଲକୁ ତାଣାଟି ଇ ଲକୁଡି କାତା
 ଝେଞ୍ଜାମାଇଁ । ୧୪ ଅଡେ ଇ ଟାୟୁତା ନୀ ଦରୁଟି ପ୍ରାଡାନା
 କିହିମାନାରାଇଁ ବାରେଜାଣାତି ଦସା ଅୟାଲି ଏଝାସି କାଜା
 ପୁଜେରାଞ୍ଜା ତାଣାଟି ଅଦିକାରା ଆକୁ ବେଟାଆହାମାନେସି
 ।”

୧୫ ସାମା ପ୍ରବୁ ଏଝାଣାଇଁ ଏଲେଇଚେସି, “ହାଲାନୁ;
 ଇତିହ୍ ଏଝାସି ଏଟ୍‌କା କୁଡ଼ାତି ରାଜାୟାଁ ଅଡେ

* ୮:୩୭ ୮:୩୭ ମୁଞ୍ଜିନାୟି † ୮:୩୭ ୮:୩୭ ପିଲିପ ଏଲେଇଚେସି, “ନାନୁ ବାରେ ହିୟାଁ ତଲେ ନାମିସାରେ ଅହାଲି ଆଡ଼ିଦି” ଏମ୍ବାଟିଏ ଏଝାସି ଏଲେଇଚେସି,
 “ଜୀସୁ କ୍ରୀସ୍ତ ମାହାପୁରୁତି ମାର୍‌ସସି ଇଦାଆଁ ନାନୁ ନାମିମାଇଁ ।” ‡ ୮:୩୮ ୮:୩୮ ମୁଞ୍ଜିନାୟି * ୯:୨ ୯:୨ ସିନଗଗ

ଇସ୍ରାୟେଲ ଲକ୍ଷ୍ମଣି ମାସ୍କା ମୀରକା ନକିତା ନା ଦରୁ
ଝେକହାଲି ନାନୁ ଏଝାଣାଇଁ ନା ସେବା କିନାସି କିହାନା
ଆଚାମାଇଁ; ୧୭ ଅଡ଼େ ନା ଦରୁ ତାକି ଏଝାସି ଏଚେକା ଦୁକୁ
ବେଟାଆନେସି, ଏଦାଆଁ ନାନୁ ଏଝାଣାଇଁ ଝେହ୍ଲାଇଁ ।”

୧୭ ଏଚେଟିଏ ହନନିୟ ହାଜାନା, ଏ ଇଲୁତା ହଚେସି,
ଇଞ୍ଜା ତାନି ଲାକ କେୟୁ ଇଚାନା ଏଲେଇଚେସି, “ତାୟି
ସାଝୁଲ, ଇମ୍ବାଆଁ ଝାନ୍ତି ଜିରୁତା ଆମିନି ପ୍ରବୁ ଜୀସୁ ନିଜେ
ତଞ୍ଜା ଆୟାତେସି, ଏଝାସି ନାଜେ ପାଣ୍ଡାମାଞ୍ଜାନେସି, ନାନୁ
ଏନିକ୍ ଝେଣ୍ଡେ ମେହ୍ମୁ ଇଞ୍ଜା ସୁଦୁଜୀଝୁ ବେଟାଆମୁ ।”
୧୮ ଏ ଦେବୁଣିଏ ଏଝାଣି କାଣକାଟି ମାନୁ ହିପି ଲେହେତାୟି
ତୁଲିତେ, ଇଞ୍ଜା ଏଝାସି ଝେଣ୍ଡେ ମେସାଲି ଆଡ଼ିତେସି, ଅଡ଼େ
ନିଜ୍ଜାନା ବାପ୍ତିସ୍ତା ଅଡ଼େସି, ୧୯ ଅଡ଼େ ଏଝାସି ତିଞ୍ଜା ଉଣ୍ଡାନା
ବାଡ଼ୟୁ ବେଟାଆଡ଼େସି, ଏଚେଟିଏ ସାଝୁଲ ଏଚରଦିନା
ସୀସୁୟାଁ ତଲେ ଦମେସକତା ଡ଼ୟିତେସି ।

ଦମେସକତା ସାଝୁଲ ଝେକନାୟି ।

୨୦ ଅଡ଼େ, ଜୀସୁ ମାହାପୁରୁତି ମୀରଏସି ଇଞ୍ଜା ଆଟ୍ଝା
ତଲେ ଜୀହୁଦି ଲକ୍ଷ୍ମଣି କୁଟମି ଇଲକାଣାଃ ଝେସାଲି
ମାଟ୍ଝେସି ।

୨୧ ଅଡ଼େ, ଆମିନି ଗାଟାରି ତାନି ହାଡ଼ା ଝେଚେରି, ଏଝାରି
କାବାଆହାନା ଏଲେଇଚେରି, “ଜୀସୁ ଦରୁ ଆସାନା ପ୍ରାତାନା
କିନି ଲକ୍ଷ୍ମଣି ଆମ୍ବାଆସି ଜିରୁସାଲମତା ପାୟି କିହିମାଚେସି,
ଅଡ଼େ ଏଝାରାଇଁ ଦସପାହାଁ କାଜା ପୂଜେରାଜା ତାଣା
ଅହାଲି ତାକି ଇମ୍ବାଆଁ ଝାହାମାଚେସି, ଏଝାସି କି ଇଝାସି ଆଏ
?”

୨୨ ସାମା, ସାଝୁଲତି ଝେକନାୟି ହାରେକା ବାଡ଼ୟୁ
ଗାଟାୟି ମାଚେ, ଅଡ଼େ ଏଝାସି ପାରମାଣା କିହାଁ ଝେସ୍ତେସି
ଜୀସୁ ଏ ମସିହା, ଇଦାଣି ଦମେସକତା ବାସା କିହାମାନି
ଜୀହୁଦି ଲକ୍ଷ୍ମଣି ଝେଣ୍ଡେ ଝେସାଲି ଆଡ଼ାଆଚେରି ।

୨୩ ✨ଏଚରଦିନା ହାଟି ତାୟୁ ଜୀହୁଦିୟାଁ ରୁଣ୍ଡା ଆହାନା
ଏଝାଣାଇଁ ପାୟାଲି କାତା ଆଡ଼େରି; ୨୪ ସାମା ଏଝାରି କାତା
ଆହିମାଚାଣି ସାଝୁଲ କିୟୁଁ ତୁ ହାଚେ, ଅଡ଼େ ଏଝାରି
ଏନିକ୍ ସାଝୁଲଇଁ ପାୟାଲି ଆଡ଼ିନେରି, ଏଦାଆଁତାକି
ଲାଆଁ ମାଦେନା ଗାଡ଼ାତି ଦୁଝେରିକାଣା କାଟିହୁଁ
ଡ଼ୟିତେରି । ୨୫ ସାମା ସାଝୁଲତି ସୀସୁୟାଁ ଲାଆଁୟାଁ
ବେଲାତା ଏଝାଣାଇଁ ର ଡାଲିତା ରସାହାଁ କଟା କାଟିଟି ଡ଼ଲ
ରେପ୍ଝେରି ।

ଜିରୁସାଲମତା ସାଝୁଲ

୨୬ ତାୟୁ ଏଝାସି ଜିରୁସାଲମତା ହାଜାନା ସୀସୁୟାଁ
ତଲେ ଆଣ୍ଡାଲି ଅଣ୍ଡିମାଚେସି; ସାମା ଏଝାସି ର ସୀସୁ
ଇଞ୍ଜା ଏଝାରି ଇଚାଣି ନାମାଆନା, ବାରେଜାଣା ଏଝାଣାଇଁ
ଆଜିମାଚେରି । ୨୭ ସାମା ବର୍ନବା ଏଝାଣାଇଁ ଆସାନା
ପାଣ୍ଡୁଝି ଆଡ଼ାରି ତାଣା ତାଚେସି, ଇଞ୍ଜା ଜିରୁତା ଏଝାସି
ଏନିକ୍ ପ୍ରବୁଇଁ ମେସ୍ତେସି ଇଞ୍ଜା ପ୍ରବୁ ଏନାଆଁ ତାଜେ ହାଡ଼ା
ଆଡ଼େସି, ଦମେସକତା ଜୀସୁ ଦରୁତି ସାସାତଲେ ସାଝୁଲ

ଏନିକ୍ ଝେସାମାଚେସି, ଇ ବାରେ କାତା ଏଝାରି ନକିତା
ଝେସ୍ତେସି । ୨୮ ଅଡ଼େ ସାଝୁଲ ଏଝାରିତଲେ ଡ଼ୟିତେସି
ଅଡ଼େ ଜିରୁସାଲମତି ବାରେଝାକି ହାଜାନା ସାସାତଲେ
ପ୍ରବୁତି ଦରୁ ଝେକହେସି । ୨୯ ଇଞ୍ଜା ଏଝାସି ଗ୍ରିକ୍ ଜଲିନି
ଜୀହୁଦି ଲକ୍ଷ୍ମଣିତଲେ ବାଡ଼ିବାଡ଼ା କିହିମାଚେସି, ସାମା ଏଝାରି
ଏଝାଣାଇଁ ପାୟାଲି ପାରୁ ପାରିମାଚେରି । ୩୦ ନାମିତି
ତାୟିୟାଁ ଏଦାଆଁ ପୁଞ୍ଜାଲିଏ, ସାଝୁଲଇଁ କାୟିସରିୟାତା
ଅହାନା ଏମ୍ବାଟି ଏଝାଣାଇଁ ତାର୍ଯତା ପାଣ୍ଡିତେରି ।

୩୧ ଇଲେଆହୁଁ ଏ ବାରେ ଜୀହୁଦା ରାଜି, ଗାଲିଲି ଅଡ଼େ
ସମିରଣତି କୁଲମି ବାର୍ସୁ ଆହାନା ପ୍ରବୁଇଁ ଆଜାନା ହିଡ଼ି
ଜୀଝୁତଲେ ମାଚେରି, ଇଞ୍ଜା ସୁଦୁଜୀଝୁତି ସାୟେମି ତଲେ
ପାତାଆହାଲି ମାଟ୍ଝେରି ।

ଲୁଦ ଅଡ଼େ ଜାପତା ପିତର

୩୨ ଏଚେଟିଏ ପିତର ବାରେ ରାଜିତା ରେଜି ରେଜିହୁଁ
ଲୁଦତା ଡ଼ୟିନି ମାହାପୁରୁ ଲକ୍ଷ୍ମଣି ଆଣ୍ଡାଲି ହାଚେସି
। ୩୩ ଏମ୍ବାଆଁ ଏଝାସି ଏନିୟ ଦରୁଗାଟି ରଅଣାଇଁ
ବେଟାଆଡ଼େସି, ଏଝାସି ଆଟା ବାର୍ଯା ପାଚେକା ଟଟ ଝାୟିତି
ରଟା ଆହାନା କାଚେଲିଟି ନିଜ୍ଜାଲି ଆଡ଼ିହିଲାଆଚେସି ।
୩୪ ପିତର ଏଝାଣାଇଁ ଏଲେଇଚେସି, “ଏନିୟ, ଜୀସୁ ଜୀସୁ
ନିଜେ ନେହୁଁ କିହାମାଞ୍ଜାନେସି; ନିଜ୍ଜାମୁ ନୀ ପାସ୍ପନି
ମୁଦା କିମୁ” ଏଚେଟିଏ ଏଝାସି ଏ ଦେବୁଣିଏ ନିଜ୍ଜାଚେସି ।
୩୫ ଏଚେଟିଏ ଲୁଦ ଇଞ୍ଜା ସାରଣତା ବାସା କିହାମାନି ଲକ୍ଷ୍ମଣି
ଏଝାଣାଇଁ ମେସାନା, ପ୍ରବୁ ତାଣା ହିୟାଁ ଝେଟ୍ଝେରି ।

ଦର୍କା ଝେଣ୍ଡେ ନୀତିନାୟି

୩୬ ଜାପତା ଟାବିତା ଦରୁଗାଟି ମାହାପୁରୁଇଁ ନାମିତି ର
ଇୟା ମାଚେ, ଗ୍ରିକ୍ ତଲେ ଦର୍କା ଇଚିସାରେ ତାନି ଦରୁ
“ର କୁହୁଁ ।” ଏଦି ବାରେବେଲା ନେହୁଁ କାମା କିହୁଁ,
ହିଲାଆ ଗାଟାରାକି ସାୟେମି କିହିମାଚେ । ୩୭ ଏଚିବେଲାତା
ଏଦି ନମେରି ଆହାନା ହାହାହାଚେ, ଲକ୍ଷ୍ମଣି ଏଦାନି ଏୟୁ
ମୀଡ଼ହାନା ଲାକନି ପାରୁତି ର ବାକ୍ରାତା ତ୍ରିପ୍ଝୁ । ୩୮ ଇଞ୍ଜା
ଲୁଦ ଜାପ ତାଗେ ମାଚାକି ସୀସୁୟାଁ ପିତର ଜାପତା ମାନେସି
ଇଞ୍ଜା ଝେଞ୍ଜାନା, ରୀ ଲକ୍ଷ୍ମଣି ଏଝାଣି ତାଣା ପାଣ୍ଡାନା ଇ
କାତା ବାଡ଼ିମାଲିତେରି, “ମା ତାଣା ଝାହାଲି ଝେଡ଼ା କିଆନି
।” ୩୯ ପିତର ନିଜ୍ଜାନା ଏଝାରିତଲେ ହାଚେସି, ଏମ୍ବାଆଁ
ଏଝାସି ଝାହାଲିଏ ଏଝାଣାଇଁ ଲାକନି ପାରୁତି ବାକ୍ରାତା
ଅଡ଼େରି, ଅଡ଼େ ରାଣ୍ଡେଣିସିକା ସାରିସୁଟୁ ମୁଚାନା ଡ଼ାହି
ଡ଼ାହୁଁ ଦର୍କା ନୀତାମାଟି ବେଲାତା କେପାମାଟି ହିମ୍ବୁରିକା
ବାରେ ଏଝାଣାଇଁ ତସ୍ତୁ । ୪୦ ସାମା ପିତର ବାରେଜାଣାତି
ପାଞ୍ଜାତା ପାଣ୍ଡାନା ମେଣ୍ଡାକୁତାନା ପ୍ରାତାନା କିଚେସି; ଇଞ୍ଜା
ମାଡ଼ହା ଝାକି ତିରୁଝାନା ଏଲେଇଚେସି, “ଟାବିତା, ନିଜ୍ଜାମୁ”
ଏଚେଟିଏ ଏଦି କାଣକା ଦେଚାନା ପିତରଇଁ ମେସ୍ତେ ଇଞ୍ଜା
ନିଜ୍ଜାନା କୁରିତେ । ୪୧ ଇଞ୍ଜା ପିତର କେୟୁ ଦାସାନା ଦର୍କାଇଁ
ନିକ୍ଝେସି, ଇଞ୍ଜା ମାହାପୁରୁ ଲକ୍ଷ୍ମଣି ଅଡ଼େ ରାଣ୍ଡେଣିସିକାଣି

† ୯:୧୮ ୯:୧୮ ମୁଞ୍ଜିନାୟି ‡ ୯:୨୦ ୯:୨୦ ସିନଗର ✨ ୯:୨୩ ୯:୨୩ ୨କର ୧୧:୩୨,୩୩

ହାଟାନା ଏଦାନି ନୀତାମାନାଣି ତସ୍ତେସି । ୪୭ ଇ କାତା ଜାପତି ସାରିସୁତୁ ଝେଙ୍ଗାହାତେ ଅଡ଼େ ହାରେକା ଲକୁ ପ୍ରବୁଇଁ ନାମିତେରି । ୪୮ ଅଡ଼େ, ପିତର ହାରେକା ଦିନା ପାତେକା ଜାପତି ସିମନ ଦରୁଗାଟି ତଲ୍ଲକା କାମାକିନାଣି ଇଜ ଡ଼ୟିତେସି ।

୧୦

ପିତର ଅଡ଼େ କର୍ନଲିୟ

୧ କାୟିସରିୟା ଗାଡ଼ାତା କର୍ନଲିୟ ଦରୁଗାଟାସି ର ଲକୁ ମାଚେସି, ଏଝାସି ଇତାଲିକ ଦରୁଗାଟି ରମିୟ ରିଜାରି କସକାତି ପାସାକଡ଼ି କସକା ମୁହେଁ କାଜାସି ମାଚେସି । ୨ ଏଝାସି ର ଦାମ୍ବୁ ଲକୁ ମାଚେସି; ତାମି ଇଲୁ କୁଟମି ତଲେ ମାହାପୁରୁଇଁ ଆଜିମାଚେସି, ଏଝାସି କାକୁଲି ଲକୁତାକି ଦାନା ହାହିମାଚେସି, ଅଡ଼େ ମାହାପୁରୁ ତାଣା କାଲେଏ ପ୍ରାତାନା କିହିମାଚେସି । ୩ ର ଦିନା ମିଡ଼ିଆଲା ତାନି ଗଂଟା ବେଲାତା ଏଝାସି ସେୟାଣା ହାପାନାତା ତାରପୁତଲେ ମେସ୍ତେସି, ର ମାହାପୁରୁତି ଦୁତୁ ଝାହାନା ଏଝାଣାଇଁ ଝେସ୍ତେସି “କର୍ନଲିୟ !”

୪ ଏଝାସି ଆଜିତଲେ ଦୁତୁ ଝାକି ସିନିକିତେସି ଅଡ଼େ ଝେଚେସି, “ଇଦି ଏନାୟି ପ୍ରବୁ ?” ଦୁତୁ ଏଝାଣାଇଁ ଏଲେଇଚେ, “ନୀ ପ୍ରାତାନା ଅଡ଼େ ଦାନା ହାନାୟି ଲାକ ମାହାପୁରୁ ନକିତା ଏଜାମାନେ । ୫ ନୀଏଁ ନୀନୁ ଜାପତା ଲକୁଣି ପାଣ୍ଡାନା ସିମନ ପିତର ଦରୁଗାଟି ଲକୁଇଁ ହାଟାତାମୁ, ଏଝାଣି ହାଟା ଦରୁ ପିତର ଇନେରି; ୬ ଏଝାସି ସିମନ ଦରୁଗାଟି ର ତଲ୍ଲକା କାମାକିନାଣି ଇଜ ଗତାଗାଟାସି ଆହାମାନେସି, ଏଝାଣି ଇଲୁ ସାମ୍ବୁରି ଗାଟୁତା ।” ୭ ତାନିତଲେ କାତା ଆହିମାଟି ଦୁତୁ ହାଜାଲିଏ, ଏଝାସି ତାନି ଇଜ କାମା କିନି ରୀ ହଲିୟାଙ୍ଗାଣି ଇଞ୍ଜା ତାଙ୍ଗେ ସେବାକିନି ରିଜାରି କସକା ବିଡ଼ାଟି ର ଦାମ୍ବୁତି କହୁଏଣାଇଁ ହାଟିତେସି, ୮ ଅଡ଼େ ଏଝାସି ଏଝାରାଇଁ ଏମ୍ବାଆଁ ଆହାମାଟି ବାରେ କାତା ଝେସାନା ଜାପତା ପାଣ୍ଡିତେସି ।

ପିତର ସେୟାଣା ହାପାନା ହେଶ୍ନାୟି

୯ ଅର ଦିନା ଏଝାରି ହାଜି ହାଜିହୁଁ ଏ ଗାଡ଼ାତି ତାଗେ ଆଡ଼େରି, ଏରିବେଲା ପିତର ମାଦେନା ବାର ଗଂଟା ବେଲାତା ପ୍ରାତାନା କିହାଲି ଇଲୁ ଲାକ ହାଚେସି, ୧୦ ଏଝାସି ହାକି ଆଡେସି ଅଡ଼େ ଏନାଆଁ ତିଞ୍ଜାଲି ମନ କିତେସି; ସାମା ଏଝାରି ରାନ୍ଦା ଝାଜିମାଟି ବେଲାତା, ଏଝାସି ସେୟାଣା ହାପାନା ମେସ୍ତେସି, ୧୧ ଲାକପୁରୁ ଦେପିଆହାମାନେ, ଇଞ୍ଜା ଏନିକଁ ର ହିମ୍ବୁରିତି ସାରି କନତା ଆସ୍ତପି ଆହାନା ଦାରତି ଲାକ ରେଟା ଝାହିମାନେ; ୧୨ ଏମ୍ବାଆଁ ଦାରତିତି ବାରେ କୁଡ଼ାତି ସାରିଗଟା କତା ଗାଟି ଜନ୍ତ ଜିଝେଡ଼ିକା, ରାସକା ଡ୍ରଗିୟାଁ ଅଡ଼େ ହାଗୁତି ପଗାୟାଁ ମାନୁ । ୧୩ ଇଞ୍ଜା ଏଝାଣାକି ଇ ହାଡ଼ା ଆଡେ, “ପିତର; ନିଙ୍ଗାମୁ, ପାୟାନା ତିନାମୁ !”

୧୪ ସାମା ପିତର ଏଲେଇଚେସି, “ଆଏ ପ୍ରବୁ, ନାନୁ ଏଚେଲାଝା ଏନି ଲାଗେଏ ପଲେଏତି ଦିଶ୍ସୁ ତିଞ୍ଜାହିଲଅଁ ।”

୧୫ ଅଡ଼େ ର ପାଲି ଇ ହାଡ଼ା ଆଡେ, “ମାହାପୁରୁ ଏନାଆଁ ସୁଦୁ କିହାମାନେସି, ଏଦାଆଁ ନୀନୁ ଲାଗେଏତାୟି ଇନାଆନି ।” ୧୬ ଇଲେକିହୁଁ ତାନି ପାଲି ଆଡେ, ତାୟୁ ଏ ହିମ୍ବୁରି ଲାକପୁରୁ ଅଝିଆଡେ ।

୧୭ ପିତର ଏନାଆଁ ସେୟାଣା ହାପାନା ହେଶ୍ନାମାଚେସି, ଏଦି ଏନାୟି, ଇଞ୍ଜା ଅଶପିହୁଁ ଆଡାଜାକା ଆହାମାନି ବେଲାତା, କର୍ନଲିୟ ତାଣାଟି ପାଣ୍ଡୁଝି ଆହାମାନାରି ସିମନ ଇଲୁ ପାରିହୁଁ ଦୁଝେରିତା ନିକା ଝାଡ଼େରି, ୧୮ ଇଞ୍ଜା ଏଝାରି ଝେଚେରି, “ସିମନ ଇନି ପିତର ଦରୁଗାଟାସି ରଅସି ଇମ୍ବାଆଁ ଗତେଏସି ମାନେସି କି ?”

୧୯ ପିତର ଏ ସେୟାଣା ହାପାନା ହେଟାଣି ଅଶପିମାଟି ବେଲାତା ଜୀଝୁ ଏଝାଣାଇଁ ଏଲେଇଚେ, “ମେହ୍ମୁ ! ତାନି ଜାଣା ଲକୁ ନିଙ୍ଗେ ପାରିମାଞ୍ଜାନେରି । ୨୦ ଏଦାଆଁତାକି ତିୟାରା ଆମୁ ଅଡ଼େ ଡ଼ଇ ହାଲାମୁ, ଅଡ଼େ ଆନାମାନା ଆଆନା ଏଝାରିତଲେ ହାଲାମୁ, ଏନାଆଁତାକି ଇଡିହୁଁ ନାନୁ ଏଝାରାଇଁ ପାଣ୍ଡାମାଞ୍ଜାଇଁ ।” ୨୧ ଏଚେଟିଏ ପିତର ଏ ଲକୁତାଣା ରେଟାଝାହାନା ଏଲେଇଚେସି, “ମୀରୁ ଆମ୍ବାଆରାଇଁ ପାରିମାଞ୍ଜେରି, ନାନୁ ଏଝାଚେଏଁ । ମୀରୁ ଏନାଆଁତାକି ଝାହାମାଞ୍ଜେରି ?”

୨୨ ଏଝାରି ଏଲେଇଚେରି, “କର୍ନଲିୟ ଦରୁଗାଟି ପାସାକଡ଼ି କସକା ମୁହେଁ କାଜାସି ମାଙ୍ଗେ ପାଣ୍ଡାମାଞ୍ଜାନେସି, ଏଝାସି ର ସୁଦୁ, ଦାମ୍ବୁଗାଟାସି ଇଞ୍ଜା ମାହାପୁରୁଇଁ ଆଜିନାସି, ଅଡ଼େ ବାରେ ଜୀହୁଦି କୁଡ଼ାତା ଝେଙ୍ଗିତାସି, ଏଝାସି ନିଙ୍ଗେ ତାମି ଇଜ ହାଟାନା ନୀ ଜାପନାଣି ଝେଞ୍ଜାଲିତାକି ମାହାପୁରୁତି ଦୁତୁ ତାଣାଟି ହୁକୁମି ବେଟା ଆହାମାନେସି ।” ୨୩ ପିତର ବିଡ଼ା ହାଟା ଅହାନା ଏଝାରାଇଁ ସେବା କିତେସି । ଅର ନେରୁ ନିଙ୍ଗାମା ତିୟାରା ଆହାନା ଏଝାରିତଲେ ହାଚେସି; ଜାପତି ଏଚରଜାଣା ନାମିତି ତାୟିୟାଁ ଏଝାରିତଲେ ହାଚେରି । ୨୪ ଅର ନେରୁ ଏଝାରି କାୟିସରିୟାତା ଏଚେରି, ଏମ୍ବାଆଁ କର୍ନଲିୟ ତାନି କୁଟମି ଇଞ୍ଜା ଅଡ଼େ ଜାଟୁତି ତଶେସିଙ୍ଗାଣି ହାଟାହାଁ କୁଡ଼ି କିହାନା ଏଝାରାଇଁ କାଟିମାଚେରି । ୨୫ ପିତର ବିଡ଼ା ହାଜାଲିଏ କର୍ନଲିୟ ଏଝାଣି କଡ଼ାଁ ଡ଼ଇ ମୁନୁ କୁତାନା ଜହରା କିତେସି । ୨୬ ସାମା ପିତର ତାଙ୍ଗେ ନିକହାନା ଏଲେଇଚେସି, “ନିଙ୍ଗାମୁ, ନାନୁ ଜିକେଏ ର ମାଣ୍ଡସିତେଏଁ ।” ୨୭ ଏଚେଟିଏ ପିତର କର୍ନଲିୟ ତଲେ କାତା ଆହୁଁ ଆହୁଁ ଇଲୁ ବିଡ଼ା ହାଜାନା ଏମ୍ବାଆଁ ହାରେକା ଲକୁ ରୁଣ୍ଡା ଆହାମାନାଣି ମେସ୍ତେସି । ୨୮ ଅଡ଼େ ଏଝାସି ଏଝାରାଇଁ ଏଲେଇଚେସି, “ଏଟକା କୁଡ଼ାତି ଏନି ଲକୁତଲେ ଆଣ୍ଡିନାୟି କି ଏ ଲକୁ ତାଗେ ହାନାୟି ଜୀହୁଦି ଲକୁତାକି ଏନିକିହୁଁ ମେରା ହିଲେଏ, ଏଦାଆଁ ମୀରୁ ନେହୁଁ କଁ ପୁଞ୍ଜାମାଞ୍ଜେରି ଆଡ଼ିଜିକେଏ ଆମିନି ଲକୁଇଁ ସୁଦୁ ହିଲାଆ ଗାଟାରି କି ଲାଗେଏତାରି ଇଞ୍ଜିହୁଁ ଇନାଆନି ଇଞ୍ଜା ମାହାପୁରୁ ନାଙ୍ଗେ ତସାମାଞ୍ଜାନେସି । ୨୯ ଏଦାଆଁତାକି ହାଟନିଏ ନାନୁ ଏନାଆଁ ଅଶପିଆନା ଝାଡ଼େଏଁ । ଇଦାଆଁତାକି ନାନୁ ଝେଞ୍ଜିମାଞ୍ଜାଇଁ, ଏନାଆଁ

କିହାଲି ମୀରୁ ନାଜେ ହାଟାତେରି ?”

୩୦ କର୍ନଲିୟ ଏଲେଇରେସି, “ତାନିଦିନା ନକେଏ ଇ ବେଲୋତା ମିଡ଼ଅଲ୍ଲା ତାନି ଗଂଟା ବେଲ୍ଲା ନାନୁ ନା ଇଜ ପ୍ରାତାନା କିହିମାଚେଏ; ମେହମୁ ଏମ୍ପାଆଁ ଉଜେଡ଼ିଗାଟି ଦବ୍‌ଲା ହିମ୍ପରିକା ତୁରହାମାନି ର ଲକ୍ଷୁ ନା ନକିତା ନିତେସି, ୩୧ ଅଡ଼େ ଏଝାସି ଏଲେଇଜାତେସି, ‘କର୍ନଲିୟ ! ମାହାପୁରୁ ନୀ ପ୍ରାତାନା ଝେଞ୍ଜାମାନେସି; ଇଞ୍ଜା ହିଲ୍ଲାଆ ଗାଟାରାକି ନୀ ଦାନା ହୀନାୟି ବାରେ ମାହାପୁରୁ ନକିତା ନେହଁ ତଞ୍ଜା ଆହାମାନେ । ୩୨ ଇଦାଆଁତାକି ସିମନ ଦରୁଗାଟି ପିତରଇଁ ହାଟା ତାଚାଲି ଜାପତା ଲକ୍ଷୁଇଁ ପାଣ୍ଡାମୁ, ଏଝାସି ସାମ୍ପଦୁରି ଗାରୁତା ଡ଼ୟିନି ତଲ୍ଲକା କାମା କିନି ସିମନ ଇଜ ଗତାଗାଟାସି ଆହାମାନେସି ।’ ୩୩ ଏଦାଆଁତାକି ଝେଡ଼ାକିଆନା ନାନୁ ନୀ ତାଣା ଲକ୍ଷୁ ପାଣ୍ଡାତେଏ, ଅଡ଼େ ନୀନୁ ଝାହାମାଞ୍ଜି ନେହଁ କିହାମାଞ୍ଜି, ଇଚିହଁ ପ୍ରୁ ନିଜେ ଏନାଆଁ ହୁକୁମି ହୀହାମାଞ୍ଜାନେସି, ଏଦାଆଁ ଝେଞ୍ଜାଲିତାକି ମାମ୍ପୁ ବାରେ ମାହାପୁରୁ ନକିତା କୃତା ଆହାମାନମି ।”

ପିତର ଜାପନାୟି

୩୪ ଏଚେଟିଏ ପିତର ଗୁଡ଼ି ଏକ୍‌ହାନା ଏଲେଇରେସି, “ମାହାପୁରୁ ସାତେଏ ବାରେ ଲକ୍ଷୁଣି ପାର୍ଡ଼ା ବାଟି କିଅସି, ୩୫ ଆମିନି ଲକ୍ଷୁ ଏଝାଣାଇଁ ଆଜିନେରି ଅଡ଼େ ଏଝାସି ଅପିନି ଲେହେଁ ନେହଁ କାମା କିନେରି ଏଝାରି ଆମିନି କୃତାତାରି ଇଚିହଁ ଜିକେଏ, ଏଝାସି ଆବିନେସି । ୩୬ ଏଝାସି ଜୀସୁ କ୍ରୀସ୍ତ ତାଣାଟି ହିଡ଼ଡ଼ିତି ନେହଁ କାରୁ ଝେସାନା ଇସ୍ରାୟେଲ ମୀର୍କା ନକିତା ଇ ବଲ୍ଲୁ ପାଣ୍ଡାତେସି; ଏ ଜୀସୁ କ୍ରୀସ୍ତ ବାରେଡି ପ୍ରୁ । ୩୭ ମୀରୁ ପୁଞ୍ଜାମାଞ୍ଜେରି ଜହନ ବାପ୍ତିସ୍ମ* କାତା ଝେକ୍‌ହି ତାଣାଟିଏ ଏ ନେହଁ କାରୁ ଗାଲିଲିଟିଏ ମାଟ୍‌ହାନା ବାରେ ଜୀହୁଦା ରାଜିତି ଲକ୍ଷୁତାଣା ଝେଞ୍ଜାମାନେ, ୩୮ ଇଚିହଁ ନାଜ୍‌ରିତ ଜୀସୁତି କାତା ପୁଞ୍ଜାମାଞ୍ଜେରି, ଏନିକଁ ମାହାପୁରୁ ଏଝାଣାକି ସୁଦୁଜୀଝୁ ଇଞ୍ଜା ବାଡ଼୍‌ୟୁ ହୀହାନା ବର ହୀତେସି, ଇଞ୍ଜା ନେହଁ କାମା କିହଁ ସୟତାନ ପାନ୍ଦାତା ଦସ୍‌ପି ଆହାମାନି ଲକ୍ଷୁଣି ନେହଁ କିହଁ ବାରେଝାକି ରେଚେସି, ଇଚିହଁ ମାହାପୁରୁ ଏଝାଣିତଲେ ମାଚେସି । ୩୯ ଏଝାସି ଜୀହୁଦି ଲକ୍ଷୁତି ଦେସାତା ଅଡ଼େ ଜିରୁସାଲମତା ଏନା ଏନାଆଁ କିତେସି, ମାମ୍ପୁ ଏ ବାରେଡି ସାକି; ଏଝାରି ଏଝାଣାଇଁ ପାସି ମୁଣ୍ଡାତା ଏକ୍‌ହାନା ପାୟିତେରି । ୪୦ ସାମା ମାହାପୁରୁ ଏଝାଣାଇଁ ତାନି ଦିନାତା ନିକ୍‌ହେସି ଅଡ଼େ ତଞ୍ଜାଆଝି କିତେସି; ୪୧ ବାରେଜାଣା ତାକି ଆଏ, ଝାରଇ ମାହାପୁରୁ ଆଚିତି ସାକି, ଇଚିହଁ ମା ନକିତା ତଞ୍ଜାଆଡେସି । ମାହାପୁରୁ ଏଝାଣାଇଁ ହାକିଟି ନିକ୍‌ହି ଜେଟ ମାମ୍ପୁ ଏଝାଣିତଲେ ତିଟମି ଉଟମି । ୪୨ ଅଡ଼େ ଲକ୍ଷୁ ନକିତା ଇ ନେହଁ କାରୁ ଝେକ୍‌ହାଲି, ଇଞ୍ଜା ହାଡ଼ାରି ଅଡ଼େ ଜୀଝୁତା ନୀତାମାନାରି ନୀହାୟି କିନାସି ଆହାଲି ମାହାପୁରୁ ଏଝାଣାଇଁ ଆଡ଼ାମାନେସି ଇଞ୍ଜା ସାକି ହୀହାଲି ଏଝାସି ମାଜେ ହୁକୁମି ହିୟାତେସି । ୪୩ ଆମ୍ପାଆସି ଏଝାଣି ତାଣା ନାମିନେସି, ଏଝାସି

ଏଝାଣି ଦରୁତଲେ ପାପୁ ମ୍ପେପ୍‌କି ଆନେସି, ଇଦାଆଁ ବାରେ ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ନାରି ଏଝାଣି କାତାତି ସାକି ହୀହାମାନେରି ।”

ଜୀହୁଦିଆଆତି ଲକ୍ଷୁ ସୁଦୁଜୀଝୁ ବେଟାଆନାୟି

୪୪ ପିତର ଇ ବାରେ କାତା ଝେସିମାଟି ବେଲୋତା ଆମିନି ଗାଟାରି ତାନି ବଲ୍ଲୁ ଝେଞ୍ଜିମାଚେରି, ଏ ବାରେଜାଣାଟି ମୁହେଁ ସୁଦୁଜୀଝୁ ରେଟାଝାଡେ । ୪୫ ଜୀହୁଦିଆଆତି ଲକ୍ଷୁତାଣା ଜିକେଏ ସୁଦୁଜୀଝୁ ରେଟା ଝାଡ଼ାଣି ମେସାନା ପିତର ତଲେ ଜାପଟି ଝାହାମାଟି ତଲ୍ଲୁ ଦାପି ଆଡ଼ି ନାମିତି ଜୀହୁଦିୟା, ଏଝାରି ବାରେଜାଣା କାବା ଆଚେରି । ୪୬ ଇଚିହଁ ଏଝାରି ଏଟ୍‌କା ଏଟ୍‌କା ହାଡ଼ାତଲେ କାତା ଆହିମାଟାଣି ଇଞ୍ଜା ମାହାପୁରୁତି ଜହରା କିହିମାନାଣି ଝେଚେରି । ଏଚିବେଲ୍ଲା ପିତର ଏଲେଇଚେସି । ୪୭ “ଇଝାରି ଆମିନି ଲକ୍ଷୁ ମା ଲେହେଁ ସୁଦୁଜୀଝୁ ବେଟାଆହାମାନେରି, ଇଝାରି ଏୟୁତଲେ ବାପ୍ତିସ୍ମ† ବେଟାଆହାଲି ଆମ୍ପାଆସି କାହି କିୟାଲି ଆଡ଼ିମାନେସି ?” ୪୮ ଇଞ୍ଜା, ଏଝାସି ଏଝାଣାଇଁ ଜୀସୁ କ୍ରୀସ୍ତ ଦରୁତଲେ ବାପ୍ତିସ୍ମ‡ ହୀହାଲି ହୁକୁମି ହୀତେସି, ତାୟୁ ଏଝାରି ଏଚରଦିନା ଡ଼ୟାଲି ଏଝାଣାଇଁ ବାଡ଼ିମାଲିଚେରି ।

୧୧

ପିତର କାମାତି କାତା ଜିରୁସାଲମ କୁଲମିତା ଝେହ୍‌ନାୟି

୧ ଜୀହୁଦିଆଆତାରି ଜିକେଏ ମାହାପୁରୁତି ବଲ୍ଲୁ ନାମିଚେରି, ଇ କାତା ପାଣ୍ଡୁଝି ଆଡ଼ାରି ଇଞ୍ଜା ଜୀହୁଦା ରାଜିତା ମାନି ତାୟିୟା ଝେଚେରି । ୨ ପିତର ଏଚିବେଲ୍ଲା ଜିରୁସାଲମତା ଝାଡ଼େସି, ଏଚିବେଲ୍ଲା ତଲ୍ଲୁ ଦାପି ଆଡ଼ି ସୀସୁୟା ପିତର ତଲେ ବାଦିବାଦା ଆଚେରି, ୩ “ନୀନୁ ଜୀହୁଦିଆଆତି ଲକ୍ଷୁ ଇଲ୍‌କାଣା ହୀଜାନା ଏଝାରିତଲେ ତିଞ୍ଜାମାଞ୍ଜି !” ୪ ସାମା ପିତର ଇ ବାରେ କାତାତି ମୁଲୁଟିଏ ଝେସାଲି ମାଟ୍‌ହାନା ଏଲେଇଚେସି ।

୫ “ନାନୁ ଜାପ ଗାଡ଼ାତା ପ୍ରାତାନା କିହିମାଚେଏ, ଇଞ୍ଜା ସେୟାଣା ହାପାନାତା ମେସ୍‌ପେଏ, ଏନିକଁ ର କାଜା ହିମ୍ପରିତି ସାରି କନତା ଆସାହା ଲାକପୁରୁଟି ଡ଼ଇ ରେଟା ଝାହିମାଚେ, ଅଡ଼େ ଏଡ଼ି ନା ପାତେକା ଝାଡ଼େ; ୬ ନାନୁ ଏମ୍ପାଆଁ ସିନିକିହାନା ଅଣ୍‌ପାଲି ମାଟ୍‌ହେଏ, ଏମ୍ପାଆଁ ଦାରଡ଼ିତି ସାରିଗଟା କତାୟା ତଲେ ତାକିନି ନାସ୍‌କାତି ଜନ୍ତ ଇଞ୍ଜା ଜାଡ଼ାତି ଜନ୍ତ ତ୍ତରିୟା ରାସ୍‌କା ଅଡ଼େ ହାଗୁଡ଼ି ପଚାୟା ମେସ୍‌ପେଏ, ୭ ଅଡ଼େ ନାଜେ ଝେସାମାଞ୍ଜାନି ଇ ହାଡ଼ା ଜିକେଏ ଝେଚେଏ, ‘ପିତର; ନିଜ୍‌ମାମ୍ପୁ, ପାୟାନା ତିନାମ୍ପୁ !’ ୮ ସାମା ନାନୁ ଏଲେଇଚେଏ, ‘ଆଏ ପ୍ରୁ ! ତୀଗାଆଗାଟି ଲାଗେଏ ପଲେଏତି କାଡ଼ି ନାନୁ ଏଚେଲାଝା ନା ଗୁଡ଼ିତା ଅହାହିଲଅଁ ।’ ୯ ସାମା ଅର ଦେବା ଲାକପୁରୁଟି ଇ ହାଡ଼ା ଝେସ୍‌ସ୍ତାଚେ, ‘ମାହାପୁରୁ ଏନାଆଁ ସୁଦୁ କିହାମାନେସି, ଏଦାଆଁ ନୀନୁ ଲାଗେଏତାୟି ଇନାଆନି ।’ ୧୦ ଇଲ୍‌ଆହଁ ତାନି ପାଲି ଆଚେ, ଅଡ଼େ ତାୟୁ ଏ ବାରେ ଝେଶ୍‌ଶେ ଲାକପୁରୁ ଅଝିଆଚେ

* ୧୦:୩୭ ୧୦:୩୭ ମୁଞ୍ଜିନାୟି † ୧୦:୪୭ ୧୦:୪୭ ମୁଞ୍ଜିନାୟି ‡ ୧୦:୪୮ ୧୦:୪୮ ମୁଞ୍ଜିନାୟି

। ୧୧ ଅଡ଼େ ମେହଦୁ, ଦେବୁଣିଏ ତୀନି ଜାଣା ଲକୁ ମାମୁ ଆମିନି ଇଲୁତା ମାତମି ଏମ୍ବାଆଁ ଖାହାନା ନିତେରି, ଏଞ୍ଜାରି କାୟିସରିୟାତିଏ ନା ତାଣା ପାଣ୍ଡୁଆହାମାରେରି । ୧୨ ଇଞ୍ଜା ଆନାମାନା ଆଆନା ଏଞ୍ଜାରିତଲେ ହାଜାଲି ଜୀଝୁ ନାଲେ ଖେସ୍ତାତେ, ଅଡ଼େ ଇ ସ ଜାଣା ତାୟିୟାଁ ଜିକେଏ ନା ତଲେ ଜାପତି କାୟିସରିୟାତା ଖାଡ଼େରି, ଇଞ୍ଜା ମାମୁଏ କର୍ନଲିୟ ଇଜ ହାତମି । ୧୩ ଏଞ୍ଜାସି ଏନିକିଁ ର ଦୁଡୁଇଁ ସେୟାଁଣା ହାପାନାତା ମେସାମାରେସି, ଏଦାଆଁ ମାଲେ ଖେସ୍ତାତେସି, ଏ ଦୁଡୁ ଏନିକିଁ ଏଞ୍ଜାଣି ଇଜ ନିତାନା ଖେସ୍ତେ, ଜାପତା ଲକୁଣି ପାଣ୍ଡାନା ପିତର ଇନି ସିମନଇଁ ହାଟାତାମୁ; ୧୪ ଏଞ୍ଜାସି ମିଲେ ଖେସ୍ତାନି କାତାତଲେ ‘ମାରୁ ଅଡ଼େ ମୀ ବାରେ କୁଟମି ଗେଲପି ଆଦେରି ।’ ୧୫ ତାୟୁ ନାନୁ ଜଲଲି ମାଟ୍‌ହାଲିଏ ସୁଦୁଜୀଝୁ ମା ଲାକ ଏନିକିଁ ରେଟାଞ୍ଜାଡ଼େ, ଏଲେକିଁ ଏଞ୍ଜାରି ଲାକ ଜିକେଏ ରେଟାଞ୍ଜାଡ଼େ । ୧୬ ଏଚିବେଲା ପ୍ରବୁ ଖେସ୍ତ ଇ ହାଡା ନା ଅଣପୁତା ଖାଡ଼େ; ‘ଜହନ ଏୟୁତଲେ ବାପ୍ପିସ୍ତା* ହାଡେସି ସାତା, ସାମା ମାରୁ ସୁଦୁଜୀଝୁ ତଲେ ବାପ୍ପିସ୍ତା ଆଦେରି ।’ ୧୭ ଇଚିହିଁ ମାର ପ୍ରବୁ ଜୀସୁ କ୍ରୀସ୍ତ ତାଣା ନାମିତି ବେଲାତା ମାହାପୁରୁ ଏନିକିଁ ମାଲେ ଆମିନି ଦାନା ହାହାମାଞ୍ଜାତେସି, ଏଲେକିହିଁ ଏ ଏଞ୍ଜାରାକି ଜିକେଏ ସମାନା ଦାନା ହାଡେସି; ନାନୁ ଆମ୍ବାଆଡେଏଁ ମାହାପୁରୁଇଁ କାହି କିହାଲି ଆଡ଼ିଇଁ !”

୧୮ ଏଞ୍ଜାରି ଇ ବାରେ କାତା ଖେଞ୍ଜାଲିଏ ଏଞ୍ଜାରି ପାଲେଏ ଆଡେରି, ଇଞ୍ଜା ମାହାପୁରୁଇଁ ଜହରା କିହିଁ ଏଲେଇରେରି, “ଆଡିହିଁ ମାହାପୁରୁ ଜୀହୁଦିଆଆଡି ଲକୁକି ଜିକେଏ ହିୟାଁ ଖେଟ୍‌ହାଲି ଅଡ଼େ ନୀତାଲି ପାରୁ ହାହାମାନେସି ।”

ଆନ୍ତ୍ରିୟକିୟା କୁଲମି

୧୯ ଏଚିବେଟିଏ ସ୍ତ୍ରିପାନ ହାଡ଼ି ତାୟୁ, ଏଚେକା ନାମୁଗାଟାରି କସ୍ତ ନିନ୍ଦା ଆଡାକି ଆଲାରା ଆହାମାଟାରି ବିତ୍ରାଟି, ପୟିନିକିୟା, କୁପ୍ର ଅଡ଼େ ଆନ୍ତ୍ରିୟକିୟା ପାତେକା ରେଜାନା ଖାରଇ ଜୀହୁଦି ଲକୁ ପିସପେ ଅଡ଼େ ଆମ୍ବାଆରି ତାଣା ନେହିଁ କାରୁ ଖେସିହିଲଆଡ଼େରି । ୨୦ ସାମା ଏଞ୍ଜାରି ବିତ୍ରାଟି ଏଚରଜାଣା କୁପ୍ର ଅଡ଼େ କୁରିଣିୟ ଲକୁ ଆନ୍ତ୍ରିୟକିୟା ଖାହାନା ଗିକ୍ ଲକୁତାଣା ଜିକେଏ କାତା ଖେସିହିଁ ପ୍ରବୁ ଜୀସୁତି ନେହିଁ କାରୁ ଖେକହେରି । ୨୧ ଅଡ଼େ, ଏଞ୍ଜାରିତଲେ ପ୍ରବୁତି ବାଡ଼ୁୟୁ ମାଟେ, ଅଡ଼େ ହାରେ ହାରେକା ଲକୁ ନାମାହାଁ ପ୍ରବୁ ଖାକି ଖେଣ୍ଡାଞ୍ଜାଡ଼େରି ।

୨୨ ଏଞ୍ଜାରି ହାଡା ଜିରୁସାଲମତି କୁଲମିତା ଏଗାହାଚେ, ଏମ୍ବାଟିଏ ଏଞ୍ଜାରି ଆନ୍ତ୍ରିୟକିୟା ପାତେକା ବର୍ନବାଇଁ ପାଣ୍ଡାତେରି । ୨୩ ଏଞ୍ଜାସି ଏମ୍ବାଆଁ ଏଜାନା ମାହାପୁରୁତି କାର୍ମାମେସାନା ରାହାଁ ଆଡେସି, ଇଞ୍ଜା ଏଞ୍ଜାରି ଏନିକିଁ ହିୟାଁତା ରଣ୍ଡିଏ ରାହାତଲେ ପ୍ରବୁ ତାଣା ମାନାପେରି ଇଞ୍ଜାଁ ଏଞ୍ଜାରାକି ବାସ୍ତୁ ହାଡେସି । ୨୪ ବର୍ନବା ର ନେହିଁ ଲକୁ, ନାମୁତା ଇଞ୍ଜା ସୁଦୁଜୀଝୁ ବେଟାଆହାମାନାସି ମାରେସି, ଇଞ୍ଜା

ଇଲେତି ବଲୁ ଖେକନି ତାଣା ହାରେକା ଲକୁ ପ୍ରବୁ ତାଣା ଆଣ୍ଡିତେରି ।

୨୫ ତାୟୁ ବର୍ନବା ସାଞ୍ଜୁଲଇଁ ପାରାଲି ତାର୍ସ ଗାଡାତା ହାଚେସି, ୨୬ ଇଞ୍ଜା, ଏଞ୍ଜାସି ଏଞ୍ଜାଣାଇଁ ବେଟାଆହାନା ଆନ୍ତ୍ରିୟକିୟାତା ତାଚିହିଁ ଖାଡ଼େସି, ଏଞ୍ଜାରି ର ବାର୍ସା ପାତେକା କୁଲମି ତଲେ ମାଞ୍ଜାନା ହାରେକା ଲକୁଣି ଜାପୁହେରି, ଅଡ଼େ ଆନ୍ତ୍ରିୟକିୟାତି ସୀସୁୟାଁ ତଲିଏ କ୍ରୀସ୍ତାନା ଇଞ୍ଜାଁ ଖେକିତେରି ।

୨୭ ଏଚିବେଲାତା ଏଚରଜାଣା ମାହାପୁରୁ ଅଣପୁତି ବଲୁ ଖେହନାରି ଜିରୁସାଲମତି ଆନ୍ତ୍ରିୟକିୟାତା ଖାଡ଼େରି । ୨୮ ଏଞ୍ଜାରି ବିତ୍ରାଟି ଆଗାବ ଦରୁଗାଟି ର ଲକୁ ନିଜ୍ଜାନା ବାରେ ଦାରତିତା କାଜା କାତାରା ଆନେ ଇଞ୍ଜାଁ ଜୀଝୁତି ବାଡ଼ୁୟୁ ତଲେ ଖେସ୍ତେସି; ଏଡ଼ି କ୍ଲାଞ୍ଜୁଦିୟା ସାଲୁଞ୍ଜି କିନାଣି ବେଲାତା ଆଡେ । ୨୯ ଏମ୍ବାଟିଏ ସୀସୁୟାଁ ତାମୁ ତ୍ରାମି ଆଡ଼ିନି ଲେହେଁ ଜୀହୁଦା ରାଜିତା ମାନି ନାମିତି ତାୟିୟାଁକି ସାୟେମି କିୟାଲି ତୀରି କିତେରି, ୩୦ ଅଡ଼େ, ଏଞ୍ଜାରି ଜିକେଏ ଟାକାୟାଁ କୁଡ଼ି କିହାନା ଏ କୁଲମିତି ପ୍ରାରିନାଜା କେୟୁତା ହାହାଲି ବର୍ନବା ଅଡ଼େ, ସାଞ୍ଜୁଲ କେୟୁତା ଟାକାୟାଁ ପାଣ୍ଡିତେରି ।

୧୨

ହାରେକା ସାସ୍ତ୍ରି ପାଣ୍ଡନାୟି

୧ ଏଚିବେଲାତା ରାଜା ହେରଦ କୁଲମିତି ଏଚର ଜାଣାଇଁ ସାସ୍ତ୍ରି ହାହାଲି ମାଟ୍‌ହେସି । ୨ ଏଞ୍ଜାସି ଜହନତି ତାୟି ଜାକୁବଇଁ କାଣ୍ଡାତଲେ ପାୟି କିତେସି । ୩ ଅଡ଼େ, ଜୀହୁଦି ଲକୁ ଏଞ୍ଜାଣି ତାକି ରାହାଁ ଆହାମାନାଣି ମେସାନା ଏଞ୍ଜାସି ପିତରଇଁ ଜିକେଏ ଆସ୍ତେସି, ଏଚିବେଲାତା ପୁଲା ଆଣ୍ଡାଆଡି ରୁଟି ତିନି ପାର୍ବୁ ମାଟେ । ୪ ଏଚେଟିଏ ଏଞ୍ଜାସି ପିତରଇଁ ଦସ୍‌ପାନା କାୟିଦି ଇଲୁତା ଇଚିତେସି, ଇଞ୍ଜାଁ ପିସପିଆନି ପାର୍ବୁ ରାଡ଼ି ତାୟୁ ଏଞ୍ଜାଣାଇଁ ବାରେ ଲକୁ ନକିତା ତାଚାଲି ଅଣପାନା ଏଞ୍ଜାଣାଇଁ କାଚାଲି ସାରି ଜାଣା ଲାକା ସାରି ଗତି କସକା କେୟୁତା ହେରପିତେସି । ୫ ପିତରଇଁ କାୟିଦିତା ସୁଣ୍ଡିତେରି, ସାମା ଏଞ୍ଜାଣି ତାକି କୁଲମି ରଣ୍ଡିଏ ହିୟାଁ ତଲେ ମାହାପୁରୁ ତାଣା ପ୍ରାଡାନା କିହିମାଚେରି ।

ପିତର କାୟିଦି ଇଲୁଚି ଗେଲପି ଆନାୟି

୬ ତାୟୁ ହେରଦ ଆମିନି ଦିନା ପିତରଇଁ ହପ୍‌ହାଲି ଅଣପାମାଚେସି, ଏ ନେରୁ ଲାଆଁୟାଁ ପିତର ରୀ ହିକଣିୟାଁ ତଲେ ଦସ୍‌ପି ଆହାନା ରୀ କସକା ମାଦି ତୁରାମାଚେସି, ଅଡ଼େ କାଃଆନାରି କାୟିଦି ଇଲୁ ଦୁଖେରିତା କାଚାମାଚେରି । ୭ ଅଡ଼େ ମେହଦୁ, ଦେବୁଣିଏ ପ୍ରବୁତି ର ଦୁଡୁ ଏମ୍ବାଆଁ ତଞ୍ଜାଆଡେ, ଇଞ୍ଜାଁ ଇଲୁ ବିତ୍ରା ଉଜେଡ଼ି ଆହାହାଚେ, ଅଡ଼େ ପିତରଇଁ ବମିତା ତୀଗାହାଁ ନିକହାନା ଏଲେଇଚେ, “ତବେ ନିଜ୍ଜାମୁ,” ଏମ୍ବାଟିଏ ଏଞ୍ଜାଣି କେସ୍ତାଡ଼ି ହିକଣିୟାଁ ହୁଜ୍ଜାହାରୁ । ୮ ଏଚେଟିଏ ଦୁଡୁ ଏଞ୍ଜାଣାଇଁ ଏଲେଇଚେ, “ଚେଡେଲି ରୁପା କତାମୁ ଇଞ୍ଜାଁ ସେପୁୟାଁ ତୁର୍ମୁ” ଇଞ୍ଜାଁ

☆ ୧୧:୧୭ ୧୧:୧୭ କାମା ୧:୫ * ୧୧:୧୭ ୧୧:୧୭ମୁଞ୍ଜିନାୟି † ୧୧:୧୭ ୧୧:୧୭ମୁଞ୍ଜିନାୟି ☆ ୧୧:୧୯ ୧୧:୧୯ କାମା ୮:୧-୪ ☆ ୧୧:୨୮ ୧୧:୨୮ କାମା ୨୧:୧୦

ପିତର ଏଲେକିତେସି, ଅଡ଼େ ଦୁତୁ ଏଲେଇଚେ, “ନୀ ହିମ୍ବୁରି ପରହାନା ନା ଜେଚ ଜେଚ ଖାମୁ ।” ୯ ପିତର ହଚାନା ଏଞ୍ଜାଣି ଜେଚ ଜେଚ ହାଚେସି; ସାମା ଦୁତୁ ତାଣାଟି ଏନାଆଁ କିଞ୍ଜିଆଡ଼େ, ଏଦି ସାତେଏ ଏଦାଆଁ ପୁନାଆନା ଏଞ୍ଜାସି ହାପାନା ହେଣ୍ଡିମାଲ୍ ଇଞ୍ଜି ଅଣପିମାଚେସି । ୧୦ ଏଚିବେଲ୍ଲାତା ଏଞ୍ଜାରି ନକିତି ଅଡ଼େ ଏଦାଣି ତାୟୁ କାଚାମାଚାରାଇଁ ଗାଣ୍ଡାଚାନା ଆମିନି ଲହ ଦୁଞ୍ଜେରି ହାହାନା ଗାଡ଼ାତା ହଡ଼ାଲି ଆନେ, ଏଦାଆଁ ତାଗେ ଖାହାଲିଏ, ଏଚେତା ଏ ଦୁଞ୍ଜେରି ତାନୁ ତାନୁଏ ଏଞ୍ଜାରାକି ଦେପି ଆହାହାଚେ, ଅଡ଼େ ଏଞ୍ଜାରି ହଚା ହାଜାନା ର ଆଂଗେଣି ମୁଟ୍‌ହାମାନି ପାତେକା ହାଚେରି, ଇଞ୍ଜା ଦେବୁଣିଏ ଏ ଦୁତୁ ଏଞ୍ଜାଣାଇଁ ପିସା ହାଚେ ।

୧୧ ଏଚେଟିଏ ପିତର ସେଡ଼ନା ଆହାନା ଏଲେଇଚେସି, “ପ୍ରବୁ ତାନି ଦୁତୁଇଁ ପାଣ୍ଡାନା ହେରଦ କେୟୁଟି ଅଡ଼େ ବାରେ ଜୀହୁଦି ଲକୁ ଅଣପିମାଟି ତାଣାଟି ପିସ୍‌ପି କିହାଁ ମାଞ୍ଜାନେସି, ଇଦାଆଁ ନୀର୍ବ ନାନୁ ସାତେଏ ପୁଚେସି ।”

୧୨ ଏଞ୍ଜାସି ଇ କାତା ଅଣପିହ୍ ମାର୍କ ଦରୁଗାଟି ଜହନ ତାମି ଇୟା ମରିୟମନି ଇଜ ହାଚେସି; ଏମ୍ବାଆଁ ହାଚେକା ଲକୁ ରୁଣ୍ଡା ଆହାନା ପ୍ରାଡାନା କିହିମାଚେରି । ୧୩ ପିତର ପାଙ୍ଗାଟି ଦୁଞ୍ଜେରିତା ଖେଚାଲିଏ, ରଦା ଦରୁଗାଟି ର ହଲେଣି ଆମ୍ବାଆତେରି ଇଞ୍ଜି ଖେଞ୍ଜାଲି ହାଚେ । ୧୪ ଏଦି ପିତରତି ହାଡ଼ା ଖେଞ୍ଜାନା ରାହାଁତାକି ଦାରା ଦେଃଆନା ବିତ୍ରା ଦାବ୍‌ଡ଼ି ହାଜାନା ଦାରା ତାକିତା ପିତର ନିଚାମାନେସି ଇଞ୍ଜି ଖେସ୍ତେ । ୧୫ ଏଞ୍ଜାରି ଏଦାନି ଏଲେଇଚେରି, “ନୀନୁ ବାୟା ଆଡ଼ିକି ଇଞ୍ଜି ଇଚେରି,” ସାମା ଏଦି ଏଦାଆଁ ସାତା ଇଞ୍ଜି ଗାଡ଼ିକିହ୍ ଖେସ୍ତେ, ଇଞ୍ଜା ଏଞ୍ଜାରି ଏଲେଇଚେରି, “ଏଦି ଏଞ୍ଜାଣି ଦୁତୁ ।”

୧୬ ସାମା ପିତର ଦାରାତା ଅଲେ ଅଲେ ଖେଟିମାଚାକି, ଏଞ୍ଜାରି ଦାରା ଦେଚାନା ଏଞ୍ଜାଣାଇଁ ମେସାନା କାବା ଆଡ଼େରି । ୧୭ ସାମା ଏଞ୍ଜାସି ଏଞ୍ଜାରାଇଁ ପାଲେଏ ମାଞ୍ଜାଲି କେୟୁ ଜୀଞ୍ଜିଚେସି, ଇଞ୍ଜା ପ୍ରବୁ ଏଞ୍ଜାଣାଇଁ ଏନିକି କାୟିଦି ଇଲୁଟି ହପ୍‌ହା ତାଚେସି ଏଞ୍ଜାରାଇଁ ଖେସ୍ତେସି, ଅଡ଼େ ଏଞ୍ଜାସି ଏଲେଇଚେସି “ଇ ବାରେ କାତା ଜାକୁବ ଅଡ଼େ ବାରେ ନାମିତି ତାୟିୟାଲ୍ ଖେହ୍‌ଦୁ,” ଇଞ୍ଜା ଏଞ୍ଜାସି ତାକିହ୍ ଅର୍ ଚାୟୁତା ହାଜାତୁସ୍ତେସି ।

୧୮ ଲାଲ୍ ଖେୟାଲିଏ ପିତର ଆମ୍ବିୟା ହାଚେସି ଇଞ୍ଜି କାପୁ କାଃଆନି କସ୍‌କା କାବାଆହାନା ହାଚେକା ବିଲ୍‌କି ଆଡ଼େରି ? ୧୯ ଅଡ଼େ, ହେରଦ ଏଞ୍ଜାଣାଇଁ ପାରି କିହାନା ପୁଃଆଲିଏ, କାପୁ କାଃନାରାଇଁ ଖେଟି ତାୟୁ, ଏଞ୍ଜାରାଇଁ ପାୟାଲି ହୁକୁମି ହୀଚେସି । ଏଦାଆଁ ତାୟୁ ହେରଦ ଜୀହୁଦା ରାଜିଟି କାୟିସରିୟାତା ହାଜାନା ଏମ୍ବାଆଁ ଡ଼ୟିଚେସି ।

ହେରଦ ହାନାୟି

୨୦ ଏଚିବେଲ୍ଲା ହେରଦ ସର ଅଡ଼େ ସିଦନତି ଲକୁତାକି ଆଜିହପେତି କପା ଆହାମାଚେସି, ଅଡ଼େ ଏଞ୍ଜାରି ରଣ୍ଡିଏ କାତା ଆହାନା ଏଞ୍ଜାଣି ତାଣା ଖାଚେରି, ଇଞ୍ଜା ରାଜା ଇଲୁଟି

ଲୁସ୍‌ସ ଇନି ସାଲ୍‌ଖି କିନାଣାଇଁ ତାମି ଖାକି କିହାନା, ରାଜାଇଁ ହିଡ଼ଡ଼ି ତାକି ବାତିମାଲିଚେରି, ଇଚିହ୍ ହେରଦ ରାଜା ଦେସାଟି ସର ଅଡ଼େ ସିଦନ ଦେସାତା ଆର୍ନା ହାଜିମାଚେ ।

୨୧ ଏଚେଟିଏ ହେରଦ ତାରିକିତି ଦିନାତା ରାଜା ହୁଟିନି ହିମ୍ବୁରିକା ହୁଚାନା ସିଂଗାସାଣିତା କୁଗାନା ଲକୁ ନକିତା ର କାତା ଖେସ୍ତେସି; ୨୨ ଏଚେଟିଏ ଲକୁ କାଲ୍‌ଖି ଆହ୍ ଏଲେଇଚେରି, “ଇଦି ମାହାପୁରୁତି ଗିୟାଁ, ମାଣ୍ଡସିତି ଗିୟାଁ ଆଏ !” ୨୩ ଏ ଦେବୁଣିଏ ପ୍ରବୁତି ର ଦୁତୁ ହେରଦଇଁ ତାରିଚେ, ଇଚିହ୍ ଏଞ୍ଜାସି ମାହାପୁରୁଇଁ ଜହରା କିଆଚେସି, ଇଞ୍ଜା ଏଞ୍ଜାଣାଇଁ ପିଡ଼ୟୁଲି ତିଞ୍ଜାଲିଏ ଏଞ୍ଜାସି ହାଚେସି ।

୨୪ ସାମା ମାହାପୁରୁତି ବଲୁ ପାତାଆହାନା ହାଚେକା ଖେଙ୍ଗିଚେ ।

୨୫ ତାୟୁ ବର୍ନବା ଅଡ଼େ ସାଞ୍ଜୁଲ ତାମି ସେବା କାମା ରାପ୍‌ହାନା ଜହନ ଇନି ମାର୍କଇଁ ତଡ଼ କ୍ରିହାନା ଜିରୁସାଲମଟି ଖେଣ୍ଡା ହାଚେରି ।

୧୩

ବର୍ନବା ଅଡ଼େ ସାଞ୍ଜୁଲଇଁ ଆଚାନା ପାଣ୍ଡିନାୟି

୧ ଏଚିବେଲ୍ଲା ଆନ୍ତ୍ରିୟକିୟାତି କୁଲମିତା ବର୍ନବା, ସିମିୟନ କାଡ଼ିୟା ଇନାସି, କୁରିଣି ଦେସାଟି ଲୁକିୟ, ହେରଦ ରାଜା ତାୟିଲେହେଁ ପାତାଆଡ଼ି ମନହେମ ଅଡ଼େ ସାଞ୍ଜୁଲ, ଆନ୍ତ୍ରିୟକିୟାତା ମାଟି କୁଲମିତା ମାହାପୁରୁ ଅଣପୁତି ବଲୁ ଖେହ୍‌ନାରି ଅଡ଼େ ଜାପ୍‌ନାରି ମାଚେରି । ୨ ଏଞ୍ଜାରି ପ୍ରବୁତି ସେବା ଅଡ଼େ ଉପାସା କିହିମାଚାଟି, ସୁଦୁଜୀଞ୍ଜୁ ଏଞ୍ଜାରାଇଁ ଏଲେଇଚେ, “ନୀନୁ ଆମିନି କାମାତାକି ବର୍ନବା ଅଡ଼େ ସାଞ୍ଜୁଲଇଁ ହାଟାମାଇଁ, ଏ କାମାତାକି ଏଞ୍ଜାରାଇଁ ଏଟକା କିଦୁ ।”

୩ ଏଚେଟିଏ ଏଞ୍ଜାରି ଉପାସା ଅଡ଼େ ପ୍ରାଡାନା କିତି ତାୟୁ ଏଞ୍ଜାରି ତାର୍କାଣା କେୟା ଇଚାନା ଏଞ୍ଜାରାଇଁ ହେର୍‌ପାନା ପାଣ୍ଡିଚେରି ।

କୁପ୍ରତା କାମା

୪ ଇଲେଆହ୍ ବର୍ନବା ଅଡ଼େ ସାଞ୍ଜୁଲ ସୁଦୁଜୀଞ୍ଜୁ ତଲେ ପାଣ୍ଡୁଞ୍ଜି ଆହାନା ସେଲୁକିୟାତା ହାଚେରି; ଇଞ୍ଜା ର ସାମ୍‌ଦୁରି ଜାକାତା ହଚାନା କୁପ୍ରତା ହାଚେରି । ୫ ଏଞ୍ଜାରି ସାଲମି ଗାଡ଼ାତା ଏଗାହାଜାଲିଏ ଜୀହୁଦି ଲକୁତି ବାରେ ଜୀହୁଦି ଲକୁତି କୁଟିନି ଇଲ୍‌କାଣା* ମାହାପୁରୁତି ବଲୁ ଖେକ୍‌ହାଲି ମାଟ୍‌ହେରି; ଅଡ଼େ, ଜହନ ମାର୍କ ଜିକେଏ ସାୟେମି କିୟାଲି ଏଞ୍ଜାରିତଲେ ମାଚେସି ।

୬ ଇଞ୍ଜା ଏଞ୍ଜାରି ଏ ଦେସା ମାଦିଟି ରେଜିହ୍ ପାପସ୍ ଗାଡ଼ାତା ହାଚେରି; ଏମ୍ବାଆଁ ଏଞ୍ଜାରି ବାର୍-ଜୀସୁ, ଦରୁଗାଟି ର ଜୀହୁଦି ଗାର୍ଡ଼ି ଗାଟାଣାଇଁ ବେଟାଆଡ଼େରି, ଏଞ୍ଜାସି ମିତି ମାହାପୁରୁ ବଲୁ ଖେହ୍‌ନାସି । ୭ ଏ ଦେସା ସାଲ୍‌ଖି କିନି ସେଗିୟ ପାଞ୍ଜୁଲ ତଲେ ମାଚେସି, ଏ ସାଲ୍‌ଖି କିନାସି ର ବୁଦିଗାଟାସି, ଏଞ୍ଜାସି ସାଞ୍ଜୁଲ ଅଡ଼େ ବର୍ନବାଇଁ

* ୧୩:୫ ୧୩:୫ ସିନଗର

ହାଟି କିହାନା ମାହାପୁରୁତି କାତା ଖେଞ୍ଜାଲି ଅଣ୍ଠିମାଚେସି । ୮ ସାମା ଏ ଗାରୁଡ଼ିଗାଟି “ଏଲିମା” ଇଦି ଗ୍ରିକ୍ ଦରୁ ଏ ସାଲୁ଼ କିନାଣାଲ୍ ନାମୁଟି ପିସ୍ପିକିନି ଅଣ୍ଠପୁ ତଲେ ଏଞ୍ଜାଣାଲ୍ ବାଦା ହୀତେସି । ୯ ସାମା ସାଞ୍ଜୁଲ ଆମ୍ବାଆରାଲ୍ ପାଞ୍ଜୁଲ ଜିକେଏ ଇନେରି, ସୁଦୁଜୀଞ୍ଜୁଟି ନେଞ୍ଜାନା; ଏଲିମାଲ୍ ସିନିକିତେସି, ୧୦ ଅଡ଼େ ଏଲେଇଚେସି, “ଆଡ଼େ ସୟତାନ ମୀରଏଣାତି, ବାରେଲେହେଟି ନାଡ଼ିକିନି ଲାଗେଏତି ଅଣ୍ଠପୁତା ନେଞ୍ଜାମାନାତି, ଅଡ଼େ ବାରେ ନେହଁ କାମାତି ସାତୁ, ନୀନୁ ପ୍ରବୁତି ସଲକ ଜିରୁତି ଲାଗେଏ କିହାଲି ପିହ୍‌ଅତି କି ? ୧୧ ଅଡ଼େ ନୀର୍ବ ମେହ୍‌ମୁ ପ୍ରବୁତି କେୟୁ ନୀ ଲାକ ମାନେ; ଇଞ୍ଜା ନୀନୁ କାଣା ଆହାନା ଗାଡ଼େକା ତାକି ଖେଡ଼ାତି ଉଜେଡ଼ି ମେହ୍‌ଅତି ।” ଏ ଦେବୁଣିଏ ଏଲିମା କାଣକାତା ଦୁହା ପଜିତି ଲେହେଁ ଆଡେ ଇଞ୍ଜା ତାନି କେୟୁ ଆର୍ସା ଜିରୁ ତସାଲି ରଅଣାଲ୍ ପାରୀତେସି । ୧୨ ଇଦାଆଁ ମେସାନା ସାଲୁ଼ କିନାସି ପ୍ରବୁତି ଜାପ୍‌ନାଣି ଖେଞ୍ଜାନା କାବାଆହାନା ନାମିତେସି ।

ପିସିଦିୟାତି ଆନ୍ତ୍ରିୟକିୟାତା କାମା

୧୩ ତାୟୁ ପାଞ୍ଜୁଲ ଅଡ଼େ ତାନି ତଡ଼େସିକ୍ଷା ପାପସ୍ପତିଏ ସାମଦୁରି ଜିରୁଟି ହାଜାନା ପଂପୁଲିୟା ଗାଡ଼ାତି ପଗଂତା ଖାଡେରି; ସାମା ଜହନ ମାର୍କ ଏଞ୍ଜାରାଲ୍ ପିସାନା ଜିରୁସାଲମତା ଖେଣ୍ଡାହାଚେସି । ୧୪ ଏଞ୍ଜାରି ପଗଂତି ହାଜାନା ପିସିଦିୟାତି ଆନ୍ତ୍ରିୟକିୟାତା ଏଗାହାଚେରି, ଅଡ଼େ ଜମିନି ଦିନା ଜୀହୁଦି ଲକୁଡି କୁଟମି ଇଲୁତାଁ ହାଜାନା କୁରିତେରି । ୧୫ ଅଡ଼େ, ମସା ରାଡ଼ିତି ମେରା ଇଞ୍ଜା ମାହାପୁରୁ ଅଣ୍ଠପୁତି ବଲୁ ଖେହ୍‌ନାରି ପତି ପଡ଼଼ି ଆଡ଼ି ତାୟୁ, ପ୍ରାତାନା ଇଲୁଡି କାଜାରି ଏଞ୍ଜାରିତାଣା ଏଲେଇଞ୍ଜି ଖେସା ପାଣ୍ଡିତେରି; “ତାୟିୟାଁ, ଲକୁଡାକି ବାର୍ସୁ ହାନି କାତା ମାଚିହଁ ଖେହ୍‌ଦୁ ।”

୧୬ ଏଚେଟିଏ ପାଞ୍ଜୁଲ ନିଚାନା ଲକୁଣି କେୟୁ ତସିହଁ ଏଲେଇଚେସି; “ଇସ୍ରାୟେଲ ଲକୁଡେରି ଇଞ୍ଜା ଜୀହୁଦିଆଆତି ଲକୁଡେରି ଅଡ଼େ ମାହାପୁରୁଲ୍ ଆଜିନେରି ନା କାତା ଖେଞ୍ଜୁ ।” ୧୭ ଇ ଇସ୍ରାୟେଲ କୃତାତି ମାହାପୁରୁ ମା ଆକୁ ଆବାୟାଣି ଆଡ଼ିତେସି, ଅଡ଼େ ଏଞ୍ଜାରି ମିସର ଦେସାତା ବାସା କିହାମାନି ବେଲାତା, ଏଞ୍ଜାରାଲ୍ ପାଡ଼ି କିତେସି, ଇଞ୍ଜା ବାଡ଼ୟୁ ଗାଟି କେୟୁତଲେ ଏଞ୍ଜାରାଲ୍ ହପ୍‌ହା ତାଡେସି, ୧୮ ତାୟୁ ରୀ କଡ଼ି ବାର୍ସା ପାଡେକା ବାଃଲି ବାଟାତା ଏଞ୍ଜାସି ଏଞ୍ଜାରି ଲେମ୍‌ନାଣି ଅରହିତେସି । ୧୯ ଏଞ୍ଜାସି କିଶାନ ଦେସାତି ସାଡାଗଟା କୃତାତି ଲକୁଣି ନାସା କିହାନା ତାନି ଆଡାମାନି ଲକୁକି ଏ ଦେସାତି ଅଦିକାରା ହୀତେସି ।

୨୦ ସାରି ଖାଞ୍ଜା ରୀ କଡ଼ି ଦସ ବାର୍ସା ବିତ୍ରା ଇ ବାରେ ଆଡେ । ଏଚେଟିଏ ମାହାପୁରୁ ଅଣ୍ଠପୁତି ବଲୁ ଖେହ୍‌ନି ସାମୁୟେଲ ପାଡେକା ବିଚାରା କିନାରାଲ୍ ଆଡ଼ିତେସି । ୨୧ ଏମ୍ବାଟିଏ ଏଞ୍ଜାରି ର ରାଜାଲ୍ ହିୟାମୁ ଇଞ୍ଜାଁ ରୀସାଲିଏ ମାହାପୁରୁ

ରୀ କଡ଼ି ବାର୍ସା ପାଡେକା ବିନ୍ୟାମିନ୍ କୃତାତି କିସ୍ ମୀରଏସି ସାଞ୍ଜୁଲ୍ ରାଜା ଆହାଲି ହୀତେସି । ୨୨ ତାୟୁ ମାହାପୁରୁ ଏଞ୍ଜାଣାଲ୍ ରାଜା ପାଣା ପିସ୍ପି କିହାନା, ଏଞ୍ଜାରି ରାଜା ଆହାଲିତାକି ଦାଞ୍ଜୁଦଲ୍ ଆଡ଼ିତେସି, ମାହାପୁରୁ ଜିକେଏ ଏଞ୍ଜାଣି କାତା ସାକି ହୀହାନା ଏଲେଇଚେସି; “ନୀନୁ ଜିସି ମୀରଏସି ଦାଞ୍ଜୁଦଲ୍ ବେଟାଆହାମାଲ୍, ଏଞ୍ଜାସି ନା ହିୟାତି ଅଣ୍ଠପୁ ଲେହେଁତାସି, ଏଞ୍ଜାସି ବାରେ କାତାତା ନା କାତା ମାନୁ଼ ଆନେସି ।” ୨୩ ଏଞ୍ଜାଣି କୃତାତି ମାହାପୁରୁ ଆଞ୍ଜାମାତି ଲେହେଁ ଇସ୍ରାୟେଲ ଲକୁଡାକି ର ଗେଲ୍‌ପିନାଣାଲ୍ ଇଚିହଁ ଜୀସୁଲ୍ ଜାନିଁ କିହାମାନେସି । ୨୪ ଶୁଜୀସୁ ତାନି କାମା ମାଟ୍‌ନି ନକେଏ, ଜହନ ଇସ୍ରାୟେଲତି ବାରେ ଲକୁ ନକିତା ପାପୁଟି ଖେଣ୍ଡିନି କାତା ଅଡ଼େ ବାପ୍‌ସ୍ପୁଁ ଅନି କାତା ଖେକହା ମାଚେସି । ୨୫ ଅଡ଼େ ଜହନ ତାନି କାମା ରାପ୍‌ହିମାତି ବେଲାତା ଲକୁଣି ଏଲେଇଚେସି, “ନାଞ୍ଜେ ମୀରୁ ଆମ୍ବାଆସି ଇଞ୍ଜାଁ ଅଣ୍ଠିମାଞ୍ଜାଦେରି ନୀନୁ ଏଞ୍ଜାଡେର୍ବ ଆଏ, ସାମା ମେହ୍‌ଦୁ ନା ତାୟୁ ରଅସି ଖାହିମାନେସି, ଏଞ୍ଜାଣି କତାତି ସେପୁୟାଁ ହୁକହାଲି ନୀନୁ ଜଗେ ଆର୍ସାଁ ।”

୨୬ ଏ ତାୟି ତାଜିସ୍ତା, ଅବ୍ରାହାମ କୃତାତି ମୀରକା ମାସ୍କାଡେରି, ଅଡ଼େ ମୀ ତାଣାଟି ମାହାପୁରୁଲ୍ ଆଜିମାନି ଜୀହୁଦିଆଆତି ଲକୁଡେରି; ମା ତାଣା ଇ ଗେଲ୍‌ପିଆନି ବଲୁ ପାଣ୍ଡି ଆହାମାଞ୍ଜାନେ । ୨୭ ସାମା ଏଞ୍ଜାସି ଗେଲ୍‌ପିନାସି, ଜିରୁସାଲମତା ମାନାରି ଅଡ଼େ ତାନି ବାରେ କାଜାରି ଏଦାଆଁ ପୁଞ୍ଜାହିଲାଆଡେରି, ଅଡ଼େ ବାରେ ଜମିନି ଦିନା ପଡ଼଼ି ଆହିମାନି ମାହାପୁରୁ ଅଣ୍ଠପୁତି ବଲୁ ଖେହ୍‌ନାରି କାତା ପୁଞ୍ଜାହିଲାଆଡେରି, ଆଡ଼ିଜିକେଏ ଜୀସୁଲ୍ ଦହ୍ କିହାନା ମାହାପୁରୁ ବଲୁ ଖେହ୍‌ନାରି କାତା ପୁରା କିତେରି । ୨୮ ଅଡ଼େ ଏଞ୍ଜାଣାକି ହାନି ତଣ୍ଡି ଏନି ଦହ୍ ପୁଞ୍ଜାଆତି ଜିକେଏ ଏଞ୍ଜାଣାଲ୍ ପାୟାଲି ପିଲାତଲ୍ ବାଡିମାଲିତେରି ।

୨୯ ଏଞ୍ଜାଣି ତାକି ଦାମ୍‌ ସାପ୍‌ସ୍ପେରିତା ବାରେ କାତା ରାସ୍କି ଆହାମାନେ, ଏଲେଆହଁ ବାରେ ଗଟ଼ି ଆଡ଼ି ଜେଟ ଏଞ୍ଜାରି ଏଞ୍ଜାଣାଲ୍ ପାସି ମୁଣ୍ଡାଟି ରେପ୍‌ହା ତାଚାନା, ମାଡ଼ହା ଇଚିନି ଚାୟୁତା ଇଚିତେରି । ୩୦ ସାମା ମାହାପୁରୁ ଏଞ୍ଜାଣାଲ୍ ହାଡାରି ତାଣାଟି ନିକହେସି, ୩୧ ଅଡ଼େ ଆମିନି ଗାଟାରି ଗାଲିଲିଟି ଜିରୁସାଲମତା ତାନିତଲେ ଖାହାମାଚେରି, ଏଞ୍ଜାରି ହାଡେରକା ଦିନା ପାଡେକା ଏଞ୍ଜାଣାଲ୍ ମେସ୍ପେରି; ଏଞ୍ଜାରି ଇସ୍ରାୟେଲ ଲକୁଡାଣା ନୀର୍ବ ଏଞ୍ଜାରି ସାକି । ୩୨ ଅଡ଼େ ଆକୁ ଆବାୟାଁ ନକିତା ମାହାପୁରୁ ଆଞ୍ଜାମାନାଣି ମାମ୍‌ ମୁିକେ ଇ ନେହଁ କାରୁ ଖେସିମାଞ୍ଜାନମି; ୩୩ ଜୀସୁଲ୍ ମାହାପୁରୁ ନିକହାନା ଏଞ୍ଜାରି ମୀରକାତାୟି ମାର୍, ମାଞ୍ଜେତାକି ଏ ଆଞ୍ଜାମାନାଣି ପୁରା କିହାମାନେସି, ଏନିକଁ ରୀ ଲମ୍‌ର ପାରୁ ପତିତା ରାସ୍କି ଆହାମାନ,

“ନୀନୁ ନା ମୀରଏଣାତି;
ନୀଞ୍ଜୁଟିଏ ନୀନୁ ନୀ ଆବାଡେର୍ବ ।”

† ୧୩:୧୪ ୧୩:୧୪ ସିନଗର୍ ☆ ୧୩:୨୪ ୧୩:୨୪ ମାର୍କ ୧:୪; ଲୁକ ୩:୩ ‡ ୧୩:୨୪ ୧୩:୨୪ ମୁଞ୍ଜିନାୟି ☆ ୧୩:୨୫ ୧୩:୨୫ ଜହ ୧:୨୦; ମାତି ୩:୧୧; ମାର୍କ ୧:୭; ଲୁକ ୩:୧୨; ଜହ ୧:୨୭ ☆ ୧୩:୨୮ ୧୩:୨୮ ମାତି ୨୭:୨୨,୨୩; ମାର୍କ ୧୫:୧୩,୧୪; ଲୁକ ୨୩:୨୧-୨୩; ଜହ ୧୯:୧୫ ☆ ୧୩:୨୯ ୧୩:୨୯ ମାତି ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୬; ଜହ ୧୯:୩୮-୪୨

୩୪ ଏଞ୍ଜାସି ହାତାରି ତାଣାଟି ଖେଣ୍ଡେ ନିକହାମାନେସି, ଏଞ୍ଜାସି ସୀରୁନି ତାଣା ହାଲଅସି ଇଞ୍ଜି ମାହାପୁରୁ ଖେସାମାନେସି; “ନାନୁ ଦାଞ୍ଜୁଦ ନକିତା ଆଞ୍ଜାମାନି ସୁଦୁ,

ଇଞ୍ଜା ତୀରି ଆନି ବର ମିଙ୍ଗେ ସାତେଏ ହିୟାଲ୍ ।”

୩୫ ଇଞ୍ଜା ଏଞ୍ଜାସି ଅଡେ ର ପଡିତା ଏଲେଇଞ୍ଜା ମାନେସି,

“ନୀନୁ ନୀ ତୀରି ଗାଟାଣାଇଁ ସୀରୁହାଲି ହାଅତି ।”

୩୬ ଦାଞ୍ଜୁଦ ତାନୁ ରାଜି କିହିମାଟି ବେଲାତା ଲକୁ ବିତ୍ତା ମାହାପୁରୁ ଅଣ୍ଟପୁ ତଲେ ସେବା କାମା କିତି ତାୟୁ ହାଡେସି, ଇଞ୍ଜା ତାମି ଆକୁ ଆବାୟାଁ ଟଟତା ମୁସପି ଆହାନା ସୀରୁହେସି । ୩୭ ସାମା ମାହାପୁରୁ ଆମ୍ବାଆରାଇଁ ହାକିଟି ନିକହାମାନେସି ଏଞ୍ଜାସି ସୀରୁହା ହିଲଅସି । ୩୮ ଇଦାଆଁତାକି ଏ ତାୟିୟାଁ ଇଦାଆଁ ପୁଞ୍ଜୁ, ଇ ଜୀସୁ ତାଣାଟି ମୀ ନକିତା ପାପୁତି ମେକ୍‌କନି କାତା ଖେସପି ଆହାମାନେ; ୩୯ ଅଡେ ମସାତି ଆମିନି ମେରାତି ବାରେ ତାଣାଟି ମୀରୁ ପିସପି ଆହାଁ ଦାମ୍‌ଗାଟାତେରି ଆହାଲି ଆଡାଆତେରି, ଇଞ୍ଜା ନାମିମାନି ବାରେ ଲକୁ ଏଞ୍ଜାଣି ତାଣାଟି ଏ ବାରେ ତାଣାଟି ପିସପି ଆହାନା ଦାମ୍‌ଗାଟାଟାରି ଆନେରି । ୪୦ ଏଦାଆଁତାକି ଜାଗ୍ରାତା, ମାହାପୁରୁ ଅଣ୍ଟପୁତି ବଲୁ ଖେହନାରି ସାସ୍ତେରିତା ଏନାୟି ଖେସପି ଆହାମାନେ, ଏଡି ଏନିକ୍ ମିଙ୍ଗେତାକି ଆୟେଏ;

୪୧ “ମାହାପୁରୁଇଁ ଅପାଆ ଗାଟାତେରି ମୀରୁ ମେସାନା, କାବା ଆହାଁ, ନାସା ଆଦୁ;

ଇତିହଁ ମୀ ବେଲାତା ମାମ୍‌ରୁ କାମା କିହିମାନମି, ଅଡେ ଏ କାମାଟି ଆମ୍ବାଆସି ମୀ ନକିତା ଖେସ୍ତାନେସି, ଏଦାଆଁ ମୀରୁ ଏନିକିକେଏ ନାମଅତେରି ।”

୪୨ ପାଞ୍ଜୁଲ ଅଡେ ବର୍ନବା ଜୀହୁଦି ଲକୁତି କୁଟମି ଇଲୁଟିଠି ହତାହାନି ବେଲାତା ଖାନ୍ତି ଜମିନି ଦିନାତା ମାଙ୍ଗେ ଇ ବାରେ କାତା ଅଡେ ଖେସ୍ତାଦୁ ଇଞ୍ଜି ଲକୁ ଏଞ୍ଜାରାଇଁ ବାତିମାଲିତେରି । ୪୩ ବେରଣି ରାଡି ତାୟୁ ଏତେକା ଜୀହୁଦି ଅଡେ, ଜୀହୁଦି ଦାମ୍‌ ନାମିତି ଏଟକା କୁଡାତି ଲକୁ ବିତ୍ତାଟି ହାରେକା ପାଞ୍ଜୁଲ ଅଡେ ବର୍ନବା ଜେଟ ହାତେରି; ପାଣ୍ଡୁଞ୍ଜି ଆଡାରି ଏଞ୍ଜାରିତଲେ କାତାବାଡା ଆହଁ ମାହାପୁରୁ କାର୍ମାତା ତୀରୁପୁ ଆହଁ ମାଞ୍ଜାଲି ଏଞ୍ଜାରାଇଁ ଖେସ୍ତେରି ।

୪୪ ଇଞ୍ଜା ଅର ଜମିନି ଦିନାତା ଗାଡାତି ବାରେ ଲକୁ ମାହାପୁରୁ ବଲୁ ଖେଞ୍ଜାଲି ରୁଣ୍ଡା ଆଡେରି । ୪୫ ସାମା ଜୀହୁଦିୟାଁ ଲକୁ ମାନ୍ଦାତି ମେସାନା ତାହାରା ଆଡେରି, ଇଞ୍ଜା ପାଞ୍ଜୁଲ କାତା କପାଟି ନିନ୍ଦାକିହଁ ବାଦିବାଦା ଆଡେରି । ୪୬ ଏତେଟିଏ ପାଞ୍ଜୁଲ ଅଡେ ବର୍ନବା ସାସା ଆସାନା ଖେସ୍ତେରି, “ତଲିଏ ମୀ ତାଣା ମାହାପୁରୁତି ବଲୁ ଖେସ୍ତାନାୟି ମାରେ, ମୀରୁ ଏଦାଆଁ ଅପାଆନା ମୀରୁ ମୀରୁଏ କାଲେଏତି ଜୀଞ୍ଜୁ ବେଟାଆହାଲି ପାଡା ଆଅମି ଇଞ୍ଜି ଅଣ୍ଟପି ମାନାକି ମେହଦୁ ମାମ୍‌ମୁନିଙ୍ଗେ ପିସାନା ଜୀହୁଦିଆଆତି ଲକୁତାଣା ହାଜିମାନମି । ୪୭ ଇତିହଁ ପ୍ରୁ ମାଙ୍ଗେ ଇ ହୁକୁମି ହାହାମାଞ୍ଜାନେସି;

‘ନାନୁ ମିଙ୍ଗେ ଜୀହୁଦିଆଆତି ଲକୁତାକି ଉଜେଡି ଲେହେଁ କିହିମାଞ୍ଜାଇଁ, ଆଡିହଁ ବାରେ ଦାରୁତି ଗେଲପିଆନେ ।”

୪୮ ଜୀହୁଦିଆଆତାରି ଇ ହାଡା ଖେଞ୍ଜାନା ରାହାଁ ଆଡେରି; ଅଡେ ମାହାପୁରୁତି ବଲୁତି ଗାଞ୍ଜୁରମି କିହିଲି ମାଟ୍‌ହେରି, ଅଡେ ଏତେକା ଲକୁ କାଲାକାଲାତି ଜୀଞ୍ଜୁତାକି ଆଡ଼ଞ୍ଜି ଆହାମାତେରି, ଏଞ୍ଜାରି ନାମିତେରି ।

୪୯ ଇଞ୍ଜା ପ୍ରୁତି ବଲୁ ଏ ରାଜିତା ବାରେଞ୍ଜାକି ଏଜାହାତେ । ୫୦ ସାମା ଜୀହୁଦି ଲକୁ ଗାଡାତି ଆବାୟାଁଣି ଅଡେ ମାହାପୁରୁଇଁ ମାନି କିହିମାନି ପାଙ୍ଗାଞ୍ଜେଙ୍ଗେତି ଆୟସିକାଣି ରୁଣ୍ଡି କିହିନା ପାଞ୍ଜୁଲ ଅଡେ ବର୍ନବାଇଁ ସାସ୍ତି ହାହାନା ତାମି ରାଜିଟି ପେରୁହାଡୁସ୍ତେରି । ୫୧ ଏତେଟିଏ ପାଣ୍ଡୁଞ୍ଜି ଆଡାରି ଜାହାରା କଡାୟାଁତି ଦୁଡି ଏଞ୍ଜାରି କପାଟି ହାଣ୍ଡାଁନା ଇକନିୟତା ହାତେରି । ୫୨ ଅଡେ ଆଡିୟକିୟାତି ସୀସୁୟାଁ ସୁଦୁଜୀଞ୍ଜୁ ବେଟାଆହାନା ରାହାଁତଲେ ଡୟିତେରି ।

୧୪

ଇକନିୟତା ସେବା କାମା

୧ ଇକନିୟତା ଜିକେଏ ଏଲେଆହଁଏ ଆଡେ; ପାଞ୍ଜୁଲ ଅଡେ ବର୍ନବା ଜୀହୁଦି ଲକୁତି ଜୀହୁଦି ଲକୁତି କୁଟମି ଇଲୁତା* ହାଜାନା ଇଲେକ୍ ଖେସ୍ତେରି, ଇଞ୍ଜା ଜୀହୁଦି ଅଡେ ଜୀହୁଦିଆଆତି ଲକୁ ବିତ୍ତାଟି ହାରେକା ନାମିତେରି । ୨ ସାମା ଆମିନି ଜୀହୁଦିଙ୍ଗା ନାମାଆତେରି, ଜୀହୁଦିଆଆତି ଲକୁତି ମନତି କିଲିବିଲି କିହିନା, ଏଞ୍ଜାରାଇଁ ନାମିତି ତାୟିୟାଁ କପାଟି ଲାଗେଏତି ଅଣ୍ଟପୁ ଅଣ୍ଟପି କିତେରି । ୩ ପାଞ୍ଜୁଲ ଅଡେ ବର୍ନବା ହାରେକା ଦିନା ପାତେକା ଏ ଟାୟୁତା ଡୟାନା ପ୍ରୁ ତାଣା ବାର୍ସୁ ଇଟାନା ସାସାତଲେ ପ୍ରୁତି କାତା ଖେସ୍ତେରି; ଇଞ୍ଜା ଏଞ୍ଜାରି ତାଣାଟି ହାରେକା ସିନାୟାଁ ଅଡେ କାବାଆନି କାମାୟାଁ କିହିନା ତାନି କାର୍ମାଟି ବଲୁ ସାତା ଇଞ୍ଜି ସାକି ହୀତେରି । ୪ ସାମା ଗାଡାତି ଲକୁ ରୀ ବାଗା ଆଡେରି ର ବାଗା ଜୀହୁଦି ଲକୁ ଖାକି ଅଡେ ର ବାଗା ପାଣ୍ଡୁଞ୍ଜି ଆହାମାନାରି ଖାକି ଆଡେରି ।

୫ ଏତିବେଲା ଜୀହୁଦିଆଆତି ଲକୁ ଅଡେ ଜୀହୁଦି ଲକୁ ତାମି କାଜାରି ତଲେ ଆଣ୍ଡାନା, ପାଣ୍ଡୁଞ୍ଜି ଆହାମାନାରାଇଁ ଲାଗେଏ କିୟାଲି ଅଡେ ଖାଲକାତଲେ ଇରୁହାଲି ଅଣ୍ଟପିତେରି, ୬ ଏତିବେଲା ପାଞ୍ଜୁଲ ଅଡେ ବର୍ନବା ଏଦାଆଁ ପୁଞ୍ଜାନା ଲୁକାୟନିୟା ଦେସାତି ଲୁସ୍ତା ଅଡେ ଦବଁ ଗାଡା ଅଡେ ସାରିଞ୍ଜାକିତି ନାସକାଣାଁ ହଟେରି, ୭ ଅଡେ ଏଞ୍ଜାରି ଏମ୍ବାଆଁ ନେହଁ କାବୁ ଖେକହାଲି ମାଟ୍‌ହେରି ।

ଲୁସ୍ତା ଅଡେ ଦବଁତା ସେବା କାମା

୮ ଲୁସ୍ତାତା ର ଲକୁ ମାତେସି, ଏଞ୍ଜାସି ସଟା ମାତେସି, ଏଞ୍ଜାସି ଜାର୍ନାଟିଏ ସଟା, ଏଞ୍ଜାସି ଏରେଲାଞ୍ଜା ତାକା ହିଲାଆତେସି । ୯ ଏଞ୍ଜାସି ପାଞ୍ଜୁଲ ଖେହନି କାତା ଖେଞ୍ଜିମାତେସି, ଏଞ୍ଜାସି ହିୟାଁତା ନାମା ମାନେସି ଇଞ୍ଜା

୧ ୧୩:୪୨ ୧୩:୪୨ ସିନଗର ☆ ୧୩:୫୧ ୧୩:୫୧ ମାତି ୧୦:୧୪; ମାର୍କ ୬:୧୧; ଲୁକ ୯:୫; ୧୦:୧୧ * ୧୪:୧ ୧୪:୧ ସିନଗର

ଏଞ୍ଜି ସିନେହି ଆହାଲି ଆଡ଼ିମାନେସି ଇଞ୍ଜି ପୁଞ୍ଜାନା ଆଟେ ସିନିକିତେସି, ୧୦ ଏଞ୍ଜିଣାକ୍ କାଜା ଗିୟାତଲେ ଏଲେଇଚେସି, “ନୀ କଡାତି ବାଡ଼ୁୟୁ ହାହାନା ସଲକେ ନିମୁ” ଏଚେଟିଏ ଏଞ୍ଜି ଡେଞ୍ଜିହି ତାକାଲି ମାଟ୍‌ହେସି । ୧୧ ପାଞ୍ଜୁଲ ଏନାଆଁ କିହାମାନେସି, ଲକୁ ବାରେ ଏଦାଆଁ ମେସାନା ଲୁକାୟନିୟା କାଜା ହାଡାତଲେ ଏଲେଇଞ୍ଜାଲି ମାଟ୍‌ହେରି, “ମାହାପୁରୁୟା ମା ତାଣା ରେଟା ଖାହାମାନୁ ।” ୧୨ ଏଞ୍ଜିରି ବର୍ନବାକ୍ ବୁହସପତି ଇଞ୍ଜି ଇଚେରି, ଅଡେ ପାଞ୍ଜୁଲ ଗାଡି କାତା ଖେହନାସି ମାଟାକି ଏଞ୍ଜିଣାକ୍ ବୁଦ ଇଞ୍ଜି ଇଚେରି । ୧୩ ଗାଡା ତାଗେ ମାନି ବୁହସପତି ଦେଞ୍ଜୁଡିତି ପୂଜେରାଜା ଏଚେକା ଡକ୍ଟି କଡିୟା ଇଞ୍ଜା ପୁଜା ପେତାୟା ଗାଡା ଦୁଞ୍ଜେରିତା ତାଚାହାଁ ଏଞ୍ଜିସି ବାରେ ଲକୁତଲେ ଆଶ୍ୱାନା ପାଶୁଞ୍ଜି ଆଡାରି ନକିତା ପୂଜା ହାହାଲି ଅଣ୍ଡିମାଚେସି ।

୧୪ “ସାମା ପାଶୁଞ୍ଜିଆହାମାନି ବର୍ନବା ଅଡେ ପାଞ୍ଜୁଲ, ଇଦାଆଁ ଖେଞ୍ଜାନା ତାନି ହିମ୍ବୁରିକା ଗେସାନା ଲକୁ ମାଦିଟି ହଟି ହଟି ହାଜାନା କାଜା ଗିୟାତଲେ ଏଲେଇଚେରି, ୧୫ ଏ ମାନିଗାଟି ଲକୁଚେରି, ଏନାଆଁତାକି ଇ ବାରେ କିହିମାଞ୍ଜେରି, ମାମୁ ଜୁକେଏ ମୀ ଲେହେଡି ମାଣ୍‌ସିୟାତମି, ମୀ ତାଣା ଇ ନେହି କାବୁ ଖେସିମାଞ୍ଜାନମି, ଏନିକି ମୀରୁ ଇ ବାରେ ଉଜେଏଡି ପେଣ୍‌କା ବମାୟାଟି ହେକ ଆହାନା ଜୀଞ୍ଜୁଗାଟି ମାହାପୁରୁ ତାଣା ଖେଣ୍ଡା ଖାଦେରି, ଏଞ୍ଜିସି ହାଗୁପାକା ଦାବଡି, ସାମଦୁରି ଅଡେ ଏମ୍ବାଆଁ ମାନି ବାରେଡି ରାଡି କିହାମାନେସି; ୧୬ ମାହାପୁରୁ ତଲିଏ ବାରେ ଲକୁଣି ତାନି ମନତଲେ ଡୟାଲି ପିସାମାଚେସି । ୧୭ ସାମା ଏଞ୍ଜିସି ବାରେ ନେହି କାମାଟି ଏଞ୍ଜିସି କାଚ୍‌ଲେଏ ତାନି ଗୁଣ୍ଡୁତି ତସାମାନେସି; ଏଞ୍ଜିସି ହାଗୁଟି ପିୟୁ ଅଡେ ସମାନା ବେଲ୍‌ତା ଆନା ହିୟାନାସି, କାଡି ଅଡେ ମୀ ହିୟାତା ରାହାଁ ହିୟାନାସି ।” ୧୮ ଇ ବାରେ କାତା ଖେସାନା ପାଶୁଞ୍ଜି ଆହାମାନାରି ଲକୁ ମାନ୍ଦାତି ହାରେକା କସ୍ତଲେ ତାମ୍‌ଲେ ତାକି ପୂଜା କିହାଲି କାହି କିହାଲି ଆଡିଚେରି ।

୧୯ ସାମା ପିସିଦିୟାତି ଆନ୍ତିୟକିୟା ଅଡେ ଇକନିୟତି ଏଚେକା ଜୀହୁଦି ଏମ୍ବାଆଁ ଖାଡେରି, ଏଞ୍ଜିରି ଲକୁ ମାନ୍ଦାତି ତାନି ଖାକି କିହାନା ପାଞ୍ଜୁଲକ୍ ଖାଲକାତଲେ ଇରହାନା ଏଞ୍ଜିସି ହାହାହାଚେସି ଇଞ୍ଜି ଅଣ୍ଡିପାନା ଗାଡାତି ପାଜାତା ରେଜା ଅଡେରି । ୨୦ ସାମା ନାମିତି ସାମୁୟାଁ ସାରି ଖାକିଟି ନିଗାମାଚାକି ଏଞ୍ଜିସି ନିଜ୍ଜାନା ଗାଡା ବିଡ୍ରା ହାଚେସି, ଅର ନେରୁ ବର୍ନବା ତଲେ ଦବିତା ହାଚେସି ।

ସିରିୟାତି ଆନ୍ତିୟକିୟାତା ଖେଣ୍ଡାଖାନାସି

୨୧ ପାଞ୍ଜୁଲ ଅଡେ ବର୍ନବା ଦବିତା ନେହି କାବୁ ଖେସାହାଁ ହାରେକା ସାମୁୟାଁ କିତି ତାୟୁ ଏଞ୍ଜିରି ଲୁସ୍ତା, ଇକନିୟ ଅଡେ ପିସିଦିୟାତି ଆନ୍ତିୟକିୟାତା ଖେଣ୍ଡାହାଚେରି । ୨୨ ଅଡେ, ଏ ଗାୟୁତି ନାମିତି ସାମୁୟାଁ ମନତି ସୁସ୍ତି କିହାନା ନାମୁତା ଗାଡିକିହି ଆଟ୍‌ଖା ତଲେ

ଡୟାଲି ବାସୁଁ ହାହାନା ଏଲେଇଚେରି, “ମାହାପୁରୁ ରାଜିତା ହଡାଲି ତାକି ହାରେକା କସ୍ତ ପାଶ୍‌ନାୟି ମାନେ ।” ୨୩ ଅଡେ, ବାରେ କୁଲମିତା ଏଞ୍ଜିରି ପ୍ରାଟିନାଜାଣି ଆଡାନା ଉପାସା ତଲେ ପ୍ରାଡାନା କିଚେରି, ଅଡେ ଆମିନି ପ୍ରୁ ତାଣା ନାମା ମାଚେରି, ଏଞ୍ଜିଣି କେୟୁତା ଏଞ୍ଜିରାକ୍ ହେରପିଚେରି ।

୨୪ ତାୟୁ ଏଞ୍ଜିରି ପିସିଦିୟା ନାସ୍‌କାଟି ପଂପୁଲିୟାତା ଖାଡେରି, ୨୫ ଅଡେ ପଗିତା ନେହି କାବୁ ଖେସାନା ଆତାଲିୟାତା ହାଚେରି । ୨୬ ଏମ୍ବାଟି ଏଞ୍ଜିରି ଜାଜାତା ହଡାନା ଆନ୍ତିୟକିୟାତା ହାଚେରି; ଏଞ୍ଜିରି ଆମିନି କାମା କିହାମାଚେରି, ଏଦାଆଁ କିହାଲି ମାହାପୁରୁତି କାମାତା ହେରପି ଆହାନା ଏମ୍ବାଟି ହାଚେରି ।

୨୭ ଏଚିବେଲା ଏଞ୍ଜିରି ଆନ୍ତିୟକିୟାତା ଏଗାହାଜାନା କୁଲମିତି ଲକୁଣି କୁଡି କିଚେରି; ଅଡେ ମାହାପୁରୁ ଏଞ୍ଜିରିତଲେ ମାଞ୍ଜାନା କିହାମାଟି କାମାତାକି, ଅଡେ ଜୀହୁଦିଆଆତି ଲକୁ ନାମାଲି ଦୁଞ୍ଜେରି ଦେଟାମାଚାଣି ବାରେ ଏଞ୍ଜିରାକ୍ ଖେସ୍ତେରି । ୨୮ ଅଡେ ଏଞ୍ଜିରି ନାମିତି ସାମୁୟାଁ ତଲେ ହାରେକା ଦିନା ଡୟିଚେରି ।

୧୫

ଜିରୁସାଲମତା ନାମିତାରି ବେରଣି କିନାସି

୧ ଏମ୍ବାଟିଏ ଏଚରଜାଣା ଲକୁ ଜୀହୁଦା ରାଜିଟି ଆନ୍ତିୟକିୟାତା ଖାହାନା ନାମିତି ତାୟିୟାଣି ଇ କାତା ଖେସିହି ଜାପୁହେରି, “ମସାତି ମେରା ଲେହେଁ ମୀ ତଲୁ ଦାପି ଆଆଡିହି ମୀରୁ ଗେଲ୍‌ପିଆୟାଲି ଆଡଅଚେରି ।” ୨ ଏମ୍ବାଟିଏ ପାଞ୍ଜୁଲ ବର୍ନବା ତଲେ ହାରେକା ଆସ୍‌ପି ଆହାନା ବାଡିବାଦା ଆୟାଲିଏ ପାଞ୍ଜୁଲ, ବର୍ନବା ଅଡେ ଆନ୍ତିୟକିୟାତି ଏଚରଜାଣା ତାୟିୟା ଇ କାତା ଆସାନା ଜିରୁସାଲମତା ମାନି ପାଶୁଞ୍ଜି ଆଡାରି ଇଞ୍ଜା କୁଲମିତି ପ୍ରାଟିନାଜା ତାଣା ହାଲ୍‌ବେରି ଇଞ୍ଜି ତାୟିୟା ତାରି କିଚେରି ।

୩ ଏଚେଟିଏ କୁଲମି ଏଞ୍ଜିରାକ୍ ପାଶୁଲି ଜିରୁ ତସ୍ତି ଜେଟ, ଏଞ୍ଜିରି ପୟନିକିୟା ଅଡେ ସମିରଣ ଖାକି ହାଜି ହାଜିହି ଜୀହୁଦିଆଆତି ଲକୁ ହିୟାଁ ଖେଟ୍‌ହାମାଟି କାତା ଖେସିହି ବାରେ ତାୟିୟାକ୍ ହାରେକା ରାହାଁ କିଚେରି । ୪ ତାୟୁ ଏଞ୍ଜିରି ଜିରୁସାଲମତା ଏଗାହାଜାଲିଏ, କୁଲମି ଇଞ୍ଜା, ପାଶୁଞ୍ଜି ଆଡାରି ଅଡେ ପ୍ରାଟିନାଜା ଏଞ୍ଜିରାକ୍ ଆବିଚେରି, ଅଡେ ମାହାପୁରୁ ଏଞ୍ଜିରିତଲେ ମାଞ୍ଜାନା ଆମିନି କାମା କିହାମାଚେସି, ଏ ବାରେ କାତା ଏଞ୍ଜିରାକ୍ ଖେସ୍ତେରି । ୫ ସାମା ପାରୁସିୟାଁ ଗଟିଟି ଏଚେକା ନାମୁଗାଟାରି ନିଗାନା ଏଲେଇଚେରି, “ନାମାମାନି ଜୀହୁଦିଆଆତାରି ତଲୁ ଦାପି କିନାସିମାନେ, ଅଡେ ମସାତି ମେରା ମାନ୍‌ଞ୍ଜି ଆୟାଲି ଏଞ୍ଜିରାକ୍ ହୁକୁମି ହାନାୟି ମାନେ ।”

୬ ତାୟୁ ଇ କାତା, କାତା ଆହାଲିତାକି ପାଶୁଞ୍ଜି ଆଡାରି ଅଡେ ପ୍ରାଟିନାଜା ରୁଣ୍ଡା ଆଚେରି । ୭ ହାରେକା ଜଲ୍‌କି ଆଡି ତାୟୁ ପିତର ନିଜ୍ଜାନା ଏଞ୍ଜିରାକ୍ ଏଲେଇଚେସି, “ତାୟିୟାଁ ଅଡେ ତାଜିସ୍ତା ମୀରୁ ପୁଞ୍ଜାମାଞ୍ଜେରି, ନା

☆ ୧୫:୭ ୧୫:୭ କାମା ୧୦:୧-୪୩

ଗୁଡ଼ିକ ଜୀହ୍ୱାଦିଆଆତାରି ନେହଁ କାରୁ ଖେଞ୍ଜାନା ନାମାପେରିଝା ଇଞ୍ଜଁ ହାଠେକା ଦିନା ନଚେଏ ମାହାପୁରୁ ନାଙ୍ଗେ ଆଚାମାଞ୍ଜାତେସି । ୮* ବାରେ ଲକୁଡ଼ି ହିୟାଁ ପୁନି ମାହାପୁରୁ ମାଙ୍ଗେ ଏନିକଁ ସୁଦୁଜୀଝୁ ହାହାମାଞ୍ଜାନେସି, ଜୀହ୍ୱାଦିଆଆତି ଲକୁକି ଜିକେଏ ଏଲେକିହଁ ହୀହାନା ଏଞ୍ଜାରି ତାକି ସାକି ହାହାମାନେସି । ୯ ଅଡେ ଏଞ୍ଜାସି, ମା ବିତ୍ତା ଅଡେ ଏଞ୍ଜାରି ବିତ୍ତା ଏନି ପାରଡ଼ା ବାଟି କିହାମାଞ୍ଜାଅସି; ଇଞ୍ଜା ନାମୁତଲେ ଏଞ୍ଜାସି ଏଞ୍ଜାରି ହିୟାଁ ସୁଦୁ କିହାମାନେସି । ୧୦ ଇଦାଆଁତାକି ଆମିନି ଜୁଝେଡ଼ି ମା ଆକୁ ଆବାୟାଁ ଅଡେ ମାର ଡେକାଲି ଆଡ଼ାଆତାୟି, ଏ ଜୁଝେଡ଼ି ସୀସୁୟାଁ ବମିତା ଏକହାନା ମାରୁ ଏନାଆଁତାକି ମାହାପୁରୁଇଁ ତାୟିପାରି କିହମାଞ୍ଜେରି ? ୧୧ ଇଦି ନେହେଁ ଆସ, ସାମା ଏଞ୍ଜାରି ଏନିକିହଁ ନାମାହାଁ ଗେଲପି ଆହାମାନେରି ମାର ଜିକେଏ ଏଲେକିହଁ ଏ ନାମାହାଁ ପ୍ରବୁ ଜୀସୁତି କାର୍ମାମେହନାଣି ତଲେ ଗେଲପି ଆହାମାନାୟି ।”

୧୨ ଏଚେଟିଏ ଏମ୍ବାଆଁ ରୁଣ୍ଡା ଆହାମାଚାରି ବାରେ ଲକୁ ପାଲେଏ ଆଡେରି, ଇଞ୍ଜାଁ ପାଝୁଲ ଅଡେ ବର୍ନବା ତାଣାଟି ଜୀହ୍ୱାଦିଆଆତି ଲକୁତାଣା ମାହାପୁରୁ ତାଣାଟି ଆହିମାନି ସିନାୟାଁ ଅଡେ କାବାଆନି କାମାୟାଁ କିହାଁ ମାଚେସି ଏଞ୍ଜାଆଁ ଏଞ୍ଜାରି ତାଣାଟି ଖେଞ୍ଜାଲି ମାଟୁହେରି । ୧୩ ଏଞ୍ଜାରି କାତା ରାଡ଼ି ତାୟୁ ଜାକୁବ ନିଙ୍ଗାନା ଏଲେଇଚେସି; “ତାୟିୟାଁ ଅଡେ ତାଙ୍ଗିସ୍ତା, ନା କାତା ଖେଞ୍ଜୁ, ୧୪ ମାହାପୁରୁ ତଲିଏ ତାନି ଦରୁ ତାକି ଜୀହ୍ୱାଦିଆଆତି ଲକୁ ବିତ୍ତାଟି ତାନି ଲକୁ କିୟାଲି ଏଞ୍ଜାରାଇଁ କାର୍ମାମେସାନା ଆଚାମାନେସି ଇଞ୍ଜଁ ସିମନ ଖେସାମାଞ୍ଜାନେସି । ୧୫ ଅଡେ, ମାହାପୁରୁ ଅଣ୍ଡପୁତି ବଲୁ ଖେହନାରି କାତାତଲେ ଆଣ୍ଡିମାନେ, ଏନିକଁ ଦାମ୍ବୁ ସାସ୍ତେରିତା ରାସ୍ତକି ଆହାମାନେ ।”

୧୬ ପ୍ରବୁ ଏଲେଇଞ୍ଜି ମାନେସି,
 “ତାୟୁ ନାନୁ ଖେଣ୍ଡା ଖାହାନା, ଦାଝୁଦ ବାସାଟାୟୁ
 ଖେଣ୍ଡେ ଗେଲପିଇଁ,
 ଇଞ୍ଜାଁ ଏମ୍ବାତି ବିଡ଼ହାମାନି କାତିୟାଁ ବାରେ ଖେଣ୍ଡେ
 କେପାନା ଆଟୁଞ୍ଜା କିଇଁ,

୧୭ ଏନିକଁ ଡୟାମାଟି କୁଡ଼ାଟି ଲକୁ ଅଡେ ଏଚେକା
 ଜୀହ୍ୱାଦିଆଆତାରି ନା ଦରୁଟି ଖେଙ୍ଗାମାନେରି,
 ଏଞ୍ଜାରି ବାରେ ପ୍ରବୁଇଁ ପାରିନେରି, ବାରେ ଗାଡ଼ିକିତି
 ପ୍ରବୁ ଏଲେ ଇଞ୍ଜିମାନେସି ।

୧୮ ପ୍ରବୁ ଇ କାତା ଏଲେଇଞ୍ଜା ମାନେସି, ଆମ୍ବାଆସି ତଲି
 କାଲାଟିଏ ଇ କାତା ତସାମାନେସି ।”

୧୯ ଜାକୁବ ଅଡେ ଜିକେଏ ଏଲେଇଚେସି, “ନା ଅଣ୍ଡପୁ
 ଇଦି, ଜୀହ୍ୱାଦିଆଆତି ଲକୁ ବିତ୍ତାଟି ଆମ୍ବାଆରି ମାହାପୁରୁ
 ଝାକି ଖେଣ୍ଡା ଝାଟନେରି, ଏଞ୍ଜାରାକି ମାର ବଲୁ ହୀଆପ;
 ୨୦ ସାମା ଏଞ୍ଜାରାକି ଇଲେକଁ ଆକୁ ରାଚାନା ଖେହନ,
 ପେଣକା ବମାୟାଁ ତାକି ପୂଜା କିହାମାନି ଲାଗେଏତାଣି
 ତିନାଆଦୁ; ଦାରିକାମାଟି ଏଟକା ଆଦୁ; ହେରକି ଦାଆନା
 ପାୟିତି ଜନ୍ତୁତି ଉଙ୍ଗା ଅଡେ ନେତେରି ତିନାଆଦୁ ।

୨୧ ଏନାଆଁତାକି ଇଚିହଁ ତଲି କାଲାଟିଏ ବାରେ ଗାଡ଼ାଣା
 ମସା ମେରାତି କାତା ଖେକନାରି ମାନେରି, ଇଞ୍ଜାଁ ବାରେ
 ଜମିନି ଦିନାତା ଜୀହ୍ୱାଦି ଲକୁଡ଼ି କୁଟମି ଇଲକାଣା* ଏଞ୍ଜାଣି
 ମେରାତି କାତା ପଡ଼ଝି ଆହିମାନେ ।”

ଜୀହ୍ୱାଦିଆଆତି ନାମିତି ଲକୁତାକି ଆକୁ

୨୨ ଏଚିବେଲା ପାଣ୍ଡୁଝି ଆହାମାନାରି ଅଡେ ପ୍ରାତିନାଙ୍ଗା
 ବାରେ କୁଲମି ତଲେ ତାମି ବିତ୍ତାଟି ଲକୁଇଁ, ଇଚିହଁ
 ତାୟିୟାଁ ବିତ୍ତାଟି ମାନିଗାଟି ବର୍ସବା, ଦରୁଗାଟି ଜୀହ୍ୱାଦା
 ଇଞ୍ଜାଁ ସିଲାଇଁ ଆଚାନା ପାଝୁଲ ଅଡେ ବର୍ନବା ତଲେ,
 ଆନ୍ତ୍ରିୟକିୟାତା ପାଣ୍ଡାଲି ତୀରି କିତେରି । ୨୩ ନାମିତାରି
 ତାଣାଟି ରାସ୍ତକି ଆହାମାନି ଆକୁ ଏ ରିଆରି କେୟୁତା
 ପାଣ୍ଡିତେରି

“ମାମ୍ବୁ ପାଣ୍ଡୁଝି ଆଡ଼ାତମି ଅଡେ ପ୍ରାତିନାଙ୍ଗା, ମୀ
 ତାୟିୟାଁତମି ମା ବାରେ ଜୀହ୍ୱାଦିଆଆତି ତାୟିୟାଁ ଆମିନି
 ଗାଟାରି ଆନ୍ତ୍ରିୟକିୟା, ସିରିୟା ଅଡେ କିଲିକିୟାତା
 ମାନେରି ଏଞ୍ଜାରାକି ଜହରା । ୨୪ ମାମ୍ବୁ ଖେଞ୍ଜାମାନମି,
 ମାମ୍ବୁ ଆମିନି ଲକୁଇଁ ଏନି ହୁକୁମି ହୀହାହିଲଅମି, ମା
 ତାଣାଟି ଏଲେତି ଏଚେକା ଲକୁ ମୀ ତାଣା ଝାହାନା
 ତାମି କାତାତଲେ ମୀ ମନତି ଏଟକା କିହାନା କିଲିବିଲି
 କିହାମାଞ୍ଜାନେରି; ୨୫ ଅଡେ ମାମ୍ବୁ ରାରେଜାଣା ରୁଣ୍ଡା ଆହାନା
 ରଣ୍ଡିଏ ହିୟାଁ ତଲେ ଏଚରଜାଣାଟି ଆଚାନା ମୀ ତାଣା
 ପାଣ୍ଡାଲି ତୀରି କିହାମାନମି, ଏଞ୍ଜାରି ମା ଜୀଝୁତି ତଣେ
 ବର୍ନବା ଅଡେ ପାଝୁଲ ତଲେ ହାନେରି । ୨୬ ଏଞ୍ଜାରି
 ଇଲେତି ମାଣ୍ଡସିୟାଁ ମା ପ୍ରବୁ ଜୀସୁ କ୍ରୀସୁ ଦରୁ ତାକି
 ଜୀଝୁ ତସାନା କାମା କିହାମାନେରି । ୨୭ ଏଦାଆଁତାକି
 ମାମ୍ବୁ ଜୀହ୍ୱାଦା ଅଡେ ସିଲାଇଁ ମୀ ତାଣା ପାଣ୍ଡିମାଞ୍ଜାନମି ।
 ମାମ୍ବୁ ଏନାଆଁ ରାଚାମାନମି, ଏଞ୍ଜାରି ମିଙ୍ଗେ ଖେସ୍ତାନେରି
 । ୨୮ ଏଚରଗଟା ଲଡ଼ାମାନି ମେରା ପିସ୍ପେ ମୀ ଲାକ
 ଅଡେ ଏନି ବଲୁ ହେରପାଲି ମାମ୍ବୁ ସୁଦୁଜୀଝୁଟି ହୁକୁମି
 ବେଟାଆହାମାନମି । ୨୯ ଏ ମେରାୟାଁ ଆହିମାନୁ, ପେଣକା
 ବମାୟାଁକି ହେରପିଆହାମାନି ରାଦା ତିନାଆଦୁ, ନେତେରି
 ତିନାଆଦୁ, ହେରକି ଦାଆନା ପାୟୁଝି ଆହାମାନି ଜନ୍ତୁତି
 ଉଙ୍ଗା ତିନାଆଦୁ, ଦାରି କିଆଦୁ, ଇ ବାରେ କାମାଟି ହେକ
 ଆହାଲି ଜାଗ୍ରାତା ମାଚିହଁ ମିଙ୍ଗେ ନେହେଁ ଆନେ ।
 ନେହଁ କଁ ମାଞ୍ଜୁ ।”

୩୦ ଏଚେଟିଏ କାରୁ ଅନାରାଇଁ ପାଣ୍ଡାଲିଏ ଆନ୍ତ୍ରିୟକିୟାତା
 ହାଚେରି, ଇଞ୍ଜାଁ ବାରେ ନାମିତାରାଇଁ ରୁଣ୍ଡି କିହାନା ଏ ଆକୁ
 ହୀତେରି । ୩୧ ଏ ଲକୁ ବାରେ ଏଦାଆଁ ପଡ଼ଝି ଆହାନା
 ବାସ୍ତୁ ବେଟାଆହାନା ରାହାଁ ଆଡେରି । ୩୨ ଜୀହ୍ୱାଦା ଅଡେ
 ସିଲା ତାମ୍ବୁ ଜିକେଏ ମାହାପୁରୁ ଅଣ୍ଡପୁତି ବଲୁ ଖେହନାରି
 ମାଚାକି ହାରେକା କାତାତଲେ ତାୟିୟାଁଇଁ ବାସ୍ତୁ ହୀହାନା
 ସୂସି କିତେରି । ୩୩ ଅଡେ, ଏଞ୍ଜାରି ଏମ୍ବାଆଁ ଏଚରଦିନା
 ମାଟି ତାୟୁ ଏଞ୍ଜାରାଇଁ ପାଣ୍ଡାମାଟି ଲକୁତାଣା ଖେଣ୍ଡାହାକାଲି
 ତାୟିୟାଁ ତାଣାଟି ହେଲ ବେଟାଆହାନା ହିଡ଼ଡ଼ି ଜୀଝୁତଲେ

* ୧୫:୮ ୧୫:୮ କାମା ୧୦:୪୪; ୨:୪ * ୧୫:୨୧ ୧୫:୨୧ ସିନଗଗ

ଝେଣ୍ଡା ହାଚେରି । ୩୪ ସାମା ସିଲା ଏମ୍ବାଆଁ ଡୟାଲି ତାରି କିହାମାଚେସି† ।

୩୫ ପାଞ୍ଜୁଲ ଅଡ଼େ ବର୍ନବା ଆନ୍ତ୍ରିୟକିୟାତା ମାଞ୍ଜାନା ଏବକାତି ଏଚେକା ଲକୁତାଣା ଜିକେଏ ପ୍ରବୁତି ନେହୁଁ ବଲୁ ଜାପୁହାନା ଝେକହାଲି ମାଟ୍‌ହେରି ।

ପାଞ୍ଜୁଲ ଅଡ଼େ ବର୍ନବା ଏବକା ଆନାୟି

୩୬ ଏଚରଦିନା ହାଜାଲିଏ ପାଞ୍ଜୁଲ ବର୍ନବାଇଁ ଏଲେଇଚେସି, “ଝାମ୍ବୁ, ମାର ପ୍ରବୁତି ବଲୁ ଝେକହାମାନି ବାରେ ଗାଡ଼ାୟାଣା ଝେଣ୍ଡା ହାଜାନା, ତାୟିୟା ନୀଏଁ ଏନିଆହୁଁ ମାନେରି ଇଞ୍ଜୁଁ ବେଚିହାନ ।” ୩୭ ଏଚେଟିଏ ଜହନ ଇନି ମାର୍କଇଁ ଜିକେଏ ତାମିତଲେ ଅୟାଲି ବର୍ନବା ଅଣ୍ପିମାଚେସି । ୩୮ *ସାମା ଏଞ୍ଜାସି ଏଞ୍ଜାରାଇଁ ପିସାନା ପଂପୁଲିୟାଟି ଝେଣ୍ଡାହାଚାସି ଅଡ଼େ କାମା ରାନ୍ତି ପାତେକା ଏଞ୍ଜାରିତଲେ ମାନାଆତାକି ତାମିତଲେ ଅୟାଲି ପାଞ୍ଜୁଲ କୂତେସି । ୩୯ ଏମ୍ବାଟିଏ ଏଞ୍ଜାରି ହାରେକା ବାଦିବାଦା ଆୟାଲିଏ ତାମ୍ବୁଏବକା ଆଡ଼େରି, ଇଞ୍ଜା ବର୍ନବା ଜହନ ମାର୍କଇଁ ତାମିତଲେ ଅହୁଁ ଜାଜାତା ହଚାନା କୁପ୍ରତା ହାଚେରି, ୪୦ ସାମା ପାଞ୍ଜୁଲ ସିଲାଇଁ ଆଚାନା ତାୟିୟା ତାଣାଟି ପ୍ରବୁତି କାର୍ମାତଲେ ହେର୍ପି ଆହାନା ହାଚେରି, ୪୧ ଅଡ଼େ ଏଞ୍ଜାସି ସିରିୟା ଅଡ଼େ କିଲିକିୟାଟି ହାଜାହାଁ ବାରେ କୁଲମିକାଣି ନାମୁତା ଆଟ୍‌ଝା କିତେସି ।

୧୭

ପାଞ୍ଜୁଲ ଅଡ଼େ ସିଲା ତଲେ ତିମତି ହାନାୟି

୧ ତାୟୁ ପାଞ୍ଜୁଲ ଦବର୍ ଅଡ଼େ ଲୁସ୍ତାତା ହାଚେସି, ଏମ୍ବାଆଁ ତିମତି ଦରୁଗାଚାସି ର ସୀସୁ ମାଚେସି, ଏଞ୍ଜାସି ର ନାମିତି ଜାହୁଦି କ୍ରୀସ୍ତାନା ଇୟାନି ମାରଏସି ମାଚେସି, ସାମା ତାମି ଆବା ର ଗ୍ରିକ ଲକୁ । ୨ ଲୁସ୍ତା ଅଡ଼େ ଇକନିୟତା ମାନି ବାରେ ନାମିତି ତାୟିୟା ଏଞ୍ଜାଣାଇଁ ନେହୁଁସି ଇଞ୍ଜୁଁ ଏଲେଇଚେରି । ୩ ପାଞ୍ଜୁଲ ତାମିତଲେ ତିମତିଇଁ ଅହାଲି ଅଣ୍ପିତେସି, ଅଡ଼େ ଏ ନାସକାଣାଁ ମାନି ଜାହୁଦି ଲକୁତାକି ଏଞ୍ଜାଣି ତଲୁ ଦାପିକିତେସି; ଇଚିହୁଁ ତାମି ଆବା ଗ୍ରିକ ଲକୁ ଇଞ୍ଜୁଁ ବାରେ ପୁଞ୍ଜାମାଚେରି । ୪ ଇଞ୍ଜା ଏଞ୍ଜାରି ଗାଡ଼ାୟାଟି ହାଜି ହାଜିହୁଁ ଜିରୁସାଲମତି ପାଣ୍ଡୁଝି ଆଡ଼ାରି ଅଡ଼େ ପ୍ରାଚିନାଙ୍ଗା ତାଣାଟି କିଝି ଆହାମାନି ମେରା ମାନଝି ଆହାଲି ଏଞ୍ଜାରିତାଣା ହେର୍ପି ମାଚେସି । ୫ ଏଲେକିହୁଁ କୁଲମିକା ବାରେ ନାମୁତା ଆଟ୍‌ଝା ଆହାନା ଦିନାତାକି ଦିନା ପାତା ଆଡୁ ।

ତୁୟାତା ପାଞ୍ଜୁଲ ହାପାନା ହେଶନାୟି

୬ ଏଞ୍ଜାରି ଆସିୟାତା ମାହାପୁରୁ କାତା ଝେସାଲି ସୁଦୁଜୀଞ୍ଜୁ କାହି କିୟାଲିଏ, ଏଞ୍ଜାରି ପୁଗିୟା ଅଡ଼େ ଗାଲାତୟ ରାଜି ମାଦିଟି ରେଜିହୁଁ ହାଚେରି । ୭ ଅଡ଼େ, ଏଞ୍ଜାରି ମୁସିଆ ରାଜି ତାଗେ ଏଗାହାଜାନା ବେତନିୟାତା ହାଜାଲିତାକି ଅଣ୍ପିତେରି, ସାମା ଜୀସୁତି ଜୀଞ୍ଜୁ ଏଞ୍ଜାରାଇଁ ହାଜାଲି

ହେଲ ହାଆତେ । ୮ ଏଞ୍ଜାରି ମୁସିଆ ମାଦିଟି ହାଜାନା ତୁୟାତା ଝାଡ଼େରି । ୯ ଅଡ଼େ ଲାଆଁ ବେଲାତା ପାଞ୍ଜୁଲ ର ସେୟାଣା ହାପାନା ହେଚେସି, ମାକିଦନିୟାଟି ର ଲକୁ ନିଚାନା ଏଞ୍ଜାଣାଇଁ ବାତିମାଲିହୁଁ ଏଲେଇଚେସି, “ମାଙ୍ଗେ ସାୟେମି କିୟାଲି ମାକିଦନିୟାତା ଗାଣ୍ଡା ଝାମ୍ବୁ ।” ୧୦ ଏଞ୍ଜାସି ସେୟାଣା ହାପାନାତା ମେସାଲିଏ ମାମ୍ବୁ ଦେବୁଣିଏ ମାକିଦନିୟାତା ହାଜାଲି ତିୟାରା ଆଡ଼ମି, ଇଚିହୁଁ ଏଞ୍ଜାରିତାଣା ନେହୁଁ କାବୁ ଝେସାଲି ତାକି ମାହାପୁରୁ ମାଙ୍ଗେ ହାଟାମାଞ୍ଜାନେସି ଇଞ୍ଜୁଁ ମାମ୍ବୁପୁଚମି ।

ଲୁଦିୟା ମନ ଝେଚନାୟି

୧୧ ଏଚେଟିଏ ମାମ୍ବୁତୁୟାଟି ଜାଜାତା ହଚାନା ତିୟିତି ଜିରୁଟି ହାଜାନା ସାମତ୍ରାକିତା ଅଡ଼େ ଅର ନେଚୁ ନୟାପଲିତା ଏଗାହାଚମି । ୧୨ ଏମ୍ବାଟିଏ ପିଲିପିତା ହାଚମି, ଇଦି ମାକିଦନିୟା ଜିଲାତି ର କାଜା ଗାଡ଼ା, ଇଞ୍ଜା ରମ୍ ଦେସାତାରି ଡୁୟିନି ଟାୟୁ ମାଚେ; ଏ ଗାଡ଼ାତା ମାମ୍ବୁଏଚରଦିନା ମାଚମି । ୧୩ ଜମିନି ଦିନାତା ମାମ୍ବୁଗାଡ଼ାଟି ହଚାନା କାତା ତାଗେ ହାଚମି, ଏମ୍ବାଆଁ ପ୍ରାତାନା କିନି ଟାୟୁ ମାନେ ଇଞ୍ଜୁଁ ଅଣ୍ପିମାଚମି, ଅଡ଼େ ମାମ୍ବୁକୁଗାନା ରୁଣ୍ଡା ଆହାମାଟି ଇୟସିକା ତଲେ କାତା ଆଡ଼ମି । ୧୪ ଅଡ଼େ, ତୁୟାତିରା ଗାଡ଼ାଟି ହେୟା ଝାଣା ହିମ୍ବିରକା ପାରୁନି ଲୁଦିୟା ଦରୁଗାଟି ର ଇୟା ମା କାତା ଝେଞ୍ଜିମାଚେ, ଏଦି ମାହାପୁରୁ ସେବା କିନାୟି, ଏଦି ଏନିକ୍ ପାଞ୍ଜୁଲତି କାତାଟି ମନ ହାନେ ଏଦାଆଁତାକି ପ୍ରବୁ ଏଦାନି ହିୟା ଦେଚାମାଚେସି । ୧୫ ଅଡ଼େ ଏଦି ଇଞ୍ଜା ତାମି କୁଚମି ବାପ୍ତିସ୍ମ* ଅଡ଼ି ତାୟୁ ମାଙ୍ଗେ ବାତିମାଲିହୁଁ ଏଲେଇଞ୍ଜାତେ, “ମୀରୁ ନାଙ୍ଗେ ପ୍ରବୁ ତାଣା ନାମୁଗାଚାୟି ଇଞ୍ଜୁଁ ଅଣ୍ପିମାଚିହୁଁ, ନା ଇଜ ଝାହାନା ବାସା ଆପୁ,” ଇଞ୍ଜୁଁ ବାଲାମାଚମି କିହାଁ ହାଟା ଅୟାତେ ।

ପିଲିପିତି କାୟିଦି ଇଲୁତା ପାଞ୍ଜୁଲ ଅଡ଼େ ସିଲା

୧୬ ର ଦିନା ମାମ୍ବୁପ୍ରାତାନା ଟାୟୁତା ହାନିବେଲାତା ର ହଲେଣି ପଦାଇଁ ବେଟାଆଡ଼ମି ଏଦି ପଲୁଆ ପେନୁ ଆଲଗାନା ତାୟୁ ଆନି କାତାୟାଁ ଝେସାଲି ଆଡ଼ିମାଚେ । ତାୟୁ ଆନି କାତାୟାଁ ଝେସାନା ତାନି ସାଞ୍ଜୁକାରିକି ହାଚେକା ତାୟୁୟାଁ କୁଡ଼ି କିହିମାଚେ । ୧୭ ଏଦି ପାଞ୍ଜୁଲ ଅଡ଼େ ମା ଜେଚ ଜେଚ ଝାହାନା କିରଡ଼ିହୁଁ ଏଲେଇଞ୍ଜାଲି ମାଟ୍‌ହେ, “ଇ ଲକୁ ବାରେକିହାଁ କାଜା ମାହାପୁରୁତି ହଲିୟାଙ୍ଗା, ଏଞ୍ଜାରି ମିଙ୍ଗେ ଗେଲୁପିଆନି ଜିରୁଡ଼ି ଝେକହୁଁ ମାଞ୍ଜାନେରି ।” ୧୮ ଏଦି ହାଚେକା ଦିନା ପାତେକା ଏଲେକିୟାତେ, ସାମା ପାଞ୍ଜୁଲ କପା ଆହାନା ଝେଣ୍ଡେ ସିନିକିହାନା ଏ ରୁଡୁଇଁ ଏଲେଇଚେସି, “ଏଦାନି ତାଣାଟି ହଚା ହାଜାଲି ନାନୁ ନିଙ୍ଗେ ଜୀସୁ କ୍ରୀସ୍ତ ଦରୁତଲେ ହୁକୁମି ହାହିମାଞ୍ଜାଇଁ,” ଏ ଦେବୁଣିଏ ଏଦି ହଚାହାଚେ । ୧୯ ସାମା ଏଦାନି ସାଞ୍ଜୁକାରିୟାଁ ତାମି ଲାବା ପାଣ୍ଡିଆସା ହାଚେ, ଇଞ୍ଜୁଁ ପୁଞ୍ଜାନା ପାଞ୍ଜୁଲ ଅଡ଼େ ସିଲାଇଁ ଦସାନା ବେରଣିମାଣ୍ଡାତା ସାଲଝି କିନାରି ତାଣା ରେଜା

† ୧୫:୩୪ ୧୫:୩୪ ଇ କାତା ପୁଞ୍ଜଇ ପତିତା ହିଲେଏ । * ୧୫:୩୮ ୧୫:୩୮ କାମା ୧୩:୧୩ * ୧୭:୧୫ ୧୭:୧୫ମୁଞ୍ଜିନାୟି

ଅଡ଼େରି । ୨୦ ଅଡ଼େ, ଏଝାରି ରମିୟ ସାଲୁଝି କିନାରି ତାଣା ତାତାନା ଏଲେଇଚେରି, “ଇଝାରି ଜୀହୁଦି ଲକୁଡି ମା ଗାଡ଼ାତା ଗଡ଼ହା କିହିମାନେରି । ୨୧ ମାର ରମିୟ ଲକୁଡି ମେରା ପାଣାପାଟୁ ଆବାଲି କି ମାନଝି ଆହାଲି ମେରା ହିଲେଏ, ଏଦାଆଁ ଇଝାରି ଝେସିମାନେରି ।” ୨୨ ଏମ୍ବାଟିଏ ବାରେ ଲକୁ ପାଝୁଲ ଅଡ଼େ ସିଲା କପାଟି ନିଜିତେରି । ଅଡ଼େ ନୀହାୟି କିନାରି ପାଝୁଲ ଅଡ଼େ ସିଲା ହିମ୍ବୁରିକା ହୁକ୍‌ହାନା ଏଝାରାଇଁ ବାଡ଼ଗା ତଲେ ଝେଚାଲି ହୁକୁମି ହୀତେରି । ୨୩ ଏଝାରି ଏଝାରାଇଁ ହାରେକା ଝେତି ତାୟୁ କାୟିଦି ଇଲୁତା ଇଚିତେରି, ଇଞ୍ଜା ଏଝାରାଇଁ ଜାଗ୍ରାତା କିହିଁ କାପୁ କାଟାଲି କାୟିଦି ଇଲୁତି କାଝଆନାଣାଇଁ ହୁକୁମି ହୀତେରି । ୨୪ କାୟିଦି କାଝଆନାସି ଇଲେତି ହୁକୁମି ବେଟାଆହାନା ଏଝାରାଇଁ କାୟିଦି ଇଲୁତି ବାରେକିହାଁ ବିତ୍ରାତି ବାକ୍ରାତା ମେଡ଼ହାନା ଏଝାରି କତାଣା ବଜୁଗାଟି ମାରନ୍ତୁ କୁଡୁଲିକା ଦସା ପିସ୍ତେସି ।

୨୫ ସାମା ମାଦି ଲାଆଁୟାଁ ପାଝୁଲ ଅଡ଼େ ସିଲା ମାହାପୁରୁ ତାଣା ପ୍ରାତାନା ଅଡ଼େ ଜହରା ପାଟୁ ପାଟିମାରେରି, ଇଞ୍ଜା ଏଝାରିତଲେ କାୟିଦି ଇଲୁତା ମାଚାରି ବାରେ ଝେଞ୍ଜିମାରେରି । ୨୬ ଏଚିବେଲାତା ଦେବୁଣିଏ ବୁମି ଝୀତିତେ, ଇଞ୍ଜା କାୟିଦି ଇଲୁତି ପୁନାଦି ଜିକେଏ ଝୀତାଲିଏ ବାରେ ଦୁଝେରିକା ଦେପି ଆହାହାରୁ, ଇଞ୍ଜା ବାରେଜାଣାତି ଦସାମାଟି ହିକ୍‌ଶିୟାଁ ହୁକ୍‌ହାରୁ । ୨୭ ଏଚେଟିଏ କାୟିଦି ଇଲୁ କାଝଆନାସି ଇଦାଟି ନିଜ୍ଜାନା, ଦାରାୟାଁ ଦେପିଆହାମାନାଣି ମେସାନା, କାୟିଦିତାରି ହଣ୍ଡିଆଡ଼େରି ଇଞ୍ଜା ଅଣ୍ଡପାନା, କାଣ୍ଡା ହପ୍‌ହାନା ଗୁକ୍‌ହା କଡ଼ିମାରେସି । ୨୮ ସାମା ପାଝୁଲ କାଜା ଗିୟାଁତଲେ ହାଟାନା ଏଲେଇଚେସି, “ନୀନୁ ନିଜେ ନାସା କିହା କତାଆନି, ଏନାଆଁତାକି ଇଚିହିଁ ମାମ୍ବୁ ବୁରେତମି ଇମ୍ବାଆଁ ମାନମି ।”

୨୯ କାୟିଦି ଇଲୁ କାଝଆନାସି ଦୀଝଁ ତାଚାଲି ଏଲେଇଚେସି, ତବେ ବିତ୍ରା ହାରେସି ଇଞ୍ଜା ତୀରୁଗି ତୀରୁଗିହିଁ ପାଝୁଲ ଅଡ଼େ ସିଲା କତାୟାଁ ଡ଼ଇ ରୀତେସି । ୩୦ ଅଡ଼େ ଏଝାରାଇଁ ପାଞ୍ଜାତା ତାତାନା ଏଲେଇଚେସି, “ବାବୁୟାଁ ଗେଲ୍‌ପିଆୟାଲି ନୀନୁ ଏନାଆଁ କିଇଁ?”

୩୧ ଏଝାରି ଏଲେଇଚେରି, “ପ୍ରବୁ ଜୀସୁ ତାଣା ନାମାଦୁ, ଆତିହିଁ ନୀନୁ ଅଡ଼େ ନୀ ଇଲୁ କୁଟମି ବାରେ ଗେଲ୍‌ପି ଆଦେରି ।” ୩୨ ତାୟୁ ଏଝାରି ଏଝାଣାଇଁ ଅଡ଼େ ଏଝାଣି ଇଜ ମାଟି ବାରେ ଲକୁଣି ମାହାପୁରୁତି ବଲୁ ଝେସ୍ତେରି । ୩୩ ଅଡ଼େ, ଏ କାୟିଦି ଇଲୁ କାଝଆନାସି ଏଝାରାଇଁ ଏ ଲାଆଁୟାଁ ବେଲାତା ଅହାନା ଏଝାରି ଗାହାଁୟାଁ ନରହେସି, ଇଞ୍ଜା ଏଝାସି ଅଡ଼େ ଏଝାଣି ଇଲୁ କୁଟମି ବାରେଏ ଦେବୁଣିଏ ବାପ୍ରିସ୍ତାଁ ଅଡ଼େରି । ୩୪ ଏଚେଟିଏ ଏଝାସି ଏଝାରାଇଁ ତାମି ଇଜ ଅହାନା ତିଞ୍ଜାଲି ରାନ୍ଦା ବାଟିକିହାଁ ହୀତେସି, ଅଡ଼େ ବାରେ କୁଟମି ମାହାପୁରୁ ତାଣା ନାମାନା ହାରେକା ରାହାଁ ଆଡ଼େରି ।

୩୫ ଲାଇଁ ଝେୟାଲିଏ ରମିୟ ଲକୁଡି କାଜାରି ରିଜାରି କସକାଣି ଇଲେଇଞ୍ଜାଁ ଝେସା ପାଣ୍ଡିଚେରି, “ଏ ଲକୁଣି ପିସାଡୁହୁଦୁ ।”

୩୬ ଏଚେଟିଏ କାୟିଦି ଇଲୁ କାଝଆନାସି ପାଝୁଲଇଁ ଇ କାତା ଝେସ୍ତେସି, “ନୀହାୟି କିନାରି ନିଜେ ଅଡ଼େ ସିଲାଇଁ ପିସାଲି କାଟୁ ପାଣ୍ଡା ମାଞ୍ଜାନେରି, ଇଞ୍ଜା ନୀଏଁ ହଡ଼ାଝାହାନା ହିଡ଼ଡ଼ି ତଲେ ହାଜୁ ।”

୩୭ ସାମା ପାଝୁଲ କସକାଣି ଏଲେଇଚେସି, “ମାମ୍ବୁ ରୁମିୟ ଦେସାତି ଲକୁଟମି, ମାଜେ ନୀହାୟି କିଆନା ଝେଡ଼ାତି ତାୟୁ କାୟିଦି ଇଲୁତା ସୁଣ୍ଡାତେରି, ଅଡ଼େ ନୀଏଁ ଡ଼କୁହାନା ପିସିମାଞ୍ଜାନେରି, ଏଦି ମିଣ୍ଡିଏ, ସାମା ଏଝାରି ତାମ୍ବୁସୁ ଝାହାନା ମାଜେ ପାଞ୍ଜାତା ଅୟାପେରି ।”

୩୮ ଏଚେଟିଏ କସକା ହାଜାନା ନୀହାୟି କିନାରାଇଁ ବାରେ କାତା ଝେସ୍ତେରି, ଇଞ୍ଜା ଇଝାରି ରମିୟ ଲକୁ ଇଞ୍ଜାଁ ପୁଞ୍ଜାନା ଆଜିତେରି, ୩୯ ଏମ୍ବାଟିଏ ଏଝାରି ଝାହାନା ମାମ୍ବୁ ପୁନାଆନା ଏଲେକିତମି ଇଞ୍ଜାଁ ବାତିମାଲିହିଁ ଏଝାରାଇଁ ପାଞ୍ଜାତା ହପ୍‌ହା ତାତାନା, ଗାଡ଼ା ପିସାନା ହାଜାଲି ବାତିମାଲିତେରି । ୪୦ ଏଚେଟିଏ ପାଝୁଲ ଅଡ଼େ ସିଲା କାୟିଦି ଇଲୁଟି ହଡ଼ାନା ଲୁଦିୟା ଇଜ ହାଚେରି, ଅଡ଼େ ତାୟିୟାଁ ତଲେ ଆଣ୍ଡାନା ଏଝାରାଇଁ ବାସୁଁ ହାହାନା ହାଜାଡୁସ୍ତେରି ।

୧୭

ତେସଲନିକିତା କାମା

୧ ତାୟୁ ଏଝାରି ଆପିପଲି ଅଡ଼େ ଆପଲନିୟା ହୀହାନା ତେସଲନିକିତା ଝାଡ଼େରି; ଏମ୍ବାଆଁ ଜୀହୁଦି ଲକୁଡି ର ଜୀହୁଦି ଲକୁଡି କୁଟମି ଇଲୁ* ମାଚେ । ୨ ଅଡ଼େ, ପାଝୁଲ ତାନି ମେରା ଲେହେଁ ଜୀହୁଦି ଲକୁଡି କୁଟମି ଇଲୁତା† ହାଚେସି, ଇଞ୍ଜା ତାନିଗଟା ଜମିନି ଦିନା ପାତେକା ଦାମ୍ବୁ ପତିତି କାତା ଆସାନା ଲକୁତଲେ ଜଲ୍‌କି ଆଡ଼େସି, ୩ ଦାମ୍ବୁ ସାସ୍ତେରି ତେଲ୍‌ହି କିହାନା ଏ କାତା ଇଦି ଇଞ୍ଜାଁ ଇଚେସି, ମସିହା ସାସ୍ତି ପାଣ୍ଡନାୟି ଅଡ଼େ ହାକିଟି ନିଜିନାୟି ଲଡ଼ାମାନେ । ପାଝୁଲ ଏଲେଇଚେସି, “ଆମିନି ଜୀସୁତି କାତା ଝେସିମାଞ୍ଜାଇଁ, ଏଝାସି ଏ ମସିହା ।” ୪ ଏମ୍ବାଟିଏ ଏଝାରି ବିତ୍ରାଟି ଏଚରଜାଣା ନାମାହାଁ ପାଝୁଲ ଅଡ଼େ ସିଲା କାତାତା ଆଣ୍ଡିଚେରି; ଅଡ଼େ, ଜୀହୁଦି ଦାମ୍ବୁ ନାମାମାନି ଗ୍ରିକ୍ ଲକୁ ବିତ୍ରାଟି ହାରେକା ଲକୁ ଅଡ଼େ ମାନିଗାଟି ହାରେକା ଇୟସିକା ବିତ୍ରାଟି ଏଝାରିତଲେ ମାହାପୁରୁ ସେବାତା ଆଣ୍ଡିଡୁ ।

୫ ସାମା ଜୀହୁଦିୟାଁ ତାହାରା ଆହାନା ଏଚେକା ଲାଗେଏତାରାଇଁ ପାହେରିତା କୃତି କିଚେରି, ଇଞ୍ଜା ଲକୁଣି ମାନ୍ଦା କିହାନା ଗାଡ଼ାତା ଗଡ଼ହା ହପ୍‌ହେରି, ଇଞ୍ଜା ପାଝୁଲ ଅଡ଼େ ସିଲାଇଁ ସାଲୁଝି କିନାରି ନକିତା ହପ୍‌ହାତାଚାଲି ଏଝାରି ହାଜାନା ଜାସନ ଇଲୁତି ମୁଚାନା ପାରିତେରି । ୬ ସାମା ଏଝାରାଇଁ ବେଟାଆଆଲିଏ ଏଝାରି ଜାସନ ଅଡ଼େ ଏଚେକା ତାୟିୟାଁ ଗାଡ଼ାତି ସାଲୁଝି କିନାରି ନକିତା ରେଜା

† ୧୭:୩୩ ୧୭:୩୩ମୁଞ୍ଜିନାୟି * ୧୭:୧ ୧୭:୧ ସିନଗର୍ † ୧୭:୨ ୧୭:୨ ସିନଗର୍

ତାଚାନା କାଜା ଗିୟାତଲେ କାଲୁଝି ଆହୁ ଏଲେଇଚେରି, “ଆମିନି ଲକୁ ଦାରୁତିତି ଇତାଲା ଆତାଲା କିହିମାନେରି, ଏଞ୍ଜାରି ଇମ୍ବାଆଁ ଜିକେଏ ଖାହାମାନେରି; ୭ ଜାସନ ଏଞ୍ଜାରାଇଁ ଆବାମାନେସି, ଜୀସୁ ଦରୁଗାଟି ଅଡେ ର ରାଜା ମାନେସି ଇଞ୍ଜି ଖେସାନା ଇଞ୍ଜାରି ବାରେଜାଣା କାୟିସରତି ହୁକୁମିତି ମାନୁଝି କିହିହିଲଅରି ।” ୮ ଈ କାତା ଆସାନା ଲକୁ ଅଡେ ସାଲୁଝି କିନାରି ବିତ୍ରା ହାରେକା କାରବି ଆଡେରି ଅଡେ ଗଡ଼ହା ଆଡେ । ୯ ତାୟୁ ସାଲୁଝି କିନାରି ଜାସନ ଅଡେ ଏଟକା ଲକୁଣି ତାରୁୟାଁ ରୀସାନା ଜାମ୍ଲି ତଲେ ଏଞ୍ଜାରାଇଁ ପିସ୍ତେରି ।

ବେରିୟାତା କାମା

୧୦ ଅଡେ, ତାୟିୟାଁ ଖେଡ଼ାକିଆନା ପାଞ୍ଜୁଲ ଅଡେ ସିଲାଇଁ ଲାଆଁ ବେଲାତା ବେରିୟାତା ପାଣ୍ଡିତେରି; ଏଞ୍ଜାରି ଏମ୍ବାଆଁ ଏଜାନା ଜୀହୁଦି ଲକୁତି ଜୀହୁଦି ଲକୁତି କୁଟମି ଲକୁତାଃ ହାଚେରି । ୧୧ ତେସଲନିକିତା ମାନି ଜୀହୁଦି ଲକୁ କିହାଁ ଇଞ୍ଜାରି ସାତାପାଣା ଗାଟାରି ମାଚେରି, ଇଞ୍ଜାରି ହାରେକା ରାହାତଲେ ମାହାପୁରୁ କାତା ଖେଚେରି, ଅଡେ ପାଞ୍ଜୁଲ ଖେସ୍ତି କାତା ସାତା କି ଆଏ ଏଦାଆଁ ପୁଞ୍ଜାଲି ବାରେଦିନା ଦାମ୍ବୁ ପତି ପଡ଼ଝି ଆହିମାଚେରି । ୧୨ ଇଦାଆଁତାକି ଏଞ୍ଜାରି ବିତ୍ରାଟି ହାରେକା ଲକୁ ନାମିତେରି ଅଡେ ଗ୍ରିକ୍ ଲକୁତି କାଜାରି ବିତ୍ରାଟି ହାରେକା ଇୟାସିକା ଅଡେ ଆବାୟାଁ ଜିକେଏ ନାମିତେରି । ୧୩ ସାମା ଏଚିବେଲା ତେସଲନିକିତି ଜୀହୁଦିଜା ପୁଚେରି, କି ବେରିୟାତା ଜିକେଏ ପାଞ୍ଜୁଲ ତାଣାଟି ମାହାପୁରୁତି ବଲୁ ଖେସ୍ତି ଆହିମାନେ, ଏଚିବେଲା ଏଞ୍ଜାରି ଏମ୍ବାଆଁ ଜିକେଏ ଖାହାନା ଲକୁ ମାନ୍ଦାତି ନିକ୍ହାନା ଗଡ଼ହା କିଝିକିତେରି । ୧୪ ଏଚେଟିଏ ତାୟିୟାଁ ଖେଡ଼ାକିଆନା ପାଞ୍ଜୁଲଇଁ ସାମଦୁରି ଖାକି ହାଜାଲି ପାଣ୍ଡିତେରି; ଇଞ୍ଜାଁ ସିଲା ଅଡେ ତିମତି ବେରିୟାତା ତୁୟିତେରି । ୧୫ ସାମା ଆମ୍ବାଆରି ପାଞ୍ଜୁଲଇଁ ଇଚିହାଟାରି ଏଞ୍ଜାରି ଆତିନି ପାତେକା ହାଚେରି, ଇଞ୍ଜାଁ ସିଲା ଅଡେ ତିମତି ତବେ ନା ତାଣା ଖାପେରି ଇଞ୍ଜି ପାଞ୍ଜୁଲ ତାଣାଟି ହୁକୁମି ବେଟାଆହାନା ଏଞ୍ଜାରି ବେରିୟାତା ଖେଣ୍ଡେ ଖାଚେରି ।

ଆତିନିତା ପାଞ୍ଜୁଲତି ସେବା କାମା

୧୬ ଆତିନିତା ପାଞ୍ଜୁଲ, ସିଲା ଅଡେ ତିମତିଇଁ କାଟିମାଚେସି, ଏଞ୍ଜାସି ଏ ଗାଡ଼ାତା ହାରେକା ପେଣ୍ଡକା ବମାୟାଁ ମାନାଣି ମେସାନା ତାନି ଜୀଞ୍ଜୁ ହାରେକା ଖୀଡିତେ । ୧୭ ଏଦାଆଁତାକି ଏଞ୍ଜାସି ଜୀହୁଦି ଲକୁତି କୁଟମି ଲକୁତାଃ ଜୀହୁଦି ଲକୁତଲେ ମାହାପୁରୁଇଁ ନାମାମାନି ଜୀହୁଦିଆଆତି ଲକୁତଲେ ଈ କାତା ବାରେଦିନା ଖେକ୍ହେସି । ଗାଡ଼ାତି ଜିରୁ ଗାଟାତା ହାଜି ଖାହିମାନି ଲକୁତଲେ ଏ କାତାତି ଖେସ୍ତିସି । ୧୮ ଏଚରଜାଣା ଏପିକୁରିୟା ଇଞ୍ଜାଁ ସ୍ତୟିକ୍ ଜାପ୍ରି ଗୁରକା ତଲେ ଏଞ୍ଜାରି ରୁଜୁବାଡ଼ି ଆଡେ । ଏଞ୍ଜାରି ବିତ୍ରାଟି ଏଚରଜାଣା ଏଲେଇଚେରି, “ଇ ବୁଦି ହିଲାଆ ହାଡ଼ାକାଣ୍ଡୁ ଏଦାଆଁ ଖେସାଲି ଅଣ୍ଡିପମାନେସି ?” ଅଡେ

ଏଚରଜାଣା ଏଲେଇଚେରି, “ଏଞ୍ଜାସି ପୁନାଆତି ପେଣ୍ଡକାତି କାତା ଖେହ୍ନିଲେହେଁ ଖେସିମାନେସି;” ଇଚିହୁଁ ଏଞ୍ଜାସି ଜୀସୁ ଅଡେ ତାନି ଖେଣ୍ଡେ ନିଜିତି କାତାତି ନେହୁଁ କାରୁ ଖେକ୍ହେ ମାଚେସି । ୧୯ ଏଦାଆଁତାକି ଏଞ୍ଜାରି ପାଞ୍ଜୁଲଇଁ ଆରିୟପାଗ ଗାଡ଼ାତି ବେରଣି ନକିତା ତାଚେରି, “ନୀନୁ ଆମିନି ପୁଞ୍ଜି କାତା ଜାପ୍ରିମାଞ୍ଜି ଏଦି ଏନାୟି ଇଞ୍ଜି ମାମ୍ବୁ ପୁଞ୍ଜାଲି ଆଡିନମି କି ? ୨୦ ଇଚିହୁଁ ନୀନୁ ଏଚେକା କାବାଆନି କାତା ମାଙ୍ଗେ ଖେଣ୍ଡି କିହିମାଞ୍ଜାଦି; ଈ ବାରେ କାତା ଏନାୟି ଏଦାଆଁ ମାମ୍ବୁ ପୁଞ୍ଜାଲି ଅଣ୍ଡିପମାନି ।” ୨୧ ଆତିନି ଗାଡ଼ାତି ଲକୁ ଅଡେ ଏମ୍ବାଆଁ ବାସାଆହାମାନି ଏଟକା ଦେସାତି ଲକୁ ପୁଞ୍ଜି କାତା ଖେସାଲି ଇଞ୍ଜାଁ ଖେଞ୍ଜାଲି ରାହାଁ ଆହିମାଚେରି । ଏମ୍ବାଆଁ ଏଞ୍ଜାରି ଦିନା ରାପ୍ରି ମାଚେରି ।

୨୨ ଏଚେଟିଏ ପାଞ୍ଜୁଲ ଆରିୟପାଗତି ବେରଣି ମାଦିଏ ନିଚାନା ଏଲେଇଚେସି, “ଏ ଆତିନିତି ଲକୁ, ମୀରୁ ବାରେ ଗାତି ଦାମ୍ବୁଗାଟାଚେରି, ଇଞ୍ଜାଁ ହାରେକା ପେଣ୍ଡକାଣି ସେବା କିନାଚେରି, ଏଦାଆଁ ନୀନୁ ମେସିମାଇଁ । ୨୩ ଇଚିହୁଁ ନୀନୁ ମୀ ଗାଡ଼ାଟି ହାଜିମାଚେସି, ଅଡେ ମୀରୁ ପୂଜା କିନି ଟାୟୁତା ସିନିକିତେସି, ନୀନୁ ପୂଜା ପିଣ୍ଡାତା ମେସ୍ତେସି ଏମ୍ବାଆଁ ରାସ୍ତି ଆହାମାନେ, ‘ପୁନାଆତି ମାହାପୁରୁ ।’ ଆମିନିଗାଟାଣି ମୀରୁ ପୂଜା କିହିମାଞ୍ଜେରି, ଏଦାଆଁ ମୀରୁ ପୁଞ୍ଜାହିଲାଆତିହୁଁ ଜିକେଏ, ଏଦେଏ ନୀନୁ ମିଙ୍ଗେ ଖେସିମାଞ୍ଜାଇଁ । ୨୪ *ଆମିନି ମାହାପୁରୁ ଦାରୁତି ଅଡେ ଏମ୍ବାଆଁ ମାନି ବାରେ ରାଟି କିହାମାନେସି, ଏଞ୍ଜାସି ଲାକପୁରୁ ଅଡେ ଦାରୁତିତି ପ୍ରବୁ ଆହାମାନାକି ମାଣ୍ଡସି କେୟୁଟି କେପିତି ଦେଞ୍ଜୁଡିତା ବାସା କିଅସି । ୨୫ ଇଚିହୁଁ ଏଞ୍ଜାଣାକି ଏନାୟି ଲଡ଼ା ମାନାୟି ହିଲାଆକି ମାଣ୍ଡସି କେୟୁଟି ସେବା ଆଅସି, ଇଚିହୁଁ ଏଞ୍ଜାସି ତାନୁଏ ବାରେତାକି ଜୀଞ୍ଜୁ, ନେଞ୍ଜାଲି ଇଞ୍ଜାଁ ବାରେ ଲଡ଼ାମାନାଣି ଇନେସି । ୨୬ ର ମାଣ୍ଡସି ତାଣାଟି ଏଞ୍ଜାସି ବାରେ ଲକୁ ବାକାଇଁ ରାଟି କିହାମାନେସି; ଇଞ୍ଜାଁ ଏଞ୍ଜାଣି ହୁକୁମି ତଲେ ଏଞ୍ଜାରି ଦାରୁତିତି ବାରେଖାକି ବାସା କିହାମାନେରି । ଆମିନି ବେଲାତା, ଆମ୍ବାଆସି ଆମିନି ତାଣା ବାସା କିନେସି, ମାହାପୁରୁ ମ୍ଲୁଟିଏ ଏଦାଆଁ ତୀରି କିହାମାନେସି । ୨୭ ମାହାପୁରୁତି ଅଣ୍ଡପୁ ମାଚେ, ବାରେଜାଣା ଏନିକିହୁଁ ଏଞ୍ଜାଣାଇଁ ପାରାନା ବେଟାଆନେରି । ସାମା ମାହାପୁରୁ ଆମ୍ବାଆରି ତାଣାଟି ହେକ ହିଲଅସି ।” ୨୮ ଏନିଇଚିହୁଁ ରଅସି ଖେସାମାନେସି, “ଏଞ୍ଜାଣି ତାଣା ମାରୁ ନୀତିନାୟି, ତାକିନାୟି ଅଡେ ତୁୟିନାୟି । ଇଞ୍ଜାଁ ମୀ ବିତ୍ରାଟି ଜିକେଏ ଏଚରଜାଣା ଖେସାମାନେରି, ମାରୁ ଜିକେଏ ଏଞ୍ଜାଣି ମୀରକା ମାସ୍ତକା ।” ୨୯ “ଇଚିହୁଁ ମାରୁ ମାହାପୁରୁତି ମୀରକା ମାସ୍ତକା ଆଡ଼ାକି ଈ ମାହାପୁରୁ ଲେହେଁ ମାଣ୍ଡସି ବୁଦି ଅଡେ ଅଣ୍ଡପୁ ତଲେ କେପିତି ବାଂଗାରା, ଖେଣ୍ଡି କି ଖାଲକାତି ବମା ଲେହେଁ ଅଣ୍ଡିପନାୟି ଆଏ । ୩୦ ଲକୁ ମାହାପୁରୁଇଁ ପୁଞ୍ଜା ହିଲାଆ

‡ ୧୭:୧୦ ୧୭:୧୦ ସିନଗର § ୧୭:୧୭ ୧୭:୧୭ ସିନଗର ☆ ୧୭:୨୪ ୧୭:୨୪ କାମା ୭:୪୮

ବେଲାତା ଏଞ୍ଜାସି ଦହ ଆସା ହିଲାଆତେସି, ସାମା ନୀଏ ଏଞ୍ଜାସି ବାରେଜାଣାତି ବାରେଞ୍ଜାକି ତାମି ପାପୁ ଜିରୁଟି ଖେଣ୍ଡା ଖାହାଲି ଖେସିମାନେସି । ୩୧ ଇଚିହ୍ ଆମିନି ଦିନା ତାନୁ ଆଚିତି ମାଣ୍ଡି ତାଣାଟି ଦାମ୍ବୁତଲେ ଦାଚିତି ନୀହାୟି କିନେସି, ଇଲେତି ର ଦିନା ତାରି କିହାମାନେସି, ଇଞ୍ଜା ଇ ବାରେ ସାତା ଇଞ୍ଜା ତସାଲି ଏଞ୍ଜାସି ଏଞ୍ଜାଣାଲ୍ ହାତାରି ତାଣାଟି ନିକ୍ହାମାନେସି ।”

୩୨ ପାଞ୍ଜୁଲ ତାଣାଟି ହାତାରି ଖେଣ୍ଡେ ନିଜିନି କାତା ଖେଞ୍ଜାନା ଏଚରଜାଣା ଲାଜା କିତେରି, ଅଡେ ଏଚରଜାଣା ଏଲେଇଚେରି, “ମାଙ୍ଗେ ଅଡେ ଖେଣ୍ଡେ ଖେସ୍ତାମ୍, ନୀ ତାଣାଟି ଇ କାତା ଖେନମି ।” ୩୩ ଏଚେଟିଏ ପାଞ୍ଜୁଲ ବେରଣିଟି ହଚାହାଚେସି । ୩୪ ଏରିୟପାଗିୟ ଦିୟନୁସିୟ ଗଚିତି ଦାମାରି ଇନି ର ଇୟା ଇଞ୍ଜା ଅଡେ ଏଚେକା ଲକୁ ନାମିତେରି ଇଞ୍ଜା ଏଞ୍ଜାଣିତଲେ ଆଣ୍ଡିତେରି ।

୧୮

କରନ୍ତିତା ପାଞ୍ଜୁଲତି କାମା

୧ ଏମ୍ବାଟିଏ ପାଞ୍ଜୁଲ ଆତିନି ଗାଡ଼ା ପିସାନା କରନ୍ତିତା ହାଚେସି । ୨ ଇଞ୍ଜା ଏଞ୍ଜାସି ଆକ୍ଞିଲା ଦରୁଗାଟି ର ଜୀହୁଦି ଲକୁଲ୍ ବେଟାଆଡେସି, ପତ୍ତ ଏଞ୍ଜାଣି ଜାନ୍ନା ଟାୟ; ଏଚରଦିନା ନକେଏ ଏଞ୍ଜାସି ତାନି ତକ୍ତି ପ୍ରିସ୍ତିଲା ତଲେ ଇଟାଲିଟି ଖାହାମାଚେସି, ଇଚିହ୍ କ୍ଲାସ୍ତୁଦିୟା ବାରେ ଜୀହୁଦି ଲକୁଲ୍ ରମ୍ ପିସା ହାଜାଲି ହୁକୁମି ହାହାମାଚେସି, ପାଞ୍ଜୁଲ ଏଞ୍ଜାସିକାଣି ବେଟି ହାଚେସି, ୩ ଅଡେ ଏଞ୍ଜାରି ଏଞ୍ଜାଣିଲେହେଁ ତୁମ୍ ବେବାରା କିନାରି ମାଚାକି ଏଞ୍ଜାରିତଲେ ଡିୟିତେସି, ଅଡେ ଏଞ୍ଜାରି କାମା କିହାଲି ମାଚ୍‌ହେରି, ଏନାଆଁତାକି ଇଚିହ୍ ବେବାରାତା ଏଞ୍ଜାରି ତୁମ୍ କିନାରି ମାଚେରି । ୪ ଅଡେ ବାରେ ଜମିନି ଦିନାତା ଏଞ୍ଜାସି ଜୀହୁଦି ଲକୁତି କୁଟମି ଇଲୁତା* ଜଲ୍‌କି ଆହ୍ ଜାପ୍‌ହେସି, ଜୀହୁଦି ଅଡେ ଗ୍ରିକ୍ ଲକୁଣି ନାମି କିଞ୍ଜିକିହାଲି ଅଣ୍ଡିପାଚେସି ।

୫ ଏଚିବେଲା ସିଲା ଅଡେ ତିମତି ମାକିଦନିୟାଟି ଖାଡେରି, ଏଚିବେଲା ପାଞ୍ଜୁଲ ନେହ୍ ବଲ୍ଲୁ ଖେକ୍‌ନି କାମା ଜମାଆନା କିହିମାଚେସି, ଅଡେ ଜୀସୁଇ ମସିହା ଇଞ୍ଜା ଜୀହୁଦି ଲକୁତାଣା ସାକି ହାହିମାଚେସି । ୬ ସାମା ଏଞ୍ଜାରି ଅପାଆନା ନିନ୍ଦା କିହାଲିଏ ଏଞ୍ଜାସି ତାନି ହିମ୍‌ରି ହାଣ୍‌ହାନ୍‌ନା ଏଲେଇଚେସି, “ମୀରୁ ନାସା ଆତିହ୍ ଏଦାଆଁତାକି ମୀରୁ ଦାୟି ଆଡେରି । ଏଦାଆଁତାକି ନାନୁ ଦାୟି ଆଏ, ନୀଏ ନାନୁ ଜୀହୁଦିଆଆତି ଲକୁତାଣା ହାଜିମାଲ୍ ।” ୭ ଏମ୍ବାଟିଏ ଏଞ୍ଜାସି ଏ ଟାୟୁଟି ହଚା ହାଜାନା ତିତସ ଜସ୍ତୁ ଇନି ଜୀହୁଦିଆଆତି ମାହାପୁରୁ ସେବା କିନାସି ଏଞ୍ଜାଣି ଇଜ ହାଚେସି, ଏଞ୍ଜାଣି ଇଲୁ ଜୀହୁଦି ଲକୁତି କୁଟମି ଇଲୁ† ତାଗେ ମାଚେ । ୮ ସାମା ଜୀହୁଦି ଲକୁତି କୁଟମି ଇଲୁ‡ କାଜାସି କ୍ରିସ୍‌ପ ବାରେ ଇଲୁ କୁଟମି ତଲେ ପ୍ରବୁ ତାଣା ନାମିତେରି, ଅଡେ କରନ୍ତି

ଗାଡ଼ାତି ଲକୁ ବିତ୍ରାଟି ହାରେକା ପାଞ୍ଜୁଲତି କାତା ଖେଞ୍ଜାନା ନାମିତେରି ଅଡେ ବାପ୍ତିସ୍ତ୍ରି ଅଡେରି ।

୯ ଅଡେ ପ୍ରବୁ ଲାଆଁୟାଁ ବେଲାତା ସେୟାଣା ହାପାନାତା ପାଞ୍ଜୁଲଇ୍ ଏଲେଇଚେସି, “ଆଜାଆନି, ସାପି ଡିୟାଆନା ଜଲ୍‌ମ୍, ୧୦ ଇଚିହ୍ ନାନୁ ନୀ ତଲେ ମାଲ୍, ଆମିନି ଲକୁ ଜିକେଏ ନୀ କପାଟି ନିଜ୍ଞାନା ନିଜ୍ଞେ ନାସା କିହାଲି ଆଡ଼ଅସି, ଇଚିହ୍ ଇ ଗାଡ଼ାତା ହାରେକା ନା ଲକୁ ମାନେରି ।” ୧୧ ଇଞ୍ଜା ପାଞ୍ଜୁଲ ଏଞ୍ଜାରିତାଣା ମାହାପୁରୁତି କାତା ଜାପ୍‌ହିହ୍ ର ବାସା ସ ଲେଞ୍ଜୁ ଡିୟିତେସି ।

୧୨ ସାମା ଗାଲିୟ ଆକାୟାତି ରମିୟ ସାଲ୍‌ଞ୍ଜି କିନାସି ମାଟିବେଲାତା, ଜୀହୁଦି ଲକୁ ପାଞ୍ଜୁଲ କପାଟି ନିଜ୍ଞାନା ଏଞ୍ଜାଣାଲ୍ ନୀହାୟି କିନାରି ତାଣା ଦସା ଅହାନା ଏଲେଇଚେରି, ୧୩ “ଇଞ୍ଜାସି ମସାତି ମେରା କପାଟି ଅର ରଲେକ୍ ମାହାପୁରୁତି ସେବା କିହାଲି ଲକୁଣି ଜାପ୍‌ହିମାନେସି ।”

୧୪ ସାମା ପାଞ୍ଜୁଲ ଗୁତି ଏକ୍‌ହାନା ଜଲ୍‌ଲି ମାଚ୍‌ହି ମାଚାଟି, ଗାଲିୟନ ଜୀହୁଦି ଲକୁଣି ଏଲେଇଚେସି, “ଆଡେ ଜୀହୁଦି ଲକୁତେରି ଏନିଲେହେଁତି ଦହ କି ଲାଗେଏତି କାମା ଆଡ଼ିହ୍ ମା ସୁସ୍ତି ତଲେ ମୀ କାତା ଖେନାୟି ନାଜେତାକି ନେହେଁ ଆଡେମା, ୧୫ ସାମା ଇଦି ଖାରଇ ବଲ୍ଲୁ ଅଡେ ଦରୁ ଅଡେ ମୀ ମେରାତି କାତା ମୀରୁଏ ଇଦାଆଁ ସୁସ୍ତି କିଦୁ । ଇଲେତି କାତାତି ନାନୁ ନୀହାୟି କିଅଁ !” ୧୬ ଏଲେଇଞ୍ଜାନା ଏଞ୍ଜାସି ଏଞ୍ଜାରାଲ୍ ନୀହାୟି କିନି ତାଣାଟି ପେରହା ତୁସ୍ତେସି । ୧୭ ଏଚେଟିଏ ବାରେଜାଣା ସସ୍ତାନ ଇନି ଜୀହୁଦି ଲକୁତି କୁଟମି ଇଲୁତି* କାଜାଣାଲ୍ ଆସାନା ନୀହାୟି ପାଜ୍‌ମାତା ଖେଡେରି; ସାମା ଗାଲିୟନ ଏ ବାରେ କାତାତା ମନ୍ ହୀଆତେସି ।

ପାଞ୍ଜୁଲ ଆକ୍ତିୟକିୟାତା ଖେଣ୍ଡାଖାନାୟି

୧୮ ପାଞ୍ଜୁଲ କରନ୍ତିତା ନାମିତି ତାୟି ତାଜିସ୍ତା ତଲେ ହାରେକା ଦିନା ଡିୟାନା ତାୟିୟାଁ ତାଣାଟି ହେଲ ବେଟାଆହାନା ଏୟୁ ଜାଜାଟି ସିରିୟାତା ହାଚେସି, ପ୍ରିସ୍ତିଲା ଅଡେ ଆକ୍ଞିଲା ତାନିତଲେ ହାଚେରି, ତାନି ଆଞ୍ଜିତାୟି ମାଚାକି ଏଞ୍ଜାସି କେକ୍‌କ୍‌ୟାତା ତାନି ତାୟି ହିଶ୍‌ହେସି । ୧୯ ଡାୟୁ ଏଞ୍ଜାରି ଏପିସିୟତା ଖାଡେରି, ଅଡେ ଏଞ୍ଜାସି ଏ ଟାୟୁତା ଆକ୍ଞିଲା ଅଡେ ପ୍ରିସ୍ତିଲାଲ୍ ହେଲ ହୀହାନା ପାଞ୍ଜୁଲ ରଅସିଏ ଜୀହୁଦି ଲକୁତି କୁଟମି ଇଲୁତା† ହଡାନା ଜୀହୁଦିୟାଁ ତଲେ ହାଡାକାତା ଆଡେରି । ୨୦ ଇଞ୍ଜା ଏଞ୍ଜାରି ଏଞ୍ଜାଣାଲ୍ ହାରେକା ଦିନା ଡିୟାଲି ବାଟିମାଲିତିହ୍ ଖା ଏଞ୍ଜାସି ଡିୟାଲି କୁଡେସି । ୨୧ ସାମା ଏଞ୍ଜାରି ତାଣାଟି ହେଲ ଅହାନା ଏଲେଇଚେସି, “ମାହାପୁରୁତି ମନ୍ ଆତିହ୍ ଅଡେ ର ଦେବା ମୀ ତାଣା ଖେଣ୍ଡା ଖାଲ୍,” ଇଞ୍ଜା ଏଞ୍ଜାସି ଏପିସିୟଟି ହାଚେସି ।

୨୨ କାୟିସରିୟାତା ଏଗାହାଜାନା ଏମ୍ବାଟି ଜିରୁସାଲମତା ହାଚେସି, ଅଡେ କୁଲମିତି ଜହରା କିହାନା ଏମ୍ବାଟିଏ

* ୧୮:୪ ୧୮:୪ ସିନଗର୍ † ୧୮:୭ ୧୮:୭ ସିନଗର୍ ‡ ୧୮:୮ ୧୮:୮ ସିନଗର୍ § ୧୮:୮ ୧୮:୮ ମୁଞ୍ଜିନାୟି * ୧୮:୧୭ ୧୮:୧୭ ସିନଗର୍ † ୧୮:୧୯ ୧୮:୧୯ ସିନଗର୍

ଆନ୍ତରାୟନାତା ହାରେସି । ୨୩ ଏମ୍ବାଆଁ ଏଚରଦିନା ଡ଼ୟିତି ତାୟୁ, ଏଞ୍ଜାସି ଅଡ଼େ ଖେଣ୍ଡେ ହାଜାନା ଗାଲାତିୟ ଇଞ୍ଜା ପୁଗୟା ନାସକା ହାହାନା ହାରେସି, ଅଡ଼େ ଜିରୁତା ସାସୁୟାଣି ତାନି ନାମୁତା ଆଟ୍ଠା ତଲେ ଡ଼ୟାଲି ରାହାଁ ହାତେସି ।

ଏପିସିୟ ଅଡ଼େ କରନ୍ତିତା ଆପଲ

୨୪ ଏମ୍ବାଟିଏ ଆପଲ ଦରୁଗାଟି ର ଜୀହୁଦି ଏପିସିୟତା ଖାଡ଼େସି, ଏଞ୍ଜାସି ଆଲେକଜାଣ୍ଡିୟାତା ଜାର୍ନା ଆହାମାରେସି, ଏଞ୍ଜାସି ନେହୁକ୍ ଖେସାଲି ଆଡ଼ିନାସି ଅଡ଼େ ଦାମ୍ବୁ ପତିତି କାତା ଗାତି ପୁନାସି ମାରେସି । ୨୫ ଇଞ୍ଜାସି ପ୍ରବୁ ଜିରୁତି କାତା ନେହୁକ୍ ଜାପାମାରେସି, ଇଞ୍ଜା ଜୀହୁତଲେ ବାଡ଼ୟୁ ବେଟାଆହାନା ଜୀସୁତି କାତା ନେହୁକ୍ ଜାପୁହି ମାରେସି, ଏଞ୍ଜାସି ଖାଉଇ ଜହନତି ବାପ୍ରିସ୍ତା କାତା ପୁଞ୍ଜାମାରେସି । ୨୬ ଏଞ୍ଜାସି ସାସାତଲେ ଜୀହୁଦି ଲକୁତି କୁଟମି ଲକୁତାଣି ଜଲ୍ଲାଲି ମାଟ୍ଠହେସି, ସାମା ଆକଞ୍ଜିଲା ଅଡ଼େ ପ୍ରିସ୍ତା ଏଞ୍ଜାଣି କାତା ଖେଞ୍ଜାନା ଏଞ୍ଜାଣାଲ୍ ତାନି ଇଜ ଅହାନା ଏମ୍ବାଆଁ ହାରେକା ନେହେଁ ମାହାପୁରୁ ଜିରୁତି କାତା ପୁଣ୍ଡିକିତୁ । ୨୭ ତାୟୁ ଆପଲ ଆକାୟା ଦେସାତା ହାଜାଲି ମନ କିହାଲିଏ ଏପିସିୟତି ନାନିତି ତାୟିୟାଁ ଏଞ୍ଜାଣାଲ୍ ସାୟେମି କିତେରି, ଇଞ୍ଜା ଏଞ୍ଜାଣାଲ୍ ରାହାଁତଲେ ଆବାଲି ଆକାୟାତା ମାନି ସାସୁୟାକି ର ଆକୁ ରାଡ଼ିତେରି, ଏଞ୍ଜାସି ଏମ୍ବାଆଁ ଏଗାହାଜାନା ମାହାପୁରୁ କାର୍ମାଟି ନାମା ମାନାରାକି ହାରେକା ସାୟେମି କିତେସି । ୨୮ ଇତିହୁଁ ଜୀସୁଏ ମସିହା ଇଞ୍ଜୁଁ ଦାମ୍ବୁ ପତିତି ନେହୁକ୍ ତସାହାଁ ଏଞ୍ଜାସି ବାରେଜାଣା ନକିତା ତାନିତଲେ ଆସ୍ପି ଆହିମାନି ଜୀହୁଦି ଲକୁଣି ହାଉଞ୍ଜି କିତେସି ।

୧୯

ଏପିସିୟତା ପାଞ୍ଜୁଲ

୧ ଆପଲ କରନ୍ତିତା ମାଟିରେଲାତା ପାଞ୍ଜୁଲ ଖେଡ଼ା ହପୁଞ୍ଜାକିତି ରାଜି ରେଜାନା ଏପିସିୟ ଗାଡ଼ାତା ଏଗାଞ୍ଜାଡ଼େସି । ଏମ୍ବାଆଁ ଏଚରଜାଣା ସାସୁୟାଣି ବେଟାଆଡ଼େସି, ୨ ଏଞ୍ଜାସି ଏଞ୍ଜାରାଲ୍ ଖେରେସି, “ମୀରୁ ନାନିତି ରେଟୁଏ ସୁଦୁଜୀଞ୍ଜୁ ବେଟାଆହା ମାରେରି କି ?” ଏଞ୍ଜାରି ଏଲେଇଚେରି, “ଆଏ ସୁଦୁଜୀଞ୍ଜୁ ମାନେ ଇଞ୍ଜୁଁ ମାମ୍ବୁ ଚୁଞ୍ଜା ଜିକେଏ ହିଲଅମି ।” ୩ ପାଞ୍ଜୁଲ ଏଞ୍ଜାରାଲ୍ ଖେରେସି, “ଆଡ଼ିହୁଁ ମୀରୁ ଏନିଲେହେଡ଼ି ବାପ୍ରିସ୍ତା* ବେଟାଆହା ମାରେରି ।” ଏଞ୍ଜାରି ଏଲେଇଚେରି, “ମାମ୍ବୁ ଜହନତି ବାପ୍ରିସ୍ତା ଅହାମାଚମି ।” ୪ ଏମ୍ବାଟିଏ ପାଞ୍ଜୁଲ ଏଲେଇଚେସି, “ଜହନତି ବାପ୍ରିସ୍ତା ହିୟାଁ ଖେଟ୍ପି କିଞ୍ଜିକିନି ବାପ୍ରିସ୍ତା; ଜହନ ଇସ୍ରାୟେଲ ଲକୁଣି ବାପ୍ରିସ୍ତା* ହାହାନା ଏଲେଇଚେସି, ନା ଜେଚ ଆମ୍ବାଆସି ଖାହିମାନେସି, ଏଞ୍ଜାଣାଲ୍ ଇତିହୁଁ ଜୀସୁଲ୍ ନାମାଦୁ ଇଞ୍ଜୁଁ ଖେସିମାରେସି ।”

୫ ଇଦାଆଁ ଖେଞ୍ଜାନା ଏଞ୍ଜାରି ପ୍ରବୁ ଜୀସୁ ଦରୁତଲେ ବାପ୍ରିସ୍ତା* ଅଡ଼େରି । ୬ ଅଡ଼େ ପାଞ୍ଜୁଲ ଏଞ୍ଜାରି ଲାକ କେସ୍ତା ଇଟାଲିଏ ସୁଦୁଜୀଞ୍ଜୁ ଏଞ୍ଜାରି ଲାକ ରେଟାଞ୍ଜାଡ଼େ, ଇଞ୍ଜା ଏଞ୍ଜାରି ଏଟ୍ଟକା ଏଟ୍ଟକା ହାଡ଼ାତଲେ କାତା ଜଲ୍ଲାନା ମାହାପୁରୁତି ତାୟୁ ଆନି କାତା ଜିକେଏ ଖେକ୍ଠେରି । ୭ ଏଞ୍ଜାରି ବାରେ ବାରେଜାଣା ଆବାୟାଁ ମାରେରି ।

୮ ତାୟୁ ପାଞ୍ଜୁଲ ଜୀହୁଦି ଲକୁତି ଜୀହୁଦି ଲକୁତି କୁଟମି ଲକୁତା; ହାଜାନା ତାନି ଲେଞ୍ଜୁ ପାଡେକା ସାସାତଲେ ମାହାପୁରୁ ରାଜିତି କାତା ଖେକ୍ଠିହୁଁ ଲକୁତି ମନତି ନାନି କିହାଲି ଅଣ୍ଡପିତେସି । ୯ ସାମା ଏଟିରେଲା ଏଚେକା ଲକୁ ଆଟ୍ଠା ହିୟାଁ ଅଡ଼େ ମୁଣ୍ଡି ଆହାନା ଲକୁ ନକିତା ପ୍ରବୁ ଜିରୁ କପାଟି ନିଞ୍ଜାନା ନିନ୍ଦା କାତା ଖେସ୍ତେରି, ଏଟିରେଲା ପାଞ୍ଜୁଲ ଏଞ୍ଜାରାଲ୍ ପିସାନା ସାସୁୟାଲ୍ ଏଟ୍ଟକା କିତେସି, ଇଞ୍ଜା ତୁରାନନ୍ ଇନି ଜାପୁନି ଇଲୁତା ବାରେଦିନା ଜାପୁହି ମାରେସି । ୧୦ ଇଲେଆହୁଁ ରୀ ବାସାଁ ପାଡେକା ଆଡ଼େ; ଏଚେଟିଏ ଆସିୟା ଦେସାତା ବାସାଆହାମାନି ହାରେକା ଜୀହୁଦି ଅଡ଼େ ଜୀହୁଦିଆଆତି ଲକୁ ବାରେଜାଣା ପ୍ରବୁତି କାତା ଖେଚେରି ।

ସ୍ତେବା ମୀରକା

୧୧ ଅଡ଼େ, ମାହାପୁରୁ ପାଞ୍ଜୁଲ ତାଣାଟି ହାରେକା ବାଡ଼ୟୁତି କାମାୟାଁ କିହିମାରେସି । ୧୨ ଇଲାଆହୁଁ ପାଞ୍ଜୁଲ ଲେମ୍ବିମାନି ପାଞ୍ଜାତା ତୁରନି ସକା କି ତୁଞ୍ଜାଲା ରଗ ଗାଟାରି ତାଣା ତାଡିସାରେ ଏଞ୍ଜାରି ତାଣାଟି ରଗ ପିସିମାରେ ଅଡ଼େ ବୁଡୁୟାଁ ହଡ଼ା ହାଜିମାତୁ । ୧୩ ସାମା ରେଜି ରେଜିହୁଁ ବୁଡୁୟାଁ ପେରନି ଜୀହୁଦିୟାଁ ବିତ୍ରାଟି ଏଚରଜାଣା ପଲ୍ଲଆ ବୁଡୁୟାଁ ଆସାମାନାରି ଲାକ ପ୍ରବୁ ଜୀସୁ ଦରୁ ଆସାନା ପେରହାଲି ଅଣ୍ଡପାନା ଏଲେଇଚେରି, “ପାଞ୍ଜୁଲ ଆମିନି ଜୀସୁଲ୍ ଖେକ୍ଠିହୁଁ ମାନେସି ନାନୁ ଏଞ୍ଜାଣି ଦରୁତି ନିଜେ ହୁକୁମି ହାହିମାଞ୍ଜାଲ୍ ।” ୧୪ ସ୍ତେବା ଦରୁଗାଟି ର ଜୀହୁଦି କାଜା ପୂଜେରାତି ସାଡ଼ା ଜାଣା ମୀରକା ଏଲେ କିହିମାରେରି ।

୧୫ ସାମା ପଲ୍ଲଆ ବୁଡୁୟାଁ ଏଞ୍ଜାରାଲ୍ ଏଲେଇଚୁ, “ନାନୁ ଜୀସୁଲ୍ ପୁଞ୍ଜାମାଲ୍ ଅଡ଼େ ପାଞ୍ଜୁଲଲ୍ ପୁଞ୍ଜାମାଲ୍; ସାମା ମୀରୁ ଆମ୍ବାଆଡେରି ?”

୧୬ ଏଚେଟିଏ ଏ ପଲ୍ଲଆ ବୁଡୁ ଆଲ୍ଗା ମାଟାସି ଏଞ୍ଜାରି ଲାକ ଡେଞ୍ଜାନା ଏଞ୍ଜାରାଲ୍ ଇରହାଲିଏ ଏଞ୍ଜାରି ନାଗୁଡ଼ା ଉଗଡ଼ା ରାଣାରାକା ଆହାନା ଏ ଲକୁଟି ହଚେରି । ୧୭ ଇ କାତା ଏପିସିୟତା ମାନି ଜୀହୁଦି ଅଡ଼େ ଜୀହୁଦିଆଆତି ଲକୁ ବାରେଜାଣା ପୁରେରି, ଇଞ୍ଜା ବାରେଜାଣା ଆଜିତେରି, ଅଡ଼େ ଏମ୍ବାଆଁ ପ୍ରବୁ ଜୀସୁତି ଦରୁ ହାରେକା ଗାଞ୍ଜୁରମି କିତେରି । ୧୮ ଅଡ଼େ ନାମୁଗାଟାରି ବିତ୍ରାଟି ହାରେକା ଖାହାନା ତାମ୍ବୁ କିହାମାନି ପଲ୍ଲଆ କାମାତି ଖେସ୍ତେରି । ୧୯ ଅଡ଼େ ଗାରୁଡ଼ି କାମା କିହିମାଟି ହାରେକା ଜାଣା ତାମ୍ବୁ ତୁମି ପତିୟାଁ ତାଟିହୁଁ ରୁଣ୍ଡା କିହାନା ବାରେଜାଣା ନକିତା ହୁଡିତେରି;

‡ ୧୮:୨୫ ୧୮:୨୫ମୁଞ୍ଜିନାୟି § ୧୮:୨୬ ୧୮:୨୬ ସିନଗଗ * ୧୯:୩ ୧୯:୩ମୁଞ୍ଜିନାୟି † ୧୯:୩ ୧୯:୩ମୁଞ୍ଜିନାୟି ☆ ୧୯:୪ ୧୯:୪ ମାଟି ୩:୧୧; ମାକି ୧:୪,୭,୮; ଲୁକ ୩:୪,୧୭; କହ ୧:୨୬,୨୭ ‡ ୧୯:୪ ୧୯:୪ମୁଞ୍ଜିନାୟି § ୧୯:୪ ୧୯:୪ମୁଞ୍ଜିନାୟି * ୧୯:୪ ୧୯:୪ମୁଞ୍ଜିନାୟି † ୧୯:୫ ୧୯:୫ମୁଞ୍ଜିନାୟି ‡ ୧୯:୮ ୧୯:୮ ସିନଗଗ

ଏଞ୍ଜରୀ ଏ ବାରେତି ଲେକା କିହାଲିଏ ରୀ କଡ଼ି ଦସ ମାଣା
ଝେଣ୍ଡି ଟାକାୟାତି ପତିୟା ମାରୁ । ୨୦ ଇଲେଆହୁଁ ପ୍ରବୁତି
ବଲୁ ବାଡ଼ୟୁ ତଲେ ପାଡାଆଡେ ସାରିସୁଟୁ ଝେଙ୍ଗିଡେ ।

ଏପିସିୟ ଗାଡ଼ାତା ଗଡ଼ହା

୨୧ ଇ ବାରେ କାତା ରାଡ଼ି ତାୟୁ ପାଞ୍ଜୁଲ ମାକିଦନିୟା
ଅଡେ ଆକାୟା ମାଦିଟି ଜିରୁସାଲମତା ହାଜାଲି ମନତା
ତୀରି କିଡେସି । ଏଞ୍ଜାସି ଏଲେଇଚେସି, “ଏମ୍ବାଆଁ ହାତି
ତାୟୁ ନାନ୍ତୁ ରମ୍ପତା ଜିକେଏ ହାନାୟିମାନେ ।” ୨୨ ଅଡେ
ଆମ୍ବାଆରି ଏଞ୍ଜାସି ସେବା କିହିମାଚେରି, ଏଞ୍ଜାରି ବିତ୍ରାଟି
ତିମତି ଅଡେ ଏରାସୁ ଇ ରିଆରାକ୍ ମାକିଦନିୟାତା ପାଣ୍ଡାନା
ଏଞ୍ଜାସି ଏଚରଦିନା ପାଡେକା ଆସିୟାତା ତୁୟିଡେସି ।

୨୩ ଏଚିବେଲାତା ପ୍ରବୁ ତସାମାନି ଜିରୁତି କାତା ଅହାନା
ଏପିସିୟତା ହାରେକା ଗଡ଼ହା ଆଡେ । ୨୪ ଦିନିତ୍ରିୟ
ଦରୁଗାଟି ର ଝେଣ୍ଡି କାମାକିନାସି ଆଚେର୍ମି ପେନୁତି ର
ଝେଣ୍ଡିତି ଦେଞ୍ଜୁଡ଼ି କିହିମାଚେସି, ଇଞ୍ଜା ଏଞ୍ଜାସି ଇ ବେବାରା
କାମା କିନାରାକି ହାରେକା ଲାଡ଼ା ଆହିମାଚେ । ୨୫ ଏମ୍ବାଟିଏ
ଏଞ୍ଜାସି ଇଞ୍ଜା ଏଞ୍ଜାରିଲେହେ କାମା କିନାରାକ୍ ହାଟାନା
ଏଲେଇଚେସି, “ବାବୁୟା ଇ କାମାଟି ମାର ଦନ ବେଟାଆହି
ମାନାୟି ଇଞ୍ଜା ମୀରୁ ବାରେ ପୁଞ୍ଜାମାଞ୍ଜେରି; ୨୬ ଅଡେ,
କେସ୍ତାତଲେ କେପିତି ପେଣକା ମାହାପୁରୁ ଆଏ ଇଞ୍ଜା
ଝେସାନା ପାଞ୍ଜୁଲ ଖାରୁଇ ଏପିସିୟତା ଆଏ, ସାମା ବାରେ
ଆସିୟାତା ଜିକେଏ ହାରେକା ଲକୁଣି ଜାପହାନା ଏମ୍ବାଟି
ମାଡ଼ଝି କିହିମାନେସି, ଇଦାଆଁ ମୀରୁ ମେସାମାଞ୍ଜେରି ଅଡେ
ଝେଞ୍ଜାମାଞ୍ଜେରି । ୨୭ ଇମ୍ବାଆଁ ଖାରୁଇ ମା ବେବାରା କାମା
ଲାଗେଏ ଆନେ, ଏଦି ଆଏ, ସାମା ଆମିନି କାଜା ପେନୁ
ଆଚେର୍ମିକ୍ ବାରେ ଆସିୟା ଅଡେ ଦାରୁଡିତି ଲକୁ ପୂଜା
କିହିମାନେରି, ଏଦାନି ଦେଞ୍ଜୁଡ଼ିତି ଜିକେଏ ଲକୁ ମାନି
କିଅରି, ଇଞ୍ଜା ଆଚେର୍ମି ପେନୁତି ଦରୁ କାଜା ଦରୁ ଇଞ୍ଜା
ଝେଙ୍ଗେଏ ।”

୨୮ ଇ କାତା ଝେଞ୍ଜାନା ବାରେଜାଣା କାରବି ଆହାନା
କାଜା ଗିୟାତଲେ ଏଲେଇଚେରି, “ଏପିସିୟ ଲକୁତି
ଆଚେର୍ମିଏ କାଜା ପେନୁ ।” ୨୯ ଏଚେଟିଏ ଗାଡ଼ା ବାରେ
ଗଡ଼ହା ଆଡେ, ଇଞ୍ଜା ଲକୁ ବାରେ କାଲଝି ଆହାନା ପାଞ୍ଜୁଲ
ତଲେ ହାଜିମାଟି ମାକିଦନିୟାତି ଗାୟ ଅଡେ ଆରିସ୍ତାକ୍ ଇ
ଦସାନା କାହିନି ବାଟାତା ହଚେରି । ୩୦ ଏମ୍ବାଟିଏ ପାଞ୍ଜୁଲ
ଲକୁ ମାୟା ବିତ୍ରା ହାଜାଲି ଅଣ୍ଡପିଡେସି, ସାମା ସୀସୁୟା
ଏଞ୍ଜାଣାକ୍ ହାଜାଲି ହାଆଡେରି । ୩୧ ଅଡେ ଆସିୟାତି
ସାଲଝି କିନାରି ବିତ୍ରାଟି ଜିକେଏ ଏଞ୍ଜାରି ତଡ଼ୁ ଗାଟାରି
ମାଟାକି କାହିନି ବାଟା ମାଦି ହାଲୁଆପେସି ଇଞ୍ଜା
ଲକୁଣି ଝେସା ପାଣ୍ଡାନା ଏଞ୍ଜାଣାକ୍ ବାତିମାଲିଡେରି ।
୩୨ ଏଚିବେଲା ହାରେକା ଗଡ଼ହା ଆହିମାଚେ, ଇଞ୍ଜା
ଲକୁ ମାୟା ମାୟା ଆହୁଁ ଏଚରଜାଣା ଇ କାତା ଅଡେ
ଏଚରଜାଣା ଏ କାତା ଇଞ୍ଜା କାଲଝି ଆହିମାଚେରି,
ଅଡେ ଏଞ୍ଜାରି ଏନାଆଁତାକି ରୁଣ୍ଡା ଆହାମାନେରି ହାରେକା
ଲକୁ ପୁଞ୍ଜାହିଲାଆଡେରି । ୩୩ ଲକୁ ବିତ୍ରାଟି ଏଚରଜାଣା
ଏଲେଇଚେରି, ଆଲେକଜାଣ୍ଡାର ଇଦାଆଁତାକି ଦାୟି,

ଇଚିହୁଁ ଜୀହୁଦି ଲକୁ ଏଞ୍ଜାଣାକ୍ ନକିତା ନିପହା ମାଚେରି,
ଆଲେକଜାଣ୍ଡାର କେୟୁ ପେରହାନା ଲକୁଣି ପାଲେଏ
ଆହାଲି କେୟୁ ଜୀଞ୍ଜିଡେସି, ଅଡେ ନାମୁଗାଟାରି ଝାକିଟି
ଝେସାଲି ଅଣ୍ଡପିଡେସି । ୩୪ ସାମା ଏଞ୍ଜାସି ର ଜୀହୁଦି ଇଞ୍ଜା
ଏଚିବେଲା ଏଞ୍ଜାରି ପୁଚେରି; ଏଚିବେଲା ବାରେଜାଣା
କାଜା ଗିୟାତଲେ ରୀ ଗଂଟା ପାଡେକା କାଲଝି ଆହାନା
ଏଲେଇଚେରି, “ଆଚେର୍ମିଏ ଏପିସିୟ ଲକୁତି କାଜା ପେନୁ
।”

୩୫ ତାୟୁ ଗାଡ଼ାତି କାଜାସି ଲକୁଣି ସୁସ୍ତି କିହାଲି ଝେସେସି,
“ଏ ଏପିସିୟତା ମାନି ତାୟିୟାତେରି ବାରେଜାଣା
ପୁଞ୍ଜାମାନେରି ଏପିସିୟ ଗାଡ଼ାତି କାଜା ପେନୁ ଆଚେର୍ମିତି
ଦେଞ୍ଜୁଡ଼ି ଇଞ୍ଜା ହାଗୁଲାକଟି ରେଟା ଝାହାମାନି ସୁଦୁଡ଼ି
ବମା ଗେଲପିକିଝି ଆହାମାନେ । ୩୬ ଆମ୍ବାଆସି ଇଦାଆଁ
ଆଏ ଇଞ୍ଜାଲି ଆଡ଼ଅସି, ଏଦାଆଁତାକି ମୀରୁ ବାରେ ସୁସ୍ତି
ଆଦୁ, ଏନି ବୁଦି ହିଲାଆ କାମା କିଆଦୁ । ୩୭ ଇଚିହୁଁ
ଇ ଆମିନି ଲକୁକ୍ ମୀରୁ ଦସା ତାଟାମାଞ୍ଜେରି, ଇଞ୍ଜାରି
ଦେଞ୍ଜୁଡ଼ିତି ସରୁ କିହାହିଲଅରି, ଇଞ୍ଜା ମା ପେଣକା କପାଟି
ଏନି ନିୟା କାତା ଜଲ୍ଲା ହିଲଅରି । ୩୮ ଏଦାଆଁତାକି ଦିନିତ୍ରିୟ
ଅଡେ ଏଞ୍ଜାଣିତଲେ କାମାକିନାରି ଆମ୍ବାଆରି କପାଟି
ଏନି କାତା ମାଟିହୁଁ, ନୀହାୟି କିହାଲି ନୀହାୟି ଇଲୁ
ଦେପିଆହାମାନେ, ଇଞ୍ଜା ନୀହାୟି କିନାରି ମାନେରି, ଏଞ୍ଜାରି
ନକିତା ତାମ୍ବୁଡ଼ାମି ଦାଝା କିପେରି । ୩୯ ଇଦାଣିକିହାଁ ଆଗାଡ଼ା
ଅଣ୍ଡପିମାଟିହୁଁ, ଲକୁ ତାଣାଟି ମେରା କିଝି ଆହାମାନି
ନୀହାୟି କିନି ତାଣା ଏଦାଆଁତିକନାୟି ଆନେ । ୪୦ ଇଚିହୁଁ
ସାଡେଏ ନୀଞ୍ଜୁତି ଗଡ଼ହା ତାକି ମା କପାଟି ଦାଝା ଆନାୟି
ମାନେ; ଏନିଇଚିହୁଁ ଏ ଗଡ଼ହା ଏନାଆଁତାକି ହଡେ ଏଦାଆଁ
ମୀରୁ ଏନି କାତାତଲେ ତସାଲି ଆଡାଆୟି ।” ୪୧ ଇ ବାରେ
କାତା ଝେସାନା ଲକୁଣି ସୁସ୍ତି କିହାନା ନୀହାୟି ତୁକହେସି ।

୨୦

ମାକିଦନିୟା ଅଡେ ଆକାୟାତା ହାନାୟି

୧ ଏ ଗଡ଼ହା ତୁଙ୍ଗିତି ତାୟୁ ପାଞ୍ଜୁଲ ସୀସୁୟାଣି କୁଡ଼ି
କିହାନା ଏଞ୍ଜାରାକ୍ ବାସୁଡ଼ି କାତା ଝେସେସି, ଏଞ୍ଜାରି ତାଣାଟି
ହେଲ ଅହାନା ମାକିଦନିୟାତା ହାଚେସି । ୨ ଏଞ୍ଜାସି ବାରେ
ନାସ୍‌କାଟି ହାଜିହୁଁ, ହାରେକା ସୀସୁୟାଣି ବାସୁ ହାହାନା
ଗ୍ରିସ୍ ଦେସାତା ହାଚେସି । ୩ ଏମ୍ବାଟିଏ ଏଞ୍ଜାସି ଏମ୍ବାଆଁ ତାନି
ଲେଞ୍ଜୁ ତୁୟିଡେସି, ଏଞ୍ଜାସି ସିରିୟାତା ହାଜାଲି ତିୟାରା
ଆହିମାଟି ବେଲାତା, ଜୀହୁଦି ଲକୁ ଏଞ୍ଜାଣାକ୍ ପାୟାଲି
ତୀରି କିହାମାନେରି ଇଞ୍ଜା କାବୁ ପୁଞ୍ଜାନା ମାକିଦନିୟା
ଝାକିଟି ଝେଣ୍ଡେ ହାଜାଲି ତୀରି କିଡେସି । ୪ ଅଡେ ବେରିୟା
ତାସି ପୁରତି ମୀରୁଏସି ସପାଡର, ଅଡେ ଡେସଲନିକି
ଗାଡ଼ାତି ଆରିସ୍ତାକ୍, ସେକ୍‌କ୍‌କ୍, ଦବ୍‌ତି ଗାୟ, ତିମତି ଅଡେ
ଆସିୟାତି ଲକୁ ବିତ୍ରାଟି ତୁକିକ ଅଡେ ତ୍ରପିମ ଏଞ୍ଜାଣିତଲେ
ହାଚେରି । ୫ ଏଞ୍ଜାରି ବାରେଜାଣା ନକେଏ ହାଜାନା ତ୍ରୟାତା
ମାଙ୍ଗେ କାଟିମାଞ୍ଜାଡେରି । ୬ ଅଡେ ପୁଲା ଗୁଣ୍ଡା ଆଣ୍ଡାଆତି
ରୁଟି ତିନି ପାର୍ବୁ ତାୟୁ ମାମ୍ବୁ ପିଲିପିଟି ଏୟୁ ଜାଜାଟି ହାଚମି,

ଇଞ୍ଜା ପାସା ଦିନା ତାୟୁ ତ୍ରୟାତା ଏଞ୍ଜାରାଇଁ ବେଟାଆହାନା; ଏମ୍ବାଆଁ ର ଖାରା ଡୟିତମି ।

ତ୍ରୟାତା ପାଞ୍ଜୁଲ ତାୟୁ ପାଲି ହାନାୟି

୭ ଖାରାତି ମୁଲୁ ଦିନାତି ମିଡ଼ଅଲ୍ୟା ରାନ୍ଦା ତିଞ୍ଜାଲି ରୁଣ୍ଡା ଆହାମାଚମି, ପାଞ୍ଜୁଲ ଅର ନେରୁ ହାନାୟି ମାଚାକି ଏଞ୍ଜାସି ଲକୁଣି ମାଦି ନେକେରି ପାତେକା ନେହଁ କାତା ଖେସିମାଚେସି । ୮ ମାମ୍ବୁକୁଡ଼ା ଆହାମାନି ଲାକନି ପାରୁତି ଇଲୁତା ଏମ୍ବାଆଁ ହାରେକା ଦୀଞ୍ଜିୟାଁ ଡ଼ାଞ୍ଜିମାରୁ । ୯ ଅଡ଼େ ଇଞ୍ଜୁତୁକ ଇନି ର ଦାଂଗଣେଏସି କିଡ଼କି ଲାକ କୁଗାମାଚେସି, ଏଞ୍ଜାଣାକି ହାରେକା ଇଦା ଖାହିମାଚେ; ଇଞ୍ଜା ପାଞ୍ଜୁଲ କାତା ହାରେକା ଲାମ୍ବା କିହଁ ଖେସିମାଚାକି ଇଞ୍ଜୁତୁକ ତାନି ପାରୁ ଗାଟି ଇଲୁ ଲାକଟି ଡ଼ଇ ରୀତେସି, ଏତିବେଲା ଏଞ୍ଜାରି ଇଞ୍ଜୁତୁକଇଁ ନିକହେରି, ଏଞ୍ଜାସି ହାହାମାଚେସି । ୧୦ ସାମା ପାଞ୍ଜୁଲ ଡ଼ଇ ରେଟାଖାହାନା ଏଞ୍ଜାଣି ମୁହେଁ ମାରହାନା ଏଞ୍ଜାଣାଇଁ ପମାନା ଏଲେଇଚେସି, “ଆଜାଆଦୁ ଇଚିହଁ ଇଞ୍ଜାଣି ତାଣା ଜୀଞ୍ଜୁ ମାନେ ।” ୧୧ ତାୟୁ ଲାକ ହାଜାନା ରୁଟି ବାଟିକିହଁ ତିଚେରି, ଇଞ୍ଜା ଲାକ ଖେୟିନି ପାତେକା ହାଡ଼ାକାତା ଆହାନା ପାଞ୍ଜୁଲ ହାଚେସି । ୧୨ ଅଡ଼େ ଲକୁ ଏ ଦାଂଗଣା କକାଣାଇଁ ଜୀଞ୍ଜୁତଲେ ଇଜ ଅହଁ ହାଚେରି ଇଞ୍ଜା ଏଞ୍ଜାରି ହାରେକା ବାସୁଁ ବେଟାଆଡ଼େରି ।

ତ୍ରୟାଟିଏ ମିଲିତତା ହାନାୟି

୧୩ ସାମା ମାମ୍ବୁନକେଏ ଜାଜାତା ହଡ଼ାନା ଆସସ୍ତା ହାଚମି, ଏମ୍ବାଟିଏ ମାମ୍ବୁପାଞ୍ଜୁଲଇଁ ଅହାଲି ଅଣ୍ଡପାମାଚମି, ଇଚିହଁ ଏଞ୍ଜାସି ତାନୁଏ ତାକିହଁ ହାଜାଲି ତୀରି କିହାମାଚେସି । ୧୪ ଏତିବେଲା ଏଞ୍ଜାସି ଆସସ୍ତା ମାଚେ ବେଟା ଆୟାଲିଏ, ମାମ୍ବୁଜାଜାତା ଏଞ୍ଜାଣାଇଁ ମିତିଲିନିତା ତାଚିହଁ ଖାତମି, ୧୫ ଅଡ଼େ ଏମ୍ବାଟି ହାଜାନା ଏ ଅର ନେରୁ କିଅସତା ଏଗାହାଚମି, ଅଡ଼େ ର ଦିନାତି କ୍ରେଟ ସାମସ୍ତା ଏଜାହାଁ, ତାନି ଅର ନେରୁ ମିଲିତତା ଏଗାହାଚମି । ୧୬ ଇଚିହଁ ପାଞ୍ଜୁଲ ଆସିୟା ରାଜିତା ହାରେକା ଦିନା ତ୍ରୟାଆନା, ଇଦାଆଁତାକି ଏଞ୍ଜାସି ଏପିସିୟ ପିସାନା ହାଜାଲି ତୀରି କିହାମାଚେସି, ଆଡ଼ିସାରେ ପେଡ଼ିକସ୍ତ ଦିନା ଜିରୁସାଲମତା ଏଗାହାଜାଲି ଦାଗା ଆହିମାଚେସି ।

ଏପିସିୟ କୁଲମିତି କାଜାରାଇଁ ପାଞ୍ଜୁଲ ଖେହ୍ନାୟି

୧୭ ମିଲିତଟିଏ ପାଞ୍ଜୁଲ ଏପିସିୟ କୁଲମିତି କାଜା ଲକୁଣି କାରୁ ପାଣ୍ଡାନା ହାଟିକିଚେସି । ୧୮ ଏଞ୍ଜାରି ତାନି ତାଣା ଖାୟାଲିଏ, ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଆସିୟାତା ନାନୁ ଏଦାତି ଦିନାଟିଏ ମୀ ତଲେ ଏନିକିହଁ ମାଚେଏଁ ମୀରୁ ପୁଞ୍ଜାମାଞ୍ଜେରି, ୧୯ ପ୍ରବୁତି ହଲେଏଣା ଆହାନା ଜାହାରାଇଁ ଉଣା କିହଁ ଅଡ଼େ କାଣ୍ଡୁ ବକହଁ ନାଚେ ସାସ୍ତି ଖାଡ଼ାଟି ନାନୁ ପ୍ରବୁତି ସେବା କିଚେଏଁ, ଏନାଆଁତାକି ଇଚିହଁ ଏଚରଜାଣା ଜୀହୁଦି ଲକୁତି ପାରୁ ପାରିମାଚାକି । ୨୦ ମୀରୁ ପୁଞ୍ଜାମାଞ୍ଜେରି, ନାନୁ ପାଞ୍ଜାଞ୍ଜେଞ୍ଜେ ଲକୁତାଣା ଖେହ୍ନାଟି ଅଡ଼େ ମିଚେତାକି ଇଲୁତା ଖେସ୍ତାନି ବେଲାତା ମୀ ନେହେଁ ଆନିଲେହେଁତି ଏନାଆଁ ଜିକେଏ ଡ଼କୁହା ହିଲାଆଚେଏଁ,

୨୧ ଜୀହୁଦି ଅଡ଼େ ଜୀହୁଦିଆଆତି ଲକୁ ନକିତା ଜାଗ୍ରାତା କିହଁ ସାକି ହୀହାନା ଖେସାମାଚେଏଁ, ଏଞ୍ଜାରି ପାପୁଟି ଏଚକା ଆହାନା ମାହାପୁରୁ ଖାକି ମନ ଖେଚହା କତାନା ମା ପ୍ରବୁ ଜୀସୁଇଁ ନାମିନେରି । ୨୨ ନୀଏଁ ମେହ୍ଦୁ, ନାନୁ ସୁଦୁଜୀଞ୍ଜୁଇଁ ମାନଞ୍ଜି ଆହାନା ଜିରୁସାଲମତା ହାଜିମାଇଁ, ଏମ୍ବାଆଁ ନାଚେତାକି ଏନାଆଁ ଆନେ ନାନୁ ପୁଞ୍ଜାହିଲଅଁ; ୨୩ ସୁଦୁଜୀଞ୍ଜୁ ନାଚେ ଜାଗ୍ରାତା କିହଁ ସାକି ହୀହିମାଞ୍ଜାନେ, ଗାଡ଼ାତାକି ଗାଡ଼ା କାୟିଦି ଆହାନା କସ୍ତ ବେଟାଆଇଁ । ୨୪ ସାମା ନାନୁ ଏନିକି ନା ତୀରିଆହାମାନି ଚାୟୁ ପାତେକା ହଚାଲି ଆଡ଼ିଇଁ, ଅଡ଼େ ମାହାପୁରୁତି କାର୍ମାଟି ନେହଁ କାରୁତାକି ସାକି ହୀହାଲିତାକି ଜୀସୁ ତାଣାଟିଏ ଏମିନି ସେବା କାମା ବେଟାଆହାମାଇଁ, ଏଦାଆଁ ଏନିକି ରାପୁହାଲି ଆଡ଼ିଇଁ, ଏଦାଆଁତାକି ନା ଜୀଞ୍ଜୁତି କାଜାୟି ଇଞ୍ଜି ଅଣ୍ଡପି ହିଲଅଁ ।”

୨୫ “ଅଡ଼େ ନୀଏଁ ନାନୁ ପୁଞ୍ଜିମାଇଁ ମୀରୁ ଅଡ଼େ ନାଚେ ଖେଣ୍ଡେ ମେସ୍ତଅତେରି । ନାନୁ ମୀ ବାରେ ତାଣା ମାହାପୁରୁ ରାଜିତି କାତା ରେଜିହଁ ଖେସାମାଞ୍ଜାଇଁ । ୨୬ ଏଦାଆଁତାକି ନାନୁ ନୀଞ୍ଜୁତି ଇ ପାରୁତାକି ଆଚ୍ଞା ତଲେ ଖେସିମାଇଁ, ମୀ ବିଡ଼ାଟି ଆମ୍ବାଆସି ନାସା ଆତିହଁ ଏମ୍ବାଟି ଦାୟି ନାନୁ ଆଏ ୨୭ ଇଚିହଁ ମାହାପୁରୁ ଅଣ୍ଡପିମାନାଣି ବାରେ ମିଚେ ଖେସାଲି ନାନୁ ପିସା ହିଲଅଁ । ୨୮ ମୀରୁ ମିଚେ ଜାହାରା କାତା ଅଡ଼େ ଆମିନି କୁଲମିତି ମାହାପୁରୁ ତାନି ନେତେରି ତଲେ କଡ଼ାମାନେସି, ତାନି ଏ କୁଲମିତି ପହି ପାଡ଼ିକିହାଲିତାକି ସୁଦୁଜୀଞ୍ଜୁ ବାରେ ମାନ୍ଦା ବିଡ଼ାଟି ଗୁମୁସ୍ତା କିହଁ ମିଚ୍ଞ ଆଡ଼ାମାଞ୍ଜାନେସି, ଏଞ୍ଜାରାଇଁ ଜାଗ୍ରାତା କିଦୁ । ୨୯ ନାନୁ ହାଟି ତାୟୁ ଆଜିହ୍ପେତି ଗାଡ଼ଦେ ଛୁଞ୍ଜନ ଖାନୁ, ଅଡ଼େ ମେଣ୍ଡାୟାଁ ମାନ୍ଦାତି ରାଣାରାକା କିଆନା ପିହ୍ଡ, ୩୦ ଦିନା ଖାନେ, ଏତିବେଲା ମୀ ଗଟିତି ଏଚେକା ସୀସୁୟାଁ ନିଚ୍ଞାନା ନାମୁ ଗାଟାରାଇଁ ମିତି କାତା ଖେସାନା ଏଚକା ଜିରୁତା ଅନେରି, ୩୧ ଏତିବେଲା ଜାଗ୍ରାତା ତ୍ରୟାଦୁ, ନାନୁ ଲାଆଁ ମାଦେନା କାଣ୍ଡୁ ଖାକିହଁ ତାନି ବାସାଁ ପାତେକା ବାରେତେରି ମିଚେ ଜାପୁହା ମାଞ୍ଜାଇଁ, ଇ କାତା ଅଣ୍ଡପୁତା ଇଚାଦୁ ।”

୩୨ ନୀଏଁ ନାନୁ ମିଚେ ମାହାପୁରୁ ଇଞ୍ଜା ତାନି କାର୍ମାମେହ୍ନି ବଲୁ ନକିତା ହେରପିମାଞ୍ଜାଇଁ, ଇ କାର୍ମାଟି କାତା ମିଚେ ବାଡ଼ୟୁ ତଲେ ପାଡ଼ିକିହାଲିତାକି ଅଡ଼େ ସୁଦୁ ଆହାମାନି ବାରେ ଲକୁ ବିଡ଼ା ଅଦିକାରା ହୀହାଲି ଆଡ଼ାନେସି । ୩୩ ନାନୁ ଆମ୍ବାଆରି ବାଂଗାରା, ଖେଣ୍ଡି କି ହିମ୍ପରିକା ଜୁପକା ଆହାହିଲାଆଚେଏଁ । ୩୪ ମୀରୁ ପୁଞ୍ଜାମାଞ୍ଜେରି ଇ ନା ରୀ କେସ୍ତାତଲେ କାମା କିହାନା ନାଚେ ଅଡ଼େ ନା ତଡ଼ ଲକୁତି ବାରେ ଲଡ଼ାମାନାଣି ବେଟାଆହାମାଇଁ । ୩୫ ଇଲେକିହଁ କସ୍ତ କିହାନା ଆଡ଼ାଆ ଗାଟାରି ସାୟେମି କିନାୟି, “ଇଚିହଁ ରୀହ୍ନି କିହଁ ହୀନାୟି ହାରେକା ନେହାୟି” ପ୍ରବୁ ଜୀସୁ ତାନୁଏ ଇ କାତା ଖେସାମାଞ୍ଜାନେସି, ଇ କାତା ମୀରୁ ଅଣ୍ଡପିନାୟି ମାନେ, ଇ ବାରେ କାତାତଲେ ମିଚେ ପୁଣ୍ଡି କିହିମାଞ୍ଜାଇଁ ।

୩୭ ଈ ବାରେ କାତା ଖେସାଲି ରାଫୁହି ତାୟୁ ପାଞ୍ଜୁଲ ମେଣ୍ଡାକୁତାନା ବାରେଜାଣା ତଲେ ପ୍ରାତାନା କିତେସି । ୩୭ ଅଡ଼େ, ଏଞ୍ଜାରି ବାରେଜାଣା ଡ଼ାହି ଡ଼ାହି ପାଞ୍ଜୁଲଇଁ ପମାହାଁ ନଶ୍ଚିତେରି । ୩୮ ଏଞ୍ଜାରି ଅଡ଼େ ତାନି ମୁମ୍ବୁ ଖେଣ୍ଡେ ମେସାଲି ଆଡ଼ଅରି, ଏଞ୍ଜାସି ଖେସାମାଟି କାତାତାକି ହାରେକା ଦୁକୁ କିତେରି, ତାୟୁ ଏଞ୍ଜାରି ଏଞ୍ଜାଣାଇଁ ଏୟୁ ଜାଜା ପାତେକା ଇଟି ହାଚେରି ।

୨୧

ପାଞ୍ଜୁଲ ଜିରୁସାଲମତା ହାନାୟି

୧ ଏଞ୍ଜାରି ତାଣାଟି ହେଲ ବେଟାଆହାନା ମାମ୍ବୁ ଏୟୁ ଜାଜାତା ହଚାହାଁ ସଲକେ ଜିରୁଟି କସତା ଖାଡ଼ମି, ତାନି ଅର ନେରୁ ରଦାତା, ଇଞ୍ଜା ଏମ୍ବାଟିଏ ପାତାରାତା ଖାଡ଼ମି । ୨ ଏମ୍ବାଟିଏ ପୟିନିକିୟା ହାନି ଏୟୁ ଜାଜା ବେଟାଆହାନା ଏମ୍ବାଆଁ ହଚାହାଁ ହାଚମି । ୩ ତାୟୁ କୁପ୍ର ତଞ୍ଜା ଆହାଲିଏ ତାନି ଚେବୁଞ୍ଜାକି ପିସାନା ମାମ୍ବୁ ସିରିୟାତା ହାଜାନା ସରତା ଏଗାତମି, ମାମ୍ବୁ ଟାୟରତା ଜାଜାଟି ରେତମି, ଇଟିହୁଁ ଏମ୍ବାଆଁ ଜାଜାଟି ଆସ୍ତି ରେପନାୟି ମାଚେ । ୪ ଏମ୍ବାଆଁ ନାନିତି ସୀସୁୟାଣି ପାରାନା ଏଞ୍ଜାରାଇଁ ବେଟାଆହାନା ଏମ୍ବାଆଁ ସାତା ଦିନା ଡ଼ୟିତମି; ଇଞ୍ଜା ପାଞ୍ଜୁଲ ଏନିକିଁ ଜିରୁସାଲମତା ହାଲଅସି ଏଦାଆଁତାକି ଏଞ୍ଜାରି ସୁଦୁଜାଞ୍ଜୁ ତଲେ ବାତିମାଲିତେରି । ୫ ମାମ୍ବୁ ସାତା ଦିନା ଡ଼ୟିତି ତାୟୁ, ଏଞ୍ଜାରାଇଁ ପିସାନା ଜାହାରା ଜିରୁତା ହାଚମି, ଅଡ଼େ ମାଜେ ହେଲ ହିୟାଲି ଏଞ୍ଜାରି ବାରେଜାଣା ଇୟସିକା କକାରି ପଦାୟାଁ ତଲେ ଗାଡ଼ାତି ପାଜାତା ମାନି ସାମ୍ବୁରି ଗାଚୁ ପାତେକା ଇଟି ଖାଡ଼େରି, ଏମ୍ବାଆଁ ମେଣ୍ଡାକୁତାନା ମାମ୍ବୁ ବାରେତମି ପ୍ରାତାନା କିତମି, ୬ ତାୟୁ ମାମ୍ବୁ ବାରେଜାଣାଟି ହେଲ ହୀହାନା; ଜାଜାତା ହଡ଼ମି, ଇଞ୍ଜା ଏଞ୍ଜାରି ତାନି ଇଜ ଖେଣ୍ଡା ହାଚେରି ।

୭ ମାମ୍ବୁ ସୁର ଗାଡ଼ାଟି ପତଲମାୟିତା ଏଗାହାଚମି, ଇଞ୍ଜା ଏମ୍ବାଆଁ ତାୟିୟାଣି ଜହରା କିହାନା ଏମ୍ବାଆଁ ର ଦିନା ଏଞ୍ଜାରିତଲେ ଡ଼ୟିତମି । ୮ ଅଡ଼େ ଅର ନେରୁ ହାଜାନା କାୟିସରିୟାତା ଏଗାହାଚମି, ଏମ୍ବାଆଁ ମାମ୍ବୁ ନେହୁଁ ବଲୁ ଖେକନି ପିଲିପ ଇଜ ହାଜାନା ଡ଼ୟିତମି, ଜିରୁସାଲମତା ସେବା କାମା କିହାଲି ଆଚାମାନି ସାତା ଜାଣା ବିତ୍ରାଟି ଏଞ୍ଜାସି ରଅସି ମାଚେସି । ୯ ଏଞ୍ଜାଣାକି ସାରି ଜାଣା ଡ଼ାଆ ମାସକା ମାଚୁ, ଏଞ୍ଜି ବାରେ ମାହାପୁରୁ ଅଣ୍ଡପୁଟି ବଲୁ ଖେହନାଇ ମାଚୁ । ୧୦ ଏମ୍ବାଆଁ ହାରେକା ଦିନା ଡ଼ୟିତି ତାୟୁ ଆଗାବ ଦରୁଗାଟି ର ମାହାପୁରୁ ଅଣ୍ଡପୁଟି ବଲୁ ଖେହନାସି ଜୀହୁଦା ଦେସାଟି ଖାଡ଼େସି । ୧୧ ଏଞ୍ଜାସି ମା ତାଣା ଖାହାନା ପାଞ୍ଜୁଲତି ଜାଟି ଡ଼ରି ଅହାନା ତାନି କେସ୍ତା କଡ଼ାଣା ଦସା କଡ଼ାନା ଏଲେଇଚେସି, “ସୁଦୁଜାଞ୍ଜୁ ଏଲେଇଞ୍ଜି ଖେସିମାଞ୍ଜାନେ, ଇଦାଆଁ ଦସା କଡ଼ିନି ଜାଟି ଡ଼ରି ଗାଟାଣାଇଁ ଜିରୁସାଲମତି ଜୀହୁଦି ଲକୁ ଇଲେକିଁ ଦସାନା ଜୀହୁଦିଆଆତି ଲକୁତି କେୟୁତା ହେରପିନେରି ।”

୧୨ ଈ ବାରେ କାତା ଖେଞ୍ଜାନା ଜିରୁସାଲମତା ହାଲାଆନି ଇଞ୍ଜିଁ ମାମ୍ବୁ ଅଡ଼େ ଏମ୍ବାଟି ଲକୁ ବାତିମାଲିତମି । ୧୩ ସାମା ପାଞ୍ଜୁଲ ଏଲେଇଚେସି, “ମୀରୁ ଡ଼ାହି ଡ଼ାହିଁ ଏନାଆଁତାକି ନା ହିୟାଁତି କାଡ଼ି କିହିମାଞ୍ଜେରି, ଏନିଇଟିହୁଁ ନାନୁ ପ୍ରବୁ ଜୀସୁ ତାକି ଜିରୁସାଲମତା ଦସପି ଆହାଲି ଆଏ ସାମା ହାହାଲି ଜିକେଏ ଅଣ୍ଡପିମାଇଁ, ଇଞ୍ଜିଁ ଇଚେସି ।”

୧୪ ଏଞ୍ଜାସି ମା କାତା ମାନଞ୍ଜି ଆଆତାକି ମାମ୍ବୁ ବାରେ ପାଲେଏ ଆଡ଼ମି, ଇଞ୍ଜା “ପ୍ରବୁତି କାତେଏ ଆପେ” ଇଞ୍ଜିଁ ଇଚମି ।

୧୫ ଏମ୍ବାଆଁ ଏଚରଦିନା ମାଟି ତାୟୁ ମାମ୍ବୁ ମା ଆସ୍ତି ଆସାନା ଜିରୁସାଲମତା ହାଚମି । ୧୬ ଅଡ଼େ କୁପ୍ରତି ମନାସନ ଦରୁଗାଟି ର ନାମୁଗାଟାସି ଅଡ଼େ କାୟିସରିୟାଟି ଏଚରଜାଣା ସୀସୁୟାଁ ମା ତଲେ ହାଚେରି; ମନାସନ ଇଜ ମାମ୍ବୁ ଡ଼ୟିନାୟି ମାଚେ ।

ଜାକୁବ ତଲେ ପାଞ୍ଜୁଲ ବେଟାଆହାନାୟି

୧୭ ମାମ୍ବୁ ଜିରୁସାଲମତା ଏଗାହାଜାଲିଏ ନାନିତି ତାୟିୟାଁ ମାଜେ ରାହାଟି ହାଚା ଅୟାଚେରି । ୧୮ ଏ ଅର ନେରୁ ପାଞ୍ଜୁଲ ମା ତଲେ ଜାକୁବ ଇଜ ହାଚେସି; ଅଡ଼େ ବାରେ ପ୍ରାତିନାଜା ଏମ୍ବାଆଁ କୃଡ଼ା ଆଚେରି । ୧୯ ପାଞ୍ଜୁଲ ଏଞ୍ଜାରାଇଁ ଜହରା କିତି ତାୟୁ, ମାହାପୁରୁ ତାନି ସେବା କାମାତା ଜୀହୁଦିଆଆତି ଲକୁତାଣା ଏନି ଏନି କାମା କିହାମାନେସି ଏ ବାରେ ଖେସ୍ତେସି । ୨୦ ଏଞ୍ଜାରି ଏଦାଆଁ ଖେଞ୍ଜାନା ମାହାପୁରୁଟି ଜହରା କିତେରି, ଅଡ଼େ ଏଞ୍ଜାଣାଇଁ ଏଲେଇଚେରି, “ଏ ତାୟି, ପାଞ୍ଜୁଲ ନୀଏଁ ମେସିମାଞ୍ଜି ଜୀହୁଦିୟାଁ ବିତ୍ରାଟି ମାଣା ମାଣା ଲକୁ ନାନିମାନେରି, ଏଞ୍ଜାରି ବାରେଜାଣା ମେରାତି ମାନଞ୍ଜି ଆହିମାନେରି । ୨୧ ଏଞ୍ଜାରି କାରୁ ବେଟାଆହା ମାନେରି, ନୀନୁ ଏଚକା କୃଡ଼ାତାରି ତାଣା ବାସା ଆହାମାନି ବାରେ ଜୀହୁଦି ଲକୁଣି ମସାତି ମେରା ପିସାଲି, ଏଞ୍ଜାରି କକାରି ତଲୁ ଦାଦୁ, ଅଡ଼େ ଜୀହୁଦି ଲକୁତି ପାଣାପାଚୁ ମାନଞ୍ଜି ଆଆଦୁ ଇଞ୍ଜିଁ ଜାପୁହିମାଞ୍ଜି । ୨୨ ନୀନୁ ଇମ୍ବାଆଁ ଖାହାମାନି କାରୁ ସାତେଏ ଏଞ୍ଜାରି ଖେନେରି, ଆଡ଼ିହୁଁ ଏନି କିନାୟି ? ୨୩ ଏଦାଆଁତାକି ମାମ୍ବୁ ନିଜେ ଏନାଆଁ ଖେସିମାଞ୍ଜାନମି ଏଦାଆଁ କିମ୍ବୁ, ମା ତାଣା ସାରି ଜାଣା ମାନେରି, ଏଞ୍ଜାରି ପାରମାଣା କିହାମାନେରି; ୨୪ ଏଞ୍ଜାରିତଲେ ହାଲମୁ ଇଞ୍ଜା ଏଞ୍ଜାରିତଲେ ଆଣ୍ଡାନା ନିଜେ ଅଚହା କଡ଼ାମ୍ବୁ, ଇଞ୍ଜା ଏଞ୍ଜାରି ତାର୍କା ହିଶ୍ନି କାର୍ତୁ ହୀମ୍ବୁ, ଆଡ଼ିହୁଁ ବାରେ ଲକୁ ମେସାନା ଏଞ୍ଜାରି ନୀ କପାଟି ଖେସାମାନି କାତା ଏନି ସାତା ହିଲେଏ, ସାମା ନୀନୁ ଜିକେଏ ମସା ମେରା ମାନଞ୍ଜି ଆହିମାଞ୍ଜି ଇଞ୍ଜିଁ ପୁଞ୍ଜାମାନେରି । ୨୫ ଏମ୍ବାଆଁ ଆମିନି ଏଚକା କୃଡ଼ାତାରି ନାମାମାନେରି, ଏଞ୍ଜାରି ପେଶକା ବମାୟାକି ପୂଜା ହାହାମାନି ବଗୁ, ନେତେରି ଇଞ୍ଜା ହେରକି ତିଶ୍ଚାନା ପାୟିତି ଜନ୍ତୁତି ଡ଼ଙ୍ଗା ତିନାଆଦୁ, ଇଞ୍ଜା ଦାରିକାମାଟି ଏଚକା ଆଦୁ, ଇଞ୍ଜିଁ ମାମ୍ବୁ ଡ଼ାରିକିହାଁ ଏଞ୍ଜାରାକି ର ଆକୁ ରାଚାମାନମି ।”

☆ ୨୧:୮ ୨୧:୮ କାମା ୨:୫; ୮:୫ ☆ ୨୧:୧୦ ୨୧:୧୦ କାମା ୧୧:୨୮ ☆ ୨୧:୨୫ ୨୧:୨୫ କାମା ୧୫:୨୯

୨୬ ଏମ୍ବାଟିଏ ପାଞ୍ଚଲ ଅର ଦିନା ଏଞ୍ଜାରିତଲେ ହାଜାନା ଅଟ୍ଟା କଡିନି ମେରା ମାନଞ୍ଜି ଆଡେସି, ଇଞ୍ଜା ମାହାପୁରୁ ଇଲୁତା ହାଜାନା ତାମି ଅଟ୍ଟା କଡିନି ଦିନାୟା ଏରେଲା ରାଡେ ଅଡେ ବାରେଜାଣା ତାକି ଏନି ଏନି ପୂଜା କିନାୟିମାନେ ଏ ବାରେ ଖେସ୍ତେସି ।

ମାହାପୁରୁ ଇଲୁତା ପାଞ୍ଚଲ ଦସ୍ତପି ଆନାୟି

୨୭ ଏ ସାତା ଦିନା ପୁରା ଆହିମାଚାଟି ଆସିୟା ଦେସାଟି ଏରେକା ଜୀହୁଦି ଲକୁ ମାହାପୁରୁ ଇଲୁତା ପାଞ୍ଚଲଇ ମେସାନା ଏଞ୍ଜାରି ଏମ୍ବାଆଁ କୁଡା ଆହାମାନି ମାନ୍ଦା ଲକୁଣି ମାଡ଼ଞ୍ଜି କିତେରି, ଅଡେ ଏଞ୍ଜାଣାଇ ଆସାନା କାଲଞ୍ଜି ଆହି ଏଲେଇଚେରି । ୨୮ “ଏ ଇସ୍ରାୟେଲତି ଲକୁ ସାୟେମି କିୟାଦୁ; ଇଞ୍ଜାସି ସାରିଞ୍ଜାକି ହାଜାନା ଇସ୍ରାୟେଲ ଲକୁଡି କପାଟି ଅଡେ ମସା ହାତି ମେରା ଇଞ୍ଜା ଇ ମାହାପୁରୁ ଇଲୁ କପାଟି ଜାପୁହିମାନେସି । ଇଞ୍ଜା ନୀଏ ଏଚରଜାଣା ଜୀହୁଦିଆଆତି ଲକୁଣି ମାହାପୁରୁ ଇଲୁତା ତାଚାନା ସୁଦୁ ଚାୟୁଡି ପଲ୍ଲଆ କିହିମାନେସି ।” ୨୯ *ଇଚିହି ଏଞ୍ଜାରି ଗାଡାତା ଏପିସିୟତି ତ୍ରପିମଇଁ ପାଞ୍ଚଲ ତଲେ ମେସାମାରେରି, ଅଡେ ଏଞ୍ଜାଣାଇଁ ମାହାପୁରୁ ଇଲୁତା ତାଚାମାନେସି ଇଞ୍ଜା ଅଣ୍ଡପିମାଚେରି ।

୩୦ ଏମ୍ବାଟିଏ ବାରେ ଗାଡା କିଲିବିଲି ଆଡେ, ଇଞ୍ଜା ଲକୁ ମାନ୍ଦା ମାନ୍ଦା ଆହି ହଚାନା ପାଞ୍ଚଲଇଁ ଆସାନା ମାହାପୁରୁ ଇଲୁଚି ରେଜା ତାଚେରି; ଇଞ୍ଜା ଏ ଦେବୁଣିଏ ମାହାପୁରୁ ଇଲୁଚି ଦାରାୟା ସୁଣ୍ଡିଚେରି । ୩୧ ଅଡେ ଏଞ୍ଜାରି ପାଞ୍ଚଲଇଁ ପାୟାଲି ଅଣ୍ଡପିଚେରି, ଇଞ୍ଜା ଜିରୁସାଲମତା କାଜା ଗଡ଼ହା ଆହାମାନେ ଇଞ୍ଜା ରିଜାରି କସ୍କାତି କାଜାଣି ତାଣା କାରୁ ହାତେରି । ୩୨ ଏମ୍ବାଟିଏ ଏଞ୍ଜାସି ଦେବୁଣିଏ ରିଜାରି କସ୍କା ଇଞ୍ଜା ପାସାକଡ଼ି କସ୍କା ମୁହେଁ କାଜାରାଇଁ ଆସାନା ଏଞ୍ଜାରିତାଣା ଦାବଡ଼ି ହାଚେସି, ଲକୁ ରିଜାରି କସ୍କା ଅଡେ କସ୍କା ମୁହେଁ କାଜାରାଇଁ ମେସାନା ଏଞ୍ଜାରି ପାଞ୍ଚଲଇଁ ଖେଚାଲି ପିସ୍ତେରି । ୩୩ ଏମ୍ବାଟିଏ କସ୍କା ମୁହେଁ କାଜାସି ପାଞ୍ଚଲ ତାଗେ ହାଜାନା ଏଞ୍ଜାଣାଇଁ ଆସାନା ରୀ ହିକ୍‌ଣିୟା ତଲେ ଦସାଲି ହୁକୁମି ହାତେସି, ଅଡେ “ଇଞ୍ଜାସି ଆମ୍ବାଆସି ? ଏନାଆଁ କିହାମାନେସି ଇଞ୍ଜା ଖେଚେସି ?” ୩୪ ଏଚେଟିଏ ଲକୁ ବାରେ ଆମ୍ବାଆରି ଇ କାତା ଆମ୍ବାଆରି ଏ କାତା ଇଞ୍ଜା କାଲଞ୍ଜି ଆଡେରି, ଇଞ୍ଜା ଏନାଆଁ ଆହାମାନେ ଇଞ୍ଜା ତୀରପୁଡି କାତା ପୁନାଆନା ପାଞ୍ଚଲଇଁ କଟା ଇଲୁତା ଅହାଲି କସ୍କାଣି ହୁକୁମି ହାତେସି । ୩୫ ଏଚିବେଲା ଏଞ୍ଜାସି ପାଞ୍ଚୁଜି ପିଣ୍ଡାଣା ଏଗାହାଜାଲିଏ, ଲକୁଡି ମାନ୍ଦା କାରବିଟି କାଲଞ୍ଜି ଆୟାଲିଏ କସ୍କା ପାଞ୍ଚଲଇଁ ଇଲୁ ବିତ୍ରା ଡେକା ଅଡେରି । ୩୬ ଇଚିହିଁ ମାନ୍ଦା ମାନ୍ଦା ଲକୁ ଜେଚ ଖାହିହିଁ “ଏଞ୍ଜାଣାଇଁ ପାୟାଦୁ” ଇଞ୍ଜା କାଲଞ୍ଜି ଆହିମାଚେରି ।

ପାଞ୍ଚଲ ତାନୁଏ ତାଜେତାକି ଖେହ୍‌ନାୟି

୩୭ ଏଞ୍ଜାରି ପାଞ୍ଚଲଇଁ କଟା ଇଲୁ ବିତ୍ରା ଅହିମାଚାଟି ଏଞ୍ଜାସି କସ୍କା ମୁହେଁ କାଜାଣାଇଁ ଏଲେଇଚେସି, “ନାନୁ ନିଜେ ର କାତା ଖେସାଲି ଆଡାଲ୍ କି ?” ଏମ୍ବାଟିଏ କାଜାସି ଏଲେଇଚେସି “ନାନୁ ଗ୍ରିକ୍ ହାଡା ପୁଞ୍ଜି କି ? ୩୮ ଆତିହିଁ ଇଦାଆଁ ନଚେଏ ଏମିନି ମିସରତି ଲକୁ ଗଡ଼ହା ହପୁହାନା ସାରି ମାଣା କାଗଂରାଣି ଲକୁ ହିଲାଆ ଚାୟୁତା ଅହାମାଚାଟି ନାନୁ ଏଞ୍ଜାଟି ଆଏ କି ?”

୩୯ ଏମ୍ବାଟିଏ ପାଞ୍ଚଲ ଏଲେଇଚେସି “ନାନୁତ ର ଜୀହୁଦି କିଲିକିୟା ଦେସାଟି ତାର୍ଯ୍ୟ ଇଞ୍ଜାହିଁ ଖେଜିତି ଗାଡାତା ଜାର୍ନା ଆଡାତେଏଁ; ଇ ଲକୁଣି କାତା ଖେସାଲି ନାଜେ ହେଲ ହିୟାମୁ ।”

୪୦ ଏ କାଜାସି ହେଲ ହିୟାଲିଏ, ପାଞ୍ଚଲ ପାଞ୍ଚୁଜିକାଣା ନିଚାନା ଲକୁଣି କେୟୁତଲେ ସାପି କିତେସି; ଇଞ୍ଜା ବାରେଜାଣା ସାପି ଆହାଲିଏ ଏଞ୍ଜାସି ଏବି ହାଡାତଲେ ଏଞ୍ଜାରାଇଁ ଏଲେଇଚେସି ।

୨୨

୧ “ଏ ତାୟିୟାଁ ଅଡେ ତାଞ୍ଜିୟାତେରି, ନାନୁ ନୀଏଁ ମୀ ନକିତା ନା ଖାକିଟି କାତା ଖେସିମାଞ୍ଜାଇଁ, ଖେଞ୍ଜାଦୁ !”

୨ ପାଞ୍ଚଲ ଏଞ୍ଜାରି ନକିତା ଏବି ହାଡାତଲେ ଜଲିମାନାଣି ଖେଞ୍ଜାନା; ଏଞ୍ଜାରି ହାଡା ଆଆନା ପାଲେଏ ଆଡେରି, ଅଡେ ପାଞ୍ଚଲ ଜଲାଇଁ ମାଟ୍‌ହେସି ।

୩ *ଏମ୍ବାଟିଏ ଏଞ୍ଜାସି ଏଲେଇଚେସି, “ନାନୁ ର ଜୀହୁଦି ଲକୁଚେଏଁ, କିଲିକିୟାତି ତାର୍ଯ୍ୟତା ନା ଜାର୍ନା, ସାମା ନାନୁ ଇ ଜିରୁସାଲମ ଗାଡାତା ପହିପାତି ଆହାମାଇଁ, ଗମଲିୟେଲ ତାଣା କୁଗାନା ଜାପାମାଇଁ, ମା ଆକୁ ଆବାୟାତି ମେରାଟି ନେହ କିଁ ଜାପାମାଇଁ; ମୀରୁ ଏନିକିଁ ମାହାପୁରୁଡି ସେବା କିହିମାଞ୍ଜେରି ନାନୁ ଜିକେଏ ଏଲେକିହିଁ ମାନଞ୍ଜି ଆନାଚେଏଁ ମାଚେଏଁ; ୪ *ନାନୁ ଇ ଜିରୁତା ତାକିମାନି ଇୟାସିକା ଆବାୟାଣି ହାନି ପାଚେକା ସାସ୍ତି କିହିମାଚେଏଁ, ଅଡେ ଦସ୍‌ପାନା କାୟିଦି ଇଲ୍‌କାଣା ହେଚ୍‌ପିମାଚେଏଁ । *ନା ଇ କାତା ସାତା, କାଜା ପୂଜେରାଜା ଅଡେ କାଜା ବେରଣି ମାଣ୍ଡାତାରି ନା ସାକି; ନାନୁ ଏଞ୍ଜାରି ତାଣାଟି ତାୟିୟାକି ଆକୁ ରୀସାନା ଲକୁଣି ହିକ୍‌ଣିୟା ତଲେ ଦସ୍‌ପାନା ଜିରୁସାଲମତା ତାଚାଲି ତାକି ନାନୁ ଦମେସକତା ମାନି ଜୀହୁଦି ଲକୁତାଣା ହାଜାମାଚେଏଁ ।”

ପାଞ୍ଚଲ ତାନି ମନ୍ ଖେଚ୍‌ହାଣି ଖେହ୍‌ନାୟି (କାମା ୯:୧-୧୯; ୨୭:୧୨-୧୮)

୬ “ନାନୁ ଦମେସକ ତାଗେ ଏଜିମାଚାଟି ମାଦେନା ବେଲାତା ଦେବୁଣିଏ ନା ସାରିଞ୍ଜାକି ହାଗୁଲାକଟି ର ତାହାଣା ଉଜେଡ଼ି ଡାଞ୍ଜିଚେ । ୭ ଏମ୍ବାଟିଏ ନାନୁ ବୁନିତା ତରୁଗିଚେଏଁ, ଇଞ୍ଜା ନାଜେ ତାକି ଖେସିମାଟି ଇ ହାଡା ଖେଚେଏଁ, ‘ସାଞ୍ଚଲ, ସାଞ୍ଚଲ ଏନାଆଁତାକି ନାଜେ ସାସ୍ତି ହାହିମାଞ୍ଜାଦି ?’ ୮ ନାନୁ ଏଲେଇଚେଏଁ, ‘ପ୍ରବୁ ନାନୁ ଆମ୍ବାଆତି ?’ ଏମ୍ବାଟିଏ ଏଞ୍ଜାସି ନାଜେ ଏଲେଇଞ୍ଜାଚେସି, ‘ନାନୁ ଆମ୍ବାଆରାଇଁ ସାସ୍ତି

☆ ୨୧:୨୯ ୨୧:୨୯ କାମା ୨୦:୪ ☆ ୨୨:୩ ୨୨:୩ କାମା ୫:୩୪-୩୯ ☆ ୨୨:୪ ୨୨:୪ କାମା ୮:୩; ୨୭:୯-୧୧

ହାହିମାଞ୍ଜି ନାଜରିତତି ଜୀସୁତେଏଁ ନାନୁ ।^{୯୮} ନା ତଲେ ମାଚି ଲକୁ ଏ ଉଜେଡ଼ି ମେସ୍ତେରି ସାତା, ସାମା ନାଙ୍ଗେ ଖେସ୍ତାତି ହାଡ଼ା ଖେନାଆତେରି ।^{୯୯} ଏଚେଟିଏ ନାନୁ ଏଲେଇଚେଏଁ, ‘ପ୍ରବୁ ନାନୁ ଏନାଆଁ କିଇଁ ?’ ଏଚେଟିଏ ପ୍ରବୁ ନାଙ୍ଗେ ଖେସ୍ତାତେସି, ‘ନିଙ୍ଗାନା ଦମେସକତା ହାଲାମୁ, ଅଡ଼େ ନିଙ୍ଗେ ଏନାଆଁ କିହାଲି ଆନେ ଏଦାଆଁ ଏମ୍ବାଆଁ ଖେସ୍ତାଇଁ ।’^{୧୦୦} ଏ ଉଜେଡ଼ି ମିଶ୍ଟି ମାଚାକି ନାନୁ କାଣା ଆହାହାଚେଏ, ଇଞ୍ଜା ନା ତଲେ ଖାହିମାଚାରି ନାଙ୍ଗେ କେୟୁ ଆସାନା ଦମେସକତା ଅୟାତେରି ।”

^{୧୦୧} “ଏ ଗାଡ଼ାତା ହନନିୟ ଇଞ୍ଜିହଁ ର ଦାମ୍ବୁଗାଟାସି ମାଚେସି, ଏଞ୍ଜାସି ମା ମେରାତି ମାନଞ୍ଜି ଆନାସି, ଇଞ୍ଜା ଦମେସକତି ଜୀହୁଦି ଲକୁତାଣା ମାନି ଗାଟାସି ଅଡ଼େ ଖେଜିତାସି ମାଚେସି ।^{୧୦୨} ଏଞ୍ଜାସି ନା ତାଣା ଖାହାନା ଦାରିତା ନିଚାନା ନାଙ୍ଗେ ଏଲେଇଞ୍ଜାତେସି, ‘ଏ ପାଞ୍ଜୁଲ ତାୟି ମେହମୁ’ ଏ ଦେବୁଣିଏ ନା କାଣକା ଦେପିଆଡୁ ଇଞ୍ଜା ନାନୁ ଏଞ୍ଜାଣାଇଁ ମେସାଲି ଆଡ଼ିତେଏଁ ।^{୧୦୩} ଏଞ୍ଜାସି ଏଲେଇଞ୍ଜାତେସି, ‘ମା ଆକୁ ଆବାୟାତି ମାହାପୁରୁ ତାନି କାତା ପୁଞ୍ଜାଲି ଅଡ଼େ ଏ ତାରି ଗାଟାଣାଇଁ ମେସାଲି, ଅଡ଼େ ତାନି ଗୁଡ଼ିଟି ହଡ଼ିମାନି ହାଡ଼ା ଖେଞ୍ଜାଲି ଆଚାମାଞ୍ଜାତେସି ।^{୧୦୪} ଇଚିହଁ ନାନୁ ଏନାଆଁ ମେସାମାଞ୍ଜି ଇଞ୍ଜା ଖେଞ୍ଜାମାଞ୍ଜି, ଏ ବାରେତାକି ବାରେ ଲକୁତାଣା ଖେସାଲି ନାନୁ ସାକି ଆଡ଼ି ।^{୧୦୫} ଅଡ଼େ ନୀଏଁ ଏନାଆଁତାକି ଖେଡ଼ା କିହିମାଞ୍ଜି, ନିଙ୍ଗାମୁ ବାପ୍ତିସ୍ତା* ଆହାନା ତାନି ତାଣା ପ୍ରାତାନା କିହାନା ନୀ ପାପୁ ବାରେ ନରଞ୍ଜି କିହାକତାମୁ ।”

ପାଞ୍ଜୁଲ ଜୀହୁଦିଆଆତି ଲକୁତାଣା ପାଣ୍ଡୁଞ୍ଜି ଆନାୟି

^{୧୦୬} “ଏମ୍ବାଟିଏ ନାନୁ ଜିରୁସାଲମତା ଖେଣ୍ଡା ଖାହାନା ମାହାପୁରୁ ଇଲୁତା ପ୍ରାତାନା କିହିମାଚାଟି, ସେୟାଣା ହାପାନାତା ମେସ୍ତେଏଁ,^{୧୦୭} ନାନୁ ସେୟାଣା ହାପାନାତା ପ୍ରବୁଇଁ ମେସ୍ତେଏଁ, ଏଞ୍ଜାସି ନାଙ୍ଗେ ଏଲେଇଞ୍ଜାତେସି, ‘ତବେ ଜିରୁସାଲମ ପିହମୁ, ଇଚିହଁ ଇମ୍ବାତି ଲକୁ ନା ସାକି ହାନାଟି ନୀ କାତା ଆହଅରି ।’^{୧୦୮} ଏମ୍ବାଟିଏ ନାନୁ ଏଲେଇଚେଏଁ ‘ପ୍ରବୁ ନାନୁ ଜୀହୁଦି ଲକୁତି କୁଟମି ଇଲକାଣା† ହାଜାନା ନିଙ୍ଗେ ନାମାନାରାଇଁ ଖେଚାନା କାୟିଦି ଇଲୁତା ସୁଣ୍ଡିମାଚାଣି ଏଞ୍ଜାରି ନେହଁକଁ ପୁଞ୍ଜାମାନେରି; ^{୧୦୯} ଅଡ଼େ ଏଚିବେଲା ନୀ ସାକି ସ୍ତ୍ରୀପାନଇଁ ପାୟିତେରି, ନାନୁଏ ଏମ୍ବାଆଁ ମାଚେଏଁ; ଇଞ୍ଜା ବେଲେଏ ହାପେସି ଇଞ୍ଜା ଅଣ୍ଡିମାଚେଏଁ, ଅଡ଼େ ପାୟିମାଚାରି ହିମ୍ବୁରିକା କାଚିମାଚେଏଁ ।’^{୧୧୦} ସାମା ପ୍ରବୁ ନାଙ୍ଗେ ଏଲେଇଞ୍ଜାତେସି, ‘ହାଲାମୁ ଇଚିହଁ ନାନୁ ନିଙ୍ଗେ ହେକ ଦେସାତି ଜୀହୁଦିଆଆତି ଲକୁତାଣା ପାଣ୍ଡାଇଁ ।”

^{୧୧୧} ପାଞ୍ଜୁଲ ଏଲେଇଞ୍ଜି ଖେହ୍ନି ପାଚେକା ଲକୁ ଖେଞ୍ଜିମାଚେରି, ସାମା ଏ ଦେବୁଣିଏ ଏଞ୍ଜାରି କାଜା ଗିୟାତଲେ କାଲୁଞ୍ଜି ଆହାନା ଏଲେଇଚେରି, “ଏଞ୍ଜାଣାଇଁ ପାଙ୍ଗାତା ତାଚାହାଁ ପାୟାନା ଦାରତିଟି ମ୍ଲେକହା ତୁହ୍ମୁ, ଏଞ୍ଜାସି ନୀତାଲି ପାଡ଼ାଆଅସି ।”^{୧୧୨} ଅଡ଼େ ଏଚିବେଲା

ଏଞ୍ଜାରି କିଲଡ଼ି କିହଁ ତାମି ହିମ୍ବୁରିକା କୁଡ଼ିହଁ ଲାକଞ୍ଜାକି ଦୁଡ଼ି ଡ଼ାଞ୍ଜିତେରି,^{୧୧୩} ଏଚିବେଲା ପାସାକଡ଼ି କସକା ମୁହେଁ କାଜାସି ପାଞ୍ଜୁଲଇଁ କଟା ଇଲୁ ବିଡ଼ା ଅହାଲି ହୁକୁମି ହୀତେସି, ଅଡ଼େ ଜୀହୁଦି ଲକୁ ଏନାଆଁତାକି ଏଞ୍ଜାଣି କପାଟି ଗଡ଼ହା କିହିମାନେରି, ଏଦାଆଁ ପୁଞ୍ଜାଲି ପାଞ୍ଜୁଲଇଁ ସାଚ୍‌ଣି ତଲେ ଖେଚାନା ଖେଞ୍ଜୁ ଇଞ୍ଜା ହୁକୁମି ହୀତେସି ।^{୧୧୪} ସାମା ଏଞ୍ଜାରି ଏଞ୍ଜାଣାଇଁ ସାଚ୍‌ଣି ତଲେ ଖେଚାଲି ତ୍ଵରିତଲେ ଦସାଲିଏ, ପାଞ୍ଜୁଲ ଦାରିତା ମାଚି ପାସାକଡ଼ି କସକା ମୁହେଁ କାଜାଣାଇଁ ଏଲେଇଚେସି, “ଏମିନି ଦହତା ନୀହାଁୟି କିଞ୍ଜି ଆହାହିଲାଆ ର ରମ୍ ଦେସା ତାଣାଇଁ ସାଚ୍‌ଣି ତଲେ ଖେଚାଲି ଏନି ମେରା ମାନେ କି ?”

^{୧୧୫} ଇଦାଆଁ ଖେଞ୍ଜାନା କହୁଏସି ପାସାକଡ଼ି କସକା ମୁହେଁ କାଜାଣା ତାଣା ହାଜାନା ଏଲେଇଚେସି, “ନାନୁ ଏନାଆଁ କିହାଲି ହାଜିମାଞ୍ଜି, ଇଚିହଁ ଇଞ୍ଜାସି ରମିୟ ଲକୁ ।”

^{୧୧୬} ଏମ୍ବାଟିଏ ପାସାକଡ଼ି କସକା ମୁହେଁ କାଜାସି ଖାହାନା ପାଞ୍ଜୁଲଇଁ ଖେଚେସି, “ନାନୁ ନାଙ୍ଗେ ଖେସ୍ତାମୁ ନାନୁ ରମ୍ ଦେସାତାଟି କି ?” ପାଞ୍ଜୁଲ ଏଲେଇଚେସି “ହାଅ ।”

^{୧୧୭} ଏମ୍ବାଟିଏ ପାସାକଡ଼ି କସକା ମୁହେଁ କାଜାସି ଏଲେଇଚେସି, “ନାନୁ ହାରେକା ଟାକାୟାଁ ହାହାନା ରମ୍ ଦେସାତାତେଏଁ ଆହାମାଇଁ ।” ସାମା ପାଞ୍ଜୁଲ ଏଲେଇଚେସି, “ନାନୁତ ଜାର୍‌ନାଟିଏ ।”

^{୧୧୮} ଏମ୍ବାଟିଏ ଆମ୍ବାଆରି ପାଞ୍ଜୁଲଇଁ ଖେଞ୍ଜାଲି ତିୟାରା ଆହାମାଚେରି, ଦେବୁଣିଏ ଗୁଟା ଆହାହାଚେରି, ଇଚିହଁ ପାଞ୍ଜୁଲ ରମ୍ ଦେସାତାସି ଇଞ୍ଜା ପୁଞ୍ଜାନା ର ମାଣା କସକା ମୁହେଁ କାଜାସି ଏଞ୍ଜାଣାଇଁ ହିକଣିୟାଁ ତଲେ ଦସପି କିହାମାଚାକି ତାନୁଏ ଆଜିତେସି ।

କାଜା ବେରଣିମାଣ୍ଡା ନକିତା ପାଞ୍ଜୁଲ

^{୧୧୯} ଜୀହୁଦି ଲକୁ ପାଞ୍ଜୁଲ କପାଟି ଏନି ଦାଞ୍ଜା କିହାମାନେରି, ଏଦାଆଁ ସାତା ତଲେ ପୁଞ୍ଜାଲିତାକି ର ମାଣା କସକା ମୁହେଁ କାଜାସି ତାନି ଅର ନେରୁ ପାଞ୍ଜୁଲତି ହିକଣିୟାଁ ହୁକୁହାନା କାଜା ବେରଣିମାଣ୍ଡାଟି ବାରେଜାଣାଟି କୁଡ଼ିକିହାଲି ପୂଜେରାଙ୍ଗାଣି ହୁକୁମି ହୀତେସି । ତାୟୁ ପାଞ୍ଜୁଲଇଁ ଏଞ୍ଜାରି ନକିତା ନିପହେସି ।

୨୩

^୧ ପାଞ୍ଜୁଲ ଜୀହୁଦି ଲକୁତି କାଜା ବେରଣିମାଣ୍ଡାତା କୁଗାମାନି ଲକୁଣି ଆଚେ ସିନିକିହାନା ଏଲେଇଚେସି, “ଏ ଇସ୍ରାୟେଲ ତାୟିୟାତେରି ନାନୁ ନୀଞ୍ଜୁପାଚେକା ମାହାପୁରୁ ନକିତା ନେହଁ ଅଣ୍ଡୁ ତଲେ ନୀତାମାଇଁ, ଏଦାଆଁତାକି ନା ହିୟାଁ ହାରେକା ଅତିତାୟି ।”^୨ ଇ କାତା ଖେଞ୍ଜାନା କାଜା ପୂଜେରା ହାନାନ ପାଞ୍ଜୁଲ ଦାରିତା ନିଚାମାନି ଲକୁଇଁ ତାନି ଗୁଡ଼ିତା ଖେଡ଼ୁ ଇଞ୍ଜା ହୁକୁମି ହୀତେସି ।^୩ ପାଞ୍ଜୁଲ ଏଞ୍ଜାଣାଇଁ ଏଲେଇଚେସି, “ଏ ହୁନୁ ଉସପିତି ଦବଲା କାଡ଼ି ମାହାପୁରୁ ନିଙ୍ଗେ ଖେଚାନେସି, ନାନୁ ମସାତି ମେରା ଲେହେଁ

* ୨୨:୧୭ ୨୨:୧୭ମୁଞ୍ଜିନାୟି † ୨୨:୧୯ ୨୨:୧୯ ସିନଗର ☆ ୨୨:୨୦ ୨୨:୨୦ କାମା ୭:୫୮ ☆ ୨୩:୩ ୨୩:୩ ମାଚି ୨୩:୨୭,୨୮

ନାଙ୍ଗେ ନୀହାଁୟି କିହାଲି କୁଗାମାଟି ଜିକେଏ, ନୀନୁ ନାଙ୍ଗେ
ଝେରାଲି ହୁକୁମି ହାହାନା ନୀନୁଏ ମସାତି ମେରା ଉରିମାଞ୍ଜି
!”

୪ ଏଚେଟିଏ ଦାରିତା ନିଚାମାଟି ଲକୁ ପାଞ୍ଜୁଲଇଁ
ଏଲେଇଚେରି, “ନୀନୁ ମାହାପୁରୁତି କାଜା ପୂଜେରାଇଁ ଲାଜା
କିହିମାଞ୍ଜି ।”

୫ ପାଞ୍ଜୁଲ ଏଲେଇଚେସି, “ଏ ଇସ୍ତାୟେଲ ତାୟିୟାଁତେରି
ଏଞ୍ଜାଣାଇଁ ନୀନୁ କାଜା ପୂଜେରା ଇଞ୍ଜି ପୁଞ୍ଜା ହିଲାଆତେଏଁ;
ଇଚିହଁ ଦାମ୍ପତ୍ତିତା ରାସକି ଆହାମାନେ, ‘ମୀରୁ ମୀ
ସାଲଞ୍ଜି କିନାରାଇଁ ବାକା ଇଟାଆଦୁ ।’”

୬ *ସାମା ପାଞ୍ଜୁଲ ର ବାଗା ସାଦୁକିୟାଁ ଅଡେ ର
ବାଗା ପାରୁସିୟାଁ ମାନେରି ଇଞ୍ଜି ପୁଞ୍ଜାନା, କାଜା
ବେରଣିମାଣ୍ଡାତା କାଜା ଗିୟାଁତଲେ ଏଲେଇଚେସି, “ଏ
ଇସ୍ତାୟେଲ ତାୟିୟାଁତେରି ନୀନୁ ର ପାରୁସିତେଏଁ ଇଞ୍ଜା
ପାରୁସି ମୀରଏଣାତେଏଁ; ଇଞ୍ଜା ହାଡାରି ଝେଣ୍ଡେ ନିଜିନେରି
ଇଞ୍ଜି ଆସା କିହିମାନାକି ମୀରୁ ନାଙ୍ଗେ ନୀହାଁୟି
କିହିମାଞ୍ଜାଦେରି ।”

୭ ଏଞ୍ଜାସି ଇ କାତା ଏଲେଇଶ୍ୱାନିଏ ପାରୁସି ଅଡେ
ସାଦୁକି ଲକୁ ବିତ୍ତା ଗଡ଼ହା ହଡେ, ଇଞ୍ଜା କାଜା ବେରଣି
ମାଣ୍ଡାତାରି ଗଟି ଗଟି ଆହାଁ ରୀ ବାଗା ଆଡେରି ।
୮ *ଇଚିହଁ ସାଦୁକିୟାଁ ଝେଣ୍ଡେ ନିଜିନାୟି ହିଲେଏ,
ଦୁହୁୟାଁ ଅଡେ ଜୀଞ୍ଜୁୟାଁ ହିଲାଉ ଇନେରି, ସାମା ପାରୁସିୟାଁ
ଏ ବାରେଡି ନାମିନେରି । ୯ ଏମ୍ପାଟିଏ କାଜା ଗଡ଼ହା
ଆଡେ, ଅଡେ ପାରୁସିୟାଁ ବିତ୍ତାଟି ଏଚରଜାଣା ମେରାପୁନାରି
ନିଜ୍ଞାନା ଏଲେଇଚେରି; “ମାମ୍ପୁ ଇଞ୍ଜାଣି ତାଣାଟି ଏନି
ଦହ ବେଟାଆଆତମି, ସାତେଏ ଏଞ୍ଜାଣି ତାଣାଟି ର ଜୀଞ୍ଜୁ
ଆଆତଁ ଲାକପୁରୁତି ଦୁହୁ କାତା ଝେସାମାନେ ।”

୧୦ ଇଲେଆହଁ କାଜା ଗଡ଼ହା ଆହାଲିଏ, ପାଞ୍ଜୁଲଇଁ
ଏଞ୍ଜାରି କାଣ୍ଡାମୁକା କିନେରି ଇଞ୍ଜି ଆଜିତାକି ର ମାଣା
କସକା ମୁହେଁ କାଜାସି ପାଞ୍ଜୁଲଇଁ ଏଞ୍ଜାରି ତାଣାଟି
ଗେଲ୍ପାନା ବାଲ୍ମିଟି କଟା ଇଲୁ ବିତ୍ତା ଅହାଲି କସକାଣି
ହୁକୁମି ହୀତେସି ।

୧୧ ଏ ନେରୁ ଲାଆଁୟାଁ ପ୍ରୁ ପାଞ୍ଜୁଲଇଁ ଏଲେଇଚେସି,
“ଆଜାଆନି, ସାସା ଆହମୁ ଇଚିହଁ ନୀନୁ ଜିରୁସାଲମତା
ଏନିକଁ ନା ସାକି ହୀତି, ରମ୍ ଗାଡ଼ାତା ଜିକେଏ
ଏଲେକିହଁ ନା ସାକି ହୀନାୟି ମାନେ ।”

ପାଞ୍ଜୁଲଇଁ ପାୟାଲି ଅଶ୍ୱପିନାୟି

୧୨ ଅର ଦିନା ଲାକ, ଜୀହୁଦିୟାଁ ଜାରୁ ଆହାନା ପାଞ୍ଜୁଲଇଁ
ପାୟାଆ ପାତେକା ଏନି ରାନ୍ଦା କି ଏୟୁ ତୀଗାଆପ ଇଞ୍ଜି
ତାମ୍ପୁ ତାମ୍ପୁ ପାରମାଣା କିହାମାଚେରି । ୧୩ ଏଲେଇଞ୍ଜି
ଅଶ୍ୱପି ମାଚାରି ରୀ କଡ଼ି ଜାଣାଟିଏ ଆଗାଡ଼ା ମାଚେରି ।
୧୪ ଏଞ୍ଜାରି କାଜା ପୂଜେରାଜା ଅଡେ ପ୍ରାବିନାଜା ତାଣା
ଞ୍ଜାହାଁ ଏଲେଇଚେରି, “ମାମ୍ପୁ ପାଞ୍ଜୁଲଇଁ ପାୟାଲି ଆଡ଼ାଆ
ପାତେକା ଏନାଆଁ ତିନଅମି କି ତୀଗଅମି ଇଞ୍ଜି ମାମ୍ପୁ

ମାଙ୍ଗେତାକି ପାରମାଣା କିହାମାନମି । ୧୫ ଏଦାଆଁତାକି
କାଜା ବେରଣିମାଣ୍ଡାତି କାଜାରି ହାଜାନା, ର ମାଣା କସକା
ମୁହେଁ କାଜାଣାଇଁ ନାଡ଼ି କିହଁ ଏଲେଇଞ୍ଜି, ମାମ୍ପୁ ପାଞ୍ଜୁଲ
ଏନାଆଁ କିହାମାନାଣି ନେହଁକଁ ଝେନମି ଇଞ୍ଜିହଁ ମୀ
ତାଣା ହାଟିକିଦୁ, ଏଚେଟିଏ ଏଞ୍ଜାସି ମୀ ତାଣା ଏଗାଞ୍ଜାଆ
ନକେଏ ପାୟାଲି ଜାଗାତା ଆହା ଡ଼ୟିନମି ।”

୧୬ ସାମା ପାଞ୍ଜୁଲ ତାମି ବାଣ୍ଡା କସକା ଜଲ୍ଲକି ଆହିମାଟି
କାତା ଡ଼ଗୁାନା ଝେଚେସି; ଇଞ୍ଜା କଟା ଇଲୁ ବିତ୍ତା ଞ୍ଜାହାନା
ପାଞ୍ଜୁଲଇଁ ଇ ବାରେ କାତା ଝେସେସି । ୧୭ ଏଚେଟିଏ
ପାଞ୍ଜୁଲ ର ରମିୟ କହୁଏଣାଇଁ ହାଟାନା ଏଲେଇଚେସି, “ଇ
ଦାଂଗଣେଣାଇଁ ର ମାଣା କସକା ମୁହେଁ କାଜାଣି ତାଣା ଅମ୍ପୁ,
ଇଚିହଁ ଇଞ୍ଜାସି ର କାତା ଏଞ୍ଜାଣାଇଁ ଝେହନାୟି ମାନେ
।” ୧୮ ଏଚେଟିଏ ଏଞ୍ଜାସି ର ମାଣା କସକା ମୁହେଁ କାଜାଣି
ତାଣା ଅହାନା ଏଲେଇଚେସି, “କାୟିଦିତା ମାନି ପାଞ୍ଜୁଲ
ନାଙ୍ଗେ ହାଟାନା ନୀ ତାଣା ଇ ଦାଂଗଣେଣାଇଁ ତାଚାଲି
ବାଡ଼ିମାଲ୍ଲାତେସି, ନିଙ୍ଗେ ଝେସାଲି ଇଞ୍ଜାଣାକି ର କାତା
ମାନେ ।”

୧୯ ର ମାଣା କସକା ମୁହେଁ କାଜାସି ଏଞ୍ଜାଣି କେୟୁ
ଆସାନା ଲକୁ ହିଲାଆ ତାଣା ଅହାନା ଝେଚେସି, “ନାଙ୍ଗେ
ନୀନୁ ଏନାଆଁ ଝେସ୍ତାନାୟିମାନେ ଝେସ୍ତାମୁ ।”

୨୦ ଏଞ୍ଜାସି ଏଲେଇଚେସି, “ପାଞ୍ଜୁଲ ଏନାଆଁ
କିହାମାନେସି ଏଦାଆଁ ନେହଁକଁ ପୁଞ୍ଜାଲି ଏଞ୍ଜାଣାଇଁ ଝିଏ
କାଜା ବେରଣିମାଣ୍ଡାତା ମା ତାଣା ତାମୁ ଇଞ୍ଜି ଜୀହୁଦି
ଲକୁଡି କାଜାରି ନାଡ଼ିକିହାନା ନିଙ୍ଗେ ବାଡ଼ିମାଲ୍ଲାନେରି,
୨୧ ସାମା ନୀନୁ ଏଞ୍ଜାରି କାତା ମାନଞ୍ଜି ଆଆନି, ଇଚିହଁ
ଏଞ୍ଜାଣାଇଁ ପାୟାଲି ଆଡ଼ାଆ ପାତେକା ରାନ୍ଦା ତିଚିହଁ କି
ତୀଗିତିହଁ ମାଙ୍ଗେ ବାକା ଆଟାପେ ଇଞ୍ଜି ମାନି କିହାନା
ରୀ କଡ଼ିଟିଏ ଆଗାଡ଼ା ଲକୁ ଡ଼ଗୁାହାଁ କାଟାମାନେରି, ନୀଏଁ
ଏଞ୍ଜାରି ନୀ ତାଣାଟି ହେଲ ବେଟାଆହାଲି କାଟିମାନେରି ।”

୨୨ ଏଚେଟିଏ ର ମାଣା କସକା ମୁହେଁ କାଜାସି
ଏଲେଇଚେସି, “ନୀନୁ ନାଙ୍ଗେ ଝେସ୍ତାତି କାତା ଆମ୍ପାଆରାଇଁ
ଝେହ୍ୱଆନି” ଇଞ୍ଜି ଝେସାନା ଏ ଦାଂଗଣେଣାଇଁ ପାଣ୍ଡିତେସି
।

ପେଲିକସ୍ ତାଣା ପାଞ୍ଜୁଲଇଁ ପାଣ୍ଡିନାୟି

୨୩ ର ମାଣା କସକା ମୁହେଁ କାଜାସି ତାନି ଡ଼ଇ କାମା କିନି
ପାସାକଡ଼ି କସକା ମୁହେଁ କାଜାରାଇଁ ରିଆରାଇଁ ହାଟାନା
ଏଲେଇଚେସି, “ନୀଞ୍ଜୁ ଲାଆଁୟାଁ ନ ଗଂଟା ବେଲାତା
କାୟିସରିୟାତା ହାଜାଲିତାକି ତୀନିକଡ଼ି ଦସ ଜାଣା ଗଡ଼ାତା
ହାନାରି ଅଡେ ରୀ ଞ୍ଜା ବାଲ୍ଲା ଗାଟାରି ତଲେ ରୀ ଞ୍ଜା
କସକାଣି ତିୟାରା କିଦୁ । ୨୪ ଅଡେ ଏଞ୍ଜାରି ଏନିକଁ
ପାଞ୍ଜୁଲଇଁ ଗଡ଼ା ଲାକ କୁଟିକିହାନା ସାଲଞ୍ଜି କିନି ପେଲିକସ୍
ତାଣା ଜାଗାତା ତଲେ ଅନେରି, ଏଦାଆଁତାକି ବାରେ କିହାଲି
ହୁକୁମି ହୀତେସି ।” ୨୫ ର ମାଣା କସକା ମୁହେଁ କାଜାସି
ଇଲେଇଞ୍ଜି ର ଆକୁ ରାଡ଼ିତେସି;

☆ ୨୩:୨ ୨୩:୩ କାମା ୨୨:୫; ପିଲିପି ୩:୫ ☆ ୨୩:୮ ୨୩:୮ ମାତି ୨୨:୨୩; ମାର୍କ ୧୨:୧୮; ଲୁକ ୨୦:୨୭

୨୬ “ଏ ମାନିଗାଟି ଦେସା ସାଲୁଖି କିନି ପେଲିକସ୍ କ୍ଲୁସ୍ତୁଦିୟା ଲୁସିୟାତି ଜହରା । ୨୭ ଜୀହୁଦିୟା ଇ ଲକୁଇଁ ଆସାନା ପାୟାଲି ଅଣ୍ଡପିମାଟି ବେଲାତା, ଏଝାସି ର ରମିୟ ଲକୁ ଇଞ୍ଜି ପୁଞ୍ଜାନା, ନାନୁ କସକା ତଲେ ହାଜାନା ଏଝାଣାଇଁ ପିସ୍ପି କିତେସି । ୨୮ ଏଝାସି ଏଝାରି କପାଟି ଏନି ଦହ କିହାମାନେସି ପୁଞ୍ଜାଲି ନାନୁ ଏଝାଣାଇଁ ତାନି କାଜା ବେରଣିମାଣ୍ଡାତା ଅହାମାଚେସି । ୨୯ ସାମା ଏଝାସି ହାନି ତଣ୍ଡୁ କି କାୟିଦି ତଣ୍ଡୁ ବେଟାଆନି ଲେହେତି ଏନି ଦହ କିହାହିଲଅସି ଇଞ୍ଜି ନାନୁ ପୁଚେସି, ତାନି କପାଟି ଖାରଇ ତାନି ମେରାତି କାତାତାକି ଏଝାଣାଇଁ ଦହ ଦସାମାନେରି । ୩୦ ଏଝାରି ନାଡ଼ିକିହାଁ ଏଝାଣାଇଁ ପାୟାଲି ଅଣ୍ଡପିମାନେରି ଇଞ୍ଜି ନାଢେ କାରୁ ହିୟାଲିଏ ନାନୁ ଇଝାଣାଇଁ ଝେଡ଼ାକିଆନା ନୀ ତାଣା ପାଣ୍ଡାତେସି; ଏଝାଣାଇଁ ଦହ ଦସାମାନାରାଇଁ ଜିକେଏ ନୀ ନକିତା ଏଝାଣି କପାଟି ସାକି ହାହାଲି ଝେସା ପାଣ୍ଡାତେସି ।”

୩୧ ଏମ୍ବାଟିଏ କସକା ହୁକୁମି ବେଟାଆହାନା ପାଝୁଲଇଁ ଅହାନା ଲାଆଁୟାଁ ବେଲାତା ଏଝାଣାଇଁ ଆଡ଼ିପାଡ଼ିତା ତାତେରି । ୩୨ ଅର ଦିନା ଗଡ଼ାୟାଁ ଗାଟାରାଇଁ ଏଝାଣିତଲେ ହାଜାଲି ପିସାନା, କସକା କଟା ଇଲୁତା ଝେଣ୍ଡା ଝାଡ଼େରି । ୩୩ ଗଡ଼ାୟାଁ ଗାଟାରି କାୟିସରିୟାତା ଝାହାନା, ସାଲୁଖି କିନି ପେଲିକସ୍ ଆକୁ ହାହାନା ପାଝୁଲଇଁ ଏଝାଣି ତାଣା ହେରପିତେରି । ୩୪ ଏଝାସି ଏ ଆକୁ ପଡ଼ଝି ଆଡ଼ି ତାୟୁ ନାନୁ ଏମିନି ରାଜିତାତି ଇଞ୍ଜି ଝେଚେସି; ଅଡ଼େ ଏଝାସି କିଲିକିୟାତି ଲକୁ ଇଞ୍ଜି ପୁଚେସି, ୩୫ ଇଞ୍ଜା ଏଝାସି ଏଲେଇଚେସି, “ନିଢେ ଦହ ଦସାମାଞ୍ଜାନାରି ଇମ୍ବାଆଁ ଝାଡ଼ିସାରେ ନାନୁ ନୀ କାତା ଝେଞ୍ଜାଇଁ” ଅଡ଼େ ଏଝାସି ପାଝୁଲଇଁ ହେରଦତି ଇଜ ଇଗାଲି ହୁକୁମି ହାତେସି ।

୨୪

ଜୀହୁଦି ଲକୁ ପାଝୁଲ କପାଟି ଦାଝା କିନାୟି

୧ ପାସା ଦିନା ତାୟୁ କାଜା ପୂଜେରା ହାନାନ, ଏଚେକା ପ୍ରାତିନାଢା ଅଡ଼େ ତରତୁଲ ଦରୁଗାଟି ଅକିଲା ତଲେ କାୟିସରିୟାତା ଝାଡ଼େରି, ଅଡ଼େ ଏଝାରି ପାଝୁଲ କପାଟି ସାଲୁଖି କିନି ପେଲିକସ୍ ତାଣା ଦାଝା କିତେରି । ୨ ପାଝୁଲଇଁ ଏମ୍ବାଆଁ ତାଚାଲିଏ, ତରତୁଲ ଏଝାଣି କପାଟି ଏଲେଇଚେସି, “ଏ ମାନିଗାଟି ପେଲିକସ୍ ନୀ ତାଣାଟି ମାମ୍ବୁ ହାଡ଼େକା ଦିନାଟିଏ ହିଡ଼ଡ଼ି ବେଟାଆହି ମାନମି, ଇଞ୍ଜା ନାନୁ ମା ଦେସାତାକି କିହାମାନି କାମା ବାରେ ଇ କୂଡ଼ା ତାରାକି ହାଡ଼େକା ନେହେଁ ଆହାମାନେ । ୩ ଇଦାଆଁ ମାମ୍ବୁ ବାରେଜାଣା ତଲେ ବାରେ ତାଣା ହାଡ଼େକା ମାନିତଲେ ପେଲିକସ୍ ମାନୁଝି ଆହିମାନମି । ୪ ସାମା ନାନୁ ନିଢେ ଏନିକ ହାଡ଼େକା ବିତିବିତା କିୟଅଁ, ଇଦାଆଁତାକି ନାନୁ ନାଢେ କାର୍ମାମେସାନା ମା ଏଚରଗଟା କାତା ଝେଞ୍ଜାଲିତାକି ନିଢେ ବାଡ଼ିମାଲିମାଞ୍ଜାଇଁ । ୫ ଇଡ଼ିହଁ ଇ ମାଣ୍ଡସି ଆଜିହପେତି ଗଡ଼ହା ଗାଟାସି, ଏଝାସି ଦାରଡ଼ିତି

ବାରେଝାକି ମାନି ଜୀହୁଦିୟା ତାଣା ଗଡ଼ହା ହପ୍ନାସି, ଅଡ଼େ ନାଜରିତ ଗଟିତି ର କାଜାସି ଇଞ୍ଜି ମାମ୍ବୁ ପୁଞ୍ଜାମାନମି; ୬ ଅଡ଼େ ଜିକେଏ ମାହାପୁରୁ ଇଲୁତି ଲାଗେଏ କିହାଲି ଅଣ୍ଡପାମାଚେସି, ଏତିବେଲା ମାମ୍ବୁ ଇଝାଣାଇଁ ଆସୁମି, ଅଡ଼େ ମା ମେରାତି ଲେହେଁ ଇଝାଣାଇଁ ନାହାଁୟି କିୟାଲି ଅଣ୍ଡପାମାଚମି । ୭ ସାମା ର ମାଣା କସକା ମୁହେଁ କାଜାସି ଲୁସିୟା ଝାହାନା ଏଝାଣାଇଁ ମା ତାଣାଟି ବାଡ଼ୁୟୁ ତଲେ ମାଞ୍ଜା ଅୟାତେସି, ୮ ଅଡ଼େ ଇଝାଣାଇଁ ଦହ ଦସିମାନାରାଇଁ ନୀ ତାଣା ଝାହାଲି ହୁକୁମି ହାତେସି, ଇ ବାରେ କାତାତାକି ନାନୁ ଇଝାଣାଇଁ ଝେଡ଼ିହଁ ମାମ୍ବୁ ଏଝାଣି କପାଟି ଦାଝା କିହାମାନାଣି ପୁଞ୍ଜାଲି ଆଡ଼ିଦି ।” ୯ କୂଡ଼ା ଆହାମାଟି ଜୀହୁଦିୟା ଜିକେଏ ଦାଝା କିହାମାନାରି ତଲେ ଆଣ୍ଡାନା ଇ ବାରେ କାତା ସାତା ଇଞ୍ଜି ଇଚେରି ।

ତାନି ଝାକିଟି ପାଝୁଲ ପେଲିକସ୍ ନକିତା ଝେହ୍ନାୟି

୧୦ ଏଚେଟିଏ ସାଲୁଖି କିନାସି ଝାଞ୍ଜୁ ହୁଟାନା ପାଝୁଲଇଁ ଜଲାଇଁ ହେଲ ହାତେସି, ଇଞ୍ଜା ପାଝୁଲ ଏଲେଇଚେସି, “ନାନୁ ହାଡ଼େକା ବାର୍ସା ଆଡ଼େ ଇ କୂଡ଼ାତାରାଇଁ ନାହାଁୟି କିନାତି ଆହାମାଞ୍ଜି ଇଞ୍ଜି ପୁଞ୍ଜାନା, ନାନୁ ସାସାତଲେ ନା ଝାକିଟି ଝେସିମାଞ୍ଜାଇଁ । ୧୧ ବାର ଦିନାଟିଏ ଆଗାଡ଼ା ଆଏ, ନାନୁ ମାହାପୁରୁଟି ସେବା କିହାଲି ଜିରୁସାଲମତା ହାଜାମାଚେସି, ଇଦାଆଁ ନାନୁ ଝେଞ୍ଜାନା ପୁଞ୍ଜାଲି ଆଡ଼ିଦି । ୧୨ ଅଡ଼େ ଇଝାରି ମାହାପୁରୁ ଇଲୁତାକି ଜୀହୁଦି ଲକୁତି କୁଟମି ଇଲୁତା* କି ଗାଡ଼ାତି ଆମିନି ଗାୟୁତା ଆମ୍ବାଆରି ତଲେ ବାଡ଼ିବାଡ଼ା କିତାଣି କି ଗଡ଼ହା ହପ୍ନାଣି ଇଞ୍ଜା ଜୀହୁଦିୟାଣି ମାଡ଼ଝି କିହାମାଚାଣି ଇଝାରି ମେସାମାଞ୍ଜଅରି, ୧୩ ଇଞ୍ଜା ନୀସଁ ନା କପାଟି ତାଚାମାନି ଦହ ତାକି, ଏଝାରି ନୀ ନକିତା ଏନି ପାରମାଣା ତସାଲି ଆଡ଼ଅରି । ୧୪ ସାମା ନାନୁ ନିଢେ ଇଦାଆଁ ଝେସିମାଞ୍ଜାଇଁ; ଇଝାରି ଏମିନି ଜିରୁତି ମିତି ଇଞ୍ଜିମାନେରି, ଏ ଜିରୁ ତାକାନା ନାନୁ ମା ଆକୁ ଆବାୟାତି ମାହାପୁରୁଇଁ ଜହରା କିହିମାଇଁ, ସାମା ନାନୁ ଜିକେଏ ମସାତି ମେରା ଅଡ଼େ ମାହାପୁରୁ ଅଣ୍ଡପୁତି ବଲୁ ଝେହ୍ନାରି ପତିତା ଏନାୟି ରାସ୍ କି ଆହାମାନେ ଏ ବାରେ ନାମିମାଇଁ; ୧୫ ଇଝାରି ଲେହେଁ ମାହାପୁରୁ ତାଣା ନା ଏ ରଣ୍ଡିଏ ଆସା ମାନେ ଦାମ୍ବୁଗାଟାରି ଅଡ଼େ ଦାମ୍ବୁ ହିଲୁଆ ଗାଟାରି ବାରେ ଲକୁ ହାଡ଼ାରି ତାଣାଟି ଝେଣ୍ଡେ ନିଢ଼ିନେରି ଇଞ୍ଜି ନୀ ନକିତା ଝେସିମାଞ୍ଜାଇଁ । ୧୬ ଏଦାଆଁତାକି ନାନୁ ଜିକେଏ ମାହାପୁରୁ ଅଡ଼େ ଲକୁ ନକିତା ବାରେଦିନା ନେହଁ ଅଣ୍ଡପୁ ତଲେ ଡ଼ୟାଲି ଅଣ୍ଡପିମାଇଁ ।”

୧୭ “ହାଡ଼େକା ବାର୍ସା ଜେତ ନାନୁ ମା ଲକୁତାଣା ଦାନା ତାଚାଲି ଅଡ଼େ ମାହାପୁରୁ ତାଣା ପୂଜା କିୟାଲି ଜିରୁସାଲମତା ଝାହାମାଚେସି । ୧୮ ଏତିବେଲାତା ନାନୁ ମାହାପୁରୁ ଇଲୁତା ଅଟହା କଡ଼ିନି ମେରା ରାପ୍ ହିମାଟି ବେଲାତା ଇଝାରି ନାଢେ ମାହାପୁରୁ ଇଲୁତା ମେସାତେରି; ଏତିବେଲା ନା ତଲେ ମାନ୍ଦା ଲକୁ ହିଲୁଆତେରି କି ଏମ୍ବାଆଁ

* ୨୪:୧୨ ୨୪:୧୨ ସିନଗର

ଏହି ଗଡ଼ହା ହିଲାଆଡେ, ^{୧୯} ସାମା ଆସିୟାତି ଏଚରଜାଣା ଜୀହୁଦିୟାଁ ଏମ୍ବାଆଁ ମାଚେରି; ନା କପାଟି ଏଞ୍ଜାରି ଏନି କାତା ମାଚିହୁଁ ଏଞ୍ଜାରି ନୀ ନକିତା ଖାହାନା ଦାଞ୍ଜା କିତିହୁଁ ନେହେଁ ଆଡେମା । ^{୨୦} ନାନୁ କାଜା ବେରଣିମାଣ୍ଡା ନକିତା ନିଚାମାଚି ବେଲାତା ଏନି ଦହୁ ମେସାମାଚିହୁଁ ଇମ୍ବାଆଁ ମାନି ଇ ଲକୁ ନାଙ୍ଗେ ଖେସ୍ତାପେରି, ^{୨୧} ନାନୁ ରଣ୍ଡିଏ କାତା ଖେସାମାଚେଏଁ ଏଞ୍ଜାରି ନକିତା ନିଚାମାଚି ବେଲାତା ନାନୁ ଆଡ଼ଞ୍ଜାତଲେ ଏଲେଇଞ୍ଜା ମାଚେଏଁ, ‘ହାଡ଼ାରି ଖେଣ୍ଡେ ନିଙ୍ଗନେରି ଇଞ୍ଜୁଁ ନାନୁ ନାମାମାନାକି ନୀଞ୍ଜୁ ମୀ ତାଣାଟି ନୀହାଁୟି କିଞ୍ଜି ଆହିମାଇ ।’”

^{୨୨} ସାମା ପେଲିକସ୍ ଏ ଜିରୁତି କାତା ପୁଞ୍ଜାମାଚାକି ନୀହାଁୟି କିହାଲି ବାୟିଦା କିହାନା ଏଲେଇଚେସି, “ର ମାଣା କସ୍ କା ମୁହେଁ କାଜାସି ଲୁସିୟା ଖାଡ଼ିଦେହେଁ ନାନୁ ମୀ ନୀହାଁୟି ଡିକହାଇ,” ଇଞ୍ଜୁଁ ଖେସା ପାଣ୍ଡିତେସି । ^{୨୩} ଏଞ୍ଜାସି ପାସାକଡ଼ି କସ୍ କା ମୁହେଁ କାଜାଣାଇଁ ଏଲେଇଚେସି, ତାନି ଲକୁ ଅଡେ ତଡ଼େସିଙ୍ଗା ତାନି ସେବା କିହାଲି କାହି କିଆନି, ଅଡେ ତାନି କାୟିଦିତା ମାନାସି ଇଞ୍ଜୁଁ ଗେଲପାନା ଏଞ୍ଜାଣାଇଁ ହିଡ଼ଡ଼ି ତଲେ ଲେମ୍ବାଲି ଏଲେଇଚେସି ।

ପେଲିକସ୍ ଅଡେ ଦୁସିଲା ନକିତା ପାଞ୍ଜୁଲ

^{୨୪} ଏଚରଦିନା ତାୟୁ ପେଲିକସ୍ ଦୁସିଲା ଦରୁଗାଟି ଜୀହୁଦି ତାନି ତକ୍ତି ତଲେ ଖାଡ଼େସି, ଏଞ୍ଜାସି ପାଞ୍ଜୁଲଇଁ ହାଡ଼ି କିହାନା କ୍ରୀସ୍ର ଜୀସୁ ତାଣା ନାମିନି କାତା ଏଞ୍ଜାଣି ତାଣାଟି ଖେଚେସି । ^{୨୫} ସାମା ପାଞ୍ଜୁଲ ଦାମ୍ବୁତି କାତା, ତୀରପୁ ହିୟାଁ ଅଡେ ଖାହିମାନି ନୀହାଁୟି ଦିନାତି କାତା ଖେସିମାଚାକି, ପେଲିକସ୍ ଆଜାନା ଏଲେଇଚେସି, “ନୀଏଁ ନାନୁ ହାଲାମୁ ବେଲା ସିନିକିହାନା ଅଡେ ର ଦିନା ହାଡ଼ି କିୟାଇଁ ।” ^{୨୬} ପାଞ୍ଜୁଲ ନାଙ୍ଗେ ଟାକାୟାଁ ହିୟାନେସି ଇଞ୍ଜୁଁ ଏଞ୍ଜାସି ଆସା କିହାମାଚେସି, ଏଦାଆଁତାକି ଏଞ୍ଜାସି ଅଲେ ଅଲେ ଏଞ୍ଜାଣାଇଁ ହାଡ଼ି କିହାନା ଏଞ୍ଜାଣିତଲେ କାତା ଆଡ଼ିତେସି ।

^{୨୭} ଏଲେକିହୁଁ ରା ବାର୍ସା ଆଡ଼ି ତାୟୁ ପକ୍ ଯ ପେସ୍ତସ୍, ପେଲିକସ୍ ଟାୟୁତା ସାଲୁଞ୍ଜି କିନାସି ଆଡେସି, ଅଡେ ପେଲିକସ୍ ଜୀହୁଦିୟାଁ ନେହାଁସି ଇଞ୍ଜୁଁ ଇଞ୍ଜାପେରିଞ୍ଜା ଇଞ୍ଜୁଁ ଅଣ୍ପାନା ପାଞ୍ଜୁଲଇଁ କାୟିଦିତା ଇଚାନା ହାଚେସି ।

୨୫

ସାଲୁଞ୍ଜି କିନାଣି ତାଣା ପାଞ୍ଜୁଲ ଗହାରା କିନାୟି

^୧ ଏମ୍ବାଟିଏ ପେସ୍ତସ୍ ଇ ରାଜିତା ଖାହାନା ତାନିଦିନା ଆୟାଲିଏ କାୟିସରିୟାଟି ଜିରୁସାଲମତା ହାଚେସି, ^୨ ଅଡେ ଏମ୍ବାଆଁ କାଜା ପୂଜେରାଙ୍ଗା ଇଞ୍ଜା ଜୀହୁଦି ଲକୁତି କାଜାରି ପାଞ୍ଜୁଲ କପାଟି ପେସ୍ତସ୍ ତାଣା ଖେଣ୍ଡେ ଦାଞ୍ଜା କିଚେରି, ^୩ ଅଡେ ଏଞ୍ଜାସି ଏନିକିଁ ପାଞ୍ଜୁଲଇଁ ଜିରୁସାଲମତା ହାଡ଼ା ପାଣ୍ଡାନ୍ଦେସି, ଏଦାଆଁତାକି ଗହାରା କିହାନା ଏଞ୍ଜାଣି କପାଟି କାର୍ମାଆନି ଲେହେଁ ପେସ୍ତସ୍ ବାଡ଼ିମାଲିଚେରି; ଇଞ୍ଜା ଏଞ୍ଜାରି ଜିରୁତା ଡ଼ଗୁହାଁ ପାୟାଲି ଅଣ୍ପିମାଚେରି । ^୪ ପେସ୍ତସ୍ ଏଲେଇଚେସି, “ପାଞ୍ଜୁଲ କାୟିସରିୟାତା

କାୟିଦିତା ମାନେସି, ଇଞ୍ଜା ନାନୁ ଜିକେଏ ତବେ ଏମ୍ବାଆଁ ଖେଣ୍ଡା ହାଜିମାଇଁ, ^୫ ଏଞ୍ଜାସି ଏନି ଦହୁ କିହାମାନେସି, ଆଡିହୁଁ ମୀ କାଜାରି ନା ତଲେ କାୟିସରତା ହାଲାପେରି ଅଡେ ଏଞ୍ଜାଣି କପାଟି ତାମି ଦାଞ୍ଜା କିପାରି ।”

^୬ ପେସ୍ତସ୍ ଏମ୍ବାଆଁ ଆଡ଼ା କି ଦସ ଦିନା ଏଞ୍ଜାରିତଲେ ଡ଼ୟାହାଁ କାୟିସରିୟାତା ଖେଣ୍ଡେ ହାଚେସି, ଏ ଅଡ଼ ନେରୁ ନୀହାଁୟି କିନି ଟାୟୁତା କୁଗାନା ପାଞ୍ଜୁଲଇଁ ତାଚାଲି ହୁକୁମି ହାଚେସି । ^୭ ପାଞ୍ଜୁଲ ଖାହାଲିଏ ଜିରୁସାଲମଟି ଖାହାମାନି ଜୀହୁଦିୟାଁ ତାନି ସାରିସୁଟୁ ନିଚାନା ଏଞ୍ଜାଣି କପାଟି ହାଚେକା ଦହୁ ଦସାଲି ମାଟୁହେରି, ସାମା ଏଞ୍ଜାରି ଏ ବାରେଡି ପାରମାଣା କିହାଲି ଆଡ଼ାଆଡେରି । ^୮ ଏଚେଟିଏ ପାଞ୍ଜୁଲ ତାନି ଖାକିଟି ଖେସାକତାନା ଏଲେଇଚେସି, “ଜୀହୁଦିୟାଁ ମେରା କପାଟି ଆଆଡ଼ିଁ ମାହାପୁରୁ ଇଲୁ କପାଟି କି କାୟିସର କପାଟି ଜିକେଏ ନାନୁ ଏନି ଦହୁ କିହାହିଲଥାଁ ।”

^୯ ସାମା ପେସ୍ତସ୍, ଜୀହୁଦି ଲକୁ ନକିତା ନେହାଁସି ଆୟାଲି ପାଞ୍ଜୁଲଇଁ ଖେଚେସି, “ନାନୁ ଜିରୁସାଲମତା ହାଜାନା ଏମ୍ବାଆଁ ନା ନକିତା ଇ ବାରେଡାକି ନୀହାଁୟି ଆୟାଲି ମନ କିହିମାଞ୍ଜି କି ?”

^{୧୦} ସାମା ପାଞ୍ଜୁଲ ଏଲେଇଚେସି, “ନାନୁ କାୟିସର ନକିତା ନୀହାଁୟି କିନି ଟାୟୁତା ନିଚାମାଇଁ, ଏମ୍ବାଆଁ ନା ନୀହାଁୟି ଆନାୟି ମାନେ, ନାନୁ ଜୀହୁଦିୟାଁ କପାଟି ଏନି ଲାଗେଏ କାମା କିହାହିଲଥାଁ, ଏଦାଆଁ ନାନୁ ଜିକେଏ ନେହୁଁ କିଁ ପୁଞ୍ଜାମାଞ୍ଜି । ^{୧୧} ମେରା ମାନି କିଆନା ଲାଗେଏଟି କାମା କିହାମାଚିହୁଁ, ନାନୁ ହାହାଲି ଆଜିହିଲଥାଁ; ସାମା ଇଞ୍ଜାରି ନା କପାଟି ଆମିନି ବାରେ ଦାଞ୍ଜା କିହିମାନେରି, ଏ ବାରେ ବିତ୍ରାଟି ଆମିନି ର ପଦୁ ଜିକେଏ ସାତା ଆଆଡିହୁଁ, ଆମ୍ବାଆସି ଏଞ୍ଜାରି କେୟୁତା ନାଙ୍ଗେ ହେରପାଲି ଆଡ଼ଅସି, ନାନୁ କାୟିସର ନକିତା ନୀହାଁୟି କିଞ୍ଜିଆୟାଲି ଗହାରା କିହିମାଇଁ ।”

^{୧୨} ଏମ୍ବାଟିଏ ପେସ୍ତସ୍ ତାନି ନୀହାଁୟିଟି କାଜାରି ତଲେ ଜଲୁକି ଆହାନା ଏଲେଇଚେସି, “ନାନୁ କାୟିସର ନକିତା ନୀହାଁୟି କିଞ୍ଜିଆୟାଲି ରାସିମାଞ୍ଜି, ଆଡିହୁଁ ନାନୁ କାୟିସର ତାଡ଼େଏ ହାଜି ।”

ଆଗ୍ରିପା ଅଡେ ବନିକି ନକିତା ପାଞ୍ଜୁଲ

^{୧୩} ଏଚରଦିନା ତାୟୁ ରାଜା ଆଗ୍ରିପା ଅଡେ ବନିକି କାୟିସରିୟାତା ଖାହାନା ପେସ୍ତସ୍ ଆଣ୍ଡାଲି ହାଚେରି । ^{୧୪} ଏଞ୍ଜାରି ଏମ୍ବାଆଁ ଏଚରଦିନା ଡ଼ୟିତି ତାୟୁ, ପେସ୍ତସ୍ ରାଜା ନକିତା ପାଞ୍ଜୁଲ କାତା ଖେସ୍ତେସି, “ପେଲିକସ୍ କାୟିଦିତା ଇଚାମାନାସି ରଅସି ଇମ୍ବାଆଁ ମାନେସି; ^{୧୫} ନାନୁ ଏଚିବେଲା ଜିରୁସାଲମତା ହାଜାମାଚେଏଁ ଏଚିବେଲାତା ଜୀହୁଦି ଲକୁତି କାଜା ପୂଜେରାଙ୍ଗା ଅଡେ ପ୍ରାଟିନାଙ୍ଗା ଏଞ୍ଜାଣି କପାଟି ଖେସାନା ଏଞ୍ଜାଣାଇଁ ଡ଼ଶ୍ଟ ହାହାଲି ନାଙ୍ଗେ ବାଡ଼ିମାଲି ମାଞ୍ଜାତେରି । ^{୧୬} ସାମା ନାନୁ ଏଞ୍ଜାରାଇଁ ଏଲେଇଚେଏଁ, ଦହୁଗାଟାସି ତାନି ଦହୁ ଦସାମାନାରା ନକିତା ନିଆ ପାଚେକା ଇଞ୍ଜା ତାଙ୍ଗେ ତାନି ଖାକିଟି

☆ ୨୪:୨୧ ୨୪:୨୧ କାମା ୨୩:୬

ଜଲ୍ଲାଲି ହୀଆ ପାତେକା ଏଞ୍ଜାଣାକ୍ ଡଣ୍ଡ ହୀହାଲି ମା
 ରମ୍ ଲକ୍ଷୁତି ମୋରା ହିଲେଏ । ୧୭ ଏଞ୍ଜାରି ନା ତଲେ
 ଇମ୍ପାଆଁ ଖାୟାଲିଏ, ନାନୁ ଖେଡ଼ାକିଆନା ତାନି ଅର ନେରୁ
 ନାହାୟି କିନି ତାଣା କୁଗାନା, ଏଞ୍ଜାଣାକ୍ ତାଚାଲି ହୁକୁମି
 ହୀତେଏ । ୧୮ ଏଞ୍ଜାଣାକ୍ ଦହ୍ ଦସାମାନାରି ଖାହାନା
 ନିତେରି, ସାମା ଏଞ୍ଜାରି ଏନିଲେହେତି ଦାଞ୍ଜା କିନେରି
 ଇଞ୍ଜି ନାନୁ ଅଣ୍ପିମାଚେଏ, ଏଞ୍ଜାରି ଏନି ଦହ୍ ଏଞ୍ଜାଣି
 କପାଟି ଖେସ୍ତାଆତେରି । ୧୯ ଏଞ୍ଜାରି ଖାଉର ତାନି ଦାମ୍ପୁତି
 କାତା ଇଞ୍ଜା ଜୀସୁ ଦରୁଗାଟି ଏନିନି ହାଡ଼ାଣାକ୍ ପାଞ୍ଜୁଲ
 ନୀତାମାନେସି ଇଞ୍ଜି ଖେସିମାନେସି, ତାନି କାତାତାକି
 ଆସପି ଆଡେରି । ୨୦ ଇ ବାରେ କାତା ନେହ୍ କି
 ପୁଞ୍ଜାଲିତାକି ଏନାଆଁ କିହାଲି ଆନେ, ଏନାଆଁ ତୀରି କିହାଲି
 ଆଡ଼ାଆନା ଇ ଦାଞ୍ଜା ତାକି ନାହାୟି ଆହାଲିତାକି ପାଞ୍ଜୁଲ
 ଜିରୁସାଲମତା ହାନେସି କି ଆଏ ଏନାଆଁ ନାନୁ ଖେଚେଏ ।
 ୨୧ ସାମା ପାଞ୍ଜୁଲ ସାଲୁଞ୍ଜି କିନି କାୟିସର ନକିତା ନାହାୟି
 କିଞ୍ଜିଆୟାଲି ନାନୁ ହାକ୍ ଇଞ୍ଜି ଖେସିମାଚାକି, ନାନୁ
 ଏଞ୍ଜାଣାକ୍ କାୟିସର ତାଣା ପାଣ୍ଡିନି ପାତେକା କାୟିଦିତା
 ଇଗାଲି ହୁକୁମି ହୀତେଏ ।”

୨୨ ଆଗ୍ରିପା ପେସ୍ତସ୍ ଶ୍ରେୟାକ୍ ଏଲେଇଚେସି, “ନାନୁ ଜିକେଏ
 ଇଞ୍ଜାଣି କାତା ଖେଞ୍ଜାଲି ମନ୍ କିହିମାକ୍ । ହାଅ ଖିଏ ନାନୁ
 ଏଞ୍ଜାଣି କାତା ଖେଞ୍ଜି” ଇଞ୍ଜି ପେସ୍ତସ୍ ଏଲେଇଚେସି ।

୨୩ ତାନି ଅର ଦିନା ଆଗ୍ରିପା ଇଞ୍ଜା ବନି କି କାଜାପାଣା
 ଅଡେ ଗାଞ୍ଜୁରମିଗାଟି କସକା ଇଞ୍ଜା ଗାଡ଼ାତି କାଜାରି ତଲେ
 ହାଜାନା ନାହାୟି କିନି ଚାୟୁତା ଖାଡେସି, ଏମ୍ପାଟିଏ ପେସ୍ତସ୍
 ହୁକୁମି ତଲେ ପାଞ୍ଜୁଲ ଏମ୍ପାଆଁ ତାପିଆଡେସି । ୨୪ ଏମ୍ପାଟିଏ
 ପେସ୍ତସ୍ ଏଲେଇଚେସି, “ଏ ରାଜା ଆଗ୍ରିପା ଅଡେ ଇମ୍ପାଆଁ
 ମାନି ମାନିଗାଟି କାଜାତେରି, ମୀରୁ ବାରେ ଇଞ୍ଜାଣାକ୍
 ମେସିମାଞ୍ଜେରି; ଇଞ୍ଜାଣି କପାଟି ଜିରୁସାଲମ ଇଞ୍ଜା ଇମ୍ପାଆଁ
 ମାନି ଜୀହୁଦି ଲକ୍ଷୁ ନା ତାଣା ଦାଞ୍ଜା କିହାମାନେରି, ଇଞ୍ଜାସି
 ନୀତାମାନାୟି ଲଡ଼ା ହିଲେଏ ଇଞ୍ଜି ବାରେଜାଣା କାଲୁଞ୍ଜି
 ଆଡେରି । ୨୫ ସାମା ଇଞ୍ଜାସି ହାନିଲେହେତି ଏନି ଦହ୍
 କିହାମାନାଣି ନାନୁ ମେସାହିଲଅଁ ଇଞ୍ଜା ଏଞ୍ଜାସି ତାନୁଏ
 କାୟିସର ତାଣା ନାହାୟି କିଞ୍ଜିଆୟାଲି ବାଡ଼ିମାଲ୍ଲତାକି
 ନାନୁ ଏଞ୍ଜାଣାକ୍ ଏମ୍ପାଆଁ ପାଣ୍ଡାଲି ତାକି ତୀରି କିତେଏ ।
 ୨୬ ସାମା ରାଜା କାୟିସର ତାଣା ଏଞ୍ଜାଣି ତାକି ରାଡ଼ାଲି
 ନାଞ୍ଜେ ଏନି କାତା ହିଲେଏ, ଏନାଆଁତାକି ନାନୁ ଏଞ୍ଜାଣାକ୍,
 ବାରେକିହାଁ ରାଜା ଆଗ୍ରିପା ନୀ ତାଣା ଏଞ୍ଜାଣାକ୍ ତାଚାମାକ୍,
 ଏନିକି ଏଞ୍ଜାଣି କାତା ଖେଞ୍ଜାନା, ପୁଡ଼ିତାୟୁ ନାନୁ ଏଞ୍ଜାଣାକି
 ଇଗାଣି ରାଡ଼ାଲି ଆଡ଼ିକ୍ । ୨୭ ଇଚିହ୍ ର କାୟିଦି
 ଗାଟାଣାକ୍ ପାଣ୍ଡିନି ବେଲ୍ଲାତା ତାନି କପାଟି କିହାମାନି ଦାଞ୍ଜା
 ନେହ୍ କି ତହ୍ ଆନା ପାଣ୍ଡାଲି ନେହେଁ ଆଏ ଇଞ୍ଜି ନାନୁ
 ଅଣ୍ପିମାକ୍ ।”

୨୨

ରାଜା ଆଗ୍ରିପା ନକିତା ପାଞ୍ଜୁଲ ତାଞ୍ଜେତାକି ଖେହ୍ନାୟି

☆ ୨୨:୫ ୨୨:୫ କାମା ୨୩:୨; ପିଲିପି ୩:୫ ☆ ୨୨:୯ ୨୨:୯ କାମା ୮:୩; ୨୨:୪,୫ * ୨୨:୧୧ ୨୨:୧୧ ସିନଗର

୧ ଆଗ୍ରିପା ପାଞ୍ଜୁଲକ୍ ଏଲେଇଚେସି, “ନିଞ୍ଜେ ନୀ ଖାକିଟି
 କାତା ଜଲ୍ଲାଲି ହେଲ ହୀପକିଆଡେ” ଏମ୍ପାଟିଏ ପାଞ୍ଜୁଲ
 କେୟୁ ଦାସାନା ତାନି ଖାକିଟି ଏଲେଇଚେସି ।

୨ “ରାଜା ଆଗ୍ରିପା, ଜୀହୁଦିୟାଁ ନା କପାଟି ଏନି ଦହ୍
 ଦସାମାଞ୍ଜାନେରି, ଏନାଆଁ ନୀଞ୍ଜୁ ନୀ ନକିତା ଖେସାଲି ନାନୁ
 ହେଲ ବେଟାଆହାମାନାକି ନାନୁ ନାଞ୍ଜେ କପଲ ଗାଟାତେଏ
 ଇଞ୍ଜି ଅଣ୍ପା କଡ଼ିମାକ୍, ୩ ଏନାଆଁତାକି ଇଚିହ୍,
 ନାନୁ ଜୀହୁଦିୟାଁ ପାଣାପାଟୁ ଅଡେ କାତା ନେହ୍ କି
 ପୁଞ୍ଜାମାଞ୍ଜି; ଏନାଆଁତାକି ନା କାତା ସାସାତଲେ ଖେଞ୍ଜାଲି
 ନିଞ୍ଜେ ବାଡ଼ିମାଲିମାଞ୍ଜାକ୍ ।”

୪ “ନା ଦାଂଗଣା ଖେଡ଼ାଟିଏ ନୀଏଁ ପାତେକା ନାନୁ ତଲି
 ମା କୁଡ଼ାତାରି ତଲେ ଅଡେ ଜିରୁସାଲମତା ଏନିଆହ୍
 ନୀତା ମାଚେଏ ଏନାଆଁ ଜୀହୁଦିୟାଁ ବାରେ ନେହ୍ କି
 ପୁଞ୍ଜାମାନେରି; ୫ ନାନୁ ମା ମାହାପୁରୁତି ମୋରା ହାଡ଼େକା
 ନେହ୍ କି ମାନୁଞ୍ଜି ଆହିମାନି ପାରୁସିୟାଁ ଗଟିତା ମାଚେଏ,
 ଏଞ୍ଜାରି ନାଞ୍ଜେ ତଲିଟିଏ ପୁଞ୍ଜାମାଞ୍ଜାନେରି, ଏଞ୍ଜାରି ମନ୍
 କିଚିହ୍ ସାକି ହୀହାଲି ଆଡ଼ିନେରି । ୬ ମାହାପୁରୁ ମା
 ଆକୁ ଆବାୟାଣି ଏନିନି କାତା ଆଞ୍ଜାମାଚେସି, ଏ କାତା
 ହୀହାମାନାଣି ବାର୍ସୁ କିହାମାନାକି ନୀଞ୍ଜୁ ନାନୁ ଇମ୍ପାଆଁ
 ନାହାୟି କିଞ୍ଜିଆୟାଲି ନିଚାମାକ୍ ୭ ମା ଲକ୍ଷୁତି ବାର
 କୁଡ଼ାତାରି ଲାଆଁ ମାଦେନା ମାହାପୁରୁତି ସେବା କିହାନା ଏ
 ରଣିଏ କାତା ବେଟାଆହାଲି ତାକି ଆସା କିନେରି, ଏ ରାଜା,
 ନା ଏ ବାର୍ସୁ ତାକି ଜୀହୁଦିୟାଁ ନାଞ୍ଜେ ଦହ୍ କିହିମାଞ୍ଜାନେରି
 । ୮ ମାହାପୁରୁ ହାଡ଼ାରାକ୍ ନିକନେସି, ଇଦାଆଁ ନାମାଲି
 ଆଡ଼ାଆ ଗାଟାୟି ଇଞ୍ଜି ମୀରୁ ଏନାଆଁତାକି ଅଣ୍ପିମାଞ୍ଜେରି
 ?”

୯ * ନାଜ୍ଜରିତ ଜୀସୁ ଦରୁ କପାଟି ନାଞ୍ଜେ ହାଡ଼େକା
 କାମା କିନାୟିମାନେ ଇଞ୍ଜି ନାନୁ ଅଣ୍ପିମାଚେଏ ।
 ୧୦ ଜିରୁସାଲମତା ନାନୁ ଏଲେଜିକେଏ କିତେଏ । କାଜା
 ପୁଜେରାଞ୍ଜା ତାଣାଟି ଅଦିକାରା ଆକୁ ବେଟାଆହାନା,
 ମାହାପୁରୁ ଲକ୍ଷୁ ତାଣାଟି ହାଡ଼େକା ଜାଣାକ୍ କାୟିଦିତା
 ସୁଣ୍ଡିକିହାମାଚେଏ ଇଞ୍ଜା ଏଞ୍ଜାରାକ୍ ପାୟିନାଟି ନାନୁ ଜିକେଏ
 ଆଣ୍ଡିମାଚେଏ । ୧୧ ହାଡ଼େକା ଦେବା ଜୀହୁଦି ଲକ୍ଷୁତି
 କୁଚମି ଇଲ୍ଲକାଣା* ନାନୁ ଏଞ୍ଜାରାକ୍ ଲାଜାକିହ୍ ତଣ୍ଡ
 ହୀହିମାଚେଏ ଇଞ୍ଜା ଏଞ୍ଜାରି ନାମୁତି ଏଚକା କିହାଲି
 ଅଣ୍ପାମାଚେଏ, ନାନୁ ଏଞ୍ଜାରି କପାଟି ହାଡ଼େକା କାର୍ବି
 ଆହାମାଚେଏ, ଏଞ୍ଜାରାକ୍ ସାସି ହୀହାଲି ଏଚକା ଦେସାତା
 ଜିକେଏ ହାଜାମାଚେଏ ।”

**ପାଞ୍ଜୁଲ ତାନି ମନ୍ ଖେଚ୍ହି କାତା ଖେହ୍ନାୟି
 (କାମା ୯:୧-୧୯; ୨୨:୭-୧୭)**

୧୨ ଇଦାଆଁତାକି କାଜା ପୁଜେରାଞ୍ଜା ତାଣାଟି ଅଦିକାରା
 ଆକୁ ଅଡେ ହୁକୁମି ବେଟାଆହାନା ନାନୁ ଦମେସକ
 ହାଜାମାଚେଏ । ୧୩ ଏ ରାଜା ଆଗ୍ରିପା, ର ଦିନା ମାଦେନା
 ବେଲ୍ଲା ଜିରୁତା ହାଗୁଲ୍ଲକଟି ଖେଡ଼ାକିହାଁ ହାଡ଼େକା ଉଜେଡ଼ି

ମେସେସ୍, ଏ ଉଦ୍ଦେଶ୍ଟି ନାଲେ ଅଡେ ନା ତଲେ ହାଜିମାଚାରି ସାରିଖାକି ତଞ୍ଜାଆଡେ । ୧୪ ମାମ୍ବୁ ବାରେଜାଣା ବୁମିତା ତରଗାଲିଏ, ଏହି ହାଡ଼ାତଲେ ନାଲେତାକି ଇ ହାଡ଼ା ଖେଚେସ୍, “ଆଡେ ସାଝୁଲ ଆଡେ ସାଝୁଲ ଏନାଆଁତାକି ନାଲେ ସାସ୍ତି ହାହିମାଞ୍ଜାଦି ? ଏନିକ୍ ତୁକୁ କଡ଼ି ହେରୁ ତନୁଣି ହୁଡୁ ବାଡ଼ଗାତା ଦୟିନେ ଏଲେକିହିଁ ନାନୁ ତାୟୁଖାକି ଦୟାହାଁ ଜାହାରା କଡ଼ାତା ଗାଣ୍ଡି ମାଞ୍ଜି ।” ୧୫ ଏମ୍ବାଟିଏ ନାନୁ ଖେଚେସ୍, “ପ୍ରବୁ ନାନୁ ଆମ୍ବାଆତି ?” ଏଚେଟିଏ ପ୍ରବୁ ଏଲେଇଞ୍ଜାଚେସି “ନାନୁ ଆମ୍ବାଆରାଇଁ ସାସ୍ତି ହାହିମାଞ୍ଜି ନାନୁ ଏ ଜାସୁଚେସ୍ । ୧୬ ସାମା ନିଙ୍ଗାମୁ କଡ଼ାତା ବାଡ଼ୟୁ ହାହାନା ନିମ୍ବୁ, ଇତିହିଁ ନାନୁ ନିଙ୍ଗେ ନା ସେବା କାମା କିହାଲିତାକି ତଞ୍ଜା ଆହାମାଞ୍ଜାଇଁ, ନୀଞ୍ଜୁ ନାନୁ ଏନାଆଁ ମେସାମାଞ୍ଜି ତାୟୁ ନାନୁ ନିଙ୍ଗେ ଏନାଆଁ ତସ୍ତାଇଁ ଏ କାତା ଏଚକା ତାରାଇଁ ସାକି ହାଦି । ୧୭ ଜାହୁଦି ଅଡେ ଜାହୁଦିଆଆତି ଲକୁତାଣା ନାନୁ ନିଙ୍ଗେ ପାଣ୍ଡାଇଁ, ଏଞ୍ଜାରି ତାଣ୍ଡାଟି ନାନୁ ନିଙ୍ଗେ ଗେଲ୍ପାଇଁ । ୧୮ ନିଙ୍ଗେ ଏଞ୍ଜାରି କାଣକା ଦେଚାଲି ଆନେ, ଅଡେ ଏଞ୍ଜାରାଇଁ ଆନେରିଟି ଉଦ୍ଦେଶ୍ଟିତା ଅଡେ ସୟତାନ ପାନ୍ଦାଟି ମାହାପୁରୁ ତାଣା ଖେଚହା ତାନାୟି ଆନେ, ଏନିକ୍ ନା ତାଣା ନାମିନି ତାଣ୍ଡାଟି ସୁଦୁ କିଞ୍ଚି ଆହାନା ଏଞ୍ଜାରି ପାପୁ ମେଣ୍ଡାକିନେ ଅଡେ ମାହାପୁରୁ ଆଡ଼ିତି ଲକୁ ବିତ୍ରା ଏଞ୍ଜାରି ଚାୟୁ ବେଟାଆନେରି ।”

ପାଝୁଲ ତାନି କାମାତି ଖେହନାୟି

୧୯ “ରାଜା ଆଗ୍ରିପା, ଏ ଲାକପୁରୁଟି ମେସାଣି ନାନୁ ଉରାଆଚେସ୍, ୨୦ ତଲିଏ ଦମେସକତା ଇଞ୍ଜା ଜିରୁସାଲମତି ଲକୁତାଣା ତାୟୁ ଜାହୁଦା ରାଜିତି ବାରେ ନାସକାଣାଁ, ଅଡେ ଜାହୁଦିଆଆତି ଲକୁତାଣା ଜିକେଏ ଖେକ୍‌ହେସ୍, ଏନିକ୍ ଏଞ୍ଜାରି ମନ ଖେଚହାନା ମାହାପୁରୁ ତାଣା ଖାନେରି, ଇଞ୍ଜା ଏଞ୍ଜାରି ମନ ଖେଚହା କଡ଼ାମାନେରି, ଏଦାଆଁ କାମାତା ତହ୍‌ନେରି । ୨୧ ଏଦାଆଁତାକି ନାନୁ ମାହାପୁରୁ ଇଲୁତା ମାଚାଟି ଜାହୁଦିୟାଁ ନାଲେ ଆସାନା ପାୟାଲି ଅଣ୍ଡପି ମାଞ୍ଜାଚେରି । ୨୨ ସାମା ନୀଞ୍ଜୁପାଚେକା ମାହାପୁରୁ ନାଲେ ସାୟେମି କିହାମାଞ୍ଜାନେସି, ଏଦାଆଁତାକି ନୀଞ୍ଜୁ ନାନୁ ଉଣା କାଜାରି ବାରେତି ନକିତା ସାକି ହାହାଲି ନିଚାମାଇଁ । ମାହାପୁରୁ ଅଣ୍ଡପୁତି ବଲୁ ଖେହନାରି ଅଡେ ମସା ଏନାଆଁ ଆନେ ଇଞ୍ଜା ଖେସାମାନେସି ନାନୁ ଏ କାତା ଖେସିମାଇଁ, ୨୩ ଇତିହିଁ ମସିହା ସାଚେଏ ଦୁକୁ ବେଟାଆହାନା ହାଡ଼ାରି ବିତ୍ରାଟି ତଲିଏ ନିଙ୍ଗାନା ଜାହୁଦି ଲକୁ ଇଞ୍ଜା ଜାହୁଦିଆଆତି ଲକୁ ନକିତା ଗେଲ୍ପିନି ଉଦ୍ଦେଶ୍ଟି ତହ୍‌ନେସି ।”

୨୪ ପାଝୁଲ ଇଲେକିହିଁ ତାନି ଖାକିଟି ଜଲିମାଚାଟି ପେସ୍ତସ୍ କାଜା ଗିୟାଁତଲେ ଏଲେଇଚେସି, “ପାଝୁଲ ନାନୁ ବାୟା ଆଡ଼ି; ଗାଡ଼ି ଜାପିତାକି ନାନୁ ବାୟା ଆହାମାଞ୍ଜି ।”

୨୫ ସାମା ପାଝୁଲ ଏଲେଇଚେସି, “ଏ ମାନ୍‌ଗାଟି ପେସ୍ତସ୍ ନାନୁ ବାୟା ଆହାହିଲଅଁ; ସାମା ନାନୁ ଏନାଆଁ ଜଲିମାଇଁ ଏଦି

ସାତା, ତୀରି ବୁଦିତଲେ ଖେସିମାଇଁ । ୨୬ ରାଜା ଆଗ୍ରିପା ନାନୁ ଇ ବାରେ ପୁଞ୍ଜାମାନାକି, ନାନୁ ନୀ ନକିତା ସାସାତଲେ କାତା ଜଲିମାଇଁ, ନାନୁ ସାଚେଏ ନାମିମାଇଁ, ଇ ବାରେ ନାନୁ ପୁନାଆରେଚୁ ଆହା ହିଲେଏ; ଅଡେ ଇ ବାରେ କାତା ତରୁନା ମେଣେଏ ଆହାହିଲେଏ । ୨୭ ଏ ରାଜା ଆଗ୍ରିପା, ନାନୁ ମାହାପୁରୁ ଅଣ୍ଡପୁତି ବଲୁ ଖେହନାରି କାତା ନାମିମାଞ୍ଜି କି ? ହାଅ ନାନୁ ନାମିମାଞ୍ଜି ଇଞ୍ଜା ନାନୁ ପୁଞ୍ଜାମାଇଁ ।”

୨୮ ଆଗ୍ରିପା ପାଝୁଲଇଁ ଏଲେଇଚେସି, “ନାନୁ ନାଲେ ଗାଡ଼େକେଏ କ୍ରାସ୍ତାନା କିଇଁ ଇଞ୍ଜା ଅଣ୍ଡପିମାଞ୍ଜାଦି ?”

୨୯ ପାଝୁଲ ଏଲେଇଚେସି, “ଗାଡ଼େକା ତାକି ଆପେ କି ଗାଡ଼ିତାକି ଆପେ ମାହାପୁରୁ ତାଣା ଇଚେକେଏ ନା ପ୍ରାତାନା, ନାନୁ, ଅଡେ ଏଚେରଜାଣା ନୀଞ୍ଜୁ ନା କାତା ଖେଞ୍ଜିମାନେରି, ବାରେଜାଣା ନାଲେହେଁ ଆପେରି ସାମା ନାଲେହେଁ ହିକ୍‌ଣିୟାଁ ତଲେ ଦସ୍‌ପି ଆପେରି ଇଞ୍ଜା ନାନୁ ଖେସିମାଞ୍ଜିଅଁ ।”

୩୦ ଏଚେଟିଏ ରାଜା, ସାଲ୍‌ଖି କିନାସି ଅଡେ ବନିକି ଇଞ୍ଜା ଏଚକାତାରି ବାରେ ହାଜାଲି ନିଙ୍ଗିଚେରି, ୩୧ ଏଞ୍ଜାରି ହାନିବେଲ୍‌ମାତା ତାମ୍ବୁ ତାମ୍ବୁସୁ ଜଲ୍‌କି ଆଚେରି, “ଇ ମାଣ୍ଡସି ଇଲେତି ଏନି କାମା କିହାହିଲଅସି ଏନାଆଁତାକି ଏଞ୍ଜାସି ଦସ୍‌ପି ଆନେସି କି ପାୟୁଞ୍ଚି ଆନେସି ।” ୩୨ ଅଡେ ଆଗ୍ରିପା ପେସ୍ତସ୍‌ଇଁ ଏଲେଇଚେସି, “ଇ ମାଣ୍ଡସି କାୟିସର ତାଣା ନାହାଁୟି କିଞ୍ଚିଆୟାଲି ବାତିମାଲ୍‌ଆତିହିଁ ମା ମାମ୍ବୁ ଏଞ୍ଜାଣାଇଁ ପିସାଲି ଆଡ଼ିଚମିମା ।”

୨୭

ପାଝୁଲ ସାମ୍‌ଦୁରିଟି ରମ୍‌ତା ହାନାୟି

୧ ମାମ୍ବୁ ଲଗାଲି ଦେସାତା ଏୟୁ ଜାଜା ତଲେ ହାଜାଲି ତୀରି କିଞ୍ଚିଆଡ଼ି ତାୟୁ ପାଝୁଲ ଅଡେ ଏଚେରଜାଣା କାୟିଦିତା ମାଚାରାଇଁ, ରାଜାତି କସକା ଜୁଲିୟସ୍ ଦରୁଗାଟି ପାସାକଡ଼ି କସକା ମୁହେଁ କାଜାଣି କେୟୁତା ହେଚପିଚେରି । ୨ ଏମ୍ବାଟିଏ ମାମ୍ବୁ ଆସିୟା ଦେସାତି ଏଚକା ଏଚକା ଚାୟୁତା ହାନି ଏୟୁ ଜାଜା ନିନି ଚାୟୁଟି ଆଦ୍ରାମୁତିୟ ଜାଜାତା ହଡ଼ମି; ଇଞ୍ଜା ମାକିଦନିୟା ଦେସାତି ତେସଲନିକି ଗାଡ଼ାତି ଆରିସ୍ତାର୍କ ମା ତଲେ ମାଚେସି । ୩ ତାନି ଅଚ୍ ନେଚୁ ମାମ୍ବୁ ସିଦନତା ଏଗାତମି, ଅଡେ ଜୁଲିୟସ୍ ପାଝୁଲଇଁ କାର୍ମା ଆହାନା ତାନି ତଣେସିଙ୍ଗା ତାଣା ହାଜାନା ଲଡ଼ାମାନାଣି ସେବା ବେଟାଆହାଲି ହେଲ ହାଚେସି । ୪ ଏମ୍ବାଟି ଜାଜାତା ହଡ଼ାମାଚାଟି ମା ଖାକି ଗାଲି ଖେଚାଲିଏ ମାମ୍ବୁ କୁପ୍ର ଦାରି ଦାରିଟି ହାଚମି, ୫ କିଲିକିୟା ଅଡେ ପଂପୁଲିୟା ନକିତା ମାନି ସାମ୍‌ଦୁରି ଗାଣ୍ଡଗାନା ଲୁକିୟାତି ମୁରାତା ଖାଡ଼ମି । ୬ ଏମ୍ବାଆଁ ପାସାକଡ଼ି କସକା ମୁହେଁ କାଜାସି, ଇଟାଲିତା ହାଜିମାନି ର ଆଲେକଜାଣ୍ଡିୟା ଏୟୁ ଜାଜା ବେଟାଆହାନା ମାଲେ କୁଗି କିୟାଚେସି ।

୭ ତାୟୁ ହାରେକା ଦିନାତାକି ଦୀରେ ଦୀରେ ହାଜାନା କସ୍ତଲେ କ୍ରିଦ ଗାଡ଼ା ତାଗେ ହାଚମି । ନକିତି ଗାଲି ମାଲେ ନକିତା ହାଜାଲି ହିୟାଆଲିଏ ସାଲ୍‌ମନିତି ଅଚ୍‌ଖାକି

☆ ୨୭:୨୩ ୨୭:୨୩ ୧କର ୧୫:୨୦

କ୍ରିତି ଦାରି ଦାରିଟି ହାଚମି । ୮ ଅଡ଼େ କସ୍ତଲେ ଗାଟୁ ଗାଟୁଟି ହାଜାନା “ଅକ୍ରିତି ବାନ୍ଦା” ଇନି ଟାୟୁତା ହାଚମି, ଏଡ଼ି ଲାସାୟା ଗାଟାତି ତାଗେ ମାଚେ ।

୯ ଇଲାଆହୁଁ ହାରେକା ଦିନା ଆହାହାଚେ, ଇଞ୍ଜା ସାମଦୁରିଟି ହାନାୟି କସ୍ତ ଆହାହାଚେ, ଇଚିହୁଁ ଏଚିବେଲା ଉପାସା ପାରୁଁ ରାହାମାଚେ, ଏଦାଆଁତାକି ପାଞ୍ଜୁଲ ଜାଗ୍ରାତା କିହାନା ଏଲେଇଚେସି । ୧୦ “ବାବୁୟାଁତେରି ଇ ସାମଦୁରିଟି ହାନାଟି ଜାଜାତି ଆସ୍ତି ଅଡ଼େ ଏୟୁ ଜାଜା ନସ୍ତ ଆନେ ଏଡ଼ି ଆଏ, ସାମା ଜାଜାତା ହାଜିମାନାରି ଜୀଞ୍ଜୁ ଜିକେଏ ନସ୍ତ ଆନେ ନାନୁ ପୁଞ୍ଜିମାଇଁ ।” ୧୧ ସାମା ପାସାକଡ଼ି କସ୍ତକା ମୁହେଁ କାଜାସି, ପାଞ୍ଜୁଲତି କାତା କିହାଁ ଜାଜାତି ସାଲୁଞ୍ଜି କିନାଣାଇଁ ଇଞ୍ଜା ସାଞ୍ଜୁକାରି କାତାତି ହାରେକା ନାମିତେସି । ୧୨ ଇ ବାନ୍ଦାତା ପେନିଞ୍ଜେଡ଼ା ତୟାଲି ନେହେଁ ହିଲାଆଚେ, ଇଦାଆଁତାକି ଜାଜାତା ହାଜିମାଚାରି ହାରେକା ସାମଦୁରିଟି ହାଜାନା ପିନିକସ୍ତା ପେନିବେଲା ରାପୁହାଲି ଅଣ୍ଡପିମାଚେରି, ଏ ପିନିକସ୍ତ କ୍ରିତିତି ର ଜାଜାୟାଁ ନିନି କାଜା ଟାୟୁ ମାଚେ, ଏଡ଼ି ଞ୍ଜେଡ଼ା କୃତ୍ତନି ଟିଃନିଞ୍ଜାକି ଅଡ଼େ, ଞ୍ଜେଡ଼ା କୃତ୍ତନି ଚେବୁଞ୍ଜାକି ମୁମ୍ବୁ କିହାମାଚେ ।

ସାମଦୁରିତା ଗାଲି ପିୟୁ

୧୩ ଏଚିବେଲା ଟିଃନି ଞ୍ଜାକିତି ଗାଲି ଦୀରେ ଦୀରେ ଞ୍ଜାଡ଼େ, ହାଜିମାଚାରି ନୀଏଚି ମା ଅଣ୍ଡପିମାଚି ଲେହେଁ ଆଡ଼େ ଇଞ୍ଜୁଁ ଅଣ୍ଡପିତେରି, ଜାଜା ନିପହାମାଚି କାଜା ଲହୁତି ରେଜାନା କ୍ରିତିତି ଗାଟୁ ଗାଟୁଟି ହାଜାଲି ମାଟୁହେରି, ୧୪ ସାମା ଗାଡ଼େକା ହାଜାଲିଏ ଇୟୁରକଞ୍ଜିଲ ଇନି ଆଜିହପେତି କାଜା ଗାଲି ଞ୍ଜେଡ଼ା ହନି ଚେବୁଁ ଞ୍ଜାକିତି ହଚାନା ଜାଜା ମାଚିଞ୍ଜାକି ଞ୍ଜାଡ଼େ । ୧୫ ଗାଲି ଜାଜାତି ଞ୍ଜେଚାଲିଏ, ଜାଜାତି ଗାଲିଞ୍ଜାକି ଅୟାଲି ଆଡ଼ାଆନା ଜାଜାତି ଗାଲି ତଲେ ଅଞ୍ଜିଆୟାଲି ପିସ୍ତମି । ୧୬ ମାମ୍ବୁ ଖୁଞ୍ଜୁଦାତି ସାମଦୁରି ମାଦି ମାନି ଉଣା ବୁମିତି ଜମିନି ଟାୟୁ ବେଟାଆଡ଼ମି । ଏମ୍ବାଟି ହାରେକା କସ୍ତଟି ଏୟୁ ଜାଜାତି ଉଣା ତଂଗ ତଲେ ଗେଲ୍ପି ଆଡ଼ମି । ୧୭ ଜାଜା ସାଲୁଞ୍ଜି କିନାରି ଏଦାଆଁ ଜାଜା ଲାକ ଅଡ଼ି ତାୟୁ ଡ଼ର୍କା ତଲେ ଜାଜା ସାରିସ୍ତୁରୁ ଦସ୍ତେରି, ଇଞ୍ଜା ଜାଜା ଲିବିୟାତି ସୁରତି ଇନି ବାଃଲି ତିବାତା ଗୁପିନେ ଇଞ୍ଜୁଁ ଆଜିତାକି ଜାଜା ସାଲୁଞ୍ଜି କିନାରି ଜାଜାତା ଗଞ୍ଜାମାଚି ହିମ୍ବୁରିକା ହୁକହାନା ଜାଜାତି ଗାଲି ତଲେ ସାମଦୁରି ବିତ୍ରା ତୟାଲି ପିସ୍ତେରି । ୧୮ କାଜା ଗାଲି ପିୟୁ ତାକି ହାରେକା କସ୍ତ ଆହାଲିଏ ତାନି ଅର ନେଚୁ ଜାଜାତି ସାଲୁଞ୍ଜି କିନାରି ଜାଜାତା ମାଚି ଆସ୍ତି ସାମଦୁରିତା ମେଡ଼ହାଲି ମାଟୁହେରି, ୧୯ ଅଡ଼େ ତାନିଦିନା ନେଚୁ ଏଞ୍ଜାରି ତାନି ଜାଜାତି କଚେକା କାଣ୍ଡା ମୁଣ୍ଡା ଏୟୁଣାଁ ମେଡ଼ହେରି । ୨୦ ହାରେକା ଦିନା ପାଚେକା ଞ୍ଜେଡ଼ା କି ହୁକାୟାଁ ମେସାଲି ଆଡ଼ାଆଡ଼ମି, ଅଡ଼େ ହାରେକା ଗାଲି ପିୟୁ ପିହୁଆଲିଏ ମାମ୍ବୁ ଇମ୍ବାଟି ଗେଲ୍ପିଆନି ଆସା ପିସାତୁସ୍ତମି ।

୨୧ ବାରେଜାଣା ହାରେକା ଦିନା ପାଚେକା ରାନ୍ଦା ତିନାଆନା ତୟାତି ତାୟୁ, ପାଞ୍ଜୁଲ ଏଞ୍ଜାରି ବିତ୍ରା ନିଚାନା ଏଲେଇଚେସି, “ବାବୁୟାଁ ନା କାତା ଆସାନା କ୍ରିତିଟି ସାମଦୁରି ଜାଜା ହୁକହା ହିଲାଆଡ଼ିହୁଁ ମାଦି ଏନାୟିଞ୍ଜା ନସ୍ତ

ଆଆଡ଼େମା । ୨୨ ସାମା ନୀଏଁ ନାନୁ ମିଙ୍ଗେ ଞ୍ଜେସିମାଞ୍ଜାଇଁ, ସାସା ଆହୁଦୁ, ଇଚିହୁଁ ମୀ ବିତ୍ରା ଆମ୍ବାଆରି ଜୀଞ୍ଜୁ ଜିକେଏ ନାସା ଆଏ; ଞ୍ଜାଉଇ ଜାଜାଦେ ନସ୍ତ ଆନେ । ୨୩ ଇଚିହୁଁ ନାନୁ ଏମିନି ମାହାପୁରୁତି ସେବା କିହିମାଇଁ, ନୀଞ୍ଜୁ ଲାଆଁୟାଁ ଏଞ୍ଜାଣି ର ଲାକପୁରୁତି ଦୃତୁ ନା ତାଗେ ଞ୍ଜାହାନା ଏଲେଇଞ୍ଜାଚେ, ୨୪ ଏ ପାଞ୍ଜୁଲ “ଆଜାଆନି; ନୀନୁ ସାଲୁଞ୍ଜି କିନି କାୟିସର ନକିତା ନିନାୟି ମାନେ, ମାହାପୁରୁ ନିଙ୍ଗେ କାର୍ମା ଆହାମାଞ୍ଜାନାକି ନୀ ତଲେ ଞ୍ଜାହିମାନି ବାରେଡ଼ି ଜୀଞ୍ଜୁ ଏଞ୍ଜାସି ଗେଲ୍ପିନେସି ।” ୨୫ ଏଦାଆଁତାକି ଏ ବାବୁୟାଁତେରି ସାସା ଆହୁଦୁ ଇଚିହୁଁ ନାନୁ ମାହାପୁରୁ ତାଣା ନା ନାମୁ ମାନେ, ନାଙ୍ଗେ ଏନିକିଁ ଞ୍ଜେସ୍ପି ଆହାମାନେ, ଏଲେଆହୁଁଏ ଆନେ । ୨୬ ସାମା ମାଙ୍ଗେ ର ସାମଦୁରି ମାଦିଏ ମାନି ଦେସାତା ଏଗାହାନାୟି ମାନେ ।”

୨୭ ଇଲେକିହୁଁ ମାମ୍ବୁ ଆଦିଆ ସାମଦୁରି ଇତାଲା ଆତାଲା ଆହୁଁ ରୀ ଞ୍ଜାଉ ଆୟାଲିଏ, ମାଦି ଲାଆଁୟାଁ ଜାଜା ସାଲୁଞ୍ଜି କିନାରି ର ବୁମି ଦାରିତା ଏଜିମାନାୟି ଇଞ୍ଜୁଁ ଅଣ୍ଡପିମାଚେରି । ୨୮ ଏମ୍ବାଟିଏ ଏଞ୍ଜାରି ଏୟୁଣି ଲାଟାଲିଏ ପନ୍ଦର ହାତା ଏୟୁ କୃତ୍ତହା ମାଟୁ, ଇଞ୍ଜା ଅଡ଼େ ନକିତା ହାଜାନା ଞ୍ଜେଣ୍ଡେ ଲାଟାଲିଏ ଏଗାର ହାତା ଏୟୁ କୃତ୍ତହା ମାଟୁ । ୨୯ ମାଟୁ ହାଜାନା ଜାଜା ଞ୍ଜାଲକା ବୁମିତା ଗୁପିକିନାୟି ଇଞ୍ଜୁଁ ଅଣ୍ଡପାନା ଆଜିତାକି ଏଞ୍ଜାରି ଜାଜାତି ତାୟୁଞ୍ଜାକି ସାରିଗଟା ବଜୁ ଗାଟି ଲହୁ ମୁଣ୍ଡାୟାଁ ରେପହାନା ଏଚେଲା ଞ୍ଜେୟିନେ ଇଞ୍ଜୁଁ ପ୍ରାତାନା କିହିମାଚେରି । ୩୦ ଇଞ୍ଜା ଜାଜାତି ସାଲୁଞ୍ଜି କିନାରି ଜାଜାଟି ରେଚାନା ହଟାତୁସାଲି ଅଣ୍ଡପାନା ନାଡ଼ିକିହାଁ ଜାଜାତି ନକିଞ୍ଜାକି ଲହୁ ମୁଣ୍ଡାୟାଁ ରେପନି ଲେହେଁ ଉଣା ତଂଗତି ସାମଦୁରିତା ରେପହେରି । ୩୧ ସାମା ପାଞ୍ଜୁଲ ପାସାକଡ଼ି କସ୍ତକା ମୁହେଁ କାଜାଣାଇଁ ଇଞ୍ଜା କସ୍ତକାଣି ଏଲେଇଚେସି, “ଜାଜା ସାଲୁଞ୍ଜି କିନାରି ଜାଜାତା ମାନାଆଡ଼ିହୁଁ ମୀରୁ ଗେଲ୍ପିଆନି ଆସା ହିଲେଏ ।” ୩୨ ଏମ୍ବାଟିଏ ଜାମାନାଙ୍ଗା ଉଣା ତଂଗତି ଡ଼ର୍କା ଦାଚାନା ସାମଦୁରିତା ପିସ୍ତେରି ।

୩୩ ଲାକ ଜୁଲୁପୁଲୁ ଞ୍ଜେୟି ମାଚାଟି ପାଞ୍ଜୁଲ ଏଞ୍ଜାଉଇଁ ଏନି ରାନ୍ଦା ମାଚିହୁଁ ତିଞ୍ଜାଲି ବାସୁଁ ହୀହାନା ଏଲେଇଚେସି, “ନୀଞ୍ଜୁଟିଏ ରୀ ଞ୍ଜାଉ ଆଡ଼େ ମୀରୁ ଏନାଆଁ ତିନାଆନାହାଁ ହାକିଟିଏ ମାଞ୍ଜାମାଞ୍ଜେରି । ୩୪ ବାଡ଼ିମାଲିମାଞ୍ଜାଇଁ, ନୀଏଁ ଇଚାଣି ତିଞ୍ଜୁ, ମୀ ଜୀଞ୍ଜୁ ଗେଲ୍ପାଲିତାକି ତିନାୟିମାନେ, ଆଜାଆଦୁ, ମୀ ତାର୍କାତି ର ବାଣା ଜିକେଏ ନାସା ଆଏ ।” ୩୫ ପାଞ୍ଜୁଲ ଇ ବାରେ କାତା ଜଲାନା ରୁଟି ଆସାନା ବାରେଜାଣା ନକିତା ମାହାପୁରୁଇଁ ଜହରା କିହାନା ରୁଟି ତିକହାନା ତିଞ୍ଜାଲି ମାଟୁହେସି । ୩୬ ଏମ୍ବାଟିଏ ଏଞ୍ଜାରି ବାରେଜାଣା ବାସୁଁ ବେଟାଆହାନା ବାରେଜାଣା କାଦି ତିଚେରି । ୩୭ ମାମ୍ବୁ ଜାଜାତା ରୀ ଞ୍ଜାଞ୍ଜା ତାନିକଡ଼ି ସଡ଼ ଜାଣାତମି ମାଚମି । ୩୮ ଏଞ୍ଜାରି ପାଞ୍ଜେ ତିତି ତାୟୁ ଜାଜାତି ବଜୁ ଉଣା ଆପେଞ୍ଜା ଇଞ୍ଜୁଁ ଜାଜାତି ବାରେ ଗହୁଁୟାଁ ସାମଦୁରିତା ମେଡ଼ହେରି ।

ଜାଜା ତାନାୟି

୩୯ ଅର ନେରୁ ଲାଜ ଝେୟାଲିଏ ଏଞ୍ଜରି ଏମିନି ଦେସାତି ଟାୟୁତା ଖାତେରି ପୁଞ୍ଜାଲି ଆଡାଆତେରି, ସାମା ଏଞ୍ଜରି ଗାରୁ ଦାରି ର ବାଝଲି ଟାୟୁ ମେସାନା ଏନିକ୍ ଜିକେଏ ଏମ୍ବାଆଁ ଜାଜାତି ନିପହାଲି ଅଣ୍ପିତେରି । ୪୦ ଏଦାଆଁତାକି ଏଞ୍ଜରି ଲହ ମୁଣ୍ଡାୟିତି ଡର୍କା ଦାତାନା ସାମଦୁରିତା ମୁଞ୍ଜାଲି ପିସ୍ତେରି, ଇଞ୍ଜା ଦେବୁଣିଏ ଏୟୁ ଜାଜାତି ହାଟଞ୍ଜା ବାଡ଼ଗାୟିତି ଡର୍କା ବାରେ ହୁକହାନା ଜାଜା ନକିତା ଗାଲିଞ୍ଜାକି ହିମ୍ବରିକା ଗଞ୍ଜାନା ଗାରୁଞ୍ଜାକି ହାଜାଲି ଅଣ୍ପିତେରି । ୪୧ ସାମା ଏଞ୍ଜରି ରୀ ସାମଦୁରିକା କାଲ୍ଡି ଆହିମାନି ଟାୟୁତା ଏଜାଲିଏ ଜାଜା ସାମଦୁରି ଗାରୁତି ର ବାଝଲି ତିବାତା ଗୁପିତେ, ଜାଜାତି ନକି ଖାକିତାୟି ଜାଣାନା ଡୟାହାତେ, ସାମା ଡାୟୁତାୟି ସାମଦୁରିତି ଏୟୁ ଉଣ୍ଡାୟି ଗୁପାଲିଏ ତୀହାଲି ମାଟହେ ।

୪୨ କାୟିଦି ଗାଟାରି ସାମଦୁରି ଗାରୁତି ପରହ୍ ପରହ୍ ହଣ୍ଡନେରି ଇଞ୍ଜି ଅଣ୍ପପାନା କସ୍କା ଏଞ୍ଜରାକ୍ ପାୟାଲି ଅଣ୍ପିତେରି । ୪୩ ସାମା ପାସାକଡ଼ି କସ୍କା ମୁହେଁ କାଜାସି ପାଞ୍ଜୁଲକ୍ ଗେଲପାଲି ମନ୍ କିହାନା, ଏଞ୍ଜରି ଅଣ୍ପପୁତି କାହି କିହାନା ଏଲେଇଞ୍ଜି ହୁକୁମି ହୀତେସି, ଆମ୍ବାଆସି ପରହାଲି ପୁନାସି ଏଞ୍ଜାସି ସାମଦୁରିତା ତେଞ୍ଜାନା ତଲିଏ ଗାରୁତା ହାଲାପେରି; ୪୪ ଡୟାମାନାରି ଜାଜାତି ମାରକା ପାଟାୟି ଇଞ୍ଜା ଏନି ଏନି ତୀତି ମୁକାୟି ଆସାନା ହାଲାପେରି ଇଞ୍ଜାଲିଏ, ଇଲେକିହ୍ ବାରେଜାଣା ନେହ୍ ଆହ୍ ଗାରୁତା ଏତେରି ।

୨୮

ମେଲିତି ଦେସାତା ପାଞ୍ଜୁଲ

୧ ମାମ୍ବୁ ଏମ୍ବାଟି ଗେଲପିଆଡ଼ି ଡାୟୁ ସାମଦୁରି ମାଦି ମାନି ଟାୟୁ ମେଲିତି ଇଞ୍ଜିହ୍ ପୁତମି । ୨ ଏମ୍ବାଆଁ ବାସାଆହାମାନି ପାଙ୍ଗାତି ଲକୁ ମାଙ୍ଗେ ତରେସିଙ୍ଗା ଲେହେଁ କାର୍ମା ଆୟାତେରି, ଇଚିହ୍ ପିୟୁ ଇଞ୍ଜା ପେନି ଆହିମାଟାକି ଏଞ୍ଜାରି ମାଙ୍ଗେ ହିରୁ ତାସାନା କେରଞ୍ଜାଲି ହିୟାତେରି । ୩ ସାମା ପାଞ୍ଜୁଲ ର ପେଣ୍ଡା ଝେସ୍କା ହିରୁତା କୁମ୍ବାଲିଏ, ଉସମି ତାକି ର ରାରୁ ହଟାନା ପାଞ୍ଜୁଲ କେୟୁତା କାଟାହାଁ ଆଟା ଡୟିତେ । ୪ ଏମ୍ବାଆଁ ବାସା ଆହାମାଟି ପାଙ୍ଗାତି ଲକୁ ପାଞ୍ଜୁଲ କେୟୁତା ଏ ରାରୁ ଲେଜା ମାନାଣି ମେସାନା ତାମ୍ବୁ ତାମ୍ବୁ ଝେସ୍ପି ଆଡେରି, “ଇ ମାଣସି ସାତେଏ ଲକୁଣି ପାୟିନାସି, ସାମଦୁରିତି ଗେଲହାଲିଏ ଜିକେଏ ଦାମ୍ବୁ ନୀତାଲି ହାହି ହିଲେଏ ।” ୫ ସାମା ପାଞ୍ଜୁଲ ଏ ରାରୁତି ହିରୁତା ହାଣ୍ଡାନ୍ନା ମେଡହା ତୁସ୍ତେସି, ଇଞ୍ଜା ଏଞ୍ଜାଣାକି ଏନି ନସ୍ ଆଆତେ । ୬ ଏଞ୍ଜାଣି ଆଙ୍ଗା ପଙ୍ଗା ହାନେ ଆଆତେ ଦେବୁଣିଏ ହାନ୍ଦେସି ଇଞ୍ଜି କାଟିମାଟେରି; ସାମା ହାରେକା ବେଲା ଆଡ଼ି ଡାୟୁ ଏଞ୍ଜାଣାକି ଏନି ନସ୍ ଆଆତାଣି ମେସାନା ଏଞ୍ଜାରି ତାନି ହିୟାଁ ଝେଟହାନା ଏଲେଇତେରି, “ଇଞ୍ଜାସି ର ମାହାପୁରୁ ।”

☆ ୨୮:୧୯ ୨୮:୧୯ କାମା ୨୫:୧୧

୭ ଏ ଟାୟୁ ତାଗେ ପୁଲ୍ଲିୟ ଦରୁଗାଟି ଏ ଟାୟୁତି କାଜାଣି ଇଲୁ ଅଡେ ବୁମି ମାଟେ; ଏଞ୍ଜାସି ମାଙ୍ଗେ ହାଟା ଅହାନା ତାନିଦିନା ପାତେକା କାର୍ମା ଆହାନା ରାହାଁଟି ସେବା କିୟାତେସି । ୮ ଏତିବେଲାତା ପୁଲ୍ଲିୟ ତାନି ଆଟା ନମେରି ଇଞ୍ଜା ନେତେରି ବାଣ୍ଡି ତାକି ପାସ୍ପପନିତା ତୁରାମାଟେସି, ଇଞ୍ଜା ପାଞ୍ଜୁଲ ତାନି ବାକ୍ରାତା ହାଜାନା ପ୍ରାତାନା କିହାନା ତାନି ଲାକ କେୟୁ ଇଟାନା ନେହ୍ କିତେସି । ୯ ଇଦି ଆଡ଼ି ଡାୟୁ ଏମ୍ବାଆଁ ମାନି ରଗ ଗାଟାରି ବାରେ ପାଞ୍ଜୁଲ ତାଣା ଝାହାନା ନେହ୍ ଆଡେରି; ୧୦ ଏଞ୍ଜାରି ମାଙ୍ଗେ ଜିକେଏ ହାଟେକା ମାନି ତଲେ ଜୀଞ୍ଜୁ ନୟାତେରି, ଅଡେ ମାମ୍ବୁ ହୁଜିମାଟାଟି ମା ଲଡାମାନାଣି ହୀହାନା ପାଣ୍ଡାତେରି ।

ମେଲିତିଟିଏ ରମ୍ବତା ପାଞ୍ଜୁଲ ହାନାୟି

୧୧ ତାନି ଲେଞ୍ଜୁ ଜେଟ ମାମ୍ବୁ ରୁ ଆଲେକ୍‌ଜାଣ୍ଡିୟାତି ଏୟୁ ଜାଜାତା ହଟାନା ହାଟମି, ଏୟୁ ଜାଜା ପେନିବେଲା ହାଲଞ୍ଜେ ଏ ଟାୟୁତା ଡୟାମାଟେ, ଏଦାନି ଦରୁ “ଜାଣ୍ଡା ପେଣ୍ଡାକା,” ଇଞ୍ଜିମାଟେରି । ୧୨ ସୁରାକୁସା ଗାଡାତା ଏଜାନା ଏମ୍ବାଆଁ ମାମ୍ବୁ ତାନିଦିନା ମାଟମି । ୧୩ ଅଡେ ଏମ୍ବାଟି ଏୟୁ ଜାଜା ତଲେ ହାଜାନା ରେଗିୟା ଗାଡାତା ଏତମି, ତାନି ଅର ଦିନା ଟିଞ୍ଜି ଖାକିଟି ଗାଲି ଝେରାଲିଏ ଅଡେ ରୀ ଦିନା ଡାୟୁ ପୁତେଅଲି ଗାଡାତା ଏତମି; ୧୪ ଏମ୍ବାଆଁ ମାମ୍ବୁ ଏତେକା କ୍ରୀସ୍ତାନା ତାୟିୟାଁ ଅଡେ ତାଙ୍ଗିସ୍ତାଣି ବେଟାଆଡ଼ମି, ଏଞ୍ଜାରିତଲେ ର ଝାରା ଡୟାଲି ମାଙ୍ଗେ ବାତିମାଲାତେରି; ଇଲାଆହ୍ ମାମ୍ବୁ ରମ୍ବତା ଏଗାତମି । ୧୫ ରମ୍ବତା ମାନି ତାୟିୟାଁ ଅଡେ ତାଙ୍ଗିସ୍ତା ମା କାକୁ ପୁଞ୍ଜାନା ଏମ୍ବାଟିଏ ଅପିୟତି ହାଟା ଇଞ୍ଜା ତାନିଗଟା ବାଡା ଇଲକା ପାତେକା ମାଙ୍ଗେ ମେସାଲି ଝାଟେରି, ଇଞ୍ଜା ପାଞ୍ଜୁଲ ଏଞ୍ଜରାକ୍ ମେସାନା ମାହାପୁରୁକ୍ ଜହରା କିହାନା ବାସ୍ ବେଟାଆଡେସି ।

ରମ୍ବ ଗାଡାତା ପାଞ୍ଜୁଲ

୧୬ ମାମ୍ବୁ ରମ୍ବ ଏଜାଲିଏ, ପାଞ୍ଜୁଲକ୍ କାଃଆନି କସ୍କା ତଲେ ତାନି ମନ୍‌ତଲେ ବାସା ଆୟାଲି ହେଲ ହୀପକିଆଡେ । ୧୭ ତାନିଦିନା ଡାୟୁ ପାଞ୍ଜୁଲ ଜୀହୁଦିୟାଁତି କାଜାରାକ୍ ହାଟାନା କୃତି କିତେସି, ଅଡେ ଏଞ୍ଜାରି ରୁଣ୍ଡା ଆୟାଲିଏ, ପାଞ୍ଜୁଲ ଏଞ୍ଜରାକ୍ ଏଲେଇଟେସି, “ଏ ଇସ୍ରାୟେଲ ତାୟିୟାଁତେରି ନାନୁ ମା ଲକୁ କପାଟି କି ମା ଆକୁ ଆବାୟାଁତି ପାଣାପାଟୁ କପାଟି ଏଦାଆଁ କିହା ହିଲାଆତି ଜିକେଏ ଜିରୁସାଲମତା ଦସ୍ପି ଆହାନା ରମ୍ବ ଦେସାତି ଲକୁତାଣା ହେର୍ପି ଆହାମାକ୍ । ୧୮ ଏଞ୍ଜାରି ନାଙ୍ଗେ ନୀହାୟି କିହାନା ନା ତାଣାଟି ହାନ୍ତି ଡଣ୍ଡ ପାଣ୍ଡି ଏନି ଦହ ବେଟାଆଆଲିଏ ନାଙ୍ଗେ ପିସାଲି ଅଣ୍ପପାମାଟେରି; ୧୯ ଏସାମା ଜୀହୁଦିଙ୍ଗା ଏଦାଣି କପାଟି ଝେସାଲିଏ ନାନୁ କାୟିସର ନକିତା ନୀହାୟି କିୟାଦୁ ଇଞ୍ଜି ବାତିମାଲିତେଏ; ଏଲେଆଡ଼ି ଜିକେଏ ନାଙ୍ଗେ ମା ଲକୁ କପାଟି ଏନି କାତା ଝେସାଲି ହିଲାଆତେ, ଏଦି ଆଏ । ୨୦ ଏଦାଆଁତାକି ନାନୁ ମିଙ୍ଗେ ନା

ତଳେ ବେଟାଆହାନା ଜଳକି ଆହାଲି ବାତିମାଲୀତେଏଁ, ଏନାଆଁତାକି ଇଚିହଁ ଆମ୍ବାଆରି ଲାକ ଇସ୍ତାୟେଲ ଲକୁ ବାସୁ କିହାମାନେରି, ଏଞ୍ଜାରି ତାକି ନାନୁ ନୀଞ୍ଜୁ ଇ ହିକ୍‌ଶିୟାଁ ତଳେ ଦସ୍‌ପି ଆହାମାଲ୍ ।”

୨୧ ଏଞ୍ଜାରି ଏଲେଇରେରି, “ମାମ୍ବୁ ଜୁହୁଦା ଦେସାଟି ନୀ କପାଟି ଏନି ଆକୁ ବେଟାଆହା ହିଲଅମି, ଅଡ଼େ ନୀ କାବୁ ଆସାନା କି ନୀ କପାଟି ଦହୁ ଦସାନା ଖେସାଲି ମା ତାୟିୟାଁ ବିତ୍ରାଟି ଆମ୍ବାଆରି ଇମ୍ବାଆଁ ଖାହାହିଲଅରି । ୨୨ ସାମା ନୀ ଅଣ୍‌ପୁ ଏନାୟି ଏଦାଆଁ ମାମ୍ବୁ ନୀ ତାଣାଟି ଖେଞ୍ଜାଲି ମନ କିହିମାନମି, ଇଚିହଁ ବାରେଖାକିତି ଲକୁ ଇ ଗତି କପାଟି କାତା ଖେସିମାନେରି ଇଞ୍ଜାଁ ମାମ୍ବୁ ପୁଞ୍ଜିମାନମି ।”

୨୩ ଏରେଟିଏ ଏଞ୍ଜାରି ର ଦିନା ତୀରି କିହାନା ହାରେକା ଲକୁ ପାଞ୍ଜୁଲ ମାଟି ଇଲୁତା ଖାଡ଼େରି, ଅଡ଼େ ଏଞ୍ଜାସି ଲାଲଟିଏ ଲାଆଁ ପାଡେକା ଏଞ୍ଜାରି ନକିତା ମାହାପୁରୁତି ରାଜିତି କାତାତାକି ସାକି ହାତେସି, ଅଡ଼େ ମସାତି ମେରା ଇଞ୍ଜାଁ ମାହାପୁରୁ ଅଣ୍‌ପୁତି ବଲୁ ଖେହନାରି କାତା ଆସାନା ଏଞ୍ଜାସି ଜୀସୁଲ୍ ନାମି କିଞ୍ଜି କିୟାଲି ଅଣ୍‌ପିତେସି ।

୨୪ ଏମ୍ବାଟିଏ ଆମ୍ବା ଆମ୍ବାଆରି ତାନି ଖେସ୍ତି କାତାତି ନାମିତେରି ଇଞ୍ଜାଁ ଆମ୍ବା ଆମ୍ବାଆରି ନାମାଆତେରି । ୨୫ ଏ କାତାତାକି ଏଞ୍ଜାରି ତାନି ବିତ୍ରା ରଣ୍ଡିଏ କାତା ଆଆଲିଏ ହେଲ ଅଡ଼େରି; ଏଞ୍ଜାରି ହାନି ନଡ଼କଏ ପାଞ୍ଜୁଲ ର କାତା ଖେସ୍ତେସି, “ସୁଦୁଜୀଞ୍ଜୁ ମୀ ଆକୁ ଆବାୟାଁଣି ମାହାପୁରୁ ଅଣ୍‌ପୁତି ବଲୁ ଖେହନି ଜିସାୟ ତାଣାଟି ଖେସାମାରେସି ।”

୨୬ ଏଞ୍ଜାସି ଏଲେଇଞ୍ଜି ମାନେସି, “ଇ ଲକୁତାଣା ହାଜାନା ଖେହମ୍ବୁ,

ମୀରୁ ଖେଞ୍ଜିଖେଞ୍ଜି ଖେଞ୍ଜେରି, ସାମା ଏନାଆଁ ତେଲହଅ ତେରି,

ଇଞ୍ଜାଁ ମୀରୁ ମେସି ମେସି ମେହ୍‌ଦେରି, ସାମା ଏନାଆଁ ପୁଞ୍ଜାଲି ଆଡ଼ଅତେରି,

୨୭ ଇଚିହଁ ଇ ଲକୁ ହିୟାଁତା ଡ଼ଣା ବୁଦିଗାଟାରି,

ଏଞ୍ଜାରି ଜାହା ଜାହାରା କୀକା କାଣ୍‌କା ମୁତା କତାମାନେରି,

ଏଲେଆହାଁ ହିଲାଆତିହଁ ମା,

ଏଞ୍ଜାରି କାଣ୍‌କା ଦେତାନା ମେସାଲି ଆଡ଼ିତେରିମା,

ଅଡ଼େ କୀକା ତଳେ ଖେଞ୍ଜାଲି ଆଡ଼ିତେରିମା ।

ଏଞ୍ଜାରି ହିୟାଁତା ତେଲହାଲି ଆଡ଼ିନି ବାଡ଼ୁଲୁ ଡ଼ୟିତେମା;

ଏଞ୍ଜାରି ମାହାପୁରୁ ଖାକି ଖେଣ୍ଡା ଖାଡ଼େରିମା,

ଅଡ଼େ ନାନୁ ଏଞ୍ଜାରାଲ୍ ନେହଁ କିତେଏଁମା ।”

୨୮ ତାୟୁ ପାଞ୍ଜୁଲ ଏଲେଇରେସି, “ଏଦାଆଁତାକି ମାହାପୁରୁତି ଇ ଗେଲ୍‌ପିନାଣି ଏଟକା କୁଡ଼ାତି ଲକୁତାଣା ପାଣ୍ଡି ଆହାମାନେ, ଇଦାଆଁ ମୀରୁ ପୁଞ୍ଜୁ; ଏଞ୍ଜାରି ଜିକେଏ ଖେନେରି ।” ୨୯ ପାଞ୍ଜୁଲ ଇ ବାରେ କାତା ଖେସାଲିଏ, ଜୀହୁଦିୟାଁ ତାମ୍ବୁ ତାନି ବିତ୍ରା ବାଡ଼ିବାଦା ଆହଁ ହାରେରି* ।

* ୨୮:୨୯ ୨୮:୨୯ ଇ କାତା ପୁଞ୍ଜି ପଡ଼ିତା ହିଲେଏ ।

୩୦ ପାଞ୍ଜୁଲ ରୀ ବାର୍ଯା ପାଡେକା ତାନି ବାଡ଼ା ଇଲୁତା ଡ଼ୟିତେସି, ଅଡ଼େ ଏରେକା ଲକୁ ଏଞ୍ଜାଣି ତାଣା ଖାହିମାରେରି, ବାରେତି ଇଜ ହାଟା ଅହିମାରେସି । ୩୧ ଇଞ୍ଜାଁ ସାସାତଳେ ନୀରାସା ଆଆନା ମାହାପୁରୁ ରାଜିତି କାତା ଖେସିମାରେସି, ଇଞ୍ଜାଁ ପ୍ରବୁ ଜୀସୁ କ୍ରୀସ୍ତତି କାତା ଜାପୁହି ମାରେସି ।

ରମିୟ ମଣ୍ଡଳୀ ନିମନ୍ତେ ପାଠଲକ୍ଷ ଲିଖିତ ପତ୍ର ରମିୟ କୁଲମିକି ପାଞ୍ଚୁଲ ରାଚାମାନି ଆକୁ ମୂଲୁ ହାଡ଼ା

ଜୀସୁ କ୍ରୀସ୍ତ ଜାର୍ନାଆଡ଼ି ତାୟୁ ରମିୟ ପତି ୫୪ ଟିଏ ୫୮ ବାର୍ଯା ବିତ୍ରା ପାଣ୍ଡୁଆଡ଼ି ପାଞ୍ଚୁଲ ରାଚାମାଚେସି ଇଞ୍ଜିଁ ଇନେରି । ପାଞ୍ଚୁଲ ରମ୍ତା ହାନି ନକେଏ ଜୀହୁଦି ଅଡ଼େ ଜୀହୁଦିଆଆଡ଼ି କ୍ରୀସ୍ତାନା ଲକ୍ଷୁଣି ଜାପୁହାଲି ଇ ଆକୁ ରାଚାମାଚେସି । ବାରେ କୁଡ଼ାତି ଲକ୍ଷୁ ଏନିକିଁ ଜୀସୁ କ୍ରୀସ୍ତଇଁ ନାମିନେରି ଇଞ୍ଜା ମାନି କିନେରି ୧୭:୨୭ ଏଦାଆଁତାକି ପାଞ୍ଚୁଲ କରନ୍ତି ଗାଡ଼ାତା ମାଚାଟି ରମ୍ତା ମାନି କ୍ରୀସ୍ତାନା ଲକ୍ଷୁଣି ଜାପୁହାଲି ଇ ଆକୁ ରାଚାମାଚେସି ।

ବାରେ ଟାୟୁତି ବାରେ ବେଲାତି କ୍ରୀସ୍ତାନା ଲକ୍ଷୁତାକି ରମିୟ ର ଲଡ଼ାମାନି ପତି, ଏନାଆଁତାକି ଇଚିହଁ ମାର ଏନିକିଁ ଜୀସୁ କ୍ରୀସ୍ତ ତାଣାଟି ଗେଲପି ଆହାଲି ଆଡ଼ିନାୟି, ପାଞ୍ଚୁଲ ଅଜିକିହଁ ରଚାଣି ପିହୁଆନାହାଁ ତେଲୁହି କିହାମାନେସି । ପାଞ୍ଚୁଲ ପୁଃଈ ମେରାତି ଜୀସୁ କ୍ରୀସ୍ତତି ନେହଁ ବଲୁ ତଲେ ଆଚହାମାନେସି । ଇ ପତିତି ୧-୧୭ ପତ୍ରୁତି ହାରେକା ବୁଦିଗାଚାରି ନେହଁକିଁ ଅଣପାନା ଝେସାମାନେରି, ଇ ବଲୁ ମାଦିତାୟି । ଇମ୍ବାଆଁ ଝେସପି ଆହାମାନେ, “ନାନୁ ନେହଁ ବଲୁ ଝେକହାଲି ଲାଜା ଆପ୍ ଏନାଆଁତାକି ଇଚିହଁ ଆମିନି ଗାଚାରି ନାମିନେରି ବାରେଜାଣା ତାକି ଇଦି ମାହାପୁରୁତି ବାଡ଼ୁୟୁ । ନକେଏ ଜୀହୁଦି ଲକ୍ଷୁକି ତାୟୁ ଜୀହୁଦିଆଆଡ଼ି ଲକ୍ଷୁତାକି ଜିକେଏ ।”

ମୂଲୁ ବାଗା ୧-୧୨ ହାରେକା ମାହାପୁରୁତି କାତା ଅଡ଼େ ଅର ବାଗା ୧୩-୧୫ କ୍ରୀସ୍ତାନା ଜୀହୁତା ଲଡ଼ାମାନି କାତା ଜାପିନାୟି ମାନେ ।

ପତିତା ମାନାୟି

- ୧. ପାଞ୍ଚୁଲ ତାନି କାତା ପୁଣ୍ଡି କିହାନା, ଆମ୍ବାଆରାକି ଆକୁ ରାଚିମାଚେସି ଏଦାଆଁ ଝେସାନା ଆକୁ ରାଚିନାୟି । ୧:୧-୧୫
- ୨. ମାଣ୍ଡସି କୁଡ଼ାତି ରାକ୍ତି ଅଡ଼େ ଜୀସୁ କ୍ରୀସ୍ତ ତାଣାଟି ଗେଲପି ଆନାୟି । ୧:୧୬-୧୧:୩୭
- ୩. କ୍ରୀସ୍ତାନା ଲକ୍ଷୁ ଏନିକିଁ ନାଡ଼ିନାୟି ଏ କାତା ହାରେକା ଜାପୁହାମାନେସି । ୧୨:୧-୧୫:୧୩
- ୪. ରମ୍ତା ମାନି କୁଲମିକାଣି ଜହରା କିହାନା ରାପୁନାୟି । ୧୬

ପାଞ୍ଚୁଲତି ଜହରା ଝେହୁନି କାତା

^୧ କ୍ରୀସ୍ତ ଜୀସୁତି ହଲେଏସି ଅଡ଼େ ମାହାପୁରୁ ହୀହାମାନି ନେହଁ ବଲୁ ଝେକହାଲି ପାଣ୍ଡୁ ଆହାଁ ଆଚାନା ହାଚକି ଆହାମାନି ସୀସୁ ପାଞ୍ଚୁଲତି ଆକୁ ।

^୨ ଦାମ୍ବୁ ସାଡ଼ସୁରିତା ରାସକି ଆହାମାନି ଲେହେଁ ଇ ନେହଁ କାବୁତି କାତା ତଲି କାଲାଟିଏ ମାହାପୁରୁ ଅଣପୁତି ବଲୁ ଝେହୁନାରି ତାଣାଟି ଆଞ୍ଜାମାଚେସି । ^୩ ଇଦି ମାହାପୁରୁ ମୀରଏଣାତି କାତା, ମା ପ୍ରବୁ ଜୀସୁ କ୍ରୀସ୍ତ ମାଣ୍ଡସି ଆହାଁ ଏଞ୍ଜାସି ଦାଞ୍ଜୁଦ କୁଡ଼ାତା ଜାନା ଆଡ଼େସି । ^୪ ସାମା ତାନି ଲାକପୁରୁତି ସୁଦୁଜୀଞ୍ଜୁ ତାକି, କାଜା ହାକିଟି ନିଜାମା ଏଞ୍ଜାସି ବାଡ଼ୁୟୁ ତଲେ ଜୀସୁ ମାହାପୁରୁତି ମୀରଏସି ମସିହା* ଇଞ୍ଜିଁ ଝେଜିତେସି, ^୫ କ୍ରୀସ୍ତ ତାକି, ମାହାପୁରୁ ନାଜେ ପାଣ୍ଡୁଆହାମାନି ସୀସୁ ଲେହେଁ ହାଚାନା, ବାରେ କୁଡ଼ାତି ଲକ୍ଷୁତାଣା ନେହଁ ବଲୁ ଝେକହାଲି ପାରୁ ହୀହାମାଞ୍ଜାନେସି, ଏନିକିହଁ ଏଞ୍ଜାରି କ୍ରୀସ୍ତ ଜୀସୁ ତାଣା ନାମାନା ତାଜେ ମାନଞ୍ଜି ଆହାମାନା ତୁୟିନେରି । ^୬ ରମ୍ତା ଗାଡ଼ାତା ବାସାଆହାମାନି ଲକ୍ଷୁତେରି, ମୀରୁ ଜିକେଏ ଜୀସୁ କ୍ରୀସ୍ତତି ଲକ୍ଷୁ ଆହାଲି ହାଚକି ଆହାମାଞ୍ଜେରି ।

^୭ ରମ୍ତା ଆମିନି ଲକ୍ଷୁଣି ମାହାପୁରୁ ଜୀହୁ ନହାମାନେସି ଇଞ୍ଜା ତାନି ଲକ୍ଷୁ ଆହାଲିତାକି ହାଚାମାନେସି, ଏ ବାରେ ଲକ୍ଷୁତାକି ନାନୁ ଇ ଆକୁ ରାଚିମାଇଁ, ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି ମିଜେ କାର୍ମାମେହୁନାୟି ଅଡ଼େ ହିଡ଼ି ଆୟାପେ ।

ଜହରା କିନି ପ୍ରାତାନା

^୮ ମୂଲୁଏ, ମୀ ନାମୁତି ନେହଁ ହାଡ଼ା ବାରେ ଦାରୁତିତା ଝେଜିମାନେ, ଏଦାଆଁତାକି ନାନୁ ମୀ ବାରେଜାଣା ତାକି ଜୀସୁ କ୍ରୀସ୍ତ ତାଣାଟି ନା ମାହାପୁରୁଇଁ ଜହରା କିହିମାଇଁ । ^୯ ନା ବାରେ ହିୟାଁ ଜୀହୁତଲେ ନାନୁ ଆମିନି ମାହାପୁରୁତି ସେବା କିହିମାଇଁ ଇଞ୍ଜା ଆମିନି ମାହାପୁରୁତି ମୀରଏଣାତି ନେହଁ କାବୁ ଝେକହିମାଇଁ, ଏ ମାହାପୁରୁ ନା ସାକି । ^{୧୦} ପ୍ରାତାନା କିନାଟି ନାନୁ କାଲେଏ ମିଜେ ଅଣପାଇଁ ଇଞ୍ଜା ମୀ ତାଣା ଝାହାଲି ନାଜେ ପାରୁ ହିୟାନି ମାହାପୁରୁ ତାଣା ବାତିମାଲିମାଇଁ । ^{୧୧} ଇଚିହଁ ନାନୁ ମିଜେ ଆଣ୍ଡାଲି ହାରେକା ମନ କିହିମାଇଁ, ଇଞ୍ଜା ମିଜେ ର ଜୀହୁତି ବର ହିୟାଇଁ, ଏନିକିଁ ମୀରୁ ତୀରିଆହାନା ମାଞ୍ଜେରି । ^{୧୨} ଇଦାଆଁ ତଲେ ମାର ରଅତଞ୍ଜି ରଅଣା ନାମୁତି ଆଚଞ୍ଜା କିହାଲି ଆଡ଼ିନାୟି ।

^{୧୩} ଏ ତାୟିୟାଁ ଅଡ଼େ ତାଜିସ୍ତାତେରି, ମୀ ତାଣା ଝାହାଲି ତାକି ନାନୁ ହାରେକା ଦେବା ଅଣପାମାଇଁ, ସାମା ହାରେକା ବାଦା ବେଟାଆଡ଼ାକି, ନୀଏଁ ପାତେକା ଝାହାଲି ଆଡ଼ାଆଡେଏଁ । ଏଚକା କୁଡ଼ାତି ଲକ୍ଷୁତାଣା ଜିକେଏ ବଲୁ ଝେକହାନା ଏନିକିହଁ ପାଡ଼େୟି ବେଟାଆହାମାଇଁ, ମୀ ତାଣା ଜିକେଏ ଏଲେକିହାଲି ନା ଅଣପୁ । * ୧୪ ଏନାଆଁତାକି ଇଚିହଁ ବୁଦିଗାଚାରି† ଅଡ଼େ ପାଜାତାରି‡ ଜାପିତାରି ଅଡ଼େ

* ୧:୪ ୧:୪ କ୍ରୀସ୍ତ ☆ ୧:୧୩ ୧:୧୩ କାମା ୧୯:୨୧ † ୧:୧୪ ୧:୧୪ ଗ୍ରିକ୍ ‡ ୧:୧୪ ୧:୧୪ ବୁଦି ହିଲାଆ ଗାଚାରି,

ଜାପାଆତି ଲକୁ ବାରେ ଗଚିତି ଲକୁତାକି ନା ଦାୟିପତି
ମାନେ । ୧୫ ଏଦାଆଁତାକି ରମ୍ ଗାଡ଼ା ତାତେରି ମୀରୁ, ମୀ
ତାଣା ଜିକେଏ ନେହଁ ବଲୁ ଝେକହାଲି ନା ଅଣପୁ ।

ନେହଁ କାବୁତି ବାଡ଼ୟୁ

୧୬ ଇଚିହଁ ନାନୁ ନେହଁ କାବୁ ଝେକହାଲି ଲାଜା ଆଅଁ,
ଏଦି ନାମିମାନି ବାରେ ଲକୁତାକି ଗେଲପି ଆହାଲିତାକି
ମାହାପୁରୁତି ବାଡ଼ୟୁ, ମୂଲୁଏ ଜୀହୁଦି ଅଡ଼େ ତାୟୁ
ଜୀହୁଦିଆଆତି ନାମିତି ଲକୁତାକି । ୧୭ ମାଣସି ଏନିକିହଁ
ମାହାପୁରୁ ନକିତା ଦାମ୍‌ଗାଟାସି ଇଞ୍ଜଁ ତଞ୍ଜାଆନେସି, ଏ
ଉପେୟି ଏମ୍‌ଆଁ ତସ୍‌ପି ଆହାମାନେ । ମୂଲୁଟିଏ ରାନ୍ତି
ପାତେକା ଗେଲପିଆନାଣି ବେଟାଆନ୍ତି ଉପେୟି ନାମ୍
। ଦାମ୍‌ ସାସ୍‌ସ୍‌ରିତା ରାସ୍‌କି ଆହାମାନେ, “ଦାମ୍‌ଗାଟାସି
ନାମୁତଲେ ନୀତିନେସି ।” ୧୮

ପାପୁ ତାକି ମାହାପୁରୁତି କାରବି

୧୯ ଆମିନି ଲକୁ ବାରେ ଲାଗେଏ କାମାଟି ସାତାଈ
ଆଜିମାନେରି, ଏଞ୍ଜାରି କପାଟି ଲାକପୁରୁତି ମାହାପୁରୁତି
କାରବି ତଞ୍ଜା ଆହାମାନେ । ୧୯ ଏଦାଆଁତାକି ଇଚିହଁ
ମାହାପୁରୁତି କାତା ଏନାଆଁ ପୁନାୟି ମାତେ, ଏଦାଆଁ
ଏଞ୍ଜାରି ପୁଞ୍ଜାମାନେରି, ମାହାପୁରୁ ଏଞ୍ଜାରି ନକିତା ଏଦାଆଁ
ଝେସାମାନେସି । ୨୦ ମାହାପୁରୁ ଦାରତି ଗାଡ଼ିକିତି ତାଣାଟିଏ,
ତାନି ତଞ୍ଜା ଆଆଗାଟି ଗୁଣୁୟା, ତାନି ରାଆଗାଟି ବାଡ଼ୟୁ
ଅଡ଼େ ଲାକପୁରୁତି ଗୁଣୁ, ନେହଁକଁ ତଞ୍ଜା ଆହିମାନୁ;
ତାନି ଗାଡ଼ିକିତାଆଁ ବାରେ ଏଞ୍ଜାଆଁ ମେସାଲି ଆଡ଼ିନାୟି
। ଏଦାଆଁତାକି ଏଞ୍ଜାରି ପୁଞ୍ଜାହିଲଅମି ଇଞ୍ଜଁ ଇଞ୍ଜାଲି
ଆଡ଼ଅରି । ୨୧ ଏଞ୍ଜାରି ମାହାପୁରୁଈ ପୁଞ୍ଜା ଜିକେଏ
ଏଞ୍ଜାଣାଈ ଗାଞ୍ଜୁରମି କିଆତେରି କି ଏଞ୍ଜାଣାଈ ଜହରା
କିଆତେରି । ସାମା ଏଞ୍ଜାରି ଅଣପୁ ବାରେ ଉଜେଏତି
ଅଣପୁ ଅଡ଼େ ଏଞ୍ଜାରି ତେଲହାଆଗାଟି ମନ୍ ଆନ୍ଦେରି
ଆହାମାନେ । ୨୨ ଏଞ୍ଜାରି ଜାହାରାଈ ବୁଦିଗାଟାତମି
ଈଞ୍ଜଁ ଇନେରି, ସାମା ସାତା ତଲେ ଏଞ୍ଜାରି ବୁଦି ହିଲାଆ
ଗାଟାରି; ୨୩ ଅଡ଼େ ନାସା ଆଆଗାଟି ମାହାପୁରୁତି ଗାଞ୍ଜୁରମିତି
ନାସା ଆନ୍ତି ମାଣସି, ସାରିଗଟା କତାୟା ଗାଟି ଜଡ଼, ପଗାୟା
ଅଡ଼େ ରାସ୍‌କା କୁଡ଼ାତି ବମାୟା କିହାନା ଏଞ୍ଜାଆଁତି ପୂଜା
କିହିମାନେରି । ୨୪

୨୫ ଏଦାଆଁତାକି ମାହାପୁରୁ ଏଞ୍ଜାରାଈ ହିୟାତି ଲାଗେଏତି
ଜୁପକାତାକି ଏଞ୍ଜାରାଈ ଲାଗେଏତି ତାଣା ହେରପିତେସି,
ଏନିକିହଁ ଏଞ୍ଜାରି ଆଜା ରଅସି ରଅଣି ତଲେ ଲାଜାଗାଟି
କାମା କିହିମାନେରି । ୨୬ ଏଞ୍ଜାରି ମାହାପୁରୁ କାତାତି ସାତା
ପିସାନା ମିଚିତି ବାସ୍‌ କିହିମାନେରି । ଗାଡ଼ିକିତି ମାହାପୁରୁଈ
ପୂଜା କିଆନା, ଗାଡ଼ିଆଡ଼ି ଦିଶ୍‌ସୁ ପୂଜା କିହିମାନେରି; ଏ
ଗାଡ଼ି କିତାଣାଈ କାଲ୍‌କାଲ୍‌ତାକି ଜହରା । ଆମେନ ।

୨୬ ଏଞ୍ଜାରି ଏଲେକିତାକି ମାହାପୁରୁ ଏଞ୍ଜାରାଈ ଲାଜାଗାଟି
ପାପୁ କାମାତା ହେରପିତେସି, ଇଚିହଁ ଏଞ୍ଜାରି ତକ୍‌ସିକା
ତକ୍‌ୟା ତଲେ କୁଡ଼ାଲି ପିସାନା ଏଡ଼ି ତାମ୍‌ ତୁମ୍‌ସୁ କିଆଗାଟି
ଲାଜା କାମାୟା କିତୁ ୨୭ ଏଲେକିହଁ ଏ ଆବାୟା ଜିକେଏ
ଜାହାରା ତକ୍‌ ତଲେ କୁଡ଼ାଆନା ଜାହା ଜାହାରା ବିତ୍ରା
ଲାଗେଏତି କାମା କିତେରି । ଆବା ଆବାୟା ତଲେ ଲାଜା
ଆନ୍ତି କାମା କିତେରି, ଏଦାଆଁତାକି ଏଞ୍ଜାରି ଲାଗେଏ କାମାତି
ତଣ୍ଡ ବେଟା ଆହିମାନେରି ।

୨୮ ଅଡ଼େ ଏନିକଁ ଏଞ୍ଜାରି ମାହାପୁରୁତି ବୁଦିତି କୁହାଲିଏ,
ଏଲେକିହଁ ଏ ମାହାପୁରୁ କିଆଗାଟି କାମା କିହାଲି
ଏଞ୍ଜାରାଈ ଲାଗେଏତି ଅଣପୁତା ହେରପିତେସି । ୨୯ ଏଞ୍ଜାରି
ଦାମ୍‌ ହିଲାଆଗାଟାୟି, ଲାଗେଏ ପଲେଏ, ଜୁପକା ଅଡ଼େ
ଇରସା, ଲକୁଈ ପାୟିନାୟି, ଗଡ଼ହା କିନାୟି, ନାଡ଼ିକିନାୟି
ଅଡ଼େ ଲାଗେଏତି କାମା ନେଞ୍ଜାମାନେ; ୩୦ ଏଞ୍ଜାରି
ଉଡ଼ପାତି, ନିନ୍ଦା କିନାରି, ମାହାପୁରୁଈ ଅପାଆଗାଟାୟି,
ଲାଗେଏତି କାମା କିନାୟି, ଏଞ୍ଜାରି ଲାଗେଏ କାମା କିହାଲି
ପାରୁ ପାରିନେରି; ଏଞ୍ଜାରି ତାଲି ତାଞ୍ଜିଈ ମାନ୍ତି କିଆଗାଟାରି,
୩୧ ଏଞ୍ଜାରି ବୁଦି ହିଲାଆ ଗାଟାରି, ଜାହାରା ହାଡ଼ିକାତା
ଆହଅରି । ଇଞ୍ଜା ଏଟକାତାରାକି ଇଚାଣି କାମା ହିଲେଏ
। ୩୨ ଏଞ୍ଜାରି ପୁଞ୍ଜାମାନେରି, ମାହାପୁରୁତି ମେରା ଲେହେଁ
ଇଲେତି ଲକୁ ହାନ୍ତି ତଣ୍ଡ ପାଣ୍‌ନାୟି ମାନେ, ଇଦାଆଁ
ପୁଞ୍ଜାହାଁ ଜିକେଏ ଏଞ୍ଜାରି ଏଲେକିହଁ ଏ ଲାଗେଏତି କାମା
କିହିମାନେରି, ଅଡ଼େ ଏଲେତି କାମା କିହିମାନି ଲକୁତଲେ
ରାହାଁତଲେ ଆଣ୍ଡିନେରି ।

୨

ମାହାପୁରୁତି ନାହାୟି

୧ ଏତାୟି ଅଡ଼େ ତାଜି, ମୀମ୍ ଏନାଆଁ ଏଟକା ଲକୁଣି
ନାହାୟି କିହିମାଞ୍ଜେରି? ମୀରୁ ଆମ୍‌ଆତେରି ଆଡ଼ିଜିକେଏ,
ଇଲେ କିନାୟି ମିଜେ ତାକି ନେହେଁ ଆଏ, ଏଟକା ଲକୁଣି
ଦହ ଦସାନା ମୀମ୍‌ସୁ ଏଲେତି କାମା କିହାନା ଏମ୍‌ାଟି
ମୀରୁଏ ଦହ କିହିମାଞ୍ଜେରି । ୨ ଆମିନି ଗାଟାରି ଇଲେତି
କାମା କିନେରି, ମାହାପୁରୁ ଏଲେତି ଲକୁଣି ସାତା ତଲେ
ନାହାୟି କିନେସି, ଇଦାଆଁ ମାମ୍‌ ପୁଞ୍ଜାମାନମି । ୩ ଏ
ତାୟି ଅଡ଼େ ତାଜି, ଆମିନି ଗାଟାରି ଲାଗେଏତି କାମା
କିନେରି, ଏଞ୍ଜାରାଈ ନାହାୟି କିହାନା, ମୀମ୍‌ସୁ ଏଲେତି
କାମା କିହିମାଞ୍ଜେରି, ମୀରୁ ମାହାପୁରୁତି ନାହାୟିତି ଜୀଣା
ଆନାୟି ଈଞ୍ଜଁ ଅଣପିମାଞ୍ଜେରି କି ? ୪ ଆଆତଁ,
ମାହାପୁରୁତି ହାଟେରକା କାମାମେହନାୟି ମୀ ହିୟା ବାଦଲି
କିନି ଝାକି ଅହାଲି ଅଣପିନେ, ଇଦାଆଁ ପୁନାଆନା ମୀରୁ କି
ତାନି କାମାମେହନାଣି, ସାସା, ଅରହାନା ତୁୟିନି ଲେହେଁତି
ଦନଈ ଅପିହିଲଅତେରି କି ? ୫ ସାମା ମୀରୁ ମୀ ଆଟ୍‌ଞ୍ଜା
ଅଡ଼େ ବାଦଲଞ୍ଜି ଆଆଗାଟି ହିୟା ଲେହେଁ, ଆମିନି ଦିନା

☆ ୧:୧୭ ୧:୧୭ ମାର୍ଚ୍ଚ ୮:୩୮ ☆ ୧:୧୭ ୧:୧୭ ଏଡ଼ି ୨:୪ ☆ ୧:୨୧ ୧:୨୧ ଏପିସି ୪:୧୭,୧୮ ☆ ୧:୨୧ ୧:୨୧ ଏପିସି ୪:୧୭,୧୮ ☆ ୧:୨୩ ୧:୨୩
ଝେ ମେରା ୪:୧୭-୧୮ ☆ ୨:୧ ୨:୧ ମାତି ୭:୧; ଲୁକ ୭:୩୭ ☆ ୨:୧ ୨:୧ ମାତି ୭:୧; ଲୁକ ୭:୩୭ ☆ ୨:୭ ୨:୭ ପାରୁ ୭୨:୧୨

ମାହାପୁରୁଷ ନିର୍ଦ୍ଦୋଷ ଉପାଧିରେ, ଏ କାର୍ଯ୍ୟକ୍ରମ ଦିନାତାଙ୍କି ଜାହାରାତାଙ୍କି କାର୍ଯ୍ୟ କୃତ୍ତି କିହିମାଞ୍ଜେରି; ୬ ଏଞ୍ଜି ସି ବାରେ ଲକ୍ଷ୍ମୀକାଙ୍କି ତାମି କିହିମାନି କାମାତି ପାଡ଼େୟି ହାନେସି; ୭ ଆମିନି ଗାଗାରି ସାସାତଲେ ନେହଁ କାମା କିହିନା ଗାଞ୍ଜୁରମି, ମାନି ଇଞ୍ଜା ହାଆଗାଗାଣି ପାରିନେରି, ଏଞ୍ଜିରାକି କାଲ୍ଲକାଲ୍ଲାତି ଜୀଞ୍ଜୁ ହାନେସି, ୮ ଆମ୍ବାଆରି ଖାରଇ ତାମ୍ବେ ଅଣ୍ଡିନେରି, ଇଞ୍ଜା ସାତାତି ମାନୁଞ୍ଜି ଆଥ୍ରି, ସାମା ଲାଗେଏତାଣି ମାନୁଞ୍ଜି ଆନେରି; ଏଞ୍ଜିରାକି କାର୍ଯ୍ୟ ଅଡ଼େ କପା ଖାନେ, ୯ ଆମ୍ବାଆରି ଲାଗେଏତି କାମା କିହିମାନେରି ଏଞ୍ଜିରାକି କାକୁଲି ଅଡ଼େ କସ୍ତି ଦିନା ଖାହିମାନେ, ମୂଲୁଏ ଜୀହୁଦି ଲକ୍ଷ୍ମୀକାଙ୍କି ଇଞ୍ଜା ତାୟୁ ଜୀହୁଦିଆଆତି ଲକ୍ଷ୍ମୀକାଙ୍କି ଆନେ । ୧୦ ସାମା ମୂଲୁଏ ଜୀହୁଦି ଲକ୍ଷ୍ମୀକାଙ୍କି ଅଡ଼େ ଜିକେଏ ଜୀହୁଦିଆଆତି ଲକ୍ଷ୍ମୀକାଙ୍କି, ନେହଁ କାମା କିହିମାନି ବାରେଜାଣା ତାକି ଗାଞ୍ଜୁରମି, ମାନି ଇଞ୍ଜା ହିଡ଼ି ହିୟାନେସି । ୧୧ ଇତିହଁ ମାହାପୁରୁ ତାଣା ପାଡ଼ା ବାତି କିନାୟି ହିଲେଏ ।*

୧୨ ଜୀହୁଦିଆଆତି ଲକ୍ଷ୍ମୀକାଙ୍କି ମସାତି ମେରା ହିଲ୍ଲୀଆନା ପାପୁ କିହିମାନେରି; ଏଞ୍ଜିରି ଜିକେଏ ମସାତି ମେରା ହିଲ୍ଲୀଆନା ନାସା ଆନେରି, ଅଡ଼େ ଏତେକା ଜୀହୁଦି ଲକ୍ଷ୍ମୀକାଙ୍କି ମସାତି ମେରା ପୁଞ୍ଜିମାନାକି; ଏଞ୍ଜିରି ପାପୁ କିହିମାନେରି ଅଡ଼େ ଏ ମେରା ତଲେ ନିର୍ଦ୍ଦୋଷି କିହିଆନେରି । ୧୩ ଇତିହଁ ମେରାତି ଖେଞ୍ଜାନା ଲକ୍ଷ୍ମୀ ମାହାପୁରୁ ନକିତା ଦାମ୍ବୁଗାଗାରି ଆଥ୍ରି, ସାମା ମେରାତି ମାନୁଞ୍ଜି ଆଡ଼ିସାରେ ଦାମ୍ବୁଗାଗାରି ଆନେରି । ୧୪ ଜୀହୁଦିଆଆତି ଲକ୍ଷ୍ମୀକାଙ୍କି ମେରା ହିଲ୍ଲୀଆତିହଁ ଜିକେଏ ଏତିବେଲା ଏଞ୍ଜିରି ମେରାତା ମାନି ଲେହେଁ କାମା କିନେରି, ଏତିବେଲା ଏଞ୍ଜିରି ମେରା ବେଟା ଆଆତିହଁ ଜିକେଏ ତାମ୍ବେ ମେରା ଲେହେଁ ଆନେ; ୧୫ ଏଞ୍ଜିରି କିହିମାନି କାମାତି ଇଦି ନେହଁ ତଲେ ତଞ୍ଜା ଆହିମାନେ, ମେରାତି ମାନି ଏଞ୍ଜିରି ହିୟାତା ରାସ୍ତି ଆହିମାନେ । ଇ କାତାତି ସାତା ଏଞ୍ଜିରି ଅଣ୍ଡିପୁତା ଜିକେଏ ପାରମାଣା ସାତା ତଲେ ଅଣ୍ଡିନାତି ଅଣ୍ଡିନି ଅଣ୍ଡିପୁ ଏଞ୍ଜିରି କାତାତା ରାକ୍ତି ଆହିମାନେ, ସାତା ଅଣ୍ଡିପୁ ଅଣ୍ଡିନାତି ଅଣ୍ଡିପୁ ଏଞ୍ଜିରାକ୍ତି ନେହଁରି କିନେ, ଲାଗେଏତି ଅଣ୍ଡିପୁ ଅଣ୍ଡିନାତି ଦହ କିହିମାନେ । ୧୬ ଏମିନି ଦିନା ମାହାପୁରୁ କ୍ରୀସ୍ତ ଜୀସୁ ତାଣାତି ମାଣସିତି ଡ଼ଗୁମାନି କାତା ବାରେ ନିର୍ଦ୍ଦୋଷି କିନେସି, ଏ ଦିନା ନାନୁ ଖେକ୍‌ହିମାନି ନେହଁ କାରୁ ଲେହେଁ ଇ ବାରେ ଆନେ ।

ଜୀହୁଦି ଲକ୍ଷ୍ମୀ ଅଡ଼େ ମେରା

୧୭ ମୀରୁ ଜାହାରାକ୍ତି ଜୀହୁଦିତମି ଇଞ୍ଜାକତିମାଞ୍ଜେରି; ମେରାତି ବାସ୍ତି ଇଟାମାଞ୍ଜେରି ଅଡ଼େ ମାହାପୁରୁ ତାଣା ବଡ଼ପଣ କିହିମାଞ୍ଜେରି; ୧୮ ଅଡ଼େ ମସାତି ମେରାତି ଜାପାନା ଏଞ୍ଜିରି ଅଣ୍ଡିପୁ ପୁଞ୍ଜିମାଞ୍ଜେରି, ଇଞ୍ଜା ନେହଁଣି ଲାଗେଏତାଣି ବାତି କିହିମାଞ୍ଜେରି, ୧୯ ସାତେଏ ମୀରୁ ନେହଁ କିହିଁ ପୁଞ୍ଜିମାଞ୍ଜେରି, ମୀରୁ କାଣାୟାଣି ଜିରୁ ତହ୍ନାତେରି, ଆନେରିତା ମାନି ଲକ୍ଷ୍ମୀକାଙ୍କି ଉଜେଡ଼ି

ଲେହେଁ, ୨୦ ବୁଦି ହିଲ୍ଲୀଆ ଲକ୍ଷ୍ମୀ ଖେହ୍ନାତେରି, ପୁନାଆତି ଲକ୍ଷ୍ମୀ ଜାପୁନାତେରି । ମୀ ନାମୁ, ମେରାତି ମୀରୁ ସାତା ଅଡ଼େ ବୁଦି ମେଡ଼ା ଆହିମାଞ୍ଜେରି । ୨୧ ମୀରୁ ଏଡ଼କାତି ଲକ୍ଷ୍ମୀ ଜାପୁହି ମାଞ୍ଜେରି, ସାମା ଜାହାରାକ୍ତି ଏନାଆଁତାକି ଜାପୁହି ହିଲ୍ଲୀଅତେରି ? ସରୁ କିଆଦୁ ଇଞ୍ଜା ଜାପୁହାନା ମୀରୁଏ ଏନାଆଁତାକି ସରୁ କିହିମାଞ୍ଜେରି ? ୨୨ ଦାରି କିଆଦୁ ଇଞ୍ଜା ଇଞ୍ଜାନା ମୀରୁଏ ଦାରି କିହିମାଞ୍ଜେରି ? ମୀରୁ ପେଣକା ବମାୟା ପୂଜା ଅପାଆନା ଦେଞ୍ଜୁଡ଼ିକାତି ଦିଶ୍‌ସୁ ମାଣ୍ଡି ହିଲ୍ଲୀଅତେରି କି ? ୨୩ ମୀରୁ ମାହାପୁରୁତି ମେରା ବେଟା ଆହିମାନମି ଇଞ୍ଜା ବଡ଼ପଣ ଆହିମାଞ୍ଜେରି, ସାମା ଏନାଆଁ ମାନି କିଆନା ମାହାପୁରୁକ୍ତି ଲାଜା ପାଣ୍ଡି କିହିମାଞ୍ଜେରି କି ? ୨୪ ସାସ୍ତେରିତା ରାସ୍ତି ଆହିମାନେ, “ମିଜେ ତାକି ଜୀହୁଦିଆଆତି ଲକ୍ଷ୍ମୀତାଣା ମାହାପୁରୁ ଦରୁ ନିନ୍ଦା ବେଟା ଆହିମାନେ ।”*

୨୫ ମୀରୁ ମେରାତି ମାନି କିହିମାତିସାରେ, ମୀ ତଲୁ ଦାପିଆନାୟି ଲାଡ଼ା ମାନେ । ସାମା ମେରାତି ମାନି କିଆସାରେ, ମୀ ତଲୁ ଦାପି ଆଡ଼ାୟି ତଲୁ ଦାପିଆଆତି ଲକ୍ଷ୍ମୀତଲେ ସମାନା । ୨୬ ର ଜୀହୁଦିଆଆତି ଲକ୍ଷ୍ମୀ ମେରାତି ହୁକୁମିକା ମାନି କିତିସାରେ ମାହାପୁରୁ ଏଞ୍ଜିରାକ୍ତି ତଲୁ ଦାପି ଆଡ଼ାସି ଲେହେଁ ଇନଅସି କି ? ୨୭ ଏନାଆଁତାକି ଆଜ୍ଞା ତଲେ ତଲୁ ଦାପିଆଆତି, ଆମିନି ଜୀହୁଦିଆଆତାରି ମସାତି ମେରା ମାନି କିନେରି, ଆତିହଁ ମସା ରାତିତି ମେରା ଅଡ଼େ ତଲୁ ଦାପି ଆଡ଼ିଜିକେଏ ମେରା ମାନି କିହିହିଲ୍ଲୀଅତେରି, ଏଞ୍ଜିରି ମିଜେ ବିତାରା କିୟାନେରି । ୨୮ ଖାରଇ ଆଜ୍ଞା ତଲେ ତଲୁ ଦାପି ଆହିନା ପାଜ୍ଞାତା ଜୀହୁଦି ଇଞ୍ଜିହଁ ତସାକତିମାନି ଲକ୍ଷ୍ମୀ ଜୀହୁଦି ଆଏ । ୨୯ ଆମ୍ବାଆସି ହିୟା ବିଡ଼ା ଜୀହୁଦି, ଏଞ୍ଜିସି ସାତା ତଲେ ଜୀହୁଦି, ଅଜ୍ଞିରି ତଲେ ଆଏ, ଜୀଞ୍ଜୁ ଅଡ଼େ ହିୟା ତଲେ ଆମ୍ବାଆସି ତଲୁ ଦାପି ଆଡ଼ାସି, ଏଦି ସାତା ତଲୁ ଦାପି ଆନାୟି । ଏଲେତି ଲକ୍ଷ୍ମୀ ମାଣ୍ଡି ତାଣାତି ମାନି ବେଟାଆସି, ସାମା ମାହାପୁରୁ ତାଣାତି ମାନି ବେଟା ଆନେସି ।

୩

୧ ଆତିହଁ ଜୀହୁଦିଆଆତି ଲକ୍ଷ୍ମୀ କିହିଁ ଜୀହୁଦି ଲକ୍ଷ୍ମୀ ଏନାୟି ଗାତି ଲାଡ଼ା ମାନେ ? ତଲୁ ଦାଞ୍ଜନାୟି ଏନି ଲଡ଼ାମାନେ ? ୨ ହାରେକାତି, ମୂଲୁଏ ମାହାପୁରୁ ତାନି ନେହଁ କାରୁ ଖେକ୍‌ହାଲି ଦାୟିପତି ଜୀହୁଦି ଲକ୍ଷ୍ମୀ ହେର୍ପିତେସି । ୩ ଆତିହଁ ଏନାୟି ? ଜୀହୁଦିକା ତାଣାତି ଏତରଜାଣା ନାମାଆସାରେ, ଏଞ୍ଜିରି ମାନି କିଆଗାଗାୟି ଏନାଆଁ ମାହାପୁରୁ ନାମୁତି ଉଜେଏ କିନେ ? ୪ ଏଲେଆହଁ ଆଆପେ, ଲକ୍ଷ୍ମୀ ବାରେଜାଣା ମିତିତାରି ଆତିହଁ ଜିକେଏ ମାହାପୁରୁ ସାତା । ସାସ୍ତେରିତା ରାସ୍ତି ଆହିମାନେ;

“ନୀ ବଲୁ ତଲେ ନୀନୁ ଦାମ୍ବୁ ଗାଗାତି ଇଞ୍ଜା ଖେକ୍‌ଦି, ନିର୍ଦ୍ଦୋଷି ଆନି ବେଲାତା ନୀନୁ ଜୀଣା ଆଦି ।” *

☆ ୨:୧୧ ୨:୧୧ ଖେ ମେରା ୧୦:୧୭ ☆ ୨:୨୪ ୨:୨୪ ଜିସା ୫୨:୫ ☆ ୩:୪ ୩:୪ ପାଚୁ ୫୧:୧୫

୫ ମା ଲାଗେଏତି କାମା ମାହାପୁରୁତି ନେହୁଁ କାମାତି ପାରମାଣା କିନେ, ଆତିହୁଁ ମାର ଏନାଆଁ ଇନାୟି ? ଆମିନି ମାହାପୁରୁ ଲାଗେଏତି କାମାତାକି ଡଣ୍ଡ ହାନେସି, ଏଞ୍ଜାସି କି ଦାମ୍ନୁ ହିଲିଆଗାଟାସି ? ନାନୁ ମାଣ୍ଡସିଲେହେଁ ଖେସିମାଲ୍ । ୬ ଏଲେଆହୁଁ ଆଏ । ମାହାପୁରୁ ଦାମ୍ନୁଗାଟାସି ଆଆତିହୁଁ, ଏଞ୍ଜାସି ଏନିକିହୁଁ ଦାରତିତି ନାହାୟି କିନେସି ?

୭ ସାମା ନା ମିତି ତଲେ ମାହାପୁରୁତି ସାତାତାୟି ତାନି ଗାଞ୍ଜୁରମି ତାକି ହାରେକା ଗାତି ଆଡେ, ଆତିହୁଁ ନାନୁ ପାପୁ ଗାଟାତେଏଁ ଇଞ୍ଜୁଁ ଏନାଆଁତାକି ନାହାୟି କିଞ୍ଜି ଆଇଁ ? 「 ମାର ଏନାଆଁତାକି ଏଲେଇନାଆୟି, “ଞ୍ଜାଦୁ ମାର ଲାଗେଏତି କାମା କିନ, ଆତିହୁଁ ମାଙ୍ଗେତାକି ନେହେଁ ଆନେ ?” ନାନୁ ଇଲେତି କାତା ଖେସିମାନାକି ଦାଞ୍ଜା କିହାନା ଏଚେକା ଲକୁ ନାଙ୍ଗେ ନିନ୍ଦା କିହିମାଞ୍ଜାନେରି, ଏଞ୍ଜାରି ଇଦାଆଁତାକି ଆମିନି ଡଣ୍ଡ ପାଣ୍ଡନାୟି ମାନେ, ସାତାତଲେ ବେଟାଆନେରି ।

ଦାମ୍ନୁଗାଟାସି ଆମ୍ବାଆସି ହିଲଅସି

୯ ଆତିହୁଁ ଜାହୁଦି ଲକୁ ଜାହୁଦିଆଆତି ଲକୁ କିହାଁ ହାରେକା ନେହାରି ମାନେରି ? ଏଚେଲାଞ୍ଜା ଆଏ, ନାନୁ ନକେଏ ଖେସାମାଞ୍ଜାଇଁ ଜାହୁଦି ଅଡେ ଜାହୁଦିଆଆତି ଲକୁ ପାପୁତି ବାଡ଼ୁଲୁତା ମାନେରି, ୧୦ ଦାମ୍ନୁ ସାସ୍ତେରିତା ରାସ୍କି ଆହାମାନେ;

“ଦାମ୍ନୁଗାଟାସି ଆମ୍ବାଆସି ହିଲଅସି, ରଅସି ଜିକେଏ ହିଲଅସି, *

୧୧ ରଅସି ଜିକେଏ ବୁଦିଗାଟାସି ହିଲଅସି; କି ମାହାପୁରୁଇଁ ପାରିନାସି ହିଲଅସି ।

୧୨ ଏଞ୍ଜାରି ବାରେଜାଣା ମାହାପୁରୁ ତାଣାଟିଏ ହେକ ହାଜାମାନେରି;

ଏଞ୍ଜାରି ବାରେଜାଣା ଲାଗେଏ ଜିରୁତା ହାଜାମାନେରି; ଆମ୍ବାଆସି ଜିକେଏ ରଅସି ସାତାପାଣାତି କାମାକିନାସି ହିଲଅସି ।

୧୩ ଏଞ୍ଜାରି ହାଡ଼ା ଦେପିଆଡ଼ି ମାଡ଼ହା ମୁହନି ଗାୟୁ, ଏଞ୍ଜାରି ଗୁଡିତି ମିତି କାତା ହଡ଼ିମାନେ,

ଲୁଡ଼ା ଡ଼ଇ ଅରୁ କାଟାମାନି ରାରୁତି ବାସାମାନେ । *

୧୪ ଏଞ୍ଜାରି ଗୁଡିତି କାତା କାମ୍ବେଲି ଗାଟାୟି ଇଞ୍ଜା ବାକା ତଲେ ନେଞ୍ଜାମାନେ । *

୧୫ ଏଞ୍ଜାରି ଇରୁହାଲି ଅଡେ ପାୟାଲି ଦେବୁଣିଏ ହନେରି । *

୧୬ ଏଞ୍ଜାରି ଆମ୍ବିୟାଞ୍ଜାକି ହାନେରି, ଏମ୍ବାଆଁ ନାସା ଇଞ୍ଜା ସାସ୍ତି ବେଟାଆନେରି ।

୧୭ ଏଞ୍ଜାରି ହିଡ଼ତି ଜିରୁ ପୁଞ୍ଜାହିଲଅରି,

୧୮ ମାହାପୁରୁଇଁ ଆଜିନାୟି ଏଞ୍ଜାରିତାଣା ହିଲେଏ ।” *

୧୯ ମାର ପୁଞ୍ଜାମାନାୟି, ମେରା ମାନି କିହିମାନେରି, ଏମ୍ବାତି ବାରେ ହୁକୁମିଇଁ ଏଞ୍ଜାରି ମାନି କିନାୟିମାନେ । ମାହାପୁରୁ ଏତିବେଲା ବାରେ ଦାରତିତି ବିଚାରା କିନେସି,

ମେରାତି ମାନି କିଆଗାଟି ଲକୁ ଜାହାରାଇଁ ଦହ ହିଲିଆ ଗାଟାତମି ଇଞ୍ଜୁଁ ଇଞ୍ଜାଲି ଆଡ଼ଅରି । ୨୦ *ସାମା ମେରା ତଲେ କିନି କାମା ମାନି କିହାଁ ଆମ୍ବାଆସି ଜିକେଏ ମାହାପୁରୁ ନକିତା ଦାମ୍ନୁଗାଟାସି ଆହାଲି ଆଡ଼ଅସି । ଇତିହୁଁ ମେରାଟି ମାଣ୍ଡସି ଖାରଇ ପାପୁତି ପୁଞ୍ଜାଲି ଆଡ଼ିମାନେସି । *

ନାମୁତଲେ ଦାମ୍ନୁଗାଟି ଲକୁ ଆନାୟି

୨୧ ମାହାପୁରୁ ମାଣ୍ଡସିଇଁ ତାନିତଲେ ନେହୁଁକିଁ ଆଣ୍ଡାଲି ତାକି ମେରା ପିସ୍ପେ ଏନାଆଁ କିହାମାନେସି, ଏଦି ନାଏଁ ତଞ୍ଜା ଆହିମାନେ । ଏ କାତା ମସାତି ମେରା ଇଞ୍ଜା ମାହାପୁରୁ ଅଣ୍ଡପୁତି ବଲୁ ଖେହନାରି ଜିକେଏ ସାକି ହାହାମାନେରି । ୨୨ *ଖାରଇ ଜୀସୁ କ୍ରୀସୁ ତାଣା ନାମିତାକି ଲକୁ ମାହାପୁରୁ ନକିତା ଦାମ୍ନୁଗାଟାରି ଆନେରି । ମାହାପୁରୁ ଆମ୍ବାଆରାଇଁ ପାରଡ଼ା ବାଟି କିଆନା କ୍ରୀସୁଇଁ ନାମିତି ବାରେ ଜାଣାକି ର ପାରୁ ହାନେସି । * ୨୩ ବାରେଜାଣା ପାପୁ କିହାମାନେରି ଅଡେ ମାହାପୁରୁତି ଗାଞ୍ଜୁରମିତି ହେକ ଆହାମାନେରି । ୨୪ ସାମା, ଏଞ୍ଜାରି ଉଜେଏ ମାହାପୁରୁତି କାର୍ମାମେହନି ଦାନା ତଲେ କ୍ରୀସୁ ଜୀସୁ ତାଣା ଆମିନି ଗେଲପି ଆନାୟି ମାନେ, ଏଦାଆଁ ତଲେ ଦାମ୍ନୁଗାଟାରି ଆନେରି । ୨୫ ମାହାପୁରୁ ଜୀସୁଇଁ ଦାନା ହାତେସି, ଏନିକିଁ ଏଞ୍ଜାଣି ହାକି, ଏଞ୍ଜାଣି ତାଣା ନାମାମାନି ଲକୁତାକି ପାପୁ ମେଣ୍ଡଜିନି ଉପେୟି ଆନେ । ମାହାପୁରୁ ଅରୁହାନା ଲକୁ କିହାମାନି ତଲିତି ପାପୁତି ତସାହିଲଅସି । ୨୬ ସାମା ନାଏଁ ଏଞ୍ଜାସି ଜାହାରା ଦାମ୍ନୁ ଗାଟାଣି ତସାଲି ତାକି ପାପୁ ମେଣ୍ଡକିନି ମେରା କିହାମାନେସି । ଇଦାଆଁ ତଲେ ମାହାପୁରୁ ତସାମାନେସି, ଏଞ୍ଜାସି ତାନୁଏ ଦାମ୍ନୁଗାଟାସି ଇଞ୍ଜା ଆମ୍ବାଆସି ଜୀସୁ ତାଣା ନାମିନେସି, ଏଞ୍ଜାସି ବାରେଜାଣାତି ଦାମ୍ନୁ ଗାଟାରିଲେହେଁ ଆବିନେସି ।

୨୭ ଆତିହୁଁ ଆମିନି କାତାତା ମାର ବଡ଼ପଣ ଆନାୟି ? ଆଏ, ଏଲେତି କାତା ଏନାୟି ହିଲେଏ । ବଡ଼ପଣ ଆହାଲିତାକି ମା ତାଣା ଏନାୟି ମାନେ ? ମାର ବାରେ ହୁକୁମି ମାନିଞ୍ଜି ଆହିମାନାୟି ଇଞ୍ଜିହୁଁ କି ? ଆଏ, ଖାରଇ ନାମ୍ବୁଏ ମା ବଡ଼ପଣ ଆନେ । ୨୮ ମାର ନେହୁଁକିଁ ତେଲହାଲି ଆଡ଼ିନାୟି, ରଅସି ଖାରଇ ତାନି ନାମୁତଲେ ମାହାପୁରୁ ନକିତା ଦାମ୍ନୁଗାଟାସି ଇଞ୍ଜୁଁ ଖେଜିନେସି, ମେରାତି ମାନି କିତିସାରେ ଆଏ । ୨୯ ମାହାପୁରୁ ଖାରଇ ଜୀହୁଦି ଲକୁତି ମାହାପୁରୁକି ? ଏଞ୍ଜାସି ଜାହୁଦିଆଆତି ଲକୁତି ମାହାପୁରୁ ଆଏକି ? ସାତେଏ ଏଞ୍ଜାସି ବାରେ ଲକୁତି ମାହାପୁରୁ । ୩୦ ଏନାଆଁତାକି ଇତିହୁଁ, ମାହାପୁରୁ ରଅସିଏ, ଅଡେ ଏଞ୍ଜାସି ଜୀହୁଦି ଇଞ୍ଜା ଜୀହୁଦିଆଆତି ଲକୁତି ନାମୁ ତାକି ଏଞ୍ଜାସି ଏଞ୍ଜାରାଇଁ ଦାମ୍ନୁ ଗାଟାରିଲେହେଁ ଆବିନେସି । * ୩୧ ଆତିହୁଁ, ମାର କି ନାମୁତଲେ ମସାତି ମେରା ମେଣ୍ଡକିହି

* ୩:୧୦ ୩:୧୦ ପାରୁ ୧୪:୧-୩; ୫୩:୧-୩ * ୩:୧୩ ୩:୧୩ ପାରୁ ୫:୯; ୧୪୦:୩ * ୩:୧୪ ୩:୧୪ ପାରୁ ୧୦:୭ * ୩:୧୫ ୩:୧୫ ଜିସା ୫୯:୭,୮ * ୩:୧୮ ୩:୧୮ ପାରୁ ୩୭:୧ * ୩:୨୦ ୩:୨୦ ଗାଲା ୨:୧୭ * ୩:୨୦ ୩:୨୦ ପାରୁ ୧୪୩:୨; ଗାଲା ୨:୧୭ * ୩:୨୨ ୩:୨୨ ଗାଲା ୨:୧୭ * ୩:୨୨ ୩:୨୨ ଗାଲା ୨:୧୭ * ୩:୩୦ ୩:୩୦ ଖେ ମେରା ୭:୪; ଗାଲା ୩:୨୦

ମାନାୟି ? ଏହି ଏଚେଲା ଜିକେଏ ଆଆପେ, ସାମା ମାର ନାମୁତଲେ ମସାତି ଫେରାଇଁ ଜାଣେ ତୀରି କିହିମାନାୟି ।

୪

ଅବ୍ରାହାମତି ମାଣ୍ଡକି

୧ ଆତିହିଁ ଆଜ୍ଞା ତଲେ ମା ଆକୁ ଅବ୍ରାହାମ ଏନାଆଁ ବେଟାଆହାମାନେସି ଇଞ୍ଜିହିଁ ମାର ଏଲେଇନାୟି ?
୨ ଅବ୍ରାହାମ ତାନି ଜାହାରା କାମାଟି ମାହାପୁରୁ ତାଣା ଦାମ୍ବୁଗାଟାସି ଆହା ମାଟିହିଁମା, ଏଝାଣାକି ବତପଣ କିନି କାତା ମାତେ । ସାମା ମାହାପୁରୁ ଝାକିଟି ଏହି ଆହାହିଲାଆତେ ।
୩ *ଦାମ୍ବୁ ସାସ୍ତେରି ଲେହେଁ, “ଅବ୍ରାହାମ ମାହାପୁରୁଇଁ ନାମିତେସି, ଅଡେ ଏ ନାମୁତାକି ମାହାପୁରୁ ଏଝାଣାଇଁ ଦାମ୍ବୁ ଗାଟାଣି ଲେହେଁ ଅପିତେସି ।”
୪ ଆମ୍ବାଆସି କାମା କିନେସି, ଏଝାଣାକି ତାନି କୂଲି ଫେଡାଆନେ, ଏହି ଦାନା ହାନାୟି ଆହାଲି ଆଡେଏ, ଏହି କାମାଟି ପାଡେୟି ଇଞ୍ଜିଁ ଇଣ୍ଡି ଆନେ ।
୫ ସାମା ଆମ୍ବାଆସି ତାନି କାମାତା ଆସା କିଆନା, ଦାମ୍ବୁ ହିଲାଆଗାଟାଣାଇଁ ଏମିନି ମାହାପୁରୁ ଦାମ୍ବୁଗାଟାସି ଇଞ୍ଜିଁ ଆବିନେସି, ଏଝାଣି ତାଣା ନାମିନେସି, ଏଝାଣି ନକିତା ଏଝାଣି ନାମୁ ଦାମ୍ବୁଗାଟାୟି ଇଞ୍ଜିଁ ଝେଜିନେ ।
୬ ଆମିନି ଲକୁଇଁ କାମା ଲଡାଡି ସିନି କିଆନା ମାହାପୁରୁ ଏଝାଣାଇଁ ଦାମ୍ବୁଗାଟାସି ଇଞ୍ଜିଁ ଆବିନେସି, ଏଝାଣାଇଁ ନେହାଁସି ଇଞ୍ଜିଁ ଦାଝୁଦ ଏଲେଇଞ୍ଜା ମାନେସି;

୭ *ଆମ୍ବାଆରି ଦହ ମେଣ୍ଡକି କିଝିଆହାମାନେ, ଆମ୍ବାଆରି ପାପୁ ମେଣ୍ଡକି କିଝିଆହାମାନେ, ଏଝାରାକି ନେହେଁ ।

୮ ପୁରୁ ଆମ୍ବାଆରି ପାପୁ ଆହୁଅସି, ଏଝାଣାକି ନେହେଁ !”

୯ ଇମ୍ବାଆଁ ଦାଝୁଦ ଆମ୍ବାଆରାଇଁ ନେହେଁ ଇଞ୍ଜିଁ ଝେସାମାନେସି, ଏଝାରି କି ଝାରୁଇ ତଲୁ ଦାପି ଆଡି ଲକୁ ମାଚେରି ? କି, ତଲୁ ଦାପିଆଆଡି ଲକୁ ଜିକେଏ ନେହାଁରି ଆହାଲି ଆଡିନେରି । ମାର ଏଲେ ଇଞ୍ଜିମାନାୟି, “ଅବ୍ରାହାମ ନାମୁତଲେ ଦାମ୍ବୁଗାଟାସି ଇଞ୍ଜିଁ ଝେଜିତେସି ।”
୧୦ ଆତିହିଁ ଏହି ଏଚେଲା ଆହାମାତେ ? ଅବ୍ରାହାମ ତଲୁ ଦାପି ଆଡି ତାୟୁ କି, ତାନି ନକେଏ ? ତଲୁ ଦାପି ଆଆନକେଏ, ତାୟୁ ଆଏ ।
୧୧ ତଲୁ ଦାପି ଆଡି ନକେଏ ଅବ୍ରାହାମ ନାମୁ ତାକି ମାହାପୁରୁ ଏଝାଣାଇଁ ଦାମ୍ବୁ ଗାଟାଣା ଲେହେଁ ଆବା ମାଚେସି । ଇଦାଆଁ ପୁଣ୍ଡି କିହାଲିତାକି ର ସିନାଲେହେଁ ଅବ୍ରାହାମ ଇ ତଲୁ ଦାପିଆନି ଫେରା ବେଟାଆହା ମାଚେସି, ଇତିହିଁ, ଆମିନି ଗାଟାରି ତଲୁ ଦାପି ଆଆନା ଜିକେଏ ମାହାପୁରୁ ତାଣାଟି ଦାମ୍ବୁଗାଟାସି ଇଞ୍ଜିହିଁ ଆବିତାସି, ସୁଦୁ ମାଣ୍ଡକିଟି ଅବ୍ରାହାମ ଏଝାରି ତାଞ୍ଜି ।
୧୨ ଆବା ଅବ୍ରାହାମ ତଲୁ ଦାପି ଆଡି ନକେଏଟିଏ

ଆମିନି ନାମୁତି କାତା ତସାମାଚେସି, ତଲୁ ଦାପିଆଆଡି ଲକୁ ଜାହାରା ଜାଝୁତା ଏଲେତି ନାମୁ ତସାଲି ଆଡିସାଚେ, ଅବ୍ରାହାମ ଏଝାରାକି ଜିକେଏ ତାଞ୍ଜି ଆନେସି ।

ମାହାପୁରୁତି ଆଞ୍ଜାମାନାଣି ନାମୁତଲେ ବେଟାଆନାୟି

୧୩ *ଅବ୍ରାହାମ ଫେରାତି ମାନି କିହାମାନାକି ଆଏ । ଝାରୁଇ ତାନି ନାମୁ ତାକି ମାହାପୁରୁ ତାଣାଟି ଦାମ୍ବୁଗାଟାସି ଇଞ୍ଜିଁ ଝେଜାମାଚେସି ଇଞ୍ଜାଁ ଏଦାଆଁତାକି ତାନି ମୀରୁକା ମାସ୍ତକା ଦାରୁତିଟି ଅଦିକାରା ବେଟାଆନେରି ଇଞ୍ଜିଁ ମାହାପୁରୁ ଆଞ୍ଜାମାଚେସି ।
୧୪ *ଆମ୍ବାଆରି ଫେରାତି ମାନି କିନାରି, ଝାରୁଇ ଏଝାରି ମାହାପୁରୁତି ଦାନା ବେଟାଆନେରି ଇତିସାଚେ, ମାଣ୍ଡକିଟି ନାମୁ ଉଜେଏ, ମାହାପୁରୁ ଆଞ୍ଜାମାନାୟି ଜିକେଏ ଉଜେଏତାୟି ଆନେ ।
୧୫ ଇତିହିଁ ମସାତି ଫେରା ଉରିନି ତାଣାଟି ମାହାପୁରୁତି କାରୁବି ଗାଟାସି ଆନେସି, ସାମା ଆମ୍ବିୟା ଫେରା ହିଲେଏ, ଏମ୍ବାଆଁ ଫେରା ଉରିନି କାତା ହିଲେଏ ।

୧୬ *ଏଦାଆଁତାକି ମାହାପୁରୁତି ଆଞ୍ଜାମାନାୟି ନାମୁ ଅଡେ କାମାଟି ଲାକ ଇଟକି ଆହାମାନେ । ଆମିନି ଗାଟାରି ଫେରାତି ମାନି କିନେରି, ଝାରୁଇ ଏଝାରାକିଦେହେଁ ମାହାପୁରୁତି ଆଞ୍ଜାମାନାୟି ଆଏ । ଅବ୍ରାହାମ ଲେହେଁ ନାମିମାନି ବାରେ ଲକୁତାକି ଜିକେଏ ଆନେ, ଏନାଆଁତାକି ଇତିହିଁ ଅବ୍ରାହାମ ଏଝାରି ସୁଦୁ ମାଣ୍ଡକିଟି ତାଞ୍ଜି;
୧୭ ଆମିନି ମାହାପୁରୁଇଁ ଅବ୍ରାହାମ ନାମିମାଚେସି, ଆମ୍ବାଆସି ହାତାରାଇଁ ଝେଣ୍ଡେ ଜାଝୁ କିନେସି, ଅଡେ ହିଲାଆଗାଟି ଦିଶସୁତି ମାନି ଲେହେଁ ହାଡିନେସି, ଏ ମାହାପୁରୁ ନକିତା ଏଝାସି ମା ତାଞ୍ଜି ଆହାମାନେସି, ଇ କାତା ଦାମ୍ବୁ ସାସ୍ତେରିତା ରାସ୍ତକି ଆହାମାନେ, “ନିଜେ ହାଚେରକା କୁଡାଡି ଲକୁଡି ତାଞ୍ଜି କିହାମାଞ୍ଜାନମି ।”
୧୮ ଆସା କିନାୟି ଏନାୟି ହିଲାଆଡି ଜିକେଏ ଅବ୍ରାହାମ ନାମିତେସି ଇଞ୍ଜାଁ ଆସା ଇତିତେସି, ଏଦାଆଁତାକି “ହାଚେରକା କୁଡାଡି ତାଞ୍ଜି” ଆଡେସି । ଦାମ୍ବୁ ସାସ୍ତେରିତା ରାସ୍ତକି ଆହାମାନେ, “ନୀ କୁଡା ହୁକାୟା ଲେହେଁ ଏପାଆନେରି ।”
୧୯ ଏଝାଣାକି ଏଚିବେଲା ପାସାକଡି ବାସା ଆହାମାତାକି ଏଝାସି ତାନି ଆଜ୍ଞାଟି ହାତାୟି ଇଞ୍ଜାଁ ସାରା ଅଡେ କକାରି ପଦାଁ ଆନି ଗାରା ଜିକେଏ ହାତାୟି ଇଞ୍ଜିଁ ଅଣ୍ଡପିତି ଜିକେଏ ନାମୁତା ଉଣା ଆଆଡେସି ।
୨୦ ଏଝାସି ତାନି ନାମୁ ପିହିଆଡେସି, କି ମାହାପୁରୁ ଆଞ୍ଜାମାନାଣି ଆନାମାନା ଆଆଡେସି । ଏଝାସି ନାମୁତା ବାଡୁୟୁ ଆଡେସି ଇଞ୍ଜାଁ ମାହାପୁରୁଇଁ ଜହରା କିତେସି ।
୨୧ ମାହାପୁରୁ ଏନାଆଁ ଆଞ୍ଜାମାଚେସି, ଏଝାସି ଏଦାଆଁ ମାନି କିନେସି ଇଞ୍ଜିଁ ଏଝାଣାକି ଜାଣେ ନାମୁ ମାଚେ ।
୨୨ ଏଦାଆଁତାକି ତାନି ନାମୁତଲେ ଅବ୍ରାହାମ, “ମାହାପୁରୁ ତାଣାଟି ଦାମ୍ବୁଗାଟାସି ଆହାମାଚେସି ।”
୨୩ “ଅବ୍ରାହାମ ଦାମ୍ବୁଗାଟାସି ଇଞ୍ଜିଁ ଝେଜାମାଟି” କାତା

* ୪:୩ ୪:୩ ମୂଲୁ ୧୫:୬; ଗାଲା ୩:୬ * ୪:୭ ୪:୭ ପାରୁ ୩୨:୧,୨ * ୪:୧୧ ୪:୧୧ ମୂଲୁ ୧୭:୧୦ * ୪:୧୩ ୪:୧୩ ଗାଲା ୩:୨୯ * ୪:୧୩ ୪:୧୩ ମୂଲୁ ୧୭:୪-୬; ୨୨:୧୭,୧୮; ଗାଲା ୩:୨୯ * ୪:୧୪ ୪:୧୪ ଗାଲା ୩:୧୮ * ୪:୧୪ ୪:୧୪ ଗାଲା ୩:୧୮ * ୪:୧୭ ୪:୧୭ ଗାଲା ୩:୭ * ୪:୧୭ ୪:୧୭ ଗାଲା ୩:୭ * ୪:୧୭ ୪:୧୭ ମୂଲୁ ୧୭:୫ * ୪:୧୮ ୪:୧୮ ମୂଲୁ ୧୫:୫ * ୪:୧୯ ୪:୧୯ ମୂଲୁ ୧୭:୧୭ * ୪:୨୨ ୪:୨୨ ମୂଲୁ ୧୫:୬

ଝାରୁଇ ଏଝାଣି ତାକିଏଦେଁ ରାସ୍‌କି ଆହାହିଲେଏ । ୨୪ ସାମା
 ଈ କାତା ମାଞ୍ଜେତାକି ଜିକେଏ ରାସ୍‌କି ଆହାମାନେ;
 ଇଚିହଁ ଆମ୍ବାଆସି ମା ପ୍ରବୁ ଜୀସୁଇଁ ହାଡ଼ାରି ତାଣାଟି
 ନିକ୍‌ହାମାନେସି, ଏଝାଣି ତାଣା ମାର ନାମିମାନାୟି,
 ମାଞ୍ଜେତାକି ଜିକେଏ ଏଡ଼ି ଆନେ । ୨୫ ଏ ପ୍ରବୁ ଜୀସୁ
 ମା ପାପୁତି ବାଦୁଲି ହାହାଲି ହେରପିଆହା ମାରେସି ଇଞ୍ଜା
 ମାହାପୁରୁ ନକିତା ମାଞ୍ଜେ ଦାମ୍ବୁ ଗାଟାତାୟି କିହାଲି ଝେଣ୍ଡେ
 ନିଞ୍ଜିତେସି ।*

୫

ମାହାପୁରୁ ନକିତା ନେହଁ ତଞ୍ଜା ଆନାୟି

୧ ନୀର୍ବ ନାମୁତଲେ ମାର ମାହାପୁରୁ ନକିତା ଦାମ୍ବୁ
 ଗାଟାତାୟି ଆହାମାନାୟି ଇଞ୍ଜା ପ୍ରବୁ ଜୀସୁ କ୍ରୀସ୍ତ ତାଣାଟି
 ମାହାପୁରୁ ତଲେ ମାର ହିଡ଼ଡ଼ି ତଲେ ମାନାୟି; ୨ ଏମିନି
 କାର୍ମାତା ମାର ମାଞ୍ଜାମାନାୟି, ଏମ୍ବାଟି ଏଝାଣି ତାଣାଟି
 ନାମୁତା ଜିକେଏ ମାନାୟି; ଇଞ୍ଜା ମାର ମାହାପୁରୁତି
 ଗାଝୁରମିତି ବାସ୍‌ତା ବତପଣ କିହିମାନାୟି । ୩ ଝାରୁଇ ଏଡ଼ି
 ଆଏ, ବାରେ ଦୁକୁ କସ୍ତା ଜିକେଏ ମାର ରାହଁ କିହିମାନାୟି,
 ଇଚିହଁ କସ୍ତି ସାସା ଝାନେ, ୪ ସାସାଟି ବାଡ଼ୁୟି ମାଣ୍‌କି
 ଝାନେ ଇଞ୍ଜା ବାଡ଼ୁୟି ମାଣ୍‌କିଟି ବାସ୍‌ ଝାନେ । ୫ ବାସ୍‌ ମାଞ୍ଜେ
 ହାଣି ଆହାଲି ହିୟେଏ, ଏନାଆଁତାକି ଇଚିହଁ ମାହାପୁରୁ
 ମାଞ୍ଜେ ସୁଦୁଜାଝୁ ହାହାନା ମା ହିୟାଁତା ତାନି ଜୀଝୁ ନନାଣି
 ହାହାମାଞ୍ଜାନେସି ।

୬ ଏଚିବେଲ୍‌ତା ମାର ଏଡ଼ି ଉପେୟି ହିଲ୍‌ଆଗାଟାୟି
 ମାଚାୟି, ଏଚିବେଲ୍‌ ମାହାପୁରୁ ତାରି କିହାମାଟି ବେଲ୍‌ତା
 କ୍ରୀସ୍ତ ପାପୁ ଲକୁତାକି ହାଡ଼େସି । ୭ ଦାମ୍ବୁତି ଲକୁତାକି
 ଆମ୍ବାଆସି ଜିକେଏ ହାଅସି, ନେହଁ ଲକୁତାକି ଆମ୍ବାଆସି
 ଜୀଝୁ ହାହାଲି ଅଣ୍‌ପିନେସି । ୮ ସାମା ମାର ପାପୁଗାଟି ଲକୁ
 ମାଚାଟି ଜିକେଏ କ୍ରୀସ୍ତ ମା ତାକି ତାନି ଜୀଝୁ ହାଡ଼େସି,
 ଇଦାଆଁ ତଲେ ମାହାପୁରୁ ମାଞ୍ଜେ ଏଚେକା ଜୀଝୁନହଁ
 ମାଞ୍ଜାନେସି, ଏଦାଆଁ ତସାମାଞ୍ଜାନେସି । ୯ ଏଦାଆଁତାକି
 ଈ କାତା ସାତା, ମାର ନୀର୍ବ ଏଝାଣି ନେତେରି ତଲେ
 ଦାମ୍ବୁ ଗାଟାତଝି ଆହାମାନାକି ଏଝାଣି ତାଣାଟି ମାହାପୁରୁତି
 କପାଟି ଗେଲ୍‌ପି ଆହାଲି ଆଡ଼ିନାୟି । ୧୦ ମାର ମାହାପୁରୁତି
 ସାଡ଼ୁୟାଁ ମାଚାୟି, ସାମା ମାର ତାନି ମାରଏଣା ହାକିଟି
 ତାନିତଲେ ଆଣ୍ଡିତାୟି, ନୀର୍ବ ମାର ମାହାପୁରୁ ତଲେ
 ଆଣ୍ଡାନା କ୍ରୀସ୍ତ ଜୀଝୁତଲେ ଗେଲ୍‌ପି ଆନାୟି । ୧୧ ଝାରୁଇ
 ଏଚେକା ଆଏ, ସାମା ପ୍ରବୁ ଜୀସୁ କ୍ରୀସ୍ତ ତାକି ମାର ନୀର୍ବ
 ମାହାପୁରୁ ତଲେ ଆଣ୍ଡାମାନାୟି; ଏଝାଣି ତାଣାଟି ମାର
 ମାହାପୁରୁ ତାଣା ବତପଣ ଜିକେଏ ଆହିମାନାୟି ।

ଆଦମ ଅଡ଼େ କ୍ରୀସ୍ତ

୧୨ ରଅଣି ତାଣାଟି ପାପୁ ଦାରତିତା ଝାଡ଼େ ଅଡ଼େ ପାପୁ
 ତଲେ ହାକି ଝାଡ଼େ, ବାରେଜାଣା ପାପୁ କିତାକି ହାକି
 ବାରେ ମାଣ୍‌ସିତାକି ଝାଡ଼େ, ଇଞ୍ଜା ବାରେଜାଣା ପାପୁ

କିତେରି ।* ୧୩ ମେରା ହାପୁକି ଆଡ଼ି ନକେଏ ଦାରତିତା
 ପାପୁ ମାଚେ; ସାମା ମେରା ହିଲ୍‌ଆଟି ପାପୁତି ଏଜିକିଝି
 ଆହି ହିଲ୍‌ଆଚେ । ୧୪ ଆଦମ ତାଣାଟିଏ ମସା ପାଡେକା
 ଆମ୍ବାଆସି ଜିକେଏ ଆଦମ ଲେହେଁ ହୁକୁମି ମାନ୍‌ କିଆନା
 ପାପୁ କିହାହିଲ୍‌ଆତା ଜିକେଏ ବାରେଜାଣା ହାକିତି ଡ଼ଇ
 ମାଚେରି; ଆମିନିଗାଟାସି ଝାନାୟି ମାଚେ, ଆଦମ ଏଝାଣି ର
 ଝାଣା ।

୧୫ ସାମା ଦହ ଏନିକଁ, ମାହାପୁରୁତି କାର୍ମା ଜିକେଏ
 ଏଲେକଁ, ଏଡ଼ି ଆଏ, ଇଚିହଁ ରଅଣି ଦହ ତାକି
 ହାରେକା ଲକୁତି ହାକି ଆଡ଼େ, ଆଡ଼ିହଁ ମାହାପୁରୁତି
 କାର୍ମା ଅଡ଼େ ର ମାଣ୍‌ସି ଇଚିହଁ ଜୀସୁ କ୍ରୀସ୍ତ ହାଡ଼ି
 କାର୍ମାତି ଦାନା ହାରେକା ଲକୁତାକି ହାରେକା ଗାଡ଼ି ଆଡ଼େ
 । ୧୬ ର ମାଣ୍‌ସି ପାପୁ କିତାକି ଏନିକଁ ପାଡ଼େୟି ଆଡ଼େ,
 ଈ ଦାନାତି ପାଡ଼େୟି ଏଲେକଁ ଆଏ, ଇଚିହଁ ରଅଣି
 ତାକି ଏମିନି ନାହାଁୟି, ଏମ୍ବାଟି ପାଡ଼େୟି ତଣ୍ଡ ଆଡ଼େ,
 ସାମା ହାରେକା ଲକୁତି ଦହ ତାକି ଏମିନି କାର୍ମାତି ଦାନା,
 ଏମ୍ବାଟି ପାଡ଼େୟି ଦହ ହିଲ୍‌ଆଗାଟାୟି ଆଡ଼େ । ୧୭ ର
 ମାଣ୍‌ସିତି ପାପୁ ତାକି, ହାକି ସାଲ୍‌ଝି କିତେ; ସାମା ଅର
 ରଅସି ଇଚିହଁ ଜୀସୁ କ୍ରୀସ୍ତ ଏନାଆଁ କିହାମାନେସି, ଏଡ଼ି
 ଏଚେକା କାଜାୟି । ଆମିନି ବାରେଜାଣା ମାହାପୁରୁତି
 ହାରେକା କାର୍ମାମେହ୍‌ନାୟି ଉଜେଏ ମେଡ଼ା ଆନାଣି ତଲେ
 ମାହାପୁରୁତି ନକିତା ଦାମ୍ବୁଗାଟାରି ଇଞ୍ଜା ଝେଞ୍ଜିନେରି,
 ଏଝାରି କ୍ରୀସ୍ତ ତଲେ ଜୀଣାଆହାନା ନୀତିନେରି ।

୧୮ ରଅଣି ପାପୁ ଏନିକିହଁ ବାରେ ମାଣ୍‌ସି କୃତାଈଁ ତଣ୍ଡ
 ବେଟା ଆଝିକିତେ, ଏଲେକିହଁଏ ରଅଣି ଦାମ୍ବୁତି କାମା
 ବାରେ ମାଣ୍‌ସି କୃତା ତାକି ଗେଲ୍‌ପି ଆନାଣି ଇଞ୍ଜା ରାଆଗାଟି
 ଜୀଝୁ ତାଟାହାତେ । ୧୯ ରଅସି ମାନ୍‌ କିଆତାକି ଏନିକିହଁ
 ହାରେକା ଲକୁ ପାପୁ ଗାଟାରି ଆଡ଼େରି, ଏଲେକିହଁଏ
 ରଅଣି ମାନ୍‌ କିନାଣି ତଲେ ବାରେଜାଣା ମାହାପୁରୁ ନକିତା
 ଦାମ୍ବୁଗାଟାରି ଆନେରି ।

୨୦ ଇଦାଆଁ ପିସ୍‌ପେ ମେରା ଜିକେଏ ଝାଡ଼େ, ଏନିକଁ
 ଦହ ହାରେକା ଗାଡ଼ିଆନେ; ସାମା ଆମ୍ବିୟା ପାପୁ
 ପାତାଆଡ଼େ, ଏମ୍ବାଆଁ ମାହାପୁରୁତି କାର୍ମାମେହ୍‌ନାୟି
 ଜିକେଏ ହାରେକା ପାତାଆଡ଼େ । ୨୧ ଏନିକିହଁ ପାପୁ
 ହାକି ତଲେ ସାଲ୍‌ଝି କିତେ, ଏଲେକିହଁଏ ମାହାପୁରୁତି
 କାର୍ମାମେହ୍‌ନାୟି ଜୀସୁ କ୍ରୀସ୍ତ ତାଣାଟି ମାଞ୍ଜେ ଦାମ୍ବୁ
 ଗାଟାତାୟି କିହାଁ ରାଆଗାଟି ଜୀଝୁ ହିୟାତେ ।

୬

ପାପୁତି ହାକି କ୍ରୀସ୍ତ ତାଣାଟି ଜୀଝୁ

୧ ଆଡ଼ିହଁ ମାର ଏନାଆଁ ଇନାୟି ? ମାହାପୁରୁତି
 କାର୍ମାମେହ୍‌ନାୟି ଏନିକିହଁ ହାରେକା ଆନେ, ଏଦାଆଁତାକି
 କି ପାପୁତେଏ ମାଞ୍ଜେମାନାୟି ? ୨ ଏଡ଼ି ଏଚେଲ୍‌ ଜିକେଏ
 ଆଆପେ । ପାପୁ ତାକି ମାର ହାହାମାନାୟି, ଏନିକିହଁ

* ୪:୨୫ ୪:୨୫ କିସା ୫୩:୪,୫ ✧ ୫:୧୨ ୫:୧୨ ମୂଲୁ ୩:୬ * ୬:୩ ୬:୩ ମୂଞ୍ଜିନାୟି

ଏମାଆଁ ଅଡ଼େ ମାର ନୀତିନାୟି ? ୩ ମାର ଏଚେକା ଲକୁତାୟି କ୍ରୀସ୍ତ ଜୀସୁ ତାଣା ବାପ୍ତିସ୍ମ* ଅହାମାନାୟି, ବାରେ ଜାଣାତାୟି ତାନି ହାକିତା ବାପ୍ତିସ୍ମ† ଅହାମାନାୟି, ଇଦାଆଁ କି ମୀରୁ ପୁଞ୍ଜାହିଲଅତେରି ? ୪ ଏଦାଆଁତାକି ମାର ବାପ୍ତିସ୍ମ‡ ଅହାନା ହାକିତା ତାନିତଲେ ମୁସପି ଆହାମାନାୟି, କ୍ରୀସ୍ତ ଏନିକିହିଁ ଆବାତି ଗାଝୁରମି ତଲେ ହାଡାରି ତାଣାଟି ଝେଣ୍ଡେ ନିଜିତେସି, ମାର ଜିକେଏ ଏଲେକିହିଁ ଏ ପୁଞ୍ଜି ନୀଝୁତି ମାଣ୍ଡକି ତଲେ ନୀତିନ । ୫

୬ ଏନାଆଁତାକି ଇଚିହିଁ ମାର ଏଝାଣି ହାକିତା ଆଣ୍ଡାନା ଏଝାଣିତଲେ ରଣ୍ଡିଏ ଆହାମାନାୟି, ଆତିହିଁ ସାତେଏ ଏଝାସି ଝେଣ୍ଡେ ନିଜିତି ଲେହେଁ ମାର ଜିକେଏ ନିଜାନା ଏଝାଣିତଲେ ରଣ୍ଡିଏ ଆନାୟି । ୭ ମାର ପୁଞ୍ଜାମାନାୟି, ପାପୁତି ହଲିୟାଜା ଆଆପ, ଇଦାଆଁତାକି ପାପୁତି ଆଜା ନାସା କିହାଲିତାକି ମା ପୁଞ୍ଜଇ ମାଣ୍ଡକି ତାନିତଲେ ପାସି ମୁଣ୍ଡାତା ହାହାମାନେ । ୮ ଏନାଆଁତାକି ଇଚିହିଁ ମାଣ୍ଡସି ହାଡ଼ିସାରେ, ପାପୁତି ବାଡ଼ୁୟି ଗେଲପି ଆନେସି । ୯ ସାମା ମାର କ୍ରୀସ୍ତ ତଲେ ହାଡାକି, ତାନିତଲେ ମାର ଜିକେଏ ନୀତିନାୟି ଇଞ୍ଜି ନାମାମାନାୟି । ୧୦ ମାର ପୁଞ୍ଜାମାନାୟି, କ୍ରୀସ୍ତ ହାକିତି ନିଜାମାନାକି, ଏଝାସି ଅଡ଼େ ଝେଣ୍ଡେ ହାଅସିଦେଁ, ଏଝାଣାଇଁ ଅଡ଼େ ହାକି ସାଲଝି କିହାଲି ଆଡ଼େଏ । ୧୧ ଏଝାସି ଆମିନି ହାକିତା ହାଡ଼େସି, ଏଦାଆଁ ତଲେ ପାପୁତି ବାଡ଼ୁୟି ରଣ୍ଡିଏ ଦେବେଏ ଜାଣା ଆଡ଼େସି । ଅଡ଼େ ନୀର୍ବ ଆମିନି ଜୀଝୁତଲେ ନୀତାମାନେସି, ଏଡ଼ି ମାହାପୁରୁ ତଲେ ଆଣ୍ଡିତି ଜୀଝୁ । ୧୨ ଏଲେକିହିଁ ଏ ମୀରୁ ଜିକେଏ ପାପୁତା ହାହାମାଞ୍ଜେରି ଇଞ୍ଜି ଅଣ୍ଡାପୁ । ସାମା କ୍ରୀସ୍ତ ଜୀସୁ ତାଣାଟି ଆଣ୍ଡାନା ମାହାପୁରୁ ତାକି ଜୀଝୁ ଗାଟାତମି ଇଞ୍ଜି ।

୧୩ ମୀ ହାନି ଆଜାତା ପାପୁ ସାଲଝି କିୟାଆପେ; ମୀରୁ ଅଡ଼େ ଆଜାତି ଲାଗେଏତି ଅଣ୍ଡପୁ ତଲେ ତାକାଆପୁ । ୧୪ ମୀ ଆଜା ଉଡ଼େଲିତି ଲାଗେଏତି କାମାତି ଜୁତି ଲେହେଁ ପାପୁ କାମାତା ହେରପାଆପୁ, ସାମା ହାଡାରି ତାଣାଟି ନୀତାମାନି ଲେହେଁ ଜାହା ଜାହାରାଇଁ ମାହାପୁରୁ ନକିତା ହେରପା କତାପୁ, ଇଞ୍ଜି ଜାହା ଜାହାରା ଆଜା ଉଡ଼େଲିତି ଦାମ୍ବୁତି ଜୁତି ଲେହେଁ ମାହାପୁରୁ ନକିତା ହେରପାପୁ । ୧୫ ପାପୁ ମିଜେ ସାଲଝି କିୟାଆପେ, ମୀରୁ ଅଡ଼େ ମସାତି ମେରା ଡ଼ଇ ହିଲଅତେରି, ସାମା ମାହାପୁରୁତି କାର୍ମାତି ଡ଼ଇ ମାଞ୍ଜେରି ।

ଦାମ୍ବୁତି ହଲିୟାଜା

୧୬ ଆତିହିଁ ଏନାଆଁ ? ମାର ମସାତି ମେରା ଡ଼ଇ ହିଲଆୟି, ସାମା ମାହାପୁରୁତି କାର୍ମାମେହନି ଡ଼ଇ ମାନାୟି, ଇଦାଆଁତାକି କି ପାପୁ କିନାୟି ? ଏଲେଆହିଁ ଏଚେଲା ଜିକେଏ ଆଆପେ । ୧୭ ମୀରୁ ସାତେଏ ପୁଞ୍ଜାମାଞ୍ଜେରି, ମୀରୁ ରଅଣି ହଲିୟାଜା ଆହାନା ଏଝାଣି କାତା ମାନଝି ଆଡ଼ିସାରେ, ଆତିହିଁ ମୀରୁ ଏଝାଣି ହଲିୟାଜାତେରି,

ପାପୁତି ହଲିୟାଜା ଆଡ଼ିସାରେ, ପାପୁ ମାଣ୍ଡକିଟି ହାକି ଝାନ୍ଦେ; ଦାମ୍ବୁତି ଜେତ ହାଡ଼ିସାରେ, ଜୀଝୁ ବେଟାଆଡ଼େରି । ୧୮ ସାମା ମାହାପୁରୁଇଁ ଜହରା କିହିମାଇଁ, ମୀରୁ ର ଦିନା ପାପୁତି ହଲିୟାଜାତେରି ମାଚେରି, ମୀରୁ ନୀର୍ବ ନେହିଁ ବଲୁତି ଜାପୁନି ତାଣା ହେରପାଆହା ମାଞ୍ଜେରି, ଅଡ଼େ ହିୟା ତଲେ ଏମାତି ମାନି କିହିମାଞ୍ଜେରି । ୧୯ ପାପୁତି ପିସପି ଆହାନା ଦାମ୍ବୁତି ହଲିୟାଜା ଆହାମାଞ୍ଜେରି । ୨୦ ମୀ ଆଜାତି ବାଡ଼ୁୟି ହିଲାଆକି ମାଣ୍ଡସିତି ହାଡାତଲେ ଝେସିମାଞ୍ଜାଇଁ; ମୀରୁ ଏନିକିହିଁ ଲାଗେଏତି କାମାତାକି ଜାହାରା ଆଜା ଉଡ଼େଲିତି ପଲେଏତି ଇଞ୍ଜି ଦାମ୍ବୁ ହିଲାଆତାଣା ହଲିୟାଜା ଲେହେଁ ହେରପାମାଚେରି, ଏଲେକିହିଁ ଏ ନୀର୍ବ ଜାହାରା ଆଜା ଉଡ଼େଲିତି ସୁଦୁଜୀଝୁ ତାକି ଦାମ୍ବୁତି ନକିତା ହଲିୟାଜା ଲେହେଁ ହେରପାପୁ ।

୨୧ ମୀରୁ ପାପୁତି ହଲିୟାଜା ମାଚାଟି, ଦାମ୍ବୁତାକି ମେଲା ପିସପି ଆହାମାଚେରି । ୨୨ ଆତିହିଁ ନୀର୍ବ ମିଜେ ଆମିନି କାମା କିହାଲିତାକି ଲାଜା ହଡ଼ିମାଞ୍ଜାନେ, ଏଚିବେଲା ବାରେ କିହିମାଚେରି, ଏଡ଼ି ଏମାତି ଏନାଆଁ ଲାବା ବେଟାଆଡ଼େରି ? ଏ ବାରେ କାମାତି ପାଡ଼େୟି ହାକି । ୨୩ ସାମା ନୀର୍ବ ମୀରୁ ପାପୁତି ପିସପି ଆହାନା ମାହାପୁରୁତି ହଲିୟାଜା ଆହାମାଞ୍ଜେରି । ଇଦାଆଁତି ଲାବା ଆହିମାନେ, ମାହାପୁରୁ ତାଣା ସୁଦୁଜୀଝୁ ତଲେ ହେରପି ଆନାୟି ଇଞ୍ଜି ରାଆଗାଟି ଜୀଝୁ ବେଟାଆନାୟି । ୨୪ ଏନାଆଁତାକି ଇଚିହିଁ ପାପୁତି କୁଲି ହାକି, ସାମା ମାହାପୁରୁତି କାର୍ମାମେହନି ଦାନା ମା ପ୍ରବୁ ଜୀସୁ କ୍ରୀସ୍ତ ତଲେ ଆଣ୍ଡିନି ତାଣା ରାଆଗାଟି ଜୀଝୁ ମାନେ ।



ବୀହା ଆନି କାତା

୧ ତାୟି ତାଜିସ୍ତାତେରି, ନୀର୍ବ ଏନାଆଁ ଝେସାଲି ଅଣ୍ଡପିମାଇଁ, ଏଦାଆଁ ମୀରୁ ତେଲହିଦେରି, ଏନାଆଁତାକି ଇଚିହିଁ ମୀରୁ ପୁଞ୍ଜାମାଞ୍ଜେରି, “ମେରା” ଏନାୟି । ମାଣ୍ଡସି ଝାନ୍ଦ ତାନି ନୀତାମାନି ପାତେକା ମେରାତି ଡ଼ଇ ଡ଼ୟିନେସି । ୨ ଡ଼କ୍ରା ନୀତାମାନି ପାତେକା ତାନି ଡ଼କ୍ରି ଏଝାଣିତଲେ ବୀହା ମେରା ତଲେ ଦସପି ଆହାନା ଡ଼ୟିନେ । ସାମା ଡ଼କ୍ରା ହାଡ଼ିସାରେ, ଏଝାଣି ଡ଼କ୍ରି ଇ ମେରାଟି ପିସପି ଆନେ । ୩ ଡ଼କ୍ରା ନୀତା ମାନାଟିଏ, ଡ଼କ୍ରି ଅରୁ ରଅଣାକି ବୀହା ଆଡ଼ିସାରେ, ଏଦାନି ଦାରେଣି ଇଞ୍ଜି ଇନେରି; ସାମା ଡ଼କ୍ରା ହାଡ଼ି ତାୟି ମେରାଟି ପିସପି ଆନେ, ଅଡ଼େ ଏଡ଼ି ଅରୁ ରଅଣାକି ବୀହା ଆଡ଼ିସାରେ, ଏଡ଼ି ଦାରେଣି ଆଏ । ୪ ଇଦାଆଁତାକି ତାୟି ତାଜିସ୍ତାତେରି, କ୍ରୀସ୍ତୁତି ଆଜା ତଲେ ମୀରୁ ଜିକେଏ ମେରାତାକି ହାହାମାଞ୍ଜେରି, ଏନିକିହିଁ ମୀରୁ ଏଚକାତାରି ତଲେ ଆଣ୍ଡିଦେରି, ଇଚିହିଁ ମା ମାହାପୁରୁ ତାକି ପାଡ଼େୟି ଆୟାଲି ଆମାଆସି ହାଡାରି ତାଣାଟି ନୀତାମାନେସି, ଏଝାଣିତଲେ ଆଣ୍ଡାପୁ । ୫ ଏଚରଦିନା ପାତେକା ମାର ଆଜାତି ମାଣ୍ଡକି ତଲେ ମାଚାୟି, ଏଚରଦିନା ପାତେକା ମସା ମେରାଟି ପାପୁତି

† ୨:୩ ୨:୩ପୁଞ୍ଜନାୟି ✱ ୨:୪ ୨:୪ କଲସି ୨:୧୨ ‡ ୨:୪ ୨:୪ପୁଞ୍ଜନାୟି ✱ ୨:୪ ୨:୪ କଲସି ୨:୧୨

ଜୁଦ୍ଦକା ମା ଆଜ୍ଞା ବିଦ୍ଵା ଜୀବୁତି ହାଞ୍ଜି କିହାଲି କାମା କିହିମାଚେ ।^୭ ସାମା ଏନାଆଁତଲେ ଦସ୍ତପି ଆହାମାଚାୟି, ଏମ୍ବାଟି ହାହାନା ନୀର୍ବ୍ୟ ମାର ମେରାତି ଅଦିକାରାଟି ମୁକ୍ଲକ୍ଷି ଆହାମାନାୟି; ମାର ଅଡେ ତଲିତିଲେହେଁ ରାସ୍ତକି ଆହାମାନି ମେରାତି ସେବା କିହି ହିଲାଆୟି, ସୁଦୁଜୀବୁ ତସାମାଜ୍ଞାନି ପୁଃନି ଜିରୁତା ନୀର୍ବ୍ୟ ତାକି ମାନାୟି ।

ମେରା ଅଡେ ପାପୁ

^୭ ଆତିହିଁ ଏନାଆଁ ଇନାୟି, ମେରା ପାପୁ ଗାଟାୟି ? ଏଦି ଏଚେଲାଞ୍ଜା ଆଏ । ସାମା ପାପୁ ଏନାୟି, ଏନାଆଁ ମେରା ନାଜେ ଝେସା ମାଞ୍ଜାନେ, “ଏଚକା ଲକୁତି ଦିଶ୍ଵ ଜୁଦ୍ଦକା ଆଆପୁ,” ଇ ହୁକୁମି ମେରା ଝେସା ମାଞ୍ଜାଆତିହିଁମା, ଜୁଦ୍ଦକା ଏନାୟି, ନାନୁ ପୁନାଆତେର୍ସାମା ।^୮ ସାମା ପାପୁ ପାରୁ ବେଟାଆହାନା ହୁକୁମି ତଲେ ନା ତାଣା ବାରେଲେହେଁତି ଜୁଦ୍ଦକା କିନାଣି ହିୟାତେ, ମେରା ପିସ୍ତପେ ପାପୁ ହାଡାୟି ।^୯ ର ଦିନା ନାନୁ ମେରା ପୁନାଆନା ନୀତିମାଚେର୍ସା, ସାମା ହୁକୁମି ଝାହାଲିଏ ପାପୁ ନୀତିତେ, ଇଞ୍ଜା ନାନୁ ହାଡେର୍ସା;^{୧୦} ଆମିନି ମେରା ଜୀବୁ ହାହାଲିତାକି ଚିକାଣା ତାୟି ମାଚେ, ଏଦି ନା ଜୀବୁତା ହାକି ଝାଡେ ।^{୧୧} ଇତିହିଁ ପାପୁ ପାରୁ ବେଟାଆହାନା ହୁକୁମିଟି ନାଜେ ନାଡ଼ି କିୟାତେ ଇଞ୍ଜା ଏମ୍ବାଟି ନାଜେ ପାୟାତେ ।^{୧୨}

^{୧୩} ମେରା ସୁଦୁଗାଟାୟି, ଏଦାଣି ହୁକୁମିକା ବାରେ ସୁଦୁ ଗାଟାଇ, ଦାମ୍ବୁଗାଟାୟି ଇଞ୍ଜା ନେହାୟି ।^{୧୪} ଆତିହିଁ, ଏନାୟି ନେହାୟି, ଏଦି କି ନାଜେ ହାଞ୍ଜି କିୟାନେ ? ଏଦି ଏଚେଲାଞ୍ଜା ଆଆପେ, ପାପୁଏ ଏନାଆଁ କିତେ, ନେହିଁ ମେରାତି ଲେମ୍ବାନା ପାପୁ ନାଜେ ହାଞ୍ଜି କିୟାତେ, ଏନାଆଁ ତଲେ ପାପୁତି ସାତା ଝାଣା ତଞ୍ଜାଆଡେ, ଏନାଆଁତାକି ମେରା ତଲେ ପାପୁ ହାରେକା ଆଜିହପେତାୟି ପୁଶ୍ଵିଆଡେ ।

ମାଣ୍ଠି ଆଜ୍ଞାତା ମାନି ଗଡ଼ହା

^{୧୫} ମସାତି ମେରା ସୁଦୁଜୀବୁ ଗାଟାୟି, ଇଦାଆଁ ମାରୁ ପୁଞ୍ଜାମାନାୟି; ସାମା ନାନୁ ପାପୁତି ଆଜ୍ଞାତା କଡ଼ଞ୍ଜିଆଡ଼ି ହଲେଏଣାତେର୍ସା ।^{୧୬} ନାନୁ ଏନାଆଁ କିହିମାଜ୍, ଏନାଆଁ ନାନୁ ପୁଞ୍ଜିହିଲଅଁ; ଏନାଆଁ କିହାଲି ନା ଅଣ୍ପୁ, ଏନାଆଁ ନାନୁ କିଅଁ; ସାମା ଏନାଆଁ ଅପଅଁ, ଏନାଆଁ କିଇଁ ।^{୧୭} ସାମା ଏନାଆଁ ନାନୁ ଅଣ୍ପଅଁ, ଏନାଆଁ କିତିସାରେ, ଆତିହିଁ ମସାତି ମେରା ନେହାୟି ଏନାଆଁ ନାନୁ ଜଲିମାଜ୍ ।^{୧୮} ଏନାଆଁତାକି ଏ କାମା ସାତେଏ ନାନୁ କିଆନା ନା ବିଦ୍ଵାମାନି ପାପୁଏ ଏନାଆଁ କିହିମାନେ ।^{୧୯} ନାନୁ ପୁଞ୍ଜାମାଜ୍, ନା ବିଦ୍ଵା ଇତିହିଁ ମାଣ୍ଠି ମାଣ୍ଠିକିତା ନେହାୟି ଏନାୟି ଜିକେଏ ହିଲେଏ, ଇତିହିଁ ନେହିଁ କାମା କିହାଲି ନାଜେ ଅଣ୍ପୁ ମାଟିହିଁ ଜିକେଏ ଏନାଆଁ କିହାଲି ଆଡ଼ଅଁ ।^{୨୦} ଇତିହିଁ ଏମିନି ନେହିଁ କାମା କିହାଲି ନାନୁ ମନ କିଇଁ, ଏନାଆଁ କିଅଁ, ସାମା ଏମିନି ଲାଗେଏତି କାମା କିହାଲି ନାନୁ ମନ କିଅଁ, ଏନାଆଁ କିଇଁ ।^{୨୧} ନାନୁ ଏନାଆଁ ଅଣ୍ପି ହିଲଅଁ,

ଏନାଆଁ କିହିମାଜ୍, ଆତିହିଁ ଏନାଆଁ ନାନୁ ଅଡେ କିଅଁ, ସାମା ନା ତାଣା ବାସା କିହାମାନି ପାପୁ ଏନାଆଁ କିନେ ।

^{୨୨} ଏନାଆଁତାକି ନାନୁ ନେହିଁ କାମା କିହାଲି ମନ କିହିମାଜ୍, ଏଚିବେଲା ନା ତାଣା ଝାରଇ ଲାଗେଏତାୟି ତଞ୍ଜା ଆହିମାନେ, ଇଦାଆଁ ମେରାତା ମେସିମାଜ୍ ।^{୨୩} ଇତିହିଁ ହିୟାତା ଅଣ୍ପିନି ମାଣ୍ଠିଲେହେଁ, ମାହାପୁରୁତି ମେରା ମାନି କିହାଲି ନାଜେ ରାହାଁ, ^{୨୪} ସାମା ନାନୁ ନା ଆଜ୍ଞାତା ଅର ରଲେତି ମେରା ତଞ୍ଜା ଆହିମାନେ, ଏଦି ନା ମନତି ମେରା କପାଟି ଜୁଜୁ କିହିମାନେ, ଅଡେ ନା ଆଜ୍ଞାତା ଏମିନି ପାପୁତି ମେରା ମାନେ, ନାଜେ ଏମ୍ବାଆଁ ଦସ୍ତପାନା ।^{୨୫} ଆୟତା, କାର୍ମା କପଲ ହିଲାଆଗାଟି ମାଣ୍ଠିତେର୍ସା ନାନୁ ! ଇ ହାଞ୍ଜିକିନି ଆଜ୍ଞାଟି ନାଜେ ଆମ୍ବାଆସି ଗେଲ୍ପାଚେସି ? ^{୨୬} ମା ପୁରୁ ଜୀସୁ କ୍ରୀସ୍ତ ତାଣାଟି ଗେଲ୍ପି ଆହାମାନାକି ମାହାପୁରୁଇଁ ଜହରା ଆପେ । ଏନାଆଁତାକି ଇତିହିଁ ନାନୁଏ ନା ମନତଲେ ମାହାପୁରୁତି ମେରାତି ହଲେଏଣାତେର୍ସା, ସାମା ଆଜ୍ଞା ତଲେ ପାପୁ ମେରାତି ହଲିୟା ଆହାମାନେ ।

୮

ସୁଦୁଗାଟି ଜୀବୁ

^୧ ଆମିନି ଗାଟାରି କ୍ରୀସ୍ତ ଜୀସୁତଲେ ଆଣ୍ଠାନା ନୀତିମାନେରି, ଏଞ୍ଜାରାକି ନୀର୍ବ୍ୟ ଏଦି ତଣ୍ଡ ହିଲେଏ ।^୨ ଇତିହିଁ ଜୀବୁ ହିୟାନି ଜୀବୁତି ମେରା କ୍ରୀସ୍ତ ଜୀସୁ ତାଣା ଆଣ୍ଠାନା ମିଜେ ପାପୁ ଅଡେ ହାଞ୍ଜିକିନି ମେରାଟି ମୁକ୍ଲକ୍ଷି କିହାମାଞ୍ଜାନେ ।^୩ ମାଣ୍ଠିତି ଆଜ୍ଞାତା ବାଡ଼ୁ ହିଲାଆକି ମସା ହାହାମାନି ମେରା ଏନାଆଁ କିହାଲି ଆଡ଼ାଆତେ, ମାହାପୁରୁ ଏନାଆଁ ତାନି ମୀର୍ଏଣାଜ୍ ପାପୁଗାଟି ମାଣ୍ଠିଲେହେଁ ପାପୁଇଁ ନାସା କିହାଲି ପାଣ୍ଠାନା ଆଜ୍ଞାତି ପାପୁତି ତଣ୍ଡ ହାହାଲି କିତେସି ।^୪ ଏନାଆଁତାକି ମାର ମାଣ୍ଠିତି ମାଣ୍ଠିକିତା ମାନାଆନା ସୁଦୁଜୀବୁତି ମାଣ୍ଠିକିତା ମାଞ୍ଜାନା ଇଞ୍ଜା ଇଦାଆଁ ତଲେ ମାର ମେରାତି ପାଣ୍ଠାପାରୁ ମାନି କିହିମାନାୟି ।^୫ ଆମିନି ଗାଟାରି ଆଜ୍ଞାତି ମାଣ୍ଠିକି ତଲେ ନୀତିନାରି ଏଞ୍ଜାରି ଆଜ୍ଞାତି ମାଣ୍ଠିକିତା କାତାତା ମନ ହାନେରି, ସାମା ଆମିନି ଗାଟାରି ସୁଦୁଜୀବୁତି ମାଣ୍ଠିକି ତଲେ ନୀତିନେରି, ଏଞ୍ଜାରି ହିୟା ସୁଦୁଜୀବୁତି କାତାତା ମନ ହାନେରି ।^୬ ଇତିହିଁ ଆଜ୍ଞାତି ମାଣ୍ଠିକିତା ମନ ହାଞ୍ଜିକିନେ; ସାମା ସୁଦୁଜୀବୁତି ମାଣ୍ଠିକିତା ମନ ଜୀବୁ ଇଞ୍ଜା ହିଡ଼ଡ଼ି ହିୟାନେ ।^୭ ଇତିହିଁ ଆଜ୍ଞାତି ମନତଲେ ନୀତିନାସି ମାହାପୁରୁ କପାଟି ସାତୁ ଆନେସି; ଇତିହିଁ ଏଞ୍ଜାସି ମାହାପୁରୁ ମେରାତି ମାନି କିଅସି; ଇଞ୍ଜା ଏଞ୍ଜାସି ମାନଞ୍ଜି ଆହାଲି ଆଡ଼ଅସି ।^୮ ଆମିନି ଗାଟାରି ଆଜ୍ଞାତି ମାଣ୍ଠିକି ତଲେ କାମା କିନେରି, ଏଞ୍ଜାରି ମାହାପୁରୁଇଁ ରାହାଁ କିହାଲି ଆଡ଼ଅରି ।

^୯ ମାହାପୁରୁତି ସୁଦୁଜୀବୁ ସାତା ତଲେ ମୀ ତାଣା ମାଟିସାରେ, ମୀରୁ ଅଡେ ଆଜ୍ଞାତି ମାଣ୍ଠିକି ଲେହେଁ

☆ ୭:୭ ୭:୭ ହାନାୟି ୨୦:୧୭; ଝେ ମେରା ୫:୨୧ ☆ ୭:୧୧ ୭:୧୧ ମୂଲୁ ୩:୧୩ ☆ ୭:୧୫ ୭:୧୫ ଗାଲା ୫:୧୭ ☆ ୭:୧୫ ୭:୧୫ ମୂଲୁ ୫:୧୭

ନୀତଅତେରି, ସାମା ସୁଦୁଜୀଝୁତି ହୁକୁମି ମାନି କିହିମାଞ୍ଜେରି । କ୍ରୀସ୍ତତି ଜୀଝୁ ଆମ୍ବାଆରି ତାଣା ହିଲେଏ, ଏଝାସି ଏତେଲ୍ଲା ଜିକେଏ ଏଝାଣି ଲକୁ ଆହାଲି ଆଡ଼ଅସି । ୧୦ ସାମା କ୍ରୀସ୍ତ ମୀ ତାଣା ମାଟିସାରେ, ମୀ ଆଜ୍ଞା ପାପୁ ତାକି ନାସା ଆହାଲି ହାଜିମାଟିହିଁ ଜିକେଏ, ସୁଦୁଜୀଝୁ ମିଙ୍ଗେ ଜୀଝୁ ହୀୟାନେ, ଏନାଆଁତାକି ଇତିହିଁ ମାହାପୁରୁ ନକିତା ମୀରୁ ଦାମ୍ବୁଗାଟାତେରି ଆହାମାଞ୍ଜେରି । ୧୧ ଆମ୍ବାଆସି ହାଡ଼ାରି ତାଣାଟି ଜୀସୁଇଁ ନିକହେସି, ଏଝାଣି ଜୀଝୁ ମୀ ତାଣା ମାଟିସାରେ, ଆତିହିଁ ଆମ୍ବାଆସି ହାଡ଼ାରି ତାଣାଟି କ୍ରୀସ୍ତ ଜୀସୁଇଁ ନିକହେସି, ଏଝାସି ମୀ ତାଣା ମାନି ତାନି ଜୀଝୁତଲେ ମୀ ହାଡ଼ି ଆଜ୍ଞାତି ଜିକେଏ ନୀଟନେସି ।

୧୨ ଏଦାଆଁତାକି, ତାୟି ତାଜିସ୍ମାତେରି, ମାର ରୀଣାଗାଟାତାୟି, ସାମା ଆଜ୍ଞାତି ମାଣ୍ଡକି ତଲେ ନୀତାଲି ଆଏ । ୧୩ ଇତିହିଁ ଆଜ୍ଞାତି ମାଣ୍ଡକି ତଲେ ମୀରୁ ନୀତିଦେରି, ଆତିହିଁ ସାତେଏ ହାଡ଼େରି, ସାମା ସୁଦୁଜୀଝୁତି ସାୟେମି ତଲେ ଆଜ୍ଞାତି କାମା ବାରେ ନାସା କିଦେରି, ଆତିହିଁ ନୀତିଦେରି । ୧୪ ଆମିନି ଗାଟାରି ମାହାପୁରୁତି ସୁଦୁଜୀଝୁ ତଲେ ତାକିନେରି, ଏଝାରି ମାହାପୁରୁତି ମୀରୁକା ।

୧୫ ✠✠ଇତିହିଁ ମୀରୁ ଝେଣ୍ଡେ ଆଜାଲି ହଲିୟାଜ୍ଞାତି ଜୀଝୁ ବେଟାଆହା ହିଲଅତେରି, ସାମା ମୀରୁଏଣାତି ଜୀଝୁ ବେଟାଆହାମାଞ୍ଜେରି; ଏମ୍ବାଟି ମାର “ଆବା ତାଞ୍ଜି” ଇଞ୍ଜି ହାଡ଼ିମାନାୟି । ୧୬ ମାର ମାହାପୁରୁତି ମୀରୁକା ମାସ୍କା ଇଞ୍ଜି ଏ ଜୀଝୁଏ ମା ଜୀଝୁତଲେ ଆଣ୍ଡାନା ସାକି ହୀହିମାନେ । ୧୭ ଏନାଆଁତାକି ଇତିହିଁ ମାର ମାହାପୁରୁତି ମୀରୁକା ମାସ୍କାତାୟି, ତାନି ଲକୁତାକି ଲଡ଼ାମାନି ବରତି ବାଗା ପାଣ୍ଡନାୟି, ଇଞ୍ଜା କ୍ରୀସ୍ତ ତଲେ ଗାଝୁରମି ବେଟାଆହାଲି ମାର ଜିକେଏ ଏଝାଣିତଲେ ଦୁକୁ କସ୍ତ ପାଣ୍ଡନାୟି ମାନେ, ଆତିହିଁ ମାହାପୁରୁତି ବରତି ବାଗା ଅଡ଼େ କ୍ରୀସ୍ତ ତଲେ ବାଗାତା ଆଣ୍ଡାଲି ଆଡ଼ିନାୟି ।

ଝାହିମାନି ଗାଝୁରମି

୧୮ ଅଣ୍ଡପାଦୁ, ଆମିନି ଗାଝୁରମିତା ଝାହିମାନି ଦିନାତା ମାର ଏଗାହାନାୟି, ଏଦାଆଁ କିହାଁ ନୀଏଁତି ଦୁକୁ କାକୁଲି ଇଚାୟି ଜିକେଏ ଆଏ, ଏତିବେଲ୍ଲାତା ମାହାପୁରୁ ତାନି ମୀରୁକା ମାସ୍କାଣି ତହୁନେସି । ୧୯ ମାହାପୁରୁ ତାନି ମୀରୁକା ମାସ୍କାଣି ତଞ୍ଜାଆନାଣି ମେସାଲି ବାରେ ଗାଡ଼ି ଆଡ଼ାୟି କାପୁ କାଟାମାନେ । ୨୦ ଏନାଆଁତାକି ଇତିହିଁ ଗାଡ଼ିଆଡ଼ାୟି ମାହାପୁରୁ ତାଣାଟି ବାକା ବେଟାଆହାନା ତାନି ଏଗାହାନି ଟାୟୁ ବାଣା ଆହାମାନେ । ଆଡ଼ିଜିକେଏ ତାନି ଆସା ମାନେ, ୨୧ ଅଡ଼େ ଏଡ଼ି ବାସ୍ତୁ ବେଟାଆଡ଼େ, ଇଞ୍ଜା ଗାଡ଼ି ଆଡ଼ାୟି ତାନୁଏ ଜିକେଏ ମାହାପୁରୁତି ମୀରୁକା ଗାଝୁରମି ତାକି ପିସ୍ତପି ଆହାଲିତାକି ନାସା ଆନି ହଲିୟାଟି ପିସ୍ତପି ଆନେ ୨୨ ସାମା ନୀଏଁ ପାତେକା ବାରେ ଦାରତି ଜାନାଁ କିନି ବୀସା ତଲେ କସ୍ତ ପାଣ୍ଡନି ଲେହେଁ କସ୍ତ ତାକି ଡ଼ାହିମାନେ ।

୨୩ ✠ସାମା ମାର ମୁଲୁତି ପାଡ଼େୟି ଲେହେଁ ସୁଦୁଜୀଝୁତି ବେଟାଆହାମାନାୟି, ଆତିହିଁ ଜିକେଏ ମାର ମାହାପୁରୁତି ମୀରୁକା ଇତିହିଁ ଜାହା ଜାହାରା ଆଜ୍ଞାଟି ବାରେଜାଣା ଗେଲ୍ପି ଆୟାଲିତାକି କାପୁ କାଟାନା ମା ହିୟାତା ଡ଼ାହି ମାନାୟି । ୨୪ ଏନାଆଁତାକି ଇତିହିଁ ବାସ୍ତୁଟି ମାର ଗେଲ୍ପି ଆହାମାନାୟି; ସାମା ଏନାୟି ତଞ୍ଜା ଆନାୟି, ଏଦାଆଁତାକି ବାସ୍ତୁ ଇତିନାୟି ଏଡ଼ି ସାତାତି ବାସ୍ତୁ ଆଏ, ଇତିହିଁ ଏନାଆଁ ମେସିମାନାୟି ଏଦାଆଁତାକି ଏନାଆଁତାକି ବାସ୍ତୁ ଇତିନାୟି ? ୨୫ ସାମା ମାର ଏନାଆଁ ମେସି ହିଲାଆୟି ଏଦାଆଁତାକି ବାସ୍ତୁ ଇତିନାୟି, ଆତିହିଁ ମାଙ୍ଗେ ସାସାତଲେ କାପୁ କାଃଆନାୟି ମାନେ ।

୨୬ ମାର ବାଡ଼ୟୁ ହିଲାଆଗାଟାତାୟି, ସାମା ସୁଦୁଜୀଝୁ ମାଙ୍ଗ ସାୟେମି କିୟାନେ; ଏନିକିହିଁ ପ୍ରାତାନା କିନାୟି, ଏଦାଆଁ ମାର ପୁଞ୍ଜାହିଲାଆୟି, ଏଦାଆଁତାକି ସୁଦୁଜୀଝୁ ଜଲିନି ହାଡ଼ାତଲେ ମା ତାକି ମାହାପୁରୁଇଁ ଗହାରା କିନେ; ୨୭ ଆମ୍ବାଆସି ମା ହିୟାଁ ବିତ୍ରା ମାନାଣି ପୁନାସି, ଏଝାସି ସୁଦୁଜୀଝୁତି ଅଣ୍ଡପୁ ଏନାୟି ଏଦାଆଁ ପୁନେସି, ଇତିହିଁ ଏଝାସି ମାହାପୁରୁତି ଅଣ୍ଡପୁ ତଲେ ମାହାପୁରୁ ଲକୁତାକି ଗହାରା କିନେସି । ୨୮ ମାର ପୁଞ୍ଜାମାନାୟି, ଆମିନି ଗାଟାରି ମାହାପୁରୁଇଁ ଜୀଝୁ ନନେରି ଇଞ୍ଜା ମାହାପୁରୁତି ଲଡ଼ା ତାକି ବାଟି କିଝି ଆହାମାନେରି, ଏଝାରାକି ବାରେ ନେହାୟି ଆନେ । ୨୯ ଆମ୍ବାଆରାଇଁ ମାହାପୁରୁ ହାଟାମାନେସି, ଏଝାରାକି ତାନି ମୀରୁଏଣା ଝାଣା ଲେହେଁ ଆହାଲି ତଲିଟିଏ ତୀରି କିହାମାନେସି, ଆତିହିଁ ମାହାପୁରୁତି ମୀରୁଏସି, ଏନିକିହିଁ ଏଝାସି ହାଡ଼େକା ତାୟି ତାଜିସ୍ମା କିହାଁ ମୁଲୁ ଜାନାଁ ଆଡ଼ାସି ଆନେସି । ୩୦ ଆମ୍ବାଆରାଇଁ ନକେଏ ଆଟାମାତେସି, ଏଝାରାଇଁ ଏଝାସି ହାଡ଼ିତେସି, ଏଝାରି ମାହାପୁରୁ ନକିତା ଦାମ୍ବୁଗାଟାରି ଇଞ୍ଜି ତଞ୍ଜି କିତେସି, ଅଡ଼େ ଆମିନି ଗାଟାରାଇଁ ଦାମ୍ବୁଗାଟାରି ଇଞ୍ଜି ତଞ୍ଜି କିତେସି ଏଝାରାଇଁ ଜିକେଏ ଏଝାସି ଗାଝୁରମି କିତେସି ।

ମାହାପୁରୁତି ଜୀଝୁନନାୟି

୩୧ ଆତିହିଁ ଇ ବାରେଡ଼ି ମେସାନା ମାର ଏନାଆଁ ଇନାୟି ? ମାହାପୁରୁ ମା ଝାକି ମାଟିସାରେ, ଆମ୍ବାଆସି ମା କପାତଲେ ନିଜିନେସି ? ୩୨ ଆମ୍ବାଆସି ତାନି ମୀରୁଏଣାଇଁ ଜିକେଏ ଗେଲ୍ପାଆତେସି, ସାମା ମା ବାରେତାକି ଏଝାଣାଇଁ ହେରପିତେସି, ଏଝାସି ଏନିକିହିଁ ଏଝାଣିତଲେ ମାଙ୍ଗେ ଜିକେଏ ବାରେ କାର୍ମାତି ଦାନା ହିୟଅସିକି ? ୩୩ ମାହାପୁରୁ ହାଟାମାନି ଲକୁ କପାତଲେ ଆମ୍ବାଆସି ଦହ ଦସାଲି ଆଡ଼ିନେସି ? ଏଝାରି ଦହ ହିଲାଆ ଗାଟାରି ଇଞ୍ଜି ମାହାପୁରୁ ତାନୁଏ ଝେକହା ମାନେସି । ୩୪ ଆମ୍ବାଆସି ତଣ୍ଡ ହୀନେସି ? କ୍ରୀସ୍ତ ଜୀସୁ ହାଡ଼ାରି ତାଣାଟି ଝେଣ୍ଡେ ନିଜ୍ଞାନା ମାହାପୁରୁତି ଟିଝନି ଟଟତା ମାଞ୍ଜାନା ମାଙ୍ଗେତାକି ଗହାରା କିହିମାନେସି । ୩୫ ଆତିହିଁ ଆମ୍ବାଆସି ମାଙ୍ଗେ କ୍ରୀସ୍ତତି ଜୀଝୁ ନନି ତାଣାଟି ଏଟକା କିୟାନେସି ? ଦୁକୁ, କସ୍ତ,

✠ ୮:୧୧ ୮:୧୧ ୧କର ୩:୧୨ ✠ ୮:୧୫ ୮:୧୫ ଗାଲା ୪:୫-୭ ✠ ୮:୧୫ ୮:୧୫ ମାର୍ଚ୍ଚ ୧୪:୩୭; ଗାଲା ୪:୭ ✠ ୮:୨୩ ୮:୨୩ ୨କର ୫:୨-୪

କାକୁଲି କି କାତାରା, ହାକି, ଏସକି, ସନି କି କାଣ୍ଡା, ଏନାୟି ଜିକେଏ ଏଦାଆଁ କିହାଲି ଆଡେଏ । ୩୭ ସାସ୍ତେରିତା ରାସକି ଆହାମାନେ;

“ମିଙ୍ଗେ ତାକି ମାମ୍ବୁ ରୁରେଦିନା ହାକିତି ନକିତା,
ହାହାଲି ହାଜିମାନି ମେଣ୍ଡା ଲେହେଁ ମାମ୍ବୁ ତଞ୍ଜା
ଆହିମାନମି ।”

୩୭ ଆଡିଜିକେଏ ଆମ୍ବାଆସି ମାଙ୍ଗେ ଜୀଝୁ ନୟାଁତେସି, ଏଞ୍ଜାଣି ସାୟେମି ତଲେ ମାର ଇ ବାରେତି ଲାକ ଜୀଣା ଆହାମାନାୟି । ୩୮ ନାନୁ ସାତେଏ ନେହଁକଁ ପୁଞ୍ଜାମାଲ୍ ତାନି ଜୀଝୁ ନନି ତାଣାଟି ମାର ଏରେଲା ଜିକେଏ ଏଟକା ଆଆୟି, ହାକି କି ଜୀଝୁ, ଲାକପୁରୁତି ଦୁତୁୟାଁ କି ସାଲୁକି କିହିମାନାଇ କି ବାଡୁୟୁ ଗାଟାଇ, ନୀର୍ବ କି ଝାନି ଦିନା କି ଏନି ବାଡୁୟୁ, ୩୯ ଲାକପୁରୁତି କାତା କି ଡ଼ଇପୁରୁତି କାତା ଏନାୟି ଜିକେଏ; ବାରେ ଗାଡ଼ିଆଡ଼ି ଦିଶୁସୁ ପ୍ରୁ କ୍ରୀସୁ ଜୀସୁ ତାଣାଟି ତଞ୍ଜାଆହାମାନି ମାହାପୁରୁତି ଜୀଝୁ ନନି ତାଣାଟି ମାଙ୍ଗେ ଏଟକା କିୟାନେ ।



ମାହାପୁରୁ ଅଡେ ତାନି ଲକୁ

୧ ନାନୁ କ୍ରୀସୁତି ଲକୁ ଆହାମାନାକି ସାତା ଝେସିମାଲ୍, ମିତି ଝେସିହିଲଅଁ । ସୁଦୁଜୀଝୁତି ସେତନା ହୀନାଣି ତଲେ ନା ଅଣ୍ପୁ ଇଦାଣିତି ସାକି । ୨ ନାନୁ ଏରେକା ଦୁକୁ ଅଡେ କସୁତଲେ ନା ହିୟାଁତା ଏରେକା ବଦୁ ଆହାମାନେ, ଇଦାଆଁ ନାଡ଼ିକିହାଁ ଝେସିହିଲଅଁ । ୩ ନା ଜାହାରା କୃଡ଼ାତି ତାୟିୟାଁକି ନାନୁ କ୍ରୀସୁ ତାଣାଟି ଏଟକା ଆହାନା ମାହାପୁରୁ ତାଣାଟି ବାକା ବେଟାଆହାଲି ନା ଅଣ୍ପୁ, ଇତିହଁ ଏଞ୍ଜାରି ମାହାପୁରୁତି ଲକୁ । ୪ ଏନାଆଁତାକି ଇତିହଁ ଏଞ୍ଜାରି ଇସ୍ତାୟେଲ ଲକୁ; ତାନି ମୀରକା ଲେହେଁ ଆବାନା ଏଞ୍ଜାରି ନକିତା ତାନି ଗାଝୁରମି ତସାମାରେସି; ଏଞ୍ଜାରିତଲେ ରାଜିମାନା ଆହାନା ଏଞ୍ଜାରାକି ମେରା ହୀହାମାରେସି, ଏଞ୍ଜାରି ସାତା ତଲେ ସେବା କିନାରି; ଏଞ୍ଜାରି ମାହାପୁରୁ ତାଣାଟି ଆଞ୍ଜାମାନାଣି ବେଟାଆହାମାନେରି; ୫ ଏଞ୍ଜାରି ବାରେଜାଣା ଝେଙ୍ଗାମାନି ଆକୁ ଆବାୟାଁତି ମୀରକା ଇଞ୍ଜା ମାଣ୍ଡସି ଝାଣାଟି କ୍ରୀସୁ ଏଞ୍ଜାରି ତାଣାଟି ଜାର୍ନା ଆହାମାରେସି; ବାରେ ଅଦିକାରାଗାଟି ମାହାପୁରୁକି କାଲ୍ଲକାଲ୍ଲତାକି ଜହରା ଆପେ । ଆମେନ ।

୬ ମାହାପୁରୁତି ବଲୁ ଉଜେଏ ଆହାମାନେ ଇଞ୍ଜଁ ନାନୁ ଝେସିହିଲଅଁ, ଇତିହଁ ଇସ୍ତାୟେଲ କୃଡ଼ାତି ବାରେ ଲକୁ ମାହାପୁରୁତି ଲକୁ ଆଏ, ୭ ଅବ୍ରାହାମ କୃଡ଼ାତି ବାରେ ଲକୁ ମାହାପୁରୁ ମୀରକା ମାସକା ଏଡି ଆଏ; ମାହାପୁରୁ ଅବ୍ରାହାମାଲ୍ ଝେସାମାରେସି, “ଇସାହାକ ତାଣାଟି ନୀ କୃଡ଼ା ଝେଜିନେରି ।” ୮ ଇଦାଣି କାତା ଇଦି, ମାଣ୍ଡସି ମୀରକା ମାସକା ମାହାପୁରୁ ମୀରକା ମାସକା ଆହାଲି ଆଡ଼ଅରି, ମାହାପୁରୁତି ଆଞ୍ଜାମାନି ଲେହେଁ ଜାର୍ନା ଆହାମାନି ମୀରକା ମାସକା ମାହାପୁରୁ ନକିତା ସାତା ମୀରକା ମାସକା ଲେହେଁ ଆନେରି । ୯ ମାହାପୁରୁ ଇଦାଆଁ ଆଞ୍ଜାମାରେସି, “ଇ

କାଲ୍ଲମିତା ମାମ୍ବୁ ଝେଣ୍ଡେ ଝାନମି, ଏଡିବେଲାତା ସାରା ର ମୀରଏଣାଇଁ ଜାର୍ନା କିହାମାଣ୍ଡିନେ ।” ୧୦ ଅଡେ ଝାରଇ ଏରେକା ଆଏ, ରିବିକାନି ତାଣା ଜିକେଏ ଜାଣ୍ଡା ମୀରକା ର ତାଞ୍ଜି ଇସାହାକ ତାଣାଟି ଜାର୍ନା ଆହାମାରେରି, ୧୧ ଏଞ୍ଜାରି ଜାର୍ନା ଆନି ନକେଏ, ଅଡେ ଏଞ୍ଜାରି ନେହାଁଣି ଲାଗେଏତାଣି କିନି ନକେଏ, ଇଞ୍ଜାରି ବିତ୍ରାଟି ରଅସି ମାହାପୁରୁ ଲଡ଼ା ତାକି ବାଟି କିଝିଆଡେସି, ୧୨ ରିବିକାଇଁ ମାହାପୁରୁ ଏଲେଇଞ୍ଜାମାରେସି, “କାଜା ତାୟି ଉଣା ତାୟିତି ସେବା କିନେସି ।” ମାହାପୁରୁ ଏଦାଆଁ ଝେସାମାରେସି ଏଞ୍ଜାରି କାମା କିତି ତାଣାଟି ଆଏ, ଝାରଇ ମାହାପୁରୁ ଆଡ଼ିତାକି ଏଞ୍ଜାରି ହାଟକି ଆଡେରି । ୧୩ ସାସ୍ତେରିତା ରାସକି ଆହାମାନେ, “ନାନୁ ଜାକୁବଇଁ ଜୀଝୁ ନଡେଏ, ସାମା ଏସାଝୁଇଁ ଅପାଆଡେଏ ।”

୧୪ ଆଡିହଁ ଏନାଆଁ ଇନାୟି, ମାହାପୁରୁ ଲାଗେଏତି କାମାକିନାସି କି ? ଏଡି ଏରେଲା ଜିକେଏ ଆଆପେ । ୧୫ ଏଦାଆଁତାକି ମସାଇଁ ଏଲେଇଚେସି, “ଆମ୍ବାଆରାଇଁ ନା କାର୍ନା ଆନାୟି ମାନେ ଏଞ୍ଜାଣାଇଁ କାର୍ନା ଆଲ୍, ଆମ୍ବାଆରାଇଁ ସାୟେମି କିନାୟିମାନେ ଏଞ୍ଜାଣାଇଁ ନାନୁ ସାୟେମି କିଇଁ ।” ୧୬ ଏଦାଆଁତାକି ଆମ୍ବାଆସି ମନ କିନେସି, ଆଆଡ଼ି ଆମ୍ବାଆସି ପାରିନାସି କି କିନାସି, ଏଞ୍ଜାଣି ତାଣାଟି ଏନାୟି ଆହାଲି ଆଡେଏ, ସାମା କାର୍ନାମେହନି ମାହାପୁରୁ ତାଣାଟି ଆନେ । ୧୭ ଦାର୍ମୁ ସାସ୍ତେରିତା ରାସକି ଆହାମାନି ଲେହେଁ, ମାହାପୁରୁ ମିସରତି ରାଜା ପାରଇଁ ଏଲେଇଚେସି, “ନୀ ତାଣାଟି ନା ବାଡୁୟୁ ତସାଲି ଇଞ୍ଜା ବାରେ ଦାରତିତା ନା ଗାଝୁରମି ତସାଲି ତାକି ନାନୁ ନିଙ୍ଗେ ରାଜା କିହାମାଞ୍ଜାଇଁ ।” ୧୮ ଏଦାଆଁତାକି ମାହାପୁରୁତି ଅଣ୍ପୁ ଲେହେଁ ଆମ୍ବାଆରାଇଁ କାର୍ନା ମେହନେସି ଇଞ୍ଜା ଆମ୍ବାଆରାଇଁ ଆଟ୍ଝା ହିୟାଁ କିନେସି ।

ମାହାପୁରୁତି କାର୍ବି ଇଞ୍ଜା କାର୍ନାମେହନାୟି

୧୯ ଏମ୍ବାଟିଏ ନୀନୁ ନାଙ୍ଗେ ଏଲେଇଞ୍ଜାଦି, “ମାହାପୁରୁ ଏନାଆଁତାକି ଦହ ଆହନେସି ? ଆମ୍ବାଆସି ମାହାପୁରୁତି କପାତଲେ ଏନାଆଁ କିହାଲି ଆଡ଼ିମାନେସି ?” ୨୦ ସାମା ଏ ସୟି, ନୀନୁ ଆମ୍ବାଆତି, ମାହାପୁରୁଇଁ ଝେଣ୍ଡେ ଝେସାଲି ନିଙ୍ଗେ ସାସା ମାନେକି, ଗାଡ଼ି ଆଡ଼ି ଆସି ଗାଡ଼ି କିତାଣାଇଁ “ନାଙ୍ଗେ ଏନାଆଁତାକି ଇଲେକଁ ଗାଡ଼ି କିୟାତି ଇଞ୍ଜଁ ଏଲେଇଞ୍ଜାଲି ଆଡ଼ିନେ କି ?” ୨୧ ର ଇରଥା ଡେପଲ୍ଲାଟି ଜାହାରା ଇଟା ତଲେ ଡକା କେପାଲି କୁମ୍ବେ_ଏଣାକି ବାରେ ଅଦିକାରା ମାନେ, ରଣ୍ଡାଆଁ ବାରେ କାମାତି ଦିନାତା ଲେମ୍ବାଲି ଅଡେ ରଣ୍ଡାଆଁ ଉଜେଏ ଦିନାତା ଲେମ୍ବାଲି ତାକି ।

୨୨ ମାହାପୁରୁ ଜିକେଏ ଏଲେକଁ କିହାମାନେସି, ତାନି କାର୍ବି ତସାଲି ଇଞ୍ଜା ବାଡୁୟୁତି ପୁଣ୍ଡି କିହାଲି ଅଣ୍ଡପିମାରେସି, ସାମା ଆନିନି ଗାଟାରି ଏଞ୍ଜାଣି କପାତଲେ ନାସା ଆନାୟି ମାତେ, ଏଞ୍ଜାରି ତାକି ମାହାପୁରୁ ହାରେକା କାର୍ନା ଆହାନା ଅରହା ମାନେସି । ୨୩ ଅଡେ ଗାଝୁରମି ତାକି ତାନିତାଣାଟି ନକେଏ ଆହାମାନି ସାୟେମିତି ଲକୁ

ମାର ଇତିହାସ, ମା. ତାଣା ତାନି ଗାଧୁରମିତି ଦନୁ ତସାଲି କିହାମାନେସି, ଆତିହାସ ନାନୁ ଏନାଆଁ ଇଞ୍ଜ ? ୨୪ ଏଦାଆଁତାକି ଏଝାସି ଝାରଇ ଜୀହୁଦି ଲକୁ ତାଣାଟି ମାଙ୍ଗେ ହାଟା ମାଞ୍ଜଅସି, ସାମା ଜୀହୁଦିଆଆତି ଲକୁ ତାଣାଟି ଜିକେଏ ମାଙ୍ଗେ ହାଟାମାଞ୍ଜାନେସି, ୨୫ ଇ କାତାତି ହସେୟ ପତିତା ମାହାପୁରୁ ଝେସାମାନେସି;

“ଆମ୍ବାଆରି ମା ଲକୁ ହିଲାଆତେରି, ଏଝାରାଇଁ ‘ମା ଲକୁ’ ଲେହେଁ ହାଟା କତିତମି;

ଆମିନି କୁଡାତାରାଇଁ ଜୀହୁ ନହାଁ ହିଲାଆତମି ଏଝାରାଇଁ ମା ‘ଜୀହୁତି ଲକୁ’ ଇତିମି,

୨୬ ଆମିନି ଚାୟୁତା ଏଝାରାଇଁ ଝେସାମାତମି, ‘ମୀରୁ ମା ଲକୁ ଆଏ’

ଏମ୍ବାଆଁ ଏଝାରି ଜୀହୁଗାଟି ମାହାପୁରୁତି ମୀରକା ଇଞ୍ଜ ଝେଞ୍ଜନେରି ।”

୨୭ ଇଞ୍ଜା ଇସ୍ରାୟେଲ ଲକୁତି କାତା ଜିସାୟ କାଜା ଗିୟାତଲେ ଝେସାମାନେସି, “ଇସ୍ରାୟେଲତି ଲକୁ ସାମଦୁରିତି ଏଜିକିହାଲି ଆଡାଆଗାଟି ବାଝଲି ଲେହେଁ ଆତିହାସ ଜିକେଏ, ଏଝାରି ବିତ୍ରାଟି ଏଚର ଜାଣାଦେଁ ଗେଲ୍ପି ଆନେରି; ୨୮ ଏନାଆଁତାକି ଇତିହାସ ପ୍ରବୁ ତବେ ଦାରତିତା ବାରେ ନାହାଁୟି ବିଚାରା କିନେସି ।”

୨୯ ଏଜିକିହାସ ଜିସାୟ ତଲିଏ ଅଡେ ଝେସାମାରେସି, “ବାରେ ବାଡ଼ୁୟୁ ଗାଟି ପ୍ରବୁ ଏଚେକା ମା କୁଡାତି ଲକୁଣି ଗେଲ୍ପାଆତିମା, ସଦମ ଅଡେ ଗମରାତି ଲକୁଲେହେଁ ମାଙ୍ଗେ ଜିକେଏ ଆୟାତେମା ।”

ପାଖୁଲ ଇସ୍ରାୟେଲ ତାକି ପ୍ରାଡାନା

୩୦ ଏଦାଆଁତାକି ଜୀହୁଦିଆଆତି ଲକୁତି କାତାତା ଇଲେ ଇଞ୍ଜାଲି ଆଡିନାୟି, ଏଝାରି ଦାମ୍ବୁଗାଟାରି ଆହାଲି ଅଶ୍ପି ହିଲାଆତେରି, ସାମା ଏଝାରି ନାମୁ ତାକି ଦାମ୍ବୁଗାଟାରି ଆଡେରି । ୩୧ ସାମା ଇସ୍ରାୟେଲ ଲକୁ ଦାମ୍ବୁଗାଟାରି ଆହାଲି ଅଶ୍ପାପାନା ମେରା ତଲେ ଦାମ୍ବୁଗାଟାରି ଆହାଲି ଆଡାଆତେରି । ୩୨ ଏନାଆଁତାକି ? ଇତିହାସ ଏଝାରି ନାମୁତଲେ ଏଦାଆଁ ପାରାଆନା, କାମା ତଲେ ପାରିମାତେରି । ଏଦାଆଁତାକି ଏଝାରି ଆଜ୍ଜିମାନି ଝାଲିତା ପୁଟି କିହାନା ତରଗିତେରି । ୩୩ ସାସ୍ତେରିତା ରାସ୍କି ଆହାମାନେ;

“ସିନିକିବୁ, ମାମୁ ସ୍ତ୍ରୟନତା ର ପୁଟିକିନି କଟା ଝାଲି ଇଞ୍ଜା ଆଜ୍ଜିନି ପାକା ଝାଲି କେପାମାନମି, ଆମ୍ବାଆସି ଏଝାଣି ତାଣା ନାମିନେସି ଏଝାସି ଲାଜା ବେଟାଆଅସି ।”

୧୦

୧ ଏ ତାୟି ତାଜ୍ଜିସ୍ତାତେରି, ମା ଲକୁ ଏଜିକିହାସ ଗେଲ୍ପି ଆନେରି, ଏଦି ନା ହିୟାତି ଅଶ୍ପୁ, ଇଞ୍ଜା ଏଝାରି ତାକି ମାହାପୁରୁ ତାଣା ରଣ୍ଡିଏ ଅଶ୍ପୁ ତଲେ ନା ପ୍ରାଡାନା । ୨ ଇତିହାସ ମାହାପୁରୁ ସେବା କିହାଲି ଏଝାରାକି ହାରେକା ମନ ଅଡେ ରାହାଁ ମାନେ, ଇଦାଆଁ ନାନୁ ଏଝାରି ଝାକିଟି ଝେସିମାଇଁ, ସାମା ଏ ମନ ଅଡେ ରାହାଁ ବୁଦିଗାଟାୟି ଆଏ

। ୩ ମାହାପୁରୁ ହୀତି ଦାମ୍ବୁତି ଜିରୁ ପୁନାଆନା ଜାହାରା ତାରି କିହାମାନି ଦାମ୍ବୁତି ଜିରୁଟି ତାକାନା ମାହାପୁରୁ ହୀତି ଦାମ୍ବୁତି ଜିରୁଟି ଆସିହିଲଅରି । ୪ କ୍ରୀସ୍ତ ମେରାତି ରାପ୍ତନାସି, ଝାରଇ ଏଝାଣି ତାଣା ନାମିସାରେ ମାଣ୍ଡସି ମାହାପୁରୁ ନକିତା ଦାମ୍ବୁଗାଟାସି ଆନେସି ।

ବାରେ ଜାଣାକି ଗେଲ୍ପି ଆନାୟି

୫ ମସା ରାଡାମାନେସି, “ଆମିନି ମାଣ୍ଡସି ମେରା ମାନି କିହାନା ଦାମ୍ବୁଗାଟାସି ଆନେସି, ଏଝାସି ଏମ୍ବାଟି ନୀତିନେସି ।” ୬ ସାମା ନାମୁତଲେ ଦାମ୍ବୁ ଗାଟାତାୟି ଆନାୟି ଇଞ୍ଜ ସାସ୍ତେରିତା ରାସ୍କି ଆହାମାନେ, “କ୍ରୀସ୍ତଇଁ ରେପହା ତାଚାଲି ତାକି ଆମ୍ବାଆସି ଲାକପୁରୁ ହାଜାଲି ଆଡିନେସି ?” ମୀରୁ ଇ କାତା ଏଲେଇନାଆଦୁ । ୭ ଇଞ୍ଜା “କ୍ରୀସ୍ତଇଁ ହାଡାରି ତାଣାଟି ନିକହା ତାଚାଲି, ଆମ୍ବାଆସି ତାଡେପୁରୁ ହାନେସି ? ଇ କାତା ଜିକେଏ ମୀରୁ ଏଲେଇନାଆଦୁ ।” ୮ ଏନାଆଁତାକି ଇତିହାସ ସାସ୍ତେରିତା ରାସ୍କି ଆହାମାନି ଲେହେଁ, “ମାହାପୁରୁଟି ବଲୁ ମୀ ତାଣା ମାନେ, ଅଡେ ମୀ ଗୁଡି ଇଞ୍ଜା ହିୟାତା ମାନେ, ଆମିନି ନାମୁତି ବଲୁ ମାମୁ ଝେକହି ମାନମି, ଏ ବଲୁ ।” ୯ ମୀରୁ ଜୀସ୍ତଇଁ ଗୁଡି ତଲେ ପ୍ରବୁ ଇଞ୍ଜ ଜଲିଦେରି, ଇଞ୍ଜା ମାହାପୁରୁ ଏଝାଣାଇଁ ହାଡାରି ତାଣାଟି ନିକହାମାନେସି ଇଞ୍ଜ ହିୟା ତଲେ ନାମିସାରେ, ଆତିହାସ ମୀରୁ ଗେଲ୍ପି ଆନେରି; ୧୦ ଇତିହାସ ଦାମ୍ବୁଗାଟି ଲକୁ ଆହାଲି ମାଣ୍ଡସି ହିୟା ତଲେ ନାମିନେସି, ଇଞ୍ଜା ଗେଲ୍ପି ଆହାଲି ଗୁଡି ତଲେ ଜଲିନେସି । ୧୧ ଦାମ୍ବୁ ସାସ୍ତେରିତା ରାସ୍କି ଆହାମାନେ, “ଆମ୍ବାଆସି ଜିକେଏ ତାନି ତାଣା ନାମିନେସି, ଏଝାସି ଲାଜା ବେଟାଆଅସି ।” ୧୨ ଜୀହୁଦି ଇଞ୍ଜା ଜୀହୁଦିଆଆତାରି ବିତ୍ରା ପାରଡା ବାଟି କିନାୟି ହିଲେଏ; ବାରେଜାଣା ତାକି ରଣ୍ଡିଏ ପ୍ରବୁ, ଏଚେକା ଲକୁ ଏଝାଣି ତାଣା ପ୍ରାଡାନା କିନେରି, ବାରେ ଜାଣାକି ଏ କାମାମେହନାୟି ଆନେ । ୧୩ “ଆମ୍ବାଆସି ପ୍ରବୁ ଦରୁ ଆସାନା ପ୍ରାଡାନା କିନେସି, ଏଝାସି ଗେଲ୍ପି ଆନେସି ।”

୧୪ ସାମା ଆମ୍ବାଆରାଇଁ ନାମା ହିଲଅରି ଏଜିକିହାସ ଏଝାରି ଏଝାଣି ତାଣା ପ୍ରାଡାନା କିନେରି ? ଇଞ୍ଜା ଏଝାଣି ନେହଁ ବଲୁ ଝେନାଆନା ଏଝାରି ଏଜିକିହାସ ନାମିନେରି ? ଝେକନାରି ଝେକଆସାରେ ଏ ବଲୁ ଏଝାରି ଏଜିକିହାସ ଝେନେରି ? ୧୫ ଅଡେ ବଲୁ ଝେକହାଲି ତାକି ପାଣ୍ଡୁଝି ଆଆସାରେ ରଅସି ଏଜିକିହାସ ବଲୁ ଝେକନେସି ? ଇ କାତା ସାସ୍ତେରିତା ରାସ୍କି ଆହାମାନେ, “ଆମିନି ଗାଟାରି ନେହଁ ବଲୁତି କାବୁ ତାନେରି ଏଝାରି କଡାୟାଁ ଏଚେକା ଅଜିତାଲ !” ୧୬ ସାମା ବାରେଜାଣା ଏ ନେହଁ ବଲୁ ଆବା ହିଲଅରି, ଏଦାଆଁତାକି ଜିସାୟ ଏଲେଇଞ୍ଜି ମାନେସି, “ପ୍ରବୁ ମା ହାଡା ଝେଞ୍ଜାନା ଆମ୍ବାଆସି ନାମା ମାନେସି ?” ୧୭ ଏଜିକିହାସ ନାମୁ ଝେନି ତାଣାଟି ଝାଡେନ, ଅଡେ ଝେନାୟି କ୍ରୀସ୍ତତି ନେହଁ ବଲୁଟି ।

୧୮ ସାମା ନାନୁ ଏଲେଇଇଁ, ଏଞ୍ଜାରି ଏନାଆଁ ଏ ବଲୁ
ଝେଞ୍ଜାହିଲଅରି କି ? ଝେଞ୍ଜାମାନେରି, ଏନାଆଁତାକି
ଇଚିହିଁ ସାସ୍ତେରିତା ରାସ୍ତାକି ଆହାମାନେ;

“ଏଞ୍ଜାରି ହାଡ଼ା ବାରେ ଦାର୍ତ୍ତିତା ଝେଞ୍ଜାମାନେ,
ଏଞ୍ଜାରି କାତା ବାରେ ଦାର୍ତ୍ତି ମୁଟ୍‌ପୁଲି ପାତେକା
ଝେଞ୍ଜାମାନେ ।”

୧୯ ଅଡ଼େ ର ଦେବା ନାନୁ ଝେଞ୍ଜାଲି ଅଣ୍ଡିମାଇଁ, ଇସ୍ରାୟେଲ
ଲକୁ ଏଦାଆଁ ତେଲହାଲି ଆଡ଼ାଆତେରି କି ? ହାରେକା
ବାର୍ସା ନକେଏ ମସା ଇ କାତା ଝେସାମାନେସି,

“ମା ଲକୁଣି କାରବି କିହାଲିତାକି ର ଉଣା କୃତାତି
ଲେମ୍ବିନମି,
ଏଲେକିହିଁ ଏ ବୁଦି ହିଲାଆଗାଟି କୃତା ତଲେ
ଏଞ୍ଜାରାଇଁ କାରବି କିଝି କିନମି ।”

୨୦ ଅଡ଼େ ଜିସାୟ ସାସାତଲେ ଝେସାମାନେସି,
“ଆମିନି ଗାଟାରି ମାଞ୍ଜେ ପାରିମାଞ୍ଜାଆତେରି, ଏ ଲକୁ
ମାଞ୍ଜେ ବେଟାଆୟାତେରି;

ଆମିନି ଗାଟାରି ମା କାତା ଝେଞ୍ଜିମାଞ୍ଜାଆତେରି,
ଏଞ୍ଜାରି ନକିତା ମାମ୍ବୁ ଝୁଞ୍ଜାଆଡ଼ମି ।”

୨୧ ସାମା ଏଞ୍ଜାସି ଇସ୍ରାୟେଲ ଲକୁତି କାତା ଝେସାମାନେସି,
“ର ମାନି କିଆନା ନା କପାଟି ନିଜ୍ଜିନି କୃତାତି ନାନୁ ଝେଡ଼ା
ତୁମ୍ବେ କେୟୁ ଦାସା ମାଇଁ ।”

୧୧

ଇସ୍ରାୟେଲ ଲକୁଣି ମାହାପୁରୁତି କାର୍ମା

୧ *ଅଡ଼େ ନାନୁ ଝେଞ୍ଜାଲି ଆଡ଼ିଇଁ, ଆତିହିଁ ମାହାପୁରୁ
ତାନି ଲକୁଣି ପିସାମାନେସି କି ? ଏଲେଆହିଁ ଏରେଲା
ଜିକେଏ ଆଆପେ, ଏନାଆଁତାକି ଇଚିହିଁ ନାନୁ ଜିକେଏ
ଅରାହାମତି କୃତାତା ଜାର୍ନାଆଡ଼ି ବିନ୍ୟାମିନ୍ ଗତିତି
ଇସ୍ରାୟେଲ ଲକୁତେଏ । ୨ ମାହାପୁରୁ ତଲିଟିଏ ବାଟି କିହାଁ
ହାଟାମାନି ତାନି ଲକୁଣି ଏରେଲା ଜିକେଏ ପିସାହିଲଅସି,
ମାରୁ ଦାମ୍ବୁ ସାସ୍ତେରିତା ପଡ଼ଝି ଆହାହିଲଅତେରି ?
ଏନିକିହିଁ ଏଲିୟ ମାହାପୁରୁ ନକିତା ଇସ୍ରାୟେଲ ଲକୁ
କପାତଲେ କାତା ଜଲମାମାନେସି, ୩ “ପ୍ରବୁ ଏଞ୍ଜାରି ମାହାପୁରୁ
ଅଣ୍ଡପୁତି ବଲୁ ଝେହ୍ନାରାଇଁ ଏନିକିହିଁ ପାୟାମାନେରି
ଇଞ୍ଜା ପୂଜା ପିଣ୍ଡାଣି ଡିକ୍‌ହାନା ନାସଝି କିହାମାନେରି,
ଞ୍ଜାରଇ ନାନୁ ରଅତେଏଁ ଗେଲ୍‌ପି ଆହାମାଇଁ; ଏଞ୍ଜାରି ନା
ଜୀଝୁ ଜିକେଏ ଅହାଲି ଅଣ୍ଡପିମାଞ୍ଜାନେରି ।” ୪ ଏଲିୟଇଁ
ମାହାପୁରୁ ଝେଣ୍ଡେ ଏନାଆଁ ଏଲେଇଚେସି, “ନାଡ଼ିକିନି
ବାଲ ପେନ୍, ପୂତଲା ନକିତା ମେଣ୍ଡା କୃତା ହିଲଅରି
ଇଲେତି ସାତା ମାଣା ଲକୁଣି ମାଞ୍ଜେତାକି ଇଟାମାନମି
।” ୫ ଏଲେକିହିଁ ଏ ନାଏଁ ଜିକେଏ କାର୍ମାମେସାନା
ଆଟାମାନେସି, ଏଞ୍ଜାରି ବିତ୍ତାଟି ଏଚର ଜାଣାଦେଁ ମାନେରି
। ୬ ସାମା ତାନି କାର୍ମାମେହ୍ନି ତାଣାଟି ଆତିହିଁ,
ଏଦି କାମାଲଡ଼ା ତାକି ଆହାଲି ଆଡ଼େଏ; ଇଞ୍ଜା ତାନି
କାର୍ମାମେହ୍ନାୟି ସାତା ତଲେ କାର୍ମାମେହ୍ନାୟି ଆଏ ।

☆ ୧୧:୧ ୧୧:୧ ପିଲିପି ୩:୫

୭ ଆତିହିଁ ଏନାଆଁ ଆଡ଼େ ? ଇସ୍ରାୟେଲତି
ଲକୁ ଏନାଆଁ ପାରିମାତେରି, ଏଦାଆଁ ବେଟାଆଆତେରି;

ଞ୍ଜାରଇ ମାହାପୁରୁ ଆଟାମାନି ଏଚରଜାଣା ଲକୁ ଏଦାଆଁ
ବେଟାଆଡ଼େରି, ଏଚକାତାରି ଆମ୍ବାଆରି ଜିକେଏ ମାହାପୁରୁ
ହାଟାମାନାଣି ମନ୍ ହାଆତେରି । ୮ ସାସ୍ତେରିତା ରାସ୍ତାକି
ଆହାମାନେ, “ମାହାପୁରୁ ନୀଞ୍ଜୁପାତେକା ଏଞ୍ଜାରାକି
ଆଟ୍‌ଞ୍ଜା ଜୀଝୁ ହାହାମାନେସି, ଅଡ଼େ ଇଲେତି କାଣ୍‌କା
ହାହାମାନେସି, ଏନିକିହିଁ ଏଞ୍ଜାରି ମେସାଲି ଆଡ଼ି ହିଲଅରି,
ଅଡ଼େ ଇଲେତି କୀର୍ନା ହାହାମାନେସି ଏଞ୍ଜାରି ଝେଞ୍ଜାଲି
ଆଡ଼ିହିଲଅରି ।” ୯ ଏଞ୍ଜାରି କାତା ଦାଝୁଦ ରାଟାମାନେସି,
“ଏଞ୍ଜାରି ପାର୍ବୁତି ରାନ୍ଦା ତିନା ଉନାଟି ପାନ୍ଦାତା ରିପାରି,
ଏଞ୍ଜାରି ତରଗାନା ତଣ୍ଡ ବେଟାଆଡ଼େରି ।

୧୦ ଏଞ୍ଜାରି ଏନିକିହିଁ ମେସାଲି ଆଡ଼ଅରି, ଏଦାଆଁତାକି
ଏଞ୍ଜାରି କାଣାୟା ଆପେରି,
କାଲେଏ ଦୁକୁ କସ୍ତ ବେଟାଆହାନା ଏଞ୍ଜାରି ଟେଡେଲି
ଚୁଡ଼ୁଞ୍ଜା ଆପେ ।”

୧୧ ନାନୁ ଏଲେ ଇଞ୍ଜିମାଇଁ, ଏଞ୍ଜାରି ନାସଝି ଆହାଲି
ପୁଟି କିହା ମାନେରି କି ? ଆଏ ଏରେଲା ଜିକେଏ
ଆଆପେ, ସାମା ଏଞ୍ଜାରି ପାପୁ କିତାକି, ଏଞ୍ଜାରାଇଁ କାରବି
କିହାଲିତାକି ଜୀହୁଦିଆଆତାରି ନକିତା ଗେଲ୍‌ପିଆନି
ଅଦିକାରା ମୋଡ଼ାଆଡ଼େ । ୧୨ ଜୀହୁଦି ଲକୁତି ପାପୁ ଦାର୍ତ୍ତିତି
ବାରେ ଲକୁତାକି ହାରେକା ବାଡ଼କୁ ଲେହେଁ ଆହାମାନେ,
ଜୀହୁଦି ଲକୁ ରିତାକି ଜୀହୁଦିଆଆତି ଲକୁତାକି ବର
ହାରେଏ ଗାଡ଼ି ଲାବା କିହାମାନେରି, ଇଞ୍ଜା ବାରେ ଜୀହୁଦି
କୃତା ଗେଲ୍‌ପି ଆଡ଼ିହିଁ ମା ଏମ୍ବାଟି ଏଚେକା ଗାଡ଼ି ବର
ବେଟାଆଅରି !

୧୨ ଜୀହୁଦିଆଆତାରି ଗେଲ୍‌ପି ଆନାୟି
୧୩ ଜୀହୁଦିଆଆତି ଲକୁଣି ନାନୁ ଏଲେ ଇଞ୍ଜିମାଇଁ,
ନାନୁ ଜୀହୁଦିଆଆତି ଲକୁତାକି ପାଣ୍ଡ଼ି ଆହାମାନାକି ନା
ସେବା କାମାତି ପାଣା ତାକି ନାନୁ ବଡ଼ପଣ ଆହିମାଇଁ
। ୧୪ ଏନିକିହିଁ ଆପେ ଜାହାରା କୃତାତି ଲକୁଣି ରାହାଁ
କିଝିକିହାନା ଏଞ୍ଜାରି ତାଣାଟି ଏଚର ଜାଣାଇଁ ଗେଲ୍‌ପାଲି
ଆଡ଼ିଇଁ । ୧୫ ଏନାଆଁତାକି ଇଚିହିଁ ଏଞ୍ଜାରି ପିସ୍‌ପିଆଡ଼ାକି
ଦାର୍ତ୍ତି ତଣେ ଆଡ଼େ । ଆତିହିଁ, ମାହାପୁରୁ ବାରେ ଜୀହୁଦି
କୃତାତି ଆବିସାରେ, ଏଦାଆଁତି ପାଡ଼େୟି ଏନାଆଁ ଆଡ଼େ ?
ଏଦି ହାଡ଼ି ମାଣ୍ଡି ଜୀଝୁ ବେଟାଆଡ଼ି ଲେହେଁ ।

୧୬ ରଚାଣି ରୁଟି ମାହାପୁରୁ ଦରୁତଲେ ହେର୍‌ପି
ଆହାମାତିହିଁ, ବାରେ ରୁଟି ଜିକେଏ ହେର୍‌ପି ଆହାମାନେ
ଇଞ୍ଜି ଇନାୟି; ର ମାରୁନୁତି ହୀରୁ ହେର୍‌ପି ଆହାମାତିହିଁ,
ଏଦାଣି କମା କାୟି ଜିକେଏ ହେର୍‌ପି ଆହାମାନୁ ଇଞ୍ଜି
ଅଣ୍ଡପିନାୟି । ୧୭ ସାମା ଏଚେକା କମାୟା ରାଡ଼ପି ଆଡୁ
ଅଡ଼େ ମାରୁ ଜାଡ଼ାତି ଜୀତ ମାରୁନୁତି କମାୟା ଆଡ଼ିଜିକେଏ
ଏ ବିତ୍ତା ଦୁସ୍‌ପିଆତେରି, ଅଡ଼େ ଏଞ୍ଜାରିତଲେ ଜୀତ
ମାରୁନୁତି ତାକିତି ରାସାତା ଆଣ୍ଡିତେରି । ୧୮ ଆତିହିଁ ଏ
କମାୟା କପାତଲେ ବଡ଼ପଣ ଆଆଦୁ; ସାମା ମାରୁ ବଡ଼ପଣ

୧୭ ରଚାଣି ରୁଟି ମାହାପୁରୁ ଦରୁତଲେ ହେର୍‌ପି
ଆହାମାତିହିଁ, ବାରେ ରୁଟି ଜିକେଏ ହେର୍‌ପି ଆହାମାନେ
ଇଞ୍ଜି ଇନାୟି; ର ମାରୁନୁତି ହୀରୁ ହେର୍‌ପି ଆହାମାତିହିଁ,
ଏଦାଣି କମା କାୟି ଜିକେଏ ହେର୍‌ପି ଆହାମାନୁ ଇଞ୍ଜି
ଅଣ୍ଡପିନାୟି । ୧୭ ସାମା ଏଚେକା କମାୟା ରାଡ଼ପି ଆଡୁ
ଅଡ଼େ ମାରୁ ଜାଡ଼ାତି ଜୀତ ମାରୁନୁତି କମାୟା ଆଡ଼ିଜିକେଏ
ଏ ବିତ୍ତା ଦୁସ୍‌ପିଆତେରି, ଅଡ଼େ ଏଞ୍ଜାରିତଲେ ଜୀତ
ମାରୁନୁତି ତାକିତି ରାସାତା ଆଣ୍ଡିତେରି । ୧୮ ଆତିହିଁ ଏ
କମାୟା କପାତଲେ ବଡ଼ପଣ ଆଆଦୁ; ସାମା ମାରୁ ବଡ଼ପଣ

୧୭ ରଚାଣି ରୁଟି ମାହାପୁରୁ ଦରୁତଲେ ହେର୍‌ପି
ଆହାମାତିହିଁ, ବାରେ ରୁଟି ଜିକେଏ ହେର୍‌ପି ଆହାମାନେ
ଇଞ୍ଜି ଇନାୟି; ର ମାରୁନୁତି ହୀରୁ ହେର୍‌ପି ଆହାମାତିହିଁ,
ଏଦାଣି କମା କାୟି ଜିକେଏ ହେର୍‌ପି ଆହାମାନୁ ଇଞ୍ଜି
ଅଣ୍ଡପିନାୟି । ୧୭ ସାମା ଏଚେକା କମାୟା ରାଡ଼ପି ଆଡୁ
ଅଡ଼େ ମାରୁ ଜାଡ଼ାତି ଜୀତ ମାରୁନୁତି କମାୟା ଆଡ଼ିଜିକେଏ
ଏ ବିତ୍ତା ଦୁସ୍‌ପିଆତେରି, ଅଡ଼େ ଏଞ୍ଜାରିତଲେ ଜୀତ
ମାରୁନୁତି ତାକିତି ରାସାତା ଆଣ୍ଡିତେରି । ୧୮ ଆତିହିଁ ଏ
କମାୟା କପାତଲେ ବଡ଼ପଣ ଆଆଦୁ; ସାମା ମାରୁ ବଡ଼ପଣ

କିଦେରି, ମୀରୁ ମାର୍‌ନୁତି ତାକିତି ଆସା ହିଲଅତେରି, ସାମା ତାକି ମିଙ୍ଗେ ଆସାମାଞ୍ଜାନେ, ଇଦାଆଁ ମୀରୁ ପୁଞ୍ଜା ଡୟାଦୁ ।
 ୧୯ ଆତିହୁଁ ମୀରୁ ଏଲେଇଞ୍ଜାଲି ଆଡ଼ିଦେରି, “ନାଙ୍ଗେ ଚାୟୁ ହୀହାନା ଦୁରସାଲି ତାକି ଏ କମାଣି ରାଡ଼ପି ଆହାମାରୁ ।”
 ୨୦ ଏଡ଼ି ସାତା, ଏଞ୍ଜାରି ନାମାଆଲିଏ ରାଡ଼ପି ଆଡେତରି, ମୀରୁ ଖାରଇ ନାମାଲିଏ ଏ ଚାୟୁ ଅଦିକାରା କିହାମାଞ୍ଜେରି, ସାମା ବତପଣ ଆଆନା ଆଜାଦୁ; ୨୧ ମାର୍‌ନୁତା ଗାଲହାମାନି କମାୟାଁ ଲେହେଁ ଜୀହୁଦି ଲକୁଣି ମାହାପୁରୁ ଡଣ୍ଡ ହୀଆନା ପିସାହିଲଅସି ଇତିସାରେ, ଏଞ୍ଜାସି ମିଙ୍ଗେ ଜିକେଏ ପିସୁଅସି ।
 ୨୨ ଇମ୍‌ଆଁ ସିନିକିନି କାତା, ମାହାପୁରୁ ଏନିକିହୁଁ କାର୍‌ମା ମେହନାସି ଇଞ୍ଜା କାରବି ଆନାସି; ଆମ୍‌ଆରି ପାପୁତା ତରଗା ମାନେରି, ଏଞ୍ଜାରାଇଁ ଏଞ୍ଜାସି କାରବି ଆନେସି; ସାମା ଏଚରଦିନା ପାତେକା ତାନି କାର୍‌ମାମେହନି ତାଣା ଡୟିଦେରି, ଏଚରଦିନା ମିଙ୍ଗେତାକି କାର୍‌ମା ମେସ୍ତାନାସି, ତାନି କାର୍‌ମାମେହନାଣି ଜାକ୍‌ହସାରେ; ମୀରୁ ଜିକେଏ ରାଡ଼ପି ଆଡେତରି ।
 ୨୩ ଜୀହୁଦି ଲକୁ ଏଞ୍ଜାରି ନାମୁତି ପିହୁଅରି, ଆତିହୁଁ ଏଞ୍ଜାରି ତଲିମାତି ଚାୟୁତା ଖେଣ୍ଡେ ତାରି ଆନେରି । ମାହାପୁରୁ ଇଦାଆଁ କିହାଲି ଆଡ଼ିମାନେସି ।
 ୨୪ ଜୀହୁଦିଆଆତି ଲକୁ ଜାଡ଼ାତି ଜୀତ ମାର୍‌ନୁତି ଗମାୟାଁ ଲେହେଁ । ଏଞ୍ଜି ରାଡ଼ପି ଆହାନା ଏମ୍‌ତାଇ ଆଆତି ଜିକେଏ ବାଡ଼ାତା ପାଡ଼ିକିହାମାନି ଜୀତ ମାର୍‌ନୁ ତଲେ ଦୁସପି ଆହାମାନୁ । ଜୀହୁଦି କୁଡ଼ାତି ଲକୁ ବାଡ଼ାତା ପାଡ଼ିକିହାମାନି ଜୀତ ମାର୍‌ନୁ ଲେହେଁ । ଇ ମାର୍‌ନୁତି ରାଡ଼ପି ଆହାମାନି ଗମାଣି ଖେଣ୍ଡେ ମାର୍‌ନୁ ତଲେ ଦୁରସାଲି ମାହାପୁରୁ ଆଡ଼ିନେସି ।

ବାରେ ଜାଣାକି ମାହାପୁରୁତି କାର୍‌ମାମେହନାୟି

୨୫ ଏ ତାୟି ତାଜିସ୍ତାତେରି, ମୀରୁ ଏନିକିଁ ମିଙ୍ଗେତାକି ମୀରୁଏ ରୁଦିଗାଗତମି ଇଞ୍ଜୁଁ ଅଣପଅତେରି, ଇଦାଆଁତାକି ମୀରୁ ଇ ଡ଼ଗୁମାନି କାତାତି ପୁନାଆନା ମାଣ୍‌ମେରି ଇଞ୍ଜୁଁ ନା ମନ ହିଲେଏ, ଇତିହୁଁ ଜୀହୁଦିଆଆତି ଲକୁ ବାରେ ହଡ଼ୁଆ ପାତେକା ଇସ୍ତାୟେଲତି ଏଚେକା ଲକୁ ନାମାଆନା ଡୟିନେରି; ୨୬ ଇଲେଆହୁଁ ବାରେ ଇସ୍ତାୟେଲ ଲକୁ ଗେଲ୍‌ପି ଆନେରି, ଏନିକିଁ ରାସ୍‌କି ଆହାମାନେ, “ଗେଲ୍‌ପି କିନାସି ସିୟନତି ଖାନେସି,

ଜାକୁବ କୁଡ଼ାତା ମାନି ବାରେ ଲାଗେଏତାଣି ହେକ କିନେସି ।

୨୭ ଏତିବେଲା ନାନୁ ଏଞ୍ଜାରି ପାପୁ ବାରେ ହେକ କିଇଁ,

ଏତିବେଲା ଏଞ୍ଜାରିତଲେ ଇ ରାଜିମାନା କିନମି ।”

୨୮ ନେହୁଁ କାରୁଡ଼ି ଆହୁଆ ଜୀହୁଦି ଲକୁ ମିଙ୍ଗେତାକି ମାହାପୁରୁକି ସାଡ଼ୁୟାଁ ଆହାମାନେରି, ସାମା ମାହାପୁରୁ ଆଡ଼ାମାନି ଆକୁ ଆବାୟାଁ ତାକି ଏଞ୍ଜାରି ମାହାପୁରୁକି ଜୀଞ୍ଜୁ ନନାରି ଆହାମାନେରି । ୨୯ ଇତିହୁଁ ମାହାପୁରୁ ଆଡ଼ାମାନାୟି ଅଡ଼େ ତାନି କାର୍‌ମାତି ଦାନା ଏଚେଲାଞ୍ଜା ଉଜେଏ ଆଏ । ୩୦ ଜୀହୁଦିଆଆତି ଲକୁତେରି ତଲି

ମୀରୁ ମାହାପୁରୁଇଁ ମାନି କିହାହିଲାଆତେରି; ସାମା ନୀଏଁ ଜୀହୁଦି ଲକୁ ମାନି କିଆତାକି ମାହାପୁରୁତି କାର୍‌ମାମେହନାଣି ବେଟାଆଡେତରି, ୩୧ ଏଲେଆହୁଁଏ ଏଞ୍ଜାରି ଜିକେଏ ନୀଏଁ ମାନି କିହାହିଲଅରି, ଏନିକିହୁଁ ମିଙ୍ଗେତାକି ତଞ୍ଜାଆହାମାନି କାର୍‌ମାମେହନାଣି ତଲେ ଏଞ୍ଜାରି ଜିକେଏ ନୀଏଁ କାର୍‌ମାମେହନାଣି ବେଟାଆନେରି । ୩୨ ଏନିଇତିହୁଁ ମାହାପୁରୁ ବାରେ ଜାଣାଇଁ କାର୍‌ମା ମେସାଲି ତାକି ମାହାପୁରୁ ବାରେଜାଣାତି ମାନି କିଆରେଚୁଁ ହେରପା ମାନେସି ।

ମାହାପୁରୁକି ଗାଞ୍ଜୁରମି

୩୩ ଅହତା ! ମାହାପୁରୁତି ରୁଦି ଇଞ୍ଜା ପୁନି ବାଡ଼ୁଲୁ ଏଚେକା କାଜାୟି ! ତାନି ଅଣପୁତି ଆମ୍‌ଆସି ତେଲ୍‌ହି କିୟାନେସି ? ଇଞ୍ଜା ତାନି ଜିରୁତି ଆମ୍‌ଆସି ପୁଞ୍ଜାଲି ଆଡ଼ିମାନେସି ? ୩୪ ସାଡ଼େରିତା ରାସ୍‌କି ଆହାମାନେ; “ଆମ୍‌ଆସି ମାହାପୁରୁତି ଅଣ୍‌ପୁତା ମାନାଣି ତେଲ୍‌ହିନେସି ? ଆମ୍‌ଆସି ଏଞ୍ଜାଣାଇଁ ଖେସାଲି ଆଡ଼ିନେସି ?

୩୫ ମାହାପୁରୁକି ଆମ୍‌ଆସି ଏଚେଲା ଏନାଆଁ ହୀହାମାନେସି, ଏଦାଆଁତାକି ଏଞ୍ଜାଣାକି ଏଞ୍ଜାସି ଖେଣ୍ଡେ ହୀନାୟି ମାନେ ?”

୩୬ *ବାରେ ଗାଡ଼ି ଆଡ଼ାୟି ତାନିତାଣାତି, ତାନି କେୟୁତଲେ, ଅଡ଼େ ତାଙ୍ଗେତାକି ଆହାମାନେ; କାଲାକାଲା ତାକି ଏଞ୍ଜାଣାକି ଗାଞ୍ଜୁରମି ଆଡେ ! ଆମେନ୍ ।

୧୨

କ୍ରୀସ୍ତ ତାଣା ପୁଞ୍ଜି ଜୀଞ୍ଜୁ

୧ ଇଦାଆଁତାକି ତାୟି ତାଜିସ୍ତାତେରି, ମାଙ୍ଗେତାକି ମାହାପୁରୁତି ହାରେକା କାର୍‌ମାମେହନାଣି ତାକି ମିଙ୍ଗେ ନାନୁ ବାତିମାଲିମାଞ୍ଜାଇଁ, ମୀରୁ ମୀ ଆଙ୍ଗାତି ଜୀଞ୍ଜୁ, ସୁଦୁ ତଲେ ଇଞ୍ଜା ମାହାପୁରୁ ଅପିନି ଲେହେଁତି ପୂଜା ହୀଦୁ, ଇଦିଏ ମାହାପୁରୁତି ସାତା ସେବା । ୨ ମୀରୁ ଇ ଜୁଗୁତି ମାଣ୍‌କିତା ମାନାଆଦୁ, ସାମା ଏନିକିହୁଁ ମାହାପୁରୁତି ଅଣ୍‌ପୁ ଏନାୟି, ଇତିହୁଁ ନେହାୟି, ଅପିନାୟି ଇଞ୍ଜା ଟିକ୍‌ଶାତାୟି ଏନାୟି, ଇଦାଆଁ ତାୟିପାରି କିହାନା ପୁଞ୍ଜାଲି ଆଡ଼ିଦେରି, ଇଦାଆଁତାକି ମୀ ହିୟାଁତି ପୁଞ୍ଜି କିହାନା ବାଦ୍‌ଲି କିଦୁ ।

୩ ମାହାପୁରୁ ନାଙ୍ଗେ କାର୍‌ମାମେହନାଣି ହୀହାମାଞ୍ଜାନାକି ବାରେଜାଣା ତେରି ମିଙ୍ଗେ ନାନୁ ଖେସିମାଞ୍ଜାଇଁ, ଆମ୍‌ଆତେରି ଜିକେଏ ମୀ ତାକି ମୀରୁ ଏନିକିଁ ଅଣପିନାୟି ମାନେ ଏଦାଆଁ କିହାଁ କାଜାତମି ଇଞ୍ଜୁଁ ଅଣପାଆଦୁ; ସାମା ମାହାପୁରୁ ଆମ୍‌ଆରାକି ଏଚେକା ନାନୁ ହୀହାମାନେସି, ଏଲେକିହୁଁଏ ବାରେଜାଣା ପୁଞ୍ଜାକଡ଼ିନି ଲେହେଁ ମୀ ତାକି ମୀରୁ ଅଣପା କଡ଼ାଦୁ । ୪ *ଇତିହୁଁ ଏନିକିଁ ମା ଆଙ୍ଗାତା ହାରେକା ଆଙ୍ଗା ଅଡ଼େଲିକା ମାନୁ, ସାମା ବାରେ ଆଙ୍ଗା ଉଡ଼େଲିକାତି କାମା ରଲେଏତାୟି ଆଏ । ୫ ଏଲେଆହୁଁଏ, ମାର୍‌ ହାରେକା ଜାଣାତାୟି, ସାମା ବାରେଜାଣା କ୍ରୀସ୍ତ ତଲେ ଆଣ୍ଡାମାନାକି, ମାର୍‌ ରଣ୍ଡିଏ ଆଙ୍ଗା

☆ ୧୧:୩୭ ୧୧:୩୭ ୧କର ୮:୬ ☆ ୧୨:୪ ୧୨:୪ ୧କର ୧୨:୧୨ ☆ ୧୨:୬ ୧୨:୬ ୧କର ୧୨:୪-୧୧

ଇଞ୍ଜା ଆଜ୍ଞାତି ଆଜ୍ଞା ଉଡେଲିକା ଲେହେଁ ମାର ରଅସି ରଅଣା ତଲେ ଆଣ୍ଡାମାନାୟି । ୬ *ଏଦାଆଁତାକି ମାଜେ ମାହାପୁରୁ ହାହାମାଜାନି କାର୍ମାତଲେ ହାରେକା ଦାନା ବେଟା ଆହାମାନାୟି, ମାର ମାହାପୁରୁତି ବଲୁ ଖେକହାଲି ତାକି ବାଡ଼ୟୁ ବେଟା ଆହାମାନାୟି, ମାର ଆଟ୍ଝା ନାମୁତଲେ ଏ କାମା କିନାୟିମାନେ; ୭ ଏଦାଆଁ ସେବା କାମା କିହାଲି ବାଡ଼ୟୁ ବେଟାଆହାମାନାୟି, ଆତିହ୍ ମାର ସେବା କାମା କିନାୟିମାନେ; ଜାପୁହାଲି ବାଡ଼ୟୁ ବେଟାଆହାମାନାୟି, ଆତିହ୍ ଜାପୁନାୟି ମାନେ; ୮ ବାସୁତି କାତା ଖେସାଲି ବାଡ଼ୟୁ ବେଟାଆହାମାତିହ୍, ବାସୁତି କାତା ଖେସାସି; ଦାନା କିହାଲି ବାଡ଼ୟୁ ବେଟାଆହାମାନି ମାଣ୍ଡି ରାହାଁତଲେ ଦାନା ହାପେସି । ଏଟକା ଲକୁତି କାମାତି ସିନିକିହାଲି ଅଦିକାରା ବେଟାଆହାମାତିହ୍ ଖାହୁତଲେ କାମା କିନାୟିମାନେ; ଆମ୍ବାଆସି କାର୍ମା ମେହ୍ନାସି, ରାହାଁ ମନତଲେ ସାୟେମି କିପାସି ।

୯ ଜୀଝୁନନାୟି କୁଟୁ ହିଲାଆଗାଟାୟି ଆପେ; ଏନାୟି ଲାଗେଏତାୟି ଏଦାଆଁ ଅପାଆଦୁ; ଏନାୟି ନେହାୟି ଏଦାଆଁ ଆହ୍ଦୁ; ୧୦ କ୍ରୀସ୍ତ ନାମୁତି ତାୟି ତାଜି ଲେହେଁ ରଅତେରି ରଅଣାକ୍ ଜୀଝୁ ନଦୁ; ଇଞ୍ଜା ରଅତେରି ରଅଣାକ୍ ମାନି କିହାଲି ରାହାଁ ଆଦୁ; ୧୧ ରାହାଁତା ଉଣା ଆଆଦୁ; ସୁଦୁଜୀଝୁତା ପାରସାଡା ଆହାଁ ଡୟାଦୁ; ହିୟାଁ ଜୀଝୁ ହାହାନା ପ୍ରବୁକ୍ ସେବା କିଦୁ । ୧୨ ବାସୁଁ ଇଟାନା ରାହାଁ କିଦୁ; ଦୁକୁ କସ୍ତ ବେଲାତା ସାସା ଆହ୍ଦୁ; ଜମାଆନା ପ୍ରାତାନା କିଦୁ; ୧୩ ମାହାପୁରୁ ଲକୁକି ଲଡାମାନାଣି ସାୟେମି କିଦୁ; ଇଜ ଖାନି ଗତାୟାଣି ସେବା କିଦୁ ।

୧୪ *ଆମ୍ବାଆରି ମିଜେ ସାସ୍ତି ହିୟାନେରି, ଏଝାରି ନେହେଁତାକି ମାହାପୁରୁ ତାଣା ପ୍ରାତାନା କିଦୁ; ଏଝାରାକି ବର ହାଦୁ; ବାକା ଇଟାଆଦୁ । ୧୫ ଆମିନି ଗାଟାରି ରାହାଁ କିନେରି ଏଝାରିତଲେ ରାହାଁ କିଦୁ; ଆମ୍ବାଆରି ତାନେରି ଏଝାରିତଲେ ତୀଦୁ । ୧୬ ବାରେଜାଣା ରଣ୍ଡିଏ ଅଣ୍ପୁ ଅଣ୍ପାଦୁ, ଖରଇ କାଜାରି ତଲେ ତଣେ ଦହ୍‌ଆନା ଇଟାରି ତଲେ ଜିକେଏ ଆଣ୍ଡି ଆହାନା ମାଞ୍ଜୁ । ମୀରୁ ମୀ ବୁଦିତଲେ ବୁଦିଗାଟାତମି ଇଞ୍ଜା କତାଆଦୁ । ୧୭ ଆମ୍ବାଆସି ମିଜେ ଲାଗେଏ କିୟାତିହ୍, ଏଝାଣାକ୍ ଲାଗେଏ କିଆଦୁ; ବାରେ ଲକୁ ନକିତା ଏନାୟି ନେହାୟି, ଏଦାଆଁ କିଦୁ । ୧୮ ଆଡିତିହ୍ ବାରେଜାଣା ତଲେ ହିଡ଼ି ତଲେ ନୀତାବାଡକାଲି ତାକି ଏନି କିନାୟିମାନେ ଏଲେକିଦୁ । ୧୯ ଏ ଜୀଝୁତି ତଣେସିଜା, ମୀରୁ ଆମ୍ବାଆରି କପାତି ବାଦୁଲି ଆଆଦୁ । ମାହାପୁରୁତି କପାତି ଲକୁ ଆହାଲି ପିସାଡୁହ୍ଦୁ । ଏନାଆଁତାକି ଇତିହ୍ ସାସ୍ତେରିତା ରାସ୍‌କି ଆହାମାନେ, ପ୍ରବୁ ଏଲେଇଞ୍ଜି ମାନେସି, “ବାଦୁଲି ଅନାୟି ନା ଅଦିକାରା, ନାନୁ ତାମି କାମାତି ପାଡେୟି ହାକ୍ ।” ୨୦ ଅଡେ ଜିକେଏ, “ମୀ ସାଡୁ ହାକି ଆହାମାତିସାରେ, ଏଝାଣାକି ତିଞ୍ଜାଲି ହାଦୁ; ଏଝାସି ଏସ୍‌କି ଆହାମାତିସାରେ ଗସାଲି ହାଦୁ; ଇଲେ

କିତିସାରେ ଏଝାଣିଲାକ ଡୀଞ୍ଜିମାନି ହିରୁତି ରାଜାୟା ଏକହି ମାଞ୍ଜେରି ।” ୨୧ ଲାଗେଏତି କାମା ତଲେ ଜୀଣା ଆଆନା, ନେହ୍ କାମା ତଲେ ଲାଗେଏତି କାମାତି ଜୀଣା ଆଦୁ ।

୧୩

ସାଲୁଝି କିନାରାକ୍ ମାନି କିନାୟି

୧ ବାରେଜାଣା ସାଲୁଝି କିନାରାକ୍ ମାନି କିନାୟିମାନେ, ଏନାଆଁତାକି ଇତିହ୍ ମାହାପୁରୁତି ହେଲ ଆଆତିହ୍ ଆମ୍ବାଆସି ଜିକେଏ ସାଲୁଝି କିନି ପାଣା ବେଟାଆସି, ପାଣାତା ମାନି, ସାଲୁଝି କିନାରି ମାନେରି; ଏଝାରି ମାହାପୁରୁ ତାଣାଟି ଆଡ଼ି ଆହାମାନେରି । ୨ ଏଦାଆଁତାକି ଆମ୍ବାଆସି ପାଣାତା ମାନି ସାଲୁଝି କିନାରି କପାତଲେ ନିଜିନେସି, ଏଝାସି ମାହାପୁରୁ ମେରାତି କପାତଲେ ନିଜିନେସି; ଆମ୍ବାଆରି ଏଲେକିନେରି ଏଝାରି ତାମ୍ବୁତାମଜେ ତଣ୍ଡ ବେଟାଆହାଲି ତାକି କିନେରି । ୩ ଇତିହ୍ ସାଲୁଝି କିନାରି ନେହ୍ କାମାତାକି ଆଜିଗାଟାରି ଆଏ, ସାମା ଲାଗେଏତି କାମାତାକି ଆଜିଗାଟାରି ଆନେରି । ସାଲୁଝି କିନାରାକ୍ ଆଜାଆନା ଡୟାଲି ମନ ମାନେକି ? ଆତିହ୍ ନେହ୍ କାମା କିଦୁ, ଆତିହ୍ ଏଝାରି ତାଣାଟି ନେହ୍ ବେଟାଆଡେରି, ୪ ମୀ ନେହ୍ ତାକି ଏଝାସି ମାହାପୁରୁତି ସେବା କାମା କିନାସି ଆହାମାନେସି । ସାମା ମୀରୁ ଲାଗେଏତି କାମା କିଦେରି, ଆତିହ୍ ସାଲୁଝି କିନାଣାକ୍ ଆଜାଦୁ, ଏନାଆଁତାକି ଇତିହ୍ ଏଝାସି ଉଜେଏ କାଣ୍ଡା ଆହ୍‌ଅସି, ଏନିଇତିହ୍ ଏଝାସି ମାହାପୁରୁତି ସେବା କିନାସି, ଇତିହ୍ ଏଝାସି ତାନି କପାତଲେ ଲାଗେଏତି କାମା କିନାରାକି ତଣ୍ଡ ହାନାସି । ୫ ଏନିଇତିହ୍, ଖରଇ କାରବିତି ଆଜିତାକି ଆଏ, ସାମା ମା ହିୟାଁତା ମାନି ଅଣ୍ପୁ ପୁଞ୍ଜାହାଁ ସାଲୁଝି କିନାରି କାତା ମାନି କିନାୟିମାନେ ।

୬ *ଇଦାଆଁତାକି ମୀରୁ ସିସ୍ତୁ ଜିକେଏ ହାହିମାଞ୍ଜେରି, ଏନାଆଁତାକି ଇତିହ୍ ମାହାପୁରୁତି ସେବା କିନେରି ଲେହେଁ ଆହାନା ସାଲୁଝି କିନି କାମା ଜିକେଏ କିନେରି । ୭ ଏଦାଆଁତାକି ଏଝାରି ଏନାଆଁ ବେଟାଆନାୟି ମାନେ, ଏଦାଆଁ ହାଦୁ; ଆମ୍ବାଆରାକି ସିସ୍ତୁ ହାନାୟି ମାନେ ଏଝାଣାକି ସିସ୍ତୁ ହାଦୁ; ଆମ୍ବାଆରାକି ଆସ୍‌ଲି ହାନାୟି ମାନେ ଏଝାଣାକି ଆସ୍‌ଲି ହାଦୁ; ଆମ୍ବାଆରାକ୍ ଆଜିନାୟି ମାନେ ଏଝାଣାକ୍ ଆଜାଦୁ; ଆମ୍ବାଆରାକ୍ ମାନି କିନାୟିମାନେ ଏଝାଣାକ୍ ମାନି କିଦୁ ।

ରଅସି ରଅଣାକ୍ ଜୀଝୁନନାୟି

୮ ରଅତେରି ରଅଣାକ୍ ଜୀଝୁ ନଝିଆନି ପିସପେ ଅଡେ ଏନଝା ଆମ୍ବାଆରି ତାଣା ଜିକେଏ ରୀଣା ଆଆଦୁ; ଏନାଆଁତାକି ଇତିହ୍ ଆମ୍ବାଆସି ଏଟକାତାଣାକ୍ ଜୀଝୁ ନନେସି, ଏଝାସି ମସାତି ମେରା ମାନଝି ଆହିମାନେସି । ୯ “ଦାରି କିଆଦୁ, ଲକୁଣି ପାୟାଆଦୁ, ସରୁ କିଆଦୁ, ଏଟକା ଲକୁତି ଦିଶ୍‌ସୁତି ଜୁପକା ଆଆଦୁ,” ଇ ବାରେ ହୁକୁମି ର ହୁକୁମିତା ମାନେ, “ପାଡିତି ଲକୁଇ ମୀ ଜୀଝୁତି ଜୀଝୁ ନହାଁ

☆ ୧୨:୧୪ ୧୨:୧୪ ମାତି ୫:୪୪; ଲୁକ ୬:୨୮ ☆ ୧୩:୬ ୧୩:୬ ମାତି ୨୨:୨୧; ମାର୍କ ୧୨:୧୭; ଲୁକ ୨୦:୨୫

କଡ଼ିନି ଲେହେଁ ଜୀଞ୍ଜନଦୁ ।”^{୧୦} ଜୀଞ୍ଜନନାୟି ପାଡ଼ିତି ଲକୁଡ଼ି ଲାଗେଏ କିଏ; ଏନିଇତିହଁ ଜୀଞ୍ଜନନାୟି ମସାତି ମେରା ପୁରା କିନେ ।

^{୧୧} ଇତିହଁ ଇଦାଟି ତେଃଏଲିନି ବେଲା ଏଦାତେୟିଏ, ଇଦାଆଁ ପୁଞ୍ଜା ନୀର୍ବି ମୀରୁ ଇ ବାରେ କିଦୁ; ଇତିହଁ ମାର ନାମିତି ଦିନାଟିଏ ଗେଲ୍ପି ଆନାୟି ତଲିତି କିହାଁ ହାରେକା ତାଗେ ଖାଡ଼େୟିଏ ।^{୧୨} ଆନ୍ଦେରି ହାଜିମାନେ, ଲାଲ୍ ଖେୟିମାନେ । ଏଦାଆଁତାକି ଖାଦୁ ମାର ଆନ୍ଦେରିତି କାମା ବାରେ ପିସାନା ଉଜେଡ଼ିତା ଜୁଜୁ କିହାଲି ଚିକାଣାତି ସାଜୁ ତୁରନ ।^{୧୩} କାଡ଼ୁ ଗୁସାହାଁ ମନକିତି ରାହାଁ, କାଡ଼ୁ ଗୁସାହାଁ ହଡ଼ିନାୟି, ମାନି ହିଲାଆଗାଟାୟି, ଲାଗେଏତି ମାଣକି, ତାହାରା, ଗଡ଼ହା କିନିତାଣା କାମାତା ଆଣ୍ଡାଆନା ଖାଦୁ, ଉଜେଡ଼ିତି କାମାତା ମାନି ଲକୁ ଲେହେଁ ନେହଁ ମାଣକି ତଲେ ମାନ ।^{୧୪} ପ୍ରବୁ ଜୀସୁ କ୍ରୀସ୍ତୁଙ୍କ ମୀରୁ ହିମ୍ବିଲେହେଁ ପରଦୁ, ପାପୁ ଇଞ୍ଜା ଆଙ୍ଗାତି ଲାଗେଏତି ଅଣ୍ଡପୁ ତଲେ ରାହାଁ କିହାଲିତାକି ହିୟାଁତା ଅଣ୍ଡପାଆଦୁ ।

୧୪

ଏଟକା ଲକୁଣି ଦହ ଦହଆଦୁ

^୧ *ନାମୁତା ଆଟ୍ଠା ହିଲାଆଗାଟାରାଲ୍ ଆବାଦୁ, ସାମା ତାନି କାତାତି ଅଣ୍ଡପୁ ତାକି ତାନିତଲେ ବାଦ୍‌ହାରା କିଆଦୁ ।^୨ ବାରେ ତିଞ୍ଜାଲି ତାକି ରଅଣାକି ନାମୁ ମାନେ, ସାମା ଆମ୍ବାଆସି ନାମୁତା ଉଣା ମାନେସି ଏଞ୍ଜାସି ଖାର୍‌ଇ ଜାୟୁ କୁଟା ତିନାପେସି ।^୩ ଆମ୍ବାଆସି ବାରେ ତିନେସି, ଏଞ୍ଜାସି ତିନାଆଗାଟାଣାଲ୍ ହାଣି କିଆପେସି; ଇଞ୍ଜା ତିନାଆଗାଟାସି ତିନାଣାଲ୍ ନାହାଁୟି କିଆପେସି, ଏନିଇତିହଁ ମାହାପୁରୁ ଏଞ୍ଜାଣାଲ୍ ଆବା ମାନେସି ।^୪ ନୀନୁ ଆମ୍ବାଆତି ଅର ରଅଣି ହଲେଏଣାଲ୍ ନାହାଁୟି କିହିମାଞ୍ଜି ? ଏଞ୍ଜାସି ତାନି ସାଞ୍ଜୁକାରି ତାଣା ତୀରି ଆନେସି କି ତୀରି ଆଅସି; ଏଞ୍ଜାଣାଲ୍ ତୀରିକିହାଁ ଇଟାଲି ପ୍ରବୁ କେୟୁତା ବାଡ଼ୁୟୁ ମାନେ ।

^୫ ରଅସି ର ଦିନାତି କିହାଁ ଅର ଦିନାତି ହାରେକା ମାନି କିନେସି, ଅଡ଼େ ରଅସି ବାରେ ଦିନାତି ରଲେଏତାଲ୍ ଇଞ୍ଜା ଅଣ୍ଡପିନେସି, ବାରେଜାଣା ତାମି ମନତା ତୀରି କିହାନା ମାନୁଞ୍ଜି ଆପେରି ।^୬ ଆମ୍ବାଆସି ର ଦିନାତି ହାରେକା ନେହାୟି ଇଞ୍ଜା ଅଣ୍ଡପିମାନେସି, ମାହାପୁରୁତି ଗାଞ୍ଜୁରମି ତାକି ଏଲେଇଞ୍ଜି ଅଣ୍ଡପାପେସି । ଆମ୍ବାଆସି ବାରେ ତିନେସି, ମାହାପୁରୁ ଦରୁତଲେ ତିନେସି ଇଞ୍ଜା ମାହାପୁରୁଙ୍କ ଜହରା କିନେସି; ଆମ୍ବାଆସି ତିଞ୍ଜାଲି କୁନେସି, ଏଞ୍ଜାସି ମାହାପୁରୁ ଦରୁତଲେ କୁନେସି ଇଞ୍ଜା ମାହାପୁରୁଙ୍କ ଜହରା କିନେସି ।^୭ ଆମ୍ବାଆସି ତାଙ୍ଗେତାକି ନୀତଅସି, କି ଆମ୍ବାଆସି ତାଙ୍ଗେତାକି ହାଅସି ।^୮ ମାର ନୀତାମାନାୟି ଇତିସାରେ, ପ୍ରବୁ ତାକି ନୀତାମାନାୟି ଇଞ୍ଜା ହାଡ଼ିସାରେ ପ୍ରବୁ ତାକି ହାନାୟି । ଏଦାଆଁତାକି ନୀତିନାୟି କି ହାନାୟି ମାର ପ୍ରବୁତି ଲକୁ ।^୯ ଏଦାଆଁତାକି ଇତିହଁ କ୍ରୀସ୍ତୁ ହାହାନା ଖେଣ୍ଡେ ନିଙ୍ଗାମାନି ତାଣାଟି ନୀତାମାନାରି ଇଞ୍ଜା ହାଡ଼ାରି

ବାରେଜାଣାତି ପ୍ରବୁ ଆହାମାନେସି ।^{୧୦} *ନୀନୁ ଏଦାଆଁତାକି ମୀ ତାୟିଲ୍ ବେରଣି କିହିମାଞ୍ଜି ? ଏଦାଆଁତାକି ମୀ ତାୟିଲ୍ ହାଣି କିହିମାଞ୍ଜି ? ମାର ବାରେଜାଣା ବେରଣି ଆହାଲି ମାହାପୁରୁ ନକିତା ନିନାୟି ।^{୧୧} ଏଦାଆଁତାକି ଇତିହଁ ସାସ୍ତେରିତା ରାସ୍‌କି ଆହାମାନେ;

“ପ୍ରବୁ ଖେସିମାନେସି, ଇତିହଁ ନୀନୁ ଜୀଞ୍ଜୁଗାଟି ମାହାପୁରୁ, ବାରେଜାଣା ନା ନକିତା ମେଣ୍ଡା କୁତିନେରି, ବାରେଜାଣା ନାଙ୍ଗେ ମାହାପୁରୁ ଇଞ୍ଜା ଜଲିନେରି ।”^{୧୨} ମାର ବାରେଜାଣା ମାହାପୁରୁ ନକିତା ମାର କିତି କାମାତି ଲେକା ହାନାୟି ।

ତାୟିଲ୍ ପାପୁ କିଞ୍ଜି କିଆଦୁ

^{୧୩} ଏଦାଆଁତାକି ରଅତେରି ରଅଣାଲ୍ ବିଚାରା କିଆଦୁ; ଇଲେକିହଁ ଏଦାଆଁ ଜିକେଏ କିଆଦୁ, ଏନିକି ମୀ ତାୟି ପୁଟି କିହାନା ପାପୁତି ପାନ୍ଦାତା ରିଅସି ।^{୧୪} ପ୍ରବୁ ଜୀସୁ ତାଣାଟି ପୁଞ୍ଜାନା ସାତା ତଲେ ଖେସିମାଞ୍ଜାଲ୍, ଏନି କାଡ଼ି ତାନ୍‌ଏ ଲାଗେଏତାୟି ଆଏ । ସାମା ଆମ୍ବାଆସି ଏନି କାଡ଼ିତି ଲାଗେଏତାୟି ଇଞ୍ଜା ଅଣ୍ଡପିନେସି, ଏଞ୍ଜାଣାକି ଏନି ଲାଗେଏତାୟି ଆନେ ।^{୧୫} ମୀରୁ ଏନି କାଡ଼ି ତିନି ତାଣାଟି ର ତାୟି ଅଣ୍ଡପୁତା କସ୍ତ ହାହିମାଞ୍ଜେରି, ଆତିହଁ ଏଞ୍ଜାଣାଲ୍ ମୀରୁ ଜୀଞ୍ଜୁନଞ୍ଜୁତା ତାକି ହିଲଅତେରି, ଆମିନି ତାୟି ତାକି କ୍ରୀସ୍ତୁ ହାଡ଼େସି, ଏ କାଡ଼ି ତାକି ଏଞ୍ଜାଣାଲ୍ ଲାଗେଏ କିଆଦୁ ।^{୧୬} ମୀରୁ ଏଦାଆଁ ନେହାୟି ଇଞ୍ଜା ଅଣ୍ଡପିମାଞ୍ଜେରି, ଏଦାଆଁତାକି ମୀରୁ ଲାଗେଏତାତେରି ଆଆଦୁ;^{୧୭} ମାହାପୁରୁତି ରାଜି ତିନାୟି ଉନାୟି ଆଏ । ସାମା ଏଡ଼ି ଦାମ୍, ହିଡ଼ି ଇଞ୍ଜା ସୁଦୁଜୀଞ୍ଜୁ ହାତି ରାହାଁଗାଟାୟି ।^{୧୮} ଆମ୍ବାଆସି ଇଲେକିହଁ କ୍ରୀସ୍ତୁତି ସେବା କିନେସି; ଏଞ୍ଜାସି ମାହାପୁରୁ ନକିତା ନେହାସି ଇଞ୍ଜା ମାଣସିୟା ନକିତି ତାୟିପାରିତା ଜୀଣା ଆତାସି ତଞ୍ଜାଆନେସି ।^{୧୯} ଏଦାଆଁତାକି ଖାଦୁ, ଏନା ଏନାୟି ହିଡ଼ି ଗାଟାୟି, ଅଡ଼େ ଏନା ଏନାଆଁତଲେ ରଅସି ରଅଣାକି ବାସ୍ତୁ ହାନେସି, ଏ ବାରେତି ମାର ଅଣ୍ଡପିନି^{୨୦} ଏ ଉଜେଏତି କାଡ଼ି ତାକି ମାହାପୁରୁତି କାମାଲ୍ ନାସଞ୍ଜି କିଆଦୁ, ବାରେଏ ସୁଦୁ କିଞ୍ଜିଆହାମାନେ, ସାମା ଏନି କାଡ଼ି ତିନି ତାଣାଟି ମୀରୁ ଏଟକା ଲକୁଣି କସ୍ତ ହାହିମାଞ୍ଜେରି, ଆତିହଁ ଏ କାଡ଼ି ତିନାଆଦୁ ।^{୨୧} ମୀରୁ ଉଙ୍ଗା ତିନାୟି, ଅଙ୍ଗୁରି ରାସା ଗହ୍‌ନି ତାଣାଟି ମୀ ତାୟିକି କସ୍ତ ଆହିମାତିସାରେ ତିନି ଉନି ତାଣାଟି ହେକ ଆନାୟି ନେହେଁ ।^{୨୨} ମୀ ଏମିନି ନାମୁ ମାନେ, ଏଦାଆଁ ମୀରୁ ମୀ ହିୟାଁତା ମାହାପୁରୁଙ୍କ ନକିତା ଇଟାଦୁ, ଆମ୍ବାଆସି ଏଦାଆଁ ନେହାୟି ଇଞ୍ଜା ଅଣ୍ଡପିନେସି, ଏଞ୍ଜାସି ଏମ୍ବାଆଁ ତାଙ୍ଗେ ଦହଗାଟାସି କିଅସି, ଆତିହଁ ଏଞ୍ଜାସି ନେହାସି ।^{୨୩} ସାମା ଆମ୍ବାଆସି ଆନାମାନା ଆହାନା ରାନ୍ଦା ତିନେସି, ଏଞ୍ଜାସି ମାହାପୁରୁ ନକିତା ଦହଗାଟାସି ଆନେସି, ଇତିହଁ ଏଞ୍ଜାସି ନାମୁତଲେ ତିଞ୍ଜା ହିଲଅସି; ଅଡ଼େ ଏନାୟି ନାମୁତଲେ ଆଏ, ଏଡ଼ି ପାପୁ ।

☆ ୧୪:୧ ୧୪:୧ କଲସି ୨:୧୭ ☆ ୧୪:୧୦ ୧୪:୧୦ ୨କର ୫:୧୦

୧୫

ଏଚକା ଲକୁଣି ରାହାଁ କିଦୁ

୧ ମାର ନାମୁତା ଆଚ୍ଛା ଗାଟାତାୟି, ବାଡ଼ୁୟୁ ହିଲାଆଗାଟି ଲକୁଣି ମାର ସାସା ହାନାୟି ମାନେ, ଆମ୍ବାଆସି ଜିକେଏ ଜାହାରାୟି ରାହାଁ କିହାଲି ଅଣପାଆପେସି । ୨ ସାମା ଏଚକା ଲକୁଟି ନେହେଁତାକି ଇଞ୍ଜା ଏଞ୍ଜାରି ନାମୁତି ଆଚ୍ଛା କିହାଲିତାକି ଏଞ୍ଜାରାୟି ରାହାଁତଲେ ଇଟିନାୟି ମା କାମା । ୩ କ୍ରୀସ୍ତ ଜିକେଏ ତାନି ସୁକୁ ତାକି ଏନାଆଁ କିହି ହିଲାଆତେସି; ସାମା ସାପ୍ତେରିତା ରାସ୍ତକି ଆହାମାନି ଲେହେଁ, “ମିଙ୍ଗେ ନିନ୍ଦା କିୟାତାରା ନିନ୍ଦା ନା ମୁହେଁ ଖାଡ଼େ ।” ୪ ସାପ୍ତେରିତି ଜାପନାଇ ବାରେ ମା ନେହେଁତାକି ଲଡ଼ା ଆନୁ । ବାସ୍ତୁ ତଲେ ତୀରିଆହାଁ ଡ଼ୟାଲି ତାକି ସାପ୍ତେରି ମାଙ୍ଗେ ସାସା ଇଞ୍ଜା ରାହାଁ ହାହିମାଞ୍ଜାନେ । ୫ ଆଚ୍ଛା ଅଡ଼େ ଦୁକୁ ତୁକହାନି ମାହାପୁରୁ ମିଙ୍ଗେ କ୍ରୀସ୍ତ ଜୀସୁତି ମାଣ୍ଡକି ତଲେ ବାରେତେରି ମିଙ୍ଗେ ରଣ୍ଡିଏ ମନ ଆହାଲି ହିୟାପେସି, ୬ ବାରେଜାଣା ଆଣ୍ଡି ଆହାନା ରଣ୍ଡିଏ ହିୟାଁ ରଣ୍ଡିଏ ଗୁତି ତଲେ ପ୍ରୁ ଜୀସୁ କ୍ରୀସ୍ତ ଆବା ମାହାପୁରୁତି ଜହରା କିତେରି ।

ଜୀହୁଦି ଇଞ୍ଜା ଜୀହୁଦିଆଆତି ଲକୁତାକି ନେହଁ କାରୁ

୭ ମାହାପୁରୁତି ଗାଞ୍ଜୁରମି ତାକି କ୍ରୀସ୍ତ ଏନିକିହଁ ମିଙ୍ଗେ ଆବା ମାଞ୍ଜାନେସି, ମାରୁ ଜିକେଏ ଏଲେକିହଁ ରଥତେରି ରଅଣାଇଁ ଆବାଦୁ । ୮ ଇତିହଁ ନାନୁ ଏଲେ ଇଞ୍ଜିମାଇଁ, କ୍ରୀସ୍ତ ମାହାପୁରୁତି ସାତା ତାକି ତଲୁ ଦାପ୍ତି ଆଡ଼ି ଲକୁତି ସେବା କିନାସି କିଞ୍ଚିଆହା ମାତେସି, ଏନିକିହଁ ଏଞ୍ଜାସି ଆକୁ ଆବାୟାକି ଆଞ୍ଜାନା ହାହାମାନାଣି ତୀରି କିନେସି, ୯ ଅଡ଼େ ମାହାପୁରୁତି କାର୍ମାମେହନାଣି ତାକି ଜୀହୁଦିଆଆତି ଲକୁ ଜିକେଏ ଏଞ୍ଜାଣି ଗାଞ୍ଜୁରମି କିନେରି; ଇ କାତା ସାପ୍ତେରିତା ରାସ୍ତକି ଆହାମାନେ;

“ଇଦାଆଁତାକି ଜୀହୁଦିଆଆତି ଲକୁତାଣା ନୀ ଜହରା କିଇଁ, ବାରେଦିନା ନୀ ପାରୁ ପାଡ଼ିଇ ।”

୧୦ ଅଡ଼େ ଜିକେଏ ଏଲେଇଞ୍ଜି ମାନେସି,

“ଜୀହୁଦିଆଆତି ଲକୁ ମାହାପୁରୁତି ଲକୁତଲେ ରାହାଁ କିଦୁ !”

୧୧ ଅଡ଼େ ଜିକେଏ,

“ଜୀହୁଦିଆଆତି ଲକୁ ବାରେ ପ୍ରୁଇଁ ଜହରା କିଦୁ, ଅଡ଼େ ବାରେ ଲକୁ ଏଞ୍ଜାଣି ପାରୁ ପାଡ଼ାପେରି !”

୧୨ ଅଡ଼େ ଷ୍ଟେଣ୍ଡେ ଜିସାୟ ଷ୍ଟେସାମାନେସି,

“ଜିସି କୁଡ଼ାଟି ରଅସି ତଞ୍ଜାଆନେସି,

ଏଞ୍ଜାସି ଜୀହୁଦିଆଆତି ଲକୁଣି ସାଲୁଞ୍ଜି କିନେସି ଇଞ୍ଜା ଜୀହୁଦିଆଆତାରି ଏଞ୍ଜାଣି ତାଣା ବାସ୍ତୁ ଇଟିନେରି ।”

୧୩ ବାରେ ବାସ୍ତୁଗାଟି, ମାହାପୁରୁ ମୀ ନାମୁ ତାକି ମିଙ୍ଗେ ରାହାଁ ଇଞ୍ଜା ହିଡ଼ଡ଼ି ହିୟାପେସି । ଏନିକିହଁ ସୁଦୁଜୀଞ୍ଜୁତି ବାଡ଼ୁୟୁ ତଲେ ମୀ ବାସ୍ତୁ ପାତାଆନେ ।

ଜୀହୁଦିଆଆତି ଲକୁତାଣା ପାଞ୍ଜୁଲତି ସେବା

୧୪ ତାୟି ତାଜିସ୍ତାତେରି, ମୀରୁ ବାରେ ନେହଁ ଗୁଣ୍ଡୁ, ଏନିକିହଁ ବାରେ ବୁଦିତଲେ ଇଞ୍ଜା ରଅତେରି ରଅଣାଇଁ ଜାପହାଲି ତାକି ଆଡ଼ିଦେରି ନା ନାମୁ ମାନେ ।

୧୫ ଆଡ଼ିଜିକେଏ ମାହାପୁରୁ ହାହାମାଞ୍ଜାନି କାର୍ମାତ ବାଡ଼ୁୟୁଟି ନାନୁ ମିଙ୍ଗେ ଅଣପି କିହାଲି ହାରେକା ସାସାତଲେ ମୀ ତାଣା ଇ ଆକୁ ରାଡ଼ିମାଞ୍ଜାଇଁ । ୧୬ ଏନାଆଁତାକି ଇତିହଁ କ୍ରୀସ୍ତ ଜୀସୁତି ହଲେଏଣା ଲେହେଁ ଜୀହୁଦିଆଆତି ଲକୁତାକି କାମା କିହାଲି ମାହାପୁରୁ ନାଙ୍ଗେ ପାରୁ ହାହାମାଞ୍ଜାନେସି । ମାହାପୁରୁତି ନେହଁ କାରୁ ଷ୍ଟେକହାଲି ତାକି ନାନୁ ର ପୁଜେରାତି କାମା କିହିମାଇଁ । ଜୀହୁଦିଆଆତି ଲକୁ ସୁଦୁଜୀଞ୍ଜୁ ତଲେ ହେରପିଆଡ଼ି ଲେହେଁ ମାହାପୁରୁ ତାଣା ଆବିନାରି ଆପେରି, ଇଦି ନା ଅଣପୁ । ୧୭ କ୍ରୀସ୍ତ ଜୀସୁତଲେ ଆଣ୍ଡାନା ମାହାପୁରୁ ତାକି ଇ ସେବା କାମା କିହାମାନାକି ନାନୁ ବତପଣ ଆହିମାଇଁ । ୧୮ ଇତିହଁ ଜୀହୁଦିଆଆତି ମାହାପୁରୁ ତାଣା ତାତାଲି କ୍ରୀସ୍ତ ନା ତାଣାଟି ବଲୁତା ଅଡ଼େ କାମାତା ଇତିହଁ ହାରେକା ସିନାୟାଁ କାବାଆନି କାମାୟାଁ ତଲେ, ସୁଦୁଜୀଞ୍ଜୁତି ବାଡ଼ୁୟୁଟି ଏନା ଏନାଆଁ କିହାହିଲଅସି,

ଇଲେତି ଏନି କାମା କିହାଲି ସାସା କିହିହିଲଅଁ । ୧୯ ସିନା ଅଡ଼େ କାବାଆନି କାମାତି ବାଡ଼ୁୟୁଟି ଅଡ଼େ ମାହାପୁରୁ ସୁଦୁଜୀଞ୍ଜୁତି ବାଡ଼ୁୟୁଟି ନା ତାଣାଟି କିହାମାନେସି । ଏନିକିହଁ ନାନୁ ଜିରୁସାଲମ ଟଟ ସାରିଞ୍ଜାକି ଇଞ୍ଜା ଇଲୁରିକମ ପାତେକା କ୍ରୀସ୍ତି ନେହଁ କାରୁ ଷ୍ଟେକହାମାଇଁ ।

୨୦ ଆମ୍ବିୟା ଲକୁ କ୍ରୀସ୍ତି କାତା ଷ୍ଟେଞ୍ଜାହିଲଅରି, ଏମ୍ବାଆଁ ଏଞ୍ଜାଣି ବଲୁ ଷ୍ଟେକହାଲି ନା ଅଣପୁ, ଏନାଆଁତାକି ଇତିହଁ ଏଚକାତି ଲକୁ କିହାମାନି ପୁନାଦି ଲାକ ଇଲୁ କିହାଲି ନାନୁ ଅଣପି ହିଲଅଁ । ୨୧ ସାପ୍ତେରିତା ଏନିକିହଁ ରାସ୍ତକି ଆହାମାନେ;

“ଆମିନି ଗାଟାରି ଏଞ୍ଜାଣି ବଲୁ ବେଟାଆହା ହିଲଅରି, ଏଞ୍ଜାରି ମେହନେରି; ଆମ୍ବାଆରି ଷ୍ଟେଞ୍ଜାହିଲଅରି, ଏଞ୍ଜାରି ତେଲହନେରି ।”

୨୨ ହାରେକା ଦେବା ମୀ ତାଣା ଖାହାଲି ତାକି ନା ଅଣପୁ ଉଜେଏତାୟି ଆଡ଼େ । ୨୩ ସାମା ଇ ରାଜିତା ନା ସେବା କାମା ରାହାମାନେ ଅଡ଼େ ନା ଆସା, ମିଙ୍ଗେ ମେସାଲି ତାକି ନା ହାରେକା ବାସାତି ଅଣପୁ ନୀଏଁ ପୁରା ଆନେ ।

୨୪ ନାନୁ ସ୍ଟେନ୍ ଦେସା ହାନିବେଲାତା ମୀ ତାଣା ଖାଇଁ; ଇତିହଁ ଜିରୁତା ମୀ ତଲେ ତଲିଏ ଆଣ୍ଡାନା କାତା ଆହାଁ ଏଚରଦିନା ଡ଼ୟିତି ତାୟୁ ଏ ଟାୟୁତା ହାଜାଲି ଜିରୁତା ଇଡ଼ିଞ୍ଜାୟାଦେରି ଇଞ୍ଜା ଆସା କିହିମାଇଁ । ୨୫ ନୀଏଁ ମାହାପୁରୁ ଲକୁତି ସେବା କିହାଲି ନାନୁ ଜିରୁସାଲମତା ହାଜିମାଇଁ । ୨୬ ଜିରୁସାଲମତା ମାହାପୁରୁ ଲକୁ, ଆମ୍ବାଆରି ହିଲାଆ ଗାଟାରି ମାନେରି, ଏଞ୍ଜାରି ତାକି ମାକିଦନିୟା ଅଡ଼େ ଆକାୟାତି କୁଲମିକା ଆଣ୍ଡାଲି ତାବୁୟାଁ କୁଡ଼ିକିହାଲି ତୀରି କିହାମାନେରି । ୨୭ ହାଅ ଏଞ୍ଜାରି ଏଦାଆଁ ନେହେଁ

ରମ୍ପତା ହାଜାଲି ପାଞ୍ଜୁଲତି ଅଣପୁ

୨୮ ହାରେକା ଦେବା ମୀ ତାଣା ଖାହାଲି ତାକି ନା ଅଣପୁ ଉଜେଏତାୟି ଆଡ଼େ । ୨୯ ସାମା ଇ ରାଜିତା ନା ସେବା କାମା ରାହାମାନେ ଅଡ଼େ ନା ଆସା, ମିଙ୍ଗେ ମେସାଲି ତାକି ନା ହାରେକା ବାସାତି ଅଣପୁ ନୀଏଁ ପୁରା ଆନେ ।

୩୦ ନାନୁ ସ୍ଟେନ୍ ଦେସା ହାନିବେଲାତା ମୀ ତାଣା ଖାଇଁ; ଇତିହଁ ଜିରୁତା ମୀ ତଲେ ତଲିଏ ଆଣ୍ଡାନା କାତା ଆହାଁ ଏଚରଦିନା ଡ଼ୟିତି ତାୟୁ ଏ ଟାୟୁତା ହାଜାଲି ଜିରୁତା ଇଡ଼ିଞ୍ଜାୟାଦେରି ଇଞ୍ଜା ଆସା କିହିମାଇଁ । ୩୧ ନୀଏଁ ମାହାପୁରୁ ଲକୁତି ସେବା କିହାଲି ନାନୁ ଜିରୁସାଲମତା ହାଜିମାଇଁ । ୩୨ ଜିରୁସାଲମତା ମାହାପୁରୁ ଲକୁ, ଆମ୍ବାଆରି ହିଲାଆ ଗାଟାରି ମାନେରି, ଏଞ୍ଜାରି ତାକି ମାକିଦନିୟା ଅଡ଼େ ଆକାୟାତି କୁଲମିକା ଆଣ୍ଡାଲି ତାବୁୟାଁ କୁଡ଼ିକିହାଲି ତୀରି କିହାମାନେରି । ୩୩ ହାଅ ଏଞ୍ଜାରି ଏଦାଆଁ ନେହେଁ

ଅଣ୍ଠା ମାନେରି ସାତା, ଆତିହ୍ ଏଞ୍ଜାରି ଏଞ୍ଜାରିତାଣା ରୀଣା ଜିକେଏ ଆହାମାନେରି; ଜୀହୁଦିଆଆତାରି ଏଞ୍ଜାରି ଦାମୁତି ଜୀହୁତା ଆଣ୍ଠାମାନେରି ଇତିହ୍, ଏଞ୍ଜାରି ଦାରିତି କାମାତା ଜିକେଏ ସେବା କିହାଲି ରୀଣା ଆହାମାନେରି । ୨୮ ଜିରୁସାଲମତା ଏ ତାରୁୟା ଲକୁକି ହୀହାନା ନା କାମା ରାପହି ତାୟୁ, ନାନୁ ସ୍ତେନ୍ ଦେସାତା ହାନାଟି ଏ ଜିରୁତିଏ ମିଙ୍ଗେ ବେଟି ଖାଲ୍ । ୨୯ ନାନୁ ପୁଞ୍ଜାମାଲ୍, କ୍ରୀସ୍ତ ତାଣାଟି ହାରେପୁରେ ବର ବେଟାଆହାନା ନାନୁ ମୀ ତାଣା ଖାଲ୍ ।

୩୦ ଜୀହୁତି ତାୟି ତାଲ୍, ନାନୁ ମା ପ୍ରୁ ଜୀସୁ କ୍ରୀସ୍ତ ଦରୁତଲେ ଇଞ୍ଜା ସୁଦୁଜୀହୁ ହୀହାମାଞ୍ଜାନି ଜୀହୁ ନନାଣି ତାକି ମିଙ୍ଗେ ବାତିମାଲିମାଞ୍ଜାଲ୍, ନାଙ୍ଗେ ତାକି ମାହାପୁରୁ ତାଣା ରଣ୍ଡିଏ ଅଣ୍ଠାପୁ ତଲେ ପ୍ରାତାନା କିଦୁ । ୩୧ ନାନୁ ଜୀହୁଦା ଦେସାତି ନାମାଆତି ଲକୁ ତାଣାଟି ଏନିକିହ୍ ଗେଲ୍ପି ଆଲ୍ ଇଞ୍ଜା ଜିରୁସାଲମତା ନା ଏମିନି ସେବା କାମା, ଏଦିଏମାଆ ମାହାପୁରୁ ଲକୁ ଅପିନେରି, ଏଦାଆତାକି ପ୍ରାତାନା କିହେମାଞ୍ଜୁ । ୩୨ ମାହାପୁରୁ ଅଣ୍ଠାପୁ ତଲେ, ନାନୁ ମୀ ତାଣା ହାରେକା ରାହାତଲେ ଖାଲ୍ ଇଞ୍ଜା ମୀ ତଲେ ଏତରଦିନା ପାତେକା ତୟାନା ନା ହିୟାତା ରାହା ବେଟାଆଲ୍ । ୩୩ ବାରେ ହିଡ଼ି ହିୟାନି ମାହାପୁରୁ ମୀ ତଲେ ମାଣ୍ଡେସି । ଆମେନ୍ ।

୧୭

ପାଞ୍ଚୁଲତି ଜହରା

୧ କେଙ୍ଗେୟା କୁଲମିତା ସେବା କାମା କିହିମାନି ମା ତାଲ୍ ପୟିବିଲ୍ ମୀ ତାଣା ପାଣ୍ଡିମାଞ୍ଜାଲ୍, ୨ ପ୍ରୁତି ଦରୁତଲେ ଏଦାନି ଆବାଦୁ, ମାହାପୁରୁ ଲକୁ ଲେହେଁ ଲେମ୍ବାଦୁ । ତାନି ଲଡ଼ାମାନି ଲେହେଁ ସାୟେମି କିଦୁ । ଏଦି ନାଙ୍ଗେତାକି ଅଡ଼େ ହାରେକା ଲକୁତି ସାୟେମି ତଡ଼ୁ ।

୩ *କ୍ରୀସ୍ତ ଜୀସୁତି ସେବା କାମାତା ନା ତଲେ କାମା କିହିମାନି ପ୍ରିସ୍ତା ଇଞ୍ଜା ଆକ୍ଫିଲାଲ୍ ନା ଜହରା ଖେହ୍ଦୁ । ୪ ଏ ଲକୁ ନା ତାକି ତାମି ଜୀହୁତା କସ୍ତ ଆହାମାନେ । ଖାରିଲ ନାନୁ ଆଏ, ବାରେ ଜୀହୁଦିଆଆତି କୁଲମି ତାମି ତାଣା ଜହରା । ୫ ଏ ଲକୁତି ଇଜ ରୁଣ୍ଡା ଅହିମାନି କୁଲମିତି ଲକୁଣି ଜିକେଏ ନା ଜହରା ଖେସିମାଲ୍ । ନା ଜୀହୁତି ତଡ଼ୁ ଧୁପାୟିନେତଲ୍ ନା ଜହରା ଖେହ୍ଦୁ । ଆସିୟା ଦେସାତି ଏଞ୍ଜାସି ରଅସି ମୂଲୁଏ କ୍ରୀସ୍ତଲ୍ ନାମିତାସି । ୬ ମୀ ନେହେଁତାକି ଜମାଆନା କାମା କିହିମାନି ମରିୟମଲ୍ ନା ଜହରା । ୭ ଆନ୍ତନିକ ଇଞ୍ଜା ଜୁନିୟାଲ୍ ନା ଜହରା । ଇ ରିଆରି ଜୀହୁଦିୟା ନା ତଲେ କାୟିଦି ଇଲୁତା ମାଚେରି । ନା ନକେଏ କ୍ରୀସ୍ତଲ୍ ନାମା ମାଚେରି ଇଞ୍ଜା ପାଣ୍ଡିଆତି ସୀସୁ ତାଣାଟି ଏଞ୍ଜାରି ପୁଣ୍ଡି ଆତାରି ।

୮ ପ୍ରୁ ତାଣା ନା ଜୀହୁତି ତଡ଼ୁ ଆସ୍ତାୟାତଲ୍ ଜହରା । ୯ କ୍ରୀସ୍ତତି ସେବା କାମାତା ନାଙ୍ଗେ ସାୟେମି କିହିମାଞ୍ଜାନି ଉର୍ବାନ ଇଞ୍ଜା ଜୀହୁତି ତଡ଼ୁ ସ୍ତାକିୟଲ୍ ଜିକେଏ ନା ଜହରା

। ୧୦ କ୍ରୀସ୍ତତି ମାନି ତଲେ କାମା କିନି ଆପେଲା ଇଞ୍ଜା ଆରିସ୍ତୁଲ କୁଟମିତି ବାରେ ଜାଣାଲ୍ ନା ଜହରା ଖେହ୍ଦୁ । ୧୧ ନା କୁଡ଼ାତି ହେରଦିୟନ ଇଞ୍ଜା ନାକ୍ସ କୁଟମିତି କ୍ରୀସ୍ତତି ତାୟିୟାଣି ଜିକେଏ ନା ଜହରା ।

୧୨ ପ୍ରୁତି ସେବା କାମାତା ମାନି ତ୍ରିପେନା ଇଞ୍ଜା ତ୍ରିପସାଲ୍ ଇଞ୍ଜା ପ୍ରୁ ତାକି ହାରେକା କାମା କିହିମାନି ଜୀହୁତି ପସ୍ସଲ୍ ନା ଜହରା । ୧୩ *ପ୍ରୁ ଆତାମାନି ରୁପସ ଇଞ୍ଜା ନା ତାଲି ଲେହେଁତି ତାନି ଇୟାନି ଜିକେଏ ନା ଜହରା । ୧୪ ଅସୁକ୍ତିତ, ପ୍ଲେଗନ, ହର୍ମସ, ପାତ୍ରବା, ହର୍ମସ ଇଞ୍ଜା ଏଞ୍ଜାରିତଲେ ମାନି ବାରେ କ୍ରୀସ୍ତଲ୍ ନାମିମାନି ତାୟି ତାଲିଲ୍ ଜହରା ଖେହ୍ଦୁ । ୧୫ ପିଲଲଗ ଇଞ୍ଜା ଜୁଲିୟା, ନିରୁସ ଇଞ୍ଜା ତାନି ତାଲି ଅଡ଼େ ଅଲୁମ୍ପା ଅଡ଼େ ଏଞ୍ଜାରିତଲେ ମାନି ବାରେ ମାହାପୁରୁ ଲକୁଣି ନା ଜହରା ଖେହ୍ଦୁ ।

୧୬ ସୁଦୁ ହିୟା ତଲେ ନଣ୍ଡି ଆହାନା ଜହରା ଖେହ୍ଦୁ । କ୍ରୀସ୍ତତି ବାରେ କୁଲମିକା ମିଙ୍ଗେ ଜହରା କିହିମାଞ୍ଜାନୁ ।

ପାଞ୍ଚୁଲତି ରାନ୍ ବିଲୋତି ବଲୁ

୧୭ ତାୟି ତାଲିସ୍ତାତେରି, ମୀରୁ ଆମିନି କାତା ଜାପାମାଞ୍ଜେରି, ଏ କାତାତି ପିସାନା ଗତି ଗତି କିନାସି ଅଡ଼େ ଲାଗେଏ କିୟାନେସି ଏଞ୍ଜାରାଲ୍ ପୁଞ୍ଜା ତୟାଦୁ, ଏଞ୍ଜାରି ତାଣାଟି ଏଟକା ଆୟାଲି ନାନୁ ବାତିମାଲିମାଞ୍ଜାଲ୍ । ୧୮ ଇତିହ୍ ଇଲେତି ଲକୁ ମା ପ୍ରୁ କ୍ରୀସ୍ତତି ହଲିୟାଙ୍ଗା ଆଏ, ସାମା ତାମି ବାଣ୍ଡିତି ହଲିୟାଙ୍ଗା ଆହାମାନେରି, ଅଡ଼େ ସୁଞ୍ଜାଲା ହାଡ଼ାତଲେ ଲକୁ ମନତି ନାଡ଼ି କିନେରି । ୧୯ ନେହ୍ ବଲୁ ତାକି ମୀ ତୀରପୁ କାମା ବାରେ ଲକୁ ଖେଞ୍ଜାମାନେରି, ଇଦାଆତାକି ନାନୁ ହାରେକା ରାହା । ନାନୁ ଅଣ୍ଠାପିମାଲ୍, ମୀରୁ ସାତା କାତାତା ବୁଦି ଗାଟାତେରି ଆଦୁ ଇଞ୍ଜା ଉଜେଏତି କାତାତା ଆଣ୍ଠାଆଦୁ । ୨୦ ଆତିହ୍ ହିଡ଼ି ହିୟାନି ମାହାପୁରୁ ତବେ ସୟତାନଲ୍ ମୀ କର୍ତ୍ତା ତଲ କିନେସି । ମା ପ୍ରୁ ଜୀସୁତି କାର୍ମାମେହ୍ନାୟି ମୀ ତଲେ ମାଣ୍ଡେ ।

୨୧ *ନା ତଲେ କାମା କିହିମାନି ତିମତି ଇଞ୍ଜା ମା ଜୀହୁଦି ତାୟିୟା ଲୁକିୟ, ଜାସନ ଇଞ୍ଜା ସସିପାତ୍ର ମିଙ୍ଗେ ଜହରା କିହିମାଞ୍ଜାନେରି ।

୨୨ ଇ ଆକୁ ରାତାମାନି ତର୍ତ୍ତୟ, ପ୍ରୁତି ଦରୁତଲେ ମିଙ୍ଗେ ଜହରା କିହିମାଞ୍ଜାଲ୍ ।

୨୩ *ନାଙ୍ଗେ ଅଡ଼େ କୁଲମିତି ସେବା କିନି ଗାୟସ ମିଙ୍ଗେ ଜହରା କିହିମାଞ୍ଜାନେସି, ଅଡ଼େ ଇ ଗାଡ଼ାତି ଗୁମୁସ୍ତା ଏରାସ୍ତ ଇଞ୍ଜା ତାୟି କ୍ଵାଡ଼ ଜିକେଏ ମିଙ୍ଗେ ଜହରା କିହିମାଞ୍ଜାନେରି ।

୨୪ ପ୍ରୁ ଜୀସୁତି କାର୍ମାମେହ୍ନାୟି ମୀ ବାରେ ଜାଣାକି ଆପେ ।

ପ୍ରାତାନା ଇଞ୍ଜା ଜହରା ତଲେ ଆକୁ ରାପ୍ନାୟି

୨୫ ଖାଦୁ, ମାର ମାହାପୁରୁତି ଗାଞ୍ଜୁରମି କିନ । ନାନୁ ଖେକ୍ହାମାନି ଜୀସୁ କ୍ରୀସ୍ତତି ନେହ୍ ବଲୁ ଇଞ୍ଜା ତଲି

☆ ୧୭:୩ ୧୭:୩ କାମା ୧୮:୨ ☆ ୧୭:୧୩ ୧୭:୧୩ ମାର୍କ ୧୫:୨୧ ☆ ୧୭:୨୧ ୧୭:୨୧ କାମା ୧୭:୧ ☆ ୧୭:୨୩ ୧୭:୨୩ କାମା ୧୯:୨୯; ୧କର ୧:୧୪; ୨ତିମ ୪:୨୦

କାଳାତିଏ ଡଗୁମାନି ସାତା ଲେହେଁ ମୀ ନାମୁ ତୀରିକିହାଁ
 ଇଟାଲି ମାହାପୁରୁ ଆଡ଼ିନେସି । ^{୨୭} ଏ ଡଗୁମାନି ସାତା
 ମାହାପୁରୁ ଅଣ୍ଟପୁଡ଼ି ବଲୁ ଖେହନାରି ସାସ୍ତେରିତା ରାସ୍‌କି
 ଆହାମାନେ ଅଡ଼େ ଏଡ଼ି ନୀଏଁ କାଳାକାଳାତି ପ୍ରୁ ମାହାପୁରୁ
 ତାଣାଟି ବାରେ କୁଡ଼ା ବିତ୍ରା ଖେପ୍‌କି ଆହିମାନେ । ଇଦାଆଁ
 ତଲେ ବାରେଜାଣା ନାମାନା ମାହାପୁରୁଇଁ ମାନି କିହାଲି
 ଆଡ଼ିନେରି ।

^{୨୭} ବାରେ କାତା ପୁନି ମାହାପୁରୁ ପ୍ରୁ ଜୀସୁ ତାଣା
 କାଳାକାଳା ତାକି ଗାଧୁରମି ବେଟାଆପେସି । ଆମେନ୍ ।

କରକ୍ତି ମଣ୍ଡଳୀ ନିମନ୍ତେ ପାଠଲକ୍ଷ ଲିଖିତ ପ୍ରଥମ ପତ୍ର କରକ୍ତି କୁଲମିତାକି ପାଞ୍ଚଲ ରାଚାମାନି ର ଲମ୍ବର ଆକୁ ମୂଳୁ ହାଡ଼ା

କରକ୍ତି କୁଲମିତି ର ଲମ୍ବର ଆକୁ ପାଣ୍ଡୁଆହାମାନି ପାଞ୍ଚଲ ତାଣ୍ଡାଟି ଜୀସୁ କ୍ରୀସ୍ତତି ଜାର୍ନାତି ୫୫ ବାର୍ଷା କ୍ରେଚ ରାସ୍ତିକି ଆହାମାତେ ୧:୧ । ପାଞ୍ଚଲ ତାଣ୍ଡାଟି ରାସ୍ତିକି ଆହାମାନି ଜଡ଼େକା ଆକା ବିତ୍ରାଟି ଇଦି ଆହିମାନେ ର ଲମ୍ବର ଆକୁ । ଏଝାସି ଏପିସିୟତା ମାଟିବେଲତା ଇ ଆକୁ ରାଚା ମାଣ୍ଡିଡେସି ୧୭:୫-୯ । ମାକିଦନିୟାଟି କରକ୍ତିତା ହାଜାଲି ମନ କିନି ନକେଏ ଇ ଆକୁ ରାଚାମାତେସି ।

ପାଞ୍ଚଲ ଇ ଆକୁତା କୁଲମି ଗତି ଗତି ଆନାୟି ଲାଗେଏତି କାମାତି ଜୁପ୍ତକା ତଲେ ହାରେକା ପାପୁ କାମା ଆହିମାନାଣି କୁଲମିତି ଲକୁ ତାଣ୍ଡାଟି ଝେଞ୍ଜାନା ଝେଞ୍ଜେ ଝେସାଲି ମନ ହାହିମାନେସି । କରକ୍ତି ଗାଡ଼ା ଲାଗେଏ ପଲେଏ ପାପୁ କାମାୟାଁ କିହିମାନାୟି ଝେଞ୍ଜାମାତେ । ଇଞ୍ଜା ଗାଡ଼ାତା ମାଟି କୁଲମି ହାରେକା କାଞ୍ଜାଲ ଆହିମାତେରି । ଏଦାଆଁ ଅଣ୍ଡପାନା ଏଝାରାକି ତିନା ଉନାଣି, ବୀହା ଆନାଣି ଅଡ଼େ କିନାଣି, ହାକି ଅଡ଼େ ଝେଞ୍ଜେ ନିଞ୍ଜିନାଣି, ସାତା ଜୀଞ୍ଜୁନନାୟି ଏନାୟି ଇ ବାରେ କାତା ଆକୁତା ରାଚାନା ତସାମାନେସି ୧୩ ।

ପତିତା ମାନାୟି

- ୧. ଜହରା କିହାନା ପୁଣ୍ଡିକିନାୟି । ୧:୧-୯
- ୨. କୁଲମିକା ଗତି ଆନି କାତା ଜାପ୍ତନାୟି । ୧:୧୦-୪:୨୧
- ୩. ଲାଗେଏତି ପାପୁ କାମା ଅଡ଼େ ଦାଞ୍ଜାକିନି କାତା । ୫:୧-୬:୨୦
- ୪. ବୀହା, ପେଣ୍ଡକା ବମାୟାଁତି ବଗୁ, ଜାଚୁ ଆହାନା ପ୍ରାତାନା, ସୁଦୁଜୀଞ୍ଜୁତି ଦାନା, ଇଞ୍ଜା ଝେଞ୍ଜେ ନିଞ୍ଜିନି କାତା । ୭:୧-୧୫:୫୮
- ୫. ଲେମ୍ବିନି କାତା, ଜାହାରା ଅଣ୍ଡପୁ ଇଞ୍ଜା ରାପ୍ତନାୟି । ୧୭

୧ ନାନୁ ପାଞ୍ଚଲ, ମାହାପୁରୁତି ମନତଲେ କ୍ରୀସୁ ଜୀସୁ ତାଣ୍ଡାଟି ଆଚାନା ପାଣ୍ଡୁଞ୍ଜି ଆହାମାନାତେଏଁ, ଅଡ଼େ ମା ତାୟି ସସିନା ତଲେ, ୨ *କରକ୍ତି ଗାଡ଼ାତା ମାନି ମାହାପୁରୁ କୁଲମିତାକି ଇ ଆକୁ ରାଚିମାନେରି; ଆମିନି ବାରେଜାଣା ଏଝାରିତାଣା, ପ୍ରବୁ ଜୀସୁ କ୍ରୀସୁ ଦରୁତଲେ ପ୍ରାତାନା କିହିମାନେରି, ଏଝାରିତଲେ କ୍ରୀସୁ ଜୀସୁ ତାଣ୍ଡା ସୁଦୁ ଆହାନା ହାଟ୍ଟକି ଆହାମାନି ମାହାପୁରୁ ଲକୁତେରି ମୀରୁ ।

୩ ମିଞ୍ଜେତାକି ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସୁ ତାଣ୍ଡାଟି କାର୍ମାମେହନାୟି ଅଡ଼େ ହିଡ଼ଡ଼ି ଆପେ ।

କ୍ରୀସୁ ତାଣ୍ଡାଟି ବର

୪ କ୍ରୀସୁ ଜୀସୁ ତାଣ୍ଡାଟି ମିଞ୍ଜେ ହୀହାମାଞ୍ଜାନି ମାହାପୁରୁତି ଆମିନି କାର୍ମାମେହନାୟି, ଏଦାଆଁତାକି ନାନୁ କାଲେଏ ମିଞ୍ଜେତାକି ମାହାପୁରୁଇଁ ଜହରା କିହିମାଇଁ, ୫ ଏନାଆଁତାକି ଇଚିହଁ ଏଝାଣି ତାଣ୍ଡା ବାରେ କାତାତା, ହାରେକା କିହାଁ ବାରେଲେହେଁତି ଜାପ୍ତନି ତାଣ୍ଡା ଅଡ଼େ ବାରେଲେହେଁତି ବୁଦିତା ମୀରୁ ଗାଡ଼ି ବାଡ଼କା ମାଞ୍ଜେରି; ୬ ଇଲେଆହଁ କ୍ରୀସୁତି ସାକି ମୀ ତାଣ୍ଡା ତୀରି ଆହାମାନେ । ୭ ଇଦାଆଁତାକି ମୀରୁ ମା ପ୍ରବୁ ଜୀସୁ କ୍ରୀସୁତି ତଞ୍ଜା ଆହାଲିତାକି କାପୁ କାଚାନା ଏନି କାର୍ମାତି ଦାନାତା ଉଣା ଆହାହିଲଅତେରି; ୮ ମା ପ୍ରବୁ ଜୀସୁ କ୍ରୀସୁତି ଦିନାତା ଏନିକଁ ମୀରୁ ଦହ ହିଲଆଗାଗାତେରି ଆଦେରି, ଇଦାଆଁତାକି ଏଝାସି ମିଞ୍ଜେ ରାନ୍ତି ଦିନା ପାତେକା ତୀରିକିହା ଇଟାନେସି । ୯ ମାହାପୁରୁ ନାମୁଗାଗାସି, ଆମ୍ବାଆରି ତାଣ୍ଡାଟି ମୀରୁ ତାନି ମୀରଏସି ଜୀସୁ କ୍ରୀସୁ, ମା ପ୍ରବୁ ତାଣ୍ଡା ଆଣ୍ଡିନାଣାକି ହାଟ୍ଟକି ଆହାମାଞ୍ଜେରି ।

ନାମିତି କୁଲମି ବିତ୍ରା ଗତି ଆନାୟି

୧୦ ଏ ତାୟିୟାଁ ଅଡ଼େ ତାଞ୍ଜିସ୍ତାତେରି, ମା ପ୍ରବୁ ଜୀସୁ କ୍ରୀସୁ ଦରୁତଲେ ନାନୁ ମିଞ୍ଜେ ବାଡ଼ିମାଲିମାଞ୍ଜାଇଁ, ଏନିକଁ ମୀରୁ ବାରେଜାଣା ତେରି ରଣ୍ଡିଏ କାତା ଜଲିଦେରି, ଅଡ଼େ ମୀ ବିତ୍ରା ଗତି ଆଅତେରି, ସାମା ମୀରୁ ରଣ୍ଡିଏ ମନ ରଣ୍ଡିଏ ଅଣ୍ଡପୁ ତଲେ କାଲ୍ଲୁଞ୍ଜି ଆପୁ । ୧୧ ଇଚିହଁ, ଏ ନା ତାୟିୟାଁ ଅଡ଼େ ତାଞ୍ଜିସ୍ତାତେରି, କ୍ଲୟିତି କୁଟମିତି ମୀ କାତା ନା ତାଣ୍ଡା ଇଦି ତଞ୍ଜା ଆହାମାନେ, ମୀ ବିତ୍ରା ଗଡ଼ହା ମାନେ । ୧୨ *ନାନୁ ଝେସ୍ତାନି କାତା ଇଦି, ମୀ ବିତ୍ରାଟି ଆମ୍ବା ଆମ୍ବାଆରି ଏଲେଇନେରି, ନାନୁ ପାଞ୍ଚଲ ଝାକି ତାତେଏଁ, ଇଞ୍ଜା ଆମ୍ବାଆରି ନାନୁ ଆପଲ ଝାକି ତାତେଏଁ, ନାନୁ କେପା ଝାକି ତାତେଏଁ ଅଡ଼େ ଏଚରଜାଣା ନାନୁ କ୍ରୀସୁ ଝାକି ତାତେଏଁ ଇଞ୍ଜା ମାନେରି । ୧୩ କ୍ରୀସୁ ବାଚା ଆହାମାନେସି କି ? ମିଞ୍ଜେତାକି ପାଞ୍ଚଲ କି ପାସି ମୁଣ୍ଡାତା ହାହାମାନେସି ? ଆଆତଁ ମୀରୁ କି ପାଞ୍ଚଲ ଦରୁତଲେ ବାପ୍ତିସ୍ତା* ଅହାମାଞ୍ଜେରି ?

୧୪ *ଇଦାଆଁତାକି କ୍ରିସ୍ପ ଅଡ଼େ ଗାୟ ପିସ୍ପେ ମୀ ବିତ୍ରା ଆମ୍ବାଆରାଇଁ ଜିକେଏ ବାପ୍ତିସ୍ତା† ହୀହାହିଲଅଁ ଇଞ୍ଜା ନାନୁ ମାହାପୁରୁଇଁ ଜହରା କିହିମାଇଁ, ୧୫ ଏଚେତା ମୀରୁ ନୀ ଦରୁତଲେ ବାପ୍ତିସ୍ତା‡ ଅହାମାଇଁ ଇଞ୍ଜା ଆମ୍ବାଆରି ଏଲେଇଞ୍ଜଅରି । ୧୬ *ଅଡ଼େ ସିପାନତି କୁଟମିଇଁ ଜିକେଏ ବାପ୍ତିସ୍ତା§ ହୀହାମାଇଁ; ଇଝାରି ପିସ୍ପେ ନାନୁ ଅଡ଼େ ଆମ୍ବାଆରାଇଁ ବାପ୍ତିସ୍ତା* ହୀହାମାଇଁ ଇଞ୍ଜା ନା ଅଣ୍ଡପୁତା ହିଲେଏ । ୧୭ ଇଚିହଁ କ୍ରୀସୁ ନାଞ୍ଜେ ବାପ୍ତିସ୍ତା† ହୀହାଲିତାକି ପାଣ୍ଡାମାଞ୍ଜଅସି, ସାମା ନେହଁ କାଚୁ ଝେସାଲି ପାଣ୍ଡାମାଞ୍ଜାନେସି; ଏଦି ଜିକେଏ ବଲୁଡି ରାହାଁ କିନି ତାଣ୍ଡା ଆଏ, ଏଚେତା ପାଚେ କ୍ରୀସୁତି ପାସିମୁଣ୍ଡା ଉଜେଏ ଆନେ ।

* ୧:୨ ୧:୨ କାମା ୧୮:୧ † ୧:୧୫ ୧:୧୫ମୁଞ୍ଜିନାୟି ‡ ୧:୧୫ ୧:୧୫ମୁଞ୍ଜିନାୟି § ୧:୧୭ ୧:୧୭ କେଚ ୧୭:୧୫ * ୧:୧୩ ୧:୧୩ମୁଞ୍ଜିନାୟି † ୧:୧୪ ୧:୧୪ କାମା ୧୮:୮; କାମା ୧୯:୨୯; ରିନି ୧୭:୨୩ ‡ ୧:୧୭ ୧:୧୭ମୁଞ୍ଜିନାୟି § ୧:୧୭ ୧:୧୭ମୁଞ୍ଜିନାୟି * ୧:୧୭ ୧:୧୭ମୁଞ୍ଜିନାୟି

କ୍ରୀସ୍ତ ମାହାପୁରୁଷ ବାଡ଼ୁଛୁ ଅଡ଼େ ବୁଦି

୧୮ ଇଚିହଁ ନାସା ଆହିମାନି ଲକ୍ଷ୍ମତାକି ପାସି ମୁଣ୍ଡାତି କାତା ଉଜେଏତାୟି, ସାମା ଗେଲ୍ପି ଆହିମାନି ମା ବାରେଜାଣା ତାକି ଏଦି ମାହାପୁରୁଷ ବାଡ଼ୁଛୁ ।

୧୯ ଇଦାଆଁତାକି ରାସ୍ତକି ଆହାମାନେ,

“ନାନୁ ବୁଦିଗାଟାରି ବୁଦି ନାସସି କିଇଁ,

ଅଡ଼େ ବୁଦିଗାଟାରି ବୁଦି ଅପଅଁ ।”

୨୦ ବୁଦିଗାଟାରି ଆସିୟା ? ମେରା ଜାପନାରି ଆସିୟା ? ଇ ଜୁଗୁତି କାତା କାଟକିହାଁ ଖେହ୍ନାରି ଆସିୟା ? ମାହାପୁରୁ କି ଦାରତିତି ବୁଦିଇଁ ଉଜେଏତାୟି ଇଞ୍ଜିଁ ଖେସାହିଲଅସି ?

୨୧ ଇଚିହଁ ମାହାପୁରୁଷ ବୁଦି ତଞ୍ଜାଆହାମାଟି ଜିକେଏ ଦାରତି ଜାହାରା ବୁଦିତଲେ ମାହାପୁରୁଷ ପୁନାଆତାକି ମାମ୍ବୁ ଖେକହାମାନି କାତା ଉଜେଏତାୟି, ଆଡିଜିକେଏ ନାମ୍ବୁ ଗାଟାରାଇଁ ଗେଲ୍ପାଲିତାକି ମାହାପୁରୁ ଅଣପିତେସି । ୨୨ ଇଚିହଁ ଜୀହୁଦିକା ସିନା ପାରିନେରି, ସାମା ଗ୍ରିକ୍ ଲକ୍ଷ୍ମ ବୁଦିତି ପାରିନେରି । ୨୩ ସାମା ମାମ୍ବୁ ପାସି ମୁଣ୍ଡାତା ହାଡ଼ି କ୍ରୀସ୍ତ କାତା ଖେକହ୍ ମାନମି, ଏଞ୍ଜାସି ଜୀହୁଦି ଲକ୍ଷ୍ମତାକି ସାତୁ ଲେହେଁତାସି ଅଡ଼େ ଜୀହୁଦିଆଆଡି ଲକ୍ଷ୍ମତାକି ବୁଦି ହିଲାଆଲେହେଁ । ୨୪ ସାମା ଜୀହୁଦି ଆପାରି କି ଜୀହୁଦିଆଆତାରି ଆପାରି, ଆମ୍ବାଆରି ହାଟକି ଆଡାରି, ଏଞ୍ଜାରାକି କ୍ରୀସ୍ତ ମାହାପୁରୁଷ ବାଡ଼ୁଛୁ ଅଡ଼େ ମାହାପୁରୁଷ ବୁଦି ଲେହେଁ । ୨୫ ଇଚିହଁ ମାହାପୁରୁଷ ବୁଦି ହିଲାଆଗାଟାୟି ମାଣସିୟାତି ବୁଦି କିହାଁ ହାରେକା ବୁଦି, ଅଡ଼େ ମାହାପୁରୁଷ ଆଡାଆ ଗାଟାୟି ମାଣସିୟାତି ବାଡ଼ୁଛୁ କିହାଁ ହାରେକା ବାଡ଼ୁଛୁ ଗାଟାୟି ।

୨୬ ଏ ତାୟିୟାଁ ଅଡ଼େ ତାଲିସ୍ତା ମିଙ୍ଗେ ହାଟାମାନି କାତା ଅଣପାଦୁ, ଦାରତିତି ଲକ୍ଷ୍ମତି ଅଣପୁ ଲେହେଁ ହାରେକା ବୁଦିଗାଟାରି, ହାରେକା ବାଡ଼ୁଛୁ ଗାଟାରି, କି କାଜା କୂଡା ଗାଟାରି ହାଟକି ଆହାହିଲଅରି; ୨୭ ଏଦାଆଁତାକି ମାହାପୁରୁଷ ବୁଦି ଗାଟାରାଇଁ ଲାଜା କିହାଲିତାକି ଦାରତିତି ବୁଦି ହିଲାଆଗାଟାଣି ଆଡିତେସି, ଅଡ଼େ ବାଡ଼ୁଛୁ ଗାଟାଣି ଲାଜା କିହାଲିତାକି ମାହାପୁରୁଷ ଦାରତିତି ବାଡ଼ୁଛୁ ହିଲାଆଗାଟାରାଇଁ ଆଡିତେସି । ୨୮ ଅଡ଼େ ଏନାୟି ଦାରତି ନକିତା ମାନି ଗାଟାୟି, ଏ ବାରେ ଉଜେଏ କିହାଲି, ମାହାପୁରୁଷ ଦାରତିତି ହାଣି, ଇଞ୍ଜା ଅପାଆଗାଟାଣି, ହାଅ, ମାନି ହିଲାଆଗାଟାଣି ଆଡିତେସି । ୨୯ ଅଡ଼େ ଏନାୟି ଦାରତି ନକିତା ମାନି ଗାଟାୟି, ଏ ବାରେତି ଉଜେଏ କିହାଲିତାକି ମାହାପୁରୁଷ ଦାରତିତି ଉଣା ଅଡ଼େ ଅପାଆଗାଟାଣି ହାଅ ଉଜେଏତାଣି ଆଡିତେସି । ୩୦ ସାମା ଏଞ୍ଜାଣି ତାକି ମାରୁ କ୍ରୀସ୍ତ ଜୀସୁ ତାଣା ମାଞ୍ଜେରି, ଏଞ୍ଜାସି ମାହାପୁରୁଷ ତାଣାଟି ମାଙ୍ଗେତାକି ବୁଦି, ଇଚିହଁ ଦାମ୍ବୁଗାଟାସି, ସୁଦୁଗାଟାସି ଅଡ଼େ ଗେଲ୍ପିନି ଲେହେଁ ଆହାମାନେସି । ୩୧ ଇଦାଆଁତାକି, ଦାମ୍ବୁପତିତା ରାସ୍ତକି ଆହାମାନେ, “ଆମ୍ବାଆସି ବତପଣ ଆନେସି, ଏଞ୍ଜାସି ମାହାପୁରୁଷ ତାଣା ବତପଣ ଆପାସି ।”

☆ ୨:୩ ୨:୩ କାମା ୧୮:୯

୨

ପାସି ମୁଣ୍ଡାତା କ୍ରୀସ୍ତ ହାଡ଼ି କାବୁ

୧ ଏଦାଆଁତାକି ଏ ତାୟିୟାଁ ଅଡ଼େ ତାଲିସ୍ତାତେରି, ଏଡେତା ନାନୁ ମା ତାଣା ହାଜାମାତେସି, ଏତିବେଲ୍ ମାହାପୁରୁଷ ଡଗୁମାନି ସାତା କାତାତି ଗାଡି ବୁଦି ଗାଟାରିଲେହେଁ ମା ତାଣା ଖେକହାମାତେସି ଏଲେକି ଆଏ । ୨ ଇଚିହଁ ଜୀସୁ କ୍ରୀସ୍ତ, ଇଚିହଁ ପାସି ମୁଣ୍ଡାତା ହାଡ଼ି ଜୀସୁ କ୍ରୀସ୍ତ ପିସ୍ପେ ମା ତାଣା ଅଡ଼େ ଏନାଆଁ ଜିକେଏ ପୁଞ୍ଜାଲି ଅଣପାଆତେସି । ୩ ଅଡ଼େ, ନାନୁ ବାଡ଼ୁଛୁ ହିଲାଆନା, ଆଜି ଅଡ଼େ ତୀରଗି ତୀରଗିହଁ ମା ତାଣା ମାତେସି; ୪ ଇଦାଆଁତାକି ନା ଜାପନାୟି ଅଡ଼େ ଖେକନାୟି ମାଣସି ବୁଦିତି ନେହଁ ହାଡାଲେହେଁ ଆଆନା ମାହାପୁରୁଷ ସୁଦୁଜୀଞ୍ଜୁତି ବାଡ଼ୁଛୁ ତସପି ଆହାମାନେ । ୫ ମା ମାମ୍ବୁ ଏନିକିଁ ମାଣସିୟାତି ବୁଦିତା ତୀରି ଆଆନା ମାହାପୁରୁଷ ବାଡ଼ୁଛୁତା ତୀରି ଆନେ ।

ମାହାପୁରୁଷ ବୁଦି

୬ ଆଡିଜିକେଏ ମାମ୍ବୁ ସୁଦୁଜୀଞ୍ଜୁତା ପାତାଆନି ବୁଦିଗାଟି ଲକ୍ଷ୍ମତାଣା ବୁଦିତିକାତା ଖେହ୍ନମି, ସାମା ଏଦି ଇ ଜୁଗୁତି ବୁଦି ଆଏ, ଅଡ଼େ ଇ ଜୁଗୁତି ଗାଡେକା ତାକି ନାସା ଆନି ସାଲଞ୍ଜି କିନାରି ବାଡ଼ୁଛୁତି ହାଟକି କିନାରି ବୁଦି ଆଏ । ୭ ସାମା ନାନୁ ଡଗୁମାନି ଲେହେଁତି ମାହାପୁରୁଷ ବୁଦିତିକାତା ଖେସିମାଲ୍; ଏ ଡଗୁମାନି ମାହାପୁରୁଷ ବୁଦି ମା ଗାଞ୍ଜୁରମି ତାକି ଦାରତିତି ଗାଡ଼ି ଆଆ ନକେଏ ଆଟାନା ଇଟକି ଆହାମାତେ । ୮ ଇ ଜୁଗୁତି ସାଲଞ୍ଜି କିନାରି ଜିକେଏ ଆମ୍ବାଆରି ଏଦାଆଁ ପୁଞ୍ଜାହିଲଅରି, ଏନାଆଁତାକି ଇଚିହଁ ଏଞ୍ଜାରି ଏଦାଆଁ ପୁଞ୍ଜାମାଟିହଁ ମା ଗାଞ୍ଜୁରମିଗାଟି ପ୍ରବୁଇଁ କୁସତା ପାୟାଆତେରିମା । ୯ ସାମା ଏନିକିହଁ ଦାମ୍ବୁପତିତା ରାସ୍ତକି ଆହାମାନେ,

“କାନୁ ଏମିନାଣି ମେସା ହିଲେଏ, କିୟଁ ଏମିନାଣି ଖେଞ୍ଜା ହିଲେଏ, ଅଡ଼େ ମାଣସିୟାଁ ହିୟାତା ଏମିନାଣି ଅଣପା ହିଲଅରି, ଏ ବାରେତି ମାହାପୁରୁଷ ତାଙ୍ଗେ ଜୀଞ୍ଜୁ ନନାରାକି କିହାମାନେସି ।”

୧୦ ସାମା ମାହାପୁରୁଷ ମାଙ୍ଗେତାକି ସୁଦୁଜୀଞ୍ଜୁ ତଲେ ବାରେ ତସାମାଞ୍ଜାନେସି; ଏନିକିଁ ଏ ସୁଦୁଜୀଞ୍ଜୁ ବାରେ କାତା, ହାଅ, ମାହାପୁରୁଷ ଡଗୁମାନି କାତା ଜିକେଏ ପାରିନେସି । ୧୧ ମାଣସିତି କାତା ବାରେ ମାଣସି ତାଣା ମାନି ଜୀଞ୍ଜୁ ପିସ୍ପେ ଅଡ଼େ ଆମ୍ବାଆସି ପୁନେସି ? ଏଲେକିହଁ ଏ ମାହାପୁରୁଷ କାତା ବାରେ ମାହାପୁରୁଷ ଜୀଞ୍ଜୁ ପିସ୍ପେ ଆମ୍ବାଆସି ପୁନଅସି । ୧୨ ଏନିକିଁ ମାହାପୁରୁଷ ତାଣାଟି ମାଙ୍ଗେ କାର୍ମାମେହ୍ନି ତାଣାଟି ହାପକି ଆହାମାନି କାତା ବାରେ ମାର ପୁଞ୍ଜାଲି ଆଡିନାୟି, ଏଦାଆଁତାକି ମାର ଦାରତିତି ଜୀଞ୍ଜୁ ପୁଞ୍ଜାଆନା ମାହାପୁରୁଷ ଜୀଞ୍ଜୁ ବେଗା ଆହାମାନାୟି ।

୧୩ ଏ ବାରେ କାତା ଜିକେଏ ମାର ମାଣ୍ଡିତି ବୁଦିଟି ଜାପାମାନି ବଲୁ ତଲେ ଝେସିହିଲୀଆୟି, ସାମା ସୁଦୁଜୀଝୁତି କାତା ବାରେ ସୁଦୁଜୀଝୁତି କାତାତଲେ ତେଲ୍‌ହି କିହାନା ସୁଦୁଜୀଝୁ ତଲେ ଜାପାମାନି ବଲୁ ତଲେ ଝେସିମାନାୟି । ୧୪ ସାମା ଦାର୍ତତି ମାଣ୍ଡି ମାହାପୁରୁତି ସୁଦୁଜୀଝୁତି କାତା ବାରେ ଅପଅସି, ଏନାଆଁତାକି ଇଚିହି ଏ ବାରେ ତାନି ନକିତା ଉଜେଏତାୟି, ଅଡ୍ଡେ ଏଝାସି ଏ ବାରେତି ତେଲ୍‌ହାଲି ଆଡ୍ଡଅସି, ଇଚିହି ଏ ବାରେ ସୁଦୁଜୀଝୁ ତଲେ ନୀହାୟି କିଝିଆନେ । ୧୫ ସାମା ଆମ୍ବାଆରାକି ସୁଦୁଜୀଝୁ ମାନେ, ଏଝାସି ବାରେ କାତା ନେହି କି ଅଣ୍ଡପିନେସି, ଆଡ୍ଡିଜିକେଏ ଆମ୍ବାଆସି ଏଝାଣାଇଁ ଅଣ୍ଡପଅସି । ୧୬ ଏନାଆଁତାକି ଇଚିହି ,

“ଆମ୍ବାଆସି ମାହାପୁରୁତି ଅଣ୍ଡପୁ ପୁଞ୍ଜାମାନେସି,
 ଇଞ୍ଜା ଏଝାସି ଏଝାଣାଇଁ ଜାପହାଲି ଆଡ୍ଡିନେସି ?”
 ସାମା ମାମ୍ବୁ କ୍ରୀସ୍ତତି ମନ ବେଟା ଆହାମାନମି ।

୩

କୁଲମିତା ଗଡ୍‌ହା

୧ ଏ ନା ତାୟିୟାଁ ଅଡ୍ଡେ ତାଞ୍ଜିସ୍ତାତେରି ନାନୁ ସୁଦୁଜୀଝୁ ବେଟାଆହାମାନି ଲକୁଣି ଝେହ୍‌ନିଲେହେଁ ମିଙ୍ଗେ ଝେସାଲି ଆଡ୍ଡାଆଡେଏଁ, ସାମା ଆଙ୍ଗା ତଲେ ମାନି ଲକୁ ଅଡ୍ଡେ କ୍ରୀସ୍ତ ତାଣା ନାମୁତି କକାରି ପଦାଁଣି ଝେହ୍‌ନିଲେହେଁ ମିଙ୍ଗେ ଝେସ୍ତାଡେଏଁ । ୨ ନାନୁ ମିଙ୍ଗେ ପାଲୁ ଉଡ୍‌ହାନା ଆଡ୍‌ଝା ରାନ୍ଦା ହିୟାଆଡେଏଁ, ଏନାଆଁତାକି ଇଚିହି ଏଲେତି ରାନ୍ଦା ତିଞ୍ଜାଲି ଆଡ୍ଡିହିଲୀଆଡେରି, ଅଡ୍ଡେ ନୀଏଁ ଜିକେଏ ଆଡ୍ଡଅଡେରି, ୩ ନୀଏଁ ପାଡେକା ମୀରୁ ଦାର୍ତତି ନାମାଆତି ଲକୁ ମାଣ୍ଡିକି ତଲେ ମାଞ୍ଜେରି, ଏନାଆଁତାକି ଇଚିହି ମୀ ବିତ୍ରା ତାହାରା ଅଡ୍ଡେ ଗଡ୍‌ହା କିନାୟିମାନେ, ଏନାଆଁତାକି ମୀରୁ ଦାର୍ତତି ନାମାଆତି ଲକୁତେରି ଆଏକି ଇଞ୍ଜା ମାଣ୍ଡି ନୀତିନି ଲେହେଁ ନୀତି ହିଲଅଡେରି ? ୪ ଏଡ୍ଡେତା ରଅସି ଏଲେଇନେସି, “ନାନୁ ପାଝୁଲ ତାଣା ତାଡେଏଁ” ଅଡ୍ଡେ ରଅସି ଏଲେଇନେସି “ନାନୁ ଆପଲ ତାଣା ତାଡେଏଁ” ଏଡେଟିଏ ମୀରୁ ଦାର୍ତତି ନାମାଆତି ଲକୁତେରି ଆଏକି ?

୫ ଆପଲ ଆମ୍ବାଆସି ? ପାଝୁଲ ଆମ୍ବାଆସି ? ଏଝାରି ଝାରୁଇ ସେବା କିନାରି, ଆମ୍ବାଆରି ତାଣାଟି ବାରେତାକି ପ୍ରବୁ ଏନିକି ହୀହାମାନେସି ଏଲେକି ମୀରୁ ନାମାମାଞ୍ଜେରି । ୬ ନାନୁ ଉହାମାଇଁ, ଆପଲ ଏୟୁ ହୀହାମାନେସି, ସାମା ମାହାପୁରୁ ପାଡି କିହାମାନେସି । ୭ ଇଚିହି ଆମ୍ବାଆସି ଉହିନେସି ଇଞ୍ଜା ଆମ୍ବାଆସି ଏୟୁ ହୀନେସି ଏଝାସି ଏନାସି ଆଏ, ସାମା ଆମ୍ବାଆସି ପାଡି କିନି ମାହାପୁରୁ ଏଝାସି କାଜାସି । ୮ ଆମ୍ବାଆସି ଉହିନେସି ଅଡ୍ଡେ ଆମ୍ବାଆସି ଏୟୁ ହୀନେସି ଏଝାରି ରିଆରି ରଲେଏତାରି, ସାମା ବାରେଜାଣା ତାନି କସ୍ତତି ଲେକାତଲେ କୁଲି ବେଟାଆନେରି । ୯ ଇଚିହି

ମାମ୍ବୁ ମାହାପୁରୁ ତଲେ ଆଣ୍ଡାନା କାମା କିନାତମି, ମୀରୁ ମାହାପୁରୁତି ତାସା ବୁନି ଅଡ୍ଡେ ମାହାପୁରୁତି ଇଲୁ ।

୧୦ ନାଙ୍ଗେ ହୀପକି ଆହାମାଞ୍ଜାନି ମାହାପୁରୁତି କାର୍ମାତଲେ ନାନୁ ର ବୁଦିଗାଟି ଇଲୁ ଦହ୍‌ନି ଲକୁ ଲେହେଁ ପୁନାଦି କିହାମାଇଁ, ଅର ରଅସି ଏଦାଣି ଲାକ ଇଲୁ ଦସି ମାନେସି, ସାମା ବାରେଜାଣା ତାନି ଲାକ ଏନିକି ଦସି ମାନେରି ଏଦାଆଁତାକି ଜାଗ୍ରାତା ଆପେରି । ୧୧ ଇଚିହି ଆମିନି ପୁନାଦି କିଝିଆହାମାନେ, ଏଦାଣି ପିସ୍‌ପେ ଏଟକାଡି ପୁନାଦି ଆମ୍ବାଆସି କିହାଲି ଆଡ୍ଡଅସି, ଏ ପୁନାଦି ଜୀସୁ କ୍ରୀସ୍ତ । ୧୨ ସାମା ଆମ୍ବାଆସି ଏ ପୁନାଦି ଲାକ ବାଂଗାରା, ଝେଣ୍ଡି, ଗାଡି ଦାରାଗାଟି ଝାଲୁକା, ମାରୁକା, ଜାଡା, ଅଡ୍ଡେ ଝିକା ତଲେ କିନେସି, ୧୩ ଆତିହି ଆମ୍ବାଆରି କାମା ଏନିଲେହେଁତାୟି ଏଦି ତଞ୍ଜାଆନେ, ଇଚିହି ଏ ନେରୁ ଏଦି ତହ୍‌ନେ, ଏ ନେରୁ ହିରୁତଲେ ତଞ୍ଜାଆନେ, ଇଞ୍ଜା ବାରେଜାଣାଟି କାମା ଏନିଲେହେଁତାୟି ଏ ହିରୁ ତାୟିପାରି କିନେ । ୧୪ ଆମ୍ବାଆସି ଏନିକି ଇଲୁ ଦସା ମାନେସି ଏଝାଣି କାମା ଏଲେକି ତୟିତିହି ଏଝାସି ଏ ଦାନା ବେଟା ଆନେସି । ୧୫ ଇଞ୍ଜା ଆମ୍ବାଆରି କାମା ଝେହାହାନେ, ଏଝାଣିଝାୟି ନାସଝି ଆନେ, ଆଡ୍ଡିଜିକେଏ ଏଝାସି ଗେଲ୍‌ପି ଆନେସି, ସାମା ଏଦି ହିରୁ ବିତ୍ରାଟି ହଟା ହାଟି ସମାନା ଆନେ ।

୧୬ ମୀରୁ ପୁଞ୍ଜାହିଲଅଡେରି କି ମୀରୁ ମାହାପୁରୁତି ଇଲୁତେରି, ଅଡ୍ଡେ ମାହାପୁରୁତି ସୁଦୁଜୀଝୁ ମୀ ହିୟାତା ବାସା କିନେ । ୧୭ ଆମ୍ବାଆସି ମାହାପୁରୁ ଲକୁଇଁ ନାସା କିନେସି, ମାହାପୁରୁ ଏଝାଣାଇଁ ନାସା କିନେସି, ଇଚିହି ମାହାପୁରୁତି ଇଲୁ ଅଡ୍‌ହାୟି ଇଞ୍ଜା ମୀରୁଏ ଏଝାଣି ଇଲୁ ।

୧୮ ଆମ୍ବାଆସି ତାନୁଏ ତାଙ୍ଗେ ନାଡିକିହା କତାଆପେସି, ଆମିନି ଲକୁ ଇ ଦାର୍ତତିତା ବୁଦି ଗାଟାଡେଏଁ ଇଞ୍ଜା ଅଣ୍ଡପିନେସି, ଆତିହି ଏଝାସି ଏନିକି ବୁଦିଗାଟାସି ଆନେସି ଏଦାଆଁତାକି ଦାର୍ତତି ଲକୁତାଣା ବୁଦି ହିଲୀଆଗାଟି ଲକୁ ଲେହେଁ ଆପେସି । ୧୯ ଇଚିହି ଇ ଦାର୍ତତି ବୁଦି ମାହାପୁରୁ ନକିତା ବୁଦି ହିଲୀଆଗାଟାୟି, ଏଦାଆଁତାକି ରାସ୍‌କି ଆହାମାନେ, “ମାହାପୁରୁ ବୁଦି ଗାଟାରାଇଁ ତାନି ସୁତ୍ରମି ତଲେ ପାନ୍ଦାତା ଆହ୍‌ନେସି;” ୨୦ ଅଡ୍ଡେ ରାସ୍‌କି ଆହାମାନେ “ବୁଦିଗାଟାରି ଅଣ୍ଡପୁ ବାରେ ଉଜେଏତାୟି ଇଞ୍ଜା ପ୍ରବୁ ପୁଞ୍ଜାମାନେସି ।” ୨୧ ମାଣ୍ଡି ତାଣା ଆମ୍ବାଆସି ବଡପଣ ଆଆପେସି, ଇଚିହି ବାରେ ମୀଦିଏ । ୨୨ ପାଝୁଲ, ଇଞ୍ଜୁ କି ଆପଲ, ଇଞ୍ଜୁ କେପା*, ଇଞ୍ଜୁ ଅଡ୍ଡେ ଦାର୍ତତି ଇଞ୍ଜୁ କି ଜୀଝୁ ଇଞ୍ଜୁ, କି ହାନାୟି ଆପେ, ନୀଏଁ ତାୟି ଆପେ, କି ତାୟୁତାୟି ଆପେ, ଏ ବାରେଏ ମୀଦି । ୨୩ ସାମା ମୀରୁ କ୍ରୀସ୍ତତି ଲକୁତେରି ଅଡ୍ଡେ କ୍ରୀସ୍ତ ମାହାପୁରୁ ତାଣାତାସି ।

୪

ଜୀସୁ ତାଣାଟି ପାଣ୍ଡି ଆହାମାନାରି

☆ **୩:୨** ୩:୨ ଏଡ୍ଡି ୫:୧୨, ୧୩ ☆ **୩:୪** ୩:୪ ୧କର ୧:୧୨ ☆ **୩:୭** ୩:୭ କାମା ୧୮:୪-୧୧; କାମା ୧୮:୨୪-୨୮ ☆ **୩:୧୭** ୩:୧୭ ୧କର ୬:୧୯; ୨କର ୬:୧୭
 * **୩:୨୨** ୩:୨୨ ପିତର

୧ ଲକ୍ଷ୍ମୀ ମାତା କ୍ରୀଷ୍ଣା ସେବା କିନାରି, ଅତେ ମାହାପୁରୁଷ ଚରାମାନି ଇଲୁତି ଗୁମୁସ୍ତା ଇଞ୍ଜି ଅଶ୍ଵପାପେରି ।^୯ ଇଲେଆହୁଁ ଗୁମୁସ୍ତା ବେଟାଆହାମାନି ମାଣ୍ଡସି ଜାହାରା ପ୍ରବୁ ତାଣା ମାନି ଗାଗସି ତଞ୍ଜା ଆପାସି ।^{୧୦} ସାମା ମା ତାଣାଟି ଆପେ କି ଆମିନି ନୀହାୟି କିନି ତାଣା ନୀହାୟି କିଞ୍ଜି ଆନାୟି ନା ତାକି ଏଡି କାଜା କାତା ଆଏ, ଇଲେକ ନାନୁ ଜାହାରାଇଁ ନୀହାୟି କିହା କତଅଁ ।^{୧୧} ଇତିହୁଁ ନାନୁ ନା କପାଟି ଏନାଆଁ ପୁଞ୍ଜାହିଲଅଁ, ଆଡିଜିକେଏ ନାନୁ ଇମ୍ପାଆଁ ଦହୁ ହିଲଆ ଗାଟାତେଏଁ ଇଞ୍ଜି ତଞ୍ଜା ଆହାହିଲଅଁ, ସାମା ଆମ୍ପାଆସି ନା ନୀହାୟି କିୟାନେସି, ଏଞ୍ଜାସି ପ୍ରବୁ ।^{୧୨} ଏଦାଆଁତାକି, ତାରିକିତି ଦିନା ଖାଆ ନକେଏ ଇତିହୁଁ ପ୍ରବୁ ଖାଆ ନକେଏ ମୀରୁ ଆମ୍ପାଆରାଇଁ ନୀହାୟି କିଆଦୁ, ଏଞ୍ଜାସି ଆଦେରିତା ଚରାମାନି ବାରେ ଉଜେଡିତା ତହୁନେସି, ଅତେ ହିୟାତି ଅଶ୍ଵୁ ବାରେ ଏଞ୍ଜାସି ଖେହୁନେସି, ଏତିବେଲା ବାରେଜାଣା ମାହାପୁରୁ ତାଣାଟି ଗାଞ୍ଜୁରମି ବେଟାଆଦେରି ।

^{୧୩} ଏ ତାୟିୟାଁ ଅତେ ତାଜିୟାତେରି, ନାନୁ ମୀରୁ ଜାପାଲି ତାକି ଇ ବାରେ କାତା ନାନୁ ନାଜେ ଅତେ ଆପଲଇଁ ତସାଁ ଖେସିମାଞ୍ଜାଇଁ, “ଇତିହୁଁ ଏନାୟି ରାସ୍‌କି ଆହାମାନେ ଏ କାତାତ ଗାଣିଆଦୁ,” ଇଦାଆଁ ମୀରୁ ମା ତାଣାଟି ଜାପାଦୁ, ଅତେ ଏନିକଁ ମୀ ବିତ୍ରାଟି ଆମ୍ପାଆସି ରଅଣି ଖାକିଟି ଅତେ ରଅଣାଇଁ ଅପାଆନା ବତପଣ ଆଆଦୁ ।^{୧୪} ମିଜେ ଆମ୍ପାଆସି କାଜାସି କିହାଁ ମାଞ୍ଜାନେସି ? ଅତେ ମୀରୁ ଏନାଆଁ ଦାନା ଲେହେଁ ବେଟାଆହା ହିଲଅତେରି, ଇଲେକଁ ମୀଦି ଏନାୟି ମାନେ ? ସାମା ମୀରୁ ଏଦାଆଁ ଦାନା ଲେହେଁ ବେଟାଆହାମାଞ୍ଜେରି, ଆତିହୁଁ ମୀରୁ ଦାନା ଆଏ ଇନି ଲେହେଁ ଏନାଆଁତାକି ବତପଣ ଆହିମାଞ୍ଜେରି ?

୮ ମୀ ବାରେ ଲତ୍ତାମାନାଣି ବେଟାଆତେରିଏ କି ? ଇତେକାଟିଏ ମୀରୁ ବାଡକା ହାଚେରିଏ କି ? ମା ପିସପେ ମୀରୁ ରାଜା ଆହାମାଞ୍ଜେରି ? ହାଅ, ମୀରୁ ରାଜା ଆହାମାଟିହୁଁ ନେହୁଁ ଆତେମା, ଏନିକଁ ମାମ୍ପୁ ଜିକେଏ ମୀ ତଲେ ସାଲୁଞ୍ଜି କିହାଲି ଆଡିତମିମା ।^{୧୫} ଏନାଆଁତାକି ଇତିହୁଁ ନା ଅଶ୍ଵପୁତା ମାର ପାଣୁଞ୍ଜି ଆହାମାନାତାୟି, ମାର ମାହାପୁରୁଷି ତଣ୍ଡତା ହେରପି ଆହାମାନି ତାୟିତି ଲକ୍ଷ୍ମୀ ସମାନା ତସାମାଞ୍ଜାନେସି, ଇତିହୁଁ ମାମ୍ପୁ ଦୁରତିତା, ମାହାପୁରୁଷି ଦୁରୁୟାଁ ଇଞ୍ଜା ମାଣ୍ଡସିୟାଁ ନକିତା ଲାଜାକିଞ୍ଜି ଆନାତମି ଲେହେଁ ଆହାମାନମି ।^{୧୬} ମାମ୍ପୁ କ୍ରୀସ୍ତ ତାକି ବୁଦି ହିଲଆ ଗାଟାତମି, ସାମା ମୀରୁ କ୍ରୀସ୍ତ ତାକି ବୁଦି ଗାଟାତେରି; ମାମ୍ପୁ ବାଡ଼ୁୟାଁ ହିଲଆ ଗାଟାତମି, ସାମା ମୀରୁ ବାଡ଼ୁୟାଁ ଗାଟାତେରି; ମୀରୁ ଗାଞ୍ଜୁରମି ବେଟା ଆନାତେରି, ସାମା ମାମ୍ପୁ ବେଟା ଆଆଗାଟାତମି ।^{୧୭} ନୀର୍ବ ପାତେକା ମାମ୍ପୁ ହାକି, ଅତେ ଏସ୍‌କି ଗାଟାତମି, ଗେଞ୍ଜିତି ହିମ୍ପୁରି ହୁଟାମାନମି, ଅତେ ମାଡା ବେଟାଆହି ମାନମି, ଇଞ୍ଜା ବାସାଗାୟା ହିଲଆନା ରେଜିମାନମି ।^{୧୮} ମା କେୟୁଟି ଖାହୁତି କାମା କିହିମାନମି, ଆମ୍ପାଆସି ବାକା ଇଟାସାରେ,

ମାମ୍ପୁ ଏଞ୍ଜାରାଇଁ ବର ହାହିମାନମି, ସାସ୍ତି ହିୟାତିହୁଁ ଜିକେଏ ଅରୁହିମାନମି ।^{୧୯} ମାତେ ଲାଜା କିୟାତିହୁଁ ଜିକେଏ ମାମ୍ପୁ ଆଣୁଞ୍ଜିଆନି କାତା ଖେସିମାନମି; ନୀର୍ବ ପାତେକା ମାମ୍ପୁ ଦୁରତିତି ତୁକଁ ଜାଣୁ ଅତେ କିଟସି ରୁଡିତି ଲେହେଁ ଆହାମାନମି ।

^{୨୦} ନାନୁ ମିଜେ ଲାଜା ହାହାଲି ଇ ବାରେ କାତା ରାଡିମାଞ୍ଜାଇଁ, ସାମା ନା ଜୀଞ୍ଜୁତି ମୀରୁକା ଇଞ୍ଜି ଅଶ୍ଵପାନା ମିଜେ ସେଡନା ହାହାଲିତାକି ଇ ବାରେ କାତା ରାଡିମାଞ୍ଜାଇଁ ।^{୨୧} ଇତିହୁଁ କ୍ରୀସ୍ତ କାତା ମିଜେ ଜାପୁନାରି ଦସ ମାଣା ଲକ୍ଷ୍ମୀ ତୟିନେରି, ଆଡିଜିକେଏ ହାରେକା ତାଞ୍ଜିୟାଁ ହିଲଅରି; ଇତିହୁଁ କ୍ରୀସ୍ତ ଜୀସ୍ତ ତାଣା ନାନୁ ମିଜେ ନେହୁଁ କାରୁତଲେ ମୀ ତାଞ୍ଜି ଲେହେଁ ଆହାମାଇଁ ।^{୨୨} ଏଦାଆଁତାକି ନାନୁ ମିଜେ ବାଡିମାଲିମାଞ୍ଜାଇଁ ନାନୁ କିହିମାନି ଲେହେଁ କିଦୁ ।^{୨୩} ଏଦାଆଁତାକି ନାନୁ ତିମତିଇଁ ମୀ ତାଣା ପାଣ୍ଡିମାଞ୍ଜାଇଁ, ଏଞ୍ଜାସି ମାହାପୁରୁ ତାଣା ନା ଜୀଞ୍ଜୁତି ନାମୁତି ମୀରୁଏସି; ଏନିକଁ ନାନୁ ବାରେଖାକି ବାରେ କୁଲମିକାଣା ଜାପୁହି ମାଇଁ, ଏଲେକଁ ଏଞ୍ଜାସି ମିଜେ ନା କ୍ରୀସ୍ତ ଲେମ୍ପିନାଣି ଅଶ୍ଵପି କିୟାନେସି ।

^{୨୪} ନାନୁ ମୀ ତାଣା ଖାହି ହିଲଅଁ ଇଞ୍ଜି ଅଶ୍ଵପାନା ଏତରଜାଣା ବତପଣ ଆହିମାଞ୍ଜେରି ।^{୨୫} ସାମା ମାହାପୁରୁ ମନ କିତିହୁଁ, ନାନୁ ମୀ ତାଣା ତବେ ଖାଇଁ; ଅତେ ଆମ୍ପାଆସି ବତପଣ ଆହିମାନେରି, ଏଞ୍ଜାରି କାତାତଲେ ଆଏ, ସାମା ବାଡ଼ୁୟାଁ ସିନିକଇଁ ।^{୨୬} ଇତିହୁଁ ମାହାପୁରୁଷି ରାଜି ଖାରୁଇ ଜଲିନି କାତାତଲେ ଆଏ, ସାମା ବାଡ଼ୁୟାଁ ତଲେ ତଞ୍ଜାଆନେ ।^{୨୭} ମୀ ଅଶ୍ଵୁ ଏନାୟି ? ନାନୁ ବାଡ଼ୁଗା ଆସାଁ ମୀ ତାଣା ଖାଇଁ କି ଜୀଞ୍ଜୁ ନନାଣି ଆସାନା ଇଞ୍ଜା ସୁଦୁ ସୁଞ୍ଜାଲା ଗାଟି ଜୀଞ୍ଜୁ ଆସାଁ ଖାଇଁ ?

୫

କୁଲମି ବିତ୍ରାମାନି ଲାଗେଏତାୟି

^୧ ସାତେଏ ଖେଙ୍ଗାମାନେ କି ମୀ ବିତ୍ରା ଦାରିକାମା ମାନେ, ଅତେ ମୀ ତାଣା ଇଲେତି ଦାରିକାମା ମାନେ, ଅତେ ଇଲେତାୟି ଜୀହୁଦିଆଆତାରି ତାଣା ଜିକେଏ ଆଏ, ଇଲେକଁ ରଅସି ତାମି ଆବା ତକ୍ତିନି ଇଟାମାନେସି ।^୨ ଅତେ, ଆମ୍ପାଆସି ଇଲେତି କାମା କିହାମାନେସି, ଏଞ୍ଜାସି ଏନିକଁ ମୀ ତାଣାଟି ହେକ କିଞ୍ଜିଆନେସି, ଏଦାଆଁତାକି ଦୁକୁଆହୁଁ ତାଆନା ବତପଣ ଆହିମାଞ୍ଜେରି ?^୩ ସାମା ନାନୁ ଆଜା ତଲେ ହିଲଆତି ଜିକେଏ ଏମ୍ପାଆଁ ମାନିଲେହେଁ ମାଇଁ, ଆମ୍ପାଆସି ଇଲେତି କାମା କିହାମାନେସି, ନାନୁ ମାନି ଲେହେଁ ପ୍ରବୁ ଜୀସ୍ତ ଦରୁତଲେ ଏଞ୍ଜାଣି ବିଚାରା କିହା ରାହାମାଇଁ,^୪ ଇତିହୁଁ ମୀରୁ ଅତେ ନା ପ୍ରବୁ ଜୀସ୍ତ ବାଡ଼ୁୟାଁ ତଲେ କୃଡା ଆନାଟି ନା ଜୀଞ୍ଜୁ ଜିକେଏ ଏମ୍ପାଆଁ ତୟିନେ ଇଞ୍ଜି ପୁଞ୍ଜାମାଇଁ,^୫ ଇଞ୍ଜା ଇଲେତି ଲକ୍ଷ୍ମୀ ଆଜା ତଲେ ନାସା ଆହାଲି ସୟତାନ କେୟୁତା ହେରପିନାୟି ମାନେ,

☆ ୪:୧୨ ୪:୧୨ କାମା ୧୮:୩ ☆ ୪:୧୭ ୪:୧୭ ୧କର ୧୧:୧; ପିଲିପି ୩:୧୭

ଏନିକି ପ୍ରଭୁ ଜୀସୁତି ଦିନାତା ଏଞ୍ଜାଣି ଜୀଝୁ ଗେଲ୍‌ପି ଆହାଲି ଆଡ଼ିନେ ।

୭ *ମୀରୁ ଇଲେଆହୁଁ ବଡ଼ପଣ ଆନାୟି ନେହେଁ ଆଏ । ମୀରୁ ପୁଞ୍ଜାହିଲଅତେରି, “ଇଚରା ପୁଲ୍ୟୟୁ ବିଡିତା ମାନି ଗୁଣ୍ଡାତି ପୁଲ୍ୟା କିନେ ।” ୭ ମୀରୁ ପୁଲ୍ୟା ତିନାଆ ଲକୁତେରି, ଏଦାଆଁତାକି ଏନିକି ମୀରୁ ପୁଞ୍ଜାନ୍ ତୁକା ଆହାଲି ଆଡ଼ିଦେରି, ଏଦାଆଁତାକି ପୁଞ୍ଜାୟ ପୁଲ୍ୟା ଏୟୁତି ହପୁହା ତୁହୁଦୁ; ଏଦାଆଁତାକି ଇତିହୁଁ ମା ପିସପିଆନ୍ତି ପାର୍ବୁତି ମେଣ୍ଡା ତାଲୁ, ଇତିହୁଁ କ୍ରୀସ୍ତ, ଜିକେଏ ପୂଜା କିଞ୍ଚିଆହାମାନେସି । ୮ ଏଦାଆଁତାକି ଖାଦୁ, ମାର ପାପୁ ଅଡ଼େ ଲାଗେଏତି ପୁଞ୍ଜାୟ କାମାତି ରୁଟି ପଞ୍ଜିକିନି ଗୁଣ୍ଡା ତଲେ ପାର୍ବୁ କିଆନା ତୀରି ଅଡ଼େ ସାତା ତଲେ ପୁଲ୍ୟାୟୁ ହିଲ୍ୟା ରୁଟିତି ପାର୍ବୁ କିନ ।

୯ ଦାରି କାମାକିନାରି ତଲେ ଆଣ୍ଡାଆଦୁ ଇଞ୍ଜୁଁ ନାନୁ ନା ଆକୁତା ରାଚାମାଚେଏ; ୧୦ ଇ ଦାର୍ତତି ଦାରିକାମା କି ଦନ ଜୁପକା, ଏଚକାତାରି ଦିଶ୍‌ସୁ ସରୁ ଆନାରି, ପେଣ୍ଡକା ବମାୟା ପୂଜା କିନାରି ତଲେ ଆମ୍ବାଆସି ଏଚେଲା ଆଣ୍ଡାଆସି, ଏଦି ଆଏ, ଏଲେଆଡ଼ିହୁଁ ଦାର୍ତତି ହଚା ହାନାୟିମାନେ; ୧୧ ଇତିହୁଁ ନା ରାଡ଼ିନି ଅଣ୍ଡାୟ ଇଦି ମାଚେ, ଇତିହୁଁ ଆମିନି ଲକୁତି ତାୟି ଇଞ୍ଜୁଁ ଝେଙ୍ଗାନା, ଦାରିକାମା, ଦନ ଜୁପକା, ପେଣ୍ଡକା ବମାୟା ପୂଜା, ନିନ୍ଦା ଗାଚାରି, କାଡ଼ୁ ହୁଡୁ, ଏଚକାତାରି ଦିଶ୍‌ସୁତି ସରୁ ଆନେରି, ଆଡ଼ିହୁଁ ଏଲେତାରି ତଲେ କୃତାଆଦୁ, ଅଡ଼େ ଏଞ୍ଜାରିତଲେ ରାନ୍ଦା ଜିକେଏ ତିନାଆଦୁ ।

୧୨ ପାଙ୍ଗାତି ଲକୁତି ନାହାୟି କିହାଲି ନାନୁ ଆମ୍ବାଆଚେଏ ? ସାମା କୁଲମି ବିତ୍ତା ଆମ୍ବାଆରି ମାନେରି ଏଞ୍ଜାରି ବିଚାରା ମୀରୁ କିଅତେରି କି ? ୧୩ ସାମା ଆମ୍ବାଆରି ପାଙ୍ଗାତା ମାନେରି ମାହାପୁରୁ ଏଞ୍ଜାରି ବିଚାରା କିନେସି । ଦାମ୍ବୁ ସାପ୍ତେରିତା ରାସ୍‌କି ଆହାମାନେ, “ମୀ ତାଣାଟି ଲାଗେଏତି ଲକୁଣି ଏଚକା କିଦୁ ।”



କ୍ରୀସ୍ତାନା ତାୟିୟାଣି ଦାଞ୍ଜାକିନି ମେରା

୧ ମୀ ବିତ୍ତାଟି ଆମ୍ବାଆରି କପାଟି କାତା ମାଟିସାରେ ଏଞ୍ଜାସି ନାହାୟି କିହାଲି ମାହାପୁରୁ ଲକୁତାଣା ହାଲାଆନା ଦାମ୍ବୁ ହିଲ୍ୟାଆଗାଟି ନାହାୟି କିନାଣି ତାଣା ଅହାଲି ଏନିକି ସାସା ମାନେ ? ୨ ମାହାପୁରୁ ଲକୁ ଇ ଦାର୍ତତି ନାହାୟି କିନେରି, ଇ କାତା କି ମୀରୁ ପୁଞ୍ଜାହିଲଅତେରି ? ଇଞ୍ଜା ଦାର୍ତତି ମୀ ତାଣା ନାହାୟି କିଞ୍ଚିଆନେ, ଆଡ଼ିହୁଁ ଇ ଇତି ଇତି କାତାଟି ନାହାୟି କିୟାଲି ଆଡ଼ିଅତେରି କି ? ୩ ମୀରୁ ଲାକପୁରୁତି ଦୂଡୁୟାଁଇଁ ଜିକେଏ ବିଚାରା କିନାୟି ଇ କାତା ମୀରୁ ପୁଞ୍ଜାହିଲଅତେରି କି ? ଆଡ଼ିହୁଁ ଦାର୍ତତି ଜାମଲିତି ଜିକେଏ ନାହାୟି କିନାୟି ମାଙ୍ଗେତାକି ଉସାସା ଆୟେଏ କି ? ୪ ମୀ ଜୀଝୁତି କାତା ଏନାୟି, ସାମା ନାହାୟି କିୟାଲି ଏନି ଦାର୍ତତି କାତା ମାଟିହୁଁ, ଏଦାଆଁ ନାହାୟି

କିୟାଲି କୁଲମିତି ପୁନାଆ ଗାଚାରାଇଁ ନାହାୟି କିୟାଲି ହାଡ଼ିଦେରି କି ? ୫ ନାନୁ ମିଙ୍ଗେ ଲାଜା ହାହାଲିତାକି ଇଦାଆଁ ଝେସିମାଞ୍ଜାଇଁ । କ୍ରୀସ୍ତୁଁ ନାମାମାନି ତାୟିୟା ବିତ୍ତା ଆହିମାନି ଗଡ଼ହାଟି ତୁକ୍‌ହାଲି, ଇଲେତି ରୁଦିଗାଚାସି ଜିକେଏ କୁଲମିତା ଆମ୍ବାଆସି ହିଲଅସି କି ? ୬ ସାମା ନାମ୍ବାଗାଟି ତାୟି ଅର ତାୟି କପାଟି ନାହାୟି ଲକୁତା ଦାଞ୍ଜା କିନେସି, ଏଦି ଜିକେଏ ନାମାଆଗାଚାରି ତାଣା !

୭ ସାମା ମୀ ମୀ ବିତ୍ତାଟି କାତାତାକି କର୍ତ୍ତା ଦାଞ୍ଜା କିହିମାଞ୍ଜେରି, ଏମ୍ବାଆଁ ସାତେଏ ଦହ ଗାଚାତେରି, ଏଦାଆଁତାକି ଲାଗେଏତାଣି ଅରୁହି ହିଲଅତେରି ? ଏଦାଆଁତାକି ନାସଞ୍ଚି ଆନାଣି ଅପିହିଲଅତେରି ? ୮ ସାମା ମୀରୁ ମୀରୁଏ ଲାଗେଏ ଅଡ଼େ ନାସା କିହିମାଞ୍ଜେରି, ଅଡ଼େ ଏଦାଆଁ ତାୟିୟାଣି କିହିମାଞ୍ଜେରି । ୯ ଅଡ଼େ ଦାମ୍ବୁ ହିଲ୍ୟା ଗାଚାରି ମାହାପୁରୁ ରାଡ଼ିତି ଅଦିକାରା ଆଅରି, ଇଦାଆଁ କି ମୀରୁ ପୁଞ୍ଜାହିଲଅତେରି ? ନାଡ଼ିକିଞ୍ଚି ଆଆଦୁ, ଦାରିକାମା, କି ପେଣ୍ଡକା ବମାୟା ପୂଜା କିନାରି, ଲାଗେଏତି କାମାକିନାରି, ଆଚା ଆଚାୟାଁ ଦହ କିଞ୍ଚିଆନାରି, ୧୦ ସରୁ କିନାରି, ଦନ ଜୁପକା, କାଡ଼ୁ ହୁଡୁ, ଲକୁଣି ନିନ୍ଦା କିନାରି, ଏଚକାତାରି ଦିଶ୍‌ସୁ ମୀଞ୍ଜିନାରି, ଇଞ୍ଜାରି ମାହାପୁରୁ ରାଡ଼ିତା ଅଦିକାରା କିହାଲି ଆଡ଼ିଅରି । ୧୧ ଅଡ଼େ, ମୀ ବିତ୍ତା ଆମ୍ବା ଆମ୍ବାଆରି ଇଲେକି ମାଚେରି; ସାମା ପ୍ରଭୁ ଜୀସୁ କ୍ରୀସ୍ତ ଦରୁତଲେ ଇଞ୍ଜା ମାହାପୁରୁତି ସୁଦୁଜୀଝୁ ତଲେ ମୀରୁ ନରୁଞ୍ଚି ଆହାମାଞ୍ଜେରି, ଇଞ୍ଜା ସୁଦୁଗାଚାତେରି ଆହାନା ତୀରିଗାଚାତେରି ଇଞ୍ଜୁଁ ଝେଙ୍ଗା ମାଞ୍ଜେରି ।

ମାହାପୁରୁତି ଗାଝୁରମି ତାକି ଆଙ୍ଗାତି ଲେମ୍ବିନାୟି

୧୨ *ଆମ୍ବାଆସି ଏଲେଇନେସି “ନାଙ୍ଗେ ବାରେ କାମା କିହାଲି ଅଦିକାରା ହାପକି ଆହାମାଞ୍ଜାନେ,” ସାତା କାତା, ସାମା ବାରେ କାମା ନିଙ୍ଗେତାକି ନେହାୟି ଆଏ, ନାଙ୍ଗେ ବାରେ କାମା କିହାଲି ହେଲ ମାନେ ସାମା ନାଙ୍ଗେ ଲକ୍‌ହାଲି ଆମ୍ବାଆରାକି ଏଚେଲା ପାରୁ ହାଅଁ । ୧୩ ଏଚରଜାଣା ଏଲେଇନେରି “ରାନ୍ଦା ବାଣ୍ଡି ତାକି ଇଞ୍ଜା ବାଣ୍ଡି ରାନ୍ଦା ତାକି ।” ସାମା ମାହାପୁରୁ ଇ ରିଶ୍‌ଆଁତି ଜିକେଏ ମେକ୍‌ନେସି । ଆଙ୍ଗା ଦାରି କାମାତାକି ଆଏ, ସାମା ପ୍ରଭୁତି ସେବାତାକି, ଅଡ଼େ ପ୍ରଭୁ ଆଙ୍ଗା ତାକି । ୧୪ ମାହାପୁରୁ ପ୍ରଭୁ ଜୀସୁଇଁ ହାକିଟି ନିକ୍‌ହେସି, ଇଞ୍ଜା ତାନି ବାଡ଼ୁୟୁ ତଲେ ମାଙ୍ଗେ ଜିକେଏ ନିକ୍‌ହାନେସି ।

୧୫ ମୀ ଆଙ୍ଗା କ୍ରୀସ୍ତୁତି ଆଙ୍ଗା ଲେହେଁ, ଇଦାଆଁ ପୁଞ୍ଜାହିଲଅତେରି କି ? ଆଡ଼ିହୁଁ ନାନୁ କ୍ରୀସ୍ତୁତି ର ଆଙ୍ଗା ଅହାନା ଦାରେଣି ଆଙ୍ଗା କିଇଁ ? ଏଦି ଏଚେଲା ଜିକେଏ ଆଆପେ । ୧୬ ଅଡ଼େ ଆମ୍ବାଆସି ଦାରେଣି ତଲେ ଆଣ୍ଡିନେସି ଏଞ୍ଜାସି ଏଦାନିତଲେ ରଣ୍ଡିଏ ଆଙ୍ଗା ଆନେସି, ଇଦାଆଁ ମୀରୁ ପୁଞ୍ଜାହିଲଅତେରି ? ଏଦାଆଁତାକି ଦାମ୍ବୁପତିତା ରାସ୍‌କି ଆହାମାନେ “ଏ ଡକ୍‌କି ତକ୍ରା ରଣ୍ଡିଏ ଆଙ୍ଗା ଆନୁ ।” ୧୭ ସାମା ଆମ୍ବାଆସି ପ୍ରଭୁ ତଲେ ଆଣ୍ଡିନେସି, ଏଞ୍ଜାସି ଏଞ୍ଜାଣିତଲେ ରଣ୍ଡିଏ ଜୀଝୁ ଆନେସି ।

* ୫:୭ ୫:୭ ଗାଲା ୫:୯ * ୭:୧୭ ୭:୧୭ ଏକର ୧୦:୨୩

୧୮ ଦାରିକାମାଟି ହେକ ଆଦୁ, ମାଣ୍ଠି ଏନ୍ତି ପାପୁ କିନେସି, ଏନ୍ତି ଆଙ୍ଗାତି ଲାଗେଏ କିନେସି, ସାମା ଆମ୍ବାଆସି ଦାରିକାମା କିନେସି, ଏଞ୍ଜାସି ତାନି ଆଙ୍ଗା କପାଟି ପାପୁ କିହିମାନେସି । ୧୯ ☆ମୀ ଆଙ୍ଗା ମାହାପୁରୁ ତାଣାଟି ବେଟାଆହାମାନି ମୀ ହିୟା ବିତ୍ରା ସୁଦୁଜୀଞ୍ଜୁ ବାସାଆନ୍ତି ଦେଞ୍ଜୁଡି, ଇଦାଆଁ ମୀରୁ ପୁଞ୍ଜାହିଲଅତେରି କି ? ଅଡେ ମୀରୁ ମୀରୁଏ ମିଆତେରି ଆଏ; ସାମା ମାହାପୁରୁତି ଲକୁତେରି । ୨୦ ଇତିହିଁ ମୀରୁ ଗାଡି ଦାରାତଲେ କଡ଼ଞ୍ଜି ଆହାମାଞ୍ଜେରି; ଏଦାଆଁତାକି ମୀ ଆଙ୍ଗା ତଲେ ମାହାପୁରୁତି ଗାଞ୍ଜୁରମି କିଦୁ ।



ବୀହା ଆନ୍ତି ମେରା

୧ ମୀରୁ ମୀ ଆକୁତା ଆମିନି କାତା ରାଚା ମାଞ୍ଜେରି, ଏ ବାରେତାକି ନାନୁ ଖେସ୍ତାନାୟି ଇଦି, “ଇୟାନି ତୀଗାଆ ଗାଗାୟି ଆବାକି ନେହେଁ;” ୨ ସାମା ଦାରି କାମାଟି ଆଜିତାକି ବାରେ ଆବାୟାକି ଜାହାରା ତକ୍ତି ମାଣ୍ଠେ, ଅଡେ ଇୟାସିକାକି ଜାହାରା ତକ୍ତି ମାଣ୍ଠେସି । ୩ ତକ୍ତି, ତକ୍ତିନାକି ଏନାୟି ଲଡ଼ା ଏଦାଆଁ ହାପାସି, ଇଞ୍ଜା ଏଲେକିହିଁଏ ତକ୍ତି ତକ୍ତିକି ତାନି ଲଡ଼ାମାନାଣି ହାପେ, ଅଡେ ତାମ୍‌ଜେ ଏନାୟି ଲଡ଼ାମାନାଣି ପୁରା କିନାୟିମାନେ । ୪ ତକ୍ତି ତାନି ଆଙ୍ଗାତି ମୁହେଁ ଅଦିକାରା ହିଲେଏ, ସାମା ତକ୍ତିକି ମାନେ । ଏଲେକିହିଁଏ ତକ୍ତିକି ତାନି ଆଙ୍ଗାତି ମୁହେଁ ଅଦିକାରା ହିଲେଏ, ସାମା ତକ୍ତିନାକି ମାନେ । ୫ ତାମ୍‌ଜୁତାମି ତାଣାଟି ଏଟକା ଆହାନା ତୟାଆପୁ; ସାମା ପ୍ରାତାନା କିହାଲି ଏତରଦିନା ପାତେକା ରିଆତେରି ରଣ୍ଡିଏ ମନ ଆହାନା ଏଟକା ତୟାଲି ଆଡିଦେରି; ଅଡେ ମୀ ଆଙ୍ଗାତି ଜୁପକାତାକି ତୟାଲି ଆଡାଆକି ସୟତାନ ଏନ୍ତିକିଁ ମିଜେ ତାୟିପାରି କିୟେଏ, ଏଦାଆଁତାକି ଖେଶ୍ତେ ଆଶୁଞ୍ଜିଆଦୁ ।

୬ ସାମା ନାନୁ ହୁକୁମି ହାନି ଲେହେଁ ଖେହ୍‌ଆନାହାଁ ଜାପୁନି ଲେହେଁ ଖେସିମାଈ । ୭ ଆତିହିଁ ଜିକେଏ ଏନ୍ତିକିଁ ବାରେ ଲକୁ ନାଲେହେଁକିଁ ଆନେରି, ଇଦି ନା ଅଣ୍ଡୁ । ସାମା ଆମ୍ବାଆସି ଇଲେତି ଦାନା, ଅଡେ ଆମ୍ବାଆସି ଏଲେତି ଦାନା ମାହାପୁରୁ ତାଣାଟି ବେଟାଆହାମାନେରି ।

୮ ସାମା ନାନୁ ବୀହା ଆଆତି ଲକୁଇଁ ଇଞ୍ଜା ରାଣ୍ଡେଣିସିକାଣି ଖେସିମାଈ, ଏଞ୍ଜି ନାଲେହେଁକିଁ ତୟିତିହିଁ ଏଞ୍ଜାସିକାକି ନେହେଁ । ୯ ସାମା ଏଞ୍ଜି ଆଙ୍ଗାତି ଲକ୍‌ହାଲି ଆଡିହିଲାଇ ଇତିହିଁ ଏଞ୍ଜି ବୀହା ଆପୁ; ଇତିହିଁ ଆଙ୍ଗା ଲାଗେଏତି କାମାତା ଖେନିକିହାଁ, ବୀହା ଆନାୟି ନେହେଁ ।

୧୦ ☆ସାମା ବୀହା ଆଡି ଲକୁଇଁ ନାନୁ ହୁକୁମି ହାହିମାଈ, ନାନୁ ଆଏ ସାମା ପ୍ରୁ ହୁକୁମି ହାହିମାନେସି, ତକ୍ତି ତାନି ତକ୍ତି ତାଣାଟି ଏଟକା ଆଆପେ । ୧୧ ସାମା ଏନ୍ତି ରଣ୍ଡିଏ ଏଟକା ଆନେ, ଆତିହିଁ ଏନ୍ତି ବୀହା ଆଆପେ, ଇଞ୍ଜା ତାନି ତକ୍ତିତଲେ ଅଡେ ଆଶ୍ୱାପେ; ଅଡେ ତକ୍ତି ତାନି ତକ୍ତିନି ହେଲ ହାଆପେସି ।

୧୨ ଏଟକା ତାରାଇଁ ନାନୁ ଖେସିମାଈ, ମା ବିତ୍ରା ଆମ୍ବାଆସି ତକ୍ତି କ୍ରୀସ୍ତୁଇଁ ନାମାହିଲିଆତି ଜିକେଏ ତକ୍ତିତଲେ ତୟାଲି ମନ କିତିସାରେ, ଆତିହିଁ ଏ ତାୟି ଏ ତାଜିନି ହେଲ ହାଆପେସି । ୧୩ ଏଲେକିହିଁ ଆମିନି ତକ୍ତି ମାହାପୁରୁଇଁ ନାମାଆତି ତକ୍ତିକି ବୀହା ଆହାମାନେ, ଇଞ୍ଜା ଏନ୍ତି ଏଞ୍ଜାଣିତଲେ ତୟାଲି ମନ କିନେ, ଏନ୍ତି ତାନି ତକ୍ତିଇଁ ପିହିଆପେ । ୧୪ ଇତିହିଁ ନାମାଆତି ତକ୍ତି ନାମିତି ତକ୍ତି ତାକି ମାହାପୁରୁ ତାଣାଟି ସୁଦୁ ଆହାମାନେସି, ଅଡେ ନାମାଆତି ତକ୍ତି ନାମିତି ତକ୍ତି ତାକି ମାହାପୁରୁ ତାଣାଟି ସୁଦୁ ଆହାମାନେ; ଆଆତିହିଁ ମୀ ମୀରକା ମାସକା ଲାଗେଏ ଆଡେରିମା, ସାମା ନୀଏଁ ଏଞ୍ଜାରି ସୁଦୁଗାଟାରି । ୧୫ ସାମା ନାମାଆ ଗାଟାସି କି ନାମାଆ ଗାଟାୟି ଏଟକା ଆହାଲି ମନ କିତିହିଁ ତାମି ମନଲେହେଁ ଏଟକା ଆପାରି; ଇଲେତି ତାଣା ତାୟି କି ତାଜି ଦସ୍‌ପି ଆହାହିଲାଇ; ମାହାପୁରୁ ମିଜେ ହିଡ଼ଡି ତଲେ ମାଞ୍ଜାଲି ଆଡାମାଞ୍ଜାନେସି । ୧୬ ନାନୁ ନାମିତି ତକ୍ତି ଆହାନା ନୀ ତକ୍ତିକି ଗେଲ୍‌ପିନାତି ଆଦି, ଇଦାଆଁ ପୁଞ୍ଜାହିଲଅତିକି ? ଇଞ୍ଜା ନାନୁ ନାମିତି ତକ୍ତି ଆହାନା ନୀ ତକ୍ତିନାକି ଗେଲ୍‌ପିନାତି ଆଦି, ଇଦାଆଁ ପୁଞ୍ଜାହିଲଅତିକି ?

ମାହାପୁରୁ ଆଚାମାନି ମାଣ୍ଠି ଲେହେଁ ନୀତିନାୟି

୧୭ ଇତିହିଁ ପ୍ରୁ ଆମ୍ବାଆରାକି ଏନ୍ତିକିଁ ଦାନା ହାହାମାନେସି, ମାହାପୁରୁ ଆମ୍ବାଆରାଈଁ ଏନ୍ତିକିଁ ହାଟାମାନେସି, ଏଞ୍ଜାସି ଏଲେକିଁ ତାକାପେସି, ନାନୁ ବାରେ କୁଲମିତି ଏଲେକିହିଁଏ ହୁକୁମି ହାହିମାଈ । ୧୮ ଆମ୍ବାଆସି ତଲୁ ଦାପିଆହାଁ ହାଟକି ଆହାମାନେସି ? ଏଞ୍ଜାସି ତଲୁ ଦାପି ଆଡି ସିନାତି ତଲୁଆପେସି; ଆମ୍ବାଆସି ତଲୁ ଦାପି ଆଆନା ହାଟକି ଆହାମାନେସି ? ଏଞ୍ଜାସି ତଲୁ ଦାପି ଆଆପେସି । ୧୯ ତଲୁ ଦାପି ଆନାୟି କି ଆଆଗାଗାୟି କାଜା କାତା ଆଏ, ସାମା ମାହାପୁରୁ ହୁକୁମି ମାନଞ୍ଜି ଆନାୟି କାଜା କାତା । ୨୦ ବାରେ ଜାଣାଇଁ ଏନ୍ତିକିଁ ମାହାପୁରୁ ହାଟାମାନେସି ଏଲେକିଁ ମାଣ୍ଠେସି । ୨୧ ମୀରୁ ହଲିୟାଙ୍ଗା ଆହାମାଟାଟି ହାଟକି ଆହାମାଞ୍ଜେରି ? ଅଣ୍ଡପାଆଦୁ; ସାମା ଗେଲ୍‌ପିଆୟାଲି ଆଡିଦେରି ଆତିହିଁ ଗେଲ୍‌ପି ଆୟାଲି ପାରୁ ପାରାଦୁ । ୨୨ ଆମ୍ବାଆସି ହଲେଏସି ଆହାଁ ପ୍ରୁ ତାଣା ହାଟକି ଆହାମାନେସି, ଏଞ୍ଜାସି ପ୍ରୁତି ଗେଲ୍‌ପି ଆଡାସି; ଏଲେକିହିଁଏ ଆମ୍ବାଆସି ଗେଲ୍‌ପିଆହାଁ ହାଟକି ଆହାମାନେସି ଏଞ୍ଜାସି କ୍ରୀସ୍ତୁ ହଲେଏସି । ୨୩ ମୀରୁ ହାରେକା ଦାରାତଲେ କଡ଼ଞ୍ଜି ଆହାମାଞ୍ଜେରି; ମାଣ୍ଠିୟାଁ ହଲିୟାଙ୍ଗାତେରି ଆଆଦୁ । ୨୪ ତାୟିୟାଁ ଅଡେ ତାଜିସ୍ତାତେରି, ମାହାପୁରୁ ମିଜେ ହାଟାଟାଟି ମୀରୁ ଏନ୍ତିକିଁ ମାତେରି ଏଲେଆହିଁ ଏ ମାହାପୁରୁ ତଲେ ତୟିନାୟି ମାନେ ।

ବୀହା ଆଆତି ଲକୁ ଇଞ୍ଜା ରାଣ୍ଡେଣିସିକା କାତା

☆ ୭:୧୯ ୭:୧୯ ୧କର ୩:୧୭; ୨କର ୭:୧୭ ☆ ୭:୧୦ ୭:୧୦ ମାତି ୫:୩୨; ୧୯:୯; ମାର୍କ ୧୦:୧୧,୧୨; ଲୁକ ୧୭:୧୮

୨୫ ଡାଆସିକା କାତା, ନାନୁ ପ୍ରବୁ ତାଣାଟି ଏନ୍ଦି ହୁକୁମି ବେଟା ଆହାହିଲଅଁ; ସାମା ପ୍ରବୁତ କାର୍ମାଟି ନାମୁଗାଟାସି ଆହାନା ନା ଅଣ୍ପୁତା ଝେସିମାଞ୍ଜାଇଁ ।

୨୬ ନାନୁ ଅଣ୍ପିମାଇଁ, ମାଣ୍ପି ଏନ୍ଦିକଁ ମାନେସି, ନୀର୍ବତ୍ତି କସ୍ତ ବାଦା ତାକି ଏଲେକିହଁ ଏ ମାନାୟି ନେହେଁ । ୨୭ ନାନୁ ତକ୍ତି ତଲେ ଦସ୍ପି ଆହାମାଞ୍ଜି ? ଆତିହଁ ପିସ୍ପି ଆହାଲି ଅଣ୍ପାଆନି, ଇଞ୍ଜା ନାନୁ ତକ୍ତି ତାଣାଟି ପିସ୍ପି ଆହାମାଞ୍ଜି ? ଆତିହଁ ତକ୍ତିନି ଇଟାଲି ଅଣ୍ପାଆନି । ୨୮ ସାମା ନାନୁ ବାହା ଆହାମାଞ୍ଜି, ଆଡିଜିକେଏ ପାପୁ କିହାହିଲଅତି; ଅଡେ ଡାଆପଦା ବାହା ଆହାମାନେ, ଆଡିଜିକେଏ ଏଡି ପାପୁ କିହାହିଲେଏ, ଆଡିଜିକେଏ ଇଲେତି ଲକୁ ଆଙ୍ଗାତା ହାରେକା କସ୍ତ ବେଟାଆନୁ, ଅଡେ ମାରୁ ଏମ୍ପାଟି ଏନ୍ଦିକଁ ଗେଲ୍ପି ଆଦେରି ଇଦି ନା ଅଣ୍ପୁ ।

୨୯ ସାମା ଏ ତାୟିୟାଁ ଅଡେ ତାଙ୍ଗିସ୍ତାତେରି ନା ଅଣ୍ପୁ ଇଦି, ଦିନା ତାଗେ ଏଦାତେୟିଏ, ଏଦାଆଁତାକି ଆମ୍ପାଆରାକି ତକ୍ତି ମାନେ, ଏଞ୍ଜାସି ତକ୍ତି ହିଲାଆଲେହେଁ ମାଣ୍ପେସି । ୩୦ ଅଡେ ଆମ୍ପାଆରି ଡାହି ମାନେରି, ଏଞ୍ଜାରି ଡାହି ହିଲାଆ ଲକୁ ଲେହେଁ ଆପେରି; ଅଡେ ଆମ୍ପାଆରି ରାହାଁ କିହିମାନେରି, ଏଞ୍ଜାରି ରାହାଁ କିହି ହିଲାଆ ଲକୁ ଲେହେଁ ଆପେରି; ଇଞ୍ଜା ଆମ୍ପାଆରି କଡିନେରି ଏଞ୍ଜାରି ଅଦିକାରା ବେଟାଆଆଡି ଲେହେଁ ଆପେରି; ୩୧ ଅଡେ ଆମ୍ପାଆରି ଦାର୍ତତି ଦିଶ୍ପୁ ଲେମ୍ପିମାନେରି ଏଞ୍ଜାରି ଲେମ୍ପାଆଗାଟି ଲକୁ ଲେହେଁ ଆପେରି; ଏଦାଆଁତାକି ଇତିହଁ ଇ ଦାର୍ତତି ଝାଣା ତିରିମ୍ପିହି ମାନେ ।

୩୨ ସାମା ମାରୁ ଏନ୍ଦିକଁ ଅଣ୍ପଅତେରି ଏଡି ନା ଅଣ୍ପୁ, ଆମ୍ପାଆସି ବାହା ଆଆତାସି ଏଞ୍ଜାସି ଏନ୍ଦିକଁ ପ୍ରବୁଇଁ ରାହାଁ କିଞ୍ଜିକିହାଲି ଝାରଇ ପ୍ରବୁତି କାମା ଅଣ୍ପିନେସି; ୩୩ ସାମା ଆମ୍ପାଆସି ବାହା ଆହାମାନେସି ଏଞ୍ଜାସି ଏନ୍ଦିକଁ ତାନି ତକ୍ତିନି ରାହାଁ ଗାଟାସି ଆନେସି, ଏଦାଆଁତାକି ଦାର୍ତତି କାତା ଅଣ୍ପିନେସି ଇଞ୍ଜା ତାନି ମନ ବାଗା ଆନେ । ୩୪ ବାହା ଆଆଡି ଇୟାସିକା ଅଡେ ଡାଆସିକା ଆଙ୍ଗା ଇଞ୍ଜା ଜୀଝୁତା ସୁଦୁ ଆହାଲି ପ୍ରବୁତି କାତା ଆସାନା ଅଣ୍ପିନୁ; ସାମା ଆମ୍ପାଆୟି ବାହା ଆହାମାନେ ଏଡି ଏନ୍ଦିକଁ ଜାହାରା ତକ୍ତାଇଁ ରାହାଁ କିୟାଲି ଆଡିନେ, ଏଦାଆଁତାକି ଦାର୍ତତି କାତା ଅଣ୍ପିନେ ।

୩୫ ଇ କାତା ନାନୁ ମୀ ନେହେଁତାକି ଝେସିମାଞ୍ଜାଇଁ, ମିଙ୍ଗେ କସ୍ତ ହାନି ମେରା ତଲେ ଦସ୍ପି ଆହାଲି ଝେସିମାଞ୍ଜଅଁ, ସାମା ମାରୁ ଏନ୍ଦିକଁ ମାନି କିହାଁ ରଣ୍ଡିଏ ମନତଲେ ପ୍ରବୁ ତାଣା ଡୟିଦେରି, ଏଦାଆଁତାକି ଝେସିମାଞ୍ଜାଇଁ ।

୩୬ ସାମା, ଆମ୍ପାଆସି ତାଙ୍ଗେତାକି ରାସ୍ପଆଡି ମାଙ୍ଗାନି ଡାଆବେଲା ରାଡେୟିଏ ଇଞ୍ଜା ଅଣ୍ପିନେସି, ଅଡେ ଏଞ୍ଜାସି ମୁର୍ସାନା ମାଞ୍ଜାଲି ଆଡାଆସାରେ ଅଡେ ତାଙ୍ଗେ ଲଡାଆନେ ଆତିହଁ ତାନି ମନତା ଏନାୟି ମାନେ ଏଲେଆହଁ ବାହା ଆନାୟି ମାନେ, ଏମ୍ପାଆଁ ପାପୁ ହିଲେଏ, ଏଦାଆଁତାକି ଏଞ୍ଜି ବାହା ଆପୁ । ୩୭ ସାମା ଆମ୍ପାଆସି ହିୟାତା ତୀରି ମାନେସି, ଅଡେ ବାହା ଆହାଲି ମନ କିଅସି ଇଞ୍ଜା ଆମ୍ପାଆସି

ତାନି ମନତି ଲକ୍ତାଲି ଆଡିନେସି ଅଡେ ଏଞ୍ଜାସି ତାନି ମନତା ଏନାଆଁ କିହାଲି ଅଣ୍ପାପାନେସି ଆତିହଁ ଏଞ୍ଜାସି ତାଙ୍ଗେ ରାସାମାନି ଡାଆ ପଦାଇଁ ବାହା ଆଆତଁ ନେହେଁ । ୩୮ ଏଦାଆଁତାକି ଆମ୍ପାଆସି ତାଙ୍ଗେ ରାସାମାନି ଡାଆ ମାଙ୍ଗାନି ବାହା କିନେସି ଏଞ୍ଜାସି ନେହଁ କିନେସି, ଅଡେ ଆମ୍ପାଆସି ବାହା ଆଅସି ଏଞ୍ଜାସି ଏଦାଆଁ କିହାଁ ହାରେକା ନେହଁ କିନେସି ।

୩୯ ବାହା ଆଡି ତକ୍ତି ତାନି ତକ୍ତା ଜୀଝୁ ମାନି ପାତେକା ଦସ୍ପି ଆହା ଡୟିନେ; ସାମା ତକ୍ତା ହାଡିସାରେ ଏ ତକ୍ତି କ୍ରୀସ୍ତ ତାଣା ନାମାମାନି ଆମ୍ପାଆରାଇଁ ମନ ଏଞ୍ଜାଣାକି ବାହା ଆୟାଲି ଆଡିନେ । ୪୦ ସାମା ନା ଅଣ୍ପୁତା, ଏଡି ଏନ୍ଦିକଁ ମାନେ ଏଲେକିହଁ ଏ ଡୟିତିହଁ ହାରେକା ରାହାଁତଲେ ଡୟିନେ, ଇଦି ମାହାପୁରୁ ଜୀଝୁତି ହେଲ ଇଞ୍ଜା ନାନୁ ଅଣ୍ପିମାଇଁ ।

୮

ପେଣକା ବମାୟାକି ଡାକାମାନି ରାନ୍ଦାତି କାତା

୧ ପେଣକା ବମାୟାକି ଡାକାମାନି ବଗୁତି କାତା ନାନୁ ଝେହ୍ନାୟି ଇଦି, “ବାରେତାକି ବୁଦି ମାନେ” ଇଞ୍ଜା ମାରୁ ଝେସିମାଞ୍ଜେରି, ଏଦାଆଁ ମାମୁ ପୁଞ୍ଜାମାନମି । ବୁଦି ତାହାରା କିଞ୍ଜିକିୟାନେ, ସାମା ଜୀଝୁନନାୟି କାଲ୍ଡି କିୟାନେ । ୨ ଆମ୍ପାଆସି ଏନ୍ଦି କାତାତା ଜିକେଏ ନାନୁ ପୁଞ୍ଜାମାଇଁ ଇଞ୍ଜା ଅଣ୍ପିନେସି, ଆତିହଁ ଏଞ୍ଜାଣାକି ଏନ୍ଦିକଁ ପୁନାୟିମାନେ, ଏଞ୍ଜାସି ନୀର୍ବ ପାତେକା ଏଲେକଁ ପୁଞ୍ଜାହିଲଅସି । ୩ ସାମା ଆମ୍ପାଆସି ମାହାପୁରୁଇଁ ଜୀଝୁ ନନେସି, ଏଞ୍ଜାଣାଇଁ ମାହାପୁରୁ ପୁଞ୍ଜାମାନେସି ।

୪ ଏଦାଆଁତାକି ପେଣକା ବମାୟାକି ଡାକାମାନି ବଗୁତି ତିନି କାତା ମାର ପୁଞ୍ଜାମାନାୟି, ଦାର୍ତତିତା ପେଣକା ଇଞ୍ଜାହଁ ଏନାଇଁ ହିଲାତ, ଅଡେ ରଣ୍ଡିଏ ମାହାପୁରୁ ପିସ୍ପେ ଅଡେ ରଅସି ହିଲଅସି । ୫ ଇତିହଁ ଲାକପୁରୁ ଆପେ କି ଦାର୍ତତିତା ଆପେ, ଆମ୍ପାଆରାଇଁ ମାହାପୁରୁ ଇନେରି, ପେଣକା ମାତିହଁ ଜିକେଏ ସାତେଏ ହାରେକା “ପେଣକା” ଅଡେ ହାରେକା “ପ୍ରବୁୟାଁ” ମାନୁ, ୬ ଆଡିଜିକେଏ ମାଙ୍ଗେତାକି ରଣ୍ଡିଏ ମାହାପୁରୁ ଇତିହଁ ଏ ଆବା ତାଣାଟି ବାରେ ଗାଡି ଆହାମାନେ, ଇଞ୍ଜା ମାର ଏଞ୍ଜାଣି ତାକି ନୀତାମାନାୟି; ଇଞ୍ଜା ରଣ୍ଡିଏ ପ୍ରବୁ ଇତିହଁ ଜୀସୁ କ୍ରୀସ୍ତ, ଏଞ୍ଜାଣି ତାଣାଟି ବାରେ ଗାଡି ଆହାମାନେ, ଅଡେ ମାର ଏଞ୍ଜାଣି ତାଣାଟି ନୀତାମାନାୟି ।

୭ ଆଡିଜିକେଏ ବାରେତାକି ଇ ବୁଦି ହିଲେଏ; ସାମା ଏତେକା ଲକୁ ନୀର୍ବ ପାତେକା ପେଣକା ମାନୁ ଇଞ୍ଜା ଅଣ୍ପପାନା ପେଣକା ବମାୟାକି ଡାକାମାନି ବଗୁ ତିନେରି, ଇଞ୍ଜା ଏଞ୍ଜାରି ଅଣ୍ପୁତି ବାଡୁୟୁ ଡଣା ମାନାକି ଦହଗାଟାରି ଆନେରି । ୮ ସାମା ତାନି ରାନ୍ଦା ମାଙ୍ଗେ ମାହାପୁରୁ ନକିତା ନେହଁ କି ଲାଗେଏ କିୟେଏ; ତିନାଆତିହଁ ମା ଏନାୟି ନସ୍ତ ଆଏ ଅଡେ ତିତି ସାରେ ମାଙ୍ଗେ ଏନ୍ଦି ଲାବା ଆଏ ।

୯ ସାମା ଜାଗ୍ରାତା, ନଲେ ମୀ ତାଣା ମାନି ଅଦିକାରା ନାମୁତା ବାଡୁୟୁ ହିଲାଆ ଗାଟାଟାକି କସ୍ତ ବାଦା ହୀନାୟି

ଆନେ । ୧୦ ବୁଦ୍ଧି ଗାଟାତେରି ମୀରୁ, ମିଙ୍ଗେ ଆମ୍ବାଆସି ପେନ୍ନୁତି ଦେହୁଡ଼ି ବକ୍ତିତା କୁଗାମାନାଣି ମେସ୍ତାତିହୁଁ, ଏଞ୍ଜାସି ନାମୁତା ଉଣା ମାତିହୁଁ, ତାନି ଅଣ୍ଟପୁତି ବାଡ଼ୁଲୁ ଉଣା ମାନାକି ପେଣ୍ଟାକି ବମାୟାକି ଡାକାମାନି ବଗୁ ତିଞ୍ଜାଲି ସାସା ଆଅସି କି ? ୧୧ ଇଞ୍ଜା ଆମିନି ବାଡ଼ୁଲୁ ହିଲାଆ ନାମିତି ତାୟି କି ତାଙ୍ଗି ତାକି କ୍ରୀସ୍ତ ହାଡେସି, ଏଞ୍ଜାସି ନୀ ଏ “ବୁଦ୍ଧି” ତଲେ ନାସା ଆହିମାନେସି । ୧୨ ଇଲେକିହୁଁ ମୀ ତାଣା ମାନି ନାମିତି ତାୟିୟା କପାଟି ପାପୁ କିହାଁ ଇଞ୍ଜା ଏଞ୍ଜାରି ବାଡ଼ୁଲୁ ହିଲାଆ ଅଣ୍ଟପୁତି କସ୍ତ ହୀହାନା ମୀ କ୍ରୀସ୍ତୁତି କପାଟି ପାପୁ କିହିମାଞ୍ଜେରି । ୧୩ ଇଦାଆଁତାକି ତିନି କାଦି ନା ତାୟିକି କସ୍ତ ହନେ, ଆତିହୁଁ ନା ତାୟି ଏନିକିଁ ନା ତାଣାଟି କସ୍ତ ଆଅସି, ଏଦାଆଁତାକି ନାନୁ ଏଚେଲା ଉଞ୍ଜା ତିନଅଁ ।



ପାଣ୍ଡୁ ଆଡ଼ାରି ଅଦିକାରା ଅଡ଼େ ଦାୟିପତି

୧ ନାନୁ ନା ମନତଲେ ମାଞ୍ଜାଲି ଆଡ଼ଅଁ ? ନାନୁ ର ପାଣ୍ଡୁ ଆଡ଼ାତେଏଁ ଆଏ ? ନାନୁ ଏନାଆଁ ମା ପ୍ରବୁ ଜୀସୁଇଁ ମେସାହିଲଅଁ ? ମୀରୁ କି ମାହାପୁରୁ ତାଣା ନା କିତି କାମାତି ପାଡ଼େୟି ଆଏ ? ୨ ନାନୁ ଏଟକାତାରି ତାଣା ପାଣ୍ଡୁ ଆହାହିଲାଆତି ଜିକେଏ, ମିଙ୍ଗେତାକି ନାନୁ ସାତେଏ ପାଣ୍ଡୁ ଆହାମାନାତେଏଁ, ଇତିହୁଁ ପ୍ରବୁ ତାଣା ମୀରୁ ନା ପାଣ୍ଡୁଆହାମାନି ପାଣାତା ଝେଟାମାନି ବୁଟୁ ମୁଦ୍ରା ଲେହେଁ ଆହାମାଞ୍ଜେରି ।

୩ ନାଙ୍ଗେ ନୀହାୟି କିୟାନାରିକି ନାନୁ ଝେଣ୍ଡେ ଝେସ୍ତାନି କାତା ଇଦି । ୪ ନା କାମାତାକି ତିଞ୍ଜା ଉଣ୍ଡାଲି ମାଙ୍ଗେ ଅଦିକାରା ହିଲେଏ ? ୫ ଅର ପାଣ୍ଡୁ ଆହାମାନାରି ପ୍ରବୁତି ତାୟିୟାଁ ଅଡ଼େ କେପା* ଲେହେଁ କ୍ରୀସ୍ତାନା ତାଙ୍ଗିନି ବୀହା ଆହାଁ ଏ ଇୟାନି ତଲେ ରେଜାଲି ମାଙ୍ଗେ ଅଦିକାରା ହିଲେଏ କି ? ୬ ଅଡ଼େ ଜୀସୁତା ନୀତାଲିତାକି କାମାତି ପିସାଲି ନାଙ୍ଗେ ଅଡ଼େ ବର୍ନବାତି ଅଦିକାରା ହିଲେଏ କି ? ୭ ର ଜୁଜୁ କିନାସି ଜୁଜୁତା ମାନି ବେଲା ତାନୁଏ ତାଙ୍ଗେତାକି କାରୁଁ କିନେସିକି ? ଇଞ୍ଜା ଆମ୍ବାଆସି ଅଙ୍ଗୁରି ବାଡ଼ା କିହାଁ ଏମ୍ବାତି ପାଡ଼େୟି ତିନଅସି କି ? ଇଞ୍ଜା ର ଗଡ଼ ତାନି ମାନ୍ଦାତି ପାଲୁ ଗହଅସି କି ?

୮ ନାନୁ ମାଣ୍ଡସି ଆହାଁ ଇ ବାରେ କାତା ଝେସିମାଞ୍ଜାଇଁ ? ଇଞ୍ଜା ସାସ୍ତେରି ଜିକେଏ ଇ ବାରେ କାତା ଝେସିମାଞ୍ଜେଏ କି ? ୯ ଇତିହୁଁ ମସାତି ମେରାତା ଇଲେଇଞ୍ଜା ରାସ୍ତକି ଆହାମାନେ, “ନପୁଁ ମାନି କଡ଼ିତି ଗୁଡିତା କଡ଼ା ଦହଆଦୁ;” ମାହାପୁରୁ ଝାରୁଇ ଏ କଡ଼ିତି ଅଣ୍ଟପିମାନେସି କି ? ୧୦ ଏଞ୍ଜାସି ଇଦାଆଁ ମାଙ୍ଗେତାକି ଝେସା ମାଞ୍ଜଅସି ? ହାଅ, ମାଙ୍ଗେତାକି ଇଦି ରାସ୍ତକି ଆହାମାନେ, ଏନାଆଁତାକି ଇତିହୁଁ ଆମ୍ବାଆସି ତାସା କିନେସି ଆସା ତଲେ ତାସା କିନାୟିମାନେ, ଅଡ଼େ ନପୁଁ ନାସି ଗାଡ଼ି ବାଗା ବେଟାଆହାଲି କଡ଼ା ଦହନେସି । ୧୧ ମାମୁ ମିଙ୍ଗେତାକି ନେହୁଁ ଜୀସୁତି ବିଚା ମାଟା ମାଟାମାନମି, ଅଡ଼େ ମୀ ତାଣାଟି ଇ ଦାରତିତି ତାସା

ଦାଡ଼ିହୁଁ ଏଦି ଏନି କାଜା କାତା ଆଏକି ? ୧୨ ଏଟକା ଲକୁ ମୀ ତାଣାଟି ବାଗା ବେଟାଆହାଲି ଅଦିକାରା ମାତିହୁଁ, ଏଦାଆଁ କିହାଁ ଆଗାଡ଼ା ବେଟାଆହାଲି ମା ଅଦିକାରା ହିଲେଏ କି ? ଆଡ଼ିଜିକେଏ ମାମୁଏ ଅଦିକାରା ଲେମ୍ବା ହିଲଅମି । ସାମା ଏନିକିଁ ମାମୁ କ୍ରୀସ୍ତୁତି ନେହୁଁ କାରୁ ଝେଞ୍ଜି କିନି କାମାତା ଏନି ବାଦା ଝାଆପେ ଇଞ୍ଜା ବାରେ ଅରହିମାନମି ୧୩ ଆମ୍ବାଆରି ଦେହୁଡ଼ିତା ପୂଜା କିନାରି ଏଞ୍ଜାରି ଦେହୁଡ଼ିତି ରାନ୍ଦା ବେଟାଆନେରି, ଇଞ୍ଜା ଆମ୍ବାଆରି ପୂଜା କିନାରି ପୂଜା କିହାଲି ପୂଜା ପିଣ୍ଡାତା ଇତିତି ବଗୁଡ଼ି ବାଗା ବେଟାଆନେରି, ଇଞ୍ଜା ମୀରୁ ପୁଞ୍ଜାହିଲଅତେରି କି ? ୧୪ ଏଲେକିହୁଁ ଏ ଆମ୍ବାଆରି ନେହୁଁ କାରୁଡ଼ି ଝେକ୍‌ହି ମାନେରି, ଏଞ୍ଜାରି ନେହୁଁ କାରୁ ଝେକ୍‌ନି ତାଣାଟିଏ ନୀତିନେରି, ଇ କାତା ପ୍ରବୁ ହୁକୁମି ହୀହାମାନେସି ।

୧୫ ସାମା ନାନୁ ଇ ବାରେ ଏନାଆଁଞ୍ଜା ଲେମ୍ବାହିଲଅଁ, ଅଡ଼େ ନାଙ୍ଗେତାକି ଏଲେ କିଞ୍ଚିଆପେ, ଏଦାଆଁତାକି ରାଡ଼ିମାଞ୍ଜଅଁ; ଇତିହୁଁ ଆମ୍ବାଆରି ନା ନେହୁଁ ବତପଣତି ଉଜେଏ କିନି କିହାଁ ନାନୁ ହାହାହାନାୟି ନେହେଁ । ୧୬ ଇତିହୁଁ ନାନୁ ନେହୁଁ କାରୁ ଝେକ୍‌ଇଁ, ଏମ୍ବାଆଁ ନା ବତପଣ ଆନାୟି ହିଲେଏ, ଏନାଆଁତାକି ଇତିହୁଁ ଏଦାଆଁ କିହାଲି ହୁକୁମି ବେଟାଆହାମାଇଁ, ଇଞ୍ଜା ନାନୁ ନେହୁଁ କାରୁ ଝେକ୍‌ଆତେଏଁ ଇତିହୁଁ ନାନୁ ଏଚେକା ତଣ୍ଡ ବେଟାଆନାତେଏଁ । ୧୭ ଇତିହୁଁ ନାନୁ ଜାହାରା ମନତଲେ ଇ କାମା କିଇଁ, ଆତିହୁଁ ନାଙ୍ଗେତାକି ଦାନା ମାନେ; ସାମା ନାନୁ ନା ମନତଲେ କାମା କିଆତିହୁଁ ଜିକେଏ ମାହାପୁରୁ ନାଙ୍ଗେ ସେବାକିନି କାମାତି ବଜୁ ହେରପା ମାଞ୍ଜାନେସି । ୧୮ ଆତିହୁଁ ନା ଦାନା ଏନାୟି ? ଏଦି ଇଦି ନାନୁ ନା ନେହୁଁ କାରୁତା ମାନି ଅଦିକାରା ଲେମ୍ବାଆନା ନେହୁଁ କାରୁ ଝେସି ଝେସି ଏ ନେହୁଁ କାରୁଡ଼ି ଉଜେଏ ଝେକ୍‌ଇଁ ।

୧୯ ନାନୁ ଆମ୍ବାଆରି ହିଲେଏଣା ଆଆତି ଜିକେଏ, ଏନିକିଁ ନାନୁ ହାରେକା ଗାଡ଼ି ଲକୁଣି ବେଟାଆହାଲି ଆଡ଼ିଇଁ, ଏଦାଆଁତାକି ନାନୁ ଜାହାରାଇଁ ବାରେତି ହିଲେଏସି କିତେଏଁ । ୨୦ ଏନିକିଁ ନାନୁ ଜୀହୁଦିୟାଣି କ୍ରୀସ୍ତ ତାକି ଜୀଣା ଆହାଲି ଆଡ଼ିଇଁ, ଏଦାଆଁତାକି ଜୀହୁଦି ଲକୁ ନକିତା ନାନୁ ଜୀହୁଦି ଲେହେଁ ଆହିମାଇଁ; ଏନିକିଁ ମସାତି ମେରାତା ଦସ୍‌ପି ଆହାମାନାରାଇଁ ଜୀଣା ଆହାଲି ଆଡ଼ିଇଁ, ଏଦାଆଁତାକି ନାନୁ ମେରାତା ଦସ୍‌ପି ଆଆତି ଜିକେଏ ମେରାତା ଦସ୍‌ପି ଆଡ଼ି ଲକୁଲେହେଁ ଆଡ଼େଏଁ । ୨୧ ଏନିକିଁ ନାନୁ ମସାତି ମେରା ପୁନାଆତି ଏଟକା କୁଡ଼ାତି ଲକୁଣି ବେଟାଆହାଲି ଆଡ଼ିଇଁ, ଇଦାଆଁତାକି ନାନୁ ମାହାପୁରୁତି ମେରାତା ହିଲାଆ ଲକୁ ଆଆନା କ୍ରୀସ୍ତୁତି ମେରା ମାନ୍‌ଞ୍ଜି ଆଡ଼ିଜିକେଏ ମସାତି ମେରାତା ହିଲାଆ ଲକୁ ନକିତା ମସାତି ମେରାତା ହିଲାଆ ଲକୁଲେହେଁ ଆଡ଼େଏଁ । ୨୨ ଏନିକିଁ ନାନୁ ବାଡ଼ୁଲୁ ହିଲାଆଗାଟାରାଇଁ ଜୀଣା ଆହାଲି ଆଡ଼ିଇଁ, ଏଦାଆଁତାକି ବାଡ଼ୁଲୁ ହିଲାଆ ଗାଟାରି ନକିତା

* ୯:୫ ୯:୫ ପିତର ☆ ୯:୯ ୯:୯ ୧ତିମ ୫:୧୮ ☆ ୯:୧୪ ୯:୧୪ ମାତି ୧୦:୧୦; ଲୁକ ୧୦:୭

ବାଡ଼ିଯିବୁ ହିଲୀଆଲେହେଁ ଆଡେଏ; ଏନିଇଚିହଁ ଜିକେଏ ନାନୁ ଏଚର ଜାଣାଇଁ ଗେଲପାଲି ଆଡିଇଁ, ଈଦାଆଁତାକି ବାରେ ଲକୁ ଏନିଲେହେଁତାରି ନାନୁ ଏଞ୍ଜାରିଲେହେଁ ଆଡେଏ ।

୨୩ ନାନୁ ଏନିକଁ ନେହଁ କାରୁତି ବରତା ଆଣ୍ଡାଲି ଆଡିଇଁ, ଏଦାଆଁତାକି ନାନୁ ନେହଁ କାରୁତାକି ବାରେ କିଇଁ । ୨୪ ଆମ୍ବାଆରି କାହିନି ତାଣା ହଣନେରି ଏଞ୍ଜାରି ବାରେଜାଣା ହଣନେରି ସାତା, ସାମା ରଅସିଏ ଜୀଣା ଆହଁ ଦାନା ବେଟା ଆନେସି, ଈଦାଆଁ ମୀରୁ ପୁଞ୍ଜାହିଲଅଡେରି ? ମୀରୁ ଏନିକଁ ଦାନା ବେଟାଆଡେରି ଏଦାଆଁତାକି ଏଲେକଁ ହଣ୍ଡୁ । ୨୫ ଆମ୍ବାଆସି ବାଦହାରା ତଲେ କାହିନି ତାଣା ଆଣ୍ଡିନେସି ଏଞ୍ଜାସି ବାରେ ନେହଁ କଁ ଜାପିନେସି; ଏଞ୍ଜାରି ଗାଡେକେଏ ନାସଞ୍ଜି ଆନି ଚପେରି ବେଟାଆହାଲି କାହିମାନେରି; ସାମା ମାର ଏଚେଲ୍ଲାଞ୍ଜା ନାସା ଆଆଗାଟି ଚପେରି ବେଟାଆହାଲି ଏଲେ କିନ । ୨୬ ଏଦାଆଁତାକି ନାନୁ ହଟିମାଇଁ, ସାମା ଗୁରି ହିଲୀଆ ତାଣା ଆଏ, ନାନୁ ମୁଟିତଲେ କୁଡକି ଆନି ଜୁଜୁ କିହିମାଇଁ, ସାମା ଖାରୁଇ ଗାଲିତି ଝେନି ଲକୁଲେହେଁ ଆଏ । ୨୭ ଏଟକା ଲକୁତାଣା ନେହଁ କାରୁ ଝେସିହଁ ନାନୁ ଏନିକଁ ଅପାଆ ଗାଟାଡେଏଁ ଆଅଁ ଏଦାଆଁତାକି ନା ଆଜ୍ଞାତି କସ୍ତ ବାଦା ହୀହାନା ଲକିହିମାଇଁ ।

୧୦

ପେଣକା ବମାୟାଁ ସେବାଟି ଜାଗ୍ରାତା କିନାୟି

୧ ଇଚିହଁ ଏ ତାୟିୟାଁ ଅଡେ ତାଜିସ୍ତାଡେରି ମା ଆକୁ ଆବାୟାଁ ବାରେ ଦୁୟା ଡଇକା ମାଚେରି । ୨ ଅଡେ ବାରେଜାଣା ସାମ୍ବୁରି ବିତ୍ରାଟି ହାଚେରି, ଇଞ୍ଜା ବାରେଜାଣା ଦୁୟା ଅଡେ ସାମ୍ବୁରିତା ମସା ତାଣାଟି ବାପ୍ତିସ୍ତା* ଅଡେରି । ୩ ଅଡେ ଏଞ୍ଜାରି ବାରେଜାଣା ରଣ୍ଡିଏ ଜୀଞ୍ଜୁତି ରାନ୍ଦା ତିଚେରି । ୪ ଅଡେ ବାରେଜାଣା ରଣ୍ଡିଏ ମାହାପୁରୁ ହାତି ଜୀଞ୍ଜୁତି ଏୟୁ ଗସ୍ତେରି, ଇଚିହଁ ଏଞ୍ଜାରିତଲେ ହାଜିମାଟି ମାହାପୁରୁ ହାତି ଜୀଞ୍ଜୁତି ପାକା ଖାଲିତି ଏୟୁ ଗସ୍ତେରି ଏ ପାକା ଖାଲି ଜୀସ୍ତ, ୫ ଆଡିଜିକେଏ ଏଞ୍ଜାରି ବିତ୍ରାଟି ହାରେକା ଲକୁତାଣା ମାହାପୁରୁତି ରାହଁ ହିଲୀଆଡେ, ଇଞ୍ଜା ଏଞ୍ଜାରି ଲକୁ ହିଲୀଆ ଗାୟୁତା ହାହାହାଚେରି, ଈ ବାରେ କାତା ମୀରୁ ପୁନାଆନା ମାଞ୍ଜୁ ଇଞ୍ଜାଁ ନା ମନ ହିଲେଏ ।

୬ ଏଞ୍ଜାରି ଏନିକଁ ଲାଗେଏ ପଲେଏତାଣି ତାକି ଜୁପକା ଆହାମାଚେରି, ଏଲେକଁ ମାର ଏଲେତି ଜୁପକା ଆଆୟି, ଏଦାଣିତାକି ଈ ବାରେ କାତା ମାଜେତାକି ପୁଣ୍ଡିକିନାୟି ଆହାମାନେ । ୭ ଏନିକଁ ଏଞ୍ଜାରି ବିତ୍ରାଟି ଏଚରଜାଣା ପେଣକା ପୂଜା କିନାରି ଆଡେରି, ଏଲେକଁ ମୀରୁ ପେଣକା ପୂଜା କିନାଡେରି ଆଆଦୁ; ଏନିକଁ ରାସ୍ତକି ଆହାମାନେ, “ଲକୁ ତିଞ୍ଜା ଉଣ୍ଡାଲି କୁଗିତେରି, ଅଡେ ଏନିହଁ ରାହଁ କିହାଲି ନିଜିଡେରି ।” ୮ ଏନିକଁ ଏଞ୍ଜାରିତାଣା ଏଚରଜାଣା ଦାରିକାମା କିହାନା ରଣ୍ଡିଏ ନେରୁ କଡେ ତାନି ମାଣା ଲକୁ

ହାଡେରି, ଏଲେକଁ ମାର ଦାରିକାମା କିଆପ । ୯ ଏନିକଁ ଏଞ୍ଜାରି ବିତ୍ରାଟି ଏଚରଜାଣା ପ୍ରବୁଇଁ ତାୟିପାରି କିହଁ ରାଚୁ ତଲେ ହାଡେରି, ଏଲେକଁ ମାର ପ୍ରବୁଇଁ ତାୟିପାରି କିଆପ । ୧୦ ଏନିକଁ ଏଞ୍ଜାରି ବିତ୍ରାଟି ଏଚରଜାଣା ବାଟା କିହାଲିଏ ନାସାକିନି ଦୂତୁ କେୟୁଟି ହାଡେରି, ଏଲେକଁ ମୀରୁ ବାଟା କିଆଦୁ ।

୧୧ ଈ ବାରେ ପୁଣ୍ଡିକିନିଲେହେଁ ଏଞ୍ଜାରାକି ଆଡେ, ଅଡେ ଆମ୍ବାଆରି ବେଲ୍ଲାତା ଜୁଗୁରାନ୍ତି ଦିନା ଏଜିମାଞ୍ଜାନେ, ଏଲେକିହଁ ମାର ମା ସେଡନା ତାକି ଏ ବାରେ ରାସ୍ତକି ଆହାମାନେ । ୧୨ ଏଦାଆଁତାକି ଆମ୍ବାଆସି ନାନୁ ତୀରି ଗାଟାଡେଏଁ ଇଞ୍ଜିହଁ ଅଣ୍ଡିପି ମାନାସି, ଏଞ୍ଜାସି ଏନିକଁ ତରଗଅସି, ଏଦାଆଁତାକି ଏଞ୍ଜାସି ଜାଗ୍ରାତା ଆପାସି । ୧୩ ମାଣ୍ଡିତାକି ଏନିଲେହେଁତି ତାୟିପାରି କିନାୟି କସ୍ତଗାଟାୟି ଆଏ, ଏଦାଆଁ ପିସ୍ତେ ମିଜେତାକି ଏଟକାତି ତାୟିପାରି କିନାୟି ଆହା ହିଲେଏ, ସାମା ମାହାପୁରୁ ଟିକାଣାତାସି, ଏଞ୍ଜାସି ମିଜେ ଏନି ଆଡାଆଗାଟି ତାୟିପାରି କିହାଲି ହିୟଅସି, ସାମା ମୀରୁ ଏନିକଁ ଅହାଲି ଆଡିଡେରି, ଏଦାଆଁତାକି ତାୟିପାରି କିଞ୍ଜିଏ ଏଞ୍ଜାସି ଗେଲପିନି ଜିରୁ ଜିକେଏ କେପିନେସି ।

୧୪ ଏ ନା ଜୀଞ୍ଜୁତି ତାୟିୟାଁ ଅଡେ ତାଜିସ୍ତାଡେରି ପେଣକା ବମାୟାଁ ପୂଜା କିନି ତାଣାଟି ଏଟକା ଆଦୁ । ୧୫ ନାନୁ ବୁଦିଗାଟି ଲକୁଣି ଝେହ୍ନିଲେହେଁ ଝେସିମାଞ୍ଜାଇଁ, ନାନୁ ଏନାଆଁ ଝେସିମାଇଁ ଏଦାଆଁ ମୀରୁ ମୀରୁଏ ଅଣ୍ଡପାଦୁ । ୧୬ ଆମିନି ପ୍ରବୁତି ବଜି ସଲା ତାକି ଜହରା କିନାୟି, ଏଦି ଜୀସ୍ତୁତି ନେଡେରିତା ଆଣ୍ଡିହିଲେଏ ? ଆମିନି ରୁଟି ମାର ଡିକ୍‌ହି ମାନାୟି ଏଦି କି ଜୀସ୍ତୁତି ଆଜ୍ଞାତା ଆଣ୍ଡିହିଲେଏ ? ୧୭ ଇଚିହଁ ରୁଟି ରଣ୍ଡିଏ ଆଡାକି ମାର ହାରେକା ଆଡିଜିକେଏ ରଣ୍ଡିଏ ଆଜ୍ଞା ଲେହେଁ, ଏଦାଆଁତାକି ମାର ବାରେଜାଣା ରଣ୍ଡିଏ ରୁଟିତ ବାଗା ।

୧୮ ଆଜ୍ଞାତି ଜାନା ତଲେ ଆମ୍ବାଆରି ଇସାୟେଲ ଲକୁ, ଏଞ୍ଜାରାଇଁ ସିନିକିଦୁ ଆମ୍ବାଆରି ପୂଜା କିତି ଉଜ୍ଞା ତିନେରି, ଏଞ୍ଜାରି ପୂଜା ପିଣ୍ଡାତି ପୂଜାତା ଆଣ୍ଡିହିଲଅରି ? ୧୯ ଆଡିହଁ ପେଣକା ବମାୟାଁ ବଗୁ ଇଞ୍ଜିହଁ ଏନାୟି ମାନେ, ଅଡେ ପେଣକା ବମାୟାଁ ଇଞ୍ଜାଁ ଏନାଇ ମାନୁ, ଏଦାଆଁ କି ନାନୁ ଝେସିମାଞ୍ଜାଇଁ ? ୨୦ ଆଏ, ସାମା ନାନୁ ଝେସିମାଞ୍ଜାଇଁ, ଏନାଆଁ ଜୀହୁଦିଆଆତାରି ପୂଜା କିନେରି ଏ ବାରେ ଏଞ୍ଜାରି ମାହାପୁରୁ ତାକି ପୂଜା କିଆନା ବୁଡୁୟାଁକି କିନେରି, ଅଡେ ମୀରୁ ବୁଡୁୟାଁ ତଲେ ଆଣ୍ଡାଦୁ, ଇଦି ନା ମନ ଅଣ୍ଡପୁଟି ଆଏ । ୨୧ ମୀରୁ ପ୍ରବୁ ବଜିତା ରାସା ଗହନିତାଣା ଅଡେ ବୁଡୁୟାଁ ଗହନିତାଣା ଗସାଲି ଆଡଅଡେରି; ମୀରୁ ପ୍ରବୁତି ବଜି ଅଡେ ବୁଡୁ ବଜିତା ଆଣ୍ଡାଲି ଆଡଅଡେରି । ୨୨ ମାର ଏନାଆଁ ପ୍ରବୁଇଁ କାରବି କିନାୟି ? ମାର କି ଏଞ୍ଜାଣି କିହଁ ଗାଡି ବାଡ଼ିୟୁ ଗାଟାତାୟି ?

୨୩ ବାରେ କିହାଲି ମାର ଆଡିନାୟି, ସାମା ବାରେ ମା

* ୧୦:୨ ୧୦:୨୩ଜିନାୟି ☆ ୧୦:୧୭ ୧୦:୧୭ ମାଡି ୨୭:୨୭-୨୮; ମାର୍କି ୧୪:୨୨-୨୪; ଲୁକ ୨୨:୧୯,୨୦

ତାକି ନେହାୟି ଆଏ, ବାରେ କିହାଲି ଆଡ଼ିନାୟି, ସାମା ବାରେ ମା ତାକି ଲାବାଗାଟାୟି ଆଏ । ୨୪ ଆମ୍ବାଆସି ଜାହାରାତାକି ଅଣ୍ଠାଆପେସି, ସାମା ବାରେଜାଣା ତାକି ନେହାଣି ଅଣ୍ଠାଆପେସି । ୨୫ ମନତି ନେହୁକି ଇଟାଲି ହାଟା ବାଜାରାତା ପାରପି ଆହିମାନି ଉଜ୍ଜା, ଆମ୍ବାଆରାକି ଖେନାଆନା ଅଡ଼େ ଇଟାଣି ଅଣ୍ଠାଆନା ତିଷ୍ଟୁ । ୨୬ ଦାମ୍ବୁପତିତା ରାସ୍ତକି ଆହାମାନେ; “ଇଟିହୁ ଦାରତି ଅଡ଼େ ଏମ୍ବାଆଁ ମାନାୟି ବାରେ ମାହାପୁରୁଝାୟି ।”

୨୭ ନାମାଆତାରି ମିଜେ ତିଜାଲି ହାଟାତିହୁ, ଇଜ୍ଜା ମୀରୁ ହାଜାଲି ମନ କିତିସାରେ, ଅଡ଼େ ଏମ୍ବାଆଁ ଏନାଆଁ ତିଜାଲି ହାପକିଆନେ, ମୀ ଅଣ୍ଠାପୁ ତାକି ଇଟାଣି ଖେନାଆନା ତିଷ୍ଟୁ । ୨୮ ସାମା ଆମ୍ବାଆସି ମିଜେ ଏଲେଇଜ୍ଜାନେସି, ଇଦି ପେଣ୍ଡକା ବମାୟାକି ତାକି କିଝିଆହାମାନେ, ଆତିହୁ ଏଝାଣି ତାକି ଇଜ୍ଜା ମୀ ଅଣ୍ଠାପୁ ତାକି ତିନାଆଦୁ; ୨୯ ମୀ ଅଣ୍ଠାପୁ ତାକି ଇଜ୍ଜା ଖେସିମାଞ୍ଜଅଁ, ସାମା ଏଝାଣି ଅଣ୍ଠାପୁ ତାକି । ଏନାଆଁତାକି ନା ମନତଲେ ମାନାୟି ଏଟକା ଲକୁତି ନେହାଣି ଲାଗେଏତାଣି ପୁନାଣି ତଲେ ବିଚାରା ଆନେ ?

୩୦ “ନାନୁ ମାହାପୁରୁଇଁ ଜହରା କିହାନା ଆମିନି ରାନ୍ଦା ତିଜ୍ଜିମାଇଁ, ଏ ରାନ୍ଦା ତାକି ନାଜେ ଏନାଆଁତାକି ରଅସି ଲାଜାକିହୁ ଜଲାନେସି ?”

୩୧ ଏଦାଆଁତାକି ମୀରୁ ତିଷ୍ଟୁ ଉଣ୍ଡୁକି ଏନାଆଁ କିଦୁ, ଏଦାଆଁ ମାହାପୁରୁତି ଗାଝୁରମି ତାକି କିଦୁ । ୩୨ ଜୀହୁଦି ଆପେ, ଜୀହୁଦିଆଆତାରି, ଇଜ୍ଜା ମାହାପୁରୁତି କୁଲମିତି ଲକୁ ଆପାରି, ଆମ୍ବାଆରାକି କସ୍ତ ହାନାତେରି ଆଆଦୁ । ୩୩ ଏନିକି ନାନୁ ଜିକେଏ ଜାହାରାତାକି ଅଣ୍ଠାଆନା ହାରେକା ଲକୁତି ଗେଲ୍ପି ଆୟାଲିତାକି ଏଝାରି ନେହାଣି ଅଣ୍ଠାପିମାଇଁ, ଅଡ଼େ ବାରେ କାତାତା ବାରେ ଜାଣାଇଁ ରାହାଁ କିୟାଲି ଅଣ୍ଠାପିମାଇଁ ।

୧୧

୧ *ନାନୁ ଏନିକି କ୍ରୀସ୍ତ କିତିଲେହେଁ କାମା କିହିମାଇଁ, ମୀରୁ ଜିକେଏ ନାନୁ କିହିମାନି ଲେହେଁ କିଦୁ ।

ପ୍ରାତାନା କିନାଟି ତାୟୁଁ ପୁକ୍ନାୟି

୨ ନାନୁ ମିଜେ ଗାଝୁରମି କିହିମାଞ୍ଜାଇଁ ଏନାଆଁତାକି ଇଟିହୁ ମୀରୁ ନାଜେ ବାରେବେଲା ଅଣ୍ଠାପିମାଞ୍ଜାଦେରି ଅଡ଼େ ନାନୁ ଆମିନି ମେରା ହାହାମାଞ୍ଜାଇଁ, ଏଦାଆଁ ବାରେ ମାନୁଝି ଆହିମାଞ୍ଜେରି । ୩ ସାମା କ୍ରୀସ୍ତ ବାରେ ଆବାୟାଁ ତାୟୁଁ ଚୁଲହେଁ ଅଡ଼େ ଆବା ଇୟାନି ତାୟୁଁ ଚୁଲହେଁ ଇଜ୍ଜା ମାହାପୁରୁ କ୍ରୀସ୍ତତି ତାୟୁଁ ଚୁଲହେଁ, ଇଦାଆଁ ମୀରୁ ପୁଷ୍ଟି ଇଜ୍ଜା ନା ଅଣ୍ଠାପୁ । ୪ ଆମିନି ଆବା ତାନି ତାୟୁଁ ପୁକ୍ନାୟି ପ୍ରାତାନା କିନେସି, ତାୟୁଁ ଆନି କାତା ଖେହ୍ନେସି, ଏଝାସି ତାନି ତାୟୁଁ ତୁ ହାଣି ପାଣ୍ଡପି କିନେସି । ୫ ସାମା ଆମିନି ଆୟାଟି ତାନି ତାୟୁଁ ପୁଗାଆନା ପ୍ରାତାନା କିନେ ଅଡ଼େ ମାହାପୁରୁ ଅଣ୍ଠାପୁତି ବଲୁ ଝେକନେ ଏଦି ତାନି ତାୟୁଁ ତୁ

ଲାଜା ପାଣ୍ଡପି କିନେ ଇଟିହୁଁ ତାନି ତାୟୁଁ ହିଣ୍ଡପି ଆଡ଼ି ଇୟା ସମାନା । ୬ ଇଟିହୁଁ ତାୟୁଁ ପୁଗାଆଗାଟି ଆୟାଟି ତାନି ତାୟୁଁ ବୁଣାୟାଁ ରାଡ଼ହା କତାପେ; ଇଟିହୁଁ ଇୟାନାକି ତାୟୁଁ ରୁଡ଼ନାୟି କି ହିଣ୍ଡନାୟି ଲାଜାତି କାତା ଆତିହୁଁ ଏଦି ତାୟୁଁ ପୁଗାପେ । ୭ ଆବା ମାହାପୁରୁତି ଝାଣା ଇଜ୍ଜା ଗାଝୁରମି ଲେହେଁ ଆଡ଼ାକି ତାନି ତାୟୁଁ ତୁ ପୁକ୍ନାୟି ଲଡ଼ା ହିଲେଏ, ସାମା ଇୟା ଆବାଟି ଗାଝୁରମି ଲେହେଁ । ୮ ଇଟିହୁଁ ଆବା ଇୟାନି ତାଣାଟି ଗାଡ଼ି ଆହାହିଲଅସି ସାମା ଇୟା ଆବା ତାଣାଟି ଗାଡ଼ି ଆହାମାନେ । ୯ ଅଡ଼େ ଇୟା କି ଆବା ଗାଡ଼ି ଆହାହିଲଅସି ସାମା ଆବାକି ଇୟା ଗାଡ଼ି ଆହାମାନେ । ୧୦ ଏଦାଆଁତାକି ଦୂତୁୟାଁ ତାକି ତକ୍ତି ତାନି ତକ୍ତି ଅଦିକାରାଟି ସିନାଲେହେଁ ତାୟୁଁ ତୁ ପୁକ୍ନାୟି କତାପେ । ୧୧ ଆଡ଼ିଜିକେଏ ପ୍ରବୁ ତାଣା ଆବା ତାଣାଟି ଆୟାଟି କାଜାୟି ଆଏ, ସାମା ଇୟା ତାଣାଟି ଆବା କାଜାସି ଆଏ, ୧୨ ଇଟିହୁଁ ଆୟାଟି ଏନିକି ଆବା ତାଣାଟି ଗାଡ଼ି ଆହାମାନେ । ଏଲେକିହୁଁ ଏ ଆବା ଜିକେଏ ଇୟା ତାଣାଟି ଗାଡ଼ି ଆହାମାନେସି, ସାମା ବାରେ ମାହାପୁରୁ ତାଣାଟି ଗାଡ଼ି ଆହାମାନେ ।

୧୩ ମୀରୁ ମୀରୁଏ ବିଚାରା କିହାଁ କତାଦୁ, ତାୟୁଁ ପୁଗାଆନା ମାହାପୁରୁ ନକିତା ପ୍ରାତାନା କିନାୟି ଇୟାନାକି ନେହେଁ କି ? ୧୪ ମାଣକି ମାଜେ ଖେସିମାଞ୍ଜାନେ ଆବା ଲାମ୍ବା ତାୟୁଁ ବୁଣାଁ ପିହ୍ନାୟି ତାଜେତାକି ଲାଜାତି କାତା । ୧୫ ସାମା ଆୟାଟି ଲାମ୍ବା ତାୟୁଁ ବୁଣାୟାଁ ପିସ୍ତି ସାରେ ତାଜେତାକି ଗାଝୁରମି ସମାନା, ଇଟିହୁଁ ତାୟୁଁ ପୁକ୍ନାୟି ଆୟାଲି ଇୟାନାକି ଲାମ୍ବା ତାୟୁଁ ବୁଣାୟାଁ ହାପକି ଆହାମାନେ । ୧୬ ସାମା ଆମ୍ବାଆସି ଏ କାତାତାକି ବାଦିବାଦା କିହାଲି ଅଣ୍ଠାପିତିହୁଁ ଏଝାସି ପୁନାପେସି, ମାଜେ ଇଲେତି ମେରା ହିଲେଏ, ଇଜ୍ଜା ମାହାପୁରୁ କୁଲମିତା ଜିକେଏ ହିଲେଏ ।

ପ୍ରବୁତି ବକ୍ତି

୧୭ ସାମା ମୀ ଆଣୁଝି ଆନାୟି ନେହାୟି ଆଆନା ସାମା ଲାଗେଏ ପଲେଏତାୟି ଆହିମାନେ, ଏଦାଆଁତାକି ମିଜେ ନେହାଁତେରି ଇଜ୍ଜାଲି ଆତାଆନା ଇ ହୁକୁମି ହାହାମାଞ୍ଜାଇଁ । ୧୮ ଏନାଆଁତାକି ଇଟିହୁଁ ନାନୁ ତଲିଏ ଝେଞ୍ଜିମାଇଁ, କୁଲମି ଲେହେଁ ରୁଣ୍ଡା ଆନାଟି, ମୀ ବିତ୍ରା ଗତି ଗତି ଆହିମାଞ୍ଜେରି, ଇଜ୍ଜା ଇ କାତା ବିତ୍ରା ଏତେକା ସାତା ଇଜ୍ଜା ନାନୁ ନାମିମାଇଁ । ୧୯ ଏନିକି ମୀ ବିତ୍ରାଟି ଆମ୍ବାଆରି ସାତା ତାୟିପାରିତା ଜୀଣା ଆତାରି ଏ ତଞ୍ଜାଆନେରି, ଏଦାଣିତାକି ମୀ ବିତ୍ରା ଗତି ଗତି ଆନାୟି ପିଟଝି ଆଏ । ୨୦ ଏଚେତା ମୀରୁ କୁଲମିତା ରୁଣ୍ଡା ଆଦେରି, “ଏଦି ପ୍ରବୁତି ବକ୍ତି ଆଏ,” ୨୧ ଏନାଆଁତାକି ଇଟିହୁଁ ବକ୍ତି ତିନାଟି, ରଅସି ଅଡ଼େ ରଅଣାଇଁ କାଆନା ତାନି ରାନ୍ଦା ତିନେରି, ଏଦାଆଁତାକି ରଅସି ହାକିଟି ମାନାଟି ଅଡ଼େ ରଅସି ହଚାହାଁ ତୟିମାନେସି । ୨୨ ଏନାଆଁ ମିଜେ ତିଜା ଉଣ୍ଡାଲି ଇଲକା ହିଲାଉ ? ମୀରୁ ଏନାଆଁ ମାହାପୁରୁ

☆ ୧୧:୧ ୧୧:୧ ୧କର ୪:୧୭; ପିଲିପି ୩:୧୭

କୁଲମିତି ମାନସି ଆହି ହିଲଅତେରି, ଅଡ଼େ ଆମ୍ବାଆରାକି ହିଲାଉ ଏଞ୍ଜରାଉଁ ଲାଜା କିହିମାଞ୍ଜେରି, ନାନୁ ମିଙ୍ଗେ ଏନାଆଁ ଝେସ୍ତାଇଁ ? ମିଙ୍ଗେ ଏନିକ୍ଟି ଗାଞ୍ଜୁରମି କିୟାଇଁ ? ଇଦାଆଁତାକି ମିଙ୍ଗେ ଗାଞ୍ଜୁରମି କିହିମାଞ୍ଜିଅଁ ।

୨୩ ଇଚିହିଁ ନାନୁ ପ୍ରବୁ ତାଣାଟି ବେଟାଆହାମାନି ଜାପନାଣି ମିଙ୍ଗେ ଜାପୁହି ମାଞ୍ଜାଇଁ, ଏଦି ଇଦି ପ୍ରବୁ ଜୀସୁ ସାତୁୟାଁ କେୟୁତା ହେରପିଆଡ଼ି ଲାଆଁୟାଁ ରୁଟି ଅହାନା, ମାହାପୁରୁଇଁ ଜହରା କିହାନା, ଏଦାଆଁ ଡିକ୍‌ହାନା ଏଲେଇଚେସି, ୨୪ ଇଦି ମିଙ୍ଗେତାକି ନା ଆଙ୍ଗା; ନାଙ୍ଗେ ଅଣ୍ଟାଲିତାକି ଇଦାଆଁ କିଦୁ । ୨୫ ଏଲେକିହିଁ ଏ ତିଟି ତାୟୁ ଗହନି ସଲ୍ଲା ଅହାନା ଏଲେଇଚେସି, ଇ ସଲ୍ଲା ନା ନେତେରିତା ତାରିକିତି ପୁଠନି ରାଜିମାନା; ମୀରୁ ଇ ସଲ୍ଲାଟି ଏଚର ଦେବା ଗହଦେରି ଏଚର ଦେବା ନାଙ୍ଗେ ଅଣ୍ଟାଲିତାକି କିଦୁ । ୨୬ ଇଚିହିଁ ଏଚର ଦେବା ମୀରୁ ଇ ରୁଟି ତିଞ୍ଜେରି ଅଡ଼େ ଇ ସଲ୍ଲାଟି ଗହଦେରି, ଏଚର ଦେବା ମୀରୁ ପ୍ରବୁଟି ଖାନ୍ତି ଦିନା ପାତେକା ତାନି ହାକିତି କାରୁ ଝେକ୍‌ଦେରି ।

୨୭ ଇଚିହିଁ ଆମ୍ବାଆସି ଜଗେ ଆଆନା ପ୍ରବୁ ବଜିତି ରୁଟି ତିନେସି ଅଡ଼େ ଇ ସଲ୍ଲାଟି ଗହନେସି, ଏଞ୍ଜାସି ପ୍ରବୁଟି ଆଙ୍ଗା ଅଡ଼େ ନେତେରିତି ଦାୟି ଆନେସି । ୨୮ ଏଦାଆଁତାକି ମାଣସି ତଲିଏ ତାନୁଏ ତାଙ୍ଗେ ତାୟିପାରି କିହାଁ କତାହାଁ ଇ ରୁଟି ତିଣ୍ଟେସି ଅଡ଼େ ଇ ଗହନି ସଲ୍ଲାଟି ଗସପେସି । ୨୯ ଇଚିହିଁ ଆମ୍ବାଆସି ପ୍ରବୁଟି ଆଙ୍ଗାଟି ଏନାୟି ଇଞ୍ଜି ଅଣ୍ଟାଆନା ତିନେସି ଅଡ଼େ ଗହନେସି ଏଞ୍ଜାସି ତାନି ମୁହେଁ ତଣ୍ଟ ବେଟାଆହାଲି ତିନେସି ଅଡ଼େ ଗହନେସି । ୩୦ ଏଦାଆଁତାକି ମୀ ବିତ୍ରାଟି ହାରେକା ଲକୁ ବାଡ଼ୁୟୁ ହିଲାଆଗାଟାତେରି ଇଞ୍ଜା ହାରେକା ଲକୁ ନଫେରି ଗାଟାରି ଅଡ଼େ ହାରେକା ଜାଣା ହାହା ହାଜାମାନେରି । ୩୧ ସାମା ମାର ତଲିଏ ଜାହା ଜାହାରାଉଁ ତାୟିପାରି କିତିହିଁ ମା ମାହାପୁରୁ ମାଙ୍ଗେ ବିଚାରା କିୟାଆତେସିମା । ୩୨ ଅଡ଼େ ଦାରୁତି ତଲେ ଏନିକ୍ଟି ମାର ତଣ୍ଟ ପୁଞ୍ଜାଆୟି, ଏଦାଆଁତାକି ପ୍ରବୁଟି ତାଣା ବିଚାରା କିଞ୍ଜି ଆହାଁ ସାସ୍ତି ବେଟାଆହି ମାନାୟି । ୩୩ ଏଦାଆଁତାକି ନା ତାୟିୟାଁ, ମୀରୁ ପ୍ରବୁଟି ବଜି ତିଞ୍ଜାଲି ତାକି ରୁଣ୍ଡା ଆନାଟି ମୀରୁ ରଅତେରି ରଅଣାଇଁ କାଦୁ । ୩୪ ମୀରୁ ରୁଣ୍ଡା ଆନାୟି ଏନିକ୍ଟି ମାହାପୁରୁଟି ତଣ୍ଟ ବେଟାଆହାଲି ଆଏ, ଏଦାଆଁତାକି ଆମ୍ବାଆସି ହାକି ଆହାମାନେସି ଏଞ୍ଜାସି ତାନି ଇଜ ତିନାପେସି, ଅଡ଼େ ଆଗାଡ଼ା ଝେସ୍ତାନି କାତା ନାନୁ ଖାଡ଼ିସାରେ ତେଲୁହି କିୟାଇଁ ।

୧୨

ସୁଦୁଜୀଞ୍ଜୁତି ଦାନା

୧ ତାୟିୟାଁ ଅଡ଼େ ତାଙ୍ଗିସ୍ତାତେରି ସୁଦୁଜୀଞ୍ଜୁ ଦାନାତି କାତା ମୀରୁ ନେହିଁ କି ପୁଞ୍ଜୁ ଇଞ୍ଜି ନାନୁ ଅଣ୍ଟିମାଇଁ । ୨ ମୀରୁ ପୁଞ୍ଜାମାଞ୍ଜେରି, ଏଚିବେଲା ମୀରୁ ଜୀହୁଦିଆଆତାତେରି ମାଚେରି, ଏଡ଼େତା ଏନିକ୍ଟି ସାଲ୍‌ଞ୍ଜି ଆହିମାଚେରି,

ଏଲେକିହିଁ ଏ ନାଡ଼ିକିଞ୍ଜି ଆହାନା ଜୀଞ୍ଜୁ ହିଲାଆଗାଟି ପେଣ୍ଡାକା ବମାୟାଁତି ଜେଟ ହାଜିମାଚେରି । ୩ ଏଦାଆଁତାକି ନାନୁ ମିଙ୍ଗେ ଝେସିମାଞ୍ଜାଇଁ, ମାହାପୁରୁଟି ସୁଦୁଜୀଞ୍ଜୁ ତଲେ ସାଲ୍‌ଞ୍ଜି ଆହାନା ଆମ୍ବାଆସି ଜିକେଏ ଜୀସୁଇଁ ବାକା ଇଟାଲି ଆଡ଼ଅସି, ଅଡ଼େ ଆମ୍ବାଆସି ସୁଦୁଜୀଞ୍ଜୁ ପୁଞ୍ଜାଆତାସି ଜୀସୁଇଁ ପ୍ରବୁ ଇଞ୍ଜି ଝେସାଲି ଆଡ଼ଅସି ।

୪ *ସୁଦୁଜୀଞ୍ଜୁ ହାନି ଦାନା ଏଟକା ଏଟକାତାୟି ସାମା ଏ ରଣ୍ଡିଏ ସୁଦୁଜୀଞ୍ଜୁ । ୫ ସେବା ଏଟକା ଏଟକାତାୟି ସାମା ପ୍ରବୁ ରଅସିଏ । ୬ କାମା କିନି ବାଡ଼ୁୟୁ ଏଟକା ଏଟକାତାୟି ସାମା ମାହାପୁରୁ ରଅସିଏ, ଏଞ୍ଜାସି ବାରେ ତାଣା ବାରେ କାମା କିନେସି । ୭ ସାମା ବାରେ ଜାଣାତାତି ସୁଦୁଜୀଞ୍ଜୁଟି ଗୁଣ୍ଡୁ ତହୁନି ଦାନା ବାରେ ଲକୁତି ନେହେଁତାକି ହୀପକିଆନେ । ୮ ରଅଣାକି ସୁଦୁଜୀଞ୍ଜୁ ତଲେ ବୁଦିତି କାରୁ ଝେସାଲି ହାନେ, ଅଡ଼େ ରଅଣାକି ଏ ସୁଦୁଜୀଞ୍ଜୁ ତଲେ ବୁଦିତିକାତା ଜାପୁହାଲି ହାନେ, ୯ ଅଡ଼େ ରଅଣାକି ଏ ସୁଦୁଜୀଞ୍ଜୁ ତଲେ ନାମାଲି, ଅଡ଼େ ରଅଣାକି ଏ ରଣ୍ଡିଏ ଜୀଞ୍ଜୁଟି ଦାନା ତଲେ ରଗଟି ନେହିଁ କିୟାଲି ବାଡ଼ୁୟୁ ହାନେ, ୧୦ ରଅଣାକି କାବାଆନି ବାଡ଼ୁୟୁଟି କାମାୟାଁ କିୟାଲି, ଅଡ଼େ ରଅଣାକି ମାହାପୁରୁ ଅଣ୍ଟାପୁଟି କାତା ଝେକ୍‌ହାଲି, ଅଡ଼େ ରଅଣାକି ଏଟକା ଏଟକାଟି ଜୀଞ୍ଜୁୟାଁଇଁ ପୁଞ୍ଜାଲି ଆଡ଼ିନି ବାଡ଼ୁୟୁ, ଅଡ଼େ ରଅଣାକି ପୁନାଆତି ପୁଠନି ହାଡ଼ା ଜଲାଲି, ଅଡ଼େ ଏଟକାତାରାକି ପୁନାଆତି ହାଡ଼ାତି ଅର୍ଡ ପୁଣ୍ଡିକିନି ବାଡ଼ୁୟୁଟି ଦାନା ହୀପକିଆନେ । ୧୧ ସାମା ଏ ରଣ୍ଡିଏ ଜୀଞ୍ଜୁ ତାନି ମନ କିତିଲେହେଁ ବାରେଜାଣାତି ଏଟକା ଏଟକାଟି ଦାନା ହୀହାନା ଇ ବାରେ କାମା କିହିମାନେ ।

ରଣ୍ଡିଏ ଆଙ୍ଗାଟି ଆଙ୍ଗା ଉଡ଼େଲି

୧୨ *ଇଚିହିଁ ଏନିକ୍ଟି ଆଙ୍ଗା ରଣ୍ଡିଏ, ଅଡ଼େ ଆଙ୍ଗାଟି ଏଟକା ଏଟକା ବାଗାୟାଁ ମାନୁ, ସାମା ଆଙ୍ଗାଟି ବାଗାୟାଁ ହାରେକା ଆଡ଼ିଜିକେଏ ରଣ୍ଡିଏ ଆଙ୍ଗା ଆନେ, ଏଲେକିହିଁ ଏ କ୍ରୀସୁ ।

୧୩ ଇଚିହିଁ ମାର ଜୀହୁଦି କି ଜୀହୁଦିଆଆତି ଜିକେଏ, ହଲେଏସି ଆପେସି ହଲେଏସି ଆଆପେସି, ବାରେତାୟି ରଣ୍ଡିଏ ଜୀଞ୍ଜୁତଲେ ରଣ୍ଡିଏ ଆଙ୍ଗା ଆହାଲି ବାପ୍ତିସ୍ମ* ଆହାମାନାୟି; ଅଡ଼େ ବାରେତାୟି ରଣ୍ଡିଏ ଜୀଞ୍ଜୁତଲେ ଗସି ମାନାୟି ।

୧୪ ଏଦାଆଁତାକି ଆଙ୍ଗା ରଣ୍ଡିଏ ବାଗା ଆଏ, ସାମା ଆଙ୍ଗାଟି ଏଟକା ଏଟକା ବାଗାୟାଁ ଆଣ୍ଡାନା ର ଆଙ୍ଗା ଆହାମାନେ । ୧୫ କତା ଏଲେଇନେ ନାନୁ କେୟୁତେଏଁ ଆଏ, ଏଦି ଆଙ୍ଗାଟି ବାଗା ଆଏ, ଏଦାଆଁତାକି ଏଦି ଆଙ୍ଗାଟି ବାଗା ଆଏ ଏଲେକିହିଁ ଆଏ । ୧୬ ଅଡ଼େ କିୟାଁ ଏଲେଇନେ ନାନୁ କାନୁ ଆଏ, ଏଦି ଆଙ୍ଗାଟି ବାଗା ଆଏ, ଏଦାଆଁତାକି ଏଦି ଆଙ୍ଗାଟି ବାଗା ଆଏ ଏଲେକିହିଁ ଆଏ । ୧୭ ବାରେ ଆଙ୍ଗା କାଣ୍ଡକା ଆନୁ, ଆତିହିଁ ଏନିକ୍ଟି ଝେନାୟି ? ବାରେ ଆଙ୍ଗା କୀର୍କା ଆନୁ ଆତିହିଁ ଆନୁଟି ମୁଞ୍ଜନାୟି ? ୧୮ ସାମା

* ୧୨:୪ ୧୨:୪ ରମି ୧୨:୨-୮ * ୧୨:୧୨ ୧୨:୧୨ ରମି ୧୨:୪,୫ * ୧୨:୧୩ ୧୨:୧୩ ମୁଞ୍ଜନାୟି

ମାହାପୁରୁ ଆଜ୍ଞା ଉଡେଲିକି ରଣ୍ଡା ରଣ୍ଡାଆଁ କିହିଁ ତାନି ମନତଲେ ଆଜ୍ଞାତା ଆବହାମାନେସି । ୧୯ ଅଡେ ଏ ବାରେ ଆଜ୍ଞାତି ରଣ୍ଡିଏ ବାଗା ଆଡିହିଁମା ଆଡିହିଁ ଆଜ୍ଞା ଆମ୍ବିୟା ? ୨୦ ସାମା ସାତେଏ ଆଜ୍ଞାତି ବାଗାୟାଁ ହାରେକା, ସାମା ଆଜ୍ଞା ରଣ୍ଡିଏ ।

୨୧ ନୀ ତାଣା ନାଜେ ଲଡା ହିଲେଏ ଇଞ୍ଜିଁ କାନୁ କେୟୁତି ଏଲେଇଞ୍ଜାଲି ଆଡେଏ, ଇଞ୍ଜା ନୀ ତାଣା ନା ଲଡା ହିଲେଏ ଇଞ୍ଜିଁ ତାୟୁଁ କୁଡାତି ଏଲେଇଞ୍ଜାଲି ଆଡେଏ । ୨୨ ଅରଞ୍ଜାକି ଆଜ୍ଞାତି ଆମିନି ଆଜ୍ଞା ଉଡେଲି ବାଡୁୟୁ ହିଲାଆଗାଗାଇ ଇଞ୍ଜିଁ ପୁଡିହିଁ ଜିକେଏ ଏଞ୍ଜି ବାରେ ଲଡାତା ମାନୁ; ୨୩ ଅଡେ ଆଜ୍ଞାତି ଆମିନି ଆଜ୍ଞା ଉଡେଲି ଲଡାହିଲାଆ ଗାଗାଇ ଇଞ୍ଜିଁ ଅଣ୍ପିନାୟି, ଏ ବାରେ ଆଜ୍ଞାତି ଆଜ୍ଞା ଉଡେଲିକାଇଁ ମାର ହାରେକା ଜାଡୁନୁ କିନାୟି; ଅଡେ ମା ଲଡାହିଲାଆ ଆଜ୍ଞା ଉଡେଲି ହାରେକା ନେହିଁ ତଞ୍ଜିକିୟାନୁ, ୨୪ ସାମା ମା ଅଜିତି ଆଜ୍ଞା ଉଡେଲି ନେହିଁ କିଁ ତଞ୍ଜା ଆନାୟି ଲଡା ଆଏ, ୨୫ ସାମା ଏନିକିଁ ଆଜ୍ଞାତି ବିତ୍ରା ଗଡହା ଆଏ, ଇଞ୍ଜା ଆଜ୍ଞାତି ବାଗାୟାଁ ସମାନା ତଲେ ବାରେଜାଣାତି ନେହାଁଣି ଅଣ୍ପିନୁ । ଏଦାଆଁତାକି ଲଡାହିଲାଆ ଆଜ୍ଞାତି ହାରେକା ଅଜି କିହାନା ମାହାପୁରୁ ଜାରୁ କିହାମାନେସି । ୨୬ ଏଦାଆଁତାକି ର ଆଜ୍ଞା କସ୍ତ୍ର ବେଟାଆଡିସାରେ ବାରେ ଆଜ୍ଞା ତାନିତଲେ ବୁକୁ କିନୁ, ସାମା ର ଆଜ୍ଞା ଗାଞ୍ଜୁରମି ବେଟାଆଡିସାରେ ବାରେ ଆଜ୍ଞା ତାନିତଲେ ରାହାଁ କିନୁ ।

୨୭ ଏଲେକିହିଁଏ ମୀରୁ କ୍ରୀସ୍ତତି ଆଜ୍ଞାତି ବାଗାୟାଁତେରି, ଅଡେ ର ର ଲକୁ ର ର ଆଜ୍ଞାତି ବାଗାୟାଁ ଲେହେଁ । ୨୮ ଅଡେ ମାହାପୁରୁ କୁଲମିତା ତଲିଏ ପାଣ୍ଡି ଆଡାରାଇଁ, ଇଞ୍ଜା ତାୟୁ ମାହାପୁରୁ ଅଣ୍ପୁତି ବଲୁ ଝେହ୍ନରାଇଁ, ତାୟୁ ଜାପୁନରାଇଁ, ଏଲେକିହିଁ ହାରେକା ଲକୁଣି ନିପୁହାମାନେସି; ଅଡେ କାବାଆନି କାମା କିନାରାଇଁ, ତାୟୁ ରଗଟି ନେହିଁ କିନାରାଇଁ, ଇଞ୍ଜା ଲକୁଇଁ ସାୟେମି କିନାୟି, ସାଲୁକି କିନାରି ବାଡୁୟୁ ଅଡେ ଏଡକାତି ପୁନାଆତି ହାଡା ଜଲିନି ଦାନା ହାହାମାନେସି । ୨୯ ବାରେଜାଣା କି ପାଣ୍ଡି ଆହାମାନାରି ? ବାରେଜାଣା କି ମାହାପୁରୁ ଅଣ୍ପୁତି ବଲୁ ଝେହ୍ନାରି ? ବାରେଜାଣା କି ଜାପୁନାରି ? ବାରେଜାଣା କି କାବାଆନି କାମାକିନାରି ? ୩୦ ବାରେଜାଣା କି ନେହିଁ କିନି ବାଡୁୟୁତି ଦାନା ବେଟା ଆହାମାନାରି ? ବାରେ ଜାଣାକି ଏଡକା ହାଡାତଲେ ଜଲିନେରି ? ବାରେଜାଣା କି ଏଡକା ହାଡାତି ଅଡ଼ ଝେହ୍ନେରି ? ୩୧ ସାମା ବାରେତେରି ନେହିଁ ଦାନା ବେଟାଆହାଲି ଅଣ୍ପାଦୁ, ସାମା ଏ ବାରେକିହିଁ ଅଡ଼ ହାରେକା ଆଗାଡା ମାନି ର ନେହିଁ ଜିରୁ ତସିମାଞ୍ଜାଇ ।

୧ ଇତିହିଁ ନାନୁ ମାଣ୍ଡିୟାଁ ଅଡେ ଦୁଡୁୟାଁ ହାଡାତଲେ ଜଲିକି, ସାମା ନା ଜୀଞ୍ଜୁନନାୟି ହିଲେଏ, ଆଡିହିଁ ନାନୁ ଟିଣି ଟିଣି ଆନି ଜିଣାଜା ଅଡେ ଟାପୁଡ଼ି ଝେନି ହାଡାଲେହେଁ ତାତେଏ । ୨ ଇତିହିଁ ନାନୁ ମାହାପୁରୁ ଅଣ୍ପୁତି ବଲୁ ଝେହ୍ନି ବାଡୁୟୁ ମାନେ, ଅଡେ ବାରେ ଡଗୁମାନାଣି ଇଞ୍ଜା ବୁଦିତିକାତା ପୁନାତେଏ, ଅଡେ ହରୁଇଁ ଏଡକା ଗୁଟି କିହାଲି ନାଜେ ହାରେକା ନାମୁ ମାତି ଜିକେଏ, ସାମା ନା ତାଣା ଜୀଞ୍ଜୁନନାୟି ହିଲେଏ, ଆଡିହିଁ ନାନୁ ଏନାତେଏ ଆଏ । ୩ ଇତିହିଁ ନାନୁ ହିଲାଆଗାଟି ଲକୁଡାକି ତିଞ୍ଜାଲି ବାରେ ଦନ ହାଇଁ, ଅଡେ ନାନୁ ନା ଆଜ୍ଞାତି ଝେହାଲି ତାକି ହେରପିଇଁ, ସାମା ନା ତାଣା ଜୀଞ୍ଜୁନନାୟି ହିଲେଏ ଇତିହିଁ ନାଡି ଏନି ଲାବା ଆଏ ।

୪ ଜୀଞ୍ଜୁନନାୟି ଅରହିନାୟି, ଜୀଞ୍ଜୁନନାୟି ନେହାଁଣି ଅଣ୍ପିନାୟି, ତାହାରା କିଆଗାଗାୟି, ବଡପଣ ଆଆଗାଗାୟି, ଆଜ୍ଞାରା କିଆଗାଗାୟି । ୫ ଲାଗେଏ କିହିଁ ଲେଗେଏ, ଜାହାରା ତାକି ଅଣ୍ପେଏ, ବିରିବିରା ଆଏ, ଲାଗେଏ କିହାଲି ଅଣ୍ପୁତା ଇଚେଏ । ୬ ଲାଗେଏତି କାମାତାକି ରାହାଁ ଆଆଗାଗାୟି, ସାମା ସାତାତା ରାହାଁ କିନାୟି; ୭ ଜୀଞ୍ଜୁ ନନିତାଣା ବାରେ ଅରହିନାୟି, ବାରେ ତାଣା ନାମିନାୟି, ବାରେ ତାଣା ବାର୍ସୁ ହାନାୟି, ବାରେ କାତାତା ସାସା ଆହନାୟି ।

୮ ଜୀଞ୍ଜୁନନାୟି ଏଚେଲା ରାଏ; ସାମା ମାହାପୁରୁ ଅଣ୍ପୁତି ବଲୁ ଝେକହା ମାନାୟି, ଦିନା ଝାଡିସାରେ ମିଟି ଜିକେଏ ଆନେ; ଏଡକା ଏଡକା ଜଲିନି ହାଡା ମାତି ଜିକେଏ ଏଡି ର ଦିନା ସାପି ଆନେ; ବୁଦିତିକାତା ମାତି ଜିକେଏ ଏଡି ମେଣ୍ଡାଜାହାନେ । ୯ ଇତିହିଁ ମାର ରଚାଣିଏ ପୁନାୟି ଅଡେ ମାହାପୁରୁ ଅଣ୍ପୁତି ବଲୁ ଇଚେକେଏ ଝେକହାଲି ଆଡିନାୟି । ୧୦ ସାମା ପୁରା ଆନାୟି ଝାଡିହିଁ ଉଜେଏତାୟି ମେଣ୍ଡାଜାହାନେ ।

୧୧ ନାନୁ ଉଣା ମାତିବେଲା ଉଣା କକାରି ଲେହେଁ ଜଲି ମାତେଏ, ଉଣା କକାରି ଲେହେଁ ଅଣ୍ପିମାତେଏ, ଉଣା କକାରି ଲେହେଁ ପୁଞ୍ଜିମାତେଏ; ନାନୁ ପାତାଆଡି ମାଣ୍ଡି ଆୟାଲିଏ ନାନୁ ଉଣା କକାରି କାତା ପିସାଡୁସ୍ତେଏ । ୧୨ ଇତିହିଁ ନୀଏ ମାର ଡଗୁମାନି କାତା ଲେହେଁତି ଦାପେଣିତା ମେସିମାନାୟି, ସାମା ଏଚିବେଲା ମୁମୁ ମୁମୁଡୁ ମେସପି ଆନାୟି; ନୀଏ ନାନୁ ଏନିକିଁ ପୁଞ୍ଜାମାଇଁ, ସାମା ଏଚିବେଲା ନାଜେ ଏନିକିଁ ପୁଞ୍ଜାମାଞ୍ଜାନେସି, ନାନୁ ଜିକେଏ ଏଲେକିଁ ତାୟୁ ପୁଇଁ ।

୧୩ ଏଦାଆଁତାକି ନାମିନାୟି, ଆସା କିନାୟି, ଜୀଞ୍ଜୁନନାୟି, ଇ ତାନିଗଟା କାଲେଏତାଇ, ସାମା ଇ ବିତ୍ରାଟି ଜୀଞ୍ଜୁନନାୟି ବାରେକିହିଁ କାଜାୟି ।

୧୩

୧୪

ଜୀଞ୍ଜୁନନାୟି

ମାହାପୁରୁ ଜୀଞ୍ଜୁତି କାତା ପୁନାୟି

☆ ୧୨:୨୮ ୧୨:୨୮ ଏପିସି ୪:୧୧ ☆ ୧୩:୨ ୧୩:୨ ମାତି ୧୭:୨୦; ୨୧:୨୧; ମାର୍ଚ୍ଚ ୧୧:୨୩

୧ ଜୀଝୁ ନନାଣି ପାରାଦୁ, ଅଡ଼େ ସୁଦୁଜୀଝୁତି ଦାନା ବେଟାଆହାଲି ବାରେତି କିହାଁ ଏନିକିଁ ମାହାପୁରୁ ଅଣ୍ପୁତି ବଲୁ ଝେକହାଲି ଆଡ଼ିଦେରି, ଇଦାଆଁତାକି ହାରେକା ଅଣ୍ପାଦୁ । ୨ ଇତିହିଁ ଆମ୍ବାଆସି ଏଟକା ଏଟକାତି ହାଡ଼ାତଲେ ଜଲିନେସି, ଏଝାସି ମାଣ୍ପିୟାଁଇଁ ଜଲଅସି, ସାମା ମାହାପୁରୁଇଁ ଜଲିନେସି, ଆମ୍ବାଆସି ଏଦାଆଁ ତେଲହଅସି, ସାମା ଏଝାସି ସୁଦୁଜୀଝୁ ବାଡ଼ୁରୁଟି ଡ଼ଗୁମାନାଣି ଝେହନେସି । ୩ ସାମା ଆମ୍ବାଆସି ମାହାପୁରୁ ଅଣ୍ପୁତି ବଲୁ ଝେହନେସି, ଏଝାସି ଲକୁଇଁ ସାଢ଼େମି କିହାନା, ସାସା ଅଡ଼େ ବାସୁତି କାତା ଝେହନେସି । ୪ ଆମ୍ବାଆସି ଏଟକାତି ହାଡ଼ାତଲେ ଜଲିନେସି ଏଝାସି ଜାହାରା ନାମୁତା ପାଡ଼ିକିହାଁ କଡ଼ିନେସି, ସାମା ଆମ୍ବାଆସି ମାହାପୁରୁ ଅଣ୍ପୁତି ବଲୁ ଝେକନେସି ଏଝାସି କୁଲମିଇଁ ନାମୁତା ପାଡ଼ିକିନେସି ।

୫ ମୀରୁ ବାରେତେରି ଏଟକା ହାଡ଼ାତଲେ ଜଲାନୁ ଇଞ୍ଜିଁ ନା ଅଣ୍ପୁ, ସାମା ମୀରୁ ମାହାପୁରୁ ଅଣ୍ପୁତି ବଲୁ ଝେହଦୁ ଇଦି ହାରେକା ନା ଅଣ୍ପୁ; ଆମ୍ବାଆସି ଏଟକା ଏଟକାତି ହାଡ଼ାତଲେ ଜଲିନେସି ଏଝାସି କୁଲମିତି ପାଡ଼ିକିହାଲି ଏ କାତାତି ଅର୍ତ୍ତ ଝେହଅସି ଇତିହିଁ ଏଦାଣିକିହାଁ ଆମ୍ବାଆସି ମାହାପୁରୁ ଅଣ୍ପୁତି ବଲୁ ଝେକନେସି ଏଝାସି କାଜାସି । ୬ ଏଦାଆଁତାକି ତାୟିୟାଁତେରି ନାନୁ ମୀ ତାଣା ଝାହାନା ମାହାପୁରୁଟି ଝେକହି ବଲୁ, ବୁଦିକାତା, ମାହାପୁରୁ ଅଣ୍ପୁତି କାତା ଝେକନାଣି କି ଜାପୁନି କାତା ଝେହଆନା, ଏଟକା ଏଟକାତି ହାଡ଼ାତଲେ ଜଲିଇଁ, ଆତିହିଁ ଏମ୍ବାଆଁ ନାନୁ ମୀ ଏନି ଲାବା କିତେସି ।

୭ ପୀରୁଡ଼ି ଅଡ଼େ ସେରଜିଁ ଲେହେଁତି ଜୀଝୁ ହିଲାଆଗାତି ବାଜାୟାଁ ଉକିତିହିଁ ଜିକେଏ ଏମ୍ବାଆଁ ତାନି ତିସା ହିଏ ଇତିହିଁ ପୀରୁଡ଼ି ଏନିକିଁ ଡ଼ାହିମାନେ ସେରଜିଁ ଏନିକିଁ ଡ଼ାହିମାନେ ଏଦାନି ତିସା ଏନିକିଁ ପୁନେରି ? ୮ ଇଞ୍ଜାଁ ତାଡ଼ି ଉକିନାସି ନେହିଁ କିଁ ଉକଅସି ଆତିହିଁ ଆମ୍ବାଆସି କୁଜୁ ତାକି ତିୟାରା ଆନେସି । ୯ ଏଲେକିହିଁଏ ମୀରୁ ଜିକେଏ ଏଟକା ହାଡ଼ାତଲେ ନେହିଁ ତୀରିତଲେ ଜଲଅତେରି, ମୀରୁ ଏନାଆଁ ଜଲିତେରି ଏନିକିଁ ପୁନେରି, ଇତିହିଁ ମୀରୁ ଜଲିନାୟି ଗାଲିତି ଜଲିନିଲେହେଁ ଆନେ । ୧୦ ଦାର୍ତ୍ତିତା ହାରେକା ତିସା ମାନେ, ଅଡ଼େ ଆମିନି ତିସାତି ଅର୍ତ୍ତ ହିଲାଆଗାଟାଇ ଆଏ । ୧୧ ସାମା ନାନୁ ଏ ଜଲିନି ହାଡ଼ା ତେଲହଅଁ ଆତିହିଁ ଆମ୍ବାଆସି ଜଲିନେସି ନାନୁ ଏଝାଣାକି ପୁନାଆତାତେସିଁ ଲେହେଁ ଆଇଁ, ଅଡ଼େ ଏଝାସି ନା ତାଣାଟି ପୁନାଆତାସି ଲେହେଁ ଆନେସି । ୧୨ ଏଲେକିହିଁଏ ମୀରୁ ଜିକେଏ ଜୀଝୁତି ଦାନା ବେଟାଆହାଲି ଅଣ୍ପି ମାନକି କୁଲମିତି ପାଡ଼ିକିହାଲି ଗାତି ବେଟାଆହାଲି ଅଣ୍ପାଦୁ ।

୧୩ ଆମ୍ବାଆସି ଏଟକାତି ହାଡ଼ାତଲେ ଜଲିନେସି, ଏଝାସି ଏନିକିଁ ଏମ୍ବାତି ଅର୍ତ୍ତ ଝେସାଲି ଆଡ଼ିନେସି, ଏଦାଆଁତାକି ପ୍ରାତାନା କିପେସି । ୧୪ ଇତିହିଁ ନାନୁ ଏଟକା ହାଡ଼ାତଲେ ପ୍ରାତାନା କିଇଁ, ଇତିହିଁ ନା ଜୀଝୁ ପ୍ରାତାନା କିନେ, ସାମା

ନା ଅଣ୍ପୁ ଏମ୍ବାତି ଏନି ଲାବା ହିଲେଏ । ୧୫ ଆତିହିଁ ନାନୁ ଏନାଆଁ କିନାୟିମାନେ, ନାନୁ ସୁଦୁଜୀଝୁ ତଲେ ପ୍ରାତାନା କିଇଁ, ଇଞ୍ଜାଁ ବୁଦିତଲେ ଜିକେଏ ପ୍ରାତାନା କିଇଁ; ସୁଦୁଜୀଝୁ ତଲେ ଜହରା ପାରୁ ପାଡ଼ିଇଁ, ଅଡ଼େ ବୁଦିତଲେ ଜିକେଏ ଜହରା ପାରୁ ପାଡ଼ିଇଁ । ୧୬ ନାନୁ ଝାରୁଇଁ ସୁଦୁଜୀଝୁ ତଲେ ମାହାପୁରୁଇଁ ଜହରା କିଦି, ଏମ୍ବାଆଁ କୁଗାମାନାସି ପୁନାଆନା ଏନିକିଁ ନୀ ପ୍ରାତାନାତା ତାୟି ଆଢ଼େନିଁ ଇନେସି । ୧୭ ଇତିହିଁ ନାନୁ ନେହିଁ କିଁ ମାହାପୁରୁଇଁ ଜହରା କିହିମାଞ୍ଜି ସାତା, ସାମା ଏଟକାତାସି ପାତାଆଅସି ।

୧୮ ନାନୁ ମୀ ବାରେକିହାଁ ହାରେକା ଗାତି ଏଟକାତି ହାଡ଼ାତଲେ ଜଲିଇଁ ଇଞ୍ଜିଁ ନାନୁ ମାହାପୁରୁଇଁ ଜହରା କିହିମାଇଁ; ୧୯ ଆଡ଼ିଜିକେଏ ନାନୁ ଏନିକିଁ ଏଟକାତାରାଇଁ ଜାପୁହାଲି ଆଡ଼ିଇଁ, ଏଦାଆଁତାକି କୁଲମିତା ଦସ ମାଣା ଏଟକାତି କାତାୟାଁ ଜଲିନି କିହାଁ ବୁଦିତଲେ ପାସାଗଟା କାତା ଝେହନାୟି ନେହେଁ ।

୨୦ ଏ ତାୟିୟାଁତେରି ବୁଦିତା ଉଣା କକାରି ଲେହେଁ ଆଆଦୁ, ସାମା ଲାଗେଏ ପଲେଏ କାତାତାକି ଉଣା କକାରି ଲେହେଁ ଆଦୁ, ସାମା ବୁଦିତା ଅଡ଼େ ଅଣ୍ପୁତା ପାତାଆଡ଼ି ଲକୁଲେହେଁଆଦୁ । ୨୧ ମସା ମେରାତା ରାସ୍ତିକି ଆହାମାନେ, “ପ୍ରବୁ ଏଲେ ଇଞ୍ଜିମାନେସି, ଏଟକା ଦେସାତି ଜଲିମାନି ହାଡ଼ାତଲେ, ଏଟକା ଲକୁତି ଗୁତି ତଲେ

ନାନୁ ଇ ଲକୁଣି ଜଲିଇଁ,

ଆଡ଼ିଜିକେଏ ଏଝାରି ନା କାତା ଝେନଅରି ।”

୨୨ ଏଦାଆଁତାକି ଏଟକା ହାଡ଼ାତଲେ ଜଲିନାୟି ନାନୁ ଗାଟାରାକି ର ସିନାଲେହେଁ ଆଏ, ସାମା ନାମାଆ ଗାଟାରାକି ସିନା ସମାନା; ଅଡ଼େ ଅରଝାକି ମାହାପୁରୁ ଅଣ୍ପୁତି ବଲୁ ଝେକନାୟି ନାମାଆ ଗାଟାରାକି ସିନାଲେହେଁ ଆଏ, ସାମା ନାମିନାରାକି ସିନା ସମାନା ।

୨୩ ଅଡ଼େ ଜିକେଏ ବାରେ କୁଲମିତି ଲକୁ ରୁଣ୍ଡା ଆତିହିଁ, ଇଞ୍ଜାଁ ବାରେଜାଣା ଏଟକା ଏଟକା ହାଡ଼ାତଲେ ଜଲିନେରି, ଅଡ଼େ ପୁନାଆତାରି କି ନାମାଆତାରି ଏମ୍ବାଆଁ ଝାନ୍ନେରି, ଆତିହିଁ ମିଙ୍ଗେ ବାୟା ଆତାରି ଇଞ୍ଜିଁ ଇନଅରି କି ? ୨୪ ସାମା ବାରେଜାଣା ମାହାପୁରୁ ଅଣ୍ପୁତି ବଲୁ ଝେକନେରି, ରଅସି ପୁନାଆତାସି କି ନାମାଆତାସି ଝାନ୍ନେସି, ଆତିହିଁ ଏଝାସି ନାନୁ ପାପୁ ଗାଟାତେସିଁ ଇଞ୍ଜିଁ ପୁଞ୍ଜା କଡ଼ିନେସି ଅଡ଼େ ଏଝାସି ବାରେ ଲକୁତାଣା ଦହଗାଟାସି ଇଞ୍ଜିଁ ବିଚାରା ଆନେସି । ୨୫ ଅଡ଼େ ତାନି ହିୟାଁତା ଡ଼ଗୁମାନି ପାପୁତି ଅଣ୍ପୁ ବାରେ ତଞ୍ଜାଆନେ; ଇଞ୍ଜାଁ ଏଝାସି ମୁନୁ କୁତାହାଁ ମାହାପୁରୁଇଁ ଜହରା କିନେସି, ଇଞ୍ଜାଁ “ସାତେଏ ମାହାପୁରୁ ମୀ ତାଣା ମାନେସି ଇଞ୍ଜିଁ ଇନେସି ।”

କୁଲମିତି ମେରା

୨୬ ଏଦାଆଁତାକି ଏ ତାୟିୟାଁ ଅଡ଼େ ତାଜିସ୍ତାତେରି, ଏନାଆଁ କିନାୟିମାନେ ? ମୀରୁ ରୁଣ୍ଡା ଆନାଟି ଆମ୍ବାଆରି ର ପାରୁ, ଆମ୍ବାଆରି ର କାତା ଜାପୁନାୟି, ଆମ୍ବାଆରି ମାହାପୁରୁ ତସାମାନି ବଲୁ ଝେକନାୟି, ଆମ୍ବାଆରି ଏଟକା ଏଟକାତି

ହାଡ଼ା ଜଲିନାୟି, ଆମ୍ବାଆରି ହାଡ଼ାତି ଅର୍ତ୍ତ ପୁଣ୍ଡିକିନାୟି, ଇଲେକ୍ ବାରେତାକି ଏନାୟି ଆଆତ୍ ଏନାୟି ମାନେ, ଇ ବାରେ କୁଲମିତି ପାତିକିହାଲି କିଞ୍ଚିଆପେ ।^{୨୭} ଆମ୍ବାଆରି ଏଟକା ହାଡ଼ାତଲେ ଜଲିନେରି ଇଚିହ୍ ରିଆରି ଆଆତ୍ ତାନିଜାଣା ପାଲି କିହ୍ ଜଲ୍ଲାପେରି ଅଡ଼େ ରଅସି ତାନି ଅର୍ତ୍ତ ଝେସପାସି ।^{୨୮} ସାମା ଆମ୍ବାଆସି ଅର୍ତ୍ତ ତେଲ୍‌ହ କିନାସି ହିଲଅସି ଇଚିହ୍ ଏଞ୍ଜାସି କୁଲମିତା ପାଲେଏ ମାଣ୍‌ମେସି, ଇଞ୍ଜା ତାନୁ ତାନି ହିୟାତା ମାହାପୁରୁଇଁ ଝେସପାସି ।^{୨୯} ଅଡ଼େ ରିଆରି କି ତାନି ଜାଣା ମାହାପୁରୁ ଅଣ୍‌ପୁତି ବଲୁ ଝେସପେରି, ଅଡ଼େ ଏଟକାତାରି ଝେସିମାନାଣି ନେହ୍ କି ଝେଣ୍‌ମାରି ।^{୩୦} ସାମା ଏମ୍ବାଆଁ କୁଗାମାନାରି ବିତ୍ରା ଆମ୍ବାଆରାକି ମାହାପୁରୁତି ଏନି ବଲୁ ଝାଡ଼ିସାରେ ନକେଏ ଝେସିମାନାସି ପାଲେଏ ମାଣ୍‌ମେସି ।^{୩୧} ଇଚିହ୍ ଏନିକ୍ ବାରେଜାଣା ଜାପିନେରି, ଇଞ୍ଜା ବାରେଜାଣା ସେଡନା ଆନେରି, ଏଦାଆଁତାକି ରଅ ରଅତେରି ମାହାପୁରୁ ଅଣ୍‌ପୁତି ବଲୁ ଝେସାଲି ଆଡ଼ିଦେରି ।^{୩୨} ସାମା ମାହାପୁରୁତି ବଲୁ ଝେହ୍‌ନି ବାଡ଼ୁୟୁ ଝେହ୍‌ନାଣି ତାଣାଟି ଲପ୍‌କି ଆନାୟି ମାନେ ।^{୩୩} ଏନାଆଁତାକି ଇଚିହ୍ ମାହାପୁରୁ ଗଡ଼ହା କିନି ମାହାପୁରୁ ଆଏ, ସାମା ହିଡ଼ିତି ମାହାପୁରୁ । ଏନିକ୍ ମାହାପୁରୁ ସୁଦୁ ଲକୁତି କୁଲମିତା ଆନେ ।

^{୩୪} ଏଲେକ୍ ଇୟାସିକା କୁଲମିତା ପାଲେଏ ମାଣ୍‌ମେସି ଇଚିହ୍ କାତା ଜଲ୍ଲାଲି ଏଞ୍ଜି ହେଲ ବେଟା ଆହାହିଲ୍ଲାଡ, ମସା ମୋରାତା ରାସ୍‌କି ଆହାମାନି ଲେହେଁ ଏଞ୍ଜି ମାନ୍ତି ତଲେ ମାନାପୁ ।^{୩୫} ସାମା ଇୟାସିକା ଏନାଆଁ ପୁଞ୍ଜାଲି ଅଣ୍‌ପିତିହ୍, ତାନି ଇଜ ତାନି ତକ୍ରାୟାଣି ଝେଣ୍‌ମେସି ଇଚିହ୍ କୁଲମିତା କାତା ଜଲିନାୟି ଇୟାନାକି ଲାଜାତି କାତା ।

^{୩୬} ମାହାପୁରୁତି ବଲୁ ମୀ ତାଣାଟି ହଡ଼ାମାନେ କି ? ଇଞ୍ଜା ଝାଋଇ ମିଙ୍ଗେତାକି ଝାହାମାନେ କି ?^{୩୭} ଆମ୍ବାଆସି ନାନୁ ମାହାପୁରୁ ଅଣ୍‌ପୁତି ବଲୁ ଝେହ୍‌ନାତେଏଁ, ଇଞ୍ଜା ନେହ୍ ଜାଞ୍ଜୁତି ଦାନା ବେଟାଆହାମାଲ୍ ଇଞ୍ଜା ଅଣ୍‌ପିନେସି, ଆଡିହ୍ ନାନୁ ମିଙ୍ଗ ଏନା ଏନାଆଁ ରାଡ଼ିମାଞ୍ଜାଲ୍, ଏଡି ବାରେ ମାହାପୁରୁତି ହୁକୁମି ଏଦାଆଁ ଏଞ୍ଜାସି ପୁନାପେସି ।^{୩୮} ସାମା ଆମ୍ବାଆସି ତେଲ୍‌ହଅସି ଆଡିହ୍ ଏଞ୍ଜାସି ଏନାଆଁ ତେଲ୍‌ହଆନା ମାନାପେସି ।

^{୩୯} ଏଦାଆଁତାକି ତାୟିୟା, ମାହାପୁରୁ ଅଣ୍‌ପୁତି ବଲୁ ଝେକ୍‌ହାଲି ଅଣ୍‌ପେମାଞ୍ଜୁ; ଇଞ୍ଜା ଏଟକାତି ହାଡ଼ା ଜଲ୍ଲାଲି କାହିକିଆଦୁ ।^{୪୦} ସାମା ବାରେ କାମା ନେହ୍ ତଲେ ସୁସ୍ତି ତଲେ କିନାୟିମାନେ ।

୧୫

କ୍ରୀସ୍ତ ହାକିଟି ନିଜିନାୟି

^୧ ନା ତାୟିୟା ଅଡ଼େ ତାଜିସ୍ତାତେରି, ନାନୁ ମୀ ତାଣା ଆମିନି ନେହ୍ କାରୁ ଝେକ୍‌ହାମାତେଏଁ, ଆମିନି କାରୁ

ମୀରୁ ତୀରିତଲେ ଆସାମାତେରି ଆମିନି ତାଣା ତୀରିତଲେ ମାଞ୍ଜାମାଞ୍ଜେରି, ନାନୁ ଏନିକ୍ ମୀ ତାଣା ଝେକ୍‌ହାମାତେଏଁ, ଏଦାଆଁ ମିଙ୍ଗେ ଅଣ୍‌ପି କିହିମାଞ୍ଜାଲ୍ ।^୨ ମିଙ୍ଗେ ଝେକ୍‌ହା ମାଞ୍ଜାନି ନେହ୍ କାରୁ ମୀରୁ ଜାଣେ ଆସା ମାତିହ୍, ଇ ନେହ୍ ବଲୁ ତାକି ମୀରୁ ଗେଲ୍‌ପି ଆହାମାଞ୍ଜେରି, ଆଆତ୍ ମୀରୁ ଉଜେଏ ନାମୁ ଗାଟାତେରି ଆହାମାତେରି ।

^୩ ଇଚିହ୍ ନାନୁ ଆମିନି ଜାପ୍‌ନାଣି ବେଟା ଆହାମାତେଏଁ, ଏ ବିତ୍ରାଟି ଇ କାଜା କାତା ମିଙ୍ଗେ ହାହାମାଞ୍ଜାତେଏଁ, ଇଚିହ୍ କ୍ରୀସ୍ତ ଦାମ୍‌ପୁ ପତିତା ରାସ୍‌କି ଆହାମାନି ଲେହେଁ ମା ପାପୁ ତାକି ହାଡ଼େସି ।^୪ *ମୁସ୍‌ପି ଆଡେସି, ଇଞ୍ଜା ଦାମ୍‌ପୁ ପତିତା ରାସ୍‌କି ଆହାମାନି ଲେହେଁ; ତାନିଦିନା ତାୟୁ ହାକିଟି ଝେଣ୍‌ଣେ ନିଜିତେସି ।^୫ *ଏଞ୍ଜାସି କେପା* ଅଡ଼େ ବାରଜାଣା ସୀସୁୟାଣି ତଞ୍ଜାଆଡେସି ।^୬ ତାୟୁ ରଣ୍ଡିଏ ଦେବା ପାସା ଝାଞ୍ଜାଟିଏ ଆଗାଡ଼ା ତାନି ଜେତ ହାନି ତାୟିୟାଲ୍ ତଞ୍ଜାଆଡେସି; ଏଞ୍ଜାରି ବିତ୍ରାଟି ହାଡ଼େକା ଲକୁ ନୀଞ୍ଜୁପାତେକା ନୀତାମାନେରି, ସାମା ଏତେକା ଲକୁ ହାହାମାନେରି ।^୭ ଏତେଟିଏ ଏଞ୍ଜାସି ଜାକୁବଇଁ ଇଞ୍ଜା ତାୟୁ ବାରେ ପାଣ୍ଡୁଞ୍ଜି ଆଡ଼ାରାଇଁ ତଞ୍ଜାଆଡେସି ।

^୮ *ବାରେତି ତାୟୁ ଲେଞ୍ଜୁ ପୁରାଆଆନା ଜାନାଆଡ଼ି ଲେହେଁ ତାତେଏଁ ନାଙ୍ଗେ ଜିକେଏ ତଞ୍ଜା ଆୟାତେସି ।^୯ *ଇଚିହ୍ ମାହାପୁରୁତି କୁଲମିତି ଲକୁଇଁ ସାସ୍ତି ହାହିମାତାକି ପାଣ୍ଡୁଞ୍ଜି ଆହାମାନାରି ତାଣା ବାରେକିହାଁ ନାନୁ ଉଣାତେଏଁ, ଇଞ୍ଜା ପାଣ୍ଡୁଞ୍ଜିଆହାମାନି ଦରୁ ବେଟାଆହାଲି ପାଡ଼ା ଆଆଗାଟାତେଏଁ ।^{୧୦} ସାମା ନାନୁ ଏନି ଆହାମାଲ୍, ଏଡି ମାହାପୁରୁ କାର୍ମାମେହ୍‌ନି ତାଣାଟି ଆହାମାନେ, ଇଞ୍ଜା ନା ତାକି ତାନି କାର୍ମାମେହ୍‌ନାୟି ଉଜେଏ ଆହା ହିଲେଏ, ସାମା ନାନୁ ଏ ବାରେଜାଣା କିହାଁ ହାଡ଼େକା କାମା କିହାମାଲ୍, ଆଡ଼ିଜିକେଏ ନାନୁ ଆଏ, ସାମା ମାହାପୁରୁତି କାର୍ମାମେହ୍‌ନାୟି ଏଦାଆଁ କିହାମାନେ ।^{୧୧} ଏଦାଆଁତାକି ନାନୁ ଆପେ କି ଏଞ୍ଜାରି ଆପେରି ଏଲେକିହ୍ ମାମ୍‌ସୁ ଝେସିମାନମି ଅଡ଼େ ମୀରୁ ଜିକେଏ ଏଲେକିହ୍ ନାମାମାଞ୍ଜେରି ।

ମୀରୁ ହାକିଟି ନିଜିନାୟି

^{୧୨} କ୍ରୀସ୍ତ ହାକିଟି ନିଜାମାନେସି ଇଞ୍ଜା ଇ କାରୁ ଝେସ୍‌ପି ଆହିମାନେ, ଆଡିହ୍ ହାଡ଼ାରି ଝେଣ୍‌ଣେ ନିଜିନାୟି ହିଲେଏ ଇଞ୍ଜା ଏନିକ୍ ମୀ ବିତ୍ରାଟି ଏତରଜାଣା ଏଲେ ଇଞ୍ଜାମାନେରି ?^{୧୩} ହାଡ଼ାରି ଝେଣ୍‌ଣେ ନିଜିନାୟି ହିଲେଏ, ଇଚିହ୍ କ୍ରୀସ୍ତ ଜିକେଏ ଝେଣ୍‌ଣେ ନିଜା ହିଲଅସି ।^{୧୪} ଇଞ୍ଜା କ୍ରୀସ୍ତ ହାକିଟି ଝେଣ୍‌ଣେ ନିଜା ହିଲଅସି, ମାମ୍‌ସୁ ଝେକ୍‌ହାମାନାୟି ବାରେ ଉଜେଏତାୟି, ଅଡ଼େ ମୀ ନାମୁ ଜିକେଏ ଉଜେଏତାୟି ।^{୧୫} ଅଡ଼େ ମାମ୍‌ସୁ ମାହାପୁରୁତି ମିତି ଝେହ୍‌ନିଲେହେଁ ତଞ୍ଜାଆନେ, ଏନାଆଁତାକି ଇଚିହ୍ ମାମ୍‌ସୁ ମାହାପୁରୁ କପାଟି ଇ କାତା ସାକି ହାତମିମା କି କ୍ରୀସ୍ତଇଁ

* ୧୫:୪ ୧୫:୪ ମାତି ୧୨:୪୦; କାମା ୨:୨୪-୩୨ * ୧୫:୫ ୧୫:୫ ଲୁକ ୨୪:୩୪; ମାତି ୨୮:୧୭,୧୭; ମାର୍କ ୧୭:୧୪; ଲୁକ ୨୪:୩୭; ଜହ ୨୦:୧୯ * ୧୫:୫ ୧୫:୫ ପିତର * ୧୫:୮ ୧୫:୮ କାମା ୯:୩-୭ * ୧୫:୯ ୧୫:୯ କାମା ୮:୩

ନିକ୍‌ହାମାନେସି, ସାମା ହାତାରି ନିଜାଅରି, ଆତିହ୍ ଏଝାସି କ୍ରୀସ୍ତୁଇଁ ଜିକେଏ ନିକ୍‌ହା ହିଲଅସି । ୧୭ ଏଲେଆହ୍ ହାତାରି ନିଜାହିଲଅରି, ଆତିହ୍ କ୍ରୀସ୍ତୁ ଜିକେଏ ନିଜା ହିଲଅସି । ୧୭ ଇଞ୍ଜା କ୍ରୀସ୍ତୁ ନିଜା ହିଲଅସି ଇତିହ୍ ମୀ ନାମ୍ ଜିକେଏ ଉଜେଏତାୟି ଆନେ, ଇଞ୍ଜା ମୀରୁ ନୀଏ ପାତେକା ମୀ ପାପୁ ତଲେ ମାଞ୍ଜାମାଞ୍ଜେରି । ୧୮ ଆତିହ୍ ଆମ୍ବାଆରି କ୍ରୀସ୍ତୁ ତାଣା ନାମାମାଞ୍ଜାନା ହାହାମାନେରି, ଏଝାରି ଜିକେଏ ନାସା ଆହାମାନେରି । ୧୯ ମୀରୁ ଝାଉଇ ଇ ଜାଝୁତାକି କ୍ରୀସ୍ତୁଇଁ ଆସା କିହିମାନାୟି, ଆତିହ୍ ମୀରୁ ବାରେ ମାଣ୍‌ସିୟାଁ କିହାଁ କାର୍ମା ହିଲାଆଗାଟାୟି ।

୨୦ ସାମା ସାତାତଲେ କ୍ରୀସ୍ତୁ ହାଡ଼ି ଲକ୍ଷୁତି ମୁଲୁତି ପାଡ଼େୟି ଲେହେଁ ହାତାରି ବିତ୍ରାଟି ଝେଣ୍ଡେ ନିଜାମାନେସି । ୨୧ ଇତିହ୍ ମାଣ୍‌ସି ତାଣାଟି ହାନାୟି ଝାହାମାନାକି ଅଡ଼େ ମାଣ୍‌ସି ତାଣାଟିଏ ହାତାରି ବିତ୍ରାଟି ଝେଣ୍ଡେ ନିଜାମାନାୟି ଜିକେଏ ଝାହାମାନେ । ୨୨ ଇତିହ୍ ଆଦମ ତାଣାଟି ବାରେ ମାଣ୍‌ସିକି ହାକି ଝାଡ଼େ, ଏଲେକିହ୍ ଏ କ୍ରୀସ୍ତୁ ତାଣାଟି ବାରେଜାଣା ଜୀଝୁ ବେଟାଆନେରି । ୨୩ ସାମା ବାରେଜାଣା ତାମି ପାଲି ଏଡ଼ିସାରେ ତଲିତି ପାଡ଼େୟି କ୍ରୀସ୍ତୁ, ତାୟୁ କ୍ରୀସ୍ତୁତି ଝାନ୍‌ଦିନାତି କାଟାମାନାରି ଝେଣ୍ଡେ ନିଜାମାନେରି । ୨୪ ଏଚେଟିଏ ଜୁଗୁ ରାନ୍‌ ଦିନା ଝାନ୍‌, ଏଚିବେଲାତା କ୍ରୀସ୍ତୁ ବାରେ କାଜାପାଣା, ବାରେ ଅଦିକାରା, ବାଡ଼ୟୁ ମ୍ବେକ୍‌ହି ତାୟୁ ଆବା ମାହାପୁରୁକି ସାଲ୍‌ଝି କିନି ପାଣା ହେରପିନେସି । ୨୫ ମାହାପୁରୁ ବାରେ ସାଡ଼ୁୟାଁଇଁ ହାଉଝି କିହାଁ କ୍ରୀସ୍ତୁତି କତାୟାଁ ଡ଼ଇ ଇଟାଆ ପାତେକା ଏଝାସି ସାଲ୍‌ଝି କିନାୟିମାନେ । ୨୬ ତାୟୁତି ସାଡ଼ୁ ସମାନା ହାକିତି ଜିକେଏ ମ୍ବେକ୍‌ନାୟି ମାନେ; ୨୭ ଏନାଆଁତାକି ଇତିହ୍ ଦାମ୍‌ପତିତା ରାସ୍‌କି ଆହାମାନେ, “ମାହାପୁରୁ ବାରେତି ତାନି କତାଁ ଡ଼ଇ ଲକ୍‌ନେସି,” ଇଞ୍ଜା ଏଚେତା ଏଝାସି ଏଲେଇନେସି, “ବାରେ ଲକ୍‌ହାମାନେସି,” ଏଡ଼ି ସାତା କ୍ରୀସ୍ତୁ ବାରେ ତାନୁ ଲକ୍‌ହେସି, ଏ ବାରେ ତାଣା ତାନୁ ଆଣ୍ଡା ହାଲଅସି । ୨୮ ଅଡ଼େ ବାରେତି କ୍ରୀସ୍ତୁ କତାୟାଁ ଡ଼ଇ ଲକ୍‌ହି ଜେଟ, ଆମ୍ବାଆସି ବାରେତି ତାନି ତାଣା ଲକ୍‌ହେସି, ମୀରୁଏସି ଜିକେଏ ତାନି ଆବା ମାହାପୁରୁ ଡ଼ଇ ଡ଼ୟିନେସି; ଅଡ଼େ ମାହାପୁରୁ ବାରେତି ଲାକ ସାଲ୍‌ଝି କିନେସି ।

୨୯ ହାତାରି ନିଜାଆସାରେ, ଆମ୍ବାଆରି ହାତାରି ତାକି ବାପ୍ତିସ୍ତାଁ ଅନେରି, ଏଝାରି ଏନାଆଁ କିନେରି ? ଆତିହ୍ ହାତାରି ନିଜାଆସାରେ, ଏଝାରି ତାକି ଏନାଆଁତାକି ବାପ୍ତିସ୍ତାଁ ଆନେରି । ୩୦ ଅଡ଼େ ମୀରୁ ଜିକେଏ ଏନାଆଁତାକି ବାରେବେଲା ତଣ୍ଡୁ ତଲେ ନାସା ଆନ୍‌ ତାଣା ହାନାୟି ? ୩୧ ତାୟିୟାଁ ଅଡ଼େ ତାଜିସ୍ତାତେରି, ମା ପ୍ରବୁ କ୍ରୀସ୍ତୁ ତାଣା ମିଜେତାକି ନାନୁ ଆମିନି ବଡ଼ପଣ ଆହିମାଇ, ଏମ୍ବାତି ମାନ୍‌ କିହାଁ ଏଲେ ଇଞ୍ଜିମାଇଁ, ନାନୁ ବାରେଦିନା ହାନ୍‌ଲେହେଁତି କସ୍ତୁ ବେଟାଆହିମାଇଁ । ୩୨ ଇତିହ୍ ମାଣ୍‌ସିଇଁ ଅଣ୍‌ପିନି ଲେହେଁ ଏପିସିୟ ଗାଡ଼ାତା ନାନୁ ଝାଉଇ “ଜାଡ଼ା ଜନ୍‌ୟାଁ” ତଲେ ଜୁଜୁ କିହାମାଇଁ, ଆତିହ୍ ଏମ୍ବାଆଁ ନାଜେ “ଏନ୍‌

ଲାବା ?” ସାମା ହାତାରି ନିଜାଅରି, “ଆତିହ୍ ଝାଡ଼ୁ ମୀରୁ ତିନ ଉନ ଇତିହ୍ ଝିଏ ମୀରୁ ହାନାୟି ।”

୩୩ ମୀରୁ ନାଡ଼ି ଆଆପୁ, “ଇତିହ୍ ପଲ୍‌ଆ ଗାଟାରି ତଡ଼ୁ ନେହ୍ ଲକ୍ଷୁତି ଗୁଣ୍ଡୁ ନସ୍ତୁ କିନେ ।” ୩୪ ମୀରୁ ନେହ୍ କିହ୍ ଜାଗାତା ଆପୁ, ପାପୁ କିଆପୁ, ଇତିହ୍ ଆମ୍ବା ଆମ୍ବାଆରାକି ମାହାପୁରୁଇଁ ପୁନି ବୁଦି ହିଲେଏ; ନାନୁ ମୀ ଲାଜା ତାକି ଇ କାତା ଝେସିମାଞ୍ଜାଇ ।

ହାକିଟି ଝେଣ୍ଡେ ନିଜାମାନେ ଆଜା

୩୫ ସାମା ଆମ୍ବାଆରି ଏଲେଇନେରି, “ହାତାରି ଏନ୍‌କି ନିଜାମାନେରି ? ଏନ୍‌ଲେହେଁତି ଆଜା ତଲେ ଏଝାରି ଝାନ୍‌ନେରି ?” ୩୬ ବୁଦି ହିଲାଆ ଗାଟାତେରି, ମୀରୁ ଏନାଆଁ ମାଟିମାଞ୍ଜେରି ଏଡ଼ି ହାଆସାରେ ଝେଣ୍ଡେ ଜୀଝୁଆହାଁ ଗଜା ଆଏ । ୩୭ ଅଡ଼େ ଏମିନି ଆଜା ଆନେ ଏଦାଆଁ ମୀରୁ ମାଟିହିଲଅତେରି, ସାମା ଗହ୍‌ୟାଁ ଆପୁ କି ଏନ୍‌ ଆନାଁ ଆପେ, ଏଡ଼ି ପାଡ଼େୟି ଲେହେଁ । ୩୮ ସାମା ମାହାପୁରୁ ତାନି ଅଣ୍‌ପୁ ଲେହେଁ ଏଝାରାକି ଆଜା ହୀନେସି, ଅଡ଼େ ବାରେ ପାଡ଼େୟି ତାକି ତାନି ଆଜା ହୀନେସି ।

୩୯ ବାରେ ଆଜା ରଣ୍ଡିଏ ରଲେଏଡ଼ି ଆଜା ଆଏ, ସାମା ମାଣ୍‌ସିୟାଁକି ରଲେତି ଆଜା, ଜନ୍‌ୟାଁକି ରଲେତି ଆଜା, ଅଡ଼େ ପଟାୟାଁକି ଅର ରଲେତି ଆଜା, ଅଡ଼େ ମୀଣ୍‌କା ତାକି ଅର ରଲେତି ଆଜା ।

୪୦ ଲାକପୁରୁକି ଆଜା ମାନେ, ଅଡ଼େ ଦାର୍‌ତିକି ଆଜା ଜିକେଏ ମାନେ, ଲାକପୁରୁତି ଆଜା ରଲେତି ଅଜୁ, ଅଡ଼େ ଦାର୍‌ତିତି ଆଜାତି ଅଜୁ ଅର ରଲେତାୟି । ୪୧ ଝେଡ଼ାତି ଉଜେଡ଼ି ରଲେତାୟି, ଅଡ଼େ ଲେଞ୍ଜୁତି ଉଜେଡ଼ି ଅର ରଲେତାୟି, ଅଡ଼େ ହୁକାୟାଁତି ଉଜେଡ଼ି ରଲେତାୟି, ଇଞ୍ଜା ର ହୁକା ଟିଏ ଅର ହୁକାତି ଉଜେଡ଼ି ଅର ରଲେତାୟି ।

୪୨ ହାତାରି ନିଜାମାନାୟି ଜିକେଏ ଏଲେତାୟିଏ, ନାସା ଆନ୍‌ଲେହେଁ ମାଟ୍‌କି ଆନେ, ସାମା ନାସା ଆଆଗାଟାୟି ଲେହେଁ ନିଜାମାନେ; ୪୩ ଲଡ଼ାହିଲାଆ ଗାଟାୟି ଲେହେଁ ମାଟ୍‌କି ଆନେ ଏଡ଼ି ଗାଝୁରମି ତଲେ ନିଜାମାନେ; ବାଡ଼ୟୁ ହିଲାଆଗାଟାୟି ଲେହେଁ ମାଟ୍‌କି ଆନେ, ବାଡ଼ୟୁ ଗାଟାୟି ଆହାଁ ନିଜାମାନେ । ୪୪ ଇରୁଆତି ଆଜା ତଲେ ମୁସପିଆନେ ଜୀଝୁତି ଆଜା ତଲେ ନିଜାମାନେ; ସାମା ଇରୁଆତି ଆଜା ମାନେ ଇତିହ୍ ଜୀଝୁତି ଆଜା ଜିକେଏ ମାନେ । ୪୫ ଦାମ୍‌ପତିତା ରାସ୍‌କି ଆହାମାନେ, ତଲିତି ମାଣ୍‌ସି ଆଦମ ଜୀଝୁତି ମାଣ୍‌ସି କିହ୍ ଗାଡ଼ି ଆଡ଼େସି; ସାମା ତାୟୁତି ଆଦମ ପୁଣ୍ଡା ହାନି ଜୀଝୁ ଆଡ଼େସି । ୪୬ ସାମା ଜୀଝୁ ଗାଟାସି ନକେଏ ଆଏ, ଆଜା ତଲେତାସି ନକେଏ, ଅଡ଼େ ତାୟୁ ଜୀଝୁ ଗାଟାସି ଆଡ଼େସି । ୪୭ ନକେଏଡ଼ି ମାଣ୍‌ସି ଆଦମ ଦାର୍‌ତିତି ମାନି ଇରୁଆ ତଲେ ଗାଡ଼ି ଆହାମାନେସି, ଅଡ଼େ ତାୟୁତି ମାଣ୍‌ସି ଲାକପୁରୁତି ଝାହାମାନେସି । ୪୮ ଆମ୍ବାଆରି ଇରୁଆ ତଲେ ଗାଡ଼ି ଆହାମାନେରି, ଏଝାରି ଇରୁଆତି ଗାଡ଼ି ଆଡ଼ି ଏ ମାଣ୍‌ସିଲେହେଁ, ଇଞ୍ଜା ଆମ୍ବାଆରି ଲାକପୁରୁତାରି ଏଝାରି ଲାକପୁରୁତି ଝାହାମାନି ଏ ମାଣ୍‌ସି ଲେହେଁତାରି ।

† ୧୫:୨୯ ୧୫:୨୯ମୁଞ୍ଜିନାୟି

୪୯ ଅଡ଼େ ମାର ଇରଆଟି ଗାଡ଼ି ଆହାମାନି ଏ ମାଣ୍ଡସିତି ଖାଣା ଆସାମାନାୟି, ଏଲେକିହଁ ଏ ଏ ଲାକପୁରୁତି ମାଣ୍ଡସିତି ଖାଣା ଜିକେଏ ଆହୁନାୟି ।

୫୦ ତାୟିୟାଁ ଅଡ଼େ ତାଜିସ୍ମାତେରି ନାନୁ ଖେସିମାଞ୍ଜାଇଁ, ନେତେରି ଅଡ଼େ ଉଜ୍ଜା ମାହାପୁରୁତି ରାଜିତି ଅଦିକାରା କିହାଲି ଆଡ଼େଏ, ସାମା ହାନାୟି ହାଆଗାଟାଣି ଅଦିକାରା କିହାଲି ଆଡ଼େଏ ।

୫୧ *ମେହୁ ନାନୁ ମିଜେ ର ଡ଼ଗୁମାନି କାତା ଖେସିମାଞ୍ଜାଇଁ, ମାର ବାରେ ଜାଣାତାୟି ହାଆୟି, ସାମା ମାର ବାଦୁଲଞ୍ଜି ଆନାୟି, ୫୨ ଦେବୁଣିଏ, କାନୁ ମିଟି କିନିଲେହେଁ, ତାୟିତି ତାଡ଼ି ମହୁରି କାଜା ହାଡ଼ା ଖେତିସାରେ ମାର ବାରେତାୟି ଅର ଖାଣା ଆନାୟି; ଇତିହଁ କମୁ ଡ଼ାନେ ଅଡ଼େ ହାଡ଼ାରି ନାସା ଆଆନା ନିଜିନେରି, ଅଡ଼େ ମାର ବାଦୁଲଞ୍ଜି ଆନାୟି । ୫୩ ଇତିହଁ ଇ ମେଶଜିନି ଆଜ୍ଞାତି ମେଶଜାଆଗାଟି ହିମ୍ବୁରି ପରନାୟି ମାନେ, ଅଡ଼େ ଇ ହାନି ଆଜ୍ଞାତି ହାଆଗାଟି ହିମ୍ବୁରି ପରନାୟି ମାନେ ।

୫୪ ସାମା ଇ ମେଶଜିନି ଆଜ୍ଞାତି ମେଶଜାଆଗାଟି ହିମ୍ବୁରି ଅଡ଼େ ହାନି ଆଜ୍ଞାତି ହାଆଗାଟି ହିମ୍ବୁରି ହୁଚିତି ଡ଼େଟ, ଇ ରାଟାମାନି ବଲୁ ସାତା ଆନେ; “ହାକି ନାସା ଆହାମାନେ; ଜାଣା ଆନାୟି ଆହାମାନେ ।”

୫୫ “ଏ ହାକି ନୀ ଜାଣା ଆନାୟି ଆୟିୟା ?
ଏ ହାକି ନୀ ନାସାକିନି ବାଡ଼ୁୟି ଆୟିୟା ?”

୫୬ ହାକିତି ସାଡ଼ୁ ପାପୁ, ଅଡ଼େ ପାପୁତି ବାଡ଼ୁୟି ମସାତି ମେରା;
୫୭ ସାମା ଏମିନି ମାହାପୁରୁ ମା ପୁରୁ ଜୀସୁ କ୍ରୀସ୍ତତି ତାକି ମାଜେ ଜାଣି କିୟାନେସି ଏଞ୍ଜାଣାକି ଜହରା ଆପେ ।

୫୮ ଏଦାଆଁତାକି ଏ ନା ଜୀସୁତି ତାୟିୟାଁ ଅଡ଼େ ତାଜିସ୍ମାତେରି, ପୁରୁତି ସେବାତା ମୀ କସ୍ତଲେ କାମା କିନାୟି ଉଜେଏ ଆଏ, ଇଦାଆଁ ପୁଞ୍ଜାନା ପୁରୁତି କାମାତା ତାରିଆହାଁ ବାଡ଼ୁୟି ତଲେ ସେବାତା ହାରେ ହାରେକା ଜାଡ଼ୁ ଆଦୁ ।

୧୭

ମାହାପୁରୁତି ଲକୁତାକି ଦାନା

୧ *ମାହାପୁରୁ ଲକୁ ତାକି ତାରୁୟାଁ କୁଡ଼ିକିନି କାତା ନାନୁ ଏନିକଁ ଗାଲାତିୟା କ୍ରୀସ୍ତାନା କୁଲମିତା ଖେସାମାରେଏ, ମୀରୁ ଜିକେଏ ଏଲେକଁ କିଦୁ । ୨ ମୀରୁ ବେଟାଆହିମାନି ଲେହେଁ ବାରେ ଖାରାତି ମୁଲୁ ଦିନା ମୀରୁ ବାରେତେରି ମୀ ଆଡ଼ିନି ଲେହେଁ ମୀ ବିତ୍ରା ଏଚେକା ତାରୁୟାଁ କୁଡ଼ିକିହାଁ ଇଟାଦୁ, ଆତିହଁ ନାନୁ ଖାଡ଼ିସାରେ ମିଜେ ଅଡ଼େ ତାରୁୟାଁ ରୀସାଲି ଲଡ଼ା ଆଏ । ୩ ଅଡ଼େ ନାନୁ ଖାଡ଼ିଜେଟ, ମୀରୁ ଆମ୍ବାଆରାଇଁ ଜଗେ ଇଞ୍ଜି ଆଟାମାଞ୍ଜେରି ନାନୁ ଏଞ୍ଜାରିକି ଆକୁ ରାଟାହାଁ ଜିରୁସାଲମତା ମୀ ଦାନା ଅହାଲି ପାଣ୍ଡିଇଁ; ୪ ସାମା ନାଜେ ଜିକେଏ ହାଜାଲି ଲଡ଼ାଆନେ ଇତିହଁ ଏଞ୍ଜାରି ନା ତଲେ ଖାପେରି ।

କାମାତାକି ପାଞ୍ଜୁଲତି ଅଣ୍ଡୁ

୫ *ସାମା ନାନୁ ମାକିଦନିୟା ହାତି ତାୟି ମୀ ତାଣା ଖାଇଁ, ଏନାଆଁତାକି ଇତିହଁ ନାଜେ ମାକିଦନିୟାଟି ହାନାୟି ମାନେ । ୬ ଆଆଡ଼ି ନାନୁ ଖାଡ଼ିସାରେ ଏଚରଦିନା ମୀ ତାଣା ଡ଼ୟିଇଁ, ଇତିହଁ ପେନିବେଲା ହାଲ୍‌ଖେ ମାଞ୍ଜାଲି ଅଣ୍ଡିପିମାଇଁ, ଏଡ଼େତା ନାନୁ ଆମିନି ଟାୟୁତା ହାଇଁ, ଏମ୍ବାଆଁ ହାନାଟି ମୀରୁ ନାଜେ ଇତିଞ୍ଜାୟାଦେରି । ୭ ଇତିହଁ ନୀଏଁ ନାନୁ ହାନାଟି ମୀ ତାଣା ଗାଡ଼େକା ତାକି ତଞ୍ଜାଆହାଲି ଅଣ୍ଡି ହିଲଅଁ, ଇତିହଁ ପୁରୁ ନାଜେ ହେଲ ହିୟାତିହଁ, ନାନୁ ମୀ ତଲେ ଏଚରଦିନା ମାଞ୍ଜାଲି ଆସା କିହିମାଇଁ ।

୮ *ସାମା ନାନୁ ପେଡ଼ିକସ୍ତ ଦିନା ପାତେକା ଏପିସିୟ ଗାଡ଼ାତା ଡ଼ୟିଇଁ; ୯ ଇତିହଁ ପୁରୁତି କାମା କିହାଲି ଅସାରା ଦାରା ଦେପିଆହାମାନେ, ଆଆଡ଼ି ଜିକେଏ ନାଜେ ଅପାଆଗାଟାରି ହାରେକା ମାନେରି ।

୧୦ *ତିମତି ମୀ ତାଣା ଖାଡ଼ିସାରେ ଏଞ୍ଜାସି ଏନିକଁ ଆଜାଆନା ମୀ ତାଣା ଡ଼ୟିନେସି, ଏଦାଆଁତାକି ମୀରୁ ଅଣ୍ଡିପାଦୁ, ଇତିହଁ ନାନୁ ଏନିକଁ ଏଞ୍ଜାସି ଜିକେଏ ଏଲେକିହଁ ଏ ପୁରୁତି କାମାକିନାସି । ୧୧ ଏଦାଆଁତାକି ଆମ୍ବାଆତେରି ଏଞ୍ଜାଣାଇଁ ହାଣି କିଆଦୁ, ସାମା ଏଞ୍ଜାସି ଏନିକଁ ନା ତାଣା ଖାହାଲି ଆଡ଼ିମାନେସି, ଏଦାଆଁତାକି ଏଞ୍ଜାଣାଇଁ ହିଡ଼ଡ଼ି ଜୀସୁତଲେ ଜିରୁ ତସା ପାଣ୍ଡାଦୁ; ଏନାଆଁତାକି ଇତିହଁ ଏଞ୍ଜାସି ତାୟିୟାଁ ତଲେ ଖାନ୍ଦେସି ଇଞ୍ଜି ନାନୁ କାଡ଼ିମାଇଁ ।

୧୨ ସାମା ତାୟି ଆପଲ ତାକି ଖେସିମାଞ୍ଜାଇଁ, ନାନୁ ଏଚକାତି ତାୟିୟାଁ ତଲେ ମୀ ତାଣା ହାଜାଲି ଏଚେକା ବାଡ଼ିମାଲିତେଏଁ, ସାମା ନୀଏଁ ଖାହାଲି ମନ କିଆତେସି, ସାମା ପାରୁ ସିନିକିହାନା ଏଞ୍ଜାସି ଖାନ୍ଦେସି ।

ଆକୁତି ରାନି କାତା

୧୩ ମୀରୁ ଜାଗ୍ରାତା ଆହାଁ ନାମୁତା ତୀରିତଲେ ମାଞ୍ଜୁ ଅଡ଼େ ସାସା ଗାଟାତେରି ଆହାନା ବାଡ଼ୁୟି ଆହୁଦୁ । ୧୪ ମୀ ବାରେ କାମା ଜୀସୁ ନନାଣି ତଲେ ଆପେ ।

୧୫ *ଏ ତାୟିୟାଁ ଅଡ଼େ ତାଜିସ୍ମାତେରି ସ୍ତ୍ରୀପାନ ଇଲୁ କୁଚମି ଆକାୟାତି ମୁଲୁଏ ନାମିତାରି; ଅଡ଼େ ମାହାପୁରୁ ଲକୁଣି ସେବା କିନି କାମାତାକି ହେରପା କତାମାନେରି ଏଦାଆଁ ମୀରୁ ପୁଞ୍ଜାମାଞ୍ଜେରି । ୧୬ ମୀରୁ ଏଲେତି ଲକୁତି ଅଡ଼େ ତାମିତଲେ ଆଣ୍ଡାନା ଖାହୁତଲେ କାମା କିହିମାନାରାଇଁ ମାନି କିଦୁ, ଏଦାଆଁତାକି ନାନୁ ମିଜା ବାଡ଼ିମାଲିମାଞ୍ଜାଇଁ ।

୧୭ ସ୍ତ୍ରୀପାନ, ପର୍ତ୍ତନାତ, ଅଡ଼େ ଆକାୟିକ ଖାଡ଼ାକି ନାନୁ ହାରେକା ରାହାଁ ଆହିମାଇଁ, ଇତିହଁ ମୀରୁ ହିଲାଆତାକି ନାଜେ ଏନାୟି ଲଡ଼ା ମାଚେ, ଏଞ୍ଜାରି ଏଦାଆଁ ହାହାମାଞ୍ଜାନେରି । ୧୮ ଇତିହଁ ଏଞ୍ଜାରି ମୀ ଜୀସୁତି ଅଡ଼େ

* ୧୫:୫୧ ୧୫:୫୧ ୧୧୧୧୪:୧୫-୧୭ * ୧୭:୧ ୧୭:୧ ରନି ୧୫:୨୫,୨୬ * ୧୭:୫ ୧୭:୫ କାମା ୧୯:୨୧ * ୧୭:୮ ୧୭:୮ କାମା ୧୯:୮-୧୦ * ୧୭:୧୦ ୧୭:୧୦ ୧୧୪୫:୧୭ * ୧୭:୧୫ ୧୭:୧୫ ୧୧୪୫:୧୭

ନା ଜୀବୁତି ରାହାଁ କିହାଁ ମାଞ୍ଜାନେରି; ଏଲେତି ଲକ୍ଷୁଇଁ ଜଠେ
ଇଞ୍ଜୁ ପୁଞ୍ଜାନା ମାନି କିଦୁ ।

୧୯ ☆ଆସିୟା ଦେସାତା ମାନି କୁଲମିକା ମିଙ୍ଗେ ଜହରା
କିହିମାଞ୍ଜାନେରି, ଆକ୍ଞିଲା ଅଡ଼େ ପ୍ରିସ୍ଫିଲା ତାମି ଇଜ ରୁଣ୍ଡା
ଆନି କୁଲମି ତଲେ ପ୍ରବୁ ତାଣା ମିଙ୍ଗେ ହାଠେରକା ଜହରା
କିହିମାଞ୍ଜାନେରି । ୨୦ ଇମ୍ପାଆଁ ମାନି ବାରେ ତାୟିୟାଁ ଅଡ଼େ
ତାଙ୍ଗିୟା ମିଙ୍ଗେ ଜହରା କିହିମାଞ୍ଜାନେରି । ମୀରୁ ରଅତେରି
ରଅଣାଇଁ ତାୟି ତାୟିୟାଁ ଲେହେଁ କ୍ରୀସ୍ତିତି ଜୀବୁନହୁଁ ସୁଦୁ
ତଲେ ନଶୁଞ୍ଜି ଆହାନା ଜହରା କିଞ୍ଜିଆଦୁ ।

୨୧ ନାନୁ ପାଞ୍ଜୁଲତେଏଁ ନା କେୟୁଟି ରାଠାହାଁ ରାହାଁ ତଲେ
ଜହରା କିହିମାଞ୍ଜାଇଁ ।

୨୨ ଆମ୍ପାଆସି ମାହାପୁରୁଇଁ ଜୀବୁ ନଅସି ଏଞ୍ଜାସି ବାକା
ବେଟାଆପେସି ! ମାରାନାତା ମା ପ୍ରବୁ ତବେ ଖାମୁ !

୨୩ ପ୍ରବୁ ଜୀବୁତି କାର୍ମାମେହନାୟି ମିଙ୍ଗେତାକି ଆୟାପେ;

୨୪ କ୍ରୀସ୍ତ ଜୀସୁ ତାଣାଟି ନା ଜୀବୁନନାୟି ମୀ ବାରେଜାଣା
ତାକି ଆୟାପେ । ଆଫେନ୍ ।

କରକ୍ତି ମଣ୍ଡଳୀ ନିମନ୍ତେ ପାତଲକ ଲିଖିତ ଦ୍ଵୀତିୟ ପତ୍ର କରକ୍ତି କୁଲମିତାକି ପାଞ୍ଚୁଲ ରାଚାମାନି ରୀ ଲମ୍ବର ଆକୁ ମୂଲୁ ହାଡ଼ା

କରକ୍ତି କୁଲମିତି ରୀ ଲମ୍ବର ଆକୁ ପାଣ୍ଡୁଞ୍ଜିଆହାମାନି ପାଞ୍ଚୁଲ ତାଣାଟି ଜୀସୁ କ୍ରୀସୁ ଜାନୀତି ୫୫-୫୬ ବାର୍ଯା ତାୟୁ ରାସ୍‌କି ଆହାମାତେ ୧:୧ । ମା ତାଣା ମାନି କରକ୍ତି କୁଲମିତି ରାଚାମାନି ଆକୁ ବିଦ୍ରାତି ଇଦି ଆହିମାନେ ପାଞ୍ଚୁଲତି ରୀ ଲମ୍ବର ଆକୁ । ମେରାପୁନାରି ନାମିମାନେରି ଇଦାଆଁ ନକେଏ ପାଞ୍ଚୁଲ କରକ୍ତି କୁଲମିତି ଦାକା ହାହାନା ରାଚାମାତେସି ୨:୩-୪ ପଦୁତା ଏଞ୍ଜାସି ଝେସିମାନେସି ।

ପାଞ୍ଚୁଲ ମାକିଦନିୟତା ମାନି ବେଲତା କରକ୍ତିତି ରୀ ଲମ୍ବର ଆକୁ ରାଚାମାନେସି ୨:୧୩ । କରକ୍ତିତା ମାନି କୁଲମିତି କାତା ତିତସ ତାଣାଟି ନେହୁଁ କାରୁ ବେଗାଆହାନା ରାହାଁ ଆହିମାନେସି । ଇ ଆକୁତା ପୁଃନି ମେରା ଅଣ୍‌ପୁଟି ଦାନା ହାନି କାତା ଜାପିନାୟି । ଇ ଆକୁତା ଜିରୁସାଲମତା ମାନି କ୍ରୀସୁଇଁ ନାମାମାନି ଲକୁଇଁ ସାୟେନି କିହାଲି ଟାକାୟାଁ କୁଡ଼ିକିହାଲି ଝେସିମାନେସି ୮-୯ । ଅଡ଼େ ଜିକେଏ କୁଲମି ପାଞ୍ଚାଟି କଚେକା ମିତି ପାଣ୍ଡୁଞ୍ଜି ଆହାମାନାରି ଜାହାରାଇଁ କାଜାରି କିହାକତାଲି ପାଞ୍ଚୁଲ କପାଟି କୁଲମିତି ଏଚରଜାଣା କାଜାରାଇଁ ନିନ୍ଦା କାତା ଝେସିମାନେରି । ଏଞ୍ଜାରି ପାଞ୍ଚୁଲତି ଅଦିକାରତି ଆନାମାନା ଆହିମାନେରି । ଏମିନିଗାଟାଣି ରୀ ଲମ୍ବର କରକ୍ତି ଆକୁତି ରାନିଞ୍ଜାକି ଏଞ୍ଜାସି ର କ୍ରୀସୁତି ଅଦିକାରା ତଲେ ପାଣ୍ଡୁଞ୍ଜି ଆଡ଼ାସି ଇଞ୍ଜୁଁ ଜାଣ୍ଡେତଲେ ଝେସିମାନେସି ।

ପତିତା ମାନାୟି

- ୧. ପାଞ୍ଚୁଲ ଜହରା କିହାନା ଆକୁ ରାଚିନାୟି । ୧:୧-୭
- ୨. ପାଞ୍ଚୁଲ ତାନି ହାନି ଜିରୁତି ବାଦଲି କିନାୟି ଇଞ୍ଜାଁ ଏଞ୍ଜାରି ତାଣାଟି ବେଗାଆହାମାନି କାତାତାକି ଝେଣ୍ଡେ ଝେହ୍ନାୟି । ୧:୮-୭:୧୭
- ୩. ଜିରୁସାଲମତି ନାମୁଗାଟି ତାୟିୟାଁକି ଦାନା କୁଡ଼ିକିହାଲି ଝେହ୍ନାୟି । ୮:୧-୯:୧୫
- ୪. ପାଞ୍ଚୁଲ ତାନି ପାଣ୍ଡୁଞ୍ଜିଆହାମାନି ପାଣାଟି ଜାଣ୍ଡେ ଝେହ୍ନାୟି । ୧୦:୧-୧୩:୧୦
- ୫. ଆକୁତି ରାପ୍‌ନି କାତା । ୧୩:୧୧-୧୪

୧ ପାଞ୍ଚୁଲ ମାହାପୁରୁତି ଅଣ୍‌ପୁ ତଲେ କ୍ରୀସୁ ଜୀସୁ ତାଣାଟି ପାଣ୍ଡୁଞ୍ଜି ଆହାମାନାତେଏଁ ଇଞ୍ଜା ମା ତାୟି ତିମତି କରକ୍ତି ଗାଡ଼ାତା ମାନି ମାହାପୁରୁତି କୁଲମି ଅଡ଼େ ଆକାୟା ଦେସାତା ମାନି ବାରେ ମାହାପୁରୁ ଲକୁତାକି ଆକୁ ରାଚିମାନମି ।

✱ ୧:୮ ୧:୮ ୧କର ୧୫:୩୨

୨ ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସୁ ତାଣାଟି କାର୍ମାମେହ୍ନାୟି ଇଞ୍ଜାଁ ହିଡ଼ଡ଼ି ମିଜେତାକି ଆୟାପେ ।

ପାଞ୍ଚୁଲ ମାହାପୁରୁଇଁ ଜହରା କିନାୟି

୩ ମା ପ୍ରବୁ ଜୀସୁ କ୍ରୀସୁତି ଆବା ମାହାପୁରୁକି ଜହରା, ଏଞ୍ଜାସି କାର୍ମାମେହ୍ନି ଆବା ଅଡ଼େ ଦୁକୁ ତୁକ୍‌ନି ମାହାପୁରୁ । ୪ ମାହାପୁରୁ ତାଣାଟି ଆମିନି ଦୁକୁ ତୁକ୍‌ନି ତାଣା ମାର ଦୁକୁ ତୁପ୍‌କି ଆହିମାନାୟି, ଏ ଦୁକୁ ତୁକ୍‌ନାଣି ତଲେ ଏନିକିହୁଁ ବାରେ ଲେହେଁତି ଦୁକୁ ବେଗାଆହିମାନି ଲକୁଣି ଦୁକୁ ତୁକ୍‌ହାଲି ଆଡ଼ିନାୟି, ଇଦାଆଁତାକି ଏଞ୍ଜାସି ବାରେ ଦୁକୁତା ମାଜେ ଦୁକୁ ତୁକ୍‌ନାଣି ହାହାମାଞ୍ଜାନେସି ୫ ଇତିହୁଁ କ୍ରୀସୁତି ତାକି ମାର ଏନିକିହୁଁ ହାରେକା ଦୁକୁ କସ୍ ହାରେକା ବେଗାଆନାୟି, ଏଲେକିହୁଁ ଏ କ୍ରୀସୁ ତାଣାଟି ମାହାପୁରୁତି ଦୁକୁ ତୁକ୍‌ନାୟି ହାରେକା । ୬ ସାମା ମାମ୍‌ଦୁକୁ କସ୍ ବେଗାଆଡ଼ିସାରେ ଏଦି ମୀ ତାକି ଦୁକୁ ତୁକ୍‌ନାୟି, ଅଡ଼େ ଗେଲ୍‌ପି ଆହାଲିତାକି; ଇଞ୍ଜାଁ ମାମ୍‌ଦୁକୁ ତୁପ୍‌କି ଆତିହୁଁ, ଏଦି ମୀ ଦୁକୁ ତୁକ୍‌ହାଲି ତାକି; ମାମ୍‌ଦୁକୁ ଏନିଲେହେଁତି ଦୁକୁ କସ୍ ବେଗାଆନମି ମୀରୁ ଏନିକିହୁଁ ସାସା ଅଡ଼େ କସ୍‌ତଲେ ଦୁକୁ ବେଗାଆହି ମାଞ୍ଜେରି ମାମ୍‌ଜିକେଏ ଏଲେକିହୁଁ ଏ ଦୁକୁ ତୁକ୍‌ନି କାମା କିହିମାନମି । ୭ ଅଡ଼େ ମୀ ତାଣା ମା ବାର୍ସୁ ହାରେକା ମାନେ । ମୀରୁ ମା ଦୁକୁ କସ୍ ପାଣ୍ଡିନିତାଣା ଏନିକିହୁଁ ଆଣ୍ଡାମାଞ୍ଜେରି, ଏଲେକିହୁଁ ଏ ମାମ୍‌ଦୁକୁ ତୁକ୍‌ନି ତାଣା ଆଣ୍ଡିଦେରି, ଇଞ୍ଜୁଁ ମାମ୍‌ପୁଞ୍ଜାମାନମି ।

୮ *ଇତିହୁଁ ଏ ତାୟିୟାଁ ଅଡ଼େ ତାଜିମ୍ବାତେରି, ଆସିୟା ରାଜିତା ମାଜେତାକି ଆହାମାନି ସାସି ମୀରୁ ପୁନାଆନା ମାଞ୍ଜୁ ଇଞ୍ଜିହୁଁ ମାମ୍‌ପୁ ଅଣ୍‌ପି ହିଲଅନି; ମାମ୍‌ମା ବାଡ଼ୁୟୁଟି ବେଗାଆହାମାନି ସାସି ସହଞ୍ଜି ଆହାଲି ଆଡ଼ାଆରେରୁ ଆହାମାଚମି, ଇଞ୍ଜାଁ ମାମ୍‌ନୀତାମାଞ୍ଜାଲି ଜିକେଏ ଆସା ପିସାମାଚମି; ୯ ହାଅ, ମାଜେ ପାୟାଲି ହୁକୁମି ହୀପ୍‌କି ଆହାମାନେ ଇଞ୍ଜୁଁ ଅଣ୍‌ପିମାଚମି, ଏନିକିହୁଁ ମାମ୍‌ମା ମୁହେଁ ବାର୍ସୁ କିହାକତାଆନା ଏମିନି ମାହାପୁରୁ ହାକିଟି ନିକ୍‌ନେସି ଏଞ୍ଜାଣି ତାଣା ବାର୍ସୁ କିନମି; ୧୦ ଏଞ୍ଜାସି ଆଜିହପେତି ହାକିଟି ମାଜେ ଗେଲ୍‌ପାତେସି ଅଡ଼େ ଗେଲ୍‌ପାନେସି, ଅଡ଼େ ତାୟୁ ଜିକେଏ ଗେଲ୍‌ପାନେସି ଇଞ୍ଜୁଁ ତାନିତାଣା ମା ଆସା ମାନେ; ୧୧ ମୀରୁ ଜିକେଏ ମା ତାକି ପ୍ରାତାନା କିହାଁ ମାଜେ ସାୟେନି କିହାମାଞ୍ଜାଦେରି, ଏନିକିହୁଁ ମାଜେ ଏମିନି କାର୍ମାତି ଦାନା ହୀପ୍‌କି ଆହାମାଞ୍ଜାନେ, ଏଦାଆଁତାକି ହାରେକା ଲକୁତି ଗୁଡ଼ିଟି ମା ତାକି ହାରେକା ଜହରା କିଞ୍ଜିଆହିମାନେ ।

ପାଞ୍ଚୁଲ ତାନି ଅଣ୍‌ପୁ ବାଦଲି କିନାୟି

୧୨ ବାରେକିହାଁ ଦାର୍‌ତିତା ମୀ ତାକି ମାମ୍‌ମାଣ୍‌ସିତି ବୁଦିତଲେ ତାକାଆନା ମାହାପୁରୁତି କାର୍ମାଟି ତାନି ସୁଦୁ ଅଡ଼େ ନାମୁତଲେ ତାକିମାଚମି ଇଞ୍ଜୁଁ ମା ଅଣ୍‌ପୁ ସାକି ହାହିମାଞ୍ଜାନେ, ଇଦି ମା ବଡ଼ପଣତି କାତା । ୧୩ ଖାର୍‌ଇ ମୀରୁ ଏନାଆଁ ପଡ଼ଞ୍ଜି ଆହାମା ତେଲ୍‌ହିଦେରି, ଏ ବାରେ

ପିସ୍‌ପେ ମାମ୍ବୁ ମିଙ୍ଗେ ଅଡ଼େ ଏନାଆଁ ରାଡ଼ିମାଞ୍ଜାଅମି, ୧୪ ଅଡ଼େ ମା ପ୍ରଭୁ ଜୀସୁ କ୍ରୀସ୍ତତି ଦିନାତା ମାମ୍ବୁ ମା ତାକି ବଡ଼ପଣ ତସାଲି ଆଡ଼ିନମି, ଅଡ଼େ ମୀରୁ ଜିକେଏ ମା ତାକି ବଡ଼ପଣ ତସାଲି ଆଡ଼ିଦେରି, ମୀରୁ ନୀଏଁ ଇଚେକା ପୁଞ୍ଜାନା ବାରେ ପୁନାଆତି ଜିକେଏ ର ଦିନା ମୀରୁ ବାରେ ତାୟ ପାତେକା ପୁଞ୍ଜେରି ଇଞ୍ଜି ନା ଆସା ।

୧୫ ଇ କାତା ନେହଁକଁ ପୁଞ୍ଜାମାନାକି ମୂଲୁଏ ମୀ ତାଣା ଖାହାଲି ତାକି ନାଙ୍ଗେ ଅଣ୍‌ପୁ ମାରେ, ଆଡ଼ିହଁ ମୀରୁ ରୀ ଦେବା ରାହଁ ବେଟାଆଡ଼େରିମା ୧୬ *ମୀ ତାଣାଟି ମାକିଦନିୟାତା ହାଜାନା ଅଡ଼େ ଖେଣ୍ଡେ ମାକିଦନିୟାଟି ମୀ ତାଣା ଖାହାନା ମୀ ସାୟେମି ତଲେ ଜୀହୁଦା ଦେସାତା ହାଜାଲି ଆଡ଼ିଇଁ, ଏଦାଆଁତାକି ଏ ନାମୁତି ତଲିଏ ମୀ ତାଣା ହାଜାଲି ମନ କିହାମାଚେଏଁ । ୧୭ ଆଡ଼ିହଁ ଇଲେତି ଅଣ୍‌ପୁ ଅଣ୍‌ପିନାୟି ନାନୁ ଏନାଆଁ ଆନାମାନା ଆହାନା କିହାମାଚେଏଁ ? ଇଞ୍ଜା ନାନୁ ଏନାଆଁ ତାରିକିହା ତୟିଇଁ, ଏଦି ଏନାଆଁ ଏଦାଆଁ ଦାରିତି ଅଣ୍‌ପୁ ତଲେ କିହିମାଇଁ, ଇଞ୍ଜା ନା କାତା “ହାଅ କି ଆଏ” ଇ ରୀ କାତା ରଣ୍‌ସି ଦେବା ହପୁଇଁ କି ? ୧୮ ମାହାପୁରୁ ଟିକାଣାତାସି, ଏଦାଆଁତାକି ନା କାତା ମିଙ୍ଗେତାକି “ହାଅ କି ଆଏ” ଇନି ରୀ କାତା ଆଏ । ୧୯ *ଇଡ଼ିହଁ କ୍ରୀସ୍ତ ଜୀସୁ ମାହାପୁରୁ ମୀରୁଏସି, ଆମ୍ବାଆସି ମା ତାଣାଟି ଇଡ଼ିହଁ ସିଲା, ତିମତି ଅଡ଼େ ନାନୁ ମୀ ତାଣା ଖେକହା ମାଚମି, ଏଞ୍ଜାସି “ହାଅ” ଅଡ଼େ “ଆଏ” ଇନାସି ଆହାହିଲଅସି, ଇଡ଼ିହଁ ଏଞ୍ଜାଣି ତାଣା ହାଅ ଆହାମାନେ । ୨୦ ଏନାଆଁତାକି ଇଡ଼ିହଁ ମାହାପୁରୁତି ବାରେ ଆଞ୍ଜାମାନାୟି ଏଞ୍ଜାଣି ତାଣା “ହାଅ” ମାନେ; ଇଦାଆଁତାକି ଜୀସୁ କ୍ରୀସ୍ତ ତାଣାଟି ମାହାପୁରୁଇଁ ଗାଞ୍ଜୁରମି କିହାଲି ମାର “ଆମେନ,” ଏଲେଆହଁ ଆପେ” ଇନାୟି । ୨୧ ତାନୁଏ ମାଙ୍ଗେ ଅଡ଼େ ମିଙ୍ଗେ କ୍ରୀସ୍ତ ତାଣା ତାରି କିହାମାଞ୍ଜାନେସି, ଇଞ୍ଜା ମାଙ୍ଗେ ବର ହାହାମାଞ୍ଜାନେସି, ଏଞ୍ଜାସି ମାହାପୁରୁ; ୨୨ ଏଞ୍ଜାସି ତାନି ରୁଟୁ ମୁଦ୍ରା ମାଙ୍ଗେ ଖେଚା ମାଞ୍ଜାନେସି, ଇଞ୍ଜା ଏଞ୍ଜାସି ମା ହିୟା ବିଦ୍ରା ସୁଦୁଜୀସୁ ସିନାଲେହେଁ ହାହାମାଞ୍ଜାନେସି ।

୨୩ ସାମା ନାନୁ ମାହାପୁରୁଇଁ ସାକି କିହାନା ନା ଜୀସୁତି ମାନି କିହିମାଇଁ, ନାନୁ ମିଙ୍ଗେ କାର୍ମା ଆହାନା କରକ୍ତିତା ଖେଣ୍ଡେ ହାଜାହିଲଅଁ । ୨୪ ମୀ ନାମୁତି ମୁହେଁ ମା ଅଦିକାରା ମାନେ, ଏଲେକଁ ଆଏ, ସାମା ମୀ ରାହଁତାକି ମୀ ସାୟେମି କିନାତମି ଆହାମାନମି, ଏଦାଆଁତାକି ନାମୁତା ତାରିଆହାନା ମାଞ୍ଜୁ ।

୨

୧ ନାନୁ ମୀ ତାଣା ହାନାୟି ମିଙ୍ଗେତାକି ଅଡ଼େ ଖେଣ୍ଡେ କସ୍ତ ଆୟେଏ, ଇଦାଆଁ ମନତା ତାରି କିଚେଏଁ । ୨ ନାନୁ ମିଙ୍ଗେ ଦୁକୁ ହିୟାଇଁ, ଆଡ଼ିହଁ ନାନୁ ଆମ୍ବାଆରାଇଁ ଦୁକୁ ହାଇଁ, ଏଞ୍ଜାଣି ପିସ୍‌ପେ ନାଙ୍ଗେ ଆମ୍ବାଆସି ରାହଁ ହିୟାନେସି ? ୩ ଇଞ୍ଜା ନାନୁ ଆମ୍ବାଆରି ତାଣାଟି ରାହଁ ପାଣ୍‌ନାୟି ମାନେ, ଏଞ୍ଜାରିତାଣା ନାନୁ ଖାହାନା ଏନିକଁ ଦୁକୁ ବେଟାଆଆଁ,

ଏଦାଆଁତାକି ନାନୁ ଇ କାତା ରାଡ଼ାମାଚେଏଁ, ଏନାଆଁତାକି ଇଡ଼ିହଁ ନା ରାହଁତା ମୀ ରାହଁ ଆନେ, ଏଦି ମୀ ବାରେତାକି ନା ଅଣ୍‌ପୁ । ୪ ଇଡ଼ିହଁ ହାଡ଼େକା କସ୍ତ ଅଡ଼େ ହିୟା କାଡ଼ାତାକି ହାଡ଼େକା ଦୁକୁ ତଲେ କାଣ୍‌ପୁ ତୁକ୍‌ହିହଁ ମିଙ୍ଗେ ରାଡ଼ାମାଞ୍ଜାଚେଏଁ; ଏନିକଁ ମୀରୁ ଦୁକୁ ଆଡ଼େରି, ଏଲେକଁ ଆଏ, ସାମା ମିଙ୍ଗେତାକି ନା ଜୀସୁନନାୟି ହାଡ଼େକା ମାନେ, ଇ କାତା ମୀରୁ ଏନିକଁ ପୁଞ୍ଜେରି ।

ମାଣ୍‌ସିତି ଦହ୍ ମେକ୍‌ନାୟି

* ସାମା ଆମ୍ବାଆସି ଦୁକୁ ହାହାମାନେସି, ଏଞ୍ଜାସି ନାଙ୍ଗେ ଦୁକୁ ହାହାମାଞ୍ଜାଅସି, ସାମା ବାରେତେରି ମିଙ୍ଗେ ଦୁକୁ ହାହାମାଞ୍ଜାନେସି ନାନୁ ହାଡ଼େକା ଗାଡ଼ିକିହଁ ଖେହ୍‌ଅଁ । ୨ ମୀ ବିଦ୍ରାଟି ହାଡ଼େକା ଲକୁ ତାଣାଟି ଏଞ୍ଜାସି ଏନି ତଣ୍‌ସି ବେଟା ଆହାମାନେସି ଏଞ୍ଜାଣାକି ଏଚେକେଏ ସାରି । ୩ ଏଦାଣିତାକି ଏଲେତି ଲକୁ ଏଚେତା ହାଡ଼େକା ଦୁକୁତା ମେଦା ହାନେସି, ଏଦାଆଁତାକି ମୀରୁ ନୀଏଁ ଏଞ୍ଜାଣାଲି ପାପୁ ମେକ୍‌ହାନା ବାସ୍‌ ହାଦୁ । ୪ ଇଡ଼ିହଁ ଏଞ୍ଜାଣାଲି ଜୀସୁ ନନାଣି ତହ୍‌ଦୁ ଇଞ୍ଜି ବାଡ଼ିମାଲିମାଞ୍ଜାଲି । ୫ ଇଡ଼ିହଁ ମୀରୁ ବାରେ କାତାତି ମାନୁଞ୍ଜି ଆହିମାଞ୍ଜେରି, ଇଞ୍ଜି ମିଙ୍ଗେତାକି ଏମ୍ବାତି ପାରମାଣା ଏନିକଁ ନାନୁ ବେଟାଆଇଁ, ଇ ବାରେତାକି ରାଡ଼ାମାଚେଏଁ । ୬ ଇଞ୍ଜା ମୀରୁ ଆମ୍ବାଆରି ଦହ୍ ପିହ୍‌ଦେରି, ନାନୁ ଜିକେଏ ଏଞ୍ଜାଣି ଦହ୍ ପିହ୍‌ଇଁ; ଇଡ଼ିହଁ ନାନୁ ଏନାଆଁ ଦହ୍ ପିସାମାଲି, ଇଞ୍ଜା ଏମିନି ଦହ୍ ପିସାମାଲି, ଏଦାଆଁ କ୍ରୀସ୍ତତି ନକିତା ମୀ ତାକି ପିସାମାଲି । ୭ ଏନିକଁ ସୟତାନ ମାଙ୍ଗେ ଲାଗେଏ କିହାଲି ପାରୁ ବେଟାଆଏ, ଇଡ଼ିହଁ ମାର ବାରେ ତାନି ଅଣ୍‌ପୁତି ପୁଞ୍ଜାମାନାୟି ।

ତ୍ରୟାତା ପାଞ୍ଜୁଲ ମନତା କସ୍ତ ପାଣ୍‌ନାୟି

* ଅଡ଼େ କ୍ରୀସ୍ତତି ନେହଁ କାରୁ ଖେକହାଲି ତାକି ନାନୁ ତ୍ରୟାତା ଖାଡ଼ି ତାୟୁ ପ୍ରଭୁତି କାମା କିହାଲି ଦାରା ଦେପି ଆହାମାଚି ଜିକେଏ, ୧୩ ନାନୁ ନା ତାୟି ତିତସଇଁ ଏମ୍ବାଆଁ ମେହ୍‌ଆଲିଏ ନା ଜୀସୁ ହିଡ଼ି ଆଆତାକି ଏଞ୍ଜାରି ତାଣାଟି ହେଲ ବେଟାଆହାନା ମାକିଦନିୟାତା ହାଚେଏଁ ।

କ୍ରୀସ୍ତ ତାଣାଟି ଜାଣା ଆନାୟି

୧୪ ସାମା ମାହାପୁରୁଇଁ ଜହରା ଆପେ, ଏଞ୍ଜାସି ବାରେବେଲା ମାଙ୍ଗେ ଅହାନା କ୍ରୀସ୍ତ ତାଣା ଜୀଣାଆଡ଼ି ଲେହେଁ ହାଜାମାନେସି, ଇଞ୍ଜା ବାରେ ଚାୟୁତା ତାନି ରୁଦି ଲେହେଁତି ଗାନ୍ଦା ମା ତାଣାଟି ଖେକ୍‌ହିମାନେସି । ୧୫ ଇଡ଼ିହଁ ଗେଲପି ଆହିମାନି ଲକୁତାଣା ଇଞ୍ଜା ନାସା ଆହିମାନି ଲକୁତାଣା ମାର ମାହାପୁରୁ ନକିତା କ୍ରୀସ୍ତତି ହାଡ଼େକା ନେହଁ ଗାନ୍ଦା ଲେହେଁ ଆହାମାନାୟି । ୧୬ ରକଞ୍ଜାକି ଲକୁତାକି ହାକି ହାନାୟି ଅଡ଼େ ରକଞ୍ଜାକି ଲକୁତାକି ଜୀସୁହାନି ଲେହେଁତି ନେହଁ ଗାନ୍ଦା ଲେହେଁ । ସାମା ଇ ବାରେ କାମା କିହାଲି ଆମ୍ବାଆସି ଆଡ଼ିନେସି ? ୧୭ ହାଡ଼େକା ଲକୁ ବାଡ଼କାଲି ତାକି ମାହାପୁରୁତି କାରୁ ଖେକ୍‌ହି ମାନେରି,

☆ ୧:୧୭ ୧:୧୭ କାମା ୧୯:୨୧ ☆ ୧:୧୯ ୧:୧୯ କାମା ୧୮:୫ ☆ ୨:୧୭ ୨:୧୭ କାମା ୨୦:୧

ମାମୁ ଏଝାରିଲେହେଁ କିହିଲଅମି, ସାମା ତୀରପୁତଲେ ମାହାପୁରୁତି ହୁକୁମି ତଲେ ତାନି ନକିତା ମାମୁ କ୍ରୀସ୍ତ ତାଣା ମାଞ୍ଜାନା କାତା ଜଲିମାନମି ।

୩

ପୁଃନି ମେରାତି ହଲିୟା

୧ ମାର କି ଜାହାରାଇଁ ବଡପଣ କିହାଲି ମାଟୁହା ମାନାୟି ? ଆମ୍ବା ଆମ୍ବାଆରି ଲେହେଁ ଏନାଆଁ ମୀ ତାଣା ଆଆତି ମୀ ତାଣାଟି ମା ତସ୍ପି ଆନାୟି ଲଡ଼ାମାନେ ? ୨ ମୀରୁତ ମା ହିୟାତା ରାସ୍କି ଆହାମାନାତେରି ଇଞ୍ଜା ବାରେଜାଣା ପୁଞ୍ଜାମାନାୟି ଅଡ଼େ ପଡ଼଼ି ଆହାମାନି ମା ଆକୁ ଲେହେଁ; ୩ ଅଡ଼େ, ମୀରୁ ମା ସେବା କାମାତା ରାସ୍କି ଆହାମାନି କ୍ରୀସ୍ତ ଆକୁ ଲେହେଁ, ଇଦି ତଞ୍ଜା ଆହିମାନେ; ଏଦି ସୀରା ତଲେ ରାସ୍କି ଆହାହିଲେଏ, ସାମା ଜୀଞ୍ଜୁତି ମାହାପୁରୁତି ସୁଦୁଜୀଞ୍ଜୁ ତଲେ ରାସ୍କି ଆହାମାନେ, ଖାଲି ପାଟାତା ଆଏ, ସାମା ଉୟୁଗାଟି ହିୟା ପାଟାତା ।

୪ କ୍ରୀସ୍ତ ତାଣାଟି, ମାହାପୁରୁ ନକିତା ବାସ୍ତୁ ଇଚାନା ମାଦି ଇଲେତି ଆଟୁଞ୍ଜା ନାମୁ ମାନେ । ୫ ମାର ମା ତାଣାଟି ଏନାଆଁ କିହାଲି ଆଡ଼ାଆୟି, ଏଲେକ୍ ଆଏ, ସାମା ମାହାପୁରୁ ତାଣାଟି ଆଡ଼ିନି ବାଡ଼ୟୁ ମାନେ; ୬ ଏଝାସି ମାଞ୍ଜେ ରାସ୍କି ଆହାମାନି ମେରାତି ସେବା କିନାରି କିହାମାଞ୍ଜଅସି, ସାମା ନେହ୍ ଜୀଞ୍ଜୁତି ଇତିହ୍ ପୁଃନି ମେରାତି ସେବା କାମା କିହାଲି ବାଡ଼ୟୁ ହାହାମାଞ୍ଜାନେସି; ଇତିହ୍ ରାସ୍କି ଆହାମାନି ରାଜିମାନା ହାଞ୍ଜିକିନେ ସାମା ନେହ୍ ଜୀଞ୍ଜୁ ନୀତିକିନାୟି ।

୭ ଅଡ଼େ ତାସ୍ତି ଖାଲି ପାଟାତା ରାସ୍କି ଆହାମାନି ହାଞ୍ଜି କିନି ମସା ମେରାତି ସେବା କାମା ଇଲେତି ଗାଞ୍ଜୁରମି ତଞ୍ଜାଆହାମାତେ, ଇତିହ୍ ଇସ୍ତାୟେଲ ଲକୁ ମସା ମୁମୁଡ଼ି ନାସା ଆନି ଉଜେଡ଼ି ତାକି ଏଝାଣି ମୁମୁ ମେସାଲି ଆଡ଼ାଆତେରି, ୮ ଆତିହ୍ ନେହ୍ ଜୀଞ୍ଜୁତି ସେବା କାମା ଏଚେକା ଗାଡ଼ି ଗାଞ୍ଜୁରମି ଆଏକି ? ୯ ତଣ୍ଡ ଆଞ୍ଜିକିନି ସେବା କାମା ଗାଞ୍ଜୁରମି ଗାଟାୟି, ଆଡ଼ି ଦାମ୍ପୁତି ସେବା କାମା ଏଦାଆଁ କିହାଁ ଆଗାଡ଼ା ଗାଞ୍ଜୁରମି ଗାଟାୟି ଆନେ । ୧୦ ଇତିହ୍ ଆମିନି ଗାଟାୟି ଗାଞ୍ଜୁରମି ଗାଟାୟି ମାତେ, ଏଦି ଏଦାନି କିହାଁ ଆଗାଡ଼ା ଗାଞ୍ଜୁରମି ଆନି କିହାଁ ଗାଞ୍ଜୁରମି ହିଲାଆଗାଟାୟି ଆଡେ । ୧୧ ଗାଡ଼େକା ତାକି ନାସା ଆନାୟି ଗାଞ୍ଜୁରମି ବେଟାଆହ୍, କାଲକାଲକା ତାକି ମାନାୟି ଏଚେକା ଆଗାଡ଼ା ଗାଞ୍ଜୁରମି ତଞ୍ଜାଆନେ ।

୧୨ ଇତିହ୍ ମାଞ୍ଜେ ଏଲେତି ବାସ୍ତୁ ମାନାକି ହାରେକା ସାସା ଆହାମାନମି । ୧୩ ଅଡ଼େ ଇସ୍ତାୟେଲ ଲକୁ ଏନିକ୍ ଗାଡ଼େକା ତାକି ନାସାଆନି ଗାଞ୍ଜୁରମିତି ସିନିକିଅରି, ଏଦାଆଁତାକି ମସା ଏନିକ୍ ତାନି ମୁମୁଡ଼ି ହିମ୍ବରି ପୁକିହା କଡ଼ିମାତେସି, ମାମୁ ଏଲେକ୍ କିହିଲଅମି । ୧୪ ସାମା ଏଝାରି ବୁଦିତି କାଣକା ପଜଞ୍ଜି ଆହାମାନୁ, ଇତିହ୍ ନୀଞ୍ଜୁପାତେକା ପୁଃଞ୍ଜ ରାଜିମାନା ପତି ପଡ଼଼ି ଆନାଟି ଏ ହିମ୍ବରି ପିଡ଼ିନାୟି ନୀଏ ପାତେକା ତୟାମାନେ, ଇଞ୍ଜା

କ୍ରୀସ୍ତ ତାଣାଟି ଏ ହିମ୍ବରି ଗୁଚା ଆହାମାନେ, ଏଦି ତଞ୍ଜା ଆହିଲେଏ । ୧୫ ସାମା ନୀଏ ପାତେକା ମସାତି ମେରା ପଡ଼଼ି ଆନାଟି ଏଝାରି ହିୟା ହିମ୍ବରି ପୁକି ଆହାଁ ତୟିନେ । ୧୬ “ସାମା ଆମ୍ବାଆସି ଆପେସି ପ୍ରବୁ ଖାକି ଖେଶ୍ତାଞ୍ଜାଡ଼ିହ୍ ଏଝାଣି ପୁକି ଆହାମାନି ହିମ୍ବରି ଗୁଚାଆନେ ।” ୧୭ “ପ୍ରବୁ” ଏ ଜୀଞ୍ଜୁ, ଇଞ୍ଜା ଏସ୍ତାୟା “ପ୍ରବୁତି ଜୀଞ୍ଜୁ” ମାନେ ଏମ୍ବାଆଁ ବାରେ ମେଲା ଆନାୟି ମାନେ । ୧୮ ସାମା ମାର ବାରେତାୟି ମୁମୁ ପୁକିଆନା ଦାପେଣିତା ମେହ୍ନି ଲେହେଁ ପ୍ରବୁତି ଗାଞ୍ଜୁରମି ମେସି ମେସିହ୍ ଗାଞ୍ଜୁରମିତି ହାରେକା ଗାଞ୍ଜୁରମି ଆହାମାନା ତାନି ଏ ଝାଣା ତଲେ ବାଦଲି ଆହିମାନାୟି; ଇଞ୍ଜା ପ୍ରବୁ ଆମ୍ବାଆସିକି ଜୀଞ୍ଜୁ ଏଝାଣି ତାଣାଟି ଇ ବାରେ ଆହିମାନେ ।

୪

ଇରଥା ଡ଼କା ବିତ୍ତା ନେହ୍ ଜୀଞ୍ଜୁତି ଦନ

୧ ମାର ମାହାପୁରୁତି କାର୍ମା ବେଟାଆହାମାନା ଇ ସେବାକିନି ପାଣା ବେଟାଆହାମାନାକି ସାସା ହିଲାଆ ଲକୁଲେହେଁ ଆହାହିଲାଆୟି, ୨ ସାମା ମାମୁ ଲାଜା ଗାଟି ତଞ୍ଜା ଆଆଗାଟି ଲାଗେଏତି କାମା ପିସାମାନମି; ଇଞ୍ଜା ମାମୁ ନାଡ଼ି କିଅମି ଅଡ଼େ ମାହାପୁରୁ କାତାତି ମିତି କାଲହାନା ଖେସିହିଲଅମି, ମାହାପୁରୁ କାନୁତା ନେହ୍ କାରୁତି ସାତା କିହ୍ ଖେକହାନା ବାରେଜାଣାତି ନେହ୍ ଅଣପୁ ତାକି ନେହ୍ତମି ତଞ୍ଜା ଆହିମାନମି । ୩ ଏନାଆଁତାକି ଇତିହ୍ ମାର ଖେକହାନା ନେହ୍ କାରୁ ଡ଼ଗୁ ମାଟିହ୍, ଏଦି ଝାରଇ ଜାଞ୍ଜା ମାନାରାକି ଡ଼ଗୁମାନେ । ୪ ମାହାପୁରୁ ଝାଣା ଲେହେଁତି କ୍ରୀସ୍ତ ତାନି ଗାଞ୍ଜୁରମିଗାଟି ନେହ୍ କାରୁତି ଉଜେଡ଼ି ଏନିକ୍ ଇଲେତି ଲକୁକି ତଞ୍ଜା ଆଏ, ଏଦାଆଁତାକି ନାମାଆଗାଟାରି ବୁଦି ଦାରତିତି ପଲ୍ଥା ପେନୁ କାଣାୟାଁ କିହାମାନେ । ୫ ମାମୁ ମାଞ୍ଜେତାକି ଖେସାକଡ଼ିହିଲଅମି, ସାମା କ୍ରୀସ୍ତ ଉପ୍ରୁ ଇଞ୍ଜି ଅଡ଼େ ଜୀସୁ କ୍ରୀସ୍ତ ତାକି ଜାହାରାଇଁ ମୀ ହଲିୟାଞ୍ଜାତମି ଇଞ୍ଜି ଖେକହି ମାନମି, ୬ ଏନାଆଁତାକି ଇତିହ୍ ଆମିନି ମାହାପୁରୁ ଏଲେଇଞ୍ଜାମାତେସି, “ଆନ୍ଦେରିତି ଉଜେଡ଼ି ତଞ୍ଜା ଆପେ,” ଏଝାସି କ୍ରୀସ୍ତ ମୁମୁଡ଼ା ତଞ୍ଜା ଆହିମାନି ମାହାପୁରୁତି ଗାଞ୍ଜୁରମିଗାଟି ବୁଦିତି ଉଜେଡ଼ି ତସାଲି ତାକି ମା ହିୟାତି ଉଜେଡ଼ି କିହାମାନେସି ।

୭ ସାମା ମାର ଝାରଇ ଇରଥା ଡ଼କାତା ଇ ଲାକପୁରୁତି ଦନ ବେଟାଆହାମାନାୟି । ଇମ୍ବାଆଁ ପୁଣ୍ଡି ଆହିମାନେ ଇଲେତି ଲାକପୁରୁତି ବାଡ଼ୟୁ ମାଦି ଆଏ ସାମା ମାହାପୁରୁଝାୟି । ୮ ମାମୁ ବାରେଲେହେଁତି ଦୁକୁ କସ୍ତ ବେଟାଆହାମାନମି, ସାମା ମାମୁ ସୁଶୁକି ଆହି ହିଲଅମି । ଏଚେ ଏଚେଲା ଆଡ଼ାଜାକା ଆଡ଼ି ଜିକେଏ ନୀରାସା ଆହାହିଲଅମି । ୯ ମାମୁ ସାସ୍ତି ବେଟା ଆହିମାନମି ସାମା ମାହାପୁରୁ ମାଞ୍ଜେ ଏଚେଲା ପିସାମାଞ୍ଜଅସି । ଏଚେ ଏଚେକା ମାଡ଼ା ବେଟାଆହି ମାନମି ସାମା ନାସା ଆହାହିଲଅମି । ୧୦ ଜୀସୁତି ଜୀଞ୍ଜୁ ଏନିକ୍ ମା ତାଣା ତଞ୍ଜାଆନେ, ଏଦାଆଁତାକି ମାର ବାରେ ବେଲା ମା ଆଞ୍ଜାତା ଜୀସୁତି ହାକି

ଡେକା ମାନାୟି । ୧୧ ଇତିହାସି ଜୀସୁତି ଜୀସୁ ଏନିକିମି ମା ହାନି ଆଜ୍ଞାତା ତଞ୍ଜାଆନେ, ଏଦାଆଁତାକି ମାର ନୀତାମାତି ଜିକେଏ ବାରେବେଲା ଜୀସୁତି କସମି ହାକିତା ହେରପି ଆହିମାନାୟି । ୧୨ ଇଲାଆହି ମା ତାଣା ହାକି, ଅଡେ ମୀ ତାଣା ଜୀସୁ କାମା କିହିମାନେ ।

୧୩ ରାସ୍ତକି ଆହାମାନେ, “ନାନୁ ନାମିତାକି ଜଲିତେଏଁ ।” ମାର ଏ ନାମୁତି ଜୀସୁ ବେଟାଆହାମାନାୟି, ଇଞ୍ଜା ମାର ନାମାମାନାୟି ଏଦାଆଁତାକି ଖେକହି ଜିକେଏ ମାନାୟି । ୧୪ ମାମ୍ନୁ ପୁଞ୍ଜାମାନମି, ମାହାପୁରୁ ପ୍ରବୁ ଜୀସୁଇଁ ହାକିଟି ଖେଣ୍ଡେ ନିକହାମାନେସି । ଏ ମାହାପୁରୁ, ଜୀସୁତଲେ ମାଜେ ଜିକେଏ ନିକହାନେସି ଅଡେ ମୀ ତଲେ ମାଜେ ତାନି ତାଗେ ଅୟାନେସି । ୧୫ ମୀ ନେହେଁତାକି ଇ ବାରେ ଆହିମାନେ । ମାହାପୁରୁତି କାର୍ମାମେହନାୟି ଅଡେ ହାରେ ଗାଡି ପାତାଆହାନା ଲକୁଣି ତୀଗିତେ, ଅଡେ ହାରେକା ଲକୁ ରାହାଁ ଅଣ୍ପୁ ତଲେ ମାହାପୁରୁଇଁ ଗାଝୁରମି କିନେରି ।

ନାମୁତି ଜୀସୁ

୧୬ ଏଦାଆଁତାକି ମାମ୍ନୁ ଖୁହା ହିଲଅମି, ସାମା ମା ଦାରତିତି ଆଜ୍ଞା ମେଣ୍ଡକିତି ଜିକେଏ ମା ହିୟାଁ ବିତ୍ରାତି ଜୀସୁ ପୁଞ୍ଜନାୟି ଆହିମାନେ । ୧୭ ଇତିହାସି ଇ ଗାଡେକାତି କସୁ ହାରେକା ଗାଡି ମାଜେ ତାକି କାଲାକାଲା ରାଆଗାଟି ଗାଝୁରମି ତାନେ; ୧୮ ମାର ତଞ୍ଜା ଆହିମାନାଣି ଗୁରି କିଆନା ତଞ୍ଜା ଆଆଗାଟାଣି ଗୁରି କିହିମାନାୟି; ଇତିହାସି ତଞ୍ଜା ଆହିମାନାୟି ଗାଡେକା ତାକି, ସାମା ତଞ୍ଜା ଆଆଗାଟାୟି କାଲାକାଲାତାୟି ।



୧ ମାର ପୁଞ୍ଜାମାନାୟି, ଆମିନି ଦାରତିତି ତୁମ୍ବୁ ଲେହେଁତି ଇଲୁତା ନୀଏଁ ମାର ବାସା କିହାମାନାୟି, ଏଡି ନସୁ ଆଡିସାରେ ମାହାପୁରୁ ମାଜେ ଲାକପୁରୁ ର କାଲାକାଲାତି ଇଲୁ ମେଡି କିୟାନେସି । ଏଡି ମାଣ୍ଡି କେୟୁଟି କେପିତାୟି ଆଏ, ମାହାପୁରୁ ତାନୁଏ ଏଦାନି ଗାଡିକିତାସି । ୨ ଇ ଦାରତିତି ଇଲୁତା ମାଞ୍ଜାନା ମାର ଲାକପୁରୁ ଇଲୁତି ହିମ୍ବୁରି ହୁଚାଲି ମନ କିହାନା ତୀହି ମାନାୟି । ୩ ସାମା ଲାକପୁରୁତି ବାସା ଚାୟୁତା ହଡିସାରେ ମାର ଆଜ୍ଞା ହିଲାଆଗାଟାୟି ଆଆନା ନାଗ୍ତା ତଞ୍ଜା ଆଆୟି । ୪ ଇତିହାସି ମାର ଇ ଦାରତିତି ତୁମ୍ବୁତା ବାସା ଆହାନା ବଜୁଗାଟି ହିୟାଁ ତଲେ ତୀହି ମାନାୟି; ଇତିହାସି ମାର ଦାରତିତି ଆଜ୍ଞା ପିସାଲି ଅଣ୍ପିମାନାୟି ଏଡି ଆଏ, ସାମା ଜୀସୁ ଏନିକିମି ଦାରତିତି ନାସାକିନେ, ଇଦାଆଁତାକି ଇ ହାନି ଆଜ୍ଞାତି ମୁହେଁ ଲାକପୁରୁତି ହିମ୍ବୁରି ହୁଚାଲି ମାର ମନ କିହିମାନାୟି । ୫ ମାହାପୁରୁ ମାଜେ ଇ ବାଦ୍‌ଲଡି ଆନାଣି ତାକି ତିୟାରା କିହାଁ ମାଞ୍ଜାନେସି । ଅଡେ ଇଦାଣି ତୀରପୁକିନାଣି ଲେହେଁ ତାନି ସୁତୁଜୀସୁ ଏଝାସି ମାଜେ ହାହାମାଞ୍ଜାନେସି ।

୬ ଏଦାଆଁତାକି ମାମ୍ନୁ ବାରେବେଲା ସାସା ଆସାମାନମି । ମାମ୍ନୁ ପୁଞ୍ଜାମାନମି, ଏଚରଦିନା ପାତେକା ଇ ଆଜ୍ଞାତା ବାସା କିହାମାନମି, ଏଚରଦିନା ପାତେକା ପ୍ରବୁତି ଇଲୁଟି ହେକ ମାଞ୍ଜାନା ନୀତା ବାଡକିମାନମି, ୭ ଏଦାଆଁତାକି

ଇତିହାସି ମାର ତଞ୍ଜାଆହିମାନି ଦିଣ୍ଡୁ ଲାକ ଆଏ ସାମା ନାମ୍ନୁ ଲାକ ନୀତା ବାଡକି ମାନାୟି । ୮ ଏଦାଆଁକି ଇତିହାସି ମାମ୍ନୁ ସାସା ଗାଟାତମି, ଇଞ୍ଜା ଇ ଆଜ୍ଞା ପିସାନା ପ୍ରବୁ ତଲେ ବାସା କିହାଲି ମାମ୍ନୁ ହାରେକା ରାହାଁ । ୯ ଏଦାଆଁତାକି ଇମ୍ବାଆଁ ଜାହାରା ଇଲୁତା ମାତିହାଁ କି ହେକ ରାଡି ମାତିହାଁ ଜିକେଏ, ମାହାପୁରୁଇଁ ରାହାଁ କିନାୟି ଏ ମା ରଣ୍ଡିଏ ଅଣ୍ପୁ । ୧୦ ଇତିହାସି ନେହେଁ ଆପେ କି ଲାଗେଏ ଆପେ, ବାରେଜାଣା ଜାହାରା ଆଜ୍ଞା ତଲେ କିତି କାମାତି ଲେକାତଲେ ପାଡେୟି ବେଟାଆହାଲି ତାକି କ୍ରୀସୁତି ନୀହାଁୟି କିନି ଚାୟୁ ନକିତା ବାରେତାୟି ମାଜେ ନିକା ହାଜାଲି ଆନେ ।

କ୍ରୀସୁ ତାଣାଟି ମାହାପୁରୁତି ତଣେସିଜ୍ଞା ଆନାୟି

୧୧ ପ୍ରବୁଇଁ ଆଜିନାଣି ପୁଞ୍ଜାମାନାକି ମାମ୍ନୁ ମାଣ୍ଡିସିୟାଁଇଁ ମାତଡିକିହି ମାନମି, ସାମା ମାମ୍ନୁ ମାହାପୁରୁ ନକିତା ତଞ୍ଜା ଆହାମାନମି ଇଞ୍ଜା ମୀ ଅଣ୍ପୁତା ଜିକେଏ ତଞ୍ଜା ଆହାମାନମି, ଇ କାତା ନାନୁ ଆସା କିହିମାଇଁ । ୧୨ ମାମ୍ନୁ ମୀ ତାଣା ଅଡେ ବଡପଣ ତସାଲି କିହିହିଲଅମି, ସାମା ଲକୁତି ନେହାଁ ଅଣ୍ପୁ ତାକି ବଡପଣ ତହୁଆନା ଝାଝା ଏଝାରି ଆଜ୍ଞାତି ରାହାଁତାକି ବଡପଣ ତହୁନାରାଇଁ ମୀରୁ ଖେଣ୍ଡେ ଖେସାଲି ଆଡିଦେରି, ଏଦାଆଁତାକି ମୀରୁ ମା ତାକି ବଡପଣ ତସାଲି ଆଡିଦେରି ଇଞ୍ଜା ଖେସିମାଞ୍ଜାନମି । ୧୩ ମାମ୍ନୁ କି ବୁଦି ହିଲାଆ ଗାଟାତମି ? ଏଡି ମାହାପୁରୁ ତାକି ଆହାମାନେ ମାମ୍ନୁ କି ବୁଦିଗାଟାତମି ଆହାମାନମି ? ମା ନେହେଁ ମାତିସାରେ, ମୀ ତାକି ଏଲେଆହାଁ ମାନମି । ୧୪ ଇତିହାସି କ୍ରୀସୁତି ଜୀସୁ ନି ତାଣାଟି ସାଲଡି ଆହିମାନାୟି, ଏଦାଆଁତାକି ମାର ଇ କାତା ଅଣ୍ପିମାନାୟି, ରଅସି ବାରେଜାଣା ତାକି ହାହାମାନାକି ବାରେଜାଣା ଏ ହାକିତା ଆଣ୍ଡାମାନେରି । ୧୫ ଏଝାସି ବାରେଜାଣା ତାକି ହାହାମାନାକି ଆମିନି ଗାଟାରି ନୀତାମାନେରି, ଏଝାରି ଅଡେ ଜାହାରାତାକି ନୀତାଆନା ଏଝାଣି ତାକି ନୀତିନେରି, ଏଦାଆଁତାକି ଇତିହାସି ଏଝାରି ତାକି ଏଝାସି ହାହାନା ଖେଣ୍ଡେ ନୀତାମାନେସି ।

୧୬ ଇଦାଆଁତାକି ମାମ୍ନୁ ଆମ୍ବାଆରାଇଁ ମାଣ୍ଡି ଅଣ୍ପୁ ତଲେ ବିଚାରା କିହିଲଅମି । ଦିନା ମାତେ ଏଚିବେଲା ମାମ୍ନୁ କ୍ରୀସୁଇଁ ଜିକେଏ ମାଣ୍ଡି ଅଣ୍ପୁ ତଲେ ଅଣ୍ପିମାତମି, ସାମା ନୀଏଁ ମାମ୍ନୁ ଅଡେ ଏଲେ କିହିହିଲଅମି । ୧୭ ଇଦାଆଁତାକି ଆମ୍ବାଆସି କ୍ରୀସୁ ତାଣା ମାତିସାରେ ଆଡିହାଁ ଏଝାସି ପୁଞ୍ଜାସି ଆନେସି । ପାଣ୍ଡାୟି ବାରେ ମେଣ୍ଡକାମାନେ, ମେହ୍‌ତୁ ପୁଞ୍ଜନାୟି ଆହା ଆନେ । ୧୮ ଇ ବାରେ ମାହାପୁରୁ ତାଣାଟି ଆହାମାନେ, ଏଝାସି କ୍ରୀସୁ ତାଣାଟି ମାଜେ ତାନିତଲେ ଅଡେ ଆଟ୍‌ହା ମାଞ୍ଜାନେସି ଇଞ୍ଜା ତାନିତଲେ ସେବାକିନି ପାଣା ଆଟ୍‌ହାଲି ଏଝାସି ମାଜେ ଦାୟିପତି ହାହାମାଞ୍ଜାନେସି । ୧୯ ଏ ଆଣ୍ଡିନି ବଲୁ ଇଦି, ମାହାପୁରୁ କ୍ରୀସୁ ତାଣା ଦାରତିତି ତାନିତଲେ ଆଟ୍‌ହାମାତେସି; ଏଝାସି ଦାରତିତି ଲକୁତି ଦହୁ ଆହୁଆନା ଏ ଆଣ୍ଡିନି ବଲୁତି ମା ତାଣା ହେରପା ମାଞ୍ଜାନେସି ।

୨୦ ଏଦାଆଁତାକି ମାହାପୁରୁ ମା ଝାକିଟି ହାଟିମାଞ୍ଜାନାକି ମାର କ୍ରୀସ୍ତତି ଝାକିଟି ରାଜାତି କାରୁ ଝେହନାତାୟି ଆହାମାନାୟି; କ୍ରୀସ୍ତ ତଲେ ମାର ବାତିମାଲି ମାଞ୍ଜାନମି, ମାହାପୁରୁ ତଲେ ଅଡେ ଆଣ୍ଡାଦୁ । ୨୧ ଇଚିହିଁ କ୍ରୀସ୍ତକି ଇଚାୟି ପାପୁ ହିଲାଆତି ଜିକେଏ, ମାହାପୁରୁ ତାଜେ ମା ତାକି ପାପୁ ଗାଟାଣିଲେହେଁ କିତେସି, ମାର ଏନିକଁ ତାନିତଲେ ଆଣ୍ଡାନା ମାହାପୁରୁତି ଦାମ୍ଭିତା ଆଣ୍ଡାଲି ଆଡିନାୟି ।



୧ ମାହାପୁରୁ ତଲେ ଆଣ୍ଡା ଆହାମାନା କାମା କିହିମାନାକି ମାମ୍ବୁ ମିଜେ ବାତିମାଲି ମାଞ୍ଜାନମି, ମୀ ଜୀଝୁତା ମାହାପୁରୁତି କାମାମେହନାଣି ଉଜେଏ କିଆଦୁ । ୨ ମାହାପୁରୁ ଏଲେଇଞ୍ଜି ମାନେସି,

“ମିଜେତାକି କାମା ମେସ୍ତାନି ଦିନା ଝାହାଲିଏ ନାନୁ ମୀ ଗହାରା ଝେଚେଏ,
ଗେଲପିନି ଦିନା ନାନୁ ମୀ ସାୟେମି ଆୟାତେଏ”
ମେହଦୁ ! ଇଦି ଆହିମାନେ ମାହାପୁରୁତି କାମାମେହନାଣି ବେଟାଆନି ବେଲା । ନୀଞ୍ଜୁ ଆହିମାନେ ଗେଲପିଆନି ଦିନା ।

୩ ଏନିକଁ ମା ସେବା କାମା ନିନ୍ଦା ଆଏ, ଏଦାଆଁତାକି ମାମ୍ବୁ ଆମ୍ବାଆରି କାମାତା ବାଦା ହାଆପ ଇଞ୍ଜି ଅଣ୍ଡପିମାନମି । ୪ ଏଦାଆଁତାକି ମାମ୍ବୁ ବାରେବେଲା ମାହାପୁରୁତି ସେବା କିନାରା ଲେହେଁ ତସାକଡିମାନମି, ସାମା ଆଡ଼ଝା ତଲେ ବାରେଲେହେଁତି ବାଦାତା, ହିଲାଆ ବେଲାତା କସ୍ତୁ ଅରୁହିମାନମି, ୫ ମାମ୍ବୁ ମାଡା ବେଟାଆହାନା, କାୟିଦିତା, ଲକୁ ନକିତା ନିନ୍ଦା ବେଟାଆହାନା, ଇଞ୍ଜା ଝାହୁ କାମାତା, ଇଦା କିଆନା, ରାନ୍ଦା ତିନାଆନା ମାଟମି, ୬ ସୁଦୁଟି, ବୁଦିଟି, ଅରୁହିନି ତାଣାଟି, କାମାମେହନି ତାଣାଟି, ସୁଦୁଜୀଝୁତା, କୁରୁ ହିଲାଆନା ଜୀଝୁନନାୟି, ୭ ଅଡେ ସାତା ନେହଁ ବଲୁତା, ମାହାପୁରୁତି ବାଡ଼ୟୁ ତଲେ, ଟିଃନି ଟେବୁ କେୟୁଟି ଦାମ୍ଭିତା ସାଜୁ ତଲେ, ୮ ଗାଝୁରମି ଅଡେ ଅପାଆ ତାଣା, ମାମ୍ବୁମାନି ବେଟାଆହି ମାନମି ଇଞ୍ଜା ଲାଜା ବେଟାଆହି ମାନମି; ଇଞ୍ଜା ନାଡିକିଝି ଆହିମାନମି, ଆଡିଜିକେଏ ସାତା ଗାଟାତମି । ୯ ପୁଣ୍ଡି ଆଆତି ଲକୁ ଲେହେଁ, ଆଡି ଜିକେଏ ନେହଁ ପୁଣ୍ଡିଆଡି ଲକୁ, ହାଡାରି ଲେହେଁ ଆଡି ଜିକେଏ ମେହଦୁ ମାମ୍ବୁ ନୀତାମାନମି, ମାମ୍ବୁ ଡ଼ଣ୍ଡ ବେଟାଆହାମାନମି ସାମା ହାହା ହିଲଅମି, ୧୦ ମାମ୍ବୁ ଡୁକୁ ତଲେ ମାଚିହିଁ ଜିକେଏ ବାରେବେଲା ରାହାଁ ତଲେ ମାନମି, ମାମ୍ବୁ କ୍ଳାକୁଲି ଗାଟାତମି ଲେହେଁ, ସାମା ହାରେକା ଲକୁତାକି ବାଡ଼କା ମାନମି, ମାଜେ ଏନାୟି ହିଲାଆଲେହେଁ ସାମା ମାମ୍ବୁ ସାତାତଲେ ବାରେଡି ଅଦିକାରା ଗାଟାତମି; ଇ ବାରେଡାଣା ମାମ୍ବୁ ମାହାପୁରୁତି ସେବା କିନାତମି ଲେହେଁ ଜାହାରାଈ ଜଗେ ଗାଟାତମି ଇଞ୍ଜି ତସାକଡି ମାନମି ।

୧୧ କରତ୍ତିତା ମାନି ଜୀଝୁତି ତାୟିୟାଁ ଅଡେ ତାଜିସ୍ତାତେରି, କୁରୁ ହିଲାଆଲେହେଁ ମିଜେ ବାରେ ଝେସା ମାଞ୍ଜାନମି । ମୀ ତାଣା ମା ହିୟାଁ ଦେଟାମାନମି । ୧୨ ମିଜେତାକି ମା ଜୀଝୁନନାୟି ଉଣା ଆହା ହିଲେଏ ସାମା ମା ତାକି ମୀ ଜୀଝୁନନାୟି ଉଣା ଆହାମାନେ । ୧୩ ମିଜେ ନା ମୀରକା ମାସକା ଇଞ୍ଜି ଅଣ୍ଡପାନା ଇ ବାରେ ଝେସିମାଞ୍ଜାଇଁ, ମାମ୍ବୁ ଜୀଝୁନହଁ ମାଞ୍ଜାନାକି ମୀ ହିୟାଁ ଦେପି ଆଡେ ।

ଲାଗେଏ ତାଣାଟି ଜାଗ୍ରାତା କିନାୟି

୧୪ ମୀରୁ ନାମାଆଗାଟାରି ତଲେ ରଲେଏତାତେରି ଆଡି ଲେହେଁ କାମା କିଆଦୁ, ଦାମ୍ଭି କାମାତା ଲାଗେଏତି କାମା ଏନିକଁ ଆଣ୍ଡିନେ ? ଅଡେ ଆନ୍ଦେରି ତଲେ ଉଜେଡି ଏନିକଁ ଆଣ୍ଡିନେ ? ୧୫ କ୍ରୀସ୍ତ ଇଞ୍ଜା ବିଲିୟାର ଏନିକଁ ଜାଟୁ ଆନେରି ? ନାମିତାରି ଇଞ୍ଜା ନାମାଆତାରି ଆମିନି କାତାତା ରଣ୍ଡିଏ ଆନେରି ? ୧୬ ମାହାପୁରୁତି ଇଲୁତା, ଏନିକଁ ପେଣକାଡି ପୂଜା ଆନେ ? ସାମା ମାର ନୀତାମାନି ମାହାପୁରୁତି ଇଲୁତାୟି, ଇଚିହିଁ ମାହାପୁରୁ ତାନୁଏ ଏଲେଇଞ୍ଜା ମାନେସି,

“ନା ଲକୁତଲେ ନାନୁ ବାସା କିଇଁ,
ଅଡେ ଏଝାରିତଲେ ମାଈଁ,
ନାନୁ ଏଝାରି ମାହାପୁରୁ ଆଈଁ,
ଅଡେ ଏଝାରି ନା ଲକୁ ଆନେରି ।”
୧୭ ଏଦାଆଁତାକି ପ୍ରବୁ ଏଲେଇଞ୍ଜି ମାନେସି,
“ମୀରୁ ଏଝାରି ତାଣାଟି ହଡା ଝାଦୁ,
ଏଝାରି ତାଣାଟି ଏଟକା ଆଦୁ,
ଏନି ଲାଗେଏତି ଦିଶ୍ଟୁ ତାଗାଆଦୁ,
ଆଡିହିଁ ନାନୁ ମିଜେ ଆବାଈଁ,
୧୮ ନାନୁ ମୀ ଆବା ଆଈଁ,
ଅଡେ ମୀରୁ ନା ମୀରକା ମାସକାତେରି ଆଦେରି,
ବାରେକିହାଁ ବାଡ଼ୟୁଗାଟି ପ୍ରବୁ ଇଦାଆଁ ଝେସିମାଞ୍ଜାନେସି ।”



୧ ଇଚିହିଁ, ଏ ତାୟିୟାଁ ଅଡେ ତାଜିସ୍ତାତେରି, ଇ ବାରେ ଆଞ୍ଜାମାଟାଣି ମେଡା ଆହାମାନାକି ଝାଦୁ, ମାର ମା ଆଈଁ ଅଡେ ଜୀଝୁତି ଲାଗେଏ ତାଣାଟି ଆଟହା କଡିନ, ଇଞ୍ଜା ମାହାପୁରୁଈ ଆଜାନା ସୁଦୁ ମାଣକିତା ନେହଁ ଆନ ।

ପାଝୁଲତି ରାହାଁ

୨ ମୀ ହିୟାଁତା ମାଜେ ଟାୟୁ ହିୟାଦୁ, ମାମ୍ବୁ ଆମ୍ବାଆରାଈଁ ଲାଗେଏ କିହାହିଲଅମି, ଆମ୍ବାଆରାଈଁ ନାସା କିହାହିଲଅମି କି ଆମ୍ବାଆରାଈଁ ବୁଡ଼ି କିହାହିଲଅମି । ୩ ନାନୁ ମିଜେ ଦହ ଦସାଲି ଇଦାଆଁ ଝେସିମାଞ୍ଜାଅଁ; ଇଚିହିଁ ନାନୁ ତଲିଏ ଝେସାମାଞ୍ଜାଇଁ, ମୀରୁ ମା ହିୟାଁତା ଏଚେକା ଟାୟୁ ବେଟାଆହାମାନାକି ମାର ହାଡିହିଁ ରଣ୍ଡିଏ ତାଣା ହାନ, ନୀଡିତିହିଁ ରଣ୍ଡିଏ ତାଣା ନୀଡିନ । ୪ ମୀ ତାଣା ନାଜେ

* ୭:୫ ୭:୫ କାମା ୧୭:୨୩ * ୭:୧୭ ୭:୧୭ ୧କର ୩:୧୭; ୭:୧୯

ହାରେକା ନାମୁ ମାନେ, ମିଙ୍ଗେତାକି ନାଙ୍ଗେ ହାରେକା ବଡପଣ ହଡ଼ି ମାଞ୍ଜାନେ; ନାନୁ ଦୁକୁ ତୁକହା ମାଇଁ, ମା ବାରେ କସ୍ତତା ନାନୁ ସାସା ଆହାମାଇଁ, ଅଡେ ନା ହିୟାତା ରାହାଁ ହଡ଼ିମାଞ୍ଜାନେ ।

୫ *ମାକିଦନିୟାତା ଏଜାଲିଏ ଜିକେଏ ପାଙ୍ଗାତା ଗଡ଼ହା ବିତ୍ତା ଆଜି, ଇଲେତି କସ୍ତ ବେଟାଆହାଲିଏ ମା ଆଙ୍ଗା ଜିକେଏ ଜମାଲି ପୁଃଆଡେ । ୬ ସାମା ହେଲା ଗାଟାରାଇଁ ସାସା ହାନି ତିତସଇଁ ମାହାପୁରୁ ପାଣ୍ଡାନା ମାଙ୍ଗେ ସାସା ହିୟାତେସି । ୭ ୱାରଇ ତାନି ୱାଡାକି ରାହାଁ ଆଏ, ସାମା ଏଞ୍ଜାସି ମୀ ତାଣା ହାଜାନା ଏମିନି ସାସା ବେଟାଆହାମାନେସି । ଏମ୍ବାଟି ମାଙ୍ଗେ ସାସା ହିୟାତେସି, ଏଚେକା ନାଙ୍ଗେ ମେସାଲି ମୀରୁ ଅଣ୍ଡିମାଞ୍ଜେରି, ଏଚେକା ମୀରୁ ଦୁକୁ କିହିମାଞ୍ଜେରି, ମୀରୁ ନା ତାଣା ବାସୁଁ ଇଟାଲି ଏଚେକା ତିୟାରା ଆହାମାଞ୍ଜେରି, ଏଦାଆଁତାକି ନାନୁ ନାଏଁ ହାରେକା ରାହାଁ ଆହିମାଇଁ ।

୮ ନାନୁ ନା ତଲିତି ଆକୁତା ମିଙ୍ଗେ ଦୁକୁ ହାହାମାଞ୍ଜାତିହଁ ଜିକେଏ ଏଦାଆଁତାକି ଦୁକୁ ଆଏ; ଏ ଆକୁ ଗାଡେକା ତାକି ମିଙ୍ଗେ ଦୁକୁ ହାହା ମାଞ୍ଜାନାଣି ମେସାନା ନାନୁ ଦୁକୁ ଆଡ଼ିଜିକେଏ ୯ ନାଏଁ ରାହାଁ ଆହିମାଇଁ, ମୀରୁ ନାଏଁ ଦୁକୁ ଆଡେରି ଏଦାଆଁତାକି ଆଏ, ସାମା ମୀ ଦୁକୁ ମିଙ୍ଗେ ମନ ୱେଟପି କିତାକି ରାହାଁ ଆହାମାଇଁ; ଇତିହଁ ମା ତାଣାଟି ମୀଦି ଏନାୟିଞ୍ଜା ବୁଡ଼ି ଆଆପେ, ଏଦାଆଁତାକି ମୀରୁ ମାହାପୁରୁ ତାଣାଟି ଦୁକୁ ବେଟା ଆହାମାଞ୍ଜେରି । ୧୦ ମାହାପୁରୁ ତାଣାଟି ୱାନି ଦୁକୁ ଗେଲପାଲିତାକି ମନ ୱେଟପି କିଞ୍ଜିକିନେ, ଏଦାଆଁତାକି ଅଣ୍ଡିନାୟି ଲଡ଼ା ହିଲେଏ; ସାମା ଇ ଦାରତିତି ଦୁକୁ ହାଞ୍ଜିକିନେ । ୧୧ ମେହ୍‌ଦୁ ମାହାପୁରୁତି ମନତଲେ ଆମିନି ଦୁକୁ ବେଟାଆଡେରି, ଏଡି ମୀ ତାଣା ଏଚେକା ରାହାଁଗାଟାୟି, ହାଅ, ମୀ ଦହ୍ ହିଲାଆଗାଟାଣି ତସାମାନେ, ହାଅ ଏଚେକା ଅଣ୍ଡପୁ, ଏଚେକା ଆଜି, ଏଚେକା ମନ, ଏଚେକା ସେବା, ଲାଗେଏତାଣି ତଣ୍ଡ ହାହାଲି ଏଚେକା ଅଣ୍ଡପୁ, ଏ ବାରେ ତାଣାଟି ମୀରୁ ଅଡ଼ହାତେରି ଇଞ୍ଜା ତଞ୍ଜା ଆହିମାଞ୍ଜେରି ।

୧୨ ଇଦାଆଁତାକି ନାନୁ ମୀ ତାଣା ଏ ଆକୁ ରାଡିତେଏଁ, ଆଡିହଁ ଜିକେଏ ଆମ୍ବାଆସି ଲାଗେଏ କିହାମାନେସି, କି ଆମ୍ବାଆସି ଲାଗେଏତାଣି ଅରହା ମାନେସି, ଏଞ୍ଜାଣାକି ରାଡିତେଏଁ, ଏଡି ଆଏ, ସାମା ମାଙ୍ଗେ ତାକି ମୀ ରାହାଁ ଏନିକଁ ମାହାପୁରୁ ନକିତା ମୀ ତାଣା ସାତେଏ ଇଞ୍ଜା ତଞ୍ଜାଆନେ, ଏଦାଆଁତାକି ରାଡିତେଏଁ । ଇତିହଁ, ମାମ୍ବୁ ସାସା ବେଟାଆହାମାନମି । ୧୩ ଅଡେ ମା ବାସୁଁତା ମାମ୍ବୁ ତିତସ ରାହାଁତାକି ହାରେକା ରାହାଁ ଆଡମି, ଇତିହଁ ଏଞ୍ଜାଣି ଜୀଞ୍ଜୁ ମୀ ବାରେ ଜାଣା ତାଣାଟି ରାହାଁ କିହାମାଞ୍ଜେରି । ୧୪ ଆଡିହଁ ଏନି କାତା ତିତସ ତାଣା ମୀ ତାକି ନାନୁ ବଡପଣ କିହାମାଇଁ, ଆତଁ ଲାଜା ଆହାହିଲଅଁ, ସାମା ଏନିକଁ ମୀରୁ ବାରେ କାତାତା ମିଙ୍ଗେ ସାତା ୱେସାମାଞ୍ଜାତମି, ଏଲେକିହଁ ତିତସ ନକିତା ମା ବଡପଣ

ଆନାୟି ଜିକେଏ ସାତା ଇଞ୍ଜା ପୁଣ୍ଡିଆହାମାନେ । ୧୫ ଇଞ୍ଜା ମୀରୁ ଏନିକଁ ଆଜି ଅଡେ ତୀରୁଗିହଁ ଏଞ୍ଜାଣାଇଁ ଆବାହାଁ ଏଞ୍ଜାଣି ତାଣା ବାରେଜାଣା ତେରି ମାନଞ୍ଜି ଆଡେରି, ଏ ବାରେ ଅଣ୍ଡପାନା ମିଙ୍ଗେତାକି ତାନି ହିୟାତା ଜୀଞ୍ଜୁନନାୟି ହାରେକା ପାତା ଆଡେ । ୧୬ ନାନୁ ବାରେ ତାଣାଟି ମିଙ୍ଗେ ହାରେକା ନାମାଲି ଆଡାଇଁ ଏଦାଆଁତାକି ନାଙ୍ଗେ ହାରେକା ରାହାଁ ହଡ଼ିମାଞ୍ଜାନେ ।

୮

କ୍ରୀସ୍ତାନା ଲକୁ ଦାନା ହାନାୟି

୧ ଏ ମା ତାୟିୟାଁ ଅଡେ ତାଙ୍ଗିସ୍ତାତେରି, ମାକିଦନିୟା କୁଲମିକାଣା ମାହାପୁରୁ ହାହାମାନି କାର୍ମାମେହନାଣି ବେଟାଆହାମାନେ, ଏଦାଆଁ ମାମ୍ବୁ ମିଙ୍ଗେ ୱେସିମାଞ୍ଜାନମି; ୨ ଏଞ୍ଜାରି ବେଟାଆହାମାନି ହାରେକା କସ୍ତତଲେ ତାୟିପାରି କିଞ୍ଜି ଆହାମାନେରି; ଏଞ୍ଜାରି ହାରେକା ହାକି କାକୁଲି ଗାଟାରି ଇତିହଁ ଜିକେଏ; ଜାହାରା ଅଣ୍ଡପୁ ତଲେ ତାମି ଦାନା ହାନି ତାଣା ଏଞ୍ଜାରି ରାହାଁ ହାରେକା ମାଟେ । ୩ ଏଦାଆଁତାକି ଇତିହଁ ନାନୁ ସାକି ହାହିମାଇଁ, ଏଞ୍ଜାରି ଆଡିନି ପାତେକା, ସାମା ଏଞ୍ଜାରି ଆଡିନି ବାଡ଼ୟୁ କିହାଁ ଜିକେଏ ହାରେକା ଗାଡି ଦାନା ହାହାମାନେରି । ୪ ଜୀହୁଦାତା ମାନି ମାହାପୁରୁ ଲକୁତି ସେବା କାମାତା ଆଣ୍ଡିଆନି କାର୍ମାମେହନାଣି ମେଡ଼ା ଆହାଲିତାକି ଏଞ୍ଜାରି ଜାହାରା ଅଣ୍ଡପୁ ତଲେ ବାଡିମାଲିହଁ ମାଙ୍ଗେ ହେଲ ରୀସ୍ତାତେରି; ୫ ଏଞ୍ଜାରି ୱାରଇ ମା ଆସା କିହାମାନିଲେହେଁ କିହାହିଲାଆଡେରି, ସାମା ମାହାପୁରୁ ମନତଲେ ସାଲଞ୍ଜି ଆହାନା ତଲିଏ ଜାହା ଜାହାରାଇଁ ପ୍ରବୁ ତାଣା ଇଞ୍ଜା ମା ତାଣା ହେରପାତେରି । ୬ ତିତସ ମୀ ତାଣା ଏ କାର୍ମାମେହନି କାମା ଏନିକଁ ମାଟହା ମାଟେସି, ଏଲେକିହଁଏ ଏଦାଆଁ ରାପୁହାଲି ଏଞ୍ଜାଣାଇଁ ସାସା ହୀତମି । ୭ ମୀରୁ ବାରେ ତାଣାଟି ନକିତା ଆହାମାଞ୍ଜେରି, ଇତିହଁ ନାମ୍ବୁ କହୁଗାଟାରି, ବୁଦି ଇଞ୍ଜା ବାରେଲେହେଁତି ରାହାଁ, ମିଙ୍ଗେତାକି ମା ଜୀଞ୍ଜୁନନାୟି, ଏଲେକିହଁ ବାରେ କାତା ଏନିକଁ ମୀ ତାଣା ହାରେକା ତଞ୍ଜା ଆହିମାନେ, ଏଲେକିହଁଏ ଇ କାର୍ମାମେହନି କାମା ଜିକେଏ ମୀ ତାଣା ହାରେକା ତଞ୍ଜାଆପେ ।

୮ ନାନୁ ହୁକୁମି ହାନି ଲେହେଁ ୱେସିମାଞ୍ଜାଅଁ, ସାମା ଅର ଲକୁତି ରାହାଁ ଆହାଲି ତସାନା ମୀ ଜୀଞ୍ଜୁନନାୟି ସାତା କି ଆଏ ତାୟିପାରି କିହାଲି ୱେସିମାଞ୍ଜାଇଁ । ୯ ଇତିହଁ ମା ପ୍ରବୁ ଜୀସୁ କ୍ରୀସ୍ତତି କାର୍ମାମେହନାଣି ମୀରୁ ପୁଞ୍ଜାମାଞ୍ଜେରି, ମୀରୁ ଏନିକଁ ଏଞ୍ଜାଣି ହିଲାଆଗାଟି ତାଣାଟି ଦନ ଗାଟାତେରି ଆଦେରି, ଏଦାଆଁତାକି ଏଞ୍ଜାସି ଦନଗାଟାସି ଆଡ଼ିଜିକେଏ ମୀ ତାକି ହିଲାଆଗାଟାସି ଆଡେସି ।

୧୦ ଏଦାଆଁତାକି ନା ଅଣ୍ଡପୁ ଇଦି, ଏ ବାରେ ମିଙ୍ଗେତାକି ନେହେଁ, ଏନିକିହଁ ତାଣ୍ଡିଟିଏ ମୀରୁ ମୂଲୁଏ କାମା ମାଟହେରି, ଏଡି ଆଏ, ସାମା ଏ କାମା କିୟାଲି ନକେଏ ଜିକେଏ ଅଣ୍ଡପାମାଟେରି । ୧୧ ନାଏଁ ଏ କାମା ଜିକେଏ

୫ ୭:୫ ୭:୫ ୨କର ୨:୧୩

ରାପ୍ତୁ, ମୀରୁ ଏ କାମା କିହାଲି ଏନିକ୍ ଅଶ୍ଵାମାଚେରି, ଏଲେକିହିଁ ରାହାଁତି ଅଶ୍ଵୁ ତଲେ ଏ କାମା ରାନ୍ନେ । ୧୨ ଇତିହିଁ ହୀହାଲିତାକି ରାହାଁ ମାଚିହିଁ ମାଶସି ତାନି ଆଡିନିଲେହେଁ ଏନାଆଁ ହୀନେସି, ମାହାପୁରୁ ନକିତା ନେହାୟି ଆନ୍ନେ ।

୧୩ ଇତିହିଁ ଏଚକାତାରି ଏନିକ୍ ସୁକୁ ବେଟାଆନ୍ନେରି, ଇଞ୍ଜା ମୀରୁ କସ୍ତୁ ବେଟାଆଦୁ, ଏଦାଆଁତାକି ନାନୁ ଇଦାଆଁ ଖେସିମାଞ୍ଜଅଁ; ୧୪ ସାମା ସମାନା ଆହାଲିତାକି ନୀର୍ବ ମୀ ବାଡକୁ ତଲେ ଏଞ୍ଜାରି ଲଡା ମାନାଣି କିଞ୍ଜି ଆହିମାନେ, ଏନିକିହିଁ ଏଞ୍ଜାରି ବାଡକୁ ତଲେ ମୀ ହିଲାଆଗାଟାଣି ପୁରା କିଞ୍ଜିଆନ୍ନେ, ଇଞ୍ଜା ଇଲେଆହିଁ ସମାନା ତଞ୍ଜାଆନ୍ନେ, ୧୫ ଦାମ୍ପୁପତିତା ଏନିକିହିଁ ରାସ୍ଵକି ଆହାମାନେ, “ଆମ୍ବାଆସି ହାରେକା କୁଡି କିତେସି, ଏଞ୍ଜାଣିଞ୍ଜାୟି ହାରେଆତେ, ଇଞ୍ଜା ଆମ୍ବାଆସି ଉଣା କୁଡି କିତେସି, ଏଞ୍ଜାଣାକି ଉଣା ଆଆତେ ।”

ତିତସ ଅଡେ ତାନି ଆଚ୍ଵିତାରି

୧୬ ମାହାପୁରୁକି ଜହରା ଆପେ, ଏଞ୍ଜାସି ମିଙ୍ଗେତାକି ତିତସ ହିୟାଁତା ରାହାଁ କିହାଲି ସମାନା ଅଶ୍ଵପିନି ମନ୍ ହୀତେସି । ୧୭ ଇତିହିଁ ଏଞ୍ଜାସି ଖାରଇ ମା ବାତିମାଲିତାଣି ଅପିତେସି, ଏଡି ଆଏ, ସାମା ଏଞ୍ଜାସି ତାନୁଏ ହାରେକା ରାହାଁ ଆହାଁ ମୀ ତାଣା ଖାହାଲି ଏଞ୍ଜାସି ମନ୍ କିହିମାନେସି । ୧୮ ଏଞ୍ଜାଣିତଲେ ମାମ୍ପୁ ଅର ତାୟିଇ ପାଣ୍ଡିମାଞ୍ଜାନମି; ଏଞ୍ଜାସି ନେହିଁ କାରୁ ଖେକ୍‌ନି କାମାତାକି ତାନି ଗାଞ୍ଜୁରମି ବାରେ କ୍ରୀସ୍ତାନା କୁଲମିତା ଖେକ୍‌ମାନେ, ୧୯ ଖାରଇ ଏଡି ଆଏ, ସାମା ଏଞ୍ଜାସି ଜିକେଏ ମା ସେବା ତଲେ ଆହିମାନି ଇ କାମାମେହ୍‌ନି କାମା ତଲେ ପ୍ରବୁତି ଗାଞ୍ଜୁରମି ଇଞ୍ଜା ରାହାଁ ଅଶ୍ଵୁ ତାକି ମା ତଲେ ତାକିନାସି ଆହାଲିତାକି କୁଲମିକା ତଲେ ଆଚ୍ଵି ଆହାମାନେସି ।

୨୦ ମା ତଲେ କିହିମାନି ଇ ସେବା କାମା ଲେହେଁ ହାରେକା ଦାନାତି କାତାତା ଆମ୍ବାଆସି ଏନିକିହିଁ ମାଙ୍ଗେ ଦହ୍ ଦସ୍ତାଆପେସି, ଏଦାଆଁତାକି ଜାଗ୍ରାତା ଆହିମାନମି; ୨୧ ଇତିହିଁ ଖାରଇ ପ୍ରବୁ କାନୁତାକି ଆଏ, ସାମା ଲକୁ କାନୁତାକି ଜିକେଏ ଏନାୟି ନେହାୟି, ଏଦାଆଁ ବାରେ କିହାଲି ଅଶ୍ଵପିମାନମି ।

୨୨ ଅଡେ, ମାମ୍ପୁ ମା ଅର ତାୟିଇ ଜିକେଏ ଏଞ୍ଜାରିତଲେ ପାଣ୍ଡିମାଞ୍ଜାନମି, ଏଞ୍ଜାଣାଇଁ ମାମ୍ପୁ ହାରେକା କାତାତା ହାରେକା ଦେବା ତାୟିପାରି କିହାଁ ରାହାଁତଲେ କାମାକିନାସି ଇଞ୍ଜା ନେହିଁ କି ପୁଞ୍ଜାମାନମି, ଇଞ୍ଜା ମୀ ତାଣା ଆଚ୍ଵା ନାମୁ କିହାଁ ମାନାକି ଏଞ୍ଜାସି ନୀର୍ବ ହାରେକା ରାହାଁ ଆହାମାନେସି । ୨୩ ତିତସ କାତା ଆମ୍ବାଆସି ଖେଞ୍ଜାତିହିଁ, ଏଞ୍ଜାସି ନା ଆଚ୍ଵିତାସି ଇଞ୍ଜା ମୀ ତାକି ନା ତଲେ କାମାକିନାସି; ଇଞ୍ଜା ମା ତାୟିୟାଁ କାତା ଖେଞ୍ଜାତିହିଁ, ଏଞ୍ଜାରି କୁଲମିକା ତାଣାଟି ପାଣ୍ଡି ଆହାମାନାରି, ଅଡେ କ୍ରୀସ୍ତ ଗାଞ୍ଜୁରମି ଖେକ୍ କିହି ମାନାରି । ୨୪ ଇତିହିଁ ମୀ ଜୀଞ୍ଜୁନନାୟି ଇଞ୍ଜା ମୀ କାତାତା ମା ବତପଣତି ପାରମାଣା କୁଲମିକା ନକିତା ଏଞ୍ଜାରାକି ତହ୍‌ପୁ ।



ହାକିଗାଟି କ୍ରୀସ୍ତାନା ଲକୁଣି ସାୟେମି

୧ ଜୀହୁଦାତା ମାନି ମାହାପୁରୁ ଲକୁଇଁ ସାୟେମି କିନି କାତା ଅଡେ ମିଙ୍ଗେ ରାଚାଲି ଲଡା ଆଏ; ୨ ନାନୁ ପୁଞ୍ଜାମାଇଁ ମୀରୁ ବାରେବେଲା ସାୟେମି କିହାଲି ତିୟାରା ଆହାମାଞ୍ଜେରି ଇଞ୍ଜା ମାକିଦନିୟାତି ଲକୁ ତାଣା ମୀ ତାକି ନାନୁ ବତପଣ ଆହିମାଇଁ । ନାନୁ ଖେସାମାଚେର୍ବ, “ଆକାୟାତି ତାୟିୟାଁ ସାୟେମି କିହାଲି ହାଟି ବାର୍ଯାଟିଏ ତିୟାରା ଆହାମାନେରି ।” ମୀରୁ ଏଲେକିହିଁ ସାୟେମି କିନାୟି ଏଞ୍ଜାରି ବିତ୍ରାଟି ହାରେକା ଲକୁଣି ଜାଗ୍ରାତା କିହାମାନେ । ୩ ଆଡିଜିକେଏ ନାନୁ ତାୟିୟାଁଇଁ ପାଣ୍ଡିମାଞ୍ଜାଇଁ, ମୀ ତାକି ବତପଣ ତହ୍‌ନାୟି ଏନିକିହିଁ ଉଜେଏ ଆଏ, ସାମା ନା କାତାଲେହେଁ ହୀହାଲିତାକି ଜାଗ୍ରାତା ଆଦୁ, ୪ ଏଚେତା ଆପେ ନା ତଲେ ଆମିନି ଲକୁ ପାଟେ ମାକିଦନିୟାଟି ଖାହାଁ ମୀ ଦାନା କୁଡି କିହା ହିଲାଆ ଗାଟାଣି ମେସ୍ତ୍ରୁହିଁ ମୀରୁ ପାଣ୍ଡି ଲାଜା ପିସାନା ମାମ୍ପୁ ଇ ଆଚ୍ଵା ନାମୁତି କାତାତାକି ଲାଜା ବେଟାଆନ୍ନମି ୫ ମୀରୁ ତଲିଏ ଆଞ୍ଜାମାଟି ଦାନା ଏନିକିହିଁ ଗୁରୁମୁରୁ ଆହିଁ ହୀନାୟି ଆଆନା ଜାହାରା ଅଶ୍ଵୁ ତଲେ ଆନ୍ନେ, ଏଦାଆଁତାକି ତଲିଏ ଏ ଦାନା କୁଡିକିହାଲି ତିୟାରା କିହାଲି ନକେଏ ମୀ ତାଣା ହାକାଲିତାକି ନାନୁ ଏ ତାୟିୟାଁଣି ବାତିମାଲିଲି ଅଶ୍ଵାମାଚେର୍ବ ।

୬ ସାମା ଇ କାତା ସାତା, ଆମ୍ବାଆସି ରଚାଣି ବିଚା ମାଟିନେସି, ଏଞ୍ଜାସି ଇଚାଣି ତାସା ବେଟା ଆନ୍ନେସି; ଅଡେ ଆମ୍ବାଆସି ଗାଡି ବିଚା ମାଟିନେସି, ଏଞ୍ଜାସି ଗାଡି ତାସା ବେଟାଆନ୍ନେସି । ୭ ବାରେଜାଣା ଜାହାରା ହିୟାଁ ଏନିକିହିଁ ଅଶ୍ଵା ମାନେ, ଏଲେକିହିଁ କିପେରି, ମୁସ୍ତି କି ବାଲାମାତମି ତଲେ ଆଏ; ଏନାଆଁତାକି ଇତିହିଁ ମାହାପୁରୁ ଜାହାରା ଅଶ୍ଵୁ ତଲେ ଦାନାହୀନି ଲକୁଣି ଜୀଞ୍ଜୁ ନନେସି । ୮ ଅଡେ, ବାରେ ଦିଶ୍ଵୁ ବାରେବେଲା ହାରେପୁରେ ବେଟାଆହିଁ ମୀରୁ ଏନିକିହିଁ ବାରେ ନେହିଁ କାମାତାକି ହାରେକା ଇଞ୍ଜା ହାରେକା ଦାନା କିହାଲି ଆଡିଦେରି, ଏଦାଆଁତାକି ମାହାପୁରୁ ମିଙ୍ଗେ ବାରେଲେହେଁତି କାର୍ମା ହାରେପୁରେ ହୀହାଲି ଆଡାନେସି । ୯ ଦାମ୍ପୁପତିତା ରାସ୍ଵକି ଆହାମାନେ, “ଏଞ୍ଜାସି କେୟୁ ଦେଚାନା ଦାନା ହୀହାମାନେସି,

ଏଞ୍ଜାସି ହିଲାଆ ଗାଟାରାକି ହାରେପୁରେ ହୀହାମାନେସି; ଏଞ୍ଜାଣି ଦାମ୍ପୁ ଏଚେଲାଞ୍ଜା ରାଏ ।”

୧୦ ମାହାପୁରୁ ମାଟିନାଣାକି ବିଚା ଅଡେ ତିଞ୍ଜାଲି ରାହା ହୀନେସି, ଏଞ୍ଜାସି ମାଟାଲିତାକି ମିଙ୍ଗେ ବିଚା ହିୟାନେସି ଇଞ୍ଜା ଏଦାଆଁ ପାଡିକିନେସି, ଅଡେ ମୀ ଦାମ୍ପୁତି ପାଡେୟି ଗାଡି କିନେସି । ୧୧ ଏଲେକିହିଁ ମୀରୁ ବାରେ ଦିଶ୍ଵୁତା ବାଡକାନା ଜାହାରା ଅଶ୍ଵୁ ତଲେ ଦାନା କିହାଲି ଆଡିଦେରି, ଇଞ୍ଜା ଏଡି ମା ତାଣାଟି ମାହାପୁରୁଇଁ ଜହରା କିନାୟି ଆନ୍ନେ । ୧୨ ଇତିହିଁ ଇ ଦାନା ହୀନି ସେବା କାମା ମାହାପୁରୁ ଲକୁତି ଲଡାମାନାଣି ପୁରା କିହିମାନେ,

ଏହି ଆଏ, ସାମା ଏଦାଆଁ ତଲେ ଜିକେଏ ମାହାପୁରୁତି କାମାତା ହାରେକା ଲକୁ ରାହାଁତଲେ ଜହରା କିହିମାନେରି । ୧୩ ଇତିହିଁ ଇ ସେବା କାମାତି ପାରମାଣା ତାକି ଲକୁ ମିଙ୍ଗେ ଆବିମାଞ୍ଜାନି କ୍ରୀସ୍ତତି ନେହିଁ କାରୁତି ନାମ୍ନୁ, ଇଞ୍ଜା ମାହାପୁରୁତି ଲକୁ ଅଡେ ବାରେତାକି ମୀ ଆଣ୍ଡିନାୟି ତୀରପୁ ତାକି ମାହାପୁରୁତି ଗାଝୁରମି କିହିମାନେରି । ୧୪ ମିଙ୍ଗେ ମାହାପୁରୁତି ହାରେପୁରେ କାର୍ମାମେହନାଣି ତାକି ଏଝାରି ଜିକେଏ ହାରେକା ରାହାଁତଲେ ପ୍ରାତାନାତା ମିଙ୍ଗେ ଅଣ୍ଡିମାଞ୍ଜାନେରି । ୧୫ ମାହାପୁରୁତି ହାରେପୁରେ ଦାନା ତାକି ତାଙ୍ଗେ ଜହରା ଆପେ ।

୧୦

ପାଝୁଲ ତାନି ସେବା କାମାତାକି ଝେଣ୍ଡେଝେହନାୟି

୧ ନାନୁ ପାଝୁଲତେଏଁ ମୀ ନକିତା ସାପି ଆହା ମାନାତେଏଁ ସାମା ହେକ ମାନାଟି ବାଡ଼ୁୟୁ ତହୁନାତେଏଁ, ନାନୁଏ କ୍ରୀସ୍ତତି ସୁଦୁଗାଟି ଅଣ୍ଡୁ ତଲେ ମିଙ୍ଗେ ବାତିମାଲିହିଁ ରାସିମାଞ୍ଜାଇ, ୨ ହାଅ ନାନୁ ପ୍ରାତାନା କିହିମାଇଁ, ମାର ମାଣସିତି ଅଣ୍ଡୁ ତଲେ ତାକିମାନାୟି ଇଞ୍ଜିଁ ଅଣ୍ଡିମାନାରି କପାଟି ବାଡ଼ୁୟୁ ତସାଲି ଅଣ୍ଡପାମାଇଁ, ଇଞ୍ଜା ନାନୁ ଝାଡ଼ିସାରେ ଏଲେତି ବାଡ଼ୁୟୁ ତସାଲି ଆଏ; ୩ ମାର ଇ ଦାରୁତିତା ଆଙ୍ଗା ତଲେ ନୀତାମାନାୟି ସାତା, ସାମା ମାରୁ ଦାରୁତିତି ଅଣ୍ଡୁ ତଲେ ଜୁଜୁ କିହି ହିଲାଆୟି, ୪ ଇତିହିଁ ମା ଜୁଜୁତି ସାଜୁ ଆଙ୍ଗାତି ଜୁତି ତଲେ ଆଏ, ସାମା କାଜା କଟା ଇଲୁ ମେକ୍‌ହାଲି ମାହାପୁରୁ ନକିତା ଏ ବାରେ ବାଡ଼ୁୟୁ ଆନେ; ୫ ମାମ୍ନୁ ମିତି ଅଣ୍ଡୁ କାତା ବାରେ ଅଡେ ମାହାପୁରୁତି ବୁଦି କପାଟି ନିଙ୍ଗିନି ବତପଣ ତହୁନି କାଜା କାତାତି ବାରେ ମେକ୍‌ନମି; ଅଡେ ବାରେଲେହେଁତି ଅଣ୍ଡିନାଣି ଆସାନା କ୍ରୀସ୍ତତି ମାନି ଆୟାଲି ଦସପି କିହିମାନମି । ୬ ଏତିବେଲା ମୀରୁ ବାରେ ଝାକିଟି ମାନଝି ଆଦେରି, ଏତିବେଲା ମାମ୍ନୁ ମାନଝି ଆଆଗାଟାଣି ବାରେ ଡଣ୍ଡ ହାନମି ।

୭ ମୀରୁ ସାରିସୁରୁ ପାଙ୍ଗାତା ତଞ୍ଜା ଆହିମାନାଣି ମେସିମାଞ୍ଜେରି । ଆମ୍ବାଆସି ଜାହାରାଇଁ କ୍ରୀସ୍ତି ଲକୁତେଏଁ ଇଞ୍ଜିଁ ନାମିନେସି, ଆତିହିଁ ଏଝାସି ଏନିକିଁ କ୍ରୀସ୍ତତି ଲକୁ, ମାମ୍ନୁ ଜିକେଏ ଏଲେକିଁ କ୍ରୀସ୍ତତି ଲକୁ, ଇଦାଆଁ ତାନୁଏ ଅଣ୍ଡପାପେସି । ୮ ଇତିହିଁ ମା ଅଦିକାରା ତାକି ନାନୁ ଅଲପ ଗାତି ବତପଣ ତସ୍ତି ଜିକେଏ ଲାଜା ଆଅଁ; ମିଙ୍ଗେ ନାସଝି କିହାଲି ପ୍ରବୁ ମାଙ୍ଗେ ଅଦିକାରା ହୀଆନା ମିଙ୍ଗେ ତିୟାରା କିହାଲି ହୀହାମାଞ୍ଜାନେସି । ୯ ନା ରାଡ଼ିତି ଆକୁୟାଁ ତଲେ ନାନୁ ମିଙ୍ଗେ ଆଜିକିହିଁ ମାଞ୍ଜାନେସି ଇଞ୍ଜିଁ ଅଣ୍ଡପାଆଦୁ । ୧୦ “ଏତରଜାଣା ଏଲେଇନେରି, ପାଝୁଲ ତାନି ଆକୁ ରାଡ଼ିନାଟି ଅଦିକାରା ଅଡେ କାଜା ବାଡ଼ୁୟୁ ଗାଟାଇ, ସାମା ମା ତଲେ ଆଙ୍ଗାତା ମାନାଟି ଏଝାସି ବାଡ଼ୁୟୁ ହିଲାଆଗାଟାସି ଅଡେ ତାନି କାତା ବାରେ ଉଜେଏତାୟି ।” ୧୧ ମାମ୍ନୁ ହେକ ମାଞ୍ଜାନା ଆକୁତା ରାଡ଼ିନି କାତା ଏନିଲେହେଁତାୟି, ମୀ ତଲେ ମାଞ୍ଜାନା କିନି କାମା ଜିକେଏ ଏଲେତାୟିଏ ଇଞ୍ଜିଁ ଲକୁ ଅଣ୍ଡପାପେରି ।

୧୨ ଇତିହିଁ ଆମ୍ବାଆସି ଜାହାରାଇଁ ବତପଣ ତସା କତିନେରି, ଏଝାରି ତଲେ ମାଙ୍ଗେ ଲେକା କିହାଲି ଜିକେଏ ମା ସାସା ହିଲେଏ; ସାମା ଏଝାରି ତାମ୍ନୁ ତାନି ତାଣାଟି ଜାହାରାଇଁ ଲେକା କିହାନା ବୁଦି ହିଲାଆଗାଟାରି ତଞ୍ଜା ଆନେରି । ୧୩ ସାମା ମାମ୍ନୁ ହାହି ଗାଣ୍ଡା ହାଜାନା ବତପଣ ତହୁଅମି; ମୀରୁ ଜିକେଏ ମାହାପୁରୁ ମାଙ୍ଗେ ହେରପା ମାଞ୍ଜାନି କାମାତି ହାହି ବିତ୍ରା ତାତେରି, ଏ ଲେକା ତଲେ ବତପଣ କିଦେରି । ୧୪ ଇତିହିଁ ମୀରୁ ମା ହାହି ବିତ୍ରା ହିଲାଆତି ଲେହେଁ ମାମ୍ନୁ ହାହି ଗାଣ୍ଡା ମାନମି, ଏଦି ଆଏ; ଏନିଇତିହିଁ କ୍ରୀସ୍ତତି ନେହିଁ କାରୁ ଝେକ୍‌ହିହିଁ ମାମ୍ନୁ ମୁନୀ ତାଣା ଜିକେଏ ତଲିଏ ଝାହାମାଟମି; ୧୫ ମାହାପୁରୁ କିହାମାନି ମା କାମାତି ପାଙ୍ଗାତା ଏଟକା ଲକୁତି କାମାତା ବତପଣ କିହିହିଲଅମି, ସାମା ମାମ୍ନୁ ଆସା କିହିମାନମି ମୀରୁ ନାମୁତା ପାତା ଆନାଣିତଲେ ମୀ ତାଣାଟି ମା କାମା ଅଡେ ହାରେକା ପାତା ଆନେ । ୧୬ ମାମ୍ନୁ ଅର ରଅଣି ହାହି ବିତ୍ରା ଏଝାସି ତଲିଏ କିହାମାନି କାମାତାକି ବତପଣ ତହୁଆନା, ମାମ୍ନୁ ମୁନୀ ତାଣାଟି ଅର ଦେସାତା ହାଜାନା ନେହିଁ କାରୁ ଝେକ୍‌ହାଲି ଆଡ଼ିନମି ଇଞ୍ଜିଁ ଆସା କିହିମାନମି ।

୧୭ ସାମା ଦାମ୍ନୁପତିତା ରାସ୍ତି ଆହାମାନେ, “ବତପଣ ତହୁନାସି ପ୍ରବୁ କିତି କାମାତାକି ବତପଣ ତସପେସି ।” ୧୮ ଜାହାରାଇଁ ନେହାଁତେଏଁ ଇଞ୍ଜିଁ ଅଣ୍ଡିନାସି ଏଝାସି ତାୟିପାରିତା ଜୀଣା ଆଡାସି ଆଏ, ସାମା ପ୍ରବୁ ଆମ୍ବାଆରାଇଁ ସାତା ନେହାଁସି ଇଞ୍ଜିଁ ଇନେସି ଏଝାସି ତାୟିପାରିତା ଜୀଣା ଆଡାସି ।

୧୧

ପାଝୁଲ ଅଡେ ମିତି ଜାପ୍‌ନାରି

୧ ନାନୁ ବୁଦି ହିଲାଆ ଗାଟାତେଏଁ ଲେହେଁ ଇତେକା ଝେସାଲି ନାଙ୍ଗେ ହେଲ ହିୟାତିହିଁ ନେହେଁ ଇଞ୍ଜିଁ ଅଣ୍ଡିମାଇଁ, ମୀରୁ ନାଙ୍ଗେ ହେଲ ହିୟାଦେରି । ୨ ମାହାପୁରୁ ତାକି ହାରେକା ରାହାଁତା ନାନୁ ମିଙ୍ଗେତାକି ହାରେକା ରାହାଁ, ଇତିହିଁ ନାନୁ ମିଙ୍ଗେ ସୁଦୁ ତାଆ ମାଙ୍ଗାଲେହେଁ ର ତକ୍ରା ତାଣା ଇତିହିଁ କ୍ରୀସ୍ତଇଁ ବୀହା ଆୟାଲି କାତା ହୀହାମାଇଁ । ୩ ସାମା ରାରୁ ତାନି ସୁଦୁମି ତଲେ ହବାଇଁ ନାଡ଼ି କିଡେ, ଏଲେକିହିଁ ଏତେତା ଆପେ ମୀ ମନ କ୍ରୀସ୍ତ ତାଣା ମାନି ତୀରପୁତାୟି ଇଞ୍ଜା ସୁଦୁତା ମାନାୟି ନାସା ଆନେ, ଇଦାଆଁ ନାଙ୍ଗେ ଆଜି ହଟିମାଞ୍ଜାନେ । ୪ ଇତିହିଁ ଆମିନି ଜୀସୁଇଁ ମାମ୍ନୁ ଝେକ୍‌ଆତମି, ଇଲେକିହିଁ ଏଟକା ଜୀସୁଇଁ ଆମ୍ବାଆସି ଆପେ ଝାହାଁ ଝେକ୍‌ନେସି, କି ଆମିନି ସୁଦୁଜୀଝୁ ମୀରୁ ବେଟାଆଆତେରି, ଇଲେକିଁ ଏଟକାତି ର ସୁଦୁଜୀଝୁ ବେଟାଆଦେରି, କି ଆମିନି ନେହିଁ ବଲୁ ମୀରୁ ଆବାଆତେରି, ଇଲେକିଁ ଏଟକାତି ର ନେହିଁ ବଲୁ ବେଟାଆଦେରି, ଏଲେଆଡ଼ିହିଁ ମୀରୁ ଗାତି ଅରୁହିନାତେରି ।

୫ ଇତିହିଁ ଏ କାଜାପାଣା ଗାଟି “ପାଣ୍ଡି ଆଡାରି” ତାଣାଟି ନାନୁ ଏନିକିହିଁ ଜିକେଏ ଉଣା ତାତେଏଁ ଆଏ ଇଞ୍ଜିଁ ଅଣ୍ଡିମାଇଁ । ୬ ସାମା ନାନୁ କାତା ଜଲାଇଁ

ପୁନାଆତି ଜିକେଏ ବୁଦିତା ଉଣାତେଏଁ ଆଏ; ସାତାତଲେ ମାମ୍ବୁରାରେଲେହେଁତ ବାରେ କାତାତା ମିଙ୍ଗେତାକି ଇଦାଆଁ ଖେସ୍ତାତମି ।

୭ ମୀରୁ ଏନିକିଁ କାଜାତେରି ଆଦେରି, ଏଦାଆଁତାକି ନାନୁ ଜାହାରାଇଁ ଉଣା କିହାକତାନା ମୀ ତାଣା ଉଜେଏନେଏ ମାହାପୁରୁତି ନେହଁ କାରୁ ଖେକହାତେଏଁ; ଏଲେକିୟାଲିଏ ନାନୁ ଏନି ପାପୁ କିତେଏଁ । ୮ ମୀ ତାଣା କାମା କିହଁ ମିଙ୍ଗେ ସେବା କିୟାଲି ଏଟକା କୁଲମିଟି ବର୍ତନ ବେଟାଆହାଁ ଏଞ୍ଜାରି ତାଣାଟି ମୀଞ୍ଜା ଅହିମାଚେଏଁ । ୯ ମୀ ତାଣା ମାଟିବେଲ୍ଲା ନାଙ୍ଗେ ଏନାଆଁ ହିଲାଆତି ଜିକେଏ ଆମ୍ବାଆରାକି ବାଦା ହାହାହିଲଅଁ; ମାକିଦନିୟାଟି ଖାଡ଼ି ତାୟିୟା ନାଙ୍ଗେ ଲଡ଼ା ଆନାଣି ବାରେ ହିୟାତେରି, ମିଙ୍ଗେ ବଜୁ ହାଆରେଟୁ ନାନୁ ଜାଗ୍ରାତା ଆହାମାଚେଏଁ, ଅଡ଼େ ଜାଗ୍ରାତା ଆହାଁ ତୟିଇଁ । ୧୦ ନା ତାଣା ମାନି କ୍ରୀସ୍ତତି ସାତାଇଁ ସାକି ଇଟାନା ଖେସିମାଇଁ, ଆକାୟା ଗାଡ଼ାୟାତି ନା ଇ ବତପଣତି ଆମ୍ବାଆସି ଜିକେଏ ସାପି କିହାଲି ଆଡ଼ଅରି ଏନାଆଁକି ? ୧୧ ନାନୁ ମିଙ୍ଗେ ଜୀଝୁନହଁ ମାଞ୍ଜାଆକି କି ? ମାହାପୁରୁ ପୁଞ୍ଜାମାନେସି ନାନୁ ମିଙ୍ଗେ ଜୀଝୁ ନହଁ ମାଞ୍ଜାଇଁ !

୧୨ ସାମା ବତପଣ ଆନିତାଣା ମା ଲେହେଁ ତଞ୍ଜାଆହାଲି ଆମିନି “ଉଜେଏତି ପାଣ୍ଡୁଆଡ଼ାରି” ପାରୁ ପାରିମାନେରି ନାନୁ ଏନିକିଁ ଏଞ୍ଜାରାକି ପାରୁ ହାଆଁ, ଇଦାଆଁତାକି ନାନୁ ଏନାଆଁ କିହିମାଇଁ, ଏଦାଆଁ କିହେମାଇଁ । ୧୩ ଇତିହଁ ଏଲେତି ଲକୁ ନାଡ଼ିକିନି ପାଣ୍ଡୁ ଆଡ଼ାରି, ଇଞ୍ଜା ଖାଣା ବାଦଲଞ୍ଜିକିହାଁ କାମାକିନାରି, ଏଞ୍ଜାରି କ୍ରୀସ୍ତତି ପାଣ୍ଡୁ ଆଡ଼ାରି ଖାଣା ଆହନେରି । ୧୪ ଇତିହଁ ଏଦି କାବାଆନି କାତା ଆଏ, ଇତିହଁ ସୟତାନ ତାନୁଏ ଉଜେଡ଼ିତି ଦୁତୁତି ଖାଣା ଆହନେ ! ୧୫ ଏଚେଟିଏ ତାନି ହଲିୟାଙ୍ଗା ଜିକେଏ ଦାମ୍ବୁଗାଟାରି ଖାଣା ଆହନେରି, ଆତିହଁ ଏଦି କାଜା କାତା ଆଏ; ରାନି ଦିନାତା ଏଞ୍ଜାରି ତାମି କିତି କାମା ତଲେ ଡଣ୍ଡ ବେଟାଆନେରି ।

ପାଣ୍ଡୁଆଡ଼ି ପାଣା ତାକି ପାଝୁଲ କସ୍ତ ବେଟାଆନାୟି

୧୬ ନାନୁ ଅଡ଼େ ଖେସିମାଞ୍ଜାଇଁ, ଆମ୍ବାଆସି ନାଙ୍ଗେ ବୁଦି ହିଲାଆଗାଟାସି ଇଞ୍ଜି ଅଣ୍ପାଆପେସି; ସାମା ମୀରୁ ଏଲେକିଁ ଅଣ୍ପିଦେରି, ଆଡ଼ିଜିକେଏ ବୁଦିହିଲାଆଗାଟାସି ଲେହେଁ ନାଙ୍ଗେ ଆବାଦୁ, ଏନିଇତିହଁ ନାନୁ ଜିକେଏ ଅଲ୍ପ ବତପଣ ତସାଲି ଆଡ଼ିଇଁ । ୧୭ ନୀଏଁ ନାନୁ ଏନାଆଁ ଖେସିମାଇଁ ପ୍ରବୁତି ଅଣ୍ପୁ ତଲେ ଖେସିମାଞ୍ଜାଆଁ, ସାମା ବୁଦି ହିଲାଆ ଗାଟାଚେଏଁ ଲେହେଁ ହାରେକା ସାସାତଲେ ବତପଣ ତସାନା ଖେସିମାଞ୍ଜାଇଁ । ୧୮ ହାରେକା ଲକୁ ଦାର୍ଡିତି ଲେହେଁ ବତପଣ ଆହିମାନାକି ନାନୁ ଜିକେଏ ବତପଣ ତହୁଇଁ । ୧୯ ଇତିହଁ ମୀରୁ ହାରେକା ବୁଦି ଗାଟାଚେରି ଇଞ୍ଜିହଁ, ରାହାଁ ତଲେ ବୁଦି ହିଲାଆଗାଟାରିଆଁ ଅରୁହି ମାଞ୍ଜେରି । ୨୦ ଆମ୍ବାଆସି ମିଙ୍ଗେ ହଲିୟାଙ୍ଗା

କିହାନା ଇଟାନେସି, ମୀ ଦନ ମୀଞ୍ଜା ଅୟାନେସି; ମିଙ୍ଗେ ପାନ୍ଦାତା ମେଡ଼ହାଁ ଆସ୍ତାନେସି, ତାହାରା ଆୟାନେସି କି ମୀ ଗେଏଲ୍ଲାତା ସାପୁଡ଼ା ଖେଟାନେସି ଏ ବାରେ ଅରୁହି ମାଞ୍ଜେରି । ୨୧ ନାନୁ ଲାଜାତଲେ ଖେସିମାଞ୍ଜାଇଁ, ମୀର ବାଡ଼ୁୟୁ ହିଲାଆ ଗାଟାତାୟି ଆହାମାନାୟି । ଆଡ଼ି ଜିକେଏ ଏନି କାତାତା ଆମ୍ବାଆସି ସାସା ଗାଟାସି, (ନାନୁ ବୁଦି ହିଲାଆନା ଖେସିମାଇଁ) ନାନୁ ଜିକେଏ ସାସା ଗାଟାଚେଏଁ । ୨୨ ଏଞ୍ଜାରି କି ଏବୁ ଲକୁ ? ଇତିହଁ ନାନୁ ଜିକେଏ ଏବୁ ଲକୁଚେଏଁ । ଏଞ୍ଜାରି ଇସ୍ତାୟେଲ ଲକୁ ? ଇତିହଁ ନାନୁ ଜିକେଏ ଇସ୍ତାୟେଲ ଲକୁଚେଏଁ । ଏଞ୍ଜାରି ଅବ୍ରାହାମତି କୁଡ଼ାତାରି ? ଇତିହଁ ନାନୁ ଜିକେଏ ଅବ୍ରାହାମ କୁଡ଼ାତାଚେଏଁ । ୨୩ *ଏଞ୍ଜାରି କି କ୍ରୀସ୍ତତି ସେବା କିନାରି ? ଇତିହଁ; (ନାନୁ ବାୟା ଆଡ଼ିଲେହେଁ ଏଲେଇଞ୍ଜିମାଇଁ), ନାନୁ ଏଞ୍ଜାରି କିହାଁ ଆଗାଡ଼ା ନେହେଁ ସେବା କିନାଚେଏଁ, ନାନୁ ଏଞ୍ଜାରି କିହାଁ ଗାତି ଖାହୁ କାମା କିହାମାଇଁ, ହାରେକା କାୟିଦି ଇଲୁତା ମାଚେଏଁ, ହାରେକା ଇରନି ମାଡ଼ା ବେଟାଆହା ମାଚେଏଁ, ଅଲେ ଅଲେ ହାକିତା ହେରୁଖା ମାଚେଏଁ । ୨୪ ନାନୁ ଜୀହୁଦି ଲକୁ ତାଣାଟି ପାସା ଦେବା ତୀରିସି ନ ଗଟା ବେଡି ବାଡ଼ଗା ମାଡ଼ା ବେଟାଆହାମାଇଁ; ୨୫ ରମ୍ପତି ଲକୁ ତାଣାଟି ତୀନି ପାଲି ସାଟୁଣି ଡରିତଲେ ନାଙ୍ଗେ ଇରହାତେରି, ର ପାଲି ନାଙ୍ଗେ ଖାଲକାତଲେ ଇରହାତେରି, ତୀନି ପାଲି ଜାଜା ତୀତି ତାଣାଟି ଗେଲ୍ଲାହା ମାଇଁ, ର ଲାଆଁ ର ମାଦେନା ସାମ୍ବୁରିତି ଏୟୁତା ମୁଞ୍ଜା ମାଚେଏଁ, ୨୬ *ନାନୁ ହାରେକା ଦେବା ଜିରୁ ତାକିନାଟି, କାତା ଆଜିନିତାଣା, ସରକା ତାଣାଟି, ନା କୁଡ଼ାତି ଜୀହୁଦି ଲକୁ ତାଣାଟି, ଏଟକା କୁଡ଼ାତି ଲକୁ ତାଣାଟି, କାଜା ନାସ୍ତକାତି ଆଜିତି, ଲକୁ ହିଲାଆ ଜାଡ଼ାଟି, କାଜା ସାମ୍ବୁରି ଆଜିତି, ଅଡ଼େ ନାଡ଼ିକିନି ତଣେସିଙ୍ଗା ଆଜିତି । ୨୭ ନାନୁ ହାରେକା କାମା କିହାନା କସ୍ତ ବେଟାଆହାମାଇଁ, ଏଚର ପାଲି ଲାଆଁୟାଁ ଇଦା କିଆନା ହାକି ଅଡ଼େ ଏସ୍କିଟି ମାଚେଏଁ, ଏଚର ପାଲି ଉପାସା ତଲେ, ପେନି ଇଞ୍ଜା ନାଗ୍ଡାଟି ମାଚେଏଁ । ୨୮ ଏଲେତି ବାରେ ବାଦା ପିସ୍ପେ ନାଙ୍ଗେ ଅଡ଼େ ର କାଜା ବଜୁମାନେ, ଇତିହଁ ବାରେଦିନା କୁଲମିକା ତାକି ନାନୁ ଅଣ୍ପିପାଇଁ । ୨୯ ଆମ୍ବାଆସି ବାଡ଼ୁୟୁ ହିଲାଆଗାଟାସି ଆଡ଼ିସାରେ ନାନୁ ଜିକେଏ ବାଡ଼ୁୟୁ ହିଲାଆ ଗାଟାଚେଏଁ ଆଏକି ? ଆମ୍ବାଆସି ପାପୁ କିତିହଁ ନାନୁ ହିୟାତା ଦୁକୁ ଆଆଁ କି ?

୩୦ ନା ବତପଣ ତସାଲି ଲଡ଼ା ଆତିହଁ, ନାନୁ ନା ଆଡ଼ାଆଗାଟାଣି ତାକି ବତପଣ ତହୁଇଁ । ୩୧ ନାନୁ ମିଟି ଜଲି ହିଲଅଁ, ଏଦାଆଁ ପ୍ରବୁ ଜୀସୁ କ୍ରୀସ୍ତତି ମାହାପୁରୁ ଅଡ଼େ ଆବା ପୁଞ୍ଜାମାନେସି; ଏଞ୍ଜାସି କାଲକାଲ୍ଲା ତାକି ଜହରା । ୩୨ *ଦମେସକତା ହାରେତା ରାଜାତି ସାଲଞ୍ଜି କିନାସି ନାଙ୍ଗେ ଆସାଲି ଏ ଗାଡ଼ାତି ତାନି କାପୁ କାଝନି କସ୍କାଣି ପାଣ୍ଡୁନା କାପି କିହିମାଚେସି । ୩୩ ଇଞ୍ଜା ର ତାଲିତା କିଡ଼କିଡ଼ି କାତି ଲାକଟି ନାଙ୍ଗେ ରେପହାଲିଏ ନାନୁ ଏଞ୍ଜାଣି କେୟୁଟି ଗେଲ୍ପିଆଡ଼େଏଁ ।

* ୧୧:୨୩ ୧୧:୨୩ କାମା ୧୭:୨୩ * ୧୧:୨୭ ୧୧:୨୭ କାମା ୯:୨୩; କାମା ୧୪:୫ * ୧୧:୩୨ ୧୧:୩୨ କାମା ୯:୨୩-୨୫

୧୨

ପାଞ୍ଚୁଲ ତଞ୍ଜାଆନାଣି ମେହନାୟି

୧ ବତପଣ କିନାୟି ନେହାୟି ଆଆତି ଜିକେଏ ନାଞ୍ଜେ ବତପଣ କିନାୟିମାନେ, ନାନୁ ପ୍ରବୁତି ମେହନାଣି ଅଡ଼େ ତଞ୍ଜାଆନାଣି ମିଙ୍ଗେ ଖେସ୍ତାଇଁ । ୨ ନାନୁ ର କ୍ରୀସ୍ତାନା ଲକ୍ଷୁଇଁ ପୁଞ୍ଜାମାଇଁ, ଏଞ୍ଜାସି ସଦ ବାସୀ ନକେଏ ଲାକପୁରୁତି ତାନି ପୁରୁ ପାତେକା ଅଢ଼ିଆଡ଼େସି ଏଞ୍ଜାସି ଆଙ୍ଗା ତଲେ ମାଚେସି କି ଆଙ୍ଗା ହିଲାଆନା ମାଚେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି । ୩ ହାଅ ନାନୁ ଏଲେତି ର ଲକ୍ଷୁଇଁ ପୁଞ୍ଜାମାଇଁ, ଏଞ୍ଜାସି ପାରାଦିସତା ଅଢ଼ିଆଡ଼େସି ଏଞ୍ଜାସି ଆଙ୍ଗା ତଲେ ମାନେସି କି ଆଙ୍ଗା ହିଲାଆନା ମାଚେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି । ୪ ଏଞ୍ଜାସି ଲାକପୁରୁ ଅଢ଼ିଆଡ଼େସି, ଅଡ଼େ ଇଲେତି ହାଡ଼ା ଖେଚେସି, ଏଦାଆଁ ମାଣସି ଜଲାଲି ଆଡ଼ାଆଗାଟାୟି ଅଡ଼େ ଗୁତିତା ଅହାଲି ଆଡ଼ାଆଗାଟାୟି । ୫ ଇଲେତି ର ଲକ୍ଷୁତାକି ନାନୁ ବତପଣ କିଇଁ, ସାମା ନା ତାକି ନାନୁ ନା ବାଡ଼ୁୟୁ ହିଲାଆଗାଟାଣି ପିସପେ ଅଡ଼େ ଏନାଆଁତାକିଞ୍ଜା ବତପଣ କିଅଁ । ୬ ବତପଣ ତସାଲି ଅଣପିତିହଁ ଜିକେଏ, ନାନୁ ବୁଦି ହିଲାଆ ଗାଟାଚେଏଁ ଆଅଁ, ଇତିହଁ ନାନୁ ସାତା କାତା ଖେହୁଇଁ, ସାମା ଲକ୍ଷୁ ନାଞ୍ଜେ ଏନିକଁ ମେସ୍ତାନେରି ଇଞ୍ଜା ନା ତାଣାଟି ଏନିକଁ କାତା ଖେନେରି, ନାଞ୍ଜେ ତଞ୍ଜା ଆହାମାନି କାତାତା ହାରେକା କାଜାୟି ଆହାମାନାକି ଏନିକଁ ନା କାତାତା ହାରେକା ଅଣପଅସି ଇଞ୍ଜା, ଇଦାଆଁତାକି ନାନୁ ସାପି ଆହାମାଇଁ ।

୭ ନାନୁ ଏନିକଁ ଗାତି ବତପଣ କିଅଁ, ଇଦାଆଁତାକି ନା ଆଙ୍ଗାତା ର ସାସ୍ତି ହାପକି ଆୟାତେ, ନାଞ୍ଜେ ସାସ୍ତି ହାହାଲି ସୟତାନତି ଦୁଡୁଇଁ ପାଣ୍ଡୁଞ୍ଜିଆଡ଼େ, ଏନିକଁ ନାନୁ ଗାତି ବତପଣ ଆଅଁ । ୮ ଏ କସ୍ତ ନା ତାଣାଟି ହେକ ଆୟାଲି ତାନି ପାଲି ପ୍ରବୁଇଁ ବାତିମାଲିହଁ ରାସ୍ତେଏଁ । ୯ ଅଡ଼େ ଏଞ୍ଜାସି ନାଞ୍ଜେ ଏଲେଇଞ୍ଜାନେସି, “ନା କାର୍ମାମେହନାୟି ନିଙ୍ଗେତାକି ହାରେପୁରେ,” ଇତିହଁ ନୀ ବାଡ଼ୁୟୁ ହିଲାଆତାଣା ନା ବାଡ଼ୁୟୁ ହାରେ ଗାତିଆହଁ ତଞ୍ଜାଆନେ, ଇତିହଁ ଏନିକଁ କ୍ରୀସ୍ତତି ବାଡ଼ୁୟୁ ନା ତାଣା ତୁୟିନେ, ଏଦାଆଁତାକି ନା ବାଡ଼ୁୟୁ ହିଲାଆ ବେଲାତା ହାରେକା ରାହଁ ତଲେ ବତପଣ ତହୁଇଁ । ୧୦ ଏଦାଆଁତାକି କ୍ରୀସ୍ତତି ତାକି ବାଡ଼ୁୟୁ ହିଲାଆଟି, ଲାଜା ପାଣ୍ଡନାଟି, ହାକି ବେଲାତା, ସାସ୍ତି ଖାନି ବେଲା, କସ୍ତତା ନାନୁ ରାହଁଆଇଁ, ଇତିହଁ ଏତିବେଲା ବାଡ଼ୁୟୁ ହିଲାଆ ଗାଟାଚେଏଁ ଏତିବେଲା ବାଡ଼ୁୟୁ ଗାଟାଚେଏଁ ।

କରିତ୍ତ ତାରାକି ପାଞ୍ଚୁଲ ଅଣପିନାୟି

୧୧ ନାନୁ ବୁଦି ହିଲାଆ ଗାଟାଚେଏଁ ଲେହେଁ ଆହାମାଇଁ, ମୀରୁ ନାଞ୍ଜେ ଏଲେକିଞ୍ଜି କିୟାତେରି, ମୀରୁ ନାଞ୍ଜେ ନେହଁସି ଇଞ୍ଜାନାୟି ମାଚେ; ନାନୁ ଏନାଚେଏଁ ଆଏ, ଆଡ଼ି ଜିକେଏ ଏ “କାଜା ପାଣ୍ଡୁଞ୍ଜି ଆହାମାନାରି” କିହଁ ଉଣାଚେଏଁ ଆଏ । ୧୨ ଆମ୍ବାଆସି ହାରେକା ସିନାୟି, କାବାଆନି କାମା, ଅଡ଼େ ବାଡ଼ୁୟୁତି କାମା ପାଣ୍ଡୁଞ୍ଜି ଆହାମାନାରି ସିନାୟିଲେହେଁ, ଏ

ବାରେ ସାଚେଏ ମୀ ତାଣା ସାସାତଲେ କିଞ୍ଜିଆହାମାନେ । ୧୩ ଇତିହଁ ନାନୁ ମୀ ବଦୁ ଲେହେଁ ଆହାହିଲଅଁ, ଇ ରଣ୍ଡିଏ କାତା ପିସପେ ଅର କୁଲମିତି ଲକ୍ଷୁ କିହଁ ମିଙ୍ଗେ ଅଡ଼େ ଏନିକଁ ଉଣା ମେସାମାଞ୍ଜାଇଁ, ଏ ନା ଦହ ଆସ୍ତାଆଦୁ ।

୧୪ ମେହନୁ ମୀ ତାଣା ଖାହାଲି ନୀଏଁ ତଲେ ତାନି ପାଲି ତିୟାରା ଆହିମାଇଁ, ଅଡ଼େ ନାନୁ ମିଙ୍ଗେ ଏନି ବଦୁ ହିୟଅଁ, ଇତିହଁ ନାନୁ ମୀ ଦନ ପାରାଆନା ମିଙ୍ଗେ ପାରିମାଞ୍ଜାଇଁ, ମୀରକା ମାସ୍ତକା ତାମି ଇୟା ଆବାକି କୃଡ଼ିକିଜ ସାମା ଇୟା ଆବା ଦେଁ ତାମି ମୀରକା ମାସ୍ତକାକି କୃଡ଼ିକିନାୟି ମାନେ । ୧୫ ନାନୁ ମୀ ଜୀଞ୍ଜୁତାକି ହାରେକା ରାହଁତଲେ ହାଇଁ, ହାଅ ନା ଜୀଞ୍ଜୁ ଜିକେଏ ହାଇଁ, ନାନୁ ମିଙ୍ଗେ ହାରେକା ଜୀଞ୍ଜୁନହଁ ମାଞ୍ଜାତିହଁ ଏନାଆଁ ମୀରୁ ନାଞ୍ଜେ ଉଣା ଜୀଞ୍ଜୁନହଁ ମାଞ୍ଜାଦେରି ?

୧୬ ସାମା ନାନୁ ଜାହାରାଇଁ ମିଙ୍ଗେ ବଦୁ କିୟାଆଚେଏଁ, ସାମା ମୀ ବିତ୍ରାଟି ଆମ୍ବାଆରି ଏଲେଇଞ୍ଜାନେରି ନା ସୁତରି ମାନାକି ମିଙ୍ଗେ ମିତି ତଲେ ଆସ୍ତାଚେଏଁ । ୧୭ ନାନୁ ମୀ ତାଣା ଆମ୍ବାଆରାଇଁ ପାଣ୍ଡାମାଞ୍ଜାଇଁ, ଏଞ୍ଜାରି ବିତ୍ରାଟି ରଅଣି ତଲେ ମୀ ତାଣାଟି ଏନି ଲାବା ବେଗାଆଚେଏଁ କି ? ୧୮ ନାନୁ ତିତସଇଁ ହାଜାଲି ବାତିମାଲା ମାଚେଏଁ, ଇଞ୍ଜା ଏଞ୍ଜାଣିତଲେ ଅର ତାୟିଇଁ ମୀ ତାଣା ପାଣ୍ଡାଚେଏଁ । ତିତସ ମୀ ତାଣାଟି ଏନାଆଁ ଲାବା କିଚେସି ? ମାମ୍ବୁ କି ରଣ୍ଡିଏ ଜୀଞ୍ଜୁତଲେ ତାକିହିଲଅମି ? ମାମ୍ବୁ ଏନାଆଁ ରଣ୍ଡିଏ ପାଞ୍ଚୁଲିତା ତାକିହିଲଅମି ?

୧୯ ନୀଏଁ ପାତେକା ମୀରୁ ଅଣପିମାଞ୍ଜେରି, ମାମ୍ବୁ ମୀ ନକିତା ଜାହାରାଇଁ ନେହଁ କିହିମାନମି ? ମାହାପୁରୁ ନକିତା କ୍ରୀସ୍ତତି ସେବା କିନାତମି ଲେହେଁ ମାମ୍ବୁ କାତା ଜଲିମାନମି, ଇଞ୍ଜା ଏ ଜୀଞ୍ଜୁତି ତାୟିୟା ବାରେ କାତା ମୀ ନେହେଁତାକି ଖେସିମାନମି । ୨୦ ଇତିହଁ ଏଚେତା ନାନୁ ମୀ ତାଣା ଖାଡ଼ିସାରେ, ମିଙ୍ଗେ ଏନିକଁ ମେସାଲି ମନ କିହିମାଇଁ ଏଲେକିହଁ ମିଙ୍ଗେ ମେସ୍ତାଆସାରେ, ଅଡ଼େ ମୀରୁ ନାଞ୍ଜେ ଏନିକଁ ମେସାଲି ମନ କିହଁ ହିଲଅଚେରି ଏଲେକଁ ମେସ୍ତାଦେରି, ଏଦାଆଁତାକି ନାନୁ ଆଜିମାଇଁ; ଇତିହଁ ମା ବିତ୍ରା ବାଡ଼ିବାଦା, ତାହାରା, କପା ଅଡ଼େ ଗତି ଗତି ଆନାୟି, ରଅସି ରଆଣାଇଁ ନିନ୍ଦା କିନାୟି, ସାକ୍ତି କାତା ଜଲିନାୟି, ବତପଣ ତସ୍ପି ଆହଁ ଗଡ଼ହା ଆନେ; ୨୧ ଇଞ୍ଜା ନାନୁ ଅଡ଼େ ଖେଣ୍ଡେ ଖାଡ଼ିସାରେ ନା ମାହାପୁରୁ ମୀ ତାକି ନାଞ୍ଜେ ଅଡ଼େ ଲାଜା କିଞ୍ଜିକିୟାନେସି, ଇଞ୍ଜା ମୀ ବିତ୍ରା ତଲିଏ ପାପୁ କିହାମାନାରି ତାମି ଲାଗେଏତି କାମା, ଦାରିକାମା ଅଡ଼େ ଦାରି କାମାତାକି ଜୁପକା ଆନାଣି ତାକି ନୀଏଁ ପାତେକା ମନ ଖେଚହା ହିଲଅରି ଏଞ୍ଜାରି ତାକି ନାନୁ ଦୁକୁଆହଁ ତାହାଲିଆନେ ।

୧୩

ଜାଗ୍ରାତା କିହଁ ଜହରା ତଲେ ଆକୁତି ରାପ୍ନାୟି

୧ ନୀଏଁ ତଲେ ତାନି ପାଲି ନାନୁ ମୀ ତାଣା ଖାହିମାଇଁ, ଦାମ୍ପୁପତିତା ରାସ୍ତକି ଆହାମାନେ, “ଆମିନି ଦହତି କାତା

ନୀହାୟି କିନାୟି ରିଆରି କି ତାନି ଜାଣା ସାକିୟାଁ ତଲେ ତାରି କିଞ୍ଚିଆନେ”^୨ ଆମ୍ବାଆରି ନକେଏ ପାପୁ କିହାମାତେରି ଏଞ୍ଜା ରାଇଁ ଇଞ୍ଜା ବାରେତି ଏନିକିଁ ତଲି ରୀ ପାଲି ଖେସାମାଞ୍ଜାତେଏଁ, ନୀଏଁ ହେକ ମାଞ୍ଜାନା ଏଲେକିହିଁ ଏ ନକେଏ ଖେସିମାଞ୍ଜାଇଁ, ନାନୁ ଅଡେ ଖାଡ଼ିହିଁ ଏଞ୍ଜା ରାଇଁ ତଣ୍ଡୁ ହୀଆନା ପିହିଅଁ ।^୩ ଏନିକିଁ କ୍ରୀସ୍ତ ନା ତାଣା ଜଲିମାଞ୍ଜାନେସି ମୀରୁ ଏଞ୍ଜାଣି ପାରମାଣା ପାରିମାଞ୍ଜେରି; ଏଞ୍ଜାସି ମିଙ୍ଗେତାକି ବାଡ଼ୁୟୁ ହିଲାଆଗାଟାସି ଆଏ, ସାମା ମୀ ତାଣା ବାଡ଼ୁୟୁ ଗାଟାସି ଆନେସି,^୪ ଏଞ୍ଜାସି ବାଡ଼ୁୟୁ ହିଲାଆତାକି ପାସି ମୁଣ୍ଡାତା ଏପକି ଆଡେସି, ଆଡ଼ିଜିକେଏ ମାହାପୁରୁ ବାଡ଼ୁୟୁଟି ଏଞ୍ଜାସି ନୀତାମାନେସି । ମାମ୍ବୁ ଜିକେଏ ଏଲେକିଁ ତାନି ତାଣା ବାଡ଼ୁୟୁ ହିଲାଆ ଗାଟାତମି, ସାମା ମାହାପୁରୁଟି ବାଡ଼ୁୟୁ ତାକି ମାମ୍ବୁ ମୀ ତାଣା ଏଞ୍ଜାଣିତଲେ ନୀତାମାନମି ।

^୫ ମୀରୁ ନାମୁତଲେ ମାଞ୍ଜେରିକି ଆଏ, ଏ କାତାତା ଜାହା ଜାହାରାଇଁ ତାୟିପାରି କିହାକତାଦୁ ଇଞ୍ଜା ଅଣ୍ପାଦୁ, କି ଜୀସୁ କ୍ରୀସ୍ତ ମୀ ତାଣା ମାନେସି, ଇଦାଆଁ କି ମୀରୁ ଜାହା ଜାହାରା କାତାତା ପୁଞ୍ଜାହିଲଅଡେରି ? ଏଲେଆହିଁ ଆଡିହିଁ ମୀରୁ ତାୟିପାରି କିନି ତାଣା ଜୀଣା ଆହା ହିଲଅଡେରି ।^୬ ସାମା ନାନୁ ବାସୁଁ ଇଟାମାଇଁ, ମାର ତାୟିପାରି କିଞ୍ଚିଆହା ଜୀଣା ଆହାମାନାୟି, ଇଦାଆଁ ମୀରୁ ପୁଞ୍ଜେରି ।^୭ ମୀରୁ ଏନିକିଁ ଏନି ଲାଗେଏଡି କାମା କିଅଡେରି, ଇଦାଆଁତାକି ମାହାପୁରୁ ତାଣା ମାମ୍ବୁ ପ୍ରାତାନା କିହିମାନମି; ମାମ୍ବୁ ଏନିକିଁ ତାୟିପାରି କିଞ୍ଚି ଆହାଁ ଜୀଣା ଆହାମାନି ଲେହେଁ ତଞ୍ଜାଆନମି, ଇଦାଆଁତାକି ପ୍ରାତାନା କିହିଲଅମି, ସାମା ମାମ୍ବୁ ତାୟିପାରି କିଞ୍ଚି ଆହାଁ ଜୀଣା ଆଆଡିଲେହେଁ ତଞ୍ଜା ଆଆଡିଁ ଜିକେଏ ଏନିକିଁ ମୀରୁ ନେହିଁ କାମା କିଦେରି, ଇଦାଆଁତାକି ପ୍ରାତାନା କିହିମାନମି ।^୮ ଇଡିହିଁ ମାମ୍ବୁ ସାତା କପାଟି ଏନାଆଁ କିହାଲି ଆଡ଼ିହିଲଅମି, ସାମା ସାତା ଖାକିଟି ଦେହେଁ ବାରେ କିହାଲି ଆଡ଼ିନମି ।^୯ ଏଡିବେଲା ମାମ୍ବୁ ବାଡ଼ୁୟୁ ହିଲାଆ ଗାଟାତମି ଆନମି ସାମା ମୀରୁ ବାଡ଼ୁୟୁ ଗାଟାତେରି ଆଦେରି, ଏଡେତା ମାଙ୍ଗେ ରାହାଁ ହଡାନେ; ମୀରୁ ଏନିକିଁ ବାରେ ଖାକିଟି ନେହାଁତେରି ଆଦେରି ଏଦାଆଁତାକି ଜିକେଏ ପ୍ରାତାନା କିହିମାନମି ।^{୧୦} ଏଦାଆଁତାକି ମୀ ତାଣାଟି ହେକ ମାଞ୍ଜାନା ନାନୁ ଇ ବାରେ ରାଡ଼ିମାଞ୍ଜାଇଁ, ଏନିକିଁ ମୀ ତାଣା ଖାହାନା ପ୍ରୁ ନାଙ୍ଗେ ମେକ୍‌ହାଲି ହୀଆନା, ପାଡିକିହାଲି ହୀହାମାଞ୍ଜାନେସି, ଏ ଅଦିକାରା ଲେହେଁ ମୀ କପାଟି ନିଙ୍ଗାନା ବାଡ଼ୁୟୁ ତସାଲି ମିଙ୍ଗେ ଲଡା ଆଏ ।

^{୧୧} ତାୟିୟାଁ ଅଡେ ତାଙ୍ଗିସ୍ତାତେରି, ରାହାଁ କିଦୁ, ନେହାଁତେରି ଆଦୁ, ରଅଡେରି ରଅଣାଇଁ ବାସୁଁ ହୀଞ୍ଚିଆଦୁ, ରଣିଏ ମନ ଆଦୁ, ହିଡ଼ଡି ତଲେ ବାସା ଆଦୁ, ଅଡେ ହିଡ଼ଡି ଇଞ୍ଜା ଜୀଞ୍ଜୁ ନନି ମାହାପୁରୁ ମୀ ତଲେ ଡୟିନେସି ।

^{୧୨} କ୍ରୀସ୍ତାନା ତାୟିୟାଁ ଲେହେଁ ସୁଦୁଜୀଞ୍ଜୁ ନଞ୍ଜୁ ତଲେ ଜୀଞ୍ଜୁ ନଞ୍ଚିଆହାନା ମୀରୁ ମୀରୁଏ ରଅଡେରି ରଅଣାଇଁ ନଣ୍ଡାନା ଜହରା କିଞ୍ଚିଆଦୁ ।^{୧୩} ଇଦାଆଁ ମାନି ମାହାପୁରୁ ଲକ୍ଷୁ

ମିଙ୍ଗେ ଜହରା ଖେସିମାଞ୍ଜାନେରି ।^{୧୪} ପ୍ରୁ ଜୀସୁ କ୍ରୀସ୍ତ କାର୍ମାମେହନାୟି ମାହାପୁରୁଟି ଜୀଞ୍ଜୁନନାୟି ଅଡେ ସୁଦୁଜୀଞ୍ଜୁ ତଲେ ଆଣ୍ଡିନାୟି ମୀ ବାରେତାକି ଆୟାପେ ।

ଗାଳାତିୟ ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ପତ୍ର ଗାଳାତିୟ କୁଲମିତାକି ପାଞ୍ଚୁଲ ରାଚାମାନି ଆକୁ ମୂଳୁ ହାଡ଼ା

ଗାଳାତିୟ ଆକୁ ପାଣ୍ଡୁଞ୍ଜିଆହାମାନି ପାଞ୍ଚୁଲ ତାଣ୍ଡାଟି ରାସ୍ତିକି ଆହାମାନେ ୧:୧ । ଇ ଆକୁ ଜୀସୁ କ୍ରୀସ୍ତ ଜାର୍ନାତି ତାୟୁ ୪୮ ଟିଏ ୫୭ ବାର୍ଯା ବିତ୍ରା ଗାଳାତିୟ କୁଲମିତି ନାମିତି ତାୟିୟାକି ରାସ୍ତିକି ଆହାମାନେ । ଗାଳାତିୟ ଲକୁ ରମିୟ ଦେସାତି ଗାଳାତିୟ ଇନି ଟାୟୁତା ବାସା କିହା ମାଣ୍ଡିନେରି । ପାଞ୍ଚୁଲ ଇ ଆକୁ ରାଚିତି ବେଲା ଆନ୍ଦିୟା ମାଚେସି ଇଦାଆଁ ବୁଦିଗାଗାରି ଜିକେଏ ପୁଞ୍ଜାହିଲଅରି । ସାମା ଏପିସିୟ ଆଆତ କରନ୍ତି ଇ ରୀ ଟାୟୁତା ମାଞ୍ଜା ଡିୟିନେସି ଇଞ୍ଜି ଇନେରି ।

ପାଞ୍ଚୁଲ ଗାଳାତିୟ କୁଲମିତି ଜୀହୁଦି ଅଡ଼େ ଜୀହୁଦିଆଆତି କ୍ରୀସ୍ତାନା ଲକୁଣି ଟାୟୁ ପୁଣ୍ଡି କିହାନା ଆକୁ ରାଚିମାନେସି । ଏଞ୍ଜାସି ମିତି ଜାପ୍ନାରି ତାଣ୍ଡାଟି ହେକ ଆହାଲି ରାଚାମାନେସି, କ୍ରୀସ୍ତାନା ଲକୁଣି ପୁଞ୍ଜା ଫେରାତି ଜୀହୁଦି ହୁକୁମିତି ମାନୁଞ୍ଜି ଆହାଲି ଅଡ଼େ ବାରେକିହାଁ ତଲୁ ଦାପିଆନି ଫେରା ଖେସିମାନେସି, କ୍ରୀସ୍ତାନା ଲକୁ ବିତ୍ରା ଏଚେକା ମାଚେରି ଏମିନିଗାଗାରି ଜୀହୁଦି ଦାମ୍ବୁତି ଆବିତାରି । ଏଞ୍ଜାରି ଜିକେଏ ପାଞ୍ଚୁଲତି ପାଣ୍ଡୁଞ୍ଜିଆହାମାନି ଅଦିକାରାତି ଖେଞ୍ଜିମାଚେରି । ପାଞ୍ଚୁଲ ଏଚେକା ପୁସ୍ତପନିକା ତଲେ ତାନି ପାଣ୍ଡୁଞ୍ଜିଆହାମାନି କାତା ଖେସାନା ଏଞ୍ଜାରାଈ ମୁଦା କିହାମାଚେସି ୧:୧୧; ୨:୧୪ ଅଡ଼େ ଜୀସୁ କ୍ରୀସ୍ତାଇଁ ନାମିସାରେ ଗେଲ୍ପି ଆନାୟି ଇ କାତା ଖେସାନା ନେହୁଁ କାବୁତି ଗେଲ୍ପି ମାନେସି ୨:୧୭ । ମାଣ୍ଡିସି ଏନାଆଁ କିନେସି ଏମ୍ବାଟି ଆଏ ସାମା ମାହାପୁରୁତି କାର୍ମାଟି ଆନେ ।

ପତିତା ମାନାୟି

- ୧. ପାଞ୍ଚୁଲତି ଜହରା । ୧:୧-୫
- ୨. ପାଞ୍ଚୁଲତି ତଲିତି ଜୀସୁ ଅଡ଼େ ଜାପ୍ନି ଅଦିକାରା କାମା କିନାୟି । ୧:୬-୨:୨୧
- ୩. ଫେରାତି କାମା ଅଡ଼େ ମାହାପୁରୁ କାର୍ମାଟି ଗେଲ୍ପି ଆନାୟି । ୩:୧-୪:୩୧
- ୪. ନେହୁଁ କ୍ରୀସ୍ତାନା ଆହାମାନା ନୀତାଲି ଖେହ୍ନାୟି । ୫:୧-୬:୧୦
- ୫. ପାଞ୍ଚୁଲ ଜହରା କିହାନା ଆକୁତି ରାପ୍ନାୟି । ୬:୧୧-୧୮

ପାଞ୍ଚୁଲତି ଜହରା

୧ ନାନୁ, ପାଣ୍ଡୁଞ୍ଜିଆଡ଼ି ସୀସୁ ପାଞ୍ଚୁଲତେଏଁ, ପାଣ୍ଡୁଞ୍ଜି ଆହାଲିତାକି ନାନୁ ମାଣ୍ଡିସି ତାଣ୍ଡାଟି ଆଏ, ସାମା ଜୀସୁ କ୍ରୀସ୍ତ

ତାଣ୍ଡାଟି ଇଞ୍ଜାଁ ଆମିନି ଆବା ମାହାପୁରୁ ଏଞ୍ଜାଣାଇଁ ହାଡ଼ାରି ତାଣ୍ଡାଟି ନିକହାମାନେସି ଏଞ୍ଜାଣି ତାଣ୍ଡାଟି ବେଟାଆହାମାଇଁ, ୨ ନା ତଲେ ମାନି ନାମୁତି ବାରେ ତାୟି ତାଜିସ୍ତା ଗାଳାତିୟା କୁଲମିତି ଜହରା କିହିମାଞ୍ଜାନେରି ।

୩ ମା, ଆବା ମାହାପୁରୁ ଇଞ୍ଜାଁ ପ୍ରବୁ ଜୀସୁ କ୍ରୀସ୍ତ କାର୍ମାମେହ୍ନାଣି ଅଡ଼େ ହିଡ଼ି ଜୀସୁ ମିଙ୍ଗେ ହୀୟାପେସି ।

୪ ନୀଏଁତି ଇ ପାପୁତି ଦାର୍ତତିତା ମାଙ୍ଗେ ଗେଲ୍ପାଲିତାକି, ମା, ଆବା ମାହାପୁରୁତି ଅଣ୍ପୁତି ମାନି କିହାନା, କ୍ରୀସ୍ତ ମା, ପାପୁ ତାକି ଜାହାରାଇଁ ହେରପାକଡ଼ିତେସି; ୫ କାଲ୍ଲକାଲ୍ଲତାକି ମାହାପୁରୁଇଁ ଗାଞ୍ଜୁରମି ଆପେ । ଆନେନ ।

ରଣ୍ଡିଏ ନେହୁଁ କାବୁ

୬ କ୍ରୀସ୍ତିତି କାର୍ମାତଲେ ଆମ୍ବାଆସି ମିଙ୍ଗେ ହାଡ଼ା ମାଞ୍ଜାତେସି, ଏଞ୍ଜାଣାଇଁ ମୀରୁ ଗାଡ଼େକେଏ ପିସାନା ଏଚକାତି ନେହୁଁ କାବୁତି ଆସାମାଞ୍ଜେରି, ଏଦାଣିତାକି ନାନୁ କାବା ଆହିମାଇଁ । ୭ ସାତାତଲେ, “ଏଚକାତି ନେହୁଁ କାବୁ” ଆଏ, ସାମା ଏଚରଜାଣା ମିଙ୍ଗେ ତାରି ମାଞ୍ଜାଲି ହୀଆନା, କ୍ରୀସ୍ତ ନେହୁଁ କାବୁତି କିଲିବିଲି କିହାଲି ଅଣ୍ପିମାନେରି । ୮ ସାମା ଆମିନି ନେହୁଁ କାବୁ ମାମୁ ମୀ ତାଣ୍ଡା ଖେକହା ମାଚମି, ଇଞ୍ଜାଁ ମାମୁ କି ଲାକପୁରୁତି ଦୁତୁୟା ଜିକେଏ ଏଦାଣି ପିସପେ ଏଚକାତି ନେହୁଁ କାବୁ ଖେକନେସି, ଆତିହୁଁ ଏଞ୍ଜାସି ବାକା ବେଟାଆପେସି । ୯ ଏନିକ ମାମୁ ତଲିଏ ଖେସାମାନମି, ନୀଏଁ ଜିକେଏ ନାନୁ ଏଲେକିହୁଁ ଏ ଅଡ଼େ ଖେଣ୍ଡେ ଖେସିମାଞ୍ଜାଇଁ, ଆମିନି ନେହୁଁ କାବୁଇଁ ମୀରୁ ଆସାମାଚେରି, ଏଦାଣି ପିସପେ ଆମିନି ଲକୁ ଏଚକାତି ନେହୁଁ କାବୁ ମୀ ତାଣ୍ଡା ଖେକହାନେସି ଏଞ୍ଜାସି ବାକା ବେଟାଆପେସି ।

୧୦ ନୀଏଁ ନାନୁ ମାଣ୍ଡିସିୟାଁ ନକିତା କି ମାହାପୁରୁ ନକିତା ନେହୁଁ ତଞ୍ଜାଆୟାଲି ଅଣ୍ପିମାଇଁ, ଏଡ଼ି ଏଚେଲା ଜିକେଏ ଆଏ । ଇତିହୁଁ ମାଣ୍ଡିସିୟାଁ ରାହାଁ କିହାଲି ଅଣ୍ପିମାଇଁ, ନାନୁ ନୀଏଁ ପାଚେକା ମାଣ୍ଡିସିୟାଁ ରାହାଁ କିଞ୍ଜିକିହାଲି ଅଣ୍ପି ମାତିହୁଁ ମା ନାନୁ କ୍ରୀସ୍ତ ହିଲେଏଣାତେଏଁ ଆଆତେଏଁମା ।

ପାଞ୍ଚୁଲ ଏନିକ ଆଚ୍ଞି ଆନାୟି

୧୧ ତାୟି ତାଜିସ୍ତାତେରି ଆମିନି ନେହୁଁ କାବୁ ନା, ତାଣ୍ଡାଟି ଖେସପି ଆହାମାନେ, ଏଦାଣି ମିଙ୍ଗେ ନାନୁ ଖେସିମାଞ୍ଜାଇଁ ଏଡ଼ି ମାଣ୍ଡିସିୟାଁ ତାଣ୍ଡାଟି ଆଏ; ୧୨ ନାନୁ ଏଦାଆଁ ମାଣ୍ଡିସି ତାଣ୍ଡାଟି ବେଟାଆହା ହିଲଅଁ କି ଜାପାହିଲଅଁ, ସାମା ଜୀସୁ କ୍ରୀସ୍ତ ତସାମାଞ୍ଜାନି ତାଣ୍ଡାଟି ବେଟାଆହାମାଇଁ ।

୧୩ ନାନୁ ତଲି ଜୀହୁଦି ଦାମ୍ବୁତା ମାଚିବେଲା ଏନି ମାଣ୍ଡିକିତା ମାଚେଏଁ ମୀରୁ ଖେଞ୍ଜାମାଞ୍ଜେରି, ନାନୁ ମାହାପୁରୁତି କୁଲମିତି ହାରେକା ସାସ୍ତି ହୀହିମାଚେଏଁ, ଅଡ଼େ ଏଦାଆଁ ମ୍ଲେକହାଲି ଅଣ୍ପିମାଚେଏଁ । ୧୪ ଅଡ଼େ ମା ଆକୁ

ଆବାୟା ପାଣାପାଟୁ ମେରା ତାକି ରାହାଟି ମାନି କିହାଁ ନା ତଲେତି ହାରେକା ଲକୁ ବିତ୍ରାଟି ଜାହୁଦି ଦାମୁତି ହାରେକା ମାନି କିହିମାଚେଏ ।

୧୫ *ସାମା ମାହାପୁରୁ ନାନୁ ଜାର୍ନା ଆଥା ନଚେଏ ତାନି କାର୍ମାମେହନାଣି ତଲେ ଆଚାନା ତାନି ସେବା କିହାଲି ହାଚାତେସି, ୧୬ ଅଡେ ଜାହୁଦିଆଆତି ଲକୁତାଣା ନେହୁଁ କାରୁ ଝେକ୍‌ହାଲି ତାକି ଏଚିବେଲା ନାଜେ ଏଝାସି ତାନି ମୀରଏଣାଇଁ ତସ୍ତାତେସି, ଏ କାତା ପୁଞ୍ଜାଲିତାକି ନାନୁ ଏଚକା ମାଣସି ତାଣା ହାଜା ହିଲାଆତେଏ । ୧୭ ଇଲେକିହୁଁ ନା ନଚେଏ ଆମିନି ଗାଟାରି ପାଣ୍ଡୁଆତି ସାସୁ ଆହାମାଚେରି, ଏଝାରାଇଁ ଆଣ୍ଡାଲି ତାକି ଜିରୁସାଲମତା ଜିକେଏ ହାଜା ହିଲାଆତେଏ । ସାମା ନାନୁ ଦେବୁଣିଏ ଆରବ ଦେସାତା ହାଜାମାଚେଏ; ଅଡେ ତାୟୁ ଦମେସକତା ଝେଣ୍ଡା ଝାତେଏ । ୧୮ * ତାନି ବାର୍ସା ହାଚି ତାୟୁ ନାନୁ ପିତରଇଁ ଆଣ୍ଡାଲି ତାକି ଜିରୁସାଲମତା ହାଚେଏ, ଇଞ୍ଜା ଏଝାଣିତଲେ ପନ୍ଦର ଦିନା ଏମ୍ବାଆଁ ମାଚେଏ । ୧୯ ସାମା ପ୍ରବୁତି ତାୟି ଜାକୁବ ପିସ୍‌ପେ ପାଣ୍ଡୁ ଆହାମାନାରି ବିତ୍ରା ଆମ୍ବାଆରାଇଁ ମେହୁଆତେଏ ।

୨୦ ନାନୁ ମିଜେ ଏନାଆଁ ରାଚିମାଞ୍ଜାଇଁ, ମାହାପୁରୁ ନକିତା ସାତା ଝେସିମାଞ୍ଜାଇଁ, ମିଚି ଝେସିମାଞ୍ଜାଅଁ ।

୨୧ ତାୟୁ ନାନୁ ସିରିୟା ଅଡେ କିଲିକିୟାତି ହାରେକା ଚାମ୍ଲାଣା ହାଚେଏ । ୨୨ ଜାହୁଦା ରାଜିତା ମାନି ନାମିତି କ୍ରୀସ୍ତାନା କୁଲମିତି ଲକୁ ନାଜେ ନେହୁଁ କୁଁ ପୁଞ୍ଜାମାଞ୍ଜାଆତେରି । ୨୩ ଏଝାରି ଏଚକା ଲକୁ ତାଣାଟି ଝେଞ୍ଜାମାଚେରି, “ଆମିନି ମାଣସି ତଲି ମାଜେ ସାସି ହାହି ମାଞ୍ଜାତେସି, ଇଞ୍ଜା ମା ନାମୁତି ମେକ୍‌ହାଲି ଅଣ୍ଡପିମାଚେସି, ଏଝାସି ନୀଏଁ ନାମୁତି କାତା ଝେକ୍‌ହି ମାନେସି ।” ୨୪ ଇଞ୍ଜା ଏଝାରି ନା ତାକି ମାହାପୁରୁଇଁ ଗାଝୁରମି କିହିମାଚେରି ।

୨

ପାଝୁଲ ଅଡେ ପାଣ୍ଡୁ ଆତି ସାସୁୟାଁ

୧ *ସଦ ବାର୍ସା ତାୟୁ ନାନୁ ବର୍ନବା ତଲେ ଜିରୁସାଲମତା ଅଡେ ଝେଣ୍ଡେ ହାଚେଏ, ଇଞ୍ଜା ତିତସଇଁ ଜିକେଏ ନା ତଲେ ଅହାମାଚେଏ । ୨ ନାନୁ ଏମ୍ବାଆଁ ହାନାୟିମାନେ ଇଞ୍ଜା ମାହାପୁରୁ ତାଣାଟି ହୁକୁମି ବେଟାଆହାନା ହାଚେଏ; ଅଡେ ନାନୁ ଏଚକା କୁଡାତି ଲକୁତାଣା ଆମିନି ନେହୁଁ କାରୁ ଝେକ୍‌ହିମାଇଁ, ଏଦାଆଁ ଏଝାରାଇଁ ଝେସ୍ତେଏ, ସାମା ନା ତଲିତି ଅଡେ ନୀଏଁତି କାମା ଉଜେଏ ଆଏ, ଏଦାଆଁତାକି ଆମିନି ଗାଟାରି ମାନି ବେଟାଆହାଲି ଜଚେ ନାନୁ ଏଝାରାଇଁ ଏଚକା କିହାନା ଝେସ୍ତେଏ । ୩ ସାମା ନା ତଡୁ ତିତସ ଗ୍ରିକ୍ ଲକୁ ମାଚି ଜିକେଏ ଏଝାଣାଇଁ ତଲୁ ଦାପି କିହାଲି ବାଲାମାତମି କିଞ୍ଚିଆହା ହିଲାଆତେ, ୪ ଆତିହୁଁ ଜିକେଏ ଏଚରଜାଣା ଲକୁ ଏଝାଣାଇଁ ତଲୁ ଦାପି କିହାଲି ଅଣ୍ଡପିମାଚେରି । ଏଝାରି ନାମିତି ତାୟିୟାଁ ଇଞ୍ଜା

ତସା କତାନା ମେଣେଏ ପାରୁ ପାରିନି ଲେହେଁ ଜାଟୁତା ଆଣ୍ଡାମାଚେରି । କ୍ରୀସ୍ତ ଜାସୁତାଣା ଆଣ୍ଡିତାକି ମାରୁ ଆମିନି ମେଲା ବେଟାଆହାମାନାୟି, ଏଦାଆଁ ପୁଞ୍ଜାଲିତାକି ଏଝାରି ଅଣ୍ଡୁ ମାଚେ, ମାଜେ ଏଝାରି ଅଡେ ଝେଣ୍ଡେ ମେରାତି ହଲିୟାଙ୍ଗା କିହାଲି ଅଣ୍ଡପିମାଚେରି । ୫ ସାମା ନେହୁଁ କାରୁତି ସାତା ଏନିକୁଁ ମୀ ତାଣା ତାରିଆହାନା ଡୟିନେ, ଏଦାଆଁତାକି ମାମ୍ବୁ ଗୁଡେକା ତାକି ଜିକେଏ ଏଝାରାକି ପାରୁ ହାହାହିଲାଆତମି ।

୬ ଆମ୍ବାଆରି ମାନିଗାଟାରି ଇଞ୍ଜା ଝେଙ୍ଗା ମାଚେରି, ଏଝାରି ଏନିଲେହେଁତି ଲକୁ ମାଚେରି, ଏମ୍ବାଆଁ ନାଡି ଏନାୟି ହିଲେଏ; ମାହାପୁରୁ ଆମ୍ବାଆରି ପାରଡା ବାଚି କିଅସି, ଏ ମାନିଗାଟାରି ନାଜେ ଏନି ପୁଝନି ବଲୁ ଝେସାମାଞ୍ଜାଅରି । ୭ ଏଚକା ଝାକି ଏଝାରି ପୁଞ୍ଜାଲି ଆଡିତେରି, ପିତରଇଁ ଏନିକୁଁ ଜାହୁଦି ଲକୁତାଣା ନେହୁଁ କାରୁ ଝେକ୍‌ନି କାମା ହେରପିତେସି ଏଲେକିହୁଁ ଏ ନାଜେ ଜିକେଏ ଜାହୁଦିଆଆତି ଲକୁତାଣା ନେହୁଁ କାରୁ ଝେକ୍‌ନି ବଲୁ ହେରପା ମାଞ୍ଜାନେସି । ୮ ଏନାଆଁତାକି ଇଚିହୁଁ ଜାହୁଦି ଲକୁତାଣା ପାଣ୍ଡୁ ଆହାମାନାରି କାମା କିହାଲି ଏନିକିହୁଁ ପିତରକି ମାହାପୁରୁ ବାଡୁୟୁ ହାହାମାନେସି, ଏଲେକିହୁଁ ଏ ଜାହୁଦିଆଆତି ଲକୁତାଣା ଏ କାମା କିହାଲି ନାଜେ ମାହାପୁରୁ ବାଡୁୟୁ ହାହାମାଞ୍ଜାନେସି । ୯ ଅଡେ ଏଚିବେଲାତା ଏଝାରି ମାହାପୁରୁ ନାଜେ ହାହାମାଞ୍ଜାନି କାର୍ମାତି କାତା ପୁଚେରି, ଏଚିବେଲା କୁଲମିତି ମୁଣ୍ଡା ଲେହେଁତି କାଜାରି ଇଞ୍ଜା ଝେଙ୍ଗାମାନେରି, ଜାକୁବ, ପିତର, ଅଡେ ଜହନ ନାଜେ ଇଞ୍ଜା ବର୍ନବାଇଁ କାମାତା ଆଣ୍ଡାତମି ଇଞ୍ଜା ଚିଝନି କେୟୁ ଆସାନା ଆବାତେରି, ଏନିକିହୁଁ ନାନୁ ଅଡେ ବର୍ନବା ଜାହୁଦିଆଆତି ଲକୁତାଣା କାମା କିନମି ଅଡେ ଏଝାରି ଜାହୁଦି ଲକୁତାଣା କାମା କିନେରି । ୧୦ ଏଝାରି ଝାରଇ ଇଚେକା ବାତିମାଲା ମାଞ୍ଜାତେରି ମାମ୍ବୁ ଏଝାରି ଜାଟୁତା ମାନି ହିଲାଆଗାଟାରାଇଁ ଅଣ୍ଡପିନମି; ଏ କାତାତା ନାନୁ ରାହାଁ ଆହାମାଚେଏ ।

ପାଝୁଲ ପିତରଇଁ ଲାଗିନାୟି

୧୧ ସାମା କେପା*ଏଚିବେଲା ଆନ୍ତ୍ରିୟକିୟାତା ଝାହାମାଚେସି, ନାନୁ ଏଝାଣାଇଁ ବାରେ ଲକୁ ନକିତା ଲାଗିତେଏ, ଇଚିହୁଁ ଏଝାସି ଦହୁ କିହିମାଚେସି । ୧୨ ଜାକୁବ ତାଣାଟି ଏଚରଜାଣା ଝାଆ ନଚେଏ ପିତର ଜାହୁଦିଆଆତି ତାୟି ତାଜିସ୍ତା ତଲେ ତିଞ୍ଜିମାଚେସି, ସାମା ଏଝାରି ଝାହାଲିଏ, ଏଝାସି ଏ ତାୟି ତାଜିସ୍ତାଇଁ ଆଜାନା ଜାହୁଦିଆଆତି ତାୟି ତାଜିସ୍ତାଇଁ ପିସାନା ଏଚକା ଆଚେସି । ୧୩ ଇଞ୍ଜା ଏଚରଜାଣା ଜାହୁଦି ତାୟିୟାଁ ଜିକେଏ ପିତର ତଲେ ଆଣ୍ଡାନା ପୁଞ୍ଜି ପୁଞ୍ଜିହୁଁ ପୁନାଆତାରି ଲେହେଁ ନାଡିକିଞ୍ଚି ଆଚେରି, ଏଲେଆହୁଁ ବର୍ନବା ଜିକେଏ ଏଝାରି କାତା ଆସେସି । ୧୪ ଏଚିବେଲା ନାନୁ ମେସ୍ତେଏ, ଏଝାରି

* ୧:୧୫ ୧:୧୫ କାମା ୯:୩-୬; ୨୨:୬-୧୦; ୨୬:୧୩-୧୮ * ୧:୧୮ ୧:୧୮ କାମା ୯:୨୭-୩୦ * ୨:୧ ୨:୧ କାମା ୧୧:୩୦; ୧୫:୨ * ୨:୧୧ ୨:୧୧ ପିତର † ୨:୧୪ ୨:୧୪ ପିତର

ନେହଁ କାରୁତି ସାତା ତଲେ ତାକିହିଲଅରି, ଏତିବେଲାତା ନାନୁ ବାରେ ଲକୁ ନକିତା କେପାଇଁ ଏଲେଇଚେର୍ସ, “ନାନୁ ଜୀହୁଦି ଆହାନା ଜୀହୁଦି ଲକୁ ଲେହେଁ ଲେମ୍ବାଆନାହାଁ ଜୀହୁଦିଆଆତି ଲକୁଲେହେଁ ନୀତିମାଞ୍ଜି, ଆତିହଁ ନାନୁ ଏନିକିହଁ ଜୀହୁଦିଆଆତି ଲକୁଣି ଜୀହୁଦି ଲକୁଲେହେଁ ଲେମ୍ବାଲି ବାଲାମାତମି କିହିମାଞ୍ଜି ।”

ନାମୁତଲେ ଗେଲ୍ପି ଆନାୟି

୧୫ ସାତେଏ ମାମ୍ବୁ ଜାର୍ନାଟିଏ ଜୀହୁଦି ଲକୁତମି, “ଜୀହୁଦିଆଆତି ଲକୁ ଲେହେଁ ପାପୁ ଗାଟାତମି ଆଏ ।” ୧୬ *ଆଡିଜିକେଏ ଦେରାତି କାମା ତଲେ ମାଣ୍ଡସି ତୀରିଗାଟାସି ଆଆନା, ଜୀସୁ କ୍ରୀସ୍ତ ତାଣା ନାମାନା ତୀରିଗାଟାସି ଆନେସି, ଇଦାଆଁ ପୁଞ୍ଜାନା ମାମ୍ବୁ ଜୀସୁ କ୍ରୀସ୍ତ ତାଣା ନାମା ମାନମି, ଏନିକିଁ ଦେରାତି କାମା ତଲେ ତୀରିଗାଟାତମି ଆଆନା କ୍ରୀସ୍ତ ତାଣା ନାମାନା ତୀରିଗାଟାତମି ଆନମି; ଇତିହଁ ମସାତି ଦେରାତି କାମା ତଲେ ଆମିନି ମାଣ୍ଡସି ତୀରିଗାଟାସି ଆଅସି । ୧୭ ସାମା କ୍ରୀସ୍ତ ତାଣାଟି ତୀରି ଗାଟାତାୟି ଆୟାଲି ଅଣ୍ପାଦାନା ମାମ୍ବୁ ଜିକେଏ ପାପୁ ଗାଟାତମି ଇଞ୍ଜିହଁ ତଞ୍ଜା ଆଡମି, କ୍ରୀସ୍ତ ପାପୁତି ସେବା କିନାସି କି ? ଏଡି ଏଚେଲାଞ୍ଜା ଆଆପେ । ୧୮ ଇତିହଁ ନାନୁ ଏନି ଦେରାତି ମ୍ବେକ୍‌ହାମାଲ୍ ଏ ବାରେତି ଅଡେ ଖେଣ୍ଡେ ଗାଡ଼ି କିଲ୍, ଆତିହଁ ନାନୁଏ ଜାହାରାଲ୍ ଦହ ଗାଟାଚେର୍ସ ଇଞ୍ଜିଁ ତସାକତିମାଲ୍ । ୧୯ ମାହାପୁରୁ ତାକି ନୀତାଲି ନାନୁ ଦେରାତି ଦେରାତାକି ପାସି ମୁଣ୍ଡାତା ହାହାମାଲ୍, ୨୦ ନାନୁ କ୍ରୀସ୍ତ ତଲେ ପାସି ମୁଣ୍ଡାତା ହାହାମାଲ୍; ନାନୁ ଅଡେ ନୀତା ହିଲଅଁ, ସାମା କ୍ରୀସ୍ତ ନା ତାଣା ନୀତାମାନେସି; ଅଡେ ନାନୁ ନୀର୍ସ ଏମିନି ଆଙ୍ଗା ତଲେ ନୀତାମାଲ୍, ଏଡି ନାମୁତଲେ, ଇତିହଁ ମାହାପୁରୁତି ଏମିନି ମୀର୍ସସି ନାଙ୍ଗେ ଜୀଞ୍ଜୁନହାଁନା ନା ତାକି ତାନି ଜୀଞ୍ଜୁ ହାହାମାନେସି, ଏଞ୍ଜାଣି ତାଣା ନାମାନା ନୀତାମାଲ୍ । ୨୧ ନାନୁ ମାହାପୁରୁ କାର୍ମାମେହ୍‌ନାଣି ଉଜେଏ କିହିହିଲଅଁ; ଇତିହଁ ଦେରା ତଲେ ମାଣ୍ଡସି ମାହାପୁରୁ ନକିତା ତୀରିଗାଟାସି ଆନେସି, ଆତିହଁ କ୍ରୀସ୍ତ ହାତାୟି ଉଜେଏତାୟି ।

୩

ଦେରା ଆଆତଁ ନାମୁ

୧ ଏ ରୁଦି ହିଲାଆଗାଟି ଗାଳାତିୟତି ଲକୁତେରି ! ଆମ୍ବାଆସି ମିଙ୍ଗେ ମାଡ଼ି କିହାମାଞ୍ଜାନେସି ? ମୀ କାଣ୍‌କା ନକିତା ଜୀସୁ କ୍ରୀସ୍ତ ପାସି ମୁଣ୍ଡାତା ହାଡ଼ି କାତା ନେହଁକଁ ତଞ୍ଜାଆହିମାଞ୍ଜାତେ । ୨ ନାନୁ ମୀ ତାଣାଟି ଇଚେକା ପୁଞ୍ଜାଲି ଅଣ୍ପିମାଲ୍; ମୀରୁ ମସା ଦେରା ତଲେ କାମା କିତାକି କି ନେହଁ କାରୁ ଖେଞ୍ଜାନା ନାମିତାକି ସୁଦୁଜୀଞ୍ଜୁ ବେଟାଆହାମାଚେରି ? ୩ ମୀରୁ ଏନିଲେହେଁତି ରୁଦି ହିଲାଆଗାଟାଚେରି ? ମାହାପୁରୁତି ଜୀଞ୍ଜୁତଲେ ମାହ୍‌ହାନା; ଆଙ୍ଗାତି ବାଡ଼ୟୁ ତଲେ ରାପ୍‌ହାଲି ଅଣ୍ପିମାଞ୍ଜେରି ?

୪ ମୀରୁ କି ଉଜେଏ ଇଚେକା କସ୍ତ ବେଟାଆହାମାଞ୍ଜେରି ? ଏଡି ଏନାଆଁ ଉଜେଏତାୟି ? ୫ ଇତିହଁ ଆମ୍ବାଆସି ମିଙ୍ଗେ ଜୀଞ୍ଜୁ ହାହାମାଞ୍ଜାନେସି, ଅଡେ ମୀ ତାଣା କାବାଆନି କାମା କିନେସି, ଏଞ୍ଜାସି ଦେରାତାକି କିନେସି କି ନାମୁତାକି ଖେଞ୍ଜାହାଁ କିନେସି ?

୬ *ଅବ୍ରାହାମ କାତା ଅଣ୍ପାଦା, ସାସ୍ତେରିତା ରାସ୍‌କି ଆହାମାନେ, “ଏଞ୍ଜାସି ମାହାପୁରୁ ତାଣା ନାମିତେସି, ଇଞ୍ଜା ନାମାଲିଏ ତୀରିଗାଟାସି ଆଡେସି ।” ୭ *ଇଦାଆଁତାକି ଆମ୍ବାଆରି ନାମିନେରି ଏଞ୍ଜାରିଦେଁ ଅବ୍ରାହାମତି ମୀର୍‌କା ମାସ୍‌କା, ଇଦାଆଁ ମୀରୁ ପୁନାୟିମାନେ । ୮ ଅଡେ ମାହାପୁରୁ ଜୀହୁଦିଆଆତାରାଲ୍ ନାମୁତି ତୀରିଗାଟାରି କିନେସି, ଏଦାଆଁ ଦାମ୍ବୁ ପତିତା ନକେଏ ମେସାନା ଅବ୍ରାହାମ ତାଣା ନେହଁ କାରୁ ଖେସାନା ଏଲେଇଚେସି; “ନୀ ତାଣାଟି ଦାର୍‌ତିତି ବାରେ କୁଲୁତି ଲକୁ ବର ବେଟାଆନେରି ।” ୯ ଅବ୍ରାହାମ ନାମିତେସି ଇଞ୍ଜା ବର ବେଟାଆଡେସି, ଏଲେକିହଁଏ ଆମ୍ବାଆରି ନାମିନାରି ବାରେଜାଣା ଏଞ୍ଜାଣିଲେହେଁ ବର ବେଟାଆନେରି ।

୧୦ ଇତିହଁ ଏଚେକା ଲକୁ ମସାତି ଦେରା ଆସାନା କାମା କିନେରି, ଏଞ୍ଜାରି ବାକା ବେଟାଆନେରି, ଦାମ୍ବୁପତିତା ରାସ୍‌କି ଆହାମାନେ, “ଆମ୍ବାଆସି ଦେରା ପତିତା ରାସ୍‌କି ଆହାମାନି ବାରେ କାତାତି ମାନଞ୍ଜି ଆଅସି ଏଞ୍ଜାସି ମାହାପୁରୁ ତାଣାଟି ବାକା ବେଟା ଆନେସି ।” ୧୧ ଦେରା ମାନଞ୍ଜି ଆହାନା ଆମ୍ବାଆସି ମାହାପୁରୁ ନକିତା ତୀରିଗାଟାସି ଆଅସି, ନେହଁକଁ ପୁଞ୍ଜାମାନାୟି, ରାସ୍‌କି ଆହାମାନେ, “ଇତିହଁ ତୀରିଗାଟାସି ନାମୁତି ନୀତିନେସି ।” ୧୨ ଅଡେ ନାମୁ ଦେରାତି ମୁଲୁ କାତା ଆଏ; ଦେରାତି ମୁଲୁ ଆହାମାନେ “ଆମ୍ବାଆସି ବାରେ ହୁକୁମି ମାନଞ୍ଜି ଆନେସି, ଏମ୍ବାଟି ଏଞ୍ଜାସି ନୀତିନେସି ।”

୧୩ କ୍ରୀସ୍ତ ମା ତାକି ବାକା ବେଟାଆହାନା ଦେରାତି ମାଙ୍ଗେ ଖାନ୍ତି ବାକାଟି ପିସ୍‌ପି କିହାମାଞ୍ଜାନେସି; ଇତିହଁ ରାସ୍‌କି ଆହାମାନେ, “ଆମ୍ବାଆସି ପାସି ମୁଣ୍ଡାତା ଏପକି ଆନେସି ଏଞ୍ଜାସି ବାକା ଗାଟାସି ।” ୧୪ ମାହାପୁରୁ ଅବ୍ରାହାମଲ୍ ଆମିନି ବର ହାହାଲିତାକି ଆଞ୍ଜାମାଚେସି, ଜୀହୁଦିଆଆତି ଲକୁ ଜିକେଏ ଏନିକିଁ ଏଦାଆଁ ବେଟାଆହାଲି ଆଡିନେରି, ଏଦାଆଁତାକି କ୍ରୀସ୍ତ ଇ କାମା କିହାମାନେସି, ଏଦାଆଁତାକି ମୀର୍ ଜିକେଏ ମାହାପୁରୁ ଖେସାମାନି ଲେହେଁ ନାମୁତଲେ ସୁଦୁଜୀଞ୍ଜୁ ବେଟାଆହାଲି ଆଡିନାୟି ।

ଦେରା ଅଡେ ଆଞ୍ଜିନାୟି

୧୫ ଏ ତାୟି ତାଙ୍ଗିସ୍ତା, ନାନୁ ମାଣ୍ଡସିୟାଁ ଲେହେଁ ଖେସିମାଞ୍ଜାଲ୍; ରାଜିମାନା ମାଣ୍ଡସି ତାଣାଟି କିତି ଜିକେଏ, ରିଆରି ସନ୍ତକି କିହାନା ଏଦାଆଁ ତୀରି କିନେରି, ଏଡେତା ଏଦାନି ଆମ୍ବାଆସି ଏଟକା କିହାଲି ଆଡ଼ଅସି କି ଏମ୍ବାଆଁ ଏନାଆଁ କାଲ୍‌ହାଲି ଆଡ଼ଅସି । ୧୬ ମାହାପୁରୁ ଆଞ୍ଜାମାନାୟି ଅବ୍ରାହାମ ଇଞ୍ଜା ତାନି କୃତା ତାକି ହାପକି ଆହାମାଚେ; ଏଞ୍ଜାସି ଏଲେଇଞ୍ଜା ହିଲଅସି, “କୃତା ତାରାକି” ଏନିକିଁ

☆ ୨:୧୬ ୨:୧୭ ରମି ୩:୨୦; ରମି ୩:୨୨ ☆ ୩:୬ ୩:୬ ରମି ୪:୩ ☆ ୩:୭ ୩:୭ ରମି ୪:୧୭

ହାରେକା ଲକ୍ଷ୍ମୀତାକି ସାସ୍ତେରିତା ଖେସ୍ତିଲେହେଁ ଆଏ, ଇଚିହଁ ଏନିକଁ ରଅଣି କାତା ଖେସ୍ତେସି, ନୀ “କୃତା ତାକି” ଏଞ୍ଜାସି କ୍ରୀସ୍ତ ଜୀସୁ । ୧୭ ନା ଅଣ୍ଟାପୁ ଇଦି, ମାହାପୁରୁ ଅବ୍ରାହାମା ତଲେ ର ରାଜିମାନା କିହାମାଚେସି, ଅଡ଼େ ଏଦାଆଁ ତୀରିକିହାଁ ଇଟାଲି ଆଞ୍ଜାମାଚେସି, ଆମିନି ମେରା ସାରି ଖାଞ୍ଜା କଡ଼େଦସ ବାର୍ସା ତାୟୁ ହୀପକିଆଡେ, ଏଦି ଏ ରାଜିମାନାତି ମାନି କିଆନା ମାହାପୁରୁତି ଆଞ୍ଜାମାନାଣି ଆକ୍ମାଲି ଆଡ଼େଏ । ୧୮ *ମାହାପୁରୁତି ଆଞ୍ଜାମାନି ବର. ମେରା ମାନିକିନି ତାଣା ବାର୍ସୁ କିନେ, ଆତିହଁ ଏଦି ଅଡ଼େ ଆଞ୍ଜାମାନାୟି ଆଏ; ସାମା ମାହାପୁରୁ ଆଞ୍ଜାନା ଅବ୍ରାହାମାକି ଏଦାଆଁ ହୀହାମାନେସି ।

୧୯ ଆତିହଁ ମେରା ଏନାଆଁତାକି ହୀପକିଆଡ଼େ ? ମାଣସିତି ଲାଗେଏତି କାମା ତସାଲି ତାକି ହୀପକିଆଡ଼େ, ଇଞ୍ଜା ଅବ୍ରାହାମାକି ଏମିନି କୃତାତି ମେସାନା ମାହାପୁରୁ ଆଞ୍ଜାମାଚେସି, ଏଞ୍ଜାସି ଖାନ୍ତି ପାତେକା ମେରା ଲଡ଼ା ମାଚେ, ର ମାଣସିତି ମାଦି ତଲେ ଲାକପୁରୁତି ଦୂତୁୟାଁ ସାୟେମିତି ମେରା ହୀପକି ଆହାମାଚେ । ୨୦ ସାମା ନୀଏଁ ମାଦିତି ମାଣସି ରଅସିଏ; ଅର ରଅସି ଆଏ, ସାମା ମାହାପୁରୁ ରଅସିଏ ।

ମେରାତି କାତା

୨୧ ଇଚିହଁ ମେରା ମାହାପୁରୁ ଆଞ୍ଜାମାନାଣି କପାତି କାତା ଖେକନେ ? ଏଦି ଏଚେଲାଖା ଆଆପେ; ଇଚିହଁ ଲକ୍ଷ୍ମୀତାକି ଜୀସୁ ହୀହାଲି ଆଡ଼ିନି ଇଲେତି ମେରା ହୀପକି ଆହାମାଚିହଁମା, ଆତିହଁ ମେରା ସାଡେଏ ତୀରି ଗାଟାୟି ଆଡେମା । ୨୨ ସାମା ଦାମ୍ବୁ ସାସ୍ତେରିତା ରାସ୍କି ଆହାମାନେ, “ବାରେ ମାଣସି କୃତା ପାପୁତି ବାଡ଼ୟୁତା ମାନେରି, ଏଦାଆଁତାକି ଏନିକଁ ଜୀସୁ କ୍ରୀସ୍ତ ତାଣା ନାମିତି ପାଡ଼େୟି ଲେହେଁ ଆଞ୍ଜାମାନି ବର କ୍ରୀସ୍ତଇଁ ନାମିତି ଲକ୍ଷ୍ମୀ ବେଟାଆନେରି ।”

୨୩ ସାମା ଏ ନାମୁ ଖାନ୍ତି ନକେଏ, ତଞ୍ଜାଆହାଲି ହାଜିମାନି ଏ ନାମୁତି ମେଡ଼ା ଆହାଲି, ମାର ମସା ମେରାତା ଦସପି ଆହିମାଚାୟି । ୨୪ ଇଲେତି ନାମୁ ତାକି ମାର ଦାମ୍ବୁ ଗାଟାତାୟି ଆହାଲିତାକି କ୍ରୀସ୍ତ ଖାନ୍ତି ଦିନା ପାତେକା ମେରା ମାଜେ ଜାପୁହାନାୟି ଲେହେଁ ମାଚେ । ୨୫ ସାମା ନୀଏଁ ଏ ନାମୁ ଖାହାଲିଏ, ମାର ଅଡ଼େ ମେରାତି ବାଡ଼ୟୁତା ହିଲାଆୟି ।

୨୬ ଇଚିହଁ ମୀରୁ ବାରେଜାଣା ଜୀସୁ କ୍ରୀସ୍ତଇଁ ନାମିନି ତାଣାତି ମାହାପୁରୁତି ମୀରକା ମାସ୍କା ଆହାମାଜେରି । ୨୭ ଇଞ୍ଜା ମୀରୁ ଏଚେକା ଲକ୍ଷ୍ମୀ କ୍ରୀସ୍ତ ଦରୁତି ବାପ୍ତିସ୍ମ* ବେଟାଆହାମାଜେରି, ନୀଏଁ ମୀରୁ ବାରେଡେରି କ୍ରୀସ୍ତଇଁ ହିମ୍ବୁରିଲେହେଁ ପର୍ହାମାଜେରି । ୨୮ ଜୀହୁଦି ଆପେସି କି ଜୀହୁଦିଆଆତି ଲକ୍ଷ୍ମୀ ଆପେସି, ହଲେଏସି ଆପେସି କି ହଲେଏସି ଆଆତାସି ଆପେସି, ଆବା ଆପେସି କି ଇୟା ଆପେ; ମୀ ବିତ୍ରା ଏନି ପାରଡ଼ା ହିଲେଏ, ମୀରୁ ବାରେ କ୍ରୀସ୍ତ ଜୀସୁ ତାଣା ଆଣ୍ଟାନା ରଣ୍ଟିଏ ଆହାମାଜେରି ।

୨୯ *ଅଡ଼େ ମୀରୁ କ୍ରୀସ୍ତତି ଲକ୍ଷ୍ମୀ, ଆତିହଁ ମୀରୁ ଅବ୍ରାହାମାତି କୃତାଚେରି, ଆଞ୍ଜାମାନି ଲେହେଁ ଅଦିକାରା ଗାଟାଚେରି ଆହାମାଜେରି ।

୪

୧ ନାନୁ ଖେସିମାଞ୍ଜାଇଁ, ମୀରୁଏସି ଆବାତି ବାରେ ଦନୁତି ଅଦିକାରା ଗାଟାସି, ସାମା ବାରେତି ଅଦିକାରା ଗାଟାସି ଆଡ଼ିଜିକେଏ, ପାତାଆନ୍ତି ପାତେକା ହଲେଏସି ଲେହେଁ ଆନେସି । ୨ ସାମା ଆବାତି ତୀରି କିହାମାନି ଦିନା ପାତେକା ଏଞ୍ଜାସି ତାଲି ତାଞ୍ଜି ଅଡ଼େ ଗୁମୁସ୍ତାତି କାତାତା ଡ଼ୟିନେସି । ୩ ଏଲେକିହଁଏ ମୀରୁ ଜିକେଏ ଏଚିବେଲା ଦାମ୍ବୁତା ପାଡ଼ାଆହା ହିଲାଆତାୟି, ଏଚିବେଲା ଦାରୁତିତି ବାରେ ସାଲଞ୍ଜି କିନି ବାଡ଼ୟୁତା ହଲିୟା ମାଚାୟି । ୪ ସାମା ଦିନା ପୁରା ଆୟାଲିଏ, ମାହାପୁରୁ ତାନି ତାଣାଟିଏ ତାନି ମୀରୁଏଶାଇଁ ପାଣ୍ଟାଚେସି; ଏଞ୍ଜାସି ଇୟାନି ବାଣ୍ଟିଟି ଜାର୍ନା ଆହାନା ଜୀହୁଦିୟାଁ ମେରା ତଲେ ନୀତିଚେସି, ୫ *ଏନିକିହଁ ଏଞ୍ଜାସି ମେରାତା ମାନି ଲକ୍ଷ୍ମୀ ମୁଲୁ ହୀହାନା ପିସ୍ପି କିନେସି, ଅଡ଼େ ମୀରୁ ମାହାପୁରୁତି ମୀରକା ମାସ୍କାତି ଅଦିକାରା ବେଟାଆନାୟି ।

୬ ଇଞ୍ଜା ମୀରୁ ମୀରକା ମାସ୍କାଚେରି, ଅଡ଼େ ମାହାପୁରୁ ମୀ ହିୟାତା ଡ଼ୟାଲି ତାକି ତାନି ମୀରୁଏଶାତି ସୁଦୁଜୀସୁ ପାଣ୍ଟାଚେସି, ଏ ଜୀସୁ ମୀ ତାଣା ମାଞ୍ଜାନା କାଜା ଗିୟାତଲେ “ଆବା ତାଞ୍ଜି ଇଞ୍ଜା” ହାଟିମାନେ । ୭ ଏଦାଆଁତାକି ମୀରୁ ଅଡ଼େ ହଲିୟାକା ଆଏ, ସାମା ମୀରକା ମାସ୍କାଚେରି, ମୀରୁ ତାନି ମୀରକା ମାସ୍କାଚେରି ଆହାମାନାକି ମାହାପୁରୁ ତାନି ମୀରକା ମାସ୍କାକି ଏନାଆଁ ଇଟାମାନେସି ଏ ବାରେ ମିଜେ ହିୟାନେସି ।

ଗାଳାତିୟ ଲକ୍ଷ୍ମୀତାକି ପାଞ୍ଜୁଲ ଅଣ୍ଟାପିନାୟି

୮ ସାମା ମୀରୁ ନକେଏ ମାହାପୁରୁଇଁ ପୁଞ୍ଜାହିଲାଆଚେରି, ଅଡ଼େ ଏମିନି ଗାଟାଇ ସାତା ମାହାପୁରୁ ଆଏ, ଏଞ୍ଜାଆଁତି ହଲିୟାକା ମାଚେରି । ୯ ସାମା ମୀରୁ ନୀଏଁ ମାହାପୁରୁଇଁ ପୁଚେରି; ଇଞ୍ଜା ମାହାପୁରୁ ମିଜେ ପୁଞ୍ଜାଚେସି, ଆତିହଁ ମୀରୁ ଏନିକଁଏ ବାଡ଼ୟୁ ହିଲାଆଗାଟାଇ ଅଡ଼େ ଏନାଆଁ ହିୟାଲି ଆଡ଼ାଆଗାଟି ଦାରୁତି ଖାକି ଖେଶ୍ତେ ହାଜାଲି ଅଣ୍ଟାପିମାଜେରି, ମୀରୁ ଏନାଆଁତାକି ଖେଶ୍ତେ ଏ ବାରେତି ହଲିୟାକା ଆୟାଲି ଅଣ୍ଟାପିମାଜେରି । ୧୦ ଦୁକୃତି କାତା, ମୀରୁ ତୀରି କିହାମାନି ଦିନା, ଲେଞ୍ଜୁ, ପାର୍ବୁ ଅଡ଼େ ବାର୍ସା ମାନଞ୍ଜି ଆହିମାଜେରି । ୧୧ ମିଜେତାକି ନାନୁ କିହାମାନି କାମା ଏଚେତା ଉଜେଏ ଆନେ, ମୀ ତାକି ନାଜେ ହାରେକା ଆଜି ହଟିମାଞ୍ଜାନେ ।

୧୨ ଏତାୟି ତାଜିସ୍ତାଚେରି, ନାନୁ ମିଜା ବାତିମାଲିମାଞ୍ଜାଇଁ, ମୀରୁ ନାଲେହେଁ ଆଦୁ, ଇଚିହଁ ନାନୁ ଜିକେଏ ମୀ ଲେହେଁ ଆହାମାଇଁ, ମୀରୁ ନାଜେତାକି ଏନାଆଁ ଲାଗେଏ ପଲେଏ କିହାମାଞ୍ଜାଅଚେରି । ୧୩ ନାନୁ ତଲିଏ ମୀ ତାଣା ନେହଁ କାରୁ ଖେକହାମାଚେଏଁ ମୀରୁ ପୁଞ୍ଜାମାଜେରି

* ୩:୧୮ ୩:୧୮ ରମି ୪:୧୪ * ୩:୨୭ ୩:୨୭ମୁଞ୍ଜିନାୟି * ୩:୨୯ ୩:୨୯ ରମି ୪:୧୩ * ୪:୫ ୪:୫ ରମି ୮:୧୫-୧୭

ଏତେତା ନା ଆଜ୍ଞାତି ବାଦା ମାଞ୍ଜାନା ଝେକ୍‌ହାମାଚେଏ; ୧୪ ଅଡେ ନା ଆଜ୍ଞାତି ବାଦା ମିଙ୍ଗେତାକି କସ୍ତାଗାୟି ଆହିମାଚିହିଁ ଜିକେଏ ମୀରୁ ନାଙ୍ଗେ ହୀଣି ତଲେ ଅପଅମି ଇଞ୍ଜା ମାଞ୍ଜଅତେରି, ସାମା ମୀରୁ ମାହାପୁରୁତି ର ଦୂଡୁ ଲେହେଁ ଇଚିହିଁ କ୍ରୀସ୍ତ ଜୀସୁଇଁ ଆବିନି ଲେହେଁ ନାଙ୍ଗେ ଆବାତେରି । ୧୫ ମୀରୁ ଏତେକା ରାହାଁ ମାଚେରି, ମୀ ଏ ରାହାଁ ଆମ୍ବିୟା ହାଚେ ? ଇଚିହିଁ ନାନୁ ମୀ କାତା ଆଟ୍‌ଝା ତଲେ ଝେସାଲି ଆଡ଼ିଇଁ, ଏ ବେଲାତା ମୀରୁ ଜାହାରା କାନୁ ପିଡ଼ହାନା ନାଙ୍ଗେ ହିୟାତେରିମା । ୧୬ ସାମା ନୀଏଁ ନାନୁ ମିଙ୍ଗେ ସାତା ଝେସାଲିଏ, ମୀ ସାତୁ ଆହାମାଇଁ କି ?

୧୭ ଏଞ୍ଜାରି ମୀ ନେହେଁ ତାକି ହାରେକା ରାହାଁ ଗାଟାରି ଇଞ୍ଜାଁ ତଞ୍ଜାଆହାଲି ଅଣ୍ଡିମାନେରି, ସାମା ତାମି ସାତା ଅଣ୍ଡୁ ତଲେ ଆଏ, ଏଞ୍ଜାରି ରଣ୍ଡିଏ ଅଣ୍ଡୁ, ଏନିକଁ ମୀରୁ ନା ତାଣ୍ଡାଟି ଏଟକା ଆହାନା ଏଞ୍ଜାରି ଝାକି ରାହାଁ ଆଦେରି । ୧୮ ଇଚିହିଁ ନାନୁ ମୀ ତାଣ୍ଡା ମାନି ବେଲାତା ଆଏ, ସାମା ବାରେ ବେଲାତା ନେହଁ କାମାତାକି ଅଣ୍ଡିନାୟି ନେହେଁ । ୧୯ ଏ ନା ଜୀଝୁତି ମୀରୁକା ମାସ୍‌କାତେରି, ଏତେ ପାତେକା କ୍ରୀସ୍ତ ଲେହେଁ ଆଅତେରି, ଏତେ ପାତେକା ନାନୁ ମୀ ତାକି ଜାନିଁ କିନାଟି ଲୁଞ୍ଜିନି ବୀସା ଲେହେଁତି କସ୍ତ ବେଟାଆହିମାଇଁ । ୨୦ ନାନୁ ଏନିକଁ ନୀଏଁ ମୀ ତାଣ୍ଡା ଝାହାନା ଅର ରଲେତି ହାଡ଼ା ଝେସାଲି ଆଡ଼ିତେଏଁମା, ଇଦି ନା ଅଣ୍ଡୁ ମାଚେ; ଏନାଆଁତାକି ଇଚିହିଁ ନାନୁ ମୀ ତାକି ହାରେଏ ଅଣ୍ଡିମାଇଁ ।

ହାଗାର ଅଡେ ସାରାନି ପୁଣ୍ଡିକିନାୟି

୨୧ ମସାତି ମେରାତା ମାଞ୍ଜାଲି ମନ୍ କିହିମାଞ୍ଜେରି ମୀରୁ, ନାଙ୍ଗେ ଝେସ୍ତାଦୁ, ମେରାତା ଏନାଆଁ ରାସ୍‌କି ଆହାମାନେ, ଏଦାଆଁ ମୀରୁ ଝେଞ୍ଜା ହିଲଅତେରି ? ୨୨ ଇଚିହିଁ ରାସ୍‌କି ଆହାମାନେ, ଅବ୍ରାହାମତି ରୀ ମୀରୁକା ମାଚେରି ରଅସି ହଲେଣି ତାଣ୍ଡାଟି ଅଡେ ରଅସି ତାନି ତକ୍ରିନି ତାଣ୍ଡାଟି ଜାର୍ନା ଆହାମାଚେସି, ୨୩ ହଲେଣି ମୀରୁଏସି ଆଜ୍ଞାତି ଗୁଣ୍ଡୁତଲେ ଜାର୍ନା ଆଡେସି, ସାମା ଆମିନିଗାଟାସି ତାନି ତକ୍ରିନି ମୀରୁଏସି ମାହାପୁରୁ ଆଞ୍ଜାମାଟି ବାଡ଼ୁୟୁଟି ଜାର୍ନା ଆଡେସି । ୨୪ ଇଦାଆଁ ର ପୁଣ୍ଡି କିନି କାତାଲେହେଁ ଝେସିମାନେ, ଇ ରୀ ଇୟାସିକା ରୀ ରାଜିମାନା ଲେହେଁତାଇ; ଆମିନି ଗାଟାନି ମୀରୁକା ହଲିୟାଙ୍ଗା ଆୟାଲି ଜାର୍ନା ଆଡେରି, ଏ ହାଗାର ସିନୟ ହରୁଟି ଝାହାମାନି ରାଜିମାନା ଲେହେଁ । ୨୫ ହାଗାର ଆରବ ଦେସାତା ମାନି ସିନୟ ହରୁ ଲେହେଁ, ଏଦି ନୀଏଁତି ଜିରୁସାଲମ ଗାଡ଼ା ଲେହେଁ । ହାଗାର ଲେହେଁ ଜିରୁସାଲମ ଅଡେ ଏଦାନି ସାଲ୍‌ଝି କିନାରି ନୀଏଁ ହଲିୟାଙ୍ଗା ଆହାମାନେରି । ୨୬ ସାମା ଲାକପୁରୁ ମାନି ଜିରୁସାଲମ ହଲେଣି ଆଆଗାଟାୟି, ଏଦି ମା ତାଲି ୨୭ ଏନାଆଁତାକି ଇଚିହିଁ ସାସ୍ତେରିତା ରାସ୍‌କି ଆହାମାନେ, “ଆକେ ବାଞ୍ଜେଣି, ଏତେଲା ପଦି ପଦା ଜାର୍ନା କିଆଗାଟି ଇୟା, ରାହାଁ କିମ୍ପୁ,

ଜାର୍ନା କିନି ବେଲାତି ଲୁଞ୍ଜିନି ବୀସା ଏତେଲା ପୁଞ୍ଜା ହିଲାଆତି ଜିକେଏ ନୀନୁ କାଜା ଗିୟାଁତଲେ ରାହାଁ କିମ୍ପୁ;

ଇଚିହିଁ ତକ୍ରା ତଲେ ବାସା କିହିମାନି ଇୟାନି କିହାଁ ର ପିସ୍ତି ଇୟାନି କକାରି ପଦାୟାଁ ହାରେକା ଜାଣି ଆନେରି ଆନୁ ।”

୨୮ “ଏ ନା ତାୟି ତାଜିସ୍ତାତେରି, ମୀରୁ ଇସାହାକ ଲେହେଁ ଆଞ୍ଜାମାନି ମାହାପୁରୁତି ମୀରୁକା ମାସ୍‌କାତେରି । ୨୯ ସାମା ଆମ୍ବାଆସି ଆଜ୍ଞାତି ଗୁଣ୍ଡୁ ତଲେ ଜାର୍ନା ଆଡେସି, ଏଞ୍ଜାସି ଏନିକଁ ଏଚିବେଲାତା ମାହାପୁରୁତି ସୁଦୁଜୀଝୁଟି ଆଞ୍ଜାମାନି ତାଣ୍ଡାଟି ଆମ୍ବାଆସି ଜାର୍ନା ଆହାମାନେସି, ଏଞ୍ଜାଣାଇଁ ସାସ୍ତି ହାହାମାଚେସି ଏଲେକିହିଁଏ ନୀଏଁ ଜିକେଏ ଆହିମାନେ । ୩୦ ଦାମ୍ବୁ ପତି ଏନାଆଁ ଝେସିମାନେ ? ହଲେଣି ଇୟା ଅଡେ ଏଦାଣି ମୀରୁଏଣାଇଁ ପିହମ୍ପୁ; ଇଚିହିଁ ହଲେଣି ମୀରୁଏସି ତାନି ବୀହା ତକ୍ରିନି ମୀରୁଏଣା ତଲେ ଅଦିକାରା ଗାଟାସି ଆୟାଲି ଆଡ଼ଅସି ।” ୩୧ ଏଦାଆଁତାକି ଏ ନା ତାୟି ତାଜିସ୍ତାତେରି, ମୀରୁ ହଲେଣି ମୀରୁକା ମାସ୍‌କା ଆଏ, ସାମା ବୀହା ତକ୍ରିନି ମୀରୁକା ମାସ୍‌କାତାୟି ।



କ୍ରୀସ୍ତ ତାଣ୍ଡା ମେଲା ଆନାୟି

୧ ମୀରୁ ମେଲା ଆହାମାନାୟି, କ୍ରୀସ୍ତ ମାଙ୍ଗେ ମେଲା କିହାମାଞ୍ଜାନେସି । ଇଦାଆଁତାକି ମୀରୁ ମେଲା ଆଡ଼ିତାଣ୍ଡା ତାରିଆହାଁ ମାଞ୍ଜୁ । ଅଡେ ଝେଣ୍ଡେ ହଲିୟାଙ୍ଗା ଜୁଝେଡ଼ିତା ମୀରୁ ଜାହାରାଇଁ ହେରପାକତାଆଦୁ ।

୨ ନାନୁ ପାଝୁଲ ମିଙ୍ଗେ ଝେସିମାଞ୍ଜାଇଁ, ମୀରୁ ମୀ ତଲୁ ଦାପିଆନାଣି ମାନି କିତିସାରେ, କ୍ରୀସ୍ତ ତାଣ୍ଡାଟି ମୀଦି ଏନି ଲାଡ଼ା ହିଲେଏ । ୩ ନାନୁ ତଲୁ ଦାପି ଆହିମାନି ବାରେ ଜାଣାଇଁ ଝେଣ୍ଡେ ଝେସିମାଇଁ, ଇଚିହିଁ ଏଞ୍ଜାସି ବାରେ ମସାତି ମେରା ମାନ୍‌ଝି ଆନାୟି ମାନେ । ୪ ମୀରୁ ଏତେକା ଲକୁ ମେରାଟି ମାହାପୁରୁ କାନୁତା ତାରିଗାଟାତେରି ଆୟାଲି ଅଣ୍ଡିମାଞ୍ଜେରି, ମୀରୁ କ୍ରୀସ୍ତ ତାଣ୍ଡାଟି ଏଟକା ଆହାମାଞ୍ଜେରି, ଇଞ୍ଜା ମାହାପୁରୁ କାର୍ମାନେହ୍‌ନି ତାଣ୍ଡାଟି ଗୁଟା ଆହାମାଞ୍ଜେରି । ୫ ଇଚିହିଁ ମୀରୁ ମାହାପୁରୁତି ଜୀଝୁତଲେ ନାମୁ ତାକି ଦାମ୍ବୁଗାଟି ଲକୁ ଆନି ଆସାଇଁ କାଟିମାନାୟି । ୬ ଇଦାଆଁତାକି ଜୀସୁ କ୍ରୀସ୍ତ ତାଣ୍ଡା ଆଣ୍ଡାନା ନୀତାମାଟିସାରେ ତଲୁ ଦାପି ଆନାୟି କି ଦାପି ଆଆଗାଟାୟି ଏନାୟି ହିଲେଏ, ସାମା ନାମୁତା ଅଜିକିହିଁ ମାଞ୍ଜାନା ଜୀଝୁ ନନାଣି ତଲେ କାମା କିନାୟି ।

୭ ମୀରୁତ ନେହଁକଁ ନକିତା ହାଜିମାଚେରି; ଆମ୍ବାଆସି, ମିଙ୍ଗେ ସାତାତି ମାନ୍‌ଝି ଆଆଦୁ ଇଞ୍ଜାଁ ଆଜ୍ଞାତେସି ? ୮ ମିଙ୍ଗେ ହାଟାମାଞ୍ଜାନି ମାହାପୁରୁ ତାଣ୍ଡାଟି ଇଦି ଆହା ହିଲେଏ । ୯ କାତାତା ମାନେ, ଇତାୟି ପୁଲା ଡକାତି ଗୁଣ୍ଡା ବାରେ ପୁଲା କିନେ । ୧୦ ମୀରୁ ଏଟକାଟି ଅଣ୍ଡୁ ଅଣ୍ଡପଅତେରି, ଇଦାଆଁ ନାନୁ ମିଙ୍ଗେ ତାକି ପ୍ରବୁ

✧ ୫:୯ ୫:୯ ୧କର ୫:୭

ତାଣା ହାରେକା ନାମିମାଙ୍କ; ସାମା ମିଙ୍ଗେ ଆମ୍ବାଆସି ନାଡ଼ି କିହାମାଞ୍ଜାନାସି ଏଞ୍ଜାସି ଆମ୍ବାଆସି ଆପେସି ମାହାପୁରୁ ଏଞ୍ଜାଣାକି ତଣ୍ଡ ହାନେସି ।

୧୧ ନା ତାୟି ତାଙ୍ଗିସ୍ତାତେରି, ନାନୁ ନୀଏଁ ପାତେକା ତଲୁ ଦାଃନି ମେରା ଝେକ୍‌ହିମାଙ୍କ, ଆତିହ୍ ଏନାଆଁତାକି ନୀଏଁ ପାତେକା ସାସ୍ତି ବେଟାଆହିମାଙ୍କ ? ନାନୁ ସାତେଏ ଏଲେକ୍‌ ଝେକ୍‌ହିହ୍, କୁସତା ହାଡ଼ି କ୍ରୀସ୍ତତି କାତା ଝେକ୍‌ନି ତାଣାଟି ନାଙ୍ଗେ ଏନି ବାଦା ଆଆତେମା । ୧୨ ନାନୁ ଅଣ୍‌ପିମାଙ୍କ, ତଲୁ ଦାନାଣି ଏମିନିଗାଟାରି ମିଙ୍ଗେ ଏଲେକ୍‌ କିଲିବିଲି କିହିମାଞ୍ଜାନେରି ଏଞ୍ଜାରି ପେଜୁୟାଁ ଲେହେଁ ଆତିହ୍ ନେହ୍ ଆତେମା ।

୧୩ ଏ ତାୟି ତାଙ୍ଗିସ୍ତା, ମୀରୁ ମେଲା ଆହାଲିତାକି ହାଟ୍‌କି ଆହାମାଞ୍ଜେରି; ସାମା ଜାଗ୍ରାତା, ଆଙ୍ଗାତି ଜୁପ୍‌କା କାମା କିହାଲି ମୀ ଆଙ୍ଗାତି ପାରୁ ବେଟାଆଡ଼ିସାରେ ଏ ମେଲାତି ଲେମ୍‌ମାଆଦୁ, ସାମା ରଅତେରି ରଅଣାଙ୍କ ଜୀଞ୍ଜୁ ନଞ୍ଜିଆହାନା ସେବା କିଦୁ । ୧୪ ଇତିହ୍ ବାରେ ମେରା ଇ ରଣ୍ଡିଏ ହୁକୁମିତା ତାରି ଆନେ, “ନାନୁ ନୀ ଆଟ୍‌ହିତାଣାଙ୍କ ନୀ ଜୀଞ୍ଜୁତି ଜୀଞ୍ଜୁନନି ଲେହେଁ ଜୀଞ୍ଜୁନଦୁ ।” ୧୫ ମୀରୁ ରଅତେରି ରଅଣାଙ୍କ ବାଦା ହାହାନା ନସ୍ତୁ କିଞ୍ଜିଆହିମାଞ୍ଜେରି, ଆତିହ୍ ଜାଗ୍ରାତା ଆଦୁ, ଏନିକ୍‌ ମୀରୁ ରଅତେରି ରଅଣି ତାଣାଟି ନାସା ଆଅତେରି ।

ସୁଦୁଜୀଞ୍ଜୁ ଅଡ଼େ ମାଣ୍‌ସିତି ଗୁଣ୍ଡ

୧୬ ନା ଅଣ୍‌ପୁ ଇଦି, ମୀରୁ ସୁଦୁଜୀଞ୍ଜୁ ତଲେ ତାକାଦୁ, ଆତିହ୍ ମୀରୁ ଆଙ୍ଗାତି ଜୁପ୍‌କା ତଲେ କାମା କିଅତେରି । ୧୭ *ମାଣ୍‌ସିତି ମାଣ୍‌କି ସୁଦୁଜୀଞ୍ଜୁ ଅପେଏ । ଏଲେକିହ୍ ଏ ସୁଦୁଜୀଞ୍ଜୁ ମାଣ୍‌ସିତି ମାଣ୍‌କିତି ଅପେଏ । ଏଞ୍ଜି ରିଣ୍ଡି ସାତୁ ଲେହେଁ । ଇତିହ୍ ମୀରୁ ଏନାଆଁ କିୟାଲି ଅଣ୍‌ପିଦେରି ଏନାଆଁ କିୟାଲି ଆଡ଼ଅତେରି । ୧୮ ସୁଦୁଜୀଞ୍ଜୁ ମିଙ୍ଗେ ସାଲ୍‌ଞ୍ଜି କିୟାନେ, ଆତିହ୍ ମୀରୁ ଅଡ଼େ ମସାତି ମେରା ଡ଼ଲ୍‌ ହିଲଅତେରି ।

୧୯ ଆଙ୍ଗାତି ଅଣ୍‌ପୁ ତଲେ କିନି କାମା ବାରେ ନେହ୍ କ୍ ପୁଞ୍ଜାମାଞ୍ଜେରି, ଏଞ୍ଜି ଦାରିକାମା, ଲାଗେଏ ପଲେଏ କାମା । ୨୦ ଅଡ଼େ ଅପାଆଗାଟି କାମା, ପେଣ୍‌କା ପୁଜା, ଲକୁଣି ପାୟିନାୟି, ଗୁଣି ଗାର୍‌ଡ଼ି, ସାତୁ ଆନାୟି, ଗଡ଼ହା କିନାୟି, ଆଙ୍କାରା ଆନାୟି, କାର୍‌ବି ଆନାୟି, ଜାହାରାତାକି ଅଣ୍‌ପିନାୟି, ଗତି ଆହ୍ ବାଗା ଆନାୟି, ନାଡ଼ିକିହାଁ ବାଗା କିନାୟି, ତାହାରା ଆନାୟି, ୨୧ କାଡ଼ ଗହ୍‌ନାରି ତଲେ ଆଣ୍ଡାନା ରାହାଁ କିନାୟି ଇଲେତି ବାରେ କାମା କିନାୟି; ନାନୁ ତଲି ମିଙ୍ଗେ ଏନିକ୍‌ ଝେସାମାଞ୍ଜାତେଏଁ, ଏଲେକିହ୍ ନକେଏ ଜାଗ୍ରାତା କିହାଁ ଝେସିମାଞ୍ଜାଙ୍କ, ଆମ୍ବାଆରି ଇଲେତି କାମା କିନେରି, ଏଞ୍ଜାରାକି ମାହାପୁରୁ ରାକ୍‌ତିତା ଅଦିକାରା ହିଲେଏ ।

୨୨ ସାମା ସୁଦୁଜୀଞ୍ଜୁତି ପାଡ଼େୟି, ଜୀଞ୍ଜୁନନାୟି, ରାହାଁ ଆନାୟି, ହିଡ଼ତି ଜୀଞ୍ଜୁତଲେ ମାନାୟି, ଅରୁହିନାୟି, ଲକୁଙ୍କ ସାୟେମି କିନାୟି, ସାତା ଗୁଣ୍ଡ, ମାନ୍‌ଗାଟି ଲକୁ, ନାମୁତଲେ

ମାନାୟି, ୨୩ ଅଡ଼େ ଜାହାରାଙ୍କ ଲକ୍‌ନାୟି, ଇ ବାରେ ନକ୍‌ତିତା ମସାତି ଏନି ମେରା ହିଲେଏ । ୨୪ ଆମ୍ବାଆରି ଜୀସୁ କ୍ରୀସ୍ତ ତାଣା ମାନେରି, ଏଞ୍ଜାରି ତାମି ଆଙ୍ଗାତି ଅଣ୍‌ପୁ ଅଡ଼େ ଜୁପ୍‌କା ବାରେ ମାଣ୍‌ସି ମାଣ୍‌କିତି ପାସି ମୁଣ୍ଡାତା ଏକ୍‌ହାନା ହାଞ୍ଜି କିହାମାନେରି । ୨୫ ମୀରୁ ସୁଦୁଜୀଞ୍ଜୁ ତଲେ ଜୀଞ୍ଜୁ ବେଟାଆହାମାନାୟି, ଆତିହ୍ ସୁଦୁଜୀଞ୍ଜୁ ତଲେ ନୀଡିନ । ୨୬ ମୀରୁ ବତପଣ ଆହାନା ରଅତଞ୍ଜି ରଅଣାଙ୍କ ବିତିବିତା କିଆପ ଅଡ଼େ ମୀରୁ ରଅତାୟି ରଅଣାଙ୍କ ତାହାରା ଆଆପ ।



ରଅସି ରଅଣି ବଜୁ ଡେକିନାୟି

୧ ଏ ତାୟି ତାଙ୍ଗିସ୍ତା, ଆମ୍ବାଆସି ଏନି ଦହ୍ କିହାମାନାଣି ପୁତିହ୍, ସୁଦୁଜୀଞ୍ଜୁ ବେଟାଆହାମାଞ୍ଜେରି ମୀରୁ, ମୀରୁ ଟିକାଣା ତଲେ ଏଲେତି ଲକୁଣି ଏଲେତି କାମା ପିସାଲି ଜାପ୍‌ଦୁ, ଏଡ଼େତା ମୀରୁ ଜିକେଏ ପାନ୍‌ତାତା ହେରୁଞ୍ଜିଦେରି, ଏନାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ । ୨ ରଅତେରି ରଅଣି ବଜୁ ଡେକାଲି ସାୟେମି କିଞ୍ଜିଆଦୁ; ଏଲେକିତିହ୍ ମୀରୁ କ୍ରୀସ୍ତତି ମେରା ମାନଞ୍ଜି ଆଦେରି । ୩ ଆମ୍ବାଆସି ଲାଗେଏ ଆହାନା ଜାହାରାଙ୍କ ନାନୁ କାଜାତେଏଁ ଇଞ୍ଜି ଅଣ୍‌ପା କଡ଼ିନେସି ଏଞ୍ଜାସି ତାନୁଏ ତାଙ୍ଗେ ନାଡ଼ି କିହାକତିମାନେସି । ୪ ସାମା ବାରେଜାଣା ଜାହାରା କିତି କାମାତି ତାୟିପାରି କିପାସି, ଆତିହ୍ ଏଞ୍ଜାସି ଅର ଲକୁ କିତି କାମାତାକି ଆଏ ସାମା ତାନୁଏ କିହାମାନାଣି ତାକି ବତପଣ କିଆପେସି । ୫ ଏନିଇତିହ୍ ବାରେଜାଣା ଜାହାରା ବଜୁ ଜାହାରାଏ ଡେକିନାୟି ମାନେ ।

୬ ସାମା ଆମ୍ବାଆସି ମାହାପୁରୁତି ବଲୁ ଜାପିନେସି, ଏଞ୍ଜାସି ତାଙ୍ଗେ ଜାପ୍‌ନାଣାକି ତାନି ତାଣା ମାନି ବାରେକିହାଁ ନେହ୍ ବାଗା ହାପେସି ।

୭ ମୀରୁ ମିଙ୍ଗେ ନାଡ଼ିକିହା କତାଆଦୁ; ଆମ୍ବାଆସି ମାହାପୁରୁଙ୍କ ନାଡ଼ି କିହାଲି ଆଡ଼ଅସି, ଇତିହ୍ ମାଣ୍‌ସି ଏନାଆଁ ମାଟିନେସି ଏନାଆଁ ଦାଃଆନେସି । ୮ ଆମ୍ବାଆସି ଆଙ୍ଗାତି ଅଣ୍‌ପୁ ତାକି ମାଟିନେସି, ଏଞ୍ଜାସି ଆଙ୍ଗାତି ହାଞ୍ଜିକିନି ପାଡ଼େୟି ଦାଃଆନେସି; ସାମା ଆମ୍ବାଆସି ଜୀଞ୍ଜୁତାକି ମାଟିନେସି ଜୀଞ୍ଜୁଟି ଗାଡ଼ିଆଡ଼ି କାଲାକାଲାତି ଜୀଞ୍ଜୁହାନି ପାଡ଼େୟି ଦାଃଆନେସି । ୯ ମୀରୁ ନେହ୍ କାମା କିହାଲି ଝାହାଆପ; ଇତିହ୍ ଝାହୁ ଆଆନା କାମା କିତିହ୍ ସମାନା ବେଲ୍‌ତା ତାସା ଦାଃନାୟି । ୧୦ ଏନିଇତିହ୍ ମୀରୁ ପାରୁ ସିନିକିହାନା ବାରେତାକି ଇତିହ୍ ବାରେକିହାଁ ରଣ୍ଡିଏ କୁଟମିତା ଆଣ୍ଡାମାନି ନାମୁ ଗାଟାରାଙ୍କ ନେହ୍ କିନାୟିମାନେ ।

ଜାଗ୍ରାତା କିହାଁ ଜହରା ତଲେ ଆକୁତି ରାପ୍‌ନାୟି

୧୧ ମେହ୍‌ଦୁ, ନାନୁ ଏନିକ୍‌ କାଜା କାଜା ଅକ୍‌କି ତଲେ ନା କେୟୁତଲେ ମୀ ତାଣା ରାଟାମାଞ୍ଜାଙ୍କ । ୧୨ ଆମ୍ବାଆରି ଆଙ୍ଗାତି କାମା ତଲେ ଝେଙ୍ଗାଲି ମନ୍ କିନେରି, ଏଞ୍ଜାରି ମିଙ୍ଗେ ତଲୁ ଦାଃଆନାୟିମାନେ ଇଞ୍ଜି

☆ ୫:୧୭ ୫:୧୭ ରମି ୭:୧୫-୨୩

ବାଲାମାତମି କିୟାନେରି, କ୍ରୀସ୍ତତି ପାସିମୁଣ୍ଡା ତାକି ଏନିକି
 ନିନ୍ଦା ବେଟାଆଅରି ଖାରୁଇ ଏଦାଣିତାକି ଏଲେକିନେରି
 । ୧୩ ଇଚିହିଁ ଆମ୍ବାଆରି ତଲୁ ଦାଃନି ମେରା ତଲେ
 ମାନେରି, ଏଞ୍ଜାରି ତାମ୍ବୁଜିକେଏ ମସାତି ମେରା ମାନଞ୍ଜି
 ଆଅରି, ଇଞ୍ଜା ଏଞ୍ଜାରି ଏନିକି ମୀ ଆଙ୍ଗା ତାକି ବତପଣ
 କିହାଲି ଆଡିନେରି, ଏଦାଆତାକି ଏଞ୍ଜାରି ମିଙ୍ଗେ ତଲୁ ଦାପି
 କିଞ୍ଜିକିହାଲି ଅଣ୍ପିନେରି । ୧୪ ସାମା ନାନୁ ଖାରୁଇ ମା
 ଜୀସୁ କ୍ରୀସ୍ତତି କ୍ରୁସ ତାକି ବତପଣ ଆହିମାଲ୍; ଇଚିହିଁ
 ଏଞ୍ଜାଣି କ୍ରୁସ ତାକି ଦାର୍ତି ନାଙ୍ଗେତାକି ହାହାମାନେ ଇଞ୍ଜା
 ନାନୁ ଦାର୍ତି ତାକି ହାହାମାଲ୍ । ୧୫ ତଲୁ ଦାପି ଆନାୟି
 କି ଦାପି ଆଆଗାଟାୟି ଏନାୟି ହିଲେଏ, ସାମା ପୁଃନି ଗାଡି
 ଆନାୟି ଏଡି ବାରେ କିହା ମୁଲୁତାୟି । ୧୬ ଏତେକା ଲକୁ ଇ
 ମେରା ତଲେ ତାକିନେରି, ଏଞ୍ଜାରି ଲାକ ଅଡେ ମାହାପୁରୁତି
 ଇସ୍ରାୟେଲ ଲକୁ ଲାକ ହିଡଡି ଅଡେ କାର୍ମା ଆପେ ।

୧୭ ନୀଞ୍ଜୁଟିଏ ଆମ୍ବାଆସି ନାଙ୍ଗେ କସ୍ତୁ ହିୟାଆପେସି,
 ଇଚିହିଁ କ୍ରୀସ୍ତ ତାକି ବେଟାଆହାମାନି ଗାହାଁ ଗାରିୟାଁ ନା
 ଆଙ୍ଗାତା ମାନୁ ।

୧୮ ଏ ତାୟି ତାଙ୍ଗିସ୍ତା, ମା ପ୍ରବୁ ଜୀସୁ କ୍ରୀସ୍ତତି
 କାର୍ମାମେହନାୟି ମୀ ଜୀଞ୍ଜୁତା ଡୟାପେ । ଆମେନ୍ ।

ଏପିସି ୧ ମଣ୍ଡଳୀ ନିକଟକୁ ପାଉଲଙ୍କ ପତ୍ର ଏପିସିୟ କୁଲମିତାକି ପାଞ୍ଚଲ ରାଫାମାନି ଆକୁ ମୂଲୁ ହାଡ଼ା

ଏପିସିୟ କୁଲମିତି ଆକୁ ପାଞ୍ଚଲ ରାଫାମାନେସି, ଜୀସୁ କ୍ରୀସ୍ତ ଜାର୍ନାଆଡ଼ି ୬୦ ବାର୍ଷୀ ତାୟୁ କଲସିୟ କୁଲମିତାକି ରାଡ଼ିତି ବେଲା ରାସ୍‌କି ଆହାମାଚେ । ରାଡ଼ିନାସି ତାନ୍‌ଏ ପାଣ୍ଡୁଆହାମାନି ପାଞ୍ଚଲ ଇଞ୍ଜିମାନେସି ୧:୧ । କଲସିୟ ଆକୁତା ତାନି ଜହରା ହିଲାଆଡ଼ି ଜିକେଏ ବୁଦିଗାଟାରି ଏପିସିୟ ଆକୁ ପାଞ୍ଚଲ ରାଫାମାନେସି ଇଞ୍ଜି ଇନେରି । ଅଡ଼େ ବାରେ କୁଲମିକା ତାକି ଆକୁ ହାସାଲି ରାସ୍‌କି ଆହାଡ଼ୟିନେ । ପାଞ୍ଚଲ ଇଦାଆଁ ଜିକେଏ ଝେସାମାନେସି ଇ ଆକୁ ରାଡ଼ିନି ବେଲାତା ଏଝାସି କାୟିଦିତା ମାଚେସି ୩:୧-୪:୧ ଅଡ଼େ ୬:୨୦ । ପାଞ୍ଚଲ ତୁକିକଇଁ ଏପିସିୟ କୁଲମିତା ପାଣ୍ଡାନା ଏଝାଣି କେୟୁତା ଇ ଆକୁ ହାହାମାଚେସି ୬:୨୧-୨୨ ।

ଏପିସିୟ ଏସିୟା ରାଡ଼ିତି ର କାଜା ଗାଡ଼ା ମାଚେ । ଏପିସିୟ ଗାଡ଼ାତି ଗ୍ରିକ୍ ପେନୁ ଆଚେନି ଅଡ଼େ ଏଦାନି ଦେଖୁଡ଼ି ଝେଜିତାୟି ମାଚେ, କାମା ୯:୨୩-୩୧ । ଏପିସିୟ କୁଲମି ନକେଏ ବାଡ଼ୟୁ ଗାଟାୟି ମାଚେ ତାୟୁ ରିହାଲି ମାଚ୍‌ହେ ଝେ ବଲୁ ୨:୧-୭ ।

ପାଞ୍ଚଲ ତାନି ଆଦା ଆକୁତା ମାହାପୁରୁ ଏନିକିଁ ତାନି ଲକୁଣି ଆଡ଼ିଚେସି, ଅଡ଼େ ଏନିକିଁ ଜୀସୁ ତାଣାଟି ପାପୁଡ଼ି ଗେଲ୍‌ପିଚେସି ଏଦାଆଁ ଝେସିମାନେସି । ପାଞ୍ଚଲ କୁଲମିତି ଆଜ୍ଞା ତଲେ ତୁକ୍‌ହାନା କ୍ରୀସ୍ତ ଏଦାନି ତାୟୁଁ ଅଡ଼େ କନତି ମୂଲୁ ଝାଲି, କୁଲମି ର ତକ୍ତି ଲେହେଁ କ୍ରୀସ୍ତଏ ତକ୍ତା । ଆକୁତି ତାୟୁ ବାଗାତା ପାଞ୍ଚଲ ପଡ଼଼ି ଆନାରାଇଁ କ୍ରୀସ୍ତ ତାଣା ରଣ୍ଡିଏ ଆହା ଆଣ୍ଡାମାନି ଲକୁ ଲେହେଁ ନୀତାଲି ବାତିମାଲି ମାନେସି ।

ପତିତା ମାନାୟି

- ୧. ପାଞ୍ଚଲ ଜହରା କିହାନା ପୁଣ୍ଡି କିହା କଡ଼ିନାୟି । ୧:୧-୨
- ୨. କ୍ରୀସ୍ତ ତଲେ କୁଲମିତି ତୁକ୍‌ନାୟି । ୧:୩-୩:୨୧
- ୩. କ୍ରୀସ୍ତ ତାଣା ଏନିକିଁ ନୀତିନାୟି । ୪:୧-୬:୨୦
- ୪. ଜହରା କିହାନା ଆକୁତି ରାପ୍‌ନାୟି । ୬:୨୧-୨୪

୧ *ପାଞ୍ଚଲ, ମାହାପୁରୁତି ଅଣ୍‌ପୁ ତଲେ କ୍ରୀସ୍ତ ଜୀସୁତି ପାଣ୍ଡୁଆହାମାନାଚେସି, ଏପିସିୟତା ମାନି ମାହାପୁରୁ ଲକୁ ଇଞ୍ଜା କ୍ରୀସ୍ତ ଜୀସୁ ତାଣା ନାମୁତା ମାନି ଲକୁତାକି ଇ ଆକୁ ରାଡ଼ିମାଲ୍ ।

* ୧:୧ ୧:୧ କାମା ୧୮:୧୯-୨୧; ୧୯:୧ * ୧:୭ ୧:୭ କଲସି ୧:୧୪

୨ ମା ଆବା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହ୍‌ନାୟି ଅଡ଼େ ହିଡ଼ି ଜୀସୁ ମିଜେତାକି ଆୟାପେ ।

ସୁଦୁଜୀସୁତି ବର ପାଣ୍ଡାନାୟି

୩ ମା ପ୍ରବୁ ଜୀସୁ କ୍ରୀସ୍ତ ମାହାପୁରୁ ଅଡ଼େ ଆବାଇଁ ଜହରା ଆପେ । ଏଝାସି କ୍ରୀସ୍ତ ତାଣା ମାଜେ ବାରେ ଜୀସୁତି ବର ତଲେ ଲାକପୁରୁ ବର ହାହାମାଜ୍ଞାନେସି । ୪ ମାର ଏନିକିଁ ମାହାପୁରୁ ନକିତା ସୁଦୁ ଅଡ଼େ ଦହ ହିଲାଆଗାଟାତାୟି ଆନାୟି ଏଦାଆଁତାକି ଏଝାସି ଦାର୍‌ତି ଗାଡ଼ି ଆଆ ନକେଏ ତାନି ତାଣା ମାଜେ ଆଚାମାଜ୍ଞାଚେସି । ୫ ଅଡ଼େ ଏଝାସି ମାଜେ କ୍ରୀସ୍ତ ଜୀସୁ ତାଣାଟି ତାଜେତାକି ମୀରକା ମାସ୍କା କିୟାଲି ତାନ୍‌ଏ ତଲିଏ ତୀରି କିଚେସି; ଇଦି ଏଝାଣି ରାହାଁ ଅଡ଼େ ଅଣ୍‌ପୁ । ୬ ମାହାପୁରୁତି କାର୍ମାମେହ୍‌ନାଣି ତାକି ଇଞ୍ଜା ତାନି ମୀରଏଣାଇଁ ଉଜେଏ ବେଟାଆନି ଦାନା ଲେହେଁ ବେଟାଆହାମାନାକି, ମାର ମାହାପୁରୁଇଁ ଜହରା କିହିମାନାୟି । ୭ *କ୍ରୀସ୍ତ ହାଡ଼ି ତାଣାଟି ମାର ଗେଲ୍‌ପି ଆହାମାନାୟି, ଇତିହଁ ମା ବାରେ ପାପୁ ମେଣ୍‌ଜାମାନେ, ମାହାପୁରୁତି କାର୍ମା ଏଚେକା କାଜାୟି ।

୮ ଏଝାସି ଏ କାର୍ମାମେହ୍‌ନାଣି ବାରେ ବୁଦି ଅଡ଼େ ଅଣ୍‌ପୁ ମାଜେ ହାରେକା ହାହାମାଜ୍ଞାନେସି । ୯ ନକେଏ ଅଣ୍‌ପାମାନି ତାନି କାର୍ମାତଲେ ଏଝାସି ମାଜେ ତାନି ଅଣ୍‌ପୁ ତଲେ ତରୁମାନି ଅଣ୍‌ପୁତି ତସାମାଜ୍ଞାନେସି । ୧୦ ଏନିକିଁ କାଲାତି ତାନି ଅଣ୍‌ପୁ ତଲେ ଲାକପୁରୁ କି ଦାର୍‌ତିତା ମାନାଣି ବାରେ ଏଝାସି ତାଜେତାକି କ୍ରୀସ୍ତ ତାଣା ରଣ୍ଡେଏ କିନେସି ।

୧୧ ମାର ଜିକେଏ ଏଝାଣି ତାଣା ଅଦିକାରା ଲେହେଁ ଆହାମାନାୟି, ଇତିହଁ ଏମିନି ମାହାପୁରୁ ତାନି ମନତି ଅଣ୍‌ପୁ ତଲେ ବାରେ କାତା ତୀରି କିନେସି, ଇଞ୍ଜା ଏଝାସି ତଲିଟିଏ ମନତା ତୀରି କିହାମାଚିଲେହେଁ ମାର ନକେଏ ଆଡ଼଼ିଆତାୟି ୧୨ ମାର ଏନିକିଁ କ୍ରୀସ୍ତ ତାଣା ନକେଏ ବାର୍‌ସୁ କିହା ମାଚାୟି, ମାର ବାରେତାୟି ମାହାପୁରୁ ଗାଞ୍ଜୁରମିତି ଜହରା କିନାତାୟି ଆନ ।

୧୩ ଏଝାଣି ତାଣାଟି ମୀରୁ ଜିକେଏ ସାତା ବଲୁ ଇତିହଁ ମିଜେ ଗେଲ୍‌ପାନି ନେହଁ କାରୁ ଝେଞ୍ଜାନା ନାମାହାଁ ଆଞ୍ଜାମାନି ସୁଦୁଜୀସୁ ତଲେ ବୁଟୁ ମୁଦ୍ରା ଆହାମାଜ୍ଞେରି; ୧୪ ମାହାପୁରୁ ତାନି ଲକୁତାକି ଏନାଆଁ ହାହାଲି ଆଞ୍ଜାମାନେସି ଏ ବାରେ ମାର ବେଟାଆନାୟି ସୁଦୁଜୀସୁ ତାନି ବାୟିଦା ଲେହେଁ । ମାହାପୁରୁ ତାନି ଲକୁତାକି ଗେଲ୍‌ପି ଆନାଣି ହୀନେସି ଇ ବାରେତାକି ମାହାପୁରୁତି ଗାଞ୍ଜୁରମି କିନ ।

ପାଞ୍ଚଲତି ପ୍ରାତାନା

୧୫ ଇଦାଆଁତାକି, ପ୍ରବୁ ଜୀସୁ ତାଣା ମୀ ନାମୁ ଇଞ୍ଜା ବାରେ ମାହାପୁରୁ ଲକୁତାକି ଜୀସୁନନାୟି ମାନେ, ୧୬ ଏ କାତା ଝେଞ୍ଜାନା ମିଜେତାକି ନା ପ୍ରାତାନାତା ମାହାପୁରୁଇଁ ଜହରା କିହିମାଇଁ । ୧୭ ମା ପ୍ରବୁ ଜୀସୁ କ୍ରୀସ୍ତ ମାହାପୁରୁ,

ଗାଝୁରମିଗାଟି ଆବା, ଏଝାସି ମିଙ୍ଗେ ସୁଦୁଜୀଝୁଟି ହିୟାନେସି ଏ ଜୀଝୁ ମିଙ୍ଗେ ରୁଦି ହିୟାନେ, ଅଡ଼େ ମାହାପୁରୁଇଁ ମୀ ତାଣା ତଞ୍ଜି କିୟାନେ, ଆଡିହିଁ ମୀରୁ ଏଝାଣାଇଁ ପୁଞ୍ଜେରି । ୧୮ ଏମ୍ବାଟିଏ ମୀ ହିୟାତି କାଣ୍ଟକା ଦେପି ଆଡିସାରେ, ତାନୁ ହାଟାମାଞ୍ଜାନି ବାସୁଁ ଏନାୟି, ମାହାପୁରୁ ଲକ୍ଷୁତାଣା ତାନି ଅଦିକାରାତି ଗାଝୁରମିଗାଟି ଦନ ଏନାୟି, ୧୯ ତାନି ଲକ୍ଷୁତାକି ତାନି ଆଞ୍ଜାମାନାୟି ହାରେକା କାଜା ବର ଅଡ଼େ ନାମିମାନାତାୟି ମାର, ତାନି ବାଡ଼ୟୁତି କାମା କିନାତାୟି, ଇଞ୍ଜା ମାଙ୍ଗେତାକି ତାନି ବାଡ଼ୟୁ ଏତେକା କାଜାୟି ଇ ବାରେ ପୁଞ୍ଜାଲି ଆଡିଦେରି; ୨୦ ଏ ବାଡ଼ୟୁ କ୍ରୀସ୍ତ ତାଣା ତସାନା ଏଝାଣାଇଁ ହାଡାରି ତାଣାଟି ନିକହାନା ଲାକପୁରୁ ତାନି ଚିଃନି ଚଟତା କୁଗି କିହାମାନେସି । ୨୧ କ୍ରୀସ୍ତ ଲାକପୁରୁ ବାରେ ସାଲଝି କିନାସି, କାଜାପାଣା, ବାଡ଼ୟୁ, ମୁସ୍ତାଦାରିୟା ଲାକ ସାଲଝି କିନାସି, ଇ ଜୁଗୁତା ଅଡ଼େ ଏ ଜୁଗୁତା ଏତେକା ଦରକା ଝେଙ୍ଗା ମାନୁ, ଏ ବାରେତି ମୁହେ ଏଝାଣି ପାଣା କାଜାୟି । ୨୨ *ମାହାପୁରୁ ବାରେ କ୍ରୀସ୍ତୁତି କତାୟା ଡ଼ଇ ଇଟିତେସି, ଇଞ୍ଜା ଏଝାଣାଇଁ ବାରେତି କିହାଁ କାଜାସି କିହାନା କ୍ରୀସ୍ତାନା କୁଲମିକା ହେରପା ମାନେସି । ୨୩ ଏ କୁଲମିକା କ୍ରୀସ୍ତୁତି ଆଙ୍ଗା ଲେହେଁ, ଇଟିହିଁ ଆମ୍ବାଆସି ବାରେ କାମାତି ବାରେ ତାଣା ପୁରା କିନେସି ।

୨

ହାକିଟି ଜୀଝୁ ପାଣ୍ଟନାୟି

୧ ମୀ ଦହ ଅଡ଼େ ପାପୁ ତାକି ତଲି ଜୀଝୁତା ହାହାମାରେରି, ୨ ଇଟିହିଁ ଏମିନି ଜୀଝୁ ନୀର୍ବ ଜିକେଏ କାତା ମାନଝି ଆଆଗାଟି ମୀରକା ତାଣା ଅଦିକାରା କିହାମାନେ, ଏ ଦାର୍ତତିତ ମନତଲେ ମୀରୁ ଜିକେଏ ତଲି କାଲ୍ଲା ଏ ଜିରୁତା ତାକିହିଁ ଦହ କିହାନା ପାପୁତାକି ହାହାମାରେରି । ୩ ଏ କାତା ମାନଝି ଆଆଗାଟି ମୀରକା ତଲେ ମାର ବାରେ ଏ ବେଲାତା ମା ଆଙ୍ଗାତି ମାଣ୍ଡକି ତଲେ ନୀତାନା ଆଙ୍ଗା ଅଡ଼େ ମନତି କାମା କିହିମାତାୟି, ଇଞ୍ଜା ଏଟକାତାରି ଲେହେଁ ମାର ଜିକେଏ ମାହାପୁରୁ କପାତି ଲକ୍ଷୁ ମାତାୟି ।

୪ ସାମା ମାହାପୁରୁ ହାରେକା କାର୍ମା ମେହନାସି; ଏଝାସି ମାଙ୍ଗେ ହାରେକା ଜୀଝୁ ନଝୁତା ଜୀଝୁ ନୟାତେସି, ୫ ଏଚେତା ମାର ପାପୁ ତାକି ହାହା ମାତାୟି, ଇଞ୍ଜା ମାଙ୍ଗେ କ୍ରୀସ୍ତ ଜୀସ୍ତ ତଲେ ନିକହାତେସି, ଅଡ଼େ ମାହାପୁରୁତି କାର୍ମାଟି ମୀରୁ ଗେଲପି ଆହାମାଞ୍ଜେରି । ୬ ଇଞ୍ଜା ତାନି ତଲେ ମାଙ୍ଗେ ହାକିଟି ନିକହାନା କ୍ରୀସ୍ତ ଜୀସ୍ତ ତାଣା ଲାକପୁରୁ କୁଗି କିହାମାଞ୍ଜାନେସି । ୭ କ୍ରୀସ୍ତ ଜୀସ୍ତ ତାଣା ମାଙ୍ଗେତାକି ଜୀଝୁନହାଁନା ଝାହିମାନି ଜୁଗୁତା ତାନି କାର୍ମାଟି ହାରେକା ଦନ ତସାଲି ମାହାପୁରୁ ଇଦାଆଁ କିତେସି । ୮ ଏନାଆଁତାକି ଇଟିହିଁ ମୀରୁ ନାମିତାକି ମାହାପୁରୁତି କାର୍ମାଟି ଗେଲପି ଆହାମାଞ୍ଜେରି; ଏଦି ମୀ ତାଣାଟି ଆହା ହିଲେଏ, ଏଦି ମାହାପୁରୁତି ଦାନା, ୯ ଏଦି ମୀରୁ କାମା କିତାକି ଆଏ,

ଏଦାଆଁତାକି ଆମ୍ବାଆସି ବଡପଣ କିଆପେସି । ୧୦ ଇଟିହିଁ ମାର ତାନି ତାଣାଟି ଗାଡ଼ି ଆହାମାନାୟି; ଆମିନି ନେହିଁ କାମା କିଇଁ ଇଞ୍ଜା ମାହାପୁରୁ ତଲିଏ କିହାଲି ତାକି ତିୟାରା କିହାମାରେସି ଏ ବାରେ ମାନଝି ଆହାଲି କ୍ରୀସ୍ତ ଜୀସ୍ତ ତାଣାଟି ଗାଡ଼ି ଆହାମାନେ ।

କ୍ରୀସ୍ତ ତାଣା ରଣ୍ଡିଏ ଆନାୟି

୧୧ ମୀରୁ ଏଚିବେଲା ତଲି ଆଙ୍ଗା ତଲେ ଜୀହୁଦିଆଆନା ମାରେରି ଅଡ଼େ ଆଙ୍ଗାତି ଅଣ୍ଟପୁତା କେୟୁତଲେ ତଲୁ ଦାପି ଆଡି ଲକ୍ଷୁ ତାଣାଟି ତଲୁ ଦାପି ଆଆତାରି ଇଞ୍ଜା ଝେଙ୍ଗିମାରେରି । ୧୨ ଏଚିବେଲା ମୀରୁ କ୍ରୀସ୍ତ ତାଣାଟି ହେକ ମାରେରି, ମୀରୁ ଏଟକା ଦେସାତାତେରି ମାରେରି, ଅଡ଼େ ମାହାପୁରୁତି ଆଡିତି ଇସାୟେଲ କୃତାତା ଆଣ୍ଡାହିଲାଆତେରି, ମାହାପୁରୁ ତାନି ଲକ୍ଷୁତାକି କିହାମାନି ରାଜିମାନାତା ମୀ ଏନି ବାଗା ହିଲାଆତେ, ମାହାପୁରୁ ଅଡ଼େ ବାସୁଁ ହିଲାଆ ଲକ୍ଷୁ ଲେହେଁ ଦାର୍ତତିତା ବାସା କିହାମାରେରି । ୧୩ ନକେଏ ମୀରୁ ହେକ ମାରେରି, ସାମା ନୀର୍ବ ମୀରୁ କ୍ରୀସ୍ତ ଜୀସ୍ତ ତାଣାଟି ତାନି ନେତେରି ତଲେ ତାଗେ ଆହାମାଞ୍ଜେରି । ୧୪ ଏନାଆଁତାକି ଇଟିହିଁ ଏଝାସି ମା ହିଡ଼ଡ଼ି, ଏଝାସି ସାତୁ ଲେହେଁ ପାଡ଼ି କାତିନି କାତିତି ଡିକହାନା ବାରେତି କାଲ୍ଲହା ମାନେସି, ୧୫ *ଜୀହୁଦି ଲକ୍ଷୁତି ପାଣାପାଟୁ ହୁକୁମିତି ମେରାତି ତାନି ଆଙ୍ଗାଟି ହେକ କିହାମାନେସି, ଏନିକ ଏଝାସି ହିଡ଼ଡ଼ି ହାହାନା ଜୀହୁଦି ଅଡ଼େ ଜୀହୁଦିଆଆତି କୃତାତାରାଇଁ ତାନି ତାଣା ର ପୁଃନି ଲକ୍ଷୁଲେହେଁ ଗାଡ଼ି କିନେସି । ୧୬ *ଅଡ଼େ କୁସତା ହାହାନା ଜୀହୁଦି ଅଡ଼େ ଜୀହୁଦିଆଆତାରି ସାତୁତି ନାସା କିହାନା ଏଦାଣି ତଲେ ରିଆରାଇଁ ରଣ୍ଡିଏ ଆଙ୍ଗା ଲେହେଁ ଗାଡ଼ିକିହାନା ମାହାପୁରୁ ତଲେ ଆଣ୍ଡିକିୟାନେସି । ୧୭ ଅଡ଼େ ହେକ ମାତି ଜୀହୁଦିଆଆତି ଲକ୍ଷୁଣି ଅଡ଼େ ତାନି ତାଗେ ମାନି ଜୀହୁଦି ଲକ୍ଷୁ ଇ ରିଆରି ତାଣା ଏଝାସି ଝାହାନା ହିଡ଼ଡ଼ିତି ନେହିଁ କାରୁ ଝେକହେସି; ୧୮ ଏନାଆଁତାକି ଇଟିହିଁ କ୍ରୀସ୍ତୁତି ତାକି ବାରେ ଜୀହୁଦିୟାଁ ଅଡ଼େ ଜୀହୁଦିଆଆତି ଲକ୍ଷୁ ରଣ୍ଡିଏ ସୁଦୁଜୀଝୁଟି ଲାକପୁରୁ ଆବା ତାଣା ହାଜାଲି ଜିରୁ ବେଗାଆହାମାନାୟି ।

୧୯ ଏଦାଆଁତାକି ମୀରୁ ଏଟକା ଦେସାତାତେରି ଇ ଦେସାତାତେରି ଆଏ, ସାମା ମାହାପୁରୁ ଲକ୍ଷୁତଲେ ଆଣ୍ଡାନା ଏଝାରି ଦେସାତି ଲକ୍ଷୁ, ଅଡ଼େ ମାହାପୁରୁ ଇଲୁ କୁଟମିତେରି । ୨୦ ମୀରୁ ପାଣ୍ଡି ଆହାମାନାରି ଅଡ଼େ ମାହାପୁରୁ ଅଣ୍ଟପୁତି ବଲୁ ଝେହନାରି ଇଟାମାନି ପୁନାଦି ମୁହେଁ ଇଟକି ଆହାମାଞ୍ଜେରି, କ୍ରୀସ୍ତ ଜୀସ୍ତ ତାନୁଏ, ଏ କନତି ମୁଲୁ ଝାଲି । ୨୧ ଏଝାଣି ତାଣା ବାରେ ଇଲୁତି ବାରେ କାତିୟା ଦୂର୍ସାନା ପ୍ରବୁ ତାଣା ର ସୁଦୁ ଆଞ୍ଜାମାନି ମାହାପୁରୁ ଇଲୁ ଲେହେଁ ପାତାଆହିମାନେ । ୨୨ ଏଝାଣି ତାଣା ମୀରୁ ଜିକେଏ ମା ତଲେ ଆଣ୍ଡାନା ସୁଦୁଜୀଝୁଟି ମାହାପୁରୁ ବାସାଆନି ଇଲୁ ଲେହେଁ ଦସପି ଆହାମାଞ୍ଜେରି ।

☆ ୧:୨୨ ୧:୨୨ କଲସି ୧:୧୮ ☆ ୨:୧୫ ୨:୧୫ କଲସି ୨:୧୪ ☆ ୨:୧୬ ୨:୧୬ କଲସି ୧:୨୦

୩

ଏଚକା ଲକ୍ଷ୍ମୀତାଣା ପାଞ୍ଚୁଲତି କାମା

୧ ଇଦାଆଁତାକି ମୀ ଲେହେତି ଜୀହୁଦିଆଆତି ଲକ୍ଷ୍ମୀତାକି କ୍ରୀସ୍ତ ଜୀସୁ ତାକି ଦସପି ଆହାମାନି ପାଞ୍ଚୁଲତେର୍ବ ।
 ୨ ମିଙ୍ଗେତାକି ନାଙ୍ଗେ ହାହାମାଞ୍ଜାନି ମାହାପୁରୁତି କାର୍ମାଟି ସେବାକିନି କାମାତି କାତା ମୀରୁ ଖେଞ୍ଜାମାଞ୍ଜେରି, ୩ ଅଡେ ଡଗୁମାନି କାତା ମାହାପୁରୁ ତାନୁଏ ତସାନା ପୁଣ୍ଡି କିୟାତେସି, ଏନିକ୍ ନାନୁ ତଲି ଏ ବାରେ କାତା ଇଚାଣି ରାଚାମାଲ୍; ୪ ମୀରୁ ଏଦାଆଁ ପଡ଼଼ି ଆହାମାନା କ୍ରୀସ୍ତତି ଡଗୁମାନି କାତା ନାନୁ ଏନାଆଁ ତେଲହାମାଲ୍ ଏଦାଆଁ ମୀରୁ ତେଲହାଲି ଆଡ଼ିଦେରି, ୫ ତଲି କାଲାତା ମାଣ୍ଡିୟା ତାଣା ତଞ୍ଜା ଆହାହିଲାଆତେ, ଏ ଡଗୁମାନାୟି ନୀର୍ବ ସୁଦୁଜୀଞ୍ଜୁତି ତାନି ସୁଦୁତି ପାଣ୍ଡିଆହାମାନାରି ଅଡେ ମାହାପୁରୁ ଅଣ୍ଡୁତି ବଲୁ ଖେହନାରି ତାଣା ଏନିକ୍ ତଞ୍ଜା ଆହାମାନେ, ୬ ଏ ଡଗୁମାନି କାତା ଇଦି ନେହ୍ କାବୁ ତାଣାଟି ଜୀହୁଦିୟାଁ ମାହାପୁରୁତି ବର ବେଟାଆନି ଲେହେ, ଏଚକା କୁଡ଼ାତାରି ଜିକେଏ ବାରେଜାଣା ଆଣ୍ଡାନା ର ଆଙ୍ଗା ଲେହେ ଆହାମାନା କ୍ରୀସ୍ତ ଜୀସୁ ତାଣାଟି ମାହାପୁରୁ ଆଞ୍ଜାମାନାଣି ବାରେ ବେଟାଆନେରି ।

୭ ମାହାପୁରୁତି କାମା କିନି ବାଡ଼ୁୟି ତଲେ ନାଙ୍ଗେ ଏମିନି କାର୍ମାତି ଦାନା ହାହାମାଞ୍ଜାନେସି ଏଦାଆଁତାକି ଏ ନେହ୍ କାବୁତି ଖେକନାତେର୍ବ ଆହାମାଲ୍ । ୮ ମାହାପୁରୁ ଲକ୍ଷ୍ମୀ ବିତ୍ରାଟି ନାନୁ ବାରେତି କିହାଁ ଉଣାତେର୍ବ ମାଟି ଜିକେଏ ଏଚକା କୁଡ଼ାତି ଲକ୍ଷ୍ମୀତାଣା ଏଜିକିହାଲି ଆଡ଼ାଆଗାଟି କ୍ରୀସ୍ତତି କାର୍ମାତି ନେହ୍ କାବୁ ଖେକହାଲି ମାହାପୁରୁ ପାରୁ ହାହାମାଞ୍ଜାନେସି, ୯ ଅଡେ ବାରେ ଗାଡ଼ିକିତି ମାହାପୁରୁ ତାଣା ତଲି କାଲାଟିଏ ଡଗୁମାନି କାତାତାକି ଏଞ୍ଜାଣି ଅଣ୍ଡୁ ଏନାୟି ଏଦାଆଁ ଉଜେଡ଼ିତା ତସାଲି ତାକି ମାହାପୁରୁତି କାର୍ମା ମେଡ଼ା ଆହାମାଞ୍ଜାନେ, ୧୦ ଏନିକିହ୍ ନୀର୍ବ କ୍ରୀସ୍ତାନା କୁଲମିତି କାମାଟି ଲାକପୁରୁତି ସାଲୁଞ୍ଜି କିନାରି ବାଡ଼ୁୟି ଗାଟି ମାହାପୁରୁତି ବୁଦି ନେହ୍ କାବୁ ପୁଞ୍ଜାଲି ଆଡ଼ିନେରି, ୧୧ ମାହାପୁରୁ ତାନି କାଲାକାଲାତି ଅଣ୍ଡୁ ଲେହେ ମା ପ୍ରବୁ କ୍ରୀସ୍ତ ଜୀସୁ ତାଣାଟି ବାରେ କିହାମାନେସି । ୧୨ ଏ ପ୍ରବୁ ତାଣା ନାମାମାନାକି ମାର ଏଞ୍ଜାଣି ତାଣା ସାସାଟି ଆଜାଆନା ମାହାପୁରୁ ତାଣା ହାଜାଲି ସାସା ବେଟାଆହାମାନାୟି । ୧୩ ଏଦାଆଁତାକି ନାନୁ ମିଙ୍ଗେ ବାଡ଼ିମାଲିମାଞ୍ଜାଲ୍, ମିଙ୍ଗେତାକି ନାନୁ ବେଟାଆହିମାନି ଦୁକୁ କସ୍ତ ତାକି ସାସା ପିହ୍ଆଦୁ, ସାତେଏ ଏଦି ମୀ ଗାଞ୍ଜୁରମି ତାକି ଆହାମାନେ ।

କ୍ରୀସ୍ତତି ଜୀଞ୍ଜୁନନାୟି

୧୪ ଏଦାଆଁତାକି ଆମିନି ଆବା ତାଣାଟି ଲାକପୁରୁ ଅଡେ ଦାରତିତି ବାରେ କୁଟମି, ତାନି କୁଡ଼ାତି ଦରୁ ବେଟାଆହାମାନେ, ୧୫ ଏ ମାହାପୁରୁ ଆବା ନକିତା ମେଣ୍ଡାକୁତାନା ପ୍ରାତାନା କିହାମାଲ୍ । ୧୬ ଏନିକ୍ ଏଞ୍ଜାସି ତାନି ଗାଞ୍ଜୁରମିଗାଟି ଦନ ତାନି ସୁଦୁଜୀଞ୍ଜୁ ତଲେ ମିଙ୍ଗେ

ମୀ ଅଣ୍ଡୁତା ତୀରି ମାଣ୍ଡି ଆହାଲି ବାଡ଼ୁୟି ହିୟାନେସି, ୧୭ ମୀ ନାମୁତଲେ କ୍ରୀସ୍ତ ମୀ ହିୟାତା ବାସା କିନେସି, ଏନିକ୍ ମୀ ଜୀଞ୍ଜୁ ନଞ୍ଜୁତା ପୁନାଦି ଅଡେ ଆଚ୍ଞା ତଲେ ତୀରିଆହାମାନା ଏଜିକିହାଲି ଆଡ଼ାଆଗାଟି କ୍ରୀସ୍ତତି ଜୀଞ୍ଜୁ ନଞ୍ଜୁ, ୧୮ ଏଦାଆଁ ପୁଞ୍ଜୁ ଇଞ୍ଜା ବାରେ ମାହାପୁରୁ ଲକ୍ଷ୍ମୀତଲେ ଏମାତି ଅସାରା ଅଡେ ଲାମ୍ବା ପାଡ଼ି ଅଡେ ଗାଡ଼ୁୟି ପୁଞ୍ଜାଲି ବାଡ଼ୁୟି ବେଟାଆଦି । ୧୯ ହାଅ ମୀରୁ ଏନିକ୍ କ୍ରୀସ୍ତତି ଜୀଞ୍ଜୁ ନନାଣି ପୁଞ୍ଜେରି ଆଡ଼ିହ୍ ଜିକେଏ ଏଦାଆଁ ନେହ୍ କାବୁ ପୁଞ୍ଜାଲି ଆଏ, ଅଡେ ଏଲେକିହ୍ ମାହାପୁରୁତି ଗୁଣ୍ଡୁତଲେ ପାଡ଼ାଆଦୁ ।

୨୦ ଆମିନି ମାହାପୁରୁ ମା ହିୟାତା କାମା କିହିମାନି ତାନି ବାଡ଼ୁୟି ତଲେ ମାର ରାହନାଣି ଅଡେ ଅଣ୍ଡିନାଣି କିହାଁ ହାରେକା ଆଗାଡ଼ା ହିୟାଲି ଆଡ଼ାନେସି, ୨୧ କୁଲମିଟି ଅଡେ କ୍ରୀସ୍ତ ଜୀସୁ ତାଣାଟି ଏ ମାହାପୁରୁତି ଗାଞ୍ଜୁରମି କାଲାକାଲାତାକି ମାଣ୍ଡେ । ଆଡେନ ।

୪

ରଣ୍ଡିଏ ଆଙ୍ଗା

୧ ପ୍ରବୁତି ସେବାତାକି ନାନୁ କାୟିଦିତା ମାଲ୍, ମିଙ୍ଗେ ବାଡ଼ିମାଲିମାଞ୍ଜାଲ୍, ଏନିକ୍ ନୀତାବାଡ଼କାଲି ତାକି ମାହାପୁରୁ ମିଙ୍ଗେ ହାଟାମାଞ୍ଜାନେସି, ଏଲେତି ମାଣ୍ଡିକି ତଲେ ମାଞ୍ଜୁ । ୨ ଇତିହ୍ ବାରେଲେହେତି ଉଣା ଗାଟାତେରି, ସୁଦୁ ସୁଞ୍ଜାଲା, ହାରେକା ଅରହିନାତେରି ଅଡେ ଜୀଞ୍ଜୁନହାଁନା ରଅତେରି ରଅଣାଲ୍ ଅରହିନାତେରି ଆଦୁ; ୩ ମୀରୁ ବାରେଜାଣା ତେରି ହିଡ଼ିତି ଡରିତଲେ ଦସପି ଆହାମାନା ସୁଦୁଜୀଞ୍ଜୁ ବାଡ଼ୁୟି ରଣ୍ଡିଏ ଲେହେ ଆହାଲିତାକି ଜାଡ଼ୁ ଆଦୁ । ୪ ଆଙ୍ଗା ରଣ୍ଡିଏ, ସୁଦୁଜୀଞ୍ଜୁ ଜିକେଏ ରଣ୍ଡିଏ, ଏନିକ୍ ମୀରୁ ମୀ ହାଟାମାନି ରଣ୍ଡିଏ ବାର୍ସୁ ତଲେ ହାଟକି ଆହାମାଞ୍ଜେରି; ୫ ପ୍ରବୁ ରଅସିଏ, ନାମୁ ରଣ୍ଡିଏ ଅଡେ ବାପ୍ତିସ୍ତ* ଜିକେଏ ରଣ୍ଡିଏ, ୬ ବାରେ ମାଣ୍ଡିୟାତି ରଣ୍ଡିଏ ମାହାପୁରୁ ଅଡେ ତାଞ୍ଜି; ଏଞ୍ଜାସି ବାରେତି ମୁହେ, ବାରେତି ବିତ୍ରା ଇଞ୍ଜା ବାରେତି ହିୟାତା ମାନେସି ।

୭ ସାମା କ୍ରୀସ୍ତତି ଦାନା ଏଚେକା ବେଟାଆନାୟି ମାନେ ଏଚେକା ମାଙ୍ଗେ ବାରେଜାଣା ତାକି ମାହାପୁରୁତି କାର୍ମାମେହନାୟି ହାପକି ଆହାମାଞ୍ଜାନେ । ୮ ଦାର୍ମୁ ସାସ୍ତେରିତା ରାସକି ଆହାମାନେ,

“ଏଞ୍ଜାସି ଲାକ ହାଜାନା, ହାରେକା ଦସପି ଆହାମାନାରାଲ୍ ତାନିତଲେ ଅଡେସି;

ଅଡେ ମାଣ୍ଡିୟାକି ଏଚକା ଏଚକାତି ବର ହାତେସି ।”

୯ “ଏଞ୍ଜାସି ଲାକ ହାତେସି” ଇତିସାରେ ଏନାୟି ? ଏଲେଇତିସାରେ ମୁଲୁଏ ଏଞ୍ଜାସି ଦାରତିତି ଡଇ ପାତେକା ରେଟା ଖାହାମାତେସି । ୧୦ ଆମ୍ବାଆସି ଡଇପୁରୁ ଖାହାମାତେସି, ବାରେ ଦାରତିଲ୍ ତାନୁ ମାଞ୍ଜାନା ବାରେ ପୁରା କିହାଲିତାକି ଏଞ୍ଜାସି ଅଡେ ଖେଣ୍ଡେ ଲାକପୁରୁ ହାତେସି, ୧୧ ଏଞ୍ଜାସି ଲକ୍ଷ୍ମୀତାକି ହାରେକା ଦାନା ହାତେସି;

* ୩:୪ ୩:୪ କଲସି ୧:୨୭,୨୭ ✦ ୪:୨ ୪:୨ କଲସି ୩:୧୨,୧୩ ✦ ୪:୫ ୪:୫ମୁଞ୍ଜିନାୟି

ଆମ୍ବାଆରାଙ୍କ ପାଣ୍ଡୁ ଆଡ଼ାରି ଆହାଲି, ଆମ୍ବାଆରାଙ୍କ ମାହାପୁରୁ ଅଣ୍ଠପୁତି ବଲୁ ଝେକନାରି ଆହାଲି, ଆମ୍ବାଆରାଙ୍କ ନେହଁ କାନ୍ତୁ ଝେକନାରି ଆହାଲି, ଅଡ଼େ ଏତର ଜାଣାଙ୍କ କୁଲମି ଜାଡ଼ନୁ କିନାରି ଅଡ଼େ ଜାପନାରି ଆହାଲି ଦାନା ହାହାମାନେସି, ^{୧୨} ଏନିକିମ୍ ମାହାପୁରୁ ଲକ୍ଷୁତି ସେବା କାମାତାକି ତୀରି ଆହାଲି ଆଡ଼ିନେ ଇଞ୍ଜା କ୍ରୀସ୍ତତି ଆଙ୍ଗା ପାତାଆହାଲି ଆଡ଼ିନେ ^{୧୩} ଏନିକିମ୍ ମାର ବାରେଜାଣା ନାମୁତା ଅଡ଼େ ମାହାପୁରୁତି ମାରୁଏଣା କାତାତି ବୁଦିତା ରଣ୍ଡିଏ ଆହାଲି ଆଡ଼ିନାୟି, ଇଚିହଁ କ୍ରୀସ୍ତ ଲେହେଁ ଆହାନା ପାତାଆଡ଼ି ଲକ୍ଷୁ ଲେହେଁ ଆନାୟି, ^{୧୪} ଗାଲି ଖାନାଟି ଅଡ଼େ ଏୟୁ ଉଣ୍ଡାତା ଦାକ୍ଷିମାନି କକାରି ପଦାୟି ଲେହେଁ ମାର ଇତାଲା ଆତାଲା ଆଆପ । ଏଟକା ଲକ୍ଷୁଣି ଜିରୁ ବାଣି କିହିମାନି ନାଡ଼ିକିନି ଅଣ୍ଠପୁତି ଜାପନି ତାଣା ମାର ତରଗାଆପ । ^{୧୫} ସାମା ସାତାତି ଆସାନା ତାୟି ଚୁଲହେଁତି କ୍ରୀସ୍ତ ଏଞ୍ଜାଣି ତାକି ବାରେ ଜାଞ୍ଜୁ ନଞ୍ଜୁତା ପାତାଆନ । ^{୧୬} ଏଞ୍ଜାଣି ତାଣାଟି ବାରେ ଆଙ୍ଗା ବାରେ ହାୟୁଲିକା ସାୟେମି ତଲେ ଅଡ଼େ ବାରେ ଆଙ୍ଗାଟି କାମା କିନି ବାଡ଼ୟୁ ତଲେ ଦୁରୁଞ୍ଜି ଆହାନା ଜାଞ୍ଜୁ ନଞ୍ଜୁତା ତାମି ନେହେଁତାକି ଜାହାରାଙ୍କ ପାତି କିହିମାନୁ ।

କ୍ରୀସ୍ତ ତାଣା ପୁଞ୍ଜନି ଜାଞ୍ଜୁ

^{୧୭} ପ୍ରବୁ ଦରୁତଲେ, ନାନୁ ମିଙ୍ଗେ ଜାଗ୍ରାତା କିହାଁ ଝେସିମାଞ୍ଜାଙ୍କ, ନାମାଆତାରି ଏନିକିମ୍ ତାମି ମନତା ଉଜେଏତି ଅଣ୍ଠପୁ ତଲେ ନୀଡ଼ିନେରି ମାରୁ ଏଲେକିମ୍ ନୀତାଆଦୁ, ^{୧୮} ଏଞ୍ଜାରି ତାମି ତାଣା ମାନି ମୁର୍କୁ ତାକି ଜାହା ଜାହାରା ମନ ଆଟ୍ଝା ମାନାକି ଏଞ୍ଜାରି ମାହାପୁରୁ ହାହାମାନି ଜାଞ୍ଜୁତି ବୁଦି ଆନ୍ଦେରି ଆହାମାନେ, ଅଡ଼େ ମାହାପୁରୁ ତାଣାଟି ଏଟକା ଆହାମାନେରି; ^{୧୯} ଏଞ୍ଜାରି ଆଟ୍ଝା ଆହାନା ଦନ ଜୁପକା ଆହାନା ବାରେ ଲାଗେଏତି କାମା କିହାଲି ଜାହାରାଙ୍କ ହେରପା କତାମାନେରି । ^{୨୦} ସାମା ମାରୁ କ୍ରୀସ୍ତଙ୍କ ଏଲେକିହଁ ଜାପାହିଲଅତେରି । ^{୨୧} ମାରୁ ତାନି କାତା ସାତାତଲେ ଝେଞ୍ଜାମାଞ୍ଜେରି, ଅଡ଼େ ଜାସୁ ତାଣା ମାନି ସାତାତି ତାନିତଲେ ମାଞ୍ଜାନା ଜାପାମାଞ୍ଜେରି, ^{୨୨} ଇଚିହଁ, ମାରୁ ମୀ ନକେଏତି ମାଣ୍ଡକିତା ନାଡ଼ିକିନି ରାହାଁତା ହାରେ ହାରେକା ଲାଗେଏ ଆହିମାଟେ । ^{୨୩} ମୀ ମନତା ପୁଞ୍ଜନି ଗୁଣ୍ଡୁ ଆହାନା । ^{୨୪} ଏମିନି ପୁଞ୍ଜନି ଗୁଣ୍ଡୁ ମାହାପୁରୁତି ଖାଣା ତଲେ ଦାମ୍ବୁ ଅଡ଼େ ସାତାତି ସୁଦୁତା ଗାଡ଼ି ଆହାମାଞ୍ଜେରି, ଏଦାଆଁ ପରହାଲି ଜାପାମାଞ୍ଜେରି । ^{୨୫} ଇଦାଆଁତାକି ମିଚିତି ପିସାନା ମାରୁ ବାରେଜାଣା ତେରି ନାମିତି ତାୟିୟାଁ ତଲେ ସାତା କାତା ଝେସ୍ପି ଆଦୁ, ଇଚିହଁ ମାର ରଣ୍ଡିଏ ଆଙ୍ଗାତାୟି । ^{୨୬} କାରବି ଆଦୁ, ସାମା ପାପୁ କିଆଦୁ; ଝେଡ଼ା ହାଲାଆ ନକେଏ କାରବି ପିହ୍ଦୁ; ^{୨୭} ଅଡ଼େ ସୟତାନକି ଚାୟୁ ହାଆଦୁ । ^{୨୮} ସରୁ ଅଡ଼େ ସରୁ କିଆପେସି, ଇଚିହଁ ହିଲାଆ ଗାଟାରାକି ହାହାଲିତାକି ଏନିକିହଁ ତାନି ତାଣା ଏନାୟି ଡ଼ୟିନେ, ଇଦାଆଁତାକି ତାନି

କେୟୁତଲେ ନେହଁ କାମା କିହାନା କସ୍ତ କିପେସି । ^{୨୯} ମୀ ଗୁଡ଼ିଟି ଏନି ଲାଗେଏତି କାତା ହାଆପେ, ମୀ ଲଡ଼ାମାନି ଲେହେଁ ନେହଁ କାତା ହପେ ଏନିକିମ୍ ଏଡ଼ି ଝେନାରାକି ନେହାୟି ଆନେ । ^{୩୦} ମାହାପୁରୁତି ସୁଦୁଜାଞ୍ଜୁ ତଲେ ମିଙ୍ଗେ ଗେଲପିନି ଦିନାତାକି ବୁରୁ ମୁଦ୍ରା କିଞ୍ଜି ଆହାମାଞ୍ଜେରି ଏଦାଣି ଦୁକୁ ହାଆଦୁ । ^{୩୧} ବାରେଲେହେଁତି କୁରୁ ଅଣ୍ଠପୁ, କାରବି, କପା, ଗଡ଼ହା ଅଡ଼େ ନିନ୍ଦା, ଇଞ୍ଜା ବାରେଲେହେଁତି ଅପାଆଗାଟାୟି ମୀ ତାଣାଟି ହେକ ଆପେ । ^{୩୨} ଅଡ଼େ, ରଅତେରି ରଅଣାଙ୍କ କାମା ଅଣ୍ଠପାଦୁ, ହିଡ଼ଡ଼ି ହିୟାଁ, ଅଡ଼େ ମାହାପୁରୁ କ୍ରୀସ୍ତ ତାଣା ମିଙ୍ଗେ ଏନିକିହଁ ଦହ ପିସ୍ତାନେସି, ଏଲେକିହଁ ରଅତେରି ରଅଣି ଦହ ପିହ୍ଦୁ ।



ଉଜେଡ଼ିତା ନୀଡ଼ିନାୟି

^୧ ମାରୁ ମାହାପୁରୁତି ଜାଞ୍ଜୁତି ମାରୁକା ମାୟକାତେରି ଆହାମାନାକି, ମାହାପୁରୁ ଲେହେଁ ଆଦୁ; ^୨ କ୍ରୀସ୍ତ ଏନିକିମ୍ ମିଙ୍ଗେ ଜାଞ୍ଜୁ ନୟାତେସି, ଅଡ଼େ ମା ତାକି ମାହାପୁରୁ ତାକି ଗାନ୍ଦାଗାଟି ନେହଁ ପୂଜାଲେହେଁ ଜାହାରାଙ୍କ ହେରପାକତିତେସି, ମୀ ଜାଞ୍ଜୁତା ଜିକେଏ ଏଲେକିହଁ ଜାଞ୍ଜୁ ନଞ୍ଜିଆହାନା ନୀତାଦୁ ।

^୩ ସାମା ଦାରିକାମା, ବାରେଲେହେଁତି ଲାଗେଏତି କାମା କି ଜୁପକା, ଇ ବାରେ ମୀ ତାଣା ଚାୟୁ ବେଟା ଆଆପେ; ଏଡ଼ି ମାହାପୁରୁ ଲକ୍ଷୁତାଣା ନେହାୟି ଆଏ; ^୪ ଅଡ଼େ ଏନାୟି ଆଆଗାଟାୟି, ଅଜାଆତି କାତା, ଲାଗେଏତି କାତା, ଲକ୍ଷୁଣି ଲାଜା କିହାଁ କାକନାୟି ମୀ ବିତ୍ତା ତଞ୍ଜା ଆଆପେ, ସାମା ବାରେ କାତାତାକି ମାହାପୁରୁଙ୍କ ଜହରା କିଦୁ । ^୫ ଇଚିହଁ ମାରୁ ସାତେଏ ପୁଞ୍ଜାମାଞ୍ଜେରି, ଏମିନି ଦାରି କାମାକିନାସି କି ଲାଗେଏତି କାମାକିନାସି କି ହାରେକା ଜୁପକା ଆନାସି ଏଞ୍ଜାସି ପେଣ୍ଡକା ବମାୟାଁତି ପୂଜା କିନାସି, ଏଲେତି ଲକ୍ଷୁକି କ୍ରୀସ୍ତ ଅଡ଼େ ମାହାପୁରୁତି ରାଜିତା ଅଦିକାରା ହିଲେଏ ।

^୬ ଆମ୍ବାଆସି ମିଙ୍ଗେ ଉଜେଏତି କାତା ଝେସାନା ନାଡ଼ି କିୟାଆପେସି, ଏନାଆଁତାକି ଇଚିହଁ ଇ ବାରେ ଲାଗେଏତି କାମାତାକି କାତା ମାନଞ୍ଜି ଆଆଗାଟି ମାରୁକା ମୁହେଁ ମାହାପୁରୁତି କାରବି ଖାନେ । ^୭ ଇଦାଆଁତାକି, ମାରୁ ଏଞ୍ଜାରିତଲେ ଏଞ୍ଜାରିଲେହେଁ ଆଆଦୁ; ^୮ ଏନାଆଁତାକି ଇଚିହଁ ମାରୁ ତଲି ଆନ୍ଦେରି ଲେହେଁ ମାଟେରି, ସାମା ନୀର୍ସ ପ୍ରବୁତି ଲକ୍ଷୁ ଆଡ଼ାକି ଉଜେଡ଼ି ଲେହେଁ ଆହାମାଞ୍ଜେରି; ଉଜେଡ଼ିତି ମାରୁକା ଲେହେଁ ତାକାଦୁ, ^୯ ଇଚିହଁ ବାରେଲେହେଁତି ନେହାୟି, ଦାମ୍ବୁଗାଟାୟି ଅଡ଼େ ସାତା ଉଜେଡ଼ିତି ପାଡ଼େୟି ଲେହେଁ, ^{୧୦} ପ୍ରବୁକି ଏନାୟି ନେହେଁ, ଏଲେତି କାମା କିହାଲି ଜାପାଦୁ; ^{୧୧} ଲକ୍ଷୁ ଆନ୍ଦେରିତା ଆମିନି ବାରେ ଲାଗେଏତି କାମା କିହିମାନେରି, ଏ ବାରେ କାମାତା ଆଣ୍ଡାଆଦୁ, ଇଞ୍ଜା ଏଞ୍ଜାରି ବାରେ କାମାଟି ଦହ ତହ୍ଦୁ । ^{୧୨} ଏନାଆଁତାକି ଇଚିହଁ ଏଞ୍ଜାରି ଏନାଆଁ ଡ଼ଗୁାନା

☆ ୪:୧୨ ୪:୧୭ କଲସି ୨:୯୯ ☆ ୪:୨୨ ୪:୨୨ କଲସି ୩:୯ ☆ ୪:୨୪ ୪:୨୪ କଲସି ୩:୧୦ ☆ ୪:୩୨ ୪:୩୨ କଲସି ୩:୧୩

କିନେରି, ଏ ବାରେ କାତା ଝେହ୍ନାୟି ଜିକେଏ ଲାଜାତି କାତା, ୧୩ ସାମା ବାରେ ଲାଗେଏତି କାମା ଉଜେଡ଼ି ତଲେ ତସ୍ପିଆନେ, ଏନାୟି ବାରେ ତଞ୍ଜାଆନେ ଏଡ଼ି ବାରେ ଉଜେଡ଼ି । ୧୪ ଏଦାଆଁତାକି ରାସ୍ତକି ଆହାମାନେ,

“ଇଦା କିହାମାନାତେରି, ନିଙ୍ଗାଦୁ,
ହାଡ଼ାରି ତାଣାଟି ନିଙ୍ଗାଦୁ,

ଅଡ଼େ କ୍ରୀସ୍ତ ମିଙ୍ଗେ ଉଜେଡ଼ି ହିୟାନେସି ।”

୧୫ ଇଚିହ୍ନି ବୁଦି ହିଲାଆ ଗାଟାରିଲେହେଁ ଆଆନା ବୁଦି ମାନାରି ଲେହେଁ ମୀ ନୀତିନାଣି ତାକି ଜାଗ୍ରାତା ଆଦୁ, ବୁଦି ହିଲାଆଗାଟାତେରି ଲେହେଁ ଆଆନା ବୁଦି ଗାଟାତେରି ଲେହେଁ ଆଦୁ । ୧୬ * ପାଗାତି ନେହ୍ନିକି ଲେମ୍ବାଦୁ, ଏନାଆଁତାକି ଇଚିହ୍ନି କାଲ୍ୟା ଲାଗେଏତାୟି । ୧୭ ଏଦାଆଁତାକି, ବୁଦି ହିଲାଆ ଗାଟାରିଲେହେଁ ଆଆନା ପ୍ରବୁତି ଅଣ୍ଟାଏ ଏନାୟି ଏଦାଆଁ ତେଲହାଦୁ ।

୧୮ ଅଡ଼େ କାଡ଼ ରୁସାମା ହଟାଆଦୁ, ଏନାଆଁତାକି ଇଚିହ୍ନି ଏଡ଼ି ମିଙ୍ଗେ ନାସା କିୟାନୁ; ସାମା ପାରୁ, ସୁଦୁଜୀଝୁଟି ଜହରା କିହ୍ନି ରଅତେରି ରଅଣାଇଁ ବାସ୍ତୁ ହାଦୁ, ୧୯ *ଅଡ଼େ ମୀ ହିୟା ମାହାପୁରୁ ତାକି ସୁଦୁଜୀଝୁ ତଲେ ଜହରା ପାରୁ ପାଚାଦୁ । ୨୦ ବାରେବେଲ୍ଲା ବାରେ କାତାତାକି ପ୍ରବୁ ଜୀସ୍ତ କ୍ରୀସ୍ତତି ଦରୁତଲେ ଆବା ମାହାପୁରୁଇଁ ଜହରା କିଦୁ ।

ତକ୍ତି ଅଡ଼େ ତକ୍ରା

୨୧ ଅଡ଼େ କ୍ରୀସ୍ତଇଁ ଆଜାନା ରଅତେରି ରଅଣାଇଁ ମାନି କିଦୁ ।

୨୨ *ଏ ଆୟାସିକା ମାରୁ ଏନିକି କ୍ରୀସ୍ତଇଁ ମାନି କିହିମାନି ଲେହେଁ ମାରୁ ମୀ ତକ୍ରାୟାଣି ମାନି କିଦୁ, ୨୩ ଇଚିହ୍ନି କ୍ରୀସ୍ତ ଏନିକି କୁଲମିତି ତାୟି ଲେହେଁ, ତକ୍ରା ଜିକେଏ ଏଲେକି ତକ୍ତିନି ତାୟି ଲେହେଁତାସି, ଇଞ୍ଜା କ୍ରୀସ୍ତ ତାନି ଆଜା ଲେହେଁତି କୁଲମିତି ଗେଲ୍ପିନେସି । ୨୪ ହାଅ, କୁଲମି ଏନିକିହ୍ନି କ୍ରୀସ୍ତଇଁ ମାନି କିନେ, ଏଲେକିହ୍ନି ତକ୍ତିସିକା ଜିକେଏ ବାରେ କାତାତା ତାନି ତକ୍ରାୟାଣି ମାନି କିପୁ ।

୨୫ *ଏ ତକ୍ରାୟାଣିତେରି, କ୍ରୀସ୍ତ ଏନିକି କୁଲମିତି ଜୀଝୁ ନଡ଼େସି, ମାରୁ ଜିକେଏ ଏଲେକିହ୍ନି ମୀ ତକ୍ତିସିକାଣି ଜୀଝୁନଦୁ; ଇଚିହ୍ନି ଏଝାସି ଏଦାନାକି ତାନି ଜୀଝୁ ହାତେସି, ୨୬ ଏଝାସି କୁଲମିତି ବଲୁ ଅଡ଼େ ଏୟୁତଲେ ନରହାନା ମାହାପୁରୁ ତାକି ସୁଦୁ କିହାନା ହେରପିତେସି, ୨୭ ଏନିକି କୁଲମି ଗାହାଗାରି, ଅଡ଼େ ଦହ୍ ହିଲାଆଗାଟାୟି ଆହାନା ସୁଦୁ ଗାଟାୟି ଆନେ, ଅଡ଼େ ଏଲେକିହ୍ନି ଏ ଗାଝୁରମି ତଲେ ମାହାପୁରୁ ତାନି ତାଣା ଅନେସି । ୨୮ ଏଲେକିହ୍ନି ତକ୍ରାୟା ଜିକେଏ ତାନି ତକ୍ତିସିକାଣି ଜାହାରା ଆଜା ଲେହେଁ ଜୀଝୁନନାୟି ମାନେ, ଆମ୍ବାଆସି ଜାହାରା ତକ୍ତିନି ଜୀଝୁ ନନେସି, ଏଝାସି ଜାହାରାଇଁ ଜୀଝୁ ନନେସି; ୨୯ ଆମ୍ବାଆସି ଜିକେଏ ଜାହାରା ଆଜାତି ନାନୁ ଅପଅଁ ଇଞ୍ଜି ଇନଅସି,

ସାମା ତାନି ଆଜା ତାକି ତିନେସି ଉନେସି ଅଡ଼େ ଜାଡ଼ନ୍ତୁ ଇଚିନେସି, କ୍ରୀସ୍ତ ଜିକେଏ କୁଲମିତାକି ଏଲେକିହ୍ନି କିନେସି, ୩୦ ଏନାଆଁତାକି ଇଚିହ୍ନି ମାରୁ ତାନି ଆଜାତି ଆଜା ଉଡ଼େଲି ତାୟି । ୩୧ ଦାମ୍ବୁପତିତା ରାସ୍ତକି ଆହାମାନେ, “ଇଦାଣି ତାକି ଆବାଟି ତାଲି ତାଞ୍ଜିଇଁ ପିସାନା ଜାହାରା ତକ୍ତି ତାଣା ଆଣ୍ଡିନେସି, ଅଡ଼େ ଏ ରିଆରି ରଣ୍ଡିଏ ଆଜା ଆନେରି ।” ୩୨ ଇ ଦାମ୍ବୁ ସାଝେରିତା ରାସ୍ତକି ଆହାମାନି ତାଣା ହାରେକା ତଗୁମାନି କାତା ମାନେ, ସାମା ନାନୁ କ୍ରୀସ୍ତ ଅଡ଼େ କୁଲମିତି କାତା ଝେସିମାଞ୍ଜାଇଁ । ୩୩ ଏନାୟି ଆପେ, ମାରୁ ବାରେଜାଣା ଜାହାରା ତକ୍ତିଇଁ ଜାହାରା ଜୀଝୁ ଲେହେଁ ଜୀଝୁନଦୁ, ଇଞ୍ଜା ତକ୍ତି ଜିକେଏ ଜାହାରା ତକ୍ରାଇଁ ମାନି କିନାୟିମାନେ ।



ତାଲି ତାଞ୍ଜି ଅଡ଼େ କକାରି ପଦାଁ

୧ *କକାରି ପଦାୟାତେରି, ପ୍ରବୁତି ତାକି ମୀ ତାଲି ତାଞ୍ଜି କାତା ମାନିଆଦୁ; ଇଚିହ୍ନି ଏଡ଼ି ମିଙ୍ଗେ ତାକି ନେହାୟି । ୨ “ମୀ ତାଲି ତାଞ୍ଜିଇଁ ମାନି କିଦୁ, ଇଦି ମାହାପୁରୁ ଆଞ୍ଜାମାନି ରକାଜା ହୁକୁମି, ୩ ଏନିକିହ୍ନି ମିଙ୍ଗେ ନେହ୍ନି ଆନେ, ଇଞ୍ଜା ମାରୁ ଦାରୁତିତା ହାରେକା ଦିନା ନୀତିଦେରି ।”

୪ *ତାଲି ତାଞ୍ଜି ତେରି, ମୀ କକାରି ପଦାଁଣି କପା କିଆଦୁ, ସାମା ଏଝାରାଇଁ ପ୍ରବୁତି କାତା ଜାପଦୁ ଅଡ଼େ ସେଡ଼ନା ତଲେ ପହିକିଦୁ ।

ହଲିୟା ଅଡ଼େ ସାଝୁକାରି

୫ *ଏ ହଲିୟାଜାତେରି, ମାରୁ ଏନିକି କ୍ରୀସ୍ତଇଁ ମାନିଆଦୁ ଆହିମାଞ୍ଜେରି, ଏଲେକିହ୍ନି ଆଜି ଅଡ଼େ ତୀରୁତିହ୍ନି ତୀରି ହିୟା ତଲେ ମୀ ଦାରୁତିତି ସାଝୁକାରିୟା କାତା ଆହ୍ନୁ; ୬ ମାଣ୍ଡିଇଁ ରାହାଁ କିନିଲେହେଁ ତାନି ନକିତା ଏଦାଆଁ କିଆଦୁ, ସାମା କ୍ରୀସ୍ତତି ହଲିୟା ଲେହେଁ ହିୟା ତଲେ ମାହାପୁରୁତି ଅଣ୍ଟା ତୀରିକିଦୁ । ୭ ଝାରଇ ମାଣ୍ଡିୟାତି ସେବା କିହିମାନମି ଇଞ୍ଜି ଅଣ୍ଟାପାନା ପ୍ରବୁତି ସେବା କିନିଲେହେଁ ରାହାଁତଲେ ଏଦାଆଁ କିଦୁ, ୮ ଇଦାଆଁ ପୁଞ୍ଜାନା, ଏଝାସି କଡ଼ିତି ହଲେଏସି ଆପେସି କି ହଲେଏସି ଆଆପେସି ପ୍ରବୁ ବାରେ ଲକ୍ତୁକି ଏଝାରି ନେହ୍ନି କାମାତାକି ଏଝାରି ଏନାଆଁ ବେଟାଆନାୟି ମାନେ ଏଦାଆଁ ହାନେସି ।

୯ *ଏ ସାଝୁକାରିୟାତେରି, ହଲିୟାଜାଣି ଲାଗେଏ ତଲେ ଲେମ୍ବାଆଦୁ କି ଏଝାରାଇଁ ଆଜିକିଆଦୁ; ମାରୁ ଅଡ଼େ ମୀ ହଲିୟାଜା ବାରେଜାଣା ତେରି ଲାକପୁରୁତି ପ୍ରବୁତି ହଲିୟାଜାତେରି; ଏଝାସି ବାରେଜାଣାତି ପାରୁଡ଼ା ବାଟି କିଆନା ବିଚାରା କିନେସି ।

ମାହାପୁରୁତି ଜୁଜୁକିନି ଜୁତି

୧୦ ତାୟୁତି କାତା ଇଦି, ପ୍ରବୁ ତାଣାଟି ବାଡ଼ୟୁ ବେଟାଆହାନା ଏଝାଣି ବାଡ଼ୟୁଟି ବାଡ଼ୟୁ ଗାଟାତେରି

* ୫:୧୭ ୫:୧୭ କଲସି ୪:୫ * ୫:୧୯ ୫:୧୯ କଲସି ୩:୧୭,୧୭ * ୫:୨୨ ୫:୨୨ କଲସି ୩:୧୮; ୧ପିତ ୩:୧ * ୫:୨୫ ୫:୨୫ କଲସି ୩:୧୯; ୧ପିତ ୩:୭
* ୬:୧ ୬:୧ କଲସି ୩:୨୦ * ୬:୪ ୬:୪ କଲସି ୩:୧୧ * ୬:୫ ୬:୫ କଲସି ୩:୨୨-୨୫ * ୬:୯ ୬:୯ କଲସି ୪:୧; କଲସି ୩:୨୫

ଆଦୁ । ୧୧ ମୀରୁ ଏନିକ୍ ସୟତାନତି ବାରେ ପଲ୍ଲଆ କାମାଟି ଜୀଣା ଆୟାଲି ଆଡ଼ିଦେରି, ଏଦାଆଁତାକି ମାହାପୁରୁ ହୀହାମାଞ୍ଜାନି ଜୁଜୁକିନି ଜୁତି ବାରେ ତୁରଦୁ । ୧୨ ଇତିହ୍ ମା ଜୁଜୁ ଦାରିତତାରି କପାଟି ଆଏ, ସାମା ଲାକପୁରୁତି କାଜାପାଣା କପାଟି, ସାଲ୍ଲଞ୍ଜି କିନାରି କପାଟି ଇ ଆନ୍ଦେରିତି ପାଣାଗାଗାରି କପାଟି ଅଡ଼େ ହାରୁ ପାକାତି ପଲ୍ଲଆ ଜୀଞ୍ଜୁୟାଁ କପାଟି ଜୁଜୁ କିହିମାନାୟି । ୧୩ ଏଦାଆଁତାକି ନୀର୍ବ ମାହାପୁରୁ ହୀହାମାଞ୍ଜାନି ଜୁଜୁକିନି ଜୁତିତି ତୁରଦୁ, ଆତିହ୍ ଲାଗେଏତି ବେଲାତା ମୀରୁ ସାତୁ ନକିତା ନିଚାଲି ଆଡ଼ିଦେରି ଇଞ୍ଜା ରାନି ପାତେକା ଜୁଜୁକିହ୍ ତୀରିଆହାଁ ଡ଼ୟାଲି ଆଡ଼ିଦେରି ।

୧୪ ଇତିହ୍, ସାତାତି ଜାଟି ଟେଡେଲିତା ରୁପାକତାହାଁ, ଦାମ୍ବୁତି ବକ ପାଟା ଲେହେଁ ତୁରଦୁ, ୧୫ ହିଡ଼ଡ଼ି ହୀନି ନେହ୍ କାଟୁତାକି ଅଜିକିଞ୍ଜି ଆହାମାନି ସେପୁୟାଁ କତାଣା ତୁରହାନା ତାଂଟା ଆହାମାଞ୍ଜୁ; ୧୬ ବାରେବେଲା ନାମୁତି ଆଡୁ ପାଟା ଆସାମାଞ୍ଜୁ, ଏଦାଣି ତଲେ ମୀରୁ ସୟତାନତି ବାରେ ଡ଼ାଞ୍ଜିମାନି ଆପକାତି ହିରୁ ବାରେ ତୁପହାଲି ଆଡ଼ିଦେରି । ୧୭ ଅଡ଼େ, ଗେଲ୍ପିନି ଟପେରି ତାୟ୍ ତୁ ତୁରଦୁ ଅଡ଼େ ସୁଦୁଜୀଞ୍ଜୁତି ହିୟାତି ମାହାପୁରୁତି ବଲୁତି କାଣ୍ଡା ଆହ୍ଦୁ; ୧୮ ବାରେଲେହେଁତି ପ୍ରାତାନା ଅଡ଼େ ବାତିମାଲିନି ତାଣା ବାରେବେଲା ସୁଦୁଜୀଞ୍ଜୁ ସାୟେମି ତଲେ ପ୍ରାତାନା କିଦୁ, ଇଞ୍ଜା ବାରେ ମାହାପୁରୁ ଲକ୍ଷୁତାକି କାପୁ କାଟାନା ପ୍ରାତାନା କିହେମାଞ୍ଜୁ । ୧୯ ଅଡ଼େ, ନାଞ୍ଜେତାକି ଜିକେଏ ପ୍ରାତାନା କିଦୁ, ଏନିକ୍ ନେହ୍ କାଟୁତାକି ଦୂତୁ ସମାନା ନାନୁ, ନାଞ୍ଜେ ଏ ଡ଼ଗୁମାନାଣି ପୁଣ୍ଡି କିହାଲି ସାସାତଲେ ବଲୁ ଝେସାଲି ମାହାପୁରୁ ନା ଗୁତିତା ନେହ୍ କାଟୁ ହିୟାନେସି । ୨୦ ଅଡ଼େ ନାନୁ ଏନିକ୍ ଏମ୍ପାତି ସାତା କାତା ସାସାତଲେ ଝେସାଲି ଆଡ଼ିଇଁ ।

ଜହରା ଝେସାହାଁ ଆକୁତି ରାପ୍ନାୟି

୨୧ ✠ନା କାତା, ଇତିହ୍ ନାନୁ ଏନିକ୍ ମାଇଁ, ଇଦାଆଁ ମୀରୁ ଜିକେଏ ଏନିକ୍ ପୁଞ୍ଜାଲି ଆଡ଼ିଦେରି, ଇଦାଣି ତାକି ନା ଜୀଞ୍ଜୁତି ତାୟି ଅଡ଼େ କ୍ରୀସ୍ତୁତି କାମାତା ନାମୁତି ହ୍ଲେଏସି ତୁକିକ, ନା ବାରେ କାତା ଏଞ୍ଜାସି ଝେସ୍ତାନେସି; ୨୨ ଏ ବାରେ କାତା ଝେସାଲି ନାନୁ ଏଞ୍ଜାଣାଇଁ ମୀ ତାଣା ପାଣ୍ଡାତେଏଁ, ଏନିକ୍ ମୀରୁ ମା ବାରେ କାତା ପୁଞ୍ଜାଲି ଆଡ଼ିଦେରି ଅଡ଼େ ମୀ ହିୟାଁ ଏଞ୍ଜାଣି ତାଣାଟି ରାହାଁ ଆନେ ।

୨୩ ଆବା ମାହାପୁରୁ ଅଡ଼େ ପ୍ରୁ ଜୀସୁ କ୍ରୀସ୍ତୁଇଁ ନାମିତି ତାୟି ତାଞ୍ଜିସ୍ତାକି ହିଡ଼ଡ଼ି, ଜୀଞ୍ଜୁନନାୟି ଅଡ଼େ ନାମୁ ହିୟାପେସି । ୨୪ ଏତେକା ଲକ୍ଷୁ ମା ପ୍ରୁ ଜୀସୁ କ୍ରୀସ୍ତୁଇଁ କାଲେଏ ଜୀଞ୍ଜୁ ନନେରି, ମାହାପୁରୁତି କାର୍ମାମେହ୍ନାୟି ଏ ବାରେତାକି ଆପେ ।

✠ ୬:୨୧ ୬:୨୧ କାମା ୨୦:୪; ୨ଡ଼ିମ ୪:୧୨ ✠ ୬:୨୧ ୬:୨୧ କଲସି ୪:୭,୮

ପିଲିପୀୟ ମଣ୍ଡଳୀ ନିକଟକୁ ପାଠକଙ୍କ ପତ୍ର ପିଲିପି କୁଲମିତାକି ପାଠୁଲ ରାଚାମାନି ଆକୁ ମୂଳୁ ହାଡ଼ା

ପିଲିପି ଜୀସୁ କ୍ରୀସ୍ତ ଜାର୍ନାଆଡ଼ି ୬୧ ବାର୍ଷୀ ତାୟୁ ପାଠୁଲ ପିଲିପି କୁଲମିତି ନାମିତି ତାୟିୟାଁ ତାଣା ଆକୁ ରାଚିମାନେସି । ପାଠୁଲ ରମ୍ଭତି କାୟିଦିତା ମାଚାଟି ଇ ଆକୁ ରାଚା ତୁୟିନେସି୧:୧୩ । ପିଲିପି ଗାଡ଼ା ବିତ୍ରା ଆହାମାନି କୁଲମିତାକି ଇ ଆକୁ ରାସ୍‌କି ଆହାମାଚେ । ମାର ପାଣ୍ଡୁଆହାମାନି ପତିତା ଜିକେଏ ପିଲିପି ଆକୁତି କାତା ଇଚାଣି ପୁଞ୍ଜାଲି ଆଡ଼ିନାୟି । ପିଲିପି ମାକିଦନିୟାତି ରାଜିତି କାଜା ଗାଡ଼ା ମାଚେ । ଇଦି ମାକିଦନିୟାତା ଆଡ଼ି ମୂଳୁ କୁଲମି ମାଚେ । ପାଠୁଲ ଅଡ଼େ ସିଲା ଆଣ୍ଡ଼ି ଆହାମାନା ଇ କୁଲମି ମାଚୁହା ମାଚେରି । ଅଡ଼େ ଏମ୍ବାଆଁ ମାଚାଟି ର ଲାଆଁୟାଁ ତାକି କାୟିଦିତା ଇଚ୍‌କି ଆହାମାଚେରି କାମା ୧୬ ।

ପାଠୁଲ ଇ ଆକୁ ରାଚାଲି ହାରେକା କାତା ତୁୟିନେ । ଏଞ୍ଜାସି କାୟିଦିତା ମାନି କାତା ଖେଞ୍ଜାନା ଲକୁ ଦାନା କୃତି କିହାନା ପାଣ୍ଡାମାଚାକି କୁଲମିତି ଜହରା କିହାଲିତାକି ଆକୁ ରାଚିମାନେସି ୪:୧୦-୧୯ । ଏଞ୍ଜାସି ତାନି କାୟିଦିତା ମାନି କାତା ଖେସାନା କୁଲମିତା ତିମତି ଅଡ଼େ ଏପାପୁଦିତାଲ୍ ହେରପି ମାନେସି, ନାମିତି ତାୟିୟାଁ ଏନିକ୍ ଏଞ୍ଜାରାଲ୍ ମାନି ତଲେ ଆବିନେରି ଅଡ଼େ ଏଞ୍ଜାରି ନକିକିହା ଅନାଣି କାତା ମାନି କିନେରି୨:୧୯-୩୦ ।

ପତିତା ମାନାୟି

- ୧. ପିଲିପି କୁଲମିତି ପାଠୁଲତି ଜହରା । ୧:୧-୨
- ୨. ପାଠୁଲତି ମାଣ୍ଡି ଅଡ଼େ ଏଞ୍ଜାଣି ଅଣ୍‌ପୁ । ୧:୩-୨:୩୦
- ୩. ନାମିତି ତାୟିୟାଁ କ୍ରୀସ୍ତ ତାଣା ମାଞ୍ଜା ନୀତାଲି ଖେହ୍‌ନାୟି । ୩:୧-୪:୯
- ୪. ପାଠୁଲ ଦାନା ତାକି ପିଲିପି କୁଲମିତା ଜହରା ଖେହ୍‌ନାୟି । ୪:୧୦-୨୩

ପାଠୁଲତି ଜହରା ଅଡ଼େ ପ୍ରାତାନା

୧ *ପାଠୁଲ ଅଡ଼େ ତିମତି, କ୍ରୀସ୍ତ ଜୀସୁତି ରୀ ହଲିୟାଙ୍ଗା, ପିଲିପି ଗାଡ଼ାତା ମାନି କ୍ରୀସ୍ତ ଜୀସୁ ତାଣା ତୁୟାମାନି ମାହାପୁରୁ ଲକୁ ଅଡ଼େ କୁଲମିତି କାଜାରି, ଇଞ୍ଜା କୁଲମିତି ସେବା କିନାରାକି ଇ ଆକୁ ରାସ୍‌କି ଆହାମାନେ ।

୨ ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ନାମେହ୍‌ନାୟି ଇଞ୍ଜା ହିଡ଼ି ଜୀସୁ ମିଙ୍ଗେତାକି ଆୟାପେ ।

ପାଠୁଲତି ପ୍ରାତାନା

* ୧:୧ ୧:୧ କାମା ୧୭:୧୨ * ୧:୧୩ ୧:୧୩ କାମା ୨୮:୩୦

୩ ନାନୁ ମିଙ୍ଗେ ଏଚର ଦେବା ଅଣ୍‌ପି ମାଞ୍ଜାଲ୍, ଏଚର ଦେବା ନା ମାହାପୁରୁଲ୍ ଜହରା କିହିମାଲ୍ । ୪ ନାନୁ ବାରେଦିନା ମିଙ୍ଗେତାକି ପ୍ରାତାନା କିନାଟି ନାନୁ ହାରେକା ରାହାତଲେ ପ୍ରାତାନା କିହିମାଲ୍, ୫ ଏନାଆଁତାକି ଇଚିହିଁ ମୀ ମୂଳୁ ଦିନାଟିଏ ନୀର୍ବ ପାତେକା ନେହିଁ କାରୁ ଖେକ୍‌ହାଲି ମୀରୁ ନାଙ୍ଗେ ସାୟେମି କିହିମାଞ୍ଜାଦେରି, ୬ ଏନାଆଁତାକି ନାନୁ ଇ କାତାତି ସାତା ଇଞ୍ଜା ଅଣ୍‌ପିମାଲ୍, ଆମିନି ପ୍ରବୁ ମୀ ତାଣା ଇ ନେହିଁ କାମା ମାଚୁହାମାନେସି, କ୍ରୀସ୍ତ ଜୀସୁତି ଖେଣ୍ଡାଞ୍ଜାନ୍ତି ଦିନା ରାନ୍ତି ପାତେକା ଏଞ୍ଜାସି ଏନାଆଁ କିନେସି । ୭ ଅଡ଼େ ମୀ ବାରେତାକି ନା ଇଲେତି ଅଣ୍‌ପିନାୟି ମାନେ, ମୀରୁ ବାରେ ଏନିକ୍ ନା ତଲେ ନେହିଁ କାରୁ ଖେକ୍‌ନି କାୟିଦିତା ଆଣ୍ଡ଼ିମାଞ୍ଜାଦେରି, ଅଡ଼େ ଏମ୍ବାତି ସାତା ପାରମାଣା ତସାଲି ନା ତଲେ ଆଣ୍ଡ଼ିମାଞ୍ଜାଦେରି, ଏନାଆଁତାକି ନାନୁ ନା ହିୟାତା ମିଙ୍ଗେ ଆବାମାଞ୍ଜାଲ୍ । ୮ ମୀ ବାରେଜାଣା ତାକି ହାରେକା ଜୀସୁ ନନାଣି କ୍ରୀସ୍ତ ଜୀସୁ ତାଣାଟି ବେଟାଆହାମାଲ୍ ଇଞ୍ଜା ଏଚିବେଲାତା ନାନୁ ଖେହ୍‌ଲ୍, ଏଦି ସାତା, ଏନାଆଁତାକି ମାହାପୁରୁ ନା ସାକି ।

୯ ଅଡ଼େ, ନା ପ୍ରାତାନା କିନାୟି ଇଦି, ମୀ ଜୀସୁନନାୟି, ନେହିଁ ବୁଦି ପୁନାୟି, ଅଡ଼େ ବାରେ ନେହିଁ ଅଣ୍‌ପୁ ହାରେ ହାରେକା ପାତା ଆପେ, ୧୦ ଏନିକିହିଁ ମୀରୁ ଏନାୟି ନେହାୟି ଏନାଆଁ ଆଚାଲି ଆଡ଼ିଦେରି, ଆଡ଼ିହିଁ ମୀରୁ କ୍ରୀସ୍ତତି ଞ୍ଜାନ୍ତି ଦିନାତା ସୁଦୁ ଗାଟାଚେରି ଆଦେରି, ଅଡ଼େ ନିୟା ଗାଟାଚେରି ଆଅଚେରି, ୧୧ ମାହାପୁରୁତି ଗାଢୁରମି ଇଞ୍ଜା ନେହିଁ ଖେହ୍‌ନାଣି ତାକି ମୀ ଜୀସୁ ଜୀସୁ କ୍ରୀସ୍ତ ହାହାମାନି ବାରେ ନେହିଁ ଗୁଣୁ ବେଟାଆଚେନ ।

କ୍ରୀସ୍ତ ତାଣା ନୀତିନାୟି

୧୨ ତାୟି ତାଙ୍ଗିସ୍ତାଚେରି, ନାଙ୍ଗେତାକି ଏନା ଏନାୟି ଆହାମାଞ୍ଜାନେ, ଏ ବାରେ ନେହିଁ କାରୁ ପାତାଆହାଲି ତାକି ଆହାମାନେ, ଇଦାଆଁ ନାନୁ ମିଙ୍ଗେ ପୁଣ୍‌ମି କିହାଲି ଅଣ୍‌ପିମାଲ୍; ୧୩ ଇଚିହିଁ ନାନୁ କାୟିଦିତା ମାଚାୟି କ୍ରୀସ୍ତ ତାକି, ଏଦି ରାଜା ଇଲୁତା କାଃଆନି ବାରେ କସ୍‌କା ଇଞ୍ଜା ଏଚ୍‌କାତି ବାରେଜାଣା ନକିତା ତଞ୍ଜାଆଡ଼େ; ୧୪ ଅଡ଼େ ଜିକେଏ ହାରେକା ତାୟି ତାଙ୍ଗିସ୍ତା ନାନୁ କାୟିଦିତା ମାନାକି, ମାହାପୁରୁ ତାଣା ବାର୍ସୁ ଇଚାନା ଆଜାଆନା ମାହାପୁରୁତି କାରୁ ଖେକ୍‌ହାଲି ହାରେକା ସାସା ଗାଟାରି ଆହାମାନେରି ।

୧୫ ଆମ୍ବା ଆମ୍ବାଆରି ତାହାରା ଅଡ଼େ ଗଡ଼ହା ତାକି କ୍ରୀସ୍ତତି କାତା ଖେକ୍‌ହି ମାନେରି ସାତା, ସାମା ଆମ୍ବା ଆମ୍ବାଆରି ସାତା ତଲେ କିହିମାନେରି; ୧୬ ନାଙ୍ଗେ ନେହିଁ କାରୁତି ସାକି ଆହାଲିତାକି ମାହାପୁରୁ ଆଚାମାଞ୍ଜାଚେସି, ଏନାଆଁ ପୁଞ୍ଜାନା ସାତା ଜୀସୁ ନନାଣି ତାକି ଏନାଆଁ କିନେରି, ୧୭ ଏଚ୍‌କାତାରି ମାନି ତଲେ କ୍ରୀସ୍ତତି ବଲୁ ଖେହ୍‌ଆନା ଜାହାରା ଲାଡ଼ା ତାକି କିହିମାନେରି । ନାନୁ କାୟିଦିତା ମାନାଟି ନା ହିୟାତା ହାରେକା କସ୍ତ ହାହାଲି ଏଞ୍ଜାରି ଏନାଆଁ କିହିମାନେରି ।

୧୮ ବାଦା ହିଲେଏ ? ତାହାରା ତଲେ ଆପେ କି ନେହେଁ ତଲେ ଆପେ କ୍ରୀସ୍ତ ସାତେଏ ଝେଜିମାନେସି, ଏଦାଆଁତାକି ନାନୁ ରାହାଁ କିହିମାଇଁ, ଅଡ଼େ ଜିକେଏ ରାହାଁ କିହିମାଇଁ ।

୧୯ ଇଚିହିଁ ନାନୁ ପୁଞ୍ଜାମାଇଁ, ମୀ ପ୍ରାତାନା ଇଞ୍ଜା ଜୀସୁ କ୍ରୀସ୍ତୁତି ସୁଦୁଜୀସୁତି ସାଝେମି ତଲେ ନା ଗେଲପିନାୟି ଆନେ, ୨୦ ଏଦାଆଁତାକି ନା ରଣ୍ଡିଏ ଆସା ଅଡ଼େ ବାସୁ ମାନେ, ନାନୁ ଏନି କାତାତା ଜିକେଏ ଲାଜା ଆଅଁ, ସାମା କାଲେଏ ଏନିକିଁ ଆହିମାଚେଏ, ନୀଏଁ ଜିକେଏ ଏଲେକିଁ ହାରେକା ବାଡ଼ୁୟୁ ତଲେ ହାଡ଼ିହିଁ କି ଜୀସୁ ମାଚିହିଁ, କ୍ରୀସ୍ତୁଇଁ ନା ଆଜା ତଲେ ଗାଝୁରମି କିଇଁ । ୨୧ ଇଚିହିଁ ନା ନୀତାମାନାୟି ଖାରଇ କ୍ରୀସ୍ତ, ଏଦାଆଁତାକି ନାନୁ ହାନାୟି ନାଜେତାକି ଲାବା । ୨୨ ସାମା ନାନୁ ଆଜା ତଲେ ନୀତା ମାଞ୍ଜାନା ହାରେକା ପାଡ଼େୟି ଆୟାଲି ଆଡ଼ିଇଁ, ଆଡ଼ିହିଁ ନୀତାମାନାଣି କି ହାନାଣି ବାଚି କିଇଁ ନାନୁ ପୁଞ୍ଜାଲି ଆଡ଼ିହିଲଅଁ । ୨୩ ନାନୁ ରୀ ଖାକି ରେସକି ଆହିମାଇଁ; ଇ ଜୀସୁତି ପିସାନା କ୍ରୀସ୍ତ ତଲେ ମାଞ୍ଜାଲି ଅଣ୍ଡିମାଇଁ, ଏଡ଼ି ହାରେକା ନେହାୟି; ୨୪ ସାମା ନାନୁ ଆଜା ତଲେ ମାନାୟି ମିଜେତାକି ହାରେକା ଲଡ଼ାମାନେ । ୨୫ ନାନୁ ନେହିଁକିଁ ପୁଞ୍ଜାମାଇଁ, ନାନୁ ଡ଼ୟିଇଁ, ହାଅ ମୀ ନାମୁ ଅଡ଼େ ରାହାଁତି ପାଡ଼ିକିହାଲି ମୀ ବାରେ ତଲେ ଡ଼ୟିଇଁ, ୨୬ ଏନିକିଁ ମୀ ବିତ୍ରା ନା ଝେଶ୍ଟା ଖାଡ଼ାକି ନା ତାଣାଟି କ୍ରୀସ୍ତ ଜୀସୁ ତାଣା ମୀ ବତପଣ ଗାଡ଼ିଆନେ ।

୨୭ ନା ଅଣ୍ଡପୁ ଇଦି, କ୍ରୀସ୍ତୁତି ନେହିଁ କାରୁତି ଜଗେତି ଲକୁ ଲେହେଁ ନୀତାଦୁ, ଏନିକିଁ ନାନୁ ମୀ ତାଣା ଖାହାନା କି ହେକ ମାଞ୍ଜାନା ମୀ କାତା ଝେଞ୍ଜାହାଁ ପୁଞ୍ଜାଲି ଆଡ଼ିଇଁ, ମୀରୁ ବାରେତେରି ରଣ୍ଡିଏ ଜୀସୁ ରଣ୍ଡିଏ ଅଣ୍ଡପୁ ତଲେ ତାରିଆହାନା ନେହିଁ କାରୁତି ନାମୁ ତାକି ଜୁଜୁ କିହିମାଞ୍ଜେରି, ୨୮ ଇଞ୍ଜା ମିଜେ କସ୍ତ ନିନ୍ଦା ହାହିମାଞ୍ଜାନି ସାଡ଼ୁୟାଇଁ ଏତେଲାଞ୍ଜା ଆଜାଆଦୁ; ଏଡ଼ି ଏଞ୍ଜାରି ନାସା ଆନାୟି, ସାମା ମିଜେତାକି ଗେଲପିନାୟି ମାହାପୁରୁ ହାହାମାନି ର ସିନା; ୨୯ ଇଚିହିଁ କ୍ରୀସ୍ତ ତାଣା ଖାରଇ ନାମାଲି ତାକି ମୀରୁ ପାରୁ ମେଡ଼ା ଆହାମାଞ୍ଜେରି, ଏଡ଼ି ଆଏ, ସାମା ଏଞ୍ଜାଣି ତାକି ଦୁକୁ ବେଟାଆହାଲି ଜିକେଏ କାର୍ମା ମେଡ଼ା ଆହାମାଞ୍ଜାନେ; ୩୦ *ଅଡ଼େ ନାନୁ ଏନିକିଁ ଜୁଜୁ କିହିମାଚାଣି ମେସାମାଞ୍ଜାତେରି, ଇଞ୍ଜା ନୀଏଁ ଜିକେଏ କିହିମାନେସି ଇଞ୍ଜା ଝେଞ୍ଜିମାଞ୍ଜେରି, ଏଲେକିହିଁ ମୀରୁ ଜିକେଏ ଜୁଜୁ କିଦୁ ।

୨

କ୍ରୀସ୍ତୁତି ମାଣ୍ଡକି ଅଡ଼େ କାଜାପାଣା

୧ କ୍ରୀସ୍ତ ତଲେ ମାନାକି ମୀରୁ ଜୀସୁତା ବାସୁ ବେଟାଆହାମାଞ୍ଜେରି, ଅଡ଼େ ତାନି ଜୀସୁନନାୟି ମିଜେ ସାସା ହାହିମାଞ୍ଜାନେ । ମୀରୁ ସୁଦୁଜୀସୁତା ଆଣ୍ଡିମାଞ୍ଜେରି ପୁଞ୍ଜିମାଞ୍ଜେରି ଅଡ଼େ ରଅତେରି ରଅଣାକି ମୀ ଜୀସୁନନାୟି ଅଡ଼େ କାର୍ମାମେହନାୟି ମାନେ, ୨ ନାନୁ ମିଜେ

ବାଡ଼ିମାଲିମାଞ୍ଜାଇଁ ମୀରୁ ରଣ୍ଡିଏ ଅଣ୍ଡପୁ ତଲେ, ରଣ୍ଡିଏ ଜୀସୁ ନନାଣି ତଲେ, ରଣ୍ଡିଏ ହିୟାଁ, ରଣ୍ଡିଏ ଅଣ୍ଡପୁ ଆହାନା ନାଜେ ରାହାଁ କିୟାଦୁ, ୩ ମୀରୁ ମିଜେତାକି ନେହାଁଣି ଜୁପକା ଇଞ୍ଜା ହାରେକା ବତପଣ ତସାଲି ଏନାଆଁ କିଆଦୁ, ସାମା ସୁଦୁ ହିୟାଁ ଗାଟାତେରି ଆହାନା ଏଟକା ଲକୁଇଁ ନା କିହାଁ କାଜାସି ଇଞ୍ଜା ଅଣ୍ଡପାଦୁ; ୪ ମୀରୁ ବାରେତେରି ଖାରଇ ମିଜେତାକି ନେହିଁ ଆନାଣି ଅଣ୍ଡପାଆନା ଏଟକା ଲକୁତି ନେହାଁଣି ଜିକେଏ ଅଣ୍ଡପାଦୁ । ୫ କ୍ରୀସ୍ତ ଜୀସୁତି ଏନିଲେହେଁତି ଅଣ୍ଡପୁ ମାଚେ ମୀ ଅଣ୍ଡପୁ ଜିକେଏ ଏଲେତାୟିଏ ଆଡ଼େ;

- ୬ ଏଞ୍ଜାସି ମାହାପୁରୁ ଆଡ଼ିହିଁ ଜିକେଏ, ମାହାପୁରୁ ତଲେ ସମାନା ଆହିଁ ମାଞ୍ଜାଲି ଅଣ୍ଡପାଆନା ତାନି ଏ ଅଦିକାରା ପିସେସି,
- ୭ ସାମା ଏଞ୍ଜାସି ମାଣ୍ଡସି ଖାଣା ଆହାନା ହଲେଏସି ଲେହେଁ ଆଡ଼େସି । ମାଣ୍ଡସିଲେହେଁ ଆହାନା ମାଣ୍ଡସି ଖାଣା ତଲେ ତଞ୍ଜାଆଡ଼େସି;
- ୮ ଏଞ୍ଜାସି ମାଣ୍ଡସିଲେହେଁ ତଞ୍ଜାଆହାନା ହାନି ପାତେକା, ହାଅ, ପାସି ମୁଣ୍ଡାତା ଲେପିଆହାଁ ହାନି ପାତେକା ହୁକୁମି ମାନଞ୍ଜି ଆଡ଼େସି ଇଞ୍ଜା ତାନୁଏ ତାଜେ ଡ଼ଣା କିହା କଡ଼ିତେସି ।
- ୯ ଏଦାଆଁତାକି ମାହାପୁରୁ ଏଞ୍ଜାଣାଇଁ ବାରେକିହାଁ କାଜାସି କିହାମାନେସି, ଇଞ୍ଜା ବାରେ ଦରକା କିହାଁ କାଜା ଦରୁ ଏଞ୍ଜାଣାକି ହାହାମାନେସି,
- ୧୦ ଏନିକିଁ ଲାକପୁରୁ ଅଡ଼େ ଦାର୍ଡିତା ଅଡ଼େ ଦାର୍ଡିତି ଡ଼ଇ ମାନାଇଁ; ଏ ବାରେ ଜୀସୁ ଦରୁତା ମେଣ୍ଡାକୁତାନା ଜହରା କିନୁ,
- ୧୧ ଅଡ଼େ ଆବା ମାହାପୁରୁତି ଗାଝୁରମି ତାକି ବାରେଜାଣା ତାନି ଗୁତି ତଲେ ଜୀସୁ କ୍ରୀସ୍ତ ପ୍ରବୁ ଇଞ୍ଜା ଜଳିନେରି ।

ଦାର୍ଡିତା ଉଜେଡ଼ି ଲେହେଁ ଡ଼ାଞ୍ଜାଦୁ

୧୨ ନା ଜୀସୁତି ତଣେସିଜା, ମୀରୁ ବାରେବେଲା ନାଜେ ମାନଞ୍ଜି ଆହିମାଞ୍ଜାଦେରି, ଇଚିହିଁ ନା ନକିତା କିନିଲେହେଁ ଆଏ, ସାମା ନୀଏଁ ନା ହିଲାଆ ବେଲାତା ହାରେକା ଆଜିତଲେ ତୀରୁଗିହିଁ ମୀରୁ ଗେଲପି ଆହାଲି ତାଲି କାମା କିଦୁ ୧୩ ଇଚିହିଁ ମିଜେ ତାନି କାମା କିହାଲିତାକି ଇଟା ଅଡ଼େ ବାଡ଼ୁୟୁ କିହାଲିତାକି ମାହାପୁରୁ ତାନୁଏ ମୀ ତାଣା କାଲେଏ କାମା କିହିମାନେସି ।

୧୪ ମୁରୁ ମୁରୁ ଅଡ଼େ ବାଡ଼ିବାଦା ଆଆନା ମୀ ବାରେ କାମା କିଦୁ, ୧୫ ଏଲେକିତିହିଁ ମୀରୁ ଦହ ହିଲାଆଗାଟାତେରି ଅଡ଼େ ସୁଦୁ ଗାଟାତେରି ଆହାନା, ଇ ଲାଗେଏତାଣି ତଲେ ନାଡ଼ିକିନି ଲକୁ ବିତ୍ରା ମାହାପୁରୁତି ଦହ ହିଲାଆଗାଟି ମୀରକା ମାସକାତେରି ଆଦେରି; ଏଞ୍ଜାରିତାଣା ମୀରୁ ଜୀସୁତି ବଲୁ ଆସାନା ଦାର୍ଡିତି ଉଜେଡ଼ି ଲେହେଁ ମୀରୁ ତଞ୍ଜା ଆହିମାଞ୍ଜେରି; ୧୬ ଏମ୍ବାଟି ନାନୁ ଉଜେଏ ହଟି ହିଲଅଁ କି

☆ ୧:୩୦ ୧:୩୦ କାମା ୧୭:୧୯-୪୦

ଉଦ୍ଦେଶ୍ୟ କାମା କିହିଲୁଅଁ, ଏ ବାରେତାକି କ୍ରୀସ୍ତତି ଦିନାତା ବତପଣ କିହାଲି ଆଡ଼ିଲ୍ ।

୧୭ ନା ନେତେରି ମୀ ନାମୁ ତାକି ସେବାତା ଗସାଲି ପୂଜା ହୀନି ନେତେରିଲେହେଁ ଡ଼ାଞ୍ଜାଲି ଆହିମାନେ, ଆତିହିଁ ନାନୁ ରାହାଁ ଆହିମାଇଁ, ଅଡ଼େ ମୀ ତଲେ ଆଶ୍ଵାନା ରାହାଁ କିହିମାଇଁ, ୧୮ ଅଡ଼େ ଏଲେକିହିଁ ମୀରୁ ରାହାଁ କିଦୁ ଇଞ୍ଜାଁ ନା ତଲେ ରାହାଁ କିଦୁ ।

ତିମତି ଅଡ଼େ ଏପାପୁଦିତ

୧୯ ସାମା ନାନୁ ତିମତିଲ୍ ତବେ ପାଶ୍ଵାଇଁ ଇଞ୍ଜାଁ ପ୍ରବୁ ଜୀସୁ ତାଣା ଆସା କିହାମାଇଁ, ଏନିକିଁ ମୀ କାତା ଖେଞ୍ଜାନା ନାନୁ ଜିକେଏ ରାହାଁ ଆଲ୍ । ୨୦ ଏଞ୍ଜାସି ରଥସିଏ ନା ଲେହେଁତି ଅଣ୍ଠପୁ ଗାଟାସି ଇଞ୍ଜାଁ ଏଞ୍ଜାସି ସାତେଏ ମିଜେତାକି ଅଣ୍ଠପି ମାଞ୍ଜାନେସି । ୨୧ ଇତିହିଁ ବାରେଜାଣା ଜୀସୁ କ୍ରୀସ୍ତତି ସେବା କିହାଲି ଅଣ୍ଠପାଆନା, ଖାରୁଇ ତାମି ନେହାଁଣି ପାରାଲି ଅଣ୍ଠପିନେରି । ୨୨ ତିମତି ତାୟିପାରି କିନିତାଣା ଜୀଣା ଆହାମାନାସି ଏଦାଆଁ ମୀରୁ ପୁଞ୍ଜାମାଞ୍ଜେରି; ମୀରୁଏସି ଆବାତି ସେବା କିନିଲେହେଁ, ଏଞ୍ଜାସି ନେହିଁ କାରୁ ଖେକନି କାମାତା ନା ତଲେ ସେବା କିହାମାଚେସି । ୨୩ ଇତିହିଁ ନାଜେତାକି ଏନାୟି ଆନେ, ଏଦାଆଁ ପୁଟିସାରେ ଏଞ୍ଜାଣାଇଁ ମୀ ତାଣା ପାଶ୍ଵାଇଁ ଇଞ୍ଜାଁ ଆସା କିହିମାଇଁ; ୨୪ ପ୍ରବୁ ତାଣା ବାସୁ କିହିମାଇଁ ନାନୁ ଜିକେଏ ମୀ ତାଣା ତବେ ଖାଇଁ ।

୨୫ ସାମା ନାନୁ ନା ତାୟି, ନା ତଲେ କାମାକିନାସି, ନା ଖାକିଟି ଜୁଜୁ କିନାସି, ଇଞ୍ଜାଁ ନା ଲଡ଼ାମାନାଣି ସାୟେମି କିହାଲି ମୀ ତାଣାଟି ପାଶ୍ଵାଞ୍ଜିଆହାମାନି ସେବାକିନି ଏପାପୁଦିତାଇଁ ମୀ ତାଣା ପାଶ୍ଵାଲି ଅଣ୍ଠପିମାଇଁ; ୨୬ ଇତିହିଁ ଏଞ୍ଜାସି ବାରେତେରି ମିଜେ ମେସାଲି ହାରେକା ଅଣ୍ଠପିମାନେସି, ଅଡ଼େ ଏଞ୍ଜାସି ଆଡ଼ିହିଲଅସି ଇଞ୍ଜାଁ ଖେଟାକି ହାରେକା କିଲିବିଲି ଆହିମାନେସି; ୨୭ ହାଅ, ଏଞ୍ଜାସି ହାନିଲେହେଁ ଆହାମାଚେସି, ସାମା ମାହାପୁରୁ ଏଞ୍ଜାଣାଇଁ କାର୍ମା ମେସେସି, ଏଞ୍ଜାଣାଇଁଦେହେଁ ଆଏ ସାମା ଏନିକିଁ ନାଜେ ଦୁକୁ ଲାକ ଦୁକୁ ଖାଏ ଏଦାଆଁତାକି ନାଜେ ଜିକେଏ କାର୍ମା ଆୟାଚେସି । ୨୮ ଏଦାଆଁତାକି ମୀରୁ ଏଞ୍ଜାଣାଇଁ ଖେଣ୍ଡେ ମେସାନା ରାହାଁ ଆଦେରି ଇଞ୍ଜାଁ ନା ଦୁକୁ ଏନିକିଁ ଉଣା ଆନେ, ଏଦାଆଁତାକି ନାନୁ ଏଞ୍ଜାଣାଇଁ ପାଶ୍ଵାଲି ହାରେକା ଜାଡ଼ନୁ ଆଡେଏ । ୨୯ ଏଦାଆଁତାକି ମୀରୁ ଏଞ୍ଜାଣାଇଁ ପ୍ରବୁତି ଦରୁତଲେ ହାରେକା ରାହାଁତଲେ ଆବାଦୁ, ଇଞ୍ଜାଁ ଇଲେତି ଗୁଣ୍ଡୁଗାଟି ଲକୁଣି ମାନି କିଦୁ; ୩୦ ଏଦାଆଁତାକି ଇତିହିଁ ମୀରୁ ନାଜେ ଏମିନି ସାୟେମି କିହାଲି ଆଡ଼ାଆତାଣି, ଏଦାଆଁ କିହାଲି ଏଞ୍ଜାସି କ୍ରୀସ୍ତତି କାମାତା ତାନି ଜୀସୁତି ବାଦା ହୀହାନା ହାନିଲେହେଁ ଆହାମାଚେସି ।

୩

ସାତା ତାରିଗାଟାୟି

୧ ନା ତାୟି ଅଡ଼େ ତାଜିସ୍ଵାତେରି, ବାରେତି ତାୟୁ ପ୍ରବୁ ତାଣା ରାହାଁ କିଦୁ, ରଲେଏତି କାତା ଅଲେ ଅଲେ ରାଡ଼ାଲି ନାଜେତାକି ଖାହୁ ହଟିମାଞ୍ଜେଏ, ସାମା ଏ ବାରେ ମୀ ନେହେଁତାକି ଲଡ଼ାମାନେ । ୨ ଲାଗେଏ ପଲେଏ କାମାକିନାରି ତାଣାଟି, ନେସକାଟି ଜାଗ୍ରାତା, ଏ ତଲୁ ଦାଃଆନାରି ତାଣାଟି ଜାଗ୍ରାତା; ୩ ଏନାଆଁତାକି ଇତିହିଁ ମୀର ସାତେଏ ତଲୁ ଦାପି ଆହାମାନାତାୟି, ଇତିହିଁ ମୀର ସୁଦୁଜୀସୁତି ସାୟେମି ବେଟାଆହାନା ମାହାପୁରୁଇଁ ସେବା କିହିମାନାୟି, ଇଞ୍ଜାଁ ଆଜ୍ଞାତି ଲଡ଼ା ଆନି ମେରା ବାସୁ କିଆନା କ୍ରୀସ୍ତ ଜୀସୁ ତାଣା ବତପଣ ଆନ । ୪ ନାନୁ ଆଜ୍ଞାତି ପାଣାପାଟୁତା ଜିକେଏ ବାସୁ ଇଟାଲି ଆଡ଼ିତେଏମା; ଅଡ଼େ ଆମ୍ବାଆସି ଆଜ୍ଞାତି ମେରାତା ବାସୁ ଇଟାଲି ଆଡ଼ିତେଏମା ଇଞ୍ଜାଁ ଅଣ୍ଠପିନେସି, ଆତିହିଁ ନାନୁ ଏଞ୍ଜାଣି ଆଗାଡ଼ା ଆଡ଼ିଲ୍; ୫ ନାନୁ ଜାର୍ନା ଆହାଁ ଆଟାଦିନା ଆହାଲିଏ ତଲୁ ଦାପି ଆଡ଼ାତେଏ, ଇଞ୍ଜାଁ ଇସାୟେଲ ଲକୁତି ବିନ୍ୟାମିନ୍ କୁଡ଼ାତା ଜାର୍ନା ଆଡ଼ାତେଏ, ମା ଆକୁ ଆବାୟାଁ ର ଏବ୍ରିୟ ଲକୁ ମାଚେରି, ମେରା ମାନଖି ଆନି ତାଣାଟି ନାନୁ ର ପାରୁସି ଲକୁତେଏ, ୬ ହାରେକା ରାହାଁତଲେ ନାନୁ କ୍ରୀସ୍ତାନା କୁଲମିତି ସାସି ହୀନାତେଏ, ଇଞ୍ଜାଁ ମସାତି ମେରାତି ଦାର୍ମୁତା ନାନୁ ଦହ ହିଲାଆଗାଟତେଏ ତଞ୍ଜା ଆହିମାଚେଏ । ୭ ସାମା ଏନାୟି ନାଜେତାକି ଲାବା ମାଚେ, ଏ ବାରେତି ନାନୁ କ୍ରୀସ୍ତତି କସମି ଉଦ୍ଦେଶ୍ୟତାୟି ଇଞ୍ଜାଁ ଅଣ୍ଠପାମାଇଁ । ୮ ନାନୁ ନା ପ୍ରବୁ ଜୀସୁ କ୍ରୀସ୍ତତି ବୁଦି ହାରେକା ଦାରାଗାଟାୟି ଇଞ୍ଜାଁ ପୁଞ୍ଜାନା ଏଟକାତାଣି ଉଦ୍ଦେଶ୍ୟତାୟି ଇଞ୍ଜାଁ ପିସାଡୁସେଏ; ଏଞ୍ଜାଣି କସମି ବାରେ ହିଲାଆଗାଟାଣି ଅରୁହିତେଏ ଅଡ଼େ ଏ ବାରେ ତୁକି ଗମ୍ଭୁଲେହେଁ ଆଡେଏ, ଏନିକିଁ ନାନୁ କ୍ରୀସ୍ତଇଁ ମେଡ଼ାଆଇଁ, ଇଞ୍ଜାଁ ତାନି ଲକୁ ଇଞ୍ଜାଁ ତଞ୍ଜା ଆଇଁ । ୯ ଅଡ଼େ ମସାତି ମେରା ମାନଖି ଆହାଁ ତାରିଗାଟାଣି ମେଡ଼ା ଆଆନା, ଏନିକିଁ ନାନୁ କ୍ରୀସ୍ତ ତାଣା ନାମିନି ତାଣାଟି ମାହାପୁରୁ ହୀହାମାଞ୍ଜାନି ନାମୁତି ତାରିଗାଟାଣି ମେଡ଼ାଆଇଁ, ୧୦ ଏନିକିଁ ନାନୁ ଏଞ୍ଜାଣାଇଁ ତାନି ଖେଣ୍ଡେ ନିଜିତି ବାଡ଼ୁ ଇଞ୍ଜାଁ ଏଞ୍ଜାଣି ହାକିତା ଏଞ୍ଜାଣିଲେହେଁ ଦୁକୁ କସତା ଆଣ୍ଡିନାଣି ପୁଞ୍ଜାଲି ଆଡ଼ିଲ୍, ୧୧ ଏଦାଣିତାକି ହାଡ଼ାରି ତାଣାଟି ନାଜେ ନିକହାନେସି ଇଞ୍ଜାଁ ଆସା କିହିମାଇଁ ।

ଗୁରି ଇଟାମାନି ଟାୟୁତା ହଣ୍ଡାନାୟି

୧୨ ନାନୁ ନୀଏ ଏ ବାରେ ବେଟାଆହାମାଇଁ ଇଞ୍ଜାଁ ନେହାଁତେଏ ଆହାମାଇଁ, ଏଦି ଆଏ, ସାମା କ୍ରୀସ୍ତ ଜୀସୁ ତାଣାଟି ଆଡ଼ି ଆହାମାନାକି ଏଦାଆଁ ଆସାଲି ହଟିମାଇଁ । ୧୩ ନା ତାୟି ଅଡ଼େ ତାଜିସ୍ଵା ନାନୁ ନୀଏ ପାତେକା ଆସାମାଇଁ ଇଞ୍ଜାଁ ଅଣ୍ଠପି ହିଲଅଁ, ସାମା ନାନୁ ର କାମା କିହିମାଇଁ, ଇତିହିଁ ତାୟୁ ମାନି ବାରେ କାତା ହେକ କିହାନା ନକିତା ମାନାଣି ମେସାନା ହଟିମାଇଁ, ୧୪ କ୍ରୀସ୍ତ ଜୀସୁ ସାୟେମି ତଲେ ଏମିନି ଲାକପୁରୁତି ବେଟାଆହାଲି ତାକି ମାହାପୁରୁ

☆ ୩:୫ ୩:୫ ରମି ୧୧:୧; କାମା ୨୩:୬; ୨୬:୫ ☆ ୩:୭ ୩:୭ କାମା ୮:୩; ୨୨:୪; ୨୬:୯-୧୧

ନାଙ୍ଗେ ହାଟାମାଞ୍ଜାନେସି ଏ ଦାନା ବେଟାଆହାଲି ତାକି ଗୁରି କିହାମାନି ଟାୟୁ ଖାକି ଜୀଝୁ ତୁସାନା ହଟିମାଈ ।

୧୫ ଏଦାଆଁତାକି ଖାଦୁ, ମାର ଏଚେକା ଲକୁ ଟିକାଣା ଗାଟାତାୟି, ଇଲେତି ମନତଲେ ଅଣ୍ଠିପିନ, ସାମା ଏ ବାରେ କାତାତାକି ମୀ ଏଟକାତି ଅଣ୍ଠପୁ ମାଟିହୁଁ, ଆତିହୁଁ ଇଦାଆଁ ଜିକେଏ ମାହାପୁରୁ ମୀ ନକିତା ପୁଣ୍ଠି କିୟାନେସି; ୧୬ ନୀଞ୍ଜୁପାତେକା ମାର ଏମିନି ମେରା ମାନୁଞ୍ଜି ଆହାନା ଖାହାମାନାୟି, ଏଲେକିହୁଁ ଏ ନକିତା ହାଜାଅନ ।

୧୭ *ତାୟି ତାଙ୍ଗିସ୍ତା ମାରୁ ବାରେ ଆଣୁଞ୍ଜି ଆହାନା ନା ଲେହେକି ତାକାଦୁ, ଇଞ୍ଜା ମା ତାଣା ଏମିନି ତାରିଗାଟାଣି ମେସିମାଞ୍ଜେରି ଇଞ୍ଜା ଆମିନି ଗାଟାରି ଏଲେକିହୁଁ ତାକିନେରି ଏଞ୍ଜାରାଇଁ ସିନିକିଦୁ । ୧୮ ଇତିହୁଁ ହାରେକା ଇଲେକି ମାନେରି, ଆମ୍ବାଆରି ମାଣ୍ଡକିତି କାତା ଅଲେ ଅଲେ ମିଙ୍ଗେ ଖେସାମାଞ୍ଜାଇଁ, ଇଞ୍ଜା ନୀଏଁ ଜିକେଏ ମିଙ୍ଗେ ଡାହି ଡାହିଁ ଖେସିମାଞ୍ଜାଇଁ, ଏଞ୍ଜାରି ବାରେ କ୍ରୀସ୍ତତି ପାସି ମୁଣ୍ଡାତି ସାତୁ ଆହାମାନେରି; ୧୯ ଏଞ୍ଜାରି ବାରେ ନକିତା ନାସା ଆନାରି, ଆଙ୍ଗାତି ଅଣ୍ଠପୁ ଏଞ୍ଜାରି ମାହାପୁରୁ, ଏନାୟି ଲାଜାଗାଟାୟି ଏଦାଆଁତାକି ଏଞ୍ଜାରି ବତପଣ କିନେରି, ଇଞ୍ଜା ଦାବୁତି ତାଣି ବାରେ ଅଣ୍ଠପେ ମାନେରି । ୨୦ ମାରୁ ବାରେ ଲାକପୁରୁତି ଲକୁତାୟି, ଇଞ୍ଜା ଏମ୍ବାଟି ଜିକେଏ ମାଙ୍ଗେ ଗେଲ୍ପାନି ପ୍ରବୁ ଜୀସୁ କ୍ରୀସ୍ତତି ଖେଣ୍ଡେ ଖାନାଣି କାଟିମାନମି; ୨୧ ଏଞ୍ଜାସି ତାନି ଏମିନି କାମା କିନି ବାଡୁୟୁଟି ବାରେତି ତାନି ତାଣା ଇଟାଲି ଆଡିମାନେସି, ଏମ୍ବାଟି ମା ବାଡୁୟୁ ହିଲ୍ପାଆଗାଟି ଆଙ୍ଗାତି ତାରି ମୁଠହାନା ତାନି ଗାଝୁରମିଗାଟି ଆଙ୍ଗା ଲେହେକି କିୟାନେସି ।

୪

ହୁକୁମି ହୀନାୟି

୧ ଏଦାଆଁତାକି ଏ ନା ଜୀଝୁତି ତାୟି ତାଙ୍ଗିସ୍ତା । ମିଙ୍ଗେତାକି ନାଙ୍ଗେ ଏଚେକା ରାହୁଁତି ଚପେରି ଲେହେଁ । ନାନୁ ଜାପୁହାତି ଲେହେଁ ପ୍ରବୁ ତାଣା ତାରିଆହୁଁ ନୀତାବାଡକାଦୁ ।

୨ ପ୍ରବୁ ତାଣା ରଣ୍ଡିଏ ଅଣ୍ଠପୁ ତଲେ ମାଞ୍ଜାଲି ଇୟଦିୟା ଅଡେ ସୁଡୁକି ରିଣ୍ଡାସିକାଣି ବାଡିମାଲିମାଈ । ୩ ନା କାମାତା ଆଣ୍ଡାନା ମାନି ତଲେ କାମା କିନାତି, ନିଙ୍ଗେ ଜିକେଏ ବାଡିମାଲିମାଞ୍ଜାଇଁ ଇ ରୀ ତାଙ୍ଗିସ୍ତାଣି ସାୟେମି କିମୁ, ଏନାଆଁତାକି ଇତିହୁଁ କ୍ଲେମେନ୍ସ ଅଡେ ନା ତଲେ କାମାକିନାରି ତଲେ ନେହୁଁ କାରୁ ଖେକହାଲି ନା ତଲେ କାମା କିହାମାନୁ; ଇଞ୍ଜା ନା ତଲେ କାମା କିହାମାନାରି ଦରକା ଜୀଝୁତି ପତିତା ରାସ୍ତକି ଆହାମାନୁ ।

୪ ପ୍ରବୁ ତାଣା ଆଣ୍ଡାନା କାଲେଏ ରାହୁଁ କିଦୁ, ଅଡେ ଖେଣ୍ଡେ ଖେସିମାଞ୍ଜାଇଁ ରାହୁଁ କିଦୁ ।

୫ ବାରେ ଲକୁ ନକିତା ମୀ ସୁଦୁ ସୁଞ୍ଜାଲ ଅଣ୍ଠପୁ ତଞ୍ଜା ଆପେ । ପ୍ରବୁ ଖାନାୟି ତାଗେ ଖାଡେୟିଏ । ୬ ଏନାଆଁତାକି ଜିକେଏ ଅଣ୍ଠପାଆଦୁ, ସାମା ବାରେତାକି ପ୍ରାତାନା ଇଞ୍ଜା

ଜହରା ତଲେ ମୀ ଲଡାମାନାଣି ମାହାପୁରୁ ନକିତା ଖେହୁଦୁ । ୭ ଏଚେଟିଏ ତେଲ୍ହାଲି ଆଡାଆଗାଟି ମାହାପୁରୁତି ହିଡଡି ମୀ ହିୟାଁ ଅଡେ ଅଣ୍ଠପୁତା କ୍ରୀସ୍ତ ଜୀସୁ ସାୟେମି ତଲେ ଗେଲ୍ପାନା ଇଟାନେସି ।

୮ ଏ ତାୟି ତାଙ୍ଗିସ୍ତା, ଏନାୟି ନେହାୟି, ଏନାୟି ସାତା, ଏନାୟି ଲଡା ମାନାୟି, ଏନାୟି ଟିକାଣାତାୟି, ଏନା ଏନାୟି ଅତିତାୟି, ଏନାୟି ଜୀଝୁନନାୟି, ଏନାୟି ମନ କିତି ରାନ୍ଦା, ଏନାୟି ଜୀଝୁତା ନେହାୟି, ଏନାୟି ସାତା ଗୁଣ୍ଡୁ ମାନେ ଏ ବାରେ କାତା ଅଣ୍ଠପେମାଞ୍ଜୁ । ୯ ମାରୁ ନା ତାଣାଟି ଏନାଆଁ ଜାପାମାଞ୍ଜେରି, ଖେଞ୍ଜାମାଞ୍ଜେରି, ଇଞ୍ଜା ନା ତାଣାଟି ମେସାମାଞ୍ଜେରି ଏ ବାରେ କିଦୁ; ଏମ୍ବାଆଁ ହିଡଡି ହିୟାନି ମାହାପୁରୁ ମୀ ତଲେ ସାୟେମି ଆୟାନେସି ।

ଦାନା ତାକି ଜହରା

୧୦ ବାରେତି ତାୟୁ ନା ତାକି ମୀ ଅଣ୍ଠପୁ ତଞ୍ଜା ଆହାମାନେ, ଏଦାଆଁତାକି ପ୍ରବୁ ତାଣା ରାହୁଁ କିହିମାଈ; ସାତେଏ ନା ତାକି ମୀ ଅଣ୍ଠପୁ ମାତେ, ସାମା ପାରୁ ମେଡା ଆହି ହିଲ୍ପାଆତେରି । ୧୧ ନାଙ୍ଗେ ଏନାୟି ଉଣା ମାନାକି ଖେସିମାଞ୍ଜାଅଁ, ଏନାଆଁତାକି ଇତିହୁଁ ନାନୁ ଏନିଆହୁଁ ମାଟିହୁଁ ଜିକେଏ ରାହୁଁତଲେ ମାଞ୍ଜାଲି ଜାପାମାଈ । ୧୨ ନାନୁ ହିଲ୍ପାଆ ବେଲ୍ପାତା ବାଡକାଲି ଇଞ୍ଜା ହାଡେପୁରେ ମାନି ବେଲ୍ପାତା ଜିକେଏ ବାଡକାଲି ପୁଞ୍ଜାମାଈ, ବାରେବେଲ୍ପା ବାରେଖାକି ରାହୁଁତଲେ ମାଞ୍ଜାଲି, ବାଣ୍ଡି ପାଞ୍ଜେ ତିଞ୍ଜାନା ଅଡେ ହାକିଟି ଜିକେଏ ମାଞ୍ଜାଲି, ଇଞ୍ଜା ହାଡେକା ବେଟାଆହାମାନାଣି ଲେମ୍ପାଲି ଇଞ୍ଜା ହିଲ୍ପାଆ ବେଲ୍ପାତା ନୀତାଲି ଜିକେଏ ଜାପାମାଈ । ୧୩ ନାଙ୍ଗେ ବାଡୁୟୁ ହିୟାନି କ୍ରୀସ୍ତ ତାଣାଟି ବାରେ କିହାଲି ଆଡିଈ ।

୧୪ ଆଡିଜିକେଏ ମାରୁ ନା କସ୍ତା ଆଣ୍ଡାମାନାକି ନେହୁଁ କାମା କିହାମାଞ୍ଜେରି । ୧୫ ପିଲିପିୟ ଲକୁତେରି, ମାରୁ ଜିକେଏ ପୁଞ୍ଜାମାଞ୍ଜେରି, ନେହୁଁ କାରୁ ଖେକହାଲି ମାଟିହୁଁ ବେଲ୍ପାତା ଏଡେତା ନାନୁ ମାକିଦନିୟାଟି ହାଟାଟି ଏତିବେଲ୍ପା ମୀ ପିସ୍ପେ ଏମିନି କୁଲମି ନା ତଲେ ଆଣ୍ଡାନା ନା ତାଣାଟି ହୀନାଣି ଅନାଣି ଲେକା ଇଟାହିଲ୍ପାଆତେରି । ୧୬ **ଇତିହୁଁ ନାନୁ ତେସଲନିକିତା ମାଟିବେଲ୍ପାତା ଜିକେଏ ମାରୁ ନା ଲଡା ମାଟାଣି ମେସାନା ହାଡେକା ଦେବା ଦାନା ପାଣ୍ଡାତେରି । ୧୭ ନାନୁ ମୀ ତାଣାଟି ଦାନା ଅହାଲି ଅଣ୍ଠପି ହିଲଅଁ, ସାମା ଏମିନି ପାଡେୟିଟି ମୀ ଲେକା ହାଡେ ହାଡେକା ପାତାଆହିମାନେ, ଏଦାଆଁତି ନାନୁ ମେସାଲି ଅଣ୍ଠପିମାଈ । ୧୮ ନାନୁ ବାରେ ବେଟାଆହାମାଈ, ଇଞ୍ଜା ନାଙ୍ଗେ ହାଡେପୁରେ ମାନେ; ମୀ ତାଣାଟି ପାଣ୍ଡାମାଞ୍ଜାନାଣି ବାରେ ଏପାପ୍ରଦିତ ତାଣାଟି ବେଟାଆହାମାଈ, ଏ ବାରେ ନାଙ୍ଗେତାକି ସାରି; ଏ ବାରେ ମାହାପୁରୁ ନକିତା ହେରପାନା ହୁଡିମାନି ଗାନ୍ଦାଗାଟି ଦୁପଣି ଲେହେତାୟି । ୧୯ ଅଡେ ନା ମାହାପୁରୁ କ୍ରୀସ୍ତ ଜୀସୁ ତାଣା ତାନି ଗାଝୁରମି ଦନଟି ମୀ ଲଡାମାନାଣି ହିୟାନେସି । ୨୦ ମା ଆବା ମାହାପୁରୁକି କାଲ୍ପାକାଲ୍ପାତାକି ଗାଝୁରମି ଆପେ । ଆମେନ ।

☆ ୩:୧୭ ୩:୧୭ ୧କର ୪:୧୭; ୧୧:୧ ☆ ୪:୧୭ ୪:୧୭ କାମା ୧୭:୧ ☆ ୪:୧୭ ୪:୧୭ ୨କର ୧୧:୯

ଜହରା କିହାନା ଆକୁତି ରାପ୍ନାୟି

^{୨୧} କ୍ରୀସ୍ତ ଜୀସୁ ଦରୁତଲେ ବାରେ ମାହାପୁରୁ ଲକ୍ଷ୍ମି
 ଜହରା ଖେଦୁ, ନା ତଲେ ଇ ଟାୟୁତା ମାନି ତାୟି ତାଜିସ୍ତା
 ମିଲେ ଜହରା ପାଣ୍ଡିମାଞ୍ଜାନେରି । ^{୨୨} ବାରେ ମାହାପୁରୁ ଲକ୍ଷ୍ମି
 ଇଚିହ୍ନ ବାରେକିହ୍ନା କାୟିସର ଇଲୁତା ମାନାରି ଏଞ୍ଜାରି
 ମିଲେ ଜହରା ପାଣ୍ଡିମାଞ୍ଜାନେରି ।

^{୨୩} ପ୍ରବୁ ଜୀସୁ କ୍ରୀସ୍ତତି କାର୍ମାମେହ୍ନାୟି ମୀ ବାରେ
 ଜୀସୁତା ମାଣ୍ଡେ ।

କଲସିୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର କଲସିୟ କୁଲମିତାକି ପାସ୍କଲ ରାଚାମାନି ଆକୁ ମୁକୁ ହାଡ଼ା

କଲସିୟ ଆକୁ ଆହିମାନେ ପାସ୍କଲ ତାଣାଟି ରାଚିତି ଆକୁ ୧:୧ । ପାସ୍କଲ ଜୀସୁ କ୍ରୀସ୍ତ ଜାର୍ନାଆଡ଼ି ୬୦ ବାର୍ଷା ତାୟୁ ଏଝାସି ରମ୍ ଗାଡ଼ାତି କାୟିଦିତା ମାଚାଟି ଇ ଆକୁ ରାଚାମାନେସି । କଲସିୟ ଆକୁ ତଲେ ଏପିସିୟ ଅଡ଼େ ପିଲିପିୟ ଆକୁତି କାୟିଦିତି ଆକୁ ଇନେରି । ଇତିହି ପାସ୍କଲ କାୟିଦିତା ମାଚାଟି ଇ ଆକୁ ରାଚାମାନେସି । ଏଝାସି କଲସିୟ ଗାଡ଼ାତା ମାନି କୁଲମିତାକି ଇ ଆକୁ ରାଚାମାନେସି । ପାସ୍କଲ ଇ କୁଲମିତି ମାଟୁହା ହିଲାଆଡେସି ୨:୧ ସାମା ଝେସିମାନେ, ହାରେକା ଏମ୍ବାତି ଦାୟିପତି ମାନି କାତା ଏଝାସି ଝେସିମାନେସି । ଏପାପ୍ରସ୍ ଇ କୁଲମି କିହାମାନେସି ଇତିହି ଏଝାସି କଲସିୟତାସି ମାନେସି ।

ପାସ୍କଲ କଲସିୟ କୁଲମିତି ଏତେକା ମିତି ଜାପୁନାରି କାତାତାକି ଅଣ୍ଡିମାନେସି । ଏଝାସି ଇ କାତାତାକି ହାରେକା ଗାଡ଼ିକିହି ରାଚାମାନେସି । ଇମ୍ବାଆଁ ର ଗତି ଜୀହୁଦି କ୍ରୀସ୍ତାନା ଆମିନି ଗାଟାରି ଜୀହୁଦିଆଆଡ଼ି କ୍ରୀସ୍ତାନା ଲକୁଇଁ ପୁଝଇ ମେରାତି ଜୀହୁଦି ପାଣାପାଟୁ, ଇତିହି ତଲୁ ଦାପିଆନି ମେରା ମାନୁଝି ଆହାଲି ବାଲାମାତମି କିହାଲି ଅଣ୍ଡିମାନେରି । ପାସ୍କଲ ବାରେକିହିଁ ଲଡ଼ାହିଲାଆ କ୍ରୀସ୍ତାନା ଲକୁତି କାତା ରାଚିମାନେସି, ରଅସି ଆମ୍ବାଆସି ଜିକେଏ ଆପେସି କ୍ରୀସ୍ତତି ପିସ୍ପେ ମାହାପୁରୁ ତାଣା ନେହାସି ଆହାଲି ଆଡ଼ଅସି ୧:୧୫-୨୦ ଅଡ଼େ ମାଣ୍ଡସି ବାଦିବାଡ଼ା ତଲେ ଜାପୁନି କାତା ଉଜେଏତାୟି ୨:୮ ।

ପତିତା ମାନାୟି

- ୧. ଜହରା କିହାନା ଆକୁତି ମାଟୁନାୟି । ୧:୧-୨
- ୨. କ୍ରୀସ୍ତତି କାଜାପାଣା ଅଡ଼େ ମିତି ଜାପୁନାରି ଝେଣ୍ଡେ ଜଲିନାୟି । ୧:୩-୩:୪
- ୩. ନେହିଁ କ୍ରୀସ୍ତାନା ଲକୁ ଆହାନା ନୀତାଲି ଝେହ୍ନାୟି । ୩:୫-୪:୭
- ୪. ଆକୁତି ଏଟକା କୁଲମିତା ପଡ଼ୁଝି ଆହାଲି ଇଞ୍ଜା ଜହରା ତଲେ ଆକୁତି ରାପୁନାୟି । ୪:୭-୧୮

^୧ ପାସ୍କଲ, ମାହାପୁରୁତି ଅଣ୍ଡୁ ତଲେ କ୍ରୀସ୍ତ ଜୀସୁତି ପାଣ୍ଡୁଝିଆହାମାନି ସୀସୁ ଅଡ଼େ ମା ତାୟି ତିମତି ।

^୨ କଲସିୟତା ମାନି ମାହାପୁରୁତି ଲକୁ ଇଞ୍ଜା କ୍ରୀସ୍ତ ତାଣା ନାମାନା ତାୟି ତାଜିସ୍ତାକି ଆକୁ ରାଚିମାନି; ମା ଆବା ମାହାପୁରୁ ତାଣାଟି କାର୍ମାମେହ୍ନାୟି ଅଡ଼େ ହିଡ଼ି ଜୀସୁ ମିଜେତାକି ଆୟାପେ ।

ଜହରା ପ୍ରାଡ଼ାନା

^୩ ମାମ୍ବୁ ମିଜେ ତାକି ପ୍ରାଡ଼ାନା କିହାନା ମା ପ୍ରବୁ ଜୀସୁ କ୍ରୀସ୍ତତି ଆବା ମାହାପୁରୁଇଁ କାଲେଏ ଜହରା କିହିମାନି; ୪ ଏନାଆଁତାକି ଇତିହିଁ ମାମ୍ବୁ କ୍ରୀସ୍ତ ଜୀସୁ ତାଣା ମୀ ନାମ୍ବୁ ଅଡ଼େ ମାହାପୁରୁ ଲକୁଣି ଜୀସୁନହାଁ ମାନାଣି ଝେଞ୍ଜାମାନି । ^୫ ଏତିବେଲା ନେହିଁ କାବୁତି ସାତା ବଲୁ ମୀ ତାଣା ମୁଲୁଏ ଝାଡ଼େ, ମୀରୁ ଏଦାନି ତାଣାଟି ହୀପକିଆଡ଼ି ବାର୍ସୁତି କାତା ଝେଚେରି । ମୀରୁ ଏନାଆଁ ବାର୍ସୁ କିଦେରି, ଏନାୟି ମୀ ତାକି ଲାକପୁରୁ ଇଟକି ଆହାମାନେ, ଏମ୍ବାଆଁ ମୀ ନାମ୍ବୁ ଅଡ଼େ ଜୀସୁନହାୟି ତୟାମାନେ । ^୬ ଏ ନେହିଁ କାବୁ ମୀ ତାଣା ଝାହାମାନେ, ଇଞ୍ଜା, ଏଦି ଏନିକିଁ ବାରେ ଦାର୍ଡିତା ପାଡ଼େୟି କାମ୍ବାନା ଅଡ଼େ ପାତାଆହିମାନେ, ମୀରୁ ଆମିନି ଦିନା ଏଦାଆଁ ଝେଞ୍ଜାନା ସାତା ତଲେ ମାହାପୁରୁତି କାର୍ମା ମେଡ଼ାଆଡ଼େରି, ଏ ଦିନାଟିଏ ମୀ ତାଣା ଜିକେଏ ଏଲେ ଆହିମାନେ । ^୭ *ମା ତଲେ କାମା କିନି ଜୀସୁତି ତାୟି ଏପାପ୍ରା ତାଣାଟି ମାହାପୁରୁତି କାର୍ମାମେହ୍ନି କାତା ଜାପାମାଞ୍ଜେରି; ଏଝାସି ମିଜେ ତାକି କ୍ରୀସ୍ତତି ର ମାନି ତଲେ ସେବା କାମାକିନାସି; † ଏଝାସି ସୁଦୁଜୀସୁ ତଲେ ମିଜେ ହୀହାମାଞ୍ଜାନି ଜୀସୁ ନଝିଆନି କାତା ମାଜେ ଝେସାମାଞ୍ଜାନେସି ।

^୮ ଇଦାଆଁତାକି ମୀ କାତା ଝେଡି ଦିନାଟିଏ ମାମ୍ବୁ କୁଲେଏ ମୀ ତାକି ପ୍ରାଡ଼ାନା କିହିମାନି । ମୀରୁ ବାରେ ସୁଦୁଜୀସୁତି ବୁଦି ଅଡ଼େ ତେଲୁହିନି ବାଡ଼ୁ ତଲେ ମାହାପୁରୁତି ବାରେ ଅଣ୍ଡୁ ଏନିକିହିଁ ମୀରୁ ପୁଞ୍ଜାଲି ଆଡ଼ିଦେରି, ଇଦାଆଁତାକି ମୀ ତାକି ପ୍ରାଡ଼ାନା କିହିମାନି । ^{୧୦} ବାରେ ଜୀସୁତି ବୁଦିତା ପ୍ରବୁଇଁ ବାରେ ତାଣା ରାହାଁ କିୟାଲି ତାନି ଜଟେତି ମାଣ୍ଡିକି ତଲେ ତାକାଦୁ, ଇତିହିଁ ମାହାପୁରୁତି ବୁଦିତା ପାତାଆହାନା ନେହିଁ କାମାତି ପାଡ଼େୟି ଆୟାଦୁ । ^{୧୧} ଇଞ୍ଜା ବାରେ କାମାତା ସାସାତଲେ ଅରହାଲି ତାକି ତାନି ଗାଧୁରମି ଇଞ୍ଜା କାଜାପାଣା ତଲେ ବାରେ ବାଡ଼ୁଟି ବାଡ଼ୁ ଗାଟାଡେରି ଆଦୁ, ^{୧୨} ଇଞ୍ଜା ଆମିନି ଆବା ମାହାପୁରୁ ଲକୁଣି ଉଜେଡ଼ି ରାଜିତା ଆଣ୍ଡାଲି ତାକି ଜଟେ କିହାନା ଅଦିକାରା ହୀହାମାଞ୍ଜାନେସି, ଏଦାଆଁତାକି ଏଝାଣାଇଁ ରାହାଁତଲେ ଜହରା କିଦୁ । ^{୧୩} ଏଝାସି ମାଜେ ଆନ୍ଦେରିତି ବାଡ଼ୁଟି ପିସ୍ପି କିୟାତେସି ଅଡ଼େ ତାନି ଜୀସୁତି ମୀରୁଏଣାତି ରାଜିତା ମାଜେ ତାତାତେସି । ^{୧୪} *ଏ ମୀରୁଏଣି ତାଣାଟି ମୀରୁ ଗେଲପି ଆହାମାନାୟି ଇତିହିଁ ମା ପାପୁ ବାରେ ମ୍ବେପକି ଆହାମାନେ ।

କ୍ରୀସ୍ତ ଅଡ଼େ ତାନି କାମା

^{୧୫} କ୍ରୀସ୍ତ ତଞ୍ଜା ଆଆଗାଟି ମାହାପୁରୁତି ତଞ୍ଜାଆନି ଝାଣା ଗାଟାସି, ଏଝାସି ନକେଏ ଜାର୍ନାଆଡ଼ି ମୀରୁଏସି, ଇଞ୍ଜା ବାରେ ଗାଡ଼ି ଆଡ଼ି କିହାଁ କାଜାସି, ^{୧୬} ତଞ୍ଜା ଆନାୟି ଅଡ଼େ ତଞ୍ଜା ଆଆଗାଟାୟି ଲାକପୁରୁ ଅଡ଼େ ଦାର୍ଡିତା ବାରେ ଏଝାଣି ତାଣାଟି ଗାଡ଼ି ଆହାମାନେ, ସିଂଗାସାଣି କି

☆ ୧:୭ ୧:୭ କଲସି ୪:୧୨; ପିଲିମ ୧:୨୩ ☆ ୧:୧୪ ୧:୧୪ ଏପିସି ୧:୭

କାଜାପାଣା କି ଅଦିକାରା କି ସାଲୁକି କିନାୟି ବାରେ ଏଞ୍ଜାଣି ତାଣାଟି ଇଞ୍ଜା ଏଞ୍ଜାଣି ତାକି ଗାଡ଼ି ଆହାମାନେ; ୧୭ ବାରେ ଗାଡ଼ି ଆଡ଼ି ନକେଏ କ୍ରୀସ୍ତ ମାରେସି, ଇଞ୍ଜା ଏଞ୍ଜାଣି ତାଣା ଆଣ୍ଡାମାନାକି ବାରେ ଗାଡ଼ିଆତାଇ ତାମ୍ବୁମାନି ଚାୟୁତା ମାନୁ । ୧୮ *କ୍ରୀସ୍ତ କୁଲମି ଲେହେତି ଆଙ୍ଗାତି ତାୟୁ ଲେହେତାସି, ଏ ଆଙ୍ଗାତି ଜୀଝୁ ବାଡ଼ୟୁ । ବାରେ ତାଣା ନକିତା ଆହାଲି ତାକି ଏଞ୍ଜାସି ହାଡ଼ାରି ତାଣାଟି ନକେଏ ନିଙ୍ଗାମାନେସି । ୧୯ ଏଦାଆଁତାକି ଇଚିହୁଁ ମାହାପୁରୁତି ଅଣ୍ଡପୁ ଲେହେଁ ମୀରଏସି ତାନୁଏ ମାହାପୁରୁତି ବାରେ ମାଣ୍ଡକି ଆସା କତାମାନେସି, ୨୦ *ଅଡ଼େ ତାନି ମୀରଏଶା କୁସତି ନେତେରି* ତଲେ ଏଞ୍ଜାସି ହିଡ଼ଡ଼ି ତାରି କିହାନା ଏଞ୍ଜାଣି ତାଣାଟି ତାନିତଲେ ବାରେ ଲକୁଣି କାଲନେସି, ହାଅ ଏଞ୍ଜାଣି ତାଣାଟି ଦାରତିତା ଅଡ଼େ ଲାକପୁରୁ ମାନାଣି ବାରେ କାଲୁଞ୍ଜି କିନେସି ।

୨୧ ଅଡ଼େ ନକେଏ ର ବେଲତା ମନତା ଲାଗେଏତି କାମା କିହାନା ମୀରୁ ମାହାପୁରୁ ତାଣାଟି ଏଟକା ଅଡ଼େ ହେକ ମାରେରି ଇଞ୍ଜା ମନତା ତାନି ସାତୁ ମାରେରି, ୨୨ ସାମା ନୀର୍ବ ମାହାପୁରୁ ମିଙ୍ଗେ ଜିକେଏ ତାନି ନକିତା ସୁଦୁ ଗାଟାତେରି, ନିନ୍ଦା ଅଡ଼େ ଦହ ହିଲାଆଗାଟାତେରି କିହାଲି ତାନି ମୀରଏଶା ଆଙ୍ଗାତି ହାକି ତଲେ ମିଙ୍ଗ ତାନିତଲେ କାଲହା ମାଞ୍ଜାନେସି; ୨୩ ମୀରୁ ର ତୀରପୁ ଆଟ୍ଟା ପୁନାଦି ଲାକ ଡୟାଦୁ ଅଡ଼େ ନେହୁଁ କାରୁ ଝେନି ବେଲତା ଏମିନି ବାସୁଁ ଇଟାମାରେରି ଏମ୍ବାଟି ଇତାଲା ଆତାଲା ଆଆଦୁ, ଆତିହୁଁ ସାତେଏ ଏମ୍ବାଟି ପାଡ଼େୟି ବେଟାଆଡ଼େରି; ଏ ନେହୁଁ କାରୁ ମୀରୁତ ଝେଞ୍ଜାମାଞ୍ଜେରି; ଏଦି ହାଗୁପାକା ଡଇ ମାନି ବାରେ ଗାଡ଼ି ଆଡ଼ିତାଣା ଏ ନେହୁଁ କାରୁ ଝେଙ୍ଗାମାନେ ଅଡ଼େ ନାନୁ ପାଝୁଲ ଏମ୍ବାଟି ନାମୁତି ହଲେଏଶାତେଏ ।

କୁଲମିତା ପାଝୁଲତି କାମା

୨୪ ନାନୁ ମିଙ୍ଗେତାକି ଆମିନି ଦୁକୁ କସ୍ତ ବେଟାଆହି ମାଲ୍, ଏମ୍ବାଆଁ ନାନୁ ନୀର୍ବ ରାହାଁ କିହିମାଲ୍, ଇଞ୍ଜା କ୍ରୀସ୍ତତି ଦୁକୁ କସ୍ତ ଏନାୟି ଡୟାମାନେ ଏଦାଆଁ ନାନୁ କୁଲମିତାକି ଆଙ୍ଗା ତଲେ ଦୁକୁ କସ୍ତ ଅରହାନା ରାପୁହାଲି ସାୟେମି କିହିମାଲ୍ । ୨୫ ମାହାପୁରୁ ନାଙ୍ଗେ ସେବାକିନି କାମା ହେରପା ମାଞ୍ଜାନେସି, ଏଲେଆହୁଁ ଏ ଏ କୁଲମିତି ନାନୁ ର ସେବା କିନାତେଏଁ ଆହାମାଲ୍, ଏନିକଁ ନାନୁ ମାହାପୁରୁତି ବଲୁ ତାରିତଲେ ଝେକ୍ଲ୍, ୨୬ ଏ ନେହୁଁ କାରୁ ର ଡଗୁମାନି କାତା ତଲି କାଲା ଅଡ଼େ ଆକୁ ଆବାୟାଁ ତାଣାଟି ଡଗୁମାରେ, ସାମା ନୀର୍ବ ତାନି ଲକୁତାଣା ତସାମାନେସି । ୨୭ ଜୀହୁଦିଆଆତି ଲକୁତାଣା ଏ ଡଗୁମାନି ଗାଝୁରମିଗାଟି ଦନ ଏନାୟି ଏଦାଆଁ ମାହାପୁରୁ ତାନି ଲକୁତାଣା ତସାଲି ଅଣ୍ଡପିତେସି; ଏ ଡଗୁମାନାୟି ଇଦି, ମୀ ତାଣା କ୍ରୀସ୍ତ ଏଞ୍ଜାସି ଗାଝୁରମି ଅଡ଼େ ବାସୁଁ ଲେହେତାସି;

୨୮ ମାମ୍ବୁଏ କ୍ରୀସ୍ତଇଁ ଝେକ୍ଲି ମାନମି, ଇଞ୍ଜାଁ ବାରେଜାଣାଟି ସେଡନା ଇଞ୍ଜାଁ ବାରେ ବୁଦିତଲେ ଜାପୁହି ମାନମି, ମାମ୍ବୁ ଏନିକଁ ମାହାପୁରୁ ନକିତା ତୀରପୁତି ଲକୁ ଲେହେଁ ତାତାଲି ଆଡ଼ିନମି; ୨୯ ଏଦାଆଁ କିହାଲିତାକି ନା ତାଣା କାମା କିହିମାନି କ୍ରୀସ୍ତ ହାହିମାଞ୍ଜାନି କାଜା ବାଡ଼ୟୁତି ଲେମ୍ବାନା ନାନୁ ଜୀଝୁ ତୁସାନା କାମା କିହିମାଲ୍ ।

୨

୧ ମୀ ତାକି ଲାଝୁଦିକିୟାତି ଲକୁ ଅଡ଼େ ନାଙ୍ଗେ ସାତେଏ ପୁଞ୍ଜାମାଞ୍ଜଅରି, ଏ ବାରେଜାଣା ତାକି ନାନୁ ଏଚେକା ଜୀଝୁ ତୁସାନା କାମା କିହିମାଲ୍, ଇ ବାରେ ମୀରୁ ପୁଞ୍ଜୁ ଇଞ୍ଜୁ ନାନୁ ଅଣ୍ଡପିମାଲ୍; ୨ ନା ଅଣ୍ଡପୁ ଇଦି, ଏନିକଁ ଏଞ୍ଜାରି ହିୟାଁ ରାହାଁ ଆନେ, ଇଞ୍ଜାଁ ଏଞ୍ଜାରି ସାତା ବୁଦିତି ବାରେ ଦନ ବେଟାଆହାଲି ତାକି, ଇଚିହୁଁ ମାହାପୁରୁତି ଡଗୁମାନାୟି କ୍ରୀସ୍ତ, ଏଞ୍ଜାଣାଲ୍ ପୁଞ୍ଜାଲିତାକି ରଅସି ରଅଣି ତଲେ ଜୀଝୁ ନଞ୍ଜି ଆନେରି । ୩ ଜୀସୁ କ୍ରୀସ୍ତ କୁଚିକାଡ଼ି ଏନାୟି ମାହାପୁରୁତି ବୁଦି ଅଡ଼େ ପୁନାଣି ଡଗୁମାନି ବାରେ ଦନ ଦେନେସି ।

୪ ମିଙ୍ଗେ ଆମ୍ବାଆସି ନାଡ଼ିକିନି ଲେହେତି ମିଟି କାତା ଝେସାନା ନାଡ଼ି କିୟାଆପେସି, ଏଦାଆଁତାକି ନାନୁ ଇଦାଆଁ ଝେସିମାଞ୍ଜାଇ । ୫ ଇଚିହୁଁ ନାନୁ ଆଙ୍ଗା ତଲେ ହିଲାଆତି ଜିକେଏ ନା ଜୀଝୁତଲେ ମୀ ତାଣା ମାଞ୍ଜାମାଲ୍, ଇଞ୍ଜାଁ ମୀ ନେହୁଁ କଁ ଜାରୁ ଆନାଣି ଅଡ଼େ କ୍ରୀସ୍ତ ତାଣା ତୀରପୁତଲେ ନାମାମାନାଣି ମେସାନା ରାହାଁ ଆହିମାଲ୍ ।

କ୍ରୀସ୍ତ ତାଣା ଜୀଝୁ

୬ ଇଚିହୁଁ ମୀରୁ କ୍ରୀସ୍ତ ଜୀସୁଇଁ ପ୍ରବୁ ଇଞ୍ଜୁଁ ଏନିକଁ ନାମାମାଞ୍ଜେରି, ଏଲେକିହୁଁ ଏ ଏଞ୍ଜାଣି ତାଣା ମାଞ୍ଜାନା ନାତାଦୁ; ୭ ଏଞ୍ଜାଣି ତାଣା ଜାଣ୍ଡେ ଡୟାଦୁ, ମୀ ଜୀଝୁତି ତୀରିକିଦୁ ଇଞ୍ଜାଁ ମୀରୁ ଜାପାମାନି ନାମୁତା ଏଞ୍ଜାଣି ତାଣା ବାଡ଼ୟୁ ବେଟାଆଦୁ । ମୀ ହିୟାଁ ଜହରା କିନାୟି ଆପେ ।

୮ ସିନିକିଦୁ, ଏଚେତା ଆମ୍ବାଆସି କ୍ରୀସ୍ତତି ଜାପୁନାୟି ଲାଗେଏତି ମାଣ୍ଡସିତି ପାଣାପାରୁ ଅଡ଼େ ଦାରତିତି ମଲୁ ଜାପୁନି ପାଞ୍ଜି ସିନି କିନାୟି ଅଡ଼େ ଉଜେଏତି ନାଡ଼ିକିନି ତାଣାଟି ମିଙ୍ଗେ କାୟିଦି କିହା ଅୟାନେ; ୯ ଇଚିହୁଁ କ୍ରୀସ୍ତ ତାଣା ମାହାପୁରୁତି ଗୁଣୁ ମାଣ୍ଡସି ଝାଣା ଆହାନା ବାସା ଆନେ । ୧୦ ଏଞ୍ଜାସି ବାରେ ସାଲୁକି କିନାରି ଇଞ୍ଜାଁ ଅଦିକାରା ବେଟାଆଡ଼ାରି ତାୟୁଁ ଲେହେଁ, ଇଞ୍ଜାଁ ଏଞ୍ଜାଣି ତାଣା ମାଞ୍ଜାନା ମୀରୁ ବାଡ଼ୟୁ ବେଟାଆହା ମାଞ୍ଜେରି ।

୧୧ କ୍ରୀସ୍ତ ତଲେ ଆଣ୍ଡିତି ଜୀଝୁଏ ମୀ ତଲୁ ଦାପି ଆଡ଼ି ଲେହେତାୟି । ଏ ତଲୁ ଦାପି ଆଡ଼ାୟି ମାଣ୍ଡସି କିତାୟି ଆଏ, ଏଦି କ୍ରୀସ୍ତ ତାଣାଟି ଆହାମାନେ । ଏଦି ମାଣ୍ଡସିଲ୍ ପାପୁ ଆଙ୍ଗାଟି ଗେଲ୍ପି କିନେ । ୧୨ *ମୀରୁ ଏଚିବେଲା ବାପ୍ତିସ୍ତ* ବେଟାଆଡ଼େରି ଏଚିବେଲା ମୀରୁ କ୍ରୀସ୍ତ ତଲେ ମୁସପିଆଡ଼େରି, ଇଞ୍ଜାଁ ଆମିନି ମାହାପୁରୁ କ୍ରୀସ୍ତଇଁ ହାଡ଼ାରି ତାଣାଟି ନିକ୍ହେସି, ଏଞ୍ଜାଣି କାମା କିନି ବାଡ଼ୟୁତି ନାମାଲିଏ

* ୧:୧୮ ୧:୧୮ ଏପିସି ୧:୨୨,୨୩ * ୧:୨୦ ୧:୨୦ ଏପିସି ୨:୧୨ * ୧:୨୦ ୧:୨୦ ନେତେରି ଇଚିହୁଁ ମୀରଏଶା ହାକି * ୨:୧୨ ୨:୧୨ ରମି ୬:୪ * ୨:୧୨ ୨:୧୨ ପୁଞ୍ଜନାୟି * ୨:୧୩ ୨:୧୩ ଏପିସି ୨:୧-୫

ଏ ବେଳାତା ଏଝାସି ମିଙ୍ଗେ କ୍ରୀସ୍ତ ତଲେ ନିକହାତେସି । ୧୩ *ମୀରୁ ଆଙ୍ଗାତା ପାପୁ ଗାଟାତେରି ଜୀହୁଦି ଆଆମାଟାଟି ହାହାମାଚେରି, ମିଙ୍ଗେ ଜିକେଏ ମାହାପୁରୁ ତାନିତଲେ ମିଙ୍ଗେ ଜୀହୁ କିହାଁ ମାଞ୍ଜାନେସି, ମାହାପୁରୁ ମା ବାରେଡି ପାପୁ ମ୍ଲେକହା ମାଞ୍ଜାନେସି; ୧୪ *ଏଝାସି ମେରାତା ମା କପାଟି ଆମିନି ଦହ ଦହନି ଆକୁ ମାଚେ, ଏଦାଆଁ ଏଝାସି ମ୍ଲେକହାନା ପାସି ମୁଣ୍ଡାତା କୁଟିୟାଁ ଝେଚାନା ମା ତାଣାଟି ହେକ କିହାମାନେସି; ୧୫ ଅଡେ ଏ ପାସିମୁଣ୍ଡା ଲାକ କ୍ରୀସ୍ତ ବାରେଲେହେଟି ବାଡ଼ୁୟ ଇଞ୍ଜା ସାଲୁଝି କିନାଆଁ ତାଣାଟି ଜାହାରାଲ୍ ପିସପି କିହାକତାମାନେସି ଇଞ୍ଜା ଏଝାଆଁତି ଦସପାନା ତାନୁ ଜୀଣାଆହାନା ହାନିବେଲାତା ବାରେ ଲକୁ ନକିତା ଏଝାଆଁତି ଲାଜା ବେଟାଆଝି କିହାମାନେସି ।

୧୬ *ଏଦାଆଁତାକି ମୀ ତିନାୟି, ଉନାୟି, ପାର୍ବୁତାକି କୁଟି ଲେଞ୍ଜୁ ପାର୍ବୁ କି ଜମିନି ଦିନାତି ଆମ୍ବାଆସି ମିଙ୍ଗେ ବିଚାରା କିୟାଆପେସି । ୧୭ ଏ ବାରେ ଝାହିମାନି ଦିନାତା ଆହାଲି ହାଜିମାନି ସାୟି ଲେହେ; ସାମା ଏମ୍ବାତି ସାତା କାତା କ୍ରୀସ୍ତ । ୧୮ ଇଞ୍ଜା ଆମ୍ବାଆସି ଜାହାରା ଉଣା ଆହାନା ଦୂତୁୟାଁ ସେବାତା ରାହାଁ ଆହାନା ସେୟାଣା ହାପାନା ମେସାମାନାଆଁ ପାରାନା ଅଡେ ଦାର୍ତତି ଅଣ୍ପୁ ତଲେ ଉଜେଏ ବଡପଣ ଆହାନା ଆମ୍ବାଆସି ତାୟି ଲେହେଟି କ୍ରୀସ୍ତ, ଏଝାଣାଲ୍ ଆହୁଆନା ମାହାପୁରୁ ବରଟି ଏଟକା କିୟାଆପେସି । ୧୯ *ଏଝାଣି ତାଣାଟି ବାରେ ଆଙ୍ଗା ହାନ୍ତୁଲିକା ଅଡେ ଇଣାୟାଟି ନେହୁ ଆହାନା ରଣ୍ଡି ରଣ୍ଡାଣି ତଲେ କାଲୁଝି ଆହାନା ମାହାପୁରୁ ହାତି ପାଡ଼ଣିତା ପାତାଆହିମାନୁ ।

କ୍ରୀସ୍ତ ତଲେ ହାନାୟି ଅଡେ ନୀତିନାୟି

୨୦ ମୀରୁ କ୍ରୀସ୍ତ ତଲେ ହାହାମାଞ୍ଜେରି ଅଡେ ଇ ଦାର୍ତତିତା ସାଲୁଝି କିହିମାନି ବାଡ଼ୁୟୁଟି ଗେଲ୍ପି ଆହାମାଞ୍ଜେରି । ଆତିହୁଁ ମୀରୁ ଏନାଆଁତାକି ଦାର୍ତତିତ ଲକୁ ଅଣ୍ପୁ ତଲେ ନୀତିମାଞ୍ଜେରି? ଏନାଆଁତାକି ମୀରୁ ଇଲେଟି ମେରା ବାରେ ମାନି କିହିମାଞ୍ଜେରି, ୨୧ ଆତିହୁଁ “ମାଣସି ଜାପୁହିମାନି ମେରା ଆହୁଆଦୁ, ଏଦାଆଁ ତିନାଆଦୁ, ଏଦାଆଁ ତୀଗାଆଦୁ ଦାର୍ତତିତ ଲକୁ ଲେହେଁ ଇଲେଟି ପାଣାପାରୁ ଏନାଆଁତାକି ମାନୁଝି ଆହିମାଞ୍ଜେରି?” ୨୨ ଏ ବାରେ ଆସ୍ତି ଗାଡ଼େକା ତାଇ । ଇଝି ଲେମ୍ବିସାରେ ଉଜେଏତାଇ ଆନୁ । ୨୩ ଏଲେଟି ଜାପୁନାୟି ଜାହାରା ଅଣ୍ପୁଟି ସେବା କିନାୟି, ଜାହାରାଲ୍ ଉଣା କିନାୟି ଇଞ୍ଜା ଆଙ୍ଗାତି ହାରେକା କସ୍ତ ହାହାନା ବୁଦିତି ଦରୁ ବେଟାଆହାମାଲ୍ ସାମା ଏଡି ଉଜେଏତାୟି ଏଦାଆଁ ତଲେ ଆଙ୍ଗାତି ଅଣ୍ପୁ ରାହାଁ ଆନେ ।

୩

୧ ମୀରୁ କ୍ରୀସ୍ତ ତଲେ ହାକିଟି ନିଙ୍ଗା ମାଞ୍ଜେରି, ଆତିହୁଁ ମାହାପୁରୁଟି ଟିଠନି ଟଟତା କୁଗାମାନି କ୍ରୀସ୍ତତି ଆମିନି ବାସାଗାୟି, ଏ ଲାକପୁରୁ ମାନାଣି ପାରାଦୁ । ୨ ଦାର୍ତତିତା ମାନି ବାରେ କାତାତି ଅଣ୍ପାଆନା, ଲାକପୁରୁ ମାନାଣି

ବାରେ ଅଣ୍ପାପାଦୁ । ୩ ଏନାଆଁତାକି ଇତିହୁଁ ମୀରୁ ହାହାମାଞ୍ଜେରି, ଅଡେ ମୀ ଜୀହୁ ମାହାପୁରୁ ତାଣା କ୍ରୀସ୍ତ ତଲେ ତରୁମାନେ । ୪ ମା ଜୀହୁ ଲେହେଁତାସି କ୍ରୀସ୍ତ, ଏତିବେଲା ଏଝାସି ତଞ୍ଜାଆନେସି, ଏତିବେଲା ମୀରୁ ଜିକେଏ ଗାଝୁରମିଟି ଏଝାଣିତଲେ ଆଣ୍ଡାନା ତଞ୍ଜା ଆଦେରି ।

ପୁଃଈ ଜୀହୁ ଅଡେ ପୁଃନି ଜୀହୁ

*ଏଦାଆଁତାକି ମୀ ଦାର୍ତତିତ ଲାଗେଏ ପଲେଏ ତାଣାଟି ଇତିହୁଁ ଦାରିକାମା, ସୁଦୁ ଆଆତି କାମା, ଲାଗେଏତି ଜୁପକା, ପେଣକା ପୂଜା କିନାୟି, ଜୁପକା ଆନାୟି, ଇ ବାରେତାକି ହାଝି କିହାଁ କତାଦୁ; ୬ ଇ ବାରେ କାମାତା ଆଣ୍ଡା ମାଞ୍ଜାନା ଆମ୍ବାଆରି ମାହାପୁରୁଲ୍ ମାନି କିଅରି, ଏଝାରାକି ମାହାପୁରୁଟି କପା ଝାନ୍ନେ; ୭ ତଲି ମୀରୁ ଜିକେଏ ଇଲେଟି ପାପୁ କାମାତା ମାଞ୍ଜାନା ଏଲେକିହୁଁ ନୀତିମାଚେରି ।

୮ ସାମା ନୀଏଁ ମୀରୁ ଜିକେଏ ଇ ବାରେ କାତା ଇତିହୁଁ, କପା, କାର୍ବି, ଇର୍ସା ଇଞ୍ଜା ମୀ ଗୁଟିଟି ନିନ୍ଦା କାତା ଅଡେ ଅପାଆଗାଟି ହାଡ଼ା ଜଲ୍ଲଆଦୁ । ୯ *ମୀ ବିତ୍ରା ମିଟି କାତା ଝେସପି ଆଆଦୁ; ଏନାଆଁତାକି ଇତିହୁଁ ମୀରୁ ବାରେ ପୁଃଈ ଗୁଣୁ ମାଣ୍ଡକି ପିସାମାଞ୍ଜେରି, ୧୦ *ଅଡେ ଏଲେଟି ବାରେ କାମା ପିସାନା ପୁଃନି ଗୁଣୁ ପର୍ହାମାଞ୍ଜେରି; ଏ ପୁଃନି ଗୁଣୁ ମାଙ୍ଗେ ଗାଡ଼ିକିତାଣି ଝାଣା ତଲେ ବାରେ ବୁଦି ବେଟାଆହାଲି ତାକି ପୁଃନି ଗାଡ଼ି ଆହାମାଞ୍ଜେରି । ୧୧ ଏଚେଟିଏ ଜୀହୁଦି ଲକୁ ଅଡେ ଜୀହୁଦିଆଆତି ଲକୁ, ତଲୁ ଦାପିଆଡାରି କି ଦାପି ଆଆଡାରି, ଏଟକା ରାଜିତାରି, ସୁଡୁୟାତାରି, ହଲେଏସି, ହଲେଏସି ଆଆତାସି, ଇ ବାରେଡି ବିତ୍ରା ଏନି ପାରଡ଼ା ହିଲେଏ, ସାମା କ୍ରୀସ୍ତ ବାରେତାକି ମାନେସି, ଇଞ୍ଜା ଏଝାସି ବାରେ ତାଣା ବାସା କିନେସି ।

୧୨ *ମୀରୁ ମାହାପୁରୁଟି ଲକୁତେରି; ଏଝାସି ମିଙ୍ଗେ ଜୀହୁନହାଁନା ତାଙ୍ଗେତାକି ଆଚାମାଞ୍ଜାନେସି । ଏଦାଆଁତାକି ମୀରୁ ହିଡ଼ଡ଼ି ହିୟାଁ, କାର୍ମାମେହନାଣି, ଉଣା ଆନାୟି, ସୁଦୁ ସୁଝାଲା ମାଣ୍ଡକି ଅଡେ ଅରହିନାଣି ପରୁଦୁ । ୧୩ *ମୀ ବିତ୍ରା କସ୍ତ ଅରହି ଆଦୁ, ରଅସି ରଅଣି କପାଟି ଏନି କାତା ଜଲ୍ଲିନାୟି ମାଟିସାରେ ମୀରୁ ରଅତେରି ରଅଣି ଦହ ମ୍ଲେକଦୁ; ପ୍ରବୁ ଏନିକିଁ ମୀ ଦହ ମ୍ଲେକହା ମାଞ୍ଜାନେସି, ମୀରୁ ଜିକେଏ ଏଲେକିହୁଁଏ କିଦୁ । ୧୪ ଅଡେ ଇ ବାରେ ଗୁଣୁତଲେ ଜୀହୁନନାୟି ମୀ ବିତ୍ରା ମାଣ୍ଡମ୍, ଇତିହୁଁ ଜୀହୁନନାୟି ବାରେ ଗୁଣୁଟି ରୁଣ୍ଡି କିନେ । ୧୫ କ୍ରୀସ୍ତ ହିୟାତି ହିଡ଼ଡ଼ି ମୀ ହିୟାତି ସାଲୁଝି କିପେ । ଇତିହୁଁ ଇ ହିଡ଼ଡ଼ି ତାକି ମାହାପୁରୁ ମିଙ୍ଗେ ରହେଏ ରଣ୍ଡିଏ ଆଙ୍ଗା ଆହାଲି ହାଚାମାଞ୍ଜାନେସି ଅଡେ ବାରେବେଲା ମୀରୁ ମାହାପୁରୁଲ୍ ଜହରା କିଦୁ ୧୬ *କ୍ରୀସ୍ତତି ବଲୁ ହାରେକା ମୀ ହିୟାତା ଡ଼ୟାପେ; ବୁଦିତଲେ ମୀରୁ ରଅତେରି ରଅଣାଲ୍ ହାରେପୁରେ ଜାପୁହାନା ସେଡନା ହାପକିଆଦୁ, ଇଞ୍ଜା ମୀ

☆ ୨:୧୪ ୨:୧୪ ଏପିସି ୨:୧୫ ☆ ୨:୧୬ ୨:୧୬ ରମି ୧୪:୧-୬ ☆ ୨:୧୯ ୨:୧୯ ଏପିସି ୪:୧୭ ☆ ୩:୯ ୩:୯ ଏପିସି ୪:୨୨ ☆ ୩:୧୦ ୩:୧୦ ଏପିସି ୪:୨୪ ☆ ୩:୧୨ ୩:୧୨ ଏପିସି ୪:୨ ☆ ୩:୧୩ ୩:୧୩ ଏପିସି ୪:୩୨ ☆ ୩:୧୬ ୩:୧୬ ଏପିସି ୫:୧୯,୨୦

ସୁଦୂରୀୟ ତଳେ ମାହାପୁରୁଷ ଜହରା କିହିଁ ହିୟାଁ ତଳେ ପାରୁ ପାଡ଼ାଦୁ । ୧୭ ଅଡ଼େ ମୀରୁ କାତାତାକି କାମାତା ଏନାଆଁ କିଦେରି, ଇଚିହିଁ ଏ ବାରେ ପ୍ରବୁ ଜୀସୁ ଦରୁତଲେ କିହାନା ଏଞ୍ଜାଣି ଦରୁତଲେ ଆବା ମାହାପୁରୁଷ ଜହରା କିଦୁ ।

ପୃଷ୍ଠି ଜାସ୍ତତା ଆଣ୍ଡିନାୟି

୧୮ ✨ଏ ଡକ୍ରିସିକାତେରି, ମୀରୁ ମୀ ଡକ୍ରିୟାଣି ମାନି କିଦୁ, ଏନାଆଁତାକି ଇଚିହିଁ ମୀରୁ ପ୍ରବୁ ତାଣା ଆଣ୍ଡାମାନାକି ଏଲେ କିନାୟିମାନେ ।

୧୯ ✨ଏ ଡକ୍ରିୟାତେରି, ମୀରୁ ମୀ ଡକ୍ରିସିକାଣି ଜୀସୁନଦୁ, ଏଞ୍ଜାସିକାଣି ହଲେଣିସିକା ଲେହେଁ ଲେମ୍ବାନା ଦୁକୁ ହାଆଦୁ ।

୨୦ ✨ଆଡ଼େ କକାରି ପଦାୟାତେରି, ବାରେ କାତାତା ତାଲି ତାଞ୍ଜିତି କାତା ମାନୁଞ୍ଜି ଆଦୁ, ଏନାଆଁତାକି ଇଚିହିଁ ଇଦି ମାହାପୁରୁ ନକିତା ରାହାଁଟି ଲେମ୍ବିନାୟି ।

୨୧ ✨ଏ ତାଲି ତାଞ୍ଜିତେରି, ମୀ କକାରି ପଦାଣି କାରୁବି କିଆଦୁ, ଏନିକିଁ ଏଞ୍ଜାରି ନୀରାସା ଆଅରି ।

୨୨ ✨ଏ ହଲିୟାଙ୍ଗାତେରି, ମାଣ୍ଡିଇଁ ରାହାଁ କିନିଲେହେଁ ଦାରୁତିତି ସାସ୍ତ୍ରକାରିୟା ନକିତା ଏ କାମା କିଆଦୁ, ସାମା ମାହାପୁରୁଷ ଆଜାନା ହିୟାଁତି ସୁଦୁ ମାଣ୍ଡିକି ତଳେ ବାରେ କାମାତା ଏଞ୍ଜାରାଇଁ ମାନୁଞ୍ଜି ଆଦୁ । ୨୩ ମୀରୁ ଏନି କାମା କିତି ଜିକେଏ ପ୍ରବୁକି କିନିଲେହେଁ ହିୟାଁ ତଳେ କିଦୁ, ମାଣ୍ଡିୟାଁ ତାକି କିନିଲେହେଁ କିଆଦୁ; ୨୪ ପ୍ରବୁ ତାନି ଲକୁତାକି ଇଟାମାନି ଦାନା ମିଙ୍ଗେ ହିୟାନେସି ଇଞ୍ଜି ପୁଞ୍ଜାମାଞ୍ଜୁ, ଏନାଆଁତାକି ଇଚିହିଁ କ୍ରୀସ୍ତ ଏ ମୀ ସାତା ପ୍ରବୁ ଆମ୍ବାଆରି ସେବା କିହିମାଞ୍ଜେରି । ୨୫ ✨ଇଚିହିଁ ଆମ୍ବାଆସି ଲାଗେଏ କାମା କିନେସି ଏଞ୍ଜାସି ଲାଗେଏ କାମାତି ପାଡ଼େୟି ବେଟାଆନେସି, ଇଚିହିଁ ମାହାପୁରୁ ଲକୁତି ପାରୁଡ଼ା ବାଟି କିଆନା ନୀହାଁୟି କିନେସି ।

୪

୧ ✨ଏ ସାସ୍ତ୍ରକାରିୟାତେରି ଲାକପୁରୁ ମୀ ସାସ୍ତ୍ରକାରି ମାନେସି ଇଞ୍ଜି ପୁଞ୍ଜାନା ମୀ ହଲିୟାଙ୍ଗାଁ ଜୀସୁନହାନା ନେହିଁ କିଁ ଲେମ୍ବାଦୁ ।

ଜାପୁନାୟି

୨ କାଲେଏ ପ୍ରାତାନାତା ରଣ୍ଡିଏ ଅଣ୍ଡପୁ ତଳେ ମାଞ୍ଜୁ, ଅଡ଼େ ମାହାପୁରୁଷ ଜହରା କିହିଁ ଏମ୍ବାଆଁ ଜାଗ୍ରାତା ମାଞ୍ଜୁ; ୩ ମାଙ୍ଗେତାକି ଜିକେଏ ପ୍ରାତାନା କିଦୁ, ଏନିକିଁ ନେହିଁ କାରୁତି କାତା ଝେକ୍‌ହାଲି ମାହାପୁରୁ ମାଙ୍ଗେତାକି ଦାରା ଦେତାନେସି । କ୍ରୀସ୍ତ ଆମିନି ଡଗ୍ଲାମାନି କାତାତାକି ନାନୁ ନୀଏଁ କାୟିଦି ଇଲୁତା ମାଈ । ୪ ନାନୁ ଝେକ୍‌ନାଟି ନେହିଁ କିଁ ପୁଣ୍ଡିକିନିଲେହେଁ ଝେକ୍‌ହାଲି ଆଡ଼ିଇଁ ଇଞ୍ଜି ନାଙ୍ଗେତାକି ପ୍ରାତାନା କିଦୁ ।

୫ ✨ପାଗାତି ନେହିଁ କିଁ ଲେମ୍ବାନା ନାମାଆତି ଲକୁ ତାଣା ବୁଦିତି ମାଣ୍ଡିକି ତଳେ ଲେମ୍ବାଦୁ । ୬ ମୀ ବଲୁ କାଲେଏ ନେହାୟି, ଅଡ଼େ, ଅଣ୍ଡପିନାୟି, ଅଡ଼େ ହାରୁ ଲେହେଁ ମୀରୁ ଏନିକିଁ ବାରେଜାଣାତି ସାତା କାତା ଝେସାଲି ଆଡ଼ିଦେରି ଏ କାତା ମୀରୁ ପୁନାୟିମାନେ ।

ରାନ୍ତି ଜହରା

୭ ✨ପ୍ରବୁତି କାମାତା ନା ତଳେ ନାମୁଟି ସେବା କାମା କିନି ଜୀସୁତି ତାୟି ତୁକିକ, ନା ବାରେ କାତା ମିଙ୍ଗେ ଝେସ୍ତାନେସି; ୮ ଏଦାଆଁତାକି ନାନୁ ଏଞ୍ଜାଣାଇଁ ମୀ ତାଣା ପାଣ୍ଡାତେଏଁ, ଏନିକିଁ ମୀରୁ ମା ବାରେ କାତା ପୁଞ୍ଜାଲି ଆଡ଼ିଦେରି, ଇଞ୍ଜା ମୀ ବାରେତି ହିୟାଁ ଏଞ୍ଜାଣି ତାଣାଟି ରାହାଁ ବେଟାଆନେ । ୯ ✨ଏଞ୍ଜାଣିତଲେ ନାନୁ ନାମୁତା ଜୀସୁତି ତାୟି ଅନିସିମଇଁ ପାଣ୍ଡାତେଏଁ, ଏଞ୍ଜାସି ମୀ ବିତ୍ରାଟି ରଅସି, ଏଞ୍ଜାରି ଇମ୍ବାଆଁ ଆହିମାନି ବାରେ କାତା ମିଙ୍ଗେ ଝେସ୍ତାନେରି ।

୧୦ ✨ନା ତଳେ କାୟିଦିତା ମାନି ଆରିସ୍ତାର୍କ ଅଡ଼େ ବର୍ନବା କୁଟମିତି ତାୟି ମାର୍କ ଏଞ୍ଜାରି କାତା ମୀରୁ ହୁକୁମି ବେଟାଆହାମାଞ୍ଜେରି; ମାର୍କ ମୀ ତାଣା ଝାଡ଼ିସାରେ, ଏଞ୍ଜାଣାଇଁ ଆବାଦୁ, ଏଞ୍ଜାରି ମିଙ୍ଗେ ଜହରା ଝେସି ମାଞ୍ଜାନେରି, ୧୧ ଅଡ଼େ ଜୁସ୍ତ ଦରୁତି ଝେକ୍‌ଜିତି ଜୀସୁ ମିଙ୍ଗେ ଜହରା ଝେସିମାଞ୍ଜାନେସି, କ୍ରୀସ୍ତ ଦାମୁଟି ଆବାମାନି ଇ ତାନିଜାଣା ଜୀହୁଦି ବିତ୍ରାଟି ମାହାପୁରୁ ରାଜିତାକି ନା ତଳେ କାମାକିନାରି, ଏଞ୍ଜାରି ନାଙ୍ଗେ ହାରେକା ସାୟେମି କିହାମାଞ୍ଜାନେରି ।

୧୨ ✨ଏପାପ୍ରା ମୀ ବିତ୍ରାଟି ରଅସି, ଏଞ୍ଜାସି ମିଙ୍ଗେ ଜହରା କିହିମାଞ୍ଜାନେସି, ଏଞ୍ଜାସି କ୍ରୀସ୍ତ ଜୀସୁତି ର ହଲେଏସି ଇଞ୍ଜା ତାନୁ ପ୍ରାତାନା କିନାଟି ବାରେବେଲା ମିଙ୍ଗେ ତାକି ପ୍ରାତାନା କିହିମାନେସି, ଏନିକିଁ ମୀରୁ ନାମୁତା ନେହାଁତେରି ଆହାନା ମାହାପୁରୁତି ବୁଦି ଅଡ଼େ ଅଣ୍ଡପୁତି ତୀରେ ପୁଞ୍ଜାନା ଝାଡ଼ାଆନା ମାଞ୍ଜେରି । ୧୩ ଇଚିହିଁ ଏଞ୍ଜାସି ମିଙ୍ଗେତାକି ଇଞ୍ଜା, ଲାସ୍ତୁଦିକିୟା ଅଡ଼େ ହିଏରାପଲିତା ମାନାରି ତାକି ହାରେକା କସ୍ତ ବେଟାଆହିଁ କାମା କିହିମାନେସି, ଏଞ୍ଜାଣି ତାକି ନାନୁ ଇ ସାକି ହାହିମାଞ୍ଜାଇଁ । ୧୪ ✨ମା ଜୀସୁତି ତାକାଦର ଲୁକ ଅଡ଼େ ଦିମା, ମିଙ୍ଗେ ଜହରା ଝେସିମାଞ୍ଜାନେରି ।

୧୫ ଲାସ୍ତୁଦିକିୟାତା ମାନି ତାୟି ତାଜିସ୍ତା, ତାଜି ନୁମ୍ପା ଅଡ଼େ ତାମି ଇଲୁତା ମାନି କୁଲମିତି ମା ଜହରା ଝେହଦୁ । ୧୬ ଅଡ଼େ ମୀ ତାଣା ଇ ଆକୁ ପଡ଼ଞ୍ଜି ଆଡ଼ି ତାୟି ଲାସ୍ତୁଦିକିୟା କୁଲମିତା ଜିକେଏ ଏନିକିଁ ପଡ଼ଞ୍ଜି ଆନେରି, ଇଞ୍ଜା ଲାସ୍ତୁଦିକିୟାଟି ଆମିନି ଆକୁ ଝାନେ ଏଦାଆଁ ମୀରୁ ଜିକେଏ ପଡ଼ଞ୍ଜି ଆଦେରି ଏଦାଆଁତାକି ଜାଗ୍ରାତା ଆଦୁ ।

୧୭ ✨ଆକି ପପଇଁ ଝେହଦୁ, “ନାନୁ ଆମିନି ପ୍ରବୁତି ସେବା

✨ ୩:୧୮ ୩:୧୮ ଏପିସି ୫:୨୨; ୧ପିତ ୩:୧ ✨ ୩:୧୯ ୩:୧୯ ଏପିସି ୫:୨୫; ୧ପିତ ୩:୭ ✨ ୩:୨୦ ୩:୨୦ ଏପିସି ୬:୧ ✨ ୩:୨୧ ୩:୨୧ ଏପିସି ୬:୪
✨ ୩:୨୨ ୩:୨୨ ଏପିସି ୬:୫-୮ ✨ ୩:୨୫ ୩:୨୫ ଏପିସି ୬:୯ ✨ ୪:୧ ୪:୧ ଏପିସି ୬:୯ ✨ ୪:୫ ୪:୫ ଏପିସି ୫:୧୭ ✨ ୪:୭ ୪:୭ କାମା ୨୦:୪;
୨ପିମ ୪:୧୨ ✨ ୪:୭ ୪:୭ ଏପିସି ୬:୧୧,୨୨ ✨ ୪:୯ ୪:୯ ପିଲିମ ୧:୧୦-୧୨ ✨ ୪:୧୦ ୪:୧୦ କାମା ୧୯:୨୯; ୨୭:୨; ପିଲିମ ୧:୨୪; କାମା ୧୨:୧୨,୨୫;
୧୩:୧୩; ୧୫:୩୭-୩୯ ✨ ୪:୧୨ ୪:୧୨ କଲସି ୧:୭; ପିଲିମ ୧:୨୩ ✨ ୪:୧୪ ୪:୧୪ ୨ପିମ ୪:୧୧; ପିଲିମ ୧:୨୪; ୨ପିମ ୪:୧୦; ପିଲିମ ୧:୨୪ ✨ ୪:୧୭
୪:୧୭ ପିଲିମ ୧:୨

କିନି ପାଣା ବେଟାଆହାମାଞ୍ଜି ଏଦାଆଁ ରାପ୍‌ହାଲି ଜାଗ୍ରାତା
ମାନାମୁ ।”

୧୮ ନାନୁ ପାଞ୍ଜୁଲ, ନା କେୟୁତଲେ ଈ ଜହରା ରାଢ଼ିମାଈ,
ନା କାୟିଦିତା ମାନାଣି ଅଣ୍‌ପାଦୁ ! ମାହାପୁରୁତି
କାର୍ମାମେହ୍‌ନାୟି ମୀ ବାରେତାକି ଆୟାପେ ।

କୁଲମିକି ପାଞ୍ଚଲ ରାଟାମାନି ରୀ ଲମ୍ବର ଆକୁ ତେସଲନିକି କୁଲମିତାକି ପାଞ୍ଚଲ ରାଟାମାନି ରୀ ଲମ୍ବର ଆକୁ ମୂଲୁ ହାଡ଼ା

ତେସଲନିକି ରୀ ଲମ୍ବର ଆକୁ ପାଞ୍ଚଲ ତାଣ୍ଡାଟି ରାସ୍ତାକି ଆହାମାନେ ୧:୧ । ତେସଲନିକି ମୂଲୁ ଆକୁ ରାଟିତି ଏଚରଦିନା ତାମ୍ଭୁ ଇଚିହଁ କ୍ରୀସ୍ତ ଜାର୍ନାଆଡ଼ି ୫୧ ବାର୍ସା ତାମ୍ଭୁ ଇଆକୁ ରାସ୍ତାକି ଆହାମାନେ । ଏଚିବେଲ୍ଲାତା ପାଞ୍ଚଲ କରନ୍ତି କୁଲମିତା ମାଚେସି କାମା ୧୭:୧-୧୦ ।

ତେସଲନିକିତା ମାନି କ୍ରୀସ୍ତାନା ଲକୁ କ୍ରୀସ୍ତ ଖେଣ୍ଡେ ଖାନି କାତାତି ନେହଁ କଁ ପୁନାଆନା ତାନି ଅଣ୍ଟପୁତା କିଲିବିଲି ଆହିମାଚେରି । ଏଞ୍ଜାରି ତାମ୍ଭୁ କିଞ୍ଚିତ କାମା ପିସାନା ନିସ୍ତା ଆଚେରି ଇଞ୍ଜା ଅର କ୍ରୀସ୍ତାନା ଲକୁ ଏଞ୍ଜାରାଇଁ ସାଢେମି କିହିମାଚେରି ।

ଏଚରଜାଣା କ୍ରୀସ୍ତ ଖେଣ୍ଡା ଖାନାଣି ଆଜିମାଚେରି, ଇ କାତା ପୁଞ୍ଜାନା ପାଞ୍ଚଲ ଇ ରୀ ଲମ୍ବର ଆକୁ ରାଟିମାନେସି, ଇଚିହଁ କ୍ରୀସ୍ତ ଖାଆ ନକେଏ ହାରେକା ଲାଗେଏ ପଚଲେଏ ଆହିମାଚେ, ଇଞ୍ଜା ଏଞ୍ଜାରାଇଁ ବାଡ଼ିମାଲିହଁ ରାଟିମାନେସି । ମୀରୁ ନାମୁତା ପାତାଆହାନା ମାଞ୍ଜେମାଞ୍ଜୁ, ଦୁକୁ କସ୍ତ ବେଟାଆହାଲି ଅରହାଦୁ, ନା ଆବ୍‌ହିତାରି ଖାହୁ ତଲେ କାମା କିତିଲେହେଁ ମୀରୁ ଜିକେଏ ନାମୁତି କାମା କିଦୁ ଇଞ୍ଜା ଏଞ୍ଜାରାଇଁ ବାଡ଼ିମାଲିହଁ ରାଟିମାନେସି ।

ପତିତା ମାନାୟି

- ୧. ପାଞ୍ଚଲ ତାଙ୍ଗେ ଅଡ଼େ ତାନି ଆବ୍‌ହିତାରାଇଁ ପୁଣ୍ଡିକିନାୟି । ୧:୧-୨
- ୨. ତେସଲନିକି କୁଲମିତାକି ଜହରା ଅଡ଼େ ପ୍ରାତାନା । ୧:୩-୧୨
- ୩. ରାନି ଦିନାତି କାତା । ୨:୧-୧୭
- ୪. ଏଞ୍ଜାରି ନିସ୍ତା କପାଟି ଅଡ଼େ କାମା କିହାଲି ଖେହ୍ନାୟି । ୩:୧-୧୫
- ୫. କୁଲମିତି ଜହରା କିହାନା ଆକୁତି ରାପ୍‌ନାୟି । ୩:୧୬-୧୮

୧ *ପାଞ୍ଚଲ, ସିଲା ଅଡ଼େ ତିମତି ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣା ମାନି ତେସଲନିକିତି କୁଲମିକି ଆକୁ ରାଟିମାନମି ।

୨ ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ନାମେହ୍ନାୟି ଅଡ଼େ ହିଡ଼ି ଜୀସୁ ମିଙ୍ଗେତାକି ଆୟାପେ ।

ଜୀସୁ ଖେଣ୍ଡେ ଖାନାୟି ଅଡ଼େ ନୀହାୟି କିନାୟି
 ୩ ଏ ମା ତାୟିୟା ଅଡ଼େ ତାଙ୍ଗିସ୍ତାଚେରି ମୀ ତାକି ମାମ୍ଭୁ ରୁାରେଦିନା ମାହାପୁରୁଇ ଜହରା କିନାୟି ଲଡ଼ାମାନେ,

* ୧:୧ ୧:୧ କାମା ୧୭:୧ * ୨:୧ ୨:୧ ୧ତେସ ୪:୧୫-୧୭

ଏଲେଆନାୟି ନେହେଁ, ମୀ ନାମୁ ଅଡ଼େ ରଅତେରି ରଅଣାଇଁ ଜୀସୁନନାୟି ଦିନମି ତାକି ଦିନମି ପାତାଆହିମାନେ ।
 ୪ ଏଚେଟିଏ ମୀରୁ ଆମିନି ବାରେ ସାସ୍ତି ଇଞ୍ଜା କସ୍ତ ବେଟା ଆହାମାଞ୍ଜେରି, ଏମ୍ବାଟି ମୀରୁ ଅରହାନା ନାମୁତଲେ ମାଞ୍ଜେ ମାଞ୍ଜେରି, ଏଦାଆଁତାକି ମାମ୍ଭୁ ମାହାପୁରୁ କୁଲମିକାଣା ମିଙ୍ଗେ ତାକି ବଡ଼ପଣ ଆହିମାନମି ।

୫ ମାହାପୁରୁତି ଆମିନି ରାଜିତି ତାକି ଦୁକୁ ବେଟାଆହି ମାଞ୍ଜେରି, ଏଦିଏମ୍ବାଆଁ ଜଟେ ଇଞ୍ଜା ତଞ୍ଜାଆହାଲି ଇଦିଏ ମାହାପୁରୁତି ନେହଁ ନୀହାୟିତି ପାରମାଣା ।
 ୬ ଏଚିବେଲ୍ଲା ମିଙ୍ଗେ କସ୍ତ ହାହିମାଞ୍ଜାତି ଲକୁକି ବାଦୁଲି ଲେହେଁ କସ୍ତ ହାନାୟି ଇଞ୍ଜା କସ୍ତ ବେଟାଆହି ମାଞ୍ଜେରି ମୀରୁ, ମିଙ୍ଗେ ମା ତଲେ ଜମିକିୟାନମି, ଇଦିଏ ମାହାପୁରୁ ନକିତା ନେହଁ କାତା; ୭ ଇଚିହଁ ପ୍ରବୁ ଜୀସୁ ଏଚିବେଲ୍ଲା ଜାହାରା ବାଡ଼ିୟୁ ଗାଟି ଦୁଡୁୟା ତଲେ ତଞ୍ଜି ମାନି ହିରୁ ଗୁଦ୍‌ଞା ତଲେ ଲାକପୁରୁତି ତଞ୍ଜାଆଚେସି ।
 ୮ ଆମ୍ବାଆରି ମାହାପୁରୁଇ ପୁଞ୍ଜାହିଲଅରି, ଅଡ଼େ ମା ପ୍ରବୁ ଜୀସୁ କ୍ରୀସ୍ତତି ନେହଁ କାବୁ ମାନୁଡ଼ି ଆଅରି, ଏଞ୍ଜାରାଇଁ ଏଞ୍ଜାସି ଏଚିବେଲ୍ଲା ତଣ୍ଡ ହାନେସି ।
 ୯ ଇଚିହଁ, ଆମିନି ଦିନା ଏଞ୍ଜାସି ଜାହାରା ଦାମ୍ଭୁଗାଟାରି ତଲେ ଗାଞ୍ଜୁରମି ବେଟାଆହାଲି ଇଞ୍ଜା ନାମାମାନି ମାହାପୁରୁ ଲକୁ ତାଣାଟି କାବାଆନି ସିନାଲେହେଁ ଆହାଲି ଖାଚେସି ।
 ଇଚିହଁ ମୀରୁ ମାମ୍ଭୁ ହାହାମାଞ୍ଜାନି ସାକିତି ନାମାମାଞ୍ଜେରି ।
 ୧୦ ଏ ଦିନା ଏଞ୍ଜାରି ତଣ୍ଡ ବେଟାଆଚେରି, ଇଚିହଁ ପ୍ରବୁତି ତାଗେଟି ଇଞ୍ଜା ତାନି ବାଡ଼ିୟୁଗାଟି ଗାଞ୍ଜୁରମିଟି ହେକ ହାଜାନା କାଲାକାଲା ତାକି ନାସା ଆଚେରି ।

୧୧ ଏଦାଆଁତାକି ମା ମାହାପୁରୁ ଏନିକଁ ମିଙ୍ଗେ ହାଟାମାଞ୍ଜାନି ଜଟେ ଇଞ୍ଜାଚେସି, ଏଦାଆଁତାକି ମାମ୍ଭୁ ଜିକେଏ ବାରେବେଲ୍ଲା ମିଙ୍ଗେତାକି ପ୍ରାତାନା କିହିମାନମି; ଏନିକଁ ନାମୁତି ବାରେ କାମା ନେହଁ କଁ କିହାଲି ଆଡ଼ିଦେରି ।
 ୧୨ ଏଲେଆଡ଼ିହଁ ମା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତତି କାର୍ନାମେହ୍ନାଣି ଲେହେଁ ପ୍ରବୁ ଜୀସୁତି ଦରୁ ମୀ ତାଣା ଗାଞ୍ଜୁରମି ଆଚେ, ଅଡ଼େ ମୀରୁ ତାନିତାଣାଟି ଗାଞ୍ଜୁରମି ବେଟାଆଚେରି ।

୨

ଲାଗେଏତି ମାଣ୍ଡସି

୧ *ତାୟିୟା ଅଡ଼େ ତାଙ୍ଗିସ୍ତାଚେରି, ପ୍ରବୁ ଜୀସୁ କ୍ରୀସ୍ତ ଖେଣ୍ଡେ ଖାନାଣି ଅଡ଼େ ମାର ତାନିତଲେ କୃଡ଼ା ଆନାଣି ତାକି ମିଙ୍ଗେ ବାଡ଼ିମାଲି ମାଞ୍ଜାନମି ।
 ୨ ପ୍ରବୁତି ଦିନା ଏଗାଞ୍ଜାଚେୟି ଇଞ୍ଜାହଁ ମୀ ଏନି ଜୀସୁ କି ବଲୁ କି ମା ତାଣାଟି ରାସ୍ତାକି ଆହାମାନେ ଇଞ୍ଜା ଅଣ୍ଟପାନା ଆମିନି ଆକୁ ତଲେ ଗାଡ଼େକେଏ ଗୁଚା ଆଆଦୁ କି କିଲିବିଲି ଆଆଦୁ ।
 ୩ ଆମ୍ବାଆସି ଏନିକିହଁ ଜିକେଏ ମିଙ୍ଗେ ନାଡ଼ି କିୟାଆପେସି, ଏଦାଆଁତାକି ଇଚିହଁ ମୂଲୁଏ ଦାମ୍ଭୁ ବିଦ୍ରା ଗଡ଼ହା ଆଚେ, ଅଡ଼େ ନାସାକିନି ଦାମ୍ଭୁ ହିଲାଆ

ମାଣ୍ଡସି ତଞ୍ଜା ଆନାୟି ମାନେ, ଆଥାତ ପ୍ରବୁତି ଦିନା ଖାଏ । ୪ ଇଞ୍ଜାସି ଏ ଦାମ୍ନୁ ହିଲୀଆଗାଟି ମାଣ୍ଡସି ପୂଜା ବେଟାଆହିମାନି ପେଣ୍ଡକା କି ମାହାପୁରୁ କପାଟି ନିଜିନେସି ଅଡେ ବାରେତି କିହାଁ ଜାହାରାଇଁ ହାଡ଼େକା ଗାଞ୍ଜୁରମି କିହାକଡିନେସି, ଇଲେକିହ ମାହାପୁରୁତି ଇଲୁତା ଜିକେଏ କୁଗାନା ଏଞ୍ଜାସି ନାନୁ ମାହାପୁରୁତେଏଁ ଇନେସି ।

* ମୀରୁ ଏଦାଆଁ ଅଣ୍ଡିପି ହିଲଅତେରି କି ? ନାନୁ ମୀ ତଲେ ମାଟିବେଲା ମିଜେ ଇ ବାରେ କାତା ଝେସାମାଞ୍ଜାତେଏଁ । ୬ ତୀରିକିହା ମାନି ଦିନା ଏଞ୍ଜାସି ତଞ୍ଜାଆନେସି, ଆଡିଜିକେଏ ତାନୁ ଖାନାଣି ଏନାୟି ଆଜିମାନେ ଏଦାଆଁ ମୀରୁ ପୁଞ୍ଜାମାଞ୍ଜେରି । ୭ ଏ ପାପୁତା ତୁଗାମାନି ବାଡ଼ୁନୁ ନୀଏଁ ଜିକେଏ କାମା କିହିମାନେ, ସାମା ଏନାୟି ଆନାୟି ମାନେ ଏ ଆଜା ମାନସି ଗୁତା ଆଆପାତେକା ଖାଏ ।

୮ ଏତିବେଲା ଲାଗେଏତି ଜୀଞ୍ଜୁଗାଟି ମାଣ୍ଡସି ତଞ୍ଜାଆନେସି, ଏଞ୍ଜାଣାଇଁ ପ୍ରୁ ଜୀସୁ ଗୁଡିଟି ହନି ଉକଅଡି ତଲେ ପାୟିନେସି ଇଞ୍ଜା ତାନୁ ଝେଣ୍ଡେ ଖାନାଟି ତଞ୍ଜାଆନି ଉଜେଡି ତଲେ ନାସା କିନେସି । ୯ ସୟତାନତି ବାଡ଼ୁନୁ ହୀପକି ଆହାମାନି ଲେହେଁ ବାରେଲେହେଁତି ମିତିତି ବାଡ଼ୁନୁ, ସିନା ଇଞ୍ଜା କାବାଆନି କାମା, ଅଡେ ନାସା ଆହିମାନି ଲକୁତାଣା ବାରେଲେହେଁତି ଦାମ୍ନୁ ନାଡି କିନାଆଁ ତଲେ ଲାଗେଏତି ମାଣ୍ଡସି ଖାନେସି, ୧୦ ଇଞ୍ଜା ନାସା ଆନାରାଇଁ ବାରେଲେହେଁତି ଲାଗେଏ ଗାଟି ନାଡିକିନି କାମା କିନେସି, ଏନାଆଁତାକି ଇଚିହ ମେଲପିଆୟାଲି ସାତାତି ଜୀଞ୍ଜୁ ନଆନା ଅପାଆଗାଟାରି ନାସା ଆନେରି । ୧୧ ଇଦାଆଁତାକି ଏଞ୍ଜାରି ଏନିକ ମିତିତାଣି ନାମିନେରି, ଏଦାଆଁତାକି ମାହାପୁରୁ ଏଞ୍ଜାରିତାଣା ନାଡିକିନି ବାଡ଼ୁନୁ ପାଣ୍ଡାମାଞ୍ଜାନେସି । ୧୨ ଏନିକିହ ଆମ୍ବାଆରି ସାତାତି ନାମାଆନା ଦାମ୍ନୁ ହିଲୀଆଗାଟି ତାଣା ରାହାଁ ଆହାମାନେରି, ଏଞ୍ଜାରି ବାରେଜାଣା ଡଣ୍ଡ ବେଟାଆନେରି ।

ଗେଲପିଆୟାଲି ହାଟୁକି ଆହାମାଞ୍ଜେରି

୧୩ ମା ପ୍ରବୁତି ଜୀଞ୍ଜୁତି ତାୟିୟାଁ ଅଡେ ତାଜିସ୍ତାତେରି, ମିଜେତାକି ବାରେଦିନା ମାହାପୁରୁଇଁ ଜହରା କିନାୟି ମା କାମା, ଏନାଆଁତାକି ଇଚିହ ମାହାପୁରୁ ଜୀଞ୍ଜୁତି ସୁଦୁ ଇଞ୍ଜା ସାତାତି ନାମୁତଲେ ଗେଲପି ଆହାଲି ମିଜେ ମୁଲୁତି ପାଡେୟିଲେଁ ବାଟି କିହାମାଞ୍ଜାନେସି । ୧୪ ଏଦାଆଁତାକି ଜିକେଏ ଏଞ୍ଜାସି, ମାମୁ ଝେକହାମାନି ନେହଁ କାରୁତଲେ ମା ପ୍ରବୁ ଜୀସୁ କ୍ରୀସୁତି ଗାଞ୍ଜୁରମି ବେଟାଆହାଲି ମିଜେ ହାଟାମାଞ୍ଜାନେସି । ୧୫ ଏଲେଆହଁ ଏ ଏ ମା ତାୟିୟାଁ ଅଡେ ତାଜିସ୍ତାତେରି ତୀରିଆହାଁ ମାଞ୍ଜୁ, ଅଡେ ମାମୁ ଝେସୁତି ବଲୁ କି ଆକୁ ତଲେ ମୀରୁ ଏନାଆଁ ଜାପାମାଞ୍ଜେରି, ଏଦାଆଁ ଜାଣ୍ଡେ ଆସାଁ ମାଞ୍ଜୁ ।

୧୬ ମା ପ୍ରବୁ ଜୀସୁ କ୍ରୀସୁ ତାନୁଏ ଅଡେ ମା ଆବା ମାହାପୁରୁ ଅଡେ ମାଜେ ଜୀଞ୍ଜୁନହାଁନା ତାନି କାର୍ମାଟି କାଲକାଲକାତି ସାସା ଅଡେ ନେହଁ ବାସୁଁ ହାହାମାଞ୍ଜାନେସି । ୧୭ ଏଞ୍ଜାସି

ତାନୁଏ ମୀ ହିୟାଁ ସୁସି ହାହାଁ ମିଜେ ବାରେଲେହେଁତି ନେହଁ କାମା ଇଞ୍ଜା ବଲୁତା ତୀରିକିୟାପେସି ।

୩

ମା ତାକି ପ୍ରାତାନା କିଦୁ

୧ ବାରେତି ତାୟିୟାଁ ଏ ମା ତାୟିୟାଁ ଅଡେ ତାଜିସ୍ତାତେରି ମାଜେ ତାକି ପ୍ରାତାନା କିଦୁ, ଏନିକ ପ୍ରବୁତି ନେହଁ ବଲୁ ମୀ ତାଣା ଆଡି ଲେହେଁ ବାରେଞ୍ଜାକି ଝେଜା ହାଜାନା ଗାଞ୍ଜୁରମି ପାଣ୍ଡନେ, ୨ ଅଡେ ଏନିକ ମାମୁ ରୁଦି ହିଲୀଆ ଗାଟାରି ଅଡେ ଦହୁଗାଟାରି ତାଣାଟି ଗେଲପି ଆନମି, ଏନାଆଁତାକି ଇଚିହଁ ବାରେ ତାଣା ନେହଁ ବଲୁ ନାମା ହିଲଅରି ।

୩ ସାମା ପ୍ରବୁ ଟିକାଣାତାସି, ଏଞ୍ଜାସି ମିଜେ ତୀରି କିହାନା ଲାଗେଏ ପଲେଏ ତାଣାଟି ଗେଲପାନେସି । ୪ ମାମୁ ମିଜେ ଏନିକ ହୁକୁମି ହାହିମାଞ୍ଜାନମି, ଏ ବାରେ ମୀରୁ କିହିମାଞ୍ଜେରି, ଅଡେ କିଦେରି, ଇଦି ମୀ ତାକି ପ୍ରବୁ ତାଣା ମା ଆଟୁଞ୍ଜା ନାମୁ ମାନେ ।

* ଅଡେ ପ୍ରବୁ ମୀ ହିୟାଁତି ମାହାପୁରୁତି ଜୀଞ୍ଜୁ ନନାଣି ଇଞ୍ଜା କ୍ରୀସୁତି ସାସା ବେଟାଆହାଲି ସାୟେମି କିୟାପେସି ।

ବାରେଜାଣା କାମା କିନାୟିମାନେ

୬ ଏ ମା ତାୟିୟାଁ ଅଡେ ତାଜିସ୍ତାତେରି, ମାମୁ ପ୍ରବୁ ଜୀସୁ କ୍ରୀସୁତି ଦରୁତଲେ ମାମୁ ମିଜେ ଇ ହୁକୁମି ହାହିମାଞ୍ଜାନମି, ଆମିନି ତାୟି ମା ତାଣାଟି ଜାପାମାନିଲେହେଁ ମାଣ୍ଡକିତା ମାନାଆନା ନିସ୍ତା ତଲେ ନୀଡିନେସି, ଏଞ୍ଜାଣି ତାଣାଟି ଜାହା ଜାହାରାଇଁ ଏଟକା କିଦୁ । ୭ ଇଚିହଁ ମାମୁ ଏନିକ କିହି ମାଟମି ଏଲେକ ମୀରୁଞ୍ଜା କିନାୟିମାନେ, ଏଦାଆଁ ମୀରୁ ମୀରୁଏ ନେହଁ କ ପୁଞ୍ଜାମାଞ୍ଜେରି, ଏନିକ ମାମୁ ମୀ ତାଣା ନିସ୍ତା ତଲେ ନୀଡି ହିଲୀଆତମି । ୮ ମାମୁ ଉଜେଏ ଆମ୍ବାଆରି ରାନ୍ଦା ତିଞ୍ଜି ହିଲୀଆତମି, ସାମା ମିଜେ ବଦୁ ଆଆପେଞ୍ଜା ଇଞ୍ଜା ଲାଆଁ ମାଦେନା ଖାହୁରାତା ଅଡେ କସୁତଲେ କାମା କିହି ମାଟମି; ୯ ମୀ ତାଣାଟି ଏନାଆଁ ବେଟାଆହାଲି ମା ଅଦିକାରା ହିଲେଏ, ଏଡି ଆଏ, ସାମା ଏନିକ ମୀରୁ, ମାମୁ କିହିମାଟିଲେହେଁ କିଦେରି; ଇଦାଆଁତାକି ମାମୁ ମୁନି ନକିତା ଜାହାରାଇଁ ନେହଁ ମାଣ୍ଡକି ତସାଲି ତାକି ଏଲେକିତମି । ୧୦ ଇଚିହଁ ମୀ ତଲେ ମାମୁ ମାଟାଟି ମିଜେ ଇ ହୁକୁମି ହିୟାତମି, “ଆମ୍ବାଆସି କାମା କିହାଲି ମନ କିଅସି, ଏଞ୍ଜାସି ରାନ୍ଦା ଜିକେଏ ତିନାଆପେସି ।”

୧୧ ଇଚିହଁ ମୀ ତାଣା ଏଟେକା ଲକୁ ନିସ୍ତା ତଲେ ନୀଡିମାଞ୍ଜେରି ଇଞ୍ଜା ଏଞ୍ଜାରି ଏନି କାମା କିଆନା ଉଜେ ଉଜେଏ ଏଟକା ଲକୁତି କାତା ଅଣ୍ଡିମାନେରି, ଇଞ୍ଜା ମାମୁ ଝେଞ୍ଜାମାନମି । ୧୨ ଇଲେତାରାଇଁ ନେହଁ ଆହଁ ନୀଡାଲି ଅଡେ ତାମି ରାନ୍ଦା ତାମୁ ନେହଁ ଅଣ୍ଡପୁ ତଲେ କାମା କିହାଲି, ମାମୁ ଜୀସୁ କ୍ରୀସୁ ଦରୁତଲେ ସେଡନା ଅଡେ ହୁକୁମି ହାହିମାଞ୍ଜାନମି ।

୧୩ ସାମା ଏ ମା ତାୟିୟାଁ ଅଡେ ତାଜିସ୍ତାତେରି ମୀରୁ ନେହଁ କାମା କିୟାଲି ଏଟେଲାଞ୍ଜା ଖାହାଆଦୁ । ୧୪ ଇ

ଆକୁତା ମାମ୍ବୁରାଚାନାଣି ଆମ୍ବାଆସି ମାନୁଞ୍ଜି ଆଅସି,
 ଏଞ୍ଜାଣାଈଁ ଗୁରି କିଦୁ, ଅଡ଼େ ଏଞ୍ଜାସି ଏନିକିଁ ଲାଜା
 ବେଟା ଆନେସି, ଏଦାଣିତାକି ଏଞ୍ଜାଣିତଲେ ଆଣ୍ଡାଆଦୁ;
 ୧୫ ଆଡ଼ିଜିକେଏ ଏଞ୍ଜାଣାଈଁ ସାତୁ ଲେହେଁ ମେହୁଆଦୁ, ସାମା
 ଏଞ୍ଜାଣାଈଁ ତାୟିଲେହେଁ ମେସାନା ସେଡ଼ନା ହୀଦୁ ।

ଆକୁତି ରାଫ୍ନି କାତା

୧୬ ହିଡ଼ଡ଼ି ଜୀଞ୍ଜୁହୀନି ପ୍ରବୁ ତାନୁଏ, ବାରେବେଲା ଅଡ଼େ
 ବାରେ ଖାକିଟି ମିଙ୍ଗେ ହିଡ଼ଡ଼ି ହିୟାପେସି । ପ୍ରବୁ ମୀ
 ବାରେଜାଣା ତଲେ ମାନାପେସି । ୧୭ ନାନୁ ପାଞ୍ଜୁଲତେଏଁ,
 ନା କେୟୁତଲେ ରାଚାନା ଜୀଞ୍ଜୁତି ଜହରା କିହିମାଞ୍ଜାଈଁ; ନା
 ବାରେ ଆକୁତା ନା ସିନା ହୀନି ଲେହେଁ ରାଡ଼ିମାଞ୍ଜାଈଁ, ନା
 ରାଡ଼ିନାୟି ଏଲେତାୟି ।

୧୮ ମା ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହୁନାୟି
 ବାରେତେରି ମିଙ୍ଗେ ଆୟାପେ ।

ତୀମଥୁଙ୍କ ନିକଟକୁ ପାଉଲଙ୍କ ପ୍ରଥମ ପତ୍ର ତିମତି ତାଣା ପାଞ୍ଚୁଲ ରାଚାମାନି ର ଲମ୍ବର ଆକୁ ମୂଲୁ ହାଡ଼ା

ମୂଲୁ ପତି ତିମତି ର ଲମ୍ବର ଆକୁ, ପାଣ୍ଡୁଆଡ଼ି ପାଞ୍ଚୁଲ ତାଣାଟି ତାନି ସୀସୁ ତିମତିକି ରାସ୍ତି ଆହାମାନେ । ଜୀସୁ କ୍ରୀସ୍ତ ଜାର୍ନାଆଡ଼ି ୭୧-୭୪ ବାର୍ଷା ତାୟୁ ର ଲମ୍ବର ତିମତି ରାସ୍ତି ଆହାମାଣ୍ଡିନେ । ଇଦି ପାଞ୍ଚୁଲତି ଜୀସୁ ରାନ୍ତି ବେଲାତା ରାସ୍ତି ଆହାମାଣ୍ଡିନେ । ପାଞ୍ଚୁଲ ତିମତି ତଲେ ହାରେକା ଜାଟୁ ମାଚେସି, ଏଞ୍ଜାସି ହାରେକା ଦେବା ତିମତିଇ ମୀରୁଏସି ଇଞ୍ଜି ଇଞ୍ଜା ମାନେସି ପିଲିପି ୨:୨୨; ୧ତିମ ୧:୨, ୧:୧୮ ।

ଇଦି ପାଞ୍ଚୁଲ ରାଚାମାନି ସାରିଗଟା ଆକୁ ବିତ୍ରାଟି କୁଲମିତି ପିସାନା ର ମାଣ୍ଡିଇଁ ଖେସିମାନେ । ଅଡ଼େ ତାନିଗଟା ଆକୁ ତିମତି ରା ଲମ୍ବର ଆକୁ, ତିତସ, ଅଡ଼େ ପିଲିମନ । ର ଲମ୍ବର ତିମତିତା କୁଲମିତି ହାରେକା ପ୍ରାତାନା କିନି ମେରାତି କାତା ୨:୧-୧୫, କୁଲମିତି କାଜା ଲକୁତି ଜଡ଼େତି କାତା ୩:୧-୧୩ ଅଡ଼େ ମିତି ଜାପ୍ନାରି କାତାତା ଜାଗ୍ରାତା କିନି କାତା ରାସ୍ତି ଆହାମାନେ ୧:୩-୧୧; ୪:୧-୫; ୬:୨-୫ । ପାଞ୍ଚୁଲ ତିମତିଇଁ ଏନିକିହିଁ କୁଲମିତି ନେହିଁ ସାଲୁଡ଼ି କିନାସି ଆହାଲି ଜାପ୍ନାରି ମାଚେସି ଏ କାତା ରାସ୍ତି ଆହାମାନେ ।

ତିମତି ର ଲମ୍ବର ଆକୁତା ହାରେକା ପାଣା ପାଟୁୟାଁ ମାନୁ, ଏଡ଼ି କୁଲମିତି ସାଲୁଡ଼ି କିନାରାଇଁ ନୀଞ୍ଜୁ ଡ଼ିଏତି କୁଲମିକାଣି ନେହିଁ କିଁ ଜାଟୁନୁ କିହାଲି ସାଢ଼େମି କିନୁ ।

ପତିତା ମାନାୟି

- ୧. ପାଞ୍ଚୁଲ ତିମତିଇଁ ଜହରା କିହାଁ ମାଟୁନାୟି । ୧:୧-୨
- ୨. ପାଞ୍ଚୁଲ ତିମତିଇଁ ମିତି ଜାପ୍ନାରି କାତାତା ଜାଗ୍ରାତା କିନାୟି । ୧:୩-୧୧
- ୩. ପାଞ୍ଚୁଲ କ୍ରୀସ୍ତ ତାକି ଏଚେକା ନେହିଁ ତସାମାନେସି ଏଦାଆଁ ଖେସାନା ଆକୁତି ରାଚିନାୟି । ୧:୧୨-୧୯
- ୪. ପାଞ୍ଚୁଲ ତିମତିଇଁ ପ୍ରାତାନାତି ପାଣାପାଟୁ ଅଡ଼େ ସାଲୁଡ଼ି କିନାରି କାତା ଜାପ୍ନାମାନେସି । ୨-୩
- ୫. ପାଞ୍ଚୁଲ ତିମତିକି ଏଚେକା ତାୟୁତି କାତା ଖେସାନା ଆକୁ ରାଚିନାଣି ରାପ୍ନାୟି । ୪-୬

^୧ ନାନୁ ପାଞ୍ଚୁଲ, ମା ଗେଲପାନି ମାହାପୁରୁ ଅଡ଼େ ବାସୁଁ ହାନି କ୍ରୀସ୍ତ ଜୀସୁ ହୁକୁମି ତଲେ ପାଣ୍ଡୁ ଆହାମାନାଚେସି ।

^୨ ନୀମାପୁତା ନା ଦାମୁତି ଜୀସୁତି ମୀରୁଏଣାତି ତିମତି; ଆବା ମାହାପୁରୁ ମା ପ୍ରଭୁ ଜୀସୁ କ୍ରୀସ୍ତ ତାଣାଟି ଜୀସୁନନାୟି କାର୍ମାମେହନାୟି ଅଡ଼େ ହିଡ଼ି ନିଜେତାକି ଆୟାପେ ।

ମିତି ଜାପ୍ନାରି ତାଣାଟି ଜାଗ୍ରାତା

^୩ ନାନୁ ମାକିଦନିୟାତା ହାଜିମାଚାଟି ମିଜେ ଖେସାମାଞ୍ଜାତି ଲେହେଁ, ନାନୁ ଏପିସିୟ ଗାଡ଼ାତା ତୟାମୁ ଏମ୍ପାଆଁ ଏଚରଜାଣା ଲାଗେଏତି କାତା ଜାପ୍ନାମାନେରି ଏମ୍ପାଟି ଏଞ୍ଜାରାଇଁ କାହିଁ କିମୁ, ^୪ କହୁୟାଁ ଇଞ୍ଜା ରାଆଗାଟି ଆକୁ ଆବାୟାଁ ଦରକାଣି ଆହୁଆପେରି ଇଞ୍ଜି ଏଞ୍ଜାରାଇଁ ଖେହ୍ମୁ, ଏ ବାରେ ନାମୁ ତାକି ମାହାପୁରୁତି କାମାତାକି ଆଆନା ସାମା ବାଦିବାଦା କିଞ୍ଜିକିନେ । ^୫ ସୁଦୁ ହିୟାଁ, ନେହିଁ ଅଣ୍ଡାପୁ ଅଡ଼େ କୁଟୁ ହିଲାଆ ନାମୁଟି ହଡ଼ିମାନି ଜୀସୁ ନନାଣି ଜାଗ୍ରାତା କିହାଲିତାକି ନାନୁ ଇ ହୁକୁମି ହାହିମାଞ୍ଜାଇ । ^୬ ଏଚରଜାଣା ଇ ବାରେ କାତାଟି ବାଣା ଆହାନା ଉଜେଏତି କାତା ଆସାନା ଏଟକା ଜିରୁ ହାଜିମାନେରି; ^୭ ଏଞ୍ଜାରି ମେରା ଜାପ୍ନାତମି ଇଞ୍ଜି ଅଣ୍ଡାପିନେରି, ସାମା ଏଞ୍ଜାରି ଏନାଆଁ ଖେହ୍ନେରି, ଅଡ଼େ ଏନାଆଁ ଜାଣେନାଞ୍ଜା ଜାପ୍ନେରି, ଏଦାଆଁ ତାମୁସୁ ତେଲହଅରି ।

^୮ ମାମୁ ପୁଞ୍ଜାମାନମି; ମେରାତି ନେହିଁ କିଁ ଲେମ୍ପିସାରେ, ଏଦି ନେହେଁ । ^୯ ସାମା ମେରା ଦାମୁଗାଟି ଲକୁତାକି କିଞ୍ଜିଆଆନା, ଜାହାରା ମନ, ଅଡ଼େ ମାନୁଡ଼ି ଆଆଗାଟାରି, ଦାମୁ ହିଲାଆ ଗାଟାରି, ଅଡ଼େ ପାପୁ ଗାଟାରି, ଲାଗେଏତାରି, ଦାମୁତି ନାମାଆଗାଟାରି, ତାଲି ତାଞ୍ଜିଇଁ ପାୟିନାରି, ଲକୁଣି ପାୟିନାରି, ^{୧୦} ଦାରି କିନାରି, ଆବା ଆବାୟାଁ ଦହ କିଞ୍ଜିଆନାରି, ଲକୁଣି ପାରନାରି, ମିତି ସାକି ହାନାରି, ଅଡ଼େ ମିତି କାତାତାକି ପାରମାଣା କିନାରାକି, ଅଡ଼େ ଆମ୍ପାଆରି ନେହିଁ ଜାପ୍ନାଣି, ତାକି ନିଜିନେରି, ଏଦାଆଁତାକି ମେରା ମାନୁଡ଼ି ଆଆଗାଟାରାକି ହାପକି ଆହାମାନେ, ^{୧୧} ଇଦି ନା ତାଣା ହେରପି ଆହାମାନାୟି ହାରେକା ନେହେଁ ମାହାପୁରୁତି ଗାଞ୍ଜୁରମିଗାଟି ନେହିଁ କାଟୁତି ଜାପ୍ନି ଲେହେଁ ଆଚେ ।

ମାହାପୁରୁତି କାର୍ମା ତାକି ଜହରା

^{୧୨} ନାଜେ କାମାତା ବାଡ଼ୁୟାଁ ହାହାମାଞ୍ଜାନି ମା ପ୍ରଭୁ କ୍ରୀସ୍ତ ଜୀସୁଇଁ ଜହରା କିହିମାଇଁ, ଏନାଆଁତାକି ଇଚିହିଁ ନାଜେ ଏଞ୍ଜାସି ମାନିଗାଟାଟି ଇଞ୍ଜି ଅଣ୍ଡାପାନା ସେବା କାମା ହେରପା ମାଞ୍ଜାନେସି । ^{୧୩} ଆଡ଼ିଜିକେଏ ତଲି ନାନୁ ଜୀସୁଇଁ ନିନ୍ଦା କିନାଚେସି, ତଣ୍ଡୁ ହୀନାଚେସି, ଅଡ଼େ ଲାଗେଏ କିନାଚେସି ମାଚେସି; ସାମା ନାନୁ ନାମା ହିଲାଆତାକି ବୁଦି ହିଲାଆଲେହେଁ ଏଦାଆଁ କିହିମାଚେସି ଇଞ୍ଜି କାର୍ମା ବେଟାଆଚେସି; ^{୧୪} ଅଡ଼େ ମା ପ୍ରଭୁତି କାର୍ମା କ୍ରୀସ୍ତ ଜୀସୁ ତାଣାଟି ନାମୁ ଅଡ଼େ ଜୀସୁ ନି ତାଣାଟି ନାଜେତାକି ହାରେକା ଆୟାତେ । ^{୧୫} ପାପୁ ଗାଟାରାଇଁ ଗେଲପାଲିତାକି କ୍ରୀସ୍ତ ଜୀସୁ ଦାରତିତା ଖାଡ଼େସି, ଇ ବଲୁ ସାତା ଅଡ଼େ ବାରେଖାକି ଆବିନାୟି ଅଡ଼େ ନାମିନାୟି; ଏ ପାପୁ ଗାଟାରି ବିତ୍ରାଟି ନାନୁ ବାରେକିହାଁ କାଜା ପାପୁ ଗାଟାଚେସି ^{୧୬} ଆଡ଼ିଜିକେଏ ଆମିନି ଗାଟାରି ଖାହିମାନି ଦିନାତା କାଲକାଲାତି ଜୀସୁ ବେଟାଆହାଲି ଜୀସୁ କ୍ରୀସ୍ତ

✱ ୧:୨ ୧:୨ କାମା ୧୭:୧ ✱ ୧:୧୩ ୧:୧୩ କାମା ୮:୩; ୯:୪,୫

ତାହା ନାମିନେରି, ଏହାରି ନକିତା ତସ୍ପି ଆହାଲି ନାନୁ ର କାଜା ପାପୁ ଗାଟାତେଏ, ନା ତାହା ଏହାସି ଏନିକି ତାନି କାଲେଏତି ଅରୁହିନାଣି ତହୁନେସି ଏଦାଆଁତାକି ନାନୁ କାର୍ମା ବେଟା ଆଡେଏ । ୧୭ ଏଚେଲାସା ନାସା ଆଆଗାଟାୟି ଇଞ୍ଜା ତଞ୍ଜାଆଆଗାଟି ରଣ୍ଡିଏ ମାହାପୁରୁ ଆମ୍ବାଆସି କାଲକାଲକାତି ରାଜା ଏହାଣାକି ମାନି ଅଡେ ଗାଞ୍ଜୁରମି କାଲକାଲକା ତାକି ଆପେ । ଆମେନ ।

୧୮ ତିମତି, ନା ମୀରଏଣାତି, ନିଙ୍ଗେତାକି ତଲି ଖେସିମାଞ୍ଜାତି ଲେହେ ନାନୁ ନିଙ୍ଗେ ଇ ହୁକୁମି ହାସିମାଞ୍ଜାଲି, ଏନିକି ନାନୁ ଇ ବାରେ କାତାତଲେ ନେହୁ ହୁକୁ କିହାଲି ଆଡିଦି । ୧୯ ଦାର୍ମୁ ଅଡେ ନାନୁ ନେହୁ ଅଣପୁ ଆହମ୍ବୁ; ଏଦାଆଁ ପିସା ମାନାକି ଏତରଜାଣାତି ନାନୁ ଲେହେତି ଜାଜା ତାହା ହାଜାମାନେ, ୨୦ ଏହାରି ବିତ୍ରାଟି ହୁମନାୟ, ଅଡେ ଆଲେକଜାଣ୍ଡାର ମାନେରି, ଏଦାଆଁତାକି ନାନୁ ଏହାରିଲି ସୟତାନ କେୟୁତା ହେରପିତେଏ, ଏନିକି ଇ ରିଆରି ପାଣା ବେଟାଆହାନା ମାହାପୁରୁଲି ନିନ୍ଦା କିଅରି ।

୨

କୁଲମିତା ପାଣାପାପୁ

୧ ଇଦାଆଁତାକି ନା ବାତିମାଲିନାୟି ମାହାପୁରୁଲି ଜହରା କିନି ବେଲାତା, ଦେସାତି ପାଣାଗାଟାରି, ୨ ଏଦାଆଁତାକି ବାରେ ଲକୁତାକି ରାଜାୟା ସାଲୁଞ୍ଜି କିନାରି, ବାରେତାକି ପ୍ରାତାନା, ଗହାରା ଅଡେ ଜହରା କିଦୁ, ମାର ଏନିକି ମାହାପୁରୁ ଆଜିତଲେ କିଲିବିଲି ଆଆନା ତୁୟିନାୟି ଅଡେ ଏଟକା ଲକୁ ତାଣା ନେହୁ ମାଣ୍ଡକି ମାଞ୍ଜାନା ସୁକୁ ଅଡେ ହିଡଡି ତଲେ ନୀତାଲି ଆଡିନାୟି । ୩ ଇଲେତି ପ୍ରାତାନା ମା ଗେଲପାନି ମାହାପୁରୁ ନକିତା ଲଡା ଆନାୟି ଅଡେ ଅପିନାୟି ଆନେ । ୪ ବାରେଜାଣା ଏନିକି ଗେଲପିଆନାଣି ଅଡେ ସାତାତି ବୁଦି ବେଟାଆନେରି ଇଞ୍ଜି ଏହାସି ଅଣପି ମାନେସି । ୫ ଇତିହୁ ରଣ୍ଡିଏ ମାହାପୁରୁ ମାନେସି, ଅଡେ ମାହାପୁରୁ ଇଞ୍ଜା ମାଣସିୟା, ମାଦିତି ମାଣସି ରଅସିଏ ମାନେସି, ଏହାସି ଜୀସୁ କ୍ରୀସ୍ତ, ର ମାଣସି । ୬ ଏହାସି ମାଣସିଲି ଗେଲପାଲିତାକି ତାନୁଏ ହେରପି ଆଡେସି, ଇଦାଆଁତାକି ସମାନା ବେଲାତା ତଞ୍ଜାଆହାନା, ମାହାପୁରୁ ବାରେ ମାଣସିୟାଲି ଗେଲପାଲି ଅଣପି ମାନେସି ଇଦାଆଁ ସାକି ହାହାମାନେସି । ୭ ଏଦାଆଁତାକି ନାନୁ ର ନେହୁ କାରୁ ଖେକନାତେଏ, ପାଣୁଞ୍ଜି ଆହାମାନାତେଏ, ଇଞ୍ଜା ନାନୁ ଅଡେ ସାତାତା ଏଟକା କୃତାତି ଲକୁ ତାଣା ଜାପୁନାତେଏ ଆୟାଲି ମାହାପୁରୁ ନାଙ୍ଗେ ଆଚାମାଞ୍ଜାତେସି, ନାନୁ ସାତା ଖେସିମାଞ୍ଜାଲି ନାନୁ ମିତି ଖେସିମାଞ୍ଜାଅ ।

୮ ଏଦାଆଁତାକି ନା ଅଣପୁ ବାରେଜାଣା ଆବାୟା କୃତା ଆନାଟି, ସୁଦୁ ଅଣପୁ ତଲେ କେସ୍ତା ପେରହାନା, କପା ଇଞ୍ଜା ତାହାରା ଆଆନା, ପ୍ରାତାନା କିପାରି । ୯ ଏଲେକିହୁଏ ଇୟାସିକା ଜିକେଏ ତାୟି ଅଜି କିହାନା, ଅଡେ ବାଂଗାରା ସାକୁ ତୁରୁଆନା, କି ଦାରାଗାଟି ହିମ୍ବରକା ତଲେ ତାମ୍ବୁ

ତାମ୍ବେ ଅଜି କିହାକତାଆନା, ମାନି ଅଡେ ନେହୁ ବୁଦିତଲେ ଉଣା ଦାରାତି ହିମ୍ବରକା ହୁତାନା, ୧୦ ଦାର୍ମୁଗାଟି ଇୟାସିକା ରାହା ଅଣପୁଟି ନେହୁ କାମାତି ଅଜୁତା ତାମ୍ବୁ ତାମ୍ବେ ଅଜି କିହା କତାପୁ । ୧୧ ଇୟାସିକା ପାଲେଏ ମାଞ୍ଜାନା ସୁଦୁଗାଟି ଅଣପୁ ତଲେ ଜାପାପୁ । ୧୨ ନାନୁ ଇୟାସିକାଣି ଜାପୁହାଲି କି ଆବାୟା ମୁହେଁ ସାଲୁଞ୍ଜି କିହାଲି ହେଲ ହାହି ହିଲଅଁ, ସାମା ଏଞ୍ଜି ପାଲେଏ ମାନାପୁ । ୧୩ ଏନିକିତହୁ ମାହାପୁରୁ ନକେଏ ଆଦମଲି ଗାଡିକିତେସି ଅଡେ ତାୟି ହବାଇ ୧୪ ଅଡେ ଆଦମ ନାଡିକିଞ୍ଜି ଆହା ହିଲଆତେସି, ସାମା ଇୟା ନାଡିକିଞ୍ଜି ଆହାନା ମାହାପୁରୁଟି ମେରାଟି ଦହ ଗାଟାୟି ଆଡେ; ୧୫ ସାମା ଇୟାସିକା ତାମ୍ବେ ଉଣା କିହା କତାନା ନାନୁତଲେ ଜୀଞ୍ଜୁ ନଞ୍ଜିଆହାନା, ସୁଦୁଜୀଞ୍ଜୁ ତଲେ ମାଞ୍ଜାନା କକାରି ପଦା ଜାନି କିହାନା ଗେଲପି ଆନୁ ।

୩

କୁଲମିତି କାଜାରି

୧ ଇ କାତା ସାତା, ଆମ୍ବାଆସି କ୍ରୀସ୍ତାନା କୁଲମିତା ଜାତୁନୁ କିନି ପାଣା ବେଟାଆହାଲି ଅଣପିମାତିସାରେ, ଏହାସି ନେହୁ କାମା କିଲି ଇଞ୍ଜି ଅଣପିନେସି । ୨ ଇଦାଆଁତାକି କୁଲମିତି କାଜାସି ଦହ ହିଲଆଗାଟାସି ଆନାୟି ମାନେ, ରଣ୍ଡିଏ ତକ୍ରିନି ତକ୍ରା, ଟିକାଣାତାସି, ନେହୁ ଅଣପୁ ଗାଟାସି, ପୁନାଆତି ଗତାୟାଣି ସେବା କିନାସି, ଅଡେ ନେହୁ କି ଜାପୁନାସି ଆନାୟି ମାନେ । ୩ ଅଡେ କାଡୁ ଗହନାସି କି ଗଡହା କିନାସି ଆଆନା, ସୁଦୁ ସୁଞ୍ଜାଲା, କପା ଇଟାଆଗାଟାସି, ଅଡେ ଦନ ଜୁପକା ଗାଟାସି ଆଆୟି ମାନେ, ୪ ଏହାସି ତାନି ଇଲୁ କୁଟମିତି ନେହୁ କି ସାଲୁଞ୍ଜି କିନାସି, ଅଡେ କକାରି ପଦାଣି ତୀରପୁତଲେ ଜାତୁନୁ କିନାୟିମାନେ । ୫ ଆମ୍ବାଆସି ତାନି ଇଲୁ କୁଟମିତି ନେହୁ କି ଜାତୁନୁ କିହାଲି ଆଡଅସି, ଏହାସି ଏନିକି ମାହାପୁରୁ କୁଲମିତି ଜାତୁନୁ କିନେସି ? ୬ ଏହାସି ପୁଞ୍ଜି ନାମିତାସି ଆଆୟି ମାନେ, ଇତିହୁ ଏଚେତା ପାଟେ ନାନୁ କାଜାତେଏ ଇଞ୍ଜି ବଡପଣ ଆହାନା, ସୟତାନ ତଣ୍ଡ ପାଣ୍ଡିଲେହେଁ ତଣ୍ଡ ବେଟା ଆନେସି । ୭ ଅଡେ ଏହାସି ନାମାଆଗାଟାରି ତାଣାଟି ଜିକେଏ ମାନି ବେଟାଆନାୟି ମାନେ, ଆଆତ ଲାଜା ବେଟାଆହାନା ସୟତାନ ପାହାତା ହେରନେସି ।

କୁଲମିତି ସାଢେମି କିନାରି

୮ ଏଲେକିହୁଏ କୁଲମିତି ସେବା କିନାରି ନେହୁ ଅଣପୁ ତଲେ ନାନୁତା ତୁରାମାନାଣି ଆସାନା ତାରିତଲେ ମାଞ୍ଜାନା ନାଡି କିନାସି ଆଆପେସି, ୯ କାଡୁ ଗସିହୁ ତୁୟିନାସି, ଉଜେଏତି ଦନତି ଜୁପକା ଆଆୟି ମାନେ ୧୦ ଏହାରି ସେବା ପାଣା ପୁଞ୍ଜିଆ ନକେଏ ଏହାରି ତାୟିପାରି କିଞ୍ଜିଆପାରି, ଅଡେ ଏହାରିତାଣା ଏନି ଦହ ତଞ୍ଜା ଆଆଡିହୁ, କୁଲମିତି ସାଢେମି କିନାରି ଆପେରି ।

☆ ୨:୭ ୨:୭ ୨ତିମ ୧:୧୧ ☆ ୨:୯ ୨:୯ ୧ପିତ ୩:୩

୧୧ ଏଲେକିହ ଏ ଏଞ୍ଜରୀ ତକ୍ତିସିକା ଜିକେଏ ନେହ
 ଗୁଣୁ ଗାଟାକ* ଆହାନା ସାକ୍ତି ହିଲାଆଗାଟାକ ଆହାନା
 ତୀରପୁ, ପାଲେଏ ମାଞ୍ଜାନା ବାରେ କାମା ଚିକାଣା ତଲେ
 କିପୁ । ୧୨ ସେବା କିନାରି ରଣ୍ଡିଏ ତକ୍ତିଟି† ତକ୍ତା ଆପେରି,
 ଅଡ଼େ ଏଞ୍ଜସି ତାମି କକାରି ପଦାୟାଣି ଅଡ଼େ ତାମି ଇଲୁ
 କୁଟମିତି ନେହ କ ସାଲୁଞ୍ଜି କିପେରି । ୧୩ ଇଚିହ
 ଆମିନି ଗାଟାରି ନେହ କ ସେବା କାମା କିହାମାନେରି,
 ଏଞ୍ଜାରି କୁଲମିତା ମାନ୍ନିଗାଟାରି ଇଞ୍ଜି ଝେଜିନେରି ଅଡ଼େ
 କ୍ରୀସ୍ତ ଜୀସ୍ତ ତାଣା ନାମୁତା ହାରେକା ସାସା ବେଟାଆନେରି
 ।

ଡୁଗାମାନି କାଜା କାତା

୧୪ ଇ ଆକୁ ରାଚିନି ବେଲାତା, ନାନୁ ନୀ ତାଣା ତବେ
 ଝାହାଲି ଆସା କିହିମାକ୍; ୧୫ ସାମା ନା ଝାନାୟି ଝେଡ଼ା
 ଆଡିହ, ମାହାପୁରୁ ଇଲୁ କୁଟମିତା ଇଚିହ ସାତାତି ମୁଣ୍ଡା
 ଅଡ଼େ ପୁନାଦି ଲେହେଁ ଜୀଝୁତି ମାହାପୁରୁ କୁଲମିତା, ଏନି
 ମାଣକିତା ମାନାୟି ମାନେ, ଏଦାଆଁ ନାନୁ ଏନିକ ପୁଞ୍ଜାଲି
 ଆଡିଦି, ଇଦାଆଁତାକି ଇ ବାରେ କାତା ନାନୁ ରାଚିମାଞ୍ଜାକ୍
 । ୧୬ ମାହାପୁରୁତି ଦାମ୍ପୁତି ବାରେ କାତା ହାରେକା କାଜାୟି,
 ଇଦାଆଁ ବାରେ ଲକୁ ଝେକ୍ନେରି । ଏଦି ଇଦି,
 କ୍ରୀସ୍ତ ମାଣସି ଝାଣା ଆହାନା ତଞ୍ଜାଆଡେସି,
 ସୁଦୁଜୀଝୁତା ଦାମ୍ପୁଗାଟାସି ଇଞ୍ଜି ଝେଜିତେସି,
 ଦୂଡୁୟା ତଲେ ତଞ୍ଜାଆଡେସି,
 ଏଟକା ଲକୁତାଣା ଝେଜିତେସି,
 ଦାରୁତିତା ନାମୁଗାଟାସି ଆଡେସି,
 ଇଞ୍ଜା ମାହାପୁରୁ ଗାଝୁରମି ତଲେ ଲାକପୁରୁ
 ଅଞ୍ଜିଆଡେସି ।

୪

ମିତି ଜାପୁନାରି

୧ ସୁଦୁଜୀଝୁ ତୀରିତଲେ ଝେସିମାଞ୍ଜାନେ, ଜୁଗୁ ରାନ୍ନି
 ବେଲାତା ଏଚେକା ଲକୁ ଲାଗେଏତି ନାଡ଼ିକିନି ଜାପୁନି
 ତାଣାଟି କୁଲମିତି ନାମୁଟି ହେକ ଆନେରି, ୨ ଏଞ୍ଜାରି
 ଏଚରଜାଣା ନାଡ଼ିକିନାରି, ଏଞ୍ଜାରି ଅଣ୍ଡୁ ହାଡ଼ାୟି, ୩ ଏଞ୍ଜାରି
 ବାହା କିନାୟି ଅଡ଼େ ଏନି ଏନି କାଦି ତିନାୟି ଇଞ୍ଜି ନେହେଁ
 ଆଏ ଇଞ୍ଜିମାନେରି । ସାମା ଆମିନି କ୍ରୀସ୍ତକ୍ ନାମିତି ଲକୁ
 ସାତାତି ପୁଞ୍ଜାମାନେରି, ଏଞ୍ଜାରି ମାହାପୁରୁ ଗାଡ଼ିକିତି ବାରେ
 କାଦି ତାକି ଏଞ୍ଜାଣାକ୍ ଜହରା କିହାନା ଏଦି ନେହାୟି ଇଞ୍ଜି
 ତିଞ୍ଜାଲି ଆଡିନେରି । ୪ ଇଚିହ ମାହାପୁରୁ ଗାଡ଼ିକିତି ଆସ୍ତି
 ବାରେ ନେହାୟି, ଇଞ୍ଜା ମାହାପୁରୁକ୍ ଜହରା କିତିସାରେ
 ଏନାୟି ଜିକେଏ ତିନାଆଗାଟାୟି ଆଏ । ୫ ଏନାଆଁତାକି
 ଇଚିହ ମାହାପୁରୁତି ବଲୁ ଅଡ଼େ ପ୍ରାଡ଼ାନା ତଲେ ଏଦାଆଁ
 ସୁଦୁ କିଞ୍ଜିଆନେ ।

ଜୀସ୍ତ କ୍ରୀସ୍ତ ନେହ ସେବା କିନାସି

* ୩:୧୧ ୩:୧୧ ଇୟାସିକା ସେବା କିନାକ † ୩:୧୨ ୩:୧୨ ରଣ୍ଡିଏ ବାହା ତକ୍ତି

୬ ଇ ବାରେ କାତା ମୀରୁ ତାୟି ତାଜିକ୍ ଜାପୁହିସାରେ
 କ୍ରୀସ୍ତ ଜୀସ୍ତ ର ନେହ ସେବା କିନାତି ଆଡେରି, ଇଞ୍ଜା
 ମୀରୁ ଆମିନି ନାମୁ ଅଡ଼େ ନେହ କାତା ଆସାମାଞ୍ଜେରି,
 ଏଲେତି ବଲୁ ତଲେ ପାତା ଆଡେରି; ୭ ସାମା ଉଜେଏ
 ଝେହୁନି କାତାୟା ଝେନାଆନି, ମାହାପୁରୁକ୍ ଆଜାନା
 ନୀତାମାଞ୍ଜାଲି ଜାପାମୁ, ୮ ଇଚିହ ଆଜାତି ପାତି କିନାୟି
 ଗାଡ଼େକା ତାକି ଲାବା ଆନେ, ସାମା ମାହାପୁରୁକ୍ ଆଜିନାୟି
 ଇ କାଲାତା ଅଡ଼େ ଝାହିମାନି କାଲାତି ଜୀଝୁତାକି ମାହାପୁରୁ
 ଆଞ୍ଜାମାନି ଲାବାଗାଟାୟି ଆନେ । ୯ ଇ କାତା ନାମିନାୟି
 ଅଡ଼େ ବାରେ ଲକୁ ଅପିନାୟି । ୧୦ ଇଦାଆଁ ତାକି ମୀରୁ ମନ
 ହୀହାନା ଝାହୁ ତଲେ ଜୀଝୁ ତୁସାନା କାମା କିହିମାନାୟି,
 ଏନାଆଁତାକି ଇଚିହ ଆମିନି ଜୀଝୁଗାଟି ମାହାପୁରୁ ବାରେ
 ମାଣସିକ୍ ଇଚିହ ନାମିନାରାକ୍ ଗେଲପିନାସି, ତାନି ତାଣା
 ମା ବାସୁ ମାନେ ।

୧୧ ନାନୁ ଇ ବାରେ କାତା ହୁକୁମି ହୀହାନା ଜାପୁମୁ । ୧୨ ନୀ
 ଦାଂଗଣା ବେଲାତି ଆମ୍ବାଆସି ହୀଣି କିୟାଆପେସି, ସାମା
 ନୀ କାତାତା, ନୀ ଲେମ୍ପିନି ତାଣା, ନୀ ଜୀଝୁ ନନି ତାଣା,
 ନୀ ନାମୁତା, ଇଞ୍ଜା ନୀ ସୁଦୁତା, ନାମିନାରାକି ନାନୁ ନେହ
 ତହୁନାତି ଆମୁ । ୧୩ ନାନୁ ନୀ ତାଣା ଝାଆ ପାତେକା ନାନୁ
 ଦାମ୍ପୁ ପତିକ୍ ପଡ଼ଞ୍ଜି ଆହାନା, ମାହାପୁରୁ କାତା ଝେକ୍ମୁ,
 ଇଞ୍ଜା ଜାପୁନି ତାଣା ମନ ହୀହାନା ମାନାମୁ । ୧୪ ମାହାପୁରୁ
 ବଲୁ ଝେକ୍ହା ମାଞ୍ଜାନି କୁଲମିତି କାଜାରି ନୀ ତାୟି ତୁ
 କେସ୍ତା ଇଟାନା ନିଜେ କାର୍ମାତି ଦାନା ହୀହାମାଞ୍ଜାନେରି,
 ଏଦାଆଁ ହେଲା କିଆନି । ୧୫ ନୀ ପାତା ଆହିମାନାୟି
 ଏନିକ ବାରେ ଲକୁ ନକିତା ତଞ୍ଜାଆନେ, ଏଦାଆଁତାକି ଇ
 ବାରେ କାତାତା ମନ ହୀହାନା ଏ ବାରେ କିହେମାନାମୁ ।
 ୧୬ ନିଜ ତାକି ଅଡ଼େ ନୀ ଜାପୁନାଣି ତାକି ଜାଗ୍ରାତା ଆମୁ, ଇ
 ବାରେ କାମା କିହ ମାନାମୁ, ଇଚିହ ଏଦାଆଁ କିତିସାରେ
 ନାନୁ ନୀ ଗେଲପିନାଣି ଅଡ଼େ ନୀ କାତା ଝେଞ୍ଜି ମାନାରାକ୍
 ଜିକେଏ ଗେଲପିଦି ।

୫

ନାମିନି ଲକୁତି ଦାୟିପତି

୧ ବୁଡ଼ହା ଲକୁଣି ଲାଗାଆନି, ସାମା ଏଞ୍ଜାଣାକ୍ ଆବା
 ଇଞ୍ଜି ଅଣ୍ଡପାନା ଲେମ୍ପାମୁ; ଅଡ଼େ ଦାଂଗଣା କକାରାକ୍
 ତାୟିଲେହେଁ ମେହମୁ, ୨ ବୁଡ଼ହି ଇୟାସିକାଣି ତାଲି
 ଇଞ୍ଜିହ ଅଡ଼େ ତାଆସିକାଣି ସୁଦୁ ମନତଲେ ତାଜିସ୍ତା
 ଇଞ୍ଜିହ ଅଣ୍ଡପାନା ଏଲେକ ସିନିକିମୁ ।
 ୩ ଏନାଆଁ ହିଲାଆଗାଟି ରାଣ୍ଡେଣି ଇୟାସିକାଣି ମାନ୍ନି କିମୁ
 । ୪ ସାମା ଆମିନି ରାଣ୍ଡେଣି ଇୟା କି ମୀରୁକା ମାସ୍ତକାକି
 ତାଜା ମୀରୁକା ମାସ୍ତକା ମାଚିହ, ଏଞ୍ଜି ନକେଏ ତାମି
 ଇଲୁ କୁଟମି ତାରାକ୍ ମାନ୍ନି କିହାଲି ଲକ୍ନାୟି ମାନେ,
 ତାଲି ତାଞ୍ଜିକ୍ ନେହ କିହାଲି ଜାପାପୁ; ଏନିଚିହ
 ଇଦି ମାହାପୁରୁ ନକିତା ନେହାୟି । ୫ ଆମିନି ରାଣ୍ଡେଣି

ଇୟା ରଣ୍ଡିଏ ମାନେ ଅଡ଼େ ଆମ୍ବାଆରି ଜାତ୍ତୁ ଅନାରି ହିଲଅରି ଏଞ୍ଜି ମାହାପୁରୁ ତାଣା ବାସ୍ତୁ ଇଟାନା ଲାଆଁ ମାଦେନା ବାତିମାଲିହୁଁ କାଲେଏ ପ୍ରାତାନା କିପୁ; ୭ ସାମା ଆମ୍ବାଆୟି ଆଙ୍ଗାତି ରାହାଁତା ମୁଞ୍ଜାନା ତ୍ତୟିନି ରାଣ୍ଡେଣିସିକା ଏଞ୍ଜି ଜୀଞ୍ଜୁତଲେ ମାତିହୁଁ ଜିକେଏ ହାଡ଼ି ଲେହେଁତାଇ । ୮ ଏଞ୍ଜି ଏନିକିଁ ଦହୁ ହିଲଆଗାଟାଇ ଆନୁ, ଇଦାଆଁତାକି ଇ ବାରେ କାତା ଜିକେଏ ଜାପୁମୁ । ୯ ସାମା ଆମ୍ବାଆସି ତାନି ପାଡ଼ିତି ଲକୁ ଅଡ଼େ ତାନି ଇଲୁ କୁଟମିତି ଲକୁଣି କେରୁଅସି, ଏଞ୍ଜାସି ନାମୁତି କାତାଇଁ ଆବାହିଲଅସି, ଇଞ୍ଜା ଏଞ୍ଜାସି ନାମାଆଗାଟାଣି କିହାଁ ହାରେକା ଲାଗେଏ ଆନେସି ।

୧୦ ଆମିନି ରାଣ୍ଡେଣି ତାନିକଡ଼ି ବାସାଟିଏ ଉଣା ଆଏ, ଅଡ଼େ ରଣ୍ଡିଏ ତକ୍ତାଇଁ ବାହା ଆହାମାନେ, ଏଞ୍ଜାସିକା ଦରୁ ରାଟାମୁ, ୧୧ ଅଡ଼େ ନେହୁଁ କାମାତାକି ଝେଙ୍ଗାମାନେ, ଅଡ଼େ ଏଡ଼ି ମାରକା ମାସକାଣି ପହିପାତି କିହାନା, ପାଡ଼ିତି ଗତାୟିଣି ସେବା କିହିମାନେ, ମାହାପୁରୁ ଲକୁଡ଼ି କତାୟି ନରହା ମାନେ, ଦୁକୁ ଗାଟାରାଇଁ ଦୁକୁ ତୁକ୍‌ହିମାନେ, ଅଡ଼େ ବାରେ ନେହୁଁ କାମା କିହାଲି ରାହାଁ ଆହିମାନେ, ଆତିହୁଁ ଏଦାନି ଦରୁ ରାଣ୍ଡେଣିସିକା ଆକୁତା ରାସ୍‌କି ଆପେ ।

୧୨ ସାମା ତାଆ ରାଣ୍ଡେଣିସିକା ଦରୁ ରାଟାଆନି, ଇତିହୁଁ ଏଞ୍ଜି ଆଙ୍ଗାତି ରାହାଁତା ଜୁପକା ଆହାନା କ୍ରୀସୁ ତାଣାଟି ଏଟକା ଆହାନା ବାହା ଆୟାଲି ମନ କିନୁ; ୧୩ ଏଞ୍ଜି ତାନି ତଲିତି ଆଞ୍ଜାମାଟାଣି ମାନି କିହାହିଲଆକି, ତଣ୍ଡୁ ଗାଟାଇ ଆନୁ, ୧୪ ଅଡ଼େ ଜିକେଏ ଏଞ୍ଜି ଇଲୁତାକି ଇଲୁ ରେଜିହୁଁ ନିସ୍ତା ଆହାଲି ଜାପୁନୁ, ଅଡ଼େ ଝାରଇ ନିସ୍ତା ଆଏ, ସାମା ଲାଗେଏ ପଲେଏତି ପୁସ୍‌ପନିକା, ଅଡ଼େ ସାକ୍ତି ଜଲଲି ଜାପାନା ଉଜେ ଉଜେଏତି ଲଡ଼ାହିଲଆ କାତାୟି ବାସୁଁ ଆନୁ । ୧୫ ଇଦାଆଁତାକି ନା ଅଣ୍ଡପୁ ତାଆ ରାଣ୍ଡେଣିସିକା ବାହା ଆପୁ, କକାରି ପଦାଁ ଆପୁ, ଇଲୁ କୁଟମିତି ଲେମ୍ବାପୁ, ଇଞ୍ଜା ନିନ୍ଦା କିହାଲି ସାତୁୟିକି ଏନି ପାରୁ ହାଆପୁ; ୧୬ ଇତିହୁଁ ନୀର୍ବି ଜିକେଏ ଆମ୍ବା ଆମ୍ବାଆୟି କ୍ରୀସୁ ତାଣାଟି ହେକ ଆହାନା ସୟତାନତି କେଟ ହାଜାମାନୁ । ୧୭ ଅଡ଼େ ଆମିନି ନାମାମାନି ଇୟାସିକା ଇଜ ରାଣ୍ଡେଣିସିକା ମାତିହୁଁ, ଆତିହୁଁ ଏଞ୍ଜି ଏଞ୍ଜାସିକା ଜାତ୍ତୁ ଅପୁ, ଅଡ଼େ କୁଲମିତାକି ବଜୁ କିଆପୁ, ଏନିକିଁ କୁଲମି ଏନାଆଁ ହିଲଆଗାଟି ରାଣ୍ଡେଣିସିକାଣି ଜାତ୍ତୁ ଅନେ ।

୧୮ ଆମିନି ପ୍ରାତିନାଙ୍ଗା କୁଲମିତି ନେହୁଁକିଁ ଜାତ୍ତୁ କିନେରି, ବାରେକିହାଁ ଆମିନି ଗାଟାରି ବଲୁ ଝେକହାଲି, ଅଡ଼େ ଜାପୁହାଲି ଝାହୁ ତଲେ କାମା କିନେରି, ଏଞ୍ଜାରି ରୀ ଗୁଣୁ ମାନି ବେଟାଆନି ଜଟେ । ୧୯ ଦାମ୍‌ପୁ ପତିତା ରାସ୍‌କି ଆହାମାନେ, “ନପୁଁ ନିକଡ଼ି ମୃତିତା କତ୍ତା ଦହୁଆନି” ଅଡ଼େ “କାମାକିନାସି ତାନି କାମାତି ପାଡ଼େୟି ବେଟାଆନାୟି ମାନେ ।” ୨୦ ରିଆରି କି ତାନି ଜାଣା ସାକିୟାଁ ହିଲଆନା ଆମିନି ପ୍ରାତିନା କପାଟି ଏନି କାତା ଝେସ୍ତାତିହୁଁ ଆହୁଆନି । ୨୧ ଆମିନି ଗାଟାରି ଦହୁ କିନେରି, ଏଞ୍ଜାରାଇଁ ବାରେ ଲକୁ

ନକିତା ଲାଗାମୁ, ଏନିକିଁ ଏଦାଆଁ ମେସାନା ଏଟକାତି ଲକୁ ଆଜିନେରି ।

୨୨ ନାନୁ ମାହାପୁରୁ, ନକିତା ଅଡ଼େ କ୍ରୀସୁ ଜୀସୁ ନକିତା ଅଡ଼େ ମାହାପୁରୁ ଆଡ଼ିତି ଦୁତୁୟାଁ ନକିତା ଜାଣ୍ଡେ ହୁକୁମି ହାହିମାଞ୍ଜାଇଁ ନାନୁ ତଲିତିଲେହେଁ ଆଆନା ଇ ବାରେ ମାନଞ୍ଜି ଆମୁ, ଅଡ଼େ ଆମ୍ବାଆରାଇଁ ପାରଡ଼ା କିଆନା ଇ ବାରେ କାମା କିମୁ । ୨୩ ଦାଗା ଆହାନା କେୟୁ ଇଟାହାଁ ମାହାପୁରୁତି ସେବା କାମାତାକି ଆମ୍ବାଆରାଇଁ ଜିକେଏ ଆଟ୍‌ଆନି । ଏଟକା ଲକୁଡ଼ି ପାପୁତା ଜାହାରାଇଁ ଆଟ୍‌ଆନି । ନାନୁ ଜାହାରାଇଁ ସୁଦୁ କିହାକତାମୁ ।

୨୪ ନୀ ବାଣ୍ଡି ଆଗିଁ ହିଲଆକି ଅଡ଼େ ନୀ ଆଙ୍ଗାତା ଅଲେ ଅଲେ ରଗ ଆହିମାନାକି ଝାରଇ ଏୟୁ ଗହୁଆନି ଅକୁରି ରାସା ଇଟରା ଲାକା ଗହୁମୁ ।

୨୫ ଏଟରଜାଣାତି ପାପୁ ନୀହାଁୟି କିଆ ନକେଏ, ତଞ୍ଜାଆନେ, ଅଡ଼େ ଏଟରଜାଣାତି ପାପୁ ତାୟୁ ତଞ୍ଜାଆନେ । ୨୬ ଏଲେକିହୁଁ ଏ ସାତା କାମା ତଲିଏ ତଞ୍ଜାଆନେ, ଅଡ଼େ ଏନା ଏନାୟି ତଞ୍ଜା ଆଏ, ଏଡ଼ି ତ୍ତୁନା ତ୍ତୟାଲି ଆଡେଏ ।



୨୭ ଏମିନି ଲକୁ ହଲିୟାଙ୍ଗା ଜୁଝେଡ଼ିତା ହେରୁଝାମାନେରି, ଏଞ୍ଜାରି ତାନି ସାଞ୍ଜୁକାରିୟାଁ ନେହୁଁକିଁ ମାନି ବେଟାଆନାରି ଇଞ୍ଜି ଅଣ୍ଡପାପେରି, ଏନିକିଁ ମାହାପୁରୁ ଦରୁ ଅଡ଼େ ଜାପୁନି ତାଣାଟି ନିନ୍ଦା ଆଏ । ୨୮ ଅଡ଼େ ଆମିନି ଗାଟାରି ସାଞ୍ଜୁକାରିୟାଁ କ୍ରୀସୁନା ଆହାମାନେରି, ଏଞ୍ଜାରି ଏଞ୍ଜାରାଇଁ ମା ତାୟି ଇଞ୍ଜି ଅଣ୍ଡପାନା ହାଣି କିଆପେରି, ସାମା ହାରେକା ଜାତ୍ତୁ ତଲେ ଏଞ୍ଜାରି ସେବା କିପାରି, ଇତିହୁଁ ଆମିନି ଗାଟାରି କାମା ତଲେ ଲାଟା ବେଟାଆନେରି, ଏଞ୍ଜାରି ନାମିନାରି ଅଡ଼େ ମା ଜୀଞ୍ଜୁ ନନାରି, ଇ ବାରେ କାତା ଜାପୁହାନା ଝେହୁମୁ ।

ମିତି ଜାପୁନାୟି ଅଡ଼େ ସାତା ଦନ

୨୯ ଆମ୍ବାଆସି ଅର ରଲେତି କାତା ଜାପୁହାନା ମା ପୁବୁ ଜୀସୁ କ୍ରୀସୁତି ନେହୁଁ ବଲୁ ଅଡ଼େ ମାହାପୁରୁ ଆଜିନି କାତାତି ଜାପୁନାଣି ଆହୁଅସି, ୩୦ ଆତିହୁଁ ଏଞ୍ଜାସି ଲାଗେଏତି ବଡପଣ ଗାଟାସି, ବୁଦି ହିଲଆଗାଟାସି, ବାଦିବାଦା, ଅଡ଼େ ଗଡ଼ହା କିନିତାଣା ମୁଞ୍ଜାମାନେସି; ଏମ୍ବାଟିଏ ତାହାରା, ଗଡ଼ହା, ରଅଣାଇଁ ଉଜେଏ ନିନ୍ଦା କିନାୟି, ଲାଗେଏ ଆନାମାନା ଆନାୟି ହନେ, ୩୧ ଇଞ୍ଜା ବୁଦି ହିଲଆ ଗାଟାରି ଅଡ଼େ ସାତାତି ପିସା ମାନାରି ବିତ୍ତା କାଲେଏ ବାଦିବାଦା ହନେ, ଇତିହୁଁ ମାହାପୁରୁଆଁ ଆଜିନାୟି ଏଡ଼ି ଲାଟା ବେଟାଆନି ଜିରୁ ଇଞ୍ଜି ଏଞ୍ଜାରି ଅଣ୍ଡପିନେରି ।

୩୨ ମାହାପୁରୁଆଁ ଆଜାନା, ନୀତିନାୟି ନେହେଁ ଆଡ଼ିସାରେ ସାତେଏ ଏଡ଼ି ଲାଟାଗାଟାୟି; ୩୩ ଏନାଆଁତାକି ଇତିହୁଁ ମାରୁ ଦାରୁଡିତା ଏନାଆଁ ତାଟା ହିଲଆୟି, ଅଡ଼େ ଇ ଦାରୁଡିଟି ଏନାଆଁ ଅହାଲି ଆଡାଆୟି; ୩୪ ଇଦାଆଁତାକି ବାଣ୍ଡିତି କାଦି ଆଙ୍ଗା ତାକି ହିମ୍ବୁରିକା ମାତିହୁଁ ଇଚେକେଏ ସାରି । ୩୫ ସାମା ଆମ୍ବାଆରି ଗାଡ଼ି ବାଡ଼କାଲି ଅଣ୍ଡପିନେରି, ଏଞ୍ଜାରି

୫:୧୮ ୫:୧୮ ମାଡ଼ି ୧୦:୧୦; ଲୁକ ୧୦:୭

ତାୟିପାରି କିନି ତାଣା ଅଡ଼େ ପାନ୍ଦାତା ହେରଝାନା, ଅଡ଼େ
 ବୁଦି ହିଲାଆଗାଟି ନାସାକିନି ଅଣ୍ପୁତି ପାନ୍ଦାତା ହେରନେରି,
 ଇ ବାରେ ମାଣସିଇଁ ବୁଡ଼ି ଆନିଝାକି ଅଡ଼େ ନାସା ଆନିଝାକି
 ଅନେ । ୧୦ ଏଦାଆଁତାକି ଇଚିହିଁ ଦନଡ଼ି ଜୁପକା ବାରେ
 ଲାଗେଏତି ମୁଲୁ; ଆମ୍ବା ଆମ୍ବାଆରି ଏଦାଆଁ ଜୁପକା ଆହାନା
 ଦାମୁତି ନାମୁ ପିସାନା ଜିରୁ ବାଣା ଆହାମାନେରି, ଇଞ୍ଜା
 ହାରେକା ଦୁକୁ ତଲେ ତାମି ହିୟାତା ଦୁକୁ କିହାମାନେରି ।

ପାଝୁଲଡ଼ି ରାପୁନି କାତା

୧୧ ସାମା ଏ ଡ଼ିମଡ଼ି ନାନୁ ର ମାହାପୁରୁ ଲକୁଡ଼ି, ନାନୁ ଇ
 ବାରେ ତାଣାଟି ହେକ ଆହାନା ଦାମୁ ଗାଟାଟି, ମାହାପୁରୁଇଁ
 ଆଜିନାୟି, ନାମିନାୟି, ଜୀଝୁନନାୟି, ସାସା, ଅରହିନାୟି,
 ଇ ବାରେ ନେହିଁ ଗୁଣୁତା ତାକାମୁ । ୧୨ ନାମୁତି ନେହିଁ
 ଜୁଜୁତା ଜୀଝୁ ତୁସାନା ଜୁଜୁ କିମୁ, କାଲାକାଲାତି ଜୀଝୁ
 ଆସାନା ଇଗାମୁ; ଏଦାଆଁତାକି ନାନୁ ହାଟୁକି ଆହାମାଞ୍ଜି
 ଅଡ଼େ ହାରେକା ସାକିୟା ନକିତା ନେହିଁ ସାକି ହାହାମାଞ୍ଜି
 । ୧୩ ବାରେତି ଜୀଝୁହାନି ମାହାପୁରୁ ନକିତା, ଅଡ଼େ ପଡ଼ିୟ
 ପିଲାତ ନକିତା ନେହିଁ ସାକି ହାନି କ୍ରୀସ୍ତ ଜୀସୁ ନକିତା
 ନାନୁ ନିଙ୍ଗେ ହୁକୁମି ହାହିମାଞ୍ଜାଇଁ, ୧୪ ନାନୁ ମା ପ୍ରବୁ ଜୀସୁ
 କ୍ରୀସ୍ତତି ଝାନି ଦିନା ପାତେକା ଦାମୁତି ମେରା ମାନଝିଆହାନା
 ଏନି ପାପୁ ଅଡ଼େ ନିନ୍ଦା ହିଲାଆଗାଟାଟି ଆହାଁ ଡ଼ୟାମୁ ।
 ୧୫ ଏଝାସି ହାରେକା ନେହାଁସି, ରଅସିଏ ବାରେକିହାଁ କାଜା
 ସାଲୁଝି କିନାସି, ଏଝାସିଏ ରାଜା କିହାଁ ରାଜା ଅଡ଼େ ପ୍ରବୁ
 କିହାଁ ପ୍ରବୁ, ୧୬ ଏଝାସିଏ ରଅସି ହାଆଗାଟାସି ଅଡ଼େ ମେସାଲି
 ଆଡ଼ାଆଗାଟି ଉଜେଡ଼ିତା ମାନେସି, ଏଚେଲାଝା ଏଝାଣାଇଁ
 ଆମ୍ବାଆସି ମେସାହିଲଅସି କି ମେସାଲି ଆଡ଼ଅସି, ଏଝାସି
 ତାରିକିତି ଦିନାତା ଏଦାଆଁ ତହୁନେସି; କାଲାକାଲାତାକି
 ତାନି ସାମୁ ମି ଅଡ଼େ କାଜାପାଣା ତଞ୍ଜା ଆପେ । ଆମେନ ।
 ୧୭ ଆମିନି ଗାଟାରି ଇ ଜୁଗୁତା ବାଡ଼କିତାରି, ଏଝାରି ଏନିକି
 ଆଙ୍କାରା ଆଅରି ଅଡ଼େ କାଲେଏ ଡ଼ୟାଆ ଦନ ଲାକ ବାସୁ
 ଇଟଅରି, ସାମା ଆମିନି ମାହାପୁରୁ ଏ ବାରେ ଲେମ୍ବାଲି
 ତାକି ମାଙ୍ଗେ ଲଡ଼ାମାନାଣି ହିୟାନେସି, ଏଝାଣି ତାଣା ବାସୁ
 ଇଚିନେରି, ୧୮ ଅଡ଼େ ଏଟକା ଲକୁଡ଼ି ସାଢ଼େମି କିହାନା
 ନେହିଁ କାମା ତଲେ ବାଡ଼କୁ ଗାଟାରି ଆନେରି ଅଡ଼େ
 କେୟୁ ଦେଚାନା ଅଡ଼େ ରାହାଁଟି ଦାନା ହାହାଲି ଅଣ୍ପିନେରି,
 ଏଦାଆଁତାକି ଏଝାରାଇଁ ହୁକୁମି ହୀମୁ; ୧୯ ଇଲେ କିତିସାରେ
 ଏଝାରି ତାମି ଝାହିମାନି ଜୀଝୁତାକି ନେହିଁ ପୁନାଦି
 କିହାମାନେରି, ଏନିକି ଏଝାରି ସାତା ଜୀଝୁ ବେଟାଆନେରି
 । ୨୦ ଏ ଡ଼ିମଡ଼ି, ନିଙ୍ଗେ ଏନା ଏନାୟି ହୀପୁକି ଆହାମାଞ୍ଜାନେ,
 ଏଦାଆଁ ଜାଡ଼ୁ କିହାଁ ଇଗାମୁ; ଉଜେଏତି କାତାୟା ଅଡ଼େ
 ସାତା କାତାଟି ବୁଦିତାଣି ବାସୁ ଆନାରି ତାଣାଟି ହେକ
 ଆମୁ; ୨୧ ଆମ୍ବା ଆମ୍ବାଆରି ଏଦାଆଁ ପୁଞ୍ଜାନା ମାନଝିଆହାନା
 ନାମୁତି ଜିରୁ ବାଣା ଆହାମାନେରି । କାର୍ମାମେହନାୟି ନୀ
 ତଲେ ମାଣିମ୍ବେ ।

☆ ୬:୧୩ ୬:୧୩ ଜହ ୧୮:୩୭

ତୀମଥ୍ୟ ନିକଟକୁ ପାଉଲଙ୍କ ଦ୍ୱୀତିୟ ପତ୍ର

ତିମତି ତାଣା ପାଞ୍ଚଲ ରାଫାମାନି ରୀ ଲମ୍ବର ଆକୁ ମୂଲୁ ହାଡ଼ା

୨ତମ ଆକୁ ପାଞ୍ଚଲ ତାଣାଟି ତାନି ସୀସୁ ତିମତି ତାଣା ରାଫାମାନି ଆକୁ । ତିମତି ରୀ ଲମ୍ବର ଆକୁ ପାଞ୍ଚଲଟି ବାରେତି କିହାଁ ତାୟୁ ରାଫିତି ଆକୁ । ଇଦି ପାଞ୍ଚଲଟି ଜୀଞ୍ଜୁ ରାନ୍ଦି ବେଲାତା ରାସ୍ତକି ଆହାମାଣ୍ଡିନେ । ଏତିବେଲାତା ଏଞ୍ଜାସି ରମ୍ ଗାଡ଼ାତି କାୟିଦି ଇଲୁତା ମାରେସି ୧:୧୭ ପାଞ୍ଚଲ ତିମତି ତଲେ ହାରେକା ଜାରୁ ମାରେ, ଅଡ଼େ ବାରେବେଲା ଏଞ୍ଜାଣାଲ୍ ମାର୍ଏଣା ଲେହେଁ ରାଫିମାନେସି ପିଲିପି ୨:୨୨; ୧ତିମ ୧:୨; ୧:୧୮ ।

ଇଦି ପାଞ୍ଚଲ ରାଫାମାନି ସାରିଗଟା ଆକୁ ବିତ୍ରାଟି କୁଲମିତି ପିସାନା ର ମାଣ୍ଡିକି ରାଫିମାନେସି । ଅଡ଼େ ଏଟକାତି ତାନିଗଟା ଆକୁ ତିମତି ମୂଲୁ ଆକୁ, ତିତସ, ଅଡ଼େ ପିଲିମନ । ତିମତି ରୀ ଲମ୍ବର ଆକୁ ରାଫିତି ବେଲାତା ରମ୍ ଗାଡ଼ାତା ସାଲୁଞ୍ଜି କିନାରି ହାରେକା ସାସ୍ତି ହାହିମାରେରି । ଇଲେତି ସାସ୍ତି ଆହିମାଚାକି ପାଞ୍ଚଲ କାୟିଦିତା ତୟାମାରେସି । ମୂଲୁତି ଆକୁ ଲେହେଁ ପାଞ୍ଚଲ ତିମତିଲ୍ ମିତି ଜାପ୍ନାରି ତାଣାଟି ଜାଗ୍ରାତା ଆହାଲି ଖେସିମାନେସି । ୧ତିମ ୧:୧୭-୧୮ ପାଞ୍ଚଲ ତିମତିଲ୍ ଏଲେଇଞ୍ଜି ମାନେସି ତାୟୁ ହାରେକା କସ୍ତି ଦିନା ମାନେ ୩:୧ ।

ପତିତା ମାନାୟି

- ୧. ପାଞ୍ଚଲ ତିମତିଲ୍ ଜହରା କିହାନା ମାଟ୍ନାୟି ଅଡ଼େ ଏଞ୍ଜାଣାଲ୍ ସାସା ହାନାୟି । ୧:୧-୧୮
- ୨. ପାଞ୍ଚଲ ତିମତିଲ୍ କସ୍ତି ଅର୍ହାଲି ସାସା ହାହିମାନେସି । ୨:୧-୧୩
- ୩. ତିମତିଲ୍ ଏତେକା କାତା ଖେହ୍ନାୟି । ୨:୧୪-୨୭
- ୪. ରାନ୍ଦି ଦିନାତା ଗଟଞ୍ଜି ଆନାଆଁ ଅଡ଼େ ସାତା ଜିରୁ ବାତି କିହାଲି ଜାଗ୍ରାତା କିନାୟି । ୩:୧-୪:୮
- ୫. ପାଞ୍ଚଲ ତିମତିଲ୍ ଏତେକା ଅଣ୍ଡୁତି କାତା ଖେସାନା ଆକୁତି ରାପ୍ନାୟି । ୪:୯-୨୨

୧ ନାନୁ ପାଞ୍ଚଲ, କ୍ରୀସ୍ତ ଜୀସୁ ତାଣା ମାନି ଜୀଞ୍ଜୁତି ଆଞ୍ଜାମାନି ଲେହେଁ, ମାହାପୁରୁ ଅଣ୍ଡୁ ତଲେ କ୍ରୀସ୍ତ ଜୀସୁତି ର ପାଣ୍ଡୁଞ୍ଜି ଆହାମାନାତେର୍ଏ ।

୨ *ତିମତି, ନା ଜୀଞ୍ଜୁତି ମାର୍ଏଣାଟି ଆବା ମାହାପୁରୁ କ୍ରୀସ୍ତ ଜୀସୁ ତାଣାଟି କାର୍ମାମେହ୍ନାୟି ଅଡ଼େ ହିଡ଼ି ଜୀଞ୍ଜୁ ନିଲେତାକି ଆୟାପେ ।

ମାହାପୁରୁଲ୍ ଜହରା ଅଡ଼େ ବାର୍ସୁ ହାନାୟି

୩ ମା ତଲିତି ଆକୁ ଆବାୟା ଲେହେଁ ନାନୁ ସୁଦୁ ଅଣ୍ଡୁ ତଲେ ମାହାପୁରୁଲ୍ ସେବା କିହିମାଲ୍, ନାନୁ ଏ ମାହାପୁରୁ ତାଣା ଲାଆଁ ମାଦେନା ପ୍ରାତାନାତା ନୀ ଦରୁ ରାଫାହାଁ ମାହାପୁରୁଲ୍ ଜହରା କିହିମାଲ୍; ୪ ଏନିକ୍ ନା ରାହାଁ ଗାଡ଼ିଆନେ, ଇଦାଆଁତାକି ନୀ କାଣ୍ଡୁ ଅଣ୍ଡାପାନା ନିଲେ ମେସାଲି ତାକି ହାରେକା ମନ କିହିମାଲ୍; ୫ *ଇତିହ ଆମିନି କୁରୁ ହିଲାଆଗାଟି ନାମ୍, ମୀ ବାୟି ଲୟି ଅଡ଼େ ମୀ ଇୟା ଇଞ୍ଜୁନିକି ତାଣା ମାରେ, ଅଡ଼େ ନୀ ତାଣା ଜିକେଏ ମାନେ ଇଞ୍ଜିହ୍ ନା ହାରେକା ନାମ୍, ନୀ କୁରୁ ହିଲାଆ ନାମୁତି କାତା ନାନୁ କାରୁ ବେଟାଆହାମାଲ୍ । ୬ ନାନୁ ନୀ ଲାକ କେୟୁ ଇଟାତି ବେଲାତା ନାନୁ ମାହାପୁରୁ ତାଣାଟି ଆମିନି ବର ବେଟାଆଡ଼ି ଏଦାଆଁ ଜାଡ଼ୁ କିହାଁ ଇଟାଲି ନାନୁ ନିଲେ ଅଣ୍ଡୁ କିହିମାଞ୍ଜାଲ୍ । ୭ ଇତିହ ମାହାପୁରୁ ମାଲେ ଆଜିନି ଜୀଞ୍ଜୁ ହୀହାମାଞ୍ଜାସି, ସାମା ବାଡ଼ୁୟୁ, ଜୀଞ୍ଜୁ ନନାଣି, ଅଡ଼େ ନେହ୍ ଅଣ୍ଡୁ କିନି ଜୀଞ୍ଜୁ ହୀହାମାଞ୍ଜାନେସି ।

୮ ଏଦାଆଁତାକି ମାର ପ୍ରୁ କାତାତା ସାକି ହୀହାଲି ଅଡ଼େ ନାନୁ ପ୍ରୁତି ତାକି କାୟିଦି ଇଲୁତା ଦସ୍ତି ଆହାମାଲ୍ ନା ତାକି ଲାଜା ଆଆନି, ସାମା ମାହାପୁରୁ ହୀହାମାଞ୍ଜାନି ବାଡ଼ୁୟୁ ତଲେ ନେହ୍ କାରୁ ଖେକହାଲି ବେଟାଆହାମାନି କସ୍ତି ସହଞ୍ଜି ଆମ୍ । ୯ ଏଞ୍ଜାସି ମାଲେ ଗେଲ୍ପା ମାଞ୍ଜାନେସି, ଅଡ଼େ ନା ନେହ୍ ଲକୁତେରି ଇଞ୍ଜିହ୍ ହାଟାମାଞ୍ଜାନେସି; ଅଡ଼େ ମା କିହାମାନି କାମା ଲେହେଁ କିହାଁ ମାଞ୍ଜାସି, ସାମା ତାନି ଅଣ୍ଡୁ ତଲେ ତାନୁ କାର୍ମା ମେସ୍ତାନି ଲେହେଁ କିହାଁ ମାଞ୍ଜାନେସି; ଏ କାର୍ମା ତଲି କାଲା ନକେଏ କ୍ରୀସ୍ତ ଜୀସୁ ତାଣାଟି ମାଲେ ହାଞ୍ଜି ଆହାମାରେ, ୧୦ ସାମା ନୀର୍ଏ ମା ଗେଲ୍ପାନି କ୍ରୀସ୍ତ ଜୀସୁ ଦାର୍ଡିତା ଖାହାମାନାକି ମାଲେ ତସାମାଞ୍ଜାନେସି; ଏଞ୍ଜାସି ହାକିତି ମ୍ଲେକହା ମାନେସି; ଅଡ଼େ ତାନି ନେହ୍ କାରୁତଲେ ଜୀଞ୍ଜୁ ଅଡ଼େ ହାଆଗାଟାଣି ଉଜେଡ଼ିତା ତସାମାନେସି ।

୧୧ *ଇ ନେହ୍ କାରୁ ଖେକହାନା ତେଲ୍ହିକିହାଲି ମାହାପୁରୁ ନାଲେ ର ପାଣ୍ଡୁଞ୍ଜିଆଡ଼ି ସୀସୁ ଇଞ୍ଜା ଜାପ୍ନାସି ଲେହେଁ ହେର୍ପା ମାଞ୍ଜାନେସି । ୧୨ ଏଦାଆଁତାକି ନାନୁ ଇ ବାରେ ଦୁକୁ ବେଟା ଆହିମାଲ୍; ଆଡ଼ିଜିକେଏ ନାନୁ ଆଜା ହିଲଅଁ, ଇତିହ୍ ନାନୁ ଆମ୍ବାଆରି ତାଣା ନାମାମାଲ୍, ଏଞ୍ଜାଣାଲ୍ ପୁଞ୍ଜାମାଲ୍, ଅଡ଼େ ନାନୁ ତାନି କେୟୁତା ଏଦାଆଁ ହେର୍ପାମାଲ୍, ବିଚାରା ଦିନା ଖାନି ପାତେକା ଏଦାଆଁ ଏଞ୍ଜାସି ଜାଡ଼ୁ ତଲେ ଇଟାଲି ଆଡ଼ିମାନେସି, ଇଦାଆଁ ନାନୁ ତୀରପୁତଲେ ନାମିମାଲ୍ । ୧୩ ନା ତାଣାଟି ଆମିନି ନେହ୍ ବଲୁ ଖେଞ୍ଜାମାଞ୍ଜି, କ୍ରୀସ୍ତ ଜୀସୁ ତାଣାଟି ନାମ୍ ଇଞ୍ଜା ଜୀଞ୍ଜୁ ନନାଣି ଏଦାଆଁ ନେହ୍ କି ଆସା ମାନାମ୍ । ୧୪ ଆମିନି ନେହ୍ କାତାତି ଦାୟିପତି ମିଲେ ହୀପକି ଆହାମାଞ୍ଜାନେ, ମା ତାଣା ବାସା କିହିମାନି ସୁଦୁଜୀଞ୍ଜୁତି ବାଡ଼ୁୟୁ ତଲେ ଏ ବାରେତି ଜାଡ଼ୁ କିହା ଇଟାମ୍ ।

୧୫ ନାନୁ ପୁଞ୍ଜାମାଞ୍ଜି; ପୁଗେଲ ଅଡ଼େ ହର୍ମଗେନା

* ୧:୨ ୧:୨ କାମା ୧୭:୧ * ୧:୫ ୧:୫ କାମା ୧୭:୧ * ୧:୧୧ ୧:୧୧ ୧ତିମ ୨:୭

ତଳେ ଆସିଯାଉଛି ବାରେ ଲକ୍ଷ୍ମୀ ନାଲେ ପିସା ମାଞ୍ଜାନେରି ।^{୧୭} ଅନିସିପର କୁଟମିତି ପ୍ରବୁ କାର୍ମା ମେସପେସି, ଏନାଆଁତାକି ଇତିହାସ ଏଞ୍ଜାରି ଅଲେ ଅଲେ ଖାହାନା ନା ଦୁକୁ ତୁକହାତେରି, ଇତିହାସ ନାନୁ କାୟିଦି ଇଲୁତା ମାତିହାସ ଜିକେଏ ଲାଜା ଆହାହିଲଅରି,^{୧୮} ରମ୍ ଗାଡ଼ାତା ଏଜାଲିଏ ଏଞ୍ଜାସି ନାଲେ ପାରାନା ନା ତାଣା ଖାଡ଼େସି,^{୧୯} ରାନି ଦିନାତା ଏନିକ୍ ମାହାପୁରୁ ତାଣାଟି କାର୍ମା ବେଟାଆନେସି, ଏଲେକ୍ ମାହାପୁରୁ ଏଞ୍ଜାଣାକି କାର୍ମା ଆପେସି, ଅଡ଼େ ଏଞ୍ଜାସି ଏପିସିୟ ଗାଡ଼ାତା ନାଲେ ଏନିକ୍ ସେବା କିହାମାଞ୍ଜାନେସି, ଏଦାଆଁ ନାନୁ ନେହ୍ କ୍ ପୁଞ୍ଜାମାଞ୍ଜି ।

୨

କ୍ରୀସ୍ତ ଜୀସ୍ତୁତି ନେହ୍ ଜୁଜୁ କିନାସି

^୧ ଏଦାଆଁତାକି ଏ ନା ଜୀସ୍ତୁତି ମୀରଏଣାତି, କ୍ରୀସ୍ତ ଜୀସ୍ତୁତଲେ ଆଣ୍ଡିତାକି ତାନି କାର୍ମାମେହ୍ନି ତାଣାଟି ଆମିନି ବାଡ଼ୁୟୁ ମେଡ଼ା ଆନେ ଏମ୍ବାଆଁ ମୀରୁ ବାଡ଼ୁୟୁ ଗାଟାତେରି ଆଦୁ,^୨ ଅଡ଼େ ହାରେକା ସାକିୟା ନକିତା ଆମିନି ବାରେ କାତା ନା ତାଣାଟି ନାନୁ ଖେଞ୍ଜାମାଞ୍ଜି, ଅଡ଼େ ଏମିନିଗାଟାରି ଏବକା ଲକ୍ଷ୍ମଣି ଜିକେଏ ଜାପୁହାଲି ଆଡ଼ିନାରି, ଏଲେତି ନାମୁଗାଟି ଲକ୍ଷ୍ମୀ ନକିତା ଇ ବାରେ ହେରପାମୁ ।

^୩ ନାନୁ କ୍ରୀସ୍ତ ଜୀସ୍ତୁତି ର ନେହ୍ ଜୁଜୁ କିନାସି ଲେହେଁ ଏଞ୍ଜାଣି ତାକି କସ୍ତ ଅରହାମୁ ।^୪ ଆମ୍ବାଆସି ଜୁଜୁକିନି କାମାତା ମାଞ୍ଜାନା, ଦାରୁତିତି ଏବକା କାମାତା ହେରପି ଆଅସି, ଏନିକ୍ ଏଞ୍ଜାସି ତାନି ମୁହେତି କାଜାଣାକ୍ ରାହାଁ କିନେସି ।^୫ ଅଡ଼େ ଆମ୍ବାଆସି କାହୁ ତାକି ବାହାହାରା ଆନେସି, ଏଞ୍ଜାସି ମେରା ତଳେ କାହାଆସାରେ ଜୀଣା ଆଅସି ।^୬ ଆମିନି ତାସା କାମାକିନାସି ଖାହୁ ତଳେ କିନାସି, ଏଞ୍ଜାସି କାମାତି ମୁଲୁତି ବାଟା ବେଟାଆନାୟି ମାନେ ।^୭ ନାନୁ ଏନାଆଁ ଖେସିମାଞ୍ଜାକ୍, ଏଦାଆଁ ଅଣପାମୁ; ଇତିହାସ ପ୍ରବୁ ନିକ୍ଷେ ବାରେ ପୁଞ୍ଜାଲି ବୁଦି ହିୟାନେସି ।

^୮ ନା ତାଣାଟି ଖେସପିଆହାମାନି ନେହ୍ କାବୁ ଲେହେଁ ହାଡ଼ାରି ତାଣାଟି ନିଜିତାଣି ଅଡ଼େ ଦାଞ୍ଜୁଦ କୃତାତା ଜାନାଁ ଆହାମାନି ଜୀସ୍ତୁ କ୍ରୀସ୍ତକ୍ ଅଣପାମୁ ।^୯ ଇ ନେହ୍ କାବୁତାକି ନାନୁ ଦହଗାଟି ଲକ୍ଷ୍ମୀ ଲେହେଁ କାୟିଦି ଇଲୁତା ଦସପିଆନି ପାତେକା କସ୍ତ ବେଟା ଆହିମାକ୍; ସାମା ମାହାପୁରୁତି ବଲୁ ଦସପି ଆହା ହିଲେଏ ।^{୧୦} ଇଦାଆଁତାକି ମାହାପୁରୁ ଆଟାମାନି ଲକ୍ଷ୍ମୀ ଜିକେଏ ଏନିକ୍ କାଲ୍ଲାକାଲ୍ଲାତି ଗାଞ୍ଜୁରମି ତଳେ କ୍ରୀସ୍ତ ଜୀସ୍ତୁ ହାହାମାନି ଗେଲପି ଆନାଣି ବେଟାଆନେରି, ଏଦାଆଁତାକି ନାନୁ ଏଞ୍ଜାରି ତାକି ଇ ବାରେ ସାସାତଲେ କସ୍ତ ଅରହିମାକ୍ ।^{୧୧} ଇ କାତା ସାତା

“ମାର କ୍ରୀସ୍ତ ତଳେ ହାହାମାନାୟି,
 ଅଡ଼େ ଏଞ୍ଜାଣିତଲେ ଜିକେଏ ନୀତିନାୟି;
^{୧୨} ଅଡ଼େ ମାର ସାସାଆସାଁ କସ୍ତ ଅରହିନାୟି,
 ଆଡ଼ିହାସ ଏଞ୍ଜାଣିତଲେ ଜିକେଏ ସାଲ୍ଲଖି କିନାୟି;
 ମାର ଏଞ୍ଜାଣାକ୍ ପୁଞ୍ଜାହିଲଅମି ଇନାୟି,

ଆଡ଼ିହାସ ଏଞ୍ଜାସି ଜିକେଏ ମାଲେ ପୁଞ୍ଜାହିଲଅଁ ଇଞ୍ଜାନେସି;

^{୧୩} ଏବେତା ମାର ନାମାଆ ଗାଟାତାୟି ଆନାୟି,
 ଆଡ଼ିଜିକେଏ ଏଞ୍ଜାସି ବାରେବେଲ୍ଲା ଟିକାଣାତାସି,
 ଇତିହାସ ଏଞ୍ଜାସି ଜାହାରାକ୍ ଆଏ ଇଞ୍ଜାଲି ଆଡ଼ଅସି ।”

ନାମୁତି କାମାକିନାସି

^{୧୪} ନାନୁ ବାରେ ନାମୁ ଗାଟାରାକ୍ ଇ ବାରେ କାତା ମାହାପୁରୁ ଅଣପି କିମ୍ବୁ, ସାସ୍ତେରିତି କାତା ଉଜେଏ ବାଦିବାଦା ଆନି ତାଣାଟି ଜାଗ୍ରାତା କିମ୍ବୁ, ଇଲେତି ବାଦିବାଦା ଆମ୍ବାଆରାକ୍ ନେହ୍ କିଏ, ସାମା ଆମ୍ବାଆରି ଏମ୍ବାଆଁ ମନ ହୀନେରି ଏଞ୍ଜାରି ନାସା ଆନେରି ।^{୧୫} ସାତା ବଲୁ ଟିକାଣା ତଳେ ଲେମ୍ବାନା, ଆମିନି କାମାକିନାସି କାମାତା ଏନିକ୍ ଲାଜା ଆଅସି, ଏଞ୍ଜାଣିଲେହେଁ ମାହାପୁରୁ ନକିତା ଜାହାରାକ୍ ତାୟିପାରିତା ଜୀଣା ଆହାମାନି ଲେହେଁ ତସାଲି ଜାଡ଼ୁ କିମ୍ବୁ ।^{୧୬} ସାମା ଲାଗେଏତି ଉଜେଏତି କାତାୟାଁ ବାସ୍ ଆନି ତାଣାଟି ହେକ ଡ଼ୟାଦୁ; ଇତିହାସ ଆମ୍ବାଆରି ଏଲେତି କାମା କିନେରି, ଏଞ୍ଜାରି ଲାଗେଏତି କାମାତା ହାରେକା ପାତା ଆନେରି,^{୧୭} ଅଡ଼େ ଏଞ୍ଜାରି କାତା ସୀରୁନି ଗାହାଁ ଲେହେଁତାୟି; ଏଞ୍ଜାରି ବିତାଟି ହୁମନାୟ, ଅଡ଼େ ପିଲିତ, ଇ ରିଆରି ମାନେରି ।^{୧୮} ଏଞ୍ଜାରି ହାହାନା ଖେଣ୍ଡେ ନିଜିତାୟିଏ ଇଞ୍ଜା ସାତାତି ପିସାମାନେରି, ଅଡ଼େ ଏବରଜାଣାତି ତାମି ନାମୁତି ତୀରି ମୁପୁହି ମାନେରି ।^{୧୯} ଆଡ଼ିଜିକେଏ, ମାହାପୁରୁ କେପିତି ପୁନାଦି ଆଟ୍ଝା ଆହାନା ଡ଼ୟାମାନେ, ଅଡ଼େ ଏ ଖାଲିତା ଇ ବୁରୁ ମୁଦ୍ରା ଆହାମାନେ, “ପ୍ରବୁ ତାନି ଲକ୍ଷ୍ମଣି ପୁଞ୍ଜାମାନେସି” ଅଡ଼େ, “ଆମ୍ବାଆସି ପ୍ରବୁତି ଦରୁ ଆହନାସି, ଏଞ୍ଜାସି ଲାଗେଏ ତାଣାଟି ହେକ ମାଣ୍ଡେସି ।”

^{୨୦} ର କାଜା ଇଜ ଖାରୁଇ ବାଂଗାରା ଖେଣ୍ଡିତି ଡ଼କା ମାଣ୍ଡି ମାନୁ, ଏବେକା ଆଏ, ଅଡ଼େ ମାରକା ଇଞ୍ଜା ଇରଆତି ଡ଼କା ମାଣ୍ଡି ଜିକେଏ ମାନୁ; କଚେକା ଡ଼କା ମାଣ୍ଡି କାଜା କାଜା କାମାତାକି ମାନୁ, ଅଡ଼େ କଚେକା ଉଜେଏ ଦିନା ଲେମ୍ବାଲି ତାକି ମାନୁ ।^{୨୧} ଇଦାଆଁତାକି ଆମ୍ବାଆସି ଏ ବାରେ ତାଣାଟି ଜାହାରାକ୍ ଅଟହା କଡ଼ିନେସି, ଏଞ୍ଜାସି ହେରପି ଆହାନା, ସାଞ୍ଜୁକାରି କାମାତା ପାଡ଼ାଆନେସି, ଏଞ୍ଜାସି ବାରେ ନେହ୍ କାମାତାକି ଆଟା ଇଟାମାନି ମାନିଗାଟି ଡ଼କା ମାଣ୍ଡି ଲେହେଁ ଆନେସି ।^{୨୨} ସାମା ନାନୁ ଦାଂଗଣା ବେଲ୍ଲା ଲାଗେଏତି ଜୁପକାଟି ହେକ ଆମ୍ବୁ, ଆମ୍ବାଆରି ସୁଦୁ ହିୟାଁ ତଳେ ପ୍ରବୁ ତାଣା ପ୍ରାଡ଼ାନା କିନେରି, ଏଞ୍ଜାରିତଲେ ଦାମ୍ବୁ, ନାମ୍ବୁ, ଜୀଞ୍ଜୁ ନନାଣି, ଅଡ଼େ ହିଡ଼ଡ଼ି ଜୀଞ୍ଜୁ ଜେଟ ହାଲ୍ଲାମୁ ।^{୨୩} ବୁଦି ହିଲ୍ଲାଆ ମୁକୁଁ ଗାଟାରି ବାଦିବାଦା ଗଡ଼ହା କିନେ, ଇଦାଆଁ ପୁଞ୍ଜାନା ଏ ବାରେ ତାଣାଟି ହେକ ଆମ୍ବୁ ।^{୨୪} ମାହାପୁରୁତି ହଲେଏସି ଗଡ଼ହା କିନାୟି ନେହେଁ ଆଏ, ସାମା ବାରେଜାଣାତି ହିଡ଼ଡ଼ି ହାଡ଼ା ଜାପୁନାସି, ଅଡ଼େ ଅରହିନାସି ଇଞ୍ଜା ମା କପାଟି ନିଜିନି ଲକ୍ଷ୍ମଣି ହିଡ଼ଡ଼ି ହାଡ଼ାତଲେ ଜାପୁନାସି ଆନାୟି ମାନେ,^{୨୫} ଅଡ଼େ ଗଡ଼ହା ଗାଟାରାକ୍ ସୁଦୁ ସୁଞ୍ଜାଲ୍ଲା ତଳେ ଲେମ୍ବାନାସି ଆନାୟି

ମାନେ, ଆଡ଼ିହ ଏଞ୍ଜାରି ସାତାତି ବୁଦି ପୁଞ୍ଜାଲି, ମାହାପୁରୁ ଏଞ୍ଜାରାଇଁ ମନ ଖେଟନି ଅଣ୍ଟୁ ହାନେସି, ୨୭ ଅଡ଼େ, ଆମିନି ସୟତାନ ଏଞ୍ଜାରାଇଁ ତାନି ଅଣ୍ଟୁ ତଲେ କିହାଲି ଦସ୍‌ପାମାନେ, ଏମ୍ବାଟି ଏଞ୍ଜାରି ସେତନା ଆହାନା ଏ ପାନ୍ଦାଟି ଗେଲ୍‌ପି ଆନେରି ।

୩

ରାନ୍ତି ଦିନାତି କାତା

୧ ସାମା ଇଦାଆଁ ପୁଞ୍ଜାମାଞ୍ଜୁ, ରାନ୍ତି ଦିନାତା ନାସା ଆନ୍ତି ଦିନା ଖାନେ; ୨ ଇଡ଼ିହ ଲକୁ ତାମ୍ବୁଜାହାରାଇଁ ଅଣ୍ଟା କଡ଼ିନେରି, ଦନ ଜୁପକା, ଜୀଞ୍ଜୁତା ବତପଣ, ଆଙ୍କାରା, ନିନ୍ଦା କିନେରି, ତାଲି ତାଞ୍ଜି କାତା ଆହଅରି, ୩ ରାହାଁ ଆଆଗାଗାରି, ଦାମ୍ବୁ ହିଲ୍‌ଆ ଗାଗାରି, ଜୀଞ୍ଜୁ ନଆଗାଗାରି, ଆଣ୍ଡି ଆନାୟି ହିଲ୍‌ଆ ଗାଗାରି, ଲାଗେଏ କାତା ଖେସାନା ଲକୁଣି ନାଡ଼ିକିନାରି, ଦେବୁଣିଏ କପା ଆନାରି, ବାଡ଼ୁ ତସାନା ଆଜି କିନାରି, ନେହ କାତାତି ଅପାଆଗାଗାରି ଆନେରି; ୪ ଅଡ଼େ ଏଞ୍ଜାରି ହାରୁ ଦାଃଆନାରି, ତାୟୁ ଏସ୍‌କି ଅଣ୍ଟାଆ ଗାଗାରି, ବତପଣ ଗାଗାରି ଆନେରି, ଅଡ଼େ ମାହାପୁରୁ ଜୀଞ୍ଜୁ ନନାରି ଆଆନା ଦାରୁତିତି ରାହାଁତି ଜୀଞ୍ଜୁ ନନାରି ଆନେରି; ୫ ଏଞ୍ଜାରି ମାହାପୁରୁତି ଆଜିନି ମେରା ଆହନେରି ସାମା ଏମ୍ବାଟି ବାଡ଼ୁତି ଆସାଲି କୁନେରି; ଇଲେତି ଲକୁ ତାଣାଟି ହେକ ମାନାମ୍ବୁ । ୬ ଇଡ଼ିହ ଇଞ୍ଜାରି ତାଣା ଇଲେତି ଲକୁ ମାନେରି, ଏମିନିଗାଗାରି ଇଲକା ତାକି ଇଲକା ହଡ଼ିହ ପାପୁତି ବଜୁତା ଅଡ଼େ ତାମି ମନତି ଜୁପକା ଗାଟି ଅଣ୍ଟୁ ତଲେ ତାକିନି ବୁଦି ହିଲ୍‌ଆଗାଟି ଇୟାସିକାଣି ତାମି ତାଣା ଇଡ଼ିନେରି; ୭ ଇ ଇୟାସିକା କାଲେଏ ଜାପିମାଟି ଜିକେଏ, ଏଚେଲା ସାତାତି ପୁଞ୍ଜାଲି ଆଡ଼ାଉ । ୮ ଏନିକ୍ ଏଜିନିସି ଅଡ଼େ ଜାମ୍ବୁ ସ ମସା କପାଟି ନିଙ୍ଗାମାଚେରି, ଏଲେକିହ ଏଞ୍ଜାରି ଜିକେଏ ସାତାତି ଆଜିନେରି, ଏଞ୍ଜାରି ତାୟୁ ଲାଗେଏ ଆହାମାନେ ଅଡ଼େ ଏଞ୍ଜାରି ଦାମ୍ବୁତି ନାମ୍ବୁ ଉଜେଏ ଆହାମାନେ । ୯ ସାମା ଏଞ୍ଜାରି ଅଡ଼େ ହାରେକା ଆଗାଡ଼ା ହାଲଅରି; ଇଡ଼ିହ ଏ ରିଆରି ଏଞ୍ଜାରି ବୁଦି ହିଲ୍‌ଆଗାଗାରି ଇଞ୍ଜ ର ଦିନା ବାରେଜାଣା ପୁନେରି, ଜନିସି ଅଡ଼େ ଜାମ୍ବୁ ସ ଜୀଞ୍ଜୁତା ଏନାୟି ଗଟି ଆହାମାଚେ, ଏଞ୍ଜାରି ଜୀଞ୍ଜୁତା ଏଡ଼ିଏ ଆନେ ।

ରାନ୍ତିବେଲାତି କାତା

୧୦ ସାମା ନାନୁ ନା ଜାପନାଣି, ମାଣ୍ଡକି, ନା ଅଣ୍ଟୁ, ନା ନାମ୍ବୁ, କସ୍ ଅରୁହନାଣି, ଜୀଞ୍ଜୁ ନନାଣି, ଅରୁହନାୟି, ୧୧ ସାସି ବେଟା ଆଡ଼ାଣି, ଦୁକୁ କସ୍ ବେଟା ଆଡ଼ାଣି, ଇ ବାରେ ଆସାମାଞ୍ଜି; ଆଡ଼ିୟକିୟା, ଇକନିୟ, ଅଡ଼େ ଲୁସ୍ତାତା, ନା ତାକି ଏଲେକିହ ଏ ନିନ୍ଦା କସ୍ ଆହାମାଚେ; ଏଦାଆଁ ନାନୁ ଅରୁହା ମାଚେଏ, ଅଡ଼େ ପ୍ରବୁ ନାଙ୍ଗେ ଏ ବାରେଟି ଗେଲ୍‌ପା ମାଞ୍ଜାତେସି । ୧୨ ସାତେଏ ଆମିନି ଗାଗାରି କ୍ରୀସ୍ତ ଜୀସ୍ତ ତାଣାଟି ଦାମ୍ବୁ ଜୀଞ୍ଜୁ ନୀତାଲି ଅଣ୍ଟିନେରି, ଏଞ୍ଜାରି

ନିନ୍ଦା ବେଟାଆନେରି । ୧୩ ସାମା ଲାଗେଏତି କାମାକିନାରି ଅଡ଼େ ନାଡ଼ିକିନାରି ନାଡ଼ି ଆହାନା ହାରେକା ଲାଗେଏତି କାମା କିନେରି । ୧୪ ସାମା ନାନୁ ଏନା ଏନାଆଁ ଜାପାମାଞ୍ଜି, ଅଡ଼େ ଆମିନି କାତା ବାରେ ସାତେଏ ନାମାମାଞ୍ଜି, ଏ ବାରେ ତାଣା ତାରିତଲେ ମାନାମ୍ବୁ, ଇଡ଼ିହ ନାନୁ ପୁଞ୍ଜାମାଞ୍ଜି, ଆମିନି ଗାଗାରି ତାଣାଟି ଏ ବାରେ ଜାପାମାଞ୍ଜି; ୧୫ ଅଡ଼େ ଆମିନି ଦାମ୍ବୁ ସାସ୍ତେରି କ୍ରୀସ୍ତ ଜୀସ୍ତ ତାଣା ନାମ୍ବୁଟି ନିଙ୍ଗେ ଗେଲ୍‌ପିକିନି ବୁଦି ହିୟାଲି ଆଡ଼ାନେ, ଏଦାଆଁ ନାନୁ ଉଣା ଖେଡ଼ାଟିଏ ପୁଞ୍ଜାମାଞ୍ଜି । ୧୬ ବାରେ ଦାମ୍ବୁ ସାସ୍ତେରିତା ରାସ୍‌କି ଆହାମାନି ବାରେ ବଲୁ ମାହାପୁରୁ ଜଲିତାୟି, ଅଡ଼େ ଜାପନାୟି, ଲାଗିନାୟି, ତାରିକିନାୟି, ଅଡ଼େ ଦାମ୍ବୁତା ନୀତାଲି ସାୟେମି କିନାୟି, ୧୭ ଏନିକ୍ ମାହାପୁରୁତି ଲକୁ ତାୟୁ ଆହାନା ବାରେ ନେହ କାମାତା ଜଟେ ଗାଗାରି ଆନେରି ।

୪

୧ ନାନୁ ମାହାପୁରୁ ନକିତା, ଅଡ଼େ ଆମିନି କ୍ରୀସ୍ତ ହାତାରାଇଁ ଇଞ୍ଜା ନୀତାମାନାରାଇଁ ନାହାୟି କିହାଲି ହାଜିମାନେସି, ତାନି ଖେଣ୍ଡେ ଖାନାଣି ଅଡ଼େ ରାଜିତି ମାନି କିହାନା ହୁକୁମି ହାହିମାଞ୍ଜାଇଁ, ୨ ମାହାପୁରୁ ବଲୁ ଖେକ୍‌ମ୍ବୁ, ନେହ ବେଲାତା କି ଲାଗେଏତି ବେଲାତା ବଲୁ ଖେକହାଲି ତିୟାରା ଆହା ମାନାମ୍ବୁ, ନାନୁ ବାରେ କସ୍ ଅରୁହନା ଜାପୁହିଲ୍ ଲାଗାମ୍ବୁ, ଅଡ଼େ ଦାକା ହାହାନା ସାସା ବାସ୍ତୁ ହାମ୍ବୁ । ୩ ଇଡ଼ିହ ଦିନା ଖାନେ, ଏଚିବେଲା ଲକୁ ନେହ ଜାପନାଣି ଖେଞ୍ଜାଲି ଅପଅରି, ସାମା ତାମି କାକା ତାକି ସୁଦୁ ସୁଞ୍ଜାଲା ହାଡ଼ା ଖେଞ୍ଜାଲି ମନ ହାନେରି ଇଞ୍ଜା କାତା ଜୁପକାତାକି ଲାଗେଏତାଣି ଜାପନାରାଇଁ କୁଡ଼ି କିନେରି । ୪ ଅଡ଼େ ସାତା କାତାତି ଖେଞ୍ଜାଲି କୁହାନା ଅଣ୍ଟାମାନା ଖେହ୍‌ନି ପୁସପନିକାଣି ମନ ହାନେରି । ୫ ସାମା ନାନୁ ବାରେ ତାଣା ସେତନା ଆମ୍ବୁ, କସ୍ତୁତି ଅରୁହାମ୍ବୁ, ମାହାପୁରୁତି ନେହ କାବୁ ଖେକ୍‌ମ୍ବୁ କାମା ପୁରା କିମ୍ବୁ ଅଡ଼େ ନୀ ସେବା କାମା ରାପ୍‌ମ୍ବୁ ।

୬ ଇଡ଼ିହ ନୀଏଁ ଜିକେଏ ନା ଜୀଞ୍ଜୁ ଗସାଲି ତାକି ଖାକ୍‌ହିମାନି ଲେହେଁ ହେରପି ଆହିମାନେ, ନା ହାନ୍ତି ଦିନା ଏଗାଞ୍ଜାଡ଼େୟିଏ । ୭ ନାନୁ ନେହ ଜୁଜୁତା ଜୀଞ୍ଜୁ ତୁସାନା ଜୁଜୁ କିହିମାଇଁ, ନାଙ୍ଗେତାକି କେପାମାନି ପାହେରି ରାଞ୍ଜେତାକି ହଟାମାଇଁ, ନାନୁ ନାମ୍ବୁତି ଜାଣେ ଆସାମାଇଁ; ୮ ନାଙ୍ଗେତାକି ଦାମ୍ବୁତି ଟପେରି ଇଟକି ଆହାମାନେ, ଏଦାଆଁ ଏ କାଜା ନାହାୟି ଦିନାତା ନାହାୟି କିନି ପ୍ରବୁ ନାଙ୍ଗେ ହିୟାନେସି, ଖାରୁଇ ନାଙ୍ଗେ ଆଏ, ତାନି ଖେଣ୍ଡା ଖାନାଣି ନେହ ମନତଲେ କାତାମାନି ବାରେଜାଣା ତାକି ଜୀଞ୍ଜୁନହାନା ହାନେସି ।

ତାନି କାତା ଖେହ୍‌ନାୟି

* ୩:୧୧ ୩:୧୧ କାମା ୧୩:୧୪-୫୨; କାମା ୧୪:୧-୭; କାମା ୧୪:୮-୨୦ * ୪:୧୦ ୪:୧୦ କଲସି ୪:୧୪; ପିଲିମ ୧:୨୪; ୨କର ୮:୨୩; ଗାଲା ୨:୩; ତିତସ ୧:୪

୯ ତବେ ନା ତାଣା ଖାହାଲି ଜାଗ୍ରାତା ଆମ୍ଭ;
 ୧୦ ✨ଇତିହାସ ଦିନା ନାଜେ ପିସାହାଁ ନାଏତି ଦାରୁତିତି
 ଜୀବୁନହାଁନା ତେସଲନିକିତା ହାଜାମାନେସି, କ୍ରେସକେନସ୍
 ଗାଲ୍ଲାତିୟାତା ଅଡ଼େ ତିତସ ଦଲମତିୟାତା ହାଜାମାନେରି
 । ୧୧ ✨ଅଡ଼େ ଲୁକ ରଅସିଏ ନା ତଲେ ମାନେସି । ମାର୍କଇଁ
 ନୀ ତଲେ ତାରିହାଁ ଖାମ୍ଭ, ଇତିହାସ ନା ସେବା କାମାତା
 ସାୟେମି କିୟାନେସି । ୧୨ ✨ନାନୁ ତୁକିକଇଁ ଏପିସିୟତା
 ପାଣ୍ଡା ମାଇଁ । ୧୩ ✨ତୁୟାତା କାର୍ପ ତାଣା ଆମିନି ଉସମି
 ସକା ପିସା ଖାହାମାଇଁ, ନାନୁ ଖାନାଟି ସକା ଅଡ଼େ ପତିୟା
 ବାରେକିହାଁ ତଲୁ ପତିୟାଁ ତାରିହାଁ ଖାମ୍ଭ ।

୧୪ ✨ପିତାତା ବେବାରାଗାଟି ଆଲେକ୍ଜାଣ୍ଡାର ନାଜେ
 ହାରେକା କସ୍ତ୍ର ହାହାମାଞ୍ଜାନେସି; ପ୍ରଭୁ ଏଞ୍ଜାଣାଇଁ ତାନୁ କିତି
 କାମା ଲେହେ ପାଡ଼େୟି ହାନେସି; ୧୫ ନାନୁ ଜିକେଏ ଏଞ୍ଜାଣି
 ତାଣାଟି ଜାଗ୍ରାତା ଆହା ମାନାମ୍ଭ, ଇତିହାସ ଏଞ୍ଜାସି ମାର୍
 ଝେକ୍ନି କାତା କପାଟି ନିଜ୍ଞାନା କାହି କିହିମାଞ୍ଜାତେସି ।

୧୬ ତଲି ମୂଲୁ ନାଜେ ନାହାଁୟି କିୟାତାଟି ଆମ୍ବାଆରି
 ନା ଖାକିଟି ଆଆତେରି, ସାମା ବାରେଜାଣା ନାଜେ
 ପିସାତେରି, ଏଦାଆଁ ମାହାପୁରୁ ଏଞ୍ଜାରି କପାଟି ଦହ
 କିଆପେସି । ୧୭ ସାମା ପ୍ରଭୁ ନା ତଲେ ମାଞ୍ଜାନା ନାଜେ
 ବାଡ଼ୟି କିୟାତେସି, ଅଡ଼େ ନାନୁ ସିହ୍‌କ୍ଲୁଃନି ଗୁଡ଼ିଟି
 ଗେଲ୍‌ପିଆଡେସି, ଏନିକିଁ ନା ତାଣାଟି ନେହାଁ କାରୁ
 ବାରେ ତାଣା ଝେଜିନେ ଅଡ଼େ ଜୀହୁଦିଆଆତି ଲକୁ
 ବାରେଜାଣା ଏଦାଆଁ ଝେଞ୍ଜାଲି ଆଡ଼ିନେରି; ୧୮ ପ୍ରଭୁ ନାଜେ
 ବାରେ ଲାଗେଏ କାମାଟି ଗେଲ୍‌ପାନେସି, ଅଡ଼େ ନାଜେ
 ଗେଲ୍‌ପାନା ତାନି ଲାକପୁରୁ ରାଜିତା ଅୟାନେସି; ଏଞ୍ଜାଣି
 ଗାଝୁରମି କାଲ୍ଲାକାଲ୍ଲା ତାକି ଆପେ ! ଆମେନ୍ ।

ରାନିବେଲାତି ଜହରା

୧୯ ✨ପ୍ରିୟାଲ୍ଲା ଅଡ଼େ ଆକ୍ସିଲ୍ଲା ଇଞ୍ଜା ଅନିସିପର ଇଲୁ
 କୁଟମିକି ନା ଜହରା ଝେହମ୍ଭ । ୨୦ ✨ଏରାସ୍ତ୍ର କରନ୍ତି
 ଗାଡ଼ାତା ତୁୟା ମାନେସି, ସାମା ତୁପିମ ଆଡ଼ିହିଲ୍ଲାଆକି ନାନୁ
 ଏଞ୍ଜାଣାଇଁ ମିଲିତତା ପିସା ଖାଡ଼େସି । ୨୧ ନାନୁ ପେନିବେଲ୍ଲା
 ଖାଆ ନକେଏ ଖାଡ଼ିହାଁ ନେହାଁ ଆଡେମା । ଇୟୁରୁଲ,
 ପୁଦେନସ୍, ଲିନ, କ୍ଲାଝୁଦିୟା, ଅଡ଼େ ବାରେ କ୍ରୀସ୍ତାନା
 ତାୟିୟାଁ ନିଜେ ଜହରା ଝେସିମାଞ୍ଜାନେରି । ୨୨ ପ୍ରଭୁ ନୀ
 ଜୀବୁତା ମାଣ୍ଡମେସି, ମାହାପୁରୁତି କାର୍ମାମେହ୍ନାୟି ମୀ
 ବାରେତାକି ଆୟାପେ ।

✨ ୪:୧୧ ୪:୧୧ କଲସି ୪:୧୪; ପିଲିମ ୧:୨୪; କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; ପିଲିମ ୧:୨୪ ✨ ୪:୧୨ ୪:୧୨ କାମା ୨୦:୪; ଏପିସି
 ୬:୨୧,୨୨; କଲସି ୪:୭,୮ ✨ ୪:୧୩ ୪:୧୩ କାମା ୨୦:୬ ✨ ୪:୧୪ ୪:୧୪ ୧ତିମ ୧:୨୦; ରମି ୨:୬ ✨ ୪:୧୯ ୪:୧୯ କାମା ୧୮:୨; ୨ତିମ ୧:୧୭,୧୭
 ✨ ୪:୨୦ ୪:୨୦ କାମା ୧୯:୨୨; ରମି ୧୭:୨୩; କାମା ୨୦:୪; ୨୧:୨୯

ତୀତସଙ୍କ ନିକଟକୁ ପାଉଲଙ୍କ ପତ୍ର ତିତସ ତାଣା ପାଞ୍ଚୁଲ ରାଡ଼ାମାନି ଆକୁ ମୂଳୁ ହାଡ଼ା

ପାଞ୍ଚୁଲତି ସାରିଗଟା ଆକୁ ବିତ୍ରା ତିତସ ଆକୁ କୁଲମି ପିସପେ ର ମାଣସିତି ଖେସିମାନେ, ଏଟକାତି ତାନିଗଟା ଆହିମାନୁ, ତିମତି ମୂଳୁ ଆକୁ, ତିମତି ରୀ ଲମ୍ବର ଆକୁ ଅଡ଼େ ପିଲିମନ । ଇ ଆକୁ କ୍ରୀସ୍ତ ଜାର୍ନାଆଡ଼ି ୬୩ ଟିଏ ୬୫ ବିତ୍ରା ରାସକି ଆହାମାନେ ।

ତିତସ ଏଟକା କୃତାତାସି ଆହାନା କ୍ରୀସ୍ତାନା ଆହାମାଟି ର ଦାଂଗଣେସସି ମାଚେସି, ଏଝାସି ମାହାପୁରୁ କାତା ଖେହ୍ନି ପାଞ୍ଚୁଲ ତଲେତାସି । କ୍ରିତିତା ମାନି ମାହାପୁରୁ କୁଲମି ସାଲୁଡ଼ି କିହାଲି ପାଞ୍ଚୁଲ ଏଝାଣାଲ୍ ଏମ୍ବାଆଁ ପିସାନା ଇ ଆକୁ ପାଣ୍ଡାନା ତାନିଗଟା ନେହ୍ନି କି ଅଣ୍ଟପାଲି ରାଡ଼ିମାନେସି । ର କାତା ଇଦି କ୍ରିତିତା ମାନାରି ବିତ୍ରାଟି ହାରେକା ଲକୁ ଲାଗେଏ ପଲେଏ ଅଣ୍ଟପୁ ଗାଟାରି ମାଟାକି ଏନିଲେହେଟି ଅଣ୍ଟପୁ ଗାଟାରାଲ୍ କୁଲମିତି କାଜାରି କିହାନା ଇଟିନାୟି ମାନେ । ଅର କାତା ଇଦି ବୁଡ଼ହାୟାଲ୍, ବୁଡ଼ହସିକାଣି, ଡ଼ାଆସିକାଣି, ଦାଂଗଣାୟାଣି, ହଲିୟାଜାଣି ଏନିକି ଗଟି ଗଟି କିହାନା ଜାପୁହାଲି ଆଡ଼େ । ତାମୁଡ଼ି କାତା ଇଦି କ୍ରୀସ୍ତାନା ଆହାମାନାରି ଏନିକି ନୀତିନାୟି ମାନେ । ଏଝାରି ଜୀଞ୍ଜୁ ନନାରି ଅଡ଼େ ସୁଦୁଗାଟାରି ଆପେରି, ଲାଗେଏତି କାତାୟାଁ ପିସପେରି, ଗଡ଼ହା କିଝି କିହାନା କୁଲମିତି ଗଟି ଗଟି କିଆପେରି ।

ପତିତା ମାନାୟି

- ୧. କୁଲମିତା ଦାମ୍ବୁଗାଟାରାଲ୍ ଆଟାଲି ଖେହ୍ନାୟି । ୧:୧-୧୭
- ୨. ଦାମ୍ବୁ ଜୀଞ୍ଜୁତଲେ ନୀତାଲି ଅଡ଼େ ଜାପୁହାଲି ଖେହ୍ନାୟି । ୨:୧-୩:୧୧
- ୩. ତାମୁଡ଼ି କାତା ଅଡ଼େ ଜହରା ତଲେ ଆକୁଡ଼ି ରାପୁନାୟି । ୩:୧୨-୧୫

୧ ପାଞ୍ଚୁଲ, ମାହାପୁରୁତି ହଲେଏଶାତେଏଁ ଇଞ୍ଜା ଜୀସୁ କ୍ରୀସ୍ତ ତାଣାଟି ପାଣ୍ଡୁଡ଼ି ଆହାମାନାତେଏଁ ।

ମାହାପୁରୁ ଆଡ଼ାମାନି ଲକୁଡ଼ି ନାମୁ ପାଡ଼ିକିହାଲି ଅଡ଼େ କାଲାକାଲାତି ଜୀଞ୍ଜୁ ମେଡ଼ାଆନି ଆସାତି ଦାମ୍ବୁତି ନାମୁତା ସାତାତି ଜାଗ୍ରାତା କିହାଲିତାକି ନାମୁ ପାଣ୍ଡୁଡ଼ି ଆହାମାଲ୍ । ୨ କାଲାକାଲାତି ଜୀଞ୍ଜୁତି ଆସା ହାହାଲିତାକି, ଏମିନି ମାହାପୁରୁ ଆଞ୍ଜାମାଚେସି, ଏଝାସି ଏଚେଲା ମିତି ଜଲ୍ଲାଆଗାଟାସି । ୩ ଏ କାଲାକାଲାତି ଜୀଞ୍ଜୁ ସାତା ମାହାପୁରୁ, ହାରେକା କାଲା ନକେଏ ଆଞ୍ଜାନା ସମାନା ବେଲାତା ତାନି ବଲୁ ଖେକ୍ନି ତାଣାଟି ତସାମାନେସି; ଏ ବଲୁ ଖେକ୍ନି ବଲୁ

ମା ଗେଲପାନି ମାହାପୁରୁ ହୁକୁମି ତଲେ ନା ତାଣା ହେରପି ଆହାମାଞ୍ଜାନେ ।

୪ *ନା ସମାନା ନାମିତାସି ଅଡ଼େ ନାମୁତା ନା ଜୀଞ୍ଜୁତି ମୀରଏସି ତିତସ ତାଣା ଇ ଆକୁ ରାଡ଼ିମାଲ୍ ।

ଆଡ଼ା ମାହାପୁରୁ ଅଡ଼େ ମାଲେ ଗେଲପାନି କ୍ରୀସ୍ତ ଜୀସୁ ମିଲେ କାର୍ମା ଅଡ଼େ ହିଡ଼ଡ଼ି ହିୟାପେସି ।

କ୍ରିତିତା ତିତସ କାମା କିନାୟି

୫ ନାମୁ ଖେସ୍ତାତିଲେହେଁ ରାଆତି କାମାଟି ରାପୁହାଲି ତାକି, ଅଡ଼େ ବାରେ ଗାଡ଼ାତା ପ୍ରାଟିନାଜାଣି କାମା ହେରପାଲି ତାକି ନାମୁ କ୍ରିତିତା ନିଲେ ପିସା ଝାୟାତେଏଁ; ୬ *ଆମ୍ବାଆସି ଦହ ହିଲାଆଗାଟାସି, ରଣ୍ଡିଏ ତକ୍ତିନି* ତକ୍ତା, ଆମ୍ବାଆରି ମୀରକା ମାସକା ନାମିତାରି, ଅଡ଼େ ଲାଗେଏ ପଲେଏତି କାମା କିଅରିକି ମାନୁଡ଼ି ଆଆଗାଟି କାମା କିଅରି ଏଝାରାଲ୍ ଆଡ଼ାହାଁ ପ୍ରାଟିନା କିମୁ । ୭ ଇଚିହଁ କାଜାସି, ମାହାପୁରୁତି ଗୁମୁସ୍ତା ଆହାଁ ଦହ ହିଲାଆଗାଟାସି ଆନାୟି ମାନେ; ଏଝାସି ଜାହାରା ମନତଲେ କିନାସି କି ଦେବୁଣିଏ କାରବି ଆନାସି କି କାଡ଼ୁ ଗହ୍ନାସି କି ଗଡ଼ହା କିନାସି କି ଦନ ଜୁପକା ଗାଟାସି ଆଆନା, ୮ ଏଝାସି ଗତାୟାଁଣି ଆକ୍ତା କିନାସି, ଏନାୟି ନେହାୟି ଏଦାଆଁ ଜୀଞ୍ଜୁ ନନାସି, ଜାହାରାଲ୍ ଲକନାସି, ଦାମ୍ବୁଗାଟାସି, ସୁଦୁଗାଟାସି, ଇଞ୍ଜା ମେରା ମାନୁଡ଼ି ଆନାସି ଆପେସି । ୯ ଅଡ଼େ ଏନିକି ଏଝାସି ଲକୁତାକି ନେହାଁଣି ଜାପୁହାନା ରାହାଁ ହାହାଲି ଇଞ୍ଜା ମାହାପୁରୁ କାତା କପାଟି ଖେହ୍ନାରେଲ୍ ଲାଗାଲି ଆଡ଼ିନେସି, ଇଦାଆଁତାକି ଜାପାମାନି ନାମିନି ବଲୁ ଜାଣେ ଆସାଁ ମାଞ୍ଜୁ ।

୧୦ ଇଚିହଁ ହାରେକା ନାମାଆଗାଟି ଲକୁ, ଉଜେଏତି କାତାତଲେ ନାଡ଼ିକିନାରି ମାନେରି, ହାରେକା ଜୀହୁଦି କ୍ରୀସ୍ତାନା ଲକୁ ବିତ୍ରାଟି ମାନେରି । ୧୧ ଲାଗେଏତି କାତାଟି ଏଝାରି ଗୁଡ଼ି ମୁଦା କିନାୟିମାନେ, ଏନାଆଁତାକି ଇଚିହଁ ଏଝାରି ଦନ ଜୁପକାତାକି ଲାଗେଏତି କାତା ଜାପୁହିହଁ ର ର ଇଲୁ କୁଟମିତି ମାହାପୁରୁ ଜିରୁ ବାଣି କିନେରି । ୧୨ ଏଝାରି ବିତ୍ରାଟି ରଅସି ଏଝାରି ମାହାପୁରୁ ଅଣ୍ଟପୁଡ଼ି ବଲୁ ଖେହ୍ନାସି ଏଲେ ଇଞ୍ଜାମାନେସି, କ୍ରିତିତା ବାସା ଆହାମାନାରି ବାରେବେଲା ମିତି ଖେହ୍ନାରି, ଜନ୍ତ ସମାନା ଅଡ଼େ ନିସ୍ତା ଇଞ୍ଜା ଟିଣ୍ଡିକାଞ୍ଜୁୟାଁ । ୧୩ ଇ କାତା ସାତା । ଏଦାଆଁତାକି ଏଝାରାଲ୍ ଗାଟି ଦାକା ହାହାଁ ଲାଗାମୁ, ଏନିକି ଏଝାରି ନାମୁତା ପାତା ଆନେରି । ୧୪ ସାତାତି ପିସାମାନି ଲକୁଡ଼ି ମେରା, ଜୀହୁଦି ଲକୁଡ଼ି କହୁୟାଁ, ମନ ହାଅରି ଏଦାଆଁତାକି ଏଝାରାଲ୍ ଜାପୁମୁ । ୧୫ ଅଡ଼ହ ଆଡ଼ି ଲକୁତାକି ବାରେଏ ଅଡ଼ିନେ, ସାମା ପଲୁଆ ଗାଟାରାକି, ମାହାପୁରୁଲ୍ ନାମାଆ ଗାଟାରାକି ଏନାୟି ଜିକେଏ ଅଡ଼େଏ, ଇଚିହଁ ଏଝାରି ମନ ଅଡ଼େ ଅଣ୍ଟପୁ ବାରେ ପଲୁଆଗାଟାୟି । ୧୬ ଏଝାରି ମାହାପୁରୁଲ୍ ପୁଞ୍ଜାମାନି ଇଞ୍ଜା ଜଲିନେରି, ସାମା ଏଝାରି କାମା ତଲେ ମାହାପୁରୁଲ୍ ପୁନାଆତି

* ୧:୪ ୧:୪ ୨କର ୮:୨୩; ଗାଲା ୨:୩; ୨ତିମ ୪:୧୦ * ୧:୬ ୧:୬ ୧ତିମ ୩:୨-୬ * ୧:୬ ୧:୬ ରଣ୍ଡିଏ ବାହା ତକ୍ତି

ଲେହେଁ ଆନେରି, ଏଞ୍ଜାରି ଅପାଆଗାଟାରି, ଅଡ଼େ କାତା
ଆହୁଆଗାଟାରି ବାରେ ନେହୁଁ କାମାତା ପାଡ଼ାଆଅରି ।

୨

ନେହୁଁ ଦାମ୍ବୁ ଜାପ୍ନାୟି

୧ ମା ଦାମ୍ବୁତି କାତାୟାଁ ନେହୁଁ କୁଁ ଜାପ୍ନୁ । ୨ ବୁଡ଼ହା
ଆବାୟାଁଇଁ ତରେ ଆୟାଲି, ନେହୁଁ ଅଣ୍ପୁ, ନେହୁଁ
ବୁଦି, ଅଡ଼େ ନାମ୍ବୁ, ଜାଞ୍ଜନନାୟି, ଇଞ୍ଜା ଅରହିନି ତାଣା
ବାଡ଼ୁୟା ଆୟାଲି; ୩ ଅଡ଼େ ବୁଡ଼ହୁଁ ଇୟାସିକାଣି ଜିକେଏ
ଏଲେକିହୁଁ ଏ ସାକ୍ତି ଗାଟାଲ ଇଞ୍ଜା କାଡ଼ୁ ଗହନାଲ
ଆଆନା ସୁଦୁଜାଞ୍ଜୁ ତଲେ ନୀତାନା ନେହୁଁ କାତା
ଜାପ୍ନାୟାଲି ବାଡ଼ିମାଲିହୁଁ ଝେହୁଁ; ୪ ଏଦାଆଁତାକି ତାଆ
ଆୟାସିକା ତାମି ତକ୍ରାୟାଁଣି, ମୀରକା ମାସକାଣି ଜାଞ୍ଜୁ
ନହାଁ, ୫ ଜାହାରାଲଁ ସାପି ଆୟାଲି, ଅଟହା କଡାନା,
ଇଲୁତି ନେହୁଁ କୁଁ ଲେମ୍ବାଲି, ନେହୁଁ ଗୁଣୁ, ଇଞ୍ଜା
ଜାହାରା ତକ୍ରାୟାଁ କାତା ମାନୁଞ୍ଜି ଆୟାଲି, ଜାପ୍ନୁ, ଏନିକ
ମାହାପୁରୁତି ବଲୁ ନିଦାଆଏ ।

୬ ଏଲେକିହୁଁ ଏ ଦାଂଗଣାୟାଁଣି ବାରେ କାତାତା ନେହୁଁ
ବୁଦି ଆହାଲି ରାହାଁ କିଞ୍ଜି କିମ୍ବୁ; ୭ ନୀ ବାରେ ମାଣକିତା ସାତା
କାମାତି ନେହୁଁ ଗୁଣୁ ତହୁଁ, ଜାପ୍ନୁ ତାଣା ଆଟ୍ଝା ଅଡ଼େ
ମାନିଗାଟି ମାଣସି ଆହାନା ନେହୁଁ ହାଡ଼ା ତଲେ ଝେହୁଁ
। ୮ ଏନିକୁଁ ମିଙ୍ଗେ ଲାଗେଏ କିହାଲି ଅଣ୍ପିମାନି ଲକୁ
ମିଙ୍ଗେ ଝେଣ୍ଡେ ଝେସାଲି ଆଡ଼ାଆନା ଲାଜା ବେଟାଆନେରି
।

୯ ହଲିୟାଜା ତାମି ସାଞ୍ଜୁକାରି କାତା ମାନୁଞ୍ଜି ଆହା
ତୟାପେରି, ଅଡ଼େ ବାରେ କାମାତା ସାଞ୍ଜୁକାରିଲଁ ରାହାଁ
କିନାରି ଆପେରି, ଏଞ୍ଜାରି ଝେଣ୍ଡେ ଜଲ୍ଲାଆପେରି, ୧୦ ଏନାଆଁ
ସରୁ କିଆନା ନେହୁଁ ନାମୁତଲେ ଟିକାଣା କାମା ତସ୍ପାରି,
ଆତିହୁଁ ମାଙ୍ଗେ ଗେଲ୍ପାନି ମାହାପୁରୁତି ଦାମ୍ବୁ ଜାପ୍ନାୟି
ନେହାୟି ଇଞ୍ଜୁଁ ଝେଜି କିନେରି ।

୧୧ ଇତିହୁଁ ବାରେ ମାଣସି କୁଡ଼ାଲଁ ଗେଲ୍ପାଲି
ମାହାପୁରୁତି କାର୍ମାମେହନାଣି ତସାମାନେସି, ୧୨ ଅଡ଼େ ମାର
ଏନିକୁଁ ଲାଗେଏତି ଦାମ୍ବୁ, ଦାରତିତି ଜୁପକା ପିସାନା ଇ
ନୀର୍ବତି ଜୁଗୁତା ନେହୁଁ ବୁଦି, ଦାମ୍ବୁ ଅଡ଼େ ମାହାପୁରୁତି
ଆଜିତଲେ ନୀତିନ, ୧୩ ଅଡ଼େ ଏ ରାହାଁତି ବାସୁଁ ମା କାଜା
ମାହାପୁରୁ ଗେଲ୍ପାନି କ୍ରୀସୁ ଜୀସୁତି ଗାଞ୍ଜୁରମି ତଞ୍ଜାଆନାଣି
କାଡ଼ିହୁଁ ତୟିନ, ଇଦାଆଁତାକି ମାଙ୍ଗେ ଜାପ୍ନୁ ହି ମାଞ୍ଜାନେ
। ୧୪ ଏ କ୍ରୀସୁ ଜୀସୁ ମା ବାରେ ଲାଗେଏ ପଲେଏ ତାଣାଟି
ଗେଲ୍ପି କିୟାଲି ଅଡ଼େ ତାଙ୍ଗେତାକି ସାତା କାମାତାକି
ରାହାଁତି ତାନି ଲକୁ ଲେହେଁ ଅଟହାଲି ତାନୁଏ ମା ତାକି
ହେରପି ଆଡ଼େସି ।

୧୫ ଇ ବାରେ କାତା ଜଲିହୁଁ ବାରେ ଅଦିକାରା ତଲେ
ସାସା ହାମ୍ବୁ, ଅଡ଼େ ଦାକା ହାମ୍ବୁ । ଏନିକୁଁ ଆମ୍ବାଆରି
ନିଙ୍ଗେ ହାଣି କିୟାଆପେରି ।

୩

କ୍ରୀସୁନା ଲକୁତି କାମା ଇଞ୍ଜା ଗୁଣୁ

୧ ଦେସାତି ସାଲୁଞ୍ଜି କିନାରି ଅଦିକାରା ବେଟାଆହା
ମାନାରି ତୁଇ ମାଞ୍ଜାନା, ଏଞ୍ଜାରାଲଁ ମାନି କିହାନା,
ଅଡ଼େ ବାରେ ନେହୁଁ କାମା କିହାଲି ଜାଗ୍ରାତା ଆଦୁ,
୨ ଆମ୍ବାଆରାଲଁ ନିଦା କିଆନା, ଆମ୍ବାଆରି କପାଟି କାମା
କିଆନା, ବାରେ ଲକୁ ନକିତା ଉଣା ଆହାଲି, ସୁଦୁ ସୁଞ୍ଜାଲା
ତସାଲି ବାରେ ଲକୁ ନକିତା ଅଣ୍ପି କିମ୍ବୁ । ୩ ଇତିହୁଁ ମାର
ଜିକେଏ ନକେଏ ବୁଦିହିଲାଆ ଗାଟାତାୟି, କାତା ଆହୁଆ
ଗାଟାତାୟି, ଲାଗେଏତି ଜିରୁଟି ହାଜିମାଟାୟି, ଏନି ଏନି
ଜୁପକା ଅଡ଼େ ସୁକୁ ଦୁକୁତି ହଲିୟା ମାଟାୟି, ତାହାରା
ଅଡ଼େ ତାହାରା ତଲେ ମାଟାୟି ଇଞ୍ଜା ଅପ୍ଝି ଆଆଗାଟି
ଲକୁ ଆହା ଅପ୍ଝି ଆହି ହିଲାଆତାୟି । ୪ ସାମା ଏଟିବେଲା
ମାଙ୍ଗେ ଗେଲ୍ପାନି ମାହାପୁରୁତି କାର୍ମା ଅଡ଼େ ମାଣସି
ଜାଡ଼ି ତାକି ତାନି ଜାଞ୍ଜନନାୟି ତଞ୍ଜାଆଡ଼େ, ୫ ଏଟିବେଲା
ଏଞ୍ଜାସି ମା କିତି ଦାମ୍ବୁ କାମାତାକି ଆଏ, ସାମା ତାନି
କାର୍ମାତଲେ ପୁଞ୍ଜି ଜାନାତି ଏୟୁତଲେ ନରହାନା, ତାନି
ସୁଦୁଜାଞ୍ଜୁ ତଲେ ପୁଞ୍ଜି ଗାଡ଼ିକିହାଁ ଗେଲ୍ପାମାଞ୍ଜାନେସି, ୬ ଏ
ନେହୁଁ ଜାଞ୍ଜୁତି ମାଙ୍ଗେ ଗେଲ୍ପାନି ଜୀସୁ କ୍ରୀସୁ ତାଣାଟି
ହାରେପୁରେ ମା ଲାକ ହାୟାତେସି, ୭ ଏନିକୁଁ ମାର
ତାନି କାର୍ମାମେହନାଣି ତଲେ ଦାମ୍ବୁ ଗାଟାତାୟି ଆହାନା
ବାସୁଁ ତଲେ କାଲ୍ଲାକାଲ୍ଲାତି ଜାଞ୍ଜୁତି ଅଦିକାରା ଆନାୟି ।
୮ ଇ କାତା ସାତା ଆନେ । ଅଡ଼େ ଏନିକୁଁ ମାହାପୁରୁଲଁ
ନାମିନାରି ବାରେ ନେହୁଁ କାମାତି ଅଣ୍ପିହୁଁ କିନେରି,
ଏଦାଆଁତାକି ଇ ବାରେ ଜାଣ୍ଡେତଲେ ଜାପ୍ନୁ ଇଞ୍ଜୁଁ ନା
ଅଣ୍ପୁ, ଇ ବାରେ ଲକୁତାକି ନେହାୟି ଇଞ୍ଜା ଅଜିତାୟି ।
୯ ସାମା ଲେନିପନିଏ ବାଡ଼ିବାଡ଼ା କାତା ଜଲିନି ତାଣାଟି,
ଆକୁ ଆବାୟାଁ ଦରକା ତାକି, ଗଡ଼ହା ଅଡ଼େ ମେରାତାକି
ଗଡ଼ହାଟି ହେକ ମାନାମ୍ବୁ, ଇତିହୁଁ ଏ ବାରେ ଲାଡ଼ା
ହିଲାଆ ଉଜେଏତାଲ । ୧୦ ଜିରୁ ବାଣି କିନି ଲକୁଲଁ, ର
ଦେବା ରୀ ଦେବା ଦାକା ହାହାଁ ଜାଗ୍ରାତା କିଦୁ, ଅଡ଼େ ତାୟୁ
ଏଞ୍ଜାଣି ତାଣାଟି ହେକ ଆଦୁ; ୧୧ ଇଲେତି ଲକୁ ତାମି ଜିରୁ
ବାଣାଆହା ମାନେରି, ଇଞ୍ଜା ପାପୁ କିହାଁ ଜାହାରାତି ଦହ
କିନେରି, ଇଦାଆଁ ମୀରୁ ପୁଞ୍ଜାମାଞ୍ଜେରି ।

ରାନି ବେଲାତା ଜାପ୍ନାୟି

୧୨ ଏଟିବେଲା ନାନୁ ମୀ ତାଣା ଆତ ମା କି ତୁକିକଲଁ
ପାଣ୍ଡୁଲଁ, ଏଟିବେଲା ନିକପଲିତା ନା ତାଣା ଝାହାଲି ଜାଡ଼ୁ
ଆମ୍ବୁ, ଇତିହୁଁ ପେନିଝେଡ଼ା ରାଞ୍ଜେ ଏମ୍ବାଆଁ ମାଞ୍ଜାଲି
ଅଣ୍ପାମାଲଁ । ୧୩ ଅକିଲା ଜିନା, ଅଡ଼େ ଆପଲକି ଏନାୟି
ଲଡ଼ାମାନେ ଏଦାଆଁ ହାହାନା ଜିରୁ ତହୁଁ, ଏନିକୁଁ ଏଞ୍ଜାରି
ଜିରୁତା ଏଞ୍ଜାରାକି ଏନାୟି ଲଡ଼ା ଆଆପେ । ୧୪ ମା ଲକୁ
ଜିକେଏ ଲଡ଼ାମାନି ତୀରପୁ କାମାତା ଲେମ୍ବୁଞ୍ଜି ଆହାଲି

☆ ୨:୧୪ ୨:୧୪ ୧ପିତ ୨:୯ ☆ ୩:୧୨ ୩:୧୨ କାମା ୨୦:୪; ଏପିସି ୭:୨୧,୨୨; କଲସି ୪:୭,୮; ୨ତିମ ୪:୧୨

ଜାପିନାୟି ମାନେ, ଏନିକି ଏଞ୍ଜାରି ପାଡ଼େୟି ହିଲାଆ
ଗାଟାରିଲେହେଁ ଆଅରି ।

୧୫ ନା ତଲେ ମାନି ବାରେଜାଣା ନିଙ୍ଗ ଜହରା
କିହିମାଞ୍ଜାନେରି । ନାମୁତା ଆମ୍ବାଆରି ମାଙ୍ଗେ ଜୀଝୁ
ନହିମାଞ୍ଜାନେରି ଏଞ୍ଜାରାଇ ଜହରା କିଦୁ, ଅଡ଼େ ମାହାପୁରୁତି
କାର୍ମାମେହନାୟି ମୀ ବାରେତାକି ଆପେ ।

ପିଲିମନଙ୍କ ନିକଟକୁ ପାଉଲଙ୍କ ପତ୍ର ପିଲିମନ ତାଣ୍ଡା ପାଞ୍ଚୁଲ ରାଢ଼ାମାନି ଆକୁ ମୂକୁ ହାଡ଼ା

ପିଲିମନ ଆକୁ ପାଞ୍ଚୁଲ ତାଣ୍ଡାଟି ରାସ୍ତି ଆହାମାନେ ୧:୧ । ପାଞ୍ଚୁଲ ରମ୍ ଗାଡ଼ାତି କାୟିଦି ଇଲୁତା ମାଚାଟି ଇ ଆକୁ ରାଢ଼ାମାନେସି । ଏଞ୍ଜାସି ରମ୍ ଗାଡ଼ାତା ମାଚେସି କ୍ରୀସ୍ତ ଜାନାଆଡ଼ି ୬୧ ବାସୀ ତାୟୁ ଇ ଆକୁ ରାଢ଼ା ଡ଼ୟିନେସି । ଏଟିବେଲାତା କଲସିୟ କୁଲମିତାକି ରାଢ଼ା ଡ଼ୟିନେସି । ଏଞ୍ଜାସି ଇ ଆକୁ ପିଲିମନ ଇନି ର ମାଣ୍ଡସିକି ରାଢ଼ିମାନେସି । ପିଲିମନ କୁଲମିତି କାଜାସି ଅଡ଼େ ହଲିୟାଜାତ ସାଞ୍ଜୁକାରି ମାଚେସି । ଏଞ୍ଜାରି ବିତ୍ରାଟି ଅନିସିମ ଇନି ର ହଲେଏସି ମାଚେସି ଏଞ୍ଜାସି ପିଲିମନ ତାଣ୍ଡାଟି ହଟାତୁସା ମାଚେସି ଏଞ୍ଜାସି ପାଞ୍ଚୁଲ ତାଣ୍ଡାଟି କ୍ରୀସ୍ତାନା ଆହାମାଚେସି । ରମିୟ ଲକୁଡ଼ି ମେରା ତଲେ ଅନିସିମଇଁ ହାନ୍ତି ଡ଼ଣ୍ଡ ହାନାୟି ମାଚେ ।

ଅନିସିମଇଁ କାର୍ମାମେସାନା ଏଞ୍ଜାଣାଇଁ ହଲେଏସି ଲେହେଁ ଆଏ ସାମା କ୍ରୀସ୍ତାନା ତାୟିଲେହେଁ ଝେଣ୍ଡେ ଆବାମୁ ଇଞ୍ଜି ପିଲିମନଇଁ ବାଡ଼ିମାଲିହଁ ଇ ଆକୁ ରାଢ଼ିମାନେସି ୧:୧୩-୧୪ ।

ପତିତା ମାନାୟି

- ୧. ପିଲିମନଇଁ ଜହରା ଝେହନାୟି । ୧:୧-୩
- ୨. ଅନିସିମଇଁ କ୍ରୀସ୍ତାନା ତାୟିଲେହେଁ ଆବାଲି ଏଲେଇନାୟି । ୧:୪-୨୧
- ୩. ଆକୁଡ଼ି ରାପ୍ତିନି କାତା । ୧:୨୨-୨୫

୧ ନାନୁ ପାଞ୍ଚୁଲ, ଜୀସୁ କ୍ରୀସ୍ତ ତାକି ଦସ୍ପି ଆହାମାନାଚେଏଁ, ତାୟି ତିମତି, ମା ତଲେ କାମା କିହିମାନି ଜୀସୁଡ଼ି ପିଲିମନ, ୨ ଅଡ଼େ ତାଳି ଅପ୍ପିୟା ଇଞ୍ଜା ମା ତଲେ ଜୁଜୁକିନି ଆକ୍ ପପ ଇଞ୍ଜା ମୀ ଇଜ ମାନି କୁଲମିତାକି ଆକୁ ରାଢ଼ାମାଇଁ; ୩ ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହନାୟି ଅଡ଼େ ହିଡ଼ଡ଼ି ମିଜେତାକି ଆୟାପେ ।

ପିଲିମନ ଜୀସୁନନାୟି ଅଡ଼େ ନାମିନାୟି

୪ ନାନୁ ନା ପ୍ରାଡ଼ାନାତା ମୀ ଦରୁ ଆସାନା କାଲେଏ ନା ମାହାପୁରୁଇଁ ଜହରା କିହିମାଇଁ, ୫ ପ୍ରବୁ ଜୀସୁ କ୍ରୀସ୍ତ ଇଞ୍ଜା ବାରେ ମାହାପୁରୁ ଲକୁଡ଼ାକି ମୀ ଜୀସୁନନାୟି ଅଡ଼େ ନାମୁଡ଼ି କାତା ଝେଞ୍ଜାନା ୬ ଏଲେକିହଁଏ ମୀ ନାମୁଡ଼ଲେ ଆଣ୍ଡୁ଼ି ଆନାୟି, ମାଜେ ହୀପକିଆଡ଼ି ବାରେ ନେହଁ କାତାତି ପୁନାଣି ତଲେ କ୍ରୀସ୍ତ ତାଣ୍ଡା କାମା ଆନେ । ୭ ଏଦାଆଁତାକି ଇଚିହଁ, ଏ ନା ତାୟି, ମାହାପୁରୁ ଲକୁଡ଼ି ହିୟାଁ ମୀ ତାଣ୍ଡା ସୁସ୍ତି ମେଡ଼ା ଆହାମାନାକି ନାନୁ ମୀ ଜୀସୁ ନନି ତାଣ୍ଡା ରାହାଁ ଅଡ଼େ ସାସା ବେଟା ଆହିମାଇଁ ।

ଅନିସିମ ତାକି ବାଡ଼ିମାଲିନାୟି

୮ ଆଡ଼ିହଁ ଏନାୟି ନେହାୟି, ଏ କାରୁତାକି ନିଜେ ହୁକୁମି ହୀହାଲି କ୍ରୀସ୍ତତି ହଲେଏଣା ଲେହେଁ ଆଡ଼ିଜିକେଏ ନାଜେ ହାଡ଼େ ପୁରେ ସାସା ମାନେ, ୯ ଆଡ଼ିଜିକେଏ ନାନୁ ବୁଡ଼ହା ପାଞ୍ଚୁଲ ଜୀସୁ ନନାଣି ତାକି ମିଜେ ବାଡ଼ିମାଲିମାଞ୍ଜାଇଁ, କ୍ରୀସ୍ତ ଜୀସୁ ତାକି ନାଏଁ ନାନୁ ଦସ୍ପି ଆହାମାଇଁ, ୧୦ ନାନୁ ଇଲେକ୍ ଦସ୍ପି ଆହାମାନାଟି ନା ମାରଏସି ଅନିସିମ ତାକି ନିଜେ ବାଡ଼ିମାଲିମାଞ୍ଜାଇଁ; ୧୧ ଏଞ୍ଜାସି ନକେଏ ନିଜେ ଅଡ଼େ ନାଜେତାକି ଲଡ଼ା ହୀଆଗାଟାସି ମାଚେସି, ସାମା ନାଏଁ ନିଜେତାକି ଅଡ଼େ ନାଜେତାକି ଜିକେଏ ଲଡ଼ା ଗାଟାସି ଆହାମାନେସି ।

୧୨ ନାନୁ ଏଞ୍ଜାଣାଇଁ ନୀ ତାଣ୍ଡା ଝେଣ୍ଡେ ପାଣ୍ଡିମାଞ୍ଜାଇଁ, ଏଞ୍ଜାସି ନା ହିୟାଁ ମାନେ । ୧୩ ନେହଁ କାରୁତାକି ନାନୁ କାୟିଦିତା ମାଞ୍ଜାନା ଏଞ୍ଜାଣାଇଁ ନୀ କିନି ଜାଡ଼ୁ ନାଜେ କିହାଲି ତାକି ତାଗେ ଇଟାଲି ଅଣ୍ଡପିମାଚେଏଁ, ୧୪ ସାମା ନାନୁ ରାକି ଆଆପାଚେକା ନାନୁ ଏଦାଆଁ କିହାଲି ଅଣ୍ଡପାଆଚେଏଁ, ଏନିକ୍ ନୀ ନେହଁ କାମା ନୀ ମନତଲେ କିନିଲେହେଁ ଆଆନା ନେହଁ ଅଣ୍ଡପୁ ତଲେ ଆନେ ।

୧୫ ଆଡ଼ିହଁ ଇଦି ଆହାଲି ଆଡ଼ିନେ, ଏନିକ୍ ନାନୁ ଏଞ୍ଜାଣାଇଁ ହଲେଏଣା ଲେହେଁ ମେହୁଆନା ସାମା ହଲେଏଣା କିହାଁ କାଜାସି ଲେହେଁ, ଇଚିହଁ ଜୀସୁଡ଼ି ତାୟିଲେହେଁ କାଲେଏତାକି ବେଟାଆଡ଼ି, ଏଦାଆଁତାକି ଏଞ୍ଜାସି ଏଚରଦିନା ତାକି ଏଟକା ଆହାମାଚେସି; ୧୬ ସାମା ଏଞ୍ଜାସି ଝାରୁଇଁ ହଲେଏସି ଆଏ, ନାଏଁ ଏଞ୍ଜାସି ଜୀସୁଡ଼ି ତାୟି, ଇଚିହଁ ଆଜା ତଲେ ଅଡ଼େ ମାହାପୁରୁ ତାଣ୍ଡା ନିଜେତାକି ଏଚେକା ଜୀସୁ ନନାସି ଆଅସି ।

୧୭ ଏଦାଆଁତାକି, ନାନୁ ନାଜେ ନା ତଡ଼ତୁସି ଇଞ୍ଜି ଅଣ୍ଡପି ମାଞ୍ଜାସାରେ, ଆଡ଼ିହଁ ନାଜେ ଆବାତି ଲେହେଁ ଏଞ୍ଜାଣାଇଁ ଆବାମୁ । ୧୮ ଇଚିହଁ ନିଜେତାକି ଏନି ଲାଗେଏ କିହାମାଞ୍ଜାତ୍ କି ନୀ ତାଣ୍ଡା ରୀଣା ଆହା ମାଞ୍ଜାତିହଁ, ଏଦାଆଁ ନା ଦରୁତା ରାଢ଼ାମୁ । ୧୯ ନାନୁ ପାଞ୍ଚୁଲଚେଏଁ, ନା କେୟୁତଲେ ଇଦାଆଁ ରାଢ଼ିମାଇଁ, ନାନୁ ଏଦାଆଁ ଝେଟହାଇଁ । ନୀନୁଏ ନା ତାଣ୍ଡା ରୀଣା ମାଞ୍ଜି, ଇ କାତା ଅଡ଼େ ନାନୁ ଝେସାଲି ଅଣ୍ଡପି ହିଲଅଁ । ୨୦ ହାଅ, ତାୟି, ପ୍ରବୁ ତାଣ୍ଡା ଆଣ୍ଡିତ୍ ନୀ ତାଣ୍ଡାଟି ନା ଲାବା ଆୟାନେ, କ୍ରୀସ୍ତତି ତାଣ୍ଡା ନା ଜୀସୁତା ବାସୁଁ ହିୟାମୁ ।

୨୧ ନାନୁ ନା ଝେସ୍ତାତିଲେହେଁ କିଦି ଇଞ୍ଜି ନାମୁ ମାନାକି ନାନୁ ଇ ଆକୁ ରାଢ଼ିମାଇଁ; ସାଚେଏ ନାନୁ ପୁଞ୍ଜାମାଇଁ, ନାନୁ ଏଚେକା ଝେସିମାଞ୍ଜାଇଁ, ନାନୁ ଏଦାଣିକିହାଁ ଆଗାଡ଼ା ଜିକେଏ କିଦି । ୨୨ ଇଦାଆଁ ତଲେ ନା ଡ଼ୟିନି ଇଲୁ ଜିକେଏ କିହାନା ଇଟାମୁ, ଇଚିହଁ ମୀ ପ୍ରାଡ଼ାନା ତଲେ ମୀରୁ ନାଜେ ଝେଣ୍ଡେ ବେଟା ଆୟାଦେରି, ଇଦାଆଁ ନାନୁ ଆସା କିହିମାଇଁ ।

ରାନ୍ତିବେଲାତି ଜହରା

✦ ୧:୨ ୧:୨ କଲସି ୪:୧୭ ✦ ୧:୧୦ ୧:୧୦ କଲସି ୪:୯

୨୩ ☆କ୍ରୀସ୍ତ ଜୀସୁ ତାକି ନା . ତଲେ କାୟିଦି ଇଲୁତା
 ମାନି ଏପାପ୍ତା ୨୪ ☆ଇଞ୍ଜା ନା . ତଲେ କାମା କିହିମାନି ମାର୍କ,
 ଆରିସ୍ତାର୍କ, ଦିମା ଅଡେ ଲୁକ ନିଜେ ଜହରା କିହିମାଞ୍ଜାନେରି
 । ୨୫ ମା ପ୍ରୁ ଜୀସୁ କ୍ରୀସ୍ତତି କାର୍ମାମେହ୍ନାୟି ନେହ୍ନ ଜୀସୁ
 ମୀ ତଲେ ମାଣ୍ଡେ ।

ହିବୁମାନଙ୍କୁ ଲିଖିତ ପତ୍ର ଏବି ଲକ୍ଷ୍ମୀତାଙ୍କ ରାଡ଼ିତି ଆକୁ ମୂଲୁ ହାଡ଼ା

ଏବି ପତି ର. ରାହାଁ ହାନି ପତି । ପୁଃଈ ମେରାତି ହାରେକା ମାହାପୁରୁ ଅଣ୍ପୁତି ବଲୁୟାଁ ପୁଃଈଆଇ ଆହାମାନି କାତା ଇମ୍ପାଆଁ ମେସାଲି ଆଡ଼ିମାନାୟି । ଇ ପତି ର ନେହଁ କାତାତି ଖେହ୍ନି ପତି । ଇମ୍ପାଆଁ ତାନିକଡ଼ିଟିଏ ହାରେକା ପୁଃଈ ମେରାତି କାତାୟାଁ ରାସ୍‌କି ଆହାମାନୁ । ଜୀସୁ କ୍ରୀସ୍ତ ଏନିକଁ ମାହାପୁରୁ ଅଣ୍ପୁତି ବଲୁ ଅଡ଼େ ଜୀହୁଦି ପୂଜେରାଜା କାମା ପୁରା କିତେସି ଇମ୍ପାଆଁ ମାର ମେସାଲି ଆଡ଼ିମାନାୟି ।

ଇଦାଆଁତାକି ଇ ପତି ଜୀହୁଦି କ୍ରୀସ୍ତାନା ଲକ୍ଷ୍ମଣ ସାସା ଅଡ଼େ ବାସୁଁ ହାନି ପତି । ଏବି ପତି ଖେସିମାନେ, ଜୀସୁ ଏନିକଁ ମେରାତି ପୁରା କିତେସି, ଏନିକଁ ପୂଜେରାଜା ଅଡ଼େ ଖେଶ୍ଟେ ପୂଜା ହାହାଲି ଲଡ଼ା ହିଲେଏ । ଜୀସୁ କ୍ରୀସ୍ତ ବାରେ କାଲେଏତାକି ରଣ୍ଡିଏ ଦେବା ପାପୁତି ପୂଜା ହାତେସି । ନୀସଁତି ଜୁଗୁତି କ୍ରୀସ୍ତାନା ଲକ୍ଷ୍ମଣି ଏବି ପତି ସାସା ଅଡ଼େ ବାସୁଁ ତସିମାନେ । କ୍ରୀସ୍ତ ମାଜେ ମାହାପୁରୁ ତାଣା ବାସୁଁ କିଝିକିହାଲି ଆଡ଼ାମାଜାନେସି । ଅଡ଼େ ଏଝାଣି ତାଣା ବାସୁଁ ଇଗାନା ତାକିନ ୧୨:୨ ।

ଏବି ପତି ଆମ୍ପାଆସି ରାଡ଼ାମାନେସି ପୁଣ୍ଡି ଆହା ହିଲେଏ, ସାମା ବୁଦିଗାଟାର ଏଲେ ଇଞ୍ଜିମାନେରି ପାଣ୍ଡୁଆହାମାନି ପାଝୁଲ, ଲୁକ, ଆଆତଁ ବର୍ନବା ଆହାଡ଼ୟିନେରି । ଇଦାନି ରାଡ଼ିତି କାଲମି ଜିକେଏ ପୁନଆତାୟି, ସାମା ହାରେକା ଲକ୍ଷ୍ମଣ ଏଲେଇନେରି ଇଦି ଜୀସୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ସା ତାୟୁ ରାସ୍‌କି ଆହାମାନେ । ଇତିହଁ ଜିରୁସାଲମ ଇଲୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ସା ତାୟୁ ନାସା ଆଡ଼େ ସାମା ଇ ଆକୁତି ରାଡ଼ିନାସି ଇଦି ନାସା ଆଆତିଲେହେଁ ରାଡ଼ିମାନେସି । ଏବି ପତି ରମ୍ ଗାଡ଼ାତା ରାସ୍‌କି ଆହାମାତେ ୧୩:୨୪ ଅଡ଼େ ହାରେକା କୁଲମିକାଣା ବାଡ଼ିକିଝି ଆହାମାତେ ।

ପତିବା ମାନାୟି

- ୧. ଜୀସୁ କ୍ରୀସ୍ତ ମାହାପୁରୁ ଅଣ୍ପୁତି ବଲୁ ଖେହ୍ନାସି ଅଡ଼େ ଦୁଡୁୟାଁ କିହାଁ ଜିକେଏ କାଜାସି । ୧:୧-୪:୧୩
- ୨. ଜିରୁସାଲମତା ସେବା କିହିମାନି ପୂଜେରାଜା କିହାଁ ଜିକେଏ ଜୀସୁ କାଜାସି । ୪:୧୪-୭:୨୮
- ୩. ମାହାପୁରୁ ମସାକି ମେରା ହାହାନା ତାନି ଲକ୍ଷ୍ମଣଲେ କିହିମାତି ରାଡ଼ିମାନା କିହାଁ ଜୀସୁତି ସେବା କାମା କାଜାୟି । ୮:୧-୧୦:୩୧
- ୪. ଜୀସୁଇ ବାରେ ତାଣା କାଜାସି କିହିନା ଖେସାମାନେସି । ୧୦:୩୨-୧୩:୧୭
- ୫. ସାସା ଅଡ଼େ ବାସୁଁତି କାତା ଖେସାନା ଜହରା ତଲେ ଆକୁତି ରାପ୍‌ନାୟି । ୧୩:୧୮-୨୫

ମୀରଏଣା ତାଣାଟି ମାହାପୁରୁତି ବଲୁ

୧ ମାହାପୁରୁ ତଲି କାଲ୍ଲାତା ଏଟକା ଏଟକା ଟାୟୁତା ଅଡ଼େ ଏଟକା ଏଟକାତି ମାହାପୁରୁ ଅଣ୍ପୁତି ବଲୁ ଖେହ୍ନାରି ତାଣାଟି ମା ଆକୁ ଆବାୟାଁଣି କାତା ଖେସାମାତେସି, ୨ ସାମା ଇ ରାନ୍ତି ବେଲାତା ମୀରଏଣା ତାଣାଟି ମାଜେ କାତା ଖେସାମାଜାନେସି । ଏଝାଣାଇଁ ଏଝାସି ବାରେତି ମୁହେଁ କାଜାସି କିହାଁ ଆଡ଼ାମାନେସି, ଏଝାଣି ତାଣାଟି ହାଗୁପାକା ଦାରତି ବାରେ ଗାଡ଼ିକିତେସି; ୩ ଏ ମୀରଏସି ତାନି ତୀଞ୍ଜିମାନି ଗାଝୁରମିତି ଉଜେଡ଼ି ଅଡ଼େ ଏଝାଣି ଝାଣା ମାନେ, ଏଝାସି ତାନି ବାଡ଼ୁୟୁ ଗାଟି ବଲୁ ତଲେ ବାରେ ଦାରତିତି ସାଲଝି କିନେସି, ଇଞ୍ଜାଁ ମା ପାପୁ ବାରେ ମେକ୍‌ହି ତାୟୁ ଲାକପୁରୁତି ବାଡ଼ୁୟୁ ଗାଟି ମାହାପୁରୁତି ଟିଝିନ ଟଟତା କୁଗାମାନେସି ।

ମାହାପୁରୁ ମୀରଏସି ବାରେକିହାଁ କାଜାସି

୪ ମୀରଏସି ଏନିକଁ ଲାକପୁରୁତି ଦୁଡୁୟାଁ କିହାଁ ହାରେକା କାଜା ଦରୁତି ଅଦିକାରା ବେଗାଆହା ମାନେସି, ଏଲେକିହଁଏ ଏଝାସି ଏଝାସିକା କିହାଁ ହାରେକା କାଜାସି ଆହାମାନେସି । ୫ ଇତିହଁ ମାହାପୁରୁ ଦୁଡୁୟାଁ ବିତ୍ରାଟି ଆମ୍ପାଆରାଇଁ ଏରେଲା ଏଲେଇଞ୍ଜା ହିଲଅସି,

“ନୀନୁ ନା ମୀରଏଣାତି,
ନୀଞ୍ଜୁଟିଏ ନୀନୁ ନୀ ତାଞ୍ଜିତେଏଁ”
ଅଡ଼େ ଜିକେଏ ମାହାପୁରୁ ଏଲେଇତେସି,
“ନୀନୁ ମୀ ଆବାତେଏଁ ଆହାମାଇଁ,
ଅଡ଼େ ନୀନୁ ନା ମୀରଏଣାତି ଆଦି ।”

୬ ଅଡ଼େ ମାହାପୁରୁ ତାନି ପାଣ୍ଡୁ ମୀରଏଣାଇଁ ଅଡ଼େ ଖେଶ୍ଟେ ଦାରତିତା ପାଣ୍ଡାତେସି, ଏ ବେଲାତି ସିନିକିହାନା ଏଲେଇନେସି, “ମାହାପୁରୁତି ବାରେ ଦୁଡୁୟାଁ ଏଝାଣାଇଁ ଜହରା କିପେରି ।”

୭ ର. ଝାକିଟି ମାହାପୁରୁ ଦୁଡୁୟାଁ କାତା ଏଲେଇଞ୍ଜି ମାନେସି,

“ମାହାପୁରୁ ତାନି ଦୁଡୁୟାଁଇଁ ଗାଲି ଲେହେଁତି ଜୀଝୁ ହୀନେସି,
ଅଡ଼େ ତାନି ସେବା କିନାରାଇଁ ହିରୁ ଗୁଦ୍‌ଝା ଲେହେଁ କିନେସି ।”

୮ ଅରଝାକି ମାହାପୁରୁ ତାନି ମୀରଏଣା ତାକି ଏଲେଇଞ୍ଜି ମାନେସି,

“ଏ ମାହାପୁରୁ ନୀ ସିଂଗାସାଣି କାଲ୍ଲାକାଲ୍ଲା ତାକି ଡ଼ୟିନେ,
ଅଡ଼େ ନୀନୁ ସାଲଝି କିନାୟି ନୀହାଁୟି ତଲେ ଆନେ ।

୯ ନୀନୁ ଦାମ୍‌ନୁ ଗାଟାଣାଇଁ ଜୀଝୁ ନହଁ ମାଞ୍ଜି
ଅଡ଼େ ଦାମ୍‌ନୁ ହିଲାଆଗାଟାରାଇଁ ଅପାହିଲଅତି,
ଏଦାଆଁତାକି ମାହାପୁରୁ ନୀ ମାହାପୁରୁ ନିଜେ ଆଡ଼ାନେସି,
ମୀ ତଡ଼େସିଜା କିହାଁ ନିଜେ ହାରେକା ରାହାଁତି ନିହୁଁ ଝାକ୍‌ହାନା ନିଜେ ଆବାନେସି ।”

୧୦ ଏଝାସି ଅଡ଼େ ଖେସିମାନେସି,
“ଏ ପ୍ରୁ, ନୀନୁ ମୂଲୁଏ ଦାରତିତି ପୁନାଦି ଗାଡ଼ିକିତି,
ଅଡ଼େ ହାଗୁପାକା ବାରେ ନୀ କେୟୁତଲେ କେପିତି ।”

୧୧ “ଏ ବାରେ ର ଦିନା ମେଣ୍ଟାହାନେ, ସାମା ନାନୁ କାଲେଏ ଡ଼ୟିଦି;

ଅଡ଼େ ଏ ବାରେ ପୁଃଇ ହିମ୍ବରକା ଲେହେଁ ଗେଞ୍ଜା ହାନୁ

୧୨ ଅଡ଼େ, ନାନୁ ହିମ୍ବରି ଲେହେଁ, ହାଅ, ହିମ୍ବରି ଲେହେଁ ମୁଦାକିଦି

ଅଡ଼େ ଏଞ୍ଜି ବାରେ ହିମ୍ବରକା ଲେହେଁ ବାଦଲି ଆନୁ;

ସାମା ନାନୁ ବାରେବେଲା ଏଞ୍ଜାତିଏ,

ଅଡ଼େ ନୀ ଜୀଞ୍ଜୁ ଏଚେଲାଞ୍ଜା ରାଏ ।”

୧୩ ମାହାପୁରୁ ତାନି ଦୁତୁୟାଁଇଁ ଏଚେଲାଞ୍ଜା ଏଲେଇଞ୍ଜା ହିଲଅସି,

“ନାନୁ ନୀ ସାତୁୟାଁଣି ନୀ କଡାୟାଁ ଡ଼ଇ ଇଟାଆ ପାତେକା

ନାନୁ ନା ଚିଃନି ଚଟତା କୁଗାମାନାମୁ ।”

୧୪ ଆତିହୁଁ ଲାକପୁରୁତି ଦୁତୁୟାଁ ଆମ୍ବାଆରି ? ଏଞ୍ଜାରି ଆହିମାନେରି ମାହାପୁରୁତି ସେବା କିନାରି ମାଣ୍ଡସିୟାଁଇଁ ସାଢ଼େମି କିହାନା ଗେଲ୍‌ପାଲିତାକି ମାହାପୁରୁ ତାଣାଟି ପାଣ୍ଡୁଆଡ଼ି ଜୀଞ୍ଜୁୟାଁ ।

୨

ଗେଲ୍‌ପିନାୟି

୧ ଏଦାଆଁତାକି, ମାରୁ ଝେଞ୍ଜାମାନି କାତାତି ହାରେକା ଝେଞ୍ଜାଲି ମନ ହାନାୟି ମାନେ, ଆଆଡ଼ୁଁ ମାରୁ ଏଚେତା ଜିରୁ ବାଣ୍ଡି ଆଆୟି । ୨ ଇତିହୁଁ ନଚେଏ ଲାକପୁରୁତି ଦୁତୁୟାଁ ତାଣାଟି ଏଲେଇଞ୍ଜା ମାନେସି, ଏଦି ସାତା ଇଞ୍ଜୁଁ ତାରିଆହାଁ ମାନେ, ଅଡ଼େ ଆମ୍ବାଆରି କାତା ଆହୁଆନା ମାନଞ୍ଜି ଆହାହିଲଅରି, ଏଞ୍ଜାରି ତାମ୍ବୁ ବେଟାଆନି ତଣ୍ଡ ବେଟାଆହାମାନେରି । ୩ ଆତିହୁଁ ଇଲେତି ଗେଲ୍‌ପିନାୟିଇଁ ହେଲା କିତିହୁଁ ମାରୁ ଏନିକୁଁ ଗେଲ୍‌ହିନାୟି ? ଏଦି ନଚେଏ ପ୍ରୁ ତାଣାଟି ଝେସପି ଆହାଁ ଝେଞ୍ଜାମାନି ଲକୁ ତାଣାଟି ମା ତାଣା ଝେସପିଆହାମାନାୟି ସାତା ଆହାମାନେ; ୪ ଏଦାଆଁତାକି ମାହାପୁରୁ ଜିକେଏ ତାନି ମନତଲେ ହାରେକା ସିନାୟାଁ ଅଡ଼େ କାବାଆନି କାମାୟାଁ ଇଞ୍ଜା, ବାଡ଼ୁଗାଟି କାମାୟାଁ ଅଡ଼େ ସୁଦୁଜୀଞ୍ଜୁତି ଏଟକା ଏଟକାତି ଦାନା ହାହାନା ସାକି ହାହାମାନେସି ।

ଜୀସୁ ମାଣ୍ଡସି ଝାଣା ଆଡ଼େସି

୫ ମାହାପୁରୁ ଆମିନି ପୁଃନି ଦାରତିତି ଗାଡ଼ି କିନେସି, ଅଡ଼େ ଆମିନି ଦାରତିତି କାତା ମାମ୍ବୁ ଝେସିମାଞ୍ଜାନମି, ଏଦାନି ଅଦିକାରା କିହାଲି ଏଞ୍ଜାସି ଲାକପୁରୁତି ଦୁତୁୟାଁ କେୟୁତା ହେର୍ପା ହିଲଅସି । ୬ ସାମା ରଅସି ର ଚାୟୁତା ସାକି ହାହାମାନେସି;

“ଏ ମାହାପୁରୁ, ମାଣ୍ଡସି ଆମ୍ବାଆସି, ନାନୁ ଏଞ୍ଜାଣାଇଁ ଅଣ୍ଡିମାଞ୍ଜି ?

ମାଣ୍ଡସି ମାରୁଏସି ଆମ୍ବାଆସି ନାନୁ ଏଞ୍ଜାଣି ଜାଡ଼ୁ ଆହିମାଞ୍ଜି ?

୭ ନାନୁ ଏଞ୍ଜାଣାଇଁ ଲାକପୁରୁତି ଦୁତୁୟାଁ କିହାଁ ରଚାଣି ଉଣା କିହାମାଞ୍ଜି;

ନାନୁ ଏଞ୍ଜାଣାଇଁ ଗାଞ୍ଜୁରମି ଅଡ଼େ ମାନିତି ଟପେରି ତୁରଞ୍ଜି କିହାମାଞ୍ଜି,

“ନାନୁ ବାରେ ଏଞ୍ଜାଣି କଡାୟାଁ ଡ଼ଇ ଇଟାମାଞ୍ଜି ।”

ସାତେଏ ମାହାପୁରୁ “ବାରେତି” ଇତିହୁଁ ଏନାଆଁଞ୍ଜା ପିହୁଆନା ବାରେତି ତାନି କଡାଁ ଡ଼ଇ ଇଟାମାନେସି; ଆଡ଼ିଜିକେଏ ମାରୁ ନୀଏଁ ପାତେକା ବାରେ ତାନି ଡ଼ଇ ଆହାମାନାଣି ମେସି ହିଲାଆୟି ସାତା । ୯ ମାରୁ ମେସିମାନାୟି ଲାକପୁରୁତି ଦୁତୁୟାଁ କିହାଁ “ଇଚାନି ଉଣା” କିଞ୍ଜିଆହା ମାଚେସି, ଏଞ୍ଜାଣାଇଁ ଇତିହୁଁ ଜୀସୁଇଁ ହାକିତି ଦୁକୁ ବେଟା ଆହାମାନାକି ଗାଞ୍ଜୁରମି ଅଡ଼େ ମାନିତି ଟପେରି ତୁରହା ମାନାଣି ମେସିମାନାୟି, ଏନିକୁଁ ମାହାପୁରୁତି କାର୍ମାଟି ବାରେ ମାଣ୍ଡସିୟାଁ ତାକି ଏଞ୍ଜାସି ହାକିତି ଝାଣା ମାନେସି । ୧୦ ଇତିହୁଁ ଆମ୍ବାଆରି ତାକି ଇଞ୍ଜା ଆମିନି ଗାଟାଣା ତାଣାଟି ବାରେ ଗାଡ଼ି ଆହାମାନେ, ହାରେକା ମାରକାଣି ଜୀସୁତି ଗାଞ୍ଜୁରମି ପାଣ୍ଡି କିହାଲି, ଜୀସୁ ଦୁକୁ କସ୍ତ ବେଟାଆହାମା ଏଞ୍ଜାରାଇଁ ଗେଲ୍‌ପିନି ଜିରୁତା ଅନେସି ।

୧୧ ଆମ୍ବାଆସି ପାପୁତି ସୁଦୁ କିନେସି ଅଡ଼େ ଆମ୍ବାଆରି ସୁଦୁ ଆନେରି, ଏଞ୍ଜାରି ବାରେ ରଣ୍ଡିଏ ତାଞ୍ଜିତି ମାରକା; ଏଦାଆଁତାକି ଏଞ୍ଜାରାଇଁ ଜୀସୁ ତାୟି ତାଜି ଇଞ୍ଜାଲି ଲାଜା ଆଅସି, ୧୨ ଏଞ୍ଜାସି ମାହାପୁରୁଇଁ ଏଲେଇଞ୍ଜି ମାନେସି, “ନାନୁ ନା ତାୟି ତାଜିସ୍ତା ନକିତା ନୀ ବାରେ କାମା ଝେକ୍‌ଇଁ, ବାରେ କୁଲମି ନକିତା ନୀ ଜହରା ପାରୁ ପାଡ଼ିଇଁ ।”

୧୩ ଅଡ଼େ ଝେଣ୍ଡେ ଏଲେଇଞ୍ଜି ମାନେସି, “ନାନୁ ଏଞ୍ଜାଣି ତାଣା ନା ନାମୁ ତାରି କିଇଁ ।” ଅଡ଼େ ସିନିକିଦୁ “ମାହାପୁରୁ ନାଞ୍ଜେ ହାହାମାଞ୍ଜାନି ମାରକା ମାସକା ନା ତଲେ ମାନେରି ।”

୧୪ ଏଦାଆଁତାକି ଇତିହୁଁ ମାରକା ଉଞ୍ଜା ଅଡ଼େ ନେତେରିତି ଆଞ୍ଜାତା ଆଣ୍ଡାମାନାକି କ୍ରୀସ୍ତ ଜିକେଏ ଏଲେକିହୁଁଏ ମାଣ୍ଡସି ଝାଣା ଆଡ଼େସି, ଏନିକୁଁ ତାନି ହାକିତି ସୟତାନଇଁ ନାସା କିନେସି; ଇତିହୁଁ ହାକି ସୟତାନତି ଅଦିକାରାତା ମାଚେ । ୧୫ ଇଞ୍ଜା ହାକିତି ଆଜିତଲେ ଆମ୍ବାଆରି କାଲେଏତାକି ହଲ୍‌ୟାଞ୍ଜା ଆହାମା ଦସପି ଆହାମାଚେରି, ଏଞ୍ଜାସି ଏଞ୍ଜାରାଇଁ ଗେଲ୍‌ପିନେସି । ୧୬ ଇତିହୁଁ ଏଞ୍ଜାସି ସାତେଏ ଲାକପୁରୁତି ଦୁତୁୟାଁଣି ସାଢ଼େମି କିଆନା ଅବୁହାମତି ମାରକାଣି ସାଢ଼େମି କିହିମାନେସି । ୧୭ ଏଦାଆଁତାକି ଏଞ୍ଜାସି ବାରେ ଝାକିତି ତାନି ତାୟିୟାଁ ଲେହେଁ ଆନାୟି ମାଚେ, ଏନିକୁଁ ଏଞ୍ଜାସି ବାରେ ଲକୁତି ପାପୁତି ବାଦୁଲି ପୂଜା ହାହାଲିତାକି ମାହାପୁରୁତି ସେବା କାମାତା ର କାର୍ମାମେହୁନି ଅଡ଼େ ନାମୁତି କାଜା ପୂଜେରା ଆନେସି । ୧୮ ଇତିହୁଁ ଏଞ୍ଜାସି ତାନୁ ତାୟିପାରି କିଞ୍ଜି ଆହାଁ ଦୁକୁ ବେଟାଆହା ମାନାକି ତାୟିପାରି କିଞ୍ଜି ଆହିମାନି ଲକୁଣି ସାଢ଼େମି ଆହାଲି ଆଡ଼ିମାନେସି ।

୩

ଜୀସୁ ମସା କିହାଁ କାଜସି

୧ ଏଦାଆଁତାକି ଏ ନା ସୁଦୁଗାଟି ତାୟିୟାଁ ଅଡ଼େ ତାଜିସ୍ତା ମାରୁ ଆମିନି ମାହାପୁରୁତି ହାଟକି ଆହାମାନି ତାଣା

ଆଶ୍ୱାମାନାତେରି ମା ନାମୁତଲେ ପାଶୁଓଆହାମାନି କାଜା ପୂଜେରା ଜାସୁତି କାତା ଅଣ୍ପାଦୁ; ୨ ମସା ଏନିକି ମାହାପୁରୁ ଇଲୁତା ମାନିତଲେ କାମା କିହାମାଚେସି, ଜାସୁ ଜିକେଏ ଏଲେକିହିଁ ତାଙ୍ଗେ ଆଚାମାନି ମାହାପୁରୁ ନକିତା ମାନି ଗାଟାସି ଆଚେସି । ୩ ଇଲୁ କିହିଁ ଇଲୁ କେପିତାସି ଏନିକିଁ ମାନି ବେଟା ଆନେସି, ଏଲେକିହିଁଏ ମସା କିହିଁ ଜାସୁ ହାରେକା ଗାଓରମିତି ଜଗେ ଆହାମାନେସି । ୪ ଇଚିହିଁ ବାରେ ଇଲକା ଆମ୍ବାଆରି ଆଆତ ଆମ୍ବାଆରି ତାଣାଟି କେପୁଓ ଆନୁ, ସାମା ମାହାପୁରୁ ବାରେତି ଗାଡ଼ି କିନାସି । ୫ ମସା ମାହାପୁରୁ ଇଲୁତା ହଲେଏସି ଲେହେଁ ନାମୁତଲେ ସେବା କାମା କିହାମାଚେସି, ଇଞ୍ଜା ଏମିନି କାତା ମାହାପୁରୁ ତାୟୁ ଖେସାଲି ମନ କିହାମାଚେସି ଏ କାତେଏ ଇଦି । ୬ ସାମା ଜାସୁ କ୍ରାସୁ ତାନି ଆବା ଇଲୁତି ମୁହେଁ ମୀରଏଣା ଲେହେଁ ମାନି ଗାଟାସି; ଇଞ୍ଜା ମାର ମା ସାସାତଲେ ଆଞ୍ଜାମାନାଣି ବେଟାଆନାୟି ଇଞ୍ଜାଁ ମା ବାସୁତି ତାୟୁ ପାତେକା ଜାଣେ ଆସା ଡୟିନ, ଆତିହିଁ ମାରୁ ଜିକେଏ ଏଞ୍ଜାଣି ଇଲୁ ଲେହେଁ ଆନାୟି ।

ମାହାପୁରୁ ଲକୁତାକି ଜମିନାୟି

୭ ଏଦାଆଁତାକି ସୁଦୁଜାସୁ ଖେସିମାନିଲେହେଁ,
 “ନୀଞ୍ଜୁ ମୀରୁ ଏଞ୍ଜାଣି ହାଡ଼ା ଖେଞ୍ଜେରି,
 † ଆତିହିଁ ମୀ ଆକୁ ଆବାୟାଁ ଲେହେଁ ମୀ ହିୟାଁତି ଆଟ୍‌ଞ୍ଜା କିଆଦୁ, ଲକୁ ହିଲାଆ ବାଟାତା ଏ ଦିନା ଏଞ୍ଜାରି ମାହାପୁରୁଇଁ ତାୟିପାରି କିହାନା ଏଞ୍ଜାଣି କପାଟି ନିଙ୍ଗାମାଚେରି,
 ୯ ଏ ବାଟାତା ମୀ ଆକୁ ଆବାୟାଁ ନାଙ୍ଗେ ତାୟିପାରି କିହିଁ ନାଙ୍ଗେ ମେସ୍ତାତେରି,
 ଅଡ଼େ ରୀ କଡ଼ି ବାର୍ଯ୍ୟା ପାତେକା ମା କାମା ସିନିକିତେରି ।
 ୧୦ ଇଦାଆଁତାକି ନାନୁ ଇ କୁଡ଼ାତି ଲକୁଇଁ କାର୍‌ବି ଆହାନା ଏଲେଇଚେଏ,
 ‘ଏଞ୍ଜାରି ବାରେବେଲା ହିୟାଁତା ମାନି ହିଲାଆ ଗାଟାରି, ଏଞ୍ଜାରି ନା ଜିରୁ ପୁଞ୍ଜାହିଲଅରି ।’
 ୧୧ ଇଦାଆଁତାକି ନାନୁ ନା କପାଟି ପାରମାଣା କିତେଏ,
 ନାନୁ ଆମିନି ଦେସାତା ଏଞ୍ଜାରାଇଁ ଜମାଲି ହୀତେଏମା ଏ ଦେସାତା ଏଞ୍ଜାରି ଏଚେଲାଞ୍ଜା ହଡ଼ାଲି ଆଡ଼ଅରି ।”
 ୧୨ ଏ ତାୟି ତାଙ୍ଗିସ୍ତା, ଜାଗ୍ରାତା, ପାପୁ ଅଡ଼େ ନାମାଆଗାଟି ହିୟାଁ ମୀ ଆମ୍ବାଆରି ତାଣା ହିଲେଏ, ଏନିକିଁ ମୀରୁ ଜାସୁଗାଟି ମାହାପୁରୁ ତାଣାଟି ହେକ ଆଅତେରି । ୧୩ ସାମା ଏଚେତା ପାପୁ ତଲେ ନାଡ଼ିକିଓ ଆହାନା ମୀ ବିତ୍ରାଟି ଆମ୍ବାଆରି ହିୟାଁ ଆଟ୍‌ଞ୍ଜା ଆଏ, ଇଦାଆଁତାକି ନୀଞ୍ଜୁ ଦିନା ମାନାଟିଏ ବାରେଦିନା ରଅତେରି ରଅଣାଇଁ ବାସୁତି କାତା ଜଲାନା ସାୟେମି କିଦୁ; ୧୪ ଇଚିହିଁ ନକେଏ ମା ଆମିନି ନାମୁ ମାଚେ, ଏଦାଆଁ ତାୟୁ ପାତେକା ଜାଣେ ଆସା ଡୟିନାୟି ଆତିହିଁ କ୍ରାସୁ ତାଣା ଆଶ୍ୱାନା ଡୟିନାୟି ।

୧୫ ଦାମ୍ବୁ ସାସ୍ତେରିତା ରାସ୍‌କି ଆହାମାନେ,
 “ନୀଞ୍ଜୁ ମାହାପୁରୁତି ହାଡ଼ା ଖେଚିସାରେ,
 ଏନିକିଁ କାର୍‌ବି କିଓକିନି ଟାୟୁତା ଆହାମାଚେ,
 ଏଲେକିହିଁ ମୀ ଆକୁ ଆବାୟାଁ ଲେହେଁ ହିୟାଁତି ଆଟ୍‌ଞ୍ଜା କିଆଦୁ !”
 ୧୬ ଆତିହିଁ ଆମ୍ବାଆରି ମାହାପୁରୁତି ହାଡ଼ା ଖେଞ୍ଜାନା ଏଞ୍ଜାଣାଇଁ କାକ୍ତି କିହାମାଚେରି, ମସା ତାଣାଟି ଆମିନି ଗାଟାରି ମିସର ଦେସାଟି ହଡ଼ା ଖାହାମାଚେରି, ଏଞ୍ଜାରି ବାରେ ଆଏକି ? ୧୭ ଅଡ଼େ ଆମ୍ବାଆରି ମୁହେଁ ରୀ କଡ଼ି ବାର୍ଯ୍ୟା ପାତେକା ଏଞ୍ଜାସି କାର୍‌ବି ଆହାମାଚେସି, ଆମ୍ବାଆରି ପାପୁ କିହାମାଚେରି, ଆମ୍ବାଆରି ମଡ଼ା ଲକୁ ଡୟାଆ ବାଟାତା ରିହାମାଚେ, ଏଞ୍ଜାରି ଆଏକି ? ୧୮ ମାହାପୁରୁ ଏଚିବେଲା ପାରମାଣା କିହାନା ଏଲେଇଞ୍ଜାମାଚେସି, ଏଞ୍ଜାରି ଏଚେଲାଞ୍ଜା ମାହାପୁରୁତି ଜମିନି ତାଣା ହଡ଼ଅରି, ଏଚିବେଲା ଏଞ୍ଜାସି ଆମ୍ବାଆରି କାତା ଏଲେଇଞ୍ଜାମାଚେସି ? ଆମ୍ବାଆରି କାତା ମାନଓ ଆହା ହିଲାଆତେରି, ଏଞ୍ଜାରି ତାକି ଏ କାତା ଏଲେଇଞ୍ଜାମାଚେସି । ୧୯ ଇଲେକିହିଁ ନାନୁ ମେସିମାଇଁ, ଏଞ୍ଜାରି ନାମାଆତାକି ଏ ଆଞ୍ଜାମାନି କିଣାନ ଦେସାତା ହଡ଼ାଲି ଆଡ଼ାଆତେରି ।

୪

୧ ଏଦାଆଁତାକି ଖାଦୁ ମାର ଜାଗ୍ରାତା ଆନ, ଏଚେତା ତାନି ଜମିନି ତାଣା ହଡ଼ାଲି ଆଞ୍ଜାମାଟି ଜିକେଏ ମୀ ତାଣାଟି ଆମ୍ବା ଆମ୍ବାଆରି ଏମ୍ବାଟି ଏଟକା ଆନିଲେହେଁ ତଞ୍ଜା ଆହିମାନେରି । ୨ ଇଚିହିଁ ଏଞ୍ଜାରି ନକିତା ଏନିକିଁ, ମା ନକିତା ଜିକେଏ ଏଲେକିହିଁଏ ନେହିଁ କାରୁ ଖେପୁକି ଆହାମାଚେ, ସାମା ଖେନାରି ନାମୁଟି ଖେଞ୍ଜାମାନି କାତା ଆହୁଆଲିଏ, ଏଦି ଏଞ୍ଜାରି ତାକି ଲାବା ଆଆତେ । ୩ ଅଡ଼େ ମା ବିତ୍ରାଟି ଆମ୍ବାଆରି ନାମିନେରି, ଖାରୁଇ ଏଞ୍ଜାରି ମାହାପୁରୁ ଆଞ୍ଜାମାନି ଜମିନି ଦେସାତା ହାଜାଲି ଆଡ଼ିନେରି, ଏନିକିଁ ଏଞ୍ଜାସି ଖେସାମାନେସି,
 “ଏଦାଆଁତାକି ନାନୁ ନା କପା ତାକି ପାରମାଣା କିତେଏ,
 ଏଞ୍ଜାରି ମା ଜମିନି ଖାରାତା ହଡ଼ଅରି ।”
 ଦାରୁତି ଗାଡ଼ିକିତି ବେଲାଟିଏ ବାରେ କାମା ରାହାମାଚେ । ୪ ଇଚିହିଁ ଜମିନି ଦିନାତି କାତାତି ଏଞ୍ଜାସି ର ଟାୟୁତା ଇଲେକିହିଁ ଖେସାମାନେସି; “ମାହାପୁରୁ ସାଡ଼ା ଦିନାତା ତାନି ବାରେ କାମା ରାପୁହାନା ଜମିତେସି;” ୫ ଅଡ଼େ ଇ ବାରେ କାତା ମାହାପୁରୁ ଖେଣ୍ଡେ ଏଲେଇଞ୍ଜା ମାନେସି,
 “ଏଞ୍ଜାରି ମା ଜମିନି ତାଣା ହଡ଼ାଲି ଆଡ଼ଅରି ।” ୬ ଆମିନି ଗାଟାରି ମୁଲୁଏ ନେହିଁ କାରୁ ଖେଞ୍ଜାମାଚେରି, ଏଞ୍ଜାରି ମାହାପୁରୁ କାତା ମାନଓ ଆଆତାକି ଏ ଜମିନି* ତାଣା ହାଜାଲି ଆଡ଼ାଆତେରି, ନୀଏଁ ଏ ଜମିନାଣି† ଏଟକାତାରି ବେଟାଆହାମାନେରି । ୭ ଅଡ଼େ ର ଦିନା, ଇଚିହିଁ “ନୀଞ୍ଜୁ ଦିନା” ଆଚାନା, ଇଚେକା କାଲା ତାୟୁ ଦାସୁଦତି ସାସ୍ତେରିତା ଏଲେଇଞ୍ଜା ମାନେସି, ଏନିକିଁ ନକେଏ ଖେସ୍‌ପି ଆହାମାନେ,

* ୪:୭ ୪:୭ ଆଞ୍ଜାମାନି ଦେସା କିଣାନ † ୪:୭ ୪:୭ ଆଞ୍ଜାମାନି ଦେସା କିଣାନ

“ନୀଞ୍ଜୁ ମୀରୁ ଏଞ୍ଜାଣି ହାଡ଼ା ଖେଞ୍ଜେରି,
ଜାହାରା ହିୟାଁ ଆଡ଼ଞ୍ଜା କିଆଦୁ ।”

୮ ଇଚିହିଁ ଜିହସୁୟ ଏଞ୍ଜାରାକି ଜମାଲି ହାଡ଼ିହିଁମା,
ଆଡ଼ିହିଁ ମାହାପୁରୁ ଅର ଜମିନି ଦିନାତି କାତା
ଜଲ୍ଲାଆତେସିମା । ୯ ଏଲେକିହିଁ ଇ କାତା ସାତା ମାହାପୁରୁ
ତାନି ବାରେ କାମାଟି ଜମିତି ଲେହେଁ ତାନି ଲକୁତାକି ଜମିନି
ଦିନା ତୀରି କିଞ୍ଜିଆହାମାନେ । ୧୦ ଇଦାଆଁତାକି ମାହାପୁରୁ
ତାନି କାମାଟି ଏନିକିଁ ଜମିତେସି, ଆମ୍ବାଆସି ମାହାପୁରୁତି
ଜମିନି ଦେସାତା ହଡ଼ା ମାନେସି, ଏଲେକିହିଁ ଏ ଏଞ୍ଜାସି
ଜିକେଏ ତାନି କାମାଟି ଜମିନାଣି ମେଡ଼ା ଆହାମାନେସି
। ୧୧ ଇଦାଆଁତାକି ମା ବିତ୍ରାଟି ଆମ୍ବାଆସି ଏନିକିଁ
ନାମାଆତାକି ଏ ଲକୁତି ଲେହେଁ ଏ ଜମିନି ତାଣା ହଡ଼ାନା
ଡ଼ୟଅସି, ଇଦାଆଁତାକି ଆଡ଼ିନି ପାତେକା ଜାଡ଼ନୁ ଆନ ।

୧୨ ଇଚିହିଁ ମାହାପୁରୁତି ବଲୁ ଜୀଞ୍ଜୁଗାଟାୟି ଅଡ଼େ କାମା
କିନାୟି ଇଞ୍ଜା ରିକଞ୍ଜାକି ଦାରାଗାଟି ଖାହୁନି କାଣ୍ଡା କିହାଁ
ହାରେକା ଖାସ୍ତାୟି, ଅଡ଼େ ହିୟାଁ ଅଡ଼େ ଜୀଞ୍ଜୁ ଇଞ୍ଜା ହାନ୍ତୁଲି
ଅଡ଼େ ତୁମକାତି ନିଜେଡ଼ି ପାତେକା ହଡ଼ାଲି ଆଡ଼ିନେ । ଏ
ବଲୁ ମାଣସିତି ତଗ୍ଗାମାନି ଅଣପୁତି ବାରେ ନୀହାଁୟି କିନାୟି
। ୧୩ ମାହାପୁରୁ ନକିତା ଏନାୟିଞ୍ଜା ତଞ୍ଜା ଆଆଗାଟାୟି ଆଏ,
ସାମା ଗାଡ଼ି କିହାମାନି ମାହାପୁରୁ ନକିତା ମାଙ୍ଗେ ଲେକା
ହୀନାୟି ମାନେ, ଏଞ୍ଜାଣି ନକିତା ବାରେ ଦେପି ଆଡ଼ାୟି
ଅଡ଼େ ପୁକ୍‌ଆତାୟି ।

ଜୀସୁ କାଜା ପୂଜେରା

୧୪ ଏଦାଆଁତାକି ଲାକପୁରୁଟି ହାଜାମାନେସି, ଆମ୍ବାଆସି
ମାହାପୁରୁ ମୀରୁଏସି ଜୀସୁ ଏଞ୍ଜାସି ମା କାଜା ପୂଜେରା
ଆହାମାନକି, ଖାଦୁ ମାର ମା ନାମୁତି ଜାଣ୍ଡେତଲେ ଆହୁନ
। ୧୫ ଆମ୍ବାଆସି ମା ଦହ ପୁଞ୍ଜାଲି ଆଡ଼ିନେସି, ଏଲେତି
କାଜା ପୂଜେରା ଏଞ୍ଜାସି ଆଏ । ସାମା ମା କାଜା ପୂଜେରା,
ମା ଲେହେଁ ବାରେଞ୍ଜାକି ତାୟିପାରି ଆହାମାରେସି,
ଆଡ଼ିକିକେଏ ଏଞ୍ଜାସି ପାପୁ କିହାହିଲାଆତେସି
୧୬ ଏଦାଆଁତାକି ଖାଦୁ, କାର୍ମା ମେଡ଼ା ଆହାଲିତାକି
ଅଡ଼େ, ଏ ବେଲାତେଏ ସାୟେମି କିନାଣି କାର୍ମାମେହୁନାଣି
ବେଟାଆହାଲି ତାକି ମାର ସାସାତଲେ କାର୍ମାମେହୁନି
ସିଂଗାସାଣି ନକିତା ହାନ ।



୧ ଇଚିହିଁ ବାରେ କାଜା ପୂଜେରାଙ୍ଗା ଜାହାରା ଲକୁ
ତାଣାଟି ଆଡ଼ଞ୍ଜି ଆନେରି, ଏଞ୍ଜାସି ଏଞ୍ଜାରି ଖାଜିଟି ପାପୁ
ମ୍ଲେକହାଲି ପୂଜା ଅଡ଼େ ଦାନା ହେରପାନା ମାହାପୁରୁତି
ସେବା କିନେସି । ୨ ଏଞ୍ଜାସି ବୁଦି ହିଲାଆ ଗାଟାରି ଅଡ଼େ
ନାଡ଼ିକିଞ୍ଜି ଆହିମାନି ଲକୁଣି ଅରହିନାଣି ତସାଲି ଆଡ଼ିନାସି,
ଇଚିହିଁ ଏଞ୍ଜାସି ତାନୁଏ ଜିକେଏ ବାଡ଼ୟୁ ହିଲାଆଗାଟାସି;
୩ ଅଡ଼େ ଖାରଇ ଏଟକା ଲକୁତି ପାପୁ ତାକି ଏଞ୍ଜାସି ପୂଜା
କିହାଲି ଆନେ ଏଡ଼ି ଆଏ ସାମା ତାନି ପାପୁ ତାକି ଜିକେଏ
ତାନୁ ପୂଜା କିହାଲି ଆନେ । ୪ ଅଡ଼େ ଆମ୍ବାଆରି ଇ କାଜା

ପୂଜେରା ପାଣାତି ତାମ୍ବୁ ଅହାକତାଲି ଆଡ଼ଅରି, ସାମା
ହାରେଣ ଏନିକିଁ ଆଡ଼ଞ୍ଜି ଆହାମାରେସି, ଏଲେକିହିଁ ଏ
ମାହାପୁରୁ ତାଣାଟି ଏଞ୍ଜାସି ଆଡ଼ଞ୍ଜି ଆନାୟି ମାନେ ।

୫ ଏଲେକିହିଁ ଏ କ୍ରୀସ୍ତ ଜିକେଏ କାଜା ପୂଜେରା ପାଣାତି
ଗାଞ୍ଜୁରମି ତାନୁଏ ପାରା ହିଲାଆତେସି, ସାମା ମାହାପୁରୁ
ଏଞ୍ଜାଣାକି ଏ ଗାଞ୍ଜୁରମି ପାଣା ହୀହାମାରେସି, ଇଚିହିଁ
ଏଞ୍ଜାସି ଏଞ୍ଜାଣାକି ଏଲେଇଞ୍ଜାମାରେସି,
“ନୀନୁ ନା ମୀରୁଏଣାତି;

ନୀଞ୍ଜୁ ନୀନୁ ନୀ ତାଞ୍ଜି ଆହାମାକି ।”

୬ ଏଲେକିହିଁ ଏ ଅଡ଼େ ର ତାଣା ଜିକେଏ ଏଲେଇଞ୍ଜି
ମାନେସି,
“ନୀନୁ ମଲ୍ଲକିସେଦକ ଲେହେଁ କାଲେଏତି ପୂଜେରା ଆଡ଼ି
।”

୭ *ଆମ୍ବାଆସି ଏଞ୍ଜାଣାକି ହାକିଟି ନୀଟହାଲି
ଆଡ଼ିମାନେସି, ଏଞ୍ଜାସି ତାନି ଆଙ୍ଗା ତଲେ ନୀତା
ମାଟାଟି, ମାହାପୁରୁ ନକିତା ହାରେକା ଡ଼ାହି ଡ଼ାହିଁ
ଅଡ଼େ କାଣ୍ଡୁତଲେ ପ୍ରାଡ଼ାନା ଅଡ଼େ ବାଡ଼ିମାଲିହିଁ
ହେରପା ମାରେସି, ଇଞ୍ଜା ତାନୁଏ ଜାହାରାକି ଉଣା
କିହାକତିନାସି ଅଡ଼େ ତୀରିତାସି ମାଟାକି ମାହାପୁରୁ
ଏଞ୍ଜାଣି ରାସ୍ତାଣି ଖେରେସି, ୮ ଏଞ୍ଜାସି ମାହାପୁରୁ
ମୀରୁଏସି ଆଡ଼ିଜିକେଏ ଦୁକୁତି ଅରହାନା ମାନଞ୍ଜି ଆହାଲି
ଜାପିତେସି । ୯ ଇଲେଆହିଁ ତୀରିଆହାନା ତାନି ହୁକୁମି
ମାନଞ୍ଜି ଆନାରାକି କାଲେଏ ଗେଲପିନାସି ଆନେସି;
୧୦ ଏଦାଆଁତାକି ଏଞ୍ଜାସି ମାହାପୁରୁ ତାଣାଟି ମଲ୍ଲକିସେଦକତି
ମେରାଲେହେଁ କାଜା ପୂଜେରା ଇଞ୍ଜି ଅଦିକାରା ବେଟା
ଆତେସି ।

ନୀନୁ ଉଣାଆଡ଼ି କାତା

୧୧ ଜୀସୁ କ୍ରୀସ୍ତତି କାତା ମାଙ୍ଗେ ହାରେକା ଖେହୁନାୟି
ମାନେ, ସାମା ମିଙ୍ଗେ ତେଲୁହି କିୟାଲି ହାରେକା କସ୍ତ,
ଇଚିହିଁ ମୀ ଜୀଞ୍ଜୁତା ଖେନାୟି ହାରେ ଉଣା ବାଡ଼ୟୁ ମାନେ
। ୧୨ ଇଚିହିଁ ଇଚର ଦିନା ବିତ୍ରା ମୀରୁ ଜାପୁନାତେରି
ଆନାୟି ମାଟେ, ଆଡ଼ିଜିକେଏ ମାହାପୁରୁତି ବଲୁ ଏଟକା
ଲକୁ ଜାପୁହାଲି ତାକି ମିଙ୍ଗେ ଲଡ଼ା ଆହିମାଞ୍ଜାନେ; ଖାଜିତି
ରାନ୍ଦା ଲଡ଼ା କିଆନା ପାଲୁ ମିଙ୍ଗେତାକି ଲଡ଼ା ଆହିମାଞ୍ଜାନେ
। ୧୩ ଆମ୍ବାଆସି ପାଲୁ ଗହନାସି ଏଞ୍ଜାସି ନେହାଁଣି ଲାଗେଏତି
କାତା ପୁଞ୍ଜାଲି ଆଡ଼ଅସି, ଇଚିହିଁ ଏଞ୍ଜାସି ଉଣା କକାସି ।
୧୪ ସାମା ପାତାଆଡ଼ି ଲକୁ, ଇଚିହିଁ ଆମ୍ବାଆରି ବୁଦିତଲେ
ନେହାଁଣି ଲାଗେଏତାଣି ଆଡ଼ାଲି ଆଡ଼ିନେରି, ଏଞ୍ଜାରାକି
ଖାଜିତି ରାନ୍ଦା ଲଡ଼ାମାନେ ।



୧ ଏଦାଆଁତାକି ଖାଦୁ ମାର କ୍ରୀସ୍ତତି ମୂଲୁଏ ଜାପିତି କାତା
ପିସାନା, ତୀରିତଲେ ପାତାଆହାନା, ହାହାମାନି କାମାଟି
ମନ ଖେଟହାନା, ମାହାପୁରୁ ତାଣା ନାମିନ, ୨ ବାପ୍ତିସ୍ତତି*
କାତା ଜାପୁନାୟି, ତାୟୁ ତୁା କେୟୁ ଇଚିନାଣି, ହାଡ଼ାରି

* ୫:୭ ୫:୭ ମାତି ୨୭:୩୭-୪୭; ମାକି ୧୪:୩୨-୪୨; ଲୁକ ୨୨:୩୯-୪୭ * ୭:୨ ୭:୨ମୁଞ୍ଜିନାୟି

ଖେଣ୍ଡେ ନିଜିନାୟି, କାଲେଏତି ତଣ୍ଡୁତି ପୁନାଦି ଖେଣ୍ଡେ କିନାୟିମାନେ । ୩୩ ନୀର୍ବ୍ୟ ମାର ନକିତା ହାନାୟିମାନେ, ହାଅ, ମାହାପୁରୁତି ହେଲ ଆଡ଼ିସାରେ ମାର ଇଦାଆଁ କିନ ।

୪ ଆମିନି ଗାଗାରି ନାମୁତି ଉଣା କିହାମାନେରି, ଏଞ୍ଜାରି ଅଣ୍ପାମା ଖେଣ୍ଡା ଖାହାଲି ଆଡ଼ିନେରିକି ? ଏଞ୍ଜାରି ମାହାପୁରୁ ଉଜେଡ଼ିତା ବାସା କିହିମାରେରି, ଲାକପୁରୁତି ଦାନାତି ଖାଣ୍ଡା, ସୁଦୁଜୀଞ୍ଜୁତା ଆଣ୍ଡାମାରେରି, ୫ ମାହାପୁରୁତି ନେହୁଁ ବଲୁ ଇଞ୍ଜା ଖାହିମାନି ଜୁଗୁତି ବାଡ଼ୁଡ଼ି ଡାକନାଣି ଏଞ୍ଜାରି ଖାଣ୍ଡା ମାନେରି, ୬ ଏଞ୍ଜାରି ସାତାତି ପିସାନା ଲାଗେଏ ଆନେରି, ଆତିହୁଁ ମନତି ବାଦଲି କିଞ୍ଜିକିହାଲି ଅଡ଼େ ଖେଣ୍ଡେ ଏଞ୍ଜାରାଇଁ ପୁଃନି କିଞ୍ଜିକିହାଲି ଆଡ଼ାଆୟି, ଏଦାଆଁତାକି ଏଞ୍ଜାରି ତାମି ନାସା ଆହାଲିତାକି ମାହାପୁରୁ ମୀରଏଣାଇଁ ପାସି ମୁଣ୍ଡାତା ଏକ୍ହାନା ଲକୁ ନକିତା ଏଞ୍ଜାଣାଇଁ ଲାଜା କିହିମାନେରି ।

୭ ଇତିହୁଁ ଆମିନି ବୁମି ପିୟୁ ରିନି ଏୟୁ ଗହ୍ନେ ଇଞ୍ଜା ଆମିନି ତାସା କିନାରାକି ଲଡ଼ା ଆନି ଆନା କାମ୍ପି କିନେ, ଏ ବୁମିତି ମାହାପୁରୁ ବର ହାନେସି । ୮ ସାମା ଏମ୍ପାଆଁ ହାପୁକା ଅଡ଼େ ଜାଡ଼ା ନେୟୁଁ ନେ, ଆତିହୁଁ ଏଡ଼ି ଏନି ଲାବା ଆଏ, ଏଡ଼ି ମାହାପୁରୁତି ବାକା ବେଟାଆନେ, ଅଡ଼େ ତାୟୁ ହିରୁତା ଡ଼ାଞ୍ଜାହାନେ ।

୯ ସାମା ଏ ଜୀଞ୍ଜୁତି ତାୟିୟାଁ, ମାମ୍ପୁ ଇଲେକଁ କାତା ଖେସ୍ତି ଜିକେଏ ମୀ ତାଣା ମା ହାରେକା ନାମୁ ମାନେ; ମୀରୁ ଗେଲ୍ପିଆହାଲି ମାହାପୁରୁତି ବର ବେଟାଆହାମାଞ୍ଜେରି । ୧୦ ଇତିହୁଁ ମାହାପୁରୁ ମୀ କାମା, ଅଡ଼େ ମାହାପୁରୁ ଲକୁଣି ସେବା କିହିମାନାଣି ଅଡ଼େ ନୀର୍ବ୍ୟ ଜିକେଏ କିହିମାନାଣି ଅଡ଼େ ତାନି ଦରୁ ତାକି ମୀରୁ ଆମିନି ଜୀଞ୍ଜୁନହୁଁ ମାଞ୍ଜେରି, ଏଦାଆଁ ମାହାପୁରୁ ବାଣ୍ଡି ଆନେସି ଇଲେତି ଦାମ୍ପୁ ହିଲାଆଗାଟାସି ଏଞ୍ଜାସି ଆଏ । ୧୧ ସାମା ମାଦି ରଣ୍ଡିଏ ଅଣ୍ପୁ, ମୀରୁ ତାୟୁ ପାତେକା ମାଞ୍ଜେତାକି ମୀ ଜୀଞ୍ଜୁନନାୟି କାଲେଏ ଡ଼ୟାପେ ଆତିହୁଁ ମୀ ବାରେ ଆସା ପୁରା ଆନେ । ୧୨ ଏନିକଁ ମୀରୁ ନିସ୍ତା ଆଆନା ଆମ୍ପାଆରି ନାମୁ ଅଡ଼େ ସାସାତଲେ ଆଞ୍ଜାମାନାଣି ଅଦିକାରା କିହିମାନେରି ଏଞ୍ଜାରିଲେହେଁ ଆଦୁ ।

ମାହାପୁରୁତି ଆଞ୍ଜନାୟି ସାତା ଆନେ

୩୩ ଇତିହୁଁ ମାହାପୁରୁ ଏତିବେଲା ଅବ୍ରାହାମଇଁ ଆଞ୍ଜାମାରେସି, ଏତିବେଲା ଏଞ୍ଜାସି ତାନି ଆଞ୍ଜାମାନାଣି ମାନଞ୍ଜି ଆହାଲି ପାରମାଣା କିହାମାରେସି, ଏଞ୍ଜାଣି କିହାଁ ଆମ୍ପାଆସି କାଜାସି ହିଲାଆକି ଏଞ୍ଜାସି ତାନି ଦରୁତଲେ ପାରମାଣା କିହାଁ ଏଲେଇଞ୍ଜାମାରେସି, ୧୪ ଏଞ୍ଜାସି ଏଲେଇରେସି, “ନାମୁ ନିଞ୍ଜେ ସାତେଏ ବର ହିୟାଇଁ ଅଡ଼େ ନୀ କୃଡ଼ାତି ହାରେକା ପାଡ଼ିକିଇଁ ।” ୧୫ ଅଡ଼େ ଇଲାଆହୁଁ ହାରେକା ଅରହାନା ଅବ୍ରାହାମ ଆଞ୍ଜାମାନାଣି କାଟାମାଟାକି ଏଦାଆଁ ମେଡ଼ା ଆହାମାରେସି । ୧୬ ମାଣ୍ଡସିୟାଁ ଏଞ୍ଜାରି କିହାଁ କାଜା ଦରୁତଲେ ପାରମାଣା କିନେରି, ଅଡ଼େ କାତା ତୀରି କିହାଲି ଏଞ୍ଜାରି ବାରେ ଗଡ଼ହା ପାରମାଣା ତଲେ ତୀରି ଆନେ । ୧୭ ମାହାପୁରୁ ଆମ୍ପାଆରାଇଁ ଇ ବାରେ ହାଈଁ

ଇଞ୍ଜା ଆଞ୍ଜାମାରେସି, ଏ ଆଞ୍ଜାମାନାଣି ମାନଞ୍ଜି ଆହାଲି ତାନି ଆଞ୍ଜାମାନାଣି ତାକି ପାରମାଣା କିହାମାରେସି । ୧୮ ଏନିକଁ ଆମିନି ରୀ ବାଦଲି ଆଆଗାଟି କାତାତି ମାହାପୁରୁ ମିତି ଖେସାଲି ଆଡ଼ଅସି, ଏଦାଣି ତଲେ ନକିତି ବାସୁତି ଆସାଲି ତାକି ବାସା ଟାୟୁତା ମାର ହଟି ମାନାୟି, ଇଞ୍ଜା ମାର ବାଡ଼ୁଡ଼ି ରାହାଁ ବେଟାଆନାୟି । ୧୯ ଏୟୁ ଜାଜା ଦହ୍ନି ଲହ୍ ମୁଣ୍ଡାଲେହେଁ, ଏ ବାସୁଁ ମା ଜୀଞ୍ଜୁତି ଗେଲ୍ପି କିନାୟି ଅଡ଼େ ଆଞ୍ଜନାୟି, ଏଡ଼ି ମାହାପୁରୁ ଇଲୁତି ଏଟକା କିନି ହିମ୍ପରି ଲେଟାମାନି ଟାୟୁତା ହଡ଼ାନା ଆଟ୍ଠା ଅଡ଼େ ତୀରି ଆହାମାନେ, ୨୦ ଅଡ଼େ, ଜୀସୁ ଏ ଟାୟୁତା ମଲ୍କିସେଦକ ଲେହେଁ କାଲାକାଲାତି କାଜା ପୂଜେରା ଆହାନା ମା ନକିତା ତାକିନି ଲେହେଁ ହଡ଼ାମାନେସି ।



ମଲ୍କିସେଦକତି ପୂଜେରା ପାଣା

୧ ଇ ମଲ୍କିସେଦକ ସାଲେମ ଦେସାତି ରାଜା ଅଡ଼େ ବାରେକିହାଁ କାଜା ମାହାପୁରୁତି ପୂଜେରା ମାରେସି । ଅବ୍ରାହାମ ଅଡ଼େ ତାନି ତଡ଼ୁଡ଼ାରି, ସାରି ଜାଣା ରାଜାୟାଁ ତଲେ ଜୁଜୁତା ଜୀଣା ଆହାଁ ଖେଣ୍ଡେ ଖାହିମାତି ବେଲାତା ମଲ୍କିସେଦକ ଅବ୍ରାହାମଇଁ ବେଟାଆହାନା ବର ହୀତେସି; ୨ ଅବ୍ରାହାମ ଜିକେଏ ଏଞ୍ଜାଣାକି ଜୁଜୁତା ଜୀଣାଆହାମାତି ଆସ୍ତିତି ଦସ ବାଗାତି ର ବାଗା ହୀହାମାରେସି । ମଲ୍କିସେଦକ, ଇତିହୁଁ “ଦାମ୍ପୁତି ରାଜା” ଅଡ଼େ ସାଲେମତି ରାଜା, ଇତିହୁଁ “ହିଡ଼ଡ଼ିତି ରାଜା ।” ୩ ଏଞ୍ଜାଣି ତାଲି ତାଞ୍ଜି ଆକୁ ଆବାୟାଁ ଦରକା କି ଏଞ୍ଜାଣି ଜାର୍ନା ଦିନା କି ଜୀଞ୍ଜୁତି ରାଡ଼ି ଦିନା ଆମ୍ପିୟାଖା ରାସୁକି ଆହାହିଲେଏ; ଏଞ୍ଜାସି ମାହାପୁରୁ ମୀରଏସି ଲେହେଁ କାଲା କାଲାକି ପୂଜେରା ଆହାମାରେସି ।

୪ ଅଣ୍ପାରି କିଦୁ, ମଲ୍କିସେଦକ ଏତେକା କାଜାସି ମାରେସି, ଆକୁ ଅବ୍ରାହାମ ଜୁଜୁତା ଜୀଣାଆହାନା ତାଟାମାତି ଆସ୍ତିତି ହାରେକା ନେହୁଁ ଆସ୍ତିତି ଦସ ବାଗାତି ର ବାଗା ଏଞ୍ଜାଣାକି ହୀହାମାରେସି । ୫ ଲେବି କୃଡ଼ାତି ମୀରକା ବିଡ଼ାତି ଆମିନି ଗାଗାରି ପୂଜେରା ପାଣା ବେଟାଆନେରି, ଏଞ୍ଜାରି ମସାତି ମେରାଲେହେଁ ଇସାୟେଲ ଲକୁ ତାଣାଟି ଇତିହୁଁ ତାମି ତାୟିୟାଁ ତାଣାଟି ଦସ ବାଗାତି ର ବାଗା ବେଟାଆହାଲି ହେଲ ବେଟା ଆହାମାନେରି, ଏଞ୍ଜାରି ଅବ୍ରାହାମ ଆଜ୍ଞାଟି ଜାର୍ନା ଆଡ଼ିଜିକେଏ ତାମି ଲକୁ ତାଣାଟି ଦସ ବାଗାତି ର ବାଗା ଅନେରି; ୬ ମଲ୍କିସେଦକ ଲେବି କୃଡ଼ାତାସି ଆଏ, ଆଆଡ଼ି ଜିକେଏ ଏଞ୍ଜାସି ଅବ୍ରାହାମ ତାଣାଟି ଦସ ବାଗାତି ର ବାଗା ଅଡ଼େସି, ଇଞ୍ଜା ମାହାପୁରୁ ଆଞ୍ଜାମାନାଣି ବେଟାଆନାକି ବର ହୀତେସି । ୭ ବର ହୀନାସି ବର ବେଟାଆନାଣି କିହାଁ କାଜାସି, ବାରେଜାଣା ଇଦାଆଁ ପୁଞ୍ଜାମାଞ୍ଜେରି । ୮ ଇଲେକିହୁଁ ହାନି ମାଣ୍ଡସିୟାଁ ଦସ ବାଗାତି ର ବାଗା ଅହିମାନେରି ଏଞ୍ଜାରି ଜିକେଏ ର ଦିନା ହାନେରି, ସାମା ଏତିବେଲାତା ଆମ୍ପାଆସି ଅବ୍ରାହାମତି ଦସ ବାଗାତି ର ବାଗା ଆହାମାରେସି ଏଞ୍ଜାଣି କାତା ସାକି

ହୀପକି ଆହିମାନେ, ଏଞ୍ଜାସି ହାହା ହିଲଅସି । ୯ ମାର ଏଲେଇଞ୍ଜାଲି ଆଡ଼ିନାୟି, ଦସ ବାଗାତି ର ବାଗା ଅହିମାନି ଲେବି ତାନୁ ଜିକେଏ ଅହାହାମ ତାଣାଟି ଦସ ବାଗାତି ର ବାଗା ହୀହାମାନେସି । ୧୦ ଏନାଆଁତାକି ଇଚିହୁଁ ଅହାହାମଇଁ ମଲ୍ଲକିସେଦକ ଆଣ୍ଡିତାଟି ଲେବି ଏଚିବେଲତା ଜାର୍ନା ଆହା ହିଲାଆତେସି ସାମା ଲେବି ଏଞ୍ଜାଣି ଆଙ୍ଗା ବିତ୍ରା ମାଚେସି ।

୧୧ ଇ ଲେବିୟ ଲକୁଡି ପୂଜେରା ପାଣା ତଲେ ଇସାୟେଲ କୃଡାତି ଲକୁ ତାକି ମସାତି ମେରା ହୀପକି ଆହାମାଚେ । ଅଡେ ଲେବି ଲକୁଡି କାମା ନେହୁଁ କିହାଲି ଆଡ଼ିତିହୁଁମା, ହାରଣାତି ଅଦିକାରାଗାଟି ଇ ଲେବି ପୂଜେରାଙ୍ଗା ପିସାନା ମଲ୍ଲକିସେଦକ ଅଦିକାରା ଲେହେଁ ଅର କୃଡାତି ପୂଜେରା ଲଡା ହିଲାଆତେ । ୧୨ ଇଚିହୁଁ ପୂଜେରା ପାଣା ବାଦଲି ଆନେ, ଆତିହୁଁ ମସା ମେରା ଜିକେଏ ବାଦଲି ଆନାୟି ମାନେ । ୧୩ ଇଚିହୁଁ ଆମ୍ବାଆରି ତାକି ଇ ବାରେ ଝେସପି ଆହାମାନେ, ଏଞ୍ଜାସି ଅର କୃଡାତି ଲକୁ ମାଚେସି, ଆମିନି କୃଡାତାରି ଆମ୍ବାଆସି ଏଚେଲାଞ୍ଜା ପୂଜା ପିଣ୍ଡାତି ସେବା କାମା କିହାଲି ଆଣ୍ଡାହିଲଅରି । ୧୪ ଇଚିହୁଁ ଇଦି ସାତା ମା ପ୍ରବୁ ଜୀହୁଦା କୃଡାଟି ଜାର୍ନା ଆହାମାନେସି ଇଞ୍ଜା ମସା ଇ କୃଡାତି ପୂଜେରା ପାଣା ତାକି ଏନାଆଁ ଝେସାହିଲଅସି ।

ମଲ୍ଲକିସେଦକ ଲେହେଁ ଅଡେ ର ପୂଜେରା

୧୫ ଅଡେ ଇଦି ଇମ୍ବାଟି ଜିକେଏ ନେହୁଁକିଁ ପୁନାୟି, ମଲ୍ଲକିସେଦକ ଲେହେଁ ଅଡେ ର ପୂଜେରା ହଚାମାନେସି । ୧୬ ଏଞ୍ଜାସି ଆଙ୍ଗା ତଲେତି ମସା ମେରାଟି ପୂଜେରା ଆହାହିଲଅସି ସାମା ରାଆଗାଟି ଜୀହୁଡି ବାଡ଼ୁଡ଼ି ପୂଜେରା ପାଣା ମେଡା ଆହାମାନେସି । ୧୭ ଇଚିହୁଁ ଦାମ୍ବୁପତିତା ଏଞ୍ଜାଣି ତାକି ଇଲେକିଁ ଦାମ୍ବୁ ସାସ୍ତେରିତା ସାକି ହୀପକି ଆହାମାନେ; “ନୀନୁ ମଲ୍ଲକିସେଦକ ଲେହେଁ କାଲ୍ଲକାଲ୍ଲାତି ପୂଜେରା ଆଡ଼ି ।” ୧୮ ଇମ୍ବାଆଁ ତଲିତି ହୁକୁମି ବାଡ଼ୁଡ଼ି ହିଲାଆଗାଟାୟି, ଉଜେଏତାୟି ଲାକା ଏଦି ମେଶଙ୍ଗା ହାଜାମାନେ । ୧୯ ଏନାଆଁତାକି ଇଚିହୁଁ ମସାତି ମେରା ଏନାଆଁଞ୍ଜା ତୀରି କିହାଲି ଆଡାଆତେ । ଅରଞ୍ଜାକି ବାରେକିହୁଁ ହାରେକା ନେହୁଁ ବାସୁଁ ହଚାମାନେ, ଏ ବାସୁଁଟି ମାର ମାହାପୁରୁ ତାଗେ ହାଜାଲି ଆଡ଼ିନାୟି ।

୨୦ ମା ତାକି ମାହାପୁରୁତି ପାରମାଣା ହାରେକା ମାନେ । ହାରଣା କୃଡାତି ପୂଜେରା ପାଣାତା ଆଡ଼ି ଆଡାଟି ଇଲେତି ଏନି ପାରମାଣା ହୀପକି ଆହାହିଲାଆତେ । ୨୧ ସାମା କ୍ରୀସ୍ତ ପୂଜେରା ଆନି ବେଲତା ମାହାପୁରୁ ପାରମାଣା କିହାନା ଏଞ୍ଜାଣାଇଁ ଏଲେଇଞ୍ଜାମାଚେସି,

“ପ୍ରବୁ ର ପାରମାଣା କିହାମାନେସି,
ଏଞ୍ଜାସି ତାନି ଅଶ୍ପୁତି ବାଦଲି କିଅସି,
ନୀନୁ କାଲ୍ଲକାଲ୍ଲାତି ପୂଜେରା ଆଡ଼ି ।”

୨୨ ପ୍ରବୁ ଇଲେକିଁ ପାରମାଣା କିହାମାନାକି ଜୀସୁ ଅଡେ ର ହାରେକା ନେହୁଁ ରାଜିମାନା କିନାସି ଆହାମାନେସି ।

୨୩ ପୁଞ୍ଜ ତାଣା ଜିକେଏ ଏଚ୍ଚକା ପୂଜେରାଙ୍ଗା ହାନାରି ଆହାମାନାକି ଏଞ୍ଜାରି ହାଡ଼ି ତାୟୁ ଏଚ୍ଚକାତାରି ପୂଜେରା ପାଣା ବେଟାଆନେରି ଏଦାଆଁତାକି ଏଞ୍ଜାରି ହାରେକା । ୨୪ ସାମା ଜୀସୁ କାଲ୍ଲକାଲ୍ଲା ନୀତାମାନାକି, ଏଚେଲାଞ୍ଜା ବାଦଲି ଆଆ ପୂଜେରା ପାଣା ବେଟାଆହାମାନେସି । ୨୫ ଏଦାଆଁତାକି ଏଞ୍ଜାଣି ତାଣାଟି ଆମିନି ଗାଗାରି ମାହାପୁରୁ ତାଗେ ହାନେରି, ଏଞ୍ଜାରାକି ଏଞ୍ଜାସି ହାରେପୁରେ ନୀଏଁ ଅଡେ କାଲେଏ ଗେଲ୍ପାଲି ଆଡ଼ିମାନେସି, ଏନାଆଁତାକି ଇଚିହୁଁ ଏଞ୍ଜାରି ତାକି ମାହାପୁରୁ ତାଣା ଗହାରା କିହାଲି ଏଞ୍ଜାସି କାଲେଏ ନୀତାମାନେସି ।

୨୬ ଏନାଆଁତାକି ଇଚିହୁଁ ଇଲେତି କାଜା ପୂଜେରା ମା ତାକି ନେହୁଁସି, ଆମ୍ବାଆସି ସୁଦୁଗାଟାସି, ଦହୁ ହିଲାଆଗାଟାସି, ଲାଗେଏତି ସିନା ହିଲାଆଗାଟାସି ପାପୁ ଗାଗାରି ତାଣାଟି ଏଚ୍ଚକା ଆହାମାନାସି, ଲାକପୁରୁ ଅଞ୍ଜିଆଡେସି । ୨୭ ଏ କାଜା ପୂଜେରା ଲେହେଁ ବାରେଦିନା ନକେଏ ତାନି ପାପୁ ତାକି ଅଡେ ତାୟୁ ଲକୁଡାକି ବାରେଦିନା ପୂଜା ହୀହାଲି ଲଡା ହିଲେଏ, ଇଚିହୁଁ ତାଙ୍ଗେ ପୂଜା ହୀତାକି ଏଞ୍ଜାସି ରଣ୍ଡିଏ ପାଲି ଇଦାଆଁ କିହାମାନେସି । ୨୮ ଏନାଆଁତାକି ଇଚିହୁଁ ମସାତି ମେରା ବାଡ଼ୁଡ଼ି ହିଲାଆଗାଟି ମାଣ୍ଡିଇଁ କାଜା ପୂଜେରା ପାଣାତା ଆଡ଼ିନେ, ସାମା ଆମିନି ପାରମାଣାଟି ବଲୁ ମସାତି ମେରା ଜେଚ ଆହାମାଚେ, ଏଦି କାଲ୍ଲକାଲ୍ଲା ତାକି ତୀରିଗାଟି ମୀର୍ଏଶାଈଁ ଆଡ଼ିମାନେ ।



ଜୀସୁ ମା କାଜା ପୂଜେରା

୧ ମାମ୍ବୁ ଏନାଆଁ ଝେସିମାଞ୍ଜାନମି ଏମ୍ବାତି କାଜା କାତା ଇଦି, ମାଙ୍ଗେତାକି ଇଲେତି ର କାଜା ପୂଜେରା ମାନେସି, ଏଞ୍ଜାସି ଲାକପୁରୁ କାଜା ଗାଞ୍ଜୁରମିଗାଟି ମାହାପୁରୁ ସିଂଗାସାଣିତି ଚିଠିନି ଟଟତା କୁଗାମାନେସି । ୨ ଏଞ୍ଜାସି ବାରେତି କିହୁଁ ସୁବୁ ଗାୟୁତା ଇଞ୍ଜା ଆମିନି ସାତା ତୁମ୍ବୁ ଇଲୁ ମାଣ୍ଡି କେୟୁଟି କେପି ଆଆନା ପ୍ରବୁ ତାଣାଟି ତୀରି ଆହାମାନେ ଏମ୍ବାତି ସେବା କାମା କିନେସି ।

୩ ଇଚିହୁଁ ବାରେ କାଜା ପୂଜେରାଙ୍ଗା ଦାନା ଅଡେ ଜନ୍ତୁତି ଡାକାହୁଁ ପୂଜା କିହାଲି ଆଡ଼ି ଆହାମାନେରି, ଇଦାଆଁତାକି ଇ କାଜା ପୂଜେରାକି ଜିକେଏ ପୂଜା ହେର୍ପାଲି ତାକି ଲଡାମାନେ । ୪ ଜୀସୁ କ୍ରୀସ୍ତ ଦାର୍ଡିତା ମାଚିହୁଁମା, ପୂଜେରା ଜିକେଏ ଆୟାଲି ଆଡାଆତେସିମା, ଏନାଆଁତାକି ଇଚିହୁଁ ଜୀହୁଡି ଲକୁଡି ମେରା ଲେହେଁ ଦାନା ହେର୍ପିନେରି ଇଲେତି ପୂଜେରାଙ୍ଗା ଏମ୍ବାଆଁ ମାନେରି; ୫ ପୂଜେରାଙ୍ଗା ଆମ୍ବାଆରି ସେବା କିନେରି, ଏଦି ଲାକପୁରୁତି କାତା ପୁଣ୍ଡିକିନିଲେହେଁ ସାୟୁଁ ସମାନା, ମସା ଏଚିବେଲ୍ଲା ପୂଜା କିହାଲିତାକି ର ତୁମ୍ବୁ କେପିନି ବେଲତା ଏଞ୍ଜାଣାଇଁ ମାହାପୁରୁ ଏଲେଇଞ୍ଜାମାଚେସି, “ଜାଗ୍ରାତା, ହରୁତା ନିଙ୍ଗେ ଆମିନି ହୁକୁମି ତସ୍ପି ଆହାମାଞ୍ଜାତେ, ଏଲେକିହୁଁ ଏ ବାରେ କେପାମ୍ବୁ ।” ୬ ସାମା ନୀଏଁ ଜୀସୁକି ଆମିନି ପୂଜେରା

କାମା ହୀପକି ଆହାମାନେ, ଏଦି ଏଟକାତି ପୂଜେରାଜା
କାମା କିହାଁ କାଜାୟି । ଏଲେକିହିଁଏ ମାହାପୁରୁ ଅଡ଼େ
ମାଣସିୟାଁ ମାଦି ଏଞ୍ଜାସି ଆମିନି ରାଜିମାନା କିହାମାନେସି
ଏଦି କାଜାୟି, ଇତିହିଁ ଇ ମେରାତା ହାରେକା କାଜା କାତା
ହୀହାଲି ଆଞ୍ଜାମାନାୟି ମାନେ ।

୭ ଇତିହିଁ ତଲିତି ରାଜିମାନା ଏଦି ଦହ
ହିଲାଆତିହିଁମା, ତାୟୁ ଅଡ଼େ ଅର ରାଜିମାନା ଲଡ଼ା
ଆଆଡେମା । ୮ ସାମା ମାହାପୁରୁ ତାନି ଲକୁଇଁ ଦହ ଦସାନା
ଏଞ୍ଜାରାଇଁ ଏଲେଇଞ୍ଜି ମାନେସି,

“ପ୍ରବୁ ଏଲେଇଞ୍ଜି ମାନେସି, ମେହଦୁ ର ଦିନା ଖାହିମାନେ,
ଏତିବେଲା ନାନୁ ଇସାୟେଲ କୂଡ଼ା ଅଡ଼େ ଜୀହୁଦା
କୂଡ଼ା ତଲେ ର ପୁଃନି ରାଜିମାନା ତୀରି କିଇଁ;

୯ ଆମିନି କାଲାତା ନାନୁ ଏଞ୍ଜାରି ଆକୁୟାଣି କେସ୍ତା ଆସାନା
ମିସର ଦେସାଟି ହପୁହା ତାରାମାରେଏଁ,
ଏ ବେଲାତା ଏଞ୍ଜାରିତଲେ ନାନୁ ଆମିନି ରାଜିମାନା
କିହାମାରେଏଁ, ଇ ରାଜିମାନା ଏଲେକିହିଁ ଆଏ;
ଇଞ୍ଜା ଏଞ୍ଜାରି ନା ରାଜିମାନାତା ତୀରି ଆହିଁ ମାନାଆଡେରି,
ଇଞ୍ଜା ନାନୁ ଏଞ୍ଜାରାଇଁ ମନ ହୀଆଡେଏଁ, ପ୍ରବୁ ଇ କାତା
ଏଲେ ଇଞ୍ଜିମାନେସି ।

୧୦ ପ୍ରବୁ ଏଲେଇଞ୍ଜି ମାନେସି,
ତାୟୁ ନାନୁ ଇସାୟେଲ କୂଡ଼ା ତଲେ ଇ ରାଜିମାନା
କିଇଁ, ଏଦି ଇଦି,

ନାନୁ ଏଞ୍ଜାରି ମନତା ନା ମେରା ହୀଇଁ,
ଏଞ୍ଜାରି ହିୟାତା ଏ ବାରେ ରାଟିଇଁ,
ଅଡ଼େ ଏଞ୍ଜାରି ମାହାପୁରୁ ନାନୁ ଆଇଁ,
ଅଡ଼େ ଏଞ୍ଜାରି ନା ଲକୁ ଆନେରି ।

୧୧ ମାହାପୁରୁଇଁ ପୁଞ୍ଜୁ ଇଞ୍ଜି ଏଞ୍ଜାରି ବିତ୍ରାଟି ରଅସିଞ୍ଜା ତାନି
କୂଡ଼ାତି ଗାଡ଼ାତାରାଇଁ ଖେହୁଅସି,
ଇଞ୍ଜା ତାନି ତାୟିୟାଁଇଁ କି ପାଡ଼ିତାରାଇଁ ଜାପୁଅରି,
ଏନାଆଁତାକି ଇତିହିଁ ଉଶାଟିଏ କାଜାରି ପାଡେକା
ଏଞ୍ଜାରି ବାରେଜାଣା ନାଜେ ପୁଞ୍ଜାମାନେରି ।

୧୨ ନାନୁ କାର୍ମାମେସାନା ଏଞ୍ଜାରି ବାରେ ପାପୁ ମ୍ଲେକଇଁ,
ଅଡ଼େ ଏଞ୍ଜାରି ଲାଗେଏ କିନାଣି ଏଚେଲାଞ୍ଜା ଅଶପଅଁ

୧୩ ମାହାପୁରୁ ର ପୁଃନି ରାଜିମାନା କିତାକି ତଲିତି
ରାଜିମାନାଈ ପୁଃଇ ରାଜିମାନା କିହାମାନେସି; ଇଞ୍ଜା ଅଡ଼େ
ଆମିନି ପୁଃଆୟି ଲଡ଼ା ହୀଆଗାଟାୟି ଆହାମାନେ, ଏଦି
ଗାଡ଼େକେଏ ମେଣ୍ଡାକିନେ ।



ଦାର୍ତ୍ତି ଅଡ଼େ ଲାକପୁରୁତି ପ୍ରାଡାନା

୧ ସାତେଏ ଏ ତଲିତି ରାଜିମାନା ଜିକେଏ ପ୍ରାଡାନା କିନି
ମେରା ଅଡ଼େ ର ଦାର୍ତ୍ତିତି ସୁଦୁ ଟାୟୁ କିଞ୍ଜି ଆହାମାରେ ।
୨ ଏଦି ର ତୁମ୍ପୁ ତଲେ କେପିତି ଇଲୁ ଆହାମାରେ, ଏମ୍ପାତି
ତଲିତି ବାକ୍ତା ଇଞ୍ଜି ଇନେରି ଏମ୍ପାଆଁ ର ଦୀଞ୍ଜି ସଡ଼ା, ର
ପିଣ୍ଡା ଅଡ଼େ ମାହାପୁରୁକି ହେରପାମାନି ରୁଟି ମାରେ, ଏଦାନି
ସୁଦୁ ଟାୟୁ ଇନେରି । ୩ ଏମ୍ପାଆଁ ଲେଟାମାଟି ଟାଟିନି ରା

ହିମ୍ପୁରିକା ତାୟୁଞ୍ଜାକି ଆମିନି ତୁମ୍ପୁ ମାରେ, ଏଦାଆଁ ହାରେକା
ସୁଦୁ ବାକ୍ତା ଇଞ୍ଜି ଇନେରି; ୪ ଏମ୍ପାଆଁ ବାଂଗାରା ତଲେ
ଞ୍ଜାରି କିହାମାଟି ଦୁପଣି ହୁଡିନି ର ପିଣ୍ଡା ଅଡ଼େ ବାଂଗାରା
ତଲେ ଞ୍ଜାରି କିହାମାଟି ରାଜିମାନା ପେଡ଼ା ମାରେ । ଏ
ରାଜିମାନା ପେଡ଼ାତା ମାନା ଇଟକି ଆହାମାଟି ର ବାଂଗାରା
ମୁତା ଅଡ଼େ ହାରଣାଞ୍ଜାୟି ଆକୁ ଗାଲୁହାମାଟି ବାଡ଼ଗା ଇଞ୍ଜା
ରାଜିମାନା ରାସ୍ତକି ଆହାମାଟି ରିଣ୍ଡି ଖାଲି ପାଟାୟାଁ ମାରୁ,
୫ ରାଜିମାନା ପେଡ଼ା ଲାକ ମାହାପୁରୁ ନକିତା ନିଚାମାନି
ଲେହେଁ ଗାଞ୍ଜୁରମିଗାଟି ଜଡେକା କିରୁବ ଦୁତୁୟାଁତି ବମା
ମାରୁ, ଏଞ୍ଜି ପାପୁ ମେଣ୍ଡାକି କିନି ଟାୟୁତି ପୁକହାମାରୁ;
ଏଞ୍ଜି ପାପୁ ମ୍ଲେକନି ଟାୟୁ ଲାକ ମାରାୟାଁ ପୁକହାମାରୁ, ଏ
ବାରେତି କାତା ନୀଏଁ ନେହିଁ କିଁ ଖେସାଲି ଲଡ଼ା ହିଲେଏ ।

୬ ଏମ୍ପାଆଁ ଇଲେତି ମେରା ମାନେ; ପୂଜେରାଜା
ଦିନାତାକି ଦିନା ତୁମ୍ପୁତି ତଲିତି ବାକ୍ତା ବିତ୍ରା ତାନି ସେବା
କାମା କିନେରି, ୭ ସାମା ତାୟୁତି ବିତ୍ରା ବାକ୍ତାତା ଖାରଇ
କାଜା ପୂଜେରା ବାର୍ଯା ତାକି ରଣ୍ଡିଏ ଦେବା ହଡ଼ନେସି, ତାନି
ପାପୁ ଇଞ୍ଜା ଲକୁତି ପୁନାଆତି ପାପୁ ତାକି ମାହାପୁରୁକି
ପୂଜା ହେରପାଲି ଏଞ୍ଜାସି ନେତେରି ଅହାନା ହାରେକା ସୁଦୁ
ଟାୟୁତା ହଡ଼ନେସି । ୮ ଇଦାଆଁତାକି ସୁଦୁଜୀଞ୍ଜୁ ମାଜେ
ଜାପୁହି ମାଞ୍ଜାମେ, ନକିତି ସୁଦୁ ତୁମ୍ପୁ ମାନି ପାଡେକା
ହାରେକା ସୁଦୁ ଟାୟୁତା ହଡ଼ାଲି ଜିରୁ ତଞ୍ଜାଆହାଁ ହିଲେଏ
। ୯ ଇ ତଲିତି ବାକ୍ତା ନୀଏଁ କାଲା ତାକି ପୁଣ୍ଡି କିଞ୍ଜିକିନି
ସିନା, ଅଡ଼େ ଏଲେକିହିଁଏ ଦାନା ଅଡ଼େ ପୂଜା ଇ ବାରେ
ହୀପକିଆନେ, ସାମା ଇ ବାରେ ସେବା କିନାରାଇଁ ନେହିଁ
ଅଶପୁତି ଦାନା ହୀହାଲି ଆଡେଏ; ୧୦ ଇତିହିଁଏ ବାରେ
ଞ୍ଜାରଇ ତିନାଣି ଉନାଣି ଅଡ଼େ ଅଟହାଲି ତାକି ଆଜା
ତାକି କିନି କାମାୟାଁ ସାମା ମାହାପୁରୁତି ପୁଃନି ମେରା ଆନି
ପାଡେକା ଇଦି ବାରେ ଲଡ଼ାଗାଟାୟି ଆହାମାରେ ।

୧୧ ସାମା କ୍ରୀସ୍ତ ନୀଏଁ ନେହିଁ କାମାଟି କାଜା ପୂଜେରା
ସମାନା ଆହାନା ଖାହାମାନେସି, ଇଞ୍ଜା ଏମିନି ତୁମ୍ପୁ ଇଲୁତା
ଏଞ୍ଜାସି ତାନି ସେବା କାମା କିହାମାନେସି, ଇ ଇଲୁ ଦାର୍ତ୍ତିତା
ମାନି ତୁମ୍ପୁ ଇଲୁ କିହାଁ ହାରେକା କାଜାୟି ଅଡ଼େ ନେହାୟି,
ଏଦି ମାଣସି କେୟୁତଲେ କେପାଆତି ତୁମ୍ପୁ ଇଲୁ, ଏଦି
ତଞ୍ଜାଆହାମାନି ଦାର୍ତ୍ତି ବିତ୍ରା ହିଲାଆଡେ । ୧୨ କ୍ରୀସ୍ତ
ଗରି କି ବାଟା କଡ଼ିତି ନେତେରି ତଲେ ଆଏ, ସାମା
ଜାହାରା ନେତେରି ତଲେ ରଣ୍ଡିଏ ଦେବା ସୁଦୁ ଟାୟୁତା
ହଡ଼ାନା କାଲାକାଲାତାକି ଗେଲପି ଆନାଣି କିହାମାନେସି ।
୧୩ ଆମ୍ପାଆରି ପାଣାପାଟୁ ମାନଞ୍ଜି ଆଆନା ପାପୁ କିନେରି,
ଏଞ୍ଜାରି ପଲୁଆ ଗାଟାରି ଲାକ ଗରି ଅଡ଼େ ବାଟା କଡ଼ିତି
ନେତେରି ତଞ୍ଜାନା ହୁଡିତି ଦାର୍ତ୍ତୁ ତଲେ ଏଞ୍ଜାରି ଆଜାତି
ବାରେ ପାପୁ ସୁଦୁ କିହିମାରେରି, ୧୪ ଇଦି ସାତା ଆହାମାନେ,
ଇତିହିଁ କ୍ରୀସ୍ତତି ନେତେରି ସାତା ଆଏ, କି କାଲେଏତି
ଜୀଞ୍ଜୁତି ସାୟେମି ତଲେ ଏଞ୍ଜାସି ଜାହାରାଇଁ ମାହାପୁରୁ
ନକିତା ର ଦହ ହିଲାଆ ପୂଜାଲେହେଁ ହେରପିଡେସି, ତାନି
ନେତେରି ଏଚେକା ଗାଡ଼ି ନୀତାମାନି ମାହାପୁରୁଇଁ ସେବା

କିହାଲି, ହାଡ଼ି କିନି କାମାଟି ମା ଜୀହୁତି ଅଣ୍ଠପୁତି ସୁଦୁ କିନେ !

୧୫ ଇଦାଆଁତାକି କ୍ରୀସୁଏ ପୁଃନି ରାଜିମାନାତି ମାଦିତାସି ଆହାମାନେସି, ଏନିକି ମୂଲୁତି ରାଜିମାନାତି ପାପୁ ମ୍ଲେକହାଲି ତାକି ହାହାମାନାକି ମାହାପୁରୁ ହାଟାମାନି ଲକୁ କାଲାକାଲାତି ଅଦିକାରା ଆହାଲି ଆଞ୍ଜାମାନି ଗେଲପି ଆନାଣି ବେଟାଆନେରି ।

୧୬ ଇତିହି ରାଜିମାନା କିଞ୍ଚି ଆହାମାତି ରାଜିମାନା ଆହାମାନି ମାଣ୍ଠସିତି ହାନି ପାରମାଣା ଲଡ଼ାମାନେ । ୧୭ ଇଞ୍ଜା ହାଡ଼ିସାରେ ରାଜିମାନା କିହାମାନାୟି ବାଡ଼ୁଲୁ ଆନେ, ଇତିହି ରାଜିମାନା କିହାମାନାସି ନୀତାମାନି ପାତେକା ଏଦି ଏଚେଲା ଜିକେଏ କାମାତା ଖାଏ । ୧୮ ଏଦାଆଁତାକି ତଲିତି ରାଜିମାନା ଜିକେଏ ନେତେରି ହିଲାଆନା ତୀରି ଆହାହିଲାଆତେ । ୧୯ ତଲିଏ ମସା ମେରାତି ହୁକୁମି ଲକୁତାଣା ଖେକହେସି, ତାୟୁ ଏଞ୍ଜାସି କଡ଼ି ଅଡ଼େ ଗରିତି ନେତେରି ଏୟୁତଲେ ଆଟହାନା ଏସବ ଜାଡ଼ାତି ଆକା ଅଡ଼େ ନେତେରି ଖାଣାଗାଟି ମେଣ୍ଠା ବାଣାୟା ତଲେ ମେରା ପତି ଅଡ଼େ ବାରେ ଲକୁ ଲାକ ଡ଼ାଞ୍ଜିତେସି । ୨୦ ଏଞ୍ଜାସି ଏଲେଇଚେସି, “ଏମିନି ରାଜିମାନା ମାନଞ୍ଚି ଆହାଲି ମାହାପୁରୁ ମିଙ୍ଗେ ହୁକୁମି ହାହାମାଞ୍ଜାନେସି, ଇ ନେତେରି ଏ ରାଜିମାନାତି ତସିମାନେ ।” ୨୧ ଅଡ଼େ ଜିକେଏ ଏଲେକିହି ଏଞ୍ଜାସି ତୁମୁ ଇଲୁ ଅଡ଼େ ମାହାପୁରୁ ସେବାତାକି ବାରେ ଲଡ଼ାମାନି ଦିଶସୁ ଲାକ ଜିକେଏ ନେତେରି ଡ଼ାଞ୍ଜିତେସି । ୨୨ ସାତେଏ ମସାତି ମେରା ତଲେ ବାରେ ନେତେରି ତଲେ ଅଟହି କିଞ୍ଚିଆନେ, ଅଡ଼େ ନେତେରି ଖାକହାନା ପାପୁ ମେଣ୍ଠେଏ ।

କ୍ରୀସୁତି ହାକିଟି ପାପୁ ମେଣ୍ଠିନେ

୨୩ ଏଦାଆଁତାକି ଲାକପୁରୁ କେପିତି ବାରେ ଦିଶସୁ ପୁଣ୍ଠିକିନିଲେହେଁ ପୂଜା ତଲେ ଅଟଞ୍ଚି ଆନାୟି ମାତେ; ସାମା ଲାକପୁରୁ କେପିତି ବାରେ ଦିଶସୁ ଇ କାଜା ପୂଜା ତଲେ ଅଟନାୟି ମାନେ । ୨୪ ଏନାୟି ମାଣ୍ଠସିୟା କେୟୁଟି କେପାଆତାୟି ଇଲେତି ସୁଦୁ ଚାୟୁତା କ୍ରୀସୁ ହାଜାମାନେସି, ଇଦି ସାତା କାତା, ଏଞ୍ଜାସି ଲାକପୁରୁ ହାଜାମାନେସି, ଏମ୍ପାଆଁ ଏଞ୍ଜାସି ମା ଖାକିଟି ନୀଏଁ ମାହାପୁରୁ ନକିତା ମାନେସି । ୨୫ ଜୀହୁଦିୟା କାଜା ପୂଜେରାଜା ଏନିକି ବାର୍ଯା ତାକି ବାର୍ଯା ଏଟକା ଲକୁ ତାକି ପୂଜା ହାନି ନେତେରି ଅହାନା ସୁଦୁ ଚାୟୁତା ହଡ଼ନେରି, ଏଲେକିହି ଏ କ୍ରୀସୁ ଅଲେ ଅଲେ ତାଙ୍ଗେ ପୂଜା କିହାଲି ଏଦି ଏମ୍ପାଆଁ ହାଜାହିଲଅସି । ୨୬ ଆତିହି ଦାର୍ଡି ଗାଡ଼ିଆଡ଼ି ବେଲାଟିଏ ଅଲେ ଅଲେ ତାଙ୍ଗେ ହାହାଲି ଆଡ଼େମା; ସାମା ନୀଏଁ ଏଞ୍ଜାସି ଜୁଗୁ ରାଦି ବେଲାତା ତାନୁଏ ପୂଜାଲେହେଁ ହେରପାକତାମାନାକି ପାପୁ ହେକ କିୟାଲି ତଞ୍ଜା ଆହାମାନେସି । ୨୭ ବାରେ ଲକୁତାକି ଏନିକି ରଣିଏ ଦେବା ହାନାୟି, ଅଡ଼େ ଏଦାନି ତାୟୁ ନୀହାୟି ମାନେ । ୨୮ ଏଲେକିହି ଏ କ୍ରୀସୁ ଜିକେଏ ହାଟେକା ଲକୁତି ପାପୁ ଡେକା ଅହାଲି ରଣିଏ ଦେବା ପୂଜା ଆହାଲି ହେରପାକତିତେସି, ଅଡ଼େ ଖେଣ୍ଡେ ପାପୁତି ତାକି

ଆଏ, ସାମା ଆମିନି ଗାଟାରି ଏଞ୍ଜାଣାଈଁ କାଟାମାନେରି, ଏଞ୍ଜାରାଈଁ ଗେଲପାଲିତାକି ତଞ୍ଜାଆନେସି ।

୧୦

୧ ଇତିହି ମସାତି ମେରା ଖାହିମାନି ଦିନାତି ନେହିଁ ସାୟୁଲେହେଁ ଆହାନା ଏ ବାରେତି ଖାଣା ଆଆତାକି ପୂଜେରାଜା ବାର୍ଯା ତାକି ବାର୍ଯା ଏ ରଣିଏ ରଲେତି ପୂଜା କିହିମାନାକି ପ୍ରାତାନା କିନାରାଈଁ ଏଚେଲାଖା ତୀରି କିହାଲି ଆଡ଼ଅରି । ୨ ଏଲେକିହି ମାହାପୁରୁତି ସେବା କିନାରି ସାତେଏ ପାପୁଟି ନରଞ୍ଚି ଆତିହିଁ ମା, ଆତିହିଁ ଏଞ୍ଜାରି ଅଡ଼େ ଜାହାରା ପାପୁ ଗାଟାତମି ଇଞ୍ଜି ଅଣପାଆତେରିମା, ଅଡ଼େ ବାରେ ପୂଜା କିନାୟି ତୁଞ୍ଜିତେମା । ୩ ସାମା ଏଲେକି ଆଆନା ବାର୍ଯା ତାକି ବାର୍ଯା ପୂଜା କିହିମାନାକି ମାଣ୍ଠସିଈଁ ତାନି ପାପୁତି ଅଣପି କିଞ୍ଚିଆହିମାନେ । ୪ ଇତିହିଁ ବାଟା କଡ଼ିତି ନେତେରି ଆପେ କି ଗରିତି ନେତେରି ଆପେ ଏଦି ଏଚେଲାଖା ମା ପାପୁ ମ୍ଲେକହାଲି ଆଡ଼େଏ ।

୫ କ୍ରୀସୁ ଦାର୍ଡିତା ଖାହାନା ଏଲେଇଞ୍ଜାମାତେସି, “ନୀନୁ ପୂଜା ଅଡ଼େ ଦାନା ହାନାଣି ରାହାଁ ଆଆତି, ସାମା ନୀନୁ ନାଙ୍ଗେତାକି ର ଆଜା କେପିତି; ୬ ପାପୁତି ମ୍ଲେକହାଲି ନୀନୁ ହିରୁତା ହୁଡ଼ିନି ପୂଜା ଅଡ଼େ ଜଡ଼ ଡ଼ାକିନାଣି ରାହାଁ ଆଆତି । ୭ ଏଚିବେଲା ନୀନୁ ଏଲେଇଚେଏଁ, ମାହାପୁରୁ, ନୀନୁ ଇମ୍ପାଆଁ ମାଇଁ, ନୀ ଅଣ୍ଠପୁତି କାମା କିହାଲି, ଏନିକିହିଁ ସାସ୍ତେରିତା ନା କାତା ରାସ୍‌କି ଆହାମାନେ ।”

୮ ଏଞ୍ଜାସି ତଲିଏ ଖେସ୍ତେସି, “ନୀନୁ ମାଣ୍ଠସିତି ପାପୁ ମ୍ଲେକହାଲି ପୂଜା କିନାଣି, ଦାନା ଇଞ୍ଜା ଜଡ଼ଡ଼ି ହିରୁତା ହୁଡ଼ନାଣି ଅପିହିଲଅତି; ଏ ବାରେ ନିଙ୍ଗେ ରାହାଁ କିୟାଲି ଆଡ଼େଏ ।” ଇ ବାରେ ପୂଜା ମେରାଲେହେଁ କିଞ୍ଚି ଆହାମାତି ଜିକେଏ, ୯ ଅଡ଼େ ଜିକେଏ ଏଞ୍ଜାସି ଏଲେଇଚେସି, “ମାହାପୁରୁ ମେହ୍ମୁ, ନୀନୁ ନୀ ମନଲେହେଁ କାମା କିହାଲି ଖାହାମାଇଁ” ଏଦାଆଁତାକି ମାହାପୁରୁ ଇ ବାରେ ପୂଜା ଅପାଆନା, ଏଦାଣି ପିସାନା କ୍ରୀସୁତି ପୂଜା ଅପିତେସି । ୧୦ ଜୀସୁ କ୍ରୀସୁ ରଣିଏ ଦେବା କାଲାକାଲାତାକି ତାନି ଆଜାତି ହେରପାନା ମାହାପୁରୁତି ମନତଲେ କାମା କିହାଲିଏ, ତାନି ଏପୂଜାଟି, ମାର ବାରେ ଜାଣାତାୟି ପାପୁଟି ଗେଲପି ଆହାନା ସୁଦୁ ଗାଟାତାୟି ଆହାମାନାୟି ।

୧୧ ଅଡ଼େ ଜିକେଏ ବାରେ ଜୀହୁଦି ପୂଜେରାଜା ବାରେଦିନା ସେବା କାମା କିହାଲି ଅଲେ ଅଲେ ରଲେଏତି ପୂଜା ହାହାଲି ନିନେରି; ଇ ବାରେ ଏଚେଲା ପାପୁ ମ୍ଲେକହାଲି ଆଡ଼େଏ । ୧୨ ସାମା କ୍ରୀସୁ ପାପୁ ତାକି ରଣିଏ ଦେବା ତାଙ୍ଗେ ପୂଜା ଅହାଲି ହେରପାକତିତି ତାୟୁ କାଲେଏତାକି ମାହାପୁରୁ ଟିଃନି ଟଟତା କୁଗିତେସି; ୧୩ ମାହାପୁରୁ ତାନି ସାତୁୟାଈଁ ଏଞ୍ଜାଣି କତାୟା ତୁଇ ଇଟାଆ ପାତେକା ଏଞ୍ଜାସି ଏମ୍ପାଆଁ କାଡ଼ିମାନେସି । ୧୪ ଇତିହିଁ

ଝାଉଁଳ ରଣିଏ ପୂଜା ହୀତି ତାଣାଟି ଏଝାସି ପାପୁଟି ସୁଦୁ ଆହାମାନି ଲକୁଇଁ କାଟେଏ ତାକି ତୀରି କିହାମାନେସି ।

୧୫ ସୁଦୁଜାଝୁ ଜିକେଏ ମାଙ୍ଗେ ସାକି ହୀହାନା ଝେସିମାଞ୍ଜାନେ ।

୧୬ ଇତିହୁଁ ପ୍ରବୁ ଇ କାତା ଏଲେଇଞ୍ଜି ମାନେସି,
“ଏ ଝାନ୍ତି ଦିନା ନାନୁ ଏଝାରିତଲେ ଆମିନି ପୁଃନି ରାଜିମାନା କିଇଁ,

ଏଦି ଇଦି, ନାନୁ ଏଝାରି ହିୟାଁତା ମସାତି ମେରା ହୀଇଁ,
ଇଞ୍ଜା ଏଝାରି ମନତା ଏ ବାରେ ରାଡ଼ିଇଁ ।”

୧୭ ଅଡେ ଏଝାସି ଏଲେଇଞ୍ଜି ମାନେସି, “ନାନୁ ଏଝାରି ପାପୁ ଅଡେ ଲାଗେଏତି କାମାୟା ଏଚେଲାଝା ଝେଣ୍ଡେ ଅଣପଅଁ ।” ୧୮ ଇଦାଆଁତାକି ବାରେ ପାପୁ ଦହ ମେଣ୍ଡିଞ୍ଜିସାରେ ଅଡେ ଏଚେଲାଝା ପୂଜା ହୀହାଲି ଲଡ଼ା ଆଏ ।

ମାହାପୁରୁ ତାଗେ ହାନାୟି

୧୯ ଏଦାଆଁତାକି ଏ ତାୟିୟାଁ ଅଡେ ତାଙ୍ଗିସ୍ତା, ଜୀସୁତି ହାହାମାନାକି ମାର ସୁଦୁ ଟାୟୁତା ହଡ଼ାଲି କାଜା ଅଦିକାରା ବେଟା ଆହାମାନାୟି, ୨୦ ଏଝାସି ଲେଟାମାନି ତାନି ଆଙ୍ଗା ଲେହେତି ଟାଟିନି ହିମ୍ପରି ତଲେ ମାଙ୍ଗେତାକି ର ପୁଃନି ଇଞ୍ଜା ନୀତିନି ଜିରୁ ଦେଟାମାନେସି । ୨୧ ମାହାପୁରୁ ଇଲୁ ନୀର୍ସ ମା କାଜା ପୂଜେରା ତାଣା ମାନେ, ୨୨ ଏଦାଆଁତାକି ଝାଦୁ, ମାର ସୁଦୁ ହିୟାଁ ଅଡେ ଆଟ୍ଝା ନାମୁଟି ମାହାପୁରୁ ନକିତା ହାନ; ଇତିହୁଁ ମାର ନୀର୍ସ ପାପୁ ଅଣପୁଟି ଅଟ୍ଝି ଆହାମାନାୟି ଅଡେ ମା ଆଙ୍ଗା କ୍ରୀସୁତି ନେତେରି ତଲେ ନରଝି ଆହାମାନେ । ୨୩ ମାର ଝେକହାମାନି ଆସା ବାସୁତି ବାଡ଼ୟୁ ତଲେ ଆହନ, ଏନାଆଁତାକି ଇତିହୁଁ ମାହାପୁରୁ ଆଞ୍ଜାମାନେସି, ଏଝାସି ଟିକାଣାତାସି; ୨୪ ଅଡେ ଜୀଝୁ ନଝି ଆହାଲି ଇଞ୍ଜା ନେହୁଁ କାମା କିଝି କିହାଲିତାକି ରଅତାୟି ରଅଣାଇଁ ସାୟେମି କିହାଲି ମନ ହାନ, ୨୫ ଅଡେ ଆମ୍ବା ଆମ୍ବାଆରି ମାହାପୁରୁ କୁଲମି ପ୍ରାତାନାତା ରୁଣ୍ଡା ଆହାଲି ହେଲା ଆନେରି, ମାର ଏଲେକଁ କିଆପ; ସାମା ରଅତାୟି ରଅଣାଇଁ ବାସୁ ହାଝିଆନ, ଏନାଆଁତାକି ଇତିହୁଁ ପ୍ରବୁ ଝାନ୍ତି ଦିନା ତାଗେ ଝାହିମାନେ ଇଞ୍ଜୁଁ ମେସିମାନାୟି ।

୨୬ ମା ନକିତା ସାତା ତଞ୍ଜା ଆଡ଼ି ଜେଟ ମାର ପୁଞ୍ଜି ପୁଞ୍ଜିହୁଁ ପାପୁ କିହିମାନାୟି, ଆଡ଼ିହୁଁ ଏନି ପୂଜା ପାପୁଟି ଗେଲୁପାଲି ଆଡେଏ, ୨୭ ଆଡ଼ିହୁଁ ମାର ଝାହିମାନି କାଜା ନୀହାୟି ନକିତା ମାହାପୁରୁଇଁ ଅପାଆଗାଟି ଲକୁ ତାକି ମାନି ହିରୁତା ନାସା ଆନାଣି ଆଜାନା ତୟିନି ପିସପେ ମାଦି ଅଡେ ଏଟକା ଏନି ତଣ୍ଡ ହିଲେଏ । ୨୮ ଆମ୍ବାଆସି ମସା ମେରାଡ଼ି ମାନଝି ଆଆସାରେ, ଏଝାସି କାର୍ମା ମେସପି ଆଆନା ରିଆରି କି ତାନି ଜାଣା ସାକି ତଲେ ଦହଗାଟାସି ଇଞ୍ଜୁଁ ପୁଞ୍ଜାନା, ଏଝାଣାଇଁ କାର୍ମା ମେହୁଆନା ହାନ୍ତି ତଣ୍ଡ ହୀଝିଆନେ । ୨୯ ଇଞ୍ଜା ଅଣପାଦୁ ଆମ୍ବାଆସି ମାହାପୁରୁ ମାରଏଣାଇଁ କଡ଼ା ତଞ୍ଜ ଝିସାମାନେସି, ପୁଃନି ରାଜିମାନାତି ଆମିନି ନେତେରି ତଲେ ଏଝାସି ସୁଦୁ ଆହାମାଚେସି, ଏଝାଣାଇଁ

ଉଣା ଇଞ୍ଜୁଁ ଅଣପାମାନେସି ଅଡେ କାର୍ମା ହୀନି ଜୀଝୁତି ଅପାହିଲଅସି, ଏଝାସି ଏଚେକା ହାରେଏ ତଣ୍ଡ ବେଟାଆଅସି ! ୩୦ ଇତିହୁଁ ମାର ପୁଞ୍ଜାମାନାୟି, “ବାଦୁଲି ଅନାୟି ନା ଅଦିକାରା, ନାନୁ ତାମି କାମାତି ପାଡେୟି ହୀଇଁ” ଆମ୍ବାଆସି ଇ କାତା ଏଲେଇଞ୍ଜା ମାନେସି, ଏଝାଣାଇଁ ନାନୁ ପୁଞ୍ଜାମାଇଁ, ଅଡେ ଜିକେଏ “ପ୍ରବୁ ତାନି ଲକୁଇଁ ନୀହାୟି କିନେସି ।” ୩୧ ନୀତାମାନି ମାହାପୁରୁ କେୟୁତା ହେରଝିନାୟି ଏଦି ହାରେକା ଆଜିହପେତାୟି ।

୩୨ ସାମା ଉଜେଡ଼ି ମେସି ତାୟୁ ଏରିବେଲାତା ମୀରୁ ହାରେକା ଦୁକୁ କସୁ ବେଟାଆହାନା ହାଉଝି ଆହାହିଲଅଡେରି, ମୀରୁ ଏ ତଲି କାଲାତି ଅଣପାଦୁ; ସାମା ମୀରୁ ଏଚେଲାଝା ହାଉଝି ଆହା ହୀଲଅଡେରି । ୩୩ ରକଝାକି ଅପାଆ ଗାଟାତେରି ଅଡେ କସୁତା ଲାଜା କିଝିଆହିମାଚେରି, ଅଟ୍ଝାକି ଏଲେକିହୁଁଏ ମାହାପୁରୁ ଲେମ୍ପିମାନି ଲକୁତଲେ ଆଣ୍ଡିମାଚେରି । ୩୪ ଇତିହୁଁ ମୀରୁ କାୟିଦି ଗାଟାରି ତଲେ ଆଣ୍ଡାନା ଦୁକୁ ବେଟା ଆହାମାଚେରି, ଅଡେ ମିଙ୍ଗେ ମୀ ହାରେକା ନେହୁଁ କାଲେଏତି ବାଡ଼କୁ ମାନେ, ଇଦାଆଁ ପୁଞ୍ଜାନା ରାହାଁତଲେ ମୀ ଦନ ମାଣ୍ଡାତା ଅନାଣି ମୀରୁ ଅରୁହିମାଚେରି । ୩୫ ଇଦାଆଁତାକି ମୀରୁ, ମୀ ସାସା ପିହୁଆଦୁ ଇତିହୁଁ ଏମ୍ବାଟି ହାରେକା ଦାନା ମାନେ । ୩୬ ମାହାପୁରୁତି ଅଣପୁ ପୁରା କିହାନା ଏଝାସି ଆଞ୍ଜାମାନାଣି ବେଟାଆହାଲି ଆଡ଼ିଦେରି, ଏଦାଆଁତାକି ମୀରୁ ସାସା ଆସାନା ତୟାଦୁ । ୩୭ ଇତିହୁଁ ଦାମ୍ପୁପତିତା ରାସ୍ତକି ଆହାମାନେ,

“ଇତିହୁଁ ହାରେକା ଉଣା ବେଲା ମାନେ,
ଆମ୍ବାଆସି ଝାନାୟି ମାନେ, ଏଝାସି ଝାନେସି;
ଅଡେ ଏଝାସି ଝେଡ଼ା କିସି ।

୩୮ ନା ଦାମ୍ପୁତି ମାଣ୍ଡି ନାମୁତଲେ ନୀତିନାସି,
ସାମା ଆମ୍ବାଆସି ନା ତାଣାଟି ଗୁଟା ଆନେସି,
ଆଡ଼ିହୁଁ ଏଝାଣି ତାଣା ନା ଜୀଝୁ ରାହାଁ ଆଏ ।”

୩୯ ସାମା ଆମ୍ବାଆରି ନାସା ଆହାଲି ଝେଣ୍ଡେ ଗୁଟା ଆନେରି,
ମାମ୍ପୁ ଏଝାରି ଗତିତି ଲକୁ ଆଏ, ସାମା ଆମ୍ବାଆରି ଜୀଝୁତି ଗେଲୁପି ଆହାଲି ନାମିନେରି, ମାମ୍ପୁ ଏଝାରି ଗତିତି ଲକୁତମି ।

୧୧

ନାମୁ

୧ ନାମୁ ଇତିହୁଁ ଆସା କିହିମାନାଣି ବାରେ ସାତେଏ ବେଟାଆନାୟି, ଇଞ୍ଜା ତଞ୍ଜାଆଆଗାଟାୟି ସାତେଏ ମାନେ ଇଞ୍ଜୁଁ ପୁନାୟିଏ ନାମୁ । ୨ ତଲିତି ମା ଆକୁୟାଁ ମାହାପୁରୁଇଁ ନାମାଲିଏ ମାହାପୁରୁ ତାଣା ଝେଞ୍ଜିତେରି ।

୩ *ମାର ନାମୁଟି ପୁନାୟି, ବାରେ ଦାରୁତି ମାହାପୁରୁତି ବଲୁ ତଲେ ଗାଡ଼ି ଆଡେ, ଅଡେ ଏନାୟିଝା ତଞ୍ଜା ଆଆଗାଟି ତାଣାଟି ତଞ୍ଜା ଆନାୟି ଗାଡ଼ି ଆହା ହିଲେଏ ।

୪ ନାମୁଟି ହେବଲ ମାହାପୁରୁ ନକିତା କୟିନ କିହାଁ ନେହୁଁ ପୂଜା ହେରପିତେସି ଇଞ୍ଜା ଏଦାଣି ତଲେ ଏଝାସି

☆ ୧୧:୩ ୧୧:୩ ଜହ ୧:୩

ଦାମ୍ଭିଗାଟାସି ଆଡେସି; ମାହାପୁରୁ ତାନ୍ଧୁ ତାନି ଦାନାତାକି ସାକି ହୀତେସି, ଅଡେ ଏଝାସି ହାଡ଼ି ଜିକେଏ ନୀଞ୍ଜୁପାତେକା ନାମୁଟି କାତା ଆହିମାନେସି ।

୫ ନାମୁଟି ହନକ ହାଆନା ମାହାପୁରୁ ତାଣା ଅଞ୍ଜିଆଡେସି ଇଞ୍ଜା ମେଣ୍ଟିକେସି; ଅଡେ ଏଝାସି ତଞ୍ଜା ଆଆଡେସି, ଇତିହାଁ ମାହାପୁରୁ ଏଝାଣାଇଁ ଅହାନା ମେଣ୍ଟିକିତେସି, ଏଝାସି ମାହାପୁରୁତି ରାହାଁ ଗାଟାସି, ମେଣ୍ଟିକିନି ନଡେଏ ଏଝାସି ଏ କାତା ଖେଞ୍ଜାମାରେସି; ୬ ଅଡେ ନାମୁ ହିଲାଆନା ଆମ୍ବାଆସି ମାହାପୁରୁଇଁ ରାହାଁ କିହାଲି ଆଡ଼ଅସି, ଇତିହାଁ ମାହାପୁରୁ ସାତେଏ ମାନେସି ଇଞ୍ଜା, ଅଡେ ଏଝାସି ତାଞ୍ଜେ ପାରିନାରାଇଁ ତାନି କିତି କାମାତି ପାଡେୟି ହୀନେସି, ଇଦାଆଁ ଏଝାଣି ତାଣା ଖାନ୍ତି ଲକୁ ନାନିନାୟିମାନେ ।

୭ ନାମୁଟି ନହ ଏ ବେଲା ପାତେକା ତଞ୍ଜା ଆଆଗାଟି କାତାତାକି ହୁକୁମି ବେଟାଆହାନା ଆଜିତଲେ ତାନି କୁଟମି ଗେଲପାଲିତାକି ର ଜାଜା କେପିତେସି, ଇଞ୍ଜା ଏ ନାମୁତଲେ ଏଝାସି ଦାରତିତି ଦହ କିହାନା ନାମୁତଲେ ମାହାପୁରୁ ନକିତା ଦାମ୍ଭିଗାଟାସି ଆଡେସି ।

୮ ନାମୁଟି ଅବ୍ରାହାମ ମାହାପୁରୁ ତାଣାଟି ହାଟକି ଆହାଲିଏ, ଆମିନି ଦେସା ଏଝାସି ବେଟାଆହାଲି ହାଜିମାରେସି, କାତା ମାନଞ୍ଜି ଆହାନା ଏମ୍ବାଆଁ ହାଜାଲି ହଡେସି, ଏଝାସି ଏମ୍ବିୟା ହାଜିମାନେସି, ଏଦାଆଁ ଏଝାସି ପୁନାଆନା ଜିକେଏ ହଡ଼ାହାରେସି । ୯ ନାମୁଟି ଏଝାସି ଏଟକା ଦେସାତାରିଲେହେଁ ଆଞ୍ଜାମାନି ଦେସାତା ବାସା କିତେସି, ଏଝାସି ତୁମୁତା ବାସା କିତେସି ଅଡେ ଏଝାଣିଲେହେଁ ମାହାପୁରୁ ଆଞ୍ଜାଲିଏ ଇସାହାକ ଅଡେ ଜାକୁବ ଜିକେଏ ତୁମୁ ଇଲୁତା ବାସା କିତେରି । ୧୦ ଇତିହାଁ ଆମିନି ଗାଡ଼ା କାଲେଏ ତାକି ପୁନାଦି ଲେହେଁ ଅଡେ ମାହାପୁରୁ ତାନ୍ଧୁ ଏ କେପାମାନେସି, ଅବ୍ରାହାମ ଏ ଗାଡ଼ା ବେଟାଆହାଲି କାଟାମାରେସି ।

୧୧ ନାମୁତଲେ ସାରା ବାଞ୍ଜେଣି ଆହାଁ ତାନ୍ଧୁ ଜିକେଏ ଆଞ୍ଜାମାନାଣାଇଁ ଦୁତି ବୁଡ଼ହୁ ଆହାମାଟି ଜିକେଏ ପୁରାମାସା ଆହାଲି ବାଡ଼ୟୁ ବେଟାଆଡେ; ୧୨ ଅବ୍ରାହାମ ଦୁତି ବୁଡ଼ହା ଆହାମାଟି ଜିକେଏ ଏଝାଣି ତାଣାଟି ହାଗୁତି ହୁକାୟାଁ ଅଡେ ସାମ୍ବୁରିତି ବାଞ୍ଜଲି ଲେହେଁ ଏଜିକିହାଲି ଆଡ଼ାଆଗାଟି ର ହାଡ଼େକା କୁଡ଼ା ଜାନ୍ନା ଆଡେରି ।

୧୩ ଏ ବାରେଜାଣା ମାହାପୁରୁଇଁ ନାମାହାଁ ହାଡେରି; ଏଝାରି ମାହାପୁରୁ ଆଞ୍ଜାମାଟାଣି ପୁଞ୍ଜାଆତି ଜିକେଏ ହେକଟି ଏ ବାରେ ମେସାନା ରାହାଁ ଆଡେରି ଇଞ୍ଜା ଦାରତିତା ମାମ୍ବୁ ଚୁଦେସା ଅଡେ ବାସା କିହାମାନମି ଇଞ୍ଜା ଜଲିତେରି । ୧୪ ଇତିହାଁ ଆମିନି ଗାଟାରି ଇଲେତି କାତା ଜଲିନେରି, ଏଝାରି ତାନି ଅଡେ ର ଦେସା ପାରିମାନେରି ଇଞ୍ଜା ଖେସିମାନେରି । ୧୫ ଏଝାରି ଆମିନି ଦେସା ପିସା ଖାହାମାରେରି, ଏ ଦେସାତି ଅଡେ ଅଣ୍ଡି ହିଲାଆଡେରି । ଏଝାରି ଅଣ୍ଡିପିତହାଁ ମା ଏ ଦେସାତା ଖେଣ୍ଡେ ହାଜାଲି ଆଡ଼ିତେରିମା । ୧୬ ସାମା ଏଝାରି ର ହାଡ଼େକା ନେହାଁଣି ଇତିହାଁ ଲାକପୁରୁ ଦେସାତି ଅଣ୍ଡିପିମାରେରି; ଏଦାଆଁତାକି ମାହାପୁରୁଇଁ ଏଝାରି ମା ମାହାପୁରୁ ଇଞ୍ଜା ଖେଞ୍ଜି କିହାଲି

ଲାଜା ଆହା ହିଲାଆଡେରି, ଇତିହାଁ ଏଝାସି ଏଝାରି ତାକି ର ଗାଡ଼ା ତୀରି କିହାମାନେସି ।

୧୭ ନାମୁତଲେ ଅବ୍ରାହାମ ତାୟିପାରି କିଞ୍ଜିଆହାଁ ଇସାହାକଇଁ ପୂଜା କିହାଲି ହେରପିତେସି, ଆମିନି ମାଣ୍ଡସି ଆଞ୍ଜାମାଟାଣି ମୋଡ଼ା ଆହାମାରେସି, ଆମ୍ବାଆରାଇଁ ଏଲେଇଞ୍ଜାମାରେସି, ୧୮ “ଇସାହାକ ତାଣାଟି ନୀ କୁଡ଼ା ଖେଞ୍ଜିନେରି, ଏ ମାଣ୍ଡସି ତାନି ରଣ୍ଡିଏ ମୀରୁଏଣାଇଁ ଡାକିନି ପୂଜା ହୀହାଲି ହାଜିମାରେସି ।” ୧୯ ଇସାହାକଇଁ ମାହାପୁରୁ ହାଡ଼ାରି ତାଣାଟି ଜିକେଏ ନିକହାଲି ଆଡ଼ିମାନେସି ଇଞ୍ଜା ଅଣ୍ଡିପିମାରେସି, ଇଞ୍ଜା ଅବ୍ରାହାମ ସାତେଏ ଇସାହାକଇଁ ହାକିଟି ଖେଣ୍ଡେ ବେଟାଆଡେସି ।

୨୦ ନାମୁତଲେ ଇସାହାକ ଖାହିନି ଦିନାତା ନେହାଁ ଆପେ ଇଞ୍ଜା ଅଣ୍ଡିପାନା ଜାକୁବ ଅଡେ ଏସାଞ୍ଜୁଇଁ ବର ହୀତେସି ।

୨୧ ନାମୁତଲେ ଜାକୁବ ହାନ୍ତି ବେଲାତା ଜସେପତି ରୀ ମୀରକାଣି ବର ହୀତେସି, ଇଞ୍ଜା ତାନି କୁଡ଼ା ବାଡ଼ଗାତା ଗେଣ୍ଡାନା ମାହାପୁରୁଇଁ ଜହରା କିତେସି ।

୨୨ ଜସେପ ହାନ୍ତି ବେଲାତା ନାମୁତଲେ ଇସ୍ରାୟେଲ ଲକୁ ମିସର ଦେସାଟି ହଡ଼ାହାନି କାତା ଖେସେସି । ଇଞ୍ଜା ତାନି ପେଡ଼କା ତୁମ୍ବକା ତାକି ହୁକୁମି ହୀତେସି ।

୨୩ ନାମୁତଲେ ମସାତି ତାଲି ତାଞ୍ଜି ଏଝାଣି ଜାନ୍ନାଆଡ଼ି ଦିନାଟିଏ ଏଝାଣାଇଁ ର ଅକିତି କକାସି ଇଞ୍ଜା ମେସାନା ରାଜା ହୁକୁମି ଆଜାଆନା ତାନି ଲେଞ୍ଜୁ ପାତେକା ଏଝାଣାଇଁ ଡକୁହାନା ଇଟାମାଟୁ ।

୨୪ ମସା ନାମୁତଲେ ପାଡ଼ାଆଡ଼ି ତାୟୁ ପାର ରାଜା ମାଜାମି ମୀରୁଏସି ଇଞ୍ଜା ଖେଞ୍ଜାଲି କୂତେସି । ୨୫ ଗାଡ଼େକା ତାକି ପାପୁ ତଲେ ରାହାଁ ବେଟାଆନାଣି କିହାଁ ମାହାପୁରୁ ଲକୁତଲେ ଦୁକୁ କସ୍ତ୍ର ଅରହିନାୟି ନେହାୟି ଇଞ୍ଜା ଅପିତେସି । ୨୬ ମିସର ବାରେ ଦେସାତି ଦନ କିହାଁ କ୍ରୀସ୍ତୁତି ନିନ୍ଦା ବେଟାଆନାୟି ବାରେକିହାଁ କାଜା ଦନ ଇଞ୍ଜା ଅଣ୍ଡିପିତେସି, ଇତିହାଁ ଏଝାସି ଖାନ୍ତି ଦିନାଣା ବେଟାଆନ୍ତି ଦନତି ସିନିକିତେସି ।

୨୭ ମସା ନାମୁତଲେ ରାଜା କପାତି ଆଜାଆନା ମିସର ଦେସା ପିସାହାରେସି, ଇଞ୍ଜା ଆମ୍ବାଆସି ମେହୁଆଗାଟି ମାହାପୁରୁଇଁ ମେସିଲେହେଁ ଅରହାନା ତୁୟିତେସି । ୨୮ ନାମୁତଲେ ଏଝାସି ପିସିଆନ୍ତି ପାରୁତି ଅଡେ ନେତେରି ଡାଞ୍ଜିନି ମୋରା ମାନଞ୍ଜି ଆଡେସି, ଏନିକାଁ ପାଣ୍ଡା ମୀରକାଣି ପାୟିନାସି ଇସ୍ରାୟେଲ ମୀରକାଣି ତୀରେଏ ।

୨୯ ଇସ୍ରାୟେଲ ଲକୁ ନାମୁତଲେ ଖାୟିତି ବୁନିତା ତାକିନି ଲେହେଁ ସୁପ ସାମ୍ବୁରି ଗାଣ୍ଡେରି, ସାମା ମିସର ଦେସାତାରି ଏଲେକାଁ ଗାଣ୍ଡାଲି ଅଣ୍ଡିପାନା ସାମ୍ବୁରିତା ମୁଞ୍ଜାନା ହାଡେରି ।

୩୦ ଇସ୍ରାୟେଲ ଲକୁ ନାମୁତଲେ ସାତା ଦିନା ପାତେକା ଜିରିହ ଗାଡ଼ାଟି କଟା ସାରିସ୍ତୁଟୁ ରେତିତାୟୁ ବିଡ଼ହାହାତେ । ୩୧ ନାମୁତଲେ ରାହାବ୍ ଦାଡ଼େଣି ଦେସା ସିନିକିହାଲି ମେଣେଏ ଖାହାମାଟାରାଇଁ ଟାୟୁ ହୀତାକି ମାହାପୁରୁଇଁ

ମାନଙ୍କି ଆଆଗାଗାରି ତଲେ ନାସା ଆଆନା ହିଡ଼ି ବେଟାଆଡେ ।

୩୭ ଅଡେ ଆଗାଡା ଏନାଆଁ ଖେସ୍ତାଇଁ, ଗିଦିୟନ, ବାରକ୍, ସାମସନ୍, ଜିପ୍ରହ, ଦାସ୍ତୁଦ, ସାମୁୟେଲ ଅଡେ ମାହାପୁରୁ ଅଣ୍ଟପୁତି ବଲୁ ଖେହ୍ନାରି କାତା ମିଙ୍ଗେ ଖେସାଲି ବେଲା ହାଲେଏ । ୩୮ ନାମୁତଲେ ଏଝାରି ହାରେକା ରାକ୍ରିୟାଣି ଜୁଜୁ କିହାନା ଜୀଣା ଆଡେରି, ଦାମ୍ବୁକାମା କିତେରି, ମାହାପୁରୁ ଆଞ୍ଜାମାନାଣି ବେଟାଆଡେରି, ସିହଁ କ୍ଷାନ୍ନିୟାଁ ଗୁଡି ମୁଦା କିତେରି । ୩୯ ଏଝାରି ଆଜିହପେତି ତୀଞ୍ଜିନି ହିଡୁ ତୁପହେରି, ଟୁଣ୍ଡି ତାଣାଟି ପିସପିଆଡେରି, ଏଝାରି ବାଡ଼ୁୟୁ ହିଲାଆ ବେଲାତା ବାଡ଼ୁୟୁ ବେଟାଆଡେରି, ଜୁଜୁତା ଜୀଣା ଆଡେରି, ଅଡେ ମାହାପୁରୁଇଁ ନାମାଆତାରି ଜୁଜୁକିନି କସ୍କାଣି ଜୀଣାଆହାନା ପେରହାତୁସ୍ତେରି । ୪୦ ନାମୁଟି ଆୟାସିକା ତାମି ଲକୁ ବିତ୍ରାଟି ହାଡାରେଇଁ ନିପକି ଆହାନା ଖେଣ୍ଡେ ବେଟାଆଡୁ; ଏତରଜାଣା ଖେଣ୍ଡେ ନିଜିନାଣି ମେଡା ଆହାଲିତାକି ଗେଲପି ଆହାଲି ମନ୍ କିଆନା ଆଜିହପେତି କସ୍ତ ବେଟାଆଡେରି । ୪୧ ଏତର ଜାଣାଇଁ ନିନ୍ଦା କିହାନା କାକହେରି, ଏତର ଜାଣାଇଁ ସାଟ୍ଟି ତ୍ଵରି ତଲେ ଖେଡେରି, ଏତର ଜାଣାଇଁ ହିକ୍ଵିୟାଁ ତଲେ ଦସାନା କାୟିଦି ଇଲୁ ତାଣାଟି ତାୟିପାରି କିଝି ଆଡେରି । ୪୨ ଆମ୍ବାଆରି ଝାଲକାତଲେ ପାୟୁଝି ଆଡେରି, ଆମ୍ବାଆରି କରତ ତଲେ ରୀ ଗାଣ୍ଡୁ । କିହଁ ରାଡପିଆଡେରି, ଇଞ୍ଜା କାଣ୍ଡାତଲେ ପାୟୁଝି ଆଡେରି, ଆମ୍ବା ଆମ୍ବାଆରି ମେଣ୍ଡା ଅଡେ ଗରି ତଲକା, ହୁଟାନା ରାନ୍ଦାକୁଟା ବେଟାଆଆନା କସ୍ତ, ଲାଗି ବେଟାଆହଁ ଇତାଲା ଆତାଲା ରେତେରି । ୪୩ ଏଝାରି ଦେସାଟି ଲକୁ ହିଲାଆ ତାଣା, ହରକାଣା, ପାଝୁୟାଣା ଅଡେ ଗାଣ୍ଡାଣା ବାସା କିତେରି; ଦାର୍ଡିତି ଏଝାରାକି ନୀତାଲି ଜଗେ ହିଲାଆଡେ ।

୪୪ ଏଝାରି ନାମୁତଲେ ଇ ବାରେ ନେହଁ ଖେଙ୍ଗାମାଟି ଜିକେଏ ଆଞ୍ଜାମାଟାଣି ବେଟାଆଆଡେରି, ୪୫ ଇତିହଁ ମାହାପୁରୁ ମାଙ୍ଗେତାକି ହାରେକା ନେହଁଣି କିହଁ ଇଟାମାନେସି, ଏନିକଁ ଏଝାରି ମା ତଲେ ଏନିକଁ ତୀରି ଆନେରି ଇଞ୍ଜାଁ ମାହାପୁରୁତି ଅଣ୍ଟପୁ ମାଟେ ।

୧୨

ମାହାପୁରୁ ମା ଆବା

୧ ଇଦାଆଁତାକି ଇଚେକା କାଜା ହାଗୁଲେହେଁ ସାକି ହାହାମାନାରି ମା ସାରିସୁଟୁ ମାନାକି, ଝାଦୁ ମାର ବାରେତି ବଜୁ ଅଡେ ଆଙ୍ଗାମାଞ୍ଜାନି ପାପୁ ପିସାନା ନାମୁତା ନକିନାସି ଅଡେ ତୀରିକିନି ଜୀସୁଇଁ ସିନିକିହାନା ସାସାତଲେ ମା ନକିତା ତୀରିଆହାମାନି ଗାୟୁତା ହଣ୍ଡନ । ୨ ମା ନାମୁ ତାକି ନକିନାସି ଅଡେ ନାମୁତା ବାସ୍ତୁକିନି ଜୀସୁଇଁ ମାର ସିନିକିନ । ଏଝାସି ନକିତା ମାନି ରାହଁ ବେଟାଆହାଲି ପାସି ମୁଣ୍ଡାତା ଲାଜା ବେଟାଆହାନା ହାନି ପାତେକା ଅରୁହତେସି ଇଞ୍ଜାଁ ଏଝାସି ନୀର୍ବ ମାହାପୁରୁ ସିଂଗାସାଣି ଟିଝନି ଚଟତା କୁଗାମାନେସି ।

୩ ମାରୁ ଏନିକଁ ମୀ ମନତା ଝାହୁ ଝାହୁଅଡେରି; ଇଦାଆଁତାକି ପାପୁ ଗାଗାରି ତାଣାଟି ତାନି କପାଟି ଏଚେକା କସ୍ତ ଅରୁହତେସି, ଏଝାଣି କାତା ମାରୁ ଅଣ୍ଟପୁ । ୪ ମାରୁ ପାପୁ କପାଟି ଜୁଜୁ କିହାନା ନୀର୍ବ ପାତେକା ମୀ ନେତେରି ହାନି ପାତେକା ଆଙ୍ଗା ହିଲଅଡେରି । ୫ ମାହାପୁରୁ ମିଙ୍ଗେ ମୀରକାତେରି ଲେହେଁ ଖେସାମାଞ୍ଜାନି, ସାସାହାନି କାତା ବାଣାଆଡେରି କି ?

“ଏ ନା ମୀରୁଏଣାଟି, ପ୍ରବୁ ସାଲଝି କିୟାନାଣି ଉଜେଏତାୟି ଇଞ୍ଜାଁ ଇନାଆନି, ଆଆତଁ ଏଝାଣି ତାଣାଟି ଦାକା ବେଟାଆଡିସାରେ ସାସା ପିହୁଆନି;

୬ ଏନାଆଁତାକି ଇତିହଁ ପ୍ରବୁ ଆମ୍ବାଆରାଇଁ ଜୀଝୁ ନନେସି, ଏଝାଣାଇଁ ଜାଗ୍ରାତା କିହଁ ଜାପୁନେସି ଅଡେ ଆମିନି ମୀରୁଏଣାଇଁ ଆବିନେସି, ଏଝାଣାଇଁ ସାସ୍ତି ହୀନେସି ।”

୭ ନେହଁତେରି ଆହାଲି କସ୍ତ ଅରୁହି ମାଞ୍ଜେରି, ମାହାପୁରୁ ମିଙ୍ଗେ ମୀରକା ଲେହେଁ ଲେନ୍ଦିମାଞ୍ଜାନେସି, ଇତିହଁ ଆବା ଆମ୍ବାଆରାଇଁ ତଣ୍ଡୁ ହୀଅସି ଇଲେତି ମୀରୁଏସି ଆମ୍ବାଆସି ମାନେସି ? ୮ ସାମା ଆମିନି ତଣ୍ଡୁତା ବାରେ ଆଣ୍ଡିନେରି, ଇଞ୍ଜାଁ ମୀରୁ ଏମ୍ବାଆଁ ଆଣ୍ଡାଆତାତେରି, ଆତିହଁ ମୀରୁ ମୀରକା ଆଆନା ଦାରେଣି ମୀରକା ଆଡେରି । ୯ ଅଡେ ଜିକେଏ, ମା ଦାର୍ଡିତି ତାଞ୍ଜିୟାଁ ମାଙ୍ଗେ ସାସ୍ତି ହୀୟାତି ଜିକେଏ ଏଝାରାଇଁ ମାର ମାନି କିତାୟି, ଆତିହଁ ମା ଲାକପୁରୁତି ଆବାଇଁ ଏଚେ ହାରେକା ମାନଝି ଆହାନା ଜୀଝୁ ବେଟା ଆଆୟି ? ୧୦ ମା ଦାର୍ଡିତି ତାଞ୍ଜିୟାଁ ତାମି ଅଣ୍ଟପୁତା ନେହଁ ଆନିଲେହେଁ ମାଙ୍ଗେ ଗାଡେକା ଦିନାତାକି ସାସ୍ତି ହିୟାତେରି; ସାମା ମାର ଏନିକଁ ମାହାପୁରୁତି ସୁଦୁତା ଆଣ୍ଡାଲି ଆଡିନାୟି, ଇଦାଆଁତାକି ମାହାପୁରୁ ମା ନେହଁ ତାକି ମାଙ୍ଗେ ତଣ୍ଡୁ ହିୟାନେସି । ୧୧ ମାର ସାସ୍ତି ବେଟାଆନାୟି ରାହଁଗାଟାୟି ଆଆନା ଦୁକୁ ଗାଟାୟି ଆନେ, ଆଡିଜିକେଏ ଆମିନି ଗାଗାରି ଏମ୍ବାଟି ଜାପାମାନେରି, ତାୟୁ ଏଝାରାକି ହିଡ଼ିତି ପାଡେୟି ଲେହେଁ ଦାମ୍ବୁତି ପାଡେୟି ବେଟାଆନେରି ।

ଖେହ୍ନାୟି ଇଞ୍ଜାଁ ଜାଗ୍ରାତା କିନାୟି

୧୨ ଇଦାଆଁତାକି ମାରୁ ବାଡ଼ୁୟୁ ହିଲାଆ କେସ୍ତା ପେର୍ଦୁ ଅଡେ ବାଡ଼ୁୟୁ ହିଲାଆ ମେଣ୍ଡାୟାଁ ବାଡ଼ୁୟୁ କିଦୁ । ୧୩ ସଲକେ ଜିରୁତା ତାକାଦୁ; ଆତିହଁ, ମୀ ସଟା ଆଡି କତା ଆଡାଆଗାଗାୟି ଆଆନା ନେହଁ ଆନେ ।

୧୪ ବାରେଜାଣା ତଲେ ହିଡ଼ି ତଲେ ମାଞ୍ଜାଲି ଅଣ୍ଟପାଦୁ, ଅଡେ ସୁଦୁଗାଟାସି ଆଆନା ଆମ୍ବାଆସି ପ୍ରବୁଇଁ ମେସାଲି ଆଡଅସି, ଏମ୍ବାଆଁ ତୀରେତଲେ ସିନିକିଦୁ । ୧୫ ଏଡେତା ଆମ୍ବାଆସି ମାହାପୁରୁତି କାର୍ମାମେହ୍ନି ତାଣାଟି ନସ୍ତ ଆନେସି ଇଞ୍ଜାଁ ଏନି କାମ୍ବେଲି ତାକି ନେୟାନା ପାତା ଆହଁ ମିଙ୍ଗେ ନସ୍ତ କିୟାନେ ଅଡେ ଏମ୍ବାଟି ହାରେକା ପଲୁଆ ଗାଗାରି ଆନେରି; ୧୬ ଏସାଝୁ ଲେହେଁ ଆମ୍ବାଆସି ଦାରିଗାଟାସି କି ଦାମ୍ବୁ ହିଲାଆଗାଟାଣି ଲେହେଁ ଆଆପେସି; ଏଝାସି ର

ଅଲିତି ରାନ୍ଧା ତାକି ତାନି କାଜା ମୀରଏଣି ପାଣା ପାରବା ମାରେସି । ୧୭ ମୀରୁ ଏଦାଆଁ ପୁଞ୍ଜାମାଞ୍ଜେରି, ତାୟୁ ଏଞ୍ଜାସି ଆବା ତାଣାଟି ବର ବେଟାଆହାଲି ଅଣପିତହିଁ ଜିକେଏ ବେଟାଆହାଲି ଆଡ଼ାଆଡେସି, ଅଡେ ମନ ଖେଟହାଲି ତାକି କାଣ୍ଡୁ ବକହିଁଁ ପାରାଲି ଅଣପିତେସି ଆଡ଼ିଜିକେଏ ଏଦାଆଁ କିହାଲି ପାରୁ ବେଟାଆଆଡେସି ।

୧୮ ଇସ୍ରାୟେଲତି ଲକୁ ଲେହେଁ ମୀରୁ ସିୟନ ହରୁତା ଡ଼ାଞ୍ଜିମାଟି ହିରୁ, କିଟିକିଟି ଆନ୍ଦେରି, ରୁଞ୍ଜାଗାଲି, ୧୯ ତୀଡ଼ି ଡ଼କିନି ହାଡ଼ା ଇଞ୍ଜା କାତା ଖେହନି ହାଡ଼ା ତାଗେ ଖାଆଡେ, ଖେନାରି ଏ ହାଡ଼ା ଖେଞ୍ଜାନା ଏନିକିଁ ଏଞ୍ଜାରାକି ଅଡେ ଏନି କାତା ଖେସପି ଆଏ, ଇଦାଆଁ ବାଡ଼ିମାଲ୍ଲା ମାରେରି; ୨୦ “ଇତିହିଁଁ ଏନି ଜନ୍ତ ଜିକେଏ ଏ ହରୁତି ଡ଼ାଗିନେ, ଆଡ଼ିହିଁଁ ଏଦାନି ଖାଲକାତଲେ ଇରହାନା ପାୟିଞ୍ଜିଆନେ ।” ଇ ଆମିନି ହୁକୁମି ହାପକି ଆହାମାରେ, ଏଦାଆଁ ଏଞ୍ଜାରି ଅରହାଲି ଆଡ଼ାଆଡେରି; ୨୧ ଏଡ଼ି ଆଜିହପେ ତଞ୍ଜା ଆହିମାଚାକି ମସା ଜିକେଏ ଏଲେଇଚେସି, “ନାନୁ ଜିକେଏ ଆଜିତାକି ତୀରଗିମାଲ୍ ।”

୨୨ ସାମା ମୀରୁ ସିୟନ ହରୁ ଅଡେ ନୀତାମାନି ମାହାପୁରୁତି ଗାଡ଼ା, ଇତିହିଁଁ ଲାକପୁରୁତି ଜିରୁସାଲମତା, ହାରେକା ଦୂତୁୟାଁ ଖାହାମାରେରି ଏମ୍ବାଆଁ ଖାହାମାଞ୍ଜେରି । ୨୩ ଅଡେ ଏ ପାଣ୍ଡା ମୀରକାତି କୁଲମି ଆମ୍ବାଆରି ଦରୁ ଲାକପୁରୁ ରାସକି ଆହାମାନେ ଅଡେ ବାରେତି ନୀହାୟି କିନି ମାହାପୁରୁ ନକିତା ତୀରିକିଞ୍ଜି ଆହାମାନି ଦାମୁତି ଜୀଞ୍ଜୁୟାଁ । ୨୪ ପୁଞ୍ଜି ରାଜିମାନା ମାଦିତି ଜୀସୁ, ଇଞ୍ଜା ଆମିନି ଡ଼ାଞ୍ଜାମାନି ତାନି ନେତେରି, ହେବଲ ନେତେରି କିହାଁ ହାରେକା ନେହିଁଁ, ଏ ନେତେରି ତାଗେ ଖାହାମାଞ୍ଜେରି ।

୨୫ ହେଶୁ ଆମ୍ବାଆସି କାତା ଖେସିମାଞ୍ଜାନେସି ଏଦାଆଁ ଖେନଅମି ଇନାଆଦୁ, ଇତିହିଁଁ ଆମ୍ବାଆସି ଦାରତିତା ହୁକୁମି ହାଡେସି, ଏଞ୍ଜାଣାଲ ତାକି ଗେଲପି ଆଆଡେରି, ଆଡ଼ିହିଁଁ ଆମ୍ବାଆସି ଲାକପୁରୁତି ହୁକୁମି ହାହିମାଞ୍ଜାନେସି, ଏଞ୍ଜାଣି ତାଣାଟି ଏଟକା ହାଟିସାରେ ମାର ଗେଲପିଆଆୟି, ଇଦି ଏଚେକା ସାତା ଆଏ ? ୨୬ ଏତିବେଲା ଏଞ୍ଜାଣି ହାଡ଼ା ଦାରତିଲ୍ ଖୀଟହେ, ସାମା ନୀର୍ବ ଏଞ୍ଜାସି ପାରମାଣା କିହାଁ ଖେସାମାଞ୍ଜାନେସି, “ନାନୁ ଅଡେ ଖେଶ୍ଟେ ଖୀରଇ ଦାରତିଲ୍ ଖୀଟଲ୍, ଏଡ଼ି ଆଏ ସାମା ହାଗୁ ପାକାଲ୍ ଜିକେଏ ଖୀଟଲ୍ ।” ୨୭ ଅଡେ ଖେଶ୍ଟେ ଇଞ୍ଜା ଇନି ତାଣାଟି ଇଦାଆଁ ପୁଞ୍ଜିମାନାୟି, ଆଟ୍ଞା ଗାଟାୟି ଡ଼ୟାଲି ତାକି ଖୀଡ଼ିନାୟି, ଇତିହିଁଁ ଗାଡ଼ି ଆହାମାନାୟି ବାରେ ତିରି ମୀଶନେ ।

୨୮ ଇଦାଆଁତାକି ଖାଦୁ ଖୀତାଆଗାଟି ରାଜିତି ବେଟାଆହାନା ମାର ଏ କାର୍ମାଟି ପିହୁଆପ ଇଞ୍ଜା ରାହାତଲେ ଆଜି ଅଡେ ମାନିଟି ମାହାପୁରୁ ରାହାଁ ଆନିଲେହେଁ ଜହରା କିନି । ୨୯ ଏଦାଆଁତାକି ଇତିହିଁଁ ମା ମାହାପୁରୁ ନାସାକିନି ହିରୁ ଲେହେଁତାସି ।

୧ କ୍ରୀସ୍ତାନା ତାୟିୟାଁ ଅଡେ ତାଜିସ୍ତା ରଅତେରି ରଅଣାଲ୍ ଜୀଞ୍ଜୁ ନଞ୍ଜୁ । ୨ ପୁନାଆତି ଗତାୟାଁଣି ସେବା କିହାଲି ବାଣା ଆଆଦୁ, ଇତିହିଁଁ ଏଲେକିତାକି ଏଚରଜାଣା ପୁନାଆନା ଲାକପୁରୁତି ଦୂତୁୟାଁଣି ସେବା କିହାମାନେରି । ୩ କାୟିଦିତା ମାନାରାଲ୍ ମୀରୁ ଏଞ୍ଜାରିତଲେ କାୟିଦିତା ମାନି ଲେହେଁ ଅଣପାଦୁ ଇଞ୍ଜା ଆଙ୍ଗା ତଲେ ମାନାକି ଦୁକୁ କସୁ ବେଟାଆହିମାନାରି ତଲେ ସମାନା ଦୁକୁ କସୁ ବେଟାଆହାଲି ଅଣପାଦୁ ।

୪ ବୀହା ବାରେ ଲକୁ ନକିତା ନେହାୟି ଆପେ, ଇଞ୍ଜା ତକ୍ତି ଅଡେ ତକ୍ତା ମାନି ତଲେ ଡ଼ୟାପୁ, ଏନାଆଁତାକି ଇତିହିଁଁ ମାହାପୁରୁ ଲାଗେଏତି କାମା ଅଡେ ଦାରିକାମା କିନାରାଲ୍ ନୀହାୟି କିନେସି ।

୫ ତାକିନି ତାକୁତା ଦନ ଜୁପକା ଆଆଦୁ, ମିଙ୍ଗେ ଏନାୟି ମାନେ, ଏମ୍ବାଆଁ ରାହାତଲେ ମାଞ୍ଜୁ, ଇତିହିଁଁ ମାହାପୁରୁ ଏଲେଇଞ୍ଜା ମାନେସି, “ନାନୁ ନିଙ୍ଗେ ଏଚେଲାଞ୍ଜା ପିସୁଅଁ, ନାନୁ ନିଙ୍ଗେ ଏଚେଲାଞ୍ଜା ବାଣାଆୟଅଁ ।” ୬ ଇଦାଆଁତାକି ମାର ସାସାତଲେ ଏଲେଇଞ୍ଜାଲି ଆଡ଼ିନାୟି, “ପ୍ରୁ ନା ସାୟେମି ଆନାସି, ନାନୁ ଇଚାଣି ଆଜଅଁ,

ମାଣସି ନାଙ୍ଗେ ଏନାଆଁ କିହାଲି ଆଡ଼ାନେସି ?”

୭ ଆମିନି ଗାଟାରି ମିଙ୍ଗେ ମାହାପୁରୁତି ବକୁ ଖେସାମାଞ୍ଜାତେରି, ମୀରୁ ଏଲେତି କାଜାରାଲ୍ ମାନି କିଦୁ; ଏଞ୍ଜାରି ଏନିକିଁ ନୀତାମାରେରି ଇଞ୍ଜା ହାଡେରି, ଏଦାଆଁ ଅଣପାନା ଏଞ୍ଜାରି ନାମିତି ଲେହେଁ ମୀରୁ ଜିକେଏ ନାମାଦୁ । ୮ ଜୀସୁ କ୍ରୀସ୍ତ ରେଞ୍ଜଏନି, ନୀଞ୍ଜୁ ଅଡେ କାଲେଏ ତାକି ସମାନା ଡ଼ୟିନେସି । ୯ ଏଟକା ଅଡେ ଅର ରଲେତି ଜାପୁନି ତାଣା କିଲିବିଲି ଆଆଦୁ, ଇତିହିଁଁ ତିନି ରାନ୍ଧାତା ଆଏ, ସାମା ମାହାପୁରୁ କାର୍ମାଟି ହିୟାଁ ତୀରି ଆନାୟି ନେହେଁ; ଆମିନି ଗାଟାରି ତିନି ରାନ୍ଧାତି ମେରା ମାନଞ୍ଜି ଆନେରି, ଏଞ୍ଜାରାକି ଏନି ଲାବା ଆଏ ।

୧୦ ମା ଇଲେତି ର ପୂଜାପିଣ୍ଡା ମାନେ, ଆମିନି ପୂଜା ପିଣ୍ଡାତି ଦିଶସୁଲ୍ ତୁମୁ ଇଲୁତା ସେବାକିନି ପୂଜେରାଙ୍ଗା ତିଞ୍ଜାଲି ଅଦିକାରା ହିଲେଏ । ୧୧ ଇତିହିଁଁ ଜୀହୁଦିୟାଁତି କାଜା ପୂଜେରା ପାପୁ ତାକି ହେରପାମାନି ଜନ୍ତତି ନେତେରି ସୁଦୁ ଚୀୟୁତା ଅନେସି; ସାମା ଏ ଜନ୍ତତି ଆଙ୍ଗା ବାରେ ସାମ୍ବା ପାଙ୍ଗାତା ତାଚାହାଁ ହୁଡ଼ଞ୍ଜିଆନେ । ୧୨ ଇଦାଆଁତାକି ଜୀସୁ ଜିକେଏ ତାନି ନେତେରି ତଲେ ଏନିକିଁଁ ଲକୁଣି ସୁଦୁ କିନେସି, ଇଦାଆଁତାକି ଗାଡ଼ା ପାଙ୍ଗାତା ହାଡେସି । ୧୩ ଇଦାଆଁତାକି ଖାଦୁ, ମାର ଜିକେଏ ଏଞ୍ଜାଣିଲେହେଁ ନିନ୍ଦା ଅରହାନା ଗାଡ଼ା ପାଙ୍ଗାତା ଏଞ୍ଜାଣି ତାଣା ହାନ । ୧୪ ଏନାଆଁତାକି ଇତିହିଁଁ ଇମ୍ବାଆଁ ବାରେ ଦିନାତାକି ମାଙ୍ଗେ ଡ଼ୟିନି ଗାଡ଼ା ହିଲେଏ, ସାମା ମାର ତାୟୁ ଖାହିମାନି ଗାଡ଼ାତି ବେଟାଆହାଲି ପାରିମାନାୟି । ୧୫ ଇଦାଆଁତାକି ଖାଦୁ, ମାର ଜୀସୁ ତାଣାଟି ମାହାପୁରୁଲ୍ ଜହରାତି ପୂଜା କିନ, ଇତିହିଁଁ ତାନି ଦରୁ ଜଲିମାନି ଗୁଡ଼ିତି ବାରେଦିନା ହେରପିନ । ୧୬ ଏଟକା ତାରାଲ୍ ସାୟେମି କିହାଲି ବାଣା

୧୩

ମାହାପୁରୁଲ୍ ରାହାଁ କିନାୟି

ଆଥାପୁ, ଇଚିହଁ ଇଲେତି ପୂଜା କାମାତା ମାହାପୁରୁ ରାହଁ
ଆନେସି ।

^{୧୭} ମୀ କାଜାରାଇଁ ମାନୁଞ୍ଜି ଆହାନା ଏଞ୍ଜାରାଇଁ ମାନି କିଦୁ,
ଇଚିହଁ ଆମିନି ଗାଟାରି ମାହାପୁରୁକି ଲେକା ହାନାୟି
ମାନେ, ଏଞ୍ଜାରିଲେହେଁ ଏଞ୍ଜାରି ମୀ ଜୀଞ୍ଜୁତି କାଡ଼ିମାନେରି,
ଏନିକଁ ଏଞ୍ଜାରି ଏଦାଆଁ ଦୁକୁ ତଲେ କିଆନା ରାହଁତଲେ
କିହାଲି ଆଡ଼ିନେରି; ଦୁକୁ ତଲେ କିତିସାରେ ମିଙ୍ଗେ ଏନି
ଲାବା ହିଲେଏ ।

^{୧୮} ମାଙ୍ଗେତାକି ପ୍ରାତାନା କିଦୁ, ଇଚିହଁ ମା ନାମୁ ମାନେ,
ମା ଅଣ୍ଡପୁ ନେହାୟି ଆପେ, ଅଡ଼େ ବାରେ କାମାତା ନେହଁ
ମାଣକି ଆହାଲି ମାମୁ ଅଣ୍ଡପିମାନମି । ^{୧୯} ଅଡ଼େ ନାନୁ
ମୀ ତାଣା ଏନିକଁ ତବେ ଖାୟାଲି ଆଡ଼ିଇଁ, ଏଦାଆଁତାକି
ମାହାପୁରୁ ତାଣା ପ୍ରାତାନା କିହାଲି ନାନୁ ମିଙ୍ଗେ ହାରେକା
ବାଡ଼ିମାଲିମାଞ୍ଜାଇଁ ।

ରାନ୍ତି ପ୍ରାତାନା

^{୨୦} ଆମିନି ହିଡ଼ି ହିୟାନି ମାହାପୁରୁ କାଲ୍ଲକାଲ୍ଲା ଡ଼ୟିନି
ରାଜିମାନାତି ନେତେରି ତାକି, କାଜା ମେଣ୍ଡା ଗଡ଼ୁ ଇଚିହଁ
ମା ପ୍ରୁ ଜୀସୁଇଁ ହାଡ଼ାରି ତାଣାଟି ନୀଚ୍‌ହା ମାନେସି;
^{୨୧} ଏଞ୍ଜାଣି ନକିତା ଏନାୟି ନେହାୟି, ଏଦାଆଁ ଏଞ୍ଜାସି ମା
ହିୟାତା ଜୀସୁ କ୍ରୀସ୍ତ ତାଣାଟି ରାପୁହାନା ତାନି ମନଲେହେଁ
କିହାଲି ମିଙ୍ଗେ ବାରେ ନେହଁ କାମା କିୟାପେସି ।
ଏଞ୍ଜାଣାକି କାଲ୍ଲକାଲ୍ଲାଟି ଗାଞ୍ଜୁରମି ଆପେ ! ଆନେମନ୍ ।

ଆକୁତି ରାନ୍ତି କାତା

^{୨୨} ଏ ତାୟି ତାଙ୍ଗିସ୍ତା, ନାନୁ ମିଙ୍ଗେ ବାଡ଼ିମାଲିମାଞ୍ଜାଇଁ, ଇ
ଜାଗ୍ରାତା କିଞ୍ଜିକିନି କାତା ସାସା ଇଟାନା ମନ୍ ହୀଦୁ, ଇଞ୍ଜା
ନାନୁ ରାହଁ କିହାଲି ଇ ଡ଼ଣା ଆକୁ ମିଙ୍ଗେ ରାଚାମାଇଁ ।
^{୨୩} ମା ତାୟି ତିମତି କାୟିଦିତି ତବେ ପିସ୍‌ପି ଆହାମାନେସି
ଇଞ୍ଜଁ ପୁଞ୍ଜେରି, ଏଞ୍ଜାସି ତବେ ଖାଡ଼ିସାରେ ଏଞ୍ଜାଣିତଲେ
ନାନୁ ମୀ ତାଣା ବେଚିଞ୍ଜାହାଲି ଖାଇଁ ।

^{୨୪} ମୀ ବାରେ କାଜାରାଇଁ ଅଡ଼େ ମାହାପୁରୁ ଲକୁଇଁ
ଜହରା ଖେହ୍‌ଦୁ । ଏମିନି ତାୟିୟା ଇଟାଲି ଦେସାଟି
ଞ୍ଜାହାମାନେରି, ଏଞ୍ଜାରି ମିଙ୍ଗେ ଜହରା ଖେସିମାଞ୍ଜାନେରି ।

^{୨୫} ମାହାପୁରୁତି କାର୍ମାମେହ୍‌ନାୟି ବାରେତେରି
ମିଙ୍ଗେତାକି ଆୟାପେ ।

ଯାକୁବଙ୍କ ପତ୍ର ଜାକୁବ ରାଜାମାନି ଆକୁ ମୁକୁ ହାଡ଼ା

ଇ ଜାକୁବ ପତିତି ଜାକୁବ ଇନାସି ରାଜାମାରେସି । ଏଞ୍ଜାସି ଜୀସୁ କ୍ରୀସୁ ତାୟି ଆହାମାଣମିନେସି, ଏମ୍ବାଆସିକି କୁଲମିତି ସାଲୁକି କିନାସି ଅଡ଼େ ଜିରୁସାଲମତା ବେରଣି କିନାସି ମାରେସି କାମା ୧୫:୧୩ । ପାଞ୍ଜୁଲ ଗାଲା ୨:୯ ଜାକୁବଇଁ କୁଲମିତି “ତୁଡ଼ିୟା ମୁଣ୍ଡା” ଇଞ୍ଜାମାନେସି । ଜୀସୁ କ୍ରୀସୁ ଜାର୍ନାଆଡ଼ି ୫୦ ବାସୀ ତାୟି ଇ ଜାକୁବ ପତି ରାସ୍ତା ଆହାମାରେ ଇଞ୍ଜୁ ବୁଦିଗାଟାରି ଏଲେ ଇଞ୍ଜିମାନେରି । ଜାକୁବ ଜିରୁସାଲମତି କୁଲମି ସାଲୁକି କିନାସି ମାଟିବେଲାତା ଇ ପତିଇଁ ରାଜାମାରେସି ।

ଜାକୁବ ତାନି ପତିତା “ଇତାଲା ଆତାଲା ଦେସାଣା ରାଞ୍ଜାଣା ବିଚାଣା ଆହାମାନି ବାର ଗଟା କୁଲୁ ଲକୁ” କାତା ରାଜାମାନେସି ୧:୧ । ଜାକୁବ ଝେହ୍ନି କାତା ବାରେ କ୍ରୀସ୍ତାନା ଲକୁକି ଲଡ଼ାମାନେ ସାମା “ବାର ଗଟା କୁଲୁ ଲକୁ” ଇତିସାରେ ଜୀହୁଦି କ୍ରୀସ୍ତାନା ଲକୁ । ଏନାଆଁତାକି ଇତିହୁଁ ଇ ପତି ପଡ଼ିଆନି ବାରେ ଲକୁତାକି ହାରେକା କାତା ଏପହାଲି ତାକି ରାସ୍ତା ଆହାମାନେ । ଜାକୁବ ନାମୁ ଅଡ଼େ କାମାତି କାତା ଝେସାମାନେସି । କାମାତା ସାତା ନାମୁ ତଞ୍ଜାଆନେ ୨:୧୭ । ଏଞ୍ଜାସି ବାଡ଼କୁ ଗାଟି ଲକୁତି ପାରଡ଼ା ବାଟି କିନାଣି ୨:୧-୪ ଅଡ଼େ ମାର ଏନାଆଁ ଜଲିନାୟି ଜାଡ଼ନୁ ତଲେ ଜଲାଇଁ ଝେସାମାନେସି ୩:୧-୧୨

ପତିତା ମାନାୟି

- ୧. ଜାକୁବ ତାନି ପତି ପଡ଼ି ଆନାରାଇଁ ଜହରା କିନାୟି । ୧:୧
- ୨. କ୍ରୀସ୍ତାନା ଲକୁଣି କସ୍ତ ବେଲାତା ସୁସ୍ତି ତଲେ ମାଞ୍ଜାଲି ଝେହ୍ନାୟି । ୧:୨-୨୭
- ୩. କାମା ତଲେ ନାମୁତି ତହ୍ନାୟି ମାନେ । ୨:୧-୨୭
- ୪. ଜଲିନି ବଲୁୟାଁତି ବାଡ଼ମୁ । ୩:୧-୧୨
- ୫. ମାହାପୁରୁତି ବୁଦି ଦାରତିତି ବୁଦି କିହାଁ ହାରେକା ପାରଡ଼ା ମାନେ । ୩:୧୩-୪:୧୦
- ୬. ବଡ଼ପଣ ଆନି କାତା । ୪:୧୧-୫:୬
- ୭. ଜାକୁବ ରାନ୍ତି ବେଲାତା ନେହେଁତାକି ଜାପିନି କାତା ରାଡ଼ିନାୟି । ୫:୭-୨୦

୧୧ *ନାନୁ ଜାକୁବ, ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତତି ହଲେଏସି, ଦାରତିତା ଇତାଲା ଆତାଲା ଆହାମାନି ମାହାପୁରୁ ଲକୁଇଁ ଜହରା ।

ନାମୁତି ତାୟିପାରି କିନାୟି

୧୨ ଏ ନା ତାୟିୟାଁ ଅଡ଼େ ତାଜିସ୍ତା, ମୀରୁ ଏତିବେଲା ତାୟିପାରି କିନି ତାଣା ତାୟିପାରି କିଞ୍ଜିଆଦେରି, ଏତିବେଲା ଏଡ଼ି ହାରେକା ରାହାଁତି କାତା ଇଞ୍ଜୁ ଅଣ୍ଡାପାଦୁ; ୩ ତାୟିପାରି

କିନାଣି ଜୀଣା ଆନି ନାମୁ ଏଡ଼ି ଅରହାଲି ହୀୟାନେ, ଇଦାଆଁ ପୁଞ୍ଜାମାଞ୍ଜେରି । ୪ ଅଡ଼େ, ମୀରୁ ଏନିକଁ ଏନି ଗୁଣୁତା ଉଣା ଆଆନା ନେହଁ ତୀରି ଅଡ଼େ ସୁଦୁ ଗାଟାତେରି ଆଦୁ, ଏଦାଆଁତାକି ଅରହିନାୟି ହାରେପୁରେ କାମା କିନେ ।

୫ ସାମା ମୀ ବିଡ଼ା ଆମ୍ବାଆରାକି ବୁଦି ଉଣା ମାଟିସାରି, ଆମିନି ମାହାପୁରୁ ଦହ ଆହୁଆନା ବାରେତାକି ହାରେପୁରେ କେୟୁ ଦେଚାନା ଦାନା କିନେସି, ଏଞ୍ଜାଣି ତାଣା ପ୍ରାଡ଼ାନା କିପାସି, ଏମ୍ବାଟିଏ ଏଞ୍ଜାଣାକି ହୀପକିଆନେ । ୬ ସାମା ଏଞ୍ଜାସି ଇଚାଣି ଆନାମାନା ଆଆନା ନାମୁତଲେ ପ୍ରାଡ଼ାନା କିପାସି, ଇତିହୁଁ ଆମ୍ବାଆସି ଆନାମାନା ଆନେସି, ଏଞ୍ଜାସି ଗାଲି ତଲେ ଇତାଲା ଆତାଲା ଆହିମାନି ସାମ୍ବୁରିତି ତୀରି ଆଆଗାଟି ଏୟୁ ଉଣା ଲେହେଁତାସି । ୭ ଏଲେତି ଲକୁ ପ୍ରବୁ ତାଣାଟି ଏନାଆଁ ବେଟାଆଇଁ ଇଞ୍ଜୁ ଆସା କିଆପେସି; ୮ ଏଞ୍ଜାସି ରୀ ମନ ଗାଟାସି, ଇଞ୍ଜା ତାନି ବାରେ କାମାତା ତୀରି ଆଆଗାଟାସି ।

ବାଡ଼କୁ ଗାଟାସି ଅଡ଼େ ବାଡ଼କୁ ହିଲାଆଗାଟାସି

୯ ବାଡ଼କୁ ହିଲାଆଗାଟି ତାୟି ତାନି କାଜାପାଣା ତାକି ରାହାଁ କିପାସି, ୧୦ ବାଡ଼କୁ ଗାଟାସି ତାନି ଉଣା ଆହିମାନାଣି ତାକି ବଡ଼ପଣ କିପେସି, ଏନାଆଁତାକି ଇତିହୁଁ ବାଡ଼କୁ ଗାଟାସି ଜାଡ଼ାତି ପୁୟୁବଣ୍ଡା ଲେହେଁ ତୁଲା ହାନେସି । ୧୧ ଏନିକଁ ଝେଡ଼ା ଲାକ୍ ହତାସାରେ ଜାଡ଼ା ଏନିକଁ ଖାୟାହାନେ ଅଡ଼େ ଏଦାନି ପୂଜା ତୁଲିନୁ ଇଞ୍ଜା ତାନି ଅକୁତି ଖାଣା ମେଣ୍ଡାହାନେ, ଏଲେକିହୁଁ ଏ ବାଡ଼କୁ ଗାଟାସି ଜିକେଏ ତାନି ବାରେ କାମାତା ଖାଡ଼ିନେସି ।

ତାୟିପାରି ଅଡ଼େ ଜୁପକା ତହ୍ନାୟି

୧୨ ଆମିନି ଗାଟାସି ତାୟିପାରି କିନାଣି ଅରହିନେସି ଏଞ୍ଜାଣାକି ନେହେଁ, ଇତିହୁଁ ମାହାପୁରୁ ତାନୁ ଜୀଞ୍ଜୁ ନନି ଲକୁଣି ଆମିନି ଜୀଞ୍ଜୁଗାଟି ଟପେରି ହୀହାଲି ଆଞ୍ଜାମାନେସି, ତାୟିପାରି କିତାଣି ଜୀଣାଆଡ଼ି ଜେତ ଏ ଲକୁ ଏ ଆଞ୍ଜାମାନି ଟପେରି ବେଟା ଆନେସି । ୧୩ ଆମ୍ବାଆସି ତାୟିପାରି କିଞ୍ଜି ଆଡ଼ିସାରେ, “ନା ଇ ତାୟିପାରି କିଞ୍ଜି ଆନାୟି ମାହାପୁରୁ ତାଣାଟି ଆହିମାନେ” ଇଞ୍ଜିହୁଁ ଇନାଆପେସି, ଇତିହୁଁ ମାହାପୁରୁ ଲାଗେଏତି ପାନ୍ଦାଟି ତାୟିପାରି କିଞ୍ଜି ଆଅସି, ଅଡ଼େ ଏଞ୍ଜାସି ତାନୁଏ ଆମ୍ବାଆରାଇଁ ତାୟିପାରି କିଅସି । ୧୪ ସାମା ମାଣସି ତାନି ଲାଗେଏତି କାମା ତଲେ ଜୁପକା ଅଡ଼େ ନାଡ଼ିକିଞ୍ଜି ଆହାନା ତାୟିପାରି କିଞ୍ଜିଆନେସି; ୧୫ ଅଡ଼େ ତାୟି ଲାଗେଏତି କାମା ପୁରାମାସା ଆହାନା ପାପୁତି ଜାନଁ କିନେ, ଇଞ୍ଜା ପାପୁ ଗାଡ଼ି ପାତାଆହାନା ହାକିତି ଜାନଁ କିନେ ।

୧୬ ଏ ନା ଜୀଞ୍ଜୁତି ତାୟିୟାଁ ଅଡ଼େ ତାଜିସ୍ତା ମୀରୁ ନାଡ଼ି ଆଆଦୁ । ୧୭ ବାରେ ନେହଁ ଦାନା ଅଡ଼େ ବାରେ ତୀରିତି ବର ଲାକଟି; ଇତିହୁଁ ଉଜେଡ଼ି ଗାଡ଼ିକିତି ଆବା ତାଣାଟି ଖାନେ, ଆମ୍ବାଆରି ତାଣା ଏନି ବାଦଲି ଆନାୟି କି ଇଚାୟିଖା ସାୟିଁ କିହାନା ଆଦେରି ଆନାୟି ହିଲେଏ । ୧୮ ମାର

* ୧:୧ ୧:୧ ମାଟି ୧୩:୫୫; ମାର୍କି ୬:୩; କାମା ୧୫:୧୩; ଗାଲା ୧:୧୯

ଏନିକି ତାନି ଗାଡ଼ି ଆଡ଼ି ତାଣାଟି ରଲେଏତି ର ମୁଲୁତି ପାଡ଼େୟି ଲେହେଁ ଆନାୟି, ଏଦାଆଁତାକି ଏଝାସି ତାନି ଅଣ୍ଟପୁ ତଲେ ସାତା ବଲୁ ତଲେ ମାଙ୍ଗେ ଗାଡ଼ି କିୟାତେସି ।

ଝେନାୟି ଅଡ଼େ କାମା କିନାୟି

୧୯ ଏ ନା ଜୀଝୁତି ତାୟିୟାଁ ଅଡ଼େ ତାଙ୍ଗିସ୍ତା, ମୀରୁ ଇଦାଆଁ ପୁଞ୍ଜାମାଞ୍ଜେରି, ମୀରୁ ବାରେତେରି ଝେଞ୍ଜାଲି ଜାଗ୍ରାତା ଆଦୁ, ଇଞ୍ଜା ଝେସାଲି ଦାଗା ଆଆଦୁ ଅଡ଼େ ଦେବୁଣିଏ କପା ଆଆଦୁ, ୨୦ ଇଚିହଁ ମାଣ୍ଠିତି କପା ମାହାପୁରୁତି ନକିତା ଦାମ୍ବୁ କିହାଲି ଆଡେଏ । ୨୧ ଏଦାଆଁତାକି, ମୀରୁ ବାରେ ପଲୁଆ ଗାଟାଣି ଅଡ଼େ ବାରେ ଲାଗେଏତି ପିସାତୁହୁଦୁ, ଆମିନି ମାହାପୁରୁ ହିୟାତି ବଲୁ, ମୀ ଜୀଝୁତି ଗେଲ୍ପାଲିତାକି ଆଡ଼ିନେ, ଏଦାଆଁ ସୁଦୁଗାଟି ଅଣ୍ଟପୁ ତଲେ ଆହୁଦୁ ।

୨୨ ସାମା ମୀରୁ ଏଝାଣି ବଲୁ ଝେନାତେରି ଆହାଁ ଜାହାରାଇଁ ନାଡ଼ି କିହାକତାଆନା, ବଲୁତି କାମା କିନାତେରି ଆଦୁ । ୨୩ ଇଚିହଁ ଆମିନିଗାଟାସି ବଲୁତି କାମା କିନି ଲକୁ ଆଆନା ଝାରଇ ଝେନି ଲକୁ ଆନେସି, ଆଡିହଁ ଏଝାସି ଦାପେଣିତା ତାନୁଏ ତାନି ମୁମ୍ବୁ ସିନିକିହା କଡ଼ିମାନି ମାଣ୍ଠି ଲେହେଁତାସି, ୨୪ ଏଚେତା ଏଝାସି ତାଙ୍ଗେ ସିନିକିତି କ୍ରେଟ ହାଜାନା, ଏଝାସି ଏମ୍ପାଟି ହଟା ହାଟି ତାୟୁ ଏନିଲେହେଁତି ମାଣ୍ଠି ଦେବୁଣିଏ ବାଣାଆନେସି । ୨୫ ସାମା ଆମ୍ପାଆସି ତୀରପୁ ଇଚିହଁ ଗେଲ୍ପାଲି ଆଡ଼ିନି ନେହଁ ମେରାତି ସିନିକିହାନା ମେରାତି କାମା କିନେସି, ଅଡ଼େ ଆଜିତାକି ଝେନି ଲକୁ ଆଆନା କାମାକିନାସି ଆନେସି, ଏଝାସି ତାନି କାମାତା ନେହାଁସି ।

୨୬ ଇଚିହଁ ଆମ୍ପାଆସି ଜାହାରାଇଁ ତୀରି ଗାଟାତେଏଁ ଇଞ୍ଜା ଅଣ୍ଟପା କଡ଼ିନେସି, ଇଞ୍ଜା ତାନି ଝେନ୍ଦରିତି ଲକ୍‌ଆନା ତାନୁ ତାନି ହିୟାତି ନାଡ଼ି କିନେସି, ଇଚିହଁ ତାନି ଦାମ୍ବୁକାମା କିନାୟି ଉଜେଏତାୟି । ୨୭ ତାଲି ତାଞ୍ଜି ହିଲାଆ କକାରି ପଦାଣି ଅଡ଼େ ରାଡ଼େଣି ଇୟାସିକାଣି ତାମି ଦୁକୁ କାକୁଲି ବେଲାତା ସାୟେମି କିନାୟି ଅଡ଼େ ଦାର୍ତତା ମାନି ବାରେ ଲାଗେଏତି କାମାଟି ଗେଲ୍ପା କଡ଼ିନାୟି, ଇଦି ମା ମାହାପୁରୁ ଅଡ଼େ ଆବା ନକିତା ନେହାୟି ଅଡ଼େ ସୁଦୁ ଦାମ୍ବୁତି କାମା ।



ପାର୍ଡା ବାଟି କିନାୟି

୧ ଏ ନା ତାୟିୟାଁ ଅଡ଼େ ତାଙ୍ଗିସ୍ତା, ମା ଗାଝୁରମିଗାଟି ପ୍ରବୁ ଜୀସୁ ଜୀସୁ ତାଣା ନାମା ମାନାତେରି ମାଣ୍ଠିୟାତି ମୁମ୍ବୁ ମେସାନା ଲେମ୍ପାଆଦୁ । ୨ ଇଚିହଁ ରଅସି ବାଂଗାରା ମୁଦି ଅଡ଼େ ଦାରାଗାଟି ନେହଁ ଅଜିତି ହିମ୍ବୁରି ହୁଟାନା କୁଟମି କୁଡା ଆହାମାନି ତାଣା ଝାନେସି, ଅଡ଼େ ର ହିଲାଆଗାଟାସି ଗେଞ୍ଜାମାନି ମାହୁଁତି ହିମ୍ବୁରି ହୁଟାନା ଝାନେସି, ୩ ଅଡ଼େ, ମୀରୁ ଦାରାଗାଟି ଅଜିତି ହିମ୍ବୁରି ହୁଟିତି ଲକୁଇଁ ମାନି କିହାଁ ଏଲେଇଞ୍ଜେରି, “ଇମ୍ପାଆଁ ନେହଁ ଟାୟୁତା କୁଗାମୁ,” ଅଡ଼େ ହିଲାଆଗାଟାଣାଇଁ ଏଲେଇଞ୍ଜେରି “ଏମ୍ପାଆଁ ନିଚାମାନାମୁ,

ଆଆତଁ ନା କଡାୟାଁ ଡ଼ଇକା କୁଗାମୁ,” ୪ ଆଆତଁ ମୀରୁ ମୀ ବିତ୍ରା କାଜା ଲକୁ ଡ଼ଣା ଲକୁ ପାର୍ଡା ବାଟି କିଞ୍ଜି ଆହାଁ ଏଚକା ଏଚକା କିହାଁ ଲାଗେଏତି ନୀହାୟି କିହିମାଞ୍ଜେରି ।

୫ ଏ ନା ଜୀଝୁତି ତାୟିୟାଁ ଅଡ଼େ ତାଙ୍ଗିସ୍ତା, ଝେଞ୍ଜୁ ମାହାପୁରୁ ଇ ଦାର୍ତତା ବାଡ଼କୁ ହିଲାଆଗାଟାରାଇଁ ତାମି ନାମୁତା ଦନ ଗାଟାରି ଆହାଲି, ଅଡ଼େ ତାନି ଜୀଝୁନହଁ ମାନାରାଇଁ ଆମିନି ରାଜି ହାହାଲି ଆଞ୍ଜାମାନେସି, ଏମ୍ପାତି ଅଦିକାରା କିହାଲି ଆଟା ହିଲଅସି ? ୬ ସାମା ମୀରୁ କାକୁଲି ଗାଟାରାଇଁ ଅପିହିଲଅତେରି । ବାଡ଼କୁ ଗାଟାରି ମୀ ମୁହେଁ ରାଜି କିୟଅରି କି ? ଅଡ଼େ ମିଙ୍ଗେ ନୀହାୟି ପାଙ୍ଗାତା ରେଜା ଅୟଅରି କି ? ୭ ଆମିନି କାଜା ଦରୁତଲେ ଝେଙ୍ଗା ମାଞ୍ଜେରି, ଏନାଆଁ ଏଝାରି ଏ ଦରୁତି ନିନ୍ଦା କଅରି ।

୮ ମୀରୁ ମୀ ପାଡ଼ିତି ଲକୁଣି ମୀ ଜୀଝୁତି ଜୀଝୁ ନନ୍ଦି ଲେହେଁ ଜୀଝୁନଦୁ, ସାସ୍ପେରିତା ରାସ୍‌କି ଆହାମାନି ମାହାପୁରୁ ରାଜିତି ମେରା ସାତେଏ ମାନଞ୍ଜି ଆଦେରି, ଆଡିହଁ ମୀରୁ ନେହଁ କିହିମାଞ୍ଜେରି, ୯ ସାମା ଲକୁ ମୁମ୍ବୁତି ମେସାନା ଲେମ୍ପାମାଞ୍ଜେରି, ଆଡିହଁ ମୀରୁ ପାପୁ କିହିମାଞ୍ଜେରି, ଅଡ଼େ ଏ ମେରା ତଲେ ଦହ ଗାଟାତେରି ଇଞ୍ଜା ତଞ୍ଜା ଆହିମାଞ୍ଜେରି । ୧୦ ଆମ୍ପାଆସି ବାରେ ମସାତି ମେରା ମାନଞ୍ଜି ଆହାଁ ରଣ୍ଡିଏ ମେରାତି ଉରିନେସି, ଇଚିହଁ ଏଝାସି ବାରେ ମେରାତି ଦହ ତଲେ ତଣ୍ଡ ବେଟା ଆନେସି । ୧୧ ଆମିନି ମାହାପୁରୁ ଦାରିକାମା କିଆଦୁ ଇଞ୍ଜା ଝେସା ମାଟାସି, ଏଝାସି ଲକୁଣି ପାୟାଆଦୁ ଇଞ୍ଜା ଜିକେଏ ଝେସାମାନେସି, ମୀରୁ ଦାରିକାମା କିଆନା ଲକୁଣି ପାୟିଦେରି ଇଚିହଁ ମେରାତି ଉରିନାତେରି ଆଦେରି । ୧୨ ଗେଲ୍ପିଆଡ଼ି ମସାତି ମେରାଟି ମୀରୁ ନୀହାୟି କିଞ୍ଜିଆଦେରି, ଇଦାଆଁ ପୁଞ୍ଜାନା ଏଲେତି କାତା ଜଲାଦୁ ଇଞ୍ଜା କାମା କିଦୁ । ୧୩ ଇଚିହଁ ଆମ୍ପାଆସି କାର୍ମା ମେହଅସି ମାହାପୁରୁ ଏଝାଣାଇଁ କାର୍ମା ମେହଆନା ନୀହାୟି କିନେସି, ସାମା କାର୍ମାମେହନାୟି ନୀହାୟିତା ଜାଣା ଆନେସି ।

ନାମୁ ଅଡ଼େ କାମା

୧୪ ଏ ନା ତାୟିୟାଁ ଅଡ଼େ ତାଙ୍ଗିସ୍ତା, ଆମ୍ପାଆସି ନାଙ୍ଗେ ନାମୁ ମାନେ ଇଞ୍ଜା ଇନେସି, ସାମା ଏଝାଣି କାମା ହିଲେଏ, ଆତଁ ଏଦି ଏନି ଲାବା ? ଇଲେତି ନାମୁ ଆମ୍ପାଆରାଇଁ ଗେଲ୍ପାଲି ଆଡ଼ିନେ କି ? ୧୫ ଏଚିବେଲା ର ତାୟି କି ତାଙ୍ଗିନାକି ହୁଟାଲି ହିମ୍ବୁରି କି ତିଞ୍ଜାଲି ରାନ୍ଦା ହିଲାଆଡିହଁ, ୧୬ ଇଞ୍ଜା ମୀ ବିତ୍ରାଟି ଆମ୍ପାଆତେରି ତାନି ଆଙ୍ଗାତି ଲଡ଼ାମାନାଣି ହାଆନା, “ମାହାପୁରୁ ନିଙ୍ଗେ ବର ହିୟାପେସି, ବାଣ୍ଡି ପାଞ୍ଜାହାଁ ହିଡ଼ିତି ନେହଁ କି ହାଲାମୁ” ଇଞ୍ଜା ଇଚିହଁ ଏଦି ଏନି ଲାବା ? ୧୭ ଏଲେକିହଁ ଏ, କାମା ହିଲାଆସାରେ ନାମୁ ହାତାୟି ।

୧୮ ସାମା ଆମ୍ପାଆସି ଏଲେଇନେସି, “ରଅଣି ନାମୁ ମାନେ ଅଡ଼େ ରଅଣି କାମା ମାନେ;” କାମା ହିଲାଆନା ନୀ ନାମୁ ତସାମୁ, ଅଡ଼େ ନାମୁ କାମା ତଲେ ନା ନାମୁତି ତସାଲ । ୧୯ ମାହାପୁରୁ ରଅସିଏ, ଇଦାଆଁ ମୀରୁ ନାମିମାଞ୍ଜେରି; ଏଦି ନେହଁ କାତା, ବୁଡୁୟାଁ ଜିକେଏ ନାମାହାଁ ଆଜିତାକି

ତୀରଗିମାନୁ । ୨୦ ସାମା ଏ ବୁଦି ହିଲିଆଗାଟାତେରି, କାମା ହିଲିଆନା ନାମୁ ଉଜେଏତାୟି, ଇଦାଆଁ ପୁଞ୍ଜି ହିଲିଆତେରି ? ୨୧ ମା ଆକୁ ଅବ୍ରାହାମ, ପୂଜାପିଣ୍ଡା ଲାକ ତାନି ମୀରଏଶା ଇସାହାକଇଁ ପୂଜା କିହିମାଟାଟି କାମା ତଲେ ଦାମ୍ବୁଗାଟାସି ଇଞ୍ଜିଁ ଖେଙ୍ଗା ହିଲିଆତେସି ? ୨୨ ମୀରୁ ମେସିମାଞ୍ଜେରି, ଅବ୍ରାହାମତି ନାମୁ ତାନି କାମାତା ତଞ୍ଜାଆଡେ, ଅଡେ କାମା ତଲେ ନାମୁ ପୂରାଆଡେ; ୨୩ ଏଚେଟିଏ ସାଡେସ୍ତରିତି ଇ ବଲୁ ସାତା ଆଡେ, ଅବ୍ରାହାମ ମାହାପୁରୁ ତାଣା ନାମିତେସି, ଅଡେ ତାଙ୍ଗେତାକି ଏଦି ଦାମ୍ବୁଗାଟାସି ଇଞ୍ଜିଁ ଖେଙ୍ଗିତେସି, ଇଞ୍ଜିଁ ଏଝାସି ମାହାପୁରୁତି ତଣେଏସି ଇଞ୍ଜିଁ ଖେଙ୍ଗିତେସି । ୨୪ ଇଚିହଁ ମାଣସି ଖାରଇ ନାମୁଟି ଆଏ, ସାମା ତାନି କାମାଟି ଦାମ୍ବୁଗାଟାସି ଆନେସି ଇଞ୍ଜିଁ ମୀରୁ ପୁଞ୍ଜିମାଞ୍ଜେରି ।

୨୫ ଏଲେକିହଁଏ ଦାରେଣି ରାହାବ୍ ଦାମ୍ବୁଗାଟାୟି ଇଞ୍ଜିଁ ଖେଙ୍ଗାମାଚେ, ଏଦି ପାରୁ ପାରାଲି ମେଣେଏ ଖାହାମାଚାରାଇଁ ତାନି ଇଜ ଅହାନା ଇଚିତେ ଇଞ୍ଜିଁ ଏବକା ଜିରୁଟି ପାଣ୍ଡାଲି ସାୟେମି କିହାମାଚେ ।

୨୬ ଇଚିହଁ ଜୀଝୁ ହିଲିଆସାରେ ଆଙ୍ଗା ହାଡି ମାଡହା, ଏଲେକିହଁଏ କାମା ହିଲିଆସାରେ ନାମୁ ଜିକେଏ ହାଡାୟି ।

୩

ଝେନ୍ଦରିତି ଲକ୍‌ନାୟି

୧ ଏ ନା ତାୟିୟାଁ ଅଡେ ତାଙ୍ଗିସ୍ତା, ମୀରୁ ହାରେକା ଜାପନାତେରି ଆଆଦୁ; ଜାପନାତାୟି ମାର, ମାର ଅର ଲକୁ କିହାଁ ହାରେକା ତଣ୍ଡ ପାଣନାୟି ଇଦାଆଁ ପୁଞ୍ଜାମାଞ୍ଜୁ । ୨ ଇଚିହଁ ମାର ଏନି ଏନି କାମାତା ପୁଟି କିହିମାନାୟି, ସାମା ଆମ୍ବାଆସି ମାହାପୁରୁ ବଲୁତା ପିଟଞ୍ଜି ଆଅସି, ଆଡିହଁ ଏଝାସି ନେହଁ ମାଣସି, ଅଡେ ଏଝାସି ତାନି ବାରେ ଆଙ୍ଗାତି ତାନୁଏ ଲକ୍‌ହାଲି ଆଡିମାନେସି । ୩ ମାର ଗଡାୟାଁଣି ଲକ୍‌ହାଲି ତାକି ତାନି ଗୁଡିତା ବାକେରି କାଟିକିହିମାନାୟି, ଅଡେ ଏଦାନିତଲେ ମାର ତାନି ବାରେ ଆଙ୍ଗାତି ଝେଟ୍‌ହି ମାନାୟି । ୪ ଏୟୁ ଜାଜାତି କାତା ଜିକେଏ ଅଣ୍ଡପାଦୁ, ଏଦି ଏଚେକା କାଜାୟି ଅଡେ କାଜା ଗାଲି ତଲେ ତାକିତଁ ଜିକେଏ, ଜାଜାତି ତାୟୁଝାକି ମାନି ର ଉଣା ମାରା ତଲେ ତାକିନେ, ଏ ମାରା ଆହନାସି ଆମ୍ବିୟାଝାକି ମନ କିନେସି ଏନିକା ହାନେ । ୫ ଏଲେକିହଁଏ ଝେନ୍ଦରି ଜିକେଏ ଆଙ୍ଗାତି ର ଉଣା ବାଗା ଆଡିହଁ ଜିକେଏ, ଏଦି କାଜା ବଡପଣତି କାତା ଜଲ୍ଲାଇ ଆଡିନେ । ମେହ୍‌ଦୁ ର ଉଣା ହିରୁ ପୁୟାଁ ତଲେ ଏଚେ କାଜା ଜାଡା ଝେହାହାନେ । ୬ ଝେନ୍ଦରି ଜିକେଏ ହିରୁ ଲେହେଁତାୟି; ଏଦି ମା ଆଙ୍ଗା ବିତ୍ତା ବାରେ ଲାଗେଏ ପରେଏ ତାଣାଟି ସାଲ୍‌ଝି ଆହିମାନେ, ଏଦି ବାରେ ଆଙ୍ଗାତି ଲାଗେଏ କିନେ, ଅଡେ ତାନୁ ନର୍‌କଟି ହଡିମାନି ହିରୁତଲେ ଡଞ୍ଜାନା ଗାଡି ଆହାମାନି ଦାରତିତି ହୁଡିନେ । ୭ ଇଞ୍ଜିଁ ବାରେ ଲେହେଁତି ଜନ୍ତୁ ଜିଝେଡି, ପଟା କାଟି, ବାଣ୍ଡିତଲେ ତାକିନାଇ, ଅଡେ ଏୟୁତି ଜନ୍ତୁ, ମାଣସି ଏ ବାରେ ଜନ୍ତୁୟାଁଣି ଲକ୍‌ହାଲି ଆଡିମାନେସି । ୮ ସାମା ଝେନ୍ଦରିତି ଆମ୍ବାଆସି

ଲକ୍‌ହାନା ସାପି କିହାଲି ଆଡଅସି, ଏଦି ପଲ୍‌ଆ ଗାଟାୟି ଇଞ୍ଜିଁ ଲଙ୍ଗାଆ ଗାଟାୟି, ଅଡେ ଏଦିଏମ୍ବାଆଁ ହାନିମାନି ବାସା ମାନେ । ୯ ଝେନ୍ଦରି ତଲେ ପ୍ରୁ ଆବାଇଁ ଜହରା କିହିମାନାୟି, ଇଞ୍ଜିଁ ଏ ଝେନ୍ଦରି ତଲେ ମାହାପୁରୁ ଲେହେଁ ଗାଡି ଆଡି ମାଣସିଇଁ ବାକା ଇଚି ମାନାୟି; ୧୦ ଏ ରଣ୍ଡିଏ ଗୁଡିଟି ଜହରା କିନାୟି ଅଡେ ବାକା ହାନି କାତା ହଡିମାନେ ଏ ନା ତାୟିୟାଁ ଅଡେ ତାଙ୍ଗିସ୍ତା ଏଲେଆନାୟି ନେହେଁ ଆଏ । ୧୧ ର ଜାରଣାଟି ଡାକ୍‌ନି ଅଡେ କାମ୍ବେଲି ଏୟୁ ହନୁ କି ? ୧୨ ଏ ନା ତାୟିୟାଁ ଅଡେ ତାଙ୍ଗିସ୍ତା, ତୟା ମାରନ୍ତୁତା ଜୀତ ପାଡେୟି ଅଡେ ଅଙ୍ଗୁରି ମାଡାତା ତୟା ପାଡେୟି ଆୟାଲି ଆଡିନେ କି ? ଏଲେକିହଁଏ ହାରୁ ଜାରଣା ଡାକ୍‌ନି ଏୟୁହାହାଲି ଆଡେଏ ।

ମାହାପୁରୁ ତାଣାଟି ଖାନି ବୁଦି

୧୩ ମୀ ବିତ୍ତା ବୁଦିଗାଟାସି ଅଡେ ତେଲ୍‌ହିନାସି ଆମ୍ବାଆସି ମାନେସି ? ଏଝାସି ବୁଦିଗାଟାସି ଲେହେଁ ଉଣା ଆହାନା ଇଞ୍ଜିଁ ସୁଦୁଗାଟାସି ଆହାନା ତାନି ନେହଁ ମାଣକି ତଲେ କାମା ତସ୍‌ପେସି । ୧୪ ସାମା ମୀ ହିୟାଁତା ଗାଡି ତାହାରା, କପା ଅଡେ ଖାରଇ ଜାହାରାତାକି ଅଣ୍ଡପିନାୟି ମାନେ, ଆଡିହଁ ସାତାତି କପାଟି ବଡପଣ ଆଆଦୁ ଅଡେ ମିଟି ଜଲ୍ଲଆଦୁ । ୧୫ ଇଲେତି ବୁଦି ମାହାପୁରୁ ତାଣାଟି ଖାଏ, ଏଦି ଇ ଦାରତିତାୟି, ମାଣସିତି ଅଣ୍ଡପୁ ଗାଟାୟି ଅଡେ ଲାଗେଏ ପରେଏତି ବୁଡୁୟାଁ ଖାୟି । ୧୬ ଇଚିହଁ ଆମିନି ତାଣା ତାହାରା ଅଡେ ଜାହାରାତାକି ଅଣ୍ଡପିନାୟି ମାନେ, ଏ ଚାୟୁତା ବାରେଲେହେଁତି ଲାଗେଏତି କାମା ମାନେ । ୧୭ ସାମା ଲାକଟି ଖାନି ବୁଦି, ତଲିଏ ସୁଦୁଗାଟାୟି, ତାୟୁ ହିଡଡି ଜୀଝୁଗାଟାୟି ଅଡେ ସୁଦୁ ସୁଝାଲା, ମାନଝି ଆନାୟି, କାର୍‌ମାମେହନାୟି ଅଡେ ନେହଁ ପାଡେୟିକା ତଲେ ନେଞ୍ଜାମାନାୟି, ଆନାମାନା ଆଆଗାଟାୟି ଅଡେ କୁଟୁ ହିଲିଆଗାଟାୟି । ୧୮ ଅଡେ ହିଡଡି ହାନି ଲକୁ ତାଣାଟି ହିଡଡିତି ବିଚା ମାଟ୍‌ଝିଆନେ, ଦାମ୍ବୁଗାଟି ପାଡେୟି ଦାପି ଆନେ ।

୪

ଦାରତି ତଲେ ତଣେ ଦହନାୟି

୧ ମୀ ତାଣା ମାତାଗଡି ଅଡେ ଗଡହା ଆମ୍ବିଟି ଖାହିମାନେ ? ଏଝି ମୀ ତାଣା ମାନି ସୁକୁଡି ଅଣ୍ଡପୁଟି ଖାହିମାନୁ ଏଝି ବାରେବେଲା ବାରେ ବେଲା ଗଡହା କିଝିକିହିମାନୁ । ୨ ମୀରୁ ଏନାଆଁ ବେଟାଆହାଲି ଅଣ୍ଡପା ମାଞ୍ଜେରି, ଏଦାଆଁ ବେଟା ଆଆସାରେ ଲକୁଣି ପାୟାଲି ଅଣ୍ଡପା ମାଞ୍ଜେରି, ଏନାଆଁ ବେଟାଆହାଲି ହାରେକା ଜୁପକା ଆନେ ଏଦାଆଁ ବେଟା ଆଆସାରେ ଗଡହା ଅଡେ ମାତାଗଡି କିହିମାଞ୍ଜେରି, ଏନାଆଁତାକି ଇଚିହଁ ମୀରୁ ମାହାପୁରୁଇଁ ରାସି ହିଲିଆତେରି; ୩ ମୀରୁ ରାସିମାଞ୍ଜେରି ସାମା ବେଟାଆହି ହିଲିଆତେରି, ଏନାଆଁତାକି ଇଚିହଁ ମୀରୁ ମୀ ଆଙ୍ଗାତି ଜୁପକାଟି ଲେମ୍ବାଲି ତାକି ପାପୁ କାମା କିହାଲି ରାସିମାଞ୍ଜେରି । ୪ ଏ ଦାରେଣିସିକାତେରି, ମୀରୁ

ପୁଞ୍ଜାହିଲଅତେରି ? ଦାର୍ତ୍ତିତ ତଣେ ଆନାସି ଏଞ୍ଜାସି ମାହାପୁରୁତି ସାତୁ, ଇତିହି ଆମ୍ବାଆସି ଇ ଦାର୍ତ୍ତିତ ତଣେ ଆହାଲି ଅଣ୍ପିନେସି; ଏଞ୍ଜାସି ତାଙ୍ଗେ ମାହାପୁରୁତି ସାତୁ । ^୫ ମୀରୁ ଏନାଆଁ ଦାମ୍ବୁ ପତିତା ରାସ୍‌କି ଆହାମାନି ବଲୁ ଉଜେଏ ଇଞ୍ଜି ଅଣ୍ପିମାଞ୍ଜେରି କି, “ମାହାପୁରୁ ଆମିନି ଜୀଞ୍ଜୁତି ମା ତାଣା ବାସା ଆହାଲି ହାହାମାଞ୍ଜାନେସି, ଏଞ୍ଜାସି ମାଙ୍ଗେ ବାରେ ଖାକିଟି ସାଲୁଞ୍ଜି କିହାଲି ଅଣ୍ପିମାନେସି ।” ^୬ ସାମା ମାହାପୁରୁ ହାରେକା କାର୍ମାମେହନାଣି ହିୟାନେସି; ଏଦାଆଁତାକି ସାସ୍ତେରିତା ରାସ୍‌କି ଆହାମାନେ, “ମାହାପୁରୁ ଆଙ୍କାରା ଆନାରି କପାଟି ନିଙ୍ଗିନେସି, ସାମା ଜାହାରାଈ ଉଣା କିହା କତାମାନାରାଈ କାର୍ମା ମେହନେସି, ମାହାପୁରୁତି କାର୍ମା ହାରେକା ବାଡ଼ୁମ୍ମୁ ଗାଟାୟି ।”

^୭ ଏଦାଆଁତାକି ମୀରୁ ମାହାପୁରୁ ତାଣା ହେରପା କତାଦୁ; ଅଡ଼େ ସୟତାନଇ ଆବାଆଦୁ, ଆତିହି ଏଦି ମୀ ତାଣାଟି ହେକ ହାନେ । ^୮ ମାହାପୁରୁ ତାଣେ ଖାଦୁ ଆତିହି ଏଞ୍ଜାସି ମୀ ତାଣେ ଖାନ୍ନେସି, ଏ ପାପୁ ଗାଟାତେରି, ମୀ କେସ୍‌ସାଣି ନେହି କି ନରଦୁ, ଅଡ଼େ ରୀ ଅଣ୍ପୁ ଗାଟାତେରି, ମୀ ହିୟାତି ଅଟ୍‌ହା କତାଦୁ । ^୯ ହିୟା କାଡ଼ି କିହା ଦୁକୁ ତଲେ ତୀଦୁ; ମୀ କାକନାୟି ତୀକିତା ଅଡ଼େ ମୀ ରାହା ଦୁକୁତା ତୀରି ମ୍ମିପେ । ^{୧୦} ପ୍ରବୁ ନକିତା ମୀରୁ ମିଙ୍ଗେ ଉଣା କିହାକତାଦୁ, ଏଚେଟିଏ ଏଞ୍ଜାସି ମିଙ୍ଗେ କାଜା ଲକୁ କିୟାନେସି ।

ଏଟକା ଲକୁଣି ନାହାୟି କିଆଦୁ

^{୧୧} ଏ ତାୟି ତାଙ୍ଗିସ୍‌ସା, ମୀରୁ ରଅତେରି ରଅଣା କପାଟି ନିନ୍ଦା କାତା ଜଲ୍ଲାଆଦୁ; ଆମ୍ବାଆସି ତାୟି କପାଟି ନିନ୍ଦା କାତା ଜଲ୍ଲିନେସି କି ନାହାୟି କିନେସି, ଏଞ୍ଜାସି ମସା ମେରା କପାଟି ଜଲ୍ଲିମାନେସି, ଇଞ୍ଜା ଏମ୍ବାତି ନାହାୟି କିହିମାନେସି । ସାମା ମୀରୁ ମସା ମେରାତି ନାହାୟି କିଦେରି, ଇତିହି ମୀରୁ ମସା ମେରାତି ମାନୁଞ୍ଜି ଆନାତେରି ଆଆନା ଏମ୍ବାତି ନାହାୟି କିନାତେରି । ^{୧୨} ମାହାପୁରୁ ରଅସିଏ ମେରା ହୀନାସି ଅଡ଼େ ନାହାୟି କିନାସି, ଏଞ୍ଜାସି ଗେଲ୍‌ପାଲି ଅଡ଼େ ନାସା କିହାଲି ଆଡ଼ିମାନେସି; ସାମା ନୀନୁ ଆମ୍ବାଆତି, ନୀ ଆଟ୍‌ହିତାଣାଈ ନାହାୟି କିହିମାଞ୍ଜି ?

ବତପଣ କିଆଦୁ

^{୧୩} ନୀର୍ବ ମେହଦୁ, ଆମ୍ବାଆତେରି ଏଲେ ଇଞ୍ଜିମାଞ୍ଜେରି, “ନୀଞ୍ଜୁ କି ଓଏ ମାମ୍ବୁ ଏ ଗାଡ଼ାତା ହାନମି ଇଞ୍ଜା ଏମ୍ବାଆଁ ର ବାସା ପାତେକା ତୟନା ବେବାରା କିହାଁ ଗାଡ଼ି ଲାବା କିନମି;” ^{୧୪} ସାମା ଓଏ ଏନାୟି ଆନେ, ଏଦାଆଁ ମୀରୁ ପୁଞ୍ଜାହିଲଅତେରି, ମୀ ଜୀଞ୍ଜୁ ଏନିକି ଗାଡ଼େକା ତଞ୍ଜାଆହାନା ଗାଡ଼େକା ମେଣ୍‌ଙ୍ଗାହାନି ଉକଅଡ଼ି, ମୀରୁ ଏଲେତାତେରି । ^{୧୫} ଇଦାଆଁତାକି ମୀରୁ ଏଲେଇନାୟି ମାନେ, “ପ୍ରବୁତି ଅଣ୍ପୁ ଆଡ଼ିସାରେ ମାର ଜୀଞ୍ଜୁତଲେ ନୀତା ମାଞ୍ଜାନା ଇଦାଆଁ କିନ ଆଆତ ଏଦାଆଁ କିନ ।” ^{୧୬} ସାମା ମୀରୁ ନୀର୍ବ ମୀ ବତପଣ ତସାକଡ଼ିମାଞ୍ଜେରି; ଇଲେତି ବତପଣ ଲାଗେଏତାୟି ।

^{୧୭} ହିୟାତା ଇଟାଦୁ ଏନାଆଁତାକି ଇତିହି, ଆମ୍ବାଆସି ନେହି କାମା କିହାଲି ପୁଞ୍ଜାନା କିଅସି ଏଞ୍ଜାସି ପାପୁ କିନେସି ।



ବାଡ଼କୁ ଗାଟାରାଇଁ ଜାଗ୍ରାତା କିନାୟି

^୧ ଏ ବାଡ଼କୁ ଗାଟାତେରି ନା କାତା ଖେଞ୍ଜୁ, କସ୍ତୁତି ଦିନା ଖାହିମାନେ ଏଦାଆଁତାକି ଦୁକୁଆହି ତୀଦୁ ଇଞ୍ଜା କାନିକାର୍ମା ଆଦୁ । ^୨ ମୀ ବାରେ ଦନ ସୀରହା ହାଚେୟିଏ, ଅଡ଼େ ମୀ ହିମ୍ବିକାଇଁ ଲୀମ୍ବୁତିଚେୟିଏ, ^୩ ଅଡ଼େ ମୀ ବାଂଗାରା ଇଞ୍ଜା ଖେଣ୍ଡି କିରଞ୍ଜୁ ଆଡ଼େୟିଏ; ଏଚେଟିଏ ଏ କିରଞ୍ଜୁ ମୀ କପାଟି ସାକି ହୀହାନା ହିରୁ ଲେହେଁ ମୀ ଆଙ୍ଗା ଜିକେଏ ନାସା କିୟାନେ, ଇ ରାନି ବେଲାତା ମିଙ୍ଗେତାକି ଦନ କୃଡ଼ି କିହାମାଞ୍ଜେରି । ^୪ ହେଶୁ ! ମୀ ଗୁଡ଼ିୟାତି ତାସା ଦାଃଆନାରାକି ନାଡ଼ିକିହାନା ଆମିନି କୁଲି ହୀହା ହିଲଅତେରି, ଏଦି ଗାଡ଼ି କାଲୁଞ୍ଜି ଆହିମାନେ, ଅଡ଼େ ତାସାତି ଦାଃଆନାରି ତୀନାୟି ବାରେ ବାଡ଼ୁଟି ପ୍ରବୁତି କିୟି ତୁ ଏଗା ହାଚେୟିଏ । ^୫ ମୀରୁ ଦାର୍ତ୍ତିତ ସୁକୁ ଅଡ଼େ ରାହାତା ନୀତାମାଞ୍ଜେରି, ମୀରୁ ହାକିତି ଦିନାତାକି ଜାହାରାଈ ଆଙ୍ଗା କିହାମାଞ୍ଜେରି । ^୬ ମୀରୁ ଦହ ହିଲାଆଗାଟାରାଇଁ ଦହ କିହାନା ପାୟିମାଞ୍ଜେରି; ଏଞ୍ଜାସି ମିଙ୍ଗେ ଖେଣ୍ଡେ ଏନାଆଁ କିୟଅସି ।

ସାସାତଲେ ପ୍ରାତାନା କିନାୟି

^୭ ଏଦାଆଁତାକି ଏ ତାୟି ତାଙ୍ଗିସ୍‌ସା, ପ୍ରବୁତି ଖାନି ଦିନା ପାତେକା ସାସାତଲେ କାଟାନା ମାଞ୍ଜୁ, ର ତାସା କିନାସି ଏନିକି ତାନି ବୁମିତି ପାଡ଼େୟି ବେଟାଆହାଲି ତାକି ମ୍ମୁଲୁତି ପିୟୁ ଅଡ଼େ ତାୟୁତି ପିୟୁ ରିନି ଦିନା ପାତେକା ସାସାତଲେ କାପୁ କାଟାନା ତୟିନେସି । ^୮ ମୀରୁ ଜିକେଏ ଏଲେକି ସାସାତଲେ ମାଞ୍ଜାନା ମୀ ହିୟାତି ସୁସ୍ତି କିଦୁ, ଇତିହି ପ୍ରବୁତି ଖାନି ଦିନା ତାଣେ ଖାଡ଼େୟିଏ ।

^୯ ଏ ତାୟି ତାଙ୍ଗିସ୍‌ସା, ମୀରୁ ଏନିକି ନାହାୟି କିଞ୍ଜି ଆଅତେରି, ଏଦାଆଁତାକି ରଅତେରି ରଅଣା କପାଟି ଏନି କାତା ଜଲ୍ଲାଆଦୁ, ସିନିକିଦୁ, ନାହାୟି କିନାସି ଦୁଖେରିତା ନିଟାମାନେସି । ^{୧୦} ଏ ତାୟି ତାଙ୍ଗିସ୍‌ସା, ଆମିନି ମାହାପୁରୁ ଅଣ୍ପୁତି ବଲୁ ଖେହନାରି ପ୍ରବୁ ଦରୁତି କାତା ଖେସାମାଚେରି, ଏଞ୍ଜାରାଇଁ ମୀରୁ ଅଣ୍ପାଦୁ, ଦୁକୁ କସ୍ତୁ ବେଟାଆନାଟି ସାସା ଅଡ଼େ ଅଟ୍‌ହାଲି ଜିରୁ ତସାମାଞ୍ଜାନେରି । ^{୧୧} ମେହଦୁ ଆମ୍ବାଆରି କସ୍ତୁ ଅଟ୍‌ହା ମାଚେରି, ମାମ୍ବୁ ଏଞ୍ଜାରାଇଁ ନେହାରି ଇଞ୍ଜି ଇନମି, ମୀରୁ ଆୟୁବତି ଅଟ୍‌ହିନାଣି ଖେଞ୍ଜାମାଞ୍ଜେରି, ଅଡ଼େ ପ୍ରବୁ ତାୟୁତି କାମା ମେସାନା ପୁଞ୍ଜାମାଞ୍ଜେରି, ଏଞ୍ଜାସି କାର୍ମା ମେହନାସି ଅଡ଼େ ଜୀଞ୍ଜୁ ନନାସି ।

^{୧୨} ଏ ନା ତାୟି ତାଙ୍ଗିସ୍‌ସାତେରି, ମୀରୁ ପାରମାଣା କିଞ୍ଜୁଏ କିଆଦୁ, ଲାକପୁରୁତି ଦରୁତଲେ ପାରମାଣା କି ଦାର୍ତ୍ତିତ ଦରୁତି ପାରମାଣା କି ଏଟକାତି ଏନି ଦରୁ ଆସାନା

✧ ୫:୨ ୫:୨ ମାଡ଼ି ୬:୧୯ ✧ ୫:୧୨ ୫:୧୨ ମାଡ଼ି ୫:୩୪-୩୭

ପାରମାଣା କିଆଦୁ, ସାମା ମୀଦି ହାଅ ଇନି କାତା ହାଅ
ଆପେ ଇଞ୍ଜା ଆଏ ଇନି କାତା ଆଏ ଆପେ, ଏନିକି ମୀରୁ
ନୀହାୟି ଦିନାତା ତଣ୍ଡ ଗାଟାତେରି ଆଅତେରି ।

୧୩ ମୀ ବିତ୍ରାଟି ଆମ୍ବାଆସି ଦୁକୁ କିହିମାନେସି ? ଆତିହି
ଏଞ୍ଜାସି ପ୍ରାତାନା କିପାସି, ଆମ୍ବାଆସି ରାହାଟି ମାନେସି ?
ଇତିହି ଏଞ୍ଜାସି ଜହରା ପାରୁ ପାଟାପେସି । ୧୪ ✱ଆମ୍ବାଆସି
ମୀ ବିତ୍ରାଟି ଆଡାଆ ଗାଟାସି ମାଟିହି ଏଞ୍ଜାସି କୁଲମିତି
ପ୍ରାତିନାଙ୍ଗାଣି ହାଟାପେସି; ଇଞ୍ଜା ଏଞ୍ଜାରି ପ୍ରବୁତି ଦରୁତଲେ
ନିୟୁଁ ଖାକ୍‌ହାନା ଏଞ୍ଜାଣି ତାକି ପ୍ରାତାନା କିପାରି । ୧୫ ଏ
ନାମୁଗାଟି ପ୍ରାତାନା ରଗା ଗାଟାଣାଙ୍କି ନେହି କିନେ,
ଇଞ୍ଜା ପ୍ରବୁ ଏଞ୍ଜାଣାଙ୍କି ନିକ୍‌ନେସି, ଇଞ୍ଜା ଏଞ୍ଜାସି ପାପୁ
କିହାମାଟିହି, ଆତିହି ଏଞ୍ଜାଣି ପାପୁ ମେଣାଜି କିଞ୍ଜିଆନେ
। ୧୬ ଏଦାଆଁତାକି ମୀରୁ ରଅତେରି ରଅଣା ନକିତା ମୀ ପାପୁ
ଝେକ୍‌ଦୁ, ଅଡେ ନେହି ଆହାଲିତାକି ରଅତେରି ରଅଣି
ତାକି ପ୍ରାତାନା କିଦୁ, ଆତିହି ମୀରୁ ନେହି ଆଡେରି,
ଏନାଆଁତାକି ଇତିହି ଦାମ୍ବୁ ଗାଟାଣି ପ୍ରାତାନା ହାରେକା
କାଜା କାମା କିହାଲି ଆଡିନେ । ୧୭ ଏଲିୟ ଜିକେଏ ମା
ଲେହେତି ଦୁକୁ ସୁକୁ ଗାଟି ମାଣ୍‌ସି; ଏଞ୍ଜାସି ପିୟୁ ଆଆପେ
ଇଞ୍ଜା ରଣ୍ଡିଏ ମନତଲେ ପ୍ରାତାନା କିତେସି, ଅଡେ ତାନି
ବାର୍‌ସା ସ ଲେଞ୍ଜୁ ପାତେକା ଏ ବୁମିତା ପିୟୁ ଆଆତେ ।
୧୮ ଇଞ୍ଜା ଏଞ୍ଜାସି ଅଡେ ଝେଣ୍ଡେ ପ୍ରାତାନା କିହାଲିଏ ହାଗୁଟି
ପିୟୁ ରୀତେ, ଅଡେ ବୁମିତା ଆନା କାମ୍ବିତେ ।

୧୯ ଏ ନା ତାୟିୟା ଅଡେ ତାଜିସ୍‌ସା, ମୀ ବିତ୍ରାଟି ଆମ୍ବାଆସି
ସାତା ଜିରୁତି ବାଣା ଆତିହି ଅଡେ ଆମ୍ବାଆସି ଏଞ୍ଜାଣାଙ୍କି
ଝେଣ୍ଡେ ଝେଟ୍‌ହା ତାନେସି, ୨୦ ✱ଆତିହି ଆମ୍ବାଆସି ପାପୁ
ଗାଟାଣାଙ୍କି ତାନି ପଲ୍‌ଆ ଜିରୁଟି ଝେଟ୍‌ହା ତାନେସି, ଏଞ୍ଜାସି
ଏଞ୍ଜାଣି ଜୀଝୁତି ହାକିଟି ଗେଲ୍‌ପିନେସି, ଇଞ୍ଜା ହାରେକା
ପାପୁତି ମ୍ବେପକି କିନେସି, ଇଦାଆଁ ମୀରୁ ପୁଞ୍ଜୁ ।

ପିତରଙ୍କ ପ୍ରଥମ ପତ୍ର ପିତର ରାଚାମାନି ର ଲମ୍ବର ଆକୁ ମୂଲ୍ୟ ହାତୀ

ପିତର ର ଲମ୍ବର ଆକୁ ପାଣ୍ଡୁଆଡ଼ି ପିତର ରାଚାମାଚେସି । ପିତର ଏଝାସି ଆମ୍ବାଆସି ଅଡ଼େ ଆମ୍ବାଆରାକି ତାନି ଆକୁ ରାଚାମାଚେସି ଏ କାତା ଝେସାନା ତାନି ଆକୁ ରାଚାଲି ମାଚ୍‌ହେସି । ଏଝାସି ଆମ୍ବାଆରାଲ୍ ପୁଣ୍ଡି ମେସପି ଆଆଡି ଲକୁ ଇଞ୍ଜି ଇଚେସି ଏ ବାରେ କ୍ରୀସ୍ତୁଲ୍ ନାମିତି ଲକୁଣି ଆକୁତା ଝେକ୍‌ହେସି ୧:୧; ୧:୧୭; ୨:୧୧ । ଏଝାସି ତାନି ଆକୁତି ପତ୍ରଝି ଆନାରାଲ୍ ଏଲେକିହିଁ ଝେସେସି ଏନାଆଁତାକି ଇଚିହିଁ ଏଝାରି ହାଚେରକା ଦେବା ଇତାଲା ଆତାଲା ଦେସାଣା ହେପି ଆହାମାଚେରି । ଇଚିହିଁ ଇ ଆକୁ ଏଚର ବାଗା ପାଞ୍ଜୁଲ ଏପିସିୟ କୁଲମିକି ରାଚାମାନି ଆକୁ ଲେହେଁତାୟି, ହାଚେରକା ଲକୁ ନାମିମାନେରି ଏପିସିୟତି ତାୟୁ ର ଲମ୍ବର ପିତର ପତି ଜୀସୁ କ୍ରୀସ୍ତୁ ଜାର୍ନାଆଡ଼ି ୬୫ ବାର୍ସା ତାୟୁ ରାସ୍‌କି ଆହାମାଚେ । ପିତର ଇ ଆକୁତି ରମ୍‌ଟି ରାଚିତେସି, ଆମିନିଗାଟାଣି ଏଝାସି ବାବିଲନ ଇଚେସି ୫:୧୩ ।

ମିଙ୍ଗେ ରାହାଁ କିହିଁ ଅଡ଼େ ସାକି ହାହିଁ ଇଦି ଏ ମାହାପୁରୁତି ସାତା କାର୍ମାମେହ୍‌ନାୟି ଇଞ୍ଜିଁ ପିତର ଝେସାନା ଇ ଆକୁତି ରାଚିତେସି ୫:୧୨; ୧ପିତ ୨:୧୧-୩:୭; ଏପିସି ୫:୧୮-୬:୯ ଅଡ଼େ କଲସିୟ ୩:୧୮-୪:୬ ହାଚେରକା ରଲେଏତି କାତା ରାସ୍‌କି ଆହାମାନେ । ଇ ବାରେ ତାନିଗଟା ଆକୁତା ଇଲୁ କୁଟମିତା ଆଣ୍ଡି ଆହାନା ତୁୟିନାୟି ଅଡ଼େ କାଜା ଲକୁତି ମାନଝି ଆହାନା ତୁୟାଲି ଜାପୁଝି ଆହାମାନେ । ଏଚିବେଲାତା ସାସି ଝାନ୍ଦେ ତାରିଆହାନା ମାଞ୍ଜାଲି ଏଝାସି କ୍ରୀସ୍ତୁଲ୍ ନାମିତି ଲକୁଣି ସାସା ହାହିମାନେସି ଏନାଆଁତାକି ଇଚିହିଁ ଜୁଗୁ ରାନ୍ଦି ଦିନା ତାଗେ ଝାଚେୟିଏ ୪:୧ ।

ପତିତା ମାନାୟି

- ୧. ପିତର ତାଙ୍ଗେ ଝେକ୍‌ହା କତିନାୟି ଅଡ଼େ ତାନି ଆକୁତି ପତ୍ରଝି ଆନାରାଲ୍ ଝେହ୍‌ନାୟି । ୧:୧-୨
- ୨. ଗେଲ୍‌ପି ଆନାୟି ବାରେ ଲକୁତାଣା ଏଜାମାନାକି ଅଡ଼େ ତାନି ଜୀସୁ ଏନାୟି ଇଞ୍ଜିଁ ପୁଞ୍ଜାମାନାକି ଏଝାସି ମାହାପୁରୁଲ୍ ଜହରା କିନାୟି । ୧:୩-୨:୧୦
- ୩. କ୍ରୀସ୍ତୁଲ୍ ନାମିତି ଲକୁ ଏନ୍‌କିହିଁ ଇ ଦାର୍‌ତିତା ନାତିନାୟି ଅଡ଼େ ଏନ୍‌କିହିଁ କି ତକ୍ରା ଅଡ଼େ ତକ୍ରା ଇଞ୍ଜାଁ ସାଞ୍ଜୁକାରି ଅଡ଼େ ହଲେଏସି ନେହିଁ କି ତୁୟିନେରି ଏ କାତା ଏଝାସି ଜାପୁନାୟି । ୨:୧୧-୪:୧୧
- ୪. ପିତର ଏଝାରାକି ସାସି ଝାଡ଼ିସାରେ ତାରିଆହାନା ତୁୟାଲି ସାସା ହାନାୟି । ୪:୧୨-୫:୧୧
- ୫. ପିତର ତାନି ଆକୁ ରାପୁନାୟି । ୫:୧୨-୧୪

୧ ନାନୁ, ପିତର, କ୍ରୀସ୍ତୁ ଜୀସୁ ତାଣାଟି ପାଣ୍ଡୁଆହାମାନି ସାସୁ, ପତ୍ର, ଗାଲାତିୟା, କାପାଦକିୟା, ଆସିୟା ଅଡ଼େ

ବେତନିୟାଁ ରାଜିତା ଇତାଲା ଆତାଲା ବାସାଆହାମାନି ମାହାପୁରୁ ଆଚାମାନି ଲକୁତାକି ଆକୁ ରାଚିମାଲ୍, ^୨ ଆବା ମାହାପୁରୁତି ତଲିତି ବୁଦିତଲେ ସୁଦୁଜୀସୁ ତଲେ ସୁଦୁ ଆହା ମାନି ଗାଟାଚେରି ଅଡ଼େ ଜୀସୁ କ୍ରୀସ୍ତୁତି ନେତେରି ତାଞ୍ଜିଝି କିହାକତାଲି ଆଚ୍‌ଝି ଆହାମାନେରି । ମିଙ୍ଗେତାକି ମାହାପୁରୁତି କାର୍ମାମେହ୍‌ନାୟି ଇଞ୍ଜାଁ ହିତଡ଼ି ଆପେ ।

ଜୀସୁତି ବାର୍ସୁ

^୩ ମା ପୁରୁ ଜୀସୁ କ୍ରୀସ୍ତୁତି ଆବା ଅଡ଼େ ମାହାପୁରୁଲ୍ ଜହରା; ଇଚିହିଁ ଏଝାସି ତାନି କାର୍ମାଟି ଜୀସୁ କ୍ରୀସ୍ତୁଲ୍ ହାକିଟି ନିକ୍‌ହାନା ମାଙ୍ଗେ ପୁଝି ଜୀସୁ ହୀହାମାଞ୍ଜାନେସି, ଏଦି ମାଙ୍ଗେତାକି ନାତିନି ବାର୍ସୁ ହୀହାମାଞ୍ଜାନେ, ^୪ ଏଦାଆଁତାକି ମାହାପୁରୁ ତାନି ଲକୁତାକି ଆମିନି ଦାରାଗାଟି ବର ଇଚାମାନେସି, ଏଦାଆଁ ବେଟାଆହାଲି ମାର କାପୁ କାଚାମାନାୟି, ଏଝାସି ଲାକପୁରୁ ମିଙ୍ଗେତାକି ଏଦାଆଁ ଜାତନ୍ତୁ ତଲେ ଇଚାମାନେସି, ଏନାଆଁ ଏଦି ନସ୍ତୁ ଆଏ କି ଝାଡ଼େଏ । ^୫ ଆମିନି ଗେଲ୍‌ପିନାୟି ରାନ୍ଦି ଦିନାତା ତଞ୍ଜାଆହାଲି କିଝିଆହାମାନେ, ଏଦାଆଁ ବେଟାଆହାଲି ତାକି ମୀରୁ ମାହାପୁରୁତି ବାଡ଼ୁୟିତା ନାମୁତଲେ ଜାଗ୍ରାତା କିଝି ଆହାମାଞ୍ଜେରି ।

^୬ ଏଦାଆଁତାକି ମୀରୁ ରାହାଁ କିଦୁ, ଆଡ଼ିଜିକେଏ ନୀଏଁ ଗାଡ଼େକା ତାକି ହାଚେରକା ତାୟିପାରି କିନି ତାଣାଟି ଦୁକୁ କସ୍ତୁ ବେଟାଆନାୟି ମିଙ୍ଗେତାକି ଲଡ଼ାଆନେ, ^୭ ଏନ୍‌କିଁ ଗାଡ଼େକା ନସ୍ତୁ ଆନ୍ଦି ବାଂଗାରା ହିତୁତା ହୁତିନି କିହାଁ ହାଚେରକା ଦାରା ମୀ ତାୟିପାରି କିଝିଆଡ଼ି ନାମୁ, ଏଦି ଜୀସୁ କ୍ରୀସ୍ତୁ ତଞ୍ଜାଆନ୍ଦି ବେଲାତା ମାନି ତଲେ ଜହରାତି, ଗାଞ୍ଜୁରମି ଅଡ଼େ ମାନି ବେଟାଆନାୟି । ^୮ ନୀଏଁ ମୀରୁ ଏଝାଣାଲ୍ ମେସା ହିଲଆତି ଜିକେଏ ଜୀସୁନହିଁ ମାଞ୍ଜେରି, ଇଞ୍ଜାଁ ନୀଏଁ ମେହ୍‌ଆତ୍ ଜିକେଏ ତାନି ତାଣା ନାମାହାଁ ଝେସାଲି ଆଡ଼ାଆରେଟୁ ଗାଞ୍ଜୁରମିତି ରାହାଁତା ^୯ ରାହାଁ ଆହାନା ଏ ନାମୁତି ପାଡ଼େୟି ଲେହେଁ ମୀ ଜୀସୁତି ଗେଲ୍‌ପିନାଣି ବେଟାଆହାମାଞ୍ଜେରି ।

^{୧୦} ଇ ଗେଲ୍‌ପିନି କାତା ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ମନ୍ ହୀହାନା ପାରିହିଁ ସିନିକିତେରି, ଆମ୍ବାଆରି ଏମିନି କାର୍ମାମେହ୍‌ନାୟି ମିଙ୍ଗେ ଆନାୟି ମାଚେ, ଏ ତାୟୁତି କାତା ଝେସାହାଁ ତସାମାଚେରି, ^{୧୧} କ୍ରୀସ୍ତୁତି ଦୁକୁ ବେଟାଆନାଣି ଇଞ୍ଜାଁ ଅଡ଼େ ତାୟୁତି ଗାଞ୍ଜୁରମି ବେଟାଆନାଣି ନକେଏ ପାରମାଣା ହୀନାସି ଇଞ୍ଜାଁ ଏଝାରିତାଣା ମାନି କ୍ରୀସ୍ତୁତି ଜୀସୁ ଏ ବାରେ ଏଚିବେଲା ଝାନ୍ଦେ ଅଡ଼େ ଏନ୍‌କିଁ ଝାନ୍ଦେ ଏଝାରି ପୁଞ୍ଜାଲି ନକେଏ ଅଣ୍‌ପାମାଚେରି । ^{୧୨} ଏଝାରି ଏ ବାରେ କାତା ତାନି ତାକି ସେବା କିଆନା ମୀ ଲାବା ତାକି ସେବା କିହିମାଚେରି, ଇଦି ଏଝାରିତାଣା ତଞ୍ଜା ଆହାମାଚେ, ଇଞ୍ଜାଁ ଏ ବାରେ କାତା ଲାକପୁରୁଟି ପାଣ୍ଡୁଆହାମାନି ସୁଦୁଜୀସୁତି ବାଡ଼ୁୟି ତଲେ ମୀ ନକିତା ନେହିଁ କାରୁ ଝେହ୍‌ନାରି ତାଣାଟି ନୀଏଁ ମିଙ୍ଗେ ଝେସ୍‌ପି ଆହିମାଞ୍ଜାନେ;

ଏ ବାରେ କାତା ଦୂତୁୟା ଜିକେଏ ପୁଞ୍ଜାଲି ଅଣ୍ଠି ମାନେରି ।

୨

ସୁଦୁଜୀଝୁ ତଲେ ମାଞ୍ଜାଲି ହାଟ୍‌କି ଆନାୟି

୧୩ ନେହଁ କାମା କିହାଲି ତିୟାରା ଆଦୁ । କାପୁ କାତାନା ଜୀସୁ କ୍ରୀସ୍ତ ତଞ୍ଜା ଆନି ବେଲ୍ୟାତା ଆମିନି ବର ମିଙ୍ଗେ ହୀପକି ଆୟାନେ, ଏଦାଆଁତାକି ତୀରେତଲେ ବାର୍ସୁ ଇଟାଦୁ । ୧୪ ମାହାପୁରୁଇଁ ମାନି କିଦୁ, ମୀରୁ ତଲି ପୁଞ୍ଜାହିଲାଆତି ବେଲ୍ୟାତା ଆମିନି ଲାଗେଏ ପଲେଏତି ଜୁପକା ତଲେ ମାତେରି ନୀଏଁ ଏଲେଆଆଦୁ । ୧୫ ସାମା ମିଙ୍ଗେ ହାଟାମାଞ୍ଜାନି ମାହାପୁରୁ ଏନିକଁ ସୁଦୁଗାଟାସି ମୀରୁ ଜିକେଏ ଏଲେକଁ ମୀ ବାରେ ମାଣ୍ଡକିତା ସୁଦୁ ଗାଟାତେରି ଆଦୁ । ୧୬ ଦାମ୍‌ପତିତା ରାସ୍‌କି ଆହାମାନେ, “ମୀରୁ ସୁଦୁ ଗାଟାତେରି ଆଦୁ, ଏଦାଆଁତାକି ଇତିହଁ ନାନୁ ସୁଦୁ ଗାଟାତେଏଁ ।”

୧୭ ଅଡେ ଆମ୍ବାଆରି ମୁମ୍‌ମେହ୍‌ଆନା ବାରେ ଲକୁତି ଏଞ୍ଜାରି କାମା କିହାମାନିଲେହେଁ ନୀହଁୟି କିନେସି, ଏଞ୍ଜାଣି ତାଣା ପ୍ରାତାନା କିନାଟି ଆବା ଇଞ୍ଜାଁ ହାଟିତିହଁ, ମୀରୁ ଇ ଦାର୍‌ତିତା ବାସାଆହାମାନି ପାତେକା ମାନି ତଲେ ଏଞ୍ଜାଣାଲ୍ ଆଜାନା ମାଞ୍ଜୁ; ୧୮ ଇତିହଁ ମୀରୁ ପୁଞ୍ଜାମାଞ୍ଜେରି ମୀ ଆକୁ ଆବାୟାଁ ତାଣାଟି ବେଟାଆହାମାନି ଉଜେଏତି ମାଣ୍ଡକି ତଲେ ନୀତିନି ତାଣାଟି ମୀରୁ ଝେଣ୍ଡି କି ବାଂଗାରା ଲେହେଁତି ନାସା ଆନି ଆସ୍ତି ତଲେ ପିସ୍‌ପି ଆହାହିଲଅତେରି, ୧୯ ସାମା ଏନି ସିନା ଅଡେ ଦହ୍ ହିଲାଆଗାଟି ମେଣ୍ଡା ତାଲୁ ଲେହେଁତି କ୍ରୀସ୍ତ ଗାଡି ଦାରାଗାଟି ନେତେରି ତଲେ ପିସ୍‌ପି ଆହାମାଞ୍ଜେରି । ୨୦ ଦାର୍‌ତି ଗାଡିଆଡି ନକେଏ ମାହାପୁରୁ ଏଞ୍ଜାଣାଲ୍ ଆଡିତେସି ଇଞ୍ଜାଁ ଇ ରାନ୍‌ କୁଗୁତା ଏଞ୍ଜାସି ମିଙ୍ଗେତାକି ତଞ୍ଜା ଆହାମାଞ୍ଜାନେସି; ୨୧ ଆମିନି ମାହାପୁରୁ ଏଞ୍ଜାଣାଲ୍ ହାକିଟି ନିକହାନା ଗାଝୁରମି ହାହାମାନେସି, ଏଞ୍ଜାଣି ତାଣାଟି ମୀରୁ ଏ ମାହାପୁରୁଇଁ ନାମିମାଞ୍ଜେରି, ଇଦାଆଁତାକି ମୀ ବାରେ ନାମୁ ଅଡେ ବାର୍ସୁ ମାହାପୁରୁ ତାଣା ଆଡ଼ଞ୍ଜା ଆହାମାନେ ।

୨୨ ନୀଏଁ ମୀରୁ ସାତାତି ମାନୁଞ୍ଜି ଆହାମାନା କୁରୁ ହିଲାଆ ତାୟିଲ୍ ଜୀଝୁ ନହାଲି ତାକି ମୀ ହିୟାଁତି ଅଡ଼ହା କତାମାନାକି ମୀ ବାରେ ହିୟାଁ ତଲେ ମୀରୁ ରଣ୍ଡିଏ ମନତଲେ ରଅତେରି ରଅଣାଲ୍ ଜୀଝୁନଦୁ । ୨୩ ଇତିହଁ ମୀରୁ ନାସା ଆନି ପାଡେୟିଟି ଆଏ, ସାମା ଏଚେଲା ନାସା ଆଆଗାଟି ପାଡେୟିଟି, ଇତିହଁ ମାହାପୁରୁତି ଜୀଝୁ ଅଡେ ବାରେବେଲା ଡୟିନି ବଲୁ ତଲେ ଝେଣ୍ଡେ ଜାନା ଆହାମାଞ୍ଜେରି । ୨୪ ଦାମ୍‌ ସାସ୍ତେରିତା ରାସ୍‌କି ଆହାମାନେ, “ଇତିହଁ ଦାର୍‌ତିତା ବାରେ ଲକୁ ଗାକଁ ଜାଡ଼ା ଲେହେଁତାରି,

ଏଞ୍ଜାରି ଅଜୁ ବାରେ ଜାଡ଼ାତି ପୂଜା ଲେହେଁତାୟି ।

ଗାକଁ ଜାଡ଼ା ଝାୟାହାନେ ଇଞ୍ଜାଁ ପୂଜା ବାରେ ହୁଲାହାନୁ ।

୨୫ ସାମା ମାହାପୁରୁତି ବଲୁ କାଲାକାଲାତାକି ଡୟିନେ ।” ଇଦି ଏ ନେହଁ କାବୁତି ବଲୁ, ଆମିନି ଗାଟାୟି ମୀ ତାଣା ଝେପକି ଆହାମାତେ ।

ଜୀଝୁତି ଝାଲି ଅଡେ ସୁଦୁଗାଟି କୃତା

୧ ଇତିହଁ ପ୍ରୁ କାର୍‌ମା ମେହ୍‌ନାସି ଇଞ୍ଜାଁ ମୀରୁ ନୀଏଁ ପୁଞ୍ଜିମାନାକି, ଇଞ୍ଜାଁ ବାରେ ଲାଗେଏ ପଲେଏତାଣି, ନାଡି କିନାଣି, କୁରୁ, ଲକୁଣି ତାହାରା ଇଞ୍ଜାଁ ଲକୁଣି ନିନ୍ଦା କାତା ଜଲିନାଣି ପିହ୍‌ଦୁ, ୨ ପୁଞ୍ଜି ଜାର୍‌ନାଆଡି କୁଗି କକାରି ପଦାଲେହେଁ ଏଦାଆଁ ଆଣ୍ଡାଆତି ପାଲୁ ଗସାଲି ଅଣ୍ଠିଦେରି, ଆତିହଁ ମୀରୁ ପାତାଆହାନା ଗେଲ୍‌ପି ଆଡେରି । ୩ ଦାମ୍‌ପତିତା ରାସ୍‌କି ଆହାମାନେ, “ମାହାପୁରୁ ଏଚେକା କାର୍‌ମା ମେହ୍‌ନାସି, ଏଦାଆଁ ମୀରୁ ପୁଞ୍ଜାମାଞ୍ଜେରି ।”

୪ ଜୀଝୁଗାଟି ଝାଲି ଲେହେଁତି ପ୍ରୁ, ଏଞ୍ଜାଣାଲ୍ ମାଣ୍ଡିୟାଁ ତାଣାଟି ଅପାଆତେରି ସାତା, ସାମା ମାହାପୁରୁ ତାଣା ଆଡ଼ଞ୍ଜି ଆହାନା ଗାଡି ଦାରାଗାଟାସି ଆଡେସି । ୫ ତାନି ତାଣା ଝାହାନା ମୀରୁ ଜିକେଏ ଜୀସୁ କ୍ରୀସ୍ତ ତାଣାଟି ମାହାପୁରୁ ନକିତା ନେହଁ ଜୀଝୁତି ପୂଜା ହାହାଲିତାକି ସୁଦୁଗାଟି ପୂଜେରାଜା ଲେହେଁ ଆହାଲିତାକି ଜୀଝୁତି ଝାଲି ଲେହେଁ ଆହାନା ର ପ୍ରାତାନା ଇଲୁ ଲେହେଁ ଆଦୁ । ୬ ଇତିହଁ ଦାମ୍‌ ପତିତା ରାସ୍‌କି ଆହାମାନେ;

“ନାନୁ ସିୟନତା ର ଆଡ଼ଞ୍ଜି ଆହାମାନି ଅଡେ ଦାରାଗାଟି କନତି ମଲୁ ଝାଲି କିହାମାଲ୍ ଇଞ୍ଜାଁ ଆମ୍ବାଆସି ଏଞ୍ଜାଣି ତାଣା ନାମିନେସି ଏଞ୍ଜାସି ଏଚେଲାଞ୍ଜା ଲାଜା ବେଟାଆସି ।”

୭ ମୀରୁ ପ୍ରୁଇଁ ନାମିମାଞ୍ଜେରି, ମୀରୁ ଏ ଦାରାଗାଟି ତାଣା ଆଣ୍ଡାମାଞ୍ଜେରି, ସାମା ଆମ୍ବାଆରି ନାମଅରି, “ଇଲୁ କେପିନାରି ଆମିନି ଝାଲିତି ଅପାଆତେରି, ଏଦି ଏଞ୍ଜାରାକି ଇଲୁ କନତି ମଲୁ ଝାଲି ଆଡେ ।”

୮ ଅଡେ ଦାମ୍‌ପତିତା ରାସ୍‌କି ଆହାମାନେ, “ଏ ଝାଲିତା ହାଡେକା ଲକୁ ପୁଟି କିନେରି, ଏ ପାକା ଝାଲି ଏଞ୍ଜାରାଲ୍ ଡ଼ଇ ଡ଼ରି କିନାୟି ଆନେ;”

ମାହାପୁରୁ ବଲୁ ଆହ୍‌ଆତାକି ଏଞ୍ଜାରି ଏଦାଆଁ ବାଡ଼ା ବେଟାଆନେରି ଇଞ୍ଜାଁ ଏଦାଆଁତାକି ଏଞ୍ଜାରି ମାହାପୁରୁ ତାଣାଟି ଆଡ଼ଞ୍ଜି ଆହାମାତେରି ।

୯ ସାମା ଆମ୍ବାଆସି ମିଙ୍ଗେ ଆଦେରିଟି ତାନି କାବାଆନି ଉଜେଡିତା ହାଟାମାଞ୍ଜାନେସି, ମୀରୁ ଏନିକଁ ଏଞ୍ଜାଣି ଗୁଣ୍ଡୁ ପାଡିଦେରି, ଏଦାଆଁତାକି ମୀରୁ ମାହାପୁରୁ ଆଟାମାଞ୍ଜାନି କୃତାତେରି, ରାଜାତି ସେବାକିନି ପୂଜେରାଜା, ମାହାପୁରୁ ସେବାତାକି ଏଟକା ଆହାମାନି ସୁଦୁ କୃତାତେରି, ଇଞ୍ଜାଁ ମାହାପୁରୁତି ଲକୁତେରି ଆହାମାଞ୍ଜେରି । ୧୦ “ତଲି ମୀରୁ ମାହାପୁରୁତି ଲକୁ ଆହା ହିଲାଆତେରି, ସାମା ନୀଏଁ ମୀରୁ ମାହାପୁରୁତି ଲକୁ ଆହାମାଞ୍ଜେରି, ତଲି ମୀରୁ ମାହାପୁରୁତି କାର୍‌ମା ବେଟାଆହା ହିଲାଆତେରି, ସାମା ନୀଏଁ ତାନି କାର୍‌ମାଆନାଣି ବେଟାଆହାମାଞ୍ଜେରି ।”

ମାହାପୁରୁତି ହଲିୟାଜା

୧୧ ଏ ଜୀବୁତି ତାୟି ତାଜିସ୍ତା, ନାନୁ ମିଙ୍ଗେ ଇ ଦାର୍ତତିତା ଏଟ୍‌କା ଦେସାତାତେରି ଇଞ୍ଜା ହେକ ଦେସାଟି ଖାହାମାନାତେରି ଇଞ୍ଜା ଅଣ୍ଟାପାନା ବାତିମାଲିମାଞ୍ଜାଇ, ମୀରୁ ମୀ ଆଙ୍ଗାତି ଜୁପକାଟି ହେକ ଆଦୁ, ଏଞ୍ଜି ମୀ ଜୀବୁ କପାଟି ଜୁଜୁ କିହେମାନୁ । ୧୨ ମୀରୁ ଜୀବୁଦିଆଆତି ଲକୁତାଣା ମୀ ମାଣକି ଦହ ହିଲାଆଗାଟାୟି ଆପେ, ଏନିକି ଏଞ୍ଜାରି ନୀର୍ବିଙ୍ଗେ ପାପୁ ଦହ ଗାଟାତେରି ଇଞ୍ଜା ନିନ୍ଦା କିୟାନେରି, ତାୟୁ କ୍ରୀସ୍ତୁ ଖାନି ଦିନାତା ମୀ ନେହୁଁ କାମା ମେସାନା ମାହାପୁରୁଇଁ ଜହରା କିନେରି ।

୧୩ ପ୍ରବୁତି ତାକି ବାତିମାଲିମାଞ୍ଜାଇ, ମୀ ମୁହେଁ ସାଲୁଞ୍ଜି କିନାରାଇ ମାନୁଞ୍ଜି ଆଦୁ । ୧୪ ବାରେତି କିହାଁ କାଜା ରାଜା ଆପେସି, ଲାଗେଏ ପଲେଏତାରାଇଁ ତଣ୍ଡ ହାହାଲି ଅଡେ ନେହୁଁ କାମା କିନାରାଇଁ ରାହାଁ କିହାଲିତାକି ତାନିତାଣାଟି ପାଣ୍ଡୁଞ୍ଜିଆହାମାନି ସାଲୁଞ୍ଜି କିନାସି ଆପେସି, ଏଞ୍ଜାରାଇଁ ମାନି କିଦୁ । ୧୫ ଇତିହୁଁ ମୀରୁ ନେହୁଁ କାମା କିହାଁ ବୁଦି ହିଲାଆ ଉଜେଏତି କାତା ଖେହନାରାଇଁ ସାପି କିଦୁ, ଏଦି ମାହାପୁରୁତି ଅଣ୍ଟାପୁ । ୧୬ ମୀରୁ ମେଲା ମାନାତେରି ଆଡିଜିକେଏ ଏ ମେଲା ଆହାମାନି ତାଣାଟି ଲାଗେଏ ପଲେଏ ଲେମ୍ବାଆଦୁ, ସାମା ମାହାପୁରୁତି ହଲିୟା ଆହାନା ନେହୁଁ କାମା କିଦୁ । ୧୭ ବାରେ ଲକୁଇଁ ଆବାଦୁ, କ୍ରୀସ୍ତାନା ତାୟି ତାଜିଇଁ ଜୀବୁନଦୁ, ମାହାପୁରୁଇଁ ଆଜାଦୁ, ରାଜାଇଁ ମାନି କିଦୁ ।

କ୍ରୀସ୍ତୁ କସ୍ତୁଟି ଜାପିନାୟି

୧୮ ହଲିୟାଙ୍ଗାତେରି ମୀରୁ ଆଜିତଲେ ମୀ ସାଞ୍ଜୁକାରିୟାଁଇଁ ମାନୁଞ୍ଜି ଆଦୁ, ଖାରଇ ନେହାଁରାଇଁ ଅଡେ କାର୍ମା ମେହନାରାଇଁ ଆଏ, ସାମା ଲାଗେଏତି ସାଞ୍ଜୁକାରିୟାଁଇଁ ଜିକେଏ ଏଲେକିଁ ମାନୁଞ୍ଜିଆଦୁ । ୧୯ ଇତିହୁଁ ଆମ୍ବାଆସି ମାହାପୁରୁଇଁ ନାମିତାକି ଲାଗେଏତାଣି ତାକି ଦୁକୁ କସ୍ତୁ ବେଟାଆହାନା ଅରୁହିନେସି, ଆତିହୁଁ ଏଦି ରାହାଁଟି କାତା । ୨୦ ମୀରୁ ମୀ ଦହ ତାକି ତଣ୍ଡ ବେଟାଆଦେରି, ଏମ୍ବାଆଁ ଏଦି ଲାବା ? ସାମା ନେହୁଁ କାମାତାକି କସ୍ତୁ ଅରୁହିତିହୁଁ, ମାହାପୁରୁ ମିଙ୍ଗେ ବର ହିୟାନେସି । ୨୧ ମାହାପୁରୁ ତାଣା ବାରେତାକି ହାଟ୍‌କିଆହା ମାଞ୍ଜେରି, ଇତିହୁଁ ମୀରୁ ଏନିକିଁ କ୍ରୀସ୍ତୁ ପାଞ୍ଜୁଲି ତଲେ ତାକିଦେରି ଏଦାଆଁତାକି ଏଞ୍ଜାସି ଜିକେଏ ମିଙ୍ଗେତାକି ଦୁକୁ କସ୍ତୁ ଅରୁହାନା, ମିଙ୍ଗେତାକି ଏଲେଆହାଲି ତସାମାଞ୍ଜାନେସି; ୨୨ ଏଞ୍ଜାସି ଏନି ପାପୁ ଦହ କିହାହିଲାଆତେସି କି ଏଞ୍ଜାଣି ଗୁଡିଟି ମିତି କାତା ଏତେଲାଞ୍ଜା ହଟାହିଲାଆତେ । ୨୩ ଏଞ୍ଜାସି ନିନ୍ଦା ବେଟାଆହି ମାଟାଟି ଖେଣ୍ଡେ ନିନ୍ଦା କିଆତେସି; ଦୁକୁ କସ୍ତୁ ବେଟାଆହି ମାଟାଟି ଖେଣ୍ଡେ କସ୍ତୁ ହିୟାଇଁ ଇଞ୍ଜା ଆଜି ତସାନା ଖେହୁଆତେସି, ସାମା ସାତା ନୀହାଁୟି କିନି ମାହାପୁରୁ ତାଣା ତାନି ବାରେତି ହେରପିତେସି । ୨୪ ମାର ଏନିକିଁ ପାପୁ ତାକି ହାହାନା, ଦାମୁତାକି ଜୀବୁତଲେ ନୀଡିନାୟି, ଏଦାଆଁତାକି ଏଞ୍ଜାସି

ପାସି ମୁଣ୍ଡା ଲାକ ତାନି ଆଙ୍ଗା ତଲେ ମା ବାରେ ପାପୁ ଡେକା ଅଡେସି, ଏଞ୍ଜାଣି ରାହାଁଟି ମୀରୁ ନେହୁଁ ଆହାମାଞ୍ଜେରି । ୨୫ ଇତିହୁଁ ମୀରୁ ଜିରୁ ବାଣାଆହାମାନି ମେଣ୍ଡାୟାଁ ଲେହେଁ ଆହାମାତେରି, ସାମା ନୀର୍ବିଙ୍ଗେ ମୀରୁ ଜୀବୁତି ଗଡ଼ କୁଲମିତି କାଜାଣା ଜେତ ଜେତ ତାକାଲି ମୀରୁ ଖେଣ୍ଡା ଖାହାମାଞ୍ଜେରି ।

୩

ତକ୍ତି ତକ୍ତାତି କାତା

୧ ଏଲେକିହୁଁଏ ଏ ତକ୍ତିସିକାତେରି, ମୀରୁ ମୀ ତକ୍ତାୟାଁଇଁ ମାନୁଞ୍ଜିଆଦୁ, ଏନିକିହୁଁଏ ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରି ମାହାପୁରୁ କାତା ନାମାଆତି ଜିକେଏ ମୀ ନେହୁଁ ମାଣକି ମେସାନା, ମୀରୁ ଖେହୁଆନା ଜିକେଏ ମାହାପୁରୁ ତାଣା ନାମାଲି ଆଡିନେରି । ୨ ଏନିକିଁଏ ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରି ବଲୁଡି ମାନୁଞ୍ଜି ଆଆତି ଜିକେଏ ମୀ ମାହାପୁରୁତି ଆଜି ଅଡେ ମାଣକି ମେସାନା କାତା ଖେନାଆନା ଜାହାରା ତକ୍ତିନି ସୁଦୁଗାଟି ମାଣକି ମେସାନା ନାମିନେରି । ୩ ଏତାୟିଁ ବାଣାୟାଁ ହାରେକା ଅଜିକିହୁଁ କିଶ୍ତା କତାନା, ବାଂଗାରା ତୁରହାନା, ଅଜିତି ହିମ୍ବୁରିକା ହୁଡିନାୟି, ଖାରଇ ଇ ବାରେ ତଲେ ମୀ ଆଙ୍ଗାଟି ଅଜି କିହାକତାଆଦୁ, ୪ ମୀ ହିୟାଁତା ଏମିନି ହିଡ଼ି ଜୀବୁତି ଗୁଣ୍ଡୁ ମାହାପୁରୁ ନକିତା ହାରେକା ଦାରାଗାଟାୟି, ଏଦିଏ ମୀ ନାସା ଆଆଗାଟି ଅଜୁ ଆପେ ୫ ଏଦାଆଁତାକି ଇତିହୁଁ ତଲି କାଲ୍ଲାତି ସୁଦୁଗାଟି ଇୟାସିକା ଜିକେଏ ମାହାପୁରୁ ତାଣା ବାସୁଁ ଇଟାନା ତାମି ତକ୍ତାୟାଁଇଁ ମାନିକିହାଁ ଜାହାରାଇଁ ଅଜିକିହା କଡିମାରୁ । ୬ ଏଲେକିହୁଁଏ ସାରା ଜିକେଏ ଅରୁହାମଇଁ ମାନୁଞ୍ଜି ଆହାଁ ଏଞ୍ଜାଣାଇଁ ନା ପ୍ରବୁ ଇଞ୍ଜିମାଟେ; ମୀରୁ ଜିକେଏ ନୀର୍ବିଙ୍ଗେ ଏଦାଆଁ ଆଜାଆନା ନେହୁଁ କାମା କିତିହୁଁ ଏଦାଣି ମାସ୍‌କାତେରି ଆଦେରି ।

୭ ଏତକ୍ତିୟାଁତେରି, ଏଲେକିହୁଁଏ ମୀ ତକ୍ତିସିକାଣି ମୀ କିହାଁ ବାଡ଼ୁତା ଉଣାଗାଟାଇଁ ଇଞ୍ଜା ପୁଞ୍ଜାନା ଏଞ୍ଜାସିକାଇଁ ମାନି କିଦୁ, ଇଞ୍ଜା ଏଞ୍ଜାସିକା ତଲେ ଆଣ୍ଡାନା ବୁଦିତଲେ ଡୟାଦୁ, ଏଞ୍ଜି ଜିକେଏ ମୀ ତଲେ ମାହାପୁରୁ ତାଣା କାଲ୍ଲାକାଲ୍ଲା ଜୀବୁତି କାର୍ମାଟି ଦାନା ବେଟାଆନୁ, ଏନିକିଁ ମୀ ପ୍ରାତାନା କିନିତାଣା ବାଡ଼ା ଖାଏ ।

ନେହୁଁ କାମାତାକି କସ୍ତୁ ପାଣ୍ଡନାୟି

୮ ତାୟୁତି କାତା ଇଦି, ମୀରୁ ବାରେଜାଣା ତେରି ରଣ୍ଡିଏ ଅଣ୍ଟାପୁ ତଲେ ବାରେତି ସୁକୁ ଦୁକୁତା ଆଣ୍ଡୁ ଆନାୟି, ତାୟି ତାଜିଇଁ ଜୀବୁନନାୟି, ନେହୁଁ ହିୟାଁ ଅଡେ ଜାହାରାଇଁ ଉଣା କିହାକତାଦୁ । ୯ ଲକୁ ମିଙ୍ଗେ ଲାଗେଏ କିୟାତିହୁଁ ଜିକେଏ ଏଞ୍ଜାରାଇଁ ଖେଣ୍ଡେ ଲାଗେଏ କିଆଦୁ, ନିନ୍ଦା କିୟାତିହୁଁ ଖେଣ୍ଡେ ନିନ୍ଦା କିଆଦୁ, ସାମା ଏଞ୍ଜାରାଇଁ ବର ହାଦୁ, ଏଦାଆଁତାକି ଇତିହୁଁ ଏଲେକିହାଲି ମାହାପୁରୁ

☆ ୩:୧ ୩:୧ ଏପିସି ୫:୨୨; କଲସି ୩:୧୮ ☆ ୩:୩ ୩:୩ ୧ତିମ ୨:୯ ☆ ୩:୭ ୩:୭ ଏପିସି ୫:୨୫; କଲସି ୩:୧୯

ମିଙ୍ଗେ ଆଚାନା ହାଟାମାଞ୍ଜାନେସି । ୧୦ ଦାମ୍ବୁ ସାସ୍ତେରିତା ରାସ୍ତକି ଆହାମାନି ଲେହେଁ

“ଆମ୍ବାଆସି ଜୀଝୁତା ସୁକୁ ତଲେ ଡୟାଲି ଇଞ୍ଜା ରାହ୍ଣତି ଦିନାୟା ମେସାଲି ଅଣପିନେସି, ଏଞ୍ଜାସି ଲାଗେଏ ପଲେଏ କାତାୟା ତାନି ଝେନ୍ଦରିଟି ଜଲ୍ଲାଆପେସି, ଅଡ଼େ ମିଟି କାତାୟା ତାନି ଗୁଡ଼ିଟି ଏଚେଲାଞ୍ଜା ହଆପୁ ।

୧୧ ଏଞ୍ଜାସି ଲାଗେଏ ପଲେଏ ତାଣାଟି ହେକ ଆହାନା ନେହ୍ କାମା କିପେସି, ଇଞ୍ଜା ତାନି ବାରେ ହିୟା ତଲେ ହିଡ଼ଡ଼ି ଜୀଝୁ ପାରାନା ଏ ଜିରୁଟି ତାକାପେସି ।

୧୨ ଏନାଆଁତାକି ଇଚିହ୍ ଦାମ୍ବୁ ଗାଟାରାକି ପ୍ରୁଡ଼ି କାନୁ ମାନେ, ଇଞ୍ଜା ଏଞ୍ଜାରି ପ୍ରାତାନାଟି କୀର୍କା ଅତାହାଁ ଝେନେସି, ସାମା ପାପୁ ଗାଟାରି କପାଟି ପ୍ରୁବୁ ନିଜିନେସି ।”

୧୩ ମୀରୁ ନେହ୍ କାମାତାକି ରାହ୍ଣା ଗାଟାଟେରି ଆଡ଼େରି, ଆଡ଼ିହ୍ ଆମ୍ବାଆସି ମିଙ୍ଗେ ଲାଗେଏ କିୟାଲି ଆଡାନେସି ? ୧୪ ସାମା ନେହ୍ କାମା କିହାନା କସ୍ତ ବେଟାଆଡ଼ି ଜିକେଏ, ଏଡ଼ି ମୀ ତାକି ନେହେଁ, ଆମ୍ବାଆସି ମିଙ୍ଗେ ଆଜି କିୟାଡ଼ିହ୍ ଆଜିତାକି ଆଡାନାକା ଆଆଦୁ; ୧୫ ସାମା ଜୀଝୁଇଁ ପ୍ରୁବୁ ଇଞ୍ଜା ମୀ ହିୟାତା ସୁଦୁ ତଲେ ମାନି କିଦୁ, ଆମ୍ବାଆସି ଏଚେଲାଞ୍ଜା ମୀ ତାଣା ମାନି ବାସ୍ତୁତି କାତା ପୁଞ୍ଜାଲି ଝେଞ୍ଜାଡ଼ିହ୍, ଏଞ୍ଜାଣାଈଁ ଝେଣ୍ଡେ ଝେସାଲି ମୀ ଅଣ୍ଡୁ ତଲେ ତିୟାରା ଆହାମାଞ୍ଜା, ୧୬ ସାମା ଝେହ୍ନାଟି ସୁଦୁ ଅଡ଼େ ମାନିଗାଟି ଅଣ୍ଡୁ ତଲେ ଆଜାଆନା ନେହ୍ ବୁଦିଟି ଝେହ୍ନୁ, ମୀରୁ ଜୀଝୁ ତାଣା ଆଣ୍ଡାନା ନେହ୍ ମାଣ୍ଡକି ମାନାକି ମିଙ୍ଗେ ନିନ୍ଦା କିହାନା ଦହ୍ ଦହ୍ନାରି ଏମ୍ବେଏ ଲାଜା ପାଣ୍ଡପେରି ଇଞ୍ଜା ମୀରୁ ତାରିଡ଼ି ଅଣ୍ଡୁ ତଲେ ମାଞ୍ଜୁ । ୧୭ ଏନାଆଁତାକି ଇଚିହ୍ ଲାଗେଏ ପଲେଏ କାମାତାକି ଦୁକୁ ବେଟାଆନି କିହାଁ ମାହାପୁରୁ ଇଚା ଆଡ଼ିହ୍, ନେହ୍ କାମାତାକି ଦୁକୁ ବେଟାଆନାୟି ନେହେଁ । ୧୮ ଜୀଝୁ ମିଙ୍ଗେ ମାହାପୁରୁ ତାଣା ତାଚାଲି ତାକି ଏଞ୍ଜାସି ଦାମ୍ବୁଗାଟାସି ଆହାନା ଦାମ୍ବୁ ହିଲାଆ ଗାଟାରି ତାକି ପାପୁ ତାକି ରଣ୍ଡିଏ ଦେବା ହାଡ଼େସି, ଏଞ୍ଜାସି ଆଙ୍ଗା ତଲେ ହାଡ଼େସି ସାତା, ସାମା ଜୀଝୁତଲେ ନୀଡ଼ିଡେସି, ୧୯ ଏମ୍ବାଟିଏ ଏଞ୍ଜାସି ସୁଦୁଜୀଝୁ ତଲେ ମାଞ୍ଜାନା ଦସ୍ପି ଆହାମାଟି ଜୀଝୁୟା ତାଣା ହାଜାନା ମାହାପୁରୁ ବଲୁ ଝେକହେସି; ୨୦ ତଲି କାଲାତା ନହ୍ ଜାକା କେପିଡ଼ି ବେଲା, ମାହାପୁରୁ ସାସାତଲେ କାଟିମାଟେସି, ଆଡ଼ିଜିକେଏ ଏଞ୍ଜାଣାଈଁ ମାନଞ୍ଜି ଆଆଡେରି, ଏ ଜାକାତା ହାଡ଼େକା ଲକୁ ଆଏ, ଆଟା ଜାଣା ହଡାନା ଏମ୍ବୁଟି ଗେଲ୍ପି ଆଡେରି; ୨୧ ଏ ଏମ୍ବୁ ଈ କାଲାତି ବାପ୍ରିସ୍ଟ* ଇଚିହ୍ ଏଡ଼ି ମା ଆଙ୍ଗାଟି ମାଟି ନରନାୟି ଆଏ, ସାମା ମାହାପୁରୁ ତାଣା ନେହ୍ ଅଣ୍ଡୁ ବେଟାଆହାଲି ପ୍ରାତାନା କିନାୟି, ଇଞ୍ଜା ଜୀଝୁ ଜୀଝୁ ହାକିଟି ନିଜିତାକି ଗେଲ୍ପି ଆନାୟି । ୨୨ ଏ

ଜୀଝୁ ଜୀଝୁ ଲାକପୁରୁ ହାଜାନା ମାହାପୁରୁଟି ଚିଝି ଟଟତା କୁଗାମାନେସି, ଏମ୍ବାଆଁ ଦୁଡୁୟା, ପାଣା ବେଟାଆଆଡାରି ଅଡ଼େ ବାଡ଼ୁ ଗାଟାରି, ଏଞ୍ଜାଣାଈଁ ମାନଞ୍ଜି ଆହାନା ତାନି ଡ଼ଇ ମାନେରି ।

୪

ମାହାପୁରୁ ତାକି ନୀଡ଼ିନାୟି

୧ ଜୀଝୁ ଆଙ୍ଗା ତଲେ ଦୁକୁ କସ୍ତ ବେଟାଆହା ମାନାକି ମୀରୁ ଜିକେଏ ଏଲେକିହ୍ ଏ ଏଞ୍ଜାଣି ଲେହେଁ ଅଣ୍ଡୁ ତଲେ ଜାହାରାଈଁ ତିୟାରା କିହାକତାଦୁ, ଏନାଆଁତାକି ଇଚିହ୍ ଆମ୍ବାଆସି ଜୀଝୁଟି ତାକି ଆଙ୍ଗାତା ଦୁକୁ କସ୍ତ ବେଟା ଆହାମାନେସି, ଏଞ୍ଜାସି ପାପୁଟି ହେକ ଆହାମାନେସି, ୨ ଏନିକ୍ ମୀରୁ ଦାଡ଼ିତା ନୀଡାନାମାନି ପାଡେକା ପାପୁଗାଟି ମାଣ୍ଡିତି ଲାଗେଏ ଜୁପକାଟି ଅଣ୍ଡୁ ତଲେ ନୀଡାଆନା ମାହାପୁରୁଟି ଅଣ୍ଡୁ ଲେହେଁ ନୀଡାଦୁ । ୩ ହାଡେକା ଦିନା ମୀରୁ ନାମାଆଗାଟାରି ଇଚା ତଲେ କାମା କିହାଁ ମୀରୁ ଏଚେ କାଲା ଲାଗେଏ ପଲେଏ କାମାତା, ଲାଗେଏଡ଼ି ଜୁପକା, କାଡ଼ୁ ରୁଡୁ ଅନାୟି, କାଡ଼ୁ ଗୁସାନା ରାହ୍ଣା କିନାୟି, କାଡ଼ୁ ଗୁସାନା ହଡ଼ିନାୟି, ଇଞ୍ଜା ଅପାଆଗାଟି ପେଣ୍ଡକା ବମାୟାଣି ପୁଜା କିହିମାଟେରି, ୪ ମୀରୁ ନୀଏଁ ଏଞ୍ଜାରିତଲେ ଏ ବାରେ ଲାଗେଏ ପଲେଏ କାମାତା ରାହ୍ଣାତଲେ ଆଣ୍ଡିହିଲଅଡେରି, ଏନାଆଁତାକି ଏଞ୍ଜାରି ଆଡାନାକା ଆହାନା ମିଙ୍ଗେ ହାଡେକା ନିନ୍ଦା କିୟାନେରି । ୫ ସାମା ଆମିନି ମାହାପୁରୁ ନୀଡାନାମାନାରାଈଁ ଅଡ଼େ ହାଡାରାଈଁ ନୀହାୟି କିହାଲି ହାଜିମାନେସି, ଏ ମାହାପୁରୁ ନକିତା ଏଞ୍ଜାରି ତାନି ବାରେ କିତି କାମାଟି ଲେକା ହୀନାୟି ମାନେ । ୬ ଏନାଆଁତାକି ହାଡାରି ତାଣା ଜିକେଏ ମାହାପୁରୁଟି ନେହ୍ କାରୁ ଝେସ୍ପିଆଡେ, ଏନିକ୍ ଏଞ୍ଜାରି ମାଣ୍ଡିୟା ଲେହେଁ ଆଙ୍ଗା ତଲେ ନୀହାୟି କିଞ୍ଜି ଆଡ଼ିହ୍ ଜିକେଏ ମାହାପୁରୁ ଲେହେଁ ଜୀଝୁତଲେ ନୀଡ଼ିନେରି ।

ମାହାପୁରୁଟି ଦାନା ଅଡ଼େ ନେହ୍ ଗୁମ୍ବୁସା

୭ ଏ ବାରେଡ଼ି ରାନି ଦିନା ତାଗେ ଝାଡେୟିଏ, ଏନାଆଁତାକି ମୀରୁ ନେହ୍ ବୁଦି ଗାଟାଟେରି ଆଦୁ, ଇଞ୍ଜା ମାହାପୁରୁ ତାଣା ପ୍ରାତାନା କିୟାଲି ତାକି ଜାଗ୍ରାତା ଆହାନା ମାଞ୍ଜୁ । ୮ ବାରେଡ଼ି କିହାଁ ମୀରୁ ରଅଡେରି ରଅଣାଈଁ ହାଡେକା ଜୀଝୁନଦୁ, ଏନାଆଁତାକି ଇଚିହ୍ ଏଲେଡ଼ି ଜୀଝୁନନାୟି ହାଡେକା ପାପୁଟି ପିକ୍ନେ । ୯ ଗୁରୁମୁରୁ ଆଆନା ରଅଡେରି ରଅଣାଈଁ ଗତାୟା ଲେହେଁକି ସେବା କିଦୁ । ୧୦ ବାରେଜାଣା ଡେରି ଏନିକ୍ ମାହାପୁରୁ କାମାଟି ଦାନା ବେଟାଆହାମାଞ୍ଜେରି, ଏଲେକିହ୍ ଏ ମୀରୁ ମାହାପୁରୁ ମେରାଡ଼ି ନେହ୍ ଗୁମ୍ବୁସାୟା ଲେହେଁ ଆହାନା ଏ ବାରେ ଦାନା ତଲେ ରଅଡେରି ରଅଣାଈଁ ସେବା କିଞ୍ଜିଆଦୁ । ୧୧ ଆମ୍ବାଆସି ଝେକ୍ନେସି ମାହାପୁରୁଟି ନେହ୍ କାରୁ ଝେକ୍ନାସି ଲେହେଁ ଝେକ୍ନେସି; ଇଞ୍ଜା ଆମ୍ବାଆସି ସେବା

* ୩:୧୪ ୩:୧୪ ମାଡ଼ି ୫:୧୦ * ୩:୨୧ ୩:୨୧ମୁଞ୍ଜିନାୟି

କିନେସି ମାହାପୁରୁ ତାଣାଟି ବାଡ଼ୁୟୁ ବେଟାଆହାମାନି ଲେହେଁ ସେବା କିପାସି । ଏନିକି ଜୀସୁ କ୍ରୀସ୍ତ ତାଣାଟି ମାହାପୁରୁ ଗାଝୁରମି ବେଟା ଆନେସି; ଇଞ୍ଜା କାଲାକାଲାତି ଗାଝୁରମି ଅଡ଼େ କାଜାପାଣା ଏଞ୍ଜାଣିଞ୍ଜାୟି । ଆମେନ୍ ।

କ୍ରୀସ୍ତାନା ଲକ୍ଷୁତି ଦୁକୁ କସ୍ତ

୧୨ ଏ ନା ଜୀଝୁତି ତଣେସିଙ୍ଗାତେରି, ନୀର୍ଦ୍ଦି ମିଙ୍ଗେ ହିତୁତା ତାୟିପାରି କିନି ଲେହେଁ ହାରେକା ଦୁକୁ କସ୍ତ ଖାହାମାନେ, ଏଡି ମାଙ୍ଗେ ଖାନାୟି ହିଲାଆତେ ଇଞ୍ଜୁ ଅଣ୍ଡାଆଦୁ । ୧୩ ସାମା କ୍ରୀସ୍ତତି ଦୁକୁ କସ୍ତତା ମୀରୁ ଏତେକା ଆଣ୍ଡାମାଞ୍ଜେରି ଏତେକେଏ ରାହାଁ ଆଦୁ, ଏନିକି ଏଞ୍ଜାଣି ଗାଝୁରମି ତଞ୍ଜାଆନି ବେଲାତା ଜିକେଏ ମୀରୁ କାଜା ରାହାଁତା ରାହାଁ ଆଦେରି । ୧୪ ସାମା ମୀରୁ କ୍ରୀସ୍ତତି ଦରୁ ତାକି ନିନ୍ଦା ବେଟାଆଦେରି ଆତିହୁଁ ମୀରୁ ନେହାଁତେରି, ଇତିହୁଁ ଗାଝୁରମିଗାଟି ଜୀଝୁ, ଇତିହୁଁ ମାହାପୁରୁତି ଜୀଝୁ ମୀ ତାଣା ଡ଼ୟାମାନେ । ୧୫ ଏଦାଆଁତାକି ମୀ ବିତ୍ରାଟି ଲକ୍ଷୁଣି ପାୟିନାରି, ସରୁ କିନାରି, ଦହ କାମା କିହାନା, ଲକ୍ଷୁଇଁ ସାକ୍ତି କାତା ଜଲିନାରି ଆହାନା ସାସ୍ତି ବେଟାଆପେରି । ୧୬ ସାମା ଆମ୍ବାଆସି କ୍ରୀସ୍ତାନା ଲକ୍ଷୁ ଆହାମାନାକି ସାସ୍ତି ବେଟା ଆନେସି, ଆତିହୁଁ ଏଞ୍ଜାସି ଲାଜା ଆଆପେସି, ସାମା ଇ କ୍ରୀସ୍ତ ଦରୁ ତାକି ମାହାପୁରୁଇଁ ଜହରା କିପେସି ।

୧୭ ଇତିହୁଁ ମାହାପୁରୁ ଇଲୁଟିଏ ନୀହାଁୟି କିଞ୍ଜି ଆହାଁ ବିଚାରା କିନି ଦିନା ଖାନେ; ଇତିହୁଁ ମାହାପୁରୁ ନକେଏ ମାଙ୍ଗେ ନୀହାଁୟି କିୟାତିହୁଁ, ଆତିହୁଁ ତାମି ନେହୁଁ କାରୁ ମାନଞ୍ଜି ଆହାହିଲଅରି ଏଞ୍ଜାରି ତାୟୁତି ତଣ୍ଡ ଏତେକା ଆଜିହପେତାୟି ଆଏ ! ୧୮ ସାସ୍ତିରତା ରାସ୍ତିକି ଆହାମାନେ, “ଦାମ୍ବୁଗାଟାସି କସ୍ତତଲେ ଗେଲ୍ପି ଆନେସି,

ଆତିହୁଁ ଦାମ୍ବୁ ହିଲାଆ ଗାଟାରି ଅଡ଼େ ପାପୁଗାଟି ଲକ୍ଷୁ ଏନିକି ମୁମ୍ବୁ ତୁହନେରି ?”

୧୯ ଇତିହୁଁ ଆମ୍ବାଆରି ମାହାପୁରୁତି ଅଣ୍ଡାପୁ ଲେହେଁ ଦୁକୁ କସ୍ତ ବେଟାଆନେରି, ଏଞ୍ଜାରି ନେହୁଁ କାମା କିହାନା ଏଞ୍ଜାଣି ତାଣା ହାରେପୁରେ ବାସ୍ତି କିପାରି, ଆତିହୁଁ ଏଞ୍ଜାରାଇଁ ଗାଡ଼ିକିତି ମାହାପୁରୁ ବାରେବେଲା ତାନି ଆଞ୍ଜାମାନି କାମା ଲେହେଁ କିନେସି ।



ମାହାପୁରୁତି ମେଣ୍ଡାୟି

୧ ଇତିହୁଁ ନାନୁ ମୀ ତଲେତି ର କୁଲମିତି ପ୍ରାଚିନାତେଏଁ, ଅଡ଼େ କ୍ରୀସ୍ତତି ଦୁକୁ ବେଟାଆହାମାନି ତାଣାଟି ସାକି ଇଞ୍ଜା ଖାହିମାନି ଗାଝୁରମିତା ଆଣ୍ଡିନାତେଏଁ ନାନୁ, ମୀ ତାଣା ମାନି ପ୍ରାଚିନାଙ୍ଗାଣି ବାତିମାଲିମାଇଁ, ୨ *ମୀ ତାଣା ମାନି ମେଣ୍ଡାୟିଣି ଜାଡ଼ୁ କିଦୁ ମାହାପୁରୁ ମିଙ୍ଗେ ହେରପାମାଞ୍ଜାନି ମାନ୍ଦାତି ପହିକିଦୁ, ଗୁତାଗୁତା କିନାକି ଆଏ, ସାମା ରାହାଁ ଅଣ୍ଡାପୁ ତଲେ ମାହାପୁରୁ ଅଣ୍ଡାପୁତି ଲେହେଁ

ଜାଡ଼ୁ କିଦୁ, ଖାରଇ ତାବୁୟାଁ ବେଟାଆନି ଆସା ତାକି ଆଏ, ସାମା ସାତା ସେବାକିନି ଅଣ୍ଡାପୁ ତଲେ କାମା କିଦୁ । ୩ ଅଡ଼େ ଆମ୍ବାଆରି ଦାୟିପତି ମୀ କେୟୁତା ହାପକି ଆହାମାଞ୍ଜାନେ, ଏଞ୍ଜାରି ମୁହେଁ ସାଲଞ୍ଜି କିନାତେରି ଆଆନା ଏ ମାନ୍ଦାତି ମାନି ଗାଟାତେରି ଆହାନା କିଦୁ । ୪ ଏଚେଟିଏ “କାଜା ଗଡ଼ୁ” ତଞ୍ଜାଆନି ଦିନାତା ମୀରୁ ଗାଝୁରମିତି ଏତେଲା ଖାଡ଼ାଆଗାଟି ଟପେରି ବେଟାଆଦେରି । ତାନି ଉଜେଡ଼ି ଏତେଲା ଖାଡ଼େଏ ।

୫ ଏ ଦାମ୍ବୁଗାୟିତେରି, ଏଲେକିହୁଁଏ ମୀରୁ ଜିକେଏ ମୀ ପ୍ରାଚିନାଙ୍ଗାଣି ମାନଞ୍ଜି ଆଦୁ, ମୀରୁ ବାରେକାଣା ତେରି ରଅତେରି ରଅଣି ନକିତା ସୁଦୁଗାଟି ଅଣ୍ଡାପୁତି ହିମ୍ବୁରି ଲେହେଁ ପରୁଦୁ, ଦାମ୍ବୁ ସାସ୍ତିରତା ରାସ୍ତିକି ଆହାମାନେ, “ଇତିହୁଁ ମାହାପୁରୁ ତାହାରା ଗାଟାରି କପାଟି ନିଙ୍ଗାମା ସୁଦୁ ଗାଟାରାଇଁ କାର୍ମା ମେହନେସି ।” ୬ *ମାହାପୁରୁତି ବାଡ଼ୁୟୁଗାଟି କେୟୁ ଡ଼ଇ ମୀରୁ ମିଙ୍ଗେ ଉଣା କିହାକତାଦୁ, ଏନିକିହୁଁ ଏଞ୍ଜାସି ତାୟୁ ସମାନା ଦିନାତା ମିଙ୍ଗେ କାଜାତେରି କିୟାନେସି; ୭ ମୀ ଅଣ୍ଡାପୁତି ବକ୍ତୁ ବାରେ ମାହାପୁରୁ ତାଣା ହେରପାଦୁ ଇତିହୁଁ ଏଞ୍ଜାସି ମିଙ୍ଗେତାକି ଅଣ୍ଡାପିନେସି ।

୮ ସେଡ଼ନା ଆହାନା ଜାଗ୍ରାତା ମାଞ୍ଜୁ, ଏନାଆଁତାକି ଇତିହୁଁ ଆମ୍ବାଆରାଇଁ ଗୁହୁଇଁ ଇଞ୍ଜୁ ମୀ ସାତୁ ସୟତାନ ତୁକିମାନି ସିହୁଁକ୍ଷାଣି ଲେହେଁ ପାରିହୁଁ ରେଜିମାନେସି । ୯ ମୀରୁ ନାମୁତା ତାରି ମାଞ୍ଜାନା ସୟତାନଇଁ ପେରୁଦୁ, ଏନାଆଁତାକି ଇତିହୁଁ ଇ ଦାର୍ଡିତା ମାନି ମୀ ନାମିତି ତାୟିୟାକି ଇଲେତି ଦୁକୁ କସ୍ତ ଆହିମାନେ । ୧୦ କ୍ରୀସ୍ତ ତଲେ ଆଣ୍ଡାମା ତାନି କାଲାକାଲାତି ଗାଝୁରମିତା ଆଣ୍ଡାଲି କାର୍ମାମେହନି ମାହାପୁରୁ ମିଙ୍ଗେ ହାଟାମାଞ୍ଜାନେସି, ମୀ ଗାଡ଼େକାତି ଦୁକୁ କସ୍ତ ବେଟାଆଡ଼ି ତାୟୁ ଏଞ୍ଜାସି ତାନୁଏ ମିଙ୍ଗେ ତାରି ଆଡ଼ଞ୍ଜା, ବାଡ଼ୁୟୁ, ଅଡ଼େ ଏତେଲା ଗୁଟା ଆଆଗାଟି ବାସ୍ତି ମିଙ୍ଗେ ହିୟାନେସି । ୧୧ ବାରେ ବାଡ଼ୁୟୁ ଜୁଗୁ ଜୁଗୁତାକି ଏଞ୍ଜାଣିଞ୍ଜାୟି । ଆମେନ୍ ।

ରାନିବେଲାତି ଜହରା

୧୨ *ସିଲାଇଁ ନାମୁତି ତାୟିଲେହେଁ ନାନୁ ଜୀଝୁନହାଁନା ତାନିତାଣାଟି ନାନୁ ଇ ଉଣା ଆକୁ ରାଟାମାଇଁ । ମାହାପୁରୁତି ସାତା କାର୍ମାଟି ସାକି ହୀହାନା ମିଙ୍ଗେ ରାହାଁ କିୟାନାୟି ନା କାମା । ଏ କାର୍ମା ମେହନିତାଣା ଆଡ଼ଞ୍ଜାତଲେ ମାଞ୍ଜୁ ।

୧୩ *ମାହାପୁରୁ ତାକି ଆଡ଼ଞ୍ଜି ଆହାମାନି ବାବିଲନତା ମାନି କୁଲମି ଅଡ଼େ ନା ଦାମ୍ବୁତି ମୀରୁଏସି ମାର୍କ ଜିକେଏ ମିଙ୍ଗେ ଜହରା କିହିମାଞ୍ଜାନେରି । ୧୪ କ୍ରୀସ୍ତାନା ଲକ୍ଷୁ ଲେହେଁ ଜୀଝୁନହାଁନା ଜହରା କିଦୁ । କ୍ରୀସ୍ତ ତାଣା ମାନି ଲକ୍ଷୁକି ହିଡ଼ଡ଼ି ଆପେ ।

✠ ୫:୨ ୫:୨ ଜହ ୨୧:୧୫-୧୭ ✠ ୫:୬ ୫:୬ ମାତି ୨୩:୧୨; ଲୁକ ୧୪:୧୧; ୧୮:୧୪ ✠ ୫:୧୨ ୫:୧୨ କାମା ୧୫:୨୨,୪୦ ✠ ୫:୧୩ ୫:୧୩ କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; ପିଲମ ୧:୨୪

ପିତର ଲିଖିତ ଦ୍ଵୀତୀୟ ପତ୍ର ପିତର ରାଚାମାନି ରୀ ଲମ୍ବର ଆକୁ ମୂକୁ ହାଡ଼ା

ପିତର ରୀ ଲମ୍ବର ଆକୁତି ପାଣ୍ଡୁଆଡ଼ି ପିତର ରାଚାମାନେସି, ସାମା ହାଡ଼େକା ବୁଦିଗାଗାରି ନୀର୍ଦ୍ଦେଶିତ ଓ ଉପଦେଶିତ ଯାତା ଲକ୍ଷ୍ମୀ ନାମିହିଲଅରି । ଇଦାଆଁ ପିତର ତାଣ୍ଡାଟି ଆମ୍ବାଆସି ଆପେ ରାଚାମାନେସିନେସି । ରାଚାମାନସି ଏଲେଇଞ୍ଜି ମାନେସି, ଏଞ୍ଜାସି ଜୀସୁ ଇ ଦାର୍ତ୍ତତା ନୀତାମାଗାଣି ଅଡ଼େ ମୂମୁ ବାଦଲି ଆହାମାଗାଣି ତାନୁଏ ମେସାମାନେସି ୧:୧୭-୧୮ । ଇ ଆକୁତି ପିତର ରାଚାମାନିସାରେ ଏଞ୍ଜାସି ରମ୍ଭତା ମାଞ୍ଜାନା ତାନୁ ହାଡ଼ି ନକେଏ ଜୀସୁ କ୍ରୀସ୍ତ ଜାର୍ନାଆଡ଼ି ୨୫-୨୯ ବାସୀ ତାୟୁ ରାଚାମାନେସି । ପିତର ରୀ ଲମ୍ବର ଆକୁତି ତାୟୁ ପିତର ରାଚିତି କାଲମି ଖେସାନା ଏଲେଇଚେସି ଇଦି ରୀ ପାଲିତି ଆକୁ ୩:୧ । ଏଞ୍ଜାସି ଇ ଆକୁତା ବାରେ କ୍ରୀସ୍ତାନା ଲକ୍ଷ୍ମୀ ଦରୁ ଖେକ୍‌ହେସି ।

କ୍ରୀସ୍ତଙ୍କ ନାମିତି ଲକ୍ଷ୍ମୀ ନେହଁକଁ ନୀତାବାଡ଼କାଲି ସାସା ହାହାଲି ଅଡ଼େ ମିତିତାଣି ଜାପ୍‌ନାରି ତାଣ୍ଡାଟି ଜାଗ୍ରାତା କିହାଲି ଇ ଆକୁ ପିତର ରାଚାମାନେସି ୨ ପାର୍ବୁ । ପିତର ଏଞ୍ଜାରାକ୍ ଜୀସୁ ତବେ ଖାହାହିଲଅସି ଇଞ୍ଜିମାନି ଲକ୍ଷ୍ମୀ କାତା ଆହୁଆଦୁ ଇଞ୍ଜି ସାସା ହାତେସି । ଏଞ୍ଜାସି ତସାନା ଖେସେସି ମାହାପୁରୁ ନିସ୍ତା ଆହୁଁ କାମାକିନାସି ଆଏ ସାମା ଏଞ୍ଜାସି ବାରେଜାଣାତି ଗେଲ୍‌ପି ଆହାଲି ଅଣ୍ଡିମାନେସି ୨ପିତ ୩:୮-୯ । ଏଦାଆଁତାକି ନେହଁକଁ ମାଣ୍ଡକିତି ଜୀସୁତଲେ ନୀତିନାୟି ମାନେ ୩:୧୪ ।

ପତିତା ମାନାୟି

- ୧. ପିତର ତାଙ୍ଗେ ଖେକ୍‌ହା କତିନାୟି ଅଡ଼େ ତାନି ଆକୁତି ପତ୍ରଞ୍ଜି ଆନାରାକ୍ ଖେହ୍‌ନାୟି । ୧:୧-୨
- ୨. ଏଞ୍ଜାସି ଏଞ୍ଜାରାକ୍ ନେହଁକଁ ନୀତାବାଡ଼କାଲି ଅଣ୍ଡି କିହିମାନେସି ଏନାଆଁତାକି ଇଚିହଁ ମାହାପୁରୁ ମାଙ୍ଗେ ବାଡ଼ୟୁ ହାହାମାଞ୍ଜାନେସି । ୧:୩-୨୧
- ୩. ଏଞ୍ଜାସି ମିତି ଜାପ୍‌ନାରି ତାଣ୍ଡାଟି ଜାଗ୍ରାତା ଆହାଲି ଖେସାମାନେସି ଅଡ଼େ ଜୁଗୁ ରାନ୍ଦି ଦିନାତା ଏଞ୍ଜାରାକି ଏନାଆଁ ଆନେ ଇଞ୍ଜି ଖେସାମାନେସି । ୨:୧-୨୨
- ୪. କ୍ରୀସ୍ତଙ୍କ ନାମିତି ଲକ୍ଷ୍ମୀ ଜୀସୁ ଖେଣ୍ଡେ ଖାନ୍ଦି ଦିନା ପାତେକା ନେହଁକଁ ଜୀସୁତଲେ ତିୟାରା ଆହା ମାଞ୍ଜାଲି ସାସା ହାହାନା, ପିତର ତାନି ଆକୁ ରାପ୍‌ନାୟି । ୩:୧-୧୭

୧ ସିମନ ପିତର, ର ହଲେଏସି ଅଡ଼େ ପାଣ୍ଡୁ ଆହାମାନସି, ମା ମାହାପୁରୁ ଅଡ଼େ ଗେଲ୍‌ପାନି ଜୀସୁ କ୍ରୀସ୍ତ ଦାମ୍‌ତାକି ଆମିନି ଗାଗାରି ମା ଲେହେଁ ହାଡ଼େକା ଦାରାଗାଟି ନାମୁ ବେଟା ଆହାମାନେରି, ଏଞ୍ଜାରିତାଣା ଆକୁ ରାଚିମାକ୍ । ୨ ମାହାପୁରୁ ଅଡ଼େ ମା ପ୍ରବୁ ଜୀସୁତି ବୁଦିତଲେ

ମିଙ୍ଗେତାକି କାର୍ନାମେହ୍‌ନାୟି ଅଡ଼େ ହିଡ଼ି ଜୀସୁ ହାଡ଼େକା ଗାତି ଆୟାପେ ।

ମାହାପୁରୁ ହାଡ଼ିନାୟି ଅଡ଼େ ଆଡ଼ିନାୟି

୩ ଆମ୍ବାଆସି ତାନି ଗାଞ୍ଜୁରମି ଅଡ଼େ ନେହଁକଁ ଗୁଣ୍ଡୁତଲେ ମାଙ୍ଗେ ହାଚାମାଞ୍ଜାନେସି, ମାହାପୁରୁ ତାନି ବୁଦିତଲେ ଲାକପୁରୁତି ବାଡ଼ୟୁଟି ମାଙ୍ଗେ ଜୀସୁ ଅଡ଼େ ଦାମ୍‌ତାକି ଜିରୁ ତାକି ବାରେ ଲଡ଼ାମାନାଣି ହାହାମାଞ୍ଜାନେସି । ୪ ଏଦାଆଁ ତଲେ ଏଞ୍ଜାସି ମାଙ୍ଗେ ଗାତି ଦାରା ଅଡ଼େ ହାଡ଼େକା ଲଡ଼ାଗାଟି ଆଞ୍ଜାମାନି ଦାନା ହାହାମାଞ୍ଜାନେସି, ଏନିକଁ ଏ ବାରେ ତଲେ ମୀରୁ ଲାଗେଏତି ଅଣ୍ଡପୁତା ଆହିମାନି ଆମିନି ନାସା ଆନି ଦାର୍ତ୍ତତା ମାଞ୍ଜେରି, ଏମ୍ବାଟି ଗେଲ୍‌ପି ଆହାନା ଲାକପୁରୁତି ଗୁଣ୍ଡୁତଲେ ଆଣ୍ଡାଦୁ । ୫ ଇଦାଆଁତାକି ମୀରୁ ହାଡ଼େକା ଜାଡ଼ନ୍ତୁତି ନାମୁତଲେ ନେହଁକଁ ଗୁଣ୍ଡୁ ଅଡ଼େ ସାତା ଗୁଣ୍ଡୁତଲେ ବୁଦି, ୬ ବୁଦିତଲେ ଆଙ୍ଗାତି ଲକ୍‌ନାୟି, ଆଙ୍ଗାତି ଲକ୍‌ନାଣି ତଲେ ସାସା, ସାସାତଲେ ଦାମ୍‌ତାକି କାମା କିନାୟି, ୭ ଦାମ୍‌ତାକି କାମାକିନାଣି ତଲେ ତାୟିୟାକ୍ ଜୀସୁନନାୟି, ତାୟିୟାକ୍ ଜୀସୁ ନନାଣି ତଲେ ବାରେ ଲକ୍‌କ୍‌କ୍ ଜୀସୁ ନନାଣି ଆଟ୍‌ଦୁ । ୮ ଇ ନେହଁକଁ ଗୁଣ୍ଡୁୟା ମିଙ୍ଗେ ଲଡ଼ାମାନେ; ଇ ବାରେ ମୀରୁ ବେଟାଆହାମାନି ପ୍ରବୁ ଜୀସୁ କ୍ରୀସ୍ତ ବୁଦି ମିଙ୍ଗେ ପାଡ଼ସାଡ଼ା ଅଡ଼େ ବାରେ ମେଡ଼ି କିହାମାଞ୍ଜାନେ । ୯ ସାମା ଇ ବାରେ ଗୁଣ୍ଡୁ ଆମ୍ବାଆରି ତାଣ୍ଡା ହିଲେଏ, ଏଞ୍ଜାସି ହେକ ମେସାଲି ଆଡ଼ାଆ କାଣା ଆହାମାନେସି, ଅଡ଼େ ତାନି ନକେଏ କିତି ବାରେ ପାପୁଟି ନରଞ୍ଜି ଆଡ଼ାଣି ଏଞ୍ଜାସି ବାଣ୍ଡି ଆହାମାନେସି ।

୧୦ ଇଦାଆଁତାକି, ଏ ତାୟି ତାଙ୍ଗିସ୍ତା, ମାହାପୁରୁ ମିଙ୍ଗେ ଆଚାନା ହାଚାମାଞ୍ଜାନାଣି ଅଡ଼େ ମନ୍ତୁତି ଅଣ୍ଡପୁ ତାରି କିହାଲି ହାଡ଼େକା ଜାଡ଼ନ୍ତୁ ଗାଟାତେରି ଆଦୁ; ଇଲେ କିତିସାରେ ମୀରୁ ଏଚେଲା ଜିକେଏ ମୀ ନାମୁତା ଉଣା ଆଅତେରି । ୧୧ ଇଞ୍ଜା ଇଲେକିହଁଏ ମା ପ୍ରବୁ ଅଡ଼େ ଗେଲ୍‌ପାନି ଜୀସୁ କ୍ରୀସ୍ତ କାଲକାଲାତି ରାଜିତା ରାହାତଲେ ହାଜାଲି ମିଙ୍ଗେ ହାପ୍‌କି ଆୟାନେ ।

୧୨ ଇଦାଆଁତାକି ମୀରୁ ଇ ବାରେ କାତା ପୁଞ୍ଜାମାଞ୍ଜେରି ଅଡ଼େ ମୀରୁ ବେଟାଆହାମାନି ସାତାତା ନେହଁକଁ ତାରି ଆହାମାଞ୍ଜେରି, ଆଡ଼ିଜିକେଏ ନାନୁ ଇ ବାରେ କାତା କାଲେଏ ମିଙ୍ଗେ ଅଣ୍ଡି କିଞ୍ଜିକିହାଲି ଜାଗ୍ରାତା ତୁୟିକ୍ । ୧୩ ନାନୁ ନୀତାମାନି ପାତେକା ଇ ବାରେ କାତା ତାକି ମିଙ୍ଗେ ସେଡ଼ନା କିହାଲି ନାନୁ କିନାୟି ମାନେ ଇଞ୍ଜି ଅଣ୍ଡିମାକ୍ । ୧୪ ମା ପ୍ରବୁ ଜୀସୁ କ୍ରୀସ୍ତ ନାଙ୍ଗେ ଏନିକଁ ଖେସାମାଞ୍ଜାନେସି, ଏଲେକିହଁ ନାଙ୍ଗେ ଦାପେ ଇ ନା ଆଙ୍ଗା ଲେହେଁତି ତୁମ୍ବୁ ପିସାଲି ଆନେ, ୧୫ ଅଡ଼େ ନା ହାଡ଼ି ତାୟୁ ଜିକେଏ ମୀରୁ ଏନିକଁ ଇ ବାରେ କାତା କାଲେଏ ଅଣ୍ଡପୁତା ଇଚିଦେରି, ଇଦାଆଁତାକି ନାନୁ ଅଣ୍ଡିମାକ୍ ।

କ୍ରୀସ୍ତ ଗାଞ୍ଜୁରମି ମେସାରି ସାକି

୧୬ ଇଚିହଁ ମାମ୍ବୁ ଏଚିବେଲା ମା ପ୍ରବୁ ଜୀସୁ କ୍ରୀସ୍ତ ବାଡ଼ୟୁ ଅଡ଼େ ଖାହିମାନି କାତା ମିଙ୍ଗେ ପୁଣ୍ଡି କିୟାତମି,

ଏତିବେଳା ଏହି ସୁତ୍ରମି ତଳେ କେପିତି ପୁସ୍ତକନିକା ଆସା ହିଲାଆତମି, ସାମା ତାନି ଗାଝୁରମିତି କାଣକା ତଳେ ମେସ୍ତ୍ର ସାକିୟା ଆହାମାଚମି । ୧୭ ଏତିବେଳା କାଜା ଗାଝୁରମିତି ଏଝାଣାକି ଇ ହାଡ଼ା ଝାଡ଼େ, ଏତିବେଳା ମାମ୍ବୁ ଏମ୍ବାଆଁ ମାଚମି, “ଇଝାସି ନା ଜୀଝୁତି ମାର୍ଏସି ଇଝାଣି ତାଣେଏ ନା ହାରେକା ରାହାଁ ମାନେ !” ଏତିବେଳା ଏଝାସି ଆବା ମାହାପୁରୁ ତାଣାଟି ସାମ୍ବୁ ମି ଅଡ଼େ ଗାଝୁରମି ବେଟାଆଡ଼େସି; ୧୮ ମାମ୍ବୁ ତାନିତଳେ ଏ ସୁଦୁ ହରୁ ଲାକ ମାଟିବେଲାତା ମାମ୍ବୁ ହାଗୁ ଲାକଟି ଝେଙ୍ଗିତି ଇ ହାଡ଼ା ଝେଞ୍ଜାମାନମି ।

୧୯ ଏମ୍ବାଆଁ ମାହାପୁରୁ ଅଣ୍ପୁତି ବଲୁ ଝେକ୍‌ନାରି ଝେକ୍‌ହାମାଟି ମାହାପୁରୁ ଅଣ୍ପୁତି ବଲୁ ମାଙ୍ଗେତାକି ହାରେକା ଆଟ୍‌ଝା ଆଡ଼େ; ମାରୁ ଏଦାଆଁ ଆନ୍ଦେରିତା ଡ଼ାଞ୍ଜାମାନି ଦୀଝିଁ ଲେହେଁ ଅଣ୍ପାଦା ଲାଆଁ ଝେୟାଆ ପାଡେକା ମୀ ହିୟାଁତା ଝେୟାଜାରା ହୁକା ହଆ ପାଡେକା ଏଦାଣି ମନ ହାତିହୁଁ ନେହେଁ ଆନେ । ୨୦ ମାରୁ ବାରେତି କିହାଁ ତଲିଏ ଇଦାଆଁ ପୁଞ୍ଜୁ, ଦାମ୍ବୁ ପତିତା ରାସ୍‌କି ଆହାମାନି ମାହାପୁରୁ ବଲୁତି ଜାହାରା ବୁଦିତଳେ ତେଲୁହାଲି ଆଡ଼ାଆୟି । ୨୧ ଇତିହୁଁ ଆମିନି ମାହାପୁରୁ ଅଣ୍ପୁତି ବଲୁ ଝେକ୍‌ନାରି ଝାରିଇ ତାମ୍ବୁ ମାଣ୍‌ସି ଅଣ୍ପୁତି ଆମ୍ବାଆସି ଜିକେଏ ଝେକ୍‌ହା ହିଲଅରି, ସାମା ମାହାପୁରୁ ପାଣ୍ଡିତି ମାଣ୍‌ସିୟାଁ ସୁଦୁଜୀଝୁଟି ସାଲଝି ଆହାମା ଏଝାରି ଅଣ୍ପୁତି ବଲୁ ଝେସାମାଚେରି ।

୨

ମିତି ଜାପୁନାରି

୧ ସାମା ଲକୁ ତାଣାଟି ମିତି ମାହାପୁରୁ ବଲୁ ଝେକ୍‌ନାରି ହଡ଼େରି; ଏଲେକିହୁଁଏ ମୀ ବିତ୍ରାଟି ମିତି ଜାପୁନାରି ହନେରି; ଏଝାରି ନାସା ଆନିଲେହେଁତି ନାଡ଼ିକିନି ଅଣ୍ପୁ, ଡ଼ଗୁନା ଝେକ୍‌ହାମା ଏଝାରାଇଁ କତାମାନି ପ୍ରବୁଇଁ ଜିକେଏ ପୁଞ୍ଜାହିଲଅମି ଇନେରି, ଅଡ଼େ ଜାହାରାଇଁ ଦେବୁଣିଏ ନାସା କିୟାନେରି । ୨ ଅଡ଼େ ହାରେକା ଲକୁ ଏଝାରି ଲାଗେଏ କାମାତି ଜେଟ ହାନେରି, ଇଞ୍ଜା ଇଝାରି ତାକି ସାତାତି ଜିରୁ ନିନ୍ଦା ବେଟାଆନେ । ୩ ଏଝାରି ଦନ ଜୁପକାତାକି ମିତି ଜାପୁହାନା ମୀ ତାଣାଟି ତାବୁୟାଁ ଲାବା ବେଟାଆହାଲି ଅଣ୍ପିନେରି, ଏଝାରି ତଣ୍ଡୁ ତଲି କାଲ୍‌ମାଟିଏ ଆହିମାନେ ଅଡ଼େ ହାରେକା ଦିନାଟିଏ ମାହାପୁରୁ ଏଝାରାଇଁ ବିଚାରା କିହାମାନେସି, ଏଝାରି ନାସା ଆନାୟି ଝାଡ଼େୟିଏ ।

୪ ଇତିହୁଁ ମାହାପୁରୁ ପାପୁ କିତି ଦୁଡୁୟାଁଇଁ ପିହୁଆନା ହିରୁ ଗାଡ଼ୁୟାଁ ମେଡ଼ହା ମାନେସି, ଏମ୍ବାଆଁ ଏଝାସିକା ନୀହାୟି ଆନି ଦିନା ପାଡେକା ଆନ୍ଦେରି ଗାଡ଼ୁୟାଁ ଇଟାମାନେସି । ୫ ମାହାପୁରୁ ପ୍ଲାଝଇ ଦାର୍‌ତିତି ଜିକେଏ ପିସାହିଲଅସି, ସାମା ଦାମ୍ବୁ କାତା ଝେକ୍‌ନି ନହ ଇଞ୍ଜା ତାନିତଳେ ସାଡ଼ା ଜାଣାଇଁ ଗେଲ୍‌ପାନା ପାପୁତି ଦାର୍‌ତିତି ଏୟୁତଳେ ବାଡ଼ଝି କିଡେସି; ୬ ଏଝାସି ସଦମ ଅଡ଼େ

ଗମରା ଗାଡ଼ାତି ଦାର୍‌ମ୍ବୁ ମୁଞ୍ଚୁହାନା ନାସା କିହାଲି ତଣ୍ଡୁତି ହୁକୁମି ହୀଡେସି ଅଡ଼େ ଏଝାରାଇଁ ତାୟୁ କାଲ୍‌ମାଟି ଦାମ୍ବୁ ହିଲାଆଗାଟାରି ପୁଣ୍ଡିକିନିଲେହେଁ କିଡେସି । ୭ ଅଡ଼େ ପାପୁ ଦହଗାଟି ଲକୁତି ଲାଗେଏ ପଲେଏ କାମାଟି ହେକ ଆହାମାନି ଦାମ୍ବୁଗାଟି ଲଟାଇଁ ମାହାପୁରୁ ଗେଲ୍‌ପିଡେସି, ୮ ଏ ଦାମ୍ବୁଗାଟାସି ଏଝାରିତଳେ ବାସା କିହାଁ ଏଝାରି ଲାଗେଏତି କାମା ମେସା ଅଡ଼େ ଝେଞ୍ଜାନା ଦିନମି ତାକି ଦିନମି ଦାମ୍ବୁଗାଟାସି ଆହାମା ହାରେକା ଦୁକୁ ବେଟାଆହିମାଚେସି । ୯ ଇଲେକିହୁଁଏ ପ୍ରବୁ ଦାମ୍ବୁଗାଟାରାଇଁ ତାୟିପାରି କିନି ତାଣାଟି ଗେଲ୍‌ପାଲି ଇତିହୁଁ ଦାମ୍ବୁ ହିଲାଆଗାଟାରାଇଁ, ଆମ୍ବାଆରି ଆଙ୍ଗାତି ଲାଗେଏତି କାମାତା ସାଲଝି ଆହାମା ପ୍ରବୁଇଁ ମାନି କିଅରି, ଏଝାରାଇଁ ବିଚାରା ଦିନାତି ତଣ୍ଡୁ ତାକି ଇଟାଲି ପୁଞ୍ଜାମାନେସି । ୧୦ ଇତିହୁଁ ଆମ୍ବାଆରି ମାହାପୁରୁତି ଅଦିକାରାତି ହାଣି କିହାନା ଜାହାରା ଆଙ୍ଗାତି ଜୁପକାତା ଡ଼ୟିମାନେରି, ଏଝାରି ଏ କାଜା ନୀହାୟି ଦିନା ପାଡେକା ଏନିକିଁ ତଣ୍ଡୁ ହାହାନା ଇଟାଲି ଆନେ । ଏ ମିତି ଜାପୁନାରି ଆଜାଆ ଗାଟାରି, ଏଝାରି ଲାକପୁରୁ ଗାଝୁରମି ଗାଟାରାଇଁ ମାନି କିଆନା ଏଝାରାଇଁ ଲାଜା କିହିମାଞ୍ଜେରି । ୧୧ ଆଡ଼ିଜିକେଏ ହାରେକା ବାଡ଼ୁୟାଁ ଅଡ଼େ କାଜାପାଣା ବେଟାଆହାମାନି ଦୁଡୁୟାଁ ପ୍ରବୁ ନକିତା ଏଝାରି କପାଟି ନିଙ୍ଗାନା ନିନ୍ଦାକିହୁଁ ବିଚାରା କିଅରି । ୧୨ ସାମା ଇଝାରି ବୁଦି ହିଲାଆ ଜନ୍ତ ଲେହେଁତାରି, ଏଝାରିଲେହେଁ ଇ ମିତି ଜାପୁନାରି ଜିକେଏ, ଏଦାଆଁ ଏଝାରି ପୁଞ୍ଜାଲି ଆଡ଼ଅରି ଏଦାଆଁ ଏଝାରି ନିନ୍ଦା କିନେରି, ସାମା ଏଝାସି ଜାଡ଼ାତି ଜନ୍ତ ଲେହେଁ ନାସା ଆନେରି, ୧୩ ଏଝାରି ଲାଗେଏତି କାମା କିହାମାଟିସାରେ ଲାଗେଏ କାମାଟି ପାଡ଼େୟି ବେଟାଆନେରି । ଏନାୟି ଏଝାରି ଆଙ୍ଗା ତାକି ନେହେଁ ହନେ, ଏଦାଆଁ ଏଝାରି ମାଦେନା କିହାନା ରାହାଁ ବେଟାଆନେରି । ଏଝାରି ଜାହାରା ନାଡ଼ି କିଝିଆନି କାମାତା ରାହାଁ କିହୁଁ ମୀ ତଳେ ତିଞ୍ଜାଲି କୃଡ଼ା ଆନେରି । ୧୪ ଏଝାରି କାଣକା ଦାରି କାମାତା ନେଞ୍ଜା ଡ଼ୟିନେ, ପାପୁ ପିସାଲି ମନ କିଅରି, ଏଝାରି ତିକିତାକାଗାଟି ହାରେକା ଲକୁଇଁ ଜୁପକା ତହୁନେରି, ଏଝାରି ହିୟାଁ ଦନଡ଼ି ଜୁପକାତା ଡ଼ୟିନେ, ଏଝାରି ବାରେ ବାକା ବେଟାଆନାରି । ୧୫ ଆମ୍ବାଆସି ଲାଗେଏତି ବାଡ଼କୁ ଜୁପକାତି ଜୀଝୁ ନନି ବିୟରା ମାର୍‌ଏସି ବିଲିୟମତି ଜେଟ ଜେଟ ହାଚେରି ଅଡ଼େ ସାତା ଜିରୁ ପିସାନା ଲାଗେଏ ଜିରୁ ହାଚେରି । ୧୬ ସାମା ଏଝାସି ତାନି କିତି ଦହତାକି ଲାଗି ବେଟାଆଡ଼େସି, ଇଞ୍ଜା ର ଜଲ୍‌ଲି ଆଆଗାଟି ଗାଡ଼ଦେ ମାଣ୍‌ସି ହାଡ଼ାତଳେ ଜଲ୍‌ଲାହାଁ ମାହାପୁରୁ ଅଣ୍ପୁତି ବଲୁ ଝେକ୍‌ନି ତାଣାଟିଏ ସାପି କିଡେ ।

୧୭ ଇ ମିତି ଜାପୁନାରି ଏୟୁ ଝାୟିତି ଜାରୁଣା ଲେହେଁତାରି ଅଡ଼େ କାଜା ଗାଲିତା ଉଦ୍‌ମିନି ହାଗୁ ଲେହେଁତାରି, ମାହାପୁରୁ ଏଝାରାକି ହାରେଏ ଆନ୍ଦେରିଗାଟି ଚାୟୁ ଇଟାମାନେସି । ୧୮ ଇତିହୁଁ ଏଝାରି ଉଜେଏତି ବଡ଼ପଣତି ଡ଼ାହାରା କାତାୟାଁ ଝେକ୍‌ନେରି ଇଞ୍ଜା ନାଡ଼ିକିନି ମାଣ୍‌କିଗାଟି ଲକୁ ତାଣାଟି ଗେଲ୍‌ପି ଆହାମାନି ଲକୁଣି, ତାନି ଆଙ୍ଗାତି

✦ ୧:୧୭ ୧:୧୭ ମାତି ୧୭:୧-୫; ମାର୍କ ୯:୨-୭; ଲୁକ ୯:୨୮-୩୫

ଜୁଫକାଟି କାମା କିହାନା ପାନ୍ଦାତା ମେଡ଼ନେରି; ୧୯ ଏଞ୍ଜରି ଏଞ୍ଜରାଇଁ ମେଲା ଆହାନା ମାଞ୍ଜାଲି ଆଡ଼ିଦେରି ଇଞ୍ଜି ଆଞ୍ଜନେରି, ସାମା ଏଞ୍ଜରି ତାମ୍ବୁ ନାସା କିଞ୍ଜିକିନି କାମାଟି ହଲିୟାକା ଆନେରି; ଏନାଆଁତାକି ଇଚିହିଁ ଆମ୍ବାଆସି ଆମ୍ବାଆରି ତାଣା ହାରୁଞ୍ଜି ଆନେସି ଏଞ୍ଜସି ଏମ୍ବାଟି ହଲେଏସି ଆନେସି । ୨୦ ଇଚିହିଁ ଏଞ୍ଜରି ପ୍ରବୁ ଅଡ଼େ ଗେଲପିନି ଜୀସୁ କ୍ରୀସ୍ତତି ବୁଦିତଲେ ଦାରତିତି ଲାଗେଏତି ତାଣାଟି ଗେଲପି ଆହାନା ଖେଣ୍ଡେ ଏମ୍ବାଟି ପାନ୍ଦାତା ଦସପି ଆହାନା ହାରୁଞ୍ଜି ଆନେରି, ଆଡ଼ିହିଁ ଏଞ୍ଜରାକି ତଲିତି ତଣ୍ଡ କିହିଁ ତାମ୍ବୁତି ତଣ୍ଡ ହାରେକା କସ୍ତାଗାୟି ଆନେ । ୨୧ ଇଚିହିଁ ଦାମ୍ବୁତି ଜିରୁ ପୁଞ୍ଜାନା ଏଞ୍ଜରାକି ହେରପି ଆହାମାନି ସୁଦୁ ହୁକୁମି ପିହିନି କିହିଁ ଏଦାଆଁ ଏଚେଲାଞ୍ଜା ପୁଞ୍ଜାହିଲାଆଡ଼ିହିଁ ନେହିଁ ଆଡ଼େମା । ୨୨ “ନେହୁଡ଼ି ତାନ୍ କାକ୍‌ଞ୍ଜାନା ଖେଣ୍ଡେ ତିଞ୍ଜାଲି ଇଞ୍ଜା ନରୁଞ୍ଜି ଆହାମାନି ପାଡ଼ି ଅଡ଼େ ଖେଣ୍ଡେ ଲାଦିତା ତେରମ୍ବାଲି ହାନେ” ଏଞ୍ଜରାକି ଏ ଖେକ୍‌ହାମାନି ସାତା କାତା ଏଞ୍ଜରାକି ଆହାମାନେ ।

୩

ପ୍ରବୁ ଖେଣ୍ଡେ ଖାନି ଦିନା

୧ ଏ ଜୀଞ୍ଜୁତି ତାୟି ତାଞ୍ଜିସ୍ତା, ନାନୁ ନୀର୍ବି ମୀ ତାଣା ଇ ରୀ ଲମ୍ବର ଆକୁ ରାଡ଼ିମାଈ, ଇଦାଆଁତାକି ଇ ରୀ ଆକୁତା ନାନୁ ମିଞ୍ଜେ ଏ ବାରେ ଅଣପି କିହାନା ମୀ ସୁଦୁ ମନତି ପାଡ଼ିକିହାଲି ଅଣପିମାଈ । ୨ ମୀରୁ ଏନିକିଁ ସୁଦୁଗାଟି ମାହାପୁରୁ ଅଣପୁତି ବଲୁ ଖେହନାରି ତାଣାଟି ତଲି କାଲାତା ଖେସାମାନି ବାରେ ବଲୁ ଇଞ୍ଜା ପାଣ୍ଡୁଞ୍ଜି ଆହାମାନାରି ତାଣାଟି ଖେସପିଆହାମାନି ପ୍ରବୁ ଇଞ୍ଜା ଗେଲପାନାଣା ହୁକୁମି ଅଣପୁତା ଇଟାପୁ । ୩ *ତଲିଏ ମୀରୁ ଇ କାତା ପୁଞ୍ଜୁ, ଇ ରାନି ବେଲାତା ଏଚରଜାଣା ତାମି ଲାଗେଏ ପଲେଏ କାମା ତଲେ ତାକିନେରି; ଏଞ୍ଜରି ମିଞ୍ଜେ ଲାଜା କିୟାନେରି । ୪ ଏ ଲାଜା କିୟାନାରି ଖାହାନା ଏଞ୍ଜରି ମିଞ୍ଜେ ଲାଜାକିହିଁ ଏଲେଇଞ୍ଜାନେରି “ଜୀସୁ ଖେଣ୍ଡେ ଖାଇଁ ଇଞ୍ଜି ଖେସାମାଞ୍ଜାତେସି ଆଡ଼ିହିଁ ଏଞ୍ଜସି ଏଚେଲା ଖାନେସି ? ଇଚିହିଁ ମା ଆକୁ ଆବାୟାଁ ହାଡ଼ି ଦିନାଟିଏ ନୀର୍ବି ପାଡେକା ବାରେ ଦାରତିତି ଗାଡ଼ି ଆଡ଼ି ଦିନାଟିଏ ଏନିକିଁ ମାତେ, ଏଲେକିହିଁ ଏ ନୀର୍ବି ଜିକେଏ ଡ଼ୟାମାନେ !” ୫ ଏଞ୍ଜରି ପୁଞ୍ଜା ପୁଞ୍ଜାନା ବାଣମ୍ବି ଆନେରି, ତଲି କାଲାତା ମାହାପୁରୁ ହୁକୁମି ହାତେସି ଅଡ଼େ ହାଗୁପାକା ଅଡ଼େ ଦାରତି ଗାଡ଼ି ଆଡେ ଅଡ଼େ ଦାରତି ଏୟୁ ତାଣାଟି ଏୟୁ ଗୁରତାନା ଗାଡ଼ି ଆଡେ । ୬ ଅଡ଼େ, ଏଞ୍ଜାଣି ତାଣାଟି ଏ ତଲି କାଲାତି ଦାରତି ଏୟୁତଲେ ନାସା ଆଡେ; ୭ ସାମା ନୀର୍ବିତି ହାଗୁପାକା ଅଡ଼େ ଦାରତି ଏ ମାହାପୁରୁତି ବଲୁ ତଲେ ଲାଗେଏ ପଲେଏତି ଲକୁତି ନୀହାୟି ଅଡ଼େ ନାସାତି ଦିନା ପାଡେକା କୁଡ଼ି ଆହାନା ହିରୁତା ହୁଡାଲି ଇଚିକି ଆହାମାନେ ।

୮ ସାମା ଏ ଜୀଞ୍ଜୁତି ତାୟି ତାଞ୍ଜିସ୍ତା, ମାହାପୁରୁ ନକିତା ର ଦିନା ର ମାଣା ବାର୍ସା ସମାନା ଅଡ଼େ ର ମାଣା ବାର୍ସା

ର ଦିନା ସମାନା; ଇ କାତାଟି ଏଚେଲା ବାଣା ଆଆପୁ । ୯ ହାରେକା ଲକୁ ପ୍ରବୁ ଖେଣ୍ଡେ ଖାନି ଦିନା ମାନେୟିଏ ଇଞ୍ଜି ଅଣପିନେରି, ସାମା ପ୍ରବୁ ତାନ୍ ଏଲେଇଞ୍ଜା ମାନାଣି ଏଚେଲାଞ୍ଜା ଖେଡ଼ା କିଅସି; ଏନିକିଁ ଆମ୍ବାଆରି ନାସା ଆଅରି, ସାମା ବାରେଜାଣା ମନ ଖେଟ୍‌ହା କତିନେରି; ଇଦାଆଁ ଅଣପାନା ଏଞ୍ଜସି ମୀ ତାକି କାମା ମେସି ମାଞ୍ଜାନେସି ।

୧୦ *ମାହାପୁରୁ ଖାନି ଦିନା ର ସରୁ ଖାନି ଲେହେଁ ଖାନେ, ଏ ଦିନା ହାଗୁପାକା କାଜା ହାଡ଼ାତଲେ ମେଣ୍ଡାହାନେ, ଅଡ଼େ ଦାରତିତା ମାନି ବାରେ ଦିଶ୍‌ସୁ ଗାଡ଼ି ଖେସାନା ରୁୟାହାନୁ, ଇଞ୍ଜା ଦାରତି ଅଡ଼େ ଏମ୍ବାଆଁ ମାନି ଆସ୍ତି ବାରେ ହିରୁତା ଡ଼ାଞ୍ଜାହାନେ । ୧୧ ଇ ବାରେ ଇଲେଆହିଁ ମେଣ୍ଡାହାନାକି, ମାହାପୁରୁତି ବିଚାରା ଦିନାତା ହାଗୁପାକା ଡ଼ାଞ୍ଜାହାଁ ମେଣ୍ଡାହାନେ ଅଡ଼େ ଦାରତିତି ବାରେ ଦିଶ୍‌ସୁ ହାରେକା ଖେସାନା ରୁୟାହାନେ, ୧୨ ପ୍ରବୁ ଖାନି ଦିନା କାପୁ କାଚାଡ଼ୟିନି ଲକୁ, ଏଦି ଏନିକିଁ ତବେ ଖାନେ, ଇଦାଆଁତାକି ମୀରୁ ଜାଗ୍ରାତା ଆପୁ, ଏ ଦିନା ହାଗୁଲକ ମାନି ଖେଡ଼ା ଲେଞ୍ଜୁ ହୁକାୟାଁ ଖେସାହାନାକି ଖିରଲାହାନୁ । ୧୩ *ମୀରୁ ମାହାପୁରୁ ଆଞ୍ଜାମାନି ଲେହେଁ ର ପୁଞ୍ଜି ହାଗୁପାକା ଅଡ଼େ ପୁଞ୍ଜି ଦାରତିକି କାଚାମାନାୟି, ଆମିନି ଗାଗାୟି ଦାମ୍ବୁତଲେ ବାସାଆନି ଟାମୁ ଆନେ ।

୧୪ ଇଦାଆଁତାକି ଏ ଜୀଞ୍ଜୁତି ତାୟି ତାଞ୍ଜିସ୍ତା, ମୀରୁ ଇ ବାରେ କାଡ଼ିମାନିକି ମାହାପୁରୁ ନକିତା ଏନିକିଁ ପାପୁ ହିଲାଆଗାଟାତେରି ଅଡ଼େ ଦହ ହିଲାଆଗାଟାତେରି ଆହାଁ ହିଡ଼ି ତଲେ ମାନାତେରି ଆହିଁ ତଞ୍ଜା ଆଦେରି, ଏଦାଆଁତାକି ଜାଡ଼ୁ ତଲେ ମାଞ୍ଜୁ; ୧୫ ଅଡ଼େ, ମା ପ୍ରବୁତି ହାରେକା ଅରହିନାୟି ଗେଲପାନାୟି ଇଞ୍ଜି ଅଣପାପୁ, ମା ଜୀଞ୍ଜୁତି ତାୟି ପାଞ୍ଜୁଲ ଜିକେଏ ମାହାପୁରୁ ହାହାମାନି ବୁଦିତଲେ ମିଞ୍ଜେତାକି ଏଲେକିଁ ରାଡ଼ା ମାଞ୍ଜାନେସି । ୧୬ ଏଞ୍ଜସି ତାନି ରାଡ଼ାମାନି ବାରେ ଆକୁତା ଇ ବାରେ କାତା ରାଡ଼ାନା ଏଲେକିଁ ଖେସାମାନେସି; ଏ ବାରେ ଆକୁତା ଏଚେକା କାତା ମାନେ, ଏମିନିଗାଟାଣି ତେଲହାଲି ଆଡ଼ାଆୟି, ଇଞ୍ଜା ପୁନାଆଗାଟି ଇତାଲା ଆତାଲା ଅଣପୁଗାଟି ଲକୁ, ତାମ୍ବୁ ନାସା ଆୟାଲି ଏଚକାଟି ସାସ୍ତେରିତା ଏନିକିଁ ରାସ୍‌କି ଆହାମାନେ, ଏ ବାରେ ତାଣା ଜିକେଏ ଏଲେକିଁ ଉଜେଏତି କାତା ଖେହନେରି ।

୧୭ ସାମା ଜୀଞ୍ଜୁତି ତାୟି ତାଞ୍ଜିସ୍ତାତେରି, ମୀରୁ ଇଦାଆଁ ବାରେ ତଲିଟିଏ ପୁଞ୍ଜାମାଞ୍ଜେରି, ଏଦାଆଁତାକି ଜାଗ୍ରାତା, ଏନିକିଁ କିଲିବିଲି କିନି ଲକୁ ତାଣାଟି ନାଡ଼ି କିଞ୍ଜି ଆଆନା ମୀରୁ ଆଟ୍‌ଞ୍ଜା ନାମୁତା ଉଣା ଆଅଡେରି । ୧୮ ସାମା ମା ପ୍ରବୁ ଅଡ଼େ ଗେଲପାନି ଜୀସୁ କ୍ରୀସ୍ତତି କାମା ଅଡ଼େ ବୁଦିତା ପାଡ଼ାଆପୁ । ଏଞ୍ଜାଣାକି ନୀର୍ବି ଅଡ଼େ କାଲାକାଲାତାକି ଗାଞ୍ଜୁରମି ଆପେ । ଆମେନ୍ ।

* ୩:୩ ୩:୩ ଜୀହୁଦା ୧:୧୮ * ୩:୧୦ ୩:୧୦ ମାଡ଼ି ୨୪:୪୩; ଲକୁ ୧୨:୩୯; ୧ତେସ ୫:୨; ଖେ ବଲୁ ୧୭:୧୫ * ୩:୧୩ ୩:୧୩ ଖେ ବଲୁ ୨୧:୧

ଯୋହନଙ୍କ ପ୍ରଥମ ପତ୍ର ଜହନ ରାଚାମାନି ର ଲମ୍ବର ଆକୁ ମୂଲ୍ୟ ହାତୀ

ଜହନ ରାଚିତି ର ଲମ୍ବର ଆକୁତି ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ଷୀ ତାୟ ପାଣ୍ଡୁଆହାମାନି ଜହନ ରାଚାମାନେସି । ଜହନ ଜାହାରାଇଁ ଇ ଆକୁତି ରାଚାମାଇଁ ଇଞ୍ଜିଁ ଖେସି ହିଲଅସି, ସାମା ଜହନ ତଲିତି ଆକୁତା ଏଞ୍ଜାସି ଜୀସୁ କ୍ରୀସ୍ତତି ନୀତାମାଚାଣି ଅଡ଼େ ହାହାନା ଖେଣ୍ଡେ ନିଜିତାଣି କାନୁ ତଲେ ମେସାମାନମି ଇଞ୍ଜିଁ ସାକି ହାହିମାନେସି ୧:୧-୩ । ଜହନତି ର ଲମ୍ବର ପତି ଅଡ଼େ ଜହନ ରାଚିତି ନେହଁ କାରୁତି କାତା ରଣ୍ଡିଏ ସମାନା ଲେହେଁ ଆହିମାନେ । ଏତିବେଲାତା ଏଞ୍ଜାସି ଏପିସିୟୁ ଗାଡ଼ାତା ମାଚେସି ଏମ୍ବାଆଁ ଏଞ୍ଜାସି ଜହନ ରାଚିତି ନେହଁ କାରୁ ଅଡ଼େ ଜହନ ର ଲମ୍ବର ଆକୁ, ଜହନ ରା ଲମ୍ବର ଆକୁ, ତାନି ଲମ୍ବର ଆକୁ ରାଚାମାଚେସି ଇଞ୍ଜିଁ ନାମିମାନେରି ।

ବୁଦିଗାଚାତମି ଇଞ୍ଜାକଡ଼ିମାନି ର ଗତିତି ଲକୁ ତାଣ୍ଡାଟି କୁଲମି କସ୍ତ ବେଟାଆହି ମାଚାଟି ଜହନ କ୍ରୀସ୍ତାନା ଲକୁକି ଇ ଆକୁ ରାଚିମାଚେସି । ଏଞ୍ଜାରି ନାମୁ ଜୀସୁ ସାଚେଏ ମାହାପୁରୁ ମାଚେସି ସାମା ଦାରୁତିତା ମାଚିବେଲାତା ଏଞ୍ଜାସି ଉଞ୍ଜା ଅଡ଼େ ନେତେରିତି ମାଣ୍ଡସି ହିଲାଆଚେସି । ଜହନ ଜୀସୁ କ୍ରୀସ୍ତଇଁ କାନୁ ତଲେ ମେସାମାନି ସାକି ଅଡ଼େ ତାନି କେୟୁ ଏଞ୍ଜାଣାଇଁ ତୀଗାମାନାକି ଏଞ୍ଜାସି ଇଦାଆଁ ରାଚାମାନେସି, ୧:୧-୩ । ଜହନ ଇ ଆକୁତି ରାଚିନି କାତା ଆହିମାନେ ତାନି ରାହାଁତି ହାଚେପୁରେ କିନାୟି ୧୯୫୧ ୧:୪ ଅଡ଼େ ନାମୁ ଗାଚାରାଇଁ ପାପୁ ପିସାଲି ତାକି ୧୯୫୨ ୨:୧ ଅଡ଼େ ମିଚି ଜାପୁନାରି ତାଣ୍ଡାଟି ନାମୁ ଗାଚାରାଇଁ ଗେଲପାଲି ୧୯୫୨ ୨:୨୭ ନାମୁ ଗାଚାରାଇଁ ଗେଲପି ଆହାମାଞ୍ଜେରି ଇଞ୍ଜାଲି ୫:୧୩ ।

ପତିତା ମାନାୟି

- ୧. ଆକୁତି ପୁଣ୍ଡିକିନାୟି ଅଡ଼େ ରାଚିମାନି କାତା ଖେହନାୟି । ୧:୧-୪
- ୨. ମାହାପୁରୁ ଏନିକିଁ ଉଜେଡ଼ି ଅଡ଼େ ଜୀସୁ ଲେହେଁ ନୀତାଲି ଖେସାମାନେସି । ୧:୫-୩:୧୦
- ୩. ରଅସି ରଅଣାଇଁ ଜୀସୁ ନନାଣି ଖେଣ୍ଡେ ଅଣ୍ଡପି କିନାୟି । ୩:୧୧-୫:୧୨
- ୪. ଆକୁତି ରାପୁନାୟି । ୫:୧୩-୨୧

ଜୀସୁତି ବଲୁ

୧ *ମୂଲ୍ୟ ଆମ୍ବାଆସି ମାଚେସି, ମାମୁ ଏଞ୍ଜାଣି ବଲୁ ଖେଞ୍ଜାମାନମି, ଆମ୍ବାଆରାଇଁ ମା କାନୁ ତଲେ ମେସାମାନମି, ଆମ୍ବାଆରାଇଁ ନେହିକିଁ ସିନିକିହା ମାନମି ଅଡ଼େ ମା କେସ୍ତାତଲେ ତୀଗାମାନମି, ଏ ଜୀସୁଲେହେଁତି ବଲୁତି କାତା ଖେସିମାଞ୍ଜାନମି । ୨ *ଏ ଜୀସୁ ତଞ୍ଜାଆଡ଼େ, ଇଞ୍ଜା

ମାମୁ ମେସୁମି ଅଡ଼େ ସାକି ହାହିମାଞ୍ଜାନମି; ଆମିନି କାଲିକାଲିତି ସୁତୁଜୀସୁ ଆବା ତଲେ ମାଚେ, ଅଡ଼େ ମା ତାଣ୍ଡା ତଞ୍ଜାଆଡ଼େସି ଏଞ୍ଜାଣି କାତା ମିଜେ ଖେସିମାଞ୍ଜାନମି । ୩ ମାମୁ ଏନାଆଁ ମେସାମାନମି ଅଡ଼େ ଖେଞ୍ଜାମାନମି, ଏଦାଆଁ ମିଜେ ଜିକେଏ ଖେସିମାଞ୍ଜାନମି, ଏନିକିଁ ମୀରୁ ଜିକେଏ ମା ତଲେ ଆଣ୍ଡାଲି ଆତାଦେରି; ଅଡ଼େ ମା ଆଣ୍ଡାମାନାୟି ଆବା ଅଡ଼େ ତାନି ମୀରଏଣା ଜୀସୁ କ୍ରୀସ୍ତ ତଲେ ମାନେ । ୪ ମା ରାହାଁ ଏନିକିଁ ହାଚେ ପୁରେ ଆନେ ଇଦାଣିତାକି ଇ ବାରେ ମାମୁ ରାଚିମାଞ୍ଜାନମି ।

ମାହାପୁରୁ ଉଜେଡ଼ି

* ମାମୁ ଏଞ୍ଜାଣି ତାଣ୍ଡାଟି ଆମିନି କାରୁ ଖେଞ୍ଜାମାନମି, ଅଡ଼େ ଖେସିମାଞ୍ଜାନମି, ଏ କାରୁ ଇଦି, ମାହାପୁରୁ ଉଜେଡ଼ି, ତାନି ତାଣ୍ଡା ଆନ୍ଦେରି ହିଲୁଖୁଏ ହିଲେଏ । ୨ ମାମୁ ଆନ୍ଦେରିତା ମାଞ୍ଜାନା ମାହାପୁରୁ ତଲେ ଆଣ୍ଡୁଆହା ମାନାୟି ଇଞ୍ଜିଁ ଖେସିହଁ, ମାର ମିଚି ଖେହନାତାୟି, ଅଡ଼େ ମାର ସାତା ତଲେ ତାକିହିଲାଆୟି । ୩ ସାମା ଏଞ୍ଜାସି ଏନିକିଁ ଉଜେଡ଼ିତା ବାସା ଆହାମାନେସି, ମାର ଜିକେଏ ଏଲେକିହଁଏ ଉଜେଡ଼ିତା ତାକିନାୟି, ଆତିହଁ ମାର ରଅସି ରଅଣି ତଲେ ଆଣ୍ଡୁଆହାୟି ମାନେ, ଅଡ଼େ ତାନି ମୀରଏଣା ଜୀସୁ ନେତେରି ମା ବାରେ ପାପୁତି ନରହାନେ ।

୮ ମା ତାଣ୍ଡା ପାପୁ ହିଲେଏ ଇଞ୍ଜିଁ ଖେହନାୟି, ଆତିହଁ ମାର ମାଜେଏ ନାଡ଼ି କିହାକଡ଼ିମାନାୟି, ଅଡ଼େ ମା ତାଣ୍ଡା ସାତା ହିଲେଏ । ୯ ସାମା ମାମୁ ପାପୁ କିହାମାନମି ଇଞ୍ଜିଁ ମାହାପୁରୁ ନକିତା ଖେହନାୟି, ଆତିହଁ ଏଞ୍ଜାସି ମା ପାପୁ ବାରେ ମ୍ଲେକହାଲି ଅଡ଼େ ବାରେ ଲାଗେଏ ପଲେଏ ତାଣ୍ଡାଟି ଅଡ଼ହାଲି ନାମୁ ଅଡ଼େ ତୀରିଗାଚାସି । ୧୦ ମାର ପାପୁ କିହା ହିଲାଆୟି ଇଞ୍ଜିଁ ଇନାୟି, ଆତିହଁ ମାର ମାହାପୁରୁଇଁ ମିଚି ଗାଚାସି କିହିମାନାୟି, ଅଡ଼େ ତାନି ବଲୁ ମା ତାଣ୍ଡା ହିଲେଏ ।

୨

କ୍ରୀସ୍ତ ଗେଲପାନାସି

୧ ଏ ନା ମୀରକା ମାସକାଚେରି ମୀରୁ ଏନିକିଁ ପାପୁ କିଅଚେରି, ଇଦାଆଁତାକି ଇ ବାରେ ମୀ ତାଣ୍ଡା ରାଚିମାଞ୍ଜାଇଁ । ସାମା ଆମ୍ବାଆସି ପାପୁ କିନେସି, ଆତିହଁ ମା ଖାକି ଆହାନା ଆବା ତାଣ୍ଡା ବାତିମାଲିନାସି ରଅସି ମାନେସି, ଏଞ୍ଜାସି ଦାର୍ମୁଗାଟି ଜୀସୁ କ୍ରୀସ୍ତ । ୨ କ୍ରୀସ୍ତ ମା ପାପୁ ତାକି, ଖାରଇ ମା ପାପୁ ତାକି ଆଏ, ସାମା ଦାରୁତିତ ବାରେ ଲକୁତି ପାପୁ ତାକି ତାକିତି ପୂଜାଲେହେଁ ଆଚେସି ।

୩ ମାର ମାହାପୁରୁତି ହୁକୁମି ମାନୁଞ୍ଜି ଆନାୟି, ଆତିହଁ ଏମ୍ବାଟି ପୁଞ୍ଜାଲି ଆଡ଼ିନାୟି, ଏଞ୍ଜାଣାଇଁ ସାତାତଲେ ପୁଞ୍ଜାମାନାୟି । ୪ ତାନି ହୁକୁମି ମାନୁଞ୍ଜି ଆଆନା ଆମ୍ବାଆସି ନାନୁ ଏଞ୍ଜାଣାଇଁ ପୁଞ୍ଜାମାଇଁ ଇଞ୍ଜିଁ ଜଲିନେସି, ଏଞ୍ଜାସି ମିଚି ଗାଚାସି ଏଞ୍ଜାଣି ତାଣ୍ଡା ସାତା ହିଲେଏ । ୫ ସାମା ଆମ୍ବାଆସି ତାନି ହୁକୁମି ମାନୁଞ୍ଜି ଆନେସି, ଏଞ୍ଜାଣି ତାଣ୍ଡା ମାହାପୁରୁତି

* ୧:୧ ୧:୧ ଜହ ୧:୧ * ୧:୨ ୧:୨ ଜହ ୧:୧୪

ସାତା ଜୀବନନାୟି ପୂରା ଆହାମାନେ, ଏମ୍ବାଟିଏ ମାର ପୁଞ୍ଜାଲି ଆଡ଼ିନାୟି ମାର ମାହାପୁରୁ ତାଣା ମାନାୟି ।
୨ ଆମ୍ବାଆସି ନାନୁ ମାହାପୁରୁ ତଲେ ଡୟିଲ୍ଲ ଇଞ୍ଜିଁ ଇନେସି, ଏଞ୍ଜାସି ଜୀସୁ କ୍ରୀସ୍ତ ନୀତା ମାଟିଲେହେଁ ନୀତିନାୟି ମାନେ ।

ପୁଞ୍ଜନି ହୁକୁମି

୩ ଏ ନା ଜୀବୁତି ତଢେସିଙ୍ଗାତେରି ନାନୁ ମୀ ତାଣା ଏନି ପୁଞ୍ଜନି ହୁକୁମି ରାଟିମାଞ୍ଜାଅଁ, ସାମା ତଲିଟିଏ ଆମିନି ପୁଞ୍ଜଇ ହୁକୁମି ବେଟା ଆହାମାଞ୍ଜେରି, ଏଦାଆଁ ରାଟିମାଞ୍ଜାଇଁ; ମୀରୁ ଆମିନି ବଲୁ ଖେଞ୍ଜାମାଞ୍ଜେରି, ଏଦିଏ ପୁଞ୍ଜଇ ହୁକୁମି ।
୪ ଅଡେ ନାନୁ ନୀର୍ବି ମିଙ୍ଗେ ପୁଞ୍ଜନି ହୁକୁମି ଲେହେଁ ରାଟିମାଞ୍ଜାଇଁ, ଇଟିହଁ ଏଦି କ୍ରୀସ୍ତ ତାଣା ଅଡେ ମୀ ତାଣା ଜିକେଏ ସାତା ଇଞ୍ଜିଁ ତଞ୍ଜାଆନେ, ଇଟିହଁ ଆନ୍ଦେରି ଗୁଟା ଆହିମାନେ ଅଡେ ସାତା ଉଜେଡ଼ି ତଞ୍ଜାଆଡେୟିଏ ।

୫ ଆମ୍ବାଆରି ତାନି ତାୟି ତାଙ୍ଗିଲ୍ ଅପାଆନା ନାନୁ ଉଜେଡ଼ିତା ମାଲ୍ ଇଞ୍ଜିଁ ଇନେସି ଏଞ୍ଜାସି ନୀର୍ବି ପାତେକା ଆନ୍ଦେରିତା ମାଞ୍ଜାମାନେସି ।
୬ ଆମ୍ବାଆସି ତାନି ତାୟି ତାଙ୍ଗିଲ୍ ଜୀବୁ ନନେସି ଏଞ୍ଜାସି ଉଜେଡ଼ିତା ମାଞ୍ଜାମାନେସି, ଇଞ୍ଜା ଏଞ୍ଜାଣି ତାଣା ପୁଟି କିନାୟି ଏନାୟି ହିଲେଏ ।
୭ ସାମା ଆମ୍ବାଆସି ତାନି ତାୟିଲ୍ ଅପିହିଲଅସି ଏଞ୍ଜାସି ଆନ୍ଦେରିତା ମାନେସି, ଅଡେ ଆନ୍ଦେରିତା ତାକି ତାକିହଁ ଆମ୍ବିୟାଞ୍ଜାକି ହାଜିମାନେସି, ଏଦାଆଁ ପୁନଅସି, ଇଟିହଁ ଆନ୍ଦେରି ତାନି କାଣକାଣି କାଣା କିହାମାନେ ।

୮ ଜୀବୁତି କକାରି ପଦାଁତେରି ନାନୁ ମିଙ୍ଗେ ରାଟିମାଞ୍ଜାଇଁ, ଏନାଆଁତାକି ଇଟିହଁ କ୍ରୀସ୍ତ ଦରୁତଲେ ମୀ ପାପୁ ବାରେ ମେଣ୍ଟାମାନେ ।
୯ ତାଞ୍ଜିଁତେରି ନାନୁ ମିଙ୍ଗେ ରାଟିମାଞ୍ଜାଇଁ, ଏନାଆଁତାକି ଇଟିହଁ ଆମ୍ବାଆସି ମୁଲୁଟିଏ ମାନେସି, ଏଞ୍ଜାଣାଇଁ ମୀରୁ ପୁଞ୍ଜାମାଞ୍ଜେରି, ଏ ତାଆ ଦାଂଗଣାୟାଁତେରି ନାନୁ ମିଙ୍ଗେ ରାଟିମାଞ୍ଜାଇଁ, ଇଟିହଁ ମୀରୁ ବାରେ ଲାଗେଏ ପଲେଏ ତାଣାଟି ଜୀଣା ଆହାମାଞ୍ଜେରି ।

୧୦ କକାରି ପଦାଁତେରି ନାନୁ ମିଙ୍ଗେ ରାଟିମାଞ୍ଜାଇଁ ଏନାଆଁତାକି ଇଟିହଁ ମୀରୁ ଆବା ମାହାପୁରୁଇଁ ପୁଞ୍ଜାମାଞ୍ଜେରି, ଏ ଆବାୟାଁତେରି ନାନୁ ମିଙ୍ଗେ ରାଟିମାଞ୍ଜାଇଁ ଏନାଆଁତାକି ଇଟିହଁ ଆମ୍ବାଆସି ମୁଲୁଟିଏ ମାନେସି ଏ କ୍ରୀସ୍ତଇଁ ପୁଞ୍ଜାମାଞ୍ଜେରି, ଏ ତାଆ ଦାଂଗଣାୟାଁତେରି ନାନୁ ମିଙ୍ଗେ ରାଟିମାଞ୍ଜାଇଁ ଏନାଆଁତାକି ଇଟିହଁ ମୀରୁ ବାଡ଼ୁୟୁ ଗାଟାତେରି, ଅଡେ ମାହାପୁରୁଟି ବଲୁ ମୀ ତାଣା ମାନେ ଅଡେ ମୀରୁ ଲାଗେଏ ପଲେଏତାଣି ଜୀଣା ଆହାମାଞ୍ଜେରି ।

ଦାର୍ତତି ଜୀବୁ ନଆଦୁ

୧୧ ଦାର୍ତତି ଅଡେ ଏମ୍ବାଆଁ ମାନାଣି ବାରେତି ଜୀବୁ ନଆଦୁ, ଆମ୍ବାଆସି ଦାର୍ତତି ଜୀବୁ ନନେସି, ଏଞ୍ଜାଣି ତାଣା ମାହାପୁରୁ ଆବାତି ଜୀବୁନନାୟି ହିଲେଏ ।
୧୨ ଇଟିହଁ ଆଙ୍ଗାତି ଜୁପକା, କାନୁତି ଜୁପକା, ଅଡେ ଦନତି ବଡପଣ, ଦାର୍ତତିତା ମାନାୟି ଇ ବାରେ ମାହାପୁରୁ ଆବା ତାଣାଟି

ଞାହାହିଲେଏ ସାମା ଦାର୍ତତି ଗାଡ଼ି ଆହାମାନେ ।
୧୩ ଦାର୍ତତି ଅଡେ ଏମ୍ବାଆଁ ମାନି ଜୁପକା କାଲେଏ ତାକି ଆଏ, ସାମା ଆମ୍ବାଆସି ମାହାପୁରୁଟି ଇଚାଡି ମାନୁଞ୍ଜି ଆନେସି ଏଞ୍ଜାସି କାଲେଏ ତାକି ତୀରି ଆନେସି ।

କ୍ରୀସ୍ତତି ସାତୁ

୧୪ ଜୀବୁତି କକାରି ପଦାଁତେରି ରାନ୍ତି କାଲା ଏଗାଞ୍ଜାଡେୟିଏ, ନାଡ଼ିକିନି କ୍ରୀସ୍ତ ଖାନ୍ଦେସି ଇଞ୍ଜିଁ ମୀରୁ ଏନିକିଁ ଖେଞ୍ଜାମାତେରି, ଏଲେକିହଁଏ ନୀର୍ବି ଜିକେଏ ହାରେକା ନାଡ଼ିକିନି କ୍ରୀସ୍ତୟାଁ ନିଙ୍ଗିତେରିଏ; ଇଦାଆଁତାକି ମାର ପୁଞ୍ଜିମାନାୟି ଜୁଗୁ ରାନ୍ତି କାଲା ଏଦାତେୟିଏ ।
୧୫ ଏଞ୍ଜାରି ମା ବିତ୍ରାଟି ହଡେରି, ସାମା ମା ଗଟିତି ଲକୁ ହିଲାଆତେରି; ଏଞ୍ଜାରି ମା ଗଟିତି ଲକୁ ଆଡିହଁ ମା, ଏଞ୍ଜାରି ମା ତଲେ ଡୟିତେରିମା; ସାମା ବାରେ ମା ଗଟିତି ଲକୁ ଆଏ, ଇଦି ଏନିକିଁ ତଞ୍ଜାଆନେ, ଇଦାଆଁତାକି ଏଞ୍ଜାରି ହଡାହାତେରି ।

୧୬ ସାମା ମୀରୁ ଏ ସୁଦୁ ଗାଟାଣା ତାଣାଟି ବର ବେଟାଆହାମାନାକି ମୀରୁ ବାରେତେରି ରୁଦି ବେଟାଆହାମାଞ୍ଜେରି ।
୧୭ ମୀରୁ ସାତାତି ପୁଞ୍ଜାହିଲାଆକି ନାନୁ ମିଙ୍ଗେ ରାଟିମାଞ୍ଜାଇଁ ଏଦି ଆଏ, ସାମା ମୀରୁ ସାତାତି ପୁଞ୍ଜାମାନାକି ଅଡେ ସାତାଟି ଏତେଲାଞ୍ଜା ମିଟି ହଏ ଇଞ୍ଜିଁ ମୀରୁ ପୁଞ୍ଜାମାନାକି ନାନୁ ମିଙ୍ଗେ ରାଟିମାଞ୍ଜାଇଁ ।

୧୮ ଜୀସୁଇଁ କ୍ରୀସ୍ତ ଆଏ ଇଞ୍ଜିଁ ଆମ୍ବାଆସି ଖେହନେସି, ଏଞ୍ଜାଣି ତାଣାଟିଏ ମିଟି ଖେହନାସି ଆମ୍ବାଆସି ? ଅଡେ ଆମ୍ବାଆସି ଆବା ଅଡେ ମୀରଏଣାଇଁ ଇ ରିଆରାଇଁ ଜିକେଏ ଅପଅସି ଏଞ୍ଜାସିଏ ନାଡ଼ିକିନି କ୍ରୀସ୍ତ ।
୧୯ ଆମ୍ବାଆସି ମୀରଏଣାଇଁ ଅପଅସି ଏଞ୍ଜାସି ଆବାଇଁ ବେଟାଆହାହିଲଅସି, ଆମ୍ବାଆସି ମୀରଏଣାଇଁ ଆବିନେସି, ଏଞ୍ଜାସି ଆବାଇଁ ଜିକେଏ ବେଟାଆହାମାନେସି ।

୨୦ ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଦି ମୀ ତାଣା ଡୟାପେ, ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଦି ମୀ ତାଣା ଡୟିଡିହଁ, ଆଡିହଁ ମୀରୁ ଜିକେଏ କାଲେଏ ଆବା ଅଡେ ମୀରଏଣା ଜୀସୁ ତାଣା ଡୟିଦେରି ।
୨୧ ଅଡେ କ୍ରୀସ୍ତ ମାଙ୍ଗେ ଏନାଆଁ ଆଞ୍ଜାମାଞ୍ଜାନେସି ଏଦି କାଲାକାଲାତି ଜୀବୁ ।

୨୨ ଆମ୍ବାଆରି ମିଙ୍ଗେ ନାଡ଼ି କିୟାଲି ଅଣ୍ପାନେରି, ଏଞ୍ଜାରି ତାଣାଟି ଜାଗ୍ରାତା ଆହାଲି ନାନୁ ମୀ ତାଣା ଇ ବାରେ ରାଟିମାଞ୍ଜାଇଁ ।
୨୩ ସାମା ମୀରୁ ଏଞ୍ଜାଣି ତାଣାଟି ଆମିନି ସୁଦୁଜୀବୁତି ବର ବେଟାଆହାମାଞ୍ଜେରି, ଏଦି ମୀ ତାଣା ଡୟାମାନେ, ଇଞ୍ଜା ଆମ୍ବାଆସି ମିଙ୍ଗେ ଜାପୁହାନେସି, ଏଦି ମିଙ୍ଗେତାକି ଲଡା ହିଲେଏ, ସାମା ଏଞ୍ଜାଣି ତାଣାଟି ଆମିନି ବର ବେଟାଆହାମାଞ୍ଜେରି ଏଦି ମିଙ୍ଗେ ଆମିନି କାତା ଜାପୁହାନେ, ଏଦି ସାତା, ମିଟି ଆଏ; ଇଦାଆଁତାକି ଏ ଜାପୁନାଣି ତଲେ ଏଞ୍ଜାଣି ତାଣା ଡୟାଦୁ ।

୨୪ ନା ଜୀବୁତି ମୀରକା ମାୟକାତେରି, କ୍ରୀସ୍ତ ତଲେ ଆଣ୍ଡାନା ଡୟାଦୁ, ଏନିକିଁ ଏଞ୍ଜାସି ଏଟିବେଲା

ତଞ୍ଜାଆନେସି, ଏତିବେଲା ତାନୁ ଖାନାଟି ତାନି ନକିତା ମାର ଲାଜା ଆଆନା ସାସା ମେଡ଼ାଆନାୟି । ୨୯ କ୍ରୀସ୍ତ ଦାମ୍ବୁଗାଟାସି, ଇଦାଆଁ ପୁନାୟିମାନେ, ଆତିହ୍ ଆମ୍ବାଆସି ଦାମ୍ବୁକାମା କିନେସି, ଏଞ୍ଜାସି ଏଞ୍ଜାଣି ତାଣାଟି ଜାର୍ନା ଆହାମାନେସି, ଇଦାଆଁ ଜିକେଏ ପୁଞ୍ଜୁ ।

୩

ମାହାପୁରୁତି ମୀରକା ମାସ୍କା

୧ *ମେହ୍‌ଦୁ ଆବା ମାଜେ ଏନିକ୍ ଜୀସୁ ନନାଣି ହୀହାମାଞ୍ଜାନେସି, ମାର ମାହାପୁରୁତି ମୀରକା ମାସ୍କା ଇଞ୍ଜି ଖେଜିନାୟି, ଅଡ଼େ ମାର ଏଲେକିହ୍ ଏ ଆହାମାନାୟି । ଇଦାଆଁତାକି ଦାରତି ମାଜେ ପୁଞ୍ଜିମାଞ୍ଜେଏ, ଇତିହ୍ ଏଦି ଏଞ୍ଜାଣାଇ ଜିକେଏ ପୁଞ୍ଜା ହିଲାଆଡେ । ୨ ଏ ନା ଜୀସୁତି ତଡ଼େସିଙ୍ଗା, ନୀର୍ବ ମାର ମାହାପୁରୁତି ମୀରକା ମାସ୍କାତାୟି, ଅଡ଼େ ତାୟୁ ଏନି ଆନାୟି, ଏଦି ନୀର୍ବ ପାଡେକା ତଞ୍ଜା ଆହା ହିଲେଏ, ମାର ପୁଞ୍ଜାମାନାୟି, କ୍ରୀସ୍ତ ଏତିବେଲା ତଞ୍ଜାଆନେସି, ଏତିବେଲା ମାର ଜିକେଏ ଏଲେକିହ୍ ଏ ଆନାୟି, ଇତିହ୍ ଏଞ୍ଜାସି ଏନିଲେହେକି ମାର ଏଲେକିହ୍ ଏ ଏଞ୍ଜାଣାଇ ମେହ୍‌ନାୟି । ୩ ଅଡ଼େ ଆମ୍ବାଆସି ଜିକେଏ କ୍ରୀସ୍ତ ଜୀସୁ ତାଣା ଇ ବାସୁଁ ଇଟାମାନାସି, ଏଞ୍ଜାସି ଏନିକ୍ ସୁଦୁଗାଟାସି, ଏଞ୍ଜାସି ଏଲେକିହ୍ ଏ ତାଜେ ଅଡ଼ହା କଡିନେସି ।

୪ ଆମ୍ବାଆସି ପାପୁ କିନେସି, ଏଞ୍ଜାସି ମାହାପୁରୁତି ହୁକୁମି ଉରିନାସି, ଏନିକିତହ୍ ହୁକୁମି ଉରିନାୟିଏ ପାପୁ । ୫*ମାର ପୁଞ୍ଜାମାନାୟି, କ୍ରୀସ୍ତ ପାପୁ ଡେକା ଅହାଲି ଖାଡେସି, ଇଞ୍ଜା ଏଞ୍ଜାଣି ତାଣା ପାପୁ ହିଲେଏ । ୬ ଆମ୍ବାଆସି କ୍ରୀସ୍ତ ତାଣା ଡୟିନେସି, ଏଞ୍ଜାସି ପାପୁ କିଅସି; ସାମା ଆମ୍ବାଆସି ପାପୁ କିନେସି, ଏଞ୍ଜାସି କ୍ରୀସ୍ତଙ୍କ ମେସାହିଲଅସି କି ଏଞ୍ଜାଣାଇ ପୁଞ୍ଜାହିଲଅସି ।

୭ ନା ଜୀସୁତି କକାରି ପଦ୍ମାତେରି ଆମ୍ବାଆରି ମିଜେ ନାଡି କିୟାଆପେରି; ଆମ୍ବାଆସି ଦାମ୍ବୁକାମା କିନେସି, କ୍ରୀସ୍ତ ଏନିକ୍ ଦାମ୍ବୁଗାଟାସି, ଏଞ୍ଜାସି ଜିକେଏ ଏଲେକ୍ ଦାମ୍ବୁଗାଟାସି ଆନେସି; ୮ ଆମ୍ବାଆସି ପାପୁ କିନେସି, ଏଞ୍ଜାସି ସୟତାନତି ଜାର୍ନା ଆଡାସି, ଇତିହ୍ ସୟତାନ ତଲିଟିଏ ପାପୁ କିହ୍ ଖାହିମାନେ, ସୟତାନତି କାମା ନାସା କିୟାଲି ମାହାପୁରୁ ମୀରଏସି ଖାଡେସି ।

୯ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଞ୍ଜାସି ପାପୁ ଅଡ଼େ ଖେଣ୍ଡେ କିଅସି, ଇତିହ୍ ମାହାପୁରୁତି ଗୁଣ୍ଡୁ ଏଞ୍ଜାଣି ତାଣା ମାନେ, ଅଡ଼େ ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନାକି ପାପୁ କିହାଲି ଆଡ଼ଅସି । ୧୦ ଆମ୍ବାଆରି ମାହାପୁରୁତି ମୀରକା ମାସ୍କା ଅଡ଼େ ଆମ୍ବାଆରି ସୟତାନତି ମୀରକା ମାସ୍କା, ଏଦି ତଞ୍ଜାଆନେ; ଆମ୍ବାଆସି ଦାମ୍ବୁକାମା

କିଅସି, ଇଞ୍ଜା ତାୟି ତାଜିକ୍ ଜୀସୁ ନଅସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାହିଲଅସି ।

ରଅସି ରଅଣାଇ ଜୀସୁନନାୟି

୧୧ *ଇତିହ୍ ରଅସି ରଅଣାଇ ଜୀସୁନନାୟି ମାନେ ଇ ହାଡ଼ା ମୂଲୁଟିଏ ଖେଞ୍ଜା ମାଞ୍ଜେରି; ୧୨ ପାପୁତି ମୀରଏସି କୟିନ, ଏଞ୍ଜାଣିଲେହେଁ ଆଆଦୁ, ଏଞ୍ଜାସି ତାନି ତାୟି ହେବଲକ୍ ପାୟିଡେସି; କୟିନ ଏଞ୍ଜାଣାଇ ଏନାଆଁତାକି ପାୟିଡେସି ? ଇତିହ୍ ତାନି କାମା ପାପୁ ଗାଟାୟି, ଅଡ଼େ ହେବଲକି କାମା ଦାମ୍ବୁଗାଟାୟି ମାଟେ ।

୧୩ ନା ତାୟି ତାଜିସ୍ତାତେରି ଦାରତିତି ଲକୁ ମିଜେ ଅପାଆତ୍ ଜିକେଏ ମୀରୁ କାବା ଆଆଦୁ । ୧୪ *ମାର ପୁଞ୍ଜାମାନାୟି, ମାର ହାକିତି ଜୀଣାଆହାନା ଜୀସୁ ବେଟାଆହାମାନାୟି, ଇତିହ୍ ମାର ତାୟି ତାଜିସ୍ତାଣି ଜୀସୁନହ୍ ମାନାୟି, ଆମ୍ବାଆସି ଜୀସୁ ନଅସି, ଏଞ୍ଜାସି ହାହାଲି ମାନେସି । ୧୫ ଆମ୍ବାଆସି ଜାହାରା କ୍ରୀସ୍ତାନା ତାୟି ତାଜିକ୍ ଅପଅସି, ଏଞ୍ଜାସି ଲକୁଣି ପାୟିନାସି; ଅଡ଼େ ଲକୁଣି ପାୟିନାରି ତାଣା କାଲାକାଲାତି ଜୀସୁ ଡୟେଏ, ଇଦାଆଁ ମୀରୁ ପୁଞ୍ଜାମାଞ୍ଜେରି । ୧୬ ଜୀସୁ କ୍ରୀସ୍ତ ମା ତାକି ଜୀସୁ ହୀତାକି ମାର ଜୀସୁନନାୟି ଏନାୟି ଇଞ୍ଜି ପୁଞ୍ଜାମାନାୟି; ଅଡ଼େ ତାୟି ତାଜି ତାକି ମା ଜୀସୁ ଜିକେଏ ହୀନାୟି ମାନେ । ୧୭ ସାମା ଆମ୍ବାଆସି ଦାରତିତା ଦନ ଗାଟାସି ଆହାନା ତାନି ତାୟିତି ଲଡ଼ାମାନାଣି ମେସାନା ଜିକେଏ ଏଞ୍ଜାଣାଇ କାର୍ନା ମେହ୍‌ଅସି ଇତିସାରେ, ତାନି ହିୟାତା ମାହାପୁରୁତି ଜୀସୁନନାୟି ମାନେ ଇଞ୍ଜି ଏନିକ୍ ଏଲେଇନାୟି ? ୧୮ ନା ମୀରକା ମାସ୍କା ଖାଦୁ, ମାର ଜଲ୍ଲା ଜକଡି ତଲେ ଜୀସୁ ନଆନା କାମା ଅଡ଼େ ସାତା ତଲେ ଜୀସୁ ନନାଣି ତହ୍‌ନାୟି ମାନେ ।

୧୯ ଏଲେ କିତିସାରେ ମାର ସାତାତି ମୀରକା ମାସ୍କାତାୟି ଇଦାଆଁ ପୁଞ୍ଜାମାନାୟି, ଅଡ଼େ ଏନି କାତା ମା ହିୟା ମାଜେ ଦହ୍ କିୟାନେ, ଏ କାତାତା ଏଞ୍ଜାଣି ନକିତା ମା ହିୟା ସୁସି କିୟାଲି ଆଡିନାୟି; ୨୦ ଏନିନି କାମାତା ମା ହିୟା ମାଜେ ଦହ୍ ଦସ୍ତାନେ, ଏମ୍ବାଟି ଏଞ୍ଜାଣି ନକିତା ଏ କାତାତାକି ମା ହିୟାତି ସୁସି କିହାଲି ଆଡିନାୟି; ଇତିହ୍ ମାହାପୁରୁ ମା ହିୟାଟିଏ କାଜାସି, ଏଞ୍ଜାସି ବାରେ ପୁନେସି । ୨୧ ନା ଜୀସୁତି ତଡ଼େସିଙ୍ଗା ମା ହିୟା ମାଜେ ଦହ୍ ଦସ୍ତାଆଡିହ୍, ଆଡିହ୍ ମାର ମାହାପୁରୁ ନକିତା ସାସାତଲେ ନିତାଲି ଆଡିନାୟି । ୨୨ ଅଡ଼େ ମାର ଏନାଆଁ ରାହ୍‌ନାୟି, ଏ ବାରେ ଏଞ୍ଜାଣି ତାଣାଟି ବେଟାଆହି ମାନାୟି, ଇତିହ୍ ମାର ତାନି ହୁକୁମି ମାନୁଞ୍ଜି ଆହିମାନାୟି, ଅଡ଼େ ତାନି ନକିତା ଏନାୟି ନେହାୟି, ଏଦାଆଁ କିହିମାନାୟି । ୨୩*ତାନି ହୁକୁମି ହୀହାମାନିଲେହେଁ, ମାର ତାନି ମୀରଏସି ଜୀସୁ କ୍ରୀସ୍ତ ଦରୁତଲେ ନାମିନାୟି ଅଡ଼େ ତାନି ହୀତି ହୁକୁମି ତଲେ ରଅତାୟି ରଅଣାଇ ଜୀସୁନନାୟି । ୨୪ ଆମ୍ବାଆସି ମାହାପୁରୁତି ହୁକୁମି ମାନୁଞ୍ଜି ଆନେସି, ଏଞ୍ଜାସି ମାହାପୁରୁ ତଲେ ଡୟିନେସି, ଅଡ଼େ

☆ ୩:୧ ୩:୧ ଜହ ୧:୧୨ ☆ ୩:୫ ୩:୫ ଜହ ୧:୨୯ ☆ ୩:୧୧ ୩:୧୧ ଜହ ୧୩:୩୪ ☆ ୩:୧୪ ୩:୧୪ ଜହ ୫:୨୪ ☆ ୩:୨୩ ୩:୨୩ ଜହ ୧୩:୩୪; ୧୫:୧୨,୧୭

ମାହାପୁରୁ ଏଞ୍ଜାଣି ତାଣା ଡ଼ୟିନେସି; ଇଞ୍ଜା ମାହାପୁରୁ ମା ତାଣା ଡ଼ୟିନେସି, ଇଦାଆଁ ମାର ତାନି ହାହାମାଞ୍ଜାନି ଜୀଞ୍ଜୁତଲେ ପୁଞ୍ଜିମାନାୟି ।

୪

ସାତା ମାହାପୁରୁତି ଜୀଞ୍ଜୁ ଅଡ଼େ ମିତି ଜୀଞ୍ଜୁ

୧ ନା ଜୀଞ୍ଜୁତି ତାୟି ତାଜିସ୍ତା, ବାରେ ଜୀଞ୍ଜୁୟାଁଲ୍ ନାମାଆଦୁ, ସାମା ଏଞ୍ଜାରି ବେଟାଆହାମାନି ଜୀଞ୍ଜୁୟାଁ ମାହାପୁରୁ ତାଣାଟି ଖାହାମାନୁ କି ଆଏ ଇଦାଆଁ ନେହୁଁକ୍ ତାୟିପାରି କିଦୁ, ଏନାଆଁତାକି ଇତିହୁଁ ଦାରତିତା ହାରେକା ମିତି ମାହାପୁରୁ ବଲୁ ଖେହନାରି ହଟାମାନେରି । ୨ ଇଲେ କିତିହୁଁ ମୀରୁ ମାହାପୁରୁତି ଜୀଞ୍ଜୁତି ପୁଞ୍ଜାଲି ଆଡ଼ିଦେରି, କ୍ରୀସ୍ତ ଜୀସୁ ମାଣସି ଆଜା ଖାଣା ତଲେ ଖାହାମାନେସି, ଇଦାଆଁ ଆମିନି ଜୀଞ୍ଜୁ ଜଲିନେ, ଏଡ଼ି ମାହାପୁରୁ ତାଣାଟି ଖାହାମାନେ । ୩ ଅଡ଼େ ଆମିନି ଜୀଞ୍ଜୁ ଜୀସୁଲ୍ ନାନୁ ପୁଞ୍ଜାହିଲଅଁ ଇଞ୍ଜୁଁ ଜଲିନେ, ଏଡ଼ି ମାହାପୁରୁ ତାଣାଟି ଖାହାହିଲେଏ; ସାମା ଏଡ଼ି ନାଡ଼ିକିନି କ୍ରୀସ୍ତ ଜୀଞ୍ଜୁ, ଆମିନି ଜୀଞ୍ଜୁତି ଖାନ୍ତି କାତା ମୀରୁ ଖେଞ୍ଜାମାଞ୍ଜେରି, ଇଞ୍ଜା ଏଡ଼ି ନାଏଁ ଜିକେଏ ଦାରତିତା ଖାଡ଼େୟିଏ ।

୪ ଜୀଞ୍ଜୁତି କକାରି ପଦାଁତେରି, ମୀରୁ ମାହାପୁରୁ ତାଣାଟି ଜାର୍ନା ଆଡାତେରି, ଅଡ଼େ ମୀରୁ ନାଡ଼ିକିନି ବଲୁ ଖେହନାରାଲ୍ ଜୀଣା ଆହାମାଞ୍ଜେରି, ଇତିହୁଁ ମୀ ତାଣା ଆମ୍ବାଆସି ମାନେସି, ଏଞ୍ଜାସି, ଦାରତିତା ଆମ୍ବାଆସି ମାନେସି ଏଞ୍ଜାଣି କିହାଁ କାଜାସି । ୫ ନାଡ଼ିକିନାରି ଦାରତିତି ଖାହାମାନେରି, ଇଦାଆଁତାକି ଏଞ୍ଜାରି ଦାରତିତି କାତା ଖେହନେରି, ଅଡ଼େ ଦାରତିତାରି ଏଞ୍ଜାରି କାତା ଖେନେରି । ୬ ସାମା ମାର ମାହାପୁରୁ ତାଣାଟି ଜାର୍ନା ଆହାମାନାୟି; ଆମ୍ବାଆସି ମାହାପୁରୁଲ୍ ପୁନେସି, ଏଞ୍ଜାସି ମା କାତା ଖେନେସି; ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାହିଲଅସି, ଏଞ୍ଜାସି ମା କାତା ଖେନଅସି, ଏମ୍ବାଟି ସାତାତି ଜୀଞ୍ଜୁ ଅଡ଼େ ନାଡ଼ିକିନି ଜୀଞ୍ଜୁ ପୁଞ୍ଜାଲି ଆଡ଼ିନାୟି ।

ଜୀଞ୍ଜୁ ନଞ୍ଜିଆନାୟି

୭ ନା ଜୀଞ୍ଜୁତି ତ଼ଣେସିକ୍ପା, ରଅତେରି ରଅଣାଲ୍ ଜୀଞ୍ଜୁନଦୁ, ଇତିହୁଁ ଜୀଞ୍ଜୁନନାୟି ମାହାପୁରୁ ତାଣାଟି ଖାନ୍ନେ, ଆମ୍ବାଆସି ଜୀଞ୍ଜୁ ନନେସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନେସି, ଇଞ୍ଜା ଏଞ୍ଜାସି ମାହାପୁରୁଲ୍ ପୁଞ୍ଜାମାନେସି । ୮ ଆମ୍ବାଆସି ଜୀଞ୍ଜୁ ନଅସି, ଏଞ୍ଜାସି ମାହାପୁରୁଲ୍ ପୁନଅସି, ଏନାଆଁତାକି ଇତିହୁଁ ମାହାପୁରୁ ଜୀଞ୍ଜୁ ନନାସି । ୯ ଇମ୍ବାଆଁ ମାହାପୁରୁତି ଜୀଞ୍ଜୁନନାୟି ତଞ୍ଜା ଆହାମାନେ, ଏଞ୍ଜାସି ତାନି ରଣିଏ ମୀରୁଏଣାଲ୍ ଦାରତିତା ପାଣ୍ଡାତେସି, ଏନିକ୍ ମାର ଏଞ୍ଜାଣି ତାଣାଟି କାଲ୍ଲକାଲ୍ଲାତି ଜୀଞ୍ଜୁ ବେଟାଆନାୟି । ୧୦ ମାର, ମାହାପୁରୁଲ୍ ଜୀଞ୍ଜୁ ନଡ଼ାୟି, ଏଡ଼ି ଆଏ, ସାମା ଏଞ୍ଜାସି ମାଲେ ଜୀଞ୍ଜୁ ନୟାଁତେସି, ଇଞ୍ଜା ତାନି ମୀରୁଏଣାଲ୍ ମା ପାପୁ ତାକି ପୂଜା ଆହାଲି ପାଣ୍ଡାତେସି; ଏଡ଼ି ଏମ୍ବାଟିଏ ଜୀଞ୍ଜୁନନାୟି ତଞ୍ଜା ଆହି ମାନେ ।

୧୧ ନା ଜୀଞ୍ଜୁତି ତ଼ଣେସିକ୍ପା, ମାହାପୁରୁ ମାଲେ ଏନିକ୍ ଜୀଞ୍ଜୁ ନହାଁ ମାଞ୍ଜାନେସି, ମାର ଜିକେଏ ରଅତାୟି ରଅଣାଲ୍ ଜୀଞ୍ଜୁ ନଞ୍ଜିଆନାୟି ମାନେ । ୧୨ ଆମ୍ବାଆସି ଏତେଲ୍ଲାଖା ମାହାପୁରୁଲ୍ ମେସାହିଲଅସି; ସାମା ମାର ରଅତାୟି ରଅଣାଲ୍ ଜୀଞ୍ଜୁନଞ୍ଜିଆନ, ଆଡ଼ିହୁଁ ମାହାପୁରୁ ମା ତାଣା ମାନେସି, ଅଡ଼େ ତାନି ଜୀଞ୍ଜୁନନାୟି ମା ତାଣା ମାନେ ।

୧୩ ମାର ମାହାପୁରୁ ତାଣା ମାନାୟି ଅଡ଼େ ଏଞ୍ଜାସି ମା ତାଣା ମାନେସି, ଇଦାଆଁ ମାର ପୁଞ୍ଜାମାନାୟି, ଇତିହୁଁ ଏଞ୍ଜାସି ମାଲେ ତାନି ଜୀଞ୍ଜୁ ହାହାମାଞ୍ଜାନେସି । ୧୪ ମାହାପୁରୁ ଆବା ତାନି ମୀରୁଏଣାଲ୍ ଦାରତିତି ଲକୁଣି ଗେଲ୍ପିନାସି ଆହାଲିତାକି ପାଣ୍ଡାତେସି, ଇଦାଆଁ ମାର ମେସାମାନାୟି ଅଡ଼େ ସାକି ହାହି ମାନାୟି । ୧୫ ଆମ୍ବାଆସି ଜୀସୁଲ୍ ମାହାପୁରୁତି ମୀରୁଏସି ଇଞ୍ଜୁଁ ଖେକନେସି, ମାହାପୁରୁ ଏଞ୍ଜାଣି ତାଣା ମାନେସି, ଅଡ଼େ ଏଞ୍ଜାସି ମାହାପୁରୁ ତାଣା ମାନେସି । ୧୬ ଅଡ଼େ ମାଲେତାକି ମାହାପୁରୁତି ଆମିନି ଜୀଞ୍ଜୁନନାୟି ମାନେ, ଏଦାଆଁ ମାର ପୁଞ୍ଜାମାନାୟି ଅଡ଼େ ନାମାମାନାୟି । ମାହାପୁରୁ ଜୀଞ୍ଜୁ ନନାସି; ଆମ୍ବାଆସି ଜୀଞ୍ଜୁ ନହୁଁମାନେସି ଏଞ୍ଜାସି ମାହାପୁରୁ ତାଣା ମାନେସି ଅଡ଼େ ମାହାପୁରୁ ଏଞ୍ଜାଣି ତାଣା ଡ଼ୟିନେସି । ୧୭ ଦାମ୍ବୁତି ଜୀଞ୍ଜୁତା ନୀତାମାନାକି ମାହାପୁରୁତି ଜୀଞ୍ଜୁନନାୟି ମା ତାଣା ତୀରି ଆହାମାନେ, ମାର ନାହାୟି ଦିନାତା ସାସା ବେଟାଆନାୟି, ଇତିହୁଁ କ୍ରୀସ୍ତ ଏନିକ୍ ମାନେସି, ମାର ଜିକେଏ ଇ ଦାରତିତା ଏଲେକିହୁଁଏ ମାନାୟି । ୧୮ ଜୀଞ୍ଜୁ ନନି ତାଣା ଆଜି ଡ଼ୟେଏ, ସାମା ସାତା ଜୀଞ୍ଜୁନନାୟି ଆଜିତି ହେକ କିନେ, ଇତିହୁଁ ଆଜି ତଣ୍ଡ ବେଟାଆନାଣି ତଲେ ଆଣ୍ଡାମାନେ, ଇଞ୍ଜା ଆମ୍ବାଆସି ଆଜିନେସି ଏଞ୍ଜାସି ଜୀଞ୍ଜୁ ନନି ତାଣା ତୀରିତାସି ଆଏ ।

୧୯ ମାହାପୁରୁ ତଲିଏ ମାଲେ ଜୀଞ୍ଜୁ ନୟାଁତାକି ମାର ଜୀଞ୍ଜୁ ନହିମାନାୟି । ୨୦ ଆମ୍ବାଆସି ନାନୁ ମାହାପୁରୁଲ୍ ଜୀଞ୍ଜୁ ନହୁଁମାଲ୍ ଇଞ୍ଜାନା, ଏଞ୍ଜାସି ତାନି ନାମିତି ତାୟି ତାଜିଲ୍ ଅପଅସି, ଆଡ଼ିହୁଁ ଏଞ୍ଜାସି ମିତି ଖେହନାସି, ଇତିହୁଁ ଆମିନି ତାୟିଲ୍ ମେସାମାନେସି, ଏଞ୍ଜାଣାଲ୍ ଜୀଞ୍ଜୁ ନଅସି, ଇତିହୁଁ ଆମିନି ମାହାପୁରୁଲ୍ ମେସାହିଲଅସି, ଏଞ୍ଜାଣାଲ୍ ଜୀଞ୍ଜୁ ନହାଲି ଆଡ଼ଅସି । ୨୧ ଆମ୍ବାଆସି ମାହାପୁରୁଲ୍ ଜୀଞ୍ଜୁ ନନେସି, ଏଞ୍ଜାସି ତାନି ତାୟିଲ୍ ଜିକେଏ ଜୀଞ୍ଜୁ ନପେସି, ଇ ହୁକୁମି ମାମ୍ବୁ କ୍ରୀସ୍ତ ତାଣାଟି ବେଟା ଆହାମାନମି ।

୫

ଦାରତିତା ଜୀଣା ଆନାୟି

୧ ଆମ୍ବାଆସି ଜୀସୁଲ୍ କ୍ରୀସ୍ତ ଇଞ୍ଜୁଁ ନାମିନେସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନେସି; ଆମ୍ବାଆସି ଜାର୍ନାକିତି ଆବାଲ୍ ଜୀଞ୍ଜୁ ନନେସି, ଏଞ୍ଜାସି ତାନିତାଣାଟି ଜାର୍ନା ଆହାମାନି ଲକୁଣି ଜିକେଏ ଜୀଞ୍ଜୁ ନନେସି । ୨ ମାର ଏତିବେଲ୍ ମାହାପୁରୁଲ୍ ଜୀଞ୍ଜୁନନାୟି ଅଡ଼େ ତାନି ହୁକୁମି ମାନୁଞ୍ଜି ଆନାୟି, ଏତିବେଲ୍ ଏଦାଆଁ ତଲେ ମାର ମାହାପୁରୁତି ମୀରୁକା ମାସ୍କାଲ୍ ଜୀଞ୍ଜୁ ନହିମାନାୟି ଇଞ୍ଜୁଁ

ପୁଞ୍ଜାଳି ଆଡ଼ିନାହିଁ । ୩୩ *ମାହାପୁରୁଷଙ୍କୁ ଜୀବୁନନାହିଁ ମା ତାଣା ମାନେ, ଇତିହାସ ମାର ଏଞ୍ଜାଣି ହୁକୁମି ମାନୁଞ୍ଜି ଆନ, ଏଞ୍ଜାଣି ହୁକୁମି ମାନୁଞ୍ଜି ଆନାହିଁ ହାରେକା କସ୍ତୁ ଆଏ ୪ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଞ୍ଜାସି ଦାରୁତିତି ଜୀଣାଆନେସି, ଅଡ଼େ ଏନାଆଁ ଦାରୁତିତି ଜୀଣା ଆହାମାନେସି, ଏଦି ମା ନାମୁ । ୫ଜୀସୁ ମାହାପୁରୁ ମାରଏସି, ଇଦାଆଁ ଆମ୍ବାଆସି ନାମିନେସି, ଏଞ୍ଜାଣି ପିସ୍ତେ ଆମ୍ବାଆସି ଦାରୁତିତି ଜୀଣା ଆନେସି ?

ଜୀସୁ କ୍ରୀସ୍ତ ତାକି ସାକି

୬ ଜୀସୁ କ୍ରୀସ୍ତ ଏମୁ ଅଡ଼େ ନେତେରିଟି ଖାହାମାରେସି, ଖାରଇ ଏମୁତଲେ ଆଏ, ସାମା ଏମୁ ଅଡ଼େ ନେତେରି ଇ ରୀ କୃଡ଼ା ତଲେ ଖାହାମାରେସି; ଅଡ଼େ ସୁଦୁଜୀସୁ ଜିକେଏ ଏମ୍ବାତି ସାକି ହାହିମାନେ, ଇତିହାସ ଜୀସୁଏ ସାତା । ୭ ଇ ତାନି ଜାଣା ସାକି ମାନୁ । ୮ ସୁଦୁଜୀସୁ, ଏମୁ ଅଡ଼େ ନେତେରି ଏଞ୍ଜି ରଣ୍ଡିଏ ସାକି ହାହିମାନୁ । ୯ ମାର ଲକୁ ହାତି ସାକି ନାମିନାହିଁ, ଆତିହାସ ମାହାପୁରୁ ହାତି ସାକି ଏଦାଣିକହାଁ ହାରେକା କାଜାହିଁ, ଅଡ଼େ ମାହାପୁରୁତି ସାକି ଇଦି, ଏଞ୍ଜାସି ତାନି ମାରଏଶା ଖାକିଟି ସାକି ହାହାମାନେସି । ୧୦ ଆମ୍ବାଆସି ମାହାପୁରୁ ମାରଏଶା ତାଣା ନାମିନେସି, ଏଞ୍ଜାସି ତାନି ହିୟାତା ଇ ସାକି ବେଟାଆହାମାନେସି; ଅଡ଼େ ଆମ୍ବାଆସି ମାହାପୁରୁତି ସାକି ନାମଅସି, ଏଞ୍ଜାସି ମାହାପୁରୁଙ୍କୁ ମିତି ଗାଟାସି କିହାମାନେସି, ଇତିହାସ ମାହାପୁରୁ ତାନି ମାରଏଶା ଖାକିଟି ଆମିନି ସାକି ହାହାମାନେସି, ଏମ୍ବାଆଁ ଏଞ୍ଜାସି ନାମାହିଲଅସି । ୧୧ *ଏ ସାକି ଇଦି, ମାହାପୁରୁ ମାଜେ ରାଆଗାଟି ଜୀସୁ ହାହାମାଜାନେସି, ଅଡ଼େ, ଏ ଜୀସୁ ତାନି ମାରଏଶା ତାଣା ମାନେ । ୧୨ ଆମ୍ବାଆସି ମାହାପୁରୁ ମାରଏଶାଙ୍କୁ ବେଟାଆହାମାନେସି, ଏଞ୍ଜାସି ଜୀସୁ ବେଟାଆହାମାନେସି; ଆମ୍ବାଆସି ମାହାପୁରୁ ମାରଏଶାଙ୍କୁ ବେଟାଆହାହିଲଅସି, ଏଞ୍ଜାସି ଜୀସୁ ଜିକେଏ ବେଟାଆହାହିଲଅସି ।

ରାଆଗାଟି ଜୀସୁ

୧୩ ମାରୁ ମାହାପୁରୁ ମାରଏଶା ଦରୁ ନାମାମାଜେରି, ମାରୁ ଏନିକି ପୁଞ୍ଜାମାଜେରି, ରାଆଗାଟି ଜୀସୁ ବେଟା ଆହାମାଜେରି, ଇଦାଆଁତାକି ନାନୁ ମିଜେ ଇ ବାରେ ରାଟାମାଜାଙ୍କୁ । ୧୪ ଇଞ୍ଜା ମାର ମାହାପୁରୁ ଅଣ୍ଟପୁତି ଲେହେଁ ପ୍ରାତାନା କିନାହିଁ, ଆତିହାସ ଏଞ୍ଜାସି ମା ପ୍ରାତାନା ଖେଞ୍ଜାନେସି, ଇଞ୍ଜା ମାହାପୁରୁ ତାଣା ମା ବାସୁ ମାନେ । ୧୫ ଅଡ଼େ ମାର ଏଞ୍ଜାଣି ତାଣା ଏନାଆଁ ପ୍ରାତାନା କିନାହିଁ, ଏଦାଆଁ ଏଞ୍ଜାସି ଖେଞ୍ଜାନେସି ଇଞ୍ଜା ମାର ପୁଞ୍ଜାମାନାହିଁ, ଆତିହାସ ଏଞ୍ଜାଣି ତାଣା ମାର ଏନାଆଁ ପ୍ରାତାନା କିହିମାନାହିଁ, ଏ ବାରେ ବେଟାଆହାମାନାହିଁ, ଇଦାଆଁ ଜିକେଏ ପୁଞ୍ଜାମାନାହିଁ ।

୧୬ ମା ନାମିତି ତାହିଁ କି ତାଜିଙ୍କୁ ପାପୁ କିହିମାନାଣି ମେହ୍ଦେରି ଇତିସାରେ, ଅଡ଼େ ଏ ପାପୁ ହାଞ୍ଜି କିନାହିଁ ଆଏ,

ଏ ତାହିଁ ତାଜି ତାକି ମାହାପୁରୁ ତାଣା ପ୍ରାତାନା କିଦୁ, ଅଡ଼େ ମାହାପୁରୁ ଏନିକି ହାନ୍ତିହଗେତି ପାପୁ କିହାହିଲଆ ଲକୁଣି ଜୀସୁ ହାନେସି, ଏଲେକିହ ଏ ଏଞ୍ଜାରାକି ଜିକେଏ ଜୀସୁ ହାନେସି, ହାନ୍ତିହଗେତି ପାପୁ ମାନେ ଇଞ୍ଜା ଏଞ୍ଜାରି ତାକି ପ୍ରାତାନା କିହାଲି ଖେସିହିଲଆଁ । ୧୭ ବାରେ ଲାଗେଏତି କାମା ପାପୁ, ସାମା ବାରେ ପାପୁ ହାଞ୍ଜି କିଏ ।

୧୮ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନାସି, ଏଞ୍ଜାସି ପାପୁ କିଅସି, ଏନାଆଁତାକି ଇତିହାସ ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାଁ ଜାହାରାଙ୍କୁ ଗେଲପା କଡିନେସି, ଅଡ଼େ ପାପୁତି ଜୀସୁ ଏଞ୍ଜାଣାଙ୍କୁ ତାଗେଏ, ଇଦାଆଁ ମାର ପୁଞ୍ଜିମାନାହିଁ ।

୧୯ ମାର ମାହାପୁରୁ ତାଣାଟି ଜାର୍ନା ଆହାମାନାତାହିଁ ଇଞ୍ଜା ବାରେ ଦାରୁତିଙ୍କୁ ସୟତାନ ଲକ୍ତହାମାନେ, ଇଦାଆଁ ମାର ପୁଞ୍ଜାମାନାହିଁ ।

୨୦ ମାର ପୁଞ୍ଜାମାନାହିଁ, ମାହାପୁରୁ ମାରଏସି ଖାହାମାନେସି, ଇଞ୍ଜା ଏଞ୍ଜାସି ମାଜେ ସାତାତାଣାଙ୍କୁ ପୁଞ୍ଜାଲି ବୁଦି ହାହାମାଜାନେସି; ଅଡ଼େ ମାର ଏ ସାତାଗାଟାଣି ତାଣା, ଇତିହାସ ତାନି ମାରଏସି ଜୀସୁ କ୍ରୀସ୍ତ ତାଣା ନୀତାମାନାହିଁ, ଏଞ୍ଜାସି ସାତା ମାହାପୁରୁ ଅଡ଼େ ରାଆଗାଟି ଜୀସୁ ଗାଟାସି ।

୨୧ ନା ଜୀସୁତି ମାରକା ମାସ୍କାତେରି ପେଶ୍କା ବମାୟାଁ ତାଣାଟି ମାରୁ ହେକ ଆହାନା ମାଞ୍ଜୁ ।

* ୫:୩ ୫:୩ ଜହ ୧୪:୧୫ ☆ ୫:୧୧ ୫:୧୧ ଜହ ୩:୩୭

ଯୋହନଙ୍କ ଦ୍ଵୀତିୟ ପତ୍ର ଜହନ ରାଚାମାନି ରୀ ଲମ୍ବର ଆକୁ ମୂକୁ ହାଡ଼ା

ରୀ ଲମ୍ବର ଜହନ ଆକୁତି ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ଷା ତାୟୁ ପାଣ୍ଡୁଆହାମାନି ଜହନ ତାଣାଟି ରାସ୍ତକି ଆହାମାନେ । ଜହନ ଜାହାରାଇଁ ଆକୁ ରାଚିତାସି ଇଞ୍ଜିଁ ଖେହ୍‌ଆନା କୁଲମିତି ପ୍ରାଚିନାତେଏଁ ଇଞ୍ଜିଁ ଖେସିମାନେସି । ଜହନ ରୀ ଲମ୍ବର ଆକୁତି ଜହନ ରାଚିତି ନେହଁ କାରୁତଲେ ସମାନା ମାନେ । ଇ ପତିତା ଜୀସୁ ଏନିକଁ ରଅସି ରଅଣାଇଁ ଜୀସୁ ନନ୍ତି କାତା ଖେସାମାରେସି, ଜୀସୁତି ହୁକୁମିତି ହାରେକା ମାନି କିହିମାନେସି । ଏଲେକିହଁ ଏ ଜୀସୁତି ହୁକୁମି ମାନୁଞ୍ଜି ଆନାୟି ଆହିମାନେ ଏଞ୍ଜାଣାଇଁ ଜୀସୁନନାୟି ଜହ ୧:୫-୬; ଜହ ୧୫:୯-୧୦ ।

ଏଚିବେଲ୍ଲାତା ଏଞ୍ଜାସି ଏପିସିୟ ଗାଡ଼ାତା ମାରେସି ଏମ୍ବାଆଁ ଏଞ୍ଜାସି ଜହନ ରାଚିତି ନେହଁ କାରୁ ଅଡେ ଜହନ ମୂକୁ ଆକୁ, ଜହନତି ରୀ ଲମ୍ବର, ଅଡେ ଜହନ ତାନି ଲମ୍ବର ଆକୁ ରାଚାମାରେସି ଇଞ୍ଜିଁ ଲକୁ ନାମିମାନେରି । ଜହନ ଇ ଆକୁତା ଆଚାମାନି ଇୟା ଅଡେ ତାନି ମୀରକା ମାସ୍କା ଇଞ୍ଜିଁ କୁଲମିତି ରାଚିମାନେସି । ଜହନ ଇ ଆକୁ ରାଚିନି କାତା ଆହିମାନେ ନାମୁତା ମାନି ଲକୁଣି ସାସା ହୀନାୟି ଅଡେ ମିତି କାତା ଖେହ୍‌ନାରି ତାଣାଟି ଜାଗ୍ରାତା କିହାଲି ରାଚାମାନେସି ।

ପତିତା ମାନାୟି

- ୧. ଜହନ ଆକୁ ପଡ଼ଞ୍ଜି ଆନାରାଇଁ ଜହରା କିନାୟି । ୧:୧-୩
- ୨. କୁଲମିତି ସାସା ହୀହାନା ମାହାପୁରୁତି କାଜା ହୁକୁମିତି ଅଣ୍ଡପି କିନାୟି । ୧:୪-୬
- ୩. ମିତି ଜାପୁନାରି ତାଣାଟି ଜାଗ୍ରାତା କିନାୟି । ୧:୭-୧୧
- ୪. କୁଲମିତି ନାମୁଗାଟି ଲକୁଣି ଜହରା କିହାନା ଆକୁତି ରାପୁନାୟି । ୧:୧୨-୧୩

୧ ନାନୁ, କୁଲମିତି ପ୍ରାଚିନାତେଏଁ, ମାହାପୁରୁ ଆଚାମାନି ଇୟା ଅଡେ ତାନି ମୀରକା ମାସ୍କାକି ଇ ଆକୁ ରାଚିମାଇଁ, ନାନୁ ଏଞ୍ଜାରାଇଁ ସାତା ଜୀସୁ ନହଁମାଇଁ, ଅଡେ ଖାରଇ ନାନୁ ଆଏ, ସାମା ସାତାତି ପୁଞ୍ଜାମାନି ବାରେଜାଣା ଜୀସୁନହଁ ମାଞ୍ଜାନେରି । ୨ ଆମିନି ସାତା ମା ହିୟାତା ଡୟାମାନେ ଅଡେ କାଲ୍ଲାକାଲ୍ଲାତାକି ମା ତାଣା ଡୟିନେ ।

୩ ଆଚା ମାହାପୁରୁ ଅଡେ ତାନି ମୀରଏଣା ଜୀସୁ କ୍ରୀସ୍ତ ତାଣାଟି କାର୍ମାମେହ୍‌ନାୟି, ହିଡ଼ତି ଜୀସୁ ହୀହାନା, ସାତା ଅଡେ ଜୀସୁ ନଞ୍ଜିଆହାନା ଡୟିଦେରି ।

ସାତା ଅଡେ ଜୀସୁନନାୟି

☆ ୧:୫ ୧:୫ ଜହ ୧୩:୩୪; ୧୫:୧୨,୧୭

୪ ନୀ ମୀରକା ମାସ୍କା ବିତ୍ରାଟି ଏଚରଜାଣା ଆବା ତାଣାଟି ମାଞ୍ଜେ ହୀହାମାଞ୍ଜାନି ହୁକୁମି ଲେହେଁ ସାତାତି ତାକିନି ତାକୁ ମେସାନା ନାନୁ ହାରେକା ରାହାଁ ଆହିମାଇଁ । ୫ ଏ ଜୀସୁତି ଇୟା ନାନୁ ନୀଏଁ ନିଞ୍ଜେ ର ପୁଞ୍ଜି ହୁକୁମି ରାଚିମାଞ୍ଜାଇଁ ଏଦି ଆଏ, ସାମା ତଲିଟିଏ ବେଚାଆହାମାନି ହୁକୁମି ରାଚାନା ବାଚିମାଲିମାଞ୍ଜାଇଁ, ମାର ରଅତାୟି ରଅଣାଇଁ ଜୀସୁନନାୟି ମାନେ । ୬ ମାର ତାନି ହୁକୁମି ମାନୁଞ୍ଜି ଆହାନା ମାଞ୍ଜେ ମାନାୟି, ଇଦିଏ ଜୀସୁ ନନ୍ତି କାତା, ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଲେଆହଁ ଏ ମାଞ୍ଜୁ, ଇଦି ଏ ହୁକୁମି ।

୭ ନାନୁ ଖେସିମାଇଁ, ଇଚିହଁ ଆମିନି ଗାଚାରି ଜୀସୁ କ୍ରୀସ୍ତ ମାଣ୍ଡସି ଖାଣା ତଲେ ଖାହାହିଲଅସି ଇଞ୍ଜିଁ ଇନେରି, ଇଲେତି ହାରେକା ନାଡ଼ିକିନାରି ଦାରତିତା ହଡ଼ା ଖାହାମାନେରି, ଇଲେତି ଲକୁ ନାଡ଼ିକିନାରି ଅଡେ ନାଡ଼ିକିନି କ୍ରୀସ୍ତ । ୮ ସାମା ମୀ ତାକି ମାମୁ କିହାମାନି କାମାତି ପାଡେୟି ବାରେ ଜାକ୍‌ଆନା ଏନିକଁ ଏମ୍ବାଟି ହାରେ ପୁରେ ବର ବେଚାଆଡେଦରି ଏଦାଆଁତାକି ଜାଗ୍ରାତା ଆଦୁ ।

୯ ଆମ୍ବାଆସି କ୍ରୀସ୍ତ ଜାପୁହା ମାନାଣି କିହାଁ ଆଗାଡ଼ା ଗାଣନେସି, ଏଞ୍ଜାସି ମାହାପୁରୁଇଁ ବେଚାଆହାହିଲଅସି; ଆମ୍ବାଆସି କ୍ରୀସ୍ତ ଜାପୁହା ମାନାଣି ତଲେ ଡୟିନେସି, ଏଞ୍ଜାସି ଆବା ଅଡେ ମୀରଏସି ଇ ରିଆରାଇଁ ଜିକେଏ ବେଚାଆହାମାନେସି । ୧୦ ଆମ୍ବାଆସି ଇଲେକଁ ଜାପୁନାଣି ଆସାନା ମୀ ତାଣା ଖାଅସି, ଏଞ୍ଜାଣାଇଁ ମୀ ଇଜ ହାଡ଼ାଆଦୁ, ଇଞ୍ଜା ନେହଁମାଞ୍ଜି କି ଜିକେଏ ଇନାଆଦୁ; ୧୧ ଏନାଆଁତାକି ଇଚିହଁ ଆମ୍ବାଆସି ଏଞ୍ଜାଣାଇଁ ନେହଁମାଞ୍ଜି କି ଇନେସି, ଏଞ୍ଜାସି ତାନି ଲାଗେଏତି କାମାତା ଆଣ୍ଡିନାସି ଆନେସି ।

ଆକୁତି ରାଚି କାତା

୧୨ ନାନୁ ମିଞ୍ଜେ ହାରେକା କାତା ରାଚିନାୟି ମାନେ, ସାମା ଆକୁତା ଇଞ୍ଜା ସୀରା ତଲେ ରାଚାଲି ଅଣ୍ଡପି ହିଲଅଁ; ମୀ ତାଣା ଖାହାନା ମୁମ୍ବୁ ମେସପି ଆହାନା ଗୁତି ତଲେ ଜଲ୍ଲକି ଆୟାଲି ଆସା କିହିମାଇଁ, ଏନିକଁ ମା ରାହାଁ ହାରେକା ଆନେ ।

୧୩ ମାହାପୁରୁ ଆଚାମାନି ନୀ ତାଜିନି ମୀରକା ମାସ୍କା ମିଞ୍ଜେ ଜହରା କିହିମାଞ୍ଜାନେରି । ଆଡେମ୍ବ ।

ଯୋହନଙ୍କ ତୃତୀୟ ପତ୍ର ଜହନ ରାଚାମାନି ତୀନି ଲମ୍ବର ଆକୁ ମୂକୁ ହାଡ଼ା

ଜହନତି ତୀନି ଲମ୍ବର ଆକୁ ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ଷା ତାୟୁ ପାଣ୍ଡୁଆହାମାନି ଜହନ ତାଣ୍ଡାଟି ରାସ୍ତକି ଆହାମାନେ । ଜହନ ଜାହାରାକ୍ ଆକୁ ରାଚିତାସି ଇଞ୍ଜିଁ ଖେହୁଆନା କୁଲମିତି ପ୍ରାଚିନାତେଏଁ ଇଞ୍ଜିଁ ଖେସିମାନେସି ୧:୧; ୨ଜହ ୧:୧ । ଇମ୍ବାଆଁ ପୁଞ୍ଜାଲି ଆହିମାନେ ଏଞ୍ଜାସି ଏପିସିୟ ଗାଡ଼ାତା ମାଚିବେଲାତା ଜହନ ରାଚିତି ନେହଁ କାବୁତଲେ ତୀନିଗଟା ଆକୁ ଜିକେଏ ରାଚାମାନେସି ଇ ନାମୁ, ଇଚିହଁ ଜହନତି ତଲିତି ଆକୁ, ରୀ ଲମ୍ବର ଜହନ, ଅଡ଼େ ତୀନି ଲମ୍ବର ଜହନ । ଜହନ ଗାୟସ ଦରୁ ଇନି ର ନାମୁଗାଟି ତାୟିକି ଇ ଆକୁ ରାଚାମାନେସି ।

ଏଞ୍ଜାସି ଗାୟସକ୍ ର ତଣେଏସି ଇଞ୍ଜାନା ଏ ରାଜିତା ରେଜିମାନି କ୍ରୀସ୍ତାନା ତାୟିୟାକ୍ ଜୀସୁ ନହାଲି ହୁକୁମି ହାହିମାନେସି ।

ପତିତା ମାନାୟି

- ୧. ଜହନ ଜାହାରାକ୍ ଖେସାକତିନାୟି । ୧:୧
- ୨. ଗାୟସକ୍ ସାସା ହାହାନା ରେଜିମାନି କ୍ରୀସ୍ତାନା ତାୟିୟାକ୍ ଆବାନା ଜୀସୁ ନହାଲି ଖେହୁନାୟି । ୧:୨-୮
- ୩. ତାୟଗ୍ରେପିସ୍ ଅଡ଼େ ତିମିଟିଅସ୍ କାତା ଖେହୁନାୟି । ୧:୯-୧୨
- ୪. ଆକୁତି ରାପ୍ନାୟି । ୧:୧୩-୧୪

^୧ ନାନୁ, କୁଲମିତି ପ୍ରାଚିନା ଜହନତେଏଁ, ନାନୁ ସାତା ତଲେ ଜୀସୁ ନହଁ ମାନି ନା ଜୀସୁତି ଗାୟସକ୍ ଜହରା ପାଣ୍ଡାନା ଇ ଆକୁ ରାଚିମାକ୍ ।

^୨ ଏ ନା ଜୀସୁତି ତଣେ ନାନୁ ଜୀସୁତା ଏନିକଁ ନେହଁ ଆହଁ ମାଞ୍ଜି ଏଲେକିହଁ ନାନୁ ବାରେ ଖାକିଟି ନୀ ନେହେଁ ଆପେ ଅଡ଼େ ନୀ ଆଙ୍ଗା ଜିକେଏ ନେହଁ ମାଣ୍ଡେ ଇଞ୍ଜିଁ ନାନୁ ପ୍ରାଡ଼ାନା କିହିମାକ୍ । ^୩ ନାନୁ ବାରେଦିନା ସାତା ତଲେ ଡ଼ୟିମାଞ୍ଜି, ଏଲେକିହଁ ଏ ଏତରଜାଣା ନାମିତି ତାୟିୟା ଖାହାନା, ନାନୁ ତୀରିତଲେ ସାତାତା ନୀତାମାନାଣି ସାକି ହିୟାଲିଏ ନାନୁ ହାରେକା ରାହଁ ଆଡ଼େଏଁ । ^୪ ନା ମୀରକା ମାସ୍କା ସାତା ଅଡ଼େ ସାତା ତଲେ ନୀତାମାନାଣି ଖେଞ୍ଜାନା, ଏତେକା ରାହଁ ଆହିମାକ୍, ଏଡ଼ାଣିକିହଁ ଆଗାଡ଼ା ନାଙ୍ଗେ ଅଡ଼େ ଏନି ରାହଁ ହିଲେଏ ।

ଗାୟସ କିତି କାମାତାକି ଜହରା

^୫ ଏ ନା ଜୀସୁତି ତଣେ ନାନୁ କ୍ରୀସ୍ତାନା ତାୟିୟା ତାକି ଅଡ଼େ ଏଟକା ଦେସାତି କ୍ରୀସ୍ତାନା ତାୟିୟା ତାକି ନାମୁ ଅଡ଼େ ଟିକାଣା ତଲେ ସେବା କାମା କିହିମାଞ୍ଜି । ^୬ ଏଞ୍ଜାରି

ଇମ୍ବାଆଁ ମା କୁଲମିତା ନୀ ଜୀସୁ ନତି କାତା ଖେସିମାନେରି; ନାନୁ ଏଞ୍ଜାରାକ୍ ମାହାପୁରୁତି ରାହଁ ଆନିଲେହେଁ ତାନି ଜିରୁ ତାକି ଲଡ଼ାମାନାଣି ହାହାନା ସାୟେମି କିମୁ । ^୭ ଏନାଆଁତାକି ଇଚିହଁ ଏଞ୍ଜାରି ନାମାଆଗାଟାରି ତାଣ୍ଡାଟି ଏନାଆଁ ରୀହୁଆନା କ୍ରୀସ୍ତତି ସେବା କାମାତାକି ହଚାମାନେରି । ^୮ ଏଡ଼ାଆଁତାକି ମାର ଏନିକଁ ଏଞ୍ଜାରାକ୍ ସାୟେମି କିହାନା ସାତାତି ତସାଲି ଏଞ୍ଜାରି ସେବା କାମାତା ଆଣ୍ଡିନାୟି ମା କାମା ।

ଦିୟତ୍ରପା ଅଡ଼େ ଦିମତିୟ

^୯ ନାନୁ କୁଲମିତାକି ର ଇଚାଣି ଆକୁ ରାଚିତେଏଁ, ସାମା ଦିୟତ୍ରପା କୁଲମିତି କାଜାସି ଆହାଲି ଅଣ୍ଡପାନା, ନା କାତା ଖେଞ୍ଜାହିଲଅସି । ^{୧୦} ନାନୁ ଖାଡ଼ିସାରେ ଏଞ୍ଜାସି କିହାମାନି ବାରେ ଲାଗେଏତି କାମା ଖେହୁକ୍, ଏଞ୍ଜାସି ଏନିକଁ ମା କପାଟି ଲାଗେଏତି କାତା ଖେସାନା ମାଙ୍ଗେ ନିନ୍ଦାକିହଁ ମିତି କାତା ଖେସିମାନେସି, ଖାରକ୍ ଏତେକେଏ ଆଏ, ସାମା କ୍ରୀସ୍ତାନା ତାୟିୟା ଖାଡ଼ିହଁ ଅପିହିଲଅସି କି ଆମ୍ବାଆରାକ୍ ଅପାଲି ହାହି ହିଲଅସି, ଅଡ଼େ ଆମ୍ବାଆରି ଆବିନାରି ଏଞ୍ଜାରାକ୍ କୁଲମିତି ହପୁହାଲି ଅଣ୍ଡପିମାନେସି ।

^{୧୧} ଏ ନା ଜୀସୁତି ତଣେତି, ନାନୁ ଲାଗେଏ ପଲେଏତାଣି ଆହୁଆନା, ସାମା ନେହଁ କାମାତି ଆହୁମ୍, ଆମ୍ବାଆସି ନେହଁ କାମା କିନେସି ଏଞ୍ଜାସି ମାହାପୁରୁ ତାଣ୍ଡାଟି ଜାର୍ନା ଆହାମାନେସି; ଆମ୍ବାଆସି ଲାଗେଏ ପଲେଏ କାମା କିନେସି ଏଞ୍ଜାସି ମାହାପୁରୁକ୍ ପୁଞ୍ଜାହିଲଅସି ।

^{୧୨} ବାରେଜାଣା ଦିମିତିୟକ୍ ନେହଁସି ଇନେରି, ଏଞ୍ଜାସି କିହାମାନି ସାତା ନେହଁ କାମା ଜିକେଏ ଏଡ଼ାଆଁ ତସିମାନେ, ମାମୁ ଜିକେଏ ଏଡ଼ାଆଁ ସାକି ହାହିମାନମି, ଇଞ୍ଜା ମାମୁ ଚୁଞ୍ଚେନି କାତା ସାତା ଇଞ୍ଜିଁ ନାନୁ ପୁଞ୍ଜାମାଞ୍ଜି ।

ଜହରା ତଲେ ଆକୁ ରାପ୍ନାୟି

^{୧୩} ନାନୁ ନିଙ୍ଗେ ହାରେକା କାତା ଖେସ୍ତାନାୟିମାନେ ସାମା ଏଡ଼ାଆଁ ଆକୁତା ସୀରା କାଡ଼ିତଲେ ରାଚାଲି ଅଣ୍ଡପି ହିଲଅଁ । ^{୧୪} ମାରୁ ମୁମ୍ ଫେସ୍ପି ଆହାନା ଜଲ୍ଲକି ଆୟାଲି ଆଡ଼ିନାୟି ଇଞ୍ଜିଁ ଆସା କିହିମାକ୍ ।

^{୧୫} ମିଙ୍ଗେତାକି ହିଡ଼ଡ଼ି ଆୟାପେ, ତଣେସିଙ୍ଗା ମିଙ୍ଗେତାକି ଜହରା ପାଣ୍ଡିମାଞ୍ଜାନେରି, ବାରେଜାଣାତି ଦରୁ ଆସାନା ଜହରା ଖେହୁମୁ ।

✱ ୧:୧ ୧:୧ କାମା ୧୯:୨୯; ରମି ୧୭:୨୩; ୧କର ୧:୧୪

ଯିହ୍ୱଦାକ ପତ୍ର ଜୀହ୍ୱଦା ରାଚାମାନି ଆକୁ ମୂକୁ ହାଡ଼ା

ରାଚାମାନି ଜୀହ୍ୱଦା ଦରୁତଲେ ଛ ପତିଇଁ ଜୀହ୍ୱଦା ଆକୁ ଇନେରି । ଜୀହ୍ୱଦା ଜାହାରାଇଁ ଜାକୁବ ତାୟି ଇଞ୍ଜିଁ ଝେସାମାନେସି, ଜାକୁବ ଜୀସୁକି ତାୟି ମାଚେସି, ଏଦାଆଁତାକି ଜୀହ୍ୱଦା ଜିକେଏ ଜୀସୁକି ତାୟି ଆଚେସି ୧ । ଇ ଆକୁ ଆମିନି କୁଲମିତାକି ରାସ୍‌କି ଆହାମାଚେ ଇଞ୍ଜିଁ ମାର ନେହଁକିଁ ପୁଞ୍ଜାହିଲଆୟି ଅଡେ ଇମ୍‌ଆଁ ହାରେକା ପୁଞ୍ଜା ମେରାତି କାତା ମାନୁ, ଜୀହ୍ୱଦା ଆକୁତି ଜୀହ୍ୱଦି ଲକୁ ପଡ଼଼ି ଆନାରି ମାଚେରି । ଆତିହଁ ଜିକେଏ, ଏଞ୍ଜାସି ମାହାପୁରୁ ଆବା “ହାଚାମାନି ଲକୁ, ଜୀହ୍ୱନହ୍ୱାମାନି ଲକୁ, ଅଡେ ଜୀସୁ କ୍ରୀସୁକି ତାରି କିହାମାନି ଲକୁତି” କାତା ଝେସାମାନେସି ୧ । ଇ ଆକୁ ଜୀସୁ କ୍ରୀସୁ ଜାନୀଆଡ଼ି ୭୦ ବାର୍‌ସା ତାୟି ରାସ୍‌କି ଆହାମାଚେ ।

ମିତି ଜାପୁନାରି ତାଣାଟି ହେକ ମାଞ୍ଜାଲି ବାରେ ଇ ପତି ରାଚାମାନେସି ଜୀହ୍ୱଦା ୪ । ଏଞ୍ଜାସି ପୁଞ୍ଜା ମେରାତା ଗଟ଼ି ଆଡ଼ି କାତା ଆଚ୍‌ହାମାନେସି ଅଡେ ତାନି ରୁଜୁବାଡ଼ିତି ଆଚ୍‌ଞ୍ଜା କିହାମାନେସି । ଇ ଆକୁତା ପିତରତି ରୀ ଲମ୍‌ର ଆକୁତା ମାନି ନାଡ଼ି କିନାଣି ଜାପୁନାରି କାତା ଜୀହ୍ୱଦା ୪; ୨ପିତ ୨:୧ ଅଡେ ଜିକେଏ ଦୁତୁୟାଁ, ସଦମ ଅଡେ ଗମରାତି କାତା ରାଚାମାନେସି ।

ପତିତା ମାନାୟି

- ୧. ଜୀହ୍ୱଦା ତାନି ପତି ପଡ଼଼ି ଆନାରାଇଁ ଜହରା କିନାୟି । ୧-୨
- ୨. ଏଞ୍ଜାସି ମିତି ଜାପୁନାରି କାତା ଝେହ୍‌ନାୟି । ୩-୪
- ୩. ପୁଞ୍ଜା ମେରାତି କାତା ଅଡେ ଲକୁତି କାତା ଝେହ୍‌ନାୟି । ୫-୧୬
- ୪. ଏଞ୍ଜାସି ଏଞ୍ଜାରାଇଁ ଏନାଆଁ କିନାୟିମାନେ ଇଞ୍ଜିଁ ଝେହ୍‌ନାୟି । ୧୭-୨୩
- ୫. ମାହାପୁରୁଇଁ ଜହରା କିହାନା ଆକୁ ରାପୁନାୟି । ୨୪-୨୫

୧ ନାନୁ ଜୀହ୍ୱଦାଚେସଁ, କ୍ରୀସୁ ଜୀସୁତି ହଲେଏସି ଅଡେ ଜାକୁବତି ତାୟି, ଆବା ମାହାପୁରୁ ଆଚା ମାନାଚେରି ଅଡେ ତାନି ଜୀହ୍ୱ ନନାଚେରି ଇଞ୍ଜାଁ ଜୀସୁ କ୍ରୀସୁ ତାକି ଆଚ୍‌ଞ୍ଜା ଆହାମାନାଚେରି ମିଜେତାକି ଇ ଆକୁ ରାଚିମାଞ୍ଜାଇଁ ।

୨ ମିଜେତାକି ମାହାପୁରୁତି କାର୍‌ମାମେହ୍‌ନାୟି ଅଡେ ହିଡ଼ି ଜୀହ୍ୱ ଇଞ୍ଜାଁ ଜୀହ୍ୱନନାୟି ହାରେପୁରେ ଆୟାପେ ।

ମିତି ଜାପୁନାରି

୩ ଏ ନା ଜୀହ୍ୱତି ତରେସିକା ମାର ବାରେ ଜାଣାତାୟି ଏମିନି ଗେଲପି ଆନି ତାଣା ଆଣ୍ଡାମାନାୟି, ଏ କାତା ମିଜେ ତାକି ରାଚାଲି ଅଣ୍ଡାପିମାଚେସଁ । ସାମା ମାହାପୁରୁ

ତାନି ଲକୁଣି କାଲାକାଲାତାକି ହୀହାମାନି ନାମୁ ଝାକିଟି ଜୁଜୁ କିହାଲି ମିଜେ ରାହାଁ କିଞ୍ଜି କିୟାଲି ଲଡ଼ାମାନେ ଇଞ୍ଜିଁ ଅଣ୍ଡାପିଚେସଁ । ୪ ଏନାଆଁତାକି ଇଚିହଁ ଏଚରଜାଣା ମାହାପୁରୁଇଁ ମାନଞ୍ଜି ଆଆଗାଟାରି ମେଣେଏ ମୀ ବିଡ଼ା ଝାହାମାନେରି, ଏଞ୍ଜାରି ମାହାପୁରୁ କାର୍‌ମାମେହ୍‌ନି କାତା ତିରିମ୍‌ପୁହାନା ତାମ୍‌ପୁ ତାମ୍‌ପୁ ଅଣ୍ଡାପିତି ଲେହେଁ ଲାଗେଏ ପଲେଏତି କାମା କିହ୍‌ମାନେରି, ଅଡେ ଜୀସୁ କ୍ରୀସୁ ରଅସିଏ କାଜାସି ଅଡେ ପ୍ରୁ, ଏଞ୍ଜାରି ଏଞ୍ଜାଣାଇଁ ଅପଅରି, ଏଞ୍ଜାରି ବେଟାଆନି ତଣ୍ଡତି କାତା ତଲି କାଲାଟିଏ ଦାର୍‌ମୁପତିତା ରାସ୍‌କି ଆହାମାନେ ।

୫ ପ୍ରୁ ତଲିଏ ଏଚରଜାଣା ତାନି ଲକୁଣି ମିସର ଦେସାଟି ପିସପି କିଚେସି, ସାମା ଏଞ୍ଜାରି ବିଡ଼ାଟି ନାମାଆଗାଟାରାଇଁ ନାସା କିଚେସି, ଇଚିହଁ ବାରେ କାତା ପୁଞ୍ଜାମାଟି ଜିକେଏ ମିଜେ ଅଡେ ଝେଣ୍ଡେ ଅଣ୍ଡାପି କିଞ୍ଜି କିୟାଲି ଅଣ୍ଡାପିମାଇଁ । ୬ ଅଡେ ଏମିନି ଦୁତୁୟାଁ ମାହାପୁରୁ ହୀହାମାଟି ପାଣା ପିସାନା ତାନି ବାସାଆନି ଟାୟି ପିସୁ ମାହାପୁରୁ ଏ ଦୁତୁୟାଁଇଁ ନୀହ୍ୱାୟି କିନି ଦିନା ପାଚେକା ଆନ୍ଦେରି ଟାୟିତା କାଲାକାଲା ତାକି ହିକ୍‌ଣିୟାଁ ତଲେ ଦସା ଇଟାମାନେସି । ୭ ଏଲେକିହଁଏ ସଦମ ଅଡେ ଗମରା ଅଡେ ତାନି ସାରିପୁରୁ ମାଟି ଗାଡ଼ାୟାଁତାରି, ଦାରିକାମା ଅଡେ ତାନି ବିଡ଼ା ଲାଗେଏ ଅଡେ ଅପାଆଗାଟି ଲାଜା ଆନି କାମା କିଚେରି, ଏଦାଆଁତାକି କାଲାକାଲା ତାକି ତାଞ୍ଜିମାନି ହିଚୁତା ସାସି ବେଟାଆଚେରି, ମା ବାରେଜାଣା ତାକି ଜାଗ୍ରାତା କିଞ୍ଜିକିନି କାତା ଲେହେଁତାୟି ଇଞ୍ଜିଁ ମୀରୁ ଅଣ୍ଡାପାଦୁ ।

୮ ଏଲେକିହଁଏ ହାପାନା ହେଣ୍‌ନାରି ଜିକେଏ, ଅପାଆଗାଟି କାମା ତଲେ ତାନି ଆଜ୍ଞାଟି ଲାଗେଏ କିହ୍‌ମାନେରି, ଅଡେ ମାହାପୁରୁତି ଅଦିକାରାତି ଅପାଆନା ଲାକପୁରୁତି ଦୁତୁୟାଁଇଁ ନିନ୍ଦା କିହ୍‌ମାନେରି । ୯ ସାମା ବାରେକିହାଁ କାଜା ଦୁତୁ ମିକାୟେଲ ମସାଟି ମାଡ଼ହା ତାକି ସୟତାନ ତଲେ ବାଦିବାଦା ଆଡ଼ାଟି ନିନ୍ଦା କିହାନା ଏଦାନି ବିଚାରା କିହାଲି ସାସା କିଆନା, ଝାରଇ ଏଚେକା ଏଲେଇଚେ, “ପ୍ରୁ ନିଜେ ଦାକା ହିୟାପେସି ।” ୧୦ ସାମା ଇ ଲକୁ ତାମ୍‌ପୁ ପୁନାଆଗାଟାଣି ବାରେ ନିନ୍ଦା କିନେରି, ଇଞ୍ଜାଁ ବୁଦି ହିଲାଆଗାଟି ଜନ୍ତ ଲେହେଁ ତାମ୍‌ପୁ ତାନି ଆଜ୍ଞାଟି ଅଣ୍ଡାପୁ ତଲେ ପୁଞ୍ଜାମାନି ତାଣାଟି ନାସା ଆଚେରି । ୧୧ ଆୟତା, ଏଞ୍ଜାରି ତଣ୍ଡ ବେଟାଆନାରି, ଇଚିହଁ ଏଞ୍ଜାରି କୟିନ ଜିଚୁତା ହାଜାମାନେରି, ତାବୁୟାଁ ଜୁପକାତାକି ଏଞ୍ଜାରି ବିଲିୟମ ଦହ୍ କିଚିଲେହେଁ ଦହ୍ କିହାମାନେରି, ଏଞ୍ଜାରି କରହ ଲେହେଁ ହାଆଗାଟି ଗଡ଼ହା କିହାନା ଏଞ୍ଜାଣିଲେହେଁ ନାସା ଆଚେରି । ୧୨ ଏଞ୍ଜାରି ଲାଜା ଆଆନା ମୀ ତଲେ ତିଞ୍ଜା ଉଣ୍ଡାନା ମୀ ରାହାଁତି ବଜିତା ଆଣ୍ଡାନା ମାହଁତି ଗାରି ଲେହେଁତାରି, ଏଞ୍ଜାରି ଝାରଇ ଜାହାରା ତାକି ଅଣ୍ଡାପିନେରି, ଏଞ୍ଜାରି ଗାଲି ଝେନି ପିୟୁ ରାଆଗାଟି ଦୁୟା ଲେହେଁତାରି, ଏଞ୍ଜାରି ତାକି ମେଗାନା ପେନିବେଲା ପାଡ଼େୟି ଆୟାଆଗାଟି ଝାୟିତି ମାର୍‌ନୁ ଲେହେଁତାରି । ୧୩ ଏଞ୍ଜାରି ସାମ୍‌ଦୁରି

୧:୧ ୧:୯ ଝେ ବଲ୍ ୧୨:୭

ୱାଡ଼ିସାରି ହନି ମାଡ଼ିଗାଟି ପମ୍ବଲି ଲେହେଁ ଏଞ୍ଜାରି ଲାଜାଗାଟି କାମାୟାଁ ତଞ୍ଜାଆନେ, ଏଞ୍ଜାରି ତାମି ଟାୟୁ ପିସାନା ଇତାଲା ଆତାଲା ରେନି ହୁକାୟାଁ ଲେହେଁତାରି, ଏଞ୍ଜାରାକି ମାହାପୁରୁ କାଲେଏତାକି ଆନେରିଗାଟି ଟାୟୁ ତିୟାରା କିହାଁ ଇଟାମାନେସି ।

ବାଡ଼ୁୟୁ ଅଡ଼େ ସାଲୁଡ଼ି କିନାୟି କାଲେଏତାୟି, ନୀଏଁ, ଅଡ଼େ ଜୁଗୁ ଜୁଗୁତାକି ଏଞ୍ଜାଣିଞ୍ଜାୟି । ଆନେନ ।

୧୪ ଆଦମ ଟିଏ ସାଡ଼ା ଲମ୍ବର ମାଣ୍ଡସି ହନକ, ଜିକେଏ ତାୟୁ ଆନି କାତା ଏଞ୍ଜାରି ତାକି ଝେକହା ମାତେସି, “ମେହ୍ମୁ ପ୍ରବୁ ତାନି ମାଣା ମାଣା ସୁଡୁଗାଟି ଦୁଡୁୟାଁ ତଲେ ଝାନେସି ।” ୧୫ ମେହ୍ମୁ ପ୍ରବୁ ନୀହାୟି କିୟାଲି ଝାନେସି, ଏଞ୍ଜାସି ଦାମ୍ବୁ ହିଲାଆଗାଟାରାକ୍ ତାମି ପଲୁଆ କାମାତାକି ଅଡ଼େ ଏଞ୍ଜାରି ମାହାପୁରୁକ୍ ମାନୁଡ଼ି ଆଆନା ଏଞ୍ଜାଣି କପାଟି ଝେସ୍ତି ଅପାଆଗାଟି କାତାତାକି ଏଞ୍ଜାରାକ୍ ଦହଗାଟାରି କିହାନା ତଣ୍ଡୁ ହାନେସି ।

୧୬ ଈ ଲକୁ ବାରେବେଲା ତାମ୍ବୁ ତାମ୍ବୁ ଏଚେକା ବେଟାଆଡ଼ି ଜିକେଏ ରାହାଁ ଆଅରି । ଏଞ୍ଜାରି ଝାରଇ ତାମି ଲାଗେଏ ପଲେଏତି ଅଣ୍ପୁ ତଲେ ସାଲୁଡ଼ି ଆନେରି; ଏଞ୍ଜାରି ବଡ଼ପଣ ତସାନା କାଜା କାତା ଝେହ୍ନେରି, ଅଡ଼େ ଲାବା ବେଟାଆହାଲି ଜୁପକା ତସାନା ଲକୁ ନକିତା ଅଜିତି କାତା ଝେହ୍ନେରି ।

ଜାଗ୍ରାତା ଅଡ଼େ ଜାପୁନି କାତା

୧୭ ସାମା ଏ ନା ଜାଞ୍ଜୁତି ତଡ଼େସିଙ୍ଗା ମା ପ୍ରବୁ ଜୀସୁ କ୍ରୀସ୍ତତି ପାଣୁଡ଼ି ଆହାମାନାରି ତଲିଟିଏ ଏମିନି ବାରେ କାତା ଝେସାମାନାଣି ବାରେ ଅଣ୍ପାଦୁ । ୧୮ ଏଞ୍ଜାରି ଏନିକ୍ ମିଙ୍ଗେ ଝେସାମାଞ୍ଜାତେରି ରାନି ବେଲା ମାହାପୁରୁକ୍ ମାନୁଡ଼ି ଆହାନା ତାମି ଅଣ୍ପୁ ତଲେ ମାଞ୍ଜାନା ନିନ୍ଦା କାତା ଝେହ୍ନାରି ହନେରି ଈଞ୍ଜା ଲାଜା କିହାନା ଏଲେଇଞ୍ଜାନେରି । ୧୯ ଏଞ୍ଜାରି ଗଡ଼ହା କିଞ୍ଜି କିହାଁ ଜାଚୁ ତିକନେରି, ଅଡ଼େ ଆଙ୍ଗାତି ଅଣ୍ପୁଟି ସାଲୁଡ଼ି ଆହାନା, ମାହାପୁରୁତି ନେହ୍ମୁ ଜୀଞ୍ଜୁ ବେଟାଆଆତାରି । ୨୦ ସାମା ଏ ତଡ଼େସିଙ୍ଗା ମୀରୁ ମୀ ତାରିଗାଟି ନାମୁଗାଟି ଦାମ୍ବୁତି ଈଲୁ ପାଡ଼ିକିହାଁ କତାଦୁ, ଅଡ଼େ ସୁଡୁଜୀଞ୍ଜୁ ତଲେ ପ୍ରାଡ଼ାନା କିଦୁ । ୨୧ ମା ପ୍ରବୁ ଜୀସୁ କ୍ରୀସ୍ତତି କାର୍ମାଟି କାଲାକାଲାତି ଜୀଞ୍ଜୁ ହିୟାନେସି, ମୀରୁ ଏଦାଆଁ ବେଟାଆହାଲି କାଡ଼ାନା ମାହାପୁରୁ ଜୀଞ୍ଜୁନହ୍ ମାଞ୍ଜାନି ତାଣା ମାଞ୍ଜେମାଞ୍ଜୁ ।

୨୨ ଆନାମାନା ଆନି ଲକୁଣି କାର୍ମାମେସାନା ନାମୁତା ପାଡ଼ିକିଦୁ । ୨୩ ଏଚକା ତାରାକ୍ ହିରୁଟି ଡ଼େଞ୍ଜିତି ଲେହେଁ ଗେଲ୍ପାଦୁ, ଆଙ୍ଗାତି ପାପୁ କାମାତା ମାହାମାନି ହିମ୍ବରିକା ଅପାଆଦୁ, ଏଚର ଲକୁଣି କାର୍ମା ମେସ୍ତମି ଜିକେଏ ଏଞ୍ଜାରାକ୍ ଆଜିନାୟି ମାନେ ।

ଜହରାତି ପାରୁ

୨୪ ଆମ୍ବାଆସି ମିଙ୍ଗେ ପୁଟିକିନି ତାଣାଟି ଗେଲ୍ପାଲି ଆଡ଼ାନେସି, ଅଡ଼େ ତାନି ଗାଞ୍ଜୁରମିତି ହାଚେକା ରାହାଁତଲେ ନକିତା ତାତାଲି, ମାଙ୍ଗେ ଦହ୍ ହିଲାଆଗାଟି ଲକୁ ଲେହେଁ କିହାଲି ଆଡ଼ାନେସି । ୨୫ ଏ ମା ପ୍ରବୁ ଜୀସୁ କ୍ରୀସ୍ତ ତାକି ମା ଗେଲ୍ପାନି ମାହାପୁରୁ ରଅସିଏ, ଗାଞ୍ଜୁରମି, କାଜାପାଣା,

ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଜହନଇଁ ତସାହାଁ ଝେକ୍‌ହି ବଲ୍ଲୁ ମୂଲୁ ହାଡ଼ା

ଝେକ୍‌ହି ବଲ୍ଲୁ ପୁଃନି ମୋରାତି ରାତି ପତି । ଇଦି ଜିକେଏ ଜହନ ତାଣାଟି ଜୀସୁ କ୍ରୀସୁ ଜାର୍ନାଆତି ୯୫ ବାର୍ଯା ତାମ୍ଭୁ ରାସ୍‌କି ଆହାମାଚେ ୧:୧ । ଏଝାସି ଜହନତି ନେହ୍ କାବୁତଲେ ତାନିଗଟା ଆକୁ ପତିୟାଁ ରାଚାମାଚେସି ଏଝି ୧ଜହ, ୨ଜହ ଅଡେ ୩ଜହ । ଜହନ ଆମିନି ଗାଟାଣାଇଁ ଜୀସୁ ହାରେକା ଜୀସୁ ନହ୍ ମାଚେସି । ଜହନ ଏମ୍ଭୁ ମାଦିମାନି ବୁମିତି ପାଡ଼ମସ୍ ଟାମ୍ଭୁତା ମାନି ବେଲାତା ଇ ଝେକ୍‌ହି ବଲ୍ଲୁ ରାଚାମାଚେସି, ଇତିହ୍ ଜୀସୁ କ୍ରୀସୁତି ନେହ୍ କାବୁତାକି ଏଝାଣାଇଁ ଏମ୍ଭାଆଁ ଅଝିଆହାମାଚେ ଜହ ୧୩:୨୩ ।

ଜୀସୁ ଝେଣ୍ଡା ଖାନି ଦିନା ତାଗେ ଝାହି ମାନାକି ଜୀସୁ କ୍ରୀସୁ ତାଣା ନାମୁତଲେ ମାଞ୍ଜାଲି ପଡ଼ଝି ଆନାରାକି ସାସା ଅଡେ ଆସା ହାହାଲିତାକି ଇ ଝେକ୍‌ହି ବଲ୍ଲୁ ରାଚିତେସି ୧:୩; ୨୨:୭ । ଏଝାସି ବାରେ ନାମିତି ଲକୁ ଅଡେ ବାରେକିହାଁ ସାଡାଗଟା କୁଲମିତାକି ରାଚିମାନେସି ୨-୩ । ଜହନ ତାନି ରାଚିନି ତାଣା ମାହାପୁରୁ ଅଣ୍‌ପୁତି ବଲ୍ଲୁ୧:୩ ଅଡେ ତାନି ମେସାମାନି ହାରେକା ସିନାୟାଁତି କାତା ରାଚିମାନେସି । ଇ ପତିତି ଏଚେକା ତାଣା ପୁଃଝ ପତି ତଲେ ସମାନା ମାନାଣି, ଜିକ ୬:୧-୮ ମେସାଲି ଆଡିନାୟି । ସାଡାଗଟା ତୀତ୍ରି ଅଡେ ସାଡାଗଟା ଗିନାୟାଁ ଏମିନି ଗାଟାଜ ମାହାପୁରୁ ମିସରତି ଲକୁଣି ତଣ୍ଡ ହାହାଲିତାକି କସ୍‌ୟାଁ ପାଣ୍ଡାନେସି ହାନାୟି ୭-୯ ।

ଝେକ୍‌ହି ବଲ୍ଲୁ ରାନି ବେଲାତି କାତା ଝେସିମାନେ, ଜୀସୁ ତାମ୍ଭୁ ଜୀଣା ଆନେସି ଅଡେ ଆମିନି ଗାଟାରି ଏଝାଣି ତାଣା ବାର୍ସୁ ଇଚିନେରି ଏଝାରି ବାରେବେଲା ଏଝାଣିତଲେ ଡୟିନେରି । ଇ ପତି ନିଜେ ଜାଗ୍ରାତା କିୟାପେ ଅଡେ ଆସା ହିୟାପେ, ଇତିହ୍ ଜୀସୁ ତବେ ଝେଣ୍ଡା ଝାହିମାନେସି ।

ପତିତା ମାନାୟି

- ୧. ଜହନ ତାଜେ ପୁଣ୍ଡିକିନାୟି ଅଡେ ତାମ୍ଭୁତି କାତା ମେହ୍‌ନାୟି । ୧:୧-୨୦
- ୨. ସାଡାଗଟା କୁଲମିକାକି ଜୀସୁ କ୍ରୀସୁ ତାଣାଟି ଜହନତି କାବୁ । ୨:୧-୩:୨୨
- ୩. ସାଡାଗଟା ବୁଟୁ ମୁଦ୍ରା ଅଡେ ସାଡାଗଟା ତୀତ୍ରି । ୪:୧-୧୧:୧୯
- ୪. ମୀରକା ଅଡେ ସାଡାଗଟା ତାର୍କାଗାଟି ରାଚୁ ତଲେ ଜୁଜୁ । ୧୨:୧-୧୪:୨୦
- ୫. ସାଡାଗଟା କପାଗାଟି ଗିନାୟାଁ । ୧୫:୧-୧୬:୧୮
- ୬. ମାହାପୁରୁ ଲାକପୁରୁ ତାନି ସାଡୁଇଁ ଜୀଣା ଆନାୟି । ୧୭:୧-୨୦:୧୫

୭. ପୁଃନି ଲାକପୁରୁ ଅଡେ ପୁଃନି ଦାରତି । ୨୧:୧-୨୨:୨୧

୧ ଜୀସୁ କ୍ରୀସୁତି ଝେକ୍‌ହି ବଲ୍ଲୁ; ଝେଡ଼ା ଆଆନା ଏନାୟି ଗଟଝି ଆନେ ଏଦାଆଁ ବାରେ ଏଝାସି ଏନିକ୍ ତାନି ହଲିୟାଜାଣି ଝେହ୍‌ନେସି, ଏଦାଆଁତାକି ମାହାପୁରୁ ଇଦାଆଁ ଜୀସୁ ନକିତା ହେବପିତେସି, ଅଡେ ଏଝାସି ତାନି ଦୁତୁଇଁ ପାଣ୍ଡାନା ତାନି ହଲିୟା ଜହନଇଁ ଏଦାଆଁ ଝେସ୍‌ସେସି । ୨ ଏ ଜହନ ମାହାପୁରୁତି ବଲ୍ଲୁ ଅଡେ ଜୀସୁ କ୍ରୀସୁତି ସାକି କାତା ଇଚିହ୍ ଏଝାସି ଏନାଆଁ ମେସ୍‌ସେସି ଏ ବାରେ କାତାତି ସାକି ହାହିମାନେସି । ୩ ଆମ୍ଭାଆସି ଇ ପତି ପଡ଼ଝି ଆନେସି ଇଞ୍ଜା ମାହାପୁରୁତି ବଲ୍ଲୁ ଝେଞ୍ଜାନା, ଇ ପତିତା ରାସ୍‌କି ଆହାମାନାଣି ବାରେ ମାନଝି ଆନାରି ନେହ୍‌ରା, ଏନାଆଁତାକି ଇଚିହ୍ ଇ ବାରେ ଗଟଝି ଆନି କାଲମି ତାଗେ ଝାଡେୟିଏ ।

ସାଡାଗଟା କୁଲମିକି ଜହରା କିନାୟି

୪ *ନାନୁ ଜହନତେସ୍, ଆସିୟାତା ମାନି ସାଡାଗଟା କୁଲମିକାଣି ଜହରା ଝେସାନା ରାଚିମାଞ୍ଜାଇଁ, ମାହାପୁରୁତି କାର୍ମାମେହ୍‌ନାୟି ଅଡେ ହିଡ଼ଡ଼ି ଜୀସୁ ମିଜେ ଆୟାପେ, ନୀସ୍ ଆମ୍ଭାଆସି ମାନେସି ତଲି ମାଚାସି ଅଡେ ଜିକେଏ ତାମ୍ଭୁ ଦିନା ଝାଡେସି, ଅଡେ ତାନି ରାଜିତି ସିଂଗାସାଣି ନକିତା ନିଚାମାନି ସାଡାଗଟା ଜୀସୁୟାଁ ତାଣାଟି, ୫ ଜୀସୁ କ୍ରୀସୁ ନାମୁତି ସାଡା ସାକି ହାନାସି, ହାଡାରି ବିତ୍ରାଟି ତଲିଏ ନିଜିତାସି, ଜାର୍ନା ଆଡାସି, ଅଡେ ଦାରତିତି ରାଜାୟାଣି ସାଲଝି କିନାସି । ଏଝାସି ମାଜେ ଜୀସୁ ନହ୍‌ମାଞ୍ଜାନେସି, ଅଡେ ତାନି ନେତେରିଟି ମାଜେ ପାପୁଟି ଗେଲପାତେସି । ୬ *ଅଡେ ମାଜେ ର ରାଜାତି କୁଲୁଲେହେଁ କିହାନା ଆବା ମାହାପୁରୁ ନକିତା ପୂଜେରା ଲେହେ ଆଚାମାଞ୍ଜାନେସି, ତାନି ଗାଝୁରମି କାଜାପାଣା କାଲକାଲା ତାକି ଆପେ । ଆମେନ୍ ।

୭ *ମେହଦୁ ଏଝାସି ଦୁହା ତଲେ ଝାହିମାନେସି, ଏଚେଟିଏ ବାରେ କାଣକା ଏଝାଣାଇଁ ମେହନ୍, ଅଡେ ଏଝାଣାଇଁ ଗୁକ୍‌ହା ମାଚାରି ଜିକେଏ ମେହ୍‌ନେରି, ଦାରତିତାରି ବାରେ କୁଡ଼ା ଏଝାସି ଝାହିମାନାକି ଡାନେରି ଏଦି ସାଡା ଆନେ । ଆମେନ୍ ।

୮ ବାରେ ବାଡ଼ୟୁ ଗାଟି ପ୍ରବୁ ମାହାପୁରୁ ଝେସିମାନେସି, ନାନୁ ମାଟ୍‌ନାତେସ୍ ଅଡେ ରାପୁନାତେସ୍, ଆମ୍ଭାଆସି ନୀସ୍ ମାନେସି ତଲିଏ ମାଚେସି ଅଡେ ତାମ୍ଭୁ ଦିନା ଝାନାସି ନାନୁ ଏଝାତେସ୍ ।

କ୍ରୀସୁଇଁ ମେହ୍‌ନାୟି

୯ ନାନୁ ଜହନତେସ୍, ମୀ ତାୟିତେସ୍, ଜୀସୁତି ସୀସୁ ଆହାଁ ତାନି ରାଜି ଲକୁତାକି ଝାହିମାନି କସ୍ ଅରହାଲି ନାନୁ ମୀ ତଲେତି ର ମାଣ୍‌ସିତେସ୍ । ଜୀସୁ ତସାମାନି ସାଡା ଇଞ୍ଜା ମାହାପୁରୁତି ବଲ୍ଲୁ ଝେସିମାଚାକି ନାଜେ ପାଡ଼ମସ୍ ସାମ୍‌ଦୁରି ମାଦି ମାନି ଟାମ୍ଭୁତା ପାଣ୍ଡାମାଞ୍ଜାତେରି । ୧୦ ପ୍ରବୁତି ଦିନାତା

* ୧:୪ ୧:୪ ଝେ ବଲ୍ଲୁ ୪:୫ * ୧:୬ ୧:୬ ଝେ ବଲ୍ଲୁ ୫:୧୦ * ୧:୭ ୧:୭ ମାତି ୨୪:୩୦; ମାର୍କ ୧୩:୨୬; ଲୁକ ୨୧:୨୭; ୧ତେସ ୪:୧୭; ଜହ ୧୯:୩୪, ୩୭; ମାତି ୨୪:୩୦

ସୁଦୁଜୀଝୁ ନା ଲାକ ରେଚାଝାଚେ, ଅଚେ ନାନୁ ତାୟୁ ଝାକିଚି ତାଡ଼ି ମହୁରି ଲେହେତି କାଜା ଗିୟାତଲେ ଏଲେ ଇଞ୍ଜିମାଚି ର ହାଡ଼ା ଝେଚେଏ । ୧୧ ନାନୁ ମେସିମାନାଣି ରାଚାମୁ ଅଚେ ଇ ପତିତି ଇ ସାଡ଼ାଗାଟା କ୍ରୀସ୍ତାନା କୁଲମି ଇଚିହ ଏପିସି, ସ୍ପର୍ନା, ପର୍ଗମ, ତୁୟାତିରା, ସାଦ, ପିଲାଦେଲ୍‌ପିୟା ଅଚେ ଲାଝୁଦିକିୟାତି କୁଲମିତା ପାଶ୍ଟାମୁ ।

୧୨ ଆମ୍ବାଆସି ନା ତଲେ କାତା ଆହିମାନେସି, ଇଦାଆଁ ମେସାଲି ଝେଶ୍ଟେ ସିନିକିଚେଏ, ଇଞ୍ଜା ସାଡ଼ାଗଟା ବାଂଗାରା ଦୀଝିୟା, ୧୩ ଇଞ୍ଜା ଏ ଦୀଝିୟା ମାଦିଏ ମାଣସି ମୀରଏଣା ଲେହେ ର ମାଣସି; ଏଝାଣି ପାଃଆନାୟା ପାଚେକା ହିମ୍ବରି ପ୍ଲୁକ୍‌ହା ମାଚେ ଅଚେ ବକତା ବାଂଗାରା ପାଚାତି ଡରି ରୁପାମାଚେ; ୧୪ ଏଝାଣି ତାୟୁ ବାଶାୟା ଅପ୍‌ହି ଲୁଲୁ ଅଚେ ପେଣ୍ଡି ମାରୁ ଲେହେ ଦବ୍‌ଲା, ଅଚେ ଏଝାଣି କାଣକା ହିରୁ ଲେହେ ଡ଼ାଞ୍ଜି ମାରୁ । ୧୫ ତାନି ପାଃଆନାୟା ହଲୁତା ହୁଡ଼ିତି ପିତାଡ଼ା ମ୍ଲୁସିମାନି ଲେହେ ମିଶସି ମାରୁ, ଅଚେ ତାନି ଗିୟା ଲଦ ଲଦ ଇଞ୍ଜି ରିହିମାନି ଏୟୁତି ହାଡ଼ା ଲେହେତାୟି । ୧୬ ତାନି ଚିଃନି କେୟୁତା ସାଡ଼ାଗଟା ହୁକାୟା ମାରୁ, ତାନି ଗୁଡ଼ିଚି ରିକଝାକି ଦାରାଗାଟି କାଶ୍ଟା ହଚେ, ତାନି ମୁମ୍‌ମାଦେନା ବେଲା ଡ଼ାଞ୍ଜିମାନି କାରା ଲେହେ ଉଜେଡ଼ି ଗାଟାୟି । ୧୭ ନାନୁ ଏଝାଣାଲ୍ ମେସପନିଏ ହାଡ଼ିଲେହେ ତାନି କତାୟା ଡ଼ଲ ରାଚେଏ, ଏମ୍ବାଟିଏ ଏଝାସି ନା ଲାକ ତାନି ଚିଃନି କେୟୁ ଇଟାନା ଇଲେ ଇଞ୍ଜାଚେସି, ଆଜାଆନି ନାନୁ ମାଚ୍‌ନାଚେଏ ଅଚେ ରାପ୍‌ନାଚେଏ । ୧୮ ଆଜାଆଦୁ ନାନୁ ନୀତା ମାନାଚେଏ ହାଡ଼ାଚେଏ, ନାନୁ କାଲା କାଲେଏତାକି ନୀତାମାଲ୍, ହାନାୟି ଅଚେ ହାଡ଼ାରି ରାଜିତି କୁଚିକାଡ଼ି ନା କେୟୁତା ମାନେ । ୧୯ ଇଚିହ ନାନୁ ଏନାଆଁ ମେସାମାଞ୍ଜି, ଅଚେ ଏନାୟି ନାଏ ଆହିମାନେ ଇଞ୍ଜା ଇଦାଣି ଜେଚ ଏନାୟି ଆନେ ଇ ବାରେ ରାଚା ଇଟାମୁ । ୨୦ ନା ଚିଃନି କେୟୁତା ମେସାମାନି ସାଡ଼ାଗଟା ହୁକାୟା ଅଚେ ସାଡ଼ାଗଟା ବାଂଗାରା ଦୀଝି ସଡ଼ାୟାତି ଡ଼ଗୁମାନି କାତା ଇଦି, ସାଡ଼ାଗଟା ହୁକାୟା ସାଡ଼ାଗଟା କୁଲମିତି ଦୁତୁୟା, ଅଚେ ସାଡ଼ାଗଟା ବାଂଗାରା ଦୀଝି ସଡ଼ାୟା ସାଡ଼ାଗଟା କୁଲମିକା ।

୨

ଏପିସି କୁଲମିତାକି କାରୁ

୧ “ଏପିସି କୁଲମିତି ଦୁତୁ ତାଣା ରାଚାମୁ, ଆମ୍ବାଆସି ଚିଃନି କେୟୁତା ସାଡ଼ାଗଟା ହୁକାୟା ଆସାମାନେସି ଅଚେ ସାଡ଼ାଗଟା ବାଂଗାରା ଦୀଝି ସଡ଼ାୟା ମାଦି ରେଜିମାନେସି, ୨ ଏଝାସି ଏଲେଇଞ୍ଜି ମାନେସି, ନାନୁ କିହାମାନି କାମା ନାନୁ ପୁଞ୍ଜାମାଲ୍, ନାନୁ ଏନିକ୍ ଝାହୁତଲେ କାମା କିହିମାଞ୍ଜି, ଅଚେ ଏଚେକା ଅରହିମାଞ୍ଜି ଏଦାଆଁ ପୁଞ୍ଜାମାଲ୍, ନାନୁ ଲାଗେଏ ପରେଏ କାମା କିନାରାଲ୍ ଅପିହିଲଅତି, ଅଚେ ପାଶ୍ଟି ଆଆନା ମାମ୍‌ପାଶ୍ଟି ଆହାମାନମି ଇଞ୍ଜି ଝେସା କଡ଼ିନେରି, ନାନୁ ତାୟିପାରି କିହା ଏଝାରି ମିତି କାତା

ଝେହନାରି ଇଞ୍ଜି ପୁଞ୍ଜିମାଞ୍ଜି । ୩ ନା ଦରୁ ତାକି ଦୁକୁ କସ୍ତ ଅରହିମାଞ୍ଜି ଇଞ୍ଜା ଝାହାହିଲଅତି ଇଦାଆଁ ଜିକେଏ ନାନୁ ପୁଞ୍ଜାମାଲ୍ । ୪ ଆଡ଼ିହ ଜିକେଏ ନୀ କପାଟି ନା ଇ କାତା ମାନେ, ତଲି ଜୀଝୁନହ ମାଞ୍ଜାତିଲେହେ ନାଏ ଜୀଝୁନହ ମାଞ୍ଜଅତି । ୫ ଅଚେ ନାନୁ ଏନିକ୍ ଡ଼ଲ ତରଗା ମାଞ୍ଜି ଏଦାଆଁ ଅଶ୍‌ପାନା ନୀ ପାପୁ ପିସାହାଁ ମନ ଝେଚ୍‌ମୁ ଅଚେ ତଲିତିଲେହେ ସାଡ଼ା କାମା କିମ୍, ଆଆତ ଏଚେତା ନାନୁ ହିୟା ଝେଚ୍‌ଅତି, ନାନୁ ନୀ ତାଣା ତବେ ଝାହାନା ନୀ ଦୀଝି ନୀ ତାଣାଟି ଏଚ୍‌କା ଗୁଚିକିୟାଲ୍ । ୬ ଆଡ଼ିଜିକେଏ ନୀ ତାଣା ର ନେହ ଗୁଣୁ ମାନେ ନାନୁ ଏନିକ୍ ନିକଲାୟତାରି ବାରେ କାମା ଅପିହିଲଅ ଏଲେକ୍ ନାନୁଝା ଅପିହିଲଅତି ।”

୭ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ ଆମ୍ବାଆରି କାର୍କା ମାନୁ ଏଦାଆଁ ଝେଶ୍‌ମ୍ବାସି । ଆମ୍ବାଆସି ଜୀଣା ଆନେସି, ଏଝାଣାଲ୍ ନାନୁ ମାହାପୁରୁ ରାଜିତା ମାନି ଜୀଝୁଗାଟି ମାର୍‌ନୁତି ପାଚେୟି ତିଞ୍ଜାଲି ହାଇ ।”

ସ୍ପର୍ନା କୁଲମିତାକି କାରୁ

୮ “ସ୍ପର୍ନା କୁଲମିତି ଦୁତୁ ତାଣା ରାଚାମୁ, ଆମ୍ବାଆସି ତଲିତାସି ଅଚେ ତାୟୁତାସି, ଆମ୍ବାଆସି ହାହାମାଚେସି ଅଚେ ଝେଶ୍ଟେ ନୀଡ଼ିଚେସି, ଏଝାସି ଏଲେଇଞ୍ଜି ମାନେସି । ୯ ନାନୁ ନୀ ବାରେ କସ୍ତ ଅଚେ ହାକି କାକୁଲି ପୁଞ୍ଜାମାଲ୍, ସାମା ନାନୁ ବାଡ଼କୁ ଗାଟାଟି ଅଚେ ଆମ୍ବାଆରି ଜୀହୁଦି ଲକୁ ଆଆନା ମାମ୍‌ଜୀହୁଦି ଲକୁତମି ଇଞ୍ଜି ଇନେରି, ଏଝାରି ସୟତାନ ଗଚିତାରି ଏଝାରି ନିନ୍ଦା ଜିକେଏ ନାନୁ ପୁଞ୍ଜାମାଲ୍ । ୧୦ ମୀରୁ ଏମିନି ଦୁକୁ ବେଟାଆହାଲି ହାଜି ମାଞ୍ଜେରି, ଏ ବାରେ ଆଜାଆଦୁ; ମେହଦୁ ମିଙ୍ଗେ ତାୟିପାରି କିହାଲି ସୟତାନ ମୀ ବିତ୍ରାଟି ଆମ୍ବା ଆମ୍ବାଆରାଲ୍ କାୟିଦିତା ଇଚିନେ, ଅଚେ ମୀରୁ ଦସ ଦିନା କସ୍ତ ବେଟାଆଦେରି । ମୀରୁ ହାନି ପାଚେକା ନାମ୍‌ତଲେ ମାଞ୍ଜୁ, ଆଡ଼ିହ ନାନୁ ମିଙ୍ଗେ ଜୀଝୁତି ଚପେରି ହିୟାଲ୍ ।”

୧୧ “କୁଲମିତି ସୁଦୁଜୀଝୁ ଏନାଆଁ ଝେସିମାନେ, ଝେଞ୍ଜାଲି କାର୍କା ମାଟିସାରେ ଝେଶ୍‌ମ୍ବାସି, ଆମ୍ବାଆସି ଜୀଣା ଆନେସି ଏଝାଣାଲ୍ ଅଚ୍‌ଦେବାତି ହାକି ତଲେ ନସ୍ତ କିହାଲି ଆଚେଏ ।”

ପର୍ଗମ କୁଲମିତାକି କାରୁ

୧୨ “ପର୍ଗମ କୁଲମିତି ଦୁତୁ ତାଣା ରାଚାମୁ, ଆମିନି ଗାଟାଣି ତାଣା ରିକଝାକି ଦାରା ଗାଟି କାଶ୍ଟା ମାନେ ଏଝାସି ଏଲେଇଞ୍ଜି ମାନେସି । ୧୩ ଆମିନି ତାଣା ସୟତାନତି ସିଂଗାସାଣି, ଏମ୍ବାଆଁ ନାନୁ ବାସା କିହିମାଞ୍ଜି, ଇଦାଆଁ ନାନୁ ପୁଞ୍ଜାମାଲ୍, ଆଡ଼ିହ ଜିକେଏ ନାନୁ ନା ଦରୁତି ଆଚ୍‌ଝା ତଲେ ଆସାମାଞ୍ଜି, ଅଚେ ନା ସାକି ଆଡ଼ିପା ଏଚିବେଲା ମୀ ତାଣା ସୟତାନତି ବାସା ଚାୟୁତା ପାୟୁଝି ଆହାମାଚେସି, ମୀରୁ ନା ତାଣା ନାମାମାନାକି ଏଚିବେଲାତା ଜିକେଏ ନାଙ୍ଗେ ପୁଞ୍ଜାହିଲଅଁ

☆ ୧:୧୭ ୧:୧୭ ଝେ ବଲ୍ଲୁ ୨:୮; ୨୨:୧୩ ☆ ୨:୭ ୨:୭ ଝେ ବଲ୍ଲୁ ୨୨:୨ ☆ ୨:୮ ୨:୮ ଝେ ବଲ୍ଲୁ ୧:୧୭; ୨୨:୧୩ ☆ ୨:୧୧ ୨:୧୧ ଝେ ବଲ୍ଲୁ ୨୦:୧୪; ୨୧:୮

ଇଞ୍ଜାଆତି । ୧୪ ଆଡ଼ିଜିକେଏ ନୀ କପାଟି ର କାତା ମାନେ, ଇତିହି ଆମିନି ବିଲିୟମ ପେଣ୍‌କା ବମାୟ୍‌କି ଡାକାମାନି ବଗୁ ତିନି ତାଣାଟି ପାପୁ ଅଡ଼େ ଦାରିକାମା କିଞ୍ଜିକିନି ପାନ୍ଦା ମେଡ଼ହାଲି ଇସାୟେଲ ମୀରକା ବାଲାକଇଁ ଜାପୁହା ମାଚେସି, ଏଲେତି କାମା କିନି ଲକୁ ମୀ ବିତ୍ରାଟି ଏଚରଜାଣା ତାକିନାରି ମାନେରି । ୧୫ ଏଲେକିହି ଏ ନିକଲାଇ ଜାପୁନାଣି ଆସାମାନି ଲକୁ ମୀ ବିତ୍ରା ମାନେରି । ୧୬ ଏଦାଆଁତାକି ମୀ ପାପୁ ପିସାନା ହିୟାଁ ଝେଟ୍‌ଦୁ ଆଆତ୍ ନାନୁ ମୀ ତାଣା ତବେ ଝାହାନା ନା ଗୁଡିଟି ହିନି କାଣ୍ଡାତଲେ ଏଝାରି କପାଟି ଜୁଦୁ କିଇଁ ।”

୧୭ ✨ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେସି ଆମ୍ବାଆରି କୀର୍କା ମାନୁ ଏଦାଆଁ ଝେଣ୍‌ମ୍ବାସି । ଆମ୍ବାଆସି ଜୀଣା ଆନେସି ଏଝାଣାକି ଡଗୁମାନି ମାନା ତିଞ୍ଜାଲି ହୀଇଁ ଅଡ଼େ ଏଝାରି ବିତ୍ରାଟି ବାରେଜାଣାତି ପୁଝନି ଦରୁ ରାସ୍‌କି ଆହାମାନି ର ଦବଲା ଝାଲି ହୀଇଁ, ଏ ପୁଝନି ଦରୁ ଏନାୟି ଝାଲି ଆନାଣି ପିସପେ ଆମ୍ବାଆସି ପୁନଅସି ।”

ତୁୟାତିରା କୁଲମିତାକି କାରୁ

୧୮ “ତୁୟାତିରା କୁଲମିତି ଦୂତୁ ତାଣା ଇଲେଇଞ୍ଜିଁ ରାଚାମ୍, ମାହାପୁରୁ ଆମିନି ମୀରଏଣା କାଣ୍‌କା ଡ଼ାଞ୍ଜିମାନି ହିରୁ ଲେହେଁ ଇଞ୍ଜା ପାଞ୍ଚଆନା କତାୟାଁ ମୁସିମାନି ପିତାତା ଲେହେଁ ଏଝାସି ଏଦାଆଁ ଏଲେଇଞ୍ଜି ମାନେସି । ୧୯ ନାନୁ ନୀ କାମା, ଜୀଝୁ ନନାଣି, ନାମୁତଲେ ସେବା କିନାଣି, ଅରୁହିନାଣି ପୁଞ୍ଜାମାଇଁ, ଅଡ଼େ ନୀ ତଲିତି କାମା କିହାଁ ନୀର୍ଏଁ ହାଡ଼େକା ଗାତି କାମା କିହିମାଞ୍ଜି, ଇଦାଆଁ ଜିକେଏ ପୁଞ୍ଜାମାଇଁ । ୨୦ ଆଡ଼ିଜିକେଏ ନୀ କପାଟି ର ଇତି କାତା ମାନେ, ଜିଜେବଲ୍ ଦରୁଗାଟି ଆମିନି ଇୟା ଜାହାରାଇଁ ମାହାପୁରୁ ଅଣ୍‌ପୁତି ବଲ୍ଲୁ ଝେକ୍‌ନାତେଏଁ ଇଞ୍ଜିଁ ଝେସାକତାନା, ନା ସେବା କିନାରାଇଁ ଦାରିକାମା ଅଡ଼େ ପେଣ୍‌କା ବମାୟ୍‌କି ଡାକାମାନି ବଗୁ ତିଞ୍ଜାଲି ଜାପୁହାନା ଲାଗେଏ କିଞ୍ଜି କିହାମାନେ, ମୀରୁ ଏଦାଣି ଅରୁହି ମାଞ୍ଜେରି । ୨୧ ନାନୁ ଏଦାନାକି ତାନି ପାପୁ କାମା ପିସାନା ମନ ଝେଟ୍‌ହାଲି ହୀତି ଜିକେଏ, ତାନି ଦାରିକାମା ପିସାଲି ମନୁ କିଆଡେ । ୨୨ ଇଦାଆଁତାକି ନାନୁ ଏଦାନି ମାଡୁ ଛୁଞ୍ଜିକିଇଁ, ଅଡ଼େ ଆମିନି ଗାଟାରି ଏଦାନିତଲେ ଦାରିକାମା କିନେରି, ଏଝାରି ତାନି ପାପୁ କାମାଟି ହିୟାଁ ଝେଟ୍‌ଆତ୍ ନାନୁ ଏଝାରାଇଁ ଆଜିହପେତି ସାସ୍ତି ହୀଇଁ । ୨୩ ଅଡ଼େ ନାନୁ ତାନି ମୀରକା ମାସ୍‌କାଇଁ ହାକି ତଲେ ନାସାକିଇଁ, ଏଚେଟିଏ ନାନୁ ବାରେ ଲକୁତି ହିୟାଁ ଅଡ଼େ ମନତି ଅଣ୍‌ପୁତି ପୁନାତେଏଁ, ଅଡ଼େ ବାରେଜାଣାକି ତାନି କାମାଟି ପାଡ଼େୟି ହୀନାତେଏଁ ଇଞ୍ଜିଁ ବାରେ କୁଲମିକା ପୁଞ୍ଜାନୁ ।”

୨୪ “ସାମା ମୀରୁ ତୁୟାତିରାତି ଏଚରଜାଣା ମାନାତେରି ଏ ଲାଗେଏତି ଜାପୁନାଣି ଆସା ହିଲଅତେରି, ଇଞ୍ଜା ଏଟ୍‌କାତାରି ଏନାଆଁ ସୟତାନତି ଡଗୁମାନି କାତା ଇଞ୍ଜିଁ ଇନେରି, ଏଦାଆଁ ମୀରୁ ଜାପାହିଲଅତେରି, ନାନୁ ଏଝାରି

ଲାଇ ଏନି ପୁଝନି ବଦୁ ହୀଅଁ । ୨୫ ଇତିହିଁ ମୀ ତାଣା ଏନାୟି ମାନେ ଏଦାଆଁ ନା ଝାନି ଦିନା ପାଡେକା ତାରିତଲେ ଆସାମାଞ୍ଜୁ ।”

୨୬ ଆମ୍ବାଆସି ଜୀଣା ଆନେସି, ଅଡ଼େ ତାନ୍ନୁ ପାଡେକା ନା କାମା କିନେସି, ନାନୁ ଏନିକିହିଁ ନା ଆବା ତାଣାଟି ଅଦିକାରା ବେଟାଆହାମାଇଁ, ଏଲେକିହିଁ ଏ ଏଝାଣାକି ଏ ଦେସାତି ଅଦିକାରା ହୀଇଁ । ୨୭ ଏଝାସି ବାରେ କୁଡାତି ଲକୁଣି ଲହ ବାଡ଼ଗା ତଲେ ସାଲୁଞ୍ଜି କିନେସି ଅଡ଼େ ଇରଥା ଡକାୟାଁ ଲେହେଁ କୁଟୁକୁଟା କିନେସି । ୨୮ ଅଡ଼େ ନାନୁ ଏଝାରାକି ଝେୟାଜାରା ହୁକା ଜିକେଏ ହୀଇଁ ।

୨୯ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ ଆମ୍ବାଆରାକି କୀର୍କା ମାନୁ ଏଦାଆଁ ଝେଣ୍‌ମ୍ବାସି ।”

୩

ସାଦ୍ କୁଲମିକି କାରୁ

୧ “ସାଦ୍ କୁଲମିତି ଦୂତୁ ତାଣା ରାଚାମ୍, ଆମ୍ବାଆସି ମାହାପୁରୁତି ସାତାଗଟା ଜୀଝୁୟାଁ ଅଡ଼େ ସାତାଗଟା ହୁକାୟାଁ ଆସାମାନେସି ଏଝାସି ଏଲେଇଞ୍ଜି ମାନେସି, ନାନୁ ମୀ କାମା ବାରେ ପୁଞ୍ଜାମାଇଁ ମୀରୁ ଦରୁ ତାକି ଜୀଝୁ ଗାଟାତେରି, ସାମା ସାତା ତଲେ ହାତାତେରି । ୨ ଜାଗ୍ରାତା ଆଦୁ ଅଡ଼େ ମୀ ତାଣା ଏନାୟି ମାନେ ଏ ବାରେ ଡଗୁନି ନକେଏ ଏଝାଆଁ ବାଡ଼ମୁ କିଦୁ, ଇତିହିଁ ନାନୁ ମୀ ବାରେ କାମା ନା ମାହାପୁରୁ ନକିତା ଦହ ହିଲଆଗାଟାୟି ତଞ୍ଜା ଆହା ହିଲେଏ । ୩ ✨ ଏଦାଆଁତାକି ମୀରୁ ଏନିକିଁ ଜାପାମାଞ୍ଜେରି ଅଡ଼େ ଝେଞ୍ଜାମାଞ୍ଜି ଏଦାଣି ଅଣ୍‌ପାନା ମାନୁଞ୍ଜି ଆଦୁ ଇଞ୍ଜା ପାପୁଟି ହିୟାଁ ଝେଟ୍‌ଦୁ; ମୀରୁ ଜାଗ୍ରାତା ଆଆତିହିଁ ନାନୁ ସରୁଲେହେଁ ମୀ ତାଣା ଝାକି, ଏଦାଣି ଏନିଜିକେଏ ମୀରୁ ପୁଞ୍ଜାଲି ଆଡ଼ଅତେରି । ୪ ସାମା ସାଦ୍ ତା ମୀ ବିତ୍ରା ଏଚରଜାଣା ମାନେରି, ଏଝାରି ତାନି ହିମ୍ବରିକା ମାହିଁ କିହାଁ ହିଲଅରି, ଏଝାରି ଅପ୍‌ନି ହିମ୍ବରିକା ହୁଚାନା ନା ତଲେ ତାକିନେରି, ଏନାଆଁତାକି ଇତିହିଁ ଏଝାରି ପାଡ଼ା ଆଡାରି । ୫ ✨ ଆମ୍ବାଆରି ଜୀଣା ଆନେରି ଏଝାରି ଏଲେତି ଅପ୍‌ନି ହିମ୍ବରିକା ହୁଚିନେରି, ଅଡ଼େ ନାନୁ ଏଝାରି ଦରୁ ଜୀଝୁଗାଟି ପତିଟି ଏଚେଲାଝା ମେକ୍‌ଅଁ, ଇଞ୍ଜା ନାନୁ ନା ଆବା ଅଡ଼େ ତାନି ଦୂତୁୟାଁ ନକିତା ନା ତଲେତାରି ଇଞ୍ଜିହିଁ ଏଝାରି ଦରୁ ଝେକ୍‌ଇଁ ।”

୬ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେସି ଆମ୍ବାଆରି କୀର୍କା ମାନୁ ଏଦାଆଁ ଝେଣ୍‌ମ୍ବାସି ।”

ପିଲାଦେଲ୍‌ପିୟା କୁଲମିତାକି କାରୁ

୭ “ପିଲାଦେଲ୍‌ପିୟା କୁଲମିତି ଦୂତୁ ତାଣା ରାଚାମ୍, ଆମ୍ବାଆସି ସୁଦୁଗାଟାସି ଅଡ଼େ ସାତାତାସି ଆମିନିଗାଟାଣି କେୟୁତା ଦାଝୁଦତି କୁଟିକାଡ଼ି ମାନେ, ଏଝାସି ଦାରା ଦେତିସାରେ ଆମ୍ବାଆସି ସୁଶାଲି ଆଡ଼ଅସି, ଅଡ଼େ ଦାରା ସୁଶିସାରେ ଆମ୍ବାଆସି ଦେଚାଲି ଆଡ଼ଅସି, ୮ ଏଝାସି ଏଲେଇଞ୍ଜି ମାନେସି ନାନୁ ମୀ କାମା ପୁଞ୍ଜାମାଇଁ, ସିନିକିଦୁ

☆ ୨:୧୭ ୨:୧୭ ଜହ ୭:୪୮-୫୦ ☆ ୩:୩ ୩:୩ ମାତି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲୁ ୧୭:୧୫ ☆ ୩:୫ ୩:୫ ଝେ ବଲ୍ଲୁ ୨୦:୧୨; ମାତି ୧୦:୩୨; ଲୁକ ୧୨:୮

ନାନୁ ମୀ ନକିତା ର ଦାରା ଦେଚାମାଲ୍, ଏଦାଆଁ ଆମ୍ବାଆସି ସୁଣ୍ଠାଲି ଆଡ଼ଅସି, ଇଡ଼ିହଁ ମୀ ବାଡ଼ୁୟୁ ଉଣା ମାତି ଜିକେଏ ନା ଜାପନାଣି ମୀରୁ ମାନୁଝି ଆହାମାଞ୍ଜେରି, ଇଞ୍ଜା ନା ଦରୁ ଏଚେଲା ପୁଞ୍ଜାହିଲଅତି ଇଞ୍ଜା ଇଞ୍ଜାହିଲଅତେରି । ୯ ମେହ୍‌ଦୁ ଆମ୍ବାଆରି ଜୀହୁଦି ଲକୁ ଆଏ, ସାମା ମିତି ତଲେ ଜୀହୁଦି ଲକୁତମି ଇଞ୍ଜା ଇଞ୍ଜାମାନେରି ଇଲେତି ସୟତାନ ଗତିତି ଲକୁଣି ନାନୁ ମୀ କଡ଼ାଣା ଜହରା କିଝି କିୟାଲ୍, ଇଞ୍ଜା ନାନୁ ମିଙ୍ଗେ ଜୀହୁନହଁ ମାଞ୍ଜାଲ୍ ଇଞ୍ଜା ଏଞ୍ଜାରି ପୁଞ୍ଜାଲି ଆଡ଼ିନେରି । ୧୦ ନା ହୁକୁମି ଲେହେଁ ସାସା ଆସାନା ମାଞ୍ଜେରି, ଇଦାଆଁତାକି ଦାରତିତି ଲକୁଣି ତାୟିପାରି କିହାଲି ବାରେ ଦାରତିତା ଆମିନି ତାୟିପାରି କିନି ଦିନା ଖାନ୍, ଏମ୍ବାଟି ନାନୁ ଜିକେଏ ମିଙ୍ଗେ ଗେଲ୍‌ପାଇ । ୧୧ ନାନୁ ତବେ ଖାହିମାଲ୍ ମୀ ଜୀଣାଆଡ଼ି ଟପେରି ଏନିକିହଁ ଆମ୍ବାଆସି ମୀଞ୍ଜା ଅୟଅସି ଏଦାଆଁତାକି ମୀ ତାଣା ଏନାୟି ମାନେ ଏଦାଆଁ ତାଂଟା ତଲେ ଆସାଁ ତୟାଦୁ । ୧୨ *ଆମ୍ବାଆସି ଜୀଣା ଆନ୍‌ନେସି ନାନୁ ଏଞ୍ଜାଣାଲ୍ ନା ମାହାପୁରୁ ଇଲୁତି ମୁଣ୍ଠାଲେହେଁ କିଲ୍, ଏଞ୍ଜାସି ଏମ୍ବାଟି ପାଙ୍ଗାତା ହାଲଅସି, ନାନୁ ନା ମାହାପୁରୁତି ଦରୁ ଅଡ଼େ ଲାକପୁରୁଟି ଖାହାମାନି ପୁଞ୍ଜି ଜିରୁସାଲମ ମା ମାହାପୁରୁଟି ଗାଡ଼ାତି ଦରୁ ଇଞ୍ଜା ନା ପୁଞ୍ଜି ଦରୁ ତାନି ଲାକ ରାଡ଼ିଲ ।”

୧୩ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେସି, ଆମ୍ବାଆରି କୀର୍କା ମାନୁ ଏଦାଆଁ ଝେଶ୍‌ମ୍ବାସି ।”

ଲାଝୁଦିକିୟା କୁଲମିକି କାବୁ

୧୪ “ଲାଝୁଦିକିୟା କୁଲମିତି ଦୁରୁ ତାଣା ରାଚାମୁ, ଆମ୍ବାଆସି ସାତା ଇଞ୍ଜା ନାମୁଗାଟାସି ଅଡ଼େ ସାତା ସାକି ହୀନେସି, ଅଡ଼େ ଆମ୍ବାଆସି ମାହାପୁରୁ ଗାଡ଼ିକିତାଣି ମୁଲୁଏ ଗାଡ଼ିକିତାସି ଏଞ୍ଜାସି ଏଲେଇଞ୍ଜି ମାନେସି । ୧୫ ନାନୁ ମୀ କାମା ପୁଞ୍ଜାମାଲ୍, ମୀରୁ ହିଡ଼ି ଆଏ କି ଉସମି ଜିକେଏ ଆଏ, ମୀରୁ ହିଡ଼ି କି ଉସମି ଆହାମାତି ନେହଁ ଆଡ଼େମା । ୧୬ ସାମା ମୀରୁ ହିଡ଼ି କି ଉସମି ଆଆନା କାଞ୍ଜିନି ଆହାମାନାକି ନାନୁ ମିଙ୍ଗେ ନା ଗୁତିତି ହୁପାଲି ହାଜିମାଲ୍ । ୧୭ ନାନୁ ଏଲେ ଇଞ୍ଜିମାଞ୍ଜି, ‘ନାନୁ ବାଡ଼କୁ ଗାଟାତେଏଁ ନାଙ୍ଗେ ହାରେକା ଦନ ମାନେ; ନାଙ୍ଗେ ଏନାୟି ଲଡ଼ା ହିଲେଏ ।’ ସାମା ନାନୁ କାମା କାକୁଲି ଗାଟାତି ଅଡ଼େ ସାୟେମି ହିଲାଆଗାଟାତି, ହାକି ଗାଟାତି, କାଣା ଅଡ଼େ ନାଗଡ଼ା ଗାଟାତି, ଇଦାଆଁ ପୁଞ୍ଜାହିଲଅତି; ୧୮ ଇଦାଆଁତାକି ନାନୁ ନିଙ୍ଗେ ଇ କାତା ଝେସିମାଞ୍ଜାଲ୍ ନାନୁ ବାଡ଼କୁ ଗାଟାତି ଆହାଲିତାକି ହିରୁତା ହୁଡ଼ିତି ବାଂଗାରା ଅଡ଼େ ନୀ ନାଗଡ଼ାତି ଲାଜା ଏନିକିହଁ ତଞ୍ଜା ଆଏ ଇଦାଆଁତାକି ହୁଚାଲି ଦବଲା ହିମ୍ବରି ଇଞ୍ଜା କାଣକା ମେସାଲି ତାକି କାଣକାଣା ରୁବାକଡ଼ିନାଣି ନା ତାଣାଟି କଡ଼ାମୁ । ୧୯ *ନାନୁ ଏଚେକା ଲକୁଣି ଜୀଝୁ ନକ୍ ଏଞ୍ଜାରାଲ୍ ଦାକା ଅଡ଼େ ତଣ୍ଡ ହୀଲ୍ ଏଦାଣିତାକି ରାହାଁ ଆହାଁ ମନ ଝେଟ୍‌ହା କଡ଼ାମୁ । ୨୦ ମେହ୍‌ମୁ ନାନୁ ଦୁଝେରି ତାକିତା ନିଚାନା ଦାରା ଝେଟିମାଲ୍ ଆମ୍ବାଆସି

ନା ଗିୟାଁ ଝେଞ୍ଜାନା ଦାରା ଦେନେସି ଆଡ଼ି ନାନୁ ବିତ୍ରା ହଡ଼ାନା ତାନି ତାଣା ହାଲ୍ ଅଡ଼େ ନାନୁ ଏଞ୍ଜାଣିତଲେ ରାନ୍ଦା ତିଲ୍ ଅଡ଼େ ଏଞ୍ଜାସି ନା ତଲେ ରାନ୍ଦା ତିନେସି । ୨୧ ନାନୁ ଏନିକିହଁ ଜୀଣାଆହାନା ନା ଆବା ତଲେ ସିଂଗାସାଣିତା କୁଗାମାଲ୍ ଏଲେକିହଁ ଏ ଆମ୍ବାଆସି ଜୀଣା ଆନ୍‌ନେସି ନାନୁ ଏଞ୍ଜାଣାଲ୍ ନା ତଲେ ନା ସିଂଗାସାଣିତା କୁଗାଲି ହୀଲ୍ ।”

୨୨ “ସୁଦୁଜୀଝୁ କୁଲମିକାଣି ଏନାଆଁ ଝେସିମାନେ, ଆମ୍ବାଆରି କୀର୍କା ମାନୁ ଏଦାଆଁ ଝେଶ୍‌ମ୍ବାସି ।”

୪

ଲାକପୁରୁ ପ୍ରାଚାନା

୧ ଏଚେଟିଏ ନାନୁ ମେସ୍‌ସେଏଁ, ମେହ୍‌ଦୁ ଲାକପୁରୁଟି ର ଦାରା ଦେପିଆହାମାନେ; ଅଡ଼େ ତୀତ୍ରି ମହ୍‌ରି ହାଡ଼ାଲେହେଁ ନା ତଲେ ନକେଏ ଜଲିମାତାଣି ଝେଞ୍ଜା ମାଚେଏଁ, ଏଦି ଏଲେଇଞ୍ଜାତେ “ଇମ୍ବାଆଁ ନିଙ୍ଗା ଖାମୁ, ଏନାୟି ଇଦାଆଁ ତାୟୁ ଗଟ୍‌ଝି ଆନ୍‌ନେ ଏ ବାରେ ନିଙ୍ଗେ ନାନୁ ତସ୍ତାଲ୍ ।”

୨ ଏ ଦେବୁଣିଏ ସୁଦୁଜୀଝୁ ନାଙ୍ଗେ ଲକହାତେ, ମେହ୍‌ଦୁ ଲାକପୁରୁ ର ସିଂଗାସାଣି ମାଚେ, ଇଞ୍ଜା ସିଂଗାସାଣି ଲାକ ରଅସି କୁଗାମାନେସି । ୩ କୁଗାମାନାଣି ଖାଣା ହୀରା ଅଡ଼େ ମାଣିକ୍ୟ ଇନି ଦାରାଗାଟି ଖାଲି ଲେହେଁ, ଅଡ଼େ ସିଂଗାସାଣିତି ମରକତ ଇନି ଦାରା ଗାଟି ଖାଲକା ଲେହେଁ ସାରିସୁଟୁ ର ଦାରଣକି ଗୁରଚାମାଚେ । ୪ ଅଡ଼େ ସିଂଗାସାଣି ସାରିସୁଟୁ କଡ଼େ ସାରିଗଟା ସିଂଗାସାଣି ମାନୁ, ଅଡ଼େ ସିଂଗାସାଣିୟା ଲାକ କଡ଼େ ସାରି ଜାଣା ପ୍ରାଚିନାଙ୍ଗା କୁଗାମାନେରି, ଏଞ୍ଜାରି ଦବଲା ହିମ୍ବରିକା ହୁଚାମାନେରି ଇଞ୍ଜା ଏଞ୍ଜାରି ତାୟୁଁ ତୁ ବାଂଗାରା ଟପେରି । ୫ *ସିଂଗାସାଣିଟି ବିଲିବାଲା ମୁହ୍‌ନାୟି ଅଡ଼େ ହାଗୁ ଗୁଣ୍‌ନି ହାଡ଼ା ହଡ଼େ, ଅଡ଼େ ସିଂଗାସାଣି ନକିତା ହିରୁଗାଟି ସାଡ଼ାଗଟା ଦୀଝିୟାଁ ତୀଞ୍ଜିମାରୁ, ଇ ସାଡ଼ାଗଟା ହିରୁ ବନ୍ଦାୟାଁ ମାହାପୁରୁଟି ସୁଦୁଜୀଝୁୟାଁ ୬ ସିଂଗାସାଣି ନକିତା ଦାପେଣିଲେହେଁ ର ନେହଁ ସାମ୍‌ଦୁରି ତଞ୍ଜାଆହିମାଚେ, ସିଂଗାସାଣି ସାରିସୁଟୁଟି ମାଦିଏ ସାରିଗଟା ଜନ୍ତ ଜିଝେଡ଼ିକା, ଏଞ୍ଜାସିକା ନକିତା ଅଡ଼େ ତାୟୁତା କାଣକା ମାରୁ । ୭ ନକିତି ଜନ୍ତ ସିହଁ କାଞ୍ଜିଆନି ଲେହେଁ, ଅଡ଼େ ରୀ ଲମ୍ବର ଜନ୍ତ ବାଚା କଡ଼ି ଲେହେଁ, ତାନି ଲମ୍ବର ଜନ୍ତୁଟି ମୁମ୍‌ମୁମାଣସିତି ମୁମ୍ ଲେହେଁ, ଅଡ଼େ ସାରି ଲମ୍ବର ଜନ୍ତ ଲାକ ଉମ୍‌ମାନି ଲେଡ଼ୁ ଲେହେଁ ତଞ୍ଜାଆହିମାଚେ । ୮ ବାରେ ଜନ୍ତୁୟାଁକି ସା ଗଟା ମାରାୟାଁ ଏ ମାରାୟାଁ ବିତ୍ରା ଅଡ଼େ ପାଙ୍ଗାତା କାଣକା ମାନୁ ଏଞ୍ଜି ଲାଆଁ ମାଦେନା ଜମାଆନା ଏଲେଇଞ୍ଜି ମାନୁ ।

“ସୁଦୁ, ସୁଦୁ, ସୁଦୁ, ବାରେ ବାଡ଼ୁୟୁଗାଟି ମାହାପୁରୁ, ଆମ୍ବାଆସି ତଲିଏ ମାଚେସି ନୀଏଁ ମାନେସି ଅଡ଼େ କାଲେଏ ମାନେସି, ଏ ପ୍ରୁ ।”

୯ ଜନ୍ତୁୟାଁ ଏଚିବେଲା ଏ ସିଂଗାସାଣିତା କୁଗାମାନି କାଲାକାଲାତି ଜୀଝୁଗାଟି ମାଣସିଲ୍ ଗାଝୁରମି ସାମ୍‌ମି ଅଡ଼େ ଜହରା କିନେରି । ୧୦ ଏଚିବେଲା କଡ଼େ ସାରି

☆ ୩:୧୨ ୩:୧୨ ଝେ ବଲ୍ଲୁ ୨୧:୨ ☆ ୩:୧୯ ୩:୧୯ ଏବି ୧୨:୭ ☆ ୪:୫ ୪:୫ ଝେ ବଲ୍ଲୁ ୮:୫; ୧୧:୧୯; ୧୭:୧୮; ଝେ ବଲ୍ଲୁ ୧:୪

ଜାଣା ପ୍ରାଚିନାଙ୍ଗା ସିଂଗାସାଣିତା କୁଗାମାନି ମାଣ୍‌ସିଲ୍ଲି
ମେଣ୍ଡାକୁତାନା କାଲେଏ ନୀତାମାନି ମାଣ୍‌ସିଲ୍ଲି ଜହରା
କିତେରି, ଇଞ୍ଜା ସିଂଗାସାଣି ନକିତା ତାନି ଚପେରିକା ଇଚାନା
ଏଲେଇଚେରି ।

୧୧ ମା ପ୍ରବୁ ଅଡେ ମାହାପୁରୁ ।

ନାନୁ ଗାଞ୍ଜୁରମି ସାମ୍‌ମି ଅଡେ ବାଡ଼ୁୟୁ ବେଟାଆହାଲି
ଜଗେ ଗାଟାତି ।

ଏନାଆଁତାକି ଇତିହ ନାନୁ ବାରେ ଗାଡ଼ିକିହା ମାଞ୍ଜି ।

ଅଡେ ନୀ ଅଣ୍‌ପୁ ତଲେ ବାରେ ଗାଡ଼ି ଆହାମାନୁ,
ଅଡେ ଜାଞ୍ଜୁତଲେ ନୀତାମାନୁ ।

୫

ରୁପିନି ପତି ଅଡେ ମେଣ୍ଡା ତାଲୁ

୧ ନାନୁ ସିଂଗାସାଣିତା କୁଗାମାନାଣି ଚିଃନି କେୟୁତା ର
ପୁଃଈ ପତି ମେସ୍‌ସେଏ, ଏଦି ରିକଞ୍ଜାକି ରାସ୍‌କି ଆହାମାଚେ
ଇଞ୍ଜା ସାଡାଗଟା ସାଲି ଝେପି ଆହାମାଚେ । ୨ ଅଡେ ନାନୁ
ବାଡ଼ୁୟୁ ଗାଟି ର ଲାକପୁରୁତି ଦୂତୁଇଁ ମେସ୍‌ସେଏ, ଏଞ୍ଜାସି
କାଜା ଗିୟାତଲେ ଏଲେଇଚେସି, ଆମ୍‌ଆସି ଇ ସାଲି
ହୁକ୍‌ହାନା ପତିତି ଦେଚାଲି ପାଡାଆନେସି । ୩ ସାମା ପତିତି
ଦେଚାଲି, ଏମ୍‌ଆଁ ଏନାୟି ରାସ୍‌କି ଆହାମାନେ, ସିନିକିହାଲି
ଲାକପୁରୁ, ଦାରତିତା ଅଡେ ତାଡେପୁରୁତା ଆମ୍‌ଆସି ସାସା
କିଆତେସି । ୪ ଏ ପତିତି ଦେଚାଲି କି ଏଦାଆଁ ସିନିକିହାଲି
ଆମ୍‌ଆସି ସାସା କିଆଲିଏ ନାନୁ ହାରେକା ତୀତେଏ ।
୫ ଏମ୍‌ଆଟିଏ ପ୍ରାଚିନାଙ୍ଗା ବିତ୍ରାଟି ରଅସି ନାଜେ ସାସା ହାହାନା
ଏଲେଇଞ୍ଜାତେସି, “ତୀଆନି, ସିନିକିମୁ ଜୀହୁଦା ଗତିତି
ଦାଞ୍ଜୁଦ କୁଡାତି ସିହଁ ଜୀଶା ଆହାମାନେସି; ଏଞ୍ଜାସି ଇ ପତିତି
ସାଡାଗଟା ସାଲି ଦେଚାଲି ଅଡେ ଏ ରୁପିତି ପତି ଏକ୍‌ହାଲି
ପାଡା ଆହାମାନେସି ।”

୬ ଏଚେଟିଏ ନାନୁ ସିନିକିତେଏଁ ସିଂଗାସାଣି, ଅଡେ
ପ୍ରାଚିନାଙ୍ଗା ମାଦିଏ ସାରିଗଟା ଜନ୍ତୁ ତଲେ ର ମେଣ୍ଡା ତାଲୁ
ନିଚାମାନାଣି ମେସ୍‌ସେଏ, ଏ ମେଣ୍ଡା ତାଲୁ ପାୟୁଞ୍ଜି ଆଡି
ଲେହେଁ ତଞ୍ଜାଆହିମାଚେ, ଏଦାନାକି ସାଡାଗଟା କମ୍‌କା
ଅଡେ ସାଡାଗଟା କାଣକା ମାରୁ, ଏ କାଣକା ଦାରତିତି
ବାରେଞ୍ଜାକି ପାଣ୍ଡୁଞ୍ଜି ଆହାମାଟି ମାହାପୁରୁତି ସାଡାଗଟା
ସୁଦୁଜୀଞ୍ଜୁୟା । ୭ ମେଣ୍ଡା ତାଲୁ ସିଂଗାସାଣିତା କୁଗାମାନାଣି
ତାଗେ ହାଜାନା ଏଞ୍ଜାଣି ଚିଃନି କେୟୁଟି ଏ ରୁପିତି ପତି
ଅଡେସି । ୮ ଏ ପତି ଅହାଲିଏ ସାରିଗଟା ଜନ୍ତୁ ଅଡେ କଡେ
ସାରି ଜାଣା ପ୍ରାଚିନାଙ୍ଗା ଏ ମେଣ୍ଡା ତାଲୁ ନକିତା ମୁନୁ କୁତାହାଁ
ଜହରା କିତେରି, ଏ ବାରେଜାଣା ତାକି ର ର ସେରଜି
ଅଡେ ମାହାପୁରୁ ଲକୁ ପ୍ରାଚାନାତି ଦୁପା ଦୁପାଣି ନେଞ୍ଜାମାନି
ର ବାଂଗାରା ଗିନା ମାଚେ । ୯ ଏଞ୍ଜାରି ର ପୁଃନି ପାରୁ
ପାଡିମାଚେରି;

“ନାନୁ ଏ ରୁପିତି ପତି ଅହାଲି ଅଡେ ଏମ୍‌ଆଟି ସାଲି ଦେଚାଲି
ପାଡା ଆନାତି,
ନାନୁ ପାୟୁଞ୍ଜିଆହାମାଟି, ନୀ ନେତେରିଟି ବାରେ ଗଟି,
ବାରେ ହାଡା, ଦେସା,

ଅଡେ ବାରେ କୁଡାତି ଲକୁଇଁ ମାହାପୁରୁ ତାକି କଡାମାଞ୍ଜି,
୧୦ *ନାନୁ ଏଞ୍ଜାରାଇଁ ରାଜାୟା କୁଡା ଅଡେ ମାହାପୁରୁ ସେବା
କିୟାଲି ପୁଜେରାଙ୍ଗା କିହାମାଞ୍ଜି ।

ଏଞ୍ଜାରି ଦାରତିତି ସାଲୁଞ୍ଜି କିନେରି ।”

୧୧ ଏମ୍‌ଆଟିଏ ନାନୁ ସିନିକିତେଏଁ, ସିଂଗାସାଣି, ଜନ୍ତୁୟା
ଅଡେ ପ୍ରାଚିନାଙ୍ଗା ସାରିସୁଟୁ ହାରେକା ଦୂତୁୟାତି ହାଡା
ଞ୍ଜେଚେଏଁ, ଏଞ୍ଜି ମାଣା ମାଣା ଅଡେ ଲାକେ ଲାକେ ଜାଣା
ନିଚାମାରୁ । ୧୨ ଏଞ୍ଜି କାଜା ଗିୟାତଲେ ପାଡିମାରୁ;

“ପାୟୁଞ୍ଜି ଆହାମାନି ମେଣ୍ଡା ତାଲୁଦେଁ, କାଜାପାଣା, ଦନ,
ରୁଦି, ବପୁ, ସାମ୍‌ମି, ଗାଞ୍ଜୁରମି,
ଜହରା ବେଟାଆହାଲି ପାଡାଆନେସି ।”

୧୩ ଅଡେ ନାନୁ ଲାକପୁରୁ, ଦାରତି, ତାଡେପୁରୁ ଅଡେ
ସାମ୍‌ଦୁରିତା ମାନି ବାରେ ଜୀଞ୍ଜୁ ଗାଟାଇ ଇଞ୍ଜା ଦାରତିତା
ମାନି ବାରେ ଜୀଞ୍ଜୁ ଗାଟାଇ ପାରୁ ପାଡିମାନାଣି ଝେଚେଏଁ ।
ଏଞ୍ଜି ପାଡିମାରୁ;

“ସିଂଗାସାଣିତା କୁଗାମାନି ମାଣ୍‌ସିଲ୍ଲି ଇଞ୍ଜା ତାନି ମେଣ୍ଡା
ତାଲୁଇଁ ଜହରା କିଦୁ;
ତାନି ସାମ୍‌ମି, ଗାଞ୍ଜୁରମି ଅଡେ ବାଡ଼ୁୟୁ
କାଲାକାଲାତାୟି ।”

୧୪ ଏଚେଟିଏ ସାରିଗଟା ଜନ୍ତୁ ପାଲି ଆସାନା ଏଲେଇରୁ,
“ଆମେନ” ଅଡେ ପ୍ରାଚିନାଙ୍ଗା ମୁନୁ କୁତାହାଁ ଜହରା କିତେରି
।

୬

ସାଡା ଗଟା ସାଲିୟା

୧ ଅଡେ ନାନୁ ମେଣ୍ଡା ତାଲୁଇଁ ସାଡାଗଟା ସାଲିୟା ବିତ୍ରାଟି
ର ଲମ୍‌ର ସାଲି ଦେତାଣି ମେସ୍‌ସେଏ, ଅଡେ ସାରିଗଟା
ଜନ୍ତୁ ବିତ୍ରାଟି ର ଜନ୍ତୁ ହାଗୁ ଗୁଣିନି ହାଡାତଲେ ହାଡିମାଚାଣି
ଞ୍ଜେଚେଏଁ “ଞ୍ଜାମୁ !” ୨ ଏମ୍‌ଆଟିଏ ନାନୁ ସିନିକିତେଏଁ ଅଡେ
ର ଦବ୍‌ଲା ଗଡା ଇଞ୍ଜା ତାନି ଲାକ ହଚାମାଚାଣି କେୟୁତା
ର ଆମ୍‌ଆସାମାଚେସି, ଅଡେ ଏଞ୍ଜାଣାକି ର ଚପେରି
ହୀପକିଆଡେ, ଅଡେ ଏଞ୍ଜାସି ଜୀଶା ଆହାଁ ଜୀଶା ଆୟାଲି
ହଚାହାଚେସି ।

୩ ମେଣ୍ଡା ତାଲୁ ଏଚିବେଲା ରୀ ଲମ୍‌ର ସାଲି ଦେତେସି,
ଏଚିବେଲା ଅଡେ ରୀ ଲମ୍‌ର ଜନ୍ତୁ ଏଲେଇଚାଣି ଝେଚେଏଁ
“ଞ୍ଜାମୁ,” ୪ ଏମ୍‌ଆଟିଏ ଅଡେ ର ଗଡା ହଚା ଞ୍ଜାଡେ, ଏଦି
ନେତେରି ଞ୍ଜାଣାଗାଟାୟି; ଲକୁ ଏନିକିଁ ତାମ୍‌ତୁମ୍‌ପୁ ପାୟୁଞ୍ଜି
ଆନେରି, ଏଦାଆଁତାକି ଦାରତିଟି ହିଡ଼ଡ଼ି ହେକ କିହାଲି
ତାନି ଲାକ ହଚାମାନାଣାକି ବାଡ଼ୁୟୁ ହୀପକିଆଡେ ଅଡେ
ଏଞ୍ଜାଣାକି କାଜା କାଣ୍ଡା ହୀପକିଆଡେ ।

୫ ମେଣ୍ଡା ତାଲୁ ଏଚିବେଲା ତାନି ଲମ୍‌ର ସାଲି ଦେତେସି,
ଏଚିବେଲା ତାନି ଲମ୍‌ର ଜନ୍ତୁ ଏଲେଇଞ୍ଜିମାନାଣି ଝେଚେଏଁ,
“ଞ୍ଜାହାଁ ସିନିକିମୁ” ଏମ୍‌ଆଟିଏ ନାନୁ ସିନିକିତେଏଁ, ମେହ୍‌ଦୁ ର
କାଡ଼ିନି ଗଡା; ଅଡେ ଏମ୍‌ଆଁ ହଚାମାନାଣି କେୟୁତା ର
କେଜି ତୁକ୍‌ନାୟି ମାଚେ । ୬ ଅଡେ ନାନୁ, ସାରିଗଟା ଜନ୍ତୁତି
ଗୁଡିଟି ହଡ଼ି ଲେହେଁତି ର ହାଡା ଝେଚେଏଁ; “ର ଟାକା ତାକି

ର କେଜି ଗହଁ ଅଡ଼େ ତାନି କେଜି କାଞ୍‌ଆ ଜନାୟାଁ ମେଡ଼ା
ଆନୁ ସାମା ମୀରୁ ଜୀତ ମାରୁନୁତି ନିୟୁଁ ଅଡ଼େ ଅଙ୍ଗୁରି ରାସା
ନସ୍ତ କିଆଦୁ ।”

୭ ମେଣ୍ଡା ତାଲୁ ଏଚିବେଲା ସାରି ଲମ୍ବର ସୀଲି ଦେତେସି,
ଇଞ୍ଜା ନାନୁ ସାରି ଲମ୍ବର ଜନ୍ତ ଏଲେ ଇଞ୍ଜିମାଚାଣି ଝେଚେଏଁ,
“ଝାମ୍ବୁ !” । ଏମ୍ବାଟିଏ ନାନୁ ସିନିକିତେଏଁ ଦାରମ୍ବ ଝାଣାଗାଟି
ଗଡ଼ା, ତାନି ଲାକ ହଚାମାଚାଣି ଦରୁ ହାକି, ଏଝାଣି ଜେଚ
ଜେଚ ଦାରତି ହାଜିମାଚେ, ଏଝାରାକି ଦାରତିତି ସାରି ବାଗା
ବିତ୍ତା ର ବାଗା ମୁହେଁ କାଣ୍ଡା, ହାକି, ରଗ ଅଡ଼େ ଜାଡ଼ାତି ଜନ୍ତ
ଜିଝେଡ଼ିକା ତଲେ ପାୟାଲି ବାଡ଼ୁୟୁ ହାପକିଆଡ଼େ ।

୮ ମେଣ୍ଡା ତାଲୁ ଏଚିବେଲା ପାସା ଲମ୍ବର ସୀଲି ଦେତେସି,
ଏଚିବେଲା ଆମିନି ଲକୁ ମାହାପୁରୁତି ବଲ୍ଲୁ ତାକି ଅଡ଼େ
ଏଝାରାକି ହାପକି ଆହାମାନି ସାକି ତାକି ହାହାମାଚେରି,
ଏଝାରି ଜୀଝୁୟାଁ ନାନୁ ପୂଜାପିଣ୍ଡା ତୁଇ ମେସେଏଁ । ୧୦ ଏଝାରି
କାଜା ଗିୟାତଲେ ହାଟିହଁ ଏଲେ ଇଞ୍ଜିମାଚେରି, “ସୁଦୁ
ଅଡ଼େ ସାତା ପ୍ରବୁ, ନାନୁ ଏଚରଦିନା ପାତେକା ଦାରତିତି
ଲକୁଇଁ ନାହାଁୟି କିଆନା ମାଙ୍ଗେ ପାୟାଲି ତାକି ଏଝାରାକି
ତଣ୍ଡ ହାଆନା ପିହଦି ?” ୧୧ ଏଚେଟିଏ ଏ ବାରେଜାଣା ତାକି
ଦବଲା ହିମ୍ବରକା ହାପକିଆଡ଼େ, ଇଞ୍ଜା ଏଝାରି ତଲେତି
ତାୟିୟାଁ ସେବା କିନାରି ଏଚରଜାଣା ପାୟାଞ୍ଜି ଆନି କାତା
ପାୟାଞ୍ଜି ଆଆପାତେକା ଏଝାରାକି ଅଡ଼େ ଏଚରଦିନା ଜମାଲି
ଝେସ୍‌ପିଆଡ଼େ ।

୧୨ *ମେଣ୍ଡା ତାଲୁ ସା ଲମ୍ବର ସୀଲି ଦେଚିମାଚାଟି
ନାନୁ ମେସେଏଁ; ଦେବୁଣିଏ ଆଜିହପେତି ବୁନି ଝୀତିତେ
। ଝେଡ଼ା କାଡ଼ିନି ଝାଣା ହିମ୍ବର ଲେହେଁ ଆଡ଼େ, ଅଡ଼େ
ଲେଞ୍ଜୁ ନେତେରି ଝାଣା ଆଡ଼େ । ୧୩ କାଜା ଗାଲି ଏନିକ
ମାରୁନୁଇଁ ଝୀଟିହସାରେ ହିଇଲି ତୟା ପାଡ଼େୟିକା ତରଗିନି
ଲେହେଁ ହାଗୁଲାକତି ହୁକାୟାଁ ଦାରତିତା ତରଗା ହାରୁ ।
୧୪ ହାଗୁପାକା ତଲୁ ପତି ରୁପ୍‌ଞ୍ଜି ଆଡ଼ି ଲେହେଁ ରୁପ୍‌ଞ୍ଜିଆହାଁ
ମେଣ୍ଡାକାହାଚେ । ଅଡ଼େ ହରକା ଇଞ୍ଜା ସାମ୍ବୁରି ବିତ୍ତାମାନି
ଇତି ଇତି ଦେସାୟାଁ ତାନି ଟାୟୁଟି ଗୁଚା ଆହାହାରୁ ।
୧୫ ଅଡ଼େ ଦାରତିତି ରାଜାୟାଁ, ସାଲୁଞ୍ଜି କିନାରି, ଜୁକୁକିନି
କାଜାରି, ଦନ ଗାଟାରି, ବାଡ଼ୁୟୁ ଗାଟାରି, ହଲିୟାକା ଅଡ଼େ
ହଲିୟାକା ଆଆତାରି ଏଝାରି ବାରେଜାଣା ପାଝୁତା ଇଞ୍ଜା
ହରକାତି କାଜା ଝାଲକା ପାରଡ଼ା ତୁଇ ହାଜାନା ତରୁତେରି
। ୧୬ *ଅଡ଼େ ଏଝାରି ହରକା ଇଞ୍ଜା ଝାଲକାଣି ହାଟିହଁ
ଏଲେଇଚେରି, “ମା ମୁହେଁ ତରଗାନା ସିଂଗାସାଣିତା
କୁଗାମାନାଣି ତାଣାଟି ଅଡ଼େ ମେଣ୍ଡା ତାଲୁ କପାଟି ! ମାଙ୍ଗେ
ତୁକୁହାମୁ । ୧୭ ଇଚିହଁ ଏଝାରାକି ଆଜିହପେତି କପାଟି
ଦିନା ଏଦାତେୟିଏ, ଇଞ୍ଜା ଏମ୍ବାଆଁ ଆମ୍ବାଆସି ନିଚାଲି
ଆଡ଼ିନେସି ?”



ଇସ୍ରାୟେଲତି ୧୪୪,୦୦୦ ଲକୁ

☆ ୭:୧୭ ୭:୧୭ ଝେ ବଲ୍ଲୁ ୧୧:୧୩; ୧୭:୧୮; ମାତି ୨୪:୨୯; ମାର୍କ ୧୩:୨୪,୨୫; ଲୁକ ୨୧:୨୫ ☆ ୭:୧୭ ୭:୧୭ ଲୁକ ୨୩:୩୦ ☆ ୭:୧୪ ୭:୧୪ ମାତି ୨୪:୨୯; ମାର୍କ ୧୩:୧୯

୯ ଏଚେଟିଏ ନାନୁ ଦାରତିତି ସାରି କନତା ସାରିଗଟା
ଦୂତୁୟାଁଇଁ ନିଚାମାନାଣି ମେସେଏଁ, ଅଡ଼େ ଦାରତିତି
ସାରିଝାକିତି ଗାଲି ଆକ୍ଷାମାନେରି, ଏଚେଟିଏ ଦାରତି
ସାମ୍ବୁରି ଅଡ଼େ ଆମିନି ମାରୁନୁ ମୁହେଁ ଗାଲି ଝାଆପେଝା
ଇଞ୍ଜା ଗାଲିତି ଆକ୍ଷାମାନେରି । ୨ ଅଡ଼େ ନାନୁ ର
ଦୂତୁଇଁ ଝେଡ଼ା ହପୁଝାକିଟି ହଚାଝାଡ଼ାଣି ମେସେଏଁ, ଏଦାନି
କେୟୁତା ଜୀଝୁତି ମାହାପୁରୁତି ବୁରୁ ମୁଦ୍ରା ମାଚେ, ଏ ଦୂତୁ
ଦାରତି ଅଡ଼େ ସାମ୍ବୁରି ନସ୍ତ କିହାଲିତାକି ସାରିଗଟା ଦୂତୁକି
ଅଦିକାରା ହାହାମାଚେ, ଏଦି କାଜା ଗିୟାତଲେ ହାଟାନା
ଏଲେଇଚେ, ୩ “ମାମ୍ବୁ ମାହାପୁରୁତି ସେବା କିନାରି ମୁଞ୍ଜୁତା
ବୁରୁ ମୁଦ୍ରା ନାବଗାଆ ପାତେକା ମୀରୁ ଦାରତି, ସାମ୍ବୁରି, କି
ମାରକାଣି ନସ୍ତ କିଆଦୁ ।” ୪ ଏଚେଟିଏ ମୁଞ୍ଜୁତା ବୁରୁ ମୁଦ୍ରା
ନାବଗାନା କଡ଼ିତାରି ୧୪୪,୦୦୦ ଲକୁ ମାଚେରି ଇଞ୍ଜା
ନାନୁ ଝେଚେଏଁ ଏଝାରି ଇସ୍ରାୟେଲତି ବାର କୁଡ଼ାତି ଲକୁ
ମାଚେରି । ୫ ଜୀହୁଦା କୁଡ଼ାଟି ବାର ମାଣା ଲକୁଇଁ ବୁରୁ ମୁଦ୍ରା
କିହାମାନେସି, ରୁବେନ୍ କୁଡ଼ାଟି ବାର ମାଣା, ଗାଦ୍ କୁଡ଼ାଟି
ବାର ମାଣା, ୬ ଆସେର୍ କୁଡ଼ାଟି ବାର ମାଣା, ନପ୍ତାଲି କୁଡ଼ାଟି
ବାର ମାଣା, ମନସି କୁଡ଼ାଟି ବାର ମାଣା, ୭ ସିମିୟନ କୁଡ଼ାଟି
ବାର ମାଣା, ଲେବି କୁଡ଼ାଟି ବାର ମାଣା, ଇସାକାର କୁଡ଼ାଟି
ବାର ମାଣା, ୮ ସୁରୁଲୁନ୍ କୁଡ଼ାଟି ବାର ମାଣା, ଜସେପ କୁଡ଼ାଟି
ବାର ମାଣା, ବିନ୍ୟାମିନ୍ କୁଡ଼ାଟି ବାର ମାଣା ଲକୁଇଁ ବୁରୁ
ମୁଦ୍ରା କିହାମାନେସି ।

ଗାଡ଼ି ମାୟା ଲକୁ

୯ ଏଚେଟିଏ ନାନୁ ସିନିକିତେଏଁ ମେହ୍‌ବୁ ବାରେ
ଜାଡ଼ି, ବାରେ କୁଡ଼ା, ବାରେ ଦେସା, ବାରେ ହାଡ଼ା,
ଏଜିକିହାଲି ଆଡ଼ାଆଗାଟି ର ମାୟା ଲକୁ ଅଜିତି ଦବଲା
ହିମ୍ବରକା ହୁଚାନା କାଜୁରି ମାଟାୟାଁ କେୟୁତା ଆସାନା
ସିଂଗାସାଣି ଅଡ଼େ ମେଣ୍ଡା ତାଲୁ ନକିତା ନିଚାମାନେରି ।
୧୦ ଏଝାରି କାଜା ଗିୟାତଲେ ଏଲେଇଚେରି, “ଝାରୁଇ
ସିଂଗାସାଣିତା କୁଗାମାନି ମାହାପୁରୁ ଅଡ଼େ ମେଣ୍ଡା ତାଲୁ
ମାଙ୍ଗେ ଗେଲପାନାସି ।” ୧୧ ସିଂଗାସାଣି, ପ୍ରାଚିନାକା ଅଡ଼େ
ବାରେ ସାରିଗଟା ଜନ୍ତ ସାରିସୁରୁ ଲାକପୁରୁତି ଦୂତୁୟାଁ
ନିଚାମାନେରି, ଅଡ଼େ ସିଂଗାସାଣି ନକିତା ମୁନୁ କୁତାନା
ମାହାପୁରୁଇଁ ଜହରା କିହାନା, ୧୨ ଏଲେଇଚେରି, “ଆମେନ୍
ନେହାୟି, ଗାଝୁରମି, ବୁଦି, ଜହରା, ସାମ୍ବୁନି, ଅଦିକାରା
ଅଡ଼େ ବାଡ଼ୁୟୁ, କାଲାକାଲା ତାକି ମା ମାହାପୁରୁଝାୟି !
ଆମେନ୍ ।”

୧୩ ଅଡ଼େ ପ୍ରାଚିନାକା ବିତ୍ତାଟି ରଅସି ନାଙ୍ଗେ ଝେଞ୍ଜାତେସି,
“ଦବଲା ହିମ୍ବରକା ହୁଚାମାନି ଇ ଲକୁ ଆମ୍ବାଆରି ? ଅଡ଼େ
ଏଝାରି ଏମ୍ବିଟି ଝାହାମାନେରି ?” ୧୪ *ନାନୁ ଏଝାଣାଇଁ
ଏଲେଇଚେଏଁ, “ଏ ନା ପ୍ରବୁ ନାନୁଏ ଏଦାଆଁ ପୁଞ୍ଜାମାଞ୍ଜି”
ଏମ୍ବାଟିଏ ଏଝାସି ଏଲେଇଞ୍ଜାତେସି, “ଇଝାରି ଆଜିହପେତି
ସାସ୍ତି ଅରହାନା ହଚା ଝାହାମାନେରି, ଇଞ୍ଜା ମେଣ୍ଡା ତାଲୁତି
ନେତେରି ତଲେ ଏଝାରି ତାନି ହିମ୍ବରକା ରାଟାନା ଦବଲା

କିହାମାନେରି । ୧୫ ଏଦାଆଁତାକି ଏଞ୍ଜାରି ମାହାପୁରୁ ଇଲୁତି ସିଂଗାସାଣି ନକିତା ନିଚାମା ଲାଆଁ ମାଦେନା ଏଞ୍ଜାଣି ଜହରା କିନେରି, ଇଞ୍ଜା ସିଂଗାସାଣିତା କୁଗାମାନାସି ଏଞ୍ଜାରାକି ବାସାଟାୟୁ ହାନେସି । ୧୬ ଏଞ୍ଜାରାକି ଏଚେଲାଞ୍ଜା ହାକି କି ଏସୁକି ଆଏ; ଇଞ୍ଜା କାରା କି ଏନ୍ ଝେହୁନାୟି ତୀଗାଲି ଆଡେଏ । ୧୭ ଇଚିହୁଁ ସିଂଗାସାଣି ମାଦିତି ମେଣ୍ଡା ତାଲୁ ଏଞ୍ଜାରି ମେଣ୍ଡା ଗଡୁଆନେସି । ଅଡେ ଜୀଝୁହାନି ଏୟୁ ହଡ଼ିମାନି ତାଣା ଏଞ୍ଜାରାକି ତାକିକିହା ଅନେସି, ଅଡେ ମାହାପୁରୁ ଏଞ୍ଜାରି କାନୁତି ବାରେ କାଣ୍ଡୁ ଡେଜାତୁହନେସି ।”



ସାଡା ଲମ୍ବର ସାଲି

୧ ମେଣ୍ଡା ତାଲୁ ଏଚିବେଲା ସାଡା ଲମ୍ବର ସାଲି ଦେତି ଦେବୁଣିଏ ଲାକପୁରୁ ଆଦା ଗଂଟା ପାଡେକା ସାପିଆଡେ । ୨ ଏମ୍ବାଟିଏ ନାନୁ ମାହାପୁରୁ ନକିତା ନିଚାମାନି ସାଡା ଜାଣା ଦୁତୁୟାକି ମେସ୍ତେସି, ଏଞ୍ଜାରାକି ସାଡାଗଟା ତୀତ୍ରି ମହୁରି ହୀପକି ଆତୁ ।

୩ ଏମ୍ବାଟିଏ ଅଡେ ର ଦୁତୁ ଝାହାଁ ପିଣ୍ଡା ନକିତା ନିଚେ, ଏଦାନି କେୟୁତା ବାଂଗାରା ଦୁପଣି ସାଡ଼ଞ୍ଜା ମାଚେ, ଅଡେ ସିଂଗାସାଣି ନକିତି ବାଂଗାରା ପୂଜାପିଣ୍ଡା ଲାକ ବାରେ ମାହାପୁରୁ ଲକୁତି ପ୍ରାତାନା ତଲେ ହେରପାଲି ତାକି ହାରେକା ଦୁପଣି ହୀପକିଆଡେ । ୪ ଏମ୍ବାଟିଏ ଲାକପୁରୁ ଦୁତୁ କେୟୁତି ଦୁପଣି ବୟଁ ମାହାପୁରୁ ଲକୁତି ପ୍ରାତାନା ତଲେ ଆଣ୍ଡାନା ମାହାପୁରୁ ନକିତା ଏଗାଡେ । ୫ ତାୟୁ ଏ ଦୁତୁ ଦୁପଣି ସାଡ଼ଞ୍ଜାତା ପୂଜା ପିଣ୍ଡାତି ହିତୁତଲେ ନେଞ୍ଜିକିହାନା ଦାରତି ଲାକ ଡାଞ୍ଜିଡେ, ଏମ୍ବାଟି ହାଗୁ ଗୁଣ୍ଡେତେ ବିଜା ରିନି ହାଡା ଝେଞ୍ଜିଡେ ଇଞ୍ଜା ବୁମି ଝୀଡିଡେ ।

ତୀତ୍ରି ଉକିନାୟି

୬ ଏଚିବେଲା ସାଡା ଜାଣା ତୀତ୍ରି ଆସାମାନି ଦୁତୁୟାଁ ସାଡା ଜାଣା ତୀତ୍ରି ଉକାଲି ତିୟାରା ଆଡେତରି ।

୭ ର ଲମ୍ବର ଦୁତୁ ତାନି ତୀତ୍ରି ଉକିଡେ ଏଚେଟିଏ ନେଡେରି ତଲେ ଆକ୍ରିୟାଁ ଅଡେ ହିତୁ ଆଣ୍ଡୁଞ୍ଜି ଆହାଁ ଦାରତି ଲାକ ରିତୁ, ଇଞ୍ଜା ବାରେ ମାରନ୍ତୁ ମାଡା, ହିଇଲି ଜାଡା ତଲେ ଦାରତିତ ତାନି ବାଗାଟି ର ବାଗା ବାରେ ଝେହା ହାଚେ ।

୮ ଏଚେଟିଏ ରୀ ଲମ୍ବର ଦୁତୁ ତାନି ତୀତ୍ରି ଉକିନି ଦେବୁଣିଏ ଡାଞ୍ଜିମାନି ର କାଜା ହୁରୁ ଲେହେଁତାୟି ସାମ୍ବୁରି ଲାକ ରୀଡେ ଇଞ୍ଜା ସାମ୍ବୁରିତି ଏୟୁ ତାନି ବାଗାଟି ର ବାଗା ନେଡେରି ଆହାହାତୁ । ୯ ସାମ୍ବୁରିତା ମାନି ତାନି ବାଗାଟି ର ବାଗା ଜୀଝୁ ଗାଗାଇ ହାହାହାତୁ, ଅଡେ ସାମ୍ବୁରିତା ମାନି ଜାଜାୟାଁ ତାନି ବାଗାଟି ର ବାଗା ଜାଜାୟାଁ ବିଡ଼ହାହାତୁ ।

୧୦ ତାନି ଲମ୍ବର ଦୁତୁ ତୀତ୍ରି ଉକିଡେସି, ଇଞ୍ଜା ଦେବୁଣିଏ ହିତୁ ବନ୍ଦାଲେହେଁ ଡାଞ୍ଜିମାନି ର କାଜା ହୁକା ହାଗୁଟି ତାନି ବାଗା କାଡା ଅଡେ ଉସାଣାଁ ରୀଡେ । ୧୧ ଏ ହୁକାତି ଦରୁ “କାମ୍ବେଲି” ଏଚେଟିଏ ତାନି ବାଗାଟିଏ ର ବାଗା ଏୟୁ

କାମ୍ବେଲି ଆତୁ, ଇଞ୍ଜା ହାରେକା ଲକୁ ଏୟୁ ଗସାନା ହାଡେରି, ଇଚିହୁଁ ଏଞ୍ଜି କାମ୍ବେଲି କିଞ୍ଜି ଆହାମାତୁ ।

୧୨ ସାରି ଲମ୍ବର ଦୁତୁ ତୀତ୍ରି ଉକିଡେସି ଇଞ୍ଜା ଝେଡା, ଲେଞ୍ଜୁ ହୁକାୟାଁତି ବାରେ ତାନି ବାଗାଟି ର ବାଗା ନସୁ ଆତୁ, ଇଞ୍ଜା ତାନି ବାଗାଟି ର ବାଗା ଉଜେଡି ଉଣା ଆଡେ, ଇଞ୍ଜା ଲାଆଁୟାଁ ମାଦେନା ତାନି ବାଗାଟି ର ବାଗା ଉଜେଡି ଉଣା ଆଡେ ।

୧୩ ତାୟୁ ନାନୁ ମେସ୍ତେସି, ହାଗୁତି ମାଦି ଉମ୍ବିମାନି ର ଲେଡୁ କାଜା ହାଡାତଲେ ଏଲେଇଞ୍ଜିମାଚାଣି ଝେଚେସି, ଆହା ! ଦାରତିତା ବାସା ଆହାମାନି ଲକୁ ଆଜିହପେତି ତଣ୍ଡ ବେଟାଆନାରି, ଇଚିହୁଁ ଅଡେ ତାନି ଜାଣା ଦୁତୁୟାଁ ତୀତ୍ରି ଉକାଲି ହାଜିମାନେରି ।



୧ ଏଚେଟିଏ ପାସା ଲମ୍ବର ଦୁତୁ ତୀତ୍ରି ଉକିଡେସି ନାନୁ ର ହୁକା ହାଗୁଟି ଦାରତିତା ରିତାଣି ମେସ୍ତେସି, ଏଞ୍ଜାଣାକି ତାଡେପୁରୁତି କୁଟିକାଡି ହୀପକି ଆହାମାଚେ । ୨ ଏଞ୍ଜାସି ଏ ତାଡେପୁରୁ ଗାଡୁୟୁ ଦେଚାଲିଏ ଏମ୍ବାଟି କାଜା ହଲୁତା ହନିଲେହେଁ ବୟଁ ହଡ଼ାଞ୍ଜାଡେ, ଇଞ୍ଜା ଏ ହିତୁ ଗାଡୁୟୁତି ବୟଁ ତାକି ଝେଡା ଇଞ୍ଜା ହାଗୁ ଆଦେରି ଆଡେ । ୩ ଏ ବୟଁଟି ଗପ୍ପରିକା ହଡ଼ାନା ଦାରତିତା ଝାତୁ, ଏଞ୍ଜାସିକାକି ଦାରତିତି କାଚାକୁପିତା ମାନି ବାସାତି ବାଡୁୟୁ ହୀପକିଆଡେ । ୪ ଏଞ୍ଜି ଦାରତିତି ମାରକା ଗଟା ଜାଡାତି ନସୁ କିଆନା, ଆମ୍ବାଆରି ମୁଞ୍ଜୁତା ମାହାପୁରୁତି ବୁତୁ ମୁତ୍ରା ହିଲାଆଡେ ଏଞ୍ଜାରାକି କସୁ ହୀହାଲି ଏଲେଇଞ୍ଜି ଆଡେ । ୫ ଏଞ୍ଜାରାକି ପାୟାଆନା ପାସା ଲେଞ୍ଜୁ ତାକି କସୁ ହୀହାଲି ଗପ୍ପରିକାକି ଅଦିକାରା ହୀପକିଆଡେ, କାଚାକୁପି କାଚିଡେ ଇଚିସାରେ ଏନିକିଁ ବାସା ଆନେ ଏ କସୁ ଏଲେତାୟି । ୬ ଏଚିବେଲା ଲକୁ ହାହାଲି ଅଣ୍ଡିନେରି ସାମା ହାଅରି, ଏଞ୍ଜାରି ହାହାଲି ଅଣ୍ଡିନେରି, ସାମା ହାକି ଏଞ୍ଜାରି ତାଣାଟି ହଚାତୁହନେ ।

୭ ଏ ଗପ୍ପରିକା ଜୁଜୁତା ହାଜାଲି ତିୟାରା ଆହାମାନି ଗଡାୟାଁ ଲେହେଁ ତଞ୍ଜାଆହିମାତୁ, ଏଞ୍ଜାସିକା ତାର୍କାଣା ବାଂଗାରା ଟପେରି ଲେହେଁ ପିଡ଼ଗି ଆହାମାଚେ, ଏଞ୍ଜାସିକା ମୁମ୍ବୁ ମାଣ୍ଡସି ମୁମ୍ବୁ ଲେହେଁ ମାଚେ । ୮ ଇୟାସିକା ତାୟଁ ବାଣାୟାଁ ଲେହେଁ ଏଞ୍ଜାସିକା ବାଣାୟାଁ, ସିହଁ କ୍ଳାଞ୍ଜିତି ପାଲକା ଲେହେଁତି ତାନି ପାଲକା ମାତୁ । ୯ ତାନି ବକତା ଲହ ପାଟା ଲେହେଁତି ପାଟା, ତାନି ମାରାୟାଁ ଝୀଡିମାନି ହାଡା ଜୁଜୁ ତାକି ଗଡାୟାଁ ରାତାୟାଁଣି ରେଜା ଅହିମାନି ଲେହେଁତି ହାଡା । ୧୦ କାଚାକୁପିତି ଲେଂଗୁଣି ଇଞ୍ଜା ବାସା ସୂଜା ଲେହେଁ ଏଞ୍ଜାସିକାକି ଲେଂଗୁଣି ଅଡେ ବାସା ସୂଜା ମାଚେ, ପାସା ଲେଞ୍ଜୁ ତାକି ମାଣ୍ଡସିୟାଁକି ସାସ୍ତି ହିୟାଲି ଏଞ୍ଜାସିକା ଲେଂଗୁଣିକାଣା ବାଡୁୟୁ ବେଟାଆହାମାତୁ । ୧୧ ଏଞ୍ଜାସିକା ମୁହେଁ ର ରାଜା ସାଲକି କିହିମାନେସି, ଏଞ୍ଜାସି ତାଡେପୁରୁ ଗାଡୁୟୁତି ଦୁତୁ, ଏଦାନି ଦରୁ ଏବି ହାଡାତଲେ ଆବାଦନ୍ ଅଡେ ଗ୍ରିକ୍ ହାଡାତଲେ ଅପଲିୟନ୍ ଇଚିସାରେ “ନାସା କିନାଇ ।”

୧୨ ତଲିତି ଆଜିହପେତି ଡଣ୍ଡ ଉଣା ଆଡେ ଅଡେ ଜଡେକା ଆଜିହପେତି ଡଣ୍ଡାଁ ଖାହିମାନୁ ।

୧୩ ସ ଲମ୍ବର ଦୁତୁ ତାତ୍ରି ଉକିତେସି, ଇଞ୍ଜା ନାନୁ ମାହାପୁରୁ ନକିତି ବାଂଗାରା ପୂଜା ପିଣ୍ଡାତି ସାରିଗଟା କମ୍‌କା ବିତାଟି ର ହାଡ଼ା ଝେରେଏ । ୧୪ ଏଦି ତାତ୍ରି ଆସାମାନି ସ ଲମ୍ବର ଦୁତୁଇଁ ଏଲେଇଚେ, “ପରାଡ଼ କାଜା କାତାତା ଦସପି ଆହାମାନି ସାରି ଜାଣା ଦୁତୁୟାଁଇଁ ପିସପି କିମ୍ପୁ ।” ୧୫ ଏମାଟିଏ ମାଣସିୟାଁଇଁ ତାନି ବାଗାଟି ର ବାଗା ଲକୁଇଁ ପାୟାଲି ତାକି ତିୟାରା ଆହାମାନି ଆମିନି ସାରି ଜାଣା ଦୁତୁୟାଁଇଁ ଏ ଦିନା, ଲେଞ୍ଜୁ, ଅଡେ ବାର୍ଯା କିଝି ଆହାମାଚେ ଏଝାରାଇଁ ପିସପି କିଝିଆଡେ । ୧୬ ଗଡ଼ାୟାଁ ଲାକ କୁଗାନା ଜୁଜୁ କିନାରି ରୀ କଟି ମାଚେରି ନାନୁ ଝେରେଏ । ୧୭ ଅଡେ ନାନୁ ଗଡ଼ା ଇଞ୍ଜା ଏମାଆଁ ହଟାମାନାରାଇଁ ମେସ୍‌ସେଏ, ଏଝାରି ବକ ପାଟା ହିରୁ ଅଡେ ନାଲି, ହୀଙ୍ଗେରି ଝାଣା; ଗଡ଼ାୟାଁତି ତାର୍‌କା ସିହଁକ୍‌କ୍‌ଠାନି ତାର୍‌କା ଲେହେଁ, ଇଞ୍ଜା ଏଝାସିକା ଗୁଟିଟି ହିରୁ, ବୟ, ଅଡେ ଗାନ୍ଦାଗୁଣ୍ଡା ହଟିମାଚେ । ୧୮ ଏଝାସିକା ଗୁଟିଟି ହିରୁ, ବୟ, ଅଡେ ଗାନ୍ଦାଗୁଣ୍ଡା ଲେହେଁ ଇ ତାନିଗଟା ଡଣ୍ଡାଁ ହତୁ, ଇ ଡଣ୍ଡାଁଟି ମାଣସିୟାଁ ତାନି ବାଗାଟି ର ବାଗା ପାୟାଝି ଆଡେରି । ୧୯ ଏନାଆଁତାକି ଇଚିହଁ ଗଡ଼ାୟାଁତି ବାଡ଼ୟୁ ତାନି ଗୁତି ଅଡେ ଲେଂଗୁଣିତା ମାଚେ, ଇଚିହଁ ଏଝାସିକା ଲେଂଗୁଣିକା ତାୟାଁ ଗୁାଟି ରାଚୁ ଲେହେଁ ମାଚାକି ତାନି ଲେଂଗୁଣିକା ତଲେ ଲକୁଣି ନସ୍ତୁ କିହିମାଚୁ ।

୨୦ ଆମିନି ଲକୁ ଇ କସ୍ତତଲେ ପାୟାଝି ଆହା ହିଲାଆଡେରି, ଏଝାରି ତାନି କେୟୁତଲେ କିତି କାମାତାକି ମନ ଝେଟ୍‌ପି କିଆଡେରି, ଇଚିହଁ ବୁତୁୟାଁଣି ପୂଜା, ଅଡେ ମେସାଲି, ଝେଞ୍ଜାଲି, ତାକାଲି ଆଡ଼ାଆଗାଟି ବାଂଗାରା, ଝେଣ୍ଡି, ପିତାଡ଼ା, ଝାଲକା ଅଡେ ମାରକା ତଲେ କେପିତି ପେଣ୍‌କା ବମାୟାଁଣି ପୂଜା କିହାଲି ପିହ୍‌ଆଡେରି । ୨୧ ଅଡେ ଏଝାରି ଲକୁଣି ପାୟିନାୟି, ଗୁଣି ଗାରୁଡ଼ି, ଦାରିକାମା, ଅଡେ ସରୁ କାମା କିନିତାଣାଟି ମନ ଝେଟ୍‌ଆଡେରି ।

୧୦

ଲାକପୁରୁତି ଦୁତୁ ଅଡେ ରୁପିତି ଉଣା ପତି

୧ ଏଚେଟିଏ ନାନୁ ର ବାଡ଼ୟୁଗାଟି ଦୁତୁଇଁ ଲାକପୁରୁତି ରେଟା ଝାହିମାଚାଣି ମେସ୍‌ସେଏ, ଏଦାନି ସାରିସ୍ତୁ ଦୁହା ଇଞ୍ଜା ତାନି ତାୟାଁ ଲାକ ଦାରଣକି ଅଡେ ତାନି ମୂମ୍ପୁ ଝେଡ଼ା ଲେହେଁ ଅଡେ ତାନି କଡ଼ାୟାଁ ହିରୁ ମୁଣ୍ଡାଲେହେଁ ତଞ୍ଜାଆହିମାଚୁ; ୨ ତାନି କେୟୁତା ଦେପି ଆହାମାନି ର ଉଣା ତଲୁ ପତି, ଏଦି ତାନି ଚିଠନି କଡ଼ା ସାମ୍‌ଦୁରିତା ଅଡେ ଚେଟ୍‌ଟି କଡ଼ା ଦାରୁତିତା ଇଟାମାଚେ; ୩ ସିହଁକ୍‌କ୍‌ଠାନି ଗାଜ୍‌ନିଲେହେଁ କାଜା ହାଡ଼ାତଲେ ହାଟିତେ, ଏଦି ହାଟାଲିଏ ଏଲେକିହଁ ଏ ସାଡ଼ାଗଟା ହାଗୁ ଗୁଣନାଇ ତାନି ହାଡ଼ା ଝେଙ୍ଗି କିତୁ । ୪ ଏ ସାଡ଼ାଗଟା ହାଗୁ ଗୁଣନାଇ ଝେସାଲିଏ ନାନୁ ରାଡ଼ିଇଁ

ଇଞ୍ଜା ତିୟାରା ଆଡେଏ, ଏଚେଟିଏ ନା ତାକି ହାଗୁଟି ଇ ହାଡ଼ା ଝେରେଏ, “ଏ ସାଡ଼ାଗଟା ହାଗୁ ଗୁଣନିତାଣାଟି ଏନାଆଁ ଝେଞ୍ଜାମାଞ୍ଜି ଏଦାଆଁ ରାଟାଆନା ଡ଼କ୍‌ହା ଇଟାମୁ ।”

୫ ଏଚେଟିଏ ଆମିନି ଦୁତୁଇଁ ସାମ୍‌ଦୁରି ଅଡେ ଦାରୁତି ଲାକ ନିତାମାଚାଣି ନାନୁ ମେସାମାଚେଏ, ଏଝାସି ତାନି ଚିଠନି କେୟୁ ଲାକପୁରୁ ଝାକି ଦାସାନା ୬ ଆମ୍ବାଆସି ଲାକପୁରୁ, ଦାରୁତି, ସାମ୍‌ଦୁରି, ଅଡେ ଏମାଆଁ ମାନାଣି ବାରେ ଗାଡ଼ି କିହାମାନେସି, ଏ କାଲେଏ ତାକି ନୀତାମାନାଣି ଦରୁଟି ପାରମାଣା କିହାନା ଏଲେଇଚେସି, “ଅଡେ ଝେଡ଼ା ଆଏଦେଁ” ୭ ଏଚିବେଲାତା ସାଡ଼ା ଲମ୍ବର ଦୁତୁ ତାତ୍ରି ଉକିନେ, ମାହାପୁରୁ ଅଣ୍‌ପୁତି ବଲ୍ଲୁ ଝେକ୍‌ନାରି ଅଡେ ତାନି ସେବା କିନାରାଇଁ ନେହଁ କାଚୁ ଝେସାମାଚେସି, ଏଚିବେଲା ମାହାପୁରୁ ତାନି ଡ଼ଗୁାମାନି ଅଣ୍‌ପୁ ପୁରା କିନେସି ।

୮ ଇଞ୍ଜା ନାନୁ ଲାକପୁରୁଟି ଆମିନି ହାଡ଼ା ଝେଞ୍ଜା ମାଚେଏ, ଅଡେ ଝେଣ୍ଡେ ନା ତାକି ଏଲେଇଞ୍ଜି ଝେଙ୍ଗିତେ, “ହାଲାମୁ, ସାମ୍‌ଦୁରି ଅଡେ ଦାରୁତି ଲାକ ନିତାମାନି ଦୁତୁ କେୟୁତା ଆମିନି ତଲୁ ପତି ଦେପିଆହାମାନେ ଏଦାଆଁ ଅମୁ ।”

୯ ଏଚେଟିଏ ନାନୁ ଏ ଦୁତୁ ତାଗେ ହାଜାହାଁ ଏ ଉଣା ତଲୁ ପତିତି ରୀସ୍‌ସେଏ, ଏଝାସି ନାଙ୍ଗେ ଏଲେଇଞ୍ଜାତେସି, “ଇଦାଆଁ ଅହାଁ ତିନାମୁ; ଇଦି ନୀ ବାଣ୍ଡିତି କାମ୍‌ଲେଲି କିୟାନେ ସାମା ନୀ ଗୁତି ତାକି କିୟାଁ ଲେହେଁ ଆନେ ।” ୧୦ ଏଚେଟିଏ ନାନୁ ଦୁତୁ କେୟୁଟି ଏ ଉଣା ତଲୁ ପତି ଅହାଁ ତିଚେଏ, ଏଦି ନା ଗୁତି ତାକି କିୟାଁ ଲେହେଁ ଆଡେ, ସାମା ଏଦାଆଁ ତିତି ଡ଼ାୟୁ ନା ବାଣ୍ଡି କାମ୍‌ଲେଲି ଆହାହାଚେ ।

୧୧ ଏଚେଟିଏ ନାଙ୍ଗେ ଏଲେଇଞ୍ଜି ଝେସ୍ତାତେସି ହାଡ଼େକା ଗଟି, କୁଡ଼ା, ହାଡ଼ା ଗାଟାରି ଅଡେ ରାଜାୟାଁ କପାଟି ଡ଼ାୟୁ ଏନାୟି ଗଟ୍‌ଝି ଆନେ ଏଦାଆଁ ନାନୁ ଅଡେ ଝେଣ୍ଡେ ଝେହ୍‌ନାୟି ମାନେ ।

୧୧

ରିଆରି ସାକି ହାନାରି

୧ ଏଚେଟିଏ ନାଙ୍ଗେ ଲାଟିନି ଲେହେଁତି ର ବାଡ଼ଗା ହାପକିଆଡେ, ରଅସି ନାଙ୍ଗେ ଏଲେଇଞ୍ଜାତେସି, “ହାଲାମୁ, ମାହାପୁରୁ ଦେଝୁଡ଼ି, ପୂଜାପିଣ୍ଡା ଲାଟାମୁ ଅଡେ ଆମ୍ବାଆରି ଏମାଆଁ ପ୍ରାଡ଼ାନା କିନେରି ଏଝାରାଇଁ ଏଜିକିମୁ । ୨ *ସାମା ଦେଝୁଡ଼ି ପାଙ୍ଗାଟି ଆଂଗେଣିତି ପିହ୍‌ମୁ ଏଦାଆଁ ଲାଟାଆନି, ଇଚିହଁ ଏଦି ଜୀହୁଦିଆଆତାରାକି ହାପକି ଆହାମାନେ, ଏଝାରି ରୀ କଡ଼ି ରୀ ଲେଞ୍ଜୁ ପାଚେକା ମାହାପୁରୁ ସୁଦୁ ଗାଡ଼ାତି କଡ଼ାତଲେ ଝିସାନା ଦୁଡ଼ି କିନେରି । ୩ ଅଡେ ନାନୁ ନା ରୀ ସାକିୟାଁଇଁ ପାଣ୍ଡିଇଁ ଏଝାରି ବାସ୍ତାୟାଁ ପରହାନା ୧,୨୬୦ ଦିନା ପାଚେକା ମାହାପୁରୁ ଅଣ୍‌ପୁତି ବଲ୍ଲୁ ଝେକ୍‌ନେରି ।”

୪ ଏଝାରି ଦାରୁତିତି ପ୍ରବୁତି ନକିତା ନିତାମାନି ରୀ ଜୀତ ମାରକା ଅଡେ ରୀ ଦୀଝି ସଡ଼ାୟାଁ ଲେହେଁତାରି । ୫ ଆମ୍ବାଆସି ଏଝାରାଇଁ ନସ୍ତୁ କିହାଲି ଅଣ୍‌ପିନେସି, ଆତିହଁ

☆ ୧୧:୨ ୧୧:୨ ଲୁକ ୨୧:୨୪

ଏଞ୍ଜାରି ଗୁଡିକି ହିରୁ ହରାହାଁ ଏଞ୍ଜାରି ସାତୁୟାଁଙ୍କ ନାସାକିନେ, ଆମ୍ବାଆସି ଏଞ୍ଜାରାଙ୍କ ନସ୍ତ କିହାଲି ଅଣ୍ପିତିହୁଁ, ଏଞ୍ଜାସି ନାସା ଆନେସି । ୬ ଏଞ୍ଜାରି ମାହାପୁରୁ ବଲ୍ଲୁ ଝେକ୍‌ନାଟି ଏନିକ୍‌ ପିୟୁ ଆଏ ଏଦାଆଁତାକି ହାଗୁଡି ସୁଶାଲି ଅଦିକାରା ହାପକି ଆହାମାନେ, ଏଚର ଦେବା ଏଞ୍ଜାରି ମନ୍ ଆନେ ଏଚର ଦେବା ଏଞ୍ଜାରି ଏୟୁଣି ନେତେରି ମ୍ପିପହାଲି ଅଡେ ଦାର୍ତିତି ଏନି ଇତି ଏଲେତି ମର୍ଡି ତଲେ ଡଣ୍ଡ ହାହାଲି ଏଞ୍ଜାରାକି ଅଦିକାରା ମାନେ ।

୭ ✨ଏଞ୍ଜାରି ସାକି ହାହାଲି ରାଡି ତାୟୁ ତାଡେପୁରୁ ଗାଡୁୟୁଡି ର ଜନ୍ତ ହରାଞ୍ଜାହାନା, ଏଞ୍ଜାରିତଲେ ଜୁଜୁ କିନେ । ୮ ଏମ୍ବାତି ଏମିନି କାଜା ଗାଡା ସୁଦୁଜାଞ୍ଜୁ ତଲେ ସଦମ ଅଡେ ମିସର ଇଞ୍ଜୁଁ ଇନେରି, ଏମିନିତାଣା ତାମି ପ୍ରୁ ଜିକେଏ ପାସିତା ହାହାମାଚେସି, ଏ କାଜା ଗାଡାତି ଆଂଗେଣିତା ଏଞ୍ଜାରି ମାଡହାୟାଁ ଡୟିନୁ । ୯ ଅଡେ ବାରେ ଦେସା ଗତି, ହାଡା, ଇଞ୍ଜାଁ କୁଲୁଡି ଲକୁ ତାନିଦିନା ଆଦା ପାତେକା ଏଞ୍ଜାରି ମାଡହାୟାଁଙ୍କ ମେହନେରି ଅଡେ ଏ ମାଡହାୟାଁଙ୍କ ମୁସାଲି ହେଲ ହାଅରି । ୧୦ ଏଚେଟିଏ ଦାର୍ତିତା ବାସା ଆହାମାନାରି ଏଞ୍ଜାରି ହାଡି କାଡୁ ଝେଞ୍ଜାନା ଡିଞ୍ଜି ଉଣ୍ଡିହୁଁ ରାହାଁ କିନେରି, ଅଡେ ରଅସି ରଅଶାକି ରାହାଁତଲେ ବେଟୁ ହାପକି ଆନେରି, ଇତିହୁଁ ଇ ରୀ ମାହାପୁରୁ ଅଣ୍ପୁଡି ବଲ୍ଲୁ ଝେହନାରି ଦାର୍ତିତି ଲକୁଣି କସ୍ତ ହାହିମାଚେରି । ୧୧ ତାନିଦିନା ଆଦା ତାୟୁ ମାହାପୁରୁ ତାଣାଟି ଜାଞ୍ଜୁଡି ଗାଲି ଖାହାଁ ଏଞ୍ଜାରି ଆଜାତା ହଚେ, ଏଚେଟିଏ ଏଞ୍ଜାରି କଡାଁଣି ବାଡୁୟୁ କିହାନା ନିତେରି, ଅଡେ ଆମ୍ବାଆରି ଇ କାମାତି ମେସ୍ତେରି ଏଞ୍ଜାରି ଆଜାହାଚେରି । ୧୨ ଏଚେଟିଏ ଏଞ୍ଜାରି ଲାକପୁରୁଟି ର କାଜା ହାଡାତଲେ ଏ ରିଆରାକି ଏଲେ ଇଞ୍ଜିମାଗାଣି ଝେଚେରି, “ଇମ୍ବାଆଁ ଖାଦୁ” ଏଚେଟିଏ ଏଞ୍ଜାରି ତାମି ସାତୁୟାଁ ଏଞ୍ଜାରାଙ୍କ ମେସ୍ତପନିଏ ଦୁହା ତଲେ ଲାକପୁରୁ ହାଚେରି । ୧୩ ✨ଏ ଦେବୁଣିଏ ବୁମି ହାଚେକା ଖାଡିତେ ଅଡେ ଗାଡାତି ଦସ ବାଗାଟି ର ବାଗା ନାସା ଆଡେ, ଅଡେ ୭,୦୦୦ ଲକୁ ହାଡେରି, ଇଞ୍ଜାଁ ଏଚେକା ଲକୁ ନୀତାମାଚେରି ଆଜିତାକି ଲାକପୁରୁଟି ମାହାପୁରୁଙ୍କ ଗାଞ୍ଜୁରମି କିତେରି ।

୧୪ ରୀ ଲମ୍ବର ଆଜିହପେଡି ଡଣ୍ଡ ରାଡେ, ସାମା ତାନି ଲମ୍ବର ଆଜିହପେଡି ଡଣ୍ଡ ତବେ ଖାହିମାନେ ।

ସାତା ଲମ୍ବର ତାଡି ମହୁରି

୧୫ ତାୟୁ ସାତା ଲମ୍ବର ଦୁଡୁ ତାଡି ଉକିତେସି ଇଞ୍ଜାଁ ଲାକପୁରୁ କାଜା ହାଡାତଲେ ଇ ହାଡା ଝେଞ୍ଜିତେ, “ମା ପ୍ରୁ ଅଡେ ଏଞ୍ଜାଣି ମସିହା ଦାର୍ତିତି ସାଲୁଞ୍ଜି କିନି ଅଦିକାରା ନୀର୍ ତାନି କେୟୁତା ଅହାମାନେସି, ଏଞ୍ଜାସି କାଲେଏ ତାକି ରାଜି କିନେସି ।” ୧୬ ଏଚେଟିଏ ମାହାପୁରୁ ନକିତା ଜାହା ଜାହାରା ସିଂଗାସାଣିତା କୁଗାମାନି କଡେ ସାରି ଜାଣା ପ୍ରାରିନାଜା ମୁନୁ କୁତାହାଁ ମାହାପୁରୁଙ୍କ ଜହରା କିହାଁ, ୧୭ ଏଲେଇଚେରି,

“ପ୍ରୁ, ବାରେକିହାଁ ବାଡୁୟୁଗାଟି ମାହାପୁରୁ, ନୀନୁ ନୀର୍ ଅଡେ ତଲିତାତି, ମାୟୁ ନିଞ୍ଜେ ଜହରା କିହିମାଞ୍ଜାନମି;

ଏନାଆଁତାକି ଇତିହୁଁ ନୀନୁ ନୀ କାଜା ବାଡୁୟୁ ତଲେ ସାଲୁଞ୍ଜି କିୟାଲି ଅଦିକାରା ନୀଞ୍ଜୁଟିଏ ଅହାମାଞ୍ଜି ।

୧୮ ଜୀହୁଦିଆଆତାରି କାର୍‌ବି ଆହାମାଚେରି, ସାମା ନୀର୍ ନୀ କପା ଆନି ଦିନା ଖାଡେ, ଇଞ୍ଜାଁ ହାଡାରି ନୀର୍ ନୀହାଁୟି କିଞ୍ଜିଆନେରି, ଇଞ୍ଜାଁ ନୀ ହଲିୟାଜା ମାହାପୁରୁ ଅଣ୍ପୁଡି ବଲ୍ଲୁ ଝେହନାରି, ମାହାପୁରୁ ଲକୁ, ଅଡେ ନୀ ଦରୁଡି ଆଜିନି କାଜାରି ଇଚାରି ବାରେ ଲକୁ ଦାନା ବେଟାଆନେରି, ଅଡେ ଆମ୍ବାଆରି ଦାର୍ତିତି ନାସା କିନେରି ଏଞ୍ଜାରି ଜିକେଏ ନାସା ଆନେରି ।”

୧୯ ✨ଏଚେଟିଏ ଲାକପୁରୁ ମାନି ମାହାପୁରୁଡି ଇଲୁଡି ଦାରା ଦେପିଆଡେ, ଅଡେ ତାନି ଇଲୁଡା ମାନି ରାଜିମାନାଡି ପେଡା ତଞ୍ଜାଆଡେ, ଅଡେ ବିଲିବାଲା ମ୍ପୁହନାୟି, ହାଚେକା ଗିୟାଁ, ହାଗୁ ଗୁଣ୍ଡି ହାଡା, ଇଞ୍ଜାଁ ବୁମି ଖାଡିତେ ଅଡେ ହାଚେକା ଆଜିୟାଁ ରିଡୁ ।

୧୨

ଆୟାଟି ଅଡେ ରାଡୁ

୧ ତାୟୁ କାବାଆନି ଲେହେଁତି ସିନା ହାଗୁଡା ତଞ୍ଜାଆଡେ, ର ଆୟାଟି ଲେଞ୍ଜୁ ଲାକ ନିଚାମାଚେ ଅଡେ ଝେଡାଡି ଉଜେଡି ପର୍‌ହାମାଚେ । ଏଦାଣି ତାୟୁଁ ତୁ ବାଚଗଟା ହୁକାୟାଁଗାଟି ଟପେରି ମାଚେ । ୨ ଏଦି ପୁରା ମାସା ଆହାନା ଜାନି କିନି ବେଲାତା ଲୁଞ୍ଜିନି ବାସା ତାକି କସ୍ତ ବେଟାଆହିମାଚେ ।

୩ ଏଚିବେଲା ହାଗୁ ଲାକ କାବାଆନି ର ସିନା ତଞ୍ଜାଆଡେ, ଏମ୍ବାଆଁ ପାଡୁ ଖାଣାଗାଟି କାଜା ରାଡୁ ଏ ରାଡୁକି ସାଡାଗଟା ତାକା, ଇଞ୍ଜାଁ ଦସଗଟା କମ୍‌କା, ଅଡେ ତାକା ଲାକ ସାଡାଗଟା ଟପେରିକା ମାଡୁ । ୪ ତାନି ଲେଂଗୁଣି ତଲେ ହାଗୁଡି ତାନି ବାଗା ହୁକାୟାଁଣି ଦାର୍ତି ଲାକ ମେଡହେ, ଇଞ୍ଜାଁ ଏ ରାଡୁ, ଜାନି କିନି ଦେବୁଣିଏ ଇୟାନି ତାଲୁଡି ଗୁସାଲି ଏଦାନି ନକିତା ନିତେ । ୫ ଆମ୍ବାଆସି ବାରେ କୁଡାଡି ଲକୁଣି ଲହ ବାଡୁଗା ତଲେ ସାଲୁଞ୍ଜି କିନେସି ଇଲେତି ର କକାଣି ତାଲୁଇଁ ଏ ଇୟା ଜାନି କିତେ, ଅଡେ କକାଣି ତାଲୁଇଁ ମାହାପୁରୁ ଇଞ୍ଜାଁ ତାନି ସିଂଗାସାଣି ନକିତା ପେର୍‌ହା ଅଞ୍ଜିଆଡେ । ୬ ଅଡେ ଏ ଇୟା ଲକୁ ହିଲାଆ ବାଗାତା ହଚେ, ଏମ୍ବାଆଁ ୧,୨୬୦ ଦିନା ପାତେକା ପହିକିଞ୍ଜି ଆୟାଲି ମାହାପୁରୁ ତାଣାଟି ଏମ୍ବାଆଁ ଏଦାନାକି ର ଟାୟୁ କେପି ଆହାମାଚେ ।

୭ ✨ଏମ୍ବାଟିଏ ଲାକପୁରୁ ଜୁଜୁ ଆଡେ, ମିକାୟେଲ ଅଡେ ତାନି ଦୁଡୁୟାଁ ଏ ରାଡୁ ତଲେ ଜୁଜୁ କିଡୁ, ଏଚେଟିଏ ଏ ରାଡୁ ଅଡେ ତାନି ଦୁଡୁୟାଁ ଜିକେଏ ଜୁଜୁ କିଡୁ । ୮ ସାମା ରାଡୁ ଇଞ୍ଜାଁ ତାନି ଦୁଡୁୟାଁ ଜୀଣା ଆହାଲି ଆଡାଆଡୁ, ଇଞ୍ଜାଁ

✨ ୧୧:୬ ୧୧:୬ ଝେ ବଲ୍ଲୁ ୧୩:୫-୭; ୧୭:୮ ✨ ୧୧:୧୩ ୧୧:୧୩ ଝେ ବଲ୍ଲୁ ୬:୧୨; ୧୭:୧୮ ✨ ୧୧:୧୯ ୧୧:୧୯ ଝେ ବଲ୍ଲୁ ୮:୫; ୧୭:୧୮; ଝେ ବଲ୍ଲୁ ୧୭:୨୧ ✨ ୧୨:୬ ୧୨:୬ ଜୀହୁଦା ୧:୯ ✨ ୧୨:୯ ୧୨:୯ ଲୁକ ୧୦:୧୮

ଲୀକପୁରୁ ଏଝି ଚାୟୁ ବେଟାଆଆତୁ । ୯ ✱ଏଚିବେଲା ଦାର୍ତ୍ତିତ ନାଡ଼ିକିନି ପଲ୍ଲୁଆ ପେନ୍ନୁ ଇଞ୍ଜା ସୟତାନ ଦରୁଟି ଝେକ୍‌ହି କାଜା ରାଚୁ ଏ ପ୍ଲୁଃଇ ନାଚା, ଏଦି ତାନି ଦୂତୁୟା ତଲେ ଦାର୍ତ୍ତିତା ମେଡ଼ପି ଆଡେ ।

୧୦ ଏଚେଟିଏ ଲୀକପୁରୁଟି ଏଲେଇଞ୍ଜି ର କାଜା ହାଡ଼ା ଝେଚେଏ, ନୀଏ ମାହାପୁରୁ ତାଣାଟି ଗେଲ୍‌ପିନାୟି ଏଗାଝାଡେ, ତାନି ରାଜି ଅଡେ ବାଡ଼ୁୟୁ ଇଞ୍ଜା କ୍ରୀସ୍ତତି ଅଦିକାରା ଝାହାମାନେ, ଇଚିହ୍ ଆମିନି ସାତୁ ମା ତାୟି ତାଜିସ୍ତା କପାଟି ନିଜ୍ଞାନା ଲାଆଁ ମାଦେନା ମାହାପୁରୁ ନକିତା ଦାଝା କିହିମାଚେ, ଏଦି ଲୀକପୁରୁଟି ଦାର୍ତ୍ତିତା ମେଡ଼ପି ଆହାମାନେ । ୧୧ ଏଝାରି ମେଣ୍ଡା ତାଲୁତି ନେତେରି ତଲେ ଅଡେ ଝେକ୍‌ହାମାନି ସାତା କାତାତଲେ ଜୀଣା ଆହାମାନେରି ଇଞ୍ଜା ଏଝାରି ହାହାଲିତାକି ଜିକେଏ ତାନି ଜୀଝୁଇଁ ଜୀଝୁ ନହାଁ ହିଲ୍ଲୁଆଡେରି । ୧୨ ଏଦାଆଁତାକି ଏ ଲୀକପୁରୁ ଅଡେ ଏମ୍ବାଆଁ ବାସା ଆହାମାନାତେରି ରାହାଁ ଆଦୁ, ସାମା ଦାର୍ତ୍ତି ଅଡେ ସାମଦୁରି ମୀରୁ ତଣ୍ଡ ବେଟା ଆନାତେରି ଏନାଆଁତାକି ଇଚିହ୍ ତାନି ବେଲା ହାରେକା ଉଣା ମାନେ ଇଞ୍ଜା ପୁଞ୍ଜାନା ପଲ୍ଲୁଆ ପେନ୍ନୁ ସୟତାନ ହାରେକା କପାତଲେ ମୀ ତାଣା ରେଟା ଝାହାମାନେ ।

୧୩ ରାଚୁ ଜାହାରାଇଁ ଦାର୍ତ୍ତିତା ମେଡ଼ପି ଆହାମାନାଣି ମେସାନା ଏ କକାଣି ତାଲୁଇଁ ଜାନ କିତି ଇୟାନି ଜେଚ ଜେଚ ପେରହା ଅଡେ । ୧୪ ଏଚେଟିଏ ଏ ଇୟାନି ରାଚୁ ଗୁଡିଟି ଏନିକ୍ ଗେଲ୍‌ପିଆହାଁ ତାନି ବାସା ସ ଲେଞ୍ଜୁ ପାତେକା ପହିକିଝି ଆନେ, ଏଦାଆଁତାକି ଲକୁ ହିଲ୍ଲୁଆ ବାଟାତି ତାନି ଚାୟୁତା ଉମ୍ବାହାଜାଲି ଲେଡ଼ୁଟି ରୀ ମାରାୟା ହୀପକି ଆତୁ । ୧୫ ଏଚେଟିଏ ଏ ଇୟାନି ଅଝି କିୟାଲି ରାଚୁ ତାନି ଗୁଡିଟି ର କାଜା କାତା ଏୟୁ ହପ୍‌ହେ । ୧୬ ସାମା ଏ ଇୟାନି ସାୟେମି କିହାଲି ଦାର୍ତ୍ତି ତାନି ଗୁଡିଟି ଦେଚାନା ରାଚୁ ଗୁଡିଟି ହଡି କାତା ଏୟୁଣି ଗୁସ୍ତେ । ୧୭ ଏଚେଟିଏ ରାଚୁ ଏ ଇୟାନି ହାରେକା କପା ଆହାଁ ତାନି କୁଡାତାରି ଏଚେକା ଲକୁ ମାହାପୁରୁଟି ହୁକୁମି ମାନଝି ଆହାଁ ଜୀସ୍ତତି କାତା ଝେସିମାନେରି, ଏଝାରିତଲେ ଜୁଜୁ କିହାଲି ହାଚେ । ୧୮ ଇଞ୍ଜା ରାଚୁ ସାମଦୁରି ଗାଟୁତି ବାଃଲିତା ନିଚେ ।

୧୩

ରୀ ଜନ୍ତୁୟା

୧ ✱ଏଚେଟିଏ ନାନୁ ସାମଦୁରି ମାଦିଟି ହଚାଝାହିମାନି ର ଜନ୍ତୁ ମେସ୍ତେଏ, ଏଦାନାକି ଦସଗଟା କମ୍‌କା ଅଡେ ସାତାଗଟା ତାକା, ତାନି କମ୍‌କାଣା ଦସଗଟା ଟପେରିକା ଇଞ୍ଜା ତାକା ଲୀକ ମାହାପୁରୁ ନିୟାକିନି ର ଦରକା ମୀରୁ । ୨ ଏ ଜନ୍ତୁ ତୀରିରେଈଣା କ୍ଳାଃନି ଲେହେଁ ତଞ୍ଜାଆହିମାଚେ, ତାନି କତାୟା ଅଃଅଡି କତାୟା ଲେହେଁ ଇଞ୍ଜା ଗୁଡି ସିହ୍‌କ୍ଳାଃନି ଗୁଡି ଲେହେଁ ଏ କାଜା ରାଚୁ ଜନ୍ତୁକି ତାନି ବାଡ଼ୁୟୁ, ସିଂଗାସାଣି, ଅଡେ ବାରେ ଅଦିକାରା ହୀଚେ । ୩ ଏ ଜନ୍ତୁତି ତାୟି ତୁ ଆମିନି ହାନିଲେହେଁଟି ଗାହାଁ ତଞ୍ଜାଆହିମାଚେ,

ସାମା ଏ ଗାହାଁ ନେହ୍ ଆଡେ, ଅଡେ ଦାର୍ତ୍ତିତା ମାନାରି ବାରେ କାବା ଆହାଁ ତାନି ଜେଚ ହାଚେରି । ୪ ଅଡେ କାଜା ରାଚୁ ଜନ୍ତୁକି ତାନି ଅଦିକାରା ହୀତାକି ଏଝାରି ରାଚୁଇଁ ଜହରା କିଚେରି, ଏଝାରି ଏ ଜନ୍ତୁଇଁ ଜିକେଏ ଜହରା କିହାଁ ଏଲେଇଚେରି, “ଆମ୍ବାଆସି ଇ ଜନ୍ତୁ ଲେହେଁ ଆନେସି ଅଡେ ଆମ୍ବାଆସି ଏଦାଣି ତଲେ ଜୁଜୁ କିହାଁ ଜୀଣା ଆନେସି ।”

୫ ଏଦାନାକି ଆଜାରା ଅଡେ ମାହାପୁରୁ ନିନ୍ଦାତି କାତା ଝେସାଲି ଗୁଡି ହୀଝିଆଡେ, ଅଡେ ରୀ କଡି ରୀ ଲେଞ୍ଜୁ ପାତେକା ସାଲଝି କିୟାଲି ଅଦିକାରା ହୀପକିଆଡେ । ୬ ଏମ୍ବାଟିଏ ଏଦି ତାନି ଗୁଡି ଏକ୍‌ହାନା ମାହାପୁରୁ ନିନ୍ଦା କାତା ଜଲ୍ଲାନା, ମାହାପୁରୁ ଦରୁ, ମାହାପୁରୁ ବାସାଆନ୍ତି ଚାୟୁ, ଅଡେ ଲୀକପୁରୁ ବାସା ଆହାମାନାରାଇଁ, ବାରେଡି ନିନ୍ଦା କିଚେ । ୭ ବାରେ ମାହାପୁରୁ ଲକୁଇଁ ଜୁଜୁ କିହାଁ ଜୀଣା ଆହାଲି ଅଦିକାରା ହୀଝିଆହାମାଚେ, ଅଡେ ବାରେ ଗଟି, କୁଡା, ହାଡ଼ା, ଦେସା, ଲୀକ ଅଦିକାରା ହୀଝିଆହାମାଚେ । ୮ ଆମ୍ବାଆରି ଦରୁ ଦାର୍ତ୍ତିତି ଗାଡ଼ି ଆଆ ନକେଏ ପୂଜା ମେଣ୍ଡା ତାଲୁତି ଜୀଝୁଗାଟି ପଡିତା ରାସ୍‌କି ଆହାହିଲେଏ, ଦାର୍ତ୍ତିତା ବାସା କିହାମାନି ଏ ବାରେ ଲକୁ ଏ ଜନ୍ତୁଇଁ ଜହରା କିଚେରି ।

୯ “ଆମ୍ବାଆରାକି କୀକା ମାନୁ ଏଝାସି ଝେଣ୍‌ମ୍ବାସି ! ୧୦ ଆମ୍ବାଆସି ଦସାହାଁ ଅନେସି, ଏଝାସି ଏଲେକିହ୍ ଏ ଦସପି ଆନେସି, ଆମ୍ବାଆସି କାଣ୍ଡାତଲେ ପାୟିନେସି, ଆତିହ୍ ଏଝାସି ଏଲେଆହ୍ ଏ କାଣ୍ଡାତଲେ ପାୟିଝି ଆନେସି, ଏଚିବେଲାତା ମାହାପୁରୁ ଲକୁତାକି ନାମୁ ଅଡେ ଅରହିନାୟି ଲଡ଼ାମାନେ ।”

୧୧ ଏଚେଟିଏ ନାନୁ ର ଜନ୍ତୁଇଁ ବୁମି ବିଡ଼ାଟି ହଚାଝାଡ଼ାଣି ମେସ୍ତେଏ, ମେଣ୍ଡା ତାଲୁ ଲେହେଁ ଜଡେକା କମ୍‌କା, ଅଡେ ଏଦି ରାଚୁ ଲେହେଁ କାତା ଆହିମାଚେ । ୧୨ ଏ ଜନ୍ତୁ ନକେଏତି ଜନ୍ତୁ ନକିତା ତାନି ବାଡ଼ୁୟୁ ତସାନା ଏମିନି ନକେଏତି ଜନ୍ତୁକି ହାନିଲେହେଁଟି ଗାହାଁ ମାଡ଼ାମାଚେ, ଏଦାନି ଜହରା କିହାଲି ଦାର୍ତ୍ତି ଅଡେ ଏମ୍ବାଆଁ ବାସା ଆହାମାନାରାଇଁ ବାଲ୍ୟାମାତମି କିନେ । ୧୩ ଏ ଜନ୍ତୁ କାବାଆନ୍ତି କାମାୟା କିନେ, ଏଦି ବାରେ ଲକୁ ନକିତା ହାଗୁଟି ଦାର୍ତ୍ତିତା ହିଚୁ ରିଝିକିନେ । ୧୪ ଇଞ୍ଜା ଏ ତଲିତି ଜନ୍ତୁ ନକିତା ଆମିନି କାବାଆନ୍ତି କାମା କିହାଲି ଅଦିକାରା ବେଟାଆହାମାଚେ, ଏମ୍ବାଟି ଦାର୍ତ୍ତିତା ବାସାଆହାମାନି ଲକୁଣି ନାଡ଼ିକିହାଁ, ଆମିନି ଜନ୍ତୁ କାଣ୍ଡାତଲେ ଗାହାଁ ଆହାମାଟି ଜିକେଏ ନୀଡିଚେ, ଏଦାନି ର ବମା କିହାଲି ଏଝାରାଇଁ ଏଲେଇନେ । ୧୫ ଏ ଜନ୍ତୁତି ବମା ଏନିକ୍ ଜଲ୍ଲାଲି ଆଡିନେ ଅଡେ ଏଚେକା ଲକୁ ଜନ୍ତୁତି ବମାତି ଜହରା କିଅରି, ଏଝାରି ଏନିକ୍ ପାୟିଝି ଆନେରି, ଏଦାଆଁତାକି ତାୟୁତି ଜନ୍ତୁକି ତଲିତି ଜନ୍ତୁତି ବମାକି ଜୀଝୁ ହୀହାଲି ଅଦିକାରା ହୀପକିଆଡେ । ୧୬ ଅଡେ ଏ ଜନ୍ତୁ ଉଣା, କାଜାରି, ବାଡ଼କୁ ଗାଟାରାଇଁ, ହାକି ଗାଟାରାଇଁ, ହଲିୟାଜା, ହଲିୟାଜା ଆଆତାରାଇଁ, ବାରେଜାଣାତି ତାନି ଚିଃନି କେୟୁତା ଆଆତ ମୁଞ୍ଜୁତା ର ସିନା ଇଟା କତାଲି ବାଲ୍ୟାମାତମି କିନେ । ୧୭ ଅଡେ ଏ ସିନା ଇଚିହ୍ ଜନ୍ତୁତି

✱ ୧୩:୧ ୧୩:୧ ଝେ ବଲ୍ଲୁ ୧୭:୩,୭-୧୨

ଦରୁ ଆଆତ ତାନି ଦରୁତି ଲମ୍ବର ଇଟା କଡାଆତି ଲକୁଣି ଏନାଆଁ କଡାଲି କି ପାରତାଲି ହାଏ ।

୧୮ ଏ ବାରେତାକି ବୁଦି ଲଡ଼ାମାନେ, ଆମ୍ବାଆରାକି ବୁଦି ମାନେ ଏଝାସି ଏ ଜନ୍ତୁତି ଲମ୍ବର ଏଜିକିପାସି, ଏନାଆଁତାକି ଇଚିହି ଏଦି ର ମାଣସିତି ଲମ୍ବର ଅଡ଼େ ଏ ଲମ୍ବର ଆହିମାନେ ସ ଝାଞ୍ଜା ତାନିକଡ଼ି ସ ।

୧୪

ମେଣ୍ଡା ତାଲୁ ଅଡ଼େ ତାନି ଲକୁ

୧ *ଏଚେଟିଏ ନାନୁ ସିନିକିହାଁ ମେସ୍‌ସେଏ, ଅଡ଼େ ମେଣ୍ଡା ତାଲୁ ସିୟନ ହରୁତା ନିଚାମାନେ, ଅଡ଼େ ଆମ୍ବାଆରି ମୁଞ୍ଜୁତା ମେଣ୍ଡା ତାଲୁ ଇଞ୍ଜା ତାନି ଆବାତି ଦରୁ ରାସ୍‌କି ଆହାମାଚେ ଇଲେତି ଲକୁ ସାଡ଼ାକଡ଼ି ସାରି ମାଣା ଲକୁ ତାନିତଲେ ନିଚାମାଚାଣି ମେସ୍‌ସେଏ । ୨ ଅଡ଼େ ଲାକପୁରୁତି ଲଦ ଲଦ ଆହି ରିନି ଏୟ ଇଞ୍ଜା ହାଗୁ ଗୁଣିଲେହେତି ର କାଜା ହାଡ଼ା ଝେଚେଏ, ଆମିନି ହାଡ଼ା ନାନୁ ଝେଚେଏ ଏଦି ସେରଞ୍ଜି ଡ଼ିଡ଼ିମାନାରି ହାଡ଼ାଲେହେଁ ଝେଜିମାଚେ । ୩ ସିଂଗାସାଣି ସାରିଗଟା ଜନ୍ତୁ ଅଡ଼େ ପ୍ରାଚିନାଙ୍ଗା ନକିତା ର ପୁଞ୍ଜି ପାରୁ ପାଚିମାଚେରି, ଅଡ଼େ ଦାରତିଚି କଡ଼ି ଆହାମାନି ସାଡ଼ାକଡ଼ି ସାରି ମାଣା ଲକୁ ପିସ୍‌ପେ ଆମ୍ବାଆରି ଏ ପାରୁ ପାଚାଲି ଆଡ଼ାଆଚେରି । ବାରେ ମାଣସି କୁଡ଼ା ବିତ୍ରାଟି ଝାରଇ ଏଝାରିଦେଁ ଗେଲ୍‌ପି ଆହାମାଚେରି । ୪ ଏଝାରି ଇୟାସିକା ତଲେ କାଲ୍‌ହାନା ତାମ୍ବୁ ଜାହାରାଇଁ ଦହ କିହାଁ କଡ଼ା ହିଲାଆଚେରି, ଇଚିହି ଏଝାରି ଅଡ଼ହାରି, ମେଣ୍ଡା ତାଲୁ ଆମ୍ବିୟାଝାକି ହାନେ ଏଝାରି ତାନି ଜେଚ ହାନେରି, ଏଝାରି ମାହାପୁରୁତି ମେଣ୍ଡା ତାଲୁତି ତଲିତି ପାଡ଼େୟି ସମାନା ମାଣସିୟା ବିତ୍ରାଟି ଗେଲ୍‌ପି ଆହାନା ମେଣ୍ଡା ତାଲୁ ନକିତା ହେରପିଆହାମାନେରି । ୫ ଏଝାରି ଗୁତିତା ଏନି ମିତି ଜଲିନାୟି ହିଲେଏ, ଏଝାରି ଦହ ହିଲାଆ ଗାଟାରି ।

ତାନି ଜାଣା ଦୁତୁ

୨ ଏଚେଟିଏ ନାନୁ ହାଗୁତି ମାଦି ଉମ୍ବିମାନି ର ଦୁତୁଇଁ ମେସ୍‌ସେଏ, ଏଦି ଦାରତିତା ବାସାଆହାମାନି ବାରେ ଗଟି, କୁଡ଼ା, ହାଡ଼ା ଅଡ଼େ ଦେସାତି ଲକୁତାଣା ଝେକ୍‌ହାଲି କାଲାକାଲା ତାକି ଡ଼ୟିନି ନେହଁ କାରୁ ଝେକ୍‌ହି ମାନେସି । ୩ ଏଦି କାଜା ଗିୟାତଲେ ଏଲେଇଚେ “ମାହାପୁରୁଇଁ ଆଜାଦୁ ଅଡ଼େ ଏଝାଣାଇଁ ଗାଝୁରମି ହୀଦୁ, ଇଚିହି ମାଣସିତି ନୀହାୟି କିନି ଦିନା ଏଗାଝାଡ଼େ, ଅଡ଼େ ଆମ୍ବାଆସି ହାଗୁ, ଦାରତି, ସାମ୍‌ଦୁରି ଇଞ୍ଜା ଜାରଣା ଏୟୁତି ଗାଡ଼ିକିହା ମାନେସି, ଏଝାଣାଇଁ ଜହରା କିଦୁ ।”

୮ *ତାନି ତାୟୁ ଅଡ଼େ ର ଦୁତୁ ଇଚିହି ରୀ ଲମ୍ବର ଦୁତୁ ଝାହାନା ଏଲେଇଚେ, “ଆମିନି କାଜା ଗାଡ଼ା ବାବିଲନ ବାରେ କୁଡ଼ାତି ଲକୁଇଁ ତାନି ଦାରିକାମା କିଝିକିନି କାଡ଼ୁ ଉଡ଼ହାନା ହଡ଼ିକିହାମାଚେ, ଏଦି ରିହା ହାଜାମାନେ ।”

୯ ଏଦାଣି ତାୟୁ ଅଡ଼େ ର ଦୁତୁ ଇଚିହି ତାନି ଲମ୍ବର ଦୁତୁ ଝାହାନା କାଜା ଗିୟାତଲେ ଏଲେଇଚେ, “ଆମ୍ବାଆସି ଏ ଜନ୍ତୁ ଅଡ଼େ ତାନି କିହାମାନି ବମାତି ଜହରା କିନେସି ଅଡ଼େ ମୁଞ୍ଜୁତା କି କେୟୁତା ତାନି ସିନା ଇଟା କଡ଼ିନେସି, ୧୦ ଏଝାସି ମାହାପୁରୁତି କପାଗାଟି ସଲ୍ଲାତା ଝାକ୍‌ହାମାନି ହାରେକା କାରବିତି କାଡ଼ୁ ଗୁହନେସି, ଆମ୍ବାଆରି ଇ କାମା କିନେରି ଏଝାରି ବାରେ ମେଣ୍ଡା ତାଲୁ ଅଡ଼େ ସୁଦୁ ଲାକପୁରୁତି ଦୁତୁୟାଁ ନକିତା ହିରୁ ଅଡ଼େ ଗାନ୍ଧାଗାଟି ଗୁଣ୍ଡା ତଲେ କସ୍ତ ବେଟା ଆନେସି । ୧୧ ଇଲେତି ଲକୁଣି କସ୍ତ ହୀନି ହିରୁ ବୟଁ କାଲାକାଲା ତାକି ହଚେମାନେ, ଆମିନି ଗାଟାରି ଜନ୍ତୁ ଅଡ଼େ ବମାତି ଜହରା କିନେରି ଅଡ଼େ ତାନି ଦରୁ ଇଞ୍ଜା ସିନା ବେଟା ଆହାମାନେରି, ଏଝାରି ଲାଆଁ ମାଦେନା ଜମାଲି ବେଟାଆଅରି ।”

୧୨ ଇମ୍ବାଆଁ ମାହାପୁରୁ ଲକୁ ଇଚିହି ମାହାପୁରୁତି ହୁକୁମି ମାନଝିଆନେରି, ଇଞ୍ଜା ଜୀସୁଇଁ ନାମିନେରି, ଏଝାରିକି ଅରୁହିନାୟି ଲଡ଼ାମାନେ ।

୧୩ ଇଞ୍ଜା ଲାକପୁରୁତି ଇ ହାଡ଼ା ଝେଚେଏ, ଇ କାତା ରାଟାମ୍ବୁ, “ନୀଏଁ ଆମ୍ବାଆରି ମାହାପୁରୁ ତାଣା ମାଞ୍ଜାନା ହାନେରି, ଏଝାରି ନେହେଁ ।” ଅଡ଼େ ନାନୁ ଝେଚେଏ ସୁଦୁଜାଝୁ ଝେସିମାଞ୍ଜାନେ, “ଏଝାରି ତାମି କାମାତି ଝାହୁଟି ଜମିନେରି, ଇଚିହି ଏଝାରି କାମାତି ପାଡ଼େୟି ଏଝାରିତଲେ ଡ଼ୟିନେ ।”

ତାସା ଦାନ୍ଦାୟି

୧୪ ଅଡ଼େ ନାନୁ ମେସ୍‌ସେଏ, ଇଚାୟି ଦବ୍‌ଲା ହାଗୁ ଇଞ୍ଜା ଏଦାଣି ଲାକ କୁଗାମାନେସି ର ମାଣସି ମୀର୍‌ଏସି ଲେହେଁତାସି; ତାନି ତାୟଁ ତୁ ବାଂଗାରା ଚପେରି, ଇଞ୍ଜା କେୟୁତା ର ଝାହନି କଚାତଝେଲି । ୧୫ ଏମ୍ବାଟିଏ ମାହାପୁରୁତି ଇଲୁଟି ର ଦୁତୁ ଝାହାନା ହାଗୁତା କୁଗାମାନାଣାଇଁ କାଜା ଗିୟାତଲେ ଏଲେଇଚେ, “ନୀ କଚାତଝେଲି ଆସାନା ତାସା ଦାମ୍ବୁ । ଦାରତିତି ତାସା ଦାଞ୍ଜି କାରୁ ଏଗାଝାଡ଼େୟି ।” ୧୬ ଇଦାଆଁ ଝେଞ୍ଜାନା ହାଗୁତା କୁଗାମାନି ମାଣସି ତାନି କଚାତଝେଲି ଅଗିଡେସି ଇଞ୍ଜା ଦାରତିତି ତାସା ବାରେ କୁଡ଼ିକିଝିଆଡ଼େ ।

୧୭ ଏଦାଆଁ ତାୟୁ ଲାକପୁରୁତି ମାହାପୁରୁ ଇଲୁଟି ଅଡ଼େ ର ଦୁତୁ ହଚାଝାଡ଼େସି, ଏ ଦୁତୁକି କେୟୁତା ଜିକେଏ ଝାହନି କଚାତଝେଲି ମାଚେ ।

୧୮ ଅଡ଼େ ପୂଜା ପିଣ୍ଡାତି ହିରୁ ଅଦିକାରାତା ମାନି ର ଦୁତୁ କଚାତଝେଲି ଆସାମାନି ଅର ଦୁତୁଇଁ କାଜା ଗିୟାତଲେ ଏଲେଇଚେ, “କଚାତଝେଲି ଅଗାନା ଦାରତିତି ଅଜ୍ଞୁରି ବାଡ଼ାଟି ଅଜ୍ଞୁରିକା ବାରେ ଡ଼ଡ଼ହା ତୁହମ୍ବୁ; ଏଝି ବାରେ କାମ୍ବାମାନୁ ।” ୧୯ ଏମ୍ବାଟିଏ ଦୁତୁ ଦାରତିତା ତାନି କଚାତଝେଲି ଅଗାନା ଅଜ୍ଞୁରି ମାଡ଼ାୟାଟି ଅଜ୍ଞୁରି ଡ଼ଡ଼ହେ ଇଞ୍ଜା ଏଝି ମାହାପୁରୁ କାରବିତି ଅଜ୍ଞୁରି ପାଡ଼ିକିନି ଦନିତା ମେଡ଼ହେ । ୨୦ *ଗାଡ଼ାତି ପାଙ୍ଗାତା ମାନି ଏ ଦନିତା ଅଜ୍ଞୁରି

☆ ୧୪:୧ ୧୪:୧ ଝେ ବଲୁ ୭:୩ ☆ ୧୪:୮ ୧୪:୮ ଝେ ବଲୁ ୧୮:୨ ☆ ୧୪:୨୦ ୧୪:୨୦ ଝେ ବଲୁ ୧୯:୧୫

ପାତ୍ରିକିଞ୍ଜିଆତେ ଇଞ୍ଜା ଏମ୍ବାଟି ଗଡ଼ାୟାଁ ବାକେରି ପାତେକା ନିଞ୍ଜାନା ତାନି ଖାଞ୍ଜା କିଲମିଟର ହେକ ପାତେକା ଇଞ୍ଜା ରୀ ମିଟର ଲାକ ପାତେକା ନେତେରି ଖାଞ୍ଜିତେ ।

୧୫

ସାତାଗଟା ରଗ କିନି ସାତାଗଟା ଦୂତୁୟାଁ

୧ ଏମ୍ବାଟିଏ ନାନୁ ହାଗୁତା ଅଡେ ର କାବାଆନି ଲେହେଁତି ସିନା ମେସ୍ତେଏଁ, ସାତାଗଟା ଦୂତୁୟାଁ ସାତାଗଟା ରଗୟାଁ ତାନି କେନ୍ଦୁତା ଆସାନା ତଞ୍ଜାଆତୁ, ଏ ରଗୟାଁ ମାହାପୁରୁତି କପା ତହୁନାୟି ରାନାୟି ମାତେ ।

୨ ଅଡେ ନାନୁ ମେସ୍ତେଏଁ, ହିରୁ କାଲ୍‌ହିତି ଦାପେଣି ଲେହେଁତି ସାମ୍‌ଦୁରି, ଆମ୍ବାଆରି ଜନ୍ତ, ଏଦାନି ବମା ଇଞ୍ଜା ଏଦାନି ଦରୁତି ଲମ୍‌ରଟି ଜୀଣା ଆଡାରି, ଏଞ୍ଜାରି ମାହାପୁରୁ ହାହାମାନି ସେରଞ୍ଜି ଆସାନା ଗାଲୁ ଲେହେଁତି ସାମ୍‌ଦୁରି ଗିରୁତା ନିଗମାତେରି । ୩ ଏଞ୍ଜାରି ମାହାପୁରୁ ହାତି ରାମଗଟା ଝେଟିହଁ ମାହାପୁରୁତି ସେବାକିନି ମସାତି ପାରୁ ଇଞ୍ଜା ମେଶ୍ତା ତାଲୁତି ପାରୁ ପାଟିହଁ ଏଲେ ଇଞ୍ଜା ମାନେରି,

“ବାରେତି କିହାଁ ବାଡ଼ୁୟାଁ ଗାଟି ପ୍ରବୁ ମାହାପୁରୁତି,

ନୀ କାମା ଏତେକା କାଜାୟି ଅଡେ କାବା ଆନାୟି, ବାରେ ଲକୁତି ରାଜାତି,

ନୀ କାମାତି ଜିରୁ ବାରେ ନୀହାଁୟି ଗାଗାୟି ଇଞ୍ଜା ସାତାତାୟି ।

୪ ପ୍ରବୁ ! ନିଞ୍ଜେ ଆମ୍ବାଆସି ଆଜାଆ ଗାଗାସି ମାନେସି ?

ଆମ୍ବାଆସି ନୀ ଗାଞ୍ଜୁରମି ଝେକ୍‌ଆଗାଟାସି ମାନେସି ?

ଇଟିହଁ ନୀନୁ ରଅତିଏ ସୁଦୁ ଗାଟାତି;

ବାରେ କୂଡ଼ାତି ଲକୁ ଖାହାନା ନୀ ପୂଜା କିନେରି,

ଏନାଆଁତାକି ଇଟିହଁ ନୀ ଦାମ୍‌ଗାଟି ନୀହାଁୟିତି କାମାୟାଁ ବାରେଜାଣା ମେସାମାନେରି ।”

୫ ଏମ୍ବାଟିଏ ନାନୁ ମେସ୍ତେଏଁ, ଲାକପୁରୁତି ସାକି ହାନି ତୁମ୍‌ ଦେଞ୍ଜୁଡ଼ିତି ଦାରା ଦେପିଆଡେ ୬ ସାତାଗଟା କସ୍ତୟାଁ ଆସାମାନି ସାତାଗଟା ଦୂତୁୟାଁ ଲାକପୁରୁତି ଦେଞ୍ଜୁଡ଼ିତି ହଡ଼ାଞ୍ଜାତୁ; ଏଞ୍ଜି ଅପହି ମିହୁନି ହିମ୍‌ରିକା ହୁଟାମାରୁ ଇଞ୍ଜା ଏଞ୍ଜାସିକା ବକ ସାରିସୁଟୁ ବାଂଗାରା ପାଟା ଦସାମାରୁ ।

୭ ସାରିଗଟା ଜନ୍ତୟାଁ ବିତ୍ରାଟି ର ଜନ୍ତ କାଲେଏତାକି ନୀତାମାନି ମାହାପୁରୁ କପାତଲେ ନେଞ୍ଜାମାନି ସାତାଗଟା ବାଂଗାରା ଗିନାୟାଁ ଏ ସାତାଗଟା ଦୂତୁୟାଁକି ହୀତେ ।

୮ ମାହାପୁରୁତି ଗାଞ୍ଜୁରମି ଅଡେ ତାନି ବାଡ଼ୁୟାଁ ହିମ୍‌ମାନି ବୟଁ ଦେଞ୍ଜୁଡ଼ିତା ନେଞ୍ଜାହାତେ; ସାତାଗଟା ଦୂତୁୟାଁ ତାଗାମାନି ସାତାଗଟା ରଗୟାଁ ରାଆ ପାତେକା ଏ ଦେଞ୍ଜୁଡ଼ି ବିତ୍ରା ଆମ୍ବାଆସି ହଡ଼ାଲି ଆଡ଼ାଆତେସି ।

୧୬

ମାହାପୁରୁ କପାତି ସାତାଗଟା ଗିନାୟାଁ

୧ ଏତେଟିଏ ନାନୁ ଝେଟେଏଁ, ଦେଞ୍ଜୁଡ଼ିତି ରଅସି କାଜା ଗିୟାଁତଲେ ଏ ସାତାଗଟା ଦୂତୁୟାଁକି ଝେସିମାତେସି, “ହାଲୁ,

ସାତାଗଟା ଗିନାୟାଁଣା ନେଞ୍ଜାମାନି ମାହାପୁରୁତି କପାତି ଦାରୁତି ଲାକ ଖାକ୍‌ଦୁ !”

୨ ଏତେଟିଏ ମୂଲୁତି ଦୂତୁ ହାଜାନା ତାନି ଗିନାତା ଏନାୟି ମାତେ, ଦାରୁତି ଲାକ ଖାକ୍‌ହେ; ଦେବୁଣିଏ ଆମ୍ବାଆରି ତାଣା ଜନ୍ତୁତି ସିନା ମାତେ, ଇଞ୍ଜା ତାନି ବମାତି ପୂଜା କିହାମାତେରି, ଏଞ୍ଜାରି ଆଜାତା ହାରେକା କସ୍ତଗାଟି ବୀସା ପଟ୍‌କା ହତୁ । ୩ ଏତେଟିଏ ରୀ ଲମ୍‌ର ଦୂତୁ ତାନି ଗିନାତାଣି ସାମ୍‌ଦୁରି ଲାକ ଖାକ୍‌ହେ; ଇଞ୍ଜା ସାମ୍‌ଦୁରିତି ଏୟୁ ହାତି ଲକୁତି ନେତେରିଲେହେଁ ଆତୁ, ଇଞ୍ଜା ସାମ୍‌ଦୁରିତା ମାଟି ବାରେ ଜନ୍ତୟାଁ ହାହାହାତୁ ।

୪ ତାନି ଲମ୍‌ର ଦୂତୁ ତାନି ଗିନାତା ଏନାୟି ମାତେ, କାତା ଇଞ୍ଜା ଉସା ଏୟୁ ଲାକ ଖାକ୍‌ହେ; ଇଞ୍ଜା ଏ ଏୟୁ ବାରେ ନେତେରି ମିଶ୍‌ହା ହାତୁ । ୫ ଏତିବେଲାତା ନାନୁ ଝେଟେଏଁ, ଏୟୁ ଲାକ ଅଦିକାରା ବେଟାଆହାମାନି ଦୂତୁ ଏଲେଇଞ୍ଜିମାତେ, “ନୀନୁ ସୁଦୁ ଗାଟାତି, ନୀଏଁ ମାନାତି ଅଡେ ତଲିଏ ମାଟାତି; ନୀନୁ ତୀରପୁତଲେ ନୀହାଁୟି କିହାମାଞ୍ଜି । ୬ ଏଞ୍ଜାରି ମାହାପୁରୁ ଲକୁଇଁ ଇଞ୍ଜା ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ଆମିନି ନେତେରି ବକହାମାତେରି, ଏଦାଆଁ ମୀରୁ ଏଞ୍ଜାରାକ୍ ଉଟ୍‌ହାମାଞ୍ଜି । ଏଞ୍ଜାରି ଏନାଆଁ ବେଟାଆନାଣି ବେଟାଆହାମାନେରି ।”

୭ ଏତେଟିଏ ପୂଜା ପିଶ୍ତାଟି ର ହାଡ଼ା ଝେଟେଏଁ, ବାରେତି କିହାଁ ବାଡ଼ୁୟାଁଗାଟି ମାହାପୁରୁ ପ୍ରବୁ ! ନୀ ନୀହାଁୟି ବାରେ ସାତା ଅଡେ ଟିକାଣାତାୟି ।

୮ ସାରି ଲମ୍‌ର ଦୂତୁ ତାନି ଗିନାତା ମାଟାଣି ଝେଡ଼ା ଲାକ ଖାକ୍‌ହେ, ଏଦାଆଁତାକି ଝେଡ଼ା ହାରେକା ଡ଼ାଞ୍ଜାନା ଲକୁଣି ହୁଡ଼ିତେ । ୯ ଏତିବେଲା ଲକୁ କଣ୍‌ଟା ହାଟି କାରାତା ଝେହାହାତେରି, ଅଡେ ଇ ସାସ୍ତି ଲାକ ଅଦିକାରା ମାନି ମାହାପୁରୁ ଦରୁତି ନିନ୍‌କାକିତେରି । ସାମା ହିୟାଁ ବାଦ୍‌ଲି କିହାଁ ଏଞ୍ଜାଣି ଗାଞ୍ଜୁରମି କିଆତେରି ।

୧୦ ପାସା ଲମ୍‌ର ଦୂତୁ ତାନି ଗିନାତା ମାଟାଣି ଜନ୍ତୁତି ସିଂଗାସାଣି ଲାକ ଖାକ୍‌ହେ । ଜନ୍ତୁତି ରାଜିତା ଆନ୍ଦେରି ଆହାହାତେ, ଇଞ୍ଜା ଲକୁ କସ୍ତଲେ ତାନି ଝେନ୍‌ରିକା କାଟା କଡ଼ିତେରି । ୧୧ ଅଡେ ଏଞ୍ଜାରି ଆଜାତି ରାଣାରାକା ତାକି ଇଞ୍ଜା ପକାୟାଁ ବୀସା ତାକି ଲାକପୁରୁତି ମାହାପୁରୁକ୍ ବାକା ଇଟିତେରି । ସାମା ତାନି ଲାଗେଏତି କାମାଟି ମନ୍ ଝେଟ୍‌ଆତେରି ।

୧୨ ସ ଲମ୍‌ର ଦୂତୁ ତାନି ଗିନାତା ମାଟାଣି ପରାଡ଼ କାଜା କାତା ଲାକ ଖାକ୍‌ହେ, ଏ କାତାତି ଏୟୁ ଖାୟାହାତୁ, ଝେଡ଼ା ହପୁ ଖାକିଟି ଖାହିମାନି ରାଜାୟାଁକି ଜିରୁ ପାରୁଲିଆଡେ । ୧୩ ଏତେଟିଏ ନାନୁ ମେସ୍ତେଏଁ, ପାନାୟାଁଲେହେଁ ତଞ୍ଜାଆହିମାନି ତାନିଗଟା ଲାଗେଏତି ଜାଞ୍ଜୁୟାଁ । ଏଞ୍ଜି ରାତୁ ଗୁଡ଼ିଟି, ଜନ୍ତୁତି ଗୁଡ଼ିଟି, ମିଟି ବଲୁ ଝେହ୍‌ନାରି ଗୁଡ଼ିଟି ହଡ଼ାଞ୍ଜାହିମାରୁ । ୧୪ ଏ ଲାଗେଏତି ଜାଞ୍ଜୁଗାଟି ଦୂତୁୟାଁ କାବାଆନି କାମା କିହାଲି ଆଡ଼ିନୁ, ଏଞ୍ଜି ବାଡ଼ୁୟାଁ ଗାଟି ମାହାପୁରୁତି ଦିନାତା ଜୁଜୁ କିହାଲିତାକି ଦାରୁତିତି ରାଜାୟାଁଣି କୁଡ଼ିକିହାଲି ହାଡ଼ାହାତୁ ।

୧୫ *ଝେକ୍‌ଝୁ ! ନାନୁ ସରୁଲେହେଁ ଖାଲ୍, ଆମ୍ବାଆସି ଜାଗାତା ଆହାଁ ସରୁ ତାଣାଟି ଜାହାରା ହିମ୍ବରକା ଡକୁହାଲି ଆଡ଼ିମାନେସି, ଏଝାସି ନେହେଁ । ଏଝାସି ନାଗ୍‌ତା ଆହାଁ ରେଅସି, ଅଡ଼େ ଏଝାସି ଲାଜା ବେଟାଆସି ।”

୧୬ ପଲ୍ଲୁଆ ଜୀଝୁୟାଁ ଏ ବେଲତା ଦାର୍‌ତତି ରାଜାୟାଣି ଆମିନି ଗାୟତା କୃଡ଼ିକିତୁ ଏବୁ ହାଡ଼ାତଲେ ଏଦାନି ଦରୁ ଆମାଗାଡେନ ।

୧୭ ସାତା ଲମ୍ବର ଦୂତୁ ତାନି ଗିନାତା ମାଗାଣି ଗାଲି ଲାକ ଖାକ୍‌ହେ, ଏଚେଟିଏ ଦେଝୁଡ଼ିତି ସିଂଗାସାଣିଟି ର କାଜା ହାଡ଼ା ଝେକ୍‌ଝେ, “ଇଦାଆଁ କିଝିଆଡ଼େ !” ୧୮ *ଦେବୁଣିଏ ବିଲିବାଲା ଆହୁଁ ମୁସ୍ତେ ଇଝାଁ ହାଗୁ ଗୁଣ୍‌ନି ହାଡ଼ା ଆଡ଼େ, ଇଝାଁ ହାରେକା ବୁମି ଖାଡ଼ିତେ, ଇତିହୁଁ ଦାର୍‌ତିତା ମାଣସିୟାଁ ଗାଡ଼ିଆଡ଼ି ଦିନାଟିଏ ଏଚେଲାଝା ଇଲେତି ବୁମି ଖାଡ଼ାହିଲାଆଡ଼େ, ଇଦି ବାରେକିହାଁ ଆଜିହପେତି ବୁମି ଖାଡ଼ିନାୟି ମାଚେ । ୧୯ ଏମ୍ବାଟିଏ ଏ କାଜା ଗାଡ଼ା ତାନି ବାଗା ତଲେ ବାଗା ଆଡ଼େ ଅଡ଼େ ଦାର୍‌ତତି ବାରେ ଗାଡ଼ାୟାଁ ବିଡ଼ହାହାରୁ, ଅଡ଼େ କାଜା ଗାଡ଼ା ବାବିଲନତି ମାହାପୁରୁ ବାଣା ଆହା ହିଲାଆଡେସି, ଏଝାସି ତାନି ଗହ୍‌ନି ସଲାଟି ତାନି ହାରେକା କପାଗାଟି କାଡ଼ୁ ଏଝାଣାଇଁ ଉଟ୍‌ହେସି । ୨୦ *ସାମ୍‌ଦୁରି ମାଦି ମାନି ଦେସାୟାଁ ମେଣ୍‌ଜାହାରୁ ଇଝାଁ ହରକା ବାରେ ଡକୁ ହାଚୁ । ୨୧ *ରୀ କଡ଼ି ଦସ କେଜି ବଜୁଗାଟି ଆଜିୟାଁ ହାଗୁ ଲାକଟି ମାଣସିୟାଁ ଲାକ ରିତୁ, ଲକୁ ଇ ମରଡ଼ି ତାକି ମାହାପୁରୁଇଁ ନିନ୍ଦାକିତେରି ।

୧୭

ଝେକ୍‌ଜିତି ଦାରେଣି

୧ ଏମ୍ବାଟିଏ ସାଡ଼ାଗଟା ଗିନାୟାଁ ଆସାମାନି ଦୂତୁ ବିତ୍ରାଟି ରଣ୍ଡି ନା ତାଗେ ଖାହାନା ଏଲେଇଝାଡେ, “ଇମ୍ବାଆଁ ଖାମୁ ହାରେକା କାତା ଦାରି ଗାଡ଼ି ଆହାମାନି ଦାରେଣି ଲେହେଁତି କାଜା ଗାଡ଼ା ଏଦି ସାସ୍ତି ବେଟାଆନେ ଏଦାଆଁ ତସ୍ତାଇଁ । ୨ ଦାର୍‌ତତି ରାଜାୟାଁ ଏ ଦାରେଣି ତଲେ ଦାରିକାମା କିହାମାନେରି, ଇଝାଁ ଦାର୍‌ତିତା ବାସା ଆହାମାନାରି ବାରେ ଦାରି କାମାଲେହେଁତି କାଡ଼ୁ ଗୁସାହାଁ ହଟାମାନେରି ।”

୩ *ଏଚିବେଲତା ସୁଦୁଜାଝୁ ନା ତାଣା ଖାଡ଼େ ଇଝାଁ ଏ ଦୂତୁ ନାଙ୍ଗେ ବାଝଲି ବୁମିତା ଅୟାଡେ । ଏମ୍ବାଆଁ ନାନୁ ମେସ୍ତେସୁଁ, ର ପାଟୁ ଖାଣାଗାଟି ଜନ୍ତୁ ଲାକ ର ଇୟା କୁଗାମାଚେ । ଏ ଜନ୍ତୁଟି ଆଜ୍ଞାତା ମାହାପୁରୁ ନିନ୍ଦାକିନି ଦରକା ରାସ୍‌କି ଆହାମାଚୁ, ଅଡ଼େ ଏଦାନାକି ସାଡ଼ାଗଟା ତାର୍କା ଇଝାଁ ଦସଗଟା କମ୍‌କା ମାଚୁ । ୪ ଏ ଇୟା ହେୟାଁ ଲେହେଁତି ଖାଣା ଅଡ଼େ ପାଟୁ ଖାଣାଗାଟି ହିମ୍ବରି ହୁଟାମାଚେ, ଇଝାଁ ଏଦି ବାଂଗାରା ଅଡ଼େ ଗାଡ଼ି ଦାରାଗାଟି ମଣି, ମୁକ୍ତା ତଲେ ସାଡୁ ଆହାମାଚେ, ତାନି ନାଡ଼ିକିନି ପାଡ଼େୟିକା ଲେହେଁ ଅପାଆଗାଟି ଦିଶ୍‌ସୁ ଇଝାଁ ଦାରିକାମା କିନି ଲାଗେଏଡ଼ି କାମା ତଲେ ନେଝାମାନି ର ବାଂଗାରା

ଗିନା ଏଦି ଆସାମାଚେ । ୫ ଏଦାନି ମୁଝୁତା ଡକୁମାନି ର ଦରୁ ରାସ୍‌କି ଆହାମାଚେ, “କାଜା ଗାଡ଼ା ବାବିଲନ ଦାର୍‌ତତି ବାରେ ଦାରି ଇଝାଁ ଅପାଆଗାଟି କାମାଟି ତାଲି ।” ୬ ନାନୁ ଅଡ଼େ ମେସ୍ତେସୁଁ, ଏ ଆୟାଟି ମାହାପୁରୁ ଲକୁ ଇଝାଁ ଜୀସୁ ତାଣା ମାନି ତଲେ ମାଝା ସାକି ହାହାନା ହାହାମାନି ଲକୁତି ନେତେରି ଗସାନା ହଟାମାଚେ । ନାନୁ ଏଦାନି ମେସାନା ହାରେକା କାବା ଆଡ଼େସୁଁ । ୭ ଅଡ଼େ ଦୂତୁ ନାଙ୍ଗେ ଏଲେଇଝାଡେ, “ଏନାଆଁତାକି କାବା ଆହିମାଝି ? ନାନୁ ଏ ଆୟାଟି ଅଡ଼େ ସାତା ଗଟା ତାର୍କା ଇଝାଁ ଦସଗଟା କମ୍‌କା ଗାଟି ଏଦାଣି ଡେକାମାନି ଜନ୍ତୁଟି ଡକୁମାନି କାତା ନାନୁ ନିଙ୍ଗେ ଝେସିମାଝାଇଁ, ଝେନାମୁ । ୮ *ଜନ୍ତୁ ର ଦିନା ନୀଡ଼ାମାଚେ; ନୀସୁଁ ଅଡ଼େ ନୀଡ଼ାହିଲେଏ, ସାମା ତବେ ତାଡ଼େପୁରୁଟି ନିଙ୍ଗା ଖାନ୍‌ନେ ଇଝାଁ ଅର ଦେବା ନାସା ଆନ୍‌ନେ । ଦାର୍‌ତି ଗାଡ଼ି ଆଡ଼ି ନକେଏ ଆମ୍ବାଆରି ଦରୁ ଜୀଝୁତି ପତିତା ରାସ୍‌କି ଆହାହିଲେଏ, ଦାର୍‌ତିତା ବାସାଆହାମାନି ବାରେ ଲକୁ ଜନ୍ତୁଇଁ ମେସାଁ କାବାଆନ୍‌ନେରି । ଏଦି ର ଦିନା ନୀଡ଼ାମାଚେ, ନୀସୁଁ ଅଡ଼େ ହିଲେଏ, ସାମା ଅଡ଼େ ର ଦେବା ତଝାଆନ୍‌ନେ ।”

୯ “ଇ ବାରେ କାତା ତେଲ୍‌ହାଲି ତାକି ବୁଦି ଲଡ଼ାମାନେ । ଜନ୍ତୁଟି ସାଡ଼ାଗଟା ତାର୍କା ସାଡେଏ ସାଡ଼ାଗଟା ହରକା, ଆମିନି ଲାକ ଆୟାଟି କୁଗାମାନେ । ଏଝି ଜିକେଏ ସାଡ଼ା ଜାଣା ରାଜାୟାଁ ଲେହେଁ । ୧୦ ଏଝାରି ବିତ୍ରାଟି ପାସାଜାଣା ମେଣ୍‌ଜା ହାଜାମାନେରି, ନୀସୁଁ ରଅସି ମାନେସି, ଅଡ଼େ ରଅସି ନୀସୁଁ ପାଡେକା ଖାହାହିଲଅସି, ଏଝାସି ଖାଡ଼ିସାରେ ଗାଡ଼େକା ତାକିଏ ସାଲ୍‌ଝି କିନେସି । ୧୧ ଅଡ଼େ ଆମିନି ଜନ୍ତୁ ର ଦିନା ନୀଡ଼ାମାଚେ, ଏଦି ଆଟା ଲମ୍ବର ରାଜା, ଏ ବାରେ ରାଜାୟାଁ ବିତ୍ରାଟି ରଅସି ଇଝାଁ ଏଝାସି ଜିକେଏ ତବେ ନାସା ଆନ୍‌ନେସି ।”

୧୨ “ମୀରୁ ମେସାମାନି ଦସଗଟା କମ୍‌କା, ଦସ ଜାଣା ରାଜାୟାଁ ଲେହେଁ, ଏଝାରି ନୀସୁଁ ପାଡେକା ସାଲ୍‌ଝି କିହାହିଲଅସି । ସାମା ଜନ୍ତୁ ତଲେ ସାଲ୍‌ଝି କିହାଲିତାକି ର ଗଂଟା ତାକି ଏଝାରାକି ବାଡ଼ୁୟୁ ହୀପକିଆନ୍‌ନେ । ୧୩ ଏଝାରି ରଣ୍ଡିଏ ଅଣ୍‌ପୁ ତଲେ ମାଝାନା ତାମି ବାଡ଼ୁୟୁ ଅଡ଼େ ଅଦିକାରା ଏ ଜନ୍ତୁକି ହୀନେରି । ୧୪ ଏଝାରି ମେଣ୍‌ଣା ତାଲୁ ତଲେ ଜୁଜୁ କିନେରି, ଅଡ଼େ ମେଣ୍‌ଣା ତାଲୁ ଏଝାରାଇଁ ଜୀଣା ଆନ୍‌ନେ, ଇତିହୁଁ ଏଝାସି ପ୍ରବୁ କିହାଁ ପ୍ରବୁ ଅଡ଼େ ରାଜା କିହାଁ ରାଜା, ଅଡ଼େ ଆମିନି ଗାଟାରି ଏଝାଣିତଲେ ମାନେରି ଏ ହାଟାମାନାରି, ଆଟାମାନାରି ଅଡ଼େ ନାମୁଗାଟାରି ଜିକେଏ ଜୀଣା ଆନ୍‌ନେରି ।”

୧୫ ଦୂତୁ ନାଙ୍ଗେ ଅଡ଼େ ଏଲେଇଝାଡେ, “ନାନୁ ଆମିନି ଏୟୁଣି ମେସ୍ତି, ଆମିନି ଲାକ ଏ ଦାରେଣି କୁଗାମାନେ, ଏଦି ଆହିମାନେ ଏଟକା ଏଟକାଟି ଦେସା, କୁଡ଼ା, ଗତି ଇଝାଁ ହାଡ଼ାଗାଟି କୁଲମି । ୧୬ ନାନୁ ମେସାମାନି ଦସଗଟା କମ୍‌କା ଇଝାଁ ଏ ଜନ୍ତୁ, ଦାରେଣିନି ଅପାଡ଼; ଏଝି ଏଦାନି

* ୧୭:୧୫ ୧୭:୧୫ ମାଡି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲୁ ୩:୩ * ୧୭:୧୮ ୧୭:୧୮ ଝେ ବଲ୍ଲୁ ୮:୫; ୧୧:୧୩,୧୯ * ୧୭:୨୦ ୧୭:୨୦ ଝେ ବଲ୍ଲୁ ୬:୧୪ * ୧୭:୨୧ ୧୭:୨୧ ଝେ ବଲ୍ଲୁ ୧୧:୧୯ * ୧୭:୩ ୧୭:୩ ଝେ ବଲ୍ଲୁ ୧୩:୧ * ୧୭:୮ ୧୭:୮ ଝେ ବଲ୍ଲୁ ୧୧:୭

ତାଣାଟି ବାରେ ପିସ୍‌ପିକିହା ଅହାନା ନାଗ୍‌ଡା କିହାନା ପିହ୍‌ନୁ । ଏଝି ଏଦାନି ଉଞ୍ଜା ତିଞ୍ଜାନା ହିରୁତା ହୁଡାନା ନାସା କିନୁ ।
 ୧୭ ଏନାଆଁତାକି ଇଚିହ୍‌, ମାହାପୁରୁ ତାନୁ ଅଣ୍‌ପାମାନାଣି କିହାଲିତାକି ଏଞ୍ଜାଆଁତାକି ଇ ଅଣ୍‌ପୁ ହାହାମାନେସି । ଏଝି ରଣ୍‌ସିଏ ମନ ଆହାନା କାମା କିନୁ ଇଞ୍ଜା ମାହାପୁରୁତି ବଲ୍ଲୁ ସାତାତଲେ ଆଆପାତେକା ରାଜିତି ସାଲ୍‌ଝି କିନି ବଲ୍ଲୁ ଏ ଜନ୍ତୁ କେୟୁତା ପିସାହାନେସି ।”

୧୮ “ଇଞ୍ଜା ଆମିନି ଆୟାଟି ମେସ୍‌ସି, ଏଡି ଆହିମାନେ, ଦାର୍‌ତିତି ରାଜାୟାଣି ସାଲ୍‌ଝି କିହିମାନି ଏ କାଜା ଗାଡ଼ା ।”

୧୮

ବାବିଲନ ନାସା ଆନାୟି

୧ ଏଚେଟିଏ ନାନୁ ଅଡେ ର ଦୁତୁଇଁ ଲାକପୁରୁତି ରେଚା ଖାହିମାତାଣି ମେସ୍‌ସିଏ; ଏଝି କାଜା ଅଦିକାରା ଗାଟାୟି, ତାନି ଗାଞ୍ଜୁରମି ତାକି ଦାର୍‌ତି ବାରେ ଉଜେଡି ଆହାହାଚେ । ୨ ଏଡି କାଜା ହାଡାତଲେ କାଲ୍‌ଝି ଆହ୍‌ ଏଲେଇଚେ, “କାଜା ଗାଡ଼ା ବାବିଲନ ମେଣ୍‌ଜିତେ ! ଏଡି ବାରେ ମେଣ୍‌ଜିତେ ! ଏଡି ବୁଡୁୟା ବାସାଗାୟା ଅଡେ ପଲ୍‌ଆ ଜାଞ୍ଜୁୟା ଅଡେ ପଲ୍‌ଆ କାମାୟା, ଇଞ୍ଜା ଅପାଆଗାଟି ପଟାୟାତି ବାସାଗାୟା ଆହାମାନେ । ୩ ଇଚିହ୍‌ ବାରେ ଜାଡିତାରି ତାନି ଦାରି କାମାଲେହେତି କାଡ଼ ଗୁସାମାନେରି, ଦାର୍‌ତିତି ରାଜାୟା ତାନିତଲେ ଦାରିକାମା କିହାମାନେରି, ଅଡେ ଦାର୍‌ତିତି ବେବାରା ଗାଟାରି ତାନି ଜୁପକାଟି ବାଡ଼କୁ ଗାଟାରି ଆହାମାନେରି ।”

୪ ଏଚେଟିଏ ନାନୁ ଲାକପୁରୁତି ଅଡେ ର ହାଡ଼ା ଏଲେ ଇଞ୍ଜିମାନାଣି ଝେଚେଏ,

“ଏ ମା ଲକୁଚେରି ! ଏଦାଆଁତାକି ଏଦାନି ତାଣାଟି ହଚା ଖାଡୁ !

ମୀରୁ ଏନିକ୍‌ ଏଦାନି ପାପୁତା ଆଣ୍‌ଅଚେରି;

ଇଞ୍ଜା ତାନି ଡଣ୍ଡୁତି ବାଗା ବେଟାଆଅଚେରି;

୫ ଏନାଆଁତାକି ଇଚିହ୍‌ ଏଦାନି ପାପୁ ବାରେ ଲାକପୁରୁ ପାତେକା ଏଜାମାନେ,

ଅଡେ ଏଡି କିହିମାନି ଲାଗେଏତି କାମା ମାହାପୁରୁ ମନତା ଅଣ୍‌ପାମାନେସି ।

୬ ଏଡି ମିଜେ ଏନି କିହାମାଞ୍ଜାନେ ଏଲେକ୍‌ ମୀରୁ ଏଦାନାକି କିଦୁ;

ତାନି କିହାମାନାଣି କିହାଁ ରୀ ଗୁଣ୍ଡୁ ଝେଚ୍‌ଦୁ,

ଏଡି ଆମିନି ସଲ୍‌ଲାତା କାଡ଼ ଆଚ୍‌ହାମାନେ,

ଏମ୍‌ଆଁ ରୀ ଗୁଣ୍ଡୁ କାଡ଼ ତୁାନି ସଲ୍‌ଲାତା ଆଚ୍‌ଦୁ ।

୭ ଏଡି ଏଚେକା ତାନି ଗାଞ୍ଜୁରମି କିହାମାନେ ଅଡେ ବଡପଣ ତଲେ ମାଞ୍ଜାମାନେ,

ଏଲେକ୍‌ ଏଦାନାକି ଦୁକୁ କସ୍‌ ହାଦୁ;

ଏନାଆଁତାକି ଇଚିହ୍‌ ଏଡି ଜାହାରାଇଁ ମନତା ଝେସା କଡିମାନେ,

‘ନାନୁ ରାଣି ଆହାଁ କୁଗାମାଇଁ,

ନାନୁ ରାଢ଼େଣିତେଏଁ ଆଏ,

ନାଜେ ଏଚେଲ୍‌ଆଞ୍ଜା ଦୁକୁ କିହାଲି ଆଏ ।’

୮ ଇଦାଣିତାକି ର ଦିନା ବିତା ତଣ୍ଡ ପାଣ୍‌ନେ,

ଇଚିହ୍‌ ହାକି, ଡାକି, ଅଡେ କାର୍‌ଝୁ ଆନେ,

ଅଡେ ଏଡି ହିରୁତା ଝେହାହାନେ,

ଇଚିହ୍‌ ଏଦାନି ନାହାଁୟି କିନାସି ପ୍ରବୁ ମାହାପୁରୁ ବାରେ ବାଡ଼ୁୟୁ ଗାଟାସି ।”

୯ ଦାର୍‌ତିତି ବାରେ ରାଜାୟା ତାନିତଲେ ଦାରିକାମା କିହାନା ରାହାଁଟି ନୀତାମାନେରି, ଏଞ୍ଜାରି ଏଦାନି ହୁଡିମାନି ହିରୁ ବୟ୍‌ ମେହ୍‌ନେରି, ଇଞ୍ଜା ଏଦାନି ତାକି ଦୁକୁ ଆହାଁ ଡୀନେରି; ୧୦ ଏଞ୍ଜାରି ଏଦାନି କାକୁଲିଟି ଆଜିତାକି ହେକ ନିଚାନା ଏଲେଇଚେରି, “ଆୟଡା, ଆୟଡା, କାଜା ଗାଡ଼ା, ବାଡ଼ୁୟୁ ଗାଟି ଗାଡ଼ା ବାବିଲନ ନୀନୁ ବାକା ପଣ୍‌ନାତି, ଇଚିହ୍‌ ରଣ୍‌ସିଏ ଗଂଟା ବିତା ନୀ ତଣ୍ଡୁ ଝାଡେ !”

୧୧ ଅଡେ ଦାର୍‌ତିତି ବେବାରା ଗାଟାରି ଏଦାନି ତାକି ଦୁକୁ ଆହାଁ ଡୀନେରି, ଏନାଆଁତାକି ଇଚିହ୍‌ ଆମ୍‌ଆରି ଏଞ୍ଜାରି ପାର୍‌ନି ଦିଶ୍‌ସୁ କଡଅରି, ୧୨ ଇଚିହ୍‌ ବାଂଗାରା, ଝେଣ୍ଡି, ଦାରା ଗାଟି ମଣି ଅଡେ ମୁଞ୍ଜାୟା, ସିଲ୍‌କୁ ହିମ୍‌ରିକା, ହେୟାଁ ଖାଣାଗାଟି ହିମ୍‌ରିକା, ପାଟୁ ହିମ୍‌ରିକା, ଏଚ୍‌କା ଏଚ୍‌କାତି ଅଜିତି ହିମ୍‌ରିକା, ଚନ୍‌ନ ଇଞ୍ଜା ଏଦାନି ଲେହେତି ଗାନ୍‌ ଗାଟି ମାର୍‌କା, ହାତି ପାଲ୍‌କା, ଦାରା ଗାଟି ଝେସ୍‌କା, ପିତାଡା, ଲହ୍‌, ଅଜିତି ଡସ୍‌ପା ଖାଲ୍‌କାତଲେ କେପିତି ବାରେ ଆସି । ୧୩ ଡାକ୍‌ନି ସାଲ୍‌, ଗାନ୍‌ଗାଟି ଆସି, ଦୁପ୍‌ଣି, ଗାନ୍‌ଗାଟି ରୁବିନି ନିୟୁଁ, ଗାନ୍‌ଗାଟି ଦୁପ୍‌ଣି, କାଡ଼ୁ ନିୟୁଁ, ଗୁଣ୍ଡା, ଗହ୍‌, କଡିୟା, ମେଣ୍‌ୟା, ଗଡାୟା, ରାତାୟା, କଡାମାନି ହଲ୍‌ୟାଜା, ଅଡେ ମାଣ୍‌ସିୟାତି ଜାଞ୍ଜୁ । ୧୪ “ନୀ ଜାଞ୍ଜୁତି ଜୁପକା ଗାଟି ଅଣ୍‌ପୁତି ପାଡେୟିକା ନୀ ତାଣାଟି ମେଣ୍‌ଜା ହାଟୁ, ଅଡେ ବାରେ ଡାକ୍‌ନାୟି, ରାହାଁତି ବାରେ ନୀ ତାଣାଟି ଏଚ୍‌କା କିଝି ଆହାଁ ନାସା ଆହାମାନେ, ଅଡେ ଏଚେଲ୍‌ଆଞ୍ଜା ଏ ବାରେ ମେଡା ଆୟେଏ !” ୧୫ ଇ ବାରେ ଦିଶ୍‌ସୁତି ବେବାରା କିନାରି ଏ କାଜା ଗାଡ଼ା ତଲେ ବାଡ଼କୁ ଗାଟାରି ଆହାମାଚେରି, ଏଞ୍ଜାରି ଏଦାନି କସ୍‌ତି ଆଜିତାକି ହେକ ନିଚାନା ଦୁକୁ ତଲେ ଡୀହ୍‌ ଏଲେଇଚେରି । ୧୬ “ଆୟଡା ! କାଜା ଗାଡ଼ାତି ! ନିଜେତାକି ଏଚେକା ଆଜିହ୍‌ପେତି କସ୍‌ ଝାଡେ, ନୀନୁ ଅଜିତି ହିମ୍‌ରିକା, ହେୟାଁ ଖାଣାଗାଟି ହିମ୍‌ରିକା, ପାଟୁ ହିମ୍‌ରିକା ହୁଚାମାଟି, ଅଡେ ବାଂଗାରା, ଦାରାଗାଟି ମଣି ଇଞ୍ଜା ମୁଞ୍ଜାୟା ତଲେ ମିଶ୍‌ସି ମାଟି ସାଜୁୟା ତୁରହାମାଟି ! ୧୭ ଇଚିହ୍‌ ରଣ୍‌ସିଏ ଗଂଟା ବିତା ଏ ବାରେ ଦନ ମେଣ୍‌ଜାହାଚେ ।

ଏୟୁ ଜାଜାୟା ସାଲ୍‌ଝି କିନାରି ଏମ୍‌ଆଁ କୁଗାମାନାରି ଡଂଗାୟା ସାଲ୍‌ଝି କିନାରି ଇଞ୍ଜା ସାମଦୁରିତା ଇତାଲା ଆତାଲା ରେଜିହ୍‌ ବେବାରା କିନାରି ହେକ ନିଚାନା, ୧୮ ଏ ଗାଡ଼ାତି ହୁଡିମାନି ହିରୁ ବୟ୍‌ ମେସାନା କାଜା ଗିୟାତଲେ ଏଲେଇଚେରି, ଇ କାଜା ଗାଡ଼ା ଲେହେତି ଆମିନି ଗାଡ଼ାମାନେ । ୧୯ ଏଞ୍ଜାରି ତାନି ତାର୍‌କା ଲାକ ଦୁଡି ଡାଞ୍ଜା କଡାନା ଦୁକୁ ତଲେ ଡୀହ୍‌ ଡୀହ୍‌ ଏଲେଇଚେରି, ଆୟଡା

☆ ୧୮:୨ ୧୮:୨ ଝେ ବଲ୍ଲୁ ୧୪:୮

ଏ କାଜା ଗାଡ଼ାତି, ନିଙ୍ଗେ ଏଚେକା ଆଜିହପେତି ଡଣ୍ଡୁ ଆଡେ, ନୀ ବାଡ଼କୁ ତଲେ ସାମ୍‌ଦୁରିତି ଜାଜାଣା ରେଜିହି ବାଡ଼କା ମାଚେରି, ନୀଏଁ ରଣ୍ଡିଏ ଗଂଟା ବିଡ଼ା ଏ ବାରେ ମେଣ୍‌ଜାହାଚେ !”

୨୦ ଲାକପୁରୁ, ମାହାପୁରୁ ଲକ୍ଷ୍ମ, ପାଣ୍ଡୁଝି ଆହାମାନାଚେରି, ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ନାଚେରି ! ମୀରୁ ଏଦାନି ନାସା ଆନାଣି ତାକି ରାହାଁ ଆଦୁ, ଏନାଆଁତାକି ଇଚିହିଁ ମାହାପୁରୁ ମିଙ୍ଗେ କିହା ମାଞ୍ଜାନାଣି ତାକି ବାଦୁଲି ଆହାମାନେସି ।

୨୧ ଏଚେଟିଏ ଡାୟୁ ର କାଜା ଦୁଡୁ, ର ଜେତାଝାଲି ଲେହେଁତି ର ଝାଲି ସାମ୍‌ଦୁରି ଲାକ ମେଡ଼ହାନା ଏଲେଇଚେ, “ଇଲେକ୍ କାଜା ଗାଡ଼ା ବାବିଲନ ମେଡ଼ପି ଆନେ, ଅଡେ ଏଦି ଏଚେଲାଝା ତଞ୍ଜା ଆଏ । ୨୨ ସେରଞ୍ଜିୟାଁ ଅଡେ ପାଟିନାରି ହାଡ଼ା, ପୀରୁଡ଼ି ଉକିନାରି, ତୀଡ଼ି ଉକିନାରି ହାଡ଼ା ଏଚେଲାଝା ଏଦାନି ତାଣା ଝେଙ୍ଗେଏ, ନେହିଁ ନେହିଁ ସାଜୁ ଇଞ୍ଜା ଏଚକାତି ଆସ୍ତି କେପିନାରି ନୀ ତାଣା ତଞ୍ଜା ଆଅରି, ଅଡେ ଜେତାଝାଲକା ତଲେ ନୁୟଁ ନାୟି ଏଚେଲାଝା ହାଡ଼ା ଝେଙ୍ଗେଏ । ୨୩ ଦୀଝିୟାଁତି ଉଜେଡ଼ି ନୀ ତାଣା ଏଚେଲାଝା ଡାଞ୍ଜେଏ, ବୀହା ଆନି ମାସ୍‌କା ଅଡେ ବୀହା ଆନି କକାରି ହାଡ଼ା ନୀ ତାଣା ଏଚେଲାଝା ଝେଙ୍ଗେଏ, ଏନାଆଁତାକି ଇଚିହିଁ ନୀ ତାଣା ବେବାରା କିନାରି ଦାର୍‌ତିତା କାଜାରି ମାଚେରି, ଅଡେ ନୀ ମାୟାମନ୍ତରତା ବାରେ କୁଡ଼ାତି ଲକ୍ଷ୍ମ ମୁଞ୍ଜା ହାଜାମାଚେରି !”

୨୪ ଗାଡ଼ାତା ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ନାରି, ମାହାପୁରୁ ଲକ୍ଷ୍ମ, ଇଞ୍ଜା ଦାର୍‌ତିତା ପାୟଝିଆହାମାନି ଲକ୍ଷ୍ମତି ନେଚେରି ଏଦାନି ତାଣା ତଞ୍ଜାଆହାମାଚେ ।

୧୯

୧ ଏଚେଟିଏ ଲାକପୁରୁ ର କାଜା ମାୟା ଲକ୍ଷ୍ମତି ହାଡ଼ାଲେହେଁତି ର କାଜା ହାଡ଼ା ଏଲେଇଞ୍ଜିମାଚାଣି ଝେଚେଏ, “ହାଲେଲୁୟା ! ଗେଲ୍‌ପିନି, ଗାଝୁରମି ଅଡେ କାଜାପାଣା ମା ମାହାପୁରୁଝାୟି । ୨ ଇଚିହିଁ ଏଝାଣି ନୀହାଁୟି ସାତା ଅଡେ ନେହାୟି, ଆମିନି କାଜା ଦାରେଣି ତାନି ଦାରିକାମା ତଲେ ଦାର୍‌ତିତି ଲକ୍ଷ୍ମଣି ପଲ୍‌ଆ କିହାମାଚେ, ମାହାପୁରୁ ଏଦାନି ଡଣ୍ଡୁ ହାହାନା ତାନି ହଲିୟାଙ୍ଗାଣି ପାୟିତି ନେଚେରିତି ବାଦୁଲି ଅଡେସି ।” ୩ ଅଡେ ଏଝାରି ରୀ ପାଲି ଏଲେଇଚେରି “ହାଲେଲୁୟା ! ଏ ଗାଡ଼ା ଝେହ୍‌ମାନି ବୟଁ କାଲ୍‌କାଲ୍‌ତାକି ହଚେମାନେ ।” ୪ ଏଚେଟିଏ କଡେ ସାରି ଜାଣା ପ୍ରାତିନାଙ୍ଗା ଅଡେ ସାରିଗଟା ଜଡ଼ୟାଁ ମୁନୁ କୁତାନା ସିଂଗାସାଣିତା କୁଗାମାନି ମାହାପୁରୁଇଁ ଜହରା କିହାନା ଏଲେଇଚୁ, “ଆଚେମନ୍ ହାଲେଲୁୟା !”

ମେଣ୍‌ଜା ତାଲୁତି ବୀହା ବଜି

୫ ଏଚିବେଲା ସିଂଗାସାଣିତି ର ହାଡ଼ା ହଚାନା ଝେଙ୍ଗିଚେ, “ଏ ମାହାପୁରୁତି ହଲିୟାଙ୍ଗାଚେରି, ଏଝାଣାଇଁ ଆଜିନି କାଜାରି ଇଚାରି ବାରେଜାଣା ଚେରି ମୀରୁ ମାହାପୁରୁଇଁ ଜହରା କିଦୁ ।” ୬ ଅଡେ ନାନୁ କାଜା ମାୟା ଲକ୍ଷ୍ମ

ଲେହେଁତି ହାଡ଼ା, ଲଦ ଲଦ ରିହିମାନି ଏୟୁ ଲେହେଁତି ହାଡ଼ା, ଅଡେ ହାଗୁ ଗୁଣ୍‌ହିମାନି କାଜା ହାଡ଼ାଲେହେଁ ଏଲେଇଞ୍ଜି ଝେସିମାନାଣି ଝେଚେଏ, “ହାଲେଲୁୟା ! ଇଚିହିଁ ପ୍ରବୁ ମା ବାଡ଼ୟୁଗାଟି ମାହାପୁରୁ ରାଜା ଆହାନା ପାଣା ବେଟା ଆହାମାନେସି । ୭ ଝାଦୁ ମାର ରାହାଁ ଆନ, ଇଞ୍ଜା ଏଝାଣି ଗାଝୁରମି ତାକି ଏଝାଣାଇଁ ଜହରା କିନ, ଏନାଆଁତାକି ଇଚିହିଁ ମେଣ୍‌ଜା ତାଲୁତି ବୀହା ଆନି ଦିନା ଏଦାଚେୟିଏ, ଇଞ୍ଜା ଏଝାସି ବୀହା ଆନି ମାଙ୍ଗା ତିୟାରା ଆହାମାନେ । ୮ ଏଦାନାକି ମୁହ୍‌ନି ଅଡେ ଅପ୍‌ନି ହିମ୍‌ପରି ହୁଚାଲି ହାପକି ଆଡୁ;” ଏ ଦବ୍‌ଲା ହିମ୍‌ପରି ଇଚିହିଁ ମାହାପୁରୁ ଲକ୍ଷ୍ମତି ଦାମ୍‌ନୁ କାମାୟାଁ ।

୯ ଏଚିବେଲା ଦୁଡୁ ନାଙ୍ଗେ ଏଲେଇଞ୍ଜାଚେ, “ରାଚାମ୍, ଆମିନି ଗାଟାରି ମେଣ୍‌ଜା ତାଲୁତି ବୀହା ବଜିତା ହାଟ୍‌କି ଆହାମାନେରି, ଏଝାରାକି ନେହେଁ ।” ଅଡେ ଏଦି ନାଙ୍ଗେ ଏଲେଇଞ୍ଜାଚେ, “ଇ ବାରେ ମାହାପୁରୁତି ସାତା ବଲ୍ଲୁ ।” ୧୦ ଏଚେଟିଏ ନାନୁ ଏଦାନି ଜହରା କିହାଲି ତାନି କଡାୟାଁ ଡ଼ଇ ରୀଚେଏ, ଏଚେଟିଏ ଏଦି ନାଙ୍ଗେ ଏଲେଇଞ୍ଜାଚେ, ଜାଗ୍ରାତା, ଇଲେ କିଆନି, ନାନୁ ଜୀସୁ ଅଡେ ମୀ ସାକି ଇଞ୍ଜା ମୀ ତାୟିୟାଁ ତଲେ ର ହଲେଏଣା ଲେହେଁ; ନୀନୁ ମାହାପୁରୁଇଁ ଜହରା କିମ୍, ଜୀସୁତି ସାକି ଏଦି ସାତା, ମାହାପୁରୁ ବଲ୍ଲୁ ଝେହ୍‌ନାରି ଜୀଝୁ ।

ଦବ୍‌ଲା ଗଡ଼ା ମୁହେଁ କୁଗାମାନାସି

୧୧ ଏଚେଟିଏ ନାନୁ ଲାକପୁରୁତି ଦେପିଆହାମାନାଣି ମେସ୍‌ସେଏ, ଏମ୍‌ଆଁ ର ଦବ୍‌ଲା ଝାଣାଗାଟି ଗଡ଼ା ମାଚେ, ଏମ୍‌ଆଁ ହଚାମାନାଣି ଦରୁ ନାମାତାୟି ଅଡେ ସାତାତାୟି; ଏଝାସି ନେହିଁକ୍ ନୀହାଁୟି କିନେସି, ଅଡେ ଜୁଜୁ କିନେସି । ୧୨ ଏଝାଣି କାଣ୍‌କା ହିଚୁ ଗୁଦ୍‌ଝା ଲେହେଁତାଇ, ତାନି ତାୟଁ ତୁ ହାଚେକା ଟପେରିକା, ଅଡେ ଏଝାଣି ର ଦରୁ ରାସ୍‌କି ଆହାମାନେ, ଏ ଦରୁ ଏଝାଣି ପିସ୍‌ପେ ଆମ୍‌ଆରି ପୁନଅରି । ୧୩ ଏଝାସି ନେଚେରିତା ଉଡ଼ହା ମାନି ର ହିମ୍‌ପରି ହୁଚାମାନେସି, ଇଞ୍ଜା ଏଝାଣି ଦରୁ “ମାହାପୁରୁତି ବଲ୍ଲୁ ।” ୧୪ ଲାକପୁରୁତି ଜୁଜୁ କିନାରି ଅପ୍‌ନି ଦବ୍‌ଲା ହିମ୍‌ପରିକା ହୁଚାନା ଦବ୍‌ଲା ଝାଣା ଗଡ଼ାୟାଁ ଲାକ କୁଗାନା ତାନି ଜେଟ ହାଚେ । ୧୫ ଏଝାଣି ଗୁଡ଼ିଟି ଝାସ୍ତି କାଣ୍ଡା ହନେ, ଏ କାଣ୍ଡାତଲେ ବାରେ ଦେସାତି ଲକ୍ଷ୍ମଇଁ ଚୁଣ୍‌ନେସି; ଏଝାସି ଏଝାରାଇଁ ଲହ୍ ବାଡ଼ଗା ତଲେ ସାଲ୍‌ଝି କିନେସି, ଅଡେ ଏଝାସି ତାନୁଏ ବାରେ ବାଡ଼ୟୁଗାଟି ମାହାପୁରୁ କାଜା କପା ଲେହେଁତି ଅଙ୍ଗୁରି ପାଡେୟିକା ପାଟିନି ଗାଡ଼ୟୁତା ମାନି ପାଡେୟିକା ଝିହ୍‌ନେସି । ୧୬ ଏଝାଣି ହିମ୍‌ପରିତା ଅଡେ ଏଝାଣି କୁଦ୍‌ଗୁତା ଇ ଦରୁ ରାସ୍‌କି ଆହାମାନେ, “ରାଜା କିହାଁ ରାଜା ଅଡେ ପ୍ରବୁ କିହାଁ ପ୍ରବୁ ।”

୧୭ ଏଚେଟିଏ ନାନୁ ର ଦୁଡୁଇଁ ଝେଡ଼ା ଲାକ ନିଚାମାନାଣି ମେସ୍‌ସେଏ; ଏଦି ହାଗୁତି ମାଦି ଉମ୍‌ମାନି ବାରେ ପଚାୟାଁଣି କାଜା ହାଡ଼ାତଲେ ହାଚାନା ଏଲେଇଚେ, “ଝାଦୁ

☆ ୧୯:୯ ୧୯:୯ ମାତି ୨୨:୨,୩ ☆ ୧୯:୧୫ ୧୯:୧୫ ଝେ ବଲ୍ଲୁ ୧୪:୨୦

ଲକପୁରୁଟି ମାହାପୁରୁ ତାଣାଟି ରେଚାଝାହି ମାଚାଣି ମେସ୍‌ସେର୍ସ । ୩ ଅଡେ ନାନୁ ସିଂଗାସାଣିଟି ର କାଜା ହାଡ଼ା ଏଲେ ଇଞ୍ଜିମାଚାଣି ଝେଚେର୍ସ, “ମେହ୍‌ଦୁ ମାଣସିୟାଁ ତାଣା ମାହାପୁରୁଟି ବାସାଟାୟୁ ମାନେ, ଏଝାସି ଏଝାରିତଲେ ବାସା ଆନେସି, ଇଞ୍ଜା ଏଝାରି ଏଝାଣି ଲକୁ ଆନେରି, ୪ ଅଡେ ମାହାପୁରୁ ତାନୁଏ ଏଝାରିତଲେ ଡୟିନେସି, ଇଞ୍ଜା ଏଝାରି କାନୁତି ବାରେ କାଣ୍ଡୁ ଚୁଜାତୁହ୍‌ନେସି; ଏମ୍‌ଆଁ ହାକି ଅଡେ ଝାଏ; ଦୁକୁ, ଡାକି, ଇଞ୍ଜା ବାସା ଅଡେ ଡୟେଏ; ଇଚିହ୍‌ ପ୍ଲୁଝଆୟି ବାରେ ମେଣ୍‌ଜା ହାଜାମାନେ ।”

୫ ଏଚେଟିଏ ସିଂଗାସାଣିତା କୁଗାମାନାସି ଏଲେଇଚେସି, “ମେହ୍‌ମୁ ନାନୁ ବାରେ ପୁଝନି କିହିମାଇଁ !” ଅଡେ ଏଝାସି ଏଲେଇଞ୍ଜାଚେସି, “ରାଚାମୁ, ଏନାଆଁତାକି ଇଚିହ୍‌ ଇ ବାରେ କାତା ସାତାତାୟି ଅଡେ ନାମୁଗାଟାୟି ।” ୬ ଏଝାସି ନାଙ୍ଗେ ଅଡେ ଏଲେଇଞ୍ଜାଚେସି, “ବାରେ ରାଡେତୟିଏ, ନାନୁ ଆଲ୍‌ପା ଅଡେ ଅମେଗା, ମାଟ୍‌ନାଚେର୍ସ ଅଡେ ରାପନାଚେର୍ସ, ଆମ୍‌ଆସି ଏସ୍‌କି ଗାଟାସି ଏଝାଣାକି ଜୀଝୁହାନି ଜାରଣାଟି ତାବୁୟାଁ ହାଆନା ଏୟୁ ଗସାଲି ହାଇଁ । ୭ ଆମ୍‌ଆସି ଜୀଣା ଆନେସି, ଏଝାସି ଇ ବାରେଟି ଅଦିକାରା ଆନେସି; ନାନୁ ଏଝାଣି ମାହାପୁରୁ ଆଇଁ, ଇଞ୍ଜା ଏଝାସି ନା ମୀର୍‌ଏସି ଆନେସି । ୮ ସାମା ଆମ୍‌ଆରି ଆଜିନାରି, ନାମୁ ହିଲାଆ ଗାଟାରି, ଅପାଆଗାଟି କାମାକିନାରି, ଲକୁଣି ପାୟିନାରି, ଦାରି କିନାରି, ଗୁଣି ଗାର୍‌ଡ଼ି କିନାରି, ପେଣ୍‌କା ବମାୟାଁ ପୂଜା କିନାରି, ଏଝାରି ଅଡେ ବାରେ ମିଟି କାତା ଝେହ୍‌ନାରି, ହିଚୁ ଅଡେ ଗାନ୍ଦାଗୁଣ୍ଡା ତଲେ ଡାଞ୍ଜିମାନି ଗାଡ଼ୁୟୁତା ଟାୟୁ ବେଗାଆନେରି, ଏଦି ତାୟୁତି ହାକି ।”

ପୁଝନି ଜିରୁସାଲମ

୯ ଏଚେଟିଏ ସାତାଗଟା ଦୁଡୁୟାଁ ତାୟୁତି ସାତାଗଟା ଡଣ୍ଡୁୟାଁ ଆସାମାନି ସାତାଗଟା ଗିନାୟାଁଣା ସାତାଗଟା ଦୁଡୁୟାଁ ବିଡ୍ରାଟି ର ଦୁଡୁ ନା ତାଣା ଝାହାନା ଏଲେଇଞ୍ଜାଚେ, “ଇମ୍‌ଆଁ ଝାମୁ, ବାହା ଆହିମାନି ତାଆମାଙ୍ଗା ଇଚିହ୍‌ ମେଣ୍ଡା ତାଲୁତି ଡକ୍‌ନି ନିଙ୍ଗ ତସ୍ତାଇଁ ।” ୧୦ ଏଚେଟିଏ ଏ ଦୁଡୁ ନାଙ୍ଗେ ସୁଦୁଜୀଝୁ ବାଡ଼ୁୟୁଟି ର କାଜାୟି ଅଡେ ପାତାଆଡ଼ି ହରୁତା ଅହାନା ଏ ସୁଦୁ ଗାଡ଼ା ଜିରୁସାଲମତି ତସ୍ତାଚେ, ଏଦି ଲକପୁରୁଟି ଇଚିହ୍‌ ମାହାପୁରୁ ତାଣାଟି ରେଚା ଝାହିମାଚେ, ୧୧ ଅଡେ ଏଦି ମାହାପୁରୁଟି ଗାଝୁରମି ତଲେ ମ୍ପିସିମାଚେ, ଏଦାନି ଉଜେଡ଼ି ହାରେକା ଦାରାଗାଟି ମଣି ଅଡେ ଝେଡ଼ାଟି ଅପନି ଦାପେଣିଲେହେଁ । ୧୨ ଏଦାନି ସାରିସୁଟୁ ର କାଜାୟି ଅଡେ ପାତାଆଡ଼ି କଟା ମାନେ, ଏମ୍‌ଆଁ ବାରଗଟା ଦୁଝେରିକା, ଏ ଦୁଝେରିକାଣା ବାରଜାଣା ଦୁଡୁୟାଁ ଇଞ୍ଜା ଦୁଝେରିକା ଲକ ଇସାୟେଲ ମୀର୍‌କାଟି ବାର କୁଡ଼ାତି ଦରକା ରାସ୍‌କି ଆହାମାନେ । ୧୩ ଝେଡ଼ା ହପୁଝାକି ତାନିଗଟା ଦୁଝେରିକା, ଚିଝନିଝାକି ତାନିଗଟା ଦୁଝେରିକା, ଚେବ୍‌ଝାକି ତାନିଗଟା ଦୁଝେରିକା, ଅଡେ ଝେଡ଼ା କୁଡ଼ନି ଝାକି ତାନିଗଟା ଦୁଝେରିକା । ୧୪ ଏ ଗାଡ଼ାଟି କଟା ବାରଗଟା ପୁନାଦିକା ଇଟ୍‌କି ଆହାମାନୁ, ଏ

ଝାଲକା ଲକ ମେଣ୍ଡା ତାଲୁ ତାଣାଟି ବାରଜାଣା ପାଣ୍ଡୁଝି ଆହାମାନାରି ବାରଗଟା ଦରକା ରାସ୍‌କି ଆହାମାନୁ ୧୫ ନା ତଲେ କାତା ଆହିମାଟି ଦୁଡୁତି କେୟୁତା ଗାଡ଼ାଟି, ଇଞ୍ଜା ଏମ୍‌ଆଟି ଦୁଝେରିକା ଅଡେ ସାରିସୁଟୁଟି କଟା ଲାଟାଲି ର ବାଂଗାରା ବାଡ଼ଗା ମାଚେ । ୧୬ ଏ ଗାଡ଼ା ସାରି କନ, ତାନି ଲାମ୍‌ଆ ଅଡେ ଅସାରା ରଣ୍ଡିଏ ସମାନା; ଏଝାସି ଏ ଗାଡ଼ାଟି ଏ ବାଡ଼ଗା ତଲେ ଲାଟାଲିଏ ବାର ମାଣା ବାଡ଼ଗା ଆଚେ; ଏମ୍‌ଆଟି ଲାମ୍‌ଆ ଅସାରା ଅଡେ ପାଡ଼ଣି ଜିକେଏ ସମାନା ଆଚେ । ୧୭ ଅଡେ ତାୟୁ ଏଦି ଗାଡ଼ାଟି ସାରିସୁଟୁ କଟା ଲାଟାଲିଏ ଏଦି ମାଣ୍‌ସିତି ଲେକାତଲେ ସାତାକଡ଼ି ସାରି ହାଡ଼ା ଆଚେ, ଦୁଡୁ ଏ ଲେକାତଲେ ଲାଟି ମାଚେ । ୧୮ ଏ ସାରିସୁଟୁଟି କଟା ଝେଡ଼ାଟି ଅପନି ଦାପେଣି ଲେହେଁତି ମଣି ତଲେ କେପି ଆହାମାନେ, ଅଡେ ଗାଡ଼ା ଅପନି ଦାପେଣି ଲେହେଁତି ସୁଦୁ ବାଂଗାରା ତଲେ କେପି ଆହାମାନେ । ୧୯ ଗାଡ଼ାଟି ସାରିସୁଟୁ କଟାଟି ପୁନାଦି ଏଟ୍‌କା ଏଟ୍‌କାଟି ହାରେ ଦାରାଗାଟି ମଣି ଝାଲକାତଲେ ଅଜିକିଝି ଆହାମାନେ, ତଲିତି ପୁନାଦି ଜାସପର, ରୀ ଲମ୍‌ର ପୁନାଦି ନିଲକାଙ୍ଗମଣି, ତାନି ଲମ୍‌ର ପୁନାଦି ବଦୁଜ୍ୟମଣି, ସାରି ଲମ୍‌ର ପୁନାଦି ମରକତମଣି, ୨୦ ପାସା ଲମ୍‌ର ପୁନାଦି ପଲକମଣି, ସ ଲମ୍‌ର ପୁନାଦି ମାଣିକ୍ୟ ମଣି, ସାତା ଲମ୍‌ର ପୁନାଦି ପୁସ୍‌ପରାଗମଣି, ଆଟା ଲମ୍‌ର ପୁନାଦି ପିରଜମଣି, ନ ଲମ୍‌ର ପୁନାଦି ଗମେସଦକ ମଣି, ଦସ ଲମ୍‌ର ପୁନାଦି ଇସୁନିୟମଣି, ଏଗାର ଲମ୍‌ର ପୁନାଦି ଦାରଣାକି ଝାଣାଗାଟି ମଣି, ବାର ଲମ୍‌ର ପୁନାଦି ନେହ୍‌ ଗାନ୍ଦାଗାଟି ମଣି ମାଚେ । ୨୧ ବାର ଗଟା ଦୁଝେରିକାଣାଁ ବାରଗଟା ମୁନ୍ଦାୟାଁ, ର ଦୁଝେରିତି ର ମୁନ୍ଦା ତଲେ କେପି ଆହାମାନୁ; ଅଡେ ଗାଡ଼ାଟି ଆଂଗେଣିକା ନେହ୍‌ ଦାପେଣି ଲେହେଁତି ସୁଦୁ ବାଂଗାରା ତଲେ ଆହାମାନୁ ।

୨୨ ନାନୁ ଏ ଗାଡ଼ାତା ଏଦି ଦେଝୁଡ଼ି ଜିକେଏ ମେହ୍‌ଆଚେର୍ସ, ଇଚିହ୍‌ ପ୍ରୁ ବାରେ ବାଡ଼ୁୟୁ ଗାଟି ମାହାପୁରୁ ଅଡେ ମେଣ୍ଡା ତାଲୁଏ ଏମ୍‌ଆଟି ଦେଝୁଡ଼ି ସମାନା । ୨୩ ଉଜେଡ଼ି ତାକି ଏମ୍‌ଆଁ ଝେଡ଼ା କି ଲେଞ୍ଜୁତି ଲଡ଼ା ଆଏ, ଇଚିହ୍‌ ମାହାପୁରୁଟି ଗାଝୁରମିଏ ଏମ୍‌ଆଁ ଉଜେଡ଼ି କିନେ, ଅଡେ ମେଣ୍ଡା ତାଲୁ ଏମ୍‌ଆଟି ଦୀଝଁ ସମାନା । ୨୪ ଏମ୍‌ଆଟି ଉଜେଡ଼ି ତଲେ ବାରେ ଦାରତିତି ଲକୁ ତାକିନେରି, ଅଡେ ଦାରତିତି ରାଜାୟାଁ ତାନି ହାରେକା ଦନ ଏ ଗାଡ଼ା ବିଡ୍ରା ତାନେରି । ୨୫ ଏମ୍‌ଆଟି ଦୁଝେରିକା ମାଦେନା ଚେଲା ଦେପି ଆହାଁ ଡୟିନୁ; ଏଝି ଏଚେଲା ଜିକେଏ ସୁଣ୍ଡକି ଆଡ଼, ଇଚିହ୍‌ ଏ ଟାୟୁତା ଲାଆଁୟାଁ ଇନାୟି ହିଲେଏ । ୨୬ ବାରେ କୁଡ଼ାଟି ଲକୁ ତାନି ଗାଝୁରମି ଅଡେ ହାରେକା ଦନ ଏ ଗାଡ଼ାତା ତାନେରି । ୨୭ ଏଦି ପଲ୍‌ଆ ଗାଟାରି କି ଅପାଆଗାଟି କାମାକିନାରି, ମିଟି ଜଲିନାରି ଆମ୍‌ଆରି ଏମ୍‌ଆଁ ହଡ଼ାଲି ଆଡ଼ଅରି; ସାମା ଆମ୍‌ଆରି ଦରୁ ମେଣ୍ଡା ତାଲୁତି ଜୀଝୁତି ପତିତା ରାସ୍‌କି ଆହାମାନେ, ଏଝାରି ହଡ଼ାଲି ଆଡ଼ିନେରି ।

୨୨

୧ ତାୟୁ ଦୁଡୁ ନାଙ୍ଗେ ଜୀଝୁହାନି ଏୟୁତି ର କାତା

ତସ୍ତାତେସି, ଏଦି ଅପ୍‌ନି ଦାପେଣିଲେହେଁ ଉଜେଡ଼ି, ଅଡ଼େ ମାହାପୁରୁ ଇଞ୍ଜା ମେଣ୍ଡା ତାଲୁତି ସିଂଗାସାଣିଟି ହତାନା ଗାଡ଼ାତି ଜିରୁ ମାଦିଟି ହାଜିମାନେ । ୨ ଏ କାଡ଼ାତି ରିକ୍‌ଝାକି ବାର ଦେବା ପାଡ଼େୟି ଆୟିନି ଜୀଝୁତି ମାର୍‌ନୁ ମାନେ, ଏମ୍‌ଆଁ ଲେଞ୍ଜୁ ତାକି ଲେଞ୍ଜୁ ପାଡ଼େୟି ଆୟିନେ, ଇଞ୍ଜା ଏ ମାର୍‌ନୁତି ଆକା ବାରେ କୁଡ଼ାତାରାଇଁ ରଗଟି ନେହଁ କିନାଇ ।

୩ ଏମ୍‌ଆଁ ଏଦି ବାକା ଡ଼ୟେଏ, ମାହାପୁରୁ ଅଡ଼େ ମେଣ୍ଡା ତାଲୁତି ସିଂଗାସାଣି ଗାଡ଼ା ମାଦିଏ ଡ଼ୟିନେ, ଇଞ୍ଜା ଏଝାଣି ହଲିୟାଙ୍ଗା ଏଝାଣି ସେବା କିନେରି । ୪ ଏଝାରି ତାନି ମୁମ୍‌ ମେହ୍‌ନେରି, ଇଞ୍ଜା ତାନି ଦରୁ ଏଝାରି ମୁଞ୍ଜୁତା ରାଟିନେସି । ୫ ଏମ୍‌ଆଁ ଲାଆଁୟାଁ ଆଏ, ଏଝାରାକି ଦାଝି କି ଝେଡ଼ାତି ଉଜେଡ଼ି ଲଡ଼ା ଆଏ, ଇତିହଁ ପ୍ରବୁ ମାହାପୁରୁ ଏଝାରି ମୁହେଁ ଉଜେଡ଼ି ଲେହେଁ ଆନେସି, ଇଞ୍ଜା ଏଝାରି କାଲ୍‌କାଲ୍‌ ତାକି ରାଜି କିନେରି ।

ଜାସୁ ଝେଣ୍ଡା ଝାନାୟି

୬ ଏଚେଟିଏ ଦୁଡୁ ନାଙ୍ଗେ ଏଲେଇଚେସି, “ଇ ବଲ୍ଲୁ ସାତା ଇଞ୍ଜା ନାମୁଗାଟାୟି; ଏନାୟି ଗାଡ଼େକେଏ ଗଟଝି ଆନେ, ଏ ବାରେ ତାନି ସେବା କିନାରାଇଁ ତସାଲି ତାକି, ପ୍ରବୁ, ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ନାରି ଜୀଝୁୟାଁତି ମାହାପୁରୁ, ତାନି ଦୁଡୁଇଁ ପାଣ୍ଡାମାଞ୍ଜାନେସି ।”

୭ “ମେହ୍‌ମୁ ନାନୁ ତବେ ଝାହିମାଇଁ; ଆମ୍‌ଆସି ଇ ପତିତି ବଲ୍ଲୁତି ମାନଝି ଆନେସି ଏଝାସି ନେହେଁ ।”

୮ ନାନୁ ଜହ୍‌ନତେଏଁ, ଇ ବାରେ ଝେଟି ଅଡ଼େ ମେସ୍‌ସି ତାୟୁ ଆମିନି ଦୁଡୁ ନାଙ୍ଗେ ଏ ବାରେ ତସ୍ତାତେ, ନାନୁ ଏଦାନି ଜହ୍‌ରା କିହାଲି ତାନି ପାଃଆନା କଡ଼ାଣା ରାତେଏଁ । ୯ ସାମା ଏଦି ନାଙ୍ଗେ ଏଲେଇଞ୍ଜାତେ, “ଜାଗ୍ରାତା ଏଲେକିଆନି, ନାନୁ ଜିକେଏ ନୀ ତଲେ ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ନି ନୀ ତାୟିୟାଁ ତଲେ, ଅଡ଼େ ଇ ପତିତା ରାସ୍‌କି ଆହାମାନି ବଲ୍ଲୁତି ବାରେ ମାନଝି ଆନାରି ତଲେ ର ହଲେଏଣା ଲେହେଁ; ମାହାପୁରୁଇଁ ଜହ୍‌ରା କିମୁ ।” ୧୦ ଅଡ଼େ ଏଦି ନାଙ୍ଗେ ଏଲେଇଞ୍ଜାତେ, “ନାନୁ ଇ ପତିତି ତାୟୁ ଗଟଝି ଆନି ବଲ୍ଲୁତି ସାଲି କିଆନି, ଏନାଆଁତାକି ଇତିହଁ କାଲ୍‌ମି ଏଦାତେୟିଏ । ୧୧ ଆମ୍‌ଆସି ଦାମ୍‌ ହିଲାଆଗାଟାସି, ଏଝାସି ଅଡ଼େ ଦାମ୍‌ ହିଲାଆ କାମା କିପାସି, ଆମ୍‌ଆସି ଲାଗେଏ କାମା କିନେସି, ଏଝାସି ଅଡ଼େ ଲାଗେଏ କାମା କିପାସି, ଆମ୍‌ଆସି ଦାମ୍‌ଗାଟାସି, ଏଝାସି ଅଡ଼େ ଦାମ୍‌ଗାଟାସି

ଆପେସି, ଆମ୍‌ଆସି ସୁଦୁଗାଟାସି, ଏଝାସି ଅଡ଼େ ସୁଦୁ ଆପେସି ।”

୧୨ “ମେହ୍‌ମୁ, ନାନୁ ତବେ ଝାହିମାଇଁ, ବାରେଜାଣା ତାକି ତାନି କାମାତି ଲେକାତଲେ ପାଡ଼େୟି ହାହାଲି ନା ଦାନା ନା ତାଣା ମାନେ । ୧୩ ନାନୁ ଆଲ୍‌ପା ଅଡ଼େ ଅମେଗାତେଏଁ, ନକିତାତେଏଁ ଇଞ୍ଜା ତାୟୁତାତେଏଁ, ମୁଲୁତାତେଏଁ ଅଡ଼େ ରାପ୍‌ନାତେଏଁ ।”

୧୪ ଜୀଝୁତି ମାର୍‌ନୁତି ଅଦିକାରା ଆୟାଲି ଅଡ଼େ ଦୁଝେରିଟି ଗାଡ଼ାତା ହଡ଼ାଲି ତାକି ଆମ୍‌ଆରି ତାନି ହିମ୍‌ରିକା ରାଟାମାନେରି ଏଝାରି ନେହେଁ । ୧୫ ସାମା ରେଜିମାନି ନେସକା ଲେହେଁତାରି, ଗୁଣି ଗାର୍‌ଡ଼ି କିନାରି, ଦାରିକାମା କିନାରି, ଲକୁଣି ପାୟିନାରି, ପେଣ୍‌କା ବମାୟାଣି ପୂଜା କିନାରି, ମିଟିକାତାତି ଜୀଝୁ ନନାରି, ମିଟି କାମାତି କିହାଲି ରାହାଁ ଆନାରି ବାରେ ପାଙ୍ଗାତା ଡ଼ୟିନେରି ।

୧୬ “ନାନୁ ଜୀସୁତେଏଁ, ମାହାପୁରୁ କୁଲମିକା ତାକି ମିଙ୍ଗେ ଇ କାତା ଝେସାଲି ନା ଦୁଡୁଇଁ ପାଣ୍ଡାମାଞ୍ଜାଇଁ, ନାନୁଏ ଦାଝୁଦତି ମୁଲୁ ଅଡ଼େ କୁଡ଼ାତାତେଏଁ; ଏ ଉଜେଡ଼ିତି ଝେୟାଜାରା ହୁକାତେଏଁ ।”

୧୭ ସୁଦୁଜୀଝୁ ଅଡ଼େ ବାହା ଆନି ଡ଼ାଆ ମାଙ୍ଗା ଏଲେଇନେ, “ଝାମୁ !”

ଆମ୍‌ଆସି ଝେନେସି ଏଝାସି ଏଲେଇଣ୍‌ମାସି, “ଝାମୁ !” ଏସ୍‌କି ଗାଟାସି, ଝାପାସି, ଆମ୍‌ଆସି ମନ୍‌ କିନେସି; ଏଝାସି ଜୀଝୁହାନି ଏୟୁ ଉଜେଏ ଗସ୍‌ପେସି ।

ରାନ୍‌ କାତା

୧୮ ଆମ୍‌ଆରି ଇ ପତିତା ମାନି ତାୟୁ ଗଟଝି ଆନି କାତାତି ଝେନେରି, ନାନୁ ଏଝାରାଇଁ ଜାଗ୍ରାତା କିହଁ ଝେସିମାଇଁ, ଆମ୍‌ଆସି ଇ ପତିତା ଏନାଆଁ ଆନେସି, ଆତିହଁ ମାହାପୁରୁ ଇ ପତିତା ରାସ୍‌କି ଆହାମାନି ତଣ୍‌ୟାଁ ଏଝାଣାକି ହାନେସି; ୧୯ ଅଡ଼େ ଆମ୍‌ଆସି ଇ ପତିତି ବଲ୍ଲୁତି ମ୍‌େକ୍‌ନେସି, ଆତିହଁ ମାହାପୁରୁ ଇ ପତିତା ରାସ୍‌କି ଆହାମାନି ଜୀଝୁତି ମାର୍‌ନୁ, ଅଡ଼େ ସୁଦୁ ଗାଡ଼ାତି ତାନି ବାଗା ମ୍‌େକ୍‌ନେସି ।

୨୦ ଆମ୍‌ଆସି ଇ ବାରେତାକି ସାକି ହାହିମାନେସି, ଏଝାସି ଏଲେଇଞ୍ଜା ମାନେସି, ସାତା, “ନାନୁ ତବେ ଝାହିମାଇଁ ।” ଆମେନ୍ । ପ୍ରବୁ ଜୀସୁ ଝାମୁ !

୨୧ ପ୍ରବୁ ଜୀସୁତି କାର୍‌ମାମେହ୍‌ନାୟି ବାରେତାୟି ମାଙ୍ଗେ ଆୟାପେ । ଆମେନ୍ ।

☆ ୨୨:୧୩ ୨୨:୧୩ ଝେ ବଲ୍ଲୁ ୧:୮; ଝେ ବଲ୍ଲୁ ୧:୧୭; ୨:୮